

S. R. E. CARDINALIS  
S. BONAVENTURÆ

EX ORDINE MINORUM

EPISCOPI ALBANENSIS, DOCTORIS ECCLESIAE SERAPHICI

OPERA OMNIA

SIXTI V. PONTIFICIS MAXIMI JUSSU DILIGENTISSIME EMENDATA

ACcedunt

SELECTA MULTA TUM EX POSTREMA VENETA EDITIONE, TUM EX PRODROMO ERUDITISSIMO  
FR. BENEDICTI A CAVALESIUS ORDINIS MINORUM REFORMATI

EDITIO ACCURATE RECOGNITA

AD PURAM ET VEROREM TESTIMONIORUM BIBLICORUM EMENDATIONEM DENUO REDUCTA

CURA ET STUDIO

A. C. PELTIER

CANONICI ECCLESIAE REMENSIS

TOMUS NONUS



PARISIIS

LUDOVICUS VIVÈS, BIBLIOPOLA EDITOR

VIA DELAMBRE, 9

M DCCC LXVII

BX  
390  
3673  
364  
t9



1113767

## PRÆFATIONIS LOCO

Ex Prodromo ad opera omnia S. Bonaventuræ prænotanda quædam.

---

### § I. — PRINCIPIUM SACRÆ SCRIPTURÆ (*Prodrom.*, col. 622 et seq.).

Ipsum certum Bonaventuræ nostri opusculum attestantur Franciscus Samson, Octavianus de Martinis, Alexander Ariostus, Marianus Florentinus, Joannes Trithemius, Jacobus Philippus Forestus, Albertus Castellanus, Gulielmus Eysengrenius, Sixtus Senensis, et alii. Quibus adstipulantur editiones, quarum apud nos vetustior Argentinensis an. 1495. Neque ad id suadendum rationibus destituimur. Fatentur enim vel ipsi adversarii, auctorem hujus *Principii* eumdem esse ac illum operis mox sequentis in *Hexaemeron*. At operis mox sequentis auctorem D. Bonaventuram probabimus. Ergo. Certe stylus haud absimilis est : itidem in utroque fit distinctio *Verbi increati*, *Verbi incarnati*, *Verbi inspirati*. Quæ quidem distinctio ita est Doctori nostro familiaris, ut ea sæpius utatur in pluribus aliis suis opusculis, puta in *Breviloquio*, *Ligno vitae*, in manuscriptis opusculis *de Septem Donis*, et *de Parabolis Evangelicis*. Perinde etiam ac in *Breviloquio*, *Centiloquio*, necnon in continuo subsequente opere in *Hexaemeron*, fit in hoc *Principio* partitio Veteris Testamenti in *Libros legales*, *historiales*, *prophetales* et *sapientales*, necnon prope finem alludendo ad Ezechiel, cap. 1, dicetur quod « Novum Testamentum contineatur in Veteri sicut rota in rota, » non secus ac in Prologo laudati Breviloquii, ubi Doctor noster de latitudine sacræ Scripturæ agens, considerat *rotam in medio rotæ*, « quia Vetus Testamentum est in Novo, et e converso. » Verba illa Apocalypsis, cap. xxii : *Ostendit mihi Dominus fluvium aquæ vivæ*, etc., in eodem *Principio* interpretatur auctor de sacra Scriptura, sicut Doctor seraphicus in suo Commentario super Apocalypsim, citato cap. xxii, 1. Præterea, quod idem *Principii* auctor inquit de sanctarum Scripturarum profunditate, nimirus : « Licet abyssalis profunditas sanctarum Scripturarum nobis inscrutabilis sit, dispensative tamen a Spiritu sancto actum est, ut in fluviis Scripturarum agnus peditet, et elephas natet, secundum Gregorium, » illud ipsum est, quod Bonaventura noster adffirmat in Prologo suæ *Postillæ super Joannis Evangelium* infra laudandæ.

Occurrunt in eodem *Principio*, non secus quam in aliis certis Bonaventuræ opusculis, similiiter desinentia, repetita superlativa, pleraque illatina vocabula, etc. Sæpius de more laudatur sancti Augustinus, alleganturque etiam inter Graecos Patres Dionysius, Origenes, Basilius, Damascenus; inter Latinos Hieronymus, Cassiodorus, Gregorius, Isidorus, Beda, hisque adduntur Rabanus, Hugo et Richardus; tum inter philosophos Aristoteles, item Tullius, ac Boetius, qui omnes fuere D. Bonaventuræ notissimi : neque credibile ipsi non inno-tuisse una cum præfatis adductum *nobilem expositorem super Leviticum Rodulphum*,

scilicet Flaviacensem. Damaseeni verba, quomodo græce dicatur Deus, græco charactere inibi scribuntur, ac latine explicantur, sicut alibi apud eumdem Bonaventuram<sup>1</sup>.

Auctor ejusdem *Principii*, tanquam devotus et seraphicus, illas improbat scientias, quæ nullum dant saporem, nec motum bonæ operationis affectui; e contra vero Scripturas sanctas impense commendat, quarum *stylus succendit corda torpentina, vel tēpenitia, et refocillat corda ardēntia*. Velut etiam divinæ legis et cauonici juris zelator, tradit: « Jus civile secundum legem divinam regulatur, et ordinatur, quamvis adhuc aliqua reperiantur in eo, quæ a jure divino discordent, sicut de usuris, et coneubinis, et quibusdam aliis paucis, secundum quod patet in Canone: quæ omnino aut abrogata sunt, vel abroganda; quia lex quæ obviat sacrae Scripturæ, et decretis Papæ, et moribus bonis, nullius debet esse momenti. » Eorum eloquentiam, qui divinarum Scripturarum stylum *simplicitatis* arguunt, *verbosam potius quam fructuosam* appellat; eosdemque ex Hieronymo et Augustino refellit. Algebræ satis gnarum sese manifestat, inquiens: « Sunt libri Novi Testamenti, si partiales Epistolæ numerentur, in solidum libri viginti septem, qui numerus est secundus cubicus ter tria ter. »

Librum hunc inter Bonaventurianas expositiones in sacram Scripturam primo loco recenset etiam Petrus Annatus in *Apparatu*, hanc subdens rationem: « Liceat non sit expositio alicujus Scripturæ libri, est tamen talis, ut in eo de sacræ Scripturæ præstantia plurima dicat, ejusque singulos libros numerando tangat, et mire, breviter et eruditè refellat eos, qui in eam quatuor genera defectuum impingere solent, scilicet injustitiæ, insipientiæ, dishonestatis et superfluitatis, dicatque inter alia, Novum Testamentum nihil esse aliud, quam Vetus spiritualiter expositum, et Novum in Veteri tanquam rotam in rota contineri<sup>2</sup>. » Laudatum quoque legere est apud Ludovicum Carbonem<sup>3</sup>.

## § II. — ILLUMINATIONES ECCLESIE IN HEXAMERON (Prodrom., col. 624 et seq.).

1. Inscrimitur quoque hoc opus *Luminaria Ecclesiæ, De quinque ac de septem visionibus, De operibus sex dierum*, etc.: cuius auctor adeo aperte sese prodit Franciscanum, ut nedum referat sancti Francisci pugnam cum dæmonibus<sup>4</sup>, ejus prædicationem apud Soldanum<sup>5</sup>, ejusdem sententias et dicta<sup>6</sup>, ipsi factam apparitionem Seraphim, ac Ordinem seraphicum, ad quem idem sanctus pertinuisse videtur<sup>7</sup>; sed etiam laudet *beatum patrem nostrum Franciscum* loquentem cum fratre Egidio<sup>8</sup>, ejusdem *B. Francisci prudentiam*, et in contemplativo fratre Egidio temperantiam<sup>9</sup>. Se quoque vixisse tempore controversiæ Græcos inter et Latinos circa processionem Spiritus sancti ab utroque, ac errorem agnoscisse in fatus Græcis, veritatem autem securus stantem nedum pro Latinis, sed etiam pro omnibus Græcis sapientibus, idem auctor satis indicat<sup>10</sup>. Porro hæc omnia D. Bonaventuræ nostro apprime convenire quis negabit? Maxime cum laudatus *Illuminationum* auctor Symbolum Apostolorum explicet perinde ac Bonaventura in *Centiloquio*<sup>11</sup>; sentiendum existimet de Deo altissime, piissime<sup>12</sup>, perinde ac Bonaventura in opusculo *De regimine animæ*; cum de perfectione senarii numeri loquatur perinde ac Bonaventura in libris

<sup>1</sup> Vid. in 1 *Sent.*, dist. 11, dub. 3, tom. 1, pag. 50. — <sup>2</sup> *De sanctis Eccl. Patrib.*, lib. IV, pag. 501. —

<sup>3</sup> *Introduct. in Theol.*, lib. VI, c. xxx. — <sup>4</sup> Serm. xviii. — <sup>5</sup> Serm. xix. — <sup>6</sup> Serm. xx, et alibi passim. —

<sup>7</sup> Serm. xxii. — <sup>8</sup> Serm. xxiii. — <sup>9</sup> Serm. i. — <sup>10</sup> Serm. viii. — <sup>11</sup> Serm. viii, ac *Centiloq.* sect. xxxviii. —

<sup>12</sup> Serm. ix.

Sententiarum, et alibi ; cum de ascensu mentis in Deum, de vestigio et imagine Trinitatis, de creatura clamante Deum esse, agat perinde ac Seraphicus Doctor in *Itinerario mentis in Deum* ; cum de modo cognoscendi Deum per *destructivam ablationem ab infimo usque ad summum* loquatur, sicut Bonaventura in *Incendio amoris* de eodem modo cognoscendi Deum per *viam negationis ab inferioribus usque ad superiora*, idque secundum Dionysium utrobius allegatum ; cum de intelligentia divinæ Scripturæ litterali , et spirituali, scilicet allegorica, anagogica et tropologica, secundum Hugonem, tractet perinde ac Bonaventura in opusculo *De Reductione Artium ad Theologiam*, perinde quoque ac in aliis certissimis Bonaventuræ scriptis disserat de *Verbo increato, incarnato, inspirato, deque amore sursum activo*, cum id, quod serm. xxviii habet, *de vetulæ caritate*, qua caret unus magnus magister, illud ipsum sit quod a sancto Bonaventura fratri Ægidio quadam die dictum refertur<sup>1</sup> ; cum denique id quod de *Oratore* insinuat ad hoc ut sit *potens*<sup>2</sup>, optime conveniat ineditæ *Arti prædicandi*, quam noster Seraphicus Magister reliquit : et quod majus est, allegatio *collationum donorum* facta serm. ii et iii , respondeat inedito pariter certoque Bonaventuræ opusculo *De septem donis Spiritus sancti*, cui nedum quoad doctrinam, sed et quoad ipsa verba in plerisque simillimum est istud *Illuminationum*, prout, modo conferre liceat unum cum altero, satis manifeste quisque deprehendet<sup>3</sup>. Etenim serm. ii. *Luminar.* partitio fit de sapientiæ sive gratiæ ortu, et porta, seu via, per quam ingreditur, ejusdemque luce radiante in animam : ac ita plane in his *Collationibus Donorum* vel ab ipso exordio agitur *de ortu gratia, et via, per quam spargitur lux gratiæ super mentes humanas*. Ibi verba Apostoli, II Cor., vi, 1, adhibentur, illa nempe : *Hortamus ne in vacuum gratiam Dei recipiatis* ; hic vero ab ipsissimis exordium ducitur, ac utrobius itidem usurpatum illud Jacobi, i, 17: *Omne datum optimum*, etc. Utrobius pariter inde refertur *ortum gratiæ desursum a Patre lumen*. Utrobius fere ad verbum pertractatur *de potentia intellectiva, seu cognitiva illustranda, de potentia effectiva læticanda, de potentia operativa corroboranda*. Utrobius ipsissimis verbis *ortus ac descensus gratiæ deducitur per Verbum incarnatum, per Verbum inspiratum, per Verbum crucifixum*; ac ipsissimis verbis agitur nedum *de gratiæ ortu*; sed etiam de ejusdem *usu, et fructu*. Utrobius fit ipsissima partitio *gratiæ usus fidelis respectu Domini, virilis in se, et liberalis in proximum*. Utrobius ipsissimus sermo habetur de triplici fructu gratiæ, nempe *remissione culpæ, plenitudine justitiæ, perpetuatione vitæ beatæ*, item *de gratia curante, corroborante, consummante*. Utrobius simillime ac fere ipsissimis verbis disseritur de « *gratia consummante consummatione viæ in septem beatitudinibus, consummatione patriæ in septem dotibus, quarum tres sunt in anima, visio, tentio et fruitio, quæ respondent tribus virtutibus theologicis, quatuor in corpore, quæ respondent quatuor virtutibus cardinalibus* », etc. Quis ergo dubiter de ipsissimo utriusque operis auctore, nempe D. Bonaventura, maxime cum in plerisque aliis consonent alia certissima ejusdem opuscula ?

## 2. Ad hæc ,sicut cætera Bonaventuræ opera , videtur et istud crebris sacræ Scripturæ

<sup>1</sup> *Prodrom.*, col. 30, ex Chron. xxiv Ministrorum, ubi de Fr. Ægidio. « Frater Ægidius ait : « Potest idiota Deum tantum diligere, sicut litteratus? » Respondit Generalis (Bonaventura) : « Una vetula etiam plus potest, quam magister in theologia. » — <sup>2</sup> Serm. iv, versus finem. — <sup>3</sup> Hæc quæ sequuntur usque ad n. 2, exscribuntur ex *Prodrom.* col. 740-741.

textibus locupletatum : in quibus exponendis perinde scatet mysticis sensibus, sicut alibi passim. *Nimirum* quidem vocat in hujusmodi sensibus eruditissimus benedictinus abbas Augustinus Calmetus, sed auctorem adhuc sanctum Bonaventuram agnoscit<sup>1</sup>. Si conferatur quod alio in loco idem Bonaventura inquit : « *Ignis est devotionis fervor, qui semper in altari cordis ardere debet, quem sacerdos devotus semper (subjiciendo ligna divinæ laudis) debet nutrire, ne aliquando extinguitur*<sup>2</sup> : » si hoc, inquam, conferatur cum eo, quod auctor præsentis operis dicit : « *Ignis iste non est in potestate nostra; sed si Deus dat, sacerdotum est nutrire ignem, et subjecere ligna per orationem*<sup>3</sup>, » idem ipse auctor videbitur. In eodem *illuminationum* opere Bonaventuriana quoque dictio passim occurrit, ac saepè citatur inter Græcos Dionysius, saepè saepius inter Latinos Augustinus, cuius præcipue allegantur libri *de Civitate Dei*, quidque contineant, declaratur. Insuper laudantur inter Græcos Patres Origenes, Athanasius, Basilius, Epiphanius, Gregorius Nazianzenus, Gregorius Nyssenus, Chrysostomus, Damascenus; inter Latinos autem Hilarius, Orosius, Ambrosius, Hieronymus, Cassianus, Gregorius, Anselmus, Bernardus, Ilugo, Richardus, Abbas Vercellensis; inter Hebreos Phito. Inter Ethnicos philosophos præcipue memorantur Plato et Aristoteles. Citatur idem Aristoteles *secundum omnes doctores græcos*, ut *Gregorium Nyssenum, Gregorium Nazianzenum, Damascenum, Basilium, et sectatores omnium Arabum*. Dicitur Plotinus *inter philosophiæ professores cum Platone princeps, et nobilissimus de secta Platonis*. Allegantur denique Tullius *sectæ academicæ*, Macrobius, Priscianus, et anonymous liber *de Causis*. Non tamen vult harum illuminationum auctor, ut nimis insistatur *philosophorum scripturis*, sed duntaxat *transeundo*, et *furando*, et quasi *ibi non permanendo*. Quamobrem serio monet cavendum, *ne magistri nimis commendent et appretientur dicta philosophorum*<sup>4</sup>. Vult insuper cautionem adhibendam in *Summis magistrorum* : « namque in his homo debet cavere, ut semper adhæreat viæ magni communi<sup>5</sup>. »

3. Præterea hujus operis auctor attente legenti appareat nedum in divinis litteris, sed et in Theologia scholastica, dogmatica, et mystica, tum quoque in Historia ecclesiastica et philosophica egregie exercitatus, exhibetque nonnulla scientiarum specimina, etiam Geometriæ, Algebræ, Perspectivæ, dum similitudines trahit ex trigono, tetragono, pentagono, ex numeris cubicis et quadratis, ex radiis directo, reflexo, fracto, ex angulo recto, obtuso, et acuto, etc. Nec prætermittit Astronomiam, ac nequidem artes sermocinales, Grammaticam, Rheticam, Logicam, ipsamque Prosodiam, et Metricam. Non silet Astronomiæ periculum propter judicia<sup>6</sup>, uti etiam præfatarum artium vitia. Docet sobrium scientiarum humanarum usum, quia, inquit, « *periculum est in scientiis, quod tantum diffundat se homo per considerationem harum scientiarum, ut postea ad domum Scripturæ redire non possit*<sup>7</sup>. » Utilitudo quandoque versionibus divinæ Scripturæ a Vulgata variantibus; nam, verbi gratia, pro illo Vulgatae, Habac., iii, 2 : *In medio annorum notum facies*, noster auctor secundum Septuaginta translationem legit : *In medio duorum animalium cognosceris*<sup>8</sup>; pro illo Psalmi vii, 14 : *Sagittas suas ardentibus effecit*, *Ipse habet ardentes*<sup>9</sup>, quam quidem lectionem pleraque latina exhibent, teste sancto Au-

<sup>1</sup> In *Biblioth. sac.*, pag. 31, edit. Ven. 1757. — <sup>2</sup> *De sex aliis Seraphim*, c. viii. — <sup>3</sup> Serm. ii. — <sup>4</sup> Serm. xix. — <sup>5</sup> Ibid. — <sup>6</sup> Serm. iv. — <sup>7</sup> Serm. xvii. — <sup>8</sup> Serm. i. — <sup>9</sup> Serm. xvii.

gustino<sup>1</sup>. Quid multis? In hujusmodi opere non solum nihil est, quod sanctum Bonaventuram dedebeat, sed multa potius, quæ ejus ætatem, institutum, ingenium, indolem, eruditionem, et doctrinam præferunt.

4. Hinc est, quod ipsum *clarum, nobile, insigne*, ac genuinum Bonaventuræ opus, ex ore tamen ejus exceptum, et reportatum, adserant, et testentur totuplicia monumenta, etiam vetustissima, tot nomenclatores, tot editiones, tot manuscripti codices, ut nobis de eo fas non sit dubitare, miremurque illud a novissimis Editoribus post Oudinum ad suppositionis fuisse ablegatum, ob arabicam in editis vocem *trifurcatur*, et ob mendum in anno 1274, loco anni 1273, quæ tamen soli vitio librariorum, ac typographorum facile verti possunt. Multa enim habentur mendosissime scripta et impressa, non quidem, ut cum Alphonso a Castro loquamus, « ex culpa Auctoris, sed ex vitio Scriptorum, et Impressorum, qui sæpe ea, quæ verissime scripta sunt, mendosissime transferunt<sup>2</sup>. » Accedit, quod *Additiones ad Luminaria*, in quibus præfatum mendum ostenditur, desiderentur in plerisque codicibus manuscriptis, quodque verbo *trifurcatur* persimile sit verbum *bifurcatur*, quo, ut notat P. Sbaralea, usus est vel Alexander Alensis, vel Hugo Carenensis Ordinis Prædicatorum<sup>3</sup>.

5. Quod si nihilominus objicias, minoritam quidem fuisse hujus operis auctorem, non tamen Bonaventuram Parisiis morantem, sed Rhenanum quemdam, scilicet alicujus conventus apud Rhenum incolam, propterea quod expendens illud Matthæi, x, 8 : *Gratis accepistis, gratis date*, subjungat : « Quare non vendis, o sol, lucem tuam? Gratis accepi, gratis communico. Quare non vendis, Rhene, aquam tuam? Gratis accepi, gratis fundo<sup>4</sup>: » respondeo, nihil obesse; quia Bonaventura Parisiis degens potuerit dicere : « Quare non vendis, Rhene, aquam tuam? » Rhenus enim quidem est Germaniæ fluvius post Danubium maximus, sed antiquus Galliæ, ac Germaniæ a fontibus ad ostia terminus. De ipso ergo tanquam antiquo Galliæ termino bene potuit Bonaventura inter Gallos existens dicere : « Quare non vendis, Rhene, aquam tuam? » Addo quod si auctor fuisset Germanus, potius sermonem vertisset ad Danubium, velut omnium Germaniæ fluviorum maximum.

6. Si dixeris modestiæ, ac prudentiæ Doctoris Seraphici repugnare, quod habetur sermone xxii : « Modo principes sunt socii furum, et consiliarii in munere consulunt; » reponuerim ego, id esse desumptum ex Isaia, qui ait : *Principes tui infideles, socii furum, omnes diligunt munera, sequuntur retributiones*<sup>5</sup>. Quod autem, serm. v, antea dixerat : « Princeps non debet utilitatem suam querere, sed reipublicæ.... unde hodie magna abominationis est in his, qui præsunt: » dandum est depravationi temporis, quo sanctus Doctor hæc loquebatur.

7. Numquid saltem ab ejusdem Bonaventuræ gravitate alienum, quod Sermone vigesimo tertio ac ultimo de beato Francisco pronuntiatur : « Franciscus habuit sapientiam asini? » Sed hoc perpendendum non tanquam a reliquo textu avulsum, sed iis, quæ continuo subduntur, conjunctum, quodque ita spectatum, laudatam Bonaventuræ gravitatem minime dedecet. Sic enim asini sapientia ibi exponitur, et vere obedienti, atque contem-

<sup>1</sup> Enarr. in Psal. vii. — <sup>2</sup> Lib. III, adv. *Hæres.*, verbo *Baptismus*, in fine *hæres.* ix. — <sup>3</sup> In Psalm. v, 5. Postilla in Psalms Alexandri de Ales citatur a Barth. Pisano O. M. in Opere de Vita et Laudib. B. M. V., lib. I, fruct. ix, pag. 152. — <sup>4</sup> Serm. II. — <sup>5</sup> Isa., 1, 23.

*Judæorum loquens in libro Sapientiæ, ut philosophus, sic inquit : Vapor est, etc.* Hæc postrema lectio conformior est illis, quæ de laudato Philone tradiderat Bonaventura noster in Commentario libri *Sapientiæ*.

§ III. — SUMMA EXPOSITIONIS IN PSALTERIUM (*Prodrom.*, col. 629 et seq.).

1. Probatur legitimum Bonaventuræ Opusculum nedum universalis, sed et singulari editione Vaticana, magisque confirmatur *veterem exemplari, manu exarato, quod tanquam præclarum munus Sixto V, Pontifici maximo, ex Etruria allatum, bonæ notæ, atque ad fidem faciendam idoneum, credendum est* : præsertim *cum non modo locutionum forma, sed etiam doctrina sit cum cæteris illius Opusculis et Expositionibus consentiens*, ut animadvertisunt in Argumento Romani Editores. Profecto quod hujusmodi Summæ auctor scribit *de perfectione senarii numeri, et ejus partibus aliquotis*<sup>1</sup>, conforme omnino est iis, quæ S. Bonaventura docet nedum in *Illuminationibus Ecclesiæ*<sup>2</sup>, sed etiam libro primo *Sententiarum*<sup>3</sup>. Ubi etiam Deum medium velut centrum in sphæra prædicat, adnotando, quod Deus «dicitur stare in medio, non extra exclusus : nam dicitur intra omnia, quia omnia replet : extra omnia, quia omnia continet : supra omnia, quia omnibus præsidet : subtus omnia, quia omnia sustinet<sup>4</sup>; non dissentit a Bonaventura, qui in suo *Itinerario mentis in Deum* agnoscit Deum tanquam omnium sphærarum intelligibilem, cuius centrum est ubique, et circumferentia nusquam : centrum, inquam, quod « stabile manens, moveri dat universa, et est intra omnia, non inclusum ; extra omnia, non exclusum ; supra omnia non elatum ; subtus omnia, non prostratum<sup>5</sup>. » Sicut autem idem Bonaventura alibi loqui consuevit fusiusque disserere de sacræ Scripturæ præstantia, et *re-luctionem omnium artium ad Theologiam* ostendit; pariter heic vel ab ipso Præfationis exordio eamdem præstantiam auctor innuit, ipsamque Scripturam indicat cum materiæ dignitate, tum profunditate ac subtilitate, omnibus aliis præcellentem, omnesque alias artes, et scientias, Grammaticam, Dialecticam, Rhetoricam, Arithmeticam, Musicam, Geometriam, Astronomiam, Physicam, quasi *Theologiae pedissequas* adseverat.

2. Nihil etiam obstat, quominus eam Expositionem D. Bonaventuræ adscribamus. Non silentium Ptolomæi Lucensis, cum similes alios, eosdemque certos, ejusdem Bonaventuræ commentarios prætermiserit. Sane, inquit P. Sbaralea, « Si Ptolomæi Lucensis auctoritas attendatur, ut excludat hanc Expositionem, excluderet etiam Exposit. in lib. *Sapientiæ*, et *Lamentationes Jeremiæ*, et tamen novissimi Censores illas admittunt. » Non obstat quod laudet Aristotelem et Tullium, cum ii ipsi ab eodem Bonaventura in aliis certioribus operibus adhuc frequentius adferantur : « Et quomodo, pergit Sbaralea, in Peripateticorum scholis edoctus, Aristotelis vestigiis neutiquam adhæsisse videatur? Legatur ejus Commentarius in quatuor libros Sententiarum, præsertim in secundum. Sancti Antonini dictum a Censoribus productum loquitur potissimum de asceticis. » Addiderim ego, quod sanctus Doctor in Expositione hac se non ita hujusmodi scriptoribus ethnicis addictum ostendat, quin dicat : « Non enim ad jacienda fidei fundamenta elegit Deus versutias Aristotelis, vel Tullii lepores verborum lascivientis eloquentiæ, et fastu rhetorico conditam eloquentiam, sed

<sup>1</sup> In Psal. cxxix, pag. 551. — <sup>2</sup> Serm. iv, pag. 52, col. 2. — <sup>3</sup> Dist. II, art. 1, q. 4, in Resolut., huj. edit. tom. I, pag. 58. — <sup>4</sup> In Psal. LXXXI, 1, huj. tom. pag. 257. — <sup>5</sup> Cap. v, ad fin.

simplices, et idiotas, et piscatores, et hujusmodi viros<sup>1.</sup> » Præterquam quod laudatus P. Sbaralea notat : Aristotelem Bonaventura in hac *Expositione* non laudat *sæpen numero*, ut præfati censores aiunt, sed aut nunquam, aut perraro.

3. Nihil pariter Bonaventuræ nostro repugnans existimo, in rem suam pertraxisse quædam dicta ex Hermete, seu Simonide, ex Catone, Virgilio, Terentio, Juvenali, Euclide, Seneca et Macrobio, cum eidem Bonaventuræ non fuerint incomerti ac ignoti. Non repugnat, quod voces græcas et hebraicas frequenter usurpet, cum eas adhibere potuerit saltem ut usitatas apud Hieronymum, Ambrosium, Glossæ auctorem, Philosophos, Rhetores, ac iis uti consueverit in certis commentariis super librum Sapientiæ, ac Lamentationes Jeremiæ prophetæ, de quibus postea. Unde nec ullam video difficultatem, quod pro *Dominus regit me*, legerit secundum lectionem græcam *Dominus pascit me*.

4. Non repugnat, quod dixerit : « Anima est in cerebro secundum Physicos; secundum Theologos est in corde, » etc. Nam legerat (*Prov.*, xiv, 33) : *In corde justi sedes sapientiae est*, tradiditque in libris etiam Sententiarum : « Medici discordant a Naturalibus. Dicunt enim Physici, quod principium motus et sensus est in capite; licet Naturales, qui considerant principia rerum intimius, dicant quod horum principium est cor<sup>2.</sup> » Non repugnat, quod ad illud : *Ascende, calve*, subdiderit : « Hoc exponitur de Elisæo, qui fuit calvus, ad litteram; sed exponitur de Christo, qui non fuit calvus ad litteram : » id enim de Christo intellexisse constat etiam Hieronymum<sup>3</sup>, Augustinum<sup>4</sup>, Bernardum<sup>5</sup>, etc. Profecto idem auctor « in Psalterii expositione tritam illam quidem, atque usitatam viam sectus est, in qua insistere majores voluerunt<sup>6</sup> » idque adeo verum, ut dubitari minime possit, plura ipsum deprompsisse e penu Dionysii, Athanasii, Ambrosii, Hieronymi, Augustini, Cassiani, Isidori, Bedæ, Richardi a Sancto Victore, etc. De more utitur præsertim Augustini sententia, una cum Pauli apostoli verbis, loquens de libero arbitrio et de gratiæ efficacia. Inquit enim : « Motus ex libero arbitrio partim ex Deo, parlim ex nobis. Unde Apostolus : *Coadjutores Dei sumus*<sup>7</sup>. Nam cum fecit nos sine nobis, non justificat nos sine nobis<sup>8</sup>, id est : *Non ego operor illud, sed gratia Dei tecum*<sup>9</sup>. » Eudem textum, *Coadjutores Dei sumus*, repetit, ut probet quod quandoque homo dicit se per liberum arbitrium, palam faciens, ad id egere ipsum liberum arbitrium gratia Dei cooperante, ut homo cum Apostolo dicere queat : *Gratia Dei in me vacua non fuit*<sup>10</sup>. Idem etiam liberum arbitrium gratia præveniente indigere ostendit per textum : *Trahe me post te*<sup>11</sup>.

5. Eadem Expositio, modo Bonaventuriano, ita perpetuis divinæ Scripturæ textibus referta est, ut summam etiam exhibeat sacrorum rituum peritiam. In ea inter ceteros retunditur error Græcorum, spirationem activam soli Patri attribuentium : qui quidem error Bonaventuriana præsertim ætate vigebat. His autem omnibus facile evanescit quidquid contra hujusmodi Expositionem a novissimis Editoribus objectatur<sup>12</sup>.

<sup>1</sup> In Exposit. Psal. cxliii, p. 572, col. 2.—<sup>2</sup> Lib. III, dist. XIII, art. 2, q. 3, ad arg. 1, huj. edit. tom. IV, pag. 292. Consentit serm. I, *De illuminat Eccl.* — <sup>3</sup> In tit. Psal. xlvi. — <sup>4</sup> *Cont. Faust.*, lib. XII, c. xxxv. — <sup>5</sup> *Ad Milt. Templi*, c. 4. Vid. Cornel. a Lapide, *Comment. in lib. IV. Reg.*, c. 2. — <sup>6</sup> Petr. Galesin. in *Vit. S. Bonav.*, c. xv. — <sup>7</sup> *I Cor.*, III, 9. — <sup>8</sup> August., *de verb. Apost.*, serm. xv, al. clxix, n. 13. — <sup>9</sup> *I Cor.*, xv, 10. Omnia prædicta leguntur ad illa verba. Psal. cxviii, *Ex erubar in justificationibus tuis*. — <sup>10</sup> *I Cor.*, xv, 10. — <sup>11</sup> *Cant.*, I, 3. In Psal. cxviii, 49, huj. tom. pag. 303, col. 2. — <sup>12</sup> *Diatrib.*, p. 106 et seq., huj. edit. tom. I, p. LXIII.

## § IV. — EXPOSITIO ALTERA FUSIOR IN PSALMUM CXVIII (Prodrom., col. 712.).

Heic discutiendum, an sicut D. Bonaventura creditur auctor *Summæ expositionis in Psalterium*, adeoque et brevioris expositionis in Psalmum cxviii, ita habendus sit auctor alterius quoque fusioris Expositionis in eundem Psalmum cxviii, incipientis : *Alleluia, laus et gloria.* Auctorem esse hujus etiam Expositionis censem Editores Romani, quibus suffragantur exemplar in cœnobio Fratrum Minorum Castri Radulphi (Châtellerault) repertum, editio ad ejusdem exemplaris normam facta Parisiis an. 1524 in ædibus Claudi Chevallon, atque Sixtus Senensis. Neque officit, quod una sit brevior, altera fusior; nam laudati Editores Romani aiunt, « id non alienum esse a sacrarum litterarum interpretibus, qui sæpe numero eadem modo fusius, modo brevius explicarunt. » Nihilo tamen secius animadvertis P. Sbaralea, quod Expositio hæc fusior stylum Bonaventurianum redolere non videatur, quodque ubi auctor prædictæ *Summæ Expositionis in Psalterium*, c. viii, v. 7, legit : *Sprevisti omnes discedentes a judiciis tuis*, auctor Expositionis hujus amplioris in eundem Psalmum cxviii, c. viii, v. 6 (al. 118), habet *a justitiis tuis*, intulit atque pronuntiavit hanc fusiorem Expositionem « non esse sancti Bonaventuræ, sed Joannis Lemovicensis monachi Clarævallensis, ex mss. codice Biblioth. S. Marci Veneti, qui forsan is est, qui tempore Innocentii Quarti factus Minorita, an. 1245, erat ejus pœnitentiarius ex Actis concilii Lugdunensis, et ejus meminit Waddingus ad an. 1251, n. 68. » Addiderim ego, quod ille auctor, c. i, v. 9, psalmi cxviii, *aleph* litteram interpretatur tentationum millia, sed Bonaventura in Expositione capitilis ii, *Lamentationum Jeremiæ prophetæ*, inquit : « *Aleph* interpretatur doctrina<sup>1</sup>. »

## § V. — EXPOSITIO IN LIBRUM ECCLESIASTÆ (Prodrom., col. 631 et seq.).

Objiciunt Editores novissimi : « Nomenclatorum silentium, eorum etiam quibus nil potius fuit, quam ut Bonaventuræ catalogum augerent omnino<sup>2</sup>. » Sed perperam, quia satis indicatur a Ptolomæo Lucensi, atque expressius memoratur a Joanne Francisco de Pavinis, etc. Urgent : « Satis fuit Romanis Editoribus, ut Bonaventuræ nomen in antiquo exemplari viderent inscriptum, quo hujusmodi Expositionem in Bonaventuræ catalogum referrent. At incauti homines minime adverterunt, fieri aliquando posse ut vel antiqua exemplaria nobis errandi caussam præbeant. Illud cum primis considerandum erat, num quæ scripta sunt in antiquo exemplari, ad genium Bonaventuræ accederent, necne<sup>3</sup>. » Sed id cum primis considerasse Romanos Editores, neque incautos fuisse, perspicuum est ex eorum argumento<sup>4</sup>.

Profecto ad genium Bonaventuræ accedit, quod præferat allegationes Dionysii, Hieronymi, Augustini, Gregorii, Isidori, Damasceni, Bernardi, Hugonis, citationesque Aristotelis, Ovidii, Maecobii, Boetii, etc. Itidem genio Bonaventuræ conforme (ut ut Editores novissimi reclament) indagare philosophorum systemata, atque in rem suam ea pertrahere, quemadmodum in confessu esse debet legenti quartam partem libri ejusdem Bonaventuræ de *Ecclesiastica Hierarchia*, *Commentarios in libros Sententiarum*, etc. Cumque Isidorus

<sup>1</sup> Leves profecto rationes, nec tanti ponderis, ut auctoritatem Sixti Senensis, ne dicam cum Romanis Editores, omnium consensu auctoritatem elevent. — <sup>2</sup> *Diatrib.* pag. 107, huj. nostræ editionis tom. I, pag. LXIV. — <sup>3</sup> *Diatrib.*, pag. 107; huj. nostræ edit. tom. I, pag. LXIV. — <sup>4</sup> Huj. tom. IX, pag. 000.

ipse a Bonaventura laudatus scripsit de proprietate sive natura rerum ad Sisebutum regem librum unum, in quo tam de ecclesiasticorum Doctorum, quam de Philosophorum indagine, obscura quædam de elementis absolvit, nihil obesse potest, quo minus simile quid vel in hoc Commentario Bonaventura noster fuerit executus. Si teste Trithemio idem Bonaventura fuit a seculari philosophia nobiliter doctus, » quis eumdem credat a Philosophorum systematibus indagandis, explicandisque alienum? Cæterum maluisse versari in Scripturis, inque Patribus voluntatis, quam in Philosophorum scholis, vel ex hac ipsa Expositione clarescit, quam præterea non solum singulares universalesque editiones, sed MSS. codices, iique pervetusti, ac optimæ notæ attestantur, utputa: Parisiis, Bibliothec. Regis Galliarum, Cod. 472 membr. olim Carmelitarum Parisiensium, qui sub finem XIV sæc. exaratus videtur; Patavii, Biblioth. sancti Antonii, Minorum Conventualium, Cod. 271, folior. 77, membr. in fol.; Romæ, Biblioth. Vatic., Cod. 918, membr. in fol.; Tuderti, in sacrario sancti Fortunati Min. Convent., Cod. 183, membr. in 4, et Cod. 68, membr. in fol.

Hactenus dicta roborantur iis, quæ ad vindicias Romanorum Editorum contra novissimos P. Sbaralea reponit, inquiens: « Immerito Romani Editores traducuntur hoc loco, et negligentiæ postulantur, cum Bonaventura Philosophorum systemata nequaquam plus justo curiose indaget, neque ea taxet, ut suum intrudat; sed tantum sub initium dubia breviter movet ad illa: *Terra æternum stat, oriut sol, et occidit, et ad locum suum revertitur, flumina exeunt a mari*, etc., et resolvit ex his quæ communia sunt. Multo plura de his habet in Comment. II *Sent.* ex Philosophis. Et cum ex Ptolomæo Lucensi scripsit in libros Salomonis, si hunc rejicimus, quem alium habebimus præter librum *Sapientiæ?* » Adde Bonaventuram nostrum in Expositione hac disserere de tribus tantum libris Salomonis, perinde ac in postilla super *Canticum Canticorum*<sup>1</sup>: per mulierem amictam sole intelligere Ecclesiam, perinde ac in Commentario *Apocalypsis*<sup>2</sup>: perinde explicare illud: *Nihil sub sole novum*, ac libro secundo *Sententiarum*<sup>3</sup>: illud: *Unus interitus hominem et jumentorum*, perinde ac eodem libro secundo<sup>4</sup>: illud: *Solummodo hoc inveni, quod fecerit hominem rectum*, et *ipse se infinitis miscuerit quæstionibus*, perinde ac in Prologo ejusdem libri secundi<sup>5</sup>: illud: *Nescit homo (sive nemo scit), an odio, an amore dignus sit*, perinde ac libro primo<sup>6</sup>: *Qui in uno peccaverit, multa bona perdet*, perinde ac libro tertio<sup>7</sup>: illud: *Est malum quod vidi sub sole, quasi per errorem egrediens a facie principis, positum stultum in dignitate sublimi*, perinde ac libro secundo<sup>8</sup>. Quid? quod plura alia in hac expositione adserita cum certis Bonaventuræ operibus concordant, puta: « Solus Christus absque peccato conceptus, originale non contraxit: » ut nihil dicam et de distinctione judicii quoad *antecedentia, concomitantia, consequentia*, de multiplice significatione æternitatis, et de modo proponendarum solvendarumque difficultatum per *Quæritur, Contra, Respondeo dicendum*, et de consueto usu perpetuo divinæ Scripturæ textuum, et de usu sensus mystici vocumque similiter desinentium. Denique hujusmodi Commentarius haud absimilis videtur mihi Commentario in Joannem<sup>9</sup>.

<sup>1</sup> Hactenus inedita. — <sup>2</sup> Editu Parisiis an. 1647 sub nomine A. de Hales. — <sup>3</sup> Dist. xv, dub. 4, huj. edit., tom. II, pag. 608. — <sup>4</sup> Dist. xix, art. 1, q. 2, ad 1, tom. III, pag. 60. — <sup>5</sup> Tom. II, pag. 231. — <sup>6</sup> In Prolog. Mag., dub. 4, tom. I, pag. 23. — <sup>7</sup> Dist. xxxvi, q. 4, ad 1 et 2, tom. V, pag. 140. — <sup>8</sup> Dist. xliv, art. 2, q. 1, ad 3, tom. III, pag. 648. — <sup>9</sup> Edito Coloniæ an 1537 sub nomine Nic. Gorranii, Ord. Predicat., sed ab auctore Prodromi Bonaventuræ nostro asserto.

## SIXTI SENENSIS BIBLIOTHECÆ SANCTÆ

Ex libro quarto, p. 346.

Bonaventura, qui et Eutychius græca voce dictus est, episcopus Albanensis, natione Hetruscus ex oppido Balneo Regio, octavus Generalis Ordinis Minorum, ob eximiam divinarum rerum eruditionem a Gregorio X, Pontifice maximo, in collegium cardinalium assumptus, tantam cum summa scholasticæ theologiæ ac philosophiæ cognitione vitæ sanctitatem, et morum integritatem conjunxit, ut præstantissimus vir Alexander Halensis, præceptor ejus, sæpe de ipso dicere consueverit, videri sibi Adamum in Bonaventura non peccasse. Hic inter multa piissima opuscula, quæ verbis ardentissimis et altissimis sensibus ad illuminandos animos, et inflammandas voluntates legentium divino succensus amore composuit, nobile quoque opus in Hexaemeron scholastico dictionis genere dictavit, cui *De Luminaribus Ecclesiæ*, sive *De illuminationibus*, sive *De quinque visionibus* idcirco titulus est, quia in eo potissimum exponuntur quinque illæ visiones Dei, comprehensæ in ea sententia Moysis, *Vidit Deus, quod esset bonum*, etc., quinques in principio Geneseos repetita. Initium operis est, *In medio Ecclesiæ aperuit os ejus*, etc. Dividitur autem universum opus in sermones viginti tres, tropologicis sensibus, flagrantibus sententiis, et abstrusis scholasticæ mysticæque theologiæ arcanis refertissimos.

Scripsit item in Psalmum cxviii scholasticam postillam, incipientem : *Halleluia, laus gloria.*

In Lucæ Evangelium scholasticam Postillam, quæ incipit : *Spiritus Domini.*

In Joannem postillam, quæ incipit : *In principio...* Fertur et ejusdem libellus ad lectio-nem Bibliorum introductorius, *Principium sacræ Scripturæ prænotatus*; cuius exordium est : *Ostendit mihi Dominus fluvium magnum.*

Reliquit item compendium metricum scholasticum utriusque Testamenti versibus dime-tris iambicis, libera solutaque syllabarum lege : quos ita disposuit, ut singula tetrasticha summam unius capituli contineant. Ejus initium est : *Mundus fit in principio.*

---

## SERIES

OPUSCULORUM QUÆ NONO HOCCE TOMO CONTINENTUR

---

I. PRINCIPIUM SACRÆ SCRIPTURÆ.	1
II. ILLUMINATIONES ECCLESIAE IN HEXAEMERON.	17
III. EXPOSITIO IN PSALTERIUM.	154
IV. ALTERA EXPOSITIO PSALMI CXVIII.	347
V. EXPOSITIO IN LIBRUM ECCLESIASTÆ.	579

S. R. E. CARDINALIS  
SANCTI BONAVENTURÆ

EPISCOPI ALBANENSIS, DOCTORIS SERAPIICI ECCLESIAE

PRINCIPIUM SACRÆ SCRIPTURÆ<sup>1</sup>

DE SACRÆ SCRIPTURÆ PRÆSTANTIA

*Ostendit mihi Dominus fluvium aquæ vivæ, splendidum tanquam crystallum, procedentem de sede Dei, et Agni. In medio plateæ ejus, et ex utraque parte fluminis, lignum vitæ, afferens fructus duodecim. Probatissimæ perfectissimæque legis integritas circumstantionatur ex multifaria nobilitate causarum, quas sanctus enumerat Isidorus, sic inquiens<sup>2</sup>: « Erit lex honesta, justa, possibilis, secundum naturam, secundum patriæ consuetudinem, loco temporique conveniens, necessaria, utilis, manifesta quoque, ne aliquid per obscuritatem in captionem contineat; nullo privato commodo, sed pro communi civium utilitate conscripta. » Iстis conditionibus legem legum, quæ a Rege regum instituta est, esse præminentissime venustatam, sacram scilicet Scripturam, beatus Joannes apostolus, et evangelista, et propheta asserit sibi divinitus esse revelatam, cum dicit: *Ostendit mihi Dominus*, etc. Quoniam autem in descriptione rerum excellentissimarum, mentis humanæ acies invalida, quæ, ut dicit Augustinus<sup>3</sup>, in excellenti luce non figitur, utitur sensibili manuductione rerum naturalium,*

pro eo quod se habet intellectus noster ad manifestissima naturæ, sicut oculus noctuæ ad lucem solis, ut Philosophus<sup>4</sup> dicit; hinc est quod Prophetæ lucem divinæ sapientiæ contemplat obtutibus nostris, notificando eam transumptione symbolica, seu sub metaphora. Utitur senario rerum numero ad insinuandam ejus perfectionem, comparando eam rebus eminentissimis, affluentissimis, perspicuissimis, efficacissimis, speciosissimis, communissimis. Eminentissimis, propter altitudinem dignitatis: quid divino solio eminentius? Affluentissimis, propter plenitudinem bonitatis; quid fluvio affluentius? Perspicuissimis, propter certitudinem veritatis: quid aqua viva clarior, et crystallo translucentius? Efficacissimis, propter magnitudinem virtutis vel potestatis: quid ligno vitae efficacius? Speciosissimis, propter pulchritudinem claritatis: quid splendore speciosius? Communissimis, propter amplitudinem charitatis: quid medio plateæ communius? Est enim sacræ Scripturæ inattingibilis altitudo, propter auctoritatem inviolabilem; inexhaustibilis plenitudo, propter profunditatem imperscrutabilem;

<sup>1</sup> Cf. Edit. Argentin., an. 1495, part. I; edit. Vatic., an. 1588, tom. I, pag. 4; edit. Ven., an. 1611, tom. I; edit. Ven., an. 1754, tom. VIII, p. 4. —

<sup>2</sup> Apoc., xxii, 1, 2. — <sup>3</sup> Isid., Etymol., lib. V, c. xxii; Corp. jur. can., dist. IV, c. II. — <sup>4</sup> Aug., de Trinit., lib. I, c. II. — <sup>5</sup> Arist., Metaph., lib. II, text. 1.

infallibilis certitudo, propter processum irrefellibilem; impretiabilis valetudo, propter fructum inæstimabilem: incontaminabilis pulchritudo, propter puritatem impermixtibilem; incoaretabilis amplitudo, propter diffusionem irrestringibilem. Inattingibilis altitudo auctoritatis inviolabilis, commendat efficientem; inexhaustibilis plenitudo profunditatis imperscrutabilis, extollit materiam; infallibilis certitudo processus irrefellibilis vel inconfutabilis, commendat formam; impretiabilis valetudo fructus inæstimabilis, commendat finem extra; incontaminabilis pulchritudo ascensus interminabilis, commendat finem supra: incoaretabilis amplitudo diffusionis universalis, commendat finem intra: ut scientiis sacerularibus inflaticibus cordium, obdueticibus intellectuum, nulla supersit occasio gloriandi adversus Scripturam sacram, cum ab ea excedantur in omnium nobilitate causarum. Nam subjectum sanctorum Scripturarum, est subjectum increatum; agens increatum, finis increatus; forma, quæ est modus agendi, est<sup>1</sup> stylus Spiritus sancti, stylus inspiratus<sup>2</sup>: « Calamus scribæ velociter, » etc. Et si quæ sunt nobilitates degeneres, ut antiphrasice loquar, in mundanis scientiis, non collectim, sed sparsim reperiuntur in singulis. Nam Metaphysicam inquiunt mundi sapientes<sup>3</sup> esse scientiarum suarum nobilissimam, propter universalitatem subjecti: nam est de ente, secundum quod ens, id est, de ente secundum omnem entis differentiam, quæ est substantia, et accidentis; idem, et diversum; actus, et potentia; unum, et multa. Ens enim primum in prima philosophia subjectum esse non potest<sup>4</sup>, quia a Philosopho primo ens primum inquiritur. De subjecto autem in scientia præcognoscendum est, et quid est, quod dicitur per nomen, et quia est, et nullo modo debet inquiri, ut Philosophus<sup>5</sup> dicit. Scientiam mathematicam di-

cunt esse nobilissimam, propter certitudinem modi; scientiam de anima<sup>6</sup>, propter nobilitatem subjecti: moralem<sup>7</sup>, propter utilitatem finis, qui est beatitudo creata, id est, misera, quam dicit ille esse actum perfectum secundum virtutem. Sed omnium nobilitates causarum aggregantur in divina scientia. Nam in quantum est progressio quædam, et scaturigo fontis æterni, habet ex efficiente nobilissimo auctoritatem inviolabilem: et hoc notatur, cum dicitur procedere *de sede Dei et Agni*. In quantum vero est fluvius aquæ vivæ, habet ex subjecto nobilissimo profunditatem imperscrutabilem. In quantum vero ostensus, revelatus et inspiratus, habet ex nobilissimo modo processum inconfutabilem. In quantum splendidus, habet certitudinem infallibilem. In quantum crystallinus, pulchritudinem incontaminabilem. In quantum lignum vitæ, afferens fructus duodecim, habet ex fine nobilissimo fructum desiderabilem. In quantum in medio plateæ Hierusalem, habet amplitudinem incoaretabilem. Quantum necesse fuerit in editione legis inattingibilis, altitudo auctoritatis inviolabilis liquet interiorius perscrutanti. Si enim in cognoscibiliis, seu opinabilibus, illud quod auctoritatem non habet, eadem facilitate contemnitur, qua probatur, ut Hieronymus dicit<sup>8</sup>, nisi fuerit evidenti ratione suffultum; hoc multo magis posset in agendis accidere, maxime cum<sup>9</sup> « sensus et cogitatio » humani cordis « prona in malum ab adolescentia sua, » semper nitatur in vetitum, et repugnet his etiam, ad quæ rationis naturalis instinctus inclinat. Licet autem locus ab auctoritate concludens, infirmus et inartificialis appelletur, pro eo quod non proprio argumento, sed aliunde parato testimonio utatur qui arguit, ut Boetius<sup>10</sup> docet; plerumque tamen auctoritati (a) proborum ratio suæ credulitatis assensum citius exhibet, quam dispu-

<sup>1</sup> *Il. Petr.*, I, 21. — <sup>2</sup> *Psal.* XLIV, 2. — <sup>3</sup> *Arist.*, *Metaph.*, lib. IV, text. 2 et seq.; lib. VI, text. 3 et 4. — <sup>4</sup> *Ibid.*, lib. XII, text. 29 et seq. — <sup>5</sup> *Id.*, *Poster.*, lib. I, text. 2. — <sup>6</sup> *Id.*, *de Anim.*, lib. I, text. 1. —

<sup>7</sup> *Id.*, *Ethic.*, lib. X, c. VII. — <sup>8</sup> *Hieron.*, in *Matth.*, c. XXIII. — <sup>9</sup> *Gen.*, VIII, 21. — <sup>10</sup> *Boet.*, *Tob.*, lib. II, c. V.

(a) *Cæt. edit.* auctoritate.

tationi (a) communi, ut pulcherrime docet Tullius<sup>1</sup>. Et hoc quidem in notitia fidei manifestum est, ubi cum ratio, verissima licet, profundissime (b) lateat, secundum Ricardum<sup>2</sup>; ipsa tamen vis auctoritatis ad assentiendum inclinat: quia<sup>3</sup>, « quod scimus et intelligimus, rationi; quod vero credimus, debemus auctoritati, » dicit Augustinus: sic etiam in operabilibus consuevit accidere, ut pondus auctoritatis inclinet ad actum, præcipue si grave sit quod præcipit, vel ratio præcepti legis occulta, aut cum voluntas informandi per legem, est a legis manu inductione remota. Et certe legis divinæ præcepta erant maximi ponderis, et usque adeo latentia, quod in plerisque locis Veteris Testamenti videbantur expertia rationis. Tanta insuper erat cordium judaicorum durtia, tanta perfidia, quod necesse fuit pondus auctoritatis adhiberi, quod corda obdurate et obscurata confringeret. Et hujus inviolabilis auctoritatis pondus insinuatur, cum divina lex dicitur ab arce deitatis, id est, a sede Dei et Agni procedere: *Ostendit mihi fluvium procedentem de sede Dei et Agni*. Nomen enim Dei, secundum formalem nominis impositionem, signat auctoritatis præsidentiam. Dicitur enim Deus græcc secundum Damascenum<sup>4</sup>, ἀπὸ τοῦ Θεοῦ, ἀποθέωντος, quod sonat currere, urere, et intueri. Et hoc quidem ex hebraica veritate manifestius est: nam quando debebat insinuari inexcogitabilis superexcellentia auctoritatis divinæ essentiæ, quæ nihil est eorum quæ sunt, ut Dionysius dicit<sup>5</sup>, sed superexistens et superdea; hoc nomen, *Deus*, nequaquam communibus litteris scribatur, sed exarabatur illis characteribus quæ nomen magnum Dei tetragrammaton efficiunt, ut docent Origenes<sup>6</sup> et Beda<sup>7</sup>. Quod nomen tantæ auctoritatis, tantæque venera-

<sup>1</sup> Cic., *de Rhet.*, lib. II. — <sup>2</sup> Richard., *de Trinit.*, part. I, lib. I, c. I et IV. — <sup>3</sup> Aug., *de ver. Relig.*, c. XXIV. — <sup>4</sup> Damasc., *de Orth. Fide*, lib. I, c. XII. Vid. supra, tom. I, p. 50. — <sup>5</sup> Dion. Areop., *de Div. Nomin.*, c. I. — <sup>6</sup> Orig., *in lib. Numer.*, c. XXIII, hom. XIV, in princ. — <sup>7</sup> Bed., *in Exod.*, c. XXVIII. — <sup>8</sup> Arist., *Phys.*, lib. VIII, text. I et seq. — <sup>9</sup> Id., *Metaph.*,

tionis erat apud Hebræos, quod ipsum nomen *ineffabile* dicebatur: non quod sensibilius verbis exprimi non posset; sed quia sensu et intellectu creaturæ significatum ejus diffiniri non poterat. Istius sanctissimi nominis significatum incomprehensibile tria comprehendit, in quibus superexcessiva Dei dignitas omnem auctoritatem excedit, scilicet: primitatem inanteibilem; universitatem illimitabilem, sive potestatem; æquitatem inobliquabilem. Si enim omnipotens Deus, a cuius fonte manat fluvius Scripturarum, non haberet primitatem in essendo, et principalitatem in dominando; inciperet utique tam esse, quam habere. Omne autem quod incipit, incipit per motum, vel mutationem, ut probatur in Physicis. Deus autem est movens immobile omnino, ut vult Philosophus<sup>8</sup>: ergo non incipit, nec esse, nec habere. Habet igitur primitatem omnino imprincipiabilem. Probatur: Omne illud, in cuius substantia admiscetur potentia, secundum id quod habet de potentia, potest non esse; quia quod potest esse, potest non esse, ut Philosophus<sup>9</sup> probat, et Damascenus<sup>10</sup>: Deus autem non potest non esse: in Deo igitur non est potentia ad esse: non igitur incipit esse, nec per motum, nec per mutationem, quia<sup>11</sup> motus est actus entis in potentia, secundum quod hujusmodi. Illic est, quod propheta David, Spiritu sancto afflatus, videns in Deo auctoritatem inviolabilem propter primitatem imprincipiabilem, dicebat<sup>12</sup>: « Deus, qui dominatur in virtute sua in æternum. » Si enim essentia, et virtus ab essentia fluens, comparantur ad idem principium et ad eamdem causam, quia quod est causa essentiæ, est causa virtutis, et quod est causa virtutis, est etiam essentiæ, ut dicit Damascenus, et Philosophus<sup>13</sup>; consequens est, ut qui dominatur virtute sua,

lib. XII, text. 30. — <sup>10</sup> Damasc., *de Orthod. Fid.*, lib. I, c. VIII, sub fin. — <sup>11</sup> Arist., *Phys.*, lib. III, text. 16 et seq. — <sup>12</sup> Psal. LXV, 7. — <sup>13</sup> Arist., *Metaph.*, lib. XII, text. 28.

(a) *Al.* disputatione. — (b) *Cæt. edit.* ratio verisimilis, licet profundissima.

## PRINCIPIUM SACRÆ SCRIPTURÆ.

et non aliena, sit etiam virtute sua. Propterea frequentissime in Scriptura, ad insinuandam Dei primitatem, dicitur<sup>1</sup>: « Deus deorum, rex regum, Dominus dominantium. » Includit etiam nomen Dei non tantum primitatem imprincipiabilem, verum etiam potestatem sive universalitatem illimitabilem, per quam evidens efficitur inviolabilis divinae majestatis auctoritas. Haec autem Dei potestas est illimitabilis, et incoaretabilis: incoaretabilis quidem, quia universitatem creatorum includit; illimitabilis vero, quia terminum durationis excludit. Nam in *Judith* legitur<sup>2</sup>: « Deus cœlorum, Creator aquarum, et Dominus universæ creaturæ, » quantum ad universitatis subjectorum inclusionem. Et in *Exodo*<sup>3</sup>: « Dominus regnabit in æternum, et ultra, » quantum ad termini durationis exclusionem. Cum enim in omnibus agentibus hoc sit universaliter verum, quod quanto agens perfectius habet formam qua agit, tanto ipsum est potentius in agendo: ut quanto aliquid est calidius, tanto potentius est in calefaciendo; et si calor esset infinitus in calido, haberet utique calidum potentiam infinitam ad calefaciendum; ex quo divina essentia, per quam intelligimus DEUM agere, est infinita, necesse est potentiam esse infinitam. Omnes philosophi attribuerunt infinitum principio, ut dicit Aristoteles<sup>4</sup>.

Comprehendit tertio incomprehensibile nomen Dei inobliquabilem æquitatem, per quam ostenditur immobilis et inflexibilis divinae auctoritatis justitia. Si enim formaliter probationale Deus est veritas per essentiam, ut in *Joanne* dicitur<sup>5</sup>: « Ego sum via, veritas et vita; » et nomina in abstracto essentiam significantia dicant impossibilitatem permixtionis oppositorum: nihil est convenientius, quam ut rectitudo divinae justitiae reprehendi non possit. Fovet autem divina justitia et approbat bona; delet et reprobat

mala, secundum quod Moyses testatur<sup>6</sup>: « Deus magne, misericors et clemens, patiens et multæ miserationis, et verax, qui custodis misericordiam in millia, qui aufers iniquitatem, et scelera, atque peccata; nullus apud te per se innocens est. » Et in libro *Sapientiæ*<sup>7</sup>: « Cum justus sis, juste omnia disponis, virtus enim tua justitiae initium est. » Ilas excellentissimas auctoritatis conditiones, soli Deo proprias, succincto et subtili sermone complectitur Dionysius sic inquiens<sup>8</sup>: « Dominatio Dei non subditorum excellentia tantum est, sed honorum et optimorum perfectissima et omnimoda possessio, vera et immutabilis firmitas. » Vera et immutabilis firmitas arguit æquitatem inobliquabilem; omnimoda possessio, universalitatem illimitabilem; perfectissima vero dominatio, primitatem imprincipiabilem. De his conditionibus Moyses ait<sup>9</sup>: « En Domini Dei tui cœlum est, et cœlum cœli; terra, et omnia, quæ in ea sunt: » ecce potestas universalis. « Dominus Deus noster ipse est Deus deorum, et Dominus dominantium: » ecce imprincipiabilis primitas. « Qui personam non accipit, nec munera: » ecce inobliquabilis æquitas. Ex jam dictis elucet inviolabilis divinae majestatis auctoritas. Nam virtus auctoris, et pondus auctoritatis, semper æquantur. Unde divina auctoritas vendicat sibi infinitam absolutionem, et absolutam infinitatem. Propter quod dicit Augustinus<sup>10</sup>: « Major est divinæ legis auctoritas, quam humani ingenii perspicacitas: » cum tamen anima rationalis capax sit infiniti objective, non tantum in affectu per dilectionem, sed etiam in aspectu per apprehensionem. Quamvis autem lex omnis ordinata causam efficientem et exemplarem habeat Deum, qui est ars plena omnium rationum viventium, ut dicit Augustinus<sup>11</sup> (nam æterna et summa lex est, a qua omnis lex inferior, quæ justitiam habet, emanat,

<sup>1</sup> *Deut.*, x, 17; *I Tim.*, vi, 15; *Apoc.*, XVII, 14. —

<sup>2</sup> *Judith*, IX, 17. — <sup>3</sup> *Exod.*, XV, 18. — <sup>4</sup> Arist., *Phys.*, lib. III, text. 23. — <sup>5</sup> *Joan.*, XIV, 6. — <sup>6</sup> *Exod.*, XXXIV,

6, 7. — <sup>7</sup> *Sap.*, XII, 15. — <sup>8</sup> Dion., *de Div. Nom.*, c. XII. — <sup>9</sup> *Deut.*, x, 14, 17. — <sup>10</sup> Aug., *de Gen. ad litt.*, lib. II, c. v. — <sup>11</sup> Id., *de Trinit.*, lib. VI, c. x.

ut docet idem Augustinus<sup>1</sup>; et secundum illud<sup>2</sup>: « Per me reges regnant, et legum conditores justa decernunt »; » lex tamen sacræ Scripturæ peculiarissimo nomine, et prærogativa specialissima, dicitur procedere de sede Dei. Ostendit, inquit, *mihi fluvium procedentem de sede Dei*. Est enim per Verbum increatum edita et instituta; per verbum inspiratum recitata: per Verbum incarnatum consummata; per verbum authenticatum promulgata. Dicitur enim<sup>3</sup> « verbum DEI » verbum Verbi incarnati; « verbum veritatis et sapientiae; verbum virtutis et potentiae; verbum vitae, et verbum gratiae. » Cum enim lex humana sit constitutio populi, qua majores natu sanxerunt simul cum plebibus aliquid, secundum Isidorum<sup>4</sup>; legem Scripturæ sacræ sapientia DEI solius instituit, nihilo adinventionis humanæ permixto, populi tantum Hebraici de suscipienda lege requisito consensu, ipsius legis impoundæ non expressis articulis, ut patet in *Exodo*<sup>5</sup>. Et quod plus est, lex Mosaica quoad principaliorem ejus partem a Deo per angelicum ministerium toti populo sensibilibus verbis expressa, donec ad vocem Domini territus populus rogaret, ut ab ore Moysi residuum legis audiret, secundum quod patet in *Exodo*. Quæ tandem ob perpetuitatem memoriæ in tabulis lapideis legitur<sup>6</sup> suis conscripta « digito Dei vivi. » Fuit tertio, verbo virtutis, signis et prodigiis confirmata; signis legem præcedentibus, legem concomitantibus, legem subsequentibus. Signa legem præcedentia præsagiebant legis approbationem; signa legem concomitantia sanciebant legis institutionem; signa legem subsequentia conferebant legis institutæ et approbatæ promulgationem, sicut habetur in *Exodo* diffuse per totum. Fuit quarto per Verbum incarnatum consummata, et verbo Verbi incarnati promulgata,

<sup>1</sup> Aug., *de Lib. Arb.*, lib. I, c. v. — <sup>2</sup> Prov., VIII, 15. — <sup>3</sup> Eccli., l. 5; Hebr., I, 3; Joan., I, 1; Luc., IV, 4, etc. — <sup>4</sup> Isid., *Etymol.*, lib. V, c. X. — <sup>5</sup> Exod., xix, 21. — <sup>6</sup> Exod., XX, XXXII et XXXIV. — <sup>7</sup> Ibid., XXXI, 18. — <sup>8</sup> Galat., IV, 4. — <sup>9</sup> Job, XXXVI, 22. —

in consummatione plenitudinis temporum, Christo moralia legis exequente, judicialia temperante, cæremonialium veritatem exhibente, figuralium veritatem elucidante: et hoc, quando<sup>10</sup> « misit Deus filium suum, factum ex muliere, factum sub lege, ut eos, qui sub lege erant, redimeret. » « Similem namque<sup>11</sup> non habens in legislatoribus » DEUS, supra debitum se legi sponte subdidit, non tantum quantum ad moralium præceptorum executionem, verum etiam ad quorundam figuralium susceptionem. Circumcisionem namque<sup>12</sup> suscepit, et<sup>13</sup> « secundum legem Moysi, » cum typico sacrificio præsentatus fuit in templo. Et quamvis legamus in veteribus historiis<sup>14</sup> quosdam legibus se propriis subdidisse, ut ad institutæ legis observantiam subditos vinculo fortiori constringerent, cum tamen de lege communi constiterit<sup>15</sup> legislatores et principes non esse legibus propriis de necessitate subjectos; hoc tamen nullo modo facto Christi comparabile est: quia illi delinquere poterant, ac per hoc correctione legis egebant, et honestum est ut lator legis præ cæteris secundum leges vivat; Christus autem, qui legi sese subdidit, in dictate summe bonus, in humilitate secundum capacitatem creaturæ summe perfectus, nec ad malum poterat declinare, nec secundum virtutum intensionem, quoad seipsum, in gratiae bono proficere. Propter quod regimine nullius legis egebatur, unitum sibi personaliter habens jus divinum, vel legis æternæ, et jus naturale virtutum omnium ultima completione firmatum. Aliter autem Christus moralia legis implevit, consilia perfectionis addendo, et supplendo quæ non exprimebantur in lege, scilicet paupertatis, castitatis, etc. Qualiter autem Christus judicialia temperaverit, et per consequens amplioris charitatis ostensione perfecerit, patet in *Matthæo*<sup>16</sup>, ubi de lege talionis faciens mentionem, tam in

<sup>10</sup> Luc., II, 21. — <sup>11</sup> Ibid., 22. — <sup>12</sup> Aug., *de Civit. Dei*, lib. V, c. XVII. — <sup>13</sup> Corp. jur. can., tit. XXV, q. I, c. x, § IIis ita. — <sup>14</sup> Matth., v, 38, 39.

damno rerum, quam corporum, docet<sup>1</sup> non vinci a malo, sed vincere in bono malum. Cæremonialia et figuralia Christus adimplevit evakuando, et evakuavit adimplendo, quando significati sui veritatem exhibuit, et abscondita produxit in lucem. Propter quod dicit Augustinus<sup>2</sup>: « Verum Dei Verbum, omnia gentis illius promissa, omnes prophetiae, sacerdotia, sacrificia, et cuncta omnino sacramenta sonuerunt. Venit Christus, et adimpta sunt omnia. » Et idem ait<sup>3</sup>: « Hoc sacramentum, hic sacerdos, hoc sacrificium, hic Deus, antequam missus veniret factus ex femina, omnia etc., similitudines hujus fuerunt. » De omnibus his modis legis ad impletionis et consummationis, a Christo factæ, loquitur idem Salvator in *Matthæo*, dicens<sup>4</sup>: « Non veni legem solvere, sed adimplere. » Ibi enim *lex* accipitur pro omnibus quæ in Veteri Testamento contenta sunt, ut Origenes<sup>5</sup> dicit. Verissime ergo fluvius sacræ Scripturæ dicitur procedere de sede Dei. Unde Rabanus: « Hæc, inquit, sola est, quæ vocatur lex Dei. Quæ enim sunt præter illum, opera sunt humanarum adinventionum. » Sic ergo describitur origo Scripturæ sub metaphora rerum eminentissimarum, propter altitudinem dignitatis, cuius est inattingibilis altitudo; propter auctoritatem inviolabilem, ex qua miro modo commendatur efficiens. Secundo transumitur Scripturæ sacræ materia sub metaphora rerum affluentissimarum, propter plenitudinem bonitatis. Est enim ejus inexhaustibilis plenitudo, propter profunditatem imperscrutabillem. Unde et fluvius aquæ vivæ dicitur: *Ostendit*, inquit, *mihi Dominus fluvium*, etc. Licet autem abyssalis profunditas sanctarum Scripturarum nobis inscrutabilis sit, dispensative tamen a Spiritu sancto actum est, ut in fluviis Scripturarum agnus peditet, et elephas natet, secundum Gregorium<sup>6</sup>. Est autem iste fluvius voluptuosissimus, propter

dulcores suavissimarum delectationum; lumenissimus, propter fulgores limpidissimarum speculationum; ignitissimus, propter fervores ardeutissimarum inflammatum; impetuosisimus, propter vigores sublimissimarum elevationum. Et hinc est, quod in Scriptura dicitur « fluvius voluptatis, fluvius veritatis, fluvius charitatis, seu igneus, et fluvius rapidus. » E contra fluvius mundanæ scientiæ est fluvius torridus, exsiccans flumina gratiarum; fluvius turbidus, obfuscans splendores intellectum; fluvius tepidus, tepefaciens amores (*a*) affectuum; fluvius turgidus, tumefaciens expressiones affatuum. Quam mulcebres et quam dulces suavitates hic fluvius effluat, docet Cassiodorus, sic inquiens<sup>7</sup>: « Intuemini, sodales egregii, quam mirabilis, quam dulcis sit sapor divinarum Scripturarum, desiderium ad cœlestia semper erigens, satietas sine fine, esuries gloria bona. Quid enim in illis litteris suavitatis, pariter et utilitatis non invenietis, si intendatis in eis purissimo lumine veritatis? Modo siquidem charitatem Dei, et proximi monet; modo, ut sæculi peritura contemnas, insinuat; modo', ut illam patriam recorderis, in qua es perpetuo mansurus, infundit; patientiam prædicat, spem tribuit, humilitatem proficiam laudat, superbiā semper ruinosam accusat; modo eleemosynas creberrime fieri persuadet. Quot sunt ibi verba, tot præmia. » Hæc Cassiodorus.

Hic est ille fluvius, qui<sup>8</sup> « egrediebatur de loco voluptatis ad irrigandum paradisum » et fidelis animæ, et militantis Ecclesiæ: qui inde « dividitur in quatuor capita, » scilicet rivos historiarum, anagogiarum, allegoriarum, et tropologiarum. Rivi historiarum retrahunt animam a terrestribus; rivi anagogiarum refovent animam in cœlestibus; rivi allegoriarum dirigunt animam in credendis, seu credibilibus; rivi tropologiarum ordinant animam in agendis, seu

Scriptura in  
quatuor  
rivos  
divisa.

<sup>1</sup> Rom., XII, 21. — <sup>2</sup> Aug., *ad Volusian.*, epist. III, al. CXXXVII, n. 13, 16. — <sup>3</sup> Id., *de Trinit.*, lib. IV, c. VII. — <sup>4</sup> Matth., V, 17. — <sup>5</sup> Orig., *in Num.*, c. XVIII,

hom. II. — <sup>6</sup> Greg., *Moral.*, epist. dedic. *ad Leandr.*

— <sup>7</sup> Cassiod., *de Div. Lect.*, c. XVI. — <sup>8</sup> Gen., II, 10.

(*a*) *Leg.* ardore.

agibilibus, ita ut verissime dictum sit per *Ecclesiasticum*<sup>1</sup>: « Benedictio illius, » scilicet sacræ Scripturæ, « quasi fluvius inundabit. » Hæc est mensa æternarum epularum, ubi si quæras, quis cibus? <sup>2</sup> « Panis habens in se omne delectamentum, et omnis saporis suavitatem. » Si quæras, quis potus? <sup>3</sup> « Inebriabuntur ab ubertate domus tuæ, et torrente voluptatis tuæ potabis eos. » Hic est hortus plantationis divinæ<sup>4</sup>: « Rigabo hortum plantationis meæ (a), et inebriabo prati (b) mei fructum. » Propter quod Dionysius, scribens *ad Titum*, dicit<sup>5</sup>: « Scriptura sacra alimentum perfectum est, eorum quæ aluntur indigentiam adimplens, infirmum curans, restorere faciens, et renovans bonum, affectum donans, a tristitia liberans, et lætitiam largiens. » Est etiam fluvius sanctarum Scripturarum tam lumenosus et fulgidus, ut contentivus sit clarissimarum speculationum. Quod admirans Augustinus<sup>6</sup>: « Quam certa, dicit ipse, et quam speciosa omnium rerum scientia, ubi Dei sapientia de ipso suo fonte potatur! » In Scriptura enim vir sapiens<sup>7</sup> « profunda fluviorum perscrutatur (c), et abscondita producit in lucem (d). » Huius scientiæ nullam scientiam aliam esse comparabilem, ostendit Augustinus scribens *ad Volusianum*, dicens<sup>8</sup>: « Tanta est christianarum profunditas Litterarum, ut in eis quotidie proficerem, si eas solas ab incunte pueritiae usque ad decrepitam senectutem, maximo otio, summo studio, meliori ingenio conarer addiscere: non quod ad ea, quæ necessaria sunt saluti, tanta in eis perveniatur difficultate; sed cum quisque ibi fidem tenuerit, sine qua pie recteque non vivitur, tam multa, tamque multiplicibus mysteriorum umbraculis opacata, intelligenda proficiensibus restant, tantaque non solum in verbis, qui-

bus ista dicta sunt, verum etiam in rebus, quæ intelligendæ sunt, latet altitudo sapientiæ, ut annosissimis, acutissimis, et fragrantissimis cupiditate discendi, hoc contingat, quod ejusdem Scripturæ quodam loco habetur<sup>9</sup>: « Cum consummaverit homo, tunc incipiet. » Iste est enim<sup>10</sup> « fons parvus qui crevit in fluvium, et in lucem solemque conversus est, et in aquas plurimas redundavit. » Unde Gregorius, *super Ezechielem*, ait<sup>11</sup>: « Sacra eloquia visioni maris similima narrantur, quia in eis sunt magna volumina sententiarum, et enmuli sensuum. » Nisi enim eam similem mari Propheta cerneret, non diceret<sup>12</sup>: « Repleta est terra scientia Domini, sicut aquæ maris operientes. » Et Augustinus<sup>13</sup>: « Quanto minor est auri, argenti, vestisque copia, quam de Ægypto secum ille populus abstulit, comparatione divitiarum, quas postea in Hierusalem consecutus est, quæ maxime in rege Salomone ostenduntur; tanta fit cuncta scientia, quæ quidem est utilis, collecta de libris gentilium, si divinarum Scripturarum scientiæ comparetur. » Est etiam fluvius sacrarum Scripturarum fluvius ignitissimus, propter fervores ardentissimarum inflammationum: unde et dicitur fluvius charitatis. Hunc fluvium viderat Daniel egredi a facie Domini, cum dicebat<sup>14</sup>: « Fluvius ignis (e) rapidusque egrediebatur a facie ejus, » id est Antiqui dierum. Ilujus fluvii finis est amor divinus: quia<sup>15</sup> « finis præcesspi est charitas, » dicit Apostolus. Unde Augustinus, libro *de Doctrina christiana*<sup>16</sup>: « Non præcipit, inquit, Scriptura, nisi charitatem, nec culpat, nisi cupiditatem. » Ad istum charitatis paradisum nos excitat Damascenus, sic inquiens<sup>17</sup>: « Pulsemus in paradiſo Scripturarum, qui odoriferus est, dulcissimus et speciosissimus; qui intellec-

<sup>1</sup> *Ecli.*, xxxix, 27. — <sup>2</sup> *Sap.*, xvi, 20. — <sup>3</sup> *Psal.* xxv, 9. — <sup>4</sup> *Ecli.*, xxiv, 42. — <sup>5</sup> *Dion.*, epist. ad *Tit.*, paulo post med. — <sup>6</sup> *Aug.*, *de Civ. Dei*, lib. XXII, c. xxix. — <sup>7</sup> *Job*, xxviii, 10. — <sup>8</sup> *Aug.*, *ad Volus.*, epist. III, al. cxxxvii, n. 3. — <sup>9</sup> *Ecli.*, xviii, 6. — <sup>10</sup> *Esth.*, x, 6. — <sup>11</sup> *Greg.*, *in Ezech.*, lib. I, hom. vi, post med. — <sup>12</sup> *Isa.*, xi, 9. — <sup>13</sup> *Aug.*, de

*Doct. Christ.*, lib. II, c. XLII, n. 63. — <sup>14</sup> *Dan.*, vii, 10.

<sup>15</sup> *I Tim.*, 15. — <sup>16</sup> *Aug.*, *de Doct. Christ.*, lib. III, c. x. — <sup>17</sup> *Damasc.*, *de Fid. Orthod.*, lib. IV, c. XVIII.

(a) *Vulg.* *mearum plantationum.* — (b) *Cæt.* *edit. partus.* — (c) *Vulg.* *scrutatus est.* — (d) *Vulg.* *in lucem produxit.* — (e) *Vulg.* *igneus.*

Damnat  
magicas  
scientias

tualium volucrum [antibus amoenissimus, circumsonat aures nostras; qui tangit corda nostra, et mentem nostram contrastatam consolatur, sicut <sup>1</sup> « columba deargentata, eujus posteriora in pallore auri. » Est etiam fluvius impetuosisimus, propter vigores sublimissimarum elevationum. De quo fluvio dicit Job <sup>2</sup>: « Fluvius subvertit fundamen- tum eorum <sup>3</sup>. » « Fluminis impetus, » etc. « <sup>4</sup> Fons hortorum, puteus aquarum viven- tium, quæ fluunt impetu de Libano. » Quam torridi, et quam tepidi, quam turbidi, et quam turgidi sint fluvii arescentes mundanarum scientiarum, liquet ex eo quod Hugo, libro *Didascalicon*, dividit prima divisione scientias in scientias sacras, et scientias ethnicas; scientiam ethnicam (*a*), in scientiam superstitionis et illicitam, et scientiam licitam. Scientiarum superstitionis, quæ sunt magicæ, alia est Pyromantia, alia Hydromantia, alia Aeromantia, alia Geomantia, et id genus reliquæ. Quarum sci- entiarum professores nefandi anathematizati, et excommunicati a jure canonico <sup>5</sup>, et a judice Deo <sup>6</sup>, sunt instrumenta diaboli, de- mergentes et animas suas, et animas proximorum in barathrum infernale; eo quod perquirant auguriis, auspiciis, et profanis sortilegiis ea, quæ contraria sunt et divinis præceptis, et divinis consiliis. Istarum qua- tuor non scientiarum, sed insaniarum, fluvii infernales sunt: Styx, Lethe, Cocytus, Phle- geton. Styx, odium; Lethe, oblivio; Phle- geton, ardens; Cocytus, luctus. Et illæ in- saniæ ducunt in oblivionem divinorum be- neficiorum et præceptorum, in ardore pru- rientium concupiscentiarum, in algores odiorum, et in luctus æternorum suppliciorum. Scientiarum autem ethnicarum licita- rum, alia Logica, alia Physica, alia Ethica, secundum Hieronymum <sup>7</sup>, et secundum Au- gustinum <sup>8</sup> ad Volusianum. Scientia logica,

cum sit scientia de sermone, alia Gramma- tica, alia Dialectica, alia Rhetorica. Illarum duæ absque dubitatione, cum plus sint modi scientiarum, quam scientiæ, fundamenta- liter faciunt ad intelligentiam divinorum. Tertia vero Rhetorica, cum buccis tumenti- bus, plus est inflatrix intellectum <sup>9</sup> quam illuminatrix. Scientia vero Physica, extenso nomine, alia est Metaphysica, alia Mathe- matica, alia Naturalis. Scientia Metaphysica cum consideratione quidditatum nudissima- rum, et abstractissimarum, ac per hoc insi- pidissimarum, nullum saporem dat affectui. Scientia vero Mathematica, cum considera- tionem magnitudinum quæ abstrahunt a ma- teria et a motu, nec sensum devotionis, nec motum bonæ operationis dat affectui. Scien- tia vero Naturalis, quæ motum concernit et materiam, et sua obscuritate obfuscat intel- lectum, et propter dubietatem causarum na- turalium pene in omnibus naturalibus con- tristat affectum. Unde et Aristoteles harum Aristote- scientiarum, vel inventor, vel professor præ- lem quid latuerit. cipius, propter latentiam causæ fluxus et refluxus maris, in profundum maris, ut de eo legimus, se submersit. Scientia vero Ethica, alia est monastica, alia œconomica, alia politica. Et istarum scientiarum unus est finis, scilicet beatitudo creata, plena mi- seriis: quæ quidem beatitudo non est <sup>10</sup> « sta- tus omnium bonorum aggregatione perfec- tus, » sed e contra est motus omnis viri boni consolatione privatus. Contra istorum unum- quemque invehitur Hieremias Propheta <sup>10</sup>: « Et nunc quid tibi, inquit, vis in via Ægypti, ut bibas aquam turbidam? » Unde Augus- tinus, *de Vera Religione* <sup>11</sup>: « Omissis, ait, et repudiatis nugis theatricis, et poeticis, di- vinarum Scripturarum consideratione et tractatione pascamus animum atque poten- mus, vanæ curiositatis fame et siti fessum, et æstuarem, et inanibus phantasmatibus, tanquam pictis epulis, frustra refici satiari- med. — <sup>12</sup> Aug., *ad Volus.*, epist. III, al. cxxxvii, n. 17. — <sup>13</sup> Boet., pros. 2, circa princ. — <sup>14</sup> Jerem., II, 18. — <sup>15</sup> Aug., *de ver. Relig.*, c. LI.

(a) *Cat. edit.* scientia ethnica.

<sup>1</sup> *Psalm. LXVII, 14.* — <sup>2</sup> *Job, XXII, 16.* — <sup>3</sup> *Psalm. XLV, 5.* — <sup>4</sup> *Cant., IV, 15.* — <sup>5</sup> *Vid. Grat., de Sortil., caus. XXVI, q. II, c. 2 et seq.; q. V, per totum; q. VII, c. 13 et seq.* — <sup>6</sup> *Vid. Exod., XX, 18, 19; Levit., XX, 27.* — <sup>7</sup> *Hieron., in Cant., hom. I, paulo ante*

que cupientem. « Transite, inquit<sup>1</sup>, ad me omnes, qui concupiscitis me, et a generatio-nibus meis implemini. » Nulla enim scientia mundana adimplere potest animam, quia in eis docetur tantum veritas creata.<sup>2</sup> « Omnis autem creatura vanitati subjecta est. » Vanum autem est, quod non confert ad plenitudinem continentis. Et hæc de materia Scripturæ sacræ dicta sufficiant.

Comparatur tertio forma sanctarum Scripturarum rebus perspicuissimis, propter certitudinem veritatis; et rebus speciosissimis, propter pulchritudinem claritatis. Est enim sacræ Scripturæ infallibilis certitudo, propter processum inconfutabilem; et incontaminabilis pulchritudo, propter lucem inobfuscabilem. Et hoc notatur, cum dicitur: *Splendidum tanquam crystallum.* Dicitur autem forma, quæ est modus agendi, forma crystallina, quia, secundum Isidorum<sup>3</sup>, crystal-lus opposita solis radiis adeo rapit flamمام, ut aridis fungis vel foliis ignem præbeat; et stylus Spiritus sancti in traditione Scripturarum succedit corda torpentina, vel tepentia. Virtus etiam crystalli est contra sitim et ardorem; et stylus Scripturarum refocillat corda ardentia. Crystallus insuper trita, et melle potata, lacte replet ubera; et stylus Spiritus sancti, melle devotionis imbibitus, lacte gratiæ replet mentis ubera, id est intellectum et affectum. Per puritatem autem et pervietatem crystallinam congrue transsumit forma Scripturarum, quia sicut illa omnem impuritatem excludit, ita forma sa-cræ Scripturæ omnes reprehensiones elidit, et ipsos reprehensores refellit. Solent autem in Scripturam sacram quatuor genera defectuum homines infelices impingere, scilicet injustitiæ, insipientiæ, inhonestatis, et superfluitatis.

De primo errore fuerunt quidam profes-sores veteris testamenti, secundum quod in *Ezechiele* scriptum est<sup>4</sup>: « Patres comedete

<sup>1</sup> *Eccli.*, xxiv, 26. — <sup>2</sup> *Rom.*, viii, 20. — <sup>3</sup> *Isid.*, *Etymol.*, lib. X, c. XIII. — <sup>4</sup> *Ezech.*, xviii, 2, 25. — <sup>5</sup> *Exod.*, xx, 5. — <sup>6</sup> *Damasc.*, *de Hæres.* — <sup>7</sup> *Aug.*, *cont. Faust.*, lib. XIV, per totum; *cont. Advers. Leg.*

runt uvam acerbam, et dentes filiorum ob-stupescunt. Et (a): Non est æqua via Domini. » Hujus erroris ex lege divina sumebatur occasio, Deo dicente in *Exodo*<sup>8</sup>: « Ego sum Dominus Deus tuus, fortis, et zelotes, visitans iniquitatem patrum in filios, usque in tertiam, et quartam generationem. » Propter hæc et similia quidam legem Mosaicam opinantur injustam, et a Deo bono et justo minime datam fuisse mentiuntur, ut Marcionistæ et Cerdoniani, secundum quod recitat Damascenus<sup>9</sup>. Hunc errorem diffuse pertractat Augustinus<sup>10</sup>, *contra Faustum*, et *contra Adversarium Legis et Prophetarum*. Legis autem justitia, tam in Novo, quam in Veteri Testamento commendatur. In *Ecclesiastico* quippe scriptum est<sup>11</sup>: « Legem mandavit Moyses in præceptis justiarum. » Et in libro *Sapientie* nominatur<sup>12</sup> *lex justitiae*. De ipsa etiam dicit Apostolus<sup>13</sup>: « Itaque lex quidem sancta, et mandatum sanctum, et justum, et bonum. » Legis etiam divinæ justitia velut a populi ore probatur per humanarum rerum justitiam, quæ a divina lege derivatur, secundum quod aperte docet Origenes<sup>14</sup>. Adducitur etiam ad hoc idem pro signo, quod nonnullæ leges Veteris Testamenti tanguntur in jure civili, cum tamen leges Romanorum cœperint a Numa Pompilio, qui successerat Romulo, secundum Isidorum<sup>15</sup>. Hic Romulus mille fere annos fuisse probatur posterior Moyse, ut dicit idem Isidorus. Concordat autem isti sententiæ, quod veterum legum, in quibus multa legi Dei fuere contraria, jam nullus usus est a tempore Constantini imperatoris christiani, novis incipientibus, et postea per Theodosium, imperatorem etiam christianissimum, ad ordinem convenientem redactis, secundum quod docet Isidorus<sup>16</sup>. Hæc ergo omnimoda signa sunt, quod jus civile secundum legem divinam regulatur et ordi-

*et Proph.*, per totum. — <sup>8</sup> *Eccli.*, xxiv, 33. — <sup>9</sup> *Sap.*, II, 11. — <sup>10</sup> *Rom.*, vii, 12. — <sup>11</sup> *Orig.*, in lib. *Num.*, c. XXVII. — <sup>12</sup> *Isid.*, lib. V, c. 1 et xxix. — <sup>13</sup> *Ibid.*, c. I.

(a) *Suppl.* dixerunt, vel dixistis, ut in *Vulg.*

## PRINCIPIUM SACRÆ SCRIPTURÆ.

tualium volucrum [cantibus] amoenissimus, circumsonat aures nostras; qui tangit corda nostra, et mentem nostram contrastatam consolatur, sicut<sup>1</sup> « columba deargentata, cuius posteriora in pallore auri. » Est etiam fluvius impetuosisssimus, propter vigores sublimissimarum elevationum. De quo fluvio dicit *Job*<sup>2</sup>: « Fluvius subvertit fundamen-tum eorum<sup>3</sup>. » « Fluminis impetus, » etc. «<sup>4</sup> Fons hortorum, puteus aquarum viventium, quæ fluunt impetu de Libano. » Quam torridi, et quam tepidi, quam turbidi, et quam turgidi sint fluvii arescentes mundanarum scientiarum, liquet ex eo quod Hugo, libro *Didascalicon*, dividit prima divisione scientias in scientias sacras, et scientias ethnicaes; scientiam ethnicam (*a*), in scientiam superstitionis et illicitam, et scientiam licitam. Scientiarum superstitionis, quæ sunt magicæ, alia est Pyromantia, alia Hydromantia, alia Aeromantia, alia Geomantia, et id genus reliquæ. Quarum scientiarum professores nefandi anathematizati, et excommunicati a jure canonico<sup>5</sup>, et a judice Deo<sup>6</sup>, sunt instrumenta diaboli, demergentes et animas suas, et animas proximorum in barathrum infernale; eo quod perquirant auguriis, auspiciis, et profanis sortilegiis ea, quæ contraria sunt et divinis præceptis, et divinis consiliis. Istarum quatuor non scientiarum, sed insaniarum, fluvii infernales sunt: Styx, Lethe, Cocytus, Phlegeton. Styx, odium; Lethe, oblio; Phlegeton, ardens; Cocytus, luctus. Et illæ insaniae ducunt in oblivionem divinorum beneficiorum et præceptorum, in ardores prurientium concupiscentiarum, in algores odiorum, et in luctus æternorum suppliciorum. Scientiarum autem ethnicarum licitam, alia Logica, alia Physica, alia Ethica, secundum Hieronymum<sup>7</sup>, et secundum Augustinum<sup>8</sup> ad Volusianum. Scientia logica,

cum sit scientia de sermone, alia Grammatica, alia Dialectica, alia Rhetorica. Harum duæ absque dubitatione, cum plus sint modi scientiarum, quam scientiæ, fundamentali-ter faciunt ad intelligentiam divinorum. Tertia vero Rhetorica, cum buccis tumentibus, plus est inflatrix intellectum [quam illuminatrix. Scientia vero Physica, extenso nomine, alia est Metaphysica, alia Mathematica, alia Naturalis. Scientia Metaphysica cum consideratione quidditatum nudissimarum, et abstractissimarum, ac per hoc insipidissimarum, nullum saporem dat affectui. Scientia vero Mathematica, cum consideratione magnitudinum quæ abstrahunt a materia et a motu, nec sensum devotionis, nec motum bonæ operationis dat affectui. Scientia vero Naturalis, quæ motum concernit et materiam, et sua obscuritate obfuscat intellectum, et propter dubietatem causarum naturalium pene in omnibus naturalibus contrastat affectum. Unde et Aristoteles harum Aristote- scientiarum, vel inventor, vel professor præ- lem quid latuerit. cipius, propter latentiam causæ fluxus et refluxus maris, in profundum maris, ut de eo legimus, se submersit. Scientia vero Ethica, alia est monastica, alia oeconomica, alia politica. Et istarum scientiarum unus est finis, scilicet beatitudo creata, plena miseriis: quæ quidem beatitudo non est<sup>9</sup> « status omnium bonorum aggregatione perfectus, » sed e contra est motus omnis viri boni consolatione privatus. Contra istorum unumquemque invehitur Hieremias Propheta<sup>10</sup>: «Et nunc quid tibi, inquit, vis in via Ægypti, ut bibas aquam turbidam? » Unde Augustinus, de Vera Religione<sup>11</sup>: « Omissis, ait, et repudiatis nugis theatricis, et poeticis, divinarum Scripturarum consideratione et tractatione pascamus animum atque potemus, vanæ curiositatis fame et siti fessum, et aestuantem, et inanibus phantasmatibus, tanquam pictis epulis, frustra refici satiari-med. —<sup>8</sup> Aug., ad Volus., epist. III, al. cxxxvii, n. 17. —<sup>9</sup> Boet., pros. 2, circa princ. —<sup>10</sup> Jerem., II, 18. —<sup>11</sup> Aug., de ver. Relig., c. LI.

(a) Cœt. edit. scientia ethnica.

<sup>1</sup> *Psal.* LXVII, 14. — <sup>2</sup> *Job*, XXII, 16. — <sup>3</sup> *Psal.* XLV, 5. — <sup>4</sup> *Cant.*, IV, 15. — <sup>5</sup> *Vid. Grat.*, *de Sortil.*, caus. XXVI, q. II, c. 2 et seq.; q. V, per totum; q. VII, c. 13 et seq. 2, 3; XXVI, q. I, 5. — <sup>6</sup> *Vid. Exod.*, XX, 18, 19; *Levit.*, XX, 27. — <sup>7</sup> Hieron., in *Cant.*, hom. I, paulo ante

que cupientem. « Transite, inquit<sup>1</sup>, ad me omnes, qui concupiscitis me, et a generatio-nibus meis implemini. » Nulla enim scientia mundana adimplere potest animam, quia in eis docetur tantum veritas creata.<sup>2</sup> « Omnis autem creatura vanitati subjecta est. » Vanum autem est, quod non confert ad plenitudinem continentis. Et hæc de materia Scripturæ sacræ dicta sufficiant.

Comparatur tertio forma sanctorum Scripturarum rebus perspicuissimis, propter certitudinem veritatis; et rebus speciosissimis, propter pulchritudinem claritatis. Est enim sacræ Scripturæ infallibilis certitudo, propter processum inconfutabilem; et incontaminabilis pulchritudo, propter lucem inobfuscabilem. Et hoc notatur, cum dicitur: *Splendidum tanquam crystallum.* Dicitur autem forma, quæ est modus agendi, forma crystallina, quia, secundum Isidorum<sup>3</sup>, crystallus opposita solis radiis adeo rapit flammam, ut aridis fungis vel foliis ignem præbeat; et stylus Spiritus sancti in traditione Scripturarum succedit corda torpentia, vel tepentia. Virtus etiam crystalli est contra sitim et ardorem; et stylus Scripturarum refocillat corda ardentina. Crystallus insuper trita, et melle potata, lacte replet ubera; et stylus Spiritus sancti, melle devotionis imbribitus, lacte gratiæ replet mentis ubera, id est intellectum et affectum. Per puritatem autem et pervietatem crystallinam congrue transsumitur forma Scripturarum, quia sicut illa omnem impuritatem excludit, ita forma sacræ Scripturæ omnes reprehensiones elidit, et ipsos reprehensores refellit. Solent autem in Scripturam sacram quatuor genera defectuum homines infelices impingere, scilicet injustiæ, insipientiæ, in honestatis, et superfluitatis.

De primo errore fuerunt quidam professores veteris testamenti, secundum quod in *Ezechiele* scriptum est<sup>4</sup>: « Patres comedete

<sup>1</sup> *Eccli.*, xxiv, 26. — <sup>2</sup> *Rom.*, viii, 20. — <sup>3</sup> *Isid.*, *Etymol.*, lib. X, c. xiii. — <sup>4</sup> *Ezech.*, xviii, 2, 25. — <sup>5</sup> *Exod.*, xx, 5. — <sup>6</sup> *Damasc.*, *de Hæres.* — <sup>7</sup> *Aug.*, *cont. Faust.*, lib. XIV, per totum; *cont. Advers. Leg.*

runt uvam acerbam, et dentes filiorum obstatupescunt. Et (a): Non est æqua via Domini. » Hujus erroris ex lege divina sumebatur occasio, Deo dicente in *Exodo*<sup>5</sup>: « Ego sum Dominus Deus tuus, fortis, et zelotes, visitans iniuriam patrum in filios, usque in tertiam, et quartam generationem. » Propter hæc et similia quidam legem Mosaicam oportantur injustam, et a Deo bono et justo minime datam fuisse mentiuntur, ut Marcionistæ et Cerdoniani, secundum quod recitat Damascenus<sup>6</sup>. Ilunc errorem diffuse pertractat Augustinus<sup>7</sup>, *contra Faustum*, et *contra Adversarium Legis et Prophetarum*. Legis autem justitia, tam in Novo, quam in Veteri Testamento commendatur. In *Ecclesiastico* quippe scriptum est<sup>8</sup>: « Legem mandavit Moyses in præceptis justitiarum. » Et in libro *Sapientie* nominatur<sup>9</sup> *lex justitiae*. De ipsa etiam dicit Apostolus<sup>10</sup>: « Itaque lex quidem sancta, et mandatum sanctum, et justum, et bonum. » Legis etiam divinæ justitia velut a populi ore probatur per humanarum rerum justitiam, quæ a divina lege derivatur, secundum quod aperte docet Origenes<sup>11</sup>. Adducitur etiam ad hoc idem pro signo, quod nonnullæ leges Veteris Testamenti tanguntur in jure civili, cum tamen leges Romanorum cœperint a Numa Pompilio, qui successerat Romulo, secundum Isidorum<sup>12</sup>. Hic Romulus mille fere annos fuisse probatur posterior Moyse, ut dicit idem Isidorus. Concordat autem isti sententiae, quod veterum legum, in quibus multa legi Dei fuere contraria, jam nullus usus est a tempore Constantini imperatoris christiani, novis incipientibus, et postea per Theodosium, imperatorem etiam christianissimum, ad ordinem convenientem redactis, secundum quod docet Isidorus<sup>13</sup>. Haec ergo omnimoda signa sunt, quod jus civile secundum legem divinam regulatur et ordi-

*et Proph.*, per totum. — <sup>8</sup> *Eccli.*, xxiv, 33. — <sup>9</sup> *Sap.*, II, 11. — <sup>10</sup> *Rom.*, vii, 12. — <sup>11</sup> *Orig.*, *in lib. Num.*, c. xxvii. — <sup>12</sup> *Isid.*, lib. V, c. 1 et xxix. — <sup>13</sup> *Ibid.*, c. I.

(a) *Suppl.* dixerunt, vel dixistis, ut in *Vulg.*

natur, quamvis adhuc aliqua reperiantur in eo, quæ a jure divino discordent, sicut de usuris, et concubinis, et quibusdam aliis paucis, secundum quod patet in Canone: quæ omnino vel abrogata sunt, vel abroganda; quia lex<sup>1</sup> quæ obviat sacrae Scripturæ et decretis Papæ, et moribus bonis, nullius debet esse momenti.

Alii sunt, qui insipientiam in sacram Scripturam impingunt, secundum quod insinuat Apostolus<sup>2</sup>: « Judæi signa petunt, et Graeci sapientiam quærunt. » Impingunt autem insipientiam *rei, verbi, et modi*.

*Rei*, quoniam de rebus humilibus videtur agere, utpote<sup>3</sup> de jugulatione pecorum, de lepra domorum vel vestium, de contextione genealogiarum, et quibusdam aliis, quæ parum aut nihil ad sapientiam animi vel beatitudinem conferre videntur, cum tam ars, quam virtus, consistant circa arduum et difficile. Talem se fuisse confitetur Augustinus ante suam plenam conversionem ad CHRISTUM, dicens<sup>4</sup>: « Itaque institui animum intendere in Scripturas sacras, ut viderem quales essent. Et ecce video rem non compertam superbis, neque nudatam pueris, sed incessu humilem, successu excelsam, et velatam mysteriis. Et non eram ego talis, ut intrare possem in eam, aut cervicem inclinare ad ejus gressus. Non enim, sicut modo loquor, ita sensi, cum attendi ad illam scripturam. Sed visa est mihi indigna, quam dignitatim Tullianæ compararem: tumor enim meus refugiebat modum illius, et acies mea non penetrabat interiora ejus. Verumtamen illa erat, quæ cresceret cum parvulis; sed ego dedignabar esse parvulus. »

Simplicitatis et insipientiæ *verbi* lex divina frequenter arguitur, sed ab illis, qui post quarumdam litterarum sacerdotalium verbosam potius, quam fructuosam eloquentiam, ad sacram Scripturam recenter accedunt, secundum quod de seipso beatus Hier-

onymus scribit ad Eustochium dicens<sup>5</sup>: « Itaque miser ego, lecturus Tullium, jejunabam; et post noctium crebras vigilias, post lacrymas, quas mihi præteriorum recordatio peccatorum ex imis visceribus eruebat, Plautus sumebatur in manus. Si quando, in memet ipsum conversus, Prophetas legere cœpisset, sermo horrebat incultus; et quia lumen cœcis oculis non videbam, non oculorum putabam culpam esse, sed solis. »

*Modum* autem tractandi, quo sacra Scriptura contextitur, reprehendunt indocti, secundum Rabanum. Procedit enim narrando, præcipiendo, prohibendo, comminando, promittendo: qui modus potius ad legem pertinet, quam ad artem, quæ procedit per modum quæstionis, responsionis, oppositionis, solutionis, nunc diffiniens, nunc dividens, nunc arguens, nunc concludens.

Erroris primi et tertii destructio est, quia Scriptura sacra est de Deo, tanquam de subiecto nobilissimo et arduissimo, unde *Theologia* dicitur. Destruitur etiam per hoc, quod omne genus veritatis et sapientiae in Scriptura sacra reperire contingit, secundum Augustinum; ait enim sic<sup>6</sup>: « Quidquid homo extra sacram Scripturam didicerit, si noxiū est, ibi damnatur; si utile est, ibi invenitur. Et cum ibi quis invenerit omnia, quæ utiliter alibi didicerit, multa abundantius ibi inveniet ea, quæ nusquam omnino alibi, sed illarum tantummodo Scripturarum mirabilī altitudine, et mirabili humilitate discuntur. » Idem etiam ait<sup>7</sup>, quod in ipsa omnis philosophia reperitur, Logica, Physica, Ethica. Isidorus etiam de libris exemplificat, in quibus specialiter prædicta tractantur, dicens<sup>8</sup>: « In his tribus generibus Philosophiæ Logicæ, Physicæ, Ethicæ, etiam eloquia divina consistunt. Nam aut de natura disputationi solet, ut in *Genesi* et *Ecclesiaste*; aut quantum ad rerum naturalium generationem et corruptionem, et alterationem; aut

<sup>1</sup> Grat., dist. x, c. *Lege imperatorum*; dist. xii, c. *Non licet*. — <sup>2</sup> Cor., i, 22. — <sup>3</sup> Vid. *Levit.*, c. v et xiv. — <sup>4</sup> Aug., *Conf.*, lib. III, c. v. — <sup>5</sup> Hieron.,

*ad Eustoch.*, de *eust. virg.*, epist. xxii. — <sup>6</sup> Aug., *de Doct. Christ.*, lib. II, c. xlvi. — <sup>7</sup> Id., epist. III, al. cxxxvii, n. 47. — <sup>8</sup> Isid., *Elymoli*, lib. II, c. xxiv.

de moribus, ut in *Proverbiis*, et in omnibus sapientialibus libris; aut de Logica, pro quā nostri theologiam sibi vendicant, ut in *Canticis*, et *Evangeliiis*.» Cassiodorus, *super Psalmos*<sup>1</sup>, d veritates in speciali descendit, ostendens ex quibus locis Scripturarum sacrarum philosophi veritates libris suis insertas acceperunt, nunc de *Topicis* Aristotelis, nunc de *Geometria* Euclidis, nunc de aliis philosophis faciens mentionem. Unde libro de *Sacræ Scripturæ institutione*, sic dicit: « Constat quidem in origine spiritalis sapientiæ, scilicet Scripturæ sacræ, aut disciplinæ, aut artium liberalium initia, seu indicia, fuisse seminata, quæ postea doctores sacerdotalium litterarum ad suas litteras prudenterunt. Quod apto loco in expositione Psalterii fortasse probabimus.» Recte ergo dicitur in *Ecclesiastico*<sup>2</sup>: « In omni sapientia dispositio legis.» Et non immrito, quia<sup>3</sup> « in dispositione angelorum » data est. De libro *Job* sic dicit Hieronymus<sup>4</sup>, quod hic liber omnes leges dialecticæ, propositione, assumptione, confirmatione, conclusione determinat. Cujus verbi Cassiodorus, ubi prius, faciens mentionem, sic ait<sup>5</sup>: « Si ita est, imo, quia aliter esse non potest, quod tanti viri probat auctoritas, ubi sunt, qui dicunt artem dialecticam a Scripturis sanctissimis non cœpisse?» Contra istos loquitur Basilius<sup>6</sup>: « Nullus argumentationem illorum, qui de celo disputant, disputationi spiritualium velit conferre sermonum. Quantum enim caste viventium mulierum pulchritudo meretriciæ formositati præponitur, tantum noster sermo dignoscitur prælatus esse illorum doctrinæ.» Unde in libro *Sapientiae* dicitur<sup>7</sup>: « Candor est lucis aeternæ, » etc.

Contra secundos Scripturarum arguentes de simplicitate dicendi, et defectu eloquentiæ, loquitur Augustinus<sup>8</sup>: « Ubi litterarum sacrarum auctores intelligo, non solum

nihil eis sapientius, verum etiam nihil eloquentius mihi videri potest. Et audeo dicere, omnes qui recte intelligent quod illi loquuntur, simul intelligere non aliter eos loqui debuisse. Sicut enim est quædam eloquentia, quæ magis ætatem juvenilem decet, est quæ senilem, nec jam dicenda est eloquentia, si personæ non congruat eloquentis; ita est quædam, quæ viros summa auctoritate dignissimos, planeque divinos decet. Ille illi locuti sunt, nec ipsos decet alia, nec alias ipsa.» Et paulo infra: « Possem quidem, si vacaret, omnes virtutes et ornamenta eloquentiæ, de quibus inflantur isti, qui linguam suam auctorum nostrorum linguae non magnitudine, sed tumore præponunt, in litteris divinis ostendere.»

Tertium genus maculæ, quod in sacram Scripturam impingunt, est inhonestas, secundum quod patet per Augustinum. Dicebat enim Faustus<sup>9</sup>, quod Hebræorum scriptores tanquam lepram aut scabiem, abominanda et turpissima præcepta scilicet, verbis Dei commisebant in lege. Et est erroris hujus occasio, quod tam de corporalibus immunditiis, quam spiritualibus, mentio fit in lege divina. Hunc errorem tangit Radulphus, nobilis expositor super *Leviticum*, ubi de prædictis immunditiis diffuse tractatur, sic inquiens<sup>10</sup>: « Multi, cum in Scripturis talia reperiunt, abominantur, avertunt auditum; et pene, si audiant, legem divinam, quod in ea talia scripta sint, reprehendere nituntur.» Contra quos idem alibi invehitur<sup>11</sup>: « Nos temeraria præsumptione arguimus lucem, quæ nos ipsos nobis ostendit; arguimus verbum Dei, quod sine suo vitio vitia nostra reprehendit. Quid agis, humana superbia? Tantæ sunt sordes tuæ, in has faeces devoluta es, ut sermo Dei, qui curam tui suscepit, non aliter tibi subvenire posset, nisi in stercora tua quodammodo manus mitteret, et ut tibi sordes detrahatur, si dici fas est,

<sup>1</sup> Cassiod., in *Psal. xcvi* et *cxliv*. — <sup>2</sup> Eccli., xix, 18. — <sup>3</sup> Act., vii, 53. — <sup>4</sup> Hieron., ad *Paulin.*, epist. ciii. — <sup>5</sup> Cassiod., de *Div. Lect.*, c. vi. — <sup>6</sup> Basil., in *Hexam.*, hom. iii, post med. — <sup>7</sup> Sap., vii, 16. —

<sup>8</sup> Aug., de *Doct. Christ.*, lib. IV, c. vi. — <sup>9</sup> Id., cont. *Faust.*, lib. XXII, c. vi. — <sup>10</sup> Rad. Flav., in *Levit.*, lib. XIII, c. iv. — <sup>11</sup> Ibid., lib. XIV, c. vi.

ipse contraheret. Sicut tamen radius solis incontaminatus cloacas penetrat : sic stylus Spiritus sancti <sup>1</sup> attingit ubique propter sui munditiam, et nihil inquinatum incurrit in illum. » Et subdit : « Scriptura sacra quasi tibi potio temperata est. Si ejus amaritudo palatum tuum contrastat, quid accusas medicū? » Et paulo post : « Deus enim magnus medicus, magnum suscepit ægrotum, universum genushumanum. Huic languido, quia diversi sunt mores, variae ægritudines, varias etiam in verbo suo temperavit confectiones. Quod non prodest tibi, prodest alteri. Neque enim tuum tantummodo in Scriptura sacra agitur negotium. Omnia est ibi salus reposita. Si igitur sentis te tales non esse qualem Scriptura describit, gratias age Deo, qui a talibus te servavit. Aliis tamen adhuc languentibus, ne velis subtrahi medicinam. Omnia ergo, quæ in volumine legis invenis, comedē, secundum quod in *Ezechiele*<sup>2</sup> scriptum est. Nil ducas spernendum, nil æstimes abjiciendum : ex hoc enim, quod sacra Scriptura detestando narrat enormia, non solum non vituperari, verum etiam extolli meretur, secundum Augustinum<sup>3</sup>, qui de speculo, et luce idem ponit ad exemplum, sic dicens : « Peccatum Lot, cui perhibitum est, antequam peccaret, justitiae testimonium, non modo non decolorat divinitatem Dei, vel Scripturæ illius veritatem ; verum etiam laudandum diligendumque commendat, quod tanquam speculi fidelis nitor admotarum sibi personarum, non solum quæ pulchra atque integra, sed etiam quæ deformia sint atque vitiosa, indicat. » Et mox : « Numquid eujusquam membra distorta depravant lucem, quæ cuncta demonstrat ? Sic nec eujuspiam malefacta malam Scripturam faciunt, qua prodente, legentibus innotescunt. Verumtamen non semper, cum turpium facit mentionem, verbis utitur manifeste turpibus ; sed juxta periphrasim loqui consuevit, quæ figura circuitu

et circumlocutione verborum fœditatem evitat, secundum Isidorum<sup>4</sup>. » Unde et Rabanus sic ait : « Loquela hebræa vocata fuit loquela sanctitatis ; illud autem non putas quod fuerit propter electionem nostram, sed recte vocatum fuit hoc linguagium. In ipso namque non invenies nomen unum proprium fornicationis, nec invenies nomen impositum alicui membro, quod turpe est nominare : sed loquitur de eis per verba transumpta, et accommodata. » Merito ergo vocatur *lex disciplinæ* in *Ecclesiasticos*<sup>5</sup>; ac *sanctissima et gravissima* in *Machabæis*<sup>6</sup>.

Tertius error circa modum procedendi destruitur a Cassiodoro, *super Psalmos*, in principio<sup>7</sup> : « Scriptura multis modis genera suæ locutionis exercet, definitionibus succincta, schematibus decora, verborum proprietate signata, syllogismorum complexionibus expedita, disciplinis irutilans. » Hæc proprie re lucent in Scriptura et ab aliis sanctis usurpantur, ut cunctis appareat prius ad exprimendam veritatem justis mentibus datum, quod postea gentiles humanæ sapientiae aptandum putaverunt. Unde Isidorus dicit<sup>8</sup>, quod Apostolus sæpe proponit, assument, confirmat, atque concludit. Sed, præter illum modum tractandi scientiam, habet Scriptura modum sibi proprium, quem beatus Gregorius eleganter describit, sic inquiens<sup>9</sup> : « Quamvis omnem scientiam atque doctrinam Scriptura sacra absque ulla comparatione transcendat, ut taceam quod vera prædicat, quod ad cœlestem patriam vocat, quod a terrenis desideriis ad superna amplectenda cor legentis immutat, quod dictis obscurioribus exercet fortes, et parvulis humili sermone blanditur ; quod nec sic clausa, ut pavesci debeat, nec sic aperta, ut vilescat ; quod usu fastidium tollit, quod legentis animum humilibus verbis adjuvat, sublimibus sensibus levat ; quod aliquo modo cum legentibus crescit, quod a rudibus lec-

<sup>1</sup> *Sap.*, VII, 24. — <sup>2</sup> *Ezech.*, III, 1-3. — <sup>3</sup> *Aug.*, cont. *Faust.*, lib. II, c. LX, LXI. — <sup>4</sup> *Isid.*, *de Etymol.*,

lib. I, c. XX, *de Tropis*. — <sup>5</sup> *Eccli.*, XLV, 6. — <sup>6</sup> *II Mach.*, VI, 28. — <sup>7</sup> *Cassiod.*, *in Psal.* XV, init. — <sup>8</sup> *Isid.*, *Etymol.*, lib. II, c. IX. — <sup>9</sup> *Greg.*, *Moral.*, lib. XX, c. I.

toribus semper quasi vetus recognoscitur, et tamen doctis semper nova reperitur. Ut ergo de rerum pondere taceam, scientias tamen omnes atque doctrinas, ipso etiam locutionis suæ more transcendit, quia uno eodemque sermone, dum narrat textum, prodit mysterium, et sic scit præterita dicere, ut eo ipso noverit futura prædicare. » Propterea dicit Augustinus<sup>1</sup>, « quod sacra Scriptura sic loquitur, ut altitudine sua superbos irrideat, profunditate attentos terreat, veritate magnos paseat, affabilitate parvulos nutriat. »

Quartus defectus, quem errantes in Scripturam solent impingere, est superfluitas. Dicunt enim, quod genealogias superfluas texit, et historias productas ponit, et multa inutiliter repetit. Hunc errorem tangit et reprobat Rabanus, dicens<sup>2</sup>: « Verba quædam de arcanis legis sunt, in quibus erraverunt multi. Hæc autem sunt historiæ, et narrationes, quæ repetuntur in lege, et rememoratio generationum filiorum Noe. » Et subjungit in fine capituli: « Sed scito, cujuscumque rei rationem non advertis in lege, res illa causam habet fortem, secundum quod dixerunt sapientes: Non est aliquid frustra in nobis, id est in sapientia tradita nobis; quod si frustra est, ex nobis est; id est, ex defectu scientiæ nostræ. Nam injustis sacra Scriptura videtur injusta, insipientibus stulta, obscoenæ immunda, vanis superflua. Sic e contra', sapientibus videtur omnis sapientiæ contentiva. » Propter quod Gregorius<sup>3</sup> comparat eam mannae. Quod vero aliena sit a Scriptura superfluitas omnis, manifestum est testimonio Salvatoris, cum dicit<sup>4</sup>: « Amen quippe dico vobis, iota unum, aut unus apex non præteribit a lege, donec omnia fiant, etc. » Non solum ergo minima littera, iota superfluit; sed nee littera minor, apex, qui litterarum ambiguitatem distinguit: quanto magis nulla Scripturæ sacræ syllaba, vel dictio, vel sententia superfluere potest! Propter quod de libris illis, qui

<sup>1</sup> Aug., *de Gen. ad litt.*, lib. V, c. III. — <sup>2</sup> Raban., *in Gen.*, c. CLXXI, CLXXXI. — <sup>3</sup> Greg., *Moral.*, lib. VI,

maxime videntur narrare superflua, dicit Hieronymus<sup>5</sup>: « In *Levitico* singula sacrificia, imo singulæ syllabæ, et vestes Aaron, et totus ordo leviticus spirant cœlestia sacramenta. *Numeri* vero nonne totius Arithmetice mysteria continent? Liber *Paralipomenon* tantus est, quod sine eo scientiam Scripturarum si quis voluerit sibi arrogare, seipsum irrideat. Per singula quoque nomina, juncturasque verborum, et prætermissæ in libris *Regum* narrantur historiæ, et innumerabiles explicantur Evangelii quæstiones. » Unde Cassiodorus<sup>6</sup>: « In Scripturis sanctis nimetas non arguitur, sed magis importunitas crebra laudatur: et merito, quia quanto notitia rerum salutarium plus discitur, tanto amplius credentibus atque operantibus æterna vita præstatur; præterita sine falsitate describuntur; præsentia, priusquam (a) videantur, ostenduntur; futura, quasi perfecta, narrantur. Ubique in eis veritas regnat, ubique divina virtus irradiat, ubique panduntur humano generi profutura. »

Comparatur ergo Scripturarum sacrarum origo rebus eminentissimis, propter altitudinem dignitatis. Est enim ejus inattingibilis altitudo, propter auctoritatem inviolabilem. Comparatur Scripturarum sacrarum materia rebus affluentissimis, propter plenitudinem bonitatis. Est enim ejus inexhaustibilis plenitudo, propter profunditatem imperscrutabilem. Comparatur Scripturarum sacrarum forma, sive modus agendi, rebus perspicuissimis, propter certitudinem veritatis. Est enim ejus infallibilis certitudo, propter processum inconfutabilem. Comparatur Scripturarum sacrarum forma, quæ est modus loquendi, rebus speciosissimis, propter pulchritudinem honestatis. Est enim ejus incontaminabilis pulchritudo, propter charitatem inobfuscabilem. Comparatur Scripturarum sacrarum finis rebus efficacis-

c. IX. — <sup>4</sup> Matth., v, 18. — <sup>5</sup> Hieron., *ad Paulin.*, epist. cliii. — <sup>6</sup> Cassiod., *de Div. Lect.*, c. XVI.

(a) *Cat. edit.* plusquam.

simis, propter magnitudinem virtutis. Est enim ejus impreiabilis valetudo, propter fructum inæstimabilem<sup>1</sup>: *Et ex utraque parte fluminis lignum vitæ*, etc. Comparatur Scripturarum sacrarum finis extrinsecus rebus communissimis, propter amplitudinem charitatis. Est enim communissima habitudo, propter communicationem intermitibilem. Notatur autem mirabilis utilitas, tam in fructu ligni vitæ, quam etiam in numero fructuum. Lignum illud, ex utraque fluminis parte plantatum, CHRISTUS est, qui est finis novi et Veteris Testamenti; quia<sup>2</sup> « finis legis CHRISTUS est ad justitiam omni credenti. » Lignum vitæ legitur<sup>3</sup> « plantatum in medio paradisi, » in principio Canonis.

CHRISTUS autem fuit medium septiforme: medium essentiæ, quod est de consideratione Metaphysici; medium naturæ, quod est de consideratione Physici; medium distantiae, quod est de consideratione Mathematici; medium doctrinæ, quod est de consideratione Dialectici; medium modestiæ, quod est de consideratione Ethici; medium justitiæ, quod est de consideratione Politici; medium concordiæ, quod est de consideratione Theologi. Medium essentiæ est CHRISTUS origine primarium; medium naturæ, virtuali connexione pervalidum; medium distantiae, centrali infinitate profundum; medium doctrinæ, rationabili manifestatione clarissimum; medium modestiæ, discreta electione præcipuum; medium justitiæ, judiciali se veritate præcelsum; medium concordiæ, perfecta conciliatione pacatum.

Primum medium essentiæ est Christus æterna generatione; medium naturæ, in incarnatione; medium distantiae, in passione; medium doctrinæ, in resurrectione; medium modestiæ, in ascensione; medium justitiæ, in judicij examine; medium concordiæ, in sempiterna beatitudine. De isto ligno benedicto, Domino IESU CHRISTO, est tota Scriptura sub ratione medii septiformis.

Nam de Deo, seu Verbo incarnando, est Vetus Testamentum; de Deo incarnato, totum Novum Testamentum: ita quod in Veteri Testamento Verbum DEI erat medium naturalium uniendarum, scilicet divinæ et humanæ; in Novo, est medium naturalium jam unitarum. Sed quoniam in unoquoque<sup>4</sup> « prius quod carnale est, deinde quod spirituale; » ideo Vetus Testamentum præmittitur. Verbum DEI in Veteri Testamento humanandum præfigurabatur, præmonstrabatur, promittebatur, prædocebatur, et prophetabatur. Præsagiebatur figuris, præmonstrabatur exemplis, promittebatur patribus, prædocebatur sapientialibus documentis, prophetabatur oraculis. Idecirco Vetus Testamentum quadripartitum est, in libros legales, historiales vel exemplares, prophetales, sapientiales<sup>5</sup>. Præfigurabatur autem Verbum DEI incarnandum, seu humanandum in legalibus figuris remotis, remotioribus, remotissimis. In *Genesi* quidem figuris remotissimis præsagiebatur, ortus, occasus, triumphus, cultus: ortus in ligno vitæ plantato in medio Paradisi, id est, Verbo DEI divinæ et humanæ naturis inserto, in medio militantis Ecclesiæ, secundum Glossam: occasus passionis in Abel; triumphus resurrectionis in Noe; cultus pietatis in Abraham. Augustinus, in quodam sermone: « Adam dixit illud verbum post soporem<sup>6</sup>: « Benedicta filia tu a Domino. » In *Exodo* vero figuris remotioribus præfigurabatur Verbum humanandum nasciturum, in Moyse natum occultandum propter Pharaonem (sic Christus propter Herodem), revelandum ad populi captivati liberationem, populi captivantis interemptionem, liberati instructiōnem per legem, ut exercitatus in lege veteri, assuesiceret ad legem Evangelii. Varietas sacrificiorum libri *Levitici*, secundum Origenem, unum verum sacrificium offrendum in fine temporum præmonstrabat, scilicet CHRISTUM, qui est sacerdos et hostia.

Veteris  
Testa-  
menti di-  
visio.

Christus  
medium  
septifor-  
me.

Christus  
quomo-  
do me-  
dium  
septifor-  
me.

supr. vero *Brevil.*, part. VI, c. II; *Centil.*, part. III, sect. XXXII. —<sup>6</sup> *Judith.*, XIII, 23.

<sup>1</sup> *Apoc.*, XXII, 2. —<sup>2</sup> *Rom.*, X, 4. —<sup>3</sup> *Gen.*, XI, 8. —<sup>4</sup> *I Cor.*, XV, 46. —<sup>5</sup> Vid. infr. *Lum. Eccl.*, serm. XIII;

Liber vero *Numerorum* ordinem et connexionem membrorum corporis Christi mystici subtilitate mirabili præfigurabat, et ordinem ecclesiastice hierarchie proficiscentis in via, et pervenientis ad patriam. In *Deuteronomio*, quod est denua legis repetitio, ad memoriam reducuntur beneficia Dei omnipotentis, ut altius infigatur memoriae incarnationis Verbi, quæ est beneficium beneficiorum, ubi de semine Judæ Prophetam<sup>1</sup> suscitandum commemorat, sicut Jacob<sup>2</sup> in suis benedictionibus commemorat. Josue Christum et re præsignat, et nomine, præcipue quantum ad distributionem terræ, quam<sup>3</sup> « funiculo distributionis » distributurus est CHRISTUS, « qui<sup>4</sup> constitutus est a Deo judex vivorum et mortuorum. » Multitudo iudicium sibi invicem succendentium unum verum judicem præsagiebat CHRISTUM, potissime quantum ad triumphum resurrectionis. Nam Samson maximus iudicium, primo clausus et obsecus a Philisthaeis, qui nocte media, victis hostibus, portas confregit, figurat Christum, qui nocte media, cum descendisset in infernum, liberatis patribus, portas inferni confregit; cuius etiam incontaminata mater et virgo significabatur in vellere Gedeonis.

Copula maritalis Booz Israelitæ, et Ruth alienigenæ, signat conjunctionem CHRISTI, et Ecclesiae de gentibus, quam discalceatus ille contempserat. Liber *Regum* illum significat, in cuius femore scriptum erat<sup>5</sup>: « Rex regum, et dominus dominantium. » Qui cum sit rex et sacerdos, in primo libro præsignatur, ut evacuatorus sacerdotium legale in depositione seu extinctione Heli, et substituturus sacerdotium novum in substitutione Samuelis, qui non fuit de stirpe Aaron: translaturus etiam regnum ab Israel in reprobatione Saulis, et confirmatione David. In libro secundo promittitur Christus de semine Davidico nasciturus. In tertio libro, in figura pacis Salomonis, præfiguratur CHRISTUS, « qui<sup>6</sup> est pax nostra, qui fecit ultraque unum: » cuius etiam corporis mys-

tici typus fuit materiae templum Salomonis. In quarto libro *Regum* præfiguratur Christus ut evacuatorus omnem gentilitatis ritum in interemptione pseudoprophetarum per Eliam, et ut suscitatorus mortuos in Eliseo; ut confecturus Eucharistiæ sacramentum in pane subcinericio; ut ascensurus in cœlum in translatione Eliæ in curru igneo. In libro *Paralipomenon*, in confirmationem repetitur in primo translatio sacerdotii; in secundo, translatio regni. Liber *Esdræ*, et *Nehemiæ*, CHRISTUM præfigurant quantum ad fervorem zeli, quo CHRISTUS inardescebat ad reædificationem templi veri, quod<sup>7</sup> sumus nos. In libro *Job* præmonstratur CHRISTUS, ut exemplar summæ patientiæ; in *Tobia*, ut exemplar summæ modestiæ; in *Judith*, ut exemplar summæ pudicitiæ; in *Esther*, ut exemplar summæ clementiæ; in *Machabæis*, summae constantiæ. Libri *sapientiales* CHRISTUM redolent ut doctorem universalem, sicut liber *Ecclesiasticus*: ut doctorem specialem ad virtutis initiationem, in *Proverbiis*; ad contemptum vanitatis, in *Ecclesiaste*; ad gustum suavitatis, et exemplum charitatis, in *Canticis*; ad speculamina veritatis, in *Sapientia*. In *Prophetis* CHRISTUS prænuntiabatur, et postulabatur: postulabatur quidem per orationis instantiam in prophetia *Psalmi* David; prænuntiabat *Isaias* incarnationis mystérium; *Hieremias*, appropriate loquendo, passionis remedium; *Ezechiel*, resurrectionis trophæum; *Daniel*, retributionis iudicium. Duodecim *Prophetæ*, in angustia unius voluminis coactati, CHRISTUM præsagierunt, sicut ipsum duodecim Apostoli prædicaverunt, ut numerus testium esset non tantum sufficiens, sed abundans.

Novum Testamentum, quia continetur in Veteri, sicut rota in rota [ nihil est aliud Novum Testamentum, quam Vetus spiritualliter expositum ], dividitur conformiter Veteri Testamento. Continet enim, seu agit de

Novi  
Testa-  
menti di-  
visio.

<sup>1</sup> *Deut.*, xviii, 15. — <sup>2</sup> *Gen.*, xl ix, 10. — <sup>3</sup> *Psal.*

<sup>4</sup> *Act.*, x, 42. — <sup>5</sup> *Apoc.*, xix, 16. — <sup>6</sup> *Ephes.*, ii, 14. — <sup>7</sup> *1 Cor.*, iii, 16.

Verbo incarnato CHRISTO, qui est gigas geminæ substantiæ, quantum ad naturam; geminæ potentiarum, quantum ad efficaciam, seu officium, scilicet DEUS, Homo, Rex, Sacerdos. Primum est « Evangelium secundum Matthæum, » in quo agitur de Verbi incarnati humanitate; secundum est « Evangelium secundum Marcum, in quo agitur de ejus regia potestate; tertium, secundum Lucam, in quo agitur de ejus sacerdotali dignitate; quartum, secundum Joannem, in quo de ejus deitate. De CHRISTO autem, quoad judicii distinctionem, et sempiternam beatificationem, agitur in *Apocalypsi*, qui est

liber propheticus; de CHRISTO, quantum ad corporis sui mystici tribulationem, in *Actibus*; quantum ad corporis mystici totius eruditionem universalem, in *Canonicis Epistolis*; quantum ad corporis mystici membrorum eruditionem specialem, in *Epistolis* Pauli. Sunt libri Novi Testamenti, si partiales epistolæ numerentur, in solidum libri XXVII, qui numerus est secundus cubitus, ter, tria, ter; aliter sunt octo. Et quanto amor est perfectior timore, et paucitas amabilior multitudine, tanto Novum Testamentum perfectius et amabilius Veteri Testamento.

Libro-  
rum No-  
vi Testa-  
menti  
nume-  
rus.

# ILLUMINATIONES ECCLESIAE

## IN HEXAEMERON<sup>1</sup>

---

### ARGUMENTUM

(*Ex editione Vaticana.*)

Genesim sanctus Bonaventura exponere aggressus, caput illius primum, quo opus sex dierum a Mose narratur, eamque ob rem Hexaemeron græce appellatur, scholasticō dicendi genere explicat tribus et viginti sermonibus, quos luminaria Ecclesiæ, illuminationesve, seu visiones quinque appellat. Et vero is, ut ad tam præclarām expositionem aditum sibi illustrem faceret, primis tribus sermonibus, quorum initium facit ab iis verbis : «In medio Ecclesiæ aperuit os ejus, » tria docet, primum cui colloquenda, promendaque sint mysteria : deinde a quo, tanquam a medio, dicendi initium sumi oporteat : tum vero, ubi finis dicendi sit terminandus : demum post multa de dono sapientiæ et intellectus cum disseruerit, præcipue reliquis sermonibus viginti exponit illa Mosis verba : «Vidit Deus quod bonum esset. » Quæ saneverba, quia tantum quinque sunt, vel potius quoniam singulis diebus, excepto die secundo, repetita leguntur : ideo illuminationes, seu visiones quinque pro ratione dierum ab eo nominantur. Loquuntur ii quidem sermones de veritatis cognitione, de virtutibus, earumque officiis, de sacræ Scripturæ intelligentia, ejus mysteriis, ac fructibus salutaribus, de Ecclesiæ statu, et aliis summis, cœlestibusque rebus. Sunt autem tropologicis sensibus cerebri, mysticæ, scholasticæque Theologiæ arcanis referti, omnis doctrinæ splendore illustres, et quodam sententiarum quasi ardore accensi, usque adeo ut eorum auctorem facile agnoscamus Seraphicum Doctorem Bonaventuram sanctissimum, qui docendo movet, atque inflamat animos legentium.

### SERMO PRIMUS

*Quo ostenditur, et cui loquendum sit, et a quo initium dicendi sumendum, nempe a CHRISTO Domino, quod medium septiforme esse declaratur.*

<sup>2</sup> In medio Ecclesiæ aperuit os ejus, et implevit eum Dominus spiritu sapientiæ, et intellectus, etc. In verbis istis docet Sapiens prudentem(a), quibus debet sermonem depromere, unde incipere, ubi terminare. Primo,

quibus debet loqui, quia Ecclesiæ. Non enim <sup>3</sup> dandum est sanctum canibus, nec margaritæ spargendæ sunt inter (b) porcos. Secundo, ubi debet incipere, quia a medio, quod est Christus : quod medium si negligatur, nihil habetur. Tertio, ubi terminare, quia in plenitudine, seu adimpletione, spiritus scientiæ et intellectus.

Sed primo loquendum est de nobis ipsis, et videndum, quales esse debemus. Si enim

<sup>1</sup> Cf. Edit. Argentin., an. 1493, part. I; edit. Vatic., an. 1588, tom. I, pag. 9; edit. Ven., an. 1754, tom. VIII,

pag. 17. — <sup>2</sup> Eccl., xv, 5. — <sup>3</sup> Matth., vii, 6. — (a) Forlasse legendum, prudenter. — (b) Vulg. ante.

oculo infirmo exponatur radius, potius excaecatur, quam illuminatur. Loquendum est ergo Ecclesiæ, quæ quidem est convocatione rationalium. Synagoga autem est congregatio gregum, et hominum brutaliter viventium. Ecclesiae loquendum est, quæ quidem est unio rationalium uniformiter et concorditer unitorum per concordem et uniformem custodiam divinæ legis; per unionem et concordem cohærentiam divinæ pacis; per uniformem et concordem consonantiam divinæ laudis. Hæc autem ordinata sunt, quia laus esse non potest, ubi non est pax; nec divina pax, ubi non est observatio divinæ legis. De concordi et uniformi custodia divinæ legis, scribitur sic ad *Timotheum*<sup>1</sup>: « Hæc tibi scribo, fili Timothee, ut seias quomodo oporteat te conversari in domo Dei, quæ est Ecclesia Dei vivi, columna, et firmamentum veritatis. » Ecclesia dicitur columna et firmamentum, et quia mentis illustramentum, et quia virtutis stabilimentum: quia venientes ad eam illustrantur per fidem, et stabiliuntur per virtutis constantiam. Et hæc duo facit lex divina: unde est<sup>2</sup> columna filiorum Israel, per cuius motum apparent omnia, quomodo agendum, et quomodo quiescendum. In hoc enim omnes Ecclesiæ concordant, ut custodiant legem Dei, ut olim totus populus motum nubis aspiciebat. Qui ad hanc non aspicit semper, non est de unitate Ecclesiæ: ut si non eam intelligas; et si intelligas, et non separaris. Iterum loquendum est Ecclesiæ rationalium unitorum per conformem et concordem cohærentiam divinæ pacis. Unde dicitur in *Ecclesiastico*<sup>3</sup>: « Filii sapientiæ, Ecclesia justorum, et natio illorum obedientia et dilectio. » Ecclesia enim natio diligens se est. Dilectio enim nascitur ex legis impletione: lex enim præcipit dilectionem, dicente Apostolo<sup>4</sup>: « Finis præcepti est charitas, de corde puro, et conscientia bona, et fide non ficta. » Et alibi<sup>5</sup>: « Qui diligit

proximum, legem implevit. » Et probatur per verbum Salvatoris, dicentis<sup>6</sup>: « In his universa lex pendet, et prophetæ. »

Oportet ergo ut legis observatores sint amatores, dicente Domino<sup>7</sup> apud *Joannem* (a): « In hoc cognoscent omnes, quod discipuli mei eritis, si dilectionem habueritis ad invicem. » Et Apostolus<sup>8</sup>: « Non est Deus dissensionis, sed pacis. » Item, loquendum est Ecclesiæ rationalium unitorum per uniformem et concordem consonantiam divinæ laudis, ut in *Psalmo*<sup>9</sup>: « Apud te laus mea in ecclesia magna. » Sicut ex multitudine vocum unitarum secundum quamdam proportionem et harmoniam dulcedo fit cantus; sic ex multorum affectione, harmonia spiritualis placens Deo altissimo, auctore *Psalmographo*<sup>10</sup>: « In ecclesiis benedicite Deo Domino de fontibus Israel. » Qui autem sunt observatores divinæ legis, sunt amatores divinæ pacis, et persolutores divinæ laudis. His debet fieri sermo. Qui autem rapitur a gratia est extra Ecclesiam, et illi fieri sermo non debet. Rapitur autem spiritus carnalitatis, et cupiditatis, contra primum. Hi duo spiritus avertunt hominem a lege Dei, et excæcant duos oculos mentis. Lex enim Dei præcipit bonum commune, et bonum spirituale, et retrahit ab amore foedo, qui est carnalitatis; et ab amore privato, qui est cupiditatis. Lex quippe odiosa est, et carnali, et cupido; nec uterque unquam audire vult: sunt enim sicut canis, et porcus. Canis semper cupidus, et nunquam communicare volens; porcus autem in loco semper esse vult immundo. Item, contra cohærentiam pacis, spiritus malignitatis et crudelitatis, invidus et iracundus. Et hi duo totum pervertunt. Invidus omne bonum convertit in malum; iracundus omne malum in bonum, etiam ipsam redditionem mali reputat bonum. Et ideo dicit *Isaias*<sup>11</sup>: « Ponunt tenebras lucem,

<sup>1</sup> *I Tim.*, III, 15. — <sup>2</sup> *Exod.*, XIII, 21, etc. — <sup>3</sup> *Eccli.*, III, 1. — <sup>4</sup> *I Tim.*, I, 5. — <sup>5</sup> *Rom.*, XIII, 8. — <sup>6</sup> *Matth.*,

<sup>7</sup> *Joan.*, XIII, 35. — <sup>8</sup> *I Cor.*, XIV, 33. — <sup>9</sup> *Psal.*, XXI, 26. — <sup>10</sup> *Psal.*, LXVII, 27. — <sup>11</sup> *Isa.*, V, 10.

(a) *Cæt. edit.* dicente Joanne.

et lucem tenebras. » Unde non sunt idonei ad audiendum legem DEI. Iterum contra consonantiam divinæ laudis, spiritus præsumptionis, et curiositatis : ita quod præsumptuosus DEUM non magnificat, sed se laudat ; curiosus autem devotionem non habet. Unde multi sunt tales, qui vacui sunt laude et devotione, etsi habeant splendores scientiarum. Faciunt enim tales more vespere parum, quæ non habent favum mellis, sicut apes, quæ mellificant. Talibus enim jam dictis non est faciendus sermo, quia sunt<sup>1</sup> « domus exasperans. » Et aliquando, propter indispositionem auditorum, facit Dominus linguam adhærere doctorum palato. Sed loquendum est ut fratribus<sup>2</sup> : « Narrabo nomen tuum fratribus meis, in medio ecclesiæ laudabo te ; » et ut viris spiritualibus, ut a sapientia mundana trahantur ad sapientiam christianam. Præcessit enim impugnatio viæ CHRISTI in moribus per malos theologos, et doctrinæ Christi per falsas opiniones et per argumenta Aristotelis. Non enim redeundum est in Ægyptum, per desiderium vilium eborum, alliorum, porrorum, peponum, et dimittendus cibus celestis. Et sic patet primum.

Circa secundum nota, quod incipiendum est a medio, quod est Christus : ipse est enim<sup>3</sup> « mediator Dei et hominum, » tenens medium in omnibus. Unde a Christo incipiendum est, ut veniatur ad sapientiam christianam. Cujus probatio est; quia<sup>4</sup> « nemo novit Filium nisi Pater; neque Patrem quis novit nisi Filius, » etc. Sicut ergo species dicit in cognitionem objecti, ita Verbum, seu Filius, qui est species Patris, dicit in Patris cognitionem. Unde signantisime dicebat Philippus<sup>5</sup> : « Ostende nobis Patrem, et sufficit nobis. »

Alia ratio est, quia ab illo incipiendum est, a quo duo maximi incepérunt, Moyses divinæ sapientiæ inchoator, Joannes divinæ sapientiæ terminator. Moyses dixit<sup>6</sup> : « In

principio creavit Deus cœlum et terram, » id est in Filio, secundum Augustinum. Joannes vero intonuit<sup>7</sup> : « In principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt. » Si ergo ad notitiam Creatoris perveniri non potest, nisi per id quod factum est; necesse est, ut ante omnia<sup>8</sup> : « Verbum verax præcedat te. »

Tertia ratio est, quia<sup>9</sup> in Christo « sunt omnes thesauri sapientiæ et scientiæ Dei absconditi. » Ergo Christus est medium omnium scientiarum. Est autem septiforme

*Christus  
medium  
septifor-  
me.*

medium : essentiæ, quod est metaphysicum et æternali originatione primarium ; naturæ, quod est physicum, et est virtuali diffusione pervalidum ; distantiae, quod est mathematicum, et est centrali profusione profundum ; doctrinæ, quod est logicum, et est rationabili manifestatione præclarum ; modestiæ, quod est ethicum, et est morali electione præcipuum ; justitiæ, quod est politicum, et est judiciali examinatione præcolum ; concordiæ, quod theologicum, et est utili conciliatione pacatum. Medium essentiæ fuit CHRISTUS in æterna generatione; medium naturæ fuit CHRISTUS in incarnatione; medium distantiae fuit CHRISTUS in passione; medium doctrinæ fuit CHRISTUS in resurrectione : medium modestiæ fuit CHRISTUS in ascensione ; medium justitiæ erit Christus in futuro examine; medium concordiæ erit Christus in sempiterna beatificatione. Primum ergo medium est essentiæ, æternali generatione primarium. Esse autem convenit primo enti secundum rationem triformem : habet enim primum ens esse ex se ipso, quod est in ratione principii originantis : Pater est hujusmodi. Habet esse secundum seipsum, quod est in ratione mediæ exemplantis; Verbum est hujusmodi. Habet etiam esse propter se ipsum, quod est in ratione termini quietantis; Spiritus sanctus

<sup>1</sup> Ezech., II, 5. — <sup>2</sup> Psal. XXI, 26. — <sup>3</sup> I Tim., II, 5.  
<sup>4</sup> Matth., XI, 27. — <sup>5</sup> Joan., XIV, 8. — <sup>6</sup> Gen., I, 1.

— <sup>7</sup> Joan., I, 1 et seq. — <sup>8</sup> Eccli., XXXVII, 20. —  
<sup>9</sup> Coloss., II, 3.

est hujusmodi. Hunc trifarium modum essendi tangit Apostolus, cum dicit<sup>1</sup>: « Ex ipso, et per ipsum, et in ipso sunt omnia. » Haec tres personae aequalissimae nobilitatis sunt, quia aquae nobilitatis est Spiritui sancto personas terminare, sicut in Patre personas originare, et in Filio omnia praesentare. Licet autem Metaphysicus, ex consideratione principiorum substantiae particulares et creatae, ad essentiam universalem et increatam assurgat, ut habet rationem principii summi et finis ultimi; non tamen in ratione Patris, et Filii, et Spiritus sancti. Metaphysica enim assurgit ad illud Esse considerandum in ratione principii omnia originantis; et in hoc convenit cum Physico, qui origines rerum considerat. Assurgit etiam ad aeternum Ens considerandum, ratione ultimi finis; et in hoc convenit cum Morali, sive Ethico, qui reducit omnia in unum finem, sive unum summum bonum, considerando felicitatem practicam, seu speculativam; et sic considerat felicitatem, sicut finem ultimum, licet veram felicitatem non noverit. Sed in quantum Metaphysicus considerat primum Ens in ratione omnia exemplantis, cum nullo communicat, et est verus metaphysicus. Pater enim ab aeterno dixit se; et dicendo se, genuit speciem simillimam sibi. Et haec species est expressa a Patre, et expressiva totius paternae scientiae et potentiae. Istud est medium, in quo relucunt omnia, species, forma, exemplar, verbum, imago, similitudo, ars, filius. Ars plena omnium rationum viventium, dicit Augustinus<sup>2</sup>. Istud est medium, quod est veritas, liber lucis illius, quae veritas dicitur secundum Augustinum. Unde CHRISTUS habens cathedram in celo, docet interius in animo. Nec aliquo modo aliqua veritas sciri potest, nisi per insplendentiam aeternae veritatis. Hujus quidem prima ratio est, quia eadem sunt principia essendi, et cognoscendi. Secunda ratio est, quia scibile est aeternum

secundum Philosophum<sup>3</sup>, et nihil scitur, nisi immutabile. Necesse est ergo ut sciatur per veritatem immutabilem, inconcussam, et incoangustatam. Istud est medium personarum necessario, quia si persona est quae producit et non producitur, et persona quae producitur et non producit, necessaria est persona quae producitur, et producit. Haec est ergo veritas sola mente perceptibilis, in qua addiscunt angeli, prophetae, philosophi, quae vera dicunt de isto medio. De isto medio legitur in Genesi<sup>4</sup>: « Produxit Dominus Deus de humo omne lignum pulchrum visu, et ad vescendum suave, lignum etiam vitae in medio paradisi. » Docet Augustinus<sup>5</sup> quod de omnibus productis dictum est: « Fiet, Factum est, Fecit, » praeterquam de luce. Ratio autem est, quia primo producta sunt ab aeterno in arte aeterna; secundo in creatura intellectuali; tertio in mundo sensibili. Hoc est contra errores gentilium<sup>6</sup>, qui credunt mundum productum ab aeterno. Quia enim mentes nostrae cognatae sunt aeternis luminibus, putant ut, sicut res productae sunt in arte aeterna ab aeterno, sic etiam ab aeterno creatae sunt in mundo isto; et sicut mundus ab aeterno scriptus est in arte aeterna, sic descriptum putant in materia.

Intelligitur autem praesignata auctoritas de paradiiso terrestri, de intellectu angelico, de intellectu humano, de intellectu divino. Paternus enim intellectus, dicendo se, genuit Verbum omnium expressivum, quod est simile sibi, imo similitudo sua: quod quidem exprimit ipsum Patrem, et res quae per ipsum factae sunt, et fiendae, et factibiles: et est principaliter ductivum ad Patris unitatem fontalissimam. Et secundum hoc, Filius Dei est lignum vitae, plantatum in medio paradisi, quia per hoc medium redimus et vivificamur in fonte vitae. Si vero, curiositate temeraria, Trinitatem im-

<sup>1</sup> Rom., XI, 36. — <sup>2</sup> Aug., de Trin., lib. VI, c. x. — <sup>3</sup> Arist., Posterior. lib. I, cont. 44. — <sup>4</sup> Gen., II, 9. —

<sup>5</sup> Aug., de Gen. ad litt. lib. II, c. viii, n. 46; de Trinit., lib. VI, c. x, n. 12. — <sup>6</sup> Arist., Phys., lib. VIII, text. 1 et seq.; de Cael. lib. I, text. 101 et seq.

mensam secundum rerum naturalium experientiam metiamur, si<sup>1</sup> altiora nobis quæsierimus, si<sup>2</sup> scrutemur majestatem, opprimemur a gloria. Tunc gustamus de ligno vetito, ligno scilicet scientiæ boni et mali. Hoc modo gustavit Lucifer de vctito. Si enim Lucifer contemplando illam veritatem, de notitia creaturæ reductus fuisset ad Patris unitatem, fecisset de vespere mane diei, et gustasset de ligno vitæ. Sed quia cecidit in delectationem et appetitum excellentiæ, fecit de mane vespere. Simili modo, Adam misit manum ad lignum scientiæ, et amisit lignum vitae. Verbum Dei est medium faciens scirc, quia est veritas per essentiam, et est lignum vitae. Veritates autem vanissimæ interdum sunt occasiones mortis, quando impellunt hominem in amorem pulchritudinis creaturæ. « Væ eis, qui nutus tuos pro te amant, et oberrant in vestigiis tuis, » ait Augustinus<sup>3</sup>. Prima veritas, quæ est Verbum Dei, est finalissimum et formallissimum cognitionis objectum, et est ratio ducens in cognitionem. Unde Dominus dicit apud Joannem<sup>4</sup>: « Exivi a Patre, et veni in mundum; iterum relinquo mundum, et vado ad Patrem. » Et verus metaphysicus dicit: « Exivi a te, Domine, causa prima et summa, et venio ad te causam summam, per te causam summam. » Hæc est tota nostra metaphysica, de emanatione, de exemplificatione, de consummatione. Igitur radiis solis æterni illumineris, et reducaris ad summum, et eris verus metaphysicus.

Physici  
conside-  
ratio.

Secundum medium est medium naturæ, virtuali diffusione prævalidum: et istud est de consideratione Physici, qui considerat mobile et generationem, secundum influentiæ corporum cœlestium in elementa, et secundum ordinationem elementorum ad formam mixtionis, et secundum ordinem formæ mixtionis ad formam complexionis, et ordinem formæ complexionis ad animam vegetabilem, et ordinem animæ vegetabilis

ad sensibilem, et ordinem animæ sensibilis ad rationalem; et ibi est finis, quia<sup>5</sup> anima rationalis creata est in horizonte æternitatis et temporis. Considerat autem physicus duplex medium, scilicet medium minoris mundi, et medium majoris mundi. Medium majoris mundi, est sol; medium minoris mundi, est cor. Sol est in medio planetarum, et est maximæ diffusionis, exsufflans et porrigenus radios ad omnem positionis differentiam. Secundum hujus solis allationem in obliquo circulo, fiunt generationes; et regulat physicus generationem. Simili modo<sup>6</sup>, cor est in medio animalis, a quo est et derivatur universalis influentia, quidquid medie fabulentur. Nam spiritus vitalis a corde diffunditur per arterias; spiritus autem animalis a corde diffunditur per nervos, licet complementum recipiat in cerebro; spiritus autem naturalis a corde diffunditur per venas, licet complementum recipiat in hepate. Tale medium fuit Christus in incarnatione. De hoc naturæ medio dicebat Joannes<sup>7</sup>: « Medius vestrum stetit, quem vos nescitis. » Et sequitur: « Qui misit me baptizare in aqua, ille mihi dixit: Super quem videris Spiritum sanctum descendenter, sicut columbam, hie est, qui baptizat in Spiritu sancto. » Scriptura quandoque dicit Christum medium, quandoque caput. Caput dicit, quia ab eo derivatur omnis sensus devotionis, et omnis modus sanctæ operationis, et fluunt ab eo omnia charismata gratiarum. Influit autem Christus caput meritorie, secundum quod unitum est membris per conformitatem naturæ. Influit etiam Christus effective, secundum quod Deus<sup>8</sup>: « Caput enim Christi Deus. » Similiter Christus caput, secundum quod Deus et homo. Diffundit ergo spiritum in membra Ecclesiæ sibi unita, non separata. Unde sicut in corpore physico non est diffusio a capite in membra, nisi sint unita, sic in corpore mystico. Dicit etiam Scriptura

Christus  
est caput  
et me-  
diū.

<sup>1</sup> Eccli., III, 22.—<sup>2</sup> Prov., xxv, 27.—<sup>3</sup> Aug., de Lib. Arb., lib. II, xvi, 43.—<sup>4</sup> Joan., XVI, 28.—<sup>5</sup> Averr., de

Anima, lib. III, text. com. 6.—<sup>6</sup> Arist., Hist. animal., lib. II, c. xvii; de Part. Anim., lib. III, c. iv.—<sup>7</sup> Joan., I, 26, 33.—<sup>8</sup> I Cor., xi, 3.

Christum medium : est autem Christus medium , ut cor. Unde dicebat Habacuc<sup>1</sup> : « In medio duum animalium cognosceris. » Est etiam Christus medium, ut sol : unde secundum aliam translationem, dicitur « in medio annorum. » Totum enim tempus Ecclesiae decurrit, secundum quod iste sol descendit per decem gradus in horologio Achaz. Christus ergo est in medio animalium , et quæ præbant, et quæ sequebantur, secundum Septuaginta translationem.

Tertium medium est medium distantiæ , quod est centrali positione profundum. Et hoc medium est de consideratione Mathematici. Cujus quidem licet prima consideratio sit circa mensuram terræ, ultima tamen ejus consideratio est circa motus corporum superiorum , quæ habent disponere hæc inferiora secundum influentiam. Hoc medium distantiæ fuit Christus in crucifixione. Unde Propheta dicebat<sup>2</sup> : « Rex noster ante sæcula operatus est salutem in medio terræ. » Terra enim sphærica, infima, et modica est : sphærica et infima , quia in centro ; modica, respectu circumferentiaæ. Propter sphæricitatem, infinitatem , modicitatem , recipit omnium corporum cœlestium influentias. Et inde accedit, quod fiunt mirabiles pullulationes terræ nascentium, mirabiles generationes corporum homometerorum<sup>3</sup>. Sic Filius Dei sphæricus paupertate, infirmus humilitate , modicus humanitate , lumen nostrum suscipiens , de humo factus , non solum venit ad superficiem terræ , sed in profundo centri , et<sup>4</sup> « in ventre centri, in corde terræ, » salutem operatus est : quia per crucifixionem anima sua ad infernum descendit , et restauravit cœlestium sedium vacationes. In hoc profundo medio salus est , quia reddens a medio humilitatis , damnatur. Unde Christus dicebat<sup>5</sup> : « Ego in medio vestrum sum , sicut qui ministrat. » Et in *Evangelio secundum Matthæum*<sup>6</sup> : « Nisi conversi fuer-

ritis , et efficiamini sicut parvuli , non intrabitis in regnum cœlorum. » In medio nempe humilitatis erucis , Christus salutem operatus est. Sed, proh dolor ! caligo subintravit, quia Christiani locum extremum eligunt, et medium relinquunt. Quid est impugnatium salutis humanæ ? Nescire se metiri. Sed quid prodest homini scire metiri alia , et nescire metiri seipsum ? « Si enim , ait Bernardus<sup>7</sup>, aliquantulum quis seplus quam debet, exaltat, periculum est sibi : ut si quis, intrans per portam , caput erigat , læditur ; qui autem se inclinaverit, non læditur. » Responsum fuit Antonio, quod solus humili erat evasor laqueorum hostis antiqui. Sed quid est , quod humilitas non habetur, nec lumen sapientiæ ? Quia ignis non custoditur in medio cinerum ; sed laterna nostra exponitur omni vento , et extinguitur lucerna. Ostentare statim volumus , si quid boni in nobis est. Sed mirabilis fuit divina sapientia, quæ per cinerem humilitatis operata est salutem. Medium, cum amissum fuerit in circulo , reinvenitur per duas lineas se orthogonaliter intersecantes.

Quartum medium est medium doctrinæ , quod est rationali manifestatione præclarum, et est de consideratione Dialectici. Ad hoc ordinatur omnis sermo rationalis , ut per ipsum, tanquam per medium , exprimamus quod est apud nos. Unde Plato dicit<sup>8</sup> quod sermo datus est, ut fiant præsto mutuæ voluntatis indicia. Igitur sermo ordinatur ad simplicem orationem : oratio autem ordinatur ad argumentationem , secundum species suas: argumentatio ad syllogismum: syllogismus ad persuadendum. Medium ergo , per suam evidentiam et convenientiam cum extremis, compellit rationem ad assentiendum , ut quia prius extrema conveniebant inter se realiter, manifeste per virtutem medii cum utroque extremo convenientis, inter se convenient. Hoc medium fuit Christus in resurrectione , quam probavit

<sup>1</sup> *Habac.*, III, 2, secundum LXX.—<sup>2</sup> *Psal.* LXXXIII, 12. —

<sup>3</sup> A voce græca ομορφωση, latine, eadem matre genitum. —<sup>4</sup> *Matth.*, XII, 40. —<sup>5</sup> *Luc.*, XXII, 27. —

<sup>6</sup> *Matth.*, XVIII, 3. —<sup>7</sup> Bern., in *Cant.*, serm. XXXVII, non procul a fine. —<sup>8</sup> *Plat.*, in *Timæo*.

Diaboli  
argu-  
mentum

Christi  
argu-  
mentum

multis argumentis. Est autem quoddam argumentum Christi; quoddam argumentum diaboli. Argumentum diaboli est paralogismus destrutivus, ducens ad infernum. Argumentum Christi, est syllogismus constructivus et reparativus. Hostis antiquus paralogizans primum hominem, supposuit quamdam propositionem in corde ejus, quasi per se notam, quæ est: Creatura rationalis debet appetere similitudinem Creatoris, quia est Creatoris imago (unde in damnatis erit maxima pœna, quia cum imago sit animæ essentialis, talis appetitus erit essentialis in damnatis: appetitus, inquam, explebilis habitu, inexplebilis potentia). Minor propositio erat ista: Si comederis, assimilaberis. Ergo bonum est comedere de vetito, ut assimileris. Per istum paralogismum peccant omnes, quia dicit Dionysius<sup>1</sup>: « Nullus malum facit ad malum aspiriens; fallitur autem homo, quia falsam similitudinem boni accipit pro vera. » Peristum paralogismum, hostis antiquus introduxit hominem in passibilitatem naturæ, in necessitatem impotentiae, in mortalitatem vitæ.

E contra argumentum Christi fuit salvatum et constructivum salutis, et destructivum damnationis. Hostis antiquus hominem dissimulaverat, quem assimilare promiserat: necesse igitur fuit Verbum Dei simile esse, ut hominem Deo assimilaret. Christus ergo habuit, in quantum Deus, cum Patre conformitatem naturæ, æqualitatem potentiae, immortalitatem vitæ: in his ergo tribus coniunctus fuit Patri. Necesse est ergo his tribus oppositis conjungi homini. Assumpsit ergo Verbum Dei passibilitatem naturæ, necessitatem penuriae, mortalitatem vitæ. Prima tria habuit Verbum Dei per essentiam; postrema (a) tria assumpsit. Oportuit ergo ut tria vincerentur a tribus. Sed vita per essentiam superari non potuit a morte, nec infinita potentia a penuria, nec immaterialis

<sup>1</sup> Dion., *de Div. Nom.*, c. iv, paulo post med. Idem dicit Arist., lib. II, *Magnorum Moral.*, c. viii, ex opinione Socratis. — <sup>2</sup> Matth., xxvii, 40. — <sup>3</sup> Act., i, 3.

impassibilitas a possibilitate: necesse ergo fuit, ut homo transiret a mortalitate in immortalitatem, a defectu in opulentiam, de possibilitate ad coronam. Major propositio in arguento Christi fuit ab æterno: nam ab æterno fuit Verbum Dei conforme Patri in potentia et natura. Assumpta vero fuit minor (b) in cruce, videlicet penuria, passibilitas, et mors. Conclusio fuit in resurrectione. Judæi credebant Christum confundisse, et sibi improperabant: « Si Dei filius es, descendere de cruce. » Christus vero dicebat: « Sinite me pœnam assumere, et alteri extremitati veraciter copulari, scilicet pati et mori. » Et tunc sequitur conclusio, scilicet impassibilitas passibilis; immortalitas mortalitatis; opulentia inops. Ista sunt *argumenta*, quibus Christus utebatur<sup>3</sup>, per quadraginta dies apparen̄s eis, dicens<sup>4</sup>: « Nonne hæc oportuit Christum pati, et ita intrare in gloriam snam? » De hoc medio dicit Joannes<sup>5</sup>: « Cum esset sabbatum die illo, stetit Jesus in medio discipulorum, et ait illis: Pax vobis. » Duo ostendit Evangelista, scilicet gloriae sublimitatem, eo quod impassibilis et immortalis, clavis jannus, intravit tanquam Deus. Post ostendit eis manus et latus, et confessionem extorsit a Thoma dicente: « Dominus meus, et Deus meus. » Vide processum mirabilem: primo intrat ut Deus, et hæc fuit propositio major; deinde ostendit eis manus et latus, et hæc fuit assumpta minor; tertio conclusionem extorsit: « Dominus meus et Deus meus. » Non sine causa signatur<sup>6</sup> liber septem sigillis: « Ecce vicit leo de tribu Juda, radix David, aperire librum, et solvere septem sigacula ejus. » Ista sunt septem media in Christi resurrectione: primum medium est reseratio sepulcri, et hæc significat aperturam libri; secundum est remotio linteum, et signat revelationem mysteriorum; tertium est testimonium angelorum sedentium in dextera; quartum est resurrectione

septem  
signa-  
la quid  
signifi-  
cent.

<sup>4</sup> Luc., xxiv, 26. — <sup>5</sup> Joan., ix, 26 et seq. —

<sup>6</sup> Apoc., v, 1.

(a) Cæt. edit. deest postrema. — (b) Item minor.

sanctorum, qui introierunt in sanctam civitatem; quintum est terrificus pavor custodum; sextum est malitiosa corruptio Judaeorum; septimum continet in se denarium apparitionum. Hæc (*a*) debet esse logica nostra, et nostra ratiocinatio contra hostem antiquum, qui quotidie contra nos disputat. Sed nota, quod tota vis constituenda est in assumptione minoris; sed nos nolumus crucifigi et pati, in quo consistebat minor propositio. Et tamen ad hoc tota nostra ratio ordinatur, ut assimilemur in hoc Deo. Hostis antiquus parum reputabat argumentum Christi, cum videbat eum patientem; sed in passione Christi illusit ei<sup>1</sup>. « Numquid illudes (Leviathan) quasi avi, aut ligabis eum ancillis tuis? »<sup>2</sup> « Ego, si exaltatus fuero a terra, omnia traham ad meipsum. »

Quintum medium est medium modestiae, morali electione præcipuum. Modestia virtus est: virtus autem<sup>3</sup> consistit in medio: tale medium considerat Ethicus. Medium modestiae fuit Christus in ascensione, juxta quod in *Exodo* scriptum est<sup>4</sup>: « Ingressus Moyses medium nebulæ, fuit ibi quadraginta diebus et quadraginta noctibus. » Et hoc fuit Christus in ascensione, quando<sup>5</sup> « nubes suscepit eum ab oculis eorum. » Conformiter Christianus debet ascendere de virtute in virtutem, non statuendo terminum virtutis, quia sic desineret esse virtuosus. Fundamentum autem virtutis fides est: fidem ponimus ut fundamentum, et ut medium. Nam medium est ut recta ratio determinat, dicit Ethicus<sup>6</sup>. Fides est<sup>7</sup> « stella matutina in medio nebulæ. » Ad hujus medium nebulæ ascendit Moyses, id est, Christianus assumptus de aquis baptismi, et intrat caliginem, quæ quidem caligo fides est, cum lumine et ænigmate. Hoc fundamentum est, per quod fundatur in nobis Christus: per fidem proficit anima ad virtutes politicas, et hoc est ad radices montis ascendere, ubi

<sup>1</sup> *Job*, XL, 24. — <sup>2</sup> *Joan.*, XII, 32. — <sup>3</sup> *Arist.*, *Moral.*, lib. I, c. ix; *Moral. Eudem.*, lib. II, c. v, vi. — <sup>4</sup> *Exod.*, XXIV, 18. — <sup>5</sup> *Act.*, I, 9. — <sup>6</sup> *Arist.*, loc. supra cit. — <sup>7</sup> *Ecclesi.*, L, 6. — <sup>8</sup> *Sap.*, VII, 25, 26; VIII, 1. —

Moyses fecit duodecim holocausta, duodecim articulos significantia. Deinde per fidem proficit anima ad virtutes purgativas, quasi ad medium montis; deinde per fidem proficit anima ad virtutes purgali jam animi, quasi ad supercilium montis, ubi aptus est homo ad contemplandas et exercendas virtutes, quarum fontalis origo est sapientia. « Est enim<sup>8</sup> vapor omnipotentis Dei, et emanatio sincera, » quantum ad munditiam; « candor lucis æternæ, et speculum, » quantum ad prudentiam; « attingens a fine usque ad finem fortiter, » propter fortitudinem; « disponens omnia, » propter justitiam.

Nota tamen<sup>9</sup>, ad intelligentiam virtutum purgatoriarum, quod est quædam prudentia politica, quædam prudentia purgatoria, quædam prudentia purgati animi, quædam prudentia exemplaris. Prudentia politica est ad rationis normam, quæ cogitat, quæque agit, universa dirigere, ac nihil præter rectum velle vel facere, humanisque actibus tanquam arbitris providere. Hæc prudentia fuit in Jethro<sup>10</sup>. Prudentia purgatoria est, mundum istum, et omnia quæ in eo sunt, divinorum contemplatione despicer, omnemque animi cogitationem in sola divina dirigere. Hæc prudentia fuit in Apostolis, ut in *Mattheo* dicitur<sup>11</sup>: « Estote prudentes, sicut serpentes. » Prudentia purgati animi est divina non quasi in electione præferre, sed sola nosse, et hæc, tanquam nihil aliud sit, intueri. Hæc prudentia fuit præcipue in apostolo Paulo, et beato Francisco. Prudentia exemplaris est ipsa mens divina, ipsa sapientia increata, perpetua mundum ratione gubernans, terrarum cœlique satrix.

Nota insuper, quod conformiter est accipere fortitudinem politicam, fortitudinem purgatoriam, fortitudinem purgati animi, fortitudinem exemplarem. Fortitudo politica est, animum supra periculi metum

<sup>9</sup> *Plotin.*, *de Virtut.*, lib. II, enn. 4; *Macrob.*, *Somn. Scip.*, lib. I. — <sup>10</sup> *Exod.*, XVIII, 6. — <sup>11</sup> *Math.*, X, 16.

(a) *Cat. edit.* Ille.

agere , nihilque nisi turpia timere , tolerare fortiter vel prospera , vel adversa. Hæc fortitudo fuit in Eleazaro <sup>1</sup> sene , et potissime in martyribus Christi. Fortitudo purgatoria est , non terreri animam a corpore quodammodo ductu philosophiæ recedentem , nec altitudinem profectæ ad superna consensio- nis horrere. Hæc fortitudo fuit in Daniele propheta , et Joanne Evangelista in *Apocalypsi*. Fortitudo purgati animi est , passiones per impassibilitatem ignorare , non vincere , ut nesciat irasci , cupiatque nihil <sup>2</sup>. Hæc fortitudo fuit præcipue in Virgine gloriosa , et virginibus , martyribusque sacris Agneta , Agatha , Lucia , Cæcilia , Catharina , Prisca , Christina. Fortitudo exemplaris est virtus infinita , quæ semper est eadem , nec aliquando mutatur. Invenimus etiam temperantiam politicam , temperantiam purgatoriam , temperantiam purgati animi , temperantiam exemplarem. Temperantia politica est , nihil appetere penitendum , in nullo moderationis legem excedere , sub jugo rationis cupiditatem domare. Hæc temperantia fuit in Ozia , qui continentiae propositum tenuit in judaismo , corpusque et animam tradere contentus pro perseverantia. Temperantia purgatoria est , omnia relinquere , in quantum natura patitur , quæ corporis usus requirit , ut patet in Antonio , et Paulo primo Eremita. Temperantia purgati animi est , terrenas cupiditates , non solum reprimere , sed penitus oblivisci , id est , non sentire , ut patet in contemplativo fratre Ægidio <sup>3</sup>. Temperantia exemplaris est , quæ in seipsa , perpetua intentione , conversa est : et hæc est sola divina. Simili modo est accipere justitiam politicam , justitiam purgati animi , justitiam purgatoriam , justitiam exemplarem <sup>4</sup>. Justitia politica est , servare unicuique quod suum est. Justitia purgatoria est ad unam sibi hujus propositi viam consentire uniuscujusque virtutis obsequium. Justitia purgati animi est , ita cum superna

et divina mente sociari , ut servet perpetuum cum ea fœdus imitando <sup>5</sup>. Justitia exemplaris est quæ pereundi lege ac sempiterna operis sui continuatione non flectitur.

Sextum medium est medium justitiæ , judiciali recompensatione pulchrum , seu præcelsum. Hoc medium considerat Politicus sive Jurista , ut fiat retributio secundum merita. Medium justitiæ erit Christus in judicio. Hæc justitia totum universum pulchrificat : nam primo justitia deformia facit pulchriformia ; secundo justitia pulchra facit pulchriformiora ; tertio justitia pulchriformiora facit pulchriformissima. Unde secundum Augustinum : Lamentum damnatorum in inferno erit pulcherrimum carmen , propter decorem justitiæ , ordinantis in culpa dedecus culpæ. De hoc justitiæ medio propheta- vit Ezechiel sic inquiens <sup>6</sup> : « Vidi , et ecce ventus turbini veniebat ab aquilone , et nubes magna , et ignis involvens. Et splen- dor in circuitu ejus , et de medio ejus quasi species electri , id est , de medio ignis. Et in medio ejus similitudo quatuor animalium. » Vide miram extremi examinis descriptio- nem , quantum ad qualitatem naturarum in judicante , in electro ex auro divinitatis , et humanitatis argento , comminationem terrificarum impressionum , per ventum , turbinem , et nubem : conflagrationem ele- mentorum , per ignem involventem : exa- minationem , et denudationem conscientiarum per splendorem : confessionem assis- tentium per quatuor animalia. In quatuor enim animalibus intelliguntur quatuor or- dines assistantium : in leone ordo Martyrum ; in bove , ordo Confessorum ; in ho- mine , ordo Virginum ; et in aquila , ordo Doctorum , propter contemplationis acumen. Sie in judicio fiet separatio puri ab impuro , agnorum ab hoëdis.

Septimum medium est medium concordiæ universali conciliatione pacatum. De hoc medio agit Theologus , qui considerat , quod

<sup>1</sup> II Machab., vi, 27, 28. — <sup>2</sup> Idem infra , circa fin. serm. vi. — <sup>3</sup> B. Ægidius S. Francisci socius. —

<sup>4</sup> Idem infra , circa fin. serm. vi. — <sup>5</sup> Ibid. — <sup>6</sup> Ezech., i, 4, 5.

mundus creatus a Deo sicut a principio, reducitur in Deum sicut in finem. Licit enim agat Theologus de operibus conditio-  
nis principaliter, agit tamen de operibus re-  
conciliationis. Agit ergo Theologus de sa-  
lute animæ, quomodo inchoatur in fide,  
promovetur in virtutibus, consummatur in  
dotibus. De hoc medio scriptum est<sup>1</sup>: « Non  
esurient, neque sitient amplius, quoniam  
agnus, qui in medio throni est, reget illos,  
et deducet eos ad vitæ fontes aquarum. »  
Vidit etiam Joannes<sup>2</sup> « fluvium in medio  
plateæ, procedentem a sede Dei et agni. »  
Agnus enim Dei deducet nos, ut videntes  
corpus, et animam, et divinitatem, pascua  
inveniamus, sive ingrediendo, sive egre-  
diendo. Illic scilicet agnus est super corpus  
et animam, medium beatificans<sup>3</sup>: « Flumi-  
minis impetus läufigat civitatem Dei. » Pro-  
cedens a sede Dei et agni, scilicet Spiritus  
sancti. Et nullus defectus interior erit, quia  
« non esurient, neque sitient » per defectum  
pabuli, per quem deficit vita. «<sup>4</sup> Neque cadet  
super illos sol, » per extrinsecam perturba-  
tionem. Ista septem media sunt septem can-  
delabra, in quorum candelabrorum medio  
est Christus. Ista septem media sunt septem  
illustrationes sapientiales, scilicet metaphy-  
sica, etc. Ista septem media sunt<sup>5</sup> septem  
oculi agni. Ista septem media sunt<sup>6</sup> septem  
oculi super lapidem unum. Ista septem  
media sunt<sup>7</sup> septem dies, quos fecit prima  
lux.

## SERMO II.

*Quod in plenitudine sapientiae sermo terminandus  
est.*

<sup>8</sup> In medio ecclesie aperuit os ejus, etc.  
Illic incipit secunda collatio. Ostensum est  
supra, quibus debet doctor sermonem de-  
promovere; ostensum est a quo medio de-  
bet incipere; ostendendum est modo, ubi  
debet doctor sermonem terminare. Debet

autem terminare sermonem in plenitu-  
dine sapientie. De sapientia autem nota  
quatuor: quis ortus, quæ porta, quæ do-  
mus, quæ forma. De duobus primis etiam  
dicuntur in collationibus donorum, ubi habe-  
tur, quod sapientia est lux<sup>9</sup> « descendens a  
Patre lumen, » et radians in animam,  
facit eam deiformem, et domum Dei. Illus-  
trat enim intellectivam, inflamat vel læti-  
ficat affectivam, et roborat operativam.  
Verum quia origo sapientie est a gratia,  
Apostolus ad gratiam hortatur, sic in-  
quiens<sup>10</sup>: « Hortamur vos, ne in vacuum  
gratiam Dei recipiatis. » Dirigamus igitur  
sermonem ad Christum, dicentes<sup>11</sup>: « Diffusa  
est gratia in labiis tuis. » Sicut enim ex præ-  
cedentibus et subsequentibus liquet, sermo-  
nem hunc Propheta dirigit ad Christum:  
antecedenter enim dicitur: « Speciosus for-  
ma præ filiis hominum. » Consequenter an-  
nectitur: « Sedes tua, Deus, in sæculum  
sæculi. » Verum quidem est, quod in *Joanne*  
scribitur<sup>12</sup>: « Lex per Moysen data est, gra-  
tia et veritas per JESUM CHRISTUM facta est. »  
Ad salutem duo sunt necessaria: cognitio  
veritatis, hæc habetur per legem;  
exerci-  
tatio virtutis, hæc habetur per gratiam,  
quia virtus est bona qualitas mentis. Lex se  
habet ad gratiam duplice: quemadmodum  
virtus apprehensiva ad motivum: vi-  
dens cœlum, sine virtute alarum non potest  
pertingere ad cœlum; et quemadmodum  
instrumentum ad virtutem operativam:  
arti-  
fex habens instrumentum, et non habens  
vim operativam, non agit. O Judæe perfide,  
legem habes in manu: nisi habeas vim mo-  
tivam, quæ est a gratia, non salvaberis  
per legem. Supplico, quod verba mea gra-  
tiæ deserviant; et intentio mentis meæ, si  
gratiam habeat, corroboretur in verbis. Unde  
Apostolus dicit<sup>13</sup>: « Hortamur vos, » etc.  
Apostolus in hoc brevi verbo excitat ad di-  
vinam gratiam suscipiendam: « Recipiatis, »  
inquit; ad susceptam custodiendam: « Ne

<sup>1</sup> Isa., XLIX, 10; Apoc., VII, 16, 17. — <sup>2</sup> Apoc., XXII,  
1. — <sup>3</sup> Psal. XLV, 5. — <sup>4</sup> Apoc., VII, 16. — <sup>5</sup> Apoc.,  
v, 6. — <sup>6</sup> Zachar., III, 9. — <sup>7</sup> Gen., I, 3 et seq. —

<sup>8</sup> Eccli., xv, 5. — <sup>9</sup> Jac., I, 17. — <sup>10</sup> II Cor., VI, 1. —  
<sup>11</sup> Psal. XLIV, 3, 7. — <sup>12</sup> Joan., I, 17.

in vacuum, » inquit; ad custoditam multiplicandam<sup>1</sup>: « Ait enim : Tempore, » etc. Ut autem haec exhortatio impleatur in nobis, tria sunt circa gratiam consideranda : quis sit gratiae ortus ; quis sit gratiae usus ; quis sit gratiae fructus. Si igitur consideremus ortum gratiae, et ejus originale principium, dico ex canonica *Jacobi*, poneus majorem universalem<sup>2</sup> : « Omne datum optimum, et omne donum perfectum, desursum est, descendens a Patre luminum, apud quem non est transmutatio, nec vicissitudinis obumbratio. » Minorem probandam sic assumo : Gratia est datum optimum, et donum perfectum. Concludo : Ergo gratia desursum est, descendens a Patre luminum. Sed per quam viam spargitur lux gratiae, dividitur æstus amoris super terram. Descendit gratia super mentes rationales via triformali : per Verbum incarnatum, per verbum inspiratum, per Verbum crucifixum.

Hujus probatio est, quia, secundum Jacobum<sup>3</sup> : « Voluntarie genuit nos verbo veritatis, ut simus initium aliquod creaturæ ejus. » Quod autem per Verbum incarnatum descendat in nos copia gratiarum, ostendit Joannes sic inquiens<sup>4</sup> : « Verbum caro factum est. » Et sequitur : « De plenitudine ejus omnes accepimus, gratiam pro gratia. » Et : « Vidimus gloriam ejus; gloriam quasi unigeniti a Patre, plenum gratiae. » Certum est, quod originale gratiae principium, quod Deus est, quando creavit hominem in statu innocentiae, « ad imaginem et similitudinem suam<sup>5</sup> » creavit ipsum ita propinquum, quod homo per Verbum increatum erat informabilis ad gratiam. Post lapsum vero, usus est Deus via dignitatem condescensionis, et per Verbum incarnatum aptavit hominem ad gratiam. Verum, quia Verbum carnem sumpsit in utero Virginis gloriosæ, dictum est ei<sup>6</sup> : « Ave, gratia plena, Dominus tecum. » Paulus etiam suadet volunti-

bus gratiam, Virginem adire<sup>7</sup> : « Adeamus ergo cum fiducia ad thronum gratiae ejus, ut misericordiam consequamur, et gratiæ inveniamus in auxilio opportuno. » Ecce occurrit nobis Pater misericordiarum, cum gratia; mater misericordiarum, cum gratia; Filius, qui est lux misericordiarum, cum gratia. Ergo prima originatio gratiae in nobis fit per Verbum incarnatum. Infelices, qui ignorant Verbum, et ignorant gratiam. Benedictus Pater, benedicta Mater, benedictus Filius; benedicti, qui hoc cognoscunt; benedicta gratia, quæ est « datum optimum, et donum perfectum. »

Secundo descendit gratia in nos per Verbum crucifixum. Non enim tantummodo eramus inepti ad gratiam propter ignorantiam divinorum præceptorum; verum etiam propter nostram infirmissimam impotentiam. Ut ergo saluberrimis unguentis sanarentur languores nostri, descendit divina gracia in nos per Verbum crucifixum. Unde Isaías dicit<sup>8</sup> : « Vere dolores nostros ipse tulit, et languores nostros ipse portavit. » Et Apostolus scribit<sup>9</sup> : « Deus, qui dives est in misericordia, propter nimiam charitatem suam, qua dilexit nos, cum essemus mortui peccatis, convivificavit nos in Christo, cujus gratia salvati sumus. » Nam Christus de morte triumphavit per mortem, quia non potuit mors absorbere vitam, sed fons vitae absorbut mortem. Unde *Osee* (a) dicitur<sup>10</sup> : « Ero mors tua, o mors : morsus tuus ero, inferne. » Et Apostolus dicit<sup>11</sup> : « Non abjicio gratiam Dei. Si enim per legem justitia, ergo gratis Christus mortuus est. » Mortuus ergo Christus ut mortuos suscitat, et participes faceret vitae gratiosæ. Ergo gratia influit in nos per Verbum crucifixum, de cuius latere exiit profluvium gratiarum, habens vim sanativam<sup>12</sup> : « Ego quasi fluvius Dorix, et sicut aquæductus exivi de puradiso. »

Tertio datur gratia per verbum inspiratum. Misit quidem Deus filium suum in caro, 14. —<sup>11</sup> Galat., II, 21. —<sup>12</sup> Eccl., xxiv, 41. Vid. tom. I, p. 40. — (a) Suppl. libro.

<sup>1</sup> *Il Cor.*, VI, 2. — <sup>2</sup> *Jac.*, I, 17. — <sup>3</sup> *Ibid.*, 48. — <sup>4</sup> *Joan.*, I, 14, 15. — <sup>5</sup> *Gen.*, I, 26. — <sup>6</sup> *Luc.*, I, 28. — <sup>7</sup> *Hebr.*, IV, 16. — <sup>8</sup> *Isa.*, LIII, 4. — <sup>9</sup> *Ephes.*, II, 4. — <sup>10</sup> *Osc.*,

nem; verum, nisi credideris ipsum crucifixum, non consequeris gratiam. Unde Apostolus dicit<sup>1</sup>: « Non ex operibus justitiae, quae fecimus nos, sed secundum suam misericordiam salvos nos fecit, per lavacrum regenerationis, et renovationis Spiritus sancti, quem effudit in nobis (a) abunde per Jesum Christum Salvatorem nostrum, ut justificati gratia ipsius, hæredes simus secundum spem vitæ æternæ. » Spiritus sanctus, qui est dator formarum, et distributor charismatum, amor est procedens a Patre et Filio. Quidquid igitur agat Pater, quidquid patiatur Filius, non proficit ad salutem sine Spiritu sancto. Secundo, Spiritus sanctus est nexus Patris et Filii, nectens nos Patri et Filio. Unde Apostolus dicit<sup>2</sup>: « Gratia Domini nostri Iesu Christi, et charitas Dei, et communicatio sancti Spiritus sit cum omnibus vobis, Amen. » Si igitur vis habere amorem paternalis principii, et amorem Verbi prolati a principio, et amorem Spiritus sancti spirati a duabus uno principio, habe gratiam. Unde igitur oritur gratia? Certe per Verbum incarnatum, per Verbum crucifixum, et per verbum inspiratum. Mobilis influenza quæ a Verbo incarnato habet originem: custodi igitur temetipsum et animam tuam sollicite. Abjicitur gratia, quæ est vita animæ, de medio per peccatum. Peccatum est sua sponte introductum in thalamum animæ, pretiosum gratiæ thesaurum exhaustiens. Cum quis per gratiam dignus effectus est vita æterna, efficitur per peccatum dignus morte æterna. Unde Apostolus dicit<sup>3</sup>: « Irritam quis faciens legem Moysi, sine ulla miseratione duobus, vel tribus testibus moritur: quanto magis putatis deteriora mereri supplicia, qui Filium Dei conculcaverit, et sanguinem testamenti pollutum duxerit, et Spiritui gratiæ contumeliam fecerit? » Et sequitur<sup>4</sup>: « Rursus crucifigentes sibimet ipsis Filium Dei, et ostentui habentes. » Pro

<sup>1</sup> *Tit.*, III, 5-7. — <sup>2</sup> *II Cor.*, XIII, 13. — <sup>3</sup> *Hebr.*, X,

28, 29. — <sup>4</sup> *Hebr.*, VI, 6. — <sup>5</sup> *Eccli.*, XXI, 22.

<sup>6</sup> *Galat.*, I, 15, 16. — <sup>7</sup> *Aug.*, *Conf.*, lib. X, c. XXIX. —

<sup>8</sup> *Bern.*, in *Cant.*, serm. XIII, in princ. — <sup>9</sup> *Eccle.*, I, 7.

toto universo non deberet homo peccatum mortale committere, peremptivum nobilissimæ vitæ. Voluit Filius Dei tentari, ut doceret vias repulsivas peccatorum. Unde *Ecclesiasticus* dicit<sup>5</sup>: « Quasi a facie colubri fuge peccata, et si accesseris ad illa, suscipient te. » Vidisti ergo, quis sit ortus gratiæ; vide quis sit usus gratiæ. Usus autem gratiæ est promotivus in profectum meritorum operationum. Requiritur autem ad hujusmodi promotionem, quod usus gratiæ sit fidelis respectu Domini, virilis in se, et liberalis in proximum.

Debet igitur usus gratiæ fidelis esse respectu Domini. Unde Apostolus dicit<sup>6</sup>: « Cum placuit ei, qui me segregavit de utero matris meæ, et vocavit per gratiam suam, ut revelaret Filium suum in me, ut evangelizarem illum in gentibus, continuo non acquievi carni et sanguini. » Quando quæreris aliquid praeter Deum, quod non quæreris propter Deum, non es fidelis Deo. Unde Augustinus, in libro *Confessionum*, ait<sup>7</sup>: « Minus te amat, qui tecum aliquid amat, quod non propter te amat. » Ideo dicit Apostolus: « Non acquievi carni et sanguini, » id est, non quæsivi humanam gloriam, sed divinam. Perspectivi dicunt, quod si radius perpendicularis cadat super corpus tersum et politum, necesse est quod per eamdem viam, et per eumdem incessum reflectatur in suum principium; non sic de radio (c) incidentiæ. Influxus gratiæ gratis datae est sicut radius incidentiæ; influxus gratiæ gratum facientis, est sicut radius perpendicularis. Qui gratiam Dei suscepit, necesse est ut Deo gratiam et gloriam reddat. « Origo fontium et fluminum mare; origo virtutum et scientiarum est Christus, » ait Bernardus<sup>8</sup>. « Ad locum unde excent flumina, revertuntur, ut iterum fluant, » inquit *Ecclesiastes*<sup>9</sup>. Sicut fons non habet durationem, nisi habeat continuam conjunctionem cum sua origine; sic nec lux gratiæ potest vigere in anima, nisi per reversionem in

Gratiarum atque sci-

(a) *Vulg.* nos. — (b) *Fortasse legendum*, Nobilis. —

(c) *Edit.* Ven. alio.

entia- suum originale principium. Hanc reversio-  
rum ori- nem et conjunctionem conservat humilitas,  
go est et dissolvit superbia, quia<sup>1</sup> « Deus superbis  
Chris- resistit, humilibus autem dat gratiam. »

Illumilis omnia bona attribuit suo originali principio; superbus attribuit sibi. Illumilis continuatur cum sua origine; superbus discontinuatur. Lucifer recedens a suo originali principio, tenebrifer factus est; Christum, qui semper se reduxit per humilitatem in suum originale principium, clarificavit Pater. « Quanto major es, humilia te in omnibus, et coram Deo invenies gratiam, » dicit *Ecclesiasticus*<sup>2</sup>. Si rex ditasset aliquem, et ille nollet recognoscere, infidelissimus et ingratissimus esset. Aliqui exaltati per Deum, eriguntur contra Deum, dicentes<sup>3</sup>: « Manus nostra excelsa, et non Dominus, fecit haec omnia. »

Secunda differentia usus gratiae est, quia debet esse virilis in se. « Optimum est enim gratia stabiliri cor, non escis, quae non profuerunt ambulantibus in eis. » Qui vult habere brachia fortia, oportet quod exerceat se in operibus virtutum. Unde Apostolus sic inquit<sup>4</sup>: « Gratia Dei sum id quod sum, et gratia ejus in me vacua non fuit. » Sequitur: « Abundantius illis omnibus laboravi; non ego, sed gratia Dei mecum. » Vide, quam virtuosos facit gratia Spiritus sancti. Samson capillatus fortissimus fuit<sup>5</sup>: « In septem capillis » fortitudo ejus, id est in septiformi gratia Spiritus sancti; quando vero attonsus est per Dalilam, factus est imbecillus, sicut cæteri homines. Des unum sine gratia, qui possit sustinere quod Laurentius sustinuit. Nihil possumus facere sine gratia; nihil ita durum, quod non possimus sustinere cum gratia. « Sine me nihil potestis facere, » dicit Christus<sup>6</sup>. « Omnia possum in eo, qui me confortat, » dicit Apostolus<sup>7</sup>.

Tertio usus gratiae debet esse liberalis in

proximum. « Gratis accepistis, gratis date, » ait Dominus<sup>8</sup>. Quare non vendis, o Sol, lucem tuam? Gratis accepi, gratis communico. Quare non vendis, Rhene, aquam tuam? Gratis accepi, gratis fundo. Solus miser homo vendit gratiam sibi collatam. Venit autem haec venditio primo a Simone Mago. Heu, Simon Mage, verticem apostolorum Petrum voluisti facere simoniacum<sup>9</sup>. « Pecunia tua tecum sit in perditionem, quia existimasti donum Dei pecunia possideri. » Petrus dicit<sup>10</sup>: « Unusquisque sicut accepit gratiam in alterutrum, illam administrantes, sicut boni dispensatores multiformis gratiae Dei. » Dionysius determinat usum gratiae in angelica hierarchia, dicens<sup>11</sup>, quod si superiores angeli nollent influere in inferiores, clauderent sibi viam influentiae a superiori.<sup>12</sup> « Qui habuerit substantiam hujus mundi, et viderit fratrem suum necessitatem habere, et clauserit viscera sua ab eo, quomodo charitas Dei manet in eo? » Habet autem gratia fructum triforum: primus fructus est remissio culpæ; secundus fructus est plenitudo justitiae; tertius fructus est perpetuatio vitae beatæ.

Primus ergo fructus gratiae est remissio culpæ. Unde Apostolus<sup>13</sup>: « Justificati ex fide, pacem habeamus ad Deum, per Dominum nostrum JESUM CHRISTUM, per quem accessum habemus per fidem, et gloriamur in spe gloriæ filiorum Dei. » Dicunt Philosophi, quod non mutatur quis de vitio ad virtutem, nisi per assuefactionem ad contrarium habitum. Ita nec remittitur culpa in æternum, nisi per gratiam. Nota tamen, quod Ethicus considerat vitium secundum quod dicit deordinationem circa personam singularem, vel circa rem familiarem, vel circa rem civilem; Theologus considerat in peccato divinam offensam. Tu ergo, qui<sup>14</sup> « per prævaricationem legis, Deum inhonoras, » subjacebis severitati ultricis poenæ,

<sup>1</sup> *Jac.*, IV, 6. — <sup>2</sup> *Ecli.*, III, 20. — <sup>3</sup> *Deuter.*, XXXII, 27. — <sup>4</sup> *Hebr.*, XIII, 9. — <sup>5</sup> *I Cor.*, XV, 10. — <sup>6</sup> *Judic.*, XVI, 19. — <sup>7</sup> *Joan.*, XV, 5. — <sup>8</sup> *Philip.*, IV, 13. —

<sup>9</sup> *Mat: h.*, X, 8. — <sup>10</sup> *Act.*, VIII, 20. — <sup>11</sup> *I Petr.*, IV, 10. — <sup>12</sup> *Dion.*, *de Cœl. Hier.*, c. XV. — <sup>13</sup> *I Joan.*, III, 17. — <sup>14</sup> *Rom.*, V, 1. — <sup>15</sup> *Rom.*, II, 23.

quia non est dedecus culpæ sine decore iustitiae. Verum culpa est infinita, quia tanta est offensa, quantus is qui offenditur; infinita, inquam, non intensive, sed processive: necesse est igitur poenam esse æternam. Quod si remittatur æternitas poenæ, hoc erit per influentiam gratiæ. Igitur gratia liberat a servitute peccati et diaboli.

Secundus fructus gratiæ, est plenitudo iustitiae: trifureatur autem iustitia, secundum quod homo est justus in se; justus, quoad Deum, et justus quoad proximum. Sunt autem, ut docet Augustinus<sup>1</sup>, duæ partes iustitiae, declinare a malo, et facere bonum. De hac iustitia, quæ est fructus gratiæ, dicit Apostolus<sup>2</sup>: « Apparuit gratia Dei Salvatoris nostri omnibus hominibus, erudiens nos, ut abnegantes impietatem et sæcularia desideria, sobrie, et juste, et pie vivamus in hoc sæculo, expectantes beatam spem, et adventum gloriæ magni Dei, et Salvatoris nostri JESU CHRISTI. » Hæc est gratia, quæ cuncta mala pellit, cuncta bona tribuit. Igitur in gratia est plenitudo iustitiae. Unde Sapientia increata dicit<sup>3</sup>: « Ego mater pulchræ dilectionis, et timoris, et agnitionis, et sanctæ spei. In me gratia omnis vitæ et veritatis: in me omnis spes vitæ et virtutis. Transite ad me omnes, qui concupiscitis me, et a generationibus meis implemini. » Qui volunt esse pleni gratia, transeant ad Christum. Transire autem non possunt, nisi insurgant contra se, et elevantur supra se, et diligent Deum super omnia, et inimicum sicut seipso. Hoc autem esse non potest sine gratia vitæ et virtutis. Diligere solum amicum, non est virtus gratiæ. Nam<sup>4</sup> « si diligitis eos qui vos diligunt, quæ gratia? » etc.

Tertius fructus gratiæ, est assecutio felicitatis æternæ. Nam<sup>5</sup> « stipendia peccati mors, gratia autem Dei vita æterna. » Peccatum est arbor mortis; gratia est arbor

vitæ. Stultus esset, qui in horto suo plantaret arborem mortis, in qua deberet suspendi: peccatum est arbor, in qua debet peccator suspendi. Notandum ergo, quod secundum triplicem fructum gratiæ, distinguuntur triplex gratia: gratia curans, quæ datur in septem sacramentis, contra septemplicem morbum; gratia corroborans, quæ custoditur in justis per exercitia iustitiae, de quibus agitur in septem poenitentialibus psalmis; gratia consummans, quæ perficitur in septem dotibus, et septem beatitudinibus. Gratia curans initiatur in sacramentis, perfectitur in septem operibus misericordiæ; gratia corroborans per modum rectificantis est in septem virtutibus, per modum expedientis est in septem donis Spiritus sancti; gratia consummans consummatione viæ consistit in septem beatitudinibus, consummatione patriæ in septem dotibus, quarum tres sunt in anima, visio, tentio et fruitio, quæ respondent tribus virtutibus theologiæ; quatuor in corpore, quæ respondent quatuor virtutibus cardinalibus. Claritas respondet prudentiæ, quia<sup>6</sup> « clara est, et quæ nunquam marescit sapientia; » subtilitas temperantiæ; agilitas fortitudini; impassibilitas iustitiae, quia iustitia perpetua est, et immortalis. Igitur<sup>7</sup> « audi tacens, et accedet tibi bona gratia: » non gratia gratis data, quæ stat cum crimen: nam<sup>8</sup> « fallax gratia, et vana est pulchritudo; » sed gratia, gratum faciens, quæ non patitur crimen. Hanc gratiam descripsi tripliciter quantum ad orlum: est enim<sup>9</sup> « datum optimum, et donum perfectum, descendens a Patre lumen » per Verbum incarnatum, crucifixum, et inspiratum. Per hoc Verbum reducimur in primum principium; quod notat Dionysius tractans hoc verbum: « Omne datum optimum, » dicens<sup>10</sup>: « Omnis a Patre manifestationum processus, in nobis largac bene proveniens, unica virtus nos replet, et convertit nos in Patrem luminum. Gratia —<sup>9</sup> Prov., xxxi, 30. —<sup>10</sup> Jac., i, 17. —<sup>10</sup> Dion., de Cœl. Hier., c. i, in princ.

<sup>1</sup> Serm. de temp., serm. LIX, al. LVII, n. 8, inter Oper. S. Aug., Append. tom. V. —<sup>2</sup> Tit., II, 11-13. —<sup>3</sup> Eccli., XXIV, 24-26. —<sup>4</sup> Luc., VI, 32. —<sup>5</sup> Rom., VI, 23. —<sup>6</sup> Sap., VI, 13. —<sup>7</sup> Eccli., XXXII,

Gratiae  
descrip-  
tio. tiam descripsi tripliciter quantum ad usum, qui debet esse fidelis, virilis, et liberalis. Gratiam descripsi tripliciter quantum ad fructum, qui est remissio culpæ, plenitudo justitiae, et assecutio felicitatis æternæ. Ex his colligitur descriptio gratiae talis: Gratia est datum optimum, et donum perfectum descendens a Patre luminum, per Verbum incarnatum, crucifixum, et inspiratum; curans a malo, conformans in bono, consummans in optimo. Gratia curans datur in septem exercitiis justitiae, et septem operibus misericordiae; gratia corroborans datur in septem habitibus virtutum, et septem donis Spiritus sancti; gratia consummans datur in septem beatitudinibus et septem dotibus. Isti sunt septenarii, qui sunt in anno jubilæi. Septem dona Spiritus sancti enumerat Isaías<sup>1</sup>. Joannes etiam in *Apocalypsi* vidit<sup>2</sup> « in medio throni et quatuor animantium septem cornua et septem oculos, qui sunt septem spiritus Dei, missi in omnem terram. » Dona sancti Spiritus dicuntur *cornua* ventilantia peccata; dicuntur *oculi*, habentes vim expeditivam ad bona. Verum, quia donum sapientiae est præcipuitate primum, occurrit verbum apostolicum<sup>3</sup>: « Si consurrexisti cum Christo, quæ sursum sunt, querite, ubi Christus est in dextera Dei sedens; quæ sursum sunt, sapite, non quæ super terram. »

Hortatur ergo nos Apostolus in verbo proposito, ad acquirendam sapientiam veram: « Quæ sursum sunt sapite; » ad relinquendam sapientiam vanam: « Non quæ super terram; » ad imitandam sapientiam primam: « Si consurrexisti cum Christo; » ad exercendam sapientiam rectam: « Quæ sursum sunt, quærите. » Insinuat Apostolus duplarem animæ aspectum: aspectum ad æterna et invisibilia, qui dicitur intellectus, vel intelligentia; aspectum ad temporalia et corruptibilia, qui dicitur ratio. Secundum duplarem aspectum, est duplex

animæ affectus, ex quo nascitur duplex sapientia; affectus æternorum, ex quo oritur sapientia quæ de sursum est; affectus terrenorum, ex quo oritur sapientia quæ de deorsum est.

Sapientiam, quæ de deorsum est, describit Jacobus, sic inquiens<sup>4</sup>: « Nolite gloriari, et mendaces esse adversus veritatem. Non est ista sapientia de sursum descendens, sed terrena, animalis, et diabolica. » In quantum est cum affluentia temporalium, terrena est; in quantum est cum delectatione nefaria, animalis est; in quantum est cum ambitione superba, diabolica est. Isti sapientiae comminatur Dominus per Prophetam, sic inquiens<sup>5</sup>: « Perdam sapientiam sapientium, et prudentiam prudentium reprobabo. » Et Hieremias dicit<sup>6</sup>: « Sapientes sunt, ut faciant mala; bene autem facere nescierunt. » Ad sapientiam mundi perden-dam aporiatus est Christus; humiliatus est Christus; crucifixus est Christus. «<sup>7</sup> Nonne stultam fecit Deus sapientiam hujus mundi? » Elegit Christus in cruce contraria sapientiae mundi. Tu magnipendis temporalium suavitates; amaricatus est Christus: tu magnipendis honores; vilificatus est Christus. Vicit tamen Christus, quia<sup>8</sup> « quod stultum est Dei, sapientius est hominibus. » Unde scriptum est<sup>9</sup>: « Stultissimus sum vi-rorum, et sapientia hominum non est mecum. » Stultus reputatus fuit Christus, quando recessit ab appetitu aliorum; stultior, quando voluit affligi; stultissimus, quando voluit crucifigi. Et tamen hæc est sapientia Sanctorum. «<sup>10</sup> Gloria nostra hæc est, testimonium conscientiae nostræ, quia non in sapientia carnali, sed in sapientia Dei conversati sumus in hoc mundo. »<sup>11</sup> « Si quis videtur inter vos sapiens esse, stultus fiat, ut sit sapiens. »<sup>12</sup> « Multi ambulant, quos saepe dicebam vobis, nunc autem et flens dico, inimicos crucis Christi; quorum finis

<sup>1</sup> Isa., xi, 2, 3. — <sup>2</sup> Apoc., v, 6. — <sup>3</sup> Coloss., iii, 1.  
— <sup>4</sup> Jac., iii, 14, 15. — <sup>5</sup> Isa., xxix, 1 Abd., 8;

<sup>6</sup> Cor., i, 19. — <sup>7</sup> Jerem., iv, 22. — <sup>8</sup> Ibid., 23. — <sup>9</sup> Prov., xxx, 2. — <sup>10</sup> II Cor., i, 12. — <sup>11</sup> I Cor., iii, 18. — <sup>12</sup> Philip., iii, 18, 19.

interitus est , quorum Deus venter est , et gloria in confusione eorum , qui terrena sapientia. »<sup>1</sup> « Non in sapientia verbi , ut non evanescatur crux Christi . »

De sapientia autem , quae de sursum est , dicit *Ecclesiastes*<sup>2</sup> , quod « tantum praecederet sapientia stultitiam , quantum differt lux a tenebris . » In hoc insinuatur ortus sapientiae , quia lux est : lux , inquam , « descendens a Patre lumen , » a quo est « omne datum optimum , et omne donum perfectum . » Descendit autem haec lux sapientiae radio triformi , secundum triformem affluentiam . Ad potentiam intellectivam illuminandam , descendit a summo Deo in intellectum ; ad potentiam amativam laetificandam , descendit ab intellectu in affectum ; ad potentiam operativam fortificandam , descendit ab affectu in effectum . De descensu lucis sapientiae in intellectum scribitur in *Sapientia*<sup>3</sup> : « Candor est lucis æternæ et speculum sine macula Dei majestatis , et imago bonitatis illius ; per nationes in animas sanctas se (a) transfert , amicos Dei et prophetas constituit . » De descensu lucis sapientiae in affectum , scribitur in *Ecclesiastico*<sup>4</sup> : « Vinum et musica laetificant cor , et super utraque dilectio sapientiae . » Vinum et musica significant species impressas , quæ non sunt veritas , sed similitudo veritatis . Istæ non vere , sed phantastice laetificant animam . Veritas autem increata replet animam : «<sup>5</sup> Hanc amavi , et exquisivi a juventute mea , et præposui illam regnis et sedibus , et divitias nihil esse duxi in comparatione illius . »<sup>6</sup> « Super salutem et pulchritudinem dilexi eam . » Inæstimabilis est delectatio sapientiae . De descensu lucis sapientiae in effectum , in *Ecclesiaste* dicitur<sup>7</sup> : « Sapientia confortavit sapientem super decem principes civitatis . » Nulla virtus , nec angelica , nec humana , tantum fortificat ut sapientia . «<sup>8</sup> Sapientia intravit in animam

servi Dei , et stetit contra reges horrendos in signis et portentis , et dedit illi certamen forte , ut vinceret , et sciret quoniam omnium potentior est sapientia . » Haec sapientia disponit , ut anima sit domus Dei .

Videamus igitur , quæ sit domus sapientiae . Christus dicebat<sup>9</sup> : « Qui audit verba mea haec , et facit ea , assimilabitur viro , qui ædificavit domum suam supra petram . » Haec domus principaliter ædificatur a sapientia , quia<sup>10</sup> « deliciæ » sapientiae sunt « esse cum filiis hominum . » In *Proverbiis* quoque legitur<sup>11</sup> : « Sapientia ædificavit sibi domum , excidit columnas septem . » Has septem columnas numerat Jacobus , sic inquietus :<sup>12</sup> « Sapientia , quæ desursum est , primum quidem pudica est , deinde pacifica , modesta , suadibilis , bonis consentiens , plena misericordia , et fructibus bonis , non iudicans , sine simulatione . » Igitur domus sapientiae prima columna est pudicitia in carne ; secunda columna est simplicitas in mente ; tertia columna est modestia in sermone ; quarta columna est suadibilitas in affectu ; quinta columna est liberalitas in effectu ; sexta columna est maturitas in iudicio ; septima columna est sanctitas in intentione .

Prima ergo columna , per quam stabilitur domus sapientiae , est pudicitia in carne . Nam<sup>13</sup> « in malevolam animam non introibit sapientia , nec habitabit in corpore subditio peccatis . » Castitas et humilitas sunt pedissequæ sapientiae , juxta visionem Gregorii Nazianzeni : « Si vis me , quæ sum sapientia , serva pedissequas meas . » Munditia ergo , cum humilitate , est principalis columna sapientiae . Unde<sup>14</sup> « luxuriosa res vinum , et tumultuosa ebrietas : quicumque his delectatur , non erit sapiens . »<sup>15</sup> « Vinum et mulieres apostatare faciunt sapientes . » Divina permissione apostatavit Salomon usque ad idolatriam propter mulieres . In taberna

<sup>1</sup> *Cor.*, I, 17. — <sup>2</sup> *Eccle.*, II, 13. — <sup>3</sup> *Sap.*, VII, 16, 27. — <sup>4</sup> *Eccl.*, XL, 20. — <sup>5</sup> *Sap.*, VIII, 2. — <sup>6</sup> *Ibid.*, VII, 10. — <sup>7</sup> *Eccle.*, VII, 20. — <sup>8</sup> *Sap.*, X, 42. — <sup>9</sup> *Matth.*, VII, 24. — <sup>10</sup> *Prov.*, VIII, 31. — <sup>11</sup> *Ibid.*, IX,

1. — <sup>12</sup> *Jac.*, III, 17. — <sup>13</sup> *Sap.*, I, 4. — <sup>14</sup> *Prov.*, XX, 1. — <sup>15</sup> *Eccl.*, XIX, 2.

(a) *Cœt. edit. omitt. se.*

mundi venditur vinum, quod hominem dicit in oblivionem sapientiae.

Secunda columnna sapientiae est simplex innocentia in mente, quod notatur cum dicitur : « Pacifica. » Augustinus<sup>1</sup> dicit, quod pax rerum omnium est tranquillitas ordinis. Unde quando quis reverenter se subjicit superiori, æquanimiter se habet ad parem, discrete regit inferiorem : talis pax dissipat omne malum, cavit omne dissidium. «<sup>2</sup> Qui patiens est, multa gubernatur sapientia ; qui autem impatiens est, exaltat stultitiam suam. »<sup>3</sup> « Quis sapiens et disciplinatus inter vos ? Ostendat ex bona conversione operationem suam, in mansuetudine sapientiae. »

Tertia columna sapientiae est modestia in sermone, et hoc notatur cum dicitur : « Modesta. »<sup>4</sup> Sapiens tacebit usque ad tempus, stultus autem et imprudens non expectabit tempus. » Summa insipientia est, eodem detractionis gladio seipsum transverberare, et proximum. Tanta quoque est vicinitas taciturnitatis et sapientiae, quod «<sup>5</sup> stultus quoque, si tacuerit, sapiens reputabitur. »<sup>6</sup> « Verba oris sapientis gratia (a). »<sup>7</sup> « Omnis sermo malus de ore vestro non procedat; sed si quis bonus est ad ædificationem fidei, ut præstet ædificationem audienti. »<sup>8</sup> « Sermo vester in gratia semper sale sit conditus. » Sedetur ad mensam, hostis antiquus nititur pascere veneno. «<sup>9</sup> Mors et vita in manibus (b) linguae. »

Quarta columnna domus sapientiae est suadibilitas in affectu, quod notatur cum dicitur : « Suadibilis, bonis consentiens. » Nullus est suadibilis in bono, nisi benignus. Unde dicitur<sup>10</sup> : « Benignus est spiritus sapientiae. » Quanto homo sapientior, tanto suadibilior in bono. «<sup>11</sup> Inauris aurea, et margaritum fulgens, qui arguit sapientem et aurem obedientem. » Sicut inauris ornat

aurem, et margarita in corona ornat faciem; sic verbum bonum ornat sapientem. Quando sapientis disciplina corrigeris, ornaris ornamento pulcherrimo; quando disciplinam contemnis, margaritam conculecas. «<sup>12</sup> Noli arguere derisorem, ne oderit te. Argue sapientem, et diligit te. »

Quinta columnna est liberalitas in effectu. Sapientia vult habere misericordiam non solum in affectu, sed etiam in effectu; et notatur ibi : « Plena misericordia et fructibus bonis. »<sup>13</sup> « A fructibus eorum cognoscetis eos. »<sup>14</sup> « Os suum aperuit sapientiae, et aperuit manum suam inopi, et palmas suas extendit ad pauperem. » Vult sapientia, quod homo faciat opera non lubrica, sed fructuosa. « Bonorum laborum gloriosus est fructus. »<sup>15</sup> « Considerate viros boni testimonii et sapientiae (c), quos constituamus super hoc opus dispensandum. » Sicut misericordia est amica sapientiae, sic immisericordia inimica.<sup>16</sup> « Quæ seminaverit homo, hæc et metet. »<sup>17</sup> « Si terra mea contra clamat, et pro ea sulci ejus deflent. » Contra avarum dispensatorem terra clamat.

Sexta columnna est maturitas in judicio, quod notatur ibi : « Judicans, sine simulatione (d). »<sup>18</sup> « Judex sapiens judicabit populum suum. » Suum, inquam, super quem habet auctoritatem; quia si auctoritatem transcendat, non est judex sapiens. Debet autem judex non temere judicare; sed ha-  
beat in judicio rectitudinis æquitatem, notitia claritatem. Propter æquissimæ rectitudinis zelum dicit Propheta<sup>19</sup> : « Os justi meditabitur sapientiam, et lingua ejus loquetur judicium. » Judex recto zelo motus, reprobat mala, approbat bona.<sup>20</sup> « Rex, qui sedet in solio judicii, dissipat omne malum intuitu suo. » Illum, quem odis, judicare non potes, quia oculus odientis, obductus

<sup>1</sup> Aug., *de Civit. Dei*, lib. XIX, c. XIII. — <sup>2</sup> Prov., XIV, 29. — <sup>3</sup> Jac., III, 13. — <sup>4</sup> Eccli., XX, 7. — <sup>5</sup> Prov., XVII, 28. — <sup>6</sup> Eccl., X, 12. — <sup>7</sup> Ephes., IV, 29. — <sup>8</sup> Coloss., IV, 6. — <sup>9</sup> Prov., XVIII, 21. — <sup>10</sup> Sap., I, 6. — <sup>11</sup> Prov., XXV, 12. — <sup>12</sup> Prov., IX, 7. — <sup>13</sup> Matth., VII, 16. — <sup>14</sup> Prov., XXXI, 26, 20. — <sup>15</sup> Sap., II, 15. —

<sup>16</sup> Act., VI, 3. — <sup>17</sup> Galat., VI, 8. — <sup>18</sup> Job, XXXI, 38. — <sup>19</sup> Eccli., X, 1. — <sup>20</sup> Psal. XXXV, 30. — <sup>21</sup> Prov., XX, 8.

(a) Vulg. gratia. — (b) Vulg.mann. — (c) Vulg. plenos Spiritu sancto et sapientia. — (d) Corrigere Non judicans.

tenebra odii, tenebrosa reputat opera exosi. Iratus Plato<sup>1</sup>, suspenso flagello, non præsumpsit judicare servum. Debet autem judex habere notitiae claritatem.<sup>2</sup> « Causam quam nesciebam, diligentissime investigabam. » Amici Job arguebant eum dicentes: Deus justum non punit; te autem punit; ergo tu non es justus. Job respondebat<sup>3</sup>: « Convertimini ad me omnes, et venite, et non inveniam in vobis ullum sapientem. » In Evangelio dicitur<sup>4</sup>: « Nolite judicare, et non judicabimini. » Et Apostolus dicit<sup>5</sup>: « Nolite ante tempus judicare, quoadusque veniat Dominus, qui et illuminabit abscondita tenebrarum. »

Septima columna sapientiae est sancta simplicitas in intentione: « judicans (*a*) sine simulatione. » Rex Salomon<sup>6</sup> fecit thronum grandem, ad quem ascendebarunt sex gradibus. Ultimus gradus septenarii columnarum sapientiae, est sanctitas simplicitatis in intentione. Hoc gradu attingitur culmen coeli; propter quod dicitur<sup>7</sup>: « Quæ sursum sunt, sapite, » etc.<sup>8</sup> « Quid habet amplius stulto sapiens, nisi ut perget illuc, ubi est vita? » Hujus sapientiae Christus fuit fundator, et consummator<sup>9</sup>: « Ut sapiens architectus fundamentum posuit. Fundamentum autem aliud nemo potest ponere, præter id quod positum est, quod est Christus JESUS. » Et<sup>10</sup>: « In (Christo) sunt omnes thesauri sapientiae, et scientiae absconditi. »<sup>11</sup> « Oculi sapientis in capite ejus, » id est, in Christo, quia<sup>12</sup> « hæc est vita æterna, ut cognoscant te solum verum Deum, et quem misisti JESUM Christum. »

*Porta sapientiae*

Viso sapientiae ortu, visa sapientiae domo, videnda est sapientiae janua. Est autem sapientiae porta concupiscentia ejus, et vehementis desiderium.<sup>13</sup> « Aperi os tuum, et ego adimplebo illud. » Per attractum desiderii, descendit in me sapientia. Per iter desiderii, pergo ad sapientiam.<sup>14</sup> « Deus caritas est,

<sup>1</sup> Laertius in *Platone*, et Val. Max., lib. IV, c. I. — <sup>2</sup> Job, XXIX, 16. — <sup>3</sup> Job, XVII, 10. — <sup>4</sup> Matth., VII, 1; Luc, VI, 37. — <sup>5</sup> Cor., IV, 5. — <sup>6</sup> II Paral., IX, 11, 48. — <sup>7</sup> Coloss., III, 2. — <sup>8</sup> Eccl., VI, 8. — <sup>9</sup> Cor.,

et qui manet in charitate, in Deo manet, et Deus in eo. » Ubi vera sapientia, ibi vera complacentia: ubi autem summa complacentia, ibi necessario præcedit summa concupiscentia.<sup>15</sup> « Fili, concupiscentia sapientiam, conserva justitiam, et Deus præbebit illam tibi. » Observantia justitiae disponit ad sapientiam, sicut appetitus materiæ ad introductionem formæ. Inclinat enim appetitus, ut uuiatur forma materiæ, medianib[us] dispositionibus, non quod illæ dispositiones perimantur, sed magis perficiantur. Quis est ergo modus adipiscendi sapientiam? Respondeatur<sup>16</sup>: « Initium enim illius verissima est disciplinæ concupiscentia. Custodia disciplinæ dilectio est, et dilectio custodia legum illius est: custodia autem legum consummatio est incorruptionis: incorruptionis autem facit esse proximum Deo: concupiscentia autem sapientiae deducet ad regnum perpetuum. » Concupiscentia ergo sapientiae generat concupiscentiam disciplinæ. Disciplina autem duplex est, scilicet scholastica, et monastica. Neutra sufficit ad perfectam sapientiam, quia non audiendo solum, sed observando fit homo sapiens. Unde David dicebat<sup>17</sup>: « Bonitatem, et disciplinam, et scientiam doce me, » quia scientia non habetur, nisi præcedat disciplina; nec disciplina, nisi præcedat bonitas: et sic per bonitatem et disciplinam inest nobis scientia. Egrotus etiam non sanatur audiendo medicum, sed præcepta ejus servando: quia ergo pauci vadunt per istam viam sapientiae, ideo pauci perveniunt ad veram sapientiam. Concupiscentia enim disciplinæ ubi est, parit dilectionem, dilectio virtutem, quæ sit liberalis, non servilis; ex amore, non timore: sic autem cum diligis bonum, legem custodis, ut dictum est, quia<sup>18</sup> « finis præcepti est charitas de corde puro. » Quando autem custodis legem, sanctificaris, et efficeris

Dissi-  
plina du-  
plex.

III, 10, 11. — <sup>10</sup> Coloss., II, 3. — <sup>11</sup> Eccl., II, 14. — <sup>12</sup> Joan., XVII, 3. — <sup>13</sup> Psal. LXXX, 11. — <sup>14</sup> I Joan., IV, 16. — <sup>15</sup> Eccl., I, 33. — <sup>16</sup> Sap., VI, 18-21. — <sup>17</sup> Psal. CXVIII, 66. — <sup>18</sup> I Tim., I, 3.

(*a*) Delendum judicantis.

plenus Spiritu sancto , quia per dilectionem Dei abstrahitur homo ab omni amore , qui Deus non est : et sic sanctificatur homo, quia sanctitas est ab omni labe libera, et perfecta, et omnino immaculata munditia , ut ait Dionysius <sup>1</sup> : « Sanctitas facit hominem deiformem. » <sup>2</sup> « Sancti estote , quoniam ego sanctus sum. » Unde et spiritus seraphici clamant <sup>3</sup> : « Sanctus, sanctus, sanctus. » Homo sanctus in sapientia manet , sicut sol. Et sic patet, quomodo sextuplex est janua sapientiae , scilicet concupiscentia, disciplina, bonitas, scientia, dilectio, oratio. De janua invocationis , sive orationis, scriptum est <sup>4</sup> : « Optavi, et datus est mihi sensus: invocavi, et venit in me spiritus sapientiae. » Salomon <sup>5</sup> postulavit sapientiam, et venit in eum; sed non nisi quia amavit, et optavit eam: quia enim summe (*a*) bonum est, summe amanda est: et quia commune bonum est, universaliter appetenda est: quod patet exemplo Salomonis, qui non petivit aurum et argentum, sed eor docile, et venit in eum. Unde Jacobus ait <sup>6</sup> : « Si quis vestrum indiget sapientia, postulet a Deo , qui dat omnibus affluenter, et non improferat, et dabitur ei. Postulet autem in fide nihil hæsitans. » <sup>7</sup> « Hanc amavi, et exquisivi a juventute mea, et quæsivi eam mihi sponsam assumere, et amator factus sum formæ illius. » Ilæc est ergo porta orationis. Forma ergo sapientiae est mirabilis, et nullus eam aspicit sine admiratione et extasi, ut ostendit Esther <sup>8</sup> : et ideo *m̄irabilis*, quia est de eo cuius *facies plena est gratiarum* <sup>9</sup>. « Universa terra desiderabat videre vultum Salomonis. » Et <sup>10</sup> : « Regina Saba venit a finibus terræ audire sapientiam Salomonis; et ecce plus quam Salomon hic. » Christum habemus intra nos, et nolumus eum audire. Proh dolor ! filia regis puleherima offertur nobis in sponsam, et magis eligimus copulari meretriculis scenicis, sci-

licet humanæ et mundanæ philosophiæ, et volumus reverti in Ægyptum <sup>11</sup> ad cibum vilissimum , dimittendo cibum cœlestem. Forma ergo sapientiae mirabilis est: nam divina sapientia est modo uniformis in regulis divinarum legum, modo multiformis in mysteriis divinarum Scripturarum; modo omniformis in vestigiis divinorum operum; modo nulliformis in suspendiis divinorum excessuum.

Est ergo sapientia modo uniformis in regulis divinarum legum.<sup>12</sup> « Apud (sapientiam increatam) non est transmutatio, nec vicisitudinis obumbratio. » <sup>13</sup> « Clara est, et quæ nunquam marcessit sapientia, et facile videatur ab iis qui diligunt eam, et invenitur ab iis qui quærunt illam. Præoccupat qui se concupiscunt, ut se illis prior ostendat. » Vide immutabilitatem in regulis divinarum legum, quæ nos ligant, et necessitant intellectum. Regulæ istæ mentibus rationalibus insplendentes, sunt omnes illi modi, per quos ratio dignoscit et judicat id quod est necessarium et aliter esse non potest, utpote, quod summe primum, summe venerandum ; quod summe verum, summe credendum et assentiendum ; quod summe bonum , summe desiderandum et diligendum. Hæ divinarum legum impressiones descriptæ fuerunt in prima tabula, secundum ternarium præceptorum. Docet autem Augustinus <sup>14</sup>, quod hæ regulæ sunt infallibles, indubitables, injudicables. Judicamus enim per illas, non de illis: et ideo ista sapientia clara est. Sunt etiam incommutabiles, incoarctabiles, indeterminabiles: et ideo hæ sapientia nunquam marcescat. Hæ regulæ in tantum certæ sunt, ut nullo modo sit eis contradicere ad interius rationem. Radicanter autem in luce æterna, et ducunt in eam. Non est autem verum, quod fundentur in lumine creatæ intelligentiæ, quæ illuminet mentes; quia, cum illæ regulæ sint incoar-

Forma  
prima  
sapien-  
tiae.

<sup>1</sup> Dion., *de Div. Nom.*, c. XII. — <sup>2</sup> Levit., XI, 44. — <sup>3</sup> Isa., VI, 3. — <sup>4</sup> Sap., VII, 7. — <sup>5</sup> III Reg., III, 11. — <sup>6</sup> Jac., I, 5-6. — <sup>7</sup> Sap., VIII, 2. — <sup>8</sup> Esth., XV, 17. —

<sup>9</sup> III Reg., X, 24. — <sup>10</sup> Matth., XII, 42. — <sup>11</sup> Num., XI, 20. — <sup>12</sup> Jac., I, 17. — <sup>13</sup> Sap., VI, 13, 14. — <sup>14</sup> Aug., *de ver. Relig.*, c. XXXI. — (*a*) *Ley.* sumnum.

tabiles, quia mentibus omnium se offerunt, tunc sequeretur, quod intelligentia esset (*a*) incoaretabilis et creatura esset actus purus : et qui hoc dicit, enervat fontem sapientiae, et facit idolum Deum. Sed hæc sapientia radiat super animam, quæ<sup>1</sup> assistit præ foribus.

Forma  
secunda  
sapien-  
tiae.

Modo apparet sapientia multiformis in mysteriis divinarum scripturarum. Hanc multiformitatem mysteriorum ostendit Apostolus, sic inqniens<sup>2</sup> : « Mihi omnium sanctorum minimo, data est hæc gratia in gentibus evangelizare investigabiles divitias Christi, et illuminare omnes, quæ sit dispensatio sacramenti absconditi a sœculis in Deo, qui orania creavit, ut innotescat principatibus et potestatibus in cœlestibus per Ecclesiam multiformis sapientia Dei. » Innotescere est autem angelorum ministerio clarescere, et nobis illucescere, sicut dicitur<sup>3</sup> : « Lex data (*b*) per angelos, » hoc est, ministerio angelorum. Necesse autem fuit divinarum scripturarum sapientiam esse multiformem in multitidine figurarum, varietate sacramentorum, pluralitate signorum, ut veletur superbis, reveletur humilibus. Hæc velamina claudunt Christum, occultant sapientiam sapientibus et immundis (*c*). Unde dicit Salvator<sup>4</sup> : « Confiteor tibi, Pater, Domine cœli et terræ, quia abscondisti hæc a sapientibus et prudentibus, et revelasti ea parvulis. » Optime ergo dicit Paulus : « Mihi omnium sanctorum minimo, » etc. Sed quæritur, quomodo Paulus « evangelizat investigabiles divitias gratiæ Christi ? » Respondeo: Ipse dicit<sup>5</sup> : « Manent fides, spes, charitas, tria hæc. »

Triplex autem refulget intelligentia in Scripturis. Prima docet quid credendum, quantum ad fidem; secunda docet quid expectandum, quantum ad spem; tertia docet quid operandum, quantum ad charitatem, quæ operatur magna, si est, ut dicit Gre-

gorius<sup>6</sup>. Unde et Dominus<sup>7</sup> apud *Joan-nem* (*d*) : « Si quis diligit me, sermonem meum servabit. » Refulgentia, quantum ad fidem, est allegoria : quæ bifurcata est, secundum juncturam capitum, et corporis. Allegoriam spectans ad caput Christum, fertur ad ipsum natum, passum, et mortuum ; allegoriam spectans ad corpus, fertur ad Ecclesiam, secundum statum 'primitivum, mediaticum, et finitivum. Nam et in his modis tribus commendat sponsus sponsam in *Canticis*<sup>8</sup> : « Quæ est ista, inquit, quæ ascendit (*e*) quasi aurora consurgens, pulchra ut luna, electa ut sol? etc. »<sup>9</sup> Quæ est ista, quæ ascendit per desertum, sicut virgula fumi ex aromatibus myrræ, et thuris, et universi, » etc.<sup>10</sup> Quæ est ista, quæ ascendit de deserto deliciis affluens, et innixa super dilectum suum? » Insuper de Christo capite dicit Paulus<sup>11</sup> : « Nolo vos ignorare, fratres, quoniam patres nostri omnes sub nube fuerunt, et omnes mare transierunt, et omnes in Moyse baptizati sunt in nube et in mari, et omnes eamdem escam spirituale manducaverunt, et omnes eumdem potum spiritualis biberunt. Bibebant autem de spirituali consequente eos petra; petra autem erat Christus. » De allegoria pertinente ad corpus Christi mysticum, dicit idem<sup>12</sup> : « Scriptum est, quoniam Abraham duos filios habuit, unum de ancilla, et unum de libera. Sed qui de ancilla, secundum carnem natus est; qui autem de libera, per reprobationem: quæ sunt per allegoriam dicta. Hæc enim sunt duo testamenta. » Non oportuit ut amplius explanaret, quia per illam intelliguntur duo populi. Juxta intelligentiam quæ declarat quid est expectandum per spem, sumitur anagogia. Est autem duplex anagogia, scilicet cœlestis, et supercœlestis. Anagogia cœlestis, ut quando dictum est Abraham<sup>13</sup> : « Suscipe cœlum, et numera stellas, si potes, » id est cœlestes intelligentias.

Allego-  
ria du-  
plex.

Anago-  
gia du-  
plex.

<sup>1</sup> *Prov.*, I, 21. — <sup>2</sup> *Ephes.*, III, 8-10. — <sup>3</sup> *Galat.*, III, 19. — <sup>4</sup> *Matth.*, XI, 25. — <sup>5</sup> *I Cor.*, XIII, 13. — <sup>6</sup> Greg., in *Joan.*, hom. XXX. — <sup>7</sup> *Joan.*, XIV, 23. — <sup>8</sup> *Cant.*, VI, 9. — <sup>9</sup> *Cant.*, III, 6. — <sup>10</sup> *Cant.*, VIII, 5.

— <sup>11</sup> *I Cor.*, X, 4. — <sup>12</sup> *Galat.*, IV, 22-21. — <sup>13</sup> *Gen.*, XV, 5. — (*a*) *Suppl.* creatæ. — (*b*) *Vulg.* ordinata. — (*c*) *Leg.* sapientibus mundi, *vel* insipientibus. — (*d*) *Cœl. edit.* Unde et Joannes. — (*e*) *Vulg.* progreditur.

<sup>Tropologia duplex.</sup> «<sup>1</sup> Numquid nosti ordinem cœli, aut rationem ejus pones in terra?» Anagogia supercœlestis est, quando Abraham <sup>2</sup> tres vidit, et unum adoravit. Est etiam in duobus angelis missis ad subversionem Sodomorum. Hi angeli sunt Filius et Spiritus sanctus, qui mittuntur. Pater autem non mittitur: et hinc est, quod solum duo angeli nominantur, eo quod Pater nusquam missus legitur. Quia vero apparuit, ut docet Hugo, hinc est, quod in visione Abrahæ dicitur <sup>3</sup>: « Tres vidit, » etc. Juxta tertiam intelligentiam, quæ declarat quid agendum per charitatem, sumitur tropologia. Est autem tropologia duplex: una, quæ spectat ad activam, scilicet quæ docet quid agendum; alia spectat ad contemplativam, quæ docet quomodo contemplandum, quomodo anima feratur in Deum; nec tamen est anagogia, quia anagogia est sursum actio animæ in Deum, sed tropologia contemplativa facit quod feratur, et docet modum ferendi. Hæc sapientia est sapientia velata superbis, qui nequeunt Scripturas intelligere, quarum mysteria intelligi non possunt, nisi sciantur volumina decursuum universi, et dispositio ejus per antitheta. Vide pulcherrimam sapientiam in mysteriis, et plus quam primo modo. Si enim laudo sponsam, quod verax est et pulchra, non afficitur animus; sed dum dicit Scriptura <sup>4</sup>: « Pulchrae sunt genæ tuæ sicut turturis, collum tuum sicut monilia, » commendat castam et honestam, et dat causam castitatis, quia propter amorem sponsi. Turtur enim avis est amorosa et casta; et propter amorem comparis nulli (*a*) conjugitur, nec in vita ejus, nec post mortem. Sponsa igitur honesta non est quia casta, sed honesta propter amorem sponsi. Igitur « pulcherrimæ sunt genæ tuæ, » quæ sunt prominentes, in quibus primitus apparet pulchritudo. « Collum, » per quod vox emittitur, veritas est. « Monilia, » quæ ornant pectus, et stringunt, discretio est,

quia si quis dicat veritatem non quando debet, vel ut non debet, vel ubi non debet, vel quibus non debet, non sunt servatae circumstantiae verum loquendi. Hæc sapientia surgit ex multis mysteriis, sicut ex multis speculis fiunt multiplicationes radiorum et ignium. Hæc sunt specula mulierum <sup>5</sup>, ex quibus fit labium æneum: hæc est scriptura, ut «<sup>6</sup> revelata facie gloriam Domini speculantes, in eamdem imaginem transformemur a claritate in claritatem, tanquam a Domini spiritu, » a claritate allegoriae, in claritatem anagogiae et tropologiae. Hæc sapientia tribuitur <sup>7</sup> « secundum mensuram fidei, » quia secundum gradus captivationum intellectualium est gradus effusionum spiritualium et sapientialium. Hujus sapientiae Paulus se profiteatur professorem, quando dicit <sup>8</sup>: « In Evangelio positus sum prædictor, et magister gentium. » Moyses autem posuit figuræ nubilosas, et ideo habuit <sup>9</sup> faciem cornutam; sed Apostolus revelatam.

<sup>Forma tertia sapientiae.</sup> Tertia facies et forma sapientiae est omniformis in vestigiis divinorum operum. Unde Ecclesiasticus dicit <sup>10</sup>: « Radix sapientiae cui revelata est, et manifestata? et ingressus illius quis agnovit? Unus est Altissimus, Creator omnipotens. Ipse creavit illam in Spiritu sancto, et vidit, et dinumeravit, et dimensus est, et effudit illam super omnia opera sua. » Hæc sapientia ideo manifestata est, quia <sup>11</sup> « sapientia clamitat, in plateis dat vocem suam. » Et tamen nos non invenimus eam, sicut laicus tenens librum, et nesciens litteras, non curat de eo: unde Scriptura est nobis græca, barbara et hebræa. Hæc sapientia diffusa est in omni re, quia res omnis secundum omnem sui proprietatem habet regulam sapientiae, et ostendit sapientiam divinam; et qui sciret omnes proprietates, manifeste videret illam sapientiam. Ad harum rerum proprietates consider-

<sup>1</sup> Job, xxxviii, 33. — <sup>2</sup> Gen., xviii, 2. — <sup>3</sup> Aug., serm. vii, n. 6. — <sup>4</sup> Cant., 1, 9. — <sup>5</sup> Exod., xxxviii,

8. — <sup>6</sup> II Cor., III, 18. — <sup>7</sup> Rom., XII, 3. — <sup>8</sup> 1 Tim., II, 7. — <sup>9</sup> Exod., XXXIV, 30. — <sup>10</sup> Eccli., I, 6-10. — <sup>11</sup> Prov., I, 20. — (*a*) Suppl. alii.

Opus  
Dei tri-  
plex.

Myste-  
rium  
Trinita-  
tis.

Esse ab  
alio non  
facit  
composi-  
tionem.

randa , cor suum dederunt philosophi , et etiam ipse Salomon ; sed, quia curiose scrutabatur , ideo dixit <sup>1</sup> : « Cuncta lustravi in sapientia . Dixi : Sapiens factus sum , et ipsa longius recessit a me . » Dicitur autem opus Dei tripliciter : primo modo dicitur essentia , quaecumque sit illa , sive in genere substantiae , sive accidentis ; secundo modo dicitur res ex suis completa principiis , sicut substantia ; tertio modo dicitur opus Dei creatura ad imaginem Dei facta . Super hoc triplex opus effudit Altissimus sapientiam suam . Deus enim creat omnem essentiam <sup>2</sup> « in mensura , numero et pondere . » Et dando ei haec , dat modum , speciem et ordinem : modum , quo constat ; speciem , qua discernitur ; ordinem , quo congruit . Non enim est aliqua essentia , quae non habeat mensuram , numerum , et inclinationem ; et in his attenditur vestigium . Hoc vestigium dueit in illam sapientiam , in qua est modus sine modo ; numerus , sine numero ; ordo , sine ordine . In substantia est altius vestigium sapientiae , et divinæ essentiæ : habet enim omnis substantia materiam , formam , compositionem . Habet substantia originale principium , formale complementum , glutinum . Habet res omnis completa substantiam , virtutem et operationem . Et in his repræsentatur mysterium Trinitatis : Pater , origo : Filius , virtus et forma : Spiritus sanctus , unio et compago . Vere autem originale principium a formal complemento distinguitur , non quidem distinctione hypostatica , qualis est in divinis ; nec accidentaliter ; sed reali distinctione principiorum , quorum unum activum , alterum passivum . Et hoc tollere a creatura , est tollere ab ea repræsentationem Trinitatis . Nec valet quod dicunt falso philosophantes , quod angelus et anima idcirco composita dicuntur , quia sunt ab alio : nam esse ab alio , non facit compositionem : tunc enim Filius , cum sit a Patre , esset compositus , et Spiritus sanctus , qui est ab utro-

que . Igitur solum Esse divinum est simplex , in quo non differt esse , bene esse , et sic esse . Et haec est ratio quare Esse est nomen Dei , quia Esse Dei est omne illud quod in Deo est . In creatura autem differt esse , bene esse , et sie esse . Vestigium hujus sapientiae est substantia , virtus , et operatio . Nam virtus est a substantia ; operatio vero a substantia , mediante virtute , sicut Filius a Patre , Spiritus sanctus a Patre , mediante Filio <sup>3</sup> . Res substantifica a substantia habet esse : a virtute habet vigere ; ab operatione habet efficere .

Esse Dei  
quid.

Nota etiam , quod virtus non videtur accidentalis substantiae . Licet enim Philosophus dicat quod naturalis potentia sit qualitas , tamen loquitur secundum quod naturalis potentia dicit <sup>4</sup> modum consequentem substantiam , sicut appareat in duro et molli , sanativo et aegrotativo . Est etiam reperire creaturam rationalem , ad imaginem Dei factam . Et haec habet imaginem naturalem , quae consistit in memoria , intelligentia et voluntate , in quibus relucet Trinitas . Hac autem imagine Trinitatis sigillatur anima : et in hac sigillatione recipit immortalitatem , secundum quod in memoria tenetur æternitas ; sapientiam , secundum quod in intelligentia refulget veritas ; jucunditatem , secundum quod in voluntate delectat bonitas . Habet etiam anima imaginem quamdam gratuitam , quae consistit in fide , spe et charitate : et haec solum reperitur in substantiis reformatis . Igitur totum universum est speculum plenum luminibus repræsentantibus divinam sapientiam , et est sicut carbo ignitus , effundens lucem .

Quarta facies , et quarta forma sapientiae est difficillima , quia est nulliformis : sed hoc videtur destructivum præcedentium ; non tamen est . Dicit enim Apostolus <sup>5</sup> : « Loquimur sapientiam in mysterio absconditam , quam nec oculos vidit , nec auris audivit , nec in cor hominis ascendit ; nobis autem

Forma  
quarta  
sapien-  
tie.

<sup>1</sup> Eccl., vii , 26, 24. — <sup>2</sup> Sap. , xi , 21. — <sup>3</sup> Idem docet in lib. I , Sent. , dist. xii , a. 1 , q. 1 , per tot. — <sup>4</sup> Arist. , Prædicat. , c. de Qualitate. — <sup>5</sup> I Cor. , II , 7 , 9, 10.

revelavit Deus per Spiritum suum. Spiritus autem omnia scrutatur, etiam profunda Dei. » Hanc sapientiam docuit Paulus Dionysium et Timotheum. Oportet ergo nos perfectos esse, ut ad hanc sapientiam veniamus. «<sup>1</sup> Quae retro sunt, » inquit, « obliviscens, ad anteriora me extendo, si quo modo comprehendam. » Sed quomodo sapientia comprehendetur, si in cor hominis non ascendit, et est nulliformis? Respondeo: Illic est status et finis sapientiae christianae. Unde cum Dionysius multos libros fecisset, consummavit hanc sapientiam in *Mystica Theologia*, ubi dicit<sup>2</sup>: « Tu autem, o Timothee amice, circa mysticas visiones fortiactione et contritione, sensus derelinque. » Vult enim dicere, quod oportet legentem esse solutum ab omnibus, quae sibi inimicantur, et omnia dimittat; quia ille, quem vult intelligere, est super omnem substantiam et cognitionem. Ibi enim est operatio secretissima, transcendens intellectum, quam nemo scit, nisi qui experitur. In anima sunt multae virtutes apprehensivae, sensitiva, imaginativa, aestimativa, intellectiva: omnes has oportet relinquere: sed in vertice est acies amoris, transcendens omnes. Est ergo beatitudo dispositio et materialiter in intellectiva, libative et consummative in amativa. Haec contemplatio fit per gratiam; tamen ad hoc juvat industria, ut separetur homo ab omni eo quod Deus non est, et etiam a seipso. Haec est suprema unitio per amorem. Quod autem solum per amorem fiat, dicit Apostolus<sup>3</sup>: « In charitate radicati et fundati, ut possitis comprehendere cum omnibus sanctis, quae sit longitudo, latitudo, sublimitas, et profundum. » Iste amor transcendent omnem intellectum et scientiam. Sed contra: Si scientiam transcendent, quomodo potest ista sapientia comprehendendi? Responso: Propter hoc addit Apostolus<sup>4</sup>: « Ei autem qui potens est omnia facere supera-

bundanter, quam petimus, aut intelligimus, » etc. Nulla est apprehensio istius sapientiae, nisi Deus revelet. Unde Apostolus dicit<sup>5</sup>: « Nobis autem revelavit Deus per Spiritum suum. » Cum vero mens in illa unitione conjuncta fuerit Deo, dormit quidem uno modo, et alio modo vigilat<sup>6</sup>: « Ego dormio, et cor meum vigilat. » Sola affectiva tunc vigilat, et silentium omnibus aliis potentibus imponit; et tunc homo alienatus est a sensibus, et in extasi positus, et audit<sup>7</sup> « arcana verba, quae non licet homini loqui, » quia tantum sunt in affectu. Vide rationem. Exprimi non potest, nisi quod concipiatur: concipi non potest, nisi quod intellegitur: igitur quod supra intellectum est, exprimi non potest. Verum, quia ad hanc sapientiam non pervenitur nisi per gratiam, ideo dicit Sapiens<sup>8</sup>: « Quaecumque sunt absconsa et improvisa, didici; omnium enim artifex docuit me sapientia: est enim in illa spiritus multiplex, unicus, subtilis. » Iste spiritus sublimat animam, et ungit eam. Illic spiritus est<sup>9</sup> « digitus Dei, » ad quem magi Pharaonis, id est, intellectus nostri non possunt attingere.

Nota tamen, quod iste amor extaticus est sequestrativus ab omni adulterino affectu, propter sponsi affectum unicum; soporatus, propter quietationem omnium potentiarum; sursum activus, propter anagogias cœlestium desideriorum; interemptivus, propter jugulationes carnalium impedimentorum.<sup>10</sup> « Non enim videbit me homo, et vivet. »<sup>11</sup> « Fortis est ut mors dilectio. » In tali amore virtus animæ in unum colligitur et unitur: omnis autem virtus unita plus est infinita. Et sic intrat animal in suum intimum, et per hoc in suum summum ascendet, quia idem est summum et intimum in anima, dicit Augustinus. De hoc dulci sopore mulebris quietis, dicit Sponsus in *Canticis*<sup>12</sup>: Adjuro vos, filiae Hierusalem, per capreas

<sup>1</sup> Philip., III, 13. — <sup>2</sup> Dion., *de Myst. Theol.*, c. 1, in princ. Ideem habet Basil., *in Hexam.* hom. 1, in princ. — <sup>3</sup> Ephes., III, 17. — <sup>4</sup> Ibid., 20. — <sup>5</sup> I Cor.,

II, 9. — <sup>6</sup> Cant., v, 2. — <sup>7</sup> II Cor., XII, 4. — <sup>8</sup> Sap., VII, 21, 22. — <sup>9</sup> Exod., VIII, 19. — <sup>10</sup> Exod., XXXIII, 20. — <sup>11</sup> Cant., VIII, 6. — <sup>12</sup> Cant., II, 7.

cervosque camporum, ne suscitetis, neque evigilare facialis dilectam, donec ipsa velit. » Ad istum soporem juvat superferri omnibus sensibilibus, omnibus operationibus intellectualibus quae sunt cum phantasmatisbus, transire etiam angelicas intelligentias, ut possit sponsa dicere<sup>1</sup>: « Invenerunt me vigilis, qui custodiunt civitatem; paululum cum pertransissem eos, inveni quem diligit anima mea. » Sic docet Dionysius<sup>2</sup> relinquere sensibilia, intellectualia, entia, et non entia. Vocat autem non entia temporalia, quae sunt in continua variatione. Docet insuper intrare radii tenebrarum. Vocat autem divinam intelligentiam tenebras, propter incomprehensibilitatem: vocat autem eam radiosam, quia anima intuens eam summe illustratur. Et quia hoc non habetur nisi per orationem, ideo Dionysius incipit ab oratione, et dicit<sup>3</sup> etiam, quod Trinitas est supersubstantialis, et superdea, et superbonitas, intellige, respectu nostri intellectus, quia magis substantia, magis deus, magis bonitas, quam intellectus capiat. Addit etiam, quod debemus habere mentes non habentes oculos, quia mens oculis intellectualibus divinam essentiam aspicere non potest, et ideo amovendi sunt, juxta illud quod scribitur in *Canticis*<sup>4</sup>: « Averte a me oculos tuos, ipsi me avolare fecerunt. » Tunc Christus recedit, quando mens oculis intellectualibus nilitur supernam sapientiam aspicere: Non enim intrat ad illam intellectus, sed affectus. Unde in *Canticis* scribitur<sup>5</sup>: « Vulnerasti cor meum, soror mea sponsa, vulnerasti cor meum in uno oculorum tuorum, et in uno crine colli tui. » Oculus iste est affectus penetrans usque ad profundum: crinis est elevatio mentalium considerationum. Fit autem iste ascensus per rigorem (a) et commotionem fortissimam Spiritus sancti, sicut de Elia dicitur<sup>6</sup>: « Ecce spiritus conterens petras et montes. » Ignis iste non est

in potestate nostra; sed si Deus dat, sacerdotum est nutrire ignem, et subiecere ligna per orationem.

Igitur ascensus iste fit per fortissimam commotionem, secundum quod dictum est; per astrictivam affirmationem, a summo usque ad infimum; per destructivam ablationem, ab infimo usque ad summum. Est autem modus ablatus congruentissimus ad ascendendum in Deum ascensu inquisitivo, ut, verbi gratia: Non est Deus hoc, nec est illud; nec aufertur a Deo quod suum est, sed attribuitur ei nobiliori modo quod suum est, quam intellectus intelligat. Sequitur autem amor et ascensus ablationem. Unde Moyses<sup>7</sup> primo a senioribus sequestratur; secundo ascendit in montem; tertio intrat caliginem. Exemplum optimum ponitur in sculptura. In figura incisionis sculpens nihil ponit, sed removet, et tamen relinquit formam nobilissimam. Ita notitia Dei per ablationem relinquit in nobis nobilissimam dispositionem in intellectu. Transitum ad istud summum significat transitus mortis Christi, transitus Maris Rubri, transitus in terram promissionis. Unde ignis Spiritus sancti duxit<sup>8</sup> Moysen ad interiora deserti: et inde accepit illustrationes mentales. Ista est ergo forma sapientiae; isti sunt sublimes excessus.

### SERMO III.

*De dono intellectus.*

<sup>9</sup> *In medio Ecclesie aperuit os ejus, et implevit eum Dominus spiritu sapientie et intellectus.* Dictum est de dono sapientiae; dicamus modo de dono intellectus, de quo dicetur in collationibus donorum. Loquitur autem pulchre David de dono intellectus, sic inquiens<sup>10</sup>: « Benedic Domum, qui tribuit mihi intellectum. » Explicat autem dominum intellectus, a Spiritu sancto infusum, quantum ad suscipiens gratitudinem humilem, et largientis diffusionem liberalem.

<sup>1</sup> *Cant.*, III, 3, 4. — <sup>2</sup> *Dion.*, *de Myst. Theol.*, c. I, in princ. — <sup>3</sup> *Id.*, *de Div. Nomin.*, c. I. — <sup>4</sup> *Cant.*, VI, 4. — <sup>5</sup> *Cant.*, IV, 9. — <sup>6</sup> *III Reg.*, XI, 11. — <sup>7</sup> *Exod.*, XI,

17, 20, 24. — <sup>8</sup> *Exod.*, III, 1. — <sup>9</sup> *Ecli.*, XV, 5. — <sup>10</sup> *Psal.*, XV, 7. — (a) *Leg.* vigorem.

Suscipientis humilis gratitudo notatur, cum dicitur : « Qui tribuit mihi intellectum. » Donum datum requirit hominem Deo esse gratum. Consistit autem gratitudo in cognoscendo seipsum sicut miserum et in capacem; in cognoscendo Deum, et hoc, gratias agendo ei; in cognoscendo donum, refundendo pulchritudinem doni in auctorem doni; in cognoscendo doni principium, et hoc sit quando non impugnatur dans donum; in cognoscendo doni finem ultimum, et hoc sit quando scitur ad quid distribuitur donum. Disponimur autem ad donum intellectus, sincerissime videndo, mansuetissime conversando, intelligentiam captivando. De sinceritate vitae disponentis ad intellectum, dicit Isaias<sup>1</sup> : « Quem docebit (*a*) scientiam, et quem intelligere faciet auditum? Ablactatos a lacte, avulsos ab uberibus. » Lac signat dulcedinem illecebrarum, quibus pascuntur, qui sequuntur motus infantiles. Danieli, et sinceris sociis, dedit<sup>2</sup> Deus intelligentiam. Delectatio circa tactum maxime impugnat donum intellectus: ebrietas ex parte anteriori, et luxuria ex parte posteriori.

Secundo disponitur homo ad donum intellectus, per mitissimae mansuetudinis tractabilitatem. Unde in *Ecclesiastico* dicitur<sup>3</sup> : « Esto mansuetus ad audiendum verbum Dei, ut intelligas. » Concupiscentia obnubilat intellectum; furor impedit intelligentiam, quia impedit ira animum, ne possit cernere verum<sup>4</sup>. Quando aqua quieta est, vident homo clare faciem suam; turbata, minus videre solet. In hujus signum legislator fuit mitissimus. Sed quid est, quod dicit Isaias<sup>5</sup>: « Sola vexatio dabit intellectum auditum? » Resp. Ex multiplicatis vexationibus mundi cognoscimus, quod non est in mundo requies. Ex tortura conscientiae novimus, quod<sup>6</sup> « non est pax impiis. » Igitur vexatio disponit intellectum ad cognoscendum, quia

<sup>1</sup> Isa., xxviii, 9. — <sup>2</sup> Dan., 1, 17. — <sup>3</sup> Eccl., v, 13.

— <sup>4</sup> Cato, in 2 Parænesi carm.; Greg., in Moral., lib. I, c. xxx. — <sup>5</sup> Isa., xxviii, 19. — <sup>6</sup> Id., xlviii, 22.

— <sup>7</sup> Id., vii, 9, juxta LXX. — <sup>8</sup> II Cor., x, 5. —

<sup>9</sup> Arist., Elench., lib. I, c. II. — <sup>10</sup> Psal. xv, 7. —

ita est; mititas disponit ad cognoscendum, propter quid ita est. Vexatio disponit intellectum, sicut syllogismus ducens ad impossibile; mititas, sicut syllogismus ostensivus.

Tertio disponitur homo ad donum intellectus digne recipiendum per intelligentiae captivationem. Unde Isaias dicit<sup>7</sup> : « Nisi credideritis, non intelligetis. » Et Apostolus dicit<sup>8</sup> : « Captivantes (*b*) omnem intellectum in obsequium Christi. » Qui secundum lumen intelligentiae suæ Scripturam sacram indagant, incident in abyssum errorum. Parvuli sumus<sup>9</sup>, et oportet addiscentem credere, quia est. Primus angelus præsumens erravit. Liberalitas ex parte dantis tangitur, cum dicitur<sup>10</sup> : « Qui tribuit mihi intellectum : » omnis enim radiositas intelligentiae a fonte, qui est essentialiter intellectus, derivatur. Est autem radiositas multiformis, ut dicebatur in collationibus donorum<sup>11</sup>: intellectus est regula circumspectionum moralium; intellectus est janua considerationum scientiarum; intellectus est clavis contemplationum cœlestium. Iste triformis intellectus est proprie donum Spiritus sancti. Igitur ab intellectu inchoemus, ut ad sapientiam veniamus. Is enim est ordo. In *Sapientia*<sup>12</sup> legimus<sup>13</sup> : « Cibavit illum Dominus pane vitae et intellectus, et aqua sapientiae salutaris potavit illum. » A cibo incipiendum est, non a potu. Nisi enim homo exerceatur in dono intellectus, non proficit in potu sapientiae, quæ potata ab anima, effundit flumina in eam, et fit ei fons aquæ salientis in vitam æternam. Donum intellectus est solidus cibus, ut panis, qui, ut dicebat sanctus Franciscus<sup>14</sup>, multis laboribus habetur: primo enim granum seritur; secundo, satum moritur; tertio, mortuum germinat; quarto, germinans nutritur; quinto, nutritum augetur; sexto, auctum in aristis protenditur; septimo, in thecis maturatur: octavo, maturatum metitur; nono, messum executitur;

<sup>11</sup> Vid., tom. VII, p. 632-633. — <sup>12</sup> Scilicet *Sapientia Sirach.* — <sup>13</sup> Eccl., xv, 3. — <sup>14</sup> Vid. *Legend. vit. S. Franc.*,

auctore ipso S. Bonav. — (*a*) *Af. docet.* — (*b*) *Vulg.* Redigentes.

decimo, excussum ventilatur; undecimo, ventilatum molitur; ultimo, in massam panis compingitur. Simili modo est de dono intellectus. Nam intellectus est regula circumspectionum moralium. Unde dicebat Deus ad David<sup>1</sup>: « Intellectum tibi dabo, et instruam te in via hac, qua gradieris: firmabo super te oculos meos. Noli ergo (*a*) fieri sicut equus et mulus, quibus non est intellectus. » Deus intellectum promittit; recipiendi modum ostendit, quando dicit: « Firmabo super te oculos meos. » Divina complacentia acceptat quod facimus, approbando in præsentí, et remunerando in futuro. Si vis ergo regulari secundum regulam intellectus, non sis bestialis, sed regularis; non dirigaris secundum impetum sensus, sed secundum judicium rationis; alioquin accidet tibi, quod accidit Adæ, qui, contempta regula veritatis, secutus est instinctum mulieris, et mulier instinctum serpentis. «<sup>2</sup> Homo cum in honore esset, non intellexit. » Intellectus prudentialis instruit hominem secundum dictamen divinæ legis in tribus: quid evitandum, quia omne malum; quid exequendum, quia omne bonum: quid expectandum, quia summum bonum.

Primo intellectus prudentialis docet quid evitandum, quia omne malum. Unde dicit Sapiens<sup>3</sup>: « Si inclinaveris cor tuum prudentiæ, et quasi pecuniam quæsieris illam, et effoderis quasi thesanum, tunc intelligentes timorem Domini, et scientiam Dei inventies. » Qui intellectum istum vult habere, debet quærere cum desiderio cordis, et cum studio operis. Tunc inveniet homo timorem Domini, et scientiam Dei. Omnis homo, qui vult in bonum dirigi, debet timere Deum, ut vitet malum, quia<sup>4</sup> sanctum et terribile nomen ejus: initium sapientiæ timor Domini: intellectus bonus omnibus facientibus eum. »<sup>5</sup> « Ecce timor Domini, ipsa (*b*) est sapientia, et recedere a malo, intelligentia. »

<sup>1</sup> *Psal.* xxxi, 8, 9 — <sup>2</sup> *Psal.* xlviii, 13, 21. — <sup>3</sup> *Prov.*, ii, 3-5. — <sup>4</sup> *Psal.* cx, 9, 10. — <sup>5</sup> *Job.* xxviii, 28. —

<sup>6</sup> *Prov.*, xiv, 8-9. — <sup>7</sup> *Eccli.*, v, 14. — <sup>8</sup> *Sap.*, i, 5. —

<sup>9</sup> Ambros., in *Psal.* xxxvi. — <sup>10</sup> *Prov.*, xvii, 8. —

Igitur intellectus prudentialis docet quid vitandum, quia omne malum. Secundo intellectus prudentialis docet quid agendum, quia omne bonum, secundum viam interioris cogitatus, et exterioris actus, et labilioris assatus. Scriptum est<sup>6</sup>: « Non declines a lege, ut intelligas cuncta quæ agis. Callidi (*c*) est intelligere viam suam. »<sup>7</sup> « Si est tibi intellectus, responde proximo tuo; sin autem, sit manus tua super os tuum. »<sup>8</sup> « Spiritus sanctus disciplinæ effugiet factum, et auferet se a cognitionibus quæ sunt sine intellectu. » Ambrosius<sup>9</sup> dicit, quod nihil debemus loqui, vel agere, de quo non possumus redire rationem. Tertio instruit intellectus prudentialis quid expectandum, quia sumsum bonum. In *Proverbiis* legitur<sup>10</sup>: « Gemma gratissima expectatio præstolantis: quemque se verterit, prudenter intelliget. » In omnibus agendis et imitandis debet homo uti consilio finis. Grata, imo gratissima gemma, est bonum æternum. In *Baruch* legitur<sup>11</sup>: « Disce ubi sit prudentia, ubi sit intellectus, ut scias, ubi sit lumen oculorum, et pax. » Quocirca dicitur in *Deuteronomio*<sup>12</sup>: « Gens absque consilio est, et sine prudentia, utinam saperent, et intelligerent, ac novissima providerent. » Tangit triplicem speciem intelligentiæ. Intellectus iste regula est circumspectionum moralium, ut homo, cum desiderio cordis et prosecutione operis, consideret quid vitandum, quid agendum, quid expectandum. Iste intellectus est donum Spiritus sancti: huic dicit<sup>13</sup> Dominus apud *Psalmographum* (*d*): « Intellectum tibi dabo, et instruam te, » etc. Alius est intellectus, qui est janua considerationum scientiarum. Scribitur in *Ecclesiastico*<sup>14</sup>: « In thesauris sapientiæ intellectus disciplinæ, » hoc est dicere, quod thesauri absconditi vel consistunt in cognitione causarum altissimarum, vel conclusionum, vel principiorum.

<sup>11</sup> *Bar.*, iii, 14. — <sup>12</sup> *Deuter.*, xxxii, 29. — <sup>13</sup> *Psal.* xxxi, 1. — <sup>14</sup> *Eccli.*, 1, 26.

(*a*) Vulg. *Nolite*. — (*b*) *Cat. edit.* ipse. — (*c*) Vulg. *Sapientia callidi*. — (*d*) *Cat. edit.* *Psalmographus*.

Oportet ergo hominem per studium veritatis fodere, ut ad thesaurum sapientiae perveniat. Iste intellectus, qui est janua considerationum scientiarum, partim est a dictamine naturae, sive a lumine interiori, partim ex certitudine experientiae, sive a lumine exteriori, partim ex illustratione lucis aeternae, sive a lumine superiori. Quod sit partim ex dictamine naturae, patet in *Ecclesiastico*, ubi dicitur<sup>1</sup>: « Dens de terra creavit hominem, et ad imaginem suam fecit illum: creavit ex ipso adjutorium simile sibi, et cor ad cogitandum dedit illis: disciplina et intelligentia implevit illos. » Hinc etiam dicitur, quod anima rationalis tres habet operationes: unam qua, propter immunitatem a materia, est reflexiva sui super se; secundam qua, propter naturam perfectionis et formae, est conversiva sui supra corpus administrandum; tertiam qua, transcendens corpus et se, est elevativa sui ad Deum contemplandum. Est autem hic intellectus secundum dictamen naturae: quod patet in Adam, qui<sup>2</sup> omnibus rebus secundum specificas differentias nomina imposuit. Anima autem nostra habet supra se quedam lumen naturae signatum, per quod habilis est ad cognoscendum principia (*a*), et illa semiplene, quia principia cognoscimus, in quantum terminos cognoscimus<sup>3</sup>. Secundo, intellectus iste est a frequentia experientiae. In *Proverbii* legitur<sup>4</sup>: « Vir in multis expertus, multa recognoscit. » Et Philosophus<sup>5</sup> docet, quod ex multis sensibus fit una memoria, et ex multis memoriorum unum experimentum, et ex multis experimentis unum universale, quod est principium artis et scientiae. Tertio, iste intellectus est ab illustratione lucis aeternae. In *Daniele* legitur<sup>6</sup>: « Dat sapientiam sapientibus, et scientiam intelligentibus disciplinam. »<sup>7</sup> « Erat lux vera, quae illuminat omnem hominem. » Quærerit Augustinus, ubi scriptae

<sup>1</sup> *Eccli.*, xvii, 4, 5. — <sup>2</sup> *Gen.*, ii, 19. — <sup>3</sup> Arist., *Poster.*, lib. i, text. 6. — <sup>4</sup> *Eccli.*, xxxiv, 9. — <sup>5</sup> Arist., *Poster.*, lib. II, text. 27, circ. med.; *Melaph.*, Proem., non procul a priuc. — <sup>6</sup> *Dan.*, ii, 21. — <sup>7</sup> *Joan.*, i, 8.

sunt leges justitiae, secundum quas judicat impius; et respondet, quod scriptae sunt in libro lucis aeternae, quae descendunt in animam non migrando, sed imprimendo, si-  
cut imago annuli cerae imprimitur, et annulum non relinquit. Homo et angelus docent ministerialiter et administrative, sicut qui fenestram aperit, dicitur domum illuminare. Solus Deus docet effective (*b*); solus cathedraliter habet in cœlis, qui docet hominem in terris. «<sup>8</sup> In Deo vivimus, movemur, et sumus. » Dicit Augustinus, quod Apostolus loquitur non tantum de vita temporali, sed intellectuali, secundum quod Deus est omnibus causa essendi, ratio intelligendi, et ordo vivendi.

Circa hæc tria, tres cavendi sunt errores in scientiis. Unus est contra causam creandi; secundus est contra rationem intelligendi; tertius contra ordinem vivendi. Primus est de aeternitate mundi; secundus de necessitate fatali; tertius de unitate intellectus humani. Isti errores significantur in *Apocalypsi*<sup>9</sup>, in numero nominum bestie, quæ sunt 666. Primi fundant (*c*) se super circumlocutum motus et temporis; secundi, super (*d*) motum siderum; tertii super (*d*) intelligentiam unam corpus ingredientem et egredientem. Primus error refellitur per id, quod scriptum est<sup>10</sup>: « In principio creavit Deus cœlum et terram, » etc.: aut enim sentis Deum esse causam omnium secundum totum, aut secundum partem: si secundum partem, ergo aufers a Deo principalitatem causandi; si secundum totum, ergo creat de nihilo. Dixit sancta mulier<sup>11</sup>: « Respicce omnia, quia de nihilo creavit illa Deus. » Secundus error refellitur, quia si necessitas fatalis est, liberum arbitrium non est. Tertiis error refellitur, quia si homo aliquid distinctum est, habet principia essentiæ suæ propria et distincta. Tertio intellectus est clavis contemplationum celestium. Est au-

<sup>8</sup> *Act.*, xvii, 28. — <sup>9</sup> *Apoc.*, xiii, 18. — <sup>10</sup> *Gen.*, i, 1. — <sup>11</sup> *H. Machab.*, vii, 28.

(*a*) *Cæt.* edit. principium. — (*b*) Item affective. — (*c*) Item fundunt. — (*d*) Item supra.

Hierar-  
cha præ-  
celsus,  
et admi-  
rabilis.

Princeps pacis. » Iste puer reparavit hierarchiam celestem, et subhælestem, quæ tota corruerat. Ergo necesse fuit ut tangeret cœlum, et tangeret terram. Iste Hierarcha debet esse præcelsus, qui solus possit salvare : unde dicitur « admirabilis. » <sup>1</sup> « Multifarie enim olim Deus loquens patribus in prophetis, novissime diebus istis locutus est nobis in Filio, qui cum sit splendor gloriæ, » etc., usque « purgationem peccatorum faciens. » Ab isto admirabili procedunt mirabilia. Unde et in suæ temporalis nativitatis exordio, fecit miraculum miraculorum, quod omnia alia miracula respi- ciunt. Habuit enim naturam corpoream, et naturam incorpoream; naturam divinam, naturam humanam; naturam temporalem, naturam æternam; matrem et virginem. Unitum est primum ultimo, summum imo, Deus limo. « Vide <sup>2</sup> arcum, » qui habet multiformitatem colorum et naturarum, « et benedic, qui fecit illum, » quia « valde speciosus est in splendore suo. » Hic est sol, qui <sup>3</sup> descendit per decem gradus in horologio Achaz, id est, Verbum incarnatum per novem ordines angelorum, usque ad hominem, qui decimus computatur. In hoc miraculorum miraculo, scilicet quod Deus est homo, fides accipit vires suas. Unde Moy- ses <sup>4</sup>, postquam « minavit gregem ad interiora deserti, vidit rubum, qui ardebat, et non comburebatur. Vadam (inquit), et videbo visionem hanc magnam. » Et ibi fuit illustratus. Rubus spinosus, passibilitas carnis; flamma, anima Christi plena luminibus et igne charitatis; lux, divinitas; lux conjuncta rubo, mediante flamma, est divinitas coniuncta carni, mediante anima. Ut ergo possit Hierarcha de mortuis facere vivos, de hominibus Dei filios, necesse est ut sit præcelsus et admirabilis.

Hierar-  
cha sen-  
satus.

Secundo necesse est ut Hierarcha noster sit sensatus, juxta triplicem sapientiam : sapientiam innatam, quam habuerunt an-

<sup>1</sup> *Hebr.*, 1, 1 et seq. — <sup>2</sup> *Ecli.*, XLIII, 12. — <sup>3</sup> *Isa.*, XXVIII, 8. — <sup>4</sup> *Exod.*, III, 1, 2, 3. — <sup>5</sup> *Hebr.*, IV, 12,

geli, et primus homo : et per hanc scit omnia, quæ possumus per habitum scire : sapientiam infusam, per quam comprehendit gloriosa et infinita, quia sapientiae ejus non est numerus; sapientiam æternam, per quam comprehendit omnia, tam possibilia fieri, quam disposita. Decebat enim, ut qui reparaturus erat universum, sciret universum. « <sup>6</sup> Vivus est sermo Dei, et efficax. » Sequitur : « Omnia nuda et aperta sunt oculis ejus, ad quem nobis sermo. » Sed quæritur : Quæ necessitas fuit ut haberet sapientiam, nisi divinam? Respondeo : Ut quæ noverat per scientiam, sciret per experientiam. « <sup>7</sup> Non enim habemus pontificem, qui non possit compati infirmitatibus nostris, tentatum autem per omnia pro similitudine, absque peccato. » Unde est simul advocatus pro nobis, et judex contra nos. Iste Consiliarius adeo fuit sapiens, quod omnes Scripturæ sapientes non fuerunt nisi simulaera hujus sapientis. Ad hunc referuntur omnia eloquia sapientiae. Unde de Christo intelligitur <sup>7</sup> : « Speciosus forma præ filiis hominum; » licet Judæi accipient de Salomone. Similiter et illud de Christo intelligitur <sup>8</sup> : « Sit nomen ejus benedictum in sæcula : » et ideo dicit (*a*) : « Consiliarius : » et ideo dicit : « Deus. »

Tertio necesse fuit ut Hierarcha noster esset acceptissimus Deo. « <sup>9</sup> Talis decebat, ut esset nobis pontifex, sanctus, innocens, impollutus, segregatus a peccatoribus, et excelsior cœlis factus. » <sup>10</sup> « Vidimus gloriam ejus, gloriam quasi unigeniti a Patre, plenum gratiæ. » Habuit autem gratiam tri-formem : gratiam singularis personæ, per quam ille homo gratus fuit; gratiam capitis, per quam influit; gratiam unionis, quæ ex una parte infinita fuit. Fuit ergo acceptissimus non solum quia deiformis, sed quia Deus. Et sicut a sapientissimo fluxerunt documenta certissima, ita a Deo exempla

Hierar-  
cha ac-  
ceptissi-  
mus.

13. — <sup>6</sup> *Ibid.*, 15. — <sup>7</sup> *Psal.* XLIV, 3. — <sup>8</sup> *Psal.* LXXXI, 17. — <sup>9</sup> *Hebr.*, VII, 26. — <sup>10</sup> *Joan.*, I, 14.

(*a*) *Suppl.* Propheta, scilicet *Isa.*, IX, 6, ut supra.

sanctissima. Unde emanationes et flumina paradisi, et scaturitiones fontium hunc Deum de Deo sunt exprimentia.

Hierar-  
cha vic-  
toriosis-  
simus. Quarto necesse fuit, quod Hierarcha noster esset victoriosissimus. « Expolians enim principatus, et potestates, traduxit confidenter, palam triumphans illos in semetipso. » Christus autem vicit mundum. Unde Psalmus dicit<sup>2</sup>: « Attollite portas, principes, vestras, et elevamini, portae aëternales, et introibit Rex gloriæ. » Spoliavit infernum: «<sup>3</sup> Quis est iste Rex gloriæ? Dominus fortis, et potens, Dominus potens in prælio. » Restauravit Paradisum<sup>4</sup>: « Quis est iste Rex gloriæ? Dominus virtutum, ipse est Rex gloriæ. » Necesse est ergo<sup>5</sup> ut in nomine Jesu omne genu flectatur, cœlestium, terrestrium, et infernorum. »<sup>6</sup> « Quis est iste, qui venit de Edom, tinctis vestibus de Bosra? Ego qui loquor justitiam, et propugnator ad salvandum. » Et ideo dicitur<sup>7</sup> « fortis, » a quo manant fortia præsidia. Unde<sup>8</sup> « montes in circuitu ejus, » et omnia bella Scripturarum referuntur ad victoriam Christi.

Hierar-  
cha lar-  
gifiuus. Quinto opertet, quod Hierarcha noster sit largifluus, propter magnitudinem influentiæ. Unde ad *Ephesios* scribitur<sup>9</sup>: « Unicuique nostrum data est gratia, propter quod dicit: Ascendens in altum, captivam duxit captivitatem. » Unde, sicut nubes ascendit ut postmodum pluat; Christus, ut dona sua mittat. Existens enim in terra, dedit Spiritum sanctum occulte, ascendens manifeste. Fuit autem Christus per missionem Spiritus sancti Hierarcha purgans<sup>10</sup>: « Factus est repente de cœlo sonus tamquam advenientis spiritus vehementis; » ecce purgatio. Hierarcha illuminans<sup>11</sup>: « Apparuerunt illis dispergitæ linguae, tanquam ignis; » ecce illuminatio. Hierarcha consummans<sup>12</sup>: « Seditque super singulos eorum: » ecce perfectio. Ab hoc largitore manant dona

gratuita, et quidquid invenitur in Scriptura diffusionis in sole, vel aliis, referuntur ad largitorem hujus spiritus, qui Spiritus sanctus dicitur: spiritus, quia purgans; sanctus, quia instruens<sup>13</sup>: « Speciei domus dividere spolia. » Et Isaias dicit<sup>14</sup>: « Lætabuntur coram te, sicut exultant victores, capta præda, quando dividunt spolia. »<sup>15</sup> « Alii datur per Spiritum gratia (a) sermonum, alii genera linguarum. » Unde dicit: « Pater futuri sæculi. » Pater est principium influentiæ, per quas vivimus in futuro sæculo, quia<sup>16</sup> « omne datum optimum, et omne donum perfectum de sursum est, descendens a Patre lumen. » Sequitur: « Voluntarie genuit nos verbo veritatis, ut simus initium aliquod creaturæ ejus. » Modo sumus initium creaturæ; tunc erimus simplex creatura. Iste Pater est largissimus<sup>17</sup>: « Amen deo vobis: Si quid petieritis Patrem in nomine meo, » etc. «<sup>18</sup> Aperis tu manum tuam, » etc. «<sup>19</sup> Homines, et jumenta salvabis. Inebriabuntur ab ubertate domus tuæ, » etc.

Sexto debet Hierarcha noster esse summe Hierar-  
cha sum-  
me jus-  
tas. justus propter multitudinem justitiae et æquitatis, infallibiliter inquirentis, irreprehensibiliter discutientis, irrevocabiliter sententiantis. Isaias dicit<sup>20</sup>: « Erit justitia cingulum lumborum ejus: non secundum visionem oculorum judicabit, » etc. Ergo est Deus, quia purus homo non judicat, nisi secundum audita. Ad istum judicem referuntur omnia judicia Scripturarum, et ideo dicitur « Princeps pacis. » Unde ab eo manant justa judicia. Christus est David, qui<sup>21</sup> « habens clavem aperit, et nemo claudit; claudit, et nemo aperit. » Clavis ista est mysterium unionis.

Tertia clavis est intellectus Verbi inspirati, non enim fit revelatio, nisi per Verbum inspiratum. Danieli revelavit Deus sermonem;

<sup>1</sup> *Coloss.*, II, 15. — <sup>2</sup> *Psal.* XXIII, 7, 9. — <sup>3</sup> *Ibid.*, 8. — <sup>4</sup> *Ibid.*, 10. — <sup>5</sup> *Philip.*, II, 10. — <sup>6</sup> *Isa.*, LXIII, 1. — <sup>7</sup> *Isa.*, IX, 6. — <sup>8</sup> *Psal.* CXXIV, 2. — <sup>9</sup> *Ephes.*, IV, 7. — <sup>10</sup> *Act.*, II, 2. — <sup>11</sup> *Ibid.*, 3. — <sup>12</sup> *Ibid.* — <sup>13</sup> *Psal.* LXVII, 13. — <sup>14</sup> *Isa.*, IX, 3. — <sup>15</sup> *I Cor.*, XII, 12. — <sup>16</sup> *Jac.*, I,

<sup>17</sup>, 18. — <sup>17</sup> *Joan.*, XVI, 23. — <sup>18</sup> *Psal.* CXLIV, 16. —

<sup>19</sup> *Psal.* XXXV, 7, 9. — <sup>20</sup> *Isa.*, XI, 5, 3. — <sup>21</sup> *Apoc.*, III, 7.

(a) *Vulg.* interpretatio. — (b) *Suppl.* Propheta, ut supra.

et intelligentia opus est in visione : nisi enim Verbum inspiratum sonet in aure cordis , nisi splendor Verbi luceat in oculo mentis , nisi vapor et emanatio omnipotentis Dei instillet gustum suavitatis , nisi semipternitas impleat animam , non est homo aptus ad intelligentiam visionum. Sed <sup>1</sup> « Danieli dedit Deus intelligentiam omnium visionum et somniorum, » per Verbum inspiratum. Visio autem triplex est , scilicet corporalis , quæ sine intellectuali non profuit Balthazari <sup>2</sup> in inscriptione manus ; imaginaria , quæ sine intellectuali non profuit Pharaoni <sup>3</sup> in spicis et lobus ; intellectualis , hæc profuit Danieli et Joseph. Joanni respondet Joseph ; Daniel , Paulo. Præter has visiones fit visio sex modis , qui respondent (a) operibus sex dierum , quibus perficitur minor mundus , sicut major mundus perfectus est. Prima est visio intelligentiæ , per naturam inditæ ; secunda est visio intelligentiæ , per fidem elevatæ : hæc sunt multorum. Tertia est visio intelligentiæ per Scripturam eruditæ ; quarta est visio intelligentiæ , per contemplationem suspensa : hæc sunt paucorum. Quinta est visio intelligentiæ per prophetiam illustratæ ; sexta est visio intelligentiæ , per raptum in Deum absorptæ : hæc sunt paucissimorum.

Ad has sequitur visio animæ beatificatæ ; quas omnes habuit Paulus. Intelligentia indita quæ non excedit limites rationis , intelligitur per primam diem , in qua facta est lux. Hæc est lux , de qua dicit Propheta <sup>4</sup> : « Signatum est super nos lumen vultus tui , Domine. » Sine lumine indito non habetur fides , non habetur gratia , non habetur sapientia : et ita prima die divisa est lux a tenebris. Intelligentia sublimata per fidem , intelligitur per secundum diem , in quo factum est firmamentum in medio aquarum. Hoc firmamentum est fides , quæ est origo sapientiæ , et origo

scientiæ. Et sive sit de temporalibus , sive de aeternis , fides non discordat a scientia. Intelligentia per Scripturam erudita , intelligitur per diem tertiam , qua congregatae sunt aquæ , et apparnit arida : terra est Scriptura habens intelligentias spirituales , quæ mirabilibus expositionibus pullulat ; et in his producitur herba virens , et lignum paradisi. Intelligentia per contemplationem suspensa , intelligitur in opere quartæ diei , quando facta sunt sol , et luna , et stellæ. Qui non habet contemplationem , non habet ornamentum solis , lunæ et stellarum. Debet anima Sunamitis <sup>5</sup> amiciri sole , luna , stellis : in sole intelligitur contemplatio hierarchiæ supræcelestis ; in luna intelligitur contemplatio hierarchiæ subcelestis ; in stellis intelligitur contemplatio hierarchiæ coelestis. Unde Isaías <sup>6</sup> : « Tunc videbis , et afflues ; et mirabitur , et dilatabitur cor tuum. » In quo notatur , quod species contemplationis sunt tres , scilicet admiratio : « Mirabitur , » inquit ; dilatatio : « Dilatabitur , » inquit ; <sup>7</sup> Comederunt , et biberunt , et viderunt Deum Israel , » alienatio. « Afflues , » inquit. Intelligentia per prophetiam illustrata , intelligitur in opere quintæ diei. Vident prophetæ prophetata in speculo æternitatis. Et licet prophetatum sit contingens , tamen prophetia est infallibilis , propter veritatis aeternæ infallibilitatem. Isti sunt pisces , qui propter multitudinem pinnularum feruntur (b) in Verbo. Intelligentia per raptum in Deum absorpta , respondet sextæ diei. De hoc raptu dicit Apostolus <sup>8</sup> : « Scio hominem ante annos quatuordecim , sive in corpore , sive extra corpus , nescio , Deus scit , raptum hujusmodi. » Illic raptus facit animam simillimam Deo , quantum esse potest in statu viæ. Rapti autem non habent habitum gloriæ , sed actum. Et sicut raptus est in confinio viæ et patriæ , ita est in confinio unionis et separationis a corpore. Ideo dicit Apostolus : « Sive in corpore , sive ex-

<sup>1</sup> Dan., I, 17. — <sup>2</sup> Dan., V, 5. — <sup>3</sup> Gen., XL, 7. —

<sup>4</sup> Psal. IV, 7. — <sup>5</sup> Apoc., XII, 1. — <sup>6</sup> Isa., LX, 5. — <sup>7</sup> Exod., XXIV, 11. — <sup>8</sup> II Cor., XII, 2.

(a) Cœt. edit. quæ respondet. — (b) Forte legend. feruntur.

tra corpus, nescio. » Unde ergo præsumit alius determinare, quod Paulus nescivit? Tunc adimpletur, quod scribitur<sup>1</sup>: « Faciamus hominem ad imaginem, et similitudinem nostram, » quia talis dignus est, ut « præsit volatilibus, et piscibus maris. » Quanto enim quis elevatione in Domino, tanto in se humilior fit, ut Paulus post raptum, qui quod viderat, determinare solebat; qui etiam ad cubile matrimonii determinandum descendebat per humilitatem. Unde dicitur in *Job*<sup>2</sup>: « Numquid ad præceptum tuum elevabitur aquila, et in arduis ponet nidum suum? » Et mox: « Ubicumque cadaver fuerit, statim adest. » Mirabilia primo dixerat de aquila, et postea humilia: sic est de raptu. Ille enim qui in raptu fuit major, magis est humilius: et sic necesse est, quia si superbiret, posset amittere gratiam, et eadere<sup>3</sup> in reprobum sensum; » et vix unquam surgeret, quia quanto magis novit, tanto magis sciret solvere omnia, quæ dicentur sibi, et ideo non sine causa fuit datus Apostolo<sup>4</sup> « stimulus carnis: Ne magnitudo, » inquit, « revelationum extollat me. » Ille, inquam, qui ad talem statum pervenit, potest alios ordinare et regere, ut Paulus fecit, qui ordinavit Ecclesiam secundum exemplar, quod sibi monstrabatur. Septima dies est absolvio a corpore. De qua die Salvator ait<sup>5</sup>: « Hodie tecum eris in paradyso. » Quæ dies non habet vesperam. Et post sequitur octava dies, quæ non est alia a præcedentibus, sed reiteratio primæ diei, quando anima resumpserit corpus suum. Hæc est ergo clavis David, quæ docet Verbum inspiratum; illud, inquam, Verbum, quod est in sinu Patris ineratum, incarnatum in utero Virginis, inspiratum in corde tuo, ubi habitat per fidem, illabitur mentes angelicas, et humanas intrans, in eis facit intelligere has visiones, quia est intellectus purus, sed alio et alio modo, quia sunt majores profundationes, secundum

quod anima intime inducit, vel meditatur in se: et hoc fit per divinum radium, ut dicit Dionysius, *de Angelica Hierarchia*<sup>6</sup>: « Ergo Jesum, inquit, invocantes, qui est primum lumen, » etc. Et ideo dicit Dionysius, *de Ecclesiastica Hierarchia*: « Lex Divinitatis est, infima per media ad suprema reducere. » Ille ergo thearchicus radius descendens in cœlestem hierarchiam, illam illuminat; et per illam, ecclesiasticam, vel subcœlestem: totum tamen facit ille radius, quia angeli ibi nihil faciunt, nisi occasionaliiter, sicut, si aliquis vellet quod radius illuminaret multas domos, aperiret fenestras, et tamen radius omnes partes domus illuminaret, et sicut, si quis præpararet multa specula ad recipiendum lunæ: deinde ordine resolutorio ille radius nos reducit in contemplationem cœlestium, deinde supercœlestium.

## SERMO IV.

*De luce intellectus, quæ est Veritas, de ejus speciebus, et visione intelligentia per naturam inditæ.*

<sup>7</sup> *Vidit Deus lucem, quod esset bona, et divisit lucem a tenebris, etc.* In omnibus operibus sex dierum, præterquam secundæ, dictum est: *Vidit Deus, quod esset bonum: et in fine dicit: Videt Deus cuncta, quæ fecerat, et erant valde bona.* Videre dicitur DEUS, quia videre nos facit. Prima visio animæ est per naturam intelligentia inditæ. Unde dicit *Psalmus*<sup>8</sup>: « Signatum est super nos lumen vultus tui, Domine. » Et hic possunt explicari omnes difficultates philosophiæ. Philosophi dixerunt novem scientias, et polliciti sunt dare decimam, scilicet contemplationem; sed multi philosophi, dum se voluerunt dividere a tenebris erroris, magis se erroribus immiscuerunt. « Dicentes enim<sup>9</sup> se sapientes, stulti facti sunt, » superbientes de sua scientia, Luciferiani facti. Apud Aegyptios<sup>10</sup> densissimæ

<sup>1</sup> *Gen.*, I, 26. — <sup>2</sup> *Job*, XXXIX, 27, 30. — <sup>3</sup> *Rom.*, I, 28. — <sup>4</sup> *II Cor.*, XII, 7. — <sup>5</sup> *Luc.*, XXIII, 43. — <sup>6</sup> *Dion.*,

*de Cœl. Hier.*, c. I, in princ. — <sup>7</sup> *Gen.*, I, 4. — <sup>8</sup> *Psal.*, IV, 7. — <sup>9</sup> *Rom.*, I, 22. — <sup>10</sup> *Exod.*, X, 22.

tenebrae erant, sed sanctis tuis maxima erat lux. Omnes qui fuerunt in lege naturae, ut patriarchae, prophetae, philosophi, filii lucis fuerunt. Lux animae veritas est. Haec lux nescit oceasum; ita enim fortiter irradiat super animam, ut etiam non possit cogitari non esse, nec exprimi, quin homo sibi contradicat: quia si veritas non est, verum est: veritatem non esse: ergo aliquid est verum: et si aliquid verum est, verum est veritatem esse: ergo si veritas non est, veritas est. Super omnia enim praevalet veritas. Emissit autem haec lux tres radios primos. Unde in *Ecclesiastico* scriptum est<sup>1</sup>: « Tripliciter sol exurens montes. » Est enim veritas rerum, veritas signorum seu vocum, et veritas morum. Veritas rerum est indivisio entis et esse; veritas sermonum est adaequatio vocis et intellectus; veritas morum est rectitudo vivendi<sup>2</sup>. Et istae sunt tres partes philosophiae, quas philosophi non invenerunt, ut essent; sed quia jam secundum veritatem essent, omnino adverterunt, secundum Augustinum. Haec triplex veritas consideratur ex parte principii originantis, ex parte subjecti suscipientis, et ex parte objecti terminantis. Respicit autem originans principium in ratione triplicis causae, originantis, exemplantis, et terminantis. Nam<sup>3</sup> « ex ipso, per ipsum, et in ipso sunt omnia. » Ergo veritas indicat, quod mens nostra fertur naturali inclinatione ad veritatem, secundum quod est causa essendi, ratio intelligendi, et ordo vivendi. Secundum causam essendi, veritas rerum; secundum rationem intelligendi, veritas vocum; secundum ordinem vivendi, veritas morum. Ex parte autem animae, omnis irradiatio veritatis super intelligentiam nostram aut sit super ipsam absolute, et sic pertinet ad notitiam rerum speculandarum, aut in comparatione ad interpretativam, et sic est veritas vocum; aut in comparatione ad affectivam et motivam, et sic est veritas operabilium. Ex parte objecti sic: Omne quod

<sup>1</sup> *Ecclesi.,* 31III, 4. — <sup>2</sup> Idem infra, serm. v. —

est, aut est a natura, aut a ratione, aut a voluntate: secundum primam, est notitia quae est de rebus; secundo modo, de sermonibus; tertio modo, de moribus. Ergo secundum principium, subjectum, et objectum, est triplex radius veritatis in anima, per quem possit anima non solum elevari ad perpetua, sed etiam in causas omnium. Sed si addatur condimentum fidei, tunc potest eo facilius, ut causa essendi attribuatur Patri, ratio intelligendi Filio, ordo vivendi Spiritui sancto. Visio ergo intelligentiae per naturam inditae, ut convertitur ad res, est veritas. Vult autem anima totum mundum describi in se. Mundus consideratur tripliciter, quantum ad essentiam, naturam, et figuram. Iste autem radius dirigit ad quidditatum differentias occultas considerandas, ad figurarum proportiones manifestas, ad naturarum proprietates ex utroque permixtas. Naturalis permixta consideratio est, quia modo de causis, quae sunt occultae, ut qualiter ignis calidus, qualiter herba calida, quia hoc habent a specie sua, quae occulta est; modo de quantitate et influentia corporum, et sic de quantitate secundum quidditatum differentias occultas, fit entis divisio sex modis ad praesens<sup>4</sup>: in substantiam, et accidentis; in universale et particulare; in potentiam, et actum; in unum, et multa; in simplex et compositum; in causam, et in causatum. Haec sunt sex lumina, quae disponunt animam ad sciendum, et bene faciendum, vel sentiendum. Divisio substantiae et accidentis patet; sed quaedam sunt, quae reducuntur ad istam, et in his est maximus error. Dicit ille: Creatio non est, pro eo quod impossibile est accidentis praecedere substantiam: creatio autem accidentis est: ergo, etc. Dico, quod creatio, quae est passio, accidentis non est, quia relatio creaturae ad Creatorem non est accidentalis, sed essentialis. Similiter potentia materiae non est accidentis materiae, sed essentialis, quia

Entis  
divisio.

<sup>3</sup> *Rom.,* xi, 36. — <sup>4</sup> Arist., *Metaph.*, lib. IV, text. 2 et seq.; lib. VI, text. 3 et 4.

hoc ipso, quod est, ad alterum est. Similiter differentiae ad genus reducuntur, ut meræ privationes ad suos habitus.

Secunda divisio est in universale, et particularē; et circa hoc magnus fuit error. Aliqui dicunt<sup>1</sup>, quod universale nihil est, nisi in anima; Plato posuit, quod solum in Deo; alii, quod solum in anima. Iste nimis abstrahunt. Dico, quod est universale unum ad multa, unum in multis, unum præter multa. Unum ad multa est in potentia materiæ, quod non est completum; unum in multis partibus, et unum præter multa, in anima; unum autem ad multa, et unum in multis, et unum præter multa, in arte æterna sunt. Per illam enim artem et rationem consistit in re: planum est enim, quod duo homines assimilantur, et non homo et asinus. Ergo necesse est, ut illa similitudo fundetur, et stabiliatur in aliqua forma stabili: non quæ est in altero, quia illa particularis est: ergo in aliqua universalis. Ratio autem universalis non est tota in anima, sed in re secundum processum generis ad speciem: ut, conveniemus primo in substantia, ut in generalissimo; deinde in aliis, usque ad formam hominis ultimatum.

Tertia divisio est potentia, et actus: et in hoc sunt multi errores. Dicunt quidam quod actus nihil addat super potentiam, nisi modum essendi, secundum completum, et incompletum. Non loquimur de potentia pure passiva, sed de illa quæ producitur ad actum. Necesse est enim, cum in omni creatura potentia activa conjuncta sit potentia passiva, quod illæ duæ potentia fundentur super diversa principia rei. De potentia quæ est ratio seminalis, hæc est vis; quia potentia talis super actum alicubi addit partem essendi vel essentiæ: ut super rationem corporis addit animatum secundum rem, pro eo, quod animato aliquid est; organizatum tamen addit, ut super animatum addat sensibile, et sic usque ad hominem<sup>2</sup>.

<sup>1</sup> Arist., *de Anim.*, lib. I, text. 8. — <sup>2</sup> Ibid., lib. II, text. 31. — (a) *Al.* lit.

Sic similiter de potentiis animæ, quod sicut tetragonus addit unum angulum ad trigonum, et pentagonus ad tetragonum; sic sensitivum ad vegetativum, et rationale ad sensitivum. Aliquando autem addit solum modum essendi, ut de uno in potentia, fiat unum in actu: addit solum modum essendi, quia unum non coniungitur materiæ simpliciter, sed materiæ habenti vitam in potentia radicali. Unde insanum est dicere, quod ultima forma addatur materiæ primæ sine aliquo, vel quod sit (a) ejus dispositio, vel in potentia ad illam, vel nulla forma interjecta.

Quarta divisio est in unum, et multa; et de illa multi sunt errores. Quidam dixerunt, quod omnia sunt unum, ut sicut una est materia, ita una forma radicalis, et postmodum multiplicatur, et secundum modum essendi variatur, et hoc nihil aliud est dicere, quam quod illa propositio: « *Homo est asinus,* » sit vera per se, falsa per accidens. Unde intellige, quod rationale, et irrationalis non solum differunt per accidens, sed etiam essentialiter.

Quinta divisio est in simplex, et compositum; et de hac sunt etiam multi errores. Quidam dicunt, quod aliqua creatura sit simplex, et tunc sequitur, quod est purus actus, quod est solius Dei: et attribuere, quod est Dei, creaturæ, periculosest. Minus ergo est periculosest dicere, quod angelus sit compositus, etiamsi verum non sit, quam quod sit simplex: quia hoc ego attribuo Angelo, nolens ei attribuere, quod est Dei, propter pietatem, quam habeo ad reverentiam Dei: sed secundum veritatem sic videtur, quia dicit Boetius: « *Forma simplex subjectum esse non potest:* » ergo angelo nihil accideret tunc, nec lætitia, nec tristitia.

Sexta divisio est in causam, et causatum; et de hac sunt multi errores. Quidam enim dicunt mundum ab æterno fuisse, quia in hoc convenienter sapientes, quod non possit aliquid fieri de nihilo, et esse ab æterno:

quia necesse est, quod sicut, quando res credit in nihilum, esse desinit; sic quando fit de nihilo, incipiat (*a*) esse. Sed aliqui vindentur posuisse materiam ingenitam, et sic sequitur quod Deus nihil facit, quia materiam non facit, quia ingenita; nec formam, quia aut fit de nihilo, aut fit de aliquo: non de materia, quia essentia formae non potest fieri de essentia materiae; nec de nihilo, ut supponunt, eo quod Deus nihil potest facere de nihilo. Sed absit, quod potentia Dei fulciatur fæce materiae. Ilæc sunt fundamenta fidei, quæ omnia examinat.

Secunda irradiatio intelligentiae per naturam inditæ, est ad considerandas quantitatum proportiones manifestas: et illæ sunt valde manifestæ, quia offerunt se sensui, et libenter homo negotiatur circa ista, quæ cadunt in imaginationem (*b*): quia imaginatio est fortis in nobis, et ratio obscuratur, et ideo homo multum in his detinetur; et ista

Mathe-  
matica-  
rum di-  
visio. scientia certissima est, quia ad oculum patet. Unde omnes aliae scientiae, præter istam, quasi sunt occultæ. Hæc consideratio mathematica est circa sex: aut circa numeros simpliciter, et sic est Arithmetica; aut circa numeros, prout considerantur in sonis, et sic Musica; aut in quantitate continua, et circa proportiones dimensivas generaliter, et sic Geometria; aut per additionem de linea visuali, et sic Perspectiva: aut secundum quantitatem utramque, et secundum discretiones numerales et substantiales, vel continuas et discretas, et sic Astrologia: et illa est duplex: una de corporibus regulatis per motum, et sic Astronomia; alia de influentia, et hæc partim secura est, et partim periculosa: et hæc Astrologia periculosa est propter judicia, quæ sequuntur, et ab hac fluunt Geomantia, vel Chiromantia, et cæ-

Name-  
rus per-  
fectus,  
exgres-  
sens et  
diminu-  
tus. teræ species divinationis. Ilæ scientiae disponunt ad intellectum Scripturæ, ut patet de numeris perfectis, excrescentibus, et diminutis; ut patet de perfectione senarii, qui de se perfectus est. Non enim, ut dicit Augustinus,

(*a*) *Cœl. edit.* incipit. — (*b*) Item imaginatione.

tinus <sup>1</sup> senarius ideo perfectus, quia in eo numero Deus fecit mundum; sed ideo fecit Deus mundum in illo numero, quia perfectus est. Similiter de duobus numeris cubieis primis, scilicet 8 et 27, quia bis duo bis, octo faciunt; ter tria ter, sunt 27, qui ligari non possunt minus, quam per duos numeros quadratos, scilicet 12 et 18. Sic enim se habent 12 ad 18, ut 18 ad 27; quia in sexqui-altera proportione, quæ tenet totum, et ejus medietatem. Similiter patet de triangulo, quomodo ducit in cognitionem Trinitatis. Certum est enim, quod quantus est Filius, tantus est Pater; et quantus est Pater, tantus est Spiritus sanctus, et Filius. Et inde triangulum considera, cuius quilibet angulus totam superficiem includit. Similiter perspectiva de radio directo, qui fortior est, sicut si tu projicias directe deorsum lapidem magnum, sonum facit; si autem ex obliquo, non tantum. Reflexus radius est a corpore terso et polito virtute tensionis, et ibi accipit speciem; radius fractus est in introitu alterius perspicui.

Tertia irradiatio animæ, seu intelligentiae per naturam inditæ, est ad investigandum naturarum permixtas proprietates, scilicet partim occultas, et partim manifestas. Philosophus enim <sup>2</sup> considerat omnia per motum: considerat enim de motu, de principiis motus, et causis, ut locum, et tempus: considerat autem naturas corporum cœlestium, sive corpora ætheralia, meteoralia, clementaria, vegetabilia, sensibilia, rationalia. Cœlestia in libro *de Cœlo et Mundo*, ubi reducit omnem motum ad motum perfectum, scilicet localem: iste autem <sup>3</sup> localis est triplex: aut circa medium, ubi non est contrarietas, et sic circularis; aut a medio, et sic levium motus; aut ad medium, et sic motus gravium, sive motus rectus. Meteorica, ut in libro *Meteororum*, ubi dicit de impressiōnibus et mineralibus. De elementaribus, ut

Nume-  
rus cubi-  
cus.

Trini-  
tatis myste-  
rium.

Scientiæ  
naturalis  
divisio.

<sup>1</sup> Aug., *de Gen. ad litt.*, lib. IV, c. II et VII. —

<sup>2</sup> Arist., *Phys.*, lib. III, text. I et seq.; lib. IV, text. I et seq. — <sup>3</sup> Id., *de Cœl.*, lib. I, text. 3 et seq.

*de Generatione, et Corruptione*: et de vegetabilibus, in libro *de Plantis*, ubi sunt mirabiles considerationes; aut de sensibilibus, ut in libro *de Animalibus*, quem totum non habemus: aut de rationalibus, ut in libro *de Anima* cum suis appendicibus, scilicet *de Sensu et Sensato, et de Memoria, et Reminiscentia, de Spiritu et Anima, de Somno, et Vigilia, de Morte et Vita*.

Sermo-  
cialium  
divisio.

Secundus radius veritatis informat ad considerationem locutionum, et argumentationum, persuasionum rationabilium, ut homo habeat triplicem artem per eum, ad locutiones congrue indicantes mentis conceptus: ad argumentationes, trahentes omnes mentis assensus; ad persuasiones, inclinantes omnes mentis affectus. Ratio enim cogitat facere quidquid in se est, in alio: et quidquid est in alio, facere in se: hoc autem non fit nisi per sermonem. Quidquid ergo est in anima, aut est per modum conceptus, aut per modum assensus, aut per modum affectus. Ad indicandum conceptum est Grammatica: ad indicandum assensum est Logica: ad indicandum affectum est Rhetorica. Secundum Grammaticum, omnis pars orationis significat mentis conceptum: habet enim partem significantem substantiam, et qualitatem, et sic est nomen: habet partem significantem modum, et sic est verbum, quod dicit inclinationes, ut indicativus, qui habet modum significandi, ut in rationali; imperativus, ut in irascibili: optativus, ut in concupiscibili: subjunctivus, partem utramque: infinitivus, quasi materialis. Et ad has differentias omnes reducuntur, secundum Priscianum. Similiter determinant de littera, de syllaba, de dictione, de oratione. Quia enim varii sunt modi significandi, et terminandi secundum diversas linguas, ut terminatum in *a*, feminini generis, ut in pluribus; in *us*, masculini generis, et sic de aliis. De littera determinat, sed ad hanc non potest descendere nisi per syllabam. Ultimo considerat de conexione dictionum, sed postea determinat de prosodia similiter, et diasynthetica. Ex-

Rationis  
mutus.

primit autem omnia per octo partes orationis. Ad litteram autem descendit per syllabam, et postea de prosodia, et metrica, et hujusmodi referuntur ad primum. Considerat similiter modos, ut accidentia, ut in quibus accidentibus nominativus construatur cum verbo singularis numeri, ut non dicatur: « Homo currunt, » quia ab una substantia non egreditur, nisi unus actus. Similiter, ut post verbum transitivum non ponatur nominativus, sed accusativus, qui dicit terminum, non principium actus, ut nominativus. Unde Grammatica a rebus naturam trahit; nec potest esse bonus grammaticus, nisi sciat res. Alia directio est, quae illustrat ad argumentationes inducentes ad mentis assensum, quod fit per solitam argumentationem, ut: Quæcumque uni, et eidem sunt, etc. Ilæc argumentatio habet formam grammaticalem et specialem in materia necessaria, solida; et ideo est prima analysis, et secunda analysis de syllogismo. De syllogismo necessario, id est, resolutorio in causam inferendi, ut in prima analysi, id est, resolutione; et secunda analysi, id est, resolutione in causam inferendi, et essendi: et quia semper non potest esse inductio per necessariam argumentationem, ideo inveniuntur loci, et habitudo localis, quæ procedit per probabilia, ut loci topici; et quia in his cadit deceptio, adduntur loci sophistici, ut sciat homo dissolvere. Unde dissolvens non est sophisticus, sed verus respondens, quia et isti modi trahunt originem a natura rerum, ut patet: « Fumus est, ergo ignis est; » locus ab effectu. Ideo adduntur decem prædicamenta; adduntur etiam enuntiationes.

Gram-  
maticus  
& bonus  
quis.

Tertius radius, in quo mens illustratur ad persuadendum, vel inclinandum animum, hoc fit per Rheticam. Unde Rheticus oportet ut provideat civili utilitati, ubi potest esse periculum propter dissensionem animorum. Procedit autem secundum tria attributa, et triplices genus causæ, scilicet demonstrativum, deliberativum et judiciale.

Rheticæ di-  
visio.

Demonstrativum personæ , ut ad laudem , vel vituperium : ergo , vel est laus quantum ad bona animæ , quæ sunt tria , scilicet virtus , scientia , veritas ; vel est laus quantum ad corpus , scilicet pulchritudo , fortitudo , etc. ; vel de bonis fortunæ , ut dixitiae , parentela , patria . Deliberativum est respectu rei faciendæ , et tunc persuadetur , si adest securitas , utilitas , honestas ; vel persuadetur non fieri , si sequitur damnum , perieulum , in honestas . Genus judiciale respondet rei factæ , quæ habet constitutionem , conjecturam , dubitationem legitimam . Judicialis constitutio est : « Fecisti ? Non feci : » quæ apud alios litis contestatio vocatur . Conjecturalis , cum aliquid producitur ad probandum . Legitima dubitatio juridicalis , est descriptio juridicalis , quando factum conceditur , sed defendit se , quod non sit reus : vel quia potuit facere de mandato Domini , vel quia debuit . Ad hoc autem , quod sit potens orator , necesse est quod habeat exordium ad captandam benevolentiam non nimis prolixum , non nimis obscurum , non nimis exquisitum ; quod habeat rationem , ut factum narret , postea negotium dislinguat , et caveat multitudinem partium ; postea partem suam confirmet per rationes ; postea adversarium confutet , et rationes suas ostendat frivolas : postea concludat . Item necesse est ut habeat inventionem , dispositionem , elocutionem , memoriam , et pronuntiationem .

## SERMO V.

*De medio , et virtutibus , et de radiis lucis veritatis , ac de triplici veritate , scilicet rerum , morum , et sermonum .*

<sup>1</sup> *Vidit Deus lucem , quod esset bona , et divisit lucem a tenebris , etc. Dictum est , quod intellectualis lux est veritas , quæ est radians super intelligentiam , sive humana-  
nam , sive angelicam ; quæ inextinguibili-*

ter irradiat , quia non potest cogitari non esse . Irradiat autem aliquid tripliciter <sup>2</sup> : ut veritas rerum ; ut veritas vocum ; ut veritas morum <sup>3</sup> . Ut veritas rerum , est indivisio entis et esse ; ut veritas vocum , est adæquatio voceis et intellectus ; ut veritas morum , est rectitudo vivendi : quod patet ex parte principii , quod irradiat ; ex parte subjecti , quod irradiationem suscipit ; ex parte objecti , ad quod irradiat . In quantum est hæc lux causa essendi , est lux magna ; in quantum est ratio intelligendi , est lux clara ; in quantum est ordo vivendi , est lux bona . *Vidit , inquit , Deus lucem , quod esset bona* . Ut lux magna , irradiat ad comprehensionem substantiarum , sive essentiarum , figurarum , et naturarum mundialium ; ut lux clara , ad comprehensionem locutionum , comprehensionum , argumentationum <sup>(a)</sup> , persuasicum rationabilium ; ut lux bona , irradiat super intelligentiam , vel illustrat , ad comprehensionem modestiarum , industriarum , justitiarum : ad comprehensionem modestiarum , quantum ad exercitationes consuetudinales ; ad comprehensionem industria-  
rum , quantum ad speculationes intellectua-  
les ; ad comprehensionem justitiarum , quantum ad leges politicas . Primo habenda est modestia ; secundo industria inquirenda ; tertio exercenda justitia . Et hic ostenditur prælatus qualis esse debet , scilicet perfectus in actione , et contemplatione , et ut accipere debet leges . Ubi ? In monte contemplationis cum Moyse <sup>4</sup> , ut sit modestus , et industrius , non bestialis , quia in montem talis ascendere non potest : « Bestia » enim <sup>5</sup> , « quæ tetigerit montem , lapidabitur . »

Primo igitur irradiat , sive illustrat ad apprehensionem , quantum ad exercitationem consuetudinalium virtutum . Unde Philosophus <sup>6</sup> ponit duodecim medietates : fortitudinem , circa timores et audacias ; temperantiam , circa delectationes et tristitias ;

— <sup>5</sup> *Hebr.*, xii, 20. — <sup>6</sup> *Arist.*, *Ethic.* , sive *Moral.* *Nicomac.* , lib. II , c. vii ; lib. IV , per totum .

(a) *Leg.* comprehensionem .

<sup>1</sup> *Gen.*, i, 4. — <sup>2</sup> *Cf.* Anselm. , *Proslog.* , c. iii et xxiii . — <sup>3</sup> Idem habet serm. vi et vii . — <sup>4</sup> *Exod.* , xix, 3.

Prælatus  
qualis  
esse de-  
bet.

liberalitatem, circa dona medioeria; magnificientiam, circa dona magna; magnanimitatem<sup>1</sup>, circa magnos honores; philotimiam, circa niediores; mansuetudinem, circa iras; veritatem, circa locutionem; eutrapeliam, circa ludum; delectationem et amicitiam, circa duo media passionum, ut verecundia, et nemesis, quae est nulli obesse, et alicui prodesse. De his autem sex eligemus praecipuas, scilicet primo temperantiam, secundo magnificientiam, tertio fortitudinem, quarto mansuetudinem, quinto benignitatem, sexto magnanimitatem.

Tempo-  
rantiæ. Primo incipiendum a temperantia. Haec necessaria est in primis; non enim<sup>2</sup> statim temperatur homo a timore mortis; sed statim, quando natus est, delectationem requirit secundum gustum; unde puer appetit dulce secundum gustum, et postea delectabile secundum actum, quando magnus est. Hanc passionem contemporaneam nobis, quae incipit in pueris, et terminatur in senibus, oportet primo domare: et ista est concupiscentia, postea est cupiditas. Puer enim primo appetit manducare, et postea pecuniam. Unde mirabiliter delectatur in illa: et si puero offeras panem et denarium, accipit denarium, et relinquit panem: hoc inficit homines. Concupiscent enim habere, et retinere. Appretiari haec, ut felicissima, malitia est; aspernari, ut execabilia, malum est. Dicunt quidam, quod totaliter pauperes non tenent medium. Respondeo, imo vero tenent medium. Haec enim medietas non est circa res, sed circa appetitum animalium. Si enim appetis haec, ut sustenteris tuis, vel alienis, medietatem tenes; si appretiaris, ut felicitas sit in eis, unum extremum est; si aspernaris ut profanum, alterum extremum est, sicut Manichæi profanum putant cum muliere jaccere, vel uxore, sive cum alia. Similiter dixerunt, quod nihil potest homo habere; et dicit Augustinus,

<sup>1</sup> Cf. S. Thom., II-II, q. CXXIX, art. 2, in corp. — <sup>2</sup> Arist., Ethic., lib. II, c. VII. — <sup>3</sup> Luc., IX, 3. — <sup>4</sup> Vid. Legendam de vita S. Francisci. — <sup>5</sup> Arist., Ethic., lib. II, c. VII; lib. IV, c. I et II. — <sup>6</sup> IV Reg.,

quod hoc non fuit præceptum, licet apostolis dixerit (*a*) Dominus<sup>3</sup>: « Nihil tuleritis in via. » Medium est ergo sustentari sive suis, sive alienis. Et dicebat S. Franciscus<sup>4</sup>, quod pauper magis potest esse largus, quam dives, quia dives, si dat quidquid habet, deficit, et confusus est; si vero non dat, cum habeat, licet vellet dare, si sibi non deficeret res, voluntas bona est, sed non reputatur pro facto sibi, quia adhuc habet substantialiam. Sed pauper, qui nihil habet, vellet dare pauperi, et nihil habet quod det; et vellet ædificare hospitalia, non tamen habet, voluntas pro facto reputatur. Quod autem dicunt, quod nimis pauperes non tenent medium, simile est illi, quod dicebat quidam medicus Federici, quod ille, qui abstineret ab omni muliere, nec erat virtuosus, nec tenebat medium. Et ad hoc sequitur, quod si omnem mulierem cognoscere, et cognoscere nullam, extrema sunt; ergo medietatem omnium mulierum cognoscere, medium est.

Muni-  
ficentia. Haec cupiditas domari debet per-munificentiam, quae comprehendit in se largitatem et magnificientiam. Iste est fons, qui aquas refundit. Fons non retinet in se aquas secundum Philosophum<sup>5</sup>. Difficile est ab hac perfecte curari, quia hoc valde delectabile est, quia per hanc reputat se homo magnum, et alii eum reputant. Si homo luxuriatur, dolet cerebrum; sed in divitiis homo delectatur, quia est ibi præsumptio, et delectatio, et reputatio. Unde haec cupiditas infecit Giezi<sup>6</sup>, et leprosus factus est, quia cucurrit post Naaman. Isti simoniai hodie largitatem reputant magnam curialitatem. Venit Simon magnus, et dixit Petro<sup>7</sup>: « Accipe de pecunia, et da mihi ut per impositionem manus possim dare Spiritum sanctum. » Sed Petrus non reputavit curialitatem, nec habuit patientiam: « Pecunia tua, » inquit, « tecum sit in perditionem. »

Tertia medietas est fortitudo<sup>8</sup>, quae est Forli-  
tudo.

v, 21 et seq. — <sup>7</sup> Act., VIII, 18, 20, — <sup>8</sup> Arist., Ethic., lib. II, c. VII.

(a) Cœl. edit. dixerat.

circa timores et audacias. Hæc est necessaria homini, ut non pusillanimis, neque temerarius sit, sed sustinendo terribilia, etiam sit paratus mori: aliqui enim cadunt in ignaviam et pusillanimitatem. Unde Job dicebat<sup>1</sup>: « Numquid (a) fortitudo lapidum fortitudo mea, aut caro mea ænea est? » Fortitudo enim in anima est, non in carne. «<sup>2</sup> Melior est sapiens arrogante; et vir patiens, expugnatore urbium. » Unde spiritualis homo multum debet cavere de mœstitia. Hæc virtus facit animam nobilem; sed quia fortis aliquando deditur contra aliquos, ideo necessaria est mansuetudo.

Mansue-  
tudo.

Quæ est quarta medietas: et est<sup>3</sup> contra irascibilitates et iracundias, non ut penitus homo non irascatur, sed ubi debet, et quando debet. Unde debet habere et faciem hominis, et faciem leonis. Unde putant aliquando hominem mansuetum, qui tacet alio peccante: hæc non est mansuetudo. Quid igitur dicitur de Jesu, qui<sup>4</sup> « turbavit semetipsum, » et<sup>5</sup> « fecit flagellum de funiculis? » Unde scriptum est: « Væ mihi, ut quid natus sum videre mala gentis meæ et sanctorum<sup>6</sup> (b)? » Unde Christus est agnus et leo.

Beni-  
gnitas.

Quinta medietas est benignitas<sup>7</sup>, sive nemesis, sive amicitia, quæ nihil habet malignitatis; sed homo vult bonum alii homini, et oportet quod hæc ratio hominem dirigat. Etsi dicat Philosophus, quod oportet amicis benefacere, inimicis malefacere; Christus tamen dicit, ut omnis homo diligatur, ut conferat utilia, et non nociva. Si ergo te diligo, et do tibi vel dignitatem, vel libertatem, et tu male uteris ea; si dem tibi, ut sim benignus, non sum, sed magis malignus; unde non dabo tibi, ut sim benignus. Habeo amicum, habeo inimicum: amicus male utitur aliqua prælatione, vel dignitate, ad damnum suum, et Reipublicæ; si dem sibi, benignus non sum. Inimicus mens e contra bene utitur: et ideo sibi dabo, et fa-

ciam bonum meum de malo suo. Sic pater non blanditur filio, nec dicit verbum dulce, ne superbiat. Mundus hodie ignorat istam benignitatem: unde<sup>8</sup> « totus mundus in maligno positus est, » quia homo non diligit nisi bonum privatum.

Sexta medietas est magnanimitas, ut appetientur magna, et despiciantur vilia. Hæc est humilitas, quæ despicit apparentia magna, et appetiatur ea quæ videntur esse parva, sunt tamen magna vere. Notandum quod Philosophus<sup>9</sup> dicit, quod magnanimus est in appetitu honoris: quidquid dicat ipse, hoc non docet veritas, cum honor non sit, nisi æternorum. Sed e contra, quidam appetiatur unam vilissimam laudem alicujus, cum tamen veritas dicat in mente sibi, quod est ipse pessimus, et nequam, et tamen ipse effert se. Hæc sex medietates sufficiunt. Aliæ enim quædam innominatae sunt: has autem Philosophus manifeste ponit, et in his ratio veritati substernitur fidei. Hæc enim medietates removent vitia, sive carnalia, sive spiritualia, ut temperantia gulam et luxuriam; munificentia avaritiam, cupiditatem, et rapacitatem; fortitudo acediam, ignaviam, pigratiam; mansuetudo iracundiam, odium, impatientiam; benignitas invidiam; magnanimitas superbiam, arrogantiam, vanitatem et jactantiam.

Secundus veritatis radius illustrat ad apprehensionem industriarum, secundum speculationes intellectuales. Hæc sunt quinque, scilicet scientia, ars, prudentia, sapientia, intelligentia. Speculatio autem consistens in se, aut transit in effectum, aut affectum. Primus modus non pertinet ad Moralem, sed magis Logici est; secundus autem speciat, quia virtuosus; et ideo quia faciliter speculativus fit practicus, ideo facile ex speculativo fit virtuosus. Notitia enim transiens in affectum est sapientia, quæ est<sup>10</sup> cognitio causarum altissimarum, et per causas altissimas.

<sup>1</sup> Job, vi, 12. — <sup>2</sup> Eccli., vii, 9. — <sup>3</sup> Arist., Ethic., lib. II, c. vii; lib. IV, c. v. — <sup>4</sup> Joan., XI, 33. — <sup>5</sup> Joan., II, 15. — <sup>6</sup> I Mach., II, 7. — <sup>7</sup> Arist., Ethic., lib. II, c. vii; lib. IV, c. vi. — <sup>8</sup> I Joan., V, 19. — <sup>9</sup> Arist., Moral. Nicomac., lib. IV, c. iii. — <sup>10</sup> Ibid., lib. VI, c. iv.

(a) Vulg. Nec. — (b) Vulg. contritionem populi mei et contritionem civitatis sanctæ.

simas ; notitia autem transiens in effectum extrinsecum, est ars, quæ est habitus cum ratione factivus ; et hæc notitia jungitur cum faciente, p̄œvia tamen affectione. Medium inter hæc est electio, quæ jungitur affectui, et ordinatur ad opus. Quod enim quis eligit, amat, et dirigit ad opus : et hæc est prudentia, quæ est media inter sapientiam et artem. Intelligentia autem est in ascendendo a prudentia ad sapientiam, quæ est cognitio principiorum et regularum certarum. Necessæ est similiter descendere ad

*Chirurgus qualis esse debeat.* artem per scientiam. Chirurgus, nisi habeat regulam medieci, interficit hominem, ut alius quis inciditur, et ille est dispositus ad febrem.

*Exemplum de mathematici industria.* Dicebatur etiam de quodam mathematico, qui faciebat optimas campanas, et illas faciebat secundum proportiones musicales ; tamen illas habuit a quodam musico, qui dederat sibi formam longitudinis, et spissitudinis, et martellum proportionatum ad pulsandum. Nec est intelligendum propter hoc quod dicitur, quod virtutes quædam sunt intellectuales, quædam consuetudinariae, quod propter hoc virtutes non sint in parte aliqua, nisi in rationali, quia essentia omnis virtutis est in rationali ; sed quædam sunt in rationali secundum se, et secundum quod est speculatrix; quædam, secundum quod est exterioris hominis gubernatrix.

Tertius radius veritatis illustrat ad miorales justitias secundum dietamen legum politicarum. Hic non debo loqui ut theologus, nec sicut jurista, sed sicut philosophus loquitur. Hæc autem est circa quatuor. Nullus autem philosophorum dedit hanc ; sed si fuerit collectum aliquid ex multis, proveniet. Attenditur autem quantum ad ritum colendi, quantum ad formam convivendi, quantum ad normam præsidendi, quantum ad censuram judicandi. Ad censuram judican di non pervenitur, nisi per normam præsidendi ; nec ad normam præsidendi, nisi per

formam convivendi ; nec ad istam, nisi per primam. Omnes veri philosophi unum Deum coluerunt. Unde etiam <sup>1</sup> Socrates, eo quod prohibebat sacrificium fieri Apollini, interfectus fuit, cum coleret unum Deum. Verum est, quod Plato suavit sibi fugam. « Absit, » inquit Socrates, « ut negem veritatem quam asserui. » Et ideo Plato non interfuit morti ejus, erubescens quod suasset sibi fugam. Cultus Dei pietas est fidei. Unde dicit Tullius <sup>2</sup>, quod « pietas consistit in cultu deorum. » Non placet, quod dicit deorum. Scriptura nunquam dicit angelos *deos*, ne venerentur sicut dii ; sed homines vocantur *dii*. Unde *Psalmus* <sup>3</sup> : « Deus stetit in synagoga deorum, » id est hominum, non angelorum. Cultus autem Dei consistit in laude et sacrificio. Quomodo autem sacrificium introduc tum sit, videtur quod per fidem Abel ob tutulit sacrificium, et Noe, de quo dicitur <sup>4</sup> : « Odoratus est Dominus odorem suavitatis. » Et figurabant hæc sacrificia sacrificium Christi, quod in cruce fecit : et ideo dicitur Dominus odorare, quia placatur per mortem Unigeniti. (Dæmones autem propter superbiam suam volunt coli ut Deus, ut habeant in terra, quod non habere potuerunt in celo.) Et quia maxime alienantur homines a Deo, sanguinem Christi offert, qui facit talia sacrificia, eo quod effusus fuit ad placandum Patrem. « Sacrificium » autem <sup>5</sup> « laudis » in corde naturale judicatorum dictat, et est di etamen naturæ : et in hoc consenserunt omnes veri philosophi. Unde dicit ille <sup>6</sup> quod qui dubitat utrum parentes honorandi sint, et Deus venerandus, poena dignus est. Secundus modus est forma convivendi, ut <sup>7</sup> : « Quod tibi non vis fieri, non facias alteri. » Hoc in corde scriptum est per legem aeternam. Ex hac naturali lege emanant leges et canones, pul lulationes pulchræ. Sed si arguitur : Tu non vis suspendi, ergo latronem suspendere non debes ; dicendum, quod latro prius debet suspendi, quam ut Respublica lædatur : et

<sup>1</sup> Plato, *Apolog. Socr.*; Diog. Laert., *de Vita Philos.*, lib. II, in *Socr.* — <sup>2</sup> Cic., *de Nat. Deor.*, lib. I. —

<sup>3</sup> *Psal. LXXXI*, 1. — <sup>4</sup> *Gen.*, VIII, 21. — <sup>5</sup> *Psal. XLIX*, 4. — <sup>6</sup> Cic., loc. cit. — <sup>7</sup> *Tob.*, IV, 16.

ideo Jonas contra se dedit sententiam, ut<sup>1</sup> projiceretur in mare.

Tertia est norma præsidendi, id est quæliter princeps ad populum debet se habere, et e converso : et hæc emanant a veritate prima, quia populus debet assistere præsidenti et punienti. Princeps non debet suam utilitatem querere, sed Reipublicæ. Philosophus<sup>2</sup> dicit, quod differt tyrannus et princeps, quia tyrannus querit propriam utilitatem, sicut Herodes, qui timens privari regno suo, sœviiit in pueros; princeps autem communem intendit utilitatem. Unde hodie magna abominatio est in his qui præsunt : quia in navi non ponitur rector, nisi habeat artem gubernandi, et in Republica ponitur

ille, qui nescit regere. Unde quando per successionem pueri præsunt, male regitur Res publica. David fuit sanetissimus; Salomon, etsi lubricissimus, tamen sapientissimus; Roboam stultus, quia divisit regnum. Romani elegerunt<sup>3</sup> Diocletianum per artem divinationis, sive diaboli. Debebant eligere comedentem super mensam ferream, et invenerunt comedentem illum super vomerem, qui postmodum multa mala fecit. Unde quādiū Romanū illos, qui præessent, elegerunt sapientissimos, tuue bene gubernata fuit Res publica; sed postquam ad successionem venerunt, totum fuit destructum. Ultimum est censura judicandi, ut homo sciat quid de quacumque re sit judicandum; quod spectat ad personas, ad res, ad modum agendi. Hæc omnia manant a veritate prima. Sed in his omnibus luxuriata est ratio physica, quia quidam<sup>4</sup> posuerunt mundum æternum, quia si causa æterna, effectus æternus est : et isti male senserunt de causa prima. Similiter metaphysica eodem modo. Similiter mathematici primo posuerunt numeros, et postea ad influentias et secreta cordium per venerunt. Naturales sciunt et de corporalibus et mineralibus, et dixerunt<sup>5</sup> : « Ars

<sup>1</sup> Jon., I, 12. — <sup>2</sup> Arist., *Moral. Nicom.*, lib. VIII, c. x. — <sup>3</sup> Flav. Vopisc. in *Numer.*; Pom. Læt., in *Dioc.* — <sup>4</sup> Arist., *de Cœl.*, lib. I, text. 418 et seq. —

imitatur naturam ; et nos scimus secreta naturæ : ergo nos faciemus aurum et argentum. » Similiter grammatici poesibus et fabulis suis tenuerunt totum mundum, quo usque venerunt sancti contra eos. Similiter logici cum suis sophismatibus, et suis falsis propositionibus, fecerunt mundum insanire. Similiter rhetores adeo delectabantur in colore sermonis, ut non aliud regnum dicerent Dei ; hoc tamen sublatum est multum de medio. Ars moralis non ita luxuriata est, quia non in sola speculatione stat. Sed scientia juris multum luxuriata est propter luerum ; et causæ, quæ deberent terminari per jus, modo per allegationem et subtilitatem juris fiunt immortales, cum tamen intentio juris sit causas rescindere. Hæc sunt novem lumina illustrativa animarum, scilicet veritas rerum, vocum, et morum<sup>6</sup> : rerum, scilicet essentiарum, figurarum, naturalium, quantum ad quidditates occultas, quantum ad quantitatum proportiones manifestas, quantum ad naturarum proprietates mixtas. Primo Metaphysica, secundo Mathematica, tertio Naturalis, seu Physica. Veritas vocum triplex : Primo, quantum ad locutiones, argumentationes, persuasiones. Primo, quantum ad locutiones indicantes mentis conceptus; secundo, quantum ad argumentationes trahentes omnes mentis assensus; tertio, quantum ad persuasiones inclinantes mentis affectus. Primo Grammatica, secundo Logica, tertio Rhetorica. Veritas morum triplex, quantum ad modestias, industrias, justitias : modestias, quantum ad exercitationes consuetudinales; industrias, quantum ad speculationes intellectuales; justitias, quantum ad leges politicas. Primo virtus consuetudinalis; secundo virtus intellectualis; tertio virtus justitialis. Ille igitur scientias tradiderunt philosophi, divinitus illustrati :<sup>7</sup> « Deus enim illis revelavit (a). » Postmodum voluerunt ad sapien-

Veritas  
rerum  
triplex.

Veritas  
vocabula  
triplex.

Veritas  
morum  
triplex.

<sup>5</sup> Arist., *Physic.*, lib. II, text. 22 et 79. — <sup>6</sup> Idem habet serm. vi et vii. — <sup>7</sup> Rom., I, 19.

(a) *Vulg.* manifestavit.

tiam pervenire, et veritas trahebat eos, et promiserunt dare sapientiam, hoc est beatitudinem, hoc est intellectum adeptum: promiserunt, inquam, discipulis suis.

Quarta ergo consideratio est, quomodo venerunt ad hoc, in quo lux separata est a tenebris: separando enim se a tenebris, converterunt se ad lucem. Sed hoc fit, ut anima convertat se super se primo; secundo, super intelligentias spirituales; tertio, super rationes æternales. Primo ergo oportet se considerare, non sicut oculus carnis, qui non videt se, nisi per quamdam reflexionem a speculo; sed sicut oculus mentis, qui primo videt se, et postmodum alia. Sed adhuc oportet ut convertat se super potentias et super actus. Habet enim anima tres potentias, animalem, intellectivam, et divinam, secundum triplicem oculum, carnis, rationis, contemplationis. Primus viget; secundus caligat; tertius excæcatus est. Potentia animalis duplex est: vel in objecta sensuum particularium, vel sensus communis, et sic est potentia subjectiva; sive in phantasmata sensibilium, et sic est potentia imaginativa. Intellectualis etiam potentia est duplex, quia aut considerat universales rationes abstractas a loco, tempore; aut elevatur ad substantias spirituales separatas: et sic sunt duas potentias, scilicet ratio, et intellectus: per rationem confert, per intellectum cognoscit se et substantias spirituales: et tunc ingerit se intelligentiis, ut tunc intret aeternum earum. Similiter operatio vel potentia divina duplex est: una, qua se convertit ad tuenda divina spectacula; alia, qua se converlit ad degustanda divina solertia. Primum fit per intelligentiam, secundum fit per vim unitivam, sive amativam, quae secreta est: de qua parum, vel nihil noverunt. Ergo triplex est potentia, et sex operationes: et quando haec omnia objecta videt anima, sic rediens super se, fit speculum quoddam pulcherrimum et tersum, in quo videt quidquid est fulgoris et pulchritudinis, sicut in speculo polito videtur

imago. Sed adhuc requiritur opacitas naturalis, vel artificialis: naturalis, ut in speculo de calybe; artificialis, ut in plumbo superposito vitro. Postea requiritur politio, per quam formam vel imaginem recipit. Tertio requiritur splendor, quia in nocte nihil reddit. Similiter in anima sunt virtutes inferiores, tenentes lumen, ne defluat; mediae sunt, sicut positiones; supremæ sunt, sicut splendores supervenientes: et sic est anima speculum.

Sed oportet ut habeamus secundum gradum, quod apponatur pulchris formis, sicut luminibus cœlicis sibi proportionatis, ut angelis, quia si statim elevaret se ad divinos fulgores, reverberaretur. Angelii autem sunt et lumina, et specula, ad quos contemplandos tripliciter elevatur anima. Habent enim angelii virtutes insimas per quas regulant motus nobilium corporum, et influunt in mundalia. Et hoc est positio philosophorum. Constat enim, quod causa nobilior est suo effectu. Et constat, quod ad influentiam corporum cœlestium fit, vel generatur vivum et animatum: ergo anima. Si ergo animatum nobilius est non animato, ergo necesse est ut habeat aliam causam, quam illa corpora. Et illa est influentia angelica, cum influentia corporum cœlestium. Unde per regimen substantiae intellectualis influentis super motum orbis, quem regit, fit hoc. Alii<sup>1</sup> posuerunt, quod Angelii essent numerati secundum numerum motuum, propter inclinationem naturalem ad motum. Alii posuerunt decem intelligentias, solum considerantes earum influentias, et fecerunt insanias et contentiones. Angelus bene potest esse sine motu. Item sunt virtutes in angelis ad animas rationales, per quas regunt homines. Sunt enim delatores lumen, et elevatores intellectum ad suscipendas illuminationes. Est ergo in eis virtus delativa, quia sunt lumina quædam, et quoddam perivium, et contemperant in se nobis divinum radium, ut proportionetur nobis. Secundo

Speculi  
conside-  
ratio.

Separatio  
lucis  
a tene-  
bris  
mystica.

Anima  
potentie-  
tres.

Angeli  
sunt lu-  
mina, et  
specula.

Avicen-  
ne opi-  
cio.

<sup>1</sup> Arist., *Metaph.*, lib. XII, text. 47 et 48.

modo est in eis virtus elevativa, per quam nos aptant per condescensionem et elevacionem ad illum radium suscipiendum, non tanquam perficientes. Item est in eis virtus suprema, qua se ad Deum convertunt in susceptione splendorum aeternae lucis, quam amant, et omnia reducunt ad ipsam, ut tendant in Deum per amorem et laudem. Unde in *Job* dicitur<sup>1</sup>: « Ubi eras, cum me laudarent astra matutina, et jubilarent omnes filii Dei? » Et hoc totum senserunt philosophi. Item angeli sunt ex hoc gratiarum actionem facturi, sive acturi. Quando hoc viderit anima, ingerit se angelis, et intrat speculum ipsorum.

Tertius gradus est, quod ipse intellectus considerans conditions entis secundum relationem causae ad causatum, transfert se ab effectu ad causas, et transit ad rationes aeternas. Differt causa a causatis, quia prima causa est ens primum, et a se causatum productum. Causa prima est ens simplex; causatum ens compositum: causa prima ens purum; causatum ens permixtum: causa prima ens fixum; causatum ens variatum: caus prima ens absolutum; et causatum ens alligatum: causa prima ens perfectum; causatum diminutum. Haec sunt certissima. Intelligentia fertur in hanc lucem tripliciter: ratiocinando, experiendo, intelligendo; ratiocinabiliter, experimentaliter, intelligentialiter. Per viam rationis sic: Si est ens productum, ergo est ens primum, quia effectus ponit causam. Si enim est ens ab alio, secundum aliud, et propter aliud; ergo est ens a se, secundum se, et propter se. Item si est compositum, oportet esse simplex, a quo habet esse, quia omne quod recedit a simplicitate, cadit in compositum. Item si est ens permixtum, necesse est esse ens purum: creatura autem nulla pura. Item si est ens secundum se variatum, necesse est esse fixum, quia mobile reducitur ad immobile.

Rerum  
conside-  
ratio in  
compara-  
tione  
ad Deum

Mota enim manu, stat cubitus; et moto cubito, stat humerus. Et sic semper quod moveatur, movebitur per aliquod fixum. Item si dare est alligatum, ergo absolutum. Omnis creatura alligata est alicui generi praedicatorum: sed quod alligatum est, non mutum dat alteri esse: ergo necesse est absolutum esse, a quo recipiet esse. Item si est ens diminutum, necesse est esse ens perfectum. Et haec via procedit Philosophus<sup>2</sup> ad ostendendum mundum aeternum, quia omnem motum et motionem praecedit motus localis circulariter, quia perfectus est. Sed respondendum, quod verum est quod perfectus est ante diminutum, loquendo de perfecto simpliciter; sed non de perfecto in genere, qualis est motus localis. Et sic fertur intelligentia ratiocinando: fertur similiter experiendo. Sic productum respectu primi defectivum est; similiter compositum, respectu simplicis; similiter permixtum, respectu puri; et sic de aliis: ergo dicunt (*a*) privationes: sed privationes non cognoscuntur, nisi per habitus suos. Rectum enim est index sui et obliqui. Et si<sup>3</sup> omnis cognitione fit ex praexistenti cognitione, ergo necessario<sup>4</sup> intelligentia experitur in se, quod habeat aliquod lumen, per quod cognoscat primum esse. Sic igitur his praesuppositis, intellectus intelligit, et dicit: Primum esse nulli vere esse convenit, nisi primo esse: et ab ipso omnia habent esse, quia nulli inest, nisi primo esse. Similiter simplex esse, est simpliciter perfectum esse: ergo est quo nihil intelligitur melius. Unde Deus non potest cogitari non esse, ut probat Anselmus<sup>5</sup>. Quando anima videt hoc familiariter, primo ratiocinando, secundo experiendo, tertio intelligendo, tunc ibi potest quiescere. Unde ratiocinando infert per oppositum: Si est posterius, est prius: si est compositum, est simplex. Experimentaliter, quia privationes non cognoscuntur, nisi in positione causae:

<sup>1</sup> *Job*, XXXVIII, 7. — <sup>2</sup> Arist., *Phys.*, lib. VIII, text. 73, 74; *de Cœl.*, lib. I, text. 118; lib. II, text. 1 et seq. — <sup>3</sup> Id., *de Anim.*, lib. I, text. com. 83. —

— <sup>4</sup> Id., *Poster.*, lib. I, text. 1. — <sup>5</sup> Anselm., *Proslog.*, c. III et XXII.

(*a*) *Cœl. edit.* dicuntur.

et illa sex videntur per modum defectus et privationis. Intellectualiter, quia non possunt latere animam, ubi primum esse est simplex esse. Item considerat illud esse, ut habet substantiam, virtutem, et operationem, ut purissimam, simplicissimam, et sic de aliis sex: ut est in eo unitas, bonitas, et veritas, ut pura, ut purissima, ut absolutissima, et sic de aliis sex: ut habet speciositatem, firmitatem, et bonitatem, ut puram, purissimam: ut habet memoriam, intelligentiam, voluntatem, secundum illa sex: ut habet vitam, sapientiam, jucunditatem, secundum illa sex: et tunc intelligit bonum per essentiam, et omnia per illud definicuntur, et ideo summe appetibile, et summe debet appeti, et hoc faciendo conquiescit. Primo ergo anima videt se, sicut speculum; deinde angelos, sive intelligentias, sicut lumina, et sicut medium delativum: sive videt (*a*) se, sicut in speculo; intelligentia, sicut in medio delativo lucis æternæ, et contemplativo; deinde in luce æterna tanquam in objecto fontano, quantum ad illas sex conditiones dictas, et rationabiliter, et experimentaliter, et intelligibiliter, vel intelligentialiter. Dum haec ergo percipit, consurgit ad divinum contuitum, et dicit se habere intellectum adeptum, quem promiserunt philosophi, et ad hoc veritas trahit. Sed tamen per virtutes oportet deve-  
nire, sicut venerunt philosophi: quando vi-  
derunt quod tam alte non possent pervenire,  
nisi per virtutes, converterunt se ad docen-  
dum illas, ut fecit Socrates. Unde reputatur  
minus bene dixisse, eo quod tantum de illis  
dixit; sed hoc fecit, quia videbat quod ad  
illum intellectum non posset perveniri, nisi  
anima sit purgata.

## SERMO VI.

*De virtutibus cardinalibus, et de virtutibus animi  
jam purgati.*

<sup>1</sup> *Vidit Deus lucem, quod esset bona, et  
divisit lucem a tenebris, etc.* Propter pri-

mam visionem intelligentiae per naturam inditæ, sumptum est verbum illud: *Vidit Deus, etc.*, id est, videre fecit: de hoc supra<sup>2</sup> in duabus collationibus: et per considerationem scientialem, pro eo quod irradiat hæc lux, ut veritas rerum, ut veritas vocum, et ut veritas morum; et fuerunt distinctæ novem doctrinæ partiales, quarum tres principales radii sunt ex dictamine lucis æternæ, secundum Anselmum et Augustinum. Item quod vidit, id est, videre fecit per contemplationem sapientialem, illuminando animam in se tanquam in speculo; in intelligentia, tanquam in medio delativo; in luce increata, tanquam in objecto fontano. Secundum illas sex conditiones, quas imprimis menti, et secundum has consurgit anima in illam lucem, ratiocinando, experiendo, intelligendo, ut dictum est. Et ad hoc venerunt philosophi, et nobiles eorum, et antiqui, quod esset principium, et finis, et ratio exemplaris. Sequitur: *Et di-  
visit lucem a tenebris*, ut, sicut dictum est de angelis, dicatur de philosophis. Sed unde aliqui tenebras secuti sunt? Ex hoc, quia licet omnes viderint primam causam, omnium principium, omnium finem, in medio tamen diversificati sunt. Nam aliqui negaverunt in ipsa esse exemplaria rerum, quorum princeps videtur esse Aristoteles, qui et in principio *Metaphysicæ*, et in fine<sup>3</sup>, et in multis aliis locis execratur ideas Platonis. Unde dicit, quod solum novit se, et non indiget notitia alicujus alterius rei, et movet ut desideratum et amatum. Ex hoc posuit, quod nihil, vel nullum particulare cognoscit. Unde illas ideas principaliter præcipius impugnat Aristoteles in *Ethicis*, ut dicit, quod summum bonum non potest esse idea: et nihil valent rationes suæ, et Commentator solvit eas. Ex isto errore sequitur alius error, quod Deus non habet præscientiam, nec providentiam, ex quo

Arist.  
execra-  
tur ideas  
Platonis.

<sup>1</sup> *Gen., 1, 4.* — <sup>2</sup> *Serm. IV, p. 49; serm. V, p. 54.* —  
<sup>3</sup> *Arist., Metaph., lib. I, text. 25 et seq.; lib. XIII, c. ult.*  
— <sup>4</sup> *Id., Ethic. Nicom., lib. I, c. vi.* — (*a*) *Suppl. in.*

non habet rationes rerum in se, per quas cognoscat. Dicunt etiam<sup>1</sup>, quod nulla veritas de futuro est, nisi veritas necessariorum; et veritas contingentium non est veritas. Et ex hoc sequitur, quod omnia fiant a casu. Ideo inducunt necessitatem fatalem Arabes, scilicet quod illae substantiae moventes orbem sunt causae omnium necessariae. Ex quo sequitur veritas occultata, scilicet dispositio mundanum secundum pœnam et gloriam. Si enim illæ substantiae movent non errantes, nihil ponitur de inferno, nec quod sit dæmon; nec Aristoteles unquam posuit dæmonem, nec beatitudinem post hanc vitam, ut videtur. Iste est ergo triplex error, scilicet occultatio exemplaritatis, divinae providentiae, dispositionis mundanae. Ex quo sequitur talis cæcitas, vel caligo, scilicet de æternitate mundi, ut videtur dicere Aristoteles<sup>2</sup> secundum omnes doctores Græcos, ut Gregorium Nyssenum, Gregorium Nazianzenum, Damascenum, Basilium, et sectatores omnium Arabum, qui dicunt quod Aristoteles hoc sensit, et verba sua sonare videntur. Nunquam inventies, quod ipse dixerit, vel dicat, quod mundus habeat principium vel initium. Imo redarguit Platonem, qui solus videtur posuisse tempus incœpisse, et illud repugnat lumini veritatis. Ex isto sequitur alia cæcitas de unitate intellectus<sup>3</sup>, quia si ponitur mundus æternus, necessario aliquod illorum sequitur, vel quod animæ sunt infinitæ, cum homines fuerint infiniti; vel quod anima est corporalis; vel quod est transitio de corpore in corpus, vel quod intellectus sit unus in omnibus; qui error attribuitur Aristoteli. Ex his duobus sequitur, quod post hanc vitam non est felicitas, nee pœna. Hi ergo ceciderunt in errores, nec fuerunt divisi a tenebris: et isti sunt pessimi errores. Nec adhuc clausæ sunt claves putei abyssalis. Hæ sunt tenebræ Ægypti: licet

enim magna lux videretur in eis ex præcedentibus scientiis, tamen omnino extinguitur per errores prædictos. Et alii videntes, quod tantus fuit Aristoteles in aliis, et ita dixerit veritatem, credere non possunt, quin et in istis dixerit verum.

Dico ergo, quod illa lux æterna est exemplar omnium, et quod mens elevata, ut mens aliorum nobilium philosophorum antiquorum, ad hoc pervenit. In illa ergo primo ocurrunt animæ exemplaria virtutum. Absurdum est enim, secundum quod dicit Plotinus<sup>4</sup>, quod exemplaria aliarum rerum sint in Deo, et non exemplaria virtutum. Apparet ergo primo in luce æterna virtutes exemplares, sive exemplaria virtutum, scilicet celsitudo puritatis, pulchritudo claritatis, fortitudo virtutis, et rectitudo diffusione. De quibus Philo, disertissimus Juðaeorum, loquens ut philosophus, sapit. Et in libro *Sapientiae*<sup>5</sup>: « Vapor est enim virtutis Dei, et emanatio est claritatis sincera, et ideo nihil inquinatum in illam incurrit. » Ecce celsitudo puritatis. «<sup>6</sup> Candor est lucis æternæ, et speculum sine macula divinae majestatis illius, et imago bonitatis illius. » Et infra<sup>7</sup>: « Est enim speciosior sole, et super omnem dispositionem stellarum luci comparata invenitur prior. » Ecce pulchritudo claritatis: ubi enim est speculum, et imago, et candor, necessario est repræsentatio. Pulchritudo nihil aliud est, quam aequalitas numerosa: ibi enim sunt rationes numerosæ, ad unum reductæ. Et quia speciosissima, ideo<sup>8</sup> « attingit ubique propter sui munditiam. » Et quo sequitur, quod sit fortissima, ideo dicitur<sup>9</sup>: « Sapientiam non vincit malitia. Attingit a fine usque in finem fortiter. » Ecce fortitudo virtutis; attingit a summo, vel supremo, usque ad infimum; ab intrinseco usque ad extrinsecum; a principio usque ad ultimum, quia ubique est centrum suæ potentiae: ideo virtus ejus est

Averr., lib. eod., com. 5. —<sup>4</sup> Plotin., *Enn.*, I, lib. II, de *Virt.*, c. II; Macrobi., lib. I, in *Somn. Scrip.* —<sup>5</sup> *Sap.*, VII, 23. —<sup>6</sup> Ibid., 26. —<sup>7</sup> Ibid., 29. —<sup>8</sup> Ibid., 24. —<sup>9</sup> Ibid., 30; VIII, 1.

<sup>1</sup> Arist., *de Interp.*, lib. I, c. ult. —<sup>2</sup> Id., *de Cœl.*, lib. I, text. 417. —<sup>3</sup> De unitate intellectus Themist., *de Anima*, super text. 49, Arist., c. XXXI, XXX;

infinita. Ex hoc habet rectitudinem diffusio-  
nis : ecce justitia : et ideo dicit <sup>1</sup> : « Disponit omnia suaviter. » Et quia loquitur ut philosophus , ut amator sapientiae , et ideo dicit <sup>2</sup> : « Hanc amavi , et exquisivi , » etc.: non solum propter se , sed quia ab illa im-  
mediate consequenter fluunt tales consimiles proprietates. Unde post statim sequitur <sup>3</sup> : « Sobrietatem enim et prudentiam , et justi-  
tiam , et virtutem docet , quibus nihil est utilius in vita hominibus. » Haec imprimun-  
tur in anima per illam lucem exemplarem , et descendunt in cognitivam , et affectivam , et in operativam. Ex celsitudine puritatis imprimitur sinceritas temperantiae; ex pul-  
chritudine claritatis , serenitas prudentiae ; ex fortitudine virtutum , stabilitas constan-  
tiae; ex rectitudine diffusionis , suavitas jus-  
titiae. Ilae sunt quatuor virtutes cardinales , de quibus tota sacra Scriptura agit ; et Ari-  
stoteles nihil de eis sensit , sed antiqui , et

*Virtutes nobiles philosophi. Cardinales dicuntur tri-*  
*cardina-*  
*les unde pliciter : vel quia per ipsas est ingressus ad*  
*dicantur acquirendum omnes virtutes ; vel quia sunt*  
*principia in quibus integratur omnis virtus ;*  
*vel quia omnis ratio vitae humanae habet*  
*dirigi , et regulari per eas in quatuor cardi-*  
*nalibus mundi minoris , ad similitudinem*  
*mundi majoris , quantum ad activam et con-*  
*templativam. Philosophus <sup>4</sup> dicit , quod vir-*  
*tus est medium duarum extrematum , se-*  
*cundum quod sapiens determinabit ; est enim*  
*in medietate consistens. Virtus enim , secun-*  
*dum Augustinum <sup>5</sup> , non est aliud quam*  
*modus. Ilunc modum prudentia invenit , nt*  
*in omnibus non excedas , sed circa centrum*  
*consistas : unde prudentia auriga est virtu-*  
*tum. Unde dicit prudentia : Ego inveni mo-*  
*dum. Et temperantia custodit , et dicit : Et*  
*hoc volebam ego. Justitia describit , ut non*  
*tantum velit sibi , sed alteri , et quia post-*  
*modum multae adversitates eveniunt , forti-*  
*tudo defendit , ne perdatur modulus. Item se-*

cundo dicuntur cardinales , quia secundum actus accipiuntur integrantes virtutes , qui sunt quatuor : modificare per appositionem circumstantiarum , rectificare (est enim recta ratio dicens in finem , coaequans legibus) , ordi-  
nare , stabilire. Ab hoc dicitur virtus , quae est robur mentis ad bonum faciendum , et malum evitandum. Temperantia modificat ; prudentia rectificat ; justitia ordinat ; fortitudo stabilit : et omnes se circumineidunt. Oportet enim quod temperantia sit prudens , justitia fortis ; item quod prudentia sit so-  
bria , fortitudo justa. Gregorius <sup>6</sup> : « Quo-  
modo potest esse fortis , nisi sit prudens? » Temerarius est enim , qui aggreditur quod super vires est : et ideo virtutes sunt con-  
nexae. Item tertio modo dicuntur cardinales , quia omnis vita hominis his quatuor guber-  
natur , sicut sol habet quatuor aspectus ad quatror partes mundi , scilicet orientem , meridiem , aquilonem , et occidentem , in quibus habet quatuor proprietates. A sole autem omnis vita : in oriente purificatur , in meridie illuminatur , in aquilone stabilitur , in occidente conciliatur : sic sol prius in oriente mentis ponit sinceritatem tempe-  
rantiae ; in meridie claritatem prudentiae ; in aquilone virtutem constantiae ; in occidente suavitatem justitiae. Et hoc modo in *Apocalypsi* <sup>7</sup> Joannes describit quatuor latera civi-  
tatis , secundum quatuor virtutes cardinales : et ordinantur <sup>8</sup> quatuor tribus juxta taber-  
naculum. Temperantia sic describitur a Tullio <sup>9</sup> : Temperantia (quae est in oriente) , non est rationis in libidinem aliosque animi motus rectos firma et moderata dominatio. » Partes illius sunt sobrietas in gustu , castitas in tactu , modestia in ceteris sensibus : quam modestiam , vocant theologi disciplinam. Serenitas prudentiae a meridie , quae sic describitur <sup>10</sup> : « Prudentia est bonorum et ma-  
lorum scientia , et utrarumque discretio ; » cuius partes sunt memoria , intelligentia ,

<sup>1</sup> *Sap.*, VIII, 1. — <sup>2</sup> *Ibid.*, 2. — <sup>3</sup> *Ibid.*, 7. — <sup>4</sup> *Arist.*, *Magn. Moral.*, lib. I, c. ix; *Moral. ad Eud.*, lib. II, c. vi. — <sup>5</sup> *Aug., cont. Julian.*, lib. IV, c. III, ex Cice-

rone , de *Invent.*, lib. II. — <sup>6</sup> *Greg., Moral.*, lib I, c. xvi. — <sup>7</sup> *Apoc.*, XX, 7. — <sup>8</sup> *Numer.*, II, 3, 46, 48, 25. — <sup>9</sup> *Cic., de Invent.*, lib. II, *de Gen. de lib.* — <sup>10</sup> *Ibid.*

providentia, de præsentibus, præteritis, et futuris. Fortitudo ab aquilone, quæ sic describitur<sup>1</sup>: « Fortitudo est aggressio periculorum, vel susceptio, et eorumdem et constans et laboriosa perpessio. » Cujus partes sunt fiducia, patientia, perseverantia: fiducia in agendo, patientia in sustinendo, perseverantia in perseverando. Item in occidente suavitas justitiæ, quæ suavitas est in exhibitione pietatis. Volumt enim leges poenæ mitigare. Unde finis justitiæ non est severitas, sed benignitas, quæ sic describitur<sup>2</sup>: « Justitia est habitus, communi utilitate servata, suam unicuique tribuens dignitatem. » Partes ejus secundum Tullium sunt ex lege, a natura, ex consuetudine secundum nos: una ordinat ad superiores; alia, ad inferiores; tertia, ad pares. Hoc totum est per regulam rationis; et sicut sol trausiens per duodecim signa dat vitam, sic sol sapientialis in nostræ mentis hemisphærio radians, et transiens per has duodecim partes virtutum, ordinat vitam nostram: et quantumcumque homo habeat alias scientias, nisi habeat virtutes, non habet vitam; sicut quantumcumque habeas stellas, nisi habeas solem in duodecim signis, nunquam habebis diem. Ilæ sunt tantæ nobilitatis, quod dispositio mundi his correspondet. Virtutes enim configurantur quatuor lucis influentiis, quatuor elementorum proprietatibus, quatuor causarum efficaciis, quatuor vitae salubritatibus. Primo quatuor lucis principalibus influentiis: lux purgat, illuminat, perficit, et stabilit; temperantia purgat, prudentia illuminat, justitia conciliat, fortitudo roborat. Item quatuor elementorum proprietatibus: in terra est ariditas cum adornatione, in aqua perspicuitas cum intensione lucis, in aere subtilitas cum mulcebritate, in igne virtuositas in actione: prima est temperantia, quæ aridum reddit, et tamen ornat, et vestit terram floribus; prudentia respondet aquæ perspicuitati, quæ

Virtutum nobilitas, et præstantia.

Virtutum effectus.

proprietatibus, quatuor causarum efficaciis, quatuor vitae salubritatibus. Primo quatuor lucis principalibus influentiis: lux purgat, illuminat, perficit, et stabilit; temperantia purgat, prudentia illuminat, justitia conciliat, fortitudo roborat. Item quatuor elementorum proprietatibus: in terra est ariditas cum adornatione, in aqua perspicuitas cum intensione lucis, in aere subtilitas cum mulcebritate, in igne virtuositas in actione: prima est temperantia, quæ aridum reddit, et tamen ornat, et vestit terram floribus; prudentia respondet aquæ perspicuitati, quæ

quasi incorporata est luci; justitia respondet mulcebritati aeris, aer enim ascendit et descendit, ad dexteram et sinistram movetur; fortitudo respondet vigori ignis. Unde ille loquens de fortitudine dicit<sup>3</sup>: « Fortis est, ut mors, dilectio, lampas ignis atque flammarum. » Item quatuor causarum efficaciis: efficiens, forma, finis, et materia, integrant rem: fortitudo debetur efficienti; prudentia formæ; justitia fini, quæ regulat; temperantia materiae, ne defluat. Item quatuor vitae salubritatibus: subtilitati spirituum, temperantia; vivacitati sensuum, prudentia; robori virium, fortitudo; coæquationi qualitatum, justitia. Ilæ virtutes fluant a luce æterna in hemisphærium nostræ mentis, et reducunt animam in suam originem, sicut radius perpendiculariter, vel directus, eadem via revertitur, quia incessit, et hæc est beatitudo. Unde primo sunt politicæ, secundo purgatoriæ, tertio animi jam purgati<sup>4</sup>. Politicæ sunt in actione, purgatoriæ in contemplatione; animi jam purgati in lucis visione. Et de his agit Salomon, ut dicit Origenes: de politicis, in *Proverbis*; de purgatoriis, in *Ecclesiastico*; de animi jam purgati, in *Canticis canticorum*. Et in notitiam istarum venerunt nobiles philosophi. Unde Macrobius narrans sententiam Plotini, dicit sic<sup>5</sup>: « Qui aestimant nullis, nisi philosophantibus, inesse virtutes, nullos præter philosophos bonos pronuntiant. Agnitionem enim rerum divinarum, sapientiam proprie vocantes, eos tantummodo dicunt sapientes, qui superna acie mentis requirunt, et quærendi sagaci diligentia comprehendunt, et quantum vivendi perspicuitas præstat imitari, et in hoc solo dicunt esse exercitium virtutum. Quarum sic officia dispensant: prudentiæ est, mundum istum, et omnia quæ in mundo sunt, divinorum contemplatione despiciere, omnem animi cognitionem in sola divina dirigere; temperantiæ, omnia relinquere, in quantum

<sup>1</sup> Cic., *de Invent.*, lib. II, *de Gen. delib.* — <sup>2</sup> Ibid.

= <sup>3</sup> *Cant.*, VIII, 6. — <sup>4</sup> Idem *lege supra*, serm. I,

p. 24. — <sup>5</sup> Macrob., *Somm. Scip.*, c. viii, ex Plat., *de Virtut.*

natura patiatur, quæ corporis usus requirit; fortitudinis, non terreri animam a corpore, quodammodo ductu philosophia, recedentem, nec altitudinem perfectæ ad superna ascensionis horrere; justitiae, ad unam hujus propositi viam consentire uniusejusque virtutis obsequium. » Atque ita fit, ut secundum hoc tam rigidæ diffinitionis abruptum, alii rerum publicarum rectores boni omnino esse non possint. Sed Plotinus inter philosophiæ professores cum Platone princeps, in libro *De Virtutibus*, gradus earum, vera et naturali divisione et ratione compo-  
Quatuor genera virtutum sitos, per ordinem digerit. « Quatuor, inquit, sunt quaternarum genera virtutum: ex his primæ politicæ vocantur, secundæ purgatoriae, tertiae animi jam purgati, quartæ exemplares. Et sunt politicæ hominis, quia sociale animal est: his boni viri Reipublicæ consulunt, urbes tuentur; his parentes venerantur, liberos amant, proximos diligunt; his civium salutem gubernant; his socios circumspecta providentia protegunt, justa liberalitate devincunt :

Hisque sui memores alios fecere merendo<sup>1</sup>.

» Et est politici prudentia ad rationis normam, quæ cogitat, quæcumque agit, universa dirigere, ac nihil præter rectum velle vel facere, humanisque actibus, tanquam divinis arbitriis, providere. Prudentiae insunt ratio, intellectus, circumspectio, prævidentia, docilitas, cautio. Fortitudinis est animum supra periculi metum agere, nihilque nisi turpia timere, tolerare fortiter, vel prospera, vel adversa. Fortitudo præstat magnanimitatem, constantiam, fiduciam, securitatem, magnificantiam, tolerantiam, firmitatem. Temperantiae est nihil appetere dimitendum, in nullo legem moderationis exceedere, sub jugo rationis cupiditatem domare. Temperantiam sequitur modestia, verecundia, abstinentia, castitas, honestas, mode-

rancia vel moderatio, parcitas, sobrietas, pudicitia. Justitiae est servare unicuique quod suum est. Et de justitia venit innocentia, amicitia, concordia, pietas, religio, affectus, humanitas. Ilis virtutibus, vir bonus primum sui, atque deinde reipublicæ rector efficitur, juste ac provide gubernans humana, divina non deserens.

Justitia quid.

» Secundæ, quas purgatorias vocant, hominis sunt qui divini capax est, solumque animum ejus expedient, qui decrevit se a corporis contagione purgare, et quadam humanorum fuga, solis inhærere divinis. Hæ sunt otiosorum, qui a rerum publicarum actibus se sequestrant. Harum quid singulæ velint, superius expressimus, cum de virtutibus philosophantium diceremus, quas solas quidem æstimaverunt esse virtutes.

» Tertiæ sunt purgati jam defæcatique animi, et ab omni hujus mundi aspergine presse pureque detersi. Illic prudentiae est divina non quasi in electione præferre, sed sola nosse, et hæc, tanquam nihil aliud sit, intueri. Temperantiae est terrenas cupiditates non reprimere, sed penitus oblisci. Fortitudinis est passiones ignorare, non modo vincere, ut nesciat irasci, cupiatque nihil. Justitiae est ita cum superna et divina mente sociari, ut servet cum ea perpetuum fœdus imitando.

» Quartæ sunt exemplares, quæ in ipsa divina mente consistunt, quam diximus νοῦς vocari, a quarum exemplo reliquæ omnes per ordinem desfluunt. Nam si rerum aliarum, multo magis virtutum ideæ esse in mente divina creduntur. Illic prudentia est ipsa mens divina. Temperantia, quod in se perpetua intentione conversa est. Fortitudo, quod semper idem est, nec aliquando mutatur. Justitia autem, quod perenni lege a sempiterna operis sui continuatione non flectitur. Ilæc sunt quaternarum quatuor genera virtutum, quæ præter cætera maximam in passionibus habent differentiam sui. » Hucusque Plotinus.

<sup>1</sup> Virg., *Aeneid.*, lib. VI.

## SERMO VII.

*De virtutibus informatis per charitatem.*

<sup>Arist.  
excusa  
tur.</sup> <sup>1</sup> *Vidit Deus lucem, quod esset bona, et divisit lucem a tenebris,* etc. Ad explicandam visionem intelligentiae secundum naturam inditae, sumptum est verbum hoc. Et quantum ad hoc : *Vidit Deus, id est videre nos fecit, quod esset bona*, et per considerationem scientialem, et contemplationem sapientialem. Per considerationem scientialem, in quantum illustrat, ut lux, ut veritas rerum, ut veritas vocum, et ut veritas morum <sup>2</sup>. Per considerationem sapientialem, in quantum illustrat per influxum radii a luce æterna in animam, ut videat illam lucem in se, ut in speculo; in intelligentia separata, ut in medio quodam delativo; in luce æterna, ut in objecto fontaneo. Dictum etiam fuit, quod divisit lucem a tenebris, quod quidam ideas impugnaverunt; ex quo triplex intelligentia veritatis occultatur, scilicet veritas artis æternæ, veritas divinæ providentiae, et veritas ruinæ angelicæ : quod sequitur, si angelus perfectionem suam non haberet, nisi per motum. Ex quo sequitur triplex cœcitas, scilicet de æternitate mundi, de unitate intellectus, de pœna et gloria. Primam videtur ponere Aristoteles <sup>3</sup>; ultimam etiam, quia non invenitur, quod ponat felicitatem post hanc vitam. De media autem dicit Commentator, quia ipse hoc sensit. De æternitate mundi excusari posset, quod intellexit ut philosophus, loquens ut naturalis, scilicet quod per naturam non potuit incipere. Quod intelligentiae habent perfectionem per motum, idcirco potuit dicere hoc <sup>4</sup>, quia non sunt otiosæ, quia nihil otiosum in fundamento naturæ. Item, quod posuit felicitatem in hac vita, quia licet sentiret æternam, de illa se non intromisit, quia forte non erat de consideratione sua.

De unitate intellectus posset dici, quod intellexit, quod est unus intellectus ratione lucis influentis, non ratione sui, quia numeratur secundum subjectum.

Sed quidquid senserit, alii philosophi <sup>5</sup> illuminati posuerunt ideas, qui fuerunt cultores unius Dei, qui omnia bona posuerunt in optimo Deo, qui posuerunt virtutes exemplares, a quibus fluunt virtutes cardinales, primo in vim cognitivam, et per illam in affectivam, deinde in operativam, secundum illud scire et velle impermutabiliter operari, sicut posuit nobilissimus Plotinus <sup>6</sup> de secta Platonis, et Tullius sectæ Academicæ. Et ita isti videbantur illuminati, et sentire hominem posse habere felicitatem per se. Sed adhuc isti in tenebris fuerunt, quia non habuerunt lucem fidei; nos autem habemus lucem fidei. Unde ait Petrus <sup>7</sup> : « Vos estis genus electum, regale sacerdotium, gens sancta, populus acquisitionis', ut virtutes annuntietis ejus qui vos de tenebris vocavit in admirabile lumen suum. » Illi autem præcipui philosophi posuerunt, sic etiam illuminati, tamen sine fide, per defluxum in nostram cognitionem, virtutes cardinales : quæ primo dicuntur politicæ, in quantum docent conservationem in mundo; secundo purgativæ, quantum ad solitariam contemplationem; tertio purgati animi, ut animam quietant in exemplari. Dixerunt ergo per has virtutes animam modificari, purgari, et reformari. Sed adhuc in tenebris sunt, quia necesse est ut hæ virtutes prius habeant tres operationes, scilicet animam ordinare in finem, secundo rectificare affectus animæ, tertio quod sanentur morbi. Has autem operationes non habuerunt in ipsis. Probatio : dicit Augustinus <sup>8</sup> in libro *de Civitate Dei*, quod vera virtus non est, quæ non dirigit intentionem ad Deum fontem, ut et ibi quiescat æternitate certa, et per pacem perfectam. Certe æternitas esse

Decla-  
ratio de  
unitate  
intellec-  
tus.

<sup>1</sup> *Gen.*, I, 4. — <sup>2</sup> Vid. supra, serm. V et VI. — <sup>3</sup> *Arist., de Cœl.*, lib. I, text. 418. — <sup>4</sup> *Arist., Metaph.*, lib. II, text. 47, 48. — <sup>5</sup> Plato, in *Parmenide*; Diog.

*Laert., de vit. Philos.*, lib. III. — <sup>6</sup> *Plotin., Enn.*, I, lib. II, c. vi et VII. — <sup>7</sup> *I Petr.*, II, 9. — <sup>8</sup> *Aug., de Civit. Dei*, lib. XIX, c. 25.

non potest, quæ amitti potest; perfecta pax non est, nisi in reunione corporis et animæ; et hoc est certum. Si enim anima essentialem inclinationem habet ad corpus, nunquam anima plene quietatur, nisi sibi corpus reddatur. Philosophi autem ignoraverunt certam æternitatem. Posuerunt enim et ipsi<sup>1</sup>, quod anima ascendebat per Capricornum, et descendebat per Cancerum, deinde transiens per Lacteum Circulum, quem nos Galaxiam vocamus, obliscebat quæ superius siebant, et uniebatur corpori misero sibi aptato, quoisque iterum superius rediret. Hæc autem est falsa beatitudo, scilicet quod anima esset in beatitudine, et postea reverteretur. Pacem etiam perfectam non cognoverunt, quia non cognoverunt quod mundus haberet finem, et quod corpora pulverizata resurgant. Nec mirum, quia hæc non erant investigabilia secundum potentiam rationis: ratio autem non potest ad hoc pervenire, ut corpora resurgant, ut elementa contraria possint conciliata sic in celo sine reflexione permanere. Non referebant ergo ad illam vitam, sed in abeunte quadam circulatione ponebant animam. Ignorabant ergo fidem, sine qua virtutes non valent, ut dicit Augustinus<sup>2</sup> in libro *de Trinitate*. Secundo oportet affectus ordinatos rectificare per virtutes istas. Affectus autem quatuor sunt, scilicet timor, dolor, lætitia, et fiducia. Isti autem non rectificantur, nisi sit timor sanctus, dolor justus, lætitia vera, fiducia certa. Si autem sit timor superbus, dolor injustus, lætitia inepta, fiducia præsumptuosa, tunc affectus sunt obliqui. Virtutes autem istæ per se rectificari non possunt. Fiducia enim, sive spes, est de hoc quod non videtur, ut de beata vita. Beata autem vita non datur, nisi dignis: dignus autem nullus est, nisi habeat merita sufficientia. Hæc per vires liberi arbitrii haberi non possunt, nisi per condescensionem Dei per gratiam.<sup>3</sup> & Non sunt

condignæ passiones hujus temporis ad futuram gloriam, » inquit Apostolus. Tertio oportet affectus sanari, ut rectificeantur: non sanatur autem aliquis, nisi cognoscat morbum, et causam, medicum et medicinam. Morbus autem est depravatio affectus: hic est autem quadruplex, quia contrahit anima, ex conjunctione animæ ad corpus, infirmitatem, ignorantiam, malitiam, et concupiscentiam; ex quibus inficitur intellectiva, amativa, operativa: et tunc infecta est tota anima. Has omnino non ignoraverunt, nec sciverunt omnino: videbant hos defec-  
tus, sed credebant eos esse in phantasia, non in potentiis interioribus. Credebant enim, quod sicut sphæra moveret contra sphæram, sic phantasia moveret et inclinaret ad exteriora, sed intellectus naturaliter ad superiora; et tamen decepti fuerunt, quia hæc infirmitates in parte rationali sunt, intellectiva, amativa, operativa, non in sola sensitiva: idecirco sunt infectæ usque ad medullam. Morbum nescierunt, quia causam ignoraverunt. Secundum enim quod dicunt philosophi, anima naturaliter unitur corpori, et non contrahit morbum; aliter Deus res dissiparet, non conservaret. Hoc tamen fit per culpam a principio, scilicet originali peccato Adam. Hoc autem, scilicet quod Adam comedit lignum vetitum, per rationem sciri non potest, nisi per auditum: et ideo fides necessaria est. Ad causam ergo morbi non venerunt, quia prophetis non crediderunt, ut dicit Augustinus<sup>4</sup>. Illi gentium philosophi præcipui, qui<sup>5</sup> « invisibilia Dei per ea quæ facta sunt, intellecta conspicer » potuerunt, tamen quia sine Mediatore, id est, sine homine Christo philosophati sunt, quem nec venturum prophetis, nec venisse apostolis crediderunt, « veritatem detinuerunt<sup>6</sup> in iniquitate. » Item medicum non cognoverunt: cum enim morbus fuerit ex crimine læsæ majestatis, punitio debuit esse gravissima. Nullus ergo

<sup>1</sup> Macrob., *Somn. Scip.*, lib. I, c. XII. — <sup>2</sup> Aug., *de Trinit.*, lib. XIII, c. XX; lib. XIV, c. I. — <sup>3</sup> Rom., VIII,

18. — <sup>4</sup> Aug., *de Trin.*, lib. XIII, c. XIX. — <sup>5</sup> Rom., I, 20. — <sup>6</sup> Ibid., 18.

potuit sanare, nisi esset Deus et homo, qui posset (a) satisfacere, in quo nec fuit concupiscentia, nec natus per legem naturæ, sed de virgine. Quod autem ille esset medicus, ostendit per exempla virtutis, per documenta veritatis, per incitamenta amoris, per remedia salutis. Iste medicus sanat omnia. Nec herba, nec malagma sanavit eos, sed <sup>1</sup> « sermo tuus, » Verbum incarnatum, crucifixum, passum; et post misit Spiritum sanctum, qui illabitur cordibus nostris. Haec est ergo medicina, gratia Spiritus sancti. Hunc medicum, et hanc gratiam philosophi non possunt attinere. Quid ergo gloriaris, qui nescis per scientiam tuam, nec infirmitatem tuam, nec ejus causam, nec medicum, nec medicinam? Isti philosophi habuerunt pennas struthionum <sup>2</sup>, quia affectus non erant sanati, nec ordinati, nec rectificati: quia non fit hoc, nisi per fidem. Unde primo posuerunt falsam beatitudinis circulationem; secundo falsam præsentium meritorum sufficientiam; tertio internarum virium falsam incolumitatem. In has tres tenebras inciderunt. E contra fides purgat tenebras, docet morbum, sanat animam, ponendo meritorum radices in Deo, cui placeat; et sic proficit per fidem in spem certam, per meritum Christi, non præsumptuose. Sanat ergo, rectificat, et ordinat; et hoc modo potest anima modificari, rectificari, et ordinari. Has radices ignoraverunt philosophi. Fides ergo sola divisit lucem a tenebris. Unde Apostolus <sup>3</sup>: « Eratis enim aliquando tenebræ, nunc autem lux in Domino. » Fides enim habens spem et charitatem cum operibus, sanat animam, et ipsam sanatam purificat, elevat et deformat. Modo sumus in vera luce, non sicut illi, qui somniant, qui accipiunt falsa pro veris, ut idolum pro Deo. Notandum autem, quod sola charitas sanat affectum. Amor enim, secundum Augustinum <sup>4</sup>, de Civitate Dei, radix est om-

Char-  
tatis af-  
fectus.

nium affectionum: ergo necesse est ut amor sit sanativus, alioquin omnes affectus sunt obliqui. Non sanantur autem, nisi per divinum amorem, qui amor divinus est purus, providus, pius, et perpetuus: purus, respectu temperantiae; providus, respectu prudentiae; pius, respectu justitiae, et perpetuus respectu fortitudinis. Charitas ergo est finis et forma omnium virtutum, et fundatur super spem de corde puro et fide non facta. Haec ergo virtutes informes et nudæ sunt philosophorum; vestitæ autem sunt nostræ. Vestiri autem debent auro amoris, quia omnes parietes templi vestiti erant auro; similiter oleo unctionis, quia omnia vasa oleo unctionis sanctificate erant, et sic non dividuntur. <sup>5</sup> « Nox præcessit, dies autem appropinquavit; induamur arma lucis, » scilicet quatuor virtutes, fide originatas, spe sublevatas, et charitate completas. Haec quatuor virtutes sic vestitæ, designantur per quatuor flumina Paradisi <sup>6</sup>, per quatuor latera civitatis, per quatuor ornamenti tabernaculi, et hoc, ut sunt originatae, informatæ, et stabilitæ. Per quatuor flumina Paradisi, in quantum originantur a fide. Flumen est gratia Spiritus sancti, diffusa in has quatuor virtutes. Phison respondet temperantiae; Gehon, prudentiae; Tigris, fortitudini; Euphrates, justitiae. Phison respondet rationali; Gehon, concupiscibili; Tigris, irascibili; Euphrates, toti animæ. Item, in quantum informantur charitate, designantur per quatuor ornamenti tabernaculi <sup>7</sup>, quæ erant quatuor cortinæ, pelles hyacinthinae, saga cilicina, et pelles arietum rubricatae. Cortina respondet temperantiae; pelles hyacinthinae coelestis coloris, prudentiae; saga cilicina, justitiae: pelles arietum rubricatae, fortitudini. Vel, sicut in ornamento templi fuerunt quatuor colores: byssinus, in quo temperantia; hyacinthinus, in quo prudentia; purpureus, indumentum

Chari-  
tas finis  
et forma.

Quatuor  
virtutes  
sunt  
quatuor  
flumina.

<sup>1</sup> Sap., XVI, 26. — <sup>2</sup> Plin., lib. X, c. II, de struthi-  
nibus, qui habent alas et non volant. — <sup>3</sup> Ephes., V,  
8. — <sup>4</sup> Aug., de Civit. Dei, lib. XIV, c. VII. — <sup>5</sup> Rom.,

XIII, 12. — <sup>6</sup> Ex Aug., de Genesi cont. Manich., lib. II,  
c. X. — <sup>7</sup> Exod., xxvi, 1 et seq.

(a) Cœt. edit. possit.

regale, justitia; coccineus, hoc est, flammus, fortitudo: ornant ergo domum quatuor latera; item stabilitum, et introducunt per portam, per quatuor latera civitatis stabilitae per spem ad normam aequalem. Adjunctis ergo tribus virtutibus, scilicet fide, spe, et charitate, consurgunt in septenarium designatum per septem stellas, per septem mulieres, et per septem panes evangelicos; et hoc, in quantum sunt fulgidæ, fœcundæ, vigorosæ. In quantum sunt fulgidæ, per septem stellas; unde dicitur in *Job*<sup>1</sup>: « Numquid conjugere valebis micantes stellas Pleiades, aut gyrum Arcturi dissipare? » Pleiades sunt illæ septem stellæ conjunctæ, quas vulgo Gallinam cum pullis vocant. Hæ virtutes faciunt gyrum imperfurbabilem. Secundo, ut fœcundæ, per septem mulieres; unde in *Isaia* dicitur<sup>2</sup>: « Apprehendent septem mulieres virum unum, » etc. Virum, quia faciunt hominem virilem; et unum, quia non dividunt eum, sed stabilem faciunt et fœcundum. Tertio, in quantum vigorosæ, designantur per septem panes evangelicos<sup>3</sup>, ex quibus pascitur universitas electorum. In philosophis hæ quatuor virtutes sunt lapides; sed modo sunt septem panes vitae. Panes Moysi fuerunt quinque hordeacei<sup>4</sup>, sed septem frumenti in doctrina evangelica<sup>5</sup> « ex adipe frumenti. » Item quatuor cardinales ducas in tres theologicas, et sic sunt duodecim, quia prudentia debet esse fidelis, amans, et sic de aliis. Et designantur per duodecim fontes<sup>6</sup>; per duodecim lapides pretiosos<sup>7</sup> in vestimento pontificis; per duodecim portas<sup>8</sup> civitatis; et hoc in quantum inchoant, promovent, et perducunt: primo per duodecim fontes, quia ut se circumincedant, faciunt animam mundam; secundo per duodecim lapides, quia ornant animam in omni virtute, in pectore, sicut illi lapides in pectore pontificis; tertio per duode-

cim portas, in quantum introducunt; nam ad orientem, sinceritas temperantiae; ad mediodiem, serenitas prudentiae; ad aquilonem, stabilitas constantiae; ad occidentem, suavitatis justitiae. Ulterius istæ virtutes duodecim, geminatae in prosperis et adversis, designantur per viginti quatuor horas: duodecim in nocte adversitatis, et duodecim in die prosperitatis; item per activam, et contemplativam; et sic per viginti quatuor seniores, qui modo volvuntur ad actionem, modo ad contemplationem, quia faciunt sensatum et maturum. Item contemplativa, si dividatur per practicam et speculativam, significat eum istis duodecim duplicatis viginti quatuor alas quatuor animalium<sup>9</sup>, quorum quodlibet senas alas habet. Et in hoc terminatur prima visio, et opus primæ diei.

### SERMO VIII.

*Quo explicatur secunda visio de sublimitate fidei, et quomodo comparatur firmamento, ac de visione intelligentiae per fidem sublevatae.*

<sup>10</sup> *Vocavit Deus firmamentum cælum, etc.*

Sequitur opus secundæ diei, quæ est secunda visio intelligentiae per fidem sublevatae, et de ea non dicitur: *Vidit, sed: Vocavit.* Ad litteram hoc cœlum est sublime, stabile, et spectabile: sublime, quantum ad situm; stabile, quantum ad formam; et spectabile, quantum ad claritatem. De primo dicitur in Proverbiis<sup>11</sup>: « Cœlum sursum, terra deorsum, » hoc ipso, quod cœlum est nobile in ordine universi, superiorem locum obtinet, et terra infimum. Est etiam stabile quantum ad formam, quia<sup>12</sup> movetur non mutando locum, sed in loco, et circa medium. Unde in *Job* dicebatur<sup>13</sup>: « Tu forsitan cum eo fabricatus es cœlos, qui solidissimi quasi ære fusi sunt? » Est etiam spectabile quantum ad multitudinem ornatuum, sicut in eodem dicitur<sup>14</sup>: « Spiritus ejus ornavit cœlos; » et in *Ecclesiastis*<sup>15</sup>, 3. — <sup>12</sup> Arist., *Phys.*, lib. IV, text. 43. — <sup>13</sup> *Job*, xxxvii, 18. — <sup>14</sup> *Job*, xxvi, 13.

<sup>1</sup> *Job*, xxxviii, 31. — <sup>2</sup> *Isa.*, iv, 1. — <sup>3</sup> *Marc.*, viii, 6. — <sup>4</sup> *Joan.*, vi, 9. — <sup>5</sup> *Psal.* lxxx, 17; cxlvii, 17. — <sup>6</sup> *Exod.*, xv, 27. — <sup>7</sup> *Exod.*, xxxix, 14. — <sup>8</sup> *Apoc.*, xxii, 12. — <sup>9</sup> *Apoc.*, iv, 8. — <sup>10</sup> *Gen.*, i, 8. — <sup>11</sup> *Prov.*,

*tico*<sup>1</sup> : « Species cœli, gloria stellarum. » Ab ista conditione ultima denominatur cœlum a cœlando<sup>2</sup>; non ab abscondendo, sed a sculpendo, quia scribitur per  $\alpha$  diphthongum; quia et ornatum, et quasi sculptum luminaribus. Per firmamentum autem intelligitur visio fidei: fides enim reddit sublimem animam intellectivam, quia transcendentis omnem rationem et investigationem rationis; reddit stabilem, quia excludit dubitationem et vacillationem; reddit spectabilem, quia multiformem ostendit claritatem. Vocatur ergo fidei firmitas cœlum, quia facit intelligentiam sublimem per investigationem; stabilem, dum stabilit in veritate; spectabilem, dum replet eam multiformi lumine. Nam ait Daniel<sup>3</sup>: « Qui docti fuerint, fulgebunt quasi splendor firmamenti. » Sed nemo doctus est, nisi doceatur a Deo, quia<sup>4</sup>: « Nemo venit ad Patrem, nisi per me, » ait Salvator. Et iterum dicit apud Joannem<sup>5</sup>: « Erunt omnes docibiles Dei. » Ad fidem nullus docetur, nisi per Deum; et quia venit a Deo, ideo dicitur: *Vocavit Deus firmamentum cœlum.* Unde non dicit: *Vidit Deus*, sed: *Vocavit Deus*, quia firmitas fidei magis est in credulitate, quam in contemplatione. Credulitas autem per auditum, quia « fides ex auditu, » sicut ait Apostolus<sup>6</sup>: « Corde creditur ad justitiam. » Fides autem magis est in confessione veritatis, quam in communicatione lucis; unde: « Ore fit confessio ad salutem. » Unde fides quodammodo videt, quodammodo non videt: unde non videre est fidei meritum; credere autem, fidei lumen. Est ergo firmamentum cœlum, quia<sup>7</sup> « substantia sperandarum rerum; » et est lumen, quia « argumentum. » Unde habet lumen, et habet nubem. *Vocavit Deus firmamentum cœlum.* Nam in *Ecclesiastico* scriptum est<sup>8</sup>: « Altitudinis firmamentum species cœli in

visione gloriæ. » Et hæc tria tangit hic, scilicet sublimitatem, stabilitatem, et speciositatem. Est enim hæc visio fidei alta, firma, et speciosa. Hæc fides nobilissima est, firmissima, et speciosissima. Multi tamen habent hanc fidem, et eam non cognoscunt; quia fides habet faciem velatam. Unde habet quoddam velamen nigrum ante faciem. Facit enim de turpibus animabus altissimas et speciosissimas<sup>9</sup>: « Fide purificans corda eorum. » Altitudo autem fidei in duobus est: in altitudine sublimitatis, et in altitudine profunditatis. De prima altitudine *Ecclesiasticus* dicit<sup>10</sup>: « Altitudinem cœli, et latitudinem terræ, et profunditatem abyssi, quis dimensus est? » Quasi diceret: Super omnem humanam rationem est nosse sublimitatem fidei, dilatationem charitatis, venerationem divini timoris. De secunda in *Ecclesiaste* dicitur<sup>11</sup>: « Est alta profunditas: quis invenit eam? » Scilicet, per rationem? Transcendent enim investigationem nostram. Et licet altitudo et profunditas in corporibus idem sint, distinguuntur tamen per rationem. Et Apostolus distinguit, cum dicit<sup>12</sup>: « Ut possitis comprehendere, quæ sit longitudo, latitudo, sublimitas, et profundum. » De his duobus *Ecclesiasticus* dicit<sup>13</sup>: « Ego in altissimis habito, et thronus meus in columna nubis. » Altitudo fidei consistit in cognitione æterni Dei; profundum autem, in cognitione Dei humanati. De primo scriptum est<sup>14</sup>: « Excelsior cœlo est, et quid facies? » Profunditas, scilicet Dei humanati, quæ tanta est, quod ratio deficit. Altitudo investigabilis est; unde *Psalmographus*<sup>15</sup>: « Mirabilis facta est scientia tua ex me; confortata est, et non potero ad eam. » Item « in altissimis » dicit, in quantum fides docet Deum æternum; et « thronus ejus in columna nubis, » dicit, in quantum docet Dei humanitatem. De his duobus Apostolus

<sup>1</sup> *Eccli.*, XLIII, 10. — <sup>2</sup> Vid. Ambros., *in Hexaem.*, lib. II, c. IV. Juxta alios ista vox, *cœlum*, oritur a voce græca *καλός*, latine *cavus*, ob cavam seu rotundam speciem, et ideo scribitur per  $\alpha$ : quem scribendi modum, nos quoque, jure vel injuria, ut plurimum se-

cuti sumus. — <sup>3</sup> *Dan.*, XII, 3. — <sup>4</sup> *Joan.*, XIV, 6. — <sup>5</sup> *Joan.*, VI, 45. — <sup>6</sup> *Rom.*, X, 17, 10. — <sup>7</sup> *Hebr.*, XI, 1. — <sup>8</sup> *Eccli.*, XLIII, 1. — <sup>9</sup> *Act.*, XV, 9. — <sup>10</sup> *Eccli.*, I, 2. — <sup>11</sup> *Eccl.*, VII, 25. — <sup>12</sup> *Ephes.*, III, 16. — <sup>13</sup> *Eccli.*, XXIV, 7. — <sup>14</sup> *Job*, XI, 8. — <sup>15</sup> *Psal.* CXXXVIII, 6.

*Dicit<sup>1</sup>* : « O altitudo divitiarum sapientiae , et scientiae Dei , » etc. : sapientiae (*a*) , quantum ad notitiam Dei æterni ; scientiae (*b*) , quantum ad notitiam Dei humana- nati. Unde firmamentum factum est in medio aquarum , hoc est , fides , ut cognoscat ani- ma quæ super firmamentum , et sub firma- mento sunt : et hæc sapientia , notitia est divinarum rerum , et scientia humanarum. Incomprehensibilis est sapientia , per quam judicat omnia ; sed maxime incomprehensi- bilis , quæ facit vias incomprehensibiles , et investigabiles. De primo in *Proverbiis* dici- tur<sup>2</sup> : « Tria mihi difficilia sunt , et quar- tum penitus ignoro : viam aquilæ in cœlo ,

*Quatuor*  
*difficilia.* viam colubri super petram , viam navis in  
medio mari , et viam viri in adolescentia. Via aquilæ in cœlo fuit Christus in ascen- sione ; via colubri , in resurrectione , quia coluber in petra renovatur , ubi dimittit vetustam pellem ; via navis in mari , in passione ; « via viri in adolescentia , » in in- carnatione , quam penitus se dicit ignorare : et verum est secundum humanam rationem ;

*Duplic*  
*altitudo*  
*firma-*  
*menti.* sed per fidem ereditur. Est ergo duplex altitudo firmamenti : una , per quam supre- ma respicit ; altera , per quam infima : una , per quam docet cognoscere Deum trinum ; altera , Deum incarnatum. De his duobus dicitur in *Isaia* , in visione , quæ omnium visionum suarum fuit radix<sup>3</sup> : « Vidi Do- minum sedentem , » etc. Usque ibi : « Plena est omnis terra. » Et statim sequitur excæ- catio Judæorum , et illuminatio gentium. Unde dicit Dominus<sup>4</sup> apud *Joannem* (*c*) : « Hæc dicit Isaías , quando vidit Dominum. » Et se- quitur<sup>5</sup> : « Excæca eorū populi hujus , et aures ejus (*d*) agrava. » Unde illuminatio gentium , fuit excæcatio Judæorum. Et de hoc exclamat Apostolus : « O altitudo divitiarum , » etc. « Ego vidi , » scilicet visionem intelligentiæ per fidem sublevatæ , et stabilitæ in subli- mitate sapientiæ æternæ , per quam est du- plex lumen , inflammativum , et seraphi-

(*a*) *Cæt. edit.* sapientia. — (*b*) *Item* scientia. — (*c*) *Cæt. edit.* dicit Joannes. — (*d*) *Item* ejus , et aures.

cum : quod quidem seraphicum facit clamare tripliciter , et facit fides dupli seraphica- tione animam seraphicam , et facit mentes alatas sensis alis. Intellectus enim noster , secundum fidem illuminatus , clamat tripli- citer : « Sanctus , Sanctus , Sanctus. » Sunt enim duo seraphim in nobis stabiliti per fi- dem ; et quilibet clamat triplici exclama- tione , tamen non nisi semel : « Dominus Deus. » Notitia enim Dei est notitia trium personarum , cum unitate essentiæ. Unde<sup>6</sup> : « Tres sunt , qui testimonium dant in cœlo , Pater , Verbum , et Spiritus sanctus : et hi tres unum sunt. » Intellectus ergo seraphi- cus , id est , illuminatus et inflammatus per fidem , clamat ter : « Sanctus. » Alter seraph respondet : « Sanctus , Sanctus , Sanctus ; » quia sicut in Deo æterno est trinitas perso- narum cum unitate essentiæ , ita etiam in Deo humanato sunt tres naturæ cum unitate personæ : et isti sunt tres radices fidei , quas qui ignorat , vix credit : ut corpus , anima , deitas. Sanctus Christus sanctum habet cor- pus : sanctus Christus , sanctam habet ani- mam ; sanctus Christus , sanctam habet divinitatem. Sanctus interius , sanctus exter- ior , sanctus inferius , sanctus superius. Hæ sunt due cognitiones fidei illuminantes et ardentes triformiter , ad unitatem reduc- tæ. Clamare autem dicuntur propter admir- ationem , quia utrumque est admirabile. Unde dicit *Psalmus*<sup>7</sup> : « Domine Dominus noster , quam admirabile , » etc. et : « Mi- nuisti eum paulo minus ab angelis. » Et vere admirabile nomen quantum ad Deum tri- num , quia ibi est vera distinctio persona- rum cum unitate essentiæ , per quam sunt summæ , coæquales , coæternæ , consubstan- tiales , coessentiales. Item est admirabile , quoniam tres naturæ conjunctæ sunt ; su- premum cum infimo sine depressione ; pri- mum eum ultimo sine innovatione ; simplex cum composito sine compositione. In his

*Duo Se-*  
*raphini in*  
*nobis.*

*Clamor*  
*trisagii.*

<sup>1</sup> *Rom.* , xi , 33. — <sup>2</sup> *Prov.* , xxx , 18. — <sup>3</sup> *Isa.* , vi , 1-3.

— <sup>4</sup> *Joan.* , xii , 41. — <sup>5</sup> *Isa.* , vi , 40. — <sup>6</sup> *1 Joan.* , v , 7.

— <sup>7</sup> *Psal.* viii , 1 , 6 , 10.

tribus omnia mirabilia radicantur , et sunt juncta cognitioni divinitatis et humanitatis ; quia incarnatio non cognoscitur, nisi cognoscatur distinctio personarum. Si non cognoscas Trinitatis distinctionem , ita bene Pater incarnatus est , ut Filius ; et Pater passus est , ut Filius ; et es sabellianus , et patripassianus. Item , si ponas Trinitatem , et non incarnationem , testimonium habes in cœlo , et non accipis in terra : enim tamen<sup>1</sup> « tres » sint, « qui testimonium dant in terra, spiritus, aqua, et sanguis. » In spiritu divinitas ; in aqua humanitas ; in sanguine vero est vita. Anima per sanguinem intelligitur : per sanguinem enim Christi , spiritus jungitur aquæ, quia, mediante anima , divinitas conjungitur humanitati. Habemus ergo duos seraphin clamantes et admirantes ; restat, quare sex alas habent ; et tunc videbuntur ea, quæ fidei sunt. Fides enim est in Deum æternum, et humanatum. Fides in Deum trinum est una illustratio senarum alarum; et hoc dupliciter : aut quantum ad distinctionem personarum ; aut quantum ad diffusionem Trinitatis in creaturam , secundum essentiam , virtutem , et operationem. Primo modo sunt tres articuli, scilicet Patris ingeniti, Filii unigeniti a solo Patre , Spiritus sancti ab utroque spirati. Isti sunt tres alæ in latere dextro, scilicet in æternitate ; et non potest addi , nec minui ad emanationem, ut scilicet sit producens tantum , et non productum , quia sic esset infinitas ex parte ante; nec sit productum , quia sic esset infinitas ex parte post : ergo necesse est ponere producens , et productum. Similiter, ut ad invicem cohaerant; aliter in divinis esset distinctio sine ordine : distinctio autem sine ordine confusio est. Unde necesse est, quod Spiritus sanctus procedat ab utroque : et hoc dicunt

Græci sapientes de processione Spiritus tra omnes sapientes Græci : nec est controversia, nisi de nomine , et per consequens iste fit error in fatuis Græcis. Similiter in sinistro

tia , virtute , et operatione est diffusio in sancti recte sentiunt. creaturam. Et secundum hoc est triplex operatio. In quantum unus Deus, est creator , sanctificator, præmiator ; quia omne , quod ab ipso emanat, aut est natura, aut gratia, aut gloria. Et sic Pater, et Filius , et Spiritus sanctus unus creator per naturam, unus sanctificator per gratiam , unus præmiator per gloriam. Primum autem est ex tempore ; secundum in tempore ; tertium post omne tempus. Primum est in initio temporis ; secundum in decursu ; ultimum in consummatione. Est etiam creatio animæ in decursu temporis, quia<sup>2</sup> : « Pater meus usque modo operatur , et ego operor , » ait Salvator. Præmiatio etiam fit in medio temporis, vel sanctificatio animarum ; sed post fieri perfecta. Item creatio attribuitur Patri, quia potens; et sanctificatio Spiritui sancto , quia bonus; præmiatio Filio, quia judicabit, et rex apparebit. Sed quomodo respondebit ala alæ? Dicendum, quod sanctificatio aut consideratur quantum ad veniam, quæ quidem fit per redemptionem , et sic attribuitur Filio ; aut quantum ad gratiam, et sic Spiritui sancto. Similiter præmiatio consideratur secundum judicium sententiantis, et sic attribuitur Filio ; aut quantum ad amorem præmiantis , et sic Spiritui sancto. Media autem operatio pervenit ad ultimum : sic tres alæ disponuntur. Alter seraph propinquior est nobis , et habet similiter sex alas : tres secundum descensum , et tres secundum ascensum , veniendo ab ala super caput, per medium , ad alam super pedes. Hi sunt tres articuli secundum incarnationem, crucifixionem, et descensum ad inferos secundum animam. Incœpit in assumptione humanitatis , quia necesse fuit ut uniret sibi naturam, in qua appareret , et per quam descendenteret, quia ipse de se immutabilis est ; deinde venit ad crucem ; deinde ad infernum. Haec alæ in sinistro. Similiter tres supra ascendendo : prima de inferis in mundum ascensio ; de mundo in cœlum ; et post judicium , ab Ecclesia mili-

<sup>1</sup> *I Joan.*, v. 8. — <sup>2</sup> *Joan.*, v. 17.

tante in triumphante. Et spolatio inferni in resurrectione; apertio paradisi in ascensione; consummatio regni in judicio: his nihil certius. Haec sex aliae primae, sex considerationes sunt perfectae Dei, in tribus personis et tribus operibus; sex aliae aliæ secundæ, sex considerationes sunt Dei incarnati. In his ergo duodecim est fides, cuius prædicatores sunt duodecim Apostoli. Alia enim sublevat ad volandum, quia eorum consideratio transeendit omnem humanam rationem. Sine hac duplii consideratione nullus est cultor Dei. In cuius designatione<sup>1</sup> pontifex in superhumerali habebat lapides duos, unum in dexterō latere, et alterum in sinistro; et in illis scripta erant duodecim nomina filiorum Israel, sex nomina in lapide onychino lucido et ardenti, et in quo fides humanitatis et divinitatis exprimitur, quæ similiter exprimuntur in Symbolo a duodecim apostolis composito, et in fide hac saeculare placet Deo. In lapidibus ordinabantur nomina secundum nativitatem eorum; in Symbolo, secundum dicta apostorum. Unde Petrus dicit<sup>2</sup>: « Credo in Deum Patrem omnipotentem, creatorem, » etc.: ecce unus articulus Patris ingeniti. Andreas subjunxit: « Et in JESUM CHRISTUM Filium ejus unicum Dominum nostrum: » ecce secundus Filii geniti a Patre. Deinde sequuntur sex ad humanitatem pertinentes. Joannes: « Qui conceptus est de Spiritu sancto, natus ex Maria Virgine; » tertius articulus. Deinde Jacobus major: « Passus sub Pontio Pilato, crucifixus, mortuus, et sepultus; » quartus articulus. Deinde Thomas: « Descendit ad inferna; » quintus. Tertia die: « resurrexit a mortuis; » sextus. Deinde Jacobus minor: « Ascendit ad cœlos, sedet ad dexteram Dei Patris omnipotentis; » septimus. Deinde Philippus: « Inde venturus est judicare vivos et mortuos; » octavus. Deinde Bartholomæus: « Credo in Spiritum sanctum; » nonus. Deinde Matthæus:

<sup>1</sup> Exod., xxviii, 9. — <sup>2</sup> Vid. *Dicta salutis*, tit. v,

« Sanctam Ecclesiam catholicam; » decimus. Deinde Simon Chananæus: « Sanctorum communionem, remissionem peccatorum; » undecimus. Deinde Judas Thaddæus: « Carnis resurrectionem. » Deinde Matthias: « Et vitam æternam; » duodecimus. Amen. Et haec, secundum quod Spiritus sanctus instituit, unit, purificat quantum ad tres ultimas operationes propter ultimum, sequitur.

### SERMO IX.

*De fidei altitudine, et firmitate.*

<sup>3</sup> *Vocavit Deus firmamentum cœlum*, etc. Dictum est supra, quod altitudo fidei in duabus consistit: in altitudine sublimitatis, et in altitudine profunditatis. De altitudine fidei dictum est; nunc dicendum est de ejus firmitate. Sed si alta, quomodo certa? quia res quanto altior, tanto minus nota; et quanto minus nota, tanto magis dubitabilis. Ideo intelligendum, quod hujus fidei firmitas est triplex: prima est ex testimonio veritatis expressæ per Verbum increatum; secunda, ex testimonio veritatis expressæ per Verbum incarnatum; tertia, ex testimonio veritatis expressæ per Verbum inspiratum. De primo dicit Joannes<sup>4</sup>: « Tres sunt, qui testimonium dant in cœlo, Pater, Verbum, et Spiritus sanctus: et hi tres unum sunt. » A tribus datur testimonium; sed exprimitur per Verbum, quia Verbum et Patrem et scipsum exprimit, et omnia alia, dicente David<sup>5</sup>: « Verbo Domini cœli firmati sunt. » Cœli, id est cœlestes, per fidem Verbo Dei firmati sunt. Et isto Verbo firmantur et cœlestes, et subcœlestes. Unde dicit: « Et spiritu oris ejus omnis virtus eorum. » Unde Scriptura, explicans mysterium hierarchiæ cœlestis et subcœlestis, in alio loco dicit<sup>6</sup>: « In æternum, Domine, verbum tuum permanet in cœlo, » scilicet Trinitatis. Super hoc verbum fundata est Ecclesia, scilicet terra. Unde

c. iii. — <sup>3</sup> Gen., i, 8. — <sup>4</sup> Joan., v, 7. — <sup>5</sup> Psal. xxxii, 6. — <sup>6</sup> Psal. cxviii, 89.

dicitur in *Isaia*:<sup>1</sup> « Quis mensus est pugillo aquas, et cœlos palmo ponderavit? quis appendit tribus digitis molem terræ? » Hoc facit Verbum, per quod facta sunt omnia. Manus ejus, per quam cuncta creantur, formantur, seu distinguuntur, et ornantur, et tribus digitis levat, et suspendit terram, scilicet ecclesiasticam hierarchiam, quam creat, distinguit, ornat. Ilæc manus metitur aquas, et omnia tenet in manu, sicut in pugillo res tenetur. Ilæc est manus Verbi æterni, hoc testimonium transcendent nos. Unde animalia volatilia demittebant alas suas, cum fieret vox super firmamentum. Quomodo nos audiemus<sup>2</sup> « tonitruum, si sermonis ejus scintillam » vix apprehendimus? Condescendit autem nobis, quia se exprimit per Verbum incarnatum: et secundum testimonium Joannis<sup>3</sup>: « Qui de terra est, de terra loquitur: qui de cœlo venit, super omnes est. » Testimonium Christi, majus testimonio Joannis fuit, quia non alio supponente loquitur, quia anima ejus omnia vidit; et qui de cœlo est, cœlestia narrare potest. Unde dixit Nicodemo<sup>4</sup>: « Si terrena dixi vobis, et non creditis; quomodo, si dixerim vobis cœlestia, credetis? » Illic Filio Pater testatur in voce<sup>5</sup>; Spiritus sanctus, in columbae specie, ut testimonium ejus sit solidissimum, quia<sup>6</sup>: « Pater, quod dedit mihi, majus est omnibus his. » Ilujus autem fidei Christus est fundamentum, et<sup>7</sup> « Nemo potest aliud fundamentum ponere præter id, quod positum est, CHRISTUS JESUS. » Ille est lapis angularis, de quo facit Isaias, et Petrus mentionem<sup>8</sup>: « Ecce ponam in fundamentis Sion lapidem angularem, probatum, speciosum. » Et Apostolus<sup>9</sup>: « Superædificati supra fundamentum apostolorum, » id est, supra Christum. Tertia firmitas est ex testimonio veritatis expressæ per verbum inspiratum, et hoc fuit in omnibus prophetis. Et nos audivimus hoc verbum, quo<sup>10</sup> « Spiritus sanctus

testificatur, quoniam Christus est veritas. » Aliqui viderunt eum in carne: unde dicitur in *Luca*<sup>11</sup>: « Beati oculi, qui vident, quæ vos videtis. Dico vobis, quod multi reges et prophetæ voluerunt videre quæ vos videtis, et non viderunt. » Radiavit autem Spiritus sanctus in cordibus omnium prædicatorum, ad omnem veritatem prædicandam et scribendam, dicente Apostolo<sup>12</sup>: « Multifarie, multisque modis olim Deus loquens patribus; » et postea dicitur: « Si enim qui per angelos dictus est sermo, factus est, » etc.; et sequitur<sup>13</sup>: « Quæ cum initium accepisset enarrandi (a) per Dominum; ab eis, qui audierunt, in nos confirmata est, contestante Deo signis et portentis, et variis virtutibus, et Spiritus sancti distributionibus. » Et exemplificatur hic triplex firmitas fidei: primo, ut expressa per Verbum increatum, ibi: « Multifarie, » et: « Qui cum sit splendor gloriae; » secundo, ut per Verbum incarnatum, ibi: « Purgationem peccatorum faciens; » tertio, ut per verbum inspiratum: « Quæ cum initium accepisset enarrandi (a) per Deum. » Hic Spiritus sanctus in mentibus electorum facit scripturas, et dat firmitatem fidei Christianæ. Et quia specialiter in apostolis, ideo diemutur duodecim fundamenta civitatis<sup>14</sup>: « Vidi civitatem de cœlo, » etc. Et dicitur, quod « in fundamento duodecim nomina apostolorum fuerunt scripta. » Non tantum autem testimonium apostolorum, sed varia testimonia Spiritus sancti in multis, in quibus sunt duodecim rationes firmatis fidei, quæ sunt duodecim fundamenta, per concursum diversorum testimoniorum Spiritus sancti, fidem formavit inconcussum; licet vexata fuerit hæc firmitas in principio Ecclesiæ, ubi cruciabantur martyres ab idololatriis. Similiter fuit vexata in medio tempore diversis hæresibus: vexabitur maxime in fine Ecclesiæ per tormenta, per argumenta, per miracula. Unde<sup>15</sup>: « Væ

Fides  
Ecclesia  
incon-  
cussa.

<sup>1</sup> Isa., xl, 12. — <sup>2</sup> Job, xxvi, 14. — <sup>3</sup> Joan., iii, 31. — <sup>4</sup> Ibid., 12. — <sup>5</sup> Matth., iii, 17. — <sup>6</sup> Joan., x, 29. — <sup>7</sup> I Cor., iii, 11. — <sup>8</sup> Isa., xxviii, 16; I Petr., ii, 6. — <sup>9</sup> Ephes., ii, 20. — <sup>10</sup> I Joan., v, 6. — <sup>11</sup> Luc., x,

23, 24. — <sup>12</sup> Hebr., i, 1. — <sup>13</sup> Hebr., ii, 2, 3, 4. — <sup>14</sup> Apoc., xxi, 2, 15. — <sup>15</sup> Luc., xxi, 23.

(a) Vulg. enarrari.

prægnantibus in his diebus, » hoc est, ut teneris in fide. Oportet ergo, quod fides firmetur per verbum inspiratum. Consurgit autem hæc firmitas ex quatuor, quasi ex quatuor lateribus civitatis: ex testificantium notitia certa; ex testificantium fama præclara; ex testificantium concordia plena, et ex testificantium sententia firma. Quia, si sit notitia certa, non sit autem fama bona, non erimus sibi: sed quando bonus est homo, scitur quod veritatem dicit. Et si habet certam notitiam, et famam claram, sed sibi multi contradicunt, adhuc potest esse dubitatio; si autem hæc tria habeat, et notitiam, et famam, et concordiam, et tamen non habet sententiam firmam, dubitatio esse potest. De notitia certa dicitur<sup>1</sup>: « Scio hominem raptum usque ad tertium cœlum, et audivit arcana, » hoc est, certa notitia, per ascensum usque ad tertium cœlum, et iterum per descensum usque ad tertium cœlum, et per illustrationes omnium cœlorum. Unde in *Ecclesiastico* dicitur<sup>2</sup>: « Ego feci, ut oriretur in cœlis lumen indeficiens, » id est, in cœlestibus viris lumen fidei firmum. Per triplex cœlum, triplex visio intelligitur, nempe, intellectualis pura, intellectualis adjuncta cum visione imaginaria, et intellectualis cum visione corporali manifesta. Prima invenitur in mentibus angelicis: secunda, in mentibus propheticis: tercua, in mentibus apostolicis. Harum visionum concursus est certitudo Scripturæ.

Visio intellectualis pura in mentibus angelicis est in Legislatore. « Lex enim<sup>3</sup> per angelos ordinata est. » Angeli eam dede- runt; angeli eam scripserunt, qui puram veritatem videbant in luce æterna. Ad hanc visionem fuit Moyses sublevatus ultra omnes prophetas, quia scriptum est<sup>4</sup>: « Si fuerit inter vos propheta Domini, in visione appa- rebo ei, vel per somnum loquar ad illum: at non talis servus meus Moyses; palam, et

non per ænigmata et figuræ, Deum videt, et ore ad os loquar ei. » Et in signum hujus<sup>5</sup> « jejunavit quadraginta diebus et quadra- ginta noctibus. » Qui etiam vidi angelum, qui<sup>6</sup> in rubo apparuit ei. Et exponit beatus Stephanus<sup>7</sup>, quia non fuit ibi Dominus, nisi per subjectam creaturam, sed *angelus* fuit.

Secunda certitudo fuit in mentibus propheticis<sup>8</sup>: « Habentes firmiorem prophetice sermonem, cui benefacitis attendentes, quasi lucernæ lucenti in caliginoso loco, donec dies illucescat, et lucifer oriatur in cordibus vestris: hoc primum intelligentes, quod omnis prophetia Scripturæ propria interpretatione non fit. Non enim voluntate humana allata est aliquando prophetia; sed Spiritu sancto inspirati, locuti sunt sancti Dei homines. » Visiones enim prophetarum fuerunt imaginariæ, ut Isaiæ, Daniel.

Tertia est certitudo ex visione intellectuali juncta cum corporali. Hæc fuit in mentibus apostolicis, dicente Joanne<sup>9</sup>: « Quod fuit ab initio, quod vidimus, et manus nostræ con- trectaverunt de Verbo vitæ, et non aliud quam quod vidimus (*a*), annuntiamus vo- bis. » Unde Thomas tangere voluit<sup>10</sup>: « Quia vidisti me, Thoma, credidisti: » et alibi<sup>11</sup>: « Qui vidi, testimonium perhibuit. » Et in *Actibus*<sup>12</sup>: « Præcepit nobis testificari. » Et beata Virgo Maria, doctrix apostolorum et evangelistarum, conrectavat hoc Verbum in utero et in sinu. Hæc tres visiones, sive certitudines concurrentes, angelicæ, propheticæ, apostolicæ, dant certitudinem fidei et scripturæ. Ilas tres Paulus habuit, quando Christus corporaliter vidit<sup>13</sup>: « Novissime, inquit, tanquam abortivo visus est et mihi. » Qui etiam ad supremam visionem fuit sublimatus, tandem ad intellectualem. Bene ergo dictum est<sup>14</sup>: « Ego feci in cœlis, ut oriretur lumen indeficiens. »

Secunda firmitas est ex testificantium fama præclara. Hæc in tribus consistit: in præ-

35. — 12 *Act.*, x, 42. — 13 *I Cor.*, xv, 8. — 14 *Ecli.*, xxiv, 6.

(*a*) *Vulg.* et vita manifestata est, et vidimus, et testamur.

<sup>1</sup> *II Cor.*, xii, 2. — <sup>2</sup> *Ecli.*, xxiv, 6. — <sup>3</sup> *Gal.*, iii, 19. — <sup>4</sup> *Num.*, xii, 6-8. — <sup>5</sup> *Exod.*, xxiv, 18. — <sup>6</sup> *Exod.*, iii, 2 — <sup>7</sup> *Act.*, vii, 30. — <sup>8</sup> *II Petr.*, i, 19-21. — <sup>9</sup> *I Joan.*, i, 1. — <sup>10</sup> *Joan.*, xx, 29. — <sup>11</sup> *Joan.*, xix,

claritate meritorum, miraculorum<sup>1</sup>, et martyrorum. Praeclaritas meritorum fuit in patriarchis; unde<sup>2</sup>: « Laudemus viros glorio-  
sos. » Patriarchæ miracula non fecerunt, sed famosi fuerunt meritis. Ili fuerunt initium Scripturæ, quia agit de apparitionibus illis factis. Praeclaritas meritorum et miracula in flagellatione Ægypti, in transitu maris, in deserto, ut quibus per quadraginta annos non sunt attrita calceamenta, nec vestimenta, manna de cœlo pluit illis. Vide Josue, qui solem fecit stare, qui aquas divisit in ingressu terræ promissionis, et aquæ reversæ sunt in suam originem. Adjunge his Eliam, et Eliseum: qui Elias cœlum claudebat, pluviam dabat, cibum augmentabat; qui in curru igneo ascendit cœlum. Elisæus, qui vivens mortuum suscitavit; qui mortuns etiam mortuum suscitavit; qui etiam homines capiebat. Ante legem ergo, et post legem, et in datione legis, facta sunt miracula, et nonnisi in hoc populo. Ex quo se-quitur, quod isti viri amantissimi, et cari Deo, fnerunt in veritate fundati. Haec est ergo certitudo fidei. Tertia præclaritas est miraculorum et martyriorum. Et hæc certi-tudo veritatis appareat, quando homo vult mori pro veritate quam prædicat, ut Isaias, et alii prophetæ.<sup>3</sup> « Quem prophetarum non persecuti sunt patres vestri? » Si dicant hæretici, quod ipsi pro veritate moriuntur, et habent merita; tertium tamen non habet, miracula scilicet: nunquam auditum est, quod hæreticus, vel ante, vel post mortem fecerit miracula. De istis cœlis legitur<sup>4</sup>: « Quoniam videbo cœlos tuos, opera digitorum tuorum, » scilicet viros cœlestes, in quibus videmus hanc triplicem claritatem, quæ sunt opera digitorum Dei. In isto digito tertio, scilicet miraculi, deficiunt magi Pharaonis, id est, hæretici, et quicumque alii infideles.

Tertia firmitas fidei est ex testificantium

<sup>1</sup> Eccl., XLIV, 1. — <sup>2</sup> Act., VII, 52. — <sup>3</sup> Psal. VIII, 2. — <sup>4</sup> Psal. CIII, 12. — <sup>5</sup> Isa., VII, 14. — <sup>6</sup> Luc., I, 31.

concordia plena, quæ est in tribus, in clo-quis scripturarum, in decretis conciliorum, in documentis sanctorum. De primo legi-tur<sup>5</sup>: « De medio petrarum dabunt voces, » hoc est de medio duorum cherubin, de qui-bus loquebatur Dominus, sive de quorum medio, scilicet de medio duorum testamen-torum. Isaias dicit<sup>6</sup>: « Ecce Virgo conce-piet. » Lucas dicit<sup>7</sup>: « Ecce concipies. » Alius dixit<sup>8</sup>: « Morietur (a) Christus. » Et Evan-ge-lista<sup>9</sup>: « Occidetur. » Quidquid ergo dictum est per prophetas, impletum est per Chris-tum. Et Isaias dicit<sup>9</sup>: « Ascendet Dominus super nubem levem, et ingredietur Ægyptum, et movebuntur simulacra: » hoc fac-tum est per Christum. Nunquam inventus est aliquis propheta, vel philosophus, qui idolatriam potuerit removere: quod tamen Christus fecit per apostolos ubique terra-rum: hi vero testes sunt Scripturæ, pro-phetae, et apostoli. Nec potest dici, quod apostoli subornaverunt (b) prophetas, ut sic dicerent, sicut evenit in Christo. Si enim eodem tempore fuissent, posset haberi sus-picio: sed illi præcesserunt: veritas ergo ista est infallibilis. Si enim contingens dicatur firmiter esse futurum, et cognoscatur certitudinaliter, impossibile est quod vide-a-tur aliter, nisi in veritate certa. Vetus ergo Testamentum, et Novum in magna eonso-nantia et harmonia convenient, et sunt si-cut viginti quatuor seniores circa thronum Christi, ut nulla sit dubitatio. Secunda fir-mitas est in decretis conciliorum, quia illa, quæ in dubium veniebant, ibi confirmata sunt. Arins dicebat, quod Pater major erat Filio secundum essentiam, et per hoc nite-batur ostendere non esse Filium æqualem Patri. Et in primo concilio, ubi fuerunt viri sanctissimi (beatus Nicolaus fuit ibi), ubi, dico, fuerunt trecenti decem et octo episcopi, ubi fides confirmata est catholica, scilicet universalis, et factum est auctoritate Petri

Veteris  
Testa-  
menti et  
novicon-  
sonantia

Nicœ-  
num I  
generale  
318 epis-  
coporum

— <sup>5</sup> Dan., IX, 26, quoad sensum. — <sup>6</sup> Luc., XVIII, 30, quod sensum. — <sup>7</sup> Isa., XIX, 1.

(a) Occidetur. — (b) Cat. edit. subordinaverunt.

et aliorum patrum. Unde<sup>1</sup> quatuor concilia principalia fuerunt, quae dant testimonia huic fidei. Tertia (a) est in documentis doctorum et sapientum, in mundana sapientia, et divina, ut Dionysius, Gregorius, Nazianzenus, Gregorius Nyssenus, Damascenus, Basilius, Anselmus, Chrysostomus. Latini similiter: Hilarius, Gregorius, Augustinus, Ambrosius, Hieronymus. Documentaistorum concordant, et idem dicunt, idem sapiunt. De his dicit Job<sup>2</sup>: « Quis enarrabit cœlorum rationem, et concentum cœli quis dormire faciet? » Haec est concordia Scripturarum, conciliorum, et doctorum. Quarta ratio firmitatis fidei, est ex testificantium sententia firma: quæ firmitas habetur ex hoc, quod consentit rationi, quia ratio non potest contradicere fidei. Judicium enim rationis illustratae est, quod de Deo summe est sentendum, et altissime. Hoc autem tripliciter sentendum de Deo est: altissime et piissime; altissime et verissime; altissime et optime. Ratio ergo dictat, quod de Deo altissimo est sentendum altissime et piissime, quod illa essentia nobilis est nobilissimo modo. Cum enim forma universalis nobilior sit particuliari, quia in multis; particularis autem nobilior universalis, quia particularis in uno, non numerata; sed universalis in multis est numerata: ergo essentia divina habere debet quod nobilitatis est in creatura, ut sit una in multis non numerata. Sentiendum est etiam piissime, quod illa essentia est origo omnium creaturarum, creans omnes res, et quod immedie ab ipsa omnes res procedunt. Nisi tu sentias quod totalitas rei ab ipsa procedit, non sentis de Deo piissime. Plato commendavit animam suam factori; sed Petrus commendavit animam suam Creatori. Secundo est sentendum de Deo altissime et verissime, quia ipse est veritas omnia gubernans, omnia illustrans, omnia rectificans, omnia disponens, dicente David<sup>3</sup>: « Dominus illuminatio mea, et salus mea;

<sup>1</sup> Cf. Grat., Dist. xv, c. Sancta Romana. — <sup>2</sup> Job, xxxviii, 37. — <sup>3</sup> Psal. xxvi, 1. — <sup>4</sup> Rom., viii, 32. —

quem timebo? » Non ergo gubernatio est attribuenda astris. Tertio sentendum est de Deo altissime et optime, quod sit optimus, ex quo se summe diffundit et diligit. Unde<sup>4</sup>: « Proprio Filio non pepercit, » et donando nobis illum, dedit quidquid scivit, quidquid potuit. « Omnia, inquit Filius, quæcumque Pater habet, mea sunt. » Dedit autem Pater nobis Filium natum, dedit nobis passum pro nobis, resuscitatum propter nos, quia<sup>5</sup> « propter nimiam charitatem, qua dilexit, » etc. Unde<sup>6</sup> « per viscera misericordiæ Dei nostri. » Intima Dei bonitas facit, quod summe diligit, summe misereatur. Haec omnia apparet in resurrectione, quia per summam pietatem, qua omnia creavit, omnia restauravit; per summam veritatem omnia judicabit; per summam benignitatem omnia glorificabit. Ex hoc sensu nascitur in anima triplex influxus ab illa luce, per quam stabilitur anima in Deum: primus est robur virtutis; secundus est zelus veritatis; tertius, excessus amoris. Robur virtutum est primus, quia nihil difficile est animæ habenti fidem inconcessam: quia<sup>7</sup> « si potest (b) credere, omnia possibilia sunt credenti: » quia paratus est sustinere omnia propter Deum, quia per fidem et virtutem stabilitur. Secundus influxus est veritatis zelus, ut homo indignetur contra omne malum, et afficiatur statim ad omne bonum. Dedignetur onne malum, sicut Elias, qui prophetaverat de Achab et Jezabel, quod comedenter ex eis canes. Dixit Achab<sup>8</sup>: « Numquid invenisti me inimicum tibi? » Respondit Elias: « Inveni, quia venuimus es, ut faceres malum in conspectu Dei: » quasi diceret: Quicunque est contrarius Deo, est contrarius mili. Tertius influxus est excessus (c) amoris, quando anima in vituperiis et tribulationibus semper sentit jucunditatem amoris; hoc maxime est, quando ardens sentit, quod Dominus facit gustare<sup>10</sup>

<sup>5</sup> Joan., xvi, 15. — <sup>6</sup> Ephes., ii, 4. — <sup>7</sup> Luc., i, 78. —

<sup>8</sup> Marc., ix, 22. — <sup>9</sup> III Reg., xxii, 20. — <sup>10</sup> Psal. LXXVII, 25. — (a) Leg. Tertium. — (b) Vulg. potes. — (c) Cat. edit. incessus.

«panem angelorum. Et hunc reputant omnes stultum ; et ipse reputat omnes stultos : et secundum veritatem sunt. Et hoc est summum fidei, et apex, ut per experientiam inebrietur, et jam nil curet de mundo. Hæc enim defendet tempore Antichristi. Unde <sup>1</sup> : « Mittet illis Deus operationem erroris. » De apice fidei, quæ amor est, Apostolus dicit <sup>2</sup> : « Quis nos separabit a charitate Christi ? » usque ibi : « quæ est (a) in CHRISTO JESU; » et alibi : « In charitate radicati et fundati : » hoc est firmamentum cœli. Unde Psalmista dicit <sup>3</sup> : « Confitebuntur cœli mirabilia tua, » scilicet animæ mirabilia, quæ in se sentiunt. Hæc enim experientiae faciunt fidem stabilissimam. Quando ergo homo sentit de Altissimo piissime, verissime, et optime, tunc zelo et excessu amoris rapitur anima ad tertium colum, etsi non ita excellenter, ut Paulus : et tunc domus fundatur supra firmam petram.

### SERMO X.

*De fidei speciositate, quæ cœlo comparatur.*

¶ *Vocavit Deus firmamentum cœlum ; etc.* De altitudine fidei, et ejus firmitate dictum est ; nunc de speciositate dicendum. Dicitur enim « cœlum, » quasi cœlatum <sup>5</sup>, id est, sculptum luminibus. Quomodo speciosa sit hæc fides, in *Genesi* dicitur <sup>6</sup> : « Suspice cœlum et numera stellas, si potes : sic erit semen tuum. » Pollicitatio seminis carnalis facta est ad Abraham, quia : « Sic erit semen tuum : » pollicitatio similiter seminis spiritualis ei facta est, eo quod <sup>7</sup> « pater multarum gentium » per fidem futurus erat. Caro Abraham generavit semen, et multiplicatum est multiformiter; ejus generatio spiritualis fuit, et generavit spiritualiter mente fœcundata pullulationes speculationum orientium ex fide, transcendentes claritatem siderum. Unde <sup>8</sup> : « Sustulit me in spiritu

in montem magnum et altum, et vidi Hierusalem descendente. » Et quod « habebat duodecim portas, et super quamlibet portam margarita una, et portæ ex singulis margaritis : » hæc speculationes fidei comparantur sideribus, et comparantur duodecim margaritis. Licet enim sint stellæ illæ innumerabiles, tamen sunt duodecim signa, per quæ sol currit. Ista duodecim signa nihil aliud sunt, nisi quod stellæ, secundum varias figuræ et varietatem luminum, habent diversas influentias : et sol illis conjunctus, temporibus variis, secundum diversas influentias, habet vitam ministrare in mundo. Hæc autem, ut dictum est, orientes speculationes ex fide comparantur claritati margaritarum, quia sunt fulgidæ, vivificæ, jucundæ, ad modum margaritæ, quæ habet fulgorem, sive fulget, confortat per efficaciam, cor jucundat. Secundum hoc igitur ingrediuntur ad contemplationem, nec potest ad visiones *Apocalypsis* homo nudus accedere, nisi intelligat ista. Cum igitur sit <sup>9</sup> « alia claritas solis, alia stellarum, » nos <sup>10</sup> « sublimati per fidem, transformamur a claritate in claritatem, » et hoc « revelata facie, » ut similes simus duodecim stellis, et duodecim margaritis. Duodecim speculationes sunt, quas habemus ex fide : credere Deum primum, Deum trinum et unum, et exemplar rerum, ut creantem mundum, ut formantem animam; dantem spiritum, Deum carni unitum, Deum crucifixum, medelam mentium, vitale pabulum, ultorem scelerum, præmium æternum. Nota etiam, quod quædam sunt credibilia, quæ sunt (b) intelligibilia per rationem, ut Abraham genuit Isaac, sive facta particularia; quædam autem credibilia non sunt intelligibilia : et quando intelliguntur, rationes solidas habent. Ad sufficientiam horum duodecim, nota, quod claritas fidei speculanda est, ut veritatis præexistentis, ut veritatis

<sup>1</sup> II Thess., II, 10. — <sup>2</sup> Rom., VIII, 35-39. — <sup>3</sup> Psal. LXXXVIII, 6. — <sup>4</sup> Gen., I, 8. — <sup>5</sup> Idem supra, serm. VIII, p. 70. — <sup>6</sup> Gen., XV, 5. — <sup>7</sup> Gen., XVII, 4. — <sup>8</sup> Apoc.,

XXI, 10, 21. — <sup>9</sup> I Cor., XV, 41. — <sup>10</sup> II Cor., III, 38.

(a) Cœt. edit. qui erat. — (b) Cœt. edit. credibilia, sive.

efficientis, ut veritatis reficientis, ut veritatis perficientis. Ut veritatis præexistentis, tripliciter : vel quantum ad essentiam, vel quantum ad excellentiam, vel quantum ad resurgentiam. Primo, quantum ad essentiam (*a*), Esse enim Dei primum est, quod venit in mente. Unde dicitur Moysi quærenti, quod nomen Dei esset : respondit <sup>1</sup> : « Ego sum, qui sum. » Et in hoc comprehendit quidquid est, sive bonum, sive potens. Secundo, quantum ad excellentiam, ut Deus unus, trinus, et verus. Tertio quantum ad resurgentiam, ut exemplar rerum. Si autem consideratur ut claritas efficiens, hoc est tripliciter : aut in quantum inchoat naturam, sive mundum ; aut in quantum (*b*) illustrat industriam ; aut in quantum (*c*) inspirat gratiam. Ut (*d*) inchoat naturam, sive mundum, quod non solum est credibile, sed etiam intelligibile. Ut illustrat industriam ; et sic format animam secundum intellectum humanum, et angelicum, et sic Deus est objectum intellectus : et hinc est, quod habet rationem perpetui, quantum ad imaginem creationis, reparationis, similitudinis : quia imago est essentialis dependentia, et relatio. Ut inspirat gratiam : hic est consummatio, et hoc est credibile, et intelligibile. Voluntas enim non perficitur, nisi per donum Spiritus sancti infusum. Si autem claritas veritatis consideratur ut reficiens, similiter triplex claritas resulget in anima : aut quantum ad humanæ et angelicæ reparationis principium ; vel quantum ad pretium ; vel quantum ad effectum. Primum est speculari Deum carni unitum, quod est credibile, et intelligibile : si ut pretium, sic cruci affixum ; si ut effectus, sic Deus medicina est animæ. Est ergo principium nostræ creationis, reparationis, præmissionis. Si ut confirmans, sive perficiens, sic tripliciter : ut vitale pabulum Ecclesiæ militantis et triumphantis ; ut ultorem see-

lerum ; ut finale præmium. Oportet Deum esse præmium ; ergo est credibile, et intelligibile, et hoc secundum influentiam, secundum legem justitiae, clementiae, et concordiae. Secundum primum, ut virtus : secundum secundum, ut veritas : secundum tertium, ut influentia. Haec sunt duodecim portæ, de quibus *Psalmista* dicit <sup>2</sup> : « Aperite mihi portas justitiae. Justi intrabunt in eam ; » quia <sup>3</sup> « justus ex fide vivit. » Primum speculabile circa Deum est, quod primum nomen Dei est esse, quod manifestissimum et perfectissimum : ideo nihil manifestius, nihil perfectius : quia quidquid de Deo dicitur, reducitur ad esse, hoc est propriæ proprium nomen Dei. Deus non dixisset Moysi, sive latori legis : « Ego sum, qui sum, » nisi esset primus. Postea dixit <sup>4</sup> : « Deus Abraham, Deus Isaac, Deus Jacob, » in quo mysterium Trinitatis expressit. Terzo dixit <sup>5</sup> : « Qui fecit os hominis et linguam (*e*) : » in quo explicavit se esse exemplar. Deum esse primum, manifestissimum est, quia ex omni propositione sequitur esse Deum. Etiam si dielas ; « Deus non est, » Deus est : quia omnis propositio infert se affirmativam, et negativam : ut si Socrates (*f*) non currit, verum est Socratem (*g*) non currere. Consideratur etiam haec veritas quasi in speculo quodam, quod confortat, et dat visum. Omnis enim creatura concurrit ad hoc speculum faciendum, et jungitur in hoc speculo secundum viam ordinis, originis, completionis. Primo tripliciter, secundum rationem posterioris ad prius, et inferioris ad superius, et temporis ad ævum, vel ævi ad æternitatem. Manifestum enim est, si est posterior, est prius, ergo et primum : ergo in isto ordine per posteriora ad priora, et ad primum pervenitur. Omnia enim vel sunt posteriora, vel media, vel prima. Secundo est ordo inferioris ad superius, et superioris ad summum, quæ habent essen-

Deum  
esse t.  
i-  
pliciter  
probatur

<sup>1</sup> Exod., III, 14. — <sup>2</sup> Psal. cxvii, 19. — <sup>3</sup> Habac., II,

4; Rom., I, 17. — <sup>4</sup> Exod., III, 15. — <sup>5</sup> Exod., IV, 11.

(*a*) Cœl. edit. deest primo, quantum ad essentiam.

— (*b*) Cœl. edit. deest aut in quantum. — (*c*) Item.

— (*d*) Cœl. edit. deest Ut. — (*e*) Vulg. Quis fecit os ho-

minis? — (*f*) Cœl. edit. Sortes. — (*g*) Cœl. edit.

Sortem.

tialem ordinem, et dependentiam, secundum ordinem naturae : et non dicitur hic superiorius, et inferius, secundum lineam prædicamentalem, sed secundum magis nobile, et minus. Tertio est ordo temporis ad ævum, et ævi ad aeternitatem : quia si est aliquid propter aliud creatum, et illud creatum erit propter increatum, et increatum erit propter se : ut si est res temporalis propter animam, et anima propter Deum, necessario ergo Deus propter (a) se est. Secundum ordinem ergo causalitatis, dignitatis, finis, omnia declarant esse primum et ultimum in ratione producendi; sed ultimum in ratione fiendi : hoc ergo secundum rationem ordinis.

*Deum esse probatur ratione originis.* Alio modo creature dicit Deum esse secundum rationem originis, ut si est ens creatum, est ens increatum : et si est ens per participationem, est ens per essentiam : si est ens per compositionem, est ens per simplicitatem : et si est ens per multiformitatem, est ens per uniformitatem, vel identitatem. Primo dicendum, quod omne creatum ponit causam, et universitas causatorum ponit causam primam universalem. Tunc quæro de causa illa : aut est creata, aut non : si sic, est abire in infinitum ; si non, habeo propositum. Item ens per participationem ab eo habet esse, quod est ens per essentiam, quia fluit ab eo. Similiter omne compositum est a componentibus : similiter et partes, cum sint dependentes ad invicem, sunt ab aliquo simplicissimo absoluto. Similiter de multiformitate : si enim est ens per multiformitatem, est ens per uniformitatem, ut in numeris, quia necesse est devenire ad unitatem : hoc ergo ratione originis. Tertio modo, ratione completionis : si est esse potentiale, est esse actuale; si est esse mutable, est esse immutable ; si est esse secundum quid, est esse simpliciter ; si est esse dependens, est esse absolutum ; si est esse in genere, est esse extra genus. Ens autem

*Deum esse probatur ratione completionis.*

est esse dependens, est esse absolutum ; si est esse in genere, est esse extra genus. Ens autem

potentiale venit ex actuali esse, necessario in diversis (b); sed in eodem, esse potentiale præcedit esse actuale. Similiter mutabile est fluens ab immutabili fixo. Similiter creatura essentialiter dependens a primo, et materia, et forma, et etiam accidens magis dependet a Deo, quam a suo subjecto : quia Deus potest facere, ut sit sine subjecto, ut in sacramento altaris ; sed non, quod non dependeat ab eo. Similiter si est ens secundum quid, erit ens simpliciter in his quæ nata sunt esse simpliciter : ut si est sapiens secundum quid, est sapiens simpliciter. Similiter, ut removeatur instantia, est albus dente : ergo est albus simpliciter. Si est ens in genere, est ens extra genus. Ens enim in genere habet differentias coartantes ; et tale non habet posse, esse, et agere universaliter. Unde Deus est ens extra genus, et supra genus. Hæ igitur speculationes ordinis, originis, et completionis, dueunt ad illud esse primum, quod repræsentant omnes creaturæ. Hoc enim nomen scriptum est in omnibus rebus. Et sunt hæ conditiones entis, super quas fundantur certissimæ illationes. Unde dixit auctor libri *de Causis* (c) : « Prima rerum creaturarum omnium est esse : » sed ego dico : « prima rerum intelligentiarum est esse primum. »

## SERMO XI.

*Quomodo Trinitas speculum est pulcherrimum.*

<sup>2</sup> Nos autem revelata facie gloriam Domini speculantes, etc. Dictum est de secunda visione, scilicet intelligentiæ per fidem elevatæ, quæ intelligitur per cœlum vel firmamentum, quod est altum, firmum, speciosum. Dictum est de duobus primis, et incepturn de tertio, scilicet speciositate, quæ est multiformis speculatio fidei. De qua dictum est Abrahæ, hoc est credenti<sup>3</sup> : « Suspice cœlum, et numera stellas, si potes. » Dictum est a Joanne<sup>4</sup> : « Sustulit me

(a) *Cæt. edit.* per. — (b) *Cæt. edit.* diversum. — (c) *Cæt. edit.* libro.

<sup>1</sup> Lib. *de Caus.*, prop. iv, in princ. — <sup>2</sup> II Cor., III, 18. — <sup>3</sup> Gen., xv, 5. — <sup>4</sup> Apoc., XXI, 10.

in montem ; » et per duodecim signa , per quæ currit sol intellectualis in hemisphærio nostræ intelligentiæ , et facit dies , et annum fidei ; et per « duodecim portas ex singulis margaritis , » intelliguntur duodecim speculationes principales , ad quas aliæ reducuntur , et secundum quas aliæ regulantur , et diriguntur . Et illæ sunt fulgidæ , vivificæ , jucundæ . Prima erat , speculari Deum esse primum ; secunda , Deum esse trinum , et unum . Circa has procedunt Sancti et Doctores : sed Sancti per viam speculationis , Doctores per viam investigationis . Dictum est ergo de primo speculo , scilicet quod *Esse* est nomen Dei manifestissimum , et perfectissimum : quia omnia , quæ sunt Dei , comprehenduntur in hoc nomine<sup>1</sup> : « Ego sum , qui sum . » Hoc nomen Dei est proprie proprium , de quo dictum est , quoniam res omnes representant ipsum per viam originis . Hoc speculum componitur ex omnibus creaturis , ut patuit . Hoc nomen , in anima scriptum , illustrat eam : Augustinus<sup>2</sup> enim sic explanat : « Nos autem<sup>3</sup> revelata facie gloriam Domini speculantes , » non a prope , sed de longe , scilicet a speculo : sed hoc speculum est cum ænigmate adhuc , quia si videretur sine ænigmate , esset homo beatus . Ille speculum format Augustinus , qui volens ostendere unitatem et trinitatem Dei , dicit sic<sup>4</sup> : « Neque enim divinorum librorum auctoritas tantummodo prædicat esse Deum verum ; sed omnis , quæ nos circumstat , ad quam nos etiam pertinemus , universa rerum natura proclamat se habere præstantissimum conditorem , qui nobis mentem rationemque dedit , qua viventia non viventibus , sensu prædicta non sentientibus , intelligentia non intelligentibus , immortalia mortalibus , impotentibus potentia , injustis justa , speciosa deformibus , bona malis , incorruptibilia corruptibilis , beata misericordia preferenda videamus . Et per hoc , quoniam rebus creatis Creatorem sine dubitatione præponimus , oportet ut eum , et

<sup>1</sup> *Exod.*, III, 14. — <sup>2</sup> Aug., *de Trinit.*, lib. XV,

summe vivere , et cuncta sentire , atque intelligere , et mori et corrumphi mutarique non posse , nec corpus esse , sed spiritum omnipotentissimum , speciosissimum , et optimum , verissimumque fateamur . » Duodecim ponit conditiones : « æternus , immortalis , incorruptibilis , immutabilis ; » ecce quatuor : item « vivus , sapiens , potens , speciosus ; » et ecce quatuor : item « justus , bonus , beatus , sanctus spiritus ; » ecce quatuor . De primo quaternario accipiatur unum nomen , scilicet « æternus , » quod alia tria comprehendit : quia si est æternus , eo ipso est immortalis : et si immortalis , eo ipso incorruptibilis : et si incorruptibilis , eo ipso immutabilis . De secundo quaternario accipiatur « sapiens : » ergo vivus : si vivus , ergo potens : si potens , ergo speciosus , quia sapientia est forma pulcherrima . Unde Sapiens dicit<sup>5</sup> : « Amator factus sum formæ illius . » De tertio quaternario accipiatur illud nomen « beatus , » quod comprehendit alia tria : quia si beatus , ergo bonus , ergo justus , ergo sanctus spiritus . In his ergo tribus , scilicet æternitate , sapientia , et beatitudine , una relucet Trinitas : æternitas Patri ; sapientia Filio ; beatitudo Spiritui sancto . Adhuc etiam redigit ad unum hæc tria , et accipit « sapientiam , » et ostendit Trinitatem : quia necesse est , si est sapientia , ut sit mens , quæ cognoscat se , et diligat se , et alia . Nec tamen intelligendum , quod ita sit Pater mens , quod Filius non sit ; imo est insania ; imo quia Pater mens , Filius est mens , Spiritus sanctus est mens . Item Filius notitia ; Pater notitia , Spiritus sanctus notitia , et sic de aliis . Hoc autem in anima non est , quia mens non est notitia . Sapientia ergo in cognitione est : ubi ergo est cognitio , necesse est ut sit emanatio , sive generatio Verbi ; ex qua generatione sequitur productio amoris nectentis . Et si producens est Pater , Verbum est Filius ; nexus , Spiritus sanctus : in quibus est Trinitas vera ,

c. VIII, n. 14. — <sup>3</sup> *II Cor.*, III, 18. — <sup>4</sup> Aug., *de Trinit.*, lib. XV, c. iv, n. 6. — <sup>5</sup> *Sap.*, VIII, 2.

distincta, non in sapientia et in mente, sicut est in anima. Hoc est ex veritate sapientiae. Et hoc dicit Anselmus<sup>1</sup> *Monologio* (a). Ex hoc enim, quod summus Spiritus se intelligit, Filius generatur, Spiritus sanctus spiratur. Hoc est speculum Trinitatis, unde Augustinus: « Sed nos cum Ruth colligamus spicas post messores, id est, post sacros Doctores. » Est autem duplex speculum Trinitatis: unum intellectuale, quod facit intelligere nomina dicta de Deo intellectualia; secundum est magis materiale, quod fit per nomina transumptiva. Prima speculatio, quae est intelligentia per fidem elevata, dicit Deum esse trinum et unum propter quatuor quae sunt in divino esse, scilicet propter conditionem perfectionis, propter conditionem productionis, productivae diffusionis, diffusivae dilectionis: et unum sequitur ex altero. Est enim ibi suprema perfectio, ex qua sic primum principium habet perfectionem originis, ordinis, indivisionis.

**Origo.** Est autem origo originans perfectior, quam non originans; et perfectior est origo originans originantem, quam originans non originantem. Ergo si ibi est perfecta origo, necesse est esse Patrem producentem Filium originantem, et Spiritum sanctum originatum. Item a parte ordinis sic: Ubi est perfectus ordo, ibi est ratio principii, medii, et ultimi: alioquin inordinatio accideret in divinis, sicut supra<sup>2</sup> dictum est. Oportet ergo per rationem ordinis, ut sicut ibi tres personae sunt ex parte indivisionis, sic necesse est ibi esse indivisionem; alioquin recederet a perfectione et ab unitate. Est enim indivisio unitas quedam: unitas autem est in principiis, et principiatis: in universalibus, et particularibus; in voluntate, et natura.

**Unitas quotuplices.** Unitas in principiis est simplicitatis; in compositis, sive principiatis, totalitatis seu plenitudinis; in universalibus, conformitatis; in particularibus, innumerositatis; in voluntate, unanimitatis; in natura, inseparabilitatis.

<sup>1</sup> Anselm., *Monol.*, c. XLVI. — <sup>2</sup> Supra, serm. VIII, pag. 72.

Unitas simplicitatis in principiis est defectiva, quia licet quodlibet principium sit simplex, non tamen de se sufficiens est ad aliud producendum, sine alio principio. Item unitas totalitatis, sive plenitudinis, in principiatis deficit, quia non est ex se, nec simplex. Item unitas in universalibus deficit, scilicet conformitatis, quia numeratur cum alia. Et licet essentia universalis sit in pluribus, numeratur tamen in illis. Item unitas in individuis deficit, quia cum materia numeratur forma. Item unitas voluntatis deficit, quia non ita conjunguntur animi, quin separari possint per discordiam. Item unitas inseparabilitatis in natura, in Deo ponenda est. Item in primo esse, est ratio perfectae productionis; et productio similis, et dissimilis; aequalis, et inaequalis; consubstantialis, et essentialiter differentis. De necessitate, si est productio dissimilis, praetelligitur productio similis: quod sic patet: Simile habet se ad dissimile, sicut idem ad diversum; sicut unum ad multa: de necessitate tamen idem praecedit diversum, et unum multa: ergo productio similis praecedit productionem dissimilis. Sed creatura producitur a primo in esse, et est dissimilis: ergo de necessitate producitur simile, quod est Deus. Item secundum Boetium inaequalitates oriuntur ab aequalitatibus. Si ergo producitur a Deo quod est inaequale, scilicet creatura, necessario procedit productio aequalis, quod est Deus. Item, si producitur a Deo essentialiter differentis, necessario producitur substantialiter idem. Quia autem aliquando extrinsecum est intrinsecum, in illis quae habent intrinsecum et extrinsecum, ut patet, quia verbum dicentis extrinsecum praecedit mentis conceptus intrinsecus: ergo similiter a substantia aeterna differentis non manat, nisi producatur substantialiter idem. Ergo in Deo prius est productio similis, aequalis, consubstantialis, quam dissimilis, inaequalis, essentialiter differentis. Sed quid dices? Numquid intel-

(a) *Cæt. edit. Monologion.*

ligentes primum esse unum suppositum, ut gentiles , adhuc intelligunt substantiam , virtutem, et operationem? ergo si ita est, non intellecta Trinitate , vel emanatione , est intelligere productionem. Respondeo :

<sup>Intellectus duplex.</sup> Intellectus duplex est , perfectus , et plenus, et plene resolvens ; et tali intellectu non est intelligere. Secundus est semiplenus ; sic intelligere semiplene potest intellectus creatus , sic quod resolvat in plura, quæ in Deo sunt unum ; aliter non. Item tertia ratio speculi est, quia in Deo est ratio productivæ diffusionis. Sic illud esse summe bonum est ; ergo summe diffundit se, scilicet tripli-citer, diffusione actualissima, integerrima, ultimata vel ultimatissima, quia actualissima semper est, semper fuit, semper erit, semper genuit, semper generat, semper generabit. Hoc non potest habere creatura , quod semper sit, semper fuerit , et semper futura sit : ergo necesse est ut emanet aëternus. Item integerrima non est hæc diffusio in creatura ; quia Deus non dat totum decorum exemplaris creaturæ : unde hoc non dat nisi generando Filium. Unde <sup>1</sup> : « Omnia, inquit Filius, quæ habet Pater, mea sunt : » hoc non dicit aliqua creatura. Item hæc diffusio est ultimata, ut det producens quidquid Deus dare potest; creatura autem recipere non potest quidquid Deus dare potest. Unde sicut punctus ad lineam nihil addit , non etiam mille millia punctorum ; sic bonitas creaturæ bonitati Creatoris nihil addit, quia finitum infinito nihil addit. Ergo necesse est, ut hæc diffusio secundum totum posse sit ab aliquo, quod omni creatura majus cogitari potest : et etiam ipsa creatura majorem se cogitare se potest. Sed in Filio productio est, sicut in Patre est. Si ergo Patre nihil majus cogitari potest , ergo nec Filio. Si Pater etiam ultimata diffusione non se diffunderet, perfectus non esset. Quarta diffusio est per rationem dilectionis ; necessario enim oportet, quod ubi beatitudo est, ibi

summa sit dilectio. Est autem dilectio reflexa , connexiva , charitativa. Connexiva dilectio perfectior est, qua alterum diligo , quam reflexa , qua me diligo. Charitativa autem perfectior cæteris est, qua habet dilectum et condilectum : ergo hæc est in divinis. Hac ergo dilectione Pater diligit Filium , et est infinitus ardor. Item est ibi dilectio gratuita, debita , permixta. Item est ibi dilectio pura, plena, perfecta, ut effluens et effluxa in Filio, ut refluxa in Spiritu sancto. Ex istis rationibus omnibus fit speculum nobile. Est autem aliud speculum congregatum ex parvis. Unde nota, quod licet tota Trinitas sit lumen intelligendi , Verbum tamen naturaliter habet rationem exprimendi. Omnis autem creatura clamat generationem aëternam , et hanc exprimunt et repræsentant duodecim generationes. Est enim primus modus per diffusionem, secundus per expressionem, tertius per propagationem : per diffusionem, ut splendoris a luce, vel caloris ab igne, ut fluvii a fonte, ut imbris a nube plena, sive rorida. In prima diffusione deficit æqualitas, quia splendor non æquatur luci. In secunda deficit intimitas, quia calor non est intimus igni, sive ut informanti , sive ut originanti ; est enim accidens. In tertia deficit simultas, quia fons diffundit se per partes, non totus insimul. In quarta deficit integritas, quia non tota pluvia excutitur a nube ; ino per guttas. Jungas has quatuor conditiones ad unam diffusionem , quæ sit splendoris habentis æqualitatem caloris, habentis intimitatem et substantialitatem rivuli sive fontis, habentis simultatem imbris, habentis integratem ; et sic habes vestigium generationis aëternæ. Unde Filius aliquando comparatur splendori, dicente Paulo <sup>2</sup> : « Qui cum sit splendor gloriae ; » aliquando rubo Moysi , ubi fuit expressa persona Filii ; aliquando fluvio, vel fonti, ut in *Genesi* <sup>3</sup> : « Fons ascen-debat de terra, et fluvius egrediebatur de loco; » aliquando imbri, ut in *Isaia* <sup>4</sup> : « Quomodo descendit imber de cœlo, et illic (a)

<sup>Creatura ad creatorem si-</sup>  
<sup>cum punctus ad linea-</sup>  
<sup>neam.</sup>

<sup>1</sup> *Joan.*, XVI, 15. — <sup>2</sup> *Hebr.*, I, 3. — <sup>3</sup> *Gen.*, II, 6. —

<sup>4</sup> *Isa.*, LV, 10, 11. — (a) *Cæt. edit.* illic.

ultra non revertitur, sed inebriat terram; » et sequitur: « Sic erit verbum quod egreditur de ore meo; » scilicet de corde Patris. Secundus modus est per modum expressio-  
nis, ut speciei ab objecto, ut imaginis a sigillo, ut sermonis a loquente, ut cogitatus a mente; et hic est defectus. In prima deficit rei veritas, quia species in oculo, vel in anima, non est veritas rei. In secunda deficit simplicitas, quia imago sive figura non est in puncio, vel in simplici, sed partes habet. In tertia vero deficit stabilitas, quia sermo transit, et non manet. In quarta deficit substantialitas, quia conceptus mentis non est substantia, vel hypostasis. Auferas hos defectus, et pone expressionem, quae sit speciei ab objecto habentis veritatem: ut imaginis a sigillo habentis simplicitatem; ut sermonis a loquente habentis stabilitatem; ut conceptus a mente habentis consubstantialitatem: et tunc habebis alteram partem speculi. De primo dicit *Psalmista*<sup>1</sup>: « Eructavit cor meum verbum bonum; » sequitur: « Speciosus forma præ filiis hominum. » De secundo dicit *Sapiens*<sup>2</sup>: « Candor est lucis æternæ, et speculum sine macula, et imago bonitatis illius. » Et *Apostolus*<sup>3</sup>: « Qui est imago invisibilis Dei. » De tertio, *Job*<sup>4</sup>: « Semel loquitur Deus, et id ipsum non repetit. » Unde pone in Filio quod semper sit, et non deficit, nec revertitur. Quarto pone stabilitatem: conceptus enim mentis æternæ est hypostasis, conceptus nobilissimus, mentalis, perfectissimus. Unde in *Proverbiis*<sup>5</sup>: « Nondum erant abyssi, et ego jam concepta eram. » Aliquando ergo vocatur Filius species, imago, verbum manens in æternum; conceptus vero non inhaerens, sed substantialis, et hypostasis. Sic ergo habes quatuor. Tertia generatio est per prolationem (*a*), et hoc quadrupliciter: ut germinis a semine; ut arboris a radice; ut prolis conceptæ a ventre, vel utero materno; ut filii a patre principiante. In prima

generatione deficit formositas, quia in semine est forma confusa et occulta; sed non sic Filius. In secunda deficit conformitas; licet enim sit una radix, tamen differt in forma a ramis, licet unam arborem faciat. In tertia deficit actualitas, quia mater est principium, etsi aliquo modo activum proli-  
s, potissime tamen passivum. In quarta deficit coævitatis. Aufer ergo hos defectus, et pone primo formositatem. Unde *Isaias*<sup>6</sup>: « Erit germen Domini in magnificentia, et gloria, et fructus terræ sublimis. » Secundo pone conformitatem, sic Filius est confor-  
mis Patri, ut lignum vitæ in medio para-  
disi. Unde dicitur<sup>7</sup>: « Lignum vitæ est iis qui apprehenderint eam. » Tertio pone ac-  
tualitatem, unde *Psalmus*<sup>8</sup>: « Tecum prin-  
cipium in die virtutis tuæ, in splendoribus sanctorum, ex utero, » etc. « Ex utero » dicit, ubi est ratio fovendi in sinu Patris, a quo non recessit. Quarto pone coævitatem; *Psalmus*<sup>9</sup>: « Ego hodie genui te; » et hoc in æternitate, hoc est in meo *hodie* æterno. Has duodecim conditiones aggrega, et habebis speculum ad contuendum exemplar divinum, sive Verbum, quod omnia repre-  
sentat, ut splendor procedens a luce cum perfectione æqualitatis, et sic de aliis. Per has conditiones solvuntur omnia argumenta Arii, per quæ arguit a generationibus imper-  
fectis. De his duodecim dicitur in *Genesi*<sup>10</sup>: « Vidi per somnum solem, et lunam, et stellas undecim adorare me. » Iste est ille Joseph pulcherimus, quem adorant omnia, et clamant temporalia per lunam, spiritua-  
lia per solem. Et undecim stellæ genera-  
tiones creaturarum sunt secundum undecim conditiones, deficiente duodecima, quæ est in generatione Filii Dei: ideo ponuntur hic undecim stellæ in numero deficiente a duodenario, qui est numerus excrescens, quia respectu illius generationis habent defec-  
tum, et inclinant omnia ad generationem

Nume-  
rus ex-  
crescens

<sup>1</sup> *Psal.* XLIV, 1, 2. — <sup>2</sup> *Sap.*, VII, 16. — <sup>3</sup> *Coloss.*, 1, 15. — <sup>4</sup> *Job*, XXXIII, 14. — <sup>5</sup> *Prov.*, VIII, 24. — <sup>6</sup> *Isa.*,

IV, 2. — <sup>7</sup> *Prov.*, III, 18. — <sup>8</sup> *Psal.* CIX, 3. — <sup>9</sup> *Psal.* II, 7. — <sup>10</sup> *Gen.*, XXXVII, 9.

(a) *Cœt. edit.* probationem.

Verbi. Omnia enim indicant generationem Verbi. Unde quando videtur splendor, a luce transferenda est mens ad considerandum generationem æternam, et sic de aliis. Et ibi est magna delectatio, dicente David<sup>1</sup>: « Delectasti me, Domine, in factura tua, » etc. Dicit ergo: « Nos revelata facie gloriam Domini speculantes. » Alio modo sic, et magis proprie, est generatio per diffusionem, ut splendoris, vel luminis a luce; et ibi est coævitas: deficit tamen æqualitas, quia splendor non æquatur luci. Item est diffusio, ut ignis ab igne; ibi est æqualitas, ut patet, quando una candela incenditur ab alia, quod tantum est lumen in una sicut in alia, et quotquot accendantur; deficit tamen consubstantialitas. Item est diffusio rivi a fonte, et hæc est consubstantialitas et intimitas: quia eadem aqua, quæ est in fonte, est in rivo: sed deficit nobilitatis ortus, quia in rivo per quosdam meatus et colationem, de aqua salsa fit dulcis. Item est diffusio imbris a nube, et ibi est nobilitas ortus, quia habet virtutes cœli, per quas infundit imbre nubes; deficit tamen formæ decor, quia videtur nubes cœlum obscurare, et deturpare. Junge quod nobilitatis est, ut coævitatem, æqualitatem, consubstantialitatem, formæ decorum, et habebis unam partem speculi. Item est generatio per expressionem, ut speciei ab objecto: et hic est formæ decor, qui deficiebat in generatione imbris. Et hoc est mirabile, quomodo species generatur; quia non de materia aeris; quia cum non dicat essentiam, sed modum essendi, sufficit, ut habeat principium originativum, medium inter principium materiale, et principium effectivum. Unde Deus dedit virtutem cuilibet rei, ut gigneret similitudinem suam ex naturali fœcunditate. Unde secundum quod objectum gignit similitudinem suam, sic repræsentat generationem æternam; secundum quod intentio animæ eam oculo unit, sic repræ-

<sup>1</sup> Psal. xci, 5. — <sup>2</sup> Hieron., ad Paulin., epist. —

<sup>3</sup> Matth., xxviii, 19.

sentat incarnationem Verbi. Haec generatio speciei deficit, quia non est ibi formæ fixio, sed vario modo habet generari, secundum quod patet in speculis; et diversimode habet repræsentari, prope, vel longe. Item est generatio per expressionem, ut figuræ a sigillo; et hoc est formæ fixio, quod deficit in præcedenti, deficit tamen vitæ vigor. Item generatio sermonis a dicente, ubi est vitæ vigor, quia sermo quamdam vim vitæ secum habet, ut patet, quod duobus dicentibus eamdem veritatem, unus melius exprimit alio, et imprimit. Unde Hieronymus<sup>2</sup>: « Habet nescio quid latentis energiæ vivæ voce actus, » etc. Unde verba CHRISTI, non dubium quin prolata, et auditæ de ore ejus, majoris virtutis et potestatis erant, quam scripta. Ille tamen deficit vitæ mansio, quia sermo transit. Item est generatio conceptus a mente; et ibi est vitæ mansio, quia omnes cogitatus in memoria manent; sed ibi deficit consubstantialis fœcunditatis virtus, quia ille cogitatus non est consubstantialis virtus. Hæc quatuor jungantur, scilicet, formæ decor, formæ fixio, vitæ vigor, vitæ mansio; et habes secundam partem speculi. Item est generatio per propagationem, ut germinis a semine: et hoc est virtus substantialis, in qua deficit ultimum: similiter deficit vite robur. Item est generatio, ut surculi a radice; et hic est vitæ robur, sed deficit vivax sensus: non enim sentit, vel producens productum, vel productum suam originem. Item est generatio, ut foetus a ventre, vel utero; hic est vivax sensus, sed deficit virtus activa, quia neutrum est activum, sed receptaculum potius, quam activum. Item est generatio, ut filii a patre; et ibi sunt omnes dictæ conditions præter unam, scilicet lucis, quæ est coævitas, quæ est ponenda in generatione Filii Dei: et ab illa ultima generatione, scilicet Filii a Patre, denominatur generatio æterna. Et hæc ratificavit CHRISTUS, cum dixit<sup>3</sup>: « Ite, docete omnes gentes, baptizantes eos in nomine Patris, et Filii, et Spiritus sancti: » non

dixit : « In nomine lucis et splendoris. » Hæ sunt undecim stellæ adorantes Filium pulcherrimum , scilicet undecim conditiones nobiles , jam dictæ , quarum duodecima , scilicet coævitas , est in Filio Dei.

## SERMO XII.

*Quomodo Deus exemplar est omnium rerum , et Scriptura dicitur os Dei.*

<sup>1</sup> *Nos autem revelata facie gloriam Domini speculantes*, etc. Dictum est de altitudine fidei, quia excedit investigationem rationis, ut patet ex duodecim articulis signatis per duodecim stellas, et per duodecim alas seraphin. Dictum est de firmitate ejus, designata per duodecim fundamenta civitatis. Item de speciositate, designata per duodecim portas civitatis, et per duodecim margaritas, quæ sunt speculationes fidei, et sunt fulgidæ et vivificæ, et jucundæ, quantum ad duas portas orientales, scilicet speculari primo (*a*) diuinum Esse purissimum ; secundo, Deum trinum et unum. Sequitur de tertia porta, quod sit exemplar omnium rerum. Supponendum enim est per fidem, quod sit conditor omnium rerum , gubernator actuum , doctor intellectum, judex meritorum. Et ex hoc intelligitur, quod est causa causarum, et ars præstantissima originans, dux providissime gubernans, lux manifestissime declarans, vel repræsentans, jus rectissime præmians et judicans. Et primum ostenditur sic : creatura egreditur a Creatore, sed non per naturam, quia alterius naturæ est : ergo per artem, cum non sit aliis modus emanandi nobilis, quam per naturam, vel per artem, sive ex voluntate: et ars illa non est extra ipsum : ergo est agens per artem, et volens : ergo necesse est ut habeat rationes expressivas. Si enim dat formam huic rei, per quam distinguitur ab alia re, vel proprietatem, per quam distinguitur ; necesse est ut habet formam idealem , imo

formas ideales. Sic enim in plurali vocantur a Sanctis. Item, quia est causa conservans, est dux gubernans. Præest enim ad dirigidum omnes actus, secundum quod gubernabiles sunt; non sicut artifex domum dimittit , sed res conservat, et dirigit. Ideo habet apud se normas directissimas. Nec est idem modus, ut creatura manat a Creatore secundum formas expressivas, et secundum quod a mente divina emanant regulæ secundum directionem æternarum regularum. Item, quia doctor est, ipse docet infallibiliter, et certificat sic quod impossible est aliter se habere, secundum sententiam omnium doctorum. Christus est doctor internus, nec scitur aliqua veritas, nisi per ipsum : non loquendo sicut nos, sed interius illustrando : et ideo necesse est, ut habeat clarissimas species apud se. Non tamen ab alio accipit : ipse enim intimus est omni animæ, et suis speciebus clarissimis refulget super species intellectus nostri tenebrosas, et sic illustrantur species illæ obtenebratæ, admixtæ obscuritate phantasmatum, ut intellectus intelligent. Si enim scire, est cognoscere rem aliter impossibile se habere, necessarium est, ut ille solus scire faciat, qui veritatem novit, et habet in se veritatem. Item est ius rectissimæ remunerationis, per leges justissimas : si ergo juste præmiat, necesse est ut habeat leges justissimas. Loquitur ergo Scriptura de ipso, ut est exemplar, ut omnis creatura vivit in formis æternis : unde Joannes : « Quod factum est, in ipso vita erat. » Scivit autem per cognitionem et amorem; et qui hoc negat, negat prædestinationem æternam. Nam ab æterno novit Deus creaturam, et amat eam, quia præparavit eam gloriæ et gratiæ. Item habet normas directissimas ; unde Apostolus et Hieremias <sup>3</sup> : « Dabo leges meas in visceribus eorum, et in corde superscribam eas. » Superscribit enim primo in natura; secundo in industria, seu in progressu; tertio in gratia; quarto in gloria. In quocumque statu dat normas suas : ergo necesse est ut in se habeat eas. Item, quia

<sup>1</sup> *II Cor.*, III, 18. — <sup>2</sup> *Joan.*, I, 3, 4. — <sup>3</sup> *Jerem.*, XXXI, 33; *Hebr.*, VIII, 10. — (*a*) *Cæt. edit. omitt.* primo.

est lux illustrans sapientia, est enim speciosior sole, quia licet sol habeat rationem radandi, non tamen species in se descriptas habet, et ideo illud exemplar est pulchrius, quia cum hoc quod lucet, habet species claras. Item est jus per se judicans, ut in *Apocalypsi*<sup>1</sup>: « Libri aperti sunt, et alius liber apertus est, » scilicet liber vitæ, et liber conscientiæ. Per librum vitæ habet anima vivere, et per librum conscientiæ habet (a) indicare : et si liber conscientiæ concordat cum libro vitæ, approbatur; si autem discordat, reprobatur : unde *Psalmus* <sup>2</sup> : « Imperfectum meum viderunt oculi tui, et in libro tuo omnes scribentur, » id est, manifestabuntur scripti, non de novo scribentur : in hoc libro scribuntur omnes leges æternæ. Deus ergo est exemplar æternum ; et hæc est fides, quæ credit Deum esse conditorem rerum, etc. Et super hoc fertur speculatio, ut sit ars præstantissime repræsentans. Hæc autem ars, et est una, et multiplex : quomodo autem hoc esse potest, videri non potest, nisi veniat illuminatio <sup>3</sup> « a montibus æternis, » et tunc turbabuntur « insipientes corde, » et stulti. Oportet enim alte sentire de Deo. Est autem multiformis, quia (b) multa repræsentat, et certitudinaliter. Unde melius video me in Deo, quam in meis. Est tamen summe una. Ad hoc notandum, quod causa prima est prima et immediata : quia prima, ideo nihil habet ab alio, sed omnia ab ea; et est immediata, quia causa immediata nobilior est mediata. Quia ergo prima, ideo potentissima; ergo multa potest. Item, quia immediata, ideo est actualissima, quia causa immediata in actu est; etiam actualissima, eo quod immediata, quia actus immediatior, quam potentia : non autem est actualissima secundum efficientiam, sive secundum actum extrinsecum, quia non statim facit quidquid potest : ergo est actualissima secundum actum intrinsecum, qui est

dicere. Unde ab æterno dixit hoc faciendum, et hoc in tempore fit : hæc causa est, quia est una, et summe simplex; et in eo quod summe simplex, est infinita, quia virtus, vel causa, quanto magis unita et simplex, tanto magis infinita, non quidem distensione molis, sed virtutis. Hæc est lux inaccessibilis, et tamen proxima animæ, etiam plus quam ipsa sibi ipsi; est etiam inalligabilis, et tamen summe intima. Hoc autem videre non est, nisi hominis suspensi ultra se in alta (c) visione; et quia volumus videre simplici intuitu, quomodo illa ars est una, et tamen multiplex, quia immiscet se cum phantasia; cogitare non possumus quomodo infinita sit, nisi per distensionem; et ideo videre non possumus simplici intuitu, nisi ratiocinando. Quia ergo illa ars est causa, sequitur, quod in illa arte est repræsentatio causabilium causaliter. Quia rationes illæ causæ sunt, ideo sunt in causante : et hinc est, quod causæ sunt contingentium infallibiliter. Quod enim contingens est, infallibiliter repræsentatur : exprimit enim modum, qui accidit infallibiliter in re : quia secundum quod in se et apud se est, exprimit. Vera enim est contingentia a parte rei, ita et infallibilitas ex parte Dei. Item mutabilem immutabiliter, materialium immaterialiter, quia illæ rationes non sunt materiales : possibilium actualiter, partibilium impartite, quia non est major ratio montis, quam milii, nec etiam in anima nostra : accidentium substantialiter, sed illæ rationes sunt in Deo substantia, quæ est Deus; corporalium spiritualiter, temporalium sempiterne, distantium indistanter, etiam in anima; dissonantium indissonanter, ut ratio albi et nigri; deficientium indeficienter, quia quidquid est ibi, vita vivit. Ad hos splendores exemplares ratio duxit, et fides. Sed ulterius triplex est adjutorium ad consurgendum ad exemplares rationes, creature scilicet sensibilis, creature spiritualis, et scripturæ sacramentalis, quæ continet mysteria. Quantum ad pri-  
mum, totus mundus est umbra, via, vesti-

<sup>1</sup> *Apoc.*, xx, 12. — <sup>2</sup> *Psal.* cxxxviii, 16. — <sup>3</sup> *Psal.* lxxv, 7, 6. — (a) *Al.* deest per librum consc. habet. — (b) *Al.* qui. — (c) *Al.* alia.

gium, et est liber scriptus forinsecus : in qualibet enim creatura est resplendens divini exemplaris, sed cum tenebris permixta. Unde sicut quaedam opacitas admixta lumini est via, in tantum est via ducens in exemplar. Sicut tu vides, quod radius intrans per fenestram diversimode coloratur, secundum colores diversos diversarum partium vitri; sic radius divinus in singulis creaturis diversimode, et in diversis proprietatibus resplendet. Unde scriptum est<sup>1</sup>: « In viis suis ostendit se. » Item est vestigium sapientiae Dei. Unde creatura non est nisi quoddam simulacrum sapientiae Dei, et quoddam scuptile. Et ex his omnibus est quidam liber scriptus foris. Quando ergo anima videt haec, videtur sibi, quod deberet transire ab umbra ad lucem, a via ad terminum, a vestigio ad veritatem, a libro ad scientiam veram, quae est in Deo. Hunc librum legere est altissimum contumaciarum, non naturalium philosophorum; quia solum sciunt naturam rerum, non ut vestigium. Aliud adjutorium est spiritualis creaturæ, quæ est lumen, ut speculum, ut imago, ut liber scriptus intus. Omnis substantia spiritualis lumen est. Unde *Psalmus*<sup>2</sup>: « Signatum est super nos lumen vultus tui, Domine. » Simul etiam cum hoc est speculum, quod recipit omnia, et representat, et habet naturam luminis, ut judicet de rebus. Totus etiam mundus describitur in anima, et etiam est imago; quia ergo est lumen, et speculum habens rerum imagines, ideo est imago : et ex hoc est liber scriptus intus. Unde ad intimum animæ nullus potest intrare, licet sit simplex; hoc autem est intrare ad potentias, quia, secundum Augustinum, intimum animæ est ejus summum; quanto potentia intimior, tanto sublimior. Haec duo habent magi Pharaonis<sup>3</sup>; sed tertium adjutorium est scripturæ sacramentalis. Est autem omnis scriptura cor Dei, os Dei, lingua Dei, calamus Dei, liber scriptus foris et intus : unde *Psalmus*<sup>4</sup>: « Eructavit

cor meum verbum bonum, deo ergo opera mea regi. Lingua mea calamus scribæ velociter scribentis. » Cor Deus, os Pater, lingua Filius, calamus Spiritus sanctus. Pater enim loquitur per Verbum seu linguam ; sed qui complet, et memoriae commendat, est calamus scribæ. Scriptura ergo estos Dei. Unde *Isaias*<sup>5</sup>: « Væ qui descenditis (a) in Ægyptum, » scilicet ad saeculares scientias; « et os Domini non interrogastis, » scilicet sacram Scripturam. Non enim debet ad scientias alias descendere, ut sciat certitudinem, nisi habeat testimonium in monte<sup>6</sup>, scilicet Christi, Heliæ, Moysi, hoc est, novi testamenti, prophetarum, et legis. Item est lingua; unde<sup>7</sup> : « Mel et lac sub lingua ejus. »<sup>8</sup> « Quam dulcia fauibus meis eloquia tua ! » Haec lingua cibos saporat. Unde Scriptura comparatur panibus, qui habent saporem, et resificant. Item est calamus Dei, et hoc est Spiritus sanctus, quia, sicut scribens, potest praesentialiter scribere praeterita, praesentia, futura. Unde est liber scriptus foris, qui habet pulchras historias, et docet rerum proprietates. Scriptus est intus, quia habet mysteria, et intelligentias diversas.

### SERMO XIII.

*Quo exponitur tertia consideratio de multiplici intelligentia sacrae Scripturæ, et de ejus theoriis et figuris, ac de divisione intelligentie per Scripturam eruditæ.*

<sup>9</sup> Congregentur aquæ quæ sub cœlo sunt, et appareat arida. Factumque est ita. Et vocavit Deus aridam terram : congregacionesque aquarum appellavit maria. Et vedit Deus, quod esset bonum, et ait : Germinet terra herbam virentem, et facientem semen, et lignum pomiferum faciens fructum juxta genus suum, cuius semen in semetipso sit super terram, etc. Haec visio tertia (b) intelligentiae per Scripturam eruditæ, quæ intelligentur in opere tertiae diei. Et sicut in ope-

<sup>1</sup> *Sap.*, vi, 17. — <sup>2</sup> *Psal.* iv, 7. — <sup>3</sup> *Supra*, serm. II, pag. 39. — <sup>4</sup> *Psal.* XLIV, 1, 2. — <sup>5</sup> *Isa.*, XXXI, 1. —

<sup>6</sup> *Matth.*, XVII, 1. — <sup>7</sup> *Cant.*, IV, 11. — <sup>8</sup> *Psal.* CXVIII, 103. — <sup>9</sup> *Gen.*, I, 9-11.

(a) *Vulg.* descendunt. — (b) *Cæt. edit.* tertiae.

ribus diei est additio secundæ ad primam, et tertiae ad utramque; sic ex prima et secunda visione oritur tertia. Ista visio est nobilior et major praecedentibus. Et licet videatur inconveniens adaptatio, et correspondens cum opere tertiae diei, pro eo quod terra est infimum elementorum; optime tamen assignatur, quia quidquid cœlum continet in quadam excellentia, terra tenet, et suscipit, vel habet in quadam vivacitate: unde suscipit cœli influentias, et facit pulcherrimas pullulationes. Consistit autem hæc visio circa tria, scilicet spirituales intelligentias sensuum, sive sensus; circa sacramentales figuras; circa multiformes theorias inde elicitas. Ad hæc tria omnis Scriptura reducitur. Primæ dantur intelligi per congregaciones aquarum, scilicet spirituales intelligentiae; secundæ, scilicet sacramentales figuræ, per pullulationes terræ, ibi: *Vidit Deus, quod esset bonum, et ait*, etc. (a); tertiae, scilicet multiformes theoriae, intelliguntur per semina, ibi: *Cujus semen sit in semetipso*, etc.<sup>1</sup> « Quis potest scire infinitatem seminum, cum tamen in uno sint sylvæ sylvarum, et postea infinita semina? » Sic ex Scripturis elici possunt infinitæ theoriae, quas nullus potest comprehendere, nisi solus Deus. Sicut etiam ex plantis nova semina, sic ex Scripturis novæ theoriae et novi sensus; et ideo Scriptura sacra distinguitur. Unde sicut si una gutta de mari extrahatur, sic sunt omnes theoriae quæ eliciuntur, respectu illarum quæ possunt elici. Primo ergo dicendum de intelligentiis spiritualibus, et postea de signis, et postea de theoriis, quia signa nil valent, nisi res intelligentur. Sic ergo primo congregavit aquas, deinde produxit arbores, deinde semina. De congregacione maris dicit *Psalmus*<sup>2</sup>: « Congregans sicut in utre aquas maris. » In utre congregavit aquas maris, quando in corio Scripturæ congregavit universalitatem intelligentiarum spiritualium,

que bene comparantur mari propter tres rationes, scilicet propter spiritualium intelligentiarum præminentium primitivam originationem; propter intelligentiarum spiritualium profundissimam altitudinem; propter intelligentiarum spiritualium profluentissimam multiformitatem. De primo<sup>3</sup>: « Omnia flumina intrant in mare, et mare non redundat: ad locum unde exeunt flumina, revertuntur, ut iterum fluant. » Sic omnes intelligentiae spirituales dicuntur flumina, et viri intelligentes, quia originem habent a Scriptura, et per Scripturam confirmantur, et per illas aliæ intelligentiæ habentur: unde dicitur<sup>4</sup>: « Elevaverunt flumina, Domine, elevaverunt flumina vocem suam. Elevaverunt flumina fluctus suos a vocibus aquarum multarum: mirabiles elationes maris, mirabilis in altis Dominus. » Vox Dei debuit esse magna. Secunda ratio, propter profundissimam altitudinem, dicente *Psalmo*<sup>5</sup>: « Qui descendunt mare in navibus, facientes operationes in aquis multis. » Ille descendit cum navibus in mari, qui cum spiritu summæ reverentiæ accedit ad exponentem Scripturas. In navibus descendit, qui habet manuductionem lignum crucis: quia qui sine isto ligno vult intrare mare Scripturæ, submergitur, in maximos errores cadens. Nisi enim sit Petrus<sup>6</sup>, demergitur. <sup>7</sup> « Alta profunditas: quis inveniet eam? » Sapientia gloriatur, quæ profundum abyssi penetravit, et vidit<sup>8</sup> « mirabilia Dei in profundo. » Unde dicitur in *Ecclesiastico*<sup>9</sup>: « Ego in altissimis habitavi, et thronus meus in columna nubis. Gyrum cœli circuivi sola, et profundum abyssi penetravi. » Hæc dicit sapientia incarnata: « Ego in altissimis habitavi, » in creatione; « et thronus meus in columna nubis, » in incarnatione, « et in fluctibus maris ambulavi, » in passione; « profundum abyssi penetravi, » in penetratione Scripturarum, quia<sup>10</sup> « aperuit sensum» post resur-

<sup>1</sup> Aug., *de Gen. ad litt.*, lib. IV, c. xxiii. — <sup>2</sup> *Psal.* xxxii, 7. — <sup>3</sup> *Eccle.*, 1, 7. — <sup>4</sup> *Psal.* xciii, 3, 5. — <sup>5</sup> *Psal.* cvi, 23. — <sup>6</sup> *Matth.*, xiv, 30. — <sup>7</sup> *Eccle.*, vii,

25. — <sup>8</sup> *Psal.* cvi, 24. — <sup>9</sup> *Eccle.*, xxiv, 7-8. — <sup>10</sup> *Luc.*, xxiv, 45.

(a) *Cæt. edit. non habent* etc.

rectionem, « ut intelligerent Scripturas. » Propter fidem crucis Petrus <sup>1</sup> super mare ambulavit. Tertia ratio est, propter profluentissimam multiformitatem materiæ. Profluentia est ab aquis, a fluminibus, a fontibus : et a mari omnia sunt. Si quæris quomodo per varios meatus, et per varios motus; sic respondet nubes, sic fluvius, sic fons : unde *Isaias* <sup>2</sup> : « Repleta est terra scientia Domini, sicut aquæ maris operientes; » et procedit : « Non occident, nec nocebunt in monte sancto meo. » Et hoc potissime referatur ad tempus novi testamenti, quando Scriptura manifestata est; et maxime in fine, quando Scripturæ intelligentur, quæ modo non intelliguntur. Tunc erit « mons, » scilicet Ecclesia contemplativa; et tunc « non nocebunt, » quando fugient monstra hæresum sapientiae usum. Sed hodie mons Sion propter vulpes disperii, id est, propter expo- sitores pravos, dolosos et fœtidos. De isto tertio (*a*) *Esther* dicitur <sup>3</sup> : « Fons parvus crevit in fluvium maximum, et in lucem, solemque conversus est, et in aquas plurimas redundavit. » Scriptura fuit « fons parvus » in legis datione, quia parvus est liber legis præceptorum; sed post crevit in fluvium magnum, in libris *Josue*, *Judicum*, *Regum*, *Esdræ*, *Judith*, *Tobie*, *Esther*, *Machabæorum*. Et post « conversus est in lucem » prophetarum : nam prophetia lux est; et post « in solem, » scilicet in Evangelio. Et multæ intelligentiæ postea elicite sunt, et « in aquas plurimas redundavit. » Istam multiformitatem vedit Ezechiel clarius, qui vidit <sup>4</sup> « in medio similitudinem quatuor animalium; » et primum animal habebat « faciem hominis; » secundum, « faciem leonis; » tertium, « faciem bovis; » et quartum, « faciem aquilæ » : et unumquodque « quatuor facies » habebat : et post apparuit « rota in medio » rotæ : et postea dicit, quod « aspectus rotarum, et opus quasi visio maris, » et quod « rota erat in rota. » Et postea dicit, se audi-

visse « sonum alarum, quasi sonum aquarum multarum, et quasi sonum sublimis » Dei. Per quatuor animalia, secundum omnes, intelliguntur scriptores Scripturæ sacrae, maxime Prophetæ et Evangelistæ. Secundum Gregorium <sup>5</sup>, per rotas duas habentes quatuor facies intelligitur Scriptura, habens Vetus et Novum Testamentum ; et quatuor facies sunt quatuor intelligentiæ principales, scilicet litteralis, allegorica, moralis, anagogica. « Aspectus autem quasi visio maris, » propter profunditatem mysteriorum spiritualium; et « volatus audiuntur, » quando mentes excitantur : et « fit sonus sublimis Dei », quia omnia sunt a Deo; unde dicitur <sup>6</sup> : « Et vox, quam audivi, sicut vox aquarum multarum » propter multitudinem intelligentiarum; « vox citharoedorum, » propter concordiam illarum intelligentiarum, quia miro modo concordant, et mira est harmonia. Habet autem Scriptura multos intellectus, quia talis debet esse vox Dei, ut sit sublimis. Ceteræ scientiæ sunt contentæ sub uno sensu, sed in hac est multiformis; et in hac signant voces et res; in aliis autem soleæ voces, quia <sup>7</sup> unaquæque doctrina determinatur per signa sibi convenientia. Unde litteræ et voces sunt signa intellectuum. Et quia intellectus proportionati et determinati sunt, ideo, nomine semel posito, non est utendum æquivoce. Deus autem causa est et animarum, et vocum formatarum ab anima, et rerum quarum sunt voces. Ideo primus sensus litteralis; deinde quia res significant, sunt tres sensus. Deus enim manifestat se in qualibet creatura trupliciter, secundum substantiam, et operationem, et virtutem. Et omnis creatura repräsentat eum, qui est Trinitas, et qualiter pervenitur ad Deum. Et quia per fidem, spem, et charitatem pervenitur ad Deum; ideo omnis creatura insinuat quid credendum, quid expectandum, quid operandum. Et secun-

hom. vi. — <sup>6</sup> *Apoc.*, xiv, 2. — <sup>7</sup> Arist., *de Interp.*, lib. I in princ.

(*a*) *Suppl.* in libro.

<sup>1</sup> *Matth.*, xiv, 29. — <sup>2</sup> *Isa.*, xi, 9. — <sup>3</sup> *Esth.*, xi, 10.  
— <sup>4</sup> *Ezech.*, i, 5 et seq. — <sup>5</sup> *Greg.*, in *Ezech.*, lib. I,

dum hoc est triplex intelligentia spiritualis : allegorica, quid credendum; anagogica, quid expectandum; tropologica, quid operandum : charitas facit operari. Intelligentia litteralis est quasi facies naturalis, scilicet hominis; aliæ sunt facies mysticæ. Per leonem, qui habet magnificentiam, allegoria, sive quid credendum. Per faciem bovis, qui trahit aratum, et sulcat terram ad fructificandum, tropologia, sive moralis. Per aquilam, quæ in altum volat, anagogia. Prima facies, scilicet litteralis, aperta est; secunda, allegoria, magnificentiæ in altum elevatæ; tertia, tropologia, est fructuosa; quarta irreverberatis oculis solem intuetur. Hæ quatuor sunt quasi visio maris, propter spiritualium intelligentiarum primitivam originationem, profundissimam altitudinem, et profluentissimam multiformitatem. Unde sicut sunt tres personæ in una essentia, sic tres intelligentiæ in una superficie litteræ.

Mundus  
quomo-  
do deser-  
viat ho-  
mini.  
  
Scriptu-  
re utili-  
tas.

Notandum autem, quod mundus si servit homini quantum ad corpus, potissime quantum ad animam; et si servit quantum ad vitam, potissime quantum ad sapientiam. Certum est quod homo stans habuit cognitionem creaturarum, et per illarum repræsentationem ferebatur in Deum, ad ipsum laudandum, venerandum, amandum : et ad hoc sunt creature, et reducunt (*a*) in Deum. Cadeiente autem homine, cum amiserit cognitionem, non erat qui reduceret eum in Deum : unde iste liber, scilicet mundus, quasi mortuus et deletus erat. Necessarius autem fuit alius liber, per quem iste illuminaretur, ut acciperet metaphoras rerum. Hic autem liber est Scripturæ, qui ponit similitudines, proprietates, et metaphoras rerum in libro mundi scriptarum. Liber ergo Scripturæ reparativus est totius mundi, ad Deum cognoscendum, laudandum, amandum. Unde si quæras, quid tibi valet serpens, vel de quo tibi servit; plus valet tibi, quam totus mundus, quia docet te prudentiam. Unde Salomon<sup>1</sup>: « Vade ad formicam, o piger, et disce (*a*) Cœt. edit. reducuntur.

sapientiam. » Item Dominus<sup>2</sup> : « Estote prudentes sicut serpentes. » Hæ quatuor intelligentiæ sunt quatuor flumina maris Scripturæ, a qua derivantur, oriuntur, et revertuntur. Unde saera Scriptura est illuminativa omnium, et reductiva in Deum, sicut prius fuit creatura. Sed quomodo habet quatuor facies quælibet intelligentia dicta, quia dicitur, quod unumquodque quatuor facies habeat? Interrogemus amicum Sponsi, scilicet Joannem, qui est unum ex animalibus, et dicet in *Apocalypsi*<sup>3</sup>, quod « quatuor animalia erant circa thronum Dei : » et quod « animal primum habebat faciem leonis; secundum, faciem bovis; tertium, faciem hominis; quartum, faciem aquilæ : » et non dixit, quod unumquodque haberet quatuor facies. Ezechiel dicit, quod animalia ibant; et iste, quod stabant. Ezechiel dicit, quod animal primum habebat faciem hominis; iste, quod faciem leonis. Item iste dicit, quod clamabant, *Sanctus*; ille nihil horum exprimit, nisi quod dabant voces. Unde Joannes videtur comprehendere visionem litteræ Isaiæ, et Ezechieli. Ad hoc notandum, quod Ezechiel intendit describere intelligentias istas per ordinem principalem; ideo incipit a naturali facie hominis, quæ signat intellectum litteralem: Joannes intendit describere quatuor intelligentias non principales, secundum quatuor facies, quæ sunt quatuor intelligentiæ, scilicet litteralis, allegorica, tropologica, et anagogica, cuiuslibet quatuor. Omnis doctrina Veteris Testamenti, aut est legalis, ut in Moyse; aut historialis, ut in libris historialibus; aut sapientialis, ut in libris sapientialibus; aut prophetalis, ut in Psalmis, et in duodecim Prophetis minoribus, et quatuor majoribus. Novi Testamenti scriptura<sup>4</sup> similiter, aut est legalis, ut in Evangelio, ubi ponuntur præcepta; aut historialis, ut in Actibus Apostolorum; aut sapientialis, ut in Epistolis Pauli conjunctis canoniceis; aut prophetalis, ut in Apocalypsi.

Veteris  
et Novi  
Testa-  
menti di-  
visio.

<sup>1</sup> *Prov.*, vi, 6. — <sup>2</sup> *Matth.*, x, 16. — <sup>3</sup> *Apoc.*, iv, 6, 7. — <sup>4</sup> Vid. supra, *Princip. sac. Script.*, p. 14.

Quanquam Epistolæ ponantur post Evangelia, tamen Actus Apostolorum sequuntur Evangelium<sup>1</sup>: « Primum quidem sermonem feci de omnibus, quæ cœpit Jesus facere, et docere. » Legalis respondet leoni propter magnificentiam, et auctoritatem; historialis bovi, qui trahit aratrum, propter simplicitatem, et quia terram soleat; sapientialis respondet homini; prophetalis respondet faciei aquilæ. Intendit enim Scriptura reducere ad originale principium, per reformationem. Aut ergo describit æterna, quæ sunt leges et Evangelia; unde *Psalmus*<sup>2</sup>: « Præceptum posuit » Dominus, quod « non præteribit. » Et in *Ecclesiastico*<sup>3</sup>: « Fundamenta æterna supra firmam petram super solidum : » cor mulieris. Hæc mulier est Ecclesia. Non enim intelligendum est, quod lex transeat, sive præcepta; imo melius servabuntur in patria. Non enim eodem modo servantur in lege veteri, et nova; sed melius in nova, completius in patria. Deus enim vivit secundum leges quas dedit. Si autem Scriptura agat de temporalibus, aut ergo de praeteritis, et sic est historia; aut de præsentibus, et sic sunt sapientialia; aut de futuris, et sic prophetalia. Sunt ergo mandata, exempla, documenta, revelationes. Hæc prima intelligentia quatuor habet facies, si ordinem secundum ordinem Ezechielis. Tunc habetur rectus ordo in se; sed nos debemus secundum naturam ferre oculum ad æterna, quæ principalia sunt. Anagogia autem est de supernis; allegoria autem est de his, quæ facta sunt; tropologia de his, quæ fienda sunt; anagogia etiam est pars allegoriae, secundum Hugonem, quæ est de credendis. In sensu autem anagogico quatuor sunt facies, scilicet æterna Dei Trinitas, exemplaris sapientia, angelica sublimitas, Ecclesia triumphans. Quando ergo Scriptura loquitur de illis, hoc pertinet ad anagogiam. In allegorico sensu sunt quatuor, scilicet humanitas assumpta, quantum ad nativitatem et pas-

Sensus  
anagogi-  
cus.

Allegori-  
cus.

sionem, quæ sunt principales allegoriae. Secunda est Mater Dei Maria, quia mira dicuntur de ipsa in Scripturis, quia in omnibus Scripturis refertur relatione ad Filium. Et quod dicunt aliqui: Quare ita pauca dicuntur de beata Virgine? nihil est; quia multa dicuntur de ea, quia ubique de ipsa; et plus dicitur de ipsa, quam si unus tractatus fieret. Tertia est Ecclesia militans, vel mater Ecclesia, quæ miras laudes habet in Scriptura. Quarta est sacra Scriptura, quæ de se multa dicit, ut patet de rotis, patet de micis, patet de mensa, patet de candelabro, patet de cherubin. In sensu tropologico similiter quatuor facies sunt: prima est spiritualis gratia, et virtus, et omnis intellectus influentia; secunda, spiritualis vita, ut activa et contemplativa, et omnis modus vivendi; tertia, spiritualis cathedra, ut magistralis, prælationis, pontificalis; quarta, spiritualis pugna, quomodo sit pugnandum contra dæmones, mundum, et carnem. Istæ sunt quatuor facies, quadruplicatae, in quolibet sensu. Ponamus exemplum in uno vestigio de omnibus his, in sole scilicet, per quem aliquando Trinitas, aliquando sapientia exemplaris, aliquando angelica dispositio, aliquando Ecclesia triumphans signatur. De Trinitate dicitur<sup>4</sup>: « Sol illuminans per omnia respicit, et gloria Domini plenum est opus ejus. » Sol habet substantiam, splendorem, et calorem. Sic Deus habet principium originans, Patrem; splendorem, Filium; calorem, Spiritum sanctum. Idem sol in cœlo, quantum ad substantiam; idem in oculo, quantum ad lumen; idem in corpore, quantum ad calorem: sicut persuadebatur eidem cæco, qui aliquando viderat solem, et stabat ad solem, nec poterat intelligere nec credere Trinitatem. De secunda anagogia, id est, de exemplari sapientia, dicitur<sup>5</sup>: « Est enim speciosior sole, et super omnem stellarum dispositionem, » etc. Est enim speciosa sapientia, quia lux; sed speciosior sole, quia sol intra se radium suum generare non potest; sol autem æternus intra se radium generat pul-

<sup>1</sup> *Act. Apost.*, 1, 1. — <sup>2</sup> *Psal.* CXLVIII, 6. — <sup>3</sup> *Eccl.*, XXVI, 24. — <sup>4</sup> *Eccl.*, XLII, 16. — <sup>5</sup> *Sap.*, VII, 29.

De B. M.  
que di-  
cantur in  
Scriptu-  
ris.

Sensus  
tropolo-  
gicus.

Solis  
multi-  
plex si-  
gnifica-  
tio in  
Scrip-  
tura.

cherrimum. Quidam etiam fatuus dixit, quod sol erat radius solis. Quidam astrologi dicunt, quod omnes stellæ et luna recipiunt lumen a sole, et veritatem istius quæstionis nullus scit. Verumtamen tam stellæ, quam luna, aliquod lumen habent; et stellæ non sic obumbrantur, ut luna, quia hoc habet luna per vicinitatem ad nos, et motum suum: sic in anima influit æterna sapientia. Unde dicitur<sup>1</sup>: « Dulce est lumen, et delectabile est oculis videre solem. » Tertia anagogia, quia per solem intelligitur angelica sublimitas<sup>2</sup>: « Tripliciter sol exurens montes, radios igneos exsufflans, » quia radius divinus unus idemque triformiter susceptus, tres hierarchias facit. Quarta anagogia est de Ecclesia triumphante, quæ etiam intelligitur per solem, unde<sup>3</sup>: « Sol et luna steterunt in habitaculo suo, » quando anima et corpus glorificantur; et tunc vadunt « in luce sagittarum multarum, » propter subitas operationes suas in virtute Dei fulgida et subita. In allegoria similiter per solem intelligitur Christus<sup>4</sup>: « Oritur sol, et occidit. » Oritur in nativitate, occidit in morte: « Gyrans per meridiem » in ascensione, « flectitur ad aquilonem » in judicio. De primo<sup>5</sup>: « Orietur enim vobis, » etc.; de secundo dicitur<sup>6</sup>: « Occidit eis sol in meridie. » In meridie sol occidit Judaeis. Quando enim Christus fuit in majori sua virtute, scilicet post resurrectionem et ascensionem, Judæi fuerunt excæcati. De judicio dicit Jacobus<sup>17</sup>: « Exortus est sol cum ardore, et cecidit flos, et fœnum aruit. » Secunda allegoria, de beata Maria; dicitur in *Psalmis*<sup>8</sup>: « In sole posuit, » etc. Unde est<sup>9</sup> pulchra ut luna, electa ut sol, terribilis ut, » etc. Unde est vas luminis susceptivum, sicut sol,<sup>10</sup> « vas admirabile, opus Excelsi » Dei de cœlo. Tertia allegoria de Ecclesia; dicitur in *Ecclesiastico*<sup>11</sup>: « Sicut sol oriens in mundo in altissimis Dei, sic mulieris bonæ species in ornamentum do-

mus suæ. » Hæc mulier, vel domus, est Ecclesia: mulier, quia activa; domus Dei, quia contemplativa. Mulier enim ista, est Martha, quæ<sup>12</sup> Christum recipit, et multipliciter occupatur. Quarta allegoria est de sacra Scriptura, de qua dicitur<sup>13</sup>: « Fecit Deus duo lumina magna, luminare minus, ut præcesset nocti, » scilicet Vetus Testamentum; « et luminare majus, ut præcesset diei, » scilicet Novum Testamentum. Sicut luna lumen habet a sole, sic Vetus a Novo. Quando ergo sol stat in oriente, et luna opposita sibi in occidente, cum dicat Josue<sup>14</sup>: « Sol, ne movearis contra Gabaon, et luna contra vallem Ailon; » tunc Vetus Testamentum illuminatur: aliter intelligi non potest, nisi per Novum. In tropologia similiter intelliguntur quatuor facies. Primo, Spiritus sancti gratia, ut habetur<sup>15</sup>: « Sol ortus est, et humiles exaltati sunt, » scilicet quando Deus per gratiam habitat in nobis. Unde sicut sol continue illuminat, sic anima continue debet recipere illuminationes a gratia Spiritus sancti. Secundo, per solem intelligitur spiritualis vita; unde dicitur<sup>16</sup>: « Homo sensatus in sapientia manet, ut sol; » nam « stultus ut luna mutatur: » sicut sol vadit directe per eclipticam, nec retrogradus, nec stationarius est. Tertio intelligitur spiritualis cathedra, sive doctrinæ, sive prælationis, sive judiciaria, unde dicitur<sup>17</sup>: « Justitia ejus, sicut sol in conspectu meo semper, » et sicut luna perfecta. » Prælatus est sicut sol, quantum ad documenta veritatis; luna, quantum ad exemplar virtutis: vel sol sapientiae, luna scientiae: vel sol, in quantum judicat; luna, in quantum miseretur. Quarto per solem intelligitur spiritualis pugna; de quo<sup>18</sup>: « Sol obscurabitur, et luna non dabit lumen suum. » Quando pugna erit inter Christum et Antichristum, inter doctrinam veritatis, et falsitatis; tunc sol erit sicut<sup>19</sup> « saccus cilicinus, » et ars doctorum veritatis, vel prælatus se-

<sup>1</sup> *Eccle.*, XI, 7. — <sup>2</sup> *Eccle.*, XLIII, 4. — <sup>3</sup> *Habac.*, III, 11. — <sup>4</sup> *Eccle.*, I, 5, 6. — <sup>5</sup> *Malach.*, IV, 2. — <sup>6</sup> *Anos*, VIII, 9. — <sup>7</sup> *Jac.*, I, 11. — <sup>8</sup> *Psal.* XVIII, 6. — <sup>9</sup> *Cant.*, VI, 9. — <sup>10</sup> *Eccle.*, XLIII, 2. — <sup>11</sup> *Eccle.*, XXVI, 21. —

<sup>12</sup> *Luc.*, X, 38. — <sup>13</sup> *Gen.*, I, 16. — <sup>14</sup> *Jos.*, X, 12. — <sup>15</sup> *Esth.*, XI, 11. — <sup>16</sup> *Eccle.*, XXVII, 12. — <sup>17</sup> *Psal.* LXXXVIII, 37. — <sup>18</sup> *Matth.*, XXIV, 29. — <sup>19</sup> *Apoc.*, VI, 12.

cundum veritatem obscurabitur per errorem. Alii autem stabunt fortissimi, etsi videantur obscuri quantum ad reputationem. Hæ sunt quatuor facies animalium, et duodecim lumen, ad quæ reducuntur omnia, quæ in Scriptura continentur.

## SERMO XIV.

*De mysterio sacrae Scripturæ ante legem, sub lege, et post legem, et de figuris sacrae Scripturæ.*

<sup>1</sup> Germinet terra herbam virentem facientem semen, etc. Dictum est, qualiter per congregations aquarum intelliguntur spirituales intelligentiae Scripturæ; modo dicendum, qualiter per germinationem terræ intelliguntur figuræ sacramentales. Non enim sine ratione per germinationem terræ intelligitur Scriptura sacra, secundum quod habet figuras germinantes, et producentes pullulationes in anima. Germinatio enim terræ est vivida, uberrima, venusta, et vi-gorem habens. Ideo germinavit terra herbam virentem, et in hoc ostenditur, quod sacraenta Scripturæ, quæ exterius videntur arida, intus sunt viva. Et hoc dixit Salvator Judæis <sup>2</sup>: « Scrutamini Scripturas, in quibus vos putatis vitam habere. » Nulla alia scriptura vitam dat, nisi hæc. Unde <sup>3</sup>: « Vivifica me secundum eloquium tuum. » Et Petrus <sup>4</sup>: « Domine, ad quem ibimus? verba vitae æternæ habes. » Unde non sunt figuræ aridæ, quia in nobis sunt per eas germinationes vivæ. Et in Ecclesiastico <sup>5</sup>: « Gratiam et speciem desiderabit oculus tuus, et super hoc virides sationes. » Item germinatio est uberrima <sup>6</sup>: « Visitasti terram, et inebriasti eam, » etc. « Flumen Dei repletum est aquis, » etc. « Et valles abundabunt frumento. » Hæc terra vivit, viget, abundat. Uberrima est sacra Scriptura, per hoc quod Deus visitat eam sua influentia, producens pullulationes uberrimas. <sup>7</sup> « Terra,

quam intrabis possidendum, non est sicut terra Ægypti, quæ irrigatur; sed de cœlo, » etc. Non enim est sicut cæteræ scientiæ; sed eam Deus visitat. <sup>8</sup> « Attende, cœlum, et audiat terra; concrescat, ut pluvia, doctrina mea: fluat, ut ros eloquium meum. Quasi imber super herbam, » etc. Recte iste est ros; influentia gratiæ Spiritus sancti, qui visitet Scripturam, et in qua invenies fructum. Unde dicitur <sup>9</sup>: « Ecce odor filii mei, sicut odor agri pleni. » Item: « Det tibi Deus de rore cœli, et de pinguedine terræ abundantiam. » Iste Jacob benedicens est Scriptura sacra, vel vir spirituialis in ea doctus, ex quo odor procedit, qui per Scripturam abundat cuilibet intellectui; fructificat quantum ad allegoriam « frumenti; » quantum ad tropologiam « vini: » quantum ad analogiam « olei: » quia iste sensus est superior aliis, sicut oleum omnibus liquoribus supernat. Item hæc est germinatio venusta. Verum est, quod ipsa sebrositas exterior facit eam reputari deformem; et tamen ex hoc est pulcherrima et speciosa. <sup>10</sup> « Nigra sum, sed formosa. » Unde dicitur in Genesi <sup>11</sup>: « Plantaverat Deus paradisum voluptatis a principio, in quo posuit hominem quem formavit. Produxitque Dominus Deus omne lignum pulcherrimum visu, et ad vescendum suave. Lignum etiam vitae in medio paradisi, lignum etiam scientiæ boni et mali. » Per ligna suavia et pulchra, intelliguntur sacramenta Scripturarum, quæ magnam habent pulchritudinem; tamen non apparent pulchra, nisi ex conformitate repræsentantis ad repræsentata; tamen ista ligna sunt pulchra, et etiam ordinata. Putant aliqui, quod ista sacramenta, et hæc scriptura, ita sit posita, ut homo ponit sententiam post sententiam, qui litteras facit. Non est ita, quia ordinatissima est, et ordo ejus consimilis est ordini naturæ, in germinatione terræ. Ibi enim est primo fixio radicum; secundo productio viridantium fo-

<sup>1</sup> Gen., I, 11. — <sup>2</sup> Joan., V, 39. — <sup>3</sup> Psal. cxviii, 50. — <sup>4</sup> Joan., VI, 69. — <sup>5</sup> Eccli., XL, 22. — <sup>6</sup> Psal. LXIV, 10, 14. — <sup>7</sup> Deuter., XI, 10, 11. — <sup>8</sup> Deuter., XXXII, 1,

2. — <sup>9</sup> Gen., XXVII, 27, 28. — <sup>10</sup> Cant., I, 4. — <sup>11</sup> Gen., II, 8 et seq.

liorum : tertio pullulatio vernantium florum ; quarto plenitudo resipientium fructuum. Sic in Scriptura , primo est fixio radicalium virtutum , ut in patriarchis , qui sunt quasi radices omnium quæ dicuntur in Scriptura : unde in electione eorum est plantatio prima : sed postea in institutione præceptorum et sacrificiorum (a) est productio viridantium foliorum .<sup>1</sup> « Vitis frondosa Israel . » Postea in manifestatione visionum prophetaliū , est pullulatio florū . Postmodum in diffusione charismatum spiritualium , est plenitudo resipientium fructuum . Unde primo fuit unus patriarcha sicut radix , scilicet Abraham ; postea alter , ut Isaac ; postea Jacob ; et ille duodecim patriarchas generavit , et ab illis duodecim tribus . Post hanc plantationem secuta est lex , ut productio viridis foliorum , quæ umbram habebat . Et quia non semper debet durare folium , sed venire flos , ideo subsecuta est prophetia cum odore et pulchritudine . Et quia oportuit quod cœli rorarent , ideo quarto subsecutus est fructus in Christo , quia Christus fructus est legis et consummatio . De primo dicit Pater ad Sapientiam incarnatam <sup>2</sup> : « In electis meis mitte radices . Et radicavi in populo honorificato . » Hæc est productio ligni , quod est « ad vescendum suave . » De secunda productione foliorum , dicitur <sup>3</sup> : « Quam pulchra tabernacula tua Jacob , et valles nemorosæ ! » quæ sunt scilicet mysteria sacræ Scripturæ . Quis potest cogitare amoenitatem mysteriorum sacræ Scripturæ , de quibus dicitur <sup>4</sup> : « Sedebat unusquisque sub fieu sua , et sub vite sua ? » Unde pulchra est arbor , sed sterilis ; pulchra serpentis erectio et umbra , sed arbor crucis est fructuosa . Tertia est productio prophetarum , pullulatione florū ; de quibus dicitur <sup>5</sup> : « Flores apparuerunt in terra nostra , et vox turturis auditæ est . » Flores apparuerunt , quando ille dixit <sup>6</sup> : « Egregietur virga de radice Jesse ,

et flos de radice ejus ascendet . » Sed vox turturis auditæ est , quando dictum est <sup>7</sup> : « Quonodo sedet sola civitas , » etc .? Turtur gemitum habet pro cantu . Quarto plenitudo resipientium fructuum , unde legitur <sup>8</sup> : « Erit germen Domini in magnificentia et gloria , et fructus terræ sublimis . » Et hoc fuit , quando illa dixit <sup>9</sup> : « Benedicta tu in mulieribus , et benedictus fructus ventris tui . » Terra fructificat primo herbam , secundo spicam , tertio granum . Hoc est tempus ante legem , sub lege , et post legem . Hunc ordinem sequitur Scriptura .

Ad hoc sciendum est , quod propter quatuor traditur Scriptura : primo , ad gratiam commendandam ; secundo , ad introducendam fidem ; tertio , ad reserandam sapientiam , quæ solum est in ista . Unde <sup>10</sup> : « Quia in Dei sapientia non cognovit mundus per sapientiam Deum ; placuit Deo per stultitiam prædicationis salvos facere credentes . » Quarto , ad restaurandam salutem , quæ in illa solummodo est , et in nulla alia scientia est salus . Et propter illud quartum est principalius : salus enim non est nisi per sapientiam ; unde dicitur <sup>11</sup> : « Et neque herba , neque malagma , sed sermo tuus , » etc . Sapientia divina non reseratur , nec habetur , nisi per fidem , quia <sup>12</sup> : « Non plus sapere , quam oportet sapere ; et unicuique , sicut divisit Deus mensuram fidei . » Fides autem non habetur , nisi per gratiam Spiritus sancti . Traditur autem ad commendandam gratiam Spiritus sancti . Gratia Spiritus sancti nou est nisi in homine grato . Gratus autem esse non potest , nisi cognoscat suam indigentiam . Indigentia autem est in nobis triplex , scilicet virtutis cognitivæ , amativæ , operativæ , quia cœci sumus , infirmi , maligni . Oportuit (c) ergo , ut homo prius cognosceret cœcitatem , infirmitatem , malignitatem , quam salvus fieret , vel gratia ei daretur : ergo fuit tempus , in quo fuit cœcitas , ut in tempore ante legem ,

Scriptura propter quatuor traditæ .

Indigen-  
tia tri-  
plex in  
nobis .

<sup>1</sup> Ose., x , 4 . — <sup>2</sup> Eccli., xxiv , 13 , 16 . — <sup>3</sup> Num., xxiv , 5 , 6 . — <sup>4</sup> III Reg., IV , 25 . — <sup>5</sup> Cant., II , 12 . — <sup>6</sup> Isa., XI , 1 . — <sup>7</sup> Thren., I , 1 . — <sup>8</sup> Isa., IV , 2 . —

<sup>9</sup> Luc., I , 42 . — <sup>10</sup> I Cor., I , 21 . — <sup>11</sup> Sap., XVI , 12 . —

<sup>12</sup> Rom., XII , 3 .

(a) Cœt. edit. sacrificium . — (b) Cœt. edit. et . —

(c) Cœt. edit. Oportet .

ubi vix cognoscebat aliquis Deum, immo lapides, et opera manuum snarum, pro Deo colebant: et ideo necesse fuit, quod homo convinceretur de ignorantia. Postea data fuit lex illuminaus, et tamen<sup>1</sup> « sunt multiplicatae infirmitates eorum : » et occasio fuit lex majoris transgressionis, quia<sup>2</sup>: « Occasione accepta, peccatum per mandatum operatum est concupiscentiam; » et ideo convinci debebant de infirmitate sive impotentia. Postea fuit tempus prophetarum, qui eis manifeste ostendebant non posse salvari per legem. Unde<sup>3</sup>: « Solemnitates vestras odiuit anima mea. Holocausta arietum, et adipem pinguium, et taurorum, et hircorum nolui. » Et ipsi eos interficiebant; et non solum ipsos, sed ipsis adhaerentes; et prophetas falsos recipiebant; et in hoc apparuit eorum malitia. Et sic<sup>4</sup> « conclusit Scriptura omnia sub peccato, » quia primo per ignorantiam, secundo per infirmitatem, tertio per malitiam, ut Christus veniens omnium misereatur: et hoc etiam admiratur Apostolus<sup>5</sup>, et allegat auctoritatem *Psalmi*: « Omnes declinaverunt, » etc. Secundo Scriptura traditur ad introducendam fidem, quae est credulitas rerum arduissimarum et difficillimarum: ideo oportuit, quod promissa miracula, et signa multiformia praemitteret. Sicut materia primo adaptatur, secundo introducitur forma; sic primo aliqua facilia patriarchis fecit, ut promissa, ut quod Abrahæ filius nasceretur, et quod etiam gentes sibi obedirent, quod crederet quod filius interficeretur, quod posset resurgere, et quod Deus posset eum resuscitare. Unde ibi per promissa ductus est homo ad fidem; post per mysteria et miracula in deserto, et per signa maxima, ut patet in transitu maris, et flagellatione Ægypti; post per oracula prophetarum, qui prædicabant eis ventura, ut de Christi resurrectione et passione, et ipsi eis credebant: quia ex quo videbant quod eis eveniebant, quæ eis prophetabant, et de Christo venturo eis credebant, homo sic dis-

positus est ad fidem recipiendam. Unde si primo dixisset Christus: Venite, et credite in me, ego sum Christus; forsan respondissent: Non possumus credere: ideo sic manudicendi erant. Tertio Scriptura data est ad reserandam sapientiam, quæ habet duas radices, scilicet timorem, et amorem. Prima radix timor, quia<sup>6</sup> prius est homo animalis, postea spiritualis: et quando per timorem est affectus, tunc fit spiritualis: et ideo secundum has duas radices sunt<sup>7</sup> « duo testamenta: unum vetus in servitutem generans; » alterum novum, in amorem generans. Testamentum vetus in servitutem generans, promittit temporalia, timorem incutiens per poenam. Necesse autem fuit, ut in veteri Vetus  
testa-  
mentum  
quid pro  
mittat, et  
quid no-  
vam.  
testamento esset promissum, quia si semper homo plecteretur poena, et nihil sibi promitteretur, fugeret: ideo adjuncta est promissio repromissionis terræ. Testamentum autem novum promittit spiritualia, scilicet vitam æternam. Unde timor non potuit incuti, nec aliquod temporale promitti, nisi genti jam multiplicata: ideo ante legem oportuit esse tempus naturæ. Lex similiter in infirmitatem generabit, promittens temporalia. Et quia non est facilis transitus a temporalibus ad æterna, ab animali ad spirituale; ideo medium fuit tempus prophetarum, ad aptandum homines ad spirituale testamentum. Ad hoc ergo, quod homo haberet veram sapientiam, necesse erat ut testamentum vetus præcederet novum, et patriarcharum tempus præcederet legem. Et sic in quolibet homine est iste ordo: primo est sensibilis, totus deditus sensibus, ut puerulus; deinde fit animalis, cum incipit loqui, et phantasma incepint eum occupare; deinde rationalis, cum incipit legere et considerare; deinde intellectualis, cum fit sapiens. Quarto ad restaurandam salutem, quæ non nisi per Christum restauratur. Non enim restauratur, nisi sit desiderata, amata, custodita. Ideo dilata est, ut custodiretur et desideraretur: quia se-

<sup>1</sup> *Psal.* xv, 4. — <sup>2</sup> *Rom.*, vii, 8. — <sup>3</sup> *Isa.*, i, 14, 11.

— <sup>4</sup> *Rom.*, xi, 32. — <sup>5</sup> *Rom.*, iii, 12; *Psal.* xiii, 3. — <sup>6</sup> *1 Cor.*, xv, 46. — <sup>7</sup> *Gal.*, iv, 24.

cundum Augustinum : « Ideo fit dilatio sponsæ, ut charior habeatur. » Similiter salus promissa est in patriarchis, figurata in lege, prænuntiata a prophetis, persoluta a Christo. Unde oportuit ut prius fieret patriarcharum fixio, deinde legalium productio, tertio prophetarum pullulatio, ultimo fructus Evangelii et salutis per Christum plenitudo. Secundum hoc ergo nota, quod in ornamento summi pontificis<sup>1</sup> « quatuor» erant « ordines lapidum : In veste, » inquit<sup>2</sup>, « pederis totus erat orbis terrarum; et parentum magnalia in quatuor ordinibus lapidum erant sculpta, » et in illis sunt quadriformes ordines mysteriorum, quibus plantatae sunt Scripturæ. Et in primo ordine, seu tempore, tria sunt mysteria, scilicet conditionis rerum, purgationis scelerum, vocationis patrum. Conditiō rerum respondet prudentiæ Patris; purgatio scelerum, sapientiæ Filii, qua judicat; vocatio patrum, bonitati Spiritus sancti. Similiter sub lege tria sunt mysteria, scilicet mysterium lationis legum in quatuor libris Moysi, scilicet tribus, in quibus describitur latio legis; et in quarto est reparatio legis. *Genesis* autem datur tempori naturæ, ubi et in quo sunt magna mysteria, quia uberrimum (*a*) est mysteriis. Mysterium secundum est prostrationis hostium in *Josue*. Tertium est promotio iudicium, ut in libro *Judicum* et *Ruth*. Primum mysterium respondet Patri, ratione auctoritatis; secundum Filio, quia est *verbum*<sup>3</sup> mundans et<sup>4</sup> purgans; tertium Spiritui sancto, ratione gratiæ. Hoc tempus dicitur legis, quia adhuc prophetæ non apparuerunt. Tempus prophetiæ a Samuele incœpit, quod habet similiter tria mysteria : primum inunctionis regum, ut in libro *Regum*, et *Paralipomenon*; secundum fuit revelationis prophetarum, ut in *Psalmis*, et duodecim *Prophetis* minoribus, quatuor majoribus; tertium restaurationis principum et sacerdotum, et illud est *Esdrae*, *Nehe-*

<sup>1</sup> *Exod.*, xxviii, 17. — <sup>2</sup> *Sap.*, xviii, 24. — <sup>3</sup> *Ephes.*, v, 26. — <sup>4</sup> *Malach.*, iii, 3. — <sup>5</sup> *Psal.*, cxviii, 18. — <sup>6</sup> *Greg.*, *Moral.*, lib. III. — <sup>7</sup> *Gen.*, i, 1. — <sup>8</sup> *Gen.*, vi, 11.

*miae* (*b*) et *Machabæorum*. In quarto tempore sunt tria mysteria : primum, redemptionis hominum, in *Evangelio*; secundum, diffusio-nis charismatum, in *Actibus Apostolorum*, et *Epistolis Pauli*, et *Canonicis*, ubi ostenduntur septem dona Spiritus sancti; tertium re-serationis Scripturarum in *Apocalypsi*, post quod non potest esse aliud. In his duodecim mysteriis est tota sacra Scriptura. *Job* autem et *Esther*, *Tobias*, *Judith*, cohærentes sunt aliis, quia *Job* cohæret Legi et Prophetis; alii tres cohærent libris restorationis. Unde dixit Hieronymus, quod aliquando liber *Job* tantæ auctoritatis fuit apud Iudaeos, ut poneretur in arca cum virga. Hæc sunt duo-decim ligna pullulantia in Paradiso. In quolibet istorum sunt duodecim lumina trium intelligentiarum Scripturarum, scilicet allegoria, anagogia, et tropologia, et duodecim duodecies sunt centum quadraginta, et resultat numerus signatorum, et numerus ci-vitatis. Unde dicitur<sup>5</sup> : « Revela oculos meos, et considerabo mirabilia de lege tua. » De his lignis volo ædificare, et erigere taberna-culum in corde. In Paradiso fuit lignum vi-tæ, et lignum scientiæ boni et mali, quia in omnibus mysteriis explicatur Christus cum corpore suo, et Antichristus cum corpore suo, et Diabolus. Et hoc modo Augustinus fecit librum *de Civitate Dei*, ubi incipit a Cain et Abel. In primis quatuor libris agit de Deo, et reprobat idolatriam; et in quatuor libris agit de initio Ecclesiæ; in aliis quatuor, de progressu; in ultimis quatuor, de Eccle-siæ consummatione. Omnes enim sancti præ-signaverunt Christum tam facto, quam verbo, ut *Job* etiam magis facto, quam verbo, ut dicit Gregorius<sup>6</sup>. Dicamus ergo de Christo, quod est lignum vitæ in medio Paradisi, qui signatur in quatuor quæ sunt in primo mys-terio ab illo loco<sup>7</sup> : *In principio creavit*, usque ibi<sup>8</sup> : *Corrupta est*. Signatur igitur per luminare majus, per lignum vitæ, per Adæ connubium, maxime per Abel occisum : quia

(a) *Cœt. edit.* nberimus. — (b) *Al.* *Neemias*, et sic deinceps.

Breve  
argu-  
mentum  
librorum  
S. Aug.  
de Civ.  
Dei.

Christus interfactus est a fratribus suis, et signum positum est Judæis, ut non interficiantur, sed sint vagi, et profugi super terram. In secundo mysterio, scilicet purgationis scelerum, signatur per Noe hierarcham, qui habuit tres filios; et signat Christum, qui habuit tres filios, scilicet Graecos, Judæos et Latinos : quia scriptus erat titulus <sup>1</sup> « litteris græcis, hebraicis, et latinis. » Signatur etiam per aream fabricatam, quæ respondet corpori Christi principaliter, secundario Ecclesiae : signatur per <sup>2</sup> «arcum in nubibus, » qui est signum fœderis; signatur per Noe <sup>3</sup> nudatum jacentem in tabernaculo ebrium : inebriatus fuit Christus amore sponsæ suæ, et nudatus in cruce; quem derisit ille pessimus <sup>4</sup> Cham. In mysterio vocationis signatur per quatuor : per sacrificium Isaæ, quia proprie per Abram Deus Pater signatur; per Isaæ, Filius; qui sicut ligna in collo portavit, sic lignum crucis Christus. Signatur per Jacob fœcundantem uxores; per Judam, qui habuit duos filios, Zaram et Phares, de quo multa dieuntur in benedictionibus, scilicet <sup>5</sup>: « Catulus leonis Juda, » etc. : unde etiam Legislato <sup>6</sup> interseruit figuram illam de duabus filiis Juda de Thamar. Signatur etiam per Joseph rectissime, qui venditus a suis, exaltatus fuit inter alienos. Hæc sunt duodecim mysteria principalia ante tempus legis Moysi. Sub lege, in mysterio lationis legis signatur per virgam Moysi, per quam flagellatur Ægyptus; qui siccavit maria, quæ est virga virtutis; signatur per aream testamenti, per multa in ea recondita; signatur per ornatum pontificis, mitram, superhumeralre, in cuius morte profugi debebant redire ad propria. Signatur etiam per ritum sacrificii; per agnum, arietem, vitulum : quæ omnia referuntur in Christum. In mysterio prostrationis hostium similiter Christus signatur; per Josue ingressum, qui divisit Jordanem, ubi datur forma baptismi, et aquas, quæ descendebant in Mare Mortuum,

<sup>1</sup> Luc., xxiii, 38. — <sup>2</sup> Gen., ix, 13. — <sup>3</sup> Ibid., 21.  
— <sup>4</sup> Ibid., 22. — <sup>5</sup> Gen., xlix, 9. — <sup>6</sup> Matth., 1, 5.

fecit redire in suam originem, hoc est, animas. Signatur per suum conflictum; signatur per suum triumphum, qui destruxit Jericho, suspendit reges, et post funiculis terram divisit, et est introductor in terram promissionis : ita Christus introduceit nos in celum per suum introitum. In mysterio promotionis judicium signatur per Caleb, cui virtus duravit, qui explorator terræ fuit de tribu Juda; per Othoniel, qui propter victoriæ, Axam habuit uxorem; per Gedeon, de quo in *Isaia* dicitur <sup>7</sup>: « Sicut in die Madian; » per Samsonem, qui in omnibus refertur ad Christum per interfectionem leonis, per portas asportatas, qui etiam plures interfecit in morte, quam vivus. Per amissionem capillorum signare non potest Christum, sed signat Christianum, qui amittit septiformem gratiam Spiritus sancti. Unde, quando non potest aliquid mysticari in capite, transferendum est ad membra. In mysterio inunctionis regum signatur per David, per Salomonem, per Ezechiam, per Josiam. Per David signatus est in multis; Salomon signat Christum, præterquam in mulieribus, in quibus nullum bonum significare potest. Unde in *Cantico*, ubi dicitur <sup>8</sup> : « Sexaginta sunt reginæ, et octoginta concubinæ, et adolescentularum, » etc. de uxoribus, non loquitur ad litteram; imo mysterialiter ponuntur ibi, in quibus signantur animæ perfectæ, et imperfectæ. Signatur per Ezechiam <sup>9</sup> : « Ego, inquit, dixi : In dimido dierum meorum vadam, » etc. Josias etiam signat Christum, de cuius morte factæ sunt lamentationes <sup>10</sup> : « Quomodo sedet sola civitas, » etc. Melius autem dicitur sic, quia Christus ostenditur per visum, per signum, per verbum (*a*), per factum : per visum, sicut vidit Hieremias <sup>11</sup> « ollam succensam, » et sic de aliis; per signum, sicut de Elisæo, et Giezi qui portavit baculum super puerum, et non revixit, et postea ipse incubuit super ipsum : et secun-

— <sup>7</sup> Isa., ix, 4. — <sup>8</sup> Cant., vi, 7. — <sup>9</sup> Isa., xxxviii, 10.

— <sup>10</sup> Thren., i, 1. — <sup>11</sup> Jerem., 1, 23.

(*a*) Cæt. edit. non habent per verbum.

dum Gregorium<sup>1</sup> signat Legem et Christum; per verbum, quod audiebant, et non videbant, sicut dicebant<sup>2</sup>: « Verbum quod locutus est Dominus, » etc.; per factum, ut Jonas. In mysterio revelationis prophetarum signatur per cantum harmoniae, etiam<sup>3</sup> in *Psalterio decachordo*, ubi David addisicit prophetae; per lumen sapientiae, in libris sapientialibus; per canticum laetitiae, quod est sponsae Christi, in *Cantico*; per visum prophetiae, quod est diversimode: unus sicut<sup>4</sup> « virgam vigilantem » vidit Christum; alius<sup>5</sup> « super solium excelsum; » alius<sup>6</sup> « vestitum. » In mysterio restorationis, primum signatur per Esdram, qui scripturam et litteras reparavit; per Nehemiam, qui eivitatem reparavit; per Zorobabel, qui templum reparavit: per Jesum filium Josedech, qui ritum colendi reparavit. In mysterio redemptionis hominum signatur CHRISTUS, ut homo mansuetus, in *Matthæo*; ut leotriumphans, in *Marcus*; ut vitulus occisus, in *Luca*, unde<sup>7</sup>: « Fuit in diebus Herodis sacerdos, » et oculum habet ad passionem, ut aquila volans ad divinitatem, in *Joanne*. In mysterio diffusionis signatur per *Joannem* ut doctor; ut diffusor largus in *Actibus*, cum dedit Spiritum sanctum; ut diffusor plus in *Paulo*, in quo consummantur *Actus Apostolorum*. Unde Lucas pauca dicit de aliis apostolis, et statim transit ad Paulum, qui dedit Spiritum sanctum, sicut patet de illis duodecim<sup>8</sup>, qui baptizati erant in baptismo Joannis: nec mirum, quia ipse Benjamin, ut<sup>9</sup> « lupus rapax, » ultimus apostolorum, per quem signatur ordo futurus. Signatur ut diffusor prudens in *Canoniceis*; ut diffusor sapiens, in *Epistolis Pauli*. In mysterio reserationis Scripturæ, signatur per modum præsidentis, ut patet per « filium hominis<sup>10</sup> in medio candelabrorum, qui habebat septem stellas, et septem ecclesias; » per modum prælianantis, ut agnus<sup>11</sup> cum bestia, <sup>12</sup> cum dracone, per modum triumphanti-

tis, quia habet<sup>13</sup> « gladium et falcem acutam; » per modum beatificantis, quia vidit<sup>14</sup> « cœlum novum, et terram novam. » Hæc sunt mysteria circa lignum vitæ, scilicet Scripturæ, quæ incipit ab æternitate, et terminata est ad æternitatem: « In principio creavit DEUS cœlum et terram, » in fine vidit DEUS « cœlum novum et terram novam. » Hæc<sup>15</sup> quadraginta octo tabulæ tabernaculi: viginti in uno latere, et viginti in alio, in posteriori octo; in quibus ponitur area, scilicet Christus, continens in se<sup>16</sup> « omnes thesauros sapientiae et scientiæ; » in quem Cherubim respiciunt. Hæc sunt duodecim ligna circa lignum vitæ.

## SERMO XV.

*De mysterio Scripturæ, et corpore Christi,  
et de Antichristo.*

<sup>17</sup> *Protulit terra herbam virentem.* Dietum est, quod in duodecim mysteriis principaliibus ostenditur CHRISTUS; per oppositum ostenditur Antichristus: quod sic manifestatur. Primum mysterium est conditionis rerum, et ibi ostenditur per Lamech, qui primus introduxit bigamiam, et fuit transgressor legis naturæ, et fuit luxuriosissimus, et inde videntes filii Dei filias hominum, quod essent pulchræ, etc.; propter quod inductum fuit diluvium. Et inde colligitur, qualis erit Antichristus, quia immun-dissimus; et inde ostenditur ejus significatio, quia interficiet illum, in quo positum est signum, scilicet inter Judæos, qui per Cain significantur. Et ideo de Lamech ulti-dabitur septuagies septies, quia majus erit peccatum ejus, quam Judæorum. In se-undo mysterio, scilicet punitionis scelerum, signatur in Nemrod (*a*), qui primus se fecit imperatorem; cuius auctoritate aedificata est turris, quæ tangeret cœlum: per quod intelligitur, quod Antichristus erit superbissi-

<sup>1</sup> Greg., *Moral.*, lib. IX, c. XXI. — <sup>2</sup> Isa., XVI, 13. — <sup>3</sup> Psal. CXLIII, 9. — <sup>4</sup> Jerem., I, 11. — <sup>5</sup> Isa., VI, 1. — <sup>6</sup> Ezech., IX, 2. — <sup>7</sup> Luc., I, 5. — <sup>8</sup> Act., XIX, 3. — <sup>9</sup> Gen., XLIX, 27. — <sup>10</sup> Apoc., I, 13; II, 1. — <sup>11</sup> Apoc.,

VI, 16; XIII, 1. — <sup>12</sup> Apoc., XII, 7. — <sup>13</sup> Apoc., I, 16; XIV, 18. — <sup>14</sup> Apoc., XXI, 1. — <sup>15</sup> Exod., XXVI, 20 et seq. — <sup>16</sup> Coloss., II, 3. — <sup>17</sup> Gen., I, 12.

(*a*) *At. Nemroth, et sic deinceps.*

lis futu-  
rus. mus<sup>1</sup>, « ita ut extollatur super omne, quod  
dicitur Deus. » In tertio mysterio, scilicet  
vocationis vel electionis patrum, signatur  
per *Danielēm*. Et aliqui volunt dicere, quod  
ad litteram erit de tribu Dan. Utrum autem  
ita sit, non auderem affirmare; attamen in  
*Apocalypsi*<sup>2</sup> non signatur tribus Dan. De  
isto Dan dicitur in *Genesi*<sup>3</sup>: « Fiat Dan co-  
luber in via, cerastes in semita, qui abscon-  
dit se in sabulo, ut capiat aves circa volan-  
tes; » et in hoc ostendit, quod erit fraudu-  
lentissimus. Mordet autem ungulas equo-  
rum, ut causat ascensor ejus retrorsum.  
Certum est, quod per equum signatur prae-  
dicator veritatis; per ungulam, perfectio  
evangelica, quam Antichristus impugnabit.  
Equus enim, si non habet fixionem ungulae,  
non valet. Joseph enim erat cum filiis an-  
cillarum, qui vendiderunt fratrem summum:  
Dan autem primogenitus fuit ancillarum. In  
quarto, scilicet mysterio lationis legis, si-  
gnatur Balaam, qui dedit pessimum consili-  
um, qui fuit idololatra; licet multa bona  
diceret, tamen aras ædificabat, et auguria  
quærebant. Et in hoc signatur, quod erit pes-  
simus idololatra, et invocator dæmonum,  
nec Deum magnum adorabit in loco suo. In  
quinto mysterio, scilicet prostrationis hos-  
tium, signatur per Achan, qui furatus fuit  
de anathemate, et mortuus excommunicatus:  
et in hoc signatur, quod erit avarissimus.  
In sexto mysterio, scilicet constitutio-  
nis vel promotionis judicium, signatur per  
Abimelechi, qui septuaginta fratres meliores  
se interfecit; et in hoc signatur, quod erit  
cruelissimus. In septimo mysterio, scilicet  
unctionis regum, signatur per Goliam ar-  
matum, qui xprobrabat agminibus filiorum  
Israel. Erit enim magnificus in exterioribus;  
loquetur blasphemiam contra populum Dei.  
In octavo mysterio, scilicet revelationis pro-  
phetarum, per regem impudentem, quia  
sciet argumenta et rationes ultra humauum  
modum, et erit intelligens propositiones, et

astulissimus. In nono mysterio, scilicet res-  
taurationis principum, signatur per Antio-  
chum, qui interpretatur silentium paupertatis;  
qui destruxit omnes leges, volens  
unam facere; qui illos septem fratres inter-  
fecit. Fecit enim, quod facere nullus ausus  
fuit, scilicet deponere legem Judæorum. Ve-  
rum est, quod Aman attentavit Judæos dis-  
perdere; sed non prævaluit: in quo signatur,  
quod erit destructor legis evangelicæ,  
et occisor Christianorum. In decimo myste-  
rio, scilicet redemptionis hominum, signatur  
per Judam proditionem: erit enim malignis-  
simus. In mysterio undecimo, scilicet diffu-  
sionis charismatum, signatur per Simonem  
magum, qui voluit emere Spiritum sanctum,  
et in altum ascendit, et corruit, quia  
dæmones invocavit: erit enim mendacissi-  
mus, ut veniat<sup>4</sup> « in signis et prodigiis men-  
dacibus, » etc. In mysterio duodecimo, sci-  
licet reserationis Scripturarum, signatur per  
bestiam abyssalem, sive ascendentem de  
abyssso, quæ omnia conculeat: erit enim con-  
firmatus in omni malitia. Habebit enim sep-  
tem capita, id est, omnia genera tentandi et  
omnes modos, nunc per divitias, nunc per  
falsa miracula, nunc per metum. Unde in  
*Job* dicitur<sup>5</sup>: « Strinxit caudam quasi ce-  
drum, » quia in eo conslabuntur omnes ma-  
litiae. Et sicut Christus habuit omnia cha-  
rismata, ut natura assumpta potuit accipere,  
sic ille omnes malitias. Sic ergo Scriptura  
explicat paulatim procedendo, quomodo An-  
tichristus primo erit immundissimus; unde  
juxta lignum vitæ erit lignum scientiæ boni  
et mali, quia promittet bona, et dabit mala;  
unde efficitur serpens, draco, et bestia. In  
omnibus enim mysteriis correspondentia est  
Patri, et Filio, et Spiritui sancto, quia Tri-  
nitas debet maxime resplendere in operibus  
horum mysteriorum. Sequitur de semini-  
bus, et fructibus: *Protulit terra*, etc. Sicut  
enim in congregazione aquarum signatur  
multiformitas intelligentiarum, et in  
germinatione terræ multiformitas sacra-  
tialium figurarum, sic in seminibus ostendit

<sup>1</sup> II *Thess.*, II, 4. — <sup>2</sup> *Apoc.*, VII. — <sup>3</sup> *Gen.*, XLIX,  
17. — <sup>4</sup> II *Thess.*, II, 9. — <sup>5</sup> *Job*, XL, 12.

se habere infinitatem quamdam cœlestium theoriarum, quæ signantur per semina. Intelligentiae enim principales, et figuræ in quodam numero certo sunt; sed theoriarum quasi infinitæ: quia sicut refusio radii et imaginis a speculo fit modis quasi infinitis, sic a speculo Scripturae. Quis potest scire, quot sunt media inter angulum acutum, et obtusum, vel rectum? Sicut enim in semi-nibus est multiplicatio in infinitum, sic multiplicantur theoriarum. Unde legitur<sup>1</sup>: « Pertransibunt plurimi, et multiplex erit scientia, » quia varie inspicit hic, et ille, in speculo. Haec consideratio theoriarum, inter duo specula duorum Cherubin, id est duorum testamentorum, quæ refulgent in invicem, ut transformetur homo de claritate in claritatem. Haec autem germinatio se-minum dat intelligere, secundum diversas temporum coaptationes, diversas theorias; et qui ipsa ignorat, istas scire non potest. Non enim scire potest futura, qui præterita ignorat. Si enim non cognosco cuius arboris semen est, non possum cognoscere quæ arbor debet inde esse. Sed (*a*) cognitio futurorum dependet ex cognitione præteriorum. Moyses enim prophetans de futuris, narravit præterita per revelationem<sup>2</sup>. Notandum autem, quod sicut Deus sex diebus mundum fecit, et in septimo requievit, ita corpus Christi mysticum sex habet ætates, et septimam, et octavam, quæ currit cum sexta. Haec sunt rationes seminales ad cognoscendum Scripturas. Prima ætas, quasi infantia, ab Adam usque ad Noe. Deus enim in principio, quasi in semiue, posuit, quod postea pullulavit in facto mystico, vel opere. Prima dies signat primum tempus, quo datur homini lux et cognitio, et haec est infantia, quæ oblivione deletur: sic quidquid actum est usque ad tempus, quo per diluvium deletum est omne animal, præter illa quæ fuerunt eum Noe. Secundum tempus respondet

<sup>1</sup> *Dan.*, XII, 4. — <sup>2</sup> Idem in *Bibl. Pauperum*, c. 1, in princ., ex *Greg.*, in *Ezech.*, hom. 1, in princ. — <sup>3</sup> *Psal.* v, 2.

secundæ diei, ut ætati pueritiae, quia tunc factum est firmamentum in medio aquarum; et in tempore illo factum est foedus per arcum, ne homines deleantur per aquas inferiores; et per arcum, ne ulterius per diluvium perirent. Et sicut in pueritia pueri loquuntur, et discunt loqui, sic in tempore secundo divisæ sunt linguae. Et hæc ætas durat a Noe usque ad Abraham. In tertia die terra germinavit; et in tertia ætate, scilicet adolescentia, homo potens est generare. Et in tertia ætate, quæ durat ab Abraham usque ad David, tunc cœpit Synagoga in Abraham, et per circumcisionem factam in carne ejus, florere. In quarta die facta sunt luminaria cœli, et adornatum est cœlum; et respondet quartæ ætati, scilicet juventuti, quia illa ætas apta est sapientiæ. Et in quarta ætate, quæ datur a David usque ad transmigrationem Babylonis, viguit et floruit regnum et sacerdotium, quasi duo lumina-ria, et stellæ fuerunt prophetæ sancti. Quinta die facti fuerunt pisces, et respondent senectuti, ubi jam incipit calor diminui; et in quinta ætate, scilicet a transmigratione Babylonis usque ad Christum, tunc Synagoga incœpit desicere, et senuit, et perdidit auctoritatem. Sexta die factus est homo princeps bestiarum, et respondent senio, quæ ætas est matura, et apta sapientiæ; et respondet (*b*) sextæ ætati, quæ durat a Christo usque ad finem mundi; et in sexta ætate Christus natus est, et sexta die crucifixus, sexto mense conceptus post conceptionem Joannis, sexto mense post nativitatem ejusdem natu-tus. Sapientia ergo sexta ætate incarnata. Septima ætas currit cum sexta, scilicet requies animarum post Christi passionem. Ad has sequitur octava ætas, scilicet resurrectio mortuorum, de qua *Psalmista* ait<sup>3</sup>: « Mane astabo tibi, et videbo, » etc. Et est redditus ad primum, quia post septimam diem re-gressus est ad primum. Haec sunt semina jactata ad intelligentiam Scripturarum, quæ producuntur de illis arboribus secundum

(*a*) *Forsan leg. Sic.* — (*b*) *Cæt. edit. respondent.*

expositionem communem aliquorum; et sic tempus dividitur in octo ætates. Secundum alios reducitur tempus ad quinque, et hoc ponit Christus, qui ponit quinque vocaciones<sup>1</sup>: « Simile est regnum cœlorum patriæ familiæ, qui exiit conducere operarios suos in vineam suam » hora prima, scilicet « mane, tertia, sexta, nona, undecima. » Mane fuit initium creaturæ, quia vocavit Deus hominem de Paradiso, et præcepit<sup>2</sup> « ut operaretur et custodiret illum. » Adhuc tamen lignum non habebat surculum; de lignis tamen facere poterat, quæ sibi obediebant. Secunda vocatio fuit per flagellum, quod prædicabat sub Noe, ut caverent a peccato. Tertia sub Abraham, qui fuit cultor Dei, et erector altarium; et hoc usque ad Moysen. Quarta sub Moyse per legem, et miracula; et hoc usque ad Christum. Quinta sub Christo et per Christum, per pœnitentiam ad quam nos vocavit, et ad nuptias. Secundum Sanctos modernos et antiquos, distinguuntur tria tempora, scilicet legis naturæ, legis scriptæ, et legis gratiæ. Septenarius appropriatur Spiritui sancto, propter charismata gratiarum septem; quinarius Filio, propter quinque sensus spirituales: in hujus signum cherub in ala<sup>3</sup> « habebat quinque cubitos; » ternarius Patri, quia ternarius est principium perfectorum. Item omnis prolatio (*a*) necessario a ternario incipit, et est prima. Item Pater tres habet notiones: est enim generans, innascibilis, spirans: triplex est lex: intra scripta, ut conscientiæ; extra proposita, ut legis scriptæ; desuper infusa, ut gratiæ (*b*). Hæc sunt seminaria: quæ qui ignorat, scilicet hæc tempora, non potest venire ad mysterium Scripturarum. Jūnge septem ætates, quinque vocaciones, tria tempora; et habes quindecim; qui numerus mysterium habet, ut ostendit Hieronymus<sup>4</sup>. Per descensum Spiritus sancti super centum viginti credentes, per istos quindecim gradus habet Sol intelligentiæ ascendere super

nostrum hemisphærium in una hora: quia si dies naturalis viginti quatuor horas habet, et quolibet signum triginta gradus, et quolibet die volvuntur duodecim signa, necesse est ut in hora una elevetur sol super hemisphærium nostrum quindecim gradibus: et illud est mane resurrectionis, quando erimus in fine sæculi. *Psalmus*<sup>5</sup>: « Mane astabo tibi, et videbo. » Hæc seminaria absolute considerata sunt. Item comparatur quod oritur, ad semen de quo oritur, et ad arborem de qua semen oritur. Sic comparatur novum testamentum ad vetus, ut arbor ad arborem, et littera ad litteram, et semen ad semen. Et sicut arbor de arbore, et semen de semine, sic littera de littera, et testamen- tum de testamento. Secundum hoc assignatur convenientia duorum testamentorum sex modis, secundum differentiam unitatis, qualitatis, ternarii, quaternarii, quinarii, et senarii; et addita unitate; secundum rationem unitatis, « duo sunt testamenta<sup>6</sup>: unum in servitatem generans, » alterum in libertatem: unum secundum amorem, alterum secundum timorem: unum secundum litteram, alterum secundum spiritum: unum secundum figuram, alterum secundum veritatem. Sic distinguuntur ista duo tempora, et dies, et nox. Unde *Psalmus*<sup>7</sup>: « Dies diei eructat verbum, et nox nocti, » etc. In nocte illa, lex fuit ut luna; et patres, ut stellæ, secundum Gregorium. Sed eum venit sol, id est novum testamentum, tunc fuit clara dies. Alia distinctio est secundum rationem qualitatis. Vetus testamentum habet duo tempora: tempus ante legem, et tempus sub lege. Sic novo testamento respondet duplex tempus: tempus vocationis gentium, quod respondet primo; et tempus vocationis Iudeorum, quod respondet secundo. Hoc tempus erit, et nondum est, quia tunc implebitur illud Isaiae<sup>8</sup>: « Non levabit gens contra gentem gladium, nec exercebuntur ultra

<sup>1</sup> Matth., xx, 4. — <sup>2</sup> Gen., II, 15. — <sup>3</sup> III Reg., VI, 6.

— <sup>4</sup> Hier., in Ezech., LXV, et in Epist. ad Gal., 1.—

<sup>5</sup> Isa., II, 4.

(*a*) Cœl. edit. probatio. — (*b*) Cœl. edit. gratia.

ad prælium, » quia hoc nondum adimpletum est, cum adhuc vigeat uterque gladius : adhuc enim sunt disceptationes, et hæreses. Judæi enim, quia hoc sperant, credunt nondum venisse Christum. Quod autem Judæi convertantur, certum est per Isaiam<sup>1</sup>, et per Apostolum<sup>2</sup>, qui ejus allegat auctoritatem : « Si fuerit numerus filiorum Israel, etc.; » et addit item Apostolus : « Cæcitas ex parte contingit in Israel, donec plenitudo » gentium subintraret. Et hoc ostendit Isaias dicens<sup>3</sup> : « Verbum misit Dominus in Jacob, » etc. Verbum missum in Jacob, est Filius Dei, naturæ assumptæ de Jacob unitus, quia fuit de ejus semine; sed cecidit in Israel verbum spirituale. Nos sumus filii Israel et filii Abraham secundum reprobationem, quia sumus imitatores fidei Abrahæ. Unde dicitur<sup>4</sup> : « Congnovit bos possessorem suum, et asinus præsepe Domini sui; Israel autem, » etc. Bos, ordo apostolicus. Unde Paulus dicit<sup>5</sup> se Hebræum ex Hebræis. Isti fuerunt boves, proscindentes terram tam Scripturæ, quam cordis nostri. Asinus fuit populus gentilis. Et Isaias<sup>6</sup> : « Venite, ascendamus in montem Domini, et ad domum Dei Jacob : » et sequitur : « Non levabit gens contra gentem, » etc. Contradicunt Judæi, quoniam nondum hoc impletum est. Sed propheta non loquitur de primo adventu, vel prima vocatione; sed pro ultima, quando dies Domini erit super omnem arrogantem : nec est intelligendum, quod illos sic dimittat Deus. Tertia comparatio veteris et novi testamenti est secundum rationem ternarii : quia est tempore Synagogæ initiatæ, promotæ, deficientis. Sic in novo testamento est Ecclesiæ initiatæ, Ecclesiæ primitivæ, dilatatae, consummatae. Unde in *Cantico* tripliciter laudatur Ecclesia, quæ unica tantum est, nec sunt, nec possunt esse plures. Laus Ecclesiæ initiatæ<sup>7</sup> : « Quæ est ista, quæ ascendit per desertum sicut virgula fumi ? » Secundo,

Ecclesiæ dilatatae<sup>8</sup> : « Quæ est ista, quæ progreditur, quasi aurora consurgens, pulchra ut luna, electa ut sol ? » Tertio, Ecclesiæ consummatae; unde dicitur<sup>9</sup> : « Quæ est ista, quæ ascendit de deserto, deliciis affluens, innixa super dilectum suum ? » Necesse est enim quod Rachel pariat filios in finali Ecclesia; unde in *Apocalypsi*<sup>10</sup> Manasses ponitur ante patrem, et sexto loco; et Joseph undecimo, ultimo Benjamin, et non sine causa. Quarta comparatio veteris et novi testamenti secundum coaptationes temporum est, quia quatuor tempora in veteri testamento respondent quatuor ordinibus circa tabernaculum duodecim tribuum. Respondet etiam quatuor lateribus civitatis, et hoc quatuor animabus circa sedem Dei. Primum tempus est vocationis patriarcharum; secundum, institutionis judicum; tertium, inunctionis regum; quartum, illustrationis prophetarum. Et his quatuor in novo testamento respondet tempus apostolorum, martyrum, confessorum, virginum. Quinta comparatio est secundum rationem quinarii, ut sit manus dextra, et sinistra, habens quinque digitos: primum tempus est conditionis naturalium; secundum inspirationis patriarcharum; tertium, institutionis legalium; quartum, illustrationis prophetarum; quintum, restorationis misericordiarum. In novo testamento respondet<sup>11</sup> « mane, tertia, sexta, nona, undecima. » Mane respondet conditioni naturæ; unde<sup>12</sup> : « Posuit Deus Adam in paradiso, ut operaretur et custodiret illum. » Primum tempus in novo testamento est diffusionis charismatum, quod respondet esse creaturæ; secundum, vocationis gentium, quod respondet secundo; tertium, institutionis ecclesiarum secundum leges, quod respondet tertio; quartum, religionum multitudinis, quod respondet quarto, maxime Rehabitatis<sup>13</sup>, qui morabantur circa Jordaniem, qui pauperes erant; quintum, in fine restorationis collapsorum. Oportet quod

<sup>1</sup> Isa., x, 22. — <sup>2</sup> Rom., ix, 27; xi, 25-26. — <sup>3</sup> Isa., ix, 8. — <sup>4</sup> Isa., i, 3. — <sup>5</sup> Philip., iii, 5. — <sup>6</sup> Isa., ii, 3, 4. — <sup>7</sup> Cant., iiii, 6. — <sup>8</sup> Cant., vi, 9. — <sup>9</sup> Cant., viii,

5. — <sup>10</sup> Apoc., vii, 6, 8. — <sup>11</sup> Matth., xx, 1 et seq. — <sup>12</sup> Gen., ii, 15. — <sup>13</sup> Jerem., xxxv, 16.

veniat Elias<sup>1</sup>, qui restauraret omnia cum eo, et veniet Enoch. Bestia autem<sup>2</sup> vineat illos duos testes. Unde necesse est ut prius ruant, et fiat ruina, et postea restauratio; tandem<sup>3</sup> « erit tribulatio, ut in errores (a) inducatur, si fieri potest, etiam electi. »

## SERMO XVI.

*De statu Ecclesiae, et ætatibus sex, cum quibus currit septima ætas, et de theoriis sacrae Scripturae.*

<sup>4</sup> *Protulit terra herbam virentem, et affarentem semen juxta genus suum, lignumque pomiferum, et habens fructum, unumquodque secundum speciem suam, etc.* Dictum est, circa visionem intelligentiae per Scripturam eruditæ, de intelligentia spirituali, quæ intelligebatur per congregatiōnem aquarū; item sacramentali figura, quæ intelligebatur per germinationem terræ. Dictum est etiam de theoriis, quæ intelliguntur per semen, et per fructum: habent enim theoriæ sementinam multitudinem, et refectionem sustentationem: ideo intelliguntur partim per semen, partim per germinationem fructuum. Quantum ad semen, consistunt in coaptationibus temporum, secundum quod ipsa sibi invicem succedunt; quantum ad arboris fructum, secundum quod tempora correspondent; secundum comparationem arboris, vel seminis, tempora sibi mutuo succedunt; secundum comparationem germinis ad germinans, mutuo sibi correspondent, ut jam patebit.

Distinguuntur autem tempora secundum rationem ternarii, videlicet secundum tres leges, intra scriptam, exterius dispositam, superius infusam; secundum rationem quinarii, mane, tertiae, sextæ, nonæ, undecimæ, quæ sunt quinque vocationes, usque ad finem mundi. Et secundum hæc distinguuntur sex ætates; septima autem currit secundum omnes cum sexta.

<sup>1</sup> *Matth., xvii, 11; Marc., ix, 10. — 2 Apoc., xi, 7.*  
<sup>3</sup> *Matth., xxiv, 21, 24. — 4 Gen., I, 12. — 5 Gen.,*

Novum  
testa-  
mentum  
ulti-  
mum et  
æternum

Post novum testamentum non erit aliud, nec aliquod semen novæ legis subtrahi potest: et ideo testamentum æternum est. Ipsa tempora sibi mutuo succedunt, et multa est in eis correspondentia, et sunt sicut germinatio seminis ex semine, ut de semine arbor, et de arbore semen.

Assignantur autem tempora, ut sibi mutuo correspondent: primo secundum rationem unitatis, ut comparatur unum tempus novi testamenti ad unum tempus veteris testamenti secundum correspondentiam litteræ et spiritus, promissionis terrenæ et cœlestis, timoris et amoris. Item duo tempora ad duo in veteri testamento: tempus ante legem, et tempus sub lege; in novo, ante tempus vocationis gentium, et Judæorum, quæ erit in fine. Et ista signata est in duobus filiis Judæ, scilicet Zaram, et Phares. Zaram<sup>6</sup> primo extendit manum, obstetrix ligat in ea coccinum, et postea retrahit manum, et exivit Phares, qui divisit maccriam. Judæi primo crediderunt, et statim manum retraxerunt in prima Ecclesia; sed postquam plenitudo gentium subintraverit, tunc Zaram exibit, et populus Judæorum convertetur. Item trium temporum ad tria, ut Synagogæ promotæ, initiatæ, et ultimatæ; et in Ecclesia tempus Ecclesiae initiatæ, dilatatae, et consummatæ. Unde in *Canticis* tres sunt admirationes: « Quæ est ista, » etc., et e contrario tres deplorationes in *Lamentationibus*<sup>6</sup>. Unde non sine causa toties repetitur alphabetum. Item quatuor ad quatuor, ut posui supra, præcedenti collatione. Item quinque digitorum ad quinque, in veteri testamento, conditionis naturarum, inspirationum patriarcharum, institutionis legalium, illustrationum prophetalium, et restorationum ruinarum; in novo testamento, donationis charismatum, vocationis gentium, institutionis ecclesiarum, multitudinis religionum, restorationis omnium

<sup>5</sup> *xxxviii, 27. — 6 Thren., I-IV, sunt quatuor capita, et quater repetitur alphabetum.*

(a) *Vulg.* errorem.

collapsorum. De quo dicitur, quod « Elias, dum venerit, restituet omnia. »

Sequitur de comparatione senarii, addita unitate. Et sic accipitur mensura illius, qui habebat calatum habentem sex cubitos, et palmam ad mensurandum templum. Septenarius, secundum Gregorium<sup>1</sup>, est numerus universalitatis in majori mundo, et in minori, et in Deo. Iste enim mundus sensibilis constat ex quatuor elementis susceptivis influentiarum cœlestium, in tribus orbibus influxivis, et motivis. Minor mundus constat ex quatuor elementis, quatuor humoribus, quatuor complexionibus, quatuor qualitatibus, et tribus viribus vitalibus perfectivis, scilicet vegetabili, sensibili, rationali. Unde illa, quæ sunt in mundo sensibili, in minori mundo colliguntur in quadam puritate. Unde secundum aliquos, et non irrationabiliter, dictum est, quod orbis sidereus disponit ad susceptionem vegetabilis, orbis crystallinus ad susceptionem sensibilis, orbis empyreus ad susceptionem rationalis. Et secundum Hugonem, quaternarius correspondet corpori; ternarius autem spiritui.

Septenarius autem magnum mysterium habet. Omnis autem proportio et proportionalitas est secundum rationem ternarii et quaternarii; quia necesse est, ubi est proportionalitas, ut sit in quatuor terminis, vel secundum rem, vel secundum rationem. Unde Augustinus ostendit<sup>2</sup> proportionem ascendere usque ad quatuor, quæ ex partibus quaternarii generatur. Iste autem septenarius, sive in mundo sensibili, sive in mundo minori, ortum habet a mundo archetypo, ubi sunt rationes causales secundum rationem septenarii. Deus enim habet rationem: triformis causæ, originantis, exemplantis, finientis; nec potest esse pluribus modis. Unde Apostolus<sup>3</sup>: « Ex ipso, et per ipsum, et in ipso sunt omnia. »

Ratio autem causandi est secundum quatuor, sublimitatem potentiae, profunditatem

<sup>1</sup> Greg., hom. xxxiii, in princ. — <sup>2</sup> Aug., *de Music.*,

sapientiae, latitudinem benevolentiae, longitudinem æternitatis: « Ut possitis, » inquit Apostolus<sup>4</sup>, « comprehendere cum omnibus sanctis, quæ sit longitudo, » etc. Potentia creat, sapientia gubernat, benevolentia perficit, æternitas conservat. Iste numerus universitatis in mundo, in homine, in Deo est mysterialis. Secundum hunc numerum facit Deus currere mundum istum: et Scriptura, quæ explicat decursum mundi, secundum hunc numerum tradi debuit explicative.

Distinguit ergo Scriptura tempora originalia, figuralia, graticosa, seu salutifera. Tempora originalia consistunt in primis septem diebus; figuralia, ab initio mundi usque ad Christum, ubi novum tempus incepit, licet Salomon dicat<sup>5</sup>: « Nihil novum sub sole: » verum est secundum naturam; sed hoc est super naturam: et post sunt tempora graticosa. A temporibus originalibus incepit Moyses, et ita debuit facere, quia Scriptura debuit facere seminaria, tanquam terra germinans, et post arbores figurarum, et postea fructum: ponuntur ergo septem dies, ut tempore originali. Primus dies, lucis formatæ; secundus dies, aquæ divisæ; tertius dies, terræ fœcundatæ; quartus, lucis sidereæ; quintus, motivæ vitæ; sextus, humanæ formæ; septimus, quietis primæ.

Septem autem sunt tempora figuralia: tempus naturæ conditæ, purgandæ culpæ, gentis electæ, legis statutæ, regalis gloriæ, vocis propheticæ, quietis mediæ.

In novo testamento similiter sunt septem tempora graticosa: tempus collatæ gratiæ; baptismi in sanguine; normæ fidei catholicæ; normæ legis justitiæ; sublimis cathedræ; claræ doctrinæ; pacis postremæ. Acceipe correspondentiam. Formatio lucis est seminarium formationis naturæ, et formatio naturæ collationis gratiæ. Tempus aquæ divisæ respondet tempori purgationis culpæ, baptismi in sanguine, quia sicut divi-

lib. I. c. XII. — <sup>3</sup> Rom., XI, 36. — <sup>4</sup> Ephes., III, 16.  
— <sup>5</sup> Eccl., I, 10.

duntur aquæ ab aquis (a), sic purgatio in aqua facta formam baptismi gerit secundum beatum Petrum<sup>1</sup>, tam baptismi sauginiis, quam fluminis, quam flaminis.

Dies terræ fœcundæ, tempus gentis electæ, normæ fidei catholicæ. Terra germinavit Abraham, et Abraham Isaac genuit, et Isaac Jacob, etc. Et Ecclesia normam fidei statuit, secundum quam succedunt fideles fidelibus.

Dies lucis sidereæ, tempus legis statutæ, tempus normæ justitiæ. Lex enim distincta fuit per solem, lunam, et stellas, hoc est secundum ritum Dei colendi, sive (b) cæremoniæ, censuram judicandi, formam vivendi, sive secundum moralia, judicialia, cæremonialia: sic in Ecclesia canones; deinde leges per Justinianum in unum corpus redactæ, quæ primo erant paganorum, factæ sunt Christianorum; et regulæ monasticae, ut beati Benedicti. Canones respondent cæremonialibus, leges judicialibus, monastica moralibus.

Dies vitae motivæ, tempus regalis gloriæ, tempus sublimis cathedræ, respondent. Sicut enim una pars vitæ motivæ fuit repentium, altera volatilium; sic in Ecclesia una pars est regum et pontificum, alia subditorum.

Dies humanæ formæ, tempus vocis propheticæ, tempus claræ doctrinæ, in quo esset vita prophetica, respondent. Et neesse fuit ut in hoc tempore veniret unus ordo, scilicet habitus propheticus similis ordini JESU CHRISTI, cuius caput esset angelus, ascendens ab ortu solis, conformis CHRISTO. Et dixi (c), quod jam venerat dies quietis sabbati, tempus quietis mediæ, tempus quietis sive pacis postremæ. Tempus quietis mediæ fuit, quando prophetæ nihil scripserunt; et tunc fuit silentium prophetarum, medium inter primam quietem, et ultimam. Fuit etiam tempus quietum, quia tunc in maxima pace fuit mundus totus, unde et per duodecim annos templum Romæ jam

clausum fuit ante adventum CHRISTI, quod tempore belli semper apertum fuit, et tempore pacis clausum. Unde etiam portæ ruinæ factæ sunt. Unde et imperator<sup>2</sup> describi fecit mundum: et DEUS ponebat hoc in corde pagani, ut describeretur mundus, ut virgo ierit in Bethleem, et ibi pareret in diversorio. Et frequentissime inculcabam, quod non sunt a casu et a fortuna ista, et consimilia, posita in Scriptura, sed maxima ratione, maximo mysterio; sed qui non considerat, nihil intelligit. Fuit etiam nox in suo cursu, quia tunc erat summa idolatria.

Secundum hoc ergo, tempus naturæ conditæ durat ab Adam usque ad Noe.

Tempus culpæ purgandæ, a Noe usque ad Abraham.

Tempus gentis electæ, ad Abraham usque ad Moysen. Elegit enim DEUS Abram, non Lot; Isaac, non Ismael; Jacob, non Esau; et Judam de quo natus est CHRISTUS, non fratres alios.

Tempus legis statutæ, a Moyse usque ad Samuelem, qui unum regem reprobum, et alium electum inunixerat.

Tempus regalis gloriæ, a David usque ad Ezechiam, in quo transmigratio decem tribuum facta est.

Tempus vocis propheticæ, ab Ezechia stricte loquendo, large ab Ozia, qui fuit leprosus, usque ad Zorobabel. Sub Ezechia factum est illud miraculum, quod dies habuit triginta duas horas per reversionem solis.

Tempus pacis et quietis, a Zorobabel usque ad CHRISTUM. In novo testamento tempus collatæ gratiæ, a CHRISTO et Apostolis, comprehendendo mortem Joannis, usque ad Clementem papam.

Tempus baptismi in sanguine, a Clemente usque ad Sylvestrum, quia sub Clemente incepit magna persecutio, quando Judæi venditi fuerunt, expulsi de Hierusalem, et Clemens missus est Chersonam cum populo in exilium in Græciam. Et in illo tempore

(a) Cœt. edit. dividitur aqua aquis. — (b) Cœt. edit. non habent cæremoniæ. — (c) Cœt. edit. dixit.

<sup>1</sup> I Petr., III, 21. — <sup>2</sup> Luc., II, 4.

medio, a Clemente usque ad Sylvestrum, fuerunt decem maximæ persecutio[n]es.

Tempus normæ catholicæ, a Sylvestro usque ad Leonem primum, sub quo datum est symbolum.

Tempus legis justitiæ, a Leone usque ad Gregorium Doctorem, in quo statutæ sunt leges justitiæ, et canones et regulæ catholicæ et monasticæ, in quo beatus Benedictus fuit, qui etiam prophetavit de beato Gregorio, et benedixit matrem prægnantem.

Tempus sublimis cathedræ, a Gregorio usque ad Adrianum, sib[us] quo mutatum est imperium, et divisum in Romam et (a) Constantinopolim. Carolus in Ecclesia occidentali fuit primus imperator, et rex Italiæ de Francia, quia cum insultum alienarum gentium non possent sustinere, fecerunt eum regem Italiæ, et pugnavit contra regem Longobardorum, et prævaluit.

Tempus claræ doctrinæ, ab Adriano. Sed quantum durabit, quis potest dicere? Certum est, quod in illo sumus. Certum est etiam, quod durabit usque ad dejectionem bestiæ ascendentis de abyso, quando confundetur Babylon, et dejicietur, et post dabitur pax.

Primum tamen necesse est, ut veniat tribulatio: et non est ponendus terminus; quia nullus seit quantum tempus illud pacis duret, quia<sup>1</sup>: « Cum dixerint: pax et securitas, repente veniet super eos interitus. »

Tempus autem septimum, scilicet ultimæ quietis, incipit a clamore angeli, qui jurabit<sup>2</sup> « per viventem in sæcula sæculorum, quod tempus amplius non erit; » sed in diebus septimi angeli consummabitur. Sed septem tempora Joannes in *Apocalypsi* comprehendit in septem visionibus: quælibet illarum est septiformis, et consurgit ad numerum jubilæi. Hæc septem tempora

clauduntur in Psalterio, ubi sunt tres quinquagenæ. Accipe ad hæc correspondentiam temporis figuralis, et salutis. In tempore naturæ conditæ tria fuerunt: primo, formatio hominis de terra; secundo, tentatio, transgressio, nudatio; tertio, ejectio. Unus enim filius interfecit alium, et ideo omnes filii, qui nati sunt de Cain, male fecerunt, et omnes perierunt. In novo testamento, post scripturam prophetalem et temporum cursus, formatus est Christus, sicut homo sexta die, qui<sup>3</sup> « præsit volatilibus cœli, et piscibus maris. » Sicut dicitur in *Psalmo*<sup>4</sup>: « Quid est homo, quod memor es ejus: aut filius hominius, quoniam visitas eum? Minuisti eum paulo minus ab angelis, gloria et honore coronasti eum. Omnia subjecisti sub pedibus ejus, oves, et boves universas, insuper et pecora campi; volucres cœli et pisces maris, » etc. Et quod intelligatur de Christo, Apostolus dicit<sup>5</sup>: « Eum, qui paulo minus ab angelis, gloria et honore, » etc.

Homo conditus de terra virginea, quæ nondum sanguinem suscepérat, signat Christum de Virgine natum. Sicut Eva de latere Adæ formata est, sic Ecclesia de Christi latere. Sed cum Christus nunquam prævaricatus fuerit, quomodo sibi correspondet transgressio Adæ? Hoc transferri debet a capite ad membra.

Notandum, quod Ecclesia posita fuit in Paradiso, quasi primus homo, ut operaretur, ubi nullus aliquid suum esse dicebat. Incœpit (b) enim in magna perfectione, quod modo in religiosis conservatur, quia amor Christi adhuc recens erat, et multa turba sacerdotum obediebat fideli. Hæc Ecclesia, scilicet quæ incœpit in Judæis, quia convertebantur modo quatuor millia, modo quinque millia, habuit lignum vitæ, lignum scientiæ. Lignum vitæ, scilicet fidem, quia<sup>6</sup> « justus ex fide sua vivit. » Habuit lignum scientiæ, scilicet legem, quæ remansit sibi ad videntium, et legendum, non ad vescendum;

<sup>1</sup> *I Thess.*, v, 3. — <sup>2</sup> *Apoc.*, x, 6. — <sup>3</sup> *Gen.*, i, 26. — <sup>4</sup> *Psal.*, viii, 5-9. — <sup>5</sup> *Hebr.*, ii, 9. — <sup>6</sup> *Habac.*, ii, 4; *Rom.*, i, 17.

(a) *Cæt. edit.* non habent Roman et. — (b) *Cæt. edit.* inedit.

imo<sup>1</sup> : « In quo die comedederis , morte morieris . » Unde lignum scientiae potes videre , non manducare , quia destrueres quidquid Christus fecit , et necesse esset subintrare mortem , quia<sup>2</sup> « littera occidit . » Unde Paulus dixit<sup>3</sup> : « Ego Paulus dico , quod si circumcidimini , Christus nil vobis proderit . » Doctores autem illi signantur per Adam fœcundantem , qui incumbentes super legem , quasi amantes uxorem , comederunt de ligno scientiae , ut legem observarent , et consenserunt serpenti , qui suadebat legem observandam : et inde orta est<sup>4</sup> hæresis Ebionitarum , qui dixerunt , quod Lex observanda cum Evangelio esset : et fuit tantus zelus legis , quod<sup>5</sup> « Petrus iret in illam simulationem : » sed gratia Dei ipsum liberavit : et inde sequitur ejectio , quod Deus ab eis recessit , et dispersi sunt , et maledicti in opere suo , et quasi a duobus ursis , Tito et Vespasiano , devorati sunt . Et sic Cain , scilicet populus Juðæorum , occisor fratris sui , signum habuit . In tempore calpæ purgatæ , similiter fuerunt tria : fabricatio arcæ , ostensio arcus , divisio linguarum . Noe per centum annos fabricavit arcam , in qua Noe cum septem animabus salvatus est . « Cujus typum gerit baptismus , » secundum quod dicit beatus Petrus<sup>6</sup> , et fluminis , et flaminis , et sanguinis .

In novo autem testamento , Clemens in arca collocatus est , quia<sup>7</sup> præparatum est sibi templum marmoreum angelicis manibus , et alii submersi sunt . Unde fuit magnum miraculum , quod per tot annos aperiebatur mare , donec piratae et latrones asportaverunt corpus ejus . Aliud fuit , ostensio arcus<sup>8</sup> ; et tunc eduxit Deus Noe , et pepigit cum eo foedus . Et in novo testamento decem tribulationes fuerunt ; unde Christiani poterant dicere<sup>9</sup> : « Domine , salva nos , perimus . » Et tunc eductus est Constantinus , et ostensum est sibi signum crucis in cœlo , in quo vincere debebat ; et tunc pepigit foedus , quod nun-

quam Romanorum imperium persequeretur Christianos . Tunc imperium Nemrod dissipatum est , et turris Babylonis , scilicet Romani , ad quam tunc omnes aspiciebant . Roma autem in Scripturis Babylon dicta est .

Facta est etiam linguarum divisio , et lingua hebræa remansit in domo hebræa , et remansit confessio Christi in populo christiano .

In tempore gentis electæ tria facta sunt : generatio Patriarcharum , descensus patriarchalis seminis in Ægyptum , afflictio populi , et liberatio ejus . In novo testamento similiter , Pontifici Romano datum est semen doctorum altissimorum in græca et latina lingua , quasi patriarchæ duodecim : Græci , Epiphanius , Basilius , Gregorius Nazianzenus , Gregorius Nyssenus , Athanasius , Chrysostomus ; Latini , Hieronymus , Augustinus , Hilarius , Ambrosius , Orosius , Gregorius . Post imperator descendit Constantinopolim , et alii post eum , et ibi obtinuerunt bona quæque . Mortuo Constantino , surrexit Constantius , « qui<sup>10</sup> ignorabat Joseph , » pessimus Arianus : et post Valentinianus , et Julianus apostata pessimus , et afflixerunt populum Dei per hæreses usque ad tempus Theodosii , qui natus est in Occidente , qui fuit christianissimus , qui dejecit et extirpavit Arianos , et Ecclesiam exaltavit<sup>11</sup> .

Doctores  
Græci , et  
Latini .

In tempore quarto , scilicet legis statutæ , fuit latio legis , prostratio hostium , distributio et vendicatio hæreditatum . In novo testamento , a Leone usque ad Gregorium , lata est lex canonica , politica , monastica . Leo enim partim ex quatuor conciliis , partim ipse canones ordinavit . Item prostratio hostium similiter per Justinianum , qui Vandulos , Gothos , Wisigothos , Longobardos , qui illas partes Italiæ invaserunt , superavit . Item distributio hæreditatis , quando Gallia , Britannia , Germania , conversa est ad fidem in plenitudine , et dilatata est Ecclesia in Occi-

<sup>1</sup> Gen. , II , 17. — <sup>2</sup> II Cor. , III , 6. — <sup>3</sup> Gal. , V , 2.  
— <sup>4</sup> Iren. , Adv. omn. Hær., lib. I , c. XXVI. — <sup>5</sup> Gal. , II , 13. — <sup>6</sup> I Petr. , III , 21. — <sup>7</sup> Cf. Niceph. , Hist.

eccl. , lib. III , c. XXVIII. — <sup>8</sup> Gen. , IX , 12. — <sup>9</sup> Matth. , VIII , 23. — <sup>10</sup> Exod. , I , 8. — <sup>11</sup> Cf. Socrat. Hist. tripart. , lib. IX , c. VII; Niceph. , lib. XII , c. IX et XV.

dente, licet adhuc essent idolorum templa in Francia; sed dilatatio fuit in terra promissionis, non in Aegypto; non circa Graecos, sed circa Latinos.

In quinto tempore regalis gloriæ fuerunt tria, scilicet dejectio superbi regis, ampliatio cultus divini, divisio decem tribuum a duobus. In novo testamento, tempore sublimis cathedralæ, a Gregorio usque ad Adrianum, patriarcha Constantinopolitanus contendebat cum Romano Pontifice, et dicebat se Patriarcham Catholicum, id est universalem; et fuit excommunicatus et humiliatus, et thronus David exaltatus fuit, sicut Petro promiserat Dominus. Similiter Gregorius adhuc juvenis, et nondum pontifex, pugnavit cum Eutychio (*a*), qui negavit resurrectionem; et devicit eum in conspectu populi, ut David Goliam. Sicut etiam David ampliavit cultum, sic iste ordinavit officium. Et sicut David ducebatur arcam cum septem choris, sic iste fecit processionem cum septem choris. Et sicut David vidit angelum percutientem super Hierusalem, et promeruit ut cessaret, sicque factum est, quod Graeci videntes Ecclesiam Romanam exaltari, divisi sunt, et ceciderunt in haeresim eutychianam, et hoc tempore Heraclii, qui primo fuit bonus, et postea cecidit in haeresim. Post illum nunquam fuit imperator in Oriente. Sicut etiam Assyrii vastaverunt Judæos, sic Saraceni occupaverunt ecclesiam Antiochenam, Hierosolymitanam, Alexandrinam, Constantinopolitanam, usque in Siciliam. Sicut illæ decem tribus ceciderunt, et recesserunt a domo David, sic illæ ecclesiæ, quia ceciderunt, et recesserunt a Petro cui dictum erat<sup>1</sup>: «Tibi dabo claves regni, » inciderunt in lupos.

In sexto tempore facta sunt tria: præclaritas victoriae, præclaritas doctrinæ, præclaritas vitae propheticæ: præclaritas victoriae in Sennacherib, qui venit contra Hierusalem, et angelus Domini interfecit centum octoginta quinque millia; et Ezechias contra naturam sanatus est, et sol retrocessit. Simi-

(a) *Cœl. edit.* Eutychie.

liter in tempore Adriani per Carolum, qui miraculose fecit triumphos, quasi missus angelus a Domino, et sol, id est æstus tribulationis, abiit retro, et facta est pax Ecclesiæ, ut postea constitueret archiepiscopos, episcopos, et cœnobia.

Hoc tempore fuit claritas doctrinæ, quia Carolus vocavit clericos, et scripsit libros, ut in Sancto Dionysio Bibliam, et in multis locis; et incœperunt legere, et prosperari; religiosos etiam collocavit. Hoc tempore oportuit venire vitam per ordinem, qui haberet vitam propheticam; hoc autem tempus est gemituū, id est, sicut in passione Domini fuit primo lux, deinde tenebræ, postea lux, sic necesse est ut primo sit lux doctrinæ, et sucedat Josias Ezechiæ, postquam facta est tribulatio Judæorum per captivitatem. Necesse est enim ut surgat unus princeps, zelator Ecclesiæ, qui est, vel erit, vel jam fuit. Et additur: Utinam jam non fuerit, priusquam sit obscuritas tribulationum.

Similiter Carolus exaltavit Ecclesiam; et qui videbantur Petri successores, oppugnaverunt eam. Nam tempore Henrici Quarti fuerunt duo papæ; similiter tempore Friderici Magni, duo. Et certum est, quod aliquis inter eos voluit exterminare Ecclesiam; sed angelus ascendens ab ortu solis, clamavit quatuor angelis<sup>2</sup>: «Nolite nocere terræ et mari, quousque signemus servos Dei nostri, » etc. Unde adhuc restat Ecclesiæ segregatio, seu tribulatio. Et dictum est angelo Philadelphiae, qui sextus est<sup>3</sup>: «Hæc dicit Sanctus et Verus, qui habet clavem David; qui aperit, et nemo claudit; claudit, et nemo aperit. Scio opera tua, quia ecce dedi coram te ostium apertum: » et dixit quod adhuc intelligentia Scripturæ daretur, vel revelatio, vel clavis David, personæ vel multitudini; et magis credo, quod multitudini. In septimo tempore scimus, quod hæc facta sunt, reædificatio templi, restauratio cultus, et pax data est. In tempore septimo futuro

<sup>1</sup> Matth., xvi, 19. — <sup>2</sup> Apoc., vii, 3. — <sup>3</sup> Apoc., iii, 7-8.

Carolus  
Magnus  
littera-  
rum res-  
taurator.

Exalta-  
tio Ec-  
clesiæ  
per Ca-  
rolum.

erit reparatio divini cultus, cum replebitur prophetia Ezechielis. Quando descendet de celo civitas: non quidem illa, quae sursum est; sed illa quae deorsum est, scilicet militans, quando erit conformis triumphanti, secundum quod possibile est in via, tunc erit reædificatio civitatis, et restauratio sicut a principio, et tunc pax erit. Quantum autem durabit illa pax, Deus novit. Igitur cum sint septem tempora, et in veteri testamento et in novo, et in quolibet triforme, vel in quolibet tria sint, septenarius, multiplicatus per ternarium bis, quadraginta duo facit: et illæ sunt quadraginta duæ mansiones, quibus pervenitur ad terram promissionis. Et sic patet, quomodo Scriptura describit successiones temporum, et non sunt a casu et fortuna, sed magna lux est in eis, et multæ intelligentiæ spirituales.

### SERMO XVII:

*Quomodo Scriptura reficit intellectum et affectum, et anima quasi in Paradiso delectatur, et de theoriis sacrae Scripturæ.*

<sup>1</sup> *Protulit terra herbam virentem*, etc. Dictum est quod visio intelligentiæ per Scripturam eruditæ versatur circa tria: circa intelligentias spirituales, quæ intelliguntur per congregations aquarum; circa figuræ sacramentales, per germinationem herbarum, vel arborum; circa theorias multiformes, per multiplicationem seminum, et refectionem herbarum. Istæ etiam theoriae consistunt in tribus: in considerationibus temporum sibi succendentium, quæ sunt seminaria quædam; in correspondentia eorumdem; et in considerationibus salutarium refectionum, quia <sup>2</sup> « non in solo pane vivit homo. » Considerare namque debet homo ex quo pascatur, quia eloquio Scripturæ. Unde est lignum faciens fructum. Indiget enim intellectus refectione; indiget et affectus. Primo dicendum de refectione intellectus. Sed, sicut dicit Apostolus <sup>3</sup>: « Laborantem

agricolam oportet prius edere de fructibus: » quia eportet quod prædictor sit imbutus et dulcoratus in se, et post aliis proponat. Multi tamen volunt videri prophetæ, et audiri tanquam prophetæ; et panis eorum insipidus est, vel male coctus et frigidus; et populum detinent, et parum proficiunt. Notandum, quod sicut fructus oblectat visum et gustum in faune, maxime tamen principalius visum oblectat sua pulchritudine et decore; gustum vero dulcore et suavitatem: sic illæ theoriae reficiunt intellectum suo decore, et affectum sua suavitatem. Hoc innuit Scriptura, dicens <sup>4</sup>: *Plantaverat autem Dominus Deus paradisum voluptatis a principio, in quo posuit hominem*, etc. Hoc dictum est per recapitulationem, post septimam diem, quia ista plantatio fuit tertia die. Sequitur <sup>5</sup>: *Produxitque omne lignum pulchrum visu, et ad vescendum suave*. Lignum vitæ in medio paradisi, lignum scientiæ boni et mali, ut intellectum suo decore reficeret, et affectum suavitatem. Conservatio autem erat in ligno vitae, si lignum scientiæ caveretur. Terra ergo est Scriptura, quæ produxit omne lignum pulchrum visu, et ad vescendum suave, scilicet multiformes theorias oblectantes et reficientes; in paradiso autem cœlesti non est plantatio nisi rationum æternarum. Et licet ibi sit refectio de prædestinatis omnibus sanctorum, potissime tamen gaudebo de mea prædestinatione, et hoc innuit Salvator <sup>6</sup>: « Gaudete, » inquit, « quia nomina vestra scripta sunt in cœlis. » Paulus potuit loqui de paradiso cœlesti, qui raptus fuit <sup>7</sup> « usque ad tertium cœlum. » Nos autem nescimus; sed loquemur de terrestri. Est autem anima paradiſus, in qua plantata est Scriptura, et habet innumerabiles suavitates et decores. Unde scriptum est <sup>8</sup>: « Hortus conclusus, soror mea sponsa. » Hortus, in quo sunt sacramentalia mysteria, et spirituales intelligentiæ; ubi scaturit fons spiritualium emissionum: sed conclusus est

<sup>1</sup> Gen., i, 12. — <sup>2</sup> Matth., iv, 4. — <sup>3</sup> II Tim., ii, 6.

— <sup>4</sup> Gen., ii, 15. — <sup>5</sup> Gen., i, 13. — <sup>6</sup> Luc., x, 20. —  
<sup>7</sup> II Cor., xii, 2. — <sup>8</sup> Cant., iv, 12.

hortus, et fons signatus, quia non patet immundis, sed illis de quibus<sup>1</sup> : « Novit (*a*) Deus, qui sunt ejus. » Hunc hortum aeterna sapientia diligit, et circa eum versatur; unde in *Ecclesiastico* dicitur<sup>2</sup> : « Ego sicut fluvius Dorix exivi de paradiſo. » Item hunc hortum rigavit ille, qui omnes plantat. Quam enim plantationem ipse non plantat, illa eradicabitur.<sup>3</sup> « Omnis plantatio, » inquit ille, « quam non plantavit Pater, » etc. Sequitur<sup>4</sup> : « Dixi, rigabo et inebriabo hortum, » etc. Rigat autem sanguine, quo aspersus est liber, et omnis populus; rigat affluentia Spiritus sancti manantis ab ipso, quam Scriptura habet, et quam invenimus in Scriptura. Haec sunt ergo ligna pulchra visu, etc., ratione fructuum pulchrorum et dulcium. De refectione intellectus dicendum. Sicut enim corpus sine cibo perdit virtutem, decorum, et sanitatem, sic intelligentia veritatis sine suo cibo tenebrescit, infirma (*b*), deformis, et instabilis fit in omnibus: oportet ergo refici. Hinc est, quod mens vagabunda non habens cibum, discurrit, et est instabilis.<sup>5</sup> « Peccatum peccavit Hierusalem: propterea instabilis facta est; » et ideo ejecta de paradiſo, vagatur, et dat « quæque pretiosa ad refocillandam animam» miseram et infirmam. Haec enim passio instabilitatis, miseria magna est. Propter quod nihil sanius, nisi ut restringantur cogitationes, ne vagentur in malum. Unde Joannes Cassianus<sup>6</sup> venit cum multis ad quemdam sanctum patrem; et conquestus est de instabilitate cogitationis, et quod in nullo poterat firmare intellectum. Et ille respondit: « Si illa quæ nunquam versata fuerant in corde, tunc cogitabant? » Respondit, quod « in tantum, quod vix de aliquo alio cogitare poterat, imo etiam dormiendo: » cui ille dixit, quod « illud erat propter consuetudinem. » Unde oportet assuescere circa rem aliquam, quæ cum in mentem venerit, non sit mala. Haec autem

est Scriptura, ubi non unum, sed multa inveniuntur, in quibus est delectatio spirituallis; et sic non exhibimus hortum paradisi: sic erit anima, ut operans et custodiens, et faciet (*c*) sibi ex ea hortum parvum in mente deliciosum. In hac sola scientia est delectatio, non in aliis. Philosophus dicit<sup>7</sup>, quod magna delectatio est scire, quod diameter costæ est asymmeter: haec delectatio sic cito desinens, suo modo comedat illam. Egreditur autem de Scriptura quædam lux, seu illustratio, in intellectum junctum imaginationi, ut non pateat egressus sapienti, et hoc aspicienti intra, extra, infra, supra. Proponit ergo Scriptura suis pullulationibus spectacula nobilia, ut ab intra, extra, infra, supra, ante, retro, dextrorum, sinistrorum, ex opposito, in gyro, e longinquo, e vicino. Illustrat ab intra per interna spectacula, quæ sunt rationabilia fidei et radicalia; ab extra autem per exempla extrinseca, de quibus tota Scriptura est plena. Si vis exemplum patientiæ, respice Job et Tobiam; si magnanimitatis, respice David contra Goliam, et Judam Machabæum: si fidei exemplum, Abraham, et Mariam, cuius fides transeendit fidem Abrahæ. Abraham credidit posse habere filium de sterili sene; sed Maria, quod virgo conciperet de Spiritu sancto: neque concepisset, nisi credidisset. Si exemplum charitatis, vide Moysen, qui dixit<sup>8</sup>: « Aut dimitte eis noxam, aut dele me de libro, » etc. Si exemplum misericordiæ, lege in *Ecclesiastico*, ubi scriptum est<sup>9</sup>: « Ili sunt viri misericordiæ, » etc. Si de justitia, fortitudine, prudentia, munditia, de omni virtute honesta, proponit tibi infinita exempla, quia virtus consistit circa operationes particulares. Ideo non sufficit regula interius directiva, nisi exemplum adsit particolare. Et ideo Scriptura utrumque ponit, et de utroque dedit regulam. Unde in *Proverbii* dicitur<sup>10</sup>: « Responsio mollis frangit lib. 1, c. *De impossib.; Poster.*, lib. 1, text. 5; *de general. Animal.*, lib. II, c. IV. — <sup>8</sup> *Exod.*, xxxii, 32. — <sup>9</sup> *Ecliti*, xliv, 10. — <sup>10</sup> *Prov.*, xv, 1. — (*a*) *Vulg.* Cognovit. — (*b*) *Al.* intima. — (*c*) *Cæt. edit.* facit.

<sup>1</sup> *Il Tim.*, II, 19. — <sup>2</sup> *Ecli.*, xxiv, 41; de hoc vide, tom. I, pag. 10, not. e. — <sup>3</sup> *Matth.*, xv, 13. — <sup>4</sup> *Ecli.*, xxiv, 42. — <sup>5</sup> *Thren.*, I, 8, II. — <sup>6</sup> *Cass.*, *Collat.*, I, c. xvi et seq., et XX, c. xii et xiii. — <sup>7</sup> *Arist.*, *Rhet.*,

iram. <sup>1</sup> Vide exemplum de Abigail, quæ frēgit iram David. Item illustrat a supra; docet enim Scriptura de his, quæ sunt supra. Unde Apostolus<sup>2</sup>: « Scimus, quod si domus nostra terrena dissolvatur, habitationem non manu factam, » etc. Et <sup>3</sup>: « In domo patris mei mansiones multæ sunt, » ait Salvator; et in *Psalmis* dicitur <sup>3</sup>: « Filii hominum sub umbra alarum tuarum sperabunt. Inebriabantur ab ubertate domus tuæ, et torrente voluptatis tuae potabis eos : quoniam apud te est fons vitæ. » Et alibi dicitur<sup>4</sup>: « Delectationes in dextera tua usque in finem. » Proponit ergo nobis divina promissa. Item illustrat ab infra, proponendo inferni tormenta; *Psalmus* enim dicit<sup>5</sup>: « Pluet super peccatores laqueos; ignis et sulphur, et spiritus procellarum, pars calicis eorum. » Et <sup>6</sup>: « Pars eorum in stagno ignis et sulphuris. » Et <sup>7</sup>: « Ascendit fumus tormentorum in saecula saeculorum. » Hæc proponit Scriptura a principio, ubi dictum est<sup>8</sup>, quod « tenebræ erant super faciem abyssi, » usque ad finem. Proponit ergo interna spectacula, extrinseca exempla, cœlestia promissa, inferni supplicia. Si ista tibi non sufficiunt, et vis exire, et alibi quærere refectionem intellectus; adhuc dicitur tibi: Habeo alias arbores, alias fructus, in quibus potes refici. Illustrat antrorum, per præcepta directiva; retrorum, per districta judicia; dextrorum, per severa solatia: sinistrorum, per dulcia seu benigna flagella. Oportet enim lumen habere ante se<sup>9</sup>: mandatum enim lucerna est, lex lux: hoc dirigit in cœlum. Unde<sup>10</sup>: « Si vis ad vitam ingredi, serva mandata. » Quibus adduntur consilia: hæc proponit nobis Scriptura ubique. Unde in illo *Psalmo*<sup>11</sup>: « Beati immaculati, » et: « Legem pone mihi, Domine, viam justificationum tuarum, » etc.; in omni versu fit mentio de mandatis, vel sub ratione legis, vel nomine legis, vel testimonii, vel eloquii, vel alicujus

<sup>1</sup> II Cor., v, 1. — <sup>2</sup> Joan., XIV, 2. — <sup>3</sup> Psal. XXXV, 8-10. — <sup>4</sup> Psal. XV, 11. — <sup>5</sup> Psal. X, 7. — <sup>6</sup> Apoc., XXI, 8. — <sup>7</sup> Apoc., XIV, 11. — <sup>8</sup> Gen., I, 2. — <sup>9</sup> Psal. CXVIII, 105. — <sup>10</sup> Matth., XIX, 17. — <sup>11</sup> Psal. CXVIII, 1,

nominis. Unde etiam apud Hebræos, omnis versus unius octonarii ab eadem littera incipit: quod non potuit servari apud nos, ut viginti duæ litteræ respondeant viginti duobus octonariis: et quilibet habet octo versus. Unde Augustinus turbatus fuit circa tantam identitatem: quod tamen est magna scientia, et mira varietas. Unde Augustinus semel vidit unam arborem pulcherrimam, habentem viginti duos ramos, et quilibet habebat octo ramusculos, et de illis guttæ dulcissimæ rorabant; et intellexit, quod illa arbor esset *Psalmus Beati immaculati in via*. Unde meditatio legis summe necessaria est; unde in *Psalmo* dicitur<sup>12</sup>: « Beatus vir, qui non abiit in consilio impiorum, » etc., (a) « sed in lege Domini fuit voluntas ejus, » etc. (b). « Et erit tanquam lignum, quod plantatum est, » etc. In *Ecclesiastico*<sup>13</sup>: « In multis operibus ejus ne fueris curiosus; sed quæ præcepta sunt tibi, illa custodi (c) semper. » Item illustrat retrorum per districta judicia: semper enim fecit Deus districta judicia de transgressionibus præceptorum, ut de angelo, de Adam, de uxore sua, de Cain, de illis luxuriosis, super quos diluvium venit, de superbis qui ædificaverunt turrim, de Chananæis, de Israel. Similiter Novum Testamentum plenum est judiciis. Judicium autem est retro; præceptum ante. Judicium respicit præceptum. Si transgrediaris, punieris: nisi sequaris lucem dirigentem, gladius percutiet te; unde dicit *Psalmus*<sup>14</sup>: « Nisi conversi fueritis, gladium suum vibravit, arcum suum tetendit, et paravit illum. Et in eo paravit vasa mortis, sagittas suas ardentibus effecit. » Arcus judicium Scripturæ; duritia ligni, Vetus Testamentum: chorda quæ lignum fleetit, Novum Testamentum; judicia duriora et leviora, sunt sagittæ. Unde dicit *Psalmus*<sup>15</sup>: « Lex Domini immaculata, convertens animas: testimonium Domini fidele, sapientiam præstans parvulis. Judicia

33, etc. — <sup>12</sup> Psal. I, 1, 2. — <sup>13</sup> Eccl., III, 22.

<sup>14</sup> Psal. VII, 13 et seq. — <sup>15</sup> Psal. XVIII, 8 et seq.

(a) Cœt. edit. deest, etc. — (b) Item. — (c) Vulg. cogita.

**D**omini, vera, justificata in semelipsa, » etc. Item dextrorum illustrat per severa solatia. Nec sine causa dicuntur solatia severa, et flagella benigna, quia solatia sunt periculosa. Vide Adam, Saul, Salomonem, Hiero-boam idololatram, et primum angelum, quibus omnibus solatia temporalium, et excellentiæ fuerunt occasio ruinæ. Sunt autem occasio ruinæ, quando placent; quando autem non placent, non se ingerit homo. Unde Christus noluit habere solatium temporale, quia<sup>1</sup> : « Cadent a latere tuo mille, et decem millia a dextris tuis, » etc., ait *Psalmus*. Plus debet quis velle esse in ista parte, in qua pauciores cadunt. Item sinistrorum per benigna flagella illustrat. Unde Dominus permisit Abel justissimum interfici. Vide Noe, qui cum centum annis fabricabat aream, et ponebat ibi quidquid habebat, tunc totus mundus ipsum despiciebat. Et dico hoc, quod rex Franciæ non posset hodie talem facere, qui considerat eam secundum mensuram cubitorum geometricorum. De Abraham, similiter Isaac et Jacob, qui peregrinati fuerunt; et Joseph, qui exaltari non poterat, nisi præcessisset venditio, incarcerationis, et humiliatio. Vide Moysen, quem Deus debet præponere toti mundo, quomodo fuit humiliatus; pascebat oves per quadraginta annos unius sacerdotis. Similiter David, quandiu fuit in tribulatione, optimus pastor, et ad regnum venit per tribulationes; et postquam fuit in prosperitate, multa peccata commisit. Similiter Ezechias in infirmitate valde humilis fuit, sed postea superbus in adventu nuntiorum Babyloniorum. Vide Eliam pauperculum, qui non habebat ad comedendum, nisi quod corvus sibi ministrabat, et illa paupercula vidua Sareptana : qui tamen cœlum claudebat. Vide sanctum Joannem Baptistam, qui septem annorum existens, intravit desertum, et ibi super lapides jacebat. Similiter de Christo, et de apostolis. Unde dicit Paulus<sup>2</sup> : « Lapidati sunt, secti

sunt, tentati sunt, » etc. Flagella ergo sunt suavissima. Aut ergo Dominus flagellat, aut non :<sup>3</sup> « Flagellat autem omnem filium, quem recipit. » Probatum est hoc per particularia : ergo debet inferri universaliter.

Adhuc etiam habet Scriptura arbores ad reficiendum. Illustrat autem ex his, quæ sunt ex opposito. Ostendit enim nobis acies infinitas contra nos, modo per septem duces, modo unum bellum, modo multa : illud bellum est ab illo die, quo<sup>4</sup> « Michael et angeli ejus præliabantur cum dracone. » Imminet autem nobis triplex bellum : bellum domesticum, bellum civile, et bellum campestre. Primum cum carne, quæ habet multas acies : hæc ancilla semper parata est aperiare, sicut Eva. Unde dicit *Michæas*<sup>5</sup> : « Ab ea, quæ dormit in sinu tuo, custodi claustra oris tui. » Item bellum civile est tentatio mundi. « Omnis enim<sup>6</sup> creatura est in muscipulam, » quia creaturæ pulchritudo trahit homines. Unde *Ecclesiastes*<sup>7</sup> : « Vanitas vanitatum, et omnia vanitas. Quid habet homo de universo labore, quo laborat, » etc. Vane et frustra fit, de quo nihil relinquitur : sed nihil relinquitur homini in morte : et ideo cuncta vanitas, ut in *Psalmo* dicitur<sup>8</sup> : « Averte oculos meos, ne videant vanitatem. » Item est bellum campestre hostile cum dæmonibus, qui die ac nocte infestant. Modo magnificant, ut præsumamus, modo per considerationem scientiæ, modo per considerationem sanitatis; modo faciunt hominem iracundum, et sic diabolicum, et sic adimpletum spiritu malignitatis; et faciunt eum cadere in tristitiam et desperationem, et sic de aliis. Hæc docet fugere Scriptura. Quæ enim scientia docet fugere contrarias potestates? Nulla. Item illustrat in gyro, ut non esse fugiendum, quia undique præsidia habeamus: habemus enim ipsum Dominum et angelos circa nos. Unde *Psalmus*<sup>9</sup> : « Montes in circuitu populi sui. » Unde puero Elisei clamante propter latrones Syriæ, qui

<sup>1</sup> *Psal.* xc, 7. — <sup>2</sup> *Hebr.*, xi, 37. — <sup>3</sup> *Hebr.*, xii, 6.  
— <sup>4</sup> *Apoc.*, xii, 7. — <sup>5</sup> *Mich.*, ii, 7. — <sup>6</sup> *Sap.*, xiv, 11.

— <sup>7</sup> *Eccle.*, i, 1 et seq. — <sup>8</sup> *Psal.* cxviii, 37. —  
<sup>9</sup> *Psal.* cxxiv, 2.

volebant eum capere, dixit Eliseus<sup>1</sup>: « Domine, aperi oculos pueri hujus; et aperuit Dominus, et ecce mons plenus quadrigis » in circuitu Elisei. Jacob etiam timens fratrems suum, vidi angelos; unde dixit<sup>2</sup>: « Castra Dei sunt hæc. » Unde *Psalmus* dicit<sup>3</sup>: « Dominus illuminatio mea, et salus mea; quem timebo? » et alibi<sup>4</sup>: « Nisi quia Dominus erat in nobis, dicat nunc Israel, » etc., usque in finem. Item illustrat e longinquo per figurarum signa: facit autem figuras de omnibus. Omnia autem quæ sunt in mundo reducuntur ad duodecim, quibus utitur Scriptura, quæ sunt signa longinqua in Scriptura: cœlestes formæ, elementares, metereologicæ, minerales; naturæ germinum, natatilium, volatilium, gressibilium; humana organa, humanæ vires, humana opera, humanæque artes. Primum ergo est forma cœlestis. Utitur enim Scriptura omnibus cœlis et stellis; unde *Psalmus* dicit<sup>5</sup>: « Cœli enarrant gloriam Dei, et opera manuum. » Et *Ecclesiasticus*<sup>6</sup>: « Altitudinis firmamentum pulchritudo ejus; species cœli in visione gloriæ. » Formæ elementares: ignea, aerea, aquæ, terrea; omnibus utitur Scriptura. Aliquando utitur naturis meteorologicis, ut nube, pluvia, rore, nive, etc.; et luminibus apparentibus in cœlo, fluminibus, stagnis, quibus omnibus utitur. Aliquando utitur mineraлиbus, ut septem metallis principalibus; et interdum lapidibus pretiosis, ut in *Genesi*<sup>7</sup>: « Ibi, inquit, nascitur bdellium, et lapis onychinus; » et ibidem etiam: « Aurum terræ illius optimum est; » et in *Apocalypsi*<sup>8</sup>: « Duodecim lapides pretiosi (a). » Aliquando vero utitur naturis germinum, ut arborum, herbarum, plantarum, fructuum; de germinibus etiam tractat, et de terræ nascentibus. Aliquando utitur naturis natatilium, ut de Leviathan, et piscibus. Aliquando utitur naturis volatilium, ut de accipitre, de aquila, de columba, de passere. Et

<sup>1</sup> IV *Reg.*, VI, 17. — <sup>2</sup> *Gen.*, XXXII, 2. — <sup>3</sup> *Psal.* XXVI, 1. — <sup>4</sup> *Psal.* CXXIII, 1. — <sup>5</sup> *Psal.* XVIII, 1. — <sup>6</sup> *Ecli.*,

est magnum mysterium, quia tantum tria genera volatilium ponuntur in sacrificio. Loquitur etiam de avibus lucifugis, et de avibus lucis. Item, nec sine mysterio, tria genera volatilium offerebantur. Item de animali gressibili, de serpente, de colubro<sup>9</sup>: « Quasi a facie colubri fuge peccatum; » qualiter permisit Deus tentationem fieri per serpentem. Item de vulpibus, de capra, de porcis, de cervo, de hinnulo, de bobus. Nec sine mysterio etiam tria genera gressibilium offerebantur, et sacrificabantur. Item de natura hominis, et ejus partibus partim ad Deum translatis, partim ad angelos. Unde Dionysius ostendit<sup>10</sup>, quid signant membra humana in angelis. Item vires vegetables, vires sensibiles, rationales, quibus omnibus Scriptura per totum utitur. Item de operibus humanis, ut constructione domorum, agrorum, mercatura, et de omnibus artibus liberalibus et mechanicis. Theologus enim modo est ut arithmeticus, modo ut astrologus, modo ut geometer: videbis modo eum rhetorem, modo medicum. In hac decima consideratione est periculum, quia periculum nimis est longe recedere a Scripturæ domo: puer enim nunquam vult multum recedere a domo: sic periculum est in scientiis, quod tantum diffundat se homo per considerationes harum scientiarum, ut postea ad domum Scripturæ redire non possit; melius enim est tenere veritatem, quam figuram. Sicut, si viderem faciem tuam, et rogarem te ut apportares speculum clarum, ut ibi viderem faciem tuam, stulta esset ista petitio: sic de Scripturis sanctis, et figuris aliarum scientiarum. Item illustrat per gratiarum dona e vicino, quæ supplent omniā, quæ non habet industria. Multi enim venerunt hospites ad domum nostram, id est, ad nostram industriam. Sed in his debet industria ponere terminum. Unde illustrat e vicino; unde

<sup>7</sup> *Gen.*, II, 11, 12. — <sup>8</sup> *Apoc.*, XXI, 21.

<sup>9</sup> *Ecli.*, XXI, 2. — <sup>10</sup> *Dion.*, de *Cœl. Hier.*, c. xv.

(a) *Vulg.* margaritæ.

non oportet longe ire pro re quæ prope est. Describit enim Spiritus sancti dona Scriptura per totum, unde in Joanne dicit<sup>1</sup>: « Jesus fatigatus ex itinere sedebat sic super fontem. » Sequitur<sup>2</sup>: « Qui biberit ex aqua, quam ego dabo, fiet in eo fons aquæ salientis in vitam æternam : » aqua est notitia veritatis, quæ sitim extinguit. Unde duplex aqua describitur, scilicet duplex notitia. Una exterior, de qua qui bibet, plus silit; hæc est notitia, quæ tantum quærerit, ut sciat, et ibi silit. Alia interior, quæ ad gustum procedit, et interius per gratiarum dona reficit, de qua<sup>3</sup>: « Qui credit in me, sicut dicit Scriptura, flumina de ventre ejus fluent aquæ vivæ. Hoc dixit de Spiritu sancto, quem accepturi erant credentes in eum. » Istæ sunt<sup>4</sup> « aquæ de fontibus Salvatoris, » scilicet notitiæ gratarum reficientes animas. Juxta hæc mysteria, est mysterium ligni vitæ, et mysterium ligni scientiæ boni et mali: qui enim tantum quærerit notitiam, gustat (a) ligno boni et mali. Et hoc signatum est in Isaia dicente<sup>5</sup>: « Pro eo, quod abjecit populus ille aquas Siloe, quæ currunt cum silentio; adducet Dominus super eos aquas, » etc. Unde dicit Hieronymus<sup>6</sup>: « Aquæ Siloe currunt cum magno murmure. Ergo videtur quod intellectus aliis ibi est. Aquæ currentes cum silentio, sunt sacræ Scripturæ, quæ nisi in silentio addisci non possunt, et ibi fit illuminatio. » In signum hujus dictum est cæco<sup>7</sup>: « Vade, lava in natatoria Siloe, quod interpretatur Missus : » aquæ enim istæ per revelationem sunt. Sed oportet prius linire oculos luto ex sputo et pulvere (b) facto: saliva est sapientia; pulvis, caro Christi; lutura, fides de mysterio incarnationis. Qui autem quærunt<sup>8</sup> Rasin, et filium Romeliae, sunt qui quærunt exteriores scientias. Et ideo princeps Assyriorum dominabitur eis, quia Dominus voluit. Et hoc notandum est, quod filii Israel habuerunt vasa argentea

<sup>1</sup> Joan., IV, 6. — <sup>2</sup> Ibid., 14. — <sup>3</sup> Joan., VII, 38. — <sup>4</sup> Isa., XII, 3. — <sup>5</sup> Isa., VIII, 6. — <sup>6</sup> Hieron., in Isa.,

Ægypti: sed postea nunquam voluit Dominus quod reverterentur in Ægyptum. Hæ sunt illuminationes duodecim intellectuales in paradyso mentis humanæ, ita quod undecima est lignum scientiæ boni et mali; duodecima autem est lignum vitæ.

## SERMO XVIII.

*Quomodo intellectus ordinatur ad affectum, et de fructibus eorum.*

<sup>9</sup> *Protulit terra herbam virentem*, etc. Dictum est supra, quod illæ theoriæ reducuntur ad considerationem duplice: ad considerationem successum temporum, et sibi multo correspondentium in gubernatione mundi, et sic intelliguntur per semina; consistunt etiam circa considerationem salubrium circumspetionum, vel refectionum, quibus anima reficitur, et sic intelliguntur per fructus: et sic ille fructus est decorus, secundum quod ipso reficitur intellectus; et est sapidus, secundum quod ipso reficitur affectus: sed hæc refectione adhuc ad aliud ordinatur. Dictum est autem, quoniam intellectus illustratur per has theorias, ut ultra procedatur ad gustandum ejus fructum, et hoc necesse est. Qui enim ad hoc tantum laborat, ut sciat quid et quomodo loquatur, interius vacuus remanet, ut dicit Gregorius, ab interna devotione: quia secundum Apostolum<sup>10</sup> fiunt « velut æs sonans, aut cymbalum tinniens. » Illustratur autem intellectus duodecim modis, ut dictum est; sed in quatuor modis ultimus melius dicetur, quam dicebatur prius, ut idem, quod ponebatur in undecimo loco, ponatur in duodecimo. Illa ergo quatuor, quibus utitur Scriptura et illustratur anima, sunt quatuor civium præsidia, qui sunt spiritus hierarchici e directo; item hostium certamina ex obliquo, ut patet de tribus hostibus: gratiarum dona, e vicino: figurarum signa, e longinquo.

VIII. — <sup>7</sup> Joan., IX, 7. — <sup>8</sup> Isa., VIII, 6. — <sup>9</sup> Gen., I, 12. — <sup>10</sup> 1 Cor., XIII, 4.

(a) *Suppl. de.* — (b) *Cæt. edit.* et sputo ex pulvere.

Hæc est illustratio ultima, quia per hanc ultimam præcedentes intrant, ad quam concipiunt formæ cœlestes, elementares, meteoreologicæ (a), minerales : naturæ gressibilium, natatilium, volatilium, humana membra, humanæ vires, humana facta, humanæ artes, ex quibus anima assurgit in laudem Dei. Et iste actus est affectus, qui habet rectificare intellectum. Verum est, quod circa ista incidit periculum ligni scientiæ boni et mali, ut dimisso ligno vitæ, scilicet suavitate affectus, anima evagetur circa scientias alias, et in tantum elongetur, ne redire possit, et excludatur a deliciis paradisi, et non gustet de ligno vitæ. Edere de ligno vitæ, his illustrationibus est refici, ut homo nihil quærat, nisi intellectum veritatis, affectum pietatis, delectationem suavitatis, et solatium contemplationis. Sed quando homo horum obliviscitur, et delectatur in studio curiositatis, vult scire tantum; et ex hoc nascitur supercilium vanitatis, cum alios despicit, ex quo sequitur litigium contentionis: quia reputat se despiciendum, quando quis respondet ei, et semper paratus est contra illos qui resistunt ei. Et per hoc aufertur homini vera vita, et quieta, sicut Adam vel potius mulier curiosa fuit, et voluit esse sicut Deus; et ideo consuerunt sibi perizomata, et refuderunt culpam in alium, ut Adam in Deum, quia uxorem talem dederat sibi; mulier autem in serpentem. Debent ergo illæ illustrationes intrare in affectum, ut intellectus reficiatur et rectificetur. In hoc horto multa deambulatio est, quia si non placet stare in primo, vade ad secundum, et sic de aliis. Et sic stipatus est malis, unde in *Canticis* dicitur<sup>1</sup>: « Fulcite me floribus, stipe me malis. » Et *Psalmus*<sup>2</sup>: « Seuto circumdabit te veritas ejus. » Sic intellectus ergo ordinatur ad affectum, et fides est via ad charitatem, sic istæ illustrationes transire debent in affectum, ut intellectus speculativus fiat practicus. Oritur autem ex his

(a) *Cæt. edit.* metheorologicæ, et sic deinceps.

quaternarii fructus triplex: ex primis quartuor oritur fructus gratiæ; ex mediis, fructus justitiæ; ex ultimis fructus sapientiæ. De his fructibus in *Deuteronomio* dicitur<sup>3</sup>: « De benedictione Domini terra ejus, » dicitur de Joseph, « de pomis cœli, et rore atque abyso subjacente: de pomis fructuum solis et lunæ: de vertice antiquorum montium: de pomis collum æternorum, de fructibus terræ, et de plenitudine ejus. » Tangit istum triplicem fructum, sive istas illustrationes, secundum quod generant poma refectiva, secundum quod iste triplex fructus est a Christo, unde in *Canticis*<sup>4</sup>: « Sicut malus inter ligna silvarum, sic dilectus meus inter filios. Sub umbra illius, quem desiderabam, sedi, et fructus ejus dulcis gutturi meo. » De fructu gratiæ scriptum est<sup>5</sup>: « Dominus dabit benignitatem, et terra nostra dabit fructum suum. » De fructu justitiæ in *Cantico*, supra. De fructu sapientiæ, in *Proverbiiis* dicitur<sup>6</sup>: « Primi et purissimi fructus ejus. » Isti ergo fructus oriuntur a Christo, a Joseph benedicto, qui producit poma de cœlo, rore, abyso subjacente, scilicet charismata gratiarum per modum roris in corda humilia. Per poma solis et lunæ, et verticem montium, intelligitur exercitium perfectæ justitiæ, quæ est in hoc, quod homo se exerceat ad mandata Dei implenda, secundum statum subjectionis, prælationis, contemplationis. De pomis solis intelligitur quantum ad meritum justitiæ præsidentis; de pomis lunæ, quantum ad meritum justitiæ subjacentis; de pomis et vertice montium, per hoc intelligitur sublimitas apostolicorum virorum, qui tenent vitam, quam Deus dedit in Paradiso: nam si homo non peccasset, nulla fuisset agrorum divisio, sed omnia communia. Per poma collum æternorum, intelligitur sapientia, vel fructus sapientiæ, quæ est in contemplatione æternarum rationum, et in consideratione cœ-

Agro-  
rum di-  
visionis  
causa.

<sup>1</sup> *Cant.*, II, 5. — <sup>2</sup> *Psal.* XC, 5. — <sup>3</sup> *Deuter.*, XXXIII, 13-16. — <sup>4</sup> *Cant.*, II, 3. — <sup>5</sup> *Psal.* LXXXIV, 13. — <sup>6</sup> *Prov.*, III, 14.

lestium spirituum sublimatorum; hinc in *Psalmo* dicitur<sup>1</sup>: « Illuminans tu mirabiliter a montibus æternis, » etc. *De fructibus terræ*, quantum ad considerationem divinarum condescensionum in ordinibus ecclesiasticorum. *De plenitudine ejus*, quantum ad conjunctionem utriusque Ecclesiae militantis, et triumphantis, quomodo Deus<sup>2</sup> « posuit finem ejus pacem: » quod declarabit sicut flumen. Sic ergo iste fructus est a Christo triplex, quia Jesus Christus Filius Dei; quia Jesus, ab ipso fructus gratiæ; quia Christus, fructus justitiæ; quia Filius Dei, fructus sapientiæ. Omnes enim considerationes a Christo sunt, et ad Christum reducuntur. Si consideras interna spectacula luminum, ad Christum reducunt te. Si venis ad exempla, sumnum exemplar omnium virtutum invenies in Christo; si patientiam consideras Job, major est Christi patientia.<sup>3</sup> « Patientiam Job audistis, et finem Domini vidistis, » dicit ille. Stellæ enim nihil sunt in comparatione solis. Si ad præmia æterna, hæc non habebimus nisi per Christum, qui ait<sup>4</sup>: « Hæc est vita æterna, ut cognoscant te solum, » etc. Si de tormentis: nisi manus Domini te teneat, non liberaberis. Puer enim, si timeat cadere in præcipitium, optime se tenet ad matrem: nisi enim per Christi sanguinem liberatus fueris, non poteris salvare. Si consideras præcepta<sup>5</sup>: « Hoc est præceptum meum, ut diligatis invicem. » Si de judicio: Christus judicare habet, et hunc libenter debemus velle habere judicem, quia nos diligit; unde debemus sibi dicere: Domine, debes nos judicare, sed fac, ut sanguis tuus satisfaciat pro nobis. Si consideras solatia severa in Christo, non videntur per illum modum, sicut in aliis, sed per alium: quia sibi nunquam periculosa fuerunt, nec temporalia solatia habuit. Miscuit enim cum solatiis amaritudinem, cum fruitione pœnam: anima enim ejus, quæ unita est semper divinitati, summe delectatur; et tamen

ipse miscuit amaritudinem, paupertatem, crucem, et e converso miscuit solatia in flagellis, in quibus summe delectabatur. Unde hoc exemplo, in consolatione jungendum est timor, et in tristitia jungendum est solatium: exemplo beati Francisci, qui quando offerebatur sibi honor, dicebat socio suo, quod ibi erant nil lucrati; sed quando recipiebat vituperia, tunc lucrabatur. Si consideres e directo ad civium præsidia, Hierarcha principalis Christus est: si de pugna, et angeli, et sancti juvant. Unde *Psalmus*<sup>6</sup>: « Levavi oculos meos in montes, » etc. Principalis tam pugnator JESUS est, unde alibi dicitur<sup>7</sup>: « Providebam Dominum in conspectu meo semper, quoniam a dextris est mihi, ne commovear. » Item in *Actis*<sup>8</sup>: « Video cœlos apertos, » etc. Si autem consideras hæc omnia, veniunt de sede Dei et agni. « Vidi, » inquit Joannes<sup>9</sup> in *Apocalypsi*, « fluviū procedentem de sede, » etc. Si consideres figurarum signa, omnia referuntur ad Christum, et etiam sunt obscura, nisi solvantur per Christum; unde omnes considerationes remittunt ad Christum. A Christo ergo est fructus gratiæ quadruplicis: stabilire animam per fidem; sanctificare per divinum amorem; sursum ferre per spem; inclinare per divinum timorem. De primo Apostolus<sup>10</sup>: « Optimum est gratia stabilire cor, non escis. » Judæi stabiliebant se super escas. De secundo Petrus dixit<sup>11</sup> « Propter quod succineti lumbos mentis vestrae, sobrii, perfecte sperate in eam, quæ offertur vobis, gratiam, » etc. Sanctificatio enim est in eo, quod virtutes cognitivæ et amativæ, quæ sunt lumbi mentis, transferuntur in Deum. De tertio *ad Titum* dicitur<sup>12</sup>: « Justificati gratia ipsius, hæredes sumus secundum spem vitæ æternæ. » Et Petrus<sup>13</sup>: « Benedictus Deus et pater Domini nostri JESU CHRISTI, qui secundum magnam misericordiam suam regeneravit nos in spem vivam. » De quarto dicit *Ecclesiastis*

<sup>1</sup> *Psal.* LXXXV, 5. — <sup>2</sup> *Psal.* CXLVII, 14. — <sup>3</sup> *Jac.*, v, 10. — <sup>4</sup> *Joan.*, xvii, 3. — <sup>5</sup> *Joan.*, xv, 11. — <sup>6</sup> *Psal.*

CXX, 1. — <sup>7</sup> *Psal.* xv, 8. — <sup>8</sup> *Act.*, VII, 55. — <sup>9</sup> *Apoc.*, XXII, 1. — <sup>10</sup> *Hebr.*, XIII, 9. — <sup>11</sup> *I Petr.*, I, 13. — <sup>12</sup> *Tit.*, III, 7. — <sup>13</sup> *I Petr.*, I, 3.

*ticus*<sup>1</sup> : « Quanto major es, humilia te in omnibus. » Per interna spectacula disponitur anima ad primum actum gratiae : quanto enim plus intelligitur in Scriptura, tanto augetur fides, etc. Et sic est una refectione affectus. Sanctorum exempla disponunt ad sanctificationem animae, ad secundum actum gratiae. Inter omnia, quae de Joseph leguntur, placet illud, quod sic fidelitatem servaverit domino suo, cum domina sua pulcherrima esset, et non commiscebatur sibi. David similiter cum multa fecerit, quae movent ad imitationem, illud potissime placet quod Saul cum potuisset interficere, noluit; qui tamen, ut dicit Augustinus, nec Deum nec hominem timebat : hominem non, quia sopor venerat in omnes : Deum non, quia ille reprobatus fuit : et David secundum veritatem rex erat, et tamen ex charitate eum dimisit. Et sic in omnibus patribus fuit haec caritas : qui tamen, si aliquando ceciderunt, poenituerunt. Unde si displicet tibi casus David, placeat ejus poenitentia, ut dicit Hieronymus. Unde de casu suo nullus desperet, et de statu suo nullus presumat. Gratia autem sursum agens habetur per spem.<sup>2</sup> « Quid enim mihi est in celo, et a te quid volui super terram? Deus cordis mei, et pars mea Deus in aeternum, » ait Propheta; et alibi dicit<sup>3</sup> : « Dixi : Tu es spes mea, portio mea in terra viventium, » etc.; ut vel totum reservetur in aliam patriam. Ideo<sup>4</sup> : « Quod momentaneum est et leve tribulationis, aeternum pondus gloriae operatur. » Dominus enim delectationes habet in dextera, unde *Psalmus*<sup>5</sup> : « Delectationes in dextera tua usque in finem. » Sinistra habet divitias, et gloriam, et consolationes temporales. Debemus autem adhaerere dexteræ, unde *Psalmus*<sup>6</sup> : « Me suscepit dextera tua, Domine. » Igitur præmia disponunt ad tertium actum gratiae. Quarto considerationes tormentorum inclinant ani-

mam ad divinum timorem : quia, sicut crescente spe, crescit gratia sursum ferens; sic crescente timore, crescit gratia inclinans deorsum. Sequitur de secundo fructu, scilicet justitiæ, quae similiter habet quatuor actus : primus est facere bona; secundus, fugere mala; tertius, formidare prospera; quartus, ferre adversa. De primis duobus dicit *Psalmus*<sup>7</sup> : « Declina a malo, et fac bonum. »<sup>8</sup> « Oculi Domini super justos; » et<sup>9</sup> « Vultus autem Domini super facientes mala. » De tertio<sup>10</sup> : « Beatus homo, qui semper est pavidus, » scilicet in prosperis. Unde justus deprecatur, ne ruat; et si ruat, ut resurgat, quia<sup>11</sup> « septies in die (a) cadit justus et resurget. » De quarto in *Proverbiis* dicitur<sup>12</sup> : « Non contristabit justum, quidquid ei acciderit. » Et ibidem<sup>13</sup> : « Justus quasi leo confidens, absque terrore erit. » Et<sup>14</sup> : « Beati qui persecutionem patiuntur propter justitiam. » Et<sup>15</sup> : « Pro justitia agoniza (b) usque ad mortem. » Isti fructus oriuntur ex quatuor mediis considerationibus, scilicet antrorum, retrorum, dextrorum, sinistrorum, ut secundum Dionysium<sup>16</sup> anima moveatur circulariter, recte, et circumflexe. Et dicit Richardus, quod quædam aves sursum volant, quædam deorsum, quædam circulariter, quædam ante, etc.; sic anima per istas considerationes. Ex prima consideratione habetur primus actus, scilicet facere bonum per directionem præceptorum.<sup>17</sup> « Si vis ad vitam ingredi, serva mandata : » consideratio enim mandatorum Dei facit bonum, præceptum Domini rectum est in se. Justitia enim nihil aliud est, quam rectitudo : rectitudo autem per se est in lege, per participationem in servante. Oportet ergo præcepta divina considerare, acceptare, amare : si sic fecisset Adam, non cecidisset, et fuisset deiformis (b) per amorem. Ex secunda consideratione oritur fructus justitiæ, scilicet fugere mala, ut per

<sup>1</sup> *Eccli.*, III, 20. — <sup>2</sup> *Psal.* LXXII, 25. — <sup>3</sup> *Psal.* CXLI, 6. — <sup>4</sup> *II Cor.*, IV, 17. — <sup>5</sup> *Psal.* XV, 11. — <sup>6</sup> *Psal.* LXII, 9. — <sup>7</sup> *Psal.* XXXVI, 29. — <sup>8</sup> *Psal.* XXXIII, 16. — <sup>9</sup> *Ibid.*, 17. — <sup>10</sup> *Prov.*, XXVIII, 14. — <sup>11</sup> *Prov.*, XXIV, 16. — <sup>12</sup> *Prov.*, XII, 21. — <sup>13</sup> *Prov.*, XXVIII, 1. —

<sup>14</sup> *Matth.*, V, 10. — <sup>15</sup> *Eccli.*, IV, 33. — <sup>16</sup> *Dion.*, de *Div.* *Nom.*, c. IV, circa med. — <sup>17</sup> *Matth.*, XIX, 17.

(a) *Vulg.* non habet in die. — (b) *Vulg.* agonizare. — (c) *Cæt.* edit. fit transformis.

judicia discreta. Unde *Ecclesiasticus*<sup>1</sup> : « Ne semines mala in sulcis injustitiae, et non metes in ea septuplum. » Nullus enim vult mettere zizauiam vel lolium.<sup>2</sup> « Juxta modum culpae, erit et plagarum modus. » Consideratio judiciorum facit fugere mala. Ex consideratione tertia per severa solatia oritur fructus justitiae, scilicet formidare prospera. Oblatis enim honoribus, fugit homo, quia timet in culpam incidere. Ista vitia generant vermes, quia in quolibet grano est vermis : in grano honoris, elatio ; in grano divitiarum, avaritia ; in grano deliciarum, concupiscentia. Fructus enim quidam sunt, qui incipiunt statim vermiculari, ut cerasa in Italia; quidam sunt qui apparent optimi, et tamen vermis est intus. E contra, per dulcia flagella oriuntur fructus justitiae. Quartus actus justitiae est patienter ferre adversa : vide Jacobum, Paulum, Laurentium. Similiter sapientiae fructus ex quatuor ultimis antithetis nascitur. Hujus sunt quatuor actus, quia sapientia est confortans, collectans, contemplans, collaudans. Confortans in bono, unde *Ecclesiastes*<sup>3</sup> : « Sapientia confortabit sapientem super decem principes civitatis. » Est etiam collectans contra malum, unde dicitur<sup>4</sup> : « Melior est sapientia, quam arma bellica. » Et *Sapientia*<sup>5</sup> : « Certamen forte dedit illi, ut vinceret, et sciret quoniam omnium potentior est sapientia. » Est etiam contemplans rectum, vel summum bonum sapientia. Est enim<sup>6</sup> « speciosior sole. » Facit animam gustare, et uniri. Est etiam collaudans ex omnibus Deum. Hic fructus est conjunctus gloriæ; hoc opus, hoc munus, hic fructus: primum justitiae, secundum gratiae, tertium sapientiae. Haec, inquam<sup>7</sup>, « videbimus, amabimus, laudabimus. » Hi quatuor fructus sapientiae per ordinem oriuntur e directo : primo per civium praesidia disponit ad primum actum sapientiae, in acie terribilium, in choris castrorum; secundo per hostium certamina ex adverso oritur secun-

dus fructus, scilicet collectari contra hostes : quia homo, quando habet hostes, tunc satis sagaciter gerit se, et imminens bellum facit hominem sagacem, et fortem, et sapientem : sicut inclusi multas inveniunt vias ad evadendum : unde tentatio imminens quasi ex obliquo fortiorum reddit. Sicut radius super corpus opacum, densum, solidum, postea reflexus, majus lumen et calorem generat, ut patet in speculo ferreo; similiter magis castus quis efficitur, cum diabolus fortiter vult trahere ad luxuriam. Unde mulier quædam habuit filiam daemonicam, quæ vilia loquebatur; et dixit quod Franciscus magnum malum faciebat eis, et quod bene erant contra ipsum congregati quinque millia ad ipsum decipiendum : et frater, qui audivit, dixit beato Francisco : tunc ipse surrexit, et dixit : « Modo fortior sum. » Tertius fructus sapientiae est contemplari summum bonum, quod oritur ex consideratione e vicino per gratiarum dona : tanta enim posset esse gratia, quod homo existens hic, esset quasi in paradyso. Videtur enim vicinus fuisse, sicut beatus Paulus, qui dicit<sup>8</sup> : « Sapientiam loquimur inter perfectos. » Et post : « Nobis autem revelavit Deus per Spiritum sanctum. » Sicut enim « nemo scit quæ sunt hominis, nisi spiritus qui in illo est, ita et quæ Dei sunt, nescimus, nisi spiritus Dei » intret in nos. De quarto e longinquo nobis innascitur collaudatio Dei in omnibus. Omnes enim creaturæ laudibus (a) efferunt Deum. Quid faciam? Cantabo cum omnibus. Grossa chorda in cithara non bene sonat; sed cum aliis est consonantia. Figurarum signa ab omnibus creaturis accipiuntur in Scriptura ad laudandum Deum, ut patet in *Psalmis*<sup>9</sup> : « Laudate Dominum de cœlis. » Et<sup>10</sup> : « Benedicite omnia opera Domini Domino, » a summo usque deorsum. Sieut homo Deum videntis, et in omnibus Deum gustans, in omnibus tribus viribus suis. Unde *PSALMUS*<sup>11</sup> :

s. Franciscus  
instar  
Pauli in  
tribula-  
tione for-  
tior.

<sup>1</sup> *Eccl.*, vii, 3. — <sup>2</sup> *Deuter.*, xxv, 2. — <sup>3</sup> *Eccle.*, vii, 20. — <sup>4</sup> *Eccle.*, ix, 18. — <sup>5</sup> *Sap.*, x, 12. — <sup>6</sup> *Sap.*, vii,

(a) *Cat. edit. omitt.* laudibus.

« Jucundum sit ei eloquium meum; ego vero delectabor in Domino. » Et alibi<sup>1</sup>: « Delectasti me, Domine, in factura tua. » Et<sup>2</sup>: « Magnificabo eum in laude. » Sic in omnibus habet gustum et refectionem intellectus et affectus. Ex his omnibus fructibus surgunt fructus amoris, et charitatis, quae intenditur in omnibus: omnis enim Scriptura ordinatur ad charitatem. Hi duodecim fructus ordinate ascendunt ad charitatem. Descendendo autem a charitate fluunt charismata gratiarum, quae sunt duodecim fructus spiritus, quos ponit Apostolus *ad Galatas* dicens<sup>3</sup>: « Fructus autem spiritus est charitas, gaudium, pax, patientia, longanimitas, bonitas, benignitas, mansuetudo, fides, modestia, continentia, castitas. » Gratia enim, et justitia, et sapientia, non possunt esse sine charitate vera.

*Frui*  
quid sit.

*S. Ag-*  
*gustinus*  
*Pauli*  
*filius.*

*Fructus* dicitur a *frui*: frui autem est inhærente alieni rei propter seipsam. Unde nec justitia, nec nuntiare futura, nec scire mysteria sine charitate prosunt. Et hoc sentiunt omnes doctores et sancti<sup>4</sup>. Sed ecce una vetula, quae habet modicum hortum; et quia solam charitatem habet, meliorem fructum habet, quam unus magnus magister, qui habet maximum hortum, et scit mysteria, et naturas rerum sine charitate. Sufficientia enim horum duodecim sumitur per hunc medium, secundum Augustinum<sup>5</sup>, filium Pauli: Quatuor sunt diligenda in charitate, quibus fruimur: Deo; meipso in Deo; proximo in Deo; corpore meo in Deo. Deo autem fruor, quando in Deo conquiesco per amorem, delector per gaudium, unior per pacem. Et haec tria ordinata sunt, quia ubi est pax, necesse est ut sit gaudium; et ubi gaudium, necesse est ut sit quietes. Secundo fruor meipso in Deo. Anima autem mea fruor, quando illam possideo, quia si transit res in possessionem alterius, fructum non habeo. Tunc autem possideo, quando patienter possum ferre adversa. Unde Salvator ait<sup>6</sup>: « In

patientia vestra possidebitis animas vestras. » Patienter autem ferre adversa non debet esse a casu, vel fortuna, sed intuitu mercedis: et hoc est expectare mercedem per longanimitatem. Et tertium est, condonare injuriam et offensam per bonitatem. Et sic haec tria sunt per patientiam, longanimitatem, bonitatem: patientia est, adversa tolerando; longanimitas, expectando mercedem ex omnibus tribulationibus; bonitas, liberaliter condonando. Quando est charitas patiens, longanimitis, bona, tunc inundationes maris quasi lac sugit, sicut Laurentius carbonibus quasi floribus, etc. Hi fructus sunt in spiritu, non in carne. Unde *Jacobus*<sup>7</sup>: « Omne gaudium existimat, » etc. Tertio, proximo fruimur in Deo, quando habemus charitatem ad proximum. Et hoc tripliciter: benigne, in anima et in corde; mansuete, in contubernio; fideliter, in verbo, vel signo. Cor benignum habeo, quando quidquid boni habet proximus, in meum bonum refero. Similiter mansuetudo est, quae hominem facit familiarem et socialem. Aliqui homines valde sunt boni, et tamen valde sunt duri in signis, quod homo non auderet eis apparere: sed quando homo familiarem se reddit, tunc est mansuetus. Similiter fidelitas multum facit amabilem, quia continuat amicitiam. Et haec facit considerare de homine magis in verbo, quam in corde, quia affectus est variabilis. Quarto fruor corpore meo in Deo; et hoc, quando mundum servo corpus meum: et est quando servatur modestia in gustu, continentia in tactu, castitas in omnibus sensibus. In gustu principaliter notatur modestia, etc. Corpora luxuriosorum, gulosorum, incontinentium, non sunt<sup>8</sup> « in pace sepulta. » Sic ergo descendendo ex charitate, quae est<sup>9</sup> « unguentum» fluens a « capite in barbam,» a barba usque ad « oram vestimenti,» fit fruitio Dei. Sicut ergo sunt duodecim illustrationes ascendendo ad charitatem, sic sunt

<sup>1</sup> *Psal.* xci, 5. — <sup>2</sup> *Psal.* lxviii, 31. — <sup>3</sup> *Gal.*, v, 22.

— <sup>4</sup> Ita Augustinus, *de Doct. Christ.*, lib. I, c. iii; *Magister Sent.*, lib. I, dist. 1. — <sup>5</sup> *Aug.*, *Confess.*,

lib. VII, c. xxii; *de Doct. Christ.*, lib. I, c. xxiii. —

— <sup>6</sup> *Luc.*, xxi, 19. — <sup>7</sup> *Jac.*, I, 2. — <sup>8</sup> *Ecli.*, xliv, 14. — <sup>9</sup> *Psal.* cxxxii, 2, 3.

duodecim fructus descendendo a charitate. Hoc est illud, quod dicitur<sup>1</sup>, « ex utraque parte fluminis esse lignum vitæ, afferens fructus duodecim » per duodecim menses. Ab una parte fluminis fructus intellectuales; ab altera, affectuales. Ab una parte fructus ascendentes; ab altera, fructus descendentes. Iste ergo est fructus Scripturarum, scilicet charitas. Per hanc sunt mysteria, intelligentiae, theoriae. Unde in *Apocalypsi*<sup>2</sup>: « Beati, qui lavant vestimenta sua, ut intrent per portam civitatis. Foris autem canes et benefici, » scilicet a contemplatione Scripturæ alieni. (Et dicebat<sup>3</sup>): Imaginor illas duodecim illustrationes primas ascendentes, quæ fluunt a Deo, et ad Deum terminantur, et currunt per totam Scripturam, sicut duodecim circulos, ut in quamecumque anima intret, inveniat sylvam arborum, et amoenitatem fructuum.

### SERMO XIX.

*De modo studendi, et proficiendi in sacra Scriptura, et de theoriis ejusdem.*

• *Protulit terra herbam virentem*, etc. Dictum est de fructibus sacræ Scripturæ: et ad hos fructus invitat nos sapientia æterna Domini<sup>4</sup>: « Ego quasi vitis fructificavi suavitatem odoris, et flores mei fructus honoris et gratiæ. Transite ad me omnes, qui concupiscitis me, et a generationibus meis ad implemini. » Si voluerimus transire, oportet nos esse filios Israel, qui transierunt Ægyptum; sed Ægyptii etiam transierunt, et submersi sunt. Illi autem transeunt Ægyptum vere, qui totum suum studium ponunt, qualiter a vanitatibus transeant in regionem veritatis. A veritate in vanitatem transivit Adam; unde *Psalmus* dicit<sup>5</sup>: « Verumtamen in imagine pertransit homo; sed et frustra conturbatur: thesaurizat, et ignorat, » etc. « Mane sicut herba transeat,

<sup>1</sup> *Apoc.*, xxii, 2. — <sup>2</sup> *Ibid.*, 14, 15. — <sup>3</sup> Hæc locutio innuere sane videtur Sermonem hunc xviii, ac fortasse reliquos omnes, memoriter exceptos esse, quantum fieri potuit, ab aliquo auditore S. Bonaventuræ;

mane floreat, et transeat, vespere decidat, induret, et arescat. » Quando ergo amatūr commutabile bonum, transitorium, vanum, tunc homo transit, etc.; et hunc transitum reprobat sapientia. Hic transitus facit omne malum. Sic transivit Lucifer, cui dictum est<sup>6</sup>: « Verumtamen ad infernum detrahēris. » Ad quem primo projectus est per culpam, secundo per judicium. Sic etiam fecit Adam: postquam deseruerat lignum vitæ, abscondit se. Vedit enim se nudum ab omnibus habitibus bonis; propter quod abjectus est de paradiso. Sapientia ergo et charitas sunt principales fructus, quibus principaliter est contraria vanitas. In *Canticis* exprimitur sapientia amorosa. Non enim potest quis discedere a falso, et accedere ad verum ex amore, nisi elongetur a vanitate. Et ideo *Ecclesiastes* præcedit hunc librum, ubi ostendit vanitatem, eum dicit<sup>7</sup>: « Vanitas vanitatum, et omnia vanitas. » Hæc propositio vera est, et probatur in toto libro. Oportet ergo transire ab omnibus vanitatibus ad veritatem, ut non sit delectatio, nisi in solo Deo. Quomodo autem transeundum est? Volunt omnes esse et sapientes, et scientes; sed scio, quod mulier decipit virum. Sapientia autem est supra, tanquam nobilis; sed scientia, infra: et videtur homini pulchra, et ideo volunt sibi eam conjungi, et inclinatur anima ad scibilia et sensibilia, et vult eam cognoscere, et cogitare, et experiri, et per consequens uniri: et ita evanescit, ut Salomon, qui voluit omnia scire, et<sup>8</sup> « disputavit a cedro, quæ est in Libano, usque ad hyssopum; » et oblitus est principii, et ideo est factus vanus, et oblitus est sui. Non simus in hac parte socii Salomonis, sed David patris sui, quia non est securus transitus a scientia ad sapientiam: oportet ergo medium ponere, scilicet sanctitatem. Transitus autem est exercitium, exercitatio a studio scientiæ ad minime vero ab ipso Bonaventura fuisse scriptis mandatos. — <sup>4</sup> *Gen.*, 1, 12. — <sup>5</sup> *Eccli.*, xxiv, 23, 24. — <sup>6</sup> *Psal.* xxxviii, 7-9. — <sup>7</sup> *Isa.*, xiv, 15. — <sup>8</sup> *Eccle.*, 1, 1. — <sup>9</sup> *III Reg.*, iv, 33.

studium sanctitatis, et a studio sanctitatis ad studium sapientiae. De quibus ait Prophetam<sup>1</sup>: « Bonitatem, et disciplinam, et scientiam doce me. » Incipit a summo, quia vellet gustare<sup>2</sup>, « quam bonus et suavis est Dominus. » Ad sapientiam autem perveniri non potest, nisi per disciplinam. Non est ergo praferendum ultimum primo, Malus esset mercator, qui stannum praferret auro. Qui non præfert scientiae sanctitatem, numquam prosperabitur. Augustinus dicit, *de Civitate Dei*<sup>3</sup>, quod angeli sunt boni spiritus. Hi enim dicuntur angeli, scilicet nuntii, quia de humilitate gaudent. Spiritus nequam vocantur dæmones, id est, scientes<sup>4</sup>, quia ab illius statu volunt nominari. Sed verendum est quod dicit Job de Beheimoth<sup>5</sup>: « Sernet sibi aurum quasi lutum. » Per scientiam est tentatio facilis ad ruinam. Unde<sup>6</sup>: « Eritis sicut Dii, scientes bonum et malum, » dicit serpens. Unde quidam suprema naturae volunt perscrutari, sicut de contingentibus. Beatus Bernardus dicit<sup>7</sup>, *de Gradibus Superbitæ*, quod primum vitium est curiositas, per quod Lucifer eecidit: per hoc etiam Adam eecidit. Appetitus igitur scientiae modicandus est; præferenda est ei sapientia et sanctitas. Qualiter ergo studendum est scientiae, et sanctitati, et sapientiae? Oportet scire, ut de fructibus sapientiae habeatur, et per portas civitatis possimus introire. Nam scriptum est<sup>8</sup>: « Labor stultorum perdet eos, » qui nesciunt in urbem pergere, hoc est, qui nesciunt studere in quibus oportet. In *Genesi* dicitur, quod<sup>9</sup> « creavit Deus hominem, et posuit in paradiſo, ut operaretur, et custodiret illum. » Oportet operari in sacra Scriptura, et exercitari intellectum. Sed multos inveni exercitantes corpus, paucos ingenium. Haec exercitatio est spiritus ad pietatem. Unde in *Proverbiis* dicitur<sup>10</sup>: « Per agrum hominis pigri transivi, et per vi-

Scire  
quaten-  
sus  
oporteat

neam, et ecce totum repleverant urticæ et spinæ. » Hoc fit quando homo habet bonam dispositionem, et non exeret eam, sed crescent ibi (a) urticæ malignitatis, spinæ cupiditatis. Maceria lapidum virtutum destruitur propter dissipationem cogitationum. Et hinc dicitur in *Proverbiis*<sup>11</sup>: « Præpara foris opus tuum, et diligenter exerce agrum tuum. » Modus studendi debet habere quatuor conditiones, scilicet ordinem, assiduitatem, complacentiam, comprehensionem. Ordo diversimode traditur a diversis, sed oportet ordinate procedere, ne de primo faciant posterius, vel e converso. Sunt ergo quatuor genera Scripturarum, circa quæ oportet ordinate procedere, et exerceri. Primi libri sunt sacrae Scripturæ; in Testamento Veteri, secundum Hieronymum<sup>12</sup>, vixi duo libri; in Novo Testamento octo sunt. Secundi libri sunt originalia sanctorum. Terti, sententiæ magistrorum. Quarti, doctrinarum mundialium, sive philosophorum. Qui ergo vult discere, querat scientiam in fonte, quia apud philosophos non est scientia ad dandam remissionem peccatorum; nec apud summas magistrorum, quia illi ab originalibus extraxerunt. Originalia autem a sacra Scriptura. Unde dicit Augustinus, quod ipse decipi potest, et alii; sed ibi est fides tanta, quod ibi non potest esse deceptio. Et hinc dicit Dionysius<sup>13</sup>, *de Divinis Nominibus*, quod nihil assumendum est, nisi quod ex eloquiis sacris, etc. Studere debet Christi discipulus in sacra Scriptura, sicut pueri primo addiscunt a, b, c, d, etc.; postea syllabicare, et postea legere, et postea quid significet pars. Similiter in sacra Scriptura, sœpe primo quis debet studere in textu, et ipsum habere in promptu, et intelligere quod dicitur per nomen, non solum sicut Judæus, qui semper tendit ad litteralem sensum. Tota Scriptura est quasi una cithara. Et sicut chorda cithara.

Modus  
studendi  
quatuor  
condi-  
tiones re-  
quirit.

<sup>1</sup> *Psalm. cxviii, 66.* — <sup>2</sup> *Psalm. xxxiii, 9.* — <sup>3</sup> *Lib. XII, c. ix.* — <sup>4</sup> Scilicet a voce græca Δίκαιος, peritus. — <sup>5</sup> *Job, xl, 21.* — <sup>6</sup> *Gen., iii, 5.* — <sup>7</sup> Bern., *de Grad. Humil. et Superb.* — <sup>8</sup> *Eccle., x, 15.* — <sup>9</sup> *Gen., ii, 15.* — <sup>10</sup> *Prov.,*

<sup>11</sup> *Ibid., 27.* — <sup>12</sup> *Hieron., Prolog., in libros Regum.* — <sup>13</sup> *Dion., de Div. Nom., c. i.*

(a) *Edit. Ven. ibi.*

per se non facit harmoniam, sed cum aliis, similiter unus locus Scripturæ dependet ab alio; imo unum locum respiciunt mille loca. Notandum, quod quando CHRISTUS fecit miraculum de conversione aquæ in vinum, non statim dixit: Fiat vinum, vel fecit de nihilo; sed voluit ut ministri implerent hydrias aqua, ut dicit Gregorius<sup>1</sup>. Ad litteram, quare sic fecit, ratio non potest reddi. Sed secundum spiritualem intelligentiam reddi potest ratio, quia Spiritus sanctus non dat spiritualem intelligentiam, nisi homo implete hydrias, secundum capacitatem suam, aqua, scilicet notitia litteralis sensus: et inde esse potest, quod Deus convertit aquam sensus litteralis, in vinum spiritualis intelligentiæ. Propter hoc Paulus fuit altus, quia ipse didicerat legem ad pedes Gamalielis. Unde qui Scripturam habet, potens est cum eloquiis, et etiam in venusto sermone: unde

*S. Bern. cur elegantis-*  
*sime sit locutus.*

beatus Bernardus parum sciebat, sed quia in Scriptura multum studuit, ideo locutus est elegantissime. Primum igitur est, quod homo habeat Scripturam, non sicut Iudæus, qui solum vult corticem. Unde quidam Iudæus semel legit illud capitulum Isaiae: « Domine, quis credidit auditui » nostro, etc.; et legebat ad litteram, et non potuit habere concordantiam, ut sensum faceret, et ideo proiecit librum ad terram, imprecans ut Deus confunderet Isaiam, quia, ut sibi videbatur, non poterat stare quod dicebat. Ad hanc autem intelligentiam non potest homo pervenire per se, sed per alios, quibus Deus revelavit, scilicet per originalia Sanctorum, ut Augustini, Hieronymi, et aliorum. Oportet ergo currere ad originalia Sanctorum. Sed quia ista sunt difficillima, ideo necesse sunt summæ magistrorum, in quibus elcidantur difficultates. Sed cavendum est de multitudine scriptorum. Et quia ista scripta addueunt philosophorum verba, necesse est quod homo sciat, vel supponat ipsa. Est er-

go periculum descendere ad originalia, quia pulcher sermo est originalium. Sermo autem Scripturæ non potuit sermonem ita pulchrum. Unde si dimittis Scripturam, in libris Augustini studens, ipse non habet pro bono: sic nec Paulus<sup>2</sup> nomen illorum, qui nomine Pauli baptizabantur. Sacra Scriptura in magna cautela legenda est. Majus autem periculum est descendere ad summas magistrorum, quia aliquando magnus est in eis error, et credunt se habere et intelligere originalia, et non intelligunt, imo eis contradicunt. Unde sicut fatuus esset, qui vellet semper immorari circa tractatus, et nunquam accedere ad textum, sic est de summis magistrorum: in his autem homo debet cavere, ut semper adhæreat viæ (a) magis communi. Descendere autem ad philosophiam est maximum periculum. Unde in Isaia dicitur<sup>3</sup>: « Pro eo quod abjecit populus ille aquas Siloe, quæ currunt cum silentio, et assumpsit magis Rasin, et Romeliae, » etc. Non amplius revertendum est in Ægyptum. Notandum de Hieronymo<sup>4</sup>, qui post studium Ciceronis non habebat saporem; ideo flagellatus fuit ante tribunal: hoc autem propter nos factum est, ut magistri cavere debeant, ne nimis commendent et appretientur dicta philosophorum, ne hac ratione populus revertatur in Ægyptum, et exemplo eorum dimittant aquas Siloe, in quibus est summa perfectio, et vadant ad aquas philosophorum, in quibus est periculosa deceptio. Signatum fuit hoc in Gedeone, ubi illi, qui probati fuerant ad aquas, qui scilicet lambuerunt sicut canes, pugnaverunt, et viceverunt; et illi qui flexo poplite, et curvati biberunt, reversi sunt. Sed vincentibus datae sunt tubæ et lagenæ, ac lucernæ: cum clangore buccinæ, et complosione lagenarum vicerunt. Isti sunt prædicatores, qui clangunt in prædicatione buccina. Lagenæ sunt exempla; lampades sunt miracula. Qui enim pro veritate sunt mortui, miraculis coruscaverunt, et superaverunt (b) hostes.

(a) Edit. Venitæ. — (b) Cat. edit. speraverunt.

<sup>1</sup> Greg., in Ezech., hom. vi. — <sup>2</sup> I Cor., 1, 13. — <sup>3</sup> Isa., VIII, 6. — <sup>4</sup> Hieron., de Regul. Monach., c. De Contempl., orat. et lect.

Isti autem , qui bibunt lingua , et lambunt attrahendo , sicut canes , qui lingua aquam hauriunt , isti sunt , qui de philosophia parum sumunt ; sed isti sunt , qui flexo poplite bibunt , qui totaliter se ibi incurvant , et illi curvantur ad errores infinitos , et inde foveatur fomentum erroris. Unde in *Osee* dicitur<sup>1</sup> : « Quievit civitas , donec fermentaretur totum. » Et<sup>2</sup> : « Fovet ova aspidum , et quod confotum fuerit , erumpet in regulum. »

S. Francisci prædicatione apud Soldanum.

Nota de beato Francisco , qui prædicabat Soldano. Cui dixit Soldanus , quod disputaret cum sacerdotibus suis. Et ille dixit , quod secundum rationem de fide disputari non poterat , quia supra rationem est ; nec per Scripturam , quia illam non reciperen illi : sed rogabat , ut fieret ignis , quem ipse cum sacerdotibus intraret. Non enim tantum miscendum est de aqua philosophiae in vinum saecræ Scripturæ , quod vinum fiat aqua : hoc enim pessimum miraculum esset. Et legimus , quod Christus de aqua fecit vinum ; sed non e converso. In Ecclesia primitiva etiam libros philosophiae comburebant : non enim panes in lapides commutari debent. Est ergo ordo , ut prius studeat homo in

Libri philosophorum quomodo legendi.

Scriptura sacra quantum ad litteralem sensum , post in originalibus , et ista subjiciat sacræ Scripturæ ; similiter in scriptis magistrorum , et in scripturis philosophorum ; sed transeundo , et furando , quasi ibi non permanendum. Quid lucrata fuit Rachel , quod furata fuit idola ? Tantum fuit lucrata , quod mentita fuit , et simulavit infirmitatem , et abscondit ea subter stramenta camelii , et sedidit desper : sic quando quaterni philosophorum absconduntur. Aquæ enim nostræ non debent descendere ad Marc Mortuum , sed in suam primam originem. Secundo oportet habere assiduitatem. Impedimentum enim maximum , lectio vagabunda , quasi placens modo hoc , modo illud legere , modo aliud facere. Vagatio exterior signum est vagationis animæ ; et ideo talis non potest

proficere , quia non figitur in memoria , sicut ponit exemplum Gregorius. Quando homo vidit faciem hominis semel , non ita perfecte postea cognoscet. Sic de sacra Scriptura , quia primo faciem obscuram habet ; postea , quando frequenter videtur , efficitur familiaris. Tertio oportet habere complacentiam : sicut enim Deus proportionavit gustum et cibum , quia cibus dat saporem gustui , qui habet vim discretivam , et ex his duobus cibus incorporatur ; sic primo oportet sumere Scripturam , postea masticare , deinde incorporare. Ad quid homo bibet aquam turbidam ?<sup>3</sup> « Quid tibi in via Ægypti , ut bibas aquam turbidam ? » Sed bibe aquam salutarem sapientiæ . Nota quod<sup>4</sup> animal quod non ruminat , immundum est. Ruminatio enim fit in eo , quod animal habet duos ventres : accipit cibum ad os , et totum ruminat , et protritum in alium ventrem ultiore projicit. « Quam dulcia faucibus meis eloquia tua ! super mel ori meo , » dicebat Propheta<sup>5</sup>. Non diligas meretricem , ne dimittas sponsam tuam. Unde in libro *Sapientie* dicitur<sup>6</sup> : « Hanc amavi , et exquisivi eam. » Non accipias glandes et siliquas porcorum , et suspendaris cum Absalon per capillos , scilicet affectus tuos. Doctrinæ sæculares sunt quercus altæ , proceres , inflexibles. Noli comedere pepones Ægypti , et porros , et allia ; sed manna de cœlo. Sed non nauseas<sup>(a)</sup> super cibo isto ; non sis carnalis sicut filii Israel : et hi non inveniebant nisi unum saporem ; sed alii spirituales inveniebant<sup>7</sup> « omnem saporem suavitatis. » Quartum est commensuratio , vel<sup>8</sup> « non plus sapere quam oportet. » Unde ait sapiens<sup>9</sup> : « Mel invenisti , comede quod tibi sufficit , ne forte satiatus , evomas illud. » Ne plus te extendas , quam ingenium tuum potest ascendere , nec infra maneas. Videatur in designationibus hujus , ut dicit Dionysius<sup>10</sup> , quod Seraphim mediis volabant

<sup>1</sup> *Osee* , vii , 4. — <sup>2</sup> *Isa* , lix , 5. — <sup>3</sup> *Jerem* , ii , 18. — <sup>4</sup> *Levit* , xi , 3. — <sup>5</sup> *Psal* . cxviii , 103. — <sup>6</sup> *Sapient* ,

viii , 2. — <sup>7</sup> *Sapient* , xvi , 20. — <sup>8</sup> *Rom* , xii , 3. — <sup>9</sup> *Prov* , xxv , 16. — <sup>10</sup> *Dion* , de *Ecclesiastica Hierarchia* , c. ix. — (a) *Leg* . nauseas.

alis ; ut nec sistat homo infra quam potest , nec ascendat supra illud , quod potest . Sicut illi , qui cantant ultra vires , nunquam bonam faciunt harmoniam ; et , ut dicit Augustinus , illi , qui non ordinant studium , sunt sicut pulli equorum , qui modo currunt hue , modo illuc : sed jumentum piano passu vadit . Tantum proficit unus durus , dummodo ordinet studium suum , sicut ingeniosus , et inordinate studens . Qui autem vult in hoc studio proficere , oportet quod habeat sanctitatem , ut possit studere ad habendam vitam timoratam , impollutam , religiosam , ædificatoriam . Primo haec est vita Sanctorum timorata , ut in his , quæ agit , semper timeat , sive vadens ad missas , sive ad mensam , sive stans , sive sedens : quia in omnibus potest esse peccatum .<sup>1</sup> « Verebar omnia opera mea , sciens quod non parceres delinquenti . » Optimum signum est timor ; et pessimum est audacia , quia talis nunquam corrigitur . Secundo vita impolluta , quod totum faciat propter amorem Dei , non propter amorem alicujus rei ; quia omnis amor suspectus est , nisi verbi Dei . Unde dicit Augustinus , et Bernardus in quadam epistola ad quemdam monachum , quod dilectio apostolorum in corpore Christi impediebat adventum Spiritus sancti . Quid vero de amore creaturarum ? Ideo dicit *Psalmus* <sup>2</sup> : « Renuit consolari anima mea , » etc .<sup>3</sup> « Custodi me , Domine , ut pupillam oculi . » Pupilla non bene custoditur munda , quando est vapor , vel pulvis , vel humor in ea . Tertio , quod sit vita religiosa clausa , sicut maceria vineæ : sic oportet , quod homo faciat sibi restrictivum linguæ et sensuum cæterorum . Sane <sup>4</sup> « si quis putat se religiosum esse , non refrænans linguam suam , » etc .<sup>5</sup> « Sepia aures tuas spinis . » Vita nostra non debet esse data loqueliis , sed lacrymis . Quarto , quod sit vita ædificatoria proximi , ut sit paratus omnes ædificare , et doleat , si quis ex ipso scandalizatur : et debet cavere damna alte-

rius , quia si ego solus bene comedero , et alii jejunarent , malefactum esset . Et iste est fructus aliorum . Item sequitur ex his , scilicet ex scientia et sanctitate , studium sapientiæ , quod consistit in quatuor , quæ sunt necessaria , scilicet 1. recognitio internorum et externorum defectuum . Unde in fronte Apollinis scriptum erat <sup>6</sup> : « Recognosce teipsum , » quia sine hoc impossibile est deve-  
nire ad sapientiam . Unde quanto sapiens plus proficit , tanto plus se despicit . Unde malus mercator est , qui se decipit : quod facit , qui se appretiatur plusquam valet : sed alios appretiari , et se despicere , hoc est prin-  
cipalissimum studium sapientiæ , ut sibi per-  
suadeat homo suos defectus , et fiat humilis in oculis suis . Secundum studium est casti-  
gatio passionum , quæ sunt septem affectio-  
nes animæ , quatuor principales , et tres an-  
nexæ , scilicet timor , dolor , spes , gaudium , desiderium , verecundia , odium . In omnibus his contingit excedere . Puer enim , quando nimis clamat , compescitur ; sic homo cen-  
sura quadam judiciali debet domare et re-  
stringere hujusmodi passiones , ut quando venit dolor , dicatur sibi : « Sta in pace ; » et sic de aliis ; et præsertim debet deserere is-  
tas principales et pueriles affectiones . Pueri enim insecuriores sunt passionum . « Maledic-  
tus enim <sup>7</sup> puer centum annorum . » Tertium studium est ordinatio cogitationum . Unde scriptum est , quod <sup>8</sup> « stultus per fenestram prospicit in domum proximi . » Et haec est major difficultas ordinare phantasmata no-  
stra , ut , quando sumus in ecclesia , nil cogi-  
temus nisi de officio nostro ; et sic de aliis : et necessario oportet ordinare has cogitatio-  
nes ad hoc , quod Spiritus sanctus intret per sapientiam ; quia <sup>9</sup> « Spiritus sanctus disciplinæ effugiet fictum , et auferet (a) se a cogi-  
tationibus quæ sunt sine intellectu . » Ideo oportet habere certas materias , circa quas nos exerceamus . Quartum studium est desi-  
deriorum sursumactio : hoc facit alia studia va-

<sup>1</sup> Job , ix , 28 . — <sup>2</sup> Psal . LXXVI , 6 . — <sup>3</sup> Psal . XVI , 8 .  
— <sup>4</sup> Jac . , I , 26 . — <sup>5</sup> Eccli . , XXVIII , 28 . — <sup>6</sup> Cic . , de

Legib . , lib . I , in fin . — <sup>7</sup> Isa . , LXV , 20 . — <sup>8</sup> Eccli . ,  
xxi , 26 . — <sup>9</sup> Sap . , I , 5 . — (a) Al . aufert .

Sapien-  
tiae sta-  
diū  
quatuor  
requirit .

Cogni-  
re te ip-  
sum .

Passio-  
nes sep-  
tem ani-  
mæ mo-  
derandæ

lere, et posteriora obliisci. <sup>1</sup> Extendamus nos<sup>2</sup>, » etc. <sup>2</sup> « Sapientis oculi in capite ejus. <sup>3</sup> Cor sapientis in dextera ejus. » Hoc studium sapientis, ut non declinet studium nostrum, nisi ad Deum, qui est totus desiderabilis. Hæc quatuor sunt difficillima, nisi habentur prima studia, et cum his sunt facillima. Unde facile est tunc habere dominium supra passiones. Unde dicitur <sup>4</sup> de quodam philosopho, qui dixit servo suo : « Ego te affligerem, si non essem iratus. »

## SERMO XX.

*Quo exponitur quarta consideratio de contemplatione, quæ fit per modum diversum, quo soli, et lunæ, et stellis comparatur; ac de visione intelligentiæ per contemplationem suspensa.*

<sup>5</sup> *Dixit quoque Deus, fiant luminaria in firmamento cœli, et sint in signa, et tempora, et dies, et annos, et dividant diem ac noctem. Et fecit Deus duo magna luminaria: luminare majus, ut præcesset diei, et luminare minus, ut præcesset nocti: et stellas. Et posuit illas in firmamento. Et vidit Deus quod esset bonum, et factum est vespere, et mane dies quartus. Dictum est supra <sup>6</sup>, quod <sup>7</sup> « Deus dedit Danieli intelligentiam omnium visionum. » Ex occasione hujus, distinctæ sex visiones correspondent operibus sex dierum. Nunc dicendum est de quarta, scilicet specie intelligentiæ, sive visione, per contemplationem suspensa. Sed intelligendum, quod hanc visionem nullus habet, nisi sit <sup>8</sup> vir desideriorum; nec potest eam habere, nisi per magnum desiderium. Unde ait Propheta <sup>9</sup>: « Gustate, et videte quoniam suavis est Dominus. » Primo dicit: *Gustate*: gustus enim suavis non est, nisi præcedat appetitus gustabilis ad gustabile suscipiendum. Hæc autem intelligentia suspensa debet intelligi per opus quartæ diei, in qua luminaria facta sunt.*

<sup>1</sup> Ex Apostolo, *Philip.*, III, 13. — <sup>2</sup> *Eccle.*, II, 14. — <sup>3</sup> *Eccle.*, X, 2. — <sup>4</sup> Cic., *Tuscul.*, lib. IV, non procul a fine, de Archita Tarent.; Val. Max., lib. IV, c. I,

Anima autem illa sola per contemplationem suspensa est, quæ habet solem, et lunam, et stellas in firmamento suo. Considera, si modo non esset sol, et luna, et stellæ in firmamento, quid esset mundus? Non esset nisi quædam massa tenebrosa et horribilis: sic est de anima, quæ non habens gratiam contemplationis, est sicut firmamentum sine luminaribus; sed quæ habet, est firmamentum ornatum luminibus. Et sicut differt cœlum non habens luminaria, a cœlo habente; sic anima non habens, ab anima disposita ad hoc, unde differt sicut angelus a bestia. Bestialis est homo carens his, et habens faciem ad terram sicut animal; sed plenus luminibus, est totus angelicus. In quarto die fecit Deus solem, et lunam, et stellas. Et hæc visio est principaliter circa tria: circa luculentam considerationem cœlestis monarchiæ; circa luculentam considerationem militantis Ecclesiæ; circa luculentam considerationem mentis humanæ hierarchizatae. Nisi enim speculetur summani monarchiam, et contueatur descendens Ecclesiæ militantis ab ea, et suam ipsius hierarchiæ adornationem, nunquam erit contemplativa. Et tunc habebit lucem solarem, lunarem, stellarem. Prima consideratio comparatur luci solari; secunda, luci lunari; tertia, stellari. Hæc anima est felix, quæ se contuetur ornatam, et conformem illi Hierusalem, et hierarchiam illustratam, scilicet angelicam, et hierarchiam illustrantem, scilicet divinum principatum, personarum luculentam distinctionem. Ergo consideratio cœlestis monarchiæ assimilatur luci solari propter triplicem rationem: propter fulgorem puritatis præcipuae; propter fulgorem limpiditatis præclaræ; propter fulgorem inflammationis vivificæ. Hæc tria habet illa consideratio ratione primæ, et est summæ dignitatis et excellentiæ, quæ habet puritatem, et elongatur ab omni fæce cor-

Anima  
per con-  
templa-  
tionem  
suspensa

Contem-  
platio  
præci-  
pue circa  
tria.

item, et simile refert de Platone. — <sup>5</sup> *Gen.*, I, 14-19. — <sup>6</sup> Serm. III, p. 41. — <sup>7</sup> *Dan.*, I, 17. — <sup>8</sup> *Dan.*, IX, 23. — <sup>9</sup> *Psal.* XXXIII, 9.

ruptionis. De illa puritate scriptum est<sup>1</sup> : « Sicut Sol oriens in altissimis Dei , sic mulieris bonae species in ornamentum domus suea. » Hæc convenit æternæ sapientiae , et menti æterna sapientia illustratæ. Est enim sicut Sol pura, quia Sol non est altior omnibus planetis localiter ; sed Sol dicitur altissimus ratione altissimæ puritatis , activitatis et luminositatis. Unde est secundum Isidorum *Sol quasi solus lucens*. Hæc sapientia est æterna , quæ<sup>2</sup> « ubique attingit propter suam munditiam. » Comparatur autem mulieri bonæ , non propter aliquod fœdum , sed ratione fœcunditatis ad concipiendum , producendum , pariendum quidquid est de universitate legum et exemplariorum. Omnes enim rationes concipiuntur ab æterno in vulva æternæ sapientiae , seu utero , et maxime prædestinationis. Unde , quia ab æterno rationes prædestinationis concepit , non potest nos non diligere : et sicut ab æterno concepit , sic in tempore produxit , sive peperit , et postea in carne patiendo parturivit. Et qui potest hoc intelligere , intelligit , et habet altissimam contemplationem. Est ergo hæc consideratio illius Esse purissimi : purissimum autem , quia simplicissimum : simplicissimum autem , quia summe unum. Ideo dicitur Israel , viro contemplativo<sup>3</sup> : « Audi , Israel , Dominus Deus tuus unus est. » Similiter anima contemplativa intelligitur per mulierem illum. Et dicuntur animæ contemplativæ filiæ Hierusalem , quia formosæ , fœcundæ. Et formositas est fœcunditas , quia quanto plus concipiunt lumina , tanto formosiores sunt. Unde<sup>4</sup> : « Beati mundo corde , quoniam ipsi Deum videbunt. » Unde per puritatem , non rationem , oportet nos introire in contemplationem. Et ideo<sup>5</sup> « cum simplicibus sermocinatio ejus , » qui habent mentes puras , non excæcatas propter malitiam supervenientem. Animæ ergo quæ sunt formosæ et fœcundæ , dicuntur filiæ Hierusalem , et

intelliguntur per solem ratione formositatis , per mulierem ratione fœcunditatis. Secundo , Soli comparatur propter fulgorem limpitudinis præclaræ. Ubi major fulgor , ibi major claritas et limpuditas ; unde in *Ecclesiastico* dicitur<sup>6</sup> : « Sol illuminans per omnia res pexit , et gloria Domini plenum est opus ejus. » Unde Gregorius<sup>7</sup> : « Quid est quod non videant , qui videntem omnia vident ? » Anima beati Benedicti bene fuit contemplativa , qui totum mundum vidit in uno radio solis. Non multum studuerat ipse , nec libros habebat , quia ipse decimotertio anno mundum dimiserat , et latitabat inter fruteta cum illis bestiis , sicut una fera. Unde etiam pastores crediderunt eum feram. Et dicit Gregorius : « Mundus non fuit coangustatus in uno radio solis ; sed ejus animus dilatatus , quia vidit omnia in illo cuius magnitudine omnis creatura angusta est , et parva , et modica. » Sic enim ait Sapientia<sup>8</sup> : « Momentum stateræ est ante te orbis , et sicut gutta roris antelucani. » Et alibi de hac præclaritate dicitur<sup>9</sup> : « Est enim speciosior sole , et super omnem dispositionem stellarum luci comparata , invenitur prior(a). » Considera , quod in anima contemplativa describitur universus orbis , et quilibet spiritus cœlestis , qui in se habet descriptum totum orbem. Describitur etiam radius supersubstantialis , qui et universum orbem , et universum spiritum continet. Ergo in anima contemplativa mira sunt lumina , et mira pulchritudo. Sic ergo mundus pulcher est a summo ad imum , ab initio ad finem : descriptus in anima facit speculum , et quilibet spiritus est speculum : et sic in anima est mira numerositas , summus ordo , summa proportionalitas. Pulchra ergo est numerositas spirituum , quia quoties in anima sic reluet cognitio orbis terrarum , et spirituum bonorum , et radii supersubstantiales , toties in ea est mira refulgentia : et ex hoc est « speciosior sole. » Rursus radius , qui con-

<sup>1</sup> *Eccl.*, xxvi, 21. — <sup>2</sup> *Sap.*, vii, 24. — <sup>3</sup> *Deut.*, vi, 4. — <sup>4</sup> *Matth.*, v, 8. — <sup>5</sup> *Prov.*, iii, 32. — <sup>6</sup> *Eccli.*,

<sup>7</sup> *Greg.*, *Dial.*, lib. IV, c. xxxiii. — <sup>8</sup> *Sap.*, xi, 23. — <sup>9</sup> *Sap.*, vii, 29. — (a) *Al.* purior.

tinet ommem dispositionem, et repræsentat vel continet omnes theorias, est in anima, et in illo anima absorbetur per mentis transformationem in Deum. Et ideo est anima « super omnem dispositionem stellarum. » Tertio hæc consideratio comparatur luci solari, propter fulgorem inflammationis vivificantem mirifice. Est enim radius solis ad vivificandum, non ad consummandum, nisi per accidens ex quibusdam dispositionibus. De hoc calore inflammante scriptum est<sup>1</sup>: « Sol in aspectu aunctians, in exitu vas admirabile opus Excelsi. In meridiano exurit terram (*a*), et in conspectu ardoris ejus quis poterit sustinere? Tripliciter Sol exurus montes, radios igneos exsufflans, et resulgens radiis suis excæcat oculos. » Vult dicere, quod quando sol aspicitur, quod ipse sol sic annuntiat quæ sunt apud se et in se, et oritur super hemisphærium mentis, quod in meridiano exurit, et in conspectu ardoris ejus non potest aliquis sustinere. Animæ enim non sublevatae sunt quasi in hyeme; sed quæ sunt elevatae ad mediocrem contemplationem, sunt quasi in vere; sed quæ elevatae sunt ad excessus, sunt sicut in æstate, et percipiunt fructus autumnales, quia quiescunt. Tunc enim in autumno colligunt fructus, et faciunt, et celebrant solemnitates in autumno. Sed ubi exurit in meridie? Quando in maxima virtute est, hoc est in celo. Ibi enim perfecta est contemplatio, et illos inflammantes ardores, quos emitit in animas illas, quæ habent excessus mentales, nullus potest explicare. Si enim secundum Apostolum<sup>2</sup>, « gemitus sunt inexplicabiles, quibus postulat pro nobis spiritus, » quot sunt excessus? quot ardores? Unde<sup>3</sup>: « Quis ex vobis poterit habitare cum ardoribus sempiternis? » Et tamen « Sol exurit tripliciter, » quia sol æternus terram illam hierarchicam, et istam humanam irradiat et inflammat tripli et triformali amore, et sursum agit in Deum utramque: scilicet illam

per tentionem, visionem, et fruitionem; hanc per charitatem<sup>4</sup> « de corde puro, conscientia bona, fide non ficta. » Hierarchiam dico cœlestem, secundum trinas hierarchias collocatam. Sed quid est, quod iste radius excæcat, cum potius deberet illuminare? Sed ista excæcatio est summa illuminatio, quia est in sublimitate mentis, ultra humani intellectus investigationem. Ibi intellectus caligat, quia ibi non potest investigare, quia transcendit omnem potentiam investigationem. Ergo est ibi caligo inaccessible, quæ tamen illuminat mentes, quæ perderunt investigationes curiosas. Et hoc est, quod dicitur<sup>5</sup> « Dominus inhabitare in nebulæ, » et<sup>6</sup>: « Posuit tenebras latibulum suum. » Hæc est ergo consideratio luculenta cœlestis hierarchiæ. Propter hæc ergo tria dicitur *sol*, et de hoc potest accipi, quod scribitur<sup>7</sup>: « Refulsit sol in clypeos aureos, et resplenduerunt montes ab eis, sicut lampades ignis. » Clypei sunt rationes æternæ prædestinationum æternarum, quæ habent rationem armaturæ, et rationem fulgoris incomparabilis. *Sol æternus*, scilicet sapientia æterna, *refulget in clypeos* (*b*), quando sublimat Deus mentem contemplativam, ad percipiendum fulgorem veritatis æternæ, et illarum rationum. *Montes autem resplendent*, quia sol iste per istas rationes, quasi per clypeos aureos, illuminat mentes, hoc et spiritus in æternitate firmatos et sublimatos, qui respiciunt primo orientales radios primaria visione; meridionales, perfecta illustratione; occidentales, postrema tentione. Hi radii tripliciter oriuntur a sole, et splendent *sicut lampades ignis*, quia est ibi inflammatio permaxima. Et hoc est tota causa inflammationis contemplationis, quia nunquam venit ad contemplationem radius splendoris, quin etiam inflammans. Et ideo in *Canticis* loquitur Salomon per modum amoris et per modum

<sup>1</sup> Eccli., XLIII, 2-4. — <sup>2</sup> Rom., VIII, 26: *Ipse Spiritus postulat pro nobis gemitibus inenarrabilibus.* — <sup>3</sup> Isa.,

XXXIII, 14. — <sup>4</sup> I Tim., I, 5. — <sup>5</sup> III Reg., VIII, 42. — <sup>6</sup> Psal. XVII, 12. — <sup>7</sup> I Mach., VI, 39.

(a) Cæt. edit. add. et in terram. — (b) Al. clypeis.

cantus, quia ad illos fulgores non potest perveniri nisi per amorem. Item contemplatio consistit in consideratione luculenta militantis Ecclesiae. Haec consideratio intelligitur per lucem lunarem: qui non novit hanc, non potest quidquam comprehendere. Unde non est ornatum cœlum, nisi habeat luminare majus et luminare minus. Unde Joannes dicit<sup>1</sup>: « Vidi civitatem Hierusalem » non solum stantem, imo etiam « descendenter, a Deo formatam, et (a) ornatam. » Sicut enim radius solis per lunam illuminat noctem, sic radius divinus per Ecclesiam illuminat ipsam animam contemplativam. Radius enim divinus in cœlesti hierarchia umbram non habet, sicut lux solis non habet tenebrositatem in se, sive in suo fonte; sed in luna, quæ habet obscuritatem, et non est simpliciter clara. Sie in Ecclesia militante, in qua est radius in

*Ecclesia militans cur lunæ comparetur.*

figuris et in ænigmatibus. Comparatur Ecclesia militans lunæ propter refulgentiam obscuram, sive symbolicam; propter refulgentiam excessivam, sive ecstaticam, et propter refulgentiam ordinatam. Prima ergo refulgentia in Ecclesia est obscura et symbolica sacramentorum et figurarum, per quæ decurrit Ecclesia a principio usque ad finem. De hoc dicitur<sup>2</sup>: « Luna in omnibus in tempore suo, ostensio temporis, et signum ævi. » Duo dicit: quod luna est manifestatio temporum, et per modum signationis: et hoc est in Ecclesia per symbola, quia aliter non est possibile, nobis lucere divinum radium, nisi anagogice circumveletur, secundum Dionysium<sup>3</sup>. Unde lunam videre possumus, non solem, quia radius solis contemperatur nobis per lunam. Sie radius æternus non potest aspici in se; sed si nos aspicimus illum radium, ut est in Ecclesia velatus per sacramenta et figuras, possumus quidem aspicere ipsum, qui nobis ostendit quæ sunt facta, et fienda, et quæ in

æternitate: quæ sunt facta, per allegoriam; quæ sunt facienda, per tropologiam; quæ in æternitate, per anagogiam. Intelligimus enim aliquo modo figurarum doctrinam, quibus Testamentum Vetus et Novum plenum est, ut patet per Apostolum, quod passio Christi et veritas fuit et figura; similiter resurrectio: et ideo figuræ nondum explanatae sunt; sed quando luna erit plena, tunc erit apertio Scripturarum, et libri aperiuntur, et septem sigilla solventur, quæ adhuc non sunt aperta. Credite mihi: tunc videbimus, quasi per plenilunium, quando noster Rex<sup>4</sup> « leo de iatribu Juda, » surget, et aperiet librum; quando consummabuntur passiones Christi, quas corpus Christi patietur. Oportet enim surgere Herodem, sub quo deludatur Christus, et Petrus incarceretur. Item secundo comparatur lunæ propter refulgentiam excessivam, sive ecstaticam. Unde in *Ecclesiastico* dicitur<sup>5</sup>: « A luna signum diei festi, luminare quod minuitur in consummatione. Mensis secundum nomen ejus est crescens mirabiliter in consummatione. » Duo dicit de luna: et quod mirabiliter crescit in consummatione; et mirabiliter diminuitur. Et hoc verum est, sive in consummatione in conjunctione ejus cum sole, sive in oppositione. Quando enim est in plena oppositione ad solem, tunc distat ab eo magis quam potest, et tunc minus illuminatur secundum veritatem, quam in alio tempore. Quod sic probatur: Regula est in perspectiva, quod quando corpus sphæricum luminosum majus est quam corpus opacum sphæricum quod illuminat, quanto magis appropinquat corpus ad corpus, tanto magis illuminatur corpus opacum, quia basis corporis luminosi est major, et angulus radiorum major; quando vero distat, angulus minor est, et basis minus de corpore opaci attingit. Sed quando est in plena oppositione, est ibi in maxima distantia. Ergo tunc minus illuminatur secundum veritatem, et plus secundum apparentiam, quia tunc vocatur luna

(a) *Vulg. interponit* paratam sicut sponsam.

<sup>1</sup> Apoc., xxi, 1. — <sup>2</sup> Eccli., xlvi, 6. — <sup>3</sup> Dion., de Cœl. Hierach., c. I. — <sup>4</sup> Apoc., v, 5. — <sup>5</sup> Eccli., xlvi, 7, 8.

*plena.* Item apud conjunctionem est e converso, quia tunc illuminatur magis secundum veritatem, et minus secundum apparentiam nostram, quia tunc nihil videmus de luna. Ergo sive consummatio intelligatur, vel quantum ad oppositionem, vel quantum ad conjunctionem, utrumque verum est, et quod mirabiliter erescit, et quod mirabiliter minuitur in consummatione. Luna quæ erescit, et minuitur, signat hominem in vita activa, et contemplativa, sicut stella matutina, quæ aliquando præcedit solem, et tunc signat contemplativam; et aliquando sequitur, et tunc signat activam vitam. Hæc luna est Ecclesia, vacans et contemplationi, et actioni: quando vacat contemplationi, tunc summe illuminatur fulgoribus celestibus; quando vero actioni vacat, tunc minus illuminatur. Et non vivit homo, qui non minuitur, quando dat se actioni, excepto Christo, qui fuit perfectus in actione et contemplatione. Unde nullus homo sapiens unquam descendit ad actionem, maxime præsidentium, nisi quadam necessitate: quia secundum Gregorium in *Pastoralibus*<sup>1</sup>: « Pollens virtutibus invitus accedit; carens virtutibus accedit non coactus, » quia ex hoc minuitur lumen id quod est maximæ (*a*) illuminationis, scilicet contemplationis. Sed e contra, sicut sponsa desiderat sponsum, et <sup>2</sup> materia formam, et turpe pulchrum; ita anima appetit uniri per excessum contemplationis: et tunc quando hemisphærium animæ totum luminibus plenum est, tunc homo exterius fit totus deformis, tunc homo fit fine loquela. Unde tunc habet veritatem illud in *Canticis*<sup>3</sup>: « Nolite me considerare, quod fusca sim; quia decoloravit me sol, » quia tunc maxime conjungitur luminibus interioribus. Unde dicitur<sup>4</sup>: « Ex quo locutus es ad servum tuum, impeditioris et tardioris linguae factus sum. » Similiter Israel, id est « vir for-

tis» in vita, fortificatus fuit in lucta Angeli, emarcuit tamen <sup>5</sup> nervus femoris ejus, et factus est claudus: quia hæc contemplatio facit nigram animam apparere hominibus, quando summo soli conjugitur. Hæc est sicut *Esther*, quæ<sup>6</sup> « non quærerit mundum muliebrem, » sed contenta est naturali pulchritudine, nec quærerit istos ornatus meretricios. Nam dicebat beatus Franciscus, quia « dieo vobis, quod nunquam qui vult apparere, potest venire ad contemplationem. » Tertio comparatur lunæ propter resplendentiam ordinatam; unde dicitur<sup>7</sup>: « Vas castrorum in firmamento cœli resplendet: » dicitur de luna. Omnia enim, quæ sunt in Ecclesia, sunt secundum rationem ordinis ordinatione robusta, pulchra, jucunda. Propter primum dicitur *vas castrorum*,<sup>8</sup> « acies ordinata. »<sup>9</sup> « Quid videbis in Sulamite, nisi choros castrorum? » quia iste ordo totus est ad pugnandum contra universitatem hostium. Item habet jucunditatem; ideo dicit: *Resplendet* (*b*). Et hæc est gloria, quæ est formositas cum jucunditate. Unde et divites ostendunt gloriam suam, incedendo in gloria vestium, et lætitiam, sicut in nuptiis et festis. Hæc est secunda pars contemplationis, considerare scilicet Ecclesiam secundum quod est supervestita figuris et theoriis, et secundum quod illustrata a sole, et secundum quod est ordinata ad pugnandum; et sic est luna in firmamento animæ, ut consideratur per theoriā symbolicā, per theoriā proprię dictam. Tertia pars contemplationis est in consideratione luculenta mentis humanæ hierarchizata: et hæc intelligitur per stellas, sive per lucem stellarum, quæ quidem habet radiationem mansivam, decoram, et jucundam. Anima quæ habet hæc tria, est hierarchizata. De radiatione mansiva, quæ est in anima hierarchizata, dicitur in libro *Judicum*<sup>10</sup>: « Stellæ manentes in ordine et cursu suo, pugnaverunt contra Sisaram. »

Francis dic  
tua.

<sup>1</sup> Greg., *Pastor.*, part. I, c. IX: « Virtutibus pollens coactus ad regimen veniat; virtutibus vacuus ne coactus quidem accedit. » — <sup>2</sup> Arist., *Phys.*, lib. I, text. 81.

<sup>3</sup> *Cant.*, I, 6. — <sup>4</sup> *Exod.*, IV, 10. — <sup>5</sup> *Gen.*, xxxii, 25.

— <sup>6</sup> *Esth.*, II, 3. — <sup>7</sup> *Eccli.*, XLIII, 9. — <sup>8</sup> *Cant.*, VI, 3, 9. — <sup>9</sup> *Cant.*, VII, 1. — <sup>10</sup> *Judic.*, V, 20.

(a) *Cæt. edit.* maxime. — (b) Item *Resplendeat*.

Sicut enim stellæ sunt fixæ in cœlo, sic oportet quod contemplativus sit fixus et mansivus, non vacillans; non habens oculos tremulos, sed aquilinos. Unde Dionysius<sup>1</sup>: « Habens oculos, scilicet investigationis rationis, debet esse fixus fixione siderea manens. » Non manet autem, nisi habeat cursum et ordinem, scilicet hierarchicorum graduum, et virtutum, et postmodum currat incessanter per illos<sup>2</sup> « de virtute in virtutem: » et hoc est pugnare contra Diabolum. Mens enim fixa in stabilitate graduum hierarchicorum, et virtutum hierarchiarum, non est tædiosa; sed dormit homo exterius, et vigilat interius: hoc autem est hominum vivacum, stabilitorum infatigabiliter. Hæ considerationes faciunt animas robustas. Item habet radiationem decoram. Unde *Ecclesiasticus* dicit<sup>3</sup>: « Species cœli gloria stellarum. » Cœli sunt animæ cœlestes speciosæ, decoræ; sed in *gloria stellarum*, scilicet in gloriosa refulgentia, quæ consistit in consideratione decora. Unde debet esse manens in Deo, crescens de virtute in virtutem, ut attentissime attendat ad illos fulgores, ut non dormiat cor suum, sed vigilet perspicaciter. Multi enim sunt, qui amant pulchritudinem: pulchritudo autem non est in exterioribus, sed effigies; vera autem pulchritudo est in illa pulchritudine sapientiæ. Tertio assimilatur luci stellarum, propter radiationem jucundam (*a*). Baruch dicit<sup>4</sup>: « Stellæ dederunt lucem in custodiis suis, et lætatae sunt; vocatae sunt, et dixerunt: Adsumus, et luxerunt cum jucunditate ei, qui fecit illas. » His anima comparatur, quando vocatur a Deo per inspirationem; et ipsa currit per desiderium, sicut habetur in *Psalmo*<sup>5</sup>: « Lætatus sum in his, quæ dicta sunt mihi: in domum Domini ibimus. » Et in *Luca*<sup>6</sup>: « Gaudete, quia nomina vestra scripta sunt in cœlis. » Quia ex gaudiis in illis luminibus nascitur lumen indeficiens, ut in *Psalmo*<sup>7</sup>: « Ex ore

<sup>1</sup> Dion., *de Cœl. Hier.*, c. II. — <sup>2</sup> *Psal.* LXXXIII, 8. — <sup>3</sup> *Eccli.*, XLIII, 40. — <sup>4</sup> *Baruch*, III, 34, 35. — <sup>5</sup> *Psal.* CXXI, 1. — <sup>6</sup> *Luc.*, X, 20. — <sup>7</sup> *Psal.* VIII, 3, 4.

infantium et lactentium perfecisti laudem. Quoniam videbo cœlos tuos, opera digitorum tuorum; lunam et stellas, quæ tu fundasti: » quæ radiantur radiatione mansiva, contemplativa, et hierarchica. Sed deberent esse cum virtute, et decore, et jucunditate. Unde in *Canticō* dicitur<sup>8</sup>: « Pulchra es, amica mea, suavis et decora: » quia jucunda, ideo suavis; quia decora, ideo pulchra; quia mansiva, ideo terribilis ut castrorum acies ordinata. Fecit ergo Deus die quarta solem et lunam et stellas, quia dedit Deus animæ, ut habeat considerationem suiipsius, et Ecclesiæ militantis, et cœlestis monarchiæ. Unde<sup>9</sup>: « Quæ est ista, quæ ascendit quasi aurora consurgens, pulchra ut luna, electa ut sol, terribilis ut castrorum acies ordinata? » Aurora est, quando consurgit in considerationem sui; luna, in considerationem Ecclesiæ militantis; sol, quando in Deum absorbetur: et ex his est terribilis, ut castrorum acies ordinata. De viro contemplativo dicitur, in laudem Simonis Oniæ filii<sup>10</sup>: « Quasi stella matutina in medio nebulæ, et quasi luna plena in diebus suis luceat, et quasi sol refulgens, sic ille refulsit in templo Dei, quasi arcus refulgens inter nebulas gloriæ. » Stella est in consideratione proprii adornatus; sed in medio nebulæ, propter humilitatem, quæ est necessaria viro contemplativo, non ut Lucifer, sed ut magis dicat<sup>11</sup>: « Quoniam tu illuminas lucernam meam, Domine: Deus meus, illumina tenebras meas. » Quasi luna per considerationem Ecclesiæ militantis, considerando ejus principium, medium, et finem. Unde non habetur illuminatio, nisi quando Ecclesia consideratur secundum sua tempora: Rachel parturiet, et Benjamin nasceretur. Sicut sol refulsit, quando scilicet elevata est in contemplatione. Et tunc est luna plena, quando illos splendores pulcherrimos et præclaros ab illa præclara luce suscepit: et tunc talis anima fit sicut arcus, quia conciliatrix Dei et hominis, sicut lumina porta-

<sup>8</sup> *Cant.*, VI, 3. — <sup>9</sup> *Ibid.*, 9. — <sup>10</sup> *Eccli.*, VI, 8. — <sup>11</sup> *Psal.* XVII, 32. — <sup>(o)</sup> *Edit. Ven.* jucunda.

bat Moyses a Deo ad populum. De quo Joannes dicit<sup>1</sup> : « Vidi signum magnum (*a*) in caelo : mulier amicta sole, et luna sub pedibus ejus, et in ea (*b*) est corona stellarum duodecim. » Prima visio est de candelabris, et Filio hominis, et septem stellis; secunda, de septem sigillis; tertia, de angelis tuba canentibus; quarta, quando apertum est tempus, et signum magnum apparuit de muliere amicta. In prima manifestatur fulgor ordinis præsidentium; in secunda, pugnantium, ut martyrum; in tertia, fulgor docentium, per clangorem tubæ; in quarta, fulgor contemplantium, qui habent solem, et lunam, et stellas. Ex consideratione cœlestis monarchiæ, est *amicta sole*, quia est consideratio secundum principale; sed quando descendit anima ad considerationem Ecclesiæ militantis, habet *lunam sub pedibus*, non ad concilandum, sed quia se fundat et sustentat super Ecclesiam. Non enim est anima contemplativa, nisi per Ecclesiam sustentetur, quasi super basim. Post considerationem hierarchicarum illuminationum, est quasi habens stellas duodecim. Stellæ sunt duodecim mysteria reseranda, quæ per duodecim significaciones in futuro signantur, quæ sunt significaciones electorum. Nota, quod duodecim significaciones sunt sub sexto sigillo, et sub sexto angelo, et mensuratio civitatis, et ostensio civitatis, et apertio libri; et sexto angelo, scilicet Philadelphiæ, quæ interpretatur *conservans hæreditatem*, dictum est de clave David, de quo dicitur<sup>2</sup> : « Qui vicerit, scribam super eum nomen meum; et nomen civitatis novæ Hierusalem,»

<sup>1</sup> *Apoc.*, XII, 1. — <sup>2</sup> *Apoc.*, III, 12. — <sup>3</sup> *Apoc.*, X, 9. — <sup>4</sup> *Joan.*, XXI, 21. — <sup>5</sup> *Dicebat, addebat*, est-il dit ici et répété plusieurs fois; mais qui est-ce qui disait et ajoutait ces choses? Est-ce saint François d'Assise, comme l'ont pensé les éditeurs de Rome, et l'ont reddit après eux les éditeurs de Venise, qui à leur exemple ont mis en marge : *S. Francisci dicta?* Je crois que c'est plutôt saint Bonaventure lui-même : car, autre que dans tout ce discours il n'est pas dit un mot de saint François, ce n'était pas lui, fondateur de son Ordre, qui pouvait dire à ses religieux tout nouvellement formés : *Multum recessimus a statu nostro.* D'ailleurs, saint Bonaventure, n'ayant encore que cinq ans à l'époque de la mort de saint François,

hoc est : *Dabo notitiam Scripturarum isti sexto angelo : sed*<sup>3</sup> « *amaricabitur venter ejus, et in ore ejus erit dulce tanquam mel.* » Et iste ordo intelligitur per Joannem, de quo dictum est<sup>4</sup> : « *Sic cum volo manere, donec veniam.* » Et dicebat<sup>5</sup>, quod malignitatibus intrantibus, necesse est impleri hoc sexto tempore, in quo fecit Deus hominem ad imaginem et similitudinem suam; et addebat : « *Videte vocationem vestram, quia magna est;* » et dicebat, quod in malignitatibus ipsorum, judicium Deus pauperibus tribuet, ut sint judicantes duodecim tribus Israel : et in hac vita talibus debetur contemplatio. Contemplatio enim non potest esse, nisi in summa simplicitate : et summa simplicitas non potest esse, nisi in maxima paupertate : et hoc est hujus ordinis, cuius intentio est habere summam paupertatem. Et dicebat, quoniam multum retrocessimus a statu nostro; et permittit nos Deus affligi, ut per hoc perducamus ad statum, qui debet habere terram promissionis. Magna promisit Deus Israeli, et magni ex illis electi sunt, ut apostoli sui. Judæi fuerunt excæcati; isti illustri. Sed illi dederunt se carni, qui volunt dare loculos Christo. Nota etiam, quod pauci intraverunt terram promissionis; et illi, qui dissolverunt cor populi, non intraverunt.

## SERMO XXI.

*De personarum Trinitate, et de essentiæ unitate, et appropriatis, et lege triplici, et de Hierarchiarum ordinatione.*

*¶ Fecit Deus duo magna luminaria, etc.*

n'avait jamais pu être son auditeur. Preuve nouvelle, à ajouter aux autres, que ces discours ne sont, au moins en grande partie, qu'une rédaction faite de mémoire et après coup par quelque Franciscain, disciple de saint Bonaventure, de discours semblables qu'il lui avait entendu prononcer; de la même manière à peu près que nous devons les *Entretiens spirituels* de saint François de Sales au soin qu'a eu de les rédiger de mémoire une pieuse religieuse de la Visitation, Mme de Bonnay, après les avoir recueillis de sa bouche. Detur venia, si gallice hic saltem, perspicuitatis gratia, opinionem nostram enuntiavimus. — <sup>6</sup> *Gen.*, I, 14.

(a) *Vulg.* Signum magnum apparuit.—(b) *Vulg.* capite ejus.

Dictum est, quod cœlestis contemplatio consistit in luculenta consideratione cœlestis monarchiæ; in luculenta consideratione militantis Ecclesiæ; in consideratione luculenta mentis humanae hierarchizatæ, sive hierar-

S. Tri-  
nitas in  
sole  
adum-  
bratur.

chiae ordinatæ. Prima intelligitur per solem ; secunda per lunam ; tertia per stellas. Primo dicendum de sole : Sol æternus, Pater, et Filius, et Spiritus sanctus : Pater scilicet summe vigens; Filius, summe fulgens; Spiritus sanctus, summe calens. Pater, lux ingentissima; Filius, splendor pulcherrimus et fulgentissimus; Spiritus sanctus, amor ardentissimus. Sicut iste sol cuncta vivificat, cuncta illustrat, cuncta calefacit ; et sicut ista tria, vigor, splendor, calor, sunt unus sol, et tamen habent distinctionem, nec sunt tres soles; sic Pater, Filius, Spiritus sanctus, sunt unus Deus. Et sicut vigor est splendens et calens in isto sole visibili, splendor est vigens et calens, calor urgens et splendens; sic Pater est in seipso, et in Filio, et in Spiritu sancto; et Filius est in Patre, et in se, et in Spiritu sancto; et Spiritus sanctus est in Patre, et in Filio, et in seipso, secundum rationem circumcessionis, quæ notat identitatem cum distinctione. In hac consideratione est quædam ratio exemplaritatis divinæ, respectu omnium illuminacionum. Sed quædam illuminatio respondet Patri, secundum quod est in seipso; et alia, ut est in Filio; et alia, ut est in Spiritu sancto. Et alia est Filii, ut est in seipso; alia, ut est in Patre; et alia, ut est in Spiritu sancto. Et alia est Spiritus sancti, ut est in se; et alia, ut est in Patre; et alia, ut est in Filio. Et secundum hunc numerum novenarium, habent illuminationes esse. Hæc illuminationes habent esse dupliciter: primo, accipiendo absolute personas in seipsis, ut Pater in se, Filius in se, Spiritus sanctus in se, et sic sunt tres illuminationes; secundo modo sunt sex in comparatione personarum ad invicem, propter quod sexies in *Genesi* dicitur : *Dixit Deus: Fiat, et factum est, in operibus*

sex dierum. Intelligendum ergo, quod in Deo trino et uno fiunt appropriaciones proprietatum essentialium secundum hunc numerum novenarium. Quædam respiciunt Trinitatem, ut originans principium; quædam, ut gubernans medium; quædam, ut finale complementum, ut beatificans omnia, scilicet beatificalia. Unde Trinitas est sol universorum, principium originativum, gubernativum, consummativum, vel beatificativum. Secundum quod est origo originans, sic sunt tria appropriata, scilicet potentia, sapientia, voluntas. Hæc tria sunt necessaria principio originanti: sapientia enim et bonitas fundantur in aliqua potentia. Si enim potentiam non haberet, nihil posset producere; si haberet potentiam, et sapientiam non haberet, non produceret sapienter, quia potentia sine sapientia præceps est. Item si haberet potentiam et sapientiam, et nollet, tunc aut nihil produceret, aut invidus esset, et sic esset miser: et sic patet, quod voluntas reducit principium in actum. Et quia in his etiam est ratio principiationis æternæ, ideo appropriantur hæc tria ipsis, non solum ut principium originans aliorum, sed etiam respectu personarum. Secunda appropriatio est Solis æterni, secundum quod est medium cuncta gubernans; et secundum hoc sunt tria appropriata, scilicet pietas, veritas, sanctitas, quia omnis gubernatio et omnis legislatio est pia, vera, sancta, dicente Apostolo<sup>1</sup>: « Itaque lex sancta, et mandatum sanctum, et justum, et bonum. » Ab his enim tribus manant tres leges, nec possunt esse plures, scilicet naturæ, scripturæ, et gratiæ. Lex naturæ appropriatur Patri; lex scripta, Verbo; lex gratiæ, Spiritui sancto. Lex naturæ est lex pietatis. Pietas videtur inesse omni creaturæ natura (*a*), etiam insensibili. Radix enim totum, quidquid recipit, mittit ad ramos; fons, quidquid haurit, mittit ad rivulos: similiter in bestiis, pietas videtur esse patris ad prolem, et quidquid gustant et sumunt præter necessarium, et etiam de

<sup>1</sup> Rom., vii, 12.

(a) Cœl. edit. naturæ.

necessario, in lac convertunt, et in nutrimentum prolis. Lex scripturæ est lex veritatis, quia est in quadam veræ promissionis pronunciatione. Lex sanctitatis est gratiæ<sup>1</sup>: « Lex spiritus liberavit me. » Per hæc tria Deus Trinitas, scilicet Pater, et Filius, et Spiritus sanctus, est pius, verus, sanctus; dans legem piam naturæ, legem veram scripturæ, legem sanctam gratiæ. Per has tres gubernat mundum, et secundum hæc tria imprimunt leges in mente rationali. Omnis enim moralis lex est secundum hæc tria, sive secundum has tres. Sed in lege naturæ, sunt minus distinctæ, et explicitæ; in lege scripta, magis explicitæ et perfectæ; unde dicit Dominus<sup>2</sup>: « Non veni legem solvere, sed adimplere. » Et secundum hæc tria, Deus est pius cultor sui, verus professor sui, sanctus amator sui: et quælibet persona habet se ad se pie, vere, sancte, et ad alteram: ut Pater pie ad se, pie ad Filium, pie ad Spiritum sanctum; similiter vere, et sancte, et Creatura sic de aliis. Et ex hoc, quod est sui pius cul-  
quomo-  
do se de-  
tor, sui verus professor, sui sanctus amator,  
beatum cum  
Deo ha-  
bere.

debet se habere ad Deum pie, vere, sancte: pie Deum colere, et sic est primum præceptum<sup>3</sup>: « Non adorabis Deos alienos, sed unum solum; » vere Deum profiteri: « Non assumes nomen Dei tui in vanum; » sancte Deum amare: « Memento, ut diem sabbati sanctifices. » Hæc tria imprimunt sol in supremam partem animæ. Et quia inferior formatur ex superiori, et datur sibi adjutorium; ideo necesse est ut inferior habeat præcepta, per quæ conformetur superiori, ut pie, vere, sancte se habeat: pie ad superiores, maxime ad parentes, et sic<sup>4</sup>: « Honora patrem tuum, et matrem. » Vere et juste ad pares, et sic<sup>5</sup>: « Non occides, » ubi prohibetur omnis iniurie. Sancte ad inferiores, et sic<sup>6</sup>: « Non

adulterabis, » ubi prohibetur omnis actus impudicitiae. Hæc autem tria non possumus habere ad alterum, nisi prius habeamus apud nos. Ideo sunt alia tria præcepta: unum, quod rectificat omnes actus; aliud, quod rectificat omnes sermones; aliud, quod rectificat omnes affectiones. Quod rectificat actus, et sic<sup>7</sup>: « Non furtum facies: » ubi scilicet non solum prohibetur alienum, imo præcipitur ut de suo det. Et sic accipitur, quod dicit Apostolus<sup>8</sup>: « Qui furabatur, jam non furetur; magis autem laboret manibus suis, ut habeat, unde tribuat necessitatem patienti. » Quod autem rectificat sermones, sic<sup>9</sup>: « Non falsum testimonium dices: » ubi prohibetur omnis falsitas, sive in se, sive in alio<sup>10</sup>: « Loquimini veritatem unusquisque cum proximo suo. » Quod rectificat omnes affectiones, est<sup>11</sup>: « Non concupisces uxorem, » etc. Augustinus: « Bona est lex, quæ dum concupiscentiam prohibet, omnia mala prohibet. » Concupiscentia autem duplex est, carnalitatis, et cupiditatis. Et hæc ultima est<sup>12</sup> « radix omnium malorum. » Unde Legislator in hoc præcepto descendit ad particularia, ut, ad asinum, servum, ancillam. Et in hoc præcepto est consummatio præceptorum Dei, velit, nolit mundus (sic enim affirmabat<sup>13</sup>): scilicet in abdicatione omnis cupiditatis. Unde sicut novenarius compleatur et perficitur per additionem unitatis; sic novem præcepta, per abdicationem cupiditatis, qui est amor privatus, repugnans bono communi. Et iterum, sicut charitas est finis et perfectio præceptorum (a); sic abdicatio cupiditatis (quæ charitati opponitur) perfectio est præceptorum (b). Et illa tria ostendit Apostolus ad Titum<sup>14</sup>: « Sobrie, pie, et juste vivamus in hoc sæculo. » Sobrie, scilicet sancte; pie, scilicet benigne; juste, scilicet vere. Deus ergo dat leges non voluntate (c), sed maxima ratione. Tertia appropriatio

Bonaventure? C'est-à-dire, que cette locution : *Velit, nolit mundus*, était familière au saint Docteur. —

<sup>14</sup> Tit., ii, 12.

(a) *Suppl. affirmantium.* — (b) *Suppl. negantium.* — (c) *Suppl. arbitraria.*

<sup>1</sup> Rom., viii, 2. — <sup>2</sup> Matth., v, 17. — <sup>3</sup> Exod., xx, 3, 7, 8. — <sup>4</sup> Ibid., 12. — <sup>5</sup> Ibid., 13. — <sup>6</sup> Ibid., 14. — <sup>7</sup> Ibid., 15. — <sup>8</sup> Ephes., iv, 28. — <sup>9</sup> Exod., xx, 16. — <sup>10</sup> Ephes., iv, 23. — <sup>11</sup> Exod., xx, 17. — <sup>12</sup> I Tim., vi, 10. — <sup>13</sup> Affirmabat qu' n'était-ce pas encore saint

convenit Deo, ut est in ratione beatificantis; et secundum hæc, sunt tria, scilicet æternitas, formositas, jucunditas: æternitas in Patre; formositas in prole; jucunditas in nexu (*a*) utriusque. Secundum appropriacionem Hilarii: « Æternitas in Patre, species in imagine, usus in munere. » Anima igitur efficitur beata, dum fit particeps æternitatis, quando in memoria Deum habet, per tentionem; formositalis, per visionem; jucunditatis, per fruitionem. Haec appropriata respiciunt Deum non solum in se, sed ut est principium et origo originans, gubernans, beatificans. Ex primis luminibus æternitatis, secundum quod est in seipso et ad alias personas, accipiuntur novem considerationes, quæ sunt in primo Monarcha, et in nullo alio inveniuntur omnes. Iste ergo, qui est summe vigens, summe fulgens, summe caleans, iste solus est Princeps æternitatis, qui est principium in producendo, medium in gubernando, finis in beatificando,<sup>1</sup> « in omnibus primatum tenens. » Ad hoc autem,

*Monar-*  
*cha ve-*  
*rus.*

quod sit verus monarcha, debet esse summa celsitudine pollens, summa fortitudine præsidens, summa dulcedine pascens. Primum Patri, secundum Filio, tertium Spiritui sancto. Summa enim celsitudine pollet Pater in se; summa celsitudine pollet in Filio; similiter in Spiritu sancto. Idem de fortitudine, et summa dulcedine. Habemus ergo monarcham summe pollentem, sive præsidentem, et dulcissime pascentem. Ad hoc autem, quod sit summe pollens, necesse est ut sit summe sanctus, summe sapiens, et summe potens: summe sanctus, in diligendo bona; summe sapiens, in discernendo vera; summe potens, seu stabilis, in exequendo justa. Summa stabilitas convenit Patri, secundum quod est summe in se; sapientia summa, secundum quod est in Filio: summa sanctitas, secundum quod est in Spiritu sancto. Ad hoc autem, quod sit summa fortitudine præsidens, necesse est, quod sit monarcha

(*a*) *Cæt. edit.* jucunditas, nexus. — (*b*) *Cæt. edit.* authenticus, et sic deinceps. — (*c*) *Cæt. edit.* sollicite.

cha summe authenticus (*b*) in præcipiendo, prævalidus in prosegnendo, invictus in triumphando. Authenticus in instituendo leges; prævalidus, vel virilis, in ministrando vires; invictus, in superando hostes. Nobilitatis est, quod Deus habeat hostes, ubi appareat victoriosus. Auctoritas convenit Filio, secundum quod est Filius in Patre; virilitas, in seipso; triumphus, ut est in Spiritu sancto. Et in his consistit media hierarchia angelica, quæ appropriatur Filio, ut patebit. Tertio, quod sit summe potens, necesse est, ut sit summe strenuus, inducendo, vel præeundo, vel manuducendo: summe sagax in erudiendo, summe sedulus in custodiendo: ut sic strenue præcedat, sagaciter doceat, sollicite (*c*) custodiat; deducat per exempla, erudit per documenta, custodiat per adjutorium. Et sic educit, secundum quod est in Patre: erudit, ut est in Filio; custodit, ut est in seipso. Ad hunc solem aspicunt omnes spiritus cœlestes, et subcœlestes. In his novem creatura assimilatur, ut potest, Creatori. Et has illuminationes primo recipiunt mentes hierarchicæ per gloriam, ut angeli et animæ beatæ; quia ille sol primo illuminat illos, et per illos nos: quia ordo est, ut illustratio fiat primo eorum quæ sunt sibi similia et propinquiora; unde et locus supremus datus est eis. Illi autem qui rebelles sunt, his luminibus corruunt. Et ex hoc, quod angeli primo recipiunt configurationem deiformem, et hierarchicam, et sacrum obtinent principatum, per illos hierarchizatur Ecclesia. Est autem hierarchia, secundum Dionysium<sup>2</sup>, ordo divinus, scientia et actio ad deiformem, quantum possibile est, assimilata, et ad inditas ei illuminationes, proportionaliter in Dei similitudinem ascendens. Ordo respondet Patri, scientia saera Filio, operatio Spiritui sancto. Unde hierarchia dicit potentiam, scientiam, actionem. Potentia enim sine scientia hebes est: scientia sine actione infructuosa est. Ex hoc enim,

Ordo  
illustrationis.

<sup>1</sup> *Coloss.*, i, 18. — <sup>2</sup> *Dion.*, *de Cœl. Hier.*, c. III.

quod appropinquat Soli aeterno , oportet , quod sit sacra ordinatio ; et per hoc sequitur quod sit deiformis, quia format eam in sui creaturam , partim per naturam , partim per gratiam , partim per gloriam : per imaginationem , per similitudinem , per deiformitatem : et ideo ascendit ad inditas illuminationes , ascendens per influentiam. Ilæc autem influentia non est simpliciter quid increatum : nec ex hoc sequitur, quod influentia sit influentia , quia hæc influentia reducitur in Deum ; dicit enim continuacionem cum primo principio , et reductionem in ipsum , non sicut res distans. Unde vera est influentia , quæ egreditur , et regreditur , et Filius <sup>1</sup> « exivit a Patre , et venit in mundum . » Unde dicit , quod est assimilata in sacra ordinatione , scientia , et actione , per hoc quod est ad deiformem , quantum possibile est , ascendens partim per naturam imaginis , partim per naturam similitudinis , scilicet gratiæ , partim per naturam deiformitatis gloriæ. Et proportionaliter , quia secundum plus , et secundum minus , ut capax est , et est in similitudinem reducta ; et ex hoc hierarchia disponitur per tres hierarchias , ut tripliciter illustrata. Et necesse est quod quælibet habeat tres ordines. Et prima hierarchia appropriatur Patri ; secunda , Filio ; tertia , Spiritui sancto. Et quod prima hierarchia assimiletur Patri in tribus , et secunda in tribus Filio , et (a) in tribus Spiritui sancto , sicut patebit. Sufficiencia autem horum tripliciter accipitur. Prima , ex ratione exemplaritatis aeternæ ; secunda , ex integritate hierarchiæ ; tertia , secundum dispositionem cœlestis monarchiæ. Nota quod , sicut homini cæco serviant stellæ omnes , sic homini serviunt angelii , secundum quod mittunt mirabiles illustrationes. Unde peccator reprehendens est , qui negligit ista , et adjutoria eorum. In prima hierarchia <sup>2</sup> sunt nomina ista : Throni , Cherubim , Seraphim. In se-

cunda , Dominationes , Virtutes , Potestates. In tertia , Principatus , Archangeli , Angeli. Et distinguuntur secundum exemplar aeternum , quod est vigens , fulgens , calens. Deus trinitas , Pater , Filius , et Spiritus sanctus ; et tota essentia Patris in ipso , tota in Filio , tota in Spiritu sancto. Et tota essentia Filii in ipso , tota in Patre , tota in Spiritu sancto. Et tota essentia Spiritus sancti in Patre , tota in Filio , tota in ipso. Si ergo hierarchia debet assimilari Trinitati , oportet quod sit ordo qui respondeat Patri secundum quod est in seipso , et secundum quod est in Filio , et secundum quod est in Spiritu sancto. Similiter oportet quod sit ordo qui respondeat Filio , secundum quod est in Patre , et in seipso , et in Spiritu sancto. Et idem est de Spiritu sancto. Ille enim Sol sibi proximo similitudinem et expressionem (a) imprimit. Ordo Patri respondens secundum quod est in seipso , est ordo Thronorum. Ordo respondens Patri , secundum quod est in Filio , est ordo Cherubim. Ordo respondens Patri , secundum quod est in Spiritu sancto ; est ordo Seraphim. Ordo respondens Filio , secundum quod est in Patre , est ordo Dominationum , cuius est imperare. Ordo secundum quod Filius est in seipso , est ordo Virtutum. Ordo secundum quod est Filius in Spiritu sancto , est ordo Potestatum. Ordo Spiritus sancti secundum quod est in Patre , est ordo Principatum ; secundum quod est in Filio , est ordo Archangelorum , quorum est secreta revelare ; secundum quod est Spiritus sanctus in seipso , est ordo Angelorum. Item dicebat <sup>3</sup> , quod semel conferebat cum uno , de quo ordine fuisset Gabriel. Et dicebat ille , quod sibi revelatum fuerat , quod erat de media hierarchia et de medio ordine , scilicet Virtutum. Et hoc videtur valde congruum , ut ille , qui erat nuntius conceptionis Filii Dei , de illo ordine mitteretur , qui Filio appropriatur. Item , quia erat nuntius Mediatoris , congruum fuit ut de medio ordine mitteretur. Hoc dictum (a) Suppl. tertia.—Cæt. edit. similitudine et expressio.

<sup>Angeli quomodo homini bus servire dicantur.</sup> Dion., *de Cœl. Hier.*, c. vi. — <sup>3</sup> Dicebat ; qui ? saint Bonaventure sans doute.

est secundum probabilitatem. Unde etiam *Gabriel* vocatus est, *fortitudo Dei*; et venit ad confortandum Virginem. Item, quia debebat mitti communis persona. Sic ergo patet, quod quaelibet hierarchia respondet Patri, et Filio, et Spiritui sancto. Nota etiam, quod prima hierarchia non originatur, nec illuminatur, nisi a solo Deo. Media originatur et illuminatur a Deo, et a suprema; infima autem originatur et illuminatur a Deo, et a suprema, et a media; ecclesiastica autem ab omnibus. Unde <sup>1</sup> radius Solis aeterni primo illuminat hierarchiam sibi propinquam, et secundum similitudinem ad suam hierarchiam; deinde per illam venit in medium, et per illam in infimam, et per omnes in ecclesiasticam; nec tamen intelligendum, quod angelus creet angelum. Secundum autem quod primum principium se habet in ratione originantis, gubernantis, beatificantis, sic est concordant hierarchiarum. Nobilis enim est beatificare, quam creare, vel gubernare; et nobilis est creare, ubi datur esse, quam gubernare, ubi conservatur quod datum est. Summo principio in ratione beatificantis, respondet suprema hierarchia; in ratione creantis, respondet media; in ratione gubernantis, respondet ultima. Suprema summe inflammat; media summe vigorat; infima summe reducit. In ratione beatificantis erant tria appropriata, scilicet aeternitas, formositas, jucunditas; et secundum hos correspondent ordines primae hierarchiae. Aeternitas respondet Patri, cui respondent Throni, in quibus Deus sedere dicitur, quia Deum habent; formositas Filio, cui Cherubim (*a*); jucunditas Spiritui sancto, cui Seraphim ardor. Item sunt alia tria appropriata, scilicet potentia, sapientia, voluntas, ut est in ratione principii: potentia Patri, et respondent Dominationes, quarum est imperare; sapientia Filio, et respondent virtutes; voluntas Spiritui sancto, et res-

*Hierar-*  
*chiarum*  
*illumi-*  
*natio.*

*Hierar-*  
*chiarum*  
*officia.*

pondent potestates, in quibus destruuntur adversae potestates. In ratione gubernantis, sunt tria appropriata: pietas, veritas, sanctitas: pietas est in Angelis; veritas in Archangelis; sanctitas competit maxime Principatibus. Oportet ergo quod hierarchia, secundum quod est reducta in Deum, habeat expressam similitudinem ejus, quam unus non potuit explicare. Tertia consideratio est secundum illud principium, quod tenet principium monarchiae. Ille enim Monarcha est summa celsitudine pollens, quia summe sapiens in discernendo vera, summe sanctus in diligendo bona, summe stabilis in exequendo justa. Seraphim respondent summae sanctitati, in quibus est amor sanctus; unde clamant <sup>2</sup>: « Sanctus, Sanctus, Sanctus. » Sapientiae respondent Cherubim, in quibus est plenitudo scientiae; stabilitati respondent Throni, in quibus est sedes alta, patula ad suscipiendum. Secundo Monarcha, ut est summa fortitudine praesidens, est authenticus in statuendo leges, prævalidus in ministrando vires, invictus in superando hostes. In statuendo leges, habet ordinem Dominationum, quarum est imperare, et formare imperium; in ministrando vires, sic est ordo Virtutum, quarum est miracula facere, et prosequi quod imperatum est; in superando hostes, est ordo potestatum, quarum est omne inordinatum repellere, et omne ordinatum promovere. Tertio Monarcha est summa dulcedine pascens, summe strenuus in manuducendo, summe sagax in erudiendo, summe sedulus in custodiendo. Primum est Principatum, quorum est robore; secundum, Archangelorum, quorum est secreta revelare; tertium, Angelorum, quibus congruit sedula custoditio. Istæ sunt tres hierarchiae, quas illuminat iste Sol. Unde <sup>3</sup> « tripliciter Sol exurens montes. » Isti sunt montes Bethel <sup>4</sup>: « Similis est dilectus meus capreae hinnuloque cervorum super montes Bethel (*b*). » Super istos montes iste Sol immisit primas illuminationes. Alia est dis-

(*a*) *Suppl. splendor.* — (*b*) *Vulg. Bether.*

<sup>1</sup> Dion., *de Cœl. Hier.*, c. x. — <sup>2</sup> Isa., vi, 3. — <sup>3</sup> Eccli., xlvi, 4. — <sup>4</sup> Cant., II, 47.

Vita tri-  
plex.Potestas  
triplex.Hierar-  
chici  
facti  
tres.

tinetio secundum integratatem hierarchieam, ad quam requiritur sacra potestas, vel sacra ordinatio, scientia sacra, vel operatio. Triplex enim est genus vitæ in cœlo et in terra, scilicet actuosæ, et otiosæ, et ex utraque permixtæ. Actuosa respondet operationi; otiosa scientiæ, permixta ordini. Ideo sunt activi, contemplativi, ex utroque permixti. Scientia respondet supremæ hierarchiæ; actio, infimæ; ordo, sive potestas, mediæ. Scientia autem sursumactiva, reducens in originem; speculativa, suscipiens lumina; discretiva, sive servativa, decernens judicia. Prima est in Seraphim, secunda in Cherubim, tertia in Thronis. Et quia scientia, ut est speculativa, convenit medio ordini, ideo tenuit nomen scientiæ; alii duo addunt sursumactionem, et discretionem, vel decorationem: ideo denominantur a superadditis: scientia enim habet rationem speculationis. Secundo, de sacra potestate: est triplex potestas: sublimis, universalis, et triumphalis. Primæ potestati respondet ordo Dominationum; secundæ, ordo Virtutum; tertiae, ordo Potestatum. Et quia potestatis est proprie hostes superare, ideo ordo potestatum retinuit sibi nomen. Attenditur etiam distinctio secundum actionem, quæ est in infima, in qua sunt omnes spiritus in ministerium missi, quia supremi ab infimis nunquam recedunt. Unde de Seraphim misso ad Isaiam<sup>1</sup>, movet quæstionem Dionysius<sup>2</sup>, et non solvit eam; magis tamen videtur sentire, quod fuit angelus alias, accipiens inflammationem ab angelo istius ordinis, et sic denominatur ab illo. Hujus actionis triplex est actus, illuminare, perficere, purgare. Major est perfectio, quam illuminatio; et hæc major, quam purgatio. Primum Archangelis, secundum Angelis, tertium Principatibus. Quarta distinctio est secundum aspectus supercœlestis monarchiæ, vel hierarchiæ. Et iste est aspectus ad supremam, ad infimam, ad seipsam:

<sup>1</sup> Isa., vi, 6. — <sup>2</sup> Dion, *de Cœl. Hier.*, c. xiii. —

<sup>3</sup> Dion., ibid. — <sup>4</sup> Ibid., c. vii.

sicut prælatus bene ordinatus, scilicet, qui est subjectus superiori, ordinatus respectu sui, et tunc bene præsidet inferioribus. Lucifer non servavit hunc ordinem; ideo de ordine est projectus. Primo voluit præesse; et tamen plus tenebatur Deo, quam sibi. Iste aspectus est secundum rationem susceptionis, speculationis, unionis. Memoria suscipit; intelligentia speculatur; voluntas unitur. Per has vires, et non per alias, est conversio ad Deum. Plus autem est uniri, quam suscipere, vel speculari: ideo unioni respondet Seraphim; speculationi respondet Cherubim; Thronis respondet susceptio patula et tranquilla. Secundum rationem ordinis vel aspectus in seipso, non est nisi secundum potestatem ordinatam, quantum ad tria: aut imperat quod est facendum; aut prosequitur imperatum; aut defendit quod factum est: et in hoc assistunt sibi spiritus, quia unus imperat, aliud prosequitur, aliud defendit: sicut in collegiis, nisi sit ordinata susceptio, virtutum communicatio, communicantis defensio, non est ordo. Primus est Dominationum; secundus, Virtutum; tertius, Potestatum. Et dicit<sup>3</sup>, quod non bene posuerat in alio loco potestates aut virtutes, nec bene tunc viderat. In aspectu autem ad nos, sic tria ab eis recipimus beneficia, quid agere, quid præeligere, quid prosequi. Quid agere, docent Angeli; quid præligere, Archangeli; quid prosequi, Principatus. Ex verbis Dionysii<sup>4</sup> *de Angelica Hierarchia* extrahitur, quod amor Seraphim est continuus, summe intensus, summe penetratus usque ad cor, usque ad intima, ex intimis autem procedens, et ponit proprietates ignis semper mobilis. Et loquitur isto modo de igne large, ut extendatur ad quamlibet essentiam. Et in hoc ordinatur amor continuus, superfervidus, scilicet intensus; superacutus, scilicet penetratus. De Cherubim dicit, quod suscipit copiose, speculatur præclare, perfruit jucunde illo lumine; de Thronis, quod sedes est electa, quod est

firma, stabilis, praelara, patula ad suscipiendum lumen. Throni dicuntur a judicando, quod in illis sedet Deus, quia divinissimi sunt, et rationabiliter manifestant (*a*) consilium suum per judicium. Consilium enim occultum est, sed manifestatur per judicium : illis autem manifestat consilium suum. De Dominationibus signat quamdam excellentiam in quadam libertate, et cum his signat quamdam praesidentiam respectu animarum, et non appetitum habent inorganicas virtus dominii. Virtutibus enim virtus est quid.

ultimum de potentia, unde non dicitur quæcumque potentia virtus, sed quæ est ultimata ; nec quæcumque res dicitur virtuosa, sed quæ habet stabilitatem in durando, fortitudinem in resistendo. Item quod sit fortis, nunquam subjicibiliter infirmetur, quandiu Deus vult influere in eam, et in maxima ejectione, recipere illuminationes. Item, quod habeat sublimitatem, quod semper ad divina feratur. De Potestatisbus, ut Dominationum, imperare ; Virtutum, prosequi ; Potestatum, ordinare, ut nihil sit contrarium, unde dicit vim repulsivam ; item Principatum, deducere ; Archangelorum, revelare ; annuntiare, Angelorum.

## SERMO XXII.

*De statu Ecclesiae militantis, qualiter in suis ordinibus est disposita. Et supernæ Hierusalem comparatur.*

<sup>1</sup> *Signum magnum apparuit in cœlo, mulier amicta Sole, etc.* Dictum est de consideratione cœlestis monarchiæ, quæ intellegitur per lucem solarem, ut est Sol vigens, fulgens, calens, secundum quod consurgunt in anima novem lumina secundum considerationes divinæ excellentiæ, divinæ influentiæ, divinæ praesidentiæ, et quomodo cœlestis hierarchia ab illo Sole hierarchizatur propter conformitatem ad Solem, propter dispositionem integratatis hierarchiæ, et propter multiformitatem aspectuum. Restat

(*a*) *Cæl. edit. manifestans.*

ergo de Luna : sicut enim anima contemplativa est mulier bona amicta Sole, ita Luna est sub pedibus ejus non ad concubandum, sed ad stabiliendum, scilicet militans Ecclesia. Philosophi multa consideraverunt de Sole aeterno; sed nihil eis valuit, quia non fuit Luna sub pedibus. Unde sicut Luna est filia Solis, et recipit lumen ab eo, similiter militans Ecclesia a superna Hierusalem. Unde dicit eam Apostolus <sup>2</sup> matrem nostram, quia est mater influentiarum, quibus efficiuntur filii Dei. Cœlestis hierarchia est illustrativa militantis Ecclesiæ. Oportet ergo quod Ecclesia militans habeat ordines correspondentes hierarchiæ illustranti. Distinguuntur autem tripliciter : uno modo, secundum rationem processuum ; alio modo, secundum rationem ascensuum ; tertio modo, secundum rationem exercitiorum. Primo ergo secundum rationem processuum, quia in tempore nascitur et procedit, non sicut angeli, qui subito creati sunt, et simul firmati. Sicut enim Luna plus et plus recipit lumen a Sole, quoque veniat ad complementum, sic Ecclesia. Habet ergo tres ordines, scilicet fundamentales, qui respondent supremæ hierarchiæ ; promoventes, qui respondent mediae ; consummantes, qui respondent infimæ. Fundamentales ergo respondent supremæ, quia in spiritualibus fundamenta sunt altissima. In corporalibus vero, quia res descendunt ad infimum, ideo fundamentum est infimum. Sed in spiritualibus fundamentum est supremum ; unde et homo habet caput erectum ad cœlum, quod est sicut radix. Unde sicut <sup>3</sup> arboribus per radicem est derivatio, et attractio ad ramos, sic in homine, quidquid est in homine, derivatur a capite, licet aliud membrum sit principalius, ut cor secundum Philosophum. Christus autem, qui est caput, habet locum supremum in hierarchia. Sunt ergo tres ordines : fundamentales, respondentes Patri ; promoventes, Filio ; consummantes,

<sup>1</sup> *Apoc., xi, 1.* — <sup>2</sup> *Gal., iv, 26.* — <sup>3</sup> *Arist., de Somn. et Vigil., c. III.*

Ecclesia  
militans  
filia tri-  
umphans

Spiritui sancto. Sunt ergo in Ecclesia tres ordines fundamentales, scilicet ordo prophetalis, patriarchalis, apostolicus. Et ait<sup>1</sup>: « Jam non estis hospites, et alienæ. » Sequitur: « Superaedificati supra fundamentum apostolorum et prophetarum. » Patriarchæ fuerunt patres apostolorum, secundum carnem, et secundum promissionem. Iste ordo respondet Patri, ut est in seipso; prophetalis respondet Patri, ut est in Verbo; apostolicus respondet Patri, ut est in Spiritu sancto. Isti apostoli sunt filii excusorum: « Sicut sagittæ, inquit<sup>2</sup>, in manu potentis, ita filii excusorum. »<sup>3</sup> « Pro patribus tuis nati sunt tibi filii. » Ordo patriarchalis respondet Thronis; ordo prophetalis respondet Cherubim; ordo apostolicus, Seraphim. In patriarchis fuit stabilitas fidei; in prophetis, limpiditas cognitionis; in apostolis, fervor charitatis. Si ergo genitura novi testamenti fuit a nobilissimo principio, debuit esse a nobilissimis principiantibus. Et ideo apostoli respondent Seraphim, quia apostoli fuerunt conformes Christo; et ante illum ordo stabilis, scilicet patriarchalis. Sunt autem tres ordines promotivi, per quos Ecclesia stabilitur, in ordinibus martyrum, virginum et confessorum. Ordo martyrum respondet Filio, ut est in Patre, quia in martyribus fuit maxima potentia. Ordo confessorum respondet Filio, ut est in semetipso, scilicet ratione doctrinæ. Ordo virginum respondet Filio, ut est in Spiritu sancto. Per viros istos dilatata est Ecclesia, in qua sunt exempla virtutis. In ordine martyrum, documenta veritatis; in ordine confessorum, privilegia sanctitatis fulgent; in ordine virginum, privilegia castitatis. Per virgines intelliguntur non solum puellæ passæ pro Christo, sed omnes qui zelo castitatis sequestraverunt se a mundo, ut Hilarius, Paulus primus Eremita. Martyres respondent Dominationibus; confessores virtutibus; virgines Potestatibus, ubi removetur

omnis deordinatio. In martyribus Ecclesia aliquando fuit obscurata, quia Luna apparuit «<sup>4</sup> sicut sanguis; » sed reparata est, et rediit ad majorem dilatationem. Unde per sanguinem martyrum dilatata est Ecclesia. Sub tempore confessorum per haereticos impugnata est; sed post, haeresis destructa est in conciliis, et magis est Ecclesiæ fides explicata. Sub tempore virginum, quando homines ad Christum convertebantur, magis est illuminata. Excitavit enim Spiritus sanctus mentes quorumdam, ut castitatem amarent et servarent. Tertio est ordo consummantium; et sunt tres, scilicet præsidentium, magistratum, regulantium. Ordo præsidentium respondet Spiritui sancto, ut est in Patre; ordo magistratum respondet eidem, ut est in Filio; ordo regulantium respondet eidem, ut est in seipso. Primo Ecclesia fuit fundata in primis tribus; secundo, in tribus mediis crevit; tertio oportet quod sit ordinata in tota sua universitate, et compleatur per Spiritum sanctum. Sunt ergo in Ecclesia præsidentes, et subditi; docentes, et disciplinati; regulantes, et regulati. Et intelligo per magistros, docentes vel Philosophiam, vel Jus, vel Theologiam, vel artem quamcumque bonam, per quam promoveatur Ecclesia. Per ordinem præsidentium, intelliguntur prælati, cuiuscumque auctoritatis. Per ordinem regulantium et regulatorum, comprehenditur vita monastica, et isti sunt ultimi, quia oportet mundum consummari in castitate, quia ultimi non generabunt. Cousistit ergo in hoc consummatio Ecclesiæ, ut regatur secundum rationem prælationis, secundum rationem illustrationis, secundum rationem a carne abstractionis. Ordo præsidentium respondet Principatibus; ordo magistratum respondet Archangelis; ordo regulantium, Angelis, qui habent officium humilitatis. Debent enim plus esse subjecti regulares suo superiori, quam discipuli magistro, quam subjecti præsidenti: quia<sup>5</sup> « sic decet nos implere omnem justitiam. »

Ecclesiæ  
consum-  
matio, in  
quo con-  
sistat.

<sup>1</sup> Ephes., II, 19. — <sup>2</sup> Psal. cxxvi, 4. — <sup>3</sup> Psal. XLIV, 17. — <sup>4</sup> Apoc., VI, 12. — <sup>5</sup> Matth., III, 15.

Unde ille, qui magis est humilis, major est apud Deum. Alia est distinctio secundum rationem ascensuum et graduum Ecclesiae.

In Ecclesia tres gradus. Ordinum gradus et officia. Oportet autem eam ordinari tribus ordinibus lapidum. Sunt autem gradus purgativi, illuminativi, perfectivi. Purgatio autem triplex est : purgatur homo a consortio fœdorum, a nubilo ignorantiarum, ab infestatione dæmonum. His respondet ordo ostiarius, lectorum, exorcistarum. Ordo ostiarius, ut excludantur immundi, excommunicati, energumeni, catechumeni, et non fundati in fide. Et ista siebant in Ecclesia primitiva, quando Ecclesia optime erat disposita; sed modo porcus et canis intrat. Ordo lectorum est, ut purgetur a nubilo ignorantiarum per auditum lectionis, ut homo seiat historiam eorum quæ leguntur, et sic informetur. Unde etiam in primitiva Ecclesia, quia tunc quasi omnes erant litterati, legebatur eis lectio. Tertia purgatio ab infestationibus dæmonum, per ordinem exorcistarum. Ordo primus respondet Angelis; secundus, Archangelis; tertius, Principatus. Item est ordo gradum ad illuminandum, per ordinem acolytorum, subdiaconorum, levitarum. Acolytorum est ferre lumina; subdiaconorum, legere Epistolam; diaconorum, legere Evangelium. Omnes enim ministrant vasa, sed diversimode, quia acolytus ampullam, subdiaconus

Diaco-nus quando sanguinem mi-distrave-rit. parat calicem, diaconus offert. Unde etiam aliquando ministravit sanguinem, quando ministrabatur sanguis aliis. Sunt ergo isti ordines illuminativi. Illustratio autem quædam est per exempla exteriora, quædam per documenta medioeria, quædam per documenta suprema. Primi portant cereos, ut acolyti, quibus dicitur<sup>4</sup> : « Sint lumbi vestri præcincti, et lucernæ ardentes. » Lucernæ enim sunt opera lucida, secundum Gregorium<sup>5</sup>. Secundi illuminant, verbo, et exemplo<sup>6</sup> : « Ut sitis simpli-

<sup>1</sup> *Luc.*, XII, 35. — <sup>2</sup> *Greg.*, in *Evang.*, hom. XIII. — <sup>3</sup> *Philip.*, II, 15, 16. — <sup>4</sup> *Luc.*, II, 10. — <sup>5</sup> Ex *Conc. Constantinop.* I, can. 3. — <sup>6</sup> *Isa.*, XIX, 18. — <sup>7</sup> *Ibid.*

ces.... inter quos lucetis, sieut luminaria in mundo, verba vitæ continentes, » ut subdiaconi, qui continent verbum Epistolarum. Tertiī per documenta altissima, sententiae Evangeliorum : et sic diaconi. Unde etiam solebant prædicare, ut Stephanus, Laurentius, Vincentius. Unde Angelus ad pastores ait<sup>8</sup> : « Annuntio *(a)* vobis gaudium magnum, » etc. Ille angelus est diaconus. Ordo acolytorum respondet Potestatibus; ordo subdiaconorum, Virtutibus; ordo diaconorum, Dominationibus. Est autem ordo perfectivus; et ille est triplex; sacerdotalis, episcopalis, et patriarchalis. Consummatio enim est secundum triplicem modum. Una est in administratione communī sacramentorum, sine quibus non est salus, ut baptismo, poenitentia, Eucharistia, unctione extrema. Primum est via, per quam introducitur homo in Ecclesiam; secundum, per quod homo reducitur in gloriam pristinum; tertium, per quod homo introducitur in cœlum. Primum est ad deletionem originalis; secundum, ad deletionem mortalis; tertium, ad deletionem omnis venialis : et quia in his non est perfectio nisi in Christo, ideo sacramentum eucharistiæ committitur sacerdoti specialiter. Secunda est in administratione ordinum privilegiatorum, ut sacri ordinis, et confirmationis. Hæc est non aliorum, sed episcoporum, qui sunt sacerdotibus perfectiores : ideo in ipsis debet esse altior perfectio ad dandum Spiritum Sanctum, qui non nisi per apostolos dabatur : ideo etiam locum tenent Apostolorum: super apostolos autem est Christus, et post Petrus. Oportet ergo esse patrem patrum, quem nos Papam vocamus, qui famam propter humilitatem quatuor habet<sup>9</sup> patriarchas, Constantinopolitanum, Alexandrinum, Hierosolymitanum, Antiochenum. Et de his loquitur Isaias<sup>10</sup>: « Erunt quinque civitates loquentes lingua Chanaam: » Roma autem universalis est. Ideo<sup>11</sup> a civitas Solis vocabitur una, quia etsi aliae quatror sedes plenam auctoritatem<sup>12</sup> *(a)* *Vulg.* Evangelizo.

Summus Pontifex pater patrum.

Papa debet esse perfectissimos in eorum nomen.

tem habent super ecclesiis partialibus, sola famen Roma universaliter, sicut Sol super planetas, habet plenitudinem potestatis super omnes. Et secundum hoc sunt tres ordines, non quidem propter novi characteris impressionem, quia ultra sacerdotium non est gradus, sed propter eminentiam et potestatem. Primus respondet Thronis; secundus Cherubim; tertius Seraphim: quia <sup>1</sup> « oportet episcopum esse amplectentem eum, qui secundum doctrinam est, fidem sermonem. » Papa autem debet esse perfectissimus inter omnes. Si autem sic esset ordinatio interius, sicut exterius, tunc optime esset. Tertia ordinatio est secundum rationem exercitiorum, quae sunt tria, scilicet actuosum, otiosum, et ex utroque permixtum; vita activa, vita contemplativa, et ex utroque permixta. Et licet ordo prælatorum secundum ordinem ascensum ponatur in summo, tamen secundum istum processum ponitur in medio, ex quo permixtus. Est ergo ordo activorum, in infimo; ordo prælatorum, in medio; ordo contemplativorum, in summo. Ordo activorum respondet Patri, cui competit productio; ordo prælatorum, Filio; ordo contemplativorum, Spiritui sancto. Quia in Ecclesia sunt tres ordines, scilicet Monasticus, qui est productus tantum; Laicus, qui est producens tantum; Clericalis, qui est productus et producens: nam ex laico fit clericus, et non e converso, si jam habet ordinem sacrum; nec alio (*a*) modo fieri debet. Ex clero fit religiosus, et non e converso. In ordine laicorum est triplex ordo, scilicet sacrarum plebium, sacerorum consulum, sacerorum principum. « Restituam, inquit <sup>2</sup>, judices tuos, sicut a principio. » Boni enim principes habent bonos consiliarios; et boni consules habent bonas plebes, quia erudiunt illas. E contra, mali principes habent malos consiliarios, et per consequens male instruunt plebes. Malæ plebes eligunt malos principes. Primus ordo, scilicet ple-

bium, respondet Angelis; ordo consulum, Archangelis: ordo principum, Principatibus. Modo autem non est ita, sicut quando Valentinianus regnabat, cuius consiliarius fuit Ambrosius, qui adhuc Saracenus, scilicet catechumenus, virgo fuit. Sed modo <sup>3</sup> « principes » sunt « socii furum, » et consiliarii in munere considunt. Secundus ordo clericalis, activus et contemplativus, qui populum pacere debet, et contemplari, ut sit medium inter Deum et plebem. « Omnis » enim <sup>4</sup> « pontifex ex hominibus assumptus, » etc. Et hi sunt tres ordines, ministerialis scilicet, sacerdotalis, pontificalis. Ad hos reducuntur omnes, quia omnes aut sunt ministrantes, et sunt primi sex; aut sunt sanctificantes per verba; aut sunt regentes per eminentiam. Primus ordo, scilicet ministerialis, respondet Potestatibus; ordo sacerdotalis respondet Virtutibus; ordo pontificalis respondet Dominationibus. Ille enim ordo habet jubere, in quo est efficacia et virtus. In ordine contemplativorum sunt tres ordines respondentes supremæ hierarchiae, quorum est divinis vacare tripliciter: quidam, per modum suppliciorum; quidam, per modum speculativum; quidam, per modum sursumactivum. Primo modo sunt illi, qui se totos dedicant orationi, et devotioni, et divinae laudi, nisi aliquando, quando intendunt operi manuali, seu labori, ad sustentationem suam et aliorum: ut sunt ordo monasticus, sive albus, sive niger, ut Cisterciensis, Præmonstratensis, Carthusiensis, Grandimontensis, Canonici regulares. Omnibus istis datae sunt possessiones, ut orent pro illis qui dederunt. Huic respondent Throni. Secundi sunt illi, qui intendunt per modum speculatorum, ut illi qui vacant speculationi Scripturæ, quae non intelliguntur, nisi ab animis mundis. Non enim potes nosse verba Pauli, nisi habeas spiritum Pauli. Ideo necesse est, ut sis sequestratus in deserto cum Moyse, et ascendas in montem. Huic respondent Cherubim. Hi sunt Prædicatores, et Minores. Alii principaliter

<sup>1</sup> Tit., I, 9. — <sup>2</sup> Isa., I, 26. — <sup>3</sup> Ibid., 23. — <sup>4</sup> Hebr., V, 1. — (*a*) *4l.* aliquo.

intendunt speculationi, a qua etiam nomen acceperunt, et postea unctioni. Alii principaliiter unctioni, et postea speculationi, et utinam amor vel unctio non recedat a Cherubim. Et addebat, quod beatus Franciscus dixerat<sup>1</sup>, quod volebat, quod fratres sui studerent, dummodo facerent prius quam docerent: multa enim scire, et non gustare, quid valet? Tertius ordo est vacantium Deo per modum sursumactivum, scilicet excedentium. Et dicebat: Quis enim iste est? Iste est ordo seraphicus. De isto videtur fuisse Franciscus: et dicebat, quod antequam haberat habitum, raptus luit, et inventus est juxta quamdam sepem. Hic enim est maxima difficultas, scilicet in sursumactione, quia totum corpus enervatur; et nisi esset aliqua consolatio spiritus, non sustineret. Et in his consummabitur Ecclesia. Quis autem iste ordo sit futurus, vel jam sit, non est facile scire. Primus ordo respondet Thronis; secundus, Cherubim; tertius, Seraphim. Et isti sunt propinqui Hierusalem, et non habent nisi evolare. Iste ordo non florebit, nisi Christus appareat, et patiatur in corpore suo mystico. Et dicebat, quod illa apparitio Seraphim beato Francisco, quæ fuit expressa et impressa, ostendebat quod iste ordo illi respondere debebat, sed tamen hoc venire per tribulationes. Et in illa apparitione magna mysteria erunt. Sic ergo distinguuntur illi ordines secundum majorem et minorem perfectionem, comparati secundum status, non secundum personas: quia una persona laica aliquando perfectior est, quam religiosa. Sequitur de luce stellari, per quam anima hierarchizata intelligitur. Necesse est enim, ut anima, quæ est hierarchizata, habeat tres correspondentes supernæ hierarchiæ. Grandis res est anima, quia in ea potest describi totus orbis. Pulchra dicitur<sup>2</sup> sicut Hierusalem, quia assimilavit Hierusalem per dispositionem graduum hierarchicorum. Disponuntur autem in anima

Gradus  
in anima  
triplici-  
tor dis-  
positi.

<sup>1</sup> Celui qui ajoutait à ce qu'il venait de dire, ce qu'avait dit saint François, n'était donc pas saint

gradus tripliciter, secundum ascensum, secundum descensum, et secundum regressum in Deum, ut lex divina; et tunc anima videt angelos Dei ascendentibus et descendentes per scalam, ut vidit Jacob in vita sua. Abbas Vercellensis assignavit tres gradus, scilicet naturæ, industriæ, et gratiæ. Sed non videtur, quod aliquo modo per naturam anima possit hierarchizari. Ideo nos debemus attribuere industriæ cum natura, industriæ cum gratiæ, et gratiæ super naturam et industrian. Tres autem sunt gradus industriæ cum natura, sive actus, scilicet nuntiatio, dictatio, ductio. Nuntiatio respondet Angelis; dictatio, Archangelis; ductio, Principatibus. Industria enim primo percipit, quod quilibet sensus nuntiat. Visus et auditus multa nuntiaverunt; sed auditus plura, ut illa quæ Romæ fiunt; gustus, odoratus, et tactus non vadunt longe, et ideo tardi sunt. Cavere autem debet industria ut non permittat omnem nuntium intrare, ut mulieres videre: industria enim debet discernere inter nuntiata, utrum sint responda, vel eligenda. Deinde necesse est deliberatio, quæ est dictatio, utrum liceat; et si liceat, utrum deceat; et si deceat, utrum expedit. Nil enim expedit, nisi liceat et deceat. Deinde necessaria est ductio, ut prosequatur. Prosequi autem est assumere in facultatem voluntatis, et est Principatum. Multi enim sunt Angeli et Archangeli, scilicet perspicientes et deliberantes quid expedit, sed non sunt prosequentes, ut Principatus. Secundus est gradus industriæ cum gratia. Et sunt tres actus: primus, ut propter Deum fiat quod deliberatum est. Unde prima ordinatio est in Deum; quæ est Potestatum, scilicet in finem ordinare, et quidquid deordinatum est removere: sed quia hoc est difficile, ideo necessaria est roboratio, quæ est Virtutum; et quia in finem ordinare est difficile, et roborare, ideo sequitur imperatio, quæ est Dominationum. Tertia hierarchizatio est gratiæ super naturam

François lui-même : c'était donc saint Bonaventure.

— <sup>2</sup> Cant., vi, 3.

Gradus  
indus-  
triæ tres.

et industriam, quando scilicet super se anima elevata est, et deserta, et suscipit divinas illuminationes, et supra se speculatur quod sibi datum est, et ex hoc surgit in divina, sive sursum agitur. Ista tria sunt, susceptio, revelatio, unio, ultra quam non procedit mens. Et in ipsis consistit *Canticum Cantorum* totum, scilicet castis susceptiōnibus, castioribus speculationibus, castissimis unionibus; et tunc poterit dicere illud *Cantici*<sup>1</sup>: « Osculetur me osculo oris sui. » Susceptio respondet Thronis; revelatio, Cherubim; unio, Seraphim. Et haec hierarchia est secundum ascensum. Item est hierarchia animae secundum modum descendendi: oportet enim ut unguentum capitis hierarchiae supernae cadat in barbam, in medium hierarchiam, et in vestimenta, id est, in infimam: haec autem secundum virtutes animae, quae sunt tres secundum Dionysium, scilicet susceptivae, custoditivae, distributivae: ut copiose suscipiat, studiose custodiat, liberaliter refundat. Unde<sup>2</sup>: « Gratis accepistis, gratis date. » Ad hoc autem quod anima recipiat illa lumina, requiritur vivacitas desiderii, perspicacitas scrulinii, tranquillitas judicii. Non enim est contemplativa anima sine desiderio innato et vivaci. Qui hoc non habet, nil de contemplatione habet, quia origo luminum est a summis ad infima, non e converso. Primus respondet Seraphim, qui est ardens sicut ignis: unde ignis maximam figuram habet in Scripturis. Ad istum ignem ardentem in vertice montis ascendit Moyses, et tamen illum ignem prius vidit in pede montis. Non enim Moyses descenderet ad erudiendum populum, nisi prius ad ignem ascendisset. Desiderium ergo disponit animam ad suscipiendum lumen divinum. Secundo oportet, quod anima perspicaciter advertat, vel percipiat, quae data sunt sibi a Deo, et ut non habeat phantasmatu vel occupationes, quin possit occupari vel ferri in illa lumina: et illud respondet Cherubim. Tertium est, quod habeat tranquillitatem ju-

dicii, quia dona Dei non debet (a) in vacuum recipere, ut non pervertatur (b) iudicium in aliqua passione: quia si amo, iudicium pervertiatur; si odio (c), similiter; si spero, et sic de aliis passionibus: et hoc respondet Thronis. Ex his sequitur auctoritas imperii. Ex quo enim desiderio suscipit, et illud perspicaciter percipit, et tranquille faciendum iudicat, et ex quo Deus vult, tunc anima imperat fieri, et respondet Dominationibus. Sed imperare parum valet, nisi faciat: ideo oportet quod sit virilitas propositi exercitati; quod respondet Virtutibus, ut propter nullam tribulationem dimittat bonum, quod scit Deum velle. Post quod venit nobilitas triumphi, propter impedimenta quae occurruunt, postquam recipitur aliquid a Deo; et illud respondet Potestatibus, scilicet de omnibus triumphare. Haec tria faciunt medium hierarchiam animae. Tertium est custodita distributione, et in hoc sunt tria, vel tripliciter contingit, scilicet per claritatem exempli, per veritatem eloquii, per humilitatem obsequii. Sic debemus vitam dare proximo, scilicet per exempla, scientiam, et substantiam. Praeclaritas exempli respondet Principatibus, quorum est ducere; veritas eloquii, Archangelis; humilitas obsequii, Angelis. Sic ergo est consummatio in humilitate, secundum ascensum; et incepit in charitate, ascendendo e contrario. Sic ergo descendere incipiimus a vivacitate desiderii ad humilitatem obsequii. Unde Christus venit ad humilitatem obsequii nostri. Sicut ergo anima habet angelos ascendentis, sic debet habere descendentes. Unde Dominus apud *Joannem* (d) dicit<sup>3</sup>: « Nemo ascendit in cœlum, nisi qui descendit de cœlo. » Tertio modo, modus distinguendi in anima secundum regressum est secundum triplicem gradum contemplationis. Gregorius, *super Ezechielem*, ponit tres gradus: aut enim quod venit in considerationem nostram est extra nos, aut intra nos, aut supra nos. Unde Deus contempla-

Aucto-  
ritas im-  
perii in  
anima.

Proximo  
quid de-  
beamus  
ex char-  
itate.

<sup>1</sup> *Cant.*, 1, 1. — <sup>2</sup> *Matt.*, x, 8. — <sup>3</sup> *Joan.*, III, 43.

(a) *Cæt. edit.* debent. — (b) *Cæt. edit.* prævertatur.  
— (c) *Id est* odi. — (d) *Cæt. edit.* Unde Joannes.

Anima  
quædam  
mundus  
scribens.

tur (*a*), aut in his, quæ sunt intra nos, aut extra nos, aut supra nos, secundum tres potentias, scilicet interiores, exteriores, superiores, sive apprehensivas, amativas, operativas. Et secundum Philosophum, omnis anima rationalis tres habet operationes, scilicet animalem ad extra, intellectualem ad intra, divinam ad supra. Oportet ergo quod anima habeat hierarchiam secundum has potentias, scilicet primo secundum virtutes exteriores, circa quas sunt tria, scilicet discreta perlustratio, discreta präelectio, discreta prosecutio. Primo ergo debet esse discreta perlustratio, ut discrete consideretur mundus ab anima. Nam anima est sicut quædam manus scribens. Sensus enim percipit exteriora, et sensus communis; et deinde imaginatio; et ratio considerat, et ponit in memoria. Oportet ergo, quod sit magna discretio ad custodiendam domum, ne omnes intrent ad has vires; et nihil nuntietur regi et reginæ, quod sit inutile. Latro enim introduci non debet coram rege, nisi forte ut condemnetur. Eva enim misera et incauta introduxit eloquium serpentis, et dubitavit: cujusmodi eloquio hodie multi corrumpuntur: nil ergo debet intrare per portas immundum.<sup>1</sup> « Foris canes, et benefici, et impudici. » Secundo est discreta präelectio, ex quo apparet, quod si quid percipitur, restat ut bonum vel melius präeligatur; quia in bonis est electio ordinata: non enim primum manducandum, quam celebrandum. Et hoc respondet Archangelis, et discreta perlustratio convenit Angelis. Postea sequitur iudicium: et istud convenit Principatibus, quod est in prosecutione. Ex quo bonum percipit, et präelegit faciendum bonum, sequi debet iudicium ad prosequendum. Hæc autem omnia operatur gratia, non industria sola, sive natura, ut dicebatur primo. Secunda hierarchizatio mentis est ad potentias interiores: quod est magis difficile, quam primum. Hæc autem consistit in tribus, quæ

sunt discreta castigatio, discreta confortatio, discreta convocatio, quæ interius hierarchiam faciunt animam. Primo, quod castigentur radices passionum et amputentur, et enerventur contrariæ potestates.<sup>2</sup> « Venit enim princeps mundi hujus, et in me non habet quidquam. » Quandiu enim passiones illæ dominantur homini, diabolus habet de suo in homine. Ad hoc autem faciendum, necesse est ut eradicetur triplex libido, scilicet libido principandi, libido delectandi, et libido possidendi; quia hæc triplex libido inducit diabolum in animam. Hæc autem hierarchia respondet Potestatibus. Non potest autem anima potestativa esse, quandiu diabolus habet jus suum in anima. Oportet ergo ut homo habeat tria opposita: ut homo sit subjectus, castus, et pauper; et sic amputantur radices passionum, cum<sup>3</sup> « tempus putationis advenit, » quia qualibet die pullulant. Secunda est discreta confortatio: sicut enim triplex libido facit pronitatem ad malum, sic triplex infirmitas facit difficultatem ad bonum. Hæc autem est infirmitas, scilicet negligentiae, impatientiae, diffidentiae. Quidam ita sunt negligentes, ut durum sit eis facere bonum; secundi, ut cito sint impatientes; tertii, etsi duo præmissa non habeant, tamen diffidunt. Oportet ergo per mentis vigilantium, tolerantiam, confidentiam, animam reformari: et huic respondet ordo virtutum. Sequitur discreta convocatio: quando mens est ordinata sicut Ecclesia, quando habet potestatem supra se, tunc est templum Dei; quando dominatur, et imperat omnibus viribus, tunc respondet ejus hierarchia Dominationibus; quando virtutes vocantur ad opera sua, dicit huic: Fac tu hoc; et illi: Fac tu illud. Ad hoc autem faciendum, necesse est ut dominetur appetitibus, phantasmatibus, et occupationibus. Et tunc est anima domina sui, quando concupiscibili auferatur concupiscentia triplex; irascibili auferatur infirmitas triplex; rationali auferatur error triplex. Tunc anima habet imperium in regno

<sup>1</sup> Apoc., xxii, 15. — <sup>2</sup> Joan., xiv, 30. — <sup>3</sup> Cant., ii, 12.

(*a*) Id est Deum contemplatur.

Libido  
triplex  
ab anima  
penitus  
eradi-  
canda.

Tres vir-  
tutes  
contra  
triplicem  
libidi-  
nem.

suo, et tune non expellitur extra domum suam, quando illæ passiones sunt amputatae: et in tali anima Deus habitat, non in furiosa concupiscentia, etc. Diabolus libenter imprimit quod in se habet; quæ sunt furor irrationalis, amens concupiscentia, phantasia proterva.

Sequitur, qualiter anima hierarchizatur quantum ad virtutes superiores. Quando enim anima facit quod potest, tunc gratia facile levat animam, et Deus ibi operatur, et fit digna superna admissio, digna inspectio, digna induc[t]io. Digna admissio divinorum respondet Thronis; et ita intelligitur illud, quod loquitur in *Threnis Hieremias*<sup>1</sup>: « Consurge in principio vigiliarum, effunde sicut aquam cor tuum, » scilicet, cor pone ante Deum. *Psalmista*<sup>2</sup>: « Domine, ante te omne desiderium meum, » etc. Et post, quando elevatur, non debet esse otiosa, et debet circumspicere. Unde in *Isaia* dicitur<sup>3</sup>: « Hierusalem, consurge, » et<sup>4</sup> « sta in excelso, » et<sup>5</sup> « tunc videbis, et afflues, et mirabitur, et dilatabitur cor tuum. » Tunc enim debet anima esse fixa, et stans expectare. Post sequitur digna induc[t]io: quando facta est divina admissio, et facta inspectio, tunc rapitur in Deum, sive in dilectum. Unde dicitur<sup>6</sup>: « Læva ejus sub capite meo, et dextra illius amplexabitur me.<sup>7</sup> Ego dilecto meo, et dilectus meus mihi, qui pascitur inter lilia: » quia jam sensit unctionem, et unus spiritus est cum Deo. Unde dicitur<sup>8</sup>: « Qui adhæret Deo, unus spiritus est »: et hoc est supremum in anima, quod animam facit esse in cœlo. Et istis per ordinem respondent ordines supremæ hierarchiæ. Et sic est anima<sup>9</sup> « mulier amicta sole, et luna sub pedibus ejus, et in capite ejus corona duodecim stellarum, » quia est plena luminibus, et nunquam oculum divertit a lumine vero. Sed quia in hac vita non possumus stare in uno; ideo anima habet duodecim materias, sicut duodecim lumina, circa quæ semper moveatur velut in

quodam circulo, sicut sol percutit duodecim constellationes, scilicet per duodecim signa, et nunquam exit. Ilæ autem considerationes ornant animam; ideo sunt sicut corona ex duodecim stellis, quæ sunt: consideratio corporalium naturarum, spiritualium substantiarum, intellectualium scientiarum, affectualium virtutum, institutarum divinitus legum, infusarum divinitus gratiarum, irrevocabilium judiciorum, incomprehensibilium misericordiarum, remunerabilium meritorum, præmiantium præmiorum, temporalium decursuum, aeternalium rationum. Debet anima contemplativa versari semper in aliquo istorum luminum, sicut sol semper est in aliquo signorum. Et nota, quod luna patitur eclipsim in capite vel cauda draconis. Sunt autem duæ intersectiones in celo super eclipticam, per quam transit luna, quæ vocantur caput et cauda draconis: draco vocatur propter circulum, quasi tenens caudam in ore. Illa intersectio, quæ est versus aquilonem, vocatur caput, quia sol magis laedit nos quando est ibi, quia magis ibi diametraliter urit nos, sicut draco est pejor, et magis nocivus in capite. Cauda autem est versus meridiem, et minus laedit nos sol quando est in parte illa, quia magis a nobis elongatur. Et quando sol in una parte est, et luna in puncto alio sibi opponitur, ut in p[er]nilunio, tunc luna eclipsatur. Similiter vir contemplativus eclipsatur dupliciter, et cadit turpiter, et multum periculose, eo quod non resurgit; nec mirum, quia de alto cadit. Cadit enim per errorem, et per præsumptionem. Videt enim se illuminatum, et præsumit, et fit luciferianus, et cadit a luce in tenebras horribiles. Cadit similiter per errorem aestimationis, quæ oritur ex præsumptione, quando credit se habere omnia per revelationem: semper tamen debet esse regulata revelatio. Unde dicebat<sup>10</sup>, quod multi decipiuntur, qui credunt se habere omnia per revelationem. Unde in illa visione et ap-

Eclipsis lunæ.

Vir contemplativus dupliciter eclipsatur.

<sup>1</sup> *Thren.*, II, 19.—<sup>2</sup> *Psal.* XXXVII, 10.—<sup>3</sup> *Isa.*, LII, 2.  
<sup>4</sup> *Bar.*, V, 5.—<sup>5</sup> *Isa.*, LX, 5.—<sup>6</sup> *Cant.*, V, 6.—<sup>7</sup> *Ibid.*, 16.

—<sup>8</sup> *I Cor.*, VI, 17.—<sup>9</sup> *Apoc.*, XI, 1.—<sup>10</sup> Dicebat; qui?  
Saint Bonaventure.

Novem  
narii  
duodecim  
quos ha-  
bet ani-  
ma con-  
templa-  
tiva.

paritione <sup>1</sup> (quæ est regula omnium apparitionum) Domini in monte, apparuerunt cum Christo Moyses et Elias, ut nihil credatur verum vel revelatum, nisi quod consonet Legi, Prophetis, et Evangelio. Debet ergo contemplativus esse humilis, et circumspectus, ut non ad caput draconis veniat per præsumptionem, vel in caudam involvatur per errorem. Et ideo mulier <sup>2</sup>, scilicet anima hierarchizata, videt duas divinas visiones, scilicet arcam et civitatem.

### SERMO XXIII.

*Quod anima contemplativa debet considerare Ecclesiam militarem, descendenter, et ascenderem.*

<sup>3</sup> *Fecit Deus duo magna luminaria*, etc. Dictum est quomodo anima hierarchizatur in consideratione lucis solaris, secundum quod sol est vigens, splendens, calens, Pater, Filius, et Spiritus sanctus; et hæc est origo omnium illuminationum, vel irradiationum, in ratione existentiæ, influentiæ, præsidentiæ; et quod illa assimilatur Soli secundum conformitatem, et propter integratatem hierarchicæ dispositionis, et propter triformem aspectum. Et sunt sex considerationes hierarchicæ, in consideratione militantis Ecclesiæ, in qua est distinctio secundum rationem processuum, ascensum, et exercitiorum. Et sic consideratur Ecclesia, et non aliter, in qua est unum caput, unum corpus, unus cibus. De qua Paulus loquitur, qui multum exercitatus erat in ea consideratione. Scilicet Psalterium multum loquitur de hac; et aliquando in persona hujus, modo in persona alterius. Unde *Psalmista* <sup>4</sup>: « Dominus regnavit, decorum indutus est. » Tangit caput Ecclesiæ secundum quatuor ordines ejus. Postea dictum est, quomodo anima hierarchizatur in contemplatione sui, secundum ascensum et descensum: et quando anima habet hæc, sunt et fiunt in ea mirabiles theoriæ. Habet

<sup>1</sup> *Matth.*, xvii, 3. — <sup>2</sup> *Apoc.*, xi, 19; *xxi*, 1. —

enim duodecim novenarios: tres exemplares in sole, tres exemplatos in cœlesti hierarchia, et tres sunt in subcœlesti, et tres in se ipsa. Quæ sunt duodecim illuminationes, quibus adduntur duodecim considerationes, quasi duodecim stellæ, scilicet corporalium naturarum, etc.: ita quod semper anima sit in lumine, quia si non potest stare in uno, stet in alio, et in ultima est quies, scilicet in ratione exemplaris in patria. Haec autem non sunt simul in via; sed in patria uno aspectu videbuntur omnia. Sunt autem stellæ istæ duodecim considerationes; et habent ramos infinitos, de quibus fieret liber magnus. Si autem ducantur duodecim per duodecim, erunt centum quadraginta quatuor, numerus scilicet <sup>5</sup> civitatis Hierusalem. Anima enim sic hierarchizata est civitas in qua Deus habitat et videtur; de qua Joannes dicit <sup>6</sup>: « Sustulit me in spiritu, et vidi civitatem. » Et ibidem dicit, quod mensus est duodecim millia stadiorum; et post, quod longitudo, et latitudo, et altitudo æqualia sunt, et mensura murorum centum quadraginta quatuor cubitorum. Quomodo potest hoc esse? Vide illud quod dictum est in fine *Apocalypsis*: ibi enim circa medium dictum est <sup>7</sup>: « Vidi supra montem Sion agnum stantem, et cum eo centum quadraginta quatuor millia, habentes nomen ejus, et nomen patris ejus scriptum in frontibus suis. » In apertione autem sexti sigilli dictum est in *Apocalypsi* <sup>8</sup>: « Vidi alterum angelum ascendenter ab ortu solis, habentem signum Dei vivi, et clamavit quatuor angelis, quibus datum est nocere terræ et mari, dicens: Nolite nocere terræ, et mari, neque arboribus, quoadusque signemus servos Dei nostri in frontibus eorum. Et audivi numerum signatorum, centum quadraginta quatuor millia signati ex omni tribu filiorum Israel. Ex tribu Juda, duodecim millia signati, » etc. Tribus autem Dan non ponitur; sed Manasses ponitur pro Dan,

<sup>3</sup> *Gen.*, i, 14. — <sup>4</sup> *Psal.* xcii, 1. — <sup>5</sup> *Apoc.*, xxii, 17.  
— <sup>6</sup> *Ibid.*, 10. — <sup>7</sup> *Apoc.*, xiv, 1. — <sup>8</sup> *Apoc.*, viii, 2-5.

et Joseph pro Ephraim : in *Deuteronomio*<sup>1</sup> non ponitur Simeon. Primo ergo ponit signatos , qui erant supra montem Sion : et postea, quod angelus unus debet effundere phialas; et oportet quod sint sex. Post ostendit civitatem, cuius mensura centum quadraginta quatuor cubitorum erat. Cirea principium *Apocalypsis* dicitur sexto angelo Philadelphiæ<sup>2</sup> : « Qui vicerit, faciam illum columnam in templo meo, et scribam super eum nomen meum, et nomen civitatis novæ Hierusalem, » de qua locutus non fuit, nisi in fine. Sex sunt tempora, quorum sextum tempus habet sex tempora cum quiete. Et sicut Christus in sexto tempore venit, ita oportet quod in fine generetur Ecclesia contemplativa. Ecclesia enim contemplativa, et anima, non differunt, nisi quod anima totum habet in se, quod Ecclesia in multis. Quaelibet enim anima contemplativa habet quamdam perfectionem, ut videat visiones Dei. Sustollitur autem ut videat Hierusalem tripliciter, in cœlo consistentem, de cœlo descendente, ad cœlum condescendentem. Alter non est anima contemplativa. De primo dicitur<sup>3</sup> : « Surge, illuminare, Hierusalem. » Et post : « Non erit tibi amplius sol ad lucendum, et splendor lunæ non illustrabit te; sed erit Deus tuus tibi in lucem semipernam. » Quando enim anima elevatur per influxum sibi vigorem, splendorem, ardorem, pie veneratur, clare contemplatur, sancteque perficitur; ac per hoc comprehendit secundum modum suum longam æternitatem, latam charitatem, sublimem potentiam, profundam sapientiam. Primum circa quod debet versari<sup>4</sup>, ut sit *Rachel* primo, scilicet visum principium<sup>5</sup>, quando haec considerat. Tunc civitas est, habens quatuor latera civitatis, considerando quomodo istud principium omnia originat per sublimem potentiam; omnia gubernat, per profundam sapientiam; omnia reparat, per latam charitatem, sive benevolentiam; omnia remu-

nerat, per longam æternitatem. Sic intelligit ipsum solem, secundum substantiam, potentiam, et operationem. Et videt omnia reducta ad legem sempiternaliter existentem. Secundo, elevatur ad contuendum civitatem de cœlo descendente, hoc est, assumptam humanitatem. Filius enim Dei descendit ad nostram humanitatem, et hoc est<sup>6</sup> descendere ab (a) Hierusalem : anima enim non descendunt. « Ego sum, inquit<sup>7</sup>, panis vivus, qui de cœlo descendit : » et cum ipso omnia charismata gratiarum<sup>8</sup> : « Venerunt mihi omnia bona pariter cum illa. » Quando ergo anima elevatur per influxum sibi divinitus vigorem, splendorem, ardorem, pie colit, clare speculatur, sancteque perficitur; et per haec comprehendit assumptæ humanitatis mirabilem exortum, mirabilem occasum, mirabilem ascensum, vel consensum, mirabilem regressum; tunc habet<sup>9</sup> quatuor latera civitatis de cœlo descendenter. Mirabilem, inquam, exortum, in nativitate; occasum, in crucifixione; consensum, in resurrectione; ascensum, in ascensione; regressum, ad judicium. Haec quatuor ostendit *Ecclesiastes*, dicens<sup>10</sup> : « Oritur sol, et occidit, et ad locum suum revertitur; ubique renascens gyrat per Meridiem, et flectitur ad Aquilonem. » Mirabilis fuit exortus, quia radius supersubstantialis unitus humanitati ex utero prodiit, et quoniam conservatus est in mundo vigens, luceens, inflammans. In morte, quoniam dignatus est mori, et post, de inferis ascendit ad corpus, et post in celum; et quoniam regredietur ad judicandum. Mira longitudine æternitatis fuit in unione divinitatis ad humanitatem: nam separatio divinitatis et humanitatis fuit magis (b) impossibile, quam ens creatum totaliter nihil esse. Latitudo charitatis fuit in morte; mira sublimitas potentiae, in ascensione; mira profunditas sapientiae erit in judicio. Haec sunt mirabilia, quibus anima ponitur

<sup>1</sup> *Deut.*, xxxiii, 6 et seq.—<sup>2</sup> *Apoc.*, iii, 12.—<sup>3</sup> *Isa.*,

<sup>4</sup> *LX*, i, 19.—<sup>5</sup> Greg., *in Ezech.*, hom. xiv. —<sup>6</sup> הַחֶל, hechel, incipere. —<sup>7</sup> *Luc.*, x, 30.

—<sup>8</sup> *Joan.*, vi, 33. —<sup>9</sup> *Sap.*, vii, 14. —<sup>10</sup> *Apoc.*, xxi, 13. —<sup>11</sup> *Eccle.*, i, 5. — (a) *Cav. edit.* omitt. ab. — (b) *Al.* majus.

extra se. Tertio, ad hoc quod sit hierarchica, necesse est ut videat civitatem in cœlum ascendentem. Et hoc est, quando per insum sibi divinitus vigorem, splendorem, ardorem a Sole æterno, pie veneratur, clare speculatur, sancte perficitur; ac per hoc comprehendit divinæ charitatis indissolubile vineulum, divinæ charitatis incoarctabile donum, divinæ charitatis iusuperabile incendium, divinæ charitatis incomprehensibile solatum. Tunc videt civitatem Dei, scilicet seipsam. Et habet quatuor latera, de quibus Apostolus dicit<sup>1</sup>: « In charitate radicati, et fundati, » etc. Non es enim adhuc civitas Dei, nec signatus, nisi signeris Spiritu sancto ad pie venerandum; et per hoc comprehendas quæ sunt in Deo, et per Deum, et apud Deum. Indissolubile vineulum in prædestinationis ratione, qua diligit semper, et semper dilexit, et diligit semper prædestinatos æterna charitate, nisi comprehendas charitatis incoarctabile (a) donum in universarum rerum conditione, quas libere condidit et ornavit: et cuilibet dedit modum, speciem, et ordinem. Tertio iusuperabile charitatis incendium in Filii traditione. Quarto incomprehensibile solatum in animarum remuneratione, quando considerat, quod Deus glorificabit corpus et animam, ut absorbeantur, et inebrientur a rore cœli. Sed oportet quod signum veritatis imprimatur in animam, per quod etiam anima fit<sup>2</sup> « hortus conclusus, fons signatus. » Primum est signum, ut habeat charitatis indissolubile vineulum. Sed quando anima sic diligit, ut dicat<sup>3</sup>: « Quis nos separabit a charitate Dei? tribulatio? an angustia? au persecutio? an famæ? » etc.: non quin homo possit cadere a charitate; sed quando sic est, ut nunquam regnet peccatum. Secundo, ut habeat divinæ charitatis incoarctabile donum, ut diligit omnia, quæ diligit Deus, amicos, et inimicos, et extraneos. Unde<sup>4</sup> « charitas Dei dif-

fusa est in cordibus nostris. » Per hanc enim anima se diffundit ad diligendum (b) omnem hominem, et solum bonum. Ulterius, haec charitas dat animæ insuperabile incendium. Unde dicitur<sup>5</sup>: « Pone me sicut signaculum super cor tuum, quia fortis est ut mors dilectio tua. Quando sic diligit, ut in summe desiderabile totaliter feratur, et quod pro nihilo prospera, pro nihilo habeat adversa, ut sint omnia quasi festuca una in fornace<sup>6</sup>: « Si dederit homo omnem substantiam, » etc. Quarta consideratio est in hoc, quod anima sentiat incomprehensibile solatum, quod totaliter delectetur in se, quod nec ipsa possit comprehendere, nec aliis explicare. De quo dicitur<sup>7</sup>: « Comedite, amici, et inebriamini, charissimi. » Haec inebriata dicit<sup>8</sup>: « Introduxit me Rex in cellam vinariam. » Et post<sup>9</sup>: « Introduxit me in cellaria sua, » quando alienatur, sicut homo ebrius, qui nescit quid faciat. Unde Paulus nescivit<sup>10</sup>, utrum esset « In corpore, sive extra corpus. » Et *Psalmus* dicit<sup>11</sup>: « Fac mecum signum in bonum, » etc. De isto signo Paulus<sup>12</sup>: « Signati estis spiritu adoptionis. » Per hoc signum distinguntur amici ab inimicis, liberi a servis, cœlestes a terrestribus. Hoc signum imprimitur animæ contemplativae in fronte, et in frontibus electorum. Hoc signum fuit in signatis<sup>13</sup> super montem Sion: tunc enim firmum fundamentum stat, et hoc est signum, quia<sup>14</sup> « novit (c) Dominus, qui sunt ejus. » Novit per signum expressum, per quod invocat nomen Domini ab intimis. Sic anima contemplativa signatur a Deo. Unde sub sexto angelo dicitur, quod<sup>15</sup> « apparuit angelus habens signum Dei vivi, » hoc fuit in assignatione Hierusalem, ut in cœlo condescendentis. Huius angelo apparuit signum expressivum, quantum ad modum vivendi consonum isti signo, quod signatur<sup>16</sup>: « Ex tribu Juda duodecim millia signati, » etc. Et hic est, qui habet hanc triplicem lucem

<sup>1</sup> Ephes., III, 17. — <sup>2</sup> Cant., V, 12. — <sup>3</sup> Rom., VIII, 35. — <sup>4</sup> Rom., V, 5. — <sup>5</sup> Cant., VIII, 6. — <sup>6</sup> Ibid., 7. — <sup>7</sup> Cant., V, 1. — <sup>8</sup> Cant., II, 4. — <sup>9</sup> Cant., I, 3. — <sup>10</sup> II Cor., XII, 2. — <sup>11</sup> Psal. LXXXV, 17. — <sup>12</sup> Rom.,

VIII, 15. — <sup>13</sup> Apoc., VII, 5. — <sup>14</sup> II Tim., II, 19. — <sup>15</sup> Apoc., VII, 2. — <sup>16</sup> Apoc., V, 5 et seq. — (a) *Al. comprehendas incoarctationis.* — (b) *Al. dicendum.* — (c) *Vulg. cognovit.*

elevantem tripliciter; et triplicem oportet quod habeat perfectionem, correspondente m charitati. Unde signari hoc modo, est per professionem adhuc alligare et signum imprimere, ut respondeat illi signo charitatis: hæc autem perfectio consistit in descriptione civitatis, scilicet quod anima habeat in se divinum cultum, divinum Dei nexus, divinum Dei zelum, divinum Dei sensum. Cultus Dei est in Oriente, nexus in Meridie, zelus in Septentrione, sensus in Occidente. Et sunt tres partes ad Orientem, tres ad Occidentem, tres ad Meridiem, tres ad Septentrionem. Cultus habet duos comites, unum ascendentem, alterum subsequentem. Ad perfectum cultum tria sunt necessaria, scilicet æternæ veritatis veridica professio, supernæ majestatis humilis veneratio, æternæ sanctitatis virilis custoditio. Unde ponuntur tria secundum tres infra signatos: « Ex

tribu Juda duodecim millia signati. » Iste enim ordinantur, non secundum carnalem generationem, quia Judas non fuit primus filius; sed ordinantur secundum spiritualem. *Judas* interpretatur confessio: et est fundamentum; quia spirituale fundamentum fides est, super quam fundatur Ecclesia. Hoc est ergo primum, ut apud te sit integra confessio veritatis, perfecta credulitas et assensus. Secundo requiritur supernæ majestatis humilis veneratio; et est, quando homo considerat proprii sceleris immanitatem, et divinæ severitatis immensitatem. Et ideo sequitur: « Ex tribu Ruben

Interpretatio nominum filiorum Jacob. *Judas* idem, quod confessio.

Ruben filius visionis. » *Ruben* interpretatur filius visionis<sup>1</sup>. Tertio requiritur internæ sanctitatis virilis custoditio, ut sic sit homo præcinctus et accinctus contra omnia, restrictor omnium defluxionum. Unde etiam<sup>2</sup> sacerdotes prohibebantur bibere vinum, et omne quod inebriare poterat, quando intrabant in templum ad ministrandum. Patet etiam de præcepto munditiæ: ista autem

munditia est cordis: et ideo sequitur: « Ex tribu Gad duodecim millia signati. » *Gad* interpretatur accinctus. Non sufficit verus cultus, nisi sit perfectus nexus, quia charitas docet Deum colere et amare; et hoc est, quando anima infima contemnit, suprema seu summa appetit, in medio dilatatur, ita quod in supremo habet sublimationem; in imo, sequestrationem; in medio, dilatationem. Et hoc est sempiternæ beatitudinis appetitus præcipuus, supernæ dilectionis affectus dilatatus, mundanæ prosperitatis vel possessionis contemptus perfectivus. Hæc tria intelliguntur per tres signatos sequentes. Necesse est ergo ut (b) in anima sit contemptus verus, ut sit primo beatitudinis appetitus. Et ideo sequitur: « Ex tribu Aser

duodecim millia signati. » *Aser* interpretatur beatus, sive<sup>3</sup> « pinguis panis, præbens delicias regibus. » Beatus autem est, qui in beatitudinem summo amore transferatur. Deinde sequitur superna dilatatio: et ideo sequitur: « Ex tribu Nephtalim, duodecim millia signati. » *Nephtalim* interpretatur latitudo, et signat quod quicumque vult habere charitatis nexus, quod habeat ordinatum affectum ad omnes; sed hoc non potest esse, si fuerint privati boni amatores. Ideo oportet, quod ibi sit contemptus omnium: et ideo sequitur: « Ex tribu Manasse, (c) duodecim millia signati. » *Manasses* interpretatur oblivio. Aliqui enim despiciunt mundalia, sed non deserunt; alii deserunt, sed non despiciunt; alii despiciunt et deserunt, sed non obliviscuntur: quando ergo anima dimittit et obliviscitur, tunc est perfectio, et ista collocatur in sexto loco. Unde *Psalmus* dicit<sup>4</sup>: « Obliviscere populum tuum, et domum patris tui. » *Augustinus*<sup>5</sup>:

« Minus te amat, qui tecum aliquid amat, quod propter te non amat. » *Manasses* ergo ponitur sexto loco, qui fuit filius Joseph, qui fuit undecimus filius Jacob. Unde non sine mysterio ponitur sexto loco. Tertio in anima contemplativa oportet quod sit per-  
(a) *Cæt. edit. et.* — (b) *Cæt. edit. Manasses.*

*Gad* ac-  
cinctus  
interpretatur.

*Aser* in-  
terpreta-  
tur bea-  
tus.

*Nephta-*  
*lim* lati-  
tudo.

*Manas-*  
*ses* obli-  
vio.

<sup>1</sup> רָאַה, *raah*, videre; בֶּן, *ben*, filius. — <sup>2</sup> *Levit.*, x, 9. — <sup>3</sup> *Gen.*, XLIX, 20. — <sup>4</sup> *Psal.* XLIV, 11. — <sup>5</sup> *Aug.*, *Conf. lib.* X, c. XXIX.

fectus zelus, ut sic amet, quod omne malum repellat. Duæ autem sunt comites charitatis, scilicet pietas præcedens, et patientia subsequens, quia aliqui sunt pii zelatores, et postea convertuntur in furorem impatientiae : et tunc erunt tres portæ ad Aquilonem, scilicet benignæ miserationis affectuosa condescensio, severæ distributionis æmulatoria rectitudine, acerbæ vel humanæ tribulationis victoriosa perpassio. Et sic est contra Aquilonem civitas munita. Et ideo sequuntur tres

*Simeon*  
*nis inter-*  
*pretatio.*

signati. Primus : « Ex tribu Simeon duodecim millia signati. » *Simeon* interpretatur audiens mœrem, et signat miserationem ad proximum. Iste Simeon est <sup>1</sup> « justus et timoratus, » recipiens Christum inter brachia sua. Nisi enim homo sit misericors, non est dignus suscipere illum, qui propter misericordiam de celo descendit. Deinde, quia misericordia sine rectitudine æmulatoria nihil valet, sequitur : « Ex tribu Levi,

*Levi*  
*duodecim millia signati. » *Levi* interpretatur additus. Levi enim accepit sacerdotium propter zelum; unde interfecit fratres suos idololatras. Phinees similiter adeptus est sacerdotium propter zelum. Et Mathathias, et filii ejus, propter zelum adepti sunt sacerdotium, et principatum, et duraverunt*

*Praelati*  
*qualam*  
*debeant*  
*habere*  
*spiritum*

usque ad Herodem. Levi signat p̄aelatos, qui debent habere spiritum severitatis et pietatis, ut Moyses, qui cum esset mitissimus, confregit tabulas. E contra Heli : qui, quia fuit remissus, ipse mortuus est, et filii ejus. Unde plus nocet p̄aelatus misericors et abjiciens rigorem disciplinæ, quam p̄aelatus rigidus sine misericordia. Et ita intelligitur illud *Ecclesiastici* <sup>2</sup> : « Melior est iniqitas viri, quam mulier benefaciens. » Tertio, quod sit mundanæ tribulationis victoriosa perpassio : qui enim corripit, debet se præparare ad patientiam. Unde Christus subvertit mensas in zelo, et post, quando quærebant eum, exhibuit se. Unde in *Proverbiis* dicitur <sup>3</sup> : « Qui patiens est, multa

gubernatur (a) sapientia. » Unde non est dubium, quod illi, quorum mensas subverterat, postea clamaverunt <sup>4</sup> : « Cruciſige eum. »

Ideo sequitur : « Ex tribu Issachar (b) duodecim millia signati. » *Issachar* interpretatur asinus fortis. Ad litteram asinus cru-

*Issachar*  
*quid in-*  
*terpre-*  
*tetur.*

cem habet in seculis : homo crucem ferre debet semper esse paratus. Non est autem ejus interpretatio *asinus fortis* ad litteram, sed *merces*; et signat virum, qui amore mercedis est armatus. Unde apud Matthæum <sup>5</sup> : « Cum vos oderint homines, » etc., « gaudete, et exultate, quia merces vestra copiosa est in cœlis. » Et beatus pater noster Franciscus dicebat, quod semel loquebatur cum fratre Ægydio, qui dicebat sibi, quod non sumus sapientes. Franciscus sapiens fuit mercator; sed nos dissipamus substantiam : quia deberemus dare unum denarium, ut homo daret unam alapam; sed nos non habemus sapientiam asini, quia portat sarcinam suam, et quanto plus persecutitur, et plura sibi vituperia dicuntur, tanto melius portat. Sic homo obediens nullum bonum debet dimittere; imo melius facere propter quamcumque tribulationem : nec aliter est contemplativus. Ex parte Occidentis est perfectus omnis sensus; et hic sensus facit nos contemplari, et comites habet statum quietum, excessum jucundum, contuitum clarum. In quiete enim potest esse status cogitandi et contemplandi; in Occidente, scilicet ubi est quies, consiliatio, et caligatio, sive introitus in caliginem: ad istum sensum requiritur sublimis mansionis status pacificus, sagacis discretionis perspicuus conspectus vel contuitus, suavis consolationis ecstaticus excessus. Oportet habere signum *Zabulon*, quod est habitaculum fortitudinis, » qui habet statum primum, juxta illud *David* <sup>6</sup> : « Quoniam tu es, Domine, spes mea. » Unde dicitur <sup>7</sup> : « Turris fortissima nomen Domini, ad illam confugiet justus. » Ille solus est pacatus, qui figit

*Sancti*  
*Francisci*  
*sapientia.*

<sup>1</sup> *Luc.*, II, 25. — <sup>2</sup> *Eccli.*, XLII, 14. — <sup>3</sup> *Prov.*, XIV, 29. — <sup>4</sup> *Joan.*, XIX, 15. — <sup>5</sup> *Matth.*, V, 12. — <sup>6</sup> *Psal.*

<sup>7</sup> *Prov.*, XVIII, 10. — (a) *Cæt. edit. gubernat.*  
— (b) *Al. Issachar, et sic deinceps.*

Joseph  
filius ac-  
crescens

Gustus  
ecstati-  
cus, finis  
contem-  
plationis

se in illo, in quo non confunditur. Secundo, oportet habere sagacis desiderii perspicuum contitum, ut sicut columba videt, super aquas residens, avem rapacem, sic homo videat in Scripturis; et hoc pertinet ad Joseph, qui interpretatur accrescens.<sup>1</sup> « Filius accrescens Joseph, » pulcherrimus salvator Ægypti, princeps fratrum, signat discretionem, per quam homo est aliorum rector, et ministrator: et hoc sagacitatis est. Et in undecimo loco, ut frumenta colligat, non folia, sed documenta veritatis in Scripturis sacris, et postea refundat ad salutem populi. Hic est<sup>2</sup> angelus sextus Philadelphiae, salvans haereditatem: hic providet frumenta, contra famam futuram. Ultimo est suavis contemplationis gustus estaticus: « Ex tribu, inquit, Benjamin. »<sup>3</sup> « Filius dextræ Benjamin, filius doloris, » in cuius partu mortua est Rachel, et tamen<sup>4</sup> « Benjamin amantissimus Domini, tota die quasi in thalamo morabitur. » Et signat estaticum excessum contemplationis. Ultra hunc non nascitur filius Jacob. Hic est sapor (*a*) cum excessu. Ad hanc

Dude-  
narius  
numerus  
abun-  
dans.

signationem nullus venit, nisi transeat omnes præcedentes. Hæ significationes consistunt ex duplice perspectione, scilicet duodenarii, qui numerus abundans est, et ex mille, qui consurgit ex denario in se triplicato repli- catione perfecta, quia decies decem sunt centum, et decies centum sunt mille. Hanc signationem nemo accipit, nisi ille, qui habet<sup>5</sup> « calculum, in quo est nomen, quod nemo scit, nisi qui accipit. » Hoc est lignum vitæ; hoc fruitur homo in hac vita. Unde dicitur<sup>6</sup>: « Beati qui lavant vestimenta sua, et intrant per portas civitatis, ut sit potestas eorum in ligno vitæ. » Et dicebat<sup>7</sup>: Ad hoc lignum vitæ voluit vos ducere: « Ferculum fecit Salomon de lignis Libani, columnas fecit argenteas, reclinatorium aureum, ascensum purpureum. » Reclinatorium aureum est sapientia contemplativa. Hanc nullus habet, nisi qui habet columnas argenteas, quæ sunt virtutes stabilientes animam. Ascensus purpureus est charitas, quæ facit ascendere ad superiora, et descendere ad inferiora.

### ADDITIONES AD LUMINARIA

Adhuc superest visio quinta in principio operis proposita, scilicet visio intelligentiæ per spiritum prophetiæ sublimatæ, quibus exercitiis contemplationis, quibus virtutibus, quibusque Scripturæ sacræ documentis, anima humana in via illustretur, ut per Sapientiam increatam novo et singulari inhabitandi genere, quæ<sup>8</sup> « omnibus mobilibus mobilior est, » illustraretur illustratione gratuita, ad prædicendum futura, ad dicendum longe distantia, ad aperiendum cordium secreta: pro quanto sibi Dominus hujus incerta et occulta divinæ sapientiæ dignabitur communicare, sicut multis sibi carissimis aperire dignatus est, ut patet de

multis tam in Novo, quam in Veteri Testamento. Nam et hæc visio non minima pars est vitæ spiritualis. Superest etiam visio sexta in principio proposita, scilicet visio intelligentiæ per raptum mentis in Deum absorptæ, videlicet, quibus exercitiis et donis anima contemplantis appropinquat ad mentis excessum estaticum; quæ etiam revelationes fiunt animæ raptæ, et dulcedenes, quantum sacræ Scripturæ auctoritas, et mysteria innuant. Et hæc est ultima pars vitæ spiritualis in via. Et fit hac sexta visione homo formatus in animam viventem, post quam ultimate quiescit Deus in anima contemplantis, cessans a novorum donorum

<sup>1</sup> Gen., XLIX, 22. — <sup>2</sup> Apoc., III, 7. — <sup>3</sup> Gen., XXXV, 18. — <sup>4</sup> Deut., XXXIII, 12. — <sup>5</sup> Apoc., II, 17. — <sup>6</sup> Apoc.,

XXII, 14. — <sup>7</sup> Dicebat; qui? Saint Bonaventure. — <sup>8</sup> Cant., III, 9, 10. — <sup>9</sup> Sap., VII, 24. — (*a*) Cœl. edit. sapor.

collatione : ipsaque anima, prout status viæ patitur , in Deo quiescit , cessans a novis vitæ humanæ exercitiis in statu viæ. Superest etiam ultima visio , scilicet visio intelligentiae per statum gloriæ consummatae , quando fit reversio animæ ad corpus , quæ et qualiter in illo statu gloriæ videbit. Et haec visio est post hanc vitam. Ista autem tres ultimæ visiones adhuc plus continerent , quam quatuor prædictæ.

Sed , heu ! heu ! heu ! superveniente statu excelsiori , et vitæ excessu domini et magistri hujus operis , prosecutionem prosecuturi non acceperunt. Haec autem , quæ de quatuor visionibus notavi , talia sunt , qualia de ore loquentis rapere poteram in quarternum. Alii quidem duo socii mecum notabant ; sed eorum notulæ præ nimia confusione , et illegibilitate , nulli fuerunt utiles , nisi forte sibi correcto , aut meo exemplari , quod legi poterat ab auditorum aliquibus. Ipse doctor operis , de ipso meo exemplari , et quamplures alii rescripserunt , qui pro eo mihi debent grates. Elapsis autem die-

bus multis , concedente mihi copiam temporis et libri reverendo patre fratre Thoma , ministro Alemaniae superioris , rursum respxi quæ scripseram veloci manu , et visus sum recolligere ordinate , cooperante mihi memoria , quo loquentis vocem audieram , auditu , et visu quo recordabar gestuum loquentis , quæ solent memoriae cooperari , secundum Philosophum<sup>1</sup> , in libro *de Memoria et Reminiscencia*. Nec tamen apposui quidquam , quod ipse non dixerat , nisi ubi distinctionem librorum Aristotelis localiter amplius , quam ipse dixerat , distixi. Alia autem noui apposui , nisi quod etiam loca auctoritatum aliquarum assignavi. Legebatur , et componebatur hoc opusculum Parisiis , anno Domini MCCLXXIV<sup>2</sup> , a Pascha usque ad Pentecosten , præsentibus aliquibus Magistris et Baccalaureis Theologiæ , et aliis fratribus centum sexaginta.

<sup>1</sup> Arist., *de Mem. et Remin.* — <sup>2</sup> Imo an. 1272. Vide dicta in Prænotandis ex Prodromo , initio voluminis hujus.

# EXPOSITIO IN PSALTERIUM

---

## ARGUMENTUM

(*Ex edit. Vatic.*)

Sanctum Bonaventuram, præter alia, quæ plurima, et doctrinæ, et pietatis suæ monumenta nobis (*a*) reliquit, in Psalterium etiam brevem expositionem scripsisse, compertum est. Cujus porro expositionis exemplar vetus, manu exaratum, tanquam præclarum munus Sixto Quinto, Pontifici Maximo, ex Hetruria allatum, in Typographia Vaticana, ab eo instituta, unde sacri Codices, Sanctorumque Patrum opera quam emendatissima prodeant, placuit una cum cæteris illius lucubrationibus recte ordineque imprimi, atque inde emitte ad Catholicæ Ecclesiæ usum. Est porro expositionis hujus liber sane hujusmodi, qualem illius auctorem, ipsum sanctum Bonaventuram, Doctorem et Seraphicum, et sapientem, devotumque agnoscent, atque adeo profitentur gravissimi viri, qui bene sentiunt, illiusque operum usu litterate periti sunt. Jam vero Joannes Gerso, cui multum semper tributum est, id Bonaventuræ testimonium dat, ut salva pace aliorum Doctorum, dixerit, illum maxime idoneum esse, tum ad illuminandas suæ doctrinæ luce hominum mentes, tum pietatis, devotionisque ardore inflammados salutares animi affectus. « Multi, inquit Trithemius, doctrinam proferunt; devotionem prædicant multi; pani, scribendo libros, docuerunt utramque; Bonaventura sanctus et multos superavit, et paucos, dum ejus doctrina devotionem, devotio instruit doctrinam. » Ex hac igitur Psalterii expositione rem utramque animadvertisse licet: nam cum plena est doctrinarum locis, quibus hæreticorum impietas facile redarguitur; tum documentis abundat, quibus fidelium animi in omnes partes excitantur ad legis divinæ meditationem, devotionisque studium. Et vero, quod maxime ad rectam psallendi rationem plurimum adjumenti affert, ita in Psalmis exponendis singula is notat, ut interpretationem perpetuam adhibeat, unde psallentis, aut legentis mens incendi possit, non modo ad cogitationem, sed etiam ad desiderium illius imitandæ virtutis, quam Psalmorum explicacione ipse docet. Et quoniam ad officiorum divinorum preces dicendas attentissimus diligentissimusque fuit, id maxime studuit, ut, cum usu venit, eorum ritus mysteriaque explicaret aliquando ipsis psalmis, ex quibus præsertim magna illorum pars constat. Est hoc sancti Bonaventuræ proprium, ut verbis admodum brevis sit; at rerum sententiarumque comprehensione uberrimus. Itaque, etsi incise, commaticoque genere scribendi utitur, apparent tamen fere in singulis verbis singulæ sententiæ, atque adeo singula mysteria: de quibus, scholastico more, distincte, membratim, atque illuminate dicit. Id perspicue manifestum est in hac ipsa explanatione, quæ non modo locutionum forma, sed etiam

(*a*) *Edit. Vat.* is.

doctrina , est cum cæteris illius opusculis et expositionibus maxime consentiens. Etenim quæ consequentes ejus sunt explicaciones librorum sacrorum , illaque potissimum in Ecclesiastem , quam ab eo conscriptam esse perantiquorum exemplarium certæ inscriptiones indicant , illæ quidem præclaris contextæ sententiis , præ se ferunt maximam divinarum litterarum copiam. Hæc ipsa valde elucet in hoc Psalmorum commentario , in quo , ut in cæteris , una item atque altera , quam hic noster recte novit , Veteris Testamenti editio cernitur. Sed est præterea aliud , quod non solum is explicavit animi sui sensa litteris , quas ab utriusque Testamenti fonte hausit , verum etiam Patrum traditionibus. Id illius præcipuum esse , cum liber significet , quem *Pharetram* inscripsit , tum alii , vel potius hæc ipsa solum explanatio declarat : in qua quoque , ut in reliquis opusculis quæ ab eo accepimus , præclare disseritur de sacra Scripturæ præstantia , de cæteris liberalibus disciplinis , tanquam illius pedissequis. Sed res omnis in promptu est , nihilque attinet cur pluribus demonstretur.

## PRÆFATIO<sup>1</sup>

Quisquis ad divinæ paginæ lectionem erudiendus accedit , in principio considerare debet , quæ sit illius Scripturæ materia , circa quam versatur ejus tractatus. Est autem illius principalis materia , opus restorationis. Sunt enim duo opera : opus conditionis , et opus restorationis. Opus conditionis est , quo factum est ut essent , quæ non erant ; opus restorationis est , per quod meliorata sunt , quæ perierant. Opere conditionis factus est mundus cum suis elementis ; opere restorationis , Verbi incarnatio

cum suis sacramentis. Ex quo manifestum est , quod Scriptura cunctis aliis præcellit , tum materiæ dignitate , tum profunditate , et subtilitate. Et si quis diligenter attendit , potest percipere quod omnes artes , tam liberales , quam naturales , ei tanquam dominæ famulantur. Duo consideranda sunt in sacra Scriptura vel pagina præcipue ; quod scientia ejus , vel ex rebus habetur , vel ex vocibus. Ex voce autem habetur , vel ex pronuntiatione : peritiam pronuntiandi com-

paramus nobis per grammaticam ; significacionem earumdem per dialecticam ; utrumque per rhetoricam. Scientia vero rerum habetur per formas , vel per naturas : ut forma ad exteriora , natura ad interiora referatur. Attenditur autem forma , vel in numero , quod docet nos arithmeticæ ; vel proportione , quod demonstrat musica ; vel dimensione , quod geometria ; vel motu , de quo consultit astronomia ; de naturis , ut physica pertractat. Cum ergo in divina pagina necessaria sit omnium istorum prædictorum scientia , et singula de singulis doctrinam perficiant ; patet , quod omnes aliæ scientiæ quasi pedissequæ sunt theologiae. Ostendo siquidem quæ sit materia , restat , in quibus constet , assignare. Constat autem in duobus , scilicet in Novo , et in Veteri Testamento. In his autem duobus totum corpus canonice Scripturæ continetur. Prætermisso autem Novo , de Veteri ad præsens agamus. Sciendum ergo<sup>2</sup> quod Hebræi , Esdra auctore , libros Veteris Testamenti ,

Scientia  
rerum  
habetur  
per for-  
mas , vel  
per natu-  
ras.

Materia  
Sacra  
Scrip-  
tureæ.

Divisio

<sup>1</sup> Indicem analyticum , qui ex vetusta exemplari Ms. in cæteris editionibus hoc loco legitur , ad calcem

volumini: tomi rejecimus. — <sup>2</sup> Hieron. , in *Prolog.* Reg.; Isidor. , *Etymolog.* , lib. VI. , c. I.

Testa-  
menti  
Veteris.

secundum numerum suarum litterarum, in viginti duo volumina distinxerunt, eosque in tres ordines divisorunt, Legem, Prophetas, et Hagiographa (a) : Moysique legem, quæ *Thorah* hebraice dicitur, in quinque volumina distinguentes, qui est primus ordo hujus primi ordinis: primus liber *Bereschith* est, seu *Genesis*; secundus, *Veelle schemoth*, sive *Exodus*; tertius, *Vaiicra*, sive *Leviticus*; quartus, *Vaiedabber*, sive *Numeri*; quintus, *Elleh Haddebarim*, sive *Deuteronomius*; ecce Pentateuchus. Secundi ordinis primus liber est, *Jehosua ben Nun* (b), qui et latine *Jesu filius* (c) *Nave*: nam binominis fuit, et pater et filius; secundus *Sophetim* (d), sive *Judicum*; tertius *Samuel*, qui est primus et secundus (e) *Regum*; quartus *Melachim* (f), qui est tertius et quartus (g) *Regum*; quintus *Isaias*; sextus *Hieremias*; septimus *Ezechiel* (h); octavus *There Hassar* (i), id est, duodecim prophetæ minores, qui pro sui brevitate, in uno rediguntur. Tertius ordo Hagiographorum, in quo sunt novem libri. Primus est *Job*; secundus, *Psalterium*, quod præ manibus habemus; tertius, *Mischle*, qui est *Proverbia Salomonis*: quartus, *Coheleth*, qui *Ecclesiastes*: quintus, *Schir haschirim* (j), quod est *Canticum Cantorum*; sextus *Daniel*; septimus *Dibere iamim* (k) id est, *Verba dierum*, sive *Paralipomenon*; octavus, *Esdras*; nonus, *Esther*. Collecti ergo de primo ordine quinque, unde et *Pentateuchus* dicitur a *pente*, quod est *quinque*, et *teuchus*, quod est *volumen*, nam *theta* positio est<sup>1</sup>; de secundo vero, octo; de tertio, novem: similiter sunt viginti duo. Et omnes revera sunt Hagiographi, id est sacra Scriptura; sed ad ultimum ordinem appropriatum est vocabulum: sicut et hoc nomen, *Angelus*, cuiilibet de novem ordinibus convenit, sed inferiori ordini ap-

Hagiographi  
nomen  
com-  
mune est  
omoium  
librorum  
sacra

<sup>1</sup> Id quod *theta* dicitur, ut cuique notum est, nihil est aliud quam octava littera alphabeti greci. Graeca vero vox quæ respondet voci latinæ *Positio*, est, θέτις, quæ profecto parum habet analogiæ cum τεῦχος.  
<sup>2</sup> *Nebalim* significat citharam, vel aliud quidpiam instrumentum musicum. — <sup>3</sup> Ps. LXXXVIII, 21.

(a) *Al. Agiographa*, et sic deinceps. — (b) *Cæt.*

propriatum est. Similiter et hoc nomen, *Scriptu-Confessor*, cuiilibet Sanctorum convenit;<sup>rae.</sup> sed specificatur ad illos solos, qui non apostoli, nec martyres.

Primo ponitur commendatio auctoris; secundo causa nominis; tertio comprehensionis causa, scilicet, quare tot psalmi; quarto causa distinctionis, scilicet quare ponit tres quinquagenas; quinto causa frequentationis. Causa nominis dupliciter: vel causa administrationis, vel causa similitudinis. Causa administrationis: dicitur hic liber *psalterium*, quia sicut David cantando ante arcum, in psalterio ita faciebat modulationes, scilicet psalmi. Causa similitudinis, scilicet quare psalterium, duplex: vel quia in illo instrumento sunt decem chordæ, et in hoc libro docetur observantia decem præceptorum; vel quia (l) sicut hoc instrumentum reddit sonum a superiori, ita hic liber docet nos servire Deo pro æternis, quæ sursum sunt. Nota: secundum tria genera linguarum, hic liber tria sortitur nomina: nam tria latine dicitur liber *Hymnorum*, vel *Soliloquiorum*; græce, sicut dicitur in *Paralipomenon* (m), *Psalterion* (n); hebraice *Nebalim* (o), vel *Sepher tehillim*. Sed *Nebalim* soundat idem, quod liber Soliloquiorum<sup>2</sup>; *Sepher tehillim*, idem quod liber *Hymnorum*. Ergo habet duo nomina in latino, et duo nomina in hebræo. Nota: psalterium reddit sonum a superiori, quia chordæ sunt superius; cithara autem ab inferiori, quia chordæ sunt inferius, et lignum circumquaque. Nam quod dicitur medium, dicitur insimum. Nota: dicitur David eximus prophetarum, id est, maximus prophetarum, propter tria, scilicet: propter regiam dignitatem, unde hoc<sup>3</sup>: « Inveni David servum meum, » etc.; et propter humilitatis eximiam abundantiam,

David  
eximus  
propheta

edit. *Bennum*. — (c) *Cæt.* edit. omitt. *Filius*. — (d) *Cæt.* edit. *Sophlin*. — (e) *Cæt.* edit. omitt. et secundus. — (f) *Cæt.* edit. *Malachim*. — (g) *Cæt.* edit. omitt. tertius et quartus. — (h) Edit. Ven. *Ezechias*. — (i) *Cæt.* edit. *Thire Hasser*. — (j) *Cæt.* edit. *Scir haschirim*. — (k) *Cæt.* edit. *Debriamim*. — (l) *Cæt.* edit. præceptorum; et. — (m) *Suppl.* libris. — (n) *Cæt.* edit. *Psalterium*. — (o) *Cæt.* edit. *Nablium*, et sic deinceps.

unde Dominus de David <sup>1</sup> : « Inveni virum secundum cor meum; » et propter promissionem ei factam, unde hoc <sup>2</sup> : « De fructu David ventris tui, » etc. David dicitur *tuba*, quia tubis utimur in tribus, scilicet in bello, in conviviis, in festis. Quibus tubis usus est David in bello, unde <sup>3</sup> : « Benedictus Dominus Deus meus, qui docet manus meas ad prælium; » in conviviis, unde hoc <sup>4</sup> : « In voce exultationis, et confessionis, sonus epulantis; » in festis, unde hoc <sup>5</sup> : « Buccinate in neomenia tuba. » Nota : Judæi tantum observant annum septimæ decadis, qui dicitur *jubilæus*; sed quinquagesimus dicebatur *Jubilæus*. Dicimus, quod Judæi septuaginta annis fuerunt in captivitate, et non potuerunt facere annum jubilæum; sed antequam exirent, habuerunt a Cyro licentiam redeundi. Fecerunt ergo annum jubilæum, quando liberati fuerunt, scilicet septimo anno septimæ decadis, id est, post septimam decadem, scilicet quando plenarie fuerunt liberati; vel septimo anno septimæ decadis, id est, septimo anno ante septimam decadem, quando habuerunt licentiam redeundi; et ita inclusive, vel exclusive legatur : reperitur hoc in Epistola ad Galatas <sup>6</sup>; vel casu contigit quod quando exierunt de captivitate, fuit annus jubilæus : hoc dicit Meldensis <sup>7</sup>; vel sic legatur littera : « Observant annum septimum decadis; » et fuit vitium scriptoris, et uno addito, vel primo computato, fiunt quinquaginta; nam septies septem fiunt quadraginta novem. <sup>8</sup> « Da partes septem : » *septem* potest esse dativus, id est: Da partes vitæ tuæ septenario, id est Veteri Testamento, vel qui jubilæus dicitur; id est, observant septimum annum, et observant annum, qui jubilæus dicitur; vel, ut dicit Parisiensis, ibi ponit decades; vel: Da vitæ tuæ partes septem, id est, Vetus

Testamentum; et ita *septem* est accusativus. Nota : triplex est causa frequentationis hujus libri præ aliis. Frequentatur enim tum pro sui perfectione, quia perfectius tractat de Christo, quam alii; tum pro sui apertione, qui apertius tractat, ut dicit Evangelium <sup>9</sup>; tum pro certitudine veniae: nam cum videmus David tantum peccatorem esse conversum, nulli relinquitur locus dissidentiæ. Nota : ab Hieronymo <sup>10</sup> dicitur, quod quinque distinctiones fiunt per *Fiat, fiat*; in Psalterio tantum quatuor reperiuntur, ut in <sup>11</sup>: « Beatus, qui intelligit super egenum, » etc.; et in <sup>12</sup>: « Deus, judicium tuum, » etc.; et in <sup>13</sup>: « Misericordias Domini; » et ibi <sup>14</sup>: « Confitemini Domino. » Diximus, quod quinque distinctiones fiunt per *Fiat, fiat*, id est, quinque distincta; nam alibi dicitur: « Secta semper superant sectiones in uno; » veluti, si lignum dividatur in duo, ibi una erit sectio, et duo secta. Si in tria dividatur, ibi erunt sectiones due, et tria secta; sic deinceps. Ita in Psalterio, *Fiat, fiat*, quater positum, quinque facit secta, scilicet quinque distincta. Verum est ergo, quod fiunt quinque distinctiones per *Fiat, fiat*, quater positum, id est, quinque distincta. Item nota: alia prophetia soliloquium, alia signiloquium: soliloquium, ut prophetia David, quia nullo adminiculo exteriori prophetarum, sed solius Spiritus sancti instinctu; prophetia, quæ est signiloquium, id est, ex quodam signo, alia fit per facta, alia per dicta, alia per somnia, alia per visiones. Nota <sup>15</sup>: « Ecce virgo concipiet: » Augustinus dicit, quod hanc prophetiam necesse est impleri. Quod verum est, si *Necesse* determinet necessitatem consequendi, non consequentis: necessarium est, si Deus prædixit evenire, vel evenit; sed non sequitur, quod si prædixit, necesse est evenire.

Causa  
frequentationis  
Psalterii

Prophetia duplex

<sup>1</sup> *Act.*, XIII, 22. — <sup>2</sup> *Ps.* CXXXI, 11. — <sup>3</sup> *Ps.* XVII, 35. — <sup>4</sup> *Ps.* XLI, 5. — <sup>5</sup> *Ps.* LXXX, 4. — <sup>6</sup> *Gal.*, IV, 10, quo loco S. Hieronymus. — <sup>7</sup> Durandus fortasse. Sed Durandus ille Meldensis anno 1318 defunctus est: unde sequeretur hancce præfationem, vel saltem annotationem hic intermixtam, S. Bonaventuræ tri-

bwendam non esse. — <sup>8</sup> *Eccle.*, XI, 2. — <sup>9</sup> *Luc.*, XX, 42. — <sup>10</sup> Hierou.. in *Psal.* XL, et ad *Sophron.*, epist. CXXXIV. — <sup>11</sup> *Psal.* XL, 14. — <sup>12</sup> *Psal.* LXXI, 19. — <sup>13</sup> *Psal.* LXXXVIII, 53. — <sup>14</sup> *Psal.* CV, 48. — <sup>15</sup> *Isa.*, VII, 14.

<sup>1</sup> « Justo non est lex posita , » id est, impo-  
sita, quasi ad onus; vel , justo non est lex  
posita ad justificandum , quasi lex justifi-

cet: nam <sup>2</sup> lex neminem duxit ad perfectio-  
nem ; vel non est justo lex posita, id est, pro  
justo.

## PSALMUS DAVID I.

1. *Beatus vir, qui non abiit in concilio impiorum.* Homo quando cogitationem suam ad terrena flectit , a patria in exilium vadit. Primum per vanitatem abiit , deinde per delectationem stat, per consensum sedet , per opus ædificat , per separationem inhabitat. Nam est accessus animæ ad Deum , et recessus : unde dicitur <sup>3</sup> : « Ibimus in itinere (a) trium dierum. » Accedendi iter est per diem, recedendi per noctem. Quot noctibus recedit , tot diebus redit. Recedendi primæ noctis iter est per superbiam , qua Deum deserit; secundæ noctis iter est per concupiscentiam , qua alia præter Deum appetit; tertiae noctis per obstinationem , qua in alienis præter Deum requiescit. In superbia est vanitas; in concupiscentia, delectatio; in obstinatione, consensus. Per vanitatem abit, per delectationem stat, per consensum sedet. Per superbiam recedens a Deo, vadit ad se, ut requiescat in se; per concupiscentiam descendit sub se, ut requiescat in carne; per obstinationem trahitur extra se, ut requiescat in carne, visibilium specie, ut permaneat in delectatione. Primum vadit de virtute sua gloriari ; secundo in vitiis suis delectari ; tertio in transitoriis consolari. Primo <sup>4</sup> , « Maledictus homo, qui confidit in homine ; » secundo <sup>5</sup> , « qui ponit carnem brachium suum ; » tertio <sup>6</sup> , « qui speravit in multitudine divitiarum suarum. » Redeundi ad Deum, prima reversio est ab alienis ad propria; secunda, a malis ad bona; tercia, a studio virtutis ad perceptionem internæ et

æternæ dulcedinis. Hi sunt tres dies accendi ad Deum. Tres leguntur Dei positiones : nam dicitur requiescere , vel jacere, sedere, stare : requiescere, ad justificandum; sedere , ad judicandum ; stare , ad adjuvandum. De primo <sup>7</sup> : « Super quem requiescit spiritus Domini, nisi super humilem et quietum (b)? » De secundo <sup>8</sup> : « Cum sederit filius hominis in sede majestatis suæ ; » et de tertio <sup>9</sup> : « Stephanus vidit (c) celos apertos, et JESUM stantem , » etc. Ita ibi exponitur.

2. *Meditabitur die ac nocte.* Tria sunt in homine : lectio , meditatio , oratio. Lectione loquitur nobiscum Deus ; unde hoc <sup>10</sup> : « Qui habet aures audiendi , audiat. » Meditatione, interrogas ipsum ; oratione , rogas : unde hoc <sup>11</sup> : « Petite, et accipietis; pulsate , et aperietur vobis. » Oratio petit; meditatio pulsat : petite oratione ; pulsate meditatione.

3. *Et erit tanquam lignum.* Tres sunt paradisi, tres incolæ , et tria ligna vitæ. Primus terrestris , cuius incola fuit primus Adam; secundus fidelium , scilicet Ecclesia sanctorum, quam fundavit et inhabitavit CHRISTUS ; tertius cœlestis, scilicet Ecclesia triumphans, quam Deus inhabitat. In primo est lignum vitæ , arbor materialis ; in secundo , humanitas Salvatoris; in tertio, tota Trinitas. Nota : homo arbor fuit in conditione, folium in tentatione, stipula in dejecione. Unde Job <sup>12</sup> : « Contra folium , quod vento rapitur , » etc. Sed fuit arbor in conditione , unde hic dicitur : *Et erit tanquam lignum*, etc. Spiritus sanctus dicitur aqua , propter tria quæ facit aqua , sic et Spiritus sanctus : scilicet quia aqua refrigerat, sic et

Lectio,  
medita-  
tio, et  
oratio.

Paradi-  
ses, in-  
cole  
tres, li-  
gna vita  
tria.

Homo  
arbor,  
folium  
et stipula

Spiritus  
sanctus  
aqua di-  
citur.

<sup>1</sup> Tim., i, 9.—<sup>2</sup> Hebr., vii, 19: *Nihil ad perfectum adduxit tex.* — <sup>3</sup> Gen., xxx, 36. — <sup>4</sup> Jerem., xvii, 5. — <sup>5</sup> Ibid. — <sup>6</sup> Ps. xlvi, 7. — <sup>7</sup> Isa., lxvi, 2. — <sup>8</sup> Matth., xix, 28. — <sup>9</sup> Act., vii, 55. — <sup>10</sup> Matth., xi, 15. — <sup>11</sup> Matth., vii, 7. — <sup>12</sup> Job, xiii, 25.

(a) *Vulg.* Posuit spatium itineris. — (b) *Vulg.* Ad quem autem respiciam, nisi ad pauperculum, et humilium spiritu? — (c) *Vulg.* Ecce video.

Spiritus sanctus, unde hoc<sup>1</sup> : « Spiritus sanctus superveniet in te, » etc. ; et quia satiat : unde hoc<sup>2</sup> : « Aqua sapientiae salutaris potabit eos, » et hoc<sup>3</sup> : « Qui sitit, veniat ad me, et bibat. » Et propter liberum cursum, unde hoc<sup>4</sup> : « Spiritus ubi vult, spirat : » et hoc<sup>5</sup> : « Exultavit ut gigas. » Nota : In Psalterio non fit mentio de Adam, nisi per remotionem. Quidam moriuntur in peccatis, unde<sup>6</sup> : « In peccatis moriemini; » quidam pro peccato, scilicet originali : nam et mortem, et omnes defectus habemus pro Labor, originali peccato. Labor est in ingressu, in seu grava- vameu. egressu, et in progressu.

6. *Ideo non resurgent (a) impii in judicio.*  
 Quadruplex hominum genus. Resur- rectio quadruplicata. Ad re- surrectionem animæ tria necessaria. Sancti non obedisti mihi. Nota : Sancti dicuntur

Quatuor sunt genera hominum : judicati, et damnavi; alii, quorum salus certa : alii, quorum salus incerta. Quadruplex resurrectio : duæ in præsentí, scilicet animæ : duæ in futuro, scilicet corporis : resurrectio in fide, et ad fidem : resurrectio ad tormentum, et ad gloriam. Resurrectio ad fidem, id est, habendam fidem, quam non habebat infidelis, unde hoc<sup>7</sup> : « Omnes sitiens, venite ad aquas. » Resurrectio in fide, ut ante tempus credens incipit fieri bonus, unde hoc<sup>8</sup> : « Si frater tuus peccaverit in te, dimitte ei, non dico tibi usque septies, sed usque septuagies septies. » Resurrectio ad tormentum malorum, ad gloriam bonorum. Ad resurrectionem animæ tria sunt necessaria, scilicet mali vitatio, unde<sup>9</sup> : « Declina a malo, et fac bonum. » Melioris boni adeptio, unde hoc : Dominus volenti sepelire patrem suum, præcepit<sup>10</sup> sequi se, quia hoc melius quam sepelire mortuum; unde etiam Apostolus<sup>11</sup> : « De virginibus præceptum Domini non habeo; consilium autem meum est, «ut sic maneant. » Obedientiæ subjectio, unde Dominus Petro<sup>12</sup> : « Vade retro (b), Satana, » quia

judicare in futuro propter tria : propter loci dicuntur eminentiam, propter majorem cognitionem, in futuro propter sententiae approbationem : quia boni erunt in eminentiori loco, mali in superficie terræ; et plus cognoscent de judicio, quam alii, et quia approbabunt sententiam a Domino datam, quodam natu, non sono vocali. Approbabunt ergo sententiam, non mali, sed boni : quod repræsentatur in ecclesia, cum clerici respondent : « Amen, » et laici tacent. Nota : Quatuor sunt judicia Dei : primum, secundum præscientiam (c), quo judicat nos, antequam simus; secundum, secundum causam, vel meritum, quo judicat in præsenti; tertium, secundum operationem, unde hoc<sup>13</sup> : « A fructibus eorum cognoscetis eos; » quartum, secundum retributionem, quo judicat in futuro. Item est judicium Dei occultum, et manifestum : prima duo ad judicium occultum, secunda duo ad manifestum referuntur.

Amen quid.  
Quatuor judicia Dei.

## PSALMUS DAVID II.

1. *Quare fremuerunt gentes? 3. Dirumpamus vincula eorum.* Nota congrnam similitudinem vinculorum, et mandatorum. Vinculis trahimur, retrahimur, astringimur : vincula attrahebant sunt præceptiones; retrahebant, prohibitions; constringebant, admonitiones. De primo<sup>14</sup> : « Dilige Dominum (d); » de secundo<sup>15</sup> : « Non occides; » de tertio<sup>16</sup> : « Si vis (e) esse perfectus, vende omnia, quæ possides (f), et da eleemosynam pauperibus. » Præceptio est eorum, quæ fieri oportet; prohibitus eorum, quæ fieri non licet; admonitio eorum, quæ expedit fieri, et sine culpa possunt præteriri.

Congrua si n' institu- do vincu- lorum : præcep- tio, pro- hibitus, admoni- tio.

*Projiciamus a nobis jugum ipsorum.* Est subjectio necessitatis, unde hoc<sup>17</sup> : « Donec ponam inimicos, » etc.; et haec omnia

Jugum subjectio

—<sup>14</sup> Eccli., vii, 32. —<sup>15</sup> Exod., xx, 13. —<sup>16</sup> Matth., xix, 21. —<sup>17</sup> Psal. cix, 2.

(a) Cæt. edit. *Ideo resurgent.* — (b) Vulg. post me. — (c) Cæt. edit. præscientiam. — (d) Vulg. eum qui te fecit. — (e) Cæt. edit. de tertio : Vis — (f) Vulg. vende quæ habes.

<sup>1</sup> Luc., i, 35. —<sup>2</sup> Eccli., xv, 3. —<sup>3</sup> Joan., vii, 37. —<sup>4</sup> Joan., iii, 8. —<sup>5</sup> Psal. xviii, 6. —<sup>6</sup> Joan., viii, 24. —<sup>7</sup> Isa., lv, 1. —<sup>8</sup> Matth., xviii, 15, 22. —<sup>9</sup> Psal. xxxvi, 29. —<sup>10</sup> Matth., viii, 22. —<sup>11</sup> I Cor., vii, 23, 8. —<sup>12</sup> Matth., xvi, 23. —<sup>13</sup> Matth., vii, 16.

serviunt Deo, sive velint, sive nolint. Est subjectio simulationis, unde hoc<sup>1</sup> : « Cnr (a) vocatis me : Domine, Domine, et non facitis, quæ ego dico ? » Est subjectio cupiditatis, unde hoc<sup>2</sup> : « Confitebitur (b) tibi, cum beneficeris ei. » Est subjectio amoris, unde Apostolus<sup>3</sup> : « Obedite præpositis vestris. »

*Postula-*  
*tio*  
*Christi.*

8. *Postula a me*, etc. Christus postulat dicto, ut hic<sup>4</sup> : « Dimitte eis, quia nesciunt quid faciunt ; » facto, ut hic interpellando, quia interpellat pro nobis ad Patrem : et hoc dupliciter, scilicet, vel repræsentando Patri ciatrices, vel faciendo nos interpellare.

*Ecclesia*  
*hære-*  
*ditas*  
*Christi.*

*Dabo tibi gentes hæreditatem tuam.* Ecclesia dicitur hæreditas Christi propter tria : quia eam possidet, unde hoc<sup>5</sup> : « Habeo alias oves, et vocem meam audiunt : nemo potest eas rapere de manibus meis ; » et quia eam colit, unde hoc<sup>6</sup> : « Ego posui te, ut evellas, et destruas, tollas, et disperdas, et dissipes, et ædifices, et plantes ; » et quia sicut hæreditas pascit dominum suum ; unde hoc<sup>7</sup> : « Meus cibus est, ut faciam voluntatem Patris mei. » Propter hæc tria, quæ hæreditati convenient, dicitur hæreditas Christi.

*Deus ti-*  
*meudus.*

11. *Servite ei cum tremore.* Omnis perfectus debet eum timere propter tria : propter culpam occultam, unde hoc<sup>8</sup> : « Delicta quis intelligit ? » Et Apostolus<sup>9</sup> : « Nihil mihi conscient sum, sed non in hoc justificatus sum ; » propter sui insufficienciam, unde hoc<sup>10</sup> : « Non sunt condignæ passiones hujus temporis, » etc.; et propter futuram ruinam, scilicet ne peccet in futuro, unde hoc<sup>11</sup> : « Beatus est, qui semper est pavidus. »

*Deus in*  
*præsenti*  
*patens*  
*propter*  
*tria.*

12. *Ne quando irascatur Dominus.* Deus dicitur in præsenti patiens propter tria: quia et malis multa præstat, unde hoc<sup>12</sup> : « Facit solem suum oriri super bonos et malos : »<sup>13</sup> « Qui dat jumentis escam ipsorum ; » et quia peccantes diu expectat, scilicet non statim

<sup>1</sup> *Luc.*, vi, 46. — <sup>2</sup> *Psal.* XLVIII, 19. — <sup>3</sup> *Hebr.*, XIII, 17. — <sup>4</sup> *Luc.*, XXIII, 34. — <sup>5</sup> *Joan.*, X, 16, 29. — <sup>6</sup> *Jerem.*, I, 10. — <sup>7</sup> *Joan.*, IV, 34. — <sup>8</sup> *Psal.* XVIII, 13. — <sup>9</sup> *1 Cor.*, IV, 4. — <sup>10</sup> *Rom.*, VIII, 18. — <sup>11</sup> *Prov.*, XXVIII, 14. —

punit, unde hoc Dominus<sup>14</sup> : « Hæc fecisti, et tacui ; et quia consolatorie punit, unde hoc<sup>15</sup> : « Virga tua et baculus tuus, » etc. (c)

Vel moraliter potest exponi. 1. *Quare fremuerunt gentes?* Gentes, quae Deum non colunt, sed idola, sunt perversæ cogitationes; populi inania meditantes, sunt vanæ et inepta cogitationes. De primis<sup>16</sup> : « Perversæ cogitationes separant a Deo. » De secundis<sup>17</sup> : « Spiritus sanctus disciplinæ effugit (d) fictum, et aufert (e) se a cogitationibus quæ sunt sine intellectu. » Quod Propheta vocat *gentes*, hoc est, perversas cogitationes sine intellectu. Sicut gentes pejores sunt quam populi, ita cogitationes, quæ non sunt sine nequitia, id est, quæ sunt cum intellectu, pejores sunt his quæ sunt sine intellectu. Nam gentes sine sacramento fidei et fide sacramenti; populi saltem cum sacramento fidei. Propheta vero utrasque cogitationes increpat, dicens : *Quare fremuerunt*, etc. Nota : fremere irrationalium *Fremere* est : gentes vero fremere, est pravo desiderio contra rationem insurgere. Cogitationes perversas et ex nequitia increpat, dicens ibi : *Quare gentes*; cogitationes irrationalibiles ibi : *Quare fremuerunt*. Nota : inania cogitare, veniale; meditari, mortale. Cogitationes carnales, et vagas, et sine intellectu, ibi redarguit : *Quare populi inania?* cogitationes cum mortali, ibi : *Quare meditati sunt?*

2. *Astiterunt reges terræ.* Sicut diximus, per gentes et populos, cogitationes; hic etiam per reges et principes, affectiones intelliguntur : nam sicut reges et principes præsunt gentibus et populis, ita affectiones cogitationibus. Vel sic, ut per reges dæmones intelligentur, qui subvertendis hominibus potius fraude, quam virtute præesse nituntur; principes, qui æquo potius. Vel priorum tentatio fit fraudulentia; secundo-

<sup>12</sup> *Matth.*, v, 45. — <sup>13</sup> *Psal.* CXLVI, 9. — <sup>14</sup> *Psal.* XLIX, 21. — <sup>15</sup> *Psal.* XXII, 4. — <sup>16</sup> *Sap.*, I, 3. — <sup>17</sup> *Ibid.*, 5.

(a) *Vulg.* Quid autem. — (b) *Cæt. edit.* Confitebitur. — (c) *Cæt. edit.* non habent, etc. — (d) *Vulg.* effugiet. — (e) *Item* auferet.

Expo-  
sitio mo-  
ralis.  
Gentes,  
Populi.

Inania  
cogitare,  
meditari

Reges,  
Princi-  
pes.

rum, violentia. Primi, quasi regendo, hominibus astutia præsunt; secundi imperando, hominibus instantia dejectis præsunt. *Reges assistunt*, quando vicissim sibi ad nos expugnandos opem ferunt. Sic principes in unum conveniunt, gentibus frementibus, et populis inania meditantibus. *Reges assistunt*, *principes in unum conveniunt*, quia perversis et vanis cogitationibus, id est, gentibus et populis perstrepentibus, maligni spiritus tentandi aditum inveniunt. Nota: hi reges terræ vocantur, id est, peccatorum; nam de peccatore dicitur<sup>1</sup>: «Terra es, et in terram ibis.» Nota: Apostolus vocat dæmones<sup>2</sup> «principes hujus mundi.» Sequitur: *Adversus Dominum, et adversum Christum ejus*. Per Dominum, Creatorem; per Christum, intellige Salvatorem. Alia enim sunt dona naturæ, alia gratiæ. Dona naturalia ad Dominum; dona gratuita, id est, virtutes, ad Salvatorem et Christum referimus. Quando quis dona gratiæ destruit, contra Salvatorem specialiter agit; quando dona naturæ corrumpimus, contra Creatorem peccamus. Gentes, populi, reges, principes contra Christum et Dominum assistere dicuntur, quia contra Creatorem in nobis corrumpunt opus creationis, id est, naturalia; et contra Salvatorem, id est, Christum, evacuare satagunt opus salvationis, id est, virtutes. Sequitur: *Dirumpamus vincula eorum*. Vinculis retinemur, ne eamus, quo volumus. Sub jugo cogimur operari, quod nonolumus. Duo mala magna, impediri a bono, occupari a malo. A bono nos revocant vincula cupiditatis; ad malum nos impellit jugum timoris.<sup>3</sup> «Noli diligere mundum, neque ea quæ sunt in mundo,» et vincula dirupisti.<sup>4</sup> «Noli timere eos qui occidunt corpus;» et jugum projecisti: *Dirumpamus*, etc.

Dona  
naturæ  
et gratiæ

Cur  
Deus  
potius in  
cœlis.  
Cœlum

Sequitur: *Qui habitat in cœlis, irridebit eos*. Cum Deus sit ubique, quare dicitur esse in cœlis? Notandum autem, quod res non

<sup>1</sup> Gen., III, 19, quoad sensum. — <sup>2</sup> Ephes., VI, 12. — <sup>3</sup> I Joan., II, 15. — <sup>4</sup> Math., X, 28. — <sup>5</sup> Psal. CXXXI, 14. — <sup>6</sup> Psal. VIII. — <sup>7</sup> Psal. CXLI. — <sup>8</sup> Psal. XCIII. — <sup>9</sup> Psal. LVI. — <sup>10</sup> Isa., XLIX, 18.

TOM. IX.

dicitur esse, nisi ubi videtur. Unde quamvis sit in inferno, non dicitur ibi esse, quia ibi non videtur; nec in terra, id est, in peccatore: sed in cœlo, quod tripliciter intelligimus. Primum cœlum, imperfectum propter fidem; huic supereminet aliud cœlum, scilicet dignitas spiritualium virorum; huic et tertium, scilicet sublimitas angelorum. In primo cœlo videtur Deus per solam fidem: in secundo, per contemplationem; in tertio, facie ad faciem. Tantum in hujusmodi cœlis habitat Deus per gratiam, cum ubique sit per potentiam. Ideo dicitur: «Qui habitat in cœlis.» Vel per terram, corpus hominis; per animam, cœlum intelligitur, in quo habitat: unde dicitur: «Sedes DEI, anima justi.» Unde alibi<sup>5</sup>: «Hic habitabo, quoniam elegi eam.» Nota: irridendo fœditatem, quam aliquis habet, dissimulamus; subsannando, naturam, quæ est, simulamus. Perversi ergo a Deo deridentur, cum de se tam magna præsumunt; subsannantur, cum tam falsa, vel prophantanur, enī tam vana concipiunt de Deo vel dæmonibus, qui irridentur, cum se aliquid posse contra electos gloriantur; subsannantur, cum contra Dei dispositionem aliquid facere arbitrantur.

### PSALMUS DAVID III.

1. *Domine, quid multiplicati sunt?* Quintus modis sumitur titulus in sacra Scriptura, scilicet in Psalterio, scilicet in transumptione, a loco, a tempore, a nomine, a re gesta. De primo, ut<sup>6</sup> *Psalmus pro torcularibus*; de secundo, ut<sup>7</sup> *Psalmus David, cum latuit in spelunca*; de tertio, ut<sup>8</sup> *Psalmus de quinta sabbati*; de quarto, ut *Psalmus primus*; de quinto, unde (a)<sup>9</sup> *Psalmus David, cum fugeret a facie Saul*. Nota: Deus providet tria creaturæ: gubernationem, glorificationem, malitiæ damnationem (b). Est multiplicatio fidelium in numero; unde hoc<sup>10</sup>: «Leva oculos tuos, et vide; omnes gentes

Titulus  
quinque  
modis sumtitur.

Deus  
quot mo  
dis pro  
videt  
creatura

(a) Leg. ut.— (b) Cœt. edit. tribus creat.: gubernatione, glorificatione, mal. damnatione.

tibi venerunt. » Est multiplicatio meritorum; unde hoc<sup>1</sup>: « Omnis gloria ejus, filiae regis, ab intus, » etc. Est multiplicatio præmiorum; unde hoc<sup>2</sup>: « In domo patris mei mansiones multæ sunt. » Est multiplicatio in quantitate, superaddita numerato; unde hoc<sup>3</sup>: « Mensuram bonam et confertam dabant in sinu vestro. » Est multiplicatio in malo; unde<sup>4</sup>: « Multiplicati sunt super numerum. »

*Mors Christi, dormitio*

*6. Ego dormivi, et soporatus sum.* Mors CHRISTI, dormitio propter tria, quæ dormienti convenientiū: propter facilem evigilationem, nam CHRISTUS facile resurrexit, unde<sup>5</sup>: « Potestatem habeo ponendi animam meam, » etc.; et propter minimam moram, quia, sicut dormiens parum est in dormitione, ita CHRISTUS parum in morte, unde hoc<sup>6</sup>: « Sicut fuit Jonas in ventre ceti, » etc.; et propter integratatem, unde<sup>7</sup>: « Non dabitis sanctum tuum videre corruptionem; » et hoc<sup>8</sup>: « Non peribit capillus de capite vestro. » Ita qui dormit, cum omni integritate evigilat.

*Psalmus Cantici.*

*Fuga sanctorum.*

Nota: *PSALMUS CANTICI*, vel *Canticum Psalmi*, per genitivum, semper intellige præcedentem. Aliter exponitur in persona Ecclesiæ hoc: « Cum fugeret David a facie filii sui Absalon. » Sancti quoque fugiunt temporalem persecutionem, unde hoc<sup>9</sup>: « Si vos persecuti fuerint de una civitate, fugite in aliam. » Cumque fugiunt temporalem pœnam, scilicet peccatum, unde hoc<sup>10</sup>: « Fugite de medio Babylonis. » Quandoque pœnam æternam, ut in morte, unde hoc<sup>11</sup>: « Anima nostra, sicut passer, erepta est de laqueo. »

## PSALMUS DAVID IV.

*1. In finem in carminibus (a).* Est finis loci, unde hoc<sup>12</sup>: « Attingens a fine usque ad

<sup>1</sup> *Psal.* XLIV, 14. — <sup>2</sup> *Joan.*, X'V, 2. — <sup>3</sup> *Luz.*, VI, 38. — <sup>4</sup> *Psal.* XXXIX, 6. — <sup>5</sup> *Joan.*, X, 18. — <sup>6</sup> *Matth.*, XII, 40. — <sup>7</sup> *Psal.* XV, 10. — <sup>8</sup> *Luc.*, XXI, 18. — <sup>9</sup> *Matth.*, X, 23. — <sup>10</sup> *Jerem.*, LI, 6. — <sup>11</sup> *Psal.* CXX, 7. — <sup>12</sup> *Sap.*, VIII 1. — <sup>13</sup> *I Cor.*, X, 11. — <sup>14</sup> *Psal.* CXVIII, 96. — <sup>15</sup> *Psal.* LXIX, in titulo, vel hic ipse *Psal.* IV. — <sup>16</sup> *Bar.*, II, 35, sec. al. interp. — <sup>17</sup> *Psal.* CXVIII, 96. — <sup>18</sup> *Isa.*, XXIX,

finem fortiter. » Et est finis temporis, unde hoc<sup>19</sup>: « Nos sumus, ad quos finis sæculorum deveniunt. » Est finis consummationis, quæ dividitur in finem consummationis virtutis, quæ est charitas, unde hoc<sup>20</sup>: « Omnis consummationis vidi finem; » et in finem consummationis æternæ hereditatis, quæ est Christus, unde hoc<sup>21</sup>: *In finem Psalmus David.* Est finis consummationis, ut diabolus. Est finis, scilicet causa finalis, unde versus:

Temporis atque loci finis, perfectio causæ,  
scilicet finalis (b). Est consummatio præcep- consum-  
torum, unde hoc<sup>22</sup>: « Consummabo novum testamentum super dominum Iuda. » Est con- matio multi-  
plex.

summatio meritorum, unde hoc<sup>23</sup>: « Omnis consummationis vidi finem. » Est consummatio præriorum, unde Christus dicitur consummatio in præsenti ad justitiam, et in futuro ad gloriam.

*4. Et scitote quoniam mirificavit.* Proprietas diapsalmatis est, ut de alio in præcedenti, quam in sequenti fiat sermo; quod faciebat David in Psalterio, faciendo punctum, scilicet silentium inter lectiones et psalmos; quia de alio (c) agitur in lectione, et de alio in psalmis, quod est proprietas dia-psalmatis.

*7. Signatum est super nos, etc.* Aliquando dicitur signatum, quia clausum, unde Dominus<sup>18</sup>: « Verba mea, quasi libri signati; » et signatum, quasi discretum, unde hoc<sup>19</sup>: « De tribu Iuda duodecim millia signati; » et signatum, quasi insignitum, unde hoc: *Signatum est super nos lumen vultus.*

*9. In pace in id ipsum dormiam, et re- quiescam.* Quidam dormiunt in contemplatione, unde hoc<sup>20</sup>: « Ego dormio, et cor meum vigilat; » quidam in felici expectatione, unde hoc<sup>21</sup>: « Nolumus vos ignorare de dormientibus; » quidam in requie, unde hoc<sup>22</sup>: « Ego et pueri mei mecum sunt in cubili. »

<sup>11</sup>. — <sup>19</sup> *Apoc.*, VII, 4. — <sup>20</sup> *Cant.*, V, 2. — <sup>21</sup> *I Thess.*, IV, 12. — <sup>22</sup> *Luc.*, XI, 7.

(a) Cæt. edit. *Cum invocarem, exaudivit.* — (b) Cæt. edit. add. *Cum invocarem.* — (c) Cæt. edit. illo.

## PSALMUS DAVID V.

**Ecclesia libera.** 2. *Verba mea.* Ecclesia dicitur libera, quia liberata a peccato; unde hoc<sup>1</sup>: « Si Filius liberaverit (*a*), vere liberi eritis; » et quia libera ab onere legis, quia hoc erat « onus<sup>2</sup>, quod nec patres nostri portare potuerunt; » et hoc<sup>3</sup>: « Venite ad me, omnes qui laboratis et onerati estis, » etc.; et quia libera a diabolo, unde hoc<sup>4</sup>: « Venit fortis, et alligavit fortem. » Synagoga dicitur captiva, quia servit pro temporalibus, unde hoc<sup>5</sup>: « Dabo vobis terram fluentem lac et mel; » et quia timore mortis serviebat, unde hoc: « Qui peccata facit, vivit in illis; » et quia non poterat solvi a peccatis, unde hoc<sup>6</sup>: « Lex neminem ad perfectum (*b*). »

3. *Deus meus.* Deus proprius dicitur esse propter tria: Quia non mutatur per affectus, unde hoc<sup>7</sup>: « Ego sum Deus, et non mutor; » et quia non mutatur per loca, unde hoc<sup>8</sup>: « Sapientia attingit a fine ad finem fortiter; » neque per tempora, unde hoc<sup>9</sup>: « Tu autem idem ipse es. »

**Quæ ante ædificatio-**  
**nem pre-videnda.** 8. *Introibo in domum tuam.* Ad faciendum ædificium, homo prius debet in mente disponere, et prævidere; post, lapides eligere; tertio, fundamentum ponere; quarto, unum parietem erigere; quinto alium; sexto tecum apponere. Sic Deus faciendo domum, scilicet Ecclesiam, primo disponit et prævidet, sicut voluntas artificis supra opus: nam «<sup>10</sup> Spiritus Domini ferebatur super aquas. » Unde hoc<sup>11</sup>: « Antequam essemus, nos elegit Deus, ante mundi constitutionem; » scilicet ab æterno. Lapides posuit in tempore patriarcharum; unde hoc: « Muri tui lapides pretiosi. » Fundamentum posuit in morte Christi, unde Apostolus<sup>12</sup>: « Fundamentum positum est, » quod nemo mutare potest. Unde parietem erexit in die Pentecostes, scilicet in vocatione Iudeorum, unde hoc Do-

minus ad Apostolos<sup>13</sup>: « Sedete hic, donec induamini virtute ex alto. » Alium parietem erexit de gentibus, quando duo parietes ad unum lapidem angularem convenerunt, unde hoc<sup>14</sup>: « Lapidem, quem reprobaverunt, » etc. Tectum apposuit singulis diebus, quando homines justificat complendo numerum prædestinatorum, unde hoc: « Sustinet modicum, donec impleatur numerus fratrum vestrorum. Haec est domus Domini firmiter ædificata, bene fundata est<sup>15</sup>. » Nota: Ecclesia militantum in præsenti est; triumphantum, in patria est; expectantium, est eorum qui sunt in purgatorio; et stantium, ut angelorum. Non enim triumphaverunt, qui non pugnaverunt.

Ecclesia quadruplicata.

## PSALMUS DAVID VI.

2. *Domine, ne in furore tuo arguas me.* Duo psalmi nomine octavæ intitulantur. Primus est hic<sup>16</sup>: « Salvum me fac, Deus, quoniam defecit sanctus. » Nota: quidam psalmi sunt historiales, ut qui agunt de historia; sicut<sup>17</sup>: « Attendite; » quidam pœnitentiales, ut septem psalmi, quorum unus est hic; quidam præconiales, ut qui agunt de laude Dei; quidam medicinales, ut qui agunt de medicina contra peccatum; ut<sup>18</sup>: « Domine, quis hababit in tabernaculo tuo? »

Psalmorum genera diversa.

3. *Miserere mei, Domine, quoniam con-turbatum est cor meum.* Deus miseretur homini tribus modis: nam peccantem expectat; desperantem consolatur; congaudet pœnitenti. Peccantem revocat dono gratiæ; desperantem consolatur per spem veniæ: pœnitentem roborat exemplo gloriæ. Quot modis homo homini misereatur, alias dicetur.

Deus tripliciter misereatur.

6. *In inferno autem quis confitebitur tibi?* Nota: est mors, unde mortuus; est etiam mors, unde moriens. In prima non confitetur quis Domino; sed in secunda, vel in morte peccati, nullus.

Mors duplex.

<sup>1</sup> Joan., VIII, 36. — <sup>2</sup> Act., XV, 10. — <sup>3</sup> Matth., XI, 28. — <sup>4</sup> Matth., XII, 29. — <sup>5</sup> Levit., XX, 24. — <sup>6</sup> Hebr., VII, 19. — <sup>7</sup> Malach., III, 6. — <sup>8</sup> Sæp., VIII, 1. — <sup>9</sup> Psal. CI, 28. — <sup>10</sup> Gen., I, 2. — <sup>11</sup> Ephes., I, 4. — <sup>12</sup> I Cor., III, 11. — <sup>13</sup> Luc., XXIV, 49. — <sup>14</sup> Psal. CXVII, 22. — <sup>15</sup> Verba Liturgiae, in officio Dedicationis Ecclesiæ. — <sup>16</sup> Psal. XI. — <sup>17</sup> Psal. LXXVII. — <sup>18</sup> Psal. XIV. — <sup>(a)</sup> Cæt. edit. liberavit. — <sup>(b)</sup> Suppl. adduxit.

## PSALMUS DAVID VII.

(a) 2. *Domine Deus meus, in te speravi. In finem. Psalmus David : quem cantavit Domino pro verbis Chusi, etc.* Ille quinque considera : bonam operationem, unde : *Psalmus* : operis fortitudinem, unde : *David* ; mentis hilaritatem, unde : *Cantavit* ; ad Dominum relata, unde : *Domino* ; horum perseverantiam, unde : *In finem*. Legitur, quod David tres planxit : filium, amicum, hostem : Absalon, Jonatham, Saulem. Per hoc datur intelligi, quod omnem legem implevit : nam plangendo filium, naturae; plangendo amicum, litterae, scilicet Moysi; plangendo amicum, legem gratiae, scilicet Evangelium. Omnia quandoque comprehendit genera singulorum, ut hic<sup>1</sup> : « Omnia per ipsum facta sunt; » quandoque sufficiunt.

4. *Si feci istud*, etc. Per istud demonstratur superbia, quae dicitur universale peccatum, quia superbia comitatur omne mortale peccatum. Nam omnis qui peccat mortaliter, facit contra praeceptum Domini Dei sui, et Domino suo non obedit, et ideo superbit : inde dicitur universale peccatum.

10, 11. Nota : per haec tria : *Diriges justum; Justum adjutorium meum a Domino; Qui salvos facit rectos corde*, intelliguntur tres status justorum, scilicet, status poenitentiae, status justitiae, scilicet per bona opera, status gloriae, scilicet merces. Quod idem notatur in Ecclesia per vigilias Sanctorum, et solemnitates, et octavas. Idem notatur in Veteri Testamento<sup>2</sup> per oblationes spicarum exustarum, ut in Pascha; et per oblationem novorum panum in die Pentecostes, et per scenopiegiam, quod est in Septembri, ubi omnes fructus collecti offerebantur. In futuro enim<sup>3</sup> « venient cum exultatione, portantes manipulos suos. » Quid significatur per triduum, quo Moyses petit a Pharaone, ut dimitteret populum trium dierum immu-

Tres status justorum.

<sup>1</sup> *John.*, 1, 3. — <sup>2</sup> *Levit.*, xxiii. — <sup>3</sup> *Psal.* cxxv, 6. — <sup>4</sup> *Exod.*, v, xxiv, xxxiv. — <sup>5</sup> *II Cor.*, 1, 8. — <sup>6</sup> *Joan.*, xii, 31. — <sup>7</sup> *Psal.* xxx, 21. — <sup>8</sup> *I Cor.*, vi, 18. — <sup>9</sup> *I Cor.*, v, 7.

nem in solitudine; item per tres quadragenas<sup>4</sup>, quibus Moyses jejunavit; item per mortem Christi triduanam.

13. *Gladium suum vibravit. Quot modis gladius dicatur, alibi dicetur.*

18. *Confitebor Domino.* Est confessio laudis, (b) confessio peccati. Confessio laudis de tribus : de bono aeterno, de perpetuo, et de temporali. Nam quia Dominus, laudandus quod est aeternus, et quod dat vitam perpetuam, et quod dat temporalia. Confessio peccati in tribus : in gemitu, in singultu, in fletu. Gemitus in pectore; singultus in gutture; fletus in ore notatur.

Confessio laudis. Confessio peccati.

## PSALMUS DAVID VIII.

1. *In finem pro torcularibus (c).* In torculari tria sunt : nam uvæ premuntur; vina a vinaciis separantur; vina in cellarium portantur. Haec autem tria Ecclesiae convenient, et ideo dicitur torcular : nam in praesenti premuntur, unde hoc<sup>5</sup> : « Supra modum gravati sumus, ita ut tæderet nos vivere. » Boni a malis separantur, unde hoc<sup>6</sup> : « Nunc est judicium mundi, » quia saltem modo sancti separantur a mundo; in patria ponentur, unde hoc<sup>7</sup> : « Abscondes eos in abscondito faciei tuæ. »

Torcular Ecclesiae

2. *Domine, Dominus noster.* Separatio alia generalis, alia specialis. Generalis modo est animo; et separatio localis fit tum ad cautelam, tum ad medicinam : (d) ut quando quis intrat claustrum, ut fugiat opportunitatem (e); unde Apostolus<sup>8</sup> : « Fugite » (f); ad medicinam, ut de excommunicatis, qui separantur ab ecclesia et a communione Ecclesiae, ut tandem salvi fiant : unde Apostolus jussit expellere fornicarium a Corinthiis dicens<sup>9</sup> : « Expurgate vetus fermentum, » quasi : A vobis ejicite. Generalis erit in futuro, animo et loco.

Duplex separatio. Separatio localis.

(a) Leg. 1. *In finem. Psalmus... etc.*; item 2, *Domine...* — (b) *Suppl.* est et. — (c) *Cæt. edit.* hanc glossam referunt ad psalm. lv. — (d) *Suppl.* ad cautelam. — (e) *Suppl.* peccandi. — (f) *Cæt. edit. add.* oportet, nullo sensu.

Separatio generalis.

*3. Elevata est magnificientia tua super cœlos.*  
Non est dandum sanctum canibus, et margarita porcis; nec sacra Scriptura exponenda est indignis: quod repræsentatum est, cum in tabernaculo Domini erant quælam, quæ non lieebat alicui videre, nisi Aaron et filii ejus; sed involuta ferebantur a Caath et Caathitis (*a*), ne, si viderent, morerentur. Quod representatum est, cum thesauri domus Domini Babylonii expositi sunt.

Nomen  
Dei multi-  
pliciter  
accipitur

*2. Quam admirabile est nomen tuum.* Nomen Dei quandoque dicitur invocatio nominis Dei, unde hoc <sup>1</sup>: «Baptizate in nomine Patris, et Filii, et Spiritus sancti. Amen.» Quandoque manifestatio nominis, unde hoc <sup>2</sup>: «Ego veni in nomine Patris mei;» et hoc <sup>3</sup>: «Benedictus qui venit in nomine Domini.» Quandoque efficacia nominis, unde hoc <sup>4</sup>: «Nomen Domini venit de loginquo;» in eodem exemplo pro fama.

*3. Et lactentium.* Ex lacte duo sunt: butyrum, et caseus. Per caseum, peccatum; per butyrum, natura sine corruptione intelligitur. Bene ergo Dominus divisit, qui butyrum comedendo, caseum non gustavit, id est, humanam naturam assumpsit sine peccato. Item apis duo habet, mel, et aculeum. Per mel, misericordia; per aculeum, judicium Dei intelligitur. Recte ergo divisit, qui mel comedendo, aculeum non assumpsit; id est, misericordiam, non judicium. Modo enim maxime regnat misericordia: venit judicandus, non judicaturus; unde dicitur <sup>5</sup>: «Butyrum et mel comedet.» In judicium venit apis eum aculeo, sed non sine melle.

Quid  
lactis,  
butyri, et  
mellis  
nominis  
significatur.

*5. Quid est homo, quod memor es ejus?* Natura nostra vitiata est in origine, in propagine, in superadditione. De primo <sup>6</sup>: «Omnis in Adam peccavimus;» de secundo <sup>7</sup>: «Ecce enim in iniquitatibus conceptus sum;» de tertio, scilicet de actuali peccato <sup>8</sup>: «Sanguis sanguinem teligit.» Deus est memor malorum puniendo, unde hoc <sup>9</sup>: «Memor

<sup>1</sup> Matth., xxviii, 19, sed Amen superfluit. — <sup>2</sup> Joan., v, 43. — <sup>3</sup> Matth., xxiii, 39. — <sup>4</sup> Isa., xxx, 27. — <sup>5</sup> Isa., vii, 15. — <sup>6</sup> Rom., v, 12. — <sup>7</sup> Psal. L, 7. — <sup>8</sup> Osee, iv, 2. — <sup>9</sup> Psal. cxxxvi, 7. — <sup>10</sup> Psal. cxviii,

esto, Domine, filiorum Edom; » quandoque memor bonorum in dando, unde hoc <sup>10</sup>: «Memor esto verbi tui servo tuo;» et hoc <sup>11</sup>: «Numquid obliviscetur misereri Deus?»

*6. Gloria et honore coronasti.* In Romana civitate tres solemnitates antiquitus celebabantur, scilicet Imperatoris, id est, dies nativitatis, et natale Imperii, quando scilicet primo coronabatur Imperator, et natale Civitatis, id est, dies, quo muris munita est Civitas. Sic in Ecclesia celebramus natale Imperatoris, scilicet nativitatem Christi de Virgine; et natale Imperii, scilicet diem quo coronavit eum pater suus, sicut hic dicitur: *Gloria et honore coronasti eum*, etc.; non diem, quo coronavit eum novarea, scilicet Synagoga, spinea corona; et natalem Ecclesiae, id est, diem Pentecostes missione Spiritus sancti: tunc fuit roborata Ecclesia, et muris apostolorum munita. Ideo has tres solemnitates celebramus, scilicet, Natale, Paseha, et Pentecosten.

Tres  
olim Ro-  
mae so-  
lemnita-  
tes.

## PSALMUS DAVID IX.

*2. Confitebor tibi, Domine, in toto corde meo.* Quatuor leguntur adventus Christi: duo visibles, unus in carne, et unus ad iudicium; duo invisibles, unus in mente, unde hoc <sup>12</sup>: «Ad eum veniemus, et mansionem apud eum faciemus;» unus in obitu cuiuscumque fidelis, unde in Apocalypsi <sup>13</sup>: «Veni, Domine:» unde dicitur *obitus*, quasi obviam ei Christus venit.

*8. Paravit in iudicio thronum.* Thronus quandoque est anima justi, unde hoc: «Thronus sive sedes Dei est anima justi;» quandoque angeli, nam dicuntur angeli *Throni* et *Dominationes*; quandoque iudicaria potestas, unde hoc <sup>14</sup>: «Cum sederit, etc. (*b*) <sup>5</sup>, super thronos duodecim.»

*10. Et factus est Dominus refugium pauperum.*

49. — <sup>11</sup> Psal. LXXVI, 10. — <sup>12</sup> Joan., xiv, 23. — <sup>13</sup> Apoc., XXII, 20. — <sup>14</sup> Matth., xix, 28. — <sup>15</sup> Luc., XXII, 30.

(a) *Cæt. ed l.* Caat... Caatilis. — (b) *Cæt. ed. non habent* etc.

*peri.* Nota : quidam fugiunt de sæculo<sup>1</sup>, unde hoc<sup>2</sup> : « Ecce ego fugio (a), et mansi in solitudine, » quando scilicet intrant claustrum quidam ab adversario, unde hoc<sup>3</sup> : « Fugite de medio Babylonis; » de prodigo filio<sup>4</sup>, qui revertitur ad patrem. Et nota : hi omnes ad unum tendunt. *Pauperi* (b) : unde hoc<sup>5</sup> : « Pauperes semper habebitis vobiscum, » etc., Sunt pauperes voluntate, unde hoc<sup>6</sup> : « Beati pauperes spiritu, » qui sunt divites (c) Spiritu sancto. Divites spiritu Dei, sunt pauperes rebus propriis : divites rebus communibus, sunt pauperes quibus sufficiunt ea quæ habent, unde hoc<sup>7</sup> : « Pauper sum ego et in laboribus, » etc. Talis est, qui habet divitias, et cor non apponit.

15. *Qui exaltas me de portis mortis, ut annuntiem omnes laudes tuas, in portis filiae Sion (d).* Ostendit qui exaltat, ibi : *Qui exaltas;* quem exaltat, ibi : *Me;* a quo, ibi : *De portis;* ubi : *Collocas me in portis;* ad quid, ibi : *Ut annuntiem.* Mandata Dei debemus intelligere, ibi ; in memoria habere ; facere. De primo<sup>8</sup> : « Qui habet aures audiendi, audiat. » De secundo<sup>9</sup> : « Audi, Israel, mandata mea, et ponam in ore tuo. » De tertio<sup>10</sup> : « Concupisti sapientiam, observa mandata. » Triplex desiderium habent sancti Patres, scilicet : ut fruantur Deo, unde hoc<sup>11</sup> : « Cupio dissolvi, et esse cum Christo; » ut uniantur Deo, scilicet Ecclesiæ, unde hoc<sup>12</sup> : « Ecce quam bonum, et quam jucundum habitare fratres in unum! » Ut liberentur a malo triplici, scilicet a diabolo, a peccato, ab inferno : quod petimus in Oratione Dominicæ, dicentes : « Sed libera nos a malo. » Tria sunt : unum est, quo natura deficit, fames; aliud est, quo naturam afficit, frigus; tertium, quo naturam reficit, scilicet vestis. Et aliud est, mediocritas, quod dat satis, et dat gratis; quæ dat, quo natura

caleat, et quo convaleat. Apostolus prædicans Romanis voluit habere<sup>13</sup> « fructum » in illis, pro illis, et de illis : in illis, ut converterentur; pro illis, ut pro labore suo vita eterna fruerentur; de illis, ut ad exemplum eorum alii converterentur. Nota : dies <sup>Dies Domini.</sup> Domini dicitur occultus, quia<sup>14</sup> « subito veniet, tanquam fur in nocte, » et quia multi damnabuntur, qui sperant se salvati, unde hoc<sup>15</sup> : « Cadent a latere tuo mille. » Item dicitur manifestus, quia libri tunc erunt aperti, id est, conscientiæ, et quia<sup>16</sup> « ignis præcedet faciem ejus. »

8 bis. *Sedet in insidiis cum divitibus in occultis.* Nota consuetudinem, ibi : *Sedet;* deceptionem, ibi : *In insidiis;* potentiam, ibi : *Cum divitibus;* intentionem, ibi : *Ut interficiat;* finem, ibi : *Innocentem.*

16. *Dominus regnabit.* Ostendit potentiam Christi per quatuor : per regiam dignitatem, unde : *Dominus regnavit;* per regiam æternitatem, unde : *In æternum;* per depressionem inimicorum, unde : *Peribitis gentes;* per exaltationem amicorum, unde : *Desiderium pauperum exaudiuit Dominus.*

## PSALMUS DAVID X.

1. *In finem pro octava (e).* Nota : In solemnitatibus Christi, sicut in Natali, in Pascha, in die Pentecostes, non celebrantur octavæ. Non enim expectamus octavam Christi, scilicet ejus resurrectionem, nam præcessit. Sed octavam sanctorum celebramus, id est, glorificationem eorum, scilicet in corpore et in anima. Item septem diebus ante octavam, quasi septenario hujus vitæ, expectamus octavam sanctorum, scilicet utramque glorificationem, ut septenarius ad corpus et ad animam referatur. Nam ternarius ad animam, propter tres virtutes ani-

<sup>De octavis.</sup>

(a) *Vulg.* Elongavi fugiens. — (b) *Cæt. edit.* non habent pauperi. — (c) *Cæt. edit.* pauperes. — (d) *Cæt. edit.* etc. *Et collocas me in portis filiae Sion, ut annuntiem omnes laudes tuas.* — (e) Hæc versiculi, seu tituli, 1 desunt, et ea quæ sequuntur, usque ad v. 2, referuntur ad psalmum **xxix** inter v. 6 et 12, in *cæt. edit.*

<sup>Desiderium SS.</sup> Patrum triplex. — <sup>1</sup> Psal. LIV, 8. — <sup>2</sup> Jerem., LI, 6. — <sup>3</sup> Luc., xv. — <sup>4</sup> Matth., XXVI, 41. — <sup>5</sup> Matth., V, 3. — <sup>6</sup> Psal. LXXXVII, 16. — <sup>7</sup> Matth., XI, 13. — <sup>8</sup> Deut., XVIII, 18. — <sup>9</sup> Eccli., I, 33 : *Concupisces sapientiam, conserva justitiam.* — <sup>10</sup> Philip., I, 23. — <sup>11</sup> Psal. CXXXII, 1. — <sup>12</sup> Rom., I, 13. — <sup>13</sup> II Petr., III, 10. — <sup>14</sup> Psal. XC, 7. — <sup>15</sup> Psal. XCVI, 5.

mæ; quaternarius ad corpus, propter quatuor elementares qualitates quæ sunt in corpore.

*Membra putrida.*

2. *In Domino confido.* Nota membra dicuntur putrida, vel quia arida, vel quia saniem habentia, vel quia extra vulnerata: ita quidam haeretici aridi sunt, non habentes humorem gratiæ, quasi steriles; unde hoc<sup>1</sup>: « Dabo eis sine liberis vulvam. » Item, quidam sunt putrida membra intus saniem, id est, superbiam habentia, quasi tumorem; unde hoc<sup>2</sup>: « Posuerunt in cœlum os suum. » Quidam sunt membra putrida, quia vulnerata; unde hoc (v. 3): *Ut sagittent in obscuro rectos corde.* Ilac similitudine dicitur aliquis membrum putridum.

*Deus diversis modis dat.*

4. *Justus autem quid fecit?* Dat Deus dimittendo hominem sibi, unde hoc<sup>3</sup>: « Tradidit eos in passiones ignominiae. » Dat permittendo, secundum quod dedit<sup>4</sup> « libellum repudii. » Dat ostendendo (*a*), unde hoc<sup>5</sup>: « Dedi vobis legem non bonam, justificationes non bonas. » Et dat conferendo in tempore; unde hoc<sup>6</sup>: « Dabo vobis cor carneum, et non lapideum. » Dat vitam æternam; unde hoc<sup>7</sup>:

*Christus dicitur justus antonomastice.*

« Qui dat salutem regibus. » Christus dicitur *justus* antonomastice propter tria: scilicet in natura, quia fuit sine macula; unde hoc<sup>8</sup>: « Qui ingreditur sine macula. » Ab effectu, quia alias justificat; unde hoc<sup>9</sup>: « In sanguine ipsius justificati sumus. » Et quia reddit æqua meritis; unde hoc<sup>10</sup>: « Opera enim illorum sequuntur illos. »

*Deus in quo habilit.*

5. *Dominus in templo sancto suo, Dominus in cœlo sedes ejus.* Dominus per potentiam sedet, et permoratur in homine, qui est *templum* per gratiam inhabitantem, et *sanctum* per (*b*) operationem, et *suum* per subjectionem, et *cœlum* per scientiam. Deus inhabitat in habente quatuor, scilicet, gratiam inhabitantem (*c*), operationem, subjectionem, et scientiam.

*Quomo. Oculi ejus in pauperem respiciunt.* Deus

dicitur duos oculos habere: dextrum, et sinistrum. Sinistro oculo videt, quando manus ad damnationem prævidet; dextro, quando bonos prædestinat. Horum oculorum sunt palpebræ, quæ quandoque clauduntur, quandoque aperiuntur. Nam quando Deus prospera bonis, et adversa malis tribuit, palpebras aperit. Quando prospera malis, adversa bonis, palpebras claudit. Nota, quandiu Christus in via fuit, videbat Deum, quod non aliud homo. Nam tres sunt, Deus, homo, mundus. Homini in medio constituto, datum est videre mundum, Deum, et seipsum; ut ea, quæ sunt in mundo, videat extra se; datus est ei oculus contemplationis, ut videat Deum in se; est oculus rationis, ut videat spiritum, scilicet animam suam intra se. Sed quia oculi ejus calligaverunt per peccatum, oculus contemplationis in eo est extinctus, ut non videat. Non loquor de oculo concupiscentiæ, quia apertus est in eo. Nam quando aperitur oculus contemplationis, clauditur, et e converso. Nulli autem oculi extinti sunt in Christo, quia non peccavit.

*Pluet super peccatores laqueos.* Deus pluit super bonos imbre gratiæ, unde pluit illis manna ad manducandum, et hoc per se; quandoque per alios, pluit doctrinam tum salubrem, tum illaqueantem. Salubrem, propter bonos, unde hoc<sup>11</sup>: « Mandabo nubibus desuper, ut non pluant super vos. » Quandoque per bonos illaqueantem: nam quibusdam sumus<sup>12</sup> « bonus odor vitæ in vitam; » quibusdam « odor mortis in mortem. » Quandoque pluit poenam, ut hic; quandoque dicitur pluere, id est, facere cessare ab actu peccati, non reatu: unde pluit Dominus super unam civitatem, et super aliam non pluit. Nota: prædicatio haereticorum mansuetudinem ingruit, unde dicitur *pluvia*; ex mansuetudine allicit, unde dicitur *laqueus*; illectuosus exurit, unde

do Deus  
oculos  
duos ha-  
bere di-  
citur.

<sup>1</sup> *Ose.*, ix, 14. — <sup>2</sup> *Psal.* LXXXII, 9. — <sup>3</sup> *Rom.*, I, 26. — <sup>4</sup> *Jerem.*, III, 8. — <sup>5</sup> *Ezech.*, XX, 25: *Dedi eis præcepta non bona, et iudicia in quibus non vivent.* — <sup>6</sup> *Ezech.*, XI, 19; XXXVI, 26. — <sup>7</sup> *Psal.* CXLIII, 10. —

<sup>8</sup> *Psal.* XIV, 2. — <sup>9</sup> *Rom.*, V, 9. — <sup>10</sup> *Apoc.*, XIV, 13. — <sup>11</sup> *Isa.*, V, 6. — <sup>12</sup> *II Cor.*, II, 16. — (*a*) *Cæt. edit.* offendendo. — (*b*) *Item in.* — (*c*) *Cæt. edit. add.* gratiam in.

Imber  
salubris,  
et illa-  
queant.

dicitur *ignis*; exustus fœtet, unde dicitur *sulphur*; nam fumus peccati olfactu animæ percipitur; fœtor generat mentis inquietudinem, unde *spiritus procellarum*; inquietudo mentis, unde : *pars calicis eorum*.

## PSALMUS DAVID XI.

**2. Salvum me fac.** In exitu Paralipomenon dicitur<sup>1</sup>, quod « cantores ante arcam cabant pro octava, » unde hic psalmus intitulatur. Nota : iniqüitas mundi destruitur, quando omnino deletur; unde<sup>2</sup> : « Ego sum qui deleo iniqüitatem populi; » et quando iniqüus perimitur, unde<sup>3</sup> : « Disperibunt impii, simul reliquiae impiorum interibunt; » et quando iniqüitas ad effectum non perducitur, unde hoc<sup>4</sup> : « Iniquitas oppilabit os suum » in die judicii.

**3. Corde, et corde locuti sunt.** Quando germinatur dictio, germinatur et interposita, vel non interposita. Sed interposita notat aliquando duplicitatem, ut hic : *Corde, et corde locuti sunt*, id est, duplice corde. Hic exponitur duplamente : ut unum cor ad proferentem (*a*), aliud ad intelligentem referatur; vel e converso, ut unus proferat (*b*), alias male intelligat, vel utrumque cor referatur ad proferentem (*a*). Corde ergo et corde loquuntur, id est, duplice corde, quasi qui aliud habeant in corde. Quandoque universitatem significat, ut<sup>5</sup> : « Generatio et generatio laudabit opera tua, » id est omnis generatio. Et non interposita quandoque notat confirmationem, ut<sup>6</sup> : « Amen, amen dico vobis. » Quandoque notat velocitatem, ut hic<sup>7</sup> : « Volavit, volavit super pennis ventorum. » Quandoque notat amorem, ut hic<sup>8</sup> : « Deus, Deus meus, ad te de luce vigilo. » Quandoque iram, sive odium, ut<sup>9</sup> : « Crucifige, crucifige. »

Eloquium Domini *castum* est per integratatem, *argentum* per apparentiam, *examinatum* per existentiam, *purgatum* a

vitio, *septuplum*, ecce perfectio. Eloquium Domini debet habere hæc quinque, id est, integratatem sine diminutione, apparentiam sine deceptione, existentiam sine falsitate, fugam vitii, electionem perfecti.

**Purgatum terræ septuplum.** Nota : Est quinarius septenarii, sive septenarius quinarius. Nam septem sunt vulnera principalia peccati; et ad delicta hæc septem, inventæ sunt septem petitiones in Oratione Dominica; et per septem petitiones habemus septem dona; et per septem dona, septem virtutes; et per septem virtutes, septem benedictiones. Hic ergo dicitur, quod octava redit ad caput, scilicet hæc virtus<sup>10</sup> : « Beati qui persecutionem patiuntur propter justitiam. » Et tamen quandoque dicitur beatitudine, quia introducit ad beatitudinem; et ita octava redit ad caput, id est, ultima refertur ad quamlibet primam. Unde<sup>11</sup> : « Beati pauperes spiritu, qui persecutionem patiuntur propter justitiam. Beati mites, qui persecutionem patiuntur propter justitiam, » et sic de aliis. Nota : Non sunt nisi septem beatitudines; sed hæc (*c*) : « Beati, qui persecutionem patiuntur propter justitiam, » dicitur octava, quia bis ponitur. Vel sic : Octava redit ad caput, id est, illa quæ est ultima, quæ ponitur in fine primæ, unde dicitur : « Beati pauperes spiritu, qui persecutionem patiuntur propter justitiam. »

**Argentum.** Nota : est amor Dei, mundi, et peccati. Quidam diligunt solum Deum; alii, aliquid præter Deum; alii, aliquid contra Deum. Primi ædificant aurum, argenteum, lapides pretiosos; alii lignum, foenum, stipulam; tertii ferrum, æs, plumbum. In auro, intellectum; in argento, eloquium; in lapidibus pretiosis, opus incorruptum; in ligno, affectum cogitationis; in foeno, affectum possessionis; in stipula, affectum familiaritatis. Quod etiam aliter exponitur.

**9. In circuitu impii ambulant.** Nota : Deus

Septenarius multiplex.

Argentum.

De auro et argento, ligno, feno, stipula.

<sup>1</sup> *Paral.*, xv, 21. — <sup>2</sup> *Isa.*, XLIII, 25. — <sup>3</sup> *Psal.* XXXVI, 38. — <sup>4</sup> *Psal.* CVI, 42. — <sup>5</sup> *Psal.* CXLIV, 4. — <sup>6</sup> *Joan.*, I, 51. — <sup>7</sup> *Psal.* XVII, 41. — <sup>8</sup> *Psal.* LXII, 4. — <sup>9</sup> *Luc.*, XXIII, 21. — <sup>10</sup> *Matth.*, V, 10. — <sup>11</sup> *Ibid.*, 3 et seq. (*a*) *Al.* proferentem. — (*b*) *Al.* proferat. — (*c*) *Al.* hic.

Deus  
humanata  
dici-  
tar esse  
circulus humanatus dicitur esse circulus, ut circumferentia humanitas, centrum autem dicatur divinitas. Circumferentiam facit pes circuli mobilis; in centro est pes immobilis: nam humanitas mobilis, sed divinitas est immobilis. *Impii in circuitu ambulant*, quia humanitatem; non divinitatem credunt; unde alibi<sup>1</sup>: « Qui videbant me, foras fugerunt, » id est, Christum purum hominem crediderunt. Justi autem usque ad centrum pervenient, quia Deum in homine credunt. Alii cubi<sup>2</sup> tamen legitur, quod Deus est circulus, cuius centrum ubique, circumferentia autem nusquam terminatur. Circulus quandoque in bono accipitur, unde *Sapientia*<sup>3</sup>: « Gyrum cœli circuvi sola; » quandoque in malo, et tune ad hominem, vel ad peccatum, vel ad poenam refertur. Ad hominem, ut hic<sup>4</sup>: « Circumdederunt me sicut apes. » Ad poenam, sicut hic<sup>5</sup>: « Circumdederunt me dolores mortis. » Ad peccatum, ut hic: « Circumdederunt me viri mendacii. »

## PSALMUS DAVID XII.

Itatio  
transitus  
in divi-  
nis offi-  
ciis. *Usquequo*<sup>1</sup>, Domine, *oblivisceris*, etc. Hunc versum 3., *Quandiu ponam consilia in anima mea?* Hieronymus<sup>6</sup> sic exponit: « Antiqui patres plura habuerunt remedia, sive consilia ad peccatum: modo a circumcisione ad sacrificia, post oblationes, transibant dicentes: *Quandiu ponam consilia in anima mea?* » Qui transitus repraesentatur apud nos in matutinis, dum transimus ab antiphonis ad lectiones, a lectionibus ad responsoria. Post, dicimus: « Te Deum laudamus; » et post sequuntur Psalmi praecionales, quia pro re exhibita debemus laudare Deum, et gratias agere, scilicet de incarnatione facta: et est sensus: Quandiu fruar his consiliis legalibus, donec veniat unicum et expectatum consilium, scilicet Christus?

Inimi-  
corum 3. *Usquequo exaltabitur inimicus meus?* Est inimicus spiritualis, scilicet diabolus;

<sup>1</sup> *Psal.* xxx, 13. — <sup>2</sup> Hermetis sive Simonidis dictum. — <sup>3</sup> *Ecli.*, xxiv, 8. — <sup>4</sup> *Psal.* cxvii, 12. —

diversa  
genera. unde hoc<sup>7</sup>: « Inimicus homo superseminavit zizania. » Est inimicus familiaris; unde hoc: « Nulla pestis efficacior, quam familiaris inimicus, scilicet caro. » Est inimicus animalis, scilicet brutus, unde hoc<sup>8</sup>: « Dileges amicum, et odio habebis inimicum tuum. » Est mundialis, scilicet mundus, unde hoc: « Caro, mundus, dæmonia, contra nos ingerunt prælia. »

4. *Illumina oculos meos.* Sunt oculi concupiscentiae, qui aperti sunt in Adam; sunt oculi intelligentiae, unde hoc<sup>9</sup>: « Levavi oculos meos in montes; » sunt oculi misericordiae, unde hoc<sup>10</sup>: « Oculi Domini super justos. » Oculi concupiscentiae duo, scilicet luxuria, et avaritia. Oculi intelligentiae duo, dilectio, et cognitio. Oculi misericordiae duo, scilicet oculus remittentis, et oculus conferentis. Ecce sex oculi.

Oculi  
sex.

## PSALMUS DAVID XIII.

4. *Dixit insipiens in corde suo.* Est sapientia poli, fori, doli. De prima<sup>11</sup>: « In malevolam animam non introibit sapientia. » De secunda, quæ consistit in duabus, in temporalium acquisitione, et in utili inquisitione, ut in studio philosophorum, unde hoc<sup>12</sup>: « Sapientia hujus mundi, stultitia est apud Deum. » De tertia<sup>13</sup>: « Serpens erat callidior eunctis animantibus terræ. »

Sapien-  
tia tri-  
plex.

*Corrupti sunt.* Est corruptio deflorationis, Corrup-  
tio mul-  
tiplex. unde hoc: « Cum Deus possit omnia, de corrupto non potest facere integrum. » Est corruptio vulneris, unde de Christo<sup>14</sup>: « Num descendeo in corruptionem, » scilicet in mortem, in vulnerationem. Est corruptio incinerationis, unde de Christo<sup>15</sup>: « Non dabis sanctum tuum videre corruptionem. » Non enim in morte incineratum est corpus. Est corruptio diminutionis, unde hoc: « Peccatum est diminutio, et corruptio boni. »

*Non est usque ad unum.* Nota: *Solum,*

<sup>5</sup> *Psal.* xvii, 5. — <sup>6</sup> Hieron., in *Psal.* xii. — <sup>7</sup> Matth., xiii, 25. — <sup>8</sup> Matth., v, 43. — <sup>9</sup> *Psal.* cxx, 1. — <sup>10</sup> *Psal.* xxxiii, 16. — <sup>11</sup> *Sap.*, 1, 4. — <sup>12</sup> *1 Cor.*, iii, 19. — <sup>13</sup> *Gen.*, iii, 1. — <sup>14</sup> *Psal.* xxix, 10. — <sup>15</sup> *Psal.* xv, 10.

positum cum nomine totius, non excludit partem, Christus, qui est totum, id est caput; nos partes, id est, membra. Vel: *Solum*, positum cum nomine agentis, non excludit instrumentum, sicut: « Tantum homo laedit istum, » et tamen lapis. Cum facimus bonum, non sumus instrumenta, Deus auctor.

*Corrupti sunt, et abominabiles facti sunt.*

Est corruptio animae, et corporis. Corruptio animae, in tribus viribus; corporis, in quatuor elementis; unde hoc<sup>1</sup>: « O terque quaterque beati, » id est, in corpore, et in anima. Anima enim rationabilis, concupiscibilis, irascibilis. Ratio enim, cuius sanitas est cognitio veritatis, corrumpitur superbia; corrupta autem fallitur in cognitione (*a*) duobus modis, in cognitione sui, et in cognitione Dei. Concupiscentiam corrumpit vana gloria; iram, invidia. Corruptio corporis dicitur abominatio. Et fit quatuor modis, secundum quatuor elementa ex quibus constat. Quatuor sunt quae corrumpunt: curiositas, loquacitas, crudelitas, ac voluptas. Sunt autem partes corporis, in quibus singulis singula maxime vigent elementa. Nam in oculis est ignis; in lingua, quae vocem format, aer; in manibus, quarum proprietahtus est, terra; in genitalibus, aqua. Has quatuor partes corrumpit illa quatripartita pestis: oculos scilicet, curiositas; linguam, loquacitas; manus, crudelitas; genitalia, voluptas. Sic sunt homines corrupti et abominabiles: corrupti in anima, abominabiles in corpore; corrupti coram Deo, abominabiles coram hominibus.

*Non est usque ad unum.* Nota quatuor genera hominum, quorum nullus est, qui faciat bonum, nisi unum: quidam sunt qui nec Deum intelligunt, nec requirunt, et hi mortui sunt; alii intelligunt, sed non requirunt, et hi sunt stulti; alii requirunt, nec intelligunt, et hi sunt fatui; alii vero intel-

ligunt et requirunt, et hi sunt sancti, de quibus solum dici potest, quia unus est qui faciat. Declina a malo suggestionis; declina a malo delectationis; declina a malo consensionis; declina a malo operationis; declina a malo consuetudinis.

### PSALMUS DAVID XIV.

**1. Domine, quis habitabit in tabernaculo tuo?** Est tabernaculum carnale et fragile, scilicet corpus nostrum, unde Aposoli<sup>2</sup>: « Habemus altare, de quo non habent potestatem edere, qui tabernaculo serviunt. » Est tabernaculum mobile et spirituale, scilicet Ecclesia militans, de qua hic. Est tabernaculum fixum et supercoleste, scilicet Ecclesia triumphans, unde hoc<sup>3</sup> (*b*): « Recipiant vos in aeterna tabernacula. »

**Aut quis requiesceret in monte sancto tuo?** Ecclesia futura mons est respectu praesentis, unde Roboam<sup>4</sup>: « Digitus meus minimus major est humero patris mei Salomonis, » id est: Minimus in Ecclesia illa, major est maximo in Ecclesia ista. Unde et Dominus, postquam dixit<sup>5</sup>: « Non surrexit inter natos mulierum, major Joanne Baptista, » addidit: « Minimus in regno celorum, major est Joanne Baptista. » Unde in Ecclesiaste<sup>6</sup>: « Melior est canis vivus leone mortuo, » id est, quolibet quantumlibet potente in terrenis (*c*) virtutibus, in morte saeculi degente.

**2. Qui ingreditur sine macula.** Nota quatuor in justificatione; scilicet introitum fidei, unde: *Qui ingreditur*; detestationem peccati, unde: *sine macula*; motum liberi arbitrii, unde: *et operatur*; augmentum meriti, unde: « justitiam. » Nota: zeugma, ut dicit Beda<sup>7</sup>, est quando multa pendentia, aut ab uno verbo, aut una sententia, vel oratione concluduntur (*d*), id est, cum unum verbum, vel una sententia redditur multis clausulis. Unum verbum, unde Apostolus<sup>8</sup>:

<sup>1</sup> Virg., *Aeneid.*, lib. I. — <sup>2</sup> Hebr., XIII, 10. — <sup>3</sup> Luc., XVI, 9. — <sup>4</sup> III Reg., XII, 10. — <sup>5</sup> Matth., XI, 11. — <sup>6</sup> Eccle., IX, 1. — <sup>7</sup> Bed., lib. *Selemat.* — <sup>8</sup> Ephes., IV, 31.

(*a*) *Cæt. edit.* præcognitione. — (*b*) *Cæt. edit.* Facile vobis amicos de mammona iniquitatis. — (*c*) *Cæt. edit.* add. et. — (*d*) *Cæt. edit.* concluditur.

« Omnis amaritudo, et ira, et indignatio, et clamor, et blasphemia tollatur a vobis. » Una sententia, unde hoc : *Qui ingreditur sine macula, et operatur justitiam.* Ad ultimum dicitur : *Qui facit haec, non commovebitur in æternum.*

*Perjurium tribus modis committitur* : nam pro falsa juratione, pro juramenti transgressione, et pro reatu perjurii, dicitur quis perjurus. Nota : Transgressio liciti juramenti facit mortale peccatum ; illiciti vero non. Nota : Judicium, veritas, justitia, tres debent esse comites juramenti : ut primo deliberet; secundo, quod verum sit; tertio, quod justum. Vel quadrupliciter dicitur quis perjurus : si jurat esse verum, quod est falsum, et scienter; vel e converso; vel, si quod est verum, jurat esse verum, et sine deliberatione; vel si quod est falsum, jurat esse falsum sine deliberatione.

## PSALMUS DAVID XV.

1. *Conserua me, Domine.* Quatuor sunt, quæ ministrant nobis necessaria, scilicet gaudium, spes, dolor, timor. Gaudium est cœssaria, qui nobis tria pocula propinat : primum est gratia operans; secundum est gratia cooperans, tertium est finalis perseverantia. Spes est cubicularius; nam nos spes reficit : nam bona conscientia, quies; mala, tormentum : nam in bono lecto quiescimus, cum talis cubicularius tria nobis ministrat, scilicet peccatorum remissionem, carnis resurrectionem, vitam æternam. Nota : Post victoriam coronabimur in futuro, ubi nostrum esse non habebit mortem, nostrum nosse non habebit errorem, nostrum amare non habebit offenditum.

2. *Dixi Dominu : Deus meus es tu.* Petit servari ab eo qui potest, nam *Dominus*; et qui vult, nam *Deus*; et qui debet, nam *meus*.

(a) *Quoniam bonorum meorum non indiges.*

<sup>1</sup> *Matth.*, VIII, 2, 3. — <sup>2</sup> *Marc.*, XIV, 38. — <sup>3</sup> *Psal.* CXVIII, 66.

Ostendit Dei sufficientiam, unde : *Quoniam bonorum, etc.*; sufficientiae admirationem, unde, (v. 3) : *Mirificavit*; admirationis generalitatem, quia omnia sunt ei mirabilia, unde : *Omnes voluntates meas.*

4. *Multiplicatae sunt.* Hic ostendit insufficientiam hominis, quæ consistit in tribus : in infirmitate, unde hoc : *Infirmitates eorum*; in infirmitatis magnitudine, unde hoc : *Acceleraverunt*; in magnitudinis multiplicitate, unde hoc : *Multiplicatae sunt*, quia infirmities sunt multæ et magnæ.

3. *Omnes voluntates.* Quatuor voluntates Domini : nam alia est divinitatis, alia rationis, alia carnis, alia pietatis. Voluntas divinitatis per justitiam sententiam dictabat; voluntas rationis per obedientiam veritatem approbabat; voluntas carnis per sensualitatem in proprio malo murmurabat; voluntas pietatis per compassionem (b) in alieno malo suspirabat. De primo dicitur, ut de leproso, qui ait ad Dominum<sup>1</sup> : « Domine, si vis, potes me mundare. » Et dixit illi Dominus : « Volo, mundare. » De secundo dicitur<sup>2</sup>, quod « spiritus promptus est, » id est, ratio. De tertio ibi dicitur, ubi Dominus flevit super Lazarum.

8. *A dextris est mihi, ne commovear.* DEUS a dextris est duabus modis (c) : quando salutem temporalem tribuit; vel quando virtutes animæ custodit. Diabolus a dextris est, quando intus ad vitia tentat; a sinistris, quando foris per adversa impugnat.

10. *Notas fecisti vias.* Est via, qua currimus; est patria, ad quam tendimus. Tres sunt viæ : prima est scientia; secunda, disciplina; tertia, bonitas. Prima itur ad secundam; secunda ad tertiam; tertia ad patriam, scilicet beatitudinem. Unde Propheta, volens ire ad patriam, dixit<sup>3</sup> : « Bonitatem, et disciplinam, et scientiam, » etc. Nota : quandoque fit transitus a capite ad membra; quandoque a membris ad caput. Christus est caput; nos autem ejus membra. Christus

(a) *Cœt. edit. præmitt.* Et. — (b) *Cœt. edit. confessionem.* — (c) *Cœt. edit. non hab. modis.*

quandoque se transfigurat in nobis; quandoque nos in se. Quando se in nobis, dupliqueiter: ut ostendat in se veritatem humanæ naturæ, ut hie<sup>1</sup>: « Tristis est anima mea usque ad mortem; » quandoque advocationem, ut hie<sup>2</sup>: « Verba delictorum meorum: » nam est advocatus noster, et nostram causam dicit esse suam, ut hie<sup>3</sup>: « Saule, Saule, quid me persequeris? » id est, meos fideles. Nos in se transfigurat exempli exhibitione, unde hoc<sup>4</sup>: « Qui vult venire post me, abneget semetipsum. » Vult enim nos sibi esse conformes. Quandoque fit transitus de bonis ad malos, ut hie<sup>5</sup>: « Cum occideret eos, quærebant eum. » Alii erant, qui occidebant; et alii, qui quærebant. Sed quia erant de eodem populo, dicebatur ita.

*Notas fecisti.* Nota in futuro scientiam, unde hoc: *Notas fecisti*; scientiæ humilitatem, ne<sup>6</sup> scientiæ inflet, unde hoc: *Vias vitæ*, hic enim sic exponitur; humilitatis plenitudinem, unde: *Adimplebis me*; plenitudinis jucunditatem, unde: *Delectationes*; delectationis æternitatem, unde: *Usque in finem*.

### PSALMUS DAVID XVI.

Dia-psalma.

**1. Exaudi, Domine, justitiam meam.** Ut exaudiatur, prætendit meritum, scilicet *justitiam meam*; quod consistit in duobus: in invitatione mali, unde: *Deprecationem meam*; **Oran-** **Et** **adoptione boni**, unde: *Auribus percipe* **tria** **genera.** *orationem meam.* Tria sunt genera orantium: alii, solis labiis; alii, solo corde; alii, labiis et corde. Primi dolosi, alii devoti, alii veraces.

**6. Ut non loquatur os meum opera hominum.** Negativa particula *Non*, semel posita, quandoque bis intelligitur, unde hoc<sup>7</sup>: **Dictio Non.** « Si non venissem, et locutus fuisset, » etc., et hoc<sup>8</sup>: « Mulier non habet potestatem sui corporis, sed vir, » id est, sed nec vir. Quan-

doque bis posita, semel intelligitur, ut hic<sup>9</sup>: « Ex ore Altissimi non egredientur nec bona, nec mala, » id est, non egredientur vel bona, vel mala (*a*). Quandoque bis posita pro una affirmatione accipitur, ut hic, secundum aliam expositionem: « Ex ore Altissimi non egredientur, nec bona, nec mala, » id est, egredientur et bona, et mala: bona, cum dicit<sup>10</sup>: « Venite, benedicti; » mala, cum dicit: « Ite, maledicti, in ignem æternum. »

**6. Inclina aurem tuam, et exaudi.** Haec conjunctio, scilicet *Et*, quandoque notat conjunctionem ad positum, quandoque ad intellectum, ut hie<sup>11</sup>: « Et factum est verbum Domini, » et hoc<sup>12</sup>: « Et scitote, quoniam mirificavit Dominus sanctum suum. » **Diapsalma** hic positum vetat continuari ad præcedentem. Quando copulatur ad positum, notat vigore concomitantiam, vel ordinem: concomitantiam, quod scilicet debent concepitari, vel in operibus Dei, ut hie<sup>13</sup>: « Universæ viæ Domini, » etc.; vel in operibus hominis, ut hie<sup>14</sup>: « Estote prudentes sicut serpentes, » etc.; ordinem, ut hie<sup>15</sup>: « Surge, Domine, in requiem tuam, tu et arca, » etc. *Tu prius; arca* posterius. Quandoque notat ordinem cum continuatione, vel cum interpositione; ordinem cum continuatione, ut hie<sup>16</sup>: « Tenebræ factæ sunt, et velum templi scissum est, » quia prius tenebræ factæ sunt, et postea statim velum templi scissum est; ordinem cum interpositione, ut hie<sup>17</sup>: « Petræ scissæ sunt, et multa corpora mortuorum cum CHRISTO surrexerunt. » Nam in passione petræ scissæ sunt, et in resurrectione corpora surrexerunt. Quandoque ponitur expletive, ut hie<sup>18</sup>: « Dicitque DEUS. » In hoc versu nota concomitantiam; nam si Deus inclinat aurem, exaudit, et e converso.

**8. A resistantibus dexteræ custodi me,** etc. *Oculus DEI* est Ecclesia sanctorum;

Oculus Dei.

<sup>1</sup> Matth., xxvi, 38. — <sup>2</sup> Psal. xxi, 2. — <sup>3</sup> Act., ix, 4. — <sup>4</sup> Matth., xvi, 24. — <sup>5</sup> Psal. lxxvii, 34. — <sup>6</sup> Cor., viii, 1. — <sup>7</sup> Joan., xv, 22. — <sup>8</sup> 1 Cor., vii, 4. Interpretatio quidem viliosa; nam sensus est: *Vis potestatem habet in corpus mulieris.* — <sup>9</sup> Thren., iii,

<sup>10</sup> Matth., xxv, 34, 41. — <sup>11</sup> Ezech., i, 4, 3. —

<sup>12</sup> Psal. iv, 4. — <sup>13</sup> Psal. xxiv, 10. — <sup>14</sup> Matth., x, 15.

— <sup>15</sup> Psal. cxxxii, 8. — <sup>16</sup> Matth., xxvii, 45, 51. —

<sup>17</sup> Ibid., 51. — <sup>18</sup> Gen., i, 3. — (*a*) *Cœl. edit. add.* ante Herodem; imo tacuit, *nullo sensu*,

pupilla, humanitas. Per pupillam oculi aciem dirigit, ut ea quae foris sunt, discernat. Si vero DEUS <sup>1</sup> « Pater omne judicium dedit Filio, » neminem nisi per Filium judicat, per quem justos ab injustis, quasi lumen a tenebris discernit. Pater vero aciem luminis per pupillam dirigit, quia per Filium omnia in praesenti discernit et discutit. Bene ergo custodiri voluit, qui nt pupilla oculi, custodiri appetit.

*Sub umbra alarum tuarum protege me.*

*Alæ Dei.* Duæ sunt alæ Dei: misericordia, et veritas. Per misericordiam peccatores protegit; per veritatem, justos. Hic vero sub alarum umbra, non alæ, protegi postulat, quia in quibusdam misericordia, in quibusdam sœculi amore digna aestimat.

*¶ 3. Exurge, Domine.* Hic nota quatuor: vindictam, unde hoc: *Exurge, Domine;* vindictæ celeritatem, unde: *Præveni;* celeritatis efficaciam, unde: *Supplanta;* liberationem, ibi: *Eripe.* Quæ liberatio est a duobus, scilicet: a diabolo, unde: *Ab impio;* et ab homine malo, unde hoc: *Ab inimicis manus tuæ.* Et bene conjungit, ut anima a diabolo, quasi spiritualis a spirituali liberetur. Et *frameam ab inimicis manus tuæ,* quasi corporale a corporali. « Projecerunt me (*a*) extra civitatem. » Hoc <sup>2</sup> de Christo ad litteram exponitur.

*Allegoria aliqua quando prohibetur.* Triplici enim de causa prohibemur ab allegoria, scilicet, ne videamus prorsus destruere historiam, quod facimus in figmentis fabularum; et ad removendam superfluitatem; et quia multis locis historia multum aedificat, unde hoc: « Israel, Deus tuus, Deus unus est; illi soli seruies. » Hic informat littera sine allegoria.

*14. Saturati sunt filii.* Ut sit dativus, sive ablativus.

### PSALMUS DAVID XVII.

*2. Diligam te, Domine, fortitudo mea.*

*Allegoria unde sumitur.* Nota: Omnis allegoria sumitur a nominis interpretatione, vel a rei proprietate: a no-

minis interpretatione, ut David significat CHRISTUM, quia interpretatur manu fortis; sicut CHRISTUS est manu fortis, debellando aereas potestates; propter rei proprietatem, ut sol significat CHRISTUM, quia sicut sol illuminat mundum, ita CHRISTUS illuminat Ecclesiam. Inde est, quod per allegoriam quandoque res bona significat rem bonam, ut lux CHRISTUM; quandoque res mala malam, ut tenebrae diabolum; quandoque res mala bonam, ut David homicida et adulter significat CHRISTUM; quandoque res bona malam, ut Urias, de cuius peccato non legitur, significat diabolum; quandoque res eadem significat et rem bonam, et malam: tunc illud secundum proprietatem eamdem, vel secundum diversas: secundum eamdem, ut mons significat Sanctos et diabolum secundum altitudinem; sed secundum altitudinem significat Sanctos, id est secundum altitudinem virtutum; significat secundum altitudinem diabolum, id est, secundum superbiam. Secundum diversas, ut terra secundum terrenitatem et fragilitatem significat malos; secundum fructificationem, significat bonos. Inde est, quod orationes Sanctorum sumuntur ex interpretatione nominis illius, vel ex aliqua re exhibita circa Christum, ut Matthæi oratio <sup>3</sup>; Matthæus enim significat, vel interpretatur *dona-tus*; et ita formatur ejus oratio: « Quod possibilitas nostra non obtinet, ejus nobis intercessione donetur. » Nota: Hunc Psalmum David in articulo mortis devote cantavit, sicut legitur in libro *Regum* <sup>4</sup>, ubi psalmus ponitur secundum aliam translationem <sup>5</sup>: *Diligam te, Domine, fortitudo mea.* Causam dilectionis subjungit: quia *fortitudo mea;* quia *firmamentum meum;* quia *refugium meum;* quia *liberator meus.* Sed utitur ordine prepostero: primo *liberator,* quia hominem a potestate diaboli liberavit; post, *refugium,* quia propriis viribus diffidentem ad patrocinandum suscepit; inde, *firma-*

<sup>1</sup> Joan., v, 22. — <sup>2</sup> Scilicet vers. 43; *Projicientes me, etc.* — <sup>3</sup> Scilicet Collecta in festo S.M. athæi. —

<sup>4</sup> II Reg., xxii, 2 et seq. — <sup>5</sup> Scilicet ex interpretatione S. Hieronymi. — (*a*) *Fort. legend. eos. Lev. xiv, 40.*

Tres  
fortes

*mentum*, statim, ne cadat; post, *fortitudo*, pugnanti, ut vincat. *Liberator* post, per baptismum; *refugium* post, per pœnitentiam; *firmamentum* post, per patientiam; *fortitudo*, per victoriam. Ecce quo ordine malum evasit; ecce in sequenti versu quomodo consecutus sit bonum: *Deus meus*, per fidem illuminat; et *Adjutor meus*, quia ad operandum adjuvat. *Sperabo in eum*; quia cor ad amorem inflammat. *Protector meus*, quia etiam supra id, quod ferre possumus, tentari nos non permittit. *Cornu salutis*, quia consequentem diabolum nos contemnere facit. Tandem, *Susceptor meus*, quia finito cursu, pervenientes suscipit. Nota: Fortitudo animi duobus modis probatur, carnalitate, et cupiditate. Tres fuerunt fortis: Tobias fortis; Job fortior; Abraham fortissimus. Tobias non cessit carnalitati, vel cupiditati, quando pondus argenti Gabelo (*a*) contribuli suo egenti commisit. Job fuit fortis, quando omnia, quæ habebat, amisit, dicens<sup>1</sup>: « Dominus dedit, Dominus abstulit. » Abraham fuit fortis, quando terram et cognationem suam dimisit (*b*), scilicet Babyloniam. Primus commisit; secundus amisit; tertius dimisit: pecuniam; propriam substantiam; cognitionem. Primus in spe; secundus patienter; tertius obedienter. Primus, egenti compatiendo; secundus, consequentem tolerando; tertius, jubenti obediendo. Hi non cedunt cupiditati, quæ in tribus consistit: in labore acquirendi, in amore possidendi, in dolore (*c*) amittendi. Sed simul expellunt tres tria, quisque suum.

5. *Circumdederunt me dolores mortis*. Ezechiel<sup>2</sup> sedit super flumen Chobar vinti et tribus diebus, expectans adventum Messiae. Nos similiter repræsentamus adventum Christi, quia tot diebus durat adventus Christi; et antiphonæ, scilicet, *O Sapientia*, etc., repræsentant illorum vocem. Idem repræsentant pueri clamantes<sup>3</sup>: « Ho-

<sup>1</sup> *Job*, I, 21. — <sup>2</sup> *Ezech.*, I, 1. — <sup>3</sup> *Matth.*, XXI, 9. — <sup>4</sup> *Psal.* LXVII, 21. — <sup>5</sup> *Psal.* XXXIII, 22. — <sup>6</sup> *Gen.*, II, 17. — <sup>7</sup> Cœlum, ex interpretatione LXX. — <sup>8</sup> *Psal.* CXIII, 16. — <sup>9</sup> *Psal.* CXLVIII, 4. — <sup>10</sup> *Joan.*, III, 8.

sanna, Hosanna (*d*). » Nota: Mors quadruplices, scilicet, dissolutio animæ et corporis; unde hoc<sup>4</sup>: « Domini, Domini exitus mortis; » mors animæ, scilicet mortale peccatum; et mors pœnae gehennalis, unde hoc<sup>5</sup>: « Mors peccatorum pessima; » et mors necessitas moriendi, unde ad Adam<sup>6</sup>: « Quacumque die comederitis, morte moriemini, » id est, necessitatem habebitis mortis. *Circumdederunt me dolores mortis*. Dolores mortis; passibilitas, mortalitas. *Torrentes iniquitatis*: hujus mundi vanitas. *Dolores inferni*: pœna æterna. *Laquei mortis*: pœna originalis: hæc reperiuntur in hoc psalmo. *Dolores mortis*, et *inferni circumdederunt me*, quia eos homo evadere non potuit. *Torrentes iniquitatis conturbaverunt me*, quia vanitas hujus mundi ad actualia peccata compellit hominem. *Laquei mortis præoccupaverunt me*, quia antequam homo actualiter peccaverit, originale in eo fuit. Hoc exponitur in persona antiquorum patrum, qui septuaginta annis in captivitate Babylonica fuerunt; unde hic versus cantatur in principio Septuagesimæ, quia septuaginta dierum ratio repræsentat septuagesimam illam annorum. *Præoccupaverunt me laquei mortis*, id est, originale. Hic lapis magnus valde, quem revolvit ad ostium monumenti Angelus magni consilii, scilicet Christus.

40. *Inclinavit cœlos, et descendit*. Est cœlum justus; unde hoc, secundum aliam litteram<sup>7</sup>: *Inclinavit cœlum*. Est cœlum cœli, scilicet Christus; unde hoc<sup>8</sup>: « Cœlum cœli Domino. » Sunt cœli cœlorum, scilicet angeli, unde hoc<sup>9</sup>: « Cœli cœlorum, laudate Dominum. » Nota: prædicatores dicuntur *venti*, dicuntur *nubes*: nubes, secundum corpus; venti, secundum animam: nubes, quia tonant minis, coruscant miraculis, pluunt doctrinis; venti, secundum animam: venti enim sentiuntur, sed non videntur, quia ignoratur<sup>10</sup> « spiritus» hominis,

Prædi-  
calores  
quare  
venti et  
nubes.

(a) *Cœl. edit.* Gabelus. — (b) *Cœl. edit.* amisit. — (c) Item labore. — (d) *Al.* Osanna, et sic deinceps.

« unde veniat, aut quo vadat, » id est, sive ad bonum, sive ad malum, sive suum, sive alterius prædicet. Ideo ventus, anima; nubes, corpus.

13. *Præ fulgore*, ut sit una dictio, scilicet a præfulgoris, præfulgora, præfulgorum; » vel duæ dictiones.

11. *Volavit, volavit super pennis ventorum*. Est ventus elationis, unde hoc<sup>1</sup>: « Quem projicit ventus a facie terræ. » Est ventus suggestionis, unde hoc<sup>2</sup>: « Non circumferamur (a) omni vento doctrinæ. » Est ventus temptationis, unde hoc<sup>3</sup>: « Flavit ventus, et diruta est domus. » Est etiam ventus spiritualis, scilicet anima sancta, unde hoc.

16. *Intonuit de cælo Dominus, et Altissimus*, etc. Est vox Christi orationis, unde hoc<sup>4</sup>: « Ignosce illis, quia nesciunt, quid faciunt. » Est vox Christi doctrinalis, unde hoc<sup>5</sup>: « Discite a me, quia mitis sum, et humiliis corde. » Est vox Christi promissionis (b), unde hoc<sup>6</sup>: « Fulgebunt justi, » etc. Est vox Christi comminationis, unde hoc<sup>7</sup>: « Securis ad radicem posita est: arbor quæ non facit fructum, excidetur. » Nota: Omnia exempla hæc sunt verba Christi. *Intonuit de cælo Dominus*, cum dixit<sup>8</sup>: « Hic est filius meus. » Nota: Significantia necessaria

Prono-  
men  
Hoc.  
Hoc.

est pronomini, et facit quod cum pondere pronuncietur. Et quando pronomen *Hic* notat significantiam, notat veritatem, vel discretionem: veritatem figuræ, vel formæ, vel naturæ: veritatem figuræ, ut hic<sup>9</sup>: Psalmus huic, vel ipsi David, figurato David, scilicet Christo; veritatem formæ, ut hic<sup>10</sup>: « Eratis aliquando tenebræ, nunc au- tem lux. » *Hic*, id est hujusmodi naturæ, ut hic<sup>11</sup>: « Hic est filius meus dilectus, » id est, mihi consubstantialis, et ejusdem naturæ mecum. Quandoque notat discretionem, quandoque honorando, ut hoc<sup>12</sup>: « Hic

<sup>1</sup> *Psal.*, I, 4. — <sup>2</sup> *Ephes.*, IV, 14. — <sup>3</sup> *Matth.*, VII, 27. — <sup>4</sup> *Luc.*, XXIII, 34. — <sup>5</sup> *Matth.*, XI, 29. — <sup>6</sup> *Matth.*, XIII, 45. — <sup>7</sup> *Matth.*, III, 10. — <sup>8</sup> *Matth.*, XVII, 5. — <sup>9</sup> *Psal.*, XXVII, in titulo. — <sup>10</sup> *Ephes.*, V, 8. — <sup>11</sup> *Matth.*, XVII, 5. — <sup>12</sup> *Act.*, I, 14. — <sup>13</sup> *Joan.*, XI, 47. — <sup>14</sup> *Matth.*, XIII, 55. — <sup>15</sup> *Hebr.*, XII, 7. — <sup>16</sup> *Rom.*, IX, 18. — <sup>17</sup> *Ibid.*, 13. — <sup>18</sup> *Matth.*, XXV, 41. — <sup>19</sup> *Isa.*, I, 18. —

(c) Jesus, qui assumptus est, » quasi talis (d) vel tantus; quandoque indignando, ut hic<sup>13</sup>: « Hic homo multa signa facit; » quandoque derogando, ut hoc<sup>14</sup>: « Hic filius fabri »

16. *Ab increpatione*. Nota: Triplex increpatio, sive comminatio, scilicet correptionis, reprobationis, punitionis. De prima (e) dicitur<sup>15</sup>: « Corripit filium, quem diligit pater. » De secunda<sup>16</sup>: « Deus, quem vult, indurit; et cuius vult, miseretur. » Et hoc<sup>17</sup>: « Jacob dilexi, Esau autem odio habui. » De tertia<sup>18</sup>: « Ite, maledicti, in ignem æternum. » Contra increpationem triplicem, triplex consolatio, sive promissio scilicet veniae, gratiæ, gloriæ. Ad primam<sup>19</sup> (f): « Si fuerint peccata vestra ut coccinum, sicut nix dealbabuntur. » Ad secundam<sup>20</sup>: « Divisiones gratiarum sunt, idem autem spiritus. » Ad tertiam<sup>21</sup>: « Venite, benedicti patris mei. »

20. *Duxit (g) me in latitudinem*. Est latitudo doctrinæ, unde hoc<sup>22</sup>: « Os nostrum patet ad vos, o Corinthii. » Est latitudo conscientiæ, unde hoc<sup>23</sup>: « Deambulavi in innocentia cordis mei. » Haec sunt deambulatoria sacerdotum in templis Ezechielis. Est latitudo culpæ, unde hoc<sup>24</sup>: « Lata (h) est via, quæ ducit ad mortem. » Et illud<sup>25</sup>: « Facilis descensus Averni. » Est latitudo gloriæ, unde hoc<sup>26</sup>: « Mensuram bonam, et confertam, et coagmentatam dabunt in sinum vestrum, » quasi amplam et latam. Est latitudo Ecclesiæ, unde hoc<sup>27</sup>: « Jacob dilatavit tabernaculum suum. » Est latitudo gehennæ, unde hoc<sup>28</sup>: « Dilatavit (i) infernus animam suam. »

21. *Secundum puritatem manuum mearum*. Nota gradus justificationum. Prima omnino gratis, fides scilicet cum charitate;

Gradus  
justifica-  
tionum.

<sup>20</sup> *1 Cor.*, XII, 4. — <sup>21</sup> *Matth.*, XXV, 34. — <sup>22</sup> *1 Cor.*, VI, 11. — <sup>23</sup> *Psal.*, C, 2. — <sup>24</sup> *Matth.*, VII, 13. — <sup>25</sup> *Virg.*, *Aeneid.*, lib. VI. — <sup>26</sup> *Luc.*, VI, 38. — <sup>27</sup> *Isa.*, LIV, 2: *Dilata locum tentorii tui.* — <sup>28</sup> *Habac.*, II, 5.

(a) *Cat. edit.* credit. — (b) *Cat. edit.* permissionis. — (c) *Cat. edit.* add. est. — (d) *Cat. edit.* tantum. — (e) Item permissi primo, et sic secundo et tertio. — (f) *Cat. edit.* primum, et sic secundum et tertium. — (g) *Vulg.* *Eduxit.* — (h) *Vulg.* *Spatiosa.* — (i) *Vulg.* *edit.* quasi.

secunda, bona voluntas; tertia ex his, bona operatio. Pro his datur perseverantia præmium; sed eadem est meritum, quo meremur vitam aeternam.

26. *Cum sancto sanctus eris* (a). Nota: Talis est nobis Deus, quales nos sibi; nam cum sancto per exercitium operum virtutis, sive virtutum operis, Deus est sanctus per collationem honorum; cum innocentia per vita-  
tionem mali, Deus est innocens per collationem boni. *Cum electo*, per destinationem (b); «cum perverso», per punitionem. Nota in *Psalmum*: Hic sermo fit Dei ad hominem, vel hominis ad Deum.

28. *Quoniam tu populum humilem salvum facies*. Quandoque per causam probatur effectus, ut hic (v. 23): *Salvum me fecit, quoniam voluit me*; et converso hoc<sup>4</sup>: «Dimissa sunt ei peccata multa», etc. Cujus dimissionis signum est hoc, scilicet, quod dilexit multum. Non enim causa remissionis peccati est dilectio illius; sed solus Deus: sic exponeit Claraevallensis.<sup>5</sup> «Etenim servus tuus custodit ea.» Glossa: «Nunc praecpta Dei sunt dulcia. Etenim servus tuus custodit ea.» Hie *Quia* non est causale, sed signum tantum. Non enim quia servus custodit, sunt dulcia; sed quod custodit, est signum quia sunt dulcia. Quandoque pendet a præcedenti, unde hoc: *Salvum me fecit, quoniam voluit me*; quandoque a consequenti, ut hic<sup>3</sup>: «Quoniam percussit omnes adversantes mihi sine causa;» quandoque felicitatem significat, unde hic<sup>4</sup>: «Quia ignoranter hoc feci, veniam consecutus sum;» quandoque expletive, ut hic<sup>5</sup>: «Ego dixi, quia ego sum.»

29. *Deus meus, tu illuminas lucernam meam*. (c) Lucerna debet accendi in nobis; et debet claudi fenestra, ne extinguitur lucerna. Tria sunt quæ extingunt, et unum accedit: ventus ab oriente extinguit lucernam, quia ab origine habemus defectus et

<sup>1</sup> *Luc.*, VII, 47. — <sup>2</sup> *Psal.* XVIII, 18. — <sup>3</sup> *Psal.* III, 8. — <sup>4</sup> *1 Tim.*, I, 13. — <sup>5</sup> *Joan.*, XVIII, 8. — <sup>6</sup> *Cant.*, IV, 16. — <sup>7</sup> *Joan.*, XIII, 4. — <sup>8</sup> *Virg.*, *Eneid.*, lib. I. — <sup>9</sup> *Psal.* XLIV, 4. — <sup>10</sup> *Matth.*, I, 23.

(a) In *cæt. edit.* versiculus iste 29 transpositus repe-

corruptionem, scilicet a primo tempore. Ventus ergo ab oriente exlinguit lucernam, id est caro nostra. Ventus ab occidente extinguit, quia dum de terrenis cogitamus, quæ tendunt ad finem, extinguunt lucernam. Ventus ab aquilone extinguit lucernam, quia ab aquilone omne malum procedit; sed austus lucernam accedit, quia est calidus, et calor est amicus naturæ: unde dicitur<sup>6</sup>: «Surge,» id est, recede, «Aquilo; et veni, Austus,» accende lucernam meam.

30. *In te eripiar a tentatione*. Nota (d): Tentationis triplex est origo: aut enim tota est intus, et de nostro; aut tota foris, et de alio; vel intus et foris, et de nostro, et de alio. Intus, quando in carne tentatur homo; foris, quando ad hominem, vel a diabolo. Item illa, quæ est intus, ex carne oritur, scilicet ex necessitate animali corporea, quia non potest homo tantum vitare primos motus; vel ex infirmitate prurientis corruptionis, quia de originali defectu habet homo quod peccet, magis surgunt tentationes. Et præterea in quibusdam, aut recursu pravæ consuetudinis, quia difficile est consueta relinquare; aut insolentia gratiae, et virtutis, quia quidam non consueverunt habere gratiam, et ideo citius tentantur.

33. *Deus qui præcinxit me virtute*. Præcingimur ministraturi, unde hoc<sup>7</sup>: «Dominus præcingit se,» ut lavaret pedes discipulorum suorum. Succingimur ituri, ut hic<sup>8</sup>: «Succinetam pharetra, et maculosæ tegmine lyncis.» Accingimur pugnaturi, unde hoc<sup>9</sup>: «Accingere gladium tuum super femur tuum, Potentissime.» Sed unum pro alio accipitur, ut hic.

38. *Non convertar, donec deficiant*. Donec quandoque proprie ponitur, et tunc notat finem præcedentis, et initium sequentis, ut hic; quandoque pro *Et* ut hic<sup>10</sup> «Joseph non cognovit Mariam, doritur post versum 29. — (b) Leg. predestinationem. — (c) Glossa hæc, cum suo v. 29, transposita reperitur immediate ante v. 26 in *cæt. edit.* — (d) In *cæt. edit.* nota illa circa temptationis originem relata est ad psalm. XXXIX, immediate ante hæc verba: «Nota: cum dicitur: *Expectans*, etc.

Tenta-  
tionis  
origo  
triplex.

nec peperit. » Quandoque pro *ut*, ut hic<sup>1</sup>: « Oculi nostri ad Dominum Deum nostrum, donec misereatur nostri, » id est, ut misereatur nostri. Quandoque pro sempiterno, ut Apostolus ad *Hebreos*<sup>2</sup>: « Adhortamini vosmetipos per singulos dies, donec hodie cognominatur, » id est, quandiu durat præsens sæculum; quandoque pro æterno, ut hic<sup>3</sup>: « Sede a dextris meis, donec ponam inimicos tuos, » etc. In æternum ponam, et in æternum sede.

39, 36. *Confringam illos, nec poterunt stare: disciplina tua ipsa me decebit: correxit in finem.* Disciplina in tribus consistit: in

Disciplina in tribus consistit. præceptis, in testamentis, in flagellis. In præceptis experitur Deus obedientiam; in testamentis, constantiam; in flagellis, patientiam. Tamen hæc tria, obedientia, constantia, patientia, mutuum suffragium præstant sibi. In præceptis enim est, ut obediás, vel obedienter suscipias; post, constanter perficias; tandem, patienter tempus tribulationis sustineas. In testamentis sis obediens, ne per elationem Deo contradicas; constans, ne per delectationem ad consensum defluas; patiens, ne tandem per instantiam temptationis emolliaris. In flagellis similiter hæc tria intelligas. Disciplina bene eum corrigit, qui talia in mente disponit. *Confringam illos, nec poterunt stare.* Est confractus poenæ temporalis, ut hic; et est confractus poenæ gehennalis; unde hoc<sup>4</sup>: « Duplici contritione contere eos. »

44. *Constitues me in caput gentium (a).* Christus dicitur caput nostrum, quia est corpore ejusdem naturæ, unde dicitur<sup>5</sup>: « Emmanuel, id est, nobiscum Deus; » et quia supereminat, unde hoc<sup>6</sup>: « Elevata est magnificencia tua super cœlos; » et quia cætera membra regit, unde hoc<sup>7</sup>: « Data

<sup>1</sup> *Psalm. CXXII, 2.* — <sup>2</sup> *Hebr., III, 13.* — <sup>3</sup> *Psalm. CIX, 1.* — <sup>4</sup> *Jerem., XVII, 18.* — <sup>5</sup> *Isa., VII, 14; Matth., I, 23.* — <sup>6</sup> *Psalm. VIII, 2.* — <sup>7</sup> *Matth., XXVIII, 18.* — <sup>8</sup> *Isa., XI, 2.* — <sup>9</sup> *Joan., I, 16.* — <sup>10</sup> *Joan., I, 11.* — <sup>11</sup> *Levit., V, 4.* — <sup>12</sup> *Gen., XXIV, 27.* — <sup>13</sup> *Psalm. XCIV, 7.* — <sup>14</sup> *Psalm. LXXXVII, 72.* — <sup>15</sup> *Exod., VII, 1.*

est mihi omnis potestas in cœlo et in terra; » et quia plenitudinem habet scientiae et donorum, unde hoc<sup>8</sup>: « Super eum requievit Spiritus, » scilicet « Spiritus sapientiae, » etc.; et<sup>9</sup>: « Nos de plenitudine ejus omnes accepimus. » Nam unguentum a capite suo ad vestimentum effusum.

46. *Filiī alieni mentiti sunt mihi.* Potest esse genitivus, id est, diaboli, et nominativus pluralis, ut hoc<sup>10</sup>: « In propria venit, et sui eum non receperunt. » *Propria* potest esse accusativus, et ablativus, scilicet in propria natura, cum antiquis apparuit, in forma aliena, id est, angelica; vel potest esse accusativus: In mundum venit.

47. *Vivit Dominus, et benedictus Deus salutis meæ.* Quandoque fit subtractio dictionis, quandoque appositio; et quandoque subtrahit, quandoque impedit quæstionem, quandoque expedit. Quæstionem impedit, ut in *Levitico*<sup>11</sup>: « Anima quæ juravit » (b) benefacere, et non fecit, peccat. Nam apponenda dictio, scilicet, « carni. » Sic: « Anima, quæ juravit malefacere, » scilicet « carnem affligere. » Quandoque subtracta non impedit, ut hic<sup>12</sup>: « Benedictus Dominus Deus meus, » scilicet, « sit » vel « est, » intelligitur. Quandoque fit additio dictionis, et tunc impedit quæstionem, ut hic<sup>13</sup>: « Populus pascuæ ejus, et oves manus ejus. » Hæc dictio, *manus*, apposita huic, scilicet *oves*; et hæc, scilicet *pascuæ*, huic scilicet *populus* turbant (c); cum e converso videretur dici. Sed ideo transponit, ut idem intelligatur per has dictiones, *oves*, et *populus*. Sic et hic<sup>14</sup>: « In innocentia cordis, et intellectibus manuum; » cum e converso debeat dicere. Quandoque apposita expedit quæstionem, ut Dominus ad Moysen<sup>15</sup>: « Dedit te Deum Pharaonis; » non simpliciter Deum, id est, prælatum.

(a) Cæt. edit. non habent *Constitues me in caput gentium*; et glossam, quæ sequitur, transtulerat ad *Psalm. XXVII, V. 1.* *Ad te, Domine, clamabo.* — (b) *Vulg.* *juraverit, cætera non habet quantum ad verba.* — (c) *Leg.* *turbat.*

## PSALMUS DAVID XVIII.

**Dictio Et.** 2. *Cæli enarrant gloriam Dei.* Nota : *Et quandoque notat diversitatem personarum, ut hic* <sup>1</sup> : « Qui videt me , videt et patrem meum. » *Qui*, scilicet , hic notat substantiæ identitatem ; hæc dictio , *Et*, personarum diversitatem. Quandoque notat expositiōnem , ut hic <sup>2</sup> : « Diligam te, Domine, fortitudo mea. Tu es firmamentum meum , et refugium meum , et liberator meus, » id est , quia liberator meus ; sic ibi exponitur.

3. *Dies diei eructat verbum.* Dies , Christus ; unde hoc Dominus ad discipulos <sup>3</sup> : « Duodecim sunt horæ diei : » duodecim , apostoli ; dies , Christus. Dies , justus ; unde dies divisus a nocte. Dies , vita præsens ; unde hoc <sup>4</sup> : « In diebus suis placuit Deo. » Dies vita æterna , ut hic <sup>5</sup> : « Melior est dies una in atriis tuis , super millia. » Dies tempus gratiæ , unde hic <sup>6</sup> : « Ecce nunc tempus acceptabile , ecce nunc dies salutis. » Dies , præceptum sive lex ; unde peccator dicitur <sup>7</sup> « quatriduanus , » quia quatuor leges transgreditur , scilicet legem naturæ , legem Moysi , legem gratiæ , pactum Dei in Adam et in Levitico<sup>8</sup>, ubi præcepit hostiam oblatam eadem , vel secunda die comedi , non tertia ; quia scientiam duorum testamentorum debemus habere , non tertiam apponere. Dies fides ; unde Apostolus <sup>9</sup> : « Sieut in die honeste ambulemus. » Dies , cognitio ; unde sex primi dies significant cognitiones sex angelorum. Dies , novum Testamentum , respectu veteris , ut vita respectu mortis ; unde hic <sup>10</sup> : « Manserunt apud illum die illo , » id est novo Testamento , et præsenti vita.

5. *In omnem terram exivit sonus eorum.* Præteritum , quandoque perfectum , unde hoc <sup>11</sup> : « Credidi , propter quod locutus sum , » id est , perfecte credidi ; et hoc <sup>12</sup> :

<sup>1</sup> Joan., xiv, 9. — <sup>2</sup> Psal. xvii, 2. — <sup>3</sup> Joan., xi, 9. — <sup>4</sup> Antiph. offic. Conf. Pontif. Vid. Greg., Morol., lib. IV, c. x et xi. — <sup>5</sup> Psal. LXXXVII, 11. — <sup>6</sup> II Cor., vi, 2. — <sup>7</sup> Joan., xi, 39. — <sup>8</sup> Levit., xix, 6. — <sup>9</sup> Rom.,

« Ego hodie genui te. » Quandoque certitudinem , unde hoc <sup>13</sup> : « Foderunt manus meas , et pedes meos ; » adhuc futurum erat. Sed pro certitudine præteritum ponit pro futuro ; unde hoc : *In omnem terram exivit sonus eorum* , id est , exibit. Quandoque præteritionem , secundum quod dicitur , « fuit , » et non convenit Deo ; quandoque significat prope futurum , quandoque longe futurum , unde hoc <sup>14</sup> : « Domine , ne tardaveris , » in præsenti scilicet , vel in futuro , id est , in tempore Antichristi. Unde in principio *Ezechiel* exponitur , quod prophetia est quandoque de longe futuro , quandoque de prope futuro ; quandoque significat perseverantiam ; ut hic <sup>15</sup> : « Quidquid petieritis patrem in nomine meo , dabit vobis. »

8. *Lex Domini immaculata convertens animas.* Lex enim Evangelii commendatur <sup>Corr.</sup> <sup>mendatio Evan-</sup> hic a sex : ab auctore operis , unde : *Domini* ; <sup>gelii.</sup> a vitatione erroris , unde : *Immaculata* ; ab opere auctoris , unde : *Convertens animas*. Nam justificatio est opus solius Dei , et fit <sup>Justifi-</sup> in evangelio Dei , non in lege Moysi. A pro- <sup>catio.</sup> missione , unde : *Testimonium* ; a promis- sionis impletione , unde : *Fidele* ; a gratiæ collatione , unde : *Sapientiam præstans par- vulis* : nam Evangelium dat gratiam , non Lex. Nota : genitivus significat alicujus ali- quid esse , ut dantis vel habentis , unde hoc <sup>16</sup> : « Dominus narrabit in scripturis po- pulorum , » etc. Scripturæ sunt princi- pices (*a*) ; Prophetarum , ut dantium ; po- pulorum , ut accipientium , et hoc , *lex Domini* , ut dantis. Quandoque significat aliquid alicujus , ut permittentis , unde hoc <sup>17</sup> : « Ante faciem frigoris ejus quis sus- tinebit ? » *Frigus* , scilicet infidelitas , dicitur esse Dei , quia permittit. Quandoque ut ma- teriæ , ut fides resurrectionis , id est , de re- surrectione.

13. *Delicta quis intelligit ? Quis quandoque removet generalitatem , ut hic , quasi*

<sup>10</sup> Joan., 1, 39. — <sup>11</sup> Psal. cxv, 10. — <sup>12</sup> Psal. II, 7. — <sup>13</sup> Psal. xxi, 17. — <sup>14</sup> Psal. XXXIX, 18. — <sup>15</sup> Joan., XVI, 23. — <sup>16</sup> Psal. LXXXVI, 6. — <sup>17</sup> Psal. CXLVII, 17. <sup>(a)</sup> Leg. principum , ut dantium. *Dele Prophetarum.*

**Dictio Quis.**

**Geniti-  
vus sig-  
nificat  
aliquid  
alicujus  
esse.**

nullus intelligit delicta omnia; quandoque ponit singularitatem, unde Dominus ad Job<sup>1</sup>: « Quis dedit gallo sapientiam? » id est, prædicare (*a*): quasi dicat: Ego solus. Quandoque impossibilitatem, quandoque difficultatem, unde hoc<sup>2</sup>: « Generationem ejus qui enarrabit? » Si de generatione æterna exponatur, notat impossibilitatem; si de temporali, difficultatem. Quandoque raritatem; unde hoc<sup>3</sup>: « Quis, putas, est fidelis servus et prudens? » quasi dicat: Rarus. Quandoque admirationem; unde angeli occurrentes Domino ascendentib[us] dixerunt<sup>4</sup>: « Quis est iste, qui venit de Edom? » Quandoque dubitationem; unde Judæi ad eum dixerunt<sup>5</sup>: « Quis es tu? » Et dixit: « Principium, qui et loquor vobis. »

**15.** *Domine adjutor meus, et redemptor meus.* Dominus est *Dominus* per potentiam, ecce Pater; *Redemptor* per humanitatem, ecce Filius; *adjutor meus* per gratiam; ecce *Spiritus sanctus.*

## PSALMUS DAVID XIX.

**2.** *Exaudiat te Dominus in die tribulationis. Memor sit omnis sacrificii tui.* Est sacrificium altaris, scilicet corpus Christi; unde Dominus in cœna<sup>6</sup>: « Hoc facite in meam commemorationem. » Est sacrificium proprium corporis, unde Apostolus<sup>7</sup>: « Exhibeatis vosmetipsos hostiam viventem, Deo placentem; » unde hoc<sup>8</sup>: « Sacrificium Deo, spiritus contribulatus. » Est sacrificium operis: nam in die judicii, offert unusquisque opera sua bona, vel mala Deo; unde hoc<sup>9</sup>: « Venientes autem venient cum exultatione. »

**4.** *Memor sit omnis sacrificii*, etc. Nota statum perfectionis, unde hoc: « Holocaustum tuum pingue fiat: » nam holocaustum totum incensum: sacrificium, cuius tantum pars crematur. Augmentum gratiæ, unde

<sup>1</sup> Job., XXXVIII, 36. — <sup>2</sup> Isa., LIII, 8. — <sup>3</sup> Matth., XXIV, 43. — <sup>4</sup> Isa., LXIII, 1. — <sup>5</sup> Joan., VIII, 25. — <sup>6</sup> Luc., XXII, 19. — <sup>7</sup> Rom., XII, 1. — <sup>8</sup> Psal. L, 19.

hoc (v. 6): *Magnificabimur.* Plenitudinem viæ, unde hoc (v. 7): *Impleat Dominus omnes petitiones tuas.* Consummationem patriæ, unde hoc: *Salvum me fecit.*

**8.** *Hi in curribus, et hi in equis.* Avaritia in curru vehitur; cujus sunt quatuor rotæ, scilicet inhumanitas, pusillanimitas, contemptus Dei, oblivio mortis; duo sunt equi, scilicet tenacitas et rapacitas; auriga est amor habendi. Nam avaritia est avara, et uno solo est contenta, scilicet vectore. De hoc curru dicitur<sup>10</sup>: « Vœ, trahitis iniquitatem in funiculis vanitatis, et quasi vinculum, » scilicet vehiculum plaustrum, « peccatis. » Et hic nota: quando Romani aliquem recipiebant, qui subjugaverat Romanis regionem, recipiebant cum triumpho in curru. Et triumphus dicitur, quasi triun sonus. Nam Romani in tres partes dividuntur, in milites, in senatores, in populum. Et quando quis cum honore recipiebatur, tres dies solemnizabantur, et inde dicitur triumphus, quasi triun sonus.

Avaritia  
currus,  
et auriga

Trium-  
phus.

## PSALMUS DAVID XX.

**2.** *Domine, in virtute tua lætabitur Rex: et super salutare tuum.* Christus dicitur *salutare* Patris, non quia sanet Patrem; sed quia per ipsum sanat Pater. Unde iste dicitur medicus regis, non quia sanet regem, sed quia rex mittit eum ad sanandum alios.

Christus  
salutare.

*In misericordia Altissimi non commoberbitur.* Con quandoque significat aliquid ex toto, ut hic<sup>11</sup>: « Maledictus homo, qui confidit in homine, » id est, qui confidit ex toto. Non enim malum est ponere spem in homine, sed non ex toto. Quandoque pluralitatem personarum, unde hoc<sup>12</sup>: « Complaceat tibi, Domine, » id est, Patri, et Filio cum Spiritu sancto. *Cum* notat Trinitatem, Trinitas unitatis essentiam. Quandoque pluralitatem rerum, ut hic<sup>13</sup>: « Contritio et

Parti-  
cula  
Con.

— <sup>9</sup> Psal. CXXV, 6. — <sup>10</sup> Isa., V, 18. — <sup>11</sup> Jerem., XVII, 5. — <sup>12</sup> Psal. XXXIX, 14. — <sup>13</sup> Psal. XIII, 3.

(a) *Ley.* prædicere diem.

infelicitas in viis eorum, » id est, cum-tritio, quasi enim aliis illi punientur. Quandoque pluralitatem partium, unde hoc (v. 10) : *In furore tuo (a) conturbabis eos*, id est, in corpore, et in anima. Unde confessio dicitur quasi simul fassio, scilicet, oris et cordis.

**Clibanus** 10. *Pones eos ut clibanum (b)* Clibanus quandoque significat conscientiam, ut hoc : *Pones eos ut clibanum in tempore vultus tui*, id est (c), facies eos ardentes in conscientiis suis in die judicii. Et significat eternum Virginis : nam sicut in elibano duo sunt, scilicet ignis et panis, sic in utero Virginis ignis et panis : ignis, Spiritus sanctus; panis<sup>4</sup>, qui de cœlo descendit, scilicet Christus. Unde in *Levitico*<sup>2</sup> dicitur, quod panis offerabatur in elibano, vel in sartagine, vel in eraticula coctus : panis in elibano, Christus in Virginis utero; panis in sartagine, Christus in cruce; panis in eraticula, Christus in morte. Nam sicut in eraticula transit per foramina, ita in morte transivit Christus ad vitam. Quandoque quamlibet tribulationem, unde hoc<sup>3</sup> : Dies judicii erit velut elibanus ardens. Quandoque diabolum, unde hoc<sup>4</sup> : « Pellis nostra velut elibanus exusta est. »

**Portæ di-versæ.** *Devorabit eos ignis.* Sunt portæ mortis (d); sunt portæ quinque, scilicet sensus corporis; sunt portæ æternitatis. De primis et ultimis dicitur<sup>5</sup> : « Qui exaltas me de portis mortis, et collocas me in portis filiæ Sion. » De mediis, hoc<sup>6</sup> : « Attollite portas, principes, vestras, » etc. Quandoque sensus erigit, qui eos ad Deum extollit : et sic principes, scilicet, quilibet fidelis elevat portas Domini, contemplando, et sic in mentem intrat Rex gloriæ, scilicet Christus. Mediæ autem habent ingressum, et regressum; extremæ tantum ingressum. Nullus enim a patria exit, vel inferno : nam omnia vestigia sunt adversum spectantia in illa, retrorsum nulla. Ex extremis cives non exeunt: ex mediis quandoque exeunt cives, et intrant. Haec

autem quandoque patent ad austrum: quandoque ad aquilonem. Si ad austrum tendunt, ad portas aeternitatis: nam austus calidus et humidus, et calor est amicus naturæ. Si patent ad aquilonem, tendunt ad portas mortis: nam<sup>7</sup> ab aquilone pandetur omne malum. » Et aquilo est frigidus, et congelat fluenta gratiae. Per portam bona actio intelligitur, unde Job<sup>8</sup> : « Cum procedebam ad portam civitatis, parabant mihi cathedram. » Nam sicut per portam intratur ad civitatem, ita per bonum opus ad patriam. Quandoque notatur facultas peccandi et habilitas, unde Job<sup>9</sup> : « Quia, janua aperta, irruerunt super me. » Glossa : « Nam cum perversis hic potestas datur, quid aliud, nisi janua erroris eis aperitur? »

14. *Exaltare, Domine, in virtute tua.* Potentiam Dei ostendit, ubi dicit : *Domine*; Potentia  
Dei. quæ consistit in duobus : in altitudine, unde : *Exaltare*; et in fortitudine, unde : *In virtute tua*. Ilis duobus duo reddit : altitudini, mentis hilaritatem, unde : *Cantabimus*; fortitudini, bonam operationem, unde : *Psallemus*. Bene distinguit; nam altitudo est in mente, unde : « Altum est cor hominis. » Sic est fortitudo in operatione.

### PSALMUS DAVID XXI.

2. *Deus, Deus meus, respice in me.* Hie dicitur, quod Psalmi qui agunt de Christi passione, incipiunt a gemitu et oratione, et terminantur in salute hominum. Nam per interiorem contritionem, et opus exterius, homo sanatur in anima. Unde precibus Mariæ et Marthæ, Lazarus suscitatur. Per Martham, opus exterius, scilicet vita activa; per Mariam, opus interius, scilicet vita contemplativa intelligitur. Nam opere interiori, et exteriori, homo in anima suscitatur. Unde Jacob, cum credit in patriam, credit cum

<sup>1</sup> *Joan.*, vi, 33. — <sup>2</sup> *Levit.*, vii, 9. — — <sup>3</sup> *Ex Matth.*, vii, 30. — <sup>4</sup> *Tren.*, v, 10. — <sup>5</sup> *Psal.* ix, 13. — <sup>6</sup> *Psal.* xxiii, 7, 9. — <sup>7</sup> *Jerem.*, i, 14. — <sup>8</sup> *Job*, xxix, 7. — <sup>9</sup> *Job*, xxx, 6.

(a) *Vulg. ira tua.* — (b) *Cæt. edit.* non habent. *Pones eos ut clibanum*, et glossam, quæ sequitur, in hanc vocem, *Clibanum*, referunt ad Psalmum lxxi. — (c) *Cæt. edit.* non habent id est. — (d) Haec refer ad *Ps. xxiii*, 7, 9.

Rachel et Lia<sup>1</sup> : quia contritio et exterior satisfactio ducent hominem ad cœlum : Rachel, opus interius; Lia exterius, id est, vita activa et contemplativa. Unde, intrante Jesu in quoddam castellum, duæ sorores receperunt eum, scilicet Maria et Martha. Unde legitur<sup>2</sup>: « Intravit Jesus in quoddam castellum, et mulier quædam, Martha nomine, excepit eum in domum suam. » Prior natu videtur esse Martha; et salutis initium, scilicet, magis actio, quam contemplatio sibi vendicare noscitur. Laudat Christus Mariam ; scilicet a Martha (a) suscipitur. Amat Rachelem Jacob, sed Lia supponitur. Lazarus jacet clausus, ligatus, oneratus. Jacet in ergastulo mentis suea : tenetur in vineulis disciplinæ: lapide supposito premitur, scilicet onere patientiæ.

*Justus triplici de causa non exaudiatur.* 3. *Clamabo per diem, et non exaudies.* Triplici de causa justus non exauditur, scilicet ratione indigni, quando scilicet orat pro malo, ut Samuel, quando oravit pro Saule; per modum orandi, ut filii Zebedæi petierunt, ut unus sedeat ad dexteram, et alins ad sinistram in regno Dei : hi inordinate petierunt, quia debuerunt humiliari, antequam exaltarentur; ratione majoris boni, ut Paulus non est exauditus, quasi quia magis profuit somitem peccati habere, quam non habere.

*In oratione tria attendenda.* 7. *Ego sum vermis, et non homo.* In oratione tria sunt attendenda : insinuatio, captatio, postulatio : ut insinuemus nostram miseriam; ut captemus judicis benevolentiam; ut postulemus veniam. Respiciat misericordia miseriam; benevolentia, indigentiam; gratia, veniam. Paronomasia est, quando dictio reperitur in diversa significazione, mutata syllaba vel littera, ut in hoc versu (v. 6) secundum hebraicam veritatem: « In te confisi sunt, et non confusi : » sic enim habetur in hebreo. *Deus, Deus meus.* Repetitio. *Verba delictorum meorum,* id est,

<sup>1</sup> Cf. Greg., *Moral.*, c. xxviii; in lib. II Reg.; in Ezech., hom. xiv. — <sup>2</sup> Luc., x, 38. — <sup>3</sup> I Cor., ix, 9.

(a) Cæt. edit. Maria. — (b) Cæt. edit. prima, et sic

eorum qui sunt mei, vel delictorum meorum. Tres legimus cruces : primam (b), latronis desperantis; secundam, latronis confitentis; tertiam, Christi pœnam sine culpa sustinentis : et hoc secundum tria genera hominum : quidam enim macerant carnem pro peccato, et non prodest, quia non pœnitent; alii macerant carnem pro peccato, et prodest, quia pœnitent; alii nullum peccatum habentes, pœnam sustinent. Prima ergo crux fuit diaboli; secunda, cuiuslibet justi; tertia, Christi. Prima, malitiæ; secunda, pœnitentiæ; tertia, gloriæ.

10. *Quoniam tu es, qui extraxisti me de ventre matris meæ.* Triplici de causa transferimus ad allegoriam : causa impossibilitatis, ut de lepra barbæ, vel vestis: non enim hoc ad litteram potest exponi; et propter indecentiam, unde hoc<sup>3</sup>: « Non alligabis os bovis triturantis. » Nam Apostolus dicit : « Numquid cura est Deo de bobus? » Quasi dicat: non est cura ei dare præcepta de bobus; sed super hoc Vergilius (c). Est ergo allegorizandum: Non alligabis os bovis triturantis, id est, prædicatorum. Potest enim querere subsidium a subditis propter majorem vitæ utilitatem.

12. *Ne discesseris a me (d);* unde hoc : « Ne fraudes societatem. » Nam cum omnibus pateat hoc esse peccatum, transferimus ad allegoriam, id est, ne fraudes societatem Spiritus sancti, qui vult te adducere ad cœlestia.

12. *Quoniam tribulatio proxima est.* *Proximus*, sive *Appropinquare*, diversis modis accipitur. Dicitur enim proximus loco, et tempore, unde hoc: « Tribulatio proxima est, » scilicet tempore. Et tribulatio propria erat loco, id est, carni, quæ dicitur proxima, unde hoc: « Nulla pestis efficacior, quam familiaris inimicus, » scilicet caro. *Proximus* in similitudine, sive actionis imitatione, sicut dicitur bonus esse similis Deo; unde secunda et tertia. — (c) Al. Vergilius, et notatur in margine: Virgilii in Georgicis, id est, ut videtur: « Super hoc non Deus, sed Virgilii det præcepta. — (d) Cæt. edit. non habent: *Ne discesseris a me.*

Crucis  
treæ.

Tria ho-  
minum  
genera.

Triplex  
causa  
allego-  
riæ.

Proxi-  
mus.

Cato<sup>1</sup> : « Proximus ille Deo est, qui scit ratione tacere. » Proximus, scilicet natura, unde hoc<sup>2</sup> : « Elongasti a me amicum et proximum. » Proximus beneficiis, ut Samaritanus<sup>3</sup> vulnerato, qui ei contulit beneficium, unde versus :

Tempore, mente, loco, natura, gente propinquus.

Sub mente sunt conformitas et beneficium.

*17. Quoniam circumdederunt me canes*  
Canes. multi. Canes quandoque dicuntur Judæi, ut hic; quandoque idololatræ, unde hoc<sup>4</sup> : « Nolite sumere panem filiorum, et dare canibus; » quandoque dicuntur hæretici, ut hic<sup>5</sup> : « Non est dandum sanctum canibus, et margaritæ porcis; » quandoque prædictores, unde illud<sup>6</sup> : « Lingua canum tuorum ex inimicis ab ipso. »

*22. Salva me ex ore leonis*, etc. (a) Tribus modis solet tumor sanari : emplastro, exemplo boni operis; unguento, verbo consolationis; ferro, disciplina correctionis.

*23. Neque despexit deprecationem pauperis.* Oratio, de bonis adipiscendis; deprecation, de malis vitandis. Sed aliter assignatur differentia ; nam solent assignari Partes Missæ. quatuor partitiones Missæ : prima pars a principio usque ad sacramentum, et dicitur Deprecatio; ab illa hora usque ad *Agnus Dei*, est secunda pars, et dicitur Oratio; illud quod post canitur a sacerdote, est tertia pars, et dicitur Postulatio; illud quod respondeatur in fine, scilicet *Deo gratias*, est ultima pars, et dicitur Gratiarum actio.

*20. Tu autem, Domine, ne elongaveris auxilium tuum a me.* Aliquis liberatur a morte per evasionem; aut a vita mortali (b) per vim; vel per carnis depositionem; unde hoc<sup>7</sup> : « Anima nostra sicut passer, etc.; » et illud<sup>8</sup> : « Quis me liberabit de corpore mor-

<sup>1</sup> Cato, in *Parænesi*. — <sup>2</sup> Psal. LXXXVII, 19. — <sup>3</sup> Luc., x, 33 et seq. — <sup>4</sup> Matth., xv, 26. — <sup>5</sup> Matth., VII, 6, quoad sensum. — <sup>6</sup> Psal. LXVII, 24. — <sup>7</sup> Psal. CXXIII, 7. — <sup>8</sup> Rom., VII, 24. — <sup>9</sup> Rom., XIV, 8. — <sup>10</sup> Röm., I, 17. — <sup>11</sup> 1 Tim., V, 6. — <sup>12</sup> Joan., XVII, 3. — <sup>13</sup> Isa., XL, 6. — <sup>14</sup> Psal. CI, 5. — <sup>15</sup> Sap., IX, 15.

tis hujus? » Per carnis resurrectionem, ut Christus, quando resurrexit.

*26. Apud te laus mea.* Christus dicitur habitare in Patre per identitatem naturæ; in carne, per identitatem personæ; in bonis, per conformitatem : sicut dicitur ignis esse in ferro, et ferrum in igne, quando rubeum est, et quasi conforme est igni; unde versus :

In Patre, carne, bonis, habitat sapientia Patris.

*Apud te laus.* Christus in communi, et omnibus videntibus, passus est; unde Papa, quando sumit corpus Christi in Missa, sumit omnibus videntibus : nam sedens in cathreda convertit se ad populum.

*27. Edent pauperes et saturabuntur.* Hic dicitur passio Christi cœna : nam sicut cœna in vespere, vel in fine diei sumitur, ita in vespere, scilicet in fine mundi, passus.

*Vivent corda eorum.* Est vita quadruplex, scilicet naturæ, unde hoc<sup>9</sup> : « Sive vivimus, sive merimur, Domini sumus. » Est vita gratiæ, unde hoc<sup>10</sup> : « Justus ex fide vivit. » Est vita culpæ, unde hoc<sup>11</sup> : « Vidua, quæ in deliciis est, vivens mortua est. » Est vita gloriæ, unde hoc<sup>12</sup> : « Hæc est vita æterna, ut cognoscant te solum Deum verum, et quem misisti, Jesum Christum. » Non habes auxilium infra te, nec extra te, nec intra te, sed supra te : infra, id est, in carne, unde dicitur<sup>13</sup> : « Caro foenum; » intra, in anima, unde<sup>14</sup> : « Aruit cor meum, » id est, anima; extra te, in mundo, unde dicitur<sup>15</sup> : « Terra in inhabitatio deprimit sensum multa cogitantem; » supra te auxilium habes, unde<sup>16</sup> : « Auxilium meum a Domino. »

## PSALMUS DAVID XXII.

*1. Dominus regit me, et nihil mihi deerit.*  
*Dominus pascit*, secundum aliam litteram<sup>17</sup>.  
 Pastus, quo Christus pascit, in duobus : in Pas. 18  
 invitacione inopiae, unde : *Nihil mihi deerit*;

<sup>16</sup> Psal. CXX, 2. — <sup>17</sup> Ex interpretatione græca.  
 (a) Cæt. edit. non habent. *Salva me ex ore leonis*, etc. — (b) Cæt. edit. ut vi.

Papa  
quare  
sedens  
communi-  
citet.

Passio  
Christi  
cœna.

Vita  
quadruplex.

Pas. 18  
quo  
Christus  
pascit.

in advectione sufficientiae, unde hic (v. 2) : *In loco pascuae ibi me collocavit*. Sed haec sufficientia consistit in duobus : in susceptione Sacramenti, unde hoc : *Super aquam refectionis educavit me*; in observatione mandati, unde hoc (v. 3) : *Deduxit me super semitas justitiae*. Haec duo sunt necessaria ad salutem animae, et neutrum sine alio sufficit.

**Babylon** Ergo hic cibus sanat (a). Est Babylon peccatorum, pœnarum, primorum mortuorum : a prima exeundum; in secunda commorandum in bono; contra tertiam clamandum. De prima<sup>1</sup> : « Fugite de medio Babylonis, et hoc : « In Babylonem descendens, et ex ea liberaberis. » De secunda<sup>2</sup> : « Super flumina Babylonis illic sedimus, et flevimus. » De tertia<sup>3</sup> : « Cecidit Babylon, etc.

**Multiplex genitus virg. garum.** 4. *Virga tua*, etc. Multa sunt genera virgarum : est enim virga ultionis; est virga correctionis, virga consolationis, virga directionis, virga fructificationis, et est virga virtutis. Prima est servorum; secunda, filiorum; tercia, moestorum; quarta, prælatorum; quinta, justorum; sexta, Conditoris universorum. De prima dicitur<sup>4</sup> : « Virga furoris mei Assur; » de secunda<sup>5</sup> : « Percute filios; » de tertia : *Virga tua et baculus tuus*; de quarta<sup>6</sup> : « Virga directionis, virga regni tui; » de quinta<sup>7</sup> : « Egredietur virga de radice Jesse; » de ultima<sup>8</sup> : « Virgam virtutis tuae emittet Dominus ex Sion. » Domini mater fuit Virga ultionis, in antiqui exactoris actione. Nota : hoc pronomen, *Ipse*, proprie notat notabilitatem, tum in bono, tum in malo; et immutabilitatem, tum in bono, tum in malo : notabilitatem in bono, ut hic<sup>9</sup> : « Ipse autem sciebat, quid esset facturus, » id est, notabiliter; notabilitatem in malo, ut hic<sup>10</sup> : « Ipsi non (b) cognoverunt vias meas, » id est, notabiles : immutabi-

tatem in bono, ut hic<sup>11</sup> : « In pace, in idipsum dormiam, et requiescam; » in malo, ut hic<sup>12</sup> : « Ipsi vero consideraverunt, et inspererunt me, » id est, immutabiles in malo perseverantes. Hoc autem, *Ipsi*, immutabilitatem et notabilitatem in bono.

### 5. *Parasti in conspectu meo mensam (c).*

Nota : quatror sunt mensæ quæ reperiuntur, quarum una sacra Scriptura est; et quatror pedes in ea, id est, quatror modi exponendi sunt : historia, allegoria, tropologia, anagogia. Et in hac mensa quatror ponuntur, scilicet panes, carnes, pisces, vinum : panes, pro historia; carnes, pro allegoria; pisces, pro tropologia; vinum, pro anagogia exponuntur. Historia est in dictis, ut de hoc, quod dicitur populus Israel de Ægypto liberatus; in factis, ut de tabernaculo in testamento sancto. Allegoria, in rebus, vel in verbis mysticis : in verbis, ut ibi<sup>13</sup> : « Egredietur virga dicere Jesse; » in rebus, ut populus per sanguinem agni de Ægypto liberatus significat Ecclesiam sanguine Christi salvatam a diabolo. Tropologia est in verbis apertis, vel figuratis : apertis, ut ibi<sup>14</sup> : « Filioli mei, non diligamus verbo neque lingua, sed opere et veritate; » figuratis, id est obscuris, ibi<sup>15</sup> : « Omni tempore vestimenta tua sint candida. » Sic anagogica expositio in verbis manifestis, vel obscuris : apertis, ibi<sup>16</sup> : « Beati mundo corde, quoniam ipsi Deum videbunt; » obscuris, ibi<sup>17</sup> : « Beati qui lavant stolas suas, qui per portam intrant civitatem. » Ecco unaquæque expositio in duobus consistit. Hæc dicit Beda *super Exodum*.

### *Impinguasti in oleo caput meum.*

Ebrietas alia spiritualis, alia corporalis : **Ebrietas duplex.** corporalis, ex nimia vini repletione; spiritualis, alia Dei, alia diaboli : Dei, quando quis oblitus est terrenorum, mente raptus ad superna, quæ dicitur apotheosis, id est, deificatio; ebrietas diaboli dicitur metamor-

<sup>1</sup> *Jerem.*, LI, 6. — <sup>2</sup> *Psal.* CXXXVI, 1. — <sup>3</sup> *Jerem.*, LI, 8. — <sup>4</sup> *Isa.*, x, 5. — <sup>5</sup> *Prov.*, XIII, 24, quoad sensum. — <sup>6</sup> *Psal.* XLIV, 7. — <sup>7</sup> *Isa.*, XI, 1. — <sup>8</sup> *Psal.* CIX, 2. — <sup>9</sup> *Joan.*, II, 25. — <sup>10</sup> *Psal.* XCIV, 11. — <sup>11</sup> *Psal.* IV, 9. — <sup>12</sup> *Psal.* XXI, 18. — <sup>13</sup> *Isa.*, XI, 1. — <sup>14</sup> *I Joan.*, III, 18. — <sup>15</sup> *Eccle.*, IX, 8. — <sup>16</sup> *Matth.*, V, 8. — <sup>17</sup> *Apoc.*, XXII, 14. — (a) Hæc, quæ sequuntur,

refer ad *Ps.* CXXXVI, 1. — (b) Cæt. edit. non habent non. — (c) In cæt. edit. hæc integra paraphrasis versiculi *Parasti in conspectu meo mensam transposita reperitur ad psalmum XXIII.*

In mensa  
Scriptu-  
rae sacrae  
dapes  
quatror.

Ebrietas  
diaboli.

phosis, id est, mutatio a bono in malum, vel a malo in pejus.

## PSALMUS DAVID XXIII.

*1. Prima sabbati. Psalmus David (a).*

<sup>Psalmi</sup> sunt psalmi qui nomine sabbati intitulantur : <sup>sex nomine</sup> primus est hic; secundus<sup>1</sup> : « Magnus Dominus et laudabilis nimis; » tertius<sup>2</sup> : « Exultate Deo adjutori nostro; » quartus<sup>3</sup> : « Bonum est confiteri Domino; » quintus<sup>4</sup> : « Dominus regnavit, decorem indutus est; » sextus<sup>5</sup> : « Deus ultionum Dominus. » Sabatum dicitur pro tempore. Dies dicitur septima, in qua legitur Deus quievisse, et septimana : unde Pharisaeus<sup>6</sup> : « Jejuno bis in sabbato. » Solemnitas, quam observabant <sup>Dies Do-</sup> <sup>minica.</sup> id est dies Domini, duplii de causa, scilicet, vel quia ea die Dominus incœpit creare mundum, tunc enim incœpit esse creatura, cui dominaretur; vel quia ea die innotuit esse Dominus, scilicet in resurrectione, tunc enim innotuit Dominus infernum, quia veetes ferreos confregit; mortuorum, quia multa corpora sanctorum, qui dormierant, surrexerunt; et vivorum, unde Dominus<sup>7</sup> : « Data est mihi omnis potestas, » etc. Nota, quod prima dies dicitur dies Solis, quia prima hora ejus attribuitur (b) lunæ, et sic de aliis. Sic prima dies Domini dicitur, quia prima hora illius diei innotuit esse Dominus Jesus Christus, quia prima hora diei surrexit, unde hic : « Mane, prima sabbati surgens Dei Filius; (c). »

<sup>Jura-</sup> <sup>m. statm</sup> <sup>quot mo-</sup> <sup>dis illici-</sup> <sup>tum.</sup> *4. Nec juravit in dolo.* Juramentum dicitur esse illicitum pro persona, quando monachus jurat sine consensu abbatis; vel pro negatione, quando de re illicita; vel pro tempore, quando in Quadragesima; per modum jurandi, quanto inordinate jurat.

*7. Attollite portas, principes, vestras.* Alii quid dicitur tolli per translationem, unde

hic<sup>8</sup> : « Tilit Dominus unam de costis Adæ (d); <sup>Quot modis.</sup> per elevationem, unde hoc<sup>9</sup> : Si videris me, quando tollar a te, erit tibi quod petisti (e); per remissionem, unde hoc : « Agnus Dei, qui tollit peccata mundi, » etc. Nota : Christus sublatus fuit a Iudeis hora sexta, qui est alpha, et omega, id est, principium et finis. Unde in illa septimana tribus diebus, quibus Christus jacuit in sepulchro, subtrahitur principium horarum, scilicet Deus, in adjutorum ueum intendere, et finis, scilicet Orationis.

## PSALMUS DAVID XXIV.

*1. Ad te levavi animam meam.* Est populus vitiorum, unde hoc<sup>10</sup> : « In exitu Israel de Aegypto, » etc. Est populus justorum, unde hoc<sup>11</sup> : « Anima quæ circumseisa non fuerit, peribit de populo hoc. » Est populus Iudeorum, appropriato vocabulo, ut hic<sup>12</sup> : « Popule meus, quid feci tibi? » Nota : Erigi ad Deum, quandoque in sacra Scriptura liber arbitrio attribuitur; et hoc aperte, ne homo prætenderet excusationem, ut per liberum arbitrium nullus possit facere bonum, ut hic. Quandoque attribuitur soli gratiæ, ne homo superbiat contra Deum, si diceretur per liberum arbitrium posse surgere, unde hoc<sup>13</sup> : « Dirige in conspectu tuo viam meam. » Quandoque gratiæ et libero arbitrio simul, unde Apostolus<sup>14</sup> : « Non ego operor illud, sed gratia Dei mecum. »

*4. Vias tuas, Domine, demonstra mihi.* Tria enim petit qui haec loquitur : manifestationem, scientiam, et discretionem : manifestationem in præceptis, scientiam in consiliis, discretionem in veris. Demonstrat (f) præceptum quasi ad oculum, ecce via; docet consilium, quasi ad intellectum, ecce semita.

(a) Cæt. edit. *Domini est terra et plenitudo ejus.* — (b) Hic desunt aliqua. — (c) Ad hunc locum transposita fuerat prima pars v. 3, *Parasti*, etc. psalm. præcedentis, in cæt. edit. — (d) Cæt. edit. Adam de medio paradisi. — (e) Cæt. edit. Elias, si videris, quando tollar, dabo tibi quod vis. — (f) Cæt. edit. demonstratur.

<sup>Initium et finis horarum non dicuntur tri-duo heb-domadæ sanctæ.</sup>

<sup>Populus triplex.</sup>

<sup>Erigi ad Deum.</sup>

<sup>Tria per-tun-tur.</sup>

<sup>1</sup> *Psal. XLVII.* — <sup>2</sup> *Psal. LXXX.* — <sup>3</sup> *Psal. XCJ.* — <sup>4</sup> *Psal. XCII.* — <sup>5</sup> *Psal. XCIII.* — <sup>6</sup> *Luc.*, xviii, 42. — <sup>7</sup> *Math.*, xxviii, 18. — <sup>8</sup> *Gen.*, II, 21. — <sup>9</sup> *IV Reg.*, II, 10. — <sup>10</sup> *Psal. CXIII*, 1. — <sup>11</sup> *Gen.*, XVII, 14. — <sup>12</sup> *Mich.*, VI, 3. — <sup>13</sup> *Psal. V*, 9. — <sup>14</sup> *I Cor.*, XV, 10.

5. *Dirige me in veritate*, quasi ad discernendum et bene distinguendum. Nam præcepta sunt manifesta; consilia occulta; vera ad discernendum sunt ambigua.

6. *Reminiscere*. Nota : Imperativus quandoque imperative ponitur, ut hic<sup>1</sup> : « Dilige proximum tuum sicut 'eipsum; » quandoque deprecativa, ut hic; quandoque hortativa, ut hic<sup>2</sup> : « Vovete et reddite : »<sup>3</sup> « Vende omnia quæ possides, et da pauperibus; » quandoque permissive, ut hic<sup>4</sup> : « Quod facturus es, fac cito; » quandoque ponitur pro optativo, ut hic<sup>5</sup> : « Sanctificetur nomen tuum. » Non quia haec vox optativi, scilicet quia ponitur sine utinam.

18. *Vide humilitatem meam et laborem*  
Deus dicitur videtur pro punire,  
ut hic<sup>6</sup> « Vultus autem Domini super facientes mala; » et pro misereri, unde hic<sup>7</sup> : « Oculi Domini super justos. » Nam dicitur videre peccatum, id est, punire; videre hominem, pro misereri: et videre, pro cognoscere, unde hoc<sup>8</sup> : « Vedit Deus cuncta, quæ fecerat, et erant valde bona; » et videre pro per gratiam habere, unde hoc : *Vide humilitatem meam.*

21. *Innocentes et recti adhæserunt mihi.*

Corpus Hoc nomen, Corpus, octo modis accipitur.  
octo modis accipiatur. Significat enim Christum, unde hoc<sup>9</sup> : « Ubi fuerit corpus, illuc congregabuntur et aquilæ, » id est, ubi Christus, illuc (b) fuerunt congregati et Sancti; quandoque perfectionem, unde hoc<sup>10</sup> : « In quo habitavit plenitudo divinitatis corporaliter, » id est, perfecte, ut dicit Apostolus; quandoque defectum habet et mortalitatem<sup>11</sup> : « Quis me liberabit de corpore mortis hujus? » Quandoque bonorum operum congeriem, unde hoc<sup>12</sup> : « Si oculus tuus fuerit simplex, » id est, devotio, et « totum corpus tuum lucidum erit, » id est, opera; quandoque congeriem malorum operum, ut hic, secundum unam expositio-

<sup>1</sup> *Math.*, xxii, 39. — <sup>2</sup> *Psal.* lxxv, 12. — <sup>3</sup> *Math.*, xix, 21. — <sup>4</sup> *Joan.*, xiii, 27. — <sup>5</sup> *Math.*, vi, 9. — <sup>6</sup> *Psal.* xxxiii, 17. — <sup>7</sup> *Ibid.*, 16. — <sup>8</sup> *Gen.*, i, 31. — <sup>9</sup> *Math.*, xxiv, 28. — <sup>10</sup> *Coloss.*, ii, 9. — <sup>11</sup> *Rom.*, vii, 24. — <sup>12</sup> *Math.*, vi, 22. — <sup>13</sup> *1 Cor.*, vi, 18. —

nem : « Infelix ego homo, quis me liberabit de corpore mortis hujus? » Quandoque conjugem, unde hoc<sup>13</sup> : « Qui fornicatur in corpus suum, » ut hic fiat distinctio, « peccat; » vel « qui fornicatur, in corpus, » id est, in conjugem, « peccat, » id est, contra honorem conjugis. Quandoque Ecclesiam triumphantem, et illius corporis umbra est Ecclesia militans, unde hoc<sup>14</sup> : « Habitantibus in regione umbræ mortis, » etc. Unde dicitur in *Actibus Apostolorum*<sup>15</sup>, quod in umbra Petri corporis, sanabantur infirmi, id est, in Ecclesia militante. Quandoque Ecclesiam militantem, unde hoc<sup>16</sup> : « Nos sumus unus spiritus, et unum corpus » cum Deo. Quandoque temporalia, unde hoc<sup>17</sup> : « Qui fornicatur, » id est, quia a Deo recedit, « in corpus suum peccat, » id est, per temporalia distrahitur. Et ita potest exponi moraliter.

## PSALMUS DAVID XXV.

1. *Judica me, Domine, quoniam ego in innocentia mea ingressus sum.* Scilicet vellem scire qualis sum; sed de me vera discernere non possum. Nam amor privatus, quem habeo erga me, aufert mihi de me meum iudicium. Ergo *judica me*. Quid dicas de te?  
<sup>18</sup> « Ego sum veritas. » Quod ego dicere non possum, quia omnis homo mendax. Ergo *judica me*. *Quoniam ego in innocentia mea ingressus sum.* Tu intus eras, et ego foris: et idcirco te audire non poteram; sed jam intus sum, observans illud<sup>19</sup> : « Prævaricatores, redite ad cor. »<sup>20</sup> « Loquere, Domine; » paratus sum audire<sup>21</sup> « quid loquatur in me Dominus » Deus. Nota: Quidam sunt extra per cogitationem: alii, per dilectionem: alii, per utrumque. Nam qui vanitatem cogitat, quamvis non amet, extra est per cogitationem; qui amat vanitatem, et tamen non cogitat sæpe,

Extra  
se quo-  
modo.

<sup>14</sup> *Isa.*, ix, 2. — <sup>15</sup> *Act.*, v, 15. — <sup>16</sup> *1 Cor.*, x, 17. —

<sup>17</sup> *1 Cor.*, vi, 18. — <sup>18</sup> *Joan.*, xiv, 6. — <sup>19</sup> *Isa.*, xlvi, 8. — <sup>20</sup> *1 Reg.*, iii, 9. — <sup>21</sup> *Psal.* lxxxiv, 9.

(a) Loco hujus, *Vide humilitatem*, etc., cæt. edit. ponunt: *Secundum misericordiam tuam memento mei* — (b) *Cæt. edit.* id est, Christus, fuerunt, etc.

*extra est per dilectionem ; qui eam amat et cogitat, extra est per dilectionem et cogitationem. Sic aliquis dicitur intus tribus modis. Ergo judica me , quia intus sum. Nam in innocentia mea ingressus sum ; sed ignosce mihi, quia innocentia erat secundum meum arbitrium; sed vera forsitan non erat secundum tuum judicium. Ergo Judica me, quia in innocentia mea ingressus sum. Sequitur : In Domino sperans non infirmabor. Adam intus erat, et sanus erat; sed sanitatem non servavit, quia non in Domino speravat. Diabolus non solum in intimis, sed etiam in summis bonis conditus erat ; sed infirmatus est, quia in potentia sua speravit. Uterque ejectus et infirmatus; Ego autem in Domino sperans, non infirmabor.*

*Duo facienda.* Sequitur : 2. *Proba me Domine, et tenta me.* Duo sunt facienda ; declinare mala, et bona facere. *Proba me,* utrum paratus sim ad bona facienda ; *Tenta me,* utrum edoctus sim ad mala vitanda. *Proba* per adversa ; *Tenta* per prospera. Duo sunt, quæ faciunt perfectum : virtus et sapientia : utrumque volo. Per probationem proficimus ad virtutem ; per tentationem, ad sapientiam : ut utrumque habeam, *Proba et tenta me.* Sequitur : *Ure renes meos et cor meum.* Scio, quia concupiscentia aliquando surgit ex carne, aliquando ex mente : ad extinguendam pruriginem carnis, *ure renes* ; ad extinguendum desiderium cordis, *ure cor.* Ure carnem igne tribulationis ; ure mentem igne compunctionis : ideo *ure renes meos.*

*Cuncta pessima.* 3. *Quoniam misericordia tua ante oculos meos est : et complacui in veritate tua.* Non (*a*) mea fortitudine , sed (*a*) tua misericordia confido. *Quia misericordia tua ante oculos meos scilicet, oculum providentiae, et oculum intelligentiae, qui uterque figuratur in te.* *Quoniam misericordia tua ante oculos meos est, et complacui in veritate tua,* id est in promissione tua. Nam scio quia verax es in promissis tuis.

<sup>1</sup> *Psalm. XI, 3.* — <sup>2</sup> *Psalm. LXI, 20.* — <sup>3</sup> *Roman. I, 21.* — <sup>4</sup> *Ecclesiastes, I, 1.*

*3. Quoniam misericordia tua ante oculos meos est, et complacui in veritate, etc.* Misericordia Dei est, qua parcit; veritas, qua corrigit. Per misericordiam poenitentes ab indulgentia non repellit; per veritatem Dominus peccata puniens, causam nostram, non personam respicit. Qui vult salvari, utrumque habeat, sicut Propheta.

*4. Non sedi cum concilio vanitatis.* Vanitas est in verbis, unde hoc <sup>1</sup> : « Vana locuti sunt unusquisque ad proximum suum. » Est vanitas in facto, unde hoc <sup>2</sup> : « De vanitate in id ipsum ; » et illud <sup>3</sup> : « Evanuerunt in cogitationibus suis. » Est vanitas in homine ipso, unde hoc <sup>4</sup> : « Vanitas vanitatum, et omnia vanitas. » Nam homo est vanitas, quia corruptibilis (*b*).

Sequitur, 4, 5 : *Non sedi cum concilio vanitatis, et cum iniqua gerentibus non introibo. Odivi ecclesiam malignantium, et cum impiis non sedebo.*

Tria sunt quæ Deus odit : vanitas, iniquitas, et malignitas ; et quartum est quod detestatur, id est, impietas. Vanitatem persuadet nimius amor sui; iniquitatem infert inordinatus amor mundi ; malignitatem generat odium populi ; impietatem nutrit contemptus Dei. Curis carnis increbescere, vanum; in gloria mundi cæteros velle præire, iniquum; inimicitias in proprios exercere, malignum; contra DEUM superbire, impium. Propheta volens illa quatuor vitare, dixit : *Non sedi cum concilio vanitatis, etc.*

Sequitur 6 : *Lavabo inter innocentes manus meas.* Geminæ manus, geminum opus justitiae et misericordiae, id est : Exercebo me in hoc opere, videlicet: *Lavabo inter innocentes manus meas. Et circumdabo altare tuum Domine.* Ita ut primum velum, et secundum transeam, et intrem in sancta, et in sancta sanctorum. Intra (*c*) primum velum, *Introibo* ad orationem secretam. Intra (*c*) secundum, ad contemplationis arcanum.

(*a*) *Suppl. in.* — (*b*) Hoc totum, a capitulo *Misericordia Dei veritas*, transpositum erat in cæt. edit. immediate ante *Circumdabo*. — (*c*) *Cæt. edit. Intrat.*

Misericordia  
Dei et  
Veritas.

Tria  
sunt quæ  
Deus  
odit.

Geminæ  
manus.

*Proba me, Deus.* Nota : Nostras passiones  
 Anthropospathios (a), id est hominis conversio (b); et hoc sit quinque modis : ut cum Deo attribuitur, quod facit per aliquem; qui dicitur irasci, quia irascitur per aliquem fidelem; vel in aliquo, cum dicitur facere, quod permettit, ut<sup>1</sup> : « Induravit Deus cor Pharaonis. » Vel dicitur facere quod fecit (c), ut<sup>2</sup> : « Vocavit lucem, » id est, vocari fecit.<sup>3</sup> « Vedit cuneta, » quae fecit. Vel cum videtur aliud facere, quod non fecit, ut hic<sup>4</sup> : « Heli, Heli, quare dereliquisti me? » Videbatur Pater dereliquisse Filium. Vel propter (d) concomitans, sive sit antecedens, sive consequens, ei aliquid attribuitur. Vel dicitur irasci, cum punit, quia poena solet sequi iram in naturalibus. Vel cum dicitur diligere aliquid, vel aliquem, quia prædestinat, et remunerat, vel apponit gratiam, vel conservat in esse : hæc sunt concomitantia dilectionem.

*Ure renes meos et cor meum.* Est ignis Deus, unde Moyses<sup>5</sup> : « Deus noster ignis consumens est. » Est ignis Spiritus sanctus, unde hoc<sup>6</sup> : « Ignem veni mittere in terram. » Est ignis charitas, unde hoc<sup>7</sup> : « Ante faciem ejus erat ignis. » Ingnis luxuria, unde hoc<sup>8</sup> : « Juvenes eorum comedunt ignis. » Est ignis poena, unde<sup>9</sup> : « In judicio ignis præcedit eum. » Est ignis sermo divinus, unde hoc<sup>10</sup> : « Ignitum eloquium tuum vehementer. » Est etiam ignis spiritus, unde hoc<sup>11</sup> : « Qui facis angelos tuos spiritus, » etc.

*Altare crux.* *Circumdabo altare.* Altare est crux, vel dicitur crux, propter duo, scilicet propter altitudinem, et immolationem, quasi « alta ara ; » unde hoc<sup>12</sup> : « In ara crucistorridum. » Quandoque significat mentem, ut hic; quandoque incarnationem, unde hoc<sup>13</sup> : « Altare de terra facietis mihi, » id est CHRISTUM credetis natum de terra, id est, de Virgine MARIA.

Quandoque DEUM, unde hoc<sup>14</sup> : « Introibo ad altare DEI, » et sequitur exponendo : « Ad DEUM qui laetificat juventutem meam. » Quandoque æternam gloriam, unde hoc<sup>15</sup> : « Constituite diem solemnem, » etc. Quandoque corpus CHRISTI, unde Apostolus<sup>16</sup> : « Habemus altare, de quo edere non habent potestatem, qui (e) tabernaculo deserviunt. » Sacrificium primum cœlestis Ecclesiæ; secundum, militantis Ecclesiæ. Quandoque orationem, tum vocis, unde altare holocaustorum, quod erat sub dio; tum cordis, altare incensi, quod erat intra (f) velum; unde Apostolus<sup>17</sup> : « Orabo spiritu, orabo et mente. »

## PSALMUS DAVID XXVI. (g)

1. *Dominus illuminatio mea, et salus mea; quem timebo?* Dominus dat scientiam, unde : *Dominus illuminatio.* Sed, ne scientia inflet, dat virtutem, unde : *Salus mea.* Et ne amittat, dat protectionem, unde hoc : *Dominus protector vitæ meæ.* Dat securitatem, unde hoc : *A quo trepidabo?* Unde Apostolus<sup>18</sup> : « Certus sum, quod neque mors, neque vita, » etc.

Nota : Anaphora est, ut dicit Beda<sup>19</sup>, cum eadem dictio saepe in principio diversorum versuum reperitur; ut hic : *Dominus illuminatio mea : Dominus defensor vitæ meæ;* vel quando in eodem versu eadem dictio repetitur, ut hic<sup>20</sup> : « Vox Domini, » etc. « Vox Domini in virtute, vox Domini in magnificientia, vox Domini confringentis cedros. »

*Psalmus David, priusquam liniretur.* Nota : post primam unctionem, quam homo accipit in baptismo, antequam secundam habeat in cœlo, recipit perturbationem; et ad hoc significandum, in sabbato Paschæ, post *Alleluia*, sequitur Tractus. Nota : est

<sup>1</sup> Exod., ix, 12. — <sup>2</sup> Gen., i, 5. — <sup>3</sup> Ibid., 31. — <sup>4</sup> statth., xxviii, 46. — <sup>5</sup> Deut., iv, 24. — <sup>6</sup> Luc., xi, 49. — <sup>7</sup> Joel, ii, 3. — <sup>8</sup> Psal. LXXVII, 63. — <sup>9</sup> Psal. xcvi, 3. — <sup>10</sup> Psal. cxviii, 140. — <sup>11</sup> Hebr., i, 7. — <sup>12</sup> Ex hymno veteri Dominicæ in albis ad Vesperas. — <sup>13</sup> Exod., xx, 24. — <sup>14</sup> Psal. xlII, 4. — <sup>15</sup> Psal. cxvII, 27. — <sup>16</sup> Hebr.,

xIII, 40. — <sup>17</sup> 1 Cor., xiv, 15, — <sup>18</sup> Rom., viii, 38. — <sup>19</sup> Bed., de Schem. S. Script. — <sup>20</sup> Psal. xxviii, 3 et seq. — (a) *Lege anthropopathos.* — (b) *Item passio.* — (c) *Suppl. fierii.* — (d) *Item quod.* — (e) *Cæt. edit.* non habemus potestatem, nisi qui. — (f) *Al. inter.* — (g) *Cæt. edit.* habent pro *titulo* feria secunda.

**Paries** paries corruptionis, scilicet caro, unde hoc in Cantico sponsæ<sup>1</sup>: « En ipse stat post parietem nostrum. » Est paries fidelis populus, unde dicitur<sup>2</sup>, quod duo parietes venerunt ad unum lapidem angularem. Est paries hypocrisis, unde dicitur<sup>3</sup>: « Paries dealbatus. » Anima quandoque dicitur ratio, unde dicitur<sup>4</sup>: « Sicut adipe et pinguedine repleatur anima mea. » Quandoque sensualitas<sup>5</sup>: « Et anima mea et venter meus, » id est, sensualitas et caro. Quandoque voluntas, unde hoc<sup>6</sup>: « Ne tradideris me in animas tribulantium. » Quandoque suavitas, unde sic solet exponi hoc<sup>7</sup>: « Diliges Deum ex toto corde tuo, et ex tota anima tua, » id est, suaviter. Quandoque, quod valde diligitur, unde hoc<sup>8</sup>: « Multitudinis credentium erat cor unum et anima una. »

Sequitur: 4. *Ut videam voluntatem (a) Domini, et visitem templum ejus.* Voluptatem (a) enim Domini videre, est veritatem agnoscere; templum visitare, veritatem diligere: utrumque habeamus.

*Et visitem templum ejus.* Unde hoc<sup>9</sup>: « Solvite templum hoc, » id est, corpus; et illud<sup>10</sup>: « An nescitis, quoniam membra vestra templum sunt Spiritus sancti? » Quandoque mundus, unde Isaías<sup>11</sup>: « Et ea, quæ sub ipso erant, » id est, opera mundi, « replebant templum » (b). Quandoque justus, unde<sup>12</sup>: « Templum Dei sanctum est, quod estis vos; » quandoque cœlum, unde Dominus<sup>13</sup>: « Exaudivit de templo sancto suo. » Hic autem accipitur pro justo, et pro cœlesti Hierusalem.

6. *In petra exaltarit me.* Nota: Christus dicitur petra, lapis, saxum. Petra enim dicitur, quod frangi potest; saxum, quod frangi non potest: unde CHRISTUS, mortalis, dicitur petra; immortalis, dicitur saxum; unde hoc<sup>14</sup>: « Suxerunt mel de petra, oleumque

<sup>1</sup> Canticum, II, 9. — <sup>2</sup> I Petrus, II, 6. — <sup>3</sup> Actus, XXIII, 3. — <sup>4</sup> Psal. LXII, 6. — <sup>5</sup> Psal. XXX, 10. — <sup>6</sup> Infra, 12. — <sup>7</sup> Matth., XXII, 37. — <sup>8</sup> Actus, IV, 32. — <sup>9</sup> Joan., II, 19. — <sup>10</sup> I Cor., VI, 19. — <sup>11</sup> Isa., VI, 1. — <sup>12</sup> I Cor., VI, 17. — <sup>13</sup> Psal. XVI, 7. — <sup>14</sup> Deuteronomio, XXXII, 13. — <sup>15</sup> Dan., II, 35. — <sup>16</sup> Gen., III, 19. — <sup>17</sup> Psal. XVII, 12. — <sup>18</sup> Psal. VI, 7. — <sup>19</sup> Isa., XIV. — <sup>20</sup> Psal. CXVIII, 145. — <sup>21</sup> Isa., LVIII, 1. —

de saxo durissimo, » id est, miracula de CHRISTO mortali; Spiritum sanctum, de eo immortali.

Nota iterum differentiam inter lapidem et petram: nam lapis est parvus et politus; petra, magna et rudis. Christus ergo potest dici petra, quia conteret in judicio inimicos suos. Et ante passionem potest dici petra, id est, non politus passione: in quo mortalitatem depositus; lapis autem, quia parvus natus, et humilius. Unde dicitur<sup>15</sup>, quod lapis ille prius parvus, postea crevit in montem magnum; et potest dici lapis post passionem, in qua fuit politus.

7. *Exaudi, Domine, vocem meam.* Nota quod triplex labor est in praesenti, scilicet intelligentiae, pœnitentiæ, sustinentiae. De primo<sup>16</sup>: « In labore et sudore vesceris pane tuo. » Nam<sup>17</sup> « tenebrosa est aqua in nubibus aeris; » nam sacra Scriptura cum difficultate intelligitur. De secundo<sup>18</sup>: « Laboravi in gemitu meo. » De tertio, ut hoc<sup>19</sup>: « Laboravi sustinens. »

Nota: Clamor, integritas cordis; unde<sup>20</sup>: « Clamavi in toto corde meo. » Est clamor materialis, unde hoc<sup>21</sup>: « Clama, ne cesses, exalta vocem tuam. » Est clamor mentis, ut Susannæ, et Moysis.

9. *Ne declines in ira a servo tuo.* Deus declinat a quibusdam in ira, quando non corrigit; unde hoc: « Zelus meus recessit a me; » quandoque quod non damnat, unde hoc<sup>22</sup>: « Recedite (c) a me, omnes qui operamini iniquitatem. » Quandoque declinat in misericordia, quando exponit eos tormentis, unde<sup>23</sup>: « Ut quid dereliquisti me? » Et hoc<sup>24</sup>: « Deus, repulisti nos, et destruxisti nos. » Declinat in misericordia, quando permittit peccare, ut ille fortior surgat, ut in Petro.

11. *Legem pone mihi (d).* Lex triplex, <sup>Lex triplex.</sup>

<sup>22</sup> Ps. VI, 9. — <sup>23</sup> Matth., XXVII, 46. — <sup>24</sup> Ps. LIX, 2. (a) Cœt. edit. voluntatem, et sic deinceps, et versicolor ille transpositus erat in psalmum XXV. — (b) Cœt. edit. non hab. replebant templum. — (c) Vulg. Discedite. — (d) Cœt. edit. non habent: Legem pone mihi; et glossam, quæ sequitur, transtulerunt ad Psal. XXXIII, immediate ante v. 9. Gustate.

Lapis.  
Petra.

Sacra  
Scriptura  
difficilis.

Clamor  
quotu-  
plex.

Deus  
quando  
in ira de-  
clinare  
dicitur.

membrorum scilicet, Moysi, fideique. De prima et secunda Apostolus<sup>1</sup>: « Video aliam legem in membris meis, repugnarem legi mentis meae. » Prima est forma peccati, quæ peccatum facit; secunda detegit; tertia dedit. Prima est ut reus; secunda est ut auctor; tertia, ut judex.

14. Propheta docet patientiam, unde hoc: *Expecta Dominum*; fortitudinem, unde: *Viriliter age*; consolationem, unde hoc: *Confortetur cor tuum*. In omnibus his perseverantiam; unde hoc: *Sustine Dominum*, supple, perseveranter; sic et hic exponitur.

## PSALMUS DAVID XXVII.

2. *Exaudi, Domine, vocem deprecationis*

*Oratio deprecatio meæ*. Nota: Oratio, de bonis adhibendis; Deprecatio, de malis removendis; vel deprecationio, quasi *deorsum precatio*; et fit ad hominem, et oratio ad Deum. Item deprecationio valida, et oratio assidua, unde hoc<sup>2</sup>: « Exaudi, Domine, orationem meam, cum deprecor, » id est, valde precor. Primo est remotivum, secundo remissivum, tertio intentivum.

*Dum extollo manus meas ad templum sanctum tuum*. Nota: Deus dicitur esse in cœlo, non pro dignitate elementi, sed quia omnia suum ordinem servant: *Veritas tua semper est in cœlo*. Primus confusor ordinis, scilicet diabolus, a cœlo in terram dejectus, mansit in terra, scilicet in hoc caliginoso aere: et in hac terra ordinem mutavit. Si enim in cœlo post peccatum remansisset, etiam ibi ordinem mutasset. Ideo ibi Deus dicitur habitare, ubi ordo servatur; non in terra, ubi ordo confunditur.

*Oratio in orientem versus*. Nota: cum oramus, vertimus nos ad orientem, quia<sup>3</sup> « Dominus ascendit super cœlos ad orientem. » Vel mystice: orientia ante oculos, occidentia post tergum debemus habere: quod repræsentatur, cum quis orat, quia faciem ad orientem, dorsum ad occidentem vertit.

<sup>1</sup> Rom., vii, 23. — <sup>2</sup> Ps. LXIII, 2. — <sup>3</sup> Ps. LXVII, 34. —

6. *Benedictus Dominus, quoniam exaudivit vocem meam*. Quidam dicunt, quod benedicere alicui, est benedicere ad utilitatem ejus. Unde Berengarius constituit dicendum: « Benedicamus Dominum, » et non « Domino, » quia non ad utilitatem ejus sit benedictio. Nos autem dicimus, quod utrumque potest indifferenter dici. Scendum vero, quod creatura benedit creaturam, creatura Creatorem, Creator creaturam. Creatura creaturam, ei bonum optando; creatura Creatorem, duobus modis: laudando, et bonum ei tribuendo; Creator creaturam, augendo, et hoc duobus modis, scilicet augendo in numero, et merito: sic enim crescit Ecclesia.

7. *Et restoruit caro mea*. Flos humanitas Salvatoris, unde hoc<sup>4</sup>: « Egredietur virga de radice Jesse, et flos, » etc. Quandoque significat gaudium æternitatis, unde hoc<sup>5</sup>: « Justus, ut palma, florebit; » quandoque nativitatem hominis, ut hic: *Restoruit caro mea*; quandoque prosperitatem, unde hoc<sup>6</sup>: « Tanquam flos agri, sic efflorebit, » id est, quoniam pulchritudo (*a*) est; ut divitiae, quæ cito transeunt. Hinc est, quod Ziphæi, id est, florentes, persecuti sunt David. Quandoque nuntium boni operis, unde hoc<sup>7</sup>: « Vineæ florentes odorem dederunt. » Quandoque supereminentiam et gloriam, unde hoc<sup>8</sup>: « Super ipsum autem efflorebit sanetificatio mea. » In Ecclesia tria sunt genera hominum: unum non sperantium, aliud desperantium, tertium sperantium. Primum, in vitiis; secundum, in pœnis; tertium habitat in propriis meritis. Immunda est habitatio primi; anxia, secundi; sed stulta et periculosa est tertii, quando scilicet confidunt in virtute sua, et in libero arbitrio moraliter.

Bene-dicere.

Refo-rescere.

Tria ge-nera ho-minum in Eccle-sia..

## PSALMUS DAVID XXVIII.

4. *Afferte Domino, filii Dei*. Differentia est oblationum, et item differentia offeren-

<sup>4</sup> Isa., xi, 1. — <sup>5</sup> Ps. XCII, 13. — <sup>6</sup> Psal. CII, 15. — <sup>7</sup> Cant., II, 13. — <sup>8</sup> Ps. CXXXI, 18. — (*a*) *Edit. Ven.* pulchrius.

gium. Nam sicut servi, mercenarii, filii: servo sufficit metu gehennæ de malis pœnitere; mercenario causa mereidis a malis abstinere; filio etiam parum est pro Domino animam ponere. Servis pertinet pœnitentia, mercenariis abstinentia, filiis patientia. Ergo, *o filii Dei, afferte Domino*; quam Arietes. hostiam? *Filios arietum*. Arietes sunt prophetæ et apostoli, qui gemino cornu, id est, scientia utriusque Testamenti adversarios hæreticos ventilant; filii autem eorum sunt bona opera et fortia. Ergo filii Dei afferant fortia opera et perfecta Domino. Ad imitationem eorum, *afferte, afferte, Domino, Domino*, utrumque reperitur, hostiam pro stola duplice, ne puniat nos duplice contritione. Pro stola corporis afferte hostiam bonæ actionis; pro stola mentis, hostiam piaæ devotionis.

*Afferte Domino*: Domino corporum, Domino spirituum<sup>1</sup>. Semel Dominus, quia potest temporalia dare, vel mala; iterum Dominus, quia dabit æterna præmia, vel tormenta. *Afferte Domino*, qui potest corpus, et animam perdere in gehennam, vel etiam glorificare: et ideo Dominus est.<sup>2</sup> « Nolite timere eos qui occidunt corpus, animam autem non possunt occidere; » et ideo sunt domini non geminati.

Ergo *afferte Domino, filii Dei*. Congrua verborum distinctio. Deus bonitatem sonat; Dominus potestatem designat. Ex hoc innuit quia, quod filii Dei sumus, gratia est, non meritum; quod servitium exhibemus, debitum est, non beneficium.

2. Sequitur<sup>3</sup>: *Afferte Domino gloriam et honorem; afferte Domino gloriam nomini ejus*.

Nota: In primo versu, et in secundo bis ponitur, *Afferte*. Primo dieitur: *Afferte, afferte*, propter vos; secundo: *Afferte, afferte*, propter proximos. Primo, *afferte filios arietum*, ad meritum; secundo, *afferte gloriam et honorem*, ad exemplum.

Proximi Nota: Sunt enim proximi boni; sunt et<sup>1</sup> Richard. de S. Vict., *Not. in hunc psalmum*. —

mali. Propter bonos, *afferte gloriam et boni, et honorem*; propter malos, *afferte gloriam malorum*; nomini ejus. Laudibus Deus glorificatur, unde: *Afferte Domino gloriam*; operibus, unde: *Afferte Domino honorem*; pro bouis: *Afferte Domino gloriam nomini ejus*, ut ad exemplum vestri ita faciant, et disciplinam Christi honorent; pro malis: *Afferte Domino gloriam nomini ejus*, ut quamvis ad exemplum vestri ita non faciant, saltem disciplinam Christi laudent.

Sequitur: *Adorate Dominum in atrio sancto ejus*.<sup>4</sup> Prius hostias offerre præcipimur; deinde adorare jubemur in ius. Prius, ne intremus vacui; secundo, ne stemus otiosi. Sunt autem fluctuationes mentis humanæ, et cogitationes vanæ, vel vagæ, et diversæ. Sed ne timeas, quia (v. 3) *vox Domini super aquas multas*. Si times de infirmitate tua, cogita quia (v. 4) *vox Domini in virtute*. Si times de pusillanimitate, cogita quia *vox Domini in magnificencia*. Si times elationem mentis, id est, superbiam, cogita quia (v. 5) *vox Domini confringentis cedros*. Metuis incentiva libidinis; sed agnosce, quia (v. 7) *vox Domini intercedentis flammam ignis*. Illic cogita, et hic cogita, et habebis remedium contra prædicta. Non timeas fluctuationem mentis, quia *vox Domini super aquas multas*; qui convertit mare in aridam, et ad vocem ejus congregabuntur aquæ in unum locum, ut appareat arida, id est, carens fluxu vitiorum. Sed quomodo hoc fiet? Ad vocem Domini, quia *Deus majestatis intonuit super aquas multas* (v. 3).

<sup>5</sup> Aliquando intonat (*a*) ut Deus; aliquando intonat ut Dominus, quando minatur mala æterna. Intonat ut Deus, qui solus potest dare bona æterna, vel mala, quando irrogat. Mala temporalia intonat ut Dominus, quando aliquis sano corpore conteritur. Scias quod *Deus majestatis intonuit*, vel quando quis morbo valido corporis, vel damno temporalium compulsus, pravam vitam deserit;

<sup>2</sup> *Matth.*, x, 28. — <sup>3</sup> *Richard.*, ut supra. — <sup>4</sup> *Ibid.* —

<sup>5</sup> *Ibid.* — (*a*) *Al.* intonuit.

scito, quia *Dominus majestatis intonuit ei.*

Sequitur : 26. *Dilectus quemadmodum filius unicornium.* Hie dilectus Filius Patris est : qui dilectus est a Patre , unde Pater <sup>1</sup> : « Hic est filius meus dilectus; » a sponsa, unde ipsa <sup>2</sup>: « Adjuro vos, filiae Hierusalem, si inveneritis dilectum meum, ut annuncietis ei, quia amore langueo ; » et ab angelis, unde dicitur <sup>3</sup>: « In quem angeli prospicere (*a*) desiderant ; » item ab hominibus, unde hic <sup>4</sup> : « Veniet desideratus cunctis gentibus. »

Filius Dei quare dicitur *filius dilectus,*

*sicut filius unicornium?* Unicorns in tantum diligit filium, quod mavult mori, quam fœtum amittere, vel etiam vivum perdere.

Unicornes sunt sancti martyres, qui sanguinem fuderunt, ne Filium , id est , Christum amitterent. Ergo est *dilectus, sicut filius unicornium.*

Quare Sancti dicuntur unicorns ? Haec est ratio : Genus humanum ante peccatum habuit geminam fortitudinem, scilicet cornu geminum , integratatem mentis et corporis. Integritatem corporis accepit contra mortalitatem; integratatem mentis, contra iniuriam. Sed homo congressus cum diabolo cecidit, et diabolus unum cornu prorsus ei abstulit, alterum inclinavit, quia homo vitare mortem non potest. Unum cornu perdidit, dextrum cornui nelnatum gerit. Sed <sup>5</sup> « visitavit nos Oriens ex alto, » scilicet dilectus, et « erexit cornu salutis nobis, in domo David pueri sui. » Sancti ergo in praesenti unicorns sunt ; in futuro duo cornua habebunt. Nam omnia <sup>6</sup> « cornua peccatorum confringentur, et exaltabuntur cornua justi. » Nam <sup>7</sup> prima hominis fortitudo fuit posse non mori, et posse non peccare ; in futuro habebit non posse mori, et non posse peccare. Ecce quare Sancti dicuntur unicorns. Nunc quæremus , quare filius eorum dicatur Christus. Interrogemus Christum Filium, qui dixit <sup>8</sup> : « Quicumque fece-

<sup>1</sup> Matth., xvii, 5. — <sup>2</sup> Cant., II, 5. — <sup>3</sup> II, Petr., I, 12. — <sup>4</sup> Agg., II, 8. — <sup>5</sup> Luc., I, 78, 69. — <sup>6</sup> Psal.

rit voluntatem patris mei, qui in cœlis est, ipse meus frater, soror, et mater est. » Filius Patris, est sapientia Patris, voluntas Patris; voluntas hominis, quedam proles virtutis est. Sed eadem voluntas est tua, et Patris; idem est filius tuus, et Patris; imo, quod plus est, potes esse et pater, et mater ejus. Nam quando veritatem intelligis, vel alios intelligere facis , Christum gignis , id est , veritatem, et ita es pater. Quando veritas tibi vel ab alio persuadetur, Christus in te conspicitur, id est, veritas, et ita es mater ejus. Potes etiam eum gignere in corde alieno, et concipere a corde, et ab ore alieno. Christus autem, id est, veritas, in te intellectu gignitur, consensu concipitur, affectu nascitur, effectu nutritur. Ergo <sup>9</sup> in lege maledicta est, quæ talem filium non peperit, id est, veritatem sic , quia talem filium non gignit.

Sequitur : 7. *Vox Domini intercedentis flammam ignis.* Flammam quandoque Deus abstulit totam , ut tribus pueris in fornace positis. Forte pueri non erant, quibus David loquebatur , a puritate, sed in electa ætate. Ideo flamma eis salubriter servabatur ad reprimendam elationem; in parte extinguitur ad turpitudinis cautelam , ut Paulo non remotus est angelus satanæ, ne magnitudo revelationum eum extolleret. Sed forte cum quis plene conversus est , efficitur ut parvulus; tunc flamma ei prorsus extinguitur, ut tribus pueris, a puritate sic vocatis. Est autem veritas mentis , oris, operis. In corde simplicitas, in ore veritas, in corpore sinceritas. <sup>10</sup> Hos tres pueros habemus, cum sanctum meditamus, verum loquimur, justum operamur. Talibus pueris extinguitur ideo flamma ignis. Nota : Ignis , fomes peccati ; flamma ignis, peccatum somnis.

Sequitur : 9. *Vox Domini preparantis cervos.* Cervus est animal velox, pavidum, serpentibus inimicum. Vis audire cervum velo-

LXXIV, II. — <sup>1</sup> Richard., ubi supra. — <sup>2</sup> Matth., XII, 50. — <sup>3</sup> Richard., ut supra. — <sup>4</sup> Ibid.

(a) Edit. Ven. perspicere.

citer currentem? «<sup>1</sup> Viam mandatorum cucurri.» Vis audire cervum formidantem? <sup>2</sup> « Beatus homo, qui semper est pavidus.» Vis audire cervum se præparante ad serpentium interfectionem? <sup>3</sup> « Mortificate membra vestra super terram.» Haec tria scias ad cervum pertinere, scilicet velociter currere, cautum et providum esse, venena vitiorum audacter destruere. Actio itaque expedita, provida, justa, cervos facit: quia in quantum est expedita, velocitatem tribuit; in quantum provida, cautum et providum reddit; in quantum justa, vitiorum venena extinguit. Qui talia agunt, secure cervis comparantur. In talibus Dominus revelabit condensa, id est, sacram Scripturam obscuram. Eece ad hoc est vox Domini.

**Domi-** Sed quandoque emittit Dominus vocem **nus ut** sine sermone; quandoque sermonem cum **vocem** emittat. voce; quandoque sonum cum voce. Nunc autem, sicut ipse dicit, <sup>4</sup> « stridet ut plaustrum onustum fœno; » nunc <sup>5</sup> « sibilat, ut apis, quæ est in extremo Assur, » sicut legitur in *Isaia*; nunc <sup>6</sup> « rugit ut leo. » Quandoque <sup>7</sup> « emittit eloquium suum terræ, et velociter sermo ejus currit. » Dominus ergo habet sonum in administratione operis; vocem in revelatione veritatis; sermonem in aspiratione voluntatis. Sermo proprie rationabilium; vox, irrationabilium; sonus, inanimatorum. **Sermo.** Sed hoc alias.

**Proprie-** Sequitur: 10. *Dominus diluvium inhabi-*  
**tates** *tare facit.* <sup>8</sup> Aqua sapientiæ multis modis se aquæ. effundit. Nam quandoque facit puteum, quandoque cisternam, quandoque fontem salientem, quandoque excrescit in lacum, vel in stagnum, vel in rivum, vel in fluvium, vel in abyssum, vel in diluvium. Eece differentiæ decem sapientiæ Dei. Fortassis in diluvium inundaverat ei, qui exclamavit <sup>9</sup>: « O altitudo sapientiæ et scientiæ Dei. » <sup>10</sup> « JUDICIA DEI ABYSSUS multa, » quando scilicet aqua sapientiæ transcendit colles et montes,

<sup>1</sup> *Psalm. cxviii.*, 32. — <sup>2</sup> *Prov. xxviii.*, 14. — <sup>3</sup> *Coloss.*, III, 5. — <sup>4</sup> *Amos.*, II, 13. — <sup>5</sup> *Isa.*, VII, 18. — <sup>6</sup> *Ose.*, XI, 10. — <sup>7</sup> *Psalm. cxlvii.*, 15. — <sup>8</sup> Richard., in hunc versum. — <sup>9</sup> *Rom.*, XI, 33. — <sup>10</sup> *Psalm. xxxv.*, 9. —

id est, virtutes hominum, et virtutum caerulea, id est, quandoque copiose se dat. Postquam gigantes perierunt, diluvium inundavit, id est, postquam malitia periit, aqua sapientiæ se late diffudit. Existenti in diluvio cœlum, non terra, apparet; ut rapto per contemplationem usque ad tertium cœlum, id est, innotuit scientia cœli, non terræ, id est arcana Dei, non terrena. Paulo in raptu tale diluvium inundavit. Post tale diluvium, *Dominus sedebit rex in æternum.*

Sequitur: 11. Et *Dominus virtutem populo suo dabit.* <sup>11</sup> Quis enim Dominus, aut quis populus? Dominus est sapientia Patris; de populo ejus est omnis voluntas bona, cogitatio munda, desiderium sanctum, consilium rectum, intellectus verus, affectus ordinatus. Regi placet hic populus, quia <sup>12</sup> « beneplacatum est Domino in populo suo. » O quam dissimilis est ab illo populo, qui <sup>13</sup> « ambulavit in tenebris, » donec « vidit lucem magnam! » Hie populus est maligna cogitatio, sive voluntas. O popule, quamdiu <sup>14</sup> « sedebitis in tenebris et umbra mortis? » <sup>15</sup> « Exite de medio Babylonis; » venite ad illum, qui <sup>16</sup> « illuminat omnem hominem venientem in hunc mundum. » Sequitur: *Dominus benedic populo suo in pace.* Benedictio erit in pace, et non dabitur hic requirentibus eam, secundum illud <sup>17</sup>: « Inquire pacem, et persequere eam. » <sup>18</sup> Pax autem aliter querenda est a Deo, aliter conquirenda a mundo, aliter a carne, aliter a diabolo. Illam, quæ est spiritus ad Deum, debet quis humiliter impetrare; illam, quæ est spiritus ad mundum, fortiter exhibere; illam, quæ est spiritus de carne, violenter exigere; illam, quæ est spiritus de diabolo, precibus apud Deum obtinere. Prima pax, quæ est ad Deum, adipiscenda est per obedientiam; sed quæ est ad mundum, conservanda est per patientiam; terlia, quæ est de carne, acquirenda est per abstinentiam; quarta, quæ a diabolo, obti-

*Pax, ut  
vario  
quæ-  
reuda.*

<sup>11</sup> Richard., in hunc versum. — <sup>12</sup> *Psalm. cxlvii.*, 11. — <sup>13</sup> *Isa.*, IX, 2. — <sup>14</sup> *Luc.*, I, 79. — <sup>15</sup> *Isa.*, LII, 11. — <sup>16</sup> *Joan.*, I, 8. — <sup>17</sup> *Psalm. xxxiii.*, 5. — <sup>18</sup> Richard., in hunc versum.

nenda per providentiam. De prima dicitur<sup>1</sup>: « Gloria in excelsis Deo. » De secunda<sup>2</sup>: « Pacem relinquo vobis. » De tertia et quarta dicitur in *Job*<sup>3</sup>: « Bestiae terrae pacificae erunt», etc.; et: « Scies, quia pacem habebit tabernaculum tuum». Per tabernaculum, corpus; per bestias terrae, maligni spiritus intelliguntur.

Vel sic potest exponi: (v. 4) *Afferte Domino filios arietum*. Philisthaei posuerunt arcam Domini juxta idolum Veneris Dagon: sic malii sacerdotes, quando ponunt Filium Virginis juxta filium Veneris in altari. Nota: Philisthaei fecerunt annulos aureos, ut liberrarentur ab infirmitate, quam habebant in illa parte; quod erat eis, eo quod abstulerant arcam Iudeis. Sic modo facit quis membrum pro membro, in quo infirmatur. Et

*Apostoli articulus.* *afferte ad altare filios arietum*: Apostoli dicuntur arietes propter quatuor quae arietibus convenient, scilicet quia generant, unde hoc<sup>4</sup>: « Ego per Evangelium vos genui; » quia habent duo Testamenta, quasi duo cornua, quod repræsentant duo cornua mitræ,

*Cornua Mitræ.* unde hoc<sup>5</sup>: « Bonus homo de bono thesauro profert bonum, et nova (a), et vetera; » quia sunt duces ovium, unde hoc<sup>6</sup>: « Principes Juda, duces eorum, principes Zabulon, » etc.; item quia impugnant (b) aereas potestates, unde hoc<sup>7</sup>: « Gladium suum vibravit. » Debent euim inimicos impugnare gladio verbi Dei. Nota hanc præpositionem, scilicet *Præ*, quæ notat quandoque comparationem ad tempus, tum in bono, tum in malo: in bono, ut hic<sup>8</sup>: « Prævenisti eum in benedictionibus dulcedinis, » id est, fecisti eum immunem a peccato ante nativitatem; in malo, ut hic<sup>9</sup>: « Prævenerunt et præoccupaverunt me laquei mortis, » id est, antequam essem mei juris, habui originale, quod est laqueus mortis; ad tempus, ut hic<sup>10</sup>: « Prævaluit in vanitate sua, » id est, plus fuit vanus Antichristus, quam alii.

<sup>1</sup> *Luc.*, II, 14. — <sup>2</sup> *Joan.*, XIV, 27. — <sup>3</sup> *Job*, V, 23, 24. — <sup>4</sup> *I Cor.*, IV, 15. — <sup>5</sup> *Matth.*, XII, 35; XIII, 52. — <sup>6</sup> *Psal.* LXVII, 28. — <sup>7</sup> *Psal.* VII, 13. — <sup>8</sup> *Psal.* XX, 4. — <sup>9</sup> *Psal.* XVII, 6. — <sup>10</sup> *Psal.* LI, 9. — <sup>11</sup> *Psal.* CXXI,

<sup>2</sup> Atrium quandoque dicitur Ecclesia triumphantium, unde hoc<sup>11</sup>: « Stantes erant pedes nostri in atriis, » etc.; quandoque Ecclesia militantium, unde hoc de Petro, quando incœpit peccare<sup>12</sup>: « Petrus introivit in atrium principis sacerdotum; » quandoque mens igne charitatis succensa, nam in atrio solebant facere ignem, unde *atrium* ab *atro fumo* dicitur; quandoque initium conversionis, unde hoc<sup>13</sup>: « Introite portas ejus in confessione, atria, » etc.; (quod sequitur in versu est de alia sententia); quandoque confessionem divinitatis, scilicet in Christo, unde hoc<sup>14</sup>: « Beatus quem elegisti et assumpsisti, habitabit in atriis tuis. »

*6. Comminuet eas, tanquam vitulum Libani.* Est vitulus innovationis, unde hoc<sup>15</sup>: *vitulus.* « Ponam super altare tuum vitulos. » Est vitulus confessionis, unde dicitur<sup>16</sup>: « Vitulus labiorum. » Est vitulus redemptionis, unde dicitur<sup>17</sup>, quod Aaron vitulum obtulit, id est, Christum Redemptorem. Est vitulus mortificationis, ut hic dicitur. Nota progressum: Deus ante legem vocavit se Dominum, vel dixit se esse Dominum, unde hoc<sup>18</sup>: « Ego sum Dominus Deus Abraham, et Deus Isaac, et Deus Jacob; » et: « Qui est, misit me ad vos. » In tempore legis dixit se esse unum Deum, dicens<sup>19</sup>: « Dominus Deus noster, Deus unus est. » In tempore gratiae dixit se trinum esse, unde hoc<sup>20</sup>: « Baptizate in nomine Patris, et Filii; et Spiritus sancti. » Nota: in cruce est dolor confessorum; in sepultura, requies absolorum; in resurrectione, vita justorum; in ascensione, perfectio perfectorum; in consessu ad dexteram, gloria bonorum.

## PSALMUS DAVID XXIX.

*1. Psalmus David, in dedicatione domus*

<sup>2</sup> — <sup>12</sup> *Matth.*, XXVI, 58. — <sup>13</sup> *Psal.* XCIX, 4. — <sup>14</sup> *Psal.* LXIV, 5. — <sup>15</sup> *Psul.* L, 21. — <sup>16</sup> *Osc.*, XIV, 3. — <sup>17</sup> *Levit.*, VIII, 14. — <sup>18</sup> *Exod.*, III, 6, 14. — <sup>19</sup> *Deuter.*, VI, 5. — <sup>20</sup> *Matth.*, XXVIII, 19.

(a) *Cat. edit. bona.* — (b) *Cat. edit. impugnabant.*

*Domini* (a). Nota : ad dominum faciendam, quatuor sunt necessaria, scilicet lignorum incisio, eruderatio, erectio, conjunctio. Sic in domo spirituali, scilicet corpore Christi : nam in primo facta est incisio, quando pars separata est a carne virginis; unde dicitur<sup>1</sup> : « Lapis de monte sine manibus excisus (b). » Eruderatio facta est in ejus corpore, quando fuit mundatus ab omni contagione; et in resurrectione, quando caro ejus refloruit. Erectio facta fuit in corpore, quia legitur quod in utero contemplabatur et erigebatur ad Deum. Conjunctio facta fuit, quando<sup>2</sup> « Verbum caro factum » fuit, scilicet duas naturae conjunctae sunt. Hac similitudine dicitur corpus Christi domus.

Corpus  
Christi  
domus.

2. *Exaltabo te, Domine, quoniam suscep-*

*Pleni-  
tudo do-  
norum in  
quatuor;* scilicet quantum ad meritum, quia omnia habuit; quantum ad usum, quia omnibus utebatur; quantum ad tempus continuum, quia non interrupit charitatem, imo perseveravit; et quantum ad signum, quia etiam miracula fecit, et scientiam linguarum habuit, et prophetandi, quia non alii omnes. Nota: In hoc psalmo agitur simul de passione, de resurrectione, quia vita praesens modo tristia, modo laeta profert: nam humana felicitas variis amaritudinibus est res-

*Psalmus  
de pas-  
sione et  
resurrec-  
tione.*

*Domi-  
nica Pal-  
marum.*

persa. Ad hoc significandum, in Ramis palmarum post processionem passio, quasi post laetitiam tristitia. Nam<sup>3</sup> « extrema gaudii luctus occupat. » Nam<sup>4</sup> « factum est vespere, et mane, dies unus. » Unde in Job<sup>5</sup> : « Visitas eum diluculo, et subito probas illum. » «<sup>6</sup> Omnia flumina tendunt (c) in mare. »

6. *Ad vesperum demorabitur fletus*, etc. Res quandoque significatur ex qualitate temporis; et hoc tum in bono, tum in malo, ut hic<sup>7</sup> : « Quadam die, cum venissent filii Dei, et assisterent coram Domino, » etc. Nam,

<sup>1</sup> *Dan.*, II, 34. — <sup>2</sup> *Joan.*, I, 14. — <sup>3</sup> *Prov.*, XIV, 13. — <sup>4</sup> *Gen.*, I, 5. — <sup>5</sup> *Job*, VII, 18. — <sup>6</sup> *Eccle.*, I, 7. — <sup>7</sup> *Job*, I, 6. — <sup>8</sup> *Joan.*, XIII, 30. — <sup>9</sup> *Joan.*, X, 22. Error est commentatoris, ut patet cuique legenti. — <sup>10</sup> *Exod.*, XIX, 23. — <sup>11</sup> *Gcn.*, XVIII, 1. — <sup>12</sup> *Act.*, VII, 55. — <sup>13</sup> *Job*, I, 6. — <sup>14</sup> *Psal.* CIII, 23. — <sup>15</sup> *Matth.*, XX, 4. — <sup>16</sup> *Psal.* LXXXIX, 6. — <sup>17</sup> *Psal.* V, 5.

quod tentatio Job incœpit in die, significat Tentatio Job.

victoriā ejus. In malo, ut, cum dicitur<sup>8</sup> :

« Judas nocte exiit (d); » quandoque ex qua-

litate aeris, ut quod dicitur in negatione Pe-

tri<sup>9</sup> : « Et hyems erat, » scilicet pectoris, non tantum temporis; qualitate loci, ut quod

dicitur<sup>10</sup> : Israel in imo accepit legem, non in monte; quandoque ex hora temporis, ut quod

dicitur<sup>11</sup> : Abraham vidit angelos in meridie, quasi in charitatis fervore. Quan-

doque ex situ corporis, ut<sup>12</sup> : « Stephanus vi-

dit cœlos apertos, et JESUM stantem, » id est,

adjuvantem; quandoque ex ordine, ut ma-

ior ostendatur passio, ut quod dicitur, quod

Job prius amisit possessionem, quam filios:

ne, jam orbato, esset vilis rerum amissio,

cum non essent hæredes, quibus hæc serva-

rentur. Hoc reperitur in glossa super hunc

locum *Job*<sup>13</sup>. « Cum quadam die venissent

Vesper.

filiī Dei, ut assisterent coram Domino. » Nota:

Est vesper temporis, unde dicitur, quod in

vespere mundi Christus incarnatus est; est

perseverantia operis, unde hoc<sup>14</sup> : « Exhibit

homo ad opus suum, et ad operationem suam

usque ad vesperam; » id est, perseverabit in

opere. Est vesper criminis, unde hic : *Ad*

*vesperum demorabitur fletus*. Est vesper ad-

versitatis, unde : « Factum est vespere et

mane dies unus. » Sic mane principium est

temporis, unde hoc<sup>15</sup> : « Pater familias exiit

primo mane conducere (e) operarios in vi-

neam suam. » Est mane operis, scilicet ju-

ventutis, unde hoc<sup>16</sup> : « Mane floreat, et (f)

transeat, et vespere decidat, induret, » id est,

in pueritia senescente. Est mane virtutis,

unde hoc, secundum unam expositionem :

*Ad vesperum demorabitur fletus, et ad ma-*

*tutinum laetitia*. Et usquequo oriatur lux fi-

dei<sup>17</sup> : « Mane astabo tibi. » Et est mane pros-

peritatis, unde hoc : « Vespere et mane, dies

unus. »

(a) Hic titulus, qui est psalmi xxix, non habetur in cæteris editionibus, et nota quæ sequitur usque ad *Exaltabote*, transposita erat immediate ante *Ad vesperum demorabitur fletus*. — (b) *Vulg.* abscissus. — (c) *Vulg.* intrant. — (d) *Vulg.* exiit continuo : erat autem nox. — (e) *Cæt. edit.* conduxit, nec habetur exiit primo mane. — (f) *Cæt. edit.* non habent floreat et.

*Caro Christi quare saccus dicitur.* *Ornatus templi in Natali Domini.* (a) **42.** *Concidisti saccum meum.* Caro Christi dicitur saceus propter asperitatem, quæ erat in carne, scilicet mortalitas, passibilitas, defectus nostri. Unde in Natali Domini templum solet tapeti ornari quasi saccis, ad significationem quod solemnitas debet celebrari ejus Natalis, qui nunc incipit habere asperitatem. Sed in Pascha ornatur pannis sericis, ad significandum quod solemnitas ejus est, qui deponit saccum, scilicet mortalitatem, et assumit pannum sericum, scilicet immortalitatem, levitatem, delicias.

*Circumdedisti me lætitia,* id est, cinxisti me prima stola. Est triplex stola: est stola innocentiae, unde hoc<sup>1</sup>: « Laverunt stolas suas; » est stola animæ; et est stola corporis.

Stola tri-plex.

Spes quatuor modis di- citur.

## PSALMUS DAVID XXX.

**2.** *In te, Domine, speravi; non confundar in æternum.* Hoc exponitur in persona Christi. Habuitne spem? Dicimus, quod spes quatuor modis dicitur. Nam quandoque spes præsumptio et temeraria confidentia; unde dicitur<sup>2</sup>: « Maledictus homo, qui confidit in homine; » quandoque virtus, scilicet certa expectatio futurorum ex meritis proveniens; quandoque quoddam medium inter desperationem (*b*), et virtutem, quando scilicet aliquis peccat, sed de venia sperat, unde dicitur: « Maledictus homo, qui peccat in spe, » id est, qui peccat etiam in spe. Quandoque dicitur quædam expectatio futurae gloriæ cum certitudine scientiæ, et talis spes in Christo fuit.

**3.** *Inclina, per benignitatem; aurem, per sollicitudinem; ad me, humiliter petentem.* *Accelera, sine dilatione. Erue, cum festinatione,* scilicet a morte, ut dicitur in Glossa, id est, ne differas meam resurrectionem usque in generalem resurrectionem: et loquitur Christus homo Patri.

*Odium* **7.** *Odisti observantes vanitates.* Est odium

<sup>1</sup> *Apoc.*, VII, 14. — <sup>2</sup> *Jerem.*, XVII, 5. — <sup>3</sup> *Malac.*, I, 3. — <sup>4</sup> *Ephes.*, V, 29. — <sup>5</sup> *Joan.*, XII, 23. — <sup>6</sup> *Philip.*, I, 23. — <sup>7</sup> *Rom.*, VII, 24. — <sup>8</sup> *1 Cor.*, X, 12. — <sup>9</sup> *Rom.*, IX, 22. — <sup>10</sup> *Rom.*, IX, 21. — <sup>11</sup> *Matth.*, XXV, 4.

(a) Hoc loco legitur in *cæt. edit.* nota illa circa Oc-

reprobationis, unde hoc<sup>3</sup>: « Deus Jacob dilexit, Esau odio habuit. » Est odium iniquitatis, ut odium nostrum. Est odium subtractionis, unde hoc<sup>4</sup>: « Nemo carnem suam odio habet, » quia proximo suo subtrahit beneficium. Est odium afflictionis, unde hoc<sup>5</sup>: « Qui odit animam suam in hunc mundo, in vitam æternam custodit eam. »

**10.** *Conturbatus est in ira oculus meus (c).* Captat misericordiam judicis a propria miseria, quæ consistit in tribus: in vulneratione naturalium; in magnitudine poenarum; in paucitate gratuitorum. Naturalia vulnerantur quantum ad tria: quantum ad finem, unde: *Conturbatus est in ira oculus meus;* quantum ad sensualitatem, unde: *Anima mea;* quantum ad carnem, unde: *Venter meus.* Magnitudo poenæ consistit in duobus: in acerbitate, unde (v. 11).: *Defecit in dolore vita mea;* in duratione, unde: *Anni mei.* Paucitas gratuitorum notatur (v. 14): *In paupertate.* Vel sic: Tria genera hominum hic intellige: perfectos, ubi dicitur: *Oculus meus;* minus perfectos, ibi: *Anima mea;* debiles, ibi: *Venter meus.*

*Quoniam defecit in dolore vita mea.* Tardum est sanctis cum Christo esse propter tria: propter illam beatitudinem quæ differunt, unde hoc<sup>6</sup>: « Cupio dissolvi, et esse cum Christo; » et quia hic inter mala premuntur, unde hoc<sup>7</sup>: « Infelix ego homo, quis me liberabit de corpore mortis hujus? » et (*d*) quia ibi non sunt securi, unde<sup>8</sup>: « Qui stat, videat, ne cadat. »

**13.** *Factus sum tanquam vas perditum.* Vas autem Dei, et est argenteum, vel aureum, in quo reponit gratiam suam; vel est diaboli, et dicitur<sup>9</sup> *iræ* vel *contumelia*, in quo reponit malitiam, unde Apostolus<sup>10</sup>: « Quoddam (*c*) vas in honorem, aliud in contumeliam » fecit; et hic<sup>11</sup>: « Prudentes ac-

tavas, quam potius referendam censuimus ad psalmum X, v. 1. — (*b*) *Cæt. edit. add.* et spem. — (*c*) Ille versus, cum ejus glossa, transpositus est in *cæt. edit.* post hanc lineam: « debiles, ibi: *Venter meus,* » quam sequitur *Quoniam defecit*, etc. — (*d*) *Cæt. edit. non habent* et. — (*e*) *Vulg.* aliud quidem.

Vasa.

ceperunt oleum in vasis suis, » id est, charitatem in cordibus suis, vel conscientiis. Vasa dicuntur Scripturæ, in quibus continentur cibi animæ, unde <sup>1</sup> : « Consitebor tibi in vasis. » Per vasa dicuntur doctores, unde Paulus dicitur <sup>2</sup> « vas electionis. » Vasa dicuntur decipuli, unde *Isaias* <sup>3</sup> : « Fraudulentí sunt vasa pessima. » Sunt vasa hæretici <sup>4</sup> : « Paravit in eo vasa mortis, » id est, in sacra Scriptura, hæreticos. Vas dicitur os, unde Moyses <sup>5</sup> : « Vas quod non habet operculum, immundum est. » Nam <sup>6</sup> « in multiloquio non deerit peccatum : » ideo debemus ostium ori ponere. Vas corpus hominis, unde Apostolus <sup>7</sup> : Sciat unusquisque vestrum vas suum possidere in sanctificazione. » Vas Christus, vel Ecclesia, unde hoc : *Factus sum tanquam vas perditum.* Vas medicinale crux, unde hoc <sup>8</sup> : « Oleum redundavit in vase; » et dilectio Christi in cruce. Vasa, tabernacula æterna, unde <sup>9</sup> elegerunt bonos in vasa, etc. (a)

**48.** Erubescant impii, et deducantur in infernum, muta fiant labia dolosa. Est triplex deductio hominis peccantis : est deductio de loco ad locum, ut de terra ad infernum; est deductio de peccato ad peccatum, unde dicitur <sup>10</sup> : « Væ, qui trahitis peccatum (b) quasi vestem longam; » et hoc <sup>11</sup> : « Sanguis sanguinem tetigit; » est deductio supplicii ad supplicium, unde hoc <sup>12</sup> : « Transeat ab aquis nivium ad calorem nimium.

Deductio  
hominis  
peccan-  
tis.

**22.** In civitate munita. Civitas quandoque significat Ecclesiam; *munita* (c), militarem, unde hoc <sup>13</sup> : « Magnus Dominus, et laudabilis nimis, in civitate, » etc., id est (d) in præsenti Ecclesia; quandoque triumphantem, unde hoc <sup>14</sup> : « Gloriosa dicta sunt de te, civitas Dei; » quandoque animam, unde hoc <sup>15</sup> : « Disperdam de civitate Domini omnes operantes iniquitatem, » id est, ab ani-

ma malas cogitationes, quæ sunt mali cives; quandoque Judæos et Gentiles, ut hic; quandoque congregations fidelium, unde hoc <sup>16</sup> : « Ego Dominus; in civitatem non ingrediar (e). »

#### 24. *Diligite Dominum, omnes sancti ejus.*

Est inimicus inhærens, serviens, blandiens; <sup>Inimi-  
cus quo-  
tuplex.</sup> peccatum, caro, diabolus, homo. De primo <sup>17</sup> « Inimici hominis, domestici ejus. » De secundo : « Nulla pestis efficacior est, quam familiaris inimicus. » De tertio <sup>18</sup> : « Inimicus homo hoc fecit (f), » quia superseminavit zizania. De quarto <sup>19</sup> : « Diligite inimicos vestros. »

### PSALMUS DAVID XXXI.

#### 1. *Beati, quorum remissæ sunt iniquitates.*

Tria sunt vitia in homine, et ad hæc remo- <sup>Tria vi-</sup>  
venda tria sunt antidota : primo homo ignorat <sup>tia in ho-</sup>  
mine.

se peccare; secundo deditur confiteri; tertio bonum, si quod habet, sibi attribuit.

Primo ergo, ignorantia; secundo, deditio-  
natio : tertio, arrogantia. Contra primum est  
sui cognitio; contra secundum est pia con-

fessio; contra tertium est pia attributio, ut  
Deo attribuamus bona nostra. Beatitudo

Beati-

consistit in duobus : in deletione peccati, et  
in vitatione supplicii : deletio peccati quan-

tum ad duo : nam quantum ad actualia,  
unde : *Remissæ sunt iniquitates;* quantum  
ad originalia, unde : *Quorum tecta sunt*

*peccata.* Vitatio supplicii est in duobus : ut  
vitetur poena materialis, unde hoc : *Cui*

Vitatio  
supplicii

*non imputavit Dominus peccatum;* etiam  
poena spiritualis, unde hoc : *Nec est in spi-*

*ritu ejus dolus.* Nam mala conscientia est  
tormentum. Est vitium in homine, ab ho-

mine, hominis. Primum, peccatum est oc-

cultum, unde hoc <sup>20</sup> : « Delicta quis intelligit?  
Ab occultis meis munda me. » Secundum,

9. — <sup>17</sup> *Matth.*, x, 36. — <sup>18</sup> *Matth.*, XIII, 28. — <sup>19</sup> *Luc.*,

VI, 27. — <sup>20</sup> *Psal.* XVIII, 13.

(a) Hic legebantur quædam in cæt. edit., quæ op-

portuniore sortientur locum super *Psal.* LXVII, v. 5.

(b) *Vulg.* iniquitatem. — (c) *Cæt. edit.* munitam.

— (d) *Cæt. edit.* non habent in civitate, etc., id est.

— (e) *Cæt. edit.* ingredior. — (f) *Cæt. edit.* facit.

<sup>1</sup> *Psal.* LXX, 22. — <sup>2</sup> *Act.*, IX, 15. — <sup>3</sup> *Isa.*, XXXII, 3.

— <sup>4</sup> *Psal.* VII, 14. — <sup>5</sup> *Num.*, XI, 15. — <sup>6</sup> *Prov.*, X,

19. — <sup>7</sup> *I Thess.*, IV, 4. — <sup>8</sup> *IV Reg.*, IV, 6, quod

sesum. — <sup>9</sup> *Matth.*, XIII, 38. — <sup>10</sup> *Isa.*, V, 18. —

<sup>11</sup> *Ose.*, IV, 2. — <sup>12</sup> *Job.*, XXIV, 19. — <sup>13</sup> *Psal.* XLVII, 2.

— <sup>14</sup> *Psal.* LXXXIII, 2. — <sup>15</sup> *Psal.* C, 8. — <sup>16</sup> *Ose.*, XI,

peccatum est aliunde , unde hoc <sup>1</sup> : « Ab alienis parce servo tuo. » Tertium est ignorantia , quod dicitur esse peccatum hominis , non diaboli , quia diabolus ex industria , homo ex ignorantia peccavit. Præterea dicitur in *Levitico*<sup>2</sup> : « Si , » etc. : videtur (a) , quod peccatum omne in homine est saltem ex ignorantia boni. Deus debet salvare nos tripli de causa : ex promissione ; ex nostro merito ; ex congruo : et nos debemus servire ei ratione commissi , dimissi , præcepti.

*Deus  
quod mo-  
dis vide-  
re dici-  
tur.*

*Et quorum tecta sunt peccata.* Deus dicitur videre per cognitionem , unde hoc <sup>3</sup> : « Oculis Dei omnia nuda sunt ; » et per approbationem , unde hoc <sup>4</sup> : « Respexit Dominus Abel et munera ejus ; » quandoque per compassionem , unde hoc <sup>5</sup> : « Videns vidi afflictionem populi mei ; » quandoque per punitionem. In prima est scientia ; in secunda est justitia ; in tertia , misericordia ; in quarta , potentia.

*6. Pro hac orabit ad te omnis sanctus in tempore opportuno* , id est , in tempore gra-

*Tempus  
opportu-  
num.*

tiæ , quod dicitur tempus opportunum , quia quando oratur , datur gratia , et effectus gratiæ , scilicet redemptio. Sed in tempore legis , per orationem dabatur gratia , non effectus gratiæ , scilicet redemptio. Tunc enim nullus erat redemptu (b) ; et ideo non dicitur tempus opportunum.

*Aqua  
quo-  
plex.*

*Verumtamen in diluvio aquarum multarum.* Est aqua defluens , deficiens , reficiens , inficiens , et sufficiens : prima , populus ; nam sicut aqua aquæ succedit , ita populus populo , unde hoc <sup>6</sup> : « Lignum quod plantatum est secus decursus aquarum ; » et hoc <sup>7</sup> : « Aquæ multæ , populi multi. » Secunda materialis ; unde Dominus Samaritanæ <sup>8</sup> : « Qui bibet ex hac aqua , sitiet iterum. » Tertia , doctrina bona , unde hoc <sup>9</sup> : « Qui autem biberit ex aqua quam ego dabo ei , » etc. ; (c) quarta , doctrina hæreticorum ,

unde <sup>10</sup> : « Super flumina Babylonis illic sedimus et elevimus. » Ultima , Spiritus sancti , unde <sup>11</sup> : « Flumina de ventre ejus fluent aquæ vivæ. »

*9. Nolite fieri sicut equus et mulus.* Nota sex genera hominum hic nominata : sunt *genera ho-  
minum.* enim timidi , pigri , stolidi , superbi , blasphemati , et maligni. Primos vincit concupiscentia ; secundos , acedia ; tertios , negligencia ; quartos , superbia ; blasphematos , dissidentia ; malignos , nequitia. Tria prima genera nominantur per equum et mulum.

## PSALMUS DAVID XXXII.

*1. Exultate , justi , in Domino . 2. Confitemini Domino .* Confessio alia laudis , alia peccati , que consistit in quinque : in earnis maceratione , unde (v. 2) : *In cithara* ; in operatione , unde : *In psalterio* ; in decalogi observacione , unde : *Decem chordarum* ; in mentis hilaritate (aliter enim non servantur præcepta) , unde hoc (v. 3) : *Cantate canticum* ; in vita novitate , unde : *Novum*. Hæc quinque confessionem laudis operantur. *Cantate Dominum canticum novum* , scilicet , in Christo , in quo est novitas ; et illa consistit in quatuor : in conceptione , unde hoc <sup>12</sup> : « Novum faciet Dominus in terra , mulier circumdabit virum ; » in prædicatione , unde <sup>13</sup> : « Mandatum novum do vobis ; » novitas in miraculorum ostensione , unde <sup>14</sup> : « Si non fecisset opera in eis , quæ nemo alias fecit , peccatum non haberent ; » in resurrectione , unde dicitur <sup>15</sup> , quod « caro » ejus « reflo- ruit. »

*Confes-  
sio alia,  
laudis,  
alia pec-  
cati.*

*Novitas  
consistit  
in qua-  
tuor.*

*5. Misericordia Domini plena est terra.* Terra quandoque visibilis , ut hic ; quandoque caro hominis , unde <sup>16</sup> : « Terra tradita (d) est in manus inimici impii ; » quandoque anima , unde hoc <sup>17</sup> : « Semen cecidit in terram bonam ; » quandoque Ecclesia militans ,

*Terra  
multi-  
plex.*

xv , 24. — <sup>15</sup> *Psal. xxvi* , 7. — <sup>16</sup> *Job* , ix , 24 — <sup>17</sup> *Marc.* , iv , 9.

(a) *Cæt. edit.* in *Levitico* : Si videtur. — (b) *Cæt. edit.* redempturus. — (c) *Cæt. edit.* non habent unde hoc : « Qui autem ei... , » etc. — (d) *Vulg.* data.

<sup>1</sup> *Psal. xviii* , 13. — <sup>2</sup> *Levit.* , iv , 2 , 3 , 13 , 22 , 27. — <sup>3</sup> *Hebr.* , iv , 13. — <sup>4</sup> *Gen.* , iv , 4. — <sup>5</sup> *Exod.* , iii , 7 , 9. — <sup>6</sup> *Psal.* , i , 3. — <sup>7</sup> *Apoc.* , xvii , 13. — <sup>8</sup> *Joan.* , iv , 13. — <sup>9</sup> *Ibid.* — <sup>10</sup> *Psal. cxxxvi* , 1. — <sup>11</sup> *Joan.* , vii , 38. — <sup>12</sup> *Jerem.* , xxxi , 22. — <sup>13</sup> *Joan.* , xiii , 34. — <sup>14</sup> *Joan.* ,

unde hoc<sup>1</sup>: « Domini est terra et plenitudo ejus ; » quandoque Ecclesia triumphans , unde illud<sup>2</sup>: « Credo videre boua Domini in terra viventium. » Prima est calcanda ; se- cunda domanda ; tertia seminanda ; quarta collocanda ; quinta possidenda.

*Et spiritu oris ejus omnis virtus eorum.*

<sup>Os mul-</sup>  
Os quandoque Pater, unde hoc<sup>3</sup>: « O sapientia, quæ<sup>4</sup> ex ore Altissimi prodiisti; » quandoque pro Filio, ut hic; quandoque pro justo, unde hoc<sup>5</sup>: « Os enim Domini locutum est. »

10. *Dominus dissipat consilia gentium : reprobat autem cogitationes populorum, et reprobat consilia principum. Gentes, sunt peccatores; populi, sunt stulti; principes, superbi. Consilium est gentium, concupiscentia est oculorum; cogitatio populorum, concupiscentia carnis; consilia principum, est superbia vitae. Hæc omnia Deus dissipat. Bene populi cogitationes habent, et non consilium, quia stulti significantur per populum (a).*

<sup>Fames.</sup> 19. *Ut alat eos in fame.* Est famæ poena- lis, unde hoc<sup>6</sup>: « In fame et siti, in frigore et nuditate. » Est culpabilis famæ vel siti, unde hoc<sup>7</sup>: « Non similiter justis sitiennes ; » est et (b) poena, quam habent hi de quibus dicitur<sup>8</sup>: « Parvuli petierunt panem, et non erat, » etc.; est laudabilis, unde dicitur<sup>9</sup>: « Beati qui esuriunt et sitiunt justitiam. »

### PSALMUS DAVID XXXIII.

2. *Benedicam Dominum in omni tempore.*

<sup>Laus Dei</sup>  
<sup>in tribus</sup> Laus Dei consistit in tribus: in benedictione, in magnificencia, in bonorum prosecutione (c). Nam debemus Deum benedicere et magnifi- care, bona prosequi (d). Benedictio autem

<sup>1</sup> Psal. xxiii, 4. — <sup>2</sup> Psal. xxvi, 13. — <sup>3</sup> Antiph. O  
17 decemb. — <sup>4</sup> Eccli., xxiv, 5. — <sup>5</sup> Isa., 1, 20. —  
<sup>6</sup> II Cor., xi, 27. — <sup>7</sup> Sap., XI, 15. — <sup>8</sup> Thren., IV, 4.  
— <sup>9</sup> Matth., v, 6. — <sup>10</sup> Philem., 20. — <sup>11</sup> Eccli., xxii,  
24. *Pungens oculum, deducit lacrymas; et qui pungit  
cor, profert sensum.* — <sup>12</sup> Matth., VII, 7. — <sup>13</sup> Psal.  
xxiii, 7, 9.

(a) Hic cæt. edit. habent: *De cœlo respexit Dominus,*

notatur ibi: *Benedicam Dominum*; magni- fificentia (v. 4): *Magnificate Dominum*; bo- norum prosecutio (e) ibi (v. 5): *Exquisivi Dominum*. Benedictio debet esse universalis, unde: *In omni tempore*; ita quod univer- sitas referatur ad vocem, unde: *In ore meo*; et ad mentem, unde (v. 3): *In Domino lau- dabitur anima mea*; id est, Dominus in ani- ma, unde Apostolus<sup>10</sup>: « Fruar te in Do- mino, » id est, Domino in te. Magnificencia consistit in duobus: Deus enim magnifica- tur in nobis, id est, magnus ostenditur; unde: *Magnificate Dominum meum*; et in aliis (f), unde: *Exalteamus nomen ejus in ilipsum*. Bonorum prosecutio (e) consistit in tribus: in inquisitione, unde; *Exquisivi*  
<sup>Bono-</sup>  
<sup>rum pro-</sup>  
<sup>secu-</sup>  
<sup>tio (e).</sup> *Dominum*; in accessu, unde (v. 6): *Accedite ad eum*; in clamore, unde (v. 7): *Iste pau- per clamavit*. Exquisitio autem refertur ad intellectum, sive ad mentem; clamor, ad vocem; accessus, ad operationem. Nota: quidam pulsant ad intelligentiam, unde hoc<sup>11</sup>: « Punge oculum, et produces lacry- mas: punge cor, et produces scientiam; » quidam ad sanctimoniam, unde<sup>12</sup>: « Pulsa- te, et aperietur vobis; quærите, et invenie- tis, » scilicet bonam vitam; quidam ad vi- tam æternam, unde hoc<sup>13</sup>: « Attollite portas, principes, vestras. »

7. *Iste pauper clamavit, et Dominus ex- audivit.* Nota: quinque sunt genera pauper-  
<sup>Pauper-</sup>  
<sup>tatum</sup>  
<sup>quinque</sup>  
<sup>genera.</sup> tatum: primum est infelicitatis; secundum, cupiditatis; tertium, superfluitatis; quar- tum, calliditatis: quintum, voluntatis (g). Sub primo genere est egenus; sub secundo est avarus; sub tertio, prodigus; sub quar- to, paries dealbatus; sub quinto, vir reli- giosus. Prima paupertas misera, quia fla- gellat; secunda noxia, quia necat; tercia ventosa, quia inflat; quarta dolosa, quia dissimulat; quinta gloriosa, quia consum- ad quem versiculum referunt glossam *de decem modis vocationum*; sed hunc locum transferendum censuimus ad Psal. xlix, v. 1. — (b) *Cæt. edit. non habent famæ vel siti, unde hoc: Non similiter justis sitiennes; est et. — (c) *Cæt. edit.* persecutio. — (d) *Item bonos. prosequi.* — (e) *Item persecutio.* — (f) *Cæt. edit. non habent* et in aliis. — (g) *Cæt. edit.* voluptatis.*

mat. Patet sub quo genere sit pauper, qui hic clamat ad Deum.

9. *Gustate, et videte quoniam suavis est Dominus.* Nota: cibus corporalis, cum non sumitur, placet, et in principio sumptionis avide sumitur; in fine autem generat fastidium, et displicet, unde dicitur<sup>1</sup>: « Omnia flumina tendunt in mare, » et hoc<sup>2</sup>: « Omnis homo primum bonum vinum ponit, et cum inebriati fuerint, » etc. Nam<sup>3</sup>: « Extrema gaudii luctus occupat. » Cibus autem spiritualis (*a*), cum non sumitur, displicet, quia amarus est Deus malis; sed sumentibus placet: et quanto quis magis sumit de illo cibo, tanto magis ei placet; nec in praesenti quis potest illo cibo satiari, sed modo est refocillatio. Nam cibus ille non venit ad ventrem, id est, usque ad satietatem, nec usque ad guttur, unde Job<sup>4</sup>: « Nec dimittas me, ut glutiam salivam meam. » Sed<sup>5</sup>: *Satiabor, cum apparuerit gloria tua.* Tres vocationes facit in hoc psalmo. Nam primo vocat ad fidem, dicendo: *Accedite ad eum, et illuminamini;* post, ad sacramentorum participationem, unde hoc: *Gustate et videte quoniam suavis est Dominus;* tertio ad conservationem (*b*) commissorum, ubi necessaria est fides, ibi: *Venite, filii, audite me.*

16. *Oculi Domini super justos.* Tria notantur in hoc versu, scilicet in Domino potestas exaudiendo, cum dicit: *Oculi Domini super justos; voluntas, cum dicit: Super justos; et intelligentia, cum dicit: Et aures ejus in preces eorum.* Nota: est gratia praeveniens, subveniens, adveniens, et veniens. Voluntas Dei, prima gratia: secunda gratia, quae fit postulanti; tertia (*c*), quae datur ex merito; quarta, quae ultra meritum (*d*), vita æterna. Prima secundæ, secunda tertiae, tertia quartæ causa.

19. *Juxta est Dominus iis, qui tribulato sunt corde.* Martyrium debet tria habere, scilicet causam finalem, ut propter Deum

<sup>1</sup> Eccle., I, 7. — <sup>2</sup> Joan., II, 10. — <sup>3</sup> Prov., XIV, 13. — <sup>4</sup> Job., VII, 19. — <sup>5</sup> Psal. XVI, 15. — <sup>6</sup> Matth., X, 22. — <sup>7</sup> Psal. XLII, 1. — <sup>8</sup> I Petr., IV, 17. — <sup>9</sup> Ezech., XIII, 5. — <sup>10</sup> Joan., III, 18. — <sup>11</sup> Prov., XXXI, 23. —

patiatur, unde dicitur: « Martyrium non debetha-  
bere. facit pœna, sed causa; » causam formalem, ut scilicet voluntate sustineatur, nec sit sicut rota carri, quæ fœnum portat, et tamen murmurat; et perseverantiam, nam<sup>6</sup> « qui perseveraverit usque in finem, hic salvus erit. »

23. *Redimet Dominus animas servorum (c) suorum.* Christus liberavit antiquos patres ante adventum in certa spe, cum promitteret; in sufficientia, cum offerret; in efficiencia, cum liberaret.

## PSALMUS DAVID XXXIV.

1. *Judica, Domine, nocentes me.* Triplex est judicium in praesenti, triplex in futuro. In praesenti, judicium discretionis, unde hoc<sup>7</sup>: « Judica me, Domine, et discerne causam meam. » Est judicium afflictionis, unde hoc<sup>8</sup>: « Judicium incipit a domo Dei, » qnia boni debent se ponere<sup>9</sup> « murum pro domo Israel. » Est premonstratio damnationis, unde hoc<sup>10</sup>: « Qui non credit, jam judicatus est, » id est, ejus, qui non suscipit sacramentum fidei, sententia damnationis est. Nota: triplex in futuro: primum, judicium discussionis, unde dicitur<sup>11</sup>: Quia veniet Dominus « cum senatoribus terræ » ad judicium, et<sup>12</sup> separabit bonos a malis, oves ad hœdis, grana a paleis; aliud salvationis, unde dicitur<sup>13</sup>: « Non damnabit eum, cum judicabit illi, » id est, ad utilitatem ejus; tertium damnationis, unde dicitur<sup>14</sup>: Qui fecit « judicium sine misericordia. » Navis periclitatur vel quia est infirma, vel quia tempestas imminet, vel quia nauta dormit. Ita anima fidelis periclitatur propter infirmitatem fidei<sup>15</sup>: « Modicæ fidei, quare dubitasti? » vel quia tempestas imminet, quæ duplicitate insurget: nam quandoque per

<sup>12</sup> Matth., XIII, 49; xxv, 32; Luc., III, 42. — <sup>13</sup> Psal. XXXVI, 33. — <sup>14</sup> Jae., II, 13. — <sup>15</sup> Matth., XIV, 31.

(a) *Cœl. edit. add. est.* — (b) *Cœl. edit. consummationem.* — (c) *Cœl. edit. non habent quæ fit postulanti; tertia.* — (d) *Item. nec quarta, quæ ultra meritum.* — (e) *Cœl. edit. sanctorum.*

ventum, id est, per superbiam, unde dicitur<sup>1</sup>: « Flaverunt venti, et diruerunt dominum; » quandoque per fluctum, id est, per persecutionem temporalium, unde dicitur<sup>2</sup>: « Elevaverunt flumina fluctus suos. » Item anima periclitatur, cum homo dormit in vitiis, unde dicitur<sup>3</sup>: « Vigilate, quia nescitis diem neque horam. »

**2. Apprehende arma, et scutum.** Armis Mundis pugnamus, scuto tegimur. Mundus enim pugna. duobus modis contra electos pugnat, verbo, et gladio. Verbum falsitatis ejus expugnamus per sapientiam; gladio adversitatis resistimus per patientiam. In sapientia ergo accepimus arma; scutum, in patientia. Deus autem haec apprehendit, quia nos ea apprehendere facit.

**7. Quoniam gratis absconderunt interitum laquei sui.** Quatuor in hoc versu notantur: primo notat eorum malitiam, cum dicit: *Gratis*; dolositatem, cum dicit: *Absconderunt*; crudelitatem, cum dicit: *Interitum laquei sui*; stultitiam, cum dicit: *Supervacue exprobraverunt animam meam*.

**10. Eripiens inopem de manu fortiorum ejus.** Diabolus quosdam aperta tentatione deprimit; quosdam occulte seducit: unde dicitur *leo*, et *draco*. Psalmista hic duo

Inops. genera exprimit. Inops est, qui virtutum divitias prorsus non habet, quasi sine ope<sup>(a)</sup>; pauper, qui quamvis aliquas habeat, tamen ad cumulum perfectionis non pervenit. Inopem manus fortiorum opprimunt; pauperem, etiam deprimentium affligeant. Nec mirum, quia antiquus hostis eos, qui nullam virtutem habent, sibi violenter subjicit; ab his, qui opera imperfectionis colligunt, occulta direptione<sup>(b)</sup> virtutes tollit. Deus autem contra apertam saevitiam quosdam corroborando, alios quidem contra occultas insidias per circumspectionem custodiendo,

(a) *Al. opere.* — (b) *Item directione.* — (c) *Cat. edit. non habent* unde hoc: *Omnis arbor quae non facit fructum bonum, excidetur.* — (d) *Vulg.* Christus nihil vobis proderit. — (e) *Vulg.* Quid ergo tentatis Deum. — (f) *Cat. edit. non habent* unde hoc: « Tentavit Deus Abraham. »

<sup>1</sup> *Matth.*, viii, 27. — <sup>2</sup> *Psal.* xcii, 3. — <sup>3</sup> *Matth.*,

*inopem de manu fortiorum ejus, pauperem a diripientibus liberavit.*

**12. Retribuerunt mihi mala pro bonis:** sterilitatem animae meae. Triplex sterilitas, scilicet operis, unde hoc<sup>4</sup>: « Omnis arbor quae non facit fructum bonum, excidetur (c); » carnis, unde hoc<sup>5</sup>: « Maledicta sterilis, quae non reliquit semen suum post se super terram; » legis, unde<sup>6</sup>: « Lex neminem duxit ad perfectum, » quia non generat gratiam. Sterilitas solet esse in homine ex infirmitate, ex impotentia generandi, ex aetate transacta, et hac ratione dicitur lex sterilis ex aetate, quia amisit statum suum, unde hoc<sup>7</sup>: « Si circumcidimini, nihil vobis prodest (d); » ex infirmitate, unde dicitur<sup>8</sup>: « Lex neminem duxit ad perfectum; » ex impotentia hominum, unde hoc<sup>9</sup>: « Cur vultis vobis (e) imponere iugum, » hoc est onus, « quod nec vos, nec patres vestri portare potuerunt? »

**13. Humiliabam in jejunio animam meam.** Est jejunium Christi, ut ibi, et hic: « Tota die pependi in ligno, et non comedii; » justi, unde hoc<sup>10</sup>: « Beati qui esuriunt et sitiunt justitiam; » mali, unde hoc<sup>11</sup>: « Parvuli petierunt panem. »

**16. Tentaverunt me et subsannaverunt me.** Tentatio hominis ad Deum triplex, Dei ad hominem triplex. Prima Dei ad hominem, manifestationis, unde hoc<sup>12</sup>: « Tentavit Deus Abraham (f); » secunda permissionis, unde hoc<sup>13</sup>: « Et ne nos inducas in temptationem; » nam Deus tentat nos per cogitationes, id est, permittit tentari; tertia purgationis, unde hoc<sup>14</sup>: « Beatus vir, qui suffert temptationem, » id est, purgationem. Item, homo tentat Deum dubitando, unde hoc<sup>15</sup>: « Tentaverunt Deum in cordibus suis; » ad iracundiam concitando, unde hoc<sup>16</sup>: « Tentaverunt me patres vestri; » addiscendo, unde

xxv, 13. — <sup>4</sup> *Matth.*, vii, 19. — <sup>5</sup> *Job*, xviii, 19, quoad sensum. — <sup>6</sup> *Hebr.*, vii, 19. — <sup>7</sup> *Gal.*, v, 2. — <sup>8</sup> *Hebr.*, vii, 19. — <sup>9</sup> *Act.*, xv, 10. — <sup>10</sup> *Matth.*, v, 6. — <sup>11</sup> *Thren.*, iv, 4. — <sup>12</sup> *Gen.*, xxii, 1. — <sup>13</sup> *Matth.*, vi, 13. — <sup>14</sup> *Jac.*, i, 12. — <sup>15</sup> *Psal.* lxxvii, 18. — <sup>16</sup> *Psal.* xciv, 9.

Moyses<sup>1</sup> : « Tentabo Dominum , si possum  
eum placare. »

18. *Confitebor tibi in ecclesia magna.* Ecclesia dicitur magna loco , unde hoc<sup>2</sup> : « A finibus terræ ego clamabo ; » et illud<sup>3</sup> : « Jacob dilatavit (a) tabernacula sua; » merito , unde<sup>4</sup> : « Erit semen tuum sicut stellæ cœli; » numero , unde hoc<sup>5</sup> : « Multi enim sunt vocati , » etc.

*In populo gravi.* Est gravitas morum , unde hoc : « Plotinus est gravissimus philosophorum. » Est gravitas annorum , unde senioris ætas dicitur gravitas , appropriato vocabulo. Est gravitas peccatorum , unde hoc<sup>6</sup> : « Filii hominum , usquequo gravi corde? » Prima informat ; secunda aggravat ; tercia deformat .

21. *Dixerunt: Euge, euge.* Dicitur *Euge* (b) multipliciter. Quomodo accipitur , alibi dictum est , scilicet , oratorium , illusorium , exultatorium , applausorium .

*Exur-*  
*gere*  
*Christus*  
*multipli-*  
*citer*  
*di-*  
*cit.*

23. *Exurge , et intende judicio meo.* Christus exurgere dicitur per primum adventum , unde hoc<sup>7</sup> : « Nunc exurgam , dicit Dominus ; » exurgere per meritum nostrum , unde hoc<sup>8</sup> : « Exurge , quare obdormis , Domine? » id est , fac nos exurgere , Domine ; exurgere per auxilium , unde hoc<sup>9</sup> : « Exurge in occursum meum , Domine , exurge ad judicium , unde hoc<sup>10</sup> : « Exurret in judicio Deus. »

26. *Eribescant.* In pœnitente ista debent esse , scilicet contritio , unde hoc : *Eribescant* ; ex contritione remissio , unde hoc : *Revertantur*. Neutrum sine altero sufficit : unde dicitur simul universalis pœnitentia , unde hoc : *Induantur* : quasi dicat : De omnibus pœniteant , non de quibusdam . Peccati (c) pœna , unde : *Confusione*. Nam ipse rubor est pars pœnæ. Ilæc (d) optat Propheta peccanti.

<sup>1</sup> *Exod.*, xxxii, 14, quoad sensum. — <sup>2</sup> *Psal.* LX, 3. — <sup>3</sup> *Gen.*, xxxi, 25 : *Extendit in monte tabernaculum.* — <sup>4</sup> *Gen.*, xxii, 17. — <sup>5</sup> *Matth.*, xx, 16. — <sup>6</sup> *Psal.* IV, 3. — <sup>7</sup> *Psal.* XI, 6. — <sup>8</sup> *Psal.* XLIII, 23. — <sup>9</sup> *Psal.* LVIII, 5. — <sup>10</sup> *Psal.* LXXV, 10. — <sup>11</sup> *Gen.*, XXXII, 2. — <sup>12</sup> *Ephes.*, II, 3. — <sup>13</sup> *Rom.*, VII, 17. — <sup>14</sup> *1 Tim.*, I, 13.

## PSALMUS DAVID XXXV.

1. *In finem , ipsi David servo Domini.*

Servus dicitur , vel a serviendo , vel a servando : si primo modo , tam boni , quam mali , servi Dei dicuntur , scilicet quia omnes serviunt Deo. Unde , et de omnibus dicitur<sup>11</sup> : « Castra Dei sunt , » et Deo militant. Boni ergo et mali serviunt Deo , sed dissimiliter : quia serviunt boni Deo , ut a quibus ; mali , ut de quibus fit voluntas Dei. Si servi a servando dicuntur , tantum bonis convenit : nam antiquitus homines cum capiebantur , interficiebantur ; sed modo factum est miseratione et propitiatione , ut capti non interficiantur , sed serventur : et hac ratione boni dicuntur servi , quia cum prius essent morte digni (nam omnes nascuntur<sup>12</sup> filii iræ , non statim interficit eos Deus , sed expectat (e)).

2. *Dixit injustus , ut delinquat in semet-ipso* , etc. Mendosi codices habent , *ut non delinquat*. Nota : Peccatum in corde , unde (v. 5) : *Iniquitatem meditatus est in cubili suo* ; in ore , unde hoc (v. 4) : *Verba oris ejus iniqüitas , et dolus.* In opere , unde hoc : *Via non bona*. Peccatum ex sollicitudine , unde : *Astitit*. Universitas in peccando , unde : *Omní*. Et peccandi delectatio , unde hoc : *Malitiam autem non odivit*. Nota : tria sunt genera peccatorum : nam quidam ex infirmitate peccant ; alii ex ignorantia ; alii ex iniquitate. De primis illud<sup>13</sup> : « Non ego operor illud , sed peccatum , quod in me habitat. » De secundis<sup>14</sup> : « Quia ignoranter hoc feci , consecutus sum veniam. » De tertii hoc : *Malitiam autem non odivit*. Unde primi dicuntur peccare contra potentiam ; secundi , contra sapientiam ; tertii dicuntur peccare contra benignitatem : unde primi in Patrem , secundi in Filium , tertii in Spi-

(a) *Cat. edit.* illud Jacob : *Dilatavit*. — (b) *Cat. edit.* falsum , *loco Euge*. — (c) *Cat. edit.* Pœnitentia. — (d) *Cat. edit.* Hic. — (e) *In cat. edit.* universa hæc annotatio super titulum *In finem* , etc., refertur ad finem psalmi XXXIV.

ritum sanctum dicuntur peccare. *Iniquitatem meditatus est in cubili suo.* Nota : Abram ham eur abjic bat aves in sacri ficio. ham in sacrificio suo abjiciebat aves, id est, malas cogitationes ; et nos malas cogitationes debemus a nobis expellere, ut adsit serutinum morum quoad tria in nobis , cognitionem sui , proximi, et Dei : primum , humilitas; secundum , charitas; tertium , futura felicitas (a).

6. *Domine, in cœlo misericordia tua , et veritas tua usque ad nubes.* Nota , quod quandoque transpositio suscitat quæstionem , ut hic : *Domine, in cœlo misericordia tua*, etc. : quia videtur potius dicendum , quod *veritas est usque ad cœlos*, scilicet angelos, et *misericordia tua usque ad nubes*, id est, homines ; et hoc <sup>1</sup> : « Populus pascuæ ejus et oves manus ejus,» videtur dicendum, «Populus manus, et oves pascuæ ejus;» sed transponit ad significandum, quod idem intelligitur per populum , et per oves ; et hic <sup>2</sup> : « In innocentia cordis sui , et intellectibus manum,» debet dicere e converso ; sed hic dicit, quia melior est innocentia cordis : quoniam quandoque recta ordinatio aufert dubitationem, unde hoc <sup>3</sup> : « Volucres cœli , et pisces maris. » Quandoque extrema

Appositio Appositio facit quæstionem , ut hic <sup>4</sup> : « Lingua mea meditabitur justitiam tuam tota die. » Meditatio enim proprie non ad linguam pertinet, sed ad cor. Sed hoc ideo dixit, ut daret intelligere , quod idem habeat in corde, et in ore. Quandoque propria appositiio aufert dubitationem , ut hic <sup>5</sup> : *Filiī autem hominum in tegmine alarum tuarum sperabunt.* Duæ sunt alæ Dei , Vetus et Novum Testamentum, quia nos regunt, subvehunt, et protegunt. Regunt, ut hic <sup>6</sup> : « Dominus regit me » Veteri et Novo Testamento , « et nihil mihi deerit. » Subvehunt, unde hoc <sup>7</sup> : « Quæcumque scripta sunt, ad nostram doctrinam scripta sunt, ut per patientiam et

<sup>1</sup> Psal. xciv, 7. — <sup>2</sup> Psal. lxxvii, 72. — <sup>3</sup> Psal. viii, 9. — <sup>4</sup> Psal. xxxiv, 28. — <sup>5</sup> Psal. xxxv, 8. — <sup>6</sup> Psal. xxii, 1. — <sup>7</sup> Rom., xv, 4. — <sup>8</sup> Isa., vi, 2. — <sup>9</sup> Isa., ii, 1. — <sup>10</sup> Psal. lxxx.x, 2. — <sup>11</sup> Psal. iii, 5. — <sup>12</sup> Psal. xiv, 1. — <sup>13</sup> Math., xviii, 12. — <sup>14</sup> Psal. ii,

consolationem , » etc., quia ad alta tulit nos. Protegunt : *In tegmine alarum tuarum sperabunt.* Nota : Sex sunt unius hominis alæ , unde hoc <sup>8</sup> : « Sex alæ uni, et sex alæ alteri : » duæ pedestres, scilicet patientia , et cordis contritio, quæ humilem reddunt ; collaterales , spes, et timor, quæ latus ambient; captales, scilicet charitas , et humilitas , quæ nos extollunt. Per primas erigitur sponsa ad osculum sponsi.

7. *Justitia tua sicut montes Dei.* Mons novem modis dicitur : nam quandoque Christus , unde hoc <sup>9</sup> : « Erit in novissimis diebus præparatus mons Domini in vertice montium. » Etiam dicitur mons montium , quasi Sanctus sanctorum. Montes etiam dicuntur angeli , unde hoc <sup>10</sup> : « Priusquam montes fierent, aut formaretur terra et orbis , Ego sum (b). » Mons justitiae, unde hoc <sup>11</sup> : « Exaudiuit me de monte sancto suo. » Mons sancta Ecclesia triumphans , unde hoc <sup>12</sup> : « Quis requiescat in monte sancto tuo ? » et hoc <sup>13</sup> : « Reliquit nonaginta novem in deserto in montibus, » id est, in cœlo. Et mons Ecclesia militantum , unde hoc <sup>14</sup> : « Super Sion montem sanctum. » Montes dicuntur majores sancti; colles, minores sancti : unde hoc <sup>15</sup> : « Suscipient montes pacem populo , et colles justitiam. » Mons diabolus , unde hoc <sup>16</sup> : « Si habueritis fidem sicut granum sinapis, et dixeritis huic monti : Transi hinc illuc, et transibit. » Montes, divites et superbii, unde hoc <sup>17</sup> : « Montes sicut cera fluxerunt a facie Domini (c). » Montes, haeretici ; unde hoc <sup>18</sup> : « Inter medium montium pertransibunt aquæ , » quia sacra Scriptura transit per haereticos, et non ibi remanet, nec eos fecundat , nam per canales lapideos transit aqua ad areolas.

*Homines et jumenta salvabis , Domine.* Nota : Dominus salvat temporalia conferendo,

6. — <sup>15</sup> Psal. lxxi, 3. — <sup>16</sup> Math., xvii, 19. — <sup>17</sup> Psal. xcvi, 5. — <sup>18</sup> Psal. ciii, 10.

(a) Hic cæt. edit. habent, v. 7, *Justitia tua sicut montes Dei*, cum glossa de novem modis intelligendi montem ; quæ omnia restituimus suo loco. — (b) Vulg. a sæculo tu es. — (c) Cæt. edit. deest Domini.

Sex ho minis alæ.

Mons novem modis dicuntur.

unde : *Homines et jumenta salvabis, Domine.* Unde quandoque<sup>1</sup> cæcus ducitur ad recipiendam sanitatem. Salvat a pœnis liberando, unde dicitur<sup>2</sup> salvasse tres pueros, quia a flamma ignis liberavit. Salvat gratiam conferendo, unde hoc<sup>3</sup> : « Secundum suam misericordiam salvos nos fecit. » Salvat vitam æternam conferendo, unde dicitur quod prædestinatus salvabitur in futuro.

### 9. Inebriabuntur ab ubertate domus tuæ.

Ebrietas corporalis, et spirituallis. Ebrietas corporalis aufert officium membrorum, usum sensuum, et sacerularium; sic ebrietas spiritualis aufert officium membrorum, unde<sup>4</sup> : « Confige timore tuo carnes meas, » ut sensus mei non habeant potestatem, nisi ad Deum; usum sensuum, unde hoc<sup>5</sup> : « Averte oculos meos, ne videant vanitatem; » usum sacerularium, quia ebrius Spiritu sancto non ita sciens in sacerularibus, unde (a) alibi dicitur<sup>6</sup> : « Prudentiam prudentium reprobabo, et sapientiam sapientium. » Unde mare mortuos ejicit, et vivos retinet. Nota : *Domus*, vita æterna, unde hoc<sup>7</sup> : « In domo patris mei mansiones multæ sunt; » quandoque Ecclesia triumphans, unde hoc<sup>8</sup> : « Beati, qui habitant in domo tua; » quandoque Ecclesia militans, unde hoc<sup>9</sup> : « In domo Dei ambulavimus cum consensu; » quandoque anima justi, unde hoc<sup>10</sup> : « Templo Dei sanctum est, quod estis vos; » quandoque lapidea, unde hoc<sup>11</sup> : « Domus mea, domus orationis vocabitur. »

## PSALMUS DAVID XXXVI.

Æmulationis multiplex. 1. *Noli æmulari in malignantibus.* Est æmulationis amoris, unde Apostolus<sup>12</sup> : « Æmulator enim vos Dei æmulatione. » Est æmulationis livoris, unde dicitur in Prologo Hieronymi, quod multos æmulos habuit. Est æmulationis indignationis, unde hoc : *Noli æmulari in malignantibus.* Est æmulationis imitationis,

<sup>1</sup> *Marc.*, VIII, 20. — <sup>2</sup> *Dan.*, III, 50. — <sup>3</sup> *Tit.*, III, 5. — <sup>4</sup> *Psal.* CXVIII, 120. — <sup>5</sup> *Ibid.*, 37. — <sup>6</sup> *I Cor.*, I, 19. — <sup>7</sup> *Joan.*, XIV, 2. — <sup>8</sup> *Psal.* LXXXIII, 5. — <sup>9</sup> *Psal.* LIV, 15. — <sup>10</sup> *I Cor.*, III, 17. — <sup>11</sup> *Isa.*, LVI, 7. — <sup>12</sup> *II Cor.*, XI, 2. — <sup>13</sup> *Psal.* CI, 5. — <sup>14</sup> *Psal.* LXXI, 16. — <sup>15</sup> *Apoc.*,

sive indignationis, unde exponitur de utroque (v. 6) : *Nolite æmulari in eo, qui prosperatur.*

2. *Quoniam tanquam fœnum velociter arescent.* Herbarum quædam habent florem, et non folia; quædam folia, et non florem. Florem et non folia, ut fœnum, et significat carnem mortalem, quæ floruit in Adam, et per peccatum defloruit, unde hoc<sup>16</sup> : « Percussus sum ut fœnum, et aruit cor meum. »

Herbarum genera.

Quandoque designat nobiles, unde hoc<sup>14</sup> : « Florebunt de civitate, sicut fœnum terræ. » Quandoque minores, unde hoc<sup>15</sup> : « Præcepsum est locustis, ne conculcent (b) fœnum terræ, » id est, simplices, quibus non est vigor alta intelligere, sicut fœnum, altam radicem non habent. Quandoque volnuptuosи dicuntur fœnum, unde hoc<sup>16</sup> : « Omne fœnum viride combustum est. » Quandoque pro veniali, unde aliquis dicitur<sup>17</sup> ferre fœnum, lignum, et stipulam secum.

*Quemadmodum olera herbarum cito decident;* unde<sup>18</sup> : « Qui infirmus, olus manducet, » id est, tenuia et arida cibaria; nam<sup>19</sup> « sine Cerere et Baccho, friget Venus : » ecce medicina contra carnem lascivientem. Vel sic : in primitiva Ecclesia quidam discernebant cibos, quidam non; ergo qui infirmus erat, id est, qui nesciebat a quibus esset abstinendum, et a quibus non, olus manducet, quia hic cibus in lege non erat prohibitus. Vel ad litteram,<sup>20</sup> quoddam genus oleris valet ad sanitatem corporis, ut circium (c), et similia. Ergo qui infirmus est, olus manducet contra carnem concupiscentem, vel contra animum fluctuantem, vel contra carnis infirmitatem. Vel qui infirmus est, olus manducet propter majorem scientiam, id est, qui non potest capere majora, capiat minora. Tria sunt genera oleorum; nam sunt olera herbarum, hortorum, olus conditum. Olera herbarum significant

Tria genera oleorum.

<sup>16</sup> *Apoc.*, VIII, 7. — <sup>17</sup> *I Cor.*, III, 12. — <sup>18</sup> *Rom.*, XIV, 2. — <sup>19</sup> Terent., *Eunuch.* — <sup>20</sup> Dioscorid., lib. IV, c. cxiv et cxxi, et Matthiolo.

(a) *Cæt. edit.* in sacerularibus, ut alibi. Unde. — (b) *Vulg.* læderent. — (c) *Edit.* Ven. corsium.

infirmos in fide, scilicet minores, non nobiles, quia hæ herbæ sunt viles: hi modo florent, sed in die judicii arescent, ut hic. Olera hortorum significant infirmos in carne, de quibus dicitur: « Qui infirmus est, olus manducet, » quia sine Cerere et Baccho friget Venus. Olus conditum significat histriam cum spirituali intelligentia; unde puer prophetarum dixit Elisæo<sup>1</sup>: « Serve Dei, mors in olla. » Cui Elisæus: « Appone farinam, et dulcorabitur, » id est, appone subtilem intelligentiam litteræ, quæ<sup>2</sup> occidit, et dulcis erit intellectus. Olera hortorum sunt meliora, quam olera herbarum; et infirmi in fide magis mali, quam infirmi in carne.

*7. Subditus esto Domino, et ora eum.* Primo, subditus esto, ne male agendo, præcepta despicias. Secundo, subditus esto, ut ad bona agenda de tuis viribus non præsumas. Sis Deo subditus; de te non præsumendo, ores auxilium expectando.

*14. Gladium evaginaverunt, intenderunt arcum.* Arcus quandoque significat saeram Scripturam, unde hoc<sup>3</sup>: « Tetendit arcum suum, et paravit illum. » Nam in arcu duo sunt, chorda, et lignum: chorda, Novum; lignum, Vetus Testamentum significat. Nam sicut chorda emolit lignum, ita Novum Testamentum emollit Vetus. Quandoque pravam intentionem; unde hoc<sup>4</sup>: « Conversi sunt in arcum pravum. » Quandoque comminationem, sive promissionem; unde hoc<sup>5</sup>: « Filii Ephrem intendent, et mitentes arcum, » etc. *Intendent arcum*, facientes comminationem, vel promissiones, dicentes: « Quæcumque nobis dixerit Deus, faciemus. » Quandoque diem judicii; unde hoc<sup>6</sup>: « Ut fugiant a facie arcus. » Quandoque insidias, vel dolos; unde hoc: *Intenderunt arcum.* Quandoque arcus significat victoriam Christi; unde hoc: « Arcus triumpfat (a). »

<sup>1</sup> IV Reg., IV, 40 et seq. — <sup>2</sup> II Cor., III, 6. — <sup>3</sup> Psal. VII, 13. — <sup>4</sup> Psal. LXXVII, 57. — <sup>5</sup> Ibid., 7. — <sup>6</sup> Psal. LIX, 6. — <sup>7</sup> Psal. CXVIII, 29. — <sup>8</sup> Ibid., 32. — <sup>9</sup> Joan., XIV, 6. — <sup>10</sup> Joan., X, 9. — <sup>11</sup> II Petr., II, 21.

*23. Apud Dominum gressus hominis dirigentur.* Est via a qua, in qua, per quam, et ad quam. Via a qua imus, est peccatum; unde hoc<sup>7</sup>: « Viam iniquitatis amove a me. » <sup>Via qua duplex.</sup> Via in qua imus, sunt virtutes et bona opera; unde hoc<sup>8</sup>: « Viam mandatorum tuorum eucurri. » Via ad quam tendimus, est Christus, qui dicit<sup>9</sup>: « Ego sum via, veritas, et vita. » Via per quam, Christus, quia (b) est<sup>10</sup> « ostium, » per quem ad eum itur, et intratur.

*24. Si ceciderit, non collidetur.* Quidam cadunt extra viam, ut ille qui nunquam fuit in Ecclesia; quidam cadunt a via, unde hoc<sup>11</sup>: « Melius est viam justitiae non agnoscere, quam post agnitam retroire. » Quidam cadunt in via (c), unde dicitur<sup>12</sup>: « Justus septies cadit in die (d); » sed quod in die, bonum est, quia non in nocte peccati.

*26. Tota die miseretur et commodat.* Nota: quatuor genera eleemosynæ: proximi cor- <sup>Quatuor genera eleemosynæ.</sup> rectio, injuriarum remissio, sui miseratio, proprii beneficii collatio. De primo et ultimo dicitur<sup>13</sup>: « Omni petenti te tribue, » rem, vel correctionem. De secundo dicitur<sup>14</sup>: « Qui percutserit te in unam maxillam, præbe ei et alteram. » De tertio dicitur<sup>15</sup>: « Miserere animæ tuae, placens Deo. »

*34. Expecta Dominum, et custodi viam ejus, et exaltabit te.* Nota: exaltatur quis <sup>Exaltare</sup> in potentiam; unde hoc<sup>16</sup>: « Exaltasti dexteram deprimentium eum. » Exaltatur in superbiam, unde hoc<sup>17</sup>: « Qui se exaltat, humiliabitur. » Exaltatur quis ex merito, unde: « Qui se humiliat exaltabitur. » Exaltatur in præmio; unde hoc<sup>18</sup>: « Exaltabuntur cornua justi. »

## PSALMUS DAVID XXXVII.

*2. Domine ne in furore tuo arguas me.* Nota: est furor hujus temporis, scilicet poena

Furor

— <sup>12</sup> Prov., VXIV, 16. — <sup>13</sup> Luc., VI, 30. — <sup>14</sup> Matth., V, 39. — <sup>15</sup> Eccli., XXX, 24. — <sup>16</sup> Psal. LXXXVIII, 43. — <sup>17</sup> Luc., XIV, 11. — <sup>18</sup> Psal. LXXIV, 11.

(a) Fortasse legendum triumphalis.— (b) Al. quia Christus. — (c) Cœt. edit. viam. — (d) Vulg. non habet in die.

multi-  
plex.

temporalis, unde hoc<sup>1</sup>: « Virga (*a*) furoris mei Assur. » Est furor poena gehennalis, unde hoc<sup>2</sup>: « Ignis succensus est in furore meo. » Est furor sententia judicis, unde hoc: *Domine, ne in furore tuo arguas me.*

3. *Quoniam sagittæ tuæ infixæ sunt mihi.*

*Sagitta* Est sagitta, quæ mittitur a se, et mittit, scilicet Christus, qui mittitur a se, et mittit prædicatores; unde Isaias<sup>3</sup>: « Misi sagittam elegantem (*b*). » Est sagitta quæ mittit, et aliunde mittitur, ut prophetæ et apostoli, qui mittuntur a Deo, et mittunt verbum doctrinæ; unde hoc<sup>4</sup>: « Posuit me Dominus quasi sagittam electam. » Est sagitta quæ mittit et non mittitur, ut pseudo-prophetæ, qui prædicant, non missi a Deo; unde hoc<sup>5</sup>: « Inebriabo sagittas meas sanguine. » Est sagitta quæ non mittit, et non mittitur, ut sunt verba, unde hoc<sup>6</sup>: « Sagittæ potentis acutæ, » etc.

*Quatuor genera hominum.* *Putruerunt, et corruptæ sunt cicatrices meæ.* Hic quatuor genera hominum intelliguntur: primum eorum qui nunquam vulnerati sunt; secundum, eorum qui post vulnera non perfecti sunt; tertium eorum, quibus obducta sunt vulnera, tamen cicatrices, id est, vestigia vulnerum remanserunt; quartum eorum, quibus adhuc vulnera hiantia nondum obduci cœperunt. Si per peccatum vulnera intelligimus, qui in desiderio peccati remanent, vulnera hiantia habent. Qui actum peccati deserunt, et tamen reatum retinent, in his quædam signa vulnerum remanserunt. Alii, qui per pœnitentiam actum et reatum obducunt, etiam vestigia vulnerum deterserunt. Alii sunt, qui non peccaverunt. De tertio genere erat Paulus, dicens<sup>7</sup>: « Nihil mihi conscious sum, sed non in hoc justificatus sum. » Primum ergo genus est peccantium; secundum, pœnitentium: tertium eorum, qui per pœnitentiam correcti sunt; quartum eorum, qui per ini-

quitatem non sunt corrupti. Primi, ægri; secundi, ad sanitatem conversi; tertii, sani; quarti, sani. Patet igitur de quo genere sit hic, qui cicatrices ad corruptionem conversas plangit. Nota: peccatum fœtet Deo, sibi, et proximo. Deo, unde hoc<sup>8</sup>: « Clamor Sodomorum ascendit ad me. » Sibi, unde hoc<sup>9</sup>: « Quem fructum habuistis in his, in quibus nunc erubescitis? » Proximo, unde hoc<sup>10</sup>: « Sepulerum patens est guttur eorum. » Unde peccatum quatriduanum dicitur fœtere.

Titulus psalmi sequentis: *In finem Idithum* (*c*), id est, Canticum hoc dirigenos nos *in finem*, id est, in Christum. Titulus David Prophetæ est Psalmi sequentis, et est *pro Idithum*, id est, de Transiliente. Vel sic: Hoc Canticum est *pro Idithum*, id est, transiliente; *in finem*, id est, in Christum. Debemus transire ad bonum de vitiis, unde hoc<sup>11</sup>: « Quis dabit mihi penas, et volabo? » de bono ad melius, ut in Cantico amoris<sup>12</sup>: « Amicus meus transiliens colles, saliens in montibus; » et a temporalibus ad æterna, unde hoc<sup>13</sup>: « Transite ad me omnes, qui concupiscitis me. » Nota: Debemus transire ad Dei mandata, ut intelligamus, et diligamus, et faciamus. De primo<sup>14</sup>: « Acedet homo ad cor altum, » etc. De secundo<sup>15</sup>: « Quam dulcia fauibus meis, » etc. De tertio<sup>16</sup>: « Viam justificacionum tuarum instrue me; » et hoc<sup>17</sup>: « Estote factores verbi, et non auditores; » et hoc<sup>18</sup>: « Intelleximus bonus omnibus facientibus. »

Peccati  
fœtor.

## PSALMUS DAVID XXXVIII.

2. *Dixi: Custodiam vias meas.* Nota: Verbum mentis, unde: *Dixi. Verbum oris, unde: Ut non delinquam in lingua mea.* Sed cum moderatione, unde (v. 3): *Posui oris meo custodiam.* Nota etiam concordiam mentis et oris, ubi ponitur hæc dictio, *Cum; fervorem cha-*

*cxviii, 103. — 16 Ibid., 27. — 17 Jac., 1, 22. — 18 Psal. cx, 40.*

(a) *Cæt. edit. add. tua.* — (b) *Vulg. electam, vel potius nihil simile.* — (c) *Vulg. In finem ipsi Idithum, Canticum David.*

<sup>1</sup> *Isa.*, x, 5. — <sup>2</sup> *Deut.*, xxxii, 22. — <sup>3</sup> *Isa.*, xl ix, 2.— <sup>4</sup> *Ibid.* — <sup>5</sup> *Deut.*, xxxii, 42. — <sup>6</sup> *Psal.* cxix, 4. —<sup>7</sup> *1 Cor.*, iv, 4. — <sup>8</sup> *Gen.*, xviii, 20. — <sup>9</sup> *Rom.*, vi, 21.— <sup>10</sup> *Psal.* v, 11. — <sup>11</sup> *Psal.* liv, 7. — <sup>12</sup> *Cant.*, ii, 8.— <sup>13</sup> *Ecli.*, xxiv, 26. — <sup>14</sup> *Psal.* lxiii, 8. — <sup>15</sup> *Psal.*mentis  
et oris.

ratis, unde hoc (v. 4) : *Concaluit cor meum intra me*. Hoc totum est, *Cum*. Vel ex ratione, unde hoc: *Intra me*, id est, in ratione, sicut exponitur. Non hoc est momentaneum, sed ex deliberatione; unde hoc: *In meditatione*. Nota liberum arbitrium, unde dicit: *Mea*. Virtutis augmentum, unde: *Ex ardet et ignis*, id est, magis et magis. In *Paralipomenis*<sup>1</sup> dicitur, quod Heman fuit de Caath (a), Asaph de Gerson (b); Ethan de Merari. Unde ergo fuit Idithum, sicut de filiis Levi.

### 3. *Obmutui, et humiliatus sum, et silui.*

Silencium triplex.

Tria sunt silentia: primum in cœlo; secundum in paradiſo; tertium in mundo. Primum a malo, quando scilicet angeli cessaverunt a malo, sed Satan interrupit illud silentium, dicens<sup>2</sup>: « Ascendam in cœlum, » etc. Secundum fuit a bono, scilicet ab Adam usque ad Christum, quia tandem regnavit mors. Tertium erit in bono, quia in patria nullus murmurabit contra alium. De silentiis dicitur<sup>3</sup>: « Dum medium silentium tenerent omnia, omnipotens sermo tuus venit a regalibus sedibus. » Et hoc<sup>4</sup>: « In silentio erit fortitudo vestra. »

3. *Numerum dierum meorum*. Numerus quandoque significat consummationem, unde Balthasar vidit manum scribentem in pariete<sup>5</sup>: *Mane, Thecel, Phares*. *Mane*, numeravit; *Thecel*, appendit (d); *Phares*, divisit; quasi diceret: Regni tui est divisio. Quandoque discretionem, unde hoc<sup>6</sup>: « Omnia creavit Deus in (c) numero, pondere, et mensura; » quandoque multiplicationem, unde hoc<sup>7</sup>: « Qui numerat multitudinem stellarum. » Deus dicitur dives in potentia, cui<sup>8</sup> « omne genu flectitur; » in sapientia, unde<sup>9</sup>: « In eo sunt absconditi omnes thesauri sapientiae et scientiae; » in sufficientia, unde hoc<sup>10</sup>: « Bonorum meorum non indiges. »

*Notum fac mihi, Domine, finem meum.*

Nota: Vita præsens incerta, brevis, et mala. Quia incerta, dico Deo: *Notum fac mihi Domine finem meum*. Quia brevis, potes dicere, (v. 6): *Mensurabiles posuisti dies meos*. Quia mala, potes dicere: *Substantia mea tanquam nihilum ante te*. Nota: Omnis substantia<sup>11</sup> est prima, vel secunda: prima, ut aliquis homo; secunda, ut homo. Sed prima subsistit per se, et in se; secunda per se, et non in se. Non enim invenitur secunda substantia, nisi in prima. Secunda igitur, ratione, sive intellectu, sive natura, abstrahitur; prima ratione, re, natura, actu, intellectu, et statu subsistit. Unde verior prima, quam secunda. *Substantia mea, tanquam nihilum ante te*. Substantia in creaturis, alia

Substan-

prima, alia secunda. Sed omnis substantia in creaturis est secunda respectu substantiarum Dei. Nota: Substantia Dei, nostræ substantiarum, dignitate præponitur, contrarietate opponitur, efficientia supponitur. Nam est dignior, et ei præponitur; nam est immutabilis, et immortalis, nostra est mutabilis, et mortal is, et ei opponitur; nam efficiens est, et ei nostra supponitur, sicut opus artifici. Nota: tria Deo apponuntur, scilicet unum, simplex, stabile. Quia unum, super omnem apponuntur. Materiam; quia simplex, super omne materiatum; quia stabile, super omne creatum. Nam ab uno numerositas, a simplici multiplicitas, a stabili mutabilitas. Nam principium numeri est unitas, et omne compositum a simplici, et omnis motus surgit ab immobili. Unum, ante omnia; simplex, post omnia; immobile super omnia. Ab unitate enim pluralitas omnium; a simplicitate diversitas universorum; ab immutabilitate omnis mutabilitas; ab uno omne multipliciter numerosum; a simplicitate omne numerose compositum; ab immobili omne quocumque genere motum. Nam sicut motus ab immobili, ita compositum a simplici.

Tria Deo apponuntur.  
Unitas numeri principium.

<sup>1</sup> *Paral.*, vi, 13, 39, 44. — <sup>2</sup> *Isa.*, xiv, 14. — <sup>3</sup> *Sap.*, xviii, 44. — <sup>4</sup> *Isa.*, xxx, 15. — <sup>5</sup> *Dan.*, v, 25. — <sup>6</sup> *Sap.*, xi, 21. — <sup>7</sup> *Psal.* cxlvii, 4. — <sup>8</sup> *Rom.*, xiv, 41.

<sup>9</sup> *Coloss.*, ii, 3. — <sup>10</sup> *Psal.* xv, 2. — <sup>11</sup> Arist., *Prædicam.*, c. *De substantia*.

(a) *Cæt. edit.* Achaz. — (b) *Item* et Jesse. — (c) *Cæt. edit.* apprehendit. — (d) *Cæt. edit.* deest in.

**8. Et nunc quæ est expectatio mea? Nonne Dominus?** qui est super omnia, id est Christus. Nota : Christus dicitur esse super omnem locum, vel omnia loca, unde hoc<sup>1</sup> : « Attingit ergo a fine usque ad finem fortiter. » Potentia; nam ei<sup>2</sup> « fleclitur omne genu, » scilicet « cœlestium, terrestrium, et infernorum. » Et dignitate, unde dicitur<sup>3</sup> : « Primogenitus ante omnem creaturam. »

## PSALMUS DAVID XXXIX.

**2. Expectans, expectavi Dominum, et intendit mihi.** Vide quo modo. Nam montes expectant durando, homines desiderando : montes expectant pluviam, ne arescant; homines gratiam, ne pereant. Qui durando, et non perseverando, expectat, expectans non expectat; qui perseverat, et desiderat, expectans expectat. Ergo expectans expecta, id est, perseverans desidera, et desiderans persevera (a) : et faciet Dominus quod non fraudaberis a desiderio tuo.

(b) Nota: cum dicitur : *Expectans expectavi Dominum, et intendit mihi*, pro alio sic suppono, per antecedens et consequens : nam qui expectaverunt Christum, non viderunt, sed alii.

**3. Eduxit me de lacu misericie, et de luto fæcis.** Tres gratiae notantur, scilicet : incipiens, ubi dicit : *Eduxit me de lacu misericie*; proficiens, ubi dicit : *Direxit gressus meos*; perficiens, ubi dixit : *Immisit in os meum canticum novum*.

**Et de luto fæcis.** Nota : est lutum platearum, fæcis, ex stupo. De primo hoc : *Ut lutum platearum delebo eos* : et significat luxuriam per latam viam incedentem : de secundo hoc<sup>4</sup> : « Viam fecisti in mari equis tuis in luto aquarum multarum; » et significat curam temporalium: de tertio hic, et exponitur vel de concupiscentia, vel de gen-

tibus idola colentibus, vel de miseria hujus sæculi. Lutum, scilicet sputum, unde in Evangelio<sup>5</sup> Dominus luto sanavit oculos cæci, apposita saliva. Nota : lutum est caro Christi; saliva est sapientia Patris, quæ ex ore Altissimi prodiit. Unde Job<sup>6</sup> : « Non dimittis me, ut glutiam salivam : » quia cognitio sapientiae Patris venit in præsenti usque ad guttum, non usque ad ventrem, id est, non usque ad satietatem, habens cognitionem de sapientia Patris : sed<sup>7</sup> : « Satiabor, cum apparuerit gloria tua. » Salivam igitur apposuit luto ad sanandum cæcum : nam sapientia est incarnata ad sanandum genus humanum.

**Et direxit gressus meos<sup>8</sup>.** « Nemo mittens ad aratrum manum, et aspiciens retro, aptus est regno cœli. » Unde sacerdos, postquam apposuit manum ad calicem, scilicet ad aratum, non convertit se ad populum, donec finita sit missa.

**4. Immisit in os meum canticum novum.** Nota : Cardinales in festis diebus resident equis tectis albis pannis. Per equum album, caro; per pannum album, munditia intelligitur (c), ad significandum quod debent superesse, id est, dominari carni, non caro eis, et caro debet esse munda. Inde et summus Pontifex semper equitat equis albis, et quandoque tectis pannis sericis, ad significandum quod debet habere virtutes, quas significant panni serici.

**6. Multa fecisti.** Mare, sæculum, propter amaritudinem, unde hoc<sup>10</sup> : « Hoc maremagnum et spatisum; » ubi magnus piscis devorat minorem. (d) Gentilis, propter fluctuationem, quia scilicet fluctuat (e) in hoc mundo, unde hoc<sup>11</sup> : « In mari via tua. » Et dicitur homo, propter profunditatem, unde Job<sup>12</sup> : « Numquid ego sum mare? » Et dicitur Baptismus, unde : Mare Rubrum signifi-

Declaratio  
ratio ri-  
tus.

Cære-  
monia  
cardina-  
lium in  
festis.

Mare.

Mare ru-  
brum.

<sup>1</sup> Sap., VIII, 1. — <sup>2</sup> Philip., II, 10. — <sup>3</sup> Eccli., XXIV, 5. — <sup>4</sup> Psal. XVII, 43. — <sup>5</sup> Habac., III, 15. — <sup>6</sup> Joan., IX, 6. — <sup>7</sup> Job, VII, 19. — <sup>8</sup> Psal. XVI, 15. — <sup>9</sup> Luc., IX, 62. — <sup>10</sup> Psal. CIII, 23. — <sup>11</sup> Psal. LXXVI, 16. — <sup>12</sup> Job, VIII, 12.

(a) *Cæt. edit.* expectat... desiderat... perseverat. — (b) In cæt. edit. habentur ibi notæ circa diabolum et circa tentationis originem, quas potius transferendas censimus ad Psal. xc, 13, et ad Psal. xvii, 30. — (c) *Cæt. edit.* munditiam intelligit. — (d) *Supp.* Mare dicitur. — (e) *Cæt. edit.* fluctuant.

Misericordiae species duas.

cat baptismum sanguine Christi rubricatum. 12. *Misericordia et veritas tua semper suscepserunt me.* Duæ sunt misericordiæ species, scilicet dare, et dimittere; et hæ proportionaliter se habent, unde hoc<sup>1</sup>: « *Dimitte nobis debita nostra,* » etc. Et hoc<sup>2</sup>: « *Eadem mensura, qua mensi fueritis, remetietur vobis;* » et hoc<sup>3</sup>: « *Dimitte, et dimittemini.* » Utriusque sunt tres species. Primo de prima, scilicet dare, sunt gradus: nam est misericordia magna, major, maxima; scilicet inchoans, adulta, robusta. Primus itaque gradus dat de suis<sup>4</sup>: « *Date eleemosynam, et omnia munda sunt vobis.* » Secundus dat sua, unde hoc<sup>5</sup>: « *Ecce nos reliquimus omnia,* » etc.; « *quid ergo erit nobis?* » Tertius dat totum: Da, scilicet, te totum, unde Apostolus<sup>6</sup>: « *Non solum impendam, sed impendar pro animabus vestris.* » Similiter quidam remittit partem debiti; quidam omnia debita; quidam etiam ipsum servum manumittit.

Tria hominem debet considerare.

48. *Ego autem mendicus, et pauper.* Hæc tria debet homo considerare, scilicet suam insufficientiam, suam inopiam, et quia bonum quod habet, non habet permanentiam. In primo se inveniet imperfectum; in secundo, non habet proprium; in tertio, debet timere malum, ruinam et lapsum; quia semper aliquid deest homini ad salutem, et nihil habet ex se unde possit salvari, et bona ejus non permanent.

### PSALMUS DAVID XL.

1. *Psalmus ipsi David (a).* Tredecim sunt psalmi, in quorum titulo hoc ponitur pronomen, *ipsi*, vel *huic*. Primus est: *Conservame, Domine.* Secundus: *Ad te, Domine, clamabo.* <sup>v</sup> Tertius est hic. Quartus: *Deus, repulisti nos.* Quintus: *Salvum me fac, Deus, quoniam intraverunt aquæ.* Sextus: *Exultate Deo.* Septimus: *Venite, exulte-*

*mus.* Octavus: *Dominus regnavit, exultet terra.* Nonus: *Misericordiam et judicium.* Decimus: *Benedic, anima mea, Domino, et omnia que intra me.* Undecimus: *Paratum cor meum.* Duodecimus: *Confitebor tibi, Domine, in toto corde meo, quoniam auisti.* Tertius decimus: *Exaltabo.*

2, 9. *Beatus, qui intelligit super egenum et pauperem. Numquid, qui dormit, non adjiciet, ut resurgat?* Hie dicitur quod Christus animam suam depositum, sed non a se, imo a carne: nam corpus et anima nunquam sunt separata a divinitate. Nota: hic dicitur, quod Christus est unus in personis, in naturis geminus, in substantiis trinus. Nam ibi sunt tres substantiæ, scilicet corpus, anima et divinitas. Hie dicitur, quod Christus mortuus est, non necessitate. Dicimus, quia est necessitas coactionis, opportunitas conditionis. Sed necessitas conditionis dividitur in necessitatem coactionis ex libera voluntate, vel ex causa præcedente; ex libera voluntate, ut qui in claustrum se ponit, debet ire ex necessitate ad matutinas ex tali necessitate, quia de voluntate in necessitatem se posuit. Ex causa præcedente, ut quando quis pro peccato præcedenti affligitur. Christus mortuus est ex necessitate conditionis et opportunitatis, non coactionis. Polysyntheton est, quando oratio multis connectitur conjunctionibus, ut hic (v. 3): *Dominus conservet eum, et vivificet eum, et beatum faciat eum, et non tradat,* etc.

10. *Etenim homo pacis meæ, in quo spe ravi.* Est homo interior, et est homo exterior; unde Apostolus<sup>7</sup>: « *Etsi homo noster exterior corruptitur, interior tamen renovatur de die in diem.* » Ergo homo interior de exteriori conqueritur. *Homo pacis*, etc. Quandiu corpus spiritui non obedit, pugna est: quando corpus non bene obediens, obedit, dicitur pax spiritus; quando e converso, pax carnis. Spiritus in carne pacem suam invenit, cum dicit: *Homo pacis meæ, et sub-*

Homo exterior et interior.

Pax spiritus.

<sup>1</sup> Matth., vi, 42. — <sup>2</sup> Luc., vi, 38. — <sup>3</sup> Ibid., 37. — <sup>4</sup> Luc., xi, 41. — <sup>5</sup> Matth., xix, 27. — <sup>6</sup> II Cor., XII, 45. — <sup>7</sup> II Cor., IV, 16.

(a) Cæt. edit. non habent: *Psalmus ipsi David*, et glossam referunt ad *Psal. LV*.

dit : *in quo speravi*, unde dicitur<sup>1</sup> : « Faciamus ei adjutorium simile sibi. »

Sequitur : *Qui edebat panes meos*. De quibus dicitur<sup>2</sup> : « Fuerunt mihi lacrymæ meæ panes die ac nocte. » Et alibi<sup>3</sup> : « Surgite, postquam sederitis, qui manducatis panem doloris. » Quando quis pro peccatis dolet, et tamen nondum ea plorare potest, tunc solus ipse panem doloris comedit. Quando, quod homo dolet interior, exterior deflet, unum panem comedunt, unde hoc : *Qui edebat panes meos*. Interior autem homo conqueritur de exteriori; quia postquam exhibuit ei panem, postquam panes doloris eum eo comedid, contra se insperate consurgit, dicens : *Magnificavit super me supplantationem*. Inde magis peccavit, quia post pacem factam, eum supplantavit. *Qui edebat panes*. Est panis

Scriptura sacra panis. sacra Scriptura. Nam panis in cibano, est sermo in historia abditus; in sartagine, est sermo moralis decoctus; in eraticula, sermo mysticus et allegoricus. Nam in *Levitico* dicitur<sup>4</sup> : « Fiat oblatio de pane in cibano, in sartagine, in eraticula. » Nam sacra Scriptura historice, moraliter, et allegorice exponitur. Et sicut illud quod est in sartagine, magis apparet, quam quod est in cibano; et quod est in eraticula, magis, quam quod est in utroque; ita allegorica expositio magis apparet utraque, et moralis magis quam literalis. Panis est Christus, scilicet panis vivus, unde hoc<sup>5</sup> : « Hic est panis vivus, qui de cœlo descendit. » Hic panis in utero Virginis formatus, in ara crucis coctus, ad mensam altaris sumendus. Est panis propensis, scilicet apostoli : nam duodecim panes propositionis significant duodecim apostolos. Nam sicut illorum panum loco, id est sabbato, alii substituebantur; ita apostolis alii successerunt, unde hoc<sup>6</sup> : « Pro patribus tuis nati sunt tibi filii. » Est panis reectorius, scilicet lacrymæ, unde hoc<sup>7</sup> : « Fuerunt mihi lacrymæ meæ panes die ac nocte, » quæ animam reficiunt. Est panis quotidianus, scili-

cet charitas, unde hoc<sup>8</sup> : « Panem nostrum quotidianum da nobis hodie. » Nam sicut panis cum omni cibo sumitur, ita charitas cum omni opere debet esse. Nam sicut mensa inops est sine pane, ita opus inops sine charitate. Nota : dicitur a πάτημα, quod est totum, quia cum omni cibo ponitur. Est panis voluntas Dei, unde hoc<sup>9</sup> : « Mens cibus est, ut faciam voluntatem Patris mei. »

Charitas panis.

## PSLAMUS DAVID XLI.

2. *Quemadmodum desiderat cervus ad fontes aquarum*. Ostendit causam, quare debet exaudiri, scilicet pro quantitate desiderii, unde : *Quemadmodum desiderat*. Pro desiderio interiori, unde (v. 3) : *Sitivit anima*. Pro poena exteriori, unde hoc (v. 4) : *Fuerunt mihi lacrymæ meæ*. Nota etiam in lacrymis delectationem, unde dicuntur *panes*; in his perseverantiam, unde : *Die ac nocte*. Nota : desiderium, sive cogitatio, sive anima est in cerebro secundum physicos; secundum thelogos, est in corde : unde dicimus, quod vis inveniendi est in corde, et in cerebro : in corde, secundum materiam; in cerebro, secundum formam. Nam a corde quid, a cerebro quale inveniamus, habemus. Unde dicitur vis, ingenium, similia ex similibus procreans. Similitudo autem omnis forma, unde dicitur : « Si videris longum sapientem, da gloriā Deo : » quia in eo cor remotum est a cerebro, et cerebrum non potest habere adminiculum a corde, et e converso; et ideo cogitatio in longo erit sinc forma quantum ad cerebrum, vel sine materia quantum ad cor.

3. *Hæc recordatus sum, et effudi in me animum meam*. Est dilatationis effusio, unde hoc<sup>10</sup> : « Oleum effusum nomen tuum. » Est effusio exultationis, unde hoc<sup>11</sup> : « Anima mea liquefacta est. » Est effusio maledictionis, unde in *Genesi* de Ruben<sup>12</sup> : « Effusus est, sicut aqua.

5. *In voce exultationis et confessionis.*

Christus panis. 17. — <sup>7</sup> *Psal.* XL, 4. — <sup>8</sup> *Luc.*, XI, 3. — <sup>9</sup> *Joan.*, IV, 34. — <sup>10</sup> *Cant.*, I, 1. — <sup>11</sup> *Cant.*, V, 6. — <sup>12</sup> *Gen.*, XLIX, 4.

Quandoque quis gaudet de his quæ sunt extra se, sicut malus de temporalibus, unde hoc<sup>1</sup>: « Væ illis, qui rident, quoniam ipsi lugebunt; » quidam de his quæ sunt intra se, ut bonus de conscientia, unde hoc<sup>2</sup>: « Hæc est gloria vestra, testimonium conscientiæ vestræ; » quidam, de eo quod juxta se, ut proximus de proximo; quidam de eo quod est supra se, ut de Deo, unde hoc<sup>3</sup>: « Exultate, justi, in Domino. »

6. *Quare tristis es, anima mea, et quare conturbas me?* Sensualitas quandoque turbat animam per motus veniales, et hoc etiam in perfectis, unde hoc<sup>4</sup>: « Turbatus est a furore oculus meus; » quandoque turbat, et hoc in infirmis, unde hoc<sup>5</sup>: « Supra modum turbati (a) sumus, » quando scilicet anima infirmi longo fastidio expectationis gravatur; quandoque ligat, cum anima funiculis peccatorum comprehenditur, unde hoc<sup>6</sup>: « Funes peccatorum circumplexi sunt me, » et hoc<sup>7</sup>: « Projicite illum in tenebras exteriore, ligatis manibus. »

8. *Abyssus abyssum invocat.* Est abyssus elementorum, unde hoc<sup>8</sup>: « Tenebræ erant super faciem abyssi. » Est abyssus judiciorum Dei, unde<sup>9</sup>: « Judicia tua abyssus multa. » Est abyssus cordium humanorum, unde hoc<sup>10</sup>: « Ponens in thesauris abyssos. » Et hoc<sup>11</sup>: « Pravum est cor hominis, et incrustabile, quis cognoscet illud? » Est abyssus Scripturarum. Nota: *Abyssus abyssum invocat*, id est, mortificatio nostra mortificationem Christi, passio nostra passionem Christi, patientia nostra patientiam Christi in auxilium nostrum vocat.

### PSALMUS DAVID XLII.

1. *Judica me, Deus, et discerne causam meam.* Aliud est judicium secundum cau-

sam; aliud secundum retributionem. Primum est in præsenti: secundum in futuro. Peto a malis liberari; potes (v. 2), *quia tu es fortitudo mea*. Sed quod peto, differtur; ideo clamabo: *Quare me repulisti?*

3. *Emitte lucem tuam et veritatem tuam.* Per illuminationem misericordia: per veritatem fidei remuneratio. Illuminando misericors, remunerando verax. Haec duo deducunt a malis, et educunt ad bona. Ad quæ bona? Scilicet ad « montem Domini » et in « tabernacula ejus. » In montem, per fidem; in tabernaculum, per operationem. (b) In montem, ut altiora crederem; in tabernaculum, ut fortiora facerem.

4. *Introibo per dilectionem (c), ad altare,* ut me immolem. Mons et tabernaculum dicuntur in præsenti vita, et altare in futuro, ubi plena charitas. Sequitur: *Ad Deum, qui letificat juventutem meam.* Juventutem meam, non vetustatem letificat; juventutem gratiæ, non vetustatem culpæ.

5. *Quare tristis es, anima mea (d)?* Est tristitia peccati, unde hoc<sup>12</sup>: « Afflictus sum et humiliatus sum nimis. » Est tristitia infirmitatis, unde hoc<sup>13</sup>: « Tristis est anima mea usque ad mortem. » Est tristitia hujus sæculi, quæ potest dici acedia, unde hic: *Quare tristis*, etc. (e)

*Emitte lucem et veritatem tuam.* Est emissio æternitatis, unde hoc<sup>14</sup>: « Ego ex ore altissimi prodivi. Est emissio temporalis, unde hoc<sup>15</sup>: Emitte agnum, Domine. » Est emissio glorificationis, unde hic: *Emitte lucem*, etc. (f) Est emissio infusionis, unde hoc<sup>16</sup>: « Emitte spiritum tuum, et creabuntur. » *Introibo ad altare Dei.* Inter altare, quod erat in templo, et illud quod erat in cœlesti Hierusalem, haec est differentia, quod in templo Salomonis et sacrificium, et libamen, et holocaustum com-

<sup>1</sup> *Luc.*, vi, 23. — <sup>2</sup> *1 Cor.*, i, 12. — <sup>3</sup> *Psal.* xxxii, 1. — <sup>4</sup> *Psal.* vi, 8. — <sup>5</sup> *1 Cor.*, i, 8. — <sup>6</sup> *Psal.* cxviii, 61. — <sup>7</sup> *Matth.*, xxii, 13. — <sup>8</sup> *Gen.*, 1, 2. — <sup>9</sup> *Psal.* xxxv, 7. — <sup>10</sup> *Psal.* xxxvii, 7. — <sup>11</sup> *Jerem.*, xvii, 9. — <sup>12</sup> *Psal.* xxxii, 9. — <sup>13</sup> *Matth.*, xxvi, 38. — <sup>14</sup> *Ecclesi.*, xxiv, 5. — <sup>15</sup> *Isa.*, xvii, 1. — <sup>16</sup> *Psal.* cui, 30.

(a) *Vulg.* gravati. — (b) Cæt. edit. hic habent: *Introibo ad altare*, per dilectionem. — (c) Cæt. edit. hic non habent per dilectionem. — (d) Cæt. edit. non habent *Quare tristis es, anima mea?* — (e) Cæt. edit. non habent *Quare tristis*, etc. — (f) Cæt. edit. non habent *Emitte lucem*, etc.

burebatur; in cœlesti Hierusalem, tantum holocaustum.

## PSALMUS DAVID XLIII.

*2. Deus, auribus nostris audivimus.* Deus alliebat Judæos per promissa, unde hoc<sup>1</sup>: « Dabo vobis terram fluentem lac et mel; » per comminationem, unde hoc<sup>2</sup>: « Visitabo iniurias patrum in filios, » et hoc<sup>3</sup>: « Oculum pro oculo; » et per afflictionem, unde hoc<sup>4</sup>: « Multiplicatae sunt infirmitates eorum, postea acceleraverunt; » per collationem temporalium, unde hoc<sup>5</sup>: « Pluit illis manna ad manducandum. » Nota: Quædam sunt bona temporalia, quædam spiritualia.

Bona  
quædam  
tempora-  
lia, quæ-  
dam spi-  
ritualia.  
Opus  
quæda-  
plex.  
Planta-  
tio.

Temporalia sunt quædam quibus meremur, ut virtutes; quædam, quibus juvamus ad merendum, ut sacramenta; quædam spiritualia et aeterna.

*Opus quod operatus es in diebus eorum.* Nota: Opus Dei est opus creationis, aeternæ retributionis. Ad opus creationis pertinet opus perfectionis (*a*): unde hoc<sup>6</sup>: « Qui vivit in aeternum, creavit omnia simul; » et opus distinctionis, quo (*b*) distincta sunt elementa a se; opus ornatus, quo coronavit ea; opus novitatis, quo fiunt miracula; opus propagationis, quo quotidie operatur.

*3. Manus tua gentes disperdidit, et plantasti eos.* Est plantatio in merito, unde hoc<sup>7</sup>: « Ego plantavi, Apollo rigavit. » Est plantatio in præmio, unde hoc<sup>8</sup>: « Plantatus in domo Domini. » Est plantatio in viatico, scilicet in temporalibus hominibus.

*10. Nunc autem repulisti nos (*c*).* Deus repulit justum quantum ad opinionem, unde supra<sup>9</sup>: « Ut quid repulisti me? » Quantum ad negationem, ut filios Zebedæi, cum dixit<sup>10</sup>: « Nescitis quid petatis. » Quantum ad dilationem, unde hoc<sup>11</sup>: *Ne repellas me in finem.* Quandoque Deus

repellit, permittendo (*d*) peccare, ut fortior surgat, ut repulit Petrum (*e*). Jejunat luxuriosus, ut ventrem replete; avarus, ut plus habeat; hypocrita, ut hominibus appareat jejunans; medicus, ut convaleat. Nota vitia quinque gulæ, quæ Gregorius<sup>12</sup>, *super Job*, assignat. Nam quandoque quis indigentia temporis prævenit, quando cibos querit; quandoque quæ sumenda sunt, parare delicatius appetit; quandoque in quantitate mensuram excedit; quandoque quod abjectius est desiderat, sed ipso æstu desiderii deterius peccat.

*21. Si oblii sumus nomen Dei.* Est oblivio mandati, unde hoc (v. 18): *Hæc omnia venerunt super nos, nec oblii sumus te.* Est oblivio beneficij Dei, est oblivio supplicij; unde hoc (v. 23): *Exurge, quare obdormis, Domine?* Christus dicitur dormire propter mortem, unde hoc<sup>13</sup>: « Ego dormivi, et soporatus sum, et exurrexi. » Dormit in nobis per negligenciam nostram, unde dicitur dormisse in navi, quando periclitabatur. Dormit per gratiæ subtractionem, unde hoc<sup>14</sup>: « Ne unquam obdormiam in morte. » Hoc dixit in persona membrorum. Dormit per dilatationem, unde: *Exurge, Domine;* conferendo fidem meriti, scilicet primam gratiam; *Adjuva nos,* conferendo meritum fidei, scilicet secundam gratiam; *Redime nos,* incarnationem Filii. Et bene distinguit: nam in prima justificatione opus est magna potentia; nam majoris est potentia justificare impium, quam creare cœlum et terram, unde dicit: *Exurge, Domine:* nam Dominus est nomen potentiae. In secunda justificatione nos cooperamur Deo, unde hoc<sup>15</sup>: « Cum Deus faciat nos sine nobis, non justificat nos sine nobis. » Unde Apostolus<sup>16</sup>: « Coadjutores (*f*) Dei sumus: » unde hoc: *Adjuva nos.* Item nullum meritum sufficeret ad

Gulæ  
vitia  
quinque.

Oblivio.

Christi  
dormitio  
quotu-  
plex.

<sup>1</sup> *Exod.*, xiii, 5. — <sup>2</sup> *Exod.*, xx, 5. — <sup>3</sup> *Exod.*, xxii, 24. — <sup>4</sup> *Psal.*, xv, 4. — <sup>5</sup> *Psal.*, lxxvii, 24. — <sup>6</sup> *Ecli.*, xviii, 1. — <sup>7</sup> *1 Cor.*, iii, 6. — <sup>8</sup> *Psal.*, xcii, 14. — <sup>9</sup> *Psal.*, xlvi, 2. — <sup>10</sup> *Matth.*, xx, 22. — <sup>11</sup> *Infra*, 23. — <sup>12</sup> *Greg.*, *Moral.*, lib. XXX, c. xxvii. — <sup>13</sup> *Psal.*, iii, 6.

— <sup>14</sup> *Psal.*, XII, 4. — <sup>15</sup> *Aug.*, *de verb. Apost.*, serm. xv, al. CLXIX, n. 13. — <sup>16</sup> *I Cor.*, iii, 9.

(*a*) *Cæt.* edit. perceptionis. — (*b*) Item quod. — (*c*) Item eos. — (*d*) Suppl. aliquem. — (*e*) Hæc, quæ sequuntur de jejunio et de gula, melius alibi aptarentur. — (*f*) *Vulg.* adjutores.

hoc, quod Christus sua incarnatione nos redimeret, sed sola Dei gratia: *Redime nos propter nomen tuum*, id est, de gratia, non pro merito.

## PSALMUS DAVID XLIV.

<sup>Psalmi tredecim nomine intellectus.</sup> 1. *Ad intellectum* (a). Nota: tredecim sunt psalmi, qui intitulantur nomine *intellectus*. Primus est: *Beati quorum*; secundus: *Beatus qui intelligit*; tertius: *Deus, auribus nostris audivimus*; quartus hic quintus: *Quid gloriaris*; sextus: *Dixit insipiens*; septimus: *Deus, in nomine tuo salvum me fac*; octavus: *Exaudi, Deus, orationem meam, et ne despexeris*; nonus: *Ut quid, Deus, repulisti*; decimus: *Attendite, popule meus*; undecimus: *Domine Deus salutis meae*; duodecimus: *Misericordias Domini*; tertiusdecimus: *Voce mea ad Dominum clavavi*.

<sup>Nuptiarum quatuor genera.</sup> Canticum pro dilecto (b). Quatuor sunt genera nuptiarum: primæ sunt carnis et carnis; secundæ, carnis et spiritus; tertiae sunt Verbi et hominis: quartæ, Dei et mentis. Primæ sunt historiales, secundæ morales, tertiae allegoricae, quartæ anagogicae. Vel tria sunt genera nuptiarum: primæ inter animam et animam, quando fideles charitatis vinculo junguntur, quæ coeperrunt a tempore Abel; secundæ sunt inter naturam et naturam, quæ factæ sunt in utero Virginis, quando Verbum caro factum est; tertiae, inter mortalitatem et immortalitatem, quæ fient in die judicii, quando hoc corruptibile induerit incorruptionem.

3. *Speciosus forma præ filiis hominum*. Hic commendatur Christus secundum humanitatem, cuius forma consistit in duabus, peccati immunitate, et donorum collatione. *Propterea benedixit te Deus in æternum*.

<sup>1</sup> *Luc.*, 1, 42. — <sup>2</sup> *Ibid.*, 68. — <sup>3</sup> *Cant.*, II, 8. — <sup>4</sup> *Hieron.*, in *Psal.* LVIII. — <sup>5</sup> *Joan.*, XVIII, 36. — <sup>6</sup> *Psal.* XCII, 1. — <sup>7</sup> *Psal.* XCV, 10, vel potius Ecclesia, ex antiqua versione. — <sup>8</sup> *Jerem.*, I, 10.

(a) Cæt. edit. *Eructavit cor meum verbum bonum*.

Christus fuit benedictus in utero, in mundo, <sup>Christus ubi benedictus</sup> in cœlo. De primo<sup>1</sup>: « Benedictus fructus ventris tui; » de secundo<sup>2</sup>: « Benedictus Dominus Deus Israel, quia visitavit et fecit, » etc. De tertio, ut hic. (c) *De quandoque est essentiale*, ut hic: « Filius genitus est de Patre, » id est, de essentia Patris. Quandoque materiale, unde hoc: « Christus factus est de Virgine, » id est, de materia, id est, de carne Virginis. Quandoque convertibile, unde hoc: « Conceptus est de Spiritu sancto, » id est, de potentia ejus. Nota: hic possunt assignari saltus Christi. Nam dicitur in *Canticis*<sup>3</sup> esse « *Cervus saliens* » in montibus. Primus ejus saltus<sup>4</sup> fuit de cœlo in uterum virginis; secundus, ab utero in terram; tertius, a terra in crucem; quartus, a cruce in sepulchrum; quintus, a sepulchro in infernum: sextus, ab inferno in cœlum.

5. *Intende, prospere procede, et regna*.

Regnat Deus secundum divinitatem, unde hoc<sup>5</sup>: « Regnum meum non est de hoc mundo; » secundum humanitatem, et hoc tum secundum nativitatem, unde hoc<sup>6</sup>: « Dominus regnavit, decorum indutus est; » tum secundum passionem, unde hoc<sup>7</sup>: « Regnavit a ligno Deus; » tum secundum resurrectionem et ascensionem, unde hoc<sup>8</sup>: « Constitui te super gentes, et super regna. » Regnat per fidem in gentibus, unde hoc<sup>7</sup>: « Dicite in gentibus, quia Dominus regnavit a ligno. »

*Speciosus forma præ filiis hominum*, ecce rectitudo operis; *diffusa est gratia in labiis tuis*, puritas prædicationis; *Propterea benedixit te Deus in æternum*, felicitas retributionis. Illic tria nominantur, scilicet, munditia, prædicatio, retributio.

7. *Virga directionis*, etc. (d) Nota, quod summus Pontifex baculum pontificalem non habet. Treverensis autem semper baculum fert, quia in tempore Petri, quando erat

— (b) Cæt. edit. non habent *Canticum pro dilecto*. — (c) Haec notata circa præpositionem *De* non sunt hic in suo loco; idemque observa de iis quæ infra dicentur de saltibus Christi. — (d) Cæt. edit. non habent *Virga directionis*, etc.

summus Pontifex, misit tres de discipulis suis ad prædicandum versus Theutoniam; sed unus eorum non est reversus, sed mortuus est. Sed duo redierunt ad Petrum. Petrus autem misit baculum suum, ut ille suscitereatur. Qui reversi tetigerunt Petri baculo mortuum, et suscitatus est: et ita tres illi manserunt ibi, et facta est civitas a *tribus viris*. Et ideo summus Pontifex nunquam portat baculum; Treverensis au-

*In baculo pontificali sex eorum signatio.* tem semper portat baculum. Nota: in baculo autem pontificali sex sunt: protenditur in longum, extenditur in altum, pungit in imo, et curvatur in summo, est planus in medio, circumligatur nodo. Protenditur in longum, quia ubique debet prædicare episcopus. Nam<sup>1</sup>: « In omnem terram exivit sonus eorum, » etc. Extenditur in altum, quia debet prædicare pro æternis. Pungit in imo, quia debet castigare malos, et corrigere. Curvatur in summo, quia debet corrigere vel colligere, scilicet plures ad fidem convertens; et illud, quod dedit sermone, debet ad se torqueri, ut scilicet faciat quod dicit, ut os turturis torqueatur ad axillas. Planus et nodosus, quia et mansuetudinem et justitiam debet habere.

9. *Myrrha et gutta et casia*: est odor prædicationis; unde hoc<sup>2</sup>: « Aliis sumus odor mortis in mortem; aliis odor vitæ in vitam. » Est odor vitæ, unde hoc<sup>3</sup>: Dominus præcepit offerri animalia « in odorem suavitatis. » Est odor orationis, unde hoc<sup>4</sup>: « Portantes citharas, et phialas plenas odo-ramentorum. » Est odor Christus, unde hoc<sup>5</sup>: « Curremus in odorem unguentorum tuorum. » Est odor lucri.

*Charitas regina virtutum* 10. *Astitit regina a dextris tuis.* Hujus reginæ Christus rex, unde dicitur<sup>6</sup>: « Dominus virtutum, ipse est rex gloriae. » Charitas merito regina virtutum est, quia virtutis nomen amittit, quæ charitati non famulatur. A sinistris Dei bona temporalia; a dex-

tris bona aeterna. Charitas ergo a dextris Dei stare dicitur, quia bonis æternis, non temporalibus innititur. *In vestitu deaurato.* In *vestitu*, opera justitiae; in *aurato*, intellege claritatem sapientiae. Vestimenta sunt aurea; opera sunt dextera. *Circumamicta varietate.* Decet reginam habere multiplicem vestem et variam, ut de contemplatione transeat ad actionem. In conjugio Christi et Ecclesiæ duo nominantur, scilicet conjunctio naturarum et conjunctio animorum, et utrumque potest dici conjugium, hac similitudine, quod in duecenda uxore fiunt promissiones: primo scilicet sponsalia; secundo nuptiarum celebratio; tertio traductio, scilicet quando de domo patris ad propriam traducitur. Sic factum est in nuptiis nuptiarum: quia primo facta est promissio, scilicet sponsalia, unde hoc<sup>7</sup>: « Osculetur me osculo oris sui, » id est, osculabitur. Secundo facta est celebratio nuptiarum, quando scilicet duæ naturæ in utero virginis conjunctæ sunt, unde hoc<sup>8</sup>: « Verbum caro factum est. » Tertio traductio est facta, quando natura divina humanam assumpsit et in cœlum transtulit, ut in ascensione, unde hoc<sup>9</sup>: « Sic veniet, quemadmodum vidistis eum euntem in cœlum. » Sponsalia in nuptiis animorum, scilicet in conjunctione animorum, unde<sup>10</sup>: « Non dilectam, vocabo dilectam meam. » Nuptiarum celebratio, quando facta est conjunctio animorum per charitatem, scilicet quando dixerunt angelii<sup>11</sup>: « Gloria in excelsis (a) Deo. » Traductio fiet, quando<sup>12</sup> « corruptibile hoc induet incorruptionem. » Unde hoc<sup>13</sup>: « Ego, et pueri mei mecum sunt in cubili. »

12. *Concupiscet rex decorem tuum.* In eligenda uxore quatuor requiruntur, scilicet pulchritudo, divitiae, genus, et mores. Sic Christus, scilicet sponsus, in eligenda sponsa, scilicet Ecclesia, hæc quatuor consideravit, scilicet pulchritudinem sponsæ, scili-

<sup>1</sup> Psal. xviii, 5. — <sup>2</sup> II Cor., ii, 16. — <sup>3</sup> Levit., ii, 9; Num., xv, 7. — <sup>4</sup> Apoc., v, 8. — <sup>5</sup> Cant., i, 3. — <sup>6</sup> Psal. xxiii, 10. — <sup>7</sup> Cant., i, 1. — <sup>8</sup> Joan., i, 14. —

<sup>9</sup> Act., i, 11. — <sup>10</sup> Rom., ix, 25. — <sup>11</sup> Luc., ii, 14. —

<sup>12</sup> I Cor., xv, 53. — <sup>13</sup> Luc., xi, 7.

(a) Vulg. altissimis.

Qualuor  
in eli-  
genda  
uxore re-  
quiran-  
tur.

Fimbriae  
signifi-  
catio.

Genti-  
litas  
Christi  
fim-  
briam  
teligit.

Uxor tri-  
bns de  
causis  
dicitur.

cet Ecclesiæ , unde hic : *Concupisce (a) rex decorem tuum ; divitias , unde : Filiæ Tyri in mulieribus , scilicet veniunt ; mores , unde : Vultum tuum deprecabuntur omnes divites plebis*, id est, conformitatem; genus, unde : *Filiæ regis (b) ab intus in fimbriis aureis ; Filiæ Tyri in muneribus* : ut in *Actibus Apostolorum* dicitur sic <sup>1</sup> : *Tyrus recipit Apostolum honorifice , et suos : et tunc adimpleta est prophætia : Filiæ Tyri*, etc. *Omnis gloria ejus in fimbriis*. Fimbria quandoque significat finem, ut hic; quandoque minimum mandatum Evangelii, unde hoc <sup>2</sup> : « *Mulier tetigit fimbriam vestimenti* » Christi, et sanata est; quia qui observat minimum mandatum Evangelii, sanatur in mente. Quandoque humanitatem, ut ibidem, propter duo: nam ille, qui vidit Christum, qui scilicet credit prædicationi, ille proprieteligit vestem Dei. Gentilitas autem non teligit vestem, sed fimbriam, quia per Paulum et alios apostolos venit ad fidem, quasi per fimbriam. Vel per fimbriam dicitur humanitas, quæ minima respectu divinitatis, ut fimbria respectu pallii. Quandoque virtutem, ut ibidem; nam mulier illa virtute Dei, quæ de illo exibat, sanata est.

*15. Adducentur regi virginæ post eam.*  
Tripli de causa dicitur uxor: causa prolis, unde Dominus <sup>3</sup> : « *Crescite et multiplicamini* » causa adjutorii, unde Dominus <sup>4</sup> : « *Non est bonum hominem esse solum* » causa incontinentiæ, unde Apostolus <sup>5</sup> : « *Qui autem incontinentis est, nubat in Domino* ». Sponsus autem sponsam, Christus Ecclesiæ, non accepit in uxorem, nisi causa prolis et adjutorii. Et ibi proles est, quia crevit Ecclesia in numero et merito. Et sponsus ac sponsa sibi mutuum suffragium præstant; et non eam accepit causa incontinentiæ.

<sup>1</sup> *Act.*, *xxi*, *3*, *4*. — <sup>2</sup> *Luc.*, *viii*, *41*. — <sup>3</sup> *Gen.*, *1*, *28*. — <sup>4</sup> *Gen.*, *ii*, *18*. — <sup>5</sup> *1 Cor.*, *vii*, *39*. — <sup>6</sup> *Matth.*, *1*, *2*. — <sup>7</sup> *Mich.*, *vii*, *5*. — <sup>8</sup> *Psal.* *xviii*, *13*. — <sup>9</sup> *Psal.* *ii*, *12*. — <sup>10</sup> *Psal.* *cxxxiii*, *3*. — <sup>11</sup> *Psal.* *xviii*, *5*. — <sup>12</sup> *Psal.* *xxvii*, *9*. — <sup>13</sup> *Psal.* *xli*, *5*. — <sup>14</sup> *Psal.* *cl*, *5*. — (a) Cæt. edit. *Concupisit*. — (b) Item *Regum*.

## PSALMUS DAVID XLV.

*2. Deus noster refugium , et virtus.* Deus dicitur alicujus quadrupliciter: nam Dominus omnium, beneficio creationis; hominum, participatione humanitatis, nam dicitur *Emmanuel*; bonorum hominum, per cultum religionis, ut hic; quorundam, ut Abraham, Isaac et Jacob, quodam privilegio amoris. Nota: Deus est Deus Abraham, conferendo fidem; Deus Isaac, conferendo spem; Deus Jacob, conferendo charitatem. Nam hi tres has tres virtutes designant in *Matthæo* <sup>6</sup>. Vel sic: Deus est Deus Abraham, filiorum multitudine; nam multi filii Dei: nam *Abraham* interpretatur pater multarum gentium. Vel <sup>Quare Deus Abra-</sup>ham si-  
gnifica-  
cio. Isaac in-  
terpreta-  
tio. Ja-  
cob quid  
notet.  
Abra-  
ham si-  
gnifica-  
cio.  
Isaac in-  
terpreta-  
tio. Ja-  
cob quid  
notet.

*Adjutor in tribulationibus.* Tribulatio alia intrinseca, alia extrinseca. Intrinseca duplex, a carne, vel a diabolo. A carne, unde hoc <sup>7</sup>: « *Ab ea, quæ dormit in sinu tuo, custodi claustræ oris* ». Et hoc: « *Nulla pestis efficacior, quam familiaris inimicus* ». A diabolo, unde hoc <sup>8</sup>: « *Ab occultis meis munda me* ». Assumpta, et coacta: assumpta, unde hoc <sup>9</sup>: « *Apprehendite disciplinam* »; coacta, unde hoc <sup>10</sup>: « *Sopra dorsum meum fabricaverunt peccatores* ».

*4. Sonuerunt, et turbatae sunt aquæ.* Est sonus prædicationis, unde hoc <sup>11</sup>: « *In omnem terram exivit sonus eorum* ». Est sonus confessionis, unde hoc <sup>12</sup>: « *Rugiebam a gemitu cordis mei* »; et hoc <sup>13</sup>: « *In voce exultationis et confessionis, sonus epulanantis* ». Est sonus jubilationis, unde hoc <sup>14</sup>:

— (c) *Vel potius Israel*. — (d) *Forsan in quadam glossa, nam ipsi Paralipomenon libri de hoc tacent.*

« Laudate eum in cymbalis bene sonantibus. » Est sonus contradictionis, unde hoc.

9. *Venite, et videte opera Domini, quae posuit prodigia super terram.* Primo, *Venite;* postea, *Videte:* vos enim in tenebris estis, et ideo opera Domini videre non potestis. Venite ad lucem, videte opera Domini per lucem. Quae sunt illa opera? *Prodigia super terram.* Quomodo super terram? <sup>1</sup> « Verbum caro factum est, » etc. Quomodo *prodigia?* <sup>2</sup> Parvulus natus est nobis, » etc., « et vocabitur nomen ejus admirabilis, » etc. *Super terram,* quia ad pacem terrena componunt. *Prodigia* sunt, quia futura gaudia protendunt. *Prodigia* sunt, quia « pater futuri sæculi; » *super terram,* quia « princeps pacis. »

Deus  
abstulit  
bellum  
multiplex.

10. *Auferens bella.* Multiplex bellum abstulit Deus. Nam bellum adversus Gentiles et Judæos. Nam ille lapis angularis, qui conjunxit duos parietes, reconciliavit eos, solvens inimicitias inter eos. Bellum adversus carnem et spiritum. Nam modo caro non concupiscit, sicut prius; unde hoc <sup>3</sup>: « Nobis non est collectatio adversus carnem et sanguinem, sed adversus spirituales» nequitias, quæ militant adversus carnem. Et bellum malorum, quæ sunt in conscientia, unde hoc <sup>4</sup>: « Non est pax impio, dicit Dominus. » Et bellum inter hominem, et angelum, et Deum, unde hoc <sup>5</sup>: « Gloria in excelso Deo, et in terra pax, » etc.

## PSALMUS DAVID XLVI.

3. *Quoniam excelsus Dominus,* etc. Nota: Deus est *Dominus* in potestate, *excelsus* in comprehensione, *terribilis* in admiratione. Nam est potens, incomprehensibilis, admirabilis. Potentiam Deus ostendit per tria: per ejus magnitudinem, unde : *Rex magnus;*

<sup>1</sup> *Joan.*, 1, 14. — <sup>2</sup> *Isa.*, 15, 6. — <sup>3</sup> *Ephes.*, vi, 12. — <sup>4</sup> *Isa.*, XLVIII, 22. — <sup>5</sup> *Luc.*, II, 14. — <sup>6</sup> *Prov.*, XXXI, 30. — <sup>7</sup> *Psal.*, XLIV, 3. — <sup>8</sup> *Psal.*, XVII, 6. — <sup>9</sup> *Jerem.*, I, 6. — <sup>10</sup> *Psal.*, CXL, 2. — <sup>11</sup> *Psal.*, CXXXVIII, 16. — <sup>12</sup> *IV Reg.*, II, 23.

per universitatem, unde : *Super omnem terram;* per inimicorum subjectionem, unde (v. 4): *Subjecit populos.*

5. *Speciem Jacob, quem dilexit.* Est species mundi, unde hoc <sup>6</sup>: « Fallax gratia, et vana est pulchritudo. » Est species gratiae, unde hoc <sup>7</sup>: « Speciosus forma præ filiis hominum. » Est species gloriae, unde hoc : *Speciem Jacob, quem dilexit.* Prima deformat; secunda informat; tertia reformat.

6. *Ascendit in jubilatione (a).* Jubilus est *Jubilus.* laus, quæ nec prorsus taceri, nec prorsus exprimi potest præ gaudio, quod fit præ gaudio quandoque in principio orationis, ut hoc <sup>8</sup>: « Tanquam sponsus. » Et ibi <sup>9</sup>: « A! a! a! puer ego sum, et loqui nescio. » Quod dixit propheta, qui repræsentat nostram infirmitatem. Et in medio, unde hoc <sup>10</sup>: « Vespertina oratio, » quia Sanctorum gaudium in hac vita est imperfectum, unde <sup>11</sup>: « Imperfectum meum viderunt oculi tui. » Est jubilus infine, et est eorum qui sunt in patria, quorum gaudium consummatum est, qui tamen expectant stolam corporis; unde pro illo, qui jam habet utramque stolam, scilicet corporis et animæ, non fit jubilus. Nam in solemnitate, scilicet paschali, non fit jubilus in fine cantus; similiter in Laudibus non cantatur, in memoriam resurrectionis, quia Dominus ea hora resurrexit; et in Completorio, quod designat consummatam lætitiam Sanctorum, qui in corpore resurgunt.

6. *Ascendit (b)* <sup>12</sup>. « Ascende, calve : » hoc exponitur de Eliseo, qui fuit calvus ad litteram; sed exponitur de Christo, qui non fuit calvus ad litteram. Dominus ergo, qui est Christus, in anteriori parte capillos non habuit, sed in posteriori: nam in anteriori parte decapillatus est, non in posteriori. Nam Iudæi ab eo recesserunt, qui sunt anterior populus; et Gentiles ei adhæserunt, qui sunt posterior populus, et ideo dicitur calvus.

(a) *Vulg. jubilo.* — (b) Cæt. edit. *Omnes gentes, plaudite manibus,* et ponunt in principio omnem hanc conclusionem.

Christus  
quomo-  
do dicitur  
cal-  
vus.

## PSALMUS DAVID XLVII.

*2. Magnus Dominus, et laudabilis nimis.*  
 Nota : Laus Dei in Ecclesia finem non habet quantum ad Deum, unde hoc <sup>1</sup> : « Deus inhabitat lucem inaccessibilem; » et quantum ad homines Deum in hac vita laudantes, unde hoc <sup>2</sup> : « Vobiscum sum usque ad consummationem saeculi; » et quantum ad homines Deum in futura vita laudantes, unde hoc <sup>3</sup> : « Beati, qui habitant in domo tua, Domine. »

*5. Quoniam ecce reges terræ.* Illi qui convernunt adversus Christum, fuerunt in malo notabiles, unde : *Ecce.* Idem notatur, cum in sequenti dicitur versu : *Ipsi*, ut discrete loquatur, scilicet, notabiles fuerunt. Potentes, unde : *Reges*; multi, unde : *Congregati*; in malo unanimes, unde : *Convenerunt in unum*. Nec hoc fecerunt ignari, sed solliciti, unde (v. 6) : *Ipsi videntes*. Idem notatur in hoc versu <sup>4</sup> : « Astiterunt reges terræ, et principes: » multi, unde : « Convenerunt; » in malo unanimes, unde : « In unum; » solliciti, quia non ignari astiterunt; in malo notabiles, nam : « Adversus Dominum. » Illoc est ibi signum malitiae, quoniam convernunt adversus Dominum.

*7. Ibi dolores, ut parturientis.* Nota : In pœnitentia quatuor debent esse : dolor, pudor, timor, et satisfactio : dolor, ut hic; timor, ut ibi <sup>5</sup> : « A timore tuo concepimus, et peperimus spiritum salutis (a). » Pudor, ut hic <sup>6</sup> : « Quem fructum habuistis in his, in quibus nunc erubescitis? » Satisfactio, unde hoc <sup>7</sup> : « Facite fructus dignos pœnitentiae. »

Pœni-tentia. *8. In spiritu vehementi conteres naves, etc.*  
 Spiritus sanctus dicitur esse benignus, vehemens, spiritus furoris. Benignus est, unde hoc <sup>8</sup> : « Benignus est spiritus sapientiæ, » qui « non habitat in corpore subdito peccatis. »

<sup>1</sup> *Tim.*, vi, 16. — <sup>2</sup> *Matth.*, xxviii, 20. — <sup>3</sup> *Psal.* LXXXIII, 5. — <sup>4</sup> *Psal.* II, 2. — <sup>5</sup> *Isa.*, XXVI, 17, 18, sed probris diverso sensu. — <sup>6</sup> *Rom.*, VI, 21. — <sup>7</sup> *Luc.*, XI, 8. — <sup>8</sup> *Sap.*, I, 5, 4. — <sup>9</sup> *Act.*, II, 2. — <sup>10</sup> *Exod.*, XV, 8. — <sup>11</sup> *Psal.* XXXVI, 24. — <sup>12</sup> *Psal.* LXXII, 2. — <sup>13</sup> *Psal.* XXXV, 12. — <sup>14</sup> *Isa.*, LII, 2. — <sup>15</sup> *Psal.* XVIII, 1. — <sup>16</sup> *Math.*, XXVIII, 20. — <sup>17</sup> *Dan.*, XI, 4. —

Vehemens, quasi vehemens (*b*) extra mentem, unde hoc <sup>9</sup> : « Tanquam sonus advenientis spiritus vehementis. » Furoris spiritus, unde <sup>10</sup> : « In spiritu furoris tui congregatae sunt aquæ. » Deus suscepit hominem, quando per se cadit, unde hoc <sup>11</sup> : « Cum ceciderit, non collidetur; » unde <sup>12</sup> : « Mei autem pene moti sunt pedes. » Suscepit hominem cum aliis, eum impellit, unde <sup>13</sup> : « Manus peccatoris non moveat me. » Postquam cecidit, suscepit, unde <sup>14</sup> : « Exutere de pulvere, surge de pulvere, filia Hierusalem. »

*9. Sicut audivimus, sic vidimus.* Sedere ad dexteram, est sedere ad æqualitatem Patris, sicut Filius dicitur sedere ad dexteram Patris; sedere in dextera, est frui in gloria, unde Sancti dicuntur sedere in dextera, non ad dexteram (*c*).

*11. Secundum nomen tuum, Deus.* Ecclesia non est in arcto (*d*), quantum ad locum : nam <sup>15</sup> « in omnem terram exivit sonus eorum; » nec quantum ad tempus, quia <sup>16</sup> : « Vobiscum sum usque ad consummationem saeculi; » nec quantum ad scientiam, quia <sup>17</sup> : « Multiplex erit tunc scientia; » nec quantum ad personas, quia <sup>18</sup> : « In omni gente, qui timet Deum, acceptus est illi: » et hoc <sup>19</sup> : « Laudate Dominum, omnes gentes, et collaudate eum, omnes populi. »

*13. Circumdate Sion, et complectimi eam.* Hæc civitas, scilicet Ecclesia, munita turribus, scilicet prælatis in Ecclesia, unde hoc : *Narrate in turribus*; muris, id est, Sanctis, unde hoc <sup>20</sup> : « Muri tui lapides pretiosi; et Salvator <sup>21</sup> ibi est « murus et antemurale; » unde Job <sup>22</sup> : « Quia rupto muro, et aperta janua, irruerunt super me. » Flumen, unde hoc <sup>23</sup> : « Fluminis impetus lætificat civitatem Dei, » scilicet Spiritus sanctus. Hanc civitatem quidam circumdat, ne impugnetur, unde hoc <sup>24</sup> : « Circumdederunt me » viri

<sup>18</sup> *Act.*, X, 33. — <sup>19</sup> *Psal.* CXVI, 1. — <sup>20</sup> *Tob.*, XIII, 21, quoad sensum. — <sup>21</sup> *Isa.*, XXVI, 1. — <sup>22</sup> *Job*, XXX, 14. — <sup>23</sup> *Psal.* XLV, 5. — <sup>24</sup> *Ecli.*, LI, 10, sed sensu diverso.

(a) *Vulg.* afaciet uia, Domine. Concepimus..., et peperimus spiritum; salutes, etc.—(b) *Leg.* vehens.—(c) Hæc absonia, nec digna sancto Doctore.—(d) *Cæst. edit.* alto.

mendaces; quidam, ut explorent, unde Apostolus<sup>1</sup>: « Propter subintroductos fratres, ut explorent libertatem vestram. » Quidam, ut diligent, unde hoc: *Circumdate Sion*. Quidam, ut intrent, unde hoc<sup>2</sup>: « Attollite portas. » Glossa: « Christus est murus, qui ad corda nostra impetum malorum pertingere vetat. »

## PSALMUS DAVID XLVIII.

2. *Audite haec, omnes gentes*, Nota: Redimur attenti ab utilitate propositionis, quæ hic dicitur parabola; a persona proferentis, et hoc per divinarum rerum et humanarum cognitionem, unde (v. 4): *Os meum loquetur sapientiam, et meditatio cordis mei prudenteriam*. Pro discretione, unde: *Meditatio* in se zelus Dei fit, et non secundum scientiam. Pro humilitate, unde (v. 5): *Inclinabo*. Pro obscurorum apertione, unde hoc<sup>3</sup>: « Aperiam in parabolis. » Quidam abjiciunt mundum, et abjiciuntur a mundo, unde Apostolus<sup>4</sup>: « Mihi mundus crucifixus est, et ego mundo. » Quidam nec abjiciunt, nec abjiciuntur, unde hoc<sup>5</sup>: « Deposuit potentes, et exaltavit humiles. » Quidam abjiciunt, et non abjiciuntur, unde hoc<sup>6</sup>: « Elegi abjectus esse in domo Dei mei, » etc. Quidam abjiciuntur, et non abjiciunt, unde hoc<sup>7</sup>: « Princeps hujus mundi ejicietur (a) foras, » quia ejectus est de mundo, et tamen mundum non deseruit. Hoc verbum, scilicet *habitare*, notat quandoque permanentiam, unde hoc<sup>8</sup>: « Beati qui habitant in domo tua, Domine. » Quandoque jucunditatem<sup>9</sup>: « Ecce quam bonum, et quam jucundum habitare, » etc. Quandoque dominium, unde hoc: « Jesus erat habitans in medio eorum. »

7. *Qui confidunt in virtute sua, et in mul-*

*Divitiae tribus* *tudine divitiarum suarum*. Divitiae in tribus attenduntur, in pecunia, in honore, in fama.

De primo<sup>10</sup>: « Destruam horrea mea, et ma-

<sup>1</sup> Gal., II, 4. — <sup>2</sup> Psal. XXIII, 7, 9. — <sup>3</sup> Psal. LXXXVII, 2. — <sup>4</sup> Gal., VI, 14. — <sup>5</sup> Luc., I, 52. — <sup>6</sup> Psal. LXXXIII, 44. — <sup>7</sup> Joan., XII, 31. — <sup>8</sup> Psal. LXXXIII, 5. — <sup>9</sup> Psal. CXIII, 1. — <sup>10</sup> Luc., XII, 18. — <sup>11</sup> Luc., XX,

jora faciam. » De secundo<sup>11</sup>: « Amant primas cathedras, et salutationes in foro. » De tertio (v. 12): *Vocaverunt nomina sua in terris suis*.

8. *Frater non redimit, redimet homo*. Homo Christus dicitur frater noster, et quatuor modis, et quatuor de causis, scilicet pro participazione gratiae quam habet nobiscum, unde<sup>12</sup>: « Narrabo nomen tuum fratribus meis; » et quia habet eamdem haereditatem, quam nos habituri sumus, unde hoc<sup>13</sup>: « Haeredes Dei, cohæredes autem Christi; » et quia est ejusdem naturæ nobiscum, unde dicitur<sup>14</sup> « Emmanuel, » et<sup>15</sup> « Dominus virtutum nobiscum: » et quia diligit nos, ut frater fratrem, unde hoc<sup>16</sup>: « Dilexit Deus mundum, ut filium suum daret. »

*Et non dabit Deo placationem suam*. Deus placatur contritione, eleemosyna, oratione: contritione, unde hoc<sup>17</sup>: « Sacrificium Deo spiritus contribulatus; » eleemosyna, unde hoc<sup>18</sup>: « Date eleemosynam, et omnia munda sunt vobis; » oratione, unde hoc<sup>19</sup>: « Dirigatur oratio mea sicut incensum. »

9. *Et pretium redemptionis animæ sue*. Poena attenditur in immensitate, sive in acredine, unde dives petuit guttam aquæ ab Abraham ad refrigerandam linguam; in perpetuitate, unde hoc (v. 15): *Mors depascet eos*, ut animalia herbam, quæ corrosa magis ac magis renascitur; in poenarum numerositate, unde punientur in corpore et in anima, unde<sup>20</sup>: « Duplici contritione conter eos; » et hoc<sup>21</sup>: « Transibunt ab aquis nivium ad calorem nimium. »

13, 21. *Homo, cum in honore esset, non intellexit*. Homo dicitur factus ad imaginem Dei propter naturalia; ad similitudinem, propter spiritualia, aut (b) gratuita: de utroque<sup>22</sup>: « Faciamus hominem ad imaginem et similitudinem nostram; » et ad Dei conformitatem, quantum ad beatitudinem, quam

<sup>11</sup> Gal., II, 23. — <sup>12</sup> Rom., VIII, 17. — <sup>13</sup> Isa., VII, 14. — <sup>14</sup> Psal. XLV, 12. — <sup>15</sup> Joan., III, 16. — <sup>16</sup> Psal. L, 19. — <sup>17</sup> Luc., XI, 41. — <sup>18</sup> Psal. CXL, 2. — <sup>19</sup> Jerem., XVII, 18. — <sup>20</sup> Job, XXIV, 19. — <sup>21</sup> Gen., I, 26. — (a) Cæt. edit. ejicitur. — (b) Item ut.

Christus  
quomo-  
do frater  
noster.

est habiturus: nam sumus hæreditarii patriæ cœlestis, unde hoc<sup>1</sup>: « Hæredes Dei, cohaeredes autem Christi. » Et hoc<sup>2</sup>: « Satiatione, eum apparnerit gloria tua. »

Pellis. 14. *Hæc via illorum scandalum ipsis.*<sup>3</sup> Sunt pelles corruptionis; sunt et immortalitatis, unde in *Job*<sup>4</sup>: « Pellem pro pelle, et cuncta, quæ habet homo, dabit pro anima sua. » Sed sunt pelles avaritiæ, unde hoc<sup>5</sup>: « Turbabantur pelles terræ Madian. » Sunt pelles justitiæ, scilicet Sancti, unde hoc<sup>6</sup>: « De pellibus coopertum est tabernaculum. » Sunt pelles nequitiaæ, unde hoc<sup>7</sup>.

15. *Sicut oves in inferno positi sunt.* Est ovis infirmitatis, unde<sup>8</sup>: « Æstinati sumus sicut oves. » Est ovis simplicitatis, unde<sup>9</sup>: « Sicut ovis ad occisionem, » et hoc: « Tantquam ovis (a) coram tondente se obmutuit. » Est ovis damnationis, unde nota: tam oves, quam herbæ pascentur. Et ideo hoc duplice exponitur.

### PSALMUS DAVID XLIX.

#### 1. Deus Deorum Dominus locutus est.

Deus et Domini-  
nus. Nota: Deus dicitur *Dominus* potestate, et creatione, unde hoc<sup>10</sup>: « Domini est terra.

<sup>11</sup> Cœlum cœli Domino, » quia omnia creavit aptitudine, unde hoc<sup>12</sup>: « Dominus nomen illi, » scilicet essentiale, scilicet Dominabilis, quia fuit ab æterno; et abusivum, unde hoc: « Nisi esset qui famularetur, non esset qui dominaretur: nam<sup>13</sup> *Dominus* et *Servus* sunt correlativa, et secundum hoc ab æterno non fuit dominus, quia ab æterno non fuit aliquis servus.

Voca-  
tionum  
modi de-  
cem. Et vocavit terram. Decem sunt modi vocationum: vocat enim Deus per naturam, per angelos, per patriarchas, per legem, per prophetas, per Christum, per apostolos, per doctrinam, per prospera, per adversa.

<sup>1</sup> *Rom.*, viii, 17. — <sup>2</sup> *Psal.*, xvi, 45. — <sup>3</sup> Hæc potius refer ad *Psal.*, ciii, 2. — <sup>4</sup> *Job*, ii, 4. — <sup>5</sup> *Habac.*, iii, 7. — <sup>6</sup> *Exod.*, xxxvi, 19, quoad sensum. — <sup>7</sup> *Psal.*, ciii, 2. — <sup>8</sup> *Psal.*, xliv, 22. — <sup>9</sup> *Isa.*, liii, 7. — <sup>10</sup> *Psal.*, xxiiii, 1. — <sup>11</sup> *Psal.*, cxiii, 16. — <sup>12</sup> *Psal.*, lxvii, 5. — <sup>13</sup> Arist., *Prædica*, c. de ad aliquid. — <sup>14</sup> *Psal.*, xliv, 3. — <sup>15</sup> *Isa.*, lxiii, 1. — <sup>16</sup> *Ibid.*, 2. — <sup>17</sup> *Cant.*, i, 9. — <sup>18</sup> *Levit.*,

— 2. *Ex Sion species decoris ejus.* Formosus est Deus secundum deitatem, unde:

... pulchrum pulchrius ipse  
Mundum mente gerens...

Secundum animam, unde hoc<sup>19</sup>: « Speciosus forma præ filiis hominum. » Secundum corpus, unde hoc<sup>20</sup>: « Quis est iste, qui venit de Edom? sponsus in stola sua. » Secundum corpus mysticum, unde hoc<sup>21</sup>: « Pulchrum (b) indumentum tuum; » et hoc<sup>22</sup>: « Pulchræ sunt genæ tuæ, sicut turtur. »

3. *Deus manifeste veniet (c).* Deus fecit judicium pro nobis; facit modo de nobis, ad nos: de homine, pro homine, ab homine, ad hominem.

*Ignis in conspectu ejus exardescet.* Poena qua judex puniet in futuro, erit ex magna manifestatione: nam ex eo quod videbunt se puniri, magis dolebunt; unde: *In conspectu ejus.* Ex acredine, unde: *Exardescet ignis;* ex poenarum multitudine, unde: *In circuitu.* Et quia est intolerabilis, unde: *Tempestas.* Et quia interminabilis, unde: *Valida.*

5. *Congregate illi sanctos ejus, qui ordinant testamentum ejus.* Nota: quatuor hic fiunt expositiones, secundum quatuor acceptiones hujus nominis, *Testamentum.* Nam dicitur testamentum pro mandato veteris et novæ legis, unde hoc<sup>23</sup>: « Si testamentum custodieritis, dabo vobis terram fluentem lac et mel; » et pro promissione, unde hoc<sup>24</sup>: « Non profanabo testamentum meum; » et pro vita æterna, unde hoc: « Consummabo testamentum meum super domum Juda; » et pro speciali mandato charitatis, unde hoc<sup>25</sup>: « Mandatum novum do vobis, ut diligatis invicem; » et « testamentum » secundum aliam litteram. Illic sic dicitur.

7. *Deus, Deus tuus ego sum.* Bono meo xx, 24, quoad sensum, sed non legitur nomen *testamentum.* — <sup>19</sup> *Psal.*, lxxxviii, 35. — <sup>20</sup> *Joan.*, xiii, 34.

(a) *Vulg.* agnus. — (b) *Vulg.* rubrum. — (c) Cæt. edit. non habent *Deus manifeste veniet.*

sum *Deus*; malo tuo sum *Deus tuus*: id est, voluntate mea, scilicet essentia, quod est bono meo, sum *Deus*, et sic bono erit ablativus; vel : Bono meo sum Deus, id est, qui est meus; id est, ei, qui est bonus, sum Deus; id est, ad ejus voluntatem, et sic erit dativus.

16. *Peccatori autem dixit Deus; Quare tu enarras justias meas?* Dicimus, quod prædicatio prohibita, quæ fit propter quæstum temporalem, et propter inanem gloriam, vel propter haeresim introducendam, vel quæ fit propter fratrum conversionem, si crimen sit prædicantis notorium. Si crimen sit occultum, propter fratrum conversionem potest prædicare. Vera prædicatio necessaria est, quia quando vox vitam non remordet, dulcis symphonia, ne sit vox Jacob, et manus Esau.

17. *Tu vero odisti disciplinam.* Tria genera peccatorum hic notantur: contemptus disciplinæ, ut hic; morbus avaritiæ, hic (v. 18) : *Si videbas furem, currebas cum eo;* vitium luxuriæ, hic (ibid.) : *Etcum adulteris portionem tuam ponebas.*

21. *Arguam te, et statuam contra faciem tuam.* Homo debet tria sibi proponere: peccatum, mortem, et Deum. De primo<sup>1</sup> : « Pecatum meum contra me est semper. » De secundo<sup>2</sup> : « Fili, memorare novissima tua, et in æternum non peccabis. » De tertio<sup>3</sup> : « Illustra faciem tuam super servum tuum. »

23. *Sacrificium laudis (a).* In veteri Testamento, in lege, erant quatuor genera sacrificiorum. Nam ibi erat sacrificium, scilicet quod non totum accendebar. Erat holocaustum, scilicet totum incensum. Oblatio dicitur de duris, scilicet de pane et de thure; libamen, de liquidis, scilicet de vino et oleo. Sicut in lege Evangelii sunt quatuor genera sacrificiorum: nam est sacrificium justitiæ; pœnitentiae, laudis, et mortificatio-

Sacrifi-  
ciorum  
genera  
quatuor.

nis. De primo<sup>4</sup> : « Sacrificate sacrificium justitiæ; » de secundo<sup>5</sup> : « Sacrificium Deo spiritus contribulatus; » de tertio: *Sacrificium laudis honorificabit me*; de quarto, Apostolus<sup>6</sup> : « Exhibete corpora vestra hostiam viventem, Deo placentem, » id est, mortificate carnem vestram. Prima duo sunt justificandorum; secunda duo sunt justificatorum. (b)

### PSALMUS DAVID L.

3. *Miserere mei, Deus, secundum magnam misericordiam tuam.* Audite, peccatores. Rex iste in causam ductus considerat, quod judex suus falli non potest, quia est sapiens; nec corrumpi, quia est justus; nec vinci, quia omnipotens; neque declinari, quia est ubique: ideo ad solam misericordiam confugit, dicens: *Miserere mei, Deus*, etc. Volo peccatum meum abscondere, sed tu nosti omnia; volo resistere, sed tu potes omnia; (c) sed tu completeris omnia: ideo ad solam misericordiam confugio. Nolo ut intres in judicium cum servo tuo,<sup>7</sup> « quia non justificabitur in conspectu tuo omnis vivens. » Peto non justitiam, sed misericordiam, dicens: *Miserere mei, Deus.* Subticeo nomen: non dico: Miserere David, sicut consueveram dicere<sup>8</sup> : « Memento, Domine, David, » etc. Neque blandiens dicam<sup>9</sup> : « Da imperium pueru tuo, » nec saltem « servo tuo, » vel « filio ancillæ tuæ: » quia hæc nomina sunt familiaritatis. Et quanto magis beneficium mihi collatum ad memoriam reducterem, tanto gravius sequentis culpæ reatum accusarem: ergo *Miserere mei, Deus.* Non audeo dicere: « Deus meus; » solummodo Deum agnosco, meum non præsumo. Ego enim peccando, te perdidì; inimicum sequendo, a te recessi; malum amando, a bono me elongavi. Sequitur: *Secundum magnam misericordiam tuam.* Contra, non

<sup>1</sup> *Psal. L.*, 5. — <sup>2</sup> *Eccli.*, vii, 40. — <sup>3</sup> *Psal. XXX.*, 47. — <sup>4</sup> *Psal. IV.*, 6. — <sup>5</sup> *Psal. L.*, 18. — <sup>6</sup> *Rom.*, XII, 1. — <sup>7</sup> *Psal. CXLI.*, 2. — <sup>8</sup> *Psal. CXXXI.*, 1. — <sup>9</sup> *Psal. LXXXV.*, 16, 3.

(a) Cæt. edit. non habent *Sacrificium laudis*. — (b) In cæt. edit. omnis hæc glossa super versic. 23 posita erat ante v. 16. — (c) *Suppl.* volo fugere.

Deus mi-  
sericors.

dico secundum magnam miseriam (*a*) meam, sed : secundum magnam misericordiam tuam. Et licet magna sit miseria mea, major est tamen misericordia tua. Nolo parvam misericordiam quærere; neque te decet parvam misericordiam dare. Imo indignus exaudiri essem, si a magno peterem parva; nec magna petens de meis meritis præsumo, sed de magna misericordia tua confido. Secundum magnam misericordiam tuam. Deus est misericors in remittendo, multum misericors in remissionem iterando, maxime misericors in glorificando. Quidam peccatum negant, ut Cain dicens <sup>1</sup> : « Numquid custos fratris mei sum ego? » Et alii consitentes, culpam in actorem retorquent, unde Adam <sup>2</sup> : « Mulier, quam dedisti mihi sociam, <sup>3</sup> decepit me, » id est, seduxit me. Alii in infirmitatem, unde Apostolus <sup>4</sup> : « Quis es, homo, qui respondeas? Numquid dicit lumen figulo: Quid facis? » Alii coacti consistentur, ut Judas <sup>5</sup> : « Peccavi tradens sanguinem justum. » Ea, quæ apponuntur in aliis pœnitentialibus psalmis, dicuntur difficultia quædam ad faciendum, ut hoc <sup>6</sup> : « (*b*) Per singulas noctes lectum meum; » quædam ad sustinendum, unde hoc <sup>7</sup> : « Gravata est super me manus tua: » quædam ad committendum, unde hoc <sup>8</sup> : « Cinerem tanquam panem manducabam. » Nota : quædam sunt difficultia per obscuritatem; quædam obscura propter difficultatem: nam est obscuritatis difficultas, et obscuritas difficultatis. Nota : hic psalmus est quinquagesimus, et primo anno erat annus jobeitus : *Jobel* autem interpretatur initium, sive remittens (*c*), unde hic psalmus potest dici Jubileus, quia in anno jubileo et servi manumittebantur, et possessiones alienatae ad hæredes revertabantur, et debita remittebantur. Hie psalmus similiter docet liberari a servitute diaboli,

<sup>1</sup> Gen., IV, 9. — <sup>2</sup> Gen., III, 12. — <sup>3</sup> Ibid., 13, sed sunt verba maulieris de serpente. — <sup>4</sup> Rom., IX, 21, quoad sensum. — <sup>5</sup> Matth., XXVII, 4. — <sup>6</sup> Psal. VI, 7. — <sup>7</sup> Psal. XXXI, 4. — <sup>8</sup> Psal. CI, 10. — <sup>9</sup> Job, XL, II. — <sup>10</sup> Psal. XXXVII, 5. — <sup>11</sup> Gen., IV, 7, quoad sensum. — <sup>12</sup> Psal. XVIII, 13. — <sup>13</sup> Philip., III, 13, quoad sensum, sed minime ad rem.

vel peccati, unde hoc (v. 16) : *Libera me de sanguinibus, Deus, Deus salutis meæ*. Hic psalmus possessiones virtutum per pœnitentiam facit redire, unde hoc (v. 14) : *Redde mihi letitiam saluturis tui*; et peccata, quæ debita dicuntur, remitti, unde hoc (v. 4) : *Amplius lava me ab iniuitate mea*. Aliquid alienus dicitur esse novem modis : per identitatem, unde dicitur *essentia Patris*; per creationem, ut *creatura Dei*; per perfectiōnem, unde peccata filiorum dicuntur esse *peccata patrum*; per continentiam, ut *peccata inferni*, quæ continet infernus, et *civitates Galilææ*; per actionem, ut *occisio Caïn*; per mysterium, ut *baptismus Joannis*; per cultum, ut *Deus Abraham*; per dationem, ut *justitia Dei*; per acceptancem, ut *justitia hominis*; per possessionem, ut *asinus alicujus*, et quæ hic, cum de Diabolo dicitur <sup>9</sup> : « Omnis fortitudo ejus in lumbis ejus. » Lex alicujus dicitur, Moysi, Judæorum, dissimiliter.

Aliquid  
alicujus  
esse  
multipliciter  
dicitur.

5. *Et peccatum meum coram (*c*) me est semper*. Peccatum quandoque est super nos, unde hoc <sup>10</sup> : « Iniquitates meæ supergressæ sunt caput meum, » quando scilicet peccatum dominatur. Quandoque est subtus nos, quando homo dominatur peccato, unde hoc <sup>11</sup> : « Appetitus illius erit subtus te, et dominaberis illius. » Quandoque intra nos, ut occulta, unde <sup>12</sup> : « Ab occultis meis munda me. » Quandoque ante nos, et tunc ad (*f*) eavendum, ut hic; vel ad faciendum, quando scilicet promittimus nobis impunitatem; vel quando delinquimus, unde Apostolus <sup>13</sup> : « Posteriorum oblitus, in anteriora me extendo.

6. *Tibi soli peccavi, et malum coram te feci*. In præsenti solent homines judicem effugere, vel se ei subtrahere, vel per munera corrumpere, vel vi superare. Hoc non potest de judice poli fieri, quoniam David cum non

(a) *Cat. edit.* Misericordiam. — (b) *Suppl.* Lavabo. — (c) Minime, sed dicitur ab hebræo לְבָבֶךָ, *Iobel*, id est aries, quod cornu arietino solemniter promulgari solet. *Vid.* Buxtorf, p. 294. — (d) *Al.* civitas. — (e) Vulg. contra. — (f) *Cat. edit.* non habent ad.

posset effugere, dixit: *Tibi soli peccavi;* quasi dicat: Tu solus dignus es judicare me peccantem, quia tu solus es sine peccato, sicut dicitur<sup>1</sup>: « Qui sine peccato est vestrum, mittat primus in eam lapidem. » Et non potest celare, unde dicit: *Malum coram te feci.* Non potest corrumpere, unde dicit: *Ut justificeris in sermonibus tuis.* Non potest vincere, unde dicit: *Et vincas, cum judicaris.*

8. *Ecce enim veritatem dilexisti, incerta etc.* Id est, adventum tuum incertum et occultum: *incertum*, ut ad fidèles; *occultum*, ut ad infideles referatur. Incertus vero fuit adventus Christi quantum ad modum, unde Maria<sup>2</sup>: « Quomodo fiet istud, » etc.? Quantum ad tempus, unde hoc<sup>3</sup>: « Expecta, et expecta modicum, quia veniet, et non tardabit. » Etenim erit futurus Deus homo; unde Dominus objiciens Judæis<sup>4</sup>: « Quid vobis videtur de Christo, cuius filius est? Dicunt omnes: David. Quomodo David dicit: Dixit Dominus Domino meo, sede a dextris meis? » Et quantum ad humilitatem, unde: « Putabant enim, quod daret terrenum regnum: unde filii Zebedæi petierunt, quod unus a dextris, et alius a sinistris poneretur in regno Patris. » Est veritas immutabilis, unde<sup>5</sup>: « Ego sum via, veritas, et vita. » Est etiam veritas æquitatis, unde hoc<sup>6</sup>: « Universæ viæ Domini veritas (*a*): » Est veritas in dictis, unde<sup>7</sup>: « Omnis homo mendax, Deus autem verax. »

9. *Asperges me, Domine, hyssopo.* Hyssopus tria facit: tumorem removet; humiliis est; petræ adhæret. Ideo comparatur Christo. Nam removet languorem, unde hoc<sup>8</sup>: « Vere languores nostros ipse tulit. » Humilis fuit, unde<sup>9</sup>: « Vidimus eum non habentem speciem, neque decorem. » Petrae adhæret, unde hoc<sup>10</sup>: « Petra autem erat Christus. »

17. *Domine, labia mea aperies.* Nota: duo offerenda sunt, caput, et cauda. Nam princi-

pium et finem nostri operis Deo debemus attribuere; unde post silentium nocturnum dicimus primo: *Domine, labia mea aperies;* et in fine horarum, scilicet in Completorio, dicimus: *Converte nos*, id est, converte nos a superbia, quam possemus contrahere ex eo, quod septies in die Deum laudavimus, et semel in nocte. Triplici de causa prohibetur alienus locutio, scilicet pro vitio subditorum, unde Dominus ad Ezechielem<sup>11</sup>: « Adhædere faciam linguam palato tuo, et eris quasi vir objurgans, quia domusexasperans est. » Quandoque propter proprium vitium (*b*), unde hoc<sup>12</sup>: « Multa habeo vobis dicere, sed non potestis portare modo. »

18. *Quoniam si voluisses, sacrificium dedissem.* In sacrificio tria sunt: *devotio, oblatio, et significatio.* Prima duo diligit Deus, non ultimum, unde hoc<sup>13</sup>: « In me sunt, Deus, vota tua, » dicit Dominus. Nam agnus paschalis significat Christum, non earnes, unde hoc<sup>14</sup>: « Numquid manducabo carnes taurorum, aut sanguinem hircorum potabo? » Ethoc<sup>15</sup>: « Sacrificio vestra odivit anima mea. » Ille quinque notantur, scilicet quis beat dare sacrificium, et cui, et quid, et ubi, et ad quid: quis, humili et pœnitens, quia in psalmo hie loquitur; cui, *Deo*, unde dicitur: *Sacrificium Deo*; quid, *Sacrificium*, unde hoc: *Spiritus contribulatus*; ad quid: *Ut edificantur muri Hierusalem*; ubi: *Super altare tuum.*

In sa-  
cra-  
ficio  
tria.

## PSALMUS DAVID LI.

3. *Quid gloriariis in malitia?* Ille ostendit quinque, scilicet: qui gloriatur, ibi: *Qui potens es;* et in quo, ibi: *In malitia;* quandiu, ibi (v. 4): *Tota die;* qualiter, scilicet expedite, ibi (v. 5): *Sicut novacula acuta;* et quare, ibi (v. 6): quia *dilexisti malitiam.* Per antithesim ostenditur quis puniat, ibi (v. 7): *Deus destruct;* et quandiu, ibi: *In*

<sup>1</sup> *Joan.*, VIII, 7. — <sup>2</sup> *Luc.*, I, 34. — <sup>3</sup> *Isaac.*, II, 3. — <sup>4</sup> *Malch.*, XXII, 42, et seq. — <sup>5</sup> *Joan.*, XIV, 6. — <sup>6</sup> *Psal.*, XXIV, 10. — <sup>7</sup> *Rom.*, III, 4. — <sup>8</sup> *Isa.*, LIII, 4. — <sup>9</sup> *Ibid.*, 2. — <sup>10</sup> *Cor.*, X, 4. — <sup>11</sup> *Ezech.*, II, 5. — <sup>12</sup> *Joan.*, XVI, 12. — <sup>13</sup> *Psal.*, LV, 12. — <sup>14</sup> *Psal.*, XLIX, 13. — <sup>15</sup> *Isa.*, I, 14.

(a) *Cat. edit.* non habent veritas. — (b) *Suppl.*, ut ibi. Quandoque propter vitium auditoris.

*finem; et qualiter, ibi (v. 8): Erellet te et emigrabit te; quare, ibi: quia videbunt justi, et timebunt de malorum damnatione, et gau- Ephod. debunt de sua liberatione. Ephod quandoque dicitur vestis linea, qua utebantur sacerdotes communiter majores, et minores, ut hic : et dicitur Ephod, quia Ephod videnterum lineum interpretatur; quandoque vestis, qua utebantur summi sacerdotes tantum ; quandoque vestis, qua utebantur primogeniti; quandoque tabernaculum, unde hoc<sup>1</sup> : « Gedeon intulit aurum et argentum, de victis hostibus, et fecit inde Ephod. »*

*Abimelech interpretatur Patris mei regnum , et significat Judaeos, qui regnum patris ideo. quia potestative eos liberavit de Aegypto Deus, et potentia attribuitur Patri : ideo dicuntur regnum Patris. In effusione sanguinis Christi tria notantur : in hoc, scilicet, quia effudit, voluntas, unde hoc<sup>2</sup> : « Oblatus est, quia ipse voluit; » copia, unde hoc<sup>3</sup> : « Hic est sanguis meus, qui pro vobis et pro multis effundetur; » irrigatio animarum nostrarum imbre virtutum, unde hoc<sup>4</sup> : « Nisi granum frumenti, » etc. (v. 7). Radicem*

*Radix. tuam de terra viventium. Radix communis tam bonorum, quam malorum, scilicet voluntas, unde hoc<sup>5</sup> : « Non potest arbor bona fructus malos facere, » etc. Est radix malorum, unde hoc<sup>6</sup> : « Radix omnium malorum est cupiditas, » scilicet avaritia. Est radix bonorum, scilicet charitas, unde Apostolus<sup>7</sup> : « In charitate radicati, et firmati» (v.8). Videbunt (a). Lucerna quandoque dicitur Christus, unde in Evangelio<sup>8</sup> : « Mulier si perdidit drachmam unam, nonne accedit lucernam (b), » etc.; quandoque claritas prædicationis, unde hoc<sup>9</sup> : « Neque accedit lucernam, et ponit eam sub modio; » quandoque claritas bonorum operum, unde hoc<sup>10</sup> : « Sint lumbi vestri præcincti, et lucer-*

*na (c), » etc.; quandoque lumen sanctæ Scripturæ, unde Job in persona Ecclesiæ, in ultima tribulatione posita<sup>11</sup> : « Quis mihi tribuat, ut sim juxta menses pristinos, secundum dies, quibus Deus custodiebat me, quando splendebat lucerna ejus, » etc.; quandoque gaudium in carne, unde<sup>12</sup> : « Lucerna, quæ super eum est, extinguetur; » quandoque lux aliunde illuminata, unde hoc<sup>13</sup> : « Paravi lucernam Christo meo; » quandoque modicum lumen, unde hoc<sup>14</sup> : « Lucerna pedibus meis verbum tuum, » etc., quia quandiu vivimus, modicum habemus lumen; quandoque lumen in testa, scilicet deitas in carne. Et hi sunt septem modi.*

40. *Ego autem sicut oliva in domo Dei. In oliva tria commendantur : truncus , rami, fructus : truncus, scilicet fides patriarcharum, prophetae ; rami ejus succedentes, unde hoc<sup>15</sup> : « Filii tui sicut novellæ olivarum; » fructus, scilicet bonum opus, unde hic : Ego sicut oliva fructifera.*

### PSALMUS DAVID LII.

1. *Dixit insipiens in corde suo : Non est Deus. Titulus Psalmi: David, pro Maïeth (d), quod interpretatur « dolens, » et significat Ecclesiam, quæ dolet pro delictis suis, unde hoc<sup>16</sup> : « Rugiebam a gemitu cordis mei ; » et pro alienis, unde hoc<sup>17</sup> : « Quis infirmatur, et ego non infirmor ? Quis scandalizatur, et ego non uror ? » et pro pondere earnis, unde hoc<sup>18</sup> : « Infelix ego homo, quis me liberabit de corpore mortis hujus? » et pro dilatione regni coelestis, unde hoc<sup>19</sup> : « Incolatus meus prolongatus est. »*

2. *Corrupti sunt, et abominabiles facti sunt. Corruptio alia est animæ, alia corporis. Quæ est animæ, dicitur corruptio; quæ est corporis, dicitur abominatio. Corruptio*

*Corrup-*

<sup>1</sup> *Judic.*, VIII, 25 et seq., quoad sensum. — <sup>2</sup> *Isa.*, LIII, 7. — <sup>3</sup> *Matth.*, XXVI, 28. — <sup>4</sup> *Joan.*, XII, 24. — <sup>5</sup> *Matth.*, VII, 18. — <sup>6</sup> *1 Tim.*, VI, 10. — <sup>7</sup> *Ephes.*, III, 17. — <sup>8</sup> *Luc.*, XV, 8. — <sup>9</sup> *Matth.*, V, 15. — <sup>10</sup> *Luc.*, XII, 35. — <sup>11</sup> *Job.*, XXXV, 3. — <sup>12</sup> *Job.*, XVIII, 6. — <sup>13</sup> *Psal.* CXXXI, 47. — <sup>14</sup> *Psal.* CXVIII, 105. — <sup>15</sup> *Psal.*

<sup>16</sup> *Psal.* XXXVII, 9. — <sup>17</sup> *II Cor.*, XI, 29. — <sup>18</sup> *Rom.*, VII, 24. — <sup>19</sup> *Psal.* CXIX, 5.

(a) Cæt. edit. add. *justi et timebunt.* — (b) Cæt. edit. non habent nonne accedit lucernam. — (c) Item nec præcincti, et luceræ. — (d) Cæt. edit. *Amalech.*

tie animæ in tribus , sicut anima in tribus communæ, et corporis. sistit : in superbia , vana gloria , et invidia . Consistit etiam in tribus anima : nam est rationabilis , irascibilis , et concupisibilis . Rationem , cuius sanitas est cognitio veritatis , corruptum superbia ; concupiscentiam , vana gloria ; irascibilitatem , invidia . Abominatio autem consistit in quatuor , quæ sunt curiositas , loquacitas , crudelitas , voluptas . Corpus in quatuor elementis , quæ habent esse in quatuor partibus hominis , maxime consistit : nam in oculis ignis ; in lingua , quæ vocem format , aer : in manibus , quadruprum proprie tactus est , terra : in genitalibus , aqua . Oculos autem corruptum curiositas ; sed linguam loquacitas , manus crudelitas , genitalia voluptas . Sic ergo homines corrupti sunt in anima , et abominabiles in corpore .

4. *Omnes declinaverunt*. Hi peccant in committendo <sup>1</sup> unde : *Declinaverunt*; in omittendo , unde (v. 5) : *Operantur iniqitatem*; ex voluntate, unde: *Qui devorant plebem meam*; assidue : *sicut escam panis*.

### PSALMUS DAVID LIII.

Titulus Psalmi. 2. *Ziphæi*, quasi florentes . Nota : In flore tria sunt , pulchritudo , spes , delectatio ; et quia hæc tria convenienter malis , ideo dicuntur florentes . Pulchritudo est in temporalibus , unde hoc <sup>1</sup> : « Homo cum in honore esset , non intellexit ; » spes , unde <sup>2</sup> : « Speravit in multitudine divitiarum suarum ; » delectatio , unde hoc <sup>3</sup> : « Vae vobis divitibus , qui habetis consolationem hujus mundi . »

3. *Deus , in nomine tuo salvum me fac*. Petit animæ gratiam , unde : *Salvum me fac* ; justitiae gloriam , unde : *Judica me* . In collatione gratiæ opus est misericordia maxima , quæ modo regnat , unde dicit : *In virtute* . Ergo bene distinxit , ut mise-

<sup>1</sup> *Psal.* XLVIII, 13, 21. — <sup>2</sup> *Ibid.* 7. — <sup>3</sup> *Luc.* vi, 24. — <sup>4</sup> *Joan.* XIV, 13. — <sup>5</sup> *Psal.* XXXIV, 13. — <sup>6</sup> *Act.* XII, 41. — <sup>7</sup> *Psal.* CIV, 40. — <sup>8</sup> *Psal.* LXXXVII, 30. — <sup>9</sup> *Psal.* XVII, 46. — <sup>10</sup> *Isa.* IX, 2.

ricordia ad infusionem gratiæ , justitia ad collationem gloriæ referatur . De primo ostendit se exauditum iri , unde hoc (v. 6) : *Deus adjuvat me* . De secundo : *Et Dominus susceptor est anime mee* . Ut primum conferat , a peccato (a) avertit , unde hoc (v. 7) : *Averte mala* . Ut secundum conferat , a poena eripit , unde hoc (v. 9) : *Ex omni tribulatione eripiusti me* . Εἰρήνης est , quando series omnis tenorem suum usque ad ultimum servat , nulla causa , vel persona mutata , ut hic : *Deus , in nomine tuo* , usque ibi (v. 6) : *Et non proposuerunt Deum in conspectu suo* . Orat enim Propheta non mutata voce , ut hic : *Et non proposuerunt Deum ante conspectum suum* , ut auxilio Dei ab hostibus liberaretur .

### PSALMUS DAVID LIV.

2. *Exaudi , Deus , orationem meam*. Est oratio quam Deus approbat , quæ est scilicet causa etiam causata . Est oratio quam sustinet , quæ est ex infirmitate . Est oratio quam contemnit , quæ est pro temporalibus . Primam Deus semper audit , si homo pie oret , pro se , et perseveranter , et ad salutem , unde hoc <sup>1</sup> : « Quidquid petieritis patrem in nomine meo , dabit vobis . » Quoniam cum fit oratio pro alio , et non ex charitate , non exauditur pro illo pro quo oratur ; ut Samuel , pro Saule non exauditus , dixit <sup>2</sup> : « Oratio mea in sinu meo convertetur . » Secundam orationem non semper audit Deus , ut Christus non fuit exauditus , quando petiit ut , ex infirmitate (b) , non moreretur ; quandoque audit , ut Petrum <sup>3</sup> : « Nunc scio vere , quia misit Dominus angelum suum , » etc. Tertiam quandoque audit , unde illud <sup>4</sup> : « Petierunt , et venit coturnix , » et <sup>5</sup> : « Adhuc escæ erant in ore ipsorum . » Quandoque non audit , unde hoc <sup>6</sup> : « Clamaverunt ad Dominum , et non exaudivit eos . » (c) Est regio communis tam bonorum , quam malorum , unde hoc <sup>7</sup> :

(a) *Al. add. se.* — (b) *Leg.* petiit ex infirmitate , ut . — (c) Haec , quæ sequuntur , potius refer ad Psalm. CIV, 44.

« Habitantibus in regione umbræ mortis. » Est regio bonorum, scilicet in praesenti, unde hoc<sup>1</sup>: « Regiones albæ sunt ad messem. » Est regio malorum, unde de filio prodigo dicitur<sup>2</sup>, quod « abiit (a) in regionem longinquam. » Est regio spirituum, id est, vita æterna; unde dicitur, quod Christus post ascensionem abiit in regionem suam, id est, in cœlum.

*4. Quoniam declinaverunt in me iniquitates (b).* Nota pœnæ immissionem, unde hoc: *Iniquitates*; immissionis abundantiam, unde: *Declinaverunt*, ut hic exponitur; aereditinem pœnæ, unde hoc: *Molesti erant mihi; pœnam illatam ex rancore*, unde: *In ira.*

*Pennæ variæ.* *7. Quis dabit mihi pennas sicut columbae?* Sunt pennæ virtutis, ut hic; sunt pennæ prædicationis, unde hoc<sup>3</sup>: « Volavit, volavit super pennas ventorum; » sunt pennæ protectionis, unde hoc<sup>4</sup>: « Sub umbra alarum tuarum protege me; » sunt pennæ, vel alæ resurrectionis, unde hoc<sup>5</sup>: « Si sumperero pennas meas diliculo; » et hæc<sup>6</sup>: « Sex alæ uni, et sex alæ alteri, » significant.

*10. Præcipita, Domine, divide linguas eorum.* Est triplex unitas, scilicet in bonis, in malis, in Trinitate. De prima dicitur<sup>7</sup>: « Ecce quam bonum et quam jucundum; » de secunda<sup>8</sup>: « Convenerunt in unum adversus Dominum; » de tertia: « In Trinitate veneretur unitas, et in unitate Trinitas. »

*12. Et non defecit.* Ille qui hic loquitur, peccat in occulto, ex simulatione, unde: *Dolus*; in manifestatione (c), ex obstinatione, unde: *De plateis*; abundanter, unde: *Usura*; perseveranter, unde: *Non defecit*.

*13. Si inimicus maledixisset mihi (d).* Nota: Maledictio fit per imprecationem, unde hoc<sup>9</sup>: « Benedicite, et nolite maledicere. » Quandoque per elationem (e), unde hoc<sup>10</sup>: « Maledici (f) regnum Dei non possidebunt. »

<sup>1</sup> *Joan.*, iv, 35. — <sup>2</sup> *Luc.*, xv, 13. — <sup>3</sup> *Psal.*, xvii, 1. — <sup>4</sup> *Psal.*, xv, 8. — <sup>5</sup> *Psal.*, cxxxviii, 9. — <sup>6</sup> *Isa.*, vi, 2. — <sup>7</sup> *Psal.*, cxxxii, 1. — <sup>8</sup> *Psal.*, ii, 2. — <sup>9</sup> *Rom.*, xii, 14. — <sup>10</sup> *1 Cor.*, vi, 10. — <sup>11</sup> *Matth.*, xxv, 41. — <sup>12</sup> *Deut.*, xxi, 23; *Gal.*, iii, 10. — <sup>13</sup> *Psal.*, ci, 10. — <sup>14</sup> *1 Cor.*, iii, 2. — <sup>15</sup> *Psal.*, xxxii, 5. — <sup>16</sup> *Joan.*, iv, 34. — <sup>17</sup> *Ibid.*, 32. — <sup>18</sup> *Ibid.*, v, 55. — <sup>19</sup> *Psal.*, xvi, 15.

Quandoque per damnationem, unde hoc<sup>11</sup>: « Ite, maledicti, in ignem æternum. » Quandoque per opprobrium et infamiam, unde in lege maledicebatur sterilis, quæ non relinquebat semen super terram. Quandoque per opinionem, unde Christus dicitur maledictus secundum opinionem, quia pependit in ligno: nam dicebatur<sup>12</sup> *maledictus*, qui cumque pependisset in ligno. Nota: Maledictum, quasi malo addictum.

*14. Tu vero, homo.* Altitudinem peccantis ostendit, ut magis reum ostendat: nam quanto gradus altior, tanto etiam casus gravior. Dignitatem ostendit per naturam, unde: *Homo*; per fideiunitatem, unde: *Unanimis*; per potestatem, unde: *Dux meus*; a familiaritate, unde: *Notus meus*; a conversatione, unde hic (v. 15): *Qui simul tecum dulces capiebas cibos.* Est cibus amarus et utilis, scilicet pœnitentiae, unde hoc<sup>13</sup>: « Cinerem tanquam panem manducabam. » Est cibus malus et dulcis, fermentatus, doctrina hæreticorum, unde hoc: « Labia meretricum stillant mel (g). » Est cibus bonus et dulcis doctrina prædicatorum, qui quandoque est solidus, quandoque liquidus, unde hoc<sup>14</sup>: « Lac potum (h) dedi vobis, non escam; et hoc<sup>15</sup>: « Parasti in conspectu meo mensam. » Est cibus bonum opus, unde hoc<sup>16</sup>: « Meus cibus est, ut faciam voluntatem patris mei. » Est cibus prædicatio Christi, unde hoc<sup>17</sup>: « Ego habeo cibum, quem vos nescitis. » Est cibus Sacramentum altaris, unde hoc<sup>18</sup>: « Caro mea vere est cibus. » Est cibus æternitatis, scilicet vita æterna, unde hoc<sup>19</sup>: « Satiabor, cum apparuerit gloria tua. » Tribus modis Deus cor hominis emollit: per inspirationem, bonam voluntatem creando; per aspirationem, excitando; per occasionem, bonam viam aperiendo ad perfectionem. Per inspirationem ponit;

(a) *Vulg.* profectus est. — (b) *Cæt. edit.* non habent *in me iniquitates*. — (c) *Lege* manifesto. — (d) *Cæt. edit.* non habent *Si inimicus meus maledixisset mihi*, et glossam in hunc locum referunt ad *Psal.*, xxxix. — (e) *Leg.* assertionem. — (f) *Cæt. edit.* Maledicti, — (g) *Cæt. edit.* merentium stillat. *Vulg.* Favus distillans, labia meretricis. — (h) *Cæt. edit.* potu.

*Cibus multi-plex.*

*Cor ho- minis tripli- citer a Deo emolli- tur.*

per aspirationem impellit; per occasionem trahit. Ponit ad volandum; impellit ad appetendum; trahit ad perficiendum.

**22. Molliti sunt sermones ejus.** Sermo emollitur per expositionem; unde hoc<sup>1</sup>: « Präceptum Domini lucidum, illuminans oculos; » per humilitatem et charitatem, unde Dominus<sup>2</sup>: « Discite a me, quia mitis sum, » etc. Per suavitatem, unde per novum Testamentum rigor veteris temperatur: quia ibi dictum est<sup>3</sup>: « Oculum pro oculo; » nunc<sup>4</sup>: « Si te percosserit in unam maxillam, præbe et aliam. »

**24. Tu vero, Deus, deduces eos in puteum interitus.** Est puteus iniquitatis, sive desperationis, unde hoc<sup>5</sup>: « Aperuit super me, quasi putens, os suum. » Est puteus terrena cupiditatis, ad quem venit mulier samaritana haurire aquam, et<sup>6</sup>: « Qui ex ea bibit, iterum sitiet; » nam<sup>7</sup>:

Crescit amor nummi quantum ipsa pecunia crescit.

Est puteus divinæ cognitionis, unde hoc<sup>8</sup>: « Altus est puteus. » Est puteus poena intolerabilis, ut hic. Est puteus doctrina Scripturæ, unde hoc<sup>9</sup>: « Foderunt pueri (a) Isaac puteum aquæ vivæ. »

### PSALMUS DAVID LV. (b)

**2. Miserere mei, Deus, quoniam conculcavit me homo.** Conculcavit Deus sanctos suos, id est, conculeari facit, vel sinit ad augmentum meritorum, unde hoc<sup>10</sup>: « Tocular calcavi solus; » malos, ad depressionem, unde hoc: « Superborum et sublimium colla propria virtute calcavit. » Calcat quandoque ad diminutionem, unde Apostolus<sup>11</sup>: « Conculeet Dominus Satan (c) sub pedibus nostris. »

<sup>1</sup> Psal. XVIII, 9. — <sup>2</sup> Matth., XI, 29. — <sup>3</sup> Exod., XXI, 24. — <sup>4</sup> Matth., V, 39. — <sup>5</sup> Psal. LXVIII, 16. — <sup>6</sup> Joan., IV, 13. — <sup>7</sup> Juven., Sat. XIV. — <sup>8</sup> Joan., IV, 11. — <sup>9</sup> Gen., XXVI, 10. — <sup>10</sup> Isa., LXIII, 3. — <sup>11</sup> Rom., XVI, 20. — <sup>12</sup> Psal. CXVIII, 19. — <sup>13</sup> Psal. CXIX, 3. — <sup>14</sup> Joan., XV, 4. — <sup>15</sup> Psal. CXIV, 8. — <sup>16</sup> Apoc., VII, 17. — <sup>17</sup> Psal. CXVII, 13. — <sup>18</sup> Psal. LIV, 16. — <sup>19</sup> Matth., VIII, 12. — <sup>20</sup> Psal. LIV, 28.

**7. Inhabitabunt, et abscondent,** vel « exco-  
lent (d). » Incola quandoque notat peregrinationem, unde hoc<sup>12</sup>: « Incola ego sum in terra. » Quandoque hæreditatem æternam, unde hoc<sup>13</sup>: « Hei mihi, quia incolatus meus prolongatus est. » Quandoque diligentiam, unde<sup>14</sup>: « Ego sum vitis, et pater meus agricola est. »

**40. In quacumque die invocabero te.** Anima est vas concavum, unde in veteri <sup>Anima.</sup> lege altare erat concavum. Et mensura animæ est Deus, quo, et non alio potest impleri, nisi Deo. Ideo anima avaritia non potest impleri, quia vas quod continent modicum, non potest impleri, nisi modico.

**15. Quia eripuit (e) animam meam de morte.** A triplici defectu hic ostendit hominem liberatum, id est, animam (f) a moriendi necessitate, unde hoc<sup>15</sup>: *Quia eripuit animam meam de morte*, cognitionem ab errore; *Oculos a lacrymis*, unde hoc<sup>16</sup>: « Absterget Deus omnem lacrymam ab oculis sanctorum, » etc. Affectum a defectione, quia tunc desiderium nostrum adimplebitur, unde hic: *Pedes meos a lapsu*. Unde hoc<sup>17</sup>: « Impulsus, eversus sum, ut caderem. » In hunc triplicem defectum ostendit prius hominem dejectum, scilicet in necessitatem moriendi, ibi: *Conculcavit me homo*: nam diabolus me in mortem misit. Errorem cognitionis, ibi: *Impugnans*. In defectum affectionis, ibi: *Tribulavit me*. De primo in præcedenti psalmo dicitur<sup>18</sup>: « Veniat mors super illos. » De secundo: « Et descendant in infernum viventes, » ubi<sup>19</sup> « erit fletus et stridor dentium. » De tertio<sup>20</sup>: « Viri sanguinum et dolosi non dimidiabunt dies suos. »

(a) Cæt. edit. puteum. — (b) Cæt. edit. ponunt in capite hujus psalmi glossam de voce *Ipsi* posita in titulo tredecim, ut putant, psalmorum; tum alteram de ratione qua Deus regit omnia; tertiam denique de torcularibus: nos vero retulimus illas glossas, primam scilicet ad psal. XL, secundam ad psal. XCVI, postremam denique ad psal. VIII. — (c) Vulg. conterat satanam. — (d) Cæt. edit. ut absconderent, vel extollerent. — (e) Vulg. eripiusti. — (f) Cæt. edit. animam.

## PSALMUS DAVID LVI.

**2. Miserere mei, Deus, miserere mei : quoniam in te confidit anima mea. Et in umbra alarum tuarum sperabo (a).** Deus protegit nos suis alis, hac similitudine, quia alae tria faciunt, quae Deus facit in nobis. Nam alae fovent, sicut Deus nos, unde Dominus ad Hierusalem<sup>1</sup> : « Quoties volui congregare filios tuos sub aliis (b), et noluesti! » Sunt contra aestum, unde hoc<sup>2</sup> : « Domine, obumbrasti super caput meum. » Sunt contra impetum milvi, id est, diaboli, unde<sup>3</sup> : *In umbra alarum tuarum sperabo.* « Sanctum<sup>4</sup> non est dandum canibus, » id est, arcanum non est proponendum indignis; vel saera Scriptura patet majoribus, id est, debent scire eam, non minores. Unde, post Evangelium, liber apertus offertur sacerdoti et canoniciis in choro. Nam liber significat sacram Scripturam, quae debet esse aperla sacerdotibus, et non minoribus. Unde Christus<sup>5</sup> « aperuit librum, » quando legit in Isaia, et post librum clausum dedit Iudeis. Tamen liber clausus offertur sacerdoti in principio Missæ, quia principium statum (c) legis representat, ubi sacra Scriptura erat clausa. Sed modo est aperta: nam<sup>6</sup> « velum templi secessum est, petrae scissæ sunt, et monumenta aperta sunt. » Jam velamen non est super faciem Moysi. Non enim velanda est facies Christi, ne dicamus: Prophetiza.

**3. Clamabo ad Deum altissimum.** Ostendit Deum magnum in essentia, unde: *Clamabo ad Deum altissimum.* Magnum in effectu, unde: *Ad Deum, qui benefecit mihi.* Quia magnus in effectu, misericors, unde (v. 4): *Misit Deus misericordiam suam.* Quia magnus in essentia, verax est, unde (v. 6): *Misit veritatem.* Misericors pro liberationis animæ promissione. Nam quia

<sup>1</sup> Matth., xxiii, 37. — <sup>2</sup> Psal. cxxxix, 8. — <sup>3</sup> Psal. xvi, 8. — <sup>4</sup> Matth., vii, 6. — <sup>5</sup> Luc., iv, 17, 20. — <sup>6</sup> Matth., xxvii, 51. — <sup>7</sup> Psal. cxiv, 8. — <sup>8</sup> Rom., iii, 4. — <sup>9</sup> Psal. cxlviii, 5. — <sup>10</sup> Psal. xlvi, 23. — <sup>11</sup> Psal. iii, 6. — <sup>12</sup> Joan., xii, 3. — <sup>13</sup> Psal. cix, 2. — <sup>14</sup> Psal.

misericors, hoe promisit, unde<sup>7</sup>: *Eripuit animam meam.* Verax pro promissionis adimplectione, unde hoc (v. 5): *Dormivi conturbatus:* nam mortem prædictam subiit. Ecce habes qui misit, ibi: *Misit Deus;* quem, ibi: *Misericordiam;* unde, ibi: *De cœlo;* ad quid, ibi: *Ut liberet animam;* a quo, ibi: *De medio catulorum leonum.*

**4. Misit Deus misericordiam suam, et veritatem.** Christus dicitur veritas propter tria: propter immutabilitatem, unde hoc<sup>8</sup>: « Omnis homo mendax, solus Christus (d) verax; » propter æquitatem, quia reddit æqua meritis; propter promissionis impletionem, quia<sup>9</sup> « ipse dixit, et facta sunt. »

**5. Dormivi conturbatus.** Dormitio Christi triplex: Dilatationis, unde hoc<sup>10</sup>: « Exurge, quare obdormis, Domine? » corporis, unde Petrus excitavit Dominum dormientem in navi; passionis, unde hoc<sup>11</sup>: « Ego dormivi et soporatus sum. »

**7. Laqueum paraverunt pedibus meis.** Pedes Dei, pauperes, unde<sup>12</sup>: « Maria unxit pedes Domini, » quia pauperes debent ungiri, id est, refocillari; subiectio<sup>13</sup>: « Ponam inimicos tuos sebellum pedum tuorum; » humilitas Christi, unde<sup>14</sup>: « Adorate sebellum pedum ejus; » incurvatio malorum, unde: *Incurvaverunt animam meam.* Aliquis incurvatur, sedet, jacet, stat, tum in bono, tum in malo. Incurvari in malo, unde hoc de diabolo: « Ad nos inclinavit, ut transeamus. » Mulier curva, quæ sanata erat a Domino. In bono, unde hoc<sup>15</sup>: « Tota die contrastatus ingrediebar. » Sedere in malo, unde hoc<sup>16</sup>: « Quomodo sedet sola civitas plena populo? » In bono<sup>17</sup>: « Sediбитis et vos super sedes duodecim, judicantes duodecim tribus Israel. » Jacere in malo, unde hoc<sup>18</sup>: « Multitudo languentium jacebat in porticu piscinæ expectantium aquæ

XCVIII, 5. — <sup>15</sup> Psal. XXXVII, 7. — <sup>16</sup> Thren., 1, 1. — <sup>17</sup> Matth., xix, 28. — <sup>18</sup> Joan., v, 3.

(a) In cœl. edit. versiculus ille cum sua glossa transpositus erat infra, post *De medio catulorum leonum.* — (b) Vulg. alas. — (c) Edt. Ven. statim. — (d) Vulg. Deus autem.

motum. » In bono, ut boni dicuntur jacere in lecto contemplationis. Stare in malo, nt ibi <sup>1</sup> : « Quid hic statis tota die otiosi ? » In bono, ibi <sup>2</sup> : « Sta in porta domus Domini; » et hoc <sup>3</sup> : « Qui statis in atris domus Domini. »

## PSALMUS DAVID LVII.

**2. Si vere utique justitiam loquimini.** Aliquis loquitur verum et vere, ut qui verum dicit, et vera intentione; aliquis falsum, et falso, ut qui falsum dicit ad decipiendum. De his dicitur <sup>4</sup>: « Osquod mentitur, occidit animam. » Aliquis verum falso, ut hæretici vera miscent falsis, ut magis decipient. Aliquis dicit vere, sed falsissimum adimpleat, (a) quibus Dominus <sup>5</sup>: « Vocatis me, Domine, Domine; et non facitis quæ dico. » Nota: Verum et falsum attenditur in cohærentia prædicati ad subjectum; vere vel false loqui ad intentionem fallentis, id est, loquentis. (b) Duo sunt mandata naturalia: unum prohibitum, unde hoc <sup>6</sup>: « Quod tibi non vis fieri, alteri ne feceris; » aliud affirmativum, unde in Evangelio <sup>7</sup>: « Omnia quæcumque vultis ut faciant vobis homines, eadem facite illis. » Primum de malis removendis, secundum de bonis adipiscendis.

**3. Etenim iniquitates in corde.** Funis significat peccatum, unde hoc <sup>8</sup>: « Funes peccatorum circumplexi sunt me. » Unde Dominus <sup>9</sup>: « funiculo ejicit vendentes et ementes in templo, » quia unusquisque peccatis suis astringitur, et ab ecclesia arectur. Significant hæreditatem terrenam, unde hoc <sup>10</sup>: « Funes ceciderunt mihi in præclaris. » Significant Judæos; unde Dominus misit Zachariæ, ut afferret duas virgas: una vocatur <sup>11</sup> « Funiculus, » altera « Decor. » Primum accepit funiculum, postea decorum; id est, primum Judæos, postea gentes accepit. Quandoque soliditatem in trinitate,

<sup>1</sup> *Malh.*, xx, 6. — <sup>2</sup> *Jerem.*, vii, 2. — <sup>3</sup> *Psal.* cxxxiii, 1. — <sup>4</sup> *Sap.*, i, 11. — <sup>5</sup> *Luc.*, vi, 46. — <sup>6</sup> *Tob.*, iv, 16, quoad sensum. — <sup>7</sup> *Matth.*, vii, 12. — <sup>8</sup> *Psal.* cxviii, 61. — <sup>9</sup> *Joan.*, ii, 15. — <sup>10</sup> *Psal.* xv, 6. —

unde in *Ecclesiaste* <sup>12</sup>: « Triplex funiculus difficile rumpitur, » id est, soliditas trium personarum; difficile propter Judæam, in qua fuit ruptus. Quandoque sacram Scripturam, propter triplicem sui expositionem. Quandoque gloriam Judæorum, unde in *Ecclesiaste* <sup>13</sup>: « Donec rumpatur funis argenteus. » Nam prima incommoditas, sanitatem non habere; secunda infirmitatem nescire; tertia, medicinam non gerere: quarta, oblatam spernere.

**5. Furor illis.** Est furor poena, scilicet damnatorum, unde hoc <sup>14</sup>: « Domine, ne in furore tuo arguas me. » Est furor peccatum, et furor contra peccatum, unde hoc <sup>15</sup>: « Turbatus est a furore oculus mens; » et hoc <sup>16</sup>: « Irascimini et nolite peccare. » Hic furor ad tempus turbat oculos (c) rationis, ut postea clarius videat; ut collyrium oculos, ut tandem clariores reddat.

**Secundum similitudinem serpentis.** Nota: Aspis dicitur serpens surda, obturans aures, non audiens vocem incantantis; et pro his quatuor, peccator comparatur aspidi: nam peccator dicitur serpens, propter calliditatem; surdus, propter peccati consuetudinem; obturans aurem, propter peccati obstinationem: non audiens vocem prædicantis, propter stultitiam. Unde ibi dicitur (v. 6): *Non exaudiet vocem incantantis sapienter.* Hic quatuor in peccatore revertiuntur, scilicet calliditas, consuetudo peccati, peccandi obstinatio, stultitia.

Aspis.

Peccator  
similis  
aspidi.

**7. Deus conteret dentes eorum, et molas leonum.** Tria sunt genera dentium, incisivi, canini, molares: per primos, dolosa verba intelliguntur, quibus mali separant bonos ab Ecclesia; per secundos, verba detrac-toria; per tertios, manifesta mala.

Dentium  
tria ga-  
nera.

**8. Donec infirmentur.** Homo post triduum revertitur in patriam, scilicet post triduum discessionis per culpam, et reversionis per pœnitentiam, et inquisitionis per diligentiam.

<sup>11</sup> *Zach.*, xt, 7. — <sup>12</sup> *Eccle.*, iv, 12. — <sup>13</sup> *Eccle.*, xii, 6. — <sup>14</sup> *Psal.* vi, 2. — <sup>15</sup> *Ibid.*, 8. — <sup>16</sup> *Psal.* iv, 5.

(a) *Suppl.* quales ii. — (b) Hæc quæ sequuntur melius referre juvat ad psal. cxi, 4. — (c) *Edit.* *Ven.* oculus.

## PSALMUS DAVID LVIII.

*2. Eripe me de inimicis meis, Deus meus.* In titulo hujus Psalmi, sepulchrum Christi dicitur domus ejus, quia in domo quiescimus, reficiuntur, dominamur. Sic Christus in sepulchro, unde hoc<sup>1</sup>: « Caro mea requiesceret in spe; » et ibi<sup>2</sup>: « Refectus est. » Christi enim refectio fuit ejus resurrectio, quæ facta est in sepulchro, unde in coena<sup>3</sup>: « Non bibam de hoc genimine vitis, donec bibam in regno Patris mei. » Et dominium habuit in resurrectione, quod in sepulchro factum est, unde hoc<sup>4</sup>: « Data est mihi omnis potestas, » etc. Petit liberari ab his, qui persequuntur animam, unde hoc: *Eripe me de inimicis meis*: verbo, ut hic exponitur, unde hic: *Et ab insurgentibus in me*; passione, unde hic (v. 3): *Eripe me de operantibus iniquitatem*; morte, unde hic: *Et de viris sanguinum salva me*. Persecutio animi ibi iterum notatur (v. 4): *Ceperunt animam meam*. Verbo, ibi: *Irruerunt in me*. » A persecutione passionis ostendit se esse liberatum, unde<sup>5</sup>: « Cucurri viam mandatorum. » Non retardatur passionis persecutione, etiam a (a) morte.

*6. Exurge in occursum.* Christus quadrupliciter vivit: secundum divinitatem, unde hoc<sup>6</sup>: « Sicut Pater habet vitam in semetipso, sic et Filio dedit habere vitam in semetipso; » secundum humanitatem, unde hoc<sup>7</sup>: « Mors illi ultra non dominabitur; » secundum fidem, unde hoc<sup>8</sup>: « Vivo ego jam non ego, vivit autem in me Christus; » secundum famam, quia nomen ejus manet in æternum, id est, fama nominis. *Exurge in occursum meum.* Hic Christus gallinæ comparatur propter quinque. Nam gallina cum ovum posuit, cantat, et exultat; sic Christus, positis peccatoribus in nido Eccle-

siae, unde hoc<sup>9</sup>: « Gaudium est angelis Dei, » etc. Et quod avidius nutrit, et fovet pullos, quam alia avis; quod cognoscitur in laxatione alarum, et in raucitate; sic Christus, unde hoc<sup>10</sup>: « Quoties volui congregare pullos tuos, » etc.; et hoc<sup>11</sup>: « Raucæ factæ sunt fauces meæ; » quod dicitur de Christo. Et quia gallina, cum sit animal domesticum, non patitur tangi; sic Christus, licet nobiscum sit usque ad consummationem sæculi, non tamen plene tangitur, unde hoc<sup>12</sup>: « Accedet homo ad cor altum, » etc. Et quia gallina per medium scissa, et morsui serpentis supposita curat, ita Christus in eruce extensus languores transtulit, et morsum serpentis curavit. Et quia inter alias aves accommodatior, et sanior esui hominum est, sic Christus, unde hoc<sup>13</sup>: « Caro mea vere est cibus. »

*7. Convertentur ad vesperam, et famem patientur, ut canes, etc.* Et est fames corporalis, unde Apostolus<sup>14</sup>: « In fame et siti. » Est fames spiritualis, quæ dividitur in famem verbi scilicet, et desiderii famem. De primo<sup>15</sup>: « Parvuli petierunt panem, » etc., id est, sacram Scripturam, « qui aperiret eis, non erat, » vel etiam qui legem sanctam enuclearet. De secundo, hic (v. 8): *Gladius in labiis eorum*. Est occisio corporis, et est occisio animæ, scilicet peccatum, quod est mors animæ. Est occisio vitiorum, unde hoc<sup>16</sup>: « Ego occidam, et ego vivere faciam, » quando quis moritur.

*9. Ad nihilum deduces omnes gentes.* Deducit quaque diminuendo, unde Job<sup>17</sup>: « In pulverem reduces me. » Quandoque protegendo, unde hoc<sup>18</sup>: « Deduxisti sicut oves populum. » Quandoque erigendo de virtute in virtutem, unde hoc<sup>19</sup>: « Justum deduxit Dominus per vias rectas. » Conservando, unde hoc<sup>20</sup>: « Deduxisti me, quia factus es spes mea. »

<sup>1</sup> *Psal.* xv, 9. — <sup>2</sup> *II Cor.*, vii, 13. — <sup>3</sup> *Matth.*, xxvi, 29. — <sup>4</sup> *Matth.*, xxviii, 18. — <sup>5</sup> *Psal.* cxviii, 32. — <sup>6</sup> *Joan.*, v, 26. — <sup>7</sup> *Rom.*, vi, 9. — <sup>8</sup> *Gal.*, ii, 20. — <sup>9</sup> *Luc.*, xv, 20. — <sup>10</sup> *Matth.*, xxxii, 37. — <sup>11</sup> *Psal.*,

Gallina effectus.

Fames multiplex.

Occisio.

<sup>12</sup> *Psal.* lxiii, 7. — <sup>13</sup> *Joan.*, vi, 55. — <sup>14</sup> *II Cor.*, xi, 27. — <sup>15</sup> *Thren.*, iv, 4. — <sup>16</sup> *Deut.*, xxxii, 39. — <sup>17</sup> *Job*, x, 9. — <sup>18</sup> *Psal.* lxxv, 21. — <sup>19</sup> *Sap.*, x, 10. — <sup>20</sup> *Psal.* lx, 3. — (a) *Del.* a.

## PSALMUS DAVID LIX.

3. *Deus, repulisti nos.* Deus repellit malos, gratiam eis subtrahendo, unde hoc<sup>1</sup> : « *Expulsi sunt, nec potuerunt stare.* » Repellet in futuro, quando dicet<sup>2</sup> : « *Ite, maledicti, in ignem æternum.* » Repellit bonos, passionibus exponendo, unde erupti dicunt<sup>3</sup> : « *Anima nostra, sicut passer, erupta est.* » Bona temporalia subtrahendo, unde hoc<sup>4</sup> : « *Deus, Deus meus, ut quid dereliquisti me?* » Repellit malos a spiritualibus, unde hoc<sup>5</sup> : « *Quia repulisti scientiam, repellam te, ne sacerdotio fungaris mihi in æternum.* »

4. *Commovisti terram.* Est mutatio mala, quando de bono fit malus, ac de malo deterior, unde hoc<sup>6</sup> : « *Exultabunt, si motus fuerit.* » Est commutatio bona, quando de bono fit melior : ibi enim cum Deo operatur homo. Est commutatio, quando de mortaliibus erimus immortales, unde Job<sup>7</sup> : « *Expecto, donec veniat immutatio mea.* » Prima est sinistra, et diaboli ; secunda dextra, et Dei; tertia est solius Dei.

*Vinum.* 5. *Potasti nos vino compunctionis.* Est vinum corporale, quod luxuriam provocat, unde Apostolus<sup>8</sup> : « *Nolite inebriari vino, in quo est luxuria.* » Est vinum luxuriae, doctrina haereticorum, unde caupones nostri commiscent aquam vino. Est vinum spirituale, scilicet compunctionis, ut hic. Est vinum reprehensionis, unde<sup>9</sup> Samaranus ad curationem vulnerati apposuit « *oleum et vinum.* » Est vinum sacra Scriptura, unde hoc<sup>10</sup> : « *Vinum lætificat cor hominis.* »

9. *Meus est Galaad.* Testimonium Domini fidele perhibens, posteriora cum Apostolo obliviseens, in virtutibus proficiens, peccatum vere confitens, est Dei. Primus ibi notatur : *Galaad*, quod interpretatur acervus testimonii ; secundus ibi : *Manasses*, quod

<sup>1</sup> *Psalm. XXXV, 13.* — <sup>2</sup> *Matth., XXV, 41.* — <sup>3</sup> *Psalm. CXIII, 7.* — <sup>4</sup> *Psalm. XXI, 2.* — <sup>5</sup> *Osee., IV, 6.* — <sup>6</sup> *Psalm. XII, 5.* — <sup>7</sup> *Job, XIV, 14.* — <sup>8</sup> *Ephes., V, 18.* — <sup>9</sup> *Luc., III, 34.* — <sup>10</sup> *Psalm. CIII, 15.* — <sup>11</sup> *Isa., LVIII, 2.* —

interpretatur oblivio; tertius, ibi : *Ephraim*, qui interpretatur fructificatio; quartus, ibi : *Juda*, quod interpretatur confessio. Nam in isto debent ista quatuor esse, scilicet confessio, ut sit *Juda*; peccati ad faciendum oblivio, ut sit *Manasses*; testimonium fidei, ut sit *Galaad*; augmentum virtutum, ut sit *Ephraim*.

10. *Extendam in Idumæam calceamentum meum.* Nota : Hic quatuor notantur, scilicet dantis voluntas, ibi : *In Idumæam*; rei datae infirmitas, ibi : *Calceamentum meum*, quod fit de pellibus mortuorum animalium, et ideo humilitatem significat; subjectio pro beneficiis collatis, ibi : *Mihi alienigenæ subditi sunt.* Calceamentum quandoque passio Christi, unde hoc<sup>11</sup> : « *Quare rubrum est indumentum tuum, et vestimentum tuum?* » etc.; quandoque Evangelium, ut hic; quandoque incarnatione, unde Joannes Baptista<sup>12</sup> : « *Non sum dignus solvere corrigiam,* » etc. Secundum has tres significaciones exponitur hic. Quandoque bona opera, unde hoc<sup>13</sup> : « *Renes vestros accingetis, et calceamenta in pedibus habebitis;* » quandoque mala, unde Dominus ad Moysen<sup>14</sup> : « *Solve calceamenta de pedibus tuis.* » Non sum dignus solvere corrigiam calceamenti ejus, » ex merito, sed ex officio. Vel sic: in incarnatione tria attendimus: factum, causam, modum : factum et causam possumus scire, sed non modum. Nota : Dominus præcepit apostolis habere calceamenta superius aperta, et inferius clausa, ut secure possint calcare colla malorum, et ne pradicent in tenebris, sed in manifesto. Talia sunt sandalia episcoporum hujus temporis.

14. *Ad nihilum deducet inimicos nostros (a).* Quidam ad nihilum deducitur per gratiam, alius per culpam, alius per poenam. De primo<sup>15</sup> : « *Increpasti gentes, et periit*

<sup>12</sup> *Luc., III, 16.* — <sup>13</sup> *Exod., XII, 11.* — <sup>14</sup> *Exod., III, 5.* — <sup>15</sup> *Luc.*, ut supra. — <sup>16</sup> *Psalm. IX, 6.*

(a) Cæt. edit. *deductus sum*, et *glossam*, quæ sequitur transferunt ad psal. cxviii, post; *Misit de sommo*, etc., seu ante v. 118.

impius; » et hoc<sup>1</sup> : « Verte impium, et non erit, » quando scilicet de malo fit bonus. De secundo<sup>2</sup> : « Sine ipso factum est nihil, » id est peccatum, quod ad nihilum deducit hominem, quia separat a vero esse. De tertio<sup>3</sup> : « Sicut fluit cera a facie ignis, sic pereant peccatores a facie Dei. »

## PSALMUS DAVID LX.

2. *Exaudi, Deus, deprecationem meam.*

*Quoniam opere mundum.* Opus debemus facere cum hilaritate mentis, et fortitudine virtutis, et perseverantia.

Opus, unde dicit (v. 4) : *Psalmus*; hilaritas mentis, unde dicit : *In hymnis*; fortitudo virtutis, unde dicit : *David*; perseverantia, unde : *In finem*. Tentat Deus, ut humiliet, unde hoc<sup>4</sup> : « Fidelis Deus, qui non permittit tentari nos ultra id, quod possumus; » ut coronet, unde hoc<sup>5</sup> : « Beatus vir, qui suffert temptationem. » Tentat diabolus, ut decipiat, unde hoc<sup>6</sup> : « Accessit ad Deum tentator. » Tentat homines, ut evertat; unde martyres tentati sunt; et ut discant, unde hoc<sup>7</sup> : « Omnia tentate (a) : quod bonum est, tenete. » Dominus, duobus modis; diabolus, uno modo; homo, duobus modis.

4. *Turris fortitudinis.* Est turris elationis, unde hoc<sup>8</sup> : « Moverunt pedes suos ab oriente, et aedificaverunt turrim. » Est turris speculationis, scilicet prælati, unde hoc<sup>9</sup> : « Velamen positum est super faciem Moysi. » Est velamen contra aestum vitiorum, unde hoc<sup>10</sup> : « Fuit illis in velamento diei. » Est velamen contra armia iuuniorum, unde hoc<sup>11</sup> : « Protexisti me, Deus, a conventu malignantium. »

## PSALMUS DAVID LXI.

2. *Nonne Deo subjecta erit anima mea?*

Quidam tangunt terrena, et non eis inhærent, unde hoc<sup>12</sup> : « Executite pulverem de

pedibus vestris. » Ideo sandalia episcoporum pelle terram tangunt, et superius aperta sunt. Quidam tangunt, et inhærent, sed separari nolunt. Alii inhærentes separari volunt, quia a terra submerguntur. Nota humilitatem Ecclesiæ, cum dicit; *Nonne Deo subjecta erit anima mea?* spem, cum dicit : *Ab ipso enim salutare meum*; fidem, cum dicit (v. 3) : *Ipse Deus meus*; perseverantiam, cum dicit : *Non movebor amplius*; patientiam, cum dicit (v. 4) : *Quousque.* Nota: Triplex est hierarchia: prima in Trinitate; secunda in angelis; tertia in hominibus. Prima nulli subjicitur, sed omnia ei; secunda primæ, et tertia secundæ, et tertiae omnia ista temporalia. *Quousque irruitis in hominem?* Nota: quatuor sunt interpretationes hujus nominis, *Abel.* Interpretatur enim luctus, vanitas, vapor, miserabilis : moraliter, vanitas respicit mundum; luctus, peccatum; vapor, ad te ipsum: miserabilis, ad Dominum. Fuge (b) ergo mundum, quia vanitas; luge peccatum, quia iniquitas est; attende carnem tuam, quia fragilis est, et ad modicum vapor apparet; deprecare Deum, quia misericors est: nam misericors et clemens est. Igitur fuge, luge, attende, deprecare; mundum, peccatum, carnem, Deum. Ecclesia incepit ab Abel, et non ab Adam, quadruplici de causa: quia Adam occidit, non Abel; ita fuit et Adam justificatus, non justus: e converso Abel. Et quia Abel gessit tres status Ecclesiæ in se, scilicet martyrum, virginum, et pastorum: fuit enim martyr, virgo, et pastor: vel quia significat Christum, qui est caput Ecclesiæ; unde<sup>13</sup> : « Agnus occisus est ab origine mundi. » Item ab Abel ideo, et non ab Adam, quia trunci non solent computari, sicut nec in consanguinitate.

9. *Effundite coram illo corda vestra.* (c) Haec tria notant mentis hilaritatem, ibi: *Corda*

<sup>1</sup> *Prov.*, XII, 7. — <sup>2</sup> *Juan.*, I, 3. — <sup>3</sup> *Psal.* LXVII, 3. — <sup>4</sup> *Cor.*, X, 13. — <sup>5</sup> *Jac.*, I, 12. — <sup>6</sup> *Matth.*, IV, 3. — <sup>7</sup> *I Thess.*, V, 21. — <sup>8</sup> *Gen.*, XI, 4, quoad sensum. — <sup>9</sup> *Exod.*, XXXIV, 33. — <sup>10</sup> *Sap.*, X, 17. — <sup>11</sup> *Psal.* LXIII, 3. — <sup>12</sup> *Math.*, XI, 14. — <sup>13</sup> *Apoc.*, V, 12.

(a) *Vulg.* probata. — (b) *Edit.* *Ven.* *Fugite.* — (c) *Cæt.* edit non habent *coram illo corda vestra.*

Hierar-  
chia tri-  
plex.

Abel  
quid.

Ecclesia  
ab Abel  
incepit.

*vestra*; humilitatis abundantiam, ibi : *Efundite*; humilitatem ad Deum relatam, ibi : *Coram illo*. Sed tria tribus in remunerando redduntur. Nam humilitatem adjuvat, unde dicit : *Adjutor*; abundantiam humilitatis in remunerando superat, unde dicit : *In aeternum*; ille, cui est humilitas, remunerat, unde dicit : *Deus*. *Effundite coram illo cor da vestra*. Nota : Peccatum tribus modis committitur, cogitatione, locutione, et opere. In *Confiteor* illa tria convenient, scilicet os, manus, pectus : ut cogitatio ad pectus, locutio ad os, manus ad opus referatur.

12. *Semel locutus est Deus*. Hic conjungit legem et prophetas, ac si prophetae non sint de lege. Lex dicitur septem modis : nam quandoque totum Vetus Testamentum, unde hoc<sup>1</sup> : « Nonne in lege vestra scriptum est : Ego dixi : Dii estis, et filii excelsi? » et quandoque tantum quinque libri Moysi, unde hoc<sup>2</sup> : « Oportet impleri, quæcumque scripta sunt in Lego, et Prophetis, et Psalmis de me; » quandoque Decalogum, unde dicitur<sup>3</sup>, quod « lex est scripta digito Dei in tabulis lapideis; » quandoque moralia, unde hoc<sup>4</sup> : « Non veni solvere, sed adimplere; » quandoque cæremonialia, unde hoc : « Lex reatum non operatur; » quandoque obscurationem ad litteram, unde hoc : « Littera legis suo tempore observata non tantum bona temporalia, sed vitam conferbat æternam; » quandoque unum præceptum speciale, ut<sup>5</sup> « lex lepræ. » Loquitur Deus per subjectam creaturam, ut Moysi in rubro; quandoque per inspirationem, unde hoc<sup>6</sup> : « Audiam, quid loquatur in me Dominus Deus; » quandoque per prophetiam, unde hoc<sup>7</sup> : « Os enim Domini locutum est; » quandoque per prædicatores, et expositores sacrae Scripturæ, unde hoc<sup>8</sup> : « Vos enim non estis qui loquimini, sed spiritus patris vestri; » quandoque mittendo

<sup>1</sup> Joan., x, 34. — <sup>2</sup> Luc., xxiv, 44. — <sup>3</sup> Exod., xxxi, 18. — <sup>4</sup> Matth., v, 17. — <sup>5</sup> Levit., xiii, 59. — <sup>6</sup> Psal. lxxxiv, 9. — <sup>7</sup> Isa., i, 20. — <sup>8</sup> Matth., x, 20. — <sup>9</sup> Hebr., i, 2. — <sup>10</sup> Psal. xxi, 16. — <sup>11</sup> Luc., xxiii, 31.

Filium in carnem, unde hoc<sup>9</sup> : « Novissime diebus istis locutus est nobis in Filio; » quandoque per æternam generationem, unde hoc : *Semel locutus est Deus*.

## PSALMUS DAVID LXII.

*Deus, Deus meus, ad te de luce vigilo.*

Fit aliquid aridum ex devotione, et hoc in bono, ex siccitate, et ex defectu. De primo<sup>10</sup> : « Aruit tanquam testa virtus mea; » quia quæ bene coacta est, solidatur. De secundo<sup>11</sup> : « Si in viridi hoc faciunt, in arido quid fiet, » scilicet qui carent humore gratiæ? De tertio<sup>12</sup> : « Fiant sicut fœnum tectorum, quod priusquam evellatur exaruit. »

3. *Sitivit in te anima mea*. In siti tria attenduntur : poena, a qua liberari volumus, quam sustinemus ex siti: potus dat robur, et delectationem. Haec tria sanctis convenient, et ideo dicuntur sitire. Nam sitiebat Paulus pœnam removeri, unde dixit<sup>13</sup> : « Infelix ego homo, quis me liberabit a corpore mortis hujus? » De secundo<sup>14</sup> : « Beati, qui esuriunt et sitiunt justitiam. » De tertio<sup>15</sup> : « Cupio dissolvi, et esse cum Christo. »

3. *In terra deserta*. Nam Judæi quandoque fuerunt in Aegypto, in deserto, in terra promissionis. Aegyptus est vita sæcularis; desertum, vita australis; terra promissionis, gratia spiritualis. Regnum Aegyptiorum voluntas carnis; desertum, votum promissionis; terra Chananæorum, sive promissionis, tranquillitas mentis.

6. *Sicut adipe et pinguedine*. Adeps interior, scilicet pinguedo intra carnem, arvina (a) exterior, ut lardum in porco. Adeps quandoque significat interior sapientiam, ut hic; quandoque lætitiam sempiternam, ut hoc<sup>16</sup> : « Et (b) adipe frumenti satiat te; » quandoque superbiam, unde hoc<sup>17</sup> : « Adipe frumenti; » quandoque nimiam abundan-

<sup>10</sup> Psal. cxxviii, 6. — <sup>11</sup> Rom., vii, 24. — <sup>12</sup> Matth., v, 6. — <sup>13</sup> Philip., i, 23. — <sup>14</sup> Psal. cxlvii, 14. — <sup>15</sup> Psal. lxxx, 17.

(a) Edit. Ven. a ruina. — (b) Hcm Ex.

Peccatum tribus modis committitur.

Lex septem modis dicitur.

Aridum quot modis fit.

In siti alten-duntur tria.

tiam, unde hoc<sup>1</sup>: « Prodiit quasi ex adipe iniquitas eorum. » Quid hoc<sup>2</sup>: « Omnis adeps Domini erit (a)? »

4. *Labia mea laudabunt te.* Sunt labia simulationis, unde hoc<sup>3</sup>: « Populus hic labiis me honorat, » etc. Sunt labia discretionis, unde hoc<sup>4</sup>: « Reddam tibi vota mea quae distinxerunt labia mea. » Sunt labia consonantia, scilicet duo Testamenta, unde hoc<sup>5</sup>: « In cymbalis bene sonantibus; » sunt labia jubilationis, unde<sup>6</sup>: « Eructabunt labia mea hymnum; » sunt labia confessionis, unde hoc<sup>7</sup>: « Domine, labia mea aperies; » sunt labia contritionis, unde Habacuc<sup>8</sup>: « A voce tua contremuerunt (b) labia mea. » Quid hoc<sup>9</sup>? « Labia nostra a nobis sunt. »

Stratum.  
5. *Si (c) memor fui tui super stratum meum.* Stratum quandoque referimus ad asperitatem, unde hic; quandoque ad sensualitatem, unde hoc<sup>10</sup>: « Universum stratum ejus versasti in infirmitate ejus; » quandoque conscientiam, unde hoc<sup>11</sup>: « Lacrymis meis stratum meum rigabo; » quandoque ad beatitudinem, unde hoc<sup>12</sup>: « Ego et pueri mei tecum sunt in cubili meo. » Quid hoc<sup>13</sup>: « In cubilibus vestris compungimini. »

*Mane.* *In matutinis.* Est mane initium boni operis, unde hoc<sup>14</sup>: « Exhibit homo ad opus suum a mane usque ad vesperam. » Est mane initium virtutis, unde<sup>15</sup>: « Orietur misericordia tua sicut lux matutina; » et hoc: « Tunc erumpet quasi mane lumen tuum. » Est mane initium aeternitatis, unde hoc<sup>16</sup>: « Mane astabo tibi, et videbo. »

*Vulpes.* 11. *Partes vulpium erunt.* Vulpes tortuose incedunt, profundæ cordis sunt. Haec autem convenient malo principi. Item mali principes vulpi comparantur. De primo dicitur, quod fecerint, quasi quatriduani; de secundo<sup>17</sup>: « In circuitu impii ambulant. » De tertio<sup>18</sup>: « Dicite vulpi illi. » De quarto<sup>19</sup>:

« Vae qui profundi estis corde, ut abscondatis consilium a Domino (d). »

### PSALMUS DAVID LXIII.

2. *Exaudi, Domine, orationem meum.* Quandoque oramus ut tribulationes amo-veantur, ut Paulus rogavit<sup>20</sup>, ut removetur ab eo angelus Satanæ; quandoque ut apponantur, nnde hoc<sup>21</sup>: « Da nobis auxilium de tribulatione; » quandoque ne suc-cumbamus, ut hoc<sup>22</sup>: « Et ne nos inducas in temptationem. » Et hoc: Ne permittas nos succumbere in temptationibus nostris.

4. *Quia exacerbunt, ut gladium, linguas suas; intenderunt arcum, rem amaram, etc.* Hic notatur crudelitas, unde dicit: *Linguas suas*; sollicitudo peccandi, unde: *Intenderunt*; peccati immanitas, unde dicit: *Rem amaram*; deceptio, unde dicit: *Ut sagittent in occultis (e) immaculatum.*

### PSALMUS DAVID LXIV.

2. *Te decebat hymnus, Deus, in Sion.* Sab-batum in octava Paschæ dicitur *in albis*, quia a (f) vigilia Paschæ baptizati deferunt usque tune albas; vel quia illa die dicimus (g) in albis, et tota septimana, quæ est con-suetudo in quibusdam Ecclesiis, quod signifi-cat innocentiam per passionem et resur-rectionem receptam. Nota, quod in quibus-dam ecclesiis Graduale, scilicet responso-rium, cantant juvenes, quia dum gradimur hie, robur necessarium est. Pueri tune *Alleluia* resonant, vel alba ferunt, quia tune erimus innocui, simplices, ut pueri. Nam Graduale præsentem vitam, *Alleluia* vero futuram vitam significat. Nota mentis hilaritatem, ibi: *Hymnus*; Deo eam ob-la-tam, ibi: *Deus*; acceptam Deo, unde ibi: *Te decebat*; Locum hostiæ convenientem: *In* Gradua-le, Alle-luia.

<sup>1</sup> Psal. LXXXII, 7. — <sup>2</sup> Levit., III, 46. — <sup>3</sup> Matth., XV, 8. — <sup>4</sup> Psal. LXV, 14. — <sup>5</sup> Psal. CL, 5. — <sup>6</sup> Psal. CXVIII, 171. — <sup>7</sup> Psal. I, 17. — <sup>8</sup> Habac., III, 16. — <sup>9</sup> Psal. XI, 5. — <sup>10</sup> Psal. XL, 4. — <sup>11</sup> Psal. VI, 7. — <sup>12</sup> Luc., XI, 7. — <sup>13</sup> Psal. IV, 5. — <sup>14</sup> Psal. CIII, 23. — <sup>15</sup> Isa.,

LVIII, 8. — <sup>16</sup> Psal. V, 5. — <sup>17</sup> Psal. XI, 9. — <sup>18</sup> Luc., XIII, 32. — <sup>19</sup> Isa., XXIX, 15. — <sup>20</sup> II Cor., XII, 8. — <sup>21</sup> Psal. LIX, 13. — <sup>22</sup> Matth., VI, 13. — (a) Cat. edit. erat. — (b) Item continuerunt. — (c) Item Sic. — (d) Item corde. — (e) Item occulto. — (f) Item in. — (g) Suppl. Missam.

Decima  
decimæ  
quid.

*Sion*, quia non est verum sacrificium extra *Hierusalem*. Nota differentiam inter *repræsentari*, et *significari*. Nam repræsentamus præterita, significamus futura. Nota : Omnes Judæi dabant decimas Levitis, et Le-  
vitæ de suis decimis decimas dabant summo Pontifici , et hoc dicebatur *decima decimæ*. Non est decimatus in lumbis Abrahæ. sed totum genus humanum, quia totum genus humanum , quod erat descensurum per libidinosam conceptionem, mundandum erat a peccato originali , et non Christus.

4. *Verba iniquorum prævaluerunt super nos.* Scilicet persuasio Evæ, vel Adæ, vel excusatio Adæ.

5. *Beatus, quem elegisti, et assumpsisti.* Est electio , est subjectio , est præelectio. Populum suum Deus ex gentibus elegit in Judæis , ecce electio ; ex Judæis in Levitis , ecce subjectio ; ex Levitis in Aaronitis , ecce præelectio. Ecce triplex electio (a).

6. *Exaudi nos, Deus salutaris noster.* Ille, a quo petit hic exaudiri, exaudire potuit, nam *Deus* est; et exaudire debuit, nam est *noster*. Quid in exaudiendo daret (b) habuit, unde : *Salutaris noster*. Nam est salus, et dare potest salutem.

Sæcu-  
lum  
mare.

*In mari longe.* Hoc præsens sæculum mari comparatur propter amaritudinem , unde hoc <sup>1</sup> : « Haec sunt aquæ Marath ; » et Elisæus <sup>2</sup> : « Anima ejus in amaritudine est ; » propter elevationem, sive commotionem, unde hoc <sup>3</sup> : « Mirabiles elationes maris ; » et propter instabilitatem, unde hoc <sup>4</sup> : « Homo natus de muliere, brevi vivens tempore. »

Sancti,  
montes.

7. *Præparans montes.* Sancti dicuntur montes , quia primo receperunt radios fidei, sicut montes solis, propter defensionem, unde hoc <sup>5</sup> : « Levavi oculos meos ad montes. »

8. (c) *Replebimus in bonis.* Repletur aliquis ad indigentiam tollendam, unde hoc (v. 11) :

<sup>1</sup> Exod., xv, 23, quoad sensum. — <sup>2</sup> IV Reg., iv, 27. — <sup>3</sup> Psal. xcii, 4. — <sup>4</sup> Job, xiv, 1. — <sup>5</sup> Psal. cxx, 1. — <sup>6</sup> Act., ii, 4. — <sup>7</sup> Psal. xvi, 45. — <sup>8</sup> Joan., xii, 3. — <sup>9</sup> Isa., i, 11. — <sup>10</sup> Psal. LXX, 8. — <sup>11</sup> Jerem., i, 10. — <sup>12</sup> Matth., XIII, 3. — <sup>13</sup> Deut., xxxii, 2. — <sup>14</sup> Matth., xxv, 31. — <sup>15</sup> Matth., XVI, 15.

*In stillicidiis ejus lætabitur germinans*; vel ad sufficientiam, unde hoc <sup>6</sup> : « Repleti sunt omnes Spiritu sancto ; » vel ad satietatem, unde hoc <sup>7</sup> : « Satiabor, cum apparuerit gloria tua ; » vel quantum ad famam (d), ut <sup>8</sup> : « Repleta est domus ex odore unguenti ; » vel quantum ad divinam essentiam, unde in persona Domini Propheta <sup>9</sup> : « Plenus sum. » Quid hic? <sup>10</sup> « Repleatur os meum laude. »

10. *Visitasti terram, et inebriasti eam.* Terra per se arida est, et expedit ut inebrietur. Visitatur autem, quando aratur , quando seminatur , quando rore fœcundatur , quando messis colligitur. Sic terra mentis nostræ aratur, quando per prædicationem a vitiis purgatur; unde hoc <sup>11</sup> : « Constitui te, ut evellas, et destruas, et plantes. » Seminatur, unde hoc <sup>12</sup> : « Exiit , qui seminat, seminare semen suum. » Rore gratiæ fœcundatur, unde <sup>13</sup> : « Sicut imber super gramen , et sicut ros super herbam. » Messis colligitur in futuro, quando grana a paleis separata in horrea cœlestis Hierusalem transferuntur (e), quando dicetur <sup>14</sup> : « Venite, benedicti, patris mei. »

12. *Benedices coronæ anni benignitatis tuæ.* Nota : Gentes Deum benedicunt laudando , prædicando , peccatum confitendo. Deus homini , peccata remittendo, gratiam conferendo, in bonis operibus perseverare faciendo. Homo homini , bonum ei optando. Nota : Verbum Dei primo seminatum est in angelis; secundo, in hominibus primis; tertio, in Judæis; quarto, in gentibus : nam præcepit <sup>15</sup> evangelizare omni creaturæ. Primum in cœlo ; secundum in paradiso ; tertium in deserto ; quartum in universo mundo. Primum præcepit naturæ, secundum disciplinæ , tertium mandato litteræ , quartum Evangelio gratiæ. Primum verbum in ratione , secundum in voce , tertium in cha-

(a) In cæt. edit. glossa super versic. 4, *Verba*, etc., legitur post glossam versic. 6, in hæc verba: *Salutaris noster*, et quæ super versic. 5, *Beatus*, etc., legitur infra post glossam versic. 8. — (b) Cæt. edit. dare.— (c) Item versic. 8 insertus erat inter versic. 4 et versic. 5. — (d) Cæt. edit. famem. — (e) Item transferuntur.

ractere, scilicet circumcisione, quartum in carne : nam <sup>1</sup> « Verbum caro factum est. » Primum rationi totum intus, secundum foris auribus; tertium in oculis; quartum in manibus, de Christo humanato.

## PSALMUS DAVID LXV.

*4. Jubilate Deo, omnis terra.* Quidam expectant præmium, scilicet Deum in futuro, et expectantur, ut qui sperant et salvantur, unde <sup>2</sup> : « Expectans expectavi Dominum, et intendit mihi; » et Paulus post conversionem. Quidam nec expectant, nec expectantur; ut qui desperant et damnabuntur, ut iste, qui dicebat <sup>3</sup> : « Major est iniquitas mea, quam ut veniam merear. » Quidam expectant, et non expectantur: ut illi, qui dicent in futuro <sup>4</sup> : « Domine, in nomine tuo dæmonia ejecimus. » Et Dominus ad illos: « Non novi vos. » Quidam expectantur, et non expectant, ut Paulus ante conversionem. Dialyton, sive asynthon est (polysyntheton contraria), quando scilicet diversæ clausulae sine conjunctionibus ad invicem connectuntur, ut hic: *Jubilate Deo, omnis terra, psalmum dicite nomini ejus, etc. Dicite Deo, etc.*

*6. Qui convertit mare in aridam.* In prima confusione, quandiu fuit terra mixta aquæ, terra erat sterilis; sed ab aqua separata, dedit fructum: sic nos, qui sumus terra, quandiu sumus in aqua, et in fluxu vitiorum, non facimus fructum; illa autem aqua separata, fructificamus.

*In flumine pertransibunt pede.* Quidam pede sicco pertransirent hoc flumen, scilicet mundum, et non merguntur, qui sine omni peccato sunt, ut Christus, qui sine peccato siccis pedibus super mare ambulavit. Alii merguntur, et submerguntur, quos sua peccata ad fundum trahunt, unde hoc <sup>5</sup>: « Submersi quasi plumbum in aquis vehe-

<sup>1</sup> Joan., 1, 14. — <sup>2</sup> Psal. xxxix, 2. — <sup>3</sup> Gen., iv, 13. — <sup>4</sup> Matth., vii, 22, 23. — <sup>5</sup> Exod., xv, 10. — <sup>6</sup> Psal. lxxx, 11. — <sup>7</sup> Psal. lxxvii, 19. — <sup>8</sup> Exod., xxxii, 4. — <sup>9</sup> Psal. iv, 5. — <sup>10</sup> Psal. lxxii, 2. — <sup>11</sup> Psal. xiii, 3.

mentibus. » Ali merguntur, sed non ex toto, quia peccata sua superant; unde hic, in figura horum, Pharaon submersus, Petrus usque ad genua, et Christus super mare ambulavit: quia primus multum plumbi habuit; secundus parum; tertius nihil habuit.

*7. Qui exasperant, non exaltentur in semetipsis.* Iudeus exasperatur tripliciter: de ingrato, scilicet quando habet ingratos; de dicto; de facto. Sic Iudei Christum exasperaverunt, quia ei ingratiti fuerunt, unde hoc <sup>6</sup>: « Eduxi vos de terra Ægypti, et habitare vos feci in terra promissionis. » In dicto, unde hoc <sup>7</sup>: « Numquid poterit Deus parare mensam in deserto? » In facto, quando vitulum adoraverunt, unde hoc <sup>8</sup>: « Huius tui sunt, Israel. »

*9 (a). Qui posuit animam meam ad vitam.* Anima præsciti (b) in præsenti ponitur ad mortem, in futuro in mortem; ad mortem peccati, in mortem supplicii.

*9. Et non dedit in commotionem pedes meos.* Primus motus sentit, et non consentit. Movetur, unde dicitur <sup>9</sup>: « Irascimini, et nolite peccare. » Commovetur, qui usque ad delectationem perducitur, unde hoc <sup>10</sup>: « Mei autem pene iacti sunt pedes. » Huius pedibus currunt, qui usque ad opera procedunt, unde hoc <sup>11</sup>: « Veloce pedes eorum ad effundendum sanguinem. » Primus motus movet; secundus commovet; tertius promovet.

*10. Quoniam probasti nos, Deus, igne nos examinasti.* Examinatur ferrum, argentum, aurum, ut comburatur, ut purgetur, ut probetur. Sic ignis tribulationis quosdam comburit, ut illos qui franguntur, unde hoc <sup>12</sup>: « Tanquam fœnum velociter arescent. » Quosdam purgat, ut Paulum, unde hoc <sup>13</sup>: « Ne magnitudo revelationum extollat me. » Quosdam probat, id est, probatos ostendit, unde hoc: <sup>14</sup> « Tanquam aurum in fornace probavit electos Dominus. »

— <sup>12</sup> Psal. xxxvi, 2. — <sup>13</sup> II Cor., xii, 7. — <sup>14</sup> Sap., iii, 6. — (a) Cæt. edit. hanc partem versic. 9 inseruerant inter versic. 12 et 13. — (b) Cæt. edit. justi.

**12. Transivimus per ignem et aquam, etc.**  
*Est refrigerium benedictionis sinistræ, unde Apostolus<sup>1</sup>: « Nolo vos esse in tribulatione, aliis refrigerium. » Est refrigerium scilicet diminutionis pœnæ, unde hoc<sup>2</sup>: « Dives petiit aquam, ut posset refrigerare linguam suam. » Est refrigerium futuræ gloriæ, unde hoc: *Induxisti nos in refrigerium*. Nota: Illic præcedit ignis, et sequitur aqua, quia tribulatio debet præcedere prosperitatem, ne in prosperitate nimis tepescat; *Ritus.* unde quando puer aqua baptizatur, datur candela, scilicet ignis, postea aqua, quando merigtur in aqua.*

**13. Introibo ad domum tuam.** In templo Salomonis fuit atrium, sanctuarium, sanctum sanctorum; sic in templo spirituali, scilicet Ecclesia moraliter accepta, est atrium, sanctuarium, sanctum sanctorum. In atrio sunt qui vivunt, unde hoc<sup>3</sup>: « Qui statis in domo Domini, in atriis domus Dei nostri. » In sanctuario sunt, qui primam habent stolam, habent versus hic. In sancta sanctorum qui utrumque habent, ut Christus, unde hoc: Christus «<sup>4</sup> semel introivit in tabernaculum non manufactum, » scilicet in sanctuarium holocaustorum (a).

**15. Holocausta medullata, etc.** Nota pœnitentiam, ibi: *Et cum hircis*; orationem, ibi: *Cum incenso arietum*; doctrinam, ibi: *Boves*; omnium horum sufficientiam, ibi: *Holocaustum*, holocaustum enim totum; internam dulcedinem, ibi: *Medullata*. Ecce hic quinque nominantur. Holocaustum, totum incensum, quando totum Dei erat, holocaustum enim totum erat *cauma*, Incensum, sacrificium, cuius pars Dei erat pars sacerdotis. Sic partim quidem mundo, partim Deo, qui cogitant que Dei sunt, et quæ mundi, hi se offerunt sacrificium, unde hoc<sup>5</sup>: « Sacrificate sacrificium justitiae. » Quidam se offerunt totum diabolo, unde hoc<sup>6</sup>: « Im-

<sup>1</sup> II Cor., VIII, 13. — <sup>2</sup> Luc., XVI, 24, quoad sensum.  
 — <sup>3</sup> Psal. CXXXIV, 2. — <sup>4</sup> Hebr., IX, 41. — <sup>5</sup> Psal. IV, 6. — <sup>6</sup> Psal. CV, 37. — <sup>7</sup> Joel, I, 17. — <sup>8</sup> Psal. CI, 10. — <sup>9</sup> Psal. XXXIV, 13. — <sup>10</sup> Gen., XXVII, 39. — <sup>11</sup> Psal. CXIII, 15. — <sup>12</sup> Matth., XXV, 34. — <sup>13</sup> Isa., IV, 2. —

molaverunt filios suos et filias suas dæmoniis, » id est, opera.

**15. Offeram tibi boves cum hircis.** Peccatores enim hircis comparantur, qui pœnitent, propter tria: quia olent, unde hoc<sup>7</sup>: « Computruerunt jumenta in stercore suo. » Et quia pascuntur amaris in pœnitentia, ut hirci, sic pœnitentes, unde hoc<sup>8</sup>: « Cinerem tanquam panem manducabam. » Et quia de pilis caprarum fiunt cilicia, unde hoc: « Cinis et cilicum sunt arma pœnitentium; » et hoc<sup>9</sup>: « Induebar cilicio. »

**17. Ad ipsum ore meo clamavi (b).** Ad Deum clamare, est solum animæ salutem rogare. Sub lingua exaltare, est in cordis conscientia proximum non habere. Iniquitatem in corde non aspicere, est malum non diligere.

Pecca-tores.

Clama-re ad Deum. Exalta-tio sub lingua.

### PSALMUS DAVID LXVI.

**2. Deus misereatur nostri, etc.** Nota animæ profectum: *Deus misereatur nostri*, per peccati remissionem; *Benedic nobis*, per gratiæ infusionem; *Illuminet vultum suum super nos*, per virtutem (c) dando sni cognitionem. Iterum, *Misereatur nostri*, per collationem glorificationis, conferendo vitam æternam, unde subdidit (v. 3): *Ut cognoscamus in terra viam suam*: tune enim perfecte cognoscemus.

**Et benedic nobis (d).** Benedixit Dominus domui Abraham, Isaac, et Jacob, et Esau<sup>10</sup>: « In pinguedine terræ erit benedictio tua. » Est benedictio dexteræ, qua duplex est; in collatione gratiæ, et gloriæ. De primo<sup>11</sup>: « Benedicti vos a Domino, qui fecit coelum et terram. » De secundo<sup>12</sup>: « Venite, benedicti Patris mei, » etc. Est benedictio prædestinationis.

**7. Terra dedit fructum suum.** Christus dicitur germen, unde hoc<sup>13</sup>: « Erit germen Domini in magnificencia; » et granum, unde hoc<sup>14</sup>: « Nisi granum frumenti cadens, » etc. Radix, ut<sup>15</sup>: « Radix Jesse » lignum, unde

<sup>14</sup> Joan., XII, 24. — <sup>15</sup> Isa., IX, 10. — (a) Leg. holocaustorum. — (b) Cæst. edit. hunc versic. cum ejus glossa ponunt ante *Offeram tibi boves cum hircis*. — (c) Leg. veritatem. — (d) Cæst. edit. non habent *Benedic nobis*.

hoc<sup>1</sup> : « Sapientia est lignum vitæ omnibus amplexantibus eam; » et etiam dicitur flos, unde hoc<sup>2</sup> : « Et flos de radice ejus ascendet; » et fructus etiam dicitur, unde hoc<sup>3</sup> : « Benedictus fructus ventris tui. »

*Terra dedit fructum suum, triplicem* : qui fructus est quandoque pro merito, ut hic; quandoque pro præmio, sicut dicitur, quod fructus centesimus debetur virginibus. Nota : Triginta tribuuntur conjugatis, quia in manuali computo incipimus computando ab arce, et pollex et index conveniunt in triginta, quasi blando osculo se conjungentes, quod est proprium conjugatorum; per sexagenarium, continentes, quia cum pollex per manus partes superiores processit in designatione, quasi sexaginta, quasi claustrum manus interioris ingreditur, scilicet in medio medii digiti, quod fit in afflictione, sicut viduæ; per centum, virgines, quia cum de lœva transit ad dexteram, quasi temporibus omnino postpositis, in carne vivendo præter carnem angelicam vitam ducunt, unde hoc :

... Jam dextera computat annos,

Id est, habet centum annos, vel plus. Nota : Beata Virgo dicitur terra triplicide causa: Beata Virgo cur terra propter rorem quem suscepit, unde hic<sup>4</sup> : dicitur. « Descendet sicut pluvia in vellus; » et propter fructum quem fecit, unde hoc<sup>5</sup> : « Benedictus fructus ventris tui. » Et quia mundata et exulta per Spiritum sanctum, unde hoc<sup>6</sup> : « Spiritus sanctus superveniet in te, » etc.

## PSALMUS DAVID LXVII.

*2. Exurgat Deus, et dissipentur inimici ejus.* Deus dicitur exurgere, vel grandescere in mente hominis, quando homo sublevatur in meditationis contemplatione, unde hic : *Exurgat Deus*, in mente per augmentum contemplationis. *Et dissipentur inimici ejus*, per remotionem inutilis cogitationis. *Et fu-*

<sup>1</sup> *Prov.*, III, 13. — <sup>2</sup> *Isa.*, XI, 1. — <sup>3</sup> *Luc.*, I, 42. — <sup>4</sup> *Psal.* LXXI, 6. — <sup>5</sup> *Luc.*, I, 42. — <sup>6</sup> *Ibid.*, 35. —

*giant qui oderunt eum*, per repulsionem alienæ suggestionis. Tunc homo secure Deum contemplatur, cum a se abjicit inutiles cogitationes, sicut Abraham aves a sacrificio: nam<sup>7</sup> « muscæ morientes perdunt suavitatem unguenti; » et cum nou infestatur suggestione hominis, vel dæmonis. *Et dissipentur inimici ejus.* Nota : inimicus qui peccat in se, ecce cogitatio propria; odium, quod comunitissimum in proximum, ecce suggestio aliena. Sic autem *Deus exurgat*, ut *dissipentur inimici ejus*, et fugiant qui oderunt eum. a facie ejus. Quatuor leguntur Christi exaltationes: prima in monte Thabor, quando transfiguratus est; secunda in Hierusalem, quando resurrexit; tertia in monte Oliveti, in ascensione; quarta in nubibus cœli, in die judicii. De prima, quando in monte Thabor transfiguratus est; de secunda<sup>8</sup> : « Cum exaltatus fuero a terra, omnia traham ad me ipsum; » de tertia<sup>9</sup> : « Elevata est magnificencia tua super cœlos; » ethoc: «Exurge (a); » de quarta<sup>10</sup> : « Cūm sederit filius hominis in sede majestatis suæ, » id est, cum Christus exaltatus fuerit in judicio. Est humilis exaltatio, scilicet in cruce, cum<sup>11</sup> « sicut Moyses exaltavit serpentem in deserto, » etc. Exaltatur in fidem, unde hoc<sup>12</sup> : « Exaltabor in gentibus, et exaltabor in terra; » per majoritatem, unde hoc<sup>13</sup> : « Accedet homo ad cor altum. » Exaltatur per cognitionis subtractionem, unde hoc<sup>14</sup> : « Exaltare in finibus inimicorum, » subtrahe te a cognitione eorum. Hic legitur, quod cum Israel pugnabat cum gentibus, Moyses erat in oratione; et cum manus elevabat, vincebat Israel; cum deprimebat, vincebatur Israel. Sic in historiis legitur de elevatione manuum, vel depressione. Nota : Due arcæ leguntur, arca Noe, arca Moysi. Arca significat Ecclesiam; arca Moysi, bibliothecam. Nam sicut arca erat tricamerata, ita et Ecclesia, unde dicitur<sup>15</sup> : « In nomine Jesu omne genu fle-

Exaltationes.

Arcæ duæ.

<sup>7</sup> *Eccle.*, X, 4. — <sup>8</sup> *Joan.*, XII, 32. — <sup>9</sup> *Psal.* VIII, 2. —

<sup>10</sup> *Matth.*, XXIX, 28. — <sup>11</sup> *Joan.*, III, 14. — <sup>12</sup> *Psal.* XLV, 11.

— <sup>13</sup> *Psal.* LXIII, 7. — <sup>14</sup> *Psal.* XII, 7. — <sup>15</sup> *Philip.*, II, 10.

(a) Leg. hic : Exurgat.

tatur, coelestium, terrestrium, et infernorum. » Unde et Paulus legitur raptus usque ad tertium cœlum: sic anima tricamerata. anima-  
tum: scilicet fide, spe, et charitate. Et bibliotheca tricamerata. propter triplicem modum exponendi. Nam exponitur historice, mystice, et moraliter. Arca Moysi significat Ecclesiam, quæ continet tabulas testamenti, scilicet legem; et mentem, quæ legem meditatur; et Eucharistiam, scilicet corpus Christi, sex de causis. Nam arca transivit Jordanem: sic corpus Christi baptizatis prodest. Et quia quicunque aream indigne tractavit, manus ejus facta est arida: sic qui accedit ad corpus Domini indigne, fit aridus, et moritur in anima. Et quia in area erant ligna, imputribilia, sic corpus Christi imputribile, unde hoc<sup>1</sup>: « Non dabis sanctum tuum videre corruptionem. » Et quia in area erat arna, aurea pœna manna, quæ est anima in corpore Christi, plena sapientia, unde hoc<sup>2</sup>: « Non relinques animam meam in inferno: » plena, unde dicitur<sup>3</sup>: « Et requiescat super eum spiritus sapientia. » quia non proficiet. Et quia ibi erant tabulae, sic in Christo observatio utriusque legis, unde hoc<sup>4</sup>: « Data est mihi omnis potestas, » etc. Surgo de loco; consurgo ad auxilium, unde hoc<sup>5</sup>: « Consurge, consurge, induere fortitudine, » in auxilium meum. Assurgo ad honorem: insurgo ad vindictam, unde<sup>6</sup>: « Insurerunt in me testes iniqui. » Exurgo a somno, unde hoc<sup>7</sup>: « Exurge, quare obdormis, Domine? » Resurgo de morte, unde hoc<sup>8</sup>: « Christus resurgens a mortuis. » Christus autem dicitur exurgere a morte, quasi a somno: mors enim dormitione, comparatur.

3. Iter facite ei, qui ascendit super occasum d. Corpus hominis jacet ita ut caput sit ad occidentem, et pedes ad orientem: nam ita jacuit corpus Christi, ac si diceretur cadere. Amodo tendebat ab oriente ad occidentem,

scilicet ad occasum, vel ad lapsum; amodo ad orientem, quasi ab occasu ad resurrectionem.

8. Cum egredieris in conspectu populi tui. Est egressus Christi æternitatis, unde<sup>9</sup>: « Egressus ejus a diebus antiquis. » Est egressus ejus incarnationis, unde hoc<sup>10</sup>: « Egressus virga de radice Jesse. » Et est egressus ejus in auxilium hominis, unde hoc<sup>11</sup>: « Non fugiet a te egredieris, Deus, in virtutibus nostris. »

10. Pluviam voluntariam segregalis. Deus. Est pluvia naturæ, unde hoc<sup>12</sup>: « Non pluet super terram tribus annis. » Est pluvia gratiæ, unde hoc<sup>13</sup>: « Descendet sicut ros eloquum meum: » sed hoc iteratur, scilicet Christus, unde hoc<sup>14</sup>: « Nubes pluant justum. » et hic<sup>15</sup>: « Sicut pluvia in velins descendet. » Est pluvia sinistræ, scilicet affluentia temporalium, unde hoc<sup>16</sup>: « Pluit Dominus super justos et iustos, et facit solem suum oriri super bonos et malos. » Dicitur etiam pluvia cessatio ab opere peccati, unde hoc<sup>17</sup>: « Pluit Dominus super unam civitatem, et super aliam non pluit. » Est pluvia poenæ, unde hoc<sup>18</sup>: « Pluit super peccatores laqueos ignis. »

Tu vero perficiisti eum. Est in consummatione perfectio legis, quando scilicet legalia consummata sunt, unde hoc<sup>19</sup>: « Consummatum est. » Perfectio est in legis impletione, unde hoc<sup>20</sup>: « Qui mandata mea custodit, legem adimpler. » Est perfectio legis in additione, unde dictum est<sup>21</sup>: « Diliges amicatum, et odio habebis inimicum tuum. Ego autem dico vobis: Diligit inimicos vestros, benefacite his, qui ederunt vos. » Pater agricultura, igne Spiritus sancti exstis spinis, in cordibus nostris jecit semina verbi Dei, et terra mentis nostræ dedit fructum suum centesimum, vel sexagesimum, vel trigesimum. Ibi autem obedientia semen recipit, patientia fructificat, perseverantia metit. Nam, sicut Apostolus de agnitis exemplificat<sup>22</sup>:

1. — <sup>1</sup> Psal. xv. 1. — <sup>2</sup> Psal. x. 2. — <sup>3</sup> Mat. viii. xxviii. 18. — <sup>4</sup> I Cor. xi. 9. — <sup>5</sup> Psal. xx. 12. — <sup>6</sup> Rom. vi. 9. — <sup>7</sup> Mat. v. 2. — <sup>8</sup> Psal. xi. 4. — <sup>9</sup> Psal. xxx. 19. — <sup>10</sup> II Reg. xvi. 1. — <sup>11</sup> Psal. xxxii. 2. — <sup>12</sup> Psal. xlvi. 5. — <sup>13</sup> Psal. lxxi. 6. — <sup>14</sup> Mat. vii. 5. — <sup>15</sup> Psal. lxxi. 7. — <sup>16</sup> Psal. lxxi. 21.

<sup>17</sup> Ego. Vnde signa. — <sup>18</sup> I Cor. ix. 21. — <sup>19</sup> Rom. viii. 13. — <sup>20</sup> Quoniam hoc: amicatum tuum, in cordibus nostris, — <sup>21</sup> Quoniam hoc: amicatum tuum, in cordibus nostris, — <sup>22</sup> Leg. æternitas. — <sup>23</sup> Ego. Vnde Cun.

« Omnes quidem currunt, sed unus accipit bravium; » sic de virtutibus potest dici. Nam virtutes ad regnum Christi currunt, sed una sola accipit bravium. Nam currunt mundi contemptus, paupertas, vigiliae, eleemosyna, obedientia, abstinentia, patientia; sed sola perseverantia coronatur. Nam <sup>1</sup> « qui perseveraverit in finem, salvus erit. » Non enim incipere, sed perficere, pro virtute habetur. Obedientiam itaque commendat patientia; patientiam glorificat perseverantia. Obedientiam exerceat patientia; patientiam coronat perseverantia.

43. *Rex virtutum dilecti.* Nota : Hie commendat Christum a quatuor : a dignitate, ubi dicit : *Rex*; a patientia, ubi dicit : *Virtutum*; a dilectione, ubi dicit : *Dilecti*; a discretione, ubi dicit : *Dividere spolia*. Virtus quandoque dicitur constantia, unde hoc <sup>2</sup> : « Virtute magna reddebat apostoli testimonium ; » quandoque æqualitas mentis, unde hoc : « Virtus est habitus mentis bene compositæ ; » quandoque fortitudo animi, unde hoc <sup>3</sup> : « Virtus in infirmitate perficitur ; » quandoque opera potentiae exteriora, unde hoc <sup>4</sup> : « Non salvatur rex per multam virtutem ; » quandoque majores in Ecclesia, unde hoc <sup>5</sup> : « Defecit in paupertate virtus mea ; » quandoque angeli, unde hoc <sup>6</sup> : « Dominus virtutum ipse est rex gloriae ; » quandoque Spiritus sanctus, unde hoc <sup>7</sup> : « Et virtus Altissimi obumbrabit tibi. » Quid hic <sup>8</sup> : « Virtus de illo exibat, » scilicet de Iesu?

44. *Si dormiatis inter medios clerros, penæ columbae.* Ecclesia significatur per columbam propter tria quæ columbae convenienter, sic et Ecclesiæ allegorice : nam propter simplicitatem, unde hoc <sup>9</sup> : « Estote simplices sicut columbae; » propter fecunditatem <sup>10</sup> : « Lætare, sterilis, quæ non paris, quia plures filii, » etc., « quam ejus, quæ habet vi-  
rum; » propter murmurationem, unde hoc <sup>11</sup> : « Rugiebam a gemitu cordis mei. »

<sup>1</sup> Matth., x, 22. — <sup>2</sup> Act., iv, 33. — <sup>3</sup> II Cor., xii, 9. — <sup>4</sup> Psal. xxxii, 16. — <sup>5</sup> Psal. xxx, 11. — <sup>6</sup> Psal.

16. Polyptoton (*a*) est, quando diversis casibus variatur oratio, id est, quando diversæ inflexiones unius nominis ponuntur, ut de hoc nomine, Mons, ut hic : *Mons pinguis, ut quid suspicamini montes coagulatos?*

15. *Dum discernit cœlestis reges super eam.* Homo est rationalis, ut Deum investiget; concupisibilis, ut solum Deum desideret; irascibilis, ut adversantia reprobet, sicut scriptum est <sup>12</sup> : « Ut sciat (*b*) per rationem « reprobare malum; » per concupisibilitatem, « eligere bonum. » Non ergo concupisibilitas, vel concupiscentia, importat vitium.

18. *Currus Dei decem millibus multiplex.* Currus significat Evangelium, unde in *Can-*  
*tico* <sup>13</sup> : « Turbata est anima mea propter quadrigas Aminadab, » id est, admirationem Evangelii; quandoque quatuor virtutes cardinales, unde : Elias raptus est igneo curru. Est currus vitiorum, unde legitur de curru Pharaonis, qui submersus est. Currus fidelium, unde hoc : « Currus Dei decem millibus. » Est currus sæcularium bonorum, unde <sup>14</sup> : « Ille in curribus, et in equis, » id est, in majori et in minori honore.

19. *Ascendisti in altum, cepisti captivitatem.* Est rete, carnis concupiscentia. Est rete mundi, vanitas temporalium. Est rete diaboli : tentationes, suggestiones, deceptions. His opponuntur retia Petri.

21. *Lingua canum tuorum.* Nota : Rodere aliena, est vi quadam dentibus subtrahere; lambere, est quodam blandimento linguæ tollere; unde Job <sup>15</sup> : « Qui rodebant in solitudine. » Hic tamen aliter.

24. *Ibi Benjamin adolescentulus.* Nota : Paulus dicitur filius Benjamin, id est, filius dexteræ, id est, filius gratiae, id est, post resurrectionem vocatus; Petrus autem sinistræ, id est, ante passionem vocatus : unde in picturis, Paulus in dextera, Petrus in si-

<sup>7</sup> Luc., i, 35. — <sup>8</sup> Luc., vi, 19. — <sup>9</sup> Matth., x, 16. — <sup>10</sup> Gal., iv, 27. — <sup>11</sup> Psal. xxxviii, 9. — <sup>12</sup> Isa., vii, 15. — <sup>13</sup> Cant., vi, 11. — <sup>14</sup> Psal. xix, 8. — <sup>15</sup> Job, xxx, 3.

(a) Edit. Ven. Polyptelon. — (b) Item scias.

Polypt.  
totou (*a*).  
Homo.

Currus.

Retæ.

Paulus  
eur a  
dexlera,  
et Petrus  
a sinistra  
pingan-  
tur.

nistra ponitur. Ille dicitur, quia Paulus rap-  
tus est usque ad tertium cœlum. Tres ergo  
cœli sunt tria genera visionum. Primum in  
imaginatione; secundum in ratione; tertium in  
intelligentia. Unumquaque in duo divi-  
ditur. Primum igitur est in imaginatione,  
secundum rationem; secundum, secundum  
imaginationem, quando temporalia, et non  
rationem eorum attendimus; tertium in ra-  
tione, secundum imaginationem, quando  
per visibilium similitudinem, in invisibilium  
speculationem sublevamur; quartum in ra-  
tione secundum rationem, quando semoto  
omni imaginationis adminiculo, solum illa  
animus intendit, que imaginatio non novit;  
quintum super rationem, sed non præter  
rationem, ut de simplici essentia Dei. Haec  
non est critra (a) rationem: nam physici per  
visibilia mundi, ad invisibilia Dei perven-  
runt. Sextum super rationem, et dicitur esse  
præter rationem, ut distinctio in personis, et  
notio, vel eum de incarnatione, vel modo  
fruendi in patria cogitamus.

31. *Dissipa gentes quæ bella volunt.* Ante  
incarnationem erat bellum inter carnem et  
spiritum, et hoc est duellitas. In Deo non est  
nisi pax, nam ibi Trinitas; et ideo non fuit,  
qui ei pacem turbaret. In Deo quartum non  
admittitur, ne pax turbetur. In homine ter-  
tius non erat, ne duellum sedaretur: opus  
ergo erat, ut in nostra duellitate tertius es-  
set, qui duellum sedaret: ideo Filius Dei ve-  
nit de cœlo. In homine ergo appetet trinitas,  
scilicet corpus, anima, Deus in Christo: sed  
in æterna Trinitate sunt tres diversæ per-  
sonæ et una substantia. In nova, scilicet tri-  
nitate, sunt tres substantiae, et una persona.  
Ibi est, scilicet in Trinitate, naturalis unitas,  
diversitas personalis; in Christo, personalis  
unitas, diversitas naturalis. Ibi tres personæ  
coæternæ et coæquales; in Christo tres sub-  
stantiae diversæ et inæquales. Nam Deus ma-  
jus, quam anima; anima maior, quam corpus.

36. *Mirabilis Deus in sanctis suis.* Anima

suo modo dicitur qualis, quanta, habens dif-  
ferentias positionis. Nam alba, nigra, longa,  
alta, lata, habens aliquid sursum, deorsum,  
ante, retro, dextrorsum, sinistrorsum. Nam  
eam albam facit sapientia; nigram, ignoran-  
tia; vel bona conscientia, albam; nigram,  
mala fides; longam, latam, charitas; altam  
spes; timor, contractam; avaritia, aretam;  
pusillanimitas, parvam: ut singula singulis  
reddantur, ante habet, quod inquirit; retro,  
quod non meminit, unde Apostolus<sup>1</sup>: « Pos-  
teriorum oblitus, in anteriora me extendo; »  
sursum, quod non capit; deorsum, quod  
respicit; dextrorsum, quod delectat; sinis-  
trorsum, quod molestat.

## PSALMUS DAVID LXVIII.

2. *Salvum me fac, Deus, quoniam in-  
traverunt aquæ usque ad animam meam.* Transformat (b) membra Christus tribus mo-  
dis, scilicet eorum proprietates sibi attribuen-  
do, unde hoc<sup>2</sup>: « Cœpit Jesus pavere, » hoc  
enim habet a membris; vel in persona  
membrorum loquendo, unde hoc<sup>3</sup>: « Saule,  
Saule, quid me persequeris? » id est, meos  
fideles persequeris; suo exemplo, instruen-  
do, unde hoc<sup>4</sup>: « Clamat, » et<sup>5</sup> exoravit,  
ut idem faceremus. Est clamor diaboli.  
<sup>6</sup> « Quoniam taeni, inveteraverunt ossa  
mea, » etc.: tacet, et tamen clamat. Clamor  
Dei fit tripliciter, scilicet quando quis Deum  
laudat, vel quando proximum aedificat, vel  
quando se excusat. Nota: Ille genus huma-  
num petit auxilium, nam impugnatur ex-  
trinsecus, quandoque bello intestino, scilicet  
vitiis et coneupiscentiis, unde dicitur: *In-  
traverunt aquæ usque ad animam meam.*  
Nota dejectionem hic; dejectionis tenaci-  
tatem, ibi: *In limo;* persecutionis magni-  
tudinem, ibi: *Profoundi;* spem ablatam libe-  
randi, ibi: *Et non est substantia.* Granum  
sinapis dieitur Christus propter tria: quia  
vile, sic Christus<sup>7</sup>: « Vidimus non haben-

Clamor  
Dei tri-  
pliciter.

<sup>1</sup> Philip., III, 13, quoad sensum. — <sup>2</sup> Marc., xiv, 33.  
— <sup>3</sup> Act., ix, 4. — <sup>4</sup> Matth., xxvii, 46. — <sup>5</sup> Luc.,

xxii, 41. — <sup>6</sup> Psal. xxxi, 3. — <sup>7</sup> Isa., LIII, 2. — (a) Leg.  
præter. — (b) Suppl. in se.

tem speciem, neque decorum; » et quia seminatur modicum, post surgit in altum, unde ipse dicitur primo<sup>1</sup> « parvus lapis, » postea autem totam superficiem terrae occupavit; etiam quando teritur, odorem reddit: sic Christus in morte, unde hoc<sup>2</sup>: « Nisi granum frumenti cadens in terram mortuum fuerit. »

*3. Influxus sum in limo profundi.* Nota: duo modi loquendi: unus qui supergreditur Hyperbole. veritatem, et excedit fidem, qui dicitur hyperbole; alias qui non attingit ad veritatem, nec ad rei proprietatem: hic modo de eo loquimur. Quid enim de indicibili dicere, vel de incomprehensibili comprehendere possumus? *Veni in altitudinem maris.* In hoc versu tria notantur: voluntas scilicet passionis, unde dicit: *Veni*; magnitudo paenae, unde: *In altitudinem maris*; infirmitas humanitatis, unde: *Tempestas demersit me.*

*5. Multiplicati sunt super capillos capitum mei.* Præpositio (a) congruam expositionem habet. Sed si allegoria ibi ponatur, non semper congruam habet expositionem, ut hic: *Multiplicati sunt super capillos capitum mei*, bene est; si autem dicatur: *Qui oderant me gratis*, scilicet, *multiplicati sunt super inimicos*, non ita bene resonat, sicut si ibi poneretur *super capillos*. Tale est hoc<sup>3</sup>: « Dulciora super mel et favum: » congrua, si dicatur, « super dulciora; » « super vetus et novum testamentum, » nonita congruum. Quatuor leguntur depositiones vestium Christi: prima quando præcinxit se, ut lavaret pedes discipulorum, tunc vestes deposituit, et reindutus est; secunda, quando est illusus a militibus, et Herodi transmissus, tunc deposituit et reassumpsit; tertia, quando ligatus ad columnam, tunc deposituit, et resumpsit; quarta, quando cruxifixus est, quatuor (b) tunc vestes deposituit, et non resumpsit. His significantur tria genera Ju-

dæorum: prima significat scilicet Judæos in primitiva Ecclesia salvatos; secunda illos, quos assumpsit in die Pentecostes, et quosdam, qui modo assumuntur; tertia illos, qui salvabuntur, nam<sup>4</sup> « reliquiæ Israel salvæ sient; » quarta, majorem partem nostri temporis, quæ non suscipitur. Secunda et tercia repræsentatur in Ecclesia: nam verberatio altaris significat secundam scilicet verberationem; effusio vini et aquæ super altare significat quartam scilicet, quia sanguis et aqua fluxerunt de latere Christi. Nota: Calvariae dicitur locus, ubi crucifixus Calvariaæ locus. est Dominus, ubi solebant facinorosi cruciarí, et ibi capita nuda a capillis apparebant quasi calva: inde dicitur Calvariaæ.

*11. Operui in jejunio animam meam.* Nota: quaternarius ad Evangelium; denarius ad Legem refertur; et voluntas ad Evangelium, opus ad Legem, unde dicitur<sup>5</sup> « factorum. » Evangelium lex spirituum; factum autem voluntate, et voluntas opere debet impleri: aliter non erit meritorium. Sic ergo multiplicatur quaternarius per denarium, et e converso, id est, per Evangelium lex, quia in neutrum sufficit non multiplicatum.

*15. Eripe me de luto, ut non infigar.* Lutum Lutum. quandoque dicitur infirmitas hominis, unde Job<sup>6</sup>: « Memento, quæso, quod sicut lutum feceris me; » quandoque culpa hominis; quandoque materia unde homo factus est, unde hoc<sup>7</sup>: « Formavit Deus hominem de limo; » quandoque Christi humanitas, unde dicitur sanasse (c) oculos cæci nati, id est, humanitate, genus humanum.

*18. Ne avertas faciem tuam a pueru tuo.* Christus dicitur puer propter quatuor, quæ Christus puer. conveniunt puer, et etiam Christo, scilicet puritatem, peccati scilicet immunitatem, unde<sup>8</sup>: « Qui sine macula ingreditur; » et propter humilitatem, unde hoc<sup>9</sup>: « Humiliavit semetipsum; » propter obedientiam, unde hoc<sup>10</sup>: « Factus obediens usque ad mortem; » et per mansuetudinem, unde<sup>11</sup>: « Discite a me, quia mitis sum, » etc. — (b) Fortasse legendum quarto. — (c) Suppl. luto.

<sup>1</sup> *Dan.*, II, 34. — <sup>2</sup> *Joan.*, XII, 24. — <sup>3</sup> *Psal.* xviii, 11. — <sup>4</sup> *Rom.*, IX, 27. — <sup>5</sup> *Rom.*, III, 27. — <sup>6</sup> *Job*, X, 9. — <sup>7</sup> *Gen.*, II, 7. — <sup>8</sup> *Psal.* XIV, 2. — <sup>9</sup> *Philip.*, II, 9. — <sup>10</sup> *Ibid.*, — <sup>11</sup> *Matth.*, XI, 29. — (a) *Suppl. Super.* —

**20. Tu scis improperium meum, et confusio multipl. fusionem meam.** Est confusio tristitiae, quam habuit Christus, unde hoc<sup>1</sup> : « Tristis est anima mea usque ad mortem. » Est confusio erubescientiae, quando homo erubescit de his, quae falso sibi imponuntur, quia facies ingenua nescit (*a*) erubescere de his, quae etiam ei falso imponuntur. Est etiam confusio conscientiae, quam habet tantum malus, unde hoc<sup>2</sup> : « Confundantur, qui me persequuntur, et non confundar ego. » Christus desideravit comedere agnum paschalem desiderio, dicens<sup>3</sup> : « Desiderio desideravi hoc pascha, » etc. Hoc desiderium propter tria : propter legalium consummationem, unde dictum est<sup>4</sup> : « Consummatum est; » et propter novae legis inceptionem, unde hoc<sup>5</sup> : « Non bibam de genimine vitiis, etc.; » et propter Ecclesiæunitatem, quam in eis voluit efficere, unde Apostolus<sup>6</sup> : « Unus panis in Christo, unum corpus sumus. »

**23. Fiat mensa eorum coram ipsis in laqueum.** Est mensa propositionis, quae scilicet erat in tabernaculo; est mensa æternitatis, unde hoc<sup>7</sup> : « Ut edatis et bibatis super mensam meam, » etc. Est mensa thesaurus desiderabilis, scilicet sacra Scriptura, unde hoc<sup>8</sup> : « Parasti in conspectu meo mensam. » Est mensa iniquitatis. Est mensa sacramentalis, ut hoc<sup>9</sup> : « Parasti in conspectu meo mensam. » Nota : in mensa propositionis erant duodecim panes, et in singulis sabbatis novi ponebantur, et super unum quemque erat patera aurea cum pugillo thuris. Duodecim panes loco aliorum substituti (*b*), duodecim sunt apostoli, quibus succedunt episcopi eorum vicarii, quia<sup>10</sup> : « Pro patribus tuis nati sunt tibi filii. » Patera (*c*) significat charitatem, quia christiani charitatem debent habere. Thus significat devotionem orationis, quam debent prælati habere. Mensa est sacra Scriptura, cujus quatuor

<sup>1</sup> Matth., xxvi, 38. — <sup>2</sup> Jerem., xvii, 18. — <sup>3</sup> Luc., xxii, 45. — <sup>4</sup> Joan., xix, 30. — <sup>5</sup> Matth., xxvi, 29. — <sup>6</sup> 1 Cor., x, 17. — <sup>7</sup> Luc., xxii, 30. — <sup>8</sup> Psal. xxii, 5. — <sup>9</sup> Psal. xliv, 17. — <sup>10</sup> Cf. S. Thom., I, q. xxiv,

sunt pedes, scilicet, in quatuor mundi partibus exponendi. Nam historice, mystice, moraliter, anagogice exponuntur. Pedes autem semper sunt supra mensam, quia prælati semper debent habere scientiam sacrae Scripturæ, et in ea residere. Ad hanc mensam sedent Judæi, et effugint, non nos.

**24. Obscurerunt oculi eorum, ne videant.** Exercitia data sunt homini propter tria temporalia, id est, ingenium, memoria, ratio. Ingenium requirit incognita; memoria recondit dijudicata; ratio judicat inventa. Ingenium, quod invenit, rationi adducit; ratio memoriae; memoria recondit. Ratio in ore cordis masticat, quod dentes ruminant, quod venter memoriæ recommendat. Ingenium igitur ad futura, ratio ad præsentia, memoria ad præterita pertinet. Judæi autem hoc facere amiserunt (*d*), cum Christum non cognoverunt.

**29. Deleantur de libro viventium.** Tribus modis aliquis scribitur in libro vitæ<sup>11</sup> : secundum præsentiam; secundum causam; secundum opinionem : secundum præsentiam, prædestinatus, qui perire non sinitur, licet ad tempus a via veritatis errare permittatur; secundum etiam causam præscientiæ, qui aliquando ambulant in justitia; secundum opinionem, ut præsciti, qui faciunt opera quae reputant homines esse bona. His etiam modis aliquis dicitur deleri. De primo Moyses ait<sup>12</sup> : « Dimitte eis, Domine, noxam, aut dele me de libro viventium. » De secundo<sup>13</sup> : « Gaudete, justi, quoniam nomina vestra scripta sunt in libro vitæ. » De tertio, hoc secundum opinionem. Quatuor sunt libri : Primus scriptus ab æterno, scilicet Divinitas; secundus in paradiso, scilicet ratio hominis; tertius in deserto, scilicet lex; quartus in homine Christo, scilicet ejus actio, in qua debemus legere; quia ejus actio, nostra instructio est. Primus

art. 3, per totum. — <sup>11</sup> Exod., xxxii, 32. — <sup>12</sup> Luc., x, 20. — (*a*) Potius lege scit. — (*b*) Edit. Ven. substitui. — (*c*) Fortasse legend. Patena. — (*d*) Ley. omiserunt.

est ab aeterno tantum intus, et tres personæ tantum ibi legebant. Sed per humanitatem scriptus est foris, et ille liber auro divinitatis est illuminatus, et in claustru humanitatis scriptus. Modo in eo legunt angeli, et homines, non tantum tres personæ.

30. *Ego sum pauper et dolens.* Christus pro omnibus doluit: quia pro se ex infirmitate; pro bonis, scilicet apostolis, ex dilectione; et pro malis, scilicet Iudeis, ex compassione. De primo<sup>1</sup>: « Tristis est anima mea usque ad mortem, » etc. De secundo (v. 4): *Defecerunt oculi mei.* Nam, de tertio, oravit pro Iudeis dicens<sup>2</sup>: « Ignosce (a) illis, quia nesciunt, quid faciunt. »

31. *Laudabo nomen tuum.* Hic notantur tria, scilicet laus oris, cum dicitur: *Laudabo*; jucunditas mentis, cum dicitur: *Canticum*; bona operatio, cum dicitur: *Magnificabo*. Debemus enim Deum laudare voce, unde hoc<sup>3</sup>: « Domine, labia mea aperies; » jucunditate, unde hoc<sup>4</sup>: « Hilarem datorum diligit Deus, » id est, laudatorem; opere, unde hoc<sup>5</sup>: « Qui facit haec, non commovebitur (b) in aeternum. »

34. *Vinctos suos non despexit.* Est triplices vinculum, secundum quod hic exponitur <sup>Vincu-</sup><sub>lum mal-</sub>tripliciter: vinculum culpeæ, unde hoc<sup>6</sup>: « Qui eduxit vinctos in fortitudine, » et hoc<sup>7</sup>: « Funes peccatorum circumplexi sunt me; » vinculum pœnæ, unde hoc<sup>8</sup>: « Anima nostra sicut passer erupta est de laqueo venantium. » Est vinculum legis, sive gratiæ, unde hoc<sup>9</sup>: « Injice pedem tuum in compedes ipsius, » et hoc<sup>10</sup>: « Rete expandit pedibus meis. » Sufficiat diei malitia sua, id est, nostra mortalitas. Sufficiat nobis non apponamus ultra peccare, non queramus necessaria ultra sufficientiam, si forte non sufficit ultra dies (c) malitia.

<sup>1</sup> Matth., xxvi, 38. — <sup>2</sup> Luc., xliii, 34. — <sup>3</sup> Psal. L, 17. — <sup>4</sup> II Cor., IX, 7. — <sup>5</sup> Psal. XIV, 5. — <sup>6</sup> Psal. LXVII, 7. — <sup>7</sup> Psal. CXVIII, 61. — <sup>8</sup> Psal. CXXII, 7. — <sup>9</sup> Eccli., VI, 25. — <sup>10</sup> Thren., I, 13. — <sup>11</sup> Cassian., Collat. X, c. IX. — <sup>12</sup> Psal. XXXIX, 2. — <sup>13</sup> Psal. XXII, 6. — <sup>14</sup> Psal. LXXXIX, 2. — <sup>15</sup> Rom., VII, 24. — <sup>16</sup> I Cor., IV, 7. — <sup>17</sup> Job, XIV, 1. — <sup>18</sup> Job, III, 3.

## PSALMUS DAVID LXIX.

2. *Deus, in adjutorium meum intende.* Cassianus<sup>11</sup> fecit librum, in quo docet, quod in primitiva Ecclesia unusquisque dicebat in principio: *Deus, in adjutorium;* et hoc, quando pauci erant fideles. Sed modo, quia multi fideles, non omnes hoc faciunt; sed Ecclesia in principio hoc observabat (d). Intendit Deus per misericordiam, unde hoc<sup>12</sup>: « Expectans expectavi Dominum, et intendit mihi; » per perseverantiam, unde hoc<sup>13</sup>: « Misericordia tua sequetur (e) me; » per consummationem, unde hoc<sup>14</sup>: « Qui regis Israel, intende, » etc.: quia prævenit ad ortum, quantum ad primam gratiam; adjuvat ad perfectionem, quantum ad secundam; consummat ad perfectionem, quantum in futuro. Nota, quod epignome est, quando eadem sententia diversis verbis explicatur, ut hic: *Deus, in adjutorium meum intende.* Item significatur per hoc: *Domine, ad adjuvandum me festina.* Epigrammos est, quando diversæ sententiæ eisdem vocibus exprimuntur, ut hic: *Avertantur*, et in alio versu dixit: *Avertantur*, in alia significatione.

6. *Ego vero egenus et pauper sum.* Egeni sumus propter quatuor: propter somitem peccati, unde Apostolus<sup>15</sup>: « Quis me liberabit de corpore mortis hujus? » et quia nihil hic a nobis habemus boni, unde hoc<sup>16</sup>: « Quid habes, quod non accepisti? » et quia in motu, et in transitu sumus, unde hoc<sup>17</sup>: « Homo natus de muliere, » etc.; et quia pœnæ subjacemus, unde hoc<sup>18</sup>: « Maledicta (f) dies, in qua natus sum. » Quatuor sunt genera persecutionum: prima in strage martyrum; secunda in prædicatione haereticorum; tertia in fraude falsorum fratrum; quarta est mixta ex omni genere, quod erit in tempore Antichristi. Prima et secunda, aperta; tertia occulta; quarta mixta.

(a) Vulg. dimittit. — (b) Vulg. non movebitur. — (c) Leg. diei. — (d) Cat. edit. observat. — (e) Vulg. subsequetur. — (f) Vulg. Pereat.

## PSALMUS DAVID LXX.

**4. In te, Domine, speravi.** Quidquid boni sumus, misericordia Dei sumus. Hic *Quidquid* substantiam et qualitatem comprehendit. Nam et naturalia a Deo sunt, et gratuita, ut virtutes; et ita substantia, et qualitas. Quidquid ex nobis sumus, et mali sumus. Hic non comprehendit, nisi qualitatem malam, non substantiam: nam substantia et naturalia sunt a Deo. Fomes peccati dicitur lex carnis, quia ligat, vel quia sicut lex a generatione in generationem transit, ita fomes peccati: quia justum est,

Fomes peccati. quod inferior Adæ, ei non obediatur, quod Adam suo superiori noluit obedire. Nota:

Tres captivitates Judæorum significant tres captivitates nostras, scilicet captivitatem poenæ, culpæ, gehennæ.

**4. Contra legem agentis et iniqui.** In quadruplici lege legere debemus: in lege foris scripta, sicut Moysi et Evangelii; in lege intus data, scilicet ratione; in mundi figura, per creaturæ enim pulchritudinem laudatur Creator; in lege æterna, quæ (a) scilicet Deus est.

Juventus. **5. A juventute mea.** Juventus consistit in tribus: in ætate, scilicet parva; in fortitudine; in decore. Haec similitudine dicitur juventus Ecclesiæ. Nam fuit parva, quando scilicet erant pauci fideles, unde hoc<sup>1</sup>: « Junior fui, » scilicet tempore Abel, scilicet tempore apostolorum; fortis in tempore martyrum, unde hoc<sup>2</sup>: « Sæpe expugnaverunt me a juventute mea, » etc.; decora in patria, unde hoc<sup>3</sup>: « Renovabitur, ut aquilæ, juventus tua. » Vel ætas Ecclesiæ distinguitur secundum quatuor sacramenta, quæ sunt catechismus, scilicet infantia; exorcismus, pueritia; confirmatio, juventus. Totum quod sequitur est senectus.

**8. Repleatur os meum laude,** etc. Qua-

druplii de causa præcipimur Deum laudare ore, cum beatum laudari corde, scilicet ut pigritia nostra excitetur, ut proximus audiendo corrigatur, ut meritum nostrum augmentetur, ut illa mens, illa laus, mente, et corpore exprimatur, ne sit ibi duplex cor.

**9. Cum defecerit virtus mea.** Deficit quis a Deo, sub Deo, in Deo, in Deum: a Deo, quando per peccatum aliquis recedit, ut hic; sub Deo, qui a peccato desistit, ut hoc<sup>4</sup>: « Defecit caro mea et cor meum; » in Deo, qui in cognitione Dei deficit, unde hoc<sup>5</sup>: « Defecerunt scrutantes scrutationes; » in Deum, qui in Deum contemplatione intendit, unde hoc<sup>6</sup>: « Defecit in salutare tuum anima mea. »

**13. Confundantur et deficiant detrahentes animæ meæ,** vel committentes animam meam. Nota, aliter dicitur peccatum committi, aliter anima. Peccatum committitur, id est, fit; anima committitur, quando aliquid contra eam fit, vel quando ad committendum inducitur, vel provocatur.

**15. Quoniam non cognovi litteraturam.** Litteratura triplex. Triplex est litteratura: prima facit inflatum; secunda, servum; tertia, filium. Prima est philosophorum; secunda Judæorum, qui ad litteram tantum exponunt Scripturas, non attendentes mysticum intellectum; tertia Christi, scilicet Novum Testamentum. Prima fuit sine medicamento; secunda habuit medicamentum; tertia medicamentum medicatum. De prima hoc dicitur: *Quoniam non cognovi litteraturam.* De tertia posset dici: *Si cognovi litteraturam, etc.*

**16. Introibo in potentias Domini.** Nota: Homo habuit triplex officium: consilii, auxiliij, judicij. Primum fuit in conceptione legis, quia lex neminem duxit ad perfectum; secundum Evangelium, quod salutem confert; tertium erit in ultimo examine, quo (c) redditur<sup>7</sup> « unicuique, prout gessit in corpore. »

**17. Deus, docuisti me.** Docet Deus quinque modis: per Scripturam, per doctrinam, per

<sup>1</sup> Psal. xxxvi, 25. — <sup>2</sup> Psal. cxxviii, 2. — <sup>3</sup> Psal. cii, 5. — <sup>4</sup> Psal. lxxxii, 26. — <sup>5</sup> Psal. lxiii, 7. — <sup>6</sup> Psal. cxviii, 81. — <sup>7</sup> II Cor., v, 10.

(a) Edit. Ven. quam. — (b) Cæt. edit. triplex. — (c) Edit. Ven. quod.

inspirationem, per exemplum, per flagella : per Scripturam, unde hoc<sup>1</sup> : « Aperuit illis sensum, ut intelligerent Scripturas; » per doctrinam, unde illud<sup>2</sup> : « Verba, quae locutus sum vobis, spiritus et vita sunt; » per inspirationem, unde hoc<sup>3</sup> : « Audiam quid loquatur in me Dominus Deus; » per exemplum, unde<sup>4</sup> : « Discite a me, quia misericordia est humilis corde; » et hoc<sup>5</sup> : « Si ego lavi pedes vestros, etc., exemplum enim dedi vobis; » per flagella, unde hoc<sup>6</sup> : « Qui singis laborem in pracepto. » Flagella enim et labores erudiunt nos plerumque.

**Similitudo multi-plex.** 19. *Deus, quis similis tibi?* Est similitudo naturæ, unde hoc<sup>7</sup> : « Et factus est homo ad imaginem et similitudinem Dei. » Est similitudo gratiæ, unde hoc<sup>8</sup> : « Signatum est super nos lumen vultus tui, Domine. » Est similitudo æqualitatis, secundum quam dicitur<sup>9</sup> Filius splendor Patris. Est similitudo imitationis, quæ bona est. Est similitudo usurpationis, de qua<sup>10</sup> : « Ponam sedem meam ab aquilone, » etc.

**Reduc-tio tri-plex.** 20. *Et de abyssis terræ iterum reduxisti me.* Est triplex reductio : prima est generalis, et causalis, quia resurrectio Christi fuit sufficiens causa resurrectionis omnium; secunda reductio spiritualis et personalis, quæ est animæ; tertia est gehennalis et effectus, quæ erit in corpore et in anima in iudicio, et hic erit effectus resurrectionis Christi. Unde in Glossa ponitur : primo iterum reducimur, id est, secundo, et secundo iterum, id est, tertio.

21. *Et conversus consolatus es me.* Deus consolatur nos per pascua Scripturarum, unde hoc<sup>11</sup> : « Dominus regit me, » etc.; per promissa, unde hoc<sup>12</sup> : « Alsterget Deus omnem lacrymam ab oculis sanctorum; » per flagella, unde<sup>13</sup> : « Virga tua et baculus tuus, » etc.; per beneficia temporalia, unde hoc<sup>14</sup> : « Læva ejus sub capite meo. »

<sup>1</sup> *Luc.*, xxiv, 45. — <sup>2</sup> *Joan.*, vi, 64. — <sup>3</sup> *Psal.* LXXXIV, 9. — <sup>4</sup> *Matth.*, XI, 29. — <sup>5</sup> *Joan.*, XIII, 14, 15. — <sup>6</sup> *Psal.* XCIII, 20. — <sup>7</sup> *Gen.*, I, 26. — <sup>8</sup> *Psal.* IV, 7. — <sup>9</sup> *Hebr.*, I, 3. — <sup>10</sup> *Isa.*, XIV, 13. — <sup>11</sup> *Psal.* XXII, 1, 2. — <sup>12</sup> *Apoc.*, VII, 17. — <sup>13</sup> *Psal.* XXXII, 4. — <sup>14</sup> *Cant.*, II,

### PSALMUS DAVID LXXI.

2. *Deus, judicium tuum regi da.* Christus est verus Salomon, scilicet pacificus. Et dicitur pax triplici de causa : quia dat causam pacis, unde hoc<sup>15</sup> : « Cum inimici essemus, dilexit nos; » et quia est nuntius pacis futurae; et quia dat pacem in praesenti, unde hoc<sup>16</sup> : « Pacem meam do vobis. » De quadruplici pace, vel iudicio, alibi dicitur. Epignome est figura, quando eadem sententia diversis verbis exponitur, unde hoc : « Deus, judicium tuum regi da, et justitiam tuam, etc. Et epignome, sive talis repetitio, quatuor fit de causis : ut audita memoriae recommendentur; ut animus pigritantium excitetur; ut commodins a dictis ad dicenda (a) transeamus, et affectus et desiderium pœnitentis exprimatur.

3. *Permanebit cum sole, et ante lunam.* Ecclesia dicitur luna propter tria : quia in principio fuit parva, postea crevit, unde hoc<sup>17</sup> : « Junior fui, etenim senui; » et hoc<sup>18</sup> : « Sonor mea tenera est, nec adhuc habet ubera, » et hoc<sup>19</sup> : « Nisi granum frumenti cadens in terram (b). » Et quia non habet inaculam, unde hoc<sup>20</sup> : « Sicut lilyum inter spinas, » etc.; et quia non habet lumen a se, sed a Christo sole iustitiae, unde hoc<sup>21</sup> : « Sine me nihil potestis facere, » et hoc<sup>22</sup> : « Omne bonum desursum est; » et hoc<sup>23</sup> : « Ego sum vitis vera, » etc. Nota : Propheta commendat Christum hic a quatuor : (c) unde dicit : *Deus, judicium tuum regi da;* ab æquitate, cum dicit : *Judicare populum tuum in iustitia;* ab utilitate, cum dicit : *Suscipient montes pacem populo;* a perpetuitate, cum dicit : *Et permanebit cum sole, et ante lunam.* Nota : Tria debemus Deo, tria proximo. Nam majestati, id est Patri, debemus reverentiam<sup>24</sup>, « qui potest corpus et animam mittere in

<sup>15</sup> *Rom.*, V, 10. — <sup>16</sup> *Joan.*, XIV, 27. — <sup>17</sup> *Psal.* XXXVI, 25. — <sup>18</sup> *Cant.*, VIII, 8. — <sup>19</sup> *Joan.*, XII, 24. — <sup>20</sup> *Cant.*, II, 2. — <sup>21</sup> *Joan.*, XV, 5. — <sup>22</sup> *Jac.*, I, 17. — <sup>23</sup> *Joan.*, XV, 1. — <sup>24</sup> *Matth.*, X, 28. — (a) *Al.* discenda. — (b) *Edit.* *Ven.* *terra.* — (c) *Suppl.* a potestate.

Epignome figura

Ecclesia quare dicatur rata.

Deo tria debemus, et tria proximo.

gehennam; » obedientiam veritati, id est, Filiō, quia ad hoc pertinet obedientia; benignitati, patientiam, id est, Spiritui sancto. Pro Christo, nostrum posse, nostrum nosse, nostrum velle. Nostrum posse, in subsidiis; nostrum nosse, in consiliis: nostrum velle, in desideriis.

6. *Descendet sicut pluvia in vellus.* Hic commendatur regnum Christi a tribus, scilicet ab origine, unde hoc: *Descendet sicut pluvia in vellus;* ab utilitate, unde hoc: *Orietur in diebus ejus iustitia et abundantia pacis;* ab amplitudine, unde hoc: *Et dominabitur a mari usque ad mare.* Filius Dei venit ad nos, scilicet illusis veritas, errantibus via, mortuis vita, fatuis sapientia, infirmis medicina, captivis redemp-

B. Virgo  
compa-  
ratur  
velleri.

tio. Nota: Beata Virgo velleri comparatur, quia sicut de vellere fiunt vestes, ita caro Christi facta est de carne Virginis, quasi vestis ejus, unde<sup>1</sup>: « Et habitu inventus ut homo. » Nam de purissimis sanguinibus Christus assumpsit Mariæ virginis carnem. Et sicut vellus sine laesione sumitur de ove, sic Christus de Maria sine laesione exivit, et sine virili semine. Nam hæc<sup>2</sup> « porta clausa, » per quam vir non introivit. Et sicut vellus plenum est rore, ita Maria virtutis plenitudine, unde dicitur<sup>3</sup>: « Ave, Maria, gratia plena, Dominus tecum. » Ut solis radius intrat iuxto fenestram vitream, sic Dei Filius, imo subtilius, aulam virgineam, scilicet per carnis integritatem, gratiæ plenitudinem.

9. *Coram illo procident æthiopes.* Hi coram Deo cadunt, ut qui male credunt, ut hic: quidam a Deo, qui ab eo recedunt, unde hoc<sup>4</sup>: « Cadent a latere tuo mille; » quidam sub Deo, ut qui venialiter peccant, unde hoc<sup>5</sup>: « Justus septies (a) in die cadit, » etc.; et hoc<sup>6</sup>: « Justus si ceciderit, non collidetur; » quidam in Deum, ut qui ad lapidem angularem offendit.

<sup>1</sup> Philip., II, 7. — <sup>2</sup> Ezech., XLIV, 1. — <sup>3</sup> Luc., I, 28. — <sup>4</sup> Psal. XC, 7. — <sup>5</sup> Prov., XXIV, 16. — <sup>6</sup> Psal. XXXVI, 24. — <sup>7</sup> Levit., XXIV, 20. — <sup>8</sup> Matth., XXV, 20. — <sup>9</sup> Thren., IV, 7. — <sup>10</sup> Act., XXIII, 3. — <sup>11</sup> Marc.,

10. *Reges Arabum et Saba dona adducent.* Ubi nos habemus *Reges Arabum et Saba,* Hæbræi habent *Reges Schaba et Saba:* ut primum per se in scribatur, et tunc interpretatur Arabum; secundum per samech.

14. *Ex usuris et iniquitate redimet unius eorum.* Est usura injuriæ, unde in lege<sup>1</sup>: « Oculum pro oculo, dentem pro dente. » <sup>Usura quadruplicata.</sup> Sunt usuræ doctrinæ, unde hoc<sup>2</sup>: « Domine, quinque talenta tradidisti mihi, etc. » Sunt usuræ pœnæ et culpæ, unde hoc duobus modis exponitur.

13. *Parcit pauperi et inopi.* Judæus dicitur pauper, quia pauca habet, scilicet legem et prophetas; Gentilis inops, quia nihil, scilicet nec legem, nec prophetas.

16. *Superextolletur super Libanum.* Libanus interpretatur candidatio. Nota: est candor innocentiae, unde hoc<sup>3</sup>: « Candidiores nive. » Est candor hypocrisis, unde hoc<sup>4</sup>: « Paries dealbatus. » Est candor gloriæ, unde hoc<sup>5</sup>: « Vestimenta ejus candida sicut (b) nix. »

## PSALMUS DAVID LXXII.

1. *Quam bonus Israel Deus.* Novum Testamento erat occultum in veteri, quantum ad verba, promissa, et opera. De primo<sup>12</sup>: « Abraham habuit duos filios, unum de ancilla, et unum de libera, quæ sunt per allegoriam dicta. » De secundo: Nam<sup>13</sup> « Abraham factæ sunt promissiones » ad litteram, nobis spiritualiter. De tertio, Dominus<sup>14</sup>: « In manu prophetarum assimilatus sum. » Nota: Aliquis cessat a laude Dei quatuor de causis: propter culpam, unde<sup>15</sup>: « Peccatori dixit Deus: Quare tu enarras justias meas? » Propter infirmitatem, unde Hieremias<sup>16</sup>: « A! a! a! Domine Deus, ecce nescio loqui, quia puer ego sum; » propter immensitatem Dei, unde Moyses dicit, se non posse loqui de Deo, quia<sup>17</sup> « impeditioris linguae » erat,

IX, 2. — <sup>12</sup> Gal., IV, 24. — <sup>13</sup> Gal., III, 16. — <sup>14</sup> Osee., XII, 10. — <sup>15</sup> Psal. XLIX, 6. — <sup>16</sup> Jerem., I, 6. — <sup>17</sup> Exod., IV, 10.

(a) *Vulg.* non habet septies. — (b) *Vulg.* nimis velut.

non sufficiebat ad intelligentiam divinæ immensitatis; propter temporalium subtractionem, unde hoc<sup>1</sup>: « Confitebitur tibi, cum benefeceris ei; » et hoc<sup>2</sup>: « Si vero non fuerint saturati, et murmurabunt. »

*7. Prodiit quasi ex adipe iniquitas eorum.*

Peccatores vari. Quidam peccant ex abundantia, de quibus hic; alii ex macie, ex paupertatis necessitate, et hi minus peccant.<sup>3</sup> « Divitias et paupertatem (a) ne dederis mihi : » divitias, inquam, unde hoc<sup>4</sup>: « Ne forte satiatus, evomam illud. » Ex paupertate, unde hoc<sup>5</sup>: « Et ne perjurem nomen Dei mei. » Alii peccant ex obstinatione, unde hoc<sup>6</sup>: « Peccator cum venerit in profundum vitiorum, contemnit. » Alii ex infirmitate, unde hoc<sup>7</sup>: « Miserere mei, Domine, quoniam infirmus sum. » Alii ex suggestione, unde hoc<sup>8</sup>: « Ab occultis meis munda me, Domine. »

*9. Posuerunt in cœlum os suum.* Quidam ponunt in cœlum os suum, murmurantes contra Dominum per impatientiam, unde hoc<sup>9</sup>: « Si vero non fuerint saturati, murmurabunt; » alii derogant potentiae divinæ, unde hoc<sup>10</sup>: « Numquid poterit Deus parare mensam populo suo? » quasi dicant: Non; alii male sentientes, ut Arius et Sabellius.

*16. Existimabam ut cognoscerem.* Nota:

Bono- rum dis- crimini. Quædam sunt bona mala bonis, ut plerumque affluentia temporalium, quando eis cor apponunt; quædam bona mala malis, ut sumptio corporis Domini, quando indigne sumitur. Sunt etiam quædam bona bonis, ut Ecclesiæ sacramenta; sunt quædam mala, malis mala (b), ut doctrina hereticorum. Sunt mala, malis bona, ut adversitates in præsenti, quando per illas ad Deum redeunt. Non autem simpliciter malum dicitur bonum, nec dabitur bonum, nisi in beneplacito Dei, nec aliquid simpliciter malum, nisi quod (c) displicet. Nota: Homo dicitur factus ad ima-

ginem et similitudinem Dei secundum interiorum, id est, animam; sed dicitur microcosmus, secundum exteriorem, scilicet corpus, secundum quod dicitur pecus, jumentum: similiter alia sunt, quæ circa hominem sunt, sive extra hominem, ut divitiæ, et hujusmodi. Alia sunt in homine, ut proprietas. Homo etiam dicitur imago Dei secundum animam, et imago mundi secundum corpus.

*23. Ut jumentum factus sum apud te.* Homo dicitur jumentum propter stoliditatem (d), unde hoc<sup>11</sup>: « Nolite fieri sicut equus et mulus; » propter fœtorem, unde hoc<sup>12</sup>: « Computruerunt jumenta in stercore suo; » propter laborem, unde hoc<sup>13</sup>: « Qui dat jumentis escam ipsorum; » propter mansuetudinem, unde hoc, secundum ultimam propositionem.

*25. Quid enim mihi est in cœlo?* Quid quandoque querit de substantia, ut<sup>14</sup>: « Quid est veritas? » quandoque de quantitate, ut<sup>15</sup>: « Quid est homo? » quandoque de qualitate, ut: « Quid est homo, quod memor es ejus? » quandoque de utroque, ut hic: *Quid enim mihi est in cœlo?* id est, quantum vel quale præmium?

*27. Perdidisti omnes, qui fornicantur abs te.* Est fornicatio idolatriæ, unde illud<sup>16</sup>: « Si fornicaris, Israel, ne descendas in Dau,<sup>Forni- catio va- ria.</sup> aut in Bethel. » Hoc dicitur de fornicatione idolatriæ. Fecerunt enim duos vitulos, quorum unum posuerunt in Dan, aliud in Bethel. Est fornicatio cuiusque peccati mortalis, unde hic: *Perdidisti omnes, qui fornicantur abs te;* temporalis, unde hoc<sup>17</sup>: « Fornicatores et adulteros judicabit Deus. » Est fornicatio spiritualis: sicut propter fornicationem separatur uxor a viro, sic per peccatum anima a Deo, tanquam uxor a viro, recedit. Nota quod fornicatio corporalis est species fornicationis spiritualis.

<sup>1</sup> *Psal.* XLVIII, 19. — <sup>2</sup> *Psal.* LVIII, 16. — <sup>3</sup> *Prov.*, XXX, 8. — <sup>4</sup> *Prov.*, XXV, 16. — <sup>5</sup> *Prov.*, XXX, 9. — <sup>6</sup> *Prov.*, XVIII, 1. — <sup>7</sup> *Psal.* VI, 3. — <sup>8</sup> *Psal.* XVIII, 13. — <sup>9</sup> *Psal.* LVIII, 16. — <sup>10</sup> *Psal.* LXXXVI, 19. — <sup>11</sup> *Psal.* XXXI, 8. — <sup>12</sup> *Joel.*, I, 17. — <sup>13</sup> *Psal.* CXLVI,

<sup>14</sup> *Joan.*, XVIII, 33. — <sup>15</sup> *Psal.* VIII, 5. — <sup>16</sup> *Ose.*, IV, 15. — <sup>17</sup> *Hebr.*, XIII, 4.

(a) *Vulg.* inciditatem. — (b) *Edit.* Ven. bona malis bona, perperam. — (c) *Suppl.* Deo. — (d) *Edit.* Ven. soliditatem.

## PSALMUS DAVID LXXIII.

*1. Ut quid, Deus, repulisti in finem.* Populus Dei populus Judæorum dicitur; similiiter et gentilis populus Dei erat ante adventum Domini: sed populus Judæorum specialiter et beneficio amoris; populus gentilis tantum beneficio creationis. Nota: Primum beneficium Judæorum populo fuit per circumcisio[n]em, unde hoc (v. 2): *Memor esto congregationis tue, quam possedisti ab initio*, per fidem et circumcisio[n]em. Secundum per liberationem, unde hoc: *Redemisti virginem hæreditatis tue*, populum Judæorum.

*4. Posuerunt signa sua, signa;* scilicet in signum futurorum; unde dictum est Achaz (*a*) ut peteret signum futuræ victoriae a Domino. Est signum præsentium, unde dictum est pastoribus <sup>1</sup>: « Invenietis infantem pannis involutum; » tunc signum erat in præsenti. Est signum præteriorum, sicut hoc. Nota: Tentatio Est tentatio violenta, scilicet adversitas; est tentatio deceptoria, scilicet prosperitas. De quibus dicitur hoc <sup>2</sup>: « Non me demergat tempestas aquæ, » id est, periculum adversitatis; « neque absorbeat me profundum, » id est, delectatio prosperitatis; « neque urgeat super me puteus os suum, » id est, desperationis.

*12. Deus autem rex noster ante sæcula operatus est salutem in medio terræ.* In communi, quia passio Christi omnibus æque profuit, quantum in se est: vel *in medio terræ*, id est, in Hierusalem, quæ est in medio terræ, id est, in superficie terræ. Nam <sup>3</sup> in sphærico corpore, quidquid est in superficie terræ, est in medio. Est salus temporalis, unde hoc <sup>4</sup>: « Homines et jumenta salvabis, Domine. » Est salus spiritualis, unde illud <sup>5</sup>: « Salus autem justorum a Domino. » Est salus finalis, unde illud <sup>6</sup>: « Qui in me credit, flumina de ventre ejus fluent aquæ vivæ. » Est etiam salus malorum.

*47. Æstatem et ver, tu plusmasti ea.* Juxta <sup>1</sup> Luc., II, 12. — <sup>2</sup> Psal. LVIII, 16. — <sup>3</sup> Euclid.,

quatuor tempora anni, quatuor genera hominum assignari possunt. Nam ver, quia est initium, convenit incipientibus, unde in *Canticis* <sup>7</sup>: « Flores apparuerunt. » Æstas in charitate ferventibus. Autumnus in charitate refrigerescens: nam autumnus est finis temporis, quod erit in tempore Antichristi, quando refrigerescet charitas multorum; et tunc erit finis mundi. Hyemi comparantur, qui gelidio peccati torpent; unde dicitur, quod calefaciebat se Petrus ad ignem Caiphæ, quia hyems erat, non tantum temporis, sed etiam peccatoris.

*20. Respice in testamentum tuum.* Tria solent oculum turbare: tenebrae, humor concretus, pulvis injectus. Hoc hic de oculo mentis, quem tenebrae infidelitatis impediunt. Humor concretus est peccatum, quod non est aliunde, sed ex carne. Ex pulvere est peccatum aliunde. Sed sic solent distinguere: nam quidam habent in oculo trabem; quidam festucam; quidam pulverem; quidam nihil, sed clare vident. Id est, quidam habent maximum et mortale peccatum; quidam minimum mortale peccatum; quidam veniale tantum; quidam nullum.

*21. Pauper et inops laudabunt nomen tuum.* Pauper dicitur divitiis, qui parum habet de divitiis. Pauper dicitur autem spiritu, qui parum habet de spiritibus (*b*). Spiritus carnis, mundi, dæmoniorum, Dei. Qui tamen habet spiritum Dei, ille non est pauper spiritu, sicut dives dicitur, qui multas habet divitias.

## PSALMUS DAVID LXXIV.

*2. Confitebimur tibi, Deus, confitebimur.* Primo datur medicina ad removendos pravos humores; secundo, ad adhibendos bonos: tertio, quod dicit, docet alios facere. Nam primo est confessio, quæ mala expellit; secundo fit invocatio, quæ bonos humores at-

*Phænom.* — <sup>4</sup> Psal. XXXV, 7. — <sup>5</sup> Psal. XXXVI, 39. — <sup>6</sup> Joan., VII, 38. — <sup>7</sup> Cant., II, 42.

(a) Edit. Ven. Abrahæ. — (b) Leg. spiritualibus.

*Confes-*  
*sio tri-*  
*plex.*

trahit; tertio narratio, scilicet prædicatio. Primum notatum est, cum dicit: *Confitebi-  
mur tibi, Deus;* secundum, cum dicit: *Invo-  
cabimus nomen tuum;* tertium, cum dicit: *Narrabimus mirabilia tua.* Nota: triplex est confessio, scilicet oris, cordis, operis; inchoativa, expletiva, consummativa. Inde votus, si invocat Deum, sibi judicium postulat; id est, contra se vocat, ut fur, de furto ut bene sibi accidat. Vel sic: est inde votio nequitiæ; est inde votio negligentiæ. Si autem ex nequitia inde votus Deum invocat, peccat, scilicet qui desperat, et contumax est, de quo dicitur<sup>1</sup>: «Oratio ejus fiat in peccatum.» Vel inde votus, si Deum invocat, peccat, vel judicium sibi postulat, id est, etiam si Deum invocat: sed non ex eo, quod invocat; sed ex inde votione, sicut dicitur: «Maledictus, qui peccat in spe,» de quo minus videtur; minus enim est peccare in spe, quam sine spe. Nota: Ecclesia debet ornari byssō castitatis, cocco martyrii, purpura poenitentia, auro apostolorum, gemmis virginium.

5. *Nolite exaltare.* Hic prohibet voluntatem peccandi, cum dicit: *Nolite exaltare cor-  
nu;* peccandi perseverantiam, cum dicit:

6. *Nolite extollere in altum cornu vestrum;* peccandi excusationem, cum dicit: *Nolite loqui aduersus Deum iniqutatem,* contra Deum murmurationem. Nota sunt cornua bonorum, unde hoc (v. 11): *Exaltabuntur cornua justi.* Sunt cornua malorum. Est cornu Deitatis, ut hic<sup>2</sup>: «Erexit cornu salutis nobis.» Sunt cornua crucis, unde hoc<sup>3</sup>: «Cornua in manibus tuis.»

*Calix  
Domini.*

9. *Quia calix in manu Domini vini meri plenus mixto.* In calice Domini est vinum merum in summo; fæx in imo; mixtum in medio. Sed tantummodo dicitur *plenus mixto.* Calix Domini est justitia; vinum merum, jucunditas sola; fæx, amaritudo summa. Vel merum, æterna felicitas; fæx, infelicitas sempiterna; mixtum ex prosperis et adversis, temporalis mutabilitas. Hunc calicem Dominus in manu tenet, quia justi-

tiam in opere exercet. Primo in hoc calice inebriata est angelica natura, et in eo eodem inebriata est humana natura. Angeli, qui ceciderunt, de fæce; stantes, de mero inebriati sunt. Humana natura cecidit; ideo de mero bibere digna non fuit. Sed quia suggestione alterius peccavit, de mero eam Dominus inebriare misericorditer voluit. Dominus autem ita monet, quod plenus mixto est calix usque in finem mundi: quia in quolibet prospera et adversa, tristia et læta sunt. *Dominus autem inclinavit ex hoc in hoc,* id est<sup>4</sup>, in die bonorum, memento malorum; e converso, in prosperis memento adversorum; et e converso: quia *Dominus inclinavit ex hoc in hoc,* quia neutra pars hominum confirmata est (a) bono vel malo: ideo calix est in manu Domini, quia plenus est mixto. Sed fæx ad ima descendet in futuro, et merum ad summa, quia *fæcem non exinanitam bibent omnes peccatores terræ.* Soli boni de mero; soli mali de fæce bibent in fine mundi.

### PSALMUS DAVID LXXV.

2. *Notus in Iudea Deus.* Illic commendat Dominum, quia manifestatur; unde dicit: *Notus in Iudea Deus,* quia ab omnibus confitetur, unde *in Iudea;* et quia per contemplationem, unde *in Israel;* ab opinione magnitudinis, et magnitudine opinionis, unde hic: *Magnum nomen ejus.* Magnitudo per *Magnum,* opinio per *No-  
men* notatur. Nota: Interpretatio nominis sumitur quandoque secundum rei proprietatem, secundum veritatem, ut Salomon *Pacificus;* quandoque secundum contrarietatem, ut Lucas, quia minime lucet, et Assyrii, *Dirigentes,* per contrarium, quia in Deum minime dirigunt; vel secundum consecutionem, vel similitudinem: nam sicut Assyri olim persequebatur Judæos, ita de quibus hic fit mentio

—<sup>4</sup> Richard., in hunc ipsum psalmum. —<sup>5</sup> Idem, ut supra. — (a) *Suppl.* in.

<sup>1</sup> *Psal. cxviii, 7.* —<sup>2</sup> *Luc., i, 69.* —<sup>3</sup> *Halac., iij, 4.*

*Nomini-  
interpre-  
tatio.*

*Anti-  
phrasis.*

persequuntur christianos. *Notus in Iudea Deus*, per philosophorum cognitionem, unde hoc<sup>1</sup>: « Cum Deum cognovissent, non sicut Deum glorificaverunt; » per cultum, ut Iudeis per amorem, unde hoc<sup>2</sup>: « Cognosco oves meas, et cognoscunt me meae. »

*Sculum.* 4. *Arcum, scutum et gladium.* Scutum significat defensionem peccati, unde hoc: Sculum rotundum est, et caput protegit: et dicitur bona voluntas, unde hoc<sup>3</sup>: « Scuto bona voluntatis tuae coronasti eum; » et fidem: fides enim est prima, sicut scutum præponitur, unde Apostolus<sup>4</sup>: « Sumentes scutum fidei. »

6. *Omnes viri divitiarum in manibus suis.* Nota: fides nostra, sive mens, debet esse concava, quia repræsentat altare concavum in lege: sed sicut creat Deus vasa, ut sint, ita replet ea, ne vacua sint. Tale autem vas solo Deo repleri potest, sed totum corpore non potest. Deus autem major est illo vase, sed post Deum nihil est majus homine. Tale vas nullo nisi Deo repleri potest; sed alio(a) potest infundi. Si ergo in tali vase infunditur cupiditas pecuniae vel laudis, vel hujusmodi, non eis impletur, et ideo magis sitit talia. Si enim plenum esset his, non plus sitiret. Sed quia his non potest impleri, adhuc sitit talia; sed saturari hic non potest, quia nec impleri. Hic habes, quod potest quis Deo impleri, sed non totum capere; nec potest quis temporalibus impleri, et quanto plus habet, tanto plus appetit: sic de avaro, qui nunquam potest satiari.

## PSALMUS DAVID LXXVI.

2. *Voce mea ad Dominum clamavi.* Christus potest dici Idithun (b), id est, saliens. Nam<sup>5</sup> « venit saliens in montibus, transiliens colles, » Christus itaque saliens in tres montes ascendit. In primum (c) ascendit do-

<sup>1</sup> Rom., 1, 21. — <sup>2</sup> Joan., x, 11. — <sup>3</sup> Psal. v, 13. — <sup>4</sup> Ephes., vi, 16. — <sup>5</sup> Cant., II, 8. — <sup>6</sup> Isa., LII, 2. — <sup>7</sup> Matth., x, 14. — <sup>8</sup> Psal. LXI, 11. — <sup>9</sup> Psal. cvi, 7, quoad sensum. — <sup>10</sup> Psal. LXXXV, 11. — <sup>11</sup> Psal. v, 9.

cere; in secundum, gloriam suam ostendere, scilicet in montem (d) Thabor; in tertio, scilicet in montem Oliveti, ad Patrem orare. Primo cum turbis et discipulis assiliit in montem, eis solus prædicans. Secundo, relictis aliis, cum tribus saliit in montem Thabor. Tertio, omnes transiliens, ubi enim nullus sequitur, solus saliit, æqualis ad æqualem, Filius ad Patrem. Primo saliit a celo in virginis uterum; secundo a ventre in terram; tertio, a terra in crucem; quarto, a cruce in sepulchrum; quinto, a sepulchro in infernum; sexto, ab inferno ad cœlum. Nota: quædam transilire, ut attingamus, scilicet vitia, sicut legitur de cervo saliente in montibus. Quædam transilienda, quæ tangi non possunt, ut necessaria temporalia ad salutem, unde hoc<sup>6</sup>: « Exurge, excutere de pulvere, et<sup>7</sup> : Excute (e) pulverem de pedibus tuis; » et hoc<sup>8</sup>: « Divitiæ si affluant, nolite cor apponere. » Nota: Prophetæ clamat pro deviis, unde hoc<sup>9</sup>: « Deduc me, Domine, in via recta. » Clamat pro viatoribus, unde hoc<sup>10</sup>: « Ingrediar in veritatem tua, » et hoc<sup>11</sup>: « Dirige in conspectu tuo viam meam. » Clamat pro pulsantibus, unde hoc<sup>12</sup>: « Lætetur cor meum, ut timiet nomen tuum, » et hoc<sup>13</sup>: « Pulsate, et aperietur vobis. » Primo corrigit errantes; secundo dirigit itinerantes; tertio admittit ad januam pulsantes. Christus itaque est<sup>14</sup> « via, veritas, et vita: » via corrigen, veritas dirigens, vita admittens.

6. *Renuit consolari anima mea.* Nota: Despecta est confessio, quam facit prosperitas. De talibus dicitur: « Cum nil intus prurit, sunt cælibes; cum nil extra sævit, sunt fortes; cum nullus molestat, mansueti; cum omnia succedunt, tunc devoti. »

5. *Anticipaverunt vigilias oculi mei.* Tres nocturni in officio matutinali significant tres status Ecclesiæ: statum ante legem, in lege, post legem, scilicet in Evan-

Nocturni tres in matutinali signifi-  
cant tres status Ecclesiæ: statum ante le-  
gem, in lege, post legem, scilicet in Evan-

<sup>12</sup> Psal. LXXXV, 11. — <sup>13</sup> Matth., VII, 7. — <sup>14</sup> Joan., XIV, 6. — (a) Leg. aliud. — (b) Edit. Ven. Judithum. — (c) Item primo, et sic deinde secundo... tertio. — (d) Item monte, et sic deinde montem Oliveti. — (e) Item Excutere.

gelio. Unde etiam in tertio nocturno legitur Evangelium.

*10. Aut continebit in ira sua misericordias suas?*

Homo tribus malis atque in quibus affligitur homo; quatuor bona, in quibus consolatur. Unum malum exterius sub homine; aliud exterius in homine; aliud interius in homine. Primum exterius sub homine, cum in his, quae foris sunt, damna patitur; secundum exterius in homine, cum caro ejus infirmatur; tertium interius in homine, vermis conscientiae. His tribus malis quatuor bona opponuntur, ut misericordiam ira non contineat, sed beneficia propitiis (a), irati flagella transcedant. Nam bonum exterius sub homine, in tranquillitate temporalium; bonum exterius in homine, in sanitate corporum; bonum interius in homine, securitas conscientiarum; bonum interius supra hominem, dulcedo cœlestium gaudiorum. Plus ergo confert propitiis, quam iratus.

*11. Et dixi: Nunc cœpi, id est, incœpi, id est: nunc primo intellexi, vel: nunc accepi aliquid, unde securus sum.*

*14. Deus, in sancto via tua.* Christus est via, veritas, et vita: vita tua Christus est. Et via Christus homo, est patria Deus. Christus est via in humilitate, patria in divinitate: via, per quam venitur; patria, ad quam itur: veritas, in qua manetur, ut ad veritatem et patriam, id est vitam, pervenires, et permaneres. Ipse est, per quem venias, ad quem venias, quo pervenias.

*16. Redemisti filios Jacob et Joseph,* id est, Judeos, et Gentiles per Joseph significatos; et tunc *Joseph* erit accusativus. *Redemisti filios Jacob, et filios Joseph,* id est Christi, et sic *Joseph* erit genitivus. Primo: *Redemisti*, repetitur (b) secundo, *filios*.

*18. Vox sonitus aquarum.* Aqua significat utilitatem et copiam, unde hoc<sup>1</sup>: « Effuderunt sanguinem sanctorum, velut

aquam, » quia viliter et abundantanter. Lapsus nota, unde hoc<sup>2</sup>: « Sicut aqua effusus sum; » quia passio Christi fuit occasio lapsus Judæis. Nota: tria considerantur in aqua: nam fluit, mundat, et potat. Secundum hoc, quod fluit, accipitur pro primordiali materia, fluida et informi: sicut enim (c) illa materia fuit apta recipere omnes materias et formas, ita et aqua eujuslibet rei, cum infunditur, formas capit; unde hoc<sup>3</sup>: « Spiritus Domini ferebatur super aquas, » quia mens artificis secundum hanc formam significat populum: nam aqua præterit, et venit, nam hoc<sup>4</sup>:

Tempora prætereunt more fluentis aquæ.

Sic generatio generationi succedit; unde etiam in *Apocalypsi*<sup>5</sup>: « Aquæ multæ, populi multi: » et hic secundum hanc proprietatem, aqua dicitur concupiscentiæ, quibus homines fluunt; et mors, qua effluunt; et gehenna, quo (d) perfluunt, id est, peccatum et mortem, et poenam æternam, unde<sup>6</sup>: « In diluvio aquarum multarum, ad Deum non approximabunt, » quasi, qui habebunt peccatum in morte, vel qui punientur æternaliter. Si enim de lacrymis exponeretur, potius esset dicendum: Verumtamen non nisi in diluvio aquarum multarum ad Deum approximabunt. Secundum quod inundat aqua, baptismum, qui mundat a peccato; vel dona Spiritus sancti, unde hoc<sup>7</sup>: « Omnes sitiens, venite ad aquas. » Secundum quod potat, significat sapientiam, unde in *Ecclesiastico*<sup>8</sup>: « Aqua sapientiæ potavit eos. » Vel aqua, litteralis sensus legitur, unde Dominus convertit aquam in vinum, id est, litteralem sensum in spiritualem. Vel aqua, prava doctrina, unde in *Proverbiiis*<sup>9</sup>: « Aquæ furtivæ dulciores sunt, » quia hæretici doctrinam suam dulcioribus verbis componunt. Aqua in cadendo dicitur pluvia, vel ros, vel stillicidium.

<sup>1</sup> *Psal. LXXVIII, 40.* — <sup>2</sup> *Psal. XXI, 15.* — <sup>3</sup> *Gen., 1, 2.* — <sup>4</sup> *Ovid., Fast., lib. VI.* — <sup>5</sup> *Apoc., XVII, 15.* —

<sup>6</sup> *Psal. XXXI, 6.* — <sup>7</sup> *Isa., LV, 1.* — <sup>8</sup> *Eccli., XV, 3.* — <sup>9</sup> *Prov., IX, 17.* — (a) *Edit. Ven.* proprii. — (b) *Item* reperitur. — (c) *Item* etiam. — (d) *Item* qua.

## PSALMUS DAVID LXXVII.

*1. Attendite, popule meus, legem meam.* Judaicus populus dicitur vetus: vetus propter vetustatem temporis, unde dicitur primogenitus: unde dicitur, quod Abraham fuit prima via credendi propter vetustatem, unde hoc<sup>1</sup>: « Novis supervenientibus, vetera projicieatis; » propter culpam, unde Apostolus<sup>2</sup>: « Exuite (a) veterem hominem, et induite novum. » Deus eos, quibus loquitur, vult esse sollicitos, unde dicit: *Attendite.* Reddit benevolos, unde dicit: *Popule meus, attentes,* unde: *Legem meam:* nam quia Dei est, debent eam audire; ad audiendum assiduos: *Inclinate aurem vestram.*

*3. Aperiam in parabolis os meum.* Quaelibet persona habet os suum. Patris os Filius, unde hoc<sup>3</sup>: « Osculetur me osculo oris sui; » unde Job<sup>4</sup>: « Audient sonum de ore ejus procedentem. » Ibi autem dicitur, quod Filius est os; sonus oris est Spiritus sanctus, unde hoc<sup>5</sup>: « Factus est repente de cœlo sonus. » Os etiam Filii, sunt apostoli, unde<sup>6</sup>: « Os meum loquetur sapientiam. » Os Spiritus sancti, prophetæ, unde<sup>7</sup>: « Os enim Domini locutum est. » Unde, quamvis indifferentia sint opera Trinitatis, quaelibet tamen persona dicitur habere statum proprium, et tempus suum: ab initio usque ad incarnationem Christi, Patri; ab incarnatione usque ad missionem Spiritus sancti, Filio; a missione Spiritus sancti usque ad diem judicij, Spiritui sancto. Nam tempus creationis, Patri; tempus prophetarum, Spiritui sancto, quia ea locuti sunt; tempus apostolorum, Filio, qui eos misit.

*Loquar propositiones ab initio.* Nota: Christus est initium sive<sup>8</sup> « principium, et finis, » finale principium, finis principalis; principium perfectum, præter finem; finis

<sup>1</sup> Levit., xxvi, 10. — <sup>2</sup> Ephes., iv, 24. — <sup>3</sup> Cant., 1, 1. — <sup>4</sup> Job, xxxvii, 2. — <sup>5</sup> Act., ii, 2. — <sup>6</sup> Psal. XLVIII, 4. — <sup>7</sup> Isa., i, 20. — <sup>8</sup> Apoc., i, 8. — <sup>9</sup> Matth., 1, 20. — <sup>10</sup> Isa., ix, 6. — <sup>11</sup> Joan., iii, 3. — <sup>12</sup> Matth., xix, 28. — <sup>13</sup> I Paral., vii, 21.

infinitus, propter juge principium. Quia enim, ubi incipit, et ubi finit, semper incipit. Semper incipit: nam nec perfecto carere, nec defectum potest incurrere: et ita carens defectu, perfectus est, quia est Alpha et Omega.

*5. Suscitavit testimonium in Jacob.* Jacob luctatio. Lucta quadruplex. *Jacob* interpretatur. Nota: Quadruplex lucta; nam luctamur contra carnem, contra falsos fratres, contra diabolum, contra Deum. Haec autem quatuor repræsentant quatuor luctas Jacob. Nam luctatus est cum fratre suo in utero; quæ lucta repræsentat primam: nam frater ejus de eadem carne. Luctatus quodam modo cum eodem, quando abstulit primogenita; hæc repræsentat cirea falsos fratres luctam: nam ibi fuit fraus. Luctatus est cum Laban; hæc contra diabolum. Luctatus est contra angelum; hæc est contra Deum.

*8. Generatio, quæ non direxit cor suum.* Est duplex generatio, sive nativitas corporalis, scilicet in utero, ex utero. De primo<sup>9</sup>: « Quod natum est in te (b), de Spiritu sancto est. » De secundo<sup>10</sup>: « Puer (c) natus est nobis. » Ita generatio spiritualis duplex: gratiæ infusio, et gloriæ collatio. De primo<sup>11</sup>: « Nisi quis renatus fuerit ex aqua et Spiritu sancto. » De secundo<sup>12</sup>: « In generatione, cum sederit filius hominis, etc.

*9. Filii Ephrem intendentes.* Super *Paralipomenon* legitur sic: « Fabulantur Ilebræi, quod filii Ephrem, adhuc vivente patre, conati sunt reverti in terram promissionis. Sed in Geth (d) Palaestinorum occisi sunt. » Unde, cum cæteræ tribus de Ægypto irent ad terram promissionis, per desertum adducuntur, ne viderent ossa fratrum suorum. Unde textus in *Paralipomenis* (e)<sup>13</sup>: « Occiderunt filios Ephraim, ut invaderent promissiones eorum. » Unde hoc dicitur: *Filii Ephrem conversi sunt in die belli.*

(a) Vulg. Expoliantes vos. — (b) Vulg. ea. — (c) Vulg. Parvulus. — (d) Edit. Ven. Jeth. — (e) Edit. Ven. parabolis.

Tanis  
quid.

Tanis,  
humilis.

**12. In campo Taneos.** Tanis interpreta-  
tur *humile mandatum* et humilitas debet  
esse in mandato præcedens, unde hoc<sup>1</sup> :  
« Filii, accedens ad servitutem Dei, præ-  
para animam tuam; » concomitans, unde  
hoc<sup>2</sup> : « Discite a me, quia mitis sum et  
humilis corde; » subsequens, unde hoc<sup>3</sup> :  
« Cum omnia bene feceritis, dicite, quia  
inutiles servi » estis, et tunc nos debemus  
humiliari. *Coram patribus eorum fecit mirabilia in campo Taneos.* Deus, justifi-  
cando peccantes, facit mirabilia, et hoc vo-  
luntarie, unde dicit : « Nihil facit invitus; »  
manifeste, unde hoc : *Coram patribus*,  
ubi prius fuerunt tenebræ infidelitatis et  
ignorantiae, unde : *In terra Ægypti*, nam  
Ægyptus tenebræ sunt; cum humilitate :  
*In campo Taneos* : Tanis, humile.

**14. Et perduxit eos in nube diei.** Columnæ  
significant angelos, unde hoc<sup>4</sup> : « Columnæ  
cœli contremiscunt ante Deum. » Significant  
apostolos, unde hoc<sup>5</sup> : « Ego confirmavi col-  
umnas ejus. » Quandoque carnem Christi,  
unde dicitur, quod Iudaeos præcedebat col-  
umna nubis in die, et columna ignis in  
nocte, quæ Christum repræsentat : nam ibi  
lumen, etc., scilicet divinitas, et humanitas,  
scilicet cereus paschalis, qui Christus dici-  
tur: columna nubis, secundum quod ho-  
mo; columna ignis, secundum quod Deus.  
Et columna Novum Testamentum, unde<sup>6</sup>  
in tabernaculo erat basis sub columna, quia  
Novum Testamentum sumit auctoritatem a  
Veteri.

**26. Transtulit austrum de cœlo.** Nescitur  
unde veniat ventus, et est validus, et dissol-  
vit, et in altum extollit. His similitudinibus,  
prædicatores ventis comparantur : nam nes-  
citur, unde veniat prædicator, unde hoc<sup>7</sup> :  
« Qui educunt (a) ventos de thesauris suis; »  
unde hoc<sup>8</sup> : « Nescis (b) spiritus hominis unde  
veniat, aut quo vadat; » et quia valida est  
prædicatio, unde hoc<sup>9</sup> : « Quis me separa-

<sup>1</sup> Eccli., II, 1. — <sup>2</sup> Matth., XI, 29. — <sup>3</sup> Luc., XVIII,  
10. — <sup>4</sup> Job, XXVI, 11. — <sup>5</sup> Psal. LXXXIV, 4. — <sup>6</sup> Exod.,  
XXVII, 10, etc. — <sup>7</sup> Psal. CXXXIV, 7. — <sup>8</sup> Joan., III, 8.  
— <sup>9</sup> Rom., VIII, 35. — <sup>10</sup> Psal. CXLVII, 17. — <sup>11</sup> II Cor.,

bit a charitate Christi? » quia et peccatum  
dissolvit, unde hoc<sup>10</sup> : « Mittit crystallum  
suam, sicut buccellas; » et quia in altum se  
extollit quandoque, unde hoc<sup>11</sup> : « Sive so-  
brii sumus, sive excedimus, vobis. »

**27. Et pluit super eos sicut pulverem car-  
nes.** Pulvis significat malum a rore gratiae  
aridum, unde hoc<sup>12</sup> : « Tanquam pulvis,  
quem projicit ventus a facie terræ; » quandoque  
superbiæ, unde hoc<sup>13</sup> : « Gloriam  
meam in pulverem deducam, » id est, bona  
opera mea in superbiam; quandoque abun-  
dantiam et subtilitatem, unde hoc : « Quia  
Deus abundantiter subtilitatem Scripturæ aper-  
rit. » Quandoque virtutes, unde hoc : « Qui  
sine humilitate virtutes congregat, pulve-  
rem in ventum portat; » quandoque mor-  
talitatem, unde hoc<sup>14</sup> : « Ecce nunc in pul-  
vere dormiam; » quandoque culpam venia-  
lem, unde hoc<sup>15</sup> : « Executite pulverem de  
pedibus vestris. »

**34. Diluculo veniebant ad eum.** Quidam  
veniunt ad Deum per fidem, unde hoc<sup>16</sup> :  
« Venite ad me, omnes, qui laboratis et  
onerati estis. » Quidam abeunt a Deo per  
culpam, sicut legitur de filio patrisfamilias,  
qui « abiit<sup>17</sup> in regionem longinquam. »  
Quidam redeunt ad Deum per pœnitentiam,  
unde hoc<sup>18</sup> : « Revertere, Sunamitis (c). »

**39. Et recordatus est, quia caro sunt, spi-  
ritus vadens, et non rediens.** Hic ostendit  
Dei clementiam, unde dicit: *Recordatus est*;  
hominis miseriam, unde dicit: *Caro sunt*:  
quæ miseria consistit in duobus: in potentia  
peccandi, unde dicit: *Spiritus vadens*; et im-  
potentia resurgendi, unde dicit, quod homo  
redire per se non potest; sed refertur ad  
hunc terminum *Redire*, nec ad hunc potest.  
Non enim homo potest hoc, scilicet redire  
per se; sed per se redire potest, quia ex  
libero arbitrio, gratia adjuvante.

**45. Misit in eos cœnomyiam (d).** Cœno-  
v., 13. — <sup>12</sup> Psal. I, 4. — <sup>13</sup> Psal. VII, 8. — <sup>14</sup> Job, VII,  
21. — <sup>15</sup> Matth., X, 14. — <sup>16</sup> Matth., XI, 28. — <sup>17</sup> Luc.,  
XV, 13. — <sup>18</sup> Cant., VI, 42.  
(a) Vulg. producit.—(b) Edit. Ven. Nescit.—(c) Vulg.  
Sunamitis.—(d) Edit. Ven. Cynomyiam, et sic deinceps.

*myia*, *musca canina*, et significat caninos  
mores: canes enim non venerantur patres  
suos. Nota autem tres esse patres, scilicet  
Deum, hominem, diabolum. Nos facimus  
voluntate Deum patrem; hominem patrem  
necessitate; diabolum malignitate. Primus  
homo pater; secundus, diabolus; tertius,  
Deus. Primus gignit; secundus rapit; tertius  
eripit. Primus ad naturam earnis; secundus  
ad pœnam mortis; tertius ad gaudium æter-  
nitatis. De primo<sup>1</sup>: « Honora patrem et ma-  
trem. » De secundo<sup>2</sup>: « Vos ex patre diabolo  
estis. » De tertio<sup>3</sup>: « Pater noster, qui es in  
celis. » Sub primo carnaliter vivimus; sub  
secundo mortaliter delinquimus: sub tertio,  
fideliter regnamus.

48. *Possessionem eorum igni*. Hic nota  
ignem, concupiscentiam, sive cupiditatem.  
Nota: tria in nobis, sive nos in tribus con-  
siderare debemus, scilicet in coneupiscentia  
carnali, in sensu animali, in mente rationali.  
Haec (*a*) in paradyso uniuscujusque sunt, sci-  
licet vir, mulier et serpens. Concupiscentia  
prurit; delectatur animalitas; consentit ra-  
tionalis voluntas: sic peccatum perficitur, et  
sic homo a paradyso per se ipsum ejicitur.

52. *Perduxit eos, tanquam gregem, in de-  
serto*. Est desertum locus vitiorum, scilicet  
mundus, unde Joannes prædicabat in de-  
serto. Est desertum locus dominatorum, unde  
hoc<sup>4</sup>: « Ruit ventus a regione deserti. » Est  
desertum locus cupidorum appetitus, unde  
hoc<sup>5</sup>: « Adducet Dominus urentem ignem (*b*)  
de deserto. » Est desertum vita justorum in  
præsenti, unde hoc<sup>6</sup>: « Pinguiscent spe-  
ciosa deserti. » Est desertum vita Sanctorum,  
scilicet beatitudo, unde hoc<sup>7</sup>: Pastor « reli-  
quit nonaginta novem oves in deserto. » Est  
desertum virtutis progressus, unde hoc<sup>8</sup>:  
« Quæ est ista, quæ ascendit per desertum? »  
Hic nomine deserti, ad litteram intelligitur  
Iudeorum, et mystice mundus. Quidam  
credebant Deum esse imaginem; quidam

in imagine; quidam ex imagine. Nam qui-  
dam credebant, quod illud aurum esset Deus;  
quidam non aurum, sed numen quod auro  
præsidebat; alii credebant ex auro constare,  
et numine illi auro præsidente.

#### 64. *Sacerdotes eorum in gladio ceciderunt*.

Quatuor sunt vitia principalia, quibus homo  
cadit in præsenti, id est, superbia, avaritia,  
invidia, ira. Primum, in Patrem; secundum,  
in Filium; tertium in Spiritum sanctum;  
quartum in proximum. Superbia, contra  
Patrem; avaritia, contra Filium; invidia,  
contra Spiritum sanctum; ira, contra prox-  
imum. Nam Patri attribuitur potentia: qui  
autem superbit, contra potentiam facit. Fi-  
lius quasi prodigus fuit; nam seipsum et  
omnia pro humano genere dedit: qui ergo  
avarus est, peccat in Filium. Invidia contra  
Spiritum sanctum, qui dicitur amborum be-  
nignitas. Ira, quando proximus offenditur.

66, 67. *Et percussit eos in posteriora.....*  
*Et elegit tribum Juda*. Hic notatur confessio,  
inde dicit: *Juda*; in operibus Dei speculatio,  
unde: *Sion*; ex his sanctificatio, unde dicit:  
*Edificavit*. Fortitudo, ibi: *Elegit Deus*;  
subjectio, ibi: *Servum suum*. Qui haec ha-  
bet, eligitur a Deo, sicut hic dicitur. Nota:  
Arca capta fuit a Philistheis, et eam posue-  
runt juxta idolum; et pro illo peccato puniti  
sunt. Nam cum veniebant ad secreta naturæ,  
mures de terra ebullientes corrodabant ex-  
tales eorum eminentes; et ut hi possent eva-  
dere malum, fecerunt anos aureos, et posue-  
runt circa arcam. Sic cum homo habet in-  
firmitatem in aliquo membro, facit tale mem-  
brum de cera, et ponit super reliquias.

1. *Deus, venerunt gentes in hæreditatem  
tuam*, etc. Aliiquid quandoque sumitur ma-  
terialiter, allegorice, moraliter, anagogice.  
Aliiquid multipli-  
citer su-  
mitor  
Unde hoc nomen, *Templum*, juxta histo-  
riam, significat domum quam fecit Salomon:  
juxta allegoriam, corpus Dominicum, unde

<sup>1</sup> *Exod.*, xix, 32. — <sup>2</sup> *Joan.*, viii, 44. — <sup>3</sup> *Matth.*, vi, 9. — <sup>4</sup> *Job*, i, 19. — <sup>5</sup> *Ose.*, xiii, 15. — <sup>6</sup> *Psal.*  
lxiv, 13. — <sup>7</sup> *Luc.*, xv, 4. — <sup>8</sup> *Cant.*, iii, 6.

(a) *Edit. Ven.* Hic. — (b) *Vulg.* ventum.

hoc<sup>1</sup>: « Solvite templum hoc; » per moralem expositionem, quemlibet fidelem, unde hoc<sup>2</sup>: « Templum Spiritus sancti, quod estis vos; » per anagogēn, vitam æternam, unde hoc<sup>3</sup>: « Adorabo ad templum sanctum tuum. » Sie et hoc nomine Hierusalem debet intelligi.

**Effusio.** *Effuderunt sanguinem eorum.* Est effusio supplicii, unde hic; est effusio orationis, unde hoc<sup>4</sup>: « Effundo in conspectu ejus orationem; » est effusio peccati, unde hoc<sup>5</sup>: « Effundite coram illo corda vestra. » Quid hic<sup>6</sup>: « Effunde frameam? »

**Zelos** 5. *Accendetur velut ignis zelus tuus.* Zelus proprie amor viri in uxorem; et zelus castitatis exactio intelligitur. Nam sicut sponsus uxorem flagellat, ut ab ea exigat castitatem; sic Christus, scilicet sponsus, Ecclesiam, ne cum diis fornicetur idololatrando, vel mortaliter peccando. Nota: Sicut ad prolis procreationem operatur sponsus et sponsa; sic ad procreanda opera, quasi filios, comparat (*a*) Christo Ecclesia, scilicet sponsa: sola sponsa exterius, sponsus interius: sponsa, aquam et oleum ministrando, et hujusmodi; sponsus, interius propagando, unde potest dici (v. 9): *Adjuva nos, Deus salutaris noster;* et<sup>7</sup>: « Ego, non ego operor illud, sed gratia Dei mecum, » unde Apostolus<sup>8</sup>: « Coadjutores Dei sumus. »

8. *Ne memineris iniquitatum nostrarum.* Nota Prophetam misericordiam Dei postulantem, unde: *Ne memineris;* peccati confessionem, unde dicit: *Iniquitatum nostrarum;* peccati præteritionem, sive deletiōnem, unde dicit: *Antiquarum;* gratiam Dei, opus hominis prævenientem, unde: *Cito anticipent nos misericordiae tue;* hominem infirmum et impotentem, ibi: *Quia pauperes facti sumus nimis.* Vera paupertas consistit ibi, ut non sit substantia vel corporis proprietas, nec operis, nec quietis libertas, ut illi qui sunt in claustrō, quia nec habent substantiam, nec operis liber-

tatem, nec laborem, quando volunt, nec quietem.

11. *Intret in conspectu tuo gemitus compeditorum.* Fratres, arduum nimis est, quo ascendere molimur; altum, quo penetrare cupimus: ideo expeditos vos condecet, et liberales. In altum enim repere honestum, et per angustam introire difficile est. Si vis elevari et intromitti, depone pondus oneris, et inflationem tumoris. Exonerari cupiens, dicit Apostolus<sup>9</sup>: « Quis me liberabit de corpore mortis hujus? » Ut tumorem superbiæ deponamus, invitamur in Evangelio per eamēlum, qui non potest per foramen acus introire, nisi deponat sarcinas, onus mortalitatis, et tumorem peccati.

### PSALMUS DAVID LXXIX.

2. *Qui regis Israel, intende.* Quatuor sunt genera Prælatorum, scilicet pastor, mercenarius, fur, et lupus. Primus imitandus, secundus tolerandus, tertius caveandus, quartus baculo arcendus. De primo<sup>10</sup>: « Bonus pastor animam suam dat pro ovibus suis. » De secundo: « Mercenarius est, qui videt lupum venientem et fugit. » De tertio: « Fur enim venit, ut furetur. » De quarto: « Lupus rapit et dispergit oves.

*Qui deducis velut ovem Joseph.* Joseph interpretatur *augmentum*, et significat Ecclesiam, quæ crescit augmento, numero, et *charitas* merito. Nam dilatatum est tabernaculum Jacob tribus modis, scilicet spe certa, fide vera, charitate non ficta. Nota: hoc nomen, *Charitas*, convenit quandoque Creatori, quandoque creaturæ: quando Creatori, tunc est nomen Dei, et tunc est essentiale, tunc est personale: quando essentiale, toti Trinitati convenit, ut Trinitas est charitas; quando est personale, tunc convenit appropriato vocabulo Spiritui sancto. Et tamen convenit Patri, unde Apostolus<sup>11</sup>: « Gratia Domini Iesu Christi, et charitas Dei, et communio

Præla-  
torum  
genera  
quatuor.

Joseph  
quid.

*charitas*

<sup>1</sup> Joan., II, 19. — <sup>2</sup> I Cor., III, 17. — <sup>3</sup> Psal. v, 8. —

<sup>4</sup> Psal. CXLI, 3. — <sup>5</sup> Psal. LXI, 9. — <sup>6</sup> Psal. XXXIV, 3.

<sup>7</sup> I Cor., XV, 10. — <sup>8</sup> I Cor., III, 9. — <sup>9</sup> Rom., VII, 24.

— <sup>10</sup> Joan., X, 11, 12, 10, 12. — <sup>11</sup> II Cor., XIII, 13.

(a) Leg. cooperatur.

catio sancti Spiritus, » etc. Quandoque est nomen creaturæ; quandoque nomen virtutis, unde hoc<sup>1</sup>: « Charitas, fides, spes, » sunt tres virtutes; quandoque nomen motus, unde hoc: « Charitas est motus ad diligendum Deum propter se, et proximum propter Deum; » quandoque opus, unde hoc<sup>2</sup>: « Majorem charitatem (a) nemo habet. » etc., id est, majus opus.

*Claudi-*  
*care in*  
*mala.*

3. *Excita potentiam tuam, et veni.* Claudiare, in malo accipitur. Nam Judæi dicuntur claudi, unum testamentum observantes. Nos autem utrumque observantes, utroque pede incedimus in bono: unde Jacob, qui uno pede claudicabat, nos significat. Nam unum debemus habere suspensum, id est, amorem mundi; et super alium debemus incedere, id est, amorem Dei.

*Tem-*  
*pora sc.*

6. *Cibabis nos pane lacrymarum.* Puniti sunt ante adventum Christi, sed ad consolationem. Nota: sex sunt tempora: primum increpationis, quando dictum est primis parentibus<sup>3</sup>: « Quacumque die comederitis, morte moriemini; » secundum castigationis, bene est enim castigatum genus humanum, quando in arca Noe ad unum octonarium redactum est; tertium sacrificeonis, tunc enim circumcisio data fuit Abrahæ in signum; quartum prohibitionis, quando dedit legem, quia prohibendo dedit, dicens<sup>4</sup>: « Non fornicaberis (b), non furtum facies; » quintum demonstrationis, quando prophetæ certi de adventu Christi demonstrando, dicebant<sup>5</sup>: « Ecce veniet Dominus, et non tardabit; » ecce merces ejus cum eo; » sextum reconciliationis, quando Christus venit in carne. Primo tempore homo mundatus est a peccato; secundo, conculeatus est in peccato: tertio, angariatus pro peccato; quarto, humiliatus sub peccato; quinto, consolatus de peccato; sexto, liberatus a peccato. Nota: vita præsens dicitur panis: nam in pane

tria sunt necessaria: farina, id est, bona præsens panis dicitur. actio, unde<sup>7</sup>: « Operamini cibum, qui non perit, sed qui manet in vitam aëternam; » et aqua, unde hoc<sup>8</sup>: « Effundam sicut aquam cor meum (c) in conspectu tuo, » scilicet, lacrymas; et ignis, scilicet charitas, quæ illa duo consolidat et coadunat, unde hoc<sup>9</sup>: « Ignem, » id est, charitatem, « veni mittere in terram. »

43. *Ut quid destruxisti maceriem ejus?* Macerieræ est murus sine cemento, et significat Christum, qui est natus sine viri semine, unde in *Canticis*<sup>10</sup>: « In caverna maceriaræ, » id est, in fide vulnerum Christi, qui est muratio Ecclesiae, id est, vineæ, et significat murationem, ut hoc. Nota: Murus significat opera virtutum, unde hoc<sup>11</sup>: « Urbs fortitudinis nostræ Sion, » in qua est murus, et antemurale, scilicet virtutes, et opera bona, quæ cemento charitatis conduntur (d). Est murus peccati, qui est inter nos et Deum, ne transeamus, quoniam non potest homo durare in præsenti, sed transire, unde hoc<sup>12</sup>: « In Deo meo transgrediar murum. » Quandoque defensionem, unde in Ezechiele<sup>13</sup>: « Non ascendistis ex adverso, nec opposuistis murum pro domo Israel. » Quandoque sanctorum, unde Hieremias<sup>14</sup>: « Tradidit in manus inimici muros turrium ejus, » id est, apostolos, qui sunt muri fidelium. Quandoque Christum, unde<sup>15</sup>: « Luxit antemurale, et murus dissipatus est, » id est, Christus lugere cum nos facit, luget; et dissipatus est, cum Ecclesiam non defendit. Quandoque validas orationes, unde in *Canticis*<sup>16</sup>: « Si murus est, » etc. Quandoque divinam potentiam, unde Hieremias<sup>17</sup>: « Clamavit cor meum ad Dominum super murum filiæ Sion. » Unde tres leguntur famosissimæ superbiæ: prima dæmonum, unde<sup>18</sup>: « Ponam sedem meam ad Aquilonem; » secunda prævorum parentum, unde<sup>19</sup>: « Incerpasti su-

<sup>1</sup> Cor., XIII, 13. — <sup>2</sup> Joan., XV, 13. — <sup>3</sup> Gen., II, 17. — <sup>4</sup> Exod., XX, 14, 15. — <sup>5</sup> Habac., II, 3. — <sup>6</sup> Isa., XL, 10. — <sup>7</sup> Joan., VI, 27. — <sup>8</sup> Thren., VIII, 19. — <sup>9</sup> Luc., XII, 49. — <sup>10</sup> Cant., II, 14. — <sup>11</sup> Isa., XXVI, 1. — <sup>12</sup> Psal. XVII, 30. — <sup>13</sup> Ezech., XIII, 5. — <sup>14</sup> Thren.,

II, 7. — <sup>15</sup> Thren., II, 8. — <sup>16</sup> Cant., VIII, 9. — <sup>17</sup> Thren., II, 18. — <sup>18</sup> Isa., XIV, 13. — <sup>19</sup> Psal. CXLVIII, 21.

(a) *Vulg.* dilectionem. — (b) *Vulg.* Non mœchaberis. — (c) *Vulg.* Effunde... tunu. — (d) *Leg.* coniuntur.

perbos; » *tertia* Judæorum, unde hoc <sup>1</sup> : « *Absconderunt superbi laqueum mihi.* »

## PSALMUS DAVID LXXX.

*1. Pro torcularibus (a).*

*Ecclesia*, quæ per torcular significatur, quia sicut in torculari fit separatio vini a vina-

*gnifica-*  
*Separata*  
*tri-*  
*plex in*  
*Ecclesia*

ceis, olei ab amurea, ita in pressura Ecclesiae, boni a malis separantur, aurum in fornace probatur. Nota: hic fit triplex separatio in

Ecclesia: ibi enim separantur boni a malis, corpus ab anima, sensus a littera. Unde quidam psalmi intitulantur *Pro torcularibus*, id est, Ecclesiis. De prima separatione Hieremias <sup>2</sup>: « *Toreular calcavit Dominus filiæ Juda,* » id est, separavit bonos a malis, dando bonis præmia, malis supplicia. De secundo <sup>3</sup>: « *Toreular calcavi solus;* » torcular, scilicet, quia est separatio corporis ab anima. Calcant allophyli, id est, tyranni, qui separant corpus ab anima. De tertia <sup>4</sup>: « *Redundabunt torcularia vino,* » id est, exponent (b) mystico intellectu, in quibus sensus occultus separatur a littera. Torcular, propter triplicem separationem quæ fit in Ecclesia, significat Ecclesiam. Torcular etiam significat legem, qua Judæi premebantur, unde in Evangelio <sup>5</sup>: « *Plantavit (c) paterfamilias vineam,* et sepe circumdedit, et fudit in ea torcular: » quia Judæis dedit legem. Ibi etiam significat altare, quod habebant Judæi.

*4. In insigni die solemnitatis vestræ.*

*Status homini- num* Nota quatuor status hominis: ante peccatum; in peccato ante legem; in lege; in tempore gratiæ. Primus appellatur crepusculum; secundus, nox; tertius, diluculum; quartus, dies. Crepusculum hic intelligitur quædam deliberativa impulsio pravæ voluntatis; nox perpetrata vitia (d) ex negligentia, ut ignorantia propriæ infirmitatis; diluculum, signum quoddam reddituræ incolumitatis; dies, restitutio sanitatis. Ante pecca-

tum fuit homo in primo crepusculo, scilicet vergente die ad occasum, quasi inter diem et noctem. Usque ad diem fuit in morte, unde hoc <sup>6</sup>: « *Habitantibus in regione umbrae mortis,* » etc. In lege diluculum, quia appropinquabat, quasi dies, veritas, et e converso est dies, unde hoc <sup>7</sup>: « *Hæc est dies, quam fecit Dominus.* » Nota: Oleum tria facit: illuminat, reficit, et sanat. Sic sancti illuminant, unde hoc <sup>8</sup>: « *Vos estis lux mundi;* » reficiunt, unde hoc <sup>9</sup>: « *Si esuierit inimicus tuus, eiba illum;* » et pastor triplici pane oves debet reficere, scilicet verbo, exemplo, adjumento. Sanat, unde <sup>10</sup>: Samaritanus apposuit vinum et oleum in curatione vulnerati. Sic prælati austерitatem et mansuetudinem debent subditis proponere, et hac similitudine sancti dicuntur *oleum.*

*Prælati  
cura sub-  
ditis  
quomo-  
do se ge-  
beant.*

*6. Cum exiret de terra Ægypti, linguam, quam non noverat, audivit.* Ægyptus, tenebrae: de Ægypto exire, est tenebras ignorantiæ descerere. Cum de Ægypto exivimus (e), linguam ignotam audivimus, id est, linguam angelicam, et inspirationem divinam. Lingua ignota, visitatio angelica: lingua ignota, inspiratio divina, unde Apostolus <sup>11</sup>: « *Si linguis hominum loquar, et angelorum.* » Has linguas audire non possunt, qui Ægypti tenebras aspiciunt. Sequitur:

*(f) 7. Divertit ab oneribus dorsum ejus,* id est, rationem sarcina peccatorum pressam, quia est in medio, et duobus inferioribus gloriatur. Nam sicut mundus major constat ex quinque, scilicet terra, aqua, aere, firmamento, cœlo empyreo, quasi semper ascendendo; sic microcosmus, id est minor mundus, id est homo, constat ex quinque, quibus est progressus ad sapientiam: sensu, imaginatione, ratione, intellectu, intelligentia. Sensu corporea comprehenduntur; imaginatione, corporum proprietates quæ videri non possunt, et spiritus creati qui (g)

*Major mundus.**Minor mundus.*

(a) In cæt. edit. legitur *Exultate Deo adjutori nostro.*  
— (b) Cæt. edit. exponens. — (c) Item Pastinavit. — (d) Item vitio. — (e) Item eximus. — (f) In cæt. edit. versic. 11, cum sua glossa, ponitur hic, immediate post vocem. Sequitur. — (g) Cæt. edit. quod.

<sup>1</sup> *Psal. CXXXIX, 6.* — <sup>2</sup> *Thren., I, 15.* — <sup>3</sup> *Isa., LXIII, 3.* — <sup>4</sup> *Joel., II, 24.* — <sup>5</sup> *Matth., XXI, 33.* — <sup>6</sup> *Isa., IX, 2.* — <sup>7</sup> *Psal. CXVII, 24.* — <sup>8</sup> *Matth., V, 14.* — <sup>9</sup> *Rom., XII, 20.* — <sup>10</sup> *Luc., X, 34.* — <sup>11</sup> *I Cor., XIII, 1.*

sine corpore subsistere non possunt, ut anima; intellectu, spiritus qui sine corpore esse possunt, ut angeli; intelligentia, spiritus in-creatus. Mundandum est ergo cor, ut ab omni terra et aqua longe recedat, ut in se-renitatem rationis evadat, ut in intellectus societatem surgat, et in candorem intelli-gentiae ascendat; sieque transfiguratum et glorificatum Jesum cernat.

**11. Dilata os tuum, et implebo illud.** Hoc dicitur tantum egredientibus de Ægypto. Os hominis interioris est desiderium cordis. Dilata desiderium cordis, et ego implebo refectione panis cœlestis.<sup>1</sup> « Beati, qui esuriunt et sitiunt justitiam. » Quis propinabit tibi ista? Ipse Christus, de quo dicitur<sup>2</sup>: « Transiens ministrabit illis. » Dabit panem qui de cœlo descendit, nec deerit potus. Nam<sup>3</sup> « flabit spiritus ejus, et fluent aquæ. » Vides, quoniam Christus in cibo, et Spiritus sanctus in potu ministrando. Qualis refectione, ubi dapifer Christus, pincerna Spiritus sanctus!

**Dilatatio** *Dilata os tuum.* Dilatatio est in duobus, et de duobus: in corpore, et in ore; et de fide, et amore. *Et implebo illud*, pane vitæ. Legitur<sup>4</sup>, quod Sara fecit tres panes ex tribus satis fariuæ, hoc est mensur's (a). Tres enim sunt fructus pœnitentiae: cordis contritio, oris confessio, operis satisfactio. Et bene Sara hoc fecit. Sara enim mens hominis, quæ illa tria operatur: unum panem in arca fecit, id est, adimptionem boni operis; secundum, quod ille dixit<sup>5</sup>: « Non possumus non loqui quod vidimus et audivimus; » tertium, Maria ex devotione lacrymosæ compunctionis. Ille, qui hic loquitur, est mun-dus (b): unde Dominus noster est adorandus. Unde Dominus liberat a peccatis, unde hoc<sup>6</sup>: *Qui eduxi te de terra Ægypti*: et ideo diligendus. Dat augmentum virtutis, unde: *Dilata os tuum*: et ideo amplectendus. Dat consummationem glorificationis in futuro, vel justitiae in præsenti, unde: *Et ego im-plebo illud*; et ideo extollendus.

<sup>1</sup> *Matth.*, v, 6. — <sup>2</sup> *Luc.*, XII, 57. — <sup>3</sup> *Psal.* CXLVII, 48. — <sup>4</sup> *Gen.*, XVIII, 6. — <sup>5</sup> *Act.*, IV, 20. — <sup>6</sup> *Exod.*,

**12. Et non audivit populus meus vocem meam.** Nota: Deus seminat verbum suum in auribus, voce; in oculis, exemplo; in corde, gratiæ infusione.

**15. Super tribulantes eos, misissem ma-num.** Deus mittit manum suam puniendo,<sup>Manus Dei.</sup> ut hie; protegendo, unde hoc<sup>7</sup>: « Posuisti super me manum tuam; » quandoque benedicendo, unde Jacob<sup>8</sup> cancellatis manibus posuit manus super filios suos.

## PSALMUS DAVID LXXXI.

**1. Deus stetit in synagoga deorum.** Stare Dei pro adjuvare, unde hoc<sup>9</sup>: « Stephanus vidit cœlos apertos, et Jesum stantem, » id est, adjuvantem. Stat Deus per judicii sententiam, unde hoc<sup>10</sup>: « Utinam stemus cum ipso in judicio! » Stat per gloriae stabilitatem, unde ipse<sup>11</sup> in littore stetit per resurrectionem. Qui enim stat in littore, stat bene, firmus est: et ideo Christus post resurrectionem bene fuit firmus. Stat per carnis manifestationem, unde hoc<sup>12</sup>: « Medius autem vestrum stetit, quem vos nescitis. » Nota: Dicitur stare in medio, non extra exclusus: nam dicitur intra omnia, quia omnia replet; extra omnia, quia omnia continet; super omnia, quia omnibus præsidet; subtus omnia, quia omnia, vel omnibus sustinet.

**7. Sicut unus de principibus cadetis:** scilicet per superbiam. Nota: Septem sunt vitia capitalia, quæ a superbia procedunt, scilicet superbìa, invidia, ira, tristitia, avaritia, gula, luxuria. Prima tria a diabolo; duo sequentia a mundo; alia a carne, scilicet a familiari inimico. Superbia hominem Deo, invidia proximo, in seipso tristitia spoliavit: ira in terram stravit; avaritia prostratum ligavit; gula ligatum devoravit; luxuria devoratum stercoravit. Hæ sunt species nequitiae, quæ militant adversum nos. Hi sunt latrones<sup>13</sup>, qui spoliant hominem

<sup>7</sup> *Psal.* CXXXVIII, 5. — <sup>8</sup> *Gen.*, XLVIII, 14. — <sup>9</sup> *Act.*, VII, 53. — <sup>10</sup> *Isa.*, LVIII, 8, non iisdem terminis. — <sup>11</sup> *Joan.*, XXI, 4. — <sup>12</sup> *Joan.*, I, 26. — <sup>13</sup> *Luc.*, X, 30. — (a) *Cœl. edit.* mensura. — (b) *Leg. Creator mundi.*

descendentem ab Hierusalem in Hierico. Ex superbia nascitur invidia, tanquam proles primogenita; et ex invidia, alia sequentia per ordinem. Propter hoc superbia est radix omnium malorum.

## PSALMUS DAVID LXXXII.

**Taciturnitas multiplex.** *Deus, quis similis erit tibi?* Est taciturnitas sermonis: unde hoc<sup>4</sup>: Christus « eorum tendente se obmutuit, » id est, Pilato. Est taciturnitas operis, unde hoc<sup>5</sup>: « Possum rogare patrem meum, ut mittat mihi plusquam duodecim legiones angelorum, » ut liberent me. Est taciturnitas voluntatis, unde hoc<sup>6</sup>: « Occisus (a) est, quia ipse voluit; » et hoc est tacere, se velle occidi.

**3. Quoniam ecce inimici tui sonuerunt.** Hic dicit<sup>7</sup>, quod « petrae scissae sunt, monumenta aperta sunt; » sed hoc ad diversa tempora referendum est. Nam petrae scissae sunt in passione; monumenta aperta sunt in resurrectione.

**6. Quoniam cogitaverunt unanimiter simul adversum te.** Est testamentum pactiōnis, unde Laban et Jacob fecerunt acervum lapidum in testamentum pactiōnis et pacis. Est testamentum scripturæ, unde hoc<sup>8</sup>: « Consummabo novum testamentum super dominum Iuda. » Est testamentum promissiōnis, unde hoc<sup>9</sup>: « Si custodieritis (b) testamentum meum, » etc.

**8. Gebal (c).** Vallis humilitatem significat, unde hoc<sup>10</sup>: « Descendi in hortum meum, » etc., id est, fructus humilitatis; quandoque delectationem (d) hujus sāculi, unde hoc<sup>11</sup>: « In valle lacrymarum, in loco quem posuit; » quandoque vallem peccati, unde hic *Gebal* interpretatur vallis vana; quandoque gehennam, unde dicitur vallis et mons in quo (e)

filiī Israel immolabant dæmoniis, ejicientes per ignem pueros suos, et hoc<sup>12</sup>: « Reus erit gehennæ ignis; » quandoque humiles, unde hoc<sup>13</sup>: « Valles abundabunt frumento. » Est<sup>14</sup> « vallis Salinarum, » id est discreta humilitas. Est vallis tabernaculorum, id est, humilitas militiæ, unde hoc<sup>15</sup>: « Vallem (f) tabernaculorum dimetiar. » Est vallis Gethemani, id est, pinguium, id est, humilitas charitatem habentium.

*Alienigenæ (g).* Nota: Aliquis dicitur alienus sacramento fidei, quia (h) bonus est, nondum baptizatus est, ut Cornelius<sup>16</sup>; et fide sacramenti, ut qui habet sacrum baptismum, sed non est bonus.

*Jabin (i).* Nota: *Jabin* interpretatur sapiens. Et est triplex sapientia: pecuniam congregandi, philosophandi, et Deum diligendi: prima circa hominem, rationem, et Deum, et contra Deum; secunda ultra rationem, et circa Deum, et contra Deum; tertia ad Deum. De prima<sup>17</sup>: « Sapientes sunt, ut faciant mala, » et hoc<sup>18</sup>: « Filii tenebrarum astutiores sunt (j), quam filii lucis. » De secunda<sup>19</sup>: « Confusi sunt sapientes et perterriti. » De tertia: « Sapientia est sapore virtutum condita scientia. »

**14. Pone illos ut rotam.** Rota est quandoque mundus, unde hoc<sup>20</sup>: « Vox tonitriu tui, Deus, in rota, » id est, vox Evangeliorum in mundo; quandoque lex, quandoque Evangelium. Unde Ezechiel vidit<sup>21</sup> rotam in medio (k) rotæ, id est Novum Testamentum in Veteri. Unde et rota, quæ in molendino subtilis jacet, est tarda, et significat legem; superior vero, quæ volubilis est, Evangelium, quæ frangit triticum, et aperit sensum. Quandoque volubilitas mundi, unde hoc (v. 16): *Persequeris in tempestate illos*, id est, in judicio. Tria sunt in judicio, testis, tortor, iudex: sic in mente hominis, ibi sunt.

Rota.

In iudicio tria sunt.

<sup>1</sup> Isa., LVII, 7. — <sup>2</sup> Matth., XXVI, 53. — <sup>3</sup> Isa., LIII, 7. — <sup>4</sup> Matth., XXVII, 51. — <sup>5</sup> Hebr., VIII, 8. — <sup>6</sup> Psal. LXXXVIII, 33. — <sup>7</sup> Cant., VI, 10. — <sup>8</sup> Psal. LXXXIII, 7. — <sup>9</sup> Matth., V, 22. — <sup>10</sup> Psal. LXIV, 14. — <sup>11</sup> Paralip., XVIII, 12. — <sup>12</sup> Psal. CVII, 8. — <sup>13</sup> Act., X, 1 et seq. — <sup>14</sup> Jerom., IV, 22. — <sup>15</sup> Iure., XVI, 8. — <sup>16</sup> Jerom., VIII, 9. — <sup>17</sup> Psal. LXXVI, 49. — <sup>18</sup> Ezech., I, 16.

(a) *Vulg.* oblatus. — (b) *Vulg.* nec profanaverint. — (c) Cæt. edit. *Moab et Agarenî*. — (d) Leg. desolationem. — (e) Cæt. edit. qua. — (f) *Vulg.* Convallem. — (g) Cæt. edit. non habent *Alienigenæ*. — (h) *Suppl.* et si. — (i) Cæt. edit. decet *Jabin*. — (j) *Vulg.* hujus sāculi prudentiores. — (k) Cæt. edit. in mundo.

testis conscientia, quæ accusat; dolor, qui erueiat; ratio, judex qui judicat.

<sup>Pontifex cur servum se nominat.</sup> 47. *Et querent nomen tuum, Domine.* Hic dicitur, quod hoc nomen, *Dominus*, est essentiale; et si hoc est, ergo ab æterno *Dominus*; quod falsum est, quia non esset (*a*) *Dominus*, nisi esset, qui (*b*) famularetur; quia *Dominus* et *Servus* correlativa sunt. Dicimus quod hoc nomen, *Dominus* est essentiale, quia magis ei convenit, quam aliis dominis. Ipse enim ita est dominus, quod non servus. Sed non est alius dominus, qui non sit alicujus servus. [Unde summus Pontifex vocat se servum servorum Dei. Et ideo nomen est ei essentiale, non nobis, unde sic: Hoc nomen, *Dominus*, quandoque notat actum, quandoque aptitudinem: si hoc nomen *Dominus* notat actum, secundum quod dicitur dominans, non est essentiale; si notat aptitudinem, scilicet: *Dominabitur*, est essentiale. Nota hie, quod undenarius numerus dicitur transgressionis. Nam vetustas nostra, alia pœnæ, alia culpæ, Pœna alia temporalis, alia æterna. Culpa, alia actualis, alia originalis. Actualis, alia mortalis, alia venialis. Ecce habes triplicem, scilicet originalem, actualem (*c*), actu veniam. Originalis est in tribus; in fomite, in actu, in reatu: utraque (*d*) actualis, tam venialis, quam mortalis, consistit in tribus, in affectu peccandi, in actu, in utriusque reatu. Ecce hic habes novem, et duo in pœna præcedenti: et ita undecim. Et ideo undenarius numerus est; transgressionis autem, quia vetustas nostra, sive transgressio, consistit in his undecim, et quia sunt undecim genera malorum, quæ assignantur in Isaiâ.]

## PSALMUS DAVID LXXXIII.

2. *Quam dilecta tabernacula tua, Domine virtutum!* 3. *Concupiscit, et deficit anima mea in atria Domini.* Hic dicitur <sup>1</sup>: « Quos præscivit Deus fieri conformes ima-

<sup>1</sup> Rom., VIII, 29. — <sup>2</sup> Eccli., II, 1.

ginis filii sui, » et dicitur <sup>2</sup>: « Fili, accedens ad servitatem Dei, sta in timore, et justitia. » Homo ergo debet timere tria: mortem, iudicium, et gehennam. In morte tria, ne non puram confessionem, id est, diminutam fecerit; ne non injunctam pœnitentiam negligenter executus fuerit; et ne contra flagellum Dei murmuraverit. In iudicio, conscientiam accusantem, iudicis severitatem, imminentem damnationem. In gehenna tria sunt; nam ibi timendus est ignis inextinguibilis, fœtor intolerabilis, caligo palpabilis.

Homo tria timere debet.

4. *Etenim passer invenit sibi domum.* Nota: Duæ sunt alæ, quibus homo debet veli in præsenti: confessio et satisfactio. Prima illarum habet quatuor pennas. Prima est veritas, quæ excludit simulationem; non enim simulare debes, qui confiteris. Secunda, integritas, quæ excludit divisionem: non enim debet confiteri quædam peccata, et quædam tacere, quod esset dividere. Tertia est firmitas, quæ excludit jactantiam. Quarta est humilitas, quæ excludit excusationem. Confessio debet esse sine simulatione, integra sine divisione vel diminutione, firma sine titubatione, humili sine præsumptione. De pennis alterius alæ, alias dicetur.

Alæ duæ hominis in hac vita.  
Confessionis conditiones.

6. *Ascensiones in corde suo disposuit.* Nota: Deus ad nos descendit, et nos ad Deum debemus ascendere. Nam ipse transmigravit intra se, quod supra se non potuit; et usque ad te, quod ultra non debuit; et totum fecit pro te, quia ut pro se faceret, non indiguit. Considerandum ergo est, unde, et quare, et quousque se exinanivit: unde, a forma Dei; quare, non timore danni, nec cupiditate lucri, sed sola dilectione nostri. Et nos ei occurramus, in nobis faciendo ascensionem graduum contra gradum: sed non timore pœnæ, ut servi; non cupiditate regni, ut mercenarii; sed sola dilectione Dei, ut filii. Sic ergo occurramus

(*a*) Cat. edit. est. — (*b*) Item eni. — (*c*) Leg. actu mortalem. — (*d*) Cat. edit. utriusque.

descendenti, ut misericordia et veritas ei obvient, et justitia et pax osculentur.

8. *Etenim benedictionem dabit legislator, Ibunt de virtute in virtutem.* Nota dantis voluntatem, unde dicit : *Dabit* : nihil enim dat invitus; dantis auctoritatem, unde : *Legislator*; rei datae augmentum, unde hoc : *Ibunt de virtute in virtutem*; pro re data præmium, unde : *Videbitur Deus Deorum in Sion.* Nota : *Sion* dicitur a specula, vel a speculo, significat Ecclesiam militantem, quia nunc videmus Deum per speculum in ænigmate, id est, per cor in sacra Scriptura. Si a specula, significat triumphantem : videbimus (a) enim quasi a specula, quia a longinquo. Nota : *Sion* quidam monticulus, qui in Hierusalem erat, ubi postea facta est turris David. Et sicut monticulus est de terra, et tamen excedit terram; ita Ecclesia militans est de terra, id est de hominibus terrenis, et tamen excedit terram, quæ spe cœlestis est. « *Nostra* » enim<sup>1</sup> « *conversatio in cœlis est.* »

11. *Melior est dies una in atriis tuis super millia.* Post judicium, Sancti semper erunt in die, mali vero semper in nocte. Tunc enim firmamentum non movebitur, et Sol stabit in occidente, et Luna in oriente, ut continue hemisphærium superius illuminetur semper, et inferius semper obscuretur. Quia ergo perpetua luce fruitur corpus Christi, nunquam celebratur missa sine lumine. Inde etiam corpora defunctorum nunquam sine lumine in ecclesia sunt: speramus enim eos perpetua luce fruituros. Amen.

*Missa cur sine lumine non debet celebri.*

semper præsens; per *genui*, perfectio generationis designetur; quandoque certitudinem, ut ibi, in certitudine prophetica. Ponit præteritum pro futuro; sed præteritum imperfectum nec finitionem, nec incepionem notat, unde hoc<sup>2</sup> : « *In principio erat Verbum.* » Et dicit Hilarius : « *Nee intervenientis est, nec supervenientis.* »

9. *Audiam*, etc. Ille, qui in prophetia loquitur, debet audiri ex timore, nam *Dominus*; et ex amore, nam *Deus*; et quia bonum nuntiat, unde : *Loquetur pacem*; et quia proximum ædificat, unde : *in plebem suam. Audiam, quid loquatur in me Dominus Deus.* Deus loquitur ad quosdam, per quosdam, et in quosdam, unde hoc<sup>3</sup> : « *Locutus est Dominus ad Achaz;* » sed non in eum aut per (b) eum. Per quosdam, ut per Caipham, quando nesciens prophetavit; non ad illum, aut in illum. Loquitur in quosdam, ut in Oseam, et in David, et in bonos tantum. Loqui ad quosdam, est commune tam bonis, quam malis; loqui in quosdam, est commune tantum bonis.

*Deus quomo-  
do lo-  
quatur.*

10. *Quoniam loquetur pacem in plebem suam, et super sanctos suos.* Quatuor sunt paces: duas dat Deus: duas dat mundus. Mundus dat pacem in tranquillitate temporalium, et in sanitate corporum. Deus dat pacem in tranquillitate mentis, et in gaudio contemplationis: sed pax, quæ est tranquillitas mentis, est in homine; ea, quæ in gaudio contemplationis, supra hominem. Prima *in plebem* quoniam imperfectis tribuit; secunda, *super sanctos*, quia perfectioribus concedit, unde : *Prope timentes eum.* Christus erat prope Judæos ratione promissionis, nam fere omnes promissiones factæ sunt Judæis; ratione seminis, quia fuit ex semine Abrahæ; ratione conversationis, quia inter eos conversatus est, et tantum in eis in propria persona.

*Pax qua-  
druplex.*

11. *Justitia et pax osculatæ sunt.* Pax alia, quando caro concupiscit, et spiritus aequiescit; alia est pax, quando spiritus (a) *Cœt. edit.* videamus. — (b) *Item ad.*

<sup>1</sup> *Philip.*, III, 20. — <sup>2</sup> *Psal.* CXY, 10. — <sup>3</sup> *Psal.* I, 7.

— <sup>4</sup> *Joan.*, I, 1. — <sup>5</sup> *Isa.*, VII, 10.

imperat, et caro obtemperat. De prima<sup>1</sup>: « Pax, et non est pax. » De secunda<sup>2</sup>: « Pax, quæ exuperat omnem sensum. » Distingue tria tempora: primum, quando expletur concupiscentia; secundum, quando exerceatur potentia; tertium, quando diligitur justitia. Primo est pax sola sine justitia, et illa pax non est justa; secundo est sola justitia, nondum enim est pax plena spiritus ad carnem; tertio, simul justitia et pax. Primo est pax sola, tempore explendæ concupiscentiæ; secundo, justitia sola, tempore exercendiæ potentiarum; tertio, justitia et pax osculatæ sunt.

**14. Ponet in via gressus suos.** Hoc nomen  
Lapis. *Lapis* (*a*) in singulari, tria; in plurali, quatuor significat. Nam significat cordis duritiam, unde Job<sup>3</sup>: « Lapis calore solutus in æs convertitur. » Quandoque Ecclesiam, unde hoc<sup>4</sup>: « Aaron et Hur sustentabant manus ejus ex utraque parte ponentes lapidem subtus eum; » sic Christo significatur Ecclesia. Quandoque peccati consuetudinem, unde Hieremias<sup>5</sup>: « Lapsa est in lacum vita mea, et posuerunt lapidem super me. » In plurali significat virtutem angelorum, unde hoc<sup>6</sup>: « Omnis lapis pretiosus operimentum tuum; » et nominat novem genera lapidum, propter novem ordines angelorum. Quandoque mentis fortitudinem, unde hoc<sup>7</sup>: « Et nos sicut lapides vivi. » Quandoque dura corda gentium, unde hoc<sup>8</sup>: « Potens est Deus de lapidibus istis suscitare filios Abrahæ. » Quandoque divinum eloquium, unde in Ezechiele<sup>9</sup>: « Quatuor mensæ ad holocaustum de lapidibus quadris extractæ sunt. » *Dilectio*. *Dilectio* proximihic requiritur: nulli enim homo debet nocere verbō, vel opere, unde hoc<sup>10</sup>: « Quod tibi non vis fieri, alteri ne feceris; » verbo et opere omnibus prodesse, unde hoc<sup>11</sup>: « Frater fratrem adjuvans, exaltabitur, si-ent civitas fortis et munita; » de datis non

pœnitere, unde hoc<sup>12</sup>: « Qui negligit damnum propter amicum, justus est; pro fratre animam ponere, id est, pro temporali salute proximi, propriam voluntatem deserere, unde hoc<sup>13</sup>: « Majorem charitatem nemo habet, » etc.; in his perseverare, unde hoc<sup>14</sup>: « Qui autem perseveraverit, » etc. Nam multæ virtutes currunt; sed sola perseverantia accipit bravium.

## PSALMUS DAVID LXXXV.

**1. Inclina, Domine, aurem tuam.** Deus inclinat se, et pervenit ad ægrotum, et ut medicus naturam depravatam in Adam sanavit. Nam in Adam simul erant (*b*) natura et culpa, quæ duo sunt ad nos derivata. Nam sicut, si de uno fonte simul scaturirent vinum et aqua, non posset hauriri nisi vinum aquatum et aqua vinita (*c*), sic in filiis Adæ vinum mixtum est aqua: nam simul oritur culpa naturalis, et natura culpabilis. Nota, quinque Psalmi nomine *Orationis* intitulan-  
Quinque Psalmi  
orationis  
nomine  
intitula-  
lanur.

Primus est<sup>15</sup>: *Exaudi, Domine, justitiam meam, intende deprecationem meam;* secundus hic; tertius<sup>16</sup>: *Domine, refugium;* quartus<sup>17</sup>: *Domine, exaudi orationem meam, et clamor meus;* quintus<sup>18</sup>: *Voce mea ad Dominum clamavi.*

**6. Auribus percipe, Domine, orationem meam.** Ut Deus audiat nos, carnem nostram debemus domare. Et ad hoc valet visus pudicitia, scilicet, ut oculum circumcidamus, unde<sup>19</sup>: « Si oculus tuus scandalizat te, » etc.; auditus castimonia, ut non recipiamus vocem maledicti oblectantis, nihil injustum audiamus; olfactus modestia, unde hoc<sup>20</sup>: « Currimus in odorem unguentorum tuorum; » gustus temperantia, scilicet, ut gulam refrænemus, unde hoc<sup>21</sup>: « Væ illis quorum Deus venter est; » tactus

<sup>1</sup> *Jerem.*, v, 14. — <sup>2</sup> *Philip.*, iv, 7. — <sup>3</sup> *Job*, xxviii, 2. — <sup>4</sup> *Exod.*, xvii, 12. — <sup>5</sup> *Thren.*, iii, 53. — <sup>6</sup> *Ezech.*, xxviii, 13. — <sup>7</sup> *I Petr.*, ii, 3. — <sup>8</sup> *Matth.*, iii, 9. — <sup>9</sup> *Ezech.*, xl, 2. — <sup>10</sup> *Tob.*, iv, 16. — <sup>11</sup> *Prov.*, xviii, 19. — <sup>12</sup> *Prov.*, xii, 26. — <sup>13</sup> *Joan.*, xv, 13. —

<sup>14</sup> *Matth.*, x, 22. — <sup>15</sup> *Psal.* xvi, 1. — <sup>16</sup> *Psal.* lxxxix, 1. — <sup>17</sup> *Psal.* cl, 2. — <sup>18</sup> *Psal.* cxli, 2. — <sup>19</sup> *Matth.*, v, 29. — <sup>20</sup> *Canl.*, i, 3. — <sup>21</sup> *Philip.*, iii, 10.

(a) Haec sequentia ad alium quendam psalmum potius referenda videntur. — (b) *Cæl. edit.* erat. — (c) *Edit. Ven.* unita.

castimonia, unde hoc<sup>1</sup> : « Anima, quæ tetigerit mortuum, immunda erit. » Sic ad hoc, ut caro munda sit, omnes sensus debemus circumcidere; unde Apostolus<sup>2</sup> : « Sicut exhibuistis membra vestra servire immunditiae, » etc.

**11. Lætetur cor meum, ut timeat nomen tuum.** In pœnitentia tria sunt necessaria: compunctio, confessio, satisfactio. Compunctio turbat; confessio accusat; satisfactio confortat. Compunctio apostema pungit; confessio saniem expellit; satisfactio catastasma apponit. Compunctio enim vulnus invenit; confessio aperit; satisfactio sanitatem restituit. Compunctionem duo creant, scilicet spes, et timor. Timor est inchoativus, spes confortativa. Nam timor, et numerum culparum examinans, et rigorem judicij attendens, animum pungit, et pungendo peccatum expellit. Per timorem, compunctio suscitatur; per spem, optatæ reconciliationis gratia promeretur. De utroque hic dicitur<sup>3</sup> : « Non accipies loco pignoris superiorem molam, sive inferiorem, » vel e converso; id est, non habebis spem sine timore, vel e converso.

**14. Deus, iniqui insurrexerunt adversum me, et synagoga potentium quesierunt animam meam.** Qui justum afflixerunt, sunt præ eo potentiores, unde: *Super me*; multi, unde: *Et synagoga*; potentes id est, potissimum in Deum peccantes, unde: *Non prospuerunt te in conspectu suo*.

### PSALMUS DAVID LXXXVI.

#### 1. Fundamenta ejus in montibus sanctis.

**Ecclesia** in hoc Psalmo sex nominibus appellatur. Nam dicitur *fundamentum, mons, Sion, sancta, porta, civitas: fundamentum, a stabilitate; sancta, a virtute; mons, ab altitudine; porta, propter securitatem; Sion, propter speculationem; civitas, propter col-*

<sup>1</sup> *Levit.*, XXVII, 30. — <sup>2</sup> *Rom.*, VI, 19. — <sup>3</sup> *Dent.*, XXIV, 6. — <sup>4</sup> *Bed.*, *de Schemat.* — <sup>5</sup> *Psal.* CXXVIII, 163. — <sup>6</sup> *Psal.* XXIV, 5. — <sup>7</sup> *Psal.* XXV, 5.

lectionem. Dicitur *fundamentum* inchoatione, *mons* in viae perfectione, *sancta* in operum superadditione. Haec autem tria nomina conveniunt Ecclesiæ quantum ad partes quæ triumphant in cœlis: quæ dicitur *porta* in aditu regni, *Sion* (*a*) in fruitione Dei, *civitas* pro bono multiplici; dicitur *porta* in obitu mortis, *Sion* (*b*) in speculatione divinitatis, *civitas* pro multitudine unionis, sive pro unione multitudinis. Prima tria nomina designant tres status Ecclesiæ, scilicet ante legem, sub lege, sub gratia. Nota: prolepsis est præoccupatio, quando quæ sequi debent præponuntur, ut dicit Beda<sup>4</sup>, ut hic: *Fundamenta ejus in montibus sanctis*, etc. Nam præposuit hic pronomen, *ejus*, et post dixit: *Dominus*.

**4. Ecce alienigenæ et Tyrus.** *Tyrus*, *Tyrus.* angustia pœnitentia. Nota: qui pœnitet, primo debet peccatis abrenuntiare, scilicet a malo declinare vanitatis. De secundo<sup>5</sup>: « Iniquitatem odio habui. » De tertio<sup>6</sup>: « Odivi ecclesiam malignantium. » De quarto<sup>7</sup>: « Et cum impiis non sedebo. »

### PSALMUS DAVID LXXXVII.

**2. Domine, Deus salutis meæ.** *Maheleth*, *Maheleth*, de quo hic fit mentio, interpretatur Chorus, quod proprie est concordia humanarum vocum: translative etiam dicitur Chorus, ubi præcentore incipiente, alii respondent, et sic credimus omnes patres fuisse cantores. Ideo in omni Psalmi titulo potuit poni *Maheleth*: sed semel positum, ubique potuisse poni intelligatur.

**3. Intret in conspectu tuo oratio mea.** Ad hoc quod aliquis audiatur, oportet quod ibi sit simplicitas; cuius duo sunt genera, innocentia, et rectitudo. Duæ enim sunt species innocentia: prima est non nocere ei, qui non nocuit tibi; secunda, non nocere ei, qui nocuit. Tres sunt species rectitudinis, scilicet reddere tibi, quod tuum est; proximo,

*Inno-  
centia  
species.*

(*a*) *Edit.* *Ven.* sicut. — (*b*) *Item.*

quod proximi : Deo, quod Dei est, juxta illud <sup>1</sup> : « Cui tributum, tributum; cui vectigal, vectigal; cui honorem, honorem. » Tributum, tibi; vectigal, proximo; honorem, Deo.

*6. Sicut vulnerati*, etc. Christus ad infernum descendit, claustra confregit, tyrranum baculavit, suos ejecit. *Quorum non es me-*

*Memoria trium.* Debemus habere memoriam trium : primorum, mediorum, infimorum. Data sunt enim nobis tria : prima, media, infima : prima, ad gubernandum; media, ad conservandum; infima, ad sustentandum. Prima, Domini Trinitatem : media, angelorum dignitatem; infima mundi ubertatem significant (a).

*11. Numquid mortuis facies mirabilia?* Deus sanavit quinque genera hominum immundorum : nam alii sunt curvi, alii languidi, alii cæci, alii surdi, alii claudi. De primo <sup>2</sup> : « Incurvare, ut transeamus. » De secundo <sup>3</sup> : « Erat quidam in Bethania. » De tertio <sup>4</sup> : « Oculos habent, et non videbunt. » De quarto <sup>5</sup> : « Aures habent, et non audiunt. » De quinto <sup>6</sup> : « Angelus Domini tetigit servum Jacob, et claudicabat. »

*17. In me transierunt ire tuæ.* Deus nos sanavit, et in illa justificatione fuit opus sine exemplo, humilitas sine modo, gratia sine merito, bonum sine principio. Hic attendit potentiam in opere, charitatem in humilitate, bonitatem in gratia, largitatem in munere. De primo : « Majoris potentiae est justificare impium, quam creare cœlum, et terram. » De charitate hoc <sup>7</sup> : « Propter nimiam charitatem, qua dilexit nos, »<sup>8</sup> « misit Deus filium suum. »

## PSALMUS DAVID LXXXVIII.

*2. Misericordias Domini in aeternum canabo.* Ethan, de quo hic fit mentio, inter-

*Ethan robustus.* pretatur robustus. Qui est de his quatuor

<sup>1</sup> Rom., XIII, 7. — <sup>2</sup> Isa., LI, 23. — <sup>3</sup> Joch., XI, 1. — <sup>4</sup> Psal. CXII, 5. — <sup>5</sup> Ibid., 6. — <sup>6</sup> Gen., XXXII, 31, quoad sensum. — <sup>7</sup> Ephes., II, 4. — <sup>8</sup> Gal., IV, 4. —

generibus malorum, non est robustus : nam *tus. M-*  
*lorum*  
*genera.* sunt pravi, malevoli, maligni, pessimi. Pri-  
mi modo flent commissa, modo flenda com-  
mittunt, unde hoc <sup>9</sup> : Tales quandoque « cre-  
dunt, et in tempore temptationis recedunt. » Malevoli sunt, qui opportunitate malefa-  
ciendi carent, voluntate tamen parati sunt, de quibus dicitur <sup>10</sup> : « Malevoli (b) regnum  
Dei non possidebunt. » Maligni sunt, qui non solum peccant, sed etiam alios secum  
ad peccandum trahunt, unde dicitur <sup>11</sup> :  
« Noli æmulari in malignantibus. » Pessimi  
sunt, qui credunt se esse sanctissimos ple-  
narie, et sunt pessimi, ut Pharisæi. In primis  
habet Satanas hospitium, quia si more hos-  
pitis aliquando recedit, tamen quoties pul-  
sat, januam intrat. In secundis habet taber-  
naculum, licet non semper, ita semper  
eorum voluntatem secum habet, licet non  
perducat ad effectum. In tertii habet castra:  
nam sicut castrum non cito expugnatur, ita  
maligni non cito corriguntur. In quartis  
habet templum, qui se ipsos penitus ei dede-  
runt, ejicientes arcam Dei.

*6. Confitebuntur cœli mirabilia.* Nota : Confessio debet esse voluntaria, nuda, mun-  
da : voluntaria, secundum originem; nuda,  
secundum qualitatem; munda, secundum  
finem.

*11. Tu humiliasti sicut vulneratum super-  
bum.* Ad hoc quod homo habeat veram hu-  
militatem post peccatum, oportet quod ibi sit *Humi-  
itas vera*  
lacrymarum effusio, quæ vulnera peccato-  
rum lavat, et carnis mortificatio, quæ vul-  
nera Dei corrigit et siccat; et eleemosyna-  
rum largitio, quæ (c) alligat, contrita conso-  
lidat, et omnia sanat : et orationis devotio  
quæ sanitatem conservat.

*18. Quoniam gloria virtutis eorum tu es.* Tres sunt virtutes, quas in praesenti attin-  
gere possumus. Prima est alliciens, quæ  
allicit ad se; secunda convertens, quæ con-

<sup>9</sup> Luc., VIII, 13. — <sup>10</sup> I Cor., VI, 10. — <sup>11</sup> Psal.  
XXXVI, 1.

(a) *Al.* significat. — (b) *Vulg.* Maledici. — (c) *Suppl.*  
disrupta.

vertit in se ; tertia informans, quæ informat in se, secundum se ; quartam non possumus attingere in præsentि, sed, ut eam habeamus, exclamamus, et in sola exclamatione tria attendimus : primum est querimonia tribulationis, unde hoc<sup>1</sup> : « Da nobis auxilium de tribulatione ; » secundum est insufficientia laudis, unde hoc<sup>2</sup> : « A, a, a, Domine, nescio loqui, » etc. ; tertium, hilaritas mentis, unde hoc<sup>3</sup> : « Hilarem datorem diligit Deus. » Prima virtus, ad Deum conversio : secunda, timor de injuncta satisfactione, ut pudor de confessione ; tertia, fervens desiderium regni Dei.

**21.** *Inveni David servum meum.* Nota gratuitam dilectionem, unde : *Inveni*; electi fortitudinem, unde : *David*; ejus humilitatem, unde : *Servum meum*; regiam dignitatem, unde : *Unxi eum*; gratiæ plenitudinem, unde : *Oleo sancto meo*. Est oleum misericordiae et pietatis; secundum, bonæ famæ et opinionis; tertium, sanctæ dissimulationis. Primum emollit cordis duritiam; secundum extinguit mundi infamiam; tertium sepelit inanem gloriam. De primo<sup>4</sup> : « Oleum de capite tuo non deficiat. » De secundo<sup>5</sup> : « Oleum effusum nomen tuum. » De tertio<sup>6</sup> : « Cum jejunas, unge caput tuum oleo (a). »

Oleum  
multi-  
plex.

**30.** *Et thronus ejus sicut dies cœli.* Primus thronus, Ecclesia militans; secundus, Ecclesia triumphans; tertius, fidelis anima; quartus, Virgo Maria. De primo<sup>7</sup> : « Thronum fecit Salomon de ebore magnum » vel grandem. De secundo<sup>8</sup> : « Thronus tuus (b), Deus, in sæculum sæculi. » De tertio : « Thronus Dei anima justi. » De quarto<sup>9</sup> : « Thronus meus in columna nubis. » Primus a nobis incolendus; secundus possidendus; tertius imitandus; quartus adorandus.

**41.** *Destruxisti omnes sepes ejus.* Multæ erant munitiones Judæorum, ut angeli, un-

<sup>1</sup> Psal. cvi, 13. — <sup>2</sup> Jerem., 1, 6. — <sup>3</sup> II Cor., ix, 7. — <sup>4</sup> Eccl., ix, 8. — <sup>5</sup> Cant., 1, 4. — <sup>6</sup> Matth., vi, 17. — <sup>7</sup> III Reg., x, 18. — <sup>8</sup> Psal. xliv, 7. — <sup>9</sup> Eccl., xxiv, 7. — <sup>10</sup> Exod., xxxii, 34. — <sup>11</sup> Matth., xxiii, 34.

de hoc<sup>10</sup> : « Angelus meus præcedet faciem tuam ; » et propheta, unde hoc<sup>11</sup> : « Misi ad vos prophetas, et sapientes ; » et lex, et sanctuarium.

**44.** *Avertisti adjutorium gladii ejus.* Gladius quandoque verbum Dei, unde Apo- Gadius. stolus<sup>12</sup> : « Et gladium spiritus, quod est verbum Dei. » Quandoque sententiam futuri judicii, unde hoc de filiis haereticorum<sup>13</sup> : « Si multiplicati fuerint filii ejus, gladio peribunt. » Quandoque poenam ignis æterni, unde hoc<sup>14</sup> : « Eruens vitam illius, ut non transeat in gladium. » Quandoque intimam persecutionem, unde<sup>15</sup> : « Confregisti ar- cum, scutum, gladium, et bellum. » Quandoque tribulationem temporalem, unde de Maria dictum est<sup>16</sup> : « Et tuam ipsius animam pertransibit gladius. » Quandoque maligni hominis persecutionem, unde hoc<sup>17</sup> : « Li- berasti David servum tuum de gladio mali- gno. » Quandoque blandam iniquorum per-secutionem, unde Eliphaz<sup>18</sup> : « Salvum fecit pauperem de gladio oris eorum. »

**52.** *Commutationem Christi tui.* Christus commutavit se ad tria : quantum ad carnis et sanguinis sacramentum, unde habes hoc<sup>19</sup> : « Quia vultum suum mutavit coram Abimelech ; » et quantum ad passionem, et quantum ad resurrectionem, unde hoc<sup>20</sup> : « Refloruit caro mea. » Quantum ad transfigurationem, unde hoc<sup>21</sup> : « Resplenderunt vestimenta ejus sicut nix. »

### PSALMUS DAVID LXXXIX.

**1.** *Domine, refugium factus es nobis.* Nota : In textu Paralipomenon saepe dicitur Moyses homo Dei, sicut in titulo hujus Psalmi. Hie commendat sponsum a protectione, unde : *Refugium factus es nobis*. Ab æternitate, unde : *Priusquam montes fierent*. Sed tempus æternitatis in tribus consistit : in

<sup>12</sup> Ephes., vi, 17. — <sup>13</sup> Job, xxvii, 14. — <sup>14</sup> Job, xxxiii, 18. — <sup>15</sup> Psal. lxxv, 4. — <sup>16</sup> Luc., ii, 35. — <sup>17</sup> Psal. cxliii, 10. — <sup>18</sup> Job, v, 15. — <sup>19</sup> I Reg., xxviii, 8. — <sup>20</sup> Psal. xxvii, 7. — <sup>21</sup> Matth., xvii, 2.

(a) Vulg. non habet oleo. — (b) Vulg. Sedes tua.

Vita  
multipli-  
citer.

præterito , unde dicit : *A sæculo* ; in præsenti , unde dicit : *Tu es* ; in futuro , unde dicit ; *in sæculum* , scilicet futurum. Nota : nostra vita dicitur mortalis , vita vitalis , vita malorum in inferno , mors mortalis. Nostra autem vita habet aliquid commune cum utroque extremorum , et ideo sic dieta , et ad utrumque sic flecti potuit. Nota : in lege Moysi promittebantur temporalia , non aeterna , unde Dominus <sup>1</sup> : « Si hoc feceritis , dabo vobis pluvias temporibus suis. » In lege autem Evangelii aeterna , quæ sursum sunt ; temporalia autem deorsum. Et ad hoc repraesentandum , cum leguntur scripta Moysi , ut in Matutinis , in Lectionibus , terminantur cum eantis inclinatione ; sed scripta Evangelii cum eantis elevatione .

2. *Priusquam montes fierent*. Nota in creatore , vel artifice Deo facilitatem , nihil enim cum labore fecit ; et in creatura fragilitatem <sup>2</sup> : « Quia ipse cognovit figuratum nostrum ; » et in reformatâ decorem , quia <sup>3</sup> « formavit Deus hominem ad imaginem , » etc. Hic dicitur , quod non novit praeteritum , vel futurum , id est , non novit praeteritionem , quia ei nihil praeteritur , quia non subjecit mutabilitati , sed creatura ; et hoc propter tria : propter augmentum , propter diminutionem , propter vieissitudinem : nam quandoque crescit ; quandoque decrescit. Vieissitudo autem attenditur in quatuor : in essentia , in forma , in loco , in tempore , quia tum est , tum non est , tum uniusmodi , tum alterius . Mutatur per loca , per tempora. Aeternitas est intemporalis (*a*) vite possessio tota simul .

Deus ni-  
hil cum  
labore  
fecit.

Creatura  
muratio-  
ni sub-  
jecla  
proprie-  
tria.

Aeter-  
nitas.

Homines  
cur mi-  
nus mo-  
do vi-  
vant  
quam in  
princi-  
pio mun-  
di.

4. *Quoniam omnes dies nostri*. Triplici de causa homines modo minus vivunt , quam ante diluvium : quia saniora erant eibaria ; et ut comprehenderent causas rerum , et siderum cursus , quæ in brevi tempore pependi non possunt ; et quia primi patres comedenterunt de ligno vitae , diu vixerunt , et quanto magis ab eis elongantur filii , tanto

<sup>1</sup> Levit. , xxvi , 3. — <sup>2</sup> Psal. cii , 14. — <sup>3</sup> Gen. , 1 , 26.

— <sup>4</sup> Aeneid. , lib. I.

minus vivunt , quia tanto minus habent de alimentis corum. Deus autem sic consuluit mundo , quia si diutius viveremus , diutius peccaremus .

40. *Amplius labor et dolor*. Quindecim sunt psalmi , qui dicuntur *Canticum graduum* , quia in templo Salomonis erant quindecim gradus , et dum sacerdos aseen-debat primum gradum , cantabat primum gradum , sic deinceps , et ideo dicuntur *Canticum graduum* (*b*). Nota : sunt tria per tria novem , ter novem viginti septem , ter viginti septem octoginta et unum. Si autem sic per ternarium multiplies numerum usque ad infinitum , semper in quarto ordine excrescit unitas. Per unitatem semper essentia animæ , per ternarium tres unitates ejus designantur , scilicet vis irascibilis , rationabilis , concupisibilis. Sicut unitas in medio ternarii , ita vis rationalis in medio ad refrænam extrema. Prima multiplicatio fit unitatis ad ternarium , quia ternarius animam , quarternarius corpus designat. Nam sicut corpus divisibile , ita quarternarius ; et sicut anima indivisibilis , ita ternarius. Et quarternarius corpus designat propter quatuor elementa ; ternarius animam propter tres virtutes , unde dicitur <sup>4</sup> :

..... O terque quaterque beati ,

id est , in anima et corpore ; et sicut unitas præcedit ternarium , ita anima vires suas. Unitas in ternarium multiplicata ter tota reperitur ; sic anima in suis potentiis est tota et in qualibet. Prima progressio , unitatis ad ternarium ; secunda , ternarii ad novenarium , et significat accessum animæ ad corpus. Tertia progressio est ternarii ad viginti septem , et fiunt octoginta et unum. Per octoginta vita hominis designatur , unde hie dicitur : *Amplius eorum labor , et dolor*. Et sicut ultra (*c*) octoginta crescit unitas , ita postquam homo tantum vixit , anima egreditur

(*a*) Leg. interminabilis.— (*b*) Quæ præcedunt circa Canticum graduum melius aptarentur infra ad psalmum cxix , verbi gratia , et ad cæteros.— (*c*) Edit. Ven. ultima.

de corpore, et revertitur ad primum statum.

**Plenitudo notat stolam corporis et animae;** aliter non esset, nisi esset in utroque beatitudo; æternitatem, unde<sup>1</sup>: « In sæcula sæculorum laudabunt te; » satietatem, unde hoc<sup>2</sup>: « Satiabor, cum apparuerit gloria tua; » unde hoc<sup>3</sup>: « Erit Deus omnia in omnibus: » aliter non esset plenitudo, nisi ista omnia concurrerent.

**Trinitas triplex.** **17. Sit splendor.** Est triplex trinitas (*a*): nefanda, misera, beata. Prima, peccatum, quod est in cogitatione, locutione, et opere. Secunda, homo: nam vestigium Trinitatis relucet in homine: nam memoria Patri, intellectu Filio, dilectione Spiritui sancto est similis (*b*). Tertia trinitas est Deus. Sed trinitas misera, scilicet homo, cecidit a trinitate beata, scilicet Deo, per trinitatem nefandam, scilicet peccatum.

### PSALMUS DAVID XC.

**1. Qui habitat in adjutorio Altissimi.** Est mutatio claritatis, secunda miraculi, tertia humilitatis. Prima Adæ, secunda Simonis Magi, tertia hominis boni.

**Piscator, et venator, quid** **3. Liberavit me de laqueo venantium.** Piscator semper in bono; venator semper in malo. Quandoque tamen in bono, unde hoc<sup>4</sup>: « Venabor (*c*) eos in monte et colle. » Diabolus dicitur venator propter tria: quia insidiias ponit, unde hoc<sup>5</sup>: « Circuit, tanquam leo, quærens quem devoret; » laqueos ponit, unde hoc<sup>6</sup>: « Juxta iter scandalum posuerunt mihi; » quia sanguinem fundit, unde dicitur<sup>7</sup> homicida ab initio.

**Verbum asperum lex.** **Et a verbo aspero.** Est verbum asperum, hoc scilicet<sup>8</sup>: « Surgite, qui jacetis in se pulchris. » Est asperius, hoc scilicet<sup>9</sup>: « Esurivi, et non dedistis mihi manducare. » Est asperrimum, hoc scilicet<sup>10</sup>: « Ite, maledicti, Ecclesia in ignem æternum. » Nota: Ecclesia hic con-

queritur de quatuor, quæ concutiunt latera quadruplex persecuto- securio.  
ejus: prima pestis est violentia persecuto- rum, quando in prima Ecclesia siebat strages martyrum; sed hæc pestis victa est per pa- tientiam, unde dicitur (v. 5): *Non timebis a timore nocturno.* Tunc vera (*d*) fuit nox infidelitatis. Secunda pestis, in aperta fraude hæ- reticorum, quando diversis dogmatibus afflixerunt Ecclesiam; sed ab hæresi secura est Ecclesia; quam vincit prudentia, unde dicitur (v. 6): *A sagitta volante in die.* Et bene dicitur *a sagitta volante in die*; nam a nobis recesserunt, et se in altum ex- tulerunt gloriæ cupidi. Tertia est in mori- bus domesticorum, de qua dicitur: *A negotio perambulante in tenebris.* Hypocritæ bene ambulant in tenebris: nam abscondunt quod est, et mentiuntur quod non est. Quarta pestis est in elatione principum, quæ fit sug- gestione dæmonum. Cum se extollunt mali principes supra omne quod dicitur vel colli- tur Deus, et hoc faciunt suggestione dæmo- num, quod vocatur *dæmonium meridianum.* Prima pestis amara valde in nece martyrum; secunda amarior in conflictu hæ- reticorum; tertia nunc amarissima in mori- bus domesticorum; quarta, in elatione prin- cipum.

**5. Scuto circumdabit te.** Hic dicitur, quod Christus est leo, nam est leo vincens, et vic- turus; diabolus, leo vinctus et vincendus. De primo dicitur<sup>11</sup>: « Vicit leo de tribu Juda; » de secundo, scilicet (*e*) victuro<sup>12</sup>: « Erunt reliquiae Jacob, quasi leo in jumentis sylva- rum, et sicut catulus leonis in medio pardorum. » De tertio<sup>13</sup>: « Leo in saltu rugit, sed non invenit prædam. » De quarto<sup>14</sup>: « Catulus leonis (*f*) habitans in abditis. » Pri- mus habitat in spelunca beata et immortali; secundus, in spelunca beata et mortali. Spe- lunca prioris est in terra viventium, scilicet in patria. Spelunca secundi est in terra mor-

Hypo- critæ in tenebris ambu- lant.

<sup>10</sup> Ibid., 41. — <sup>11</sup> Apoc., v, 5. — <sup>12</sup> Mich., v, 8. —

<sup>13</sup> Amos, III, 4. — <sup>14</sup> Psal. XVI, 12.

(a) Edit. Ven. unitas. — (b) Item simul. — (c) Item Venabuntur. — (d) Leg. vera. — (e) Edit. Ven. se. — (f) Edit. Ven. non habet leonis.

<sup>1</sup> Psal. LXXXIII, 5. — <sup>2</sup> Psal. XVI, 15. — <sup>3</sup> I Cor., XV, 27. — <sup>4</sup> Jerem., XVI, 16. — <sup>5</sup> I Petr., v, 8. — <sup>6</sup> Psal. CXXXIX, 6. — <sup>7</sup> Joan., VIII, 44. — <sup>8</sup> Ezech., XXXVII, 4, quoad sensum. — <sup>9</sup> Matth., XXV, 42. —

talium , scilicet in præsenti. Spelunca tertii est in terra mortuorum. Spelunca quarti est in terra morientium. Primus est Christus ; secundus, christianus ; tertius, Antichristus : quartus, antichristianus. Sicut enim a Christo Christianus, ita ab Antiehristo Antichristianus, scilicet malus. Christus natus est ut homo , passus ut vitulus , surrexit ut leo , ascendit ut aquila. Et hæ sunt proprietates animalium , quæ Christo possunt adaptari. Etiam homo perfectus, homo est ratione ; vitulus , in sacrificii oblatione, scilicet dum se Deo offert ; leo in fortitudine, ut sit fortis contra adversa ; aquila in contemplatione. Talia ergo nomina mystice Deo , moraliter homini perfecto possunt assignari.

10. *Flagellum non appropinquabit tabernaculo tuo*, scilicet carni Christi post resurrectionem. Nam in præsenti triplex malum in homine ex occasione superveniente, et quodam modo exterius, ut in *Isaia* (a) , quia in genere humano dicitur fuisse <sup>1</sup> « *vulnus , livor, plaga tumens* : » sic defectu humanae naturæ tres persecutioes surgunt in homine, quasi ab initio, scilicet languor capitis , dolor infirmi corporis , mœror cordis. Languor capitis , debilitas liberi arbitrii ad bonum ; infirmitas corporis ; inquietudo desiderii ad malum , quia difficile cessare malum desiderare , mœror cordis.

(b) 13. *Conculcabis leonem et draconem* (c).

*Nota* : diabolus dicitur *leo* et *draco*. Leo fuit in tempore martyrum ; draco , in tempore plenitudinis. In leone est sævitia , in dracone , astutia. Contra astutiam adhibe circumspectionem prudentiæ , scilicet sapientiam ; contra sævitiam , virtutem patientiæ : et ita poteris vincere leonem et draconem. *Nota* : diabolus dicitur leo propter tria, quæ et dia-  
stulus. bolo conveniunt , et leoni proprie : quia leo Diabolus est rex omnium animalium , et diabolus

<sup>1</sup> *Isa.*, 1, 6. — <sup>2</sup> *Joan.*, XII, 31. — <sup>3</sup> *Joan.*, VIII, 44.

— <sup>4</sup> *Gen.*, XIV, 21. — <sup>5</sup> *I Petr.*, V, 8. — <sup>6</sup> *Isa.*, I, 6. —

<sup>7</sup> *Psal.* CXVIII, 25.

(a) Edit. Ven. *Job*, — (b) In cæt. edit. hæc explicatio versiculi 13 transposita reperitur ad *Psal.* XXXIX, post has voces : « Non fraudaberis a desiderio

etiam est rex omnium malorum, unde hoc <sup>1</sup> : *leo propter tria*. « Princeps mundi hujus ejicietur foras ; » et quia fundit sanguinem , sicut et diabolus , unde hoc <sup>2</sup> : « Ille homicida erat ab initio , » et hoc <sup>3</sup> : « Rex Sodomorum quærebat animas » ab Abraham ; et quia devorator est, unde dicitur <sup>4</sup> : « Tanquam leo circuit, quærens quem devoret. »

14. *Quoniam in me speravit, liberabo eum*, etiam ab omni defectu, qui est in homine triplex, sicut dicitur in *Isaia* (d) : « A vertice capitis usque ad plantam non est in eo sanitatis. » In humano corpore summum locum tenet caput, pes imum, medium eor. Caput, liberum arbitrium ; cor, consilium ; pes , carnale desiderium. Caput corpori , liberum arbitrium præest affectui ; (e) eor, scilicet consilium in secreto , quia sapientia trahitur de occulto. In imo jacet pes , quia carnalis concupiscentia, quandiu <sup>5</sup> « adhæsit pavimento anima mea. »

## PSALMUS DAVID XCI.

(f) 1. *Psalmus Cantici in die sabbati*. Sabbatum interpretatur *requies vel jurementum*. Est sabbatum , in quo Dominus legitur requievisse ; est sabbatum , quod Ju-dæis servare præcipitur ; est sabbatum , quod in justificatione nobis datur ; sabbatum , quod in remissione nobis permittitur (g). Sabbatum temporis continet prima duo ; sabbatum mentis , tertium ; sabbatum æternitatis est quartum. Nota , quod in sex diebus operatus est Deus , et in septimo requievit. Figurat, quod Christus in septimana pœnosa , sex diebus laboravit, et in septimo die, scilicet in sabbato (h). Utrumque figurat, quia nos per sex ætates laboramus , et in septima requiescimus. Nota : est quies conscientiæ ; est quies simplicis gloriæ ; est quies glorifica-

tuo. — (c) Cæt. edit. non habent *Conculcabis leonem et draconem*; glossam vero, quæ sequitur, retulerunt ad *Psal.* XXXIX, post expositionem v. 2. — (d) Edit. Ven. *Job*. — (e) Cæt. edit. affectu iu. — (f) In cæt. edit. titulus ille omittitur, et ejus expositiō transfertur immediate ante *Vir insipiens*. — (g) Leg. promittitur. — (h) *Suppl.* in sepulcro requievit.

Sabbatum.

Quies multiplex.

tionis compositæ : prima est quies ; secunda est requies ; tertia, conquies : nam sic dicuntur quiescere, requiescere, conquiescere. Prima in præsenti, post mortem ; secunda, ad diem judicij; tertia, in utraque gloria post judicium. De secunda dicitur : « Requiem æternam dona eis, Domine; » et hoc<sup>1</sup> : « A modo jam dicit spiritus, ut requiescant a laboribus suis. » De tertia dicitur, quod tunc sancti conquiescent, quia simul erunt, et loco, et anima. Prima recipit perturbationem, non secunda, vel tertia.

*2. Bonum est confiteri Domino.* Duplex est confessio, alia criminis, alia laudis. Prima est conversio peccatoris; secunda, glorificatio Creatoris. In detestatione mali, prima; in exaltatione boni, secunda. Primam parit timor; secundam, amor. *Bonum est confiteri Domino*, quoniam mitis est, et psallere nomini tuo, quoniam suavis est. Hic etiam quatuor notantur: exaltatio mentis, unde dicitur (v. 4) : *Cum cantico*. Mortificatione carnis, unde : *Cithara*; spiritus vivificationis, sicut hic exponitur, unde : *In Psalterio*; observantia legis, unde : *Decachordo*. Qui haec quatuor habet, bene Deo confitetur (a).

*7. Vir insipiens non cognoscet* (b). Tria sunt, quæ fastidium generant : inanitas, unde hoc : « Oculi nostri nisi vana, et inania; » infirmitas, unde hoc<sup>2</sup> : « Omnem escam abominata est anima ejus; » et cibi asperitas, unde cum Dominus dixit<sup>3</sup> : « Nisi manducaveritis carnem filii hominis, » etc., discipuli dixerunt : « Durus est hic sermo. » Turpitudo animæ, deformitas est corporis; continentia a vitiis, abstinentia a cibis; tamen unum quandoque pro alio ponitur. Tres sunt species temperantiæ, continentia, eleemosyna, modestia, unde hoc : *Vir insipiens non cognoscet*, etc.

Tempore  
rantiae  
species  
tres.

*Genus huma- num* *Stultus* (c). Genus humanum stultum potest dici : quia in homine triplex est vitium, tri-

plex peccatum; sed contra hoc triplex remedium. Tria vitia sunt : impotentia, ignorantia, concupiscentia. Peccata alia ex infirmitate, alia ex errore, alia ex voluntate contrahimus. Sed triplex remedium : in divinis institutionibus; in divinis comminationibus; in divinis promissionibus.

*8. Cum exorti fuerint*, etc. Hic dicitur praesens tempus, hyems. Tum dicitur *hyems* tempus ante legem, scilicet sterile; in lege æstas, tempus floridum, quia lex promittebat, promittendo fructum non dabat; in tempore gratiae, scilicet modo, tempus fructiferum, scilicet autumnus, et ibi collegebunt, scilicet viventes fructus.

*10. Et dispergentur.* Iniquitas habet tres species : suggestionem, voluntatem, consuetudinem. Tres sunt species peccati, scilicet in verbo, in opere, et consuetudine. Unde iniquitas ad animam, peccatum ad corpus refertur, tamen unum pro alio ponitur.

*13. Justus ut palma florabit.* Justus dicitur palma, hac similitudine : nam habet asperam radicem; sic sancti, unde hoc<sup>4</sup> : « Propter te morte afficimur tota die. » Extensa in altum; sic Sancti, unde hoc<sup>5</sup> : « Altum est cor hominis, et inscrutabile; quis cognoset illud? » Et habet pulchrum corticem, unde hic : *Justus ut palma florebit*. Et quanto plus premitur inferius, tanto magis fructificat : sic sancti, unde hic<sup>6</sup> : « Cum tribulor (d), potens sum, » scilicet in corpore, et in parte inferiori. Et plantata noviter non fert fructum; sic justus : nam non remunerabitur, nisi in centesimo anno, scilicet post judicium.

Iniquita-  
tis spe-  
cies tres.

Justus  
palma  
dicatur.

## PSALMUS DAVID XCII.

In titulo : *1. Ante sabbatum, quando fundata est terra* (e). Leguntur viginti duo opera Domini in creatione : juxta hunc numerum in hebræo sunt viginti duo elementa. Nota :

— (b) Edit. Ven. non habet *Vir insipiens non cognoscet*. — (c) Item nec *Stultus*. — (d) Vulg. infirmor.

— (e) Cœl. edit. non habent in titulo : *Ante sabbatum, quando fundata est terra*, sed *Dominus regnavit*.

<sup>1</sup> Apoc., xiv, 13. — <sup>2</sup> Psal. cvi, 18. — <sup>3</sup> Joan., vi,

54, 61. — <sup>4</sup> Psal. XLIII, 22. — <sup>5</sup> Jerem., XVII, 9.

— <sup>6</sup> II Cor., XII, 10.

(a) Edit. Ven. repetit. *Bonum est confiteri Domino*.

sex dies in creatione leguntur habuisse vesperam. Nam ibi dictum est<sup>1</sup>: « Factum est vespera et mane dies sextus. » Hoc autem non est dictum de septimana, ad significandum quod septima ætas non est habitura vesperam et finem: unde in festo animarum non cantamus vespertas, ad significandum quod vita eorum non est habitura finem, quæ (a) dicitur vespera.

**Decorum indutus est.** Est decor divinitatis; est decor humanitatis. Humanitatis: alius corporis, alius animæ, alius resurrectionis. De primo hoc<sup>2</sup>: « Tanquam sponsus procedens de thalamo suo. » De secundo hic. De tertio ibi<sup>3</sup>: « Resplenderunt sicut nix vestimenta ejus. »

**Parata est sedes tua.** Sedes dicitur tum secundum divinitatem, tum secundum humanitatem. Sedes Dei secundum divinitatem dupliciter, scilicet æqualitatis, et anima fidelis. Juxta primum, dicitur<sup>4</sup> « sedere ad dexteram Patris (b), » quia ei æqualis; juxta secundum, dicitur quod sedes Dei est anima justi. Sedes humanitatis dupliciter: nam secundum quod homo stat, sedet ad dexteram Patris, id est, secundum quod homo habet potiora Patris, et judicariam potestatem: nam secundum quod homo, in forma servi judicabit. Est plenitudo cumulationis, unde hoc<sup>5</sup>: « Plenum gratiæ et veritatis. » Est plenitudo perfectionis, unde hoc: « Ave, Maria, gratia plena, » et hoc<sup>6</sup>: « Stephanus plenus gratia. » Est plenitudo sufficientiæ, unde hoc<sup>7</sup>: « Plenitudo legis dilectio. » Est plenitudo numerositatis, unde hoc: « Ingratus enim extitit, qui plenus virtutibus Domini, omnino non timuit. »

**Elevaverunt flumina, Domine.** Flumen multipliciter dicitur in Scriptura: quandoque Spiritus sanctus, unde Job de hypocrita<sup>8</sup>: « Non videat rivulos fluminis ejus: » per flumen, Spiritus sanctus; per rivulos,

<sup>1</sup> Gen., 1, 31. — <sup>2</sup> Psal. xviii, 6. — <sup>3</sup> Matth., xxviii, 3. — <sup>4</sup> Rom., viii, 34. — <sup>5</sup> Joan., 1, 14. — <sup>6</sup> Act., vi, 8. — <sup>7</sup> Rom., xiii, 10. — <sup>8</sup> Job, xx, 17. — <sup>9</sup> Eccl., 1, 7. — <sup>10</sup> Isa., xlvi, 2. — <sup>11</sup> Joan., vii, 38. — <sup>12</sup> Rom., i, 26. — <sup>13</sup> Sap., v, 8.

dona ejus. Quandoque prædicatores, unde Salomon<sup>9</sup>: « Ad locum unde exeunt flumina, revertuntur, ut iterum fluant; » quia ad Deum, a quo missi sunt, redeunt, ut ejus auxilio prædicent. Quandoque actiones hujus sæculi, unde Isaias<sup>10</sup>: « Denuda turpidinem tuam, discoperi humerum, revela crura, transi flumina. » Quandoque dona Spiritus sancti, unde hoc<sup>11</sup>: « Qui credit in me, flumina de ventre ejus fluent aquæ vivæ. »

**Testimonia tua credibilia facta sunt nimis (c).** Dicta sponsi commendantur a fideliitate, unde: *Testimonia*; a dicentis auctoritate, unde: *Tua*; a certitudine, unde: *Credibilia facta sunt nimis*.

In titulum psalmi sequentis: *Psalmus David quarta sabbati*. Nota: Homo factus est sexta feria, luna quarta. Et homo, quando incepit esse, computavit lunam primam, quando jam erat tertia; et ideo nos illum ordinem observantes, computamus lunam primam, quando jam est tertia, quod non faciunt Judæi. Nota: quarta feria creata sunt sol et luna, et ita Ecclesia illuminata. Inde quatuor tempora quarta feria incipimus semper, et quarta feria quadragesimam incipimus semper. Nos debemus Deo offerre primitias temporum, id est, quatuor tempora; et decimam (d) dierum, id est, quadragesimam. Quare potius decimam damus, quam nonam, vel undecimam? Quia decimus ordo cecidit angelorum, qui debet hominibus restaurari.

Quarta  
feria cur  
incipia-  
mus qua-  
dragesi-  
mam et  
quatuor  
tempora

Cur de-  
cimam  
solva-  
mus, et  
non no-  
nam, vel  
undeci-  
mam.

### PSALMUS DAVID XCIII.

**Deus ultionum Dominus.** Multæ sunt ultiones Dei; nam quandoque punit peccatores in praesenti, unde<sup>12</sup>: « Tradidit illos Deus in passiones ignominiae, » et ita in spiritualibus; quandoque in temporalibus, de quorum amissione dolent, unde dicent<sup>13</sup>:

Ultiones  
Dei.

(a) Edit. Ven. qui. — (b) Vulg. Dei. — (c) Cœt. edit. non habent *Testimonia tua credibilia facta sunt nimis*. — (d) Edit. Ven. decima.

Sancti  
cur lu-  
men di-  
cantur.

Infirmi-  
tas mul-  
tiplex.

« Quid divitiarum jactantia contulit nobis ? » Puniet in anima et corpore , unde hoc <sup>1</sup> : « Dupli contritione contere (a) eos. » Sancti dicuntur lumen ratione illuminationis, quia illuminant Ecclesiam, sicut lux mundum ratione ordinis, quia cum ordine faciunt quidquid faciunt, sicut sol ; ratione habitationis cœlestis, quia eorum conversatio in cœlis est ; ratione perseverantiae. Est infirmitas poenæ, unde Apostolus <sup>2</sup> : « Quando enim infirmor, tunc fortior (b) sum et potens. » Est infirmitas culpæ, unde hoc <sup>3</sup> : « Qui infirmus est, olus manducet. » Nam <sup>4</sup> sine Cerere et Baccho friget Venus.

15. *Qui recto sunt corde.* Nota sex differentias : tres bonorum , et tres malorum. Haec sunt bonorum : Deus facit suos pie velle, quod ipse vult ; et facit suos pie nolle, quod ipse non vult ; ut ego nolo, et pie, patrem meum mori, et tamen pie Deus vult ; et suos facit pie velle , quod ipse non vult, ut facit justum pie velle patrem suum mori , et tamen hoc Deus non vult , et pie. Haec sunt malorum : Deus permittit impios velle, quod ipse pie vult, ut malus impie vult patrem suum mori, quia ei beneficium suum contulit pater, sed Deus pie vult eum mori. Permittit malos impie velle, quod ipse non vult, ut malus impie vult patrem suum mori , quia ei beneficium suum contulit pater, sed Deus hoc non vult. Permittit impios impie nolle, quod ipse vult, ut malus impie vult patrem suum non mori , quod tamen Deus pie vult, scilicet eum mori. Nota : Judæi impie volebant Christum mori , quod Deus pie voluit (c) : sed qui habet rectum cor, pie vult quod Deus. Nota : Christus habuit infirmitatem (d) moventem angustias, non moventes illecebras. Nota : Necessitas, alia coactionis , alia opportunitatis, alia conditionis. Necessitas conditionis est alia libera voluntate, ut hic qui voluntarie in claustrum, post ex necessitate tenetur ire ad matutinas

<sup>1</sup> Jerem., xvii, 18. — <sup>2</sup> II Cor., XII, 10. — <sup>3</sup> Rom., XIV, 2. — <sup>4</sup> Terent., Eun., act. IV, scen. V. — <sup>5</sup> Isa., XL, 11. — <sup>6</sup> Psal. II, 7. — (a) Al. conteret. (b) Vulg. non habet fortior. — (c) Edit. Ven. noluit. — (d) Item

ex causa præcedente , scilicet ex pacto. Necesitas ergo opportunitatis et conditionis ex libera voluntate, non ex causa præcedente , vel coactionis , fuit in Christo.

18. *Si dicebam: Motus est pes meus,* etc. A multis tribulationibus, et infirmitatibus liberavit (e) nos Dominus. Nam Christus missus est, scilicet, ut pius pastor, ut quod erat confractum, solidaret; et quod erat debile, confortaret, scilicet liberum arbitrium, quod olim supra se nitens (f), infra se ruit; et se ferre non valens , se in se a se oppressit, et confregit a se confractum. Per hoc debilitatum in se, surgere omnino non potuit perse : Christus ergo confractum consolidavit ; sed quia nondum omnino pingue est, donec semel cum nonaginta novem in pascuis pinguis collocetur, <sup>g</sup> « in sinu suo fœtas ipse portabit (g). »

20. *Numquid adhæret tibi,* etc. Naturalem ordinem quærendi non prosequitur. Primum enim de omni re investigare oportet, cur sit, quid sit; post, quale sit; tertio, ad quid sit; de natura, forma, et usu : unde physici tres naturales esse disciplinas inveniunt, Physicam, Logicam, Ethicam, scilicet naturalem , rationalem, moralem.

#### PSALMUS DAVID XCIV.

1. *Venite , exultemus Domino.* *Venite*, fide; *Exultemus*, opere; *Jubilemus*, mentis hilaritate. Cui? Patri, unde dicit : *Domino*. Unde alibi dicetur: *Dominus*, ut hic <sup>6</sup> : « Dixit Dominus ad me, » etc. Filio, unde dicit: *Salutari*, quia salutem in opere nostro gessit. Spiritui sancto , unde dicit: *Nostro*; quia noster est, et nobis datus est in arrham (h) futuræ gloriæ. Et ita Deus trinus trino sacrificio honoratur. Nota : totus hic Psalmus de vocatione Judæorum est; sed quia nondum conversi sunt, ideo singulis noctibus repetitur in Invitatorio , quia vocamus Ju-dæos ut convertantur; sed quia Epiphania infinitatem. — (e) Al. liberabit. — (f) Al. videns. — (g) Al. portabat. — (h) Edit. Ven. arcum.

Psalmus  
Venite  
exulta-  
mus,  
quare in  
singulis  
noctibus  
repe-  
ta-

tur in invitatorio In Epiphania cur non dicatur Invitatorium. tota est de vocatione gentium , scilicet quomodo reges vocati , et non de vocatione Judæorum agitur, ideo iste Psalmus tacetur in Invitatorio : sed quia Judæi in sexta ætate convertentur, scilicet in fine mundi, quando scilicet manus Moysi ad sinum , ideo in sexto loco in Matutinis illius festi cantatur. Vel ideo hic Psalmus in invitatorio illius festi tacetur, quod illud festum est de vocatione gentium , quæ non sunt vocatæ ad fidem , scilicet laboriose. Non enim tot miracula facta sunt in vocatione gentium , ae Judæorum , unde Dominus <sup>1</sup> : « Populus , quem non cognovi , servivit mihi. » Ideo in illo festo facetur.

**2. Praeoccupemus faciem ejus in confessione (a).** Homo debet praecupare faciem Domini in confessione , ut prins dicat peccatum. Nam si homo operit peccatum, Deus revelat : si homo denudat , Deus operit : si homo accusat se , Deus excusat : si homo excusat, Deus accusat. Nam, o Deus , si condemnabo me , liberabis : si dignoscam , ignorces.

**7. Et oves manus ejus.** Populus fidelis dicitur ovis propter tria : propter fecunditatem , patientiam , innocentiam : hæ sunt proprietates ovis. De primo <sup>2</sup> : « Oves eorum foetosæ , » etc. De aliis duobus <sup>3</sup> : « Sicut ovis coram tondente se obmutuit. »

**8. Nolite obdurare corda vestra.** Homo , Deus , diabolus obdurat hominem : homo, propter infidelitatem, ut hic ; Deus, per gratiæ non appositionem , vel subtractionem , unde Apostolus <sup>4</sup> : « Deus quem vult obdurat (b) , et cuius vult miseretur ; » unde hoc <sup>5</sup> : « Obduratum (c) est cor Pharaonis ; » diabolus per iniquitatem, unde hic : *Et isti non cognoverunt vias meas.* Via Christus , unde Job <sup>6</sup> : « Deus intelligit viam ejus , et novit locum ejus. » Via, humanitas; locus, divini-

tas. Est via spiritualis , aditus cordis , unde hoc <sup>7</sup> : « Ego vox clamantis in deserto, » etc. Est via, iter rectitudinis, unde Job <sup>8</sup> : « Si declinavit gressus meus a via. » Est via, latitudo prosperitatis , unde hoc <sup>9</sup> : « Est spatiosa via, quæ ducit ad mortem ; » unde Jacob <sup>10</sup> : « Fiat Dan coluber in via. » Est via, sanctitas conversationis, unde hoc <sup>11</sup> : « Arcata est via , quæ ducit ad vitam. »

## PSALMUS DAVID XCV.

**4. Cantate Domino canticum novum ; cantate Domino omnis terra.** Hoc nomen, Terra, quandoque significat patriam, unde hoc <sup>12</sup> : « Credo videre bona Domini in terra viventium ; » quandoque Ecclesiam militantem , unde <sup>13</sup> : « Germinet terra herbam virentem ; » quandoque Synagogam, unde hoc <sup>14</sup> : « Terra , de qua oriebatur panis, in loco suo subversa est ; » quandoque Gentilitatem , unde Job <sup>15</sup> : « Quis dedit vehementissimo imbri cursum , ut impleret inviam et desolatam terram ? » Quandoque animam justam , unde Job <sup>16</sup> : « Ubi eras , quando ponebam fundamenta terræ ? » Quandoque animam peccatricem, unde in Evangelio <sup>17</sup> : « Ignem veni mittere in terram ; » quandoque carnem hominis , unde Job <sup>18</sup> : « Ungula terram fodit , » id est, districta abstinentia carnem domat; quandoque quemlibet peccatorem , unde hoc <sup>19</sup> : « Terra es, et in terram ibis ; » quandoque plebem subjectam , unde Job <sup>20</sup> : « Si adversum me terra mea clamat ; » quandoque Christi humanitatem , unde hoc <sup>21</sup> : « Altare de terra facietis mihi ; » quandoque locum poenalem , scilicet infernum , unde Job <sup>22</sup> : « Dimitte me , ut plangam paululum dolorem meum , » etc. Quandoque Christi carnem , unde Job <sup>23</sup> : « Terra tradita est in manu impii. » Quandoque ter-

<sup>1</sup> Psal. xvii, 43. — <sup>2</sup> Psal. cxliii, 13. — <sup>3</sup> Isa., LII, 7. — <sup>4</sup> Rom., IX, 18. — <sup>5</sup> Exod., VII, 13; IX, 12. — <sup>6</sup> Job, xxviii, 23. — <sup>7</sup> Matth., III, 3. — <sup>8</sup> Job, xxxi, 7. — <sup>9</sup> Matth., VII, 13. — <sup>10</sup> Gen., XLIX, 17. — <sup>11</sup> Matth., VIII, 14. — <sup>12</sup> Psal. XXVI, 13. — <sup>13</sup> Gen., I, 11. — <sup>14</sup> Job, XXVIII, 5. — <sup>15</sup> Job, XXXVIII, 27. — <sup>16</sup> Ibid., 4. — <sup>17</sup> Luc., XII, 49. — <sup>18</sup> Job, XXXIX, 21. — <sup>19</sup> Gen., III,

<sup>19</sup>, quoad sensum. — <sup>20</sup> Job, XXXI, 38. — <sup>21</sup> Exod., XX, 24. — <sup>22</sup> Job, X, 21. — <sup>23</sup> Job, IX, 24.

(a) Cact. edit. non habent *Praeoccupemus faciem ejus in confessione*, et glossam, quæ sequitur usque ad v. 7, transponunt ad *Psal. cxviii*, post v. 26, et ante v. 28. — (b) *Vulg.* indurat. — (c) *Vulg.* induratum.

renam actionem , unde hoc<sup>1</sup> : « Descende , sede in pulvere, virgo filia Babylon (a), sede in terra . »

*4. Quoniam magnus Dominus, et laudabilis nimis, terribilis est (b) super omnes deos.* Hic commendat Christum a potentia , unde dicit : *Magnus Dominus* ; a bonitate , quando dicit : *Laudabilis* ; ab admiratione , unde : *Terribilis*.

*1a prae-  
positio-  
varian-  
tiam  
goeticae-  
tium nem.* 8. *Introite in atria ejus.* In quandoque notat intentionem , unde hoc<sup>2</sup> : « Dominus habet si- intedit mihi , » id est , valde intendit mihi ; quandoque attractionem , unde<sup>3</sup> : « Peccato- tores intenderunt arcum , » id est , ad se ten- derunt Scripturam ; quandoque negationem , unde hoc : « Spiritus sanctus ingenitus , » id est non genitus. Quandoque notat positionem , ut cum dicitur : « Pater est ingeni- tis ; » quandoque aliquid interius , unde hoc<sup>4</sup> : « Cum invocarem , exaudivit me Deus justitiae meæ . »

*13. Judicabit orbem terræ in æquitate.* Hic dicitur , quod hujus nominis , *Adam*, sunt hæ quatuor litteræ græcæ , scilicet α , ζ , ς , ρ ; Et sic intelligitur crux Christi. Nam primam litteram habet in principio oriens , in græco scilicet ἀνατολὴ ; secundam occi- dens , scilicet δύσις ; tertiam aquilo , scilicet ἡράκλεια ; quartam meridies , scilicet μεσημέρια . Et nota , quod non in primo ponit orientem post meridiem , sed post occidentem , ut po- nendo opposita , notet crucem. Et nota , quod hoc dicitur : quod δύσις significat occiden- tem , sed solet dici , quod paradius dicitur quasi juxta orientem : forte juxta gloriam Dei dicitur : δύσις enim gloria dicitur : non ergo a δύσις , sed a δέξιᾳ componitur.

### PSALMUS DAVID XCVI.

(c) 1. *Dominus regnavit , exultet terra.* Deus regit malos ad depressionem , unde hoc<sup>5</sup> : « Reges eos in virga ferrea. » Regit

<sup>1</sup> Isa., XLVII, 1. — <sup>2</sup> Psal. LXXVI, 2. — <sup>3</sup> Psal. XXXVI, 14. — <sup>4</sup> Psal. IV, 2. — <sup>5</sup> Psal. II, 9. — <sup>6</sup> Cant. Te Deum. — <sup>7</sup> Psal. XLVII, 15. — <sup>8</sup> Luc., XII, 49. —

bonos in præsenti ad exultationem , unde hoc<sup>6</sup> : « Salvum fac populum tuum , Domi- ne , » etc., « et rege eos. » Reget in futuro electos quantum ad glorificationem , unde hoc<sup>7</sup> : « Et ræget eos usque in sæculum sæ- culi . » Et ita Christus dicitur rex omnium , sicut dicitur in titulo Psalmi.

3. *Ignis ante ipsum præcedet.* Est ignis Ignis du- corporalis ; est ignis spiritualis. Corporalis plex. triplex : peremptorius , purgatorius , emen- datorius ; scilicet qui comburet terram , et tantum ascendet , quantum aqua diluvii. Spiritualis duplex , alias invidiæ , alias amo- ris. De utroque hic exponitur. De secundo<sup>8</sup> : « Ignum veni mittere in terram. » Nota : Quidam ignis cruciat et purgat , ut consola- torius , scilicet Spiritus sanctus.

4. *Illuxerunt fulgura ejus.* Miracula Dei Mir- ecula Dei dicuntur fulgura , quia illuminant , unde dicuntur fulgura. Et sic intelligitur crux Christi. Nam primam litteram habet in principio oriens , in græco scilicet ἀνατολὴ ; secundam occi- dens , scilicet δύσις ; tertiam aquilo , scilicet ἡράκλεια ; quartam meridies , scilicet μεσημέρια . Et nota , quod non in primo ponit orientem post meridiem , sed post occidentem , ut po- nendo opposita , notet crucem. Et nota , quod hoc dicitur : quod δύσις significat occiden- tem , sed solet dici , quod paradius dicitur quasi juxta orientem : forte juxta gloriam Dei dicitur : δύσις enim gloria dicitur : non ergo a δύσις , sed a δέξιᾳ componitur.

5. *Montes sicut cera fluxerunt a facie Do- mini.* Hic ostendit superbiam , unde dicit : *Montes* ; instabilitatem , unde ; *Sicut cera fluxerunt* ; fragilitatem , unde : *Terra* ; fra- gilitatis universitatem , unde : *Omnis*.

### PSALMUS DAVID XCVII.

1. *Cantate Domino canticum novum : quia mirabilia fecit. Salvavit (d) sibi dextera ejus.* Dextera nos protegit , defendit , et facit , Dextera. id est , operatur. Et hac similitudine Filius di- citur dextera : nam nos protegit , unde hoc<sup>13</sup> : « Et dextera tua nos protegit (e). » Defendit in expugnando hostem , unde hoc<sup>14</sup> : « Dex-

<sup>9</sup> Joan., x, 38. — <sup>10</sup> Act., II, 37. — <sup>11</sup> Ibid., 38. — <sup>12</sup> Ibid., 19. — <sup>13</sup> Psal. LXII, 9. — <sup>14</sup> Psal. CXVII, 16. — (a) Al. filia Sion Babylonis. — (b) Al. es. — (c) Cæt. edit. hanc glossam referunt ad psal. LV. — (d) Al. Sal- vavit. — (e) Vulg. me suscepit.

tera Domini fecit virtutem ; » et facit ; nam per Filium operatur omnia Deus Pater.

4. (a) *Jubilate Deo, omnis terra.* Ille notat laudis ineffabilitatem , unde : *Jubilate*; eam Deo oblatam , unde : *Deo* ; laudantium universitatem , unde : *Omnis terra*. Quæ laus consistit in tribus : in mente, unde: *Exultate*; in verbo , unde : *Cantate*; in opere , unde : *Psallite*.

*Cithara.* 5. *Psallite Domino in cithara.* In cithara duo sunt : inferius concavum , superius solidum. Intra hæc tenduntur chordæ, quibus clavi deorsum tenduntur, quibusdam sursum trahentibus ; ad superiores clavos plectrum torquet , ad inferiores clavos chordæ digitis percussæ resonant. Moraliter duo ligna sunt duæ crucis. Inferius lignum, crux carnis; superius , crux mentis: compassio in mente. Inferius lignum solidum non est, quia omne quod in carne dolet , si conscientiæ bonæ gaudium tollitur, foris speciem habet doloris, sed intus veritatem non habet, et ideo concavum est; superius lignum solidum est, quia dolor mentis ad intimam penetrans , monstrari potest , fingi non potest. Chorda est corpus, quod tenditur et maceratur. Inter pœnam carnis , et dolorem mentis , inferior clavus est timor, superior est amor ; quia timore caro figitur, amore animus vulneratur : ille , ne ad mala moveatur ; iste , ne ad bona sensificetur. Plectrum est ergo, quod affectum cordis (b) appendens ad se trahit , et ad superiora ire facit. Chorda siccatur et tenditur, ut sonum reddat ; caro hominis a malo mundatur , post in bono excitatur. Ibi est siccata; hic tensa. Siccatur per abstinentiam ; tensa est per patientiam. Inferiores clavi rotundi sunt; superiores solidi , quia timor circumspectus debet esse amor perfectus. Homœoptoton est <sup>1</sup>, quando diversa verba proximaliter sibi cadunt : *Cantate, exultate, et psallite.*

*Malleus.* 6. *In tubis ductilibus.* Malleus significat

<sup>1</sup> Bed., *de Schemat.* — <sup>2</sup> Jerem., L, 23. — <sup>3</sup> Psal. CXXVIII, 3. — <sup>4</sup> Psal. CXIX, 1. — <sup>5</sup> Exod., XIX, 12. — <sup>6</sup> Act., XV, 10. — <sup>7</sup> Psal. XVII, 12. — <sup>8</sup> Job, XXXVI, 29,

diabolum , unde hoc <sup>2</sup> : « Contritus est malleus universæ terræ , » scilicet diabolus ; hic est malleus qui non auditur in templo Salomonis. Malleus significat prædicationem ; nec malleus auditur hic in templo Salomonis post hanc vitam. Sed modo lapides sunt inter malleum et incudinem , scilicet sancti inter tentationes et tribulationes. Et modo sonat alias malleus , prædictator scilicet ; nunc Pilatus, id est, malleator, christianus scilicet populus , qui domat feras gentes ; dat corpus Domini Joseph , id est, viaticum petentibus. Sancti dicuntur laminæ aureæ, quia laminæ tunduntur, et tensionibus extenduntur : sic sancti in persecutione proficiunt , unde hoc <sup>3</sup> : « Supra dorsum meum fabricaverunt peccatores , » etc. Et sicut laminæ purgantur, sic sancti purgantur, unde hoc <sup>4</sup> : « Ad Dominum, cum tribularer, clamavi. »

7. *Moveatur mare et plenitudo ejus.* Lex dicitur amara propter tria: propter vindictam , unde hoc <sup>5</sup> : « Bestia , quæ tetigerit montem , lapidabitur ; » et propter præceptorum multitudinem , unde hoc: <sup>6</sup> « Ille est onus , quod nec nos , nec patres nostri ferre potuerunt ; » et propter obscuritatem , unde hoc <sup>7</sup> : « Tenebrosa aqua in nubibus aeris. » Mare quandoque designat præsens sæculum; quandoque populum gentium; quandoque inquietudinem sæcularium hominum; quandoque cor humanum ; quandoque divinum eloquium ; quandoque prædicacionem sanctorum. De primo <sup>8</sup> : « Si voluerit nubes extendere , cardines maris operiet (c). » De secundo <sup>9</sup> : « Transferentur monites in cor maris , » id est , apostoli , relictis Judæis, prædicabunt gentibus. De tertio dicit Job <sup>10</sup> : « Ubi posset inveniri sapientia? Et mare loquitur : Non est mecum. » De quarto Dominus ad Job <sup>11</sup> : « Quis conclusit ostiis mare ? » De quinto <sup>12</sup> : « Omnia flumina in-

Lex  
amara  
propter  
tria.

Mare.

30. — <sup>9</sup> Psal. XLV, 3. — <sup>10</sup> Job, XXVIII, 12-14. — <sup>11</sup> Job, XXXVIII, 8. — <sup>12</sup> Eccl., I, 7.

(a) In cæt. edit. versiculos ille cum sua expositione est ad finem psalmi XCVI. — (b) Cæt. edit. chordis. — (c) Item operient mare.

trant in mare; inde revertuntur, ut iterum fluant. »

## PSALMUS DAVID XCVIII.

**Prophe-  
te quarto  
sub ti-  
gura lo-  
quuntur.**

1. *Dominus regnavit, irascantur populi.* Prophetæ sub figura vel velamine loquebantur triplici de causa: propter rei immensitatem, quia promittebant rem magnam, quam<sup>1</sup> « nec oculus vidit, nec auris audivit, nec in cor hominis ascendit; » et propter audientium indignitatem, quia non debemus thesauros domus Domini exponere Babyloniis; propter exercitationem, quia si omnia essent levia, parvipenderemus; nam<sup>2</sup>: « In labore et sudore vesceris pane tuo. » Hic duo notantur præconia, et duæ admonitiones. Primum præconium, ibi (v. 4): *Tu parasti direc-* tiones, etc. Prima admonitio (v. 5): *Exaltate Dominum*, etc. Secundum præconium, ibi (v. 6): *Moyses et Aaron*, etc. Secunda admonitio, ibi (v. 9): *Exaltate Dominum Deum*, etc. Nota, dicit: *Irascantur populi*, quia optando; sed non optat quod populi irascantur contra Sanctos vel Christum, sed optat pro sequenti antecedenter (a), propter fructum qui inde secutus est. Ex persecutione enim tyrannorum, secuta est passio martyrum, quod sicut bonum. Ponit antecedens pro consequenti, et optat antecedens, gratia sequentis. 6. *In columna nubis*: quot modis accipitur, alibi dictum est. *Loquebatur ad eos.* Dei ad nos loqui, est suum secretum nobis aperire; ad Deum loqui nos, est ad eum promptis desideriis inhiare. Deum hominem interrogare, est in conspectu ejus, scilicet Dei, nescientem cognoscere. Hominem Deum interrogare, est se nescientem, et hominem ignorantem manifestare.

## PSALMUS DAVID XCIX.

**Confes-  
sio.**

1. *Jubilate Deo, omnis terra. Servite Do-* mino in lætitia. Psalmus in confessione. Con-

alia de bono æterno, ut de Deo; alia de bono perpetuo, nam laudandus est Deus, qui dat vitam æternam; alia de bono temporali; nam laudandus est Deus, qui dat temporalia.

4. *In Confessione (b).* Confessio peccati alia est in gemitu, alia in singultu, alia in fletu. Gemitus in pectore, singultus in gulture, fletus in ore. Et nota: a confessione laudis dicuntur Sancti confessores, non a confessione peccati. *Introite portas ejus.* Portæ nomine quandoque Christus, unde hoc<sup>3</sup>: « Contenrentur in porta; » quandoque apostoli, in *Apocalypsi*<sup>4</sup> duodecim portæ describuntur; quandoque dies judicii: nam sicut porta urbis aditus, ita aditus diei judicii<sup>5</sup>: « Contenrentur in porta; » quandoque bona actio, unde Job<sup>6</sup>: « Quando procedebam ad portam civitatis: » quandoque exitus ab hac vita, unde Ezechiel, qui dixit de viro, qui ei apparuit<sup>7</sup>: « Stabat autem in porta: » nam qui in porta est, partim intus, partim foris est; quandoque mali doctores, unde Dominus ad Job<sup>8</sup>: « Portas vultus ejus quis aperiet? » nam per malos doctores mali intrant in infernum, ut boni per bonos doctores in paradisum; quandoque actionem, sive bonam, sive malam, unde hoc<sup>9</sup>: « Qui exaltas me de portis mortis, et collocas me in portis filiæ Sion. »

## PSALMUS DAVID C.

1. *Misericordiam et judicium.* Hic psalmus est centesimus, et docet perfectionem. Nam in manuali computo, quando incipiimus computare centum, transimus ad dexteram, per quam significatur vita æterna, vel perfectio. Unde, ad probandum quod habet centum annos, dicitur:

... In dextra (c) computat annos:

Et debet incipere ab arce per omnes arti-

<sup>1</sup> Apoc., XXI, 21. — <sup>5</sup> Job, v, 4. — <sup>6</sup> Job, XXIX, 7. — <sup>7</sup> Ezech., XL, 3. — <sup>8</sup> Job, XLI, 5. — <sup>9</sup> Psal. IX, 15.

(a) *Edit.* Ven. antecedentes. — (b) In cæt. edit. hæc verba *In confessione* ponuntur infra, post illa: *Introite portas ejus.* — (c) *Cæt. edit.* dextera.

<sup>1</sup> Cor., II, 9. — <sup>2</sup> Gen., I, 1, 19. — <sup>3</sup> Job, v, 4. —

culos manus. In hoc psalmo describitur vir perfectus : in quo psalmo reperies perfectio-nem , unde hoc (v. 2) : *Quando venies ad me* ; ejusdem amplificationem , ibi (v. 3) : *Perambulabam* ; mali vitationem , ibi : *Non proponebam ante oculos rem injustam* , et ibi (v. 4) : *Non adhæsit*; primorum motuum deletionem , unde (v. 8) : *In matutino inter-fiebam omnes peccatores terræ*. Qui hæc quatuor tenet , perfectus est.

*Perambulabam in innocentia cordis mei in medio domus meæ.* Innocentia debet esse in ingressu , ut in eo , qui potest peccare , et non vult , unde hoc<sup>1</sup> : « Qui potuit trans-gredi , et non est transgressus ; » et in pro-gressu , unde hoc : Quando quis habet occa-sionem peccandi , et non vult ei dare effec-tum , et cum Christus eligeretur in regem , noluit , ne daret aliis occasionem peccandi ; et in egressu , scilicet consummatione , ut quando provocatur (a) ad peccandum , et non peccat , ut hic<sup>2</sup> : « Qui te percutserit in unam maxillam , præbe ei et aliam. » *Domus meæ.* Ad hoc , quod aliquis quiescat in domo , haec tria sunt necessaria : quod intus sit munda , et quod ostium sit clausum , et quod intus habeat omnia necessaria. Sic in domo mentis nostræ non quiescit homo , nisi mundetur et ornetur , unde hoc : « Adorna thalamum tuum , » etc.; et nisi ostium sit clausum , unde hoc<sup>3</sup> : « Intra in cubicula tua , et claude ostia super te. » Nonne Isbos-seth mortuus est , quia ostiaria ancilla non bene servavit ostia? Vir , et non (b) fœmina , sit in custodia mentis tuæ; ratio , non sensua-litas. Et nisi intus habeat necessaria , scilicet Deum cum charitate , unde hoc<sup>4</sup> : « Habe charitatem , et fac quidquid vis. » Timenti Deum nihil deest. Nota tres partes innocen-tiae : prima est cum malis consortium non habere ; secunda est non malis consentire ;

Inno-

centia.

Inno-

centia.

parles.

<sup>1</sup> Eccli. , xxxi , 30. — <sup>2</sup> Luc. , vi , 29. — <sup>3</sup> Isa. , xxvi , 30. — <sup>4</sup> Aug. : « Ama , et fac quod vis. » — <sup>5</sup> Psal. lxxiii , 21. — <sup>6</sup> Psal. xxi , 2. — <sup>7</sup> Isa. , vii , 14. — <sup>8</sup> Rom. , viii , 17. — <sup>9</sup> Luc. , xxii , 44. — <sup>10</sup> Matth. , xxvi , 38. — <sup>11</sup> Luc. , xxiii , 34. — <sup>12</sup> Luc. , xxii , 32. — <sup>13</sup> Ezech. , iv , 3. — <sup>14</sup> Psal. xvii , 30. — <sup>15</sup> Marc. , x , 38. — <sup>16</sup> II Cor. , xii , 9. — (a) Edit. Ven. provocat. —

tertia est cum justis partem habere. Est (c) peccatum , quod provenit aliunde , ut alte-rius suggestione (d) ; quod provenit ex pro-pria voluntate , quia non aliunde; mala uxor , quod provenit (e) ex carne. Haec tria expel-lunt hominem a domicilio mentis suæ. (f).

## PSALMUS DAVID CI.

1. *Oratio pauperis* (f). Homo de residuis primordialibus naturæ Adæ adhuc habet , non totam amisit ; unde potest dici<sup>5</sup> « pau-per et inops : » vulneratus enim est in na-turalibus , non expoliatus.

2. *Domine , exaudi orationem meam.* Tri-plex unio capit is et corporis , scilicet Eccle-siæ , in voce , in carne , in hæreditatis parti-cipatione. De primo<sup>6</sup> : « Verba delictorum meorum longe a salute mea. » Hoc caput de se in persona membrorum. De secundo , nam dicitur :<sup>7</sup> « Emmanuel , id est , nobis-cum Deus , » scilicet nobiscum humanatus. De tertio : Nos sumus<sup>8</sup> « hæredes Dei , co-hæredes autem Christi. » Anxietatem Chri-stus habuit in carne , unde hoc<sup>9</sup> : « Factus est sudor ejus sicut guttæ sanguinis decur-rentis in terra. » In anima , unde hoc<sup>10</sup> : « Tristis est anima mea. » In crucifixoribus , unde pro eis oravit , unde hoc<sup>11</sup> : « Ignosce illis , quia nesciunt quid faciunt. » In apos-tolis , unde hoc<sup>12</sup> : « Oravi pro te , Petre , ut non deficiat fides tua. » Tria impediunt ne oratio exaudiatur , scilicet propria culpa , quasi nubes inter nos et Deum posita. Unde Ezechiel vidit<sup>13</sup> sartaginem inter se , et ci-vitatem ; et hoc<sup>14</sup> : « In Deo meo transgre-diar murum. » Ignorantia , unde dictum est de filiis Zebedæi<sup>15</sup> : « Nescitis quid petatis. » Dei gratia , scilicet ad augmentum meriti , unde Apostolus non est exauditus , sed die-tum est ei<sup>16</sup> : « Sufficit tibi gratia mea. » Exau-

Triplex  
unio Ec-  
clesiæ  
cum ca-  
pite.

(b) Cæt. edit. deest non. — (c) Cæt. edit. Stillieidium est. — (d) Cæt. edit. add. fumus. — (e) Edit. Ven. que per-venit. — (f) Cætera hoc loco posita in cæt. edit. , lege ad pag. seq. Cæt. edit. non habent *Oratio pauperis* , et referunt expositionem hujus tituli ad versic. 5 , *Defe-  
cerunt* , etc.

ditur oratio, quando ejus merita, qui orat, approbantur, unde hoc<sup>1</sup>: « Adhuc loquente, ecce adsum. » Et quando cœlesti curiae esse exaudita manifestatur, unde hoc<sup>2</sup>: « Acceptæ sunt eleemosyna tui, et orationes tuæ apud Deum. » Et quando effectui mancipantur, unde hoc<sup>3</sup>: « Oculi Domini super justos. »

*Deus quomodo dicator habere aures.*

3. *Inclina ad me aurem tuam.* Deus dicitur habere aurem, ut ostendatur perfecte audiire, ut hic; oculos, ut ostendatur perfecte videre, unde hoc<sup>4</sup>: « Oculi Domini super justos; » manus, ut ostendatur perfecte operari, unde hoc<sup>5</sup>: « Manus Domini tetigit me; » et cor, ut ostendatur perfecte velle, unde hoc<sup>6</sup>: « Perambulabam in innocentia cordis mei, » etc. (a).

4. *Ossa mea sicut cregium aruerunt,* scilicet primo, dolore peccatorum: secundo, de timore poenarum; tertio, de derelictione fratrum.

5. *Defecerunt (b).* Captat benevolentiam judicis a miseria postulantis, quæ consistit in quinque, unde hic dicitur: in detimento naturalium, unde: *Defecerunt dies mei;* in defectu gratuitorum, unde: *Ossa mea sicut cregium aruerunt;* in mortalitate, unde: *Percussus sum;* in sterilitate, unde: *Aruit cor meum;* in faciendorum oblivione, unde: *Oblitus sum comedere panem meum.*

*Famus.* *Defecerunt sicut fumus dies mei.* (c) Ille fumus in malo accipitur. Fumus propter tres proprietates, quas habet, significat sanctum, vel maxime virgines. Fumus enim est ætherei coloris, et cito transiens et tenuis. Per æthereum colorem, notatur desiderium virginis in cœlestibus. Per transitum, festinus motuum defectus. Per tenuitatem scilicet, exilitas, humilitas, et simplicitas rectæ intentionis, macilentia castitate carnis: et bene congruit. In tenuitate enim hæc tria sunt, scilicet exilitas,

simplicitas, macilentia; unde de beata Virgine dicitur<sup>7</sup>: « Quæ est ista, quæ ascendit per desertum, sicut virgula fumi? »

8. *Similis factus sum pelicano solitudinis,* etc. Per solitudinem, parietinam, et tecum, tria genera peccatorum intelliguntur: per primum, infideles; per secundum, hæretici; per tertium, christiani.

*Sicut passer solitarius in tecto.* Passer quandoque est nomen levitatis et inconstitiae, unde hoc<sup>8</sup>: « Transmigra in montem, sicut passer; » quandoque sanctitatis et justitiae, ut hic; quandoque immortalitatis et gloriae, unde hoc<sup>9</sup>: « Anima nostra, sicut passer, erupta est de laquo venantium; » quandoque divinitatem, quandoque humilitatem significat, unde in *Levitico*<sup>10</sup> duo passeres offerebantur pro leproso: unus immolabatur, qui significabat humanitatem; alius vero, qui significabat divinitatem, quæ illæsa fuit, dimitterebatur (d). Christus dicitur solitarius propter tria: propter partus novitatem; propter peccati immunitatem; propter auctoritatem. De primo<sup>11</sup>: « Novum faciet Dominus super terram, mulier circumdabit virum; » quia tantum mulier operabitur sibi, et non vir. De secundo<sup>12</sup>: « Et macula non est in te. » De tertio<sup>13</sup>: « Ego solus deleo iniquitates populi. » Penes eum solum est autoritas.

9. *Tota die exprobabant mihi inimici met.* Hoc nomen, *Dies*, in singulari quantuor modis accipitur, et tunc quandoque significat vitam æternam, unde hoc<sup>14</sup>: « Melior est dies una in atriis tuis super milia; » quandoque peccati deletionem, unde Job<sup>15</sup>: « Pereat dies, in qua natus sum; » quandoque clarum intellectum, unde Job de filiis suis<sup>16</sup>: « Faciebant convivia unusquisque in die suo (e): » filii sunt apostoli qui prædicabant claro intellectu; quandoque doctorem spiritualem, unde hoc<sup>17</sup>: « Dies

*Tria genera peccatorum.*

*Christus quomodo dissolitus.*

*Dies multis modis.*

<sup>1</sup> Isa., LVIII, 9; LXV, 24. — <sup>2</sup> Act., X, 4. — <sup>3</sup> Psal. XXXIII, 16. — <sup>4</sup> Psal. XXXIII, 16. — <sup>5</sup> Job, XIX, 21. — <sup>6</sup> Psal. C, 3. — <sup>7</sup> Cant., III, 6. — <sup>8</sup> Psal. X, 2. — <sup>9</sup> Psal. CXXII, 7. — <sup>10</sup> Levit., XIV, 4 et seq. — <sup>11</sup> Jerem., XXXI, 22. — <sup>12</sup> Cant., IV, 7. — <sup>13</sup> Isa., XLIII, 25, quod seimus. — <sup>14</sup> Psal. LXXXIII, 41. — <sup>15</sup> Job, III, 3. — <sup>16</sup> Job, I, 4. — <sup>17</sup> Psal. XVIII, 3.

(a) In cæt. edit. versiculi illi 3, et 4, cum utriusque expositione, transpositi sunt post hæc verba: *Oblitus, etc.* — (b) Cæt. edit. non habent 5. *Defecerunt.* — (c) In cæt. edit. hæc, quæ sequuntur usque ad v. 8, posita reperies ad finem *Psal. C.* — (d) *Cæt. edit. non habent* dimittebatur. — (e) *Edit. Ven. sua.*

diei eructat verbum. » In plurali, quinque modis : nam quandoque animas electorum, unde Job<sup>1</sup> : « Nox, in qua conceptus sum non computetur in diebus anni. » Quandoque angelum, in eodem exemplo. Quandoque virtutes singulorum, unde Job : « Non computetur in diebus anni. » Quandoque longitudo aeternorum, unde hoc<sup>2</sup> : « Qui noverunt Deum, ignorant dies ejus. » Quandoque intellectum, unde Job de amicis suis<sup>3</sup> : « Sederunt cum eo septem diebus, et septem noctibus, » id est, haeretici, qui habent falsum intellectum, dolos Ecclesiae parant.

**10. Cinerem tanquam panem manducabam.** Peccatum triplex poena secuta : concupiscentia carnis, mortalitas, ignorantia mentis. Sed in reparatione horum, tria data sunt homini, locus, tempus, remedium : locus, mundus; tempus, ab initio usque ad finem mundi; remedium in tribus, in fide, in sacramentis, in operibus bonis.

**11. Elevans allisti me.** Deus tripliciter humanae naturam elevavit : quando eam ad imaginem Dei creavit, unde hoc<sup>4</sup> : « Faciamus hominem ad imaginem, et similitudinem nostram; » quando eam sibi univit, unde hoc<sup>5</sup> : « Misit de summo, et accepit me; » et quando super angelicam naturam elevavit, unde hoc<sup>6</sup> : « Elevata est magnificientia tua super caelos. » Nota : Incarnatio Christi descensus dicitur, propter deitatis illuminationem (*a*), unde hoc<sup>7</sup> : « Descendit sicut pluvia in vellus. » Et dicitur ascensus propter nostrae naturae exaltationem, vel propter peccati immunitatem, unde dicitur<sup>8</sup> : « Ascendit Deus super nubem levem. »

**13. Tu autem, Domine, in aeternum, etc.** Ille captat benevolentiam Judicis ab ejus magnitudine, quae consistit in quatuor : in potentia, unde dicit : *Domine*; in aeternitate, unde dicit : *Permanes in aeternum*; in misericor-

dia, unde dicit (v. 14) : *Misereberis*; in virtutis manifestatione, unde : *Tu exurgens* (*b*).

**19. Scribantur haec, etc.** (*c*). Quæritur, quid Dominus scripsit in terra, quando se inclinavit<sup>9</sup>. Quidam dicunt : Peccata accusantium adulteram. Alii dicunt hoc, scilicet<sup>10</sup> : « Qui sine peccato est, primus in illam mittat lapidem. » Hieronymus videtur velle hoc, scilicet : Terra terram accusat, scilicet peccator peccatricem.

**23. In conveniendo populos in unum.** Haec est una ovis<sup>11</sup> in montibus relieta : una mysterialiter, multæ personaliter : multæ per carnem naturaliter, una per gratiam spiritualiter. Nam unica est, et cæteræ ad unum tendentes, ad unitatem Ecclesiae, non ad divisionem : unde arca in cubito consummatur.

**24. Respondit ei in via virtutis.** Homo erat illusus, errans, mortuus; Christus autem factus<sup>12</sup> « via, veritas, et vita : » via errantibus, illis veritas, vita mortuis. Item homo erat fatuus, captivus, famelicus; sed Christus factus est fatuus sapientia, infirmis medicina, captivis redemptio, famelicis refectio. Missus est tanquam anima in corpus mortuum, ut ejus adventu calefacta, membra reviviscerent. *Paucitatem dierum meorum nuntia mihi.* Christus non relinquit Ecclesiam : opus enim Dei sine artifice non subsistet. Sicut enim in corpore anima operatur vitam, et æqualitas sanitatem, et sol diem, et exterior lux in oculo visionem, et sine istis non subsistunt (nam corpus non vivit sine anima, et sic de aliis), ita creaturæ non subsistunt sine opifice. Nam<sup>13</sup> « Pater usque modo operatur, » Filius idem operatur. Nam siue ab essentia habet omne quod est, ita, subducta essentia, non potest omne quod in ea est. Alter ergo operatur Deus, et aliter homo : nam sine artifice opus esse non potest, et e converso ; non ita in Deo. Operante ergo creatrice essentia, et

<sup>1</sup> *Job*, III, 6. — <sup>2</sup> *Job*, XXIV, 1. — <sup>3</sup> *Job*, XI, 13. — <sup>4</sup> *Gen*, I, 26. — <sup>5</sup> *Psal*. XVII, 17. — <sup>6</sup> *Psal*. VIII, 2. — <sup>7</sup> *Psal*. LXXI, 6. — <sup>8</sup> *Isa*., XIX, 1. — <sup>9</sup> *Joan*., VIII, 6. — <sup>10</sup> *Ibid*., 7. — <sup>11</sup> *Luc*., XV, 4. — <sup>12</sup> *Joan*., XIV, 6. — <sup>13</sup> *Joan*., V, 17.

(*a*) *Leg*. humiliationem. — (*b*) In cæt. edit. v. 13 et 14, cum sua expositione, transposita sunt post v. 24 et 26. — (*c*) In cæt. edit. deest *Scribantur*, et quæ sequitur glossa, transposita est ad *Psal*. CII, ante v. 11.

illuminante sapientia, et inflammante charitate, corroborante virtute, creatur in nobis essentia, ut simus; sapientia, ut sciamus; charitas, ut velimus; virtus, ut possimus. Deus, qui talibus nominibus appellatur, talia creat in nobis.

26. *Initio tu, Domine, terram fundasti.*

Terra. Nomine terrae quatuor elementa intelliguntur, sicut nomine aquae; unde hoc<sup>1</sup>: « *Spiritus Domini ferebatur super aquas*, » id est, super materiam quatuor elementorum. Differentia solet annotari inter initium, principium, et exordium: quod in arbore potest perpendi: nam sulseus dicitur initium, quandiu latet sub cortice, quasi intus jactum; principium, quando extra prodiit in lucem; exordium, quando in ramos extenditur. Sic de elementis: nam elementa initio fuerant in mente divina per providentiam, quasi intus latentia; sed quia illa machina informis et fluida facta est, tunc elementa fuerunt quasi in principio, quasi quodam modo extra apparentia; sed quando distineta sunt elementa, et per naturam similia a similibus sunt procreata, tunc fuerunt elementa quasi in exordio.

28. *Tu autem idem ipse es.* Hic commendat Deum a tribus: ab excellentia, unde dicitur: *Tu autem*; ab immutabilitate, unde: *Idem ipse es*; ab æternitate, unde: *Anni tui non deficient.*

### PSALMUS DAVID CII.

*Benedic, anima mea, Domino, etc.*

Ratio duplex. Ratio duas partes habet: superiorem, qua Deum contemplamur, quæ potest dici sapientia; inferiorem, qua recti conversantur in medio hujus nationis prævæ, quæ potest dici scientia. Superior ergo pars rationis invitat inferiorem ad laudandum Deum, dicens: *Benedic, anima mea, Domino*: non enim ad laudem partem animæ,

quam habemus cum brutis animalibus communem, invitat. *Et omnia, quæ intra me sunt*: ut etiam secundum inferiores (a) partes animæ laudetur Deus, ut in ratione possideamus prudentiam, in ira odiū viatorum, in concupiscibilitate virtutum desiderium. Sic tribus animæ viribus laudatur Deus, scilicet rationalitate, irascibilitate, concupiscibilitate: hoc autem reperitur (b) super *Matthæum*<sup>2</sup>, ubi loquitur de tribus satis farinæ. Nota: Angelicæ virtutes non solum sunt circa nos, sed etiam intra nos; unde et in Introitu Missæ Angelorum hic cantatur versus, scilicet: *Benedic, anima mea, Domino*. Forte dicuntur esse intus, quia juvant in opere interiori.

3. *Qui coronat te.* Christus dicitur corona et diadema, quasi duo demens, scilicet principium et finem: utroque enim caret; et quia demit et perimit pœnam et culpam; quod erit in futuro. *Qui propitiatur omnibus iniuitatibus tuis.* Dat sanitatem, unde: *Qui sanat omnes infirmitates tuas*. Dat gloriam: *Qui coronat te in miserationibus*. Dat gloriae plenitudinem (v. 5): *Qui replet in bonis desiderium tuum. Ut aquilæ juventus tua*. (c)

Christus  
quare dicitur corona et diadema

6. *Faciens misericordiam et judicium.* Nota: aliquis miseretur inimici, unde<sup>3</sup>: « *Si esurierit inimicus tuus, ciba illum.* » Sui (d), unde<sup>4</sup>: « Miserere animæ tuæ, placens Deo. » Amici, unde hoc<sup>5</sup>: « *Diliges proximum tuum sicut te ipsum.* » Unde triplex est misericordia: Præveniens, subveniens, perficiens. De hoc plenius supra. (e)

Misericordia triplex.

11. *Secundum altitudinem cæli*, etc. Cœlum quandoque significat Patrem, unde hoc<sup>6</sup>: « *Cœlum cœli Domino* » (f), etc., quandoque Christum, unde hic<sup>7</sup>: « *A summo cœlo egressio ejus*; » quandoque sanctum sanctorum, unde hoc<sup>8</sup>: « *Rorate, cœli, desuper,* » etc.; quandoque justam animam, unde Deus dicitur<sup>9</sup>

apud Hieronymum. — (c) Quæ in cæt. edit. immediate sequuntur, vid. infr. in *Psal. civ*, 41. — (d) *Edit. Ven. Tui.* — (e) *Vid.*, *Psal. ci*, notam ad v. 19. — (f) *Cæl. edit.* referunt ad Patrem. *A summo cœlo egressio ejus*, ad Christum vero *Cœlum cœli Domino*.

<sup>1</sup> *Gen.*, 1, 2. — <sup>2</sup> *Matth.*, XIII, 33. — <sup>3</sup> *Prov.*, XXXV, 21. — <sup>4</sup> *Ecclesi.*, XXX, 24. — <sup>5</sup> *Matth.*, XXII, 39. — <sup>6</sup> *Psal.* CXIII, 16. — <sup>7</sup> *Psal.* XVIII, 7. — <sup>8</sup> *Isa.*, XLV, 8. — <sup>9</sup> *Psal.* I, 5. — (a) *Edit. Ven.* Inferiores. — (b) *Suppl.*

habitare « in cœlo; » quandoque Angelos, unde hoc<sup>1</sup>: « Elevata est magnificentia tua super cœlos; » quandoque prædicatores, secundum quod prædicant deitatem, unde hoc<sup>2</sup>: « Cœli enarrant gloriam Dei; » quandoque spiritum creatum, unde<sup>3</sup>: « In principio creavit Deus cœlum et terram, » id est, spiritus et corpora; quandoque aerem, unde<sup>4</sup>: « Volucres cœli. »

**14.** *Quoniam ipse cognovit figmentum nostrum.* Est fictio ostensio simulationis, unde<sup>5</sup>: « Et ipse finxit se longius ire. » Est fictio eruditionis, unde<sup>6</sup>: « Qui singis laborem in præcepto. » Est fictio corruptionis, unde hoc<sup>7</sup>: « Qui finxit sigillatim corda eorum. »

**15.** *Homo sicut fænum dies ejus.* Quamvis homo sit fragilis, tamen tenetur habere fortitudinem. Fortitudo est contemptio laboris et periculi cum ratione humilitatis, et commissione (a) incommodorum. Quatuor sunt species ejus: magnificentia, confidentia, patientia, et humilitas.

### PSALMUS DAVID CIII.

**1.** *Benedic, anima mea, Domino: Domine Deus meus.* Magnitudo in Patre; pulchritudo in Filio; dispositio in Spiritu sancto. Nota: Alio modo benedicit creatura Deum; alio modo creaturam Deus: creatura Deum, in gratiarum actione; Deus creaturam dupliciter: vel infusione gratiae in præsenti; vel in collatione gloriae in futuro.

**2.** *Confessionem et decorem induisti.* Christus dicitur speciosus in deitate, unde<sup>8</sup>: « Speciosus forma præ filiis hominum; » et in humanitate, et hoc duplice de causa: propter peccati immunitatem, unde hoc<sup>9</sup>: « Qui ingreditur sine macula; » et earnis glorificationem, unde hoc<sup>10</sup>: « Caro mea refloruit. »

**Vestimentum** *Amictus lumine, sicut vestimento.* Vestimentum significat Ecclesiam, unde hoc<sup>11</sup>:

<sup>1</sup> Psal. VIII, 2. — <sup>2</sup> Psal. XVIII, 2. — <sup>3</sup> Gen., 1, 4. — <sup>4</sup> Psal. VIII, 8. — <sup>5</sup> Luc., XXIV, 28. — <sup>6</sup> Psal. XCIII, 20. — <sup>7</sup> Psal. XXVII, 15. — <sup>8</sup> Psal. XLIV, 3. — <sup>9</sup> Psal. XIV, 2. — <sup>10</sup> Psal. XXVII, 7. — <sup>11</sup> Psal. XXI, 19. —

« Diviserunt sibi vestimenta mea, » scilicet hæretici; quandoque Christi carnem, unde Isaías<sup>12</sup>: « Quare rubrum vestimentum (b) tuum? Quis est iste, qui venit de Edom, tintatis vestibus de Bosra? » quandoque divinitatem, unde Filius dicitur esse in sinu Patris, hoc est, in secreto divinitatis; quandoque bonum opus, unde Salomon<sup>13</sup>: « Vestimenta tua sint candida omni tempore; » quandoque fideles, unde hoc<sup>14</sup>: « Quod descendit in oram vestimenti ejus, » quia gratia usque ad extremos fideles pervenit; quandoque virtutem, unde hoc: « Charitas vestis nuptialis, qua carebat Petrus, quia ealefaciebat se ad prunas Caiphæ. » Hac veste, scilicet charitate, pellitur frigus vitiorum, unde Dominus<sup>15</sup>: « Amice, quomodo luc intrasti (c) non habens vestem nuptialem? » id est, charitatem.

**3.** *Qui tegis aquis superiora ejus.* Supradicti cœlos sunt aquæ, unde alibi<sup>16</sup>: « Benedicite, aquæ omnes, quæ supra cœlos sunt: » et illæ sunt frigidæ; unde Saturnus, qui vicinius est aquis illis, aliis planetis frigidior est: quia (d) est in tenore sphæræ, et ideo facit maiorem eireulum, et ideo calidior deberet (e) esse aliis, nisi frigiditas impediret aquæ, et cum frigidum faceret.

*Qui ambulas.* Hic commendat conditionem a quatuor: a Conditoris agilitate, unde hie: *Qui ambulas super pennas ventorum;* ab operis stabilitate, unde hie (v. 5): *Qui fundasti terram super stabilitatem suam;* a perseverantia, unde hie: *Non inclinabitur in sæculum sæculi;* a profunditate, unde hoc<sup>17</sup>: « Abyssus abyssum invocat. »

**4.** *Qui facis angelos tuos spiritus:* ut de subiecto fiat prædicatum. Hic autem dicuntur αγγέλοι, qui nuntiant bonum prædicando. Sed inter eos qui audiunt verbum eorum, quidam respuentes sunt, quasi nullo modo consentientes; alii rejicientes, scilicet

<sup>12</sup> Isa., LXIII, 2, 1. — <sup>13</sup> Eccl., IX, 8. — <sup>14</sup> Psal. CXXXII, 2. — <sup>15</sup> Matth., XXII, 12. — <sup>16</sup> Dan., III, 60. — <sup>17</sup> Psal. XLI, 8. — (a) Leg. perpessione. — (b) Vulg. indumentum. — (c) Cœl. edit. ad quid venisti. — (d) Leg. qui. — (e) Edit. Ven. debet.

qui verbum primo receperunt, postea expellentes; alii suffocantes, ut illud<sup>1</sup>, quod cadit « inter spinas; » alii fructificantes. Primi non concipiunt; secundi concipiunt, sed abortivum faciunt; tertii fetus vivum opprimunt; quarti cum pietate et materna diligentia enutriunt.

**10. Inter medium montium pertransibunt aquæ.** Sex dicuntur montes, per quos Christus transiliit; nam legitur, quod fuit sicut cervus transiliens in montibus: primus umbrosus; secundus caliginosus; tertius lumenosus; quartus aquosus; quintus nemorus; sextus spinosus. Primus, altitudo incarnationis; secundus, mysterium circumcisio-nis; tertius, liberalitas propriæ oblationis, scilicet in templo; quartus, sacramentum baptismalis (*a*) ablutionis; quintus, abstinen-tia jejunii quadragesimalis; sextus, anxie-tas victoriosæ passionis. De primo: <sup>2</sup> « Deus a Libano (*b*) veniet, et a monte umbroso. » De secundo: <sup>3</sup> « Operuit caligo cacumen montis (*c*). » De tertio: <sup>4</sup> « Cœperunt ædificare se-cundo mense in monte. » De quarto: <sup>5</sup> « Ve-nite, ascendamus ad montem Domini. » De quinto: <sup>6</sup> « Ductus est Jesus in desertum, » ubi erat terra montnosa. De sexto: <sup>7</sup> « In monte Oliveti oravit ad patrem. » Tamen ad litteram tres montes ascendit, ut legitur in Evangelio.

**12. Super ea volucres cœli habitabunt.** Illic dicit, quod tria animalia erant, quæ immo-  
ratus nu-  
merus. labat Abraham. Ternarius autem numerus significat tres principales virtutes, unde Job: <sup>8</sup> « Nati sunt ei septem filii, et tres filiae; » septem filii sunt septem dona; et tres filiae, tres virtutes. Quandoque fidem Trinitatis, unde Ezechiel: <sup>9</sup> « Porta thalami ad viam orientalem, tres hinc, tres inde. » Via enim ad Christum, qui (*d*) dicitur Oriens, est fides Trinitatis. Quandoque tria genera peccatorum, unde Job: <sup>10</sup> « Chaldæi fecerunt

tres turmas, et invaserunt camelos. » Tres turmas contra camelos facere, est modo illi-cito opere, modo superflua locutione, modo inordinata cogitatione terrenarum dispensa-tionum studia vastare. Quandoque vitam præsentem, unde Dominus de siculnea: <sup>11</sup> « Ecce anni tres, ex quo veni quærens fruc-tum in siculnea hac, et non inveni. » Ficul-nea, humana natura: ad hanc venit Dominus tertio anno, in ea fructum quærens, quia humanam naturam ante legem, sub lege, sub gratia, expectando, admonendo, visi-tando, quæsivit.

**15. Ut exhilararet faciem in oleo.** Christus hic dicitur panis, vinum, et oleum: panis, quia confortat (*e*), unde hoc: *Panis cor ho-minis confirmet*; vinum, quia lætificat; oleum, quia exhilarat. Sic fides potest dici quodlibet horum trium, quia tria operatur in nobis. Nam dicitur quia in nobis operatur remissionem peccatorum, et ita confortat sicut panis, quia auferit morbum. Oleum, ad manifestationem bonorum operum; vinum, ad delectationem, sive scientiæ gaudium: vinum enim, quia lætificat. Quot modis accipitur oleum, alibi: <sup>12</sup> est dictum.

**19. Sol cognovit occasum suum.** Legimus solem justitiae et salutis, ostensionem mani-festæ visionis, claritatem boni operis, fer-vorem persecutionis, intellectum sapientis, jucundum lumen veritatis, claritatem præ-dicationis, ardorem tentationis. De primo: <sup>13</sup> « Elevatus est sol, et luna stetit in ordine suo. » De secundo: <sup>14</sup> « In sole posuit taber-naculum suum. » De tertio Job: <sup>15</sup> « Si vidi solem cum fulgeret, et lunam incidentem clare. » De quarto: <sup>16</sup> « Semen jactum super terram aruit sole. » De quinto: <sup>17</sup> « Quartus angelus effudit phialam suam in solem, et datum est illi æstu afficere omnes et igni. » De sexto, in persona impiorum in die judicii dicetur: <sup>18</sup> « Erravimus a via veritatis, et

<sup>1</sup> *Luc.*, VIII, 7. — <sup>2</sup> *Habac.*, juxta LXX. — <sup>3</sup> *Exod.*, XXIV, 10. — <sup>4</sup> *III Reg.*, XI, 7 et seq., quoad sensum. — <sup>5</sup> *Isa.*, II, 3. — <sup>6</sup> *Math.*, IV, 1. — <sup>7</sup> *Matth.*, XXVI, 30, quoad sensum. — <sup>8</sup> *Job*, I, 2. — <sup>9</sup> *Ezech.*, XL, 10. — <sup>10</sup> *Job*, I, 17. — <sup>11</sup> *Luc.*, XIII, 7. — <sup>12</sup> Vid. in *Psal*. LXXXVII, 21. — <sup>13</sup> *Jos.*, X, 13, quoad sensum. — <sup>14</sup> *Psal.*, XVIII, 6.

— <sup>15</sup> *Job.*, XXXI, 26. — <sup>16</sup> *Matth.*, XIII, 6, quoad sensum.

— <sup>17</sup> *Apos.*, XVI, 8. — <sup>18</sup> *Sap.*, V, 6.

(*a*) *Edit.* Ven baptismatis. — (*b*) *Leg.* Thæman. — (*c*) *Vulg.* menses montem. — (*d*) *Edit.* Ven. quæ. — (*e*) *Item* conformat.

Ficulnea  
quid.

Fides  
tria in  
nobis  
operatur

sol non est ortus nobis. » De septimo, Job<sup>1</sup>: « Qui præcipit soli, et non oritur, et stellas claudit sub signaculo. » Hoc reperitur in Meldensi.

*Deus Pater quomo- do omnia faciat per Fi- lium.*

24. *Omnia in sapientia fecisti*, id est, per sapientiam, id est, per Filium. Deus Pater dicitur omnia facere per Filium, id est, cum Filio, ita quod Patri auctoritas tribuatur; vel per Filium facit omnia, id est, genuit

Filiū opificem; et potius per Filium, quam per Spiritum sanctum, quia sapientia attribuitur Filio. Facit ergo per Filium, id est sapientiam (a), id est, sapienter.

25. *Hoc mare magnum*. Haec tria notantur, mare, navis, nauta: mare, mundus; navis, Ecclesia; Nauta, Christus. Remigium (b) illius navis, lignum crucis, quo navigamus ad littus æternitatis. Per mare trahuntur retia Petri, qui multitudinem piscium per prædicationem trahit ad portum. *Illic reptilia, quorum non est numerus*. In hoc mare jecit Dominus lineam, et hamo (c) illius captus est diabolus; unde Job<sup>2</sup>: « Quasi hamo capiet Leviathan. » Illa linea est propago patrum per Evans memorata. Ibi erat hamus interior, et caro exterior; hamus divinitatis, et caro humanitatis. Diabolus ergo captus est, quia cum per satellites suos carnem Christi crucifigendo momordit, maxillam ejus aculeus divinitatis perforavit. Sicut in linea extremitas hamus, ita in genealogia extremus est Christus.

28. *Aperi te manum tuam*: quæ duobus (d) modis aperitur, scilicet sanctam Scripturam exponendo, nam sic habemus notitiam de Deo; vel Filium mittendo in carnem: vel aperit manum beneficia conferendo, unde hoc<sup>3</sup>: « Aperis tu manum tuam, » etc.

*Deus quomo- do nobis- cum lo- quatur.*

34. *Jucundum sit ei eloquium meum*, vel disputatio mea. Deus loquitur nobiscum, et nos cum eo. Sermo Dei ad nos duobus modis: interius, per inspirationem (e); exteriorius, per prædicationem. Per inspiratio-

nem (e) duobus modis, natura, et gratia: natura, quando conditis inspirat (f) cognitionem boni; gratia, quando reparatis suggerit boni amorem. Sermo noster ad Deum fit consulendo, vel orando, vel bene oportando. Nota: duo sunt libri: sacra Scriptura, et clerici. In primo legunt clerici; in secundo legunt laici. In nobis ergo legere possunt laici; sed ibi non inveniunt, quid possint eligere. Homo primo debet esse accusator sui, unde hoc<sup>4</sup>: « Justus in principio sermonis debet esse accusator sui, » laudator Dei, doctor proximi. Quidam attribuunt sibi temporalia, ut Nabuchodonosor dixit<sup>5</sup>: « Nonne haec est Babylon, » etc.; quidam naturalia, ut philosophi, qui dicunt<sup>6</sup>: « Labia nostra a nobis sunt: » nam<sup>7</sup> « Deum cognoverunt, sed non sicut Deum glorificaverunt; » quidam gratuita, scilicet virtutes, ut Pharisæus (g)<sup>8</sup>.

## PSALMUS DAVID CIV.

1. *Confitemini Domino, et invocate nomen eius*. Super *Paralipomenon* dicitur, quod titulus hujus Psalmi est *Alleluia*, quia (h) secundum aliam litteram in illo libro ponitur: quem David fecit, cum area Domini capta a gentibus reduceretur. *Alleluia* proprie est laus angelorum, sicut *Gloria in excelsis*: nam angeli proprie dicuntur laudare Deum, propter peccati immunitatem, unde et *cœli* dicuntur; unde hoc<sup>9</sup>: « Fiat voluntas tua, sicut in *cœlo*; » et propter assiduitatem, nam non cessant clamare<sup>10</sup>: « Sanctus, Sanctus, Sanctus; » et quia semper habent Dei fruitionem, unde hoc<sup>11</sup>: « Angeli eorum semper vident faciem Patris: » unde pueri semper solent *Alleluia* cantare, quia innocentiam habent, in quo assimilantur angelis: sed quandoque in festis diebus majores, scilicet perfecti, solent cantare *Alleluia*, ut designetur perfectio, quam expectamus in

(a) Edit. Ven. sapientia. — (b) Item Remum. — (c) Item humo. — (d) Leg. tribus. — (e) Item aspiracionem. — (f) Item aspirat — (g) Item Publicanus. — (h) Item qui.

<sup>1</sup> Job, ix, 7. — <sup>2</sup> Job, xl, 19. — <sup>3</sup> Psal. cxliv, 16. — <sup>4</sup> Prov., xviii, 17, quoad sensum. — <sup>5</sup> Dan., iv, 27. — <sup>6</sup> Psal. xi, 5. — <sup>7</sup> Rom., i, 21. — <sup>8</sup> Luc., xviii, 12. — <sup>9</sup> Matth., vi, 10. — <sup>10</sup> Isa., vi, 3. — <sup>11</sup> Matth., xxvii, 10.

*Confessio anima et in corpore. Nota : Os loquitur ser-*  
*sio et mones (a) tribus de causis : dum Deum lau-*  
*dat; dum se accusat; dum proximum aedifi-*  
*catur. Confessio mundat os, contritio cor, unde*  
*hoc<sup>1</sup> : « Corde ereditur ad justitiam; ore*  
*autem confessio fit ad salutem. » Confessio*  
*decorat, decor laudat, unde hoc<sup>2</sup> : « Confes-*  
*sionem induisti. » Ad hoc ergo, quod os sit*  
*mundum, et cor, haec sunt necessaria, con-*  
*fessio scilicet, et contritio. Unde nos debe-*  
*mus laudare in mente, unde hic : Confi-*  
*temini; in voce : Invocate; cum jucunditate;*  
*unde : Cantate; in opere, unde : Et psallite;*  
*a rerum creatione, unde : Narrate omnia*  
*mirabilia ejus.*

**12. Cum essent numero brevi, paucissimi.** Paucissimos cives habemus, cum illas tan-  
 tum virtutes, sine quibus salvari non pos-  
 sumus: spes, fides, charitas, facile nuntiari,  
 facile possunt vel numerari. Cum his sociis  
 tendimus ad regionem longinquam. Pauci  
 sunt virtutum tyrones, quandiu cohortem  
 vitiorum delere non possunt; paucissimi,  
 cum sibi nequeant eos sibi subjugare, et  
 saltem sibi tributarios facere; paucissimi,  
 cum nequeant sine magno labore, vel gravi  
 periculo resistere, vel etiam defendere. Hi  
 sunt peregrini: nam fides, quod credit, non  
 dum apprehendit; et quod speratur, nondum  
 tenetur; charitas nondum suo gaudio perfrui-  
 tur. *Cum essent numero brevi.* Deus diligen-  
 dus est ratione commissi, dimissi, praecepti.

**16. Et vocavit famem super.** Nota : sieut  
 post saturitatem edere superfluum est, ita  
 ante esuriem otiosum est; cum esurie lici-  
 tum est, post esuriem strenuum (b) est.

**17. Misit ante eos virum.** Opera Dei fiunt  
 vel auctore Deo solo, ut opera creationis,  
 vel hominis ministerio, ut sacramenta Ecclesiae.  
 Quædam cum Deo, ut opera meritoria,  
 unde Apostolus<sup>3</sup> : « Non ego operor illud,  
 sed gratia Dei mecum, » et alibi<sup>4</sup> : « Coad-  
 jutores (c) Dei sumus. » Quædam fiunt (d)

<sup>1</sup> Rom., x, 10. — <sup>2</sup> Psal. ciii, 4. — <sup>3</sup> 1 Cor., xv, 10.  
 — <sup>4</sup> Ibid., iii, 9. — <sup>5</sup> Joan., i, 3. — <sup>6</sup> Luc., ii, 35. —  
<sup>7</sup> Job, xxviii, 2. — <sup>8</sup> Ezech., iv, 5. — <sup>9</sup> Job, xli, 18.

sine eo, ut peccata; et tamen dicitur<sup>5</sup>: « Sine  
 eo factum est nihil, » id est, peccatum.

**18. Ferrum pertransiit animam ejus.** De  
 Virgine dicitur<sup>6</sup>: « Tuam ipsius animam  
 pertransibit gladius, » id est, mors ipsius:  
 vel « pertransibit gladius, » id est, « tui ip-  
 sius animam, » id est, per mortem Christi;  
 vel tuam animam quæ quodam modo est  
 ipsius, scilicet Christi. Ferri rationale quando-  
 que soliditas conversorum designatur, unde  
 Job<sup>7</sup>: « Ferrum de terra tollitur; » quandoque  
 fortitudo, unde Dominus ad Ezechielem<sup>8</sup>: « Sume tibi sartaginem ferream, et  
 eam pone inter te, et civitatem; » quandoque  
 jaculum prædicationis, unde Dominus  
 loquens de violentia diaboli ad Job<sup>9</sup>: « Re-  
 putabat ut paleas ferrum. » Nam ferrum  
 acuitur, ut adversarius vulneretur; sic de  
 prædicatione, quando aliquis deserit maliti-  
 am nocendi, unde Dominus<sup>10</sup>: « Versa est  
 mihi domus Israel in seoriam. Omnes isti,  
 æs, et stannum, et ferrum, et plumbum in  
 medio fornacis. » Nos sumus tenebræ et va-  
 nitas; Christus, lux et veritas. Nisi ergo in  
 bonis operetur, nec a malo deficimus, nec  
 ad bonum proficimus, nec a vanitate cali-  
 mus, nec ad veritatem surgimus.

**19. Eloquium Domini inflammavit.** Spi-  
 ritus sanctus inflammat eloquium ad sciendū;  
 quandoque ad diligendum, unde eun-  
 tibus in Emmaus<sup>11</sup>: « Nonne cor nostrum  
 ardens erat in nobis? » Quandoque ad sacri-  
 ficandum, unde<sup>12</sup> : « Dominus inflammavit  
 sacrificium (e) Abel. » Quandoque ad prædi-  
 candum, unde hoc<sup>13</sup> : « Ignitum eloquium  
 tuum vehementer; » et hoc<sup>14</sup> : « Non possu-  
 mus non loqui, quæ audivimus, et vidi-  
 mus. » Septem sunt in temporalibus, quæ ho-  
 mines appetunt: pecunia, scientia, pulchri-  
 tudo, dignitas, potentia, fortitudo, sanitas.

**37. Et eduxit eos cum auro, et argento.**  
 Aurum quandoque splendor cœlestis patriæ,

<sup>10</sup> Ezech., xxii, 18. — <sup>11</sup> Luc., xxiv, 33. — <sup>12</sup> Gen.,  
 iv, 4. — <sup>13</sup> Psal. cxviii, 140. — <sup>14</sup> Act., iv, 20.

(a) Suppl. Dei. — (b) Leg. stultum vel aliud quid-  
 piam. — (c) Vulg. adjutores. — (d) Edil. Ven. add.  
 non. — (e) Vulg. Respxit Dominus ad.

Spiritus  
 sanctus.

Septem  
 appetit  
 homo in  
 tempora-  
 libus.

unde dicitur <sup>1</sup>, quod « illa civitas ex auro simili vitro mundo : » quandoque charitas, unde Joannes <sup>2</sup>: « Vidi angelum cinctum zona aurea; » quandoque temporalem gloriam, unde hoc <sup>3</sup>: « Calix Babylonis aureus; » quandoque splendor sanctitatis, unde hoc <sup>4</sup>: « Quomodo obscuratum est aurum, mutatus est color optimus? » Quandoque sensus bonae operationis, unde hoc <sup>5</sup>: « Aurum in fornace probatum. » Quandoque incorruptio boni operis, unde quidam <sup>6</sup> « aedificant aurum, et lapides pretiosos. » Quandoque anima fidelis, unde Job ad Heliu <sup>7</sup>: « Ab aquilone aurum venit. » Quandoque divinitas, unde Ezechiel <sup>8</sup>: « De medio ignis quasi splendor electri. » Electrum constat ex auro et argento; et dum miscentur, argentum crescit in claritatem, et aurum in claritate a fulgore suo pallescit; sic humanitas in majestatis gloria crevit, divinitas a fulgoris proprietate, potentia se humanis oculis temperavit in Christo. Dum ergo pallet aurum, fulget argentum. Unde etiam Deus homo dicitur liber in claustro humanitatis <sup>vas.</sup> scriptus, et auro divinitatis illuminatus. Vas quandoque corpus fragile, unde hoc <sup>9</sup>: « Habemus» saltem scientiae « thesaurum in vasis fictilibus. » Quia vas fictile est, ideo fragile. Cave ergo, ne frangatur.

**41. Dirupit petram (a).** Ille dicitur Christus *petra*; nam triplex theologia: prima, quæ Dei est; secunda rationabilis, et nostra; tertia sensualis, et symbologica. Secundum primam Deus non dicitur sapientia et justitia: nam, ut ait Dionysius <sup>10</sup>, potius de Deo omnia negamus, quam si (b) omnium aliquid de Deo affirmamus. Secundum secundam, dicitur sapientia et justitia; secundum tertiam, terra, petra, cœlum, et hujusmodi. Nam quodam modo loquendi, qui est contrarius hyperbolæ (c), aliquid de eo dici-

mus. Per hyperboleum enim supergredimur veritatem, et excedimus fidem; sed modus, quo de Deo (d) loquimur, non pertingit ad veritatem, nec accedit ad proprietatem. De Deo enim propriæ non potest dici: tacere enim, vel mutatis verbis de Deo loqui necesse est (e).

**Custodiant justificationes.** Ad inchoationem (f), per perfectum (g), ad perfectum debemus tendere. Inchoatio nulli injuriæ continent facere; perfectius (h), illatam patienter tolerare; perfectio, omnibus prodesse, et sine opere velle. *Et legem ejus requirant.* Omnen legem comitatur justitia: nam lex naturæ comitatur justitiam, et continet justum. Nam <sup>11</sup>: « Quod tibi fieri non vis, alteri ne feceris. » Lex Moysi præcepit in decem præceptis; lex Evangelii complet: et hic dicitur, quod lex Moysi erat umbra, non tota nigra; unde Judæi non nisi encausto (i) scribebant libros suos; nos autem auro, quia lex nostra, exhibita veritate, illuminata est. Et tamen illa significat legem nostram bonam. Nam si res mala significaret bonam, nomen Dei nunquam encausto (i) scriberetur. Si habemus a Deo temporalia, et propter Deum debemus ea querere: temporalia enim quodam modo adjektiva sunt: nam tum adsunt, tum non. Substantivum est amor Dei: nam talia non transeunt, sed permanent immobilia in æternum. Adjektiva ergo ad substantiva debent referri, id est, temporalia ad summum bonum.

## PSALMUS DAVID CV.

**1. Confitemini Domino, quoniam bonus.** Nota: Deus dicitur bonus in natura, unde hoc <sup>12</sup>: « Nemo dicitur bonus, nisi solus Deus; » et in misericordia, et in liberatione, unde hoc <sup>13</sup>: « An oculus tuus nequam, quia ego bonus sum? » et in æquitate, unde <sup>14</sup>: « Bo-

<sup>1</sup> Apoc., XXI, 18. — <sup>2</sup> Apoc., I, 13. — <sup>3</sup> Jerem., LI, 7. — <sup>4</sup> Thren., IV, 1. — <sup>5</sup> Sap., III, 6. — <sup>6</sup> I Cor., III, 12. — <sup>7</sup> Job, XXXVII, 22. — <sup>8</sup> Ezech., I, 4. — <sup>9</sup> II Cor., IV, 7. — <sup>10</sup> Dion., de Cœl. Hierarch. — <sup>11</sup> Tob., IV, 16. — <sup>12</sup> Luc., XVIII, 19. — <sup>13</sup> Matth., XI, 15. — <sup>14</sup> Psal. CXVIII, 68.

(a) Cæt. edit. non habent v. 41. *Dirupit petram.* — (b) Edit. Ven. quia sic. — (c) Item hyperbole. — (d) Item cœlo. — (e) Cæt. edit. referebant hauc eamdem expositionem v. *Dirupit petram*, ad Psal. CII, immediate ante v. 6, *Faciens misericordiam.* — (f) Leg. ab inchoatione. — (g) Leg. imperfectum. — (h) Cæt. edit. perfectus. — (i) Cæt. edit. in causto.

nus es tu, et in bonitate tua doce me. » Nos debemus laudare Deum pro bonitate, unde hoc : *Quoniam bonus*; pro æternitate, unde hoc : *Quoniam in sæculum misericordia ejus*; pro misericordia, uude hoc : *Misericordia ejus*; pro potentia, unde (v. 2) : *Quis loquetur potentias Domini?* id est, ea quæ potenter facit. Alibi reperitur, quod Deus facit magna, inscrutabilia, innumerabilia: magna virtute, inscrutabilia ratione, innumerabilia multiplicitate.

6. *Peccavimus cum patribus nostris.* Nota, quod peccatum dicitur, quod committit homo in se; iniquitas, quod in proximum committit, sicut distinguitur inter peccata in Patrem, et Filium, et Spiritum sanctum, ut supra dictum est. Phisonomaton (a) est, quando diversa nomina diverso sono unam rem designant, ut hic : *Peccavimus cum patribus nostris, injuste egimus, iniquitatem fecimus.*

<sup>Peccatum et iniq</sup> Hominis duo. <sup>quonodo diffe</sup> <sup>rent.</sup> <sup>Phi.</sup> <sup>sonomat</sup> <sup>t n [a].</sup> <sup>Trina</sup> <sup>immersio</sup> <sup>in bap</sup> <sup>tismo</sup> <sup>quid.</sup> Ad videndum duo sunt homines: interior, vir; exterior, mulier. Interior, per inobedientiam superioris Dei, et obedientiam inferioris mulieris, est excæcatus ad intelligentiam; exterior, illuminatus ad intellectum. Non dicuntur oculi ambonum aperti ante peccatum, sed tantum viri: nam exterior, scilicet animalis, ante peccatum nec Creatoris habet visionem, nec creaturæ discretionem; sed interior oculo intelligentiæ Deum videbat, et oculo rationis creaturem examinabat. Oculus autem intelligentiæ sine oculo cognitionis, trabe inobedientiæ est extinctus. Alter, scilicet oculus rationis, festuca inobedientiæ turbatur. Dicit ergo homo interior<sup>1</sup>: « Comprehenderunt me iniquitates meæ, et non potui ut videbam, » oculo scilicet cognitionis, et hoc<sup>2</sup>: « Lumen oculorum meorum non est mecum. » De alio oculo dicit<sup>3</sup>: « Turbatus est a furore oculus meus. » Factus est ergo cæcus ad Deum, perspicax ad mundum, obscurus ad scientiam, acutus ad concupiscentiam. Vel sic: Oculi duo sunt: oculus concupis-

centiæ, et oculus rationis. Si unus clauditur, alius aperitur, et e converso. Nunquam simul clausi sunt, nec simul aperti; unde dicitur<sup>4</sup>: Venit (b) Dominus, « ut qui non vident videant, et qui vident cæci fiant: » id est, cæci oculo rationis, et videntes oculo concupiscentiæ, videant oculo rationis. Ibi sunt oculi ante peccatum clausi, post peccatum aperti.

10. *Et redemit nos ab inimicis nostris.* Homo redemptus est quantum ad signum, quantum ad pretium, quantum ad effectum. De primo, ut in baptismo, quod significat passionem Christi, unde *mare rubrum* dicitur, sanguine Christi rubricatum, in quo puer ter mergitur, ad significandam sepulturam triduam (c) Christi, vel ad significandum Trinitatem, in cuius fide puer baptizatur. De secundo dicitur, quod Deus nos in cruce redemit, quando pro nobis pretium obtulit. De tertio hoc<sup>5</sup>: « Redime me, Domine, et miserere mei, » quando scilicet homo liberatur a peccato.

13. *Cito fecerunt, obliti sunt operum ejus.* Duo sunt in homine: sensus, et affectus. Sensus in capite, et affectus in corde. Sensus in tribus consistit: in ingenio, ratione, memoria; quibus tres cellulæ attribuuntur capitis. Nam ingenium ancipiti; ratio syncipi; memoria occipi. Ingenium ad futura, ratio ad præsentia, memoria ad præterita refertur. Primo refertur, et occurrit timor faciendorum, et tedium factorum, et memoria præteriorum malorum. Ingenium inquirit incognita; ratio judicat inventa; memoria recondit dijudicata.

37. *Et immolaverunt filios suos et filias suas dæmoniis* (d). Tria sunt, caro, mundus, dæmonia, et ab illis tribus tria sunt in nobis genera peccatorum: nam quædam sunt carnalia, quæ a carne; quædam sæcularia, quæ a mundo; quædam spiritualia, quæ a diabolo. Haec peccata carnalia et sæcularia sunt desideria, et « spiritualia (e) nequi-

Oculi duo.

<sup>1</sup> *Psalm. xxxiv*, 13. — <sup>2</sup> *Psalm. xxxvii*, 41. — <sup>3</sup> *Psalm. vi*, 8. — <sup>4</sup> *Joan.*, ix, 39. — <sup>5</sup> *Psalm. xxv*, 41.

(a) *Leg. Polynomaton vel Pleonasma.* — (b) *Editio Ven. Veniet.* — (c) *Item trinam.* — (d) *Editio Ven. Immola Deo sacrificium.* — (e) *Item spirituales.*

Homo  
redemp-  
tus.

Trina  
immersio  
in bap-  
tismo  
quid.

Sensus  
et affec-  
tus.

Inimici  
tres, a  
quibus  
tria pec-  
catorum  
genera.

tiae, » quae nominat<sup>1</sup> Apostolus. Septem ab illis sunt, ut in superioribus dictum est.

**47. Salvos nos fac, Domine Deus noster.**  
Hoc potes, unde : *Domine*. Hoc vis, unde : *Deus*. Hoc debes, unde : *Noster*.

## PSALMUS DAVID CVI.

**1. Confitemini Domino.** In hoc psalmo duo sunt *Alleluia*, ad notandum, quod duo populi Deum laudare debent. Binarius ergo in sacra Scriptura significat charitatem, quae gemina est : ad Deum, et proximum ; unde Ezechiel mensus est<sup>2</sup> portæ frontem duobus cubitis. Frons portæ est vita præsens. Sicut enim domus interior est superna requies ; ita frons portæ, vita præsens. Frons ergo portæ duobus cubitis mensuratur, quia qui habet dilectionem Dei et proximi, ad requiem æternam venit. Unde Moyses in ornamento summi pontificis<sup>3</sup> « coccum bis tinctum » jubet apponi, scilicet charitatem, id est, amorem Dei et proximi. Quandoque intellectum et operationem ; unde Dominus alibi<sup>4</sup> : « Uni dedit quinque talenta, alii duo, alii vero unum. » Quinque talentis<sup>5</sup>, quinque sensus ; duobus, intelligentia (*a*) et operatio ; uno tantum, intelligentia (*a*) designatur. Quandoque binarius prædicatorem perfectum in charitate ; unde Dominus<sup>6</sup> binos et binos misit discipulos ad prædicandum, quia qui charitatem erga alterum non habent, prædicationis officium nullatenus debent suscipere. Quandoque duo genera compunctionis ; unde Caleb (*b*) filia suæ Axæ dedit duo irrigua<sup>7</sup>, id est superius et inferius. Quandoque duo testamenta ; unde Dominus præcepit duos Cherubim aureos poni ex utraque parte oraculi.

**4. Erraverunt in solitudine.** Hic psalmus agit de tentatione. Est ergo triplex origo tentationis : nam quædam est intus et de nostro ; quædam tota foris, et de alieno ; quædam ex utroque. Quandoque enim ten-

tatio surgit ignorante diabolo ; et tunc tota est de nostro. Quandoque diabolo suggerente ; et tunc partim de nostro, et partim de alieno. Nam callidus ille tentator, cum intus aliquem scintillæ fomitem deprehendit, plurimas paleas cum magna festinatione colligit. Et si prævalet, de scintilla flammam excutit, et domum pectoris nostri de nostro simul et suo exurit. Vel sic tentatio alia ab anteriori, alia a posteriori ; alia a superiori, alia ab inferiori ; alia a dextris, alia a sinistris : prima per diabolum ; secunda per recordationem præteritorum malorum ; tertia per rationem ; quarta per sensualitatem ; quinta per prospera ; sexta per adversa. Sed<sup>8</sup> « fidelis Deus non permittit nos tentari ultra quod possumus. »

**6. Et clamaverunt.** Tria sunt, quæ impediunt hominem in præsenti, a quibus liberari petit, scilicet rationem ab ignorantia, liberum arbitrium a difficultate, voluptatem a concupiscentia.

**10. Sedentes in tenebris.** Hic agit de concupiscentia, cuius quatuor sunt genera, duo bona, et duo mala : nam<sup>9</sup> « caro concupiscit adversus spiritum, spiritus adversus carnem, » et hoc mali spiritus in Deum, vel e converso. De bonis, unde hoc<sup>10</sup> : « Concupiscit et deficit anima mea in atria Domini. »

**11. Consilium Altissimi.** Homo eecidit per superbiam, et debet redire per aliam viam, scilicet per humilitatem : nam Magi<sup>11</sup> « per aliam viam reversi sunt in regionem suam. » Unde clerici in processione per aliam viam revertuntur in chorum, quam eam (*c*), per quam egrediuntur.

**23. Qui descendunt mare,** id est, ab activa ad contemplativam (*d*) : et est descensus a statu in statum, vel ad statum ; a gradu, in gradum : non enim qui descendunt a contemplatione ad activam, sunt minus boni. Quatuor sunt contemplationes : oratio, medi-

hom. ix. —<sup>6</sup> Jos., xv, 19. —<sup>7</sup> Luc., x, 1. —<sup>8</sup> 1 Cor., x, 13. —<sup>9</sup> Gal., v, 17. —<sup>10</sup> Psal. LXXXIII, 3. —<sup>11</sup> Matth., ii, 12. —(*a*) Leg. intellectus. —(*b*) Edit. Ven. Caleph. —(*c*) Edit. Ven. ea. —(*d*) Lege potius a contemplativa ad activam.

tatio, lectio, gratiarum actio. Quatuor sunt activae; peregrinatio, praedicatio, sacramentorum administratio, eleemosynarum largitio. Cujus tres sunt species; sed de his alias dicemus. *In navibus.* Navis quandoque significat uterum Virginis, unde hoc<sup>1</sup>: « Ascendit Jesus in naviculam, et venit in civitatem suam, » id est, introivit in uterum, et venit in mundum, qui dicitur ejus civitas. Quandoque crucem, quia sit de lignis, sicut crux, unde<sup>2</sup>: « Ascendit Jesus in naviculam, et secuti sunt eum discipuli ejus. » Unde: *Ilic naves pertransibunt;* quia mare hujus mundi auxilio crucis, id est ligni, pertransimus. Quandoque Ecclesiam, ut hic: *Qui descendunt mare in navibus.* Quandoque superbiam, unde hoc<sup>3</sup>: « In spiritu vehementi conteres naves Tharsis, » id est, superbiam gentium. Nam, sicut navis tunditur fluctibus, ventis agitata; ita superbia.

**25. Dixit, et stetit.** Hic commendat eos a qualuor: ab altitudine, cum dicit: *Qui descendunt mare;* a charitate, cum dicit: *Facientes operationem;* a labore, cum dicit: *Dixit, et stetit spiritus procellæ;* a discretione et sapientia, cum dicit (v. 24): *Ipsi viderunt opera Domini.* Qui hic loquitur, clamat ter ad Deum, ut clamorem cordis, oris et operis intelligas; unde hic versus ter ponitur<sup>4</sup>: *Clamaverunt ad Dominum, cum tribularentur.* Sed iste multum profecit in clamore. Nam in primo clamore Deus sanitatem ei ostendit, scilicet monstrando viam quæ dicit ad sanitatem; unde sub-jungit versum secundo positum, subdit (v. 7): *Deduxit (a) eos in viam rectam.* In secundo clamore sanitatem restituit; unde post hunc versum secundo positum, subdit (v. 20): *Misit verbum suum, et sanavit eos.* In tertio persecutionibus succumbere non permisit, unde post tertium clamorem subjungit (v. 29): *Siluerunt fluctus ejus.* Et benedixit eis et multiplicati sunt nimis.

<sup>1</sup> Matth., IX, 1. — <sup>2</sup> Matth., VIII, 23. — <sup>3</sup> Psal. XLVII, 8. — <sup>4</sup> Imo quater, nempe v. 6, 12, 19, 28. — <sup>5</sup> Psal. L, 3, 4, 9. — <sup>6</sup> I Cor., XV, 32. — <sup>7</sup> Cant., I, 5. — <sup>8</sup> 1 Joan., II, 19.

Peccata nostra sunt magna, multa, turpia: Peccata nostra. magna in quantitate, multa in numero, turpia in qualitate. Nam sunt aliquanta, aliquota, aliqualia; magna in merito, multa in numero, turpia in modo. Contra haec, tria remedia debemus opponere: contra magna, timorem; contra multa, dolorem; contra turpia, pudorem. Sicut peccatum magnum et multum, ita misericordia Dei magna et multa, unde hoc<sup>5</sup>: « Miserere mei, Deus, secundum magnam misericordiam tuam, et secundum multitudinem miserationum tuarum. » Ut deponam turpitudinem: « Lava me ab iniuitate mea; » et deposita turpitudine: « Super nivem de-albabor. »

**39. Et pauci facti sunt.** Hic agit de bello, quod fit contra haereticos. Et est Bellum triplex. bellum: nam est extraneum, quod fit contra gentiles, unde Apostolus<sup>6</sup>: « Pugnavi contra bestias Ephesi; » est bellum civile, quod fit contra haereticos, qui sunt de nostra civitate, saltem de sacramento fidei, non de fide sacramenti; est plusquam civile, scilicet intestinum, quod fit contra filios, fratres, qui adhuc tolerantur, unde<sup>7</sup>: « Filii matris meæ pugnaverunt contra me. » De secundo<sup>8</sup>: « Exierunt ex nobis, sed a nobis non erant. »

**40. Effusa est contentio (b) super eos.** Hoc duobus modis exponitur; uno modo, ut Contentio<sup>(c)</sup> sumatur a Contemno; alio modo, a Contendo, contendis.

### PSALMUS DAVID CVII.

**2. Paratum cor meum, Deus; paratum cor meum.** **4. Confitebor tibi.** Confessio debet esse oris, et cordis, quasi simul fassio: quod notatur in consecratione pontificis: quando annulus ponitur in medio, baculus argenteus datur, quia sonorum est argentum, per quod notatur confessio oris;

Confes-sio du-plex.

(a) Vulg. *Deduxisti.* — (b) Item *contemptio*. — (c) Tunc legendum esset *contemptio*. Septuaginta: Ἐξουδέωσις, *contemptus*. Hebraica lectio: גָּנְבָּה, *contemptus*.

per hoc quod ponitur in medio digito , confessio cordis. Nam in illo digito est vena , quæ venit a corde ; unde Prometheus (*a*) , qui invenit usum annuli , instituit ut in illo digito poneretur. Unde et in sponsalibus annulus argenti in medio digito sponsæ ponitur, ad significandum quod ibi debet esse consensus animorum et verborum.

*Ecclesia militans.* 11. *Quis deducet me in civitatem munitam?* Hæc civitas est Ecclesia militans; et est in monte, unde hoc <sup>1</sup> : « Hæc est civitas in monte posita : » et firmum habet fundatum, scilicet Christum , unde hoc <sup>2</sup> : « Hæc est domus Dei firmiter ædificata. » Et hoc <sup>3</sup> : « Fundamentum positum est, quod nemo potest mutare. » Ibi est turris Christus, quod significat turris David. Ibi sunt aliæ turres, id est, prælati Ecclesiae. Nam sicut turres excedunt altas domos, ita prælati minores. Ibi est undique murus , scilicet munimentum christianæ fidei, unde Job <sup>4</sup> : « Quia rupto muro et aperta janua irruerunt super me. » Ruptus enim murus dicitur , cum fides quorundam malorum persuasione dissipatur. In ea est <sup>5</sup> *antemurale*, prophetæ, qui Christum, id est, fidem Christi prædicavérunt, et ita eam præcesserunt. Vel *murus* dicitur Christus; *antemurale* prophetæ, qui Christum præcesserunt. Undique est fossatum, scilicet humilitas, quæ vallis dicitur, unde hoc <sup>6</sup> : « Omnis vallis implebitur. » Et flumen est ibi, unde <sup>7</sup> : « Fluminis impetus lœtificat civitatem Dei, » scilicet Spiritus sanctus. Sed rivuli inde procedentes sunt dona Spiritus sancti. Est ibi porta, scilicet dies judicii, qui est exitus hujus mundi, unde Job <sup>8</sup> : « Conterentur in porta, non est qui eripiat. Est ibi altera porta, scilicet ingressus, ut bona actio, unde Job <sup>9</sup> : « Quando procedebam ad portam civitatis, et in platea parabant mihi cathedram. » Vel etiam ostium est Christus, unde hoc <sup>10</sup> : « Ego sum ostium; si quis intrat,

per me intrat. » Et ibi est custos, scilicet Christus, unde hoc <sup>11</sup> : « Nisi Dominus custodierit civitatem, » etc. Ibi rex, ita munitus cum populo suo, non timet exercitum Pharaonis.

## PSALMUS DAVID CVIII.

1. *Deus, laudem meam ne tacueris.* 3. *Locuti sunt adversum me.* 4. *Pro eo, ut me diligerent*, etc. Hic dicitur, quod plus peccant, qui detrahunt sedenti ad dexteram Patris scilicet, quam qui crucifixerunt ambulanten in terris. Sed solet dici, quod tria sunt genera peccatorum. Est enim originale, quod non solum maculat personam, sed etiam naturam : ounnes enim nascuntur cum originali; est personale, cum non solum alieno, sed proprio compedimur, ut actuale; est singulare, quod Judæi commiserunt in Deum majestatis, qui possunt dici homicidæ, sed, ut verum dicam, deicidæ: secundum hoc magis peccaverunt crucifigentes, quam qui modo persequuntur eum in membris. Dicimus ergo, quod quidam persequebantur ex invidia; et illi magis peccaverunt, quam qui modo persequuntur; ex ignorantia <sup>12</sup> : « Et credebant obsequia præstare Deo; » et illi minus peccaverunt, quam qui modo persequuntur: vel sunt excedentia, vel excessa, qui enim magis contemnit, magis peccat.

4. *Ego autem orabam.* Christus oravit pro se, et hoc cum affectu sensualitatis; et tunc non semper exauditus est, ut quando petiti <sup>13</sup>, quod *calix* ab eo removeretur; cum affectu rationis, et tunc est exauditus, unde quando oravit <sup>14</sup> : « Pater, clarifica filium tuum..... » Tum pro amicis, quando oravit pro Petro <sup>15</sup>, « ne desiceret in fide, vel <sup>16</sup> in via. » Tum pro inimicis, cum dixit <sup>17</sup> : « Domine, dimitte illis, quia nesciunt quid faciunt. »

5. *Et posuerunt adversum me*, etc. Nota sensum. — <sup>11</sup> *Psal.* cxxvi, 1. — <sup>12</sup> *Joan.*, xvii, 2, quoad sensum. — <sup>13</sup> *Matth.*, xxvi, 39. — <sup>14</sup> *Joan.*, xii, 28. — <sup>15</sup> *Luc.*, xxii, 32. — <sup>16</sup> *Alarc.*, vii, 3. — <sup>17</sup> *Luc.*, xxiii, 34. — (*a*) *At.* Prometheus.

<sup>1</sup> *Matth.*, v, 13. — <sup>2</sup> *Offic. Dedic. Eccl.*, sicut et præcedens. — <sup>3</sup> *1 Cor.*, iii, 11. — <sup>4</sup> *Job*, xxx, 14. — <sup>5</sup> *Isa.*, xxvi, 1. — <sup>6</sup> *Luc.*, iii, 5. — <sup>7</sup> *Psal.* xlvi, 5. — <sup>8</sup> *Job*, v, 4. — <sup>9</sup> *Job*, xxix, 7. — <sup>10</sup> *Joan.*, x, 9, quoad

Pecca-  
torum  
tria ge-  
nera.

triplex vitium, triplex peccatum, triplex remedium. Vitia: impotentia, ignorantia, concupiscentia. Peccata alia contrahimus ex infirmitate, (a) alia ex perversa voluntate. Remedium in divinis institutionibus, in divinis promissionibus, in divinis comminationibus.

6. *Constitue super eum (b) peccatorem.*

**Diabolus**  
quatuor  
modis  
super  
aliquem  
consti-  
tuitur.

**Auimæ**  
duplex  
angelus  
deputa-  
tor.

**Prædi-  
catione tri-  
plex.**

Diabolus constituitur super aliquem quatuor modis: scilicet ad auferenda temporalia, ut super Job; ad confringenda naturalia, ut de energumenis; ad ferenda supplicia aeterna, unde hoc<sup>1</sup>: « Ligatis manibus et pedibus, » mittitur aliquis « in tenebras extiores; » ad tentationes, unde: « Magna est dignitas animalium, quia unicuique deputati sunt duo angeli, unus bonus ad custodiendum, alias malus ad tentandum. »

7. *Oratio ejus fiat in peccatum.* Forte pro oratione dominica, pro illa parte<sup>2</sup>: « Dimitte nobis, sicut nos dimittimus. » Vel de illa exponitur, quando aliquis petit ut bene accidat ei in furto. Vel sic: prædicatio alia officiosa, alia quæstuosa, alia pretiosa, alia sancta; sic de oratione. Nam oratio officiosa est, quando ad ejus officium pertinet orare, et forte mala causa prædicat: quæstuosa, quando pro temporalibus; pretiosa, quando pro inani gloria; sancta, quando orat prout debet. Tres primæ species orationis in peccatum sunt, et non ultima. Vel plus dicit, et minus significat: *Oratio ejus fiat in peccatum*, id est, absorbeatur in peccato, id est, peccato impediente non habeat efficaciam suam, sicut dicitur<sup>3</sup>: « Omne, quod non est ex fide, peccatum est, » id est, absorbetur a peccato.

11. *Scrutetur fænator omnem substancialiam ejus.* Sunt usuræ suppliciorum, unde hoc<sup>4</sup>: « Ex usuris et iniuriantibus redimet animas eorum: » nam repetitur in suppliis, quod commissum est in peccatis. Sunt usuræ præmiorum: nam dabitur nobis ultra meritum. Sunt usuræ gratiæ collatae in tem-

<sup>1</sup> Matth., xxii, 13. — <sup>2</sup> Matth., vi, 12. — <sup>3</sup> Rom., xiv, 23. — <sup>4</sup> Psal. LXXI, 14. — <sup>5</sup> Matth., xix, 29, quoad sensum. — <sup>6</sup> Luc., XII, 6; Matth., XXVI, 15, etc. — <sup>7</sup> Rom., v, 12. — <sup>8</sup> Isa., XI, 5. — <sup>9</sup> Matth., III, 4.

pore, unde hoc<sup>5</sup>: « Qui facit hoc, centuplum accipiet in præsenti, et vitam æternam in futuro possidebit. » Sunt usuræ pecuniæ, hic (c) dicitur<sup>6</sup>, quod Judas loculos habuit, nam erat fur, quia Christum vendidit triginta argenteis ad recompensationem unguenti effusi, quod potuit venundari trecentis argenteis. Unusquisque autem illorum triginta valebat decem usuales denarios, et ita per illos triginta recompensavit damnum trecentorum: nam decies triginta sunt trecenti. Quidam spiritus indigent loco et tempore, sed non corpore, ut angelus, unde angelus spiritus dicitur quis, anima spiritus cuius. Quidam spiritus non indigent loco, nec tempore, nec corpore, ut Deus.

14. *In memoriam redeat iniquitas, et peccatum ejus.* Peccatum fit quadrupliciter: nam quis peccat quandoque in radice, unde hoc<sup>7</sup>: « Omnes peccaverunt in Adam; » quandoque in origine, contrahendo originale; quandoque in mutatione (d); quandoque propria voluntate, quod saepe fit.

**Pecca-  
tum quo-  
modis  
fiat.**

19. *Sicut zona, qua semper præcingitur.* Nota: Est cingulum justitiae, unde hoc<sup>8</sup>: « Justitia cingulum lumborum ejus. » Cingulum pœnitentiae, unde Joannes<sup>9</sup> præcinctus est zona pellicea, id est, justitiae. Est cingulum continentiae, unde hoc<sup>10</sup>: « Sint lumbi vestri præcincti. » Est cingulum fortitudinis, unde<sup>11</sup>: « Accingere gladio tuo, » etc. Est cingulum humilitatis, unde Dominus<sup>12</sup> « præcinxit se, » ut lavaret pedes discipulorum suorum. Est cingulum iniquitatis, (e) unde<sup>13</sup>: « Misit Dominus verbum in Jacob, et cecidit in Israel; » unde Filius Dei missus ad Iudeos, unde hoc<sup>14</sup>: « Non sum missus nisi ad oves, quæ perierunt, domus Israel. » Sed quia, » ut dicunt<sup>15</sup> apostoli, « repulisti verbum Dei, ecce convertimur ad gentes: » et ita verbum cecidit in gentes. Vel per Jacob et Israel Iudeus accipitur sic: « Verbum misit in Jacob,

— <sup>10</sup> Luc., XII, 35. — <sup>11</sup> Psal. XLIV, 4. — <sup>12</sup> Joan., XIII, 4. — <sup>13</sup> Isa., IX, 8. — <sup>14</sup> Matth., XV, 24. — <sup>15</sup> Act., XIII, 46. — (a) *Suppl.* alia ex ignorantia. — (b) *Edit.* Ven. non habet *eum*. — (c) *Leg. sic.* — (d) *Leg. ex coac-  
tione.* — (e) Haec quæ sequuntur, ad alium refer locum.

et cecidit in Israel, » id est, quia non honorificaverunt, sed interficerunt Deum. Vel de semine verbi, id est, prædicatione.

*24. Caro mea immutata est propter oleum.* Christus tradidit semetipsum pro nobis in mortem; nos autem tradimus nosmetipsum ad vitam. Vivere enim incipit, quando quis incipit mori pro Christo. Unde cum solemnizatur de morte alieujus sancti, dicitur: « Deus, (a) qui tui sancti natalitia colimus.

## PSALMUS DAVID CIX.

*Dicere Dei multis modis accipitur.*

*1. Dixit Dominus Domino meo. Dicere Dei multis modis accipitur: nam pro gignere, pro disponere, pro facere; et his tribus modis exponitur hic. Quandoque pro promittere, ut hic<sup>1</sup>: « Dixit Dominus, et stetit spiritus procellæ. » Pro Domino meo, hic dicitur in glossa sic: « Qui Dominus meus est, secundum quod homo, id est, qui (b) homo est; sed non ex eo, quod homo. » Sed nonne est caput Ecclesiæ, secundum quod homo? Ergo Dominus noster secundum quod homo. Dicimus, quod si secundum notal conditionem privatam specialem, scilicet quia talis homo est, scilicet plenus est gratia, noster est Dominus, secundum quod homo; si secundum notet conditionem generalem, non est Dominus noster secundum quod homo, quia eadem ratione, quod homo. Vel sic: Si secundum notet instrumentum, est Dominus noster Christus secundum quod homo; quia per omnia, quæ gessit in carne, est Dominus noster. Si notet causam generalem, id est quia homo, non est Dominus noster secundum quod homo.*

*Sede a dextris meis. Quot modis accipitur sedes, prius dictum est: sed nota, quod*

*Christus quomodo dicitur sedere ad dexteram, et quomodo San-  
cti.*

Christus sedet ad dexteram Patris, secundum quod ei æqualis, et secundum quod homo, quia homo in potioribus Patris bonis, scilicet quæ Pater dedit hominibus. Sancti autem dieuntur sedere ad dexteram Patris, non (c) quantum ad æqualitatem, quantum

ad donorum omnium plenitudinem; sed (d) quantum ad multæ gratiae collationem, non omnis. Nota: Si Filius sedet ad dexteram Patris, quia est æqualis; ergo Pater ad dexteram Filii? Forte notat « sedere ad dexteram » æqualitatem et processionem.

*Donec.* Quinque modis accipitur: pro quandiu, unde Apostolus<sup>2</sup>: « Donec cognominatur hodie, » id est, quandiu durat hodie, tandiu (e) durat hoc sæculum. Quandoque pro ut, unde hoc<sup>3</sup>: « Oculi nostri semper ad Dominum, donec misereatur nostri. » Quandoque pro et, unde<sup>4</sup>: « Joseph non cognovit Mariam, donec peperit. » Quandoque posito consequenti, ponitur antecedens, ut hoc: « Non legam, donec veneris ad me, » id est, cum veneris, legam. Quandoque pro æterno. His duobus modis exponitur hic ultimus (f). Et nota, quod hic est inclusivum permanentiæ sessionis, et exclusivum occultationis.

*Scabellum pedum tuorum.* Est subjectio secundum conditionem, quia opus suo creatori debet, ut ejus (g) dispositionibus obtineret. Est subjectio secundum necessitatem: nam de pravis voluntatibus, quamvis iussionibus Dei contraire nituntur; et tamen per ineffabilem ejus dispositionem arctantur, ut nihil sine ejus nutu ad effectumducere queant. Est subjectio secundum timorem, quando ejus præcepta non amore, sed timore complentur. Est subjectio secundum dilectionem, quando voluntarie ejus iussionibus obtemperamus. De primo<sup>5</sup>: « Omnia subjecisti sub pedibus ejus, et oves, et boves. » De secundo: « Omnia serviant Deo, sive nolint, sive velint. Nam etiam diaboli castra Dei sunt, et Deo militant. » De tertio, ut de illo, qui timet serviliter. De quarto, ut de illo, qui initialiter, vel finaliter timet. Nota: hic subjectio potest appellari servitus.

*3. Tecum principium.* Illic commendat Christum a quatuor: ab æqualitate, ubi dicit: *Tecum*; a deitate, ubi dicit: *Princi-*

<sup>1</sup> Matth., 1, 23. — <sup>2</sup> Psal. viii, 8. — (a) Suppl. concele, ut nos. — (b) Cat. edit. quia. — (c) Cat. edit. deest nou. — (d) Item deest sed. — (e) Leg. quandiu — (f) Leg. ultimus. — (g) Leg. ejus.

Donec,  
quot mo-  
dis.

*Principium*; a fortitudine, ubi dicit: *In die virtutis tuae*; a perpetuitate, ubi dicit: *Ante luciferum genui te*. Hoc nomen, *principium*, quandoque per se ponitur; quandoque cum *ad juneto*. Quando per se, quandoque significat Patrem, ut hic<sup>1</sup>: « In principio erat Verbum; » quandoque Filium, ut hic<sup>2</sup>: « In principio creavit Deus cœlum et terram, » id est, Pater in Filio. Quando cum adjuncto ponitur ex diversis adjuncis, diversa contrahit significata. Nam quandoque generationem, ut hic: « Pater est principium Filii; » quandoque processionem activam, unde: « Pater et Filius sunt principium Spiritus sancti; » quandoque creationem, unde hoc: « Pater, et Filius, et Spiritus sanctus sunt principium creaturarum. » Quando enim tres personæ simul ponuntur cum hoc nomine, *principium*, non potest intelligi nisi essentialis proprietas.

*Missa in cœna Domini instituta in oblatione quatuor requiuntur.* 4. *Tu es sacerdos in æternum*. Vere sacerdos, nam sacramentum Missæ in cœna inchoavit et instituit. Nota: in oblatione quatuor sunt necessaria, scilicet qui offert, et quid, et cui, et pro quo. Sed Christus hæc omnia fuit: nam fuit *qui*, et *pro quo*, et *quid*, et *cui*: nam ipse obtulit se sibi Deo pro se: nam mortuus est pro se, quia solvit didrachma pro Petro, et pro se. Didrachma est passio.

*Didrachma passio.* 7. *De torrente in via bibet*. Hic quatuor nominamus: passionem, ibi: *Bibet*; passionis abundantiam, ibi: *De torrente*; locum passioni convenientem, ibi: *In via*; pro his retributionem, ibi: *Propterea exaltabit caput*. Hæc quatuor Christo homini attribuuntur.

## PSALMUS DAVID CX.

*Confitebor tibi, Domine*. Nota: est confessio duplex: cordis, et oris. Confessio oris triplex: nam homo debet loqui utili-

<sup>1</sup> Joan., 1, 1. — <sup>2</sup> Gen., 1, 1. — <sup>3</sup> Psal. L, 6. — <sup>4</sup> Psal. cxv, 12. — <sup>5</sup> Mather., xix, 21. — <sup>6</sup> Gen., xxvii, 13. — <sup>7</sup> Psal. I, 5. — <sup>8</sup> Psal. XLVII, 2.

tatem sui, sublimitatem Dei, utilitatem proximi. Nota: Peccatum Deo committimus, et confessionem ei facimus, satisfactionem retribuimus (*a*). De primo dicitur<sup>3</sup>: « Tibi soli peccavi. » De secundo, hic. De tertio<sup>4</sup>: « Quid retribuam Domino pro omnibus, » etc.

*In consilio justorum*. Est consilium, quod dant Sancti, ut hoc<sup>5</sup>: « Si vis perfectus esse, » etc., « veni et sequere me. » Est consilium, quod datur Sanetis; unde Rebecca Jacob<sup>6</sup>: « Acquiesce consilio meo, et audi verba mea. » Est consilium justorum, unde<sup>7</sup>: « Non resurgent impii in consilio justorum. »

2. *Magna opera Domini*. Plurale, vel singulare, scilicet *opus*, *operis*, vel *opera*, *operae*. Nota magnitudinem in redemptione hominum: nam magnus fuit Redemptor, unde hoc<sup>8</sup>: « Magnus Dominus, et laudabilis nimis; » magnus redemptus, nam homo, quo non est major inter creaturas; et magna hostia, quia Filius Dei; et a magno redemptus, quia a diabolo. Magnus ergo fuit *quis*, et *quem*, et *quo*, et *a quo*. Nota: est causa materialis, et causa finalis. Non enim propter sua opera laudandus est Deus, si propter notet causam finalem; sed potius propter Dominum (*b*) opera sunt laudanda, sic ut bona opera, non dico præcedentia, sed sequentia, ostendant quod fides accipit quod non meruit. Sicut enim non propter opera nostra placemus Deo, sed nostra opera placent Deo propter nos.

9. *Redemptionem misit Dominus populo suo*. Christus dicitur missus ad Judæos tripli de causa: tum quia in persona propria eis prædicavit, non gentibus; tum quia de carne eorum assumpsit; tum quia promissiones eis fecit. Semper enim siebat promissio Abrahæ, non gentibus.

Aliter totum exponitur: *Confitebor tibi*, in omnes voluntates. Nota: voluntas Dei, quæ Deus non est, dicitur quinque modis: præceptum, prohibitum, consilium, voluntum, permissio (*c*): contra talem fit aliquid,

(*a*) *Edit. Ven.* attribuimus. — (*b*) *Item* Domini. — (*c*) *Edit. Ven.* promissio.

Consilia multipli.

Redemptionis nostræ magnitudo.

Causa duplex.

Christus tripli de causa dicitur missus ad Judæos.

non contra illam, quæ Deus est. Estne aliquid contra permissionem (a) Dei? Et sic hoc bonum, vel malum.

3. *Confessio et magnificentia opus ejus*, etc.

Justifi-  
catio  
quid. Nota: Justificatio est remissio peccatorum; justitia, proiectus bonorum operum. Sicut fides præcedit naturaliter justificationem, ita justificatio justitiam. Unde Pascha præcedit Pentecosten, id est, contritio justitiam, quia in Pascha torrebant spicas igni, et confricabant manibus grana: hoc est *contritio*; in Pentecoste offerebant panes fermentaceos: hoc est *justitia (b)* operum. Justificatio consistit in duobus: in confessione, et contritione; justitia, in vitatione mali, et electione boni, vel in augmento boni operis. Unde quatuor (c) hic notantur: initium boni operis, unde hoc: *Confessio*; augmentum virtutis, unde dicit: *Magnificentia*; retributio æternitatis, unde dicit: *Justitia ejus manet in sæculum sæculi*.

Terror. 10. *Initium sapientiae timor Domini*. Servilis timor est initium extrinsecum, vel extra sumptum. Nam timor servilis est initium sapientiae, id est, ad sapientiam, non de sapientia. Initialis est initium sapientiae, quia de sapientia: nam est terminus: terminus in quem, et ad quem. Nota: in glossa super hunc versum: *Confessio et magnificentia*, sic habetur: « Credens in eum, qui justificat impium, a fide incipit, ut bona opera non præcedentia, quod meruit, sed sequentia, quod accipit, ostendant. » Hoc duplice exponitur: primum, ut hæc dictio, *non*, repetatur cum hoc verbo, scilicet *meruit*, sic: Ut bona opera, non præcedentia, sed sequentia, ostendant quod fides accipit quod non meruit, id est, per opera sequentia constans est quod habet fidem (d) pro merito. Vel sic: Bona opera, quia præcedentia, non ubi (e) ostendant quod meruit fides, quia nulla præcesserunt; sed sequentia ostendant (f), quod eam accepit. Illic ponitur hæc dictio non cum hoc verbo, *ostendant* (f);

<sup>1</sup> II Cor., I, 12. — <sup>2</sup> Ibid., IX, 7. — <sup>3</sup> I Thess., II, 20. — <sup>4</sup> Matth., xxv, 42, 41, 35.

sed cum hoc, scilicet *sequentia (g)*: in prima expositione sit e converso.

## PSALMUS DAVID CXI.

1. *Beatus vir qui timet Dominum*. Sancti habent hilaritatem in tribus: in conscientia, in opere, in conversione fratrum. De primo<sup>1</sup>: « Gloria haec est, testimonium conscientiae. » De secundo<sup>2</sup>: « Hilarem datorem diligit Deus. » De tertio<sup>3</sup>: « Vos estis gloria mea. » Omnis timor bonus, præter mundanum. Nam naturalis bonus, quo timemus mortem; mundanus malus, qui facit nos abstinerre a bono opere; servilis bonus, quia facit cessare a malo, scilicet opere, etsi non a mala voluntate; initialis bonus, quia habetur cum charitate imperfecta; finalis est cum perfecta.

2. *Potens in terra erit semen ejus*. Honor, divitiae, justitia, filii: hæc quatuor faciunt beatum; quæ hic ponuntur. Filii notantur hic: *Potens in terra erit semen ejus*; honor, et divitiae hic (v. 3): *Gloria, et divitiae in domo ejus*; justitia hic: *Justitia ejus manet in sæculum sæculi*.

3. *Qui miseretur et commodat*. Tria sunt opera misericordiae: mutuo dare, dare, et Opera  
miseri-  
cordiae. commodare. Dare est sine spe iterum recipiendi, unde Aristoteles: « Donum est datio irredibilis. » Unde tres Gratiae, quasi tres sorores, cum depinguntur, dant manus retroflexas post tergum, quasi non videant cident, ut iterum aliquid petant. Mutuo dare, est idem dare, et tale recipere. Commodare, est vel tale, et non cum usura recipere.

7. *Paratum cor ejus*, etc. Arrisores sunt, qui potentibus et impotentibus in malis consentiunt; adulatores, qui verba cadentia tollunt; derisores, qui amicis et dominis absentibus detrahunt. *Ab audizione mala*. Est verbum asperum hoc: « Surgite, mortui. » Asperius<sup>4</sup>: « Esurivi, et non dedistis mihi manducare. » Aspernum: « Ite, maledicti, (a) *Edit. Ven.* promissionem. — (b) *Item* justitiam. — (c) *Leg.* tria. — (d) *Suppl.* non. — (e) *Leg.* ibi. — (f) *Al.* ostendebant. — (g) *Leg.* præcedentia.

in gnem æternum. » Est verbum suave : « Esurivi , et dedistis mihi manducare. » Suavius <sup>1</sup> : « Euge , serve bone et fidelis. » Est suavissimum : « Intra in gaudium Domini tui. » Ista dicentur in judicio. Duæ sunt hic promissiones : una bonis , unde hoc <sup>2</sup> : « Omnes sitiens, venite ad aquas; » alia malis <sup>3</sup> : « Arbor, quæ non facit fructum bonum , excidetur, et in ignem mittetur. » Duæ erant impletiones, una hic <sup>4</sup> : « Venite, benedicti patris mei ; » alia malis , unde : « Ite, maledicti, in ignem æternum. » Nota : *Exortum est in tenebris lumen rectis, misericors, et miserator, et justus, ecce fides; Jucundus homo, ecce operatio; In memoria æterna erit justus, ecce retributio.*

*9. Dispersit, dedit pauperibus (a). Facite vobis amicos de mammona iniquitatis<sup>5</sup>.*

Mammon et mona nomen diaboli , qui præest divitiis : forte idem est. Sed diabolus dicitur præesse divitiis , non quia det , sed quia solet homines tentare divitiis; quæ dicuntur iniquitatis <sup>6</sup>, quia ad iniquitatem viam aperiunt , vel quia ab iniquis habentur : nam omnis dives aut iniquus , aut hæres iniqui ; vel dicuntur iniquitatis , aut inæqualitatis , quia cum iniquitate , vel inæqualitate possidentur. Vel : « Facite vobis amicos de mammona iniquitatis , » id est , reddendo eas , cui ablatæ sunt , id est , divitias; et sic , qui prius erant inimici , siant amici.

### PSALMUS DAVID CXII.

*1. Laudate , pueri, Dominum.* Tripliciter Deus gentes assumit : nam ad fidem , unde hoc <sup>7</sup> : « Misit de summo , et accepit me , et assumpsit; » ad sacramenti susceptionem : « Et assumpsit me de aquis multis; » tandem ad gloriam. Deum tripliciter debemus laudare : nam devote , ne dicatur <sup>8</sup> : « Populus hic labiis me honorat, eor autem eorum

<sup>1</sup> Matth., xxii, 23. — <sup>2</sup> Isa., lv, 1. — <sup>3</sup> Matth., vii, 19. — <sup>4</sup> Matth., xxv, 34, 41. — <sup>5</sup> Luc., xvi, 19. — <sup>6</sup> Hieron., Epist. cl, ad Hebr., q. 4. — <sup>7</sup> Psal. xvii, 17. — <sup>8</sup> Matth., xv, 8. — <sup>9</sup> Psal. xlvi, 10. — <sup>10</sup> Matth.,

longe est a me; unde hoc : *Laudate, pueri , Dominum;* continue, scilicet omni tempore, unde hoc (v. 2) : *Ex hoc nunc, et usque in sæculum,* ne dicatur <sup>9</sup> : « Confitebitur, cum benefeceris ei ; » publice , scilicet ubique , unde hoc (v. 3) : *A solis ortu, usque ad occasum,* et hoc <sup>10</sup> : « Qui me confessus fuerit eorum hominibus , » etc. Unde signum fit in fronte, id est , in manifesto. Vel sic : Qui , et quem debent laudare? Scilicet pueri Deum. Et quandiu? Scilicet in æternum; unde dicit : *Ex hoc nunc, et usque in sæculum.* Et ubi? Scilicet ubique ; unde hoc : *A solis ortu usque ad occasum.* Habes ergo quis , quem , quando vel quandiu , et ubi. *Pueri a puritate diemuntur;* et tales debent laudare, unde dicunt : *Benedicamus Domino, in ecclesia, et chorus respondet : Deo gratias , subaudi , dicamus, ut cum dicimus : Tu autem, Domine, miserere nobis , a choro respondetur : Deo gratias.* Nota : Soli pueri intrabunt in regnum cœlorum ; unde Dominus dicit in Evangelio : nam humiles et simplices intrabunt , id est , submissi , et graciles. Nam arduum est, quo ascendere molimur ; arctum, quo penetrare tentamus : nam <sup>11</sup> « via ad patriam est areta. » Ergo si voluerimus intrare, oportet nos esse expeditos et subtile. Nam in altum repere est honestum, et per angusta intrare inflatum impossibile est : oportet ergo hominem esse tenuem in divitiis , et exoneratum curis , ad hoc quod intret. Deponat ergo sarcinas peccatorum. Camelus autem per foramen acus cum sarcinulis suis , nisi humiliaverit se , intrare non poterit.

*7. De stercore.* Stercera in sacra Scriptura tribus modis accipiuntur. Nam dieuntur voluptates carnales , ut hic; quandoque amaritudines pœnitentiae , unde hoc <sup>12</sup> : « Sine , fodiam circa illam , et mittam stercora ; » quandoque substantia mundialis , ut hic <sup>13</sup> :

x, 22. — <sup>11</sup> Matth., vii, 14. — <sup>12</sup> Luc., xiii, 8. — <sup>13</sup> Philip., iii, 8.

(a) Cæt. edit. non habent *Dispersit, dedit pauperibus*, et glossam , quæ sequitur, transferunt ad psal. cxiii, immediate ante v. 3, *Mare videt.*

« Omnia reputavimus (*a*) ut stereora. » Nota : Homo debet considerare, quid fecit, quid meruit, et quid amisit : peccatum, supplicium, praemium : et debet considerare, unde vocatus, ad quid, per quid : de stereore ad gloriam, per gratiam.

9. *Qui habitare facit sterilem in domo.*

Septem modis dicitur Deus inhabitare in aliquo : nam tribus modis est ubique, scilicet per potentiam, per presentiam, per essentiam ; in sanctis, per inhabitantem gloriam ; in Virgine, per conceptionem ; in Christo, per unionem ; in Patre, per identitatem, unde hoc<sup>1</sup> : « Ego in Patre, et Pater in me est. » Sed tribus modis dicitur inhabitare in aliquo, unde versus :

In Patre, carne, bonis, habitat sapientia Patris.

Hie commendat sapientiam, scilicet Ecclesiam, a quatuor : a diuturnitate, unde dicit : *Qui habitare facit*, nam qui alicubi habitat, ibi diu manet ; a stabilitate, unde hoc : *In domo*, non quasi in tabernaculo fragili et vago ; a fecunditate, unde dicit : *Matrem filiorum* ; ab exultatione, unde dicit : *Lætantem*.

PSALMUS DAVID CXIII.

*Exitus multi-plex.* 4. *In exitu Israel de Ægypto.* Exitus est de bono in malum, de malo in bonum, de malo in malum. Nam exierunt obviam Christo in dominica ante Pascha pharisæi ad detrahendum; Judas, ad distrahitum, sive perdendum; apostoli, ad altrahendum activæ; pueri, ad attrahendum passive, id est, ut attraherentur a Deo, unde hoc<sup>2</sup> : « Trahe me post te. » *In exitu Israel de Ægypto*, *domus Jacob*. A triplici domo oportet nos exire, quæ sunt mundus, caro, propria voluntas. Mundus est domus carnis ; caro, propriae voluntatis ; propria voluntas, serpentis. De his tribus dominibus præcepit Dominus exire Abraham, dicens<sup>3</sup> : « Egedere de terra, et de cognatione tua, et de domo

*Domus triplex, a qua exire oportet.*

<sup>1</sup> *Joan.*, x, 38. — <sup>2</sup> *Cant.*, i, 3. — <sup>3</sup> *Gen.*, xii, 1.

patris tui. » Mundus adulatur per occasiones; caro suggestit per causam; voluntas captivat per effectum.

2. *Facta est Judæa sanctificatio ejus.* Prius est in Ægypto sub Pharaone in tribulatione : *Ægyptus* enim *tribulatio* interpretatur. Et in Ægypto hujus mundi est tribulatio triplex : nam prima est tribulatio cordis ; secunda, dissolutio corporis et animæ; tertia, pena gehennalis. In prima canitur *Væ*; in secunda : *Væ, Væ*; in tercia : *Væ, Væ, Væ*. Nam *væ* corpori, in carnis tribulatione ; *væ* animæ et corpori, in carnis dissolutione ; triplex *væ*, in gehennali exustione. *Israel potestas ejus.* Ad hoc, quod aliquis sit in futuro verus (*b*) *Israel*, oportet quod haec quatuor sint in eo, scilicet timor, spes, dolor, amor : timor mentem humiliet; dolor carnem mortificet ; spes dolentem beatificet ; amor certantem coronet.

3. *Mare vidit.* Dicimus peccatorem *mare* *peccator qualis.* furore turgidum, rixis amarum, elatione tumidum. Tria sunt impedimenta homini circa Deum : primum philosophorum ; secundum pharisæorum ; terrium hæreticorum.

(c) *Jordanis.* Nota : duo flumina sunt, scilicet Jor et Dan, et conveniunt ad faciendum fluvium, scilicet Jordanem. Nam sicut nomen ex nominibus, ita flumen ex fluminibus, ut sicut Tamisæ fluminis in Anglia. Vel potest dici, quod quidam fluvius fluit ad radicem montis Dan, qui vocatur Jor, et a monte contrahit nomen, ut dicatur Jordanis. Nota : Judæi adoraverunt vitulos, unum in Dan, et alium in Bethel. Quatuor genera hominum hic notantur : contemplativi, et activi, infideles, et baptizati, sed iterum ad culpam reversi ; vel sanativi, et sani, ægrotativi et ægroti. Medii sanativi et sani ; pessimi ægrotativi et ægroti. Istorum optimi sunt sanativi et sani. Sanativi sunt, quorum natura nullo vitio latente corruptitur. Sani, qui nulla ægritudine manifesta vexantur. Sed judica de ægrotativo et ægroto, per Israel

*Tribu-  
latio tri-  
plex.*

*Quatuor genora homi-  
num.*

<sup>(a)</sup> *Vulg.* arbitr. — <sup>(b)</sup> *Cæl. edit.* versus. — <sup>(c)</sup> *Cæl. edit.* *Et tu Jordanis.*

sanativum, per Israel sanum. Per mare ægrotativum, per Jordanem ægrotum intellige. Nota: quatuor in hominibus solent reperiri, scilicet virtus, justitia, vitium, peccatum. Quod est sanativum in corpore, hoc est virtus in mente. Quod est sanum in corpore, hoc est justitia in mente. Quod est ægrotativum in corpore, hoc est vitium in mente. Quod est ægrotum in corpore, hoc est peccatum in mente. Non ergo omnis qui aliquando virtutem habet, sed qui facit justitiam, bonus est. Nec omnis qui aliquod habet, sed qui facit malum, malus est. Ergo in adventu Israel et Jacob fugiunt mare et Jordanis. Nam consuetudine beneficiendi, et actu veniente, consuetudo et actus peccandi recedunt.

*Festum triplex facientum.* 4. *Montes exultaverunt.* Triplex gaudium, vel festum, debemus facere, scilicet festum Virginum, Confessorum, Martyrum. Festum Virginum facit, qui observantia castitatis mentem exhilarat. Festum Confessorum facit, qui etsi gloriari non potest de integritate virginitatis, consolatur tamei in puritate confessionis, et hoc laudis vel peccati. Festum Martyrum facit, qui in tribulatione gaudet in spe resurrectionis.

*Motus triplex.* 7. *A facie Domini mota est terra.* Est triplex motus. Nam est mentis, sensualitatis, et corporis. Primus est in voluntate; secundus, in delectatione; tertius, in opere: et hoc tum in bono, tum in malo accipitur. Vel commota est terra, ac si non stabilis. Sed nos Deus invitat ad stabilitatem, non ad delicias: non enim legitur, quod elixa comedit, scilicet aqua cocta, sed <sup>1</sup> favum mellis, et partem piscis assi igni. De agno paschali præceptum est<sup>2</sup>, ut non sit coctus aqua, sed igni.

8. *Qui convertit petram in stagna aquarum.* Propter duritiam: nam quando dixit<sup>3</sup>: « Nisi manducaveritis carnem filii hominis, et biberitis ejus sanguinem, » etc., dixerunt discipuli: « Durus est hic sermo; » et propter

offensionem, unde dicitur<sup>4</sup>: « Lapis offensionis in caput anguli; » et<sup>5</sup>: « Super quem ceciderit, conteret eum; » et propter stabilitatem, unde hoc<sup>6</sup>: « Fundamentum positum est, quod nemo mutare potest. » Et alibi dicitur<sup>7</sup>: « Tu es Petrus, et super hanc petram ædificabo Ecclesiam meam, » id est super Christum: propter hoc dicitur lapis Christus.

2 bis. *Super misericordia.* Christus dicitur misericors triplici de causa: quia peccatorem expectat, et quia impium justificat, et quia ultra meritum remunerat. De primo<sup>8</sup>: « Nonne vides, quia benignitas Dei ad pœnitentiam te vocat? » De secundo<sup>9</sup>: « Mittit crystallum suam sicut bucellas. » De tertio<sup>10</sup>: « Non sunt condignæ passiones humani temporis, » etc.

Christus misericors triplici de causa.

4. *Simulacra gentium argentum et aurum.* Quatuor sunt species idolatriæ: nam est idolatria avarorum, gentilium, judæorum, haëreticorum. De primo Apostolus<sup>11</sup>: « Fugite avaritiam, quæ est idolorum servitus, » et hoc: Sicut guloso<sup>12</sup> « Deus venter est, » ita avaro aurum. De secundo hic. De tertio: Servitus legis non multum distat ab idolatria. De quarto in *Osea*, nam ibi dicitur<sup>13</sup>, quod haëretici sunt idololatræ sectantes dogmata sua.

Idolatriæ species.

5. *Os habent, et non loquentur.* Nota: quinque sunt operarii, scilicet, quinque sensus, visus, auditus, tactus, olfactus, et gustus. Ad visum elecio, ad auditum sermo, ad tactum manus officium, et ad olfactum et gustum experientia. Visus eligit, sermo prædicat, officium coaptat, experientia disponit. Sic (*a*) potest fieri ædificium; simulacra talia non possunt. *Pedes habent, et non ambulabunt.* Nos, qui pedes habemus, debemus ambulare. Duo pedes sunt: cognitio exilii, et memoria beneficii. Cognitio exilii in duobus: in notitia adversitatis, et notitia prosperitatis. Cognosce quia prospera, quia

Pedes duo quid

<sup>1</sup> *Luc.*, xxiv, 42. — <sup>2</sup> *Exod.*, xii, 8. — <sup>3</sup> *Joan.*, vi, 54, 61. — <sup>4</sup> *Isa.*, viii, 14; *Psalm.* cxvii, 22. — <sup>5</sup> *Matth.*,

<sup>6</sup> *I Cor.*, iii, 14. — <sup>7</sup> *Matth.*, xvi, 19. — <sup>8</sup> *Rom.*, ii, 4. — <sup>9</sup> *Psalm.* cxlvii, 17. — <sup>10</sup> *Rom.*, viii, 18. — <sup>11</sup> *Gal.*, v, 20. — <sup>12</sup> *Philip.*, iii, 19. — <sup>13</sup> *Ose.*, xiii, 2. — (*a*) *Al. Si.*

Hominis  
tria sunt  
data.  
blandiuntur, ut decipient. Adversa terrent, ut frangant. Memoria beneficii triplex : primorum, mediorum, infimorum (a). Data sunt enim homini tria, suprema, media, infima, scilicet Deus, Angelus, creatura ad hominis sustentationem. Prima ad gubernandum, media ad conservandum, infima ad sustentandum.

Prælati  
sancti,  
caelum  
dicuntur  
16. *Cælum cœli Domino.* Sancti scilicet prælati dicuntur *cœli* triplici de causa : propter secretum, propter ornatum, propter doctrinæ privilegium. De primo<sup>1</sup> : « Vobis datum est nosse mysterium regni Dei : » nam celant arcana Dei, sicut *cœlum* celat superiora. De secundo, nam sic sunt ornati virtutibus, ut *cœlum* luminaribus : nam<sup>2</sup> « stella differt a stella in claritate. » De tertio : nam dicuntur nubes rorantes (b) minis, coruscantes miraculis, pluentes doctrinis.

## PSALMUS DAVID CXIV.

1. *Dilexi, quoniam exaudiet Dominus.*

Laus  
Christi.  
Laus Christi dicitur dignissima propter tria : propter immensitatem rei, propter rei jucunditatem, propter continuationem. De primo<sup>3</sup> : « Magnus Dominus, et laudabilis nimis. » De secundo<sup>4</sup> : « Jucunda de coraque laudatio. » De tertio<sup>5</sup> : « Ex hoc nunc et usque in saeculum ; » nam in praesenti et in futuro Deum laudabimus. Nos dicimus peregrini propter quatuor, quae solent peregrinis convenire : propter laborem, unde hoc<sup>6</sup> : « In sudore et labore vesceris pane tuo ; » propter paupertatem, unde hoc<sup>7</sup> : « Ego sum pauper et dolens ; » quia in praesenti non habemus permanentiam, unde hoc<sup>8</sup> : « Non habemus hic manentem civitatem. » Omnia praeterunt praeter amare Deum. Et propter (c) a patria remotionem,

unde<sup>9</sup> : « Super flumina Babylonis illic sedimus, et flevimus ; »<sup>10</sup> « Ileu mihi, quia incolatus meus prolongatus est. »

2. *Inclinavit aurem suam mihi.* In hoc quod Deus nobis filium suum dedit, tria intelliguntur : mysterium incarnationis absconditum angelis, unde Apostolus<sup>11</sup> : « Hæc dispensatio abscondita est a sæculis, ut innotescat potestatibus in cœlestibus ; » et devotio populi expectantis, unde hoc<sup>12</sup> : « Credidi, propter quod locutus sum, » etc.; humilitas et exinanitio Dei, unde<sup>13</sup> : « Humiliavit semetipsum, formam servi accipiens. »

3. *Tribulationem et dolorem inveni.* Quidam inveniunt mala, scilicet poenam, et inveniuntur a malis : quando volunt puniri, a poena meliorantur : de his hæc sunt exempla : *Dolores inferni circumdederunt me; tribulationem, et dolorem inveni.*<sup>14</sup> « Apprehendite disciplinam, ne quando irascatur Dominus ; »<sup>15</sup> « Tribulatio et angustia inveniunt me ; »<sup>16</sup> « Virum injustum mala capient in interitu. »<sup>17</sup> « Non visitabo super filias vestras (d), cum fornicatae fuerint (e). »<sup>18</sup> « Virga tua, et baculus tuus, » etc.

8. *Pedes meos a lapsu.* Tres sunt partes in homine, caput, cor, pes; supremum, medium, et infimum. Caput, liberum arbitrium; cor, consilium; pes, carnale desiderium, scilicet sensualitas. Nam in homine nihil subtilius libero arbitrio, et ideo capite designatur; nihil utilius consilio; nihil inferius carnali desiderio, et ideo pedibus designatur. Nihil melius libero arbitrio, nam habet imaginem æternitatis, et divinæ (f) majestatis : æternitatis, quia nulla culpa vel miseria destrui potest; divinæ (f) majestatis, quia Creator nou habet superiorem, ita liberum arbitrium. De consilio dicitur<sup>19</sup> : « Ego, inquit, in consilio, » id est, in corde; et hoc<sup>20</sup>:

In ho  
mine  
tres par  
tes.

In ho  
mine ni  
hil me  
lius libe  
ro arbi  
trio.

<sup>1</sup> Matth., XIII, 41. — <sup>2</sup> Cor., XV, 41. — <sup>3</sup> Psal. XLVII, 2. — <sup>4</sup> Psal. CXLVI, 1. — <sup>5</sup> Psal. CXII, 2. — <sup>6</sup> Gen., III, 19. — <sup>7</sup> Psal. LXVIII, 30. — <sup>8</sup> Hebr., XIII, 14. — <sup>9</sup> Psal. CXXXVI, 1. — <sup>10</sup> Psal. CXIX, 5. — <sup>11</sup> Ephes., III, 10. — <sup>12</sup> Psal. CXV, 10. — <sup>13</sup> Philip., II, 8. — <sup>14</sup> Psal. II, 12. — <sup>15</sup> Psal. CXVIII, 143. — <sup>16</sup> Psal.

XXXIX, 12. — <sup>17</sup> Ose., IV, 14. — <sup>18</sup> Psal. XXII, 4. — <sup>19</sup> Prov., VIII, 12. — <sup>20</sup> Prov., III, 15.

(a) Edit. Ven. infirmorum. — (b) Cæt. edit. rotantes. — (c) Edit. Ven. propterea. — (d) Cæt. edit. Non vitabo. — (e) Cæt. edit. fuerunt. — (f) Edit. Ven. diem.

« Beatus homo, qui invenit sapientiam ; et hæc pretiosior est cunctis opibus. » Ecclesia dicitur catholica (*a*) esse propter tria : propter fidei constantiam ; propter dilectionem ; propter sacramentorum communiationem. De his dicit Apostolus<sup>1</sup> : « Una fides, unus spiritus, unum baptisma. »

## PSALMUS DAVID CXV.

10. *Credidi, propter quod locutus sum.*

*Ego dixi.* Quadruplici de causa non confitetur quis ore, quod habet in mente : propter timorem, ut Petrus, qui intus fidem Christi tenebat, quod non ore confessus est; propter impotentiam, vel infirmitatem, unde Hieremias<sup>2</sup> : « A, a, a, Domine, nescio loqui; » propter negligentiam, ut ille, qui<sup>3</sup> « abscondit in terra talentum » domini sibi commissum; propter cauteriatam conscientiam, unde hoc<sup>4</sup> : « Iniquitas oppilabit os suum. » Talis non est, qui dicit : *Credidi, propter quod locutus sum.* Nota : Fides debet esse fidelis, integra, firma, et voluntaria; unde hoc<sup>5</sup> : « Quam nisi quisque fideliter firmiterque crediderit; » et illud : « Integralm inviolatamque servaverit, absque dubio peribit. » Integra ergo ad factorum et miraculorum plenitudinem, nam<sup>6</sup> « fides sine operibus mortua est; » et debet credere omnes articulos fidei. Inviolata, quantum ad errorum et hæresum vitationem, ut non sit adultera, sed casta. Virginitas mentis fides est incorrupta, fidelis per obedientiam, firma per certitudinem; diabolus enim firmiter credit, sed non fideliter.

11. *Omnis homo mendax* : in natura, in animo, in verbo. Excessus mentis fit tribus modis, nam fit mentis dilatatione, mentis sublevatione, mentis alienatione. Dilatatio, quando mentis aries latius diffunditur, tamen modum humanæ industriæ non supergreditur. Sublevatio, quando mentis vivacitas

gratia Dei illustrata humanæ industriæ metas excedit, sed non mentis alienatione transit, quando supra se videt, tamen assuetum. Alienatio est, quando præsentium memoria mentem excedit, et peregrinum statum, divinæ operationis transfiguratione transit. Primus modus est ex industria humana; secundus, ex utriusque permixtione; tertius, ex sola gratia. Unusquisque modus in tres dividitur; sed de hoc alias.

13. *Calicem salutaris.* Adjective (*b*), huic innitens substantivo : *populi*, vel *Christi*.

16. *Dirupisti vincula.* Μαρτύρων græce, testis <sup>Martyris</sup> latine: nam martyres de tribus perhibent testimonium, scilicet de Christi passione, unde hoc<sup>7</sup> : « Non est major dilectio, quam ut animam suam ponat quis pro amicis suis, vel pro ovibus suis. » Et Petro dictum est<sup>8</sup> : « Sequere me. » Nam oportet, ut totum corpus patiatur : caput enim prius passum est, et oportet membra compati. Et de carnis glorificatione : non enim exponerent se morti, nisi carnis glorificationem expectarent, unde Apostolus<sup>9</sup> : « Cupio dissolvi, et esse cum Christo. » Et de æterna beatitudine : non enim mundana tanquam stercore reputarent, nisi æterna expectarent. Nota : Deus dirupit nostra vincula sua morte : nam nos redemit : et attende in illo opere quatuor : nam opus fuit sine exemplo, humilitas sine modo, gratia sine merito, donum sine pretio. Attende potentiam in opere, charitatem in humilitate, bonitatem in gratia, largitatem in munere. De potentia ait Augustinus : « Majoris potentiae est justificare impium, quam creare cœlum et terram. » De charitate<sup>10</sup> : « Propter niuniam charitatem, qua dilexit nos, misit Deus Filium suum in mundum. » De bonitate hoc<sup>11</sup> : « Bonus es tu, et in bonitate tua doce me. » De largitate hoc<sup>12</sup> : « Quomodo non omnia nobis cum illo donavit, qui etiam proprio Filio suo pro nobis non pepereit? »

Deus  
nestra  
vincula  
dirapit.

Redem-  
ptionis  
opus.

<sup>1</sup> Ephes., IV, 5. — <sup>2</sup> Jerem., I, 6. — <sup>3</sup> Matth., XXV, 18. — <sup>4</sup> Psal. CVI, 42. — <sup>5</sup> Ex Symbol., ut dicunt, Albanasii. — <sup>6</sup> Jac., II, 10. — <sup>7</sup> Joan., XV, 13. —

<sup>8</sup> Joan., XXI, 19. — <sup>9</sup> Philip., I, 23. — <sup>10</sup> Ephes., II, 4.

— <sup>11</sup> Psal. CXVIII, 68. — <sup>12</sup> Rom., VIII, 32.

(a) Leg. una. — (b) Leg. Adjectivum.

## PSALMUS DAVID CXVI.

*Laudate Dominum, omnes gentes.* Hie psalmus est primus eorum, qui dicuntur ἄποψις, id est, sine divisione. Nam duo sequuntur, scilicet <sup>1</sup>: « Ecce quam bonum, et quam jucundum: » et <sup>2</sup>: « Laudate Dominum in sanctis ejus: » et significant Trinitatem, quæ sectionem non recipit (a).

*2. Quoniam confirmata est super nos misericordia ejus.* Dei enim gratia est nobis promissa, unde hoc <sup>3</sup>: « In semine tuo benedicentur omnes gentes. » Data incarnatione, unde <sup>4</sup>: « In terra pax hominibus; » et hoc <sup>5</sup>: « Puer natus est nobis, et Filius datus est nobis. » Confirmata in die Pentecostes, unde Dominus discipulis <sup>6</sup>: « Sedete hic, donec induamini virtute ex alto. » Nota: Donum Dei a Deo datum vel promissum non fuisse, nisi ad datum apponetur custodia, ne amitteretur; et ad promissum aperiretur via, ut inveniretur. Ideo ad datum apposita est custodia, ne amittatur præceptum naturæ; et ad promissum aperta est via, ut

<sup>Homini</sup>  
<sup>duo data</sup> inveniatur præceptum disciplinæ. Haec enim duo data sunt homini: præceptum naturæ, quod intus inspiratum est per naturam; præceptum disciplinæ, foris appositum per doctrinam: intus per sensum, foris per verbum. In præcepto naturæ tria: præceptio, prohibitio, et concessio (b).

## PSALMUS DAVID CXVII.

*1. Confitemini Domino, quoniam bonus: quoniam in sæculum misericordia ejus.* Triplex est laus angelorum: scilicet *Alleluia*, ut hic habetur <sup>7</sup>; *Gloria in excelsis Deo*, <sup>8</sup> etc.: quod enim sequitur <sup>9</sup>, appositum est; <sup>10</sup> *Sanctus, Sanctus, Sanctus*, etc.

<sup>1</sup> *Psal. CXXXII*, 1. — <sup>2</sup> *Psal. CL*, 1. — <sup>3</sup> *Gen.*, xxii, 18. — <sup>4</sup> *Luc.*, ii, 14. — <sup>5</sup> *Isa.*, ix, 6. — <sup>6</sup> *Luc.*, xxiv, 49. — <sup>7</sup> Scilicet in titulo hujus psalmi. — <sup>8</sup> *Luc.*, ii, 14. — <sup>9</sup> Scilicet in cantico Missæ. — <sup>10</sup> *Isa.*, vi, 3. — <sup>11</sup> *Matth.*, vii, 14. — <sup>12</sup> *Aeneid.*, lib. VI. — <sup>13</sup> *Luc.*, viii, 7. — <sup>14</sup> *Ecli.*, xxviii, 28. — <sup>15</sup> *Psal. cxv*, 5.

*Latitu-*  
*do bono-*  
*rum, an-*  
*gustia*  
*inalo-*  
*rum, etc.*  
*converso*

*5. In latitudine.* Est latitudo bonorum, et angustia malorum. Sit latitudo bonorum in charitate, quæ dicitur habere tres divisiones secundum corpus: nam habet latitudinem, extenditur enim ad amicos et inimicos; altitudinem ad Deum; longitudinem pro perseverantia. Hanc latitudinem non habet malus: et ideo est in angustia. Est angustia bonorum. Nam <sup>11</sup> « areta est via, quæ dicit ad vitam: » nam <sup>12</sup>

*Ardua prima via est... (c)*

Sed « lata est, quæ dicit ad mortem: » nam <sup>13</sup> ... facilis descensus averni.

Nam ultima prona est via. Est latitudo, et angustia, in bono, et malo.

*12. Exarserunt sicut ignis in spinis.* Spinæ quandoque peccata, ut hic; quandoque divitiæ, ut hic <sup>14</sup>: « Semen cecidit super terram, et ortæ sunt spinæ, » scilicet divitiæ, quæ suffocant hominem, ne fructificet in verbo Dei; quandoque in bono, unde hoc <sup>15</sup>: « Sepite aures vestras spinis, » quia serpens adhuc mussitat moraliter.

*13. Vox exultationis et salutis in tabernaculis justorum.* Congruë post exultationem sequitur: multi enim gaudent salute. Distingue ergo quatuor voces: est vox exultationis (d) et perditionis in personis perverse lætantibus; est vox mœroris et perditionis, in perniciose dolentibus; est vox mœroris et salutis, in penitentibus; est vox exultationis et salutis, in perfecte viventibus, unde dicitur: *Vox exultationis*, etc.

*17. Non moriar, sed vivam.* Nota: vita <sup>Vita san-</sup>  
<sup>cotorum,</sup>  
sanctorum in patria est vita vitalis; mors <sup>et mors</sup>  
<sup>inalo-</sup>  
<sup>rum, etc.</sup>  
<sup>converso</sup>

molorum in inferno, est mors mortalis; vita in præsenti viventium, scilicet molorum, vita mortalis; mors bonorum, mors vitalis, quia tendit ad vitam; nam <sup>16</sup> « pretiosa in conspectu Domini mors sanctorum ejus. »

(a) In eæt. edit. hoc loco ponitur glossa de tædio, quæ melius refertur ad *Psal. cxix*, 5. Vide *Psal. cxix*, ad hæc verba: *Multum incola fuit anima mea.* —

(b) Edit. Ven. confessio. — (c) Item est via. — (d) Item exaltationis.

Judei  
quare  
infatuati

*22. Lapidem, quem reprobaverunt ædificantes.* Ad litteram, in ædificatione templi erat lapis, cui non poterat locus aptus inventari, nisi in consummationem in angulo duorum parietum, et ibi aptum locum inventit. Non est mirum, si Judæi infatuati, quia carent capite, in quo sunt omnes sensus. Nam sibi caput amputaverunt, scilicet Christum, in quo debent esse nostri sensus.

*24. Hæc est dies, quam fecit Dominus.* Est dies Dominus, Domini, a Domino : Pater, Filius, et Spiritus sanctus. De primo : In die judicii sedebit ille « Antiquus dierum <sup>1</sup>, » quia auctor est personarum. De Patre et Filio dicitur <sup>2</sup> : « Dies diei eructat verbum : » de Spiritu sancto <sup>3</sup> : « In die mandavit Dominus misericordiam suam. » Nota : ad litteram, secundum legem, debuit esse annus jubilæus in anno resurrectionis Christi, et vere tunc fuit annus jubilæus nobis, quia de servis facti sumus liberi. Tunc redimus (*a*) ad hæreditatem nostram, prius per peccatum alienatam. Dicitur etiam, quod in anno, quo rex Philippus debita Judæorum condonavit, debuit esse annus jubilæus. Paromœon (*b*) est <sup>4</sup>, cum diversa verba ab eisdem litteris inceptiunt, ut hic : *Benediximus vobis de domo Domini, Deus Dominus, et illuxit nobis.*

Ritus.  
Ecclesiam  
quatuor  
de causis  
intramus.

*27. Usque ad cornu altaris.* Nota : ter in anno Judæi intrabant templum non vacua manu; unde et sacerdotes nostri temporis ter in anno exigunt oblationes subditis. Nota : quatuor de causis intramus ecclesiam : ut laudemus Deum, unde hoc <sup>5</sup> : « Laudate, servi, Dominum ; » quandoque, ut oremus, unde hoc <sup>6</sup> : « Domus mea domus orationis est ; » quandoque, ut instruamur, unde hoc <sup>7</sup> : « Venite, ascendamus ad montem Domini, » et illud <sup>8</sup> : « Venite ad me, et ego docebo vos ; » quandoque, ut reficiamur susceptione Sacramenti, quod in Ecclesia præsentatur. Nota : quatuor sunt partitiones (*c*) in Ecclesia in Missa : prima, scilicet Introitus, laudatio est ;

In Missa  
quatuor  
sunt parti-  
tiones.

<sup>1</sup> Dan., vii, 9. — <sup>2</sup> Psal. xviii, 3. — <sup>3</sup> Psal. xli, 9. — <sup>4</sup> Bed., de Schemat. div. Script. — <sup>5</sup> Psal. cxxxiv, 1. — <sup>6</sup> Matth., xxi, 43. — <sup>7</sup> Isa., ii, 3. — <sup>8</sup> Psal. xxxiii, 11, 12. — <sup>9</sup> Psal. xxxvi, 4. — <sup>10</sup> Isa., lv, 1. —

secunda est oratio, quam dicit sacerdos ; tertia instructio, scilicet per epistolam et evangelium ; quarta refectio, quando sacerdos reficitur corpore et sanguine Jesu Christi.

### PSALMUS DAVID CXVIII.

*1. Beati immaculati.* Nota : Sacra scriptura dicitur *paradisus*, sive *hortus*, triplici de causa : quia est locus ad delectationem, unde <sup>9</sup> : « Delectare in Domino, et dabit tibi petitiones ; » et ad vescendum, unde <sup>10</sup> : « Qui non habetis argentum, properate, et emite, et comedite ; » et ad excitandum, unde hoc <sup>11</sup> : « In labore et sudore vesceris pane tuo ; » unde <sup>12</sup> : « Qui apponit (*d*) scientiam, apponit et dolorem. » Nota : hæc tria solent esse in horto, a simili in sacra Scriptura. Homo habet qua pergit, cum quibus, quo perveniat; qua, perlegat legem quasi viam, unde hic : *Qui ambulant in lege Domini*; cum quibus, sunt *immaculati in via*; quo perveniat, habet patriam, unde hoc <sup>13</sup> : « Dirige in conspectu tuo viam meam. » Nota : Legitur in Prologo beati Hieronymi super *Regum* libros, et in glossis super Prologum, sic : « Moyses invenit litteras Hebræorum. Sed Esdras post reparationem templi invenit alias faciliores ad pronuntiandum, quæ a sinistra in dexteram tendunt, sicut latinæ; sed Mosaicæ a dextera in sinistram. » Et sicut ibi dicitur, Judæi modo utuntur litteris Esdræ : quod non videtur; nam Judæi incepunt scribere a dextera in sinistram, cum e converso litteræ Esdræ scribantur. Nota : a quatuor capitibus (*e*) initium, scilicet ab operis utilitate, a facilitate, a profunditate, ab ornatu. Duæ sunt scholæ, et duo genera discentium. Nam est schola virtutis, et veritatis, sive sanctitatis, et sapientiae. Nam alii quærunt sapientiam, alii virtutem; sed neutrum sine altero haberi potest. Schola virtutis et sanctitatis est : *Beati immaculati in via*.

<sup>11</sup> Gen., iii, 19. — <sup>12</sup> Eccl., i, 18. — <sup>13</sup> Psal. v, 9.

(*a*) Leg. redivimus. — (*b*) Al. Parœnum. — (*c*) Al. petitiones. — (*d*) Vulg. addit, et sic deinde. — (*e*) Al. capit.

Schola veritatis, sive sapientiae est : *Beati, qui ambulant in lege Domini.* — 2. *Beati qui scrutantur testimonia ejus.* Sic in primo psalmo, scilicet, *Beatus vir.* Schola sanctitatis (a) est ubique, ibi<sup>1</sup> : « Non sedi cum concilio. » Schola sapientiae est ibi<sup>2</sup> : « Sed in lege Domini voluntas ejus et in lege meditabitur die ae nocte. » Utrobius studium sanctitatis præmittitur, ut prius per, studium boni operis mundetur conscientia, et corde mundo quæratur sapientia. Primum disce quid facias; post quæras, quid seias, unde<sup>3</sup> : « Cœpit Jesus facere, et docere. » Immaculatus est impollutus, vel ablutus, nunquam aduersus, vel reversus. Nota : quidam sunt in lege ambulantes, qui in lege proficiunt; quidam in lege stantes, qui a lege declinant, a lege recedunt. *Beati, qui scrutantur.* Sapientia debet esse in episcopo; unde cum primo intrat ecclesiam, debet habere textum in pectore. Unde, post evangelium, textus ei portatur, offertur apertus, sed aliis in choro clausus, quia tenetur habere scientiam, ad quod non alii. — 3. Nota : sunt tres viæ, Dei, hominis, diaboli. Duæ extremæ convenire non possunt; sed media ad utramque flecti potest. De prima<sup>4</sup> : *Viam veritatis elegi.* De ultima<sup>5</sup> : *Viam iniquitatis amove a me.* Prophetæ volens quod via sua ad viam Dei, non diaboli, dirigatur, orat<sup>6</sup> : *Dirige in conspectu tuo viam meam.* Lex dicitur umbra : nam ad quod sit umbra, tria sunt necessaria, lumen, corpus objectum, et umbræ receptaculum. Si enim usque ad infinitum umbra protenderetur, ita quod non haberet obstaculum, non esset umbra. Sic tria hæc in lege: nam ibi lux veritatis; figura quæ promittebatur, vel latebat in littera; corpus, cærenomia, quæ erant quasi obstacula veritati, scilicet livor; Judæi, quasi umbræ receptaculum, super quos erat umbra. Nota : ignorantia est triplex velum, quod alibi exponitur (b). — 4. *Tu mandasti mandata*

<sup>1</sup> *Psal. xxv, 4.* — <sup>2</sup> *Psal. 1, 2.* — <sup>3</sup> *Act., 1, 4.* — <sup>4</sup> *Infra, 30.* — <sup>5</sup> *Infra, 29.* — <sup>6</sup> *Psal. v, 9.* — <sup>7</sup> *Infra, 176.* — <sup>8</sup> *Matth., vii, 14.* — <sup>9</sup> *Virg., Aeneid., lib. VI.* — <sup>10</sup> *Psal. cxxxix, 6.* — <sup>11</sup> *Cf. Ambros., in hunc psal-*

*tua custodiri nimis*, id est, per multos et multum. — 7. *Confitebor tibi in directione cordis.* Via nostra est tortuosa propter tria : quia ignota, laboriosa, periculosa. De primo<sup>7</sup> : *Erravi, sicut ovis quæ perierat.* De secundo<sup>8</sup> : « Arcta est via, quæ dicit ad vitam. »

<sup>9</sup> *Ardua prima via est.*

De tertio<sup>10</sup> : « Juxta iter scandalum posuerunt mihi. » *Confitebor tibi in directione cordis.* Cor hominis dirigitur, quando humana voluntas divinæ conformatur, et odit, vel diligit quod Deus. Nota : in hac partitione (c), præcepta Dei quinque nominibus designantur<sup>11</sup>. Nam dicuntur « *via*, *lex*, *testimonia*, *mandata*, *justificationes* : » *via*, quia ad vitam (d) ducunt; *lex*, quia ligant; *testimonia*, quia evidenter admonent, pœnitis, promissis præmiis contestantia; *mandata*, quia facienda indicant; *justificationes*, quia impleta a reatu liberant.

*Via novæ  
tra tor-  
tuosa.*

*Cor hu-  
manum  
quando  
dirigatur*

9. *In quo corrigit.* In Prologo super *Reg.*, dicit Hieronymus, quod psalmus trigesimus sextus, scilicet : « Noli æmulari; » et centesimus decimus, scilicet : « Confitebor tibi, Domine, in toto corde meo, in concilio iustorum; » Et centesimus quadragesimus, scilicet : « Exaltabo te, Deus meus rex, » texuntur alphabeto Hebræorum, sicut et hic psalmus. Aliquis corrigitur, quando cavet sibi a lapsu, vel peccati consuetudine, unde hoc<sup>12</sup> : « Nolite inebriari vino, in quo est luxuria, » non tantum prohibet actum inebriandi, sed consuetudinem; et tertio modo, quando abstinet a causa peccati, id est, a primo motu, unde hoc : « Si surgit primus motus inde, non consentiat ratio, » et hoc<sup>13</sup> : « Irascimini, et nolite peccare. » — 10. *Ne repellas me a mandatis tuis.* Homo accedens ad Deum repellitur per se, per mundum, per diabolum; per se duobus modis, per

*Quando  
aliquis  
corriga-  
tur.*

*mum.* — <sup>12</sup> *Ephes., v, 18.* — <sup>13</sup> *Psal. iv, 5.* — (a) *Suppl.* non. — (b) Versiculus ille cum sua expositione mutatus est loco in cæst. edit., et positus post citat. ex *psal. cxxxix, « Juxta iter, » etc.* — (c) *Al. portione.* — (d) *Al. viam.*

*Homo  
quomo-  
do dica-  
tur re-  
pelli a  
Deo.*

propriam voluntatem , per earnis concupiscentiam ; a mundo duobus modis , quando adversis premitur , vel prosperis irretitur; a diabolo , quando ejus suggestione vexatur. Repellitur (a) etiam a Deo , quando homo accedit ut investiget immensitatem ejus , quod in praesenti fieri non potest. Primae tres sunt ex ira Dei ; tertia est ad correctionem nostram , et utilitatem , et exercitationem . — 11. *In toto corde meo abscondi eloquia tua*. Qui ea per dilectionem suscepit , permotoriam retinet , per humilitatem tegit. Oportet enim ut quandoque tegantur , unde dicit : *In toto corde meo abscondi eloquia tua* ; et ut quandoque manifestentur , unde dicit (v. 13) : *In labiis meis pronuntiavi*. Nam si nunquam tegerentur , nunquam foverentur ; et si nunquam manifestarentur , nunquam multiplicarentur. Utrumque ergo necessarium est. Nota : Cor est nodus ; verbum , ovum : bonum opus , pullus , qui foveatur , nutritur ; non justificabitur , nisi nutritur. Absconde in corde verbum , scilicet in nido ovum. Nam peccas , si non recipis ; peccas , si receptum ejicis ; peccas , si receptum mantetem tempus exponas. Primum (b) , duritia ; secundum , negligentia ; tertium superbia . — 13. *In labiis meis pronuntiavi*. Bonus ordo : primus , humilitas silentii ; secundus , studium bene operandi ; tertius , pronuntiandi fiducia verbum Dei : silentium , ubi dicitur : *In corde meo abscondi eloquia tua* ; opus , ubi dicit : (v. 12) *Doce me justificationes tuas* ; verbum , hic : *In labiis meis pronuntiavi omnia judiciaoris tui*. Duo sunt , quae impediunt labia loqui : ignorantia , et mala conscientia , quando scilicet erubescit. Propter ignorantiam ergo : *In corde meo abscondi eloquia tua* ; contra scientiam (c) : *Doce me justificationes tuas*. Pronuntiavi fiduciam loquendi significat. *Omnia judiciaoris tui* : Nil abscondi , totum dixi , quod mihi dixisti , nihil de meo adjeci : nihil de tuo abscondi , ne falsitatem praedicarem , vel ne veritatem

Ordo optimus.

negarem. Judicia cordis abscondita ; oris manifesta. Judicia oris proposui , corde abscondi. Judicia cordis , ubi sententia dictatur ; oris , ubi sententia pronuntiatur.

17. *Retribue servo tuo*. Deus aliquando reddit malum pro malo ad bonum , ut Sauli paenam pro injustitia sua , ad correctionem ; quandoque bonum pro bono ad malum , ut abundantiam (d) diviti pro sua justitia ad retributionem , ne in futuro ei retribueret ; quandoque malum ad malum pro malo , ut Herodi et Iudei in praesenti paenam pro injustitia , ad damnationem , quia hoc fuit initium poenae aeternae ; quandoque bonum pro bono ad bonum , ut Abrahae et Job in praesenti abundantiam (d) pro justitia , ad salvationem , quia initium fuit retributionis aeternae. Nota : In hac partitione quatuor nominantur : infirmitas , ubi dicit : *Vivifica me* ; ignorantia , ubi dicit (v. 18) : *Revela oculos meos* ; exilium , ibi (v. 19) : *Incola ego sum in terra* ; hostes , ibi (v. 23) : *Etenim adversum me sederunt principes*. — 18. *Revela oculos meos*. Nota : oculi exteiiores velantur quatuor de causis : per mortem , per obscuritatem , scilicet tenebras , per infirmitatem , per torporem : sic oculi mentis per obstinationis culpam , quod dicitur peccatum ad mortem , ut in hoc <sup>1</sup> : « Illumina oculos meos , ne unquam obdormiam in morte ; » per ignorantiae obscuritatem , unde hoc <sup>2</sup> : « Populus , qui habitabat in tenebris , vidi lucem magnam ; » per earnis fragilitatem , ut hic ; per torporem , ut hic <sup>3</sup> : « Exurge , quare obdormis , Domine ? » — 20. *Concupivit anima mea*. Est sensus (e) praecedens , comitans , subsequens : praecedens , quando desiderat bonum facere , et nondum desiderat. Comitans est , vel cohaerens (f) , ait Apostolus <sup>4</sup> : « Non ego operor illud , sed gratia Dei tecum . » Subsequens , unde hoc : « Gratia volentem praevenit : sequitur autem , ne frustra velit (g) . » Moraliter . — 22. *Ausfer a*

Oculi exteiiores , et interiores.

(a) *Al. Expellitor*. — (b) *Cæt. edit.* primo... secundo... tertio. — (c) *Leg.* malam conscientiam . — (d) abundantia . — (e) *Suppl.* quando. — (f) *Leg.* gratia . — (g) *Cæt. edit.* velint.

<sup>1</sup> *Psal. XII, 4.* — <sup>2</sup> *Isa., IX, 2.* — <sup>3</sup> *Psal. XLIII, 23.*  
— <sup>4</sup> *I Cor., XV, 10.*

*me opprobrium et contemptum.* Opprobrium, culpa; contemptus, poena. Opprobrium, iniq[ue]itas; contemptus, mortalitas. Ut me facias justum, aufer opprobrium; ut me facias bonum (a), aufer contemptum. —

Ritus. (b) 23. *Etenim sederunt principes.* Hoc praecepit cantatur in solemnitate beati Stephani protomartyris, quia hic versus exponitur in persona martyrum pro persecutoribus orantium, quod primo fecit beatus Stephanus.

In martyrio tria sunt: causa, amaritudo, finis. Pro duobus extremis gaudebunt

Saneti; pro medio dolebunt. Nota: in hac partitione, praecepta Dei *judicia* vocantur, quia unicuique pro merito debitam retributionem pronuntiant; *sermones*, quia narrando instruunt; *eloquia*, quia aperte significant; *mirabilia*, quia insolita pronuntiant, et promittunt; *aequitas*, quia secundum justitiam facta sunt; *verba*, quia significaciones Dei ad homines sunt; *veritas*, quia ita est, ut dicunt; *justitia*, quia nil inordinatum tenent (c).

Cor, pavimentum. 23. *Adhaesit pavimento anima mea.* Cor nostrum, pavimentum: nam pavimentum est solidum, lucidum, politum. Sie corpus nostrum, scilicet nos sumus solidi contra adversa, et non fragiles, ut dicamus<sup>1</sup>: « Neque vita, neque mors separabit nos a charitate Christi. » Sed solidum et stabile sit (d) fundamentum; lucidum, per bona opera eorum hominibus; politum, quod erit in futuro, vel quia etiam hoc sit in praesenti, quod pondus peccati deponitur. Sit ergo solidum per constantiam, lucidum per virtutem, politum per immortalitatem in futuro, vel peccati in praesenti depositionem (e). Nota:

Beati Nicasii martyrum. Etiam beatus Nicasius in martyrio suo dicebat hunc versum, cum adhuc psalmum cantaret; et casu, finita hac voce, scilicet: *Adhaesit pavimento anima mea*, amputatum

<sup>1</sup> Rom., VIII, 39. — <sup>2</sup> Psal. XLIV, 2. — <sup>3</sup> Cant., II, 4. — <sup>4</sup> Gal., III, 49. — <sup>5</sup> Psal. CIV, 10. — <sup>6</sup> Ezech., X, 10.

(a) *Leg.* beatum. — (b) *Cæt.* edit. in hoc loco ponunt glossam super partem versiculi 62: *Super iudicia justitiae tue;* tum eam quæ infra legetur in v. 175. — (c) *Cæt.* edit. tenet. — (d) *Item* fit. — (e) *Item*

est ei caput; et caput abeissum dixit residuum versus, hoc scilicet: *Vivifica me secundum verbum tuum.* Verbum dicitur esse <sup>Verbum triplex.</sup> in mente, in scripto, in prolatione: hac similitudine Filius dicitur esse Verbum: nam Filius Dei dicitur esse verbum mentale, quoniam ab æterno dicitur εν νῷ, id est, in mente divina, quia in Patre; et inscriptibile, quando venit in lucem: nam in utero Virginis, quasi in pergamina fuit scriptum; tunc liber scriptus fuit, ut homo foris legeret, qui erat intus scriptus, ut angelus legeret, unde hoc<sup>2</sup>: « Lingua mea calamus scribæ, » etc. Est prolatibile, quando Christus in prædicione pronuntiatur. Est ergo intelligibile, per æternitatem; scriptibile, per incarnationem; prolatibile per prædicacionem (v. 26): *Doce me justificationes tuas.* (f) — 28. *Confirma me in verbis tuis.* Ordo debet servari. Nota: primo petit justificationem, scilicet primam gratiam, ibi: *Vivifica me secundum verbum tuum;* post, augmentum virtutum: *Doce me justificationes tuas*, et hic: *Viam justificationum tuarum instrue me;* virtutum robur, ibi: *Confirma me in verbis tuis.* Ordo debet servari, unde hoc<sup>3</sup>: « Introduxit me in cellam vinarium; ordinavit in me charitatem. » Nam ordo in diligendo, ut primo quod supra; secundo quod intra; tertio quod juxta; quarto quod infra: scilicet Deum, animam nostram, proximum, corporis nostrum.

Ordo dilectionis. 33. *Legem pone mihi, Domine.* In hoc, quod dicit novam legem constitui, tria notat in lege: ordinem, firmatatem, conjunctionem. De primo Apostolus<sup>4</sup>: « In manu mediatoris est lex ordinata per angelos. » De secundo<sup>5</sup>: « Et posuit (g) illud Jacob in præceptum, Israel (h) in testamentum æternum. » De tertio, scilicet conjunctione utriusque legis ad litteram: nam<sup>6</sup> « rota erat

depositione. — (f) *Cæt.* edit. hoc loco ponunt glossam quam retulimus ad psal. XCIV, v. 2. (Vide ibid.), eamque terminant his duabus voculis: *Si non*, nullo sensu. — (g) *Vulg.* statuit. — (h) *Cæt.* edit. in Jacob, et præceptum in Israel.

in medio rotæ. » *Et exquiram eam semper.* Quidam requirunt legem, dum intelligunt: hi sancti. Quidam nec intelligunt, nec requirunt: et hi mortui. Quidam intelligunt, et non requirunt: et hi impii. Quidam requirunt, et non intelligunt, et hi sunt fatui. *Et scrutabor legem tuam in toto corde meo.* Aliud est legem habere in corde, et aliud est eorū in lege. Legem in corde habet, qui cognoscit veritatem; cor in lege, qui diligit veritatem. Utrumque habet sanctus, unde hic: *Sed in lege Domini voluntas ejus.* Et hoc e converso: *Scrutabor legem in toto corde meo.* Nota: in toto corde legem scrutantur, qui in illis faciendis per omnem vim animæ exercentur, quæ sunt vis rationalis, concupisibilis, irascibilis. Nam rationabilis facta est anima, ut Deum in se et in omnibus investiget; concupisibilis, ut solum Deum diligat et desideret; irascibilis, ut cuncta hinc dilectioni adversantia reprobet, sicut scriptum est<sup>1</sup>: *Ut sciat, per rationabilitatem, reprobare malum; per irascibilitatem et per concupisibilitatem, eligere bonum.* — 35. *Deduc me in semita (a) mandatorum tuorum.* Aliud est deduci in semitam, aliud deduci in semita. Qui in semitam deducitur, non est in ea. Qui deducitur in semita, est in ea. Propheta ergo petit, ut deducatur in semita, id est, ut ipse in mandatis Dei jam positus proficiat de virtute in virtutem, donec videat Deum Deorum in Sion. — 37. *Averte oculos meos, ne videant vanitatem.* Nota illa, quæ facta sunt propter hominem, vel ab homine, vel in homine; unde tria sunt genera vanitatum: scilicet, vanitas mutabilis, nam omnia, quæ sub cœlo sunt, mutabilia et vana, et hæc omnia facta sunt propter hominem; et hæc est vanitas curiositatis, scilicet peccatum, quod fit ab homine; et est vanitas mortalitatis, quæ facta est in homine. De his dicitur<sup>2</sup>: « Vanitas vanitatum, et omnia vanitas. » — 38. *Statue servo tuo eloquium tuum in timore tuo.*

Vanita-  
tum tria  
genera.

Hic quatuor notantur: Firmitas, ubi dicit: *Statue;* humilitas, ubi dicit: *Servo;* veritas, ubi dicit: *Eloquium tuum;* dilectio, ubi dicit: *In timore tuo.* Quæ quatuor debent esse in verbo, scilicet firmitas, humilitas, veritas, dilectio (b) — 40. *Ecce concupivi mandata tua.* Quæ sunt mandata Dei? Dilectio Dei scilicet, et proximi. Dilectio, ut diligas Deum ex toto corde, id est, pleno cordis affectu; ex tota anima, id est, tota rationis vigilantia, et circumspectione; ex totis viribus, id est, pro eo mori non pertimescas: id est, discas diligere Deum dulciter, fortiter, prudenter. Sie potes in via mandatum de dilectione servare: hoc dicit Claresvallensis (c). Augustinus aliter exponit, secundum quod impletur in patria tantum, sic: Diligere Deum ex toto corde, id est, intellectu sine errore; ex tota anima, id est, voluntate sine contrarietate; ex totis viribus, id est, memoria sine obliuione.

41. *Et veniat super me.* Quidam petunt digne indigna, et ideo non exaudiuntur, ut Paulus, qui petit ut angelus satanæ removeretur, id est, fomes peccati; vel mulier, in quam injecerat oculos, quæ erat in comitatu ejus, scilicet Theela; vel de morbo intelligitur, quem habebat in capite. Quidam digna, sed indigne, ut filii Zebedæi, et Iudei, qui non sunt exauditi, unde hoc<sup>3</sup>: « Clamaverunt ad Dominum, nec exaudivit eos. » Quidam indigne, et non digna, ut si quis petat, quod sibi bene succedat in furto. Quidam digne, et digna, unde hoc<sup>4</sup>: « Peccate, et accipietis. » — 42. *Respondebo exprobrantibus mihi verbum.* Ut hæc dictio, scilicet, *verbum*, determinet hoc verbum, *respondebo*, et hac dictione, *exprobrantibus*. — 43. *Ne auferas de ore meo verbum.* Nam de eo, qui bene loquitur, et male vivit, potest dici<sup>5</sup>: « Vox Jacob, et manus Esau. » *Usquequaque*, vel secundum aliam litteram, *Usque valde*; et tamen Hieronymus dicit super Ezechielem: « Josephus et omnis

<sup>1</sup> Isa., vii, 15. — <sup>2</sup> Eccl., 1, 4. — <sup>3</sup> Psal. xvii, 46. — <sup>4</sup> Matth., vii, 7. — <sup>5</sup> Gen., xxvii, 22.

(a) Vulg. *semitam.* — (b) In cæt. dit. v. 40, cum glossa, positus erat ante v. 38. — (c) Al. Claresvallensis.

schola Iudaeorum tantum quinque libros Moysis asserunt esse translatos, scilicet a Septuaginta. » Sed nonne in Psalmo reperimus translationem quandoque septuaginta? — 45. *Quia mandata tua exquisivi*, petendo, querendo, pulsando. Per lectio- nem petite; querite, sive interrogate per orationem; pulsate per meditationem. Vel sic: Meditatione pulsatus, aperi; interrogatus, responde; oratus, exaudi. — 48. *Et levavi manus meas*. Nos servimus Deo pro æternis, quæ sursum sunt; Judæi pro temporalibus, quæ deorsum sunt. Unde lec- tiones legis Moysi, cum legimus, in imum terminamus, ut in Matutinis; lectiones Evan- gelii in altum terminamus, ut Evangelium et Epistolam. *Exercebor (a) in justificatio- nibus tuis*. Nota: in justificationibus nostris quatuor sunt necessaria: primi nihil est causa, sed est causa secundi; secundum tertii; tertium quarti: scilicet fides, contri- tio, motus ex libero arbitrio, peccatorum remissio. Primi nihil est causa, nisi Deus: motus ex libero arbitrio partim ex Deo, par- tim ex nobis, unde Apostolus<sup>1</sup>: « Coadju- tores (b) Dei sumus. » Nam<sup>2</sup> cum fecit nos sine nobis, non justificat nos sine nobis, id est<sup>3</sup>: Non ego operor illud, « sed gratia Dei mecum. »

49. *Memor esto verbi tui servo tuo*. Est quietudo quieta; est inquietudo inquieta; est quietudo inquieta; est inquietudo quieta. Quietudo quieta est, quando exterius vaca- mus ab opere, interius a turpi cogitatione. Inquietudo inquieta est, quando exterius non vacamus ab opere, nec interius a stre- pente cogitatione. Quietudo inquieta est, quando quiescimus ab opere exteriori, non ab opere interiori. Inquietudo quieta est, quando non vacamus ab opere exteriori, sed a strepente cogitatione, ut quietudo refera- tur ad cessationem ab opere exteriori. De contrariis modo contrario judica. Nota: huic

octonario (c) modo præponitur [Thau littera, quæ interpretatur *Duc te*. Deus quandoque dicit hominem, unde hoc<sup>4</sup>: « Trahe me post te; » et hoc<sup>5</sup>: « Dominus regit me, et nihil mihi deerit. » Quandoque homo se per liberum arbitrium: nam coadjutores Dei sumus, unde hoc<sup>6</sup>: « Gratia Dei in me vacua non fuit. » Unde Sancti Dei dicuntur reges vel duces, se et alios bene ducentes (d). Quandoque homo hominem, et hoc dupli- citer: nam quandoque ad bene regendum, unde Dominus<sup>7</sup>: « Constitui te ducem populi hujus; » quandoque ad lapsum facien- dum, unde hoc<sup>8</sup>: « Si cæcus cæcum duxerit, ambo in foveam eadunt. »<sup>9</sup> « Venite ad me omnes, qui laboratis, et onerati estis, » etc. Labore fatigati, onere gravati, inedia mace- rati. « Venite ad me, » quales ad qualem, clausi ad ostium, ægroti ad medicum, nau- fragi ad portum; ad ostium luminis, ad por- tum quietis, ad medicum salutis: ad os- tium, (e) ingressi veritatem videatis; ad medicum, ut curati ad sanitatem convales- catis; ad portum, ut collecti post laborem quiescatis: vani, ut veritatis lumine adim- pleamini; onerati, ut pondere peccatorum allevemini; laborantes, ut quiete adepta con- solemini. — 50. *Quia eloquium tuum vivifi- cavit me*.<sup>10</sup> « Panem nostrum quotidianum da nobis hodie. » Hic panis materialis; vel corpus Christi, quod traxit de Virgine; vel corpus Christi spirituale, id est Ecclesia, id est, petimus ut simus de unitate Ecclesiæ; vel sacra Scriptura, ut nobis exponatur. Pe- timus ergo panem corporalem corpori, spi- ritualem spiritui. — 52. *Memor fui judicio- rum (f) tuorum a sæculo, Domine*. Id est, a sæculo ego sum, ut generalis justus lo- quitur; vel *judiciorum* quæ sunt a sæculo, ut hæc oratio, scilicet a sæculo, determinet hunc terminum, scilicet *memor*, vel hunc, scilicet *judiciorum*. Misericordia sua peccata obliuisci; misericordia sine pœnitentia cordis

<sup>1</sup> *Cor.*, III, 9. — <sup>2</sup> *Aug.*, *de verb. Apost.*, serm. xv, al. CLXIX, c. XI, n. 13. — <sup>3</sup> *Cor.*, XV, 10. — <sup>4</sup> *Cant.*, I, 3. — <sup>5</sup> *Psal.* XXII, 1. — <sup>6</sup> *Cor.*, XV, 10. — <sup>7</sup> *Reg.*, XXV,

30. — <sup>8</sup> *Matth.*, XV, 14. — <sup>9</sup> *Matth.*, XI, 28. — <sup>10</sup> *Luc.*, XI, 3. — (a) *Vulg.* *exercebar*. — (b) *Vulg.* *Adiutores*. — (c) *Edit.* *Ven.* octogenario. — (d) *Item* benedicentes. — (e) *Suppl.* ut. — (f) *Cæt.* *edit.* *mandatorum*.]

reminisci ; miserrimum , per recordationem (a) eis delectari.

57. *Portio mea, Domine, quia custodiri*  
*(b) legem tuam.* Vel : Custodivi legem tuam ,  
 quia es portio mea. Nota: quando Iudei ve-  
 nerunt in terram promissionis, tribus Levi  
 non acepit in ea portionem ; sed de decimis  
 vivebat, et in templo serviebat. Sic clerici,  
 qui sunt de tribu Levi, non habent portionem  
 haereditatis, nisi de patrimonio Crucifixi.  
 Unde, cum suscipiant coronam , can-  
 tatur hie versus : *Portio mea, Domine.*

*Portio nostra Christus* Christus est nostra portio : nam cum eo ha-  
 bemus partem communem : ipse enim ac-  
 cepit de nostro, ut nobis daret de suo. Nam  
 caput corporis est paticeps in duobus : in  
 natura; in miseria: quæ duo acepit de nos-  
 tro. Et corpus cum capite est parviceps in  
 duobus : in gratia in præsenti, et gloria in  
 futuro. Hoc habemus de suo.<sup>1</sup> « Littera occidit,  
 spiritus vivificat, » il est, litteralis scientia,  
 seu intelligentia, sicut Iudeos occidit in anima; sic spiritualis intelligentia  
 vivificat Christianos, qui spiritualiter intel-  
 ligunt. Vel « littera occidit, » quia<sup>2</sup> « scientia inflat: » nam «<sup>3</sup> scienti, et non facienti,  
 peccatum est illi. » Vel « littera occidit, »  
 unde dictum est in lege<sup>4</sup>: « Oculum pro  
 oculo, animam pro anima. » — 58. *Miserere mei secundum eloquium tuum.* Nam se-  
 cundum quod promisit, debet nostri misereri. Nam quædam reddunt nos debitores  
 Deo, ut prima dona; quædam Deum de-  
 bitorem nobis, ut opera virtutum , vir-  
 tutes operum. Vel opera virtutum dicun-  
 tur hic, quod fides impetrat, quod lex im-  
 perat. Nam fides, qua credimus Deum, dici-  
 tur notitia; fides, qua credimus Deo, dici-  
 tur Deo confidentia; fides, qua credimus in  
 Deum, quæ operatur in Deum, quæ operatur  
 per dilectionem , dicitur consensus. Fidem  
 notitiae habuit Petrus, quando Domino quæ-  
 renti<sup>5</sup> : « Quem dicunt homines esse filium

hominis? » respondit: « Tu es filius Dei vivi; »  
 fidem confidentiae , quando vidit Dominum  
 ambulante supra mare, et se in fluctibus  
 projectus dicens<sup>6</sup>: « Domine, si tu es, jube  
 me venire ad te; » fidem consensus, in Ec-  
 clesia. *Deprecatus sum faciem tuam.* Hic  
 dicitur, quod Deus debet facere aliquid. Ideo  
 notatur quod quatuor debitores, qui sunt  
 Deus, spiritus, caro, et mundus. Deus debet  
 spiritui, ut eum in cognitione illuminet ve-  
 ritatis, et in amore virtutis inflammet. Spi-  
 ritus Deo, in omnibus quæ agenda sunt ab  
 ipso erudiri, et secundum ipsum operari. Spi-  
 ritus debet carni, ut eam a malis cohipeat,  
 ut in bonis exerceatur. Caro debet spiritui  
 in bono agendo ministerio (c), in commodo  
 appetendo. Caro debet mundo, ab ejus abun-  
 dantia, quod necessitatis est, sumere, quod  
 virtutis est exercere. Mundus debet carni, in  
 necessitate subsidium, in exercitatione exer-  
 citamentum. Sed quia spiritus beneficium  
 Creatori non persolvit, juste Creator benefi-  
 cium spiritui subtrahit, et sic de aliis. —  
 62. *Media nocte surgebam.* In nocte opera<sup>7</sup> nox.  
 non facimus, insidias latronum sustinemus,  
 dormimus. Hac similitudine hoc sæculum di-  
 citur nox. De primo hoc<sup>7</sup>: « Prævenit (d) in-  
 tempestæ noctilis silentio. » De secundo<sup>8</sup>: « Cave  
 tibi ab ea, quæ dormit in sinu tuo, custodi  
 claustra oris tui : » et cave tibi a dæmoni-  
 bus, qui tunc magis instant. De tertio nova  
 partitio. — 164. (e) Sequitur: *Super judicia*  
*justificationis (f) tuæ.* Alia sunt judicia Dei  
 quæ reprobos damnant; alia, quæ electos  
 justificant; alia, quæ justicatos beatificant.  
 Prima sunt reprobationis; secunda, justifi-  
 cationis; tertia, glorificationis. Damnantia  
 exerceantur in inferno; justificantia, in mun-  
 do; beatificantia , in celo.

63. *Bonitatem fecisti cum servo tuo, Do-  
 mine.* — 66. *Bonitatem, et disciplinam ,  
 et scientiam doce me.* Notandum quod est  
 via, per quam curritur ; est patria, ad quam

*custodire.* — (c) Leg. ministerium. — (d) Vulg. Consor-  
 gens. — (e) Glossa hæc, cum parte v. *Super judicia*,  
 etc., in cæst. edit. posita est inter v. 22 et 23. —  
 (f) Edit. Ven. *justitiae.*

Debito-  
 res qua-  
 tuor.

<sup>1</sup> II Cor., III, 6. — <sup>2</sup> I Cor., VIII, 1. — <sup>3</sup> Jac., IV, 17.  
 — <sup>4</sup> Levit., XXIV, 20, 18. — <sup>5</sup> Matth., XVI, 17, 18. —  
<sup>6</sup> Matth., XIV, 28. — <sup>7</sup> III Reg., III, 20. — <sup>8</sup> Mich.,  
 VII, 5; II, 7. — (a) Al. retractionem. — (b) Vulg. dixi,

*Viætres.* tenditur. Tres sunt viæ, quæ ducunt ad patriam: scientia, disciplina, et bonitas. Prima itur ad secundam; secunda ad tertiam; tertia ad patriam, scilicet beatitudinem. Propheta cupiens ire ad patriam, dicit: *Bonitatem, et disciplinam, et scientiam doce me.* Sed itur ordine præpostero. Ideo alibi (v. 4) : *Beati immaculati in via, qui ambulant in lege Domini.* Notandum est, quod scientia est, quando tenuis est, et non firmiter scitur; disciplina, quando firmiter scitur, ut quando dispositio et habitus, scientia et disciplina dicantur; et scientia ad trivium, disciplina ad quadrivium referatur; quod multiplicitate addiscitur (a) : nam primo, regula; secundo, exemplo; tertio, figura demonstratur. *Doce bonitatem per inspirationem; disciplinam, per exemplum, et exempli suppositionem, vel certitudinem; scientiam, per proprietatem:* nam scientia proprie docetur; bonitas improprie. Homo est debitor Deo, sibi, et proximo: Deo, ex Deo (b), quod Deus dat bona homini, quod ibi notatur: *Bonitatem, et scientiam, et disciplinam doce me.* Ergo, homo, solve tibi quod tuum est; proximo, quod proximi est; Deo, quod Dei est. Tributum tibi, vectigal proximo, honorem Deo, juxta illud Apostoli<sup>1</sup>: « Cui tributum, tributum; cui vectigal, vectigal; cui honorem, honorem. » Tria tibi, tria proximo, tria Deo. Debes tibi sustentationem, punitionem, sanctificationem. De primo<sup>2</sup>: « Nemo carnem suam odio habuit. » Nam debemus pascere juventum nostrum, ne deficiat in via. De secundo<sup>3</sup>: « Apprehendite disciplinam. » De tertio: « Sanctificate vosmetipsos. » Proximo debemus tria: severitatem, compassionem, benignitatem: severitatem in vitiorum impugnatione; compassionem in tribulatione; benignitatem in utroque. Deo similiter tria, quæ sunt amor castus, patiens, purus: castus in prosperis; patiens in adversis;

<sup>1</sup> Rom., XIII, 7. — <sup>2</sup> Ephes., v, 30. — <sup>3</sup> Psal. II, 12.  
— <sup>4</sup> Act., XXI, 24, quad sensum. — <sup>5</sup> 1 Tim., I, 17.  
— <sup>6</sup> Job, x, 8. — <sup>7</sup> Gen., I, 26. — (a) *Cæt. edit.* additur. — (b) *Leg. eo.* — (c) *Cæt. edit.* immutabilitas. —

purus in his et in illis. 70. *Coagulatum est, sicut lac, cor eorum.* Lac aliquando in bono accipitur: nam lacte nutritus est Christus. Notandum ergo, quod lac est dulce, humidum, reficiens, candidum. Sie prælatus, si hæc quatuor habuerit, lacte pascit Christum, ut habeat dulcedinem in contemplatione, humorem in devotione, refectionem ut alios pascat sua sancta conversatione, et candorem, id est, munditiam, quæ est in tribus: in carne, in conscientia, in opere: sic pascitur Christus.

Prælatus  
quomo-  
do Chris-  
tum lac-  
te pascat

73. *Manus tuæ, Domine, fecerunt me.* Nota: Triplex immortalitas (c): una, potentia non moriendi (d), quæ fuit in Adam ante peccatum, unde Adam quodam modo factus est immortalis, quod erat ibi de ligno vitæ, non de conditione naturæ; (e) immortalitas, impossibilitas moriendi, quod erit in patria, quando hoc mortale induerit immortalitatem; et (f) immortalitas, immutabilitas (g) quæ solius Dei est, unde<sup>5</sup>: « Regi sæculorum immortalis, et invisibili, soli Deo honor et gloria, » et victoria. Christus, secundum quod homo, ad imaginem Dei, non imago; secundum quod Deus est, imago Dei, non ad imaginem Dei: sicut pictura regis dicitur esse ad imaginem regis, non imago regis, quia non de eadem substantia, ejus rex; et filius dicitur rex, dicitur imago regis, non ad imaginem regis, quia est de eadem substantia, ejus rex. Omnes homines creavit Deus materialiter; sed modo creat eos formaliter. Dignitas hominis attenditur in his: quia manibus Dei formatus, unde hoc<sup>6</sup>: « Manus tuæ, Domine, fecerunt me et psalmaverunt me; » quia ad imaginem et similitudinem Dei factus est, unde hoc<sup>7</sup>: « Faciamus hominem ad imaginem et similitudinem nostram; » quia in dextera Dei collocatus, nam boni erunt in dextera; et quia ab angelis Dei honoratus, nam serviunt nobis, nam unicuique animæ deputati sunt angeli ad sui custodiam. Homo factus

Immu-  
tabilitas  
triplex.

Dignitas  
hominis.

(d) *Item* movendi, et *sic infra.* — (e) *Suppl. altera.* — (f) *Suppl. tertia.* — (g) *Cæt. edit.* immutabilitatem.

est ad cognoscendum et ad diligendum Deum: unde homini data sunt duo, sensus et bona vita: factus est ad imaginem et similitudinem Dei: per sensum ad imaginem, per (a) vitam ad similitudinem. Similitudinem, et non imaginem, potest amittere, unde hoc<sup>1</sup>: « Verumtamen in imagine pertransit homo. » Factus est ut cognoscat Deum, et diligat. Charitas, similitudo; veritas cognitio, (b) scilicet, imago. Charitas, via; veritas, vita: charitas, meritum; vita, præmium: charitate itur, veritate statur. *Da mihi intellectum, ut discam mandata tua.* Nota: Homo cum dicit falsum, scio quid dicit, sed quid non dicit. Similiter intelligimus, quid credere debeamus; sed articulos propter fidem intelligimus, quod credimus, scilicet rationem articulorum. Cum ergo dicuntur quædam, non aliter creduntur, nisi prius intelligantur. Ad rationem articulorum illud est referendum: credere primum aliiquid; secundum, ad quod. Vel quædam non aliter intelliguntur in patria, nisi prius credantur in via. Quædam non aliter creduntur firmiter, nisi prius intelligantur, ut in discendo, ut discipulus non credit quæ audit, nisi prius intelligat. <sup>2</sup> Aureolus, sive Oriolus visus prodest ietericis, id est, iis qui habent pallidum colorem. Isidorus dicit duo esse genera proverbiorum: unum proverbium est accommodatum reluis; aliud accommodatum temporibus. Proverbium accommodatum rebus, ut<sup>3</sup>: « Lopus est in fabula, » id est, tace; sicut ille, quem videt lupus, tacet, mutus factus. Proverbium accommodatum temporibus, unde hoc<sup>4</sup>: « Noli contra stimulum calcitrare. »

### 81. Defecit in salutare tuum anima mea.

*Incurvatio multiplex Caph.* Hæc littera Caph, quæ interpretatur curvatus. Est igitur incurvatio cum amore, ut hic; est ex cupiditate, ut legitur in Evangelio de muliere, quæ decem et octo annis curvata

fuit, scilicet genus humanum; et hoc<sup>5</sup>: « Miser factus sum, et curvatus sum: » unde in cœlo nil tortum et nil curvatum implet. Est incurvatio doloris, unde hoc<sup>6</sup>: « Mulier dolens incurvavit se. » Vita nostra quatuor <sup>Vita militæ compa-</sup> de causis militiæ comparatur. Milites enim habitant in tabernaculis, sicut et nos, unde hoc<sup>7</sup>: « Non habemus hic manentem civitatem; sed futuram, » sicut peregrini, « inquirimus. » Et quia sunt in labore sicut et nos, unde hoc<sup>8</sup>: « In labore, et ærumna, et in vigiliis multis. » Et hoc<sup>9</sup>: « In labore et sudore vesceris pane tuo. » Et quia sunt in lucta sicut et nos, unde hoc<sup>10</sup>: « Non est nobis collectatio adversus carnem et sanguinem, sed adversus spirituales nequitias in ecelestibus. » Et quia expectant stipendia, id est, coronam, sicut et nos, unde hoc<sup>11</sup>: « Omnes quidem currunt, sed unus accipit bravium. » Et Apostolus<sup>12</sup>: « Reposita est mihi corona justitiæ. » Ita et nos. Sumus cum Deo in unum unionem; Christus, unitate. Aliquid dicitur deficere, id est, desinere, unde hoc<sup>13</sup>: *Deficere* « Defecit caro mea, et cor meum. » Et deficere pro diminuere, unde hoc<sup>14</sup>: « Defecerunt sicut fumus dies mei; » et pertransire ad spiritualitatem ab animalitate. Quæ melior, activa vita, an contemplativa vita? Si ad personas referas, sunt excedentia et excessa; si ad status, contemplativa melior his de causis: quia est securior, et quia diuturnior; unde hoc<sup>15</sup>: « Maria optimam partem elegit, quæ non auferetur ab ea: » nam est in præsenti, et erit in futuro. Sed activa melior, quia foecundior: nam Lia, id est, activa, quia foecunda; Rachel, id est, contemplativa, est sterilis. 85. *Narraverunt iniqui fabulationes.* Fabula dicitur quandoque omne verbum otiosum, sive verum, sive falsum, unde in Evangelio<sup>16</sup>: « Dum fabularuntur, et loquerentur inter se discipuli. » Quandoque (c) fingunt inter se hæretici, ut hie. Quandoque quod nec verum, nec verisimile,

<sup>1</sup> *Psal.* XXXVIII, 7. — <sup>2</sup> *Plin., de Natur. Hist.*, lib. XXX, c. XI. — <sup>3</sup> *Terent., Phorm.* — <sup>4</sup> *Act.*, IX, 5. — <sup>5</sup> *Psal.* XXXVII, 7. — <sup>6</sup> *I Reg.*, IV, 19. — <sup>7</sup> *Hebr.*, XIII, 14. — <sup>8</sup> *II Cor.*, XI, 27. — <sup>9</sup> *Gen.*, III, 19. — <sup>10</sup> *Ephes.*, VI, 12. — <sup>11</sup> *I Cor.*, IX, 24. — <sup>12</sup> *II Tim.*, IV, 8. — <sup>13</sup> *Psal.* LXXII, 26. — <sup>14</sup> *Psal.* CI, 5. — <sup>15</sup> *Luc.*, X, 42. — <sup>16</sup> *Luc.*, XXIV, 45. — (a) *Suppl.* bonam. — (b) *Leg.* cognitio, veritas. — (c) *Suppl.* quod.

*Vita activæ, et contemplativæ collatio.*

*Fabula.*

<sup>Tria genera martyrii</sup> quod proprie dicitur fabula, ut in poetis.  
Nota : tria genera martyrii : castitas in juventute, largitas in paupertate, abstinentia in abundantia escarum. Castitas juvenem resistentem luxuriæ cruciat; largitas dare cupientem pauperem extennat; abstinentia inter divitias mactat.

89. *In eternum, Domine, verbum tuum.* Aliquis recusat laborem triplici de causa: propter negligentiam, simplicitatem, mundanum timorem. De primo, ut de illo, qui abscondit talentum suum in terra; de secundo, ut de illo, qui dixit<sup>1</sup>: «A, a, a, puer sum, et nescio loqui;» de tertio, ut «mercenarius<sup>2</sup>,» qui «videt lupum et fugit.» Superiora habent tria, ordinem, quietem, et pulchritudinem; et nos illa, quæ in firmamento sunt, in histribus debemus imitari (*a*): in ordine, ut ibi<sup>3</sup>: «Introduxit me rex in cellam vinariam, et ordinavit in me charitatem;» in quiete, unde hoc<sup>4</sup>: «Super quem requievit spiritus meus, nisi super humilem et quietum?» in pulchritudine, unde hoc<sup>5</sup>: «Pulchra es, amica mea.» Quinque sunt loca; primus, in quo solum bonum, et summum, ut cœlum; secundus, in quo solum malum, et summum, ut infernus: tertius, in quo solum bonum, et non summum, ut purgatorius; quintus est, in quo est bonum et malum, ut mundus. *Quoniam omnia serviunt tibi*, Deo: boni, se spontanee subjiciendo, et haec servitus est amoris, serviunt Deo, unde hoc: *Servire Deo, regnare est*; mali, ex opere eorum bonum eliciendo: nam diaboli castra Dei sunt, et ideo militant in animatis animabus, de eis ad libitum faciendo. — 92. *Nisi quod lex tua meditatio mea est.* Quatuor modis in nostro animo meditamus agenda, sive tractamus: cogitando, volendo, deliberando, vovendo. Cogitatio ad cognitionem, voluntas ad desi-

derium, deliberatio ad propositum, ad promissionem pertinet votum. — 94. *Tuus sum ego.* Hic dicitur quid beat aliquis facere ratione vitandæ transgressionis, scilicet decem præcepta, ne peccet mortaliter transgrediendo ea; ratione adipiscendæ perfectionis, ut si volo esse perfectus, jejunabo in pane et aqua; ratione reddendæ vicissitudinis, ut si aliquis mihi benefecerit, debeo etiam sibi benefacere.

97. *Quomodo dilexi*, etc. Meditatio legis vallet ad tria: ad scientiæ augmentum, ad virtutis profectum, ad pœnitentiam, sive firmamentum. De primo<sup>6</sup>: «Punge oculum, et producit lacrymas; punge cor, et producit scientiam.» De secundo (v. 27): *Viam justificationum tuarum instrue me.* De tertio; qui prospiciebant (*b*) serpentem æneum, id est, in sacram Scripturam, firmabantur contra serpentes. Quandoque tamen serpens dicitur Christus. Nota: quidam sunt duo in carne una, ut sponsus et sponsa; quidam unus in carne gemina, ut duo boni uniuertur in glutino charitatis; quidam duo in carne gemina, ut duo mali dividuntur; quidam unus in carne una, scilicet singularis per antonomasiæ, ut Christus in carne sine macula, vel de quolibet fideli, qui non dividitur ab eo in opere carnis. — 98. *Super inimicos meos*, etc. In hac partitione agitur de justitia, quam vocat Apostolus loricam, hac similitudine. Nam lorica nos munit ante, et retro, a dextris, et a sinistris, scilicet justitia, quia unicuique reddit quod suum est: habemus enim ante nos, qui priores vocantur, docentes; post nos, juniores; a dextris, amicos; a sinistris, inimicos. Reddamus ergo unicuique quod suum est: prioribus obedientiam, junioribus doctrinam, amicis laetiam, inimicis patientiam. Hic ergo, qui hic loquitur, undique est munitus: ante, cum dicit: *Super docentes me intellexi*, quia super priores; retro, cum dicit: *Super senes intellexi*; ergo multo magis super juvenes: a dexteris, unde dicitur: (*a*) *Cœl. edit.* mutare. — (*b*) *Cœl. edit.* prospiciebat.

<sup>Meditatio legis ad tria valet.</sup>

<sup>Justitia propter suum.</sup>

<sup>Agenda quatuor modis meditatur.</sup> *meditatio mea est.* Quatuor modis in nostro animo meditamus agenda, sive tractamus: cogitando, volendo, deliberando, vovendo. Cogitatio ad cognitionem, voluntas ad desi-

<sup>1</sup> *Jerem.*, I, 6. — <sup>2</sup> *Joan.*, X, 12. — <sup>3</sup> *Cant.*, II, 4. — <sup>4</sup> *Isa.*, LXVI, 2, secundum LXX. — <sup>5</sup> *Cant.*, IV, 7. — <sup>6</sup> *Ecli.*, XXII, 24, quoad sensum.

Cibus corporalis.

Cibi spiritualis proprietas.

Dulcia.

*Lucerna* Lucerna est lumen in testa. Lumen in vase, *Vas, humanitas.* est divinitas in humanitate. Lumen, divinitas; vita est via; tenebræ sunt ignorantiae.

Præcedit Christus, tenens lucernam; sequitur Christianus, tenens exempli semitam. Proposuit humanitatem lucentem ex divinitate. Extulit lucernam, ut videamus in fide, ambulemus in operatione, dirigamus imi-

<sup>1</sup> Matth., iv, 1. — <sup>2</sup> Job, vii, 19. — <sup>3</sup> Psal. xvi, 15. — <sup>4</sup> Psal. lxxxviii, 16. — <sup>5</sup> Psal. xc, 13. — <sup>6</sup> Matth.,

tatione, præcedentem unum multi sequentes. Lueerna tria facit in nobis, quia viam ostendit, et a scandalis, et a fovea nos custodit; sie verbum Dei, et ideo dicitur lucerna. De primo<sup>4</sup>: « Domine, in lumine tuo ambulamus. » De secundo<sup>5</sup>: « Super aspidem et basilicum ambulabis, ne forte offendas, » etc. De tertio<sup>6</sup>: « Si cæcus cæcum duxerit, ambo in foveam eadunt. — 106. *Juravi et statui.* Juramentum est de illicitis, vel licitis: si de illicitis, semper est peccatum; si de licitis, illud quod juratur, vel superfluum est, vel incertum, et utroque est peccatum et perjurium; vel necessarium, et tunc non est peccatum. Item, si juramentum de licitis, homo intendit jurare quod jurat, vel non intendit: si intendit, non perjurat; si non intendit, perjurat.

— 108. *Voluntaria oris mei beneplacita*, etc. Triplex confessio laudis, unde hoc<sup>7</sup>: « Confiteor tibi, Pater, » etc.; fidei, unde hoc: « Credo in Deum Patrem; » peccati, unde hoc<sup>8</sup>: « Confitemini alterutrum peccata vestra. » — 109. *Anima mea in manibus meis semper.* Et nota: Anima hominis est in praesenti quandoque in manu hominis, quandoque in manu Dei, quandoque in manu hominis et Dei simul. De primo, hic; de secundo, hoc<sup>9</sup>: « Potestatem habeo ponendi animam meam, » etc. De tertio<sup>10</sup>: « Non ego operor illud, » etc. In futuro erit tantum in manu Dei, unde illud<sup>11</sup>: « Justorum animæ in manu Dei sunt. » Malæ in manu diaboli, unde hoc<sup>12</sup>: « Vide, ne adversarius tuus tradat te in manus iudicis, et judex tradat te tortoribus. » Judex Deus, tortor diabolus. — 110. *Posuerunt peccatores lagillum mihi*, scilicet triplicem. Nam triplici morbo laborat genus humanum: principio, medio, fine; in ingressu, in progressu, in egressu, id est, nativitate, vita, morte. Nativitas erat immunda, unde hoc<sup>13</sup>: « In iniuitatibus meis conceptus sum; » secun-

Verbum  
Dei lu-  
cerna.

Jura-  
mentum

Confes-  
sio tri-  
plex.

Anima.

Morbus  
triplex  
quo la-  
borant  
homines

xv, 14. — <sup>7</sup> Matth., xi, 25. — <sup>8</sup> Jac., v, 16. — <sup>9</sup> Joan., x, 18. — <sup>10</sup> 1 Cor., xv, 10. — <sup>11</sup> Sap., III, 1. — <sup>12</sup> Matth., v, 25. — <sup>13</sup> Psal. L, 7.

do (a) vita perversa, unde hoc<sup>1</sup> : « Dies mali sunt; » mors peremptoria, ut hic<sup>2</sup> : « Mors peccatorum pessima; » unde alibi :

Væ mihi nascenti, vœ nato, vœ morienti.  
Vœ mihi, quod sine vœ non vivit filius Evæ.

*Sed contra hunc triplicem morbum Christus apposuit triplex antidotum. Nam natus est, vixit, mortuus est : nativitas ejus purgavit nostram nativitatem, nam nativitate sua purgavit nos ab originali peccato ; vita ejus informavit nostram, nam vita ejus nostra vivendi forma est ; morte sua destruxit nostram, unde hoc<sup>3</sup> : « Ego mors tua, o mors. » — 111 et 112. In æternum (b). Hoc dicitur sic : « In æternum diligens, in æternum meruit habere, quod diligit. » Sed si quis diligit in æternum, ergo merebitur in æternum in patria habere quod diligit. Dicimus ergo, quod hæc oratio, scilicet *In æternum*, determinat hoc verbum, *Habere*, et non hoc verbum, scilicet, *Meretur*; sed post dicitur (c) in glossa, quod meritum dilectionis erit in æternum. Sed hoc referendum est ad dilectionem, quæ erit æterna. Nam<sup>4</sup> « charitas nunquam excidet. »*

113. *Iniquos odio habui*. Tres sunt species

Dilectio ferventis dilectionis : compassio, ultio, de- fervens.

Compas- sio qua- tuor ha- bet. Ceterum sunt in homine, scilicet natura, culpa, gratia. Compassionem natu- ræ, ultiōm culpæ, devotionem debemus gratiæ. In compassione sunt quatuor : pie- tas, erogatio, sollicitudo, protectio. Pietas voluntatis, erogatio facultatis, sollicitudo necessitatis, protectio ab hoste. — 114. *Adju- tor*.

Deus ad- jutor. Nota : Deus adjuvat eadentes, infir- mos, jacentes. De primo dicitur<sup>5</sup> : « Non collidetur, quia Dominus supponit manum suam, » et hoc<sup>6</sup> : « Dum eaderem, Dominus suscepit me. » De secundo hic ; de tertio<sup>7</sup> : « Misit de summo, et accepit me, » etc. (d).

— 118. *Discedentes a judiciis*, etc. In triplici judicio ducimur : primo enim statur ante

<sup>1</sup> Ephes., v, 16. — <sup>2</sup> Psal. XXXIII, 22. — <sup>3</sup> Ose., XIII, 14. — <sup>4</sup> 1 Cor., XIII, 8. — <sup>5</sup> Psal. XXXVI, 24. — <sup>6</sup> Psal. CXVII, 13. — <sup>7</sup> Psal. XVII, 17. — <sup>8</sup> Luc., XVII, 24. — <sup>9</sup> Luc., XV, 21. — <sup>10</sup> Matth., XVI, 16.

hominem ; secundo ante angelum ; tertio ante Deum : ante hominem, peccata confitendo ; ante angelum, pro peccato suppliando ; ante Deum, sententiam expectando. In primo judicio habemus advocatum poenitentiam ; in secundo, justitiam : in tertio, solam Salvatoris misericordiam. In unoquoque judicio habes advocatum Deum : in primo, poenitentiam suggestendo ; in secundo, justitiam conferendo ; in tertio, ad gloriam adducendo. Est enim Christus consolator, et advocatus ; consolator in miseria, advocatus in causa : consolator, ne succumbamus : advocatus, ut vincamus. Nota : post mortem erimus in judicio cum angelis litigantibus pro anima. Si boni fuerimus, angelus tollet animam ; si mali, diabolus. Et est secundum judicium ; primum judicium est in præsenti, quando peccata confitemur sacerdoti ; et tertium in futuro, quando utramque stolam recipiemus. — 119. *Peccatores cœli qui*. *terre*. Nam sunt peccatores cœli ; quia peccator dicitur aliquis a cœlo cadendo, unde hoc<sup>8</sup> : « Vidi satanam, sicut fulgur, de cœlo cadentem. » Sunt peccatores cœli, Deum blasphemando, unde hoc<sup>9</sup> : « Peccavi in cœlum, et coram te. » — 120. *Confige timore tuo carnes meas*. Ad hoc ut Christum imitemur, oportet ut tollamus crucem ejus, unde hoc<sup>10</sup> : « Qui vult venire post me, » etc. Nota : tria nobis dedit Deus : servitutem, utilitatem, asperitatem. In abnegatione sui, scilicet hominis, fit servitus ; in tollenda cruce, utilitas ; in imitatione Dei, asperitas. Homo enim ceciderat a libertate, ab angelorum societate, a Dei visione. Ab hac trinitate felicissima, per infelissimam trinitatem, scilicet superbiam, iram, invidiam, in prædictam trinitatem per miseriam cecidit. Sed per miseram trinitatem post rediit ad felicissimam trinitatem. Nam abnegando se, scilicet propriam voluntatem, recuperavit propriam libertatem.

(a) Cæt. edit. scilicet. — (b) Cæt. edit. deest in æternum. — (c) Cæt. edit. dicit. — (d) Hoc loco cæt. edit. ponunt v. *Ad nihilum*, cum ejus glossa. Utrumque retinimus ad psal. LIX, v. 14.

Deus ubique advocatus.

Peccatores cœli qui.

Casus hominis.

tem ; tollendo crucem suam , id est<sup>1</sup>, « carnem suam cum vitiis et concupiscentiis crucifigendo » per continentiam , recuperavit angelorum societatem ; sequendo Christum , ejus passionem imitando , recuperavit Dei visionem.

**121.** *Feci judicium, et justitiam.* Quatuor leguntur adventus Christi : nam est historialis , tropologicus , mysticus , anagogicus . Primus in carnem ; secundus in mentem , unde hoc<sup>2</sup> : « Ad (a) cum veniemus, et mansionem apud faciemus ; » tertius in obitu uniuscujusque , unde<sup>3</sup> : « Veni , Domine Jesu ; » quartus in die judicii , et bene dicitur anagogicus , quasi desuper coelestis , tunc enim veniet non humilis , ut prius , sed cum angelis , et terribilis apparebit , et potens . — **122.** *Suscipe servum tuum in bono (b).* Tria sunt genera servorum : nam sunt fideles ; sunt prudentes ; sunt fideles et prudentes : qui suis operibus alios ornant , fideles sunt ; qui doctrina pollent , prudentes sunt ; qui vita et verbo pollent , fideles et prudentes . Primi in vita justitiam , secundi in sermone scientiam , tertii in remunerazione percipient gloriam . Primos apud Deum opus exaltat ; secundos apud homines doctrina commendat ; tertios apud Deum et homines vita et eloquium perfectos indicat (c) . *Ne calumnientur me superbi.* A tribus aliquid sustinemus : a Deo , flagella ; a proximo , contumelias et percussiones ; a diabolo , tentationes sustinendo , patienter toleramus . Sed homo debet considerare , ne contra flagella Dei prorumpat in contumeliam ; ne contra mala proximi , in mali retributione (d) ; ne contra diaboli tentamenta , in peccati delectationem . Nam cum a Deo flagellatur , seruari debet , quod sit patris percussio , peccatorum purgatio , patientia remuneratio . Cum ab homine , cavere debemus ne reddamus talionem ; vel superioris potestatem , ne inferramus ultionem ; vel interni judicis , ne desi-

deremus (e) vindictam . Cum a diabolo , consideretur culpa delinquentis , invidia ferientis , justitia permittentis . Adversarius vincitur , si in his animus figitur . — **126.** *Tempus faciendi, Domine.* Sex leguntur tempora : tempus increpationis , quando dictum est Adae<sup>4</sup> : « Maledicta terra in opere tuo ; » tempus castigationis , unde (f) quando dixit Dominus<sup>5</sup> : « Delebo omnem terram diluvio ; » tempus segregationis in tempore circummissionis , quando significabat baptismum ; tempus prohibitionis in lege , quando factae sunt prohibitiones , ut hoc<sup>6</sup> : « Non furum facies , » etc. ; tempus demonstrationis in tempore prophetarum , quando quasi demonstrando dicebant<sup>7</sup> : « Ecce veniet Dominus , et non tardabit ; » tempus operationis , vel reconciliationis , modo , ut hic agitur . Primo tempore fuit homo venundatus cum peccato ; secundo , conculcatus in peccato ; tertio , angariatus pro peccato ; quarto , humiliatus sub peccato ; quinto , consolatus de peccato ; sexto , liberatus a peccato .

**129.** *Mirabilia testimonia tua.* Duæ sunt viæ : via iniquitatis , et via veritatis . Prima mirabiliter mirabilis ; secunda tantum mirabilis , de qua hic agitur . Via iniquitatis est in ingressu delectabilis , in progressu gravis , in egressu damnabilis . Via veritatis in ingressu gravis , in progressu delectabilis , in egressu remunerabilis . Accedenti ad portam , sive ingressum iniquitatis , occurrit suggestio , et deducit delectatio , inducit assensio , et sic fit peccatum . Nota : primum , per hostem diabolum ; secundum , per carnem ; tertium , per spiritum , scilicet rationem , quando consentit ratio ; sed Deus , quando miseretur illius , accedit ad tumultum<sup>8</sup> , et reducit eum<sup>9</sup> « de lacu miseriae et de luto facis ; » eductum deducit ; deducendo , conduceit ; conducendo , inducit in viam veritatis . Opera Dei dicuntur mirabilia quinque de causis : propter sapientiam , unde hoc<sup>10</sup> : « Omnia in sapientia fecisti ; »

Via du-

plex.

Dei ope-  
ra qui-  
bus de  
causis  
mirabi-

<sup>1</sup> Gal., v, 24. — <sup>2</sup> Joan., xiv, 23. — <sup>3</sup> Apoc., xxii, 20. — <sup>4</sup> Gen., iii, 17. — <sup>5</sup> Gen., vi, 7. — <sup>6</sup> Exod., xx, 4. — <sup>7</sup> Habac., ii, 3. — <sup>8</sup> Joan., xi, 43. — <sup>9</sup> Psal. xxix, 3. — <sup>10</sup> Psal. ciii, 24. — (a) Cœl. edit. Deum.

— (b) Vulg. homin. — (c) Cœl. edit. judicial. — (d) Item tribulationem . — (e) Item desideret . — (f) Dele unde .

propter ordinem, unde hoc<sup>1</sup>: « Omnia crevit Deus in numero, pondere, et mensura; » propter potentiam, unde hoc<sup>2</sup>: « Potens est Dominus in cœlo et in terra; » propter profunditatem, unde hoc<sup>3</sup>: « Abscondisti hæc a sapientibus et prudentibus, et revelasti ea parvulis, » et hoc<sup>4</sup>: « Quis consiliarius ejus fuit? » Propter bonitatem, unde hoc<sup>5</sup>: « Vicit Deus cuncta, quæ fecerat, » etc. — 130. *Declaratio sermonum tuorum illuminat.*

*Vetus  
Testa-  
mentum  
decla-  
ratur per  
novum.*

declaratur per novum propter tria: propter explanationem, unde hoc<sup>6</sup>: « Qui viderit

*Lacry-  
marum  
species  
tres.*

mulierem ad concupiscendum eam, jam mœchatus est in corde suo: » hæc est explanatio hujus præcepti, scilicet<sup>7</sup>: « Non mœchaberis; » propter prædicationem ubi que factam, unde hoc<sup>8</sup>: « In omnem terram exivit sonus eorum; » propter promissionis impletionem, unde Christus dixit<sup>9</sup>: « Consummatum est. » — 135. *Faciem tuam illuminata.*

*Hic* dicitur, quod petit intellectum (*c*) ab eo, qui est intellectus, et omnia intelligens; (*d*) voluntas, omnia disponens; qui est memoria præsentia, præterita, futura, ante se collecta conspiens. Hæc autem trinitas in nobis *Trinitas.*

trinitatem creat, scilicet intellectum, voluntatem, memoriam. Nam summa Trinitas jubet se diligere triplici ista virtute, scilicet: toto corde, id est, toto intellectu; tota anima, id est, tota voluntate; totis viribus, id est, tota memoria. Habet ergo homo intellectum, quo bona a malis discernat; voluntatem, qua mala respuat, et bonum eligat;

memoriam, qua malorum supplicia, et bonorum præmia recolat. Hic diriguntur tria *Conso-  
lationum  
tria ge-  
nera.*

autem, quod tria sunt occulta: illicita cogitatio, dolosa intentio, impudica affectio. Illicita cogitatio inquinat memoriam; dolosa intentio, rationem; impudica affectio, voluntatem. Mundatur memoria per confessionem; affectio, sive voluntas, per orationem. Ab his occultis mundus eris, si non insultes, si non discedas, si non consentias, si non dissimules. Temperantiae est non insultare, sed cum moderamine pati; fortitu-

*Solis  
proprie-  
tas.*

*Sol justi-  
titiae  
Christus  
quomo-  
do illa-  
minet.*

Sic sol justitiae Christus quandoque quosdam irradiat, qui non illuminantur, nec alios illuminant, quando (*a*) repellunt primam gratiam, quam Deus offert, unde hoc<sup>10</sup>: « Lux in tenebris lucet, et tenebræ eam non comprehendenterunt; » quosdam illuminat, qui illuminantur, sed alios non illuminant per prædicationem, de quibus dicitur<sup>11</sup>: « Signatum est super nos lumen vultus tui, Domine; » quosdam illuminat, qui illuminantur, et alios illuminant per prædicationem, ut prælatos: unde Dominus ad apostolos<sup>12</sup>: « Vos estis lux mundi » active, et passive, scilicet illuminans (*b*), et illuminata. — 136. *Exitus*

<sup>1</sup> *Sap.*, xi, 21. — <sup>2</sup> *Mach.*, xv, 3-5. — <sup>3</sup> *Matth.*, xi, 25. — <sup>4</sup> *Rom.*, xi, 34. — <sup>5</sup> *Gen.*, i, 31. — <sup>6</sup> *Matth.*, v, 28. — <sup>7</sup> *Exod.*, xx, 14. — <sup>8</sup> *Psal.* xviii, 5. — <sup>9</sup> *Joan.*, xix, 30. — <sup>10</sup> *Joan.*, i, 5. — <sup>11</sup> *Psal.* iv, 7. — <sup>12</sup> *Matth.*, v, 14. — <sup>13</sup> *Psal.* xviii, 13.

(*a*) *Cæt. edit.* quandoque. — (*b*) *Item* illuminatio. — (*c*) Hæc referenda potius viderentur ad v. 76, vel alium similem. — (*d*) *Suppl.* qui est.

dinis est non discedere, sed mala proximi constanter tolerare; justitiæ est non consentire, sed cum robore resistere; prudentiæ est non dissimulare, sed sollicite, ut mala desinant, providere. — 138. *Mandasti*, etc.,

Deus ob tria dis- tricta agit. *nimis*. Deus dicitur districte agere propter tria : quia personas non accipit, nam<sup>1</sup> : « non est personarum acceptor; » quia nullum malum impunitum relinquit, et quia in æternum punit. — 139. *Tabescere me fecit zelus*.

Tetra- cere. Aliquis tabescit ex livore, unde hoc<sup>2</sup> : « Dentibus suis fremet et tabesecet; » ex infirmitate, unde hoc<sup>3</sup> : « Tabescere fecisti, sicut araneam, animam ejus; » ex dilectione, ut hic : *Tabescere me fecit zelus meus*. — 140. *Ignitum eloquium tuum vehementer*. Sursum ignis ascendit. Ad hoc ergo, quod oratio ascendat in altum, id est, penetret cœlum, oportet quod adsit ignis, id est, quod inflammetur charitate. —

Ignis proprietas. Christus a quinque commendatur. 142. *Justitia tua*. Ille commendat Christum ab æquitate, ubi dicit: *Justitia*; ab æquitatis auctoritate, unde dicit: *Tua*, nam est auctor omnis boni; ab auctoritatis æternitate, nam erit auctor in æternum: nam lex ejus, quæ dicitur *Evangelium (a)*, non Moysi, promittit æterna, unde: *Lex tua*; a promissionis impletione, unde: *Veritas*. Vide quomodo hæc sibi cohærent: pendentia mitræ descendunt usque ad humeros, ad significandum quod episcopi non sunt soluti ab onere legis, ne imponant hominibus onera importabilia, qui (b) digito nolunt ea movere.

143. *Clamavi intotocorde*. Aliquis angariatur (c) propter propriam culpam, unde hoc<sup>4</sup>: « Rugiebam a gemitu cordis mei, » quando scilicet habet captivatam conscientiam; quandoque propter alienam, unde Apostolus<sup>5</sup>: « Quis infirmatur, et ego non infirmor? » quandoque propter pœnam, unde hoc<sup>6</sup>: « Infelix ego homo, quis me liberabit de corpore mortis hujus? » quandoque propter gloriæ dilationem, unde hoc<sup>7</sup>: « Hei-

mihi, quia incolatus meus prolongatus est! » Hic dicitur, quod noxia conscientia premit, quia non fit tranquilla. Notandum autem, quod quædam est mala et tranquilla, ut in obstinatis; quædam mala et non tranquilla, ut in mediocriter malis, vel incipientibus esse malis; bona et non tranquilla, ut incipientibus esse bonis; bona et tranquilla, ut in perfectis. Hic dicitur, quod oratio quærenda est: nam ipsa est ad Patrem missa.

Et nota, quod anima est civitas summi Regis: et dicitur civitas virtutum, quia virtutes ibi sunt. Sed Ismaelitæ, scilicet Moab, et Agareni, Gebal, et Ammon, et Amalech, et Pharao cum curribus et equitibus venientes obsident hanc civitatem, id est, diaboli et malæ cogitationes animam. Illæ quatuor virtutes<sup>8</sup> « clamaverunt ad Dominum, cum tribularentur. » Prudentia autem prævidens hos hostes, nam prudentia dicitur in præcavendis insidiis, currit ad artem sapientiæ, quasi ad dominam virtutum, consilium quærens a sapientia, quæ testatur quærendum summi Regis auxilium, et cum quærerent virtutes: Quis ibit pro nobis? Respondit consilium, unum de septem donis: Oratio; et ne moram faciat, supra equos fidei ascendat. Proficiscitur oratio per viam cœli, et currit, donec intret portas Domini<sup>9</sup> « in confessione, atria ejus in hymnis. » Nam oratio penetrat cœlos, quæ velut mancipium fidei cum fiducia nuntiat Regi imminens periculum. Illo auditio, Rex mittit charitatem reginam cœli, et tota cœlestis charitas

curia eam comitatur. Charitas autem intrans civitatem, omnia illico exhilaravit, commota composuit, turbata pacavit. Redit spes in civitatem, quæ primo pene effugerat; fortitudo, quæ pene corruerat, et aliæ virtutes. Hoc videntes inimici, dixerunt<sup>10</sup>: « Fugiamus Israel, quia Dominus pugnat pro eis. » Sic civitas virtutum, id est anima, oratione nuntia, liberatur. Tria solent esse in medico Medicus falso VII, 24. — <sup>7</sup> *Psal. cxix*, 5. — <sup>8</sup> *Psal. cvi*, 6, etc. — <sup>9</sup> *Psal. xcix*, 4. — <sup>10</sup> *Exod.*, XIV, 25.

(a) *Cœl. edit.* Evangelium, quæ dicitur ejus. — (b) *Al. quæ.* — (c) *Leg. angustiatur.*

<sup>1</sup> *Act.*, x, 34. — <sup>2</sup> *Psal. cxi*, 10. — <sup>3</sup> *Psal. xxxviii*, 12. — <sup>4</sup> *Psal. xxxvii*, 9. — <sup>5</sup> *II Cor.*, xi, 29. — <sup>6</sup> *Rom.*,

falso, quæ hic removet a medico vero : scilicet promissionem, quia promittit, et non facit : nihil promittat, quod non faciat; unde hoc<sup>1</sup> : « Juravit Dominus, et non poenitebit eum. » In sanando, moram, nam<sup>2</sup> « nescit molimina tarda gratia Spiritus sancti. » Ferro incisionem. Primum, ubi dicit : « Quærenda est medicina. » Secundum, ibi : « Ne differas. » Tertium, ibi, ubi dicit : « Verbo, non ferro sanare, » Animus divisus non impetrat, scilicet quando aliud habet in corde, et aliud in mente, unde hoc<sup>3</sup> : « Corde, et corde locuti sunt. » Quando constituit duos fines supremos, vel principales, ita quod unum non referat ad alium<sup>(a)</sup>, ut de petitione temporalium, unde hoc<sup>4</sup> : « Nesciat sinistra tua, quid faciat dextera tua. » Vel quando homo orat, et tunc inanes cogitationes surgunt in eo, quæ possunt dici<sup>5</sup> « muscæ morientes, quæ perdunt suavitatem unguenti. » Has cogitationes, scilicet<sup>6</sup> *aves abiebat Abraham a sacrificiis.* — 146. *Ut custodiam mandata tua.* Duæ sunt species

*OEconomiae speciebus* duæ  
œconomiae, scilicet operari, et custodiare ; unde in *Genesi* de primis parentibus<sup>7</sup> : « Ut operaretur, et custodiret illum. » Una pertinet ad virum ; alia ad mulierem, scilicet virginem. Vir debet operari exterius, et acquirere ; mulier intus custodire, unde dicitur :

Non minor est virtus, quam quærere, parta tueri.

Vir, ratio ; mulier, ordinata est affectio. — 147. *Præveni inmaturitate* (*b*), ut sit una dictio, id est, *ætate immatura*, id est in juventute, Deum laudavi. Nam temperantia in juvene majus meritum est, quam in sene. Quam temperantiam seminaverunt virginines. Nam in terra mentis nostræ oculo agricolaræ seminaverunt : Pater, qui dicitur agricola in Evangelio, seminavit panem cœli. Filius seminavit veritatem : nam<sup>8</sup> « exiit, qui seminat, seminare semen suum, »

<sup>1</sup> *Psal.* cix, 4. — <sup>2</sup> Ambr., in *Luc.* — <sup>3</sup> *Psal.* xi, 3. — <sup>4</sup> *Matth.*, vi, 3. — <sup>5</sup> *Eccle.*, x, 1. — <sup>6</sup> *Gen.*, xv, 11. — <sup>7</sup> *Gen.*, ii, 15. — <sup>8</sup> *Luc.*, viii, 5. — <sup>9</sup> *Act.*, ii, 3. — <sup>10</sup> *Matth.*, x, 16. — <sup>11</sup> *Isa.*, lviii, 9. — <sup>12</sup> *Psal.*

scilicet verbum. Spiritus sanctus seminavit charitatem : nam venit, et<sup>9</sup> « apparuerunt illis disperitæ linguæ tanquam ignis, » id est, fervor charitatis. Ecce tota charitas<sup>(c)</sup>, scilicet bonus agricola, ibi seminavit angelorum stabilitatem, quando aliis cadentibus, steterunt. Apostoli prudentiam : nam eis dictum est<sup>10</sup> : « Estote prudentes sicut serpentes. » Martyres fortitudinem : opus fortitudinis fuit in martyrio. Confessores justitiam, scilicet devotionem. Virgines temperantiam, de qua hic agitur. Ecce hic quatuor agricolæ quatuor seminaverunt virtutes.  
Agricola  
læ  
quatuor. Sed timeo, ne aves cœli veniant, et rapiant semen, et seminent zizania. 151. *Prope es tu, Domine.* Deus dicitur prope tribus de causis : per inspirationem, unde hoc<sup>11</sup> : « Te loquente, ecce adsum ; » per infusionem, unde hic ; per auxilium, unde hoc<sup>12</sup> : « Prope est Dominus omnibus invocantibus eum. »

153. *Vide humilitatem meam.* Alibi dicitur<sup>13</sup> : « Respxit humilitatem ancillæ sua. » Hæc est unica filia summi Regis, quæ dicitur esse caput omnium virtutum. Sed nonne fides est caput omnium virtutum ? Nam pri-  
Fides. ma petit caput. Dicimus, quod dicitur caput virtutum, quas Dominus enumerat in sermone<sup>14</sup> : « Beati pauperes spiritu ; » ubi per paupertatem intelligit humilitatem, quæ primo enumeratur : ideo dicitur caput. Nota : Deus dicitur videre hominem, peccatum, gratiam : hominem quandoque in bono, unde hoc<sup>15</sup> : « Oculi Domini super justos ; » quandoque in malo, unde hoc : « Vultus autem Domini super facientes mala. » Peccatum, dum punit, unde hoc<sup>16</sup> : « Beati, quorum remissæ sunt iniquitates, et quorum tecta sunt peccata, » scilicet ne videat Deus. Virtutem, dum eam approbat, unde hic : *Vide humilitatem meam.* — 154. *Judica judicium meum, et redime me.* Nota causam inter hominem et hominem, unde

<sup>13</sup> *Luc.*, i, 48. — <sup>14</sup> *Matth.*, v, 3. —

<sup>15</sup> *Psal.* xxxiii, 16, 17. — <sup>16</sup> *Psal.* xxxi, 1.

(a) *Cæt. edit.* unus non referat alium. — (b) *Vulg.* in *maturitate.* — (c) *Leg.* Trinitas.

hoc<sup>1</sup> : « Nolite contendere (*a*) in judicio. » Inter hominem et diabolum, id est, quando diabolus eum accusat, et homo se defendit per bona opera; unde beatus Martinus dixit: « Quid hic astas, cruenta bestia? » Inter hominem, et Deum; unde Isaías, in persona Domini<sup>2</sup> : « Judge inter me, et vineam meam. » Inter Deum et diabolum, unde hoc<sup>3</sup> : « Venit prineps mundi hujus, et in me non habet quidquam. » Hic petit justus examinari. Unde alibi<sup>4</sup> : « Igne me examinasti. » Nota: valde boni examinati per gravitatem constantiae in dexteram partem se inclinaverunt; valde (*b*) mali examinati sunt, qui per pondus propriæ iniquitatis in sinistram partem declinaverunt; mediocriter boni et mali examinati non sunt, quia ad quam partem pertineant humana judicia discernere non possunt. De hac statera, vel æquilibrio, vel æqua lance, loquitur Job dicens<sup>5</sup> : « Utinam peccata mea, et calamitas quam patior, appendentur in statera. » Super hoc Gregorius<sup>6</sup> : « Statera Patris in manu, Christus est, habens misericordiam et justitiam; et peccatum per misericordiam relaxans, leve esse ostendit. » Totus ergo mundus in hac statera est, quam Pater in manu tenet; et in una parte boni, et in alia parte mali apponunt opera sua. Stephanus appetit (*c*) lapideū, unde lapidatus est; Laurentius craticulam, et alii alia: tamen omnia ista non facerent nutum, nisi gutta sanguinis Christi apponaretur in lance honorum. Ecce sanctimonia. Nam sicut

*Medi  
cina sine  
scamo  
nea nihil  
valet.*

sensus est caput, quod interpretatur, res lancea. Nam secundum rationem homo debet vivere, non bestialiter. Nam homo habet tria, quæ sunt in anima, scilicet imaginatio, ratio, intelligentia, sive intellectus. Ex his tribus tria proveniunt: ex imaginatione,

<sup>1</sup> *I Cor.*, vi, 6, quoad sensum. — <sup>2</sup> *Isa.*, v, 3. — <sup>3</sup> *Joan.*, XIV, 30. — <sup>4</sup> *Psal.* XVI, 3. — <sup>5</sup> *Job.*, VI, 2. — <sup>6</sup> *Greg.*, *Moral.*, lib. VII, c. II. — <sup>7</sup> *Matth.*, III, 17.

cogitatio; ex ratione, meditatio; ex intelligentia, contemplatio procedit. Nota differentiam inter cogitationem, et meditationem, et contemplationem. Cogitatio lento pede, sive respectu, per devia discurrit. Meditatio per ardua, sive per aspera cum magna industria animi nititur. Contemplatio, quo cumque eam fert impetus, nimia agilitate confertur. Cogitatio sine labore et fructu; meditatio cum labore et fructu; contemplatio sine labore et cum fructu est: eamdem materiam per hæc tria intuemur; sed aliter per cogitationem, aliter per contemplationem. Christus est principium et finis, caput et cauda, Alpha et Omega. Et ille ablatus est Judæis: unde in septimana pœnosa tacetur principium et finis horarum; quia tunc ablatus est nobis ille, qui est principium et finis: tunc enim non dicitur *Deus in adjutorium, nec Collecta.*

— 156. *Misericordiae tuæ multæ, Domine.* Hic dicitur, quod Deus non solum apparuit non quærentibus, sed etiam quærentibus, ut Magis. Nam leguntur Christi tres apparitiones. Nam in Epiphania apparuit Magis, et ibi ostendit se esse verum hominem tantum, non Deum: apparuit enim inter ubera matris. Secundo apparuit in baptismo, quando Joanni per (*d*) testimonium Spiritus sancti se esse filium Dei ostendit: nam Pater auditus est dicens<sup>7</sup>: « Hic filius meus dilectus, in quo mihi complacui. » Sed quia posset credi per adoptionem, ideo post apparuit in nuptiis architriclino, ubi ostendit se esse Deum per opus miraculosum, quod fecit ibi. Nam ibi aquam in vinum mutavit, quod fuit signum deitatis. Vide quomodo profecerit in apparitionibus: nam primo ostendit se esse verum hominem; secundo, filium Dei; tertio, Deum. Et hoc totum factum est eadem die, sed annis revolutis. Unde illæ tres solemnitates in die Epiphaniæ simul occurrunt, scilicet de Magis, de baptismio, et de mutatione aquæ in vinum.

Solem-  
nitas tri-  
plex in  
Epipha-  
nia eur

(*a*) *Cæt. edit.* confidere. — (*b*) *Item* unde. — (*c*) *Leg.* apposuit. — (*d*) *Cæt. edit.* non habent per.

celebre. *Secundum judicium tuum vivifica me.* Deus mortuos viviscat ut vivant, unde hoc<sup>1</sup>: « Sicut suscitat mortuos, et viviscat, sic et Filius, quos vult, viviscat: » vivos, ut amplius vivant, unde et utrobique de vita gratiae: et vivos, ut in aeternum vivant, unde hoc<sup>2</sup>: « Semen non vivificabitur, nisi prius moriatur. » — 157. *Qui persequuntur me, et tribulant me.* Tria genera martyrii, sive sanctitatis legimus, quae habebimus a tribus solemnitatibus, quae sequuntur diem Natalem Christi: a Stephano enim habemus opus martyrii et voluntatem; a Joanne solam voluntatem; ab Innocentibus solum opus. Omnes hi calicem biberunt; sed alius corpore et spiritu; alii solo spiritu; alii solo corpore.

161. *Principes persecuti sunt me gratis.*

Sed. Sin<sup>3</sup> interpretatur super vulnus, id est, emplastrum hac similitudine: innam emplastrum tria facit: nam tumorem vulneris deprimit; ardorem caloris lenit; carnes putridas depellit. Hoc totum facit verbum Dei. De primo Apostolus<sup>4</sup>: « Ne magnitudo revelationum extollat me, » etc. De secundo<sup>5</sup>: « Per diem sol non uret te, » quia aufert ignem concupiscentiae. De tertio<sup>6</sup>: « Sermo Dei penetrabilior est omni gladio ancipihi, » quia putredinem resecat. Hic dicitur vulneratus in naturalibus, qui venit ad Samaritanum, scilicet Christum, qui suscepit genus humanum

Medicus Christus quid faciat. ad curandum. Unde hic medicus, ægrotum lenens in manibus artis suæ, peritiam probat. Primum stupida membra diu palpando ad sensum revocat; et tactu levi dolentia membra et vulnera tangendo ad ictum confirmat; deinde secat, post ungit, deinde ligat, post foveat ad plenam sanitatem reparans. Nam primo est conquestio; secundo, increpatio; tertio, consolatio; quarto, præceptio; quinto deprecatio. Per quæstionem, palpat; per increpatiōnem, secat; per consolationem, ungit; per præceptionem ligat; per depreciationem, foveat. Adventus Christi

<sup>1</sup> Joan., v, 21. — <sup>2</sup> I Cor., xv, 36. — <sup>3</sup> Lillera hebreicaa **¶**, ad hunc versum pro numero posita. — <sup>4</sup> II Cor., XII, 7. — <sup>5</sup> Psal. CIX, 6. — <sup>6</sup> Hebr., IV, 12. — <sup>7</sup> Luc., III, 6. — <sup>8</sup> Luc., XXIII, 30. — <sup>9</sup> Matth., XIII,

fulguri comparatur propter tria, quæ fulguri convenient: nam manifestum, terrible, lucidum. Manifestus erit adventus Christi, unde hoc<sup>7</sup>: « Omnis caro videbit salutare Dei. » Terribilis, unde hoc<sup>8</sup>: « Timebunt angeli, et mali dicent montibus: Cadite super nos, et collibus. » Fulgidus, quando in bonos, unde<sup>9</sup>: « Fulgebunt justi in regno patris eorum. » — 163. *Legem autem tuam dilexi.* Charitas Dei integra propter tria: propter perpetuitatem, unde hoc<sup>10</sup>: « Charitas nunquam excidit; » propter firmitatem, unde hoc<sup>11</sup>: « Fortis est ut mors dilectio; » propter amplitudinem, nam omnia mandata continet præceptum de dilectione, unde hoc<sup>12</sup>: « Habe charitatem, et fac quidquid vis. » 164. *Septies in die laudem dixi tibi:* id est, semper in omni statu, id est cogitatione, locutione, et opere. Primo modo Moy-ses laudabat Deum, quando dixit ei Dominus<sup>13</sup>: « Quid clamas ad me? » ore, ut hoc<sup>14</sup>: « Domine, labia mea aperies, » etc.; opere, unde Apostolus<sup>15</sup>: « Gratias ago Deo meo; » et hoc<sup>16</sup>: « Sine intermissione orate. » — 165. *Non est scandalum; supple: Christus, vel lex,* secundum duas expositiones. — 168. *Omnes viæ meæ in conspectu tuo:* quia omnia a te habeo, donum, meritum, præmium: donum, id est, prima gratia nobis est a Deo, quia ex ipso; meritum, scilicet virtus, et augmentum virtutis, a Deo, quia per ipsum; præmium a Deo, quia in Christo: nam ipse est præmium nostrum, unde Apostolus<sup>17</sup>: « Ex ipso, et in ipso, et per ipsum sunt omnia; » ut ad hoc quod dixit, *ex ipso*, referatur donum; ad hoc quod dicit, *per ipsum*, referatur meritum; ad hoc quod dicit, *in ipso*, præmium.

169. *Appropinquet deprecatio mea.* Tau interpretatur *Erravit*, vel *Consummavit*. Est enim multiplex consummatio. Est enim consummatio malitiæ, quando scilicet homo est cumulatio malorum, in qua esset, si am-

tus  
Christi  
fulguri  
compa-  
ratur.

43. — <sup>10</sup> I Cor., XIII, 8. — <sup>11</sup> Cant., VIII, 6. — <sup>12</sup> Augustin., passim, quondam sensum. — <sup>13</sup> Exod., XIV, 15. — <sup>14</sup> Psal. L, 17. — <sup>15</sup> I Cor., I, 4. — <sup>16</sup> I Thess., V, 17. — <sup>17</sup> Rom., XI, 36.

Consum-  
matio  
multi-  
plex.

plius viveret, unde hoc<sup>1</sup> : « Consummatus in brevi explevit tempora multa. » Est consummatio legis, sive prophetæ, unde<sup>2</sup> : « Consummatum est; » quia lex consummata est, vel quæ dicta sunt de Christo, impleta sunt. Est consummatio gloriæ; unde hoc (v. 96) : « Omnis consummationis vidi finem. » Nota : Fit appropinquatio ad Deum fide, unde hoc<sup>3</sup> : « Accedite ad eum, et illuminuamini; » opere, unde hoc<sup>4</sup> : « Donec intrem in sanctuarium Dei; » scientia sive cogitatione, unde hoc<sup>5</sup> : « Si quis sitit, veniat ad me, et bibat; » ejus fruitione, unde hoc<sup>6</sup> : « Venite, benedicti Patris mei; » et per corporalem pœnitentiam, ut illi, qui desiderabant primum adventum, unde hoc : *Appropinquet deprecatio mea*. Plus est a vitiis se revocasse, qnam prope, id est, ferme ipsa vitia necasse (*a*). Sed auctoritashabet in contrarium, quæ dicit : « Semper aberrans, si repertus fuerit pii pastoris humeris, non erit in eadem gloria cum eo, qui nunquam aberravit. » Dicimus, quod plus est a vitiis se revocasse, id est, quia ex quo rivuli sunt aperti, difficile est abstinere; vel plus est, id est, occasio majoris boni, ut Petrus, qui

*Praedi-*  
*cator de-*  
*bethabe-*  
*re duo.*

*Judicia*  
*tria.*

fortior surrexit. Nam prædicator duo debet habere, scilicet scientiam, et mundam conscientiam; et tunc secure potest prædicare, ne ei dicatur<sup>7</sup> : « Peccatori dixit Deus : Quare tu enarras justias meas? » Primum Prophetæ petit, hic scilicet : *Da mihi intellectum*. Secundum ibi (v. 170) : *Eripe me*. Post prædicat, dicens (v. 171) : *Eructabunt labia mea hymnum* (*b*). — 175. *Judicia tua adjuvabunt me* (*c*). Judicia ultionis, judicia correctionis, judicia remunerationis. Per judicia ultionis Judas reprobatur; per judicia correctionis, Saulus cæcatur; per judicium remunerationis, David humilis in regnum sublimatur. Primum stantibus timorem cädendi dat; secundum lapsis præbet spem

<sup>1</sup> *Sap.*, IV, 13. — <sup>2</sup> *Joan.*, xix, 30. — <sup>3</sup> *Psal.* XXXIII, 6. — <sup>4</sup> *Psal.* LXXXII, 17. — <sup>5</sup> *Joan.*, VII, 37. — <sup>6</sup> *Matth.*, XXV, 34. — <sup>7</sup> *Psal.* XLIX, 6. — <sup>8</sup> *Joan.*, X, 11, 12, 10, 12, — <sup>9</sup> *Isa.*, LXI, 10.

resurgendi; tertium perfectis assert amorem perseverandi. Primum generat timorem; secundum nutrit spem; tertium accendit charitatem. Recte de his dicitur : *Judicia tua adjuvabunt me*. — 176. *Erravi, sicut ovis quæ periit*. Est pastor, pastor; pastor, etiam mercenarius; est pastor, fur; est pastor, lupus. Primus est imitandus; secundus tolerandus; tertius cavendus; quartus bæculo arcendus. De primo<sup>8</sup> : « Bonus pastor animam suam ponit pro ovibus suis. » De secundo : « Mercenarius vidit lupum venientem, et fugit. » De tertio : « Fur non venit, nisi ut furetur. » De quarto : « Lupus rapit, et dispergit oves. » Nota : hic dicitur, quod Christus lanivavit vestes in vepribus Iudeorum : scendum, quod homo descendit ab Hierusalem in Jericho, vulneratus est in corpore, et spoliatus vestibus, id est, genus humanum vulneratum in naturalibus, et spoliatum gratuitis. Prius enim erat indutum vestibus contra frigus vitoriū, unde hoc<sup>9</sup> : « Induit me vestimentis salutis (*d*). » Non (*e*) ergo nudus se non (*f*) nudum confessus est, Domino veniente, quando se operuit foliis fici. Recipere autem sua vestimenta non posset, nisi Christus sua amitteret. Sicut enim homo non potuit sanari in corpore, nisi primum Christus corpus deponeret, ita et non potuit vestiri in anima, nisi Christus suas deponebat vestes, et crucifixione sua amisisset.. Quia quatuor fuerunt crucifixores Christi, quatuor fuerunt partes de vestibus Christi, et ita genus humanum per quatuor vestes, quas amiserat, quatuor virtutes recuperavit : ergo depositio corporis Christi sanavit genus humanum in corpore, depositio vestium Christi reintuit, et restituit generi humano vestes, id est, virtutes. Non loquar (*g*) de tunica, quæ non est divisa, quia inconsutilis; sed de aliis vestibus.

Pastor  
multi-  
plex.

(*a*) *Leg.* nesciisse. — (*b*) *Cæt. edit.* Exultabunt labia mea justitiam tuam. — (*c*) Quæ hic datur expositio partis v. 175, transposita est in *cæt. edit.* supra, inter v. 22 et 23 ejusdem psalmi. — (*d*) *Cæt. edit.* suis. — (*e*) *Leg.* Adam. — (*f*) *Dele non.* — (*g*) *Leg.* loquor.

ALTERA EXPOSITIO  
EJUSDEM PSALMI CXVIII

---

## ARGUMENTUM

*(Ex editione Vaticana.)*

Quæ et temporis diurno usu, et omnium comprobatae consensu multis abhinc annis in lucem prodiit. Quod si pluribus scripta est, quam superior, id non alienum est a sacrarum litterarum interpretibus, qui sæpenumero eadem modo fusi, modo brevius explicarunt.

## PROLOGUS.

*Titulus Psalmi: Alleluia.*

<sup>1</sup> *Alleluia, laus et gloria, et virtus Deo nostro.* Quis titulus, quis ornatus, quis fructus astruatur præsentis psalmi, apostolicis instruimur documentis. Titulus spectat ad causam materialem, ornatus ad formalem, fructus ad finalem.

*Articulus primus.*

Quantum ad primum, ait Apostolus: *Alleluia,* id est, Laudate Dominum. Ecce clarissimus titulus: ecce clarissima materia psalmi hujus. Quis enim clarior titulus, quam laus divina? quæ clarior materia, quam laudabilis conversationis doctrina? Et nota, quod sicut legitur in Scriptura, *Alleluia*, sive laudationis dominicæ harmonia est dicenda, iteranda, cantanda: uti referatur dictio ad intellectum, iteratio ad affectum, cantatio ad effectum: quia secundum eloquium tullianum<sup>2</sup>, dulcior est concentus acutuum, quam sonorum. De primo<sup>3</sup>: « Ceciderunt vigintiquatuor seniores, et quatuor animalia, et adoraverunt sedentem super thronum, dicentes: Amen, alleluia: » hic dicitur *alleluia* dictione intellectiva. De secundo supra eodem capitulo sic habetur<sup>4</sup>: « Iterum dixerunt: Alleluia. » Hic iteratur alleluia iteratione affectiva. De tertio<sup>5</sup>: « Per vicos tuos alleluia cantabitur: » hic cantatur alleluia cantatione effectiva.

*Articulus secundus.*

Quantum ad secundum addit Apostolus: « Laus, et gloria, et virtus: » ecce trinus ornatus. Unde

videtur iste psalmus quasi trinus et unus, quia trinus ornatus, sed unus tractatu. Trinitas ista perlibetur consistere in laude, gloria, et virtute: videlicet in laude mensurationis, in gloria numerationis, in virtute ponderationis. Mensuratur enim geometrice circulo elementario; numeratur arithmetice numero octonario; ponderatur musice, sive metrice, quia metra dicitur quædam musica harmonico pedum senario. Metra quid. Quanta sit laus circuli mensurantis, patet ex figura deiformissima, quia simplicissima, quia perfectissima, quia capacissima, quia nobilissima. Quanta gloria sit octonarii numerantis, liquet ex eo, quod bis duo bis valent octo, ubi numerus unus et primus per processum binum fit trinus. Quanta sit virtus senarii ponderantis, appetat in eo, quod numerus perfectus, et perfectorum primus, trinam recipit distinctionem praeter excessum et diminutionem. Et nota de trinitate laudis, gloriæ et virtutis, quod potest divinis adaptari personis, quia sicut ex Scripturis colligitur, laus Patri, gloria Filio, virtus Spiritui sancto adseribitur.

Primum patet per illud Sapientis eloquium<sup>6</sup>: « Patri omnium (a) decantantes laudes. » Ecce laus Patri adscripta.

Secundum liquet per illud evangelicum<sup>7</sup>: « Vidimus gloriam ejus, gloriam quasi unigeniti a Patre: » ecce gloria Filio attributa.

Tertium appetat per illud propheticum<sup>8</sup>: « Spiritu oris ejus, omnis virtus eorum: » ecce virtus Spiritui sancto addicta.

<sup>3</sup> *Apoc.*, vii, 11. — <sup>4</sup> *Apoc.*, xix, 3. — <sup>5</sup> *Tob.*, xiii, 22.  
— <sup>6</sup> *Sap.*, xviii, 9. — <sup>7</sup> *Joan.*, i, 14. — <sup>8</sup> *Psal.* xxxii, 6.

(a) *Vulg.* Patrum jam.

<sup>1</sup> *Apoc.*, xix, 1. — <sup>2</sup> Id est, Tullii Ciceronis. —

*Articulus tertius.*

Quantum ad tertium subdit Apostolus: *Deo nostro*: quasi dicat: *Laus, gloria, virtus* (ex quibus ornatus hujus psalmi pertexitur) *Deo attribuitur*, a quo et tribuitur. *Ecco sanissimus et suavissimus presentis operis fructus*, ut laudem, et gloriam, et virtutem pro laudabili, gloria, et virtuosa doctrina Dei nostri, laudabili potentiae, gloriae sapientiae, virtuosae clementiae referamus. Notandum itaque quod Dominus Deus est dignus laude, gloria, et virtute, quia potens, sapiens, clemens: potenter formans; sapienter informans; clementer conformans. De primo<sup>1</sup>: « *Potens est Deus de lapidibus istis*

*suscitare filios Abrahæ*: » *ecce Deus potens formator*. De secundo<sup>2</sup>: « *Secundum revelationem mysterii temporibus æternis taciti, cogniti soli sapienti Deo*: » *ecce Deus sapiens informator*. De tertio<sup>3</sup>: « *Pius et clemens est Dominus Deus noster, et non avertet faciem suam a vobis, si reversi fueritis ad eum*: » *ecce Deus pius reformato et clemens conformator*.

Et hoc est, quod ait Apostolus: « *Alleluia: laudate Dominum*, » in quo titulus pertinens ad causam materialem; « *Laus et gloria et virtus*, » in quo trinus et unus ornatus attinens ad causam formalem; « *Deo nostro*, » qui est « *sermonis consummatio*, » sicut scribitur<sup>4</sup>, in quo fructus spectans ad causam finalem.

## CAPUT PRIMUM.

## VERSICULUS PRIMUS.

*Beati immaculati in via*, etc. Post generalem prælocutionem accedendum est ad specialem (a)

*Unde cim-  
ca-  
pitula  
hujus  
psalmi.* præsentis psalmi prosecutionem. Psalmus iste distinguitur distinctione summaria in undecim capitula, in quibus totidem administrantur fercula. Nam in primo beatitudo præmittitur: *Beati immaculati*. In secundo *Retributio submittitur: Retribue servo tuo*. In tertio *lex committitur: Legem pone*. In quarto *spes immittitur: Memor esto*. In quinto *bonitas transmittitur: Bonitatem fecisti*. In sexto *defectus dimittitur: Defecit in salutare*. In septimo *dilectio intromittitur: Quomodo dilexi*. In octavo *iniquitas interdicitur (b): Iniquos odio habui*. In nono *judicium promittitur: Mirabilia testimonia tua*. In decimo *pietas admittitur: Clamavi in toto corde*. In undecimo *impietas emititur: Principes persecuti sunt me*.

*Pulchra repetitio* Et quoniam ad beatitudinem præmissam pervernit per retributionem submissam; ad retributionem submissam, per legem commissam; ad legem commissam, per spem immissam; ad spem immissam, per bonitatem transmissam; ad bonitatem transmissam, per defectionem dimissam; ad defectionem dimissam, per dilectionem intromissam; ad dilectionem intromissam, per iniquitatem interdictam (c); ad iniquitatem interdictam, per judicium severitatem promissam; ad severitatem promissam, per pietatem admissam; ad pietatem admissam, per

impietatem emissam (d), ut luce clarius elucescat inferius, patet tam ferculorum, quam capitulorum ordo et numerus, procedendo secundum ordinem appetitus.

Primum capitulum distinguitur in hunc modum: primo beatitudo præmittitur digredientibus, seu impenitentibus, et hoc in primo octonario; secundo regredientibus, sive penitentibus, et hoc in secundo. Et quia per tentationem fit digressio, primus octonarius inchoatur ab Aleph, littera hebraica, quæ interpretatur *Aleph. tentationum millia*. Quia vero penitens ad beatitudinem æternam, tanquam ad domum non manufactam regreditur; idcirco secundus octonarius inchoatur a Beth littera, quæ *domus Beth.* interpretatur. Primus autem octonarius distinguitur, quia via beatitudinis proponitur primo tanquam spectabilis, et hoc in primo quaternario; secundo tanquam affectabilis, et hoc in secundo. Primus etiam quaternarius distinguitur sub hac forma, quia via beatitudinis proponitur tanquam spectabilis: primo, quia congrua; secundo, quia proficia; tertio, quia necessaria; quarto, quia justa: quorum singula singulis respondent versiculis. Primum versiculum possumus distinguere quadrimembri distinctione, secundum quod congruit viatori quatuor attendere: quo tendat; quo modo tendat; si tendat, et qua tendat: quo tendat, ut perficiatur; quomodo tendat, ne inficiatur; si tendat, ut reficiatur; qua tendat, ne interficiatur. Hæc sunt quatuor documenta, quæ viato-

<sup>1</sup> *Matth.*, III, 9. — <sup>2</sup> *Rom.*, XVI, 25. — <sup>3</sup> *H. Paralip.*, XXX, 9. — <sup>4</sup> *Eccli.*, XLIII, 29. — (a) *Cæt. edit. speciem.*

ribus dogmatizat Psalmographus per hæc verba : *Beati*. Hic notatur, quo tendant, ut perficiantur. *Immaculati in via*. Hic notatur, quomodo tendant, ne inficiantur. *Qui ambulant*. Hic notatur, si tendant, ut reficiantur. *In lege Domini*. Hic notatur, qua tendant, ne interficiantur.

#### *Articulus primus.*

Docens ergo viatores, quo tendant, ut perficiantur, dicit : *Beati*. Ad hoc enim debent tendere, ut sint beati. Est autem beatitudo perfectiva, sive summa perfectio beatifica tripartita,

Beati tudo perfectiva ripartita. videlicet visio, tentio, fruitio Trinitatis increatae. Quæ sunt perfectivæ trinitatis creatæ, ut puta memoriæ, intelligentiæ, et voluntatis : quarum prima est merces fidei, secunda spei, tertia charitatis. De prima beatitudine perfectiva, quæ dicitur visio, figuraliter dicitur<sup>1</sup> : « Beati servi tui, et hi qui assistunt coram te omni tempore. » De secunda, quæ dicitur tentio, legitur<sup>2</sup> : « Qui tenuerit eam, » scilicet sapientiam increatam, « beatus. » De tertia, quæ dicitur fruitio, vel amabilis adhæsio, scribitur in *Tobia*, ubi loquitur de cœlesti civitate, sive felicitate, quia cœlestis civitas nihil aliud est, quam felicitas<sup>3</sup> : « Beati omnes qui diligunt te, et qui gaudent super pace tua. » Dilectio pertinet ad fruitionem ; pax autem ad appetitus consummationem.

#### *Articulus secundus.*

Secundo docens viatores quo modo tendant, ne inficiantur, subdit : *Immaculati*. Sic enim debet viator tendere, ut sit immaculatus corde, ore, et opere. De quorum primo dicitur infra, cap. 6 : *Fiat cor meum immaculatum in*, etc. De secundo<sup>4</sup> : « Elegit nos ante mundi constitutio- nem, ut essemus sancti et immaculati in conspectu ejus. » Sanctos dicit quantum ad affectum; immaculatos, quantum ad affatum (a). De tertio<sup>5</sup> : « Safagite immaculati, et inviolati ei inveniri : » quasi dicat: immaculati exterius, et inviolati interius. Unde quod subditur : *In via*, intelligitur tam de via exteriori, quam interiori; quarum prior pertinet ad hominem exteriorum, posterior ad interiorem : de quibus viis illud propheticum potest intelligi<sup>6</sup> : « Vias tuas, Domine, demonstra mihi. »

#### *Articulus tertius.*

Tertio, docens attendere si tendant, ut refi-

<sup>1</sup> *II Paralip.*, ix, 7. — <sup>2</sup> *Prov.*, iii, 18. — <sup>3</sup> *Tob.*, xiii, 18. — <sup>4</sup> *Ephes.*, i, 4. — <sup>5</sup> *II Petr.*, iii, 14. —

ciantur, addit : *Qui ambulant* : non supra se, sicut ambitiosi; non circa se, sicut voluptuosi; non infra se, sicut curiosi; sed coram se, sicut virtuosi. Primi tendunt post vanitatem, de quibus<sup>7</sup> : « Ambulaverunt post vanitatem, et vani facti sunt : » quorum primum pertinet ad affectum, secundum ad effectum. Secundi tendunt post voluptatem, de quibus<sup>8</sup> : « Post carnem in concupiscentia immunditiae ambulant, damnationemque contemnunt : » quorum primum refertur ad actum prævaricationis, secundum ad contemptum correptionis. Terti tendunt post vacuitatem, seu temporalium supervacuitatem, de quibus<sup>9</sup> : « Ambulabunt in vacuum, et peribunt : » quorum primum pertinet ad culpam, secundum ad pœnam. Ideoque qui ambulant supra se, seu ambitiose; vel circa se, hoc est voluptuose; vel infra se, id est, curiose, non reficiuntur, quia non proficiunt (b). Sed qui ambulant coram se, soli reficiuntur, quia soli ulterius, vel anterius progrediuntur. Hi denotantur in illis animalibus, de quibus legitimus<sup>10</sup> : « Unumquodque eorum coram facie sua ambulabat. »

#### *Articulus quartus.*

Quarto, docens qua tendant, ne interficiantur, superaddit : *In lege Domini*, quia revera lex dominica est via non guerrifera, sed pacifica; unde Propheta<sup>11</sup> : « Pax multa diligentibus legem tuam ; » non mortifica, sed vivifica, unde<sup>12</sup> : « Lex sapientis, fons vitæ ; » non damifica, sed beatifica, unde<sup>13</sup> : « Qui custodit legem, beatus est, » in spe, non in re.

#### *Epilogus.*

*Beati* ergo sunt, attendendo quo tendunt, ut perficiantur : *Immaculati in via*; attendendo quo modo tendunt, ne inficiantur : *Qui ambulant*; attendendo si tendant (c), ut reficiantur : *In lege Domini*; attendendo, qua tendunt, ne interficiantur.

#### *VERSICULUS II.*

*Beati, qui scrutantur testimonia ejus*, etc. Superiorius ostendit Propheta, quod beatitudinis via sit spectabilis, quia congrua; hic ostendit, quod

<sup>6</sup> *Psal.* XXIV, 4. — <sup>7</sup> *Jerem.*, II, 5. — <sup>8</sup> *II Petr.*, II, 10. — <sup>9</sup> *Job*, VI, 18. — <sup>10</sup> *Ezech.*, I, 12. — <sup>11</sup> *Psal.* hoc, 165. — <sup>12</sup> *Prov.*, XIII, 14. — <sup>13</sup> *Prov.*, XXIX, 18.

(a) *Leg.* effectum. — (b) *Cat edit.* proficieuntur. — (c) Item tendunt.

eadem via sit spectabilis, quia proficia. Quod autem proficia, probat quasi per quatuor argumenta, et sic in hoc versiculo quatuor sunt notanda. Probat enim, quod sit proficia: pritudinis via varia, quia purgat intentionem; secundo, quia modis illuminat rationem; tertio, quia inflammat proficia affectionem; quarto, quia perficit actionem. Purgatur autem intentio, summam et solam felicitatem expectando; illuminatur autem ratio, summam veritatem spectando; inflammatur affectio, summam bonitatem affectando; perficitur actio, summam sanitatem sectando.

#### Articulus primus.

Quantum ad primum dicitur: *Beati*; supple: non re, sed spe; non felicitatis tentione, sed expectatione. Ecce summae felicitatis expectatio, per quam purgatur intentio. Quod autem beatum faciat haec expectatio, scribitur<sup>1</sup>: « Beati omnes, qui expectant eum. » Sed nota quod Deus est tripliciter expectandus: videlicet magnanimiter, aequanimiter, et longanimiter: magnanimiter, contra diffidentiam; aequanimiter, contra impatientiam; longanimiter, contra inconstantiam. De magnanimitate, non diffidenter (*a*) expectantibus, legimus<sup>2</sup>: « Non confundentur, qui expectant eum; » quasi diceret: Non privabuntur preämio expectantium, qui non privantur ipsorum merito. De aequanimitate, non impatienter expectantibus, sic habemus<sup>3</sup>: « Pars mea Dominus, dixit anima mea, propterea expectabo eum. » Quorum primum pertinet ad rectitudinem intentio-  
nem; secundum, ad rectitudinem actionis. De longanimitate expectantibus, non inconstanter, scriptum agnovimus<sup>4</sup>: « Si moram fecerit, expecta eum: » quasi dicat: Si differatur speratum preämium, non auferatur spei meritum.

#### Articulus secundus.

Quantum ad secundum subditur: *Qui scruta-*  
*tantur testimonia ejus.* Haec testimoniorum seru-  
tatio est summae veritatis spectatio, per quam illuminatur ratio, quae spectatur in testimoniis  
veritatis. Sed nota, quod veritatis summae testi-  
monia sunt diversa. Nam alia sunt de conser-  
vandis, alia de operandis, alia de sperandis,  
seu tolerandis. Quorum prima sunt reverenter  
credenda; secunda diligenter implenda; ter-

tia vehementer stupenda. De primis<sup>5</sup>: « Tes-  
timonia tua credibilia facta sunt nimis. » Et<sup>6</sup>: « Splendidum in panibus benedicent labia multorum, et testimonium veritatis illius fidele. » Quid per *splendidum in panibus* aliud intelligimus, quam illum, qui multa multoties millia satiavit de paucis panibus? Hujus plane testimonium est *fidele*, videlicet testimonium de credibilibus. De secundariis<sup>7</sup>: « Testimonium Domini fidele, sapientiam præstans parvulis, » quasi dicat: Testimonium Domini fidele (*b*), id est, fideliter observable, propter observantiam fidelem (*c*) præstat ob-  
servantibus sapientiam. De tali quoque testi-  
monio legitur<sup>8</sup>: « Liga testimonium, signa  
legeum in discipulis meis. » Testimonium respicit facienda; lex fugienda: sive: testimonium, præcepta affirmativa; lex, negativa. De tertii<sup>9</sup>: « Mirabilia testimonia tua. » De eisdem intelli-  
gitur, quod legitur<sup>10</sup>: « Scribe ei super buxum,  
et in libro diligenter exara illud; et erit in die  
novissimo in testimonium, usque in æternum. » Per scripturam buxi, quod est lignum infruc-  
tuosum, intelligitur revocatio malorum; per  
scripturam libri, quod est opus fructuosum,  
accipitur provocatio bonorum: haec sunt in  
testimonium illis: primum scilicet in testimo-  
nium de tolerandis; secundum, in testimonium  
de sperandis, quia mali revocantur, supplicia  
comminando; boni vero provocantur, præmia  
promittendo.

#### Articulus tertius.

Quantum ad tertium additur: *In toto corde*  
*meo. In toto, notatur perfectio; in corde,* affec-  
tio. Unde *in toto corde*, effectio perfectio,  
quae est summae bonitatis affectatio, per quam inflammatur affectio. Sed nota, quod cordis inflamatio est tripartita: quedam acuta,  
quedam acutior, quedam acutissima: qua-  
rum prima pertinet ad pœnitentes, visia de-  
plorantes; secunda ad proficientes, patro-  
cinium implorantes; tertia ad pervenientes,  
superna præmia explorantes. De prima qui-  
dem<sup>11</sup>: « Confitabor tibi, Domine, in toto  
corde meo, quoniam audisti omnia verba oris  
mei; » quasi diceret: Vadam ad peccatorum  
confessionem, secundum acutam cordis inflam-  
mationem, quoniam audisti peccatoris oratio-

Revoca-  
tio malo-  
rum per  
quid in-  
telliga-  
tur, et  
per quid  
provo-  
cato bo-  
rum.

Cordis  
inflam-  
matio  
triplex.

<sup>1</sup> Isa., xxx, 18. — <sup>2</sup> Isa., XLIX, 23. — <sup>3</sup> Thren., III,  
24. — <sup>4</sup> Habac., II, 3. — <sup>5</sup> Psal. XCII, 5. — <sup>6</sup> Eccli.,  
XXXI, 28. — <sup>7</sup> Psal. XVIII, 8. — <sup>8</sup> Isa., VIII, 26. —

<sup>9</sup> Psal. hoc, 129. — <sup>10</sup> Isa., XXX, 8 — <sup>11</sup> Psal. CXXXVII, 1.

(a) *Cat. edit.* differenter. — (b) *Item non habent*  
*fidele. — (c) Cat. edit. fidele.*

nem. De secunda similiter scribitur<sup>1</sup>: *Clamavi in toto corde meo: Exaudi me, Domine: justificationes tuas requiram; ac si diceret: Clamavi per devotam orationem, secundum acutorem cordis inflammationem; exaudi me per patrocinii exhibitionem. Justificationes tuas requiram, per proximorum ædificationem. De tertia quoque concinuitur psalmo eodem<sup>2</sup>: In toto corde meo exquisivi te; ne repellas me a mandatis tuis. Ac si aperte dicat; in acutissima cordis inflammatione exquisivi te in contemplatione. Ne repellas me, meritorum meorum consideratione, a mandatorum tuorum expleione.*

#### *Articulus quartus.*

Quantum ad quartum, superadditur: *Exquirunt eum; hæc exquisitio est summæ sanctitatis sectatio, per quam perficitur actio. Sed nota, quod est sanctitatis summæ sectatio, seu exquisitio tripartita, scilicet initiativa, proiectiva, et perfectiva: quarum prima propinquæ; secunda propinquior; tertia proxima. De prima<sup>3</sup>: « Ut ponant in Deo spem suam, et non obliviscantur operum Dei, et mandata ejus exquirant, » quasi dicat: Ut ponant in Deo spem veniae; et non obliviscantur operum Dei, quantum ad exempla patientiæ; et mandata ejus exquirant, quantum ad dignos fructus pœnitentiæ. Hæc etiam exquisitio notatur<sup>4</sup>: « Quomodo cataclysmus terram inebriavit, sic ira ipsius gentes, quæ non exquisierunt eum, hereditabit: » hoc est: quomodo diluvium inebriavit terram per aquarum inundatiam, sic ira, id est, justa Dei vindicta hereditabit per peccatarum affluentiam gentes, quæ non exquisierunt eum per pœnitentiam. De secunda quoque Psalmista<sup>5</sup>: « In die tribulationis meæ Dominum exquisivi, manibus meis nocte contra eum, et non sum deceptus; » quasi dicat: *In die tribulationis meæ, quantum ad tentationem; Dominum exquisivi, quantum ad devotam orationem; manibus meis, quantum ad attentionem; nocte, quantum ad occultationem; contra eum, scilicet tentatorem; et non sum deceptus, quantum ad exauditionem.* Talis etiam exquisitio notatur<sup>6</sup>: « Exquisivi, inquit, eam a juventute mea, et quæsivi sponsam mihi assumere eam. » Quorum primum pertinet ad sapientiæ salutaris acquisitionem; secundum, ad ipsius fructificationem per proximorum ædificationem; de tertia quoque*

<sup>1</sup> Psal. hoc, 145. — <sup>2</sup> Ibid., 10. — <sup>3</sup> Psal. LXXVII, 7. — <sup>4</sup> Eccli., XXXIX, 28. — <sup>5</sup> Psal. LXXXI, 3. — <sup>6</sup> Sap.,

psallimus (a)<sup>7</sup>: « Exquisivit te facies mea: faciem tuam, Domine, requiram, » quasi dicat: *Exquisivit te, supple, divina sapientia; facies mea, id est, humana intelligentia; faciem tuam, id est, apertam notitiam; Domine, requiram per orationis instantiam, et contemplationis gratiam. Hæc etiam exquisitio notatur<sup>8</sup>: « Sapientiam antiquorum omnium exquirit (b) sapiens, » quasi dicat aperte: *Sapientiam antiquorum, propositam tenebrose, sapiens exquirit expondere luminose. Sed nota, quod ab hac triplici exquisitione deficiunt tres hominum differentia. Ab exquisitione quidem initiativa deficiunt impenitentes, de quibus<sup>9</sup>: « Longe a peccatoribus salus, quia justifications tuas non exquisierunt. » Quorum primum pertinet ad justificationis defectum; secundum, ad supplicationis neglectum. Ab exquisitione proiectiva deficiunt negligentes, de quibus legitur<sup>10</sup>: « Non sunt confisi super sanctum Israel, et Dominum non exquisierunt, » ubi notatur negligentia orationis propter diffidentiam exauditionis. Ab exquisitione proficia deficiunt præsumentes, illuminationem suam non divinæ influentiæ, sed industriae propriæ temere arrogantes, de quibus habemus<sup>11</sup>: « Immittit timorem tuum super gentes, quæ non exquisierunt te; » quasi dicat: *Immittit timorem, ut emittas tumorem.***

#### *Epilogus.*

Patet ergo quia *beati* sunt summam felicitatem expectando, quod purgat intentionem; *qui scrutantur testimonia ejus*, summam veritatem spectando, quod illuminat rationem; *in toto corde*, summam bonitatem affectando, quod inflammat affectionem; *exquirunt eum*, summam sanctitatem sectando, quod perficit actionem.

#### *VERSICULUS III.*

*Non enim qui operantur, etc.* Ostensum est supra, quod beatitudinis via sit spectabilis, quia congrua, sicut in versiculo primo; quia proficia, sicut in secundo. Ille ostenditur, quod eadem via sit spectabilis, quia necessaria. Manifestat autem Propheta hanc viam esse necessariam per deviantium pœnam; quoniam illud est necessarium, cuius oppositum merito est puniendum. Describitur autem in hoc versiculo

VIII, 2. — <sup>7</sup> Psal. XXVI, 8. — <sup>8</sup> Eccli., XXXIX, 3. — <sup>9</sup> Psal. hoc, 145. — <sup>10</sup> Isa., XXXI, 4. — <sup>11</sup> Eccli., XXXVI, 2. — (a) Leg. Psalmus. — (b) Vulg. exquireret.

deviantium poena ab ipsius quadrupli circumstantia : videlicet , quia rationabilis , inestimabilis , inexcusabilis , interminabilis. Quorum primum respicit sententiam ; secundum , sustinentiam ; tertium , culpam ; quartum , culpae ac pœnæ consonantiam. Primum notatur per rationalem conjunctionem <sup>1</sup> ; secundum , per iniquitatis operationem ; tertium per viarum declinationem ; quartum , per suppositam ambulationem.

#### *Articulus primus.*

Opendens itaque Propheta necessitatis rationem per rationabilem punitionem , ait : *Enim* , quasi dicat : Ecce ratio , scilicet rationabilis punitio ; et fundatur hec ratio , quam prætendit rationalis conjunctio , super justo Dei judicio. Unde notandum , quod divinum judicium trilobus de causis justum dicitur : utpote quia Deus nec injustitia vincitur , nec potentia flectitur , nec imperitia impeditur. De primo <sup>2</sup> : « Non enim est alius Deus , quam tu , cui cura est de omnibus , ut ostendas , quoniam non injuste judicas judicium : » ac si aperte dicat : *Enim* , id est , ecce rationem ; *Non est alius Deus quam tu* , hoc dicitur quantum ad creationem ; *cui cura est de omnibus* hoc dicitur quantum ad recreationem ; *ut ostendas quoniam judicas judicium* , hoc dicitur quantum ad particularem vel universalem animarum dijudicationem ; *Non injuste* , hoc dicitur quantum ad injustitiae declinationem. De secundo scribitur prædictis libro et capite <sup>3</sup> : « Quis enim dicit tibi : quid fecisti , aut quis stabit contra judicium tuum ? » Hoc *enim* est , quod insinuat rationem . *Quis dicit tibi : quid fecisti ?* Hoc dicitur quantum ad judicii prosecutionem . *Aut quis stabit contra judicium tuum ?* scilicet rebelando , vel appellando ; hoc dicitur quantum ad judicii promulgationem. De tertio <sup>4</sup> : « Omnes ei viæ tuæ paratae sunt , et tua judicia in tua providentia posuisti. » Istæ viæ sunt judicia , quia , sicut in Cantico Deuteronomii cantatur <sup>5</sup> : « Dei perfecta sunt opera , et omnes viæ ejus judicia. » Hæc autem judicia dicuntur *parata* , quia expedita ; et *in providentia posita* , quia non per imperitiam impedita.

#### *Articulus secundus.*

Consequenter declarans Propheta pœnam præmissam esse inestimabilem , subdit : *Qui ope-*

<sup>1</sup> Gallice , *conjonction causale*. — <sup>2</sup> Sap. , XII , 13. — <sup>3</sup> Ibid. , 12. — <sup>4</sup> Judith , IX , 5. — <sup>5</sup> Deut. , XXXII , 4. —

*rantur iniquitatem*. Isti iniquitatis operarii sunt damnavi , in malo confirmati , de quibus legimus <sup>6</sup> : « Discedite a me , omnes operari iniquitatis. » Ili siquidem operantur iniquitatem , quæ non tantum est iniquitas , sed iniquitatis pœnalitas. Unde operando iniquitatem , tolerant pœnalitatem ; peccando vapulant , et vapulando peccant ; et sicut totalis eorum vita est pœnalis , sic et iniquitas , quæ est inestimabilis calamitas. Specialiter autem operantur triplicem iniquitatem : videlicet iniquitatem impatientiæ , incompatientiæ , impenitentiæ : per quarum primam deordinantur quantum ad Deum ; per secundam , quantum ad proximum ; per tertiam , quilibet quantum ad seipsum. De hac iniquitate triplici illud propheticum potest intelligi <sup>7</sup> : « Iniquitatem , iniquitatem , iniquitatem ponam eam , » scilicet reproborum vitam ; et hoc non fiet , antequam veniat , cujus est judicium : quasi dicat : *Hæc obduratio non fiet in via* , sed in termino.

#### *Articulus tertius.*

Deinde designans dictam pœnam esse inexcusabilem , addit : *In viis ejus*. Valde quidem inexcusabile est vias Domini declinare : prædictæ namque viæ sunt rectæ , et ideo breviores ; puræ , et ideo leviores ; pulchræ , et ideo suaviores : rectæ , quantum ad intentiones ; puræ , quantum ad affectiones ; pulchræ , quantum ad cogitationes. De primo <sup>8</sup> : « Rectæ sunt viæ Domini , et justi ambulabunt in eis. » De secundo dicitur <sup>9</sup> : « Deus meus , impolluta via ejus. » De tertio <sup>10</sup> : « Viæ ejus , viæ pulchræ. »

#### *Articulus quartus.*

Denique denotans pœnam præfatam esse interminabilem , superaddit : *Non ambulaverunt*. Ista negatio affirmationem supponit , quia non negat ambulationem simpliciter , sed secundum quid. Unde negando ambulationem in viis dominicis , supponit ambulationem in aliis , vel potius in inviis. Ambulaverunt igitur , et ambulando erraverunt in inviis , et non viis. Ambulaverunt enim imprudenter , impudenter , et indesinenter , secundum tria in peccato contenta , quæ sunt actus , reatus , et macula. Imprudentia pertinet ad actum ; impudentia ad maculam ; indesinentia ad reatum. De primo <sup>11</sup> : « Quieve-

<sup>6</sup> Luc. , XIII , 27. — <sup>7</sup> Ezech. , XXI , 27. — <sup>8</sup> Ose. , XIV , 10. — <sup>9</sup> Psal. XVII , 31. — <sup>10</sup> Prov. , III , 17. — <sup>11</sup> Judic. , V , 6.

runt semitæ; et qui ingrediebantur per eas, ambulaverunt per calles devios; » quod potest accipi de quibusdam religiosis in principio fervidis, in medio tepidis, in fine frigidis, vel forte perfidis. Dicit itaque : *Semitæ conciliorum quietaverunt* : scilicet per religiosorum tempore, et qui ingrediebantur per eas, scilicet per novitiam fervorem, ambulaverunt per calles devios, scilicet per finalē nequitiam, vel errorem. De secundo<sup>1</sup> : « *Elevatae sunt filiae Sion*; et ambulaverunt collo extento, et nutibus oculorum ibant. » *Iste filia Sion* sunt animæ speculativæ : *Sion enim hebraice, specula latine*; quæ dicitur *elevari*, propter imprudentiam; *collo extento ambulare*, propter impudentiam; *nutibus oculorum ire*, propter intemperantiam. De tertio<sup>2</sup> : « *Elongaverunt a me*, et ambulaverunt post vanitatem, et vani facti sunt; » ac si dicitur aperte : *Elongaverunt a me* per irreverentiam, et *ambulaverunt post vanitatem* per inobedientiam, et *vani facti sunt* per finalē impenitentiam. Unde in hoc nota consonantiam inter culpam et pœnam : quoniam culpæ terminatæ respondet pœna terminata, et interminatae interminatae : et ideo, quia culpa non fuit terminata per gratiam, nec pœna terminatur per indulgentiam. Patet ergo versiculi præsentis intentio. *Enim* : hoc dicitur quantum ad necessitatis causam, scilicet rationabilem pœnam, quæ spectat ad judicis rectam sententiam. *Qui operantur iniuriam*, non delectabilem, sed pœnalem : hoc pertinet ad pœnam inæstimabilem, quæ attinet ad sustinentiam. *In viis ejus*, id est, mandatis ejus; non gravibus, sed levibus, brevibus, et suavibus. Hoc additur quantum ad pœnam inexcusabilem, quod referetur ad culpam. Sel posius in viis ambulaverunt, nulla facta mentione de ambulationis terminazione, vel ambulantium reversione. Hoc vero superadditur quantum ad pœnam interminabilem, quod retorquetur ad culpæ et pœnae proportionem, quantum ad interminationem.

## VERSICULUS IV.

*Tu mandasti*, etc. Ostendo, quod beatitudinis via sit spectabilis, quia congrua, proficia, necessaria; hic ostendit Propheta, quod sit spectabilis, quia justa : ad cuius ostensionem in-

troducit quadruplicem rationem : quarum prima est, quod justum est exhiberi reverentiam majestati; secunda, quod justum est exhiberi obedientiam potestati; tertia, quod justum est exhiberi observantiam honestati; quarta, quod justum est exhiberi providentiam egestati. Secundum hæc in versiculo præsenti quatuor possunt pensari; videlicet mandantis majestas, mandandi potestas, mandatorum honestas, et non imperantis, sed obtemperantis egestas. Majestas requirit reverentiam; potestas, obedientiam; honestas observantiam; egestas, providentiam.

## Articulus primus.

Quantum ad primum, dicit Propheta : *Tu. Ecce mandantis majestas*, cui debetur reverentia, et præcipue propter tria : puta, quia mirabilis, laudabilis, formidabilis. Dicitur mirabilis, quia mirabilium operativa, teste Propheta<sup>3</sup> : « *Tu es Deus*, qui facis mirabilia. » Dicitur quoque laudabilis, quia miserabilium liberativa, testante Propheta<sup>4</sup> : « *Adjutor meus, et liberator es tu.* » *Adjutor*, dicit, quantum ad agenda; et *liberator*, quantum ad cavenda. Dicitur etiam formidabilis, quoniam operabilium ponderativa, testificante Propheta<sup>5</sup> : « *Tu reddes unicuique juxta opera sua.* »

## Articulus secundus.

Quantum ad secundum, subdit Psalmus : *Mandasti*. Ecce mandandi potestas. Nam mandare signum est potentiae; sicut supplicare, impotentiae; unde notandum quod Deus mandat tripliciter, videlicet prudenter, potenter, clementer. Mandat quidem prudenter, merita prvidendo; mandat potenter, supplicia comminando; mandat clementer, premia promittendo. De primo dicitur<sup>6</sup> : « *Mandavit unicuique de proximo suo* : » ecce mandatum magnæ prudentiae, quo quisque proximo providere mandatur, ut prvidendo mereatur. De secundo scribitur<sup>7</sup> : « *Mandabo serpenti, et mordebit eos.* » Ecce mandatum magnæ potentiae, quia comminatum pœnæ. De tertio canitur<sup>8</sup> : « *Mandavit Dominus benedictionem et vitam.* » *Benedictionem in vocatione*, cum dicetur electis<sup>9</sup> : « *Venite, benedicti,* » et possidete *vitam* in perceptione regni : ecce mandatum magnæ clementiae, quia promissivum felicitatis æternæ.

<sup>1</sup> Isa., III, 16. — <sup>2</sup> Jerem., II, 5. — <sup>3</sup> Psal. LXXXVI, 13. — <sup>4</sup> Psal. LXIX, 6. — <sup>5</sup> Psal. LXI, 13. — <sup>6</sup> Eccli.,

xvii, 12. — <sup>7</sup> Amos, IX, 3. — <sup>8</sup> Psal. CXXXII, 3. —

<sup>9</sup> Mauth., XXV, 34.

*Articulus tertius.*

Quantum ad tertium, addit Propheta : *Mandata tua*. Ecce mandatorum honestas, cui debetur observantia. Et nota, quod mandata dominica sunt servanda, tanquam argumenta amoris, tanquam alimenta dulcoris, tanquam medicamenta doloris. Quorum primum refertur ad vim rationabilem; secundum, ad concupisibilem; tertium, ad irascibilem. De primo<sup>1</sup> : « Si diligitis me, mandata mea servate : » unde mandatorum observatio, dilectionis est probatio. De secundo<sup>2</sup> : « Nihil dulcior, quam respicere in mandatis Domini ; » ecce nutrimentum dulcoris, quia dulcedo congruit alimento. De tertio<sup>3</sup> : « Si volueris mandata conservare, conservabunt te ; » ecce doloris præservatio, quæ competit medicamento.

*Articulus quartus.*

Quantum ad quartum, superaddit Psalmus : *Custodiri nimis*. Ecce nimia non imperantis, sed obtemperantis, et mandatum custodientis egestas; cui congruit providentia, et specialiter quantum ad tria, videlicet quantum ad bona naturalia, bona moralia, bona æternalia. In primis est humana natura originaliter vulnerata; secundis est spoliata; tertii est exheredata. Quorum primum notatur<sup>4</sup> : « Cæsus est Israel, et fugit unusquisque in tabernaculum suum, et facta est plaga magna nimis, » quasi dicat: *Cæsus est Israel* in primo parente, <sup>5</sup> « in quo omnes peccaverunt, » quoniam in ipso originaliter extiterunt; hoc dicitur quantum ad peccati perpetrationem. *Et fugit unusquisque in tabernaculum suum*; hoc subditur quantum ad peccati excusationem. *Et facta est plaga magna nimis*; hoc superadditur quantum ad naturalium vulnerationem. Secundum notatur<sup>6</sup> : « Domus, inquit, quæ nimis locuples est, annullabitur superbia. » Domus ista est humana natura, quæ nimis fuit bonis moralibus locupletata; sed nimis egena facta fuit, cum eisdem bonis fuit per parentis primi superbiam spoliata. Tertium denotatur<sup>7</sup> : « Ego protector tuus, et merces tua magna nimis. » *Protector* dicitur, quantum ad evasionem mali, et *merces magna nimis* quantum ad adoptionem boni. Hac mercede magna nimis sumus originaliter exhereditati: ideo nimis egeni.

<sup>1</sup> *Joan.*, xiv, 45. — <sup>2</sup> *Eccli.*, xxiii, 37. — <sup>3</sup> *Eccli.*, xv, 46. — <sup>4</sup> *I Reg.*, iv, 10. — <sup>5</sup> *Rom.*, v, 12. —

*Epilogus.*

Propterea in isto versu dicitur : *Tu*, ecce majestas, cui debetur reverentia; *Mandasti*, ecce potestas, cui debetur obedientia; *Mandata tua*, ecce honestas, cui debetur observantia; *Custodiri nimis*, ecce non imperantis, sed obtemperantis egestas, cui congruit providentia, et ideo custodia.

**VERSICULUS V.**

*Utinam dirigantur*, etc. Via beatitudinis proposita est in præmissis tanquam spectabilis; hic proponitur tanquam affectabilis. Est autem specialiter affectabilis propter amorem virtutis: scilicet justitiae, prudentiae, temperantiae, et fortitudinis; quarum singula singulis correspondent versiculis. In hoc ergo primo versiculo declaratur via beatitudinis affectabilis esse propter amorem justitiae. Justitia vero dicitur amabilis quatuor de causis, quæ notantur breviter in his verbis: primo, quoniam affectiones rectificat; secundo, quia rectificatas multiplicat; tertio, quia multiplicatas fortificat; quarto, quia fortificatas sanctificat. Quorum primum pertinet ad ejusdem virtutis ingressum; secundum, ad progressum; tertium, ad congressum, et quartum ad egressum. Egrediente namque anima, virtutes, quæ sunt in ipsa, egrediuntur cum ipsa.

*Articulus primus.*

Quantum ad primum, dicitur : *Utinam dirigantur*. Ecce rectitudinis, seu justitiae rectificantis desiderium, quod pertinet ad ingressum: desiderium namque præcedit omne bonum. Et notandum, quod justitia rectificat affectiones tribus modis: videlicet per dolorem contritionis, per pudorem confessionis, et per laborem satisfactionis. Prima rectificatio denotatur<sup>8</sup> : « Revertatur unusquisque a via sua mala, et dirigite vias vestras et studia vestra : » ac si dicat Propheta: *Revertatur unusquisque a via sua mala*, quantum ad mali declinationem; et *dirigite vias vestras et studia vestra*, quantum ad affectionum et cogitationum rectificationem. Secunda rectificatio designatur<sup>9</sup> : *Deprecare Altissimum*, scilicet per instantiam orationis, *ut dirigat in veritate viam tuam*, scilicet per

<sup>6</sup> *Eccli.*, xxii, 5. — <sup>7</sup> *Gen.*, xv, 1. — <sup>8</sup> *Jerem.*, xviii, 11. — <sup>9</sup> *Eccli.*, xxxviii, 19.

pudorem confessionis : ne scilicet per pudorem aliquid mendose subtecas ; sed in veritate peccata tua recognoscas, et agnita per salubrem confessionem dicas. Tertia rectificatio figuratur<sup>1</sup> : « Statera, inquit, dolosa non est bona : a Domino diriguntur gressus viri. »

*Forester.* Statera dolosa est magis forefacere, et minus satisfacere, sive pro majori culpa minorem pœnam reddere. Viri autem dieuntur satisfactores virtuosi. Ili dieuntur a Domino dirigi digne satisfaciendo : ecce satisfactionis rectificatio. Liquet ergo triplex affectionum rectificatio, seu directio, quam justitia facit in ingressu suo : unde legimus<sup>2</sup> : « Justitia simplicis dirigit viam ejus. »

### Articulus secundus.

Quantum ad secundum, subditur : *Via mea*, non via mea, quasi diceret : plures, non una : ecce viarum, seu affectionum nostrarum plurificatio. Et nota, quod in progressu justitiae tripliciter multiplicantur affectiones nostræ, videlicet a parte superiori, per frequentiam compunctionum ; inferiori, per frequentiam contemplationum ; interiori, per frequentiam consolationum. Nam cum justificatio prosperatur, frequentius anima compungitur, contemplatur, confortatur. De primo figuraliter dicitur<sup>3</sup> : *Unus cuneus*, id est affectionum cœtus, *venit per viam*, scilicet compunctionis : *per viam*, inquam, *qua respicit quercum*, id est, vitiositatem actionum. Quercus enim lignum ferens fructum porcis duntaxat convenientem, significat actum vitiosum. De secundo<sup>4</sup> : « Ibant in directum vaccæ », id est, affectiones mundæ ; *arcam*, id est, spiritualem animam, deportantes ; *per viam*, scilicet contemplationis, *qua ducit Bethsames*, id est, ad domum illuminationis.

*Vaccæ mundas denotant affectiones.* Per vaccas, quæ inter animalia munda depuntantur, affectiones mundæ denotantur ; per quas portetur arca fœderis, id est, anima fidelis fœderata cum Deo fœdere charitatis. Bethsames interpretatur domus illuminationis, id est domus coelestis. Tunc itaque in directum vadunt vaccæ per viam quæ dicit Bethsames, cum mundæ affectiones spiritualem animam deportantes, directe vadunt per viam contemplationis, quæ dicit ad domum illuminationis. De tertio<sup>5</sup> : « Cunctus populus, » id est, affectionum exercitus : « incedebat contra viam olivæ, » id est, versus

lætitiam spiritualem, per viam consolationis internæ et spiritualis. Populus ergo contra viam olivæ vadit, cum affectionum exercitus versus lætitiam spiritualem per viam consolationis procedit.

### Articulus tertius.

Quantum ad tertium, additur : *Ad custodiendas*. Circa quod notandum, quod justifications divinæ tripliciter sunt custodiendæ : videlicet contra hostem, quantum ad vanitatis incursum ; contra mundum, quantum ad cupiditatis ingressum ; contra carnem, quantum ad voluptatis insultum. De quorum primo<sup>6</sup> : « Collocavit Deus ante paradisum voluptatis Cherubim, » id est, sinceritatem intelligentiæ ; « et flammeum gladium, atque versatilem, » id est, severitatem custodiæ ; « ad custodiendam viam ligni vitæ, » id est, studium sapientiæ, contra incursum vanæ gloriæ. Per studium namque, tanquam per viam, pervenitur ad sapientiam ; per lignum autem vitæ, sapientia designatur, secundum illam Sapientis sententiam<sup>7</sup> : « Lignum vitæ est, » scilicet sapientia, « iis qui apprehenderint eam : et qui tenuerit eam beatus. » De secundo<sup>8</sup> : « Dixi Levitis, » id est, affectibus bene ordinatis, « ut mundarentur, » scilicet a quotidianis immunditiis per lavaerum confessionis ; « et venirent ad custodiendas portas civitatis, » id est, sensus exterioris hominis contra ingressum cupiditatis. De tertio<sup>9</sup> : « Reliquit rex decem mulieres concubinas, » id est, affectiones depurgatas (a), « ad custodiendam domum, » scilicet conscientiæ, contra insultum concupiscentiæ. Per denarium numerum intellige decalogum ; per mulieres concubinas denario mensuratas, affectiones purgatas.

### Articulus quartus.

Quantum ad quartum, superaddit : *Justificationes tuas*. Justifications istæ sunt tripartitæ, utpote non desertæ, præsumptæ, ablatae. Desertio pertinet ad negligentiam ; præsumptio ad arrogantiam ; ablatio ad injustitiam. Prima justificatio notatur<sup>10</sup> : « Justificationem meam, » id est, justificationis gratiam, quam cœpi tenere per diligentiam, « non deseram, » per negligentiam. Secunda tangitur<sup>11</sup> : « Neque enim

<sup>1</sup> Prov., xx, 23. — <sup>2</sup> Prov., xi, 5. — <sup>3</sup> Judic., ix, 37. — <sup>4</sup> I Reg., vi, 42. — <sup>5</sup> II Reg., xv, 23. — <sup>6</sup> Gen., iii,

(a) Cœl. edit. deputatas.

Justifications  
divinæ  
custodiendæ  
tripliciter.

in justificationibus nostris, » scilicet præsumptis per arrogantiam, « prosterminus preces ante faciem tuam. » Tertia notatur, ubi dicit Dominus ore prophetico ad Hierusalem, id est, ad animam rationalem, professione spiritualem, sed conversatione carnalem<sup>1</sup>: « Ecce extendam manum meam super te, » per suppliacionum intensionem. Sequitur: « Et auferam justificationem tuam, » per meritorum mortificationem.

#### Epilogus quinti versiculi.

Dicit ergo Propheta in persona cuiuslibet fidelis justitiam sipientis: *Utinam dirigantur*, quantum ad affectionum rectificationem, quæ pertinet ad virtutis ingressum; *viae meæ*, id est affectiones, quantum ad affectionum multiplicationem, quæ attinet ad virtutis progressum: *ad custodiendas*, quantum ad affectionum fortificationem, quæ refertur ad ipsius congressum contra triplicem tentationem; *justificationes tuas*, quantum ad ipsarum affectionum sanctificatio- nem: quæ retorquetur ad vitæ perfectionem, vel animæ separationem.

#### VERSICULUS VI.

*Tunc non*, etc. Manifestum est ex prædictis, quod via beatitudinis est affectabilis amore justitiae; hic manifestatur, quod sit affectabilis

Pruden-  
tia qua-  
tuor ra-  
tionibus  
amabilis

a amore prudentiae. Quæ prudentia est amabilis propter quatuor rationes, quæ notantur in his verbis: utpote quia luminosa, in quantum temporum discretiva; fructuosa, in quantum futurorum provisiva; studiosa, in quantum præteriorum recordativa; operosa, in quantum præsentium ordinativa.

#### Articulus primus.

Fulu-  
rum ju-  
dicium  
timen-  
dum.

Quantum ad primum dicit: *Tunc*, scilicet in futuro judicio: ecce temporum discretio. Et notandum, quod futurum judicium est timendum propter tria, scilicet, propter judicis terorem, judicii rigorem, suppliciorum horrorem. De primo<sup>2</sup>: « Tunc incipient dicere montibus: Cadite super nos, et collibus: Operite nos: » ecce judicis terror. De secundo legitur in *Psalmis*<sup>3</sup>: « Tunc loquetur ad eos in ira sua; » quod pertinet ad conscientiæ examinationem. Sequitur: « Et in furore suo conturbationem.

<sup>1</sup> *Ezech.*, xxv, 7. — <sup>2</sup> *Luc.*, xxiii, 30. — <sup>3</sup> *Psal.* ii, 5. — <sup>4</sup> *Prov.*, i, 28. — <sup>5</sup> *Ibid.*, 27. — <sup>6</sup> *Ose.*, x, 6. —

bit eos; » quantum ad sententiae ulminatorem: ecce judicii rigor. De tertio<sup>4</sup>: « Tunc invocabunt me, et non exaudiam; » *tunc*, scilicet<sup>5</sup> « quando super eos venerit repentina calamitas, » etc.; videatur ibi textus: ecce suppliciorum horror.

#### Articulus secundus.

Quantum ad secundum, ait: *Non confundar*, pro peccato scilicet: ecce futurorum provisio, scilicet confusionis futuræ præservatio. Et notandum, quod confusio debetur peccato mentaliter, vocaliter, aut manualiter perpetrato, et idecirco confundi merentur malevoli pro peccato mentali; maledici, pro peccato vocali; malefici, pro peccato manuali. De primis dicitur<sup>6</sup>: « Confundetur Israel in voluntate sua; » id est, in actu intrinseco voluntatis: ecce confusio peccati mentalis. De secundis<sup>7</sup>: « Confundentur, » scilicet interius, id est, coram Deo suo, « et erubescunt » exterius, id est, coram hominibus, « omnes qui pugnant adversum te, » scilicet reluctando doctrinæ tuæ. De tertii<sup>8</sup>: « Confundemini a fructibus vestris, propter iram furoris Domini. » Ira levior, furor est gravior. Similiter judicare levius, vindicare gravius. Propterea signanter ait Propheta: « Confundemini a fructibus vestris: » ecce confusio peccati manualis; « propter iram furoris Domini, » id est, propter judicium ultionis judicis metuendi. Unde primum respicit culpam, secundum aspicit pœnam.

#### Articulus tertius.

Quantum ad tertium, subdit: *Cum perspexero*, videlicet merita recordando: ecce præteritorum recordatio. Ilæc merita consistunt in legis observantia, quam diversi perspicunt diversa perspicacia. Alii namque perspicunt obliuiose, ut tepidi; alii infructuose, ut cupidi; alii superstitione, velut callidi. De primis<sup>9</sup>: « Qui perspexerit, » videlicet legendo, « in lege (a) perfectæ libertatis, » id est, in lege amoris et dulcedinis, prout est lex evangelica, non in lege timoris, quæ est lex mosaica, « et permanserit in ea » intelligendo, « non auditor obliviosus factus » negligendo; « sed factor operis, » scilicet eligendo et exequendo, « hic beatus in facto suo erit, » videlicet fructum justitiae coliligendo. De secundis<sup>10</sup>: « Non obdurabis cor

<sup>7</sup> *Isa.*, xli, 11. — <sup>8</sup> *Jerem.*, xlii, 13. — <sup>9</sup> *Jac.*, i, 25. — <sup>10</sup> *Deut.*, xv, 7. — (a) *Vulg.* legem.

tuum, » scilicet instinctu cupiditatis; « nec contrahes manum tuam, » motu tenacitatis; « sed aperies eam pauperi » affectu liberalitatis, « et dabis mutuum, » scilicet in easu necessitatis, « quo eum indigere perspexeris, » intuitu pietatis. De tertiius<sup>1</sup>: « Hypocrita, ejec primum trabem de oculo tuo, et tunc perspicies, ut educas festucam de oculo fratris tui; » quasi dicaret: Perspice transgressiones tuas religiose, ne perspicias alienas superstitione.

#### Articulus quartus.

Quantum ad quartum, addit: *In omnibus mandatis tuis*, praesentialiter observandis: ecce

Mandata servanda tripliciter.  
præsentium ordinatio. Et nota, quod mandata debemus servare triplici ratione, scilicet: propter salutarem obligationem; propter maledictionis ablationem; propter benedictionis collationem. Istorum primum pertinet ad expiationem culpe; secundum, ad evasionem poenae; tertium, ad adeptionem gloriae. De primo<sup>2</sup>: « Salutare sacrificium est attendere mandatis; » ecce salutaris obligatio, per quam fit criminis expiatio. De secundo dicitur<sup>3</sup>: « Maledicti, qui declinant a mandatis tuis: » ecce maledictionis comminatio, quæ fulminabitur in extremo judicio, cum dicetur<sup>4</sup>: « Ite, maledicti, in ignem æternum. » Hujus maledictionis evasio est mandatorum observatio. De tertio scribitur<sup>5</sup>: « Si vis ad vitam ingredi, serva mandata. » Hujus benedictionis adeptio est mandatorum observatio, unde<sup>6</sup>: « Benedicentur in semine tuo omnes gentes terræ, eo quod obedierit Abraham voci meæ, et custodierit præcepta et mandata mea: » ecce benedictionis collatio, quam meretur mandatorum observatio.

#### Epilogus.

Dicit igitur Prophetæ, dirigente prudentia: *Tunc*, scilicet in futuro judicio, in quo patet temporum discretio pertinens ad ipsius prudentiae luminositatem; *non confundar*, pro perpetrato flagitio: in quo patet futurorum prævisio, attinens ad prudentiae fructuositatem; *cum perspexero*, scilicet merita recordando, in quo elaret præteriorum recordatio, spectans ad prudentiae sollicitudinem; *in omnibus mandatis tuis*, scilicet praesentialiter observandis, in quo rutilat præsentium ordinatio respiens prudentiae operositatem.

<sup>1</sup> *Luc.*, vi, 42. — <sup>2</sup> *Eccli.*, xxxv, 2. — <sup>3</sup> *Psal.* hoc, 21. — <sup>4</sup> *Matth.*, xxv, 41. — <sup>5</sup> *Matth.*, xix, 17. —

#### VERSICULUS VII.

*Confitebor tibi*, etc. Quod via beatitudinis sit affectabilis amore justitiae atque prudentiae, ex præscriptis potest clarescere. Hic clarescit, ipsam esse affectabilem amore temperantie. Quod autem temperantia sit amabilis, quadruplex est ratio, quæ notatur in præsenti versiculo: videlicet conscientiae mundificatio; concupiscentiae mortificatio; intelligentiae clarificatio; exterioris experientiae rectificatio. Prima conditio reddit hominem puriorem; secunda duriorem; tercia maturiorem; quarta securiorem.

#### Articulus primus.

Prima ratio declarat, cum dicitur: *Confitebor tibi*, quia confessio est conscientiae mundificatio. Ad hoc enim poenitens confitetur, ut ejus conscientia mundificetur, et ipse purior inventatur. Debet autem confiteri tripliciter, vide-licet, patenter, ferventer, festinanter. Patenter, ut sit confessio nuda sine palliatione. Ferventer, ut sit confessio vera sine excusatione. Festinanter, ut sit confessio prompta sine dilatione. De primo<sup>7</sup>: « Confitere, atque indica mihi quid feceris. » Quorum primum pertinet ad confessionis actum; secundum, ad confessionis modum. Ilunc modum servat, qui peccatum non palliat, sed patenter indicat. De secundo<sup>8</sup>: « Non confundaris confiteri peccata tua; » quasi dicaret, non impediari a veritate confessionis, propter impedimentum confusionis. De tertio<sup>9</sup>: « Confiteberis vivens, et vivus, et sanus, » quasi dicat: Confiteberis in vita et salute, quoniam certus(a) es de mortis aut infirmitatis celeritate et acerbitate.

#### Articulus secundus.

Secunda ratio propalatur, cum additur: *In directione cordis*. Directio cordis, est directio et erectio voluntatis, quæ tunc dirigitur et erigitur, cum sensualitas deprimitur et restringitur. Haec enim est proportio inter sensualitatem, et voluntatem, hoc est inter appetitum rationalem, et sensualem, quod dum voluntas, seu appetitus rationalis erigitur, sensualitas, seu appetitus sensualis deprimitur, et e converso. Unde per directionem cordis, id est, voluntatis, convenienter innuitur depressio sensualitatis, quæ

<sup>6</sup> *Gen.*, xxvi, 4. — <sup>7</sup> *Jos.*, vii, 49. — <sup>8</sup> *Eccli.*, iv, 31. — <sup>9</sup> *Eccli.*, xvii, 27. — (a) *Leg.* incertus.

depressio est concupiscentiae mortificatio. Et notandum, quod haec directio divinitus imperatur per potentiam, preparatur per sapientiam, remuneratur per clementiam. De primo legitur<sup>1</sup>: « Virga directionis, virga regni tui, » quasi diceret; Virga qua nos regis, qua impellas nobis, est virga directionis. De secundo<sup>2</sup>: « Tu parasti directiones. » De tertio<sup>3</sup>: « Veniat pax, » quantum ad malorum evasionem; « requiescat in cubili suo, » quantum ad bonorum adeptionem; » quae (a) ambulavit in directione sua, » id est, in rectitudine bona, quantum ad meritioram actionem.

#### *Articulus tertius.*

Tertia ratio designatur, cum subditur: *In eo, quod didici;* quia discendi actus est scientiae acquisitivus, et intelligentiae clarificativus. Sed advertendum, quod propter tria specialiter est discendum, scilicet ut timeamus, diligamus, placeamus. Istorū primum est justitiae initiativum; secundum, provectivum; tertium, perfectivum. De primo<sup>4</sup>: « Congrega ad me populum, ut audiat sermones meos, et discat timere me. » Hic est clarum quod discendum est ad timendum. De secundo<sup>5</sup>: « Ipsi enim a Deo didicistis, ut diligatis invicem: » hic est planum, quod discendum est ad diligendum. De tertio<sup>6</sup>: « Correctæ sunt semitæ eorum, qui in terris sunt, et quæ tibi placent, didicerunt homines. » Et hic est liquidum, quod discendum est ad complacendum.

#### *Articulus quartus.*

Quarta ratio denotatur, cum subjungitur: *Judicia justitiae tuæ.* Quoniam illa justitia, qua Dominus judicabit omnium merita et demerita, rectificat exteriora opera: nisi enim timeretur illa justitia, multi multa perpetrarent flagitia. Propterea sciendum, quod haec justitia a culpa preservat, a poena liberat, ad vitam elevat. Primum reddit hominem securum, quantum ad interiora; secundum, quantum ad inferiora; tertium, quantum ad superiora. De primo<sup>7</sup>: « Justitia custodit innocentis viam: » ecce præservatio culpæ. De secundo<sup>8</sup>: « Justitia vero liberabit a morte: » ecce declinatio poenæ. De tertio<sup>9</sup>: « Justitia elevat gentem; miseros autem facit populos peccatum: » ecce adeptio vitæ æternæ.

<sup>1</sup> Ps. XLIV, 7.—<sup>2</sup> Ps. XC VIII, 4.—<sup>3</sup> Isa., LVII, 2.—<sup>4</sup> Deut., IV, 10.—<sup>5</sup> I Thess., IV, 9.—<sup>6</sup> Sap., IX, 48.—

Epilogus septimi versiculi.

Propterea dicit Psalmista in cuiuslibet temperati persona: *Confitebor tibi,* scilicet conscientiam emundando, ut sim purior; *in directione cordis,* id est, voluntatis, per depressionem sensualitatis, et mortificationem concupiscentialis fomitis, ut sim durior; *in eo quod didici,* scilicet intelligentiam clarificando, ut sim prudentior, et maturior; *judicia justitiae tuæ,* in futuro judicio exerceendæ, exteriorum operationem rectificando, ut sim securior: quasi diceret: Intendo fore conscientia purior, concupiscentia durior, intelligentia maturior, et experientia, seu operatione exteriori securior.

#### *VERSICULUS VIII.*

*Justificationes tuas.* Sicut patens est ex praedictis, via beatitudinis est affectabilis amore virtutis civilis, scilicet justitiae, prudentiae, et temperantiae. Hic ostenditur, quod via beatitudinis est affectabilis amore fortitudinis, quæ quidem fortitudo est amabilis quatuor de causis: scilicet, quia fortitudo spiritum armat, armatum animat, animatum associat, associatum adjuvat. In primo patet divina providentia; in secundo, humana confidentia; in tertio, spes in virtute divina; in quarto, diffidentia de virtute propria.

Fortitudo amabilis quatuor de causis

#### *Articulus primus.*

Quantum ad primum, dicit Prophetæ, tanquam fortis athleta: *Justificationes tuas,* id est, spirituales armaturas, per tuam providentiam mihi collatas, *custodiam.* Ecce spiritus armatio, ecce divina provisio; sed nota quod justificationes istæ, sive spirituales armaturæ, divinitus comparantur, præparantur, nobis dantur. Illas namque Dominus comparavit in passione, præparavit in resurrectione, dedit nobis in nostra vocatione. De primo<sup>10</sup>: « De peccato damnavit peccatum, » id est, poena dominice passionis abstulit culpam primæ prævaricationis, in carne, non in divinitate. Sequitur, ut justificatio legis, in qua non fiebat remissio sine effusione sanguinis, impleretur in nobis per Christi sanguinem nos justificantis. De secundo<sup>11</sup>: « Traditus est propter delicta nostra, » ut scilicet ea deleret, et ut debita solveret.

<sup>7</sup> Prov., XIII, 6.—<sup>8</sup> Prov., X, 2.—<sup>9</sup> Prov., XIV, 34.—<sup>10</sup> Rom., VIII, 3.—<sup>11</sup> Rom., IV, 15. — (a) Leg. qui.

Sequitur : *Et resurrexit propter justificationem nostram*, ut justitiam perditam restauraret. De tertio<sup>1</sup> : « *Datum est illi* » scilicet Ecclesiæ Christi sponsæ, « ut cooperiat se byssino splendente candido. » Byssinum autem justificationes sanctorum sunt. Ecce justificationis experimentum splendens exterius, candens interius, Ecclesiæ datum divinitus. In his omnibus appetit divina providentia, per quam comparata, preparata, et data est nobis hujuscemodi armatura.

*Articulus secundus.*

Quantum ad secundum, addit : *Custodiam*; scilicet usque ad temptationis victoriam : per quod notat humanam confidentiam. Et secundum quod armaturas hujusmodi debemus custodire triplici ratione, videlicet, propter pudorem, timorem, amorem. Pudor respicit culpam; timor, poenam; amor, justitiam. De primo<sup>2</sup> : « *Beatus, qui vigilat* » scilicet per diligentiam, « et custodit vestimenta sua, ne nudus ambulet, et videant turpitudinem ejus, » per negligentiam suam. De secundo<sup>3</sup> : « *Qui timent Dominum, custodiunt mandata illius* : » hæc mandata sunt<sup>4</sup> « *lucis arma*, » quibus nos armamur, cum illa servamus. De tertio<sup>5</sup> : « *Hæc est charitas Dei, ut mandata ejus custodiamus*. »

*Articulus tertius.*

Quantum ad tertium, subditur : *Non me derelinquas*, quasi diceret : Non derelinquas me, confidentem de te, non de me. Ecce confidentia de virtute divina. Associari a Deo petit, quia de illo confidit. Et nota, quod de Deo debemus confidere, quod non derelinquet nos in temptatione, triplici ratione : utpote ratione divinæ potentiae, ratione divinæ sapientiae, et ratione divinæ benevolentiae. De primo<sup>6</sup> : « *Invocavi Dominum Patrem Domini mei, ut non me derelinquat in die tribulationis mee.* » Ista confidentia fundatur in divina potentia, sicut patet ex nomine, quia *Dominus* est nomen potentiae. De secundo<sup>7</sup> : « *Ego Dominus exaudiam eos; Deus Israel non derelinquam eos.* » *Dominus* est nomen potentiae; *Deus* autem est nomen sapientiae, dictum a θεωρεω, quod est *video vel considero*. Unde ista fiducia fundatur in divina potentia et sapientia. De tertio<sup>8</sup> : « *Ostende, quia non derelinquis præsumentes de te, et præsumentes de se et de sua virtute gloriantes humilias.* »

<sup>1</sup> *Apoc.*, xix, 8. — <sup>2</sup> *Apoc.*, xvi, 15. — <sup>3</sup> *Eccli.*, ii, 21. — <sup>4</sup> *Rom.*, xiii, 12. — <sup>5</sup> *I Joan.*, v, 3. — <sup>6</sup> *Eccli.*,

Ista non derelictionis fiducia fundatur in divina benevolentia, quæ non derelinquit præsumentes de se, id est, de sua bonitate.

*Articulus quartus.*

Quantum ad quartum, subjungit : *Usquequaque*, ac si dicat aperte : Non me derelinquas in temptatione usquequaque; scilicet absque quamcumque protectione, usquequo deficiam in agone. Ecce dissidentia de virtute humana : et nota, quod de nostra debemus virtute dissidere et timere, ne forte deficiamus a triplici veritate : videlicet a veritate vilæ, a veritate doctrinæ, et a veritate justitiae : a prima, per infirmitatem; a secunda, per cæcitatem, et a tertia per iniuriam. De prima<sup>9</sup> : « *Humiliatus sum usquequaque, Domine : vivifica me secundum verbum tuum*, » quasi dicat : *Humiliatus sum ex infirmitate : vivifica me vite veritate.* De secunda<sup>10</sup> : « *Ne auferas de ore meo verbum veritatis usquequaque*, » scilicet ne deficiam a doctrinæ veritate, ex ignorantia cæcitate. De tertia rursus ait idem psalmographus ibidem<sup>11</sup> : « *Superbi inique agebant usquequaque*, » quasi dicat : *Superbi deficiebant usquequaque a veritate justitiae, ex iniuitate certæ malitiae.*

*Epilogus.*

Dicit ergo Propheta, tanquam fortis athleta : *Justificationes tuas*, quibus armatus sum per tuam providentiam; *Custodiam*, animatus per confidentiam : *Non me derelinquas*, tanquam habentem in te fiduciam; *Usquequaque*, usquequo deficiam propter virtutis meæ dissidentiam.

*VERSICULUS IX.*

*In quo corrigit adolescentior viam suam?* etc. In octonario præcedenti fuit proposita beatitudinis via digredientibus, seu impoenitentibus; in præsenti octonario proponitur regredientibus, seu pœnitentibus. Unde profecto, sicut octonarius ille incipiebat ab Aleph littera, quæ interpretatur tentationum millia, per quæ fit digressio, sic iste a Beth littera, quæ interpretatur domus, ad quam fit regressio. Verum quia regredientes, seu pœnitentes primo suspirant per compunctionem, postremo respirant per consolationem : idcirco beatitudinis via proponitur prius suspirantibus, sicut in quaternario primo; postea

<sup>9</sup> *Li.*, 44. — <sup>7</sup> *Isa.*, xli, 17. — <sup>8</sup> *Judith*, vi, 15. — <sup>9</sup> *Psal.* hoc, 107. — <sup>10</sup> *Ibid.*, 43. — <sup>11</sup> *Ibid.*, 51.

respirantibus, sicut in quaternario secundo. Ad hoc, quia suspirantes interdum suspirant ex dolore culpæ, interdum ex timore pœnæ, interdum ex horrore malitiae, interdum ex amore justitiae, idcirco seriatim singulis singuli respondent versiculi. Primus ergo versiculus respondet pœnitentibus ex dolore culpæ suspirantibus, in quo quatuor annotantur: primo, stuporationis; secundo, dolor affectionis; tertio, pudor confessionis; quarto, labor satisfactionis. Quorum primum innuitur in eo, quod consilium queritur; secundum in eo, quod peccator proditur; tertium in eo, quod peccatum proponitur; quartum in eo, quod remedium reperitur.

#### *Articulus primus.*

Ad primum articulum pertinet, quod dicit Propheta ex pœnitentis, stupentis, et dolentis persona: *In quo corrigit?* Ecce consilium querit. Et nota, quod haec quæstio est difficilis, est utilis, non tamen est insolubilis: difficilis, propter correctionis difficultatem: utilis, propter correctionis utilitatem; sed solubilis, propter correctionis possibilitatem. De primo<sup>1</sup>: « *Perversum difficile corrigitur;* » ecce correctionis difficultas. De secundo<sup>2</sup>: « *Melius est a sapiente corripi, quam stultorum adulacione decipi;* » ecce correctionis utilitas. De tertio, prædictis libro et capitulo<sup>3</sup>: « *Per tristitiam vultus, corrigitur animus delinquentis;* » ecce quæstionis solubilitas, seu correctionis possibilitas.

#### *Articulus secundus.*

Ad secundum articulum pertinet, quod addit: *Adolescentior.* Ecce peccator proditur: ecce dolor affectionis promittitur. Nam peccator adolescentioris nomine designatur. Et nota, quod per adolescentiorem convenienter insinuat peccatorum, propter triplicem rationem: videlicet propter aversionem, conversionem, et perversiōnem: per aversionem a bono receditur; per conversionem ad malum acceditur; per perversiōnem in malo proceditur. De primo<sup>4</sup>: « *Dixit adolescentior patri: Pater, da mihi portionem substantiæ, quæ me contingit.* » O quam mala portio, quam mala portionis petitio! Abdicatur enim bonum perpetuum, et vendicatur bonum transitorium. Tale bonum peccatori contingit, quia dum boni transitorii fruitionem attingit, ad fruitionem boni perpetui non perlin-

git. Haec ergo adolescentioris petitio est, peccatoris aversio ab incommutabili bono. De secundo scribitur eisdem libro et capitulo<sup>5</sup>: (Adolescentior filius) « *peregre profectus est in regionem longinquam.* » O quam mala peregrinatio! O quam mala profectio! imo verius defectio! O quam longinqua regio, non localis, sed moralis elongatio, qua distat a pulchritudine turpitudo, a divina similitudine dissimilitudo! Haec itaque peregrina adolescentioris profectio est peccatoris ad commutabile bonum conversio. De tertio<sup>6</sup>: « *Adolescentiores viduas devita;* cum enim luxuriate fuerint in Christo, nubere volunt, habentes damnationem, quia primam fidem irritam fecerunt: » ac si aperie diceret: « *Viduas adolescentiores,* » scilicet quantum ad ætatem, « *devita,* » scilicet propter lubricitatem. « *Cum enim luxuriatæ fuerint in Christo,* » scilicet quantum ad voluntatem, « *nubere volunt,* » scilicet quantum ad voluptatem, « *habentes damnationem* » propter instabilitatem; « *quia primam fidem irritam fecerunt* » propter pecandi pronitatem.

#### *Articulus tertius.*

Ad tertium spectat, quod subdit: *Viam suam.* Via adolescentioris est culpa peccatoris, quæ proponitur pudore confessionis. Et nota, quod peccatoris via est tenebrosa, lubrica, et lapidosa; tenebrosa dicitur propter ignorantiam; lubrica, propter immunditiam; lapidosa, propter cordis duritiam, seu pertinaciam. De primo<sup>7</sup>: « *Via impiorum tenebrosa: nesciunt ubi corruant.* » Tenebrosa dicitur propter imprudentiam; sed « *nesciunt ubi corruant,* » propter injustitiam. De secundo<sup>8</sup>: « *Via eorum erit quasi lubricum in tenebris.* » De utroque vero dicitur<sup>9</sup>: « *Fiat via illorum tenebræ et lubricum.* » *Tenebræ* spectant ad ignorantiam; sed *lubricum* ad immunditiam. De tertio<sup>10</sup>: « *Via peccantium complanata est lapidibus, et in finem illorum inferi, et tenebræ, et pœna.* » Quorum primum pertinet ad culpam, scilicet pertinaciam; secundum ad pœnam: nam *inferi* spectant ad pœnam exteriorum, quæ est pœna ignis; *tenebræ* ad pœnam superiorem, quæ est pœna damni, seu carentia divinæ visionis; *pœna* vero ad pœnam interiorum, quæ dicitur pœna vermis.

*Pecca-*  
*toris via*  
*qualis.*

<sup>1</sup> *Eccle.*, 1, 15. — <sup>2</sup> *Eccle.*, vii, 6. — <sup>3</sup> *Ibid.*, 4. —

<sup>4</sup> *Luc.*, xv, 12. — <sup>5</sup> *Ibid.*, 13. — <sup>6</sup> *I Tim.*, v, 11, 12.  
— <sup>7</sup> *Prov.*, iv, 19. — <sup>8</sup> *Jerom.*, xxiii, 12. — <sup>9</sup> *Psal.*  
xxxiv, 6. — <sup>10</sup> *Eccli.*, xxi, 11.

*Articulus quartus.*

Ad quartum retorquetur, quod sequitur : *In custodiendo sermones tuos*. Ecce remedium culpæ, videlicet labor pœnitentiae, qui suadetur domino sermone, sicut patet<sup>1</sup> : « Pœnitemini, et credite Evangelio. » Et nota, quod sermones hujusmodi debent esse penetrativi, lœticativi et ædificativi : penetrativi dico, propter compunctionem; lœticativi, propter consolationem; ædificativi, propter morum compositionem. De primo<sup>2</sup> : « Vivus est sermo Dei, et efficax, et penetrabilior omni gladio ancipi. » Vivus dicitur, quantum ad sensum agnitionis; efficax, quantum ad motum actionis; sed penetrabilior omni gladio ancipi, quantum ad placentum compunctionis. De secundo<sup>3</sup> : « Mæror in corde viri humiliabit eum, et sermone bono lœticabitur. » Primum pertinet ad compunctionem; secundum ad consolationem. De tertio<sup>4</sup> : « Omnis sermo malus ex ore vestro non procedat; sed si quis bonus est ad ædificationem fidei, ut det gratiam audientibus. » Ecce sermonis corruptivi dissuasio, et ædificativi persuasio.

*Epilogus.*

Ait ergo Propheta in pœnitentis persona : *In quo corrigit?* ubi consilium querit, et rationis stuporem aperit; *Adolescentior*, ubi proditur peccator, et ostenditur affectionis dolor; *Viam suam*, ubi culpam detegit, et pudorem confessionis innuit; *In custodiendo sermones tuos*, hic reperitur remedium prævaricationis, videlicet exercitium satisfactionis.

*VERSICULUS X.*

*In toto corde meo*, etc. Versus præcedens pertinebat ad pœnitentes ex dolore culpæ suspirantes; versus presens pertinet ad pœnitentes ex timore pœnæ suspirantes. Unde in versu isto notatur pœnitentis ex timore pœnæ suspirantis actio quadruplex; quarum prima est cordis distinctio; secunda distincti discussio; tertia discussio trepidatio; quarta trepidantis humilitas. Prima est studiosa; secunda laboriosa; teritia luctuosa, et quarta gratiosa.

*Articulus primus.*

Prima notatur, cum dicitur : *In toto corde;*

<sup>1</sup> *Marc.*, I, 15. — <sup>2</sup> *Hebr.*, IV, 12. — <sup>3</sup> *Prov.*, XII, 25. — <sup>4</sup> *Ephes.*, IV, 19. — <sup>5</sup> *Prov.*, II, 21. — <sup>6</sup> *Eccli.*, I,

non in cordis parte; per quod innuitur cordis distinctio, quæ non habetur sine studio. Unde nota, quod cor, quantum ad præsens pertinet, distinguitur trifariam; videlicet in partem intellectivam, affectivam, et effectivam: quarum prima est deliberans, secunda imperans, tertia operans. De prima dicitur<sup>5</sup> : « Si intraverit sapientia cor tuum, et scientia animæ tuæ placuerit, consilium custodiet te. » Hic accipitur cor pro parte intellectiva, ad quam pertinent divinorum sapientia, humanorum scientia, et agendorum consilia. De secunda scribitur<sup>6</sup> : « Religiositas custodiet, et justificabit cor, jucunditatem atque gaudium dabit. » Hic accipitur cor pro parte affectiva, quam religiositas custodit a desideriis malis, justificat desideriis bonis, cui et jucunditatem dat temporaliter in merito, et gaudium eternaliter in præmio. De tertia legitur<sup>7</sup> : « Cor suum dabit in consummationem operum. » Hic accipitur cor pro parte affectiva, ad quam pertinet operum consummatio, quæ pars intellectiva deliberando inchoat, pars affectiva imperando provehit, pars effectiva operando consummat.

*Articulus secundus.*

Secunda notatur, cum subditur : *Exquisivi te.* Ad hoc enim a pœnitente cor distinguitur, ut distinctum discutiatur, et sicubi Deus adsit per meritum, vel absit per demeritum, inveniatur. Dicit itaque : *In toto corde*, supple, distincto studiouse. *Exquisivi te*, scilicet discutiendo labi-  
rōse. Et nota, quod Deus est tripliciter exqui-  
rendus: primo in cogitationibus; secundo in  
delectationibus; tertio in operationibus: ut co-  
gitationes referantur ad partem deliberativam,  
delectationes ad partem operativam. De primo  
scribitur<sup>8</sup> : « Cor rectum exquirit (a) scientiam. » Exquisitio ista fit in parte deliberativa, ad quam pertinet scientia vel inscientia. De secundo dicitur<sup>9</sup> : « Cor iniqui exquirit (b) mala. » Ex-  
quisitio ista fit in parte imperativa, ad quam pertinet bonitas vel malitia. De tertio legitur<sup>10</sup> : « Deum exquisivi manibus, » id est actibus,  
« meis. » Exquisitio ista fit in parte operativa, ad quam pertinet actus interioris, et exterioris hominis.

*Articulus tertius.*

Tertia notatur, cum additur : *Ne repellas me.*

<sup>18</sup> — <sup>7</sup> *Eccli.*, XXXVIII, 31. — <sup>8</sup> *Prov.*, XXVII, 21. —

<sup>9</sup> *Ibid.* — <sup>10</sup> *Psal.* LXXXVI, 3.

(a) *Vulg.* *inquirit.* — (b) *item inquirit.*

Cor tri-  
pliciter  
distin-  
guitur.

Deus tri-  
pliciter  
exqui-  
rendus.

Cum enim peccator Deum in toto corde exquisivit, et non invenit, non immerito trepidat, ne repellatur a Deo, sicut ipse Deum repulit; et idecirco timens repulsionem, proponit supplicationem dicens : *Ne repellas me.* Et notandum quod peccator timere debet, ne repellatur, ut flagitiis polluatur, ut tristitiis absorbeatur, ut suppliciis exponatur : quorum primum fit per privationem gratiae; secundum, per privationem fiduciae; tertium, per privationem gloriae. De primo<sup>1</sup> : « Repulit Dominus altare suum, maledixit sanctificationi suae; » ac si dicat aperite : *Repulit Dominus*, scilicet privando gratiam; *altare suum*, scilicet cordis munditiam; *maledixit sanctificationi suae*, scilicet permittendo cadere in immunditiam. De secundo<sup>2</sup> : « Ne dederis in tristitiam cor tuum, sed repelle eam a te; » quasi dicat : *Ne dederis cor tuum in tristitiam per diffidentiam, sed repelle eam a te per confidentiam.* De tertio<sup>3</sup> : « Cœpit abjecere (a) eum, et a se repellere. » Ubi loquitur Scriptura de Dalila Samsonis amasia, quæ Samsonem abjectit, et suppliciis exponens repulit. Dalila quidem interpretatur *situla*, vel *paupercula*, per quam notatur humana justitia, quam debemus sitire, quia<sup>4</sup> « Beati qui sitiunt justitiam; » et ideo dicitur *situla*. Sed immunda est per negligentiam, quia<sup>5</sup> « Justitiae nostræ tanquam pannus menstruata; » et ideo dicitur *paupercula*. Hæc Samsonem, id est, inordinatum justitiae præconem, qui alios illuminare videtur (Samson enim *sol eorum* interpretatur), abjectit excludendo a præmio, et repellit exponendo supplicio.

#### Articulus quartus.

Quarta notatur, cum superadditur : *A mandatis tuis.* Ecce qui, ne repelleretur, supplicaverat tanquam trepidans luctuose, mandatis subjici desiderat, tanquam se humilians gratiouse. Et nota, quod mandata sunt tribus de causis desideranda : primo, quoniam animam pacificant; secundo, quia pacificatam fortificant; tertio, quia fortificatam sapientificant. Quorum primum respicit vim irascibilem; secundum, concupisibilem; tertium, rationabilem. De primo<sup>6</sup> : « Utinam attendisses mandata mea; facta fuisset sicut flumen pax tua. » Ac si dicat : *Utinam attendisses mandata mea per observantiam; facta fuisset pax tua quantum ad*

<sup>1</sup> Thren., II, 7. — <sup>2</sup> Eccli., XXXVIII, 41. — <sup>3</sup> Judic., XVI, 19. — <sup>4</sup> Matth., V, 6. — <sup>5</sup> Isa., LXIV, 6. — <sup>6</sup> Isa.,

conscientiam, *sicut flumen*, quantum ad affluentiam. De secundo<sup>7</sup> : « Fundamenta æterna super petram solidam, et mandata Dei in corde mulieris sanctæ; » quasi dicat : Mandata moralia in cordis sanctimonia sunt fundamenta immobilia. De tertio<sup>8</sup> : « Fons sapientiae verbum Dei in excelsis, et ingressus illius mandata æterna, » quasi dicat : Ingressus in supernam sapientiam est per mandatorum observantiam.

#### Epilogus.

Dicit ergo Prophetæ in pœnitentis, præ timore pœnæ, suspirantis persona : *In toto corde meo*, videlicet studiose distincto; *Exquisivi te*, videlicet discutiendo laboriose; et quia te non potui reperi, idecreo supplico, quasi trepidans luctuose : *Ne repellas me*, scilicet, a *mandatis tuis*, quibus humiliiter adimplendis me subjicio gratiouse.

#### VERSICULUS XI.

*In corde meo abscondi*, etc. Versiculus antecedens spectabat ad pœnitentes suspirantes ex timore pœnæ; versus præsens spectat ad pœnitentes suspirantes ex horrore malitiae. Ili si quidem abhorrent mala, ne cum malis scribantur in terra, sicut scribitur<sup>9</sup> : « Recedentes a te scribentur in terra : » et idecirco describitur in hoc versu quadruplex pœnitentium consideratio: debent enim considerare pœnitentes primo, in quo scribendum; secundo, quo modo scribendum; tertio, quid scribendum; quarto, quid proscribendum : quia nimur in corde, tanquam in codice est scribendum, caute scribendum, bonum perscribendum, malum proscribendum.

Pœnitentibus  
quid  
considerandum.

#### Articulus primus.

Quantum ad primum, dicitur : *In corde meo*, tanquam in codice meo. Et nota, quod cordis et codicis triplex est convenientia: quarum prima est in scriptura; secunda in pictura; terciera in ligatura. Scriptura siquidem pertinet ad purgationem; pictura ad illuminationem; ligatura ad consummationem. De primo<sup>10</sup> : « Dabo legem meam in visceribus corum, et in corde eorum scribam eam; » ecce cordis, sicut codicis scriptura. Quod autem ait : *In*

Cordis  
et codi-  
cis con-  
venien-  
tia.

XLVIII, 18. — <sup>7</sup> Eccli., XXVI, 24. — <sup>8</sup> Eccli., I, 5. — <sup>9</sup> Jerem., XVII, 13. — <sup>10</sup> Jerem., XXXI, 33.

(a) Vulg. *abigere*.

*visceribus*, refertur ad partem animæ appetitivam; et quod ait: *In corde*, retorquetur ad partem apprehensivam. De secundo<sup>1</sup>: « *Cor suum dabit in similitudinem picturæ*; » ecce cordis, ut codicis pictura. De tertio<sup>2</sup>: « *Ne dimittas legem matris tuæ*; liga eam in corde tuo: » ecce cordis, ut codicis ligatura, quia revera legem in corde ligare, est cor lege ligare: sicut enim liber ligatur, cum ligamen ipsius partibus illigatur, sic cor ligatur, cum lex illius partibus, videlicet animæ viribus illigatur.

*Articulus secundus.*

Quantum ad secundum, subditur: *Abscondi*, id est, absconde sive caute scripsi. Et nota, quod in hoc codice, scilicet in corde, scribendum est caute triplici ratione: videlicet, propter zelatores, delatores, adulatores: ne zelatores plangant; ne delatores pungant; ne adulatores ungant. De primis scribitur in hunc modum<sup>3</sup>: « *A zelantibus te per invidiam, absconde tuam prudentiam*, » ne forsitan urantur per impatientiam. De secundariis<sup>4</sup>: « *A flagello linguæ absconderis*. » Istud flagellum est detractionis vitium. De tertii scribitur sub his verbis<sup>5</sup>: « *Sapientes abscondunt scientiam*; os autem stulti confusione proximum est. » Primum est humilitatis; secundum est vanitatis.

*Articulus tertius.*

Quantum ad tertium, additur: *Eloquia tua*. Ecce quid perscribendum; quoniam eloquium bonum, eloquium divinum. Et nota, quod eloquium divinum est notabile triplici ratione, videlicet, propter decorum, dulcorem, fervorem. Decor spectat ad eloquentiam; dulcor ad sapientiam; fervor ad justitiam. De primo<sup>6</sup>: « *Nephtalim cervus emissus, et dans eloquia pulchritudinis*. » In quo notatur modus dicendi tripartitus, videlicet eruditus, expeditus, expolitus. *Nephtalim* namque, quod interpretatur *dilatatio mea*, pertinet ad eruditionem; *cervus* ad expeditionem; *eloquia pulchritudinis* ad expolationem; ecce eloquiorum decor. De secundo<sup>7</sup>: « *Quam dulcia faucibus meis eloquia tua!* » Ecce eloquiorum dulcor. De tertio<sup>8</sup>: « *Eloquium Domini inflammavit eum*; » ecce eloquiorum fervor.

Eloquium divinum notabile.

Nephala.  
lim.

<sup>1</sup> *Eccli.*, xxxviii, 28. — <sup>2</sup> *Prov.*, vii, 3. — <sup>3</sup> *Eccli.*, xxxvii, 7. — <sup>4</sup> *Job*, v, 21. — <sup>5</sup> *Prov.*, x, 14. — <sup>6</sup> *Gen.*, xlxi, 21. — <sup>7</sup> *Psal.* hoc, 103. — <sup>8</sup> *Psal.* civ, 19. — <sup>9</sup> *Eccli.*, ix, 18. — <sup>10</sup> *Mich.*, vii, 9. — <sup>11</sup> *Prov.*, viii, 36.

*Articulus quartus.*

Quatum superadditur: *Ut non peccem tibi*. Ecce quid proscribendum: quia peccatum. Debemus autem peccatum proscribere triplici ratione: videlicet ne spoliemur, ne sauciemur, et ne cruciemur. Ecce nocumentum tripartitum, scilicet nocumentum sursum, quod pertinet ad poenam damni; nocumentum deorsum, quod attinet ad poenam ignis, et nocumentum introrsum, quod respicit poenam vermis. De primo<sup>9</sup>: « *Qui in uno peccaverit, multa bona perdet*; » ecce poena damni a parte superiori. De secundo<sup>10</sup>: « *Iram Domini portabo, quia peccavi ei*; » ecce poena ignis a parte inferiori. De tertio<sup>11</sup>: « *Qui in me peccaverit, laetetur animam suam*, » dicit Sapientia; ecce poena vermis a parte interiori.

Pecca-  
tum pro-  
scriben-  
dum est.

*Epilogus.*

Dicit ergo Propheta in poenitentis, propter horrorem malitiae, suspirantis persona: *In corde meo, tanquam in codice meo*; ecce in quo scribendum. *Abscondi*, hoc est, absconde sive caute scripsi; ecce quo modo scribendum. *Eloquia tua*, scilicet dominica; ecce quid perscribendum, quia bonum. *Ut non peccem tibi*; ecce quid proscribendum, quia malum.

*VERSICULUS XII.*

*Benedictus es, Domine*, etc. Versiculus praecedens pertinebat ad poenitentes ex horrore malitiae suspirantes; versiculus praesens spectat ad poenitentes propter amorem justitiae suspirantes. Unde Propheta in eorum persona proponit orationem, et supponit quadruplicem Dei conditionem. Et sic in hoc versiculo no- Dei qua-  
druplex conditio, videlicet: quaduplex conditio.

*Articulus primus.*

Quamobrem Propheta proponens orationem, et supponens primam conditionem, dicit: *Benedictus es*, et sic laudifluus, quia benedicti est laudari. Et nota, quod Dominus dicitur *bene-* Domi-  
*dictus*, et sic laudifluus propter data naturalia, nus qua-  
re bene-  
dictus.

spicaciam intellectualem ; secundo , propter perspicaciam rationalem ; tertio , propter perspicaciam sensualem. Intellectualis perspicacia est superiorum contemplativa, et ideo comparatur templo sacerdotali. Rationalis perspicacia est inferiorum regitiva, et ideo comparatur throno regali. Sensualis perspicacia est exteriorum apprehensiva, et ideo comparatur spectaculo generali. De primo dicitur <sup>1</sup> : « Benedictus es in templo sancto gloriae tuæ. » Hoc templum spiritualiter intellectum est intellectualis perspicacia superiorum contemplativa. De secundo siquidem subditur ibidem <sup>2</sup> : « Benedictus es in throno regni tui. » Iste thronus moraliter intellectus est rationalis perspicacia inferiorum regitiva. De tertio scribitur eisdem libro et capitulo <sup>3</sup> : « Benedictus es, qui intueris abyssos. » Iste intuitus est sensualis aspectus exteriorum sensibilium innumerabilium apprehensivus.

#### *Articulus secundus.*

Secundam conditionem supponit, cum dicit : *Domine*; in qua supponit ipsum Dominum, et sic largifluum. Dicitur enim Dominus, quasi *dans munus*. Et nota, quod dicitur Dominus præcipue propter triplex munus, videlicet propter terræ fertilitatem, aeris claritatem, temporis tranquillitatem. Primum munus datur divinitus propter nostram sustentationem ; secundum, propter actionem ; tertium, propter contemplationem. De primo dicitur <sup>4</sup> : « Qui vocat aquas maris, et effundit eas super faciem terræ, Dominus nomen ejus; » quasi dicat : « Qui vocat aquas maris » per vaporum exhalationem, « et effundit eas super faciem terræ, » per ipsorum resolutionem, « Dominus nomen ejus, » propter terræ fœcunditatem. De secundo <sup>5</sup> : « Hæc dicit Dominus, qui dat Solem in lumine diei, ordinem Lunæ et stellarum in lumine noctis. » De tertio <sup>6</sup> : « In loco isto dabo pacem, dicit Dominus exercituum. »

#### *Articulus tertius.*

Tertiam conditionem supponit, cum dicit : *Doce me*; ubi supponit eum esse doctorem, et sic lucifluum. Et nota, quod doctor iste docet tripliciter : primo, interius inspirando; secundo, exterius incitando; tertio, inferius comparando. De primo <sup>7</sup> : « Spiritum tuum bonum dedisti,

<sup>1</sup> Dan., III, 53. — <sup>2</sup> Ibid., 54. — <sup>3</sup> Ibid., 55. — <sup>4</sup> Amos, IX, 6. — <sup>5</sup> Jerem., XXXI, 35. — <sup>6</sup> Agg., II, 10. — <sup>7</sup> Il Esdr., IX, 20. — <sup>8</sup> Matth., IV, 2. — <sup>9</sup> Job,

qui doceret eos; » ecce doctrina inspirationis. De secundo <sup>8</sup> : « Docebit nos de viis suis, et ibimus in semitis ejus. » Vix pertinent ad præcepta, semitæ ad consilia. De tertio <sup>9</sup> : « Qui docet nos super jumenta terræ, et super volucres cœli erudit nos, » quasi diceret : *Qui docet nos* per comparationem ad jumenta terrestria, *docebit nos* per comparationem ad cœli voluntaria. Unde scribitur eodem libro <sup>10</sup> : « Interroga jumenta, et docebunt te, et volucres cœli, et indicabunt tibi. » Jumenta significant activos, quia colunt terram; volucres significant contemplativos propter volatum.

#### *Articulus quartus.*

Quartam conditionem supponit, cum dicit : *Justificationes tuas*. Ecce supponit Deum esse justificatorem et mellifluum, quia scilicet gratiae beneficia sunt dulcifluia. Et nota, quod dominicæ justificationes sunt meditabiles, cantabiles, operabiles : meditabiles siquidem per discretionem; cantabiles per devotionem; operabiles per dilectionem. De primo <sup>11</sup> : « In justificationibus tuis meditabor. » De secundo in eodem Psalmo <sup>2</sup> : « Cantabiles mihi erant justitiae tue in loco peregrinationis mee, » etc. De tertio canitur in eodem Psalmo <sup>13</sup> : « Inclinavi cor meum ad facendas justificationes tuas propter retributionem. »

#### *Epilogus.*

Dicit ergo Propheta in pœnitentium, propter amorem justitiae, suspirantium persona : *Benedictus es*, supponendo Deum esse laudifluum, quantum ad bona naturalia; *Domine*, supponendo Deum esse largifluum, quantum ad bona temporalia; *Doce me*, supponendo Deum esse lucifluum, quantum ad bona intellectualia; *Justificationes tuas*, supponendo Deum esse melifluum, quantum ad bona virtualia.

#### *VERSICULUS XIII.*

*In labiis meis pronuntiavi*, etc. In præcedenti quaternario fuit proposita beatitudinis via regredientibus, seu pœnitentibus, per compunctionem suspirantibus. In præsenti quaternario eadem proponitur regredientibus, seu pœnitentibus per consolationem respirantibus. Hæc autem consolatio, mediante Dei verbo, percipi-

XXXV, 41. — <sup>10</sup> Job, XII, 7. — <sup>11</sup> Psal. hoc, 16. — <sup>12</sup> Ibid., 54. — <sup>13</sup> Ibid., 412.

pitur, et quadrupliciter dispartitur: aliquando namque consolantur pœnitentes a Domino, verbum Dei sagaciter audiendo; aliquando, tenaciter custodiendo; aliquando, vivaciter operando; aliquando perspicaciter considerando. De quatuor istis articulis seriatim agitur in his quatuor versiculis. Primus ergo versetus pertinet ad pœnitentem respirantem, mediante Dei verbo, ipsum sagaciter audiendo. Unde sagacis auditoris quadrimembris conditio denotatur in hoc versiculo, videlicet virilitas refricandi, utilitas fructificandi, docilis colligendi, subtilitas eligendi. Prima conditio contrariatur auditoribus desidiosis; secunda infructuosis; tertia oblivious; quarta fabulosis.

#### *Articulus primus.*

Quantum ad primam conditionem sagacis auditoris, scilicet virilitatem refricationis, præmittitur: *In labiis meis*, quia per humana labia divina refricantur eloquia. Et nota, quod hujusmodi labia non debent esse aspernantia, non indignantia, non adversantia. Aspernari pertinet ad tumorem; indignari, ad livorem; adversari, ad teponem. De primo scribitur<sup>1</sup>: « Melior est pauper, qui ambulat in simplicitate sua, quam dives torquens labia sua; » quasi dicat: Melior est auditor humilis simpliciter ambulans, quantum ad verbi Dei refricationem, quam tumidus torquens labia sua, quantum ad refricationis aspernationem. De secundo<sup>2</sup>: « Labia ejus repleta sunt indignatione: » quod dicitur de Domino tropice, sed proprie dici potest de livido auditore. De tertio canitur<sup>3</sup>: « Labia mea non prohibeo: Domine, tu scisti; » quasi dicat: *Labia mea non prohibeo* a verbi tui refricatione, sicut faciunt aliqui extope.

#### *Articulus secundus.*

Quantum ad secundam conditionem, scilicet utilitatem fructificationis, subneclitur: *Pronuntiavi*, id est, ad utilitatem audientium eructavi. Verbum Dei quo modo tripliciter: videlicet sapienter, eloquenter, confidenter: sapienter, ut doceat; eloquenter, ut placeat; confidenter, ut moveat. De primo dicitur<sup>4</sup>: « Pronuntiabo mirabilia tua; » ecce pronuntiatio sapiens et doceens. De secundo idem propheta<sup>5</sup>: « Pronuntiabit lingua mea eloquium tuum; » ecce pronuntiatio eloquens-

<sup>1</sup> *Prov.*, xx, 1. — <sup>2</sup> *Isa.*, xxx, 27. — <sup>3</sup> *Psal.* xxxix, 10. — <sup>4</sup> *Psal.* lxx, 17. — <sup>5</sup> *Psal.* hoc, 172. — <sup>6</sup> *Levit.*,

et placens. De tertio<sup>6</sup>: « Porro si steterit macula, et capilli nigri fuerint, noverint hominem esse sanatum, et confidenter cum pronuntiet mundum; » ecce pronuntiatio confidens, et movens.

#### *Articulus tertius.*

Quantum ad tertiam conditionem, subiungitur: *Omnia judicia*, non tantum aliqua; ecce docilis collectiva. Qui enim omnia dicit, nihil excipit. Et nota, quod ad docilitatem pertinet omnium collectio, scilicet: omnia audiendo; omnia custodiendo; omnia erudiendo. Quorum primum attinet ad bonitatem apprehensivæ; secundum, ad bonitatem retentivæ; tertium ad bonitatem interpretativæ. De primo<sup>7</sup>: « Auris zeli audit omnia; » ecce docilis apprehensivæ virtutis omnia recipientis. De secundo<sup>8</sup>: « Maria autem conservabat omnia verba hæc, conferens in corde suo; » ecce docilis retentivæ virtutis omnia conservantis. De tertio<sup>9</sup>: « Omnia quæcumque audivi a Patre meo, nota feci vobis, » ecce docilis interpretativæ virtutis omnia erudiantis.

#### *Articulus quartus.*

Quantum ad quartam conditionem, subinfertur: *Oris tui*, scilicet dominici, non terreni, non animalis, non diabolici. Ecce subtilitas eligendi doctorem virtuosum, non vitiosum. Per os namque dominicum accipimus doctorem discretum, juxta illud<sup>10</sup>: « Si separaveris pretiosum a vili, quasi os meum eris. » Et nota, quod os dominicum est aliis tribus de causis præeligendum: utpote quoniam odoriferum, fructiferum, salutiferum. Propter primum est audiendum libenter; propter secundum est attendendum intelligibiliter; propter tertium est exequendum obedienter. De primo<sup>11</sup>: « Odor oris tui, sicut odor malorum; » ecce odoriferum propter facundiam. De secundo<sup>12</sup>: « Os justi parturit sapientiam; » ecce os fructiferum propter doctrinam. De tertio ibidem<sup>13</sup>: « Vena viæ, os justi; » ecce os salutiferum propter vitam beatam.

#### *Epilogus.*

Dicit ergo pœnitens verbum Dei sagaciter audiens, et consolationem audiendo recipiens: *In labiis meis*; ecce virilitas contra desidiosos.

<sup>7</sup> *Sap.*, i, 10. — <sup>8</sup> *Luc.*, ii, 19. — <sup>9</sup> *Joan.*, xv, 15. — <sup>10</sup> *Jerem.*, xv, 19. — <sup>11</sup> *Cant.*, vii, 8. — <sup>12</sup> *Prov.*, x, 31. — <sup>13</sup> *Ibid.*, 11.

*Pronuntiavi; ecce utilitas contra infructuosos.  
Omnia iudicia; ecce docilitas contra oblivious.  
Oris tui; ecce subtilitas contra fabulosos.*

## VERSICULUS XIV.

*In via testimoniorum tuorum, etc.* Versiculus antecedens pertinebat ad respirantes, mediante Dei verbo, ipsum sagaciter audiendo; iste sequens pertinet ad respirantes, mediante Dei verbo, ipsum tenaciter custodiendo. Sicut autem insinuat versus iste, quatuor sunt causæ, propter quas oportet ipsum tenaciter custodire. Est namque verbum Dei custodiendum sicut thesaurus artificiosus, radiosus, deliciosus, copiosus. Artificiosus dicitur, quantum ad mosaicas allegorias; radiosus, quantum ad evangelicas theorias; deliciosus, quantum ad celestes anagogias; copiosus, quantum ad terrestres tropologias. Allegoria pertinet ad credenda; theoria ad videnda; anagogia ad speranda; tropologia ad operanda.

## Articulus primus.

*In via.* Hoc dicitur quantum ad allegorias, quæ viæ sunt ad theorias: quia nimur per allegorias legis veteris venitur ad theorias novæ legis. Et nota, quod allegoria est via spatiosa, laboriosa, inaquosa. Licet autem sit spatiosa, ducit ad sacrificium justitiæ; licet laboriosa, ducit ad unctionem gratiæ; licet inaquosa, ducit ad aquam sapientiæ. De primo<sup>1</sup>: « Ibfimus viam trium dierum in solitudine, ut immolemus Domino Deo nostro; » quasi dicat apertius: *Ibfimus internis pedibus*, videlicet admirationis, et investigationis processibus; « viam trium dierum, » id est, allegoriam trium specierum, scilicet visualem, vocalem, et manualem; hoc est in visis, in dictis, in operibus existentem: *in solitudine*, id est, doctrina legis mosaice: « ut immolemus sacrificium justitiæ Domino Deo nostro: » scilicet intellectum nostrum in obsequium Christi captivando, et quasi mortificando, secundum doctrinam veritatis evangelicæ. Ecce via spatiosa, sed non dispendiosa, quia ducit ad sacrificium justitiæ. Ecce thesaurus artificiosus, quoniam artificiosum est valde figuræ visibiles invisibilibus coaptare. Unde Dionysius<sup>2</sup>: « Valde artificialiter theologia poeticis sacræ formationibus in non figuratis

<sup>1</sup> *Exod.*, III, 18. — <sup>2</sup> *Dion. Areop., de Cœl. Hier.*, c. II. — <sup>3</sup> *Gen.*, XXVII, 20. — <sup>4</sup> *Gen.*, XXIV, 3. —

intellectibus usa est. » De secundo<sup>3</sup>: « Si fuerit Dominus meum, et custodierit in via, per quam ambulo; et dederit mihi panem ad vescendum, et vestem ad induendum, reversusque fuero prospere in domum patris mei, erit mihi Dominus in Deum, et lapis iste, quem erexi in titulum, vocabitur domus Dei. » Ac si diceret manifeste: *Si fuerit Deus mecum*, scilicet aperiendo sensum: *et custodierit me*, videlicet ab errore: *in via*, hoc est laboriosa allegoria, *per quam ambulo* (theoriam investigando); *et dederit mihi panem ad vescendum*, scilicet intellectuale nutrimentum; *et vestem ad induendum*, videlicet disciplinale vestimentum: *reversusque fuero prospere* per viam obedientiæ, *in domum patris mei*, id est, in domum sapientiæ, de qua recessit pater meus per viam inobedientiæ: *erit mihi Dominus in Deum*, id est, timendus in credendum: *et lapis iste*, scilicet Christus reprobatus humanitus: *quem erexi in titulum*, tanquam approbatum divinitus, *vocabitur per fidei confessionem domus Dei*, quantum ad naturarum unionem: *ut domus* referatur ad humanitatem; *Dei* autem, ad deitatem. Ecce via laboriosa, sed non infructuosa: quia ducit ad unctionem gratiæ, scilicet lapidem vivum, unctum oleo lætitiae. De tertio<sup>4</sup>: « *Deambulabat Isaac*, » id est, animus congaudens veritati, quia *Isaac interpretatur gaudium*; *per viam inaquosam Scripturarum*, scilicet figurarium, quæ ducit ad puteum aquarum; scilicet viventium, id est, theoriarum vivificantium. Ecce via inaquosa, non tamen otiosa, quia ducit ad fontem sapientiæ:

## Articulus secundus.

*Testimoniorum tuorum.* Hoc dicitur quantum ad theorias novi Testamenti, quæ clarum testimonium perhibent veritati. Et nota, quod testimoniorum hujusmodi quedam dicuntur credibilia, quedam mirabilia, quedam fidelia. Quorum prima pertinent ad purgandos: secunda ad illuminandos: tertia ad perficiendos. De primis dicit<sup>5</sup>: « *Testimonia tua credibilia facta sunt nimis: domum tuam deceat sanctitudo: »* ecce testimonia per fidem purgantia, sive sanctificantia. De secundis iterum in Psalmo hoc<sup>6</sup>: « *Mirabilia testimonia tua: ideo scrutata est ea anima mea: declaratio sermonum tuorum illuminat. »* Ecce testimonia scrutantes illuminantia. De tertiiis rursus<sup>7</sup>: « *Testimonium Domini*

<sup>5</sup> *Psal.* XCII, 5. — <sup>6</sup> *Psal.* hoc, 129, 130. — <sup>7</sup> *Psal.* XVIII, 8.

fidele, sapientiam præstans parvulis. » Ecce testimonia humilium perfectiva: ideoque thesaurus radiosus merito dicitur verbum Dei, quantum ad doctrinam Novi Testamenti, quæ reddit perspicuum testimonium veritati.

#### *Articulus tertius.*

*Delectatus sum.* Hoc dicitur quantum ad cœlestes anagogias, quæ delectant mentes contemplativas. Et nota, quod in qualibet delectatur contemplativus animus, tum propter sapientiæ suavitatem, tum propter sententiæ varietatem, tum propter influentiæ charitatem. In primo delectat sapientiæ subtilitas; in secundo, ipsius mobilitas; in tertio, ejusdem utilitas. De primo<sup>1</sup>: « Cerva carissima, et gratissimus hinnulus. Ubera ejus inebrient te omni tempore, et in amore ejus delectare jugiter. » Que est ista cerva carissima, nisi divina sapientia, quam in montibus æternis humana venatur perspicacia? Quis gratissimus hinnulus, nisi veritatis radius in mysterio absconditus? Quæ sapientiæ ubera, nisi varia contemplationum genera? Hæc inebriant hominem per mentis alienationem. In amore illius hinnuli jugiter delectantur, qui die ac nocte in lege Domini meditantur, et inter figurarum fruteta veritatis radium assidue perscrutantur. De secundo<sup>2</sup>: « Delectabar per singulos dies ludens coram eo. » Verba sunt sapientiæ, quæ delectatur sapientiales quotidie delicias contemplativis mentibus instruendo, et videtur ludere coram Deo, de paucis Scripturæ verbis multiformes sententias eruendo. De tertio<sup>3</sup>: « Delectabitur infans ab ubere super foramen aspidis, et in caverna reguli, qui ablactatus fuerit, manum suam mittet. » Per infantem intellige quemlibet ignorantem; per ubera, verba et documenta salutifera; per regulum, peccatum superbiæ; per aspidem surdam, peccatum inobedientiæ. Infans ergo ab ubere super foramen aspidis et cavernam reguli delectatur, cum ignorans, post haustum doctrinæ salutiferæ, testamentis superbiæ vel inobedientiæ non gravatur.

#### *Articulus quartus.*

*Sicut in omnibus divitiis.* Hoc dicitur quantum ad terrestres tropologias, quibus ditissime cumulatur devota studiositas. Istarum deliciæ sic delectant, sicut omnes divitiæ: nimirum pur-

gant, illuminant, et consummant, velut aliæ divitiæ multifariæ. Unde nota, quod sunt di-<sup>divitiæ.</sup> vitiæ fortunæ, gratiæ, gloriæ. Primæ purgant; secundæ illuminant: tertiæ consummant. De primis<sup>4</sup>: « Redemptio animæ viri, divitiæ suæ. » De secundis<sup>5</sup>: « Mihi autem omnium sanctorum minimo data est gratia hæc in gentibus evangelizare investigabiles divitiæ Christi. » De tertii<sup>6</sup>: « Ut sciatis, quæ sit spes vocationis ejus, et quæ divitiæ gloriæ hæreditatis ejus. »

#### *Epilogus.*

Dicit ergo Propheta in persona pœnitentis, verbum Dei tenaciter custodientis, et custodiendo respirantis: *In via*, quantum ad artificiosas allegorias; *Testimoniorum tuorum*, quantum ad radiosas theorias; *Delectatus sum*, quantum ad deliciosas anagogias; *Sicut in omnibus divitiis*, quantum ad tropologias copiosas. Unde nimirum custodire convenit Dei verbum, tanquam thesaurum artificiosum, quantum ad sensum allegoricum; radiosum, quantum ad sensum theoricum; deliosum, quantum ad sensum anagogicum; copiosum, quantum ad sensum tropologicum.

#### *VERSICULUS XV.*

*In mandatis tuis exercebor*, etc. Sicut versiculus preambulus congruebat respirantibus, mediante Dei verbo, illud tenaciter custodiendo, sic et iste congruit respirantibus, mediante Dei verbo, ipsum efficaciter adimplendo, seu vivaciter operando. Unde nota quatuor conditions in hoc versiculo, quæ vivaci congruunt opera-<sup>Operarii</sup> riorio: videlicet, quod non sit tepidus, torpidus, vivaci-<sup>vivaci</sup> stolidus, stupidus; sed potius e converso, sit nes. avidus in affectu, validus in effectu, providus in prospectu, fervidus in profectu.

#### *Articulus primus.*

Primum notatur, cum dicit: *In mandatis tuis.* Cum enim mandata, non monita, non preces prætendit, sed ostendit quid intendit, quia scilicet non tepide, sed avide obedire contendit. Et nota, quod divina mandata sunt reverenter audienda, memoriter custodienda, inviolabiliter adimplenda. Quorum primum spectat ad potentiam apprehensivam; secundum, ad potentiam retentivam; tertium, ad potentiam

— <sup>4</sup> *Prov.*, v, 19. — <sup>5</sup> *Ephes.*, iii, 8. — <sup>6</sup> *Ephes.*, i, 18.

operativam. De primo<sup>1</sup> : « Audi, Israel, mandata vitæ auribus percipe, ut scias prudenteriam. » Ubi duplēcēm requiriāt audientiam : scilicet intrinsecam, et extrinsecam : quod pertinet ad reverentiam. Quantum ad primam, ponitur actus audiendi; quantum ad secundam, actus percipiendi. De secundo<sup>2</sup> : « Qui custodit mandatum, custodit animam suam; » quasi dicat : *Qui custodit mandatum, memoriter retinendo, custodit animam suam, ipsius pericula præcavendo.* De tertio<sup>3</sup> : « Peccator transgrediens mandatum Domini, incidet in promissiōnem nequam. » Unde patet, quod mandatum dominicum non est transgrediendum, sed inviolabiliter adimplendum.

#### *Articulus secundus.*

Secundum insinuator, cum subditur : *Exercebor.* Non dicit : *Operabor*, sed : *Exercebor*, quod est amplius, quia exercitium consistit in multis operibus. Unde liquet, quod non sit torpidus, sed validus, et promptus operarius. Et nota, quod exerceri debemus specialiter ad tria, scilicet ad puritatem, æquitatem, et pietatem. Puritas pertinet ad carnis mortificationem; æquitas, ad nostri dijunctionem; pietas, ad proximi ædificationem. De primo<sup>4</sup> : « Diligenter exerce agrum tuum. » Agri exercitatio est carnis mortificatione. De secundo canitur in hoc Psalmo<sup>5</sup> : « Servus tuus exercebatur in justificationibus tuis. » In justificationibus se exercitat, qui semetipsum saepē dijudicat, quia nimis illum, qui (*a*) judicat, Deus justificat. De tertio<sup>6</sup> : « Exerce te ad pietatem, » id est, da proximo (*b*) piam ædificationem.

#### *Articulus tertius.*

Tertium annotatur, cum additur : *Et considerabo.* Non solum promittit operationem, sed operationum considerationem. In quo notatur non esse stolidus, sed providus. Et nota, quod tria præcipue debemus considerare : videlicet nostrum defectum, alienum profectum, finem suspectum. Prima consideratio nobis est utilis, ne inflemer; secunda, ne aliquem aspernemur; tertia, ut ad judicium præparemur. De primo<sup>7</sup> : « Diligenter agnoscere vultum pecoris tui, tuosque greges considera. » Istud pecus est brutalis appetitus. Isti greges sunt primi motus, quos in

nobis considerare debemus, ut de nobis humiliter sentiamus. De secundo<sup>8</sup> : « Considerate lilia, quo modo crescent. » Considerare debemus lilia, non lolia agri : hoc est, laudabilia, non vituperabilia opera proximi. Et rursus, quomodo crescent, non quo modo decrescent, sive marcescent deficiendo. Si sic consideremus, neminem contemnemus. De tertio<sup>9</sup> : « Considera, quod dies ad occasum declivior sit, et propinquet ad vesperam: » dies est vita; occasus est obitus; vespera est senecta.

#### *Articulus quartus.*

Quartum innuitur, cum superadditur : *Vias tuas.* Ecce vias dominicas considerat, ut sectetur : unde non stupidum, sed servidum ad sectandum ostendere se videtur. Sed nota, quod viæ dominicæ quædam sunt pavendæ, quædam cavendæ, quædam appetendæ. Primæ sunt viæ judiciorum; secundæ, suppliciorum; tertiae, præmiorum. De primis<sup>10</sup> : « Dominus in tempestate, et in turbine viæ ejus. » Hæ sunt viæ judicariæ, quæ sunt in tempestate quantum ad examinationem conscientiæ, et in turbine quantum ad fulminationem sententiæ. De secundis<sup>11</sup> : « Ego ero eis quasi leæna, sicut pardus in via Assyriorum. » Leæna est unicolor; pardus discolor : illa notat pœnitentiam patentium peccatorum : iste simulatorum. De tertii<sup>12</sup> : « Dignos se ipsa circuit querens, et in viis suis ostendit se hilariter. » Verba sunt tradita de Sapientia increata, quæ dignos se querit considerando merita, et in viis suis hilariter se ostendit, illis retribuendo præmia. Dicit itaque Prophetæ in persona pœnitentis, verbum Dei efficaciter observantis, et observando respirantis : *In mandatis tuis*, tanquam avidus, non tepidus in affectu; *Exercebor*, tanquam non torpidus, sed validus in effectu; *Et considerabo*, tanquam non stolidus, sed providus in prospectu; *Vias tuas*, tanquam non stupidus, sed servidus in profectu.

Leæna  
et par-  
dus quos  
denotent

#### VERSICULUS XVI.

*In justificationibus tuis.* Quemadmodum respirat pœnitens mediante Dei verbo, ipsum sagaciter audiendo, sicut patuit in primo quaternarii præcedentis versiculo; aut ipsum tena-

<sup>1</sup> Baruch, III, 9. — <sup>2</sup> Prov., xix, 46. — <sup>3</sup> Eccli., xxix, 26. — <sup>4</sup> Prov., xxiv, 27. — <sup>5</sup> Psal. hoc, 23. — <sup>6</sup> I Tim., iv, 7. — <sup>7</sup> Prov., xxviii, 23. — <sup>8</sup> Matth., vi,

(a) *Suppl.* seipsum. (b) *Cæt. edit.* proximorum.

citer custodiendo , sicut enituit in secundo ; aut ipsum efficaciter adimplendo , sicut emicuit in tertio : sic et ipsum perspicaciter considerando , sicut elucescit in isto. Est autem quadrimembbris conditio denotata in praesenti versiculo , quia laudatur ista consideratio ; utputa , quia virtuosa , studiosa , affectuosa , fructuosa. Prima conditio spectat ad gratiam devotionis ; seunda , ad gratiam discretionis ; tertia , ad gratiam aemulationis ; quarta , ad gratiam exhortationis.

#### *Articulus primus.*

*In justificationibus tuis.* Ecce bona considerationis materia , utputa justificatio dominica : a qua dicitur consideratio virtuosa , quia materia considerationis est actus virtutis. Et nota , quod tria sunt circa justificationes hujuscemodi consideranda : videlicet , ne deserantur , ne profrantur , ne auferantur. Desertio fit per omissionem , prolatione per ostentationem , ablatio per obdurationem. De primo <sup>7</sup> : « Justificationem meam , quam cœpi tenere , non deseram ; » quasi diceret : *Justificationem , quam teneo* per observationem , *non deseram* per omissionem. De secundo <sup>8</sup> : « Neque enim in justificationibus , » scilicet prolatis per ostentationem , vel jactantiam , « prosterminus preces ante faciem tuam . » De tertio <sup>9</sup> : « Auferam a te justificationem tuam , et dabo te in animas odientium . » Quorum primum spectat ad mortificationem meriti ; secundum , ad irrogationem supplicii.

#### *Articulus secundus.*

*Meditabor.* Ecce bona considerationis forma : non vaga , sed fixa ; non lenta , sed attenta , et ideo studiosa. Et nota , quod talis meditatio non debet versari circa materiam vitiosam , utputa immunditiam , discordiam , rapinam. Et tamen nonnulli meditationes suas occupant circa illam : nam nonnunquam meditantur immunditiam otiosi , discordiam contentiosi , rapinam negotiosi. De primo dicitur <sup>10</sup> : « Iniquitatem meditatus est in cubili suo . » Haec est iniquitas immunditiae , cuius meditatio frequenter accidit otioso. De secundo <sup>11</sup> : « Qui meditatur discordias , diligit rixas . » De tertio <sup>12</sup> : « Rapinas meditatur mens eorum , et fraudes labia eorum loquuntur . » Tales sunt negotiosi , qui rapinam meditantur in emptione , et frau-

<sup>7</sup> Job , xxvii , 6. — <sup>8</sup> Dan. , ix , 18. — <sup>9</sup> Ezech. , xvi , 27. — <sup>10</sup> Psal. xxxv , 5. — <sup>11</sup> Prov. , xvii , 19. — <sup>12</sup> Prov. , xxiv , 2. — <sup>13</sup> Deut. , xxv , 19. — <sup>14</sup> Eccli. , xxxix , 20. —

des in venditione : quia volunt emere vilissime , et vendere carissime.

#### *Articulus tertius.*

*Non obliviscar.* Ecce bonum considerationis principium , scilicet aemulationis sanctæ desiderium. Quod enim per aemulationem agitur , oblivioni non traditur. Unde consideratio ista recte dicitur affectuosa. Hic potest notari , quod tria specialiter non debet obliviousi : videlicet , culpam abolendam , gratiam recolendam , beneficentiam exhibendam. Primum quidem non debet obliviousi per impenititudinem ; nec secundum per ingratitudinem ; nec tertium per cupidinem. De primo <sup>7</sup> : « Delebis nomen ejus , » scilicet Amalech , « sub celo ; cave ne obliviousaris ; » quasi diceret : *Noli obliviousi deletio- nem peccati* ; sicut solet ab impenitentibus fieri. *Amalech* enim interpretatur gens bruta , *Amalech* et significat gesta brutalia , et indiscreta. De secundo <sup>8</sup> : « Gratiam fidejussoris ne obliviousaris ; » scilicet ne incurras vitium ingratitudinis. De tertio <sup>9</sup> : « Beneficentiae et communionis nolite obliviousi . »

#### *Articulus quartus.*

*Sermones tuos.* Ecce bonus considerationis terminus , ut considerantes , alios instruamus , ut sermocinando fructificemus. Propterea benedicitur haec consideratio fructuosa. Et nota , quod sermones hujusmodi non sunt parvipendendi , non erubescendi , non negligendi : quorum primum pertinet ad effectum (a) ; secundum ad affatum (b) ; tertium ad effectum. Contra parvipendentes dicitur <sup>10</sup> : « Subsannabant nuntios Dei , et parvipendebant sermones ejus . » Unde qui parvipendit sermonem divinum , ant ejus nuntium , parvipendit ipsum Deum : quod non est leve peccatum. Contra erubescentes legitur <sup>11</sup> : « Qui me erubuerit , et sermones meos , hunc Filius hominis erubescet , cum venerit in maiestate sua . » Contra negligentes scribitur <sup>12</sup> : « Audiunt sermones tuos , et non faciunt eos , quia in canticum oris sui vertunt illos . » Unde liquet , quod illi sunt audiendo curiosi ; non faciendo , desidiosi ; cantando , contumeliosi .

#### *Epilogus.*

Dicit ergo Propheta in persona pœnitentis , verbum Dei perspicaciter considerantis , et con-

<sup>9</sup> Hebr. , xiii , 16. — <sup>10</sup> II Paralip. , xxxvi , 16. —

<sup>11</sup> Luc. , ix , 26. — <sup>12</sup> Ezech. , xxxiii , 31. —

(a) Leg. affatum. — (b) Leg. effectum.

siderando respirantis : *In justificationibus tuis* ; ecce considerationis materia virtuosa : *Meditabor* ; ecce forma studiosa : *Non obliviscar* ; ecce causa motiva affectuosa : *Sermones tuos* ; ecce consummatio fructuosa.

## CAPITULUM SECUNDUM.

## VERSICULUS PRIMUS.

**i 7. Retribue servo tuo**, etc. Hie incipit secundum capitulum, quod praesentat secundum ferculum. In primo capitulo fuit beatitudo premissa ; in isto retributio est submissa. Si queris ordinis causam , ad illum pervenitur per istam. Istud capitulum distinguitur per hunc modum. **Justorum (a) retributio** prius ipsos excitat per amorem, quorum exercitatio describitur in primo octonario. Consequenter eos exercitat per laborem, quorum exercitatio describitur in secundo. Et quoniam ad retributionem illam per laborem intratur quasi per januam, inde est quod a Gimel littera, quae interpretatur retributio, inchoatur octonarius primus : et a Daleth, quae interpretatur janua, initialur secundus. Distinguitur autem primus octonarius, quia sicut oculata fide videmus, hujusmodi excitati plerumque fervescunt interius in affectu, quorum fervorem declarat quaternarius primus; sed tepescunt exterius in effectu, quorum tempore manifestat secundus. Distinguitur nihilominus et quaternarius primus secundum quatuor gradus, quibus ad prefatam retributionem pervenire nititur justorum affectus : quorum primus et summus est superna delectatio ; secundus, interna illuminatio ; tertius, meritoria actio ; quartus, gratuita dilectio. Et quidem ad supernam delectationem, per internam illuminationem ; ad hanc autem, per meritoriam actionem ; ad hanc autem, per gratuitam pervenitur dilectionem. Et quia illa sunt in affectione priora, quae sunt affectabiliora : inde est quod in primo versiculo notatur fervor affectionis respectu supernae delectationis ; in secundo , respectu internae illuminationis ; in tertio, respectu meritoriae actionis ; in quarto, respectu gratuitae dilectionis. Versiculus primus distinguitur secundum quod duo bona retributoria promittuntur , et duo meritoria bona premittuntur , quorum preambula per-

tinent tam ad interiorum, quam ad exteriorum salutem ; reliqua vero tam ad intrinsecam , quam ad extrinsecam servitatem.

## Articulus primus.

Ostendens ergo Propheta ex viri justi persona affectionis fervorem erga supernam delectationem , petit primo interioris hominis beatitudinem ad stolam animae pertinentem , dicens : *Retribue servo tuo* ; scilicet quantum ad interiorum hominem, quem formasti tibi servum ex utero. Unde notandum, quod Dominus retribuit, quantum ad istam retributionem, misericordiam, veritatem, bonitatem. Retribuit namque misericordiam, cum tribuit se tenendum ; retribuit veritatem, cum tribuit se videndum ; retribuit bonitatem, cum tribuit se fruendum. De primo <sup>1</sup> : « Nunc retribuet vobis Dominus misericordiam, » quasi diceret : Quia misericorditer tractatis dominum vestrum terrestrem, non ad oculum serviendo, sed voluntatem Dei faciendo, feliciter tenebitis Regem coelestem. De secundo scribitur ibidem <sup>2</sup> : « Nunc retribuet vobis Dominus veritatem, » quasi diceret : Pro fideli visitatione domini vestri terrenstris, recipietis felicem visionem regis coelestis. Verba namque sunt David typum gerentis <sup>David.</sup> Regis coelestis, ratione triplicis interpretationis : David enim interpretatur *misericors* , *aspectu desiderabilis* , *amicus*. Rex autem coelestis dicitur *misericors*, in quantum tractabilis ; aspectu desiderabilis, in quantum contemplabilis ; amicus, in quantum delectabilis. De tertio <sup>3</sup> : « *Justis retribuentur bona*. » Retributio bonitatis est fruitio divinae suavitatis.

## Articulus secundus.

Postquam premisit primum bonum retributorium, petendo interioris hominis beatitudinem ad stolam animae pertinentem ; consequenter addit secundum, petendo exterioris hominis beatitudinem ad stolam corporis attinentem , dicens : *Vivifica me*, scilicet quantum ad hominem exteriorum , retribuendo ei vitam immortalem. Sed nota, quod licet indivisa sint opera Trinitatis, vivificatio tamen corporis singularis potest appropriari personis : quia , sicut in evangelica veritate legimus, vivificat Pater , vivificat Filius , vivificat Spiritus sanctus. Pater quippe vivificat configurando potentiae, quan-

(a) Edit. Ven. Istorum.

<sup>1</sup> *Il Reg., II, 6.* — <sup>2</sup> *Ibid.* — <sup>3</sup> *Prov., XIII, 21.*

tum ad impassibilitatem : <sup>1</sup> « Pater suscitat mortuos et vivificat. » Filius quoque vivificat configurando sapientiae quantum ad claritatem <sup>2</sup> : « Et Filius quos vult vivificat. » Spiritus sanctus etiam vivificat configurando bonitatem, quantum ad spiritualitatem <sup>3</sup> : « Spiritus est, qui vivificat. » « Seminatur » enim <sup>4</sup> « corpus animale, surget corpus spirituale. »

### Articulus tertius.

Postquam praemisit, et præmittendo petitivit bona retributoria; deinde, ne fortasse petitio sit frustratoria, hic promittit bona meritoria, et primo interiorem sermonum Dei custodiam spectantem ad servitutem intrinsecam, sic dicens :

*Sermo-*  
*nes di-*  
*vini cus-*  
*todiendi.* Vinos debemus custodire intelligendo, diligendo, obediendo. Prima custodia sit in parte animae intellectivæ; secunda, in affectiva; tertia, in effectiva. De prima <sup>5</sup> : « Quis sapiens, et custodiet hæc, et intelliget misericordias Domini? » Ecce custodia intellectivæ. De secunda <sup>6</sup> : « Custodivit anima mea testimonia tua, et dilexit ea vehementer : » ecce custodia affectivæ. De tertia <sup>7</sup> : « Etenim servus tuus custodit ea, in custodiendis illis retributio multa : » ecce custodia effectivæ. Denique, postquam promisit bonum meritorium primum, scilicet interiorem sermonum custodiam, spectantem ad servitutem intrinsecam, promittere videtur secundum, videlicet sermonum audientiam, respicientem servitutem extrinsecam, sic dicendo :

### Articulus quartus.

*Sermones tuos*, scilicet quos audiam. Et nota, quod sermones Domini libenter audire debemus propter tres speciales effectus: ut potest quia sanant, vim scilicet concupiscibilem; illuminant, vim scilicet rationalem; armant, vim scilicet irascibilem. De primo <sup>8</sup> : « Neque herba, neque malagma sanavit illos; sed tuus, Domine, sermo, qui sanat omnia : » ecce sermonem sanantem. De secundo dicit Propheta <sup>9</sup> : « Declaratio sermonum tuorum illuminat : » ecce sermonem illuminantem. De tertio <sup>10</sup> : « Singulos illorum armavit non clypei, aut hastæ munitione, sed sermonibus optimis; » ecce sermonem armantem.

<sup>1</sup> Joan., v, 21. — <sup>2</sup> Ibid. — <sup>3</sup> Joan., vi, 63. — <sup>4</sup> 1 Cor., xv, 44. — <sup>5</sup> Psal. cxvi, 43. — <sup>6</sup> Psal. hoc, 107. — <sup>7</sup> Psal. xxviii, 12. — <sup>8</sup> Sap., xvi, 12. — <sup>9</sup> Psal.

### Epilogus.

Dicit ergo Propheta ex viri justi persona, exprimens affectionis fervorem erga supernam delectationem: *Retribue servo tuo*, scilicet interiorum beatitudinem ad stolam animæ pertinentem; *Vivifica me*, quantum ad beatitudinem exteriorum ad stolam corporis attinentem, ecce bona retributoria, quæ promittit. Sequitur: *Et custodiam*, videlicet quantum ad interiorem custodiam, quæ spectat ad servitutem intrinsecam; *Sermones tuos*, scilicet, quos audiam per exteriorum audientiam, quæ respicit servitutem extrinsecam: ecce bona meritoria, quæ promittit.

### VERSICULUS II.

18. *Revela oculos meos*, etc. Versus præambulus præostendit fervorem affectionis respectu supernæ delectationis; versus iste insinuare intendit fervorem ipsius affectionis respectu internæ illuminationis. In quo notare possumus quatuor gradus speculationis: utputa lectionem, admirationem, investigationem, illuminationem. Lectio pertinet ad Scripturas; admiratio ad figuræ; investigatio ad mysticas operturas; illumination ad theorieas aperturas. Cum enim legimus Scripturas, cum miramur Scripturarum figuræ, cum scrutamur, et nudare conamur figurarum mysticas operturas; appare nobis nuda veritas per quasdam theorieas aperturas. Cæterum, quia secundum appetibilium ordinem posteriora prius movent, et ideo priorem locum obtinent; propterea Propheta sequens appetibilium ordinem, procedit in presenti versiculo ordine retrogrado; in primis ordinans illuminationem, deinde investigationem, post admirationem, et inde lectionem. Nos autem, ratione doctrinæ, converso procedemus ordine.

Specula-  
tionis  
gradus  
quatuor.

### Articulus primus.

*De lege tua.* Hoc dicitur quantum ad actum lectionis, quæ prior est secundum ordinem speculationis, licet posterior secundum affectionis. Plane lex a legendō diebitur; unde per legem lectio denotari dignoscitur. Et nota, quod in hac lege debemus legere tripliciter, dolegemus: videlicet prudenter, frequenter, patenter: ut intellectus imbuatur, affectus moveatur, proximus instruatur. De primo <sup>11</sup>: « Legerunt in libro hoc, 130. — <sup>10</sup> II Mach., xv, 11. — <sup>11</sup> II Esdr., viii, 8.

Lex.  
In lego  
quomo-  
dolegen-  
dam.

legis Dei distinete et aperte ad intelligendum, et intellexerunt cum legeretur; » ecce prudens lectio, qua imbuitur legentis ratio. De secundo <sup>1</sup>: « Legerunt in volumine legis Domini Dei sui quater in die, et quater in nocte confitebantur et adorabant Dominum Deum suum: » ecce frequens lectio, qua movetur affectio. De tertio <sup>2</sup>: « Leges verba legis hujus coram omni Israël, audientibus illis, » etc.: ecce patens lectio, qua instruitur audientium multitudine.

#### Articulus secundus.

*Mirabilia.* Hoc scribit quantum ad actum admirationis. Actui enim lectionis succedit actus admirationis, quia dum legimus Scripturas, statim incidimus in figuras. Et nota, quod ista figurarum mirabilia sunt triplicia, quia quædam sunt mirabilia quantum ad usum; quædam, quantum ad auditum; quædam, quantum ad intellectum. Primum pertinet ad figurales operationes; secundum, ad figurales locutiones; tertium, ad figurales visiones. De primo <sup>3</sup>: « Mirabilia opera Altissimi solius, et gloria, et absconsa, et invisa opera illius: » ecce mirabilia figuralem operationum, quia visibles Dei facturæ, invisibilium sunt figuræ. Unde Dionysius, in epistola ad beatum Joannem apostolum in Pathmos insulam relegatum: « Vere, inquit, manifeste imagines sunt visibilia invisibilium. » Idem quoque in epistola ad Titum: « Apparentis, inquit, omnis mundi operatio est invisibilium Dei propositio. » De secundo: « Mirabilia testimonia tua: » ecce mirabilia figuralem lectionum. De tertio <sup>4</sup>: « Dixi viro, qui induitus erat lineis, qui stabat super aquas fluminis: usquequo finis horum mirabilium? » ecce mirabilia figuralem visionum.

#### Articulus tertius.

*Et considerabo.* Hic tangitur actus investigationis. Actui admirationis succedit actus investigationis. Cum enim in lectione Scripturæ nobis occurruunt figuræ, in quibus est opera sive velata veritas per quasdam metaphoricas operulas, considerantes investigamus, et velaturas hujusmodi deponere laboramus. Sed nota, quod consideratio ista facienda est cum diligentia, vehementia, reverentia: utpote diligenter explorando, vehementer laborando, reverenter orando. Quorum primum insinuat, ubi dici-

Figura-  
rum mi-  
rabilia  
tr plecta.

tur <sup>5</sup>: « Diligentius preparate, et curiosius agite, et considerate locum, ubi sit pes ejus. » Hic notantur tria diligentiae præfatæ congruentia, utpote præparare rationem figuræ, agere continuationem Scripturæ, considerare pedem litteræ, ne quid inveniatur proposito repugnare. Sed forte dicetur ab aliquo, quod non sic est in prædicto eloquio. Imo proculdubio: sunt enim verba Saulis, in Gabaa existentis, Ziphæos rogantis de traditione David in deserto Ziph in colle Hachilæ latitantis. Saul interpretatur *abuse*-Saul, quod non convenit nisi stulto; Gabaa *collis* Gabaa. *altitudo*, quod alto convenit officio; Ziphæi Ziphæi. *florentes* vel *germinantes*, quales sunt sapientes; David *aspectu desiderabilis*, qualis est sapientia David. salutaris; Ziph *flos* interpretatur, per quod flos Ziphæi. scientiarum significatur; Hachilæ *suscipiens cum*, Hachilæ quod est altum ejusdem scientie sacramentum. Quid ergo volunt hæc omnia et verba circumadjacentia, nisi quod stultus in alto officio constitutus, sapientes rogat, ut per eos sapientia salutaris in scientiarum flore, in figurali secreto latitans, patefiat, præparando rationem figuræ, agendo continuationem Scripturæ, considerando pedem litteralis lecturæ? Quod etsi faciendum pensetur, quia tamen non ex charitate, sed ex cupiditate requiritur, mancipare effectum non meretur, sicut David in præmisso loco quæsitus legitur, non inventus. Multa quoque tam præcedentia, quam sequentia possunt præhabitæ coaptari sententiæ; quia, sicut Dionysius in *Angelica Hierarchia* <sup>6</sup>: « Non dubitabit perspicax animus pulchre invisibilibus adunare visibilia. » Secundum innuitur, ubi legitur <sup>7</sup>: « Mittite in Cedar, et considerate vehementer. » Cedar *tenebrae* vel *nigredo* interpretatur, per Cedar. quod tenebrosa sententia designatur. Ad investigandam autem sententiam tenebrosam, oportet mittere intelligentiam luminosam, et vehementiam studiosam. Tertium notatur, ubi scribitur <sup>8</sup>: « Quis consideravit verbum illius, et audivit? » In quo notare possumus, quanta reverentia, et reverenti instantia debemus Dominum prævenire, ut valeamus reserare et erudire, quæ nec considerare sufficiimus, nec audire: quia profecto in talibus plus proficit oratio, quam meditatio: imo secure audeo dicere, quod brevitas orationis nonnunquam impetrat quod prolixitas meditationis non penetrat.

<sup>1</sup> *il Esdr.*, ix, 3. — <sup>2</sup> *Deut.*, xxxi, 11. — <sup>3</sup> *Eccli.*, xi, 4. — <sup>4</sup> *Dan.*, xii, 6. — <sup>5</sup> *I Reg.*, xxiii, 22. —

<sup>6</sup> *Dion*, *de cœl. Hierarch.*, c. I. — <sup>7</sup> *Jerem.*, II, 10. —

<sup>8</sup> *Ibid.*, xxiii, 18.

Casi-  
o ratio  
la re  
scriptu-  
re qualis

Oratio-  
nis vis.

*Articulus quartus.*

*Revela oculos meos.* Hic exprimitur actus illuminationis, quæ perficit actum investigationis. Tunc enim veritatis investigatio est perfecta, cum veritas est detecta. Tunc veritas investigantem illuminat, cum ille velamina veritatis eliminat. Revelatio ergo est illuminatio quæ petenda (*a*) proponitur, quia magis ad divinum beneficium, quam ad humanum ingenium pertinere dignoscitur. Et nota, quod tripliciter revelatur veritas quantum ad mysticas intelligentias, utputa quantum ad allegorias, tropologias, anagogias. Prima pertinet ad credenda; secunda, ad operanda; tertia, ad speranda. De prima revelatione, ubi dicitur de Domino<sup>1</sup>: « Ipse revelat profunda et abscondita, et novit in tenebris constituta; » ubi loquitur Daniel de adventu Christi, et regni christiani: unde pertinet ad allegoriam. De secunda, ubi dicitur ab Angelo<sup>2</sup>: « Opera Dei revelare et confiteri honorificum est; » ubi loquitur de pietatis operibus, quæ operatur in justis Dominus: unde pertinet ad tropologiam. De tertia legitur, ubi dicitur<sup>3</sup>: « Vox Domini præparantis cervos, et revelabit condensa; » ubi loquitur de illuminatione speculativorum, et speculatione cœlestium secretorum: unde pertinet ad anagogiam.

*Epilogus.*

Dicit itaque Propheta loquens in viri justi persona, et exprimens affectus fervorem erga illuminationis splendorem: *Revela oculos meos*, quantum ad illuminationem pertinentem ad theorias aperturas; *et considerabo*, quantum ad investigationem attinentem ad metaphoricas operturas; *Mirabilia*, quantum ad admiracionem, quæ pertinet ad figuræ; *De lege tua*, quantum ad lectiōnem, quæ pertinet ad Scripturas.<sup>4</sup>

*VERSICULUS III.*

19. *Incola ego sum*, etc. Sicut versus praecedens innuebat affectionis fervorem erga internam illuminationem; sic præsens innuit ejusdem fervorem erga meritoriam actionem. Appetitus autem cœlestium parit contemptum terrestrium.

Appetitus cœlestium parit terrena sapientiam, mundana desi-

piunt. Unde nimis quatuor consideranda concurrunt circa præsentem versiculum: vide-  
liet, affectus *fastidium* circa terrenum *studium*,  
et ipsius *incendium* circa divinum *imperium*. In  
fastidio onerositas; in studio infructuositas; in  
incendio, vel incenso desiderio, virtuositas; in  
imperio fructuositas.

*Articulus primus.*

Quantum ad primum, dicitur in viri justi persona: *Incola ego sum*, per hoc innuens affectum fastidiosum, et incolatum onerosum. Unde nota, quod viri justi conversantes in cœlis secundum hominem interiorem, in terris secundum exteriorem, sunt in cœlis sicut cives, in terris sicut hospites: ibi sicut indigenæ; hic autem sicut incolæ. Tales autem incolæ in incolatu præsentis misericordie solent tædio affici occasione triplici: tum quia nonnullos inveniunt dyscolos; tum quia multos malevolos; tum quia paucos benevolos. Primi nolunt prodesse; secundi volunt obesse; tertii vellent, si valerent, prodesse. De primo<sup>5</sup>: « Ne contendas adversus hominem incolam (*b*) frustra, cum ipse nihil tibi mali fecerit. » Hic prohibetur filiis hujus sæculi, ne fiant adversus incolas dyscoli. De secundo<sup>6</sup>: « Heu mihi, quia incolatus meus prolongatus est: habitavi cum habitantibus Cedar. » Cedar interpretatur *tenebrae*: habitantes Cedar sunt tenebrarum filii, videlicet malevoli: unde liquet, quam molestum sit incolis habitare cum malevolis. De tertio<sup>7</sup>: « Cum essent numero brevi, paucissimi et incole ejus. » De benevolis loquitur, in quibus paucitas numero scilicet, perpaucitas merito reperitur.

*Articulus secundus.*

Quantum ad secundum, subdit Propheta: *In terra*, per hoc indicans terrenam studiositatem, et ipsius infructositatem. Terra quippe sunt, qui terrena sapiunt. Terra quoque terrena est sapientia, non propter terrenam substantiam, sed propter terrenam circumstantiam; et universaliter terra dicuntur, quicumque tali circumstantia vestiuntur. Hujus terræ, id est, terrena sapientiae studia sunt infructuosa, immo periculosa, propter quadruplicem rationem: *terrena sapientia studia sunt infructuosa, immo periculosa, propter quadruplicem rationem*.

<sup>1</sup> *Dan.*, II, 22. — <sup>2</sup> *Tob.*, XII, 7. — <sup>3</sup> *Psal.* XXVIII, 9. — <sup>4</sup> *Prov.*, III, 30. — <sup>5</sup> *Psal.* CXIX, 5. — <sup>6</sup> *Psal.* CIV, 12. — (*a*) *Edit.* Ven. petendo. — (*b*) *Vulg.* non habet incolam. *Apud LXX sic legitur: Μὴ στέγομεν της*

*πρὸς ἄνθρωπον μάτην, μήτι σε εργάσηται κακόν*; id est: *Noli inimiculas exercere adversus hominem sine causa, ne quod tibi operetur malum*: quod magis convenit cum hebreo.

videlicet propter agitationem, commotionem, contritionem, confractionem: agitant enim intelligentiam. comuovent concupiscentiam, conterunt conscientiam, confringunt innocentiam. De primo<sup>1</sup>: « Agitatione agitabitur terra, » quasi dicat: Agitatione terrena sapientiae per diversa studia agitabitur terrena intelligentia. Quid enim, nisi terrena cogitant, quos studia terrena agitant? De secundo<sup>2</sup>: « Commotione commovebitur terra, » quasi dicat: Commotione terrena intelligentiae commovebitur terrena concupiscentia. Nam qui tota die considerant terrestria, quid desiderant, nisi terrestria? De tertio<sup>3</sup>: « Contritione conteretur terra, » quasi dicat; contritione terrena concupiscentiae conteretur terrena conscientia: cum enim pauperrimam dissolvitur concupiscentiae pronitas, pedentem resolvitur conscientiae bonitas. De quarto<sup>4</sup>: « Confractione confringetur terra, » quasi dicat: Confractione terrena conscientiae confringetur terrestrium innocentia: faciliter enim confringitur innocentia, quae non constringitur a conscientia: conscientia vero, quae non stricta, sed resoluta est, quomodo constringere potest?

#### *Articulus tertius.*

Quantum ad tertium, addit: *Non abscondas a me*. Per hoc intimat desiderii aestuationem, et ipsius virtuositatem. Petit enim affectuose, quod appetit virtuose: nisi enim appeteret amplecti, non peteret non abscondi. Nec insulse dicit: *Non abscondas a me*: ac si diceret aperte: Non abscondas tua a me, qui non abscondo mea a te. Et nota, quod tria præcise debemus non abscondere, cum opportunitas id videtur exigere: ut puta justitiam immissam, injustitiam permissam, pecuniam commissam. Primum potissime non debemus abscondere in contritione; secundum in confessione; tertium in satisfactione. De primo<sup>5</sup>: « Justitiam tuam non abscondi in corde meo, » scilicet plane contrito et humiliato, quasi diceret: Non abscondi justitiae tuae aspectum, per quam contrivi injustitiæ meæ affectum. Qualiter enim possem conterere radicem injustitiæ in mortariolo conscientiae, nisi tuæ pistillo justitiæ? De secundo<sup>6</sup>: « Delictum meum cognitum tibi feci, » etc., quasi diceret: Notum feci delictum omissionis, nec abscondi injustitiam commissionis, ne tu abscondas gratiam remissionis: non debet

<sup>1</sup> *Iba*, 20. — <sup>2</sup> *Ibid.*, 19. — <sup>3</sup> *Ibid.* — <sup>4</sup> *Ibid.* — <sup>5</sup> *Psol.* 33, 11. — <sup>6</sup> *Psol.* 33, 5. — <sup>7</sup> *Ecli.*,

ergo abseondere peccator miseriam, ne abseendet Salvator misericordiam. De tertio<sup>7</sup>: « Perde pecuniam propter fratrem et amicum, et non abscondas illam sub lapide in perditionem, » quasi dicat: *Perde temporalem retributionem*, non praestolando *pecuniam*, peccata eleemosynis redimendo; propter *fratrem et amicum*, id est, propter fraternitatis amorem pauperi succurrendo; et non abscondas illam sub lapide, id est, lapideo corde, cor tuum quasi lapidem indurando; *in perditionem*, id est, vitam beatam perdendo. Felix ergo, qui perdit pecuniam, ut cum ea perdat miseriam. Infelix, qui perdit vitam æternalem, ne perdat pecuniam temporalem.

#### *Articulus quartus.*

Quantum ad quartum, superaddit: *Mandata tua*; per hoc implicans divinum imperium, et fructum ejus nimium. Mandata quippe divina sunt nimium fructuosa: unde pro sua præcelerentia dicuntur via, veritas, vita: via, scilicet in patriam nos reducens; veritas, in patriam nos conduceens; vita, in patriam nos inducens. De primo<sup>8</sup>: « Viam mandatorum tuorum cuerri: » ecce quia mandata sunt via. Hanc viam currimus internis pedibus, ut ad patriam, a qua decidimus per inobedientiam, recurramus per obedientiam. De secundo<sup>9</sup>: « Omnia mandata tua veritas. » Mandata dicuntur veritas, quia lucentia sicut veritas, quia ducentia per justitiae semitas. De tertio<sup>10</sup>: « Scio quia mandatum ejus vita æterna est, » scilicet causaliter: nam mandatum est causa vite æternæ, nec solum meritoria, sed et introductoria, dicente Domino in eodem capite<sup>11</sup>: « Si vis ad vitam ingredi, serva mandata. »

#### *Epilogus.*

Dicit itaque Propheta: *Incola ego sum*, quantum ad fastidium onerosum; *In terra*, quantum ad studium infructuosum; *Non abscondas a me*, quantum ad desiderium virtuosum; *Mandata tua*, quantum ad imperium fructuosum.

#### *VERSICULUS IV.*

20. *Concupivit anima mea*, etc. Enucleatus est in præmissis fervor affectionis respectu supernæ delectationis, respectu internæ illuminationis, respectu meritoriae actionis, sicut patet in tribus xxix, 13. — <sup>8</sup> *Psal.* hoc, 32. — <sup>9</sup> *Ibid.*, 86. — <sup>10</sup> *Joan.*, xii, 50. — <sup>11</sup> *Imo Matth.*, xix, 47.

Tria non  
sunt ab-  
scon-  
den-  
da.

**Dilectio.** versiculis prænotatis ; hic ostenditur fervor affectionis respectu gratuitæ, seu gratificæ dilectionis. Dilectio talis dicitur esse actus inclitus, voluntate genitus, charitate vestitus, justitia nutritus, perseverantia custoditus. Ideoque, quantum mihi nosse permittitur, quadrupliciter in hoc versu describitur : videlicet in quantum dignitur, in quantum vestitur, in quantum nutritur, et in quantum custoditur. Voluntas est pariens; charitas vestiens; justitia nutriendis; perseverantia custodiens.

*Articulus primus.*

Vis audire voluntatem animæ parientem? Audi Prophetam dicentem : *Concupivit anima mea.* Quid est, *anima concupivit*, nisi, voluntas animæ parturiit : et quis parturientis fœtus, nisi dilectionis actus? Sed nota breviter, quod voluntas concupiscit, sive parturit tripliciter : videlicet irrationaliter, rationabiliter, super-rationabiliter. Primo modo parturit, quasi ex contagio passionis; secundo, quasi ex semine rationis; tertio, quasi ex semine unctionis. Prima concupiscentia prohibetur, cum dicitur<sup>1</sup> : « Non concupisces uxori proximi tui, non domum, non agrum, » etc. Hic prohibetur concupiscentia irrationalis voluntatis, quæ parturit ex contagio sensibilis passionis. Secunda concupiscentia suadetur<sup>2</sup> : « Sicut modo geniti infantes rationabiles (*a*) sine dolo lac concupiscit, ut in eo crescat in salutem. » Hic suadet Apostolus rationabiliter rationabilibus concupiscentiam rationalem ex rationis consilio parientem, ut crescere valeant in concupiscentiam salutarem. Tertia concupiscentia recensetur per Prophetam, cum psallitur<sup>3</sup> : « Concupiscit et deficit anima mea in atria Domini, » etc. Ecce supernaturalis concupiscentia voluntatis parientis ex donario, vel seminario unctionis, quæ concupiscit per celestium dilectionem, sed deficit propter dilationem. Ecce patet, quod actus dilectionis est rationalis, cum sit actus voluntatis, non sensualitatis.

**Voluntas. Sensualitas.** Voluntas enim est appetitus intellectivus, sicut sensualitas sensitivus; nec solum est rationalis actus, sed et rationaliter natus, cum sit ex rationis consilio, non ex passionis contagio procreatus. Verumtamen adhuc informis est et inermis, nisi superveniat concupiscentia super-

rationalis, quæ illum formet, tanquam virtus formalis, et armet, vel ornet, tanquam habitus spiritualis.

*Articulus secundus.*

Vis videre concupiscentiam concupiscentie supervenientem et supervestientem? Vide Psal-mographum subscriptem : *Desiderare*, etc. Quid est desiderare, nisi concupiscere? Ecce concupiscentia superaddita concupiscentiae, tanquam forna materiæ, scilicet concupiscentia charitatis, concupiscentiae voluntatis: non dico successione temporis, sed distinctione originis; ut sit actus gratuitæ dilectionis, tam voluntati, quam charitati communis, productus materialiter ex consilio rationis, sed formaliter ex beneficio unctionis; ex rationali voluntate laudabilis, ex superrationali charitate remunerabilis. Sed nota, quod ex charitate tria debemus desiderare: videlicet divinam justitiam; divinam complacentiam; divinam cohærentiam. Primum desiderium est reformativum; secundum conformativum; tertium transformativum. De primo intelligitur quod legitur<sup>4</sup>: « Anima mea desideravit te in nocte. » Justificari namque desiderat, cum in lacrymis compunctionis pernoctat. De secundo non absurde accipitur, quod scribitur<sup>5</sup>: « O quam pulchra est casta generatio cum claritate! Immortalis est enim memoria illius: quoniam et apud Deum nota est, et apud homines. Cum præsens est, illam imitantur; et desiderant eam, cum se eduxerit, et in perpetuum coronata triumphat. » Quæ est ista tam pulchra, tam casta, tam clara generatio, nisi pulchritudo justitiae, quam castitas concepit ex charitate, id est, beatissima Virgo de Spiritu sancto? Hujus revera immortalis est memoria: hujus apud Deum et homines celebris est notitia: hanc imitantur passam in terris, sibi compatientes; hanc desideramus coronatam in cælis, sibi complacere studentes. De tertio patenter exponitur quod proponitur<sup>6</sup>: « Sub umbra illius, quem desideraveram, sedi, et fructus ejus dulcis gutturi meo. » Verba namque sunt sponsæ sedentis per vacationem sub umbra sponsi, per umbratilem speculationem desiderantis illius dilucidam contemplationem, et recipientis aliquam fruitionem.

Triade  
sideran-  
da ex  
charitate

<sup>1</sup> Deut., v, 21. — <sup>2</sup> I Petr., II, 2. — <sup>3</sup> Psal. LXXXIII, 3. — <sup>4</sup> Isa., XVI, 9. — <sup>5</sup> Sap., IV, 2. — <sup>6</sup> Cant., II, 3.

(a) Vulg. rationabile.

*Articulus tertius.*

Liquet itaque quomodo gratuitæ dilectionis actus dignitur et vestitur. Si volumus scire quæliter et nutritur, consideremus quod sequitur : *Justificationes tuas*. Ecce per optimam nutritiōnem ad nutriendam dilectionem propter tripli-cem rationem : quia justificatio mundificat, vivificat, salvificat : quorum primum pertinet ad imaginem ; secundum ad similitudinem ; tertium ad beatitudinem. De primo<sup>1</sup> : « Fiat cor meum immaculatum in justificationibus tuis : » ecce justificatio mundificans, imaginem reparando. De secundo<sup>2</sup> : « Non obliviscar justificationes tuas, quia in ipsis vivificasti me : » ecce justificatio vivificans, similitudinem comparando. De tertio<sup>3</sup> : « Salvum me fac, quoniam justificationes, » etc. : ecce justificatio salvificans ad beatitudinem preparando. Cæterum, quia parum proficit gratuitam dilectionem oriri, vestiri, nutritri, nisi proficiat custodiiri; pensandum est, quod dicit Propheta de ipsis custodia.

*Articulus quartus.*

*In omni tempore*. Quid est *in omni tempore*, nisi continuo? Continuatio ergo temporis requiritur ad custodiām dilectionis : quod proprium est perseverantiae finalis. Et nota, quod ista continuatio temporis debet esse trimembra : utputa mentalis, corporalis, vocalis; ut omni tempore sit charitas in mente, castitas in corpore, laus in ore. De primo<sup>4</sup> : « Ama Dominum Deum tuum, et serva præcepta ejus omni tempore : » ecce custodia mentalis. De secundo<sup>5</sup> : « Omni tempore sint vestimenta tua candida. » Quæ est vestis candida, nisi conversatio casta? Ecce custodia corporalis. De tertio<sup>6</sup> : « Omni tempore benedic Deum : » ecce custodia vocalis. »

*Epilogus.*

Dicit ergo Propheta in viri justi persona, innuens fervorem respectu gratuitæ dilectionis : *Concupivit anima mea*, quantum ad voluntatem parientem; *Desiderare*, quantum ad charitatem vestientem; *Justificationes tuas*, quantum ad justitiam nutrientem; *In omni tempore*, quantum ad perseverantiam custodientem.

<sup>1</sup> *Psal.* hoc, 80. — <sup>2</sup> *Ibid.*, 93. — <sup>3</sup> *Ibid.*, 94. — <sup>4</sup> *Deut.*, xi, 1. — <sup>5</sup> *Ecli.*, ix, 8. — <sup>6</sup> *Tob.*, xv, 20. — <sup>7</sup> *Tit.*, i, 10. — <sup>8</sup> *Ibid.*, 13. — <sup>9</sup> *Gen.*, xxi, 25 et seq. — <sup>10</sup> *Psal.* cxl, 5. — (*a*) *Edit.* *Ven.* propositus.

*VERSICULUS V.*

21. *Increpasti*, etc. In praecedenti quaternario tractatum est de justorum fervore quantum ad interiore affectum ; in præsenti quaternario tractatur de tepore justorum quantum ad exteriorem effectum. Iste tepor interdum evenire dignoscitur per effectum aspectum, et despectum : defectus subsequitur. In hoc primo versu adhibetur remedium contra tepon extrinsecum, vel defectum recogitandi quid postpositum, quid præpositum, quid omissum, quid admissum. Postpositus est timor inrepans ; præpositus (*a*) tumor crepans ; omissus fervor maledicens ; admissus tepor malefaciens.

*Articulus primus.*

*Increpasti*; ecce prima vox ostendens, quid tepidus primo recogitat, quia timorem, quem postposuerat, per quem Deus peccantes increpat. Hic possumus notare, quod Deus per se vel suos videtur peccantes tripliciter increpare, Deus tri-  
pliciter  
peccan-  
tesinre-  
pat.  
videlicet potenter, prudenter, clementer : potenter increpat peccantes ex industria ; prudenter, peccantes ex ignorantia ; clementer, peccantes ex potentia. De primo scribitur ab Apostolo<sup>7</sup> : « Sunt multi inobedientes, vanilozzi, seductores. » Et infra<sup>8</sup> : « (Quos tu) increpa dure, » ac si dicat : potenter peccantem, libenter et scienter, debes increpare potenter. De secundo<sup>9</sup> : « Abraham increpavit Abimelech propter puteum aquæ quem vi abstulerant servi illius. Responditque Abimelech : Nescivi, quis fecerit hanc rem, sed et tu non indicasti mihi. » Ecce quomodo peccans ignoranter increpatur prudenter ; quia veritas corrigit, quem severitas non constringit. De tertio canitur in Psalmo<sup>10</sup> : « Corripet me justus in misericordia, et increpabit me ; » quasi dicat : Quia peccavi ex infirmitatis miseria, *corripet me justus in misericordia*, et *increpabit me*, ex compassione, non ex indignatione : quia vera justitia habet compassionem ; falsa autem indignationem.

*Articulus secundus.*

*Superbos*. Ecce secunda vox extra reserat, quod tepidus intra se considerat. Plane superbos considerat, quia superbire coeperal; sed fuerat increpatus, et crepare desierat ; et ideo de superbis non superbe deliberat, quomodo cor eorum Deus timore increpat, quomodo cor

**Superbi.** eorum tumore crepat, ut tumorem crepantem præponat, et timorem increpantem postponat. Ideoque superbi sunt merito increpandi. Sed nota, quod sunt superbi mali, pejores, pessimi. Mala est superbia cordis, pejor oris, pessima operis. De primis<sup>1</sup>: « Sieut perdix inducitur in caveam, et ut capra in laqueum ; sic et cor superborum : » ac si aperte diceret : Sieut animalia tam volatilia, quam gressibilia, capiuntur, et illaqueantur ab hominibus, sic corda superborum tam contemplativorum, quam activorum, a dæmonibus. De mediis<sup>2</sup>: « Inter superbos semper jurgia sunt ; » unde vesicæ tumidae similes sunt, quæ creparet, nisi ventum intrinsecum per jurgium eructaret. De ultimis<sup>3</sup>: « Superbus et arrogans vocatur indoctus, qui in ira operatur superbiam : » quasi diceret : Superbus, qui se doctum opinatur, tunc indoctus esse probatur, cum iratus superbiam operatur.

*Articulus tertius.*

*Maledicti.* Ecce tertia vox, quæ ostendit quid tepidus parvipendit, quia charitatis fervorem, maedicentis teporem. Vis audire quorum? Erudientium, audientium, custodientium. Primum pertinet ad prælatos; secundum ad subditos: tertium ad universos. De primo<sup>4</sup>: « Maledictus, qui prolibet gladium suum a sanguine. » Gladius est verbum prædicationis; sanguis, contagium prævaricationis. Gladius sanguinem effundit, cum verbum prædicationis contagium prævaricationis confundit. De secundo<sup>5</sup>: « Maledictus vir, qui non audierit verba pacti hujus, quod præcepi patribus vestris. » Istud pactum non audiunt, qui a veritate doctrinæ auditum avertunt, et ad fabulas se convertunt. De tertio<sup>6</sup>: « Maledictus, qui non permanet in sermonibus legis hujus, nec ea opere perficit. » Permanere pertinet ad affectum; perficere, ad effectum.

*Articulus quartus.*

*Qui declinant a mandatis tuis.* Ecce vox ultima, quæ determinat quod tepidus a mandatis tanquam a via veritatis declinat. Et nota, quod diversi declinant diversimode: quidam namque declinant cum bove calcitrante; quidam cum vacca lasciviente; quidam cum asina locum dante. Prima declinatio est immatura;

<sup>1</sup> *Ecli.*, xi, 32. — <sup>3</sup> *Prov.*, XIII, 10. — <sup>2</sup> *Prov.*, XXI,

secunda impura: sed tertia secura. De primo<sup>7</sup>: « Calcitrabant boves, et declinaverunt aream. » Tales sunt motus brutales et immaturi, qui dum rationi recalcitrant, aream sanctificationis inclinant. De secundo<sup>8</sup>: « Sieut vacca lasciviens, declinavit Israel. » Tales sunt affectus bestiales impuri, qui derelinquentes disciplinam, declinant ad ruinam. De tertio, ubi dicit Angelus ad Balaam<sup>9</sup>: « Nisi asina declinasset a via dans locum resistenti, te occidisse, et illa viveret. » Sed quid hoc ad propositum? Multum quidem per omnem modum; nam *Balaam* significat appetitum superiore, sive *Balaam* rationali; *asina* inferiorem, sive animalem; *Asina*, via, errorem: *declinatio*, timorem; *Angelus*, correctionem. Bicit ergo Angelus, id est, corrector, quod nisi *asina*, id est, appetitus inferior, a viæ suæ errore declinasset præ timore, appetitus superior mortuus fuisse morte spirituali, et inferior viveret vita carnali.

*Epilogus.*

Et hoc est, quod dicit Propheta in persona viri justi, propter effectus sui aspectum et despectum, in defectum seu teporem delapsi, et defectum hujusmodi interius coram Deo recognitantis, et dicentis: *Incepasti*, per timorem increpantem, quem postposui; *Superbos*, per tumorem crepantem, quem preposui; *Maledicti*, per fervorem maedicentem, quem omisi; *Qui declinant a mandatis tuis*, per teporem malafacientem, quem admisi.

*VERSICULUS VI.*

22. *Aufer a me opprobrium*, etc. Vir justus, qui propter justitiae suæ effectum ab aliis aspectum et despectum deciderat in teporis seu pusillanimitatis defectum, in præcedenti versiculo remedium adhibuit contra hujusmodi defectum, ipsum humiliiter recogitando. In praesenti vero remedium adhibet contra despectum, impatientiæ suæ solatum divinitus flagitando. Unde versiculi praesentis videtur esse continentia quadrimembris: primo namque notatur impatientia; secundo impatientiæ causa, scilicet contumelia; tertio contumelie causa, videlicet calumnia; quarto calumniae occasio, quæ fuit justitiae observantia. Quorum primum pertinet

<sup>2</sup> — <sup>4</sup> *Jerem.*, XLVIII, 10. — <sup>5</sup> *Ibid.*, XI, 3. — <sup>6</sup> *Deut.*, XXVII, 26. — <sup>7</sup> *II Reg.*, VI, 6. — <sup>8</sup> *Ose.*, IV, 16. — <sup>9</sup> *Num.*, XXII, 33.

ad affectum ; secundum ad affatum ; tertium  
ad despectum ; quartum ad effectum.

#### *Articulus primus.*

Impatientia igitur prænotatur, cum dicitur : *Aufer a me.* Petens enim auferri impatientiae suæ causam, præsupponit impatientiam fuisse causatam. Unde rogit auferri causam illius, quatenus, ablata causa, auferatur effectus. Nam proculdubio<sup>1</sup>, nisi sentiret illationem, non perteret ablationem, dicendo : *Aufer a me.* Et nota,

<sup>Impa-</sup>  
<sup>tientia.</sup> quod non insulsa petit impatientiam auferri a se triplici ratione : quoniam impatientia est impietas, iniquitas, et infirmitas : per respectum ad Deum, ad proximum, ad seipsum. De pri-  
mo competenter accipitur, quod dicitur<sup>1</sup> : « Au-  
fer impietatem de vultu regis, et firmabitur  
justitia thronus ejus : » ac si diceretur apertius : *Aufer impietatem impatientiae de rationis facie respectu superiorum, et justitia firmabitur thronus ejus respectu inferiorum* ; quia si pietatem habet ad suum superius, non habebit impietatem ad suum inferius. De secundo congruenter intelligitur, quod scribitur<sup>2</sup> : « Convertimini ad Dominum, et dicite ei : Omnem aufer iniquitatem. » Quod ait : *Convertimini*, accipitur respectu sui ; quod addit : *ad Dominum*, respectu Dei ; quod autem superaddit : *Et dicite ei, om-  
nem aufer iniquitatem*, respectu proximi. De ter-  
tio condecenter exponitur, quod proponitur<sup>3</sup> : « Auferet a te Dominus omnem languorem, et omnes infirmitates Ægypti pessimas. » Languor pertinet ad perversitatem concupiscentiae ; sed infirmitas pessima, ad perversitatem conscientiae, quæ nonnunquam accidit peccato im-  
patientiae.

#### *Articulus secundus.*

Impatientiae causa, scilicet contumelia subno-  
tatur, cum dicitur : *Oprobrium* : quia nimisrum propter opprobria exprobrantium plerumque justi corruunt in impatientiae vitium. Et nota  
<sup>Oppro-  
brium  
triplex  
caven-  
dum  
bonis.</sup> triplex opprobrium, quod specialiter est caven-  
dum a bonis : videlicet opprobrium remissio-  
nis, omissionis, et commissionis. In primo debili-  
tas ; in secundo sterilitas ; in tertio quasi genti-  
litas. Ad primum respicit, quod David dicit<sup>4</sup> : « Nunc vadam, et auferam opprobrium populi, » videlicet opprobrium debilitatis. Populus debili-  
lis est, qui adversus Philisthem, id est, dia-

bolum, dimicare non potest. Ad secundum op-  
probrium aspicit, quod Rachel ait<sup>5</sup> : « Abstulit Deus opprobrium meum, » videlicet oppro-  
brium sterilitatis. Steriles diei possunt, qui sic contemplationis gratiam diligunt, quod actionis fructum negligunt. Ad tertium spectat, quod Dominus asseverat<sup>6</sup> : « Hodie, inquit, abstuli opprobrium Ægypti a vobis, » hoc est oppro-  
brium gentilitatis. Quasi gentiles possunt dici, qui non sunt a carnalibus desideriis circumcisi.

#### *Articulus tertius.*

Contumeliae causa, ut puta calumnia denota-  
tur, cum additur : *Et contemptum*, quia non-  
nunquam in contumelias proximorum irruunt,  
qui abjectas eorum circumstantias calumniari non metunt. Et nota, quod calumniatorum contemptus versari solet circa triplices proximorum defectus : utpote circa defectus corpo-  
rales, temporales, morales : quorum primi pertinent ad defectum naturæ; secundi, ad defectum fortunæ; tertii, ad defectum prudentiæ. Primo modo loquitur Lia<sup>7</sup> : « Quoniam audivit Dominus me haberi contemptui, dedit Dominus etiam istum mihi. » Ecce contemptus corporalis defectus pertinentis ad naturam. Secun-  
do modo loquitur Sapiens<sup>8</sup> : « Hoc est pessimum inter omnia quæ sub sole fiunt, quod eadem cunctis eveniunt : unde et corda filiorum homi-  
num implentur malitia et contemptu in vita sua. » Ecce contemptus temporalis defectus, spectantis ad fortunam. Tertio modo loquitur Salomon<sup>9</sup> : « Doctrina sua cognoscitur vir; qui autem vanus et excors est, palebit contemptui. » Ecce contemptus moralis defectus respicientis ad prudentiam.

#### *Articulus quartus.*

Effectus justitiae, qui fuit occasio calumniae,  
connotatur, cum superadditur : *Quia testimonia tua exquisivi.* Testimonia Dei exquirit, qui per Dei testimonia Deum perquirit. Quæ sunt hæc testimonia, nisi virtutum moralium et intellec-  
tualium exercitia, divine voluntati et veritati attestantia ? Talia Dei testimonia justus exquisi-  
vit, cum ipsum per calumniatorem Satanam ex-  
petivit. Et nota, quod Deus solet exquiri tripli-  
citer : videlicet intellectualiter, affectualiter, manualiter; id est, considerando, desiderando, tur.  
Deus tri-  
pliciter  
exquiri-  
tur.

<sup>1</sup> Prov., xxv, 5. — <sup>2</sup> Ose., xiv, 3. — <sup>3</sup> Deut., vii, 15. — <sup>4</sup> I Reg., xvii, 36. — <sup>5</sup> Gen., xxx, 23. — <sup>6</sup> Jos., xii, 8.

Judices  
diversis  
modis  
dicuntur  
sedere.

phus ait ita<sup>1</sup>: « Exquisivit te facies mea. » Quæ est facies illa, nisi superior rationis facies, quæ est divinorum speculativa? De secundo psallit Prophetæ<sup>2</sup>: « In toto corde meo exquisivi te. » Per cordis totalitatem possumus accipere perfectam voluntatem, quia secundum Philosophum<sup>3</sup>, *totum et perfectum* idem: licet illud verbum aliter possit exponi, sicut superius est expressum. Hic enim totum exponitur collective; sed superius divisive. De tertio dicit Psalmographus<sup>4</sup>: « Deum exquisivi manibus meis, » id est, manualibus pietatis exercitiis.

#### Epilogus.

Ait ergo justus propter contumeliam et calumniam prolapsus in impatientiam, petens divinitus impatientię suæ, tanquam infirmitatis pessimæ, medicinam: *Aufer a me*, propter impatientiam causatam in me, pertinentem ad affectum; *Oprobrium*, quantum ad contumeliam, impatientiae causam, attinentem ad affatum; *Et contemptum*, quantum ad calumniam, contumeliae causam, spectantem ad despctum; *Quia testimonia tua exquisivi*, quantum ad justitiam, calumniae occasionem non datam, sed acceptam, respicientem effectum.

#### VERSICULUS VII.

23. *Etenim sederunt principes*, etc. Viri justi animus tepefactus propter inspectionem et despectionem laudabilis actus, adhibito remedio circa tepefactionem et despectionem; hic adhibetur remedium circa inspectionem, meditando miserabilem inspectorum abusionem. Unde profecto in præsenti versiculo notantur inspectores inordinati, et perversi ordine perverso, sive retrogrado, tanquam curiosi, murmurosi, furiosi, et injuriosi. Quæris quomodo? Curiosi, suspicando; murmurosi, mordicando; furiosi, alienum jus sibi vendicando; injuriosi, alienam justitiam temerarie judicando.

#### Articulus primus.

Inspectorum injuriositas elucescit, cum Psalmista premittit: *Etenim sederunt*; ac si diceret: Non est mirabile si despixerunt, quia misericorditer inspexerunt. *Etenim sederunt*, tanquam judices; sed temere sederunt, quia temerarie judicantes, et alienæ justitiae præjudicantes. Et

<sup>1</sup> Psal. xxvi, 8. — <sup>2</sup> Psal. hoc, 10. — <sup>3</sup> Arist., de Cœl., lib. I. — <sup>4</sup> Psal. LXXVI, 3. — <sup>5</sup> III Reg., VII, 8.

nota, quod judicium est sedere, sed diversorum diversimode. Quidam sedent ad judicandum justitiam, dissipandum malitiam, consolandum tristitiam, consequendum innocentiam: quorum primum pertinet ad justitiae sinceritatem; secundum, ad severitatem; tertium, ad pietatem; quartum, ad impietatem. De primo<sup>6</sup>: « Fecit Salomon domunculam, in qua sedebat ad judicandum, » scilicet justitiam: ecce sinceritas. De secundo<sup>7</sup>: « Rex, qui sedet in solio judicij, dissipat omne malum intuitu suo: » ecce severitas. De tertio<sup>8</sup>: « Cum sederem, quasi rex, circumstante exercitu, eram tamen mœrentium consolator: » ecce pietas. De quarto<sup>9</sup>: « Sedit Demetrius (qui interpretatur nimium persequens) super sedem regni sui: » ecce impietas.

#### Articulus secundus.

Furiositas innotescit, cum Prophetæ subiungit: *Principes*. Quo pacto? non de jure, sed de facto; non ordinaria jurisdictione, sed temeraria usurpatione. Unde non est mirabile, si sederunt judicantes injuriose, qui facti fuerunt principes furiose. Et nota de talibus furiosis principibus, quod comparantur ursis esurientibus, leonibus rugientibus, et lupis rapientibus. Habent enim similitudinem ursorum esurientium, propter furiosum desiderium; leonum rugientium, propter furiosum eloquium; luporum rapientium, propter furiosum exercitum. De primo<sup>10</sup>: « Ursus esuriens, princeps impius super populum pauperem: » ecce furiosa voracitas. De secundo<sup>11</sup>: « Principes ejus in medio ejus, quasi leones rugientes: » ecce furiosa minacitas. De tertio<sup>12</sup>: « Principes ejus in medio illius, quasi lupi rapientes prædam: » ecce furiosa rapacitas.

#### Articulus tertius.

Murmurositas queque clarescit, cum Psalmographus ipse subnecit: *Et adversum me loquebantur*. Adversa locutio est murmurantium oblocutoria mordicatio. Et nota, quod loquenles murmurose loquuntur male, aspere, et temere: male quidem propter malignitatem materialem, quia loquuntur de malo; aspere autem propter asperitatem formalem, quia non solum loquuntur de malo, sed etiam malo modo; temere vero propter temeritatem finalem, quia

<sup>6</sup> Prov., xx, 8. — <sup>7</sup> Job, xxix, 23. — <sup>8</sup> I Mach., VII, 4. — <sup>9</sup> Prov., XXVIII, 15. — <sup>10</sup> Sophon., III, 3. — <sup>11</sup> Ezech., XXII, 27.

non tantum loquuntur de malo, et modo malo, sed etiam sine malo. De primo<sup>1</sup>: « Simon autem pecuniarum et patriæ delator male loquebatur de Onia; » plane male loquebatur, quia de malo loquebatur, et malitia erat loquendi materia. De secundo, ubi dixit Dominus ad Laban<sup>2</sup>: « Cave, ne quidquam aspere loquaris contra Jacob: » ubi prohibetur non loquendi materies, sed maneres. De tertio<sup>3</sup>: « Ne temere quid loquaris, neque eorū tuum sit velox ad proferendum sermonem coram Deo. » Hic prohibetur temerarius loquendi finis, vel intentio, qui non patet audienti, sed Deo.

#### *Articulus quartus.*

*Servi sa-* Curiositas vero patescit, cum Psalmographus *tane.* superaddit: *Servus autem tuus exercebatur in justificationibus tuis:* ac si dieceretur apertius: *Servus tuus exercebatur in tuis justificationibus;* sed servi satanae suspicantes sinistre, exercebantur in suis mordicationibus. Et nota de servis satanae, qualiter oporteat eos exercere. Nam servorum hujuscemodi, quidam sunt mali, quidam pejores, quidam pessimi: quorum primos oportet opere inclinare; secundos verbere disciplinare: tertios latere sanguinare. De primis<sup>4</sup>: « Servum inclinant operationes assidue: » ecce servi mali et pigri inelinatione. De secundis idem<sup>5</sup>: « Panis, et disciplina, et opus servo; » ecce servi pejoris disciplinatio. De tertii<sup>6</sup>: « Servo pessimo latus sanguinare; » ecce servi pessimi sanguinatio.

#### *Epilogus.*

Dicit ergo vir justus ab injustis inspectus et despiciens, inspectores suos non despiciens, sed inspiciens, non exterius recitando, sed interius meditando, abusiones eorum qui temere despegerunt, quia temerarie inspexerunt: *Etenim sederunt, tanquam injuriosi judices alienam justitiam temere judicantes; Principes, tanquam furiosi usurpatores, alienum jus sibi temere vendieantes; et adversum me loquebantur, tanquam murmurosi, actiones meas mordicationes; servus autem tuus exercebatur in tuis justificationibus,* licet aliter videatur aliquibus, qui erant curiose suspicentes.

#### VERSICULUS VIII.

24. *Nam et testimonia tua, etc.* Quia viri justi defectus traxit originem ex despectu, et despiciens

ex affectu; et aspectus ex effectu; idecirco adhibendis remediis circa desppectum et aspectum, sicut in tribus prenotatis versiculis plenius est expressum; in hoc quarto versiculo adhibetur remedium circa ipsum effectum, difinitive dictando illum nullatenus deserendum propter opprobria exprobantium, tanquam laudabiliter acceptum, perceptum, conceptum, inceptum. Istam quadruplicem rationem in praesenti proponit versiculo ad suæ sententiae confirmationem: videlicet acceptancem, perceptionem, conceptionem, inceptionem: quarum prima pertinet ad sensualem audientiam; secunda ad intellectualem perspicaciam; tercua ad effectualem complacentiam; quarta ad aetualem experientiam.

#### *Articulus primus.*

Quantum ad primum, ait: *Nam et testimonia tua.* Haec sunt veritatis testimonia, quae accipit audientia. Et nota, quod multipliciter accipiuntur divina testimonia: plerumque per auditum; plerumque per visum; plerumque per tactum: primo modo aeeipiuntur testimonia oris; secundo, testimonia operis; tertio, testimonia resuscitati corporis. De primo dicitur<sup>7</sup>: « Vivifica me, et custodiam testimonia oris tui, » quasi dicat: *Vivifica me* per gratiæ medicinam, et *custodiam* per morum disciplinam, *testimonia oris tui*, quae accipiet audientia per doctrinam. De secundo, per Evangeliam scribitur<sup>8</sup>: « Opera, quæ ego facio in nomine Patris mei, haec testimonium perhibent de me; » quasi dicat: *Opera quæ ego facio, non humana, sed divina virtute, testimonium perhibent de mea divinitate.* De tertio<sup>9</sup>: « Virtute magna reddebant apostoli testimonium resurrectionis Jesu Christi Domini nostri: » testimonium resurrectionis, est testimonium resuscitati corporis.

*Testimonia divina.*

#### *Articulus secundus.*

Quantum ad secundum, addit: *Meditatio mea est.* Porro meditatio est perspicaciae intellectuialis actio. Quid ergo est: *Testimonia tua meditatio mea est*, nisi quod per testificationem, seu prædicationem aeeepit auditus, per meditacionem percepit intellectus? Et nota, quod non inconcinnus dicit: *Meditatio mea: non tantum* *Meditatio.*

<sup>1</sup> *Hl. Mach.*, IV, 1. — <sup>2</sup> *Gen.*, XXXI, 24. — <sup>3</sup> *Eccle.*, V, 1. — <sup>4</sup> *Eccli.*, XXXII, 27. — <sup>5</sup> *Ibid.*, 25. — <sup>6</sup> *Eccl.*, XLII, 5. — <sup>7</sup> *Psal.* hoc, 17. — <sup>8</sup> *Joan.*, X, 25. — <sup>9</sup> *Act.*, IV, 33.

meditatio, sed *meditatio mea*, quasi mei suspensiva, succensiva, defensiva. Suspendit enim respectu superiorum; succedit respectu interiorum; defendit respectu inferiorum. De primo dicitur<sup>1</sup>: « Meditatio cordis mei in conspectu tuo semper : » ecce meditationis suspensio. De secundo psallit Prophetus<sup>2</sup>: « In meditatione mea exardescet ignis : » ecce meditationis succensio. De tertio scribitur in prophetica psalmodia<sup>3</sup>: « Nisi quod lex tua meditatio mea est, tunc forte periessem in humilitate mea; » quasi dicat: Nisi me defendisset meditatio tua, in periculum descendisset humilitas mea : ecce meditationis defensio.

#### *Articulus tertius.*

Quantum ad tertium, annexit: *Et consilium meum*. Istud consilium dicit consiliatæ<sup>(a)</sup> voluntatis conceptum, secundum quod consilium nostrum dicere consuevimus, quod divina influentia, vel humana industria dirigente consentiendo concepimus. Et nota circa divinum consilium, quod interdum attestatur divinitæ potentiae, interdum sapientiae, interdum benevolentiae: potentiae quidem, ratione roboris, vel vigoris; sapientiae autem, ratione stuporis; benevolentiae vero, ratione dulcoris. De primo<sup>4</sup>: « Memento, Domine, testamenti tui, et da verbum in ore meo, et in corde meo consilium meum, » id est, te inspirante conceptum, corroborata: ecce consilium roboris. De secundo<sup>5</sup>: « A Domino Deo exercituum exivit, ut mirabile faceret consilium : » ecce consilium stuporis. De tertio<sup>6</sup>: « Bonis amici consiliis anima dulcoratur, » illius præcipue quem beatum est invenire, sicut scriptum est<sup>7</sup>: « Beatus est, qui invenit amicum verum : » ecce consilium dulcoris.

#### *Articulus quartus.*

Quantum ad quartum, subnectit: *Justificationes tuæ*. Quæ justificationes, nisi justitiae operationes? quas dum, cooperante Domino, operamur, a Domino justificamur. Tunc itaque possumus dicere: *Consilium meum justificationes tuæ*, quando sanctum propositum cœlitus inspiratum, quod concepimus per complacenciam affectualem, incipimus per experientiam actualem. Sed nota, quod justificationes divinæ sunt exquirendæ, requirendæ, exercendæ. Exquiruntur autem per eruditionem; requiruntur

*Justificationes tuæ*. Sunt exquirendæ, requirendæ, exercendæ. Exquiruntur autem per eruditionem; requiruntur

<sup>1</sup> Psal. xviii, 43. — <sup>2</sup> Psal. xxxviii, 4. — <sup>3</sup> Psal. hoc, 77. — <sup>4</sup> Judith, ix, 48. — <sup>5</sup> Isa., xxviii, 29. —

per orationem; exercentur per operationem. De primo dicitur<sup>8</sup>: « Justificationes tuas exquisivi; » haec exquisitio est eruditio. De secundo per Prophetam psallitur<sup>9</sup>: « Justifications tuas requiram : » haec requisitio est oratio. De tertio quoque in psalmodia prophetica continetur<sup>10</sup>: « In justificationibus tuis exercebor : » haec exercitatio est operatio.

#### *Epilogus.*

His prævisis, intentio prophetalis ita colligi potest: Quod prælibatum est: *Servus autem tuus exercebatur in justificationibus tuis*, dignum et justum est: *Nam et testimonia tua*, quantum ad acceptancem audientiæ sensuali: *Meditatio mea est*, quantum ad perceptionem perspicaciæ intellectualis; *Et consilium meum*, quantum ad conceptionem complacentiæ affectualis; *Justificationes tuæ*, quantum ad inceptionem experientiæ actualis.

#### *VERSICULUS IX.*

23. *Adhæsit pavimento*, etc. Clarum est per octonarium præcedentem, quo modo beatitudo justos excitat per amorem, nec minus clarum est per præsentem, qualiter eosdem exercitat per laborem. Cæterum horum nonnulli prius ex naturæ conditione languescunt, sicut aperit quaternarius prior; sed postmodum ex consolatione gratiæ revalescunt, sicut patefacit posterior. Languor eorum ex eo causatur interdum, quod humiliatur poenitens ad confitendum; anxiatur ad satisfaciendum; instigatur ad exhortandum; sed fatigatur ad supportandum: quorum singula singulis declarantur versiculis. In primo ergo versiculo, in quo poenitens ad confitendum humiliatur, quadrimembris humiliatiæ conditio designatur, utputa extrinseca, intrinseca, discreta et devota: extrinseca humiliatio pertinet ad corporis prostrationem; intrinseca, ad culpæ protestationem; discreta, ad veniæ postulationem; devota ad gratiæ præstolationem.

#### *Articulus primus.*

Extrinsica conditio demonstratur, cum dicitur: *Adhæsit pavimento*, scilicet per totius corporis prostrationem, secundum laudabilem monachorum consuetudinem. Non est nullius

<sup>8</sup> Prov., xxvii, 9. — <sup>9</sup> Eccl., xxv, 12. — <sup>10</sup> Ps. hoc, 56. — <sup>11</sup> Ibid., 143. — <sup>12</sup> Ibid., 48. — <sup>(a)</sup> Edit. Ven. consiliare.

momenti talis adhaesio pavimenti, in quo talis humilitas, agilitas, utilitas; videlicet humilitas honorans Deum, agilitas dehonorans reum, utilitas devorans multitudinem peccatorum. De primo<sup>1</sup>: « Omnes filii Israel videbant descendente ignem et gloriam Domini super dominum, et coruentes proni in terram super pavimentum stratum lapide adoraverunt; » sic faciunt spirituales Israelitae, id est, cœnobitæ, qui descendente igne gratiae, et splendente super dominum conscientiae, coruentes ad litteram, proni in terram super pavimentum lapide stratum, adorant non confessorem, sed in ipso Deum venie largitorem. De secundo<sup>2</sup>: « Lapsus falsæ linguae, quasi qui in pavimento cadens; » quasi dicat: Lapsus linguae cadunt interius, sicut pœnitens in pavimento cadens exterius: vel, ut apertius dicam, cadit culpa querendo gratiam, sicut pœnitens petendo veniam: nam secundum Ambrosianam sententiam, et lapsus cadunt, et culpa querit gratiam; et est valde rationabile, quod peccator divinae honorificientiae usurpator, honorem exuat, et Deo restituat; quatenus<sup>3</sup> prius restitualur ablatum, quam dimittatur peccatum. De tertio<sup>4</sup>: « Non pervernerunt ad pavimentum laci, donec arriperent eos leones; » quasi dicat: Nondum pœnitentes pervererant ad pavimentum capituli, donec suas offensiones devorarent immissæ contritiones.

#### Articulus secundus.

Intrinsica humiliatio designatur, cum sequitur: *Anima mea*; ac si aperte diceret: *Adhæsit pavimento*, humiliatis causa, non solum corpus, sed anima, quia non solum humiliatus fui humiliatione extrinseca, sed et intrinsica. Et nota de pœnitentis anima, quod dicitur dissoluta, conturbata, confusa: quia pro peccato fuit dissoluta delinquendo, conturbata pœnitendo, confusa confitendo. De primo<sup>5</sup>: « Pigredo immittit soporem, et anima dissoluta esurit; » ac si aperte diceret: Sicut per pigredinem sensus ligatur, sic per dissolutionem anima misericordie obligatur. De secundo scribitur in psalmo<sup>6</sup>: « Ad me ipsum anima mea conturbata est; » quasi dicat: Ad me ipsum anima mea conturbata est pœnitendo, quoniam a me ipso conturbata est delinquendo. De tertio<sup>7</sup>: « Infirmata

est, quæ peperit septem filios; defecit anima ejus, occidit ei sol, cum adhuc esset ei dies; confusa est, et erubuit: hæc est anima in principio fervida, in medio tepida, in fine frigida, carens vita gratiae, non naturæ, quæ confunditur in confessione, et erubescit in satisfactione, Domino miserante.

#### Articulus tertius.

Humiliationis discretio denotatur, cum additur: *Vivifica me*. Ecce petitio discreta, qua petitur venia, qua habita habetur vita. Sed nota, quod triplex vita pœnitentiæ est necessaria, ut pote vita naturæ, vita gratiae, vita gloriae: prima, propter pœnitentiae spatiū; secunda, propter pœnitentiae meritum; tertia, propter pœnitentiae præmium. Hanc triplicem vitam videtur petere dicendo: *Vivifica me*. De primo<sup>8</sup>: « Apparuit mulier cuius filium vivificaverat, » scilicet Elysæus, ubi loquitur de vivificatione, quantum ad vitam naturæ. De secundo<sup>9</sup>: « Sicut in Adam omnes moriuntur, ita in Christo omnes vivificabuntur; » quasi dicat: Sicut Adam fuit principium mortificationis morte culpæ, ita Christus erit principium vivificationis vita gratiae. De tertio<sup>10</sup>: « Quicumque quæsierit animam suam salvam facere, perdet illam; et quicumque perdidit illam, vivificabit eam: » et loquitur de beata vivificatione, quantum ad vitam gloriae.

#### Articulus quartus.

Humiliationis devotio subinfertur, cum subditur: *Secundum verbum tuum*, hoc est, verbum promissivum indulgentiae, quod præstolandum est cum devotione. Et nota, quod hoc verbum est eductivum, deductivum et reductivum: educit namque a statu injustitiae; deducit per statum pœnitentiae; reducit ad statum justitiae. De primo verbo<sup>11</sup>: « Verbum, quod pepigi vobiscum, cum egredieremini de terra Ægypti: » ecce verbum eductivum de statu injustitiae per Ægyptum signatae. De secundo<sup>12</sup>: « Per verbum Domini figebant tentoria, et per verbum ejus proficiebantur: » ecce verbum deductivum per viam pœnitentiae, per desertum figuratae. De tertio<sup>13</sup>: « Suscitabo super vos verbum meum bonum, ut reducam vos ad locum istum: » ecce verbum reductivum ad statum justitiae per Hierusalem designatae.

<sup>1</sup> *II Paralip.*, vii, 3. — <sup>2</sup> *Ecclesiast.*, xx, 20. — <sup>3</sup> *Ex* epist. Augustini *ad Maced.*, epist. LIV, al. CLIII, n. 20. — <sup>4</sup> *Dan.*, vi, 24. — <sup>5</sup> *Prov.*, xix, 15. — <sup>6</sup> *Psalm.* xli, 7.

<sup>7</sup> *Jerem.*, xv, 9. — <sup>8</sup> *IV Reg.*, VIII, 15. — <sup>9</sup> *I Cor.*, xv, 22. — <sup>10</sup> *Luc.*, xvii, 33. — <sup>11</sup> *Agg.*, II, 6. — <sup>12</sup> *Num.*, ix, 23. — <sup>13</sup> *Jerem.*, xxix, 10.

Triplex  
vita pa-  
nienti  
necessa-  
ria.

## Epilogus.

Patet itaque intentio Prophetæ loquentis in figura personæ ad confitendum humiliatæ: *Adhæsit pavimento quantum ad humiliationem extrinsecam, qua prostramur; Anima mea, quantum ad humiliationem intrinsecam, qua culpam protestamur; Vivifica me, quantum ad humiliationem discretam, qua veniam deprecamur; Secundum verbum tuum, quantum ad humiliacionem devotam, qua promissam gratiam præstolamur.*

## VERSICULUS X.

Anxietas

**26.** *Vias meas enuntiavi, etc.* Audivimus pœnitentem humiliatum ad confitendum; audiamus eumdem anxiatum ad satisfaciendum. Est autem hæc anxietas quadriformis, et ideo versiculi hujus continentia quadrimembris: describitur enim anxietas ista tanquam pavida, provida, fervida, avida. Dico autem pavidam, quantum ad culpæ reserationem; provldam, quantum ad pœnæ moderationem; servidam, quantum ad conscientiæ exonerationem; avidam, quantum ad justitiæ recuperationem.

## Articulus primus.

*Vias meas enuntiavi.* Vox est animæ pavidæ, quæ vias abominationum suarum enuntiaverat cum pavore. Et nota tres viarum differentias secundum tres concupiscentias: videlicet vias tenebrosas, menstruosas, et laborosas, quantum ad concupiscentias excellentiarum, deliciarum, et divitiarum. Be primis scribitur<sup>1</sup>: « Viæ impiorum tenebrosæ, nesciunt ubi corruant. » Tales sunt viæ ambitiosorum, qui secundum Poetam:

tolluntur in altum,  
Ut lapsu graviore ruant.

De secundariis legitur<sup>2</sup>: « Juxta immunditiam menstruatæ facta est via eorum coram me. » Tales sunt viæ luxuriosorum, quorum immunditias horrendum est nominare. De tertii dicitur<sup>3</sup>: « Ne credas te viæ laboriosæ, ne ponas animæ tue scandalum: » hæc est via cupidorum, qui nesciunt, cui laborant, et suas animas bonis fraudant.

<sup>1</sup> *Prov.*, IV, 19. — <sup>2</sup> *Ezech.*, XXXVI, 17. — <sup>3</sup> *Eccli.*, XXXII, 25. — <sup>4</sup> *Psal.* LXVIII, 34. — <sup>5</sup> *Jon.*, II, 3. — <sup>6</sup> *Psal.* XVII, 7. — <sup>7</sup> *Ezech.*, XLIV, 23. — <sup>8</sup> *Jerem.*, IX, 20.

## Articulus secundus.

*Et exaudisti me.* Vox est animæ providæ, quæ per absolutionis gratiam providet divinam mitigari sententiam, et pœnam perpetuam permafari in transitoriam; unde jam non pavide dicit, sed provide: *Et exaudisti me.* Et nota, quod Dominus dicitur pœnitentes tripliciter exaudire: vincos liberando, inferos obserando, et cœlos reserando: quia revera vincos libera, quantum ad vitia; inferos obserat, quantum ad supplicia; cœlos reserat, quantum ad præmia. De primo Propheta psallit<sup>4</sup>: « Exaudivit pauperes Dominus, et vincos suos non despexit: » et quid est vincos exaudire, nisi a vitiorum vinculis expedire? De secundo littera canit<sup>5</sup>: « De ventre inferi clamavi, et exaudisti vocem meam: » de ventre inferi clamant, qui territi timore inferi, Salvatorem inclamant, quos exaudiri, est inferos obserari. De tertio dicitur<sup>6</sup>: « Exaudiet illum de cœlo sancto suo: » de cœlo exaudiri dicitur, cui cœlum ad præmium aperitur.

## Articulus tertius.

*Doce me.* Vox est animæ fervidæ desiderio desiderantis exonerationem conscientiæ: licet enim noverit culpam fuisse reserata, et pœnam temperatam, adhuc sentit se pœnarum debitis onerata, quorum exonerationem inardescens audire, ferventer dicit: *Doce me.* Et nota, quod Dominus docet pœnitentem per se interius, vel per suos exterius, tribus modis: videlicet per aspirationem vel adhortationem discretionis, compunctionis, et devotionis: per discretionem docet inter bonum omissum, et malum commissum discernere; per compunctionem docet malum commissum deflere; per devotionem docet bonum omissum explere. De primo<sup>7</sup>: « Populum meum docebunt, quid sit inter sanctum et pollutum, et inter mundum et immundum: » ecce discretio, quam docet Dominus suorum ministerio, scilicet discernere inter pollutam et impollutam affectionem, et inter mundam et immundam actionem. De secundo<sup>8</sup>: « Docete filias vestras lamentum, et unaquæque proximam suam planctum; quia ascendit mors per fenestras nostras, ingressa est domos nostras: » ecce compunctionis, quam docet, et doceri monet Dominus; videlicet deflere mala commissa per fenestras sensuum exteriorum, ad domos sensuum interiorum im-

Dominus tripli pœnitentia exaudit.

missa. De tertio <sup>1</sup> : « Domine , doce eos viam bonam, per quam ingrediantur : » ecce devotio quam Salomon rex petit pro populo, ut doceat Dominus viam bonæ operationis, per quam ingrediantur in vitam supernæ felicitatis.

#### *Articulus quartus.*

*Justificationes tuas.* Vox est animæ avide justitiam esurientis, et quod amiserat per culpam, recuperare per pœnitentiam sipientis. Quid enim est justificatio, nisi justitiae recuperatio? Et quoniam in multis offendat, non singulariter, sed pluraliter justitiae restitutionem efflagitat. Et nota, quod justificationes istæ sunt avide appetendæ propter triplicem causalitatem: quia causant puritatem, claritatem, hilaritatem. Causant enim puritatem in concupiscibili; claritatem in rationabili; hilaritatem in irascibili. Primum patet per Psalmistam dicentem <sup>2</sup> : « Fiat cor meum immaculatum in justificationibus tuis : » ecce causalitas puritatis. Secundum liquet per Prophetam psallentem <sup>3</sup> : « Faciem tuam illumina super servum tuum, » etc.: ecce causalitas claritatis. Tertium claret per psalmographiam loquenter <sup>4</sup>: « Cantabiles milii erant justificationes tuæ, » etc.: ecce causalitas hilaritatis.

#### *Epilogus.*

Distingue itaque voces animæ ad satisfacendum anxiæ. *Vias meas annuntiavi.* Ecce vox pavidae propter reservationem culpæ. *Et exaudisti me.* Ecce vox providæ propter moderationem pœnæ. *Doce me.* Ecce vox fervidae propter exonerationem conscientiæ. *Justificationes tuas.* Ecce vox avidæ propter recuperationem justitiae.

#### *VERSICULUS XI.*

27. *Viam justificationum*, etc. Audistis pœnitentem humiliatum ad confitendum, et anxiatum ad satisfaciendum, sicut in duobus versiculis præambulis est ostensum. Nunc audite eumdem instigatum ad proximum exhortandum. Sicut autem instinctus iste quadripartitur, sic et versiculus iste quadripartito distinguitur. Est enim sanctæ exhortationis instinctus provisivus, prælusivus, prolativus, et prælativus. Intendit namque pœnitens iste proximo providere, quod est justitiae; provisionem prævidere, quod est pru-

dentiæ: prævisionem proferre, quod est fortitudinis, seu constantiæ; in prolatione Deum præferre, eamque Deo, non sibi attribuere, quod est humilitatis aut temperantiæ:

#### *Articulus primus.*

Quantum ad primum, dicit Propheta in pœnitentis exhortari cupientis persona: *Viam justificationum.* Ista via est exhortativa, et proximorum provisiva, per tuam affectat pœnitens secundum instinctum justitiae, non solummodo sibi, sed etiam proximo providere. Et nota, quod in exhortatione sancta occurrit exhortantibus triplex via: videlicet via amovenda, via eligenda et via inquirenda. Prima est via iniquitatis; secunda est via veritatis, et tertia est via supernæ civitatis. De prima via per Psalmistam dicitur <sup>5</sup>: « Viam iniquitatis amove a me. » Et est notabile, quod non dicit se amovendum a via, sed viam amovendam a se: a via namque amovetur, qui in via est; sed via amovetur ab eo, qui nondum in via est, sed in illam incidere potest: ecce via amovenda. De secunda via per Prophetam psallitur <sup>6</sup>: « Viam veritatis elegi. » Notabiliter ait *viam veritatis*, non veritatem, quoniam finis non eligitur, sed ea quæ sunt ad finem: ecce via eligenda. De tertia via in ipsa psalmographia scribitur <sup>7</sup>: « Viam civitatis habitaculi non invenerunt. » Non dicit civitatem, quam presentem incolimus, sed quam futuram inquirimus: ecce via inquirenda.

#### *Articulus secundus.*

Quantum ad secundum, subjungit: *Instrue me*, scilicet in mea præmeditatione, sive prævisione, ut provideam proximis secundum instinctum prudentiæ, non impræmeditate, non improvide. Et nota, quod Dominus tripliciter instruit in præmeditatione, videlicet mundative, illuminative, consummative: quorum primum spectat ad conscientiam; secundum ad scientiam; tertium ad prædicationis gratiam. De primo <sup>8</sup>: « Erudiens eos instruit disciplina, ut avertat hominem ab iis quæ fecit, et liberet eum a superbia: » ecce instructio mundativa. De secundo dicitur <sup>9</sup>: « Intellectum tibi dabo, et instruam te: » ecce instructio illuminativa. De tertio <sup>10</sup>: « Præpara, et instrue te, et omnem multitudinem tuam, quæ coacervata est ad te: » quasi dicat: *Præpara, et instrue te præ-*

<sup>1</sup> *Il Paralip.*, vi, 27. — <sup>2</sup> *Psal.* hoc, 80. — <sup>3</sup> *Ibid.*, 135. — <sup>4</sup> *Ibid.*, 54. — <sup>5</sup> *Ibid.*, 29. — <sup>6</sup> *Ibid.*, 30. —

<sup>7</sup> *Psal.* cvi, 4. — <sup>8</sup> *Job*, xxxiii, 16. — <sup>9</sup> *Psal.* xxxi, 8. — <sup>10</sup> *Ezech.*, xxxviii, 7.

visive, et tuam multitudinem provisive : ecce instructio consummativa.

#### *Articulus tertius.*

Quantum ad tertium, subnectit : *Et exercebo*, scilicet exhortationis seu prædicationis exercitio, in quo necessaria est fortitudo. Et nota, quod in hujusmodi debemus exerceri, non ut maledici, non ut malefici, sed ut benefici : primi intonant ; secundi scandalizant ; tertii dogmatizant. De primis<sup>1</sup> : « Non levabit gens contra gentem gladium, nec exercebuntur ultra ad prælum ; » sicut faciunt nonnulli prædicantes maledici, quia, sicut experimento didici, audiēntibus patientiam prædicant, ut patientibus securius maledicant. Quid aliud agunt isti, nisi quod contra alios levant gladium verbi Dei, ut audacius possint ad prælum exerceri ? De mediis<sup>2</sup> : « Obsecro ut obliviscaris sceleris fratrum tuorum, et peccati atque malitiæ, quam exercuerunt in te. » Malitia maxima in proximum exerceatur, cum pro doctrina scandalum exhibetur. De ultimis<sup>3</sup> : « Principes gentium dominantur eorum, et qui majores sunt, potestatem exercent in eos. » Felices principes, qui dominantur gentium non tanquam domini, sed tanquam vicedomini, et felices majores, qui potestatem exercent in eos, non tanquam malefici, sed tanquam benefici. Non dico beneficium, qui potestatem per temporale beneficium assequitur; sed qui potestatem per spirituale beneficium exequitur.

#### *Articulus quartus.*

Quantum ad quartum, subserbit : *In mirabilibus tuis*. Non dicit meis, sed *tuis*; nam etsi mirabilia sint, quæ dicit, non sibi (*a*) tanquam fistulæ sonanti, sed Deo inspiranti, et fistulam moderanti, moderanter ascribit. Et nota tria mirabilia, quæ personare debet hæc fistula divinitus inspirata : videlicet mirabilia Dei beneficia, judicia, et supplicia : quorum prima canenda; secunda pavenda; tertia præcavenda. De primo<sup>4</sup> : « Cantate Domino canticum novum, quia mirabilia fecit. » quæ sunt hæc mirabilia, nisi divina beneficia eum magna devotione canenda? De secundo Propheta psallit<sup>5</sup> : « Mirabilis in altis Dominus : » propter quæ mirabilia, nisi propter ejus judicia, quæ sunt

<sup>1</sup> Isa., 11, 4. — <sup>2</sup> Gen., L, 27. — <sup>3</sup> Matth., XX, 23. — <sup>4</sup> Psal. XCIVII, 1. — <sup>5</sup> Psal. XCII, 9. — <sup>6</sup> Psal. CVI, 24. — <sup>7</sup> Psal. LXXXV, 7. — <sup>8</sup> Nahum, III, 18.

casto pavore pavenda ? De tertio eadem psalmodia proponit<sup>6</sup> : « Mirabilia ejus in profundo. » Quænam sunt illa mirabilia, nisi illa gehennæ supplicia, quæ nullus ambigit cautissime præcavenda ?

#### *Epilogus.*

Liquet itaque intellectus Prophetæ loquentis in persona pœnitentis, proximos ædificare volentis : *Viam justificationum tuarum*, quantum ad provisionem justitiae convenientem : *Instrue me*, quantum ad prævisionem prudentiæ congruentem ; *Et exercebor*, quantum ad prælationem fortitudini competentem ; *In mirabilibus tuis*, quantum ad prælationem, sive præhonorationem doctoris illius, qui doceat interius, humanæ temperantiae consonantem.

#### *VERSICULUS XII.*

28. *Dormitavit anima mea*, etc. Audito circa pœnitentem, qualiter humiliatur ad confessionem, anxiatur ad satisfactionem, instigatur ad exhortationem ; audiendum est circa eumdem, quo modo fatigatur ad supportationem. Modus autem exhortationis, supportationis, reportationis, confortationis innuitur in his verbis, in quibus nota, qualiter exhortatio pigritatur, supportatio molestatur, reportatio infirmatur, confortatio flagitatur.

#### *Articulus primus.*

Pigritatio quidem exhortationis prænotatur, cum præmittitur ; *Dormitavit anima mea*. Quid est dormitare, nisi a vigilantia ad somnolentiam declinare ? Sic nonnulli exhortatores faciunt, qui dum suam diligentiam proficere non advertunt, incunctanter ad negligentiam se convertunt. Sed nota, quod illi dicuntur præcipue circa subditos dormitare, qui non curant eos visitare, vegetare, et suscitare. Visitatio perlinet ad exempla; vegetatio ad eloquia; suscitatio ad suffragia. De quorum primo dicitur<sup>7</sup> : « Dormitaverunt, qui ascenderunt equos ; » quia recte videntur erga subditos dormitare, qui malunt ad alios infructuose equitare, quam fructuose suos visitare, et exemplis laudabilibus ad similia invitare. De secundo scribitur<sup>8</sup> : « Dormitaverunt pastores tui, rex Assur. » Plane pastores spirituales

*Qui dormitent circa subditos. Tedium triplex.*

(a) *Cet. edit. non habent sibi, sed igitur.*

## EXPOSITIO IN PSALTERIUM.

erga oves rationales dormitant, cum eas sacris eloquiis, quasi sanis alimentis vegetare recusant. De tertio<sup>1</sup> : « Suseita amicum tuum, ne dederis somnum oculis tuis, nec dormitent palpebrae tuæ. » Ille prælato præcipitur, qui verbis oris sui pro subditis illaqueatus esse dignoscitur, circa subditos non dormitare, sed eos quotidianis suffragiis, prout potest a morte animæ suscitare.

*Articulus secundus.*

Molestatio vero supportationis insinuat, cum sequitur : *Præ tædio*. Facile est malos exhortari; sed difficile indisciplinabiles suppor-tari. Sieut exhortator repletur gaudio, quando correptionem illico sequitur correctio; sic et contrario idem tædio afficitur, si correptionem correctio continuo non sequatur. Et nota tædium trimembre, utputa mentale, vocale, corporale. Primum consistit in cogitatione; secundum, in mussitatione; tertium, in intrinseca passione. De primo<sup>2</sup> : « Proposui hanc, » scilicet sapientiam, « adducere mihi ad convivendum, sciens, quod mecum communicabit de bonis, et erit allocutio cogitationis et tædii mei : » ecce tædium mentale. De secundo<sup>3</sup> : « In tempore redditionis postulabit tempus, et loquetur verba tædii et murmurationis : » ecce tædium vocale. De tertio<sup>4</sup> : « Dominus cœli det tibi gaudium pro tædio, quod perpessa es : » ecce tædium corporale.

*Articulus tertius.*

Reportationis infirmatio implicatur, cum subditur : *Confirma me*. Bene dicitur : *Confirma*. Quare? quia infirma: qua infirmitate? infirmata est in paupertate: quomodo? multum exhortando, et parum reportando; multum ferendo, et parum inferendo. Et nota, quod Dominus confirmat sic infirmantem, tanquam justitiam sitientem, deficientem, spiritum non habentem. De primo<sup>5</sup> : « Confirmat autem justos Dominus : » ecce confirmatio justitiam sitientis. De secundo<sup>6</sup> : « Pœnitentibus dedit viam justitiae, et confirmavit deficientes sustinere ; » quasi dicat : *Pœnitentibus dedit viam justitiae* quantum ad exhortationem, et *deficientes sustinere* quantum ad supportationem *confirmavit*, quia infirmabantur quantum ad reportationem. De tertio<sup>7</sup> : « Redde mihi lætitiam

salutaris tui, et spiritu principali confirma me, » quasi dicat : *Redde lætitiam contra molestationem; confirma spiritu contra infirmationem*, ne molestetur supportatio, nec infirmetur reportatio.

*Articulus quartus.*

Confortationis flagitatio explicatur, cum scribitur : *Confirma me in verbis tuis*: quare? quia infirmatus sum in verbis tuis. *Confirma me* verborum tuorum contemplatione, quia infirmatus sum verborum tuorum ministratio-ne. Et nota, quod verba divina sunt confirmatoria triplici de causa: quia sunt verba prudentiae; verba gratiae; verba vitae. Propter primum suscipienda; propter secundum miranda; propter tertium amplectenda. De primo<sup>8</sup> : « Ad intelligenda verba prudentiae, et suscipienda eruditionem doctrinæ : » ecce verba suscipienda propter prudentiam. De secundo<sup>9</sup> : « Mirabantur in verbis gratiae quæ precedebant de ore ipsius : » ecce verba miranda propter gratiam. De tertio<sup>10</sup> : « Domine, ad quem ibimus? verba vitae æternæ habes : » ecce verba amplectenda propter vitam.

Verba  
divina  
confir-  
matoria  
triplici  
de causa

*Epilogus.*

Dicit ergo Prophetæ in prædicti pœnitentis figura : *Dormitavit anima mea*, quantum ad exhortationis pigritationem; *Præ tædio*, quantum ad supportationis molestationem: *Confirma me*, scilicet infirmantem, quantum ad reportationem; *Confirma*, inquam, *in verbis tuis*, quantum ad confortationis contemplativæ flagitationem.

*VERSICULUS XIII.*

29. *Viam iniuitatis*, etc. Languor ille naturæ, qui solet pœnitentibus evenire, claruit in quaternario præcedente; vigor autem gratiae, quem consequenter sentiunt advenire, clarescit in isto quaternario subsequente. Vigor iste quatuor modis agnoscitur, qui quatuor versiculis annotantur: videlicet, cum pœnitens invenitur ad peccandum difficilior, ad perseverandum facilior, ad orandum habilior, ad operandum agilior. Versus primus, qui ad peccandi difficultatem pertinet, quatuor iniuitatis processus continet, qui tanto difficilius perpetrantur, quanto subtilius penetrantur. Quæreris, qui sunt

vigor  
gratiae.

<sup>1</sup> *Prov.*, vi, 4. — <sup>2</sup> *Sap.*, viii, 9. — <sup>3</sup> *Ecli.*, xxix, 6. — <sup>4</sup> *Tob.*, vii, 20. — <sup>5</sup> *Psal.* xxxvi, 17. — <sup>6</sup> *Ecli.*,

<sup>7</sup> *Psal.* l, 14. — <sup>8</sup> *Prov.*, 1, 3. — <sup>9</sup> *Luc.*, iv, 22. — <sup>10</sup> *Joan.*, vi, 68.

Iniqui- isti iniquitatis processus? Primus est iniquitatis  
tatis pro- incessus; see undus, iniquitatis accessus; ter-  
cessus. tius, iniquitatis excessus; quartus, iniquitatis  
successus. Incessus attinet ad suggestionem;  
accessus, ad subreptionem; excessus, ad aver-  
sionem; successus, ad animadversionem.

### Articulus primus.

Iniquitatis incessus insinuat, cum dicitur :  
Via ini- *Viam iniquitatis*. *Viam iniquitatis*, ait, per  
quam iniquitas incedit. Hæc via proculdubio  
est iniquitatis suggestio. Et notandum, quod  
hæc via trifureatur in trivium : continet enim  
viam erroris, viam furoris, et viam stercoris :  
quarum prima spectat ad insipientiam, secunda  
ad impatientiam, tertia ad immunditiam. De  
prima in libro *Sapientiæ*, ubi scribitur de qui-  
busdam, qui insensate vixerunt<sup>1</sup>: « Etenim  
in erroris via diutius erraverunt : » ecce via  
erroris. De secunda<sup>2</sup> : « Proficiscentibus ait :  
Ne irascamini in via; » et sunt verba Joseph  
fratres admonentis : ecce via furoris. De tertia<sup>3</sup> :  
« Omnis mulier fornicaria, quasi stercus in via,  
ab omnibus prætereuntibus conculebitur : »  
ecce via stercoris.

### Articulus secundus.

Iniquitatis accessus indicatur, cum subjun-  
gitur : *Amove a me*; quasi dieat : *Viam*, per  
quam moveatur iniquitas, *amove a me*, ne ad  
me moveatur iniquitas : seu *viam*, per quam  
incedit iniquitas, *amove a me*, ne ad me accedat  
iniquitas : ac si aperte dicat : Scio per quam  
viam iniquitas incedat : nolo quod sic incedat,  
ut ad me accedat. Per suggestionem incedit;  
per subreptionem accedit : nolo quod sic ince-  
dat per suggestionem, ut accedat per subrep-  
tionem. Et nota, quod tripliciter dicere possu-  
mus : *Amove a me*, secundum tres vires animæ,  
ac si dicatur : *Amove a me*, id est, a mea ratio-  
nabili, vel a mea irascibili, vel a mea concu-  
piscibili : a mea quidem rationabili, quantum  
ad intelligentiæ impedimenta; a mea irascibili,  
quantum ad impatientiæ irritamenta; a mea  
concupiscibili, quantum ad concupiscentiæ in-  
citamenta. De primo<sup>4</sup> : « Amovit lapidem, quo  
Jacob. puteus claudebatur. » Ibi legitur, quod Jacob  
amovit lapideum putei tegumentum ad gregem  
Rachel. Rachel adaquandum. Jacob, id est luctator,  
quid est, nisi sapientiæ meditator? Rachel, id

est videns Deum, quid est, nisi intelligentia?  
*Puteus clausus*, quid est, nisi occulta sapientia?  
Jacob igitur amovet putei lapidem, cum sa-  
pientiæ meditator removet sapientiæ velamen.  
Grex Rachelis adaquatur, cum scientiatum in-  
tellectuantum congregatione illustratur, vel<sup>5</sup>  
« aqua sapientiæ salutaris » potatur. Sane tale  
operimentum sapientiæ, seu impedimentum  
intelligentiæ nonnunquam procedit ab iniqui-  
tate, et ideo dicitur non absurde : *Amove a me*.  
De secundo scribitur<sup>6</sup> : « Amove a me plagas  
tuas. » Non est dubium, quin plague tam extrin-  
secæ, quam intrinsecæ, id est, corporis vel  
animæ, sint irritamenta impatientiæ, quæ pro-  
cedit ex iniquitate; propter quod dici potest  
non insipide : *Amove a me*. De tertio<sup>7</sup> : « Amove  
malitiam a carne tua. » Malitiam dicit causam,  
intrinsecam vel extrinsecam, concupiscentiæ  
incitativam, quæ proculdubio contingit ex in-  
iquitate. Unde adhuc hoc modo dicitur non  
incongrue : *Amove a me*.

### Articulus tertius.

Iniquitatis excessus intimatur, cum subnec-  
titur : *Et in lege tua*, quam excessi, dum abs-  
cessi. Et notandum circa legis excessum, quod  
in lege excedimus modis tribus : videlicet,  
legem contemnendo, contra legem faciendo,  
aut legem non faciendo : quorum primum est  
præsumptionis; secundum, commissionis; ter-  
tium autem, omissionis. De primo<sup>8</sup> : « Sacre-  
dotes ejus contempserunt legem meam : » ecce  
præsumptio. De secundo<sup>9</sup> : « Sacerdotes ejus  
polluerunt sanctum, injuste egerunt contra le-  
gem: » ecce commissio. De tertio<sup>10</sup> : « Nonne  
Moyses dedit vobis legem, et nemo ex vobis  
facit legem? » ecce omissio.

### Articulus quartus.

Iniquitatis successus subnotatur, cum sub-  
ditur : *Miserere mei*; in quo notatur miseria  
succedens iniquitati. Iniquitas enim præcedit;  
miseria succedit; misericordia intercedit. Petit  
ergo quod misericordia intercedat, ne miseria  
iniquitati succedit, dicens : *Miserere mei*. Ubi  
possimus notare successum miseriæ tripartite,  
scilicet miseriæ superioris, interioris, exterio-  
ris : quarum prima pertinet ad pœnam damnifi-  
cationis; secunda, ad pœnam vermis; tertia,  
ad pœnam ignis. De prima dicitur<sup>11</sup> : « Respie-

<sup>1</sup> *Sap.*, XII, 24. — <sup>2</sup> *Gen.*, XLV, 24. — <sup>3</sup> *Eccli.*, IX,  
40. — <sup>4</sup> *Gen.*, XXIX, 10. — <sup>5</sup> *Eccli.*, XV, 3. — <sup>6</sup> *Psal.*

XXXVIII, 11. — <sup>7</sup> *Eccle.*, XI, 10. — <sup>8</sup> *Ezech.*, XXII, 26. —  
<sup>9</sup> *Sophon.*, III, 4. — <sup>10</sup> *Joan.*, VII, 19. — <sup>11</sup> *Psal.* LXXXV, 16.

in me, et miserere mei; da imperium puerō tuo, et salvum fac filium ancillæ tuæ. » De secunda etiam ait Psalmographus<sup>1</sup>: « Domine, miserere mei, sana animam meam, quia peccavi tibi. » De tertia rursus legimus<sup>2</sup>: « Miserere mei, Domine, quoniam tribulor; » in quo patet pœna exterior.

#### Epilogus.

Et hoc est, quod ait Prophetæ in prælibati penitentis persona: *Viam iniuitatis*, quantum ad suggestionem, per quam iniuitas (a) incedit; *Amove a me*, quantum ad subreptionem, per quam iniuitas accedit; *Et in lege tua*, quantum ad legis aversionem, qua iniuitas excedit; *Miserere mei*, quantum ad animadversionem, quæ iniuitati succedit.

#### VERSICULUS XIV.

*Viam veritatis elegi*, etc. Sicut versus præambulus pertinebat ad peccandi difficultatem, sic iste attinet ad perseverandi facilitatem. Ratio vero dictæ facilitatis est dilectio veritatis, qua mens trahitur, trahentem sequitur, sequens consequitur, et consequens complectitur, sicut in præsenti versiculo per ordinem aperitur. Trahitur autem admirando; sequitur investigando; cousequitur speculando; complectitur delectando.

#### Articulus primus.

*Viam veritatis*. Ille notatur via admirationis, per quam veritas trahit mentem, reducendo creaturam admirantem ad admirabilem Creatorem. Sed notandum, quod hæc via videtur trivium quoddam facere: continet enim viam admirativam divinæ potentie; viam admirativam divinæ sapientie; viam quoque admirativam bonitatis divinæ. Quarum prima dicitur in Scriptura via procellarum; secunda, via Bethsamitarum; tertia, via vinearum. De prima via Scriptura loquitur, ubi scribitur<sup>3</sup>: « Quando ponebat pluviis legem, et viam procellis sonantibus, tunc vidit illam. » In hac quippe Scriptura sub pluviarum et procellarum figura describitur mira Dei potentia, disponentis pœnas mirandas contra culpas miserandas, scilicet algorem mirabilem et ardorem, contra timorem misera-

bilem et amorem: unde dicit: *Quando ponebat*, id est, disponebat; *pluviis legem*, quantum ad pœnas aquæs, quæ puniunt per algorem; *et viam procellis sonantibus*, quantum ad pœnas igneas, quæ puniunt per ardorem; *tunc vidit*, id est, videri fecit, *illam*, scilicet sapientiam timoratam, vel sapientiam timorem. Et hoc est, quod subdit infra<sup>4</sup>: « Et dixit homini: Ecce timor Dei est sapientia. » Ecce via admirativa divinæ potentie, quæ est comminativa pœnae. De secunda via convenienter intelligitur, quod legitur<sup>5</sup>: « Ibant in directum vaccæ per viam, quæ ducit Bethsames. » Ista vaccæ sunt vires rationis. Ista via est via admirationis, quæ ducit Bethsames, id est, in domum illuminationis, seu sapientie illuminantis. Ecce via admirativa divinæ sapientie, quæ est illuminativa intelligentie. De tertia via competenter exponitur, quod proponitur<sup>6</sup>: « Maledicta sit pars ejus in terra, nec ambulet per viam vinearum. » De adultero loquitur, qui delectatione carnali quasi parte et sorte sua fruitur. Hujus revera maledicta est pars in terra, et per viam vinearum non ambulat; quoniam ad suavitatem cœlestium deliciarum admirando non appropinquat. Ecce via admirativa divinæ bonitatis, quæ est germinativa summæ suavitatis.

#### Articulus secundus.

*Elegi*. Ille notatur mens veritatem sequens. Quicumque enim eligit, internis pedibus sectatur id, quod elegit. Et nota, quod mens tripliter veritatem eligit (b), et eligendo sequitur, tem ele- quam elegit: videlicet scrutando, legendō, orando. Scrutando quidem eligit, sicut elector lapidum, quibus veritas figuratur. Legendō eligit, sicut elector doctrinæ, qua veritas explicatur. Orando eligit, sicut elector domus, qua veritas invocatur. De primo<sup>7</sup>: « Transite, transite per portas, præparate viam populo, planum facite iter, et eligit lapides, et elevate signum ad populos. » Quæ sunt portæ, quas debemus transire, nisi portæ justitiae? Quæ est via, quam debemus præparare, nisi via prudentialie? Quod est iter, quod debemus complanare, nisi difficultas intelligentie? Qui sunt lapides, quos debemus eligere, nisi graves et duræ veritatis figuræ? Quod est signum, quod debemus ad populos elevare, nisi signatae veritatis (c) theoriae? Ecce quomodo lapides eli-

Vaccæ  
Bethsa-  
mes.

Menstru-  
plici er  
verita-  
tem ele-  
git.

<sup>1</sup> *Psal. XL*, 5. — <sup>2</sup> *Psal. XXX*, 10. — <sup>3</sup> *Job*, XXVIII, 26. — <sup>4</sup> *Ibid.*, 28. — <sup>5</sup> *1 Reg.*, VI, 12. — <sup>6</sup> *Job*, XXIV, 18. — <sup>7</sup> *Iba.*, LXII, 10.

(a) *Cæt. edit.* iniuitatis. — (b) *Item* elegit. — (c) *Item* veritas.

guntur, quibus veritas figuratur. De secundo<sup>1</sup> : « Doctrinam magis, quam thesaurum eligit : » ecce quomodo doctrina eligitur, qua veritas explicatur. De tertio scribitur<sup>2</sup> : « Elegi abjectus esse in domo Dei : » ecce quomodo domus eligitur, qua veritas invocatur.

### Articulus tertius.

**Judicia.** *Judicia tua.* Hic notatur mens veritatem consequens : illam namque consequitur, cum illius judicia speculatur. Et nota, quod triplicia speculatur judicia : quædam scilicet declaratoria; quædam consolatoria; quædam desolatoria : quorum prima pertinent ad abscondita; media, ad merita; novissima, ad demerita. De primis scribitur<sup>3</sup> : « Judicia mea quasi lux egredientur : » eccc judicia declaratoria. De mediis per Psalmum dicitur<sup>4</sup> : « Judicia tua adjuvabunt me : » ecce judicia consolatoria. De novissimis per Prophetam psallitur<sup>5</sup> : « A judiciis enim tuis timui : » ecce judicia desolatoria.

### Articulus quartus.

*Non sum oblitus.* Hic notatur mens veritatem complectens. Quod enim quispiam complectitur, oblivioni nequaquam traditur : et ideo dicitur spiritus non oblitus, tanquam complectendo unitus. Et nota, quod veritatis complexus maxime congruit vacantibus, videntibus, gustantibus ; in quorum persona præcipue dicitur :

**Veritas.** *Non sum oblitus*, quia nimirum veritas est cubulum vacantium, speculum videntium, pabulum gustantium. Plane vacantis, non vagantis spiritus potest congrue dicere : *Non sum oblitus*; sicut e contrario vagantis, non vacantis spiritus hujusemodi cubiculi est oblitus. Nam de vagantibus legimus<sup>6</sup> : « Fecerunt eos vagari in montibus; de monte in collem transierunt, obliiti sunt cubilis sui. » Ita sane spiritualem, non carnalem, in spirituali, non corporali speculo imaginem intuitus, recte potest dicere : *Non sum oblitus*: sicut e contrario carnalem, non spiritualem, in corporali, non spirituali speculo imaginem intuitus, sui spectaculi est oblitus. Nam de tali viro in tali speculo imaginem talem intuitio scribitur<sup>7</sup> : « Consideravit se, et abiit, et statim oblitus est qualis fuerit. » Ita quoque religiose, non irreligiose gustantis spiritus egregie potest dicere : *Non sum oblitus*; sicut e contrario irreligiose, non religiose gus-

tantis spiritus sui pastoris et pabuli est oblitus : nam de talibus sic conqueritur Dominus<sup>8</sup> : « Adimpleti sunt, et saturati elevaverunt cor suum, et obliiti sunt mei. »

### Epilogus.

Ait ergo Propheta in prætaxati pœnitentis figura : *Viam veritatis*, quantum ad admirationem, qua mens a veritate trahitur; *Elegi*, quantum ad investigationem, qua mens trahentem sequitur; *Et judicia tua*, quantum ad speculationem, qua mens sequens veritatem consequitur; *Non sum oblitus*, quantum ad delectationem, qua mens consequens veritatem complectitur.

### VERSICULUS XV.

31. *Adhæsi testimoniis*, etc. Post primum gratiæ effectum, quo pœnitens efficitur difficilior ad peccandum; et secundum, quo redditur facillior ad perseverandum : acceditur ad tertium, quo fit habilior ad orandum. Unde nimirum in serie versus hujus distinguitur quadrifidus orandi modus, videlicet orandi ferventer, prudenter, reverenter, confidenter : quorum prius excludit teporem; secundus errorem; tercius, tumorem; quartus, timorem.

Modus  
orandi  
quadruplex.

### Articulus primus

*Adhæsi.* Ecce ferventiam excludentem teporem. Accedentes quippe ad portam gratiæ, quanto adhærent fortius, tanto pulsant ferventius. Et nota, quod si Deum ferventer orare volumus, illi tripliciter adhærere debemus, videlicet per fidem, per spem, per charitatem : fides enim orationem dirigit; spes erigit; charitas porrigit. De primo<sup>9</sup> : « Dominum Deum tuum timebis, et ei soli servies, ipsi quoque adhærebis; » quasi dicat : *Illum*, quem credis *Dominum*, id est, summe potentem; *Deum*, id est, summe sapientem; *tuum*, id est, summe clementem; *timebis*, quia summe potens; *et ei soli servies*, quia summe sapiens; *ipsique adhærebis*, quia summe clemens. Ecce fidei adhærentia. De secundo psallit Prophetas<sup>10</sup> : « Mihi autem adhærere Deo bonum est; ponere in Domino Deo spem meam : » eccc adhærentia spei. De tertio<sup>11</sup> : « Diligas Dominum Deum tuum, atque obedias voci ejus, et illi adhæreas : » ecce adhærentia charitatis.

Deo tri-  
pliciter  
adhæ-  
rendum.

<sup>1</sup> Prov., VIII, 10. — <sup>2</sup> Psal. LXXXIII, 11. — <sup>3</sup> Ose., VI, 5. — <sup>4</sup> Psal. hoc, 175. — <sup>5</sup> Ibid., 120. — <sup>6</sup> Jerem.,

L, 6. — <sup>7</sup> Jac., I, 24. — <sup>8</sup> Ose., XIII, 6. — <sup>9</sup> Deut., X, 20. — <sup>10</sup> Psal. LXXII, 28. — <sup>11</sup> Deut., XXX, 20.

*Articulus secundus.*

*Testimoniis tuis.* Ecce prudentiam excludentem errorem. Plane prudentissimum est in oratione divinis testimonii adhærere. Si queris, quibus testimonii? Proculdubio testimonio creationis; testimonio recreationis, sive redemptionis; testimonio adoptionis. Prudenter orat, qui adhæret primo testimonio; prudentius, qui secundo; prudentissime vero, qui tertio. De primo<sup>1</sup>: « Da testimonium, quia ab initio tuæ creaturæ sunt; et suscita precationes (a), quas locuti sunt in nomine tuo prophetae priores: » quasi diceret: *Da testimonium*, quia ab initio creaturæ tuæ sunt, largiendo quod petunt; *et suscita precationes*, quas locuti sunt in nomine tuo prophetae priores, id est, nomen creatoris invocantes, et solam creationis gratiam allegantes. Prudenter igitur orant, qui priorum prophetarum exemplo adhærent creationis testimonio, Creatorem invocando, et creationis gratiam allegando. De secundo<sup>2</sup>: « Cum venerit Paraclitus, quem ego mittam vobis a Patre, spiritus veritatis qui a Patre procedit, ille testimonium perhibebit de me. » Sane Spiritus sanetus infirmitatem nostram adjuvans, atque pro nobis efficaciter postulans, Christo testimonium perhibet, cum ipsum invocare nos docet, et redemptionis gratiam prætendere nos suadet; nec dubium, quin prudentius et efficacius orant, qui testimonio huic adhærent, et gratiam hanc recensent. De tertio<sup>3</sup>: « Ipse Spiritus testimonium reddit spiritui nostro, quod sumus filii Dei. Quod si filii, et hæredes; hæredes quidem Dei, cohæredes autem Christi. » Hoc testimonium reddit Spiritus sanctus devotis spiritibus, cum eos facit in Deo præcordialiter exultare, et tanto fiducialius, quanto familiarius postulare. Quis autem nesciat prudentissimum existere tali ac tanto testimonio adhærere?

*Articulus tertius.*

*Domine.* Ecce reverentiam excludentem tumorem; quia nimur nomen Domini est nomen reverendum. Et nota, quod Domino debetur reverentia specialiter propter tria: quia rex; quia iudex; quia vindicta. Dicitur autem Dominus rex, quia rectificator effectuum; iudex, quia in-

<sup>1</sup> *Ecli.*, xxxvi, 17. — <sup>2</sup> *Joan.*, xv, 26. — <sup>3</sup> *Rom.*, viii, 46. — <sup>4</sup> *Isa.*, xxxv, 4. — <sup>5</sup> *Isa.*, xxxiii, 22. — <sup>6</sup> *1 Thess.*, iv, 6. — <sup>7</sup> *Ecli.*, li, 37. — <sup>8</sup> *Psal.* xxx, 18. — <sup>9</sup> *Psal.* xxx, 2. — <sup>10</sup> *Rom.*, v, 5.

dicator affectuum; *vindex*, quia ordinator defectuum. De primo<sup>4</sup>: « Dominus rex noster ipse veniet, et salvabit nos: » quasi dicat: Rectificator veniet, ut rectificet, et rectificatos salvificet. De secundo<sup>5</sup>: « Dominus iudex noster; Dominus legifer noster. » Valde reverendus est talis Dominus, qui non solum est affectuum in-dagator, sed et alligator. De tertio<sup>6</sup>: « Vindex est Dominus de his omnibus. » O quam reverendus, et reverendus est ille Dominus, qui ordinaturus est omnes peccatorum defectus per congruos cruciatus!

*Articulus quartus.*

*Noli me confundere.* Ecce confidentiam excludentem timorem: vox enim est fiduciae, ac si diceretur aperte: *Noli me confundere confidentem de te.* Et nota, quod Dominus non confundit ipsum laudantes, ipsum invocantes, in ipso sperantes: qui laudant de præteritis; invocant de presentibus; sperant de futuris. De laudantibus legimus<sup>7</sup>: « Lætetur anima vestra in misericordia ejus, et non confundemini in laude ejus. » De invocantibus frequenter psallimus<sup>8</sup>: « Salvum me fac in misericordia tua, Domine; nou confundar, quoniam invocavi te. » Ecce pœnitens miseriam recognoscit, misericordiam depositit; et non confunditur, quia miseror ignoscit. De sperantibus ait etiam idem<sup>9</sup>: « In te, Domine, speravi, non confundar in æternum. » Et planum est, quia si spes non præsumptio est, confundi non potest; quia<sup>10</sup> « spes non confunditur, » prout apostolica tuba canit ad *Romanos*.

## Epilogus.

Ait ergo Psalmographus, typum gerens pœnitentis illius, qui ad orandum est habilitatus: *Adhæsi*, quantum ad ferventiam excludentem temporem; *testimoniis tuis*, quantum ad prudentiam excludentem errorem; *Domine*, quantum ad reverentiam excludentem tumorem; *noli me confundere*, quantum ad confidentiam excludentem timorem.

## VERSICULUS XVI.

32. *Viam mandatorum tuorum*, etc. Tribus effectionibus gratiae prænotatis in tribus versibus præli-

(a) *Vulg.* prædications; LXX: Ἐγειρον προφητείας τὰς ἐπ' ὄντος σου, id est, suscita prophetias que in nomine tuo.

batis, quibus efficitur pœnitens ad peccandum difficultior, ad perseverandum facilior, ad orandum habilior, subsequitur quartus, quo redditur ad operandum agilior, sicut patet per quadrifariam præsentis versus continentiam. Continent enim actionem vehementem ex vehementi affectione fluentem : quorum primum redolent obedientiam; secundum, festinatiam; tertium, lætitiam; quartum, benevolentiam.

#### *Articulus primus.*

Via moralis observantiae, pertinentes ad actum obedientiae, quæ videntur tripartitæ. Nam aliæ sunt de cavendis, aliæ de custodiendis, aliæ de erudiendis. Primæ dicuntur viæ ruinæ; secundæ, viæ disciplinæ; tertiae, viæ doctrinæ. De primis viis sic legis<sup>1</sup>: « In viam ruinæ non eas, et non offendas in lapides; » quasi dicat: Cave actus periculum, propter affectus offendiculum : ecce via ruinæ cavenda. De secundis reperis<sup>2</sup>: « Via vitæ custodienti disciplinam: » quasi dicat: Per disciplinæ custodiam, sicut per viam, pervenitur ad vitam: ecce via disciplinæ custodienda. De tertiis sic invenire poteris<sup>3</sup>: « Vir, qui erraverit a via doctrinæ, in cœtu gigantium commorabitur. » Hoc dicitur contra errantes, et in errorem mittentes. Tales namque sunt, sicut gigantes, animas fidelium simplices linguarum gladiis trucidantes : ecce vita doctrinæ erudienda.

#### *Articulus secundus.*

Quantum ad secundum, subnecitur: *Cucurri*, quod sonat festinatiam, quæ etiam augmentat obedientiam. Obedientia nempe minus meretur, si nimis moretur; e. majus meritum continet, si festinet. Illic debemus notare, qualiter per vias supradictas oportet currere, utpote per viam ruinæ, per viam disciplinæ, per viam doctrinæ. Iorro per primam oportet currere, in malum odiendo, illius exemplo, de quo legitur<sup>4</sup>: « Cucurrit David, et stetit super Philistæum: » per quem intelligimus adversarium nostrum diabolum. Per secundum oportet currere, bonum custodiendo, sicut illius canitur voce psalmi<sup>5</sup>: « Sine iniuritate cucurri, et direxi: » quorum primum periuet ad custodiam bonitatis, respectu actionis; secundum, ad custodiam ipsius, respectu intentionis. Sine iniuri-

tate namque currit et dirigit, qui tam actionis, quam intentionis sinceritatem custodit. Per tertiam oportet currere, verum erudiendo, sicut ille cucurrit, qui dixit<sup>6</sup>: « Inter quos lucetis, sicut luminaria in mundo, verbum vitæ continentis : quia non in vacuum cucurri, neque in vacuum laboravi; » quasi dicat: Quia verum dictis et factis utiliter eruditiv.

#### *Articulus tertius.*

Quantum ad tertium, subinfertur: *Cum dilatasti*. Dilatatio est ille cordis motus, quo moveatur ab interiori ad exteriorius, vel ab inferiori ad superiorius; aut, ut aliter, sed non aliud dicam, a centro ad circumferentiam. Centrum quippe est interior et inferior respectu circumferentie; et e converso potest dici, quod circumferentia sit exterior, vel superior, respectu centri. Huic motui cordis videtur consonare ille motus spiritus, quo movetur extra se, vel supra se, divina gratia ipsum extendente, vel extollente; et eodem vocabulo vocatur *dilatatio*. Illic possumus notare, quod Dominus dilatat diversos diversimode: aliter enim dilatat pœnitentes, aliter proficiens, aliter pervenientes: primos justificando; secundarios magnificando; alios glorificando. De primo dicitur<sup>7</sup>: « In tribulatione dilatasti mihi: » ecce dilatatio pœnitentis per justificationem et conscientiae lœtificationem, quia<sup>8</sup> « justificatio Domini recta, lœtificans corda. » De secundo<sup>9</sup>: « Dilataberis ad Orientem, et Occidentem, et Septentrionem, et Meridiem, » hoc est, ad copiosam prudentiæ, justitiæ, fortitudinis, et temperantiæ frugem: ecce dilatatio proficiens per magnificationem. De tertio<sup>10</sup>: « Dilatavit gloriam populo suo; » dicitur de Juda Machabæo, et mystice intelligentum de Christo: Judas enim *glorificans*, et Machabæus *protegens* interpretatur, per quem glorificator et protector noster congrue significatur: ecce dilatatio pervenientis per glorificationem.

#### *Articulus quartus.*

Quantum ad quartum, subnotatur: *Cor meum*. Sed, quæso, quale cor iuum, quod fuit dilatationi prædictæ congruum? numquid durum? numquid obscurum? numquid invalidum? Videamus enī, quod cera dura non dilatatur ad sigillandum, nec caudela extincta ad illuminandum, nec manus invalida ad notandum.

<sup>1</sup> Eccl., xxxii, 23. — <sup>2</sup> Prov., x, 17. — <sup>3</sup> Prov., xxii, 16. — <sup>4</sup> 1 Reg., xvii, 51. — <sup>5</sup> Psal. LVIII, 5. —

<sup>6</sup> Philip., II, 15-16. — <sup>7</sup> Psal. IV, 2. — <sup>8</sup> Psal. XVIII, 9. — <sup>9</sup> Gen., XXVIII, 14. — <sup>10</sup> I Mach., III, 3.

Dilatatio  
qui.

Domini  
nus di-  
versimo-  
de dilata-

Judas  
Macha-  
bæus.

**C**ordis Notandum itaque, quod cor ad dilatationem dispositum, debet esse, quantum pertinet ad propositum, emollitum, eruditum, stabilitum: Emollitur autem per penitentiam; crudatur per sapientiam; stabilitur per gratiam. De primo<sup>1</sup>: « Audisti verba voluminis, atque emollitum est cor tuum, et humiliatus es in conspectu Domini: » ecce cor emollitum per penitentiam. De secundo dicit Psalmista<sup>2</sup>: « Dexteram tuam sic notam fac, et eruditos corde in sapientia: » ecce cor eruditum per sapientiam. » De tertio<sup>3</sup>: « Optimum est gratia stabilire cor: » ecce cor stabilitum per gratiam. Hoc modo dispositum erat illius cor, quem Dominus dilatavit, ut esset ad operandum agilior.

## Epilogus.

Dicit ergo Propheteta in p̄efati p̄enitentis figura: *Viam mandatorum tuorum*, quantum ad exteriorem actionem, obedientiae congruentem; *cucurri*, quantum ad ejus conditionem festinantiæ convenientem; *cum dilatasti*, quantum ad interioris affectionis dispositionem, laetitiae consonantem; *cor meum*, quantum ad ipsam affectionem benevolentiae attestantem.

## CAPUT TERTIUM.

## VERSICULUS PRIMUS.

33. *Legem pone mihi, Domine*, etc. Hic tertium inchoatur capitulum, quo tertium representatur fereulum. In primo siquidem proponitur beatitudo; in secundo retributio; in tertio legis positio. Et quia per legem venitur ad retributionem, et per retributionem pervenitur ad beatitudinem, patet quod fercula, dignitate pensata, non sunt incongrue ordinata. Lex ista potenter imperat, sicut ostendit octonarius primus; et ipsa clementer liberat, sicut ostendit secundus: cui respondent corumdem primordiales litterae: nam primus octonarius incipit <sup>He.</sup> ab hebraica littera He, quæ interpretatur *Ista*; <sup>vau.</sup> et secundus, ab hebraica littera Vau, quæ interpretatur *Et ipsa*. Lex prædicta rationalitati nostræ complacet, sicut insinuat quaternario primo; sed animalitati nostræ displicet, sicut insinuat secundo. Est autem complacentia quadriformis, quæ quatuor præambulis indicatur versiculis: complacet enim ut desidera-

bilis, ut considerabilis, ut operabilis, ut remunerabilis. Primus versus primam declarans complacentiam, quadruplicem innuit causam: puta, quia insipientiam ligat; quia concupiscentiam castigat; quia sapientiam investigat; quia intelligentiam non fatigat. Primum est justitiae; secundum, temperantiae; tertium, prudentiae; quartum, constantiae.

*Articulus primus.*

Primam complacentiæ causam, scilicet ligare insipientiam, insinuavit Psalmista, assumpta p̄enitentis figura, cum ait: *Legem pone mihi, Domine*, quasi ligamen insipientiæ. Lex enim a ligamine<sup>4</sup>: « Liga legem in digitis tuis. » Et notandum, quod Dominus triplices ponit leges ad ligandum insipientias triplices: ponit enim leges naturales, clericales, laicales: per primas ligat insipientiam ethnicorum; per secundas, insipientiam clericorum; per tertias, insipientiam laicorum. De primis<sup>5</sup>: « Aquas appendit in mensura, quando ponebat pluviis legem, » etc. Ecce leges naturales, insipientiam ethnicorum ligantes, qui (*a*) dicunt elementares actiones non subesse divinae providentiae, sed casui et fortunæ. De secundis ait Prophetæ<sup>6</sup>: « Legem posuit in Israel. » Quod dicitur de viris Israeliticis, competenter accipitur de clericis; quoniā Israel *Vir videns Deum interpretatur*, quod clericis congrue non negatur; et luce clarius est quod dictis legibus ligantur abusus ipsorum. De tertii etiam dicitur per Psalmistam<sup>7</sup>: « Legem pone mihi, Domine, in via tua, etc.; » quod de viatoribus publicis condecenter intelligitur; et quod corum insipientia sic ligetur, nullus nisi insipiens differtur.

*Articulus secundus.*

Secundam complacentiæ causam declaravit, cum addidit: *Viam justificationum tuarum*. Ecce viam concupiscentiæ contrariam, quam ob causam recte dicitur castigare concupiscentiam. Et notandum, quod haec via dicitur in Scriptura via innocentium, via simplicium, via humilium: quarum prima est præcipue contraria concupiscentiæ carnali: secunda, concupiscentiæ temporali; tertia concupiscentiæ favorali. De prima via scribitur<sup>8</sup>: « Justitia custodit innocentiam viam. » Ecce innocentium via, concu-

<sup>1</sup> *Il Paralip.*, xxxiv, 27. — <sup>2</sup> *Psal.*, LXXXIX, 12. — <sup>3</sup> *Hebr.*, XIII, 9. — <sup>4</sup> *Prov.*, vii, 3. — <sup>5</sup> *Job*, XXVIII, 25. — <sup>6</sup> *Psal.* LXXVII, 5. — <sup>7</sup> *Psal.* XXXVI, 31. — <sup>8</sup> *Prov.*, XIII, 6.

(a) *Cat. edit.* quæ.

piscientiae carnali contraria. Nam etsi quævis concupiscentia sit innocentiae corruptela; aliae tamen, quia subtiliores et latentiores sunt, aliquatenus palliari possunt: hæc autem ita rudit et patens est, quod palliari nullatenus potest. De secunda via dicitur<sup>1</sup>: «Justitia simplicis dirigit viam ejus.» Ecce simplicium via, concupiscentiae temporali adversaria, quia profecto temporalium cupidi non student simplicitati, sed duplicitati, et dolositati. De tertia via legitur<sup>2</sup>: «Conterunt super pulverem terra capita pauperum, et viam humilium declinant.» Ecce humilium via favorali concupiscentiae inimica; humiles enim mundanos favores et honores fugiunt, quos ambitiosi et superstitionis siunt. Illi capita pauperum super pulverem terræ conterunt, quia sicut ventus dissipat pulvres, ita ventosus pauperes. Vias humilium declinant, quoniam ad sublimia, gravius ruituri, festinant.

#### *Articulus tertius.*

Tertiam complacentiae causam aperuit, cum adjunxit: *Et exquiram eam*, quantum ad ea quæ intrinsecus latent, per ea quæ extrinsecus patent, hoc est, per legis sententiam, legislatoris sapientiam. Et nota, quod modis tribus sapientiam exquirere, vel investigare debemus, videlicet potenter, sapienter, libenter: potenter, quia scrutabilis; sapienter, quia spectabilis; libenter, quia delectabilis. De primo<sup>3</sup>: «Oculta proverbiorum exquiret, et in absconditis parabolaram conversabitur.» Ecce exquisitio potens, per quam exquiritur sapientia interius latens, non exterius patens. De secundo<sup>4</sup>: «Sapientiam antiquorum omnium exquiret sapiens.» Ecce exq. isitio sapiens, sicut exquiriens. De tertio<sup>5</sup>: Hinc amavi et exquisivi eam.» Ecce exquisitio placens.

#### *Articulus quartus.*

Quartam complacentiae causam subintulit, cum subjicit: *Semper*, id est, infatigabiliter; quia sapientia non fatigat intelligentiam, tanquam virtutem materiæ impermixtam; et ideo sapientia semper querenda, semper petenda, semper comedenda; quia nimur quæritur ad videndum, petitur ad tenendum, comeditur ad fruendum. De primo dicitur<sup>6</sup>: «Quærite faciem ejus semper,» quantum ad visionem. De secundo sub panis typo scribitur<sup>7</sup>: «Domine, da

nobis panem hunc,» quantum ad tensionem. De tertio<sup>8</sup>: «Tu comedes panem in mensa mea semper,» quantum ad fruitionem.

#### *Epilogus.*

Patet itaque sensus Prophetæ, cum dicit: *Legem pone mihi, Domine, quæ liget insipientiam per actum justitiae; Viam justificationum tuarum, quæ castiget concupiscentiam per actum temperantiae; Et exquiram eam*, ut per eam investigetur sapientia per actum prudentiae; *Semper*, ut per eam non fatigetur intelligentia per actum constantiae.

#### *VERSICULUS II.*

34. *Da mihi intellectum*, etc. Quo modo lex divina sit desiderabilis, indicavit versus præcedens; quo modo vero sit considerabilis, indicat versus præsens, in quo notatur signanter, et signatur notabiliter, quod sit consideranda quadrupliciter, videlicet humiliter, viriliter, utiliter, et infallibiliter. Primum est contra præsumtuosos; secundum, contra desidiosos; tertium, contra infructuosos; quartum, contra superstitiones.

#### *Articulus primus.*

Considerationis humilitas prænotatur, cum dicitur: *Da mihi intellectum*; ubi poenitens, non alta sapiens, sed humilius consentiens, spiritualem intellectus gratiam petit, quia de naturali intellectus perspicacia non præsumit. Et nota, quod est intellectus tripartitus, scilicet inditus, acquisitus, infusus. In primo obscuritas; in secundo maturitas; in tertio puritas. De primo scribitur ab Apostolo<sup>9</sup>: «Testificor in Domino, ut iam non ambuletis, sicut gentes ambulant in vanitate sensus sui, tenebris obscuratum habentes intellectum.» Non sicut gentes, sed sicut fideles ambulant, qui divina perscrutantes eloquia, spiritualem intellectus gratiam reverenter expostulant; sicut gentes, non sicut fideles ambulant, qui eadem perscrutari eloquia secundum naturalem intellectus perspicaciam irreverenter attenant. De secundo<sup>10</sup>: «Vir in multis expertus cogitat multa, et qui multa didicit, enarrabit intellectum;» ubi tanguntur duæ acquisitionis differentiae: una, per viam experientie; altera, per viam doctrinæ. De tertio dicit Apostolus<sup>11</sup>:

—<sup>1</sup> *Prov.*, xi, 5. —<sup>2</sup> *Amos*, ii, 7. —<sup>3</sup> *Ecli.*, xxxix, 3. —<sup>4</sup> *Ibid.*, i. —<sup>5</sup> *Sap.*, viii, 2. —<sup>6</sup> *Psal.*, civ, 4.

—<sup>7</sup> *Joan*, vi, 34. —<sup>8</sup> *II Reg.*, ix, 7. —<sup>9</sup> *Ephes.*, iv, 17. —<sup>10</sup> *Ecli.*, xxxiv, 9. —<sup>11</sup> *Coloss.*, i, 9.

« Non cessamus pro vobis orantes et postulantes, ut impleamini agnitione ejus, in omni sapientia et intellectu spiritali. » Evidem intellectu spiritali impletur, cui donum intellectus divinitus inspiratur.

#### *Articulus secundus.*

Considerationis virilitas denotatur, cum dicatur : *Et scrutabor legem tuam.* Arduum enim est legis scrutinium, ad quod non sufficit humanum ingenium; sed coexigitur divinum beneficium; unde nimis serutatorem requirit strenuum. Et nota, quod talis actus non est humanus, sed divinus, et tamen hominibus opportunus: propter primum, mirabilis; propter secundum, venerabilis; propter tertium, desiderabilis. De primo<sup>1</sup>: « Ecce Deus excelsus in fortitudine sua, et nullus ei similis in legislatoribus. Quis poterit scrutari vias ejus? » Plane *excelsa* Dei *fortitudo* est, quae humanæ mentis simplicitatem ad speculandam divinæ dispositionis sublimitatem sublevare potest. *Nullus ei similis in legislatoribus*, quoniam hoc fieri non potest humanitus. *Quis ergo scrutabitur vias ejus*, supple, nisi sublevetur divinitus? Ecce mirabilis scrutandi actus, quia non humanus. De secundo<sup>2</sup>: « Spiritus omnia scrutatur, etiam profunda Dei. Quis enim scit hominum quae sunt hominis, nisi spiritus hominis, qui in ipso est? Ita et quae Dei sunt, nemo cognoscit, nisi spiritus Dei. Nos autem non hujus mundi spiritum accepimus, sed spiritum qui ex Deo est, ut sciamus quae a Deo donata sunt nobis. » Ac si aperte diceret: Spiritus divinus scrutatur secreta divina, sicut humanus humanus; et tamen ille spiritus, qui divina scrutatur, hominibus inspiratur, ut divina dispositio ab hominibus dignoscatur. Ecce venerabilis scrutandi actus, quia divinus. De tertio scribitur<sup>3</sup>: « Beati, qui scrutantur testimonia ejus. » Ecce desiderabilis scrutandi actus, quia hominibus opportunus. Quid enim desiderabilius, quid opportunius homini, quam beatificari?

#### *Articulus tertius.*

Considerationis utilitas annotatur, cum sequitur : *Et custodiā illam.* Nihil enim prodest notitia veritatis, ubi deest custodia charitatis. Planum quippe est, quia si charitas abest, nihil prodest quidquid adest. Et nota, quod est per-

<sup>1</sup> *Joh.*, xxxvi, 22, 23. — <sup>2</sup> *Cor.*, ii, 10-12. — <sup>3</sup> *Psal.* hoc, 2. — <sup>4</sup> *Prov.*, iii, 21. — <sup>5</sup> *Prov.*, xxviii, 7. —

utile non tantum legem scire, sed et custodire, sicut probatur triplici ratione, videlicet quia vivificat, quia sapientificat, quia beatificat: quorum primum pertinet ad purgationem, quæ fit per justificationem; secundum, ad illuminationem, quæ fit per informationem; tertium, ad consummationem, quæ fit per beatitudinis expectationem. De primo<sup>6</sup>: « Custodi legem meam atque consilium meum, et erit vita animæ tuæ: » *legem* dicit, quantum ad necessaria; *consilium*, quantum ad voluntaria instituta: ecce custodia legis vivificans. De secundo<sup>7</sup>: « Qui custodit legem, filius sapiens est: » ecce custodia legis sapientificans. De tertio<sup>8</sup>: « Qui custodit legem, beatus est: » ecce custodia legis beatificans.

#### *Articulus quartus.*

Considerationis infallibilitas subnotatur, eum subditur : *In toto corde meo.* Fallibilis est legis consideratio, si considerantis sit intentio, ut custodiatur extrinsecus coram hominibus, non intrinsecus coram Deo. Illa vero consideratio non fallit, quæ non solum exterius, sed et interius custodire intendit. Custodia quidem extrinseca non est perfecta, nec in corde perfecto radicata; sed custodia tam extrinseca, quam intrinseca, est perfecta, et in corde perfecto fundata. De tali custodia dicit Propheta : *In toto corde meo*, id est, in perfecto corde. Et nota de perfecto corde, quod tali corde debemus in Deum credere, Deo servire, ad Deum venire. Fidei est credere; spei, servire; charitatis, venire. De primo<sup>9</sup>: « Oculi Domini contemplantur universam terram; et præbent fortitudinem iis, qui perfecto corde credunt in eum: » hic attende *credere perfecto corde*. De secundo<sup>10</sup>: « Salomon, fili mi, scito Deum patris tui, et servi ei corde perfecto: » hic adverte *servire perfecto corde*. De tertio<sup>11</sup>: « Omnes isti viri bellatores, et expediti ad pugnandum, cum corde perfecto venerunt in Hebron (*a*), ut constituerent regem David super universum Israel. » *Omnes viri bellatores* sunt omnes martyres, qui fuerunt ad pugnandum expediti, relictis temporalibus, quibus fuerant res. Hi *venerunt perfecto corde*, quia per dilectionem perfectam: *in Hebron*, id est, in visionem sempiternam, *ut constituerent David*, id est, Christum, aspectu desiderabilem, super

<sup>6</sup> *Prov.*, xxix, 18. — <sup>7</sup> *II Paralip.*, xvi, 9. —

<sup>8</sup> *I Paralip.*, xxviii, 9. — <sup>9</sup> *Ibid.*, xii, 38.

<sup>10</sup> (*a*) *Cœl. edit.* Ebron, et sic deinceps.

*universum Israel regem*, collaudando et conglobificando euindem, tam angelicis, quam humanis spiritibus præsidentem : hic apprehende *venire perfecto corde*.

## Epilogus.

Ex his potest clarescere intellectus propheticus in hac parte ; dicit enim : *Da mihi intellectum*, quasi legis considerator humilis, non præsumptuosus ; *Et scrutabor legem tuam*, quasi considerator virilis, non desidiosus ; *Et custodiam illam*, quasi considerator utilis, non infructuosus ; *In toto corde meo*, quasi considerator infallibilis, non superstitosus.

## VERSICULUS III.

33. *Deduc me insemitam* (a), etc. De lege divina, in quantum desiderabilis et considerabilis, determinatum est in duobus versibus suprascriptis; in hoc tertio determinatur de ipsa in quantum operabilis. Est igitur versus hujus continentia quadrimembris, secundum quod lex ipsa quadrupliciter est operabilis. *Enimvero* operabilis est Deum sequendo, prosequendo, obsequendo, et consequendo : operantes Deum sequuntur, in quantum præoperans ; prosequuntur, in quantum cooperans ; obsequuntur, in quantum imperans ; consequuntur, in quantum remunerans.

## Articulus primus.

Quantum ad primum, dicitur : *Deduc me*. Vox est animæ fidelis, legem servare volentis, quæ dicit Domino : *Deduc me*, quæ sequor te, quia tu præoperans. Unde notandum, quod Dominus tripliciter nos deducit, videlicet custodiendo, erudiendo, eripiendo : custodit enim, ut tutor; erudit, ut doctor; eripit, ut victor. De primo<sup>1</sup> : « *Deducet me in operibus meis sobrie*, et custodiet me in sua potentia : » primum pertinet ad custodiam intrinsecam; secundum ad extrinsecam. De secundo scribitur<sup>2</sup> : « *Emitte lucem tuam, et veritatem tuam* : ipsa me deduxerunt, et adduxerunt in montem sanctum tuum, et in tabernacula tua ; » quasi dicat : *Immitte sapientiae et scientiae claritatem*, quæ

Lex quadripli-  
citer ope-  
rabilis.

Deus tri-  
pliciter  
nos de-  
ducit.

dirigunt, et erigunt ad Dei et proximi charitatem. De tertio<sup>3</sup> : « *Super excelsa mea deducet me vixor in psalmis canentem* ; » ac si dicat : Qui vicit mundum, deducet me super excelsa mundi tentamina lætabundum.

## Articulus secundus.

Quantum ad secundum, additur : *In semitam*, qua prosequor te, quia tu cooperans. Nota, quod hæc semita est semitæ mundanæ opposita, scilicet semitæ vanitatis, voluptatis, et cupiditatis : quarum prima dicitur incurvata, secunda inclinata, tertia involuta. De prima scribitur<sup>4</sup> : « *Confidunt in nihilo* (b), et loquuntur vanitates ; » et infra : « Semitæ eorum incurvatae sunt eis : » ecce vanitatis semita incurvata. De secunda<sup>5</sup> : « *Ut eruaris a muliere aliena* ; » et infra : « *Inclinata enim est ad mortem domus ejus*, et ad inferos semitæ ipsius : » ecce voluptatis semita inclinata. De tertia<sup>6</sup> : « *Ecce non est auxilium mihi in me, necessarii quoque mei recesserunt a me* ; » et infra : « *Involutæ sunt semitæ gressuum eorum; ambulaverunt in vacuum, et peribunt* : » ecce cupiditatis semita involuta.

## Articulus tertius.

Quantum ad tertium subditur : *Mandatorum tuorum*. Hic semitam specificat, qua se deduci supplicat. In quo duo patenter implicat, utpote se obsequentem, et illum imperantem. Unde notandum, quod tribus de causis est mandatis Dominicis obsequendum : utputa, quia non impossibilia, non inutilia, non difficilia : nec enim sunt impossibilia credenti, nec inutilia speranti, nec difficilia diligenti. De primo<sup>7</sup> : « *Mandatum hoc, quod ego præcipio tibi hodie, non supra te est*. » Plane supra te non est, quod per te fieri potest; supra te non est, quod potentiae tue subest. De secundo<sup>8</sup> : « *Reprobatio fit præcedentis mandati propter infirmitatem ejus, et inutilitatem*. » Hic possumus a contrario sensu concludere, quod si mandatum reprobatum fuit inutile, sicut ceremoniale, mandatum non reprobatum fuit utile, sicut morale. De tertio<sup>9</sup> : « *Mandata ejus gravia non sunt*. » Plane gravia non sunt, nisi iis qui non sunt; quales sunt, qui in charitate non sunt, teste Apostolo<sup>10</sup>.

Manda-  
tis Dei  
tribus de  
causis  
obedie-  
dum.

(a) Cæt. edit. semita, et sic deinceps. — (b) Cæt. edit. nihili.

<sup>1</sup> *Sap.*, ix, 11. — <sup>2</sup> *Psal.* XLII, 3. — <sup>3</sup> *Habac.*, III, 19. — <sup>4</sup> *Isa.*, LIX, 4, 8. — <sup>5</sup> *Prov.*, II, 16, 18. — <sup>6</sup> *Job*, VI, 13, 18. — <sup>7</sup> *Deut.*, XXX, 11. — <sup>8</sup> *Hebr.*, VII, 18. — <sup>9</sup> *1 Joan.*, V, 3. — <sup>10</sup> *1 Cor.*, XIII, 2.

*Articulus quartus.*

Quantum ad quartum, subserbitur : *Quia ipsam volui.* Ille ostendit, quod intendit : sua finalis intentio, est finis consecutio, sive sua remuneratio. Semifam quippe voluit, quia sequi, persequi, et obsequi voluit. Haec autem voluit, quia consequi voluit; nec illa voluisse, nisi consequi maluisset. Ostendit itaque, et se consequentem, et illum remunerantem secundum suam intentionem, licet non secundum *Velle triplex.* impletionem. Sed nota, quod ait : *Volui.* Ille enim innuit, et velle quo voluit; et velle quod voluit; et velle, quod voluit ipsum velle, quo voluit. Primum velle fuit adjacens; secundum præjacens; tertium subjacens. De primo scribitur<sup>1</sup> : « *Velle adjacet mihi :* » tale velle fuit, quo Propheta voluit. De secundo dicitur<sup>2</sup> : « *Ut facarem voluntatem tuam, Deus meus, volui :* » tale velle Propheta voluit, cum semitam mandatorum voluit. De tertio<sup>3</sup> : « *Deus est, qui operatur in nobis, et velle, et perficere, pro bona voluntate.* » Ac si diceretur aperte : Bonum Dei velle operatur in nobis, bonum velle et perficere. Velle itaque quo Propheta voluit, ab ejus velle factum fuit, cuius velle facere voluit. Propheta quippe hoc voluit facere, quod Deus voluit, sed hoc idcirco voluit, quia Deus hoc ipsum velle voluit.

*Epilogus.*

Patet itaque super his mens Prophetae. Ait enim : *Deduc me, supple, qui sequor te; quare? quia tu mihi præoperans; In semita, supple, in qua prosequor te; quare? quia tu mihi cooperans; Mandatorum tuorum, supple, in quibus tibi obsecror; quare? quia tu mandator, aut imperans; Quia ipsam volui:* supple, propter te, quem consequi malui; quare? quia tu remunerans.

*VERSICULUS IV.*

36. *Inclina cor meum*, etc. Propalata complacentia legis in tribus versiculis sub tribus circumstantiis, puta prout desiderabilis, considerabilis, operabilis; hic propalatur eadem complacentia sub quarta circumstantia, puta prout remunerabilis. Remuneratur autem in personis disciplinatis, ordinatis, illuminatis, incontaminatis :

<sup>1</sup> Rom., vii, 18. — <sup>2</sup> Psal. xxxix, 9. — <sup>3</sup> Philip., ii, 13. — <sup>4</sup> Prov., xxi, 1. — <sup>5</sup> Prov., ii, 3. — <sup>6</sup> Psal. hoc, 112.

quibus respondet versus praesentis continentia quadrimembris : dico autem personas disciplinatas, respectu exteriorum; ordinatas, respectu interiorum; illuminatas, respectu superiorum; incontaminatas, respectu inferiorum.

*Articulus primus.*

Prima conditio, scilicet disciplinatio, præfertur, cum scribitur : *Inclina;* ubi postulatur a Deo inclinatio, quæ est disciplinabilis dispositio : nam personæ disciplinatae procedunt vultibus inclinatis; sicut indisciplinatae, verticibus supinatis. Et nota, quod Dominus disciplinat, et disciplinando inclinat prælatos, contemplativos, activos, scilicet ad imperanda, consideranda, operanda. De primo<sup>1</sup> : « *Sicut divisiones aquarum, ita cor regis in manu Domini; quocumque voluerit, inclinabit illud;* » ac si diceretur aperte : *Sicut facile est homini aquam cuicunque voluerit propinare; ita facile est manui Domini cor prælati, quocumque voluerit, inclinare.* Feliciter imperat, qui taliter inclinatur; salubriter obtemperat, cui taliter imperatur. De secundo<sup>2</sup> : « *Iaclina cor tuum ad cognoscendam prudentiam.* Plane sicut vas artificiale non potest haurire aquam de fonte supinatum, sed inclinatum; sic nec vas rationale, scilicet cor, potest accipere aquam sapientiae de fonte Scripturæ indisciplinatum, sed disciplinatum. De tertio canitur<sup>3</sup> : « *Inclinavi cor meum ad facias justifications :* » sicut inclinatur corporaliter fabricans ad fabricationem, sic inclinat<sup>4</sup> (a) spiritualiter justificans ad justificationem. Unde prædictæ inclinationes sunt disciplinæ insinuationes, que sunt interius secundum inceptionem, exterius secundum perceptionem; quoniam in corde originantur, sed in corpore consummantur : ideoque inclinatio secundum sui completionem ad disciplinam spectat exteriorem.

*Articulus secundus.*

Secunda conditio, videlicet ordinatio, præfertur, cum dicitur : *Cor meum.* Ubi notatur disciplinæ forinsecæ fundamentum, id est, cor non obligatum ad supplicium, non translatum in alienum dominium, quod est inordinatum. Et nota, quod cor potest esse tripliciter inordinatum : puta quantum ad Deum, per superbiam; quantum ad proximum, per invidiam;

(o) Cæt. edit. inclinatur.

quantum ad semetipsum , per iracundiam. Primum Scriptura nominat cor aversum; secundum , cor perversum ; tertium, cor subversum . De primo<sup>1</sup> : « Vir aut mulier, familia aut tribus, cuius cor aversum est hodie a Domino Deo vestro, ut vadat, et serviat diis illarum gentium; » et infra : « Sedeant super ipsum omnia maledicta, quæ scripta sunt in hoc volumine; » ubi notatur cordis aversio , et aversionis animadversio. De secundo<sup>2</sup> : « Qui versi cordis est, non invenit bonum : » hoc planum est in invidio; nam invidus non invenit bonitatem in proximo, sicut nec gustus infectus suavitatem in vino. De tertio<sup>3</sup> : « Subversum est cor meum in memetipsa, quoniam amaritudine plena sum : » hoc clarum est in iracundo; quoniam plenitudo amaritudinis mentem ejus subvertit, sicut plenitudo maris navem submergit.

#### *Articulus tertius.*

Tertia conditio, ut puta illuminatio , affertur, cum additur: *In testimonia tua*: divina namque testimonia sunt superna luminaria, quibus illuminatur intelligentia. Et nota testimonia tripartita : quedam scilicet exquisita; quedam acquisita; quedam infusa. Exquiruntur quippe per industriam; acquiruntur per doctrinam; infunduntur per gratiam. De primis<sup>4</sup> : « Testimonia tua exquisivi : » illud enim exquiri dicuntur, quod per industriam experiendo discitur. De secundis psallit Propheta<sup>5</sup> : « Hæreditate acquisivi testimonia tua : » illud profecto hæreditate acquisivimus, quod ex patrum catholicorum doctrina suscepimus. De aliis canit eadem scriptura<sup>6</sup> : « Da mihi intellectum, ut sciām testimonia tua : » hic petitur intellectus gratia, per quam infunditur scientia.

#### *Articulus quartus.*

Quarta conditio, ut potē incontaminatio , subinfertur, cum subditur: *Et non in avaritiam*. Temporalis enim avaritia mentem contaminat, dum veritati vanitatem superseminat. Unde notandum, quod avaritia est odienda, cavenda, projicienda : odienda quippe, quia impedit vitam naturæ; cavenda, quia impedit vitam gratiæ; projicienda, quia impedit vitam gloriæ. De primo<sup>7</sup> : « Qui odit avaritiam, longi fient dies ejus : » ecce avaritia audienda. De se-

cundo<sup>8</sup> : « Vide et cavete ab omni avaritia, quia non in abundantia ejusquam vita ejus est, » scilicet gratiæ : ecce avaritia cavenda. De tertio<sup>9</sup> : « Qui projicit avaritiam ex calumnia, » et : « Iste in excelsis habitabit : » ecce avaritia projicienda.

#### *Epilogus.*

Et hoc est, quod Propheta cantat in illius persona, qui ad remunerationem beatorum anhelat: *Inclina*, quantum ad perfectam disciplinacionem, que fulgere debet exterius; *Cor meum*, quantum ad virtuosam ordinationem, qua disponitur cor interius; *in testimonia tua*, quantum ad divinam illuminationem, qua trahitur superius; *et non in avaritiam*, quantum ad humanam incontaminationem, qua non trahitur inferius.

#### *VERSICULUS V.*

37. *Averte oculos meos*, etc. De legis complacencia, quantum ad nostram rationabilitatem, disserendum est per quaternarium præcedentem; de ipsis displicentia, quantum ad nostram animalitatem, disseritur per præsentem. Porro displicentia hujuscemodi generatur ex timore quadruplici : timet enim ne occasione legalis observationis sit minus honorabilis, minus aequalis, minus amabilis, minus favorabilis, ut quatuor subnotatur versiculis. Versus primus primum timorem præsupponit, ut ostendit petitio, quam proponit; præsupponit siquidem appetitus debilitatem, appetendi facilitatem, appetibilis carnalis inutilitatem, et appetibilis spiritualis utilitatem. Unde petit debilitatem averti, facilitatem reverti, ab inutilitate diverti, ad utilitatem converti.

#### *Articulus primus.*

Appetitus debilitas prænotatur, cum dicitur : *Averte oculos meos*. Per oculos, quos debiles esse nullus ambigit, concupiscentiam oculorum intelligit; ideoque non absurde illorum aversionem exigit. Sed nota, quod est alius oculus, et alia aversio ejus : est enim oculus quovis erato nequior, et est oculus vino pulchrior, et est oculus sole lucidior. Primus est oculus peccatoris, de quo<sup>10</sup> : « Malus est oculus nequam : nequius oculo quid creatum est? » Secundus est oculus speculatoris, sub cuius typo dici-

<sup>1</sup> Deut., xxix, 18, 20. — <sup>2</sup> Prov., xvii, 20. — <sup>3</sup> Luc., xii, 15.  
<sup>4</sup> Thren., I, 20. — <sup>5</sup> Psal. hoc, 22. — <sup>6</sup> Ibid., III. —

<sup>7</sup> Ibid., 423. — <sup>8</sup> Prov., xxviii, 16. — <sup>9</sup> Isa., xxxiii, 15, 16. — <sup>10</sup> Eccli., xxxi, 15.

tur<sup>1</sup> : « Pulchriores sunt oculi ejus vino. » Tertius est oculus Salvatoris, de quo<sup>2</sup> : « Oculi Domini multo plus lucidiores sunt sole. » Primus avertitur a bono ad malum per inobedientiam; secundus, a majori bono ad minus bonum, per inobedientiam; tertius, ab optimo ad pessimum, per vindictam. Primum vituperabile; secundum tolerabile : tertium formidabile. De primo<sup>3</sup> : « Propter inopiam multi deliquerunt; et qui querit locupletari, avertit oculum, » scilicet a licto ad illicitum. Unde dicit Sapiens<sup>4</sup> : « Qui festinat ditari, non erit innocens. » De secundo sic loquitur sponsus sponsae<sup>5</sup> : « Averte oculos tuos a me, quia ipsi me avolare fecerunt; » quasi dicat : Averte aspectus speculativos a speculatione veritatis ad temulationem virtutis, quia ipsi propter suam (a) improbitatem me avolare fecerunt a claritate in claritatem, hoc est a claritate justitiae in claritatem sapientiae. Sic oportet quandoque propter bonum obedientiae oculum contemplantis averti a visione Dei ad provisionem proximi. De tertio<sup>6</sup> : « Cum extenderitis manus vestras, avertam oculos meos a vobis. » O quam terribilis aversio Salvatoris a dextera ad sinistram, a corona ad poenam, a gloria ad gehennam!

#### *Articulus secundus.*

Appetendi facilitas connotatur, cum additur : Ne videant, id est, appetant. Non indocte posuit videre pro appetere, quia non est appetitus sine intuitu. Nam, secundum Philosophum<sup>7</sup>, apprehensio praecedit appetitum. Nec in visu est viuum propter intuitum, sed propter appetitum. Et nota, quod magna est videndi seu appetendi facilitas circa tres appetibilium differentias, puta circa divitias, delicias, excellentias. Ad haec tria appetibilia dirigit appetitum sapientia tripartita, utputa terrena, animalis, diabolica : quorum primum convenienter intelligitur per id, quod legitur<sup>8</sup> : « Si vidi solem cum fulgeret, et lunam incidentem clare. » Quod dictum est secundum morem alchimistarum, quo metallae nominantur nominibus planetarum. Secundum enim morem istum (b), per solem et lunam aurum accipimus et argentum, quae dicuntur clara et cara; et tanto clariora, quanto cariora. Hæc autem, licet clarissima et carissima, beatus Job non vidit, quia non appetivit : ecce di-

<sup>1</sup> Gen., XLIX, 12. — <sup>2</sup> Eccli., XXIII, 28. — <sup>3</sup> Eccli., XXVII, 1. — <sup>4</sup> Prov., XXVIII, 20. — <sup>5</sup> Cant., VI, 4. — <sup>6</sup> Isa., I, 15. — <sup>7</sup> Arist., Metaph., lib. XII, text. 36, 37.

vitiarum appetitus, terrena sapientia excitatus. Secundum exprimitur, ubi scribitur<sup>9</sup> : « Oculi tui videbunt extranea, et cor tuum loquetur perversa; » quasi dicat : Concupisces mulieres extraneas, et perversis verbis perversas manifestabis concupiscentias : ecce deliciarum appetitus, animali sapientia irretitus. Tertium explicari dignoscitur, ubi de rege filiorum superbiae dicitur<sup>10</sup> : « Omne sublime videt : » quippe rex ille sublimia appetivit, et similia appetere filios eruditivit : ecce excellentiae appetitus, sapientia diabolica eruditus.

#### *Articulus tertius.*

Appetibilis carnalis inutilitas denotatur, cum subditur : *Vanitatem*. Proculdubio vanitas non est appetibilis ; imo contemptibilis, præcipue tribus de causis : quia sensum detentiva; Vanitas non est appetibilis, sed contemptibilis. Plane mentum seductiva; Dei provocativa. Plane sensum detinet in delectatione; mentem seducit in deliberatione; Deum provocat in operatione. De primo<sup>11</sup> : « Multos supplantavit suspicio eorum, et in vanitate definit sensus illorum. » Illos profecto supplantat suspicio, qui vanitatem ut veritatem existere suspicantur; sed illorum sensus vanitas detinet, qui in vanitate tanquam in veritate delectantur : ecce vanitas sensum detentiva. De secundo<sup>12</sup> : « Ego et dominus patris mei peccavimus, vanitate seducti sumus ; » quia peccavimus in operatione, vanitate seducti sumus in deliberatione : ecce vanitas mentium seductiva. De tertio canitur<sup>13</sup> : « Odisti observantes vanitates supervacue : » sane odiosa est Deo vanitas, quia Deus est veritas : ecce vanitas, Dei provocativa.

#### *Articulus quartus.*

Appetibilis spiritualis utilitas annotatur, cum annexitur : *In via tua vivifica me*. Ecce via spiritualis, via appetibilis. Sed quæ est hæc via, ut ambulemus in ea? Nota, quod hæc via est una, via vera, via bona. Hanc viam dico unam, propter obedientiam, quæ pluralitatem vivificat; veram, propter continentiam, quæ spiritualitatem verificat; bonam, propter renuntiationem proprietarianam, quæ temporalitatem communicat. De primo<sup>14</sup> : « Dabo eis cor unum, et viam unam, ut timeant me universis diebus. »

<sup>8</sup> Job, XXXI, 26. — <sup>9</sup> Prov., XXIII, 33. — <sup>10</sup> Job, XLI, 23. — <sup>11</sup> Eccli., III, 26. — <sup>12</sup> II Esdr., I, 7. — <sup>13</sup> Psal. XXX, 7. — <sup>14</sup> Jerem., XXXII, 39.

(a) *Cœl. edit. tuam.* — (b) *Item justum.*

*Cor dicit, propter intrinsecam unitatem affectionis; viam, propter unitalem extrinsecam actionis, vel regularis observationis. De secundo<sup>1</sup>:* « *Justæ et veræ sunt viæ tuæ (a), Domine rex sanctorum.* » *Justæ, dico, quia sine alterius præjudicio, quantum ad temporalia; veræ, quia sine mendacio, quantum ad spiritualia. De tertio<sup>2</sup>:* « *Doce eos viam bonam, per quam ingrediantur,* » *quasi dicat: Doce Israelitas viam bonam honorum temporalium communicavam, per quam ingrediantur ad vitam.*

#### Epilogus.

Dicit ergo: *Averte oculos meos, quantum ad appetitus debilitatem, quam petit averti; Ne videam, quantum ad appetendi facilitatem, quam vult reverti; Vanitatem, quantum ad appetibilis inutilitatem, a qua querit diverti; In via tua vivifica me, quantum ad appetibilis utilitatem, ad quam cupid converti.*

#### VERSICULUS VI.

38. *Statue servo tuo, etc.* Versus præcedens timorem primum supposuit, sicut remedium requisitum exposuit; versus præsens timorem secundum supponit, sicut remedium expetitum exponit. Supponens enim anima timorata, quod affabilitas hominem declinat ad timorem humanum potius, quam divinum, petit e contra, quod affabilitas sua a Domino producatur, in servum introducatur, ad conservos conducatur, ad Dominum reducatur: producatur, inquam, per potentiam; introducatur per sapientiam; conducatur per eloquentiam; reducatur autem per timorem, seu reverentiam: sicut seriatim exprimitur per quadripartitam versus præsentis continentiam.

#### Articulus primus.

Quantum ad primum articulum, subditur: Statuere *Statue*. Quid est statuere, nisi statutum producere? Et qualis productio ista, nisi potestativa? Dicit ergo anima timorata Domino congruenter: *Statue, scilicet producendo potenter, quia tua potentia est omnium productiva.* Et nota, quod Dominus invenitur in Scripturis statuere diversa diversimode, quia nimur alia statuit ad uniuersum, alia ad muniendum, alia ad puniendum:

<sup>1</sup> Apoc., xv, 3. — <sup>2</sup> II Paralip., vi, 27. — <sup>3</sup> Gen., xvii, 7. — <sup>4</sup> Baruc., ii, 35. — <sup>5</sup> Act., vii, 59. — <sup>6</sup> I Reg., iii, 9. — <sup>7</sup> Isa., lii, 13. — <sup>8</sup> Psal. xviii, 12.

unde statuit pactum, statuit testamentum, statuit peccatum. De primo<sup>9</sup>: « *Statuam pactum meum inter me et te, et semen tuum post te :* » ecce statutum, per quod sibi univit Dominus Abraham et posteritatem suam, sicut pariter uniuntur quicumque concorditer paciscuntur. De secundo legitur<sup>10</sup>: « *Statuam illis testamen-* tum alterum sempiternum, ut sim illis in Do-minum, et ipsi mihi erunt in populum : » ecce statutum, quo muniuntur, qui testatoris hæreditatem sortiuntur. De tertio<sup>11</sup>: « *Domine, ne statuas illis hoc peccatum :* » ecce statutum, per quod puniuntur, quæ contra divinum imperium presumuntur.

#### Articulus secundus.

Quantum ad secundum, subscribitur: *Servo tuo.* Optime cantat, et pulcherrime continuat; quia sicut potentiae est producere, sic sapientiae introducere; nec potentia divina sine sapientia, nec productio illa sine introductione: unde præmisso: *Statue, potenter producendo, continuo subjungit: Servo tuo, sapienter introducendo.* Et nota, quod servus iste debet habere apprehensivam capacem, discretivam sagacem, memorativam tenacem, ut capaciter audiat, sagaciter intelligat, tenaciter custodiat. De pri-mo<sup>12</sup>: « *Loquere, Domine, quia audit servus tuus :* » ecce servi capacitas, quantum ad apprehensivam. De secundo<sup>13</sup>: « *Ecce intellige, servus meus :* » ecce servi sagacitas, quantum ad discretivam. De tertio<sup>14</sup>: « *Etenim servus tuus custodit ea :* » ecce servi tenacitas, quantum ad memorativam.

#### Articulus tertius.

Quantum ad tertium, conscribitur: *Eloquium tuum*, quia sapientiae institutum conductitur per eloquium ab uno servo in servorum collegium. Eloquium autem hujusmodi interdum legitur emitti, interdum emitti<sup>(b)</sup>, interdum dimitti. Eloquium emittitur, cum deorsum effunditur; mittitur, cum extrosum transfunditur; dimittitur, cum introrsum refunditur. De primo legitur<sup>15</sup>: « *Qui emittit eloquium suum terræ.* » Hæc emissio sit a superiori, effundendo inferius per eloquium inspiratum divinitus: propter quod utile est theologizantem ab oratione incipere, ut ait Dionysius<sup>16</sup>, quia non potest eloqui utiliter, nisi

<sup>9</sup> Psal. cxlvii, 15. — <sup>10</sup> Dion., de Div. Nom., c. iii. — <sup>11</sup> (a) Cæt. dit. non habent luæ. — (b) Leg. mittit vel im-mitti.

datum fuerit desuper. De secundo<sup>1</sup>: « Si Dominus Magnus voluerit, spiritu intelligentiae replebit illum, et ipse tanquam imbras mittet cloquia sapientiae suae. » Hæc missio fit ab interiori exterius transfundendo, quoties sapientia decorsum emissum a Domino in servum, consequenter per eloquium a servo transfunditur in conservum. De tertio<sup>2</sup>: « Dimittam adversum me eloquium meum. » Hæc dimissio fit ab exteriori interius refundendo, cum transfundens sapientiam exterius ad informationem alterius, refudit eam interius ad informationem sui ipsius, ut qui docet alium, doceat et seipsum. Non enim debent indociles esse doctores, secundum Augustini testimonium in libro *ad Dulcitium*<sup>3</sup>.

#### Articulus quartus.

Quantum ad ultimum, perscribitur: *In timore tuo*. Hic est timor reverentiae, qui reducit a servo in Dominum, quem Dominus introduxit in servum: quoniam ab ipso omnia, et in ipsum, testante Dionysio in libro *de Cœlesti Hierarchia*<sup>4</sup>. Reverentia namque reducit, quod sapientia introduxit. Et nota, quod timor iste dicitur principium causale sapientiae secundum triplicem causalitatem, videlicet initialem, formalem, finalem: quia sapientiam initiat, sapientiam disciplinat, sapientiam coronat, et coronando consummat. De primo legitur<sup>5</sup>: « Initium sapientiae timor Domini. » Hoc timore iniciatur sapientia, quando requiritur et recipitur cum reverentia. De secundo<sup>6</sup>: « Timor Domini disciplina sapientiae: » ecce forma sapientiae disciplinalis, seu disciplina formalis. Sapientiam (*a*) namque, quam timor non format, tumor deformat. Unde sapientia cum tumore inflat, cum timore ædificat. De tertio<sup>7</sup>: « Corona sapientiae timor Domini. » Plane sapientia timentium coronabitur; sapientia tumentium conculebitur. Primus Adam coronam sapientiae concupivit: sed quia timorem Domini non custodivit, invenire non potuit quod quæsivit. Secundus Adam nobis aperiens viam bonam, super omnia dona spiritualia posuit hanc coronam, sicut patet, ubi<sup>8</sup> propositis donis Spiritus sancti, superponitur « Spiritus timoris Domini. » Cui etiam *Ecclesiasticus* congruit<sup>9</sup>: « Timor, inquit, Domini se superposuit (*b*). »

<sup>1</sup> *Eccli.*, xxxix, 9. — <sup>2</sup> *Job*, x, 1. — <sup>3</sup> *Aug.*, *ad Dulcit.* de octo quæst. — <sup>4</sup> *Dion.*, *de Cœl. Hier.*, c. I. — <sup>5</sup> *Psal.* cx, 10. — <sup>6</sup> *Prov.*, xv, 33. — <sup>7</sup> *Eccli.*, I, 22. — <sup>8</sup> *Isa.*, xl, 3. — <sup>9</sup> *Eccli.*, xxv, 14.

#### Epilogus.

Ex praedictis potest clarescere sensus propheticus in hac parte; quia Propheta, gerens imaginem animæ timoratæ, ita psallit Domino cum timore: *Statue*, scilicet producendo per potentiam; *Servo tuo*, scilicet introducendo per sapientiam; *Eloquium tuum*, scilicet ad conservos conducendo per eloquentiam; *In timore tuo*, scilicet ad te reducendo per reverentiam.

#### VERSICULUS VII.

39. *Amputa opprobrium*, etc. Quemadmodum versus primus supposuit timorem primum, et secundus secundum, sic iste tertius supponit tertium. Suspicatur enim meticulous animus, quod malus putetur, et per consequens minus ametur; et idcirco supplicat Domino, ut hæc suspicio amputetur: quod patet luce clarus ex quatuor actibus, quos continet iste versus, et ideo quadripartitus est tenor ejus. Hi sunt actus malitiae, bonitatis, falsitatis, veritatis: actus malitiae, est malum putare; actus bonitatis, bonum reputare; actus falsitatis, falsum impudicare; actus veritatis, falsum amputare. Unde cum actus malitiae per actum falsitatis inferatur, petit quod, per actum veritatis, actus falsitatis auferatur, et actus bonitatis subinferatur, sicut in prosecutione clarus declaratur.

#### Articulus primus.

Actus veritatis prænotatur, cum dicitur: *Amputa*, quoniam amputare falsum ad veritatis pertinet actum. Et nota, quod falsa triplicia sunt principaliter amputanda: quorum alia humana, alia vana, alia sunt profana. In primis fallit carnis concupiscentia; in mediis, superbia; in ultimis, perfidia. De primis<sup>10</sup>: « Si pestuus scandalizat te, amputa illum. » Pes veteris hominis est affectus carnalis, qui scandalizat, cum spiritum colaphizat; sed amputatur, dum timore securis ad radicem arboris positæ resecatur. De mediis<sup>11</sup>: « Fac, Domine, ut gladio proprio superbia ejus amputetur. » Superbia gladio proprio amputatur, dum pensato ejus periculo devitatur. De ultimis<sup>12</sup>: « Amputabuntur cornua altaris. » Cornua siquidem altaris amputantur, cum cruciformis figura, seu crucifixi cultura, in diabolicam transformatur; quod illi perpet-

— <sup>10</sup> *Marc.*, ix, 44. — <sup>11</sup> *Judith*, ix, 12. — <sup>12</sup> *Amos*, iii, 14. — (a) *Edit. Ven. Sapientia*. — (b) *Leg. super omnia*.

trare noscuntur, quia (a) sacris execrabiliter abutuntur.

*Articulus secundus.*

Actus malitiae subnotatur, cum subditur : *Oprobum*, hoc est opinatum vitium, quod putatur odii seminarium. Frequenter enim accidit quod mali propter impatientiam correptionis opinantur mala de bonis, et ex temeritate illius opinionis generatur temeritas indignationis. Et nota, quod est opprobrium non ferendum; opprobrium auferendum; opprobrium suffferendum: primum pertinet ad infectionem; secundum, ad imperfectionem; tertium, ad perfectionem. De primo<sup>1</sup>: « Noli facere stultitiam hanc; ego enim ferre non potero opprobrium meum. » Verba sunt Thamar, sororis Absalon, quam oppressit frater suus Amnon: ecce opprobrium non ferendum. De secundo<sup>2</sup>: « Auferet Dominus omnem lacrymam ab omni facie, et opprobrium populi sui auferet de universa terra. » Primum facit Dominus, dum sanat contritos; secundum, dum solvit compeditos: illic purgat infectos; hic perficit imperfectos: ecce opprobrium auferendum. De tertio psallitur per Prophetam<sup>3</sup>: « Propter te sustinui opprobrium; operuit confusio faciem meam. » Istud opprobrium infertur vituperabiliter; sed suffertur venerabiliter: ecce opprobrium sufferendum.

*Articulus tertius.*

Actus falsitatis annotatur, cum subditur: *Quod suspicatus sum*. Ecce falsa suspicio, qua meticulousus animus suspicatur de proximo, quod malum opinetur de ipso: hoc illi falso imputat, quod ille hunc malum putat. Hujus falsitas, cuius est falsum imputare, imputat illi malitiam, cuius est malum putare. Et nota quod contingit suspicari tripliciter, videlicet irrationaliter, probabiliter, violenter: prima suspicio nullatenus excusat; secunda aliquatenus excusat; tertia prorsus excusat. De primo<sup>4</sup>: « Suspicatus est rex societatem deserturos Iudeos: » quod fuit irrationalis, sicut patet inspectori historiae. Unde nullatenus excusat a perpetrato scelere. De secundo<sup>5</sup>: « Judas suscipiatus est eam, » scilicet Thamar nurum suum, « meretricem esse: operuerat enim vultum suum, ne cognosceretur. » Haec suspicio aliquatenus excusat illam commisionem, scilicet quantum ad incestum, non quantum ad fornicationem.

<sup>1</sup> II Reg., XIII, 13. — <sup>2</sup> Isa., XXV, 8. — <sup>3</sup> Psal. LXVIII, 8. — <sup>4</sup> II Mach., V, 11. — <sup>5</sup> Gen., XXXVIII, 15.

De tertio<sup>6</sup>: « Dixit rex Israel ad Josaphat: Summe arma, et ingredere prælium, et induere vestibus meis. Porro rex Israel mutavit habitum suum, et ingressus est bellum. Rex autem Syriae præceperat principibus curruum triginta duobus, dicens: Non pugnabis contra maiorem et minorem quempiam, nisi contra regem Israel solum. Cum ergo vidissent principes curruum Josaphat, suspiciunt, quod ipse esset rex Israel, » etc. Ista fuit suspicio violenta, id est, qua principes excusati fuissent, si Josaphat occidissent.

*Articulus quartus.*

Actus bonitatis denotatur, cum superadditur: *Quia judicia tua jucunda*. Plane, sicut prædictum est, bonitatis actus est bonum reputare: de his enim, quæ bona reputamus, jucunde judicamus. Nota, quod bonitatis judicia sunt jucunda triplici de causa: quia judicant cum æquitate, cum veritate, cum charitate. De primo Psalmista loquens de Domino, qui est bonitas summa, sic ait<sup>7</sup>: « Cognovi, Domine, quoniam æquitas judicia tua: » ecce judicium cum æquitate. De secundo Apostolus<sup>8</sup>: « Scimus, quoniam judicium Dei est secundum veritatem: » ecce judicium cum veritate. De tertio<sup>9</sup>: « Væ vobis Pharisæis, qui decimatis mentham, et rutam, et omne olus; et præteritis judicium, et charitatem Dei: » ecce judicium cum charitate.

*Epilogus.*

Et hoc est quod ait Prophetæ in personæ formidolosæ figura: *Amputa*, quantum ad actum veritatis, cuius est falsum amputare; *Oprobum*, quantum ad actum malitiae, cuius est malum putare; *Quod suspicatus sum*, quantum ad actum falsitatis, cuius est falsum imputare; *Quia judicia tua jucunda*, quantum ad actum bonitatis, cuius est bonum reputare; ac si diceatur aperte: *Amputa* falsum, quod imputaveram, ut bonum reputem, quem malum putavera.

*VERSICULUS VIII.*

40. *Ecce concupivi*, etc. Sicut homines animales verentur observationes legales, ne reddantur minus honorabiles, affabiles, amabiles, ut patuit per tres versiculos præcedentes; sic et nos sint minus favorabiles in propriis necessitatibus.

<sup>6</sup> II Reg., XXII, 30-32. — <sup>7</sup> Psal. hoc, 75. — <sup>8</sup> Rom., II, 2. — <sup>9</sup> Luc., XI, 42. — (a) Leg. qui.

bus : prout insinuat iste quartus, in quo describitur pœnitens laudabiliter intelligens, diligens, eligens ; sed corporaliter indigens, et ideo necessitatem exigens. Et secundum hoc quadripartitus est versus præsens. Dico autem intelligentem, quantum ad veritatis aspectum; diligentem, quantum ad bonitatis affectum; eligentem, quantum ad æquitatis effectum; indigentem, quantum ad necessitatis defectum.

#### *Articulus primus.*

Primum notatur, cum dicitur : *Ecce*, in quo veritatis speculatio demonstratur, per quam bonitatis æmulatio ministratur. Dicit ergo : *Ecce*, quasi dicat : Non ignoro quod imploro; imo præcognosco quod concupisco. Intellectus per sapientiam apprehendit, ad quod affectus per concupiscentiam se extendit. Dicturus itaque : *Concupivi*, prædixit : *Ecce*, ne nesciretur apprehensio appetitum præcedere. Et nota, quod hoc adverbium, *Ecce*, est multiplex, scilicet sapientiæ demonstrativum, intellectus illuminativum, affectus inflammativum. Demonstrat enim interdum sapientiæ principium; interdum sapientiæ modum; interdum sapientiæ fructum: quorum primum spectat ad causam materialem; secundum, ad formalem; tertium, ad finalem. De primo legitur<sup>1</sup> : « Ecce timor Dei ipsa (a) est sapientia: » hoc est principium sapientiæ; sicut materia dicunt substantia, quia principium substantiæ. Secundum hunc modum loquendi, timor est sapientia Veteris Testamenti, quemadmodum amor Novi. De secundo scribitur<sup>2</sup> : « Ecce descripsi eam tripliciter; » ubi notatur forma sapientiæ divisiva. De tertio traditur<sup>3</sup> : « Ecce factus est mihi trames abundans, et fluvius meus propinquavit ad mare; quoniam doctrinam, tanquam antelucanum, illumino omnibus; » ubi notatur finalis consummatio, quæ est doctrinæ sacræ dilatatio, et dilatatæ dilucidatio.

#### *Articulus secundus.*

Secundum subnotatur, cum dicitur : *Concupivi*, scilicet concupiscentia virtuali, vel affectu laudabili; quia bonitas potest bene, et male appeti. Unde notandum est, quod bonitatem concupiscent quidam desidiose, quidam do-

lore, quidam virtuose : primi sunt otiosi; secundi, superstitionis; tertii, religiosi. Ad primos respicit, quod Salomon ait<sup>4</sup> : « Desideria occidunt pigrum: noluerunt enim quidquam manus ejus operari; tota die concupiscit et desiderat. » Tales sunt, qui concupiscent virtutis habitum sine actu, et felicitatis bravium sine cursu. Ad secundos attinet, quod Petrus admonet<sup>5</sup> : « Sicut modo geniti infantes rationabiles (b) sine dolo lac concupiscite, ut in eo crescat in salutem: » quia superstitionis concupiscent non rationabili, sed dolose dulcedinem bonitatis: non propter incrementum salutis, sed alicujus commodi temporalis. Ad alios spectat, quod Sapiens dogmatizat<sup>6</sup> : « Concupiscite sermones meos, et diligite illos, et habebitis disciplinam; » ac si aperte dicat : Sermones meos concupiscite propter sapientiam, et diligite illos propter eloquentiam; et habebitis interioris et exterioris disciplinæ elegantiam.

#### *Articulus tertius.*

Tertium annotatur, cum additur : *Mandata tua*: nam mandatum dicit æquitatis effectum, quod per æquitatem injungitur, et per æquitatem eligitur. Unde notandum, quod mandato cæbetur dilectio, directio, electio: quorum primum pertinet ad voluntatis desiderium; secundum, ad rationis consilium; tertium, ad libertatis arbitrium. De primo psallit Propheta<sup>7</sup> : « Expectabam salutare tuum, Domine, et mandata tua dilexi: » ecce mandati dilectio. De secundo quoque dicit Psalmus<sup>8</sup> : « Ad omnia mandata tua dirigebar: » ecce mandati directio. De tertio in eadem legitur psalmodia<sup>9</sup> : « Fiat manus tua, ut salvet me; quia mandata tua elegi: » ecce mandati electio.

#### *Articulus quartus.*

Quartum connotatur, cum connectitur : *In æquitate tua vivifica me*: hæc enim vivificatio est vitæ sustentatio, quam a Domino flagitat, cui intelligendo, diligendo, et eligendo militat. Æquitatem autem allegat, quoniam æquitas dictat, quod favorem inveniat apud Dominum, propter quem parvipendit favorem hominum. Et nota, quod Dominus legitur vivificare vita naturæ tres specialiter hominum species, videlicet innocentes, pœnitentes, et persecutionem pro justitia patientes; sicut pa-

<sup>1</sup> Job, xxviii, 28. — <sup>2</sup> Prov., xxxii, 20. — <sup>3</sup> Eccl., xxiv, 34. — <sup>4</sup> Prov., xxi, 25, 26. — <sup>5</sup> 1 Petr., ii, 2. — <sup>6</sup> Sap., vi, 42. — <sup>7</sup> Psal. hoc, 166. — <sup>8</sup> Ibid., 128. — <sup>9</sup> Ibid., 173.

(a) Cæt. edit. ipse. — (b) Vulg. *rationabile*; gr. τὸ ἀριθμὸν.

tet in Ismaele , in Israele , in Daniele . De primo Psalmographus <sup>1</sup> : « Non discedimus a te ; vivificabis nos : » in quo notatur innocentium vivificatio . De secundo quoque legimus <sup>2</sup> : « Deus , tu conversus vivificabis nos : » in quo patet pœnitentium vivificatio . De tertio etiam psallimus <sup>3</sup> : « Si ambulavero in medio tribulationis , vivificabis me : » in quo persecutionem patientium vivificatio claret .

## Epilogus .

Liquet ergo , quod pœnitens de favore humano dubitans , de divino non hæsitans , tanquam toto corde Domino militans , fiducialiter ait : *Ecce , in quantum veritatem intelligens ; Concupivi , in quantum bonitatem diligens (a) , Mandata tua , in quantum æquitatem eligens ; In æquitate tua vivifica me , in quantum necessitatem exigens .*

## VERSICULUS IX.

*41. Et veniat super me , etc.* Quod lex ista potenter imperet , indicat octonarius antecedens ; sed quod lex ipsa clementer liberet , indicat iste sequens . Quæris , quo modo ? Timorem removendo : quod ostendit quaternarius primus ; et amorem promovendo , quod ostendit secundus . Si quæris de remotione timoris , removetur timor honorabilitatis , affabilitatis , amabilitatis et favorabilitatis minoris , ut bis binis dilucidatur versiculus . In primo versiculo dilucide removetur timor honorabilitatis minoris per amorem humilitatis minoris , sicut probat ipsius sectio quadrimembris . In ipso namque notatur subjectio , erectio , abjectio et directio mentis : subjectionem dico , quantum ad veritatis radium ; abjectionem , quantum ad vanitatis vitium ; erectionem , quantum ad salutis desiderium ; directionem , quantum ad virtutis eloquium .

## Articulus primus .

Primum patet , cum dicitur : *Et veniat super me .* Est enim vox animæ judicio veritatis subjectæ , quæ per radium veritatis supernæ videt vitium vanitatis internæ , et propter hujuscemodi vitii intentionem , per radii preventiōnem , petit remedii superventionem . Legitur

<sup>1</sup> *Psal. LXXXIX , 9.* — <sup>2</sup> *Psal. LXXXIV , 7.* — <sup>3</sup> *Psal. CXXXVII , 7.* — <sup>4</sup> *Job. XXIX , 13.* — <sup>5</sup> *Psal. LV , 6.* — <sup>6</sup> *Job. III , 29.* — <sup>7</sup> *Psal. LVIII , 11.* — <sup>8</sup> *Isa. LIV , 10.*

autem in Scriptura superventio tripartita : quædam misericordiæ dativa ; quædam misericordiæ accusativa ; quædam misericordiæ ablatica : prima justorum ; secunda injustorum ; tertia reprobatorum . De prima <sup>4</sup> : « Benedictio perituri super me veniebat . » Et plane benedictio perituri super illum venit , qui in benedictione seminans , in benedictione metit ; qui gratiam pro gratia recipit : pro exteriori , interiori ; pro inferiori , superiori ; pro tenui , pinguiorem : ecce superventio dativa misericordiæ maximæ , pro minima felici fœnore redditiva . De secunda dicit Psalmista <sup>5</sup> : « Timor et tremor venerunt super me . » Sane timor et tremor venient super te , qui contemptor es misericordiæ : quia pertimesces propter conscientiam interius accusantem , et contremisces propter justitiam superius immisericorditer judicantem . Ecce superventio accusativa misericordiæ , non exhibitæ , sed contemptæ . De tercia <sup>6</sup> : « Nonne dissimulavi ? nonne silui ? nonne quievi ? Et venit super me indignatio . » Optime loquitur in persona avari divinitus reprobati , qui <sup>(b)</sup> , misero mendicante , dissimulavit , quasi non videret ; siluit , quasi non audiret ; quievit , quasi eleemosynam non haberet : et ideo venit super eum indignatio , quia regnum misericordiæ sibi obseratum est , ut indigno ; et regnum miseriarum eidem reseratum est , tanquam cigno : ecce superventio misericordiæ ablatica .

## Articulus secundus .

Secundum claret , cum subditur : *Misericordia tua , Domine .* Est enim vox ejusdem animæ vitio vanitatis abjectæ , quæ dum misericordiam depositit , miseriam recognoscit . Hæc fuit miseria , quæ superius vanitati annuebat , veritatem renuebat , dum minus honorabilis effici metuebat ; sed post recognitam miseriam requirit misericordiam . Et nota , quod est triplex misericordia , contra triplicem miseriam necessaria : scilicet misericordia præveniens , prosequens , et subsequens . Prima est necessaria contra miseriam desiderandi ; secunda contra miseriam operandi ; tertia contra miseriam perseverandi . De prima dicit Psalmographus <sup>7</sup> : « Misericordia ejus præveniet me . » Illum misericordia Dei prævenit , cuius affectum ad bonum effectum incitat , et incendit . De secunda dicitur a Domino <sup>8</sup> : « Misericordia mea non recedet a

(a) *Cœl. edit. dirigens .* — (b) *Item quæ .*

te. » Ab illo divina misericordia non recedit, cum quo cooperando procedit. De tertia psallit Prophetam<sup>1</sup>: « Misericordia tua subsequetur me omnibus diebus vitae meae. » Illum misericordia subsequitur, cui finalis perseverantiae gratia impartitur.

#### *Articulus tertius.*

Tertium liquet, cum scribitur : *Salutare tuum* : est enim vox ipsius animae per desiderium salutis erectae, quae per subjectionem videns abjectionem, movetur ad erectionem ; quia per veritatem intuens vanitatem, erigitur ad salutem. Ad hoc salutare debeimus nos erigere tripli ratione : quia spectabile, expectabile, delectabile. Quæreris, quibus? Spectabile credentibus; expectabile sperantibus; delectabile diligentibus. De primo<sup>2</sup> : « Videbunt omnes fines terrae salutare Dei nostri : » ecce salutare credentibus spectabile. De secundo<sup>3</sup> : « Salutare tuum expectabo, Domine : » ecce salutare sperantibus expectabile. De tertio dicitur<sup>4</sup> : « Delectabatur super salutari suo : » ecce salutare diligentibus delectabile.

#### *Articulus quartus.*

Quartum sublucet, cum subscrribitur : *Secundum eloquium tuum* : vox enim est animae saepe dictae, eloquio seu consilio virtutis directe. Frustra namque se reputat erigi ad salutem, qui se recusat dirigi per virtutem. Et nota, quod eloquium divinum, tanquam virtutis magisterium, est per virtuale trivium directivum; scilicet per viam satisfactoriam, meritoriam, et prælibatoriam : quarum prima est justitiae initiativa; secunda profectiva; tertia perfectiva. De primo dicitur per Psalmistam<sup>5</sup> : « Miserere mei secundum eloquium tuum ; » quod pertinet ad viam satisfactoriam, justitiae initiativam : est enim vox animae pœnitentis, justitiam aggredientis. De secundo psallit per Prophetam<sup>6</sup> : « Gressus meos dirige secundum eloquium tuum ; » quod attinet ad viam meritoriam justitiae profectivam : etenim vox animae proficientis, in via justitiae progredientis. De tertio in ipsa legitur psalmodia<sup>7</sup> : « Quam dulcia faueibus meis eloquia tua ! » quod spectat ad viam prælibatoriam, justitiae perfectivam : est enim vox animae perfectae, mercedem justitiae in verbis cœlestibus prægustantis.

#### *Epilogus.*

Patet ergo per preposita, quid sentiat in hac parte Psalmista, sive fidelis anima, loquens voce prophetica : *Et veniat super me*, quia scilicet veritatis radio sum subjecta; *Misericordia tua*, quia scilicet vanitatis vitio sum abjecta; *Salutare tuum*, quia scilicet salutis desiderio sum erecta; *Secundum eloquium tuum*, quia scilicet virtutis eloquio sum directa.

#### *VERSICULUS X.*

**42. *Et respondebo*, etc.** Post remotionem primi timoris, scilicet honorabilitatis minoris, in tenore versiculi praecedentis, sequitur remotione secundi timoris, videlicet affabilitatis minoris, in tenore præsentis. Remotione hujus timoris est conceptio confidentiae plenioris : confidit enim anima fidelis super discretione locutionis, quae consistit in tardiloquio, in dulciloquio, in breviloquio, in rectiloquio : que notantur serialim in præsenti versiculo. Qaorum primum est contra impetusos; secundum, contra contentiosos; tertium, contra verbosos; quartum contra otiosos, aut infructuosos.

#### *Articulus primus.*

Ad primum respicit, quod Psalmista predicit : *Et respondebo*; quasi dicat : Rogatus, eloquium exhibeo; non rogatus, spiritum cohibeo, et sic servabo tardiloquium secundum ritum respondentium. Et nota, quod cum gravitate et tarditate convenit respondere tripli ratione : pro vitanda vituperatione, exasperatione, et scandali generatione. Prima ratio respicit respondentem; secunda, interrogantem; tertia, assistentem. De prima<sup>8</sup> : « Qui prius respondebat, quam audiat, stultum se demonstrat esse, et confusione dignum : » ecce vituperatio respondentis. De secunda<sup>9</sup> : « Stude sapientiae, fili mi, et laetifica cor tuum, ut possis exprobranti respondere sermonem ; » quasi dicat : *Stude sapientiae*, quantum ad cordis considerationem; et *laetifica cor tuum*, quantum ad oris reserationem; *ut possis exprobranti respondere sermonem*, præter ejus exasperationem : ecce exasperatio interrogantis. De tertia<sup>10</sup> : « Qui interrogationem manifestat, parabit verbum; et sic deprecatus exaudietur,

<sup>1</sup> *Psalm.*, xxii., 6. — <sup>2</sup> *Isa.*, lxi., 10. — <sup>3</sup> *Gen.*, xlix., 18.  
— <sup>4</sup> *Psalm.*, xxxiv., 9. — <sup>5</sup> *Psalm.* hoc, 58. — <sup>6</sup> *Ibid.*, 433.

— <sup>7</sup> *Ibid.*, 163. — <sup>8</sup> *Prov.*, xviii., 13. — <sup>9</sup> *Prov.*, xxvii., 11. — <sup>10</sup> *Ecclesi.*, xxxiii., 4.

et conservabit disciplinam, et tunc respondebit; » ac si aperte dicat: *Qui interrogationem manifestat*, quantum ad respondentis intentionem; *parabit verbum*, quantum ad intentionis executionem; *et sic deprecatus exaudietur*, quantum ad interrogantis satisfactionem; *et conservabit disciplinam*, quantum ad satisfactionis dilatationem; *et tunc respondebit*, præter scandali generationem: ecce devitatio scandali assistentis.

*Articulus secundus.*

Ad secundum aspicit, quod adjicit: *Exprobrantibus*; ad quorum refrigerium requiritur dulciloquium, quia dulciloquium refrigerat furem, sicut ros ardorem. Et nota, quod exprobrantium hujuscemodi, quidam sunt malefici, quidam maledici, quidam blasphemii. Primi siquidem irruunt in hominem; secundi, in hominis opinionem; tertii autem, in hominis Conditorum. De primis legimus<sup>1</sup>: « Exprobrantes percosserunt maxillam meam, saturati sunt pœnis meis: » ecce exprobrantes malefici. De aliis Psalmographus<sup>2</sup>: « Confusio faciei meæ cooperuit me, a voce exprobrantis et obloquentis: » ecce exprobrantes maledici. De reliquis similiter psallimus<sup>3</sup>: « Opprobria exprobrantium tibi ceciderunt super me: » ecce exprobrantes blasphemii.

*Articulus tertius.*

Ad tertium spectat quod restat: *Verbum*. Non enim ait verba, sed verbum, ut annotaret breviiloquium. Et notandum, quod breviiloquium tribus de causis est multiloquio preferendum; videlicet ad vitandum stultitiae suspicionem, animæ læsionem, et ipsius pœditionem: quorum primum pertinet ad infamiam; secundum, ad culpam; tertium, ad pœnam. De primo<sup>4</sup>: « Stultus verba multiplicat: » unde verborum multiplicatio videtur stultitiae suspicatio. De secundo<sup>5</sup>: « Qui multis utitur verbis, lœdit animam suam: » unde verborum multiplicatio videtur animæ læsio. De tertio<sup>6</sup>: « Verbum custodiens filius, extra pœditionem erit; »<sup>7</sup> « Verba congregantis, filii vomentis. » Quis est verbum eustodiens, nisi brevioloquus? Quis verba congregans et vomens, nisi multi-

<sup>1</sup> Job, xvi, 41. — <sup>2</sup> Psal. XLIII, 17. — <sup>3</sup> Psal. LXVIII, 10. — <sup>4</sup> Eccl., x, 14. — <sup>5</sup> Eccl., xx, 8. — <sup>6</sup> Prov., XXIX, 27. — <sup>7</sup> Prov., XXX, 1. — <sup>8</sup> Coloss., IV, 6. — <sup>9</sup> Psal. LIV, 22. — <sup>10</sup> Prov., XXX, 5.

loquus? Quid ergo datur in his verbis intelligi, nisi quia brevioloquus erit extra pœditionem multiloqui?

*Articulus quartus.*

Ad quartum refertur quod postmodum subinfertur: *Quia speravi in sermonibus tuis*, tanquam directionibus meis, in exhortationibus, in supplicationibus, et in confortationibus meis. Unde notandum, quod sermones divini dicuntur conditi, molliti, et igniti: conditi profecto, justitiam exhortando; molliti, injuriam supportando; igniti, injuriæ tolerantiam confortando. De primo<sup>8</sup>: « Sermo vester semper in gratia sit sale conditus; » ac si breviter diceretur: Sermo vester semper devotus sit et discretus: devotus, seminando mores; discretus, declinando errores. De secundo canitur<sup>9</sup>: « Molliti sunt sermones ejus super oleum, et ipsi sunt jacula; » quasi dicat: Divini sermones ungentes sunt, et pungentes: ungentes in præsenti sæculo; pungentes in futuro: ungentes mala moralia sufferendo; sed pungentes mala pœnalia inferendo. De tertio<sup>10</sup>: « Omnis sermo Dei ignitus clypeus est sperantibus in se; » quasi dicat: Sermo divinus illuminatus est, et protectivus: illuminat enim, ut ignis; protegit, ut clypeus: illuminat interius; protegit exterius: illuminat ignorantes, protegit imbecilles; illuminat per sapientiam, protegit per patientiam.

*Epilogus.*

Et hoc est, quod ait Prophetæ, vel potius ore propheticæ fidelis anima: *Et respondebo*, servando tardiloquium contra impetuosos; *Exprobrantibus*, servando dulciloquium contra contentiousos; *Verbum*, servando breviiloquium contra verbosos; *Quia speravi*, etc., servando rectiloquium contra otiosos, sive infructuosos.

**VERSICULUS XI.**

43. *Et ne auferas*, etc. Remoto timore minoris honorabilitatis et affabilitatis in duobus versibus prænotatis, hie removetur timor minoris amabilitatis, cuiusmodi timor impedimentum esse dignoscitur veritatis. Amabilitas ista non amat veriloquium, ne veritas pariat odium; fit autem hæc remotio, invocato cœlesti brachio. Invocatur igitur, per hunc versum, divinum patrocinium, ad auferendum præfatum impedimentum, quod impedit veritatis instrumen-

tum, veritatis prædicamentum, veritatis emolumentum. Quemadmodum plerumque prædicanti contingit, cum talis timor taliter cor impingit, quod predicans os constringit, verbum confringit, et speratum stipendum non attingit. Impedimentum spectat ad culpam; instrumentum, ad naturam; prædicamentum, ad gratiam; emolumentum, ad gloriam.

#### *Articulus primus.*

Veritatis impedimentum insinuatur, cum peditur: *Et ne auferas*, etc.; ac si aperte dicat: Ne auferas quod auferendum non est, auferendo quod auferendum est. Verbum veritatis auferendum non est; impedimentum veritatis auferendum est. Aufer ergo auferendum; ne auferas non auferendum: aufer timorem malum; ne auferas verbum bonum. Sed nota, quod contingit interdum auferre non auferendum, propter ventum, propter vinum, propter donum. In vento intellige vanitatem; in vino, voluptatem; in dono, cupiditatem. De primo<sup>1</sup>: « Iniquitates nostræ, quasi ventus, abstulerunt nos: » istæ profecto iniquitates sunt iniquæ vanitates, quæ auferunt, seu impediunt nos, ne corrigamus amicos, quærendo vanam dilectionem, plusquam veram correctionem. De secundo<sup>2</sup>: « Fornicatio, vinum et ebrietas auferunt cor. » Voluptates quidem auferunt cor, dum impeditur corrector, ne impediatur dilector; vel aufertur correctio, ne auferatur dilectio, seu dilectorum condelectatio. De tertio<sup>3</sup>: « Qui dat munera, animam aufert accipientium. » Plane per munus aufertur animus, ne arguatur proximus, sicut experimento diditionem. *Munus impedit correctionem.*

#### *Articulus secundus.*

Veritatis instrumentum declaratur, cum dicitur: *De ore meo*, etc., tanquam veritatis congruo instrumento. Et notandum, quod os nostrum, ad hoc quod sit congruum veritatis instrumentum, debet esse non pravum, non lubricum, non perversum: pravitas pertinet ad detractionem; lubricitas, ad dissolutionem; perversitas, ad fidei perversionem. De primo<sup>4</sup>: « Remove a te os pravum, et detrahentia labia procul sint a te: » ecce oris pravitas. De secundo<sup>5</sup>: « Os lubricum operatur ruinas, » quia nimur dissolutio dissolutionem generat in animo auditoris: ecce oris lubricitas. De ter-

tio<sup>6</sup>: « Homo apostata, vir inutilis, graditur <sup>Apostata</sup> ore perverso. » Homo siquidem apostata, vir <sup>vir inutilis.</sup> inutilis dicitur, qui a fidei veritate aversus, ad perfidiæ falsitatem convertitur: hic autem ore perverso graditur, cum ad oris perversa dogmata pervenitur: ecce oris perversitas.

#### *Articulus tertius.*

Veritatis prædicamentum annotatur, cum additur: *Verbum veritatis usquequaque.* Hæc veritas lubricatur, cum propter personarum acceptationem remissius prædicatur. Et notandum circa veritatis verbum, quod ipsum est <sup>Verbum</sup> proponendum, exponendum, oppouendum: <sup>Dei quo modo prædicandum.</sup> proponendum plane, quantum ad historicam narrationem; exponendum sane, quantum ad mysticam interpretationem; opponendum etiam opportune, contra sophisticam vel hæreticam calumniactionem. De primo dicit Paulus, dominie apparitionis et sue conversionis narrator<sup>7</sup>: « Veritatis et sobrietatis verba eloquor. » De secundo scribit Apostolus<sup>8</sup>: « Sollicite cura te ipsum probabilem exhibere Deo, operarium irreprehensibilem, recte tractantem verbum veritatis. » Per rectam verbi tractationem insinuat mysticam interpretationem. De tertio<sup>9</sup>: « Non contradicas verbo veritatis ullo modo, et mendacio ineruditiois tuæ confundere; » quasi dicat: Non contradicas verbo veritatis tibi opposito; sed erubesce de verbo falsitatis a te proposito.

#### *Articulus quartus.*

Veritatis emolumentum subnotatur, cum subditur: *Quia in iudiciis tuis supersperavi*: hæc sunt iudicia justorum retributoria, in quibus justi merito supersperant, quia meritum ipsorum superant. Sed nota, circa iudicia memorata, quod sunt defectuum purgativa, aspectuum illuminativa, affectuum inflammativa: propter primum, comparantur aquæ; propter secundum, luci; propter tertium, igni. De primo<sup>10</sup>: « Revelabitur quasi aqua iudicium, et iustitia quasi torrens fortis: » in quo potest intelligi purgatio cordis et corporis. De secundo<sup>11</sup>: « Occidi eos in verbis oris mei, et iudicia mea, quasi lux, egredientur. » Quid est occidi in verbis oris Dei, nisi intellectus frangi in obsequium fidei? Et quid est iudicia quasi lucem egredi, nisi aspectus

<sup>1</sup> Isa., LXIV, 6. — <sup>2</sup> Ose., IV, 11. — <sup>3</sup> Prov., XXII, 9.  
— <sup>4</sup> Prov., IV, 24. — <sup>5</sup> Prov., XXVI, 28. — <sup>6</sup> Prov., VI,

12. — <sup>7</sup> Act., XXVI, 25. — <sup>8</sup> II Tim., II, 15. — <sup>9</sup> Eccli., IV, 30. — <sup>10</sup> Amos, V, 24. — <sup>11</sup> Ose., VI, 5.

illuminari ad visionem dominicæ speciei? De tertio<sup>1</sup>: « Ecce vocabit judicium ad ignem Dominus Deus meus. » Vocari ad ignem est vocari ad igneum dilectionem per affectus inflammationem.

## Epilogus.

Hoc est ergo, quod ait Psalmista in personæ meticulosæ figura: *Et ne auferas*, scilicet auferendo non auferendum, vel non (*a*) auferendo auferendum, quantum ad veritatis impedimentum pertinens ad culpam; *De ore meo*, quantum ad veritatis instrumentum, pertinens ad natu-ram; *Verbum veritatis usqueaque*, quantum ad veritatis prædicamentum pertinens ad gra-tiam; *Quia in iudiciis tuis supersperavi*, quantum ad veritatis emolumen- tum pertinens ad glo-riam.

## VERSICULUS XII.

*44. Et custodiam, etc.* Timore triparito in tribus versiculis præambulis expedito, sequitur expe-ditio quarti timoris, quo timetur minoratio favoris in articulo necessitatibus: hunc timorem audacius deponit, qui divinæ obedientiæ vivaci-  
us se supponit. Est autem obedientia quadri-formis, quam innuit hujus versiculi continentia quadrimembria; puta corporalis, mentalis, temporalis, æternalis: quarum prima pertinet ad extrinsecam operationem; secunda, ad in-trinsecam considerationem; tertia, ad præ-sentem perseverationem; quarta, ad futuram remunerationem.

## Articulus primus.

Quantum ad primam obedientiam, scribitur: *Et custodiam*, scilicet quoad exteriorem custo-diam, seu corporalem obedientiam, quæ per-tinet ad exterioris hominis disciplinam. Notan-dum itaque, qualiter se debeat custodi-re, qui-eunque vult taliter obedire: debet procul-dubio custodi-re se a triplici vitio; videlicet a vitio loquelæ, a vitio sequelæ, a vitio corrup-telæ. Prima custodia respicit maturitatem; secunda securitatem: tertia puritatem. De prima<sup>2</sup>: « Qui custodit os suum et linguam suam, custodit ab angustiis animam suam; » quia revera exterior custodia, quautum ad gustum et loquela, multum valet ad spiritua-rium offensionum cautelam. De secunda<sup>3</sup>:

<sup>1</sup> Amos, vii, 4. — <sup>2</sup> Prov., xiii, 3. — <sup>3</sup> Jerem., ix, 4. — <sup>4</sup> 1 Tim., v, 22. — <sup>5</sup> Prov., vi, 23. — <sup>6</sup> Rom.,

« Unusquisque se a proximo suo custodiat, et in omni fratre suo non habeat fiduciam: » hic prohibet Dominus per Prophetam hominum impiorum sequelam. De tertia<sup>4</sup>: « Te ipsum castum custodi; » hic præcipitur custodia, vel cautela a continentia corruptela.

## Articulus secundus.

Quantum ad secundam obedientiam, conscribitur: *Legem tuam*, quasi lucem tuam intus lucentem, interiorem hominem conduce-tem, quia lex lux, sicut patet ex Salomonis testimo-nio<sup>5</sup>. Notandum igitur de hac lege, quod ei Legi tri-debemus intrinsecus tripliciter obedire; ut puta pliciter obedi-entia, condelectando, consentiendo, et serviendo: quorum primum spectat ad voluntatis deside-rium; secundum, ad rationis consilium; ter-tium, ad libertatis arbitrium. De primo<sup>6</sup>: « Condelector legi Dei, secundum interiorem hominem: » ecce legis condelectatio, quantum ad voluntatis desiderium. De secundo<sup>7</sup>: « Si quod nolo, illud facio, consentio legi, quoniam bona est: » ecce legis consensum, quantum ad rationis consilium. De tertio<sup>8</sup>: « Ego ipse mente servio legi Dei: » ecce legis servitium, quantum ad libertatis arbitrium.

## Articulus tertius.

Quantum ad tertiam obedientiam, subscribi-tur: *In sæculum*, id est in præsentis temporis spatium. Hoc ergo sæculo, quod est temporalis duratio, significatur expresse temporalis perse-veratio. Et notandum, quod præsens sæculum est specialiter deputatum ad tria, scilicet ad recolenda, postulanda, præstolanda divina be-neficia. Recolendum est autem potissimum be-neficium effectivum; postulandum beneficium refectivum; præstolandum beneficium perfectivum. De primo<sup>9</sup>: « Confitebor tibi in sæculum, quia fecisti: » ecce recordatio præsentis sæculi, respectu beneficii effectivi. De secundo idem psalmographus<sup>10</sup>: « Dominus retribuet pro me: Domine, misericordia tua in sæculum; opera manuum tuarum ne despicias: » ecce postula-tio præsentis sæculi, respectu beneficii refectivi. De tercio quoque psallimus<sup>11</sup>: « Sit gloria Do-minii in sæculum; lætabitur Dominus in operi-bus suis: » ecce præstolatio præsentis sæculi respectu beneficii perfectivi.

Vita  
p.æsens  
ad tria  
deputata

vii, 22. — <sup>7</sup> Ibid., 16. — <sup>8</sup> Ibid., 25. — <sup>9</sup> Psal. L', 11.  
— <sup>10</sup> Psal. cxxxvii, 8. — <sup>11</sup> Psal. ciii, 31.

(a) Cœt. edit. sed.

## Articulus quartus.

Quantum ad quartam obedientiam, perscribitur sacerdotum: *Et in saeculum saeculi.* Quid est saeculum saeculi, nisi saeculum subsecutivum saeculi? Hoc quid.

autem est saeculum futurum, praesenti saeculo successorum. Illud saeculum pertinet ad morum remunerationem, sicut istud ad perseverationem: illud ad obedientiam aeternalem, sicut istud ad obedientiam temporalem. O quam beata illa obedientia, in qua nulla gravitas, sed plena suavitatis; quam imperabit summa bonitas, cum obtemperabit perfecta charitas!

*Sæcu-  
lum fu-  
turi  
m tripli-  
caci-  
onis  
deputa-  
tum.* Sed notandum, quod illud saeculum, quod dicitur saeculum saeculi, est deputatum triplici actioni; ut pote divine nobilitatis laudationi, actioni divinae civilitatis cohabitationi, divinae hostilitatis conturbationi. Nihil illa nobilitate venerabilius; nihil illa civitate desiderabilius; nihil illa hostilitate vituperabilius. De primo dicitur<sup>1</sup>: «Laudatio ejus manet in saeculum saeculi: » ecce laudatio futuri saeculi, conveniens divinae nobilitati. De secundo psallitur per Prophetam<sup>2</sup>: «Justi haereditabunt terram, inhabitatibunt in saeculum saeculi super eam, » scilicet terram viventium, non terram morientium: ecce haereditatio et habitatio futuri saeculi, congruens divinae civilitati. De tertio apud eamdem legitur psalmodiam<sup>3</sup>: «Erubescant et conturbentur in saeculum saeculi, et confundantur, et pereant: » ecce erubescencia, conturbatio, confusio, et periclitatio futuri saeculi, competens divinae hostilitati. Plane erubescencia sibi competit propter justitiam, quam omisit; conturbatio, propter injustitiam, quam commisit; confusio, propter gloriam, quam demeruit; periclitatio, propter miseriam, quam promeruit.

## Epilogus.

Ait ergo Propheta, seu potius voce propheticâ Deo subjecta fidelis anima, quae de illo semper sperat, cui servire desiderat: *Et custodiām*, exterius operando, quantum ad obedientiam corporalem; *Legem tuam*, interius considerando, quantum ad obedientiam mentalem; *In saeculum*, finaliter perseverando, quantum ad obedientiam temporalem; *Et in saeculum saeculi*, interminabiliter te laudando, quantum ad obedientiam aeternalem.

<sup>1</sup> *Psalm. cx, 3.* — <sup>2</sup> *Psalm. xxxvi, 29.* — <sup>3</sup> *Psalm. lxxxii, 18.* — <sup>4</sup> *I Thess., ii, 12.* — <sup>5</sup> *Ephes., v, 15.* — <sup>6</sup> *I Thess., iv, 12.*

## VERSICULUS XIII.

45. *Et ambulabam*, etc. De lege libertatis perfectæ, qualiter timorem removet, ex quaternario primo liquet; qualiter autem amorem promovet, ex praesenti sublucet. Hæc amoris promotio quadruplici solet causari beneficio; utpote exhibitione (*a*) manualis efficacie, mentalis perspicacie, verbalis elegantiae, personalis reverentiae: que subnotantur in isto quaternario, sed ordine retrogrado. Versus primus, respondens reverentiae personali, declarat reverentiam præstitam viatori, propter obedientiam exhibitam Creatori. Reverentia quidem illum dilatavit exterius per concomitantiam popularem, quoniام ipsum obedientia sublevavit superius per mandatorum observantiam salutarem. Secundum hoc, versus iste circa meritum reverentiae videtur quatuor continere; videlicet quis meretur, quid meretur, a quo meretur, qua ratione meretur. Viator quippe meretur; reverentiam meretur; a Creatore meretur; obedientiae ratione meretur.

## Articulus primus.

*Et ambulabam.* Hoc dicitur de viatore, cuius actus est ambulare. Vis scire qualiter? plane tripliciter; digne, caute, honeste: digne siquidem per devotionem; caute per discretionem; honeste per circumspectionem. De primo<sup>4</sup>: «Deprecantes vos, et consolantes testificati sumus, ut ambularetis (*b*) digne Deo, qui vocavit vos in suum regnum, et gloriam: » Ecce dignitas pertinens ad devotionem. De secundo<sup>5</sup>: «Videte, fratres, quo modo caute ambuletis, non quasi insipientes, sed quasi sapientes: » ecce cautela spectans ad discretionem. De tertio<sup>6</sup>: «Præcipimus vobis, ut et honeste ambuletis ad eos qui foris sunt, et nullius aliquid desideretis: » ecce honestas respiciens ad circumspectionem.

## Articulus secundus.

*In latitudine.* Hoc scribitur de reverentia dilatante. Reverenda nempe persona in latitudine ambulat, quam pro sui reverentia socialis amplitudo dilatat. Hæc est latitudo litteralis; sed est triformis latitudo spiritualis, non minus personis competens reverendis: quarum prima

Viator  
quomo-  
do de-  
beat am-  
bulare.

Latitu-  
do spiri-  
tualis tri-  
formis.

(*a*) *Cæt. edit. exhibitiones.* — (*b*) *Cæt. edit. ambuletis.*

est sapientiae initiativa; secunda proiectiva; tertia consummativa. Prima sane pertinet ad consilia: secunda, ad eloquia; tertia, ad stipendia. De prima<sup>1</sup>: « Dedit Deus sapientiam Salomonis, et prudentiam multam nimis, et latitudinem cordis, quasi arenam, quae est in littore maris; » ac si apertius diceretur: Dedit sapientiam ad judicandum, prudentiam ad demonstrandum, latitudinem cordis ad deliberandum. *Judicare* pertinet ad æquitatem; *demonstrare*, ad honestatem; *deliberare* ad utilitatem. Haec enim sunt tria causarum genera, quæ distinguit Tullius<sup>2</sup>, scilicet demonstrativum, judiciale, deliberativum. De secunda<sup>3</sup>: « Nunc paseat eos Dominus, quasi agnum in latitudine: » pastus quippe agnorum rationalium est in latitudine eloquiorum sapientialium. De tertia vero canitur<sup>4</sup>: « Prævenerunt me in die afflictionis; et factus est Dominus protector meus, et eduxit me in latitudinem: salvum me fecit, quoniam voluit me. » In latitudinem tamem educitur, qui præventus ab inimicis in die afflictionis ad salutem adducitur adjutorio Salvatoris.

#### *Articulus tertius.*

*Quia mandata tua.* Per hæc mandata designatur mandator ille sublimis, qui mandavit<sup>5</sup> « mandata sua custodiri nimis. » Quocirca ejus mandata sunt concupiscenda, discenda, non obliviscenda: concupiscenda, inquam, quantum ad potentiam affectivam; discenda, quantum ad intellectivam; non obliviseenda, quantum ad effectivam. De mandatis concupiscendis dicit Psalmista<sup>6</sup>: « Ecce concupivi mandata tua. » De mandatis discendis psallit Propheta<sup>7</sup>: « Da mihi intellectum, ut discam mandata tua. » De mandatis non obliviscendis ait ipse psalmonographus<sup>8</sup>. « Quære servum tuum, quia mandata tua non sum oblitus. »

#### *Articulus quartus.*

*Exquisivi:* in quo notatur obedientia exquisita, non solum exterius in actione, sed et interius in intentione exhibitu. Non enim solum mandata custodivit, sed et mandatorum obedientiam exquisivit; exterius obedivit, sed et interius exquisivit. Actio obedivit; intentio exquisivit. Quæreris, quomodo? Tripliciter proculdubio: vigilanter, instanter, perseveranter;

<sup>1</sup> *III Reg.*, iv, 29. — <sup>2</sup> *Cic.*, *Rhet. ad Herenn.*, lib. I.

— <sup>3</sup> *Ose.*, IV, 16. — <sup>4</sup> *Psalm.*, XVII, 20. — <sup>5</sup> *Psalm.*, hoc, 4.

— <sup>6</sup> *Ibid.*, 49. — — <sup>7</sup> *Ibid.*, 73. — <sup>8</sup> *Ibid.*, 176. —

contra rationis stuporem, affectionis temorem, operationis torporem. De primo Propheta<sup>9</sup>: « Exquisivit te facies mea: » in quo vigilantia sine tempore. De secundo<sup>10</sup>: « In toto corde meo exquisivi te: » in quo instantia sine tempore. De tertio, eadem psalmodia<sup>11</sup>: « Legem pone mihi, Domine, et exquiram eam semper. » In quo perseverantia sine tempore.

#### *Epilogus.*

Patet itaque intellectus Prophetæ, typum gerentis reverendæ personæ, non timore contractæ, sed amore attractæ, ratione præfatæ gratiæ divinitus sibi factæ: *Et ambulabam*, ecce viator, qui promeruit; *In latitudine*, ecce reverentia quam promeruit; *Quia mandata tua*, ecce Creator obedientie imperator, et remunerator, a quo promeruit; *Exquisivi*, ecce obedientia exquisita, eujus ratione promeruit.

#### *VERSICULUS XIV.*

46. *Et loquebar*, etc. Personalem reverentiam insinuavit versus præcedens; verbalem elegantiam insinuat iste præsens. Est autem quadripartita locutionis elegantia secundum quadrifariam ipsius proprietatem, scilicet puritatem, claritatem, maturitatem, securitatem. Puritas respicit easam materialem; claritas, formalem; maturitas, finali; securitas, efficientem: quæ notantur per hujus versus continentiam quadrimembrem.

#### *Articulus primus.*

Puritatem locutionis Propheta præposuit, cum dixit: *Loquebar de testimoniosis tuis*, vel *in testimoniosis tuis*. Ecce pura locutionis materia: quid enim illis testimoniosis purius est, quibus falsitas subesse non potest? Talia proculdubio sunt testimonia dominice missionis, redemptionis, resurrectionis: quorum primum pertinet ad Salvatoris ingressum; secundum, ad egressum; tertium, ad regressum. De primo<sup>12</sup>: « Opera ipsa, quæ ego facio, testimonium perhibent de me, quia Pater misit me: » ecce testimonium dominice missionis, vel incarnationis. De secundo<sup>13</sup>: « Qui dedit redemptionem semetipsum pro omnibus, eujus testimonium temporibus suis confirmatum est: » ecce testimonium dominice redemptionis. De tertio<sup>14</sup>: « Virtute magna reddebat Apostoli testimonium resur-

<sup>9</sup> *Psalm.*, XXVI, 8. — <sup>10</sup> *Psalm.*, hoc, 40. — <sup>11</sup> *Ibid.*, 33. —

— <sup>12</sup> *Joan.*, V, 36. — <sup>13</sup> *1 Tim.*, II, 6. — <sup>14</sup> *Act.*, IV, 33.

receptionis Domini nostri IESU CHRISTI: » ecce testimonium dominice resurrectionis.

#### *Articulus secundus.*

Claritatem locutionis proposuit, cum ad junxit: *In conspectu*: nihil enim in conspectu, nisi conspicuum; nihil conspicuum, nisi clarum. Et nota, quod conspicuitas talis requirit apparentiam, non solam existentiam. Est autem apparentia tripartita; videlicet apparentia dialectica, apparentia rhetorica, apparentia sophistica. Prima est apparentia veritatis; secunda est apparentia aequitatis; tertia est apparentia vanitatis. De prima Scriptura dicit<sup>1</sup>: « Sapiens in conspectu præsidis apparebit. » Quippe sapiens in conspectu illius appetet, si conspicue rei veritatem declarat: ecce conspicua veritatis apparentia. De secunda scribitur<sup>2</sup>: « Ego autem in justitia apparebo conspectui tuo. » Quod eleganter convenit oratori, tam rhetorico, quam theologico: quoniam inter orationem rhetoricanam, et theologicanam, conformitatem constat esse non modicam. In justitia siquidem appetet conspectui judicis sui quis orator, si fuerit justi negotii conspicuus declarator. Ecce conspicua aequitatis apparentia. De tertio legitur in figura<sup>3</sup>: « Septem diebus comedes azyma, sicut præcepisti tibi tempore messis novorum, quando egressus es de terra Ægypti: non apparebis in conspectu meo vacuus; » ac si diceretur apertius: Omnibus diebus comedes azyma sinceritatis, sicut præcepisti tibi tempore novitatis, in exitu vetustatis: non apparebis in conspectu meo vacuus gratiæ et veritatis. Ecce hic prohibetur apparentia vanitatis: nam septenarius significat universitatem: tempus novorum, vitæ novitatem; Ægyptus, vetustatem; vacuitas, vanitatem.

#### *Articulus tertius.*

Maturitatem locutionis apposuit, cum adjecit: *Regum*, id est, recte regentium, rectitudinem diligentium, maluros fructus in maturis præeligionum. Et notandum quod reges hujuscemodi diligunt veritatem, aequitatem, non vanitatem. Hæc autem tria respiciunt triplicem apparentiam præcedentem. Quod reges diligent veritatem, patet per Sapientem dicentem<sup>4</sup>: « Qui diligit cordis munditiam, propter gratiam labiorum suorum habebit amicum regem; » quasi dicat: Qui diligit munditiam veritatis, tam in

<sup>1</sup> *Ecli.*, xxxix, 4. — <sup>2</sup> *Psal.* xvi, 15. — <sup>3</sup> *Exod.*, xxiii, 15. — <sup>4</sup> *Prov.*, xlii, 14. — <sup>5</sup> *Psal.* xcvi, 4. —

corde, quam in labiis, erit amicus regis, verbum interius et exterius audientis. Quod reges diligent aequitatem, ostendit Psalmista, cum ait<sup>5</sup>: « Honor regis judicium diligit. » Quod autem reges ejusmodi non diligent vanitatem, satis aperit Sapiens, sic dicens<sup>6</sup>: « Ne gloriose appareas coram rege. » Ille prohibetur a rege vanæ gloriæ apparentia coram rege: unde liguet, quod vanitas non diligatur a rege.

#### *Articulus quartus.*

Securitatem loquentis supposuit, cum subscrivit: *Et non confundebar*; ac si diceret: In conspectu regum, veritatem, aequitatem, non vanitatem diligentium, loquebar, et non confundebar; quia nec falsitatem, nec iniquitatem, nec vanitatem sequebar. Notandum igitur quod illi per loquelam confundi merentur, qui loquelam confundere non verentur; ideo quod confunduntur plerique a falsitate, ab iniquitate, a vanitate: quia falsitas confundit causam loquelæ formalem; iniquitas autem materialis; vanitas vero finalem. De primo<sup>7</sup>: « De mendacio ineruditonis tuae confundere. » De secundo, ubi scribitur de Israëlitis<sup>8</sup>: « Confundentur ab iniquitatibus suis. » De tertio<sup>9</sup>: « Confundentur ab idolis, quibus sacrificaverunt. » Quid est idolum, nisi vanum et frivolum? Idolis ergo sacrificant, qui vitulos libiorum frivilis dedicant.

#### *Epilogus.*

Ait ergo Psalmista, tanquam persona ad amorem accensa pro tali gratia eidem impensa: *Et loquebar de testimoniosis tuis*, quantum ad locutionis puritatem, quæ tangit causam materialis; *In conspectu*, quantum ad claritatem, quæ conspicit causam formalem; *Regum*, quantum ad matritatem, quæ sapit causam finaliem; *Et non confundebar*, quantum ad securitatem, quæ redolet causam efficientem.

#### VERSICULUS XV.

47. *Et meditabar*, etc. Propalata sunt duo beneficia ad amorem divinum promoventia, personalis scilicet reverentia, atque verbalis elegancia. Sequitur tertium, quod est mentalis perspicacia, non indita menti, sed superaddita; non acquisita, non insita, sed infusa: sicut

<sup>6</sup> *Prov.*, xxv, 6. — <sup>7</sup> *Ecli.*, iv, 30. — <sup>8</sup> *Ezech.*, xliv, 10. — <sup>9</sup> *Isa.*, 1, 29.

illa, qua perspicitur in mandatis consilium mandatoris. Hujus perspicaciæ beneficium insinuat iste versus, innuendo quatuor mentis actus, qui sunt appetitus, introitus, intuitus, obtentus. Disponitur namque mens, tanquam invenire cupiens, imperium ingrediens, imperatorem inveniens, donum optimum obtinens. Quid enim est meditari, nisi appetitus inveniendi? Quid mandatum, nisi imperium? Quid mandator, nisi imperator? Quid diligere, nisi donum optimum obtinere?

#### *Articulus primus.*

Appetitus igitur prænotatur, cum psallitur: *Et meditabar*, quod proprium est mentis invenire cupientis. Illud namque proprie meditamus, quod invenire conamur. Unde notandum, quod recte mens meditatur, tria specialiter invenire cupiens; utputa sapientiam, justitiam, doctrinam: primum quidem, propter Dei speculationem; secundum autem, propter sui regulationem; tertium vero, propter fraternæ salutis æmulationem. De primo<sup>1</sup>: « Mens justi meditabitur sapientiam. » De secundo<sup>2</sup>: « Beatus vir, qui in sapientia morabitur, et qui in iustitia meditabitur, » quasi dicat: Beatus vir in sapientia perseverans, justitiam invenire desiderans, istam non deserens, illam querens. De tertio psallit Propheta<sup>3</sup>: « Prævenerunt oculi mei ad te diluculo, ut meditarer eloquia tua. » Oportet enim orationis instantiam prævenire, si volumus prædicationis gratiam invenire.

#### *Articulus secundus.*

Introitus annotatur, cum additur: *In mandatis*. Mandata, secundum Gregorium<sup>4</sup>, multa sunt, et unum: multa scilicet per diversitatem operis; unum in radice dilectionis. Unde sive dicamus mandata, sive mandatum, virtuale designatur imperium, in quo imperat rex virtutum. Hoc imperium videtur mens intrare, cum ad divinæ dispositionis arcanum nititur penetrare. Et nota, quod divinum imperium, vel mandatum, est aliis pacificum, aliis mortificum, aliis vivificum: pacificum plane prægredientibus; mortificum transgredientibus; vivificum regredientibus. De primo<sup>5</sup>: « Utinam attendisses mandata mea; facta fuisset, sicut flumen, pax tua; » quasi dicat: Utinam attendisses mandata mea, procedendo sine querela.

<sup>1</sup> *Prov.*, xv, 28. — <sup>2</sup> *Ecli.*, xiv, 22. — <sup>3</sup> *Psal.* hoc, 148. — <sup>4</sup> *Greg.*, *Hom.* xxvii. — <sup>5</sup> *Isa.*, xlvi, 18. —

Facta fuisset, sicut flumen, pax tua, descendendo sine vitii et supplicii corruptela. De secundo<sup>6</sup>: « Peccator transgrediens mandata Domini, incidet in promissionem nequam. » Ista nequam promissio ipsa est tam interioris, quam exterioris hominis mortificatio. De tertio scribitur<sup>7</sup>: « Vide quoniam mandata tua dilexi, Domine; in misericordia tua vivifica me: » quorum primum pertinet ad regressiōnem; secundum, ad regredientis vivificatiōnem, seu justificationem.

#### *Articulus tertius.*

Intuitus denotatur, cum dicitur: *Tuis*. Est enim pronomen possessivum, et possessoris demonstrativum. Possessor autem imperii virtualis est imperator, operator, ac remunerator vite spiritualis. Ad ipsius imperatoris intuitum videtur mens humana penetrare, cum meretur ab ipso revelationis gratiam impetrare. Circa dictum imperatorem tria notare possumus, quæ decent imperatoriā majestatem: utpote potentiam, sapientiam, bonitatem. Quæ notavit Psalmista, cum ait: *Tuis*, quasi dicat: Tuæ potentiae, tuæ sapientiae, tuæ bonitatis: quarum prima, scilicet potentia, est venerabiliter eloquenda; secunda, scilicet sapientia, venerabiliter audienda; tertia, scilicet bonitas, venerabiliter amplectenda. De prima dicitur<sup>8</sup>: « Gloriam regni tui dicent, et potentiam tuam loquentur: » ecce potentia venerabiliter eloquenda. De secunda<sup>9</sup>: « Beati servi tui, qui stant coram te semper, et audiunt sapientiam tuam: » ecce sapientia venerabiliter audienda. De tertia<sup>10</sup>: « Tu, Domine, secundum bonitatem tuam promisisti pœnitentiam remissionis peccatorum: » ecce bonitas venerabiliter amplectenda.

#### *Articulus quartus.*

Obtentus subnotatur, cum subditur: *Quæ dilexi*. Sane mandata dilexit, quia mandantem prospexit: mandantis bonitatem percepit, et ideo charitatem concepit. Et nota, quod divina mandata debemus diligere tribus de causis potissime, videlicet quia dilectio est mandati causa materialis, efficiens, finalis: plane materialis, quia dilectio est, quæ mandatur; efficiens, quia per dilectionem mandatur; finalis, quia propter dilectionem mandatur. De primo<sup>11</sup>:

<sup>6</sup> *Ecli.*, xxix, 26. — <sup>7</sup> *Psal.* hoc, 159. — <sup>8</sup> *Psal.* cxliv, 11. — <sup>9</sup> *III Reg.*, x, 8. — <sup>10</sup> *Orat.* Manassæ. — <sup>11</sup> *Joan.*, xiii, 34.

« Mandatum novum do vobis, ut diligatis invicem : » ecce dilectio, quæ mandatur. De secundo <sup>1</sup> : « Si diligitis me, mandata mea servate : » ecce dilectio, per quam mandatur. De tertio <sup>2</sup> : « Qui habet mandata mea, et servat ea, ille est, qui diligit me : qui autem diligit me, diligetur a patre meo, et ego diligam eum, et manifestabo illi meipsum : » ecce dilectio, propter quam mandatur.

#### Epilogus.

Patet itaque mens Prophetæ; quod enim ait : *Et meditabar*, vox est mentis invenire cupientis, pertinens ad primum actum, scilicet appetitum ; quod addit : *In mandatis*, est vox ipsius mentis imperium ingredientis, pertinens ad secundum, scilicet introitum ; quod subdit : *Tuis*, vox est ipsius mentis imperatorem inventivis, pertinens ad tertium, scilicet intuitum ; quod superaddit : *Quæ dilexi*, vox est ipsius mentis donum optimum obtinentis, pertinens ad quartum, scilicet ad obtentum.

#### VERSICULUS XVI.

<sup>Operan-</sup> 48. *Et levavi manus meas*, etc. Inter bis bina <sup>dimi-</sup> beneficia ad amorem divinum promoventia, <sup>dus qua-</sup> onere primum, sed honore novissimum est <sup>quadriplex.</sup> manualis efficacia, quam describit versus iste quadrupliciter, distinguendo modum operandi quadriformiter ; puta patenter, obedienter, ferventer, atque frequenter : quorum primus excludit timorem ; secundus, tumorem ; tertius, temorem ; sed quartus, torporem.

#### Articulus primus.

Primum operandi modum intelligimus, cum <sup>Levatio</sup> legimus : *Et levavi manus meas* : levatio nempe <sup>manuum</sup> manuum est motus exterior, per quem manifestatur motus interior : sicut enim levatur manus, sic levatur animus. Et nota, quod levatio exterior manifestat interiore, quantum ad timorem, dolorem, amorem. Primum patet pulsus tentationis ; secundum in planetu contritionis ; tertium in plausu devotionis. De primo <sup>3</sup> : « Cum levaret Moyses manus, vinciebat Israel : si autem paululum remisisset, superabat Amalech. » Hic Moyses exprimebat exterius, quantum timebat interiorius, levando manus intensius, vel remissius, sicut quisvis

<sup>1</sup> Joan., xiv, 15. — <sup>2</sup> Ibid., 21. — <sup>3</sup> Exod., xvii, 11. — <sup>4</sup> Thren., iii, 41, 42. — <sup>5</sup> Psal. LXII, 5. —

alius in periculo constitutus. Quod manibus levatis, non remissis, Amalech vinceretur, significat, quod cordis intentio, non remissio victoriam temptationis meretur. De secundo <sup>4</sup> : « Levemus corda nostra cum manibus ad Dominum in cœlos. Nos inique egimus, et ad iracundiam provocavimus : ideo inexorabilis es. » Hic patet levatio tam intrinseca, quam extrinseca, ex doloris poenitentialis vehementia. De tertio <sup>5</sup> : « Sic benedic te in vita mea, et in nomine tuo levabo manus meas. » Ista levatio pertinet ad plausum exteriorem, manifestans motum amoris interiorem.

#### Articulus secundus.

Secundum operandi modum aspicimus, cum adjicimus : *Ad mandata tua*. Revera mandatis divinis debetur obedientia. Tunc igitur manus ad mandata levamus, cum libenter et obedienter illa servamus. Et nota, quod mandatis divinis convenit obedire voluntarie, necessarie, atque plenarie. Quare voluntarie ? propter benedictionis promissionem. Quare necessarie ? propter maledictionis comminationem. Quare plenarie ? propter solutionis confusionem. De primo <sup>6</sup> : « Si audieris vocem Domini Dei tui, ut facias, atque custodias omnia mandata ejus ; » et infra : « Venient super te universæ benedictiones istæ, » etc. : ecce benedictio, quam meretur mandati conservatio. De secundo subditur <sup>7</sup> : « Si audire nolueris vocem Domini Dei tui, ut custodias et facias omnia mandata ejus ; » et infra : « Venient super te omnes maledictiones istæ : » ecce maledictio, quam meretur mandati violatio. De tertio <sup>8</sup> : « Qui solverit unum de mandatis istis minimis, et docuerit sic homines, minimus vocabitur in regno cœlorum : » ecce confusio, quam meretur unius mandati solutio.

Manda-  
tis divi-  
nis quo-  
modo  
obedire  
oporeat.

#### Articulus tertius.

Tertium operandi modum audimus, cum addimus : *Quæ dilexi* : quod enim dilectione facimus, ferventer agimus. Et nota, quod mandata dominica debemus diligere specialiter tripli ratione ; utsupra propter mandantis honorem, propter mandati valorem, propter salarii salutaris amorem. Prima ratio respicit mandati originem ; secunda, mandati ordinem ; tertia, mandati terminum, seu finem.

Manda-  
ta  
Dei dili-  
genda  
propter  
tria.

<sup>6</sup> Deut., xxviii, 1, 2. — <sup>7</sup> Ibid., 15. — <sup>8</sup> Matth., v, 19.

De prima psallit Propheta<sup>1</sup>: «Vide, quoniam mandata tua dilexi, Domine:» ecce mandantis honorem. De secunda<sup>2</sup>: «Dilexi mandata tua super aurum et topazium (*a*):» ecce mandati valorem. De tercia<sup>3</sup>: «Expectabam salutare tuum, Domine, et mandata tua dilexi:» ecce salarii salutaris amorem.

#### *Articulus quartus.*

Quartum operandi modum annotamus, cum aineclimus: *Et exercebar (*b*) in justificationibus tuis*: quoniam ubi exercitatio, ibi frequens actio. Et nota quod bonus operator, bonorum operum frequentator, recte dicit: *Exercebar*, videlicet tanquam cultor, ulti, rector; plane tanquam cultor, quantum ad vitiorum eradicationem; tanquam ulti, quantum ad virtutum vindicationem; tanquam rector, quantum ad virium rectificationem. De primo<sup>4</sup>: «Præpara foris opus tuum, et diligenter exerce agrum tuum;» quasi dicat: Forinsecus te præpara ad bonorum operum multiplicationem, et intrinsecus ad vitiorum, tanquam tribulorum in eorū agro germinantium, eradicationem. De secundo<sup>5</sup>: «Viderunt Aegyptios mortuos super littus maris, et manum magnam, quam exercuit Dominus contra eos.» Moraliter intellige, per Aegyptios, vitiorum multitudinem; per mare, contritionis amaritudinem; per littus, contritionis finem; per magnam manum, vindicationem submersarum virtutum, quam exercuit Dominus ultionum. De tertio<sup>6</sup>: «Principes gentium dominantur eorum, et qui majores sunt, potestatem exercent in eos.» Moraliter, per principes et majores accipe virtutes morales, viribus naturalibus principantes, quæ dominantur nature proutiatem domando, potestatem exercent bonitatem rectificando.

#### *Epilogus.*

Ex præmissis potest clarescere moralis intellectus Psalmiste, vicem gerentis personæ bonis operibus mancipatæ. Ait enim: *Et levavi manus meas*, scilicet operando potenter, contra timorem; *Ad mandata tua*, scilicet operando obedienter, contra tumorem: *Quæ dilexi*, scilicet operando ferventer, contra temorem; *Et exercebar in justificationibus tuis*, scilicet operando frequenter, contra torporem.

<sup>1</sup> Psal. hoc, 159. — <sup>2</sup> Ibid., 127. — <sup>3</sup> Ibid., 166. — <sup>4</sup> Prov., xxiv, 27. — <sup>5</sup> Exod., xiv, 31. — <sup>6</sup> Matth., xx, 25. — <sup>7</sup> Ps. xxxvi, 3. — <sup>8</sup> I Tim., iv, 10. — <sup>9</sup> Ps. lxxiii, 3.

#### CAPUT QUARTUM.

##### VERSICULUS PRIMUS.

49. *Memor esto verbi tui*, etc. Hic inchoatur quartum capitulum, et præsentatur quartum ferendum. Sicut in tertio præsentata fuit legis commissio, sic in isto spei immissio. Si queris ordinis rationem, equidem ad illius commissiōnem venitur per istius immissionem, sicut patet per Prophetam dicentem<sup>7</sup>: «Spera in Domino, et fac bonitatem.» Sic faciebat Apostolus, cum dicebat<sup>8</sup>: «In hoc laboramus, quia speramus.» Istud autem capitulum distinguitur in hunc modum: Spes immissa lætificat patientes, ut ostendit octonarius primus; et fortificat facientes, ut ostendit secundus. Unde primus incipit ab hebraica littera Zain, quæ interpretatur <sup>Zain.</sup> oliva, cuius est lætificare; secundus ab hebraica littera Heth, quæ interpretatur vivacitas, cuius <sup>Heth.</sup> est fortificare. Prius octonarius est bipartitus, quia spes duplice lætificat patientes, scilicet quantum ad malorum patientiam, quod declarat quaternarius primus; et quantum ad ipsorum compatiētiam, quod declarat secundus. Primus quaternarius est quadripartitus, secundum quatuor patientiæ gradus, qui sunt patientia subjectionis, abjectionis, scandalizationis, et præjudicationis; qui gradatim tanguntur in quatuor versibus primis. Primus versus insinuat subjectionis consolationem per quadruplicem subjectæ personæ considerationem, quæ non absurde considerat quem desiderat, cui obtemperat, propter quem tolerat, in quem sperat. Quis autem est ille, nisi eius est remunerare, imperare, onerare, et exonerare?

#### *Articulus primus.*

Prima consideratio tangitur in hoc membro: *Memor esto*. Dominus dicitur illorum memor, *Memor*. quorum est remunerator. Hæc est rememoratio quan*i* affectat, scilicet remuneratio, quam expectat. Peroptime remunerationem considerat, quia permaxime subjectionis laborem et dolorem refrigerat. Sed notandum, quod retributor universorum, est memor diversimode diversorum, videlicet sapientium, insipientium, perversorum: horum, ad redimendum; illorum, ad sævius opprimendum; aliorum, ad gravius puniendum. De primis psallimus<sup>9</sup>: «Memor

<sup>(a)</sup> Vulg. topazion. — <sup>(b)</sup> Cæt. edit. exercebor, et sic deinceps.

esto congregationis tuæ ; » quasi dicat : sapientis. De secundariis canimus<sup>1</sup> : « Memor esto improprietorum tuorum eorum , quæ ab insidente sunt tota die. » De aliis legimus<sup>2</sup> : « Memor esto , Domine , filiorum Edom ; » quasi dicat : perversorum. Unde subditur de illorum perversitate : *Qui dicunt : Exinanite , exinanite , etc.*

#### *Articulus secundus.*

Secunda consideratio advertitur in hoc articulo : *Verbi tui*. Hoc verbum est præceptum dominicum , quo præcipitur servis subjectos esse<sup>3</sup> « dominis , non solum bonis et modestis . sed etiam dyscolis. » Hoc præceptum est promulgatum a Domino ore apostolico. Hoc imperium ob hoc subjectus considerat , quia non modicum subjectionem imperatam temperat , considerare , cui obtemperat. Et nota , quod hoc verbum imperatorium est retinendum , continentum , et sustinendum : retinetur autem , ut fructificet ; continetur , ut aedificet ; sustinetur , ut beatificet. De primo<sup>4</sup> : « Qui corde bono et optimo audientes verbum retinent , et fructum afferunt in patientia : » ecce verbum tentum , ut fructificet. De secundo<sup>5</sup> : « Inter quos lucetis , sicut luminaria in mundo , verbum vitæ continentis : » ecce verbum contentum , ut aedificet. De tertio scribitur<sup>6</sup> : « Sustinuit anima mea in verbo ejus , speravit anima mea in Domino : » ecce verbum sustentatum (a) , ut beatificet.

#### *Articulus tertius.*

Tertia consideratio colligitur ex hoc ramo : *Servo tuo*. Ecce onerosa servitus : ecce onus impositum divinitus , quod idcirco considerat oneratus ; quia consideratio onerantis , onus alleviat tolerantis. Sed nota circa servum hujuscemodi , quod leguntur servitutis tres modi : est namque servitus ex necessitate , servitus ex humilitate , servitus ex charitate : quarum prima toleranda , secunda desideranda , tercia veneranda. De prima<sup>7</sup> : « Servus vocatus es ? non sit tibi curæ ; » quod pertinet ad servitutem necessitatis. De secunda<sup>8</sup> : « Quicumque voluerit inter vos primus esse , erit vester servus : » quod spectat ad servitutem humilitatis. De tercia<sup>9</sup> : « Cum liber essem ex omnibus , omnium me servum feci , ut plures lucrifacerem ; » quod servitutem exprimit charitatis.

<sup>1</sup> *Psal. LXXIII*, 22. — <sup>2</sup> *Psal. CXXXVI*, 7, 8. — <sup>3</sup> *I Petr.*, II, 18. — <sup>4</sup> *Luc.*, VIII, 15. — <sup>5</sup> *Philip.*, II, 16.

#### *Articulus quartus.*

Quarta consideratio accipitur ex hoc loco : *In quo mihi spem dedisti* ; quasi dicat : In verbo imperatorio , salutis meritorio , quo imperasti , mihi spem inspirasti. Plane Imperator cœlestis imperat actum virtutis , qui meritorius est salutis ; et idcirco , dum imperat , obtemperantibus spem inspirat. Et nota spem tripartitam obtemperantibus inspiratam , videlicet spem laborantium , spem tolerantium , spem amantium : quarum prima respondet servituti primæ ; secunda , secundæ ; tertia , tertiae. De prima<sup>10</sup> : « Debet in spe , qui arat , arare : » ecce spes laborantium. De secunda<sup>11</sup> : « Scientes , quia tribulatio patientiam operatur ; patientia autem probationem ; probatio vero spem : » ecce spes tolerantium. De tertia<sup>12</sup> : « Audientes fidem vestram in Christo Jesu , et dilectionem , quam habetis in sanctos omnes , propter spem , quæ reposita est vobis in cœlis : » ecce spes amantium.

#### *Epilogus.*

Ait ergo Propheta , seu persona subjecta , sed spei consolatione refecta , voce prophetica : *Memor esto* , qui remuneras , quem desidero ; *Verbi tui* , qui imperas , cui obtempero ; *Servo tuo* , id est , tui , qui oneras , propter quem tolero ; *In quo mihi spem dedisti* , qui oneras , in quem spero.

#### VERSICULUS II.

50. *Hæc me consolata est* , etc. Subjectionis consolatio satis claruit in versu præambulo ; abjectionis consolatio non minus claret in isto , in quo notatur spes confortans , supportans , dehortans , et exhortans. Dicitur autem spes confortans per æquanimitatem , supportans per longanimitatem , dehortans pusillanimitatem , et exhortans magnanimitatem.

#### *Articulus primus.*

*Hæc me consolata est*. Illic proculdubio notatur spei confortatio , qua confortatur homo , vel interius a Domino æquanimitatem inspirante , vel exterius a proximo æquanimitatem procurante. Et nota , quod homo tripliciter dicitur exterius alterum consolari , videlicet verbo ,

— <sup>6</sup> *Psal. CXXIX*, 4. — <sup>7</sup> *I Cor.*, VII, 21. — <sup>8</sup> *Matth.*, XX, 47. — <sup>9</sup> *I Cor.*, IX, 19. — <sup>10</sup> *I Cor.*, IX, 10. — <sup>11</sup> *Rom.*, V, 4, 5. — <sup>12</sup> *Coloss.*, I, 5. — (a) *Leg. sustentum.*

subsilio, et exemplo. Prima consolatio, seu confortatio, est vocalis; secunda, manualis; tertia, visualis. De prima<sup>1</sup>: « Consolatus est eos, et blande ac leniter est locutus: » ecce consolatio vocalis. De secunda<sup>2</sup>: « Benedictio perituri super me veniebat, et cor viduae consolatus sum: » ecce consolatio manualis. De tertia<sup>3</sup>: « Consolatus est David Bethsabee uxorem suam: » ecce consolatio visualis.

#### *Articulus secundus.*

*In humilitate mea.* Humilitatem nuncupat vilitatem, quam supportavit per longanimitatem. Humilitas ista quam supportavit Prophetæ, fuit extrinseca et fortuita; non tamen fuit sine humilitate intrinseca et gratuita. Ideoque ad commendationem humilitatis intrinsecæ atque gratuitæ, possumus hic notare, quod humilitas est sapientiae solium, gratiae pallium, et gloriae præludium. Dicitur autem sapientiae solium, quia sapientiam suscepit<sup>4</sup>: « Ubi est humilitas, ibi est et sapientia. » Dicitur quoque gratiae pallium, quoniam electos induit<sup>5</sup>: « Induite vos, sicut electi Dei, sancti et dilecti, visceræ misericordiæ, benignitatem, humilitatem. » Dicitur denique gloriae præludium, quia gloriam antecedit<sup>6</sup>: « Gloriam præcedit humilitas. »

#### *Articulus tertius.*

Elo-  
qui-  
um  
dehorta-  
torium  
triplex.

*Quia eloquium tuum.* Quale, quæso, eloquium, nisi pusillanimitatis dehortatorium? Tale nimisrum est abjecto et humiliato necessarium. Unde notandum, quod eloquium dehortatorium est tripartitum: continet enim eloquium increpatorium, eloquium adversatorium, et eloquium castigatorum: quorum primum videtur dehortatorium cogitationum; secundum, delectionum; tertium, assencionum. De primo<sup>7</sup>: « Ad increpandum tantum eloquia concinnatis: » ecce eloquium increpatorium. De secundo<sup>8</sup>: « Dimittam adversum me eloquium meum: » ecce eloquium adversatorium. De tertio scribitur<sup>9</sup>: « Eloquia Domini, eloquia casta: » plane casta, quia castigantia, et castigando castificantia: ecce eloquium castigatorium.

#### *Articulus quartus.*

*Vivifica mè.* Quo modo, nisi magnanimitatem exhortando? Quæ vivificatio patienti potior,

<sup>1</sup> Gen., L, 21. — <sup>2</sup> Job, XXIX, 13. — <sup>3</sup> II Reg., XII, 24. — <sup>4</sup> Prov., XI, 2. — <sup>5</sup> Coloss., III, 12. — <sup>6</sup> Prov., XV, 33. — <sup>7</sup> Job, V, 26. — <sup>8</sup> Job, X, 1. — <sup>9</sup> Psal. XI,

aut abjecto accommodatior? Notandum itaque, quod taliter vivificare, videtur ad tria perutile, scilicet ad tolerandum, ad perseverandum, ad superandum: quorum primum pertinet ad tentationis aggressum, secundum ad progressum, tertium ad egressum. De primo<sup>10</sup>: « Si ambulavero in medio tribulationis, vivificabis me, » scilicet per gratiam tolerantiae. De secundo<sup>11</sup>: « Dominus conservet eum, et vivificet eum, et beatum faciat eum. » Conservatio pertinet ad tentationis aggressum; vivificatio ad progressum; beatificatio ad egressum. De tertio<sup>12</sup>: « Deus, tu conversus vivificabis nos. » Convertitur ad nos Deus, praestando gratiam tolerandi temptationem; sed vivificat nos, praestando gratiam superandi.

#### *Epilogus.*

Ex præmissis satis est liquidum, quid Prophetæ nobis insinuet per hunc versum: ait enim: *Hæc*, scilicet spes, de qua superius immediate fecerat mentionem; *Me consolata est*, confortans per æquanimitatem; *In humilitate mea*, ipsam supportans per longanimitatem; *Quia eloquium tuum*, dehortans pusillanimitatem; *Vivificavit me*, exhortans magnanimitatem.

#### *VERSICULUS III.*

51. *Superbi inique agebant*, etc. Post consolacionem subjectionis et abjectionis, sequitur consolatio scandalizationis, quam ostendit istius versus continentia quadrimembris: continet enim quadruplicem causam consolatoriam; puta stultorum differentiam, malorum suffrentiam, legis reverentiam, et regis adhærentiam: prima bona, secunda melior, tertia optima, et quarta peroptima.

#### *Articulus primus.*

Prima causa dignoscitur, cum dicitur: *Superbi*. Si superbi, ergo stulti, quasi stantes alti: stultorum autem scandala spernenda sunt, quasi ridicula: nam qui querent conjugationis normam apud verbum anomalum, aut conversationis formam apud virum acephalum, ipse sibi est scandalum. Multum igitur illi confert, qui scandalum perfert, pensare quantum moribus differt, qui scandalum infert. Et notandum circa scandala superborum, quod eorum

7. — <sup>10</sup> Psal. CXXXVII, 7. — <sup>11</sup> Psal. XL, 3. — <sup>12</sup> Psal. LXXXIV, 7.

alii sunt litigiosi, alii bellicosi, alii tam Deo, quam hominibus odiosi : quorum primi sunt inaffabiles; secundi sunt intractabiles ; tertii sunt irrationabiles. De primis<sup>1</sup> : « Inter superbos semper jurgia sunt : » ecce superbi litigiosi. De secundis<sup>2</sup> : « Arma et gladii in via superbii (a) : » ecce superbii bellicosi. De tertii<sup>3</sup> : « Nec superbii placuerunt tibi ab initio ; » et<sup>4</sup> : « Tres species odivit anima mea, et aggravor valde anime illorum ; pauperem superbum, et divitem mendacem, et senem satuum : » ecce superbii tam Deo , quam hominibus odiosi.

#### *Articulus secundus.*

Secunda causa aperitur, cum additur : *Inique agebant usquequaque*. Si inique agebant, iniqui erant : tales autem ferendi sunt, quia secundum Gregorianum eloquium<sup>5</sup>, boni non sunt, qui malos ferre non possunt. Et notandum cirea scandala iniquorum, quod leguntur triduciter inique agere : contra regem; contra legem; contra gregem : contra summum Regem, recedendo per irreverentiam ; contra legem, deviendo per inobedientiam ; contra Dei gregem, dominando per injustitiam. De primis intelligitur, quod legitur<sup>6</sup> : « Peccavimus et inique egimus, recedentes a te : » ecce iniquitas recendentium. De secundis ascribitur, quod scribitur<sup>7</sup> : « Novi, quod post mortem meam inique agelis, et declinabis eito de via, quam ostendi vobis : » ecce iniquitas deviantium. De tertii exponitur, quod proponitur<sup>8</sup> : « Hæc dicit Dominus, quoniam ablatus est populus meus gratis , dominatores ejus inique agunt : » ecce iniquitas dominantium.

#### *Articulus tertius.*

Tertia causa subinfertur, cum subjungitur : *A lege autem tua*, quæ est reverenda scientia, imo reverendi scientia; reverenda in omni reverentia; ex cuius reverentia redditur aliis reverentia, sine cuius sententia nulli debetur reverentia. Et nota, quod lex est specialiter reverenda tribus de causis : quia regalis; quia irreprehensibilis; quia spiritualis : regalis plane, quantum ad mandata judicialia ; irreprehensibilis, quantum ad mandata moralia ; spiritualis, quantum ad mandata cæremonalia , seu figuralia. De primo<sup>9</sup> : « Si tamen legem

<sup>1</sup> Prov., XIII, 10. — <sup>2</sup> Prov., XXII, 5. — <sup>3</sup> Judith, IX, 46. — <sup>4</sup> Eccli., XXV, 4. — <sup>5</sup> Greg., in Evang., hom. XXXV; Pastor., part. III, c. x. — <sup>6</sup> Dan., III, 29.

perficitis regalem secundum Scripturas ; » et infra : « Bene facitis : » ecce lex regalis. De secundo dicitur secundum aliam litteram<sup>10</sup> : « Lex Domini irreprehensibilis , convertens animas : » ecce lex irreprehensibilis. De tertio<sup>11</sup> : « Scimus quoniam lex spiritualis est ; ego autem carnalis sum : » ecce lex spiritualis.

#### *Articulus quartus.*

Quarta causa subditur, cum sequitur : *Non declinavi*. Per negationem, quæ additur, affirmatio subauditur : non declinavit, quoniam inclinavit : non declinavit a lege , quoniam declinavit a Rege; sed inclinavit se ad legem , quoniam inclinavit se ad Regem. Notans ergo adhærentiam legis , subnotavit adhærentiam Regis : equidem, qui non neverunt regem nisi per legem , adhærent regi adhærendo legi. Sed nota, circa legis declinationem, quod contingit a lege tripliciter declinare : videlicet ad errorem , ad favorem, ad furorem. Prima declinatio pertinet ad vim rationabilem; secunda, ad concupisibilem : tercias, ad irascibilem. De primo<sup>12</sup> : « Ne declinetis ad magos, nec aliquid ab hariolis sciscitemini : » hic prohibetur declinatio ad errorem. De secundo<sup>13</sup> : « Judices et magistros constitues : » et infra : « Ut judicent populum justo judicio, nec in alteram partem declinent : » hic prohibetur declinatio ad favorem. De tertio<sup>14</sup> : « Cave, ne declines ad iniquitatem : hanc enim cœpisti sequi post misericordiam : » hic prohibetur declinatio ad furorem.

#### *Epilogus.*

Et hoc est quod ait Propheta , vel scandalis impugnatus , non expugnatus , voce prophetica : *Superbi*, considerando stultorum differentiam, quod est bonum; *Inique agebant usquequaque*, considerando malorum suffientiam, quod est melius ; *A lege autem tua*, considerando legis reverentiam, quod est optimum ; *Non declinavi*, considerando Regis adhærentiam, quod est peroptimum.

#### VERSICULUS IV.

52. *Memor fui judiciorum tuorum*, etc. Memoratio spei solatio ad subjectionum , abjectionum , et

— <sup>7</sup> Deut., XXXI, 29. — <sup>8</sup> Isa., LII, 5. — <sup>9</sup> Jac., II, 8. — <sup>10</sup> Psal. XVIII, 8. — <sup>11</sup> Rom., VII, 14. — <sup>12</sup> Levit., XIX, 31. — <sup>13</sup> Deut., XVI, 19. — <sup>14</sup> Job, XXXVI, 21.

(a) Vulg. perversi.

scandalizationum sufferentiam , memoratur ipsius consolatio ad injustorum judiciorum sustinentiam . Tradit namque versus iste memoriale divinæ patientiæ speciosum , spatiōsum , virtuosum , victoriosum , tanquam speculum spirituale humanæ tolerantiae . Dicitur autem memoriale prædictum speciosum , quantum ad patientiæ materiam ; spatiōsum , quantum ad frequentiam ; virtuosum , quantum ad excellētiam ; victoriosum , quantum ad efficaciam .

#### *Articulus primus.*

Primus articulus prænotatur , cum scribitur : *Memor fui judiciorum tuorum* : ecce speciosum memoriale divinæ patientiæ , respectu humanæ injustitiae : patitur namque divina clementia mirabili atque memorabili patientia , conculcari sua judicia ab humana injustitia . Notandum itaque , quod contingit tripliciter divina judicia conculcare ; puta corde , ore , opere : corde conculcentur , quando contemnuntur ; ore , quando deridentur ; opere , quando projiciuntur . De primo <sup>1</sup> : « Ista est Hierusalem , in medio gentium posui eam , et in circuitu ejus terras , et contempsit judicia mea , ut plus esset impia , quam gentes , et præcepta mea ultra , quam terræ , quæ in circuitu ejus sunt : » ecce judiciorum contemptio . De secundo <sup>2</sup> : « Testis iniquus deridet judicium : » ecce judiciorum derisio . De tertio <sup>3</sup> : « Judicia mea projeicerunt , et in præceptis meis non ambulaverunt : » ecce judiciorum projectio .

#### *Articulus secundus.*

Secundus articulus subnotatur , cum dicitur : *A sæculo* : ecce spatiōsum memoriale divinæ patientiæ , quoniam a sæculi initio facta est prædicta conculcatio . Notandum ergo , quod legimus Dominum a sæculo imperantem , tolerantem , miserantem : quorum primum est signum potentiae ; secundum , sapientiae ; sed tertium , clementiae . De primo scribitur a Psal-mographo <sup>4</sup> : « Parata sedes tua ex tunc ; a sæculo tu es ; » ubi per sedem imperiale insinuat imperantem . De secundo <sup>5</sup> : « Postquam ingressi sunt filii Dei ad filias hominum , illæque genuerunt ; isti sunt potentes a sæculo , viri famosi ; » ubi potentes potentia abutentes subintelligimus tolerantem . De tertio canitur <sup>6</sup> : « Reminiscente miserationum tuarum , Domine ,

et misericordiarum tuarum , quæ a sæculo sunt ; » ubi legimus Dominum miserantem .

#### *Articulus tertius.*

Tertius articulus annotatur , cum additur : *Domine* : ecce virtuosum memoriale . Quid enim illa patientia virtuosius , quam patitur a talibus servis talis Dominus ? Vis audire qualis Dominus ? Plane reverendus , tremens , colendus : tanquam omnium creator ; tanquam omnium gubernator ; tanquam omnium consummator . De primo , ubi de rege Josia scribitur in haec verba <sup>7</sup> : « Reveritus es faciem meam , scidisti vestimenta tua , et flevisti coram me . Ego quoque exaudiam te , dicit Dominus . » Hic apparet , quod Dominus est humiliter et flebiliter reverendus . De secundo , ubi scribitur de Saulo <sup>8</sup> : « Tremens ac stupens dixit : Domine , quid me vis facere ? » ubi patet luce clarius , quod Dominus mirabiliter est tremens . De tertio , ubi dixit Ezechias sacerdotibus et levitis <sup>9</sup> : « Vos elegit Dominus , ut stetis coram eo , et ministretis illi , colatis cum et cremetis illi incensum ; » ubi notatur Dominus contemplatione , actione , devotione colendus .

#### *Articulus quartus.*

Quartus articulus denotatur , cum dicitur : *Et consolatus sum* ; ecce victoriosum memoriale , quoniam ex memoria divinæ patientiæ generatur victoria nostræ impatientiæ , dum illius memoria nobis est consolatoria . Hic potest notari , quod diversi dicuntur diversimode consolari : aliter enim consolari dicuntur patientes ; aliter , compatientes ; aliter , impatiētes . Primi namque dicuntur consolari consideratione alienæ patientiæ ; secundi , consideratione alienæ misericordiæ ; tertii , consideratione alienæ misericordiæ . Prima consolatio patet <sup>10</sup> : « Cessavit rex David persequi Absalon , eo quod consolatus esset super Ammon interitu : » ecce consolatio patientiæ . Secunda consolatio liquet <sup>11</sup> : « Adduxerunt puerum viventem , et consolati sunt non minime : » ecce consolatio compatientiæ . Tertia consolatio claret <sup>12</sup> : « Vidi eos Pharaon , et consolatus est super universa multitudine , quæ imperfecta est gladio : » ecce consolatio impatientiæ .

6. — <sup>4</sup> *Psal. xcii*, 2. — <sup>5</sup> *Gen. vi*, 4. — <sup>6</sup> *Psal. xxiv*, 6. — <sup>7</sup> *II Paralip.*, *xxxiv*, 27. — <sup>8</sup> *Act.*, *ix*, 6. — <sup>9</sup> *II Paralip.*, *xxix*, 11. — <sup>10</sup> *II Reg.*, *xiii*, 39. — <sup>11</sup> *Act.*, *xx*, 12. — <sup>12</sup> *Ezech.*, *xxxii*, 31.

<sup>1</sup> *Ezech.*, v, 5, 6. — <sup>2</sup> *Prov.*, *xix*, 28. — <sup>3</sup> *Ezech.*, v,

## Epilogus.

Ait ergo Prophetæ, vel patiens voce prophætica : *Memor fui judiciorum tuorum*, quantum ad patientie divine materiam, eujus materia sunt divina judicia : ecce memoriale speciosum ; *A sœculo*, quantum ad illius patientie frequentiam : ecce memoriale spatiostum ; *Domine*, quantum ad ipsius patientie excellentiam : ecce memoriale virtuosum ; *Et consolatus sum*, quantum ad ejusdem patientie efficaciam : ecce memoriale victoriosum.

## VERDICCLUS V.

**S3.** *Defectio tenuit me*, etc. Consolationem patientium declaravit quaternarius antecedens; consolationem compatientium declarat quaternarius præsens. Hæc consolatio consummatur, quando fraterna culpa deploratur, venia imploratur, poena memoratur, pœnitentia procuratur, sicut quatuor proximis versibus intimator. Versus primus pertinens ad deplorationem culpæ fraternaliæ, videtur quatuor continere, videlicet dolorem animi propter errorem proximi : dolor liquefacit; animus liquecit; error frigefacit; proximus refrigerescit.

## Articulus primus.

Quantum ad primum articulum, dicitur : *Defectio* : ista defectio est vehemens compassio- nis affectio, quæ sic fervidas animas comprimit, quod calidas lacrymas exprimit. Et nota, quod est defectio tripartita : quædam lætitiae, quædam gratiæ, quædam gloriæ privativa : quarum prima justorum; secunda injustorum; tertia reproborum. De prima<sup>1</sup> : « Cor tabescens, et dissolutio geniculorum, et defectio in cunctis renibus ; » ubi compassionis dolor describitur, qui dum cordi illabitur, corpus collabitur, et voluptas elabitur. De secunda<sup>2</sup> : « Jucunditas cordis, hæc est vita hominis, et thesaurus sine defectione sanitatis : » ecce defectio gratiæ : et revera lætitia si afficit, non proficit, ubi gratia deficit. De tertia<sup>3</sup> : « Incline humerum vestrum et cervicem vestram, et operam facite regi Babylonis, et sedebitis in terra, quam dedi patribus vestris. Quod si non feceritis, nec audieritis vocem Domini Dei vestri operari regi Babyloniam, defectionem vestram faciam de-

civitatibus Juda, » etc.; ac si apertius dicatur peccatoribus : Humiliate vos ad confessionem, sustinet confusione, ut recipiatis iniquitatis remissionem, et hæreditatis æternæ recompensationem. Quod si nolueritis confessioni vacare, et confusione operam dare, propter defectum gratiæ deficere vos faciam a societatibus gloriæ. Ecce defectio gloriæ : *Babylon* enim interpretatur confusio, et *Juda* gloriatio.

## Articulus secundus.

Quantum ad secundum subditur : *Tenuit me*, scilicet animum meum afficiens, et afficiendo liquefaciens eum. Si queris qualiter affectiones tenent animum, profecto diversimode diversorum. Notandum ergo generaliter, quod affectiones animum tenent tripliciter : quædam feliciter; quædam infeliciter; quædam mediocriter. Primæ tenent animos beatorum; secundæ, animos damnatorum; tertiae, animos viatorum. De primo scribitur<sup>4</sup> : « Tenebit me dextera tua. » Hæc dextera est æterna lætitia, quæ tenebit animam sponsæ felici tentione, ipsa teste<sup>5</sup> : « Dextera ejus amplexabitur me. » De secundo, ubi dicitur a Saule<sup>6</sup> : « Interfice me, quoniam tenet me angustiæ. » Tales angustiæ mystice intellectæ, sunt aeternales tristitia, quarum tentiones infelices ad illos pertinent, qui<sup>7</sup> « querent mortem, et non invenient, » sicut scribitur ab Apostolo. De tertio<sup>8</sup> : « Pavor tenuit me, et tremor. » Sic potest dicere viator, cuius animum tenet timor.

## Articulus tertius.

Quantum ad tertium, additur : *Pro peccato- ribus*; quoniam ubi peccator, ibi error, ibi tenebræ sunt.<sup>9</sup> : « Error et tenebræ peccato- ribus concreata sunt. » Ubi vero tenebrositas, ibi solet esse frigiditas. Unde peccator est frigidus, et infrigidator, et specialiter adulator, explorator, detractor : quorum primus est lac- tator; secundus sagittarum fabricator; tertius sagittator. De primo<sup>10</sup> : « Fili mi, si te lactaverint peccatores, ne acquiescas eis : » ecce peccator lactans. De secundo<sup>11</sup> : « Homo pec- cator sanguini insidiatur; attende tibi a pesti- fero, fabricat enim mala, ne forte inducat super te subsannationem in perpetuum : » ecce

<sup>1</sup> *Nah.*, II, 10. — <sup>2</sup> *Eccli.*, XXX, 23. — <sup>3</sup> *Baruch*, II, 21, 22. — <sup>4</sup> *Psal.* cxxxviii, 10. — <sup>5</sup> *Cant.*, II, 6. —

<sup>6</sup> *II Reg.*, I, 9. — <sup>7</sup> *Apoc.*, IX, 6. — <sup>8</sup> *Job*, IV, 14. — <sup>9</sup> *Eccli.*, XI, 16. — <sup>10</sup> *Prov.*, I, 10. — <sup>11</sup> *Eccli.*, XI, 34, 35.

peccator sagittas fabricans. De tertio cantatur<sup>1</sup>: « Ecce peccatores intenderunt arcum, paraverunt sagittas suas, » etc. : ecce peccator sagittans.

#### *Articulus quartus.*

Quantum ad quartum, superadditur : *Dereliquidib[us] legem tuam* : nam qui legem derelinquit, ignem derelinquit, et ideo refrigescit. Unde scriptum est<sup>2</sup> : « In dextera ejus ignea lex. » Et nota, quod lex non est derelinquenda, sive dimittenda, specialiter propter tria : quia lux speciosa ; quia donatio fructuosa ; quia corona gratiosa : quorum primum spectat ad speculativos ; secundum, ad activos ; tertium, ad prælatos. De primo<sup>3</sup> : « Ne dimittas legem matris tuæ, » etc., quia « mandatum lucerna est, et lex lux. » Hic prohibetur dimissio legis ratione lucis. De secundo<sup>4</sup> : « Donum bonum tribuam vobis ; legem meam ne derelinquatis. » Hic prohibetur derelictio legis, ratione donationis. De tertio<sup>5</sup> : « Ne dimittas legem matris tuæ, ut addatur gratia capiti tuo. » Hic prohibetur dimissio legis ratione coronæ, vel gratiæ capitalis.

#### *Epilogus.*

Ait ergo Prophetæ in personæ compatientis figura : *Defectio*, quantum ad dolorem liquefacientem ; *Tenuit me*, quantum ad animum liquefacentem ; *Pro peccatoribus*, id est, peccati auctoribus, quantum ad errorem frigefacientem ; *Dereliquidib[us] legem tuam*, quantum ad proximum frigescensem.

#### *VERSICULUS VI.*

34. *Cantabiles mihi erant*, etc. Versus præambulus versabatur circa fraternæ culpæ deplorationem; versus iste versatur circa veniæ implorationem. Et quia dicta venia solemniter imploratur per divinum officium, quod in ecclesia decantatur ; propterea versus iste quadrisidus quatuor connotat circumstantias ejus, quæ sunt modus, motus, locus, tempus : modus autem requirit modulationem ; motus, opitulationem ; locus, venerationem ; tempus, perseverationem.

#### *Articulus primus.*

Primum prænotavit Prophetæ, cum ait : *Cantabiles mihi erant justifications tue*; ac si diceatur aperte : Justifications fraternæ, quæ pos-

tulantur a te justificatore superne, erant cantabiles, id est, cantando pronuntiabiles in signum prolationis internæ. Nec enim eas protulit sola speculatio intellectiva, quia sic essent pronuntiabiles confabulando ; nec sola æmulatio affectiva, quia sic essent pronuntiabiles ejulando : sed tam speculationis intellectivæ, quam æmulationis affectivæ copulatio modificativa, et ideo pronuntiabiles modulando. Notandum itaque, quod justifications divinæ sunt concupiscentæ, discendæ, non obliviscendæ : unde requirunt appetitivam vivacem, apprehensivam sagacem, retentivam tenacem. De primo<sup>6</sup> : « Concupivit anima mea desiderare justifications tuas, » etc. De secundo<sup>7</sup> : « Bonum mihi, quia humiliasti me, ut diseam justifications tuas. » De tertio<sup>8</sup> : « In æternum non obliviscar justifications tuas, » etc.

#### *Articulus secundus.*

Secundum denotavit, cum dixit : *Mihi*, videbet opitulanti. Quæreris, quo modo? speculando, æmulando, famulando : quorum primum pertinet ad intellectum ; secundum, ad affectum ; tertium, ad effectum. De primo<sup>9</sup> : « Quare ostendisti mihi iniuriam, et laborem videre, prædam? » etc. Verba sunt compatientis, errorum proximi speculantis. De secundo<sup>10</sup> : « Væ mihi, ut quid natus sum videre contritionem populi mei? » Verba sunt compatientis, salutem proximi æmulantis. De tertio legitur<sup>11</sup> : « Convertentur mihi timentes te : » verba sunt compatientis, conversionem proximi postulantis, et postulando famulantis.

#### *Articulus tertius.*

Tertium annotavit, cum addidit : *In loco*. Si quæreris, in quo? cito solvitur questio : *In loco*, qui ad orandum ordinatur, et ab orando oratorium nominatur : hic est locus quem elegit Dominus, ut invocetur ibi nomen ejus, ut collectetur inibi corpus ejus. Notandum ergo, quod huic loco debetur veneratio specialis, ratione venerabilis nominis, venerabilis numinis, venerabilis agminis : est enim idem locus divinæ memorie attulatus, divinæ Eucharistiae deputatus, divina militia visitatus. De primo<sup>12</sup> : « In omni loco, in quo fuerit memoria nominis moi, veniam ad te, et benedicam tibi ; » ecce locum

<sup>1</sup> *Psal.* x, 3. — <sup>2</sup> *Deut.*, xxxii, 2. — <sup>3</sup> *Prov.*, vi, 20, 23. — <sup>4</sup> *Prov.*, iv, 2. — <sup>5</sup> *Prov.*, i, 8. — <sup>6</sup> *Psal.* hoc,

<sup>7</sup> Ibid., 71. — <sup>8</sup> Ibid., 93. — <sup>9</sup> *Habac.*, 1, 3. — <sup>10</sup> *I Mach.*, ii, 7. — <sup>11</sup> *Psal.* hoc, 79. — <sup>12</sup> *Exod.*, xx, 24.

divinæ memorie attitulatum. De secundo scribitur<sup>1</sup>: « Dominus in loco sancto suo: » et proculdubio in hoc loco habitat ille sacramentaliter, in quo plenitudo divinitatis habitat corporaliter: ecce locum sacramento dominico deputatum. De tertio<sup>2</sup>: « Quam terribilis est locus iste! » inquit; « non est hic aliud, nisi domus Dei, et porta cordi; » et loquitur Jacob de loco a cœlesti agmine visitato. Quis autem dubitat, quin divina familia locum viset, in quo Dominus habitat?

#### *Articulus quartus.*

Quartum subnotatur, cum subditur: *Peregrinationis meæ*: ista peregrinatio est viatorum festinatio, qui spiritu ambulantes, et crucem suam quotidie bajulantes, peregrinantur de die in diem, festinantes ingredi in illam requiem. Et nota, quod est peregrinatio tripartita: quedam improprietatis; quedam miserabilis; quedam venerabilis. Prima est de hospitio in hospitium; secunda, de vitio in supplicium; tertia, de merito ad præmium. De primo<sup>3</sup>: « Minimum pro magno placeat tibi, et improprietum peregrinationis non audies: vita nequam hospitandi de domo in domum: » ecce peregrinatio improprietatis. De secundo<sup>4</sup>: « Non exoraverunt pro peccatis suis antiqui gigantes, qui destructi sunt confidentes sue virtuti, et non pepereit peregrinationi illorum: » ecce peregrinatio miserabilis. De tertio<sup>5</sup>: « Ordinatus est ab ecclesiis comes peregrinationis nostræ in hanc gratiam, quæ ministratur a nobis ad Dei gloriam; » ecce peregrinatio venerabilis.

#### *Epilogus.*

Liquet igitur vox Prophetæ, vel compatiens, et fraternalm veniam implorantis personæ, sic loquentis propheticæ ore: *Cantabiles mihi erant justifications tuæ*, quantum ad implorandi modum, quem decebat modulatio; *Miki*, quantum ad implorantis motum, cui convenit opitulatio; *In loco*, quantum ad implorandi locum, cui congruit veneratio; *Peregrinationis meæ*, quantum ad implorandi tempus, cui competit per severatio.

#### VERSICULUS VII.

55. *Memor fui nocte*, etc. Prænotatis duobus actibus ad proximi compassionem pertinentibus,

<sup>1</sup> *Psal.* LXVII, 6. — <sup>2</sup> *Gen.*, XXVIII, 17. — <sup>3</sup> *Eccli.*, XXI, 30. — <sup>4</sup> *Eccli.*, XVI, 9. — <sup>5</sup> *II Cor.*, VIII, 19. —

hic notatur tertius, utpote memoratio pœnæ, quam denotat versus sub quadruplici conditione, scilicet ut studendam, ut stupendam, ut pavendam, ut cavendam: studenda dieitur, ut perecurratur; stupenda, ut occurratur; pavenda, ut succurratur; cavenda, ne incurratur.

#### *Articulus primus.*

Ut studenda notatur per nocturnam memorationem, dicendo: *Memor fui nocte*; quia nimirum talis actus, et tale tempus videtur convenire studentibus. Hic potest notari, quod nox est tempus congruum lectioni, meditationi, revelationi: quorum primum est sensuale; secundum rationale; tertium intellectuale. De primo<sup>6</sup>: « Noctem illam duxit rex insomnem: jussitque sibi afferri historias, et annales priorum temporum; quæ eum illo præsente legerentur, ventum est ad illum locum, » etc.: ecce noctis lectio. De secundo seribitur<sup>7</sup>: « Meditatus sum nocte cum corde meo; » ecce noctis meditatio. De tertio<sup>8</sup>: « Danieli (a) mysterium per visionem nocte revelatum est; » ecce noctis revelatio.

#### *Articulus secundus.*

Ut stupenda, notatur per nomen, quod infert misericordiam passionem, et miserentibus compassionem, dicendo: *Nominis tui*, quod est nomen judicis, stupendum tam maleficis quam beneficis, illis ut dolentibus, istis ut condolentibus: ecce quid studuit, et studens stupuit, qui proximo condoluit, quia pœnam, quam ille meruit. Hie potest notari circa nomen, quod est nomen mirabile, horibile, et terrible, si memoretur ut indicans, ut judicans (a), ut vindicans. De primo<sup>9</sup>: « Cur quæris nomen meum, quod est mirabile? » Ecce nomen mirabile: et plane mirabile est, quoniam omnia judicare, et a nemine judicari potest. De secundo<sup>10</sup>: « Rex magnus ego, dicit Dominus exercituum, et nomen meum horibile in gentibus, » id est, gentiliter viventibus: ecce nomen horibile. De tertio<sup>11</sup>: « Nomen ejus gloriosum et terrible; » quia gloriosum virtuosis, terrible vitiosis. Unde psallimus<sup>12</sup>: « Sanctum et terrible nomen ejus. »

#### *Articulus tertius.*

Ut pavenda, notatur per *Domini expressio-*

<sup>6</sup> *Esth.*, VI, 1. — <sup>7</sup> *Psal.* LXXVI, 7. — <sup>8</sup> *Dan.*, II, 19. — <sup>9</sup> *Gen.*, XXXII, 29. — <sup>10</sup> *Malac.*, I, 14. — <sup>11</sup> *Deut.*, XXVIII, 58. — <sup>12</sup> *Psal.* CX, 9.

(a) *Al. Daniel.* — (b) *Cæt. edit.* ut judicans, ut indicans.

nem, dicendo : *Domine*. Quis enim non paveat illum Dominum, cuius est indicare, judicare, vindicare? Ipse enim et indicat abscondita, et judicat merita, et vindicat illicita. De primo<sup>1</sup> : « Si descendet Saul, sicut audivit servus tuus, Domine Deus Israel, indica servo tuo : » ecce Dominus indicans. Sic indicabit, cum reatus absconditos, et cruciatus debitos hypocritis iudicio suo justis in iudicio suo explicabit. De secundo<sup>2</sup> : « Qui judicat me, Dominus est : » ecce Dominus judicans. Sic judicabit, cum iustorum personas bene meritas, et coronas repositas publicabit. De tertio<sup>3</sup> : « Vae genti insurgenti super genus meum : Dominus enim omnipotens vindicabit in eis : » ecce Dominus vindicans. Sic vindicabit, cum indebitas actiones debitibus passionibus applicabit.

#### *Articulus quartus.*

Ut cavenda, notatur per legis custoditionem, dicendo : *Et custodivi legem tuam*. Optime pœnam cavit, qui legem servavit. Non est melior semipaternæ mortis cautela, quam supernæ legis sequela. Hic notare possumus, quod tribus de causis legem custodire debemus : videlicet, ut caveamus mortem primam; ut caveamus mortem secundam; ut obtineamus vitam beatam : quorum primum pertinet ad flagitium; secundum, ad supplicium; tertium, ad præmium. De primo<sup>4</sup> : « Exitus aquarum deduxerunt oculi mei, quia non custodierunt legem tuam. » Attende lacrymarum emissionem propter legis omissionem, quæ pertinet ad mortem primam, sive mortalem culpam. De secundo<sup>5</sup> : « Cum essetis ministri regni illius, non recte iudicastis, » supple, quantum ad diffinitionem; « neque custodistis legem justitiae, » scilicet quantum ad executionem; « neque secundum voluntatem Domini ambulastis, » scilicet quantum ad intentionem. Hic arguuntur, qui legem omiserunt, propter pœnam, quam meruerunt; quæ pertinet ad mortem secundam, sive pœnam æternam. Unde sequitur<sup>6</sup> : « Potentes enim potenter tormenta patientur. » De tertio<sup>7</sup> : « Custodite leges meas, atque iudicia, quæ faciens homo vivet in eis : » hic mandatur custodia legum moralium propter æternae vitae præmium.

#### *Epilogus.*

Et hoc est, quod per Psalmistam cantatur :

<sup>1</sup> *I Reg.*, xxiii, 11. — <sup>2</sup> *I Cor.*, iv, 4. — <sup>3</sup> *Judith*, xvi, 20. — <sup>4</sup> *Psal.* hoc, 136. — <sup>5</sup> *Sap.*, vi, 5-6. —

*Memor fui nocte*, quantum ad pœnam studendam, ut pereurratur ; *Nominis tui*, quantum ad pœnam stupendam, ut occurratur ; *Domine*, quantum ad pœnam pavendam, ut suecuratur ; *Et custodivi legem tuam*, quantum ad pœnam cavendam, ne incurratur.

#### *VERSICULUS VIII.*

56. *Hæc facta est mihi*, etc. Quartum actum compatiencie, videlicet procurationem fraternalē pœnitentiae, dilucidat versus iste, in quo notatur consolatio præfata, divinitus destinata, compatiensi collata, pro pœnitentia procurata : ecce<sup>8</sup> « datum optimum, descendens a Patre luminum, » ad compatiensis animum, propter conversum proximum.

#### *Articulus primus.*

Consolationem præfatam Propheta demonstravit, cum ait : *Hæc*, scilicet spes consolatoria, de qua supra scriptum est : *Hæc me consolata est*. Et nota, quod spes dicitur consolatoria præcipue propter tria : quia servitutis mutatoria; quia virtutis probatoria; quia salutis prælibatoria : quorum primum pertinet ad insipientes; secundum, ad proficientes; tertium, ad pervenientes. De primo<sup>9</sup> : « Nunc cœpi, hæc mutatio dexteræ Excelsi : » vox est incipientis, se a servitute diabolica ad servitutem dominicam transmutari sperantis. De secundo<sup>10</sup> : « Hæc sit mihi consolatio, ut affligens me dolore, non pareas : » vox est proficientis, probari et approbari in tribulationis conflatorio confidentis. De tertio<sup>11</sup> : « Gloria hæc est omnibus sanctis ejus : » quia gloria sanctorum in via, est præstolatio et prælibatio futurorum bonorum in patria.

#### *Articulus secundus.*

Consolationis destinationem designavit, cum dixit : *Facta est*. A quo facta est? Ab eo plane facta est, « sine quo<sup>12</sup> nihil factum est. » Hæc factio dicitur destinatio. Sed nota, quod hæc consolatio tripliciter facta reperitur a Deo secundum triplicem apparitionem; sensibilem, intelligibilem, et imaginabilem : prima fit per vocem corporalem; secunda, per illuminacionem spiritualem; tertia, per imaginem somniam. Quocirca prima dicitur facta quasi vox, secunda quasi lux, tertia quasi nox. De pri-

<sup>6</sup> *Ibid.*, 7. — <sup>7</sup> *Levit.*, xviii, 5. — <sup>8</sup> *Jac.*, 1, 17. —

<sup>9</sup> *Psal.* LXXVI, 11. — <sup>10</sup> *Job*, vi, 40. — <sup>11</sup> *Psal.* CXLIX, 9. — <sup>12</sup> *Joan.*, 1, 3.

ma<sup>1</sup> : « Vox facta est de cœlis : » ecce apparitio corporalis. Talis profecto est divina consolatio, quæ fit a Deo, vel vocali judicio, vel speciali nuntio. De secunda competenter exponitur, quod proponitur<sup>2</sup> : « Dixit Deus : Fiat lux, et facta est lux. » Quid enim clarius intelligimus per lucem divinitus factam, quam veritatem interiorum patefactam? Talis est proculdubio divinae consolationis spiritualis destinatio, videlicet interior mentis illuminatio. De tertia potest accipi verbum illud Psalmographi<sup>3</sup> : « Posuisti tenebras, et facta est nox; » quia ponitur in somnio imago ænigmatica, et fit apparitio phantastica, per quam fit nonnunquam consolatione tenebrosa.

#### Articulus tertius.

Consolationis collationem annotavit, cum adjunxit: *Mihi*, tanquam compatienti proximo, et idcirco spectanti, et expectanti, et affectanti consolationem ab eo, qui<sup>4</sup> « mandavit unicuique de proximo suo : » spectanti quidem per fidem, expectanti per spem, affectanti per charitatem. Horum primo concinit, quod Psalmista dicit<sup>5</sup> : « Levavi oculos meos in montes, unde veniet auxilium mihi, » scilicet spectanti. Secundo convenit, quod Propheta psallit<sup>6</sup> : « Expectans expectavi Dominum, et intendit mihi, » scilicet expectanti. Tertio quoque congruit, quod idem astruit<sup>7</sup> : « Cum invocarem, exaudivit me Deus justitiae meæ; in tribulatione dilatasti mihi, » scilicet affectanti.

#### Articulus quartus.

Consolationis rationem, videlicet fraternæ pœnitentiae procurationem subintulit, cum subjunxit: *Quia justificationes tuas exquisivi*: quid enim est pœnitentiae procuratio, nisi justificationis exquisitio? Et nota quod fraternam pœnitentiam debemus exquirere non curiose, nec insidiouse, sed officiose. Primo modo exquirunt exploratores; secundo, exprobratores, et tertio, exhortatores. De primo<sup>8</sup> : « Cor iniqui exquirit (a) mala; sic curiosus explorator aliena peccata. » De secundo<sup>9</sup> : « Herodes occidit omnes pueros, qui erant in Bethlehem, et in omnibus finibus ejus a bimatu, et infra, secundum tempus quod exquisierat a Magis. » *Herodem* interpretamus in pellibus gloriantem, et *Judæum* confitentem: Herodes itaque tempus exquirit,

<sup>1</sup> *Marc.*, 1, 11. — <sup>2</sup> *Gen.*, 1, 3. — <sup>3</sup> *Psal.* ciii, 20. — <sup>4</sup> *Ecclesi.* xvii, 12. — <sup>5</sup> *Psal.* cxix, 1. — <sup>6</sup> *Psal.* xxxix,

et pueros Judæorum occidit, cum prælatus, ut appareat gloriosus, alienam vitam explorat, et confitentium spurcias per pœnitentiam depuratas, et ad innocentiam revocatas, exprobrando commemorat. De tertio<sup>10</sup> : « De qua salute exquisierunt, et scrutati sunt prophetæ. » Sic faciunt illi, qui officiose ac studiose procurant salutem proximi.

#### Epilogus.

Dicit ergo Propheta in hujusmodi compatiens persona: *Hæc*, scilicet consolatio præfata: ecce datum optimum; *Facta est*, id est, divinitus destinata: ecce descensum a Patre lumen; *Mihi*, quasi compatienti collata: ecce descensum in convertentis animum; *Quia justificationes tuas exquisivi*, dum proximi pœnitentiam procuravi: ecce conversum proximum.

#### VERSICULUS IX.

57. *Portio mea*, etc. Non solum spes lætitiat patientes, ut octonarius prior proposuit, sed etiam fortificat facientes, prout iste proponit. Fortificat autem primum ad bene operandum, quod testatur quaternarius anterior; postmodum ad malum superandum, quod testificatur posterior. Ad operandum vero fortificat, quia propositum ratificat, intuitum rectificat, affectum purificat, et effectum plurificat, sicut quatuor ordo versuum manifestat. Qualiter autem spes propositum ratificet, versus primi quadruplicem continentis docet, denotando quadruplicem propositi causalitatem, [videlicet finalem, initialem, formalem, et materialem; et connotando causarum proprietatem, scilicet finis utilitatem, initii vel efficientis humilitatem, formæ stabilitatem et materiæ facilitatem.

#### Articulus primus.

Finalis utilitas aperitur, cum dicitur: *Portio mea*: nam portionem suam quilibet illud dicit, quod utilius conspicit, et amplius concupiscit, sicut patet in portione triformali; exteriori, interiori, superiori: quarum prima spectat ad bona fortunæ; secunda, ad bona gratiæ; et tertia, ad bona gloriæ. Portio prima bona est utentibus, non abutentibus; qualis fuit filius prodigus, qui patri dixit<sup>11</sup> : « Pater, da mihi portio-

1. — <sup>7</sup> *Psal.* iv, 1. — <sup>8</sup> *Prov.*, xxvii, 21. — <sup>9</sup> *Math.*, ii, 16. — <sup>10</sup> *I Petr.*, 1, 10. — <sup>11</sup> *Luc.*, xv, 12.

(a) *Vulg.* inquirit.

nem substantiae, quae me contingit: » ecce portio fortunae. Portio secunda melior est exercentibus, non deserentibus, quales sunt, qui invanum gratiam Dei recipiunt. De quibus deseritoribus conqueritur Dominus ore prophetico sub his verbis<sup>1</sup>: « Dederunt portionem meam desiderabilem in desertum solitudinis: » ecce portio gratiae. Portio tertia peroptima est non aspernantibus, sed aspirantibus, qualis fuit, qui cecinit in hunc modum<sup>2</sup>: « Portio mea in terra viventium: » ecce portio gloriae.

#### *Articulus secundus.*

Initialis humilitas subauditur, cum subditur: *Domine*: vocare namque Dominum, est vocantis humilitas, sicut vocari Dominum, est vocari nobilitas. Et nota, quod humiliari debemus coram Domino specialiter propter tria; quia pastor, duclor, ulti: pastor quippe, quantum ad veritatem doctrinæ; duclor, quantum ad veritatem vitæ; ulti, quantum ad veritatem justitiae. De primo<sup>3</sup>: « Qui eduxit de mortuis pastorem magnum ovium in sanguine testamenti æterni, Dominum nostrum JESUM CHRISTUM: » ecce Dominus pastor. De secundo<sup>4</sup>: « Dominus Deus tuus ipse est duclor tuus: » ecce Dominus duclor. De tertio<sup>5</sup>: « Fortis ulti Dominus reddens retribuit (a) » ecce Dominus ulti.

#### *Articulus tertius.*

Formalis stabilitas cruditur, cum sequitur: *Dixi*, id est, irrevocabiliter sancivi, immutabiliter stabilivi. Et notandum, quod sic sanciri et stabiliri oportet propositum tripartitum; puta propositum culpam confitendi, linguam custodiendi, et vitam mutandi: quorum primum est justitiae initiativum; secundum, proveктивum; tertium, perfectivum. De primo scribitur a Psalmista in persona pœnitentis<sup>6</sup>: « *Dixi*: Confitebor adversum me injustitiam meam Domino: » ecce propositum confitendi eulpam. De secundo legitur in eadem psalmodia, in persona proficiens<sup>7</sup>: « *Dixi*: Custodiā vias meas, ut non delinquam in lingua mea: » ecce propositum custodiendi linguam. De tertio canitur in eodem psalmista, in persona vitam immutantis, seu religionem intrantis<sup>8</sup>: « *Dixi*: Nunc coepi, haec mutatio dexteræ Excelsi: » ecce propositum mutandi vitam.

<sup>1</sup> *Jerem.*, XII, 18. — <sup>2</sup> *Psal.* CXL, 6. — <sup>3</sup> *Hebr.*, XIII, 20. — <sup>4</sup> *Deut.*, XXXI, 6. — <sup>5</sup> *Jerem.*, LI, 56. — <sup>6</sup> *Psal.* XXXI, 5. — <sup>7</sup> *Psal.* XXXVIII, 2. — <sup>8</sup> *Psal.*

#### *Articulus quartus.*

Materialis facilitas reperitur, cum legitur: *Custodire legem tuam*. Lex namque divina, propositi prophetalis materia, est facilis, et faciliter observabilis, præcipue triplici ratione; ut puta ratione scripturæ, ratione lecturæ, ratione facturæ: quia scriptura est plana, et lucida; lectura distincta et aperta; factura saneta et bona. De primo<sup>9</sup>: « Scribes super lapides omnia verba legis hujus plane et lucide: » ecce legis scriptura plana et lucida. De secundo<sup>10</sup>: « Legerunt in libro legis Dei distinete et aperte ad intelligentium: » ecce legis lectura distincta, et aperta. De tertio<sup>11</sup>: « Lex quidem sancta; » et: « Seimus, quia bona est lex, si quis ea legitime utatur: » ecce legis usus, sive factura sancta, et bona.

#### *Epilogus.*

Ait ergo Propheta, seu bonæ spei persona voce prophética, propositum suum insinuans per hæc verba: *Portio mea*, quantum ad propositi finem, et finis utilitatem; *Domine*, quantum ad efficiētē, et ejus humilitatem; *Dixi*, quantum ad formam et ipsius stabilitatem; *Custodire legem tuam*, quantum ad materiam, et ejusdem facilitatem: quasi dicat: Proposui pro fructu utili, ex corde humili, promisso stabili, de lege facili, seu faciliter observabili.

#### *VERSICULUS X.*

58. *Deprecatus sum faciem tuam*, etc. Vidistisspem ratificantem propositum; videatis eamdem reificantem intuitum, sicut patet per quadrifarīam versus istius continentiam. Spes dirigit mentis aciem ascendentis ad Dei faciem, et descendētis ad suam speciem; quoniam ascendentem supportat, et descendētē confortat. Ecce quadruplex actio, quæ notatur in hoc versiculo, scilicet ascensio, supportatio, confortatio, descensio. Ascensio spectat ad contemplationem; supportatio, ad sublationem; descensio, ad compunctionem; confortatio, ad consolationem.

#### *Articulus primus.*

Quantum ad primum, dicitur: *Deprecatus sum faciem tuam*: ecce ascensio mentis ad LXVII, 11. — <sup>9</sup> *Deut.*, XXVII, 8. — <sup>10</sup> *II Esd.*, VIII, 8. — <sup>11</sup> *Rom.*, VII, 12, 14.  
(a) *Vulg.* retribuet.

Dei faciem, quæ fit per deprecantis contemplationem, vel contemplantis depreciationem. Hic potest notari, quod tripliciter contingit faciem Domini deprecari; videlicet fervide, tepide, callide: fervidi sacris eloquiis patefiunt per eos qui deprecari veniunt; tepidi vero, per eos qui non veniunt, sed proponunt; callidi autem, per eos qui nec veniunt, nec proponunt, sed inittunt. De primis<sup>1</sup>: « Venient populi multi, et gentes robustæ ad quærendum Dominum exercitum in Hierusalem, et deprecandam faciem Domini: » ecce deprecatio faciei quantum ad venientes, seu fervidos. De secundariis scribitur<sup>2</sup>: « Vident habitatores, unus ad alterum, dicentes: Eamus, et deprecemur faciem Domini: » ecce deprecatio faciei quantum ad proponentes, seu tepidos. De aliis legitur<sup>3</sup>: « Miserunt ad domum Dei Sarasar, et Rogommelech, et viri qui cum eis erant, ad deprecandam faciem Domini: » ecce deprecatio faciei quantum ad mittentes, seu callidos, quales nonnulli sunt, qui proprias orationes Deo non porrigunt, sed alienas exigunt. Tales enim Dominum orare negligunt; sed ad eum orantes dirigunt.

#### Articulus secundus.

Quantum ad secundum, adjicitur: *In toto corde meo*. Ecce supportatio ascendentis, quæ fit per conatum cordis confidentis, contra dubitationem; quærentis, contra volitationem; clamantis, contra pigritationem. De primo<sup>4</sup>: « Habe fiduciam in Domino ex toto corde tuo: » ecce eor confidens sine dubitatione. De secundo<sup>5</sup>: « Cum quæsieris Dominum Deum tuum, inveui eum, si cum toto corde quæsieris eum: » ecce cor quærens sine volitione. De tertio canitur<sup>6</sup>: « Clamavi in toto corde: Exaudi me, Domine: » ecce cor clamans sine pigritione.

#### Articulus tertius.

Quantum ad tertium, subjicitur: *Miserere mei*: ecce descensio mentis ad suam speciem, quæ fit per reflexæ compunctionem, vel compunctæ reflexionem. Nam sicut mentis acies impellitur per fervorem ad Dei faciem, ita repellitur per timorem ad sui speciem; quoniam quæ superius ferebatur per ferventiam, inferius reverberatur per reverentiam. Oh hanc causam

<sup>1</sup> Zach., viii, 22. — <sup>2</sup> Ibid., 22. — <sup>3</sup> Ibid., vii, 2. — <sup>4</sup> Prov., iii, 5. — <sup>5</sup> Deut., iv, 29. — <sup>6</sup> Psal. hoc, 145.

reposit misericordiam; quia recognoscit misericordiam, resiliens ad suam speciem miseram. Et nota quod hæc species est misera, et indigens misericordia, quantum ad tres animæ vires; puta concupiscibilem, irascibilem, et rationabilem: quantum ad primam, propter miseriam pronitatis respectu pravitatis; quantum ad secundam, propter miseriam tarditatis respectu bonitatis; quantum ad tertiam, propter miseriam cæcitatis respectu veritatis. Quorum primo congruit quod ille psalmista astruit<sup>7</sup>: « Miserere mei, Deus, quoniam conculcavit me homo. » Secundo quoque conceinit quod psalmista cecinīt<sup>8</sup>: « Domine, miserere mei et resuscita me. » Tertio quoque consonat quod evangelica tuba sonat, ubi Bartimæus, typum gerens Barti-humanī generis, petit remedium cæcitatis, <sup>mæus.</sup> dicens<sup>9</sup>: « Jesu fili David, miserere mei. »

#### Articulus quartus.

Quantum ad quartum, superadjicitur: *Secundum eloquium tuum*: ecce confortatio descendantis, quæ fit per Scripturæ consolationem. Et nota, quod eloquia Domini sunt animæ consolatoria quantum ad præfatas vires, utpote concupiscibilem, irascibilem, et rationabilem: quia corrigit pronitatem, dirigunt tarditatem, abigunt cæcitatem. De primo psallit Propheta<sup>10</sup>: « Eloquia Domini, eloquia casta, » et castificantia, contra concupisibilis pronitatem. De secundo scribitur<sup>11</sup>: « Dirige gressus meos secundum eloquium tuum. » Et rursus<sup>12</sup>: « Qui emittit eloquium suum terræ, velociter currit, » id est, currere facit, « sermo ejus, » contra irascibilem tarditatem. De tertio in ipsa canitur psalmodia<sup>13</sup>: « Secundum eloquium tuum da mihi intellectum, » contra rationabilis cæcitatem.

#### Epilogus.

Ait ergo Propheta, vel animus bonæ spei voce prophetica: *Deprecatus sum faciem tuam*, quantum ad mentis ascensionem, quæ fit per deprecantis contemplationem; *In toto corde meo*, quantum ad ascendentis supportationem, quæ fit per spei sublevationem; *Miserere mei*, quantum ad mentis descensionem, que fit per mentis reflexæ compunctionem; *Secundum eloquium tuum*, quantum ad compunctæ conformatiōnem, quæ fit per Scripturæ consolationem.

<sup>7</sup> Psal. LV, 2. — <sup>8</sup> Psal. XL, 5. — <sup>9</sup> Marc., X, 47.

<sup>10</sup> Psal. XI, 7. — <sup>11</sup> Psal. hoc, 133. — <sup>12</sup> Psal. cxlvii, 15. — <sup>13</sup> Psal. hoc, 169.

## VERSICULUS XI.

59. *Cogitavi vias meas*, etc. Audistis spem rectificantem mentis intuitum; audiatis eamdem purificantem affectum. Cum enim cuiusvis actum virtutis imperet spes salutis, quis mentis compos dubitet, quin affectionum purificatione eidem militet? Processum purificationis istius sic instruit iste versus: primo notatur affectionum inspectio; secundo, inspectarum infectio; tertio, infectarum despectio; quarto, despectarum correctio. Quorum primum spectat ad conscientiae redargutionem; secundum, ad concupiscentiae pollutionem; tertium, ad pœnitentiae ablutionem; quartum ad justitiae restitucionem.

*Articulus primus.*

*Cogitavi*. Hic notatur affectionum inspectio, seu iniquitatum antiquarum recognitatio. Et notandum, quod cogitare debemus mala præterita, ad scopendum (*a*), ad annuntiandum, non ad renovandum: quorum primum pertinet ad compunctionem; secundum ad confessionem; tertium ad delectationem. De primo dicitur<sup>1</sup>: « Cogitavi dies antiques, » supple, quantum ad temporalium delectationum admissionem; « et annos æternos in mente habui, » supple, quantum ad æternalium delectationum amissionem. « Et meditatus sum nocte cum corde meo, » supple, quantum ad infernarium tenebrarum acquisititionem; « et scopebam spiritum meum, » supple, quantum ad cordis contriti compunctionem. De secundo psallit Propheta<sup>2</sup>: « Iniquitatem meam annuntiabo, » scilicet per confessionem; « et cogitabo pro peccato meo, » scilicet per conscientiae discussionem. De tertio<sup>3</sup>: « Qui cogitat mala facere, stultus vocabitur. » Cogitatio stulti peccatum est, ac si dicat: Qui cogitat mala facere, quantum ad veterum malorum renovationem, per actum interiorem, vel exteriorem, stultus vocabitur, quantum ad divinam reprobationem. Cogitatio stulti peccatum est quantum ad consensum in illicitam actionem, vel etiam delectationem.

*Articulus secundus.*

*Vias meas*. Hic notatur affectionum infectio; quia viæ sunt ut plurimum infectæ, et viantium infectivæ. Et nota, quod viæ præfatae leguntur

inquinatæ, aggravatæ, sceleratæ: inquinatæ, siquidem propter oppositionem; aggravatæ autem, propter iterationem; sceleratæ, propter infamiae vituperationem. De primo legitur<sup>4</sup>: « Inquinatæ sunt viæ illius in omni tempore. » Væ illis, quorum viæ sunt in omni tempore inquinatæ, hoc est in vere, in aestate, in autumno, in hyeme; id est, in pueritia, juventute, senectute, senio, sive morte. De secundo<sup>5</sup>: « Aggravata est via maris trans Jordanem. » *Jordanis* interpretatur rivus judicij, *Jordanis* per quem significatur confessio flagiti: via igitur trans Jordanem est infectio iterata post confessionem: quæ merito dieitur aggravata, sicut graviora sunt vulnera renovata. De tertio<sup>6</sup>: « Dabo te in animas odientium te filiarum Palæstinarum, quæ erubescunt in via tua scelerata. » Per *Palæstinos*, qui interpretantur ore Palæstini. contundentes, intelligimus detrahentes; per viam sceleratam, immunditiam infamatam. Palæstinis ergo datur, qui suis promerentibus culpis a detrahentibus laceratur. Sed *Palæstini* tunc in via illius scelerata erubescunt, cum detractores proferre horribilitatem immunditiae perhorrescant.

*Articulus tertius.*

*Et converti pedes meos*. Hic notatur infectio num inspectarum despectio. Sicut enim inspectis et despectis exterioribus immunditiis, convertimus pedes exterioris hominis, sic inspectis et despectis interioribus, pedes interioris convertimus. Tales pedes interiores, videlicet animæ affectiones, legimus in sacris eloquiis, currentes, offendentes, dolentes: currunt enim nonnunquam post concupiscentiam; offendunt ad injustitiam; dolent per pœnitentiam. De primo<sup>7</sup>: « Pedes illorum ad malum currunt; » id est, ad actum quem male concupiscunt, et sic post concupiscentiam suam vadunt. De secundo<sup>8</sup>: « Qui festinus est, pedibus offendit; » quasi dicat: Immoderatus affectibus ad objectum illicitum se alludit. De tertio<sup>9</sup>: « In tempore senectutis suæ doluit pedes, » scilicet Asa rex Juda. *Asa* interpretatur tollens; *Juda* confitens. *Asa*. Tunc igitur Asa rex Juda in tempore senectutis *Juda*. pedes dolet, quando tollens recte, confitens in tempore defunctionis penitet.

<sup>1</sup> *Psal.* LXXVI, 6, 7. — <sup>2</sup> *Psal.* XXXVII, 19. — <sup>3</sup> *Prov.*, XIX, 8. — <sup>4</sup> *Psal.* X, 5. — <sup>5</sup> *Isa.*, IX, 1. — <sup>6</sup> *Ezech.*,

(*a*) *Cæt. edit.* scopandum.

*Articulus quartus.*

*In testimonia tua.* Hic notatur affectionum despectarum correctio, quae fit per recta affectionum objecta, quae docentur per testimonia Dei sancta. Et nota, quod haec testimonia, cum sint affectionum animalium correctiva, sunt accipienda, habenda, perhibenda. Accipiuntur autem consentiendo; habentur firmiter tenendo; perhibentur confitendo. De primo<sup>1</sup> : « Quod scimus loquimur, et quod vidimus testamur, et testimonium nostrum non accipitis, » scilicet consentiendo nobis. De secundo<sup>2</sup> : « Qui credit in Filium Dei, habet testimonium Dei in se, » videlicet per firmam fidei tensionem. De tertio<sup>3</sup> : « Vos de me testimonium perhibebitis, » scilicet confitendo, « quia (a) ab initio mecum estis. »

*Epilogus.*

Ait ergo Psalmographus in persona illius, quem spes movet ad corrigendos affectus : *Cogitavi* : in quo inspectio, quae pertinet ad conscientiae redargutionem; *Vias meas* : in quibus infectio, quae attinet ad concupiscentiae pollutionem; *Et converti pedes meos* : in quo despectio, que spectat ad pœnitentiae ablutionem; *In testimonia tua* : in quibus correctio, que respicit ad justitiae restitutionem.

*VERSICULUS XII.*

60. *Paratus sum*, etc. Legistis spem purificantem affectum; legatis eamdem plurificantem effectum; sicut videmus ad oculum, ad spei nutum, progrediuntur in publicum plurimum actus viarium, videlicet concupisibilis, irascibilis, rationabilis, et exterioris sensibilis: quoniam hic appetit, hic applaudit, hic consultit, hic obaudit: quod in his binis versus hujus particulis luce clarius elucescit.

*Articulus primus.*

Concupisibilis actum aperuit Propheta, cum ait: *Paratus sum*: ubi promptum insinuat appetitum. Et nota quod concupisibilis appetitus debet esse promptus, et paratus ad abstinentiam, ad continendum, non ad actum illicitum sustinendum: quorum primum monasticum; secundum angelicum; tertium diabolicum. De primo dicit Dominus Moysi<sup>4</sup>: « Esto paratus

<sup>1</sup> *Joan.*, III, 11. — <sup>2</sup> *I Joan.*, v, 10. — <sup>3</sup> *Joan.*, xv, 27. — <sup>4</sup> *Exod.*, xxxiv, 2, 28. — <sup>5</sup> *Exod.*, xix, 15. —

mane, ut ascendas in montem Sinai; » et infra : « Fuit ibi cum Domino Moyses quadraginta dies, et quadraginta noctes, et panem non comedit, et aquam non bibit: » ecce appetitus temperatus ad abstinentium paratus. De secundo dixit Moyses populo<sup>5</sup>: « Estote parati in diem tertium, ne appropinquetis uxoribus vestris »: ecce appetitus moderati ad continentium parati. De tertio<sup>6</sup>: « Maledieunt diei, qui parati sunt suscitare Leviathan; » quasi dicat: Odiunt lucem te-nebrarum filii, qui suscitare stimulum Satanæ sunt parati: ecce appetitus intemperati ad sustinendum et suscitandum diabolium ac-tum parati.

*Articulus secundus.*

Irascibilis actum exposuit, cum adjunxit: *Et non sum turbatus*: ubi notatur animi non indignatio, sed applausus. Et nota, quod irascibilis animus non debet esse turbatus circa Dei potentiam, aut circa Dei sapientiam, sed circa Dei justitiam. Potentiam dico, per quam mortuos vivificat; sapientiam dico, per quam ignorantes illuminat; justitiam dico, per quam in-justos condemnat. De primo, ubi Christus diruptis vinculis mortis dixit dubitantibus discipulis<sup>7</sup>: « Quid turbati estis, et cogitationes ascendunt in corda vestra? quasi dicat »: Non debetis turbati esse, quia potens sum vincula mortis disrumpere. De secundo<sup>8</sup>: « Ego non sum turbatus, te pastorem sequens; » quasi dicat: Non sum turbatus de tua sublimi sapientia, qua pascis simplicium corda. De tertio<sup>9</sup>: « A facie ejus turbatus sum, et considerans eum, timore sollicitor; » scilicet dum injustos judicantem, et illatas injurias vindicantem contemplor.

*Articulus tertius.*

Rationabilis actum distinxit, cum dixit: *Ut custodium*; per hoc notificans memorialem custodiam rationis, cōsiliativam affectionis, et directivam actionis. Et nota, quod rationis est custodiare divinae potestatis, veritatis, et charitatis judicia, que dicuntur præcepta, testimonia, et mandata. De primo<sup>10</sup>: « Præcepta mea cor tuum custodiat, » quantum ad judicia potestatis. De secundo Psalmista<sup>11</sup>: « Custodivit anima mea testimonia tua, » quantum ad ju-dicia veritatis. De tertio<sup>12</sup>: « Hæc est charitas

<sup>6</sup> *Job*, III, 8. — <sup>7</sup> *Luc.*, xxiv, 38. — <sup>8</sup> *Jeremi.*, xvii, 16. — <sup>9</sup> *Job*, xxiii, 15. — <sup>10</sup> *Prov.*, III, 1. — <sup>11</sup> *Psalm.*, 167. — <sup>12</sup> *I Joan.*, v, 3. — (a) *Cœt. edit.* qui.

Dei, ut mandata ejus custodiamus, » quantum ad judicia charitatis.

#### *Articulus quartus.*

Manda-  
ta. Sensibilis exterioris actum subintulit, cum subscrpsit : *Mandata tua*. Dicuntur namque *mandata*, quasi manui data, eo quod sunt sensualibus organis mancipata, inter quæ manus quodam modo dignoscitur obtinere primatum, quæ secundum Philosophum<sup>1</sup> dicitur organum organorum. Hic potest notari, quod mandata manu dantur, vel mancipantur tripliciter, quia ministrantur, manifestantur, et notantur manualiter. Manus enim ministrat actus exteriores; manifestat interiores; notat autem tam interiores quam exteriores. De primo<sup>2</sup> : « Propter mandatum assume pauperem : » ecce mandatum pertinens ad exteriorem actum manualiter ministratum. De secundo<sup>3</sup> : « In hoc scimus, quoniam cognovimus eum, » scilicet per fidem, « si mandata ejus observemus, » id est, fidem nostram per opera demonstremus, juxta illud apostolicum<sup>4</sup> : « Ego tibi ostendam ex operibus fidem meam : » ecce mandatum pertinens ad interiorem actum manualiter manifestatum. De tertio dixit Dominus Moysi<sup>5</sup> : « Dabo tibi tabulas lapideas, et legem, et mandata quæ scripsi : » ecce mandata tam ad interiorem, quam ad exteriorem actum pertinentia manualiter annotata.

#### *Epilogus.*

Dicit ergo Psalmographus vicem gerens illius, qui spei gratia confortatus plurimi exprimit virium actus : *Paratus sum*, quantum ad concupiscibilem appetentem; *Et non sum turbatus*, quantum ad irascibilem applaudentem; *Ut custodiam*, quantum ad rationabilem consulentem; *Mandata tua*, quantum ad sensibilem obsequentem.

#### *VERSICULUS XIII.*

61. *Funes peccatorum*, etc. Quoniam modo spes roboret ad operationem boni, patet in quaternario praecedenti; qualiter autem cor roboret ad superationem mali, patens est in praesenti. Hoc autem solet effici instrumento quadruplici, scilicet rationis discretione, affectionis devotione, supplicantium communicatione, et propria

<sup>1</sup> Arist., *de part. Animal.*, lib. IV, c. x. — <sup>2</sup> Eccl., xxix, 12. — <sup>3</sup> I Joan., II, 3. — <sup>4</sup> Jac., II, 18. —

supplicatione; quod patebit totidem versuum insinuatione. Instrumento discretionis utimur cum pensamus, per quod attrahimur, ad quod attrahimur, a quo retrahimur, per quod retrahimur: quorum primum est occasio; secundum, offendio; tertium, obeditio; quartum, oblivio: quæ notantur per ordinem in versu proposito.

#### *Articulus primus.*

Quantum ad primum, dicitur : *Funes circumplexi sunt me*; quia revera funes, per quos attracti et circumplexi sunt peccatores, plerumque sunt occasiones peccandi, quæ dicuntur peccati dispositiones. Et nota, quod legimus triples funes, secundum triples peccati dispositiones. Est enim dispositio remota, propinqua, proxima, et perfecta: quarum prima pertinet ad partem animæ irrationalē, irrationaliter operantem; secunda, ad partem animæ rationalem, non rationaliter (*a*) operantem; tertia, ad partem animæ rationalem, rationaliter operantem: rationalis autem operatio est ratiocinatio, sive deliberatio. De primis funibus legimus<sup>6</sup>: « Funes extenderunt in laqueum : » diabolus quippe nobiles (*b*) funes in laqueum extendit, cum in parte irrationali irrationalē motum intendit, per quem partem rationalem illaqueare intendit. De secundis funibus reperimus, quod Judæi dixerunt Samsoni ipsorum judici<sup>7</sup>: « Non te occidemus, sed vinctum trademus; ligaveruntque eum duobus novis funibus. » Per *Judeos*, qui confitentes interpretantur, quilibet fideles notantur; per *Samsonem* eorum judicem intelligimus rationem, per quam tanquam per solem interiorem illuminantur: unde Samson *sol eorum* interpretatur. Samson ergo duobus ligatur funibus, cum ratio duobus ligatur motibus, scilicet motu irrationalitatis irrationali, qui dicitur primus motus; et motu rationalitatis non rationali, qui vocatur consensus subitus: et quoniam uterque motus venialis est, non mortal is, idecirco Samson ligari dicitur, non occidi. De tertii funibus David dicentem novi-  
*Judei*.  
*David*.

<sup>5</sup> Exod., xxiv, 12. — <sup>6</sup> Psal. cxxxix, 6. — <sup>7</sup> Judic., xv, 13. — <sup>8</sup> II Reg., xxii, 6. — (*a*) *Edit. Ven.* irrationaliter. — (*b*) *Leg. mobiles.*

deliberatum dignoscitur inclinari. Hic autem consensus bene vocatur inferni et mortis laqueus, quia culpa est et reatus; culpa mortem spiritualem irrogat; scilicet reatus ad mortem infernalem obligat.

#### *Articulus secundus.*

Quantum ad secundum, subditur: *Peccatorum*: peccata namque sunt legis transgressiones, et legislatoris offensiones, ad quas trahimur per occasiones, quasi per dispositiones. Et nota circa peccata, quod cavenda sunt specialiter propter tria: quod mentem seducunt; quod mortem inducunt; quod ad infernum deducunt. Primum faciunt in congressione; secundum, in transgressione, et tertium, in egressione. De primo<sup>1</sup>: « Peccatum, occasione accepta, per mandatum seduxit me: » ecce peccatum mentis, sed uictivum. De secundo<sup>2</sup>: « Per unum hominem peccatum in hunc mundum intravit, et per peccatum mors: » ecce peccatum mortis inductivum. » De tertio<sup>3</sup>: « Oculus adulteri observat caliginem; » et infra: « Et usque ad inferos peccatum illius: » ecce peccatum ad inferos usque deductivum.

#### *Articulus tertius.*

Quantum ad tertium, additur: *Et legem tuam*, id est, legis obediitionem. Legi namque debemus obedire: quare? propter tria praeципue: quia pacificans; quia justificans; quia beatificans: lex enim diligentibus pacificat; factientes justificat; custodientes, seu perseverantes beatificat. De primo cantatur<sup>4</sup>: « Pax multa diligentibus legem tuam: » ecce diligentium legem pacificatio. De secundo<sup>5</sup>: « Factores legis justificabuntur: » ecce facientium legem justificatio. De tertio<sup>6</sup>: « Qui custodit legem, beatus est: » ecce perseveranter legem custodientium beatificatio.

#### *Articulus quartus.*

Quantum ad quartum, superadditur: *Non sum oblitus*, quasi dicat: A legis obediitione, a qua multi retrahuntur oblivione, non me retraxit oblivio, Domino protegente. Et nota, quod tria sunt, quorum aliqui non debent esse oblii: utputa divinum pactum, divinum beneficium, et proprium malefactum. Primi

quidem fit oblio propter libidinem; secundi, propter ingratitudinem; tertii, propter impoenitudinem. De primo, ubi legitur de muliere mala<sup>7</sup>: « Reliquit dueem pubertatis suae, et pacti Dei sui oblita est: » ecce oblio divini pacti. De secundo scribitur a Psalmographo<sup>8</sup>: « Obliti sunt beneficiorum ejus, » etc.: ecce oblio divini benefacti. De tertio<sup>9</sup>: « Numquid oblii estis mala vestra, et mala uxorum vestrarum, quae fecerunt in terra Iuda? » ecce oblio proprii malefacti.

#### *Epilogus.*

Et hoc est, quod ait Propheta in viri discreti persona: *Funes circumplexi sunt me*, quantum ad occasiones, per quas attrahebatur; *peccatorum*, quantum ad offensiones, ad quas attrahebatur; *et legem tuam*, quantum ad obedientiam, a qua retrahi verebatur; *non sum oblitus*, quantum ad obliionem, per quam etsi non retrahebatur, attamen retrahi verebatur.

#### *VERSICULUS XIV.*

62. *Media nocte*, etc. Instrumentum primum praecessit ad rationis discretionem pertinens; instrumentum secundum succedit ad affectionis devotionem altinens: ostendit enim series hujus versus, quam illectus, quam erectus, quam perfectus, quam proiectus debet esse ecclesiastice devotionis affectus. Quorum primum indicat tempus; secundum, motus; tertium, terminus; quartum, motiva ratio, sive virtus.

#### *Articulus primus.*

*Media nocte*. Hic nota, quam illectus sit illius devotionis affectus. Satis illum opinamur illellum, qui tranquillum negligit lectum; satis avidum ad perficiendum effectum, qui nocturnum somnium deserit imperfectum; ubi sincera charitas movet, ubi severa necessitas non coereat. Et nota, quod affectus devoti sic debent esse illecti amore triplici; videlicet amore Dei, amore sui, amore proximi: hoc est, ut Deum magnificant, ut se mundificant, ut proximum ædificant. De primo<sup>10</sup>: « Media nocte Paulus et Silas adorantes laudabant Dominum: » sic affectus devoti faciunt, qui ad nocturnas vigilias Dominum laudaturi consurgunt. De secundo<sup>11</sup>: « Media nocte clamor factus est: Ecce sponsus

<sup>1</sup> Rom., vii, 11. — <sup>2</sup> Rom., v, 12. — <sup>3</sup> Job, xxiv, 15, 19. — <sup>4</sup> Psal. hoc, 165. — <sup>5</sup> Rom., ii, 43. — <sup>6</sup> Prov., xxxix, 18. — <sup>7</sup> Prov., ii, 18. — <sup>8</sup> Psal. LXXXVII,

<sup>11</sup> Matth., xxv, 6. — <sup>9</sup> Jerem., XLIX, 9. — <sup>10</sup> Act., XVI, 25. —

venit, » etc. Hoc affectus devoti vigilanter ob-servant, qui nocturnas anticipantes vigilias, in conspectu Dei se judicant, et judicando purifi-cant. De tertio <sup>1</sup>: « Quis vestrum habebit ami-cum, et ibit ad illum media nocte, et dicet illi : Amice, commoda mihi tres panes? » etc. Quod affectus devoti spiritualiter implent, qui predictas praeoccupantes vigilias, Deo prestan-te, provident qualiter populo fidei, spei, et charitatis alimenta ministrent.

#### *Articulus secundus.*

*Surgebam.* Hic subnotatur, quam erectus sit hujus devotionis affectus, qui tanquam promptus et paratus, ait : *Surgebam*; non, quasi leutus et somnolentus : *Surgere disponebam*. Notandum ergo, quod surgere debemus hoc modo, scilicet properando, contra invitatos; orando, contra inde votos; (*a*) ornando, contra in-compositos. De primo legimus <sup>2</sup>: « Surge, pro-perta, amica mea; » ac si dicatur aperte : Properando surge, tanquam surgens amicabiliter, non invite. De secundo <sup>3</sup> : « Surgite, et orate, ne intretis in tentationem: » quasi dicat : Orando surgite, et sic tentatoris insidias præcavete. De tertio <sup>4</sup> : « Surrexit, et ornavit se or-namentis suis, » scilicet *Judith*, quæ interpretan-tur confitens, per quam notatur quilibet ad confitendum Domino surgens : hic dicitur sur-rexisse, et ornasse se, ut illius exemplo discamus surgendo nos ornare, non incomposite nos habere.

#### *Articulus tertius.*

*Ad confitendum tibi.* Hic annotatur, quam perfectus sit istius devotionis affectus. Si enim perfectum censetur secundum assertionem Philo-sophi <sup>5</sup>, quod attingit proprio fini : quis affec-tum illum perfectum ambigit, qui fini finium per confessionem laudis attingit? Sed nota, quod ad confitendum Deo perfecte tali confes-sione, oportet tria concurrere; puta charitatem, claritatem, et puritatem: charitas pertinet ad confitentis affectionem; claritas, ad cantionem; puritas ad intentionem. Nam revera divinæ laudis affectio sine cantione bona; cantio sine affectione vana; utraque sine debita intentione mala; sed utraque cum debita intentione per-fecta. De primo scribitur <sup>6</sup> : « Fecit David prin-cipem ad confitendum Domino, Asaph et fra-

Judith.

Perfec-tum quid secun-dum Philoso-phum.

tres ejus. » *Asaph* autem interpretatur collec-tio, per quam notatur affectum collectiva dilec-tio : ecce confessio cum charitate affectionis. De secundo <sup>7</sup> : « Levitæ stent mane ad confi-tendum et canendum Domino : » ecce mane, ecce cantio, ex quibus conficitur confessio cum claritate cantionis. De tertio dicitur <sup>8</sup> : « Ascen-derunt tribus, tribus Domini, ad confitendum nomini Domini; » quasi dicat : Ascenderunt tri-bus Ecclesiæ militantis ad confitendum Domino confessione laudis cum tribubus Ecclesiæ triум-phantis; in qua confessione procul dubio est purissima intentio : ecce confessio cum puri-tate intentionis.

#### *Articulus quartus.*

*Super judicia justificationis tuæ.* Hie connota-tur, quam proiectus est ipsius devotionis affectus; nec enim arbitrandus est improiectus in divinæ contemplationis cellaria familiariter introductus. In quo quidem affectus intrat familiarius, quam aspectus. Nam nonnunquam af-fectus intrat, ubi aspectus foris stat. Et nota circa judicia justificationis divinæ, quod sunt ineffabilis magnificientia, incomprehensibilis sapientia, investigabilis clementia : quia re-vera permirabilis fuit magnificientia facientis; permirabilior sapientia patientis; permirabilis-sima clementia satisfacentis. De primo <sup>9</sup> : « Magna sunt judicia tua, Domine, et incenarrabilia verba tua; quasi dicat : » Magnifica et mi-rififica dispositionis tuæ judicia sunt nobis inef-fabilia. De secundo <sup>10</sup> : « O altitudo divitiarum sapientiae et scientiae Dei, quam, incomprehen-sibilia sunt judicia ejus! » quasi dicat : Altissima et plenissima est scientia et sapientia Dei hominis mirabilia facientis, et miserabilia pa-tientis, cuius judicia sunt humanae sapientiae ac scientiae incomprehensibilia. De tertio cantatur ore Davidico <sup>11</sup> : « Judicia tua abyssus multa : homines et jumenta salvabis, Domine; quem-admodum multiplicasti misericordiam tuam, Deus : » quasi dicat : Justificationis, seu justæ satisfactionis tuæ judicia sunt profundissima : quamobrem justissime salvabis homines, quan-tum ad naturalem deformitatem, et jumenta quantum ad moralem deformitatem (*b*), multi-plicando misericordiam reformationis supra mi-seriam deformationis.

<sup>1</sup> *Luc.*, xi, 25. — <sup>2</sup> *Cant.*, ii, 10. — <sup>3</sup> *Luc.*, xxii, 46. — <sup>4</sup> *Judith*, xii, 15. — <sup>5</sup> *Arist.*, *Metaph.*, lib. V, text. 21. — <sup>6</sup> *I Paralip.*, xvi, 7. — <sup>7</sup> *Ibid.*, xxiii, 30.

— <sup>8</sup> *Psal.* cxxi, 4. — <sup>9</sup> *Sap.*, xvii, 1. — <sup>10</sup> *Rom.*, xi, 33. — <sup>11</sup> *Psal.* xxxv, 7 et seq. — (*a*) *Suppl.* nos. — (*b*) *Transpon.* quautum ad moralem deformitatem, et jumenta quautum ad naturalem deformitatem.

*Epilogus.*

Liquet itaque vox Psalmiste typum gerentis personæ devotæ. *Media nocte*: ecce tempus noctans affectus illectionem; *surgebam*: ecce motus subnotans illius erectionem; *ad confitendum tibi*: ecce terminus annotans ejus perfectio-ne; *super judicia justificationis tuæ*: ecce motiva ratio, sive virtus connotans ejus provectionem.

*VERSICULUS XV.*

63. *Particeps ego sum*, etc. Quemadmodum in superandis malis utendum est instrumento discretionis et devotionis, ut claruit in duobus versibus suprascriptis, in eundem modum utendum est in ipsis instrumento generalis orationis, cuius virtus suffragatur personæ debili, sicut cibus communis membro inani: quapropter circa generalis orationis participium notantur quatuor per hunc versum, videlicet cibi communitas, membra inanitas, negandi inhumanitas, donandi humanitas. Cibus est orationis fructus; membrum, quilibet fidelium; donator vel negator, humanus vel inhumanus orator.

*Articulus primus.*

Quantum ad primum, scribitur: *Particeps*; ubi per participem subaudimus fructum participabilem: si enim participabile nihil esset, nec particeps esse posset. Hic notandum, quod triplex legitur participium: quoddam utile; quoddam inutile; quoddam impossibile. Participium quippe spirituale cum fideli est utile; cum infideli, inutile; et cum utroque, impossibile. De primo<sup>1</sup>: « Fratres sancti, vocationis cœlestis participes estis: » ecce fidelium utile participium. De secundo<sup>2</sup>: « Fœni cibo vescentes demorabantur, ne participes essent coinquationis: » ecce infidelium inutile participium. De tertio<sup>3</sup>: « Non potestis mensæ Domini participes esse, et mensæ dæmoniorum: » ecce fidelium ac infidelium impossibile participium.

*Articulus secundus.*

Quantum ad secundum, sequitur: *Ego sum*; vox est personæ debilis, tanquam membra inanis. Et nota, quod terrena membrorum differentia reperitur in Ecclesia: est enim mem-

brum summum, medium, et infimum. Membri summi, scilicet capitum Ecclesie Christi, est ministrare spiritualiter, non ministrari; membri medii est ministrare, et ministrari; membri infimi est non ministrare, sed ministrari. De primo<sup>4</sup>: « Ego in medio vestrum sum, sicut qui ministrat: » ecce membrum summum ministrans tantum. De secundo<sup>5</sup>: « Cujus factus sum ego minister secundum donum gratiae Dei, quæ data est mihi: » ecce membrum medium ministrans et ministratum. De tertio dicit Psalmographus sub infimi membra figura<sup>6</sup>: « Ego autem mendicus sum, et pauper: Dominus sollicitus est mei: » ecce membrum infimum ministratum solum.

*Articulus tertius.*

Quantum ad tertium, dicitur: *Omnium timen-tium te*, et ideo recedentium ab inhumanitate; quia timens Deum est recedens a malo, sicut seribitur<sup>7</sup>. Et nota, quod sic timentes non renunt communitatì servire, pauperibus subvenire, pro peccatoribus intervenire: quorum primum pertinet ad præsidium; secundum, ad subsidium; et tertium, ad suffragium. De primo<sup>8</sup>: « Provide de omni plebe viros potentes, et timentes Deum, in quibus sit veritas, et qui oderint avaritiam, et constitue ex eis tribunos et centuriones, et quinquagenarios et decanos, qui judicent populum omni tempore: » ecce timentes, populo præsidentes, et communitatì servientes. De secundo<sup>9</sup>: « Filius es optimi viri, et justi, et timentis Deum, et eleemosynas facientis: » ecce timens, subsidium impariens, pauperibus subveniens. De tertio cantatur<sup>10</sup>: « Voluntatem timentium se faciet, et depreciationem eorum exaudiens, » scilicet timentium peccatoribus suffragantium, et pro ipsis interventientium.

*Articulus quartus.*

Quantum ad quartum, subjicitur: *Et custo-dientium mandata tua*, de benignitate et humana-tate mutua divinitus imperata. De talibus dici potest, quod scriptum est<sup>11</sup>: « Non reliquistis fratres vestros longo tempore usque in præsentem diem, custodientes imperium Domini Dei vestri. » Et nota de talibus humanitatem custodientibus, quod ipsi custodiunt vitæ veritatem, fugiunt infelicitatem, acquirunt felici-

<sup>1</sup> *Hebr.*, III, 14. — <sup>2</sup> *Hl Mach.*, V, 27. — <sup>3</sup> *1 Cor.*, X, 21. — <sup>4</sup> *Luc.*, XXII, 27. — <sup>5</sup> *Ephes.*, III, 7. — <sup>6</sup> *Psal.*

XXXIX, 18. — <sup>7</sup> *Job*, I, 3. — <sup>8</sup> *Exod.*, XVIII, 21. — <sup>9</sup> *Tob.*, IX, 9. — <sup>10</sup> *Psal.* CXLIV, 19. — <sup>11</sup> *Jos.*, XXII, 3.

tatem : quorum primum spectat ad meritum ; secundum , ad supplicium ; sed tertium , ad præmium. De primo<sup>1</sup> : « Aperite portas, ingrediatur gens justa, custodiens veritatem , » ac si dieatur aperte : Notas facite vias vitæ, ut accipiант coronam vitæ, custodientes veritatem vitæ. De secundo<sup>2</sup> : « Verbum custodiens filius extra perditionem erit, et sic infelicitatem vita-bit. » De tertio<sup>3</sup> : « Via vitæ custodienti disciplinam , » quasi dicat : Via vitæ procedit, qui disciplinam custodit; qui autem sic procedit, proculdubio ad felicitatem accedit.

## Epilogs.

Ait ergo Prophetus sub inanis membra figura : *Particeps*, quantum ad cibi communitatem , scilicet orationis generalitatem ; *Ego sum*, quantum ad membra inanitatem , scilicet personæ debilitatem ; *Omnium timentium te*, quantum ad vitantes inhumanitatem, scilicet orationis pareitatem ; *Et custodientium mandata tua*, quantum ad servantes humanitatem, scilicet orationis largitatem. Parce orat, qui pro paucis ; large , qui pro multis ; et tanto largius, quanto pro pluribus.

## VERSICULUS XVI.

64. *Misericordia tua, Domine*, etc. Quartum superest instrumentum in versu proposito propo-nendum , videlicet propria supplicatio , que resistens peccato supplicat pro seipso. Proponit itaque versus iste supplicationem sagacem , vivacem, perspicacem, et efficacem ; tangendo divinæ dignationis humanitatem, indignationis humanitatem, justificantis dignitatem, et justifi-cabilis indignitatem.

## Articulus primus.

Sagaciter igitur supplicans, dignationis hu-manitatem allegavit, cum ait : *Misericordia tua, Domine*. Quod enim Dominus miseretur nostræ miseriæ, humanitatis est dignitatem. Sed nota misericordiam Domini triplicem miseriæ nostræ tripli congruentem , utpote misericordiam medicinæ, misericordiam disciplinæ, et misericordiam doctrinæ : quarum prior congruit nostræ vis irascibilis infirmitati ; secunda , con-cupiscibilis lubricitati ; tertia, rationabilis rudi-tati. De prima misericordia dicit Scriptura<sup>4</sup> : « Filios tuos nec draconum, nec venenatorum

<sup>1</sup> Isa., xxvi, 2. — <sup>2</sup> Prov., xxix, 27. — <sup>3</sup> Prov., x,

vicerunt dentes : misericordia enim tua adve-niens sanabat eos : » ecce misericordia medi-cinæ. De secunda<sup>5</sup> : « Cum tentati sunt , et quidem cum misericordia disciplinam acce-pe-runt : » ecce misericordia disciplinæ. De tertia<sup>6</sup> : « Misericordia Domini super omnem carnem : qui misericordiam habet, et docet, et erudit , quasi pastor gregem suum : » ecce miseri-cordia doctrinæ.

## Articulus secundus.

Vivaciter autem orans indignationis immuni-tatem aggregavit, cum addidit : *Plena est terra* : nec enim terra misericordia repleretur , si cui-quam terrigenæ Dominus indignaretur : viva-citer autem ad miserandum movetur, a quo prorsus indignatio removetur. Sed nota circa terræ plenitudinem , quod legimus terram tripli-cem : terram, quam terimus ; terram, quam quærimus ; et terram, quam gerimus. Prima terra plena est laude divina ; secun-da plena est gloria ; sed tertia plena est mi-seria. De prima<sup>7</sup> : « Laudis ejus plena est terra , » quam terimus : tam multipliciter eum laudat, quam multipliciter laudabilem significat, de quo nullus ambigit, qui signa ejus intelligit. De secunda<sup>8</sup> : « Plena est omnis terra gloria ejus : » vox est angelorum loquentium de terra viventium. De tertia<sup>9</sup> : « Fac conclusionem , quoniam terra plena est judicio sanguinum , » id est testimonio crimi-num : hæc est terra miserorum hominum.

## Articulus tertius.

Perspicaciter perorans justificantis digni-tatem commendavit, cum subdidit : *Justifica-tiones tuas*, id est, tibi congruas. Non fuit parvæ perspicacitatis perspicere congruentias inter justificationem, et justifications suas. Notandum itaque quod ait : *Justificationes tuas*, quasi dicat, tuæ potentiae, sapientiae, ac justitiae congruas, tanquam vias tritas , tanquam leges positas, tanquam sententias diffinitas. De primo Prophetus psallit<sup>10</sup> : « Viam justificationum tua-rum instrue me : » vox est quærantis viam regiam , viam tritam. De secundo autem ait<sup>11</sup> : « Legem pone mihi<sup>12</sup>, Domine, viam justificatio-num tuarum : » sapienter legem petit Legislato-ri illius, cui « nullus similis in legislatori-

<sup>4</sup> Sap., xvi, 10. — <sup>5</sup> Sap., xi, 10. — <sup>6</sup> Eccli., xviii, 42, 43. — <sup>7</sup> Habac., iii, 3. — <sup>8</sup> Isa., vi, 3. — <sup>9</sup> Ezech., vii, 23. — <sup>10</sup> Psal. hoc, 27. — <sup>11</sup> Ibid., 33.

bus, » sicut legimus<sup>1</sup>. Quaeris quare? Quia, sicut scribitur<sup>2</sup>: « Unus est legislator et judex, qui potest perdere et liberare. » De tertio quoque canit<sup>3</sup>: « Surgebam ad confitendum tibi, super iudicia justificationis tue : » ecce iudiciales sententiae a summo judgee promulgatae.

#### *Articulus quartus.*

Efficaciter consummans justificabilis indignitatem insinuavit, cum de justificationibus ipsius intulit: *Doce me*: ac si diceret manifeste: *Dome*, non sum doceri dignus: sed tu non es docere indignus: fac ergo tecum, unde tu es dignus, ut siam dignus, unde sum indignus. Et nota, quod aliquis dicitur docere dignus, propter dignitatem actus, affectus, instinetus: propter primum dicitur doctor bonus; propter secundum dicitur misericors, sive pius; propter tertium dicitur benedictus. Primum patet per Prophetam psallentem<sup>4</sup>: « Bonus es tu, et in bonitate tua doce me justificationes tuas: » ecce doctorem bonum. Secundum sublucet per Psalmistam dicentem<sup>5</sup>: « Fac cum servo tuo secundum misericordiam tuam, et justificationes tuas doce me: » ecce doctorem misericordem vel pius. Tertium liquet per Psalmographum sic scribentem<sup>6</sup>: « Benedictus es, Domine, doce me justificationes tuas: » ecce doctorem benedictum. Ita quidem a mittente benedicitur, qui ad legendum, vel ad praedicandum mittitur.

#### *Epilogus.*

Propterea dicit Propheta in laudabilis oratoris persona: *Misericordia tua, Domine*, tanquam sagaciter orans, allegando divinae dignationis humanitatem; *Plena est terra*, tanquam vivaciter persuadens, aggregando indignationis immunitatem; *Justificationes tuas*, tanquam perspicaciter perorans, commendando justificantis dignitatem; *Doce me*, tanquam efficaciter consummans, postulando justificari justificabilis indignitatem per justificantis dignitatem; ac si loqueretur apertius: *Domine*, qui misereri dignaris, et nemini indignaris, justifica me, qui sum indignus, quia tu justificare dignus.

### CAPITULUM QUINTUM.

#### *VERSICULUS PRIMUS.*

63. *Bonitatem fecisti*, etc. Hic quintum initiatur capitulum, et quintum representatur fereulum.

In capitulo p̄eambulo praesentata fuit spei immisso; in hoc vero praesentatur bonitatis transmissio. Et quia spes immissa consurgit ex bonitate transmissa, patet ordinis ratio processu resolutorio. Istud autem capitulum distinguitur per hunc modum: Est equidem bonitas inferior, ad animae justificationem pertinens, quam oettonarius prior perecurrit: quapropter ab hebraica littera *Teth*, quae interpretatur bonum vel infra, incipit. Et est bonitas superior, ad animae justificatione magnificationem attinens, quam (*a*) oettonarius posterior superaddit. Quamobrem ab hebraica littera *Iod*, quae interpretatur principium seu dominatio, initium sumit. Oettonarius nihilominus prior distinguitur, quoniam bonitas inferior pertinet ad animae curationem, quam declarat quaternarius primus; et curate conservationem, quam declarat quaternarius aliis. Quaternarius etiam prior quadripartitam recipit sectionem, secundum quatuor animae virium curationem, videlicet apprehensivae, appetitivae, memorativae, motivae, que sunt totidem versibus subnotatae. Versus primus apprehensivae curationem ostendit, quia quid, in quem, a quo, et per quem mittitur, apprehendit, scilicet sanitatis habitum, animae insitum ab Ingenito per Unigenitum.

#### *Articulus primus.*

Primum quidem praenotatur, cum praemittitur: *Bonitatem fecisti*. Ista namque bonitas est spiritualis sanitas, quam in nobis creat inreata bonitas. Unde notandum, quod est bonitas improvectorum, provectorum, electorum: quarum prima fruimur, secundam sequimur, tertiam impetrare molimur. De prima scribitur ab Apostolo<sup>7</sup>: « Fructus lucis est in omni bonitate: » ecce bonitatis fruitio. De secunda dicit Psalmographus<sup>8</sup>: « Detrahebant mihi, quoniam sequebar bonitatem: » ecce bonitatis prosecutio. De tercia psallit Propheta<sup>9</sup>: « Visita nos in salutari tuo, ad videndum in bonitate electorum tuorum: » ecce bonitatis impetratio.

#### *Articulus secundus.*

Secundum autem subnotatur, cum subditur: *Cum servo tuo*, quantum ad ejus spiritum sanitati redditum. Et nota servum triplicem, triplici

<sup>1</sup> *Job*, xxxvi, 22. — <sup>2</sup> *Jac.*, iv, 12. — <sup>3</sup> *Psal.* hoc, 62. — <sup>4</sup> *Ibid.*, 26. — <sup>5</sup> *Ibid.*, 124. — <sup>6</sup> *Ibid.*, 63. —

<sup>7</sup> *Ephes.*, v, 9. — <sup>8</sup> *Psal.* xxxvii, 21. — <sup>9</sup> *Psal.* cv, 5. (*a*) *Cat. edit.* qua.

bonitati respondentem : puta servum improvectum, proiectum, electum. Servitus prima bona; secunda melior; tertia optima. De primo intelligitur, quod legitur<sup>1</sup>: « Omnis servus emptius circumcidetur; » ac si diceretur expressius: Omnis servi improvecti, a vana conversatione redempti, superfluitas succidetur. De secundo competenter exponitur, quod propontitur<sup>2</sup>: « Sospes servus tuus pater noster adhuc vivit. » De tertio accipiendum cognoscitur, quod dicitur<sup>3</sup>: « Servus meus es tu; elegi te, et non abjeci te. »

#### *Articulus tertius.*

Tertium annotatur, eum additur: *Domine: Dominus* enim, licet sit nomen essentialis, tribus personis commune, potest tamen personaliter accipi, et personae Patris appropriari. Unde notandum, quod nomen *Domini* legitur appropriatum Patri sub triplici notione patris: quarum prima negativa propria; secunda affirmativa propria; tertia affirmativa communis: videlicet innascibilitatis, paternitatis, communis spirationis. Primum patet<sup>4</sup>: « Respondens Dominus Job de turbine, ait: Quis ante dedit mihi, ut reddam ei? » quasi dicat: Nullus. Quis est iste Dominus, qui nullum habet ante, nisi Dominus Pater solus, quo nullus anterior nec tempore, nec dignitate, nec origine? Nam Filius et Spiritus sanctus, etsi non habeant anteriorem tempore, vel dignitatem, habent tamen anteriorem originem. Aut quis Dominus, cui nullus dedit, nisi Dominus Pater solus, qui a nullo accepit, quoniam a nullo procedit? Nam aliae personae inde accipiunt, unde procedunt. Secundum liquet<sup>5</sup>: « Numquid ego, qui generationem cunctis tribuo, sterilis ero, ait Dominus? » Quis iste Dominus generationem dans temporaliter, et generans intemporaliter, nisi solus Dominus Pater? Tertium lucet<sup>6</sup>: « Spiritus Domini replevit orbem terrarum. » Cujus Dominus, nisi Patris et Filii, qui sunt unus Dominus, in quantum dant unum munus?

#### *Articulus quartus.*

Quartum denotatur, cum dicitur: *Secundum verbum tuum*, quod dixisti, cum Filium genuisti; secundum quem cuncta facis, qui secundum artem cuncta facis. Ipse enim, secundum Augustinum<sup>7</sup>, est ars omnipotentis et sapientis

Dei, plena omnium rationum viventium, sicut scribitur ab eo. Ille potest notari sine præjudicio verbi divini, et humani, tria proportio. Sieut enim verbum humanum humanitus prolatum, est vox significativa, ita verbum divinitus prolatum est proles viva spirativa; quorum singula sunt singulis proportionalia. Prima proportio patet ex eo, quod sicut verbum humanum, in quantum vox, est in dicente, sicut procedens in non procedente, et sic distincte; ita Verbum divinum, in quantum proles, est in Patre, sicut procedens in non procedente, et sic distincte quantum ad distinctionem personalem: quod notatur in illo verbo evangelico<sup>8</sup>: « Verbum erat apud Deum, » tanquam personaliter distinctum: in quo refellitur error Sabellianorum, personalem distinctionem negantium. Secunda proportio patet ex eo, quod sicut verbum humanum, in quantum vivum, est in dicente, sicut vivens in vivente, et sic indistincte; ita Verbum divinum, in quantum vivum, est in Patre, sicut vivens in vivente, et sic indistincte quantum ad indistinctionem essentialis: quod notatur ibidem in illo verbo: *Deus erat Verbum*, tanquam essentialiter indistinctum: in quo refellitur error Arianorum, essentialis indistinctionem diffidentium. Tertia proportio patet ex eo, quod sicut verbum humanum, in quantum significativum, est in dicente, sicut significans in significante, et sic iterum indistincte; ita Verbum divinum, in quantum spirativum, est in Patre, sicut spirans in spirante, et sic iterum indistincte quantum ad indistinctionem notionalem: quod notatur ibidem in illo verbo, hoc scilicet<sup>9</sup>: « Verbum erat in principio apud Deum, » tanquam personaliter distinctum, et notionaliter indistinctum. Quod enim ait: *Apud Deum*, pertinet ad distinctionem personalem; quod autem dicit: *In principio*, pertinet ad indistinctionem notionalem. Ille principium est communis spiratio, secundum quam Pater et Filius sunt unum principium respectu sancti Spiritus, testante Augustino<sup>10</sup>. In quo retunditur error Graecorum, spirationem activam soli Patri attribuentium. Haec tria implicite prænotavit Evangelista, cum ait: *In principio erat Verbum*; ac si diceret: In Patre erat Filius uno modo distinctus, sed duobus indistinctus: videlicet distinctus personaliter; sed indistinctus natura-

—<sup>7</sup> Aug., *de Trin.*, lib. VI, c. x, n. 41; *in Gen.*, lib. II, c. VIII. —<sup>8</sup> Joan., I, 1. —<sup>9</sup> Ibid., 2. —<sup>10</sup> Aug., *de Trinit.*, lib. V, c. xiv, n. 43.

<sup>1</sup> Exod., XII, 44. —<sup>2</sup> Gen., XLIII, 48. —<sup>3</sup> Isa., XLI, 9. —<sup>4</sup> Job, XLI, 2. —<sup>5</sup> Isa., LXVI, 9. —<sup>6</sup> Sap., I, 7.

liter et notionaliter : quorum singula singulis subnotavit articulis , sine præjudicio sententiæ sanioris.

Epilogus.

Ait ergo Propheta : *Bonitatem fecisti* , prænotans sanitatis habitum , qui transmissus ; *Cum servo tuo* , subnotans servi spiritum , in quem transmissus ; *Domine* , annotans Ingenitum , a quo transmissus ; *Secundum verbum tuum* , denotans Unigenitum , per quem transmissus.

VERSICULUS II.

66. *Bonitatem et disciplinam*, etc. Curationem virtutis apprehensivæ vidimus in versiculo præecedente ; curationem appetitivæ videre possumus in praesenti. Hujus curationis est efficax argumentum , quod ædificare appetit aurum , argentum , et lapidem pretiosum super fidei fundamentum. Nam profecto bonitas auro , disciplina argento , scientia lapidi pretioso , credulitas congruit fundamento.

*Articulus primus.*

Primum quidem insinuavit , cum ait : *Bonitatem* , id est , bonam mentis qualitatem : *Doce me* , non theorice , sed practice ; nec indicando , sed ædificando. Haec est bonitas aurea ; haec est bona dispositio , quantum ad interiora. Et nota , quod bonitas ista est auro comparabilis propter tria : quia sicut aurum est ponderosum , radiosum , fructuosum ; sic bonitas ista est ponderosa , radiosa , et fructuosa. Queris , quibus ? Ponderosa pœnitentibus , radiosa contemplantibus , fructuosa gustantibus. De primo <sup>1</sup> : « *Domini* , secundum bonitatem tuam promisisti pœnitentiam : » ecce bonitas pœnitentibus ponderosa. De secundo scribitur <sup>2</sup> : « In bonitate tua doce me : » ecce bonitas contemplantibus radiosa. De tertio <sup>3</sup> : « *Fructus spiritus est charitas* , bonitas , gaudium , pax , patientia , benignitas : » ecce bonitas gustantibus fructuosa.

*Articulus secundus.*

Secundum indicavit , cum additur : *Et disciplinam* , id est compositionis modestiam. Haec est disciplina argentea ; haec est disciplinata compositio , quantum ad exteriora. Et nota , quod disciplina est argento comparabilis tribus de causis : quia sicut argentum est carum , clarum , et sonorum ; ita disciplina et cara , et

<sup>1</sup> *Orat. Manass.* — <sup>2</sup> *Psal.* hoc , 68. — <sup>3</sup> *Gal.* , v , 22. — <sup>4</sup> *Prov.* , viii , 10. — <sup>5</sup> *Prov.* , xxiv , 32. — <sup>6</sup> *Prov.*,

clara , et sonora est. Vis scire quibus ? Cara est acquirentibus , clara videntibus , sonora audientibus. De primo <sup>4</sup> : « *Accipite disciplinam meam* , et non pecuniam : » ecce disciplina acquirentibus cara , quia carior quam pecunia. De secundo <sup>5</sup> : « *Cum vidi sem , posui in corde meo* , et exemplo didici disciplinam : » ecce disciplina videntibus clara. De tertio <sup>6</sup> : « *Audite , filii , disciplinam patris* : » ecce disciplina audientibus sonora.

*Articulus tertius.*

Tertium insinuavit , cum subdit : *Et scientiam* , id est , superiorum notitiam. Haec est scientia pretiosa ; haec est discreta expositio , quantum ad superiora. Et nota , quod hanc scientiam possumus pretiosis lapidibus comparare , specialiter triplici ratione : quia sicut in lapidibus pretiosis queritur veritas , claritas , et salubritas ; sic in Scripturarum spiritualibus theoricis <sup>(a)</sup> queritur scientia veritatis , claritatis , et salutis , quantum ad expositiones allegoricas , tropologicas , et anagogicas. De prima scientia scribitur ab Apostolo <sup>7</sup> : « *Semper discentes* , et nunquam ad scientiam veritatis pervenientes. » Tales sunt Judæi , semper legentes Scripturarum historias , et nunquam pervenientes ad earum allegoricas theoriae <sup>(b)</sup> . De secunda vero scientia potest accipi illud verbum Apostoli <sup>8</sup> : « *Deus* , qui <sup>(c)</sup> dixit de tenebris lucem splendescere , ipse illuxit in cordibus nostris ad illuminationem scientie claritatis Dei. » Ista profecto claritas potest dici clara moralitas , quam Pater lumen facit splendescere de tenebris , id est , de obscuris Scripturarum figuris. De tertia non indecenter intelligimus , quod legimus <sup>9</sup> : « *Ad dandam scientiam salutis plebi ejus* : » haec enim non solum est propter salutem , sicut aliae ; sed etiam de salute : et quia de salute singulariter est , scientia salutis potissimum dei potest.

*Articulus quartus.*

Quatum implicavit , cum superaddidit : *Quia mandatis tuis credidi*. Quid est mandatis credere , nisi credulitatis fundamentum sternere ? Notandum igitur , quod fidei fundamentum credendo sternitur , et idecio tripliciter sternitur , quia tripliciter creditur , videlicet corde , ore , opere. Unde fides corde firmatur , ore affirmatur , opere

<sup>1</sup> *4.* — <sup>2</sup> *II Tim.* , iii , 7. — <sup>3</sup> *II Cor.* , iv , 6. — <sup>4</sup> *Luc.* , i , 77.

<sup>(a)</sup> *Fortasse legendum theoriis.* — <sup>(b)</sup> *Item theoriae.*

<sup>(c)</sup> *Edit. Ven.* quia.

confirmatur. De primo<sup>1</sup>: « Corde creditur ad justitiam. » Hic fundamentum credendo sternitur, et firmatur. De secundo<sup>2</sup>: « Nos credimus, propter quod et loquimur: » hic credendo sternitur, et affirmatur. De tertio<sup>3</sup>: « Qui credidit Deo, attendit mandatis: » hic credendo sternitur, et etiam confirmatur.

#### Epilogus.

Hæc est itaque vox Prophetæ declarantis curationem virtutis appetitivæ. *Bonitatem*: ecce bonitas aurea, quantum ad dispositionem interiorum; *Et disciplinam*: ecce disciplina argentea, quantum ad compositionem exteriorum; *Et scientiam*: ecce scientia pretiosa, quantum ad expositionem superiorum; *Doce me*: ecce practicum, non theoreticum documentum; *Quia mandatis tuis credidi*: ecce fidei fundatum.

#### VERSICULUS III.

67. *Priusquam humiliarer*, etc. Duo versieuli præcurrentes prænuntiaverunt curationem tam apprehensivæ, quam appetitivæ; iste sequens annuntiat curationem memorativæ, pronuntians in quatuor ejus membris memoriam commissiōnis, omissionis, promissionis, et immissionis: quantum ad peccatum commissum, mandatum omissum, propitiatum promissum, et gemitum compunctionis immissum.

#### Articulus primus.

Quantum ad primum, Psalmographus ait: *Priusquam humiliarer*, id est, priusquam per timorem male humiliantem prævaricarer: ecce prævaricatio, ecce peccati commissio. Hic potest notari, quod contingit tripliciter male humiliari: videlicet malum dissimulando, bonum simulando, malum accumulando: sicut David humiliari curavit, cum adulterium dissimulavit, cum Uriæ beneficium simulavit, cum maleficium accumulavit. De primo<sup>4</sup>: « Scio humiliari, et abundare, » sicut apostolici viri sciunt humiliari, malum poene dissimulando, et abundare, ipsum refocillando; sic et apostatici viri sciunt humiliari malum culpæ dissimulando, et abundare ipsum refocillando. De secundo scribitur<sup>5</sup>: « Quasi proximum, quasi fratrem nostrum, sic complacebam; quasi lugens et contristatus, sic humiliabar. » Sieut novit complacere proximo,

<sup>1</sup> Rom., x, 10. — <sup>2</sup> II Cor., iv, 13. — <sup>3</sup> Eccli., xxxii, 28. — <sup>4</sup> Philip., iv, 12. — <sup>5</sup> Psal. xxxiv, 14. —

et contrastari ex animo charitas consolatrix; sic novit coinplacere proximo, et contrastari, sed non ex animo, callidas simulatrix. De tertio<sup>6</sup>: « Attende, ne seductus in stultitia humiliaris. » Sic seducuntur, sic humiliantur, qui humanam verecundiam sie verentur, quod divinam ira-cundiam ex pusillanimitate spiritus promerentur; sicut illi<sup>7</sup> contigit, quem timor male humiliatus declinare docuit ad homicidium, ut declinare posset adulterorum opprobrium; sed Dominus abominans simulatorum facinus, maluit servum suum cum peccatoribus humiliari, quam cum simulatoribus gloriari.

#### Articulus secundus.

Quantum ad secundum, addit: *Ego deliqui*, id est, per amorem male inflammantem mandatum dereliqui. Et nota, quod delictum hujuscemodi accidit propter tria, puta propter immissionem, remissionem, et intermissionem. Cum enim passionis horror immittitur, et rationis rigor remittitur, prohibitionis timor intermittitur. De primo<sup>8</sup>: « Horror invasit Israel, et deliquit in Baal. » Israel interpretatur mens Deum videns, per quam humanam accipimus rationem; *Baal* interpretatur vetustas, per quam intelligimus prævaricationem: horror ergo Israel invadit, cum horribilis passio rationem pervadit; sed Israel in Baal delinquit, quando ratio prohibitionem propter prævaricationem relinquit. De secundo<sup>9</sup>: « Propter inopiam multi deliquerunt; » sic delinquunt, qui propter passionis velimenti, et rationis inconstantiam, prohibitionis obedientiam derelinquent. De tertio scribitur<sup>10</sup>: « Dixit injustus, ut delinquat in semelipso. » Ita dicit, qui passione opposita, ratione deposita, prohibitione postposita, prævaricari proponit.

Israel.

Baal.

#### Articulus tertius.

Quantum ad tertium, superaddit: *Propterea eloquium tuum*, id est, tuæ potestati, tuæ veritati, tuæ pietati congruum: quia potestatis est eripere pœnitentem; veritatis, dirigere confidentem; pietatis, suscipere satisfacentem. De primo Psalmista dicit<sup>11</sup>: « Secundum eloquium tuum eripe me: » ecce eloquium potestatis. De secundo Propheta psallit<sup>12</sup>: « Gressus meos dirige secundum eloquium tuum: » ecce elo-

<sup>6</sup> Eccli., xiii, 10. — <sup>7</sup> II Reg., xvii, 15. — <sup>8</sup> Ose., xiii, 1. — <sup>9</sup> Eccli., xxvii, 1. — <sup>10</sup> Psal. xxxv, 2. — <sup>11</sup> Psal. hoc, 170. — <sup>12</sup> Ibid., 133.

quium veritatis. De tertio Psalmographus scribit<sup>1</sup> : Suscipe me secundum eloquium tuum : » ecce eloquium pietatis.

#### *Articulus quartus.*

Quantum ad quartum, subdit : *Custodivi*, quasi eloquium propitiatorium, promittens propitiatum confitenti peccatum : *Custodivi*, quomodo? Peccatum confitendo, propitiatum petitendo. Et nota, quod in hac custodia debent esse tria, scilicet justitia, prudentia, potentia : prima, ut reum judiceat in contritione; secunda, ut cum judicet in confessione; tertia, ut Deum vindicet in satisfactione. De primo<sup>2</sup> : « *Justitia custodit innocētis viam.* » Innocentes dico tam facto, quam voto : nam uterque reatum suum judicat : sed ille leviorum, iste graviorum; ille veniale, iste mortalem. De secundo<sup>3</sup> : « *Prudentia custodit rectorum salutem :* » ita quidem per confessionem salutarem, quandoquidem rectam indicat veritatem. De tertio<sup>4</sup> : « *Custodiet me in sua potentia, et erunt accepta opera mea :* » ita plane custodit divina sapientia in satisfactione, commensurando vindictam injuriæ; et facit, quod opera satisfactoria sint digna acceptance (a).

#### *Epilogus.*

Liquet itaque vox Prophetæ curationem manifestans memorie. *Priusquam humiliarer*, per timorem male humiliantem, quantum ad peccatum commissum: ecce memoria commissionis; *Ego deliqui*, per amorem male inflammantem, quantum ad mandatum omissum: ecce memoria omissionis; *Propterea eloquum tuum*, quantum ad propitiatum promissum: ecce memoria promissionis; *Custodivi*, quantum ad gemitum compunctionis immissum: ecce memoria immissionis.

#### VERSICULUS IV.

68. *Bonus es tu*, etc. Prænuntiata curatione apprehensivæ, appetitivæ, atque memorativæ; novissime nuntiatur curatio motivæ sive gressivæ, quam nuntiat iste versus, innuendo bonitatem aggressus, progressus, congressus, et regressus, quoniam in his verbis notatur motus mentis, tanquam bonum gradientis, in bono pro-

gradientis, cum bono gradientis, ad bonum regredientis.

#### *Articulus primus.*

Quod enim ait : *Bonus es tu*, vox est mentis tanquam bonum aggredientis. Et nota, quod bonus est Dominus universis ipsum aggredientibus, sive sint pœnitentes, sive proficiientes, sive pervenientes : quia condonator, quia consolator, quia coronator. De primo<sup>5</sup> : « *Bonus Dominus propitiabitur cunetis*, qui in toto corde requirunt Dominum : » ecce bonus pœnitentium condonator. De secundo<sup>6</sup> : « *Bonus Dominus, et confortans in die tribulationis :* » ecce bonus proficiens consolator. De tertio<sup>7</sup> : « *Bonus est Dominus sperantibus in eum :* » ecce bonus pervenientium coronator.

#### *Articulus secundus.*

Quod autem inquit : *In bonitate tua*, vox est mentis in bono progredientis : sic progreditur, qui bonitate, non humana, sed divina fulcitur. Et nota, quod bonitati divinæ convenit sustinere, supereminere, implere, continere, tanquam inferiori, superiori, interiori, et exteriori. De primo<sup>8</sup> : « *An divitias bonitatis ejus, et patientiae, et longanimitatis contemnis,* » quasi te sustinentis? Ecce bonitas sustinens. De secundo<sup>9</sup> : « *Ut ostenderet in sæculis supervenientibus abundantes divitias gratiæ suæ in bonitate super nos,* » quasi supereminente: ecce bonitas supereminens. De tertio scribitur<sup>10</sup> : « *Aperierte manum tuam, omnia impliebuntur bonitate :* » ecce bonitas implens. De quarto rursus<sup>11</sup> : « *Ad videndum in bonitate electorum tuorum,* » quasi comprehensiva ipsorum: ecce bonitas continens.

#### *Articulus tertius.*

Quod vero dicit : *Doce me*, vox est mentis cum bono gradientis, et ab ipso doceri cupientis. Sed nota, quod docere dicitur Deus mentem, influendo eidem veritatem, charitatem, facultatem, quantum ad intellectivam, affectivam, effectivam. Ad primum pertinet illud Psalmiste<sup>12</sup>: « *Scientiam doce me;* » ubi petitur influentia veritatis, conveniens intellectivæ. Ad secundum spectat illud Prophetæ<sup>13</sup> : « *Doce me*, quia tu es Deus salvator meus; » ubi petitur influentia charitatis salvificæ, congruens affectivæ. Ad

<sup>1</sup> *Psalm.* hoc, 116. — <sup>2</sup> *Prov.*, XIII, 6. — <sup>3</sup> *Prv.*, II, 7. — <sup>4</sup> *Sap.*, IX, 11. — <sup>5</sup> *II Paralip.*, XXX, 18. — <sup>6</sup> *Nah.*, I, 7. — <sup>7</sup> *Thren.*, III, 25. — <sup>8</sup> *Rom.*, II, 4. — <sup>9</sup> *Ephes.*,

<sup>10</sup> *Psalm.* CIII, 28. — <sup>11</sup> *Psalm.* CV, 5. — <sup>12</sup> *Psalm.* hoc, 66. — <sup>13</sup> *Psalm.* XXIV, 5. — (a) *Leg.* acceptatione.

tertium pertinere digneatur, quod dicitur<sup>1</sup>: « Doce me facere voluntatem tuam, quia Deus meus es tu : » ubi perfitur influentia facultatis, competens effective.

#### *Articulus quartus.*

Quod deinde adjunxit: *Justificationes tuas*, vox est mentis ad bonum regredientis. Quid enim justificatio, nisi ad Dominum regressio? Unde notandum, quod *justificationes divinæ* perficiunt animam quantum ad intellectum, affectum, et effectum: illuminando, inflammmando, firmando. De primo per Psalmistam dicitur<sup>2</sup>: « Faciem tuam illumina super servum tuum, et doce me *justificationes tuas*. » Ecce illuminatio intellectus. De secundo per Prophetam psallit<sup>3</sup>: « Concupivit anima mea desiderare *justificationes tuas* : » ecce inflammatio affectus. De tertio similiter scribitur<sup>4</sup>: « Inclinavi cor meum ad facendas *justificationes tuas* : » ecce firmatio effectus.

#### *Epilogus.*

Ex his subutilat mens Prophete insinuantis curationem gressivæ; ait enim: *Bonus es tu*, ex parte mentis bonum aggredientis; *Et in bonitate tua*, ex parte ipsius mentis in bono progredientis; *Doce me*, ex parte ejusdem mentis cum bono gradientis; *Justificationes tuas*, ex parte sæpe dictæ mentis ad bonum regredientis.

#### *VERSICULUS V.*

69. *Multiplicata est super me*, etc. Animæ curationem quaternarius antecedens exposuit; curate conservationem quaternarius præsens expónit. Conservationis autem istius quatuor sunt indicia, totidem versibus subnotata: videlicet, tentationis resistantia, temptationis victoria, peccatorum displicentia, et mandatorum complacentia. Primus versus temptationis resistantiam indicat, quoniam exercitum vanitatis contra spiritum humilitatis demonstrat. Attende exercitum obsidentem; vanitatem dentibus stridentem; spiritum præsidentem; humilitatem in Domino confidentem.

#### *Articulus primus.*

Nisi enim exercitus nequam exterius obsidet, nequaquam Propheta diceret: *Multiplicata*

<sup>1</sup> *Psalm. cxlii*, 10. — <sup>2</sup> *Psalm. hoc*, 133. — <sup>3</sup> *Ibid.*, 20. — <sup>4</sup> *Ibid.*, 112. — <sup>5</sup> *Joel.*, III, 13, 14. — <sup>6</sup> *Psalm. cv*, 29.

*est super me*; quasi dicat: Multi insurgunt adversum me. Sed qualiter multiplicata? Nota breviter, quia tripliciter: multiplicata inferius; multiplicata superius; multiplicata exterius. Qualiter inferius? Quantum ad multorum meritum suppliciorum. Qualiter superius? Quantum ad multorum demeritum præmiorum. Qualiter exterius? Quantum ad multorum scandala proximorum. De primo<sup>5</sup>: « Multiplicata est malitia eorum, » scilicet, quantum ad meritum suppliciorum. Unde sequitur: *Quia justa est dies Domini in valle concisionis*. De secundo scribitur<sup>6</sup>: « Multiplicata est in eis ruina, » scilicet quantum ad demeritum præmiorum. De tertio<sup>7</sup>: « Multiplicata sunt mala in terra, » scilicet quantum ad scandala plurimorum.

#### *Articulus secundus.*

Nisi etiam vanitas dentibus strideret, Psalmista non adderet: *Iniquitas superborum*. Quæ est enim iniquitas superborum, nisi vanitas, quæ contra illos dentibus stridet, quos deridet? Et nota, quod iniquitas talis comparatur in Scripturis solo dedecoris, jugo facinoris, virgæ furoris: primo quippe, propter principatum concupiscentiæ; secundo, propter famulatum intelligentiæ; tertio, propter cruciatum conscientiæ. De primo<sup>8</sup>: « Separati estis in diem malum, et appropinquatis solo iniquitatis: » ecce solium dedecoris. Magnum enim dedecus est, quod concupiscentia rationi præest. De secundo<sup>9</sup>: « Vigilavit jugum iniquitatum mearum in manu ejus: » ecce jugum facinoris; magnum quippe facinus est, quod ratio concupiscentiæ subest. De tertio<sup>10</sup>: « Iniquitas surrexit in virgam impietatis: » ecce virga furoris, quia valde furit, qui conscientiam suam urit.

#### *Articulus tertius.*

Nisi vero spiritus præsideret, Scriptura minime subderet: *Ego autem in toto corde meo: cui scilicet præsideo, tanquam spirituali præsidio*. Et nota, quod præfatum præsidium debet esse munitione totaliter, id est tripliciter: videlicet quantum ad introitum, medium, et exitum. Introitus pertinet ad potentiam apprehensivam, seu receptivam; medium, ad memorativam, seu retentivam; exitus, ad interpretativam, seu pronuntiativam. De primo<sup>11</sup>: « Si intrave-

<sup>5</sup> *1 Mach.*, I, 10. — <sup>6</sup> *Amos*, VI, 3. — <sup>7</sup> *Thren.*, I, 11. — <sup>8</sup> *Ezech.*, VII, 11. — <sup>9</sup> *Prov.*, II, 10.

rit sapientia cor tuum, et scientia animæ tuae placuerit, consilium custodiet te, et prudentia servabit te; » quasi dicat: Si sapientia spiritualis venerit ad cordis tui introitum, et scientia sæcularis apprehensio tuae placuerit, consilium sapientiae custodiet te quantum ad spiritualia, et prudentia sæcularis servabit te quantum ad temporalia: ecce cordis introitum. De secundo<sup>1</sup>: « Custodi ea,» scilicet eloquia mea, « in medio cordis tui,» videlicet in potentia memorativa: ecce cordis medium. De tertio<sup>2</sup>: « De corde exirent cogitationes,» scilicet per interpretativæ potentiae eructationes: ecce cordis exitum. Si vis ergo omni custodia servare cor tuum, quasi spirituale præsidium, custodi ejus introitum, medium, et exitum; ut nihi recipias, nihil retineas, nihil pronunties, nisi recrum.

#### *Articulus quartus.*

Nisi deinde humilitas in Domino confideret, Psalmographus non superadderet; *Scrutabor mandata tua*, quod pertinet ad scrutinium humilitatis, cuius summum est studium divinis obtemperare mandatis. Illic potest notari, quod humilitatis est scrutari, non imprudenter, non impudenter, sed prudenter. Imprudenter seruantur curiosi; impudenter, luxuriosi; prudenter, virtuosi. De primo<sup>3</sup>: « Nolo ut scrutemini actum meum,» quantum ad scrutinium curiosum. De secundo<sup>4</sup>: « Ne respicias mulierem alieni viri, et ne scruteris ancillam ejus,» quantum ad scrutinium luxuriosum. De tertio scribitur<sup>5</sup>: « Scrutabor legem tuam, et custodi illam in toto corde meo,» quantum ad scrutinium virtuosum.

#### *Epilogus.*

Liquet igitur mens Prophetæ demonstrare volentis resistantiam tentationis, demonstrando exercitum vanitatis contra spiritum humilitatis. Ait enim: *Multiplicatu est super me*, quantum ad exercitum obsidentem; *Iniquitas superborum*, quantum ad vanitatem stridentem; *Ego autem in toto corde meo*, quantum ad spiritum præsidentem; *Scrutabor mandata tua*, quantum ad humilitatem in Domino confidentem.

#### *VERSICULUS VI.*

70. *Coagulatum est, sicut lac, cor eorum, etc.* Resistantiam tentatoris præcedens versus proposuit; victoriam tentationis præsens versus pro-

ponit, insinuando defectum circa tentatoris affectum, et provectum circa victoris aspectum. Defectus pertinet ad potentiam ligatam; affectus, ad malevolentiam instigatam; proiectus, ad patientiam levigatam; aspectus, ad sapientiam qua vincitur malitia investigata.

#### *Articulus primus.*

Quantum ad primum, premittitur: *Coagulatum est sicut lac.* Ista coagulatio est diabolicae potentiae ligatio, quæ ligatur divine virtutis retinaculo, sicut ligatur lac a coagulo. Et nota, quod talis coagulatio, seu potentiae limitatio, in diversis diversimode reperitur. Unde diversi diversimode coagulati leguntur: aliter enim existit coagulatus foetus in matrice formatus; aliter spiritus informatus; aliter spiritus informantis, informato spiritui conformatus. Prima est coagulatio seminalis; secunda disciplinalis; tertia doctrinalis. De primo<sup>6</sup>: « Coagulatus sum in sanguine ex semine hominis:» ecce coagulatio seminalis, qua limitatur foetus materia, quæ ministratur a femina per virtutem formativam, quæ derivatur a masculo. Unde Philosophus<sup>7</sup>: « Vir dat formam et principium; femina dat corpus et materiam.» Sicut accidit in lacte coagulato, quod corpus exit ex lacte et coagulatio ex coagulo; ita exit illud, quod abscedit a mare in femina. De secundo dicitur per Psalmistam<sup>8</sup>: « Utquid suspicamini montes coagulatos?» Hoc est: Cur illi pares opinamini, qui est mons Dei secundum divinam naturam, et mons pinguis secundum humanam, cui datus est spiritus non ad mensuram, illos qui sunt montes, id est, sapientia et gratia eminentes, sed coagulati, seu limitati secundum mensuram spiritus sibi dati? nec enim accepérunt quantum accipere potuerunt, scilicet secundum mensuram donationis Christi. Talis est coagulatio disciplinalis, qua limitatur potentia apprehensiva discipuli, secundum limites dogmatis apprehensi. De tertio psallitur per Prophetam<sup>9</sup>: « Mons coagulatus, mons pinguis;» quasi dicit: Ille, qui est mons pinguis secundum humanam naturam, accipiendo Spiritum sanctum non ad mensuram, est coagulatus collimitando et conformando se audientibus secundum ex-

<sup>1</sup> *Prov.*, IV, 21. — <sup>2</sup> *Matth.*, XV, 48. — <sup>3</sup> *Judith*, VIII, 33. — <sup>4</sup> *Ecclesi.*, XLII, 17. — <sup>5</sup> *Psal.* hoc, 34. — <sup>6</sup> *Sap.*, VII, 2. — <sup>7</sup> *Arist.*, *de general. Animal.*, lib. II, c. IV. — <sup>8</sup> *Psal.* LXVII, 17. — <sup>9</sup> *Ibid.*, 16.

gentiam sui status. « Aperiebat enim<sup>1</sup> in parabolis os suum, » quia non est possibile aliter nobis lucere divinum radium, nisi varietate sacrorum *vclaminum* anagogice circumvelatum, sicut asseritur a Dionysio<sup>2</sup>. Eece coagulatio doctrinalis, qua potentia informativa magistri se collimitat et conformat potentiae apprehensivae discipuli.

#### *Articulus secundus.*

Quantum ad secundum, sequitur : *Cor eorum*, id est, voluntas eorum, seu potius malevolentia, quam instigat ipsorum dæmonum malitia. Est autem triplex malum in dæmonibus, quod assignat beatus Dionysius<sup>3</sup> : puta, furor irrationabilis, demens concupiscentia, phantasia proterva. Unde notandum, quod cor diabolicum legitur immutatum, ingravatum, induratum : immutatio spectat ad irrationabilem furiam; ingravatio, ad dementem concupiscentiam; induratio, ad phantasiam protervam. De primo<sup>4</sup> : « Immutatum est cor Pharaonis, et servorum ejus super populum. »

Pharao. Per Pharaonem *Ægypti* principem, quid nisi *Ægypt*-princeps tenebrarum signatur? *Ægyptus* enim tenebrae interpretatur : ecce cor diabolicum immutatum. De secundo<sup>5</sup> : « Ingravatum est cor Pharaonis, et non dimisit populum : » ecce cor diabolicum ingravatum. De tertio<sup>6</sup> : « Induratum est cor Pharaonis, et non audivit eos : » ecce cor diabolicum induratum.

#### *Articulus tertius.*

Quantum ad tertium, scribitur : *Ego vero legem tuam*, quæ persuadet patientiam, dissuadet impatientiam, sicut declarat luce clarius tam veteris, quam novæ legis aspectus, in quo patientiæ levigatio, et patiens provectus. Et nota, quod lex docet vilia fugere, utilia eligere, gravia pro Domino sustinere : quorum primum est justitiæ initiativum; secundum, proiectivum; tertium perfectivum. De primo<sup>7</sup> : « Per legem enim cognitio peccati : » ecce vitium fugiendum. De secundo<sup>8</sup> : « Probas utiliora, instructus per legem : » ecce utile eligendum. De tertio scribitur<sup>9</sup> : « Propter legem tuam sustinui te, Domine, » supple, persuasorem patientiæ : ecce grave pro Domino sustinendum.

<sup>1</sup> Matth., xiii, 35. — <sup>2</sup> Dion., de Cœl. Hierarch., c. ii. — <sup>3</sup> Id., de Div. Nom., c. iv. — <sup>4</sup> Exod., xiv, 5. — <sup>5</sup> Exod., ix, 7. — <sup>6</sup> Exod., vii, 13. — <sup>7</sup> Rom., iii, 20. — <sup>8</sup> Rom., ii, 18. — <sup>9</sup> Psal. cxxix, 44.

#### *Articulus quartus.*

Quantum ad quartum, subditur : *Meditatus sum* : ecce victoris aspectus. Sed nota, quod non simpliciter, sed multipliciter meditatus, quantum ad divina beneficia, humana maleficia, et divina judicia : quorum hæc præterita, hæc præsentia, hæc futura. De primis Psalmista dicit<sup>10</sup> : « Meditatus sum in omnibus operibus tuis, » quoad beneficia præterita. De aliis Prophetæ psallit<sup>11</sup> : « Meditatus sum nocte cum corde meo; » et hoc quoad maleficia præsentia. De reliquis<sup>12</sup> : « In mensura contra mensuram, cum abjecta fuerit, judicabit eam, meditatus est in spiritu suo duro, » etc., quoad judicia futura, mensuram pœnæ contra mensuram culpæ mysticæ (a) Domini vineæ reddituram.

#### *Epilogus.*

Ex prædictis potest clarescere mens Prophetæ proponentis victoriam tentatoris, et dicentis in persona victoris : *Coagulatum est sicut lac*, quantum ad tentatoris et satellitum ejus defectum, quo ligatur eorum potentia; *Cor eorum*, quantum ad effectum, quo instigatur ipsorum malevolentia; *Ego vero legem tuam*, quoad victoris proiectum, quo levigatur ejus patientia; *Meditatus sum*, quoad ipsius aspectum, quo investigatur sapientia, per quam vincitur malitia.

#### *VERSICULUS VII.*

71. *Bonum mihi, quia humiliasti me*, etc. Post præcedentis conservationis indicia, quæ sunt tentationis resistentia, et tentatoris victoria, sequitur tertium, quod est peccati displicentia, quæ probatur in hoc versu, velut a contrario sensu. Nam probato, quod beneplacitum sit humiliari, illuminari, justificari, ex opposito probatur, quod maleplacitum sit inflari, obsecrari, prævaricari : quorum primum pertinet ad remorsionem; secundum, ad delectationem; tertium, ad assensionem; quartum, ad operationem.

#### *Articulus primus.*

Ad beneplacitum respicit, quod Prophetæ prædicit : *Bonum mihi*, quasi dicat : Beneplacet mihi. Si autem propositum est beneplacitum, et oppositum est maleplacitum. Et notandum, quod perfectum beneplacitum debet habere

<sup>10</sup> Psal. cxlii, 5. — <sup>11</sup> Psal. lxxxvi, 7. — <sup>12</sup> Isa., xxvii, 8. — (a) Edit. Ven. mystica.

testimonium tripartitum, scilicet inferius, superius, et exterius; hoc est, respectu sui, respectu Dei, et respectu proximi. Prima conditio legitur<sup>1</sup>: « Si bonum est in oculis vestris, afferte (a) mercedem meam: » ecce beneplacitum, quantum ad interius testimonium. Secunda conditio scribitur<sup>2</sup>: « Fecit Asa quod bonum et placitum erat in conspectu Dei: » ecce beneplacitum, quantum ad superius testimonium. Tertia conditio traditur ab Apostolo<sup>3</sup>: « Providimus bona non solum coram Deo, sed etiam coram hominibus: » ecce beneplacitum, quantum ad exterius testimonium.

#### *Articulus secundus.*

Ad humiliationem pertinet, quod prædictis consequenter cohaeret: *Quia humiliasti me*, scilicet conscientia castigante, non concupiscentia instigante; dolore inflammante, non delectatione inflante. Et nota quod Dominus aliter humiliat incipientem, aliter proficiem, aliter perfectum: primum, ad pœnitendum; secundum, ad patiendum; tertium, ad compatiendum. De primo possumus accipere illud Psalmistæ<sup>4</sup>: « Cognovi, Domine, quia æquitas judicia tua, et in veritate tua humiliasti me, » scilicet humiliatione pœnitentiae. De secundo recte satis exponitur, quod proponitur<sup>5</sup>: « Cur vocatis me Noemi, id est, pulchram, quain Dominus humiliavit, » scilicet humiliatione patientiae? De tertio patenter intelligitur, quod legitur<sup>6</sup>: « Timeo, ne iterum cum venero, humiliet me Deus apud vos, » scilicet humiliatione compatientiae; unde sequitur: « Et lugeam multos ex iis, qui ante peccaverunt, et non egerunt pœnitentiam. »

#### *Articulus tertius.*

Ad illuminationem refertur, quod illico subinfertur: *Ut discam*, scilicet gratia illustrante, non malitia excæante. Hic possumus notare, quod tripliciter contingit discere, videlicet experimento, exemplo, intimo documento: quorum primum præcipue habet locum in physicis; secundum, in ethicis; tertium, in divinis. De primo<sup>7</sup>: « Experimento didici, quod benedixerit mihi Deus propter te, » scilicet quantum ad multiplicationem animalium: ecce experimentum physicum. De secundo<sup>8</sup>: « Exemplo

didici disciplinam: » ecce exemplum ethicum. De tertio<sup>9</sup>: « Notum vobis facio, fratres, Evangelium, quod evangelizatum est a me, quia non est secundum hominem: neque enim ego a homine accepi illud, neque didici, sed per revelationem Jesu Christi: » ecce intimum documentum.

#### *Articulus quartus.*

Ad justificationem spectat quod restat: *Justificationes tuas*, non prævaricationes meas. Et nota, quod justifications istas debemus discere tripli ratione: quia dirigunt in consiliis, in judiciis, in exercitiis: quorum primum spectat ad deliberationem; secundum, ad electionem; tertium, ad executionem. De primo scribit Psalmographus<sup>10</sup>: « Consilium meum justificationes tuæ; » ecce consilium deliberationis. De secundo similiter ait Psalmographus<sup>11</sup>: « Ad confitendum tibi super judicia justificationis tuæ: » ecce judicium electionis. De tertio quoque psallimus<sup>12</sup>: « Exercebor in justificatiis tuis: » ecce exercitium executionis.

#### *Epilogus.*

Et hoc est, quod psallitur per Prophetam intimantem peccati displicantiam: *Bonum mihi*: ecce beneplacitum contra maleplacitum remorsionis; *quia humiliasti me*: ecce humiliatio contra inflationem delectationis; *ut discam*: ecce illuminatio contra excæcationem assensionis; *justificationes tuas*: ecce justificatio contra prævaricationem operationis.

#### *VERSICULUS VIII.*

72. *Bonum mihi lex oris tui*, etc. Praecesserunt tria conversationis indicia, videlicet tentationis resistentia, tentatoris victoria, peccatorum displicantia, totidem versibus prenotata. Succedit quartum, scilicet mandatorum complacentia, quam subnotat quadrifida versus præsentis continentia. Causatur autem præhabita mandatorum complacentia ex quadripartita ipsorum circumstantia: puta, quia correctiva, quia directiva, quia erectiva, quia perfectiva: nam mundanum affectum corrigunt, aspectum dirigunt, auditum erigunt, et ad mundi contemptum accingunt.

<sup>1</sup> Zach., xi, 12. — <sup>2</sup> II Paralip., xiv, 2. — <sup>3</sup> II Cor., viii, 11. — <sup>4</sup> Psal. hoc, 73. — <sup>5</sup> Ruth, 1, 21. — <sup>6</sup> II Cor., ii, 21. — <sup>7</sup> Gen., xxx, 27. — <sup>8</sup> Prov., xxiv,

<sup>9</sup> Gal., 1, 12. — <sup>10</sup> Psal. hoc, 24. — <sup>11</sup> Ibid., 62. — <sup>12</sup> Ibid., 23.

(a) *Cat. edit.* auferte.

*Articulus primus.*

Primum notatur, cum scribitur : *Bonum mihi.* Bonum profecto, quod habet locum in novitatis principio, est vetustatis correctio. Hanc autem facit mandatum, prohibendo peccatum, et præcipue peccatum incontinentiae, peccatum incompliantiae, peccatum inconfidentiae : quorum primum exordinat hominem respectu sui; secundum, respectu proximi; tertium, respectu Dei. De primo<sup>1</sup> : « *Bonum est homini mulierem non tangere :* » ecce bonum correctivum incontinentiae. De secundo<sup>2</sup> : « *Bonum est te sustentare justum :* » ecce bonum correctivum incompliantiae. De tertio canitur in Psalterio<sup>3</sup> : « *Bonum est confidere in Domino, quam confidere in homine :* » ecce bonum correctivum inconfidentiae.

*Articulus secundus.*

Secundum subnotatur, cum subditur : *Lex.* Quid enim est lex, nisi lux? et quid lux, nisi dux? Aspectus igitur, lege lucente et ducente, dirigitur. Et nota, quod lex dirigit humanum aspectum respectu interiorum, respectu superiorum, respectu inferiorum : docet enim recte vivere in se, recte subesse, et recte praesesse. Propter primum dicitur lex vitae<sup>4</sup> : « *Legem vitæ hæreditavit illos,* » scilicet parentes primos. Propter secundum dicitur lex disciplinæ<sup>5</sup> : « *Dedit illi, scilicet Moysi, cor ad præcepta, et legem vitæ et disciplinæ,* » id est, legem docentem recte esse et subesse. Propter tertium dicitur lex clementiae<sup>6</sup> : « *Lex clementiae in lingua ejus.* » Haec lex in ejus lingua est, qui recte praest.

*Articulus tertius.*

Tertium annotatur, cum additur : *Oris tui;* quoniam ad audiendum os Domini debet auditus erigi. Sed nota, quod oris Domini sunt auditores diversi : quidam increduli; quidam subdoli; quidam creduli. Primi sunt filii contradictionis; secundi, filii maledictionis; tertii, filii benedictionis. Primi præsignantur in Aaron sacerdote, de quo Dominus<sup>7</sup> : « *Pergat, inquit, Aaron ad populos suos; non enim intrabat terram, quam dedi filiis Israel, eo quod incredulus fuit ori meo ad aquas contradictionis.* »

<sup>1</sup> *Cor.*, vii, 1. — <sup>2</sup> *Eccle.*, vii, 19. — <sup>3</sup> *Psal.* cxvii, 8. — <sup>4</sup> *Eccle.*, xvii, 9. — <sup>5</sup> *Eccle.*, xlvi, 6. — <sup>6</sup> *Prov.*, xxxi, 26. — <sup>7</sup> *Num.*, xx, 24. — <sup>8</sup> *Luc.*, xi, 52, 53.

Secundi consignantur in illis, de quibus dicitur a Domino<sup>8</sup> : « *Væ vobis legisperitis, qui tulistis clavem scientie;* » et infra : « *Cœperunt pharisæi et legisperiti graviter insistere, et os ejus opprimere, de multis insidiantes ei, et querentes capere aliquid ex ore ejus, ut accusarent eum.* » Terti designantur in Paulo, de quo scribitur<sup>9</sup> : « *Deus patrum nostrorum præordinavit te, ut cognosceres voluntatem ejus, et videres Justum, et audires vocem ex ore ejus.* »

*Articulus quartus.*

Quartum denotatur, cum dicitur : *Super milia auri et argenti.* In quo notatur contemptus mundi : nam *aurum et argentum* notant mundialium appetibilium qualitatem; *millia*, quantitatem; *super*, superabilitatem, et per consequens contemptibilitatem. Et nota, quod bona spiritualia sunt bonis temporalibus potiora : est enim auro et argento justitia melior, prudentia pretiosior, gratia superior. Quod namque mundana concupiscentia magnipendit, hoc justitia parvipendit, prudentia vilipendit, gratia naucipendit<sup>(a)</sup>. Bona quippe fortunæ parva sunt respectu justitiae, vilia respectu prudentiae, nulla respectu gratiae. De primo<sup>10</sup> : « *Salus animæ in sanctitate justitiae, et melior est omni auro et argento :* » ecce justitia melior. De secundo<sup>11</sup> : « *Beatus homo, qui affluit prudentia :* melior est acquisitio ejus negotiatione auri et argenti; primi et purissimi fructus ejus; pretiosior est cunctis opibus; » ecce prudentia pretiosior. De tertio<sup>12</sup> : « *Super argentum et aurum gratia bona.* » Quod si verum de gratia humana, multo fortius de divina; ecce gratia superior.

*Epilogus.*

Ex præmissis propheticum patet eloquium, circa cœlestium complacentiam mandatorum; ait enim : *Bonum mihi*, quoniam affectum meum corrigit; *lex*, quæ aspectum dirigit; *oris tui*, quod auditum erigit; *super millia auri et argenti*, quia per temporalium renuntiationem ad perfectionem accingit.

*VERSICULUS IX.*

73. *Manus tue fecerunt me, etc.* Bonitatem inferiorem ad justificationem animæ pertinentem audivimus in octonario præcedenti; bonitatem

<sup>9</sup> *Act.*, xxii, 14. — <sup>10</sup> *Eccle.*, xxx, 15. — <sup>11</sup> *Prov.*, iii, 4. — <sup>12</sup> *Prov.*, xxii, 1. — (a) *Leg.* nihil pendit.

superiorem ad justificatæ magnificationem animæ attinentem audire possumus in presenti. Hæc autem bonitas animam justificatam magnificat, provehendo rationem ad amorem veritatis, sicut ostendit quaternarius primus, et affectionem ad amorem charitatis, sicut ostendit secundus. Ratio autem provehitur ad amorem veritatis indicantis, kæfificantis, judicantis, rectificantis, ut patebit in quatuor versibus proxime sequentibus. Versus primus, sicut patet ex quatuor membris ejus, declarat provecutum rationis ad amorem veritatis indicantis; quoniam in ipso postulatur ore propheticæ, a magnificientia divinitatis, affectiva humanitatis, influentia veritatis, indicativa imperatoriæ voluntatis: ecce postulatio fidelis, fiducialis, humilis et utilis.

#### *Articulus primus.*

Ad primum pertinet, quod dicitur: *Manus tuæ*. Enimvero manus istæ non physice, sed metaphorice sunt divinæ signa munificentiaæ, sive divinitatis magnificæ. Et nota, quod manus Domini videntur attestari aliquando divinæ potentie, aliquando sapientie, aliquando bonitati: potentie quippe, tanquam omnium operativæ; sapientie, tanquam ignorantium illuminativæ; bonitati quoque, tanquam infirmitum sanativæ. De primo<sup>1</sup>: « Opera manuum tuarum ne despicias: » ecce manus operativæ. De secundo<sup>2</sup>: « In manibus abseondit lucem, et præcipit ei, ut rursus adveniat: » ecce manus illuminativæ. De tertio<sup>3</sup>: « Increpationem Domini ne reprobes, quia ipse vulnerat, et medetur; perecut, et manus ejus sanabunt: » ecce manus sanativæ.

#### *Articulus secundus.*

Ad secundum attinet, quod subditur: *fecerunt me, et plasmaverunt me*: ut factio referatur ad hominem interiorem; plasmatio autem ad exteriorem. Vel aliter: *Fecerunt me, seminaliter in primordiali materia; et plasmaverunt, originaliter in protoparentis persona, de qua processit universa humanitatis natura*. Et nota, quod Dominus legitur facere, et plasmare tripliciter: quandoque generaliter; quandoque specialiter; quandoque singulariter. Primum respicit creaturam mundanam; secundum, naturam humanam; tertium, determinatam per-

sonam. De primo<sup>4</sup>: « Tu fecisti omnes terminos terræ, æstatem, et ver, tu plasmasti ea: » ecce facere et plasmare respectu creaturæ mundanæ. De secundo<sup>5</sup>: « Quasi lutum siguli in manu ipsius plasmare et disponere illud: omnes via ejus secundum dispositionem ejus; sic homo in manu illius, qui se fecit: » ecce facere et plasmare respectu naturæ humanæ. De tertio<sup>6</sup>: « Manus tua fecerunt me, et plasmaverunt me totum in eireni: » ecce facere et plasmare respectu determinatæ personæ.

#### *Articulus tertius.*

Ad tertium spectat, quod additur: *Da mihi intellectum*, inspirando intellectualem luculentiam, per divine veritatis effulgenciam, ad acuendam humanam intelligentiam. Et nota, quod intellectualis luculentia divinitus inspiratur ad tria: ad querendum, ad videndum, ad fruendum. Prima est sapientie initiativa: secunda provecitiva; tertia perfectiva. De prima psallit Propheta<sup>7</sup>: « Da mihi intellectum, et scrutabor legem tuam: » hic petitur intellectus donum ad querendum. De secunda<sup>8</sup>: « Da mihi intellectum, ut sciam mandata tua: » hic idem donum petitur ad videndum. De tercia<sup>9</sup>: « Intellectum da mihi, et vivam: » hic ipsum donum petitur ad fruendum. Primo modo petitur in proposito: nam quod petitur ad discendum, vel scrutandum, petitur ad quærendum.

#### *Articulus quartus.*

Ad quartum respicit, quod superadditur: *Ut discam mandata tua*. Nulli dubium, quin divinum mandatum vel imperium sit imperatoriæ voluntatis indicium. Ad hujus divinæ voluntatis devotum ministerium indicandum per divine veritatis magisterium, anhelat voluntatis humanæ pietas per desiderium. Et nota breviter, quod discere debemus tripliciter, videlicet diligenter, patienter, sapienter: diligenter quidem discimus, si veritatem scientiae retinemus; patienter discimus, si asperitatem experientie sustinemus; sapienter discimus, si sinceritatem conscientiae obtinemus. De primo seribitur<sup>10</sup>: « Herodes, clam vocatis Magis, diligenter didicit ab eis tempus stellæ, que apparuit eis: » ecce discendi diligentia. Accipiamus secure diligentiam, non discentes mali-

<sup>1</sup> *Psal. cxxxvii*, 8. — <sup>2</sup> *Job, xxxvi*, 32. — <sup>3</sup> *Job, v*, 17. — <sup>4</sup> *Psal. lxxiii*, 17. — <sup>5</sup> *Eccli., xxviii*, 13. —

<sup>6</sup> *Job, x*, 18. — <sup>7</sup> *Psal. hoc*, 34. — <sup>8</sup> *Ibid.*, 425. — <sup>9</sup> *Ibid.*, 144. — <sup>10</sup> *Matth., II*, 7.

tiam ab Herode. De secundo <sup>1</sup> : « Cum esset filius Dei , didicit ex his , quæ passus est , obedientiam : » ecce discendi patientia. De tertio <sup>2</sup> : « Mens mea contemplata est multa sapienter , et didici : » ecce discendi sapientia.

## Epilogus.

Ex his clarescere potest proposita vox Prophætæ, vicem gerentis animæ, ad amorem veritatis indicantis proiectæ : ait enim fideliter : *Manus tuae*; in quo magnificèntia divinitatis; subdit fiducialiter : *Fecerunt me, et plasmaverunt me*; in quo efficientia humanitatis. Addit humiliter : *Da mihi intellectum*; in quo influentia veritatis; superaddit utiliter : *Ut discam mandata tua*; in quo evidentia imperatoria voluntatis.

## VERSICULUS X.

**74. Qui timent te, videbunt me,** etc. Præcessit amor veritatis indicantis, et succedit amor veritatis lætificantis, quam describit versus istius continentia quadriñembris. Cupiens enim illuminari Propheta, illuminationem postulat per hæc verba : *Qui timent, etc.*, tanquam aperte dicens : Populum diffidentem, me videntem, facies arridentem, cum illuminaveris famulum confidentem, et sic per pavorem concipientem stuporem, et parientem favorem, introduces amorem : quoniam in diffidente pavor, in vi-dente stupor, in arridente favor, in confidente amor.

*Articulus primus.*

Quantum ad primum, Propheta predixit : *Qui timent te*, et ideo diffidunt de te, quia timor est causa diffidentie. Sed nota, quod multi timent multifarie : quidam namque timent voluntarie, sicut probi ; quidam necessarie, sicut reprobi ; quidam temerarie, sicut pigri. De timore primo <sup>3</sup> : « Obscero, Domine, sit auris tua attendens ad orationem servorum tuorum, qui volunt timere nomen tuum : » ecce timor voluntarius. De secundo scribitur ab Apostolo <sup>4</sup> : « Si malum feceris, time : non enim sine causa gladium portat : » ecce timor necessarius. De tertio servus piger ait Domino <sup>5</sup> : « Timui, quia homo austerus es, » etc. : ecce timor temerarius. Timor primus non causat diffidentiam; sed secundus, et tertius.

<sup>1</sup> *Hebr.*, v, 8. — <sup>2</sup> *Eccle.*, i, 16. — <sup>3</sup> *II Esdr.*, i, 11. — <sup>4</sup> *Rom.*, XIII, 4. — <sup>5</sup> *Luc.*, XIX, 21. — <sup>6</sup> *Rom.*, XI, 22. — <sup>7</sup> *Ibid.* — <sup>8</sup> *I Joan.*, III, 1. — <sup>9</sup> *Psal.* CVI,

*Articulus secundus.*

Quantum ad secundum, adjunxit : *Videbunt me*, et idcirco stupebunt super me, pro novi luminis visione, quasi pro cœci illuminatione. Et nota, quod vicini debent in nobis videre divinam severitatem, bonitatem, et charitatem, quantum ad transgredientium cautelam, regredientium medelam, progredientium suadelam. De primo <sup>6</sup> : « Vide in eos, qui ceciderunt, severitatem : » ecce visio severitatis respectu transgredientium. De secundo <sup>7</sup> : « Vide in te bonitatem Dei, si permanseris in bonitate : » ecce visio bonitatis respectu regredientium. De tertio <sup>8</sup> : « Videte, qualem charitatem dedit nobis Deus Pater, ut filii Dei nominemur, et simus : » scilicet, ut filii lucis, ambulando de bono in melius : ecce visio charitatis respectu progradientium.

*Articulus tertius.*

Quantum ad tertium, annexuit : *Et lætabuntur*, mihi collætando favore benevolo. Et nota, quod diversi collætantur alicui, et corrident, secundum diversa quæ vident : nam alii collætantur severitati, alii bonitati, alii charitat. Recti namque lætantur pro visa severitate; pauperes, pro bonitate; ferventes, pro charitate. De primo per Prophetam psallitur <sup>9</sup> : « Videbunt recti, et lætabuntur, » ecce recti collætantes vise severitati. De secundo per Psalmistam dicitur <sup>10</sup> : « Videant pauperes, et letentur : » ecce pauperes et humiles collætantes visæ bonitati. De tertio dicitur a Domino <sup>11</sup> : « Aaron frater tuus Levites, scio, quod eloquens sit : ecce ipse egreditur in occursum tuum; vidensque te, lætabitur corde : » ecce quomodo fervidi collætantur visæ fraternitati, seu fraternæ charitati.

*Articulus quartus.*

Quantum ad quartum, adjecit : *Quia in verba tua supersperavi* : super quem meam radicavi fiduciam, et fundavi. Et nota, quod securè fiducia fundatur humana super verba divina; quoniam illa verba non sunt seductoria, nec transitoria, sed confirmatoria : quia revera non sedueunt, tanquam vana; non transeunt, tanquam mundana; sed confirmant, tanquam supermundana. De primo <sup>12</sup> : « Nemo vos seducat inanibus verbis. » Hic improbans Apo-  
42. — <sup>10</sup> *Psal.* LXVIII, 33. — <sup>11</sup> *Exod.*, IV, 6. — <sup>12</sup> *Ephes.*, v, 6.

stolus verba seductoria et vana , probat verba divina non esse seductoria, neque vana : ecce verba non seductoria, tanquam vana. De secundo<sup>1</sup> : « Cœlum et terra transibunt; verba autem mea non transibunt : » ecce verba non transitoria, tanquam mundana. De tertio dicit Psalmista<sup>2</sup> : « Confirmā me in verbis tuis, » qui<sup>3</sup> « verba vite æternæ habes : » ecce verba confirmatoria, tanquam supermundana.

#### Epilogus.

Et hoc est, quod psallit Propheta, tanquam persona ad amorem veritatis lætificantis proiecta : *Qui timent te, quantum ad pavorem populi diffidentes; Videbunt me, quantum ad stuporem videntis; Et lætabuntur, quantum ad favorem arridentis, vel aggaudentis; Quia in verba tua supersperavi, quantum ad amorem famuli confidentis.*

#### VERSICULUS XI.

*73. Cognovi, Domine, quia æquitas judicia tua, etc.* Veritatem indicantem, et lætificantem vidistis, si voluistis, in duobus versibus prænotatis; veritatem judicantem videtote, si vultis, in tenore quadrifido versus præsentis, in quo relucet veritatis radius indicativus cœlestium decretorum, et radius ejusdem indicativus terrestrium delictorum : quorum primum pertinet ad notitiam ; secundum, ad justitiam ; tertium, ad sententiam ; quartum, ad inanem gloriam.

#### Articulus primus.

Ad primum spectat, quod Propheta prælibat: *Cognovi, Domine, scilicet veritatis tuae radio indicante: nisi enim radius divinae veritatis in oculum rationis incideret, rationis oculus non viseret.* Et nota, quod mediante hoc veritatis radius, datur alicui secrerorum cognitio, respectu Dei, respectu sui, respectu proximi: quantum ad æternam præscientiam; quantum ad internam gratiam; quantum ad fraternalm conscientiam. De primo per Prophetam psallitur<sup>4</sup> : « In hoc cognovi, quoniam voluisti me; quoniam non gaudebit inimicus meus super me; » quasi dicat aperte : In hoc cognovi voluntatem tuam electricem, quod fecisti voluntatem meam victricem. Probatio enim electionis, est propulsatio tentationis. Ecce cognitio æternæ præ-

Radius  
veritatis

<sup>1</sup> *Luc.*, xxii, 33. — <sup>2</sup> *Psal.* hoc, 38. — <sup>3</sup> *Joan.*, vi, 69. — <sup>4</sup> *Psal.* XL, 12. — <sup>5</sup> *Psal.* LV, 10. — <sup>6</sup> *Jerem.*,

scientiæ. De secundo per Psalmistam canitur<sup>5</sup> : « In quacumque dic invocavero te, ecce cognovi, quoniam Deus meus es; » ac si dicat expresse : Quoniam invocanti semper ades, cognovi quod per gratiam inhabitantem mecum es. Experimentum enim divinæ familiaritatis, argumentum est charitatis. Ecce cognitio internæ gratiæ. De tertio, ubi dicit Propheta Domino<sup>6</sup> : « Tu, Domine, demonstrasti mihi, et cognovi; tu ostendisti mihi studia eorum, » scilicet sententias animorum, seu conscientias proximorum : ecce cognitio fraternalæ conscientiæ.

#### Articulus secundus.

Ad secundum respicit, quod littera sequens dicit : *Quia æquitas judicia tua.* Ista namque iudicia sunt decreta cœlestia, quæ dicuntur æquitas, non æquata, quia non aliunde *justificata*, quam *per se ipsa*, juxta verbum propheticum<sup>7</sup>, et ideo « desiderabilia super aurum, et dulcia super favum. » Et nota, quod hæc decreta, sive iudicia, decrevit justitia, sprevit injustitia, implevit innocentia. Quæreris, quæ? An nescis, quia dominicum est illa decernere, diabolicum spernere, angelicum adimplere? Propterea psallit Propheta de primo<sup>8</sup> : « In æternum omnia iudicia justitiae tuæ. » Quisnam potest æterna dictare iudicia, nisi æterna justitia? Iterum de secundo<sup>9</sup> : « Sprevisti omnes discedentes a iudiciis tuis, quia injusta cogitatio eorum : » quorum, nisi spirituum apostaticorum, quia iudicia felicia spreverunt, et iudicia infelicia meruerunt. Rursus de tertio<sup>10</sup> : « A iudiciis tuis non declinavi, quia tu legem posuisti mihi : » cui namque, quæso, magis hoc congruit, quam angelicæ sanctitati? Sed numquid angeli sunt sub lege? Utique; sed libertatis perfectæ, de qua scribitur ab Augustino<sup>11</sup> : « Libertas nulla vera est, nisi bonorum, et legi æternæ adhaerentium. »

#### Articulus tertius.

Ad tertium refertur, quod subinfertur : *Et in veritate tua.* Qna veritate? Non indicante, sed judicante; non indice scientiæ, sed judice conscientiæ. Hic est veritatis radius, non speculatorius, sed activus; non indicativus cœlestium decretorum, sed indicativus terrestrium delictorum. Et nota de veritate proposita, quod ipsa iudicium educit, justum deducit, in supernam

<sup>11</sup> 18. — <sup>7</sup> *Psal.* XVIII, 10, 11. — <sup>8</sup> *Psal.* hoc, 160. —

<sup>9</sup> *Ibid.*, 418. — <sup>10</sup> *Ibid.*, 102. — <sup>11</sup> Aug., *de lib. Arb.*, lib. I.

Hierusalem introducit: educit quippe in confessione; deducit in satisfactione; introducit in consummatione. De primo<sup>1</sup>: « In veritate educet judicium: non erit tristis, neque turbulentus; » quasi diceretur aperte; in veritate conscientiam judicante, educet judicium in confessione; non erit tristis, neque turbulentus in satisfactione. De secundo scribitur<sup>2</sup>: « Propter veritatem, et mansuetudinem, et justitiam deducet te mirabiliter dextera tua: » ecce tria justum deducentia: veritas judicativa, pœnitentialis judicii eductiva; mansuetudo, educti judicii susceptiva; et justitia, suscepti judicii executiva. De tertio<sup>3</sup>: « Aperite portas, et ingrediatur (a) gens justa, et custodiens veritatem. » Illis siquidem porta superne Hierusalem finaliter aperitur, a quibus veritas non tantum scientiae, sed conscientiae custoditur.

#### *Articulus quartus.*

Ad quantum pertinere dignoscitur, quod consequenter dicitur: *Humiliasti me*. Haec humiliatio est vanitatis expiatio. Veritas mentem tumentem humiliat, quando tumorem expiat. Et nota, quod veritas humiliat mentem per mœrem, pudorem, laborem: mœror humiliat in contritione; pudor, in confessione; labor, in satisfactione. De primo<sup>4</sup>: « Mœror in corde viri humiliabit eum, » scilicet in contritione. De secundo<sup>5</sup>: « Presbytero humiliata animam tuam, » scilicet in confessione. De tertio scribitur<sup>6</sup>: « Humiliabam in jejunio animam meam, » scilicet in satisfactione.

#### *Epilogus.*

Ait ergo Prophetæ, judicium veritatis insinuans per hæc verba: *Cognovi, Domine*, in quo veritas indicativa, quæ spectat ad notitiam; *Quia æquitas judicium tua*, in quo decreta cœlestia, quæ spectant ad justitiam; *Et in veritate tua*, in quo veritas judicativa, quæ spectat ad sententiam; *Humiliasti me*, in quo delicta terrestria, quæ spectant ad inanem gloriam.

#### *VERSICULUS XII.*

76. *Fiat misericordia tua*, etc. Veritas superiora indicans, exteriora lætificans, interiora judicantis, hactenus claruit; veritas inferiora rec-

<sup>1</sup> Isa., XLII, 3, 4. — <sup>2</sup> Psal. XLIV, 5. — <sup>3</sup> Isa., XXVI, 2. — <sup>4</sup> Prov., XII, 25. — <sup>5</sup> Eccl., IV, 7. — <sup>6</sup> Psal. XXXIV, 13. — <sup>7</sup> II Esdr., IX, 27, 28. — <sup>8</sup> Psal. XCIII,

tificans hic clarescit: sicut enim colligitur ex quatuor articulis versus præsentis, post veritatis judicium, sequitur hoc beneficium, quod affectus contractus inferius, et constrictus interius, sublevatur superius, et dilatatur exterius. Quid contrahit ipsum inferius? Timor pœnæ. Quid constringit interius? Dolor culpæ. Quid sublevat superius? Spes venie. Quid dilatat exterius? Amor justitiae.

#### *Articulus primus.*

Primum quidem articulum prænotavit Prophetæ, cum ait: *Fiat misericordia tua*; quia plane vox ista procedit ex timore pœnæ inferius contrahente: nisi enim formidasset misericordiam, nequam postulasset misericordiam. Et nota, quod est misericordia tripartita, videlicet misericordia liberans, adjuvans, et coronans: quarum prima est necessaria regredientibus, secunda progradientibus, tertia egredientibus. De prima<sup>7</sup>: « *Conversi sunt, et clamaverunt ad te*; tu autem de cœlo exaudisti, et liberasti eos in misericordiis tuis: » ecce misericordia regredientes liberans. De secunda psallit Prophetæ<sup>8</sup>: « *Si dicebam: Motus est pes meus, misericordia tua, Domine, adjuvabat me*: » ecce misericordia progradientes adjuvans. De tertia canit Psalmista<sup>9</sup>: « *Qui coronat te in misericordia*, » etc.: ecce misericordia egredientes coronans, vel secundum rem, vel saltem secundum spei.

#### *Articulus secundus.*

Secundum articulum subnotavit, cum subdividit (a): *Ut consoletur me, contra culpæ dolorem interius constringentem*: cum enim consolationem depositit, desolationem intrinsecam recognoscit. Et nota, quod aliter consolatur Deus, aliter homo, aliter diabolus: Deus, inspirando; homo, sermocinando; diabolus, somniando. De primo<sup>10</sup>: « *Namquid grande est, ut consoletur te Deus?* » ecce consolatio divina. De secundo<sup>11</sup>: « *Utinam esset anima vestra pro anima mea, consolarer et ego vos sermonibus:* » ecce consolatio humana. De tertio<sup>12</sup>: « *Divini viderunt mendacium, et somniatores locuti sunt frustra, vane consolabantur:* » ecce consolatio diabolica et vana.

#### *Articulus tertius.*

Tertium annotavit, cum addidit: *Secundum 18. — 9 Psal. CII, 4. — 10 Job, xv, 11. — 11 Job, XVI, 4. — 12 Zach., VIII, 2. — (a) Edit. Ven. ingreditur. — (b) Item subdit.*

Misericordia triplex.

*eloquium tuum.* Cujusmodi eloquium? Non pœnæ comminatorium, sed venieæ promissorium; non contractivum inferius, sed sublevativum superius. Et nota, quod supercœlestis eloquium est sublevativum animarum subcœlestium per fidem, spem, amorem: fides sublevat viam rationabilem; spes, irascibilem; amor, concupiscibilem. De primo per Prophetam psallitur<sup>1</sup>: « Gressus meos dirige secundum eloquium tuum: » vox est vis rationabilis per fidem sublevari querentis. De secundo per Psalmistam canitur<sup>2</sup>: « Suscipe me secundum eloquium tuum, et vivam, et non confundas me ab expectatione mea: » vox est irascibilis, per spem sublevari petentis. De tertio in eadem scriptura conserbitur<sup>3</sup>: « Ignitum eloquium tuum vehementer, » etc.: vox est concupiscibilis, per amorem sublevari cupientis.

#### Articulus quartus.

*Servus tuus.* Quartum denotavit, cum dixit: *Servo tuo*, ad tuum et tuorum servitium parato, et sic exterius dilatato. Et notandum, quod bonum servum oportet esse bene dispositum quoad seipsum, quoad proximum, quoad Deum. Primo modo dispositus erit, si seipsum in justitia exercitaverit; secundo, si proximos aedificaverit; tertio, si Deum glorificaverit. De quorum primo dicit Psalmographus<sup>4</sup>: « Servus tuus exercebat in tuis justificationibus: » ecce servum bene dispositum quoad seipsum. De secundo legimus<sup>5</sup>: « In scientia sua justificabit ipse justus servus meus multos: » ecce servum bene dispositum quoad proximum. De tertio dicit Dominus<sup>6</sup>: « Servus meus es tu, Israel, quia in te gloriabor: » ecce servum bene dispositum quoad Deum.

#### Epilogus.

Ait ergo Propheta, rectificationem affectus insinuans, in hac forma: *Fiat misericordia tua*, quoad rectificationem affectionis, contractæ inferius per timorem; *Ut consoletur me*, quoad rectificationem ejus, constrictæ interius per dolorem; *Secundum eloquium tuum*, quoad rectificationem illius, sublevate superius per spem; *Servo tuo*, quantum ad rectificationem ipsius, dilatatae exterius per amorem.

<sup>1</sup> *Psal.* hoc, 433. — <sup>2</sup> *Ibid.*, 116. — <sup>3</sup> *Ibid.*, 140. — <sup>4</sup> *Ibid.*, 23. — <sup>5</sup> *Isa.*, LIII, 11. — <sup>6</sup> *Isa.*, XLIX, 3. — <sup>7</sup> *Isa.*, LV, 7. — <sup>8</sup> *Eccli.*, XXXVI, 4. — <sup>9</sup> *Psal.* LVIII, 17.

#### VENSICULUS XIII.

80. *Veniant mihi miserationes tuæ*, etc. Provectus rationis ad amorem veritatis innotuit inspectione quaternarii præcedentis; provectus affectionis ad amorem claritatis innotescit inspectione præsentis. Provehitur autem affectio ad amorem charitatis vivificantis, fortificantis, aedificantis, et sanctificantis, sicut patet in his binis versibus subnotatis. Primus versus quadrirembrum recipit sectionem, quoniam insinuat provectum affectionis ad charitatem, per pietatem, æquitatem, et veritatem. Veritas enim reum indicat; æquitas Deum vindicat; pietas Deum pacificat; charitas reum vivificat. Expressum ergo ore propheticæ vivificæ charitatis desiderium, sic dicendo: *Veniant mihi*, etc.; quasi dicat: Veniat pietas pacificativa, et charitas vivificativa; quia prævenit æquitas vindicativa, et veritas indicativa.

#### Articulus primus.

Pietatis adventus postulatur, cum dicitur: *Veniant mihi miserationes tuæ*; quia miserationes sunt pietatis operationes; sed operationes non veniunt preter opificem. Postulans ergo miserationes, postulare dignoscitur pietatem. Et nota, quod ait, *miserationes*, non miserationem, ad notandum miserationis divinae magnitudinem, multitudinem, et claritudinem, quæ concernunt pietatis divinae potentiam, sapientiam, bonitatem. *Et primo*<sup>7</sup>: « In miserationibus magnis congregabo te: » ecce magnitudo miserationis, concernens potentiam miserantis. De secundo<sup>8</sup>: « Ostende nobis lucem miserationum tuarum: » ecce claritudo miserationis, respiciens sapientiam miserantis. De tertio scribitur<sup>9</sup>: « Exaudi me, Domine, quoniam benigna est misericordia tua; secundum multitudinem miserationum tuarum respice in me: » ecce multitudo miserationis, bonitatem insinuans miserantis.

#### Articulus secundus.

Charitas affectari dignoscitur, cum additur: *Et vivam*; quia profecto, sicut miseratione est pietatis operatio, sic vivificatio est charitatis actio: charitas namque virtutes format, actiones vivificat, sine qua nulla meritoria, nulla viva. Et nota, ut de multis charitatis operibus colligam pauca, quod charitas vivere facit tri-

ter vive-  
re faciliter; videlicet fideliter, fiducialiter, patienter : quia sicut, Apostolo teste, liquet <sup>1</sup> : « Charitas omnia credit, omnia sperat, omnia sustinet. » De prima vita <sup>2</sup> : « Justus in fide sua vivet : » et quid est vivere in fide, nisi vivere fideliter? De secunda vita dicitur in hæc verba <sup>3</sup> : « Sive vigilemus, sive dormiamus, simul (*a*) cum illo vivamus : propter quod consolamini invicem : » et quid est vivere in Christo firmiter (*b*) et consolabiliter, nisi vivere fiducialiter? De tertia vita, scribitur sub hac forma <sup>4</sup> : « Omnes qui pie volunt vivere in Christo Jesu, persecutionem patiuntur : » quid autem est sic vivere, nisi vivere patienter?

*Articulus tertius.*

Æquitatis præventus supponitur, cum rationando proponitur : *Quia lex tua*. Ubi namque lex est, ibi æquitas est; ubi vero æquitas abest, et iniustitia adest, ibi lex esse non potest; alioquin, quod absurdum est, illegitimum legitimum est. Et nota, quod legitur in Scripturis lex mentalis, quia ligat cordis consilia; lex vocalis, quia ligat oris eloquia; lex manualis, quia ligat manuum exercitia. De primo <sup>5</sup> : « Audite me, qui scitis justum; populus meus, lex mea in corde eorum : » ecce lex mentalis, ligans cordis consilia. De secundo <sup>6</sup> : « Lex Domini semper sit in ore tuo; » ecce lex vocalis, ligans oris eloquia. De tertio <sup>7</sup> : « Dederunt ei in manus tenendam legem, et constituerunt eum regem : » ecce lex manualis, ligans manuum exercitia.

*Articulus quartus.*

Veritas etiam implicatur, cum meditatio explicatur : quia, sicut est lex insana, cui non subest æquitas; sic est meditatio vana, cui non subest veritas. Et nota, quod legis meditatio est legentis protectio, provectio, et perfectio : propter vis irascibilis munimentum; propter rationabilis documentum; propter concupisibilis implementum. Primum patet per illud Prophetæ <sup>8</sup> : « Nisi quod lex tua meditatio mea est, tunc forte periisse in humilitate mea : » ecce legis meditatio, irascibilis protectiva. Secundum liquet per illud Psalmistæ <sup>9</sup> : « Quomodo dilexi legem tuam, Domine! tota die meditatio mea est : » ecce legis meditatio, rationabilis provectiva. Tertium claret per illud propheticae psalmodiæ <sup>10</sup> : « Concupivi salutare

Legis  
medita-  
tio.

<sup>1</sup> *1 Cor.*, xiii, 7. — <sup>2</sup> *Habac.*, ii, 4. — <sup>3</sup> *1 Thess.*, v, 10. — <sup>4</sup> *II Tim.*, iii, 12. — <sup>5</sup> *Isa.*, li, 7. — <sup>6</sup> *Exod.*,

tuum, Domine, et lex tua meditatio mea est : » ecce legis meditatio, concupisibilis complextiva.

*Epilogus.*

Dicit ergo Propheta, vivificæ charitatis desiderium exprimens per hæc verba : *Veniant mihi*, charitatem affectanti; *miserationes tuæ*, ubi pietas Deum pacificans; *et vivam*, ubi charitas reum vivificans; *quia lex tua*, ubi æquitas Deum vindicans; *meditatio mea est*, ubi veritas reum judicans : quasi dicat : Quia venit veritas per viam meditationis ad vindicandum reum, et æquitas per viam legislatoris ad vindicandum Deum; veniat pietas per viam miserationis ad pacificandum Deum, et charitas per viam justificationis ad vivificantum reum.

*VERSICULUS XIV.*

78. *Confundantur superbi*, etc. Tactum est in versiculo superiore de vivificæ charitatis amore, quem quia non tanquam præsentem sentimus, tanquam absentem sitimus, et utinam incessabiliter sitiamus, ut sitiendi assiduitate, ac hauriendi aviditate semper in charitate crescamus. In hoc vero tangendum de charitatis vigore, qucm (*c*) debent Christi milites vehementer amare, et codem se viriliter amare, ut possint dicere cum Propheta : *Confundantur superbi*, etc.; quasi dicat : Confundantur accusatores, judices, et tortores; quia non prævaricabor leges superiores. Accusatores dicuntur superbi, propter superandi desiderium; judices injusti, propter injustitiæ magisterium; tortores iniqui, propter iniquitatis ministerium; leges, mandata Dei, propter divinum imperium. Ecce quatuor articuli hujus versiculi.

*\* Articulus primus.*

Quantum ad primum, dicitur : *Confundantur superbi*. Isti superbi sunt accusatores acerbii, accusantes adversus electos Dei, qui dum fidei veritatem truculentis tormentis, quasi cruentis argumentis improbare conantur, ipsi improbatores improbi improbatæ propria improbabuntur, et volentes, nec valentes veritatis testes confundere, confusione propria confunduntur. Hic potest notari de superbis hujusmodi, quod merito confunduntur, illuduntur, et in caminum

Accu-  
satores  
superbi.

<sup>8</sup> *Psal.* hoc, 77.  
<sup>9</sup> *Ibid.*, 97. — <sup>10</sup> *Ibid.*, 174. — (*a*) *Edit.* *Ven.* sive.  
— (*b*) *Item* fornitur. — (*c*) *Item* quam.

igneum intruduntur. Confunduntur, inquam, per humanam patientiam; illuduntur per divinam sententiam; intruduntur per aeternam misericordiam. De primo<sup>1</sup>: « Respic eunatos superbos, et confunde eos. » Sic faciunt sancti martyres accusatores suos: ecce superbos confusos. De secundo<sup>2</sup>: « Illusio et improperium superborum, et vindicta, sicut leo insidiatur, » scilicet in divino judicio: ecce superbos illusos. De tertio<sup>3</sup>: « Ecce dies veniet succensa, quasi caminus, et erunt omnes superbi, et omnes facientes iniuriam stipula, et inflammabit eos dies veniens, » scilicet dies calamitatis et misericordiae: ecce superbos in caminum ignis intrusos.

#### *Articulus secundus.*

Quantum ad secundum articulum, additur: *Quia injuste*, hoc est, injusto judice mediante. *Judex* iste igitur agit injuste, tanquam magister injustitiae, aut adulteri justitiae, quoniam iniquitatem determinat, aut justitiam contaminat. *Judex injustus.* Et nota de injusto judice, quod tripliciter potest injuste agere, quantum ad potestatem judicariam, quantum ad justitiam, quantum ad iniquitatem: quia potest injuste potestatem assumere; potest justitiam vendere; potest iniquitatem judicare. De primo<sup>4</sup>: « Qui potestatem sibi assumit injuste, odietur »: ecce injusta assumptio. De secundo<sup>5</sup>: « Qui acervat ex animo suo injuste, aliis congregat; sic faciunt, qui justitiam vendunt: » ecce justitiae venditio. De tertio<sup>6</sup>: « Non facies quod iniquum est, nec injuste judicabis: » hic prohibetur inusta meditatione.

#### *Articulus tertius.*

Quantum ad tertium, scribitur: *Iniquitatem fecerunt in me*, ipsi iniqui persecutores, sententiae effectui mancipantes sententiam pœnam, seu pœnalem sententiam. Et nota, quod iniuitas executoria videtur tripartita, videlicet ablativa, translativa, illativa, secundum quod punitur quispiam quantum ad substantiam, vel patriam, vel personam. De primo<sup>7</sup>: « Nescierunt rectum facere, dicit Dominus, thesaurizantes iniquitatem, et rapinam in aedibus suis: » ecce iniquitas ablativa. De secundo, ubi dicitur de predictis iniquitatis ministris<sup>8</sup>: « Lassati sumus in via iniquitatis, et perditionis: » ecce iniquitas translativa. De tertio<sup>9</sup>: « Iniquitas

<sup>1</sup> Job, XL, 6. — <sup>2</sup> Eccli., XXVII, 31. — <sup>3</sup> Malac., IV, 1. — <sup>4</sup> Eccli., XX, 8. — <sup>5</sup> Eccli., XIV, 4. — <sup>6</sup> Levit., XIX, 15. — <sup>7</sup> Amos, III, 10. — <sup>8</sup> Sap., V, 7. —

surrexit in virgam impietatis: » ecce iniquitas illativa.

#### *Articulus quartus.*

Quantum ad quartum, subscriptur: *Ego autem exercet in mandatis tuis*; quasi dicat: Non exercet minis tyrannicis; sed exercet in mandatis dominicis: non verebor leges inferiores; sed reverebor superiores. Et nota, quod mandata moralia sunt edicta imperialia, publice promulgata, authentice confirmata, pacifice observata: promulgata proculdubio angelico ministerio; confirmata vero dominico magisterio; observata postremo catholico exercitio. De primo per Psalmistam dicitur<sup>10</sup>: « Tu mandasti; » scilicet mediantibus angelis; « mandata tua custodiri nimis: » ecce angelica promulgatio. De secundo per Prophetam psallitur<sup>11</sup>: « Fidelia mandata ejus, » scilicet Christi Domini et Magistri nostri, « confirmata in saeculum saeculi: » ecce dominica confirmatio. De tertio per ipsum Psalmographum in persona Ecclesiae catholicae scribitur<sup>12</sup>: « Servavi mandata tua et testimonia tua: » ecce pacifica conservatio.

#### *Epilogus.*

Patet itaque vox Prophetæ, vicem gerentis personæ charitatis munimine roboratae. *Confundantur*, inquit, *superbi*, quantum ad superbos accusatores; *Quia injuste*, quantum ad injustos judices; *Iniquitatem fecerunt in me*, quantum ad iniquos tortores; *Ego autem exercet in mandatis tuis*, quantum ad leges superiores.

#### VERSICULUS XV.

79. *Convertantur mihi timentes te*, etc. Charitatis (a) vivificantis et fortificantis desiderium in duobus praemissis versibus est expressum; sequitur ædificantis charitatis desiderium, per quadrum membra versus presentis seriem exprimentum. Charitatis autem ædificativæ, vel ædificantis charitativæ, desiderium debet esse deformatos informare, informatos reformati, et reformatos sibi conformare. Unde Propheta, quasi persona charitativa, et charitable ædificativa, desiderium suum exprimit per hæc verba: *Convertantur mihi*, etc., quasi dicat: Desiderio desideravi, quod deformati, informati et reformati conformentur mihi. Deformatorum est Deum tanquam judicantem timere; informatorum est

<sup>10</sup> Ezech., VII, 11. — <sup>11</sup> Psal. hoc, 4. — <sup>12</sup> Psal. cx, 8. — <sup>13</sup> Psal. hoc, 168. — (a) Edit. Vcu. Charitas.

Charitatis ædificativæ desiderium quale.

Deum tanquam testificantem noscere ; reformatum est ad Deum tanquam auctorem se convertere; conformatorum est, ejusdem famulis cohærere.

### Articulus primus.

Primus articulus non secundum seriem litteræ, sed secundum ordinem sententiae denotatur, cum dicitur : *Timentes te.* Timentes hujuscemodi dici possunt, quicumque deformati sunt : quam obrem Deum tanquam judicem pertimescunt. Ita solent timere personæ deliciosæ, desidiosæ et ambitionisæ : quarum primæ sunt per spurcitiam deformatæ ; secundæ, per pigritiam ; tertiae, per superbiam. De primo<sup>1</sup> : « Sic faciebatis filiabus Israel : et illæ timentes loquebantur vobis. » Per istas Israel filias convenienter accipimus personas delicatas, spurcitia deformatas, quæ loquuntur timentes, quasi conscientias cauterias habentes. De secundo<sup>2</sup> : « Timens abii, et abscondi talentum tuum in terra. » Verba sunt servi desidiosi, pigritia deformati. Servus iste fuit timens, sed temerarie, quia timuit proficere, non timuit deficere; negligentior ad profectum, audacior ad defectum. De tertio<sup>3</sup> : « Adonias timens Salomonem surrexit, et abiit in tabernaculum Domini, » etc. Adonias, qui regnum ambierat, personam ambitionisam superbiam deformatam designat : et ideo timens abiit, refugii locum adiit, quia conscientiae remorsum habuit.

### Articulus secundus.

Secundus articulus notatur, cum dicitur : *Et qui neverunt testimonia tua.* Qui sunt isti noscentes testimonia Dei, nisi qui (a) jam informati sunt? quam ob causam Deum non tantum judicantem, sed et testificantem agnoscunt. Sed nota de præfatis noscentibus, quid neverunt, et quid non neverunt : quidam Dei judicantis et testificantis justitiam neverunt, sed misericordiam non neverunt; quidam e contrario misericordiam neverunt, sed justitiam non neverunt; quidam vero, tam justitiam, quam misericordiam Dei judicantis et testificantis neverunt, sed diem judicii et testimonii non neverunt. Primi eccliderunt in diffidentiam; secundi, in præfidentiam; tertii tenerunt viam mediæ, scilicet confidentiam. De primo scribitur a

Psalmographo<sup>4</sup> : « Effunde iram tuam in gentes, quæ te non neverunt, et in regna, quæ nomine tuum non invocaverunt. » Isti non cognoverunt, nec invocaverunt misericordiam, et ideo deciderunt in diffidentiam. De secundo<sup>5</sup> : « Justum est apud Deum retribuere retributio nem (b) his, qui nos tribulant, » etc., « in flamma ignis dantis vindictam iis, qui non neverunt Deum : » tales non neverunt Dei justitiam, et propter hoc inciderunt in præfidentiam. De tertio<sup>6</sup> : « Qui neverunt eum, ignorant dies illius. » Hi neverunt tam justitiam, quam misericordiam; sed non neverunt diei differentiam, et idcirco perstiterunt per confidentiam.

### Articulus tertius.

Tertius articulus prænotatur, cum prædicitur : *Convertantur.* Qui convertentur, nisi qui reformati? Hæc enim conversio est reformativa expiatio. Unde notandum, quod in hac conversione debet se reformandus convertere au lucatum, quo lavandum ; ad Dominum, a quo lavandum ; ad cor suum, quod lavandum. De primo<sup>7</sup> : « Miseri estote, » scilicet interius, « et lugete, » scilicet exterius ; « Ritus vester in luctum convertatur : » ecce conversio in luctum, quo lavandum. De secundo<sup>8</sup> : « Reminiscentur et convertentur ad Dominum universi fines terræ, » hoc est sensus terrestris animæ : ecce conversio ad Dominum, a quo lavandum. De tertio<sup>9</sup> : « Qui timet Deum, convertetur ad cor suum : » ecce conversio ad cor, quod lavandum.

Reformandus quo se debet convertere.

### Articulus quartus.

Quartus vero articulus subnotatur, cum sub jungitur : *Mihi*, tanquam deformati, seu configurati mihi. Cui mihi?<sup>10</sup> « Sobrie, et juste, et pie viventi in hoc sæculo. » Quomodo? crucem bajulando, Christo famulando, salutem proximi æmulando. De primo<sup>11</sup> : « Mihi absit gloriari, nisi in cruce Domini nostri Jesu Christi ; » ecce crucis bajulatio, correspondens vitæ sobrietæ. De secundo<sup>12</sup> : « Mihi vivere Christus est : » ecce Christi famulatio, conveniens vitæ justæ. De tertio<sup>13</sup> : « Mihi omnium sanctorum minimo data est gratia hæc, in gentibus evangelizare divitias gratiæ Christi : » ecce fraternæ salutis æmulatio congruens vitæ pie.

<sup>1</sup> *Dan.*, XIII, 57. — <sup>2</sup> *Matth.*, XXV, 23. — <sup>3</sup> *III Reg.*, 1, 50. — <sup>4</sup> *Psal.* LXXXVIII, 6. — <sup>5</sup> *II Thess.*, I, 6-8. — <sup>6</sup> *Job*, XXIV, 1. — <sup>7</sup> *Jac.*, IV, 9. — <sup>8</sup> *Psal.* XXXI, 28. —

<sup>9</sup> *Ecli.*, XXI, 7. — <sup>10</sup> *Tit.*, II, 12. — <sup>11</sup> *Gal.*, VI, 14. —

<sup>12</sup> *Philip.*, I, 21. — <sup>13</sup> *Ephes.*, III, 8.

(a) *Edit.* Ven. quia. — (b) *Vulg.* tribulationem.

## Epilogus.

Quid ergo propheta desideret, et quomodo desiderium suum reseret, sic apparet: *Timentes te*, scilicet deformati, quorum est Deum judicantem timere; *Et qui noverunt testimonia tua*, videlicet informati, quorum est eum testificantem noscere; *Convertantur*, quasi reformati, quorum est ad ipsum auctorem se convertere; *Michi*, tanquam conformati, quorum est ejusdem famulis colhærere.

## VERSICULUS XVI.

80. *Fiat cor meum immaculatum*, etc. Charitas operans antecessit, quæ dicebatur ædificans; consequenter charitas sabbatizans accedit, quæ dicitur sanctificans. Nec inconcinnus nominatur hoc nomine, quoniam anima, quam charitas talis urit, semper sanctificari esurit, nunquam sibi sancta, sive sanctifica videtur; imo sua interiora intuens, suas virtutes veretur, inde confundi metuens, unde laudari meretur. Ecce quatuor charitatis sanctificantis effectus, quos hujus versus serie comprehendit Psalmographus. Quæreris, quo modo? Speculando, æmulando, verendo, atque merendo. Speculatur enim conscientiam; æmulatur munditiam; veretur justitiam, ne mereatur verecundiam.

## Articulus primus.

Conscientia, quam speculator, innotescit, cum dicit: *Cor meum*, id est, cordis prætorium, seu conscientiae consistorium. Et nota, quod in corde, vel conscientia, specialiter consideranda sunt tria, scilicet utrum mœrens, utrum pavens, utrum gaudens: hoc est, an mœreat de mali commissione; an paveat de boni omissione; an gaudeat de mali remissione, ac boni reprobatione. De corde mœrente scribitur<sup>1</sup>: « *Dolor meus super dolorem, in me cor meum mœrens*; » et<sup>2</sup>: « *Multi gemitus mei, et cor meum mœrens*; » quasi dicat: Dolet, gemit homo exterior, mœret homo interior, propter culpæ contagium, quo contaminor; propter conscientiæ cauterium, quo consignor. De corde pavente legitur<sup>3</sup>: « *Erat cor ejus*, » scilicet Ieli, « *pavens pro arca Domini*. » Arca foederis est gratia Salvatoris, quæ servatur per obedientiam, allevatur per inobedientiam, recuperatur

per poenitentiam. De corde gaudente traditur<sup>4</sup>: « *Cor gaudens exhilarat faciem*. » Plane gaudium conscientiae super reprobatione hereditatis aeternæ, non potest sic latere interius in affectu, quin pateat exterius in aspectu.

## Articulus secundus.

Munditia, quam æmulatur, elucescit, cum subdit: *Fiat immaculatum*, id est, sanctificatum, vel sanctum. Ecce laudabilis æmulatio; ecce favorabilis postulatio, videlicet cordis mundificatio, sive sanctificatio. Et nota, quod sic debemus æmulari, quod simus immaculati, tanquam divinitus electi, divinitus approbati, in expectatione possessionis pacificæ constituti. Electio pertinet ad prædestinationem; approbatio ad justificationem; possessio ad glorificationem. De primo<sup>5</sup>: « *Elegit nos in ipso, ante mundi constitutionem*, ut essemus sancti et immaculati: » ecce immaculatorum electio. De secundo canitur<sup>6</sup>: « *Novit Dominus dies immaculatorum*. » Quo modo novit! Non solum notitia simplicis visionis, qua novit universos, tam justos, quam injustos, sed notitia approbationis, qua novit tantum justos: ecce immaculatorum approbatio. De tertio<sup>7</sup>: « *Charissimi, haec expectantes, satagite immaculati et inviolati ei inveniri in pace*: » ecce immaculatorum expectatio.

Notitia simplicis visionis, et approbationis.

## Articulus tertius.

Justitia, quam veretur, clarescit, cum addit: *In justificationibus tuis*. Justificationes istæ, secundum præsentem intentionem Psalmistæ, sunt prædicationes justitiæ, ædificationes Ecclesiæ. Attamen nonnunquam vir justus ingrediens conscientiam, inveniens justitiam, non absurde ipsam veretur, dum illam exutam debitum circumstantiis, indutam negligentiis, et variis involutam concupiscentiis intuetur, ita ut possit cum Isaja dicere<sup>8</sup>: « *Quasi pannus menstruatae universæ justitiae nostræ*. » Hic notandum, quod justificatio habet causam interiorem (*a*), exteriorum, et inferiorem. Interior et superior est gratia divina; exterior, humana doctrina; inferior, corporis disciplina. Ad primam spectat animæ suscitatio; ad secundam, excitatio; ad tertiam, exercitatio. Suscitatio congruit omnipotenti; exercitatio, corripiens; exercitatio poenitenti. De prima justificatione habemus exemplum<sup>9</sup>:

Justificatio.

<sup>1</sup> *Jerem.*, VIII, 18. — <sup>2</sup> *Tñren.*, I, 22. — <sup>3</sup> *I Reg.*, IV, 13. — <sup>4</sup> *Prov.*, XV, 13. — <sup>5</sup> *Ephes.*, I, 4. — <sup>6</sup> *Psal.*

XXXVI, 18. — <sup>7</sup> *II Petr.*, III, 14. — <sup>8</sup> *Isa.*, LXIV, 6. — <sup>9</sup> *Psal.* hoc, 93. — (*a*) *Suppl.* et superiorum.

« Non obliviscar, inquit, justificationes tuas, quia in ipsis vivificasti me ; » ecce justificatio interior. De secunda quoque habemus eloquium prophetale<sup>1</sup> : « Viam justificationum tuarum instrue me : » ecce justificatio exterior. De tertia denique habemus testimonium Psalmodes<sup>2</sup> : « Exercebor in justificationibus tuis : » ecce justificatio exterior.

#### *Articulus quartus.*

Verecundia, qua (a) meretur ne vereatur (b), enitescit, cum adjicit : *Ut non confundar, id est, confundi merear. Sed quomodo justus pro in-*

*Justitia propter tria confundit, quia justitiae confusio non debetur ? Nota, quod confundi potest justitia propter tria : quia non vera, non pura, non fundi potest.*

*discretionem ; secunda, propter indevationem ; tertia, propter imperfectionem. Prima confusio notatur<sup>3</sup> : « Confundantur vehementer, quia non intellexerunt opprobrium sempiternum. » Illi quidem non intelligunt opprobrium sempiternum, qui per erroneum conscientiae judicium accipiunt pro virtute vitium, cui debetur opprobrium sempiternum, sicut patet in zelo infidelium fideles consequentium, de quibus indiscreti zelantibus legimus<sup>4</sup> : « Videant et confundantur zelantes populi. » Secunda confusio notatur<sup>5</sup> : « Confundetur sol, cum regnaverit Dominus exercituum. » Sicut enim sol naturalis confunditur propter obnubilationem levium vaporum, ita sol moralis, scilicet justitia, propter obscurationem venialium peccatorum. Tertia confusio annotatur<sup>6</sup> : « Confundetur, inquit, Israel in voluntate sua. » Plane confunditur Israel in sua voluntate, quando rationabilis anima confunditur in sue voluntatis informitate. Etsi enim sit formata virtute politica, scilicet aequitate, non tamen est formata virtute theologica, videlicet charitate, quae est virtutum forma et perfectio, in quantum meritorie.*

*Simili-  
tudo pul-  
chra.*

#### *Epilogus.*

Ait ergo Prophetæ, tanquam persona charitate sanctificante succensa : *Cor meum, quantum ad conscientiam, quam speculatur; Fiat immaculatum, quantum ad munditiam, quam æmularit; In justificationibus tuis, quantum ad justitiam, quam veretur; Ut non confundar,*

<sup>1</sup> *Psal. hoc, 27. — 2 Ibid., 23. — 3 Jerem., xx, 41.  
— 4 Isa., xxvi, 11. — 5 Isa., xxiv, 23. — 6 Os., x, 6.*

quantum ad verecundiam, qua meretur ne vereatur (c), si verum est quod veretur.

#### *CAPITULUM SEXTUM.*

##### *VERSICULUS PRIMUS.*

81. *Defecit in salutare tuum anima mea, etc.* Ecce sextum capitulum præsentans sextum ferculum. In præcedenti namque capitulo præsentata fuit bonitatis transmissio; in præsenti vero præsens tatur defectionis dimissio. Et quoniam transmissio bonitatis, est collatio sanitatis; dimissio defectionis, est ablato infirmitatis; patet ordinis ratio: nam propter illam transmissionem appetitur illa dimissio, sive propter illam collationem hæc ablatio. Capitulum præsens distinguitur distinctione bimembri, quia duo possunt circa defectionem notari, scilicet causa deficiens, et causa reficiens: causa quidem deficiens est humana pronitas, quam declarat octonarius primus; causa reficiens est divina bonitas, quam declarat secundus. Et quoniam humana pronitas incurvat animam, sed divina bonitas erigit per doctrinam, inde est quod primus octonarius inchoatur per Caph litteram, quæ Caph. interpretatur incurvata; secundus per Lamed, Lamed. quæ interpretatur doctrina. Octonarius primus est in duos quaternarios distinguendus. Primus quaternarius ostendit, quod pronitas humana est causa defectiva; secundus ostendit, quod pronitas ipsa non est refectiva. Quod autem pronitas memorata sit causa defectiva, notificat Prophetæ per quatuor incitamenta, totidem versibus subnotata: quorum primum est spei debilitas, secundum fidei exilitas, tertium amoris inanitas, quartum laboris diurnitas. Primus versus primum explicat incitamentum, explicando spei defectum, objectum, subiectum, ac defectivum effectum: quorum primum est vituperabile, secundum desiderabile, tertium miserabile, quartum irremunerabile.

#### *Articulus primus.*

Quantum ad primum, dicitur : *Defecit.* Ecce spei defectus, non immerito vituperandus. Defectus iste incitat in diversis diversimode: in quibusdam ab irascibili; in quibusdam a concupisibili; in quibusdam a rationabili. Primi sunt impatientes; secundi, incontinentes; ter-

<sup>(a)</sup> *Cat. edit.* quam. — <sup>(b)</sup> *Item* ut veretur. — <sup>(c)</sup> *Item* quam meretur, nec habent ne vereatur.

iii, insipientes. Impatientium defectio designatur<sup>1</sup>: « A fortitudine manus tuae ego defeci in increpationibus, » etc. Hoc accidit, cum divinitus inerepatus, in tantam impatientiam ineidit, quod de inerepantis miseratione diffidit. Incontinentium defectio denotatur<sup>2</sup>: « In die illa deficient virgines pulchrae et adolescentes in siti. » Hoc evenit illis, qui propter sitim voluptatis carnalis, abjiciunt spem aureolæ virginalis. Inipientium defectio figuratur; talibus enim ait Scriptura sub Babylonis figura<sup>3</sup>: « Defecisti in multitudine consiliorum: stent et salvent te augures cœli, qui contemplabantur sidera, et supputabant menses, ut ex eis annuntiarent ventura tibi. » Hoc contingit illis, qui confidentes de mundana sapientia, dissidentes sunt de divina.

#### *Articulus secundus.*

Quantum ad secundum, subjicitur: *In salutare tuum*. Ecce spei objectum. Quale objectum? Plane postulandum, pretestolandum, speculandum. Quomodo? Proculdubio postulandum cum desiderio, pretestolandum cum silentio, speculandum cum gaudio. De primo scribitur a Psalmographo<sup>4</sup>: « Ostende nobis, Domine, misericordiam tuam, et salutare tuum da nobis: » ecce desiderium postulantis. De secundo<sup>5</sup>: « Bonum est pretestolari cum silentio salutare Dei: » ecce silentium pretestolantis. De tertio cantatur in Psalterio<sup>6</sup>: « Viderunt omnes termini terræ salutare Dei nostri. Jubilate Deo, omnis terra: » ecce gaudium speculantis.

#### *Articulus tertius.*

Quantum ad tertium, adjicitur: *Anima mea*. Ecce subjectum spei generale, sed miserabile, quia defecit a spei fortitudine in tentationis certamine, et præcipue in tentatione tristitia, incontinentia, atque mundanae sapientiae. In primo miserabiliter vincitur anima contristata; in secundo, anima conglutinata; in tertio, anima saturata. De primo, ubi dixit Jezabel (*a*) ad Achab regem Israel<sup>7</sup>: « Quid est hoc, unde contristata est anima tua? » ecce anima contristata, et spei strenuitate privata. De secundo, ubi scribitur de Sichem, qui oppressit Dinam virginem<sup>8</sup>: « Conglutinata est anima ejus cum ea: » ecce anima conglutinata,

et spei sublimitate nudata. De tertio<sup>9</sup>: « Anima saturata calcabit favum; » talis est anima sapientia seculari imbuta, et spe sapientiae salvataris exuta: ecce anima saturata, et spei securitate fraudata.

#### *Articulus quartus.*

Quantum ad quartum, superadjicitur; *Et in verbum tuum supersperavi*. Verbum Salvatoris est verbum salutis; nec tantum salutis, sed et virtutis, quia nulli coneedit salutem, nisi cui præconcesserit virtutem. In hunc modum supersperat, quantum ad propositum spectat, id est, supervacue sperat, quicumque sperat salutem præter gratiam et virtutem. Unde talis actus est defectivus, non proveetivus, nec salutis acquisitivus. Et nota, quod est supersperatio tripartita, videlicet affectiva, effectiva, et defectiva: quarum prima provenit ex virtutis affectu; secunda, ex virtutis effectu; tertia, ex virtutis defectu. Prima patuit per illum versiculum præcedentem<sup>10</sup>: « Qui timent te, videbunt me, et lætabuntur, quia in verba tua supersperavi; » ubi Prophetæ ante supersperationis actum, præallegat illuminationis effectum, sicut ibidem plenius est expressum. Secunda patebit per illum versiculum subsequenter<sup>11</sup>: « Adjutor et susceptor meus es tu, et in verbum tuum supersperavi; » ubi Psalmista ante actum prædictum præassignat pœnitentiæ fructum, sicut ibidem est clarius declarandum. Tertia patens est per præsentem versum, ubi Psalmographus, ante actum præfatum, præmemorat spei suæ defectum.

#### *Epilogus.*

Loquens ergo Prophetæ loco personæ humilis, defectum spei sue humiliter recollectis, et coram Deo flebiliter confitentis, ait: *Defecit*, quantum ad vituperabilem spei defectum; *In salutare tuum*, quod voluit; *Anima mea*, quæ inanis et vacua fuit; *Et in verbum tuum*, concedens salutem præhabenti gratiam et virtutem; *Supersperavi*, sive vacue speravi, quia super animam inanem et vacuam spem fundavi.

#### *VERSICULUS II.*

82. *Defecerunt oculi mei*, etc. Primum defec-

<sup>1</sup> *Psal.* XXXVIII, 12. — <sup>2</sup> *Amos*, VIII, 13. — <sup>3</sup> *Isa.*,

XLVII, 13. — <sup>4</sup> *Psal.* LXXXIV, 8. — <sup>5</sup> *Ithrae.*, III, 26. —

<sup>6</sup> *Psal.* XCVII, 3, 4. — <sup>7</sup> *III Reg.*, XXI, 5. — <sup>8</sup> *Gen.*,

XXXIV, 3. — <sup>9</sup> *Prov.*, XXVII, 7. — <sup>10</sup> *Psal.* hoc, 74. —

<sup>11</sup> *Ibid.*, 114.

(a) *Cœt. edit.* Hiesabel, et sic deinceps.

tus incitamentum, scilicet spei debilitatem expressit versus præcedens; secundum incitamentum, videlicet fidei exilitatem exprimit versus præsens, in quo Propheta sub pœnitentis figura vel forma exprimit et expromit quo modo credidit, quo credidit, quid credidit, propter quid credidit: hoc est, actum difficilem, intellectum disparilem, materiam umbratilem, notitiam desiderabilem.

#### *Articulus primus.*

Primum prænotavit, cum ait: *Defecerunt*: ecce defectum circa credendi effectum. Defectus est fœcillus, quoniam effectus difficilis. Facilitas defectus manifestat difficultatem effectus. Et notandum, quod circa credendi effectum faciliter deficiunt, quos mundanæ, carnales, et diabolice tentationes vehementer afficiunt. Mundus quidem afficit per timorem; caro, per dolorem; diabolus, per pudorem. Prima defectio prohibetur<sup>1</sup>: « *Fratres, nolite deficere benefacientes in Domino Iesu Christo.* » Proculdubio benefaciunt, et beneficiando fidem suam patefaciunt, qui ministros Christi recipiunt, et receptos reficiunt; a quo præ timore mundano plerique deficiunt. Secunda defectio inhibetur<sup>2</sup>: « *Disciplinam Domini, fili mi, ne abjicias; nec deficias, cum ab eo corriperis.* » Nulli dubium, quin a divina disciplina deficiat, si quis propter earnis dolorem Christi fidem rejiciat. Tertia defectio cohibetur, ubi dicitur ab Apostolo<sup>3</sup>: « *Peto, ne deficiatis in tribulationibus meis pro vobis, quæ est gloria vestra.* » Hic petit Apostolus, ne fideles in fide deficiant, si doc-torem fidei tribulari conspiciant; nec id pudoris deputent, sed honori.

#### *Articulus secundus.*

Secundum subnotavit, cum subdidit: *Oculi mei*. Hi sunt oculi rationis, qui se habent ad credibilis excellentiam veritatis<sup>4</sup>, sicut oculi vespertilionis ad solaris eminentiam claritatis: ecce magna cognoscibilis et cognocentis disparsitas, et ideo magna cognitionis exilitas. Et notandum, quod isti rationales oculi dicuntur humiliati, illuminati, beati; quoniam humiliantur quantum ad naturale judicium, illuminantur quantum ad supernaturale judicium, et beatificantur quantum ad æternale præmium.

Oculi rationales.

<sup>1</sup> *Hl. Thess.*, III, 13. — <sup>2</sup> *Prov.*, III, 11. — <sup>3</sup> *Ephes.*, III, 13. — <sup>4</sup> *Arist.*, *Metaph.*, lib. II. — <sup>5</sup> *Isa.*, XI, 11. — <sup>6</sup> *Ephes.*, I, 18. — <sup>7</sup> *Luc.*, X, 23. — <sup>8</sup> *Rom.*, III, 2.

De primo<sup>5</sup>: « Oculi sublimis (*a*) hominis humiliati sunt: » ecce oculi humiliati judicio naturali. De secundo<sup>6</sup>: « Pater glorie det vobis spiritum sapientiae et revelationis in agnitionem ejus, illuminatos oculos cordis vestri: » ecce oculi illuminati judicio (*b*) supernaturali. De tertio<sup>7</sup>: « Beati oculi, qui vident quæ vos videntis: » ecce oculi beati præmio æternali.

#### *Articulus tertius.*

Tertium annotavit, cum addidit: *In eloquium tuum*. Istud Dei eloquium est fidei mysterium. Eloquium audienti creditur, ut ab audiente credatur, et fidei mysteria sint nobis credita, et a nobis credita, juxta illud verbum Apostoli<sup>8</sup>: « *Credita sunt illis eloquia Dei.* » et nota circa Dei eloquia, quod ea legimus in Scriptura fluentia, stillantia, imbuientia: quæ sunt tribus personis divinis congruentia, in quantum realiter indistantia, sed originaliter distantia, sicut patet in rore fluente, fluendo stillante, fluendo et stillando aerem imbuente. Patri namque convenit fluere; Filio, stillare; Spiritui sancto, imbuere. Enimvero sicut ex Patre Filius, et non e converso, sic ex actu fluendi actus stillandi, et non e converso. Et sicut ex Patre et Filio Spiritus sanctus, sic ex fluendi et stillandi actionibus procedit imbuendi actus. De primo per Moysen dicitur<sup>9</sup>: « *Fluat ut ros eloquium meum:* » ecce eloquium fluens. De secundo per Job asseritur<sup>10</sup>: « *Super illos stillabat eloquium meum:* » ecce eloquium stillans. De tertio per Sapientem scribitur<sup>11</sup>: « *Ipse tanquam imbres mittet eloquia sapientiae suæ:* » imber autem ab imbuendo dicitur: ecce eloquium imbuens. Ecce nonnulla consonantia inter Dei eloquia et fidei mysteria, in quantum divinis personis respondentia.

#### *Articulus quartus.*

Quartum denotavit, cum dixit: *Dicentes: Quando consolaberis me?* Ista consolatio est fidei remuneratio, cuius dilatio est fidelis animæ desolatio. Et nota quod specialiter ista consolatoria retributio, seu retributoria consolatio, est entitatis, veritatis, et bonitatis divinæ contemplatio. Entitas suam speciem demonstrabit; veritas suam faciem illustrabit; bonitas suam requiem ministrabit. De primo<sup>12</sup>: « *Ego, ego*

<sup>9</sup> *Deut.*, XXXII, 2. — <sup>10</sup> *Job*, XXIX, 22. — <sup>11</sup> *Eccl.*, XXIX, 9. — <sup>12</sup> *Isa.*, LI, 12.

(*a*) *Vulg.* sublimes. — (*b*) *Cat.* edit. indicio.

ipse consolabor vos : » ecce consolatoria demonstratio speciei. De secundo<sup>1</sup> : « Consolabitur Dominus Sion , » id est , animam speculativam : ecce consolatoria illustratio faciei. De tertio<sup>2</sup> : « Consolabor eos , et laetificabo a dolore suo : » ecce consolatoria ministratio requieci. Simul autem de omnibus legimus<sup>3</sup> : « Ego consolabor vos , » quantum ad primum ; « in Hierusalem , » id est , visione pacis ; « et (a) consolabimini , et videbitis , » quantum ad secundum ; « et gaudebit cor vestrum , » quantum ad tertium.

#### Epilogus.

Ait ergo Prophetus , seu potius fidelis anima super fidei sue exilitate compuncta , voce prophetica : *Defecerunt* , ostendendo actum difficultem , quo credidit ; *Oculi mei* , ostendendo intellectum disparilem , cuius conceptu et consensu credidit ; *In eloquium tuum* , ostendendo matrarium umbratilem , quam credidit ; *Dicentes* : *Quando consolaberis me?* ostendendo notitiam desiderabilem , propter quam credidit.

#### VERSICULUS III.

83. *Quia factus sum sicut ute in pruina* , etc. Insinuatis superius incitamentis duobus , quæ sunt spei cæbilitas , et fidei exilitas ; hic insinuatur tertium , quod est amoris inanitas : ubi Prophetus , tanquam persona amore illico irritata , et amore gratuito inanita , et custodiens tamen secundum exteriorem hominem justitiae viam duram , sicut vitula docta diligere tritram , sui inanitatem amoris in amaritudine cordis recogitat , et recitat in his verbis : *Quia factus sum* , etc.; ac si loqueretur apertius : *Reus sum dicti reatus* , quoniam inclinatus , inquinatus , conglutinatus interius , sed disciplinatus exterius : inclinatus quidem per cogitationem ; inquinatus per delectationem : conglutinatus per consencionem ; sed disciplinatus per morum exteriorum compositionem .

#### Articulus primus.

Quantum ad primum , dicitur : *Quia factus sum*. Per quem actum ? Per interiorem cogitatum , inclinantem animam ad peccatum. Hic notari potest , qualis factus est , cui talis cogitatus inest. Factus est enim jumento similis ,

<sup>1</sup> *Zach.*, 1, 17. — <sup>2</sup> *Jerem.*, XXXI, 13. — <sup>3</sup> *Isa.*, LXXVI, 13. — <sup>4</sup> *Psal.* XLVIII, 13, 21. — <sup>5</sup> *Psal.* XIII, 3. — <sup>6</sup> *Ose.*, IX, 10. — <sup>7</sup> *Gen.*, XXI, 19. — <sup>8</sup> *Jos.*, IX, 13.

inutilis , atque abominabilis ; quia non cogitavit imaginem inditam , nec similitudinem additam , sed turpitudinem prohibitam. De primo per Psalmistam dicitur<sup>4</sup> : « Homo , cum in honore eset , non intellexit ; comparatus est jumentis insipientibus , et similis factus est illis ; » ac si diceretur aperte : Homo , qui non cogitavit honorem imaginis divinae , comparavit horrorem similitudinis jumentinae. De secundo per Prophetam psallitur<sup>5</sup> : « Omnes declinaverunt , simul inutiles facti sunt ; » quasi dicat : Omnes peccatores declinaverunt , deserendo divinam similitudinem ; simul inutiles facti sunt , demerendo divinam beatitudinem. De tertio scribitur<sup>6</sup> : « Facti sunt abominabiles , sicut ea quæ dilexerunt ; » quasi dicat : Facti sunt abominabiles , sicut ea quæ cogitantes affectaverunt. Nam qui cogitat abominabilia , et affectat , maculatur ab iis quæ speculator ; qui vero cogitat , sed non affectat , non maculatur ab iis quæ speculator.

#### Articulus secundus.

Quantum ad secundum , subditur ; *Sicut ute*. Quæris qualiter ? Delectando bestialiter : ute quippe conficitur de corio animalis. Quid itaque per utrem rectius intelligitur , quam delectatio bestialis ? Indubitanter ergo factus est sicut ute ; quia cogitando , delectatus est bestialiter. Sed nota , quod legimus in Scripturis tres circumstantias utris , per quas intelligimus tres differentias delectationis. Legimus enim utrem aquæ , utrem vini , utrem lactis : primum quidem in potu parvuli Ismaelis ; secundum in consensu improviso Israelis ; tertium in occubitu Sisaræ principis infidelis. Unde per primum intelligitur delectatio illa , quæ consistit in sensualitate sola ; per secundum illa , quæ existit in voluntate indeliberata ; per tertium illa , quæ persistit in voluntate deliberata. Prima delectatio est venialis , quia constat in parte animæ irrationali , irrationaliter operante ; secunda quoque venialis , quoniam extat in parte rationali non rationaliter operante ; tertia vero mortalis , quia perstat in parte rationali rationaliter operante , sive deliberante , seu ratiocinante. De primo<sup>7</sup> : « Videns , » scilicet Agar , « puteum aquæ , abiit et implevit utrem , deditque puero bibere , » scilicet Ismaeli : ecce ute aquæ in potu parvuli Ismaelis. De secundo<sup>8</sup> : « Utres vini

(a) *Vulg.* non habet et.

novos implevimus; nunc rupti sunt, et soluti, » etc., dictum est a Gabaonitis pacem falacem incuntibus cum Israelitis; ecce uter vini in consensu improviso Israelis. De tertio<sup>1</sup>: « Jahel (a) aperuit utrem lactis, et dedit ei bibere, » scilicet Sisaræ: ecce uter lactis in occubitu Sisaræ, principis infidelis.

#### *Articulus tertius.*

Quantum ad tertium, additur: *In pruina*. Quid sibi vult haec pruina? Hæc impressio et compressio matutina. Cæterum nulli dubium, quin pruina sit prioris qualitatis, et quantitatis ruina: nam priorem caliditatem eliminat, et quantitatem conglutinat: sicut in utre videmus sensibiliter, et in mentis affectu intelligibiliter, cum præcedit vitiosa cogitatio, et delectatio, et accedit pruinosa et ruinosa consensio, per quam ab ipso eliminatur amor Dei, et ipse sibi conglutinatur per nimium amorem sui. Quid igitur uter in pruina, nisi mens humana delectando inquinata, et consentiendo sibi conglutinata?

Pruina  
quid.

Pruina  
triplex.

Sed nota, quod est triplex pruina, utpote pruina culpæ, pœnitentiae, sapientiae: prima necat; secunda sanat; tertia delectat. De prima scribitur<sup>2</sup>: « Et occidit moros eorum in pruina. » Quid per moros, scilicet corpora animata (b) insensibilia, convenientius intelligimus, quam mortalium animas insensatas? De secunda<sup>3</sup>: « Qui timent pruinam, irruet super eos nix; » quasi dicat: Qui timent pœnitentiam temporalem, invenient pœnam æternalem. De tertia, ubi dicitur de manna, quæ fuit esca sapida<sup>4</sup>, quod « apparuit in solitudine in similitudinem pruinæ; » quid autem similius escae corporali sapidæ, quam esca spiritualis sapientiae?

#### *Articulus quartus.*

Quantum ad quatum superadditur: *Justificationes tuas non sum oblitus*, videlicet secundum exteriorem hominem, qui (c) priorem conservat consuetudinem, tanquam talibus deditus, talibus eruditus. Et nota, quod taliter dispositus, dici potest specialiter talium non oblitus, bonum operando, malum tolerando, verum asseverando, si fuerit magnanimiter operans, equanimiter tolerans, fideliter asseverans. De prímo scribitur inferius<sup>5</sup>: « Quæsero servum tuum, quia mandata tua non sum oblitus: » in quo boni operatio. De secundo alius ait<sup>6</sup>: « Hæc

omnia venerunt super nos, nec oblii sumus te: » in quo mali toleratio. De tertio ibidem psallimus<sup>(d)</sup><sup>7</sup>: « Si oblii sumus nomen Dei nostri, » quasi dicat: Non sumus oblii; in quo veri asseveratio.

#### *Epilogus.*

Ex his potest clarescere mens Prophetæ loquentis in persona pœnitentis, amoris inanitatem taliter confitentis: *Factus sum*, quasi cogitatione inclinatus; *Sicut ute*, quasi delectatione inquinatus; *In pruina*, quasi consensione conglutinatus; *Justificationes tuas non sum oblitus*, quasi exteriori opere disciplinatus.

#### *VERSICULUS IV.*

84. *Quot sunt dies servi tui*, etc. Non solum spei debilitas, fidei exilitas, et amoris inanitas, tribus insinuate versibus, sunt incitamenta defectus; sed etiam laboris diuturnitas, quam insinuat iste quartus. Hæc autem laboriosa longiturnitas, seu longiturna laboriositas consistit in protelatione servitutis, et dilatione salutis. Quæris, quare? Quia difficile militare, sed desiderabile triumphare: ex prædictis quatuor membris patet versus istius sectio quadrimembris.

#### *Articulus primus.*

Protelatio prætenditur in hoc membro: *Quot sunt dies!* Nimis prolixo videntur dies, quia laboriosi et difficiles propter quotidianam pugnam inter vitia et virtutes. Et nota, quod dies isti universi et singuli possunt dici dies ruinæ, angustiæ, vindictæ. Namque dies ruinæ, est dies culpæ, qua virtutes vineuntur; dies angustiæ, est dies pœnitentiae, qua virtutes eriguntur; dies vindictæ, est dies justitiae, qua vitia revineuntur. De primo dicitur<sup>8</sup>: « Viri bellatores tui, qui erant in te, cum universa multitudine tua, quæ est in medio tui, cadent in corde maris in die ruinæ tue; » quasi dicat: Habitus gratuiti, et omnes actus meritorii peribunt in tempore lapsus tui: ita dicitur Tyro, id est, cuiilibet forti viro: *Tyrus* enim interpretatur fortitudo. De se-  
*Tyrus*. cundo in *Abdia* scribitur<sup>9</sup>: « Non magnificabis os tuum in die angustiæ, » id est, pœnitentiae: ita dicitur Edom, qui interpretatur fulvus, sanguineus, vel terrenus, et typum gerit concupiscentiæ tripartite. De tertio<sup>10</sup>: « Zelus, et furor

XLIII, 18. — <sup>7</sup> Ibid., 21. — <sup>8</sup> Ezech., XXVII, 27. — <sup>9</sup> Abd., I, 12. — <sup>10</sup> Prov., VI, 34.

(a) *Cæl. edit* Jael, et sic deinceps. — (b) *Leg. inanitatem*. — (c) *Item* quæ. — (d) *Leg. Psalmus*.

<sup>1</sup> *Judic.*, IV, 19. — <sup>2</sup> *Psal.* LXXVII, 47. — <sup>3</sup> *Job*, VI, 16. — <sup>4</sup> *Exod.*, XVI, 14. — <sup>5</sup> *Psal.* hoc, 176. — <sup>6</sup> *Psal.*

viri non pareat in die vindictæ, nec aquiescat eujusquam precibus, nec suscipiet pro redemptione dona plurima: » ita potest dici de sponso Ecclesiæ, zelatore justitiae, qui nulli pareat in vitiorum correptione, nec est acceptor preciis, vel pretiis, vel personæ.

#### *Articulus secundus.*

Servitus protelata subtenditur in hoc membro: *Servi tui*. Servum se dicit, sed dolens, tanquam subjectus vanitati non volens, et a servitate corruptionis liberari volens, non valens.

*Servi tri-*  
*plici ser-*  
*vitate*  
*dicuntur*

Sed nota, quod servi solent dici servitute trivialis, scilicet servitute naturæ, servitute fortunæ, servitute obedientiæ. Prima servitus est principium demerendi; secunda, nec merendi, nec demerendi; tertia, tam merendi, quam demerendi. De servis naturæ competenter exponitur, quod proponitur<sup>1</sup>: « Hodie increverunt servi, qui fugiunt dominos suos: » quasi dicat: Hodie increverunt servi per naturæ corrupte propagationem, qui fugiunt per ejus naturæ inclinationem dominos suos, scilicet appetitus intellectivos, et sequuntur sensitivos. De servis fortunæ intelligitur, quod legitur<sup>2</sup>: « Quicumque sunt sub jugo servi, dominos suos omni honore dignos arbitrentur. » De servis obedientiæ, dictum dignoscitur, quod dicitur<sup>3</sup>: « Servi estis ejus cui obeditis, sive peccati ad mortem, sive obditionis ad justitiam.

#### *Articulus tertius.*

Dilatio attenditur in hoc membro: *Quando*. Hæc enim interrogatio, molestæ prorogationis est insinuatio. Et nota, quod prorogationis seu dilationis molestia attenditur quantum ad tria: quia differtur præmium corporale, præmium animæ substantiale, et præmium ipsius accidentale. Primum spectat ad corporis reformationem; secundum, ad Creatoris contemplationem; tertium, ad inimicorum vindicationem, et amicorum lœtificationem. De primo per Prophetam dicitur ex persona Salvatoris, vel cuiuslibet ejus testis, restitutionem animæ postulantis<sup>4</sup>: « Domine, quando respicies? restitue animam meam a malignitate eorum: » hæc interrogatio notat prorogationem, quantum ad corporis reformationem, de secundo per Psalmographum canitur<sup>5</sup>: « Quando veniam et

apparebo ante faciem Dei? » hæc interrogatio notat prorogationem, quantum ad Creatoris contemplationem. De tertio scribitur<sup>6</sup>: « Dic nobis quando hæc omnia incipient consummari? ecce duplex interrogatio, duplècem notans prorogationem: scilicet, quantum ad inimicorum vindicationem, et amicorum lœtificationem.

#### *Articulus quartus.*

Salus dilata intenditur in hoc membro: *Facies de persequentibus me iudicium*. Qualiter per sequentibus? numquid selum initialiter? Non solum initialiter, sed et finaliter. Sunt namque plerique initialiter persequentes, et finaliter subsequentes; sicut Paulus fuit initialiter Stephanum persequens, sed finaliter subsequens. Tales non reputantur simpliciter persequentes; sed qui semper actualiter, vel affectualiter persequentes, sicut (a) finaliter impœnitentes. Et nota, quod de talibus per sequentibus facit Dominus iudicium, ipsis viventibus, morientibus, resurgentibus: quoniam ante mortem facit iudicium auditum; in morte facit iudicium cognitum; post mortem facit iudicium conscriptum. De primo dicitur a Psalmographo<sup>7</sup>: « De celo auditum fecisti iudicium: » ecce iudicium auditum, sed a terrenis oblivioni traditum: ideo subditur: « Terra tremuit, et quievit. » De secundo psallitur a Propheta<sup>8</sup>: « Cognovi, quia fecit (b) Dominus iudicium inopis, et vindictam pauperum; » ita potest dicere pauperum persecutor in morte: ecce iudicium cognitum. De tertio subditur in eadem scriptura, mentione facta de regibus et nobilibus pauperum persecutoribus<sup>9</sup>: « Ut faciat in eis iudicium conscriptum, tanquam ir retractabiliter confirmatum: unde dicitur conscriptum, tanquam Deo scribente, et sanctis subscriptibentibus, pariter sit perscriptum: ecce iudicium conscriptum.

#### *Epilogus.*

Liquet itaque vox Psalmistæ, tanquam locutus loco personæ justæ, sed longiturnis laboribus fatigatae: *Quot sunt dies*, in quo proteleatio difficultilis; *Servi tui*, in quo servitus militantis; *Quando*, in quo dilatio rei desiderabilis; *Facies de persequentibus me iudicium*, in quo salus feliciter triumphantis.

<sup>1</sup> I Reg., xxv, 10. — <sup>2</sup> I Tim., vi, 1. — <sup>3</sup> Rom., vi, 16. — <sup>4</sup> Psal. xxxiv, 17. — <sup>5</sup> Psal. xli, 3. — <sup>6</sup> Marc.,

xiii, 4. — — <sup>7</sup> Psal. LXXV, 9, 10. — <sup>8</sup> Psal. CXXXIX, 13. — <sup>9</sup> Psal. cxlix, 9. (a) Leg. suut. — (b) Vulg. faciet.

## VERSICULUS V.

85. *Narraverunt mihi iniqui fabulationes*, etc.  
 Praecedens quaternarius eruditivit, quod pronitas humana causa sit defectiva; præsens quaternarius erudit, quod ipsa nequaquam sit defectuum refectiva: ubi namque pronitas respectu mali, ibi difficultas respectu boni. Quamobrem anima quanto proclivior ad malum, tanto difficultior est ad bonum; et sicut habebat pronitas quatuor incitamenta, totidem versibus praecedentibus prænotata, sic habet difficultas quatuor irritamenta, totidem versibus subsequentibus subnotata, videlicet fabulationes judaicas, cavillationes hæreticas, stimulationes extrinsecas, et titillationes intrinsecas. Primus versus ad fabulationes pertinet; unde quatuor ipsarum conditiones continet, scilicet compositionem, propositionem, suppositionem, et oppositionem: iniquitas has componit; falsitas proponit; vanitas supponit; sed veritas se opponit.

*Articulus primus.*

Compositio denotatur ibi: *Iniqui*; quia recte non mediocriter iniqui sunt, qui tam iniquas fabulationes componunt, quibus fidelium affectiones delectare, et delectando depravare disponunt. Et nota, quod compositores hujusmodi sunt iniqui iniquitate triplici: tum quia falsitatem fabricando, et veritatem perdendo, perditionem mercantur; tum quia Christo adversantur; tum quia contra sanguinem suum christianum insidiantur. Prima iniquitas est contra ipsos; secunda, contra Deum; tertia, contra proximos. De primo<sup>1</sup>: « Numquid non perditio est iniquo? » ecce iniqui perditio. De secundo, ubi Scriptura dicit sub Christi figura<sup>2</sup>: « Adversarius meus, quasi iniquus: » ecce iniqui adversatio. De tertio<sup>3</sup>: « In insidiis suis capientur iniqui: » ecce iniquorum contra sanguinem suum insidiatio. Unde dicitur<sup>4</sup>: « Ipsi contra sanguinem suum insidiantur.

*Articulus secundus.*

Propositio denotatur ibi: *Narraverunt*, quasi dicat: Quæ malitiose composuerant, malitiose proposuerunt: de malo cordis thesauro malum protulerunt. Et nota, quod narratores hujuscemodi non narraverunt misericordiam et veritatem, sed miseriam et vanitatem, et increditatem.

<sup>1</sup> Job, xxxi, 3. — <sup>2</sup> Job, xxvii, 7. — <sup>3</sup> Prov., xi, 6. — <sup>4</sup> Prov., 1, 18. — <sup>5</sup> Psal. LXXXVII, 12. — <sup>6</sup> Eccli.,

bilem falsitatem. Prima narratio sana; secunda vana; tertia est profana. De primo dicitur<sup>5</sup>: « Numquid narrabit aliquis in sepulchro misericordiam tuam, et veritatem tuam in perditione? » quasi dicat: Numquid aliquis sepulchro dealbato similis, erit testis idoneus pietatis, aut perditus (a) veritatis? De secundo<sup>6</sup>: « Labia imprudentium stulta narrabunt: » ecce miseria, quantum ad narrationis originem; et vanitas, quantum ad finem. De tertio<sup>7</sup>: « Opus factum est in diebus nostris, quod nullus crebet, cum narrabitur: » ecce narratio incredibilis falsitatis.

*Articulus tertius.*

Suppositio designatur ibi: *Fabulationes*. Si quæris, quales fabulationes narrant isti fabulatores? audi quid glossa dicat: « Quasi eujusdam fabulæ nenia narrant. » Si quæris, qualis fabula? proculdubio inepta, insanæ, indocta, et ideo devitanda, increpanda, non sectanda. De primo<sup>8</sup>: « Ineptas et aniles fabulas devita: » ecce fabulam ineptam, et ideo devitandam. De secundo<sup>9</sup>: « Increpa illos dure, ut sani sint in fide, non intendentis judaicis fabulis, » quasi non sanis: ecce fabulam insanam, et ideo increpandam. De tertio<sup>10</sup>: « Non indoctas fabulas secuti, notam fecimus vobis Domini nostri Jesu Christi virtutem: » ecce fabulam indoctam, et ideo non sectandam: unde qui fabulationes, seu fabularum narrationes vanas tanquam veras supponit, non verus, sed vanus existit.

*Articulus quartus.*

Oppositio declaratur ibi: *Sed non ut lex tua: ecce lex veritatis opposita fabulis falsitatis*. Et nota, quod lex divina est fabulis judaicis opposita præcipue propter tria; quoniam illæ variantur, insidiantur, malum machinantur; ista nunquam variatur, cum ipsa sit veritas; nunquam insidiatur, cum ipsa sit claritas; nunquam malum machinatur, cum ipsa sit bonitas. De primo per Prophetam psallit<sup>11</sup>: « Justitia tua, justitia in æternum, et lex tua veritas: » ecce lex tua (b) veritas. De secundo per Salomonem scribitur<sup>12</sup>: « Mandatuni lucerna est, et lex lux: » ecce lex claritas. De tertio per Psalmistam canitur<sup>13</sup>: « Bonum mihi lex oris tui: » ecce lex bonitas.

xxi, 28. — <sup>7</sup> Habac., II, 5. — <sup>8</sup> I Tim., IV, 7. — <sup>9</sup> Tit., I, 14. — <sup>10</sup> II Petr., I, 16. — <sup>11</sup> Psal. hoc, 142. — <sup>12</sup> Prov., VI, 23. — <sup>13</sup> Psal. hoc, 72.

(a) Leg. peritus. — (b) Del. tua.

## Epilogus.

Loquens ergo Prophetam tanquam poenitens, irritamentum exprimens difficultatis ad bonitatem, scilicet judaicam fabulositatem, ait: *Iniqui*, in quo notatur iniqitas quae componit; *Narraverunt*, in quo connotatur falsitas quae proponit; *Fabulationes*, in quo denotatur vanitas quae supponit; *Sed non ut lex tua*, in quo subnotatur veritas, quae fabulationibus se opponit.

## VERSICULUS VI.

86. *Omnia mandata tua veritas*, etc. Versus præambulus versabatur circa fabulationes judaicæ; versus iste versatur circa cavillationes hereticæ. In cuius serie enucleantur aperte mandatorum universitas, universorum veritas, persecutorum temeritas, et professorum sinceritas: universitas est diiformis; sed veritas est conformis: temeritas est deformis; sed sinceritas est deiformis.

## Articulus primus.

Mandatorum universitas explicatur, cum dicitur: *Omnia mandata tua*. Quorum nonnulla sunt ab hereticis impugnata: nec sine causa dicuntur mandata tua, quasi tuæ visioni, tentio, et fruitioni promerendæ et capessendæ congrua: et ideo credenda, eligenda, diligenda. De primo<sup>1</sup>: « Mandatis tuis credidi: » ecce credere congruum visioni. De secundo Prophetæ<sup>2</sup>: « Mandata tua elegi: » ecce eligere congruum tentio. De tertio prophætica psalmodia<sup>3</sup>: « Mandata tua dilexi: » ecce diligere congruum fruitioni.

## Articulus secundus.

Mandata quid. Universorum veritas eructatur, cum subditur: *Veritas*. Nam mandata prædicta, quæ disjungit varietas, conjungit veritas: quæ namque dictat veritas, non possunt non esse veritas. Si forte dubitas quomodo mandata sint veritas, cum in illis, nec veritas videtur esse, nec falsitas; hæc dubitatio citius solvit, si mandatorum significatio plenus aperitur. Nam revera nihil aliud sunt mandata, quam jura divina manui data, vel effectui commendata, de quibus nulla dubietas, quin ipsa sint veritas: verbi causa, non

furanum, non mœchandum, non necandum, et similia, sunt divina jura, quæ nullus hæsitat esse vera; quæ manui dantur, vel effectui commendantur, cum per legistatorem mandatur<sup>4</sup>: « Non furaberis, non mœchaberis, non necabis.» Quocirca, si non dubitas quin jura manui data sint veritas, frustra dubitas an mandata sint veritas. Et nota, quod hæc veritas divinitus eruditur, ab infidelibus oditur, a fidelibus custoditur. Quæreris, quo modo? Eruditur immittendo; oditur omittendo, custoditur ore et opere confitendo. De primo<sup>5</sup>: « Spiritus veritatis docebit vos omnem veritatem: » ecce eruditio immittentis. De secundo<sup>6</sup>: « Lingua fallax non amat veritatem: » ecce odium obnitentis. De tertio<sup>7</sup>: « Ingrediatur gens justa, custodiens veritatem: » ecce custodia confitentis.

## Articulus tertius.

Persecutorum temeritas enarratur, cum additur: *Iniqui persecuti sunt me*. Tales iniqui sunt satellites hostis antiqui, et specialiter hæretici fidelium inimici, famulos Dei et articulos fidei creberrime persecuti. Hic potest notari, quod hæretici leguntur catholicos tripliciter persecuti, scilicet quoad doctrinam, quoad gratiæ, quoad vitam; quoniam aut doctrinam auferunt, aut perfidiam proferunt, aut penam inferunt. Prima persecutio denotatur, dicente Apostolo<sup>8</sup>: « Nos persecuti sunt, et Deo non placent, et hominibus adversantur, prohibentes nos loqui gentibus, ut salvæ fiant: » ecce persecutio ablativa doctrinæ. Secunda persecutio designatur, ubi dicitur ex parte populi fidelis<sup>9</sup>: « Super montes persecuti sunt nos, in deserto insidiati sunt nobis: » quid est persecuti super montes, nisi hæreticos catholicos adversari super altissimam justitiam fidei, de qua Psalmista<sup>10</sup>: « Justitia tua, sicut montes Dei? » Aut quid insidiari in deserto, nisi calumniari in secreto fidei sacramento, non solum sensitvis viribus inexperto, sed etiam ab intellectivis deserto? Tales insidiatores sunt plerique pseudoprophetæ, qui comparantur vulpibus, de quibus legimus<sup>11</sup>: « Quasi vulpes in desertis prophetæ tui, Israel, erant; » ecce persecutio prolativa perfidiae. Tertia persecutio declaratur, dicente populo ore prophæticæ<sup>12</sup>: « Confortati sunt, qui persecuti sunt me, inimici mei injuste, » quod

<sup>1</sup> Psal. hoc, 66. — <sup>2</sup> Ibid., 173. — <sup>3</sup> Ibid., 159. —

<sup>4</sup> Exod., xx, 15, 14, 13, quoad sensum. — <sup>5</sup> Joan., xvi, 13. — <sup>6</sup> Prov., xxvi, 28. — <sup>7</sup> Isa., xxvi, 1.

<sup>8</sup> I Thess., II, 15, 16. — <sup>9</sup> Thren., IV, 19. —

<sup>10</sup> Psal. xxxv, 7. — <sup>11</sup> Ezech., XIII, 4. — <sup>12</sup> Psal. LXVIII, 5.

possimus accipere tam de capite, quam de corde (a) : ecce persecutio illativa poenae.

#### Articulus quartus.

Professorum sinceritas elucidatur, cum superadditur : *Adjuva me* : quod videtur vox personæ quæ contendit in agone, vel agonizat in altercatione pro fidei catholicæ defensione. Et nota, quod tali personæ talis vox congruit triviale ratione, quoniam aspiciens in auctorem fidei, et consummatorem Jesum, potest secure dicere : *Adjuva me dimicantem, lubricantem, mendicantem* : dimicare convenient affectivæ, fortiter æmulanti pro fide; lubricare congruit intellectivæ, debiliter speculanti ex fide; mendicare competit effectivæ, miraculorum gratiam fiducialiter postulanti in fide. De primo per Psalmistam dicitur<sup>1</sup> : « Videant, qui oderunt me, et confundantur, quoniam tu, Domine, adjuvisti me, et consolatus es me : » Vox est affectivæ virtutis pro fide fortiter æmulantis. De secundo per Prophetam psallitur<sup>2</sup> : « Si dicebam : Motus est pes meus, misericordia tua, Domine, adjuvabat me : » vox est intellectivæ, ex fide debiliter speculantis. De tertio per ipsum scribitur<sup>3</sup> : « Ego vero egenus et pauper sum : Deus, adjuva me : » vox est effectivæ, signum fide dignum in fide fiducialiter postulantis.

#### Epilogus.

Dicit ergo Propheta sub figura cuiusvis personæ fidelis, veritatem fidei catholicæ proficiens, et falsitatem pravitatis hæreticæ refellere, non propria, sed divina virtute, sinceriter enitens : *Omnia mandata tua*, quantum ad mandatorum universitatem difformem; *Veritas*, quantum ad ipsorum veritatem conformem; *Iniqui persecuti sunt me*, quantum ad infidelium temeritatem deformem; *Adjuva me*, quantum ad sinceritatem fidelium deformem.

#### VERSICULUS VII.

87. *Paulominus consummaverunt me*, etc. Vidimus fabulationes judaicas, et cavillationes hæreticas, duobus versibus præmissis prænotatas; videamus stimulationes extrinsecas, in presentis versus bis binis portionibus subnotatas, in quibus seriatim notare possimus hostium impetum, incautum spiritum, et easum subitum,

<sup>1</sup> *Psal. LXXXV, 47.* — <sup>2</sup> *Psal. XCIII, 18.* — <sup>3</sup> *Psal. LXIX, 6.* — <sup>4</sup> *I Mach., IV, 51.* — <sup>5</sup> *Dan., IX, 24.*

præter mortalem interitum. Nam nonnunquam tentantes tentatum præcipitant in peccatum, præter mortis reatum.

#### Articulus primus.

Hostilis impetus præsignatur dicendo : *Paulominus consummaverunt*. Paulominus consummare, est ad indeliberalum peccati consensum inclinare; nam per consensum deliberatum consummatur peccatum. Unde notandum, quod peccati consummatio consistit in ternario, videlicet in rationis operatione, juris præjudicatione, et judicis indignatione: quorum primum spectat ad actum; secundum, ad maculam; tertium, ad reatum. De primo<sup>6</sup> : « Consummaverunt omnia opera, quæ fecerunt : » ecce consummationem quantum ad operationem, quia profecto tam bonorum, quam malorum consummatio est ipsorum operatio. De secundo<sup>7</sup> : « Septuaginta hebdomades abbreviate sunt super populum tuum, et super urbem sanctam tuam, ut consummetur prævaricatio, et finem accipiat peccatum, et deleatur iniquitas : » ecce peccati consummationem per juris prævaricationem, justi præjudicationem, et injustorum justificationem. De tertio<sup>8</sup> : « Adhuc paululum, modicumque, et consummabitur indignatio mea, furor meus super scelus eorum : » ecce peccati consummationem per judicis indignationem.

#### Articulus secundus.

Incautus spiritus assignatur, adjiciendo: *Me*, id est, spiritum meum intra me. Et notandum, quod paulominus consummari contingit spiritum per incautelam conturbatum, flagellatum, protractum: qui conturbatur nescienter, flagellatur ignoranter, protrahitur insensibiliter, seu imperceptibiliter. De primo<sup>7</sup>: « Nescivi, anima mea conturbavit me propter quadrigas Aminadab : » ecce conturbatio nescientis, propter impetum concupiscentiae popularis: per quadrigas enim notatur impetuositas; Aminadab autem interpretatur « populi mei concupiscentia, vel voluntas. » De secundo scribitur<sup>8</sup>: « Adversum me lætati sunt, et convenerunt, congregata sunt super me flagella, et ignoravi: » ecce flagellatio ignorantis. De tertio<sup>9</sup>: « Traxerunt me, et ego non sensi: » ecce protractio non sentientis, sicut accidit per improvisam tentationem conturbari imaginem, flagellari af-

<sup>6</sup> *Isa. X, 23.* — <sup>7</sup> *Cant., VII, 11.* — <sup>8</sup> *Psal. XXXIV, 45.* — <sup>9</sup> *Prov., XXIII, 35.* — (a) *Leg. corpore.*

Peccati consummatio in ternario consistit.

fectionem, protrahi rationem in illicitam concessionem.

### Articulus tertius.

Casus subitus designatur subjiciendo : *In terra*. Collapsus in terram est consensus in mun-  
*Concu-*  
*piscentia*  
*triplici*  
*terra si-*  
*goifica-*  
*tat.*  
 danam concupiscentiam. Hæc autem concupis-  
 centia triplicatur, et per triplicem terram signi-  
 ficatur : legimus enim terram superbientem,  
 sicut slientem, fœtentem, pertinentem ad concupis-  
 centiam superbie, avaritie, luxurie. De terra  
 prima<sup>1</sup> : « Quid superbis, terra et cinis ? » ecce  
 terra superbens. De secunda<sup>2</sup> : « Ascendet sicut  
 radix de terra slienti : » radix ista est Christus  
 Dominus; terra slientis, avarus populus : ecce  
 terra slientis. De tertia<sup>3</sup> : « Irrigabo terram fœ-  
 tote sanguinis tui : » ecce terra fœtens.

### Articulus quartus.

Exceptio interitus vel mortalis reatus consi-  
 gnatur superadjiciendo: *Ego autem non dereliqui*  
*mandata tua*; quasi dicat: Nihil optavi, nihil  
 attentavi contra divina mandata ratione exci-  
 tata, et voluntate consiliata; quod clarius de-  
 claravit, cum ait: *Non dereliqui*, id est: Etsi re-  
 liqui, non tamen dereliqui: nam etsi reliqui  
 consilio subito, non tamen dereliqui consilio  
 diffinito. Notandum itaque, quod non dereliquit  
 Dominum derelinquendo mandatum, triplici  
 prævia ratione: consideravit namque quis erat  
 supra se, quis erat iuxta se, quis erat infra se.  
 Consideratio prima fuit, ne a Domino derelin-  
 queretur; secunda, ne subjectus populus pro  
 suo merito turbaretur; tertia, ne propter hoc  
 in gehennale supplicium dejiceretur. De pri-  
 mo<sup>4</sup> : « Si dereliquerimus Dominum, derelin-  
 quet nos : » ecce prima consideratio, scilicet  
 Dominica derelictio. De secundo, ubi dixit Elias  
 ad Achab regem Israel<sup>5</sup> : « Non ego turbavi  
 Israel; sed tu, et domus patris tui, qui dereli-  
 quistis mandata Domini : » ecce secunda con-  
 sideratio, scilicet proximorum turbatio. De ter-  
 tio, ubi dicit David Salomonii filio suo<sup>6</sup> : « Si  
 dereliqueris Dominum, projiciet te in æter-  
 num : » ecce tertia consideratio, scilicet gehen-  
 nalis dejectio.

### Epilogus.

Ex his potest clarescere mens Prophetæ lo-  
 quentis loco persone ab hostibus, vel eorum  
 complicibus stimulatæ, non tamen graviter su-

peratæ: *Paulominus consummaverunt*, quantum  
 ad hostilem tentantium impetum; *Me*, quantum  
 ad ineautum tentati spiritum; *In terra*, quantum  
 ad easum consensus subitum; *Ego autem non*  
*dereliqui mandata tua*, quantum ad tentationis  
 exitum, præter interitum, sive mortis reatum.

### VERSICULUS VIII.

88. *Secundum misericordiam tuam vivifica*  
*me*, etc. Versus præsens quartum irritamentum  
 continens, repræsentat titillationes intrinsecas,  
 et quasi vestis mystica explicatur et complicatur  
 in quatuor plicas. Veste ista vestitus Psalmista,  
 præfatum irritamentum explicat sub hac forma:  
*Secundum misericordiam tuam*, etc.; ac si plane  
 dicat: Secundum misericordiam tuam, quæ  
 congruit meæ misericordiae sensuali, vivifica vita spi-  
 rituali me, tentatum temptatione corporali; et cus-  
 todiam testimonia oris tui, quæ docuisti doctrina  
 morali. Unde liquet aperte, quod adversum con-  
 cupiscentiae corruptelam petit gratiæ tutelam,  
 ad iniurias cautelam, et aequitatis sequelam:  
 quorum primum spectat ad miseriam sensua-  
 lem; secundum, ad vitam spiritualem; tertium,  
 ad temptationem corporalem; quartum, ad ob-  
 servationem moralem.

### Articulus primus.

Quantum ad primum, præposuit: *Secundum*  
*misericordiam tuam*, supple, misericordia meæ con-  
 gruam: quippe de miseria queritur, a quo mi-  
 sericordia queritur. Nullus enim misericordiam  
 invocaret, nisi miseria provocaret. Et nota, quod  
 misericordia legitur in Scriptura magna, spe-  
 ciosa, benigna. Quare magna? Quia liberat a  
 magna miseria culpæ originalis. Quare spe-  
 ciosa? Quia preservat a fœda miseria culpæ  
 actualis. Quare benigna? Quia separat a maligna  
 miseria molestiæ temporalis. De prima per Psal-  
 mistam scribitur<sup>7</sup> : « Quia magna misericordia  
 tua super me, et eruisti animam meam ex in-  
 ferno inferiori : » ecce misericordia magna, li-  
 berans a culpa originali in tempore regenera-  
 tionis. De secunda per Sapientem dicitur<sup>8</sup> :  
 « Speciosa est Dei misericordia in tempore tri-  
 bulationis, sicut nubes pluviae in tempore sicciti-  
 tatis : » ecce misericordia speciosa, præservans  
 a culpa actuali in tempore temptationis. De tertia  
 per Prophetam psallitur<sup>9</sup>: « Exaudi me, Domine,

Misericordia.

<sup>1</sup> *Ecli.*, 9. — <sup>2</sup> *Isa.*, LIII, 1. — <sup>3</sup> *Ezech.*, XXXII,  
 6. — <sup>4</sup> *II Paralip.*, xv, 2. — <sup>5</sup> *III Reg.*, XVIII, 18. —

<sup>6</sup> *I Paralip.*, XXVIII, 9. — <sup>7</sup> *Psal.*, LXXXV, 43. —  
<sup>8</sup> *Ecli.*, XXXV, 26. — <sup>9</sup> *Psal.*, LXVIII, 47.

quoniam benigna est misericordia tua, » etc. : ecce misericordia benigna, separans a molestia temporali in tempore defunctionis.

#### *Articulus secundus.*

Quantum ad secundum, proposuit : *Vivifica*, scilicet spirituali vita, qua vitantur illicita. Et nota, quod tali vita vivificari supplicat propter tria : videlicet ad spiritualiter ambulandum ; ad fiducialiter postulandum ; ad æternaliter gratulandum : quorum primum pertinet ad operationem; secundum, ad orationem; tertium, ad utriusque remunerationem. De primo<sup>1</sup> : « Hæc dicit Dominus, » et infra : « In sancto habitans, et cum contrito et humili spiritu, ut vivificet spiritum humilium : » ecce vivificatio ad spiritualiter ambulandum. De secundo legitur<sup>2</sup> : « Vivificabis nos, et nomen tuum invocabimus : » ecce vivificatio ad fiducialiter postulandum. De tertio scribitur a Psalmographo<sup>3</sup> : « Vivifieabis nos, et plebs tua hætabitur in te : » ecce vivificatio ad æternaliter gratulandum.

#### *Articulus tertius.*

Quantum ad tertium, proposuit: *Me*, scilicet tentatum corporali tentatione. Et nota, quod contingit spiritum tripliciter tentari tali tentatione, sine mortali prævaricatione: utpote imperite cogitando, invite delectando, incaute consentiendo. Cogitationibus vallatur, delectationibus verberatur, consensionibus vulneratur; si tamen indeliberatae fuerint, non necatur. De primo<sup>4</sup> : « Circumdederunt me aquæ usque ad animam meam, abyssus vallavit me. » Per aquas vagas, intellige cogitationes vanas; per abyssum obsecuram, cogitationem impuram. Tunc igitur animam aqua circumdat, cum vanæ cogitationes inundant; tunc abyssus vallat, cum impura cogitatio se admiseens, cogitantem titillat. De secundo<sup>5</sup> : « Verberaverunt me, sed non dolui : » quod de involuntariis delectationibus potest intelligi, quæ verberant, quia rationalitatem molestant; sed dolorem non causant, quia sensualitatem oblectant. De tertio<sup>6</sup> : « Invenerunt me custodes, qui circumeunt civitatem; percutserunt me, vulneraverunt me. » Tales custodes videntur esse dæmones, qui in circuitu ambulant, et circumeunt terram, ut terribilis circumveniant. Hi percutiunt, cum affectionem per impuram delectationem concutiunt;

<sup>1</sup> Isa., LVII, 15. — <sup>2</sup> Psal. LXXIX, 19. — <sup>3</sup> Psal. LXXXIV, 7. — <sup>4</sup> Jon., II, 6. — <sup>5</sup> Prov., XXIII, 35. —

sed vulnerant, cum rationem per subitam assencionem alterant.

#### *Articulus quartus.*

Quantum ad quartum, apposuit : *Et custodiam testimonia oris tui*. Talis custodia est moralis observantia, ore dominico prædicata. Et nota, quod divina testimonia diligenter custodiare debemus, maxime si vigilanter pensemus, quidator, quis remunerator, quis ultior: quoniam ille est dator, cui debetur maximus amor; ille remunerator, cui debetur maximus honor; ille ultior, cui debetur maximus timor. De primo scribit Psalmographus<sup>7</sup> : « Custodiebant testimonia ejus, et præceptum quod dedit illis : » ecce dator, cui debetur maximus amor. De secundo alibi ait<sup>8</sup> : « Si custodierint filii tui testamentum meum, et testimonia mea hæc, que docebo eos; et filii eorum usque in sæculum sedebunt super sedem tuam : » ecce remunerator, cui debetur maximus honor. De tertio autem alibi psallimus (a)<sup>9</sup> : « Exacerbarunt Deum excelsum, et testimonia ejus non custodierunt; » et infra : « Audivit Deus, et speravit, et ad nihilum rediget valde Israel : » ecce ultior, cui debetur maximus timor.

#### *Epilogus.*

Patet itaque vox Prophetæ, typum gerentis personæ intrinsecus titillate : *Secundum misericordiam tuam*, scilicet miseriæ mee sensuali congruam, quantum ad concupiscentia corruptelam; *Vivifica*, scilicet spirituali vita, quantum ad gratiæ tutelam; *Me*, scilicet tentatum corporali tentatione, quantum ad iniquitatis cautelam; *Et custodiam testimonia oris tui*, scilicet morali observatione, quantum ad aequitatis sequelam.

#### *VERSICULUS IX.*

89. *In æternum, Domine, verbum tuum*, etc. Causam deficientem vidimus per octonarium præcedentem; causam reficientem videbimus per præsentem. Hæc autem causa est bonitas divina: quæ non est defectiva, sicut probat quaternarius primus; sed refectiva, sicut probat secundus. Probatur autem quod non sit defectiva, eo quod sit mirabilium effectiva: quæ sunt inquietatio maximæ firmitatis, quietatio maximæ infirmitatis, retentio maximæ

<sup>6</sup> Cant., V, 7. — <sup>7</sup> Psal. XC VIII, 7. — <sup>8</sup> Psal. CXXXI, 12-13. — <sup>9</sup> Psal. LXXVII, 56, 59. — (a) *Leg. Psalmus.*

fugacitatis, et ligatio maximæ libertatis, sicut patebit in quatuor versibus subnotatis. Quod per ipsam maxima firmitas inquietatur, in præsenti versu docetur. Quid enim firmamento firmius? Quid motu inquietius? Istum motum inquietum exprimit iste versus divinitus imperatum, et cœlitus observatum, distinguendo per quadruplex ejus membrum, imperans, et imperatum, observans, et observatum.

#### *Articulus primus.*

Imperans indicatur, cum dicitur : *Domine*; quia Domini est imperare, servi obtemperare. Et nota, quod Dominus est cœlos ponderans, cœlis imperans, et per cœlos operans : ponderat enim virtutem, imperat servitatem, et humanam operatur salutem. De primo<sup>1</sup> : « *Do-*minus Deus in fortitudine veniet; » et post pauca subiungit : « *Cœlos palmo ponderavit.* » Quid est palmo ponderare, nisi figuram exteriorem et naturam interiorem considerare? Palmus enim pertinet ad figuram, et ponderatio ad naturam : quia palmo, quasi circino, utimur figurando; et virtutem nativam et motivam discernimus ponderando : ecce Dominus cœlos ponderans. De secundo, ubi dixit servus domino<sup>2</sup> : « *Do-*mine, factum est, ut tu imperasti. » Sicut enim imperanti domino respondetur ab illo, sic imperanti Domino respondetur a cœlo : nisi quod respondetur ab illo tanquam servo animato; ab isto vero, tanquam servo inanimato. Ab illo respondetur dicto ; ab isto respondetur facto : ecce Dominus cœlis imperans. De tertio<sup>3</sup> : « *Domine, dabis pacem nobis : omnia enim opera nostra operatus es nobis;* » quasi diceret : *Domine, dabis pacem nobis*, videlicet in cœlis : *omnia enim opera nostra*, salutis meritoria, *operatus es nobis*, scilicet mediantibus cœlis, tanquam vivificis mortalium corporum adjumentis : ecce Dominus per cœlos operans.

#### *Articulus secundus.*

Imperatum intimatur, cum subditur : *Verbum tuum*, per hoc intimando motum verbo imperatum. Notandum ergo super hoc verbo, quod per Verbum cœli sunt facti, firmati, atque portati, ut factio referatur ad subtilitatem materialem, firmatio ad stabilitatem formalem, portatio ad utilitatem finalem. De primo<sup>4</sup> : « *Omnia per ipsum facta sunt :* » ergo cœli sunt

verbo facti : ecce Verbi factura. De secundo canitur<sup>5</sup> : « *Verbo Domini cœli firmati sunt :* » ecce Verbi firmatura. De tertio<sup>6</sup> : « *Portansque omnia verbo virtutis suæ :* » ecce Verbi vectura.

#### *Articulus tertius.*

Observans annotatur, cum scribitur : *In cœlo*, quasi servo inanimato, tuo servitio mancipato. Et nota, quod cœlum est deiforme vestigium, ut videoas quid tibi sit in cœlo spiritualiter imitandum. In cœlo siquidem invenies sicut altitudinem, ornatus ordinem, et concentus dulcedinem. Altitudo congruit potentiae; ordo, sapientiae; dulcedo, bonitati divinæ. Tales cœlos facit Dominus in intellectu nostro, quando ponit altitudinem in objec<sup>7</sup>o, ordinem in medio, et dulcedinem in subjecto. De primo<sup>7</sup> : « *Altitudinem cœli, et latitudinem terræ, et profundum abyssi quis dimensus est?* » ecce cœlestis situs altitudo. De secundo<sup>8</sup> : « *Numquid nosti ordinem cœli?* » ecce cœlestis ornatus ordo. De tertio<sup>9</sup> : « *Concentum cœli quis dormire faciet?* » ecce concentus cœlestis dulcedo, seu motuum proportio, quæ propter sui dulcedinem musicæ consonantiae comparatur, testificante Boetio, quod motus superiorum corporum musicis consonantias celebrantur.

#### *Articulus quartus.*

Observatum subnotatur, cum scribitur : *Permanet in æternum*; quasi dicat : Motus qui per Verbum imperatur, per cœlum observatur. *In æternum* : non quod imperetur in æternum, aut observetur in æternum ; sed quia quādiu imperatur, tamdiu observabitur in æternum. Quod si videtur cuiquam difficile, audiat exemplum simile, ac satis facile. Vox, quæ profertur ab ore, defertur ab aere : hoc verum est in æternum, quia necessarium : non quia vox proferatur ab ore in æternum, aut deferatur ab aere in æternum, sed quia quādūcumque profertur ab ore, defertur ab aere usque in æternum. Et notandum, quod æterna permanentia reperitur in Scriptura sub triplici differentia : quædam scilicet increata ; quædam imperata; quædam inspirata. Prima quidem pertinet ad existentiam naturalem; secunda, ad influentiam corporalem; tercua, ad gratiam spiritualem. De prima psallit Propheta<sup>10</sup> : « *Tu autem, Domine, in æternum permanes :* » ecce

Æter-  
num  
quomo-  
do iotl-  
ligatur.

<sup>1</sup> Isa., XL, 10, 12. — <sup>2</sup> Luc., XIV, 22. — <sup>3</sup> Isa., XXVI, 22. — <sup>4</sup> Joan., I, 3. — <sup>5</sup> Psal. XXXII, 6. — <sup>6</sup> Hebr., I,

3. — <sup>7</sup> Eccli., I, 2. — <sup>8</sup> Job, XXXVIII, 34. — <sup>9</sup> Ibid., 37. — <sup>10</sup> Psal. CI, 13.

æternam permanentiam, quantum ad naturalem existentiam. De secunda dicit Psalmus in parte ista : *In æternum*, etc. Ecce æternam permanentiam, quantum ad corporalem influentiam. De tertia seribitur, ubi dicitur a Domino<sup>1</sup> : « Non permanebit spiritus meus in homine in æternum, quia caro est; » ac si diceret : Spiritualis gratia non permanebit in æternum in homine ambulante secundum carnem, sed in ambulante secundum spiritum : ecce æternam permanentiam, quantum ad spiritualem gratiam.

#### Epilogus.

Ostendens ergo Propheta non esse defectivam bonitatem, quæ potest inquietare maximam firmitatem, ait : *Domine*, quantum ad bonitatem dominicam imperantem; *Verbum tuum*, quantum ad motum divinitus imperatum; *In cœlo*, quantum ad firmitatem cœleiacm obseruantem; *Permanet in æternum*, quantum ad motum cœlitus observatum.

#### VERSICULUS X.

90. *In generationem (a) et generationem veritas tua*, etc. Magnus bonitatis effectus claruit per versum prævium, scilicet inquietatio maximæ firmitatis; nec minor clarescit per istum, videlicet quietatio maximæ infirmitatis. Quid enim statu quietius? Quid infimo elemento infirnius? Nam elementa quanto inferiora, tanto infirmiora; quippe sicut humiliora sunt ordine, sic exiliora sunt specie et virtute. Hujus autem quietatio elementi declaratur in versu præsentí, quia revera bonitas summa sicut erat præstitura finaliter, per verbi virtutem, terrigenæ humanitati salutem, sic præstitit primordialiter, per veritatis stabilitatem, terrenæ infirmitati quietem, quatenus a mundi primordio subrutilaret ipsius consummatio. Quocirca iu parte ista denotavit Psalmista veritatis stabilitatem, et infirmitatis quietem. Est autem veritatis verbi testis, stabilitas virtutis, infirmitas humanitatis, quies salutis.

#### Articulus primus.

Veritas igitur liquido aperitur, cum dicatur : *In generationem (b) et generationem veritas tua*; quasi dicat : Veritas a te genita est, stabilitate perpetua stabilita. Et nota quod hæc est veritas

<sup>1</sup> Gen., vi, 3. — <sup>2</sup> Joan., xvii, 17. — <sup>3</sup> Psal. cxlv, 7. — <sup>4</sup> III Esdr., iii, 12, sed inter apocrypha, ut sequens. — <sup>5</sup> III Esdr., iv, 36. — <sup>6</sup> Isa., xlvi, 13.

a Patre dicta; sed non relicta, veritas invicta, veritas benedicta. Dicitur enim, quia generatur; non relinquitur, quia non separatur; non vincitur, quia non commutatur; benedicitur, quia communicatur. De primo<sup>2</sup> : « Sermo tuus veritas est : » ecce veritas dicta. De secundo dicitur per Psalmographum<sup>3</sup> : « Qui custodit veritatem in sæculum : » ecce veritas non relicta. De tertio<sup>4</sup> : « Super omnia vincit veritas : » ecce veritas invicta. De quarto<sup>5</sup> : « Omnis terra invocat veritatem; cœlum etiam ipsam benedit : » ecce veritas benedicta.

#### Articulus secundus.

Stabilitas subauditur, cum dicitur : *Fundasti*; quasi dicat : Sieut sapiens architectus fundatum posuisti veritatem tuam, ut fundares terram super stabilitatem suam. Terra namque pura non est stabilis, cum sit pulvis : unde terra pura lapis non fit, sieut in libro Meteororum Philosophus inquit. Et nota, quod terram fundavit Dominus tripliciter, videlicet potenter, sapienter, latenter : plane potenter, quoniam stabilire infirmitatem, est potentia; sapienter quoque, quoniam per veritatem stabilire est sapientia; latenter autem, quia causalitatem invenire, non est humanæ perspicaciæ. De primo<sup>6</sup> : « Manus mea fundavit terram : » ecce fundandi potentia. De secundo<sup>7</sup> : « Dominus sapientia fundavit terram : » ecce fundandi sapientia. De tertio quæritur<sup>8</sup> : « Quando fundabatur (c) pulvis in terra? » ecce fundandi latentia.

#### Articulus tertius.

Infirmitas intelligitur, cum introducitur : *Terra*; quia terra est elementum infimum et infirmum; et quanto inferius, tanto infirmius. Et nota, quod terra dicitur aliis elementis infirmior propter tria : quia actualiter inanior; quia possibilitate plenior; quia nihilitatibus vicinior. Propter primum est minus activa; propter secundum, magis passiva; propter tertium, eihius defectiva, quam alia elementa. Hæc autem intellige, manente parili quantitate. De primo<sup>9</sup> : « Terra erat inanis et vacua, » supple, per respectum ad alia elementa; quoniam illorum respectu terra est inanior specie, sive actu. De secundo<sup>10</sup> : « Aspexi terram, et ecce vacua erat

Terra  
curcata  
ris ele-  
mentis  
infir-  
mior.

— <sup>7</sup> Prov., iii, 19. — <sup>8</sup> Job, xxxviii, 38. — <sup>9</sup> Gen., 1, 2. — <sup>10</sup> Jerem., iv, 23.

(a) Cæt. edit. generatione. — (b) Item, ut modo. — (c) Vulg. fundebatur.

et nihil. » *Vacua*, dicit, quantum ad vacuitatem actualitatis; *nihili*, quantum ad plenitudinem possibilitatis: quoniam plenitudo hujuscemodi est quasi plenitudo nihil. De tertio<sup>1</sup>: « Qui appendit terram super nihilum. » Terra dicitur appendi super nihilum, quoniam inter esse suum, et nihilum, non est esse medium.

#### *Articulus quartus.*

Quies comprehenditur, cum concluditur: *Et permanet*. Hæc permanentia est quietis observantia in omni turbulentia. Ille potes notare exemplum morale; quod sicut viscera terræ permanent in tranquillitate in qualibet ejus mobilitate, pro Dei venerabili bonitate; ita debent præcordia tua permanere in sancta conversatione in quavis tentatione, pro Dei veneratione. Prima permansio legitur<sup>2</sup>: « Omnis generatio ejus in bona vita, et in sancta conversatione permansit: » ecce permansio in sancta conversatione. Secunda permansio seribitur<sup>3</sup>: « Vos estis, qui permansistis mecum in temptationibus meis: » ecce permansio in temptatione. Tertia permansio exprimitur<sup>4</sup>: « Domine Deus Abraham, et Isaac, et Israel, patrum nostrorum, in æternum custodi hanc voluntatem cordis eorum; et semper in veneratione tui mens ista permaneat: » ecce permansio in Dei veneratione.

#### *Epilogus.*

Hæc est itaque vox Prophetæ: *In generatione et generationem veritas tua*: ecce veritas verbum prænosticans; *Fundasti*: ecce stabilitas virtutem prædicans; *Terram*: ecce terrena infirmitas, terrigenam humanitatem significans; *Et permanet*: ecce quies salutem indicans.

#### *VERSICULUS XI.*

91. *Ordinatione tua perseverat dies*, etc. Assignatis duobus prodigiis bonitatis naturam firmissimam inquietantis, et infirmissimam quietantis, hic assignatur tertium bonitatis prodigium, naturam fugacissimam tenaciter conservantis. Quid enim tempore fugacius? Quid perseveratione tenacius? Hujus siquidem fugacitatis tenacitatem evidenter videmus per versum præsentem. Cum enim tempus, sicut ait Philosophus<sup>5</sup>, sit numerus prioris et posterioris in motu, prout

illa (a) numerantur animæ cogitatū, lique sat-  
tis, quod esse materiale temporis fundatur in  
motu primi mobilis; esse vero formale con-  
summatur in anima numerantis: quod præ-  
clare præordinavit Dominus, quatenus sibi  
serviant non solum temporalia, sed et tempus.  
Nec enim parvus est Dei servus iste numerus  
numeratus, qui Deo servit tam in manentibus,  
quam in fluentibus; tam in cœli motibus, quam  
in animæ actibus; illie materialiter, istic for-  
maliter constitutus. Loquens ergo Propheta in  
veritatis spiritu (a quo, teste Ambrosio<sup>6</sup>, est  
omne verum cuiuscumque referatur relatu,) ait  
sic: *Ordinatione tua*, etc., quasi dicat: Sieut  
præordinasti mirabiliter, tempus manet forma-  
liter, fluit materialiter, ut tibi serviatur univer-  
saliter. Ecce quatuor causæ temporis, scilicet  
initialis, formalis, materialis, finalis. Prima in  
Dei conceptu; secunda in animæ actu; tercia in  
cœli motu; quarta in omnium famulatu.

#### *Articulus primus.*

Causam initialem prænotavit Psalmus, cum ait: *Ordinatione tua*. Hæc est ordinatio, per quam causa primaria, mediantibus causis se-  
cundariis, ordinat de causatis, sicut potestas  
ordinaria mediantibus potestatibus delegatis.  
Unde Apostolus inquit<sup>7</sup>: « Qui resistit potestatibus, Dei ordinationi resistit. » Sed fortassis  
quæreret aliquis, quæ sint potestates spectantes  
ad ordinationem temporis? Ille notandum,  
quod multiplex potestas est tempus ordinans:  
quædam, sicut prædestinans; quædam, sicut  
imaginans; quædam, sicut illuminans. Ad plex.  
Deum pertinet prædestinatio; ad animam,  
imaginatio; ad luminaria, illuminatio. De  
prima<sup>8</sup>: « Non est vestrum nosse tempora,  
vel momenta quæ Pater posuit in sua po-  
testate: » ecce potestas tempus prædestinans,  
et prædestinando ordinans. De secunda spe-  
cialiter intelligitur, quod generaliter legitur<sup>9</sup>:  
« Non est potestas, nisi a Deo; » quia procul-  
dubio potestas, seu vires animæ sunt a Deo,  
in quibus est potestas imaginativa, prius et  
posteriori in motu imaginans, et imaginando  
tempus ordinans. De tertio psallit Propheta<sup>10</sup>:  
« Solem in potestatem diei; lunam in potesta-  
tem noctis, et stellas: » ecce potestas tempus  
illuminans, et illuminando ordinans.

Potestas  
multi.

<sup>1</sup> Job., xxvi, 7. — <sup>2</sup> Tob., xiv, 17. — <sup>3</sup> Luc., xxii, 28. — <sup>4</sup> 1 Paralip., xxix, 18. — <sup>5</sup> Arist., Physic., lib. IV, text. 101. — <sup>6</sup> Vel auctor *Comment. in Epist.* ad Cor., sub Ambrosii nomine, c. xi. — <sup>7</sup> Rom., XIII, 2. — <sup>8</sup> Act., I, 7. — <sup>9</sup> Rom., XIII, 1. — <sup>10</sup> Psal. cxxxv, 8, 9. (a) Cœl. edit. illis.

*Articulus secundus.*

Causam formalem subnotavit, cum subdidit: *Perseverat*. Ista perseverantia est illa permanentia, qua tempus permanet in numerantis anima: unde, sicut Philosophus docet<sup>1</sup>, tempus non esset, si anima non esset. Ille potes notare, quod tripliciter contingit perseverare: videlicet rationaliter, animaliter, et naturaliter. Prima dicitur perseveratio bonorum; secunda, perseveratio pecorum; tertia, perseveratio operum divinorum. Prima perseveratio legitur<sup>2</sup>: « Illi viri misericordiae sunt, quorum pietates non defecerunt, et cum semine eorum perseverant (*a*) bona: » ecce perseveratio bonorum. Secunda<sup>3</sup>: « Pecora tibi sunt, attende illis, et si sunt utilia, perseverent apud te. » Quod hic scribitur de pecoribus, convenienter adscribitur peccatoribus, de quibus legimus<sup>4</sup>: « Hi vero, velut irrationalibilia pecora: » ecce perseveratio pecorum. Tertia<sup>5</sup>: « Didici, quod omnia opera, quae fecit Deus, perseverant in eternum: » ecce perseveratio operum divinorum.

*Articulus tertius.*

Causam materialem annotavit, cum addidit: *Dies*; quia dies illud tempus vocatur, quod in uno cœli motu fundatur: sicut autem unitate mensuratur omnis numerus, sic illo motu omnis motus, et illo tempore omne tempus; unde nimis convenienter accipimus per diem unum, universum motum substratum, et universum tempus fundatum. Et nota, quod est dies naturæ, fortunæ, gratiæ: prima pertinet ad motum circularem; secunda, ad motum sæcularem; tertia ad motum salutarem. De primo<sup>6</sup>: « Factum est vespere et mane dies unus: » ecce dies naturæ. De secundo<sup>7</sup>: « Diem hominis non desideravi: » ecce dies fortunæ. De tertio<sup>8</sup>: « Ecce nunc dies salutis: » ecce dies gratiæ.

*Articulus quartus.*

Causam finalem denotavit, cum dixit: *Quoniam omnia serviunt tibi*. Nulli dubium, quin finis omnium tam temporum, quam temporaliuum, sit divinum servitium. Quænam major perfectio creaturæ, quam Creatori servire? Sed

<sup>1</sup> Arist., *Phys.*, lib. IV, text. 431. — <sup>2</sup> Eccli., XLIV, 10. — <sup>3</sup> Eccli., VII, 24. — <sup>4</sup> II Petr., II, 12. — <sup>5</sup> Eccli., III, 14. — <sup>6</sup> Gen., I, 3. — <sup>7</sup> Jerem., XVII, 16. —

nota, quod illi serviunt creaturæ specialiter triplici ratione: quædam, quia creatæ; quædam, quia recreatæ; quædam, quia beatæ. Primæ serviunt sibi et suis, præsentando bona naturæ; secundæ serviunt, præsentando bona gratiæ: tertiae serviunt, præsentando bona gloriæ. De primo servitio legitur<sup>9</sup>: « Domine Deus; » et infra: « Tibi serviat omnis creatura tua; quia dixisti, et facta sunt: » ecce servitum pertinens ad creatas. De secundo<sup>10</sup>: « Conversi estis ad Deum a simulacris, servire Deo vivo et vero: » ecce servitum spectans ad recreatas. De tertio<sup>11</sup>: « Servi ejus servient illi, et videbunt faciem ejus; » ecce servitum attinens ad beatas.

*Epilogus.*

Ostendens ergo Propheta mirificam bonitatem per maximæ sagacitatis tenacitatem, sic ait: *Ordinatione tua*, scilicet in Dei conceptu, in quo causa initialis; *perseverat*, scilicet in animæ actu, in quo causa formalis; *dies*, scilicet in cœli motu, in quo causa materialis; *quoniam omnia serviunt tibi*, scilicet universalis formulatu, in quo causa finalis.

*VERSICULUS XII.*

92. *Nisi quod lex tua*, etc. Allegatis tribus magnalibus bonitatis in tribus versibus prælibatis, hic allegatur quartum, videlicet ligatio maximæ libertatis. Quid enim voluntate liberius? Quid ligatione charitatis astriclius? Hanc libertatis ligationem per hujus versus invenimus investigationem. Deus enim, qui libera voluntate plasmavit hominem sibi libera voluntate conformem, dictavit legem charitatis ad ligationem libere voluntatis, ne fortasse libertas voluntatem gravaret, si eam charitas non juvaret. Hoc dictamen, hoc ligamen, hoc gravamen, hoc juvamen dogmatizat Propheta per præsentis versus seriem quadrimembrem: scilicet dictamen legis, ligamen liberæ voluntatis, gravamen libertatis, et juvamen charitatis, dicens: *Nisi quod lex tua*, etc.; quasi patenter inquiens: Nisi meditatus fuisset quod legis tuae dictamen esset voluntatis meæ ligamen, forte periisset propter libertatis gravamen, præter charitatis juvamen.

<sup>8</sup> II Cor., VI, 2. — <sup>9</sup> Judith, XVI, 17. — <sup>10</sup> II Thess., I, 9. — <sup>11</sup> Apoc., XXII, 3.

(a) *Vulg.* permanent.

*Articulus primus.*

Legis dictamen aperit, cum ait : *Nisi quod lex tua* : hæc est charitatis lex, quam dictavit cœlestis rex. Unde notandum, quod lex ista non est elonganda, declinanda, dissipanda : elongatur autem per oblivionem; declinatur per omissionem; dissipatur per dissimilem actionem. De primo cantatur in prophetica psalmodia<sup>1</sup> : « Appropinquaverunt persecuentes me iniquitati : a lege autem tua longe facti sunt : » ecce legis elongatio. De secundo scribitur in eadem psalmographia<sup>2</sup> : « Superbi inique agebant usquequaque; a lege autem tua non declinavi : » ecce legis declinatio. De tertio legitur in ipsa psalmographia<sup>3</sup> : « Tempus faciendo, Domine; dissipaverunt legem tuam : » ecce legis dissipatio.

*Articulus secundus.*

Voluntatis ligamen innuit, cum adjungit : *Meditatio mea est*. Hæc legis meditatio est voluntatis ligatio : quid enim melius in lege meditari possumus, quam quod legi ligati sumus? Quod autem talis esset Prophetæ meditatio, probatur ipsius testimonio. Unde notandum, quod meditatio sua erat de ligatione sua, præcipue quoad tria : videlicet, quomodo legem propter legislatorem diligenter; secundum legem viveret; non temporalem, sed æternalem mercedem inde recipere : quorum primum respicit affectionem; secundum, actionem; tertium, intentionem. De primo scriptum est<sup>4</sup> : « Quomodo dilexi legem tuam, Domine! tota die meditatio mea est : » ecce meditatio diligendi. De secundo dictum est<sup>5</sup> : « Et vivam, quia lex tua meditatio mea est : » ecce meditatio vivendi. De tertio expressum est<sup>6</sup> : « Concupivi salutare tuum, Domine; et lex tua meditatio mea est : » ecce meditatio salutem æternalem recipiendi.

*Articulus tertius.*

Libertatis gravamen adjicit, cum dicit : *Tunc forte periissem*; ac si dicat aperte : *Tunc forte*, scilicet me non meditante de lege ligante, *periissem*, videlicet libertate gravante. Multum enim voluntatem gravat libertas, quam non trahit sursum divina charitas, sed deorsum humana vanitas : quamobrem non insulse dicit :

<sup>1</sup> *Psal.* hoc, 150. — <sup>2</sup> *Ibid.*, 51. — <sup>3</sup> *Ibid.*, 126. — <sup>4</sup> *Ibid.*, 97. — <sup>5</sup> *Ibid.*, 77. — <sup>6</sup> *Ibid.*, 174. — <sup>7</sup> *Jerem.*,

*Periissem*. Tale periculum est mortale piaculum. Et nota, quod in illo periculo pereunt tria : perit ratio, affectio, intentio : quia perit consilium rationis; perit desiderium affectio- nis; perit finis intentionis. De primo<sup>7</sup> : « Periit consilium a filiis; inutilis facta est sapientia eorum : » ecce periclitatio consilii, quantum ad rationem. De secundo Propheta psallit<sup>8</sup> : « Desiderium peccatorum peribit; » ecce peri- clitatio desiderii, quantum ad affectionem. De tertio<sup>9</sup> : « Dixi : Periit finis meus : » ecce peri- clitatio finis, quantum ad intentionem.

*Articulus quartus.*

Charitatis juvamen ostendit, cum addit : *In humilitate mea* : hæc enim humilitas est charitatis exilitas, sive nihilitas. Super quo potuit esse dubitatio; quia nescit homo utrum sit dignus amore, vel odio, sicut habetur apud *Ecclesiasten*<sup>10</sup>. Et forte propter hoc ait : *Forte*. Unde notandum, quod est humilitas vituperabilis, tolerabili is, venerabilis : prima est illicita, secunda, fortuita; tertia, gratuita. De prima<sup>11</sup> : « Superbum sequitur humilitas; » quia profecto (a) superbiam presumptionis interioris sequitur vilitas actionis exterioris : ecce humilitas vi- tuperabilis. De secunda<sup>12</sup> : « Humilitate humiliabitur civitas : » ecce humilitas tolerabilis. De tertia<sup>13</sup> : « Gloriam præcedit humilitas : » ecce humilitas venerabilis.

## Epilogus.

Propalans ergo Propheta bonitatis mirificam actionem per maximæ libertatis ligationem, sic ait : *Nisi quod lex tua*, quantum ad charitativæ legis dictamen; *Meditatio mea est*, quantum ad voluntatis ligamen; *Forte periissem*, quantum ad libertatis gravamen; *In humilitate mea*, quantum ad modicum seu nullum charitatis juvamen.

## VERSICULUS XIII.

93. *In æternum non obliviscar*, etc. Probatum est in quaternario præcedenti bonitatem divinam non esse defectivam; probandum est in præsenti ipsam esse defectuum refectivam : quod videtur probare Propheta per quatuor experimenta, totidem versibus annotata : puta per spei fiduciam, fidei constantiam, amoris

Bonitas  
divina  
est de-  
fectuum  
refectiva

<sup>8</sup> *Psal.* cxi, 10. — <sup>9</sup> *Thren.*, iii, 18. — <sup>10</sup> *Eccle.*, ix, 1. — <sup>11</sup> *Prov.*, xxix, 23. — <sup>12</sup> *Isa.*, xxxii, 19. — <sup>13</sup> *Prov.*, xv, 33. — (a) *Edit. Ven.* profecte.

flagrantiam, laboris complacentiam. Versus primus ad speci fiduciam spectat, in quo Psalmographus quid, et propter quid confidenter sperandum sit, manifestat. Universi siquidem justi expectant se divinam essentiam perspicue contemplaturos, et beneficentiam perpetue laudaturos: quoniam per ejus gratiam se conjectant a divina dissimilitudine reformatos, et divinæ similitudini conformatos. Propterea versus istius continentia quatuor continet eis correspondentia: videlicet æternam vitam, gratitudinem infinitam, culpam mortalem abolitam, et vitam moralem redditam: quorum primum respondet contemplationi; secundum collaudationi; tertium reformationi; quartum conformatio-

#### *Articulus primus.*

Horum primum Psalmista præcinit, dicens: *In æternum, id est, in æterna vita. Quæ est autem æterna vita, nisi contemplatio divina? sicut scriptum est*<sup>1</sup>: « Hæc est vita æterna, ut cognoscant te solum Deum verum, et quem misisti Iesum Christum. » Hic potest notari, quod legitur in æternum misericordia Domini servari, ædificari, cantari: quia revera in sperantibus servatur; in contemplationibus (*a*) ædificatur; in collaudantibus cantatur. De primo psallitur<sup>2</sup>: « In æternum servabo illi misericordiam meam; » ecce misericordia in æternum servanda. De secundo scribitur<sup>3</sup>: « In æternum misericordia ædificabitur in cœlis; » ecce misericordia in æternum ædificanda. De tertio legitur<sup>4</sup>: « Misericordias Domini in æternum cantabo: » ecce misericordia in æternum cantanda.

#### *Articulus secundus.*

Secundum autem Prophetæ succinit, subdens: *Non obliviscar, ut ingratius; sed reminiscar, ut gratus.* Et nota quod tunc obliviscetur anima de miseria contracta, de erubescencia transacta, sed non de gratia sibi facta; quia profecto miseriae succedit beatitudo, erubescencia pulchritudo, gratiae gratitudo: beatitudo abolebit miseriam; pulchritudo erubescenciam; sed non gratitudo gratiam. De primo<sup>5</sup>: « Eris stabilis, et non timebis; miserie quoque oblivisceris: » hic asseritur oblio miserie. De secundo<sup>6</sup>: « Confusionis adolescentiae tuæ oblivisceris, et opprobrii viduitatis tuæ non

<sup>1</sup> Joan., xvii, 3. — <sup>2</sup> Psal. LXXXVIII, 29. — <sup>3</sup> Ibid., 3. — <sup>4</sup> Ibid., 2. — <sup>5</sup> Job, XI, 16. — <sup>6</sup> Isa., LIV, 4. —

recordaberis amplius: » hic astruitur oblio erubescenciae. De tertio<sup>7</sup>: « Gratiam fidejussoris ne obliviscaris; dedit enim pro te animam suam: » hic dissuadetur oblio gratiae.

#### *Articulus tertius.*

Tertium vero Psalmus concinit, addens: *Justificationes tuas, id est, reformationes tuas.* Unde notandum, quod justificationes istæ sunt quasi pacificationes, seu salvifications, sive revocationes, quibus animæ judicatae pacificantur, damnatae salvificantur, relegatae revocantur. De primo<sup>8</sup>: « Surgebam ad confitendum tibi super judicia justificationis tuæ, » quantum ad animæ judicatae pacificationem. De secundo Prophetæ psallit<sup>9</sup>: « Salvum me fac, quoniam justificationes tuas exquisivi, » quantum ad animæ damnatae salvificationem. De tertio Psalmographus scribit<sup>10</sup>: « Viam justificationum tuarum instrue me, » quantum ad animæ relegatae revocationem.

#### *Articulus quartus.*

Quatum quoque Psalmographus ait: *Quia in ipsis vivificasti me, videlicet vita non carnali, sed morali; non deformi, sed deiformi.* Et nota, quod Deus vivificat animam per perfectam poenitentiam. Hujus autem perfectio consistit in ternario, quod est contritio, confessio, et satisfactio: ideoque vivificare legitur Dominus iudicio, eloquio, et tribulationis medio: quorum primum respondet contritioni; secundum, confessioni; tertium, satisfactioni. De primo dicitur in Psalmo<sup>11</sup>: « Misericordiae tuæ multæ, Domine, secundum iudicium tuum vivifica me: » ecce contritionis iudicium, quo iudicatur a Domino cor contritum. De secundo scribitur a Psalmista<sup>12</sup>: « Eloquium tuum vivificavit me: » ecce confessionis eloquium, quo Dominus accusat veterem hominem per hominem novum, tanquam per vicarium suum. De tertio psallitur in Psalterio<sup>13</sup>: « Si ambulavero in medio tribulationis, vivificabis me: » ecce satisfactorię tribulationis medium, in quo ambulat, qui condignæ poenitentiae cruxem bajuat, quem Dominus mortificat, et vivifical.

#### *Epilogus.*

Et hoc est, quod psallitur per Prophetam:

<sup>7</sup> Eccl., XXIX, 20. — <sup>8</sup> Psal. hoc, 62. — <sup>9</sup> Ibid., 56. — <sup>10</sup> Ibid., 27. — <sup>11</sup> Ibid., 156. — <sup>12</sup> Ibid., 50. — <sup>13</sup> Psal. CXXXVII, 7. — (*a*) Leg. contemplantibus.

*In aeternum*, quantum ad aeternam vitam, quod pertinet ad Dei contemplationem; *Non obliviscar*, quantum ad gratitudinem infinitam, quod attinet ad Dei collaudationem; *Justificationes tuas*, quantum ad culpan mortalem saltem originalem abolitam, quod refertur ad rei reformationem; *Quia in ipsis vivificasti me*, quantum ad vitam moralem redditam, quod retorquetur ad conformatiōnem: ac si lingua dicaret expedita: *In aeterna vita non erit tradita oblivioni culpa abolita*, et vita reddita; hoc est: Spero gloriam contemplationis, et collaudationis, propter gratiam reformationis, et conformatiōnēs.

## VERSICULUS XIV.

94. *Tuus sum ego*, etc. Praeordinata spei fiducia in versu precedenti, subordinatur fidei constantia in praesenti; nec sine causa convenienti, si diligenter consideretur, quod ex motu spei, motus fidei generatur, dum ex boni desiderio, quod speratur, fidei inelatio imperatur. Hanc fidei constantiam manifestat Psalmographus, per quadrimembrem continentiam hujus versus proponendo servitutem, quam tolerat, propter salutem, quam sperat; et petendo praemium salutis, propter meritum servitūs. Servitus tolerata est captivitas rationis; salus sperata est libertas visionis; praeium (*a*) prestatum est salvifica veritatis evidētia; meritum allegatum est justifica veritatis credentia.

*Articulus primus.*

Salutem speratam denotavit, dicendo: *Ego*, quoniam post expositionem spei suae in versu precedente, subdit immediate: *Ego*, scilicet qui salutem spero. Quæris, qualiter? plane tripliciter, sicut ex verbis suis colligitur evidenter: magnanimitate, aequanimitate, longanimitate. Speravit namque et docuit nos sperare magnanimitate in prosperitate, aequanimitate in adversitate, longanimitate in antiquitate. De primo psallit<sup>1</sup>: « Ego in innocentia mea ingressus sum, et in Domino sperans non infirmabor: » ecce spei magnanimitas, quam non infirmat prosperitas. De secundo dicit<sup>2</sup>: « Qui tribulant me, exultabunt, si motus fuero: ego autem in misericordia tua speravi: » ecce spei aequanimitas, quam non turbat adversitas. De tertio quoque scribit<sup>3</sup>: « Ego semper sperabo,

<sup>1</sup> *Psal.* xxv, 1. — <sup>2</sup> *Psal.* xii, 6. — <sup>3</sup> *Psal.* lxx, 14.  
— <sup>4</sup> *Psal.* hoc, 129. — <sup>5</sup> *Psal.* xcii, 5. — <sup>6</sup> *Psal.* hoc,

et adjiciam super omnem laudem tuam: » ecce spei longanimitas, quam non fatigat antiquitas.

*Articulus secundus.*

Servitatem toleratam connotavit, conneeten-  
do: *Tuus sum*, quasi dicat: Non meus, sed tuus  
sum: quod est apertum servitutis indicium. Si  
quæritur, in quo tuus sum: proculdubio in tuis  
mirabilibus, quibus sum attonitus; in tuis ere-  
dibilibus, quibus sum subditus; in tuis delec-  
tabilibus, quibus sum irretitus. Nam profecto  
mirabiles sunt articuli, quos testaris; sed ere-  
dibiles sunt, quoniam propter sui contempla-  
tionem testaris. De primo per Prophetam psal-  
lit<sup>4</sup>: « Mirabilia testimonia tua: » quasi dicat:  
Mirabilia sunt, quae testaris. De secundo per  
Psalmistam dicitur<sup>5</sup>: « Testimonia tua credibili-  
ta facta sunt, » quoniam tu testaris. De tertio per  
Psalmographum scribitur<sup>6</sup>: « In via testi-  
moniorum tuorum delectatus sum, » quasi di-  
cat: Delectabilia sunt, propter quae sic testaris.

Articuli  
fidei  
quales.

*Articulus tertius.*

Præmium postulatum annotavit, addendo:  
*Salvum me fac*. Quid est salvificari, nisi verita-  
tem salvificam contemplari? Talis salvificatio  
est fidei remuneratio. Verumtamen fides præter  
spem et charitatem non sufficit ad salutem. Unde  
notandum, quod sicut testificantur Scriptu-  
ræ, Dominus legitur salvos facere credentes,  
sperantes, et diligentes; quoniam tribuit se vi-  
dendum, tenendum, et fruendum. De primo<sup>7</sup>:  
« Placuit Deo per stultitiam prædicationis salvos  
facere credentes: » secundum autem Dionysium,  
Dei stultitia est incomprehensibilis sapientia:  
ecce salvificatio credentium. De secundo scribi-  
tur<sup>8</sup>: « Qui salvos facit sperantes in se: »  
ecce salvificatio sperantium. De tertio, ubi mul-  
lieri, quae multum dilexit, Dominus dixit<sup>9</sup>:  
« Fides tua te salvam fecit: » ecce salvificatio  
diligentium. Fides enim est meriti fundamen-  
tum; sed dilectio, complementum.

Domini-  
nus quos  
salvet.

*Articulus quartus.*

Meritum allegatum subnotavit, subdendo:  
*Quia justificationes tuas exquisivi*. Justificationes  
hujusmodi pertinent ad justitiam fidei, quae  
captivat intellectum Christiani in obsequium  
Christi. Talis equidem captivatio non est intel-  
lectuum rectorum recurvatio, sed recurvorum

14. — <sup>7</sup> *I Cor.*, 1, 21. — <sup>8</sup> *Psal.* xvi, 7. — <sup>9</sup> *Luc.*,  
vii, 50. — (a) *Edit. Ven.* prærium.

rectificatio , sive justificatio , quia (a) tanto fiunt rectiores et justiores , quanto primae veritati subjectiores. Hujus ergo justificationis exquisitio , est salutaris acquisitio. Unde notandum , quod justificationis hujus exquisitio est quorumdam præstolatio , consolatio , desolatio : quia nimurum præstolatio est legis lectorum , consolatio dilectorum , desolatio neglectorum. De primo <sup>1</sup> : « Legem pone mihi , Domine , viam justificationum tuarum , et exquiram eam semper ; » ubi patet , quod justificationis exquisitio , lectoris est præstolatio. De secundo <sup>2</sup> : « Hæc facta est mihi , quia justificationes tuas exquisivi ; » ubi liquet , quod justificationis exquisitio , dilectionis est consolatio. De tertio <sup>3</sup> : « Longe a peccatoribus salus , quia justifications tuas non exquisierunt ; » ubi , Deo dante , clarebit , quod justificationis exquisitio , est neglectorum desolatio.

## Epilogus.

Ait ergo Prophetæ mentione præfata de spei suæ constantia : *Ego* , sperans salutem , scilicet visionis libertatem ; *Tuus sum* , tolerans servitutem , scilicet rationis captivitatem ; *Salvum me fac* , exhibens salutis præmium , scilicet salvificam veritatis evidentiam ; *Quia justifications tuas exquivisi* , exsolvens servitutis meritum , scilicet justificam veritatis credentiam.

## VERSICULUS XV.

95. *Me expectaverunt peccatores* , etc. Intimata spei fiducia fideique constantia in duorum veruum præcedentium continentia , hic intimatur charitatis flagrantia. Quia vero flagrantia talis præclare coruscat in ferventia prædicationis et patientia passionis , ob hanc causam in hoc versu describitur per Prophetam qualiter a peccatoribus spectatur , expectatar , tractatur , quisquis ex flagrantia charitatis testimonia veritatis gaudiose sectatur. Nam plerumque spectatur invidiose , expectatur insidiose , tractatur odiose , sectatur gaudiose.

## Articulus primus.

**Peccator invidus , et e converso.** Horum primum præsignavit Prophetæ propo-

<sup>1</sup> *Psal.* hoc , 33. — <sup>2</sup> *Ibid.* , 56. — <sup>3</sup> *Ibid.* , 155. — <sup>4</sup> *Eccli.* , vi , 11. — <sup>5</sup> *Eccli.* , xi , 34. — <sup>6</sup> *Eccli.* , 1, 32. — <sup>7</sup> *Ibid.* , 26. — <sup>8</sup> *Isa.* , LIX , 9. — <sup>9</sup> *Job* , XXX , 20. —

tores pro invidis ; quoniam omnis peccator convenientiam habet cum invido , et e converso ; unde legimus <sup>4</sup> : « Omnis peccator est invidus. » Quod ut videatur evidentius , notandum quod iste peccator , scilicet invidus , est omnis boni adversarius , sive sit bonum corporale , sive morale , sive intellectuale : corporale , sicut vita humana ; morale , sicut cultura divina ; intellectuale , sicut sapientia sana. De primo <sup>5</sup> : « Homo peccator insidiatur sanguini : » ecce adversatio boni corporalis. De secundo <sup>6</sup> : « Execratio peccatori cultura Dei : » ecce adversatio boni moralis. » De tertio <sup>7</sup> : « Execratio peccatoribus sapientia : » ecce adversatio boni intellectualis.

## Articulus secundus.

Secundum assignavit , adjungens : *Me expectaverunt* , sicut insidiatores. O infelices expectatores , nescitis quid expectetis : prosperitatem quaeritis ; sed adversitatem invenietis. Et nota , quod insidiatores Sanctorum expectant tria prospera , sed tria invenient adversa : expectant enim claritatem , quantum ad vim rationabilem ; suavitatem , quantum ad concupiscibilem ; tranquillitatem , quantum ad concupiscibilem ; tranquillitatem , quantum ad irascibilem. Sed invenient pro temporali claritate æternalem caliginem ; pro suavitate , amaritudinem ; pro tranquillitate , turbinem. Primitus convenit , quod Scriptura concinit <sup>8</sup> : « Expectavimus lucem , et ecce tenebrae : » ecce caligo pro claritate. Secundis aptari potest quod scriptum est <sup>9</sup> : « Expectabam bona , et venerunt mili mala : » ecce amaritudo pro suavitate. Tertiis condecenter adscribitur quod scribitur <sup>10</sup> : « Expectavimus pacem , et non est bonum ; et tempus curationis , et ecce turbatio : » ecce turbo pro tranquillitate.

## Articulus tertius.

Tertium consignavit , connectens : *Ut perderent me*. Ista perditio est odiosa tractatio. Sed nota , quod contingit perdere tripliciter , vide-  
licet temporaliter , corporaliter , et spiritualiter : primo modo perdit rapacitas ; secundo , fero-  
citas ; tertio quoque quandoque voracitas. De primo <sup>11</sup> : « Fur non venit , nisi ut furetur , et maectet , et perdat : » ecce perditio substantiae temporalis , quam facit rapacitas. De secundo <sup>12</sup> : « Testes erunt super nos cœlum et terra , quod

<sup>10</sup> *Jerem.* , XIV , 19. — <sup>11</sup> *Joan.* , x , 10. — <sup>12</sup> *I Mach.* , II , 37.

(a) *Cæt. edit.* qui.

Sanctorum insidiatores , res quid expectant et quid inveniunt.

Perdere tripliciter evenit.

injuste perditis nos : » ecce perditio corporalis, quam facit ferocitas. De tertio <sup>1</sup> : « Noli cibo tuo illum perdere, pro quo Christus mortuus est : » ecce perditio spiritualis, quam facit voracitas.

#### *Articulus quartus.*

Quatum designavit, dicens : *Testimonia tua intellexi*; quasi dicat : Quid operandum, tolerandum, sperandum, magnanimiter inspexi, et animum ad actum illicitum pusillanimiter non inflexi. Unde notandum, quod intellexit divina testimonia quantum ad præceptiones, probationes, et promissiones. In primis intellexit quid operandum; in secundis, quid tolerandum; in tertii; quid sperandum. De primo <sup>2</sup> : « Custodite verba pacti hujus, et inplete ea, ut intelligatis universa quæ facietis : » ecce intelligentia quantum ad operanda. De secundo <sup>3</sup> : « Cum videritis abominationem desolationis stantem » ubi non debet, « qui legit intelligat : » ecce intelligentia quantum ad toleranda. De tertio <sup>4</sup> : « Gemma gratissima expectatio præstolantis; quocumque se vertit, prudenter intelligit : » ecce intelligentia quantum ad spectanda.

#### *Epilogus.*

Loquens ergo Psalmista in personæ charitate flagrantis, pro veritate certantis figura, sic ait : *Peccatores, invidiose spectando; Me expectaverunt, insidiose espectando: Ut perderent me, odiose tractando; Testimonia tua intellexi, testimonia veritatis gaudiose sectando.*

#### *VERSICULUS XVI.*

96. *Omnis consummationis vidi finem*, etc. Qui dat spei fiduciam, fidei constantiam, et amori flagrantiam, ipse donat labori complacentiam, ut hic patenter panditur per Prophetam. Quis enim tam æger, tam piger, cui displiceat ille labor, cuius fructus omni fructu felicior, cuius actus quovis actu facilior? Talis labor est proculdubio, cuius fructus est Dei visio, cuius actus est Dei dilectio. Nam illa visio finis est omnis finis, et ideo summe desiderabilis; illa autem actio non est arcta, sed lata nimis, et ideo facillime operabilis. Hoc videbat, qui dicebat : *Omnis consummationis*, etc.; ac si plane diceret : Vidi finem omnis finis, et actum latum nimis, ex quibus fiat labor acceptabilis : ecce quatuor

versus membra, videlicet fructus essentia, et ejus excellentia; actus substantia, et ipsius supereminencia. Primum pertinet ad visionem divinam; secundum, ad appetibilitatem altissimam; tertium, ad dilectionem charitativam; quartum ad facilitatem nimiam.

#### *Articulus primus.*

Fruetus essentia tangitur, cum dicitur : *Vidi finem*; quasi dicat : Fructus laboris est visio Salvatoris, qui dicit de seipso <sup>5</sup> : « Ego sum principium et finis. » Et nota, quod iste finis est perfectivus spei, ratione suæ tensionis; fidei, ratione suæ visionis; et charitatis, ratione suæ fruitionis. De primo <sup>6</sup> : « Gloriam spei, usque ad finem, firmam retineamus; » quasi dicat : Retineamus gloriam spei, usque ad tensionem rei. De secundo <sup>7</sup> : « Exultabitis lætitia inenarrabili et glorificata, reportantes finem fidei vestræ, » scilicet spei visionem, quia merces fidei est visio spei. De tertio <sup>8</sup> : « In finem diluxit eos. » Quid est enim in finem diligere, nisi eis finem dilectionis, id est, dulcedinem fruitionis optare?

#### *Articulus secundus.*

Fructus excellentia traditur in his verbis : *Omnis consummationis*. Quid enim est consummatio, nisi finis? Videns ergo finem omnis consummationis, vident finem omnis finis. Unde cum finis naturaliter sit appetibilis, constat quod finis omnis finis est appetibilior appetilibus universis. Et nota, quod in præsentि vita est consummatio tripartita, scilicet purgativa, illuminativa, et perfectiva; secundum triplicem fidelium statum, videlicet incipientium, proficienientium, perfectorum. De prima <sup>9</sup> : « Oramus vestram consummationem, » scilicet purgativam. De secunda <sup>10</sup> : « Consummatio timoris Dei sapientia, » scilicet illuminativa. De tertia <sup>11</sup> : « Ipse dedit quosdam apostolos, quosdam autem prophetas, alios vero evangelistas, alios autem pastores et doctores, ad consummationem sanctorum, » scilicet perfectivam.

#### *Articulus tertius.*

Actus substantia nominatur aperte mandati nomine : *Mandatum*, quoniam mandatum de

<sup>1</sup> Rom., xiv, 15. — <sup>2</sup> Deut., xxix, 9. — <sup>3</sup> Marc.,

xiii, 14. — <sup>4</sup> Prov., xvii, 8. — <sup>5</sup> Apoc., I, 8; xxii, 13. — <sup>6</sup> Hebr., ii, 6. — <sup>7</sup> I Petr., I, 9. — <sup>8</sup> Joan., XIII, 1. — <sup>9</sup> II Cor., XIII, 9. — <sup>10</sup> Eccl., XXI, 13. — <sup>11</sup> Ephes., IV, 12.

dilectione dicitur mandatum antonomastice (*a*) triplici ratione. Hoc enim mandatum est mandatorum omnium fundamentum, ornementum, complementum : quapropter dicitur mandatum primum, mandatum novum, mandatum maximum. De primo<sup>1</sup> : « Diliges Dominum Deum tuum; » et infra : « Hoc est primum mandatum : » ecce mandatum primum. De secundo<sup>2</sup> : « Mandatum novum do vobis, ut diligatis invicem : » ecce mandatum novum. De tertio<sup>3</sup> : « Diliges Dominum Deum tuum; » et infra : « hoc est primum, et maximum mandatum : » ecce mandatum maximum.

#### Articulus quartus.

Actus autem supereminentia subnotatur per hæc verba : *Latum nimis*; quod est signum facilitatis : nam mandatum dicitur latum propter facilem actum, sicut terra dicitur lata propter facilem incolatum. Unde notandum, quod sicut invenitur terra lata, latior, latissima; sic reperiatur dilectio tripartita : lata, latior, latissima. Lata dicitur dilectio carnalis; latior, dilectio socialis; sed latissima, dilectio spiritualis. De prima, ubi scribitur de Sobna templi præposito<sup>4</sup> : « Quasi pilam mittet te Dominus in terram latam et spatiösam ; ibi morieris. » Per Sobnam templi præpositum intellige prælatum circa spiritualia somnolentum; per pilam mobilem, cogitationem volubilem; per terram latam, dilectionem circa carnem et sanguinem dilatatam; per mortem, spiritualis vitæ privationem. Tunc igitur ille præpositus quasi pila in terram latam mittitur, et ibi moritur, quando, permittente Domino, prælati cogitatio circa dilectionem carnalem sic volvitur, quod desiderium vitæ spiritualis abjectur. De secunda<sup>5</sup> : « Terram dividetis vobis sorte : pluribus dabitis latiorem, et paucioribus angustiorem. » Plane pluribus datur terra latior, et paucioribus angustior, quia socialis amor est in majori societate major, et in minori minor. De tertia<sup>6</sup> : « Inveneruntque paseas uberes et valde bonas, et terram latissinam, et quietam, et fertilem. » Quod legitur de paseis animalium, intelligitur de pabulis animalium; quod autem dictum est de terra, videlicet quod sit latissima, quod quieta, quod fertilis, potest dici de dilectione spirituali, scilicet quod est facilis, quod secura, quod utilis. De tali dilectione manda-

tum intelligendum esse dignoscitur. Unde non tantum latum, sed nimis latum dicitur.

#### Epilogus.

Ostensurus ergo Psalmographus desuper datam laboris cumplacentiam, per fructus appetibilis et actus facilis evidentiam, ait : *Vidi finem*, quantum ad fructus essentiam, scilicet, visionem divinam; *Omnis consummationis*, quantum ad ejus excellentiam, videlicet appetibilitatem altissimam; *Mandatum*, quantum ad actus substantiam, utpote dilectionem charitativam; *Nimis latum*, quantum ad ipsius supereminentiam, utputa facilitatem nimiam.

### CAPUT SEPTIMUM.

#### VERSICULUS PRIMUS.

97. *Quomodo dilexi legem tuam, Domine*, etc. Capitulum septimum hic subintrat, quod ferculum septimum subministrat. In quinto capitulo sanitas est allata; in sexto infirmitas est ablata; in septimo charitas est illata. Charitatis autem illatio, est infirmitatis ablatio, et sanitatis allatio : unde patet ferculorum dispositio ordine consueto. Cirea distinctionem capituli præsentis, consideranda est dispositio charitatis : quæ prius ardet interius, sicut ostendit oclonarius primus; consequenter lucet exterius, sicut ostendit secundus. Et quia charitas ardens est inflammativa viscerum interiorum, charitas luctans est nutritiva pascua proximorum; convenienter inchoatur oclonarius primus ab hac littera, *Mem*, quæ interpretatur *Viscera* secundum Ambrosium<sup>7</sup>; secundus autem ab littera *Nun*, quæ interpretatur *Pascua eorum*, secundum ejusdem testimonium. Distinguitur rursus primus oclonarius, quia charitas ardens dilatat intelligentiam, sicut declarat quaternarius primus; et serenat conscientiam, sicut declarat secundus. Sed et primus subdistinguitur quaternarius, quia charitas ardens dilatat interiorem hominem, tanquam reddens eundem in meditatione potentiem, in tentatione prudentiem, in eruditione perspicacorem, in consultatione circumspectiorem, sicut patet per totidem versuum seriem subsequentem. Primus versus ad primam dilatationem intelligentie spectat, sicut quadripartita sectio sententiae suæ signalat.

<sup>1</sup> Matth., xxii, 38. — <sup>2</sup> Joan., xiii, 34. — <sup>3</sup> Matth., ut supra. — <sup>4</sup> Isa., xxii, 18. — <sup>5</sup> Num., xxxviii, 54. —

<sup>6</sup> 1 Petalip., iv, 40. — <sup>7</sup> Ambros., in hunc psalmum. (*a*) Edit. Ven. antonomastice.

Demonstrat quippe de charitate intus ardente, quod accendit, attendit, expendit, extendit: quia nimurum per ardorem suum rationalis affectus accenditur, spiritualis dilectio attenditur, tempus exponitur, meditativus intellectus extenditur.

#### *Articulus primus.*

Quantum ad primum, dicitur: *Quomodo dilexi legem tuam!* Legis enim lectio, est legentis illectio; affectum calefaciens, et calefaciendo liquefaciens; dum aliquid in lege legitur, quod a legente diligitur. Et nota, quod legem diligere debemus triplici ratione: quoniam delectabile, honestum, utile. Plane delectabile, dilecti vocem audire; honestum quoque, dilecti benevolentiam custodire; nec inutile, dilectum odientes odire. De primo dicitur in proposito: *Quomodo dilexi legem tuam*, etc. Sic legem diligit, qui ad legem, quasi dilecti vocem, aurem interiore erigit, sicut scribitur alibi<sup>1</sup>: « Bonum mihi lex oris tui. » De secundo<sup>2</sup>: « Iniquitatem odio habui, et abominatus sum; legem autem tuam dilexi. » Sic legem diligit, qui dilecti benevolentiam potius, quam injuriam eligit. De tertio<sup>3</sup>: « Iniquos odio habui, et legem tuam dilexi. » Sic legem diligit, qui legislatoris hostes objurgare non negligit.

#### *Articulus secundus.*

Quantum ad secundum, subiectur: *Domine.* Ecce dilectus: dicitur enim Dominus, quasi dans munus, et idcirco dilectus. Unde notandum, quod iste Dominus dat triplex munus, scilicet munus legis, virtutis, salutis. Primum munus est luminosum; secundum gratiosum; tertium gloriosum. De primo Propheta psallit<sup>4</sup>: « Dulcis et rectus Dominus, propter hoc legem dabit: » ecce Dominus dans legis munus. De secundo Psalmus scribit<sup>5</sup>: « Dominus virtutem populo suo dabit: » ecce Dominus dans virtutis munus. De tertio<sup>6</sup>: « Dedit Dominus salutem Syriæ, » quæ interpretatur *Sublimis*, et typum gerit Ecclesiæ triumphantis: ecce Dominus dans salutis munus.

#### *Articulus tertius.*

Quantum ad tertium, additur: *Tota die.* Ecce tempus expensum, scilicet diurnum spatium, quod meditanti in lege Domini videtur breve

<sup>1</sup> *Psal.* hoc, 72. — <sup>2</sup> *Ibid.*, 163. — <sup>3</sup> *Ibid.*, 413. —

<sup>4</sup> *Psal.* xxiv, 8. — <sup>5</sup> *Psal.* xxviii, 41. — <sup>6</sup> *IV Reg.*, v, 1. — <sup>7</sup> *Thren.*, 1, 43. — <sup>8</sup> *Prov.*, xxiii, 18. —

præ amoris magnitudine. Et nota, quod hoc spatium expendunt diversi diversimode: quidam in mœrore, quidam in timore, quidam in amore; sicut in Christo parvuli, grandiusculi, grandævi. De primo, ubi dicit pœnitentis anima in Christo parvula<sup>7</sup>: « Posuit me desolata, tota die mœrore confectam: » ecce diem totam in mœrore expensam. De secundo, ubi praecipitur grandiusculo<sup>8</sup>: « In timore Domini esto tota die, quia habebis spem in novissimo: » ecce dies tota in timore expensa. De tertio<sup>9</sup>: « Amantissimus Domini habitabit confidenter in eo; quasi in thalamo tota die morabitur: » quod de Benjamin legitur, per quem grandævus, seu contemplativus intelligitur. Ecce diem totam in amore expensam.

#### *Articulus quartus.*

Quantum ad quartum, superadditur: *Meditatio mea est.* Quid enim est meditatio, nisi mentis extensio? Ad illud quippe meditans, intuitum mentis extendit, quod invenire intendit. Et nota, quod legis meditatio solet esse de triplici mysterio, videlicet allegorico, tropologico, et anagogico: quorum primum pertinet ad credenda; secundum, ad operanda; tertium, ad speranda. De primo mysterio est illa meditatio, de qua scriptum est<sup>10</sup>: « Nisi quod lex tua meditatio mea est, » ubi agitur de credendis. De secundo mysterio est illa meditatio<sup>11</sup>: « Veniant mihi miserationes tue, et vivam, quia lex tua meditatio mea est; » ubi agitur de operandis. De tertio mysterio est illa meditatio<sup>12</sup>: « Concipi salutare tuum, Domine, et lex tua meditatio mea est; » ubi agitur de sperandis.

#### *Epilogus.*

Ostensurus ergo Psalmographus, quod per dilectionem dilatatur ad meditationem diligenter animus, ait: *Quomodo dilexi legem tuam*, ostendens quid accenditur, quoniam affectus; *Domine*, ostendens quid attenditur, quoniam dilectus; *Tota die*, ostendens quid expenditur, quoniam tempus; *Meditatio mea est*, ostendens quid extenditur, quoniam intellectus.

#### VERSICULUS II.

98. *Super inimicos meos*, etc. De charitatis dilatatione, quam facit in meditatione, scriptum

<sup>9</sup> *Deut.*, xxxiii, 42. — <sup>10</sup> *Psal.* hoc, 92. — <sup>11</sup> *Ibid.*, 77. — <sup>12</sup> *Ibid.*, 171.

est in versu præcedente; de dilatatione, quam agit in tentatione, scribitur in præsenti. Hæc autem dilatatio tunc eluet, quando quid superandum, per quid superandum, propter quid superandum, unctio Dei docet (a). Superari namque decet exteriorem inimicitiam per interiorem prudentiam, propter superiorem obedientiam, præter posteriorem deficiemtiam: sicut liquido patet per quadrifariam præsentis versus continentiam.

#### *Articulus primus.*

Quantum ad primum, dicitur: *Super inimicos meos*. Non ait subter inimicos, sed super inimicos, ut notaret eos non pusillanimitate tolerandos, sed magnanimitate superandos. Quapropter hic potest notari, qui sunt inimici hujuscemodi, et qualiter superandi. Plane morales inimici sunt insultus terreni, carnales, diabolici; qui solent eleemosynis, disciplinis, et divinis laudibus superari. De primo<sup>1</sup>: « Conclude eleemosynam in sinu pauperis, et hæc pro te exorabit; » et infra: « Super scutum potentis, et super lanceam adversum inimicum tuum pugnabit: » ecce inimicus eleemosyna impugnandus. De secundo<sup>2</sup>: « Cum das nobis disciplinam, inimicos nostros multiplicitate flagellas: » ecce inimicus disciplina flagellandus. De tertio scribitur<sup>3</sup>: « Laudans invocabo Dominum, et ab inimicis meis salvus ero: » ecce inimicus divinis laudibus superandus.

#### *Articulus secundus.*

Quantum ad secundum, subjicitur: *Prudentem me fecisti*. Sane prudentem oportet effici, per quem tentativa debet inimicitia superari; quoniam imprudentior est ad superandum impotentior, scilicet prudentior ad superandum potentior. Quæreris, quare? specialiter triplici ratione: quia prudentis interest consilia trutinare, eloquia mensurare, et opera maturare; et idcirco potentior est peccata cordis, oris, et operis superare. De primo<sup>4</sup>: « In corde prudentis requiescit sapientia: » ecce prudentem consilia trutinare potentem. De secundo<sup>5</sup>: « Verba prudentium statera ponderabuntur: » ecce prudentem eloquia mensurare potentem. De tertio<sup>6</sup>: « Melior est sapientia, quam vires; et vir prudens magis, quam fortis: » ecce prudentem opera maturare potentem.

<sup>1</sup> Eccli., xxix, 18. — <sup>2</sup> Sap., xii, 22. — <sup>3</sup> Psal. xvii, 4. — <sup>4</sup> Prov., xiv, 33. — <sup>5</sup> Eccli., xxxi, 28. — <sup>6</sup> Sap.,

#### *Articulus tertius.*

Quantum ad tertium, additur: *Mandato tuo*, id est, propter mandatum tuum; quia nimis propter mandatum superatur peccatum: alioquin mandato non obtemperat, qui peccatum non superat. Et notandum, quod triplex mandatum legitur in Scripturis, correspondens tribus actibus memoratis: videlicet mandatum silendi, respondens actui consilia trutinandi; mandatum loquendi, respondens actui eloquia mensurandi; mandatum faciendi, respondens actui opera maturandi. De primo<sup>7</sup>: « Sabbato quidem siluerunt secundum mandatum: » ecce mandatum silendi. De secundo<sup>8</sup>: « Qui misit me Pater, ipse mihi mandatum dedit, quid dicam, et quid loquar: » ecce mandatum loquendi. De tertio<sup>9</sup>: « Sicut mandatum dedit mihi Pater, sic facio: » ecce mandatum faciendi.

#### *Articulus quartus.*

Quantum ad quartum, superadjecitur: *Quoniam in æternum mihi est*; siquidem in æternum est memoriale internum, quod non deficit in æternum. Tale memoriale debet esse præceptum morale, quod servari debet memoriter in æternum, tanquam jus paternum, supernum, sempiternum. Quare paternum? Quia per paterna eloquia acquisitum. Quare supernum? Quia per superna judicia diffinitum. Quare sempiternum? Quia sempiterna justitia stabilitum. De primo per Prophetam psallitur<sup>10</sup>: « Hereditate acquisivi testimonia tua in æternum: » ecce eloquia hereditaria, vel paterna, quibus hæc jura sunt acquisita. De secundo per Psalmum dicitur<sup>11</sup>: « In æternum omnia judicia justitiae tuæ: » ecce judicia superna, quibus hæc jura sunt diffinita. De tertio quidem ibidem scribitur<sup>12</sup>: « Justitia tua, justitia in æternum: » ecce justitia sempiterna, in qua sunt jura hujusmodi stabilita. Quod autem mandatum sit jus divinum, supra, capitulo sexto, et versu similiter sexto plenius est expressum.

#### *Epilogus.*

Ait ergo Propheta in tentati, sed charitate dilatati persona: *Super inimicos meos*, ad notandum, quid superandum, quoniam dicta inimicitia; *Prudentem me fecisti*, ad notandum per

<sup>7</sup> Luc., xxiii, 56. — <sup>8</sup> Joan., xii, 49. — <sup>9</sup> Jam., xiv, 31. — <sup>10</sup> Psal. hoc, lli. — <sup>11</sup> Ibid., 160. — <sup>12</sup> Ibid., 142.

(a) *Cœt. edit.* vocet.

quid superandum, quoniam per prudentiam ; *Mandato tuo*, ad denotandum propter quid superandum, quoniam propter obedientiam ; *Quoniam in aeternum mihi est*, ad connotandum praeter quid superandum, quoniam praeter deficientiam, seu imperseverantiam.

## VERSICULUS III.

99. *Super omnes docentes*, etc. Per charitatis ferventiam non solum dilatatur intelligentia quantum ad meditandi potentiam, et pugnandi prudentiam, sed etiam quantum ad erudiendi perspicaciam, que facit interius haurire in intellectuali contemplatione, quod effundat exteriorius in sensuali eruditione, sicut decenter edoceat versus iste : in quo possumus notare per ordinem eruditorem inferiorem, et superiorum : scilicet corporalem, et spiritualem ; et eruditio nem interiorum, et exteriorum : videlicet mentalem, et vocalem. Ait enim Psalmus : *Super omnes*, etc., ac si lingua eloqueretur libera : *Super omnem doctorem inferiorem*, seu corporalem, intellexi te doctorem superiorum, seu spiritualem. Quamobrem quod testificaris mihi per doctrinam interiorum, sive mentalem, testificari meditor proximo per doctrinam exteriorum, sive vocalem.

*Articulus primus.*

Ad primum ergo respicit, quod dicit : *Super omnes docentes me*. Qui sunt isti docentes, nisi corporales doctores ? Sed qualiter docentes ? *Doctores qualiter docere debent*. Utinam laudabiliter, ut puta docentes vivere prudenter, obedienter, sapienter, quantum ad malorum declinationem, bonorum operacionem, divinorum contemplationem. De primo<sup>1</sup> : « Non multo vino servientes, bene docentes, ut prudentiam doceant : » ecce doctrina prudentiae declinatoriae. De secundo<sup>2</sup> : « Docentes eos servare omnia quaecumque mandavi vobis : » ecce doctrina obedientiae operatoriae. De tertio<sup>3</sup> : « Docentes omnem hominem in omni sapientia, ut exhibeamus omnem hominem perfectum in CHRISTO : » ecce doctrina sapientiae contemplatoriae.

*Articulus secundus.*

Ad secundum aspicit, quod adjicit : *Intellexi. Quid autem intellexit super inferiores doctores,*

<sup>1</sup> *Tit.*, II, 3, 4. — <sup>2</sup> *Metth.*, XXVIII, 20. — <sup>3</sup> *Coloss.*, I, 28. — <sup>4</sup> *Jerem.*, X, 21. — — <sup>5</sup> *Sap.*, III, 9. —

nisi superiorem doctorem ? Illi corporales et sensibiles sunt, et ideo sentiri possunt; iste spiritualis et intellectualis est, et idecirco intelligi potest. Sed nota, quod ad hoc, quod aliqui doctores hujus doctrinam intelligent, requiruntur tria : scilicet instantia, confidentia, et munditia. Per instantiam intratur; per confidentiam impetratur, quod munditia illustratur (*a*). De primo<sup>4</sup> : « Stulte egerunt pastores, et Dominum non quæsierunt, propterea non intellexerunt ; » quasi dicat : Stulte egerunt per stultitiam præsumptionis, et Dominum non quæsierunt per instantiam orationis ; propterea non intellexerunt per gratiam contemplationis. De secundo<sup>5</sup> : « Qui confidunt in illum, intelligent veritatem ; » ac si dieceret : Per confidentiam impetrabunt intelligentiam. De tertio<sup>6</sup> : « Quem docebit scientiam, et quem intelligere faciet auditum ? ablactatos a lacte, avulsos (*b*) ab ube ribus ; » tanquam patenter inquiens : Quem docebit scientiam per inspirationem, et quem intelligere faciet auditum per illuminationem, nisi ablactatos a lacte, avulsos ab ube ribus, id est depuratos quantum ad affectionem et rationem, per delectationum (*c*) cogitationum carnalium separationem ? Sicut enim lac sugitur ab ube ribus, et sic delectationes a cogitationibus.

*Articulus tertius.*

Ad tertium conspicit, quod connectit : *Quia testimonia tua*. Quænam testimonia, nisi secretorum indicia ? Scimus quia testificatio est occultorum indicatio. Unde, ni fallor, Psalmus vocat in parte ista divina testimonia, divinorum secretorum indicia. Talia testimonia testifieatur illi Dominus, cui profunda mysteria interpretatur interius. Hic notandum, quod tripartitum legimus Dei testimonium ; scilicet magnum, majus, maximum. Primum externum ; secundum internum ; tertium supernum. De primo<sup>7</sup> : « Qui me misit baptizare in aqua, ille mihi dixit : Super quem videris Spiritum descendenter, et manentem super eum, hic est qui baptizat in Spiritu sancto ; et ego vidi, et testimonium perhibui, quia hic est filius Dei : » ecce testimonium Dei magnum et externum. De secundo<sup>8</sup> : « Qui eredit in Filium Dei, habet testimonium Dei in se : » ecce testimonium Dei majus et internum. De tertio legimus

<sup>6</sup> *Isa.*, XXVIII, 9. — <sup>7</sup> *Joan.*, I, 34. — <sup>8</sup> *I Joan.*, V, 10. — (*a*) *Cat. edit.* illustratur. — (*b*) Item appulsos. — (*c*) *Suppl.* et.

ibidem aulo prius<sup>1</sup>: « Si testimonium hominum accipimus, testimonium Dei majus est; quoniam hoc est testimonium Dei, quod majus est, quoniam testificatus est de Filio suo : » ecce testimonium Dei maximum et supernum.

#### *Articulus quartus.*

Ad quartum spectat, quod restat : *Meditatio mea est*. Quid autem est, *Testimonia tua meditatio mea est*, nisi : Quod testificari interius, testificari meditor exterius? Quoniam ad hoc infundis animo, ut animus effundat proximo. Si quæris quae sit meditatio ista, quam testificari meditatur Psalmista, ipsum interroga; ipse de se loquatur, quid testificari meditatur. Plane, quod Deus est imperator, considerator, remunerator: imperat enim virtutum effectus; considerat defectus; remunerat profectus. Primum loquitur, ubi psallitur<sup>2</sup>: « Mandata tua meditatio mea est : » ecce meditatio imperantis. Secundum fatetur, ubi scribitur<sup>3</sup>: « Meditatio cordis mei in conspectu tuo semper : » ecce meditatio considerantis. Tertium testatur, ubi legitur<sup>4</sup>: « Concupivi salutare tuum, Domine, et lex tua meditatio mea est : » ecce meditatio remunerantis.

#### *Epilogus.*

Ait ergo Psalmographus per charitatis ferventiam, quantum ad erudiendi perspicaciam, dilatatus: *Super omnes docentes me*, quantum ad doctorem inferiorem, sive corporalem; *Intellexi*, quantum ad doctorem superiorem, seu spiritualem; *Quia testimonia tua*, quantum ad doctrinam interiorem, vel mentalem; *Meditatio mea est*, quantum ad doctrinam exteriorem, aut vocalem; ac si loqueretur apertius: *Super omnes docentes inferius, intellexi te docentem superius*: hinc est quod testificata interius, testificari penso exterius.

#### *VERSICULUS IV.*

*Charitas ferox et videt effectus.* 100. *Super senes intellexi*, etc. Deinde charitas fervor dilatat animum ad circumspectius consulendum; quia mens charitatis fervens, per cœlestes diffinitiones, terrestres dirigit actiones. Unde constat, quod charitas mentem sublevat, et sublevando dilatat. Cum enim ab altiori conspicimus, latius conspicimus; cum altiorem

conscendimus montem, latiorem constituimus horizontem. Hanc autem dilatationem patenter innuit Psalmista, cum psallit: *Super senes*, etc., hoc est, super consiliarios seniores intellexi radios altiores, quia diffinitiones superiores quæsivi propter directiones inferiores. In quibus distinguere possumus consiliarios seniores, et consiliarios saniores: illos naturales, istos spirituales; diffinitiones superiores, et directiones inferiores: illas cœlestes, istas terrestres.

#### *Articulus primus.*

Primum prætenditur, cum dicitur: *Super senes*, id est, consiliarios seniores, legum terrestrium, non cœlestium, inspectores. Senes hujusmodi sunt sapientes hujus saeculi, sequentes spiritum hujus mundi. Et nota de senibus, quod venerabiles ostenduntur a tribus: a natura, a Scriptura, a peritia multitudine vel mensura: quoniam illos hæc dignificat, hæc honorificat, haec coronat. De primo<sup>5</sup>: « Dignitas senum canities : » ecce natura senes dignificans. De secundo<sup>6</sup>: « Coram cano capite consurge, et honora personam senis : » ecce Scriptura senes honorificans. De tertio<sup>7</sup>: « Corona senum in multa peritia : » ecce peritia mensura senes coronans.

#### *Articulus secundus.*

Secundum attenditur, cum additur: *Intellexi*. Quare, quæso, super intellexit, nisi quia radios superiores inspexit? Tales radii sunt æternæ leges, diffinitiones cœlestes, in quibus possimus intelligere leges justitiae, patientiae, atque compatientiae; per quas in operandis, tolerandis, et miserandis, dirigi debemus et dirigere. De primo<sup>8</sup>: « Custodite verba pacti hujus, et implete ea, ut intelligatis universa quæ facietis; » quasi dicatur apertius: Justitiae regulas divinitus dispositas contemplamini intellectu, amplexamini affectu, qualiter per eas dirigamini in effectu. De secundo<sup>9</sup>: « Utinam Deus loqueretur tecum, et aperiret labia sua tibi, ut ostenderet tibi secreta sapientiae, et quod multiplex sit lex ejus, et intelligeres, quod multo minora exigaris ab eo, quam meretur iniqüitas tua : » in præsenti scriptura corripitur Job in pœnitentis pœnitentiæ impatiens figura; ac si diceretur ei: Utinam Dominus tibi vellet imaginabiliter indicare, aut intelligibiliter explicare, quibus seve-

<sup>1</sup> *Joan.*, v. 9. — <sup>2</sup> *Psal.* hoc, 143. — <sup>3</sup> *Psal.* xviii, 15. — <sup>4</sup> *Psal.* hoc, 17. — <sup>5</sup> *Prov.*, xx, 29. — <sup>6</sup> *Levit.*, xix, 32. — <sup>7</sup> *Eccli.*, xxv, 8. — <sup>8</sup> *Deut.*, xxix, 9. — <sup>9</sup> *Job.*, xi, 5, 6.

rūtatis legibus peccatores debeat judicare : tunc agnitis tuis meritis, et pœnis debitiss, posses deliberare, quod deberes pœnitentiam salutarem meritis tuis imparem æquanimiter tolerare. De tertio scribitur a Psalmographo<sup>1</sup> : « Beatus, qui intelligit super egenum et pauperem ; » quasi dicat : Beatum partem eligit, qui per misericordiæ legem, quam interius legit, exterius se dirigit super egenum et pauperem, non super plenum et uberem.

#### *Articulus tertius.*

Tertium intenditur, cum inseratur; *Quia mandata tua*. Ilæc sunt jura cœlitus tradita, divinitus diffinita, velut supermundanae regulæ reglandis humanis actibus deputatae. Et nota circa mandata, quod dicuntur juris regulæ propter <sup>Mandata</sup> <sup>juris re-</sup> <sup>gule.</sup> tria : quia sunt sapientialia documenta, moralia fundamenta, universalia ligamenta; quoniam omnes illuminant, omnes aedificant, omnes ligant. De primo<sup>2</sup> : « Fons sapientiae verbum Dei in excelsis, et ingressus illius mandata æterna : » ecce mandata, sapientialia documenta. De secundo<sup>3</sup> : « Fundamenta æterna super petram solidam, et mandata Dei in corde mulieris sanctæ : » ecce mandata, moralia fundamenta. De tertio<sup>4</sup> : « Deum time, et mandata ejus observa; hoc est omnis homo : » ecce mandata universalia ligamenta.

#### *Articulus quartus.*

Quartum subtenditur, cum subnectitur : *Quæsivi*; quasi dicat : Mandata tua, tanquam jura supermundana, quæsivi; nec frustra quæsivi, quoniam ad mundana dirigenda quæsivi : quod tamen expresse non inquit, sed nobis querendum relinquit. Restat ergo, ut quæramus ad quid jura cœlestia quærere debeamus. Sane jura divina debemus quærere ad dirigendum tentatos in omni tentationis genere, hoc est in hostili suggestione, in sensuali surreptione, in rationali consensione : quoniam hostilitatem conterunt, sensualitatem compescunt, rationalitatem reducunt. De primo<sup>5</sup> : « In illa die quærarum conterere omnes gentes, quæ veniunt contra Jerusalem, » quasi dicat : In die tentationis quærarum conterere, mediantibus legibus divinis, omnes hostes gentilia suggestentes, contra Jerusalem, id est, mentem pacificam venientes : sic Dominus fecit in die tentationis suæ<sup>6</sup>, qui per

legis allegationem contrivit hostilem suggestiōnem. De secundo<sup>7</sup> : « Quærite pacem civitatis ad quam transmigrare vos feci, et orate pro ea Dominum, quia in pace illius erit pax vestra. » Sieut legi ns transmigrasse Israelem a Jerusalem in Babylonem; sic intelligimus transmigrare animam fidelem a rationalitate in sensualitatem, seu ab appetitu rationali in appetitum sensibilem; quæ transmigratio fit occulto Dei iudicio; nec dubium, quin tunc oporteat quaerere jus divinum, et exorare Dominum pro pace babylonice civitatis, sive sedatione sensualitatis : quoniam in tranquillitate sensualitatis est tranquillitas rationabilis voluntatis. De tertio<sup>8</sup> : « Scrutemur vias nostras, et quæramus, et revertamur ad Dominum ; » ac si dicatur aperte : Scrutemur vias nostras, scilicet consensiones erroneas, per quas deviavimus a via justitiae; et quæramus, scilicet jus cœleste, quod est prohibitiuum culpæ, et comminativum pœnæ; et revertamur ad Dominum per viam pœnitentiæ.

#### *Epilogus.*

Liquet ergo spiritualis intentio in versu proposito, sic dicendo ; *Super senes*, id est, consiliarios seniores, quales sunt naturales; *Intellexi*, radios altiores, sicut faciunt consiliarii spirituales; *Quia mandata tua*, tanquam diffinitiones cœlestes; *Quæsivi*, supple, propter directiones terrestres.

#### VERSICULUS V.

101. *Ab omni via mala*, etc. Per charitatis fervorem intelligentia dilatatur, sicut præcedens quaternarius testabatur; per eundem conscientia serenaatur, sicut præsens testatur : quia nimirum charitas servida facil vitiorum utilitatem vitari, virtutum amœnitatem amari, præmiorum dulcedinem prægustari, suppliciorum formidinem exsufflari : ex quibus patet luce clarius conscientiam serenari. Hæc gradatim situavit Psalmographus in quatuor vicinis versibus. Primus itaque versus ad primum articulum spectat; unde quadruplex spectaculum repræsentat : videlicet viam iniquitatis, pedes sensualitatis, custodiā voluntatis, et verba veritatis. Via vituperatur; sensualitas temperatur; voluntas reseratur, ut veritas inferatur.

<sup>1</sup> *Eccle.*, xii, 13. — <sup>2</sup> *Zach.*, xi, 9. — <sup>3</sup> *Matth.*, iv, 4, 6, 7, 10. — <sup>4</sup> *Jerem.*, xxix, 7. — <sup>5</sup> *Thren.*, iii, 40.

<sup>6</sup> *Psal.* xl, 2. — <sup>7</sup> *Eccli.*, i, 5. — <sup>8</sup> *Eccli.*, xxvi, 24.

*Articulus primus.*

Via mā- *Ab omni via mala.* Ecce via iniquitatis, via  
lōrum. vituperabilis, via vitabilis, quia mala. Hęc est  
via malorum, qui a malitia sunt perversi, non  
reversi, vel conversi. Unde notandum, quod a  
via mala quidam pervertuntur, sed non rever-  
tuntur; quidam pervertuntur, et revertuntur,  
sed non convertuntur; quidam pervertuntur,  
revertuntur, et convertuntur. Primi sunt frigidi;  
secundi, tepidi; tertii, fervidi. De primo<sup>1</sup>: « Qui  
decipit justos in via mala, in interitu suo cor-  
ruet: » quod convenit decipienti, et decepto,  
seu pervertenti, et perverso, non tamen reverso.  
De secundo<sup>2</sup>: « Revertatur unusquisque a via  
sua mala; » quasi dicat: Revertatur a malitia  
desistendo, qui perversus fuerat in malitia per-  
sistendo. De tertio<sup>3</sup>: « Convertimini ad me de  
vīs vestris malis, et cogitationibus vestris pes-  
simis; » quasi dicat: Convertimini ad me non  
solum tepida confessione, sed fervida profes-  
sione; *de riis vestris malis, et cogitationibus pes-  
simis*, quasi dicat: Multum diligite, quia multa  
dimitto vobis.

*Articulus secundus.*

*Appeti-  
tus sen-  
siti-  
partes.* *Prohibui pedes meos.* Ecce pedes sensualitatis,  
seu partes appetitus sensibilis, cujus partes  
sunt irascibilis et concupiscibilis; quia videtur  
appetitus superior quasi caput, appetitus infer-  
ior quasi pedes. Hic potest notari a quibus  
dictos pedes oporteat prohiberi. Sane a tribus  
illos prohibere debemus, utpote ab informitate,  
a deformitate, ab enormitate. Informitatem fa-  
cit privatio laudabilis habitus; deformitatem  
acquisitio vituperabilis habitus; enormitatem  
actus illicitus, ab habitu tali elicitus. Prima  
prohibitio notatur<sup>4</sup>: « Prohibe pedem tuum a  
nuditate; » ubi per pedis nuditatem intelligi-  
mus vis concupiscibilis informitatem, scilicet  
temperatiæ privationem. Secunda prohibitio  
signatur<sup>5</sup>: « Fili mi, ne ambules cum eis, » vi-  
delicet hominibus criminosis; *prohibe pedem*  
*tuum a semitis eorum;* quasi dicat: Prohibe vi-  
res tuas ab eorum actibus, ne acquiras desor-  
mes habitus. Tertia prohibitio innuitur in hoc  
verbo: *Ab omni via mala prohibui pedes meos;*  
hoc est: Prohibui vires meas a qualibet ac-  
tione illicita, ab habitu criminali elicita.

*Articulus tertius.*

*Ut custodiam.* Ecce custodia voluntatis, seu  
appetitus rationabilis, cuius actus est diligere,  
et per consequens custodiare. Quidquid enim  
voluntas diligit, sibi diligendo conjungit, et  
conjugando custodit. Et nota, quod tripartita  
custodia legitur in Scriptura, scilicet voluntaria,  
meritoria, et frustratoria. Illa custodia dicitur  
voluntaria, quae procedit ex voluntate; sed  
illa custodia dicitur meritoria, quae procedit  
ex voluntate formata charitate; illa vero cus-  
todia dicitur frustratoria, quae procedit ex vol-  
untate non formata charitate. De prima cus-  
todia dicitur a Domino<sup>6</sup>: « Usquequo non vul-  
tis custodire mandata mea? » ecce custodia  
voluntaria. De secundo vero legitur<sup>7</sup>: « Qui  
custodit legem, beatus est, » id est, beatitudine  
dignus: ecce custodia meritoria. De tertia  
sic canitur a Psalmista<sup>8</sup>: « Nisi Dominus cus-  
todierit civitatem, frustra vigilat, qui custodit  
eam; » quasi dicat: Nisi Dominus custodiat civi-  
tatem, infundendo custodienti charitatem, frus-  
tra vigilat, quantum ad promerendam felici-  
tatem, qui custodit eam per informem volunta-  
tem: ecce custodia frustratoria.

*Articulus quartus.*

*Verba tua.* Ecce verba veritatis non acciden-  
talium, sed supersubstantialium, de qua scriptum  
est<sup>9</sup>: « Veritas de terra orta est. » Et nota,  
quod veritatis verba sunt mirabilia, conserva-  
bilia, amabilia: mirabilia quidem, quantum  
ad causam materialem, quia loquitur de intel-  
lectualibus naturis; conservabilia autem, quant-  
um ad causam formalem, quia loquitur in  
sensualibus figuris; amabilia tandem, quantum  
ad causam finalem, quia loquitur de bonis  
confertis, coagitatis et supereffluentibus prae-  
miorum mensuris. De primo<sup>10</sup>: « Omnes tes-  
timonium illi dabant, et mirabantur in verbis  
gratiae, que procedebant de ore ipsius: » ecce  
verba mirabilia. De secundo<sup>11</sup>: « Maria autem  
conservabat omnia verba haec, conferens in  
corde suo: » ecce verba conservabilia. De ter-  
tio<sup>12</sup>: « Sapiens in verbis scipsum amabilem fa-  
cit. » Hic autem sapiens, imo sapientia, tanto  
amabiliorē se facit, quanto amabiliora sunt,  
quae promittit: ecce verba amabilia.

<sup>1</sup> *Prov.*, xxviii, 10. — <sup>2</sup> *Jerem.*, xviii, 11. — <sup>3</sup> *Zach.*, 1, 4. — <sup>4</sup> *Jerem.*, ii, 25. — <sup>5</sup> *Prov.*, i, 15. — <sup>6</sup> *Exod.*, xvi, 28. — <sup>7</sup> *Prov.*, xxix, 18. — <sup>8</sup> *Psal.* cxxvi, 1. —

<sup>9</sup> *Psal.* lxxxiv, 12. — <sup>10</sup> *Luc.*, iv, 22. — <sup>11</sup> *Luc.*, ii, 22. — <sup>12</sup> *Ecli.*, 13.

*Appeti-  
tus ratio-  
nabilis.*

*Custodia  
trplex.*

*Verba  
veritatis.*

## Epilogus.

Tangens ergo Propheta conscientiae serenationem, quantum ad vitiosae vilitatis vitationem; sic ait : *Ab omni via mala*, quantum ad iniqutatem vituperatam; *Prohibui pedes meos*, quantum ad sensualitatem temperatam; *Ut custodiām*, quantum ad voluntatem reseratam; *Verba tua*, quantum ad veritatem desideratam.

## VERSICULUS VI.

**102. A judiciis tuis non declinavi**, etc. Prima ratio serenitatis, videlicet vitiosae virtutis vilitatis, innuit in versu primo; secunda ratio ipsius serenitatis, scilicet dilectio virtualis amoenitatis innotescit in isto. Hanc autem amoenitatem amare nos ostendimus, cum per virtutum habitus divinam in nobis similitudinem reparare contendimus. Itae enim similitudo consistit in moribus, secundum Augustinum<sup>1</sup>. Quia vero divina similitudinis reparationem precedit virtualium habituum generatio, et habituum generationem actuum aggeratio, et actuum aggerationem ipsorum imperatio; idcirco non Actuum  
moraliū  
quatuor  
genera. injusto judicio decretum est a Domino actus imperari, actus actibus aggerari, ex actibus habitus generari, ex habitibus similitudinem reparari: quatenus similitudo perdita per naturae ruinam, reparetur aliquatenus per naturae alterius, scilicet assuetudinis medicinam. Ecce quatuor actus morales, ad quatuor membra versus propositi pertinentes, videlicet actus imperandi, aggerandi, generandi, et reparandi. Legis interest actus imperare; hominis, actus actibus aggerare; actuum, habitus generare; habituum, similitudinem reparare.

## Articulus primus.

Actus reparandi insinuat, cum dicitur: *A judiciis tuis*, super reparatione similitudinis. Quid enim justius judicetur, quam ut habitus per habitum reparetur, et habitus per actum perditus, per habitum actibus genitum restauretur; et humanitus deformatus, humanitus reformatur; sed et legis temeratio, intemerato legis imperio compensetur? Et nota, quod de dictis judiciis legimus in Scriptura, quod sunt provide preparata, ponderata, et considerata. Sunt enim provide preparata ad reparationem

similitudinis; ponderata ab assimilante; considerata ab assimilatis. De primo<sup>2</sup>: « Omnes viae tuae paratae sunt, et tua judicia in tua prouidentia posuisti: » ecce judicia provide preparata. De secundo<sup>3</sup>: « Pondus et statera judicia Domini sunt: » ecce judicia ponderata. De tertio<sup>4</sup>: « Cogitationes justorum judicia: » ecce judicia considerata.

## Articulus secundus.

Actus generandi innuitur, cum dicitur: *Non declinavi*; quoniam a predictis judiciis non declinat, qui laudabiles habitus per rationabiles actus generari procurat. Et nota, quod non debemus declinare a triplici rectitudine: scilicet actionis, affectionis, et intentionis. Prima declinatio pertinet ad operanda; secunda, ad desideranda; tertia, ad speranda. Prima declinatio prohibetur<sup>5</sup>: « Facite, inquit, ea, quae praecipit Dominus vobis; non declinabitis, neque ad dexteram, neque ad sinistram: » ecce declinatio actionis. Si queris, quid sit ad dexteram, vel sinistram declinare? Indiscreta, vel indevote precepta servare. Indiscreti, sicut superstitionis, declinant ad dexteram; indevoti, sicut deuidiosi, declinant ad sinistram. Secunda declinatio designatur<sup>6</sup>: « Si declinavit gressus meus de via, » etc. Illi gressus sunt affectus, qui declinant a veritatis via, cum vagantur per illicita desideria: ecce declinatio affectionis. Tertia declinatio innuitur per Psalmistam<sup>7</sup>: « Oculos, inquit, suos statuerunt declinare in terram. » Quid est oculus corporis, nisi intentionis operis? Oculos igitur declinant in terram, qui non intendunt mercedem operis, nisi terrenam: ecce declinatio intentionis.

Recti-  
tudo tri-  
plex.

## Articulus tertius.

Actus imperandi significatur, cum sequitur: *Quia tu legem posuisti*. Quid est enim legem ponere, nisi jura legalia imperare? Istud autem imperium est de actibus virtutum. Intentio namque legislatoris est, secundum Philosophum, facere populum virtuosum. Imperat enim virtutum actus, ut per corum exercitium adgenerentur virtutum habitus. Unde nota, quod legitur in Scriptura lex posita, lex disposita, lex perfecta. Positio respicit actuum imperationem; dispositio actuum aggerationem; perfectio habituum generationem. De primo Propheta psal-

<sup>1</sup> Imo Gennadium, *de Eccles. Dogmat.* — <sup>2</sup> Judith,

<sup>3</sup> Prov., xvi, 11. — <sup>4</sup> Prov., xii, 5. —

<sup>5</sup> Deut., v, 32. — <sup>6</sup> Job, xxxi, 7. — <sup>7</sup> Psal. xvi, 11.

lit<sup>1</sup> : « Legem posuit ei in via , quam elegit : » ecce legis positio. De secundo<sup>2</sup> : « Accepistis legem in dispositionibus angelorum , et non custodistis : » ecce legis dispositio. De tertio<sup>3</sup> : « Si legem perficitis regalem secundum Scripturas : Diliges proximum tuum sicut te ipsum , benefacit. » Ecce legis perfectio.

#### Articulus quartus.

Actus aggerandi subauditur , cum subditur : *Mihi* , tanquam legis opera operanti , et opera operibus aggeranti. Et nota , quod operatio , vel operum aggeratio meritaria respicit tria virium animalium exercitia : videlicet irascibilis , concupiscibilis , et rationabilis. Exercetur autem vis irascibilis , sub Deo viriliter militando ; concupiscibilis , ad Dominum humiliter clamitando ; rationabilis , quae Dei sunt , subtiliter cogitando. Vis audire irascibilem viriliter militantem ? Audi Prophetam psallentem<sup>4</sup> : « Sæpe expugnaverunt me a juventute mea , etenim non potuerunt mihi , » quasi viriliter militanti. Vis audire concupiscibilem humiliter clamitantem ? Audi Psalmistam dicentem<sup>5</sup> : « Voce mea ad Dominum clamavi , voce mea ad Deum , et intendit mihi , » quasi humiliter clamitanti. Vis etiam audire rationabilem subtiliter cogitantem ? Audi Psalmographum sic scribentem<sup>6</sup> : « Ecce enim veritatem dilexisti , incerta et occulta sapientiae tuae manifestasti mihi , » quasi subtiliter cogitanti.

#### Epilogus.

Ostensurus ergo Psalmographus , quantum virtutum amœnitatem diligat , cum divinae similitudinis reparationem non negligat , intentionem suam per talia verba declarat : *A iudiciis tuis* , quibus scilicet judicasti similitudinem tuam ex habitibus reparari ; *Non declinavi* , prohibendo scilicet habitus ex actibus generari ; *Quia tu posuisti legem* , actus virtutum operantem ; *Mihi* , ut actus actibus aggerarem .

#### VERSICULUS VII.

103. *Quam dulcia fauibus meis* , etc. In verso superiore vidimus fervidam charitatem , conscientiam serenantem , faciendo virtutum amœnitatem amari. In versus hujus tenore videmus eamdem id idem operantem , faciendo summi

boni dulcedinem prægustari. Quæreris , quo modo ? Aliquando cum Domino epulando , aliquando Dominum osculando. Cum Domino epulatur , qui bonum operans in Domino gratulatur. Dominum osculatur , qui bonum sperans ipsi quodam modo copulatur. Sieut autem fauibus competit epulari , sic ori congruit osculari. Hæc duplex prægustatio in mystico reperitur eloquio , tropologice , vel anagogice declarato : quia tropologia declarat bonum operandum , Tropos fructum virtutis , quod est dulce fauibus logia. epulantis ; anagogia dilucidat honum sperandum , sive fructum salutis , quod superdulce gia. ori dignoscitur osculantis. Declarans ergo Psalmographus per quas vias pervenitur ad has delicias (quia , per tropologicam et anagogicam theorias , devenitur ad epulationes et osculations prælibatorias ) , ait ita : *Quam dulcia fauibus meis* , etc. ; ac si dicat aperte : Dulcia sunt eloqua fructum virtutis eloquentia cum Dominis epulantib[us] ; sed superdulcia fructum salutis eloquentia Dominum osculantib[us]. Ecce duo modi mystica eloquia exponendi , scilicet tropologicus , et anagogicus ; et totidem summi boni delicias prælibandi , videlicet epulatorius , et osculatorius , quos eleganter eloquitur iste versus.

#### Articulus primus.

Quantum ad primum exponendi modum psallitur : *Quam dulcia eloquia tua !* Hæc sunt eloquia ad tropogiam pertinentia , quæ sunt dulcia et dulcificantia , quia dulces mores aedificantia. Sed nota , quod inter hæc dulcia triplex legitur differentia : sunt enim dulcia infectiva , seductiva , et prægustativa. Prima respondent deliciosis ; secunda , contentiosis ; tertia , gratiosis. Prima dulcedo legitur<sup>7</sup> : « Prudentiam voca amicam tuam , ut custodiat te a muliere extra-nea , et ab aliena , » id est , sæculari , vel irreligiosa , « quæ verba sua facit dulcia : » ecce dulcedo infectiva. Secunda dulcedo scribitur , ubi dicitur ab Apostolo<sup>8</sup> : « Rogo vos , fratres , ut observetis eos , qui dissensiones et offendicula , præter doctrinam , quam vos didicistis , faciunt , et declinate ab illis. Hujuscemodi enim Christo Domino non serviant , sed ventri suo : et per dulces sermones et benedictiones , seducunt corda innocentium. » Ecce dulcedo seductiva. Tertia dulcedo tangitur<sup>9</sup> : « Sieut modo geniti infantes rationabiles , sine dolo lac con-

Dulcis  
tripliciter.

<sup>1</sup> Psal. xxvi, 11. — <sup>2</sup> Act., vii, 53. — <sup>3</sup> Jac., ii, 8.  
— <sup>4</sup> Psal. cxxviii, 2 — <sup>5</sup> Psal. lxxvi, 2. — <sup>6</sup> Psal.

L, 8. — <sup>7</sup> Prov., vii, 5. — <sup>8</sup> Rom., xvi, 17, 18. —  
— <sup>9</sup> 1 Petr., ii, 3.

cupisite, ut in eo crescat in salutem, si tam  
men gustatis, quoniam dulcis est Dominus. »  
Ecce dulcedo prægustativa.

#### *Articulus secundus.*

Quantum ad primum prægustandi modum, adjicitur: *Faucibus meis*, quoniam iste modus est epulatiorius, et epulari convenit faucibus. *Felix epulatio*, qua bonum operans in Domino gratulans epulatur cum Domino. Sic epulantur justi, et exultant in conspectu Dei. Sed nota, quibus faucibus talis congruat prægustandi modus: quia non faucibus stolidorum avidorum, vel cupidorum, sed spiritu fervidorum. Quorum primi sunt fallaces; secundi, voraces; tertii, rapaces; quarti, vivaces et in bonis operibus efficaces. De primo<sup>1</sup>: «Non invenietis in lingua mea iniquitatem, nec in faucibus meis stultitia personabit;» quasi dicat, sicut in faucibus stolidorum. De secundo<sup>2</sup>: «Supra mensam magnam sedisti? non aperias, super illam, faucom tuam prior;» quasi dicat, sicut faciunt avidi. De tertio<sup>3</sup>: «Quasi fauces virorum latronum participes sacerdotum:» ecce fauces cupidorum. De quarto<sup>4</sup>: «Custodi legem meam atque consilium meum, et erit vita animæ tue, et gratia faucibus tuis:» ecce fauces spiritu fervidorum. His faucibus novissimis convenient iste modus.

#### *Articulus tertius.*

Quantum ad secundum exponendi modum, scribitur: *Super mel*, id est, superdulcia sunt eloquia ad anagogiam attinentia. Et nota, quod anagogica theoria *super mel*, id est, superdulcis dicitur propter tria: propter judicium triumphale, præmium essentiale, et præmium accidentale: quorum primum pertinet ad felicitatem adjudicatam; secundum, ad felicitatem increatam; tertium, ad felicitatem creatam: vocando felicitatem creatam, et increatam, quæ terminantur ad naturam creatam, vel increatam, id est, jucunditatem de bono increato, vel creato causatam. De primo<sup>5</sup>: «Judicia Domini vera, justificata in semetipsa, desiderabilia super aurum et lapidem pretiosum maltum, insuper et dulciora super mel et favum:» ecce superdulcis suavitas, quantum ad judicium triumphale. De secundo<sup>6</sup>: «Spiritus meus super mel dulcis:» ecce super mel dulcis suavitas, quan-

tum ad præmium essentiale. De tertio<sup>7</sup>: «Hereditas mea super mel et favum:» ecce superdulcis suavitas, quantum ad præmium accidentale.

#### *Articulus quartus.*

Quantum ad secundum prægustandi modum, conscribitur: *Ori meo*; quoniam iste modus dicitur osculatorius. Aetus autem osculandi non convenit, nisi ori: quia vero sperans quadammodo copulatur, et condelectatur bono sperato, sicut osculans osculato; idcirco non immetit talis speratio censetur osculatio. In hoc siquidem osculo est mutua oris impressio, et coalterna spiratio. Nisi enim sponsus os imprimeret, et spiraret, sponsa ore propheticō nullatenus affirmaret<sup>8</sup>: «Spiritus oris nostri, Christus Dominus.» Nisi etiam e converso sponsa os imprimeret et spiraret, sponsus in amoris Cantico non cantaret<sup>9</sup>: «Odor oris tui, sicut odor malorum.» Sed nota triplicem dispositionem ad istam osculationem: quod os sponsæ custodiatur; quod non impediatur; quod ori sponsi obediatur: hoc est, custodiatur ab inutilibus; non impediatur ab utilibus; obediatur in omnibus tam credibilibus, quam operabilibus. Primam dispositionem habuit, qui dixit<sup>10</sup>: «Posui ori meo custodiam.» Secundam habere voluit, qui scripsit<sup>11</sup>: «Ego non parcam ori meo, loquar in tribulacione spiritus mei.» Tertiam aliunde non habuit, de quo sponsus ait<sup>12</sup>: «Non intrabit terram, quam dedi filiis Israel, eo quod incredulus fuit ori meo.»

#### *Epilogus.*

Ait ergo Propheta, tanquam persona per tales intelligentias ad tales introire delicias assueta: *Quam dulcia eloquia tua*, scilicet fructum virtutis eloquentia, ad tropologiam pertinientia; *Faucibus meis*, id est, prægustanti, cum Domino epulanti, seu, bonum operando, in Domino gratulanti; *Super mel*, id est, superdulcia sunt eloquia, fructum salutis eloquentia, ad anagogiam attinentia; *Ori meo*, id est, prægustanti, Dominum osculantи, sive, sumnum bonum sperando, eidem se quodam modo copulanti.

#### *VERSICULUS VIII.*

104. *A mandatis tuis intellexi*, etc. Quo modo charitatis ferventia operetur ad hoc, quod con-

<sup>1</sup> Job, vi, 30. — <sup>2</sup> Eccli., xxxi, 12. — <sup>3</sup> Ose., vi, 9.  
— <sup>4</sup> Prov., III, 22. — <sup>5</sup> Psal. xviii, 41. — <sup>6</sup> Eccli., xxiv, 27. — <sup>7</sup> Ibid. — <sup>8</sup> Thren., iv, 20. — <sup>9</sup> Cant.,

vii, 8. — <sup>10</sup> Psal. xxxviii, 2. — <sup>11</sup> Job, vii, 11. — <sup>12</sup> Num., xx, 24.

scientia serenetur, in tribus præmissis versibus tripliciter edocetur; quarto modo perdocetur in isto, puta suppliciorum formidinem exsuffflando. Hanc autem formidinem ab illis exsuffflat perfecta charitas, qui perfecto odio odiunt actiones prohibitas. Illos enim non deterrent divine comminationes, quos non demulcent prohibite actiones. In talium ergo figura, quorum conscientia pura est et secura, videtur Psalmus loqui in parte ista. *A mandatis*, etc., quasi dicat: *A mandatis* ad id ordinatis; *Intellexi*, scilicet illa ad quæ sunt ordinata; *Propter ea*, non ulterius ordinata; *Odivi* quælibet inordinata: ecce quatuor connotanda, quæ ordinata, ad quæ ordinata, et quæ non ordinata, et quæ inordinata. Plane divina præcepta sunt ordinata; ad promissa sunt ordinata; sed ipsa promissa non sunt ulterius ordinata; prohibita sunt inordinata.

#### *Articulus primus.*

Primum patet, cum dicitur: *A mandatis*, id est, a te originatis, et ad te ordinatis, per potentiam originatis, per sapientiam ordinalis. Unde notandum, quod mandata nobis accommodata, ad summum bonum comparandum, declarandum, et saporandum. Unde quoniam æquitatis est comparare, veritatis declarare, charitatis saporare; non absurde tria nomina leguntur attributa mandatis, scilicet nomen æquitatis, veritatis, et charitatis. De primo<sup>1</sup>: « Omnia mandata tua æquitas. » De secundo rursus scribitur a Psalmographo<sup>2</sup>: « Omnia mandata tua veritas. » De tertio<sup>3</sup>: « Hæc est charitas Dei, ut mandata ejus custodiamus. » Nec dicitur unum mandatum, sed omnia; quoniam ad summum bonum comparandum, declarandum, saporandum, nequaquam sufficit mandatum unum, vel plura, sed coexiguntur omnia.

#### *Articulus secundus.*

Secundum liquet, cum additur: *Intellexi*. Quidnam aptius intellexit a mandatis ad aliud ordinatis, quam illa gaudia, ad quæ mandata sunt cœlitus ordinata? Et nota, quod illa beata gaudia consistunt in clarissima atque charissima intelligentia subœlestium, œlestium, et supereœlestium personarum, videlicet humana-rum, angelicarum, et etiam divinarum. Pri-

mum notatur<sup>4</sup>: « Intellexit Saul, quod Samuel esset: » ecce intelligentia personæ humanæ. Secundum annotatur<sup>5</sup>: « Intellexit Manue angelum Domini, » etc.: ecce intelligentia personæ angelicæ. Tertium denotatur<sup>6</sup>: « Intellexit Heli, quod Dominus vocaret puerum: » ecce intelligentia personæ divine.

#### *Articulus tertius.*

Tertium lucet, cum subditur: *Propter ea odivi*: hæc sunt bona præmialia, bona futilia, ad quæ terminantur bona moralia; hæc bona supernaturalia, ad quæ ordinantur bona naturalia: propter hæc (*a*) bona non ulterius ordinata, diliguntur ordinata, sicut bona moralia divinitus indicta; et odiuntur inordinata, sicut moralia divinitus interdicta. Unde notandum circa malorum odium, quod illa debemus odire tripli ratione: propter <sup>Mala</sup> <sup>odo habenda.</sup> *juris naturalis* rigorem; propter *Dei timorem*; propter *ipsius amorem*. Prima ratio respicit *naturalem inclinationem*; secunda, *divinam comminationem*; tercua, *divinam promissionem*. De primo scribitur<sup>7</sup>: « Odite malum, et diligite bonum: » ecce rigor inclinationis. De secundo legitur<sup>8</sup>: « Timor Domini odit malum: » ecce timor comminationis. De tertio per Prophetam psallitur<sup>9</sup>: « Qui diligitis Dominum, odite malum: » ecce amor promissionis.

#### *Articulus quartus.*

Quartum claret, cum sequitur: *Omnem viam iniquitatis*. Tales viæ sunt actiones prohibite: quæ sunt inordinatae, quia non ad præmia, sed ad supplicia terminatae; quæ præcipue odiendæ sunt ab homine, ratione promissionis divinæ. Et nota de predicta iniquitatis via, quod sicut <sup>Via ini-</sup> saera testificantur eloquia, est gemenda, <sup>quitatis.</sup> videnda, et amovenda. Quæreris quo modo? Gemenda pœnitendo, videnda confitendo, amovenda satisfaciendo. De primo signanter dicitur<sup>10</sup>: « Dicentes intra se, pœnitentiam agentes, et præ angustia spiritus gementes; » et infra: « Lassati sumus in via iniquitatis, et perditio-nis. » Licet enim hæc verba proponantur de perditis, exponuntur moraliter de contritis: ecce via iniquitatis gemenda. De secundo scribitur a Psalmographo<sup>11</sup>: « Vide, si via iniquitatis in me est: » ecce via iniquitatis videnda.

<sup>1</sup> *Psal.* hoc, 172. — <sup>2</sup> *Ibid.*, 86. — <sup>3</sup> <sup>1</sup> *Joan.*, v, 3.  
— <sup>4</sup> <sup>1</sup> *Reg.*, xxviii, 14. — <sup>5</sup> *Judic.*, xiii, 21.  
— <sup>6</sup> *Reg.*, iii, 9. — <sup>7</sup> *Amos*, v, 15. — <sup>8</sup> *Prov.*, viii, 13.

— <sup>9</sup> *Psal.* xcvi, 10. — <sup>10</sup> *Sap.*, v, 3, 7. — <sup>11</sup> *Psal.* cxxxvii, 24.

(a) *Cœl. elit.* hoc.

De tertio quoque legimus<sup>1</sup>: « Viam iniquitatis amove a me : » ecce via iniquitatis amovenda.

### Epilogus.

Et hoc est, quod ait Propheta, tanquam persona serenae conscientiae, et securae; non pavida, sed avida retributionis futurae: *A mandatis tuis*, quae sunt præceptiones ad aliud ordinatae; *Intellexi*, scilicet promissiones, ad quas sunt ordinatae; *Propter ea odivi*, scilicet propter promissiones, quae non sunt ulterius ordinatae: *Omnem viam iniquitatis*, quae sunt actiones prohibitae, et inordinatae.

### VERSICULUS IX.

**103. Lucerna pedibus meis**, etc. Charitas intus servens occupavit octonarium præcedentem; charitas foris lucens occupat hunc sequentem. Charitatis autem lucentis interest viam moralem disponere, sicut intimavit quaternarius prior; et vitam mortalem exponere, sicut indicabit posterior. Viam autem disponit in prosequendis, in persequendis, in preferendis, in profrendis; sicut patebit in quatuor versibus proximo secuturis. Primus itaque versus in bonis prosequendis viam disponit, sicut patet ex quatuor articulis quos proponit. Sicut enim in via naturali proficiscentis pedibus providetur, cum semita prævidetur; sic in morali proficientis affectionibus providetur, cum actio prævidetur. Ecce quatuor contenta in hujus versus continentia; scilicet provisio affectionum, et prævisio actionum: in provisione subtilitas; in affectione mobilitas; in prævisione utilitas; in actione facilitas. Si ergo tuus affectus fuerit mobilis ad actum, qui sit facilis, provideat mobilitati subtilitas, prævidendo utrum in facilitate sit utilitas. Unde Propheta, tanquam persona charitate lucens, lucem suam exprimit ita dicens: *Lucerna pedibus*, etc., quasi dicat: Verbum tuum est provisio meis affectionibus, et prævisio meis actionibus.

### Articulus primus.

Provisionem igitur indicans, ait: *Verbum tuum est lucerna*; ac si dicat: Verbum tuum est provisivum moraliter, sicut lucerna corporaliter; quia providet homini interiori, sicut illa

exteriori. Et nota, quod verbum et lucerna sunt valde consona: consonat enim verbo lucerna; interno interna; externo externa; aeterno aeterna. De lucerna interna<sup>2</sup>: « *Lucerna Domini spiraculum hominis*. » De verbo interno similiter per Psalmographum<sup>3</sup>: « *Eructavit cor meum verbum bonum*. » De lucerna externa<sup>4</sup>: « *Ardeat lucerna semper in tabernaculo*. » De verbo externo<sup>5</sup>: « *Verbum ipsius*, » scilicet Eliæ, « *quasi facula ardebat*. » De lucerna aeterna<sup>6</sup>: « *Civitas non eget sole, neque luna, ut luceant in ea; nam claritas Dei illuminabit eam*, et lucerna ejus est Agnus. » De Verbo aeterno<sup>7</sup>: « *Vocabatur nomen ejus Verbum Dei*. »

### Articulus secundus.

Affectionem autem insinuans, addit: *Pedibus meis*: sicut enim pedes portant hominem exteriorem per viam naturalem, sic affectiones portant interiorem per viam moralem. Et nota, quod dictis pedibus providere debemus, ne inquinentur, ne illaqueantur, ne subvertantur; sed puri, liberi, et firmi serventur. Inquinantur autem per luxuriam; illaqueantur per avaritiam; subvertuntur per superbiam; sed servantur per sanctimoniam. De primo<sup>8</sup>: « *Lavi pedes meos*, » scilicet per pænitentiam; « *quomodo inquinabo illos?* » scilicet per luxuriam: ecce pedum inquinatio. De secundo<sup>9</sup>: « *Laqucos absconderunt pedibus meis*: » ecce pedum illaqueatio. De tertio<sup>10</sup>: « *Calamitates mœsi illico surrexerunt; pedes meos subverterunt*: » ecce pedum subversio. De quarto<sup>11</sup>: « *Pedes sanctorum suorum servabit*: » ecce pedum servatio.

### Articulus tertius.

Prævisionem vero designans, dicit: *Et lumen*; quia per lumen pericula prævidentur, et prævisa præcaventur. Sed nota, quod in ista prævisione diversi diverso diriguntur lumen. Est enim lumen naturaliter inditum; lumen doctrinaliter acquisitum; lumen liberaliter infusum; puta lumen industriæ, scientiæ, gratiæ. De primo<sup>12</sup>: « *Super quem non surget lumen illius?* » quasi dicat: Nullus. Ecce lumen inditum. De secundo<sup>13</sup>: « *Omne, quod manifestatur, lumen est*: » ecce lumen acquisitum. De tertio<sup>14</sup>: « *Domus Jacob, venite, et ambulemus in lumine Dei nostri*: » ecce lumen infusum.

<sup>1</sup> *Psal.* hoc, 29. — <sup>2</sup> *Prov.*, xx, 27. — <sup>3</sup> *Psal.* XLIV, 2. — <sup>4</sup> *Exod.*, XXVI, 20. — <sup>5</sup> *Eccli.*, XLVIII, 4. — <sup>6</sup> *Apoc.*, XXI, 23. — <sup>7</sup> *Apoc.*, XIX, 11. — <sup>8</sup> *Cant.*, v, 3.

— <sup>9</sup> *Jerem.*, XVIII, 22. — <sup>10</sup> *Job*, XXX, 12. — <sup>11</sup> *I Reg.*, XI, 9. — <sup>12</sup> *Job*, XXV, 3. — <sup>13</sup> *Ephes.*, v, 13. — <sup>14</sup> *Isa.*, XI, 5.

*Articulus quartus.*

Actionem denique assiguanus, adjicit : *Semitis meis*. Semitæ tales sunt actus morales : sicut enim semite substernuntur pedibus , sic actus suppedantur affectibus : sicut pedes per semitas proficiuntur, sic affectus per actus progredi dignoscuntur. Hic potes notare, qualiter debes semitas considerare , ambulare , rectificare. Iotas semitas considerat necessitas ; ambulat voluntas ; rectificat charitas. Consideras itaque, sed non ambulas, bonum operando ex necessitate, sed non ex voluntate ; ambulas, sed non rectificas, operando bonum ex voluntate , sed non ex charitate. De primo , ubi dicitur de forti muliere <sup>1</sup> : « Consideravit semitas domus sueæ . » Multi semitas domus sueæ considerant ; sed consideratas non ambulant, quos ad agendum actiones arduas movet necessitas, non voluntas. De secundo <sup>2</sup> : « Ambulabimus in semitis ejus ; » quasi dicat : Non tantum ex necessitate, sed ex voluntate bonum faciemus. De tertio <sup>3</sup> : « Rectas facite in solitudine semitas Dei nostri ; » quasi dicat : Quod facitis ex voluntate, facite ex divina charitate , non ex humana cupiditate : sicut enim voluntatis curvitas est cupiditas, sic rectitudo charitas.

*Epilogus.*

Dicit ergo Psalmographus, quasi charitate lucens, in prosequendis viam disponens : *Verbum tuum est lucerna , quantum ad subtilem provisionem; Pedibus meis , quantum ad mobillem affectionem; Et lumen, quantum ad utillem provisionem; Semitis meis , quantum ad facillem actionem.*

*VERSICULUS X.*

106. *Juravi et statui*, etc. Audistis, si voluistis, viæ moralis dispositionem, quantum ad boni prosecutionem ; audiatis, si vultis, eamdem quantum ad mali persecutionem. Iniquitatis idoneus persecutor , æquitatis est executor : æquitatis autem congruus executor, divinæ severtatis obsecutor, et humanæ pietatis est prosecutor. Unde Psalmographus, tanquam iniquitatis persecutor legitimus, in his verbis insinuare videtur , quod severitati obsequitur , pietatem prosequitur , æquitatem exequitur ,

iniquitatem persecutur , dicens : *Juruvi , etc.*; ac si aperte dicat : Quasi jurans sancivi , quasi statuens stabilivi , quod judicia tue justitiae , custodia injustitiae. Ecce quatuor actus, quos continet iste versus ; quia actus jurandi , statuendi , judicandi , custodiendi : quorum primus spectat ad severitatem divinam , cui obsequendum ; secundus, ad pietatem humanam , quam prosequendum ; tertius, ad æquitatem divinam , quam exequendum ; quartus, ad iniqitatem humanam , quam persequendum.

*Articulus primus.*

Primum igitur actum annuntians , ait : *Juravi*. Quicumque juramentum emittit, vel aliquid tanquam juratum promittit, juri divino ( cui obsequendum est ) se submittit. Unde Propheta, sive juraverit, sive tanquam juratum haberi dictaverit, se divino juri obnoxium , et obnoxius obsecuturum ostendit. Notandum itaque, quod periculosest jurare ; sed maxime si juretur superstitiose , si otiose , si dolose : quoniam juramentum primum profanum ; secundum vanum ; tertium inhumanum. De primo <sup>4</sup> : « Per nomen externorum deorum non jurabis : » hic prohibetur juramentum superstitionis. Des secundo <sup>5</sup> : « Dico vobis, non jurare omnino , » sive motu humano , sive nutu divino : hic prohibetur juramentum otiosum. De tertio scribitur <sup>6</sup> : « Nec juravit in dolo proximo suo : » hic improbatur juramentum dolosum.

*Articulus secundus.*

Secundum actum enuntians , inquit : *Et statui*. Sicut juramentum pertinet ad jus divinum ( cui secure est obsequendum ), sic statutum attinet ad jus humanum pietate introductum , et idcirco pie prosequendum : quamobrem eo quod statuit, vel quasi statuendo dispositus , se pietatem prosecuturum innuit. Et nota , quod tria pietatis statuta legimus in Scriptura ; videbilest statutum mortificandi , dimicandi , fructificandi : quorum primum est pietatis initiativum ; secundum , provectivum ; tertium , perfectivum. De primo convenienter exponitur, quod proponitur, ubi dicit Dominus Abrahae <sup>7</sup> : « Statuam pactum meum inter me et te , et semen tuum post te : » hoc fuit litteraliter statutum circumcisionis, per quam intelligitur spiritualiter mortificatio carnis. De secundo , ubi

*Jurare*  
*periculoso-*  
*sunt.*

<sup>1</sup> *Prov.*, xxxi, 27. — <sup>2</sup> *Isa.*, II, 5. — <sup>3</sup> *Isa.*, XL, 3. —

<sup>4</sup> *Exod.*, XXII, 13. — <sup>5</sup> *Malth.*, V, 34. — <sup>6</sup> *Psal.*, XXII, 4. — <sup>7</sup> *Gen.*, xvii, 7.

legitur de filiis Israel<sup>1</sup>: « Statuerunt dimicare et confligere fortiter : » illa dimicatio corporalis figura fuit dimicationis moralis, quae dimicatur per sapientiam contra tentatorum militiam, seu temptationum malitiam. De tertio, ubi Apostolus scribit Tito<sup>2</sup>: « Festina ad me venire Nicopolin : ibi enim statui hyemare. » Quare, queso, hyemare statuit, nisi quia statuit per hyemem, fidem praedicando, et plebem aedificando, fructificare?

#### *Articulus tertius.*

Tertium actum pronuntians, scripsit: *Judicia justitiae tuæ*: hæc sunt judicia æquitatis exequenda. Et nota, quod æquitas sive justitia exequenda dignoscitur præcipue propter tria; videlicet propter bonum morale, temporale, ac aeternale; hoc est, bonum virtutis, pacis, salutis. De primo<sup>3</sup>: « Diligite justitiam, qui judicatis terram : » ecce bonum virtutis. De secundo<sup>4</sup>: « Erit opus justitiae pax : » ecce bonum pacis. De tertio<sup>5</sup>: « Facite justitiam, quia juxta est salus mea : » ecce bonum salutis.

#### *Articulus quartus.*

Quartum actum denuntians, dixit: *Custodire*, Cui custodire? Plane iniquitati consequendæ; quia revera per æquitalis judicia exequenda, sunt iniquitatis præjudicia consequenda. Et nota, quod hæc custodia est necessaria propter tria: propter custodiam regis, custodiam legis, custodiam gregis. Prima custodia iniquitatis persecutorem ordinat ad seipsum; secunda ad Deum; tertia ad proximum. De prima<sup>6</sup>: « Misericordia et veritas custodiunt regem, » scilicet misericordia respectu injuriam patientis, et veritas respectu injuriam facientis: ecce custodia regis. De secunda, ubi dicit David Salomonii filio suo<sup>7</sup>: « Det tibi Dominus prudentiam et sensum, ut regere possis Israel, et custodire legem Domini Dei tui: tunc enim proficere poteris, si custodieris mandata et judicia, » etc.: ecce legis custodia legislatori obsecutoria, mandatorum prosecutoria, judiciorum executoria, præjudiciorum persecutoria. De tertia<sup>8</sup>: « Qui dispersit Israel, congregabit eum, et custodiet eum, sicut pastor gregem suum; redemit enim Dominus Jacob, et liberavit eum de manu potentioris: » ecce custodia gregis, liberaliva vio-

lentiam sufferentis, et persecutiva violentiam inferentis.

#### *Epilogus.*

Et hoc est, quod ait Propheta: *Juravi*, quantum ad severitatem, cajus sum obsecutor; *Et statui*, quantum ad pietatem, cujus sum prosecutor; *Judicia tuæ justitiae*, quantum ad aequitatem, cujus sum executor; *Custodire*, scilicet iniquitatis, quantum ad iniquitatem, cujus sum persecutor.

#### *VERSICULUS XI.*

107. *Humiliatus sum usquequaque, Domine*, etc. Postquam paravit charitas viam bona prosequentibus, et mala consequentibus congruam, hic dirigit viam mala perferentibus opportunam. Per hanc viam toties a Domino ducimur, quoties ab eo percutimur et sanamur. Quorum nimirumque promisit<sup>9</sup>: « Percutiam, inquit, et ego sanabo. » Porro Dominus percutit, quando mentem tumentem sic flagellando concutit, quod tumorem executit, timorem inculit; sed tunc sanat, cum mentis languoris languorem terminat, et vigorem redonat. Unde Propheta psallens tanquam persona se divinitus percussam sentiens, sanari cupiens, promissionem percussionis agnoscens, promissionem sanationis exposcens, intentionem suam exprimit, ita dicens: *Humiliatus sum*, etc.; quasi patenter inquiens: En emisi tumorem, quoniam immisi timorem: fac, quod amittam languorem, quoniam promisisti vigorem. Quatuor ergo notantur in proposito: tumoris emissio, timoris immissio, languoris amissio, vigoris missio. Ad humiliatum spectat emissio tumoris; ad dominum, immissio timoris; ad vivificationem, amissio languoris; ad verbum, missio vigoris.

#### *Articulus primus.*

Primus prænotatur, cum psallit: *Humiliatus sum usquequaque*. Quid enim est usquequaque humiliari, nisi tumore undique expiari? Hic potest notari triplex signum humiliati, quantum ad motum, ad locum, ad affatum: si motus curvior; si locus inferior; si affatus tardior. De primo<sup>10</sup>: « Si humiliatus vadat curvus: » ecce motus curvior. De secundo dicit Psalmographe<sup>11</sup>: « Humiliata est in pulvere anima nostra: » ecce locus inferior. De tertio psallit Propterea<sup>12</sup>. — <sup>9</sup> *Deut.*, xxxii, 39. — <sup>10</sup> *Ecli.*, xii, 11. — <sup>11</sup> *Psal.* xlvi, 28.

<sup>1</sup> *Mach.*, xv, 17. — <sup>2</sup> *Tit.*, iii, 12. — <sup>3</sup> *Sap.*, i, 1.  
— <sup>4</sup> *Isa.*, xxxii, 17. — <sup>5</sup> *Isa.*, lvi, 1. — <sup>6</sup> *Prov.*, xx, 28. — <sup>7</sup> *Paralip.*, xxii, 12, 13. — <sup>8</sup> *Jerem.*, xxxi, 10.

pheta<sup>1</sup>: « Humiliatus sum, et silui a bonis : » ecce affatus tardior.

#### *Articulus secundus.*

Secundum subnotatur, cum subditur : *Dome*ne; quoniam hoc nomen importat timorem, juxta illud Prophete<sup>2</sup>: « Si ego Dominus sum, ubi est timor meus, dicit Dominus exercituum ? » Hoc nomen cognoscunt, qui tremiscunt; de quibus psallimus<sup>3</sup>: « Cognoscunt, quia nomen tibi Deus : » unde cognoscetur Dominus judicia faciens, qui non fuit cognitus præjudicia patiens. Sed nota, quod Dominus timorem immittit ad tria : ad malum auferendum, ad verum proferendum, ad Domino cohaerendum : quorum primum purgativum; secundum illuminativum; tertium consummativum. De primo<sup>4</sup>: « Invasit timor Domini populum, et congregati sunt quasi vir unus : » ecce timorem Dominicum immissum ad malum auferendum. De secundo dicit Dominus exercituum<sup>5</sup>: « Dedi ei, » scilicet Levi, « timorem, et timuit me, et a facie nominis mei pavebat : lex veritatis fuit in ore ejus : » ecce timorem Dominicum immissum ad verum proferendum. De tertio<sup>6</sup>: « Dicit Dominus Deus Israel ad civitatem hanc ; » et infra: « Timorem meum dabo in corde eorum, ut non recedant a me : » ecce timorem dominicum immissum ad Domino cohaerendum.

#### *Articulus tertius.*

Tertium annotavit, cum additur: *Vivifica me*. Hæc vivificatio est mentis languentis medicatio, seu languoris eradicatio. Et nota, quod est vivificatio tripartita : quædam gratificans : quædam magnificans : quædam glorificans. Prima dicit a spirituali non esse, ad esse; secunda, a minori esse, ad majus esse: tertia, a majori esse, ad perfectum esse. De prima<sup>7</sup>: « Dominus mortificat, et vivificat. » Mortificare dicitur, non auferendo gratiam, scilicet non afferendo ipsam in animam indispositam: ecce vivificatio gratificans. De secundo<sup>8</sup>: « Domine, opus tuum, in medio annorum vivifica illud. » Opus Dei non est mortuum, sed vivum, quia, sicut sapiens dicit<sup>9</sup>: « Deus mortem non fecit; » et tamen opus ipsum in medio annorum vivificatur, quando gratia amplificatur. De tertio<sup>10</sup>: « Quicunque quæsierit animam suam salvam

<sup>1</sup> *Psal.* xxxviii, 3. — <sup>2</sup> *Malac.*, i, 6. — <sup>3</sup> *Psal.* lxxxii, 19. — <sup>4</sup> *1 Reg.*, xi, 7. — <sup>5</sup> *Malach.*, ii, 5, 6. — <sup>6</sup> *Jeremi.*, xxxii, 36, 40. — <sup>7</sup> *1 Reg.*, ii, 6. — <sup>8</sup> *Habac.*,

facere, perdet illam; et quicunque perdiditer illam, vivificabit eam; » quasi dicat breviter: Salvans vitam temporaliter, perdet æternaliter; et perdens temporaliter, salvabit æternaliter. Hæc animæ vivificatio, est ipsius glorificatio. Si quæris, quomodo vivificatio sumitur in proposito; non primo modo, nec tertio, sed secundo.

#### *Articulus quartus.*

Quatum denotatur, cum dicitur: *Secundum verbum tuum*: hoc est verbum salutare, quo promisit percussos sanare. Hæc promissio habetur, ubi legitur<sup>11</sup>: « Percutiam, et ego sanabo ; » et ei testimonium perhibetur, ubi (*a*) scribitur<sup>12</sup>: « Ipse vulnerat, et medetur; percutit, et manus ejus sanabunt. » Et nota circa verbum dominicum, quod legitur interdum fructiferum, prosperum, asperum. Primum congruit verbo præceptivo; secundum, verbo promissivo; tertium, verbo comminativo. De primo<sup>13</sup>: « Sicut rusticatio de ligno ostendit fructum illius, sic verbum ex cogitatū hominis cor. » Ac si aperte dicat: Sicut lignum humanitus cultum ostendit fructum, ex natura interius operante productum; sic cor humanum divinitus excultum, ostendit verbum fructiferum, ex gratia interius operante conceptum: ecce verbum fructiferum de divinis præceptis. De secundo<sup>14</sup>: « Verbum meum, quod egredietur de ore meo, non revertetur ad me vacuum, sed faciet quæcumque volui, et prosperabitur : » ecce verbum prosperum de divinis missis. De tertio scribitur<sup>15</sup>: « Ipse liberavit me de laqueo venantium, et a verbo aspero; » id est, a tentatione diabolica, et a comminatione dominica: ecce verbum asperum de comminationibus divinis.

#### *Epilogus.*

Ait ergo Propheta, vel vir justus divinitus flagellatus, voce prophetica: *Humiliatus sum usquequaque*, in quo tumoris emissio; *Domine*, in quo timoris immissio; *Vivifica me*, in quo languoris amissio; *Secundum verbum tuum*, in quo vigoris missio.

#### *VERSICULUS XII.*

108. *Voluntaria oris mei*, etc. Charitas lucens Charitas fori lu-

foris dispositus tripliciter viam moris : videlicet *cens.*  
<sup>11</sup> *Deut.*, iii, 2. — <sup>12</sup> *Sap.*, i, 13. — <sup>13</sup> *Luc.*, xvii, 33. — <sup>14</sup> *Job*, xxxii, 39. — <sup>15</sup> *Ecli.*, xxvii, 7. —

<sup>16</sup> *Isa.*, L', 10. — <sup>17</sup> *Psal.*, xc. 3.

*a* Cæt. edit. et ubi.

in prosequendis, in persequendis, in preferendis. Quarto modo disponit in proposito, scilicet in proferendis. Viam istam disponit charitas, cum per eam inclinatur voluntas, ut talia concipiatur, talia pariat, qualia Deus accipiat, et remuneranda distiniat. Ad cuius pleniorum intellectum, conjugale proponatur exemplum. Sicut sponsa procreare sitiens filium Domino dominantium offerendum, ad futurum gaudium promerendum, sic voluntas devota, rationi sponsata, eructare cupiens verbum bonum penes Dominum deponendum, propter fructum gloriosum bonis laboribus reponendum, petit a sponso debitum, hoc est a ratione consilium opportunitum. Tunc commisso rationis consilio cum voluntatis desiderio, quasi duplii seminario, in libero arbitrio, tanquam amborum exceptorio, exinde verbum componitur, quod dicendum disponitur, deinde per oris officium, velut voluntatis orificium, tempore competenti proponebitur; quod si recte penes Deum deponitur, sperandum est quod deponenti bona retributio reponatur. Per hanc viam ambulare volebat Psalmographus, cum dicebat: *Voluntariaoris mei*, etc.; ac si diceret voce clara: *Voluntariaoris mei*, puereria fiant tibi placentia et jucunda, tua judicia pro eisdem pronuntia. Quocirca in his verbis quatuor specialiter sunt notanda, que generaliter in verbis omnibus sunt pensanda; videlicet, quid voluntate componantur, ore proponatur, penes Dominum deponatur, in judicio reponatur: quatenus compositum sit studiosum, propositum fructuosum, depositum gratiosum, repositum gloriosum.

#### *Articulus primus.*

Ad primum facit, quod dicit: *Voluntaria*. Hæc sunt verba intus lucentia, non foris sonantia, ex consilio rationis et desiderio voluntatis composita. Unde debent esse rationabilia et desiderabilia: propterea competit eis compositio studiosa. Sed nota, quod sicut colligere possumus ex Scriptura, sunt voluntaria studia tripartita; scilicet theologia, ethica, malefica; triplici voluntate composita, videlicet divina, humana, diabolica. De primo voluntario convenienter intelligitur, quod legitur<sup>1</sup>: « Pluviam voluntariam segregabis, Deus, hæreditati tuæ, » id est, doctrinam theologicam Ecclesiæ tuæ. De secundo competenter exponitur, quod proponi-

<sup>1</sup> *Psal. LXVII, 10.* — <sup>2</sup> *Exod., XXXV, 19.* — <sup>3</sup> *Ecclesi., XX, 1.* — <sup>4</sup> *Aug., de Doctr. Christ., lib. II, c. xxvi.*

tur<sup>2</sup>: « Cuncti filii Israel voluntaria Domino dedicaverunt. » Tales fuerunt mōrales philosophi, qui ad compositionem domus Dei, scilicet animæ, documenta moralia obtulerunt. De tertio dictum conjicetur, quod dicitur<sup>3</sup>: « Quam bonum est correptui manifestare penitentiam! » Sie enim effugies peccatum voluntarium, quia nulli dubium, quin maleficorum studium sit peccatum voluntarium, et diabolicum. De talibus superstitionis studiis dicitur ab Augustino<sup>4</sup>: « Omnes artes hujuscemodi, vel noxiæ, vel nugatoriae superstitionis ex quadam hominum pestifera societate et dæmonum, quasi pacta infidelis et dolosæ amicitiae constituta, sum penitus repudianda, et fugienda Christiano. »

#### *Articulus secundus.*

Ad secundum aspicit, quoad adjicit: *Oris mei*, quia sicut voluntatis est concipere, sic oris interest parturire. Et sicut ille conceptus debet esse studiosus, sic iste partus fructuosus, non perniciosus, non otiosus. Illic potes notare, quod os legitur aliquoties parturire, operire, et ebullire: Quoniam oris partus, sive sermo propositus, interdum est fructuosus, interdum perniciosus, interdum otiosus. De primo<sup>5</sup>: « Os justi parturiet sapientiam: » ecce os parturiens fructuose. De secundo scribitur<sup>6</sup>: « Os impiorum operit iniquitatem: » ecce os malum partum operiens perniciose. De tertio<sup>7</sup>: « Os fatuorum ebullit stultitiam: » ecce os per immoderatum partum ebulliens otiose.

#### *Articulus tertius.*

Ad tertium refertur, quod sequitur: *Beneplacita fac, Domine*, tanquam deposita penes te. Quidquid enim voluntarie componitur, quidquid ore proponitur, apud illum deponitur, cui tam interioris, quam exterioris hominis os loquitur: unde summopere curandum, quod sit ei gratuitum et acceptum. Qui sic deponere curat, sibi gaudium in die judicii thesaurizat. Et nota tria beneplacita penes Deum bene deposita, recta tamen intentione supposita: utpote ab iniquitate recedere; nulli, dicto vel facto, nocere; parentibus obedire: quorum primum ordinat hominem ad seipsum; secundum, ad proximum; tertium, ad prælatum. De primo<sup>8</sup>: « Beneplacitum est Domino recedere ab iniquitate: » ecce divinum beneplacitum ordinans

<sup>5</sup> *Prov., x, 31.* — <sup>6</sup> *Ibid., 6.* — <sup>7</sup> *Prov., xv, 2.* — <sup>8</sup> *Ecclesi., XXXV, 5.*

hominem ad seipsum. De secundo<sup>1</sup> : « Beneplacitum est Domino fides et mansuetudo, » id est, nulli nocere dicto vel facto. Fides enim, teste Tullio<sup>2</sup>, est constantia in verbo, quae nulli nocet dicto; mansuetudo vero non nocet facto: ecce divinum beneplacitum ordinans hominem ad proximum. De tertio<sup>3</sup> : « Filii, obedite parentibus per omnia; hoc enim beneplacitum est Domino: » quod accipere possumus, tam de parentibus carnalibus, quam spiritualibus: ecce divinum beneplacitum ordinans hominem ad prælatum.

#### *Articulus quartus.*

Ad quartum spectat, quod restat: *Et judicia tua doce me*, adjudicando mihi coronam justitiae. Hæc judicia tunc docentur, cum mercedis fiducia per privata judicia divinitus exhibetur. Et nota, quod præfata judicia sunt jucunda, munda, et profunda. Quare jucunda? quia de felicitate. Quare munda? Quia sine iniquitate. Quare profunda? Quia ex investigabili pietate. De primo<sup>4</sup>: « Quia judicia tua jucunda. » Quænam jucundiora judicia, quam felicem jucunditatem et jucundam felicitatem adjudicantia? De secundo<sup>5</sup>: « Cognovi, Domine, quia æquitas judicia tua: » ubi autem totum occupat æquitas, nullum habet locum iniquitas. De tertio in alio psallitur loco<sup>6</sup>: « Judicia tua abyssus multa. » Si abyssus, quid profundius? si abys-sus multa, quid investigabilius profunditate prædicta? Quid illa pietate profundius, quid in-vestigabilius, qua damnatur vanitas, ut salvetur veritas?

#### *Epilogus.*

Ait ergo Propheta, tanquam persona desiderio desiderans charitable disponere proferenda: *Voluntaria*, quantum ad composita studiose; *Oris mei*, quantum ad ipsa proposita fructuose; *Beneplacita fac, Domine*, quantum ad illa reposita gratiouse; *Et judicia tua doce me*, quantum ad eorum præmia reposita gloriouse.

#### *VERSICULUS XIII.*

109. *Anima mea in manibus meis*, etc. Quomodo lucet charitas viam moralem disponendo, quaternarius prior distinxit; qualiter autem lucet, vitam mortalem exponendo, quaternarius hic

<sup>1</sup> *Ecli.*, 1, 34. — <sup>2</sup> *Cic.*, *de Offic.*, lib. I. — <sup>3</sup> *Coloss.*, III, 20. — <sup>4</sup> *Psal.* hoc, 39. — <sup>5</sup> *Ibid.*, 75. — <sup>6</sup> *Psal.* XXXV, 7. — <sup>7</sup> *Matth.*, XVI, 25. — <sup>8</sup> *Prov.*, XVIII, 8. —

distinguit. Charitas nempe vitam facit exponere pro fidei confessione, pro perfidiæ confutatione, pro mandatorum conservatione, pro consilio-rum consummatione, sicut tenor versuum quatuor disserit successive. Primus versus articulum primum edisserit, dum quid in tali articulo sit perpendendum, et quid custodiendum, aperit. Sane carnalis vita non custodienda est, sed perdenda. Spiritualis autem vita non per-denda est, sed custodienda. Quæreris, quo modo? Carnalis vita custoditur parcendo, perditur pa-tiendo; spiritualis vita perditur diffitendo, custoditur firmiter confitendo.

#### *Articulus primus.*

Carnalem vitam contemnendam propter Deum aperiens, ait: *Anima mea*, id est, anima-lis vita; hoc est vita, quam diu custodire non valet natura defectiva, nec diu custodire vult gratia proiectiva. Et nota, quod talis anima in tali articulo constituta, non est a tormentis sal-vanda, nec blandimentis effœminanda, nec emolumentis temporalibus dilatanda: ne sal-vetur ad perditionem; ne effœminetur ad ma-cerationem; ne dilatetur ad æternam confusio-nem. De primo<sup>7</sup>: « Qui voluerit animam suam salvam facere, perdet eam: » ecce salvatio animæ ad perditionem. De secundo<sup>8</sup>: « Animæ effœminatorum esurient: » ecce effœminatio ad macerationem. De tertio<sup>9</sup>: « Vir superbus non decorabitur, qui dilatavit, quasi infernus, animam suam: » ecce dilatatio ad æternam confusionem.

#### *Articulus secundus.*

Carnalem etiam vitam perdendam patefaciens, addit: *In manibus meis semper*; quasi dicat: Anima et vita non est latenter reposita, sed pa-tenter exposita. Et nota, quod vitam animalem in manibus ponere, continere, portare debe-mus. Quæreris, qualiter? Ponere fidenter, con-tinere fideliter, portare patienter. De primo<sup>10</sup>: « Obedivit ancilla tua voci tuæ, et posui ani-mam meam in manu tua (a); » quasi dicat: Ex-posui vitam discrimini, propter fiduciam quam accepi. Si mulier infidelis confidit obediendo Sauli, quomodo vir fidelis diffidet, obediens Salvatori? De secundo<sup>11</sup>: « Quis continuit spi-ritum in manibus suis? » hoc est: Quis, nisi fidelis, continuit spiritum quasi non perditum,

<sup>7</sup> *Isaiah*, 11, 5. — <sup>8</sup> *1 Reg.*, XXVIII, 21. — <sup>9</sup> *Prov.*, XXX, 4. — <sup>(a)</sup> *Vulg.* mea.

in manibus habitum, ut perditioni traditum? ac si patenter diceret: Fidelis est valde, qui non perdit in spe, quam perdit in re. De tertio<sup>1</sup>: « Animam meam in manibus meis porto; etiamsi occiderit me, in ipso sperabo; » quasi dicat: Patienter animam porto ad victimam; quoniam etsi in mortem decidam, moriens tamen non diffidam.

#### *Articulus tertius.*

Vitam spiritualem custodiendam innuens, dicit: *Legem tuam*, id est, legalem observantiam: quæ est enim vita spiritualis, nisi custodia legalis? Et nota, quod legalis observantia non absurde dicitur spiritualis vita, ratione tripartita: quia parvulos vegetat; quia adolescentes augmentat; quia adultos quietat. Nam parvuli legem potant, adolescentes dilatant, adulti hereditant. De primo<sup>2</sup>: « Lex sapientis, fons vitae: » ecce lex potentes vegetans. De secundo scribitur<sup>3</sup>: « Vivam, quia lex tua meditatio mea est: » ecce lex meditantes, et meditando dilatantes augmentans. De tertio<sup>4</sup>: « Legem vitae hereditavit eos, » scilicet parentes primos: ecce lex hereditantes quietans.

#### *Articulus quartus.*

Vitam eamdem, videlicet spiritualem, non perdendam astruens, inquit: *Non sum oblitus*, quasi dicat: Oblivioni non tradidi, quia non perdidii: quoniam illud est perditum, quod est oblivioni traditum. Et nota, quod legis illius non debes aliquatenus esse oblitus, per quam judicaris, justificaris, salvaris, mediantibus ipsius judiciis, justificationibus, et mandatis. De primo debes dicere cum Propheta<sup>5</sup>: « Viam veritatis elegi: judicia tua non sum oblitus. » De secundo debes psallere cum Psalmista<sup>6</sup>: « Adolescentulus sum ego, et contemptus: justificationes tuas non sum oblitus. » De tertio vero debes cantare cum Psalmographe<sup>7</sup>: « Quære servum tuum, Domine, quia mandata tua non sum oblitus. »

#### *Epilogus.*

Ait ergo Propheta, tanquam persona in fidei certamine constituta, vitam ponens transitoriam pro æterna: *Anima mea*, id est, animalis vita non custodienda parcendo; *In manibus meis*

*semper*, tanquam perdenda patiendo; *Et legem tuam*, id est, legalem vitam, non perdendam diffitendo; *Non sum oblitus*, tanquam custodiens confitendo.

#### VERSICULUS XIV.

110. *Posuerunt peccatores laqueum mihi*, etc. Quem ad modum agonizat fidelis anima contra tormenta tyrannica pro fidei justitia contestanda; in eundem modum adversus argumenta sophistica pro perfidia confutanda. Talis agonista videtur in hac parte Psalmista, sicut patet ex quatuor contentis in tenore versus presentis, quæ sunt obviantis fallacia, veritatis apparentia, falsitatis latentia, judicantis peritia. Fallacia quidem componitur; apparentia superponitur; latentia subterponitur; sed peritia interponitur. Dicit ergo Psalmographus: *Posuerunt*, etc., ac si diceret manifestius: *Posuerunt* componentes fallaciam, apparentiam, superlatentiam; sed non erravi propter judicandi peritiam.

#### *Articulus primus.*

Primum igitur annotans, ait: *Peccatores*: hi sunt mendacii fabricatores, seu fallacie compositores, quos voeavit nomine peccatoris, propter peccatum simulacrum veritatis, dissimilatæ falsitatis, præstolatæ infidelitatis. Tales in aperto lactant per veritatis apparentiam; in occulto sagittant per falsitatis latentiam; perditionem expectant per fidei victoriam. De primo<sup>8</sup>: « Filii mi, si te lactaverint peccatores, ne acquiescas eis; » ac si aperte dicat: Si fallacie compositores te lactaverint per apparentiam veritatis, ne acquiescas eis propter latentiam falsitatis. De secundo scribitur<sup>9</sup>: « Peccatores intenderunt arcum, paraverunt sagittas suas in pharetra, ut sagittent in obscuro rectos corde. » Peccatores arcum intendunt, dum fallacie compositores sophisticum argumentum prætendent; sagittas in pharetra parant, dum causam falsitatis sub apparentia veritatis occultant; sed rectos corde sagittant, cum recte credentes in errorem præcipitant. De tertio<sup>10</sup>: « Me expectaverunt peccatores, ut perderent me: » sic expectant, qui perdere fidei firmitatem affectant.

<sup>1</sup> Job, xiii, 14. — <sup>2</sup> Prov., xiii, 14. — <sup>3</sup> Psal. hoc,

<sup>7</sup> Eccli., xxi, 9. — <sup>5</sup> Psal. hoc, 30. — <sup>6</sup> Ibid., 141. — <sup>7</sup> Ibid., 176. — <sup>8</sup> Prov., 1, 10. — <sup>9</sup> Psal. x, 10.

<sup>10</sup> Psal. hoc, 95.

*Articulus secundus.*

Secundum subnotans, subdit : *Posuerunt.* Si laqueos posuerunt, aliquid superposuerunt, cui laqueos subterposuerunt, sicut scriptum est<sup>1</sup> : « Narraverunt, ut absconderent laqueos; dixerunt: Quid videbit eos? » Quid autem superposuerunt, nisi veritatis apparentiam, quam oculis nostris opposuerunt, per quas nos fallere disposuerunt? Et nota, circa peccatorum positionem, triplicem inordinationem; puta respectu proximi, respectu Dei, respectu sui: quoniam impugnant fraternam gratiam, supernam reverentiam, internam conscientiam. De primo per Psalmistam dicitur<sup>2</sup>: « Posuerunt mihi mala pro bonis; mala scilicet circuventionis, pro bonis interventionis; loquitur enim caput pro membris, Christus pro Christianis: ecce inordinata positio respectu proximi. De secundo per Prophetam psallitur<sup>3</sup>: « Posuerunt in cœlum os suum: in cœlum os ponunt, qui dum fideles perfidis argumentis obcœcare propoununt, ipsi auctori et consummatori fidei se opponunt: ecce inordinata positio respectu Dei. De tertio scribitur<sup>4</sup>: « Viri isti posuerunt immundicias suas in cordibus suis, et scandalum iniustitiae suæ statuerunt contra faciem suam. » Sic faciunt, qui proprias coquinant conscientias, scandalizantes proximos per argutas astutias, et astutas versutias, et versutas argutias: ecce inordinata positio respectu sui.

*Articulus tertius.*

*Laqueus* Tertium denotans, dicit: *Laqueum.* Iste laqueus latenter positus, est falsitas latens, quæ est causa casus, sicut veritas apparet est causa motus. Per falsitatis quippe latentiam, in erroris foveam cadimus, quia per larvalem veritatis apparentiam moti sumus: ecce laqueus periculosus. Scitis quibus? Curiose spectantibus, incuriose expectantibus, injuriose tractantibus: quoniam hos involvit, hos comprehendit, hos perdit. De primo<sup>5</sup>: « Peccantem virum iniquum involvet laqueus: » ecce laqueus involvens. De secundo<sup>6</sup>: « Sieut pisces capiuntur hamo, et sicut aves comprehenduntur laqueo, sic capiuntur homines in tempore malo: » ecce laqueus comprehendens. De tertio<sup>7</sup>: « Qui laqueum allii ponit, peribit in illo: » ecce laqueus perdens.

<sup>1</sup> *Psal.* LXVI, 6. — <sup>2</sup> *Psal.* CVIII, 5. — <sup>3</sup> *Psal.* LXXII, 9. — <sup>4</sup> *Ezech.*, XIV, 3. — <sup>5</sup> *Prov.*, XXIX, 6. — <sup>6</sup> *Eccle.*,

*Articulus quartus.*

Quartum connotans, consequenter annexit: *Et de mandatis tuis non erravi.* Hic appareat peritia judicantis, veritatem apparentem cernens, falsitatem latentem concernens, varietatem discernens, et veritatem decernens: ideo non erravit a mandatis sophistice impugnatis, quia non erravit in judicio veritatis. Et nota tres errores perfidorum circa mandata: primum circa mandatorum impositionem; secundum circa illorum observationem; tertium circa ipsorum prævaricationem. Primi dicebant impositionem mandatorum moralium præter additionem ceremonialium non esse plenariam; secundi ponebant mandatorum observationem non esse salutis meritariam; tertii asserebant mandatorum prævaricationem non esse morti obligatoriam. Primus error repellitur ab Apostolo<sup>8</sup>: « Gressus rectos facite pedibus vestris, ut non quis elaudicans erret; magis autem sanetur: » hic arguitur illorum claudatio, qui servare docebant legem cum Evangelio. Secundus error refellitur ab eo<sup>9</sup>: « Nolite errare: Deus non irridetur; quæ enim seminaverit homo, hæc et metet: » ex his verbis refelli potest illorum positio, qui salutem non attribuebant meritis humanis, sed fato. Tertius error retunditur ab ipso<sup>10</sup>: « Nolite errare: neque fornicarii, neque idolis servientes, neque adulteri, neque molles, neque masculorum concubidores, neque fures, neque avari, neque ebriosi, neque maledici, neque rapaces regnum Dei possidebunt: » hic illorum error extinguitur, qui dicunt quod nullus peccator æternaliter punietur, sed etiam mali homines atque dæmones post longa temporum spatiæ beatitudinem consequentur.

*Epilogus.*

Ait ergo Propheta, tanquam fidei fortis athleta: *Peccatores*, quantum ad fallacie compositionem; *Posuerunt mihi*, quantum ad apparentis veritatis superpositionem; *Laqueum*, quantum ad latentis falsitatis subterpositionem; *Et de mandatis tuis non erravi*, quantum ad peritiae judiciariæ interpositionem.

*VERSICULUS XV.*

111. *Hereditate acquisicie testimonia tua, etc.* De IX, 17 — <sup>7</sup> *Ecli.*, XXVII, 29. — <sup>8</sup> *Hebr.*, XII, 13. — <sup>9</sup> *Galat.*, VI, 7. — <sup>10</sup> *I Cor.*, VI, 9.

Errores  
perfido-  
rum cir-  
ca man-  
data.

vitæ mortalis expositione, et expositionis duplicitatione, duo versus p̄reambuli sunt breviter prælocuti; de tertia ratione, videlicet mandatorum observatione, versus iste videtur eloqui. Unde dicit Psalmographus: *Hereditate*, etc.; ac si loqueretur apertius: Per paterna eloquia acquisivi superna testimonia, non auferenda per externa supplicia, propter interna cordis solatia. Ex quibus patet versus præsentis quadripartita continentia: continet enim eruditio nem paternam, acquisitionem supernam, desolationem externam, et consolationem internam. Ecce hereditas retinenda, acquisitio detinenda, desolatio sustinenda, consolatio obtinenda.

#### *Articulus primus.*

Primum ergo præsignatur, cum prædicitur: *Hereditate*. Hæc est hereditas eruditoria, vel eruditio hereditaria: ecce hereditas optima, qua ditatur et dilatatur, non corpus, sed anima; non prædiis lutulentis, sed radiis luculentis. Et nota, quod hereditas mystica tripartita distinguitur in Scriptura: ibi legitur hereditas morum, hereditas præmiorum, hereditas suppliciorum: prima laudabilis; secunda desiderabilis; tertia detestabilis. De prima<sup>1</sup>: « Hæc est hereditas servorum Dei, et justitia eorum apud me, dicit Dominus: » ecce hereditas morum. De secunda<sup>2</sup>: « Quodcumque facitis, ex animo operamini, sicut Domino, et non hominibus; scientes, quod a Domino accipietis retributionem hereditatis: » ecce hereditas præmiorum. De tertia<sup>3</sup>: « Hæc est pars hominis impii apud Deum, et hereditas violentorum, quam ab Omnipotente suscipient, » etc.: ecce hereditas suppliciorum.

#### *Articulus secundus.*

Secundum assignatur, cum additur: *Acquisivi testimonia tua*. Quæ testimonia, nisi divinæ veritatis, et voluntatis judicia? Hæc testimonia ab eruditioribus accipiuntur, sicut mercimonia a mercatoribus acquiruntur. Et nota, quod legitur in Scriptura acquisitio tripartita, scilicet speculativa, activa, consummativa: prima veritatis; secunda virtutis; tertia salutis. De prima<sup>4</sup>: « Acquire prudentiam, quia pretiosior est argento: » ecce acquisitio speculativa. De secunda dicit Psalmista<sup>5</sup>: « Induxit eos in montem sanctificationis suæ; montem, quem

Acquisitio tripartita.

<sup>1</sup> Isa., LIV, 17. — <sup>2</sup> Coloss., III, 24. — <sup>3</sup> Job, XXVII, 13. — <sup>4</sup> Prov., XVI, 16. — <sup>5</sup> Psal. LXXVII, 54. —

acquisivit dextera ejus. » Montem sanctificationis acquirit ejus dextera, qui eminentiam sanctitatis acquirit per sancta opera: ecce acquisitio activa. De tertia psallit Prophetæ<sup>6</sup>: « Inhabitantibunt ibi, et hereditate acquirent eam. » Sic faciunt contemplativi, qui in hæc peregrinatione solo corpore constituti, cogitatione et aviditate supernam civitatem inhabitant, et finaliter illam hereditant: ecce acquisitio consummativa.

#### *Articulus tertius.*

Tertium designatur, cum dicitur: *In æternum*, tanquam in æternum possidenda, nec per externum supplicium præcidenda. At vero, quia nemo certus de crastino, dicente Scriptura<sup>7</sup>: « Ne glorieris in crastinum, ignorans quid superventura pariat dies; » idcirco verbum istud Prophetæ non videtur accipiendum absolute, sed conditionate. Et nota triplicem conditionem circa predictam locutionem, ut pote Domino præsidente, Domino regente, Domino adjuvante: Domini quippe est servis præsidere per potentiam, regere per prudentiam, adjuvare per gratiam. Prima conditio notatur per Psalmistam diceutem<sup>8</sup>: « Selebit Dominus rex in æternum: » ecce potentiam præsidentis. Secunda conditio connotatur per Prophetam psallentem<sup>9</sup>: « Hic est Deus noster in æternum, et in sæculum sæculi: ipse reget nos in sæcula: » ecce prudentiam regentis. Tertia vero conditio denotatur per Psalmographum sic scribentem<sup>10</sup>: « Sperate in eo, omnis congregatio populi, effundite coram illo corda vestra: Deus adjutor noster in æternum: » ecce gratiam adjuvantis.

#### *Articulus quartus.*

Quartum consignatur, cum ratio subrogatur: *Quia exultatio cordis mei sunt*. Procul dubio mandatorum conservatio, est conservatorum exultatio. Sed notandum, quod triplex legitur exultatio pro mandatis certantium: prima, certamen subiectum; secunda, certamen exenatum; tertia, post certamen redeuntium. Exultatio prima est laboriosa; secunda, victoriosa; tertia, gloriosa. De prima per Prophetam psallitur<sup>11</sup>: « Exultatione colles accingentur. » Iste colles sunt viri virtutibus eminentes, qui exultanter certamen aggrediuntur. De secunda

<sup>6</sup> Psal. LXVIII, 36. — <sup>7</sup> Prov., XXVI, 1. — <sup>8</sup> Psal. XXVIII, 10. — <sup>9</sup> Psal. XLVII, 15. — <sup>10</sup> Psal. LVI, 9. — <sup>11</sup> Psal. LXIV, 13.

per Psalmistam [dicitur<sup>1</sup>] : « Eduxit populum suum in exultatione. » Nam et illi sunt de certamine ducti, qui sicut per Mare Rubrum, sic per martyrium sunt traducti. De tertio quoque per Psalmographum scribitur<sup>2</sup> : « Venientes autem venient cum exultatione, portantes manipulos suos. » Venientes utique in resurrectione, venient ad judicium cum exultatione, portantes manipulos myrrae suae.

#### Epilogus.

Dicit ergo Psalmographus, tanquam promandatis moralibus decertator legitimus : *Hereditate*, quantum ad paternam eruditionem retinendam; *Acquisivi testimonia tua*, quantum ad supernam acquisitionem detinendam; *In aeternum*, scilicet servanda, quantum ad externam desolationem sustinendam; *Quia exultatio cordis mei sunt*, quantum ad internam consolationem obtainendam.

#### VERSICULUS XVI.

112. *Inclinavi cor meum*, etc. Audivimus doctrinam charitatis, docentis animas perdere promandatis; audiamus doctrinam ipsius, docentis ipsas ponere pro votis regularibus. Dicit enim propheta, quod dicendum est a persona perfecta : *Inclinavi*, etc., tanquam asserens voce libera; *Inclinavi cor meum*, a statu libertatis, ad serviendum tibi in statu voluntariae servitutis; nec dimittam perfectionem virtutis, ne amittam perfectionem salutis: ecce membra quatuor, quae tenet propositi versus tenor; videlicet statum libertatis, statum servitutis, perfectionem virtutis, perfectionem salutis. Primum spectat ad vitam saecularem; secundum, ad regularem; tertium, ad meriti quantitatem; quartum, ad prænii dignitatem.

#### Articulus primus.

Statum libertatis insinuans, ait : *Inclinavi cor meum*. Scimus, quia corde nihil liberius: tunc igitur cor inclinamus, cum a libertate declinamus. Sed nota, quod religiosæ personæ debent cor inclinare a triplici libertate, scilicet possessionis, rebellionis, commisionis, per votum paupertatis, obedientiae, castitatis. Prima cordis inclinatio indicatur a Psalmographo<sup>3</sup>: « Inclina cor meum in testimonia tua, et non in avari-

tiam. » Talia quippe testimonia Dominus testificari dignoscitur, ubi dicitur<sup>4</sup>: « Qui non renuntiaverit omnibus quæ possidet, non potest meus esse discipulus: » ecce inclinatio cordis a libertate possessionis. Secunda cordis inclinatio designatur, ubi legitur<sup>5</sup>: « Inclinatur cor omnium virorum de Juda, quasi viri unius. » Ibi, sicut patet per litteram legenti, inclinantur corda a libertate rebellionis ad obedientiam: ecce inclinatio cordis a libertate rebellionis. Tertia cordis inclinatio connotatur, ubi dicit pater filio<sup>6</sup>: « Inclina cor tuum ad cognoscendum prudentiam; » et per consequens ad castimoniam, quia, sicut scribitur ab Augustino<sup>7</sup>: « Casta est, et sine ulla contaminatione, sapientiae conjunctio: » ecce inclinatio cordis a libertate commisionis.

#### Articulus secundus.

Statum servitutis innuens, inquit : *Ad faciendas justifications tuas*; quibus altissime justificas, quos profundissime tibi subjugas. Cum enim nihil injustius, quam tibi objici; nihil justius, quam tibi subjici: tanto proculdubio plenius justificari dicimur, quanto perfectius tibi subjiciuntur. Unde notandum, quod diversæ justificationes sunt diversorum: aliae poenitentium: aliae proficiunt; aliae perfectorum. Primæ pertinent ad lamenta, quæ sunt justitiae fundamenta; secundæ ad mandata, quæ sunt justitiae incrementa; terciæ ad consilia, quæ sunt justitiae complementa. De prima<sup>8</sup>: « Itæ facta est mihi, quia justificationes tuas exquisivi: » quod intelligitur de justificationibus lamentorum. De secunda<sup>9</sup>: « Levavi manus meas ad mandata tua, quæ dilexi, et exercebor in justificationibus tuis: » ecce justificatio mandatorum. De tertia<sup>10</sup>: « Consilium meum, justificationes tuæ. » ecce justificatio consiliorum.

#### Articulus tertius.

Perfectionem virtutis assignans, addit: *In aeternum*, id est, sine intermissione, sine remissione, sine defectione, non obstante quacunque tribulatione. Ecce triplex perfectio virtutis: temporalis, formalis, finalis. Prima perfectio respicit actus extensionem; secunda, affectus intensionem; tertia, fructus consecutionem. De prima Psalmista dicit<sup>11</sup>: « Non derelinquet Dominus sanctos suos, in aeternum conserva-

<sup>1</sup> *Psal.* clv, 43.—<sup>2</sup> *Psal.* cxxv, 6.—<sup>3</sup> *Psal.* hoc, 36.  
—<sup>4</sup> *Luc.*, xiv, 33.—<sup>5</sup> *II Reg.*, xix, 14.—<sup>6</sup> *Prov.*, ii, 2.

—<sup>7</sup> *Aug.*, *Solilog.*, lib. i, c. xiiii, n. 23. —<sup>8</sup> *Psal.* hoc,  
—<sup>9</sup> *Ibid.*, 48.—<sup>10</sup> *Ibid.*, 24.—<sup>11</sup> *Psal.* xxxvi, 28.

buntur : » ecce perfectio temporalis. De secunda Propheta psallit<sup>1</sup> : « In aeternum exultabunt, et habitabis in eis : » ecce perfectio formalis. De tertia Psalmographus scribit<sup>2</sup> : « Hereditas eorum in aeternum erit : » ecce perfectio finalis.

#### Articulus quartus.

Perfectionem salutis annotans, addidit : *Propter retributionem*. Quam retributionem, nisi praemiale perfectionem? Sane qui hilarem datorem diligit, plus tribuenti plus retribuit; eadem mensura remetens, qui itidem mensus fuit. Unde perfectus Dominus, qui perfecte se nobis tribuit, perfectis, qui vice versi se perfecte retribuunt, pro perfectione perfectionem retribuit. Et nota, quod legitur in Scriptura retributio tripartita, utputa retributio justa, retributio magna, retributio dupla. Prima est praeverieatorum; secunda, fidelium activorum; tertia, contemplativorum. De prima<sup>3</sup> : « Omnis praeverieatio et inobedientia accepit justam retributionem mercedis : » ecce retributio justa. De secunda<sup>4</sup> : « Benefac justo, et invenies retributionem magnam : » ecce retributio magna. De tertio<sup>5</sup> : « Est datum, quod est inutile; et est datum, cuius retributio duplex. » Datum primum est simulatorum; secundum, contemplativorum : ecce retributio dupla.

#### Epilogus.

Ait ergo Propheta sub personæ contemplativæ figura : *Inclina cor meum*, scilicet a statu libertatis pertinente ad vitam sæcularem; *Ad facientes justificationes tuas*, in statu voluntariæ servitutis attinente ad vitam regularem; *In aeternum*, etiamsi me oportuerit commori tecum, quantum ad perfectionem virtutis spectantem ad meriti quantitatem; *Propter retributionem*, quantum ad perfectionem salutis respicientem præmii dignitatem.

### CAPUT OCTAVUM.

#### VERSICULUS PRIMUS.

113. *Iniquos odio habui*, etc. Capitulum octavum incipit, et octavum ferculum introducit. Concordate fercula, et concordabunt capitula. Porro præcedenti capitulo præsentata fuit cha-

ritatis intromissio : in præsenti vero præsenteratur iniquitatis intermissio, et patet modus ordinandi solitus, secundum ordinem appetitus : quoniam ad intromissionem illius ordinamur per intermissionem istius. Circa iniquitatis intermissionem pensare debemus duplē rationem : videlicet iniquitatis odibilitatem, quam octonarius prior prætendit; et æquitatis amabilitatem, quam octonarius alter ostendit. In capite prioris octonarii locatur Samech littera, quæ, secundum Ambrosium<sup>6</sup>, interpretatur *Audi*; in capite autem alterius Ain littera, quæ secundum ipsius testimonium, interpretatur *oculns*. Si causam queris, equidem iniqutias odibilis auditum petit confessoris, non oculum inspectoris; et contra æquitas amabilis non requirit aurem confessoris, sed oculum inspectoris. Vis octonarium priorem distinguere? debes causam odibilitatis videre. Assignatur autem causa rationalibilis, quia defectio naturaliter est contemptibilis, sicut quaternarius præcedens aperit; et e contrario perfectio appetibilis, sicut quaternarius sequens asserit. Defectionis autem contemptibilitas plenius elucessit, cum animus defectionem animadverlit, perfectionem advertit, defectione se avertit, ad perfectionem se convertit : quod luce clarius in primis quatuor versibus innotescit. Defectionem animadvertebat Psalmographus, cum dicebat : *Iniquos odio habui*; quasi dicat : Defectionem sensi, sed dissensi, quia præsensi rectitudinem, cui consensi : ecce quatuor actus Psalmistæ, quos continet versus iste; scilicet sentire, dissentire, præsentire, consentire : sentiebat quidem secundum hominem exteriorem; dissentiebat secundum interiorem; præsentiebat secundum rationem superiorem; consentiebat secundum rationem inferiorem.

#### Articulus primus.

Defectionem sensit, cum dixit : *Iniquos*, id est, iniquitatis amicos. Sensit autem per vim sensibilem exteriorem vel interiore, ad exteriorem hominem pertinentem. Et nota, quod legimus iniquos per confessionem non cognitos, nec contritos; per confessionem cognitos, et contritos; per confessionem cognitos, non contritos. Primi per iniquos figurati fuerunt, qui ante Judam exierunt; secundi per eos, qui sub Juda obierunt; tertii per illos, qui sub Juda

<sup>1</sup> *Psal.* v, 12. — <sup>2</sup> *Psal.* xxxvi, 28. — <sup>3</sup> *Hebr.*, 11, 2.

— <sup>4</sup> *Eccli.*, xii, 2. — <sup>5</sup> *Eccli.*, xx, 10. — <sup>6</sup> Ambros., in hunc psalm.

non obierunt, sed post Iudeæ obitum prodierunt. Judas enim hebraice, confessio est latine. De primis dicitur<sup>1</sup>: « Exierunt ex Israel filii iniqui : » ecce iniquos ante Judam exeuntes. De secundis legitur<sup>2</sup>: « Judas persecutus est iniquos, perscrutans eos : » ecce iniquos sub Juda obeuntes. De tertia scribitur<sup>3</sup>: « Post obitum Iudeæ emerserunt iniqui in omnibus finibus Israel : » ecce iniquos sub Juda non obeuntes, sed post Iudeæ obitum prodeuntes.

#### *Articulus secundus.*

A defectione dissensit, cum adjunxit: *Odio habui*; quoniam ubi odium, ibi voluntatis disodium. Voluntas autem est appetitus rationalis, sicut sensualitas animalis; et sicut vires animales pertinent ad hominem exteriorem, sic rationales attinent ad interiorem, quia, sicut scribitur ab Augustino<sup>4</sup>, « ascendentibus introrsus quibusdam gradibus considerationis per animæ partes, unde incipit aliquid occurere, quod non sit nobis commune cum bestiis; inde incipit ratio, ubi jam homo interior possit agnosciri. » Et nota, quod tales debemus odio habere triplici ratione: quia sunt legis adversarii, regi contrarii, viae legalis insidiarii; nos autem legis emulatores, regis imitatores, viae regiae viatores. Prima ratio notatur<sup>5</sup>: « Iniquitatem odio habui, et abominatus sum: legem autem tuam dilexi: » ecce odium emulorum. Secunda ratio scribitur<sup>6</sup>: « Quoniam et Altissimus odio habet peccatores: » ecce odium imitatorum. Tertia ratio tangitur<sup>7</sup>: « Omnem viam iniquam odio habui. » Via iniqua non est recta, sed obliqua, et viatoribus inimica: ecce odium viatorum.

#### *Articulus tertius.*

Rectitudinem persensit (a), cum inquit: *Legem tuam*; hoc est, legem nature rationali inditam creaturæ: hæc autem lex est quedam lux rationis, per quam dirigitur in agendis. Et nota de lege ista, quod, sicut colligitur ex Scriptura, ipsa est lex nativa, viva, operum discretiva; quoniam insita menti viventi, operabilia disponenti. De primo scribitur ab Apostolo<sup>8</sup>: « Cum gentes, quæ legem non habent, naturaliter ea, quæ legis sunt, faciunt; » hoc est, quæ non habent legem scripturæ, faciunt quæ

sunt legis naturæ: ecce lex nativa. De secundo subscriptur ab eo<sup>9</sup>: « Ejusmodi legem non habentes, ipsi sibi sunt lex. » Qualiter ipsi sibi sunt lex? numquid a lege habent suum esse? Ita plane. Siec enim habent esse naturale per formam naturalem, sic habent esse connaturale per formam connaturalem. Ab utraque forma habent esse formale, nisi quod ab illa substantiale, ab hac accidentale, et ad utraque habent esse vitale, nisi quod ab illa corporale, ab hac spirituale: ecce lex viva et vivificativa. De tertio conscribitur ab ipso<sup>10</sup>: « Qui ostendunt opus legis scriptum in cordibus suis; » ac si aperte dicat: Ostendunt opus discretum per legis decretum, quod suis cordibus est concretum: ecce lex operum discretiva.

#### *Articulus quartus.*

Rectitudini quoque consensit, cum ait: *Dilexi*: nam qui diligit, dilecto consentit, et fideliter se conjungit, sicut scriptum est<sup>11</sup>: « Dilige proximum tuum, et conjungere fide cum eo. » Et nota, quod tria sunt ad hujus legis dilectionem necessaria, videlicet diligere fraternitatem, diligere veritatem, diligere simplicitatem; ut sit amor fraternitatis in affectione, veritatis in actione, simplicitatis in intentione. Primæ dilectionis admonitio habetur<sup>12</sup>: « Fraternitatem, inquit, diligite: Deum timete, » etc. Secundæ dilectionis persuasio legitur<sup>13</sup>: « Veritatem tantum et pacem diligite, dicit Dominus exercituum. » Tertiæ dilectionis commendatio scribitur<sup>14</sup>: « Scio, Domine Deus, quod probes corda, et simplicitatem diligas. »

#### *Epilogus.*

Patet itaque mens Prophetæ super defectionis animadversione. Ait enim: *Iniquos*, id est, iniquitatis amicos, quasi defectionem sentiens secundum hominem exteriorem; *Odio habui*, quasi dissentiens secundum hominem interiorem; *Legem autem tuam*, quasi rectitudinem praesentiens secundum rationem superiorem; *Dilexi*, quasi consentiens secundum rationem inferiorem.

#### *VERSICULUS II.*

114. *Adjutor, et susceptor meus es tu*, etc. Versus anterior annotat qualiter anima rationalis

<sup>11</sup> Mach., I, 12. — <sup>2</sup> Ibid., III, 3. — <sup>3</sup> Ibid., IX, 23. — <sup>4</sup> Aug., de Trinit., lib. XII, c. III. — <sup>5</sup> Psal. hoc, 163. — <sup>6</sup> Eccli., XII, 3. — <sup>7</sup> Psal. hoc, 128. — <sup>8</sup> Rom.,

II, 14. — <sup>9</sup> Ibid. — <sup>10</sup> Ibid., 15. — <sup>11</sup> Eccli., XXVII, 18. — <sup>12</sup> I Petr., II, 17. — <sup>13</sup> Zach., VIII, 19. — <sup>14</sup> I Paralip. XXIX, 17. — (a) Fortasse legendum præsensit.

rationaleriter defectionem animadvertit; iste sequens subnotare intendit qualiter ipsa non irrationabiliter perfectionem advertit. Quia vero, sicut scribiter a Dionysio<sup>1</sup>, « nihil est per se perfectum non indigens universaliter perfectio- nis, nisi vere perfectissimum, et ante perfec- tum; » ob hanc rem illius advertit anima per- fectionem, per ipsius quadruplicem actionem, videlicet per commissionem, admissionem, promissionem, præmissionem. Committit namque tempus vitæ; admittit fructus pœnitentiae; promittit pondus gloriæ; præmittit pignus gratiæ: quæ videtur continue versus istius conti- nentia continere.

#### *Articulus primus.*

Primum præsignatur, cum scribitur: *Adjutor.* Plane perfectissimus, et perfectorum omnium perfectivus factus est nobis adjutor magnus, potissimum præstanto præsentis vitæ spatium ad faciendum dignum pœnitentiae fructum. Et nota, quod Dominus legitur adjutor præcipue in ægrotatione, in tentatione, in defunctione; præstanto vitam naturæ, vitam gratiæ, vitam gloriæ. De primo per Psalmographum dicitur<sup>2</sup>: « Ipse Deus meus, et Salvator meus, adjutor meus, non emigrabo. » Salvator dicitur aufe- rendo infirmitatem; sed adjutor, conferendo sanitatem: ecce adjutor respectu vitæ naturæ. De secundo per Prophetam psallitur<sup>3</sup>: « Deus nos- ter refugium et virtus, adjutor in tribulationi- bus: » refugium dicitur pugnantibus fugiendo in pugna continentiae; virtus pugnantibus con- sistendo in pugna sustinentiae; adjutor in tri- bulatione, adaugendo vitam gratiæ: ecce adjutor respectu vitæ gratiæ. De tertio per eundem scribitur<sup>4</sup>: « Beatus cuius Deus Jacob adjutor ejus, » scilicet in defunctione (a): ecce adjutor respectu vitæ gloriæ.

#### *Articulus secundus.*

Secundum designatur, cum dicitur: *Et sus- ceptor meus es tu.* Sicut enim peccator est Dei debitor, sic Deus est debitæ satisfactionis sus- ceptor. Et nota, quod Dominus suscepit opera satisfactoria, de mente, de carne, de substanciali: suscipiendo de mente orationes lacrymosas; de carne, disciplinas; de substanciali, cleemosynas. De primo psalmit Propheta<sup>5</sup>: « Oratio

Deo vitæ meæ: dicam Deo: Susceptor meus es: » ecce susceptor orationum. De secundo dicit Psalmographus<sup>6</sup>: « Factus es susceptor meus, et refugium meum in die tribulationis meæ, » id est, disciplinæ rationabilis, de qua loquitur in alio loco<sup>7</sup>: « Posuisti tribulationes in dorso nostro: » ecce susceptor disciplinarum. De tertio<sup>8</sup>: « Tibi psallam, quia Deus susceptor meus es: Deus misericordia mea, » id est, causa misericordiæ in erogatione eleemosynæ: ecce susceptor eleemosynarum.

#### *Articulus tertius.*

Tertium assignatur, cum dicitur: *Et in ver- bum tuum.* Quale verbum? Non præceptivum, non prohibitivum, non comminativum; sed promissivum, et ideo verbum bonum ad pen- sandrum, ad gustandum, ad prestolandum: quia pensantium attractivum; gustantium protractivum; præstolantium pertractivum. De primo scribitur<sup>9</sup>: « Eructavit cor meum verbum bonum: » ecce verbi pensati bonitas at- tractiva. De secundo<sup>10</sup>: « Gustaverunt nililomini- nus bonum Dei verbum: » ecce verbi gustati bonitas protractiva. De tertio<sup>11</sup>: « Suscitabo super vos verbum meum bonum, ut reducam vos ad locum istum, » secundum anagogicum intellectum: ecce verbi præstolati bonitas per- tractiva.

#### *Articulus quartus.*

Quartum consignatur, cum incontinenti con- nectitur: *Supersperavi.* Supersperatio ista non est mortua, sed viva; nec informis, sed for- mata, quia procedit ex gratia præmissa. Et nota, quod de tribus præcipue contingit supersperare, videlicet de veritate, de virtute, de salute; sed satius est supersperare rationabili- ter de veritate, viriliter de virtute, quam ina- niter de salute. Prima supersperatio notatur<sup>12</sup>: « Qui timent te, » etc. Secunda subnotatur<sup>13</sup>: « Præveni in maturitate, etc. » Tertia denotatur supra<sup>14</sup>: « Defecit in salutare tuum, » etc.

#### *Epilogus.*

Liquet itaque vox Psalmistæ super perfectio- nis adversione: ait enim perfectissimo, et omni- nis perfectionis principio: *Adjutor*, quantum ad tempus vitæ transitoriae, quod committit; *Et susceptor meus es tu*, quantum ad fructus

<sup>1</sup> Dion., *de Cœl. Hier.*, c. x. — <sup>2</sup> Psal. LXI, 7. — <sup>3</sup> Psal. XLV, 2. — <sup>4</sup> Psal. CXLV, 5. — <sup>5</sup> Psal. XLI, 10. — <sup>6</sup> Psal. LVIII, 17. — <sup>7</sup> Psal. LXV, 11. — <sup>8</sup> Psal.

LVIII, 18. — <sup>9</sup> Psal. XLIV, 2. — <sup>10</sup> Hebr., vi, 5. — <sup>11</sup> Jerem., XXIX, 10. — <sup>12</sup> Psal. hoc, 74. — <sup>13</sup> Ibid., 147. — <sup>14</sup> Ibid., 81. — (a) *Edit. Ven.* defectione.

pœnitentiae, quod admittit; *Et in verbum tuum*, quantum ad pondus gloriæ, quod promittit; *Supersperavi*, quantum ad pignus gratiæ, quod præmittit: ac si diceret: Tu vite tempus committis, et pœnitentiae fructus admittis, et pondus gloriæ, quod promittis, superspero per pignus gratiæ, quod præmittis.

## VERSICULUS III.

115. *Declinate a me, maligni*, etc. Superius innotuit, qualiter animus defectionem animadvertis; rursus enituit, quo modo perfectionem advertit: hic innotescit, quoniam modo a defectione, quam animadvertis, celeriter se avertit. Hoc ostendit Psalmographus, ita loquens, sicuti bonus operarius a malis operariis se avertens; ait enim: *Declinate*, etc.; ac si diceret lingua libera: A bonis separamini, qui malum operamini; ego bonum operabor, et propter hoc a bono non separabor. Unde notare possumus, circa versum præsentem, separationem, operationem, et utriusque dignitatem, et indignitatem. Separationis dignitas sequitur operationis indignitatem; et separationis indignitas, operationis dignitatem.

*Articulus primus.*

Ad primam spectat, quod cantat: *Declinate a me*, tanquam digni separatione: ecce dignitas separationis. Et nota, quod expedit bonis quod mali declinent ab eis, tribus de causis: videlicet, ad vitandum vitium; ad vitandum convitium; ad vitandum supplicium. Quæris quorum? Vitium retractorum; convitium detractorum; supplicium pertrectorum. De primo<sup>1</sup>: « Declinate de semita, auferte offendicula de via populi mei: » ecce declinatio quantum ad vitium. De secundo<sup>2</sup>: « Arguentem in porta supplantabant, et declinaverunt frustra a justo; » quasi dicat: Frustra declinaverunt quantum ad justi convicium, quia non evaserunt justum Dei judicium: ecce declinatio, quantum ad convicium. De tertio scribitur a Psalmographo<sup>3</sup>: « Si occideris, Deus, peccatores: viri sanguinum, declinate a me, » scilicet ne occidat vobiscum: ecce declinatio, quantum ad supplicium.

<sup>1</sup> Isa., 24. — <sup>2</sup> Isa., xxix, 21. — <sup>3</sup> Psal. xxxviii, 19. — <sup>4</sup> Psal. v, 6. — <sup>5</sup> Psal. c, 4. — <sup>6</sup> Psal. xiv, 4. — <sup>7</sup> 1 Paralip., xxviii, 9. — <sup>8</sup> Sap., vi, 4. — <sup>9</sup> Psal. cviii, 14.

*Articulus secundus.*

Ad secundum facit, quod dicit: *Maligni*. Quinam sunt isti maligni, nisi mali operarii, et indigni? ecce indignitas operationis. Et nota, quod tales maligni, nec bonorum cohabitatio, neque cognitione, sed potius confutatione sunt digni; quoniam cohabitatio signum est fovendi, cognitio (a) favendi, sed confutatio removendi. De primo<sup>4</sup>: « Neque habitabit juxta te malignus; » quod non tantum competit Christo, sed etiam Christi membro; ubi refellitur malignorum cohabitatio. De secundo quoque psallimus<sup>5</sup>: « Declinantem a me malignum non cognosebam: » hic exemplo propheticō improbat malignorum familiaris cognitio. De tertio rursus legitur<sup>6</sup>: « Ad nihilum deductus est in conspectu ejus malignus; » ubi Scripturæ testimonio comprobatur malignorum confutatio.

*Articulus tertius.*

Ad tertium aspicit, quod adjicit: *Et scrutabor mandata*; videlicet qualiter fundata, qualiter fœcundata, quibus actibus insignita, quibus viribus insita: ecce operationis dignitas. Hic potest notari, quod tria contingit circa mandata scrutari; videlicet subjectum, actum, et fructum: an subjecto cohaerent; an actus boni compareant; an fructus perceant, aut permaneant. De primo<sup>7</sup>: « Omnia enim corda scrutatur Deus. » Plane corda tanquam mandatorum subjecta Dominus (b) scrutatur, quia mandatorum cohaerentiam, vel distinctionem contemplatur. De secundo<sup>8</sup>: « Altissimus interrogabit opera vestra, et cogitationes scrutabitur. » Sane tam operationes, quam cogitationes scrutari, est actus interiorum et exteriorum probari. De tertio dicit Psalmographus<sup>9</sup>: « Scrutetur fœnestrator omnem substantiam ejus. » Iste fœnestrator est diabolus: quare fœnestrator? Quia terminabilium consolationum conditor, et interminabilium desolationum exactor. Ipse peccantium substantiam scrutatur, quia incitorum præcedentium affluentiam deprædat.

*Articulus quartus.*

Ad quartum pertinet quod remanet: *Dei mei*, et propter hoc indigne separabilis, quia mei: indignum enim est ab aliquo separari, quod suum est. Sed nota, unde tam devota præsumps-

(a) Cæt. edit. cogitatio. — (b) Item Domino.

tio sit causata, ut præsumat Propheta dicere : *Dei mei*, quasi cohaerens ei. Plane ex triplici felicitate ; scilicet ex felicitate accipiendi, inventi, ingrediendi; quia Propheta consuevit facillime petens accipere, quærens invenire, pulsans introire. Vis audire Prophetam taliter præsumentem, tanquam faciliter accipientem? Audi eumdem psallentem<sup>1</sup> : « In quacumque die invocavero te, ecce cognovi quoniam Deus meus es : » est enim vox frequenter petentis, et faciliter accipientis. Vis audire taliter præsumentem, tanquam faciliter invenientem? Audi canentem<sup>2</sup> : « Doce me facere voluntatem tuam, quia Deus meus es tu ; » est enim vox frequenter quarentis, et faciliter iuvenientis. Vis audire taliter præsumentem, tanquam faciliter ingredientem? Audi dicentem<sup>3</sup> : « Ad te, Domine, levavi animam meam; Deus meus, in te confido, non erubescam ; » est enim vox frequenter pulsantis, et faciliter ingredientis; aliter erubuisset, nisi faciliter introisset, sicut pulsantes erubescunt, cum introire non possunt.

#### Epilogus.

Et hoc est, quod Psalmista dicit, tanquam persona quæ a defectione, quam animadvertisit, celerrime se avertit : *Declinate a me*, quantum ad dignitatem separationis; *maligni*, quantum ad indignitatem operis; *et scrutabor mandata*, quantum ad dignitatem operationis; *Dei mei*, quantum ad indignitatem separationis.

#### VERSICULUS IV.

**116.** *Suscipe me secundum eloquium tuum*, etc. Qualiter animus a defectione, quam animadvertisit, illico se avertit, præcedens versus exposuit; qualiter autem ad perfectionem, quam advertit, continuo se convertit, præsens versus exponit. Nam Propheta conventus cœlestis perfectionem admirans, ac ad ipsius admisionem aspirans, talem petitionem proponit in audiencia divinæ majestatis, et assistentium angelorum, qualem novitius proponere consuevit in præsentia abbatis, et astantium monachorum. Ait enim : *Suscipe me*, etc.; ac si diceret voce clara : *Suscipe me professorem*, secundum tuæ promissionis tenorem; et reddere vitam superiorem, pro qua contempsi vitam inferiorem. Ecce petitio professoris, promissio Salvatoris,

appetitus vite superioris, et contemptus vite inferioris. Petitio sane digna acceptione; promissio digna solutione; appetitus dignus impletione, et contemptus indignus confusione.

#### Articulus primus.

Primus igitur denotatur, cum dicitur : *Suscipe me*, scilicet ad perfectionem cœlestem, tanquam novitium profitentem, divitias, delicias, et voluntates proprias dimittentem: quia meæ divitiae, te tenere; meæ deliciae, te videre; meæ concupiscentiae, tibi præcordialiter adhærere. Unde notandum, quod Dominus suscepit a novitio, non sine magno pietatis consilio, triplex votum; utpote paupertatis voluntariae, continentiae, obedientiae: quatenus per tripartitum meritum efficiatur capacior ad summum bonum capessendum, perspicacior ad videndum, efficacior ad fruendum. De susceptione paupertatis voluntariae per Psalmistam dicitur<sup>4</sup> : « Ego sum pauper et dolens; salus tua, Deus, suscepit me : » quis est ille pauper et dolens, nisi possessionem exteriorem per compunctionem interiorem relinquens? De susceptione continentiae scribitur<sup>5</sup> : « Fornicata es cum amatoribus multis; tamen revertere ad me, dicit Dominus, et ego suscipiam te : » ab immunditia revertitur, et ad Deum convertitur, qui continentiam profitetur. De susceptione obedientiae per Prophetam psallitur<sup>6</sup> : « Tenuisti manum dexteram meam, et in voluntate tua deduxisti me, et cum gloria suscepisti me. » Dexteram manum a Deo teneri, est ei voto simplici obedientiam polliceri. In voluntate divina deduci, est simplex obedientiae votum ad solemne perduci, sive solemniter profiteri: quæ professio dicitur suscipi cum gloria, quia suscepitur tanquam gloriæ meritaria.

#### Articulus secundus.

Secundum annotatur, cum additur : *Secundum eloquium tuum*, scilicet susceptionis promissionum, juxta illud propheticum<sup>7</sup> : « Ecce servus meus, suscipiam eum. » Illic notandum, quantum pertinet ad propositum, quod est eloquium tripartitum, videlicet eloquium quod promittitur, eloquium quod dimittitur, et eloquium quod admittitur. Primum est eloquium assumptionis; secundum, eloquium ululationis; tertium, eloquium exultationis. De pri-

<sup>1</sup> *Psal.* LV, 10. — <sup>2</sup> *Psal.* CXLI, 10. — <sup>3</sup> *Psal.* XXIV,

<sup>4</sup> *Psal.* LXVIII, 30. — <sup>5</sup> *Jerem.*, III, 1. — <sup>6</sup> *Psal.* LXXXII, 24. — <sup>7</sup> *Isa.*, XLII, 1.

mo<sup>1</sup> : « Fluat ut ros eloquium meum ; » ecce rorisfluum eloquium, quod est piæ voluntatis indicium, et promittentis proprium; dicatur autem eloquium assumptionis, pro eo quod est Moyses. eloquium Moysi, qui interpretatur assumptio. De secundo<sup>2</sup> : « Dimittam adversum me eloquium meum : » hoc est eloquium vetustatis, sive lugubritatis, quod dimittitur a beatis: dicitur autem eloquium ululationis, pro eo quod est Job. eloquium Job, qui interpretatur ululatio. De tertio<sup>3</sup> : « Benedictum eloquium tuum : » istud est eloquium novitatis, sive jucunditatis, quod admittitur a beatis: dicitur autem eloquium exultationis, pro eo quod est eloquium Abigail. Abigail, quæ interpretatur patris nostri exultatio. Primum eloquium figuratur per abbatem, novitium prostratum erigi annuentem; secundum, per eum erectum exuentem; tertium, per eundem exutum induentem.

#### *Articulus tertius.*

Tertium subnotatur, cum sequitur: *Et vivam.* Ecce vita, quam affectat et expectat. Et nota, quod vita spiritualis est triformis; quædam informis, quædam christiformis, quædam deiformis: prima vita est sophistica, secunda apostolica, tertia angelica. De prima<sup>4</sup>: « Nomen habes quod vivas, et mortuus es : » ecce vita informis et sophistica. De secunda<sup>5</sup>: « Vivo autem jam non ego; vivit vero in me Christus : » ecce vita christiformis et apostolica. De tertia<sup>6</sup>: « Si mortui sumus cum Christo, credimus quod etiam simul vivemus cum Christo : » ecce vita deiformis et angelica; haec est vita quæ appetitur a Psalmista, pro qua contemnitur vita ista.

#### *Articulus quartus.*

Quartum connotatur, cum prædictis connectitur: *Et non confundas me ab expectatione mea*, scilicet æterna lætitia, de qua scribitur<sup>7</sup>: « Expectatio justorum, lætitia. » Et nota de confusione predicta, quod nimis confusus erit, qui vitam temporalem prendiderit, et æternalem perdiderit; sed amplius confusus erit, qui vitam temporalem perdiderit, et vitam æternalem non prendiderit; sed nullatenus confusus erit, qui vitam temporalem non perdiderit, sed vendididerit, et vitam æternam prendiderit. Quorum

primum congruit flagitious; secundum, superstitionis; tertium, religiosis. De primis scribitur<sup>8</sup>: « Domine, omnes qui te derelinquent, confundentur. » Tales fuerunt flagitosi, qui dum criminaliter delinquent, Dominum prohibitem criminum derelinquent; sed ipsi confundentur; nam etsi derelinquant prohibitem, non derelinquent ultorem. De secundis traditur<sup>9</sup>: « Quomodo confunditur fur, quando deprehenditur, sic confusi sunt domus Israel. » Tales Israelitæ sunt hypocritæ, qui simulaeris simulationum serviunt, et gloriam Deo debitam furtive rapiunt. De aliis legitur<sup>10</sup>: « Filioli, manete in eo, ut cum apparuerit, habeamus fiduciam, et non confundamur ab eo. » Sic faciebat Apostolus, cum dicebat<sup>11</sup>: « Scio, quia hoc mihi proveniet ad salutem per vestram orationem, et subministracionem spiritus Iesu Christi, secundum expectationem et spem meam, quia in nullo confundar. »

#### *Epilogus.*

Ait ergo Propheta, tanquam persona devota cœlestium perfectionem considerans, et ipsorum communionem desiderans: *Suscipe me*, quantum ad petitionem professoris, dignam acceptance; *secundum eloquium tuum*, quantum ad promissionem Salvatoris, dignam solutione; *et vivam*, quantum ad appetitum vitæ superioris, dignum impletione; *et non confundas me*, etc., quantum ad contemptum vitæ inferioris, indignum confusione.

#### *VERSICULUS V.*

*17. Adjuva me, et salvus ero, etc.* Præcidente quaternario præcedente, defectionem contemptibilem esse cognovimus; succinente vero præsente, perfectionem appetibilem existere cognoscemus. Perfectio quidem ista, quam describit Psalmista, est perfecta militia, qua militat Ecclesia circa Deum, circa hostem, circa mundum, circa carnem. Iste modus militandi quadrivodus in quatuor patebit versibus. Primus igitur versus docet, quomodo circa Deum militare debemus, scilicet bona divina petendo, reposita rapiendo, latentia perquirendo, fugientia persequendo. Ille autem bona petit orans, rapit plorans, perquirit meditans, persequitur perseverans.

<sup>1</sup> Deut., xxxii, 2. — <sup>2</sup> Job, x, 1. — <sup>3</sup> 1 Reg., xxv, 32. — <sup>4</sup> Apoc., iii, 1. — <sup>5</sup> Gal., ii, 20. — <sup>6</sup> Rom., vi, 8. — <sup>7</sup> Prov., x, 28. — <sup>8</sup> Jerem., xvii, 13. — <sup>9</sup> Jerem., ii, 26. — <sup>10</sup> 1 Joan., ii, 28. — <sup>11</sup> Philip., i, 20.

*Articulus primus.*

Vis audire audacem militem circa Deum, et quasi contra Dominum militantem, divina bona viriliter exigentem? Audi Psalmistam dicenteum: *Adjuba me*, scilicet in mea necessitate, de tuæ gratiæ largitate. Et nota, quod Dominus adjuvat quantum ad intellectum, ad affectum, ad effectum; præstando consilium, solatium, auxilium. De primo<sup>1</sup>: « *Adjuvit eum*, » scilicet David, « *Dominus in eunctis, ad quæ pertraxerat*, » scilicet præstando consilium. De secundo, ubi dicit Amasai ad David<sup>2</sup>: « *Adjuvat te Dominus Deus tuus*, » scilicet præstando solatium. De tertio<sup>3</sup>: « *Dei quippe est, et adjuvare, et in fugam convertere*, » scilicet præstando, vel negando auxilium.

*Articulus secundus.*

Vis audire rapacem militem, non tantum bona cunctis exposita exigentem, sed et bona Sanctis reposita rapientem? Audi Prophetam psallentem: *Et salvus ero*, quasi dicat: Propter bona gratiæ non quiesco: sed et insuper bona gloriæ concupisco. Attende militem acriter militantem, magna flagitantem, et maxima raptitatem. Hoc autem contingit, quia quem orans unxerat, plorans pungit. Et nota, quod lacrymarum gratia, sive compunctio lacrymosa dicitur raptitare salutem, quoniam armat hominem ad illius similitudinem, qui propugnator est ad salutem. Facit namque flere cum flente, pati cum paciente, vivere cum vivente: flere quidem, quantum ad hominem exteriorem; pati autem, quantum ad interiorem; vivere tandem, quantum ad dulcedinem spiritus pinxiorem. De primo dicit Psalmographus<sup>4</sup>: « *Ostende faciem tuam, et salvi erimus*. » Faciem ostendere, est similitudinem faciei impendere. Qualis faciei? Numquid ridentis? Non, sed preces cum lacrymis offerentis, et salutem validissime capientis, sicut scribitur ab Apostolo<sup>5</sup>: « *Qui in diebus carnis suæ preces supplicantesque ad eum, qui posset illum salvum facere a morte, cum clamore valido et lacrymis offens* », exauditus est pro sua reverentia. » O quanta virtutis violentia, quanta salutis direptiva potentia fuit in illa clamosa, lacrymosa, reverentissima Redemptoris instantia! De secundo scribit Apostolus<sup>6</sup>: « *Justificati in sanguine ipsius, salvi erimus ab ira per ipsum*. »

<sup>1</sup> *I Paralip.*, xviii, 6. — <sup>2</sup> *Ibid.*, xi, 18. — <sup>3</sup> *II Paralip.*, xxv, 8. — <sup>4</sup> *Psal. LXXIX*, 4. — <sup>5</sup> *Hebr.*,

In sanguine Christi justificari videtur, qui pati cum paciente, et sanguinare cum sanguinante meretur. Quid enim lacrymæ, nisi sanguis animæ? De tertio scribitur<sup>7</sup>: « *Reconciliati, salvi erimus in vita ipsius*. » In vita Christi vivificari dignoscitur, qui post collamentationem et compassionem ab ipso Christi spiritu dulcior aspiratur.

*Articulus tertius.*

Vis audire sagacem militem, non solum bona bonis reposita rapientem, sed et bona bonis recondita sagaciter perscrutantem? Audi Psalmographum subserbentem: *Et meditabor in justificationibus tuis*. Si enim meditari est secreta perscrutari, si justificationes secretae sunt actiones, constat, quod hujusmodi meditari, est secreta dominica perscrutari. Si queris, quæ sunt secreta bona Dei, ut possis illa meditando scrutari? Indicabo tibi bona hujuscemodi tripartita, in cellariis tribus abscondita: videlicet latentem potestatem in divina natura; latentem veritatem in scriptura; latentem bonitatem in creatura. In natura specialiter meditando scrutare, vel scrutando meditare fastigium potestatis; in scriptura, præsagium veritatis; in creatura, vestigium bonitatis. Fastigium potestatis in natura scrutari deliberavit, qui dixit<sup>8</sup>: « *Meditabor in te, quia fuisti adjutor meus*. » Præsagium veritatis in Scriptura scrutari dignoscitur, de quo dicitur<sup>9</sup>: « *In lege ejus meditabitur*. » Vestigium bonitatis in creatura scrutari proposuit, qui cantavit<sup>10</sup>: « *Meditabor in omnibus operibus tuis, et in adinventionibus tuis exercabor*, » id est, vestigium bonitatis in operibus creationis et recreationis scrutabor.

Meditari quid.

Bona secreta Dei meditatione scrutanda.

*Articulus quartus.*

Vis audire militem pertinacem, non solummodo bona latentia perquirentem, sed et fuentia consequentem? Audi scripturam sequentem: *Semper*, ac si dicat potenter: Bona latentia meditabor ineffabiliter, seu perscrutabor pertinaciter; quoniam inventis semper invenienda succedunt, collectis semper colligenda succrescant, et affectui post bona desiderabilia volitanti, ac intellectui post pulchra considerabilia cursitanti, innumeræ turmæ, infinitæ catervæ bonorum et pulchrorum prævolant et præcurrunt. Et nota, quod non est gravis hæc sempiternitas, sed suavis tribus de causis: propter veritatem,

v, 7. — <sup>6</sup> *Rom.*, v, 9. — <sup>7</sup> *Ibid.*, 10. — <sup>8</sup> *Psal. LXII*, 7. — <sup>9</sup> *Psal.* i, 2. — <sup>10</sup> *Psal. LXXVI*, 13.

propter bonitatem, propter felicitatem : quia semper veritas speculanda, semper bonitas æmulanda, semper felicitas præstolanda. De primo <sup>1</sup> : « Querite faciem ejus semper ; » in quo sempiterna veritatis speculatio. De secundo <sup>2</sup> : « Bonum æmulamini in bono semper ; » in quo sempiterna bonitatis æmulatio. De tertio <sup>3</sup> : « Spera in Deo tuo semper ; » in quo sempiterna felicitatis præstolatio.

## Epilogus.

Ait ergo Psalmographus, sicut miles egregius circa Deum, et quasi contra Deum militare frequenter expertus: *Adjuba me, tanquam orans, divina petendo; Et salvis ero, tanquam polorans, reposita capiendo; Et meditabor in justificationibus tuis, tanquam meditans, latentia perquirendo; Semper, tanquam perseverans, fugientem persequendo.*

## VERSICULUS VI.

118. *Sprevisti omnes discedentes*, etc. Qualiter Ecclesia militet circa Deum, per versum claruit præauditum; qualiter autem militet contra hostem, subrutilat per præsentem. Potenter namque militat, quæ pro filiis ab adversario super-ratis Omnipotentem objurgat, plangens, et angens, ut in auxilium suum surgat. Ait enim: *Sprevisti*, etc., tanquam voce rugiens planctuosa: Filios meos spernis, quos a tua civitate per temerariam voluntatem abduci, et in contrariam civitatem per adversariam potestatem traduci concernis. Ad eujus pleniorum, et planiorem intellectum, populare proponatur exemplum. Sieut merito spernitur a mundana potestate discedens a sua civitate, si sequens adversariam potestatem, incidat in contrariam civitatem; sic non immerito contemnitur a supermundana potestate, discedens ab æquitate, tanquam dominica civitate, quia sequens adversariam potestatem, incidit in iniquitatem, tanquam diabolicam civitatem. Veruntamen pia mater Ecclesia, de salute filiorum suorum anxia, non cessat potestatem primam excitare, et adversus potestatem adversariam militare. Quatuor ergo connotantur in versu proposito: videlicet primæ potestatis contemptus; dominicæ civitatis, scilicet æquitatis, recessus; secundariæ potestatis occursus, et diabolicæ civitatis, sci-

licet iniquitatis, incursum: quorum primum pertinet ad temeritatis permissionem; secundum, ad æquitatis prætermissionem; tertium, ad cogitationis immissionem; quartum, ad iniquitatis commissionem.

## Articulus primus.

Quantum ad primum, præmittitur: *Sprevisti omnes*. Dominus dicitur aspernari, quos permittit propriam voluntatem sectari: cum enim Deum dimittens voluntas sibi dimittitur, temeritas permittitur, non immittitur. Et nota, quod spernit Dominus sectatores temerariae voluntatis, seu voluntariae temeritatis, per errorem, per favorem, per furorem; sicut cultores idolorum, adulatores malorum, et detractores bonorum. De primo per Psalmistam dicitur <sup>4</sup>: « In sculptilibus suis ad æmulationem eum provocaverunt: audivit Deus, et sprevit: » hic spernuntur idolorum cultores. De secundo per Prophetam psallit <sup>5</sup>: « Confusi sunt, » scilicet qui hominibus placent, « quoniam Deus sprevit eos. » Hic spernuntur malorum adulatores. De tertio legitur <sup>6</sup>: Væ, qui prædaris, nonne et ipse prædaberis: et qui spernis, nonne et ipse sperneris? » Hic spernuntur bonorum detractores, alienæ famæ prædones.

## Articulus secundus.

Quantum ad secundum, submittitur: *Discedentes a justitiis tuis*. Iste justitiae sunt æquitatis observantiae, sive mandatorum moralium differentiæ: quoniam <sup>7</sup> : « Omnia mandata tua æquitas, » sicut prophetica dicit auctoritas. A justitiis istis discedimus, cum easdem respiciamus, repellimus, profanamus: verbi gratia, eum aliquam æquitatis observantiam respicit conscientia, repellit concupiscentia, profanat contumacia. De primo <sup>8</sup> : « Legem mandavit Moyses in præceptis justitiarum : » ecce justitiae respiciendæ. De secundo dicitur a Psalmographe <sup>9</sup>: « Justicias ejus non repuli a me : » ecce justitiae non repellendæ. De tertio in alio psalmo dieitur a Domino <sup>10</sup> : « Si justicias meas profanaverint; » et infra: « Visitabo in virga iniqüitates eorum : » ecce justitiae non profanandæ.

## Articulus tertius.

Quantum ad tertium, adjungitur: *Quia cogitatio eorum*. Hæc est cogitatio immissa ab ad-

<sup>1</sup> *Paralip.*, XVI, 11. — <sup>2</sup> *Gal.*, IV, 18. — <sup>3</sup> *Ose.*, XII, 6. — <sup>4</sup> *Psal.* LXXVII, 58, 59. — <sup>5</sup> *Psal.* LII, 10. —

<sup>6</sup> *Isa.*, XXXIII, 1. — <sup>7</sup> *Psal.* hoc, 172. — <sup>8</sup> *Ecli.*, XXIV, 33. — <sup>9</sup> *Psal.* XVII, 23. — <sup>10</sup> *Psal.* LXXXVIII, 32, 33.

versario. Et nota, quod triplex est cogitatio, quae frequenter immittitur ab adversario, ulti puto cogitatio deliciosa, cogitatio malitiosa, cogitatio ambitiosa : quarum prima immittitur virtuti concupiscibili, secunda irascibili, tertia rationabili. De prima<sup>1</sup> : « Sensus et cogitatio humani cordis prona sunt in malum ab adolescentia sua : » ecce cogitatio deliciosa. De secunda<sup>2</sup> : « Venerunt duo presbyteri pleui iniqua cogitatione adversus Susannam, ut interficerent eam : » ecce cogitatio malitiosa. De tercia<sup>3</sup> : « Non te extollas in cogitatione animæ tuæ, velut taurus : » ecce cogitatio ambitiosa.

#### Articulus quartus.

Quantum ad quartum, subjungitur : *Injusta*, id est, in injustitiam, sive iniquitatis observantiam introducta. Sicut enim æquitas, sic et iniquitas suas habet observantias; quasdam iniquitatis procuratorias, quasdam diffinitorias, quasdam executorias. Primæ pertinent ad injusta consilia; secundæ ad injusta iudicia; tertie ad injusta exercitia. Vis audire linguam iniquitatis procuratoriam? Audi Sapientem dicentem<sup>4</sup> : « Liberasti me ; » et infra ; « A rege iniquo, et a linqua injusta. » Vis videre personam iniquitatis diffinitoriam? Quære puerum juvenorem contra presbyterum seniorem sic loquenter<sup>5</sup> : « Nunc venerunt peccata tua, quæ operabaris prius judiciorum iudicia injusta. » Vis inventare personas alias iniquitatis executorias? attende alium sapientem sic scribentem<sup>6</sup> : « Oditibilia tibi, Domine, opera faciebant per medicamina et sacrificia iusta. »

#### Epilogus.

Per prædicta potest clarescere mens Prophetæ prolocutoris Ecclesiæ in hac parte. Dicit namque : *Sprevisti omnes* : ecce primariæ potestatis contemptus, pertinens ad temeritatis permissionem; *Discedentes a justitiis tuis* : ecce dominicæ civitatis, scilicet æquitatis recessus, attinens ad æquitatis prætermissionem; *Quia cogitatio eorum* : ecce secundariæ potestatis occursus, respiciens ad cogitationis immissionem; *Injusta*, id est, in injustitiam seu iniquitatis experientiam introducta : ecce diabolicæ civitatis, videlicet iniquitatis incursum, spectans ad iniquitatis commissionem. Aut, ut brevius dicam : *Sprevisti*, quantum ad temeritatem permis-

sam; *Discedentes a justitiis tuis*, quantum ad æquitatem prætermissam; *Quia cogitatio eorum*, quantum ad cupiditatem immissam; *Injusta*, quantum ad iniquitatem commissam.

#### VERSICULUS VII.

119. *Prævaricantes reputavi*, etc. In versu præcedenti militavit Ecclesia contra diabolum; in præsenti militat contra mundum. Dicit enim Prophetæ, vel potius Ecclesia voce prophetica : *Prævaricantes*, etc.; ac si loquela diceret manifesta : Omnes mundi amicos, Dei reputo inimicos : quocirca ego Dei amica, sumens arma thearchica, mundi facta sum inimica. Unde in versus hujus continentia quatuor sunt contenta, videlicet amicitia Dei, et amicitia mundi; inimicitia Dei, et inimicitia mundi : quorum primum pertinet ad charitatem; secundum, ad cupiditatem; tertium, ad prædicationem; quartum, ad prævaricationem. Porro inter prædicationem et prævaricationem est mutua contradictione, seu coalterna concertatio, sicut patet ex eo, quod prædicatio est protestatio charitatis, et detestatio cupiditatis; prævaricatio vero est protestatio cupiditatis, et detestatio charitatis; et idcirco prædicatio atque prævaricatio ad invicem adversantur, quoniam quod una protestatur, altera detestatur.

#### Articulus primus.

Inimicitiam ergo Dei notavit Psalmista, cum ait : *Prævaricantes reputavi*, quia prævaricantes sunt contra Dominum inimicitias exerceentes, protestando quod ille detestatur, et detestando quod ille protestatur. Hic notare possumus, quod prævaricantibus tria debemus, scilicet compassionem, æmulationem, comminationem : compatiendo ex pietate; æmulando ex charitate; comminando ex severitate. De primo<sup>7</sup> : « Væ mihi, prævaricantes prævaricati sunt; » scilicet prævaricantes corde, prævaricati sunt opere : vox est compaticientis. De secundo dicitur in Psalmo<sup>8</sup> : « Vidi prævaricantes, et tabescerbam : » vox est æmulantis. De tertio<sup>9</sup> : « Factus est sermo Domini ad me dicens : Fili hominis, terra cum peccaverit mihi, ut prævaricetur prævaricans, extendam manum meam super eam : » vox est comminantis.

2. — <sup>4</sup> *Eccli.*, LI, 4, 7. — <sup>5</sup> *Dan.*, XIII, 53. — <sup>6</sup> *Sap.*, XII, 4. — <sup>7</sup> *Isa.*, XXIV, 16. — <sup>8</sup> *Psal.* hoc, 158. — <sup>9</sup> *Ezech.*, XIV, 13.

<sup>1</sup> *Gen.*, VIII, 21. — <sup>2</sup> *Dan.*, XIII, 28. — <sup>3</sup> *Eccli.*, VI,

*Articulus secundus.*

Amicitiam vero mundi denotavit, cum dixit: *Omnes peccatores terræ*: nam peccatores terræ sunt amatores terræ: peccatores autem hujusmodi vocantur amici mundi. Et nota de peccatoribus istis, quod eorum vita est vituperabilis, defectio desiderabilis, imperfectio tolerabilis: quia videndo inhumantur; deficiendo exhumentur; interficiendo sanantur. De primo<sup>1</sup>: « Væ peccatori terram ingredienti duabus viis. » Peccatores ejusmodi sunt amici mundi, qui duabus viis terram ingrediuntur, quia tam viventes, quam morientes interrari noscuntur: viventes quidem, interrantur quantum ad corda; morientes autem, interrantur quantum ad corpora: ecce vita (*a*) vituperabilis. De secundo dicit Psalmista<sup>2</sup>: « Deficient peccatores a terra, » hoc est, desinent amare terrena: ecce defectio desiderabilis. De tertio psallit Propheta<sup>3</sup>: « In matutino interficiebam omnes peccatores terræ; » id est, in ortu spiritualis diei, interimebam amatores terræ gladio verbi Dei: ecce imperfectio tolerabilis.

*Articulus tertius.*

Amicitiam quoque Dei connotavit, cum ratione cinando conjunxit: *Ideo dilexi*, quasi amica Dei: non despexi, quasi amica mundi. Et nota, quod Ecclesia recte Dei reputatur amica, quod significatur in Canticis per tria signa: per tedium, per studium, per gaudium: quia signum est diligendi, tedium carenti; studium quaerendi; gaudium inveniendi. De primo<sup>4</sup>: « In lectulo meo per noctes quæsivi, quem diligit anima mea; quæsivi illum, et non inveni: » ecce carenti tedium. De secundo scribitur infra<sup>5</sup>: « Surgam et circuibo civitatem, per vias et plateas quærar, quem diligit anima mea: » ecce quaerendi studium. De tertio sequitur<sup>6</sup>: « Inveni, quem diligit anima mea; tenui eum, nec dimittam: » ecce inveniendi gaudium.

*Articulus quartus.*

Inimicitiam denique mundi subnotavit, cum subjunxit: *Testimonia tua*, scilicet prædicationa dominica, tanquam arma bellica prævaricantibus inimica. Et nota de dictis testimoniis, quod sunt testimonia charitatis, claritatis,

et cupiditatis; quia charitatem protestantia, claritatem contestantia, cupiditatem detestantia. De primo<sup>7</sup>: « Quod vidi mus, testamur, et testimonium nostrum non accipitis; » et infra: « Sic enim Deus dilexit mundum, ut filium suum unigenitum daret: » ecce testimonium divinæ charitatis. De secundo<sup>8</sup>: « Illic venit in testimonium, ut testimonium perhiberet de lumine: » ecce testimonium divinæ claritatis. De tertio<sup>9</sup>: « Me odit mundus, quia ego testimonium perhibeo de illo, quia opera illius mala sunt: » ecce testimonium mundanæ cupiditatis, quia<sup>10</sup> « radix omnium malorum est cupiditas, » teste Apostolo.

## Epilogus.

Ait ergo Propheta sub Ecclesiæ figura, vel Ecclesia voce prophetica: *Prævaricantes reputavi*, notans divinam inimicitiam, quantum ad prævaricationem; *Omnes peccatores terræ*, denotans mundanam amicitiam, quantum ad cupiditatem; *Ideo dilexi*, connotans divinam amicitiam quantum ad charitatem; *Testimonia tua*, subnotans mundanam inimicitiam, quantum ad prævaricationem.

## VERSICULUS VIII.

120. *Confige timore tuo*, etc. Post triplicem militandi modum, circa Deum, circa diabolum, circa mundum, sequitur quartus modus, quo circa nos militare debemus. Porro circa nos, et quasi contra nos toties militamus, quoties coactamus appetitivam inferiorem per apprehensivam inferiorem, ne fortassis appetitiva superior coereat apprehensivam superiorem; id est, quoties coactemus sensualitatem per imaginationem, ne forte voluntas coereat rationem: quod contingit, cum imaginatio imaginata peccatoris supplicio, quasi doloris gladio se succingit, et sensualitatis dissolutionem per formidinem sic constringit, quod eadem affectionis altitudinem non attingit, et illa rationis rectitudinem non effringit. Ita revera militare volebat Psalmista pronuntians verba ista: *Confige*, etc., quasi dicat: Constringe, per terribilem imaginationem, sensualitatis dissolutionem, quoniam a judiciis tuis, quæ sunt penes rationem, timui, ne violentur per voluntatis violationem. Unde patet luce clarius, quod quatuor

<sup>1</sup> *Ecoli.*, II, 14. — <sup>2</sup> *Psal.* ciii, 33. — <sup>3</sup> *Psal.* c, 8.  
— <sup>4</sup> *Cant.*, III, 1. — <sup>5</sup> *Ibid.*, 2. — <sup>6</sup> *Ibid.*, 4. —

<sup>7</sup> *Joan.*, III, 11, 16. — <sup>8</sup> *Joan.*, I, 7. — <sup>9</sup> *Joan.*, VII, 7.  
— <sup>10</sup> *I Tim.*, VI, 10. — (a) *Edit. Ven. deest vita.*

continet iste versus : videlicet duas apprehensivas, et totidem appetitivas, quae sunt imaginatio, ratio, sensualitas, et voluntas.

#### *Articulus primus.*

Imaginatio præsignatur, cum dicitur : *Configit timore*, id est, timida imaginatione, scilicet supplicii distinctione. Qui tali timore configitur, tripliciter transfigitur, quia timor hujusmodi tripartitur. Est enim timor horribilis, intolerabilis, non incredibilis; ratione poenæ triplicis, superioris, interioris, et exterioris. De primo<sup>1</sup> : « Turbabuntur timore horribili, et mirabuntur in subitatione insperata salutis : » ecce timor horribilis ratione poenæ superioris, quæ dicitur poena damni. De secundo, ubi dicitur de Babyloniis, audita decapitatione Holofernis, per quam innuitur plaga mentis<sup>2</sup> : « Timor intolerabilis cecidit super eos, et turbati sunt animi eorum valde : » ecce timor intolerabilis ratione poenæ interioris, quæ dicitur poena vermis. De tertio, ubi scribitur<sup>3</sup> : « Non sis incredibilis timori Domini ; » quasi dicat : Noli sic esse credulus humano timori, quod sis incredulus divino timori, qui non est incredibilis : ecce timor non incredibilis ratione poenæ exterioris, quæ dicitur poena ignis.

#### *Articulus secundus.*

Sensualitas consignatur, cum additur : *Carnes meas*, id est, carnales concupiscentias. Dicit autem : *Carnes*, non carnem, ut insinuet carnales concupiscentiae dissolutionem. Et nota, quod ista dissolutio sedet in quodam trivio : scilicet in cordis voluntate, in oris voracitate, in tactus voluptate : unde carnes istæ leguntur super montes locandæ, gladio devorandæ, a volucibus lacerandæ. De primo<sup>4</sup> : « Dabo carnes tuas super montes, » id est, dissolutiones in voluntate latentes, faciam eminentes. Quod enim legitur de Pharaone, convenienter intelligitur de voluntatis dissolutione. Pharaonem Egyptum autem interpretatur tenebræ. Et constat, quod dicta dissolutio voluntatem dissipat, et in tenebris regnat. De secundo<sup>5</sup> : « Gladius meus devorabit carnes. » Quippe de lingua psalmus<sup>6</sup> : « Lingua eorum gladius acutus : » competenter ergo lingua vorax voratur gladio.

<sup>1</sup> *Sap.*, v, 2. — <sup>2</sup> *Judith*, XIV, 17. — <sup>3</sup> *Eccli.*, I, 36. — <sup>4</sup> *Ezech.*, XXXII, 5. — <sup>5</sup> *Deut.*, XXXII, 42. — <sup>6</sup> *Psal.* LVI, 5. — <sup>7</sup> *Gen.*, XL, 9. — <sup>8</sup> *Psal.* XVIII, 10. — <sup>9</sup> *Tob.*,

De tertio, ubi scribitur de pistorum magistro<sup>7</sup> : « Lacerabunt volucres carnes tuas : » talem poenam meretur tactus voluptas.

#### *Articulus tertius.*

Ratio designatur, cum subditur : *A judiciis tuis*, penes rationem repositis. Plane ratio iudicia continet, quoniam ad ipsam judicare pertinet. Et nota, quod divina iudicia dicuntur in Scriptura quandoque vera, quandoque justa, quandoque pessima; quia sunt veritatis indicativa, æquitatis judicativa, iniquitatis vindicativa. De primo dicit Psalmista<sup>8</sup> : « Judicia Domini vera, » propter judicium veritatis. De secundo<sup>9</sup> : « Omnia iudicia tua justa sunt, » propter judicium æquitatis. De tertio<sup>10</sup> : « Si quatuor iudicia mea pessima, gladium, et faram, ac bestias malas, et pestilentiam immisero in Jerusalem, » etc., quantum ad vindictam iniquitatis.

#### *Articulus quartus.*

Voluntas assignatur, cum superadditur : *Timui*, quia timoris occasio fuit voluntatis violatio. Timuit namque Propheta, ne iudicia rationis violarentur per violentiam affectionis, violæ per violentiam sensibilis passionis. Sieut enim Achaz rex Juda vastari timuit, quando Syria super Ephraim requievit, ut scriptum est<sup>11</sup>; sic Psalmista timere videtur in parte ista iudiciorum rationalium vastitatem, si voluntas requiescat super sensualitatem. Nam Achaz, qui apprehendens interpretatur, bene Psalmistæ congruit; Syria, quæ sublimis, affectioni superiori tur. Achaz quid interpretetur.

competit; Ephraim, quæ frugifera, sensualitati convenit, eo quod sit frugifera passionum fruge pestifera. Notandum itaque de præsenti timore, quod Propheta videtur timuisse a triplici violatione; videlicet a violatione sensualitatis, voluntatis, et rationis. Prima violatio est activa; ultima, passiva; media, passiva pariter, et activa: respectu sensualitatis est passiva; respectu rationis, activa. Primo modo timebat Apostolus, cum dicebat<sup>12</sup> : « Timeo, ne sicut serpens Evas seduxit astutia sua, ita corrumptur sensus vestri. » Quid enim est Evas seduci a serpente, nisi voluntatem a sensualitate? Secundo modo timuit ipse, cum scripsit<sup>13</sup>: « Timeo enim, ne forte, cum venero, non quales volo, inveniam vos : » in quo timetur ab III, 2. — <sup>10</sup> *Ezech.*, XIV, 21. — <sup>11</sup> *Isa.*, VI, 1, 2. — <sup>12</sup> *Il Cor.*, XI, 3. — <sup>13</sup> *Ibid.*, XII, 20.

ipso voluntatis alteratio. Tertio modo timere videbatur, cum sic discipulus loquebatur<sup>1</sup>: « Dies observatis, et menses, et tempora, et annos. Timeo vos, ne forte sine causa laboraverim in vobis : » ecce timor deceptionis, qui est violatio rationis.

#### Epilogus.

Ex prædictis potest clarescere vox Prophetæ, tanquam volentis contra se militare : *Confige, inquit, timore tuo*, quantum ad inferiorem apprehensivam, scilicet imaginationem; *Carnes meas*, quantum ad inferiorem appetitivam, scilicet sensualitatem; *A judiciis enim tuis*, quæ sunt apud superiorem apprehensivam, scilicet rationem; *Timui*, ne violentur per violatam superiorem appetitivam, scilicet voluntatem.

#### VERSICULUS IX.

121. *Feci judicium et justitiam*, etc. Quam ob causam iniqüitas sit odibilis, patuit per tenorem octonarii precedentis; quamobrem æquitas sit amabilis, patebit per tenorem præsentis. Est autem amabilis æquitas adhuc adolescentula; sed amabilior iam adulta. Illa quasi lux matutina; ista quasi lux meridiana. Illam describit quaternarius prior; istam posterior. Proprium est æquitatis adolescentulæ, calumnias pavere, calumniantes cavere, defectus proprios recognoscere, remedium adhibere: quæ videntur luce clarius in proximis quatuor versibus elucescere. Versus primus pertinet ad æquitatem, calumnias expaventem, sicut patet per Psalmographum ad Dominum sic loquentem: *Feci judicium*, etc., quasi dicat: Profeci per Dei gratiam, ad deliberandum, et operandum justitiam; sed timeo ne deficiam ad tolerandum et superandum injustitiam, seu injustam calumniam: ecce duo profectus, et totidem defectus, quos continet iste versus, scilicet profectus deliberandi et operandi, et defectus tolerandi et superandi.

#### Articulus primus.

Profactus deliberandi tangitur per hoc membrum: *Feci judicium*, quantum ad discretionem operabilium; discernendo inter bonum et malum; decernendo eligendum illud, et istud fugiendum. Et notandum circa memoratum

<sup>1</sup> Galat., iv, 10, 11. — <sup>2</sup> Sap., viii, 11. — <sup>3</sup> Ose., v, 21. — <sup>4</sup> Tit., iii, 11. — <sup>5</sup> Job, xxix, 14. — <sup>6</sup> Eccli.,

judicium diversitatem judicantium: quorum alii sunt incontaminati, alii contaminati, alii obstinati. Horum primi dicuntur acuti; secundi, fracti; tertii, condemnati. De primo<sup>2</sup>: « Juvenis et acutus inveniar in judicio; » ecce personam in judicio acutam, quoniam incontaminata. De secundo<sup>3</sup>: « Ephraim fractus judicio, quoniam cœpit abire post sordes; » ecce personam judicio fractam, quia contaminata. De tertio<sup>4</sup>: « Hæreticum hominem post primam et secundam correptionem devita, sciens quia subversus est, qui ejusmodi est, et delinquit, cum sit proprio judicio condemnatus: » ecce personam in judicio condemnata, quoniam obstinata.

#### Articulus secundus.

Profactus operandi traditur per hoc verbum: *Et justitiam*, id est, justam sententiam exequendo, quod decreveram. Sicut enim judicium attinet ad actum rationis discernentis et decernentis, sic justitia pertinet ad actum affectionis diligentis et exequentis. Et nota, quod justitia nominat in Scriptura aliquoties interiorem habitum, exteriorem actum, superiorem fructum. Habitum interiorem induimus, Domino aspirante; actum exteriorem operamur, illo cooperante; fructum superioremet metimus, ipso remunerante. De primo<sup>5</sup>: « Justitia indutus sum: » ecce justitiae habitum interiorem. De secundo<sup>6</sup>: Ante obitum tuum operare justitiam: » ecce justitiae actum exteriorem. De tertio<sup>7</sup>: « Fructus justitiae in pace seminatur: » ecce justitiae fructum superioremet.

#### Articulus tertius.

Defectus tolerandi innuitur per hunc nutum: *Ne tradas me*, needum potentem calumniam tolerare. Et nota, quod recte rogat, ne Dominus eum tradat, propter triplex periculum quod formidat, utpote periculum sensuale, rationale, gehennale: formidat siquidem sensualem subversionem, rationalem aversionem, gehennalem animadversionem. De primo canitur<sup>8</sup>: « Nou tradas me, Domine, a desiderio meo peccatori: cogitaverunt contra me, ne derelinquas me, ne forte exalentur. » Hujus causa petitionis, est formido sensuali subversionis, propter molestiam sensibilis passionis. De secundo legitur<sup>9</sup>: « Animæ irreverenti et

xiv, 17. — <sup>7</sup> Jac., iii, 18. — <sup>8</sup> Psal. cxxxix, 9. — <sup>9</sup> Eccli., xxiii, 6.

infrunitæ ne tradas me. » Hujus causa petitionis est formido rationalis aversionis. De tertio scribitur a Psalmographo<sup>1</sup>: « Ne simul tradas (a) me cum peccatoribus, et cum operantibus iniuitatem ne perdas me. » Hujus causa petitionis, est formido gehennalis animadversionis.

#### *Articulus quartus.*

Defectus superandi subscrribitur per hoc scriptum: *Calumniantibus me*, quasi superare valentibus non valentem superare. Tales calumniatores sunt pœnitentium subversores, sicut *Ægyptii Hebræorum infantium submersores*; vel incipientium perversores, velut Herodiani parvulorum innocentium peremptores. Et nota tria circa calumniantes maleficia: scilicet culpam inferentium, penam sufferentium, ruinam audientium: quæ curantur per tria beneficia, videlicet per interventionem, subventionem, et consilii convenientis adinventionem. Si vis itaque inferentium calumnias culpam curare, debes intervenire; si vis sufferentium pœnam curare, debes subvenire; si vis audientium ruinam curare, debes consilium conveniens adinvenire. De primo<sup>2</sup>: « Orate pro calumniantibus vos: » ecce beneficium intervenientium contra culpam inferentium. De secundo<sup>3</sup>: « Eruite vi oppressum de manu calumniantis: » ecce beneficium subvenientium contra pœnam sufferentium. De tertio<sup>4</sup>: « Vir pauper calumnians pauperes, similis est imbri vehementi, in quo paratur famæ. » Quis est vir pauper calumnians pauperes, nisi vir apostata viros calumnians regulares? Hic similis est imbri vehementi calumniarum pluviam effundendo in audientia sæculari: in quo famæ paratur, quia dum pietas sæcularium obturatur, famæ regularium procuratur; sed conveniens consilium invenitur, si stulto secundum suam stultitiam respondetur, dicendo, quoniam<sup>5</sup> « homo apostata, vir inutilis, » est incredibilis. Nec dubium, quod ille per calumniam audiri a proximo non meretur, qui per apostasiam mentiri Domino non veretur: ecce beneficium adinvenientium contra ruinam audientium.

#### *Epilogus.*

Ait ergo Propheta, tanquam persona nondum ad æquitatis perfectionem proiecta: *Feci iudicium*, quantum ad profectum deliberandi; *Et*

<sup>1</sup> *Psal.*, xxvii, 3. — <sup>2</sup> *Luc.*, vi, 28. — <sup>3</sup> *Jerem.*, xxi, 12. — <sup>4</sup> *Prov.*, xxviii, 3. — <sup>5</sup> *Prov.*, vi, 12. — <sup>6</sup> *Psal.*

*justitiam*, quantum ad profectum operandi; *non trahas me*, quantum ad defectum tolerandi; *Calumniantibus me*, quantum ad defectum superandi.

#### *VERSICULUS X.*

**122. *Suscipe servum tuum*, etc.** Sicut audivimus per versum praecedentem adolescentulam æquitatem calumnias expaventem, sic audire possumus per presentem ipsam calumniantes provide præcaventem; quia Propheta tali se commensurans ætati, tali se collimitans æquitati, petit acceptari suum servitium respectu bonorum operabilium, non malorum tolerabilium: quoniam hoc servitium facile, illud difficile; hoc ætati suæ comparile, illud disparate: scribens ita: *Suscipe*, etc.; quasi dicat: Sit tibi servitus acceptabilis, humilis, hilaris, et rationalis: ecce quatuor conditions morales, secundum totidem considerationes causales; videlicet servitii acceptabilitas, humilitas, hilaritas, rationalitas: quarum prima respicit causam finalem; secunda causam efficientem; tertia causam formalem; quarta causam materialem.

#### *Articulus primus.*

Acceptabilitas prænotatur, cum scribitur: *Suscipe*: illud namque suscipi dicitur, quod gratum et acceptum habetur. Unde Dominus illos suscepit, quos sibi gratos et acceptos efficit. Hic notandum, quod Dominus suscepit multifariam: quosdam per gratiam initiativam; quosdam per gratiam proiectivam; quosdam per gratiam perfectivam. Primo modo suscepit bonum desiderantes; secundo, bonum operantes; tertio, malum in bono superantes. Prima susceptio significatur in illo verbo propheticō<sup>6</sup>: « Suscepit eos de via iniuitatis eorum. » Ita suscipiuntur pœnitentes malum detestantes, et bonum desiderantes. Secunda susceptio designatur, ubi dicitur de adjutoribus David<sup>7</sup>: « Suscepit eos David, et constituit principes turmæ: » hi sunt bonum operantes. Tertia susceptio consignatur<sup>8</sup>: « Suscepit Dominus faciem Job: » per quam notantur malum in bono superantes.

#### *Articulus secundus.*

Humilitas subnotatur, cum subditur: *Servum tuum*, quantum ad humile servitium. Servus cxi, 17. — <sup>7</sup> *I Paralip.*, xii, 18. — <sup>8</sup> *Job*, xli, 9. (a) *Vulg.* trahas.

enim nomen est humilitatis. Quæris, quare ? Triplici ratione : quia servus est debitor timoris, debitor operis, et debitor honoris. Per timorem humiliatur interius; per opus, exteriorius; per honorem, inferius. De primo<sup>1</sup>: « Servus Dominum suum timebit : » ecce debitum timoris. De secundo<sup>2</sup>: « Panis, et disciplina, et opus servo : » ecce debitum operis. De tertio<sup>3</sup>: « Servi dominos suos omni honore dignos arbitren'ur : » ecce debitum honoris.

#### *Articulus tertius.*

Hilaritas annotatur, cum additur : *In bonum*. Quod est hilariter operandum, quare hilariter ? Quia faciliter : nam facilitas operis hilaritatem generat operantis. Hic potest notari super facilitatem boni, quod bonum, iu quantum bonum, est desiderabile; in quantum desideratum, est operabile; in quantum operatum, est honorabile. Desiderabilitas movet affectivam; operabilitas, effectivam; honorabilitas, agnитивам. Propter istum triplicem motum est bonum faciliter, et per consequens hilariter operandum. De primo<sup>4</sup>: « Desiderium justorum omne bonum : » ecce boni desiderabilitas; quod expressius dicit Dionysius<sup>5</sup>: « Bonum, inquit, desiderant omnia: intellectualia quidem et rationalia, cognitive; sensibilia autem, sensibiliiter; expertia vero sensus, naturali motu vivifici desiderii; carentia autem vita, et tantum existentia aptitudine, ad solam substantię participationem. » De secundo<sup>6</sup>: « Dum tempus habemus, operemur bonum ad omnes : » ecce boni operabilitas. De tertio<sup>7</sup>: Gloria, et honor, et pax omni operanti bonum : » ecce boni honorabilitas.

#### *Articulus quartus.*

Rationabilitas denotatur, cum dicitur : *Non calumnientur me superbi*; quia calumnia superbiorum, est malum difficile tolerandum: obsequium autem rationabile recusat objectum difficile, quoniam improportionale. Hic potest notari, quod circa tria contingit calumniari: circa bona naturae, circa bona fortunae, et circa bona gratiae. Primum pertinet ad corporalem dispositionem; secundum ad temporalem possessionem; tertium ad moralem conversationem. De primo<sup>8</sup>: « Qui calumniatur egentem, exprobrat factori ejus : » ecce calumnia factu-

rae, pertinens ad naturam. De secundo<sup>9</sup>: « Accedam ad vos in judicio, et ero testis velox maleficiis, et adulteris, et perjuris, et qui calumniantur mereedem mercenarii : » ecce calumnia mercedis pertinens ad fortunam. De tertio<sup>10</sup>: « Dominum Christum sanctificate ; » et infra: « Ut in eo, quod detrahunt de vobis, confundantur, qui calumniantur vestram bonam conversationem in Christo ; » ecce calumnia bonae conversationis, pertinens ad gratiam: talis videtur columnia, quam veretur Prophetæ.

#### *Epilogus.*

Ait ergo Psalmographus, tanquam in Christo parvulus: *Suscipe*, quantum ad actus acceptabilitatem, quæ respicit causam finalem; *Servum tuum*, quantum ad humilitatem, quæ respicit causam efficientem; *In bonum*, quantum ad hilaritatem, quæ respicit causam formalem; *Ne calumnientur me superbi*, quantum ad rationabilitatem, quæ respicit causam materialem.

#### *VERSICULUS XI.*

123. *Oculi mei defecerunt*, etc. Vidistis adolescentulam aequitatem calumnias expaventem, et calumniantes carentem; videatis eamdem defectum proprium agnoscentem. Nam Psalmista, tali dispositione præsupposita, psallit ita: *Oculi mei*, etc.; ac si dicat: Fateor oculorum interiorum defectum circa præmiorum et meritorum aspectum. Ubi pensare possumus, qui sint oculi, quis defectus, quis præmiorum, quis meritorum aspectus. Oculi spectant ad speculativam et practicam rationem; defectus ad affectionis remissionem; præmiorum aspectus ad salutis considerationem; meritorum aspectus ad virtutis operationem.

#### *Articulus primus.*

Quantum ad primum, dicitur: *Oculi mei*. Iste siquidem oculi non sunt sensitivi, sed intellectivi, tam contemplativi, quam activi: divina imperia, judicia, præmia speculantes; humana desideria, eloquia, et exercitia regulantes. Tales oculos interiores Scriptura frequenter insinuat per oculos exteriores. Unde notandum, quod legimus oculos ardentes, oculos deficientes, oculos videntes: quorum primi pertinent ad transgredientes; secundi, ad regredientes; tertii, ad pro-

<sup>1</sup> *Malac.*, I, 6. — <sup>2</sup> *Eccli.*, XXXIII, 25. — <sup>3</sup> *I Tim.*, VI, 1. — <sup>4</sup> *Prov.*, XI, 13. — <sup>5</sup> *Dion.*, *de Div. Nom.*, c. IV.

— <sup>6</sup> *Galat.*, VI, 18. — <sup>7</sup> *Rom.*, II, 10. — <sup>8</sup> *Prov.*, XIV, 31. — <sup>9</sup> *Malac.*, III, 5. — <sup>10</sup> *I Petr.*, III, 15, 16.

gredientes. De oculis ardentibus invenimus<sup>1</sup>: « Cum elevasset rex faciem suam , et ardentibus oculis furorem pectoris indicasset , regina corruit : » hic considerandum est , quis rex , quæ regina , qui ardentes oculi , quæ ruina. Plane in regno quod intra nos est , nec rex , nec regina deest : quis rex ille , nisi vis animæ , cui datum est aliis viribus imperare ? aut quæ regina , nisi virtus virtutum domina? Talis rex est superior appetitus ; talis regina , superior habitus. Superiorem appetitum dicimus voluntatem ;

**Assuer-**  
**rus, id**  
**est bea-**  
**tus.**

superiorem habitum asserimus charitatem. Rex ille non incongrue vocatur Assuerus , id est , beatus ; quia beatus talis appetitus , cui copulatur inseparabiliter talis habitus. Talis namque regina non absurde nuncupatur abscondita , quia præfatus habitus habenti non est agnitus. Quid autem per ardentes oculos accommodatius accipiam , quam speculativam et activam rationis perspicaciam , carentem et cadentem per sensibilis passionis vehementiam ? Cum autem sic regi succedit , regina concidit ; quoniam sic voluntas excedit , quod charitas excidit. De oculis deficientibus legimus<sup>2</sup> : « Oculi deficientes , et anima esuriens dat tibi gloriam , » quia mens oculata , divinitus illustrata , deficiens per contritionem , esuriens justificationem , dat Deo gloriam per culpæ confessionem. De oculis videntibus reperimus<sup>3</sup> : « Erunt oculi tui videntes præceptorem tuum , et aures tuæ audient verbum post tergum monentis : hæc est via , ambulate in ea. » Quod pertinet ad rationem divinas leges consulentem , et secundum earum consilium actiones proprias dirigentem .

#### Articulus secundus.

Quantum ad secundum , adjicitur : *Defecerunt*. Ista defectio est aspectus omissionis , eujus occasio est affectus remissio : quia dum affectio spiritualis remittitur , tam speculativa , quam practica ratio circa spiritualia consopit : deficiunt itaque rationis oculi , quia desunt affectionis stimuli. Et nota , quod iste defectus frequenter causatur ex tribus exterius deficientibus , quæ sunt exempla , eloquia , et auxilia : scilicet exempla virtutis , eloquia veritatis : et auxilia pietatis. Prima defectio figuratur<sup>4</sup> : « Defecerunt oculi eorum , » scilicet onagrorum , « quia non erat herba : » sic deficiunt oculi rationis et stimuli affectionis in multis , quoniam non appa-

ret in partibus suis herba viridis , id est , exempla virtutis. Secunda defectio decantatur<sup>5</sup> : « Defecerunt oculi mei in eloquium tuum : » sic deficit ratio circa mysteria , et affectio circa desideria , quia deficiunt eloquiorum magisteria. Tertia defectio denotatur : « Defecerunt , inquit , oculi nostri ad auxilium vanum , cum respiceremus attenti ad gentem , quæ salvare nos non poterat : » sic deficiunt in nonnullis rationis perspicacia , et affectionis efficacia , quia desunt in desolatione solatia.

#### Articulus tertius.

Quantum ad tertium , scribitur : *In salutare tuum* ; hoc est præmium salutare , considerabile , atque desiderabile : quod tanto desideratur intentius , quanto consideratur , attentius. Et nota de hujusmodi salutari , quod ipsum contingit tripliciter contemplari : primo per creatura visibilia , quasi Creatoris vestigia , ad increata fastigia condescendendo ; secundo , per creaturas invisibilis , tanquam Creatoris imagines , ad divinorum altitudines ascendendo ; tertio creaturam omnem , tam visibilem quam invisibilem , transcendendo , et divinam caliginem cum Moyse subintrando. Primus contemplandi modus potest dici carnalis , quia non utitur puritate rationis , sed admittit crassitudinem imaginacionis ; secundus potest dici terminalis , quoniam in illo negociatur sola ratio , ad quam terminatur imaginatio ; tertius potest dici finalis , pro eo quod attingit illi fini seu finali caligini , qui est finis circumscriptivus universi creati luminis. De primo<sup>6</sup> : « Videbit omnis caro salutare Dei. » Talis caro est carnalis contemplatio , in qua non operatur pura ratio , sed cooperatur imaginatio. De secundo canitur<sup>8</sup> : « Viderunt omnes termini terræ salutare Dei nostri. » Termini terræ sunt terminales contemplationes eujuslibet terrigenæ , in quibus non operatur imaginatio , sed pura ratio , quæ est imaginationis terminatio. De tertio<sup>9</sup> : « Videbunt omnes fines terra salutare Dei nostri. » Qui sunt fines terræ , nisi finales contemplationes eujuslibet terrestris personæ , rationis terminos transeuntes , et divinam caliginem subeuntes ? Hæc est caligo , de qua sic scribit Dionysius<sup>10</sup> : « Divina caligo est inaccessibile lumen , in quo habitare Deus dicitur ; et invisibilis quidem existens , propter excedentem clarita-

<sup>1</sup> Esth., xv, 10. — <sup>2</sup> Baruc., II, 18. — <sup>3</sup> Isa., XXX, 20. — <sup>4</sup> Jerem., XIV, 6. — <sup>5</sup> Psal. hoc, 82. — <sup>6</sup> Thren.,

IV, 17. — <sup>7</sup> Luc., III, 6. — <sup>8</sup> Psal. xcvi, 3. — <sup>9</sup> Isa., LII, 10. — <sup>10</sup> Dion., ad Doroth.

tem; et inaccessibilis idem, propter excessum supersubstantialis luminis effusionis. »

#### *Articulus quartus.*

Quantum ad quartum, subscriptitur: *Et in eloquia justitiae tuæ*: haec est doctrina moralis justitiae generalis, sub qua continetur omnis operatio virtualis. Et nota, quod justitia specialiter est operabilis propter tria: quia vivificat; quia sanctificat; quia salvificat: quoniam operantem vivificat in accessu, sanctificat in processu, salvificat in decessu. De primo<sup>1</sup>: « Cum averterit se impius ab iniquitate sua, quam operatus est, et fecerit judicium, et justitiam, ipse animam suam vivifiebit: » ecce justitia vivificans. De secundo<sup>2</sup>: « Exhibitete membra vestra servire justitiae in sanctificationem: » ecce justitia sanctificans. De tertio<sup>3</sup>: « Facite justitiam, quia juxta est salus mea, ut veniat: » ecce justitia salvificans.

#### *Epilogus.*

Ait ergo Psalmographus, tanquam aequitate imperfectus, proprios recognoscens defectus: *Oculi mei*, quantum ad speculativam et practicam rationem; *Defeccrunt*, propter affectionis remissionem; *In salutare tuum*, quantum ad salutis considerationem; *Et in eloquia justitiae tuæ*, quantum ad virtutis operationem.

#### *VERSICULUS XII.*

124. *Fac cum servo tuo*, etc. Defectum agnitionis insinuavit versus praecedens; remedium adhibitum insinuat versus præsens, in quo conficitur spirituale collyrium ad vigorationem visualium virium. Quæris quo modo? Divinæ miserationis et justificationis desideria commiscendo: quorum primum perutile ad considerationem salutis, et vigorationem rationis speculativæ; secundum non inutile ad operationem virtutis, et vigorationem rationis practicæ vel activæ. Hoc plane Prophetæ pronuntiat petens, quod miseratione sibi fiat et justificatio patesiat. Quatuor ergo notantur in proposito, scilicet duo desideria, et totidem desiderabilia: desiderium rationis speculativæ, ae practicæ, respectu miserationis, et justificationis divinæ.

<sup>1</sup> Ezech., XVIII, 5. — <sup>2</sup> Rom., VI, 19. — <sup>3</sup> Isa., LVI, 1. — <sup>4</sup> Psal. CXLII, 8. — <sup>5</sup> Luc., IV, 23. — <sup>6</sup> Psal. LIX, 7. — <sup>7</sup> Job, XIII, 21. — <sup>8</sup> Psal. XXV, 3. — <sup>9</sup> Jud., 21. — <sup>10</sup> Eccli., II, 9.

#### *Articulus primus.*

Primum desiderium prænotatur, cum præmittitur: *Fac cum servo tuo*: quod non dicitur imperativa, sed desiderative, ex parte rationis speculativæ, quæ perutilem effectum exposcit contra defectum miserabilem, quem agnoscit. Et nota, quod desideratus effectus legitur tripartitus: videlicet effectus meritorius, effectus retributorius, effectus consolatorius, non desolatorius. Primus spectat ad viam; secundus, ad patriam; tertius, ad manum dexteram; quartus, ad sinistram. De primo per Prophetam psallitur<sup>4</sup>: « Notam fac mihi viam, in qua ambulem: » ecce desiderium eirea effectum viae meritorium. De secundo congruenter exponitur, quod proponitur<sup>5</sup>: « Quanta audivimus faeta in Capharnaum, fac et hic in patria tua; » quasi dieat: Quantus fuit effectus viæ, tantus sit effectus patriæ; ecce desiderium circa effectum patriæ retributorium. De tertio per Psalmistam dicitur<sup>6</sup>: « Salvum fac dextera tua, exaudi me; » ecce desiderium circa effectum dexteræ consolatorium. De quarto scribitur<sup>7</sup>: « Manum tuam longe fac a me, et formido tua non me terreat: » ecce desiderium contra effectum sinistriæ desolatorium.

#### *Articulus secundus.*

Primum quoque desiderabile subnotatur, cum subditur: *Secundum misericordiam tuam*; quæ est desiderabilis, et desiderando considerabilis: quoniam aufert miseriam, et confert gloriam. Et nota, quod divina misericordia, prout legitur in Scriptura, est spectabilis, expectabilis, et oblectabilis. Quæris, quibus? Spectabilis ingredientibus, expectabilis progradientibus, oblectabilis egreditibus. De primo dicit Psalmographus<sup>8</sup>: « Quoniam misericordia tua ante oculos meos est; » ecce misericordia spectabilis in ingressu. De secundo in canonica Judæ dictum agnovimus<sup>9</sup>: « Vosmetipso in dilectione Dei servate, expectantes misericordiam Domini nostri Jesu Christi in vitam eternam; » ecce misericordia expectabilis in progressu. De tertio scriptum meninimus<sup>10</sup>: « Qui timetis Dominum, sperate in illum, et in oblationem veniet vobis misericordia; » ecce miseria oblectabilis in egressu.

#### *Articulus tertius.*

Secundum desiderium annotatur, cum addi-

tur : *Doce me*, quod petitur vice rationis practicæ, quæ dirigi desiderat in via justitiae, docente Domine, et ducente. Et nota, quod docere dicitur Dominus diversimode, pro diversa recipientium qualitate : docet namque in potestate, in veritate, in bonitate. Quæris, quare? Quia docet purgative, illuminative, perfective. De primo<sup>1</sup> : « *Docebat eos sabbatis*, et stupebant in doctrina ejus, quia in potestate erat sermo ipsius : » hic legitur docere in potestate purgante. De secundo<sup>2</sup> : « *Magister, scimus quia verax es*, et viam Dei in veritate doces : » hic dicitur docere in veritate illuminante. De tertio legitur<sup>3</sup> : « *Bonus es tu*, et in bonitate tua doce me, » hic rogatur docere in bonitate perficiente.

#### *Articulus quartus.*

Secundum desiderabile denotatur, cum dicitur : *Justificationes tuas*. Quæ sunt istæ justificationes, nihi justitiae multiplicationes tuas, seu multiplices fructificationes, quas desiderat practica ratio, ut perficiatur ipsius imperfectio? Et nota, circa prædictam justificationem, triplie rationis amplificationem; scilicet respectu Dei, respectu sui, respectu proximi : quorum prima spectat ad Dei imitationem; secunda, ad exercitationem; tertia, ad proximi excitationem. De primo<sup>4</sup> : « *Resurrexit properter justificationem nostram* : » quæ justificatio est resurgentis imitatio. De secundo scribitur<sup>5</sup> : « *In justificationibus tuis exercebor* : » quæ justificationes sunt rationis exercitationes. De tertio dicitur a Psalmographo<sup>6</sup> : « *Viam justificationum tuarum instrue me* : » ubi loquitur de proximorum exhortatione.

#### *Epilogus.*

Ait ergo Prophetæ, quasi confiendo morale collyrium ad vigorationem dictarum virium, per commisionem desideriorum, et desiderabilium : *Fac cum servo tuo*, prænotans desiderium rationis speculativæ; *Secundum misericordiam tuam*, subnotans desiderabile miserationis divine; *Et doce me*, annotans desiderium rationis practicæ; *Justificationes tuas*, denotans desiderabile justificationis dominicæ.

#### VERSICULUS XIII.

123. *Servus tuus sum ego*, etc. Præcedens qua-

<sup>1</sup> *Luc.*, iv, 31. — <sup>2</sup> *Matth.*, x, 11, 16. — <sup>3</sup> *Psal.* hoc, 68. — <sup>4</sup> *Rom.*, iv, 25. — <sup>5</sup> *Psal.* hoc, 48. — <sup>6</sup> *Ibid.*,

ternarius descripsit æquitatem adolescentulam ; præsens quaternarius describit æquitatem adulatam : cuius proprium est, profectum æmulari, defectum dehortari, bonum deficiens aspernari, bonum perficiens amplexari, sicut videntur quatuor versus proximi protestari. Primus ergo versus protestatur emulationem profectus; ait enim Psalmographus : *Servus tuus*, etc., ac si diceretur apertius : Qui dedisti servire, da proficere, scilicet per intellectum Scripturæ, ut sciām tibi testimonium perhibere. Ecce quatuor actus, quos connotat iste versus, videlicet serviendi, proficiendi, intelligendi, testimonium perhibendi : quorum primus pertinet ad mandatorum observantiam; secundus, ad prævaricatorum convertentiam; tertius, ad legis intelligentiam; quartus, ad prædicationis scientiam.

#### *Articulus primus.*

Quantum ad primum, dicitur : *Servus tuus sum ego*. Quæris, quo modo? Mandata tua servando : ecce mandatorum observantiam. Notandum itaque, quod servorum interest servire, obedire, custodire : ecce triplex servitutis circumstantia, scilicet operosa, timorosa, morosa. De primo<sup>7</sup> : « *Si emeris servum Hebræum*, sex annis serviat tibi : » ecce servus serviens servitute operosa. De secundo<sup>8</sup> : « *Servi, obedite dominis carnalibus cum timore, et tremore* : » ecce servus obediens servitute timorosa. De tertio canitur<sup>9</sup> : « *Servus tuus custodit ea* : » ecce servus custodiens servitute morosa.

#### *Articulus secundus.*

Quantum ad secundum, adjicitur : *Da mihi*. Da, inquam, ut proficiam, quia non sufficit mihi ut serviam, nisi serviendo proficiam ad pinguorem serviendi gratiam. Talis gratia est prævaricatorum convertentia. Et nota, quod tria data suntproficienti necessaria; videlicet sapientia in vi rationabili, constantia in concupisibili, et fiducia in irascibili : primum, ne deficiat per errorem; secundum, ne deficiat per favorem; tertium, ne deficiat per pavorem. Primum petitur, ut dicit sapiens Domino<sup>10</sup> : « *Da mihi sedium tuarum assistricem sapientiam* : » ecce datum sapientiæ. Secundum petitur, ubi Judith orat Dominum, sic dicendo<sup>11</sup> : « *Da mihi in animo constantiam, ut contemnam illum* : » ecce datum constantiæ. Tertium petitur, ubi

<sup>7</sup> *Exod.*, xxii, 2. — <sup>8</sup> *Ephes.*, vi, 5. — <sup>9</sup> *Psal.* xviii, 12. — <sup>10</sup> *Sap.*, ix, 4. — <sup>11</sup> *Judith*, ix, 14.

Esther orat hoc modo<sup>1</sup>: « Da mihi fiduciam,  
Domine Rex deorum : » ecce datum fiduciae.

### Articulus tertius.

Quantum ad tertium, sequitur : *Intellectum*, scilicet Scripturæ, seu apertum aspectum veritatis obscurea. Et notandum circa Scripturæ intellectum, quod intellectus Scripturæ mysticus est tripartitus : nam aliud allegoricus, aliud anagogicus, aliud tropologicus : quorum primus servit fidei ; secundus, spei ; tertius, charitati. De primo<sup>2</sup> : « Sanctificabunt sanctum Jacob, et Deum Israel prædicabunt, et scient errantes spiritu intellectum : » ecce intellectus allegoricus serviens fidei. De secundo<sup>3</sup> : « Quam speciosa veteranis sapientia, et gloriosus intellectus ! » ecce intellectus anagogicus serviens spei. De tertio<sup>4</sup> : « In thesauris sapientiae intellectus et scientiae religiositas ; » ecce intellectus tropologicus serviens charitati.

### Articulus quartus.

Quantum ad quartum, subsequitur : *Ut sciām testimonia tua*. Scire divina testimonia, est testificandi vel ædificandi scientia, voluntatem divinam testificans, et humanam ædificans. Et nota, quod ejusmodi scientia esse dignoscitur tripartita. Sicut enim ædificatores sensibiles sciunt formam elegantem proponere, materiam differentem differenter disponere, et infinitis fulcimenta supponere; sic ædificatores intelligibles debent scientiam habere formam idoneam proponendi, materiam diversam diversimode disponendi, et debilibus sustentacula supponendi : quarum prima dicitur in Scriptura scientia conversandi; secunda dicitur scientia respondendi; tertia quoque dicitur scientia sustentandi. De prima scribitur ab Apostolo<sup>5</sup> : « Scias quo modo oporteat te in domo Dei conversari, quæ est Ecclesia Dei vivi : » ecce scientia conversandi. De secunda traditur ab ipso<sup>6</sup> : « Sermo vester in gratia semper sit sale conditus, ut sciatis, quo modo oporteat vos unicuique respondere : » ecce scientia respondendi. De tertia dicitur ore propheticō<sup>7</sup> : « Dominus dedit mihi linguam eruditam, ut sciām sustentare eum, qui lapsus est verbo : » ecce scientia sustentandi.

<sup>1</sup> Esth., XIV, 12. — <sup>2</sup> Isa., XXIX, 24. — <sup>3</sup> Eccli., XXV, 7. — <sup>4</sup> Eccli., I, 26. — <sup>5</sup> 1 Tim., III, 15. — <sup>6</sup> Coloss., IV, 6. — <sup>7</sup> Isa., L, 4. — <sup>8</sup> Eccli., III, 4. — <sup>9</sup> Ibid., 6. (a) Cœt. edit. quando.

### Epilogus.

Ait ergo Psalmographus, tanquam æquitate adultus, æmulator perfectus : *Servus tuus sum ego*, quoad actum serviendi, pertinentem ad mandatorum observantiam; *Da mihi*, quoad actum proficiendi, attinentem ad prævaricatorum convertentiam; *Intellectum*, quoad actum intelligendi, spectantem ad legis intelligentiam; *Ut sciām testimonia tua*, quoad actum testimonium perhibendi, respicientem ad prædicationis scientiam.

### VERSICULUS XIV.

126. *Tempus faciendi*, etc. Propheta præciniuit emulationem profectus; Psalmista succinit dehortationem defectus, connotando quadruplicem considerationem, ad defectus moralis dehortationem. Considerandum enim quid expenditur, quis offenditur, quid magnipenditur, et quid parvipenditur : quoniam illud indecenter expenditur, quo nihil pretiosius; ille irreverenter offenditur, quo nihil gratiosius; illud impudenter magnipenditur, quo nihil perniciosius; illud imprudenter parvipenditur, quo nihil fructuosius. Quid enim tempore pretiosius? Quid Domino gratiosius? quid prævaricatione, seu legis dissipatione perniciosius? quid divina lege fructuosius.

### Articulus primus.

Prima consideratio præfertur, cum dicitur : *Tempus faciendi*. Ecce tempus, quo nihil pretiosius : quapropter magnopere pensandum quæliter dispensandum, ne forassī indecenter in defectibus expendatur. Et nota, quod tempus reputatur pretiosum potissime triplici ratione : eo quod sit tempus plangendi, tempus acquirendi, et tempus custodiendi : quorum primo nihil pretiosius poenitenti, secundo nihil pretiosius proficieni; tertio nihil pretiosius pervenienti. De primo scribitur<sup>8</sup> : « Tempus plangendi, et tempus saltandi. » Nulli dubium, quin tempus plangendi sit tempus poenitentium, peccata perpetrata plangentium; tempus saltandi sit tempus innocentium, in vitam æternam salientium. De secundo subsequenter subscribitur<sup>9</sup> : « Tempus acquirendi, et tempus perdendi : » nec ambiguum quin (a) tempus acquirendi sit tempus proficientium, alienas animas Domino acquirentium; tempus autem perdendi

Tempus  
quo mo-  
do ex-  
pendit.

sit tempus persecutionem patientium, animas proprias pro Christo perdentium. De tertio consequenter conscribitur<sup>1</sup>: « Tempus custodiendi, et tempus abjiciendi; » nec absurdum, quod tempus custodiendi potest dici tempus pervenientium, castitatem virginalem custodientium; tempus abjiciendi, aliorum fidelium perfectiōnem talem non capientium.

#### *Articulus secundus.*

Secunda consideratio profertur, cum subditur: *Domine*. Ecce Dominus, quo nihil gratiōsius: unde summopere præcavendum, ne quando irreverenter in præfatis defectibus offendatur.

Domi-  
nus, id  
est dans  
munus.

Et nota, quod Dominus, quasi dans munus, dīgnoscitur omnibus gratiosior, quia formator, sanctificator, salvator: formando, dat bonum naturae: sanctificando, bonum gratiae; salvando, bonum gloriae. De primo<sup>2</sup>: « Hæc dicit Dominus redemptor tuus, et formator tuus ex utero: » ecce Dominus redemptor a temporali servitute quantum ad bonum fortunae, et formator quantum ad bonum naturae. De secundo<sup>3</sup>: « Ego Dominus sanctificator Israël: » ecce Dominus sanctificator, quantum ad bonum gratiae. De tertio<sup>4</sup>: « Ego sum Dominus, et non est absque me salvator: » ecce Dominus Salvator, quantum ad bonum gloriæ.

#### *Articulus tertius.*

Tertia consideratio affertur, cum additur: *Dissipaverunt*. Hæc legis dissipatio est prævaricatio, quæ nullatenus est magnipendenda, quia perniciosissima. Et nota, quod legis dissipatio, sive prævaricatio, est omnibus perniciosior; quoniam sibi debetur dissipatio interior, superior, et inferior: interior, dico, in meritorum exitio; superior, in judicio; inferior, in supplicio. De primo<sup>5</sup>: « Dissipavit, quasi hortum, tentorium suum: ecce dissipatio interior, quantum ad meritorum exitium. De secundo<sup>6</sup>: « Rex, qui sedet in solio judicii, dissipat omne malum intuitu suo: » ecce dissipatio superior, quantum ad judicium. De tertio sequitur<sup>7</sup>: « Dissipat impios rex sapiens, et incurvat super eos forniciem: » ecce dissipatio inferior, quantum ad supplicium.

#### *Articulus quartus.*

Quarta consideratio subinfertur, cum super-

<sup>1</sup> *Eccle.*, III, 4. — <sup>2</sup> *Isa.*, XLIV, 24. — <sup>3</sup> *Ezech.*, XXXVII, 28. — <sup>4</sup> *Isa.*, XLIII, 11. — <sup>5</sup> *Thren.*, II, 6. —

additur: *Legem tuam*. Et revera lex divina non est aliquatenus parvipendenda; quia fructuosissima: quoniam per observantias legis nobis acquiritur visio, tentio, fruitio summi Regis. Unde notaendum, quod lex dicitur spectabilis, expectabilis, delectabilis, propter meritum hujuscemodi visionis, tentionis, et fruitionis. De primo<sup>8</sup>: « Qui autem perspexerit in lege perfectæ (a) libertatis, » etc.: ecce lex spectabilis, tanquam meritoria visionis. De secundo<sup>9</sup>: « Legem ejus insulæ expectabunt: » ecce lex expectabilis, tanquam meritoria tentionis. De tertio scribitur ab Apostolo<sup>10</sup>: « Condelector legi Dei secundum interiorum hominem: » ecce lex delectabilis, tanquam meritoria fruitionis.

#### *Epilogus.*

Comprehendens ergo Psalmographus per continentiam hujus versus quadruplicem considerationem, ad omnis moralis defectus dehortationem, ait: *Tempus faciendi*, quantum ad pretiosissimum, quod indecenter expenditur; *Domine*, quantum ad gratiosissimum, qui irreverenter offenditur; *Dissipaverunt*, quantum ad perniciosissimum, quod impudenter magnipenditur; *Legem tuam*, quantum ad fructuosissimum, quod imprudenter parvipenditur.

#### VERSICULUS XV.

127. *Ideo dilexi mandata tua*, etc. Qualiter æquitas adulta profectum æmuletur, qualiter defectum dehortetur, per duos versus prævios præhabetur; sed qualiter bonum deficiens aspernetur, per præsentem versum videtur. Äquitas enim faciens hominem bona moralia considerantem, desiderantem, operantem, facit cumdem bona temporalia superantem; sicut patet aperte, Psalmographo sic loquente: *Ideo dilexi mandata tua super aurum*, etc., quasi dicat: considerans, desiderans, operans bona moralia, factus sum superans bona temporalia. Quatuor ergo notantur in proposito, scilicet consideratio, desideratio, operatio bonorum moralium; et superatio temporalium. Ecce vides tres animæ vires in eamdem sententiam concurrentes; videlicet intellectum, affectum, effectum, in bonorum defectivorum despectum.

<sup>6</sup> *Prov.*, XX, 8. — <sup>7</sup> *Ibid.*, 26. — <sup>8</sup> *Jac.*, I, 23. —

<sup>9</sup> *Isa.*, XLII, 4. — <sup>10</sup> *Rom.*, VII, 22.

(a) *Cœt. edit.* legem perfectam.

*Articulus primus.*

Considerationem praesignavit Psalmista, cum ait : *Ideo*; quia proculdubio per hanc conjunctionem interpretatur rationis deliberatio. Et nota triplicem considerationem, quae movere potest ad bonorum temporalium despectionem, puta considerationem perieuli interioris, inferioris, et superioris. Periculum interius est in concorrentia reatus; periculum inferius est in consequentia reatus: periculum superius est in carentia principatus. De primo psallit Propheta<sup>1</sup>: « Ideo tenuit eos superbìa, operi sunt iniquitate et impietate sua. » Ecce reatus concomitantia, quae concomitatur amantes temporalia; scilicet superbìa respectu Dei, iniquitas respectu sui, impietas respectu proximi. De secundo canit Psalmista<sup>2</sup>: « Ideo non resurgunt (a) impii in judicio, » etc.: ecce cruciatus consequentia, qui consequitur amplexantes stercoralia. De tertio, ubi scribitur de pauperum merito et præmio<sup>3</sup>: « Cogitatio eorum apud Altissimum: ideo accipient regnum decoris, et diadema speciei, de manu Domini: » hujus principatus carentia timenda est a quærentibus transitoria.

*Articulus secundus.*

Desiderationem assignavit, cum addidit: *Dilexi*: in quo notavit desiderium non temporalium bonorum, sed moralium. Et nota triplex indicium, per quod indicatur hoc desiderium: scilicet diligere munditiam, sapientiam, disciplinam; quantum ad conscientiam, intelligentiam, custodiam sensitivam. De primo<sup>4</sup>: « Qui diligit cordis munditiam, propter gratiam labiorum habebit amicum regem: » ecce dilectio munditiae conscientiam purificantis, linguam gratificantis, et Dominum admirantis. De secundo<sup>5</sup>: « Qui diligit sapientiam, diligit vitam: » ecce dilectio sapientiae, quæ vita est intelligentiae. De tertio<sup>6</sup>: « Qui diligit disciplinam, diligit scientiam: » ecce dilectio disciplinæ, quæ dum actus sensuales componit, ad actus intellectuales disponit.

*Articulus tertius.*

Operationem designavit, cum dixit: *Mandata tua*. Nam mandata sunt jura divina, manui data, id est vel effectui commendata, sicut plenius est expressum supra, cap. vi, versiculo quoque sexto.

(a) *Vulg.* resurgent.

Propterea per mandata est operatio connotata. Et nota circa mandata moralia, quod sunt operabilia non somnolente, non turbulente, non fraudulente; contra tepidos, frigidos, calidos, seu callidos. De primo<sup>7</sup>: « Viam mandatorum tuorum cucurri; » ecce operatio mandatorum, sine somnolentia tepidorum. De secundo<sup>8</sup>: « Non sum turbatus, ut eustodiam mandata tua; » ecce operatio mandatorum sine turbulentia frigidorum. De tertio, ubi scribitur de mandatis humanis<sup>9</sup>: « Custodient mandata eorum absque dolo. » Si autem hominum mandata, videntium duntaxat exteriora, sunt absque dolo servanda, quanto fortius Dei mandata, videntis interiora! Ecce operatio mandatorum sine fraudulentia callidorum.

*Articulus quartus.*

Temporalium superationem consignavit, quando concludit: *Super aurum et topazion*; quoniam aurum et topazius, quæ superant inter bona temporalia, superantur per bona moralia. Unde dicitur de sapientia<sup>10</sup>: « Non adæquabitur ei aurum; » et infra: « Non adæquabitur ei topazius de Æthiopia. » Et nota, quod sicut legitur in Scriptura, bona moralia sunt auro superiora, meliora, et utiliora, quia gratia verecundiæ superior, sapientia melior, observantia mandatorum utilior. De primo<sup>11</sup>: « Noli discedere a muliere sensata et bona, quam sortitus es in timore Domini: gratia enim verecundiæ illius super aurum: » ecce gratia verecundiæ auro superior. De secundo<sup>12</sup>: « Posside sapientiam, quia auro melior est: » ecce sapientia auro melior. De tertio<sup>13</sup>: « Pone thesaurum tuum in præceptis Altissimi; et proderit tibi magis, quam aurum: » ecce præceptorum observantia auro utilior.

## Epilogus.

Ostendens ergo Psalmographus adultam æquitatem bonum deficiens aspernantem, et adducens quamdam virium trinitatem in hanc sententiam concurrentem, ait: *Ideo*, quantum ad intellectus considerationem; *Dilexi*, quantum ad effectus desiderationem; *Mandata tua*, quantum ad effectus operationem; *Super aurum*

<sup>1</sup> *Psal.* LXXII, 6. — <sup>2</sup> *Psal.* 1, 5. — <sup>3</sup> *Sap.*, v, 16, 17. — <sup>4</sup> *Prov.*, xxii, 11. — <sup>5</sup> *Ecli.*, iv, 13. — <sup>6</sup> *Prov.*, xii, 1. — <sup>7</sup> *Psal.* hoc, 32. — <sup>8</sup> *Ibid.*, 60. — <sup>9</sup> *Mach.*, viii, 28. — <sup>10</sup> *Job*, xxviii, 17, 19. — <sup>11</sup> *Ecli.*, vii, 21. — <sup>12</sup> *Prov.*, xvi, 16. — <sup>13</sup> *Ecli.*, xxx, 14.

*et topazion*, quantum ad bonorum defientium superationem.

## VERSICULUS XVI.

128. *Propterea ad omnia mandata*, etc. Quod aspernandum sit bonum deficiens, insinuavit versus præcedens; quod amplexandum sit bonum perficiens, insinuat versus præsens. Quid enim aliud sonat hæc littera, *Propterea*, etc., nisi: Quia temporalia despexi, ad moralia, quæ dilexi, rationalia vota direxi, irrationalia vero correxi? Ecce quadruplex aequitatis actio, scilicet despectio, dilectio, directio, correctio; respectu totidem objectorum, videlicet temporalium, moralium, rationalium, irrationalium.

## Articulus primus.

Primum sonat, quod Psalmographus cantat: *Propterea*, id est, quia despexi temporalia, sicut patet per præcedentia. Et nota, quod temporalia prudenter despiciunt, qui vitia, judicia, supplicia vigilanter aspiciunt: quia propterea vitia frequentantur, judicia intentantur, supplicia dilatantur. De primo, ubi mentione facta de avaritia, subditur<sup>1</sup>: « Propterea hæc dicit Dominus: ecce ego dabo in populum istum ruinas, et ruent in eis patres et filii simul, vicinus et proximus peribunt: » ecce ruinosa vitiorum frequentatio. De secundo<sup>2</sup>: « Idola secuti sunt: propterea adhuc contendam iudicio vobiscum, dicit Dominus, et cum filiis vestris disceptabo: » ecce occasione spiritualis idololatriæ, scilicet avaritiæ, judiciorum intentionis. De tertio<sup>3</sup>: « Nobiles ejus interierunt fame, et multitudine ejus siti exaruit: propterea dilatavit infernus animam suam, et aperuit os suum absque ullo termino: » ecce fames et siti cupidorum, quam sequitur dilatatio tormentorum.

## Articulus secundus.

Secundum personat, quod pronuntiat: *Ad omnia mandata tua*: hæc sunt moralia, quæ dilexit, propter quæ temporalia despexit. Et nota, quod mandata sunt nobilibus animæ viribus diligenda; scilicet, intellective, effectivæ, affectivæ. Quæreris, quare? Quia sunt luminaria veritatis, electuaria sanitatis, exemplaria honestatis. De primo<sup>4</sup>: « Ingressus sapientiae

mandata æterna; » quia veritatis luminaria. De secundo<sup>5</sup>: « Serva mandata mea, et vives; » quia sanitatis electuaria. De tertio<sup>6</sup>: « Deum time, et mandata ejus observa; » quia honestatis exemplaria.

## Articulus tertius.

Tertium insonat, quod inculcat: *Dirigebar*, scilicet quantum ad desideria rationalia, quæ dirigebam ad bona moralia potius, quam ad temporalia comparanda. Et nota, quod circa desideria humana potest esse directio tripartita: quia dirigi potest homo a Domino, a proximo, a seipso. Dominus dirigit inspirando; proximus, imperando; ipsem, operando. De primo<sup>7</sup>: « Cor hominis disponit viam suam, sed Domini est dirigere gressus ejus: » ecce directio Domini inspirantis. De secundo<sup>8</sup>: « Dirige semitas pedibus tuis, » id est, affectionibus tuis: ecce directio proximi imperantis. De tertio<sup>9</sup>: « Simplicitas justorum dirigit eos: » ecce directio suimet operantis.

## Articulus quartus.

Quartum resonat, quod restat: *Omnem viam iniquam odio habui*: hæc est via desideriorum carnalium adversus animam militantium: hanc viam Prophetæ non diligebat, sed potius corrigerbat. Et nota, quod legitur triplex via, quarum alia nec polluitur, nec arguitur; alia poluitur, sed non arguitur; alia et polluitur, et arguitur. Prima dominica; secunda diabolica; tertia humana. De prima<sup>10</sup>: « Deus meus, impolluta via ejus: » ecce via dominica, quæ nec polluitur, nec arguitur. De secunda<sup>11</sup>: « Via hæc polluta est, sed et ipsa hodie sanctificabitur in vasis. » Via polluta est voluntas diabolica, cuius vas est humana voluntas: tunc igitur via polluta, non in se, sed in vasis sanctificatur, cum voluntas hominis injusta justificatur, et diabolica deificatur: ecce via diabolica, quæ polluitur, quia semper inquinata; sed non arguitur, quoniam obstinata. De tercia<sup>12</sup>: « Vias meas in conspectu ejus arguam, et ipse erit salvator meus: » ecce via humana, quæ nonnunquam polluitur per concupiscentiam, sed arguitur per conscientiam, et abluitur per pœnitentiam.

<sup>1</sup> *Jerem.*, vi, 21. — <sup>2</sup> *Jerem.*, I, 9. — <sup>3</sup> *Isa.*, v, 14.  
— <sup>4</sup> *Ecclesi.*, I, 5. — <sup>5</sup> *Prov.*, VII, 2. — <sup>6</sup> *Eccle.*, XII,

<sup>7</sup> *Prov.*, XVI, 9. — <sup>8</sup> *Prov.*, IV, 26. — <sup>9</sup> *Prov.*, XI, 3. — <sup>10</sup> *Psal.*, XVII, 31. — <sup>11</sup> *I Reg.*, XXI, 5. — <sup>12</sup> *Job*, XIII, 15.

## Epilogus.

Hoc est, quod dicitur per Psalmographum, tanquam virum æquitate adulturn, aspernato rem temporalium, et amplexatorem moralium : *Propter ea*, quantum ad temporalia, quæ despacta; *Ad omnia mandata tua*, quantum ad moralia, quæ dilecta; *Dirigebar*, quantum ad rationalia desideria, quæ directa; *Omnem viam iniquam odio halui*, quantum ad irrationalia desideria, quæ correcta.

## CAPITULUM NONUM.

## VERSICULUS PRIMUS.

129. *Mirabilia testimonia tua*, etc. Nonum capitulum incipit, et nonum fereulum intromittit. In præjacenti capitulo præsentata fuit voluntariæ temeritatis intermissio; in præsenti vero præsentatur judicariæ severitatis promissio. Et patet ordinis ratio, quoniam ista promissio est illius intermissionis occasio. Nam nonnunquam intermittitur flagitiū temeritas, quoniam promittitur judicii severitas. Promittit autem Dominus justitiæ severitatem per sapientiæ veritatem : ideoque primum octonarium occupat veritas sapientiæ; secundum, severitas justitiæ. Unde non absurde primus octonarius iniciatur ab hac littera Phe, quæ interpretatur *os* ab *ore*; quia veritas est *os* sapientiæ; secundum (*a*) autem a Sade littera, quæ interpretatur *justitia*. Veritas quoque sapientiæ distinguitur in speculativam, primo quaternario conjugatam; et activam, secundario (*b*) copulatam. Primus quaternarius quadripartitur; quia divinæ veritas sapientiæ sapientibus secundum carnem absconditur, parvulis ostenditur, per orationem attrahitur, per dilectionem accipitur, sicut lis binis versibus aperitur. Primus versus prætendit sapientiam sapientibus memoratis absconditam, propter contemplationem incompletam. Cum enim in contemplationis negotio quadruplex inveniatur actio, scilicet admiratio, perscrutatio, illuminatio, delectatio; videntur contemplativis sæcularibus duæ prime, contemplativis spirituibus duæ novissimæ, divinitus deputatæ: quod luce clarius declarat Psalmographus in persona talium sapientium, taliter elocutus :

<sup>1</sup> *Psal.* hoc, 18. — <sup>2</sup> *Ecclesi.*, xi, 4. — <sup>3</sup> *Psal.* cv, 7.  
— <sup>4</sup> *Dion.*, *de Cœl. Iller.*, c. i. — <sup>5</sup> *Psal.* hoc, 119. —

*Mirabilia*, etc., quasi diceret; quod testatus est Deus, miratus et serutatus est animus meus. Nonne vides actum duplieem interjectum inter intellectum et ejus objectum; et admirationem et perscrutationem, inter intelligentiam, naturalem, et sapientiam spiritualem?

## Articulus primus.

Ad actum ergo admirationis spectat, quod canat: *Mirabilia*, quia mirabilia non dixisset, nisi miseratio præcessisset. Talia mirabilia sunt verba legalia, secundum historiam aperta, sed secundum theoriam operta. Et nota circa prædicta mirabilia, quod contemplanda sunt propter tria: quia lecta; quia tecta; quia non intellecta: quoniam in Scripturis leguntur, sed figuris teguntur, et ab intellectibus obscuris non intelliguntur. De primo scribit Psalmographus<sup>1</sup>: « Considerabo mirabilia de lege tua: » ecce mirabilia lecta. De secundo legimus<sup>2</sup>: « Mirabilia opera Altissimi, et gloria, et absconsa: » ecce mirabilia abscondita, sive tecta. De tertio quoque psallimus<sup>3</sup>: « Patres nostri in Ægypto non intellexerunt mirabilia tua: » ecce mirabilia non intellecta.

## Articulus secundus.

Ad sapientiam spiritualem facit, quod dicit: *Tesimonia tua*; quasi tuis tua, non tuo, scilicet suo modo testificantia, hoc est immaterialia materialiter, infiguralia figuraliter, intemporalia temporaliter significantia. Neque enim possibile est nobis lucere divinum radium, nisi varietate sacrorum velaminum anagogice circumvelatum, teste Dionysio<sup>4</sup>. Et notandum, quod ad contemplandum divina testimonia, tria sunt necessaria: videlicet dilectio, ut veritas diligatur; directio, ut voluntas dirigatur; exactio, ut habilitas exigatur. De primo<sup>5</sup>: « Prævaricantes reputavi omnes peccatores terræ, ideo dilexi testimonia tua: » in quo dilectio veritatis. De secundo<sup>6</sup>: « Beati, qui scrutantur testimonia ejus: » in quo directio voluntatis. De tertio<sup>7</sup>: « Da mihi intellectum, ut sciām testimonia tua: » in quo exactio habilitatis.

## Articulus tertius.

Ad actum perscrutationis, seu investigacionis, pertinet quod sublueet: *Idco scrutata est ea*; quasi dicat: propter admirari, cœpit per-  
— Ibid., 2. — <sup>7</sup> *Psal.* hoc, 125. — (*a*) *Leg.* secundus. —  
— *b* *Leg.* secundus quaternario.

scrutari : quoniam ignoravit, ideo cognoscere laboravit. Et nota, quod est scrutatio tripartita: prima profana; secunda vana; tertia christiana. Prima est scrutantium in Scripturis, sive Scripturarum aut Prophetarum figuris, propria segmenta, non cœlestia sacramenta; secunda est scrutantium per naturale lumen supernaturalia sacramenta; tertia est scrutantium per supernaturale lumen supernaturalia sacramenta. Prima scrutatio improbatur, ubi dixit Jacob ad Laban<sup>1</sup>: « Scrutatus es omnem suppellectilem meam. » Sieut Laban in Jacob substantia scrutabatur propria idola, sic nonnulli in divina scientia scrutantur sua frivola. Secunda scrutatio reprobatur, ubi scribitur<sup>2</sup>: « Altiora te ne quæsieris, et fortiora te ne scrutatus fueris. » Fortiora se scrutatur, qui per debilitatem luminis naturalis sacramenta supernaturalia indagare conatur, et forte lumen gratiae devotis orationibus acquirere aspernatur. Tertia scrutatio approbat, dicente Apostolo<sup>3</sup>: « De qua salute exquisierunt, et scrutati sunt prophetæ, qui de futura in nobis gratia prophetaverunt, scrutantes quod, vel quale tempus significaret in eis spiritus Christi. » Sic scrutantur, qui spiritualia spiritualibus comparare, tam orando, quam meditando luctantur; quia, sieut scribitur ab Augustino<sup>4</sup>: « Qui didicerunt a Domino Iesu Christo mites esse et humiles corde, plus cogitando et orando proficiunt, quam legendo et audiendo. »

#### Articulus quartus.

Ad intelligentiam naturalem attinere dignoscitur, quod dicitur: *Anima mea*. Qualis, putas, anima, nisi qualis dixerat antea? Puta cum prudentibus mirata et scrutata; non cum parvulis illustrata, quoniam incompetenter disposita. Et nota triplicem animæ dispositionem ad sapientem contemplationem; scilicet colluctationem, extensionem, directionem, quantum ad animæ rationem, affectionem, et finis intentionem. De primo scribitur<sup>5</sup>: « Colluctata est anima mea in illa, » scilicet sapientia: ecce colluctatio rationis. De secundo subditur<sup>6</sup>: « Manus meas extendi in altum, et in sapientia ejus luxit anima mea (*a*): » ecce extensio affectionis per devotionem orationis. De tertio super-

additur<sup>7</sup>: « Animam meam direxi ad illam, et in agnitione inveni eam: » ecce directio intentionis ad fructum ædificationis.

#### Epilogus.

Loquens ergo Psalmographus ex persona prudentium, in lumine proprio procedentium, et divinam sapientiam in mysteriis absconditam propalare studentium, ait: *Mirabilia*, quantum ad primum contemplationis effectum, scilicet admirationem; *Testimonia tua*, quantum ad contemplationis objectum, scilicet sapientiam spiritualem; *Ideo scrutata est ea*, quantum ad secundum contemplationis effectum, scilicet perscrutationem; *Anima mea*, quantum ad contemplationis subjectum, scilicet intelligentiam naturalem.

#### VERSICULUS II.

130. *Declaratio sermonum tuorum illuminat*, etc. De sapientia prudentibus abscondita dissertum est a Psalmista; de sapientia parvulis revelata disserendum est in parte ista. Prudentes quidem acceperunt partem contemplationis priorem; sed parvuli potiorem. Illis datum est incognita mirari, abdita perscrutari; istis datum est cœlitus illuminari, et medullitus delectari. Sieut in contemplatione prudentium cognovimus actum duplice, interjectum inter intellectum et ejus objectum; sic in contemplatione parvulorum agnoscamus effectum duplice, interceptum inter recipiens et receptum: vide-licet illuminationem, et delectabilem perfectionem, seu perfectivam delectationem, inter divinorum declarationem, et cordium præparationem.

#### Articulus primus.

*Declaratio*, inquit, *sermonum tuorum*. Ecce declaratio divinorum; ecce divini sermonis mysterium, quod de manu Dei suscipimus, quod cordibus custodimus, ut ædificetur proximus, et glorificetur Altissimus. Unde notandum, quod leguntur sermones hujuscemodi in manu Domini conservari, cordibus hominum commendari, et per ipsum Dominum consummari. Quæreris, quare? Quoniam ipsius est reserare; ipsius est imperare; ipsius est remunerari. De primo legimus<sup>8</sup>: « In manu enim illius et nos, et sermones nostri. » Nonne vides sermones conservatos in manu

(a) *Vulg.* insipientiam ejus luxi; LXX: τὰ ἀγνοήματα καὶ τὰς ἐπένθησα.

<sup>1</sup> Gen., xxxi, 37. — <sup>2</sup> Eccli., iii, 22. — <sup>3</sup> I Petr., 1, 10, 11. — <sup>4</sup> Aug., lib. de vid. Deo, c. i. — <sup>5</sup> Eccli., li, 25. — <sup>6</sup> Ibid., 26. — <sup>7</sup> Ibid., 27. — <sup>8</sup> Sup., vii, 16.

Domini reserante? De secundo<sup>1</sup>: « Ponite vos in cordibus vestris sermones istos. » Numquid audis sermones cordibus, commendatos, Domino imperante? De tertio<sup>2</sup>: « Consummatio sermonum ipse est. » An agnoscis sermones consummatos, Domino munerante?

#### *Articulus secundus.*

*Illuminat*: ecce mentis recipientis illuminatio, per quam illuminatur ignorantium, sed Patrem lumen exorantium ratio. Unde notandum, quod illuminat Pater lumen credentes, sperantes, diligentes; quia fideliter, fiducialiter, ferventer orantes. De primo scribitur<sup>3</sup>: « Quoniam tu illuminas lucernam meam, Domine; Deus meus, illumina tenebras meas: » tanquam patenter inquiens: Quoniam illuminasti ignorantem, ut crederem, illumina fideliter exorantem, ut eredita firmiter asseverem. Ecce illuminatio erudiantum. De secundo<sup>4</sup>: « Illuminabo, » dicit Sapientia, « omnes sperantes in Domino: » ecce illuminatio sperantium. De tertio<sup>5</sup>: « Qui timetis Dominum, diligitte illum, et illuminabuntur cordra vestra: » ecce illuminatio diligentium.

#### *Articulus tertius.*

*Intellectum dat*: hic intellectus est habitus intellectus, intellectivæ potentiae perfectivus: ubi vero intellectualis perfectio, ibi spiritualis delectatio, quæ dicitur contemplationis consummatio. Nam delectatio est operationis consummatio, secundum Philosophum<sup>6</sup>. Sed notandum circa hujuscemodi intellectum, quod legimus intellectum datum, intellectum (*a*) privatum, intellectum mutatum: quorum primum delectabile, secundum detrectabile, tertium detestabile. De primo scribitur<sup>7</sup>: « Intellectum tibi dabo, et instruam te: » ecce intellectus datio delectabilis. De secundo<sup>8</sup>: « Spiritus sanctus disciplinæ effugiet fictum, et auferet se a cogitationibus quæ sunt sine intellectu: » ecce intellectus privatio detrectabilis. De tertio<sup>9</sup>: « Raptus est, ne malitia mutaret intellectum ejus: » ecce intellectus mutatio detestabilis.

#### *Articulus quartus.*

*Parvulis*: ecce preparatio hominum ad suscipiendum lumen divinum; scilicet humilitas,

<sup>1</sup> *Luc.*, ix, 44. — <sup>2</sup> *Ecli.*, XLIII, 29. — <sup>3</sup> *Psal.*, XVII, 32. — <sup>4</sup> *Ecli.*, XXIV, 45. — <sup>5</sup> *Ibid.*, II, 40. — <sup>6</sup> Arist., *Ethic.*, lib. X, c. IV, circa med. — <sup>7</sup> *Psal.*

quæ dicitur spiritualis parvulitas. Sed nota de parvulis, quod diversos in diversis invenimus scripturis; utpote parvulos ætate, parvulos maturitate, parvulos pravitate: quorum primi tolerabiles, secundi vituperabiles, tertii venerabiles, et ad divinas illuminationes habiles. De primis<sup>10</sup>: « Egrediuntur, quasi greges, parvuli eorum, et infantes eorum exultant lusibus: » ecce parvuli ætate. De secundis<sup>11</sup>: « Usquequo, parvuli, diligitis infantiam, et stulti ea, quæ sunt noxia, cupient, et imprudentes odibunt scientiam? » ecce parvuli maturitate. De tertii<sup>12</sup>: « Nolite pueri effici sensibus; sed malitia parvuli estote, sensibus autem perfecti sitis: » ecce parvuli pravitate. Parvulis talibus non nunquam revelat Dominus, quæ velavit prudentibus.

#### *Epilogus.*

Ait ergo Psalmographus de contemplationis gratia, quam Dominus operatur in talibus, mediatis illuminationis et delectabilis perfectionis actibus: *Declaratio sermonum tuorum*, quantum ad susceptam sapientiae declaracionem; *illuminat*, quantum ad tertiam contemplationis actionem, scilicet illuminationem; *et intellectum dat*, quantum ad quartam contemplationis ipsius operationem, scilicet delectationem, seu delectabilem perfectionem; *parvulis*, quantum ad susceptivam intelligentiae præparationem.

#### *VERSICULUS III.*

431. *Os meum aperui*, etc. Per præcedentia præmonstratur sapientiae cœlestis absconsio, et ejus revelatio; per præsentia demonstratur ejusdem attractio, dicente Psalmista: *Os meum*, etc.; ac si diceret voce plana: Aperui desiderium rationale, et attraxi magisterium spirituale: quia mandata tua quantum ad ministerium cærenionale, desiderabam quantum ad mysterium intellectuale. Ecce liquet ad oculum, quid aperatum, quid attractum, quid mandatum, quid desideratum: quoniam aperatum rationale desiderium; attractum spirituale magisterium; mandatum cærenionale ministerium; desideratum intellectuale mysterium.

#### *Articulus primus.*

Demonstratur itaque desiderium rationale, cum dicitur: *Os meum aperui*; quoniam os in-

<sup>10</sup> *Sap.*, I, 5. — <sup>11</sup> *Sap.*, IV, 11. — <sup>12</sup> *Job*, XXI, 11. — <sup>13</sup> *Prov.*, I, 22. — <sup>14</sup> *I Cor.*, XIV, 20.

(a) *Ley.* intellectu.

terius est rationalis appetitus. Sicut enim homo exterior os exterius aperit ad id, quod appetit, sic homo interior os interius aperit ad id, quod appetit. Et nota, quod os interius aperire debemus: ad sapientiam inferendam; ad sapientiam referendam: non ad insipientiam proferrendam: contra murmuriosos, contra incuriosos, contra injuriosos. De primo<sup>1</sup>: « Aperi os meum, et cibavit me volumine: » sic aperitur os contra murmuriosos sapientiae inferendae. De secundo psallimus<sup>2</sup>: « Aperiam in parabolis os meum: » sic aperitur os contra incuriosos sapientiae referendae. De tertio psallentes dicimus<sup>3</sup>: « Obmutui, et non aperi os meum; » sic non aperitur os contra injuriosos insipientiae proferendae.

#### *Articulus secundus.*

Demonstratur utique magisterium spirituale, cum additur: *Et attraxi spiritum.* Ut autem videoas clarius attractum hujus spiritus, debes animadvertere, quod est spiritus intelligentiae incorporatus humanae creaturæ, et est spiritus intelligentiae incorporatus divinæ scripturæ. Sed iste spiritus est ante revelationem implicatus, post revelationem explicitus. Hunc igitur spiritum attrahit humanus spiritus, tanquam ab interiori exteriori, supplicando, quod ex implicito fiat explicitus. Notandum itaque circa spiritum intelligentiae, quod est spiritus attractivus, spiritus attrahendus, et spiritus attractus. Ad attractivum pertinet supplicatio; ad attrahendum, implicatio, ad attractum, explicatio. De primo<sup>4</sup>: « Doctrinam, qua me arguis, audiām, et spiritus intelligentiae meæ respondebit mihi: » ecce spiritus intelligentiae attractivus. De secundo<sup>5</sup>: « Omnia artifex docuit me sapientia; est enim in illa spiritus intelligentiae sanctus, unicus, multiplex: » ecce spiritus intelligentiae de profundo sapientiae attrahendus. De tertio<sup>6</sup>: « Aperiet os suum in oratione, et pro delictis suis deprecabitur. Si enim Dominus magnus voluerit, spiritu intelligentiae replebit illum, et ipse tanquam imbræ mittet eloquia sapientiae suæ: » ecce spiritus intelligentiae attractus.

#### *Articulus tertius.*

Demonstratur quoque ministerium cærimoniale, cum subditur: *Quia mandata tua. Quæ*

<sup>1</sup> *Ezech., III, 2.* — <sup>2</sup> *Psal. LXXVII, 2.* — <sup>3</sup> *Psal. XXVIII, 10.* — <sup>4</sup> *Job, XX, 3.* — <sup>5</sup> *Sap., VII, 22.* —

mandata, nisi cærimonialia, seu figuralia? quorum apertum ministerium, sed opertum mysterium requirit discretum dilucidationis magisterium: hæc mandata leguntur cærimonias aggregata, ut intelligantur ab aliis segregata. Ilorum etiam ministeria recesserunt, sed mysteria remanserunt. Unde notandum de mandatis talibus, quod ea mandavit Dominus custodiæ triplei, videlicet populari, prophetali, regali: ut doceret agendorum, credendorum, sperandorum mysteria meditari. De primo, ubi dicit Moyses populo<sup>7</sup>: « Custodias mandata Domini, et cærimonias ejus: » ecce mandatorum custodia popularis, admonens de agendis. De secundo<sup>8</sup>: « Vanitate seducti sumus, et non custodivimus mandatum, et cærimonias: » ecce mandatorum custodia prophetalis, præmonens de erendis. De tertio, ubi dicit David filio suo, cui facta fuit regni repromissio<sup>9</sup>: « Custodias mandata Domini Dei tui, ut ambules in viis ejus, et custodias cærimonias ejus: » ecce mandatorum custodia regalis, commonens de sperandis.

#### *Articulus quartus.*

Demonstratur denique mysterium intellectuale, cum superadditur: *Desiderabam;* quoniam in mandatis illis carnalibus et temporalibus, quantum ad ministerium; sed in intellectualibus et æternalibus, quantum ad mysterium, illud erat desiderabile, quod intellectuale et æternale, potius quam illud, quod carnale et temporale. Et nota de mysteriorum notitia, quod desideratur ab anima, sicut umbra, sicut gratia, sicut aqua; quia recreat ejus æstum, delectat intuitum, satiat appetitum. Primi desiderii prænotatio palet, ubi dicitur<sup>10</sup>: « Sicut cervus desiderat umbram, et sicut mercenarius præstolatur finem sui operis, sic et ego habui menses vacuos, et noctes laboriosas enumeravi milii: » hic comparatur animus studiosus cervo celerrimo, et mercenario pauperrimo, per laborum supervacuitatem et temporum superfluitatem currentibus ad ardoris refrigerium, et operis complementum. Secundi desiderii subnotatio liquet<sup>11</sup>: « Gratiam, inquit, et speciem desiderabit oculus. » Plane sicut oculus exterior desiderat gratiosam speciositatem, seu speciosam gratiositatem substantiae corporalis;

<sup>6</sup> *Ecclesiastes, XXXIX, 7, 8.* — <sup>7</sup> *Deut., X, 13.* — <sup>8</sup> *II Esdr., I, 7.* — <sup>9</sup> *III Reg., II, 3.* — <sup>10</sup> *Job, VII, 2.* — <sup>11</sup> *Ecclesiastes, XL, 22.*

sic oculus interior desiderat speciositatem gratiosam, seu gratiositatem speciosam sapientiae spiritualis. Tertiū desiderii denotatio reluet, ubi legitur<sup>1</sup>: « Desideravit David aquam; » et intelligitur desiderium anime rationalis respectu sapientiae Salvatoris.

#### Epilogus.

Ait ergo Psalmographus, tanquam in Christo parvulus orando sapientiae attractivus: *Os meum aperui*, quantum ad rationale desiderium, quod apertum: *Et attraxi spiritum*, quantum ad spirituale magisterium, quod attractum: *Quia mandata tua*, quantum ad cæremoniale ministerium, quod mandatum: *Desiderabam*, quantum ad intellectuale mysterium, quod desideratum.

#### VERSICULUS IV.

**132.** *Aspice in me, et niserere mei*, etc. Qualiter attrahatur divina sapientia, patet per præcedentia; sed qualiter accipiatur ab humana intelligentia, patebit per præsentia. Nam procul dubio, sicut illam attrahit oratio, sic accipit dilectio. Enimvero est oratio infirma, quam non firmat dilectio; et inanis est attractio, quam non implet acceptio: quod ut clarius luceat, audiamus quid hinc Propheta censeat: *Aspice*, inquit, etc. Sed quid sibi vult haec censura? Vide te, quam firmiter, quam fidenter Creatorem alloquitur creatura, dicens: *Affer aspectum*, aufer defectum, profer judicium rectum inter diligens et dilectum: hic aspectus est sapientialis influentia; hic defectus est intellectualis indigentia; hoc judicium est illa sapientis sententia<sup>2</sup>: « Amicorum omnia communia; » haec diligentia sunt creatrix, et creata intelligentia.

#### Articulus primus.

Primo sapientiae petit aspectum, id est, sapientiale influxum, cum dicit: *Aspice in me*. Sapientia quidem aspicit, cum aspicere facit, cum aspectum imperfectum perficit. Et nota, quod Dominus tripliciter aspicit animam: quantum ad agnitionem, quantum ad affectivam, et quantum ad effectivam: primam illuminando, secundam consolando, tertiam approbando. De primo<sup>3</sup>: « Aspexit, et dissolvit gentes, et contriti sunt colles sæculi. » Quippe Dominus dicitur gentes, seu gentiliter viventes aspicere,

dissolvere, conterere, quia facit eas peccata recognoscere, recognoscentes resipiscere, resistentes ingemiscere: ecce aspectus illuminatorius. De secundo<sup>4</sup>: « Oratio humiliantis se nubes penetrabit; et donec propinquet, non consolabitur; et non discedet, donec Altissimus aspiciat. » Oratio siquidem penetrat per postulationem, propinquat per præstolationem, sed aspicitur per consolationem: ecce aspectus consolatorius. De tertio<sup>5</sup>: « Quare jejunavimus, et non aspexisti, » id est, approbasti? ecce aspectus approbatorius.

#### Articulus secundus.

Secundo pandit defectum, scilicet intellectivæ imperfectum, cum adjicit: *Et miserere mei*. Petendo namque misericordiam, pandit miseriam: magna quippe miseria est sapientie salutaris penuria. Hic potes notare, quod miseretur Dominus diversis diversimode; scilicet aliis purgative, aliis illuminative, aliis perfective. Primo modo miseretur poenitentibus; secundo, ignorantibus; tertio, expectantibus. Primus modus notatur, ubi legitur<sup>6</sup>: « Peccavimus cum patribus nostris, injuste egimus, iniquitatem fecimus; Tu, quia pius es, miserere nostri; » ecce misericordia poenitentium purgativa. Secundus denotatur, ubi scribitur<sup>7</sup>: « Miserere nostri, Deus omnium, et respice in nos, et ostende nobis lucem miserationum tuarum: » ecce misericordia ignorantium illuminativa. Tertius modus annotatur, ubi dicitur<sup>8</sup>: « Domine, miserere nostri: te enim expectavimus: » ecce misericordia expectantium perfectiva.

#### Articulus tertius.

Tertio postulat judicium, cum allegat: *Seundum judicium*. Quæris, quorum? Sapientium antiquorum, super communicantia amicorum: est enim publica Græcorum sententia: Amicorum omnia communia. Secundum hanc sententiam confidenter Dei postulat sapientiam, qui fideliter ei conservat amicitiam. Et notandum circa dictum judicium, quod non est timorosum, sed amorosum, sed saporosum, propter amicitiae perfectionem, complexionem, et refectionem. De primo<sup>9</sup>: « In hoc perfecta est charitas Dei nobiscum, ut fiduciam habeamus in die judicii; quia sicut ille est, et nos sumus in hoc mundo: timor non est in chari-

Græco-  
rum sen-  
tentia.

<sup>1</sup> *Il Reg.*, xxiii, 15. — <sup>2</sup> *Cic.*, *de Offic.*, lib. I. —

<sup>3</sup> *Habac.*, III, 6. — <sup>4</sup> *Ecli.*, xxxv, 21. — <sup>5</sup> *Isa.*, LVIII,

<sup>6</sup> *Judith*, VII, 19, 20. — <sup>7</sup> *Ecli.*, xxxvi, 1. —

<sup>8</sup> *Isa.*, XXXIII, 2. — <sup>9</sup> *I Joan.*, IV, 17, 18.

tate : » ac si diceret manifeste : Perfectum habemus amicitiae nostrae judicium, quoniam non timemus amici nostri judicium : quia sicut ille fuit servator amicitiae nostrae, sic sumus et nos suæ : proprium enim est amicitiae confidere, non timere : ecce judicium non timorosum propter amicitiae perfectionem. De secundo per Prophetam psallitur<sup>1</sup> : « Quia Dominus amat judicium, et non derelinquet sanctos suos : in aeternum conservabuntur : » quasi dicat : Amorosum est Deo judicium amicorum ; quia non contemptor est, sed complexor eorum : ecce judicium amorosum propter amicitiae complexionem. De tertio, ubi pastor bonus de bonis gregibus loquitur<sup>2</sup> : « Pascam illas in judicio ; vos autem greges mei : » quasi dicens : Amicis meis delicias adjudicabo supernas, qui mihi delicias administraverunt internas : ecce judicium saporosum propter amicitiae refectionem.

#### Articulus quartus.

Quarto connectit dilectum et diligens, cum concludit : *Diligentium nomen tuum*; connectendo diligens et dilectum, scilicet increatum et creatum intellectum. Quod autem ait, non te, sed *tuum nomen*, ad diligendi pertinet rationem. Unde notandum circa nomen dominicum, quod legitur in Scripturis excelsum, inclytum, gloriosum. Excelsa namque diligendi ratio est originalis naturalium bonorum adinventio ; sed inclyta diligendi ratio est ordinalis moralium donorum subventio ; sed gloria diligenzi ratio est terminalis supernaturalium judiciorum conventio, et stipendiorum obuentio. De primo<sup>3</sup> : « Notas, inquit, facite in populis adinventiones ejus, mementote, quoniam excelsum est nomen ejus : » ecce nominis excelsi ratio, scilicet originalis naturalium adinventio. De secundo, ubi David sic benedixit Domino<sup>4</sup> : « Nunc igitur, Deus noster, confitemur tibi, et laudamus nomen tuum inclytum. Quis ego, et quis populus meus, ut possimus hæc tibi universa promittere ? Tua sunt omnia, quæ de manu tua accepimus, dedimus tibi : » ecce nominis incliti ratio, scilicet ordinalis moralium subventio. De tertio<sup>5</sup> : « Nisi custodieris, et feceris omnia verba legis hujus, quæ scripta sunt in hoc volumine, et timueris nomen ejus gloriosum, et terribile, hoc est, Dominum Deum tuum, augebit plagas tuas Dominus : » ecce no-

minis gloriösi et terribilis implicita et explicita ratio, scilicet terminabilis supernaturalium judiciorum conventio, et stipendiorum obuentio.

#### Epilogus.

Ostensurus ergo Psalmographus qualiter sapientia divina per dilectionem accipitur, Dominum sic alloquitur : *Aspice in me*, afferendo aspectum sapientialis influentiæ; *Et miserere mei*, auferendo defectum intellectualis indigentie; *Secundum judicium*, proferendo sententiam communicantiæ; *Diligentium nomen tuum*, scilicet creatricis et creatæ intelligentiæ, quæ sunt extrema istius amicitiae.

#### VERSICULUS V.

133. *Gressus meos dirige*, etc. Quaternarius antecedens deservivit sapientiae speculativæ ; iste sequens deservit activæ, per quam divinitus dirigitur justus, erigitur elitus, illuminatur cæcus, solvitur compeditus : ecce quatuor actus divini, quibus respondent versus bis lini. In primo cantatur a Psalmographo, velut a justo in via justitiae divinitus dirigendo : *Gressus meos*, etc., quasi dicat : Motus meæ voluntatis tuis dirige mandatis, ne subeam dominium iniquitatum omnium. Possumus itaque quatuor hic notare ; scilicet actionem voluntariam, directionem necessariaam, damnationem nefariam, et contaminationem multifariam : quorum primum spectat ad opera viatorum ; secundum ad onera mandatorum ; tertium ad sufferentias tentatorum ; quartum ad differentias peccatorum.

#### Articulus primus.

Primum significatur, cum scribitur : *Gressus meos*. Gressus isti sunt actus universi a voluntate eliciti, vel imperati. Et nota, quod in Scriptura diversi gressus leguntur, per quos diversi actus intelliguntur ; videlicet gressus recti, gressus pulchri, et gressus effusi : per quos intelliguntur actus discreti, disciplinati, dissuti. De primo<sup>6</sup> : « Gressus rectos facite pedibus vestris, ut non quis claudicans erret : » ecce gressus recti, id est, actus discreti. De secundo<sup>7</sup> : « Quam pulchri gressus tui in calcementis, filia principis ! » ecce gressus pulchri, id est, actus disciplinati. De tertio canitur<sup>8</sup> :

<sup>1</sup> Psal. xxxvi, 28. — <sup>2</sup> Ezech., xxxiv, 16. — <sup>3</sup> Isa., xii, 4. — <sup>4</sup> Paralip., xxix, 13, 14. — <sup>5</sup> Deut., xxvi, 1,

<sup>6</sup> Hebr., xii, 13. — <sup>7</sup> Cant., vii, 1. — <sup>8</sup> Psal. lxxii, 2.

« Pene effusi sunt gressus mei : » ecce gressus effusi, id est, actus dissuti, seu dissoluti.

#### *Articulus secundus.*

Secundum assignatur, cum additur : *Dirige secundum eloquium tuum*. Istud eloquium est divinum imperium, nostrorum actuū directivum. Actus enim humanæ voluntatis, divinis regulantur mandatis, quasi regulis equitatis. Et nota, quod Dominus dirigit curvitatem vis rationabilis, irascibilis, et concupisibilis, quantum ad insipientiæ prona-  
tatem, impatientiæ, et immunditiæ. De primo Propheta dicit<sup>1</sup> : « Dirige me in veritate tua, et doce me : » ecce directionem quantum ad rationabilis curvitatem, et insipientiæ prona-  
tatem. De secundo per Psalmistam cantatur<sup>2</sup> : « Diriget mansuetos, » id est, dirigendo faciet mansuetos, « in iudicio : » ecce directionem quantum ad irascibilis curvitatem, et impatientiæ prona-  
tatem. De tertio Psalmographus scribit<sup>3</sup> : « Diriges justum, serulans corda et renes, Deus : » ecce directionem quantum ad concu-  
piscibilis curvitatem, et immunditiæ prona-  
tatem.

#### *Articulus tertius.*

Tertium designatur, cum dicitur : *Et non dominetur mei*. Ecce dominium nefarium, domi-  
nium temerarium, quo tentatores dominantur tentatis, sicut superatores superalis. Et nota,  
quod figuraliter legitur in Scriptura spiritus voluptatis dominari delicatis; cupiditatis, domi-  
nari cupidis; vanitatis, dominari elatis. Pri-  
mum figuratur, ubi scribitur<sup>4</sup> : « Eo tempore dominabantur Philisthiim Israeli, » id est,  
spiritus voluptatis populo carnali. Quid enim per Philisthiim, id est, potione cadentes,  
aliud senserim, quam spiritus voluptatis de-  
peccato gulæ in peccatum luxuriæ cadentes,  
vel cadere facientes? Secundum notatur, ubi  
traditur<sup>5</sup> : « Dominabitur thesaurorum auri et argenti : » quod de spiritu cupiditatis potest intelligi. Tertium assignatur, ubi dicitur<sup>6</sup> : « Reges posuisti super nos propter peccata nostra, et corporibus nostris dominantur : » quod de spiritibus vanitatis non inconvenienter accipitur.

#### *Articulus quartus.*

Quartum consignatur, cum adjicitur : *Omnis iniquitas omnifaria, per*

<sup>1</sup> *Psal. xxiv*, 5. — <sup>2</sup> *Ibid.*, 9. — <sup>3</sup> *Psal. vii*, 10. — <sup>4</sup> *Judic.*, xiv, 4. — <sup>5</sup> *Dan.*, xi, 43. — <sup>6</sup> *II Esdr.*, ix,

quam contaminatur malorum conscientia. Sed notandum, quod iniquitia nominat in Scriptura quandoque peccati actum, peccati maculam, peccati reatum : quorum primum patet exterius, secundum latet interius, tertium trahit inferius. De primo<sup>7</sup> : « Regnum a gente in gentem transfertur propter iniquitias, et iniquarias, et contumelias, et diversos dolos : » ecce iniquitiae actus patens exterior. De secundo scribitur<sup>8</sup> : « Delictum meum cognitum tibi feci, et iniquitatem meam non abscondi : » ecce iniquitiae macula latens interius. De tertio<sup>9</sup> : « Iniquitia perpetua est et immortalis ; » iniquititia autem mortis acquisitio : ecce iniquitiae reatus trahens inferius.

#### *Epilogus.*

Ait ergo Psalmista, tanquam persona justa, divinitus in via iniquitiae dirigenda : *Gressus meos*, quantum ad actionem voluntariam, pertinentem ad opera viatorum; *Dirige secundum eloquium tuum*, quantum ad directionem necessariam, attinentem ad onera mandatorum ; *Et non dominetur mei*, quantum ad dominationem nefariorum, spectantem ad sufferentiam tentatorum; *Omnis iniquitas*, quantum ad contaminationem multifariam, respicientem differentias peccatorum.

#### *VERSICULUS VI.*

134. *Redime me a calumniis hominum*, etc. Sicut per sapientiam Dei diriguntur justi, testificante versu praecedenti, sic per ipsam eriguntur elisi, teste praesenti, vel etiam redimuntur venditi, quod hic accipitur pro indifferenti : quisquis enim calumniis eliditur, dum eliditur, vilipenditur ; dum vilipenditur, pro vili venditur. Quid enim est vilipendere, nisi pro vili vendere? Sed dum calumnia perimitur, et elisus erigitur et venditus redimitur, fatuus mercator est calumniator, qui carum pro vili vendit, cum Deo charum hominem vilipendit. Propter elisionem, seu venditionem hujusmodi, solet mandatorum custodia praepediri. Unde Propheta, tanquam persona sic vendita, vel elisa, petit se redimi a venditionibus talibus talium vendorum, propter custodiā moralium mandatorum. Possimus itaque quatuor hic pensare, videlicet venditionis moralis causam quadruplicem : scilicet materialem, forma-

Vilipen-  
do, id est  
vilen-  
do.

<sup>7</sup> *Ecli.*, x, 8. — <sup>8</sup> *Psal. xxxi*, 5. — <sup>9</sup> *Sap.*, I, 15.

lem, efficientem, finalem : elisus pertinet ad causam materialem ; elisio, ad formalem ; elidens, ad efficientem ; effectus consequens, ad finalem.

#### *Articulus primus.*

Causa materialis tangitur, cum psallitur : *Redime me*, quasi pro vili venditum a vilipendente. Et nota, quod sicut innuitur in Scripturis, tales redimit Dominus tribus modis ; scilicet per judicium ultiōnis, beneficium consolationis, incendium dilectionis. In primo elidentis feritas judicio referitur ; in secundo elisi debilitas solatio delimitur ; in tertio fortis, ut lapis, dilectio non frangitur, sed ignitur, cum pro calumniantibus intervenitur. Quid enim est elisos pro elidentibus intervenire, nisi scintillas igneas ex elisis lapidibus exilire ? Primum per illud intelligitur, quod legitur<sup>1</sup> : « Sion in judicio redimetur. » Quod tunc implebitur, cum calumniator fidelium per Dei Filium perimetur. Secundum per illud innuitur, quod astruitur<sup>2</sup> : « Consolatus est Dominus populum suum, redemit Jerusalem. » Hic populus redimitur, cuius debilitas delimitur. Tertium per illud accipitur, quod aspicitur<sup>3</sup> : « In dilectione sua, et in indulgentia sua ipse redemit nos. » Sic redemit illos, quorum charitas elisa non excidit, sed clarius coruseavit.

#### *Articulus secundus.*

Causa formalis traditur, cum dicitur : *A calumniis* ; quoniam venditiones istae, quibus venduntur quae (a) vilpenduntur, et vilpenduntur qui calumniis eliduntur, sunt calumniae. Sed nota, quod calumnia tripliciter accipitur in Scriptura : interdum active ; interdum passive ; interdum active pariter et passive. Prima est calumnia facientis ; secunda, patientis ; tertia, diligentis. De prima<sup>4</sup> : « Audite verbum hoc, vaccae pingues, quae estis in monte Samariae : » videlicet praelati effeminati, impinguati, in sublimitate custodiae Samariae collocati, quia *Samaria* interpretatur custodia : sequitur : « quae calumniam facitis egenis, » scilicet non curantes de curandis criminibus, sed crumenis. Ecce calumnia facientis. De secunda dicitur<sup>5</sup> : « Congregamini super montes Samariae, et videte insanias multas in medio ejus, » scilicet quantum ad Ecclesiās seculares ; « et calumnias patientes in penetralibus ejus quantum ad Ecclesiās regulares. Ecce calumnia pa-

Calumnia  
Samariae  
plex.

<sup>1</sup> Isa., 1, 27. — <sup>2</sup> Isa., LII, 9. — <sup>3</sup> Isa., LXIII, 9. — <sup>4</sup> Amos, IV. — <sup>5</sup> Amos, III, 9. — <sup>6</sup> Osc., XII, 7. —

tientis. Calumnia talis est venditionis præmissæ causa formalis. De tertiâ<sup>6</sup> : « Chanaam, in manu ejus statera dolosa, calumniam dilexit. » Quid per Chanaam, nisi negotiator notatur ? Nam Chanaam negotiator interpretatur. Ecce calumnia diligentis.

#### *Articulus tertius.*

Causa efficiens explicatur, cum additur : *Hominum*. Qualium ? Plane non spiritualium, sed animalium : quia nimirum homines calumniis elidentes, elidendo vilipendentes, vilipendendo viliter venundantes, sunt animales, spiritum non habentes. Sunt autem ejusmodi, vel corde, vel ore, vel opere depravati : quorum primi dicuntur oculis obturati ; secundi, improperiis assueti ; tertii, vita delicati. De primo<sup>7</sup> : « Dixit homo, eujus obturatus est oculus : » iste sane depravatus est corde. De secundo<sup>8</sup> : « Homo assuetus in verbis improperiis, in omnibus diebus suis non eruditur : » iste quoque depravatus est ore. De tertio<sup>9</sup> : « Homo delicatus in te, et luxuriosus valde, invidet fratri suo : » hic aperte depravatus est opere.

#### *Articulus quartus.*

Causa finalis subnotatur, cum subditur : *Ut custodiam mandata tua* : nam intentio talium venditorum videtur irritatio mandatorum, et incitatio peccatorum, quibus nullatenus oportet eedere, sed mandata inviolabiliter observare. Et nota de mandatorum custodia, quod debet existere cum timore, cum amore, cum vigore ; contra tumidos, tepidos, et torpidos. De primo<sup>10</sup> : « Qui timent Dominum, custodiunt mandata illius : » ecce mandatorum custodia, cum timore. De secundo<sup>11</sup> : « Domine Deus cœli fortis, magne, atque terribilis, qui custodis pactum, et misericordiam cum iis qui diligunt te, et custodiunt mandata tua : » ecce mandatorum divinorum custodia cum amore. De tertio<sup>12</sup> : « Confortare, et esto vir fortis, et observa, ut custodias mandata Domini Dei tui : » ecce mandatorum Dei custodia cum fortilitudine, vel vigore.

#### *Epilogus.*

Ait ergo Propheta, tanquam persona sic vendita, divinitus redimenda ; vel elisa, divinitus erigenda : *Redime me*, quantum ad elisum, seu

<sup>7</sup> Num., XXIV, 3. — <sup>8</sup> Eccli., XXIII, 20. — <sup>9</sup> Deut., XXVIII, 54. — <sup>10</sup> Eccli., II, 21. — <sup>11</sup> II Esdr., I, 5. — <sup>12</sup> III Reg., II, 2, 3. — (a) Leg. qui.

Chanaam.

venditionis moralis causam materialem; *A calumniis*, quantum ad elisionem, seu causam formalem; *Hominum*, quantum ad elidentem, seu causam efficientem; *Ut custodiam mandata tua*, quantum ad effectum consequentem, seu causam finalem.

## VERSICULUS VII.

**135.** *Faciem tuam illumina*, etc. Quoniam modo sapientia divina justos dirigit, et etiam elisos erigit, in duobus praemissis versibus eniteat; quoniam pacto cœcos illuminat, hic eoruscatur. Plerunque Domino permittente, bonus activus per amorem terrenorum, quasi calorem stercorum, excœatur; sed denique, Domino visitante, per amaram compunctionem, tanquam fellis unctionem, curatur, et ad speculationem cœlestium revocatur. Ad hoc enim, quod obscuritas sapientiae per contemplationis perspicaciam declaretur, oportet quod impuritas intelligentiae per compunctionis amaritatem depuretur. Sub figura talis cœci videtur Prophetæ precari, quod divina declaretur obscuritas, et humana depuretur impuritas. Sicut ex dictis eminet, versus iste quatuor continet: obscuritatem, et ejus declarationem; impuritatem, et ejus depurationem. Obscuritas spectat ad sapientiam; declaratio, ad contemplationis perspicaciam; impuritas, ad intelligentiam; depuratio, ad compunctionis amaritatem.

*Articulus primus.*

Primum, scilicet obscuritatem sapientiae, insinuans, ait: *Faciem tuam*. Revera per faciem significatur sapientia, propter tria faciei accidentia, quæ sunt scientia, gratia, reverentia. Sicut enim homo exterior notificatur, gratificatur, magnificatur, propter faciei carnalis elegantiam; sic homo interior, propter sapientiam. De primo dixit Moyses Domino<sup>1</sup>: «Ostende mihi faciem tuam, ut sciam te: » ecce faciei scientia. De secundo sponsa dixit ad sponsum<sup>2</sup>: «Facies tua plena est gratiarum: » ecce faciei gratia. De tertio<sup>3</sup>: «Reveritusque faciem meam, seidisti vestimenta tua, et flevisti coram me; ego quoque exaudivi te, dicit Dominus: » ecce faciei reverentia. Haec est facies divina, quam angeli nobis velant, cum meditantibus divinam sapientiam non revelant, sicut propheticò figu-

ratur eloquio, ubi legimus<sup>4</sup>: «Duabus alis velabant faciem ejus. »

*Articulus secundus.*

Secundum, scilicet declarationem, indicans, inquit: *Illumina*. Faciem quippe Domini velut velatam petit illuminari, obscuram sapientiam declarari; quod efficitur per tertiam contemplationis actionem, quam dicimus illuminacionem. Hic potes notare, quod tripliciter continet illuminare, scilicet deponendo, disponendo, exponendo. Primo modo illuminatur ignorantia; secundo, intelligentia; tertio, sapientia. De primo dicitur ore propheticō<sup>5</sup>: «Illumina te nebras meas: » ecce illuminatio depositiva. De secundo seribitur stylo davidico<sup>6</sup>: «Tu illuminans lucernam meam: » ecce illuminatio dispositiva. De tertio legitur<sup>7</sup>: «Doctrinam, quasi antelucanum, illumino: » ecce illuminatio expositiva. Hoe modo sumitur *illuminare* in proposito.

*Articulus tertius.*

Tertium, scilicet impuritatem intelligentiae designans, dixit: *Super servum tuum*, quasi secretorum tuorum nescium; quia, sicut legimus<sup>8</sup>: «Servus nescit quid faciat dominus ejus. » Unde per servum innuit servilem et indispositum intellectum. Hic potest notari, quod servi dicuntur male dispositi, quantum ad vim rationabilem, concupiscibilem, irascibilem. Quocirea non competit eis eloquiis erudiri, deliciis enutririri, dominiis insigniri. De primo<sup>9</sup>: «Servus verbis non potest erudiri, » quantum ad dispositionem rationabilis. De secundo<sup>10</sup>: «Qui delicate a pueritia sua nutrit servum suum, postea sentiet cum contumacem, » quantum ad dispositionem concupiscibilis. De tertio<sup>11</sup>: «Non decent stultum deliciae, nec servum dominari principibus, » quantum ad dispositionem irascibilis.

*Articulus quartus.*

Quartum, scilicet depurationem coadunans, concludit: *Et justificationes tuas doce me*. Istæ namque justificationes sunt animæ purificaciones, ad compunctionis amaritatem pertinentes, quas petit doceri, hoc est, quantum ad varias ipsius differentias admoneri. Hic potes notare, quod Dominus videtur tripliciter haec docere: videlicet docendo nos orare, plorare, in agro corporis laborare; quatenus purificetur orando

<sup>1</sup> Exod., xxxiii, 13. — <sup>2</sup> Esth., xv, 17. — <sup>3</sup> II Paral., xxxiv, 27. — <sup>4</sup> Isa., vi, 2. — <sup>5</sup> Psal. xvii, 32. —

<sup>6</sup> Ibid. — <sup>7</sup> Eccl., xxiv, v4. — <sup>8</sup> Joan., xv, 15. — <sup>9</sup> Prov., xxix, 19. — <sup>10</sup> Ibid., 21. — <sup>11</sup> Prov., xix, 10.

vituperabilis actus, plorando macula, laborando reatus. De primo<sup>1</sup>: « Domine, doce nos orare : » ecce doctrina orandi. De secundo<sup>2</sup>: « Præcepit ut docerent filios Iuda planetum : » ecce doctrina plorandi. De tertio<sup>3</sup>: « Interrogajumenta, et docebunt te : » ecce doctrina laborandi.

#### Epilogus.

Ait ergo Psalmographus, tanquam cæcus divinitus illuminandus: *Faciem tuam*, quantum ad sapientiae obscuritatem; *Illumina*, quantum ad contemplationis declarationem; *Super seruum tuum*, quantum ad intelligentie impuritatem: *Et doce me justificationes tuas*, quantum ad compunctionis depurationem.

#### VERSICULUS VIII.

**136.** *Exitus aquarum deduxerunt*, etc. Lectione sapientiæ tripartita tribus præmissis versibus expedita, subsequitur actio quarta, per quam solvitur anima compedita. Notandum igitur, qualiter anima compeditur, et qualiter expeditur: compediri dicitur per spiritum erroris; expediti dignoscitur per spiritum mœroris: quia spiritus erroris rapit de bonis hominis interioris, quæ sunt bona moralia; sed spiritus mœroris id exsolvit de bonis hominis exterioris, quæ sunt bona naturalia: et sic animam, quam ille compedivit, hic expedit, quia quod ille rapuit, hic exsolvit. Quod ille rapuit per indebitam actionem, hic exsolvit per debitam passionem. Hoc liquido protestatur Prophetæ loquendo, tanquam persona taliter expedita: *Exitus aquarum*, etc.; ac si voce loqueretur expressa: Solutum est per spiritum mœroris de bonis hominis exterioris, quod raptum fuerat per spiritum erroris de bonis hominis interioris. Quatuor igitur hic notantur: utputa solutio, et rapina, naturalia, et moralia bona. Quorum primum interest spiritus mœroris, secundum spiritus erroris, tertium hominis exterioris, quartum hominis interioris.

Aoima  
quomo-  
do com-  
peditur,  
et expe-  
ditur.

#### Articulus primus.

Solutionem prænotavit Psalmus, cum ait: *Exitus aquarum*, id est, fluxus lacrymarum. Talem solutionem, scilicet lacrymarum resolutionem solvit spiritus mœroris per oculos, quasi per loculos peccatoris. Pretiosa est in-

<sup>1</sup> *Luc.*, xi, 1. — <sup>2</sup> *II Reg.*, i, 18. — <sup>3</sup> *Joh.*, xii, 7. — <sup>4</sup> *Psal.*, cvi, 35. — <sup>5</sup> *Ibid.*, 33. — <sup>6</sup> *Eccli.*, xxv, 34, 35.

conspectu Domini pecunia talis, qualis est acermonia lacrymalis. Sed nota, quod talium exitus aquarum triplicatur, secundum tria genera personarum. Inveniuntur enim exitus aquarum, seu fluxus lacrymarum interdum in personis pœnitentibus, et continentibus; interdum in personis pœnitentibus, sed non continentibus; interdum in personis nec pœnitentibus, nec continentibus. Primum aquarum exitum sequitur fertilitas; secundum, sterilitas; tertium, utilitas. Primus aquarum exitus est, de quo scribit Psalmographus<sup>4</sup>: « Posuit desertum in stagna aquarum, et terram sine aqua in exitus aquarum : » in quo describitur status pœnitentium a peccatis abstinentium. Secundus aquarum exitus est, de quo psallimus<sup>5</sup>: « Posuit flumina in desertum, et exitus aquarum in sitim ; » in quo notatur status pœnitentium, non tamen continentium. Tertius aquarum exitus est, de quo legimus<sup>6</sup>: « Non des aquæ tuæ exitum, nec modicum ; nec mulieri nequam veniam prodeundi. Si non ambulaverit ad manum tuam, confundet te in conspectu inimicorum. » In quo signatur status impœnitentium, et incontinentium, qui non debent dare exitum aquæ concepientiæ, vel ineptæ lætitiae, sicut nec vir mulieri lascivæ.

#### Articulus secundus.

Bona naturalia demonstravit, cum dixit: *Deduxerunt oculi mei*. Hi sunt oculi naturales, quasi loculi corporales ad exteriorem hominem attinentes, solutionem debitam deducentes. Et nota, quod oculi debent aquas lacrymarum deducere propter tria: propter vulnerationem, propter vastationem, propter captivationem: quorum primum spectat ad bona naturalia; secundum, ad bona moralia; tertium, ad mala mortalia. De primo<sup>7</sup>: « Deducant oculi mei lacrymam per noctem et diem, et non taceant; quoniam contritione magna contrita est virgo filia populi mei plaga pessima vehementer : » ecce oculi deductivi lacrymarum propter vulnerationem naturalium. De secundo<sup>8</sup>: « Deducant oculi nostri lacrymas, et palpebræ nostræ defluant aquis; quia vox lamentationis audita est de Sion, quomodo vastasti sumus : » ecce oculi lacrymarum deductivi propter vastationem moralium. De tertio<sup>9</sup>: « Divisiones aquarum deduxerunt oculi

<sup>7</sup> *Jerem.*, xiv, 17. — <sup>8</sup> *Jerem.*, ix, 18, 19. —

<sup>9</sup> *Thren.*, III, 48, 52.

mei in contritione filiae populi mei : venatione cuperunt me, quasi avem inimici mei gratis. : » ecce oculi lacrymarum deductivi, propter mortalia animam captivantia.

*Articulus tertius.*

Rapinam annotavit, cum addidit : *Quia non custodierunt*; ac si diceret : Propterea solverunt emendam oculi hominis exterioris, quia non custodierunt bona hominis interioris, introducendo raptorem, scilicet spiritum erroris; et ita bona naturalia ad hominem exteriorem pertinentia lacrymas deduxerunt, quia custodire bona moralia ad hominem interiorem attinentia neglexerunt. Et nota, quod nonnulli sunt, qui Domini mandata non custodiunt, quia nesciunt, quia negligunt, quia nolunt; sicut mendaces, sicut desides, sicut contumaces. De primo<sup>1</sup> : « Qui dicit se nosse Deum, et mandata ejus non custodit, mendax est : » ecce non custodia nescientis. De secundo<sup>2</sup> : « Quare non custodisti dominum tuum regem ? » ecce non custodia negligentis, seu dormientis. De tertio dixit Dominus ad Moysen<sup>3</sup> : « Usquequo non vultis custodire mandata mea, et legem meam ? » ecce non custodia non voluntis, scilicet populi contumacis.

*Articulus quartus.*

Bona moralia subnotavit, cum subdidit ; *Legem tuam*, quantum ad moralem observantiam. Et nota, quod haec est lex materna, lex interna, lex æterna; propter Ecclesiam imperantem, propter gratiam inviserantem, propter gloriam remunerantem. De primo<sup>4</sup> : « Ne dimittas legem matris tue : » ecce lex materna propter Ecclesiam imperantem. De secundo dicit Dominus<sup>5</sup> : « Dabo legem meam in visceribus eorum : » ecce lex interna propter gratiam inviserantem. De tertio<sup>6</sup> : « Ille liber mandatorum Dei, et lex quæ est in æternum : » ecce lex æterna propter gloriam remunerantem.

*Epilogus.*

Loquens ergo Prophetæ, tanquam persona prius compedita, postmodum expedita, interiorius absoluta, quoniam exterius resoluta, dicit: *Exitus aquarum*, quantum ad emendam factam per spiritum mœroris; *Deduxerunt oculi mei*, quantum ad bona naturalia hominis exterioris;

*Quia non custodierunt*, quantum ad rapinam factam per spiritum erroris; *Legem tuam*, quantum ad bona moralia hominis interioris.

*VERSICULUS IX.*

137. *Justus es, Domine*, etc. Praecedens octonarius disputavit de divina sapientia; præsens octonarius disputabit de divina justitia. Nam de justitia dispositiva differret quaternarius prior; de justitia diffinitiva, posterior. Justitia vero dispositiva quatuor habet filias : videlicet prohibitivam, præceptivam, comminativam, promissivam, totidem versibus conjugatas. Prohibitiva justitia, primo versui copulata, prohibet omne vitium per quadruplex prohibitum : per externum, per supernum, per internum, per infernum; scilicet per justum, per dominium, per rectum, per judicium. Quæris quale ? per justum legale, per dominium regale, per rectum rationale, per judicium gehennale.

*Articulus primus.*

Justum legale proditur, cum psallitur : *Justus es*, quia justa jubes; justas condis leges, omnem injustitiam prohibentes. Et nota de divina justitia, quod legitur tripariita : scilicet erectiva, effectiva, neglectiva. Prima dicitur justitia sancientis; secunda, justitia facientis; tertia, justitia patientis. De prima<sup>7</sup> : « Rex justus erigit terram : » ecce justitia erectiva. De secunda<sup>8</sup> : « *Justus es in omnibus, quæ fecisti nobis* : » ecce justitia effectiva. De tertia<sup>9</sup> : « Qui negligit damnum propter amicum, justus est : » ecce justitia neglectiva.

*Articulus secundus.*

Dominium regale promittur, cum canitur : *Domine*. Magna profecto viliorum est prohibitio, illius Domini consideratio, cuius omnia substernunt dominio. Et notandum circa prædictum dominium, quod est, secundum Scripturæ testimonium, omnia potens, omnia circumspiciens, omnia, quæ vult, faciens. Quapropter omnes, et singuli sunt substrati ejus potentiae, ejus notitiae, ejus voluntati. De primo<sup>10</sup> : « Respondens Job Domino dixit: Scio, quia omnia potes : » ecce Dominus omnia potens. De secundo<sup>11</sup> : « Oculi Domini multo plus lucidiores super

<sup>1</sup> *1 Joan.*, II, 4. — <sup>2</sup> *I Reg.*, XXVI, 15. — <sup>3</sup> *Exod.*, XVI, 28. — <sup>4</sup> *Prov.*, I, 8. — <sup>5</sup> *Jerem.*, XXXI, 33. —

<sup>6</sup> *Bar.*, IV, 1. — <sup>7</sup> *Prov.*, XXIX, 4. — <sup>8</sup> *Dan.*, III, 27. — <sup>9</sup> *Prov.*, XII, 26. — <sup>10</sup> *Job*, XLII, 2. — <sup>11</sup> *Ecclesi.*, XXIII, 28.

solem, circumspicientes omnes vias hominum, » etc.: ecce Dominus omnia circumspiciens. De tertio scribitur<sup>1</sup>: « Omnia, quæcumque voluit, Dominus fecit; » ecce Dominus omnia, quæ vult, faciens.

#### *Articulus tertius.*

Rectum rationale proponitur, cum profertur: *Et rectum.* Qualiter rectum? Secundum internum rationis arbitrium, vel aspectum. Nam proculdubio quælibet tam interior, quam exterior actio rectificari dignoscitur mediante interno rationis arbitrio. Unde notandum circa rectitudinem rationis, quod, sicut legitur in Scripturis, est rectitudo visionis, est rectitudo prædicationis, est rectitudo operationis, procedens a rectitudine rationis: prima mentalis; secunda vocalis; tertia manualis. De primo<sup>2</sup>: « Oculi tui videant recta: » ecce rectitudo visionis. De secundo<sup>3</sup>: « Aperientur labia mea, ut recta prædicent: » ecce rectitudo prædicationis. De tercio<sup>4</sup>: « Qui mundus est, rectum opus ejus: » ecce rectitudo operationis. Unde nimis recte prohibetur vitium, cum rectum perhibetur (a) ejus supplicium per recte rationis arbitrium.

#### *Articulus quartus.*

Judicium gehennale pronuntiatur, cum sequitur: *Judicium tuum*, hoc enim judicium est gehennale supplicium. O quam dura prohibitio est hæc consideratio! Quicunque tali prohibitorio non prohibetur, non surdus, sed mortuus esse videtur. Et nota, quod, sicut traditur in Scriptura, judicium tale dicitur judicium mortale, judicium gehennale, judicium æternale. Quæris, quare: quia interminabile. De primo<sup>5</sup>: « Non est viro huie judicium mortis, quia in nomine Domini Dei nostri loculus est ad nos: » ecce judicium mortale. De secundo<sup>6</sup>: « Genimina viperarum, quomodo fugielis a judicio gehennæ? » ecce judicium gehennale. De tertio<sup>7</sup>: « Intermittentes inchoationis Christi sermonem, ad perfectionem feramur; » et infra: « Resurrectionis mortuorum, et judicij æterni: » ecce judicium æternale.

#### *Epilogus.*

Ait ergo Propheta, quadruplicem prohibitio nem explicans per hæc verba: *Justus es, quan-*

<sup>1</sup> *Psal.* cxxxiv, 6. — <sup>2</sup> *Prov.*, iv, 23. — <sup>3</sup> *Prov.*, viii, 6. — <sup>4</sup> *Prov.*, xxii, 8. — <sup>5</sup> *Jerem.*, xxvi,

tum ad justum legale, prohibens exterius in libris legalibus; *Domine*, quantum ad dominium regale, prohibens superius; *Et rectum*, quantum ad rectum rationale, prohibens interius; *Judicium tuum*, quantum ad judicium gehennale, prohibens inferius.

#### *VERSICULUS X.*

138. *Mandasti justitiam*, etc. Si quis abhorreat gravitatem justitiae prohibitive in versu traditani præcedente, audiat suavitatem justitiae præceptivæ propositam in præsenti. Sicut enim sponsus carissimus mandat sponsæ carissimæ mandata carissima ex charitate maxima, sic Deus mandat animæ mandata nimis amabilia, præ charitate nimia. Quod ut clarius videatur, attendamus quid Propheta super hoc fateatur. Plane prophetica sic cantat littera: *Mandasti*, etc., quasi dicat: Mandasti operabile, quod est amabile super omnia operabilia; et credibile, quod est amabile super omnia credibilia; et desiderabile, quod est amabile super omnia desiderabilia ex charitate nimia. Ecce mandatum animæ carissimum operabile, carissimum credibile, carissimum desiderabile ex nimia charitate: quorum primum pertinet ad virtutem animæ effectivam; secundum ad intellectivam; tertium ad affectivam; quartum ad charitatis prærogativam.

#### *Articulus primus.*

Primum notatur, cum scribitur: *Mandasti justitiam*. Ecce operabile, quod est amabile super omnia operabilia. Quid enim operanti amabilius, aut amanti operabilius, quam justitia quæ continent universa bona moralia? Et nota, quod justitia est amabilis, et amabiliter operabilis, propter tria: quia facit animam Deo caram, animam Deo cariorem, animam Deo carissimam; tanquam amicam, tanquam filiam, tanquam sponsam. De primo, ubi dicitur de opere Abraham<sup>8</sup>: « Reputatum est illi ad justitiam, et amicus Dei appellatus est: » ecce justitia, faciens animam Dei amicam. De secundo<sup>9</sup>: « Omnis, qui facit justitiam, ex ipso, » scilicet Deo, « natus est: » ecce justitia faciens animam Dei filiam. De tertio<sup>10</sup>: « Sponsabo te mihi in

16. — <sup>6</sup> *Matth.*, xxiii, 33. — <sup>7</sup> *Hebr.*, vi, 1, 2. — <sup>8</sup> *Jac.*, ii, 23. — <sup>9</sup> *I John.*, ii, 29. — <sup>10</sup> *Ose.*, ii, 19.

(a) *Cæt. edit.* prohibetur.

justitia : » ecce justitia faciens animam Dei sponsam.

#### *Articulus secundus:*

Secundum subnotatur, cum subditur: *Testimonia tua*. Ecce credibile, quod est amabile super omnia credibilia. Quid enim credenti amabilius, aut amanti credibilis, quam sapientiae testimonia? Si enim sapientes sunt propter sapientiam credibiles, multo magis credibilis est ipsa sapientia. Et nota, quod divina testimonia sunt amabilia, et amabiliter credibilia, propter tria: tum quia sublevantia; tum quia illuminantia; tum quia delectantia: quia nimis mentes (*a*) sublevant, rationem illuminant, affectionem delectant. De primo<sup>1</sup>: « Super omnes docentes me intellexi, quia testimonia tua meditatio mea est: » in quo mentis sublevatio. De secundo<sup>2</sup>: « Me expectaverunt peccatores, ut perderent me; testimonia tua intellexi: » in quo rationis illuminatio. De tertio supra<sup>3</sup>: « In via testimoniorum tuorum delectatus sum: » in quo affectionis delectatio.

#### *Articulus tertius.*

Tertium annotatur, cum additur: *Et veritatem tuam*. Ecce desiderabile, quod est amabile super omnia desiderabilia. Quid enim desideranti amabilius, aut amanti desiderabilis, quam divinæ veritatis essentia, cuius evidētia est omnis mali absentia, et omnis boni præsentia? Et nota, quod veritas divina est amabilis, et amabiliter desiderabilis, propter tria: propter veritatis prime beatissimam evidētiam, suavissimam complacentiam, et sempiternam permanentiam: in quorum primo consummabitur nostræ beatitudine intelligentiæ; in secundo, voluntatis; in tertio, memoriæ. De primo scribitur<sup>4</sup>: « Omnes homines vult salvos fieri, et ad agnitionem veritatis venire: » ecce primæ veritatis beatissima evidētia. De secundo per Psalmistam dicitur<sup>5</sup>: « Complacui in veritate tua: » ecce primæ veritatis suavissima complacentia. De tertio per Prophetam psallit<sup>6</sup>: « Veritas Domini manet in æternum: » ecce primæ veritatis sempiterna permanentia.

#### *Articulus quartus.*

Quartum denotatur, cum dicatur: *Nimis*, id est, charitate nimia: ecce charitatis prærogativa,

<sup>1</sup> Psal. hoc, 99. — <sup>2</sup> Ibid., 95. — <sup>3</sup> Ibid., 14. — <sup>4</sup> 1 Tim., 11, 4. — <sup>5</sup> Psal. xxv, 3. — <sup>6</sup> Psal. cxvi, 2.

quæ mandata divina facit nimium amabilia; quia nimis est amabile, quod mandatur nimis amabili (*b*) nimia charitate. Et nota, quod nimetas ista facit mandatum nimis facile, peccatum nimis difficile, judicium nimis terribile: primum quidem propter nimiam mandatoris dulcedinem; secundum autem propter nimiam peccatoris ingratitudinem; tertium tandem propter nimiam Judicatoris, et Vindicatoris formidinem. De primo<sup>7</sup>: « Latum mandatum tuum nimis: » ecce mandatum nimis facile. De secundo dixit David ad Dominum<sup>8</sup>: « Peccavi nimis, ut hoc facerem: » ecce peccatum nimis difficile. De tertio<sup>9</sup>: « Juxta est dies Domini magnus, juxta est, et velox nimis: » ecce judicium nimis terribile.

#### *Epilogus.*

Patet itaque suavitas præceptivæ, Psalmographo sic dicente: *Mandasti justitiam*: ecce charissimum operabile, pertinens ad effectivam; *Testimonia tua*: ecce charissimum credibile, attinens ad intellectivam; *Et veritatem tuam*: ecce charissimum desiderabile, spectans ad affectivam; *Nimis*, ecce amoris nimetas, respiciens ad charitatis prærogativam.

#### *VERSICULUS XI.*

139. *Tabescere me fecit zelus meus*, etc. Justitiam præceptivam elucidavit versus præcedens; justitiam comminatorem elucidat versus præsens. Hæc est justitia terribilis, per quam Dominus comminatur suis terribiliter inimicis, siue patet, ubi dicit Dominus ore prophetico<sup>10</sup>: « Comminatus sum, ut effunderem furorem meum super eos. » Unde mirabile, et mirabiliter miserabile videtur, quod talis comminatio semper in memoria non habetur. Propterea dicit: *Tabescere*, etc., quasi dicat: Motus sum misericordia super inimicorum vecordia, quia non habent in memoria verba Dei comminatoria. Quatuor ergo notantur in proposito: misericordia prophetica, memoria lubrica, verba terrifica, vecordia inimica. Primum laudabile; secundum vituperabile, tertium formidabile; sed quartum detestabile.

#### *Articulus primus.*

Primum patet, cum dicatur: *Tabescere me* — <sup>7</sup> Psal. hoc, 96. — <sup>8</sup> 1 Paralip., xxii, 8. — <sup>9</sup> Sophon., I, 14. — <sup>10</sup> Ezech., xx, 21.

(a) Leg. mentem. — (b) Leg. amabilis.

**David.** *fecit zelus meus.* Hic est zelus davidicus. David autem interpretatur misericors, vel amieus. Quis est ergo zelus iste, nisi zelus misericordiae? Talis zelus dicitur tabefaciens, seu liquefaciens, quia compatiens. Notandum itaque quod est **zelus triplex.** zelus misericordiae, justitiae, sapientiae: primus dicitur compatiens; secundus faciens; tertius audiens. De primo<sup>1</sup>: « Miserebor omnis dominus Israel, et assumam zelum pro nomine meo sancto: » ecce zelus misericordiae, assumptivus alienae miseriae. De secundo<sup>2</sup>: « Super solium David sedebit, et super regnum ejus, ut confirmet illud, et corroboret in judicio, et justitia, amodo, et usque in sempiternum: zelus Domini exercituum faciet hoc. » Ecce zelus justitiae. De tertio<sup>3</sup>: « Annis zeli audit omnia. » Tali est auris auditoris sapientiae zelatoris. Ecce zelus sapientiae.

#### Articulus secundus.

Secundus liquet, cum scribitur: *Quia obliiti sunt.* Quid enim est oblio, nisi memoriae lubricatio? Et nota, quod vituperabilis est memoria, quæ quatuor memorabilium est obliterata, scilicet divinae præceptionis, prohibitionis, promissionis, et comminationis, propter periculum omissionis, commissionis, amissionis, et admissionis. De primo dicitur<sup>4</sup>: « Si obliiti sumus nomen Dei nostri, et si expandimus manus nostras ad Deum alienum. » Illic oblio refertur ad præceptionem, expansio ad prohibitionem. De secundo<sup>5</sup>: « Fecerunt malum in conspectu Domini, et obliiti sunt Dei sui, servientes Baalim. » Hic oblio refertur ad prohibitionem. De tertio scribitur a Psalmographo<sup>6</sup>: « Obliti sunt Deum, qui salvavit eos, » supple, in spe. Hic refertur oblio ad promissionem. De quarto<sup>7</sup>: « Adimpleti sunt, et saturati elevaverunt cor suum, et obliiti sunt mei, et ego ero eis quasi leæna, sicut pardus in via Assyriorum. » Hic refertur oblio ad comminationem.

#### Articulus tertius.

Tertium lucet, cum traditur: *Verba tua.* Hæc sunt verba comminatoria, et ideo digna memoria, præcipue propter tria: tum quia sunt verba fidelia, verba formidabilia, verba interminabilia: plane fidelia, quantum ad tenorem

eloquii; sed formidabilia, quantum ad rigorem judicii; sed interminabilia, quantum ad dolorem supplicii. De primo per Psalmistam dicitur<sup>8</sup>: « Fidelis Dominus in omnibus verbis suis: » ergo et in verbis comminatoriis: ecce verba fidelia, seu credibilia. De secundo per Prophetam psallitur<sup>9</sup>: « A verbis tuis formidavit cor meum, » et maxime a comminatoriis: ecce verba formidabilia. De tertio<sup>10</sup>: « Verba mea non præteribunt: » ecce verba interminabilia; quia proculdubio manet comminatio, manente comminato supplicio.

#### Articulus quartus.

Quartum claret, cum sequitur: *Inimici mei.* Qui sunt illi, quos inimicos dicebat, super quoniam vecordia tabescerat, nisi quos inimicos Domini cognoscerat? Ita profecto probatur ipsius testimonio; ait enim<sup>11</sup>: « Nonne qui oderunt te, Domine, oderam, et super inimicos tuos tabescerabam? Perfecto odio oderam illos, et inimici facti sunt milii. » Dei vero sunt inimici, qui hujus saeculi sunt amici, quia, sicut scribitur<sup>12</sup>, « quicumque voluerit amicus esse hujus saeculi, inimicus Dei constitutus. » Quæ vero major vecordia, quam amicitiam divinam contemnere pro mundana? Et nota, quod tales inimici distinguuntur distinctione triplici: nam alii dicuntur infirmati, alii locupletati, alii exaltati; et sunt trimembri concupiscentia irrelata: quidam, concupiscentia carnis; quidam, concupiscentia oculorum; quidam, superbia vite. De primis legitur<sup>13</sup>: « Qui tribulant me inimici mei, ipsi infirmati sunt, et ceciderunt: » ecce inimici infirmati, quorum infirmitate et lubricitate dignoscitur Ecclesia tribulari. De secundis<sup>14</sup>: « Facti sunt hostes ejus in capite ejus, et inimici ejus locupletati sunt: » ecce inimici locupletati, quales sunt nonnulli principes et prælati, vacantes cupiditat potius, quam charitati. De tertii scribitur a Psalmographo<sup>15</sup>: « Inimici Domini mox, ut honorificati fuerint, et exaltati, deficientes, quemadmodum fumus, deficient: » ecce inimici exaltati, quorum culpa et pœna connotantur in verbo præsenti.

#### Epilogus.

Ait ergo Psalmographus, divinam commina-

<sup>1</sup> *Ezech.*, xxxix, 25. — <sup>2</sup> *Isa.*, ix, 7. — <sup>3</sup> *Sap.*, i, 10. — <sup>4</sup> *Psal.* XLIII, 21. — <sup>5</sup> *Judic.*, III, 7. — <sup>6</sup> *Psal.* CV, 21. — <sup>7</sup> *Ose.*, XIII, 6, 7. — <sup>8</sup> *Psal.* CXLIV, 13. —

<sup>9</sup> *Psal.* hoc, 161. — <sup>10</sup> *Matth.*, XXIV, 35. — <sup>11</sup> *Psal.* CXXXVIII, 21, 22. — <sup>12</sup> *Jac.*, IV, 4. — <sup>13</sup> *Psal.* XXVI, 2. — <sup>14</sup> *Thren.*, I, 5. — <sup>15</sup> *Psal.* XXXVI, 20.

tionem, et humanam oblivionem mirabiliter miseratus : *Tabescere me fecit zelus meus* : ecce misericordia prophetica, quæ est laudabilis ; *Quia oblii sunt* : ecce memoria lubrica, quæ vituperabilis ; *Verba tua* : ecce comminatio terrifica, quæ formidabilis ; *Inimici mei* : ecce vecordia inimica, quæ est detestabilis.

## VERSICULUS XII.

140. *Ignitum eloquium*, etc. Post acerbitatem iustitiae comminativa, subjungit Propheta sua-

Justitia suaviter attractiva. vitatem promissivæ. Hæc est justitia suaviter attractiva, quæ totum trahit hominem, tam interiorem, quam exteriorem, per desiderium et amorem. Sic trahebat ipsum Psalmographeum, qui dicebat : *Ignitum*, etc. Quid enim aliud sonat hæc littera, nisi quod homo interior trahitur per ardorem, et homo exterior per amorem ? Nam nulli dubium, quod prædictum eloquium non tantum ignitum est, sed auditum ; nec ullum igniret, si nullus audiret. Unde quatuor actus connotat iste versus, scilicet actum igniendi, audiendi, serviendi, et diligendi : quorum primus ad ardorem, secundus ad hominem interiorem, tertius ad exteriorem, quartus attinet ad amorem. Quis enim eloquii cœlestis auditor, nisi homo interior ? quis servitor, nisi homo exterior ? quid ignitio, nisi ardor ? quid dilectio, nisi amor ?

## Articulus primus.

Igniendi actus proponitur, cum scribitur : *Ignitum vehementer*, supple, active, non passive. Alter enim competit ignitum eloquio, aliter desiderio : quoniam eloquio congruit active, sed desiderio passive. Nec enim ignitum hic vocatur eloquium, nisi quoniam ignit desiderium. Et nota, quod invenimus ignitum desiderium tripartitum; videlicet desiderium tentationis, reluctanceis, et remunerationis. Unde legimus ignitum serpentem, clypeum, sermonem. De primo<sup>1</sup> : « Misit Dominus in populum ignitos serpentes. » Tales serpentes tentatores sunt, qui concupiscentias incendere inardescunt. Talium ergo desiderium est ignitum circa malum culpæ. De secundo<sup>2</sup> : « Clypeus fortium ignitus. » Moraliter tales clypei, fortes affectiones sunt, quæ tela diabolica extinguere inandescunt. Talium ergo desiderium est igni-

tum circa bonum gratiæ. De tertio<sup>3</sup> : « Omnis sermo Dei ignitus clypeus est omnibus sperantibus in se. » Tales præcipue sermones cœlestium promissiones sunt, quibus igniti milites Christi nulla pericula pertimescent. Talium ergo desiderium est ignitum circa bonum gloriæ.

## Articulus secundus.

Audiendi actus supponitur, cum subditur : *Eloquium tuum*, scilicet auditum per hominem interiorem, et ideo trahens ipsum per desiderii fervorem. Et nota circa eloquium beatitudinis promissivum, quod est desiderabile homini interiori, quantum ad gressum, visum, gustum, propter summum bonum consequendum, videndum, fruendum. De primo<sup>4</sup> : « Gressus meos dirige secundum eloquium tuum. » Hic desideratur eloquium ratione mandati complendi, et præmii consequendi. De secundo<sup>5</sup> : « Defecerunt oculi mei in eloquium tuum : » hic desideratur eloquium respectu summi boni videndi. De tertio<sup>6</sup> : « Quam dulcia fauibus meis eloquia tua ! » hic desiderantur eloquia ratione summi boni fruendi.

## Articulus tertius.

Serviendi actus interponitur, cum inseritur : *Et servus tuus*. Servus iste, ni fallor, est homo exterior, qui non tantum Creatoris, sed etiam interioris hominis est servitor. Si quereris in quibus; specialiter in tribus : in eo, quod sensatus, disciplinatus, operibus inclinatus. Quantum ad primum, servit intellectivæ; quantum ad secundum, affectivæ; quantum ad tertium, effectivæ. De primo<sup>7</sup> : « Servus sensatus sit tibi dilectus, quasi anima tua ; » quoniam a sensibus incipit cognitio intellectiva : ecce servus sensatus intellectivæ. De secundo<sup>8</sup> : « Panis et disciplina, et opus servo : » hoc est disciplina exteriorum sensum, per quam adjuvatur disciplina interiorum affectuum : ecce servus disciplinatus serviens affectivæ. De tertio<sup>9</sup> : « Servum inclinant operationes assidue : » hæc inclinatio est ad ministerium effectivæ prædispositio : ecce servus inclinatus serviens effectiva.

## Articulus quartus.

Diligendi actus subterponitur, cum subsequitur : *Dilexit illud*. Ecce amor, quo trahitur homo exterior. Sed nota triplicem amorem,

Homo exterior, servus interior.

Amor triplices, quo ho-

<sup>1</sup> Num., xxi, 6. — <sup>2</sup> Nah., ii, 3. — <sup>3</sup> Prov., xxx, 5.

— <sup>4</sup> Psal. hoc, 133. — <sup>5</sup> Ibid., 82. — <sup>6</sup> Ibid., 103. —

— <sup>7</sup> Eccli., vii, 23. — <sup>8</sup> Eccli., xxxiii, 25. — <sup>9</sup> Ibid. 27.

mo exte- per quem amat homo exterior Salvatorem.  
rior Homo quidem exterior, cum sit creatus, ani-  
amat, rationis arbitrio subjugatus, habet amo-  
rem. rationalem, animalem, rationalem : qua-  
propter diligit naturaliter, animaliter, rationa-  
liter, suum factorem, suum dilectorem, suum  
clarificatorem. De primo <sup>1</sup> : « Dilige eum qui te  
fecit : » ecce dilectio faectoris. De secundo <sup>2</sup> :  
« Diligamus Deum, quoniam ipse prior dilexit  
nos : » ecce dilectio dilectoris. De tertio <sup>3</sup> :  
« Qui diligunt te, sicut sol splendet, ita rutilent : »  
ecce dilectio clarificatoris. Ille autem deo sine  
præjudicio veritatis, tanquam sectator pietatis,  
magis quam proprietatis.

## Epilogus.

Ait ergo Propheta, quasi attractus divinitus  
mediante justitia promissiva : *Ignitum vehemen-  
ter*, quantum ad actum igniendi, qui pertinet  
ad ardorem; *Eloquium tuum*, quantum ad ac-  
tum audiendi, qui pertinet ad hominem inter-  
iorem : *Et servus tuus*, quantum ad actum ser-  
viendi, qui pertinet ad hominem exteriorum;  
*Dilexit illud*, quantum ad actum diligendi, qui  
pertinet ad amorem. Ae si dicatur : *Eloquium  
tuum*, quod audit homo interior, *Est ignitum  
vehementer*, id est, ipsum attrahit per ardorem;  
*Et servus tuus*, id est homo exterior, *Dilexit il-  
lud*, id est attrahitur per amorem.

## VERSICULUS XIII.

141. *Adolescentulus sum ego*, etc. Hactenus justitia  
dispositiva disposuit, qualiter operandum; tem-  
pus est ut justitia diffinitiva diffiniat qualiter re-  
munerandum. Ille est justitia finiens, et diffi-  
niens, terminans, et determinans causas univer-  
sas, tam prosperas, quam adversas, secundum  
quatuor sententias totidem versibus annotatas :  
quarum prima est humilium sublimatio; se-  
cunda, sublimium humiliatio; tertia, patien-  
tium coronatio; quarta, impatientium condem-  
natio. Primam sententiam enucleat primus ver-  
sus, in quo Psalmographus, tanquam in divino  
judicio constitutus, conscientiae sue librum  
aperit, et justitiae debitum emolumenntum ex-  
quirit, dicens : *Adolescentulus*, etc., quasi paten-  
ter inquiens : Ego parvulus in oculis meis, et  
in oculis alienis, qui tibi credidi, oblivioni non  
tradidi. Quatuor ergo sunt, quæ super hoc pen-

sari possunt : humilitas implicita, humilitas ex-  
plicita, merees deposita, et spes reposita. Ecce  
bonum interius, bonum exterius, bonum super-  
rius, bonum inferius.

## Articulus primus.

Primum indicatur, cum scribitur : *Adolescen-  
tulus sum ego*. Per adolescentulos, qui sunt hu-  
miles humilitate corporali, vel forinseca, signi-  
fieantur humiles humilitate morali, vel intrin-  
seca. Sed notandum, quod leguntur adolescenti-  
tuli perfecti, imperfecti, despecti : per quos  
notantur humiles virtuosi, duplices, vel dolosi.  
De primis psallimus <sup>4</sup> : « Ibi Benjamin adoles-  
centulus in mentis excessu : » ecce adolescenti-  
tulus perfectus, tum propter nominis increpati-  
onem, quoniam filius dexteræ interpretatur ;  
tum propter mentis excessiōnem, quæ contem-  
platiæ perfectioni non incongrue deputatur. De  
secundariis dicit ita Lamech, qui interpretatur <sup>Lamech.</sup>  
humilis, vel humiliatio <sup>5</sup> : « Oecidi virum in  
vulnus meum, et adolescentulum in livorem  
meum : » ecce adolescentulus per humiliatio-  
nem interfactus. De tertii <sup>6</sup> : « Super adoles-  
centulis ejus non delectabitur Dominus, et pu-  
pillorum et viduarum ejus non miserebitur;  
quia omnis hypoerita est nequam : » ecce  
adolescentuli propter simulationem despecti.

## Articulus secundus.

Secundum intimatur, cum dicitur : *Et con-  
temptus*, scilicet ab aliis, et sic humiliis in oculis  
alienis. Hic potest notari, quod diversi diver-  
simode sunt contempti : legitur enim contem-  
ptus servus, contemptus sensatus, contemptus  
Dominus : quorum primum miserabile; secun-  
dum contrastabile; tertium condemnabile. De  
primo <sup>7</sup> : « Libera eos, qui serviunt gentibus,  
et contemptos, et abominatos respice, ut sciant  
gentes, quia tu es Deus noster : » ecce contem-  
ptus servus. De secundo <sup>8</sup> : « In duobus con-  
tristatum est eorū meum, et in tertio iracundia  
mihi advenit: vir bellator deficiens per ino-  
piam, et vir sensatus contemptus, et qui trans-  
greditur a justitia ad peccatum : » ecce con-  
temptus sensatus. De tertio <sup>9</sup> : « Anima quæ  
peceaverit, et contempto Domino, negaverit  
proximo suo depositum, quod fidei ejus cre-  
ditum fuerat, » etc. : ecce contemptus Dominus.

v, 31. — <sup>4</sup> *Psal.* LXVII, 28. — <sup>5</sup> *Gen.*, IV, 23. — <sup>6</sup> *Isa.*, IX, 17. — <sup>7</sup> *H Mach.*, I, 25, 26. — <sup>8</sup> *Eccli.*, XXVI, 26.  
— <sup>9</sup> *Levit.*, VI, 2.

<sup>1</sup> *Eccli.*, VII, 32. — <sup>2</sup> *I Joan.*, IV, 19. — <sup>3</sup> *Judic.*,

*Articulus tertius.*

Tertium denotatur, cum psallitur : *Justificationes tuas*. Justificationes istae sunt operationes justæ, quibus remunerationes justæ reddendæ sunt, non injustæ. Tales justificationes deponit justus apud Deum, et Deus apud eum : nam Deus deponit apud justum eas, ad operandum ; et justus deponit apud Deum operatas, ad remunerandum. Notandum namque, quod justificationes ejusmodi debent custodiri, non descri, sed requiri. Quæreris, quo modo? custodiri operando, non deserri temerando; sed requiri, remunerationem sperando. De primo<sup>1</sup> : « *Justificationes tuas custodiam* : » ecce justificatio custodita operando. De secundo<sup>2</sup> : « *Justificationem meam, quam cœpi tenere, non deseram* : » ecce justificatio non deserta temerando. De tertio<sup>3</sup> : « *Justificationes tuas requiram* : » ecce justificatio requisita, remunerationem sperando.

*Articulus quartus.*

Quartum demonstratur, cum sequitur : *Non sum oblitus*; quasi dicat : Scio cui credidi, nec oblivioni tradidi, quid ei credidi. Qualiter enim dari posset oblivioni possessio, visio, fruitio summi boni? Sed nota, quod multi reperiuntur illius oblii, quia multipliciter impediti. Nam alii sunt oblii divinæ possessionis, alii visionis, alii fruitionis; quia sunt impediti quidam avaritia temporali, quidam animali, quidam lascivia corporali. De primo<sup>4</sup> : « *Oblitus est Israel factoris sui, et ædificavit delubra* : » ecce oblivionis causa, temporalis avaritia, quæ dicitur idololatria, Apostolo dicente<sup>5</sup> : « *Avaritia, quæ est simulacrorum servitus*. » De secundo<sup>6</sup> : « *Repulsa est anima mea, oblitus sum bonorum* : » ecce oblivionis causa animalis avaritia. De tertio, ubi dicitur de anima impudica<sup>7</sup> : « *Reliquit ducem pubertatis suæ, et pacti Dei sui obliterata est* : » ecce oblivionis causa corporalis lascivia.

*Epilogus.*

Ait ergo Propheta, tanquam persona in divino judicio constituta : *Adolescentulus sum ego, quantum ad humilitatem implicitam, quæ est bonum interius; Et contemptus, quantum ad humilitatem explicitam, quæ est bonum exterius; Justificationes tuas, quantum ad mercede-*

dem depositam, quæ est bonum superius; *Non sum oblitus, quantum ad spem repositam, quæ est bonum inferius.*

*VERSICULUS XIV.*

**142. *Justitia tua, justitia in æternum*, etc.** Sententiam humilium sublimativam præcedens versus exposuit; sententiam sublimium humiliativam præsens versus exponit. Nam Propheta, tanquam assessor summi judicis, sententiam continuatam et confirmatam super his luculenter recitat super his verbis : *Justitia tua*, etc., quasi dicat; *Justa est sententia condemnationis; justa sententia continuationis*; et lex tuæ comminationis est veritas confirmationis. Hæc notavit Psalmista per quatuor verba ista : per justitiam, per æternitatem, per legem, per veritatem; quia profecto ad justitiam spectat condemnatio, ad æternitatem continuatione, ad legem comminatio, ad veritatem confirmatione.

*Articulus primus.*

*Justitia tua.* Hæc est justitia, quæ condemnat, dum superbos humiliat, non ad pœnitentiam, sed ad pœnam. Et nota, quod hæc justitia dicitur in Scriptura memoranda, mensuranda, revelanda. Quæreris quibus memoranda videntibus, mensuranda morientibus, revelanda resurrectibus. De primo psallimus<sup>8</sup> : « *Domine memorabor justitiae tue solius* ; » ecce justitia memoranda. De secundo<sup>9</sup> : « *Ponam in pondere judicium, et justitiam in mensura* : » ecce justitia in particulari judicio mensuranda. De tertio<sup>10</sup> : « *Revelabitur quasi aqua judicium, et justitia, quasi torrens fortis* : » ecce justitia in generali judicio revelanda.

*Articulus secundus.*

*Justitia in æternum* : Hæc est justitia, quæ condemnationem continuat non in quinquennium, vel decennium, sed in æternum. O justitia permirabilis, et permirabiliter formidabilis, cujus qualitas intolerabilis, et quantitas interminabilis! Et nota, quod æternitas illa videtur nimis terribilis propter tria : propter æternum laborem, propter æternum horrorem, et propter æternum mœrem; quoniam crit labor æternæ pœnalitatis, horror æternæ tenebrositatis, mœror æternaliter perdite cœlestis

<sup>1</sup> *Psal.* hoc, 9. — <sup>2</sup> *Job*, xxvii, 6. — <sup>3</sup> *Psal.* hoc, 145.  
— <sup>4</sup> *Ose.*, viii, 14. — <sup>5</sup> *Coloss.*, iii, 5. — <sup>6</sup> *Thren.*, iii,

17. — <sup>7</sup> *Prov.*, ii, 18. — <sup>8</sup> *Prov.*, lxx, 16. — <sup>9</sup> *Isa.*, xxviii, 17. — <sup>10</sup> *Amos.*, v, 24.

hereditatis. De primo per Psalmistam dicitur<sup>1</sup> : « Laborabit in æternum, et vivet adhuc in finem, » scilicet finem præter finem : eeee æternitas laboris. De secundo per Prophetam psallitur<sup>2</sup> : « Usque in æternum non videbit lumen : » ecce æternitas horrois. De tertio per eundem conscribitur<sup>3</sup> : « Dominus regnabit in æternum, et in sæculum sæculi : » peribitis gentes de terra illius ; quasi dicat : Quandiu regnabit Dominus dominantium, tandem peribitis de terra viventium : ecce regnandi æternitas, et pereundi coæternitas.

#### *Articulus tertius.*

*Et lex tua.* Legem dicit legalem comminationem contra legis contaminationem ; quia pauci contaminationem caverent, nisi comminationem pavarent. Et nota tria comminatio, contra tria contaminatio, scilicet desperationem, desolationem, et consumptionem, contra peccati perpetrationem, deformationem, et obligationem. Cum enim peccatum perpetratur, anima deformatur, et ad poenam perpetuam obligatur. De primo<sup>4</sup> : « Tenentes legem nescierunt me ; » et infra : « Propterea adhuc contendam judicio vobissem, ait Dominus, et cum filiis vestris disceptabo ; » ecce prima comminatio legis, scilicet comminatio disceptionis. De secundo<sup>5</sup> : « In die illa longe fiet lex ; » et infra : « Et terra erit in desolationem propter habitatores suos : » ecce secunda comminatio legis, scilicet comminatio desolationis. De tertio<sup>6</sup> : « Sacerdotes contempserunt legem meam, » et infra : « Et effudi super eos indignationem meam, et in igne ire meæ consumpsi eos : » ecce tertia comminatio legis, scilicet comminatio consumptionis, seu combustionis.

#### *Articulus quartus.*

*Veritas.* Hæc est veritas confirmationis : et recte dicit auctoritas, quod *lex tua veritas*, quia lex divinæ comminationis, est confirmatio humanæ condemnationis ; quoniam non indigne condemnationem meretur, quicumque comminationem ejusmodi non veretur. Et nota, quod veritas ista, sicut legitur in Scriptura, est veritas diffinitiva, est veritas retributiva, est veritas confirmativa : plane diffinitiva sine appellatione, retributiva sine rebellione, confirmativa

<sup>1</sup> *Psal.* XLVIII, 9. — <sup>2</sup> *Ibid.*, 20. — <sup>3</sup> *Psal.* IX, 37.  
<sup>4</sup> *Jerom.*, II, 8. 9. — <sup>5</sup> *Mich.*, VII, 11, 13. — <sup>6</sup> *Ezech.*,

tiva sine retractatione (*a*). De primo<sup>7</sup> : « In veritate educet judicium : » ecce veritas diffinitiva : quid enim est judicium educere, nisi diffinire ? De secundo scribitur a Psalmographe<sup>8</sup> : « Veritatem requiret (*b*) Dominus, et retribuet abundanter facientibus superbiam : » ecce veritas retributiva. De tertio<sup>9</sup> : « Labium veritatis firmum erit in perpetuum : » ecce veritas confirmativa.

#### *Epilogus.*

Patet itaque propheticum eloquium circa sententiam humiliativam sublimium. Ait enim : *Justitia tua*, quantum ad justitiam condemnationis; *Justitia in æternum*, quantum ad justitiam continuationis; *Et lex tua*, quantum ad legem comminationis; *Veritas*, quantum ad veritatem confirmationis.

#### VERSICULUS XV.

143. *Tribulatio et angustia*, etc. Duæ diffinitivæ sententiaæ in duobus præmissis versibus sunt expressæ, videlicet humilium sublimativa, et sublimium humiliativa ; sequitur tertia diffinitiva sententia in istius versus continentia breviter exprimenda, scilicet patientium coronativa. Nam Propheta præclare patientium militiæ coronationem contemplans, et contemplando conjubilans, ex eorum persona loquitur, ita cantans : *Tribulatio et angustia*, quasi dicat : Attendite, quid toleravi, per quid superavi, quid consideravi, quid speravi. Unde per versus hujus continentiam possumus connotare militiam tolerantem, militiam superantem, militiam considerantem, militiam sperantem, Toleravit enim malitiam, superavit per sapientiam, consideravit gratiam, speravit gloriam.

#### *Articulus primus.*

Primum notatur, cum scribitur : *Tribulatio et angustia*, id est, corporalis et spiritualis malitia, exterior et interior amaritia, quam pro Christo æquanimiter tolerat christiana militia. Et nota circa tribulationem et angustiam, tripartitam tolerantium differentiam : quorum alii superantur, alii non superantur, alii sustentantur. Prima tolerantia vitiosa, secunda virtuosa, sed tertia gratiosa ; quia, sicut Seneca

xii, 26, 31. — <sup>7</sup> *Isa.*, XLII, 3. — <sup>8</sup> *Psal.* XXX, 24 — <sup>9</sup> *Prov.*, XII, 19.

(*a*) *Cæt. edit.* retractione. — (*b*) *Item* requirit.

dicet<sup>1</sup> : « Generosos animos labor nutrit. » De primo, ubi dicitur de impio<sup>2</sup> : « Terrebit eum tribulatio, et angustia vallabit eum, sicut regem, qui præparatur ad prælium : » hic tribulatio et angustia toleratur, sed tolerans superatur. De secundo<sup>3</sup> : « Quis separabit nos a charitate Christi? tribulatio; an angustia? » etc. Ille tribulatio et angustia toleratur, sed tolerans non superatur, quoniam a charitate Christi non separatur. De tertio<sup>4</sup> : « Mittite virum istum in carcерem, et sustentate eum pane tribulationis, et aqua angustiae : » hic tribulatio et angustia toleratur, et tolerans non superatur, sed potius sustentatur.

#### *Articulus secundus.*

Secundum subnotatur, cum subscribitur : *Invenerunt me*, quasi non dubitantem, non dormitantem, sed strenue militantem. Et nota, quod tentatio invenit hominem, vel Dominus per temptationem interdum errantem, interdum dormientem, interdum vigilantem : errant improvidi, dormiunt invalidi, vigilant virtuosi. Primum figuratur<sup>5</sup> : « Invenit eum vir errantem in agro; » ubi notatur inventio cujusque errantis per imprudentiam. Secundum signatur<sup>6</sup> : « Venit, et invenit eos dormientes; » ubi notatur inventio dormientium per inconstantiam. Tertium insinuator<sup>7</sup> : « Beati servi illi, quos cum venerit Dominus, invenerit vigilantes : » ubi notatur inventio vigilantium per virtuosam temptationis victoriam.

#### *Articulus tertius.*

Tertium connotatur, cum scribitur : *Mandata tua*. Ecce gratiosa considerationis materia. Nec enim sine maxima gratia nobis recommendata sunt haec mandata. Et nota, quod in mandatis possunt considerari tria; videlicet divina notitia, coambulatio, et commanentia; quia, teste beato Joanne, si mandata servemus, Dominum cognoscimus, Domino coambulamus et Domino commanemus. De primo<sup>8</sup> : « In hoc scimus quoniam cognoscimus eum, si mandata ejus servemus; » ecce prima mandatorum continentia, scilicet Dei notitia. De secundo<sup>9</sup> : « Haec est charitas, ut ambulemus secundum mandata ejus : » ecce mandatorum continentia, scilicet coambulandi gratia. De tertio<sup>10</sup> : « Qui servat

mandata ejus, in illo manet, et ipse in eo : » ecce tertia mandatorum continentia, scilicet commanentia.

#### *Articulus quartus.*

Quartum prænotatur<sup>(a)</sup>, cum perscribitur : *Meditatio mea est*. Ubi meditatio, ibi frequentatio. In mandato frequentatur consideratio; quia talia non tantum sunt operabilia, sed et remunerabilia; operanda per gratiam, remuneranda per gloriam. Mandata igitur meditatio dicitur, quia de consideratione operationis ad considerationem remunerationis venitur. O felix meditatio, intus ardens, foris lucens, sursum ducens, quam amando, interius inardescit; orando, forinsecus elucescit; suspirando, quæ sursum sunt concupiscit. De primo<sup>11</sup> : « In meditatione mea exardescet ignis; » ecce meditatio intus ardens. De secundo Propheta psallit<sup>12</sup> : « Et erunt, ut complaceant eloquia oris mei, et meditatio cordis mei in conspectu tuo semper: » ecce meditatio foris lucens. De tertio eximius citharista<sup>13</sup> : « Concupivi salutare tuum, Domine, et lex tua meditatio mea est : » ecce meditatio sursum ducens.

#### *Epilogus.*

Ait ergo Propheta in militiæ memoratæ persona : *Tribulatio et angustia*, quantum ad malitiam, quæ toleratur; *Invenerunt me*, quantum ad sapientiam, per quam superatur, *Mandata tua*, quantum ad gratiam, quæ consideratur; *Meditatio mea est*, quantum ad gloriam, quæ superatur.

#### *VERSICULUS XVI.*

144. *Æquitas testimonia tua*, etc. Patientium coronationem superius audivimus; superest, ut condemnationem impatientium audiamus. Circa præsentem contemplationem Psalmographus supra se sublevatus, vidisse videtur æquitatem, et duas ejus socias, quæ sunt veritas, et severitas: quarum prior est æquitatem dirigens, posterior eamdem exequens. Veritas quidem divina testimonia, tanquam jura cœlestia circa reorum supplicia indicabat, testificando, quod æternae legis prævaricatio, et æterni regis præjudicatio debent æterno vindicari supplicio. Sicut autem veritas indicabat, sic æquitas judi-

<sup>1</sup> Senec., *Epist.* xxxi. — <sup>2</sup> Job, xv, 24. — <sup>3</sup> Rom., viii, 35. — <sup>4</sup> *II Reg.*, xxii, 27. — <sup>5</sup> *Gen.*, xxxvii, 15. — <sup>6</sup> *Marc.*, xiv, 37. — <sup>7</sup> *Luc.*, xii, 37. — <sup>8</sup> *I Joan.*, ii,

<sup>9</sup> *II Joan.*, 6. — <sup>10</sup> *I Joan.*, iii, 24. — <sup>11</sup> *Psal.* xxxviii, 4. — <sup>12</sup> *Psal.* xviii, 15. — <sup>13</sup> *Psal.* hoc, 174.

(a) Edit. Vcn. pernotatur.

cabat : et sicut æquitas judicabat, sic severitas vindicabat. Unde Propheta contemplatus, et contemplando consternatus, quod tale est judicium æquitatis, tale quoque supplicium severitatis, quale testimonium veritatis; supplicavit et suppliciter mendicavit subsidium pietatis: quod breviter annotavit, cum ait: *Æquitas*, etc.; ac si voce diceret tremebunda: Ecce video quia talis est æquitas judicando, qualis veritas indicando; talis quoque severitas vindicando: quocirea peto pietatis subsidium supplicando. Quatuor itaque possumus hic pensare: scilicet æquitatem, severitatem, veritatem, et sinceritatem: prima judicat; secunda indicat; tertia vindicat; sed quarta supplicat.

#### *Articulus primus.*

Judicium æquitatis eructatur, cum dicitur: *Æquitas*, quia nulla dubietas, quin judicium æquitatis sit æquitas. Circa judiciarium æquitatem potest notari, quod æquitas solet in sacra Scriptura comparari scuto inexpugnabili, virgæ inflexibili, semite infallibili: quia judicialis æquitas esse debet inexpugnabilis per timorem, inflexibilis per favorem, infallibilis per errorum. De primo, ubi dicitur de judge summo<sup>1</sup>: « Sumet scutum inexpugnabilem æquitatem: » hic comparatur æquitas scuto inexpugnabili. De secundo<sup>2</sup>: « Virga æquitatis, virga regni tui: » hic comparatur æquitas virgæ inflexibili. Unde virga ista in Psalmista dicitur ferrea<sup>3</sup>: « Reges eos in virga ferrea, » etc. De tertio<sup>4</sup>: « Ducam te per semitas æquitatis: » hic comparatur æquitas semite infallibili. Unde semita recta dicitur in Propheta<sup>5</sup>: « Semita, inquit, justi recta est. »

#### *Articulus secundus.*

Judicium veritatis enuntiatur, cum adjicitur: *Testimonia tua*. Nam nulli dubium, quin divinum testimonium sit veritatis indicium: quia vero praecedens æquitatis judicium, et præsens veritatis indicium in unum conveniunt, et per consequens unum fiunt, propterea recte dicit Propheta: *Æquitas testimonia tua*; ac si diceret voce perspicua: *Æquitatis judicia*, et veritatis indicia sunt indifferentia, in quantum sunt in unum convenientia. Et nota circa præmissa testimonia, quod nimis erunt illis terribilia, qui dum viverent, ea non attenderunt; aut si

<sup>1</sup> *Sap.*, v, 20. — <sup>2</sup> *Hebr.*, i, 8. — <sup>3</sup> *Psal.*, ii, 9. — <sup>4</sup> *Prov.*, iv, 11. — <sup>5</sup> *Iso.*, xxvi, 7. — <sup>6</sup> *II Esdr.*, ix,

attenderunt, non acceperunt; aut si acceperunt, non custodierunt, propter aversionem intellectus, affectus, et effectus. De primo<sup>6</sup>: « Non attenderunt mandata tua, et testimonia, quæ testificatus es in eis: » ecce intellectus aversionem, quantum ad testimoniorum attentionem. De secundo<sup>7</sup>: « Quod scimus loquimur, et quod vidimus testamur, et testimonium nostrum non accipitis: » ecce effectus aversionem, quantum ad testimoniorum acceptionem. De tertio scribitur<sup>8</sup>: « Exacerbaverunt Deum excelsum, et testimonia ejus non custodierunt; et averterunt se, et non servavarunt pactum: » ecce effectus aversionem, quantum ad testimoniorum custoditionem.

#### *Articulus tertius.*

Severitatis supplicium enucleatur, cum additur: *In æternum*, hoc est, in æternum supplicium: quod pertinet ad severitatis officium. Ecce qualiter æquitatis judicium, et veritatis indicium fuerunt unum, in quantum conveniunt in unum. In quod unum? In æternum supplicium, per quod æterni Regis præjudicium severitas vindicavit, sicut veritas indicavit, et æquitas judicavit. Nec mirum, si Psalmographus fuerit valde breviloquus, quia valde perterritus. Ita loquuntur homines fugiendo periculum anhelantes, et per brevitatem affatus, brevitatem anhelitus intimantes. Et nota de vindicta severitatis æterna, quod secundum divina testimonia dicitur tripartita: quedam superna, quedam interna, quedam externa. Prima spectat ad domesticum exilium; secunda ad intrinsecum supplicium; tertia ad extrinsecum incendium. De primo<sup>9</sup>: « Qui facit peccatum, servus est peccati; servus autem non manet in domo in æternum. » Ecce vindicta æterna, quantum ad domesticum exilium. De secundo<sup>10</sup>: « Ibunt hi in supplicium æternum: justi autem in vitam æternam. » Ecce vindicta æterna, quantum ad internum supplicium. De tertio<sup>11</sup>: « Discedite a me, maledicti, in ignem æternum. » Ecce vindicta æterna, quantum ad extrinsecum incendium.

#### *Articulus quartus.*

Sinceritatis desiderium explicatur, cum subdivetur: *Intellectum da mihi*, et *vivam*. Da mihi mentis illuminationem, ad mortis declinationem. Ecce sinceritatis supplicatio. Liquet enim,

<sup>6</sup> *Joan.*, iii, 11. — <sup>7</sup> *Psal.*, lxxvii, 56, 57. — <sup>8</sup> *Joan.*, viii, 34. — <sup>9</sup> *Matth.*, xxv, 46. — <sup>10</sup> *Ibid.*, 41.

quod non consentiret malitiæ scienter et libenter, qui petit lumen intelligentiae, ne fortasse consentiat nescienter. Hic potest notari quod tripliciter contingit intellectum dari : scilicet mentaliter, vocaliter, manualiter : hoc est, per illuminationem divinam, per verborum doctrinam, per verberum disciplinam. De primo<sup>1</sup>: « Dabit tibi Dominus in omnibus intellectum : » ecce datio mentalis. De secundo sebitur a Psalmographo<sup>2</sup> : « Declaratio sermonum tuorum illuminat, et intellectum dat parvulis : » quod potest accipi de datione vocali. De tertio<sup>3</sup>: « Venatio dabit intellectum auditui : » quod potest exponi de datione manuali.

#### Epilogus.

Et hoc est, quod ait Psalmographus, condemnationem impatientium ad tempus credentium, sed in tempore tentationis recedentium, intelligibiliter contemplatus, et sensibiliter contestatus : *Equitas*, quantum ad æquitatem judicantem; *Testimonia tua*, quantum ad veritatem testificantem, vel testimonia indicantem; *In æternum*, quantum ad severitatem vindicantem; *Intellectum da mihi*, et *vivam*, quantum ad sinceritatem supplicantem.

### CAPITULUM DECIMUM.

#### VERSICULUS PRIMUS.

145. *Clamavi in toto corde*, etc. Ecce decimum capitulum : excipite decimum ferculum. Excepistis de manu capitulo præcedentis promissionem judicariæ severitatis; excipite de manu capitulo præsentis admissionem precariæ pietatis. Nec latet ferculorum istorum ordinatio : quoniam antequam decernatur judicium, oportet quod pium ab impio discernatur. Pium autem ab impio discernitur, cum istud admitti, illud emitti concernitur. Carea pietatis, seu piæ petitionis admissionem pensare possumus duplarem ipsius conditionem : videlicet virilitatem, quam octonarius primus præloquitur, et humilitatem, quam octonarius sequens exequitur. Et quoniam virilitatis est vim inferre, humilitatis autem sufferre : per primariam octonarii prioris litteram, scilicet Coph., quæ interpretatur *excusio*, virilitas prænotatur; et per primariam octonarii posterioris litteram, scilicet Resch., quæ

Coph.  
Resch.

interpretatur *patientia*, humilitas subnotatur. Virilitas hujuscemodi prius declaratur in oratione mentali, ad primum quaternarium pertinenti; posterius in oratione vocali, ad secundum quaternarium attinenti. Sed et virilitas orandi solet servari in mentali oratione pro quadruplici necessitate : videlicet pro vita puritate, pro vita securitate, pro exteriori matuitate, et pro interiori saturitate : quæ videtur Psalmographus quatuor versibus, quasi totidem testibus comprobare. Versus primus probat orationis virilitatem propter vitæ puritatem, propalando qua frequentia, qua ferventia, qua instantia requiritur justificationis gratia, per quam purgatur conscientia; quia plane oratio sine corpore, sine tempore, sine tumore recipitur cum favore. Unde patet versus præsentis continentia quadrimembris. Continet enim orationis frequentiam, ferventiam, instantiam, et justificationis gratiam : quorum primum privat temporē, secundum tempore, tertium tumorem, quartum ponit favorem.

#### Articulus primus.

Orationis frequentia prænotatur, cum dicitur : *Clamavi*; dicendo namque : *Clamavi*, non : *Clamo*, notatur clamoris continuatio, non inchoatio. Et nota, quod clamare signum est interdum distantiae, interdum instantiae, et interdum perseverantiae. Clamat enim anima, velut distans, posteriora desiderans; clamat velut instans, superiora desiderans; clamat velut perseverans, ad anteriora properans. De primo canitur<sup>4</sup> : « A finibus terræ ad te clamavi : » hic clamat anima, quasi distans. Qui sunt terræ fines, nisi terrenæ passionis extremitates, in quibus noscuntur vilia residere, virtute in medio residente? Unde sapienter per Sapientem scribitur<sup>5</sup> : « Oculi stultorum in finibus terræ. » De secundo legitur<sup>6</sup> : « Clamavit populus ad Dominum instantia magna. » Illic clamat anima, sicut instans. De tertio dicitur a Psalmographo<sup>7</sup> : « In die clamaui, et nocte coram te. » Illic clamat anima, tanquam improbe perseverans.

#### Articulus secundus.

Orationis ferventia subnotatur, cum subditur : *In toto corde*. Nulli dubium, quin cor sit calidum, et caliditatis principium : unde, ni fallor, totum cor dicitur magnus fervor. Sed nota circa Cor quid

<sup>1</sup> II Tim., II, 7. — <sup>2</sup> Psal. hoc, 130. — <sup>3</sup> Isa., XXVIII,  
<sup>4</sup> Psal. LX, 3. — <sup>5</sup> Prov., XVII, 14. — <sup>6</sup> Judith,  
IV, 8. — <sup>7</sup> Psal. LXXXVII, 2.

dictum fervorem, quod triplicem debet habere conditionem; scilicet reversionem, conversionem, et confitendi conceptionem: ut malum postponatur, bonum præponatur, confessio proponatur. Prima conditio traditur<sup>1</sup>: « Si in toto corde vestro revertimini ad Dominum, auferete deos alienos de medio vestri: » ecce cordis reversio, malum postponendo. Secunda conditio scribitur<sup>2</sup>: « Dicit Dominus: Convertimini ad me in toto corde vestro: » ecce cordis conversio bonum præponendo. Tertia conditio legitur<sup>3</sup>: « Confitebor tibi, Domine, in toto corde meo: » ecce cordis conceptio confiteri proponendo.

#### *Articulus tertius.*

Orationis instantia annotatur, cum additur: *Exaudi me, Domine*; quasi dicat: Oravi frequenter; oravi ferventer; precor instanter, ut exaudias indistanter. Et nota, quod orationis instantia dicitur habere tres socias, que sunt humilitas, affectuositas, et importunitas: quarum prima instat ungendo; secunda, pungendo; tertia, urgendo. Prima proponitur, ubi dicit Salomon Domino<sup>4</sup>: « Exaudi preces famuli tui: » in quo patet instantis humilitas. Secunda cantatur<sup>5</sup>: « Velociter exaudi me, Domine, defecit spiritus meus: » in quo liquet instantis affectuositas. Tertia proferitur<sup>6</sup>: « Exaudi, Domine; placare, Domine; attende, et fac: » in quo luet instantis importunitas.

#### *Articulus quartus.*

Justificationis gratia denotatur, cum psallitur: *Justificationes tuas requiram*; quasi dicat: Requiram affectionum mearum, tanquam interni gregis munditiam, per superni regis influentiam, secundum æternæ legis exigentiam. Unde notandum, quod in justificationis requisitione debemus tria requirere, videlicet justificationis principium activum, passivum, et informativum. Principium justificationis activum, est supernus Rex, qui justificat; principium justificationis passivum, est internus grex, quem justificat; principium justificationis informativum, est æterna lex, secundum quam justificat. Prima requisitio patet<sup>7</sup>: « Domine, in angustia requisiuerunt te: » hic requiritur Rex. Secunda requisitio claret<sup>8</sup>: « Dispersi sunt greges mei,

et non erat qui requireret; » et infra: « Requiram gregem meum de manu eorum: » hic requiritur grex. Tertia requisitio lucet<sup>9</sup>: « Custodiunt justificationes ejus, et legem ejus requirant: » hic requiritur lex.

#### *Epilogus.*

Ex his potest patescere vox Prophetæ orantis strenue pro vitæ puritate: *Clamavi*, in quo frequentia sine torpore; *In toto corde*, in quo ferventia sine temore; *Exaudi me, Domine*, in quo instantia sine timore; *Justificationes tuas requiram*, in quo gratia cum favore.

#### *VERSICULUS II.*

146. *Clamavi ad te; salvum me fac*, etc. Jam oravit et orare docuit Propheta pro vitæ puritate; hic orat et orare dogmatizat pro viæ securitate. Et quia via mandatorum existit inter devia peccatorum; propterea petit Psalmographus divinum ducatum inter devia peccatorum, propter securum meatum per viam mandatorum. Quid cuim sibi volunt actus contenti in versu præsenti, scilicet clamandi, salvandi, custodiendi, mandandi; nisi conduci per ducatum, non seduci per peccatum, deduci per meatum, perduci per mandatum?

#### *Articulus primus.*

Quantum ad primum, dicitur: *Clamavi ad te*, quasi conducebas a te: hæc ergo clamatio est ducatus postulatio. Hic potes notare, quod tripliciter contingit clamare, puta corde, ore, et opere. De primo<sup>10</sup>: « Clamavit cor eorum ad Dominum super muros filiae Sion: » ecce clamor cordis; hoc modo clamatur in proposito. De secundo dicitur<sup>11</sup>: « Ad ipsum ore meo clamavi: » ecce clamor oris. De tertio<sup>12</sup>: « Quid fecisti? Vox sanguinis fratris tui clamat ad me de terra: » ecce clamor operis.

#### *Articulus secundus.*

Quantum ad secundum subjicitur: *Salvum me fac*, scilicet a vitiorum deviis, ab adversariorum insidiis, ne seducar ab eis. Et nota, quod salvos facit Dominus, quos conductit, a malis exterioribus, interioribus, et inferioribus; videlicet ab hostiis insidiis, a vitiis, et a suppliciis. De primo canitur<sup>13</sup>: « Super iram inimicorum meorum — <sup>9</sup> *Psalm. clv*, 45. — <sup>10</sup> *Thren. ii*, 18. — <sup>11</sup> *Psalm. lxv*, 17. — <sup>12</sup> *Gen. iv*, 10. — <sup>13</sup> *Psalm. cxxxvii*, 7.

<sup>1</sup> *I Reg.*, vii, 3. — <sup>2</sup> *Joel.*, ii, 12. — <sup>3</sup> *Psalm. cx*, 1. — <sup>4</sup> *I Paral.*, vi, 21. — <sup>5</sup> *Psalm. cxlii*, 7. — <sup>6</sup> *Dan.*, ix, 19. — <sup>7</sup> *Isa.*, xxvi, 16. — <sup>8</sup> *Ezech.*, xxxiv, 6, 10.

rum extendisti manum tuam, et salvum me fecit dextera tua : » ecce salus ab insidiis exterioribus. De secundo <sup>1</sup> : « Sana me, Domine, et sanabor; salvum me fac, et salvus ero : » ecce salus a viis interioribus. De tertio <sup>2</sup> : « Liberabit me Dominus ab omni opere malo, et salvum faciet in regnum suum cœlestis : » ecce salus a suppliciis inferioribus.

#### *Articulus tertius.*

Quantum ad tertium adjicitur : *Et custodiam*, scilicet per tuam custodiam. Haec est custodia secura, custodia deductiva. Et nota, quod custodiare debemus morales meatus in considerandis, desiderandis, operandis, et tolerandis. Prima custodia fit per prudentiam; secunda, per temperantiam; tertia, per justitiam; quarta, per patientiam. De prima <sup>3</sup> : « Oculi tui vias meas custodiunt : » quod pertinet ad custodiam oculos prudentiae. De secunda dicitur <sup>4</sup> : « Propter verba labiorum tuorum ego custodivi vias duras : » quod attinet ad custodiam temperantiae. De tertia <sup>5</sup> : « Justitia custodit innocentis viam : » ecce custodia justitiae. De quarta <sup>6</sup> : « Viam ejus custodivi, et non declinavi ex ea : » quod spectat ad custodiam patientiae.

#### *Articulus quartus.*

Quantum ad quartum, subditur : *Mandata tua*: non solum tua, tanquam a te procedentia, sed et tua, tanquam ad te perducentia. Et nota, quod mandata dominica non absurde dicuntur via ad Dominum perductiva; quoniam ipsa sunt introductiva ad Dei præsentiam, ad Dei sapientiam, et ad Dei vitam; et ita sunt perfectiva creatæ trinitatis, scilicet memorie, intelligentie, voluntatis. De primo <sup>7</sup> : « Qui servat mandata ejus, in illo manet, et ipse in eo : » ecce mandata introductiva ad præsentiam. De secundo <sup>8</sup> : « Fons sapientiae verbum Dei in excelsis, et ingressus illius mandata æterna : » ecce mandata introductiva ad sapientiam. De tertio <sup>9</sup> : « Si vis ad vitam ingredi, serva mandata : » ecce mandata introductiva ad vitam.

#### *Epilogus.*

Et hoc est, quod dicitur per Psalmographum, potentem ducatum divinum, propter securum meatum. Ait enim : *Clamavi ad te*, scilicet ut

<sup>1</sup> *Jerem.*, xvii, 14. — <sup>2</sup> *H. Tim.*, iv, 18. — <sup>3</sup> *Prov.*, xxiii, 26. — <sup>4</sup> *Psal.*, xvi, 4. — <sup>5</sup> *Prov.*, xliii, 6. — <sup>6</sup> *Job*, xxiii, 11. — <sup>7</sup> *I Joan.*, iii, 21. — <sup>8</sup> *Eccli.*, i, 5.

conducari; *Salvum me fac, ne seducar*; *Ut custodiam*, et (a) custodiendo deducari; *Mandata tua*, quibus ad te perducari.

#### *VERSICULUS III.*

147. *Præveni in maturitate*, etc. Vitæ puritate ac vitæ securitate superius imploratis, sequitur exterioris imploratio maturitatis: quatenus sicut per primum purificatur animus, per secundum honoratur Altissimus, sic per tertium ædificetur proximus. Hanc imploravit, et implorandam declaravit Prophetæ, cum ait: *Præveni*, etc.; quod est: *Præcogitavi de maturitate, et eam efflagitavi cum securitate*. Unde quatuor animadvertisimus, circa quæ servatur iste versus: videlicet intellectum, ejus objectum, ejus affectum, et ejus proiectum. Nam profecto *præcogitatio* spectat ad intellectum; *maturitas*, ad objectum; *efflagitatio*, ad effectum; *securitas*, ad *proiectum*.

#### *Articulus primus.*

De primo scribitur : *Præveni*. Quo modo ? *Præcogitando*, seu *præmeditando*. *Intellectus* enim debet *præcogitare*, quid affectus debeat flagitare, ut *discretio meditationis* *præveniat* *devotionem orationis*; ne fortassis dicatur orantibus indiscretis <sup>10</sup>: « Nescitis quid petatis. » Et nota circa meditationis *præventionem* ante *orationis adventationem*, quod triplicem legimus *præventionem*, scilicet *Æthiopum*, *Nuntiorum*, et *Principum*: per quas intelligimus *præventionem* meditationis per viam compunctionis, compassionis, et consolationis. Prima *præventione* notatur in *Psalmista* <sup>11</sup> : « Dissipa gentes, quæ bella volunt; venient legati ex *Ægypto*; *Æthiopia* præveniet manus ejus Deo. » Ad cuius intellectum prius considerandum, quod est pugna spiritualis inter desideria sensualitatis, et desideria voluntatis. Nam desideria sensualitatis trahunt per consensum desideria voluntatis interdum ad tenebras iniquitatis, sicut fornicariæ voluptatis; interdum occasionaliter ad tenebras infidelitatis, ut cum queratur excusatio in peccatis, et dicitur, quod fornicatio non est culpa mortalism. Prime tenebrae sunt per *Æthiopiam*, secundæ per *Ægyptum* significatae: quarum utraque interpretatur tenebrae. Ait ergo Prophetæ: « Dissipa gentes, quæ bella volunt, » id est, gentilia seu carnalia desideria voluntatem

— <sup>9</sup> *Matth.*, xix, 17. — <sup>10</sup> *Matth.*, xx, 22. — <sup>11</sup> *Psal.*, lxvii, 32. — (a) *Leg. ut.*

debellare volentia. Hæc est petitio, quæ per manum voluntatis porrigitur Deo. At priusquam fiat hæc porrectio, oportet de Egypto legatos venire, id est, meditationes de tenebris infidelitatis prodire, et Ethiopiam prævenire, id est, memoriam tenebrosæ iniquitatis præire. Quid præire? « Manus ejus Deo, » id est, manus voluntatis, per quas petitio porrigi debet Deo: quia predictæ præmeditationes sunt petitionis illius præviae rationes. Ecce præventio meditationis per viam compunctionis. Secunda præventio denotatur, ubi dicitur<sup>1</sup>, quod epistolæ sunt missæ per veredarios, qui per omnes provincias disurrentes, veteres litteras novis nuntiis prævenirent. Sic præveniunt, qui provident salutares cautelas contra fidelium dammabiles corruptelas. Ecce præventio præmeditationis per viam compassionis. Tertia præventio connotatur in illo verbo prophetico<sup>2</sup>: « Prævenerunt principes conjuncti psallentibus: » quia contemplatiæ mentes in canonicis laudibus præveniuntur frequenter angelicis illuminationibus, juxta illud Prophetæ<sup>3</sup>: « Psallam et intelligam in via immaculata, quando venies ad me. » Ecce præventio meditationis per viam consolationis vel consolatoriaæ illuminationis.

#### *Articulus secundus.*

De secundo subscriptitur, cum sequitur: *In maturitate*. Hæc maturitas est conversationis honestas; hæc est de qua cogitavit, et in qua cogitavit. De maturitate cogitat, qui partes et proprietates ejus considerat. In maturitate cogitat, qui potentias, et dispositiones ejus considerat. Et nota triplicem potentiam ordinatam ad moralis maturitatis elegantiam: videlicet remotam, propinquam, proximam. Qui tantum in potentia remota sunt, assimilantur terræ nascentibus, quæ virescunt, et parum crescent, quia cito marcescunt. Qui solum in propinqua sunt, assimilantur terræ nascentibus, quæ virescunt, satis crescent, sed non maturescunt; quoniam arescunt, vel putrescunt. Qui autem in proxima sunt, assimilantur terræ nascentibus, quæ virescunt, crescent, et etiam maturescunt. De primo<sup>4</sup>: « Facti sunt quasi fenum agri, et vires herba tectorum, quæ arefacta est, antequam veniret ad maturitatem: » ecce potentia maturitatis remota. De secundo<sup>5</sup>: « Erit flos decidens gloriæ exultationis ejus, qui est super

<sup>1</sup> Esth., VIII, 10. — <sup>2</sup> Psal. LXVII, 26. — <sup>3</sup> Psal. I, 2. — <sup>4</sup> I Reg., XIX, 26. — <sup>5</sup> Isa., XXVIII, 4. —

verticem vallis pinguium, quasi temporaneum ante maturitatem autumni: » ecce potentia maturitatis propinqua. De tertio agitur in proposito, in quo petitur maturitatis perfectio.

#### *Articulus tertius.*

De tertio conscribitur, cum connectitur: *Et clamavi*. Quæris quo modo? Sane orando. Sic clamat, qui amat. Unde notandum, quod sicut contingit tripliciter amare, scilicet calide, acute, ac superfervide; sic contingit clamare tripliciter, videlicet instanter, fortiter, incessanter. De primo<sup>6</sup>: « Clamavit omnis populus ad Dominum instantia magna: » hic clamatur instanter. De secundo<sup>7</sup>: « Clamate fortiter, et dicite: Congregamini et ingrediamur civitates munitas: » hic mandatur clamare forliter. De tertio<sup>8</sup>: « Ne cesses pro nobis clamare ad Dominum Deum nostrum: » hic rogatur Samuel clamare incessanter.

#### *Articulus quartus.*

De quarto perscribitur, cum ultimo subinferatur: *Quia in verba tua supersperavi*; quasi dicat: Clamavi, quoniam amavi; et amavi, quoniam in verba tua non timorem, non stuporem, sed amorem inducentia supersperavi, id est, valde speravi, et ideo cum severitate clamavi. Et nota, quod legimus in Scriptura verba potentia, prudentia, clementia. Prima inducunt timorem; secunda, stuporem; tertia, fiduciam et amorem. De primis<sup>9</sup>: « Non parcam ei verbis potentibus: » ecce verba potentia inductiva timoris. De secundis<sup>10</sup>: « Verba prudentium statera ponderabuntur: » ecce verba prudentia inductiva stuporis. De tertii<sup>11</sup>: « Si placueris populo huic, et lenieris eos verbis clementibus, servient tibi omni tempore: » ecce verba clementia inductiva fiduciae et amoris.

#### *Epilogus.*

Ait ergo Psalmographus, tanquam mentalis orans, maturitatem exteriorem implorans: *Præveni*, quantum ad præmeditationem, quæ pertinet ad intellectum; *In maturitate*, quantum ad maturitatem, quæ pertinet ad objectum; *Et clamavi*, quantum ad orationem, quæ pertinet ad effectum; *Quia in verba tua supersperavi*, quantum ad securitatem, quæ pertinet ad provocatum.

<sup>6</sup> Judith, IV, 8. — <sup>7</sup> Jerem., IV, 5. — <sup>8</sup> I Reg., VII, 8. — <sup>9</sup> Job, XL, 3. — <sup>10</sup> Eccli., XXI, 28. — <sup>11</sup> II Paralip., X, 7.

*Amare,  
et clama-  
re tripli-  
citer.*

## VERSICULUS IV.

148. *Prævenerunt oculi mei ad te*, etc. Animo purificato per vitæ puritatem, Altissimo honorificato per viæ securitatem, proximo aedificato per conversationis maturitatem, revertitur animus ad seipsum implorans internam salutarem. Imploratio quidem ista sic ostenditur a Psalmista : *Prævenerunt*, etc., quasi dicat : Exteriores oculi prævererunt solis adventum, ut interiores pervenirent ad interius alimentum ; hoc est, compunctione prævenit contemplationem, ut meditatio perveniret ad consolationem, seu consolatoriam illuminationem : ecce quadripartita gratia hic contenta, scilicet gratia compunctionis, contemplationis, meditationis, et consolationis. Quæ notantur per exteriorum oculorum præventum, per solis adventum, per oculorum interiorum perventum, per intrinsecum alimentum.

*Articulus primus.*

Com-  
punctio-  
nis gra-  
tia.

Primum prætenditur, cum dicitur : *Prævenerunt oculi mei ad te*. Hi sunt oculi exterioris hominis, quibus exprimitur gratia compunctionis, quæ debet prævenire gratiam contemplationis, quoniam oportet prævenire solem ad lencionem, ut scribitur<sup>1</sup>. Sicut enim Israelitæ carnales præveniebant solem sensibilem, ut invenirent refectionem exteriorem, sic Israelitæ spirituales prævenire debent solem intelligibilem, quatenus inveniant refectionem interiorum. Quid autem est sol intelligibilis, nisi gratia contemplationis? Quid interior refectione, nisi gratia consolationis, seu consolatoriaæ illuminationis? Et nota, quod gratia compunctionis comparatur oculis lippis, aquosis, columbinis, quia compunctionis gratia est in principio horrida, in medio liquida, in fine nitida. De primo<sup>2</sup> : « Lia erat lippis oculis; Rachel decora facie : » per Rachelem figuratur gratia contemplationis; per Liam gratia compunctionis. Sicut igitur in Jacob patriarcha copula Lia prævenit copulam Rachelis; sic in nobis gratia compunctionis prævenire debet gratiam contemplationis. Sicut ille non abhorrens horrorem per laborem pervenit ad decorum, sic nos non abhorentes horrorem compunctionis, per laborem investiga-

<sup>1</sup> Sap., xvi, 28. — <sup>2</sup> Gen., xxix, 17. — <sup>3</sup> Cant., vii, 4. — <sup>4</sup> Cant., i, 14. — <sup>5</sup> Eccli., xxxix, 6. — <sup>6</sup> Job, viii, 5. — <sup>7</sup> Job, xli, 9.

tionis pervenire debemus ad decorum illuminationis : ecce oculi lippi. De secundo<sup>3</sup> : « Oculi tui sicut piscinæ in Hesebon (<sup>a</sup>), quæ sunt in porta filiae multitudinis. » Hic oculi comparantur piscinæ, quia sicut in piscinæ est copia aquarum, sic in gratia compunctionis copia lacrymarum. Quamobrem hæ piscinæ in Hesebon esse narrantur, quod *cogitatio mœroris* interpretatur. Et si causa mœroris quæritur, protinus aperitur : « Quæ sunt in porta filiae multitudinis ; » nam revera vis visiva existit porta concupiscentiæ multiformis : ecce oculi aquosi. De tertio<sup>4</sup> : « Ecce tu pulchra es, amica mea; ecce tu pulchra es (<sup>b</sup>) : oculi tui columbarum ; » quia pulchra est anima quantum ad conscientiam, et quantum ad intelligentiam, quæ nitescit per compunctionis gratiam : ecce oculi columbini.

*Articulus secundus.*

Secundum subtenditur, cum adjicetur : *Diluculo* : ecce quando prævenerunt, et quid prævenerunt ; quia diluculo prævenerunt, et solem prævenerunt. Oculi compunctionis prævenerunt solem contemplationis ; fortasse, si non prævenissent, cibum intrinsecum non invenissent, sicut populus antiquus cibum extrinsecum non invenit, qui diluculo non prævenit. Et notandum circa diluculum, quod legitur diluculo justus vigilare, Deus evigilare, diabolus oculos opilare : quia nimis justus vigilat ad rogandum; Deus evigilat ad erogandum; diabolus oculos opilat ad malitiam prorogandum. De primo, ubi dicitur de justo<sup>5</sup> : « Cor suum tradet ad vigilandum diluculo ad Dominum, qui fecit illum, et in conspectu Altissimi deprecabitur : » ecce justus diluculo vigilans ad rogandum. De secundo<sup>6</sup> : « Si dilaculo consurrexeris ad Deum, et Omnipotentem fueris deprecatus ; si mundus et rectus incesseris, statim evigilabit ad te, et pacatum reddet habitaculum justitiae tuae : in tantum, ut si priora tua fuerint parva, et novissima tua multiplicentur nimis : » ecce Deus diluculo evigilans ad erogandum. De tertio, ubi scribitur de diabolo<sup>7</sup> : « Oculi ejus, ut palpebrae diluculi. » Plane oculi diaboli sunt ut palpebrae diluculi, non ut pupillæ dici, quia clausi sunt oculi, non aperi; ligati sunt, non soluti. In oculis aperiis apparent pupillæ ; in clausis non patent, nisi palpebrae. Ligati sunt per vinculum impietas, non

<sup>(a)</sup> Cœl. edit. Esebon, et sic deinceps. — <sup>(b)</sup> Cœl. edit. non habent es.

soluti ad intuitum pietatis. Non oculos suos oppilat, et nonnullos sibi assimilat; sed tunc evigilabit, cum sol justitiae in judicio rutilabit. Propterea tunc inveniet maledictionem, quia non praevenit solem ad benedictionem. Ecce diabolus diluculo oculos oppilans ad malitiam prorogandum.

#### *Articulus tertius.*

Tertium attenditur, cum additur: *Ut meditarer*. Haec meditatio est oculorum interiorum negotiatio. Interiores enim oculi sunt actus perspectivi, scilicet admiratio et investigatio, quibus negotiatur ratio in meditativo negotio, donec inveniatur delectabilis illuminatio. Sed notandum, quod actus meditativi attribuuntur aliquoties ori, aliquoties gutturi, et aliquoties menti: quia prolata sensibilitas, aut illa suavitas, aut oblata sapientiae sinceritas potest esse principium meditandi. De primo canitur<sup>1</sup>: « Os justi meditabitur sapientiam: » hic actus meditandi attribuitur ori. De secundo scribitur<sup>2</sup>: « Veritatem meditabitur guttura meum: » hic actus meditandi attribuitur gutturi. De tertio legitur<sup>3</sup>: « Mens justi meditabitur obedientiam: » hic actus meditandi attribuitur menti.

#### *Articulus quartus.*

Quartum intenditur, cum infertur: *Eloquia tua*, maxime figuralia, in quibus existit sapientia in mysterio abscondita, ex: cuius inspectio est insipientis refectio. Et nota, quod haec eloquia sunt meditationis tripartitae materia, ori, gutturi, et menti convenientia, quia sensibiliter proferuntur, quia suaviter inferuntur, quia sinceriter offeruntur. De primo Psalmista dicit<sup>4</sup>: « Pronuntiabit lingua mea eloquium suum: » hic eloquium profertur sensibiliter. De secundo Prophetam psallit<sup>5</sup>: « Quam dulcia fauceibus meis eloquia tua! » hic eloquium infertur suaviter. De tertio Paulus ait<sup>6</sup>: « Credita sunt illis eloquia Dei: » hic eloquium offertur sinceriter.

#### *Epilogus.*

Ostendens ergo Prophetam qualiter orandum pro saturitate interna, dicit: *Prævenerunt oculi mei ad te*, quantum ad oculorum exteriorum præventum, quod est compunctionis; *Diluculo*, id est ante solis adventum, quod est contemplationis; *Ut meditarer*, quantum ad oculorum

interiorum præventum, quod est meditationis; *Eloquia tua*, quantum ad mysticum alimentum, quod est consolationis, vel consolatoriæ illuminationis.

#### *Versiculus v.*

149. *Vocem meam audi*, etc. Virilitas orationis mentalis in præcedenti quaternario claruit; virilitas orationis vocalis in præsenti clarescit. Virilitas hujuscemodi servatur in oratione vocali præcipue pro quadriformi commoditate: scilicet ut homo exterior per interiore exaudiatur; ut homo interior per exteriorem custodiatur; ut ad hominem interiorem per hominem exteriorem doctor superior ingrediatur; ut per hominem exteriorem homo interior erudiatur, sicut luce clarius in quatuor versibus declaratur. Primum articulum primus versus declarat, dum Prophetam sic orat: *Vocem*, etc.; ac si dicat: Domine, audi meam vociferationem secundum tuam miserationem, et secundum judicii tui considerationem vivifica, vel vigora meam operationem. Quis nesciat, quod versus iste quatuor comprehendat, videlicet vociferationem, miserationem, considerationem, et operationem? aut quis non videat, quod vociferatio ad hominem pertineat exteriorem, miseratione ad interiorem, rursum consideratio ad interiorem, operatio ad exteriorem?

#### *Articulus primus.*

Primum prænotatur, cum psallitur: *Vocem meam audi*: ecce vociferantis oratio, vel orantis vociferatio. Tali vociferatione vociferatur homo exterior triplici ratione: scilicet aut ratione contritionis, aut ratione passionis, aut ratione compassionis. Unde notandum, quod secundum Scripturæ testimonium, invenitur homo exterior clamans, exclamans, inclamans: clamare namque dicitur, qui conteritur; exclamare, qui patitur; inclamare, qui compatitur. De primo scribitur<sup>7</sup>: « Voce mea ad Dominum clamavi; » et infra: « Tribulationem meam ante ipsum pronuntio: » ecce vox clamantis in contritione. De secundo<sup>8</sup>: « Exclamavit vox magna Susanna, et dixit; » et infra: « Ecce morior: » ecce vox exclamantis in passione. De tertio<sup>9</sup>: « Appropinquans rex lacui, Danielem voce lacrymabili inclamavit: » ecce vox inclamantis in compassione.

<sup>1</sup> *Psal.* xxxvi, 30. — <sup>2</sup> *Prov.*, viii, 7. — <sup>3</sup> *Prov.*, xv, 28. — <sup>4</sup> *Psal.* hoc, 172. — <sup>5</sup> *Ibid.*, 103. — <sup>6</sup> *Rom.*, iii,

<sup>7</sup> *Psal.* cxli, 2, 3. — <sup>8</sup> *Dan.*, xiii, 42, 43. — <sup>9</sup> *Dan.*, vi, 20.

*Articulus secundus.*

Secundum subnotatur, cum sequitur : *Secundum misericordiam tuam, Domine.* Ille est miserationis, qua Deus misericorditer intuetur interiorum hominem, tanquam suam imaginem, quae miseranda videtur propter amissam, vel remissam similitudinem. Et nota, quod invenitur misericordia quadripartita; scilicet præveniens, adveniens, superveniens, et subveniens: prima gratificat; secunda ratificat; tertia beatificat; quarta glorificat. De prima per Psalmistam dicitur<sup>1</sup>: « Fortitudinem meam ad te custodiam; quia Deus susceptor meus : Deus meus, misericordia ejus præveniet me : » ac si dicat : Fortiter tibi servire intendo, quia tu, de cuius humanitate confido, me prævenies, gratiam influendo : ecce misericordia præveniens gratificando. De secunda per Sapientem scribitur<sup>2</sup>: « Filios tuos nec draconum, nec venenatorum vicerunt dentes : misericordia enim tua adveniens sanabat illos; » quasi dicat : Filii tui non defecerunt tentati, quia fuerunt tua misericordia confortati : ecce misericordia adveniens ratificando. De tertia per Prophetam psallitur<sup>3</sup>: « Et veniat super me misericordia tua, Domine; salutare tuum, secundum eloquium tuum : » ecce misericordia superveniens beatificando : sic enim orat, qui suam infelicitatem deplorat, et felicitatem implorat. De quarta dicitur<sup>4</sup>: « Misericordia tua subsequetur me omnibus diebus vitæ meæ, ut inhabitem in domo Domini in longitudinem dierum : » ecce misericordia subveniens glorificando : sic enim orat, qui ad gloriam æternam pervenire desiderat.

*Articulus tertius.*

Tertium annotatur, cum additur : *Secundum judicium tuum*, id est, secundum considerationem judicii tui, quasi ponderationem exercitii mei. Nam qui judicium divinum prudenter considerat, exercitium proprium ponderat. Hic debet notari, quod divinum judicium debet præcogitari, præcogitans interrogari, justitia præparari : quorum primum pertinet ad discretionem; secundum, ad discussionem; tertium, ad devotionem. De primo<sup>5</sup>: « Revertere ad Dominum, et averttere ab injustitia tua, et nimis odito execrationem, et cognosce justicias, et judicia Dei; » quasi dicat : Ad judicem

<sup>1</sup> Psal. LVIII, 11. — <sup>2</sup> Sap., XVI, 10. — <sup>3</sup> Psal. hoc, 41. — <sup>4</sup> Psal. XXII, 6, 7. — <sup>5</sup> Eccli., XVII, 24. —

revertere; a prejudicieis avertere; prejudicia detestare; judicia meditare : ecce judicii præco-gitatio. De secundo<sup>6</sup>: « Ante judicium interroga te ipsum, et in conspectu Dei invenies propitiationem; » quasi dicat : Dum divina sententia prorogatur, humana conscientia interrogetur, ut indulgentia erogetur; ecce præcogi-tantis interrogatio. De tertio ibidem legimus paulo superiorius<sup>7</sup>: « Ante judicium para justitiæ; » ecce justitiae præparatio.

*Articulus quartus.*

Quartum denotatur, cum dicitur : *Vivifica me.* Talis vivificatio est vigoratio, seu fortificatio, per quam homo exterior efficitur ad operandum vivacior, seu fortior. Hic notare possumus, quod tribus modis vivificat, sive vigorat Dominus; scilicet promittendo, transmittendo, et immit-tendo: promittit enim præmium, transmittit elo-quium, immissit solatium. De primo<sup>8</sup>: « Vivifi-cabit nos post duos dies : » divina quippe vivificatio est nostræ vivificationis præsentis excita-tio, et futuræ pollicitatio : ecce vivificatio pro-mittentis. Deseconde canitur<sup>9</sup>: « Eloquium tuum vivificavit me : » ecce vivificatio litteras trans-mittentis. De tertio dicitur<sup>10</sup>: « Si ambulavero in medio tribulationis, vivificabis me, » scilicet interius consolando : ecce vivificatio immit-tentis.

*Epilogus.*

Ostensurus ergo Psalmographus orationis vocalis commoditatem, quantum ad exaudi-tionem exterioris hominis per interiorum, ait: *Vocem meam audi*, quantum ad vociferationem exteriori homini convenientem; *Secundum misericordiam tuam, Domine*, quantum ad miserationem interiori homini congruentem; *Secun-dum judicium tuum*, quantum ad judicii considerationem interiori homini competentem; *Vivifica me*, quantum ad vigorationem exteriori homini consonantem.

*VERSICULUS VI.*

150. *Appropinquaverunt persequentes me*, etc. Sicut per hominem interiorum homo exterior exauditur, sic per hominem exteriorum homo interior custoditur : quod præclare versus hujus declaratione sentitur. Nam quid sibi velit hæc littera, *Appropinquaverunt*, etc., nisi quod per-

<sup>6</sup> Eccli., XVIII, 20. — <sup>7</sup> Ibid., 19. — <sup>8</sup> Ose., VI, 3. —

<sup>9</sup> Psal. hoc, 50. — <sup>10</sup> Psal. CXXXVII, 7.

secutiones animalium cogitationum appropinquaverunt iniquitatibus rationalium consensionum, sed a pronuntiatione legalium lectionum facta est elongatio talium persecutionum? Quatuor ergo sunt, quae super haec pensari possunt; scilicet cogitationes, consensiones, lectiones, et elongationes: quarum quidem haec currunt, haec concurrunt, haec succurrunt, haec recurrunt.

#### *Articulus primus.*

Primum praeluet, cum dicitur: *Appropinquaverunt persequentes me.* Tales quippe persequentes, sunt irrationalib[us] cogitationes, quae dum pervenient ad delectationes, appropinquant ad consensiones. Illic notare possumus de supradictis persequentibus, quod interdum cogitationes rationales sunt persequentes, et animales fugientes; interdum animales sunt persequentes, et rationales fugientes; interdum animales non sunt persequentes, et tamen rationales sunt fugientes: quorum primum est laudabile; secundum vituperabile, sed aliquatenus excusable; tertium vituperabile, et penitus inexcusabile. De primo<sup>1</sup>: « Filii Israel uno agmine persequentes debilitabant omnes, » scilicet Babylonios fugientes; ubi per filios Israel significantur cogitationes rationales; per Babylonios, cogitationes irrationalies. De secundo<sup>2</sup>: « Persequentibus Joab et Abisai (*a*) fugientem Abner, sol occubuit: » Joab interpretatur *inimicus*, ipse est diabolus; Abisai, *pater meus superfluus*, ipse est carnalis stimulus; Abner patris lucerna, ipsa est rationalis appetitiva. Quocirca persequentibus Joab et Abisai fugientem Abner, sol occubuit, quia per sequentibus tam diabolo, quam carnali stimulus, rationalem appetitivam, ratio sepe succumbit. De tertio<sup>3</sup>: « Fugit impius, nemine persequente; » quia fugit saepius intellectivus appetitus, nulla passione sensibili impugnante.

Joab.  
Abisai.  
Abner.

#### *Articulus secundus.*

Secundum sublucet, cum adjicetur: *Iniquitati.* Tunc consummatur iniquitas, cum irrationalib[us] cogitationi consentit deliberata voluntas. Notandum igitur, quod iniquitas nascitur, trahitur, et completer: nascitur namque in cogitatione; trahitur in delectatione; completer in consensione. De primo<sup>4</sup>: « De vestimentis

procedit tinea, et a muliere iniquitas viri; » id est a muliere cogitatione iniquitas appetitus intellectivi. De secundo<sup>5</sup>: « Vae qui trahitis iniquitatem in funieulis vanitatis: » tunc in funieulis vanitatis iniquitas trahitur, cum vanis delectationum vinculis voluntas ad consensum conducitur. De tertio<sup>6</sup>: « Completa est iniquitas tua, Sion: » per Sion, quae interpretatur *specula*, vel *speculatio*, recte notatur ratio, quae dum ad consensum inclinatur, iniquitas consummatur.

#### *Articulus tertius.*

Tertium claret, cum scribitur: *A lege autem tua*, scilicet psallendo, vel canendo prolati foris per organum oris, ad excitationem interioris hominis: ad hoc enim exterior tuba insonat salutaris, ut interior turba fugiat animalis. Sed nota, quod tria sunt necessaria in praedicta legis custodia; scilicet, quod in ore lex habeatur, cor adaperiatur, lex oris aure cordis percipiatur: quorum primum pertinet ad objecti propositionem; secundum, ad subjecti dispositionem; tertium, ad utriusque compositionem. De primo<sup>7</sup>: « Lex Domini semper sit in ore tuo: » ecce lex in ore, quod est objecti propositio. De secundo<sup>8</sup>: « Adaperiat Dominus cor vestrum in lege sua: » ecce cordis apertio, quae est subjecti dispositio. De tertio<sup>9</sup>: « Auribus percipite legem Dei vestri: » ecce percepcionis legis aure cordis, quod est utriusque compositio.

#### *Articulus quartus.*

Quartum liquet, cum scribitur: *Longe facti sunt.* Haec est elongatio, qua elongatur cogitationum animalium persecutio, quibus inquietatur interior homo. Illic potest notari, quod cogitationes animales debent ab interiori homine elongari; quia deordinant eum quantum ad Deum, ad seipsum, ad proximum; sicut cogitationes vanitatis, tristitia, et iniquitatis. Prima elongatio continetur<sup>10</sup>: « Vanitatem et verba mendacia longe fac a me: » ecce elongatio vanitatis et falsitatis. Secunda habetur<sup>11</sup>: « Tristitiam longe expelle a te: » ecce elongatio tristitiae ab interiori homine. Tertia recessetur<sup>12</sup>: « Longe facies (*b*) iniquitatem a tabernaculo tuo: » ecce elongatio iniquitatis.

<sup>1</sup> Judith, xv, 4. — <sup>2</sup> II Reg., II, 24. — <sup>3</sup> Prov., XXVIII, 1. — <sup>4</sup> Eccli., XLII, 13. — <sup>5</sup> Isa., v, 18. — <sup>6</sup> Thren., IV, 22. — <sup>7</sup> Exod., XIII, 9. — <sup>8</sup> II Mach.,

1, 4. — <sup>9</sup> Isa., I, 10. — <sup>10</sup> Prov., XXX, 8. — <sup>11</sup> Eccli., XXX, 24. — <sup>12</sup> Job, XXII, 23.

(a) Cœl. edit. Abysai, et sic deinceps. — (b) Item faciet.

## Epilogus.

Ex præmissis potest patescere mens Prophetæ: ostendit enim orationis vocalis virtutem, qua custoditur interior homo per exteriorem, dicens: *Appropinquaverunt persequentes me*, quantum ad cogitationum animalium cursum; *Iniquitati*, quantum ad rationalium concessionum concursum; *A lege autem tua*, quantum ad legalium lectionum succursum; *Longe facti sunt*, quantum ad talium persecutionum recursum.

## VERSICULUS VII.

**151.** *Prope es tu, Domine*, etc. Post primam vocalis orationis virtutem, qua divinitus exauditur homo exterior per interiorem; et secundam, qua divinitus custoditur homo interior per exteriorem; acceditur ad tertiam, qua doctor superior ad hominem interiorem ingreditur per exteriorem. Hoc evidenter probatur, cum sapienter psallitur, ut intelligenter oratur: quod enim exterius pronuntiatur, interius nuntiatur; quod sensibiliter pronuntiatur per hominem exteriorem, intelligibiliter nuntiatur ad hominem interiorem. In oratione namque vocali est et vocalitas sensibilis, et veritas intelligibilis; vocalitas pronuntiata, veritas nuntiata. Vocalitas usque ad auditum progreditur; sed veritas intus usque ad intellectum ingreditur. Cum ergo per vocalitatem, quæ per organum oris emititur, et ad organum auris transmittitur, veritas intromittitur, tunc doctor superior per hominem exteriorem ad interiorem introire dignoscitur. Hoc annotavit Psalmista, cum ait: *Prope es tu*, etc., ac si dicathomo interior: *Prope es tu*, doctor superior; et vox tua, quam emitit homo exterior, est veritas, quam admittit homo interior. Quatuor itaque possumus hic notare: quis ingreditur; ad quem ingreditur; per quem ingreditur, et qualiter ingreditur: quia doctor superior ad hominem interiorem, per hominem exteriorem, veritatis adductorem.

*Articulus primus.*

Primum notatur, dicendo: *Tu, Domine*. Hic, ni fallor, demonstratur doctor superior: quis enim verius doctor, quam Dominus? Unde notandum circa Dominum, quod Dominus legitur indicare, judicare, et vindicare, tanquam doc-

<sup>1</sup> *I Reg.*, xxxiii, 11. — <sup>2</sup> *I Cor.*, iv, 4. — <sup>3</sup> *Judith*, xvi, 20. — <sup>4</sup> *Psal. CXLIV*, 18. — <sup>5</sup> *Isa.*, li, 5. — <sup>6</sup> *Joel*,

tor veritatis, æquitatis, et severitatis. De primo, ubi David dicit Domino<sup>1</sup>: « Si descendet Saul, sicut audivit servus tuus, Domine Deus Israel, indica servo tuo: » ecce Dominus indicans. De secundo<sup>2</sup>: « Qui judicat me, Dominus est: » ecce Dominus judicans. De tertio<sup>3</sup>: « Væ genti insurgenti super genus meum: Dominus enim omnipotens vindicabit in eis: » ecce Dominus vindicans.

*Articulus secundus.*

Secundum subnotatur, subdendo: *Prope es*, scilicet, homini interiori, tanquam doctor auditori. Et nota, quod prope est Dominus ad indicandum, judicandum, vindicandum; in veritate, in æquitate, in severitate. De primo canitur<sup>4</sup>: « Prope est Dominus omnibus invocantibus eum, omnibus invocantibus eum in veritate: » ecce propinquitas indicandi. De secundo<sup>5</sup>: « Prope est justus meus; egressus est salvator meus, et brachia mea populos judicabunt: » ecce propinquitas judicandi. De tertio<sup>6</sup>: « Prope est dies Domini, et quasi vastitas a potente veniet: » ecce propinquitas vindicandi.

*Articulus tertius.*

Tertium annotatur, addendo: *Et omnes viæ tuæ*. Tales viæ sunt voces significatiæ, ex vocalitate sensibili, et veritate intelligibili adunatae, ab homine exteriori prolate. Et nota quod, sicut legitur in Scriptura, hæ sunt spirituales viæ, per quas dicuntur spiritus transire, venire, et abire; quia per eas spiritus sanctus transit, ad spiritum mundum venit, sed spiritus vagus abit. De primo<sup>7</sup>: « Per quam viam transivit spiritus Domini ad me, ut loqueretur tibi? » ac si diceret: Per quam vocem locutus est mihi, ut loqueretur tibi? ecce via spiritus transeuntis. De secundo dicitur<sup>8</sup>: « Psallam et intelligam in via immaculata, quando venies ad me: » ecce via spiritus venientis. De tertio<sup>9</sup>: « Abiit vagus in via cordis sui: » ecce via spiritus abeuntis.

*Articulus quartus.*

Quartum connotatur, continue connectendo: *Veritas*, sicut voces prolate: quia sensibiles possunt dici sonoritas: sic quoniam intelligibles, possunt dici veritas. Sicut enim sonoritas per se sensibilis, sic veritas per se intelligibilis. Veritas triplex. Et nota de veritate præfata, quod est veritas prænuntiata, nutrita, enuntiata: quia nimirum

<sup>1</sup> *I Reg.*, xxxiii, 11. — <sup>2</sup> *I Cor.*, iv, 4. — <sup>3</sup> *Judith*, xvi, 20. — <sup>4</sup> *Psal. CXLIV*, 18. — <sup>5</sup> *Isa.*, li, 5. — <sup>6</sup> *Joel*,

<sup>7</sup> *II Paralip.*, xviii, 23. — <sup>8</sup> *Psal. c*, 2. — <sup>9</sup> *Isa.*, lvii, 17.

est per hominem exteriorem prænuntiata, ab exteriori ad interiorem nuntiata, per interiorem enuntiata. De primo<sup>1</sup>: « Est qui emittit verbum certum enarrans veritatem : » ecce veritas per exteriorem hominem pronuntiata. De secundo<sup>2</sup>: « Sensati in verbis, et ipsi sapienter egerunt, et intellexerunt veritatem : » ecce veritas ab exteriori homine ad interiorem hominem nuntiata. De tertio canitur<sup>3</sup>: « Qui loquitur veritatem in corde suo : » ecce veritas per hominem interiorem enuntiata.

#### Epilogus.

Manifestans ergo Propheta illam vocalis orationis virtutem, qua doctor superior per hominem exteriorem ingreditur ad interiorem, ait: *Tu, Domine, quantum ad doctorem superiorem, qui ingreditur; Prope es, quantum ad hominem interiorem, ad quem ingreditur; Et omnes via tua, id est, voces pronuntiatae, quantum ad hominem exteriorem, per quem ingreditur; Veritas, id est, sunt veritas nuntiata, cum qua, et in qua ingreditur.*

#### VERSICULUS VIII.

*Capua quadruplicata.* *Initio cognovi de testimoniis tuis, etc.* Audito quo modo per hominem interiorem exterior exaudiatur, quo modo per exteriorem interior custodiatur, quo modo per exteriorem doctor superior ingrediatur, audiendum postremo quo modo per exteriorem interior eruditatur. Hoc autem in parte ista egregie citharizat eximus citharista. Ad cuius clariorem intelligentiam prævideamus corporalis et spiritualis alteratio-  
nis consonam harmoniam. Plane in utraque alteratione possunt assignari quatuor causæ, scilicet initialis, materialis, instrumentalis, formalis. Causam initialem dico causam efficien-tem, quam appellat Philosophus<sup>4</sup>, unde initium motus. Sicut autem, in alteratione corporali, causa initialis in materialem per instrumentalem inducit formalem, verbi gratia, pictor in imaginem per penicillum inducit albedinem; ita per omnia, in alteratione spirituali, initialis in materialem per instrumentalem introducit formalem: verbi causa, doctor superior in hominem interiorem per exteriorem introducit veritatis splendorem. Quod luce clarius declaravit Propheta, cum ait: *Initio, etc.*;

<sup>1</sup> Eccli., xix, 23. — <sup>2</sup> Eccli., xviii, 29. — <sup>3</sup> Psal. xiv, 3. — <sup>4</sup> Arist., Phys., lib. II, text. 29. — <sup>5</sup> I Joan.,

ad si diceret voce clara: A causa initiali cognovi, potentia intellectuali, de testimoniis tuis ore prolatis, quod habent claritudinem veritatis. Ecce quatuor cause in praesenti versu signatae, videlicet initialis, materialis, instrumentalis, et formalis: initialis quidem spectat ad doctorem superiorem: materialis ad hominem interiorem; instrumentalis ad exteriorem; formalis ad veritatis splendorem.

#### Articulus primus.

Primum igitur declaratur, cum dicitur: *Initio.* Mentior, nisi causa initialis omnis illuminationis sapientialis sit dictor superior. Et notandum, quod doctor superior est initium æternum, ævitemnum, et hodiernum: quoniam ab æterno est initium generandi; ab ævo initium operandi; hodie quoque initium declarandi. De primo<sup>5</sup>: « Scribo vobis, patres, quia cognovistis eum, qui ab initio est: » ecce initium generationis. De secundo scribitur<sup>6</sup>: « Initio tu, Domine, terram fundasti: » ecce initium operationis. De tertio<sup>7</sup>: « Initium Evangelii Jesu Christi filii Dei: » ecce initium declarationis.

#### Articulus secundus.

Secundum designatur, cum subditur: *Cognovi*, scilicet, potentia intellectuali, quasi causa materiali, vel materiæ proportionali, in quantum passiva et receptiva, quia, secundum Philosophum<sup>8</sup>, pati et recipere proprium est materiæ. Et nota, quod sic cognoscimus, vel cognoscere possumus, quid fugiendum, quid eligendum, quid finaliter appetendum. Prima est cognitio peccati, secunda virtutis, tercua salutis. De primo<sup>9</sup>: « Peccatum non cognovi, nisi per legem: » ecce cognitio peccati. De secundo<sup>10</sup>: « Nunc in isto cognovi, quod vir Dei es tu: » ecce cognitio virtutis. De tertio scribitur<sup>11</sup>: « Nunc cognovi, quoniam salvum fecit Dominus Christum suum: » ecce cognitio salutis.

#### Articulus tertius.

Terrium demonstratur, cum additur: *De testimoniis tuis*, scilicet, ore prolatis, quod est organum hominis exterioris. Et nota circa testimonia memorata, quod sunt collata, prolata, et illata; quia superius conferuntur, exterius proferuntur, interius inferuntur. De primo<sup>2</sup>:

11, 13. — <sup>6</sup> Psal. c1, 26. — <sup>7</sup> Marc., I, 1. — <sup>8</sup> Arist., de Generat., lib. I, text. 45. — <sup>9</sup> Rom., VII, 7. — <sup>10</sup> III Reg., xvii, 24. — <sup>11</sup> Psal. xix, 7. — <sup>12</sup> Psal. hoc, 125.

« Da mihi intellectum, ut sciam testimonia tua : » ecce testimonia collata. De secundo<sup>1</sup> : « Loquebar de testimoniis tuis : » ecce testimonia prolata. De tertio<sup>2</sup> : « Testimonia tua intellexi : » ecce testimonia illata.

#### *Articulus quartus.*

Quatum denotatur, cum superadditur : *Quia in aeternum fundasti ea.* *Aeternaliter* sunt fundata, quæ sunt invariabili veritate firmata. Ecce quid cognovit, quoniam invariabilem testimoniorum veritatem agnovit. Hic notare possumus, quod tria fundat Dominus : fundat enim fasciculum ; fundat populum ; fundat templum. Primum fundamentum spectat ad dominicæ memoriam passionis; secundum, ad victoriam temptationis; tertium, ad gloriam retributionis. Et sunt hujuscemodi fundamenta rationabiliter ordinata; quoniam de primo ascenditur in secundum, et de secundo in tertium. Nam de memoria passionis ascenditur ad victoriam temptationis; et de victoria temptationis, ad gloriam retributionis. De primo<sup>3</sup> : « Qui ædificavit in cœlo ascensionem suam, et fasciculum suum super terram fundavit ; » quasi dicat : Qui ascendit ad gloriam retributionis, fundavit memoriam passionis; qui ascendit ad fundamentum tertium, in cœleste templum, fundavit et primum, scilicet myrræ fasciculum : ecce fundatio fasciculi. De secundo<sup>4</sup> : « Erunt mihi populus, et ego ero eis Deus ; » et infra : « Et fundabo eos, et multiplicabo, » quasi dicat : Fundabo eos ad superandum malum, et multiplicabo ad operandum bonum : ecce fundatio populi. De tertio<sup>5</sup> : « Templum juxta ordinem suum fundabit ; » hoc est, gloria retributionis ordinabitur, quoniam ordo præmiorum respondebit ordini meritorum. Quanto namque merita cariora, tanto præmia clariora. Ecce fundatio templi.

#### *Epilogus.*

Volens ergo Psalmographus declarare quater a superiore doctore erudiatur homo interior, mediante exteriore, dicit : *Initio*, quantum ad causam initialem, quæ est doctor superior; *Cognovi*, scilicet potentia intellectuali, quantum ad causam materialem, que est homo interior; *De testimoniis tuis*, ore prolatis, quantum ad causam instrumentalem, quæ est homo

exterior; *Quia in aeternum fundasti ea*, quantum ad causam formalem, quæ est veritatis invariabilis splendor.

#### *VERSICULUS IX.*

153. *Vide humilitatem meam*, etc. Sicut orationis virilitas enituit in octonario primo, sic ipsius humilitas enitescit in isto. Humilitas autem orandi ostenditur per primum quaternarium in oratione speciali, per secundum in generali. Oratio vero specialiter humili, et humili<sup>Oratio.</sup> specialis, excitatur potissimum ex quatuor causis : ex naturali justitia relegata; ex originali injustitia colligata; ex cœlesti patria elongata; ex terrestri miseria prolongata : quas totidem versibus dogmatizat Propheta. Primam causam primus versus declarat, cum Psalmista sic orat : *Vide*, etc.; quia loquitur ut persona originaliter destituta, nondum finaliter restituta, moraliter instituta, non mortaliter prostituta. Idcirco videndum est in versu proposito, quæ sit originalis destitutio, finalis restitutio, moralis institutio, mortalis prostitutio. In prima privatur potentia non peccandi; in secunda speratur impotentia peccandi; in tercia ligatur impotentia non peccandi; in quarta laxatur potentia peccandi.

#### *Articulus primus.*

Primum proditur, cum profertur : *Vide humilitatem meam*; aut, ut evidentius dicam, vilitatem meam. Grandis quidem humilitas, imo gravis est vilitas, quod homo volens non peccare, non valeat non peccare. Quæris quare? Quia primo valens non peccare, non voluit non peccare : ideo factum est nunc, ut quod velit, non valeat; quoniam tunc non voluit, quod valebat. Sane in humanitate sana, vel sanitate humana, et potentia peccandi, et potentia non peccandi præcessit; sed peccandi potentia sic excessit, quod potentia non peccandi decessit, et impotentia non peccandi successit.

#### *Articulus idem.*

Illi nobilis potentiae decessum, et istius ignobilis impotentiae successum deplorat Psalmographus, cum sic orat : *Vide humilitatem meam*; ac si diceret ore propheticō, quod dicitur<sup>6</sup> : « *Vide, Domine, et considera,* » videlicet

<sup>1</sup> *Psal.* hoc, 46. — <sup>2</sup> *Ibid.*, 93. — <sup>3</sup> *Amos*, ix, 6. —

<sup>4</sup> *Ezech.*, XXXVII, 23, 26. — <sup>5</sup> *Jerem.*, XXX, 18. —

oculis pietatis, « quoniam facta sum vilis. » Et nota, quod postulat Prophetam dominicam visionem propter triplicem rationem : propter vindemiationem, afflictionem, et desolationem : quorum primum pertinet ad bonum ablatum; secundum, ad malum illatum; tertium, ad exilii incolatum. De primo : « Vide, Domine, et considera, » quem vindemiaveris ita : ecce visio vindemiationis. De secundo<sup>1</sup> : « Vide, Domine, afflictionem meam, quoniam erector est inimicus : » ecce visio afflictionis. De tertio<sup>2</sup> : « Aperi oculos tuos, et vide desolationem nostram : » ecce visio desolationis.

#### Articulus secundus.

Secundum promittit, cum proponitur : *Et eripe me.* Liberari desiderat a vilitate, quam tolerat, et muneric nobilitate, quam sperat. Tolerat enim impotentiam non peccandi, et sperat non tantum potentiam non peccandi, sed impotentiam peccandi. Ille est impotentia nobilis, quia non infirmitatis signum est, sed virtutis; sicut illa impotentia existit ignobilis, quoniam infirmitatis signum est, non virtutis. Et nota, quod eripi precatur Prophetam ab hac ignobili impotentia triplici de causa : quia tentatur; quia tribulatur; quia quadam modo devoratur per illam, considerando, desiderando, operando operationem illicitam. De primo per Psalmistam dicitur<sup>3</sup> : « Quoniam in te eripiar a tentatione : » ecce erexitio a tentatione considerandi. De secundo per Prophetam psallit<sup>4</sup> : « Quoniam ex omni tribulatione eripisti me : » ecce erexitio a tribulatione desiderandi. De tertio scribitur, quod Tobias junior dixit de Angelo<sup>5</sup> : « Me ipsum a devoratione pisces eripuit. » Per maximum pisces, animalem intelligimus passionem, quae nisi præfocetur, interficit operantem; si præfocetur, reficit præfocantem : ecce erexitio a devoratione operandi.

#### Articulus tertius.

Tertium propalatur, cum pronunciatur : *Et legem tuam.* Legem utique vitæ et disciplinæ, qua utique me facis moraliter vivere, tam interiori, quam exteriori homine. Et nota de lege vivifica, quod invenimus legem vite triplicem in Scriptura; scilicet legem vitæ interioris, exterioris, et superioris. Prima lex hominem interiorum liberat; secunda lex ab interiori in

exteriorem exuberat; tertia lex hominem tam interiorem, quam exteriorem remunerat. De prima scribitur ab Apostolo<sup>6</sup> : « Lex spiritus vitæ in Christo Iesu liberavit me a lege peccati et mortis : » ecce lex vitæ interioris interiorem hominem liberantis. De secunda legitur<sup>7</sup> : « Lex sapientis fons vitæ, ut declinet a ruina mortis ; » quia lex, qua sapienter vivit homo interior, est fons foras exuberans respectu vitæ, qua decenter vivit homo exterior, quatenus ab exteriori homine nulli detur occasio mortalis ruinæ: ecce lex vite exterioris ab homine interiori in exteriorem exuberantis. De tertia dicitur<sup>8</sup> : « Deus creavit de terra hominem ; » et infra : « Lege vitæ hæreditavit illos ; » quia nimis illa lege, sub qua militant coelestes militiae hæreditariae, statuit hominem formatum; sed ea destituit deformatum; sed eadem restituit reformatum : ecce lex vitæ superioris, tam interioris, quam exteriorem hominem remunerantis.

#### Articulus quartus.

Quartum probatur, cum Prophetam profatur : *Non sum oblitus :* qualiter sunt obliiti, qui sunt mortaliter polluti, seu criminaliter prostituti. Et nota, quod talis oblio cerebrime solet contingere occasione prosperitatis, vel adversitatis, vel infidelitatis, sicut patet in mentibus tumidis, timidis, obcæcatis. De primo<sup>9</sup> : « Succedentibus prosperis præpositus pincernarum oblitus est interpretis sui : » ecce oblio tumidæ mentis, occasione prosperitatis. De secundo<sup>10</sup> : « Repulsa est (a) anima mea, oblitus sum bonorum : » ecce oblio timidæ mentis, occasione adversitatis. De tertio<sup>11</sup> : « Oblitus est Israel factoris sui, et ædificavit delubra : » ecce oblio obcæcate mentis, occasione infidelitatis.

#### Epilogus.

Humiliter igitur ac specialiter orans Prophetam, quasi compunctus pro naturali justitia relegata, sic ait : *Vide humilitatem meam*, quantum ad originalem destitutionem, qua privatur potentia non peccandi; *Et eripe me*, quantum ad finalem restitutionem, qua speratur impotentia peccandi; *Quia legem tuam*, quantum ad moralem institutionem, qua ligatur impotentia non peccandi; *Non sum oblitus*, quantum ad mortalem prostitutionem, qua laxatur potentia peccandi.

<sup>1</sup> Thren., I, 9. — <sup>2</sup> Dan., IX, 48. — <sup>3</sup> Psal. XVII, 30. — <sup>4</sup> Psal. LIII, 9. — <sup>5</sup> Tob., XII, 3. — <sup>6</sup> Rom., VIII, 2.

(a) *Suppl.* a pace.

<sup>7</sup> Prov., XIII, 14. — <sup>8</sup> Eccli., XVII, 1, 9. — <sup>9</sup> Gen., XL, 23. — <sup>10</sup> Thren., III, 17. — <sup>11</sup> Ose., VIII, 14.

## VERSICULUS X.

154. *Judica iudicium meum*, etc. Sicut superius oravit Psalmista occasione naturalis justitiae relegate; sie orat in parte ista occasione originalis injustitiae colligatae. Videtur enim haec oratio esse petitio voluntatis ab inferiore curia

*Curiae plures in regno animae.* ad superiorem curiam appellantis. Advertentes dum itaque, quod in regno animae possumus plures curias, plures judices, sive leges judiciarias, plures quoque sententias invenire; sicut curiam concupiscentiae, curiam conscientiae, curiam gratiae. Judex in curia concupiscentiae, est lex injustitiae; judex in curia conscientiae, est lex justitiae; judex in curia gratiae, est lex clementiae. Sententia lata in curia concupiscentiae per legem injustitiae, est reddere malum pro bono: quod accidit in omni peccato, quia redditur Deo indebitum opus pro debito. Sententia lata in curia conscientiae per legem justitiae, est reddere bonum pro bono: quod contingit in omni merito, in quo redditur bonum operatum pro bono inspirato. Sententia lata in curia gratiae per legem clementiae, est reddere bonum pro malo: quod evenit in omni justificationis beneficio; redditur namque a pio judece bonum veniae pro malo culpae. Cum igitur voluntas humana tentatur ab hoste, citatur ad curiam concupiscentiae. Cum voluntas in tentatione modo delectatur, modo detestatur, causa ejus coram judece insipiente, seu lege injustitiae ventilatur. Cum a delectatione detestatio superatur, iniqua sententia per legem injustitiae promulgatur, et humana voluntas ad satisfaciendum voluntati diabolice condemnatur. Quo cognito, condemnata voluntas appellat ad curiam gratiae, revocari supplicans sententiam legis injustitiae per sententiam legis clementiae. Quo concesso, postulat, quod deinceps trahi non valeat ad curiam concupiscentiae; sed cui libet conquerenti respondeat in curia conscientiae. Omnia quidem ista brevissime comprehendit Psalmista dicens: *Judica*, etc.; ac si

*Petitorium animae.* suum formaret petitorium sub hac forma: Peto, Domine, revoca in curia gratiae, per legem clementiae, judicium meum datum in curia concupiscentiae per legem injustitiae; et separame a lege injustitiae judicante in curia concupiscentiae, ac reparame per legem justitiae

<sup>1</sup> *Job*, xxiv, 5. — <sup>2</sup> *Deut.*, xxvii, 19. — <sup>3</sup> *Amos*, v, 7.

judicantem in curia conscientiae. Ecce quatuor actus contenti in petitione praesenti: videlicet actus judicandi, actus revocandi, actus separandi, actus reparandi. Primus spectat ad mali consensionem; secundus, ad mali contritionem; tertius, ad mali confessionem; quartus, ad mali satisfactionem.

*Articulus primus.*

Quantum ad actum judicandi, Psalmographus dicit: *Judicium meum*: hoc est judicium pronuntiatum in curia concupiscentiae per legem justitiae. Unde nimis recte dicit, *meum*, non tuum; quia lex injustitiae, et lex concupiscentiae non est a Deo, sed ab homine. Notandum igitur quod, sicut in Scriptura legitur, judicium subvertitur, pervertitur, et in malum convertitur, sicut in isto judicio luce clarius invenitur. Subvertitur enim per delectationem superantem; pervertitur per legem injustitiae imperantem; in malum convertitur per voluntatem obtemperantem. De primo<sup>1</sup>: « Nec Omnipotens subvertet judicium: » quoniam immisso passionis, quae subvertit judicium rationis, fuit ab adversario, non a Deo: ecce judicium subversum. De secundo<sup>2</sup>: « Maledictus, qui pervertit judicium advenae. » Plane maledictus est affectus ille, quo pervertitur judicium advenae, id est, voluntatis bonae: quae dicitur advena, non indigena, quoniam inspirata est, non innata: ecce judicium perversum. De tertio<sup>3</sup>: « Convertitis in absinthium judicium, et justitiam in terra relinquitis. » Nulli dubium quin judicium convertat in absinthium, qui convertit dulcedinem vitii in amaritudinem supplicii: ecce judicium conversum.

*Articulus secundus.*

Quantum ad actum revocandi, adjunxit: *Judica*, id est, judicando revoca in curia gratiae per legem clementiae. Quæreris, quare appellavit judicium clementiae potius, quam justitiae? Quia juris ordinem non servavit, dum data et accepta sententia appellavit. Ante peccati consensus potuisse appellasse judicem justum, ut faceret cum tentatione proventum; sed post consensus dementiam non potuit appellare, nisi clementiam. Et nota, quod sicut ait Scriptura, judicare contingit inter, pro, et contra, et praesertim in causa revocatoria: scilicet inter justitiam et injustitiam discernendo; injustitiam secernendo; justitiam decernendo. De primo,

ubi dicit David ad Saul : « Judicet Dominus inter me, et te, et ueliscatur me Dominus ex te : » ecce judicium discernentis inter justum et injustum. De secundo <sup>2</sup> : « Ne attingas parvulorum terminos, et agrum pupillorum non introeas : propinquus enim illorum fortis est, et ipse judicabit contra te causam » illorum : ecce judicium secernentis injustum. De tertio <sup>3</sup> : « Judicavit pro te Dominus hodie : » ecce judicium decernentis justum.

#### *Articulus tertius.*

Quantum ad actum separandi, coniunxit : *Et redime me.* Haec redemptio est exemptio, qua voluntas ingemiscit, et concupiscit eximi a lege peccati, licet haec petitio non concedatur ad plenum in vita praesenti. Nam lex ejusmodi modo potest premi, non perimi; subjici, non abjici: subigi et in servitutem redigi, non prorsus abigi. Verumtamen si differtur concessio, non aufertur; quia concedetur in vita sequenti, quando <sup>4</sup> « liberabimur a servitute corruptionis in libertatem gloriae filiorum Dei. » Nunc quidem in aliis dominatur; in aliis non dominatur, sed reluctatur; in aliis non reluctatur, sed subjugatur. Tunc autem, nec dominabitur, nec reluctabitur, nec subjugabitur, sed radicitus extirpabitur. Hic potes notare, quod Dominus invenitur redimere diversos diversimode. Nam redimit alios ab iniuitate, alios a servitute, alios ab infirmitate, et morte. Primo modo redimit vocatos justificando; secundo modo, justificatos magnificando; tertio modo, magnificatos glorificando. De primo <sup>5</sup> : « Qui dedit semel ipsum pro nobis, ut nos redimeret ab omni iniuitate : » ecce redemptio ab iniuitate, qua redimuntur justificati. De secundo <sup>6</sup> : « Qui eduxit vos de terra Aegypti, et redemit vos de domo servitutis. » Eduxit justificando, redemit magnificando: ecce redemptio a servitute, qua redimuntur magnificati. De tertio psallitur per prophetam <sup>7</sup>: « Qui sanat omnes infirmitates tuas, qui redimit de interitu vitam tuam : » ecce redemptio ab infirmitate et morte, qua redimuntur glorificati.

#### *Articulus quartus.*

Quantum ad actum reparandi, subiunxit : *Secundum eloquium tuum vivifica me.* Ista quippe

<sup>1</sup> Reg., xxiv, 13. — <sup>2</sup> Prov., xxiii, 10, 11. —

<sup>3</sup> II Reg., xviii, 31. — <sup>4</sup> Rom., viii, 21. — <sup>5</sup> Tit., ii, 14.

vivificatio est vitae renovatio, qua voluntas incepit vivere secundum judicium conscientiae, secundum eloquium justitiae; neminem volens laedere, sed laesis satisfacere. Et nota, quod vivificatur aliter opus, aliter spiritus, aliter corpus. Nam opus vivificatur, cum verificatur; spiritus vivificatur, cum justificatur; corpus vivificatur, cum glorificatur. De primo <sup>8</sup> : « Homine, opus tuum, in medio annorum vivifica illud : » ecce opus vivificatum, quia verificatum: videlicet mysticum agni sacrificium, vero sacrificio consummatum. De secundo <sup>9</sup> : « Haec dicit Dominus; » et infra: « Ut vivificet spiritum humilium, et vivificet cor contritorum : » ecce spiritum vivificatum, quia justificatum. De tertio <sup>10</sup> : « Qui suscitavit JESUM CHRISTUM a mortuis, vivificabit mortalia corpora vestra, propter inhabitantem spiritum ejus in vobis : » ecce corpus vivificatum, quia glorificatum.

#### *Epilogus.*

Illis visis, patet oratio Prophetae, orantis occasione injustitiae colligatae, tanquam voluntate ab ipsius sententia appellante. Ait enim : *Judicium meum*, quantum ad actum judicandi, quem exerceat lex injustitiae in mali consensione; *Judica*, quantum ad actum revocandi, quem exhibet lex clementiae in mali contritione; *Et redime me*, quantum ad actum separandi, cuius desiderio fervet voluntas in mali confessione; *Secundum eloquium tuum vivifica me*, quantum ad actum reparandi, quem adimpleret lex justitiae in mali satisfactione.

#### *VERSICULUS XI.*

<sup>155.</sup> *Longe a peccatoribus salus*, etc. Occasione originalis justitiae relegatae, ac injustitiae colligate superius oravit Psalmista; occasione patriae elongatae orat in parte ista. Nam et ipsam elongationem deplorat, et elongationis rationem declarat, dicens : *Longe*, etc.; ac si dieat ex cordis amaritudine : Salus est a peccatoribus elongata, quia virtus ab illis est postergata. Attende, lector, partes orationis quatuor : salutem, et ejus elongationem; virtutem, et ejus postergationem : in salute, stipendum; in elongatione, dispendium; in virtute, meritum; in postergatione, demeritum.

<sup>6</sup> Deut., xiii, 5. — <sup>7</sup> Psal. cii, 4. — <sup>8</sup> Habac., iii,

2. — <sup>9</sup> Isa., lvi, 15. — <sup>10</sup> Rom., viii, 11.

*Articulus primus.*

Primum notans, ait: *Salus*. Hæc autem salus æterna: hæc est patria superna, pro qua pugnant, qui contra vitia legitime certant; ad quam pervenient mediantibus angelis, qui percipiunt hæreditatem salutis. Et nota de prædicta salutari patria, quod ab aliis se elongat, ad alios appropinquat, alios occupat. Elongatio fit per demeritum; appropinquatio, per meritum; occupatio vero, per præmium. De primo<sup>1</sup>: « Expectavimus salutem, et elongata est: » ecce salutis elongatio ratione demeriti. De secundo<sup>2</sup>: Nunc enim propior est nostra salus, quam cum credidimus: » ecce salutis appropinquatio ratione meriti. De tertio<sup>3</sup>: « Occupabit salus muros tuos, et portas tuas laudatio. » Noster murus est nostrum corpus; porta corporis est os carnis. Tunc igitur muros nostros occupabit salus, quando gloria spiritus redundabit in corpus; portas vero occupabit laudatio, cum os carnis occupabit vox laudis, quia<sup>4</sup> « gaudium et lætitia invenientur in ea, gratiarum actio, et vox laudis; » ubi patet gaudium interioris, et lætitia exterioris hominis, et laus oris: ecce salutis occupatio ratione præmii.

*Articulus secundus.*

Secundum annotans, addit: *Longe a peccatis*. Hæc est elongatio salutis, vel patriæ salutaris. Elongationem autem patriæ facit elongatio viæ. Tanto namque longius distat patria, quanto longius (a) via. Si vero salus est patria, virtus est via, quia per virtutem pervenitur ad salutem, sicut per viam pervenitur ad patriam.

Virtutis distantia mensuratur per tria virtutem concomitantia; scilicet agnitionem, actionem, et delectationem: quorum primum respicit legis doctrinam; secundum, justitiae disciplinam; tertium, consolationem divinam. Sane longe videtur virtus distare a parentibus consolatione, sicut ab inde votis; sed longius a parentibus actione, sicut ab injustis; sed longissime a parentibus agnitione, sicut ab imperitis. Prima elongatio notatur, ubi dicitur ex persona pœnitentis consolatione parentis<sup>5</sup>: « Ego plorans, et oculus meus deducens aquam, quia longe factus est a me consolator: » ecce longam virtutis distantiam, propter consolationis care-

<sup>1</sup> Isa., LIV, 11. — <sup>2</sup> Rom., XIII, 11. — <sup>3</sup> Isa., LX, 18.  
— <sup>4</sup> Isa., LI, 3. — <sup>5</sup> Thren., I, 16. — <sup>6</sup> Isa., LXIX, 14.

tiam. Secunda elongatio notatur, ubi dicitur de injustis<sup>6</sup>: « Conversum est retrorsum judicium, et justitia longe stetit: » ecce longam virtutis distantiam, propter actionis parentiam. Tertia elongatio notatur, ubi scribitur de imperitis<sup>7</sup>: « In illa die longe fiet lex, » id est agnitus legis: ecce longam virtutis distantiam, propter agnitionis parentiam.

*Articulus tertius.*

Tertium subnotans, subdit: *Quia justitiae tuas*. Hæc justificationes sunt jūdiciae actiones. Justitia vero est virtus generalis; ecce virtus, quæ postergatur a malis. Sed notandum, quod diverse justificationes sunt diversorum. Nam aliae sunt justificationes injustorum; aliae justificationes justorum; aliae justificationes sanctorum. Primæ quidem spectant ad gratiam præoperantem; secundæ, ad gratiam cooperantem; tertiae vero, ad gratiam remunerantem. De primo<sup>8</sup>: « Qui traditus est propter delicta nostra, et resurrexit propter justificationem nostram: » ecce justificatio injustorum. De secundo<sup>9</sup>: « Justificationem meam, quam cœpi tenere, non dereram: neque enim reprehendit me cor meum in omni vita mea: » ecce justificatio justorum. De tertio, ubi legitur de sponsa Agni<sup>10</sup>: « Datum est illi ut cooperiat se byssino splendente, et candido: byssinum autem (b) justificationes sunt sanctorum: » ecce justificatio sanctorum.

Justitia.  
Diversorum  
diversa  
justifica-  
tiones.

Byssi-  
num.

*Articulus quartus.*

Quartum connotans, connectit: *Non exquisierunt*, imo postposuerunt, sive postergaverunt. Ecce postergatio generalis justitiae vel virtutis, quæ fuit causa elongationis patriæ vel salutis. Hic potest notari, quod tripliciter possunt justificationes exquiri: supra nos, extra nos, intra nos: videlicet in Dei virtute, in rei salute, in fidei servitute. De primo<sup>11</sup>: « Legem pone mihi, Domine, viam justificationum tuarum; et exquiram eam semper. » Hic exquiritur justificatio in servitute Dei. De secundo<sup>12</sup>: « Hæc facta est mihi, quia justificationes tuas exquisivi: » hic exquiritur justificatio in salute rei. De tertio<sup>13</sup>: « Tuus sum ego, salvum me fac; quoniam justificationes tuas exquisivi: » hic exquiritur justificatio in servitute fidei.

Justifi-  
cationes  
triplici-  
ter pos-  
sunt ex-  
quiri.

— <sup>7</sup> Mich., VII, 11. — <sup>8</sup> Rom., IV, 25. — <sup>9</sup> Job, XXVII, 6. — <sup>10</sup> Apoc., XIX, 8. — <sup>11</sup> Psal. hoc, 33. — <sup>12</sup> Ibid., 34. — <sup>13</sup> Ibid., 94. — (a) *Leg. longior.* — (b) *Vulg.* enim.

## Epilogus.

Ex præmissis potest clarescere, quod oratio Prophetæ sit deploratio patriæ elongata. Ait enim : *Longe a peccatoribus*, quantum ad elongationis dispendium ; *Salus*, quantum ad salutis stipendum ; *Quia justificationes tuas*, quantum ad virtutis meritum ; *Non exquisierunt*, quantum ad postergationis demeritum.

## VERSICULUS XII.

186. *Misericordiae tuæ multæ*, etc. Orationes Prophetæ proposuit nunc ratione justitiæ relegatae, nunc ratione injustitiæ colligatae, nunc ratione patriæ elongatae ; hic orationem proponit ratione miseriae prolongatae. Nam vox ista, quam eructat Psalmista, videtur vox humani generis, miseras desolatorias supponentis, et misericordias consolatorias exponentis. Ad en-

Genus humani ante Salvatoris adventum tripartite miseriae subjacebat, propter mortis debitum, quod debebat, quod solverebat, a quo sese absolvere non valebat. Propterea tripartitam illi misericordiam Salvator exhibuit, dum se mortis debitorem, solutorem, et absolutorem constituit. Orat ergo misericordias numerando ; aliam venerando ; aliam ponderando ; aliam postulando, dicens : *Misericordiae*, etc., tanquam patenter inquiens : *Multas mihi misericordias exhibuisti*, cum te debiti mei debitorem, solutorem, et absolutorem constituisti : sicut ergo fuisti debitor et solutor, sic esse non differas absolutor. Ecce vides quadrimembrem orationem, quantum ad misericordiae numerationem, venerationem, ponderationem, et postulationem. In numeratione subtilitas ; in veneratione humilitas ; in ponderatione virilitas ; in postulatione utilitas.

## Articulus primus.

Misericordia numeratur, cum dicatur : *Misericordiae tuæ multæ*, quia triparlita : scilicet misericordia debitoris, misericordia solutoris, misericordia absolutoris. Et nota de misericordia memorata, quod triplex misericordia legitur in Scriptura : videlicet misericordia magnificata, misericordia confirmata, misericordia facienda. Misericordiam magnificatam arbitror, qua Dominus pro servis constituitur mortis debitor ; misericordiam confirmatam confiteor,

qua Judex pro reis mortis constituitur personaliter ; misericordiam faciendam protestor, qua Agnus immolatus constitutus est immolantium absolutor. De prima misericordia dicit Psalmographus<sup>1</sup> : « Quoniam magnificata est usque ad cœlos misericordia tua, et veritas tua usque ad nubes : » ecce misericordia magnificata. Si forte dubitas, quæ misericordia ? quæ veritas ? quæ magnificationis varietas ? misericordia quidem affuit, quia debitum mortis admisit, non propter maleficium quod præmisit. Veritas autem non defuit, quia debitum ipsum admisit propter beneficium, quod promisit. Nam qui nullum premerat maleficium per actiones indebitas, incarnationis beneficium promiserat per prophetas : quocirca misericordia dicitur magnificata usque ad cœlos, id est, cœlestes angelos, quia mundus fuit a malo, sicut angeli Dei in cœlo. Tales cœli enarraverunt gloriam Dei, dicendo<sup>2</sup> : « Gloria in excelsis (alias in altissimis) Deo. » Veritas vero dicitur magnificata usque ad nubes, id est, propheticas promissiones. Per tales nubes nobis insonuit magnifica Dei virtus. Unde psallimus<sup>3</sup> : « Magnificentia ejus et virtus ejus in nubibus. » De secunda misericordia psallit Propheta<sup>4</sup> : « Quoniam confirmata est super nos misericordia ejus, et veritas Domini manet in æternum : » ecce misericordia confirmata. Si quæraris, quando misericordia confirmata ? quæ misericordia ? quæ veritas memorata ? tunc fuit hæc misericordia confirmata, quando veritas incarnata fuit in cruce firmata. Veritas ibi fuit, quia solvit quod solvere debuit. Sed misericordia non defuit, quia misericordia mira fuit, quod se non sui debiti solutorem constituit. Nec dubium quin illa veritas maneat in æternum, quia supplet supplicium permanens in æternum. De tertia misericordia scribit Evangelista<sup>5</sup> : « Ad faciendam misericordiam cum patribus nostris, » etc. : ecce misericordia facienda. Quando facienda ? quando quidem agnus immolatus pro nobis nos absolvet a servitute corruptionis.

## Articulus secundus.

Prima misericordia veneratur, cum venerabiliter adjicitur : *Domine* : ecce Dominus pro servis debitor constitutus, et ideo venerandus, et venerabiliter nominandus. Et nota, quod

<sup>1</sup> *Psal. LVI*, 11. — <sup>2</sup> *Luc.*, II, 14. — <sup>3</sup> *Psal. LXVII*, 35. — <sup>4</sup> *Psal. CXVI*, 2. — <sup>5</sup> *Luc.*, I, 72.

Domi- nus pro- pter tria : quia se parvipendit; nos magnipendit; nostrum debi- tum apprehendit. Propter primum dictus est speciali- tate vene- randus. miserator; propter secundum , ponderator ; propter tertium , liberator. De primo dicitur a Psalmographo <sup>1</sup> : « Memoriam fecit mirabilium suorum misericors et miserator Dominus, » etc. Vere mirabile et mirabiliter memorabile, quod Dominus pro servis debitor constitutus , nobis misericorditer condescendit, et se mirabiliter parvipendit : ecce Dominus miserator. De se- cundo <sup>2</sup> : « Spirituum ponderator est Domi- nus. » Mirabiliter spiritus ponderavit, cum spi- ritus servi spiritui (a) preponderavit; quia proprium spiritum parvipendens, servi spiritum magnipendit : ecce Dominus ponderator. De tercio scribitur <sup>3</sup> : « Dominus firmamentum meum, et refugium meum, et liberator meus; » quia profecto Dominus dicitur firmamentum vitæ, meritum immittendo ; refugium, demeritum dimittendo ; sed liberator, mortis debi- tum admittendo : ecce Dominus liberator.

#### Articulus tertius.

Secunda misericordia ponderatur, cum sub- jicitur : Secundum judicium tuum. Hoc est judi- cium illius judicis, qui se constituit persoluto- rem pro reis. Quæris, quo modo ? in se ipso judicium faciendo, et judicium patiendo. Judex quippe fuit Deus ; homo quoque fuit reus. Christus itaque, cum esset homo et Deus, fuit utique judex et reus. Judex vero solvit pro reo, cum Deus in eo satisfecit pro eo; quia vere Deus in homine satisfecit pro homine. Unde <sup>4</sup> : « Deus erat in Christo mundum reconcilians sibi, » teste Apostolo. Sed notandum circa dictum judicium, quod potest comparari ad divi- num meritum, vel humanum demeritum, vel persolutum debitum. Primo modo non fuit æquum, quia meritum non exigebat; secundo modo fuit bonum, quia demeritum indigebat; tertio modo fuit æquum, quia redditum debito congrue respondebat. De primo , ubi dicit Scriptura sub Redemptoris figura <sup>5</sup> : « Intelli- gite , quia Deus non æquo judicio afflixerit me : » ecce judicium non æquum , quia non secundum exigentiam Dominicæ meriti. De se- cundo <sup>6</sup> : « O mors , quam bonum est judicium tuum homini indigenti ! » ecce judicium bo- num , quia secundum indigentiam humani de-

meriti. De tertio <sup>7</sup> : « Aequum judicium sit in- ter vos : » ecce judicium æquum , quod imple- tum est a Domino, reddendo infinitum pro in- finito. Siec enim homo fuit mortis infinite debitor, sic Christus fuit mortis infinite redditor.

Sed inors potest dici duplicitate infinita : scilicet Mors du- infinitate temporis, vel infinitate virtutis. In pli- citer infinita. morte quidem hominis esse non potuit infinitas virtutis : unde debuit esse infinitas temporis : nam alias non esset ibi infinitas. Sed in morte Salvatoris fuit infinitas virtutis : quare non oportuit, quod esset ibi infinitas temporis; sin alias, ibi non esset æquitas. Sane fuit in Salva- tore virtus infinita, tam infinitate naturæ, quam infinitate gratiæ : nam infinitas naturæ fuit in diuinitate, et infinitas gratiæ in humanitate : ideoque tantum potuit solvere virtus infinita tempore finito, quantum virtus finita tempore infinito. Propterea Psalmographus misericor- diae Salvatoris viriliter ponderavit, quia vir- tute judicis persolventis pro reis fideliter con- sideravit.

#### Articulus quartus.

Tertia misericordia postulatur, cum superad- ditur : Vivifica me. Nam proculdubio dicta vivifi- catio est mortis absolutio, et vitæ restitutio , quam postulat creatura prolixitate miseriæ fatigata. Sed nota, quod est vivificatio seu vitæ restitutio tripartita : alia vivificatio viatorum ; alia vivificatio damnatorum ; alia vivificatio beatorum. Prima vivificatio est restitutio vitæ periculosæ; secunda vivificatio est restitutio vitæ perniciosæ; tertia vivificatio est restitutio vitæ deliciosa. De primo <sup>8</sup> : « Apparuit mulier, cuius vivificaverat filium, » scilicet Elisæus : ecce vivificatio viatorum. De secundo, ubi dicit Dominus de quibusdam adulatoribus <sup>9</sup> : « Vio- labant me ad populum meum, propter pugil- lum hordei et fragmen panis; ut interficerent animas, quæ non moriuntur, et vivificant animas, quæ non vivunt, mentientes : » quod potest accipi de damnatis : nam nonnulli vivi- ficant, id est vivificant praedicant ad vitam glo- riæ animas, quæ non vivunt vita gratiæ, et ideo non vivificantur usque ad vitam gloriæ (b). De tertio <sup>10</sup> : « Qui quæsierit animam suam salvam facere, perdet illam; et qui perdididerit illam, vivificant eam : » ecce vivificatio beatorum.

Vivifi- catio tri- plex.

<sup>1</sup> Psal. cx, 4. — <sup>2</sup> Prov., xvi, 2. — <sup>3</sup> Psal. xvii, 2.

— <sup>4</sup> II Cor., v, 19. — <sup>5</sup> Job, xix, 6. — <sup>6</sup> Eccli., XL,

<sup>7</sup> Levit., xxiv, 22. — <sup>8</sup> IV Reg., VIII, 5. —

<sup>9</sup> Ezech., XIII, 18. — <sup>10</sup> Luc., XVII, 33.

(a) Suppl. Domini. — (b) Cœt. edit. miseriæ.

## Epilogus.

Orans ergo Propheta, occasione sumpta a miseria prolongata, ait: *Misericordiae tuæ multæ, quantum ad numerationis subtilitatem; Domine, quantum ad venerationis humilitatem; Secundum judicium tuum, quantum ad ponderationis virilitatem; Vivifica me, quantum ad postulationis utilitatem.*

## VERSICULUS XIII.

**157.** *Multi qui persecuntur me, etc.* In praecedenti quaternario præcessit oratio specialis, quæ duntaxat orantis utilitatem intendit; in isto sequenti quaternario sequitur oratio generalis, quæ latiore charitate procedit, quoniam ad inimicorum commoda se extendit. Orat enim pro inimicis Psalmographus, ne crucientur æternaliter, ne sauentur mortaliter; sed vivificantur moraliter, et salvificantur finaliter, sicut bis binis versibus enucleat evidenter. Primus enim versus pro inimicis orare videtur, ne illis mala pro malis retribuantur, dicendo: *Multi, etc., quasi dicit: Multos maleficos et maledicos habui; sed a testimoniiis tuis, quæ retinui, non declinavi, rogans malis mala retribui. Vide geminam adversitatem superatam per geminam charitatem; videlicet adversitatem maledicendi, et malefaciendi, per charitatem Dei, et proximi.*

*Articulus primus.*

Primum significavit, cum ait: *Multi qui persecuntur me, scilicet dentium sagittis, et linguarum gladiis, sicut maledici, de quibus psalmus<sup>1</sup>: « Filii hominum, dentes eorum arma, et sagittæ, et lingua eorum gladius acutus. » Notandum igitur, quod diversi diversimode persecuntur: quidam calumniis; quidam contumeliis; quidam minis: sicut callidi, invidi, et superbi. De primo<sup>2</sup>: « Quare nunc dicitis: Persequamur eum, et radicem verbi inveniamus adversus eum? » Ecce calumniosa persecutio callidorum. De secundo<sup>3</sup>: « Audivi contumelias multorum, et terrorem in circuitu: persecutimi, et persecutamur: » ecce contumeliosa persecutio invidorum. De tertio<sup>4</sup>: « Syrus persecutabatur patrem meum, qui descendit in Ægyptum: » sic persecuntur superbi virum*

venerabilem, qui et descendere dignoscitur in mœrorem. Nam Ægyptus interpretatur mœror; Syrus *sublimis*, per quem superbus intelligitur persecutor: ecce comminativa persecutio superborum.

*Articulus secundus.*

Secundum consignavit, cum subdidit: *Et tribulant me, scilicet temporali, vel corporali tribulatione; sicut bonorum temporalium ablutione, vel malorum corporalium illatione.* Hic potest notari, quod contingit tripliciter tribulari: scilicet temporaliter, corporaliter, et moraliter; quantum ad bona fortunæ, naturæ, gratia. De primo scribitur a Psalmographo<sup>5</sup>: « Tribulaverunt eos inimici eorum, et humiliati sunt sub manibus eorum: » ecce tribulatio humiliationis, sive subjectionis, pertinens ad fortunam. De secundo<sup>6</sup>: « Tribulabo homines, et ambulabunt ut cæci, quia Domino peccaverunt; et effundetur sanguis eorum, sicut humus, et corpora eorum, sicut stereora: » ecce tribulatio mortis, atrinens ad naturam. De tertio rursus<sup>7</sup>: « Perdes omnes, qui tribulant animam meam: » ecce tribulatio mortis, spectans ad gratiam.

Ægyptus.  
Syrus.

Tribulatio triplex.

*Articulus tertius.*

Tertium assignavit, cum addidit: *A testimoniosis tuis.* Hæc sunt testimonia vindictæ dissuasoria, sicut illud<sup>8</sup>: « Qui vindicari vult, a Domino inveniet vindictam. Et illud<sup>9</sup>: « Mihi vindictam, et ego retribuam, dicit Dominus. » Talia testimonia debet retinere memoria. Et nota, quod ad sacra testimonia retinenda nos debent movere tria, scilicet natura, scriptura, memoriae ligatura: quia natura dat aptitudinem; scriptura certitudinem, et ligatura promptitudinem. De primo<sup>10</sup>: « Ego in hoc natus sum, et ad hoc veni in mundum, ut testimonium perhibeam veritati: » ecce motus ad testimonia per naturam. De secundo<sup>11</sup>: « Scrutamini Scripturas; et infra: » illæ sunt, quæ testimonium perlibent de me; » ecce motus ad testimonia per scripturam. De tertio<sup>12</sup>: « Liga testimonium, signa legem in discipulis meis: » ecce motus ad testimonia per memoriae ligaturam.

*Articulus quartus.*

Quartum designavit, cum dixit: *Non declinavi. Quo modo? non (a) reddendo malum pro malo,*

<sup>1</sup> *Psal. LVI, 5.* — <sup>2</sup> *Job, XIX, 28.* — <sup>3</sup> *Jerem., XX, 10.*

— <sup>4</sup> *Deut. XXXI, 5.* — <sup>5</sup> *Psal. CV, 12.* — <sup>6</sup> *Sophon., I, 17.* — <sup>7</sup> *Psal. CXLI, 12.* — <sup>8</sup> *Ecli., XXI, 1.* — <sup>9</sup> *Rom.,*

<sup>10</sup> *Joan., XVIII, 37.* — <sup>11</sup> *Joan., V, 36.* —

— <sup>12</sup> *Isa., VIII, 16.*

(a) *Cæt. edit. deest non.*

Malorum  
declinatio  
triplex.

sive mala malis imprecando; sed e contrario pro transgressoribus rogando, ut non perirent, tam exemplo dominico, quam praecepto. Et nota, quod est malorum declinatio tripartita : prima, a voluntate divina ad propriam voluntatem; secunda, a voluntate propria ad iniuriam; tertia, ab iniuriae ad infelicitatem : quarum prima pertinet ad aversionem; secunda, ad conversionem; tertia, ad animadversionem. De primo<sup>1</sup> : « Omnes nos quasi oves erravimus; unusquisque in viam suam declinavit. » Quid est declinare in viam suam, nisi declinare in voluntatem propriam? Per hanc viam animae gradiuntur, cum a bono incommutabili avertuntur: ecce declinatio aversionis. De secundo<sup>2</sup> : « Ne declines ad iniuriam; hanc enim ceperisti sequi post misericordiam; » quasi diceret: Ne declines ad iniuriam conversionis: hanc enim ceperisti sequi post misericordiam aversionis: ecce declinatio conversionis. De tertio<sup>3</sup> : « Declinavit populus ingredi civitatem, quo modo declinare solet populus versus, et fugiens de praetorio. » Per hanc civitatem intelligimus felicitatem, quam declinat ingredi populus versus ad iniuriam, fugiens de praetorio per aversionem a Deo. Quid est autem declinare ingredi felicitatem, quam declinare ad infelicitatem? Ecce declinatio animadversionis.

#### Epilogus.

Ait ergo Prophetus, tanquam bonus athleta, orans pro inimicis, et insinuans victoriam geminae adversitatis per virtutem geminae charitatis: *Multi qui persequuntur me*, quantum ad adversitatem maledicendi; *et tribulant me*, quantum ad adversitatem malefaciendi; *a testimonio tuis*, quae libenter retinui, quantum ad charitatem Dei; *non declinavi*, rogans malis mala retribui, quantum ad charitatem proximi.

#### VERSICULUS XIV.

158. *Vidi prævaricantes*, etc. Superius oravit Prophetus pro persequentibus, ne crucientur aeternaliter; rursus orat pro eisdem persecutoribus, ne saucientur mortaliter. Speculabatur, ut autumno, speculator eximius, in alta sapientiae specula constitutus, quod tribulantes visibiliter, tribulant invisibiliter; et plerumque, laedentes leviter, laeduntur graviter. Nam plerique

<sup>1</sup> Isa., LIII, 6. — <sup>2</sup> Job, XXXVI, 21. — <sup>3</sup> II Reg.,

vulnerant venialiter, et vulnerantur mortaliter<sup>(a)</sup>. Unde nimis persecutores inermes non inermis ipse perspiciens, et amplius alienum, quam proprium periculum pertimescens, ingemiscerbat interveniens, et interveniebat inquietus: *Vidi*, etc., quasi dicat: Vidi prævaricantes tribulatos, et tribulantes; et oculi mei liquecebant, quoniam illi arma spiritualia non habebant: ecce vides bonorum considerationem circa malorum exasperationem, et istorum miserationem circa illorum vulnerabilitym. Consideratio pertinet ad aspectum; exasperatio, ad objectum; miserationis, ad affectum; vulnerability, ad imminentem effectum.

#### Articulus primus.

Bonorum considerationis declaratur, cum dicitur: *Vidi*, scilicet visu interiori, non exteriori; visu laudabili, non vituperabili: talis visus est pietatis intuitus. Hic potes notare, quod tria mala debemus pia consideratione videre; vide licet mala interiora, mala exteriora, mala inferiora: hoc est, interiora vitia, ad contemendum; exteriora præjudicia, ad miserendum; inferiora supplicia, ad præcavendum. De primo<sup>4</sup>: « Vidi servos in equis, et principes ambulantes quasi servos super terram. » Servos equitare, et principes peditare, est affectus sensitivos præses, et intellectivos subesse: ecce visio malorum interiorum serviens contritioni. De secundo<sup>5</sup>: « Vidi calumnias, quæ sub sole geruntur, et lacrymas innocentium, et consolatorem neminem, nec posse resistere eorum violentiae cunctorum auxilio destitutos: » ecce visio malorum exteriorum serviens miserationi. De tertio<sup>6</sup>: « Vidi impios sepultos, qui etiam cum adhuc viverent, in loco sancto erant, et laudabantur in civitate, quasi justorum operum. » Tales sunt simulatores in sanctis monasteriis vel officiis existentes, coram hominibus laudabiles, sed coram Deo vituperabiles, qui simulationis merito sepulti sunt in inferno: ecce visio malorum inferiorum serviens cautionis.

#### Articulus secundus.

Malorum exasperatio demonstratur, cum sequitur: *Prævaricantes*. Quos supra nuncupaverat persequentes et tribulantes, hic nuncupat prævaricantes, ut ostendat illos esse tribulatos et tribulantes: nisi fuissent interius tribulati

<sup>4</sup> Eccl., 3. — <sup>5</sup> Eccl., 7. — <sup>6</sup> Eccl., 14, 1. — <sup>6</sup> Eccl., VIII, 10. — (a) Edit. Ven. moraliter.

Tria  
mala pia  
videnda.

per malos affectus, non essent exterius tribulantes per malos effectus; nisi fuissent prævaricantes animo, non essent præjudicantes proximo. Et notandum circa veritatem prævaricantium, quod sunt nounnulli prævaricantes ex (a) sola cupiditate; nonnulli, ex cupiditate simul et voluptate; nonnulli, ex cupiditate ac voluptate pariter, et vanitate. Primi sunt, qui semper pecuniam concupiscunt, quia semper penuriam pertimescunt; secundi sunt, qui sectantur avaritiam, ut prosequantur carnis concupiscentiam; tertii sunt, qui non solum divitiis et deliciis serviant, sed super his impudenter et inaniter se extollunt. De primo<sup>1</sup>: « Anima si prævaricans cæremonias per errorem in iis, quæ Domino sunt sanctificata, peccaverit, » etc.: ecce prævaricans ex sola cupiditate. Unde post pauca subditur<sup>2</sup>: « Ipsum, quod intulit damni, restituet. » De secundo<sup>3</sup>: « Fili hominis, terra cum peccaverit mihi, ut prævaricetur prævaricans, extendam manum meam super eam, et conteram virgam panis ejus, et immissam in eam famem<sup>4</sup>, et interficiam de ea hominem et jumentum. » Hoc videtur respicere prævaricantes tam ex cupiditate, quam ex voluptate; quia vindicta sumitur tam de possessione, quam de possessore. De tertio<sup>5</sup>: « Væ mihi, prævaricantes prævaricati sunt, et prævaricatione transgressorum prævaricati sunt. » Hie tanguntur prævaricantes ex cupiditate, voluptate, ac vanitate per ordinem, sicut exponitur per litteram immediate sequentem<sup>6</sup>: « Formido, et fovea, et laqueus super te, qui habitator es terræ. » Formido pertinet ad cupiditatem; fovea, ad voluptatem; laqueus, ad vanitatem.

#### Articulus tertius.

Bonorum miseratio, et salutaris æmulatio designatur, cum scribitur: *Et tabescebam*. Ecce qualiter condolebat, qualiter interveniebat; quoniam tabescebat, quoniam oculis liquecebat. Et nota, quod tabescere legitur, qui corrumpitur, qui conteritur, qui compatitur. Primo modo tabescit cor frigidum; secundo modo, cor tepidum; tertio modo, cor calidum. De primo scribitur<sup>7</sup>: « Propter iniquitatem corrupisti hominem; et tabescere fecisti, sicut araneam, animam ejus: » ecce tabescere procedens ex correptione. De secundo<sup>8</sup>: « Tabescet

in iniquitatibus suis in terra inimicorum suorum, et propter peccata patrum suorum et sua afflignantur, donec confiteantur sua peccata: » ecce tabescere proveniens ex contritionis afflictione. De tertio<sup>9</sup>: « Recordare paupertatis et transgressionis mœæ, absinthii et fellis. Memoria memor ero, et tabescet in me anima mea: » ecce tabescere progrediens ex compassione.

#### Articulus quartus.

Quartum denotatur, cum psallitur: *Quia eloquia tua non custodierunt*. Nam revera eloquia dominica sunt arma bellica; non carnalia, sed spiritualia. Quæris quare? triplie ratione: quia fulgentia; quia ferventia; quia inflammantia. Fulgent quidem per veritatem<sup>10</sup>; fervent per charitatem; inflammant ad pietatem. De primo<sup>11</sup>: « Eloquium Domini igne examinatum, scutum est omnium sperantium in se: » ecce eloquium fulgidum. De secundo canitur in Psalmo<sup>12</sup>: « Ignitum eloquium tuum vehementer: » ecce eloquium fervidum. De tertio scribitur a Psalmographo<sup>13</sup>: « Eloquium Domini inflammavit eum: » ecce eloquium inflammativum.

#### Epilogus.

Dicit ergo Prophetæ, pro inimicis inermibus ingemiscens, et de ipsorum vulneribus pertinens: *Vidi*, quantum ad considerationis aspectum; *prævaricantes*, quantum ad exasperationis objectum; *et tabescebam*, quantum ad miserationis effectum; *quia eloquia tua non custodierunt*, quantum ad imminentem vulnerationis effectum.

#### VERSICULUS XV.

139. Vide quoniam mandata tua dilexi, Domine, etc. In præmissis oratum est pro inimicis, ne gehennaliter crucientur, ne mortaliter saueriantur; quia vero plerumque peccare, et se peccando necare videntur, hic oratur pro ipsis, ut moraliter vivificantur. Hanc orationem format Prophetæ ex vehementi cordis amaritudine, sub hac forma: *Vide quoniam*, etc., quasi dicat: *Vide, Domine, me morientem cum morientibus, propter tuorum observantiam mandatorum*; redde me viventem cum viventibus, per suorum indulgentiam peccatorum. Hic luce clarius quatuor considerare possumus: scilicet

<sup>1</sup> Levit., v, 15. — <sup>2</sup> Ibid., 16. — <sup>3</sup> Ezech., xiv, 43. — <sup>4</sup> Isa., xxiv, 16. — <sup>5</sup> Ibid., 17. — <sup>6</sup> Psal. XXXVIII, 12. — <sup>7</sup> Levit., xxxvi, 39. — <sup>8</sup> Thren., III, 19, 20. —

<sup>9</sup> II Reg., XXII, 31. — <sup>10</sup> Psal. hoc, 140. — <sup>11</sup> Psal. CIV, 19. — (a) Edit. Ven. ea.

animi mortificationem propter maximi (*a*) prævaricationem, et ipsius vivificationem per illius justificationem; hoc est, compassionem (*b*) moralis, et congratulationem vitae spiritualis.

#### *Articulus primus.*

Primum insinuavit Propheta, cum dixit : *Vide, Domine, qui intueris cor, qualiter inimicis meis compatior, qualiter morientibus commorior: quia<sup>1</sup> « fortis est, ut mors, dilectio; dura, sicut infernus, æmulatio. »* Et nota, quod tria videt Dominus libenter in anima; videlicet humilitatem, charitatem, et pietatem : et specia-  
liter humilitatem orantis; charitatem zelantis;  
pietatem alienam tribulationem portantis. De primo scribitur<sup>2</sup> : « *Vide humilitatem meam et laborem meum : »* ecce visio humilitatis oran-  
tis, et orando laborantis. De secundo<sup>3</sup> : « *Vide zelum meum pro Domino : »* ecce visio chari-  
tatis zelantis, et vitia consequentis. De tertio<sup>4</sup> : « *Vide, Domine, quoniam tribulor : »* ecce visio  
pietatis alienam tribulationem portantis.

#### *Articulus secundus.*

Secundum indicavit, cum adjunxit : *Quoniam mandata tua dilexi* : quibus mandatis inimicos diligere, odientibus benefacere, pro consequentibus et calumniantibus orare mau-  
dasti. Et nota circa mandatorum dilectionem, quod probatur per triplicem rationem : scilicet per studiosam moralium considerationem; per religiosam temporalium aspernationem; per fructuosam laborum corporalium exercitationem : quarum prima spectat ad intellectum; secunda, ad affectum; tertia ad effectum. De prima<sup>5</sup> : « *Meditabar in mandatis tuis, quæ dilexi : »* hic probatur mandatorum dilectio per meditationem. De secunda<sup>6</sup> : « *Dilexi mandata tua super aurum et topazion : »* hic probatur mandatorum dilectio per aspernationem. De tertia<sup>7</sup> : « *Levavi manus meas ad mandata tua, quæ dilexi : »* hic probatur mandatorum dilectio per exercitationem.

#### *Articulus tertius.*

Tertium intimavit, cum apposuit : *Vivifica me*, quasi dicat : Mortificatum per inimicorum compassionem, vivifica per illorum congratulationem, ut sicut compatiōr ipsorum præva-

<sup>1</sup> *Cant.*, VIII, 6. — <sup>2</sup> *Psal.* XXIV, 18. — <sup>3</sup> *IV Reg.*, x, 16. — <sup>4</sup> *Thren.*, I, 20. — <sup>5</sup> *Psal.* hoc, 47. — <sup>6</sup> *Ibid.*, 127. — <sup>7</sup> *Ibid.*, 48. — <sup>8</sup> *Joan.*, V, 21. — <sup>9</sup> *Psal.*

rictioni, sic congratuler eorum justificationi. Hic potest notari, quod contingit tripliciter vivificari : per suscitationem, per conversio-  
nem, per consolationem : prima vivificatio est a morte ad vitam; secunda, a culpa ad gra-  
tiam; tercua, a tristitia ad lætitiam. De primo<sup>8</sup> : « *Sicut Pater suscitat mortuos, et vivificat, »* etc.: ecce vivificationem per suscitationem. De se-  
cundo dicit Psalmista<sup>9</sup> : « *Deus, tu conver-  
sus, »* vel secundum aliam litteram, « *convertens  
vivificabis nos : »* ecce vivificationem per conver-  
sionem. De tertio psallit Propheta<sup>10</sup> : « *Si ambu-  
lavero in medio tribulationis, vivificabis me : »*  
ecce vivificationem per consolationem.

#### *Articulus quartus.*

Quartum innuit, cum interposuit : *In misericordia tua*; scilicet a te requisita, sed per me expedita, et meis persecutoribus impartita. Misericordia igitur, quæ per Prophetam expeditur, pro miseria petitur, non pro miseria quam Propheta patitur, sed pro miseria cui Propheta compatitur. Et nota, quod est misericordia tripartita : scilicet misericordia immissionis, misericordia remissionis, et misericordia pro-  
missionis. Misericordia prima est compatientis, sicut amici; misericordia secunda est patientis, velut phreneticus; misericordia tertia est bene-  
facientis, ut medici. De prima misericordia<sup>11</sup> : « *Gratia Dei et misericordia in sanctos ejus : »* ecce misericordia immissionis. De secunda<sup>12</sup> : « *Qui abscondit scelera sua, non dirigetur; qui autem confessus fuerit, et reliquerit ea, misericordiam consequetur : »* ecce misericordia remissionis. De tertia<sup>13</sup> : « *Insustentabilis ira super peccatores comminationis tuae; immensa vero et investigabilis misericordia promissionis tuae : »* ecce misericordia promissionis.

#### *Epilogus.*

Ex his potest clarescere vox Prophetæ oran-  
tis ex maxima compassione pro consequentium justificatione. Ait namque : *Vide, Domine, vide-  
licet animi mei mortificationem, ubi affectus  
compassionis; Quoniam mandata tua dilexi, quæ  
mandasti circa proximi præjudicationem et  
prævaricationem, ubi mors moralis; Vivifica  
me, per animi mei lætificationem, ubi affectus  
congratulationis; In misericordia tua, quantum*

<sup>8</sup> *LXXIX*, 19. — <sup>9</sup> *Psal.* CXXXVII, 7. — <sup>10</sup> *Sap.*, IV, 15.  
— <sup>11</sup> *Prov.*, xxviii, 13. — <sup>12</sup> *Orat. Manass.*, inter apocrypha. — <sup>13</sup> (*a*) *Leg. proximi.* — <sup>14</sup> (*b*) *Suppl. mortis.*

ad ipsius proximi justificationem, ubi vita spiritalis.

## VERSICULUS XVI.

160. *Principium verborum tuorum*, etc. Orato per versum prævium pro spirituali vivificatione consequentium, postremo per versum oratur propositum pro generali salvificatione omnium. Porro præsens oratio bene videtur oris ratio, et congrua partium ordinatio, quia nihil magis congruit personis perfectissimis, quam consonantia in dictis et factis, quatenus consonent dicta dictis, et facta factis; prima novissimis, et novissima primis. Legimus autem circa dicta et facta dominica, quedam prima, quedam novissima. Prima sunt, quæ dixit et fecit eirca hominem, dicens et faciens nostram originem, cum ait<sup>1</sup>: « Faciamus hominem, » etc. Novissima sunt, quæ dicet et faciet circa eundem, dicens et faciens nostrum finem, cum dicet iis, qui a deo ejus erunt<sup>2</sup>: « Venite, benedicti, » etc. Ecce verbum initiale, et verbum judiciale. Per verbum initiale communicavit Deus, quibus voluit, entitatem, et per consequens veritatem; quoniam entitas et veritas judicantur ad paria, quantum ad participantia. Per verbum judiciale communicabit, quibus voluerit, æternitatem. Orat ergo Prophetæ oratione congrua, et ratione consona, ut qui per verbum initiale communicavit entitatem, per verbum judiciale communicet æternitatem, psallendo: *Principium*, etc., quasi manifeste dicendo: Verbum initiale fuit nobis causa introductoria in veritatem; verbum judiciale fiat causa introductoria in æternitatem. Si quæreris partes orationis quo sunt, plane quatuor colligi possunt; scilicet primum dictum, primum factum, novissimum dictum, novissimum factum. Est autem primum dictum initiale verbum; primum factum, entitatis participantium; novissimum dictum, judiciale verbum; novissimum factum, æternitatis principium.

Oratio  
nis par-  
tes.

## Articulus primus.

Primum dictum aperuit, cum ait: *Principium verborum tuorum*; principium quippe tale est verbum initiale. Unde notandum, quod possumus distinguere Dei verbum in primum, in medium, et in ultimum; scilicet in verbum originationis, ordinationis et determinationis.

Verbu-  
Dei.

<sup>1</sup> Gen., 1, 26. — <sup>2</sup> Matth., xxv, 34. — <sup>3</sup> Hebr., xi, 3. — <sup>4</sup> Isa., ii, 3. — <sup>5</sup> Eccli., xliii, 11. — <sup>6</sup> I Joan.,

De primo<sup>3</sup>: « Fide intelligimus aptata sæcula verbo Dei: » ecce verbum originationis. De secundo<sup>4</sup>: « De Sion exhibet lex, et verbum Domini de Jerusalem: » ecce verbum ordinationis. De tertio<sup>5</sup>: « Mundum illuminans in excelsis Dominus, in verbis sancti stabunt ad judicium: » ecce verbum determinationis.

## Articulus secundus.

Primum factum adaperuit, cum adjecit: *Veritas*. Quod autem verbum initiale veritas dicitur, causaliter diei dignoscitur, id est, causa veritatis. Est enim prædicatio causalis: quo cirea fuit causa veritatis, quia causa fuit entitatis; creans entitatem, creavit veritatem. Nam quid est veritas, nisi menti conformis entitas? Sed nota, quod legitur in Scriptura veritas tripartita; scilicet veritas increata, concreata, et creata: quarum prima supernaturalis, secunda naturalis, sed tertia moralis. De prima scribitur<sup>6</sup>: « Christus est veritas: » hæc est veritas increata. De secunda canitur<sup>7</sup>: « Veritas tua in circuitu tuo: » hæc est veritas creaturæ, scilicet angelicæ naturæ. De tertia legitur de primo angelo<sup>8</sup>: « In veritate non stetit, quia veritas non est in eo: » hæc est veritas concreta, quia veritatem naturalem non perdidit, sed moralem, cum a veritate vitæ cecidit in vanitatem.

Veritas  
quid et  
quotuplex.

## Articulus tertius.

Novissimum dictum apposuit, cum adjunxit: *Omnia judicia justitiae tuae*: verbum namque judiciale comprehendit omnia judicia justitiae suæ. Sed notandum, quod judicia præfata, de quibus psallit Prophetæ, non sunt amara, non molesta, non aggravantia; sed dulcia, jucunda, adjuvantia, tanquam æternam felicitatem adjudicantia, sicut patet per ejus testimonia. Primum testatur psallendo<sup>9</sup>: « Judicia Domini vera; » et infra: « Et dulciora super mel, et favum: » ecce judicia dulcia. Secundum protestatur canendo<sup>10</sup>: « Quia judicia tua jucunda; » ecce judicia jucunda. Tertium contestatur dicens<sup>11</sup>: « Judicia tua adjuvabunt me: » ecce judicia adjuvantia.

## Articulus quartus.

Novissimum factum adhibuit, cum annexuit: *In æternum*, id est, in æternitatem, seu æter-

v, 6. — <sup>7</sup> Psal. LXXXVIII, 9. — <sup>8</sup> Joan., VIII, 44. — <sup>9</sup> Psal. XVIII, 10, 11. — <sup>10</sup> Psal. hoc, 39. — <sup>11</sup> Ibid., 175.

*Æterna felicitas quare optabilis* nam felicitatem : hæc est æternitas bona, quam omnibus optat Propheta. Et nota, quod hæc æternitas est optabilis maxime tribus de causis, scilicet propter æternitatem hæreditatis, tranquillitatis, et jucunditatis : quoniam illa felicitas est æterna hæreditas, ad summum bonum possidendum; æterna tranquillitas, ad videntem; æterna jucunditas, ad fruendum. De primo dicitur per Psalmistam <sup>1</sup>: « Hæreditas eorum in æternum erit : » ecce æternitas hæreditatis. De secundo per Prophetam psallitur <sup>2</sup>: « Non commovebitur in æternum, qui habitat in Jerusalem, » et loquitur de Jerusalem illa, quæ sursum est mater nostra : ecce æternitas tranquillitatis. De tertio per Psalmographum scribitur <sup>3</sup>: « In æternum exultabunt, et habitabis in eis : » ecce æternitas jucunditatis.

## Epilogus.

Patet igitur oratio prophethica, quam effundit pro salute publica, dicens: *Principium verborum tuorum*, quantum ad primum dictum, quod est initiale verbum; *Veritas*, id est, causa veritatis, quantum ad primum factum, quod est veritatis vel entitatis participium; *Omnia iudicia justitiae tuæ*, quantum ad novissimum dictum, quod est judiciale verbum; *In æternum*, id est, in æternitatem, quantum ad novissimum factum, quod est æternitatis participium.

## CAPITULUM UNDECIMUM ET ULTIMUM.

## VERSICULUS PRIMUS.

*Ferculum ordo.* 161. *Principes persecuti sunt me.* Undecimum adest capitulum de ferculo novissimo servitum. Ordo namque capitulorum sequitur ordinem ferculorum. Capitulum sane penultimum pietatis admissionem apposuit; hoc ultimum impietatis amissionem apponit. Cræterum praesens ferculum est cæteris prælibatis postpositum, quia posteriorius afficit appetitum. Sicut enim inter appetibilia, priora sunt gratiora; ita posteriora sunt graviora. Hoc ergo quanto gravius, tanto posterius. Alia priora gratiora, quia continent plus amoris; istud posteriorius et gravius, quia continent plus timoris. Unde quemadmodum cibus gravior, seu fructus durior apponitur novissimus in prandio corporali; in eundem modum emissionis timor administratur.

<sup>1</sup> Psal. xxxvi, 18. — <sup>2</sup> Psal. cxxiv, 1. — <sup>3</sup> Psal. v,

tur ultimus in morali. Impietas ista, quam memorat in hac parte Psalmista, per divinum judicium in æternum emitenda supplicium, pertinet ad membra diaboli, consequentia membra Christi. Unde nimurum per primum octonarium proponitur persecutionis gladius; per secundum opponitur orationis clypeus. Et quoniam illa generatio « gladios habet pro dentibus, » sicut legimus <sup>4</sup>, propterea primus octonarius a Sin littera inchoatur, quæ dentes interpretatur; quia vero in persecutionis articulo sumnum remedium est oratio, idcirco secundus octonarius initiatur a Tau littera, quæ in terpretatur consummatio. Primum autem octonarium subdistinguere possumus in hunc modum. Per primum quaternarium indicatur improbitas persequentium; per secundum, probitas perferentium. Improbitas illa potest pendere, quoniam impietatis filii non parcunt innocentiae personali, nec sapientiae salutari, nec justitiae legali, nec observationi regulari, sicut videtur quatuor primis versibus propalari. Primus versus ostendit luce clarius, quod principes mali, tanquam impietatis filii, non parcunt innocentiae personali, dicente Propheta: *Principes*, etc., quasi dicat: Potentiam sœvientem innocentem sustinui, et reverentiam servientem verbis tuis semper adhibui. In hoc spectaculo quatuor possunt spectari, videlicet gladius in manibus insanis, et virtus in affectibus sanis; quoniam in potentia gladius, in persecutione manus, in innocentia virtus, in formidine cordis affectus.

## Articulus primus.

Ad primum pertinet, quod prima fronte prælucet: *Principes*: nam in principibus potentiam intelligimus. Quid enim principes, nisi potentes? Quid principatus, nisi potentatus? Et nota de malis principibus, quod sicut in Scripturis legimus, ipsi sunt conturbati, congregati, prævaricati; quia mundanis concupiscentiis conturbantur, in corpus diaboli congregantur, et actibus diaboliciis applicantur. De primo <sup>5</sup>: « Tunc conturbati sunt principes Edom : » interpretatur autem Edom rufus, vel sanguineus, vel terrenus; quibus vanitatem, voluptatem, et cupiditatem intelligimus: ecce principes mundanis concupiscentiis conturbatos. De secundo <sup>6</sup>: « Tunc congregati sunt prin-

<sup>2</sup> Prov., xxx, 14. — <sup>3</sup> Exod., xv, 15. — <sup>4</sup> Matth., xxvi, 3.

cipes sacerdotum, et seniores populi in atrium Caiphas, principis sacerdotum, qui dicebatur Caiphas. » Per Caipham, qui *vomens ore* interpretatur, diabolus figuratur, qui ab initio vanitatem hau- sit, et veritatem evomuit, quia *veritas non est in eo*, ut scribitur<sup>1</sup>. Hujus atrium est ecclesia malignantium, quae est corpus illius mysticum: ecce principes in corpus diabolicum congrega- tos. De tertio<sup>2</sup>: « Universi principes sacerdo- tum et populus prævaricati sunt: » ecce prin- cipes diabolici actibus applicatos.

#### *Articulus secundus.*

Ad secundum attinet, quod subsequenter sublucet: *Persecuti sunt me*, velut insani sæ- vientes in me. Si quaeris, qualiter persecuti? Plane tripliciter: quia mentaliter, quia vocali- ter, quia manualiter: scilicet inimicitias men- talibus, calumniis vocalibus, et flagellis manua- libus. De primo per Psalmistam dicitur<sup>3</sup>: « Confortati sunt, qui persecuti sunt me inimici mei injuste: » ecce persecutio inimicantium. De secundo per Prophetam psallitur<sup>4</sup>: « Omnia mandata tua veritas, iniqui persecuti sunt me: » ecce persecutio calumniantium. De ter- tio per eundem scribitur<sup>5</sup>: « Quoniam quem tu percussisti, persecuti sunt, et super dolorem vulnerum meorum addiderunt: » ecce perse- cutio flagellantum.

#### *Articulus tertius.*

Ad tertium aspicit, quod consequenter adjicit: *Gratis*, quasi dicat: Non meis exigentibus meritis, sed suis impingentibus animis infrun- nit: in quo clarescit innocentia patientis. Et nota, quod innocentes (*a*) nocentibus gratis gra- vari tripliciter invenimus: videlicet impugnan- do, captivando, illaqueando: per contumelias, per insidias, per pressuras. De primo scribitur a Psalmographo<sup>6</sup>: « Cum loquebar illis, im- pugnabant me gratis: » hic gratis impugnat- tur contumeliis. De secundo dicitur<sup>7</sup>: Venatione ceperunt me, quasi avem, inimici mei gratis: » hic gratis captivantur insidiis. De tertio canitur<sup>8</sup>: « Quoniam gratis absconde- runt mihi interitum laquei sui: » hic gratis illa- queantur angustiis et pressuris.

#### *Articulus quartus.*

Ad quartum spectat, quod restat: *A verbis tuis formidavit cor meum*. Quo modo? « Non

reddendo malum pro malo, sed vincendo ma- lum in bono, » sicut præcipitur a Domino ore apostolico<sup>9</sup>. Et nota, quod formidatur Domi- nus formidine tripartita: scilicet formidine ser- vili, initiali, filiali<sup>(b)</sup>: prima respicit supplicium, non præmium; secunda supplicium, et præ- premium; tercia præmium, non supplicium. De primo<sup>10</sup>: « Dominum formidabunt adversarii ejus: » ecce formido servilis, qua formidatur immissio supplicii, non amissio præmii. De se- cundo scribitur<sup>11</sup>: « A voce tonitrui tui formi- dabunt: » ecce formido initialis montium, sive bonarum mentium, qua formidatur tam im- missio supplicii, quam amissio præmii. De ter- tio<sup>12</sup>: « Formidabunt filii maris, et avolabunt, quasi aves, ex *Egypto*: » ecce formido filialis, qua formidatur non immissio supplicii, sed amissio præmii.

#### *Epilogus.*

Ostensurus ergo Psalmographus potentiam sævientem super innocentiam reverenter Do- mino servientem, ait: *Principes*, ubi notatur potentiae gladius; *Persecuti sunt me*, ubi sæ- vientium manus; *Gratis*, id est, sine præceden- tibus meritis, ubi innocentiae virtus; *Et a verbis tuis formidavit cor meum*, ubi timorati cordis affectus.

#### *VERSICULUS II.*

162. *Lætabor ego super eloquia tua*, etc. Sicut im- pietatis filii non pareunt innocentiae personali, ita nec sapientiae salutari. Illud præcedens versus docuit; istud præsens. Propterea Psalmogra- phus, tanquam molestatus et spoliatus exterius, sed confortatus interius, de talibus taliter est locutus: *Lætabor*, etc., quasi dicat lingua lo- quendo libera: Molestari et spoliari tolero, quia dulcorari et decorari per sapientiam tuam spero. Unde quatuor animadvertisimus circa continentiam hujus versus, scilicet potentiam affectivam, et agnitivam, et sapientiam dulco- rativam, et decorativam: quia lœtitia spectat ad potentiam affectivam; eloquia, ad sapien- tiam dulcorativam; inventio, ad potentiam agnitivam; spolia, ad sapientiam decorativam.

<sup>1</sup> *Joan.*, VIII, 44. — <sup>2</sup> *II Paralip.*, XXXVI, 14. — <sup>3</sup> *Psal.* LXVIII, 5. — <sup>4</sup> *Psal.* hoc, 86. — <sup>5</sup> *Psal.* LXVIII, 27. — <sup>6</sup> *Psal.* CXIX, 7. — <sup>7</sup> *Thren.*, III, 52. — <sup>8</sup> *Psal.* XXXIV, 7. — <sup>9</sup> *Rom.*, XII, 17, 21. — <sup>10</sup> *I Reg.*, II, 10. — <sup>11</sup> *Psal.* CIII, 7. — <sup>12</sup> *Ose.*, XI, 10. — (*a*) *Suppl.* a. — (*b*) *Al.* finali.

*Articulus primus.*

Ad potentiam effectivam pertinere dignoscitur, quod dicitur : *Lætabor ego*, quasi dicat : Ego, qui lætor exterius, lætabor interius; qui molestor sensualiter, lætabor affectualiter. Hic

Lætari potest notari, quod tripliciter contingit lætari : nam aliter lætatur benefaciens, aliter benepatiens, aliter benedicens. Primus lætatur sicut gratiae distributor; secundus, sicut gratiae consecutor; tertius, sicut gratiae pro gratia retributio. De primo scribitur<sup>1</sup> : « Lætabor in eis, cum eis benefecero : » ecce lætitia Domini benefacientis. De secundo per Psalmistam dicitur<sup>2</sup> : « Exultabo et lætabor in misericordia tua, quoniam respexisti humilitatem meam, salvasti de necessitatibus animam meam : » ecce lætitia servi benepatientis. De tertio per Prophetam psallitur<sup>3</sup> : « Lætabor et exultabo in te; psallam nomini tuo, Altissime : » ecce lætitia servi Dominum benedicentis.

*Articulus secundus.*

Ad sapientiam dulcorativam attinere convincentur, quod adjicitur : *Super eloquia tua* : quoniam eloquia sapientiae sunt sapida. Quo sapore, nisi dulcore? « Non enim habet amaritudinem conversatio illius, » sicut legimus<sup>4</sup>. Hæc igitur eloquia tua sunt dulcia et dulcorativa, tam interius, quam exterius; quia sapientia dulcorat sapientem, interius per saporem, exterius per odorem. Et nota, quod legimus eloquia dulcia faucibus, dulcia labiis, dulcia repertis auditoribus (*a*); quia sapientiae eloquia sunt dulcia refricanti, dulcia explicanti, dulcia proximos ædificanti. De primo<sup>5</sup> : Quam dulcia faucibus meis eloquia tua! » ecce eloquia dulcia faucibus refricantium. De secundo<sup>6</sup> : « Sicut vitta coccinea labia tua, et eloquium tuum dulce : » ecce eloquia dulcia labiis explicantium : unde comparantur vittæ coccineæ, quæ labiorum est ornamentum. De tertio<sup>7</sup> : « Qui sapiens est corde, appellabitur prudens; et qui dulcis eloquo, majora reperiet; » ac si dicatur aperte : Sapientia, quæ dulcorat interius per saporem, dulcorabit exterius per odorem, et reperiet in auditoribus (*b*) fructum majorem : ecce eloquia dulcia in repertis auditoribus (*a*).

<sup>1</sup> *Jerem.*, XXXII, 41. — <sup>2</sup> *Psal.* XXX, 8. — <sup>3</sup> *Psal.* IX, 3. — <sup>4</sup> *Sap.*, VIII, 16. — <sup>5</sup> *Psal.* hoc, 103. — <sup>6</sup> *Cant.*, IV, 3. — <sup>7</sup> *Prov.*, XVI, 21. — <sup>8</sup> *Rom.*, VII, 21.

*Articulus tertius.*

Ad potentiam agnitiavam spectare intelligitur, quod immediate legitur : *Sicut qui invenit*; quasi dicat : Sic invenit intellectus interius, sicut sensus, qui invenit exterius : sic invenit iste intelligibilia, sicut ille invenit sensibilia. Et nota, quod inventio intellectiva versari debet potissimum circa tria, scilicet interiora, superiora, exteriora : in interioribus invenitur materia compunctionis; in superioribus materia consolationis; in exterioribus materia compassionis. De primo<sup>9</sup> : « Invenio legem volenti mihi facere bonum, quoniam malum mihi adiacet : » ecce inventio interiorum, serviens compunctioni. De secundo<sup>10</sup> : « Inveni quem diligit anima mea : » ecce inventio superiorum, serviens consolationi. De tertio<sup>11</sup> : « Inveni amariorem morte mulierem, quæ laqueus venatorum est, sagena cor ejus, vincula sunt manus illius : qui placet Deo, effugiet eam : qui autem peccator est, capietur ab illa : » ecce visio exteriorum serviens compassioni.

*Articulus quartus.*

Ad quartum convenire cognoscitur, quod consequenter conjungitur : *Spolia multa*. Sicut enim spolia corporalia sunt ornamenta decorantia corpora, ita spiritualia spolia sunt ornamenta decorantia corda. Talia quidem spolia sunt, quæ sancti Patres abstulerunt ab ethniciis, et contulerunt ea catholicis. Et nota, quod ista spolia, scilicet ornamenta spiritualia, sunt tollenda, colligenda, dividenda. Tolluntur autem per animæ vires apprehensivas; colliguntur per vires retentivas; dividuntur per vires enuntiativas. De primo<sup>12</sup> : « Tulerunt justi spolia impiorum, » scilicet catholici ethniconrum : hic tolluntur sapientialia spolia per vires apprehensivas. De secundo<sup>13</sup> : « Per dies triginta vix collecta sunt spolia Assyriorum a populo Israel : » hic colliguntur illa spolia per vires retentivas; ubi etiam per moram temporis denotatur difficultas retentionis, quia difficilis est retinere, quam apprehendere. De tertio<sup>14</sup> : « Debilibus, orphanis et viduis divisserunt spolia : » hic dividuntur ipsa spolia simplicibus, et miserabilibus per vires enuntiativas.

— <sup>9</sup> *Cant.*, III, 4. — <sup>10</sup> *Eccle.*, VII, 27. — <sup>11</sup> *Sap.*, X, 19. — <sup>12</sup> *Judith*, XV, 13. — <sup>13</sup> *II Mach.*, VIII, 28.

(a) *Cæt. edit.* auribus. — (b) *Item* adjutoribus.

## Epilogus.

Hoc est, quod dicitur per Prophetam, tanquam personam sensibiliter molestatam, sed intelligibiliter confortatam : *Lætabor ego*, quantum ad affectivam dulcorabilem; *Super eloquia tua*, quantum ad sapientiam dulcorantem; *Sicut qui invenit*, quantum ad agnitivam decorabilem; *Spolia multa*, quantum ad sapientiam decorantem.

## VERSICULUS III.

**163. Iniquitatem odio habui**, etc. Vidistis potentiam sœvientem, nec innocentia, nec sapientiae differentem; videatis camdem nec divinae decreta justitiae reverentem. Nam Psalmographus, quasi de bonis operibus lapidatus, hic bona reserat, pro quibus mala tolerat, dicens : *Iniquitatem*, etc., tanquam eleganter eloquens : *Iniquitatem non tantum odivi, sed etiam fastidivi*; et legem divinam non solum audivi, sed etiam custodivi. Quatuor itaque possumus pensare circa verba Prophetæ, scilicet quid odivit, quid fastidivit, quid audivit, quid custodivit : odivit siquidem iniquitatis errorem; fastidivit iniquitatis furorem; audivit æquitatis clamorem; custodivit æquitatis amorem.

## Articulus primus.

Iniquitatis errorem aperuit, cum asservit : *Iniquitatem odio habui*. Quia profecto viator fuit, idcirco iniquitatis errorem odio habuit; quoniam erroris odium viatoris est proprium. **Erroris odium est viatoris proprium.** Hic potes notare, qualiter debes iniquitatem odire : quia stultificat; quia mortificat; quia scandalizat. Stultificatio pertinet ad intellectum; mortificatio, ad affectum; scandalizatio, ad effectum. De primo<sup>1</sup> : « Iniquitates suæ capiunt impium; » et infra : « In multitudine stultitiae suæ decipietur : » ecce iniquitas stultificans. De secundo<sup>2</sup> : « Quasi romphaea bis acuta omnis iniquitas; plágæ illius non est sanitas : » ecce iniquitas mortificans. De tertio<sup>3</sup> : « Homo de Israel, qui posuerit immunditias suas in corde suo, et scandalum iniquitatis suæ statuerit contra faciem suam, et venerit ad prophetam interrogans per eum me; ego Dominus respondebo ei in multitudine immunditiarum suarum : » ecce iniquitas scandalizans.

<sup>1</sup> Prov., v, 22, 23. — <sup>2</sup> Eccli., xxi, 4. — <sup>3</sup> Ezech., xiv, 3, 4. — <sup>4</sup> Arist., Politic., lib. I, c. II. — <sup>5</sup> Job,

## Articulus secundus.

Iniquitatis furorem innuit, cum inseruit : *Et abominatus sum*. Nimis abominabilis est furor irrationabilis, quoniam hominem ab homine avertit : ita non hominem convertit, cum ipsum a mansuetudine in immansuetudinem pervertit. Homo namque secundum Philosophum<sup>4</sup> est animal naturaliter mansuetum; unde procul dubio talis abominatio ex virtute procedit, non ex vitio. Et notandum, quod differt abominatio afflictorum, abominatio perfectorum, abominatio reproborum : prima est inhumana, secunda vesana, tercia vero sana. De primo<sup>5</sup> : « Abominati sunt me quondam consiliarii mei : » ecce inhumana abominatio afflictorum. De secundo<sup>6</sup> : « Odo habuerunt in porta corripientem, et loquentem perfecte abominati sunt : » ecce vesana abominatio perfectorum. De tertio scribitur<sup>7</sup> : « Iratus est furore Dominus in populum suum, et abominatus est hereditatem suam : » ecce sana abominatio reproborum.

## Articulus tertius.

Æquitatis clamorem apposuit, cum adjunxit: *Et legem tuam*; quoniam ubi æquitas, ibi claritas; ubi clamor, ibi calor; quorum neutrum legi deest, quoniam lex ignea est, sicut legi potest<sup>8</sup>. Eapropter per legem, propter charitatis(a) calorem, convenienter intelligimus æquitatis clamorem. Et nota, quod lex divina non est maculosa, non fabulosa, non periculosa; quia non est lex voluptatis, nec vanitatis, nec cupiditatis. De primo scribitur<sup>9</sup> : « Lex Domini immaculata, convertens animas : » ecce lex non maculosa. De secundo<sup>10</sup> : « Narraverunt mihi iniqui fabulationes, sed non ut lex tua : » ecce lex non fabulosa. De tertio<sup>11</sup> : « Nisi quod lex tua meditatio mea est, tunc forte periisse in humilitate mea : » ecce lex non periculosa.

## Articulus quartus.

Æquitatis amorem admisit, cum annexit : *Dilexi* : ecce amor. Cujus amor? Amor legis regalis, amor æquitatis legalis, amor legis procedens ex amore regis. Audi regem dicentem, et legem indicentem<sup>12</sup> : « Si diligitis me, mandata mea servate; » hoc est : Si amatis regem, servate legem. Illic potest notari, quod non

xix, 19. — <sup>6</sup> Amos, v, 10. — <sup>7</sup> Psal. cv, 40.

<sup>8</sup> Deut., xxxiii, 2. — <sup>9</sup> Psal. xviii, 8. — <sup>10</sup> Psal. hoc, 85.

<sup>11</sup> Ibid., 92. — <sup>12</sup> Joan., xiv, 15. — (a) Al. claritatis.

Chanaam.

diligunt parvuli, non æmuli, non subdoli : quia parvuli diligunt infantiam ; æmuli, malitiam ; subdoli, calumniam. De primo<sup>1</sup> : « Usquequo, parvuli, diligitis infantiam ; et stulti ea, quæ sibi sunt noxia, cupient ? » ecce dilectio infantiae. De secundo scribitur a Psalmographe<sup>2</sup> : « Dilexisti malitiam super benignitatem : » ecce dilectio malitiae. De tertio<sup>3</sup> : « Chanaam, in manu ejus statera dolosa, calumniam dilexit : » ecce dilectio calumniæ. Per Chanaam, qui negotiator interpretatur, negotiator subdolus denotatur.

## Epilogus.

Ait ergo Propheta, reserans bona pro quibus tolerat mala : *Iniquitatem odio habui*, quantum ad iniquitatis errorem odiendum; *Et abominatus sum*, quantum ad iniquitatis furorem fastidendum; *Legem autem tuam*, quantum ad æquitatis clamorem audiendum; *Dilexi*, quantum ad æquitatis amorem custodiendum.

## VERSICULUS IV.

164. *Septies in die laudem dixi tibi*, etc. Gladius persecutionis non solum in sacerdotibus, sed ad furoris cumulum in regularibus debacchatur personis. Illæ vero frequentant memoriam dominice passionis, tanquam consolatoriam tyrannicæ tribulationis. Talium typum Propheta gerebat, cum talia proferebat : *Septies*, etc.; ac si diceret patenter : Septem horis diurnis oravi, quia passiva judicia incarnatae justitiae memoravi. Hic lucc clarius videre possumus, et officia diei, et judicia Filii Dei, loquendo de die artificiali, de officio diurnal, de judicio præjudiciali, et de justitia superessentiali, inducta carne mortali.

## Articulus primus.

Primum declaravit Psalmista, cum ait : *Septies in die*, id est, per septem horas diei artificialis mancipatas horis officii diurnal. Sunt enim septem orationes canonicae, sicut septem petitiones orationis dominicæ. Hæc est septimæ formis servitus, qua septies in die servimus, quia vitiis expiari, virtutibus illustrari, charismatibus consummari sitimus. Unde notandum circa septenarii sacramentum, quod numerus talis typum gerit universitatis moralis : vide-

<sup>1</sup> Prov., 1, 22. — <sup>2</sup> Psal. LI, 5. — <sup>3</sup> Ose., XII, 7. — <sup>4</sup> Luc., XVII, 4. — <sup>5</sup> Ibid. — <sup>6</sup> Jos., VI, 45. — <sup>7</sup> Isa., XLIII, 21. — <sup>8</sup> Isa., LX, 6. — <sup>9</sup> Apoc., XIX, 5. — <sup>10</sup> Amos, V, 7. — <sup>11</sup> Eccl., V, 7.

licet universitatis vitiorum, virtutum, donorum. Vitia nos mortificant, virtutes nos vivificant; dona vero nos adversus hostes fortificant. De primo<sup>4</sup> : « Si septies in die peccaverit in te : » hic per septenarium horarum diurnalium denotatur universitas vitiorum mortificantium. De secundo sequitur<sup>5</sup> : « Si septies conversus fuerit ad te, » scilicet per infusionem gratiae et virtutum. Hic per septenarium horarum diurnalium denotatur universitas virtutum vivificantium. De tertio<sup>6</sup> : « Die septimo diluculo consurgentes circuierunt urbem, sicut dispositum erat septies. » Hic per septenarium horarum diurnalium figuratur universitas donorum adversus hostes fortificantium.

## Articulus secundus.

Secundum demonstravit, cum addidit : *Laudem dixi tibi* : ecce laudis溜um diurnale officium : Deum namque laudamus, cum eum laudabiliter invocamus, cum laudabiles ejus virtutes ad memoriam revocamus. Et nota, quod sicut in Scriptura legitur, laus divina narratur, annuntiatur, dicitur. Judæi laudem narrant formantis; Magi laudem annuntiant reformatis; Angeli laudem dicunt regnantis. De primo<sup>7</sup> : « Populum istum formavi mihi, laudem meam narrabit : » hic laudem narrant Judæi. De secundo<sup>8</sup> : « Aurum et thus deferentes, et laudem Domino annuntiantes : » hic laudem annuntiant Magi. De tertio<sup>9</sup> : « Laudem dicitе Deo nostro : » hic laudem dicunt Angeli.

## Articulus tertius.

Tertium declamavit, cum dixit : *Super judicia*. Hæc sunt illa judicia, seu verius præjudicia, que judicavit humana injustitia, per quæ judicari non recusavit divina justitia. Et nota, quod hæc judicia fuerunt virulenta, violenta, sanguinolenta. Quæreris, quo modo? Fuerunt procul-dubio virulenta, amaritudinem concipiendo; violenta, manus injiciendo; sanguinolenta, sanguinem sitiendo. De primo<sup>10</sup> : « Convertistis in amaritudinem judicium, et fructum justitiae in absinthium. » Plane converterunt Judæi in amaritudinem judicium per amaritudinem affectionis, et Pilatus fructum justitiae in absinthium per amaritudinem assensionis : ecce judicia virulenta amaritudinem concipiendo. De secundo<sup>11</sup> : « Si videris vio-

Deus quando laudetur

lenta judicia, et subverti justitiam in provincia, ne mireris super hoc negotio : » ecce judicia violenta, manus injicendo, quae non sunt miranda, sed potius miseranda. De tertio <sup>1</sup> : « Nicanor audiens virtutem comitum Judæ, et animi magnitudinem, quam pro patriæ certamine habebant, sanguinis judicium facere metuebat. » Sie principes sacerdotum timentes turbas Dominum comitantes, et magnanimititer confidentes, judicium sanguinis facere non audebant, sed sanguinem sitiabant : ecce judicia sanguinolenta, sanguinem sitiendo.

#### *Articulus quartus.*

Quartum determinavit, cum subdidit : *Justitiae tuæ*. Hæc est justitia immortalis pro nobis facta mortalis, id est, Dei filius, qui « factus est nobis justitia a Deo, » sicut scribitur <sup>2</sup>. Et nota, quod hæc justitia fuit cœlitus adducta, humanitus afflita, divinitus benedicta. Fuit namque adducta in incarnatione, afflita in passione, benedicta in resurrectione. De primo <sup>3</sup> : « Adducatur justitia sempiterna, et impleatur visio, et prophetia, et ungatur sanctus sanctorum : » ecce justitia cœlitus adducta. De secundo <sup>4</sup> : « Peccaverunt Domino, decori justitiae, expectationi patrum eorum, » scilicet crudeliter affligendo : ecce justitia humanitus afflita. De tertio <sup>5</sup> : « Benedicat tibi Dominus, pulchritudo justitiae : » ecce justitia divinitus benedicta.

#### *Epilogus.*

Ait ergo Prophetæ, tanquam regularis persona : *Septies in die*, loquendo de die artificiali; *laudem dixi tibi*, loquendo de officio diurnali; *super judicia*, loquendo de judicio præjudiciali; *justitiae tuæ*, loquendo de justitia superessentiali, induita carne mortali.

#### *VERSICULUS V.*

163. *Pax multa diligentibus legem tuam*, etc. Per quaternarium consummatum innotuit improbitas persequentium; per quaternarium inchoatum innotescit probitas perferentium. Ille probitas videtur invalescere ex Scripturæ consolatione, coronæ præstolatione, legis æmulatione, judicis speculatione; sicut patet ex quatuor versuum subscriptione. Praefatae consolations processum Prophetæ per præambulum

<sup>1</sup> *Hl. Mach.*, xiv, 18. — <sup>2</sup> *1 Cor.*, i, 30. — <sup>3</sup> *Dan.*, ix, 24. — <sup>4</sup> *Jerem.*, L, 7. — <sup>5</sup> *Ibid.*, xxxi, 23. —

docet versum, diceens : *Pax multa*, etc., quasi testimonium perhibens de Scriptura, quod in eadem tranquillitas sequitur charitatem, charitas veritatem, et veritas puritatem; quia per pacem prænotat tranquillitatem, per dilectionem subnotat charitatem, per legem denotat veritatem, per scandali privationem connotat puritatem : et ideo quatuor notantur in proposito; videlicet tranquillitas consequens charitatem, charitas consequens veritatem, et veritas consequens puritatem. Tranquillitas mentem pacificat; charitas letificat; veritas rectificat; puritas scandalum eradicat.

#### *Articulus primus.*

Tranquillitas igitur prænotatur, cum legitur : *Pax multa*. Quid enim est pacis multiplicitas, <sup>Pax.</sup> nisi multiplex tranquillitas? in illa multitudine pacis delectantur dilectores divinæ legis. Sed notandum circa pacis solatum, quod legitur pax custodiens, pax exiliens, pax adimplens : quarum prima dicitur initiativa; secunda proiectiva; tertia perfectiva. De prima <sup>6</sup> : « Pax Dei, quæ exuperat omnem sensum, custodiat corda vestra : » ecce pax custodiens. De secunda <sup>7</sup> : « Pax Christi exultet in cordibus vestris : » ecce pax exiliens. Quis enim sic exultat, quin exiliat? Sed qualiter pax exiliat, vel exilire faciat, experientia melius, quam eloquentia, dogmatizat. De tertia <sup>8</sup> : « Gratia vobis et pax adimpleatur in cognitione Domini nostri : » ecce pax adimplens. Virtus enim adimplere dignoscitur.

#### *Articulus secundus.*

Charitas subnotatur, cum subditur : *Diligentibus*. Quid est enim charitas, nisi dilectionis sinceritas, quam non fermentat malorum omnium radix, cupiditas? Tales diligentes Dominus diligit; talibus diligentibus dona sua distribuit. Et nota, quod diligentibus tria tribuit Dominus; videlicet misericordiam, sapientiam, et coronam. Nam misericordiam tribuit pœnitentibus; sapientiam, proficiensibus; sed coronam, pervenientibus. De primo <sup>9</sup> : « Ego sum Dominus Deus tuus, Deus æmulator, reddens iniquitatem patrum super filios in tertiam et in quartam generationem iis, qui oderunt me, et faciens misericordiam in multa millia diligentibus me : » ecce misericordia divinitus attri-

<sup>6</sup> *Philip.*, iv, 7. — <sup>7</sup> *Coloss.*, iii, 15. — <sup>8</sup> *Rom.*, i, 7. — <sup>9</sup> *Deut.*, v, 9.

buta diligentibus, tanquam poenitentibus. De secundo<sup>1</sup>: « Disciplina sapientiae cui revelata est et manifestata? et multiplicationem ingressus illius quis intellexit? Unus est altissimus Creator. » Et infra: « Secundum datum suum præbet illam diligentibus se: » ecce sapientia divinitus attributa diligentibus, tanquam proficiens. De tertio<sup>2</sup>: « Beatus vir qui suffert tentationem, quoniam, cum probatus fuerit, accipiet coronam vitæ, quam repromisit Deus diligentibus se: » ecce corona divinitus attributa diligentibus, tanquam pervenientibus.

#### *Articulus tertius.*

Veritas denotatur, cum subditur: *Legem tuam, quia lex tua veritas.* Sicut prophetica dicit auctoritas, qualis rex, talis lex; sicut rex veritas, sic et lex veritas. Beata lex talis regis, quia beatus rex talis legis. Et nota, quod veritas ista est erudienda, audienda, custodienda. Parentum est erudire; filiorum, audire; sed omnium, custodire. De primo<sup>3</sup>: « Parentes illius, cum essent justi, erudierunt filiam suam, » scilicet Susannam, « secundum legem Moysi: » ecce legem a parentibus erudiendam. De secundo<sup>4</sup>: « Audite, filii, disciplinam patris, ut sciatis prudentiam: donum bonum tribuam vobis, legem meam ne derelinquatis: » ecce legem a filiis audiendam. De tertio<sup>5</sup>: « Ego Dominus Deus vester: custodite leges meas: » ecce legem ab omnibus custodiendam.

#### *Articulus quartus.*

Puritas connotatur, cum additur: *Et non est illis scandalum;* quia scandali privatio, puritatis est probatio. Nam nimis puritatis spectaculum nullum objicit offendiculum, sicuti purum speculum nullum offendit oculum. Hic notandum, quod puritatis est potissimum privare triplex scandalum, videlicet scandalum luxuriosum, gulosum, verbosum; quia contaminat tactum, gustum, affatum. De primo<sup>6</sup>: « Viri isti posuerunt immunditias in cordibus suis, et scandalum iniquitatis suæ statuerunt contra faciem suam; » ubi notatur immunditia, tam interior, quam exterior: ecce scandalum luxuriosum. De secundo<sup>7</sup>: « Ventres eorum non implebuntur, quia scandalum iniquitatis eorum factum est: » ecce scandalum gulosum. De

<sup>1</sup> Eccli., 1, 7, 8, 10. — <sup>2</sup> Jac., 1, 12. — <sup>3</sup> Dan., XIII, 3. — <sup>4</sup> Prov., IV, 1, 2. — <sup>5</sup> Levit., XVIII, 5. — <sup>6</sup> Ezech., XIV, 3. — <sup>7</sup> Ezech., VII, 19. — <sup>8</sup> Eccli., 1, 37,

tertio<sup>8</sup>: « Non scandalizeris in labiis tuis; attende in illis, ne forte cadas, et ponas scandalum, et adducas animæ tue in honorationem: » ecce scandalum verbosum.

#### *Epilogus.*

Ostensurus ergo Propheta quia consolatoria sit Scriptura, in qua tranquillitas pacificat, charitas laetificat, veritas rectificat, puritas scandalum eradicit, ait: *Pax multa, ecce tranquillitas pacificans; diligentibus, ecce charitas laetificans; legem tuam, ecce veritas rectificans; et non est illis scandalum, ecce puritas scandalum eradicans.*

#### *VERSICULUS VI.*

166. *Expectabam salutare tuum, Domine, etc.* Prima probitatis occasio, quam audistis in versu prævio, fuit Scripturæ consolatio; secunda vero, quam audietis in isto, est coronæ præstolatio, quam luce clarius manifestat Psalmographus, sic dicendo: *Expectabam, etc.* Nam quid sonat hæc littera, nisi præstolationem coronæ, meritorum ratione? Quid enim est expectatio, nisi præstolatio? quid salutare, nisi corona gloriæ? quid mandata, nisi merita? quid directio, nisi merendi ratio? Ecce versus præsentis continetia quadrimembris, scilicet præstolatio coronæ, meritorum ratione, sive fiducia felicitatis, propter obsequia charitatis.

#### *Articulus primus.*

Præstolationem intelligimus, cum legimus: *Expectabam.* Hæc expectatio non mediocris est probitatis occasio. Cum enim patientis anima considerat, quid expectat; passionis molestia, quam tolerat, jam delectat. Sed notandum, quod est expectatio tripartita: quædam incerta et inexperta; quædam non incerta, sed inex- partita. Quædam nec incerta, nec inexperta. Prima spectat ad suspirantes, quasi longius a regno distantes; secunda ad aspirantes, quasi non longe distantes; tertia ad respirantes, quasi non distantes, sed præmia prægustantes. De primo<sup>9</sup>: « Expectabam bona, et venerunt mihi mala: » hæc expectatio fuit incerta. De secundo, ubi de Joseph Decurione dicitur<sup>10</sup>: « Qui exspectabat et ipse regnum Dei: » hæc expectatio non fuit incerta, sed inexperta. De tertio scribitur<sup>11</sup>:

38; VII, 6. — <sup>9</sup> Job, XXX, 26. — <sup>10</sup> Luc., XXIII, 51. — <sup>11</sup> Psal. LIV, 9.

« Expectabam eum, qui salvum me fecit : »  
hæc expectatio nec incerta fuit, nec inexperta.

#### *Articulus secundus.*

Coronam advertimus, cum audivimus : *Salutare tuum, Domine*, quoniam præmium salutare dicitur corona gloriæ. Et nota, quod traditur in Psalmista, qualiter ad hoc salutare venitur, qualiter appropinquatur, qualiter pervenitur : quia venitur cum labore; appropinquatur cum timore; sed pervenitur cum honore. Primum traditur, cum psallitur<sup>1</sup> : « Longitudine dierum replebo eum, et ostendam illi salutare meum : » ecce longus labor ad salutare venientium. Secundum traditur, cum scribitur<sup>2</sup> : « Verumtamen prope timentes eum salutare ipsius : » ecce timor ad salutare appropinquatum. Tertium traditur, cum profertur<sup>3</sup> : « Sacrificium laudis honorificabit me, et illic iter, quo ostendam illi salutare Dei : » ecce laus et honor ad salutare pervenientium (a).

#### *Articulus tertius.*

Merita perpendimus, cum psallimus : *Et mandata tua*; quia mandata sunt Salvatoris obsequia, salutis meritoria. Et nota circa obsequia præfata, vel obsequiosa mandata, quod sunt valde levia, valde dulcia, valde salubria. Nam nimirum levia sunt, quantum ad actum; dulcia, quantum ad aspectum; sed salubria, quantum ad affectum. De primo<sup>4</sup> : « Mandata ejus gravia non sunt : » ecce mandata valde levia, quia si gravitas abest, levitas adest. De secundo<sup>5</sup> : « Nihil dulcius, quam respicere in mandatis Domini : » ecce mandata valde dulcia. De tertio<sup>6</sup> : « Salutare sacrificium est attendere mandatis : » ecce mandata valde salubria.

#### *Articulus quartus.*

Rationem agnoscimus, cum videmus : *Dilexi*; quia merendi ratio, est charitativa dilectio. Sed nota, quod talis dilectio non est naturalis, nec socialis, sed spiritualis. Prima dilectio est inata; secunda acquisita; tercia est inspirata. De prima<sup>7</sup> : « Omne animal diligit sibi simile : » ecce dilectio naturalis. De secunda<sup>8</sup> : « Anima Jonathæ (b) colligata est animæ David, et dilexit eum Jonathas (b), quasi animam suam : » ecce di-

lectio socialis. De tertia<sup>9</sup> : « Dilectione perpetua dilexi te, ideo attraxi te miserans : » ecce dilectio spiritualis.

#### *Epilogus.*

Ostendens ergo Propheta secundam probitatis occasionem, scilicet coronæ præstolationem, ait : *Expectabam*, quantum ad fiduciam præstolantis; *Salutare tuum, Domine*, quantum ad coronam felicitatis; *Et mandata tua*, quantum ad merita obsequientis; *Dilexi*, quantum ad rationem charitatis.

#### VERSICULUS VII.

157. *Custodivit anima mea*, etc. Post Scripturæ consolationem, et coronæ præstolationem, audiamus tertiam probitatis occasionem, scilicet legis æmulationem. Emulatio ista sic exprimitur a Psalmista: *Custodivit*, etc., hoc est : Custodivi catholicam veritatem, adhibendo diligentiam vehementem. Jam, ni fallor, præsentis, videlicet custodiam catholicæ veritatis; et diligentiam virtuosam, contra perfidiam hæreticæ pravitatis, et fraudulentiam venenosam.

#### *Articulus primus.*

Vide primo custodiam : *Custodivit anima mea*. Non dixit : *caro*, sed : *anima*; quia carnis est infirmari, sed animæ cum sapientia collectari. Legitur enim<sup>10</sup> : « Caro infirma ; » et<sup>11</sup> : « Anima cum sapientia collectata. » Sed notare potes, quomodo veritatem hujusmodi custodire debes. Plane tripliciter, scilicet intemerabiliter, irretractabiliter, indissolubiliter: quasi sacerdotium divinitus dispositum; quasi judicium divinitus diffinitum; quasi pactum divinitus stabilitum. De primo figuraliter dicitur<sup>12</sup> : « Custodite sacerdotium vestrum : » ecce sacerdotium custodiendum intemerabiliter. De secundo<sup>13</sup> : « Custodite judicium, et facite justitiam, quia juxta est salus mea : » ecce judicium custodiendum irretractabiliter. De tertio<sup>14</sup> : « Custodiens pacatum meum, et semen tuum post te : » ecce pactum custodiendum indissolubiliter. Sic debes veritatem fidei custodire : non temerans corde; non retractans ore; non dissolvens opere.

<sup>1</sup> *Psal.* xc, 16. — <sup>2</sup> *Psal.* lxxxiv, 10. — <sup>3</sup> *Psal.* xlvi, 21. — <sup>4</sup> *I Joan.*, v, 3. — <sup>5</sup> *Eccli.*, xxiii, 37. — <sup>6</sup> *Eccli.*, xxxv, 2. — <sup>7</sup> *Eccli.*, xiii, 19. — <sup>8</sup> *I Reg.*, xviii, 1, 3. — <sup>9</sup> *Jerem.*, xxxi, 3. — <sup>10</sup> *Math.*, xxvi, 41. —

<sup>11</sup> *Eccli.*, li, 25. — <sup>12</sup> *Num.*, xviii, 7. — <sup>13</sup> *Isa.*, lvi, 1. — <sup>14</sup> *Gen.*, xvii, 9. — (a) *Al.* prævenientium. — (b) *Cat.* edit. Jonathan. — (c) *Item* præsentis.

*Articulus secundus.*

Attende secundo catholicam veritatem: *Testimonia tua*. Nulli dubium, quin veritas ejusmodi sit Dei testimonium. Et notandum circa veritatis catholicæ, seu fidei christianæ testimonium, quod nullatenus est infirmum; sed tripli firmitate firmatum, scilicet auctoritate, veritate, virtute; hoc est, auctoritate thearchica, veritate prophetica, virtute apostolica. De primo<sup>1</sup>: « Qui misit me Pater, ipse testimonium perhibuit de me: » ecce testimoniam thearchicum. De secundo<sup>2</sup>: « Illic omnes prophetæ testimonium perhibent: » ecce testimonium propheticum. De tertio<sup>3</sup>: « Virtute magna reddebat apostoli testimonium resurrectionis Jesu Christi: » ecce testimonium apostolicum.

*Articulus tertius.*

Adverte tertio diligentiam: *Et dilexit ea*. Ubi namque dilectio (a), ibi diligens actio. Dilectio latet interius; diligentia patet exterius: sicut ex charitate diligimus, sic diligenter agimus: qualiter ex claritate procedite effulgentia, taliter ex charitate diligentia. Effulgentia, lucet in aere, diligentia liquet in opere. Ut autem de diligendi diligentia disseramus cum pinguiori, seu graviori diligentia; hic notare possumus, quanta diligentia nos dilexit Dominus, quantum ad exteriores effectus, et quanta diligentia diligatur idem a suis dilectoribus. Videtur utique nos Dominus dilexisse diligenter, diligentius, diligentissime. Numquid diligenter dilexit, quos sua dilectione prævenit? Numquid diligentius dilexit, quos sanguine suo lavit? Numquid diligentissime dilexit, quibus consolationem gloriæ æternæ spem donavit? De primo<sup>4</sup>: « Diligamus Deum, quoniam Deus prior dilexit nos: » ecce diligentia præveniendi. De secundo<sup>5</sup>: « Qui dilexit nos, et lavit nos a peccatis nostris in sanguine suo: » ecce diligentia lavandi. De tertio<sup>6</sup>: « Qui dilexit nos, et dedit consolacionem æternam, et spem bonam: » ecce diligentia consolatoriam spem donandi. Diligamus igitur Dominum versa vice, diligenter, diligentius, diligentissime. Diligenter debent diligere purgatorem purgati; diligentius illuminatorem illuminati; diligentissime perfectorem perfecti. De primo, ubi dicitur de beata Magdalena, tan-

Amor  
Dei erga  
nos.

quam de persona purgata<sup>7</sup>: « Remittuntur ei peccata multa, quoniam dilexit multum: » ecce diligens dilectio purgatoris. De secundo, ubi legitur de Salomone, tanquam persona illuminata<sup>8</sup>: « Dilexit Salomon Dominum, ambulans in præceptis David patris sui: » ecce diligentior dilectio illuminatoris. De tertio, ubi scribitur de David, tanquam de persona perfecta<sup>9</sup>: « De omni corde suo laudavit Deum, et dilexit Dominum, qui fecit illum: » ecce diligentissima dilectio perfectoris.

*Articulus quartus.*

Animadverte quarto virtuositatem: *Vehementer*. Revera virtuositas vehemens, et vehementia virtuosa est legis æmulatoribus opportuna. Quæris quare? Triplici ratione: videlicet ratione candoris, ratione ruboris, ratione fulgoris; hoc est, ut catholicæ veritas excandescat, ut hæretica pravitas erubescat, ut divina majestas magnificantius effulgescat. De primo per Psalmis tam dicitur<sup>10</sup>: « Ignitum eloquium tuum vehementer: » ecce vehementia veritatis carentis. De secundo per Prophetam psallitur<sup>11</sup>: « Eru bescant, et conturbentur vehementer omnes inimici mei: » ecce vehementia pravitatis rubentis. De tertio per Psalmographum scribitur<sup>12</sup>: « Domine Deus, magnificatus es vehementer: » ecce vehementia majestatis fulgentis.

## Epilogus.

Et hoc est, quod ait Propheta super æmulatione præfata: *Custodivit anima mea*: ecce custodiā contra perfidiam; *Testimonia tua*: ecce catholicam veritatem contra hæreticam pravitatem; *Et dilexit ea*: ecce diligentiam contra fraudulentiam; *Vehementer*: ecce virtuositatem contra venenositatem.

## VERSICULUS VIII.

168. *Servavi mandata tua*, etc. Elucidatis tribus occasionibus, quasi calcaribus probitatis, quarta restat occasio, videlicet judicis speculatio, peracuta perfectio, probitatis stimulatio. Est ista speculatio, quam Propheta dilucidat, sic loquendo: *Servavi*, etc.; hoc est: *Servavi* tuæ voluntatis imperium, tuæ veritatis judicium, sciens quod omne temeritatis mee vitium veniret in severitatis tuæ judicium. Audita Pro XLVII, 10. — <sup>10</sup> *Psal.* hoc, 140. — <sup>11</sup> *Psal.* vi, 11. — <sup>12</sup> *Psal.* ciii, 1. — (a) *Edit.* Ven. dilecti.

<sup>1</sup> *I Joan.*, v, 37. — <sup>2</sup> *Act.*, x, 43. — <sup>3</sup> *Act.*, iv, 33.  
— <sup>4</sup> *I Joan.*, iv, 19. — <sup>5</sup> *Apoc.*, i, 5. — <sup>6</sup> *II Thess.*, ii, 15. — <sup>7</sup> *Luc.*, vii, 47. — <sup>8</sup> *III Reg.*, iii, 3. — <sup>9</sup> *Ecli.*,

phetae propositione, non est opus distinctione, sed expositione. Audivimus enim divinum imperium et judicium, et humanum vitium venturum in judicium. Vidimus etiam divinam voluntatem, et veritatem, et humanam temeritatem in venturam severitatem.

### Articulus primus.

Primum innescit, cum dicitur : *Serravi mandata tua*. Quid enim est divinum mandatum, nisi divinæ voluntatis imperium? Quid mandatum servare, nisi imperanti obtemperare, et voluntati imperanti voluntatem obtemperantem conformare? Sed notandum,

Manda-  
tum quo-  
modo  
servan-  
dum.  
Duo ho-  
minum  
genera.  
sicut pomum, sicut ficum, sicut vinum. Quemadmodum enim servatur pomum ad naturaliter alterandum nimiam corporis caliditatem, et ficus ad alterandum oris insipiditatem, et vinum ad alterandum cordis anxietatem; in eundem modum oportet servare mandatum ad moraliter alterandum (*a*) in corpore caliditatem concupiscentiæ, in ore insipiditatem insipientiæ, in corde anxietatem conscientiæ. De primo<sup>1</sup> : « Omnia poma nova et vetera, dilectemi, servavi tibi; » quia vetera et nova poma sunt Decalogi et Evangelii mandata: hic docemur servare mandatum, sicut pomum. De secundo<sup>2</sup> : « Qui servat sicum, comedet fructum ejus: » hic docemur servare mandatum sicut sicum: nam qui servat mandatum in hoc sæculo, fructum ejus comedet in futuro. De tertio<sup>3</sup> : « Omnis homo primum bonum vinum ponit, et cum inebriati fuerint, tunc id, quod deterius est: tu autem servasti bonum vinum usque adhuc. » Hic docemur servare mandatum sicut vinum. Unde sciendum, quod sunt homines animales, et homines spirituales: animales sunt de numero omnium; spirituales de numero paucorum. Animales autem homines, qui signantur per omnem hominem, primum ponunt bonum vinum, posterius autem deterius; quia mandatum videtur talibus in principio valde bonum, sed in fine minus; quoniam<sup>4</sup> « ad tempus credunt, sed in tempore temptationis recedunt. » Spirituales, qui notantur per sponsum, primo ponunt bonum vinum, sed postremo melius; quia mandatum videtur talibus in principio bonum, sed in fine melius.

<sup>1</sup> Cant., vii, 13. — <sup>2</sup> Prov., xxvii, 18. — <sup>3</sup> Ioan., ii, 10. — <sup>4</sup> Luc., viii, 13. — <sup>5</sup> Rom., ii, 15. — <sup>6</sup> Psal.

### Articulus secundus.

Secundum illuecscit, cum ait : *Et testimonia tua*. Quid enim divinum testimonium, nisi divine veritatis indicium? Et notandum, quod est divinum testimonium tripartitum: scilicet testimonium innatum, testimonium suscitatum, testimonium confirmatum. Primum spectat ad legem naturæ; secundum, ad legem Scripturæ, tertium ad legem gratiæ. De primo<sup>5</sup> : « Qui ostendunt opus legis scriptum in cordibus suis, testimonium reddente illis conscientia ipsorum: » ecce testimonium innatum. De secundo cantatur<sup>6</sup>: « Suscitavit testimonium in Jacob: » ecce testimonium suscitatum. De tertio<sup>7</sup> : « Unus mediator Dei et hominum homo Christus Jesus, qui dedit redemptionem semetipsum pro omnibus, ejus testimonium temporibus suis confirmatum est: » ecce testimonium confirmatum.

### Articulus tertius.

Tertium inclarescit, cum inquit : *Quia omnes viæ meæ*. Non dicit *viæ tuae*, sed *viæ meæ*, ut clarescat quod non sunt viæ veritatis, sed temeritatis; nec viæ virtuosæ, per quas ambulatur ad vitam, sed viæ vitiosæ, per quas pergitur ad gehennam. Hic potes notare, quod tales viæ sunt cogitandæ, arguendæ, lapidibus concludendæ: cogitantur autem in contritione; arguuntur in confessione; lapidibus, id est, duris laboribus concluduntur in satisfactione. De primo<sup>8</sup> : « Cogitavi vias meas, et converti pedes meos: » ecce viarum cogitatio. De secundo<sup>9</sup> : « Vias meas in conspectu ejus arguam: » ecce viarum redargutio. De tertio<sup>10</sup> : « Conclusit vias meas lapidibus quadris: » ecce viarum conclusio.

### Articulus quartus.

Quartum patescit, cum additur : *In conspectu tuo*, scilicet in conspectu judiciario, in quo redditua severitas mortis stipendum pro peccato. Sed nota, quod conspectus Dei judiciarius est triparitus, scilicet probativus, approbativus, improbativus: primus pertinet ad meritorum examinationem; secundus ad hemeritorum coronationem; tertius ad malemeritorum condemnationem. De primo<sup>11</sup> : « Stellæ non sunt mundæ in conspectu ejus, » scilicet probativo; quia multi videntur stellæ

LXXVII, 5. — <sup>7</sup> 1 Tim., ii, 6. — <sup>8</sup> Psal. hoc, 59. — <sup>9</sup> Job, XIII, 15. — <sup>10</sup> Thren., III, 9. — <sup>11</sup> Job, xv, 15.

(a) Edit. Ven. alterandum.

Con-  
spectus  
Dei judi-  
carius  
triplex.

mundana aestimatione, qui non apparebunt mundi in illa examinatione. De secundo <sup>1</sup>: « Non veniet in conspectu ejus omnis hypocrita, » scilicet in conspectu approbativo. De tertio <sup>2</sup>: « Fiant corruentes in conspectu tuo, » scilicet improbativo.

## Epilogus.

Patet itaque mens Prophetae super speculacione judicis, quam exprimit in his verbis: *Servavi mandata tua*, quantum ad imperium divinæ voluntatis; *Et testimonia tua*, quantum ad judicium divinæ veritatis; *Quia omnes viae meæ*, quantum ad vitia humanae temeritatis; *In conspectu tuo*, quantum ad judicium divinæ severitatis.

## VERSICULUS IX.

169. *Appropinquet deprecatio mea*, etc. Octonarius prior propositus persecutionis gladium; octonarius iste posterior apponitorationis clypeum. In eius priori quaternario prænotatur istius clypei spiritualis erectio; in posteriori vero subnotatur ipsius protectio. In ejusdem clypei, scilicet orationis erectione, videtur fides instare, spes pulsare, charitas Dei intrare, charitas proximi impetrare; sicut quatuor versus preambuli resonant satis clare. Qualiter autem fides instat, per versum primum Psalmographus

Fides. fideliter manifestat. Fides enim, tanquam habitus Deo devotus, sed ab eo remotus; devotus, inquam, affectu, sed remotus intellectu: quia videt per speculum, non oculo ad oculum; ex quo non potest mittere suum intellectum ad divinum aspectum, mittit suum affectum, petens a Deo mirificum liberationis effectum, juxta publicum instrumentum super eo confectum. Hoc instrumentum publicum est illud eloquium evangelicum <sup>3</sup>: « Omnia quæcumque orantes petitis, credite quia accipietis, et evenient vobis. » Propterea dicit Prophetus: *Appropinquet*, etc., ac si dicat: Appropinquet fidei petitorum in Dei consistorium, juxta veritatis eloquium, petens potestatis judicium. Unde perpendimus, quod quatuor continet iste versus, videlicet fidei petitorum, Dei consistorium, veritatis eloquium, et potestatis judicium: quorum primum pertinet ad humanum affectum;

<sup>1</sup> Job, XIII, 46. — <sup>2</sup> Jerem., XVI, 23. — <sup>3</sup> Marc., XI, 24. — <sup>4</sup> Judith, IX, 16. — <sup>5</sup> Jac., V, 16. — <sup>6</sup> Jerem., XXXVII, 19. — <sup>7</sup> Psal. CXL, 2. — <sup>8</sup> Psal. XVII, 7, 8. — <sup>9</sup> Eccli., XVIII, 20.

secundum, ad divinum aspectum; tertium, ad instrumentum confectum; quartum, ad miraculosum effectum.

## Articulus primus.

Fidei petitorum denotatur, cum dicitur: *Appropinquet deprecatio mea*; quasi dicat: Fides prophetica, vel potius ex fide Prophetæ, quia longinqua est speculatio intellectiva, fiat propinquæ postulatio affectiva. Et nota circa depreciationem, triplicem proprietatem, videlicet humilitatem, assiduitatem, affectuositatem: humilitas multum placet; assiduitas multum valet; sed affectuositas multum movet. De primo <sup>4</sup>: « Humilium et mansuetorum semper tibi placuit deprecatio: » ecce depreciationis humilitas. De secundo <sup>5</sup>: « Multum valet deprecatio justi assidua: » ecce depreciationis assiduitas. De tertio <sup>6</sup>: « Domine mi rex, valeat deprecatio mea in conspectu tuo: » ecce depreciationis affectuositas.

## Articulus secundus.

Dei consistorium subnotatur, cum subditur: *In conspectu tuo*. Iste conspectus est justus et rectus, in quo facit misericordiam Dominus, et judicium injuriam patientibus. Et nota, quod si-  
cuit legitur in Scriptura, in illo consistorio petitio dirigitur, clamor auditur, propitiatio invenitur. Si quæreris, quo modo? non meo, sed divino respondetur eloquio: quia, ni fallor, petitio dirigitur per humanam benevolentiam suaviter fumigantem; clamor auditur per divinam justitiam malevolos graviter castigantem; propitiatio invenitur per divinam misericordiam benevolos mulcebriter mitigantem. De primo per Psalmographum dicitur <sup>7</sup>: « Dirigatur oratio mea sicut incensum in conspectu tuo: » ecce petitionis directio per humanam benevolentiam suaviter fumigantem. De secundo per Prophetam psallitur <sup>8</sup>: « Clamor meus in conspectu ejus, introivit in aures ejus: commota est, et contremuit terra; fundamenta montium conturbata sunt, et commota sunt, quoniam iratus est eis: » ecce clamoris auditio per divinam justitiam malevolos, tam infimos quam supremos, graviter castigantem. De tertio scribitur <sup>9</sup>: « Ante judicium interroga te ipsum, et in conspectu Dei invenies propitiationem; » hoc est: Dum divinum judicium prorogatur, et misericordia spatium erogatur, interroga temetipsum; ne fortassis immisericorditer irrogaveris

Deprecationis  
triplex  
proprietas.

Dei con-  
sisto-  
rium.

malis malum, sed misericorditer erogaveris bonum; et sic in divino consistorio invenies misericordiam mitigantem, non justitiam fustigantem : ecce propitiationis inventio per divinam misericordiam mulcebriter mitigantem.

### Articulus tertius.

Veritatis eloquium annotatur, cum dicitur : *Secundum eloquium tuum*. Hoc divinum eloquium est illud verbum promissorium, quo firmiter promittitur, quod oratio potentium fideliter atque fiducialiter admittetur. Sed notandum circa promissionis eloquium, quod legimus eloquium annuntiatum, creditum, blasphematum : quoniam divine promissionis eloquia, quæ divinitus annuntiantur, a fidelibus creduntur, ab infidelibus blasphemantur. De primo <sup>1</sup> : « Præparare in occursum Dei tui, Israel ; quia ecce formans montes, et creans ventum, et annuntians homini eloquium suum : » ecce eloquium divinitus annuntiatum. De secundo <sup>2</sup> : « Credita sunt illis eloquia Dei : » ecce eloquium divinum a fidelibus creditum. De tertio <sup>3</sup> : « Abjecerunt legem Domini, et eloquium Sancti Israel blasphemaverunt ; ideo iratus est furor Domini in populo suo : » ecce divinum eloquium ab infidelibus blasphematum.

### Articulus quartus.

Potestatis judicium connotatur, cum canitur : *Da mihi intellectum*, quasi dicat : Fac me intelligere per liberationis miraculum, quod nondum possum intelligere per contemplationis oculum. Unde notandum, quod legitur in Scripturis intellectus moralis, intellectus naturalis, intellectus supernaturalis : primus est indicativus bonitatis; secundus veritatis; tertius potestatis. De primo psallimus <sup>4</sup> : « Intellectus bonus omnibus facientibus eum : » talis est intellectus moralis. De secundo dicit Apostolus <sup>5</sup> : « Non ambuletis sicut et gentes ambulant in vanitate sensus sui, obscuratum habentes intellectum : » talis est intellectus naturalis. De tertio scribit Psalmographus <sup>6</sup> : « Pavit eos in innocentia cordis sui, et in intellectibus manuum suarum deduxit eos : » intellectus manuum est intellectus mirabilium actionum, quo deducuntur homines per mirabilia quæ videntur, ad mirabiliora, que non videntur : talis est intellectus supernaturalis.

<sup>1</sup> Amos, iv, 13. — <sup>2</sup> Rom., iii, 2. — <sup>3</sup> Isa., v, 20. —

### Epilogus.

Ostendens ergo Propheta fidem instantem, et liberationis miraculum postulantem, ait : *Appropinquet deprecatione mea*, quantum ad fidei peccatorum, pertinens ad humanum affectum ; *In conspectu tuo*, quantum ad divinum consistorium, attinens ad divinum aspectum ; *Secundum eloquium tuum*, quantum ad veritatis eloquium spectans ad instrumentum confectum ; *Da mihi intellectum*, quantum ad potestatis iudicium, respiciens ad miraculosum effectum.

### VERSICULUS X.

170. *Intret postulatio mea in conspectu tuo*, etc. Fidem instantem per versum vidimus praecedentem ; spem pulsantem videre possumus per praesentem. Sieut autem attribuitur fidei, quod agitur mota fidei ; sic adscribitur spei, quod efficitur motu spei. Motu spei motus erat Psalmographus, cum ex bono cordis thesauro produceret verba ista : *Intret*, etc. : est enim vox animi bone spei, postulantis, præstolantis, allegantis, rogantis. Quæreris, quid ? Postulantis introitum; præstolantis intuitum; allegantis pactum preteritum; rogantis factum divinitus præfinitum, videlicet liberationis effectum. Istum actum Dominus præfinivit, quando prophetica promissione sancivit <sup>7</sup> : « Salus justorum a Domino, et protector eorum in tempore tribulationis, et adjuvabit eos Dominus, et liberabit eos, et cruet eos a peccatoribus, et salvabit eos, quia speraverunt in eo : » ecce spei quadrimodam pulsationem, et pulsandi quadrifidam rationem. Pulsavit enim spes postulando, præstolando, allegando, rogando : propter introitum, propter intuitum, propter pactum preteritum, propter factum divinitus præfinitum.

### Articulus primus.

Postulando pulsatur, cum psallitur : *Intret postulatio mea*. Sic pulsamus, cum per affectum devotionis in sacrarium exauditionis intramus. Sic pulsare videtur, qui nubes orationibus penetrare meretur. Sed notandum, quod legimus introitum tripartitum, scilicet introitum interfictivum, introitum interventivum, introitum inventivum. Introitu primo intrat compunctio ;

<sup>4</sup> Psal. cx, 10. — <sup>5</sup> Ephes., iv, 18. — <sup>6</sup> Psal. LXXVII, 72. — <sup>7</sup> Psal. xxxvi, 39, 40.

secundo, devotio; tertio, contemplatio. De primo Prophetæ psallit<sup>1</sup>: « Gladius eorum intret in corda ipsorum. » Iste gladius est compunctionis affectus, desideriorum mortalium, tanquam inimicorum moralium, interfictivus. De secundo Psalmographus dicit<sup>2</sup>: « Intret oratio mea in conspectu tuo: » ecce introitus devotionis, quo introimus, cum per invicem intervenimus. De tertio Psalmographus scribit<sup>3</sup>: « Ut cognoscerem hoc, labor est ante me, donec intrem in sanctuarium Dei: » ecce introitus contemplationis, quo introimus, cum illuminationis divinæ radios invenimus. Ad introitum secundum spectat verbum propositum.

#### *Articulus secundus.*

Præstolando pulsat, cum sequitur: *In conspectu tuo*. Iste namque conspectus est divinæ pietatis intuitus. Sic pulsamus, cum in divina pietate, non in nostra virtute, figimus anchoram spei nostræ. Sic pulsat, qui divinæ pietatis consolationem confidenter expectat. Sed nota, quod sicut legitur in Scriptura, in conspectu Dei dicuntur alii lacrymari, alii deprecari, alii epulari. Quæris, quinam sunt isti? Numquid nosti, quod penitentium est lacrymari, proficientium deprecari, perfectorum delicias æternas prægustantium epulari? De primo per Psalmographum dicitur<sup>4</sup>: « Deus, vitam meam annuntiavi tibi, posuisti lacrymas meas in conspectu tuo: » ubi loquitur ex persona pœnitentis in conspectu Dei lacrymantis. De secundo, de sapiente scribitur<sup>5</sup>: « Cor suum tradet ad vigilandum diliculo ad Dominum qui fecit illum, et in conspectu Altissimi deprecabitur: » talis sapiens est proficiens, in conspectu Altissimi preces fundens. De tertio per Prophetam psallitur<sup>6</sup>: « Justi epulentur, et exultent in conspectu Dei. » Qui sunt hi justi, nisi perfecti, epulantes coram Deo felicitatis primitias prælibando, et exultantes coram eo pleniores delicias præstolando?

#### *Articulus tertius.*

Allegando pulsatur, cum additur: *Secundum eloquium tuum*. Istud eloquium est pactum promissorium, quo promittitur auxilium in tribulationibus<sup>7</sup>: « Deus noster, refugium et virtus. » Hoc modo pulsamus, quando piissimum Domi-

num suarum funibus promissionum astringimus; cum ipsum laqueis oris sui ligamus, atque ad miserandum miseris charitatis vinculis inclinamus. Sed notandum circa dictum eloquium, quod est promissorium miserandi, dirigendi, ac suscipiendi, quia misericors et misericordia Dominus promittit miserationem regredientibus, directionem progredientibus, susceptionem egredientibus. Vis videre regredientem primo modo pulsantem? vide Prophetam psallentem<sup>8</sup>: « Miserere mei secundum eloquium tuum; » quia juxta promissionem petit miserationem. Vis audire progredientem secundo modo pulsantem? audi Psalmistam dicentem<sup>9</sup>: « Gressus meos dirige secundum eloquium tuum; » quia juxta promissionem petit directionem. Vis legere egredientem tertio modo pulsantem? lege Psalmographum sic scribentem<sup>10</sup>: « Suscipe me secundum eloquium tuum; » quia juxta promissionem petit susceptionem.

#### *Articulus quartus.*

Rogando pulsatur, cum superadditur: *Eripe me*. Tali modo pulsamus, cum divinæ pietatis viscera sic rogamus, quod charitatis vulnera irrogamus; cum Dominus sic rogatur, promissum auxilium non prorogatur, sed protinus erogatur. Hic notandum, quod sic eripit Dominus interdum de manu principum inimicorum; interdum de medio catulorum; interdum ab injuria dæmonum, vel hominum nefandorum. Tyranni principes solent in temporalibus molestare; hæretici catuli vel leones, in spiritualibus infestare; nefandi dæmones vel homines; in corporalibus incestare. Prima ereptio legitur<sup>11</sup>: « Animum fortem habete, filii: proclamate ad Dominum, et eripiet vos de manu principum inimicorum: » ecce ereptio de manu principum temporaliter molestantium. Secunda ereptio scribitur<sup>12</sup>: « Animam meam eripuit de medio catulorum leonum: » ecce ereptio de medio catulorum hæreticorum spiritualiter infestantium. Tertia ereptio reperitur<sup>13</sup>: « Justum Loth oppressum a nefandorum injuria, ac luxuriosa conversatione eripuit: » ecce ereptio ab injuria nefandorum corporaliter incestantium.

#### *Epilogus.*

Ostensurus ergo Psalmographus per suam orationem spei pulsationem, ait: *Intret postu-*  
*—<sup>9</sup> Ibid., 133. —<sup>10</sup> Ibid., 116. —<sup>11</sup> Baruc., IV, 18.*  
*—<sup>12</sup> Psal. LVI, 5. —<sup>13</sup> II Petr., II, 7.*

<sup>1</sup> *Psal. xxxvi*, 15. — <sup>2</sup> *Psal. LXXXVII*, 3. — <sup>3</sup> *Psal. LXXII*, 17. — <sup>4</sup> *Psal. LV*, 9. — <sup>5</sup> *Eccli.*, XXXV, 8. — <sup>6</sup> *Psal. LXVII*, 4. — <sup>7</sup> *Psal. XLV*, 2. — <sup>8</sup> *Psal. hoc*, 58.

*latio mea*, quantum ad postulatum introitum; *In conspectu tuo*, quantum ad praestolatum intuitum; *Secundum cloquium tuum*, quantum ad pactum prateritum; *Eripe me*, quantum ad facutum divinitus presinitum.

## VERSICULUS XL.

171. *Eructabunt labia mea*, etc. Audivimus fidem instantem, et spem pulsantem, neutram intrantem, sed utramque foris stantem; audiamus charitatem Dei consideranter intrantem. Hanc enim praesens versus presentat; hanc Psalmista luce clarius hic declarat. Sciens namque Psalmographus, quod Deo nihil charitate charius, nihil ejus hilaritate jucundius, nec ignorans, quod «charitas super iniuitatem non gaudet, sed veritati congaudet», teste Apostolo<sup>1</sup>, sic loquitur in conspectu divinae majestatis, tanquam utens organo charitatis: *Eructabunt*, etc.; hoc est: Eructabunt labia charitatis hymnum hilaritatis, cum presentaveris veritatem, et absentaveris iniuitatem. Quid enim docere, nisi veritatem presentare? Quid justificare, nisi iniuitatem absentare? Quatuor itaque possumus hic notare: videlicet labia charitatis, hymnum hilaritatis, presentiam veritatis, et absentiam iniuitatis: quarum prima nihil charius; secunda nihil jucundius; tertia nihil clarius; quarta nihil amarius.

*Articulus primus.*

*Litia triplicia.* Primum clarescit, cum psallitur: *Eructabunt labia mea*. Ista sunt charitatis labia, de quibus ait Scriptura<sup>2</sup>: «Percuties eum ex labiis charitatis mee.» Et nota, quod haec labia leguntur detestantia, exultantia, et praedicantia: detestantur equidem injustitiam deformantem; exultant, et exultanter exaltant justitiam reformantem; praedican prudentiam informantem. De primo<sup>3</sup>: «Labia mea detestabuntur impium:» ecce labia detestantia impietatem injustitiae deformantem. De secundo scribitur<sup>4</sup>: «Exultabunt labia mea, cum cantavero tibi, et anima mea, quam redemisti:» ecce labia exultantia, et exultanter exaltantia justitiam refermantem. De tertio denuo<sup>5</sup>: «Aperientur labia mea, ut recta praedicent:» ecce labia praedicantia prudentiae rectitudinem informantem.

<sup>1</sup> Cor., XIII, 6. — <sup>2</sup> Judith, IX, 13. — <sup>3</sup> Prov., VIII, 7. — <sup>4</sup> Psal. LXX, 23. — <sup>5</sup> Prov., VIII, 6. — <sup>6</sup> Psal. CXLVIII, 14. — <sup>7</sup> Psal. LXIV, 2. — <sup>8</sup> Ibid.

*Articulus secundus.*

Secundum patescit, cum scribitur: *Hymnum*: hic est hymnus hilaritatis, seu jueunda laudatio, qua laudatur Dominus purissimus, clarissimus, et perfectissimus, a servis purgatis, a servis illuminatis, a servis perfectis. Unde notandum, quod hymnum legimus tripartitum; videlicet hymnum puritatis, hymnum claritatis, hymnum perfectionis: quorum primus dicitur hymnus sanctorum; secundus, hymnus speculatorum; tertius, hymnus abundanter frumentum, vel perfectorum. De primo psallimus<sup>6</sup>: «Hymnus omnibus sanctis ejus:» ecce hymnus sanctitatis, vel puritatis, quod idem est. De secundo canit Psalmographus<sup>7</sup>: «Te decet hymnus, Deus, in Sion,» quod interpretatur *Sion*. *specula*: ecce hymnus speculatorum. De tertio quoque concinimus<sup>8</sup>: «Valles abundabunt frumento: clamabunt, etenim hymnum dicent:» ecce hymnus abundanter frumentum, vel perfectorum.

*Articulus tertius.*

Tertium elucescit, cum sequitur: *Cum docueris me*, id est, veritatem presentaveris. Talis presentatio maxime convenit Doctori maximo, et omni laude dignissimo. Hic notare possumus, quod multos multifarie docere legimus: nam aliter docet doctor minimus, aliter doctor magnus, aliter doctor maximus. Primus docet exterius, dicens, non faciens; secundus docet exterius, dicens, et faciens; tertius docet interiorius lucens, et perficiens. Vis videre doctorem minimum? aspice verbum evangelicum<sup>9</sup>: «Qui solverit unum de mandatis minimis, et docuerit sic homines, minimus vocabitur in regno cœlorum,» id est, Ecclesia viatorum. Vis audire doctorem magnum? Attende verbum dominicum<sup>10</sup>: «Qui fecerit et docuerit, hic magnus vocabitur in regno cœlorum.» Vis habere doctorem maximum? accipe verbum propheticum<sup>11</sup>: «Beatus homo, quem tu erudieris Dominus, et de lege tua docueris cum.»

*Articulus quartus.*

Quartum innotescit, cum dicitur: *Justificaciones tuas*. Ubi namque justificatio, ibidein est *ratio*? Attende ratio iniquitatis absentatio, sive ablatio, cum justificatio sit ab injustitia in justitiam transmutatio, injustitiam abjiciens, et justitiam introducens.

<sup>9</sup> Matth., V, 19. — <sup>10</sup> Ibid. — <sup>11</sup> Psal. XCIII, 12.

**Et nota, quod sicut testificatur Scriptura, justificatio veterem hominem exuit, exutum induit, et indutum superinduit. Exuit vero habitu vitiioso, induit habitu gratioso, et superinduit habitu gloriose.** De primo<sup>1</sup> : « *Damnavit peccatum in carne, ut justificatio legis impleretur in nobis:* » ecce justificatio exuens habitu vitiioso. De secundo<sup>2</sup> : « *Traditus est propter delicta nostra, et surrexit propter justificationem nostram:* » ecce justificatio induens habitu gratioso. De tertio<sup>3</sup> : « *Datum est illi,* » scilicet sponsæ, Byssi-  
num  
quid. « *byssinum splendens, et candidum : byssinum enim justificationes sunt sanctorum:* » ecce justificatio superinduens habitu gloriose. Primo modo sumitur in proposito.

## Epilogus.

Ait ergo Propheta, tanquam ex charitatis intrantis persona : *Eructabunt labia mea : ecce labia charitatis, qua nihil charius ; Hymnum : ecce hymnus charitativæ hilaritatis, qua nihil jucundius ; Cum docueris me : ecce præsentatio veritatis, qua nihil clarior ; Justificationes tuas : ecce absentatio, vel ablato iniquitatis, qua nihil amarius.*

## VERSICULUS XII.

**172. Pronuntiabit lingua mea eloquium tuum, etc.** Audistis Dei charitatem intrantem; audiatis charitatem proximi impetrantem. Illa charitas est contemplativa; ista charitas est activa: illa sponsum osculatur; ista familiæ famulatur: illa beatitudinem intuetur; ista miseriæ miseretur. Unde congruum fuit valde, quod illa, quæ miseretur, repromissam misericordiam ab eo consequeretur, qui misericordibus misericordiam pollicetur. Hac de causa charitas ista describitur a Psalmographo misericordiam proximo repromittens, et misericordiam a Domino repromissam admittens, sicut sonat hæc littera: *Pronuntiabit, etc., hoc est, lingua charitatis proximo nuntiabit eloquium veritatis; quoniam omnia per pietatem mandata, per æquitatem sunt consummata: ecce vides quatuor virtutes ad hujus versus fabricam concurrentes: videlicet charitatem, veritatem, pietatem, æquitatem: quarum prima pronuntians, secunda prænuntians, tertia mandans, sed quarta consummans.*

Nota  
quatuor  
virtutes.

<sup>1</sup> Rom., viii, 3.—<sup>2</sup> Ibid., iv, 25.—<sup>3</sup> Apoc., xix, 8.—  
<sup>4</sup> Prov., xxv, 15. —<sup>5</sup> Eccli., vi, 5. —<sup>6</sup> Eccli., XL,

## Articulus primus.

Primum denotavit Psalmographus dicens: *Pronuntiabit lingua mea :* hæc est lingua charitatis, quæ loquitur lingua carnis, sicut lingua hominis interioris loquens per linguam exterioris. Hæc lingua promittit nuntiare proximis eloquium veritatis. Et nota de lingua charitatis, quod dicitur in Scripturis mollis, eucharis, et suavis; quia nimurum mollis est ad supportandum, eucharis ad exhortandum, suavis ad confortandum. De primo<sup>4</sup>: « *Lingua mollis confringet duritiam :* » quoties enim charitas per patientiam devincit fraternalm impatienciam, toties hæc mollities confringit duritiam. De secundo<sup>5</sup>: « *Lingua eucharis in bono homine abundabit.* » Bene dicit « *in bono homine,* » quia lingua gratiosa in homine bono abundanter fructificat, in malo non mediocriter scandalizat. Nam, secundum Gregorianum eloquium: « *Cujus vita despicitur, restat ut ejus prædicatio contempnatur.* » De tertio<sup>6</sup>: « *Tibiæ et psalterium suavem melodiam faciunt, et super utraque lingua suavis :* » quia revera præstantior est fructuosa suavitas labiorum, quam otiosa suavitas omnis generis musorum.

## Articulus secundus.

Secundum subnotavit, subjiciens: *Eloquium tuum;* hoc est, veritatis eloquium, quod interius prænuntiatur in animo, priusquam exterius pronuntietur proximo. Hic potest notari, quod veritatis eloquium comparatur igni, rori, et melli: quoniam illuminat, et inflamat, intellectivam, et affectivam potentiam; refrigerat concupiscentiam; dulcorat conscientiam. De primo<sup>7</sup>: « *Ignitum eloquium tuum :* » ecce veritatis eloquium igniforme. De secundo<sup>8</sup>: « *Fluat ut ros eloquium meum :* » ecce veritatis eloquium roriforme. De tertio<sup>9</sup>: « *Eloquia tua super mel ori meo :* » ecce veritatis eloquium melliforme.

## Articulus tertius.

Tertium annotavit, adjiciens: *Quia omnia mandata tua :* hæc sunt mandata pietatis. Liceat autem universa mandata nuncupari valeant mandata pietatis ratione originis, quoniam universaliter originata sunt ex pietate mandantis; illa tamen præcipue censenda sunt mandata pietatis ratione ordinis, quæ specia-

<sup>7</sup> Psal. 140. —<sup>8</sup> Deut., xxxii, 2. —<sup>9</sup> Psal. hoc, 103.

Lingua  
charita-  
tis tri-  
plex.

liter ordinantur ad impetrandum subsidium pietatis; sicut illa, de quibus scribit Evangelista<sup>1</sup>: « Petite, et dabitur vobis; querite et invenietis; pulsate, et aperietur vobis. » Et nota, quod mandata legimus ordinata ad accipiendum, inveniendum, ingrediendum; scilicet in auxiliis, consiliis, et profundis sapientis sacramentis. De primo<sup>2</sup>: « Fiduciam habemus ad Deum, et quidquid petierimus, accipiemus ab eo, quoniam mandata ejus custodimus : » ecce mandata ordinata ad accipiendum auxilium. De secundo<sup>3</sup>: « Qui credit Deo, attendit mandatis, » quasi scilicet legibus consulendis: ecce mandata ordinata ad inveniendum consilium. De tertio<sup>4</sup>: « Ingressus illius, » scilicet sapientiae, « mandata aeterna : » ecce mandata ordinata ad ingrediendum profundum sapientiae sacramentum.

#### Articulus quartus.

Quatum connotavit, connectens: *Aequitas*. Mandata memorata dicuntur aequitas, quia sunt aequissime consummata; quoniam sunt efficaciter imperata. Sicut enim piissimum fuit illa mandari, sic aequissimum consummari. Ad hoc notandum, quod nomen aequitatis sic attribuitur divinis judiciis, testimoniosis, et mandatis, sicut sigilli vocabulum impressionibus sigillatis: nam praefata judicia, testimonia, et mandata sunt aequitatis optime, sapientissime, potentissime signaculo consignata. Quod nomen aequitatis attribuatur judicis, patet, ubi dicit Psalmographus<sup>5</sup>: « Cognovi, Domine, quia aequitas judicia tua. » Quod idem nomen attribuatur testimonis, claret, ubi psallit Prophetas<sup>6</sup>: « Aequitas testimonia tua. » Quod idem nomen attribuatur mandatis, liquet, teste Psalmista in praesenti versiculo.

#### Epilogus.

Descripturus ergo Psalmographus proximi charitatem misericordiam promittentem, et misericordiam admittentem, ait: *Pronuntiabit lingua mea*, quantum ad charitatem pronuntiantem; *Eloquium tuum*, quantum ad veritatem prænuntiantem; *Quia omnia mandata tua*, quantum ad pietatem mandantem; *Aequitas*, quantum ad aequitatem consummantem: ac si diceret, et aperte: *Lingua charitatis pro-*

<sup>1</sup> *Luc.*, xi, 9. — <sup>2</sup> *I Joan.*, iii, 22. — <sup>3</sup> *Eccli.*, xxxii, 28. — <sup>4</sup> *Ibid.*, 1, 5. — <sup>5</sup> *Psal.* hoc, 75. — <sup>6</sup> *Ibid.*, 144. — <sup>7</sup> *Psal.* lxxix, 18. — <sup>8</sup> *Isa.*, li,

*nuntiabit eloquium* veritatis, quia mandata pietatis impleta sunt plenitudine aequitatis.

#### VERSICULUS XIII.

173. *Fiat manus tua, ut salvet me*, etc. Clypei spiritualis, scilicet orationis erectionem aperit quaternarius antecedens; ejusdem clypei protectionem aperuit quaternarius praesens. Orationis autem clypeus orantem protegit exterius a timore passionis, interius a timore offensionis, superius a timore separationis, inferius a timore damnationis, sicut plenus continetur in versibus subnotatis. Primus versus primam protectionem exponit, in quo Psalmographus spiritualem protectionem contra afflictionem confidenter exposcit, dicens: *Fiat*, etc., quasi dicat: *Fiat protectio tua*, quae me salvet in afflictione mea, quia dilectio tua regnat in afflictione mea. In quibus clarescit luce clarius quadrimembris distinctio dicti versus, qui versatur circa protectionem, afflictionem, dilectionem, affectionem: quantum haec interior, haec exterior, haec superior, haec inferior.

#### Articulus primus.

Primum praesignatur, cum praemittitur: *Fiat manus tua*, quia manus vocabulo solet vocari protectio, juxta illud Psalmistæ<sup>7</sup>: « Fiat manus tua super virum dexteræ tuæ ; » et illud<sup>8</sup>: « In umbra manus meæ protexi te. » Et nota circa manum prædictam, protectionem animæ tripartitam quantum ad vim rationabilem, irascibilem, concupisibilem: rationabilis protegitur ab errore; irascibilis a timore; concupisibilis a languore. Prima protectio figuratur<sup>9</sup>: « Facta est super eum manus Domini, et vidit: » visio enim tollit errorem. Secunda protectio significatur<sup>10</sup>: « Abii amarus in indignatione spiritus mei: manus enim Domini erat mecum, confortans me: » confortatio namque tollit timorem. Tertia protectio significatur, dicente Domino<sup>11</sup>: « Manus mea auxiliabitur ei, et brachium meum confirmabit eum; » quia confirmatio tollit languorem.

#### Articulus secundus.

Secundum (a) propalatur, cum legitur: *Ut salvet me*, scilicet corporali afflictione, vel temporali persecutione, ne deficiam in agone. Hic notare 16. — <sup>9</sup> *Ezech.*, i, 3. — <sup>10</sup> *Ibid.*, iii, 14. — <sup>11</sup> *Psal.* lxxxviii, 22. — (a) *Edit.* Ven. Secundo.

Salvare possumus, quod diversos diversimode salvare diversi legimus : aliter enim salvat Deus, aliter homo, aliter diabolus : quia nimur Deus salvat per adjutorium; homo, per opus meritorum; diabolus, per actum temerarium. De primo<sup>1</sup> : « Ego tecum sum, ut salvem te, et eruam te, dicit Dominus : » ecce salus divina per adjutorium. De secundo<sup>2</sup> : « Fugite de medio Babylonis, ut salvet unusquisque animam suam : » ecce salus humana per opus meritorum. De tertio<sup>3</sup> : « Salvent te augures cœli, qui contemplantur sidera, et supplicant menses, ut ex eis annuntient ventura tibi : » ecce salus diabolica per actum temerarium.

*Articulus tertius.*

Terium protestatur Propheta, cum sequitur : *Quia mandata tua*, quoniam mandatis dilectionem ostendimus, cum mandatis ejus attendimus. Si quæris, quo modo mandatis attendimus? proculdubio cum credimus, cum diligimus, cum speramus, credendo dictum, diligendo factum, sperando fructum. De primo<sup>4</sup> : « Qui credit Deo, attendit mandatis, » scilicet tanquam a Deo dictis et indictis: ecce attentio nement credentis. De secundo<sup>5</sup> : « Salutare sacrificium est attendere mandatis; » nam revera hostia viva est mandatorum observantia charitativa: ecce attentio diligentis, et diligendo immolantis. De tertio<sup>6</sup> : « Utinam attendisses mandata mea: facta fuisse, sicut flumen, pax tua; » quasi dicat: Si servasses mandata in spe felicitatis æternæ, facta fuisse affluentissime pax voluntatis internæ: ecce attentio sperantis.

*Articulus quartus.*

Quartum profertur, cum psallitur: *Elegi*: quoniam electio est affectionis actio, mediante rationis consilio: eligere namque ad liberum spectat arbitrium, in quo convenient in unum, et voluntatis desiderium, et rationis consilium. Nam si voluntas abesset, non esset liberum; si ratio deesset, non esset arbitrium. Mandata autem eligere; est mandantem diligere, et ejus amorem quasi rectorem super regnum internum erigere; de quo regno dicitur a Domino<sup>7</sup>: « Regnum Dei intra vos est. » Et nota, quod tria novitius eligit: professionem facit, sicut propheticis eloquiis elucescit, videlicet stabilitatem, veritatem, humilitatem, secundum tria

professionis promissa. Stabilitas spectat ad residentiam; veritas ad vitam, vel morum moderantiam; humilitas ad obedientiam. Prima electio patet in illo verbo propheticō<sup>8</sup>: « Hæc requies mea in sæculum sæculi; hic habitabo, quoniam elegi eam: » hic eligitur stabilitas. Secunda electio liquet in illo dicto davidico<sup>9</sup>: « Viam veritatis elegi; » hic eligitur vita veritas, seu morum honestas. Tertia electio in illo claret eloquio<sup>10</sup>: « Elegi abjectus esse in domo Dei mei magis, quam habitare in tabernaculis peccatorum: » hic eligitur obedientia humilitas.

## Epilogus.

Ait ergo Psalmista, tanquam in tribulatione constitutus, et divinæ protectionis confidentiam ostensurus: *Fiat manus tua*, quantum ad protectionem interiorem per spiritualem fervorem; *Ut salvet me*, quantum ad afflictionem exterio rem; *Quia mandata tua*, quantum ad mandati superioris amore; *Elegi*, quantum ad affectionem hominis dilecto imparem, et longe inferiorem.

## VERSICULUS XIV.

174. *Concupivi salutare tuum, Domine*, etc. Primam protectionem audivimus, qua protegit oratorem orationis clypeus; sequitur secunda protectio, qua protegit oratorem oratio. Illa quidem protectio protegebat exterius a timore passionis; hæc protegit interius a timore offensionis. Tali quippe protectione fortiter orator ille protegitur, cuius intellectus et affectus fortiter ad oppositum inclinatur; quia non formidat ne offendat Salvatorem, qui anhelat et æstuat ad salutem. Talis orator erat Psalmographus, sicut enucleat iste versus. Erat enim invitatus, et excitatus: invitatus ad salutem; excitatus ad virtutem: invitatus a rege; excitatus a lege: invitatus quantum ad affectum; excitatus quantum ad intellectum. Propterea psallit ita: *Concupivi*, etc.; ac si caneret voce clara: *Sic me invitas, Domine rex, ad præmium salutare*, quod affectuosissime concupisco: sic me excitat tua lex ad meritum virtuale, quod studiosissime adhæresco. Quid igitur aliud hic notandum, quam invitantem, et invitatum; excitantem, et excitatum? Invitans est Dominus; excitans lex ipsius; invitatus affectus; excitatus intellectus.

<sup>1</sup> *Jerem.*, xv, 20. — <sup>2</sup> *Ibid.*, LI, 6. — <sup>3</sup> *Isa.*, XLVII, 13. — <sup>4</sup> *Eccli.*, xxxii, 28. — <sup>5</sup> *Ibid.*, xxxv, 2. — <sup>6</sup> *Isa.*, XLVIII, 18. — <sup>7</sup> *Luc.*, xvii, 21. — <sup>8</sup> *Psal.* cxxxi, 14. — <sup>9</sup> *Psal.* hoc, 30. — <sup>10</sup> *Psal.* LXXXIII, 11.

*Articulus primus.*

Invitatum exprimit, dicens : *Concupivi salutare tuum*, quia concupiscere pertinet ad affectum. Non est concupiscentia ista vitiosa, sed virtuosa : non prohibita, sed praecepta. Illa prohibetur, eum dicitur<sup>1</sup> : « Non concupisces aurum et argentum ; » ista praecepitur, cum scribitur<sup>2</sup> : « Lac concupiscite, ut in eo crescalis in salutem. » Unde notandum, quod non est ista concupiscentia carnis, nec concupiscentia oculorum ; sed concupiscentia coelestium gaudiorum : quarum prima humana, secunda mundana, tercia supermundana. De prima dixit Sara Raguelis filia<sup>3</sup> : « Tu scis, Domine, quia nunquam concupivi virum : » hic negatur concupiscentia humana. De secunda dicitur ab Apostolo<sup>4</sup> : « Argentum, et aurum, aut vestem nullius concupivi : » hic negatur concupiscentia mundana. De tercia<sup>5</sup> : « Ecce concupivi mandata tua, » quae sunt salutis meritoria : hic affirmatur concupiscentia supermundana.

*Articulus secundus.*

Invitantem expromit et exprimit, adjiciens : *Domine, qui me dignaris invitare ad convivium salutare.* Et nota, quod servos suos invitat Dominus quo modo servos suos invitatis minus ad lucem sempiternam, ad pacem sempiternam, ad laetitiam sempiternam ; invitando ad summum bonum luculente videndum, pacifice possidendum, laetissime perfruendum. De primo<sup>6</sup> : « Erit tibi Dominus in lucem sempiternam : » ecce lux Domini sempiterna. De secundo<sup>7</sup> : « Dominus pacis det vobis pacem sempiternam : » ecce pax Domini sempiterna. De tertio<sup>8</sup> : « Qui redempti sunt a Domino, revertentur, et venient in Sion laudantes, et laetitia sempiterna super capita eorum : » ecce laetitia Domini sempiterna.

*Articulus tertius.*

Excitantem exerit, inquiens : *Et lex tua* : lex enim legentis mentem excitat ad virtutem. Quid est enim bona pronuntiare, utiliora probare, perfecta consulere, nisi somnolentae mentis oculum ad virtutis exercitium excitare? Et nota, quod legimus in Scriptura legem loquentem, legem instruentem, et legem consulentem. Loquens dicitur bona pronuntiando; instruens,

utiliora probando; consulens, perfecta persuadendo. Vis audire legem loquentem? audi Apostolum attestantem<sup>9</sup> : « Quaecumque lex loquitur, iis, qui in lege sunt, loquitur : » ecce legis locutio. Vis auscultare legem instruentem? ausulta Paulum dicentem<sup>10</sup> : « Probas, ait, utiliora, instructus per legem : » ecce legis instructio. Vis attendere legem consulentem? attende Sapientem filio suadentem<sup>11</sup> : « Custodi legem meam, atque consilium meum, » id est, legis meae consilium : ecce legis consultatio.

*Articulus quartus.*

Excitatum edisserit, scribens : *Meditatio mea est.* Cum enim aliquis meditatur, oculus interioris hominis excitatur. Sed notandum, quod tria potissimum excitant interiorem oculum; videlicet assistentis spectaculum, meditantis periculum, et charitatis vineulum : quorum primum excitat oculum per stuporem; secundum, per timorem: tertium per amorem. De primo legitur<sup>12</sup> : « Meditatio cordis mei in conspectu tuo semper : » in hac meditatione excitat mentis oculum assistentis spectaculum. De secundo<sup>13</sup>: « Nisi quod lex tua meditatio mea est, tunc forte periisset in humilitate mea : » in hac meditatione excitat mentis oculum meditantis periculum. De tertio<sup>14</sup> : « Quomodo dilexi legem tuam Domine! tota die meditatio mea est; » in hac meditatione excitat mentis oculum charitas, quae secundum Apostolum<sup>15</sup> « est perfectionis vinculum. »

*Epilogus.*

Ostensurus ergo Psalmographus orationis protectionem, adversus offenditionis timorem, per salutis invitationem, et virtutis excitacionem sic ait : *Concupivi salutare tuum*, quantum ad effectum invitatum; *Domine*, quantum ad regem invitantem; *Et lex tua*, quantum ad legem excitantem; *Meditatio mea est*, quantum ad intellectum excitatum.

*VERSICULUS XV.*

175. *Vivet anima mea*, etc. Clypeus spiritualis, scilicet virtus orationis, non tantum protegit oratorem a parte exteriori contra timorem passionis, et a parte interiori contra timorem offenditionis.

<sup>1</sup> Deut., VII, 23. — <sup>2</sup> I Petr., II, 2. — <sup>3</sup> Tob., III, 16. — <sup>4</sup> Act., XX, 33. — <sup>5</sup> Psal. hoc, 40. — <sup>6</sup> Isa., LX, 19. — <sup>7</sup> II Thess., III, 16. — <sup>8</sup> Isa., LI, 41. — <sup>9</sup> Rom., III,

19. — <sup>10</sup> Rom., II, 18. — <sup>11</sup> Prov., III, 21. — <sup>12</sup> Psal. XVIII, 15. — <sup>13</sup> Psal. hoc, 92. — <sup>14</sup> Ibid., 97. — <sup>15</sup> Coloss., III, 14.

sionis; sed a parte superiori contra timorem separationis. Quod praeclare Propheta cecinit in his verbis : *Vivet*, etc.; ac si caneret cantione dulcissima : Confido de premio æternali, tam spirituali, quam corporali, in judicio generali. Unde convincitur, quod quatuor hic notantur : videlicet fiducia præmiorum, tam interiorum, quam exteriorum, secundum judicia meritorum : quorum primum pertinet ad præmium æternale; secundum, ad præmium spirituale; tertium, ad præmium corporale; quartum, ad judicium generale.

#### *Articulus primus.*

Primum prænotavit, cum præcinit : *Vivet*. Quali vita, nisi beata? Hæc est vita virtuosis servata, virtutibus comparata. Quæris, quibus? Plane fide, spe, charitate : videndo per fidem, fidendo per spem, obtemperando per charitatem. De primo<sup>1</sup>: « Si mortui sumus cum Christo, credimus, quia simul etiam vivemus cum Christo : » ecce vita credita. De secundo<sup>2</sup> : « Vivemus in conspectu ejus, sciemus, sequemurque, ut cognoscamus Dominum. » Quid est vivendo scire, sciendo sequi, sequendo cognoscere, nisi vitæ fontem scire, sciendo sitire, sitiendo haurire? ecce vita sperata. De tertio<sup>3</sup> : « Obtemperabimus Patri spiritum, et vivemus : » ecce via obtemperando dilecta.

#### *Articulus secundus.*

Secundum subnotavit, cum succinit : *Anima mea*. Anima namque vivet, cum ad vitam deformem ascendet, et imaginem concreatam ad imaginem creatricem extendet. Et nota, quod

*Anima beata præmia.* anima beata, sicut invenitur in Scriptura, erit magnificata, erit inebrata, erit impinguata : quoniam animæ potentiam retentivam magnificabit divinæ potestatis immensitas; potentiam anime apprehensivam inebrabit divinæ veritatis incomprehensibilitas; potentiam animæ appetitivam impinguabit divinæ bonitatis ineffabilitas. De primo<sup>4</sup> : « Magnificetur anima mea in oculis Domini, et liberet me de omni angustia. » Hic secundum anagogiam magnificat retentivam animæ potentiam divinæ potestatis immensitas. De secundo<sup>5</sup> : « Inebriavi animam lassam. » Hic secundum eamdem intelligentiam inebrat intellectivam animæ potentiam divinæ veritatis incomprehensibilitas. De ter-

tio<sup>6</sup> : « Anima operantium impinguabit. » Hic etiam, secundum anagogicam theoriam, impinguat affectivam animæ potentiam divinæ bonitatis ineffabilitas.

#### *Articulus tertius.*

Tertium connotavit, quando concinit : *Et laudabit te*, supple, vocali laude : quod spectat ad præmium corporale. Et nota, quod sicut legitur in Scriptura, laudabunt Dominum credentes, sperantes, diligentes; quia fient videntes, teneentes, fruentes. De primo<sup>7</sup> : « Simul laudabunt, qui oculo ad oculum videbunt : » ecce laudatio credentium. De secundo dicit Judith<sup>8</sup> : « Laudate Dominum Deum nostrum, quia non deseruit sperantes in se : » ecce laudatio spernantium. De tertio<sup>9</sup> : « Comedetis vescentes, et saturabimini, et laudabitis nomen Domini Dei nostri : » ecce laudatio diligentium.

Domini  
num qui  
nam lau  
dabant.

#### *Articulus quartus.*

Quartum quoque denotavit, dum cecinit : *Et judicia tua adjuvabunt me*. Judicium generale notatur plurali voce, *Judicia*, propter diversa merita, diversimode judicanda. Hoc autem judicium illos adjuvabit, quibus æternam hereditatem adjudicabit. Talia judicia dogmatizat Scriptura, divinitus ponderanda, declaranda, et dulcoranda; quoniam illa divina potentia ponderabit, sapientia declarabit, et clementia dulcorabit. De primo<sup>10</sup> : « Pondus et statera, judicia Domini sunt : » ecce judicia ponderanda. De secundo<sup>11</sup> : « Judicia, quasi lux, egredientur : » ecce judicia declaranda. De tertio<sup>12</sup> : « Judicia tua jucunda : » ecce judicia dulcoranda.

#### *Epilogus.*

Demonstrans ergo Psalmista virtutem orationis contra timorem separationis, sic ait: *Vivet*, supple, vita beata, quantum ad fiduciam beatitudinis æternalis; *Anima mea*, quantum ad fiduciam beatitudinis spiritualis; *Et laudabit te*, scilicet vocali laude, quantum ad fiduciam beatitudinis corporalis; *Et judicia tua adjuvabunt me*, scilicet judicando pro meritorum consideratione, quantum ad fiduciam judicii generalis.

<sup>1</sup> *Reg.*, xxvi, 24. — <sup>5</sup> *Jerem.*, xxxi, 23. — <sup>6</sup> *Prov.*, xliii, 4. — <sup>7</sup> *Isa.*, lii, 8. — <sup>8</sup> *Judith*, xiii, 47. — <sup>9</sup> *Joel*, ii, 26. — <sup>10</sup> *Prov.*, xvi, 11. — <sup>11</sup> *Ose.*, vi, 5. — <sup>2</sup> *Psal.* hoc, 39.

<sup>1</sup> *Rom.*, vi, 8. — <sup>2</sup> *Ose.*, vi, 3. — <sup>3</sup> *Hebr.*, xii, 9. —

## VERSICULUS XVI.

176. *Erravi, sicut ovis quæ periit*, etc. En auditis clypeum spiritualem, scilicet orationis virtutem, exterius, interius, superius protegentem, contra passionis, offensionis, et separatio-  
nis timorem; novissime auditote virtutem ipsius protegentem inferius, contra timorem infernalis interitus. Sciens enim Propheta, quod in orantibus conscientia potest oriri cogitationum accusantium et excusantium controversia, cogitationibus accusantibus, actum iniquitatis recitantibus, et metum infelicitatis excitantibus, ex ad-  
verso cogitationibus excusantibus, actum æquitatis recitantibus, et spem felicitatis excitantibus; nec ignorans, quoniam orationis virtus, cum partes suas viriliter interponit, inter partes alterantes amicabiliter componit, quoniam actum iniquitatis expiat, metum infelicitatis exsusflat, præmium felicitatis postulat, et meritum æquitatis allegat: totum processum prehabitum per verbum propositum breviter representat, dicens: *Erravi*, etc., quasi canens voce dulcisona: Prævaricatus sum, periclitatus sum; sed spe salvificatus sum, quia justificatus sum. Quatuor ergo notantur in proposito, scilicet actus iniquitatis, metus infelicitatis, speratum præmium felicitatis, et opus meritorium æquitatis: quo-  
rum primum orationis virtus expiat; secundum exsusflat; tertium postulat, et quartum allegat.

*Articulus primus.*

*Actum iniquitatis aperuit*, dicens: *Erravi sicut ovis*. Errorem commemorat, ovi se comparat, propter gesta brutalia quæ patrarat. Et nota, quod legimus in Scripturis triplicem errorem ovis: scilicet errorem abeuntis, errorem adeuntis, errorem pereuntis: quibus respondent errores totidem in peccatis; videlicet error aversionis, conversionis, et obligationis. De primo<sup>1</sup>: « Si fuerint alicui centum oves, et erraverit una ex eis: » ecce error abeuntis, pertinens ad aversionem. De secundo<sup>2</sup>: « Omnes nos quasi oves erravimus, unusquisque in viam suam declinavit: » ecce error adeuntis, attinens ad conversionem. De tertio scribitur in proposito: *Erravi sicut ovis, quæ periit*: ecce error pereuntis, spectans ad obligationem. Unde tripliciter errat, quicumque mortaliter peccat, quoniam a

præcepto avertitur, ad prohibitum convertitur, et ad interitum obligatur.

*Articulus secundus.*

Metum infelicitatis adaperuit, inquiens: *Quæ periit*. Ista periclitatio est mortis obligatio, et idecireo timoris ratio. Et nota, quod legimus in Scriptura triplicem periclitationem; et secundum triplicem periclitationem, intelligimus triplieem obligationem; et secundum triplicem obligationem, accipimus triplicem timoris rationem. Attenditur autem periclitationis ternarius quantum ad periculum superius, interius, et exteriorius: hoc est, periculum damni superioris, vermis interioris, et ignis exterioris. Inde colligitur, quod quisquis prevaricatur, tripliciter periclitatur; quia tripliciter obligatur, et ideo tripartito timoris vinculo colligatur. Prima periclitatio per Psalmistam exprimitur, ubi psallitur<sup>3</sup>: « Pereant peccatores a facie Dei: » ecce periclitatio respectu damni superioris. Secunda periclitatio innuitur, ubi per Antiochum regem iniquum, et fidelium inimicum, asseritur<sup>4</sup>: « Ecce pereo tristitia magna in terra aliena: » ecce periclitatio respectu vermis interioris. Tertia periclitatio proponitur, ubi legitur<sup>5</sup>: « Blasphemantes in corruptione sua peribunt, percipientes mercedem injustitiae: » ecce periclitatio respectu ignis exterioris.

*Articulus tertius.*

Speratum præmium felicitatis exeruit adjiciens: *Quære servum tuum, Domine*: non enim desperat, qui quæri desiderat. Sine spe nullatenus auderet dicere: *Quare*. Si quæreris qualiter quæras: non qualiter Herodes puerum Jesum; non qualiter Ananias Saulum; sed qualiter Pastor piissimus pecus suum. Nam Herodes quæsivit puerum ad perdendum; Ananias quæsivit Saulum ad curandum; sed Pastor piissimus quæsivit pecus suum ad supernis gregibus aggregandum. De primo<sup>6</sup>: « Futurum est, ut Herodes quærat puerum ad perdendum eum: » ecce puer quæritur ad perdendum. De secundo<sup>7</sup>: « Quære in domo Judæ Saulum nomine Tharsensem. » Hic Saulus quæritur ad curandum. De tertio, ubi mystice scribitur de pastore piissimo<sup>8</sup>: « Relinquet nonaginta novem in montibus, et vadet querere eam, quæ erravit: »

<sup>1</sup> Matth., xviii, 12. — <sup>2</sup> Isa., liii, 6. — <sup>3</sup> Psal.

LXVII, 3. — <sup>4</sup> I Mach., III, 13. — <sup>5</sup> II Petr., II, 12. — <sup>6</sup> Malth., II, 13. — <sup>7</sup> Act., IX, 11. — <sup>8</sup> Matth., xviii, 12.

hic quæritur pecus mysticum ad supernis gre-  
gibus aggregandum.

*Articulus quartus.*

Opus meritorium æquitatis asseruit, superad-  
jiciens : *Quia mandata tua non sum oblitus;* quo-  
niam actus æquitatis mandatus est in mandatis.  
Mandata Hic autem actus non fuit oblivioni traditus,  
quia mandata non fuit oblitus. Quæreris quare?  
Puto, quod triplici ratione. Nam mandata sunt  
semitæ deductivæ, lucernæ directivæ, januæ in  
cœlestem beatitudinem inductivæ ; quoniam  
obtemperantes deducunt, considerantes diri-  
gunt, perseverantes inducunt. De primo scribi-  
tur <sup>1</sup> : « Deduc me in semita in mandatorum tuo-  
rum : » hic appareat aperte, quod mandata sunt  
semitæ deductivæ. De secundo <sup>2</sup> : « Ad omnia  
mandata tua dirigebar, » tanquam ad lucernas  
directivas; quia <sup>3</sup> « mandatum lucerna est, »  
sicut scriptum est Salomonis stylo. Hic liquet  
lucide, quod mandata lucernæ sunt directivæ.  
De tertio <sup>4</sup> : « Si vis ad vitam ingredi, serva  
mandata, » quasi cœli januas inductivas. Hic

docetur implicite, quod mandata sunt cœli ja-  
nuæ inductivæ.

*Epilogus.*

Declaratur ergo Psalmographus orationis  
virtutem, quæ protegit oratorem, quantum ad  
partem inferiorem, contra damnationis timo-  
rem, actum iniquitatis expiando, metum infeli-  
citatis exsufflando, speratum felicitatis præmium  
postulando, opus æquitatis meritorium alle-  
gando, sic ait : *Erravi sicut ovis*, quantum ad  
actum iniquitatis, quam virtus orationis expiat;  
*Quæ perii*, quantum ad metum infelicitatis,  
quem exsuflat; *Quæ servum tuum*, quantum  
ad præmium speratum felicitatis, quod postu-  
lat; *Quia mandata tua non sum oblitus*, quantum  
ad opus æquitatis meritorium, quod allegat.

Et in hoc consummatur doctrina Psalmi *Beati  
immaculati*, ad gloriam Regis beati immaculati,  
et in honorem Reginæ beatæ immaculatæ : cuius  
meritis et precibus nos dignetur beatus et im-  
maculatus Dominus beatis et immaculatis spi-  
ritibus aggregate. Amen.

## PSALMUS DAVID CXIX.

1. *Canticum graduum (a).* Quo modo sep-  
timæ decadis dicitur Jubilæus, in principio  
libri <sup>5</sup> dictum est; et etiam quomodo *Septem*  
potest esse accusativus, et dativus. « Da par-  
tes septem, nec non et octo <sup>6</sup>, » id est, vive  
secundum utrumque testamentum. Nota :  
Quindecim gradus erant in templo Domini ;  
et quando sacerdos ascendebat primum gra-  
dum, dicebat hunc primum psalmum ;  
quando ascendebat secundum, dicebat secun-  
dum, et sic in ascendendo dicebat hos quin-  
decim psalmos. Ideo hujusmodi psalmi di-  
cuntur cantica graduum, Glossa : « varietate  
rerum unita. » Quidam uniuntur in unum,  
alii per unum, alii ad unum. De primo <sup>7</sup> :  
« Ecce quam bonum, et quam jucundum, » etc.  
De secundo : « Per charitatem uniuntur fi-  
deles : » nam hoc gluten est indissoluble,

Ritus oc-  
tavarum.

quo limita sunt ligna arcæ. De tertio : « Nam  
unimur ad Christum, ad quem opera nostra  
debent convenire : » unde arca consummata  
est in cubito. Nos celebamus octavas Sanc-  
torum, quia octavam, scilicet resurrectio-  
nen expectamus. Unde octavas Domini in  
solemnitatibus non observamus, quia ejus  
resurrectionem non expectamus ; jam enim  
resurrexit. Non enim Natale habet octavam,  
imo quoddam festum per se Circumcisionis ;  
nec Pascha, nam octavo die canitur : « Quasi  
modo geniti ; » et in octava Pentecostes, de  
sancta Trinitate. Quod autem in quibusdam  
ecclesiis fiunt octavæ in Pascha, et nou can-  
tatur : « Quasi modo geniti, » sed de resurrec-  
tione ; de hoc dicimus, quod octavæ Christi  
possunt observari, quia ejus octavam expec-  
tamus, ut resurgat in nobis, non in se ; in  
membris, non in capite. Quidam cadunt  
propter infirmitatem pedum ; quidam propter  
alterius impulsionem ; quidam propter  
tenebras, id est, propter ignorantiam ; qui-

Cadere  
multipli-  
citer.

<sup>1</sup> *Psal.* hoc, 35. — <sup>2</sup> *Ibid.*, 128. — <sup>3</sup> *Prov.*, vi, 23. —  
<sup>4</sup> *Matth.*, xix, 17. — <sup>5</sup> *Supra, Præf. in Psalt.*, p. 157,  
— <sup>6</sup> *Eccle.*, xi, 2. — <sup>7</sup> *Psal.* cxxxii, 1.

(a) Al. *Ad Dominum, cum tribularer, clamavi.*

dam propter viæ augustiam; quidam propter negligentiam : sic aliquis eadit a vita. De primo dicitur<sup>1</sup> : « Mei autem pene moti sunt pedes. » De secundo, quod scilicet alterius occasione, vel persuasione peccat<sup>2</sup> : « Impulsus, eversus sum ut eaderem, et Dominus suscepit me. » De tertio<sup>3</sup> : « Si eæcūs eæcum duxerit, ambo in foyeam cadunt. » De quarto<sup>4</sup> : « In manibus portabunt te. » Nam<sup>5</sup> « arcta est via, quæ dueit ad vitam. » De quinto<sup>6</sup> : « Qui enim stat, videat ne cadat. » Sunt gradus officiorum ; unde Apostolus<sup>7</sup> : « Quosdam dedit apostolos, quosdam prophetas, alios doctores. » Sunt gradus dignitatum ; unde Dominus in Evangelio<sup>8</sup> : « Amice, ascende superius. » Sant gradus meritorum, unde hoc : « Gradus sunt in charitate: » unde quibusdam centesimus, aliis sexagesimus, aliis trigesimus fructus deheatur. Sunt gradus beatitudinum, unde hoc<sup>9</sup> : « In domo patris mei mansiones multæ sunt. » Quando Judæus emebat gentilem, radebat ei

Capilli  
cor ton-  
deantur,  
quando  
aliquis  
fit cler-  
cus.

barbam, et capillos; sic quando quis eligeatur<sup>10</sup> in sortem Dei, id est, quando fit clericus, tondentur ei capilli, ad significandum, quod inutiles cogitationes debet ponere; et in superiori parte, id est, in capite debet esse apertura, ut sine impedimento, quæ sursum sunt, sapiant, et pro eis, quæ sursum sunt, Deo deserviant. Idem significant sandalia episcoporum superius aperta. Sæpe clerici tondentur, et pili renascuntur, quia primi motus non possunt omnino abire, sed redeunt. Sed<sup>11</sup> « beatus qui tenebit et allidet parvulus suos ad petram, » id est Christum.

Sandalia  
Episco-  
porum.

Monachi  
eur al-  
tius tor-  
deantur.

Monachi autem altius tondentur, quam clerici sacerulares, quia magis tenentur inutiles cogitationes abjicere.

2. *A labiis iniquis.* Quidam loquuntur iniqua inique, ut qui dixerunt<sup>12</sup> : « In Beelzebub principe dæmoniorum ejicit dæmonia. » Quidam iniqua non inique, ut Petrus dixit

Domino<sup>13</sup> : « Absit a te, Domine, » ut scilicet erucifigaris. Quidam non iniqua inique, ut diabolus Domino<sup>14</sup> : « Mitte te deorsum. »

4. *Sagittæ potentis acutæ.* Verbum dicitur sagitta : nam Pater telendit arcum, quando promisit Filium venientem<sup>15</sup> per Prophetam. « Misit<sup>(c)</sup> sagittam electam, » dieit Isaías<sup>16</sup>, quando misit eum incarnari. Ad quid? ut sagittaret<sup>17</sup> « in obscuro rectos corde, » id est, ut malos faceret bonos. Haec sagitta est vulnus faciens sine vulnere, percutiens, et sanans, occidens, et vivificans. Et haec sagittat sive percutit prudenter, nam apostoli in praedicando habuerunt prudenter; vulnerat fortiter, nam<sup>18</sup> « fortis est ut mors dilectio ; » occidit salubriter, unde<sup>19</sup> : « Occide, et manduca : » id est, occide vitia, et fac hominem de corpore Ecclesiæ; et hoc<sup>20</sup> : « Verte impios, et non erunt. » Haec sagitta, id est, dilectio, magnum vulnus facit in Virgine, et acutissima est : nam non solum carnem Virginis configit, sed etiam animam pertransiit, quod potest dici gladius, ut de Deipara Virgine dicitur<sup>21</sup> : « Et tuam ipsius animam pertransibit gladius. » Tres sunt status Ecclesiæ, scilicet sponsæ; et sub primo fuit percussa, sub secundo vulnerata, sub tertio denudata. In primo laborat; in secundo ægrotat; in tertio expirat: primo concipit; secundo parturit; tertio finit: concipit in labore; parturit in dolore; finit in consummatione: unde dicitur in Canticis<sup>22</sup> : « Percusserunt me, et vulneraverunt me, tulerunt mihi pallium membrum custodes. » In aliis percussa; in aliis vulnerata; in aliis nudata. In primorum persona dicitur<sup>23</sup> : « Advena et peregrinus sum, sicut omnes patres mei. » De secundo<sup>24</sup> : « Posuerunt morticina servorum tuorum, » etc. Qui tulerunt pallium, qui contaminaverunt testamentum, unde hoc<sup>25</sup> : « Diviserunt sibi vestimenta mea. »

<sup>1</sup> Psal. LXXXII, 2. — <sup>2</sup> Psal. CXVII, 13. — <sup>3</sup> Matth., xv, 14. — <sup>4</sup> Psal. XC, 12. — <sup>5</sup> Matth., VII, 44. — <sup>6</sup> I Cor., x, 12. — <sup>7</sup> I Cor., XII, 28. — <sup>8</sup> Luc., XIV, 10. — <sup>9</sup> Joan., XIV, 2. — <sup>10</sup> Psal. CXXXVI, 9. — <sup>11</sup> Luc., XI, 15. — <sup>12</sup> Matth., XVI, 22. — <sup>13</sup> Matth., IV, 6. — <sup>14</sup> Isa.,

XLIX, 2. — <sup>15</sup> Psal. X, 3. — <sup>16</sup> Cant., VIII, 6. — <sup>17</sup> Act., X, 13. — <sup>18</sup> Prov., XII, 7. — <sup>19</sup> Luc., II, 35. — <sup>20</sup> Cant., V, 7. — <sup>21</sup> Psal. XXXVIII, 13. — <sup>22</sup> Psal. LXXXVIII, 2. — <sup>23</sup> Psal. XXI, 19. — (a) Leg. eligitur. — (b) Leg. venturum. — (c) Vulg. Posuit me.

*3. Heu mihi, quia incolatus meus pro'ongatus est.* Spiritus sanctus hic conqueritur de tribus : de regni dilatione, hic : *Heu mihi, quia incolatus meus prolongatus est*; de malorum cohabitatione, unde : *Habitavi cum habitantibus Cedar*; de longa peregrinatione, ibi : *Multum incola fuit anima mea.* In Ecclesia quidam sunt exules, quidam cives, quidam peregrini : de primis, ut de filio prodigo<sup>1</sup>, qui abiit « in regionem longinquam. » Peregrini, boni in Ecclesia militantes, de quibus dicitur<sup>2</sup> : « Non habemus hic manentem civitatem, » etc. Cives, qui sunt in patria, de quibus dicitur<sup>3</sup> : « Cives sanctorum, et domestici Dei. »

*Multum incola fuit anima mea (a) :* Est (b) tedium ex adversitate, unde Apostolus<sup>4</sup> : « Gravati sumus supra modum, ita quod tædet (c) vivere. » Est tedium ex identitate, unde : « Identitas generat fastidium. » Est tedium ex longa expectatione, unde hoc : *Heu mihi, quia incolatus meus prolongatus est.* Est tedium ex hujus vitæ labore, unde<sup>5</sup> : « Tædet animam meam vitæ meæ. »

## PSALMUS DAVID CXX.

*1. Levavi oculos meos in montes.* Quinque leguntur ascensiones, scilicet elevations, unde hoc<sup>6</sup> : « Ascendam in cœlum, et similis ero Altissimo. » Dignitatis, unde hoc<sup>7</sup> : « Amice, ascende superius. » Cogitationis, unde hoc<sup>8</sup> : « Ascendet (d) homo ad Exaltetur Deus in nobis, et nos in Deo, quando cogitamus de et nos in Deo. Charitatis<sup>9</sup> : « Ascensiones in corde suo disposuit. » Futuræ glorificationis, unde dicitur<sup>10</sup> : « Nemo ascendit in cœlum, nisi qui de cœlo descendit ; » et nisi per eum. Aliquis exit de mundo tribus modis,

<sup>1</sup> *Luc.*, xv, 13. — <sup>2</sup> *Hebr.*, xiii, 14. — <sup>3</sup> *Ephes.*, ii, 19. — <sup>4</sup> *II Cor.*, 1, 8. — <sup>5</sup> *Job*, x, 11. — <sup>6</sup> *Isa.*, XIV, 14. — <sup>7</sup> *Luc.*, XIV, 10. — <sup>8</sup> *Psal.* LXXXI, 7. — <sup>9</sup> *Psal.* LXXXIII, 6. — <sup>10</sup> *Joan.*, III, 13. — <sup>11</sup> *Jerem.*, LI, 6. — <sup>12</sup> *Psal.* LIV, 7, 8. — <sup>13</sup> *Eccle.*, V, 15. — <sup>14</sup> *Ibid.*, I, 7. — <sup>15</sup> *Prov.*, XIV, 13. — <sup>16</sup> *Psal.* LXXXVI, 3. — <sup>17</sup> *Psal.* CXXVI, 1. — <sup>18</sup> *Habac.*, II, 12. — <sup>19</sup> *Isa.*, LXII, 6. — <sup>20</sup> *Isa.*, XXI, 8. — <sup>21</sup> *Habacuc.*, I, 17.

scilicet poenitendo, omnibus quæ possidet abrenuntiando, moriendo. De primo<sup>11</sup> : « Fugite de medio Babylonis. » De secundo<sup>12</sup> : « Quis dabit mihi pennas, sicut columbae? » Et hoc : *Ecce elongavi fugiens.* De tertio patet. Hic dicitur, quod in deliciosis hujus mundi defluentes timent : nam concupiscentia, sive carnalis appetitus, dicitur fluxus, sive fluvius; nam semper est in motu; nam crescit, et decrescit. Locus, unde hic<sup>13</sup> : « Fluvius venit; » et necessitas, quo tendit satietas; qua via transit, voluntas; via qua redit, cupiditas; locus unde excurrit, defec-tus nostri decrementum; per quem decurrit, fastidium; per quem recurrit, desiderium<sup>14</sup>. « Omnia flumina tendunt in mare, » sic et hic fluvius : nam talis dilectio habet amaritudinem; nam<sup>15</sup> « extrema gaudii luctus occupat. » Et cum flumina tendant in mare, et (e) mare non superabundat, quia meritum malitiæ nostræ quantitas poenæ non exuperat.

*4. Ecce non dormitabit.* Tres sunt civitates, et custodes; in prima habent; in seunda expectant; in tertia desperant. In prima, beati misericordes regnant in cœlis; in secunda, exultant in spe; in tertia, reprobi damnantur in re. Tres sunt, scilicet patria, mundus, infernus. De primo<sup>16</sup> : « Gloriosa dicta sunt de te, civitas Dei. » De secunda<sup>17</sup> : « Nisi Dominus custodierit civitatem. » De tertia<sup>18</sup> : « Qui ædificat civitatem in sanguinibus. » Prima habet vigiles suos angelos; secunda doctores; tertia angelos malos, sive daemons: primi vigilant ad laudem; secundi, ad custodiam; tertii, ad prædam. De primis<sup>19</sup> : « Super muros tuos, Jerusalem, constitui custodes. » De secundis Propheta<sup>20</sup> : « Super custodiam meam ego sum, stans per diem, et totis noctibus. » De tertii<sup>21</sup> : « Extendunt (f) sagenam suam, et interficere gentes non cessant (g). » Unus est

(a) Cæt. edit. non habent *Multum incola fuit anima mea*, et glossam, quæ sequitur, transposuerunt ad *Psal.* CXVI, ante v. *Quoniam confirmata est super nos, etc.* — (b) Edit. Ven. Et. — (c) *Vulg.* ut tæderet. — (d) *Vulg.* accedet. — (e) *Del.* et. — (f) *Vulg.* Expandit (g) *Item* non paritet.

do exit  
aliquis  
tribus  
modis.

Concu-  
piscentia  
fluxus  
dicuntur.

Civiles  
et custo-  
des tres.

principalis custos, scilicet Christus, de quo dicitur<sup>1</sup>: « Nisi Dominus custodierit. »

3. Non det in commotionem pedem tuum.

Docere, monere, et orare. Ille dicitur, quod Propheta loquitur: Docete veritatem, monete ad conversionem, orate ad intercessionem: docete de fide, et de articulis fidei; monete de moribus; orate pro sua et populi ignorantia. De prima<sup>2</sup>: « Ite, docete omnes gentes. » De secunda Jeremias<sup>3</sup>: « Constitui te super gentes et regna. » De tertia<sup>4</sup>: « Sine intermissione orate. » Tres sunt modi tacendi: ignorantia, impotentia, negligentia: ignorantia turpis; impotentia difficultis; negligentia pinguis. Si queritis ore, querite opere; vos si queritis in prosperitate, querite in adversitate; unde dicitur<sup>5</sup>: « Si queritis, querite. » Ad ostium triplex ostium pulsamus: ad difficultatem intelligentiae; nam cum labore et sudore acquiritur sapientia, scilicet panis noster. Ad ostium operis, ut amicus, qui dixit<sup>6</sup>: « Amice, accommoda (*a*) mihi tres panes. » Et hoc<sup>7</sup>: « Maria stabat ad monumentum foris plorans. » Ad ostium æternitatis, unde hoc<sup>8</sup>: « Pulsate, et aperietur vobis. »

### PSALMUS DAVID CXXI.

1. *Lætatus sum in his, quæ dicta sunt mihi.* Nam Ecclesia, scilicet Synagoga, prius fuit in tabernaculo, quod erat fragile et mobile; post in atrio ante templum; deinde in templo, quod erat solidum et immobile. Unde tres status animæ leguntur: nam in primo est in corpore fragili, non glorificato; post exuta a corpore; tertio, rediens in corpus glorificatum, quando habebit utramque stolam. Anima autem lætatur, quia debet ire in domum, id est in corpus glorificatum, dicens: *Lætatus sum in his quæ dicta sunt mihi*, cum essent jam pedes in atriis. Moraliiter: *Lætatus sum*, etc.<sup>9</sup> Adam Evans al-loquitur, et gaudet de eo quod dictum est,

Anima status tres.

<sup>1</sup> *Psal. cxxvi*, 1. — <sup>2</sup> *Matth.*, xxviii, 18. — <sup>3</sup> *Jerem.*, 1, 10. — <sup>4</sup> *I Thess.*, v, 17. — <sup>5</sup> *Isa.*, xxi, 12. — <sup>6</sup> *Luc.*, xi, 5. — <sup>7</sup> *Joan.*, xx, 11. — <sup>8</sup> *Luc.*, xi, 9. — <sup>9</sup> Richard., in *Psal. cxxi*. — <sup>10</sup> *I Tim.*, ii, 13. — <sup>11</sup> *Psal. LXXXIII*,

quia ibunt in domum Domini. Per Adam rationem, per Eyam intellige affectionem, sive sensualitatem. Ad rationem cognitio; ad affectionem pertinet dilectio. Prius<sup>10</sup> « Adam formatus est, quam Eva; » quia præcedit veri cognitio, sequitur justi dilectio. Domus diaboli vanitas; domus Adæ veritas; domus Dei æternitas, de quo dicitur<sup>11</sup>: « Beati, qui habitant » æternitatem. Inde Adam gaudet, quia hanc domum debet ingredi. Adam de domo diaboli ad domum propriam rediit, cum de vanitate ad inquisitionem veritatis intrat; intrat in domum Dei, cum post dim quæsitam, et inventam veritatem, rapitur ad contemplationis veritatem, et æternitatis contemplationem. De vanitate mutabilitatis diabolus extendit sibi porticum. De vanitate mortalitatis diabolus extendit sibi domum (*b*). De vanitate iniquitatis collocat sibi thalamum. Si æterna cogitas, sed æterna non amas, intrat Adam in domum Dei solus; si æterna cogitas et amas, Adam cum Eva intrat. Lætatur Adam de hoc, quod debeat (*c*) ire in domum Domini; sed de hoc, quod dictum est: Ibitis in domum Domini, forte quia Adam est in domo propria, et sperat se intrare in domum Domini. Apostolus se lætatur ad tertium cœlum. Adam se sperat intraturum. Primum cœlum, sublimitas intelligentiae; secundum cœlum, claritas justitiae; tertium, sublimitas gloriae. In primo est contemplatio veritatis; in secundo, dilectio æquitatis; in tertio, plenitudo æternæ jucunditatis. De primo et secundo Apostolus<sup>12</sup>: « Nostra conservatio in ecclis est. » De tertio<sup>13</sup>: « Scio hujusmodi hominem raptum ad tertium cœlum. » In primo cœlo illuminatur ignorantia; in secundo extinguitur concupiscentia; in tertio absorbetur miseria. Quod Apostolus intelligit tertium cœlum, Adam intelligit domum Dei.

2. Anadiplosis est, sicut Beda dicit<sup>14</sup>, quod

<sup>5.</sup> — <sup>12</sup> *Philip.*, iii, 20. — <sup>13</sup> *II Cor.*, xii, 2. — <sup>14</sup> Bed., *de Schein. Script.*, v. — (*a*) *Vulg. commoda*. — (*b*) *Edit. Ven.* donum. — (*c*) *Item* debent.

Civitas  
triplex.  
Jerusa-  
lem.

Jebus.  
Salem.

sequens clausula incipit adjectione, in qua prima clausula finit, ut hoc : *Stantes erant pedes nostri in atris tuis, Jerusalem: Jerusalem, quæ ædificatur, ut civitas.* Tres sunt civitates, ut prius<sup>1</sup> dictum est, militantium, triumphantium, morientium. Prius Jerusalem dicta est Jebus; post Salem. Jebus est Salem. *conculatio, Salem pax. Jerusalem.* Nota : primo homines sunt filii iræ; *prius enim*<sup>2</sup> est, *quod animale; deinde quod spirituale:* ecce Jebus. Deinde mundantur (*a*) per baptismum, scilicet pacificati: ecce Salem. Tandem videbunt Deum: ecce Jerusalem. « *Cœlum cœli Domino: » ecce Jerusalem. « *Terram autem dedit filiis hominum: » ecce Jerusalem terra, ubi est<sup>3</sup> « *pax hominibus bona voluntatis.* Non mortui laudabunt te, Domine: » ecce ubi est conculeatio. Nota : A tribus commendatur illa civitas : ab antiquitate, ibi : *Quæ ædificatur ut civitas;* de charitate : *Cujus participatio est;* a beatitudine, ibi : *In id ipsum.***

## PSALMUS DAVID CXXII.

Oculi  
duo di-  
lectio-  
nis, et fi-  
dei.

*Ad te levavi oculos meos.* Duo sunt oculi : oculus dilectionis, et oculus fidei. Oculus dilectionis duplex : dilectio Dei, et dilectio proximi. Oculus fidei duplex : cognitio, et devotio. Hos quatuor oculos ad Deum levamus. Nota : ideo dicit : *Levavi, non Levavimus,* quia omnes unum sumus : nam participatione charitatis, plures homines unum sumus, et plura membra unum cum Christo triplici de causa : propter regni identitatem, unde Apostolus<sup>5</sup> : « *Hæredes sumus Dei, co-hæredes autem Christi;* » propter communem charitatem, unde hoc<sup>6</sup> : « *Propter nimiam charitatem, qua dilexit nos, misit Deus filium suum in mundum;* » propter naturæ conformitatem, unde dicitur<sup>7</sup> *Emmanuel,* quia eamdem naturam habet nobiscum.

<sup>1</sup> Supra, in *Psal. cxx.* — <sup>2</sup> *I Cor., xv, 46.* — <sup>3</sup> *Psal. cxiii, 16.* — <sup>4</sup> *Luc., ii, 14.* — <sup>5</sup> *Rom., viii, 17.* — <sup>6</sup> *Ephes., ii, 4.* — <sup>7</sup> *Matth., i, 23.* — <sup>8</sup> *Eccle., iv, 12.* — <sup>9</sup> *Psal. xxxix, 3.* — <sup>10</sup> *Psal. xciii, 1.* — <sup>11</sup> *Isa., xlvi, 9.* — <sup>12</sup> Hieron., in *Ezech., c. v et xvi,* ex

**2. Ita oculi nostri.** Si nos levamus oculos nostros ad Deum, et ipse suos inclinat ad nos; si manus nostras levamus ad Deum, ipse suis manibus levat nos; sic de cæteris. Sic Eliseus volens suscitare puerum Sunamitus, os ori, oculos oculis, et manus manibus applicuit. Sic ad hoc, quod homo suscitetur interius, oportet illa applicari. Hoc Deus facit in nostra suscitatione; nam cordi dat lumen intelligentiae, ori verbum ædificationis, manibus opus justitiae. Nam dedit proferre utiliter, ecce os oppositum ori; dat sentire fideliter, ecce oculi oculis; dat implere efficaciter, ecce manus manibus. Hic<sup>8</sup> « *triplex funiculus difficile rumpitur* », ad extrahendas animas<sup>9</sup> « *de lacu miseriæ, et de luto fæcis.* » *Ad Dominum* (*b*), nota : debemus Deum considerare Dominum, et factorem, patrem, et benefactorem. Ex primis duobus nascitur in nobis timor; ex sequentibus duabus pudor. Nam quia pater, et quia benefacit mihi, debo habere pudorem. Si vero non serviero; quia ingratus beneficii mihi collati, quia Dominus timendus est, nam ipse est<sup>10</sup> « *Dominus Deus ultionum;* » et quia factor, adorandus et timendus est; nam<sup>11</sup> « *quid potest figurum figulo?* »

Homo  
quo mo-  
do inte-  
rius sus-  
citetur a  
Deo.

Deus  
quomo-  
do a no-  
bis con-  
sideran-  
dus.

## PSALMUS DAVID CXXIII.

1-5. *Nisi quia Dominus erat in nobis. Aquam intolerabilem, alia littera, sine substantia;* et tamen dicit Hieronymus super Ezechiel<sup>12</sup> : « *Solos tantum libros Moysi magis eruditii a Septuaginta translatos putant.* » Hanc sententiam Hieronymus in eodem libro dicit, quod prius<sup>13</sup> in Psalmis notavimus. Hie dicitur, quod filius prodigus recessit a patre, hoc est genus humanum, quod per peccatum recessit a Deo : sed<sup>14</sup> « *numquid oblivisceatur mater filii uteri (c) sui?* » aut<sup>15</sup> « *numquid oblivisceatur misereri Deus?* »

Joseph. *Antiquit.*, lib. XII, c. II. — <sup>13</sup> Supra, in *Psal. cxviii*, p. 302-303. — <sup>14</sup> *Isa., xlix, 15.* — <sup>15</sup> *Psal. lxxvi, 10.*

(a) *Edit. Vat.* mundat. — (b) *Cæt. edit.* non habent *Ad Dominum.* — (c) *Cæt. edit.* pater uteri filii.

Absit. Pater ergo sollicitat servos ad inquirendum filium; et unus servorum, nomine Timor, ad imperium domini, fugitiivi vestigia filii insequitur. Qnem inveniens in carcere peccatorum vineulis consuetudinis ligatum, conviciis et verberibus urgens cogit exire. A patre missus est alius famulus nomine Spes, quæ videns filium a timore non erectum, sed obrutum (*a*), veste simul consolationis ejus oculos tersit, et de stercore pauperem eripuit. Quem videns filius dieit: Quomodo venisti ad me? Cui Spes: Ne timneas, quia misericors est, qui pro nobis pugnat, et omnipotens. Et ideo<sup>1</sup>: « Plures nobiscum sunt, quam cum adversariis. » Super hæc omnia adduxi tibi equum a patre, scilicet Desiderium. Imponunt filium super equum Desiderii, mollibus stramentis piæ devotionis suppositis, calcaribus bonorum exemplorum additis: sed frænum defuit, tanta erat festinantia fugiendi, et timentes adversarios dicebant<sup>2</sup>: « Fiant immobiles, quasi lapis, donec pertranseat populus tuus, quem possedisti ab initio. » Hi effugiunt, sed non sine periculo, quia erant (*b*) sine Consilio. Ideo de summis principibus palatii, missa est a patre Prudentia habens in comitatu Temperantiam, dixit: Parcius, obsecro: nam dicit Salomon<sup>3</sup>: « Qui festinus est pedibus, offendit. » Et tunc frænum Discretionis imposuit servido equo Desiderii, ne sit desiderium sine discretione; ejusque habenas Temperantiae commisit, et præcepit Prudentiae ut retro puerum iret, cum retro Timor de vicinitate inimicorum et tarditate fugæ causaretur; et tunc Fortitudo miles egrediens occurrit, per campum fiducia extracto gladio, dicens: « Nolite timere, plures sunt nobiscum, quam cum adversariis nostris. » Statim Prudentia, cœlestis curiæ assueta consiliis, dixit: Cavete et proficisci emini, non tam festinanter, quam prudenter. Inimici non sunt in itinere; sed<sup>4</sup>

«juxta iter scandalum posuerunt mihi. » Ego præcedam; vos autem viam Justitiae tenete. Introdneimus nos in atrium sapientiae, quod non est longe a vobis. Ecce quatuor virtutes. Haec est summa: dum timor viget retro, spes autem trahit, munit fortitudo, temperantia moderatur, provide instruit prudenter, dicit et inducit et perducit justitiam, filius a patre recipitur cum majori gaudio.

*7. De laqueo venantium.* Nota: Diabolus quandoque parat laqueos, ut hic; quandoque sagittas, ut hoc<sup>5</sup>: « Paraverunt sagittas suas in pharetra; » quandoque arcum, unde hoc<sup>6</sup>: « Arcum paravit, et tetendit illum; » quandoque canes, unde hoc<sup>7</sup>: « Circumdederunt me canes multi: »

Diabolus insidiæ.

## PSALMUS DAVID CXXIV.

*1. Qui confidunt in Domino, sicut mons Sion.* Hic ponitur plurale, et singulare. Nos enim multa sumus, et unum; quod non Deus: ipse enim est unum; minui non potest: et quia infinitum non potest multiplicari, et quia simplex non potest decrescere, et quia immensus augeri non potest, et quia immobilis moveri non potest; item quia unum super omnem materiam, et quia simplex super omne materia; quia immobilis super omne creatum: unde ante omnia, simplex post omnia, immobile super omnia. Ab ea unitate est pluralitas omnium; a simplicitate compositio universorum; ab incommutabilitate, omnis commutabilitas; ab uno, omne multipliciter numerosum; a simplicitate omne numerosum compositum. Nam ipse est principium unde sunt omnia, finis continens omnia, ne recedant a non esse; æternitas originans, et regens omnia per esse; universitatis creator, moderator, sustentator.

Deus.

*4. Benefac, Domine, bonis, et rectis corde.* Hic tria nota: bonam voluntatem, ubi dicit: *Rectos corde;* opus ibi, ubi dicit: *Bonis;*

<sup>1</sup> IV Reg., vii, 16. — <sup>2</sup> Exod., xv, 16. — <sup>3</sup> Prov., xix, 2. — <sup>4</sup> Psal. CXXXIX, 6. — <sup>5</sup> Psal. x, 3. — <sup>6</sup> Psal. viii, 13. — <sup>7</sup> Psal. xxi, 17.

(*a*) Edit. Val. obtulit; Edit. Ven. obductum. — (*b*) Cœl. edit. erat.

pro utroque retributionem, ibi : *Benefac, Domine.* Sed utitur ordine præpostero.

*Ecclesia* Nota : Ecclesia hic notatur ovis : sed tribus nominibus solet appellari, scilicet civitas, sponsa, ovis : civitas propter collectionem; sponsa propter dilectionem; ovis propter mansuetudinem. De primo<sup>1</sup> : « Nisi Dominus custodierit civitatem. » De secundo, in *Canticis*. De tertio hic. Civitas est, vigilare ad custodiā; sponsa est, studere ornatui;

*Custodia* oves sunt, intendite pastui (*a*). Custodia triplex.

faria debet esse : debet enim custodiri a vi tyrannorum, a fraude hæreticorum, a tentatione dæmonum. Ornatū sponsæ in tribus : in bonis operibus, in bonis moribus, in ordinibus, sive gradibus. Pastus quatuor, juxta quatuor genera hominum : nam quidam sunt duri; alii infirmi; alii firmi; alii parvuli poni debent. Duris sit (*b*) flagellum, unde dicitur : « Lex posita est duris in flagellum. » Infirmis, sint (*b*) olera, unde Apostolus<sup>2</sup> : « Qui infirmus est, olus manducet. » Lac minoribus; solidis panis : unde Apostolus<sup>3</sup> : « Lac potum dedi vobis, non escam. » Nota : ad custodiā civitatis opus est viro fortis, spirituali, fideli : fortis, ad propulsandas injurias; spirituali, ad comprehendendas insidias; fideli, ad mores honestandos et corrigendos.

### PSALMUS DAVID CXXV.

*In convertendo Dominus captivitatem Sion, facti sumus sicut consolati. Sicut quandoque notat imitationem,* unde hoc<sup>4</sup> :

*Sicut varie sumitur.* « Estote perfecti, sicut et pater vester perfectus est. » Quandoque proprietatem, ut hoc<sup>5</sup> : « In resurrectione neque nubent, neque nubentur; sed erunt sicut angeli in cœlo. » Quandoque identitatem, unde hoc<sup>6</sup> : « Sicut pater habet vitam in semetipso, sic dedit et filio habere vitam in semetipso. » Quandoque majoritatem, unde hoc<sup>7</sup> : « Sieut lœtantium in præsenti (*c*), ita habitatio in cœlis (*d*). » Quandoque ponitur pro *per*, unde

<sup>1</sup> *Psal. CXXV*, 1. — <sup>2</sup> *Rom.*, XIV, 2. — <sup>3</sup> *I Cor.*, III, 2. — <sup>4</sup> *Matth.*, V, 48. — <sup>5</sup> *Matth.*, XXII, 30. — <sup>6</sup> *Joan.*, V, 26. — <sup>7</sup> *Psal. LXXXVI*, 7. — <sup>8</sup> *Psal. CXLVII*, 16. —

hoc<sup>8</sup> : « Nebulam, sicut cinerem, spargit, » id est, per peccatum pœnitentiam. Quandoque propter, ut hic<sup>9</sup> : « Defecerunt sicut fumus dies mei, » id est, propter fumum, id est superbiam Adæ. Ille tria notantur : mens munda, ibi : *Facti sumus sicut consolati*; purum verbum, ibi : *In (e) exultatione*; bona fama, ibi : *Tunc dicent inter gentes*. Ecce oleum in lampade, id est, conscientia sana in mente; et lumen in oleo, id est, bona fama, quæ proximis luet.

5. *Qui seminant in lacrymis.* Verbum est sator : nam qui seminant, de horreis occultis semen extrahunt, cophinos semine repellent, in agrum spargunt. Exiit ergo Christus de occulto, ubi est plenitudo divinitatis, scilicet de sinu Patris; et missus est in coplinum, id est in Virginis uterum. Inde exiit ad serendum in agrum, id est, in mundum, et ibi fructificavit. Nam triplex semen in mundum jecit : nam seminatio alia ad aures, alia ad oculos, alia ad cor : ad aures, verbo doctrinæ; ad oculos, exemplo vitæ; ad cor, inspiratione gratiæ. Christus fortis seminat vita et voce, et juvat dono gratiæ. Scribæ et Pharisæi seminaverunt foris verbo, et non exemplo : Nam<sup>10</sup> : « Quæ dicunt, facite; quæ autem faciunt ipsi, nolite facere; » apostoli autem utraque. Nam aliud rigat; aliud plantat; solus autem Christus incrementum dat. Primus sator minimus vocatur in regno cœlorum; secundus, major; tertius, maximus.

### PSALMUS DAVID CXXVI.

1. *Nisi Dominus ædificaverit domum.* Ad ædificandum (*f*) spirituale fundamentum in alto ponendum est, non in imo, scilicet in temporalibus, ut in ædificatione corporali. Nam anchoram spei nostræ in alto, scilicet in Deo, debemus ponere; non in imo, scilicet in temporalibus. Et sieut in ædificio corporali primo debemus sumptus congrega-

<sup>9</sup> *Psal. Cl*, 5. — <sup>10</sup> *Matth.*, XXIII, 3. — (*a*) *Al. pascui*, — (*b*) *Al. ut*. — (*c*) *Vulg. omnium*. — (*d*) *Vulg. te*. — (*e*) *Leg. lingua nostra*. — (*f*) *Leg. ædificium*.

gare; ita in ædificio spirituali, primo debemus sumptus erogare pauperibus, et sic ædificare; et ibi debet esse decor, id est, ornatus virtutum, unde hoc<sup>1</sup>: « Domine, dilexi decorē domus tuae. » De fundamento, parietibus, et tecto, alibi<sup>2</sup> dictum est, et de custodia civitatis. Notandum autem, quod alia civitas, scilicet malorum, cuius muri ædificantur in luto, et latere, et palea: nam in his tribus Judæi servierunt Pharaoni. Lutum se tangentes polluit; lateres in igne decoquuntur, æstu cupiditatis. In palea, nugas et frivolas voluntates intellige: et qui talia operantur, ædificant muros hujus civitatis, et serviunt Pharaoni, id est diabolo.

2. *Vanum est vobis ante lucem surgere.* Quod autem dicitur<sup>3</sup>: « Non sit vobis vanum ante lucem surgere, » ad litteram debet exponi. Et primum mystice: *Qui manducatis panem doloris.* Sunt alii, quos quærerit amicus dicens<sup>4</sup>: « Amice, accommoda mihi tres panes; » sed mirum est, unus quærerit tres panes: nam unus uni possit sufficere. Forte non venit solus; nam secum habet uxorem, et mancipium. Vir est ratio; uxor, voluntas; mancipium, caro nostra. Tres panes, panis veritatis, charitatis, et fortitudinis. Vir primum, uxor secundum, mancipium quærerit tertium panem. Deficit enim ratio præ ignorantia veritatis languet voluntas; præ inedia affectionis; infirmatur caro præ inopia fortitudinis. Nam<sup>5</sup> « aruit cor meum, et oblitus sum comedere panem meum, » quia manducavimus panem doloris. Non enim hos defectus sustineremus, si exercitata esset ratio in inquisitione veritatis, et voluntas in desiderio charitatis; et caro in operatione virtutis. Ideo orat amicus, ut intelligat, diligat, voluntatem Dei faciat; quod non potest hic, qui manducat panem doloris.

*Filiorum 3. Filii merces fructus ventris.* Quatuor

sunt genera filiorum. Nam sunt quidam ex mare et femina, ut hi de quibus hic fit mentio; quidam ex femina sine mare (*a*), ut Adam de terra; quidam ex mare, et sine femina, ut Eva de costa Adæ; quidam ex sola femina sine mare, ut Christus: ecce quatuor genera hominum.

3. *Sicut filii excussorum.* Asinus dicitur gentilis populus, unde Gregorius<sup>6</sup>: « Asinus, gentilis populus, quem sicut natura extra stabula disciplinæ edidit, ita vagus in voluptatum suarum campo permanxit. Bos, Judæus, qui jugo supernæ damnationis suppositus, ad spem proselytos colligens, per corda, quæ valuit, vomerem legis traxit. » Item super *Job*, de prædicatione Paulo quem comparat bovi, sine rhinoceronti<sup>7</sup>: « Paulus ad præsepe Dei moratus est; qui ruminare verba Evangelii dedignatus non est. » Et mox ait: « Loris (*b*) quoque Dei non tantum a feritate restringitur, sed quod magis fit (*c*) mirabile, ad arandum ligatur, ut non solum homines crudelitatis cornu non impetrat, sed eorum etiam refectioni serviens, aratrum prædicationis trahat. » Et paucis interpositis: « Qui ergo in humili mente fidelium legis duritiam redarguendo contrivit, quid aliud, quam in valle post Dominum glebas fregit? ne videlicet grana seminum, quæ excisus aratro fidei, sulcus cordis exciperet, per custodiam litteræ pressa deperirent. »

Asinus  
populus  
gentilis.

Bos Ju-  
dæus.

## PSALMUS DAVID CXXVII.

1. *Beati omnes, qui timent Dominum.* Timor divinus super omnes gradus, supple sequentes. *Qui ambulant in viis ejus.* Quidam sunt in via, qui et ambulant, ut hi; quidam sunt in via, et non ambulant, ut trepidi, unde hoc<sup>8</sup>: « Qui stat, videat ne cadat; » alii extra sunt, et non veniunt ad viam, unde hoc<sup>9</sup>: « Venite ad me omnes,

<sup>1</sup> *Psal.* xxv, 8.—<sup>2</sup> Supra, in *Psal.* v, xxvi et cxxiv.  
—<sup>3</sup> Ad invitorium matutini officii in Quadragesima. —<sup>4</sup> *Luc.*, xi, 5. —<sup>5</sup> *Psal.* ci, 5. —<sup>6</sup> Greg.,

*Moral.*, lib. VII, c. iv. —<sup>7</sup> *Ibid.*, lib. XXXI, c. x.  
—<sup>8</sup> *Cor.*, x, 12. —<sup>9</sup> *Matth.*, xi, 28. — (*a*) *Leg.* sine mare et femina. — (*b*) *Cœl. edil.* Locis. — (*c*) *Al.* sit.

qui laboratis , et onerati estis , » etc.; qui-dam sunt in via , et cadunt de via , unde : « Qui stat , videat ne eadat. »

*Uxor.* 3. *Uxor tua.* Uxor mortem machinatur , sicut in Paradiso factum est. Eva corrigenda , et interiora domus disponit. Hac similitudine dicitur uxor. De primo <sup>1</sup> : « Beatus qui tenebit , et allidet parvulos tuos (*a*) ad petram : » ne scilicet suggestione sensualitatis , ratio , scilicet vir , moriatur , consentiendo peccato. De secundo <sup>2</sup> : « Ab ea , quæ dormit in sinu tuo , custodi claustra oris tui. » De tertio <sup>3</sup> : « Passer invenit sibi domum. » Nota : in homine tria sunt : natura in me-  
*In ho-*  
*mine*  
*tria.*  
*Concu-*  
*piscenlia*  
dio; hinc gratia; hinc concupiscentia. Prurit , reptat , suggerit concupiscentia naturæ , si natura delectatur; concepit , si consentit ; moritur , si parit : non enim nascitur vipera proles , nisi parente dirupta. Itaque <sup>4</sup> « concupiscentia , cum conceperit » per delectationem « parit peccatum ; peccatum , cum consummatum fuerit » per consensum , « parit (*b*) mortem » consentienti , et delectanti viro , vel mulieri. Nam dictum est ei <sup>5</sup> : « Quacumque die comederis , morte morieris. » Talis proles in sorde concipitur , in dolore nascitur , in labore vivit , nec sine periculo moritur. Ex alia parte hortatur gratia , præstat consilium , offert auxilium. Si delectatur natura , concipit ; si consentit , parit virtutem ; virtus præterea parit beatitudinem. Hanc prelem parit timor <sup>6</sup> : « A timore tuo concepimus , et peperimus spiritum salutis. »

## PSALMUS DAVID CXXVIII.

*Tria*  
*conside-*  
*randa*  
*contra*  
*persecu-*  
*tore.*

1. *Sæpe expugnaverunt me a juventute mea.* Hic psalmus invitat nos ad pœnitentiam. Sed ut persecutoribus possimus resistere , tria nobis consideranda sunt , scilicet patientia , humilitas , charitas : patientia ad misericordiam , humilitas ad Deum , charitas ad proximum. Patientia animæ sit scutum , quod (*c*) ferat contra adversa , quia

<sup>1</sup> *Psal.* cxxxvi , 9. — <sup>2</sup> *Mich.* , ii , 7. — <sup>3</sup> *Psal.* lxxxiii , 4. — <sup>4</sup> *Jac.* , i , 15. — <sup>5</sup> *Gen.* , ii , 17. — <sup>6</sup> *Isa.* , xxvi , 18.

est scutum animæ ; unde hoc <sup>7</sup> : « In pa-tientia vestra possidebitis animas vestras. » Humilitas pro thorace , quæ conservet inter-iora præcordia. Petrus negavit per im-patientiam , flevit per humilitatem. Charitas pro lancea , ut omnes impetus invocatione Trinitatis frangat. Nam <sup>8</sup> « fortis est ut mors dilectio , » et omnia adversantia penetrat. Nam , ut dicitur <sup>9</sup> : « Penetrabilior est omni gladio ancipihi. » Et habeat galeam , scili-cet spem , quæ est principale mentis , quasi caput muniat , scilicet superiore partem animæ. Et habeat gladium verbum Dei , ut non tantum sustineat , imo hostes persequa-tur prædicando , et errores eorum gladio verbi Dei dividendo. Et habeat equum deside-rii : « Fides sit » <sup>10</sup> « cinctorum renum ejus : » nam spes superior. Nam de cœlestibus sic armatus , poterit resistere illis , qui expu-gnant Ecclesiam a juventute.

3. *Supra dorsum meum fabriceaverunt peccatores.* Quatuor sunt Ecclesiæ necessa-  
*Ecclesiæ*  
*quatuor*  
*necessa-*  
*ria , ut*  
*non suc-*  
*cumbat.*

eria ad hoc , quod non succumbat : mandata , flagella , charismata , tentamenta. Mandatis firmatur , flagellis probatur , charismatibus decoratur , tentamentis conservatur. In man-datis habenda est obedientia ; in flagellis , patientia ; in charismatibus , magnificientia ; in tentamentis proponenda est perseverantia. Ex primo surgit fiducia ; ex secundo , pa-tientia ; ex tertio , magnificientia ; ex quar-to , innocentia. *Prolongaverunt iniquitatem suam.* Hic nota , scilicet persecutionem ab initio incepit , unde hic : *A juventute mea* ; multoties iteratam : *Sæpe expugna-verunt me* ; et in persequendo perseveran-tiam , ibi : *Prolongaverunt iniquitatem suam* ; et Ecclesiam fortiter resistere , ut hic : *Et non potuerunt mihi.*

8. *Benediximus vobis in nomine Domini.* Nos debemus a Deo petere benedictionem dexteræ , et non sinistræ ; id est , æterna quærere , et non temporalia. Nam benedic-

*A Deo*  
*petenda*  
*benedic-*  
*tio dex-*  
*teræ , et*

— <sup>7</sup> *Luc.* , xxii , 19. — <sup>8</sup> *Cant.* , viii , 6. — <sup>9</sup> *Hebr.* , iv , 12. — <sup>10</sup> *Isa.* , xi , 5. — (*a*) *Cæt. edit. suos.* — (*b*) *Vulg.* generat. — (*c*) *Cæt. edit. add. me.*

non sini- stræ. tionem sinistram dat Deus quandoque iratus, quasi despiciens, ac si tu benedictionem petas, et tu manu (*a*) sinistra benediceris (*b*).

## PSALMUS DAVID CXXIX.

*De profundis clamavi.* Hic ostendit unde clamet, scilicet : *De profundis*; ad quem, ibi : *Ad te, Domine*; qua fiducia (*c*) Dei misericordia, ibi : *Quia apud te propitiatio est.* « *Dimitte nobis debita nostra* <sup>1</sup>, » id est, peccata, quae dicuntur debita, id est, pœnæ pro peccatis.

*6. A custodia matutina usque ad noctem.* Nota : Omnis psalmus poenitentialis incipit a lacrymis, et terminatur in exultatione : in præsenti enim prosperitas est cum adversitate : nam <sup>2</sup> « factum est vespere et mane dies unus. » Nam tres status sunt: infernus, patria, mundus. In inferno est nox sine die; in patria est dies sine nocte; in mundo, nec nox est sine die, nec dies sine nocte. In inferno est adversitas sine prosperitate; in patria est prosperitas sine adversitate; in

status  
tres.

infer-  
nus. *Patria.* *Mundus.* *Numeri  
pars ali-  
quota.* patria, mundus. In inferno est nox sine die; in patria est dies sine nocte; in mundo, nec nox est sine die, nec dies sine nocte. In inferno est adversitas sine prosperitate; in patria est prosperitas sine adversitate; in mundo, prosperitas cum adversitate. Nam humana felicitas variis amaritudinibus est respersa. Nota : Pars aliqua alieujus numeri dicitur esse <sup>3</sup>, quæ in se vel alium ducta constituit illum, ut ternarius pars aliqua dicta senarii, qui ductus in alium constituit senarium : nam bis tria sunt sex. Ille autem

Nume-  
rus per-  
fectus.  
quis. numerus, cuius partes aliquotæ in simul acceptæ faciunt illum, dicitur perfectus, ut senarius. Nam non habet partes aliquotas, nisi unitatem, binarium, ternarium, quæ insimul faciunt senarium: et ideo senarius

Senarii  
perfectio numerus dicitur *perfectus*. Cuius tales partes faciunt majorem, dicitur *superfluous*. Ille, cuius partæ faciunt minorem, dicitur *diminutus*. Nam tanta est dignitas hujus numeri, quod dicit Augustinus <sup>4</sup>, opera perfecta sunt, quia facta sunt sub senario; non autem senarius perfectus est propter sex opera. Dicitur etiam perfectus, quia orbicularis, sive circularis. Rotunditas autem notat perfectio-

nem, quia ibi non est principium, neque finis. Nota : circulus est circumferentia ad idem rediens; sphæra non ad idem. Si autem senarius multiplicetur per senarium, semper excrescit senarius : nam sexies sex sunt triginta sex; triginta sex sunt viginti novies et triginta sex, et sic usque ad infinitum. Inde dicitur perfectus numerus senarius. Hic dicitur, quod *imago Dei deformata in nobis per peccatum quomodo reformatam*. Imago  
Dei de-  
formata  
in nobis  
per pec-  
catum  
quomo-  
do refor-  
manda. Hic dicitur, quod *imago Dei deformata in nobis per peccatum, debet sic reformari per perfectionem operum. Deus est simplex, unus, immobilis; et nos modo debemus esse simplices. Nam nos unum a multis collecti, cum uno numerari, id est, dilectione debeamus cum simplissimi, scilicet simplilitate, ne simus superbi. Nam <sup>5</sup> « arcta est via, quæ dicit ad vitam, » quam transire nos oportet. Et ideo oportet nos esse gracieles, et cum immobili immobiles fieri, scilicet perseverantia non titubantes. Sic *imago nostra potest reparari.**

## PSALMUS DAVID CXXX.

*1. Domine, non est exaltatum cor meum.*

Cum dicit : *Domine*, nota duplēm subjectiōnēm Domino esse exhibendam, scilicet interiorem, et exteriorem, scilicet in anima, et corpore: interiorem, cum dicit: *Domine, non est exaltatum cor meum*; exteriorem, cum dicit: *Neque elati sunt oculi mei.* Notatur duplex servitium, quando coram Deo utrumque genu flectimus; quia ei in corpore et in anima servire debemus. Nota, in glossa dicitur, quod Ecclesia habet ubera. Scendum autem, quod duo ubera charitatis, scilicet compassio, et congratulatio. Ex commissione lac sugitur consolationis; ex congratulatione lac sugitur exhortationis.

*2. Si non humiliter sentiebam.* Humilitas debet esse in nobis, non invidia, cuius tres sunt species. Nam invidi pervertunt quod bonum est; dissimulant quod est verum; diminuunt quod magnum est. De primo <sup>6</sup>:

Domino  
duplex  
subjectio  
debetur.

Utroque  
geno  
flecti  
coram  
Deo,  
quid de-  
notet.

Ubera  
charita-  
tis duo.

Invidiae  
species  
tres.

<sup>1</sup> *Matth.*, vi, 12. — <sup>2</sup> *Gen.*, i, 5. — <sup>3</sup> *Euclid.*, *Element.*, lib. VII, diffin. 21. — <sup>4</sup> *Aug.*, *de Gen. ad litt.*, lib. IV,

— <sup>5</sup> *Matth.*, vii, 14. — <sup>6</sup> *Luc.*, xi, 15. —   
(a) *Leg.* tibi. — (b) benedixerit. — (c) *Suppl.* de.

« In Beelzebub principe dæmoniorum ejicit dæmonia. » De secundo<sup>1</sup>: « Quod signum facis, ut videamus, et credamus tibi? » cum tamen multa signa faceret. De tertio nota: Visis signis in terra, signum de cœlo quærebant, ac si non esset magnum, quod fecit in terra. *Sicut ablactatus est super matre sua.* Homioteleton est, quando verba similiter cadunt, ut, *Sicut ablactatus est super matre,* etc., quod sæpe fit in distinctionibus. Tria genera hominum ad mensam sacræ Scripturæ residentium reperiuntur (*a*): nam alii solo lacte nutriuntur (*b*); alii pane, sed eis frangitur, et masticatur; alii parati sunt facinora (*c*) agere, et intelligere obscura. Sed tamen obscura per expositionem ponantur aperta, et fortia per exhortationem et conversationem masticata emoliantur: hi sunt secundi. Tertii sunt, quibus non oportet per exhortationem et consolationem sacræ Scripturæ emolliri, sed masticari; sed difficilia quærunt per expositionem aperiri, id est, frangi. Quoniam sunt, quibus panis iste nec frangitur, nec masticatur, qui fortes sunt ad intelligenda difficilia, et ad faciendum dura. Triplici pane homines reficiuntur in Ecclesia: primus comminutorius, qui purgat; secundus consolatorius, qui recreat; tertius est solidus, qui confirmat. Tria faciunt primum, scilicet dolor, labor, timor. De primo<sup>2</sup>: « A timore tuo concepimus, et peperimus spiritum salutis. » De secundo, et tertio<sup>3</sup>: « Laborem et dolorem inveni; et nomen Domini invocavi. » Secundus fit ex tribus, scilicet fide, spe, et charitate: hæc enim tria post illa tria naturalia sequuntur. Tertius ex tribus, scilicet ex visione, amore, et laude: quod maxime erit in futuro. Talis panis bene sequitur post alios, quia retributio post meritum. De primo<sup>4</sup>: « Fuerunt mihi lacrymæ meæ panes die ac nocte. » De secundo<sup>5</sup>: « Panem angelorum manducavit homo: » Hi duo in præsenti. De tertio<sup>6</sup>:

<sup>1</sup> Joan., vi, 30. — <sup>2</sup> Isa., xxvi, 18. — <sup>3</sup> Psal. cxiv, 3. — <sup>4</sup> Psal. xl, 4. — <sup>5</sup> Psal. lxxvii, 29. — <sup>6</sup> Psal. xvi, 45. — <sup>7</sup> Isa., xi, 2.

« Satiabor, cum apparuerit gloria tua, » scilicet vivo pane, qui de cœlo descendit, cum sedebeimus ad mensam Patris.

3. *Ex hoc nunc, et usque in sæculum. Nunc* ponitur in vi nominis, et significat hoc præsens tempus: et hoc pronomen, *hoc*, demonstrat hoc adverbium *nunc*.

## PSALMUS DAVID CXXXI.

1. *Memento, Domine, David.* In hoc psalmo docet domum ædificare. Ergo primo debet homo se accusare; post, Deum laudare: tertio, proximum ædificare. Primum faciendo ponit fundamentum; parietes erigit per secundum; tectum in spirituali domo erigit per tertium. Hic dicitur, quod super Christum<sup>7</sup> « requievit spiritus sapientiæ, » et vere super eum requievit: nam perfecit in sapientia: nam accepit dona sine mensura. *Et omnis mansuetudinis ejus.* Ad ostendendam innocentiam, venit Abel; ad ostendendam longanimitatem spei et operis, venit Noe; ad ostendendam obedientiam, venit Abraham; ad ostendendam conjugalis vitae castimoniam, venit Isaac; ad ostendendam laboris tolerantiam, venit Jacob; ad ostendendam pro malo retributionis gratiam, venit Joseph; ad ostendendam contra adversa fiduciam, venit Josue; ad ostendendam inter flagella patientiam, venit Job; ad ostendendam mansuetudinem, venit David. Ecce quam fulgentes stellas in cœlo cernimus. Inoffenso ergo pede operis iter noctis ambulemus.

2. *Votum votit.* Octo sunt quæ votum impediunt: pudor, timor, desperatio, præsumptio, error, oblivio, ignorantia, negligentia. Contra hæc sunt octo remedia: virtus fortitudinis contra pudorem; fructus patientiæ contra timorem; benignitas Salvatoris contra desperationem; districta securitas judicis contra præsumptionem; ratio fidei contra errorem; diligens perscrutatio contra oblivionem; prudentia contra ignorantiam; fervor devotionis contra negligenciam.

(a) *Al.* requiruntur.—(b) nutritur.—(c) *Leg.* fortiora.

tiam. *Deo Jacob*, id est, futura attendentium. Per Jacob expectantes intelliguntur triplici de causa: nam Jacob expectavit benedictionem patris, et præmium a Laban, et Rachel; nam septem annis servivit pro Rachel; Rachel est præmium. Nos septenario hujus vitæ, pro præmio vitæ aeternæ servimus.

8. *Surge, Domine, in requiem tuam*, etc. Sicut legitur in textu Paralipomenon<sup>1</sup>, facto templo, Salomon aream intromisit, et cantabat hunc versum: *Si ascendero in lectum strati mei*. Ille exponitur in persona Ecclesiæ, scilicet sponsæ, quæ in triplici lecto quiescit, ubi quæsivit sponsum, sicut in Cantico amoris legitur. Primus lectus est scientiæ suavitas; secundus, carnis perituræ mortalitas; tertius, alicujus loci tranquillitas, ut sunt monasteria sanctorum congregationum, in quibus, quasi in lecto, quiescit Ecclesia. In primo quiescit; in secundo languet; in tertio meditatur. In primo sponsum querit per fidem; in secundo, per sui mortificationem; in tertio, per contemplationem. Ille etiam exponitur de Christo, qui tres lectos habuit in praesenti: primus, Virginis uterus; secundus, præsepe jumentorum; tertius, sepulchri tumulus, ubi gravis somno dormivit per triduum.

*Leitus  
triplex  
Christi.*

14. *Et non frustrabitur*. Deus dicitur pœnitere, quod fecit, unde dicitur<sup>2</sup>: « Pœnitet me fecisse hominem; » et dicitur pœnitere, quia non facit quod videbatur facturus, ut de Ninivitis, cum dixit<sup>3</sup>: « Adhuc quadraginta dies, et Ninive subvertetur; » et tamen non subversi, quia pœnituerunt; vel quando non consummat quod incipit, unde quando aliquos Deus incipit punire, et cessat, dicitur pœnitere. Pœnitet ergo quantum ad dilectionem, operationem, et non consummationem.

13. *Quoniam elegit Dominus Sion*. Quosdam elegit Dominus ad regnum, non ad officium, ut multos, qui non sunt prælati, et tamen salvantur; quosdam ad regnum et ad officium, ut Paulum et alios apostolos.

<sup>1</sup> *Il Paralip.*, vi. — <sup>2</sup> *Gen.*, v, 7. — <sup>3</sup> *Jon.*, iii, 4.

16. *Sacerdotes ejus induantur*. Nota: Christus induit nos, et nos induimus Christum. Induit nos, id est ornatur in nobis; nos induimus Christum, id est, novam vitam per Christum.

## PSALMUS DAVID CXXXII.

1. *Ecce quam bonum, et quam jucundum*.

Hic dicitur, quod gradus non patitur alienationem, supple a proximo. Nota autem, quod tres sunt gradus contemplationis: variatur enim vel mentis dilatatione, vel sublevatione, vel mentis alienatione. Dilatatio est ex industria humana; alienatio, ex sola Dei gratia; sublevatio, ex utriusque permixtione. Dilatatio fit tribus modis: arte, exercitatione, attentione. Arte aliquid comparamus, quando sagaci investigatione aliquid agendum addiscimus; exercitatione, quando quod ab arte habemus, in exercitationem vertimus; attentione, quando id, quod attendimus, studio et diligentia exequimur. Primus gradus est artis perceptio; secundus, ejusdem frequens exercitatio; tertius, exercitii diligens intentio. Alienatio fit tribus modis: nam fit præ magnitudine devotionis, præ magnitudine amaritudinis, præ magnitudine exultationis. De sublevatione alias dicetur.

2. *Sicut unguentum*. Unguentum tribus modis dicitur: nam tres mulieres<sup>4</sup> « emerunt aromata, ut ungerent Jesum. » Et illæ tres mulieres, mens, manus, lingua; unde Petro ter dictum est a Domino<sup>5</sup>: « Pasce oves meas, » id est, pasce ore, mente, et opere, id est, animi oratione, verbi exhortatione, exempli exhibitione; unde dicitur<sup>6</sup>: « Bonitatem fecisti; » et<sup>6</sup>: « Bonitatem, et disciplinam, et scientiam doce me. » Tria unguenta sunt: affectus compassionis; zelus rectitudinis; spiritus distractionis (*a*): unaquæque mulier suum unguentum habebat. His unguentis debemus Jesum ungere mor-

— <sup>4</sup> *Marc.*, xvi, 4. — <sup>5</sup> *Joan.*, xxi, 15-17. — <sup>6</sup> *Psal.* cxviii, 65. — <sup>7</sup> *Ibid.*, 66. — (*a*) *Leg.* devotionis.

*Contem-  
plationis  
gradus.  
Dilatatio-*

*Aliena-  
tio.*

*Unguen-  
tum.*

tuum in sepulchro, id est, fidem mortuam in nobis. Nostrum autem non est Christum in nobis resuscitare, sed ungere, ne in nobis fœteat peccatum quatriduanum. Nam possumus nos facere minus malos, non bonos, incœptione gratiæ. Hoc unguentum emamus nummo propriæ voluntatis.

*In oram vestimenti.* Nota : tunica Christi fuit inconsutilis desuper contexta per totum, quia facta acu, non textura; et ligata desuper a fine usque ad finem, sicut pellicularum corrigia. Tunica est Ecclesia, quæ non recipit sectionem; et est contexta charitate, quæ eam ligat, sicut gluten indissoluble, desuper, quia charitas superior est aliis virtutibus. Per totum dicitur, quia a primo fideli, id est Abel, usque ad ultimum manet charitas in Ecclesia.

3. *Sicut ros Hermon.* Rubigo dupliciter aufertur : duro aliquo, ut ferro, vel petra; molli, ut aqua, vel unguento. Sic rubigo peccati duro auferebatur in lege, scilicet per circumcisio[n]em, quæ ferro vel petra fiebat; sed in tempore gratiæ, aliquo molli, scilicet aqua baptismi, vel unctione duplice, scilicet corporali, et spirituali, scilicet ratione (a) gratiæ. Hermon anathema interpreta[re]tur : est autem anathema separatus ab unione, vel communicatione Ecclesiæ.

*Quoniam illic mandavit Dominus.* Hoc verbum, *Mandavit*, semel positum, in duabus significationibus accipitur. Nam mandavit benedictionem, id est præcepit; mandavit, id est, promisit : et ideo hoc verbum est repetendum. Nota : hic psalmus non reçipit divisionem, quia tendit ad unitatem.

### PSALMUS DAVID CXXXIII.

*Ecce nunc benedicite Dominum.* In hoc psalmo ostendit, qui debeant laudare Deum, cum dicit : *Omnes*; et quare, unde : *Servi*; et quem, ibi : *Dominum*; et ubi, quia in adversitate, ibi : *In noctibus*; et quo modo, ibi : *Extollite manus vestras*, scilicet operis

<sup>1</sup> *Psal. cxxvii*, 6. — <sup>2</sup> *Psal. xvi*, 15. — <sup>3</sup> *Ose., xiii*, 14. — <sup>4</sup> *Psal. xxxiii*, 9. — <sup>5</sup> Richard., in hunc

et voluntatis. Hæ sunt duæ manus. Ostendit etiam probis retributionem, ubi dicitur<sup>1</sup> : « Et videoas pacem super Israel (b). » Hic ostendit laudem, unde : *Benedicite*; laudantium humilitatem, unde : *Servi*; humilitatis universitatem, unde : *Omnes*; rei laudatæ excellentiam, unde : *Dominum*; horum perseverantiam, unde : *Qui statis*.

### PSALMUS DAVID CXXXIV.

4. *Laudate nomen Domini*; quoniam suave est. Nos in præsenti gustamus : nam cognitionis Dei partem capimus, non totum. Sed totum capiemus in futuro, unde<sup>2</sup> : « Satiabor, cum apparuerit gloria tua. » Nam ad litteram gustamus vel mordemus, non totum capimus. Sic etiam Christus dicitur momordisse infernum, quia quosdam eduxit, sed non omnes : unde hoc<sup>3</sup> : « Ero morsus tuus, inferne. » Nota : duo sunt, cognitio, et amor : alterum ad illuminationem; alterum ad refectionem. Cognitio illuminat; amor reficit : cognitio veritatis; amor beatitatis. In his omnis vera beatitudo consistit, scilicet in cognoscere, et amare; unde hoc<sup>4</sup> : « Gustate et videte, quoniam suavis est Dominus. » In *gustate*, dilectio; in *videte*, cognitio intelligitur<sup>5</sup>.

6. *Quæcumque voluit, Dominus fecit in cœlo et in terra, et in omnibus abyssis.* Si invenit cor intelligentia lucidum, ut cœlum, vel ignorantia tenebrosum, ut abyssum; si reperit mentem solidam constantiam, ut terram, vel concupiscentia lubricam, ut aquam, ubique quidem et semper; *omnia quæcumque Dominus voluit, fecit in cœlo et in terra, et in omnibus abyssis.*

7. *Educens nubes ab extremo terræ.* Extrema terræ nostræ peccata infima, et ab extremitatibus nubes producitur; quia ex turpitudinis nostræ recordatione caligo confusionis generatur. Sed nubes hujusmodi in carcere connubilant, contra concupiscentie

psalmum. — (a) *Leg. unctione.* — (b) *Leg. Benedicite Dominus, etc.*

aestum refrigerium parant. *Fulgura in pluviam fecit.* Nubes, caligo confusionis; sed fulgur, terror majestatis. Pluvia enim, fletus compunctionis: prius enim ante mentis nostrae oculos turpitudinis memoria reducitur; postmodum in eorum recordatione divini terroris formidine concurrit; tandem inter confusionem et formidinem deprehensa, in fletu compungitur. Nubem super me aspexi, quoties confusio faciei meae cooperuit me. Fulgura excipio, quando terrores Domini militant contra me. Pluvia descendit, quoties potavi lacrymis meis stratum meum.

Venti  
tres

*Qui producit ventos de thesauris suis.* Tres sunt venti: aliter spirat spiritus timoris, aliter spiritus pietatis, aliter spiritus fortitudinis.

8. *Percussit primogenita Ægypti, ab homine usque ad pecus.* «<sup>1</sup> Initium omnis peccati superbia. » Tenebrae, scilicet Ægyptus, talia gignunt primogenita: alii superbiunt de sanctitate; alii de vanitate. Superbia vanitatis, est primogenitum pecoris; arrogatio sanctitatis, est primogenitum hominis. Flante igitur aura divini spiritus, percutitur primogenitum hominis usque ad pecus.

*In celo et in terra.* Homo dicitur microcosmos, id est, minor mundus; et est cœlum, quantum ad animam; terra, quantum ad corpus: anima ergo est cœlum, quia ejus conversatio in cœlis est; et habet solem charitatis, et lunam, continentiam; astra, virtutes; charitas enim, quasi fervor dilectionis, illuminat animam. Et sicut dicit Macrobius<sup>2</sup>, luna beneficio solis illuminat noctem: nam luna, quasi luce lucens aliena; sic absque fervore charitatis et beneficio, meritum continentiae non valet. Item sicut astra non in die, sed in nocte lucent; ita virtutes, sicut non in prosperitate, quasi in die, ita non lucent, sicut in nocte, id est, in adversitate; nam in nocte apparent, qui

<sup>1</sup> *Ecli.*, x, 15. — <sup>2</sup> *Macrob.*, in *Somm. Scip.*, lib. I, c. xix. — <sup>3</sup> *Sap.*, III, 6. — <sup>4</sup> *Gen.*, III, 16. — <sup>5</sup> *Jac.*, II, 13. — <sup>6</sup> *Luc.*, XVI, 6 et seq. — <sup>7</sup> *Luc.*, x, 33. — <sup>8</sup> *Cant.*, I, 1. — <sup>9</sup> *Psal.* CXLII, 2. — <sup>10</sup> *Psal.* CII, 4. —

boni, et qui non; nam<sup>3</sup> « aurum in fornace probatur. » *Fulgura*; ecce justitia. *In pluviam fecit*; ecce misericordia. Unde<sup>4</sup>: *In dolore*, ecce justitia; *paries filios*, ecce misericordia. Nota: oleum supernat aqua (*a*); nam<sup>5</sup> « misericordia superexaltat judicium; » unde legitur<sup>6</sup> de quodam, qui attulit quinque cados olei, et duos vini. Sic Samaritanus in curatione semivivi<sup>7</sup> vulneribus plus apposuit olei, quam vini: nam<sup>8</sup>: « Oleum effusum nomen tuum; » non (*b*) vinum in tanta abundantia effusum est: « Non enim<sup>9</sup> intres in judicium cum servo tuo; » sed ibi sit oleum, scilicet misericordia ejus<sup>10</sup>, « qui coronat me in miserationibus<sup>11</sup>. »

7. *Qui producit ventos.* Venti sunt<sup>12</sup> « spiritus sapientiae et intelligentiae; spiritus consilii et fortitudinis; spiritus scientiae et pietatis; spiritus timoris Domini. » Primi quatuor ad intellectum; alii ad affectum (*c*) pertinent. De illis quatuor ventis, spiritus sapientiae spirat a meridie, scilicet auster, qui est calidus; spiritus intellectus, ab oriente; spiritus consilii, ab aquilone; spiritus scientiae, ab occidente. De illo thesauro dicit Apostolus<sup>13</sup>: « O altitudo divitiarum sapientiae et scientiae Dei! » Illi autem quatuor thesauri per quatuor gazophylacia consti-  
tuuntur, et ibi formantur. Primum in parte occidentali, in sensu historico; secundum in septentrionali, ex parte sensus moralis; tertium ex allegoria, extrectum stat ab oriente; quartum ex anagogia, in meridie. In gazophylacio occidentali reconditum est argentum eloquentiae; in septentrionali, virtutum gemmæ; in orientali, purpura et byssus, ornamenta legalia, scilicet varia sacramenta Ecclesiæ; in meridiano, aurum cœlestis sapientiae. In primo, fides; in se-  
condo, operatio; in tertio, devotio; in quarto, contemplatio. Notandum autem, quod occiden-  
tale gazophylacium orientale ostium res-  
picit, et illi e regione opponitur; quia quid-

Venti.

<sup>11</sup> Richard., in hunc versum. — <sup>12</sup> *Isa.*, XI, 2. — <sup>13</sup> *Rom.*, XI, 33. — (*a*) *Leg. aquæ.* — (*b*) *Cœl. edit.* nam. — (*c*) *Edit. Ven.* effectum.

quid allegoria astruit , historia in figura præcessisse ostendit : sie in septentrionali , et meridiano ; quia dum laborum merces e regione cernitur, in virtutum exercitiis libenter desudatur : sic spiritus iste flat , et de thesauris Dei producitur, et dissolvit glaciem peccatorum. Ihi venti perflant terram viventium ; quibus imperat , « qui <sup>1</sup> ambulat super pennis ventorum . »

*8. Qui percussit primogenita Ægypti.*

*Ægypti duplex interpretatio.* Duplici de causa Ægyptus dicitur mundus , de quo hic agitur : causa similitudinis, caudus du- sa geminæ interpretationis. Similitudo hic. plicem ob cau- Nam sicut mater aliquid amarum opponit

mammis, ut puerum separat a mamillis, sic Deus, ut separat Judæos ab Ægypto, aliquid amaritudinis eis imposuit : nam illi graviter puniti sunt : sic nos Deus per amaritudines revocat in præsenti a mundo. Duplex est in-

*Ægypti duplex interpretatio.* interpretatio hujus nominis, *Ægyptus* : nam dicitur *tenebræ*; et nos sumus in tenebris ignorantiae, vel culpæ, vel poenæ; unde hoc <sup>2</sup> : « Habitantibus in regione umbræ mortis, lux orta est eis , » id est Christus. Et dicitur *afflictio* : nam sumus in afflictione ; unde dicitur <sup>3</sup> : « Militia est vita hominis super terram. » In hoc psalmo sic debet esse : *Qui percussit gentes multas, et occidit reges fortes : Seon regem Amorrhæorum , et Og regem Basan , et omnia regna Chanaam.*

*12. Hæreditatem populo suo.* Gentes sunt hæreditas Judæorum : nam sicut hæreditas nos pascit, et nobis servit ; ita Gentiles, persequendo Judæos, eis serviebant, quia a vitiis purgabant; sic dicitur, quod Esau servivit Jacob fratri suo.

*13. Memoriale tuum.* Deus habet memoriale, scilicet signum , in nobis , quo nos ab aliis cognoscit, sicut oves signatas. Sic Deus Pater triplici signo signavit filium suum præ aliis : nam eum signavit signo Dei et hominis , et dedit peccati immunitatem , et donorum plenitudinem ; nullum ho-

<sup>1</sup> *Psal. ciii*, 3. — <sup>2</sup> *Isa.*, ix, 2. — <sup>3</sup> *Job*, vii, 1. — <sup>4</sup> *Aug.*, Enarr. in *Psal. cxxxv.*

rum in alio reperitur. Et triplici signo etiam signavit nos, scilicet baptismi susceptione , peccati remissione , bona operatione.

*21. Benedictus Dominus ex Sion*, id est , ab Ecclesia ; et tunc *ex Sion* erit personaliter. Nota : Sion *speculatio* interpretatur. Est autem triplex speculatio : nam prima est in rebus ; secunda , in operibus ; tertia in moribus. Speculatio quæ est in rebus, est in tribus, scilicet in materia, forma, et natura. Materiam et formam visu corporeo comprehendimus. Natura partim exposita est sensui, partim reposita est rationi : natura enim consideratur in rerum qualitate intrinseca , quemadmodum forma consistit in qualitate intrinseca. Speculatio quæ est in operibus naturæ alia est quæ est operatio naturæ , alia industria : naturæ , ut in germinibus , in arboribus , in animalibus ; operatio industria est, scilicet artificis, quæ attenditur in picturis , et in cælaturis, scriptura , et hujusmodi. Illa quæ est in moribus, partim est ex institutione divina , partim est ex institutione humana. Ad divina instituta pertinent obsequia divina , et Ecclesiæ sacramenta ; ad humana instituta pertinent humanæ legis consuetudines. Divina institutio propter viam superiorem ; humana , propter inferiorem.

PSALMUS DAVID CXXXV.

*1. Confitemini Domino.* Duplex confessio : alia laudis, alia criminis. Confessio criminis, est conversio peccatoris : confessio laudis, est glorificationis. Prima est in detestatione mali; secunda, in exultatione boni. Primam parit timor ; secundam amor.

*3. Qui fecit cœlos in intellectu.* Secundum Augustinum <sup>4</sup>, sic debet exponi : *Confitemini Domino, quoniam bonus*, qui fecit hæc , et hoc. Et quare confitemini ei? *Quoniam in eternum misericordia ejus.* Non enim vult Augustinus, quod facere cœlos sit opus misericordiae , sed bonitatis ; et ideo secundum cum resumendum est : *Confitemini*. Secun-

plici signo homines signavit.

Sion.

Specu-  
latio tri-  
plex.

dum Cassiodorum<sup>1</sup>: « Fecit cœlos, quoniam in æternum misericordia ejus. » Secundum Augustinum : « Confitemini Domino, quoniam bonus, quoniam in aeternum misericordia ejus. » *In intellectu*, id est, in Filio : quare Pater dicatur magis operari per Filium, quam per Spiritum sanctum, supra<sup>2</sup> patet. Misericordia Dei magna est in omnibus, qui<sup>3</sup> « solem suum facit oriri super bonos et malos : » unde in pœnitentibus (*a*)<sup>4</sup>: « Miserere mei, Deus, secundum magnam misericordiam tuam ; » in perseverantibus, unde hoc<sup>5</sup> : « Si dicebam : Motus est pes meus, misericordia tua, Domine, adjuvabat me. » Alibi<sup>6</sup> : « Misericordiae tuæ multæ, Domine. » Magna in retributionibus, unde hoc<sup>7</sup> : « Mensuram bonam, et confortam, et coagitatam, et supereffluentem dabunt in sinum vestrum ; » id est, ultra meritum.

Sapien-  
tia.  
Scientia.  
9. *Lunam et stellas.* Nota : Sapientia de divinis; scientia de humanis : scientia ad trivium; sapientia (*b*) ad quadrivium.

10. *Qui percussit Ægyptum cum primogenitis eorum;* id est, gloriam mundi, quæ dicitur primogenita, id est, præcipua, secundum reputationem hominum.

13. *Qui divisit Mare Rubrum.* Judæi habuerunt mare ante se, juxta se, et post se : ante, ad impedimentum; juxta, in adjutorium; post, in firmamentum securitatis contra hostem. Hoc ad litteram fuit verum de Judæis tendentibus ab Ægypto in terram promissionis : ante, in impedimentum; juxta, quasi murum, a dextris et a sinistris in adjutorium defensionis; post transitum, in firmamentum securitatis, scilicet ab hostibus. Sic nos habemus ante mare, scilicet visionem futurorum periculorum; juxta nos, laborem incumbentium certaminum; post nos, præteriorum malorum dolorem. Mare ante, est timor pusillanimitatis; juxta, labor solitudinis; post, dolor pœnitudinis.

Judæus.  
Hebræ-  
us.  
16. *Qui traduxit populum suum.* Nota : Judæus confitens, Hebræus transitor inter-

pretatur. Confessio facit Judæum; transitus, Hebræum. Judæi primo transierunt de Ægypto; post, de deserto intrantes terram promissionis. Ergo primus transitus est de Ægypto, secundus de deserto : id est, primo mense de mundo ad te ipsum, quasi de Ægypto ad desertum; post, de te ipso ad Deum, quasi de deserto ad terram promissionis. Difficilior est transire desertum, quam Ægyptum : nam difficilior est relinquere curam sui, quam abrenuntiare mundo. Judæi enim uno die exierunt de Ægypto; sed quadraginta annis de deserto. Qui non gerit curam sui, id est, qui non colit se, deserit se, et ita exit de Ægypto. Promissio facta est Judæis, et data Gentibus. Videtur, quod deberet dari Judæis. Dicimus, quod promissio facta est Judæis, sed non de Judæis, imo de Gentibus. Nam dictum est Abrahæ<sup>8</sup> : « In semine tuo benedicentur omnes gentes. » Non est enim dictum : *omnes Judæi*; et ideo Gentibus data est.

### PSALMUS DAVID CXXXVI.

1. *Super flumina Babylonis.* Tres sunt civitates, Babylonie, Jericho, Jerusalem. In prima est justitia captiva; in secunda, sollicita; in tertia, domina. Prima est in mortis confusione : ecce Babylonie, quæ vocatur *confusio*. Secunda, in vitae defecitione : ecce Jericho, quæ interpretatur *defectio*. Tertia est in æternæ pacis visione : ecce Jerusalem, id est, *visio pacis*. In prima sunt dæmonum socii, mali homines; in secunda, boni malis permixti; in tertia, hominum et angelorum concivium quædam societas.

2. *In salicibus in medio.* Mali dicuntur salices propter tria, quæ ad litteram (*e*) salicibus, et malis hominibus convenienter mystice : propter sterilitatem, unde hoc<sup>9</sup> : « Omnis arbor, quæ non facit fructum bo-

<sup>1</sup> Cassiod., in *Psal. cxxxv.* — <sup>2</sup> Expos. in *Psal. ciii*, hujus tom. p. 281. — <sup>3</sup> Matth., v, 45. — <sup>4</sup> *Psal.*

<sup>5</sup> L, 3. — <sup>6</sup> *Psal. xciii*, 48. — <sup>7</sup> *Psal. cxviii*, 156. — <sup>8</sup> *Luc.*, vi, 38. — <sup>9</sup> *Gen.*, xxii, 18. — <sup>10</sup> *Matth.*, vii, 19.

(a) Leg. in pœnitentibus, unde. — (b) Leg. sapientia, ad trivium; scientia. — (c) Cœl. edit. add. et.

Tres ci-  
vitates.

Babylonie.

Jericho.

Jerusa-  
lem.

Mali di-  
cuntur  
salices  
propter  
tria.

num , excidetur, et in ignem mittetur ; » propter aquæ refrigerationem, nam divites his temporalibus refrigerantur ; propter amaritudinem , unde et Seon dicitur rex Amorrhæorum , *amaricantium*. *Suspendimus organa nostra*. Hoc repræsentatur in Ecclesia, quando ei subtrahuntur tempora- lia, et ipsa suspendit organa, id est, non cantat. In *Lamentationibus* Jeremiæ sunt viginti octo versus : primo versui præpon- nitur prima littera alphabeti hebraici , et sic usque ad vigesimum secundum versum , et ita secundo, et tertio, et quarto facit , et ita illam lamentationem quadruplici alphabeto deploravit, id est, quater iterato.

6. *Si non proposuero Jerusalem*; vel, *O Jerusalem*. Ibi *tui* non debet esse, quod per genitivum : patet , quia *proposuero* non exigit genitivum.

Deus memor. 7. *Memor esto*. Deus dicitur honorum me- mor in merito, in praesenti, unde hoc<sup>1</sup> : « Quia in humilitate nostra memor fuit nostri ; » et est memor honorum in præmio , unde hoc<sup>2</sup> : « Sicut mater , non obliviscitur po- puli sui ; » et est memor malorum in merito et (a) in præmio, unde hic : *Memor esto si- liorum Edom*.

9. *Beatus, qui tenebit, et allidet parvulos tuos ad petram*. 8. *Beatus, qui retribuet tibi*. Nota : Deus peccata condonat , bona et me- rita donat, præmium redonat. Nota : Deus peccata condonat, quia tria impedit inten- gitatem fidei : pusillanimitas , nimetas , levitas : pusillanimitas, ut Petrus dixit<sup>3</sup> : « Exi a me, Domine, quia peccator sum ; » nimetas, ut quando Petrus dixit<sup>4</sup> : « Para- tus sum, et in carcerem , et in mortem ire : » tunc nimis festinavit; levitas, ut in illis, qui cedunt<sup>5</sup> « omni vento doctrinæ. »

## PSALMUS DAVID CXXXVII.

1. *Confitebor tibi, Domine*. Illic dicitur, quod Ecclesia laudat Deum , et ita facit fruc-

<sup>1</sup> *Psal. cxxxv*, 23. — <sup>2</sup> *Isa.*, *xlix*, 15, quoad sensum.  
— <sup>3</sup> *Luc.*, v, 8. — <sup>4</sup> *Luc.*, *xxii*, 33. — <sup>5</sup> *Ephes.*, IV,

tum, cum per suam prædictionem plures ad Deum gignit ; unde tribus nominibus in Cantico amoris vocatur, scilicet<sup>6</sup> : « Amica mea, formosa mea, columba mea : » *amica mea*, per prædictionem; *columba mea*, per orationem; *formosa mea*, per contem- plationem. Amica Sponsi est, cum prædi- cando , ministrando , consulendo, Sponso acquirit lucrum; columba, quæ pro suorum et aliorum delictis gemit; formosa , quæ cœlesti desiderio accensa, Dei contemplatio- nem induit. *Confitebor tibi*. Nota : nonnisi in Jerusalem, et tantum in templo , et super altare , et nonnisi altare concavum et qua- drangulum , debent fieri sacrificia. Ibi thus et vitula debent offerri. Moraliter , sic non est verum sacrificium , nisi in Jerusalem, id est, in Ecclesia, et in templo, scilicet in te ipso : unde hoc (v. 2) : *Adorabo ad tem- plum sanctum tuum*. Unde Apostolus<sup>7</sup> : « Templum Dei sanctum est; quod estis vos. » Et in illo templo, scilicet in nobis, est altare concavum , scilicet fides nostra , quæ recipit verbum Dei, quæ est quadrata quatuor virtutibus. Ibi thus orationis, unde hoc<sup>8</sup> : « Dirigatur oratio mea , sicut incen- sum, in conspectu tuo. » Contritum cor et humiliatum , ibi, est sacrificium; nam<sup>9</sup> : « Sacrificium Deo , spiritus contribulatus : » et ibi debet esse ignis continuus, et non alienus , ne pereamus cum sacerdotibus ignem alienum offerentibus, scilicet cupi- ditatem. Sed in mente nostra sit ignis char- ritalis, et ex hoc sacrificio suavissimus odor redoleat (b) Deo et hominibus: bona conscientia Deo , et bona fama hominibus.

*Quoniam magnificasti* : id est, magnum ostendisti. Nam potestas apparuit in rerum creatione , et gubernatione ; majestas, in ejus comprehensione ; benignitas, in hu- manitate. Potestas (c) Judæis apparuit, unde in lege dicitur<sup>10</sup> : « Ego sum Dominus. » Philosophis majestas, de quibus Apostolus<sup>11</sup>: 14. — <sup>6</sup> *Caut.*, II, 10, 13. — <sup>7</sup> *1 Cor.*, III, 17. — <sup>8</sup> *Psal. cxl*, 2. — <sup>9</sup> *Psal. L*, 49. — <sup>10</sup> *Exod.*, passim. — <sup>11</sup> *Rom.*, I, 19. — (a) *Leg. non.* — (b) *Edit. Ven.* re- dolebat. — (c) *Edit. Ven. add. in.*

« Quod notum est Dei, manifestum est in illis ; » sed <sup>1</sup> « evanuerunt in cogitationibus suis ; » quia inventionem illam attribuunt sibi. Nobis autem in tempore gratiae <sup>2</sup> « apparuit benignitas et humanitas Salvatoris nostri Dei. » Potestas exigit subjectionem ; majestas, admirationem ; benignitas, commendationem.

*6. Alta a longe cognoscit.* Nam superbi sunt longe a Deo ; sed <sup>3</sup> « prope est Dominus invocantibus eum. » Vel *alta a longe*, id est valde longe cognoscit, per approbationem, ut solet dici : « Illic longe melior est illo, » id est, valde melior est illo. Nota : Superbia contra Patrem, nam potentia Patri attribuitur; avaritia contra Filium, nam prodigus fuit, qui non tantum sua, sed seipsum pro nobis dedit; invidia contra Spiritum sanctum, quia spiritualiter dieitur benignitas; ira contra proximum. Haec in cruce oblata sunt, quae significantur per fel quod ei oblatum fuit. Nam sicut haec quatuor sunt interius, sic est fel quoddam interius amarum. Sed <sup>4</sup> « cum gustasset, noluit bibere : » nam peccatis non consentit. Nota : Oblatum est Domino in cruce fel cum arundine (*a*), sponsa, et aceto; et hoc modo cuilibet religioso offeruntur : nam fel est amaritudo ex carne; arundo est rigor disciplinæ; acetum est severitas prælatorum; in sponsa, eibi et panorum vilitas (*b*).

*1. Quoniam magnificasti.* Hie est locus a majori : nam si sanetificavit Christum, scilicet majorem, poterit et sanetificare nos minores. Unde Claravallensis dicit, quod quandoque est locutus a magno, majore, vel maximo; unde etiam tria genera peccatorum distinxit, scilicet peccatum originale, personale, singulare. Originale est, quod non solum afficit personam, sed totam naturam : omnes enim cum originali nascimur. Personale, cum non solum alieno, sed etiam compedium proprio peccato.

Superbia.

Invidia.

Ira.

Pecca-tum tri-plex.

Singulare, quod crudelissimi Christicidæ commiserunt; pro quo remittendo Dominus oravit, dicens <sup>5</sup> : « Pater, ignosce illis, quia nesciunt, quid faciunt. » Cum ergo Deus maximum peccatum remisit, ergo a majori, vel maximo, remittet minora, vel personalia, vel etiam originalia.

## PSALMUS DAVID CXXXVIII.

*1. Domine, probasti me.* Quandoque tenebrae dieuntur peccatum, quandoque peccatores, unde Apostolus <sup>6</sup> : « Eratis aliquando tenebrae, nunc autem lux in Domino; » quandoque sermo obscurus. Unde de Christo <sup>7</sup> : « Qui posuit tenebras latibulum suum, » scilicet sacram Scripturam; et : « Tenebrosa aqua in nubibus aeris; » quandoque ignorantiam, unde hoc <sup>8</sup> : « Populus, qui ambulabat in tenebris, vidit lucem magnam; » quandoque infernum, unde hoc <sup>9</sup> : « Mittite eum in tenebras exteriores, » id est in infernum; quandoque parentia luce solis temporalis. Nota : Corpus Christi sumitur tribus modis : quandoque sacramentaliter, unde hoc <sup>10</sup> : « Ut quid paras dentes et ventrem? Crede, et manducasti; » quandoque per intelligentiam, unde hoc <sup>11</sup> : « Parvuli petierunt panem, et non erat qui frangere eis, » id est, sacram Scripturam aperiret eis; per fruitionem, quod erit in patria, unde Dominus ad discipulos <sup>12</sup> : « Ut edatis carnem meam, et bibatis meum sanguinem in regno patris mei. » Nota : ad masticationem panis, saliva est semper necessaria; sic ad sumptionem corporis Christi saliva est necessaria, de capite descendens, id est, Christus a Patre veniens, qui dicitur saliva in Evangelio, ubi sanavit cæcum luto facto ex saliva et terra, id est, genus humanum conjunctione Verbi et carnis. <sup>13</sup> « In sudore, et labore, pane tuo vesceris : » labore, quantum ad exercitium; in sudore, quantum

Corpus Christi tribus modis sumitur.

<sup>1</sup> Rom., I, 21. — <sup>2</sup> Tit., III, 4. — <sup>3</sup> Psal. CXLIV, 18. — <sup>4</sup> Matth., XXVII, 34. — <sup>5</sup> Luc., XXIII, 34. — <sup>6</sup> Ephes., V, 8. — <sup>7</sup> Psal. XVII, 12. — <sup>8</sup> Isa., IX, 2.

— <sup>9</sup> Matth., XXII, 13. — <sup>10</sup> Aug., in Joan., tract. XXV, n. 42. — <sup>11</sup> Thren., IV, 4. — <sup>12</sup> Luc., XXII, 30. — <sup>13</sup> Gen., III, 19. — (a) Cœt. edit. amaritudine. — (b) Item utilitas.

ad difficultatem. Filius prodigus recessit a patre, id est, genus humanum a Deo; sine Deo ad mortem tendens, per Deum rediit ad Deum, tendens ad vitam. Nota: Deus in principio dedit homini quatuor virtutes, virtutem, scilicet misericordiam, quasi custodem et pedissequam, quæ præiret, et sequeretur eum: talem nutricium dedit ei Deus nuper orto: veritatem, eruditorem, ut eum corrigeret; justitiam, qua regeretur: patientiam, qua foveretur. Et his vestibus spoliatum est genus humanum, quando incidit in latrones. Eisdem reindutus est a patre, quando filius prodigus rediit ad patrem. *Probasti.* Ad hoc, quod homo digne suscipiat corpus Christi, duo sunt necessaria, contritio, et probatio: non enim sola contritio dignum facit; unde Apostolus<sup>1</sup>: « Probet autem seipsum homo, et sic de pane illo edat, et de calice bibat. » *Et tu, Domine, cognovisti.* Nota: sunt nova, scilicet, promissionum impletio; sunt vetera, impletionum promissio; vetustissima, quæ ad divinitatem. De divinitate ergo habere debemus, et cum impleta fuerit promissio, vetera, scilicet promissiones et legis observantiam projiciens, non vetustissima. Unde dicitur<sup>2</sup>: « Vetustissima veterum comedentis, et novis supervenientibus, vetera projectis. » « Lux fulgebit<sup>3</sup>: hæc missa de promissione est; ideo non repetitur, quia promissio silet, et veritas adest. Sed hæc, scilicet<sup>4</sup>: « Puer natus, » saepe cantatur, quia est de impletione veritatis. Et nos comedimus vetustissima veterum, nova incidendo, vel frangendo, masticando, glutiendo. De primo<sup>5</sup>: « Parvuli petierunt panem. » De secundo in lege<sup>6</sup>: « Mundum animal ruminabit. » Et sacra scriptura masticando ruminari debet, et hoc ruminando; unde hoc<sup>7</sup>: « Lex tua meditatio mea est. » De tertio<sup>8</sup>: « Gustate, et videte, quoniam suavis est Dominus. » Et alibi<sup>9</sup>: « Nec dimittis me, ut

glutiam salivam meam: » quia hic cibus non venit in præsenti usque ad guttur, non usque ad ventrem, non usque ad satiatem: quia in præsenti est refocillatio, non saturatio. Sed<sup>10</sup> « satiabor, cum apparuerit gloria tua. » Modo gustamus, sed non satiamur. Sic sacra scriptura primo inciditur, vel frangitur, masticatur.

5. *Posuisti super me.* Nota: in præsenti non potes anteriora videre Dei, sed *posteriora*<sup>11</sup>, id est, non divinitatem, sed humanitatem. Sed quæ fuit causa, quare filius hominis apparuit in carne? In illa incarnatione quatuor virtutes possunt notari. Nam benignitas Filium Dei, ut ad nos veniret, invitavit; misericordia traxit; veritas, qua se promiserat venturum, compulit; puritas uteri virginalis suscepit in aula; integritas eduxit; obedientia deduxit; patientia armavit; charitas verbis et miraculis manifestavit.

11. *Et nox illuminatio mea.* Homo debet illuminari, et tunc recte poterit offerre. Et ad hoc tria sunt necessaria, scilicet virilis constantia, virginalis continentia, et humilis conscientia. Nam oblatione Christi in templo, scilicet in purificatione Virginis, tres fuisse leguntur, Joseph vir Mariæ, Maria, et Puer. Nam in oblatione nostra sit in proposito perseverandi animus virilis, ecce vir; sit in continentia castitas virginalis, ecce Maria; sit in conscientia simplicitas et humilitas puerilis, ecce Puer: sic illuminatus in templo Dei poterit offerre et sacrificare Deo. Nota: hic<sup>12</sup> dicitur, quod mulier quæsivit drachmam perditam, id est, sapientiam<sup>(a)</sup>, quæ appropriato vocabulo dicitur filius, genus humanum. Nota: tres sunt, potentia, sapientia, benignitas; et nos in opere mundi tria cogitare debemus: quid sit, quo modo sit, ad quid sit. In esse investigabilis potentia, qua multa et magna creala sunt; sapientia in hoc, quod sursum, vel deorsum, vel medio locata

In incarnatione  
Filii Dei  
notantur  
quatuor  
virtutes.

<sup>1</sup> *Cor.*, xi, 28. — <sup>2</sup> *Levit.*, xxvi, 10. — <sup>3</sup> Hæc sunt primæ verba introitus missæ de aurora in Nativitate Domini. — <sup>4</sup> Verba missæ de die ejusdem fest.

— <sup>5</sup> *Tlren.*, iv, 4. — <sup>6</sup> *Levit.*, xi, 4. — <sup>7</sup> *Psal.* cxviii,

77, etc. — <sup>8</sup> *Psal.* xxxiii, 9. — <sup>9</sup> *Job*, vii, 19. —

<sup>10</sup> *Psal.* xvii, 15. — <sup>11</sup> *Exod.*, xxxiii, 23. — <sup>12</sup> *Luc.*, xv, 8. — (a) *Leg.* sapientia.

signifi-  
cat.

sunt : si mediteris, ad quid facta sunt, ocurrat tam benigna utilitas, quam utilis benignitas. Potentissime omnia ex nihilo ; sapientissime pulchra ; benignissime omnia utilia creata sunt : ecce tres personæ, unde Apostolus <sup>1</sup> : « Ex ipso, et per ipsum, et in ipso sunt omnia. »

*13. Suscepisti me de utero matris meæ.*

Christi  
concep-  
tio.

Nota conceptionem Christi : primo concipiatur ; postea nascitur, et non nisi de virgine ; postea nutritur, et ætate et sapientia proficit <sup>(a)</sup>. Christus concipitur, cum primo incipit interesse veritas per contritionem. Nascitur per confessionem ; nam <sup>2</sup> : « Notus in Iudea Deus ; » nascitur de virgine, id est, de cordis puritate, et nutritur studio perseverantiae. Proficit ætate, scilicet processu temporis; proficit sapientia in amore et cognitione veritatis. Hoc aliter exponitur, <sup>3</sup> ubi uterius virginis cibanus vocatur hac similitudine : nam ibi fit panis, qui de cœlo descendit, et ignis Spiritus sancti. Et ibi ille panis coctus factus est esibilis : nam panis fit esibilis per depositionem ; sic corpus Christi ; nam sub forma panis et vini sumitur, sed sub alia abhorretur. Sic in vas mundum ponitur per decoctionem ; et ille panis fit in tribus coctus; in cibano, in eraticula, in sartagine : sic legitur in Levitico. In cibano, id est, in Virginis utero; in sartagine, id est, in passione aliquantulum <sup>(b)</sup> ante mortem, quem coctum sumpserunt discipuli in cœna, sed nos sumimus bene coctum; in eraticula, id est, in ara crucis, per depurationem. Nam bene depuratum est in resurrectione corpus Christi. Nam caro ejus refloruit.

*14. Confitebor tibi.* Duo sunt, quorum unum debeamus Deo exhibere, alterum a Deo expectare : a nobis honor Deo est exhibendus confessionis, et potestas a Deo expectanda remissionis.

*Os quid 15. Os meum.* Os igitur significat sanc-

<sup>1</sup> Rom., xi, 36. — <sup>2</sup> Psal. lxxv, 2. Hic fortasse alluditur ad similitudinem vocum *natus* et *notus*, et ad etymologiam vocis *Iudea* seu *Juda*, quæ est *confessio*; sed quid ineptius? nonne indignum tanto doc-

tos, qui fortes sunt ; vel liberum arbitrium, quod ex toto exprimi non potest : nam per peccatum confractum fuit, sed non ex toto disruptum. Nam liberum arbitrium supra se olim nitens corruit infra se, confractum est a se, ac per hoc debilitatum est in se, et surgere non potuit omnino per se; sed in passione Christi rectum est per fidem, per charitatem consolidatum, per spem foecundatum, id est, fecundatum; sed omnino non erit pingue et solidum, donec pascatur in pinguibus pascuis cum nonaginta et novem ovibus : nam <sup>4</sup> « saliabor, eum apparuerit, » etc. <sup>(c)</sup>.

In persona Christi exponitur ab hoc loco : *Intellexisti cogitationes meas... et non potero ad eam* <sup>(d)</sup>. Ille dicitur, quod Christus homo non aequatur Filio Dei scientia, vel in alio; sed quia anima Christi scit scientia creata, quidquid scit Pater increata scientia, et e converso, quare ergo anima Christi non potest aequari Deo in scientia? Dicitur, quod anima Christi aequiparatur in numero scitorum Deo, sed non in modo sciendi, id est, omnia scit quæ Deus, sed non ita perfecte; vel dicitur, quod anima Christi non aequiparatur Deo in scientia, quia scientia creata est creatura; scientia non creata est creator, scilicet Deus. Nam creatura nullo modo aequatur creatori. Vel sic : ad hoc, quod aliquid alieui perfecte aequetur, tria sunt necessaria : dignitas, sublimitas, scitorum numerositas : in ultimo anima Christi aequiparatur Deo, non in primis duobus.

*16. Dies formabuntur, et nemo in eis.*

Nam omnes peccaverunt, etiam Petrus; sed triplici de causa permisit Deus Petrum peccare, scilicet ut fortior surgeret, ut propriam infirmitatem cognosceret, ut præsumptionem ab eo removeret. Nam quantumlibet justus non debet præsumere de justitia : nam <sup>5</sup> « qui stat, videat ne cadat; »

Petrus  
quare a  
Deo per-  
missus  
est cade-  
re.

tore? — <sup>3</sup> Illoc idem vide in exposit. *Psal.* lxxii. —

<sup>4</sup> *Psal.* xvi, 15. — <sup>5</sup> *I Cor.*, x, 12. — <sup>(a)</sup> *Edit. Ven.* perficit. — <sup>(b)</sup> *Cæt. edit.* in passione autem sumpserunt aliquantulum, etc. — <sup>(c)</sup> *Cæt. edit.* non habent, etc. — <sup>(d)</sup> Item, loco *ad eam*, habent *ad Deum*.

et ut in subditis compassionem haberet : nam cum prælatus subditum errantem videt, debet ei compati<sup>1</sup>.

18. *Dinumerabo eos.* Deus dicitur aliquid numerare, id est, finem illius rei agnoscere ; unde hoc<sup>2</sup> : « Numerus dierum meorum, quis est? tu scis; » quandoque pro *terminare*, unde Balthasar vidit manum sribentem<sup>3</sup> : « Mane, Thecel, Phares : » *Mane*, id est, numerositas ; *Thecel*, id est, appendit ; *Phares*, id est, divisit : quandoque pro *approbare*, unde hoc<sup>4</sup> : « Qui numerat multitudinem stellarum : » quandoque pro *resurgere*, vel *conservare*, unde hoc<sup>5</sup> : « Nam capilli capitisi vestri omnes numerati sunt, » id est, resurgent, non peribunt. Quid hic<sup>6</sup> : « Omnia in mensura, et numero, et pondere disposuisti? »

*Super arenam multiplicabuntur.* Judæi dicuntur arena dupli de causa : arena maris, propter amaritudinem ; (*a*) unde hoc<sup>7</sup> : « Vinea mea, usquequo conversa es in amaritudinem? » arena simpliciter, propter sterilitatem ; unde Propheta<sup>8</sup> : « Usquequo claudicatis in duas partes? » uno pede, scilicet Veteri et Novo Testamento.

19. *Si occideris.* Deus dicitur occidere quatuor modis ; nam occidere pro *reprobare*, ut hic ; et pro *separare animam a corpore*, unde hic<sup>9</sup> : « Mors et vita a Domino Deo sunt. » Pro *converttere*, unde hoc<sup>10</sup> : « Ego occidam, et vivificabo. » Pro *damnare*, unde hoc aliter exponitur.

*Viri sanguinum* : dupli de causa fit separatio : cum aliquis propter culpam propriam nominatim excommunicatur, tali loco separandus est a bonis, unde Apostolus de fornicatione<sup>11</sup> : « Expurgate vetus fermentum ; » propter propriam infirmitatem, unde cum sciam me non posse separari a peccato, quamdiu in hoc mundo sum, debo fugere opportuniteatem ; unde Propheta<sup>12</sup> : « Elon-

gavi fugiens, et mansi in solitudine. » Nota : necessaria est palea cum grano usque ad maturitatem, et mali cum bonis ; quia augent pœnitentiam, quæ aucta facit fructum. Quandoque autem prædicator seminat verbum Dei ; obedientia illud semen recipit ; patientia fructum facit ; perseverantia metit : quia sola perseverantia accipit bravium. Ad hoc quod homo salvetur, oportet eum habere ista tria.

21. *Nonne qui oderunt te, Domine, oderam?* Hic dicitur, quod retia Petri in præ-senti trahuntur ; trahuntur autem in mari, in flumine, in stagno : in mari, scilicet in mundo, ubi sunt «<sup>13</sup> reptilia, quorum non est numerus, » quia omnibus est modo prædicandum ; in flumine, id est, in præ-latis, et ecclesiasticis viris, qui dicuntur flumen : nam rigant mentes aliorum aridas rore gratiæ, quæ mentes plantatae sunt secus decursus aquarum ; in stagnis, id est in claustralibus.

22. *Perfecto odio.* Est triplex odium : scilicet malignum, quod dicitur fraternum, unde hoc<sup>14</sup> : « Qui odit fratrem suum, homicida est. » Est odium imperfectum, quando ei, qui me offendit, dimitto rancorem, et dico ei : *Ave*, ut hic. Nam ad hoc, ut sit perfectum (*b*), hæc tria sunt necessaria : cognitio veritatis, amor virtutis, odium ini-quitatis, scilicet, ut persequamur vitium, non naturam.

Odium  
triplex.

## PSALMUS DAVID CXXXIX.

2. *Eripe me, Domine.* Hic per David intelligitur corpus Christi, scilicet Ecclesia : nam est corpus Christi spirituale, scilicet Ecclesia ; est materiale, quod traxit de Virgine ; est sacramentale, scilicet forma pánis. Nota : Ecclesia hic orat, et vult liberari a malis, et non potest. Notandum autem, quod

David,  
quid no-  
tet.

7. — <sup>12</sup> *Psal.* LIV, 8. — <sup>13</sup> *Psal.* CIII, 25. — <sup>14</sup> *I Joan.*, III, 15.

(a) *Quæ sequuntur usque ad arena simpliciter, leguntur in cæt. edit. post Novo Testamento.* — (b) *Cæt. edit. perfectus.*

<sup>1</sup> Vid. supra, in *Psal.* LXXX. — <sup>2</sup> *Psal.* XXXVIII, 5.

— <sup>3</sup> *Dan.*, V, 25. — <sup>4</sup> *Psal.* CXLVI, 4. — <sup>5</sup> *Math.*, X,

30. — <sup>6</sup> *Sap.*, XI, 21. — <sup>7</sup> *Resp.* 3, noct. 1, fer. VI, in Parasceve, ex *Jeremias*. — <sup>8</sup> *III Reg.*, XVIII, 21. —

<sup>9</sup> *Eccli.*, XI, 14. — <sup>10</sup> *Deut.*, XXXI, 39. — <sup>11</sup> *I Cor.*, V,

velle et non posse, est miserum; nolle et posse, est iniquum; velle et posse, est felicissimum, quod erit in patria: quod Deus perficiet plenum posse pro bona voluntate illius, qui bonum operatus est velle pro sua potestate; tamen posse, velle, debere, nunquam conveniunt in praesenti in eodem, sed in futuro. *Eripe me, Domine, ab homine malo; a viro iniquo libera me.*<sup>1</sup>

Tentatio diabolica triplex. Tentatio diabolica quandoque subita, quandoque violenta, quandoque fraudulenta: subita, quando rationis judicium prævenit; violenta, quando virtutis nostræ possibilitatem excedit; fraudulenta, quando discretionis examen fallit. Inde est, quod diabolus diversa sortitur nomina: dicitur avis, cum subito volat, cum mentem ante deliberationem præoccupat; cum sentitur violentus, venit ut leo; cum per astutiam fallere nititur, homo nuncupatur. De primo in Evangelio<sup>2</sup>: « Semen cecidit secus viam, et volucres cœli comedenterunt illud. » De secundo<sup>3</sup>: « Leo rugiens circuit, querens quem devoret. » De tertio, in Evangelio<sup>4</sup>: « Inimicus homo hoc fecit. » *A viro iniquo.* Vir quatuor modis accipitur, unde versus:

Vir qua-  
tuor mo-  
dis acci-  
pitur.  
Annis, conjugio, sexu, virtute, vir esto.

3. *Cogitaverunt iniquitates.* Aliud est cogitare, aliud loqui<sup>5</sup>: « Cogitaverunt, et locuti sunt nequitiam, iniquitatem in excelso locuti sunt. »<sup>6</sup> *Cogitaverunt,* hoc pertinet ad cognitionem; *Locuti sunt*, hoc pertinet ad locutionem; *In excelso locuti sunt*, hoc ad clamorem pertinet. Callidi diaboli, cum coram perfectis iniquitatemi cogitant, coram imperfectis susurrant, coram perfectis perfecte mali clamant: ita in uno eodemque homine hunc ordinem servant, dum a perfectione eum rapere festinant. *Tota die con-*

*Diables tripli-  
tentat nos.* *stituebant prælia.* Nam diabolus bellum habet nobiscum, quia de tribus nos tentat: scilicet de gula, de avaritia, de superbia. Sed nos vincamus abstinentia, gulam; pau-

<sup>1</sup> Richard., in hunc locum. — <sup>2</sup> *Luc.*, VIII, 5. — <sup>3</sup> *I Petr.*, V, 8. — <sup>4</sup> *Matth.*, XIII, 28. — <sup>5</sup> *Psal.* LXII,

pertate spiritus, inanem gloriam, sive avaritiam; humilitate superbiam. His tentatus primus homo, scilicet Adam, succubuit.

7. *Deus meus.* Deus dicitur omnium beneficio creationis, ratione christianæ religionis; Deus quoniam, quodam privilegio amoris, ut Deus Abraham, Isaac, et Jacob.

5. *Custodi me, Domine, de manu peccatoris.* Propheta hic petit bona animæ, vel vitam æternam. Nam tria debemus petere, Tria pe-  
tenda. bona corporis, bona animæ, et vitam æternam. Sed in his tribus, tria solent vitia subrepere; nam in prima petitione solet subrepere superfluitas; in secunda, impuritas; in tertia, elatio, sive singularitas. Nam quandoque temporalia quærimus ad voluptatem, virtutem ad ostentationem, vitam æternam non in humilitate, sed in meritorum præsumptione; de quibus dicitur<sup>7</sup>: « Væ desiderantibus diem Domini. » Sit ergo oratio pro temporalibus circa solas necessitates restricta; oratio pro virtutibus ab omni impunitate libera; oratio pro vita æterna, non præsumens de meritis, sed de Dei misericordia.

8. *Domine, virtus salutis meæ.* Nam Deus est virtus et salus, id est, potentia et benignitas. Nota: tria sunt in Deo, potestas, In Deo  
tria sunt. sapientia, benignitas. Potentia creat; sapientia gubernat; benignitas conservat. Sed quia indivisa sunt opera Trinitatis, haec tria mutuum suffragium sibi præstant. Nam potentia per benignitatem sapienter creat; sapientia per potentiam benigne gubernat; benignitas per potentiam et sapientiam potenter conservat.

9. *Ne tradas me, Domine, a desiderio meo peccatori;* id est, per desiderium meum. Triplex est traditio: prima corporalis; secunda spiritualis; tertia gehennalis. Prima est causa secundæ; secunda tertiae. De prima<sup>8</sup>: Apostolus tradidit fornicarium Satanæ, id est, excommunicavit. De se-

<sup>8</sup> — <sup>6</sup> Richard., in hunc locum. — <sup>7</sup> *Amos*, V, 18. — <sup>8</sup> *I Cor.*, V, 5.

cunda Apostolus<sup>1</sup> : « Tradidit illos Deus in passiones ignominiae. » De tertia in Evangelio<sup>2</sup> : « Tradite tortoribus, et ligatis manibus et pedibus mittite in tenebras exteriores.

10. *Caput circuitus eorum.* Circuitus primo est genitivus, scilicet, super eos cadet caput circuitus, id est, caput viæ eorum, scilicet superbia, caput malorum; vel caput, eorum circuitus, id est, diabolus, qui circuit quærens quem devoret, qui nunquam incedit via ec ta.

12. *Vir linguis non dirigitur in terra;* sed silens: unde Propheta<sup>3</sup> : « In silentio et spe erit fortitudo vestra. » Nam et beata Virgo tantum, quantum legitur in Evangelio, locuta est angelo nuntianti, Elisabeth prægnanti, et Christo in medio doctorum sedenti, et eidem in nuptiis residenti.

## PSALMUS DAVID CXL.

**Clama-** 1. *Domine, clamavi.* Clament Angeli in re. cœlo clamore laudis, unde hoc<sup>4</sup>: « Clamabunt etenim, hymnum dicent. » Clamat Moyses in deserto clamore devotionis, unde hoc<sup>5</sup>: « Clamor meus in conspectu ejus introivit in aures ejus. » Clament filii Israel in Aegypto clamore necessitatis, unde hoc<sup>6</sup>: « Clamaverunt ad Dominum, cum tribularentur. » Clamat Sodoma et Gomorrha clamore iniquitatis, unde<sup>7</sup>: « Clamor Sodomæ et Gomorrhæ multiplicatus est, et venit ad me: » et dicitur ad Deum venire, quando tantum peccant, quod Deus non vult plus sustinere.

**Oratio-** 2. *Dirigatur oratio mea.* Oratio penetrat nis impe- cœlos, quæ tamen habet tria impedimenta: dimenta- nam quandoque est timida; nam timor im- tria. moderatus ita restringit animum, quod nec ingressum, nec progressum habeat. Quandoque est tepida, quæ etsi aggressum habeat, caret tamen progressu, eo quod non

habet vigorem. Quandoque est temeraria, quæ quamvis habeat progressum, caret ingressu, quia patitur repulsam, quia temeraria est. Sed contra hæc tria habet tres alas, scilicet ut fidelis, fervens, et humilis: contra primum impedimentum, fidelis; contra secundum, fervens; contra tertium, humilis sit. Primum non habet aggressum, nec progressum, nec ingressum; secundum habet aggressum, sed non progressum, nec ingressum: tertium habet aggressum, id est, incœptum, et progressum, non ingressum. Sed primum remedium habet aggressum; secundum progressum; tertium ingressum: et sic cœlos penetrabit, et tunc vacua redire non poterit. Est odor orationis, unde in Apocalypsi<sup>8</sup>: « Habentes phialas plenas odoramentorum, quæ sunt orationes sanc torum. » Est odor bonæ opinionis, unde hoc<sup>9</sup>: « Fracto alabastro, » etc. Est odor salutis et damnationis, unde<sup>10</sup>: « Aliis sumus odor vitæ. » Est odor lucri, qui foetet in naribus.

3. *Ostium circumstantiæ.* Ostium oris debet esse apertum ad tria, et clausum ad tria: apertum ad confessionem, unde hoc<sup>11</sup>: « Effundite coram illo corda vestra; » clausum ad excusationem, unde hoc:

4. *Non declinet cor meum in verba mali tiae, ad excusandos excusationes in peccatis:* apertum ad laudem, unde hoc<sup>12</sup>: « Domine, labia mea aperies, » etc.; clausum ad propriam laudem, ut non prorumpat in jactantiam, sicut Pharisæus, dicens<sup>13</sup>: « Jejunio bis in sabbato: » apertum ad docendum bonos, unde Apostolus<sup>14</sup>: « Os nostrum patet ad vos, o Corinthii; » clausum ad docendos obstinatos, unde<sup>15</sup>: « Non est dandum sanetum canibus. »

5. *Oleum peccatoris non impinguet caput meum.* Quot modis accipitur oleum, supra<sup>16</sup> dictum est.

6. *Absorpti sunt juncti petræ judices*

<sup>1</sup> Rom., 1, 24. — <sup>2</sup> Matth., XVIII, 34. — <sup>3</sup> Isa., XXX, 15. — <sup>4</sup> Psal. LXIV, 14. — <sup>5</sup> Psal. LVII, 7. — <sup>6</sup> Psal. CVI, 6, etc. — <sup>7</sup> Gen., XVIII, 20. — <sup>8</sup> Apoc., V, 8. —

<sup>9</sup> Joan., XII, 3. — <sup>10</sup> II Cor., II, 16. — <sup>11</sup> Psal. LXI, 9. — <sup>12</sup> Psal. L, 17. — <sup>13</sup> Luc., XVIII, 22. — <sup>14</sup> II Cor., V, 11. — <sup>15</sup> Matth., VII, 6. — <sup>16</sup> Supra, in Psal. LXXXVIII.

Christus  
vincit,  
regnat,  
et imper-  
rat. *corum.* Hic dicitur quod Christus vineit, regnat, et imperat; vineit in inferno, regnat in mundo, imperat in cœlo; quia ibi nihil sit præter ejus voluntatem; in inferno fortiter vineit, diabolum captivando; in mundo regnat suaviter, omnia misericorditer disponendo; in cœlo imperat fortiter, inde angelos depellendo; unde dicitur <sup>1</sup>: « Attin-  
git a fine usque ad finem fortiter, et disponit omnia suaviter. »

7. *Disposita sunt ossa nostra secus, etc.* A tribus pateris: a te, a proximo, a Deo: primum est austerior poenitentiae; secundum, vexatio malitiaæ alienæ; tertium, flagellum correctionis divinae. In eo quod pateris a te, debes voluntarie sacrificare; in eo quod a proximo, potenter sufferre, et patienter ferre; in eo quod a Deo, sine murmuratione et cum gratiarum actione sustinere.

10. *Singulariter sum ego, donec transeam, id est, per martyrium crucis.* Nota: quidam martyrum mortui sunt pro lege, ut Machabæi; quidam pro veritate, ut Joannes, quem decollavit Herodes, quia dicebat <sup>2</sup>: « Tibi non licet accipere uxorem fratris tui; » quidam in significatione, ut Abel, qui significabat hostiam veram. Nota: nulli horum dictum est: « Abnegabis Christum, aut interficiam te; » sed ipsi potius elegerunt mori, et ita per compendium ire ad Christum. Quidam in patientia, ut Innocentes; quidam pro Ecclesia defendenda, ut beatus Thomas de Anglia, et alii.

### PSALMUS DAVID CXLI.

2. *Voce mea.* Hic psalmus nomine orationis intitulatur. Et notandum, quod quatuor sunt modi orationum, ut dicit Apostolus <sup>3</sup>, scilicet obsecrationes, orationes, postulationes, gratiarum actiones. Primum genus est, quando aliquis non audens loqui ad Deum, dicit <sup>4</sup>: « Sancte Petre, ora pro me. » De

<sup>1</sup> *Sap.*, VIII, 1. — <sup>2</sup> *Marc.*, VI, 18. — <sup>3</sup> *Philip.*, IV, 6. — <sup>4</sup> *Litan. Sanctor.* — <sup>5</sup> *Math.*, IX, 20, ubi con-

hoe genere hic: « Per crucem et passionem tuam libera nos Domine: » quod fecit latro vicinus suspendio expandens manus in erne. Sic passus est Christus, ut circumstantes moveret ad poenitentiam: quod genus repræsentat illa, quae non audebat tangere <sup>6</sup> « simbriam vestimenti ejus. » Secundum oratio, quasi *oris ratio*, quando jam audet loqui cum Domino: secundum hoc genus, postulamus sermonem scientiae, vel gratiam curationum, vel omnia pertinentia ad salutem. Tertium genus est postulationis, quando quis, confidens de meritis, audet a Deo petere præmium temporale, vel aeternum. Ad quartum pauci admittuntur, ut scilicet Deus aliquem exaudiat, antequam invocetur, ut in resurrectione Lazar, ubi Christus exauditus est, et tamen non oravit, dicens sine ordine <sup>7</sup>: « Gratias tibi ago, Pater, quia exaudisti me. » Primum genus fiat affectu venerando; secundum, puro; tertium, ampio et lato; quarto fit gratiarum actio.

2. *Effundo, quasi de fonte.* Quatuor fontes Fontes  
quatuor. legimus, qui habent initium a quatuor vulneribus, unde quatuor aquæ fluxerunt: nam est fons misericordiæ, fons gratiæ, fons sapientiæ, fons charitatis: a fonte misericordiæ ad lavandam culpam manat aqua remissionis; de fonte sapientiæ, ad extinguendum sitim praesentem, aqua discretionis; a fonte gratiæ, ad rigandas bonorum operum plantas, aqua devotionis; de fonte charitatis, ad excoquendos cibos, aquæ ferventes manant, scilicet aquæ aëmulationis. Nam aquæ quatuor faciunt: sordes abluunt, sitim extinguit, hortos humeant, cibos decoquunt. Hoc totum facit Christus; unde de primo dicitur <sup>8</sup>: « Ipse lavit nos a peccatis nostris. » De secundo <sup>9</sup>: « Aqua sapientiæ salutaris potavit eos. De tertio <sup>10</sup>: Hoc est « lignum, quod plantatum est secus decursus aquarum. » De quarto <sup>11</sup>: « Conculuit cor

<sup>6</sup> *Tetigit*, etc. — <sup>6</sup> *Joan.*, XI, 41. — <sup>7</sup> *Apoc.*, I, 5. — <sup>8</sup> *Eccl.*, XV, 3. — <sup>9</sup> *Psal.*, I, 3. — <sup>10</sup> *Psal.*, XXXVIII, 4.

meum intra me, in meditatione mea exar-  
descet ignis. » A quinto vulnera habemus  
fontem vitæ, unde duo fluxerunt sacramenta  
Ecclesiæ.

Christus in cruce pendens (v. 5): *Con-*  
*siderabam ad dexteram, et videbam; et non*

*erat, qui cognosceret me;* quia omnes recesserant ab eo. Sed notandum, quod quatuor brachia crucis quatuor vulneribus, quasi quatuor gemmis, ornavit: charitas in brachio superiori, quia charitas eminentior est; a dexteris, obedientia; a sinistris, patientia; humilitas, quæ est radix omnium virtutum, in profundo. Has quatuor virtutes se ostendit habere in cruce: charitatem, unde<sup>1</sup>: « Majorem hac dilectionem nemo habet, quam ut animam suam, » etc.; obedientiam, unde<sup>2</sup>: « Factus obediens usque ad mortem; » patientiam, contra vulnera; humilitatem, contra blasphemiam Judæorum. His quatuor vestibus volebant spoliare Judæi Christum, dicentes<sup>3</sup>: « Si rex Israel est, descendat nunc de cruce. »

6. *Portio mea in terra viventium.* Nam Christus est nostra portio, quia cum ipso erimus in paradiſo, unde et latroni dixit<sup>4</sup>: « Hodie mecum eris in paradiſo. » Non enim latro prius intravit paradiſum, quam Christus. Notandum autem, quia quod Magi munieribus, Centurio et latro confessi sunt sermonibus: nam Magi in adoratione in thure esse Deum, in auro regem, in myrra hominem mortuum cognoverunt; Centurio, esse Deum, quando dixit<sup>5</sup>: « Vere filius Dei erat iste; » hominem, quando vidit eum expirare. Cum exclamacione latro cognovit eum esse regem, dicens<sup>6</sup>: « Memento mei, Domine, dum veneris in regnum tuum. » Magi ergo in stabulo, latro in patibulo, in morte cognovit Centurio.

8. *Educ de custodia.* De triplici carcere alibi dictum est. Notandum, quod in ingressu, in progressu, in egressu est corrup-

tio: quia primo vile sperma; secundo, vas stercorum; tertio, esca vermium. De primo<sup>7</sup>: « Eramus natura filii iræ. » De secundo<sup>8</sup>: « Quis me liberabit de corpore mortis hujus? » De tertio<sup>9</sup>: « Cives mei vermes sunt, » etc.

*Me expectant justi.* Quatuor sunt genera justorum: est justus apparenſ, et nominatus; est justus putativus, et superficialis; est exterior, et cæremonialis; est qui, secundum Apostolum<sup>10</sup>, « fide vivit, » et est cum Deo amabilis. De primo, qui numero, non merito est de Ecclesia, de tali dicit Apostolus<sup>11</sup>: « Qui vivens mortuus est. » Secundus, qui corpore tenetur cum filiis Israel, sed mente fornicatur cum filiabus Madian; qui licet librum teneat in gremio, mente tamen vagatur in foro. Tertius est, qui se jactat observare præcepta legis, ut Phariseus. Quartus, de quo hic: *Me expectant justi.*

### PSALMUS DAVID CXLII.

1. *Domine, exaudi.* Nota: omnes psalmi pœnitentiales a lacrymis incipiunt, et in gaudio terminantur. Nam<sup>12</sup> « factum est vespero et mane dies unus; » nam<sup>13</sup> « prius est, quod animale, deinde quod spirituale; » nam debile principium, etc. Septem psalmi pœnitentiales contra septem vitia principalia, de quibus alibi<sup>14</sup> dictum est. *Exaudi me in tua justitia.* Est justitia legis, scilicet talio<sup>15</sup>: « Oculum pro oculo; » est justitia hominis, scilicet quando confidit in virtute, ut Pharisæus; est justitia Dei, quæ est duplex: scilicet quæ est a Deo, et hominis est; vel Dei est ita, quod Deus.

3. *Quia persecutus est inimicus animam meam, humiliavit in terra vitam meam;* ideo opus est auxilio.

*Collocavit me in obscuris, sicut mortuos sœculi;* ideo opus est (a) præsidio. Nam consilio, auxilio, præsidio indigemus: nam fa-

psalmo-  
rum pa-  
nitentia-  
lium in-  
itium a  
lacrymis

<sup>1</sup> Joan., xv, 13. — <sup>2</sup> Philip., II, 8. — <sup>3</sup> Matth., xxvii, 42. — <sup>4</sup> Luc., xxiii, 43. — <sup>5</sup> Matth., xxvii, 54. — <sup>6</sup> Luc., xxiii, 42. — <sup>7</sup> Ephes., II, 3. — <sup>8</sup> Rom., VII,

24. — <sup>9</sup> Job, XVII, 14: *Dixi: Soror mea, vermis.*  
— <sup>10</sup> Rom., I, 17. — <sup>11</sup> I Tim., V, 6. — <sup>12</sup> Gen., I, 5.  
— <sup>13</sup> I Cor., XV, 46. — <sup>14</sup> Supra, in Psal. LXXXI. —  
<sup>15</sup> Exod., XII, 24. — (a) Cat. edit. add. in.

Tribus  
homines  
egent.

eiles sumus ad seducendum, debiles ad cooperandum, fragiles ad resistendum : nam si discernere volumus inter bonum et malum, decipimur; si tentamus bonum facere, deficimus; si conamur resistere malo, superramur. Sed ad nos venit Dei Filius, qui est Dei sapientia, ut nos instrueret ignorantes : ecce consilium; et est Dei virtus, ut nos adjuvet deficientes : ecce auxilium; et est Patris manus, ut eripiat periclitantes : ecce praesidium. Nam ad hoc Christus venit in mundum, ut habitans in hominibus, in homine, cum homine, tenebras nostras illuminaret, labores levaret, pericula propulsaret, reddens (*a*) singula singulis : in nobis per fidem habitans, illuminat nostram cæcitatem; nobiscum manens, adjuvat nostram infirmitatem; pro nobis, nostram protegit fragilitatem. *Collocavit me in obscuris.* Nam in sepulcro permisit se poni et crucifigi, quod non in judicio. In præsenti namque est rector morum; in judicio, est discretor (*b*) meritorum, unde prius dictum est : *Non intres in judicium cum servo tuo;* in regno distributor præmiorum.

### 5. In factis manuum tuarum meditabar.

Trinitatis vestigium relucet in creaturis. Nam potentiam Dei manifestat creaturarum immensitas, ecce Pater; scientiam, earum decor, ecce Filius; benignitatem utilitas, ecce Spiritus sanctus. Consideremus ergo, in quibus haec tria consistant. Immensitas est in duobus, scilicet magnitudine, et multitudine : multitudo in tribus; nam in similibus, in diversis, in permixtis; magnitudo in mole, in spatio; moles, in (*c*) massa, et pondere; spatium in longo, profundo, et alto; decor in quatuor, in situ, et motu, in specie, et qualitate; situs in compositione, et ordine; ordo in loco, et tempore; proætate, motus localis, naturalis, animalis, rationalis; locus ante, et retro, dextrorum, sinistrorum, sursum, et deorsum. Item naturalis incremento, et decremento; animalis

in sensibus, et in affectibus; rationalis in factis, et consiliis; species in visibilibus, ut de colore, et figura: qualitas de invisibilibus. Quæ quinque sensibus percipiuntur, ut  $\mu\epsilon\lambda\omega\varsigma$  in sono, auditu aurium; dulcor in sapore, gustu faueium; fragrantia in odore, olfactu narium; lenitas (*d*), in corpore, tactu manuum; utilitas in grato, apto, commodo, necessario; gratum, quod placet; aptum, quod convenit; commodum, quod prodest; necessarium, sine quo esse non potest. In his spectando Philosophi ad cognitionem veritatis venerunt.

6. *Expandi manus meas :* formam crucis significans, quia crucem significat et repræsentat diaconus, cum legit Evangelium. Nam facit erucem in fronte, in libro, et in pectore : in fronte, quia non debet erubescere erucem; in libro, quia debet eam prædicare; in pectore, quia illud quod prædicat debet sentire.

7. *Et similis ero descendantibus in lacum.* Et tune <sup>1</sup> « perit confessio. » Nam quatuor sunt, quæ confessionem impediunt : scilicet magnitudo peccati, unde Cain <sup>2</sup> : « Major est iniquitas mea, quam ut veniam merear; » superbia, ut Pharisæus dicens <sup>3</sup> : « Quia non sum sicut cæteri homines; » pudor dicendi (*e*), unde hoc <sup>4</sup> : « Væ mihi, quia tacui, » et hoc <sup>5</sup> : « Tacui, dum elamarer, » id est, dum clamare debebam; delectatio, unde hoc <sup>6</sup> : « Computruerunt jumenta in stercore suo. »

Diaco-nus, cum legit Evange-lium, quid re-presen-tet.

Confes-sionem quatuor impe-dient.

## PSALMUS DAVID CXLIII.

1. *Benedictus Dominus Deus meus.* Psalmus hie agit de eo, quod David interfecit Goliam, id est, jactu lapidis, in funda et lapide; lapis ex funda projicitur, id est, fortis de Ecclesia ad resistendum inimicis, unde Job <sup>7</sup> : « In stipulam versi sunt ei lapides fundæ illius. » Funda cum in gyrum mittitur, sicut de illa lapides exeunt, quibus ad-

<sup>1</sup> *Ecli.*, XVII, 26. — <sup>2</sup> *Gen.*, IV, 13. — <sup>3</sup> *Luc.*, XVIII, 11. — <sup>4</sup> *Isa.*, VI, 5. — <sup>5</sup> *Psal.* XXXI, 3. — <sup>6</sup> *Joel.*, I, 17.

— <sup>7</sup> *Job*, XLI, 19. — (*a*) *Cæt. edit.* redde. — (*b*) *Item* discreto. — (*c*) *Cæt. edit.* deest in. — (*d*) *Cæt. edit.* levitas. — (*e*) *Item* docendi.

versariorum pectora feriuntur; ita Ecclesia cum volubilitate temporum et per circuitus tribulationum ducitur, fortes ex illa viri prodeunt, quibus, quasi lapidum ictibus, inimicorum corda tunduntur. Funda ergo dicitur Ecclesia propter tria: quia in gyrum vertitur, scilicet in volubilitate temporum; et quia inde lapides, scilicet viri fortes mittuntur, ut doctores Ecclesiæ; et quia eis hæreticorum sedes percutiuntur et destruuntur. Quinque lapides sunt verbum quinque partium, scilicet verbum comminationis, permissionis, delectationis, imitationis, orationis. De quinque his verbis ait Apostolus<sup>1</sup>: « Malo loqui quinque verba in sensu, quam decem millia. » Qui hos lapides habet, inimicum, scilicet diabolum, vel peccatum interficit. Hi autem lapides in vas pastorale debent poni, id est, in saccum memoriae. Nota: prælium, quod fit cominus, cum scilicet caput Goliæ amputavit gladio; bellum, quod fit eminus, quia lapide eum percussit, unde: *Benedictus Dominus Deus meus, qui docet manus meas ad prælium, de amputatione capitis; et digitos meos ad bellum, de jactu lapidis:* et bene distinguit inter manus et digitos: nam cum gladio percutimus, manus apponitur; cum funda pugnamus, digitis utimur. Qui cum alio pugnaturus est, debet habere quinque: scilicet arma, unde Apostolus<sup>2</sup>: « Induite vos armaturam Dei; » scientiam, unde hoc: *Benedictus Dominus Deus;* fortitudinem, unde hoc<sup>3</sup>: « Estote fortes in bello; » audaciam, unde hoc<sup>4</sup>: « Nolite timere eos qui occidunt corpus, » etc.; perseverantiam, unde hoc: *Sola perseverantia accipit bravium;* et hoc: « Finis, non pugna, coronat. » In pugna quatuor sunt necessaria, quæ hic nominantur: scilicet scientia, unde hoc: *Qui docet manus ad prælium;* fortitudo, quod ibi (v. 2) notatur: *Misericordia mea et refugium;* constantia, ibi: *In ipso speravi;*

In pugna  
quatuor  
necessa-  
ria.

<sup>1</sup> Cor., XIV, 19. — <sup>2</sup> Ephes., VI, 11. — <sup>3</sup> Antiph., ad Magnif. in 2. vesp. com. Apost. — <sup>4</sup> Matth., X, 28. — <sup>5</sup> 1 Cor., IX, 24. — <sup>6</sup> Exod., VII, 19. — <sup>7</sup> Isa., XL, 12. — <sup>8</sup> Joan., XVII, 6. — <sup>9</sup> Baruc., III, 38. —

Ecclesia  
propter  
tria fun-  
dae com-  
paratur.

Præ-  
lium.  
Bellum.

victoria, ibi: *Qui subdit populum meum sub me.* Digitus quandoque dicitur Spiritus sanctus, unde hoc<sup>6</sup>: « *Digitus Dei est hic,* » dixerunt Magi Pharaoni; quandoque tres personæ, unde hoc<sup>7</sup>: « *Quis appendit tribus digitis molem terræ?* » Quandoque dona Spiritus sancti, ut hic: *Digitos meos.*

3. *Quid est homo, quia innotuisti ei?* Tota Trinitas nobis innotuit per Filium: nam Pater, unde<sup>8</sup>: « *Pater, manifestavi nomen tuum hominibus, quos dedisti mihi,* » etc.; Filius, nam<sup>9</sup> « *in terris visus est, et cum hominibus conversatus est;* » Spiritus sanctus, unde hoc<sup>10</sup>: « *Nisi ego abiero, Paracitus non veniet ad vos.* »

Trinitas per fi-  
lium no-  
bis inno-  
tuit.

4. *Domine, inclina cœlos tuos et descendere,* id est, tempora apostolorum nostrorum infirmitati: nam quandoque excedunt in prædicando. Et iste excessus, sive sublevatio, fit tribus modis. Nam quandoque fit supra scientiam (a), quando tale quid prædicatur, quod modum scientiæ excedat; quandoque fit supra industriam, quando mens prædicatoris illuminatur ad quid, quod humana scientia, nec humana industria sufficit; quandoque fit supra naturam, quando totius humanæ naturæ modum et metus prædicator excedit. De aliis duabus speciebus contemplationis, prius<sup>11</sup> dictum est.

Exces-  
sus præ-  
dicatoris  
tribus  
modis  
fit.

5. *Libera me de aquis multis.* Bonæ sunt aquæ, a quibus potest liberari. Nam<sup>12</sup> « *tres sunt, qui testimonium dant in cœlo, spiritus, aqua, et sanguis;* » nam<sup>13</sup> « *funiculus triplex difficile rumpitur.* » Et si non adsit sanguis, scilicet martyrium, adsit sanguis et aqua: nam fides in aqua baptismi nutritur. Quam triplicem habemus a Salvatore: nam flevit super Jerusalem; sudavit in monte hora passionis; sed illa aqua non fuit sine sanguine: nam<sup>14</sup> « *factus est sudor ejus sicut guttae sanguinis;* » tertia aqua fluxit de latere ejus mortui. Primam aquam habes, si rigas conscientiæ stratum dolore

<sup>10</sup> Joan., XVI, 7. — <sup>11</sup> Supra, in Psal. CXVIII, 170, et in Psal. CXXXII, 1. — <sup>12</sup> 1 Joan., V, 7. — <sup>13</sup> Eccl., IV, 12. — <sup>14</sup> Luc., XXII, 44.

(a) *Cœt. edit. conscientiam.*

compunctionis ; secundam , si in labore et dolore , vel sudore vesceris pane tuo , et poenitentia corpus tuum afflixeris (sed haec aqua sanguinei coloris est propter laborem , et propter concupiscentiae ignem , quem extinguit) ; tertiam , si aquam sapientiae potaveris , quæ bene fluxit de latere Christi mortui . Qui talis est , mortuus est mundo . Prima aqua a præteritis peccatis abluit conscientiam ; secunda , ut futura caveas , extinguit concupiscentiam ; tertia , si ibi perveneris , potat animam sipientem . Nam Christus , qui est super mel dulcis , in patria erit <sup>1</sup> « fons aquæ salientis in vitam æternam . »

40. *Qui das salutem.* Hic notatur liberatio a pœnis , unde hoc : *Redemisti* ; collatio virtutis , unde : *Qui das salutem.* Nota etiam liberati fortitudinem , unde : *David* ; fortitudinis humilitatem , ne sit elatio , unde : *Servum tuum.* Nota etiam , quod in collatione virtutum est opus discretionis , unde : *Qui das salutem regibus* , bene se regentibus . In liberatione a peccatis , opus est fortitudinis : nam majoris est potentiae justificare impium , quam creare cœlum et terram , unde : *Redemisti* .

Hominibus tria  
objici  
solent.

42. *Sicut novellæ plantationes.* Tria sunt , quæ solent hominibus objici , scilicet ætas juvenilis , vita culpabilis , scientia tenuis . Pro ætate , responde <sup>2</sup> : « Ex ore infantium , et lactentium . » Pro vita culpabili , hoc <sup>3</sup> : « Non est enim homo , qui non peccet ; » et <sup>4</sup> : « Qui sine peccato est , primus in eam mittat lapidem . » Pro scientia tenui , hoc <sup>5</sup> : « Infirma mundi elegit Deus , ut quæque confundat fortia . » Non enim ad jacienda fidei fundamenta elegit Deus versutias Aristotelis , vel Tullii leporis verborum lascivientis eloquentiae , et fastu rhetorico conditam eloquentiam ; sed simplices , et idiotas , et pescatores , et hujusmodi viros .

### PSALMUS DAVID CXLIV.

<sup>Argu-</sup>  
<sup>mentum</sup> 1. *Exaltabo te.* Septem psalmi , qui se-  
zeptem quuntur agunt tantum de laude Dei , et de

psalmo-  
rum se-  
quen-  
tium .

Christi  
appa-  
ri-  
tions  
post re-  
surrec-  
tionem .

septiformi gratia , et de septem donis Spiritus sancti , quæ dedit Dominus per septem apparitiones , quibus post resurrectionem apparuit : in prima apparitione spiritum timoris , cum Angelus mulieribus apparuit , et factus est terræ motus ; in secunda spiritum pietatis , quando Petro apparuit : magna autem pietas fuit , ut ei , qui singulariter negaverat , singulariter appareret ; in tertia spiritum scientiæ , duobus euntibus in Emmaus , quando eis apparuit , et interpretabatur in Scripturis , quæ de eo ipso erant , incipiens a Moyse et cæteris prophetis ; in quarta spiritum fortitudinis , quando januis clausis intravit ad discipulos , ostendens eis vulnera , sicut solent in signum fortitudinis foramina clypei ostendi ; in quinta spiritum consilii frustra pescantibus , quibus mittere in dexteram navigii rete consuluit ; in sexta spiritus intellectus , quando apparet in medio eorum , aperuit sensum , ut intelligerent Scripturas ; in septima spiritum sapientiæ , scilicet in die ascensionis , quia usque ad illam diem quasi per stultitiam salvos fecit in se credentes . Christus dicitur rex , et ter coronatus : primo spinea corona a noverca sua , scilicet Synagoga , corona miseriæ ; erit etiam coronandus a matre Ecclesia , quando veniet ad judicium cum senatoribus populi , corona justitiae <sup>6</sup> : « Egredimini , filiæ Sion , et videte Salomonem in diademe suo , quo coronavit eum mater sua . » Modo etiam coronatus est a patre suo corona gloriæ , unde hoc <sup>7</sup> : « Gloria et honore coronasti eum . »

<sup>Christus  
ter coro-  
natus.</sup>

*Laudabile nomen tuum in sæculum , et in  
sæculum sæculi.* Triplex erit in nobis fruitio Dei : nam homo videbit Deum in creaturis , in seipso , in personis , scilicet perfecte , perfectius , perfectissime ; unde in Evangelio <sup>8</sup> : « Mensuram bonam , et confertam , et coagitatam , et supereffluentem (a) , dabunt in sinum vestrum : » confertam , quantum ad

<sup>1</sup> *Joan.* , iv , 14 . — <sup>2</sup> *Psal.* , viii , 3 . — <sup>3</sup> *II Reg.* , viii , 46 . — <sup>4</sup> *Joan.* , viii , 7 . — <sup>5</sup> *I Cor.* , i , 27 . — <sup>6</sup> *Cant.* , iii , 11 . — <sup>7</sup> *Psal.* , viii , 6 . — <sup>8</sup> *Luc.* , vi , 38 .

(a) *Cæt. edit.* deest et supereffluentem .

Fruitio  
Dei in  
nobis tri-  
plex erit .

visionem Dei in creaturis; coagitatam, quantum ad visionem in homine; supereffluentem, quantum ad eam, quæ est in personis. Conferta mensura dicitur, quando est plena, et rasa, non calcata; coagitata, sive discussa, quando plena discutitur, ut magis impleatur; supereffluens, quando cumulum facit.

**4. Potentiam tuam pronuntiabunt.** Hic di-

Laudare citur quandoque hominem se posse laudare: se, quan-  
do liceat, non enim semper est arrogantia se ipsum

laudare. In tribus casibus potest se homo laudare, et commendare, scilicet, ubi fides periclitatur, ut Paulus fecit, quando dixit<sup>1</sup>: « Ministri Christi sunt, et ego; ut minus sapiens dico, plus ego; » ut mali reprimantur, ut fecit Apostolus ad reprimendum pseudo prophetas; quando propria fama lœditur. Hypozeugis, dicit Beda<sup>2</sup>, est zeugmæ contraria, quando scilicet verba singula, vel sententiæ, singulis quibusque clausulis sub junguntur, ut hic: *Virtutem terribilium tuorum dicent; gloriam regni tui dicent.* Regnum Christi commendatur hic a quinque: a potestate, ubi dicit: *Potentiam tuam loquentur;* a potestatis manifestatione, hic (v. 42): *Ut notam faciant filii hominum potentiam tuam;* a decoro, hic: *Gloriam magnificientiæ regni tui;* a perpetuitate, hic (v. 43): *Regnum tuum regnum omnium sæculorum;* a generali subjectione, ut hic: *Dominatio tua in omni generatione, et generationem.*

**Deus fidelis.** *Fidelis Dominus.* Deus dicitur fidelis in duobus, scilicet in promissis, et commissis: de primo hic; de secundo Apostolus<sup>3</sup>: « Scio cui credidi, et certus sum, » etc.

**16. Imples omne animal benedictione.** Hoc erit in futuro: nam tria sunt in anima: rationale, concupiscibile, irascibile; sed unumquodque impeditur in præsenti, ut non possit impleri: nam circa rationale, sunt quasi habitus, et privatio, scientia et ignorantia; circa concupiscibile, desiderium,

<sup>1</sup> II Cor., XI, 22, 23. — <sup>2</sup> Bed., *de Schemat. S. Script.* — <sup>3</sup> II Tim., I, 12. — <sup>4</sup> I Cor., XIII, 12. — <sup>5</sup> Sap., IX, 15. — <sup>6</sup> I Cor., XIII, 10. — <sup>7</sup> Isa., XXXI, 9. —

et contemptus; circa irascibile, ira et lætitia. Sed Deus hoc implebit in futuro: nam rationale nostrum implebit luce sapientiæ; concupiscibile fonte justitiæ; irascibile summa lætitia et tranquillitate, quia tunc erit perfecta sapientia, perfecta justitia. Tunc enim lætitia non erit suspecta, propter scientiam; nec impura, propter justitiam. In his tribus consistit gloria animæ in futuro.

## PSALMUS DAVID CXLV.

**2. Lauda, anima mea, Dominum.** Tria sunt, quæ impediunt, ne sit laus perfecta in præsenti; scilicet cognitio imperfecta, nam<sup>8</sup> « videmus per speculum in ænigmate, tunc autem facie ad faciem; » corporis corruptio, quia<sup>9</sup> « corpus, quod corrumptitur, aggravat animam; » imperfecta dilectio, nam<sup>10</sup> « cum venerit quod perfectum est, evacuabitur quod ex parte est. » Nam<sup>11</sup> « erit ignis in Sion, et caminus ejus in Jerusalem. »

**4. Exhibit spiritus ejus.** Et tunc corpus ejus revertetur (*a*) in terram suam, quia incinerabitur; sed in futuro integrum, quia habebit glorificationem suam, quæ in quatuor consistit, in impassibilitate, in immortalitate, in agilitate, in splendore. Immortalitas tunc erit in corpore, ne redigatur in cinerem; impassibilitas contra angustiam, nam tanta tunc erit corporum levitas, ut praecedat tunc levitatem cogitationum. Habemus ergo tunc agilitatem ab aere: nam legitur<sup>12</sup>, quod sancti sunt « quasi scintillæ, quæ in arundineto discurrent; » ab igne splendoris: nam<sup>13</sup> « justi fulgebunt sicut sol in regno patris eorum (*b*). » In his quatuor erit gloria in futuro, scilicet gloria corporis, et in his tribus prædictis gloria animæ, scilicet in sapientia, et justitia, et lætitia.

**5. Beatus cuius Deus Jacob adjutor ejus.**

Per Jacob Ecclesia triumphans, per Esau Ecclesia militans figuratur. Nam domi habi-

Corporis  
gloriosi  
conditio-  
nes.

<sup>8</sup> Sap., III, 7. — <sup>9</sup> Matth., XIII, 43. — <sup>(a)</sup> Al. revertitur. — <sup>(b)</sup> Al. ejus.

Ecclesia  
trium-  
phans, et  
militans.

tat Jacob<sup>1</sup>, simplex et lenis, dum foris venatur Esan hispidus et agrestis.

*7. Dominus solvit compeditos.* Nota ordinem justificationis : nam primo Deus a peccatis liberat, quod notatur ibi : *Dominus solvit compeditos*; post, virtutibus illuminat, hie (v. 8) : *Illuminat cœcos*. Nota ordinem justificationis : nam primo Deus a peccatis illuminando liberat; post, profectus virtutis ostenditur, ibi : *Erigit elisos*; ultimo collatio beatitudinis, ibi : *Dominus diligit justos*, quod maxime erit in futuro.

*10. Regnabit Dominus.* Hoc præsens regnum dicitur passive regnum, et hoc ideo hic regitur; illud reget nos.

### PSALMUS DAVID CXLVI.

*1. Laudate Dominum, quoniam bonus est psalmus.* Hic debet esse prima distinctio, non, ut quidam dicunt: *Laudate Dominum, quoniam bonus est*.

*2. Edificans Jerusalem Dominus,* quæ passa est dispendium ruinæ angelicæ: sed ad hoc, quod Ecclesia ædificetur, hæc duo sunt necessaria, scilicet sapientia, et patientia: patientia, ad tolerandum, ut in martyribus; sapientia, ad intelligendum et beneficiendum, ut in confessoribus: ex his enim constat Ecclesia. Nam pati est meritorium, si sumatur a patientia, non a passione.

*4. Qui numerat multitudinem stellarum.* Hic dicitur, quod Deus<sup>2</sup> « omnia in mensura, numero, et pondere disposuit. » Notandum autem, quod tria sunt principia, scilicet tres personæ, quibus hæc convenient: unum, simplex, immutabile; et hæc tria unum sunt. Nam ipse Deus unum est, a quo quodlibet numerosum simplex, a quo quodlibet compositum; immutabile, a quo mutabile, vel omne mobile. Omnia ergo disposita in numero, quia ab uno sunt omnia per numerum<sup>3</sup>; omnia in pondere, nam omnia ab

immobili ordinata propter pondus, nam omnis motus ab immobili; omnia in mensura, nam a simplici omnia aliqua specie contenta propter mensuram. Nam omnia disposuit, et quodlibet facit unum: nam quodlibet ideo, quia numero unum est; in pondere, quia cuiilibet dat motum; in mensura, quia cuiilibet dat speciem.

*8. Qu' operit cælum nubibus.* Sacra Scriptura est obscura et velata, quod significant (a) illa deem, quæ velata sunt sub alis Cherubim, scilicet quid ante mundum, quid in fine mundi, quid post finem, quid prædestination, quid reprobatio, via aquilæ in cœlo, et via navis in mari, via colubri supra petram, via viri in adolescentia. Tria stellis convenient: nam sunt eminentes, lucentes, ordinem servantes: sic sancti hæc habent, et ideo sancti stellis comparantur. De primo dicitur<sup>4</sup>, quod eorum « conversatio semper in cœlis est. » De secundo dicitur<sup>5</sup>: « Vos estis lux mundi. » De tertio<sup>6</sup>: « Introduxit me rex in cellam vinariam (b), ordinavit in me charitatem. »

*9. Pullis corvorum invocantibus eum.* Legitur quod pullus corvi non pascitur ab eo, donec habeat plumas similes plumis patris; sed interim pascitur rore cœli, et ideo dicitur Deum invocare.

*11. Beneplacitum est Domino super timentes eum, et in eis qui sperant super misericordia ejus.* Timori subjungit spem: vanus enim timor est quem non firmat fiducia. Spes enim necessaria est in præsenti cum patientia, et fortitudine: Deus enim tribulato tribuit patientiam, fortitudinem, spei certitudinem: fortitudinem, ut sustineas; patientiam, ut non resistas; spem, ut expectando diligas.

### PSALMUS DAVID CXLVII.

*12. Lauda, Jerusalem, Dominum.* Hic Psalmus loquitur in persona eorum, qui

(a) *Cæt. edit.* significat. — (b) *Vulg.* in cellaria sua.

<sup>1</sup> Gen., xxvii, 11. — <sup>2</sup> Sap., xi, 21. — <sup>3</sup> Vide supra, in Psal. XXXVIII. — <sup>4</sup> Philip., III, 20. — <sup>5</sup> Matth., v, 14. — <sup>6</sup> Cant., i, 4.

consolantur de spirituali reparatione Jerusalem , sicut ad litteram prophetæ de reparatione Jerusalem corporali.

**Deus quare laudandum.** 13. *Quoniam confortavit seras portarum tuarum.* Illic quatuor ponit, quare Deus debeat laudari : securitatem , quia clausa erit janua, quod ibi notatur : *Confortavit seras portarum tuarum*; sed quia securi possunt esse in miseria, subdit glorificationem, ibi : *Benedixit filiis tuis in te.* Sed si gloria non esset perseverans, non esset plena beatitudo : ideo subdit sufficientiam , ibi (v. 14) : *Et adippe frumenti satiat te.* Sed ut eo possumus pervenire, nobis in via dedit viaticum, scilicet Christum, unde subdit (v. 15) : *Emittet eloquium suum vehementer*, id est, Christum, Verbum Patris, quod Pater misit. Nihil enim Filius Dei e seipso fecit, sed omnia fecit missus, ut jussus, ut vocatus, vel ductus, unde <sup>1</sup> : « Missus venit in mundum; » ductus in desertum, unde hoc <sup>2</sup> : « Ductus est Jesus in desertum; » jussus passionem subiit, unde <sup>3</sup> : « Factus obediens usque ad mortem; » vocatus surrexit, unde <sup>4</sup> : « Exurge, gloria mea. »

**Peccati triplex genus.** 16. *Qui dat nivem.* Hic tria genera peccati intelligit : infelicitatem , ibi : *Qui dat nivem;* actuale peccatum, sive ignorantiam, ut exponitur ibi, unde dicit : *Nebulam;* peccati obstinationem , ibi (v. 17) : *Mittit crystallum suam:* post subjungit horum deletionem (a). Primum peccatum deletur per Christi incarnationem , unde : *Qui dat nivem sicut lanam,* quæ incarnationem significat ; secundum per pœnitentiam , unde : *Nebulam sicut cinerem spargit*, id est, pœnitentiam ; tertium per prædicationem , ibi : *Mittit crystallum suam.* Nota : ubique hic ponitur *sicut*, pro *per* , et est prothesos paraloge, scilicet præpositio (b) pro præpositione. Illic dicitur <sup>5</sup> : « Quos vocavit , hos et prædestinavit; » nam legitur , quod vocavit filios Israel maxime; sed Judæum fatuum,

<sup>1</sup> *Matth.*, xv, 28; *I Joan.*, iv, 9. — <sup>2</sup> *Matth.*, iv, 1.

— <sup>3</sup> *Philip.*, II, 8. — <sup>4</sup> *Psal.* CVII, 3. — <sup>5</sup> *Rom.*, VIII, 30. — <sup>6</sup> *Luc.*, XVII, 10. — <sup>7</sup> *Ecli.*, XLII, 14. — <sup>8</sup> *Psal.* CXXXIV, 7. Vid. supra, in eundem psalm. — <sup>9</sup> *Luc.*,

Hebræum falsum, Galilæum iniquum, quos, ut legitur, Alexander captivavit. Sed ad hoc ut habeamus plenitudinem vocationis æternæ , oportet nos de Judæo fieri Hebræum , de Hebræo Galilæum : Judæum facit confessio peccatorum ; Hebræum, promotio virtutum ; Galilæum, æternorum contemplatio. Judæus fatuus per simplicitatem , non dolosus in confitendo, ut se excuset. Hebræus falsus pro reputatione : nam <sup>6</sup> « cum omnia beneficerimus, dicamus, quod inutiles servi sumus. » Galilæus iniquus per severitatem , ut irascatur contra peccata : nam <sup>7</sup> « melior iniquitas viri , quam mulier benefaciens (c). »

18. *Flabit spiritus ejus;* et alibi <sup>8</sup> : « Qui producit ventos de thesauris suis. » Venti sunt spiritus sapientiae et intellectus , spiritus consilii et fortitudinis, spiritus scientiae et pietatis, spiritus timoris Domini. Primi quatuor ad intellectum , alii ad affectum pertinent. De illis quatuor ventis, spiritus sapientiae spirat a meridie; spiritus intellectus ab oriente; spiritus consilii ab aquiloni; spiritus scientiae ab occidente.

20. *Non fecit taliter omni nationi.* Hic fit mentio de quadruplici pace in præsenti : Pax quæ duplex in præsenti quærenda. nam pacem debemus querere a Deo per obedientiam, a carne per abstinentiam, a mundo per patientiam, a diabolo per prudenteriam. De prima <sup>9</sup> : « Gloria in excelsis Deo. » De secunda <sup>10</sup> : « Pacem meam do vobis; » quæ qualis sit, subdit <sup>10</sup> : « Non turbetur cor vestrum. » De tertia et quartâ Job <sup>11</sup> : « Omnes bestiæ terræ pacificæ erunt. » Et ibi <sup>12</sup> : « Et scies quia pacem habeat tabernaculum tuum. » Per tabernaculum corpus, per bestias malignas spiritus intellige. Una pax erit in patria, quæ, ut dicit Apostolus<sup>13</sup>, « exuperat omnem sensum. »

### PSALMUS DAVID CXLVIII.

1. *Laudate Dominum, de cœlis. Imperativus.*

<sup>11</sup>, 14. — <sup>10</sup> *Joan.*, XIV, 27. — <sup>11</sup> *Job*, v, 23. — <sup>12</sup> *Ibid.*, 24. — <sup>13</sup> *Philip.*, IV, 7. — (a) *Al.* delectationem. — (b) *Al.* propositio. — (c) *Al.* beneficiens.

tivus quandoque imperative ponitur, ut hie<sup>1</sup>: « Dilige (*a*) proximum tuum, sicut teipsum; » quandoque permissive, ut<sup>2</sup>: « Iraseimini, et nolite peccare; » quandoque consulendo, ut Dominus Iudee<sup>3</sup>: « Quod facis, fac citius; » id est, facies; et hie<sup>4</sup>: « Pone eos ut rotam, » id est, pones; quandoque optando, ut hic<sup>5</sup>: « Miserere mei, Deus; » quandoque congratulando, ut hic: *Laudate Dominum de celis*; quandoque hortando, ut hic<sup>6</sup>: « Agite quod agitis. »

*4. Laudate cum cœli celorum*, scilicet aereum, æthereum, sidereum. Cur enim Lucifer, cum esset in cœlo, diceret<sup>7</sup>: « Ascendam in cœlum, » nisi aliud esset cœlum, quod voluit ascendere? Vel aliter: tres sunt cœli, sive regiones: nam prima regio est spiritus humani; secunda, spiritus angelici; tertia, divini. Vel moraliter: nam primum cœlum ascendere, est ad seipsum redire, et quæ sunt immortalitatis pensare; ad secundum cœlum ascendere, est incorruptionis gloriam suis meritis comparare; ad tertium cœlum ascendere, est usque ad æternitatem penna contemplationis volare, et intellectuales oculos radiis ejus infigere.

*7. Laudate Dominum de terra*. Per cœlum, superiora; per abyssum, aerem; per terram, inferiora; per aquam omnem liquorem intellige: quæ omnia laudant Deum, id est, dant materiam laudandi Deum; et quia de his ad libitum suum operatur, unde dicit<sup>8</sup>: « Omnia quæcumque voluit, fecit in cœlo et in terra, in mari, et in omnibus abyssis. »

*11. Reges terræ, et omnes populi*. Nota: Deus primo fecit mundum; post ornavit herbis, et animantibus diversis; et mundo repleto, quasi domo plena, fecit hominem ultimo, et eum in domum repletam introduxit. Hunc ordinem hic servat, primo ostendens, quod elementa laudent Deum; post, animantia terræ; postea, quod homo.

<sup>1</sup> Matth., xx, 39. — <sup>2</sup> Psal. iv, 5. — <sup>3</sup> Joan., XIII, 27. — <sup>4</sup> Psal. LXXXII, 14. — <sup>5</sup> Psal. L, 3. — <sup>6</sup> Deut., XXXI, 6: *Viriliter agite*. — <sup>7</sup> Isa., XIV, 14: *Ascendam super altitudinem nubium*. — <sup>8</sup> Psal. CXXIV, 6. —

## PSALMUS DAVID CXLIX.

*1. Cantate Domino*. Homo debet cantare pro reparacione mundi, ut elevet vocem et frangat: elevet per ascensum ad contemplationem Dei; frangat per descensum per (*b*) compassionem proximi. Nolite cantare cum Lucifer, quia alta voce in cœlo antiphonam inchoavit, dicens<sup>9</sup>: « Ascendam in cœlum (*c*), et ero similis Altissimo. » Cantate autem cum Christo, qui incipit ab imo, dicens<sup>10</sup>: « Discite a me, quia mitis sum, » etc. In cantu Luciferi tres sunt voices; in cantu Adae tres dissonæ et discordes. In cantu Luciferi, prima vox est elationis, secunda suggestionis, tertia desperationis; in cantu Adae prima vox est, quod diabolo credidit; secunda, consensus; tertia, executionis. In hic sex vocibus constat discordiæ cantus.

*2. Exultent in rego suo*, id est, in Christo, Christus rex, et sacerdos. <sup>sacerdos.</sup> qui est rex et sacerdos; rex, quia nos regit; sacerdos, quia ipse se pro nobis obtulit.

*5. Lætabuntur in cubilibus suis*, quantum ad interiora, unde hoc<sup>11</sup>: « Gloria nostra haec est, testimonium conscientiae nostræ. »

*8. Ad alligandos*. Tria sunt, quibus homo, vel aliquid aliud, ligatur vel stringitur; scilicet funes, clavi lignei vel ferrei, gluten: primum astringit dure et fortiter; secundum etiam fortius et durius; tertium suaviter et secure. His homo ligatur ad Deum: fune ligatur ad Deum quis mystice, quando tentatur, et sæpe; sed habet in memoria promissiones homini factas, et initium honestatis, et hoc fune retinet se, ne propositum suum penitus rumpatur. Clavis aliquis Deo astringitur, quem timor Dei ligat; talis non timet peccare, sed ardere, et ideo timore poenæ declinat a malo. Talis potest dicere<sup>12</sup>: « Conlige timore tuo carnes

<sup>9</sup> Isa., XIV, 14. — <sup>10</sup> Matth., XI, 29. — <sup>11</sup> II Cor., I, 12. — <sup>12</sup> Psal. CXVIII, 120.

(a) Vulg. Diliges. — (b) Leg. ad. — (c) Vulg. super altitudinem nubium.

meas, » etc. Tertio, glutino charitatis ligatur, et unus cum Deo efficitur; quo glutino ligna arcæ ligabantur, scilicet membra Ecclesiæ. Sic Christus primo ad columnam ligatur; post crucifigitur; tertio glutinosa unctione aromatum linitur. Sic Deus homines in duobus prædictis diu esse non patitur; sed ungit unctione misericordiæ suæ, ut resurgent in novitate spiritus, et dicant<sup>1</sup>: « Quis me separabit a charitate Christi? » Nota: Quatuor leguntur cantica: primum victoriae<sup>2</sup>, quod subverso Pharaone, cantatum est; secundum est adhortationis<sup>3</sup>, quod in terra promissionis cantabant; tertium est lætitiae<sup>4</sup>, quod de susceptione filii Anna cantavit; quartum fortitudinis<sup>5</sup>, quod David cantavit, de manu Saul eruptus.

## PSALMUS DAVID CL.

1. *Laudate Dominum in sanctis ejus.*

Tria sunt quæ faciunt hominem sanctum, victus sobrius, sensus pius, actus justus. Victus sobrius est, si continenter, si caste, si charitatively, si humiliter vixerimus; per continentiam notatur charitas, per obedienciam humilitas. Actus justus erit, si fuerit rectus, discretus, fructuosus: rectus per bonam intentionem; discretus per possibilitatis mensuram; fructuosus per proximorum utilitatem. Sensus pius, si mens nostra fortiter Deum imploret summe potentem, summe sapientem, summe bonum, ut per ejus potentiam credamus adjuvari nostram infirmitatem; per ejus sapientiam, corrigi nostram ignorantiam; per ejus bonitatem credamus dilui nostram infirmitatem.

2. *Laudate eum in firmamento virtutis ejus.* Virtus et firmitas in triumphibus; sed infirmitas in militantibus. Nam infirmitas corporis aut (a) continua, aut (a) subitanea; sic infirmitas animæ aut (a) continua, aut (a) subitanea. Continua infirmitas in anima, quando

in peccato assidue jacet, et continue Deo deformis apparet; subitanea est, cum irruente subita tentatione, anima per culpam nigrescit, sed statim per confessionem ad poenitentiam redit. Qui (b) est indignus secundum primum modum, non debet corpus Christi sumere; unde Apostolus<sup>6</sup>: « Qui sumit indigne, judicium sibi manducat et bibit. » Sed indignus secundo modo, potest sumere.

6. *Omnis spiritus laudet Dominum*, in quocumque loco sit, sive in cœlo, sive in terra. Nam nusquam securitas, nec in cœlo, nec in paradyso, multo minus in mundo. Locus enim non facit hominem sanctum, sed homo locum: in cœlo enim Angelus cecidit, sub præsentia divinitatis; in paradyso, Adam de loco voluptatis; in mundo, Judas de schola virtutis et Salvatoris.

2. *Secundum multitudinem magnitudinis ejus (c).* Deus est magnus: nam habet quatuor dimensiones: quia Deus est longitudo, latitudo, sublimitas, et profunditas: longitudo in Deo est æternitas, quæ est tam longa, ut non habeat terminum temporis, vel loci. Latitudo, charitas est, quæ nullis terminis angustiatur, quæ extenditur etiam usque ad inimicos. Sublimitas in Deo est, quia supra omnia est. Profundum in Deo, quia intra omnia est. De his Apostolus<sup>7</sup>: « O altitudo divitiarum, » etc. Est ergo longitudo in Deo per æternitatem, altitudo per majestatem, latitudo per charitatem, profundum per sapientiam. Unde homo, si manet perseveranter, habet longitudinem; si amat inimicos, latitudinem; si habet sollicitudinem et timorem, habet sublime, et profundum. Habe ergo stuporem, pavorem, fervorem, sustinentiam, quæ respondeant prædictis, quæ Dei sunt. Sublimitas in Deo stupenda, pavenda, vel timenda, est judiciorum abyssus; charitas erigit fervorem; æternitas, sustinendi perseverantium.

Notandum, quod psalmus iste centesimus quinquagesimus est. Haec tria querantur, quare sint centum quinquaginta psalmi, et Quæstio

<sup>1</sup> Rom., VIII, 35. — <sup>2</sup> Exod., XV, 1. — <sup>3</sup> Deut., XXXII, 1. — <sup>4</sup> I Reg., II, 1. — <sup>5</sup> II Reg., XXII, 2. — <sup>6</sup> 1 Cor., XI, 29. — <sup>7</sup> Rom., XI, 33.

(a) Cœl. edit. ad. — (b) Item quia. — (c) Item tuæ.

triplex  
de Psal-  
mis.

quare per quinquagenas dividitur liber iste, et quare per tres. Notandum, quod dicitur per septenarium significari Vetus Testamentum; per octonarium, Novum. Nam septenarius dicitur Pallas, scilicet virgo, id est, sterilis: nam nullus numerus, praeter unitatem, septenarium generat, vel generatur a septenario: nam si septenarius generat aliquid ultra denarium, ibi non sunt numeri, sed recapitulatio numerorum. Sic Vetus Testamentum sterile non dabat gratiam, quia <sup>1</sup> « lex neminem duxit ad perfectum; » nec datum est a gratia, nam Deus dedit illud in ira sua, quasi extorserunt a Deo. Sed (*a*) octonarius generatur ab aliquo numero: nam bis quatuor sunt octo. Nota: Datum est a gratia, et confert gratiam; et notandum, quod sicut octonarius præfertur septenario, ita Novum Testamentum præfertur Veteri. Nam in tribus præcellit: in revelatione figurarum, in impletione promissorum, et in magnitudine præmiorum. Nam, quod obscurum ibi, hic manifestum; quod ibi promittebatur, hic datur; ibi temporalia, hic æterna. Hanc præminentiam repreäsentat Ecclesia, quæ tria facit, dum legitur Evangelium: nam audit capite revelato, ad ostendendum omnia Veteris Testamenti obscura, tempore Evangelii revealata; cum silentio, ad ostendendum secundam præminentiam: solent enim tacere pueri, cum accipiunt missa; voce elevata terminatur, ad ostendendum præmiorum celsitudinem. Evangelia enim voce elevata terminantur, sic: « Plenum gratiæ et veritatis: » sed lectiones Veteris Testa-

Novum  
Testa-  
mentum  
Vetus  
præcellit  
in tribus

Ritus  
Ecclæ-  
sie, dum  
legitur  
Evange-  
lium.

<sup>1</sup> *Hebr.*, viii, 49. — <sup>2</sup> *Jerem.*, vi, 44. — <sup>3</sup> *Joan.*, XIV, 27. — <sup>4</sup> *Philip.*, IV, 7. — <sup>5</sup> *Psal.* LXXXIV, 11. — <sup>6</sup> *I Cor.*, IX, 24.

menti in imo terminantur, sic: « Hæc dicit Dominus Deus exercitum; » quia terrena quæ de orsum sunt, non hie querimus, sed aeterna quæ sursum sint. Illud quoque, quod hi tres status distinguntur: duo in præsentí, unus in futuro. Solent tamen tres status distingui in præsentí: primus, quando expletur concupiscentia; secundus, quando exercetur pœnitentia; tertius, quando justitia diligitur. In utroque autem statu, primo et secundo, est pax. Nam alia est pax ante pœnitentiam, quando spiritus obtemperat carni; alia post actam pœnitentiam, quando caro subjicitur spiritui. Prima est, quando caro concupiscit, et spiritus acquiescit; secunda est, quando imperat, et caro ei non obtemperat. De prima <sup>2</sup>: « Pax, pax, et non erat pax. » De secunda <sup>3</sup>: « Pacem relinquo vobis. » In tertio statu erit pax sine magna lucta, de qua dicitur <sup>4</sup>: « Pax Dei, quæ exuperat omnem sensum. » In primo est pax, et sola; in secundo justitia, et sola; in tertio, justitia et pax, quia blando osculo junguntur: unde dicitur <sup>5</sup>: « Justitia et pax osculatae sunt. » In quo statu: *Omnis spiritus*, ibi existens, laudet (*b*) *Dominum*. Notandum, quod sententia sermonis pendet in fine. Omnis oratio usque ad finem suspenditur; fini acclamatur; fini respondet; fine judicatur; id est, ante finem pendula sunt omnia, et nusquam locantur. Ante finem possunt prave dicta corrigi, prætermissa suppleri, superflua resecari, bene dicta depravari; tamen manum corrigentis postulo, non detrahentis: et finis omnia concludit, omnia locat, omnia perficit. Sola enim perseverantia <sup>6</sup> « accipit bravium. » *Amen*, dicant omnia.

(a) *Cart. edit.* Sic. — (b) Item *laudate*.

Finis.

# EXPOSITIO IN LIBRUM ECCLESIASTÆ <sup>(a)</sup>

---

## ARGUMENTUM

(*Ex edit. Vatic.*)

Expositio sequens in librum *Ecclesiastem* nomine sancti Bonaventuræ in initio et in fine inscripta luculentis litteris extat in antiquo exemplari monasterii sancti Joannis in Seyts ordinis Carthusiani. Est sane, ut reliquæ tanti doctoris expositiones, commentarii et libri, non verbis affluens, sed eruditio et seraphico more, sententiis gravibus distincta, et rerum ubertate fecunda : usque adeo, ut ex auctore doctrina, et ex doctrina auctor facile comperiatur.

---

## PROCÆMIUM <sup>1</sup>

« Beatus vir <sup>2</sup>, cuius est nomen Domini spes ejus, et non respexit in vanitates et insanias falsas. » Cum , sicut vult beatus Dionysius <sup>3</sup>, bonum sit primum appetibile ; bonum autem cum sit duplex, temporale scilicet, et æternum, juxta illud <sup>4</sup> : « Quæ videntur, temporalia sunt; quæ autem non videntur, æterna sunt : » duplum in nobis generat amorem , sive appetitum , scilicet charitatis, et libidinis , ut charitas sit amor rediens ad æterna , libido ad terrena. Et quia convenientiam et differentiam appetituum sequitur convenientia et disconvenientia morum, et secundum convenientiam in legibus et moribus consistit unitas civitatis : ex hoc dupli amore duplex oritur civitas , scilicet superna Jerusalem, et civitas Babylonis. Primæ fundamentum est charitas ordinata; secundæ, libido perversa. Supernæ ergo civitas , quia fundata est in charitate , quæ erigit ad æterna, in æternis

Amor  
duplex  
in nobis.

Civitas  
duplex.

Beati-  
do du-  
plex.

quiescit , et in eis beatitudinem ponit. Babylonis vero civitas, quæ per libidinem deprimitur ad terrena, in his terrenis beatitudinem ponit. Et sic relinquunt ex prædictis, quod sicut duplex bonum est, sic duplex amor, sic duplex civitas, sic etiam beatitudo duplex , vera scilicet in æternis , falsa in temporalibus et caducis. « Beatum dixerunt populum <sup>5</sup>, cui hæc sunt. » Et sicut amor charitatis , et libidinis , sic obviant sibi, ut simul esse non possint ; sic hæc duæ beatitudines : « nemo enim <sup>6</sup> potest duobus dominis servire. » Ideo si quis vult esse beatus, necesse est ut futura bona diligat, et contemnat præsentia. Ideo Spiritus sanctus, per Psalmistam, virum beatum ab hoc dupli actu describit : a supernorum delectatione, quæ faciunt beatum : « Beatus vir , cuius est nomen Domini spes ejus; » et a terrenorum aspernatione, quæ faciunt vanum ,

<sup>1</sup>. — <sup>3</sup> Dion., *de div. Nom.*, c. iv. — <sup>4</sup> II Cor., iv, 18.

— <sup>5</sup> Psal. cxliii, 15. — <sup>6</sup> Matth., vi, 24.

(a) *Cat. edit.* Ecclesiastes.

<sup>1</sup> Cf. Edit. Vatic., an. 1588, tom. I, pag. 309; edit. Ven., an. 1754, tom. IX, pag. 148. — <sup>2</sup> Psal. xxxix,

Solus  
Domini-  
nus bea-  
tificat.

Beati-  
do sine  
pace non  
est.

eum dicit : « Et non respexit in vanitates et insanias falsas. » Vere beatus vir, cuius nomen Domini spes ejus : solus enim Dominus beatificat ; nec aliud nomen sub celo est , quod beatificet. Solus enim Dominus est beatus per essentiam.<sup>1</sup> « Serves mandatum sine macula, irreprehensibile , usque in adventum Domini nostri Jesu Christi , quem suis temporibus ostendet beatus, et solus potens , Rex regum, et Dominus dominantium. » Illi soli inest beatitudo et potentia per essentiam ; beatitudo autem nostra est per participationem. Secundum quod est per participationem , ortum habet ab illo , quod est per essentiam : ergo beati sumus , participantes ex fonte beatitudinis , qui est Deus. Ideo scriptum est<sup>2</sup> : « Beati, qui ad cœnam nuptiarum Agni vocati sunt. » Primo enim Deus per dispensationem beatitudinem communicat Agno ; per consequens , qui ab Agno sunt vocati, beati sunt. Solus etiam habet affluentiam , quæ de sapientia , quæ Deus est , dicitur singulariter.<sup>3</sup> « Preterius est eunctis opibus , et omnia quæ desiderantur , huic non valent comparari. »<sup>4</sup> « Longitudo dierum in dextera ejus, et in sinistra illius divitiae et gloria. » Beatitudo autem nostra est<sup>5</sup> per bonorum omnium aggregationem : ergo in eo solo est , qui habet omnium affluentiam. Ideo infertur statim<sup>6</sup> : « Lignum vitae est iis, qui apprehenderint (*a*) eam; et qui tenuerit eam, beatus. » Et<sup>7</sup> : « Venerunt mihi omnia bona pariter cum illa. » Solus habet intransmutabilitatis quietem ; quia omnia variantur , sed non variatur<sup>8</sup> , « apud quem non est transmutatio , nec vicissitudinis obumbratio. » Beatitudo autem nostra est per bonorum congregatorum tranquillam possessionem , quia sine pace beatitudo esse non potest. Cum igitur in nullo sit perfecta tranquillitas , nisi in Deo , nou ergo possumus pacificari , nec beatificari , nisi in Deo; unde dicitur<sup>9</sup> :

<sup>1</sup> *Tim.*, vi, 14, 15. — <sup>2</sup> *Apoc.*, xix, 9. — <sup>3</sup> *Prov.*, iii, 15. — <sup>4</sup> *Prov.*, iii, 16, 18. — <sup>5</sup> *Boet.*, *de Consol.*, ib. iii, pros. 2. — <sup>6</sup> *Sap.*, vii, 11. — <sup>7</sup> *Jac.*, i, 17. — <sup>8</sup> *Apoc.*, xiv, 13. — <sup>9</sup> *1 Tim.*, vi, 16. — <sup>10</sup> *Psal.*

« Beati mortui , qui in Domino moriuntur : amodo jam dicit spiritus, ut requiescant a laboribus suis. » Solus etiam habet aeternitatis immortalitatem , et<sup>11</sup> « lucem habitat inaccessibilem , qui solus habet immortalitatem. » Beatitudo autem nostra est per bonorum possessorum interminabilem durationem : status enim , qui finiri potest , beatus nou est , sed miseriae subjacet. Cum igitur interminabilitas non possit haberi , nisi a fonte immortalitatis , in eo solo beatificatur ; ideo dicitur<sup>12</sup> : « Beati, qui habitant in domo tua, Domine : in sœcula sœculorum laudabunt te ; » quia erit eorum lætitia sempererna.<sup>13</sup> « Venient in Sion cum laude , et lætitia sempererna super caput eorum : gaudium et exultationem obtinebunt. Beatus igitur vir, cuius est nomen Domini spes ejus ; » sed non solum beatus , imo perfecte beatus. Vanus est , qui sperat in mundo ; « respicit enim<sup>14</sup> in vanitates , et insanias falsas : » ideo evanescit , secundum illud : « Elongaverunt a me patres vestri, et ambulaverunt post vanitatem , et vani facti sunt : » *post vanitatem*, id est , post mundum. Mundus enim cum suis vanus est, quia non præbet fulcimentum innitenti ; unde dicitur<sup>15</sup> : « Aegyptus frustra et vane auxiliabitur , eo quod innitenti sibi fulcimentum non præbet. » Est enim bæculus arundineus , super quem si innixus fuerit homo , perforabit ambas manus ejus; quia mundus et mundana omnia omnes in eis confidentes reddunt debiles et inanes , et ad omne opus bonum ineptos : ideo dicitur manus perforare. Ideo desperans Propheta de auxilio mundanorum , petit<sup>16</sup> : « Da nobis auxilium de tribulatione, quia vana salus hominis. » Vanus etiam , quia non præbet plenitudinem continentis , unde dicitur<sup>17</sup> : « Avarus non implebitur pecunia. » Et ratio hujus est , quia mundana omnia vana , et vana non implent. Unde dicitur<sup>18</sup> :

<sup>10</sup> *LXXXIII*, 3. — <sup>11</sup> *Isa.*, xxxv, 10. — <sup>12</sup> *Jerem.*, ii, 5. — <sup>13</sup> *Isa.*, xxx, 7. — <sup>14</sup> *Psal.* lix, 13. — <sup>15</sup> *Eccle.*, v, 9. — <sup>16</sup> *Eccle.*, xxxiv, 1, 2. — (*a*) *Al.* apprehenderunt.

Vanus  
quis di-  
catur.

Mundus  
arundi-  
neo ba-  
culo  
compa-  
ratur.

« Vana spes , et mendacium viro , et insensato ; quasi qui apprehendit umbram , et sequitur ventum , sic qui attendit ad vana (a) mendacia : » unde sicut ventus non satiat ventrem , nec umbra replet ; sic nec temporalia , quæ sunt umbra æternorum , ad quæ anima est creata. Vanus etiam est , quia non dat quietem laboranti ; et ideo qui pro mundanis laborat , in vanum laborat.<sup>1</sup> « Quid proderit homini de universo labore suo , quo laborat sub solem (b)? Cuneti dies ejus laboribus (c) et ærumnis sunt pleni , nec per noctem mente quiescit (d) : et hoc nonne vanitas est , » quia laborat in vanum , quia non quiescit ? Mundus iste non potest dare quietem , quia nec ipse permanet , imo semper circuit : ergo qui ei adhærent , necesse habent circuire. Ideo dicitur<sup>2</sup> : « In circuitu impii ambulant. » Vanus etiam , quia non præbet fructum diligenti , unde dicitur<sup>3</sup> : « Qui amat divitias , fructum non capiet ex eis ; et hoc ergo vanitas. » Non capiet fructum , imo magis damnum ; quia lucrando mundum , perdit Deum , et perdit seipsum , et secundum quod inquit Dominus<sup>4</sup> : « Quid prodest homini , si universum mundum lucretur , animæ vero suæ detrimentum patiatur ? » Homo , lucrando mundum , patitur animæ detrimentum : mundus enim , prætendendo altitudinem , erigit in superbiam , et per hoc hominem evanescere facit , juxta illud<sup>5</sup> : « Vir vanus in superbiam erigitur , et tanquam pullum onagri se liberum putat ; » dum enim ad vana extenditur , in vanam superbiam elevatur , secundum illud<sup>6</sup> : « Elevasti me , et quasi super ventum ponens elisisti valide. » Mundus etiam , prætendendo dulcedinem , inflammat ad luxuriam , sieut vinum sua dulcedine trahit ad gulam , et per hoc ad luxuriam ; unde scriptum est : « Vinum , quod prævalet omnibus , qui bibunt illud , seducit mentem. » Item quia divitis , et orphani facit mentem

<sup>1</sup> Eccle., I, 3; II, 23.—<sup>2</sup> Ps. XI, 9.—<sup>3</sup> Eccle., V, 9.—

<sup>4</sup> Matth., XVI, 26.—<sup>5</sup> Job, XI, 12.—<sup>6</sup> Job, XXX, 22.

—<sup>7</sup> Ephes., V, 18.—<sup>8</sup> Eccle., II, 1.—<sup>9</sup> Prov., XXI, 6.

—<sup>10</sup> Eccli., X, 10.—<sup>11</sup> Matth., VI, 21.—<sup>12</sup> I Cor., III, 20;

Mundus  
quare  
non pos-  
sit dare  
quietem.

vanam , et hoc inflammatio ad luxuriam , juxta illud<sup>7</sup> : « Nolite ineibriari vino , in quo est luxuria. » Ad hanc vanitatem mundus traxit Salomonem<sup>8</sup> : « Dixi : Vadam , et affluam deliciis , et fruar bonis : et vidi , quod hoc quoque esset vanitas. » Mundus etiam , prætendendo sufficientiam , trahit ad cupiditatem , et per hoc facit cor hominis vanum , juxta illud<sup>9</sup> : « Qui congregat thesauros lingua mendacii , vanus et excors est. » Non solum avaritia facit hominem vanum , imo etiam sine corde ; dicitur enim de avaro<sup>10</sup> , quia « projicit intima sua ; » quia , secundum quod dicit veritas<sup>11</sup> , « ubi est thesaurus tuus , ibi est et cor tuum : » sed thesaurus est extra : ergo et cor extra. Mundus prætendendo sapientiam , allicit ad curiositatem , et per hoc facit vanum ; unde dicit Apostolus , et trahit a Psalmo<sup>12</sup> : « Dominus scit cogitationes hominum , quoniam vanæ sunt ; » quia secundum illud<sup>13</sup> : « Stultus factus est omnis homo a scientia sua , » scilicet sapientia humana , quæ non cognoscit utilia , sed mutabilia , et ideo Dominus fecit eam stultam , ut inquit Apostolus<sup>14</sup> : « Stultam fecit Deus sapientiam hujus mundi. » Sapientia stulta , vana est , quia erronea ; unde dicitur<sup>15</sup> : « Divinatio erroris , et auguria mendacia , et somnia maleficentium (e) , vanitas est. » Ab hac quadruplici vanitate cordis interiori , quadrupliciter evanescit homo exterior. Primo namque vanitas superbiae reddit infructuosum , juxta illud<sup>16</sup> :

« Non te extollas in cogitatione animæ tuae , velut taurus , ne forte elidatur virtus tua , et relinquareis velut lignum aridum in eremo ; » et ita vanum , quantum ad fructum boni operis , ut dicitur<sup>17</sup> : « Vana sunt opera eorum , et risu digna , quæ die visitationis suæ peribunt. » Vanitas avaritiæ reddit negotiosum , et per hoc multis laboribus obnoxium.<sup>18</sup> « Considerans reperi et aliam

Ps. XCIII, 11.—<sup>13</sup> Jerem., X, 14.—<sup>14</sup> I Cor., I, 20.—

<sup>15</sup> Eccli., XXXIV, 5.—<sup>16</sup> Eccli., VI, 2.—<sup>17</sup> Jerem., LI,

18.—<sup>18</sup> Eccle., IV, 8.—(a) Vulg. Visa.—(b) Item sole.

—(c) Item doloribus.—(d) Item requiescit.—(e) Al. ma-

Avaritia  
effectus  
malus.

Homo  
quadru-  
pliciter  
evanescit.

vanitatem sub sole : unus est, et secundum non habet, et tamen laborare non cessat, nee satiantur oculi ejus divitiis. » Divitiae enim sunt dii alieni, de quibus dicitur<sup>1</sup> : « Servietis diis alienis, qui non dabunt vobis requiem die ac nocte. » Vanitas luxuria reddit hominem compositum, quia luxuriosi se exterius consueverunt ornare; unde in persona eorum dicitur<sup>2</sup> : « Coronemus nos rosis, antequam marcescant : » et hoc quidem vanitas, quia dicitur<sup>3</sup> : « Fallax est gratia, et vana est pulchritudo. » Ideo vana, quia omnis gloria et pulchritudo carnis, tanquam flos foeni. Vanitas mundanæ sapientiae reddit vaniloquium: dum enim cor errat, os vana pronuntiat.<sup>4</sup> « Finis praecepti est charitas de corde puro, et conscientia bona, et fide non fieta, a quibus quidam aberrantes conversi sunt in vaniloquium, non intelligentes, neque quæ loquuntur, nec de quibus affirmant : » et quia mundana sapientia sunt corrupti et decepti, alios volunt per vana verba seducere (*a*). Unde<sup>5</sup> : « Sunt multi inobedientes, vaniloqui, et seductores, maxime qui de circumcisione sunt, quos oportet redargui. » Sic igitur a vanitate rerum exteriorum oritur vanitas cordium, et ab hac oritur vanitas exteriorum operum. Secundum hoc igitur colligitur, quod triplex est vanitas, scilicet mutabilitatis, iniquitatis, et poenitatis; et secundum quod dicit Hugo de Sancto Victore: « Prima est naturalis, quia apta; secunda culpabilis, quia perversa; tertia poenalis, et misera: et habet una ortum ab alia, ut videtur<sup>6</sup>. Qui igitur vult recedere a vanitate miseriae, deserat vanitatem culpæ; et qui hanc vult deserere, non respiciat ad vanitatem mutabilitatis naturæ, sed speret et adhæreat Deo: sic beatus est. » Beatus igitur vir, cuius est nomen Domini spes ejus, etc.

Quoniam igitur sapientis est viam docere ad veniendum in beatitudinem, hoc fuit prae-

<sup>1</sup> Jerem., xvi, 13. — <sup>2</sup> Sap., II, 8. — <sup>3</sup> Prov., XXXI, 30. — <sup>4</sup> I Tim., I, 5, 6. — <sup>5</sup> Tit., I, 10. — <sup>6</sup> Idem infra, c. I, pag. 588, col. 1.

cipuum et operæ pretium sapienti Salomoni: sed quia, ut patet ex dictis, ad beatitudinem necesse est aeterna diligi, et præsentia despici, et ulterius scire in medio prævæ nationis debite conversari; ideo tres libros edit: *Proverbiorum* scilicet, in quibus docet <sup>Salomonis libri.</sup> sapienter in hoc sæculo conversari; *Ecclesiasten*, in quo docet præsentia contemnere; et *Cantica Canticorum*, in quibus docet cœlestia diligere, maxime ipsum Sponsum. Sic igitur patet, quis sit finis libri Ecclesiastæ (*b*). Et quoniam finis imponit necessitatem his quæ sunt ad finem; cum finis sit contemptus præsentium, de eis tractat non ea ratione qua attrahunt, sed ea ratione qua contemnuntur: attrahunt sub specie boni, sed contemnuntur sub specie vani: ideo sequitur ex hoc, quod materia hujus libri fuit rerum præsentium vanitas, sive ipsæ res, secundum quod vanæ, ut melius dicatur, quia vanitatem, quasi passionem probat in rebus, primo proponens, secundo probans, tertio concludens. Unde procedit persuadendo, et probando illam, scilicet triplicem vanitatem, quæ supradicta est, scilicet naturæ, culpæ, et miseriae. Et ex hoc patet modus agendi, sive forma: habet enim modum agendi singularem inter alios libros: procedit enim ut concionator, diversorum sententias proponendo, modo sapientis, modo stulti, ut ex plurim sententiis una clarescat veritas in animis auditorum. Ex prædictis concluditur, quis debuit esset efficiens. In isto enim libro docentur contemni voluptates, divitiae, honores, et curiositates, tanquam vanitates. Et quia non creditur de contemptu talium, nisi experto (non enim creditur pauperi, qui non habuit divitias, de ipsarum contemptu, quia non est exportus, et ideo non recognoscit); oportuit quod esset talis, qui omnium haberet experientiam horum, scilicet, qui esset potens, dives, luxuriosus, et curiosus, sive sapiens: nullum alium legimus, nec audivimus in tanta excellentia habuisse, sicut habuit Salomon: (*a*) *Al. reducere.* — (*b*) *Cat. edit. Ecclesiastes.*

ideo ipse præ cæteris fuit talis libri convenientior auctor.

Patet igitur, quæ sit hujus libri causa materialis, formalis, efficiens, et finalis: sed juxta has quatuor causas, quatuor pericula possunt quæri: primo de fine, dicitur enim quod finis libri est contemptus mundi; quod autem sic sit determinatus, probatur per illud, quod dicitur<sup>1</sup>: « Amicitia hujus mundi inimica est Dei: » sed omne quod Deo est inimicum, bonum est contemnere. Item<sup>2</sup>: « Nolite diligere mundum, neque ea quæ in mundo sunt. »

Sed contra: Laus operis redundat in artificem: ergo et contemptus operis redundat in eumdem: ergo qui contemnit mundum, contemnit Deum: aut igitur iste mundus non est factus a Deo, aut non est contemnendus. Item<sup>3</sup>: « Universa propter semet ipsum operatus est Dominus: » ergo omnia ordinantur ad Deum: sed quod ordinatur in finem, non est contemnendum, sed accipendum et amandum: ergo mundus iste, et ea quæ sunt in eo, sunt amanda.

Respondeo dicendum, quod sicut vult Augustinus<sup>4</sup>, et Hugo, mundus iste est quasi quidam annulus datus a Sponso ipsi animæ; sponsa autem dupliciter potest diligere annulum a sponso sibi collatum, amore scilicet casto, et adulterino. Amor castus est, quo diligit annulum in memoriam sponsi, et propter amorem sponsi; adulterinus, quo diligit annulum plus quam sponsum, et hoc sponsus non potest non habere pro malo. Sicut enim duplex est amor, ita duplex est odium vel contemptus, quia quoties dicitur unum oppositorum, et reliquum: contemptus annuli, quasi sit parvum vel vile donum, redundat in sponsum; sed contemptus annuli, quasi nihil reputetur comparatione amoris sponsi, iste est ad gloriam sponsi, et de hoc contemptu dicitur<sup>5</sup>: « Si dederit homo omnem substantiam domus 'suæ pro dilectione, quasi nihil despiciet eam. » De

hoc contemptu est hic sermo, et sic patent objecta. Postmodum quæritur de materia, et dicitur, quod hic agitur de vanitate. Sed contra: Omnis scientia est de bono et vero: sed vanum privat bonitate et veritate: ergo de ipso non est scientia. Præterea videtur, quod in rebus non sit vanitas, quia dicitur<sup>6</sup>: « Vedit Deus cuncta quæ fecerat, et erant valde bona: » ergo si omnia sunt valde bona, nihil est vanum. Præterea vanum est et frustra, quod non est ordinatum in finem, sicut si aliquis se balnearet ut sol deficeret, in vanum operaretur, quia hoc non est ordinabile ad illud: sed omnes creaturæ tendunt ad summum bonum suo modo, ut dicit Dionysius<sup>7</sup>, et Boetius<sup>8</sup>, quod omnia bonum exoptant, et etiam Philosophus<sup>9</sup>: ergo nihil in rebus omnibus reperitur vanum. Præterea si reperitur, et scientia ista est fundata super illud tanquam super subjectum, et quod fundatur est vanum: ergo hæc scientia vana est.

Ad intelligentiam prædictorum, uno modo potest dici sic, quod vanum dicitur dupliciter: uno modo simpliciter, et sic privat vero et bono, et tale non est in universo; est alio modo vanum per comparationem ad terminum initialem, quia de nihilo, et sic non repugnat bono, imo unum et idem quod est bonum, et vanum: sed bonum, quia a bono, et ad bonum; et vanum, quia de nihilo, et sibi relictum tendit ad nihil: et talis varietas habet bonitatem sub scientia: et ideo de tali potest esse scientia, vel doctrina. Et per hoc responderi potest ad omnia objecta; quia procedunt, ac si essent de vano simpliciter. Sed hæc solutio non solvit; quia non agit Ecclesiastes de rebus secundum quod sunt ex nihilo, imo secundum quod ab omnibus appetuntur. Et præterea agit de vanitate culpæ, quæ privatio est: ideo oportet aliter dicere, et respondeo dicendum, quod sicut verum dicitur tribus modis, ita

*An da va-  
no possit  
esse  
scientia.*

*Solutio.  
Vanum  
duplici-  
ter dici-  
tur.*

*Vernm  
triplici-  
ter dici-  
tur.*

<sup>1</sup> Jac., iv, 4. — <sup>2</sup> I Joan., II, 15. — <sup>3</sup> Prov., XVI, 4.

— <sup>4</sup> Aug., Enarr. in Psal. XXXVI. — <sup>5</sup> Cant., VIII, 7.

— <sup>6</sup> Gen., I, 31. — <sup>7</sup> Dion., de div. Nom., c. IV. — <sup>8</sup> Boet., de Consol., lib. III, pros. 2. — <sup>9</sup> Arist., Ethic., lib. I, c. I.

tur, et  
vanum  
similiter

et vanum sibi oppositum, per regulam supradictam. Uno modo dicitur verum, secundum quod convertitur cum ente; et sic dicitur quod omne ens est verum; et sic vanum vero oppositum dicitur non ens, sicut dicimus quod chimæra non est ens. Alio modo dicitur verum, secundum quod ultra entitatem addit ordinem ad operationem et finem, sicut dicitur verum vinum, quod habet veram operationem vini: sic homo verus, qui habet operationem debitam homini: et hæc est operatio virtutis: et sic vanum dicitur per privationem ordinationis in finem, et sic peccata omnia et abusiones vanæ fiunt. Alio modo dicitur verum, secundum quod addit supra esse impermixtionem ad non esse, quod nullo modo habet potentiam ad illud; et sic dicitur habere verum esse, quod habet esse immutabile; et hoc modo vanum opponitur vero per privationem esse illius, quod est immutabile et intransmutabile. Et sic<sup>1</sup> «omnis creatura est subjecta vanitati,» quia mutabilitati. Sic igitur dicitur vanum triplex: uno modo per privationem esse simpliciter; alio modo per privationem esse ordinati; tertio modo, per privationem esse intransmutati.

De primo, nullo modo est scientia nec doctrina, nisi forte habeat esse in causa, et secundum illud cognosci et edoceri: et sic non est vanum; sed secundum quod vanum est, nec per se, nec per accidens est scientia. De secundo modo non est scientia per se, sed per accidens: sicut enim medicina est scientia sani et ægri, sani quidem per se, ægri vero per accidens, ut vult Philosophus; sic de culpa vel peccato est theorica, sed ratione virtutis. De tertio modo, scilicet de mutabilitate creaturæ, scientia est per se, sicut patet de motu solis, et orbium, et aliarum rerum. In hoc igitur libro agitur de vanitate mutabilitatis, sive naturæ, quia est pulchra et apta, et de vanitate culpæ; de alia vanitate, scilicet privationis omnimodæ, non agitur, quia de illa non est scientia, neque doctrina.

De qua  
vanitate  
in hoc li-  
bro agi-  
tur.

Quod ergo primo objicitur, quod omnis scientia est de bono et vero, verum est per se; sed de vano etiam potest esse ratione veri: et qui recognoscit principia vera, et falsa cognoscit; et sicut est de æstro et sano, similiter etiam in proposito.

Quod objicitur, quod creaturæ non sunt vanæ, quia valde bonæ, et in finem ordinatæ, solvendum, quod non dienuntur vanæ per defectum boni vel ordinis, sed per defectum esse incommutabilis; et sic omnis creatura est vana, nec ita vana, quin habeat veritatem et bonitatem: et ideo scientia et doctrina de ipsa est vera. Item quæritur de modo agendi: dictum est enim, quod agit et loquitur in personis diversis, scilicet fatui et sapientis. Sed<sup>2</sup> « ex ore fatui reprobatur parabola: » ergo et sententia dicta in persona fatui non est attendenda: ergo si sententia librorum sacerorum est attendenda, non debet loqui in persona fatui. Item, quæ dicit in persona fatui et carnalis, sunt reprobanda: sed nescitur, quando loquitur, utrum hoc dicat in persona propria, vel aliena: ergo nescitur, quid in hoc libro tendendum, quid reprobandum: ergo hæc scientia via est ad errorem: sed libri sacrae Scripturæ debent purgare errorem: ergo liber iste follendus est de canone. Respondeo dicendum, quod loqui aliquid in persona fatui vel carnalis, est dicere, vel ut approbet, vel ut reprobet et vanum esse ostendat: primo modo non convenit scientiæ veritatis; secundo modo convenit, sicut si aliquis vellet errorem reprobare, et prius illum (a) explicaret, postmodum destrueret: et hoc modo loquitur, non primo: et ideo non est reprobandus, imo commendandus, quia reprobatur reprobanda.

Quod objicitur, quia nescitur quando loquitur in persona sua, dicendum, quod disputationis altera pars non potest sciri, quo usque veniatur ad sententiam et determinationem; quia in solutione scitur, quid eligatur, et quid reprobetur: sic dico, quod

<sup>1</sup> Rom., viii, 20. — <sup>2</sup> Eccli., xx, 22.

(a) Cœt. edit. illud.

solutio  
objecto-  
rum.

Creatu-  
ra quo  
modo va-  
na di-  
cantur.

Ecclesiastes procedit quasi disputando usque ad finem libri, et in fine dat sententiam, cum dicit : *Finem loquendi omnes pariter audiamus : Deum time, et scito, quod pro omni errato adducet te Deus in judicium.* In quo verbo damnat omnes sententias factuorum, et carnalium, ac mundanorum. Unde quod illi sententiæ concordat, in propria persona dicit ; quod vero discordat, in persona aliorum : et ideo non potest sciri liber iste, nisi audiatur totus.

Potest etiam quaeri ultimo de effidente, et Salomon auctor hujus libri. dictum est, quod efficiens fuit Salomon : quod autem non conveniat talem esse auctorem, videtur; quia ipse fuit peccator et carnalis: sed quando carnalis prædicat spiritualitatem, potius scandalizat, quam ædificet : ergo liber iste potius est ad generandum scandalum, quam ædificationem. Item dicitur a Deo peccatori<sup>1</sup> : « Quare tu enarras justitias meas? » ergo si Salomon peccator erat, ergo peccabat divinam justitiam enarrantando. Præterea bonus auctor facit fidem ; unde habet robur locus ab auctoritate : ergo malus auctor nullam fidem : sed libri sacri sunt ad sustentandam fidem : ergo.

Ad hoc respondendum, quod sicut dicit Hieronymus<sup>2</sup>, et tradunt Hebræi, liber iste Salomonis fuit pœnitentiam agentis : et quia non abjicit Deus pœnitentes, sed potius acceptat, secundum hoc non erat Salomon in statu reprehensibili, quando hunc librum scripsit. Aliter potest responderi, quod Spiritus sanctus non tantum loquitur vera et bona per bonos, imo etiam per malos ; unde ipse Deus in Evangelio dicit<sup>3</sup> : « Quaecumque dixerint vobis, servate et facite ; secundum opera vero eorum nolite facere : » unde per Balaam expressissime prophetavit ; sic et per Salomonem, etiam carnalem, multa bona dixit. Quod ergo objicitur, quod ipse peccabat ; respondetur, quod sibi erat donum sapientiæ commissum specialissime inter alios : et quia tenebatur talentum Domini non abscondere, debebat docere popu-

lum Domini, et verbo, et scripto, maxime cum esset ad ejus regimen institutus. Unde non peccabat in hoc, quod docebat ; sed quod in hoc non debite se disponebat.

Quod objicitur, quod non est credendum libro, cuius auctor non sit dignus fide ; respondeo : Sicut credimus prophetis, quia non per se, sed per Spiritum sanctum locuti sunt, sic et in omnibus libris Scripturæ, quia Spiritu sancto dictante sunt editi : unde bonitas personæ non facit ad majorem vel minorem fidem, hoc supponendo quod fuerit per Spiritum sanctum locutus : et quia constat nobis Salomonem spiritu sapientiæ fuisse repletum, ut patet<sup>4</sup>, ideo Ecclesia indubitanter recipit libros ejus.

Huic libro præmittit sanctus Hieronymus proœmium, in quo primo manifestat motivum ad transferendum ; secundo determinat translationis modum, ibi : *Hoc breviter admonens.* Prima pars habet tres partes : primo ostendit quid moverit eum ad inchoandum, scilicet intercessio Blæsillæ ; secundo tangit quid impedit addifferendum, scilicet mors ejusdem, ibi : *Itaque, quoniam in procinctu,* etc. ; tertio, quid movit ad consummandum, scilicet et ejus memoria, et intercessio Eustochii et Paulæ, ibi : *Nunc in Bethlehem positus, hoc breviter admonens.* Hic est secunda pars principalis prologi, in qua determinat translationis modum ; et habet duas partes : primo ponitur modus, scilicet quod nec omnino convenit cum aliis, nec omnino differt, imo in quibus potuit, uno modo eos est imitatus ; secundo subjungitur ratio hujus, ibi : *Ut nec novitate mea,* etc. Et est ratio, quia secutus est in aliquibus, ne videretur nimiam ingerere novitatem ; nec omnino secutus, ne desereret veritatem.

*Verba Ecclesiastæ*, etc. Iste talis liber dividitur in tres partes : in titulum, sive proœmium ; et tractatum, qui incipit ibi : *Vanitas vanitatum,* etc. ; et epilogum, qui incipit ibi : *Cumque esset sapientissimus Ecclesiastes.*

Divisio  
libri in  
tres par-  
tes.

prope finem. — <sup>3</sup> Matth., xxiii, 3. — <sup>4</sup> III Reg., iii, 11.

<sup>1</sup> Psal. XLIX, 6. — <sup>2</sup> Hieron., in lib. Eccle., c. 1,

In titulo manifestatur efficiens; in tractatu materia, et forma; in epilogi finis. In titulo igitur manifestatur auctor quantum ad sapientiam, quantum ad bonitatem, et quantum ad regiam potestatem. Ratione sapientiae dicit: *Verba Ecclesiastæ*, supple, quæ sequuntur, sunt verba Ecclesiastæ; quia Ecclesiastes dicitur concionator. Et concionator esse non potest, nisi sit sapiens; quia dicitur<sup>1</sup>: « Quomodo si nascatur spina in manu temulenti, sic parabola in ore stultorum; » unde<sup>2</sup>: « Non decent stultum verba composita. » Quantum ad bonitatem, manifestatur, cum dicitur: *Fili David*: David enim sanctus fuit; et imitationis filii, sancti sunt: unde in Scriptura nomen est benignitatis et mansuetudinis, hic<sup>3</sup>: « Miserere mei, fili David. » Quantum ad regiam potestatem, cum dicitur: *Regis Jerusalem*, quia Jerusalem nobilissima erat civitas, et totius regni principium; unde: *Ego Ecclesiastes fui rex Israel in Jerusalem*, quia ibi maxime morabatur.

*Quare huic libro, et Proverbiis, titulus eum nomine Salomonis præmittatur, in Canticis autem minime.* Incidit hic quæstio: cum Salomon tres libros fecerit, quid est, quod libro *Proverbiorum*, et huic præmittit titulum, in quo exprimitur nomen suum, sed non præmittit in *Canticis Canticorum*? Respondeo dicendum, quod in libro *Proverbiorum* introducitur ipse Salomon loquens, ut sapiens ad discipulum; unde vocat auditorem filium: similiter hic introduceitur, ut homo diversa expertus; sed in *Canticis Canticorum* loquitur sponsus et sponsa. Ne igitur videretur, quod essent ibi verba Salomonis ad uxorem suam, ad litteram, quæ sunt Christi ad Ecclesiam, non præmittit ibi nomen suum. Hic autem, quia persona sua ut plurimum loquebatur, et in libro *Proverbiorum*, ideo non præmittit titulum, in quo nomen ejus specificatur et aperitur. Item queritur: in libro *Proverbiorum* dicit: *Parabolæ*; hic autem dicit: *Verba*: si tu dicas, quod ibi loquitur parabolice et figurative, hic autem

aperte, tunc quæro, quare hic, et ibi diversificat modum agendi? Respondeo dicendum, quod quidam est modus loquendi proprius et apertus, quidam parabolicus; et hic est duplex: quidam per parabolas et apertas similitudines; quidam per occultas et profundas. Quoniam ergo Salomon in libro *Proverbiorum* loquitur parvulis et indoctis, idem loquitur parabolice et aperte; quia vero in *Ecclesiaste* proficiensibus, ideo aperte, sed proprie; quia, in *Canticis*, perfectis, quorum est solidus cibus, ideo parabolice et occulte.

Quæstio est, quare in titulo *Proverbiorum* se vocat nomine suo, hic vocat se *Ecclesiasten*? Respondeo dicendum, quod, sicut dicit Hieronymus, Salomon fuit trinomius, quod quidem convenit ei secundum triplicem scripturam, quam edidit. Dictus est enim *Salomon*, dictus *Ecclesiastes*, et *Idida*: *Salomon*, id est pacificus, quia totum regnum in pace possedit, unde et omnibus doctrinam parabolarum tradidit; *Ecclesiastes*, id est concionator, quia in personis loquitur diversorum; *Idida* idem est, quod dilectus Domini. Ideo igitur hic se vocat *Ecclesiasten*, quia in hoc libro diversorum adducit sententias, et secundum hoc diversimode persuadet. *Idida* dictus est in titulo *Psalmi* <sup>4</sup> *Eructavit*, qui de ipso ad litteram.

Item queritur, quare hic se dicit filium David et regem Jerusalem, sed in *Proverbiosis* dicit regem Israel? Respondeo: una sumiter ratio ex parte auctoris, quia secundum quod tradunt Hebrei, libet iste fuit Salomonis pœnitentiam agentis, et se humiliantis; non sic liber *Proverbiorum*: et ideo in *Proverbiosis* non denominat se ab alio, imo manifestat totius regni sui potestatem; hic autem se humiliat, et ideo ab alio se denominans, non totam potentiam, sed partem regni indicat. Alia ratio fuit ex parte operis, quia in *Proverbiosis* inducit ad cognitionem agendorum; hic ad contemptum præsentium. Et quia plurimi sunt, qui volunt sapere plus, quam præsentia contemnere, ideo ibi regem Israel,

<sup>1</sup> *Prov.*, xxvi, 9. — <sup>2</sup> *Prov.*, xvii, 7. — <sup>3</sup> *Marc.*, x, 47. — <sup>4</sup> *Psal.* XLIV, 1.

*læ; hic  
verbo Ver-  
ba.*

*Cur hio  
se Eccle-  
siasten  
nominet,  
et in  
Prover-  
biis uo-  
mine  
proprio.*

*Salomon  
fuit tri-  
nomius.*

*Quare  
hic se re-  
gem Je-  
rusalem,  
et filium  
David  
nominet;  
in Pro-  
verbiosis  
autem  
regem  
Israel.*

Quare hic non exprimit finem libri, sicut in Proverbii.  
hic Jerusalem : quia contemptores mundi sunt cives supernæ Jerusalem, qui <sup>1</sup> « non habent hic manentem civitatem, sed futuram inquirunt. » Ex hoc patet solutio illius quæstionis, quæ potest fieri, quare hic non exprimit finem libri, sicut in *Proverbii* : quia finis *Proverbiorum* est sapientia, quæ

allicit ad audiendum; finis hujus libri est mundi contemptus, de quo pauci audire volunt. Ex his patet, quare dixit : *Verba*; quare dixit : *Ecclesiastes*; quare : *filiī David*; quare : *rēgis Jerusalem*; quare etiam non addidit de utilitate sententiæ hujus libri, sicut in *Proverbii*.

## CAPUT PRIMUM.

1. *Verba Ecclesiastæ filii David, regis Jerusalem. Vanitas vanitatum, dixit Ecclesiastes : Vanitas vanitatum, et omnia vanitas.*

*Hic incipit tractatus ; et quia finis impossit necessitatem iis quæ sunt ad finem, cum finis hujus libri sit omnium rerum contemptus, et Dei solius timor, ideo in omnibus intendit ostendere vanitatem. Et quia procedit, tanquam concionator, persuadendo et probando ; ideo tractatus iste habet tres partes : quia primo proponit quod intendit probare, scilicet esse in omnibus vanitatem ; secundo probat, ibi : Quid habet amplius homo ; tertio concludit, tanquam probatum, in ultimo capite circa finem, ibi : Vanitas vanitatum, etc. Proponit ergo in rebus triplex vanitatem, scilicet pœnalitatis, iniuitatis, mutabilitatis. Quantum ad vanitatem pœnalitatis : Vanitas vanitatum, dixit Ecclesiastes, id est, proposuit : de hac infra <sup>2</sup> : Cuncti dies ejus laboribus pleni sunt, nec per noctem mente requiescit : et hoc, vanitas nonne est ? Quantum ad vanitatem iniuitatis, dicit iterum : Vanitas vanitatum, unde Jeremias <sup>3</sup> : « Vana sunt, opus eorum risu dignum ; in die visitationis peribunt. » Quantum ad vanitatem mutabilitatis, dicit : Et omnia vanitas ; quia omnia subjecta sunt mutabilitati. <sup>4</sup> « Vanitati enim subjecta est creatura non volens. » Et <sup>5</sup> : « Cuncta subjacent vanitati, et omnia pergit ad locum unum. » Non igitur est ver-*

borum inculcatio, cum dicit : *Vanitatum, sed intelligibilium mira distinctio.*

Et notandum, quod ista triplex vanitas est consequenter de iis, et una exoritur ex altera : quia vanitas iniuitatis ex vanitate mutabilitatis, licet illa non sit ejus tota causa ; vanitas vero pœnalitatis ex vanitate iniuitatis. Has ergo vanitates ordine præpostero ordinat, et e contrario in consequentibus prosequitur. Et quia illa duplex vanitas ortum habet ex alia vanitate, sed tertia non ; ideo bis dicit : *Vanitas vanitatum*, quia post, tantum vanitas. Notandum etiam, quod hæc triplex vanitas in homine reperitur, quia ipse est, in quem cadit pœna, et culpa, et propter hoc dicitur <sup>6</sup> : « Universa vanitas omnis homo vivens. » Esi enim cum eo vanitas naturæ, vanitas culpæ, et vanitas pœnæ. De vanitate naturæ <sup>7</sup> : « Homo vanitati similis factus est. » De vanitate culpæ <sup>8</sup> : « Dominus scit cogitationes hominum, quoniam vanæ sunt. » De vanitate pœnæ <sup>9</sup> : « Homo natus de muliere, brevi vivens tempore, repletur multis miseriis. » Et notandum, quod ipse Salomon loquitur de se quasi de alio, sicut Joannes dicens <sup>10</sup> : « Hic est discipulus ille, qui testimonium perhibet de his ; » et similiter Moses <sup>11</sup>. Hujus autem potest ratio assignari triplex : una ex parte efficientis primi, quia Spiritus sanctus ipse est auctor hujus scripturæ, non Salomon, vel alius : et ideo introducitur ipse in sacra scriptura de ipso facere sermonem, quasi de alio, sicut dixit Ba-

<sup>1</sup> *Hebr.*, XIII, 14. — <sup>2</sup> *Eccle.*, II, 23. — <sup>3</sup> *Jerem.*, X, 15. — <sup>4</sup> *Rom.*, VIII, 20. — <sup>5</sup> *Eccle.*, III, 19. — <sup>6</sup> *Psal.*

XXXVIII, 6. — <sup>7</sup> *Psal.* CXLIII, 4. — <sup>8</sup> *Psal.* XCII, 11. — <sup>9</sup> *Job*, XIV, 1. — <sup>10</sup> *Joan.*, XXI, 24. — <sup>11</sup> *Numb.*, XII, 3.

laam<sup>1</sup> : « Dixit auditor sermonum Dei. » Alia ratio sumitur ex parte efficientis immediate ; quia Scriptura sacra omnem refugit superbiam, et prætendit humilitatem ; et ideo nullus in ea doctor debet de se, ut de se loqui ; sed propter humilitatem, quasi de alio. Inde etiam fuit, quod dixit Paulus de alio<sup>2</sup> : « Scio hominem in Christo ante annos quatuordecim, sive in corpore, sive extra corpus, nescio, Deus scit, raptum usque ad tertium cœlum. » Tertia ratio, quia Scriptura magna iuvuit utilia, (a) debet quasi a longinquo ostendere ; unde Hugo : « Hoc genus locutionis, quod in Scriptura assumitur, vel humilitatis causa fit, vel admirationis : nam et magna propter humilitatem a nobis removere debemus, et mirabilia propter admirationem quasi de longe ostendere : exemplum in Paulo, et Joanne. »

*Divisio  
texios.*

3. *Quid habet amplius homo de universo labore suo quo laborat sub sole?* Supra proposuit quod probare intendit ; hic probare incipit, et secundum hoc, quod triplex vanitas proposita fuit esse in rebus, sic et triplex esse probatur. Unde habet hæc pars tres partes : primo enim in rebus ostendit esse vanitatem mutabilitatis ; secundo vero, vanitatem iniquitatis, ibi<sup>3</sup> : *Vidi sub sole in loco judicii impietatem*, etc. ; tertiovanitatem pœnalitatis, ibi<sup>4</sup> : *Cuncta tentavi in sapientia*, etc. Prima vanitas est naturalis et apta, ut dicit Hugo ; secunda culpabilis et perversa ; tertia vero pœnalis et misera. Mutabilitas autem in rebus dupliciter consideratur : uno modo ratione transmutationis ; alio modo in comparatione ad mensuram certi temporis. Primo ergo agitur de vanitate naturæ mutabilis, quantum ad transmutationem ; secundo quantum ad tempus, ibi<sup>5</sup> : *Omnia tempus habent*, etc. Prima habet duas partes : quia primo ostendit in rebus esse mutabilitatem, et per hoc vanitatem ; secundo, ex cognitione ejus suam reprehendit curiositatem, ibi ; et manifestat, quando ista

<sup>1</sup> Num., xxiv, 4. — <sup>2</sup> II Cor., xii, 2. — <sup>3</sup> Hic, iii, 16. — <sup>4</sup> vii, 14. — <sup>5</sup> iii, 1. — <sup>6</sup> i, 12. — <sup>7</sup> i, 8. — <sup>8</sup> i, 5.

cognoverit<sup>6</sup> : *Ego Ecclesiastes fui rex*, etc.

Ostenditur ergo primo mutabilitas in existentia creaturarum. Et quia creature triplex habent esse, scilicet in Verbo, ratione exemplaritatis ; in universo, per modum materialitatis ; in animo humano, per modum abstractionis : primum esse est indeficiens et immutabile, unde nullam habet vanitatem ; sed in aliis est vanitas : et ideo hæc pars habet duas partes : primo enim nominatur vanitas mutabilitatis in rebus secundum esse quod habent in universo ; secundo, quantum ad esse quod habent in animo humano, ibi<sup>7</sup> : *Cunctæ res difficiles*, etc. Prima pars habet tres, secundum tria genera creaturarum, in quibus ostendit mutabilitatem : quia primo ostendit in creatura rationali ; secundo, in cœlesti, ibi<sup>8</sup> : *Oritur sol*, etc. ; tertio in elementari, ibi<sup>9</sup> : *Lustus trans universa*, etc. Quantum ergo ad creaturam rationalem, scilicet hominem, ostendit esse mutabilitatem, a qua nullo labore potest eripi ; propter quod dicit : *Quid habet amplius homo de universo labore suo quo laborat sub sole?* Supple, nisi vanitatem, et mutabilitatem ; quasi dicat : nihil. De hoc labore dicitur<sup>10</sup> : « Avis nascitur ad volandum, et homo ad laborem ; » et<sup>11</sup> : « Male-dicta terra in opere tuo : in laboribus comedes ex ea cunctis diebus vitæ tuæ. » Et quod non habet amplius quam vanitatem, ostendit, cum subdit<sup>12</sup> : *Generatio præterit, et generatio advenit*. Ergo mutualio est successio tam in homine, quam in suis operibus : alia generantur, et alia dejiciuntur : sic generatio carnis, et sanguinis alia finitur, et alia nascitur, secundum quod dicitur<sup>13</sup> : « Quæ est vita vestra, nisi vapor ad modicum parens ? » Aliter, generatio Judæorum præcessit, generatio gentium advenit ; *terra vero*, id est, Ecclesia, *in æternum stat*. Vel generatio malorum præterit : « Generatio cuius<sup>14</sup> excelsi sunt oculi ; » generatio

<sup>6</sup> 1, 6. — <sup>10</sup> Job, v, 7. — <sup>11</sup> Gen., iii, 17. — <sup>12</sup> Hic, 4. — <sup>13</sup> Jac., iv, 15. — <sup>14</sup> Prov. xxx, 13.

(a) *Leg. magna et mirabilia.*

*Creaturae triplex habent esse.*

bonorum advenit, de qua<sup>1</sup> : « Generatio rectorum benedicetur. » Hujusmodi res non cedunt in nihil, sed in aliiquid, quia in terram. Unde dictum est a Deo<sup>2</sup> : « Pulvis, et in pulverem reverteris. » Propterea subdit: *Terra autem in æternum stat*, quasi materia, ad quam fit resolutio.<sup>3</sup> « Quia fundasti terram super stabilitatem suam. » Et<sup>4</sup> : « Qnando appendebat fundamenta terræ. »

5. *Oritur sol, et occidit.* Hic secundo ostendit mutabilitatem in natura cœlesti, ut pnta in sole, qui nunquam quiescit; sed cum oritur, tendit ad occasum; unde non permanet in ortu: propterea dicit: *Oritur sol, et occidit*, ita quod in loco ortus non permanet, nec etiam in loco occasus; unde subdit: *Et ad locum suum revertitur*; nec ibi permanet: unde et subdit: *Ibique renascens gyrat in meridiem*; nec etiam in loco medio permanet: ideo subdit: *Et flectitur ad aquilonem.* Istud exponi potest quantum ad motum diurnum, vel etiam annuum: quantum ad diurnum, dicit hic: *Oritur sol*, quotidie, quando humanis præsentatur aspectibus; *Occidit*, quando descendens ad inferiores partes, oculis nostris se subtrahit; *Revertitur ad locum suum*, quando impellente eum volubilitate firmamenti subtus, rursus ad locum suum revertitur; *Sed renascens gyrat per meridiem*, quia obliqua ductu ab ortu ad lineam meridianam conscendit; deinde: *Flectitur ad aquilonem*, quia ad occasum descendens, rursus obliqua progressione ad aquilonem inclinatur. Quantum ad motum annum, sic: *Oritur sol*, quando per vernale æquinoctium ad nostrum polum consurgit; *Occidit*, quando autunnale æquinoctium exiens ad inferiora descendit; *Gyrat per meridiem*, quando in hyemalibus signis commoratur; *Flectitur ad aquilonem*, quando in aestivis signis, quæ polo boreali viciniora sunt, circumfertur: et sic non stat sol per naturam, sed solum per miraculum, sicut legitur de Josue<sup>5</sup>:

<sup>1</sup> *Psal. cxI*, 2. — <sup>2</sup> *Gen. III, 19.* — <sup>3</sup> *Psal. cIII, 5.*  
— <sup>4</sup> *Prov. VIII, 29.* — <sup>5</sup> *Jos., X, 12.* — <sup>6</sup> *Arist.*

« Sol, contra Gabaon ne movearis; et luna, contra vallem Hailon (*a*). »

6. *Lustrans universa.* Hic tangitur tertio mutabilitas in natura elementari: et primo, quantum ad aerem; secundo vero, quantum ad aquam, ibi (v. 7) : *Omnia flumina intrant in mare.* Quantum ad aerem, cum <sup>ventus</sup> tangit mutabilitatem in spiritu, sive in <sup>quid sit.</sup> vento, qui vel est motus aeris, secundum aliquos philosophos, vel secundum Aristotelem<sup>6</sup> motus vaporis in aere, ad cuius motum etiam movetur aer: propter quod dicit: *Lustrans universa, in circuitu pergit spiritus*, id est, <sup>ventus</sup> omnia perlustrari dicitur; circuit, spiritus enim dicitur <sup>ventus</sup><sup>7</sup>: « Flavit spiritus tuus, Domine, et operuit eos mare, » etc.<sup>8</sup> « Ignis, grando, nix, glacies, spiritus procellarum. » Hic pergit in circuitu, quia oritur a quatuor plagis terræ<sup>9</sup>: « Fugite de terra aquilonis, quoniam in quatuor ventis cœli dispersi vos; » et<sup>10</sup> : « A quatuor ventis veni, spiritus. » Quatuor enim venti principales, et octo collaterales. *Et in circulos revertitur*, quia tum cessat <sup>ventus</sup>, quando vapor ille quiescit, et ad terram, unde oritur, revertitur: et quia causa illa est occulta, ideo dicitur in Psalmis<sup>11</sup>: « Qui producit ventos de thesauris suis; » id est, occultis: vel, sicut exponit Glossa, potest hoc intelligi de sole, quantum ad motum annum, qui lustrat universa, et revertitur in circulos zodiaci; et dicitur sol spiritus, quia principium et causa vitæ omnis: unde cætera facit spirare.

7. *Omnia flumina*, etc. Hic tangitur mutabilitas quantum ad naturam elementarem visibilem, scilicet aquam, quia non est ibi status; omnes enim aquæ moventur ad mare: unde dicit: *Omnia flumina intrant in mare*, scilicet magnum Oceanum, de quo dicitur<sup>12</sup>: « Quis conclusit ostiis mare, quando erumpet, quasi de vulva procedens? » Et motus iste non terminatur, quia *Meteor.*, lib. II, c. IV. — <sup>7</sup> *Exod.*, XV, 10. — <sup>8</sup> *Psal. CXLVIII*, 8. — <sup>9</sup> *Zach.*, II, 6. — <sup>10</sup> *Ezech.*, XXXVII, 9. — <sup>11</sup> *Psal. CXXXIV*, 7. — <sup>12</sup> *Job*, XXXVIII, 8. — (*a*) *Vulg.* Aialon.

mare non impletur : ideo subditur : *Et mare non redundat*. Et quia istud videtur mirabile, ideo reddit hujus causam : *Ad locum unde exeunt flumina revertuntur* : non ut ibi quiescant, sed *ut iterum fluant*. Flumina exeunt occulte, quia per meatus subterraneos ; sed redeunt manifeste, et sic omnia feruntur in circuitu, et vanitati subjecta sunt. Hugo : « Ecce quo modo in circuitu feruntur omnia, et vanitati subjecta sunt : et scimus, quia circulus finem non habet ; quæ ergo in circuitu currunt, currunt quidem, sed ad finem non pervenient. Quæ ergo requies sperari potest, ubi status nullus esse potest ? et ideo de impiis dictum est<sup>1</sup> : « Caput circuitus eorum » ; et iterum<sup>2</sup> : « In circuitu impii ambulant » ; et iterum<sup>3</sup> : « Deus meus, pone illos ut rotam. »

Spiritualiter notandum, quis sit iste sol ; quis sit iste spiritus lustrans ; quæ flumina circumueuntia, et redeuntia. Sol iste est Christus, de quo<sup>4</sup> : « Orietur vobis timentibus nomen meum sol justitiae. » Iste sol oritur in nativitate ad illuminandum<sup>5</sup> : « Surge, illuminare, Jerusalem ; » et<sup>6</sup> : « Erat lux vera, quæ illuminat omnem hominem. » Iste sol occidit in passione ad redimendum<sup>7</sup> : « Occidet sol in meridie, » id est, in vehementi amore charitatis. Iste sol ad locum suum revertitur in ascensione<sup>8</sup> : « Homo quidam abiit in regionem longinquam : » et<sup>9</sup> : « Reversus est sol decem lineis per gradus, quos ascenderat. » Iste sol gyrat per meridiem jam in ferventi sanctorum dilectione<sup>10</sup> : « Indica mihi, quem diligit anima mea, ubi pascas, ubi cubes in meridie ; » et<sup>11</sup> : « Si quis diligit me, » etc., « ad eum veniemus, et mansionem apud eum faciemus. » Iste sol flectitur ad aquilonem in extremo examine<sup>12</sup> : « Ab aquilone pandetur omne malum. » Spiritus iste lus-

trans in circuitu, est Spiritus sanctus, qui ideo lustrare dicitur, quia nos facit omnia perscrutari<sup>13</sup> : « Spiritus omnia scrutatur, etiam profunda Dei. » Iste dicitur ire in circuitu, quia nos facit circuire, unde dicitur<sup>14</sup> : « Spiritus sapientiae mobilis ; » sicut etiam circumiens, quia nos facit considerare circuitum misericordiae<sup>15</sup> : « Nudus egressus sum de utero matris meæ, et nudus revertar illuc. » Item circuitus gratiae, de quo<sup>16</sup> : « Exivi a patre, et veni in mundum ; et iterum relinquo mundum, et vado ad patrem. » Item gloriae<sup>17</sup> : « Hic aspectus plendoris per gyrum, et haec erat similitudo gloriae Domini. » Hunc facit considerare spiritus Dei<sup>18</sup> : « Nos, revelata facie, gloriam Dei speculabimur. » Iste circuitus est in consideratione, quod omnia a Deo, et ad Deum. Et dicit Dionysius, quod angeli circulariter moventur circa thronum. Flumina ista sunt flumina gratiarum, de quibus dicitur<sup>19</sup> : « Qui credit in me, sicut dicit Scriptura, flumina de ventre ejus fluent. » Mare, a quo flumina habent ortum, est divinæ largitatis immensitas, quæ nec augetur, nec minuitur<sup>20</sup> : « Magnus enim Dominus noster, et magna virtus ejus, et sapientia ejus non est numerus. » Ad hoc mare redeunt flumina gratiarum actionum, ut iterum fluant<sup>21</sup> : « Qui biberit ex aqua, quam ego dabo ei, fiet in eo fons aquæ salientis in vitam æternam. » Ab hoc etiam exeunt<sup>22</sup> : « Omne datum optimum, et omne donum perfectum desursum est. » Flumina cessant esse, et siccantur, cum cessant fluere, et quiescent ; sic et dona gratiarum<sup>23</sup> : « Tu dirupisti fontes et torrentes, » per largitatem ; « tu siecasti fluvios Ethan, » per iudicii severitatem.

Quæritur hic primo de hoc, quod dicit : *Quid habet amplius homo?* Ista videtur esse hæretica sententia, et convenire cum illa, quod<sup>24</sup> « vanus est omnis, qui servit Deo. » VII, 22. —<sup>15</sup> Job, 1, 21. —<sup>16</sup> Joan., XVI, 28. —<sup>17</sup> Ezech., I, 28. —<sup>18</sup> II Cor., III, 18. —<sup>19</sup> Joan., VII, 33. —<sup>20</sup> Psal. CXLVI, 5. —<sup>21</sup> Joan., IV, 11. —<sup>22</sup> Jac., I, 17. —<sup>23</sup> Psal. LXXXIII, 15. —<sup>24</sup> Malach., III, 14.

<sup>1</sup> *Psalm. CXXXIX, 10.* — <sup>2</sup> *Psalm. XI, 9.* — <sup>3</sup> *Psalm. LXXXII, 14.* — <sup>4</sup> *Malac., IV, 2.* — <sup>5</sup> *Isa., LX, 1.* — <sup>6</sup> *Joan., I, 8.* — <sup>7</sup> *Amos, VIII, 9.* — <sup>8</sup> *Luc., XIX, 12.* — <sup>9</sup> *Isa., XXXVIII, 8.* — <sup>10</sup> *Cant., I, 6.* — <sup>11</sup> *Joan., XIV, 23.* — <sup>12</sup> *Jerem., I, 14.* — <sup>13</sup> *I Cor., II, 10.* — <sup>14</sup> *Sap.,*

Item in Psalmis dicitur<sup>1</sup>: « Patientia pauperum non peribit in finem: » ergo aliquid habet. Item Salomon<sup>2</sup>: « Qui operatur terram suam, satiabitur panibus: ergo bonum est operari et laborare. Respondeo dicendum, sicut dicit Hugo: « Facienda est vis in hoc, quod dicit: *Qui laborat sub sole*; idem enim est, ac si diceret, sub tempore. » Propter quod notandum, quod quædam fiunt cum tempore, ut illa, quorum ortum non præcessit tempus, sicut angelica natura et materia prima: quædam fiunt in tempore, quæ incœperunt post temporis ortum, sed in tempore non habent occasum, ut anima Petri; quædam fiunt in tempore et sub tempore, quæ post ortum temporis inchoant, et in tempore terminantur, cujusmodi sunt mutabilia. Et talia sunt duplia: quædam enim fiunt pro tempore et sub tempore, et talia transeunt fructu et actu; quædam pro æternitate, et talia transeunt actu, sed manent radice et fructu, quia manet bona voluntas in æternum remuneranda. Cum igitur dicit, quod *non habet homo nisi vanitatem, de universo labore quo laborat sub sole*, intelligitur secundum quod labor est sub tempore quantum ad actum et intentionem, et tunc non habet locum in bonis.

Item quæritur de hoc, quod dicit: *Terra in æternum stat*. Contra<sup>3</sup>: « Cœlum et terra transibunt: » ergo non stat terra. Item<sup>4</sup>: « Vidi cœlum novum et terram novam: » ergo terra inveteratur: non ergo stat. Respondeo dicendum, quod terram stare est dupliciter, vel quantum ad figuram, sive dispositionem, vel quantum ad substantiam: dico, quod terra stat in æternum quantum ad substantiam; sed præterit quantum ad figuram<sup>5</sup>: « Praeterit figura hujus mundi. » Sed homines generantur et corrumpuntur quantum ad substantiam, ut non homines, sed mortui merito appellantur. Vel æternum dicitur multipliciter; uno modo, quod non habet finem in Scriptura præscriptum, sic data fuit filiis Israel terra promissionis in

*Æternum  
multipliciter su-  
muntur.*

<sup>1</sup> Psal. ix, 19. — <sup>2</sup> Prov., XII, 11. — <sup>3</sup> Matth.,

possessionem æternam; alio modo, quod habet finem, sed non in tempore, sic tempus dicitur esse æternum; tertio modo, cuius significatum nunquam finitur, sicut sacerdotium legis, quod figurabat sacerdotium Christi, de quo<sup>6</sup>: « Tu es sacerdos in æternum secundum ordinem Melchisedech; » quarto modo, cuius substantia nunquam finitur, etsi quandoque incœperat, sic angeli dicuntur æterni, et animæ rationales, nec non et terra; quinto modo, cuius substantia nec finitur, nec incepit: hoc ultimo modo solus Deus<sup>7</sup>: « Tu autem, Domine, in æternum permanes. » Quarto modo convenit terræ quantum ad substantiam; tertio modo, quantum ad significatum; primis duobus modis, quantum ad figuram: et sic patet responsio ad istud dubium.

Item quæritur de hoc, quod dicit: *Oritur Dubium. sol, et occidit*. Cum enim alia similiter lumina orientur, quæritur propter quid magis de sole, quam de aliis dicatur? Item videtur inordinate procedere, quia prius dicit quod occidit, quam dicat quod gyrat per meridiem: prius enim gyrat, quam occidat. Respondeo ad hoc, quod determinata mutabilitate in sole, qui est nobilissimus inter corpora celestia, sufficienter datur intelligi in aliis. Ad illud secundum dicendum, quod non ordinat secundum progressiones, sed secundum dimensiones, sive terminos dimensionum: ideo quia oppositi sunt oriens et occidens, ideo de eis facit mentionem immediate. Item quia meridies et septentrio sunt oppositi termini, ideo similiter immediate ponuntur in modum crucis.

Sed de hoc est dubitatio, quod dicit: *Ad locum suum revertitur*; quia nullus est in firmamento magis unus locus solis, quam alius. Si tu dicas, quod ad locum, a quo incepit ortum, terminavit cursum, istud manifeste falsum est; quia semper sol movetur motu proprio, vel ascendendo, vel descendendo: ergo nunquam reddit in idem. Item

xxiv, 35. — <sup>4</sup> Apoc., XXI, 1. — <sup>5</sup> 1 Cor., VII, 31. —

<sup>6</sup> Psal. cix, 4. — <sup>7</sup> Psal. cl, 13.

quid est quod dicit : *Flectens ad aquilonem?*  
 Si enim sol movetur motu diurno, motu firmamenti, et firmamentum uniformiter semper movetur, ergo non flectitur magis ad polum arcticum, quod antarcticum, vel e contrario. Si dicas, quod hoc intelligitur de motu proprio; sed sol secundum motum proprium ascendit et descendit in zodiaco; et quando ascendit, accedit ad aquilonem; quando descendit, appropinquat ad austrum: ergo non magis flectitur ad aquilonem, quam ad austrum. Respondeo dicendum, quod est loqui de motu solis diurno, et annuo: si loquamur de annuo, verum est quod sol in locum suum revertitur, quia inde cœpit moveri secundum veritatem; si autem intelligamus de diurno, non reddit in locum suum, a quo cœpit moveri, secundum veritatem, sed secundum nostram estimationem; quoniam non facit sphæram, sed spiram. Ad secundum dicendum similiter, quod si loquamur de motu annuo, veritatem habet secundum quatuor tempora, ut prædictum est, quia oritur in vere, occidit in autumno, gyrat per meridiem in hyeme, flectitur ad aquilonem in æstate. Si autem intelligas de motu diurno, hoc non habet veritatem, nisi secundum nostram estimationem; nos enim videamus firmamentum moveri, et imaginamur polos ejus a dextris et a sinistris; sed non est sic, imo unus polus est quasi super capita nostra, ut aquilonaris; alter quasi sub pedibus: quando ergo sol volvitur secundum polos firmamenti, non recte vadit super capita et sub pedibus, sed quasi transversaliter; et quia nos videamus polos secundum æqualitatem, videtur nobis, quod de die vergat ad meridiem, et de nocte ad aquilonem.

Dubium. Item quæritur de hoc, quod dicit : *Flumina exeunt a mari.* Contra: Mare est amarum, et flumina dulcia; sed contraria non habent ortum ab uno principio, nec unum ab alio: ergo nec mare a fluminibus, nec flumina a mari. Respondeo dicendum, quod

omnis aqua per naturam est dulcis; sed amara fit ex accidenti, vel per exhalationem partium subtilium, remanentibus terrestribus, vel per commixtionem partium terrestrium. E contrario aqua illa, sicut accidentaliter facta est amara, potest redire in dulcedinem per subtilationem, sicut est experimentum de vase terreo posito in mari. Quoniam ergo flumina, etsi redeant ad mare in magna abundantia, tamen exeunt latenter et sub terra et per quasdam excavationes (*a*), ideo aqua subtiliatur et in dulcedinem vertitur. Quando ergo objicitur quod unum contrariorum non habet ortum ab alio; dicendum, quod aqua aquæ nou est contraria; et si habeat contrariam dispositionem, non habet per naturam, sed per accidentem: sicut patet in aqua calida, et frigida; nec enim ortus fluminum a mari ratione proprietatis, quia prior per naturam est dulcedo in aqua; sed quantum ad defluxum, sicut potus vini a dolio: quia ille locus continens est aquarum abundantiam, unde incessanter fit emanatio.

8. *Cunctæ res difficiles; non potest homo eas explicare sermone.* Supradeterminata est vanitas in rebus secundum esse quod habent in universo; hic determinatur vanitas secundum esse quod habent in intellectu humano; et ostenditur in eis vanitas tripliciter; primo, quia non patent propter sui obscuritatem; secundo, quia non implent propter sui vanitatem, ibi: *Non satiabitur (*b*) oculus visu, etc.*; tertio, quia non permanent propter sui fluxibilitatem, ibi (v. 41): *Non est priorum memoria, etc.* Non patent ad interpretandum, vel docendum; non implent ad discentem reficiendum, et quietandum, non permanent ad memorandum. Et respiciunt isti tres actus triplicem vim in nobis, interpretativam, cognitivam, et memorativam. Primo ergo notandum, quod non patent ad explicandum; ideo dicit: *Cunctæ res difficiles, scilicet ad inveniendam eorum rationem; unde<sup>1</sup>: « Dificile aestimamus, quæ in terra sunt: et quæ*

Conti-  
nuatio,

triplex  
vis in  
nobis.

<sup>1</sup> Sap., ix, 16.

(*a*) *Al. excolationes. — (b) Vulg. Saturatur.*

in prospectu sunt , invenimus cum labore. <sup>1</sup> Et intellexi , quod operum Dei nullam possit invenire homo rationem : » et ideo , quia difficiles sunt , *Non potest homo eas explicare sermone.* <sup>2</sup> « Quis enarrabit cœlorum rationem ? » Et<sup>3</sup> : « Multa dicemus , et deficiemus in verbis ; consummatio sermonum ipse est in omnibus . » *Non saturatur :* Hic secundo tangitur , quod non implent addiscit centem ; et quia duobus sensibus maxime addiscimus , visu scilicet et auditu , ostendit quod in neutro est satietas : et propterea dicit : *Non saturabitur oculus visu :* « Oculi enim <sup>4</sup> hominum insatiabiles ; » *Nec auris impletur auditu* , quoniam est ibi pruritus audiendi nova et curiosa<sup>5</sup> : « Ad sua desideria coacervabunt sibi magistros prurientes auribus . » Et ratio hujus est , quia illud , in quo est vera satietas , quod nec oculus vidit , nec auris audivit , nec in cor hominis ascendet ; et quod in his terrenis non possit refici , ostendit ; quia oculus et auris vult nova percipere : sed nihil in novitate manet ; ergo auris et oculus in nullo implentur. Majorem supponit , et manifestatur in *Actibus Apostolorum*<sup>6</sup> : « Athenienses ad nihil aliud vacabant , nisi aut dicere , aut audire aliquid novi : » sed hic proponit minorem , quia nihil habet novitatem , nec quantum ad esse , nec quantum ad fieri : propterea dicit : *Quid est quod fuit ?* quærerit , et ipse respondet : *Ipsum quod futurum est :* ergo a simplici conversa , quod futurum est , fuit. Aliter sequitur : *Quid est quod factum est ?* Respondet : *Ipsum quod faciendum est :* ergo a simplici conversa , quod faciendum est , factum est. Et ex hoc concludit , dicens : *Nihil sub sole novum , nec valet quisquam dicere : Ecce hoc recens est.* Ergo nec dicere , nec audire aliquid novi ; et replicat probationem : *Jam enim præcesserunt in sœculis que fuerunt ante nos.*<sup>7</sup> « Ex quo patres dormierunt , omnia sic perseverant . » (v. 11) *Non est priorum memoria.* Hic tangitur tertio , quod res

Duobus  
sensibus  
maxime  
addisci-  
mus.

Nihil in  
novita-  
temanet.

non permanent ad memorandum , quia omnia traduntur oblivioni ; unde dicit : *Non est priorum memoria* , scilicet apud nos posteriores. <sup>8</sup> « Nomen nostrum oblivionem accipiet per tempus , et nemo habebit memoriam operum nostrorum . » Et sicut est in præteritis , ita et futuris ; unde subdit : *Sed nec eorum quidem , quæ post futura sunt , erit recordatio apud eos , qui futuri sunt in novissimo* , id est , posteriores non erunt memoris priorum , et hoc propter tempus , quod inducit oblivionem. <sup>9</sup> « *Futura tempora obli-  
vione cuncta operient* »

Quæritur de hoc , quod dicit : *Cunctæ res difficiles* ; Contra : *Multa sunt , quorum cognitio est communis nobis , et brutis* : ergo non est difficile homini cognoscere , quod cognoscit bestia. Item quædam sunt , in quibus non convenit errare , sicut in cognitione sensibilium , quia sensus non fallitur circa proprium objectum ; et principiorum intelligibilium , sicut dignitatum : et talia facile est cognoscere. Item quid est , quod dicit : *Non potest homo eas explicare sermone?* Facilius est homini loqui , quam alicui creaturæ facile est operari : ergo si alicui creaturæ facile est operari , ergo homini est operationem ejus facilis explicare. Respondeo dicendum , quod est cognoscere semiplene , ut quando cognoscitur secundum accidentia , vel secundum aliquam operationem ; est iterum cognoscere perfecte , et ille perfecte cognoscit , qui plene novit substantiam , virtutem , et operationem , et causas , et rationes rei. Et quia virtus est occulta , et substantia remota a nostris sensibus , et causæ ulterius magis , et nostra cognitio incipit a sensibus ; ideo cunctæ res nobis sunt difficiles. Quod ergo objicitur , quod aliqua cognoscimus cum brutis , verum est aliquali-  
<sup>sensus non fallitur circa proprium ob-  
jectum.</sup>  
<sup>Cognos-  
cere per-  
fecte  
quis di-  
catur.</sup>

<sup>1</sup> *Hie*, VIII, 17. — <sup>2</sup> *Job*, XXXVIII, 37. — <sup>3</sup> *Ecli.*, XLIII, 29. — <sup>4</sup> *Prov.*, XXVII, 20. — <sup>5</sup> *Il Tim.*, IV, 3. —

<sup>6</sup> *Act.*, XVII, 21. — <sup>7</sup> *Il Petr.*, III, 4. — <sup>8</sup> *Sap.*, II, 4.  
— <sup>9</sup> *Hie*, II, 16. — (a) *Leg.* cognoscitur.

**Explicare aliis quid sit.** differt dicere aliquid, et explicare illud: explicare enim est latentes rationes intus et involutas extra depromere: et hoc non potest facere, nisi qui intelligit: et hoc arduum est, et paucorum.

**Verbum quo recognoscimus omnium duplex.** Item queritur de hoc, quod dicitur: *Non saturatur oculus visu.* Queritur, quare non inducit in aliis sensibus, cum similiter per eos contingat cognoscere? Item quid est, quod dicit: *Non saturatur?* dicitur enim tunc res saturari, quando non vult amplius de eo, quod desiderabat: sed contingit aliquando, quod homo non vult plus videre, nec audire, imo quiescere: ergo, etc. Item si non saturatur, ergo desiderium eorum nunquam quiescit: ergo cum desiderium, cuius non est quies, frustratur fine, et omne tale otiosum; ergo desiderium visus est otiosum. Respondeo dicendum, quod ideo solum istos duos sensus commemorat, quia loquitur de sensibus secundum quod sunt via in cognitionem, et referuntur ad sensualem jucunditatem. Et duplex est verbum quo recognizeimus omnia, divinum et humanum. Verbum divinum est omnis creatura, quia Deum loquitur: hoc verbum percipit oculus. Verbum humanum est vox prolata, et hoc percipit auris. Vel quia duplex est cognitio, per inventionem, et doctrinam: prima respicit visum; secunda vero respicit auditum. Quando ergo objicitur de saturitate, dico quod loquitur de eorum saturitate secundum quod sunt organa cordis et voluntatis, sive appetitus; et quia cor non saturatur, nec hi duo sensus. Unde Hugo: « Omnis pulchritudo, omnis jucunditas, omnis suavitas rerum conditarum afficere cor humanum potest, satiare non potest, nisi illa dulcedo sola, ad quam factum est. » Quod ergo objicitur: « Si non saturatur desiderium, est frustra, » non sequitur, quia alibi terminatur, scilicet in Deo, ut dicit Augustinus<sup>1</sup>. Quod objicitur, quod non vult plus; hoc est, quia lassatur et fastidit non quia saturatur.

<sup>1</sup> Aug., *Conf.*, lib. I, c. I. — <sup>2</sup> *Jerem.*, xxxi, 22. —

Quæritur de hoc, quod dicit (v. 10): *Nihil sub sole novum.* Contrarium videtur apud Jeremiam<sup>2</sup>: « Novum faciet Dominus super terram. » Item illud<sup>3</sup>: « Vidi cœlum novum, et terram novam. » Item ex hoc verbo videtur error confirmari, quod in rebus sit circulatio secundum egressum in esse, ut eadem sint, quæ fuerint; et hoc per litteram sequentem: *Jam enim præcessit in sæculis, quæ fuerunt ante nos:* et sic verificari videtur error ille<sup>4</sup>, qui ponit magnum annum, qui continet quindecim millia annorum, et omnia in eo renovari. Respondeo dicendum, quod est operatio conditionis, <sup>Operatio triplex.</sup> conservationis, reparationis: quælibet istarum operationum est supra naturam, et ideo non erit sub sole, sive sub tempore; sed supra, præter propagationem; unde de hac tantum intelligit: et sic patent alia. De hac notandum, quod ipse vocat novum, eius simile non præcessit, et sic non est aliquid novi secundum propagationem, quia semper simile ex simili producitur: vere autem objicit, quasi dicat de eodem, et istud est sic impossibile intelligere, quia si omnis forma corrupta, et iterum generata, differt numero, non potest intelligi de eodem numero.

Item queritur de hoc, quod dicit (v. 11): *Non est priorum memoria.* Contra dicitur<sup>5</sup>: « Memor fui operum tuorum, Domine. » Respondeo: ad hoc dieunt aliqui, quod hoc intelligitur de malis, non de bonis. Sed istud adhuc falsum, quia etiam multa mala sunt in memoria. Et propterea dicendum, quod ista propositio non est intelligenda ut vera universaliter, sed ut in pluribus, quia plurimum est oblivio, quam memoria: plurima enim eorum, quæ facta sunt, in nostra memoria non sunt.

**42. Ego Ecclesiastes fui rex Israel in Jerusalem.** Supra ostendit in rebus vanitatem; hic ex consideratione mutabilitatis rerum, suam reprehendit curiositatem. Et habet

<sup>3</sup> *Apoc.*, xxi, 1. — <sup>4</sup> *Macrob.*, *Somn.*, *Scip.*, lib. II, c. xi. — <sup>5</sup> *Psal.* LXXVI, 12.

hæc pars duas, quia primo suam manifestat curiositatem ob vanitatem adjunctam, ibi : *Cumque convertissem me ad universa opera.* Prima habet duas partes, quia primo agit de curiositate in operibus prudentiae, sive philosophiae; secundo de curiositate opulentiae, sive artis mechanicæ, ibi : *Magnificavi opera mea.* Prima habet duas, quia primo agit de curiositate quantum ad considerationem naturalium, sive scientiæ speculativæ; secundo, quantum ad considerationem moralium, sive scientiæ practicæ.

16. *Locutus sum in corde meo.* Curiositatem igitur in operibus naturæ, sive in consideratione (a) operum divinorum hoc ordine describit. Primo inducitur considerantis idoneitas, ibi (v. 14) : *Vidi cuncta quæ sunt sub sole;* secundo vero ipsius curiositas, ibi (v. 15) : *Et proposui in corde meo;* tertio divini judicii severitas, quæ est causa hujus curiositatis, in quantum pœnalis, ibi : *Hanc occupationem pessimam;* quarto concluditur vanitas, ibi : *Vidi cuncta quæ sunt sub sole.*

Primo igitur notatur considerantis idoneitas, cum dicit : *Ego Ecclesiastes.* Quia vero in eo fuit sapientia, ideo se dicit *Ecclesiasten*, id est, concionatorem; fuit etiam in eo potentia, unde dicit : *Fui rex;* fuit etiam pax, unde subdit : *In Jerusalem,* quæ interpretatur visio pacis.<sup>1</sup> « Salomon inaperavit in diebus pacis. » Et<sup>2</sup> : « Filius, qui nascetur tibi, erit pacificus. » Et ideo, quia hæc tria habebat, nihil a consideratione eum retrahebat. Solet defectus talium multos retrahere a consideratione rerum: non enim aptus est ad considerandum rerum naturas, qui habet harum ignorantiam; non potest etiam bene cogitare de hujusmodi, qui sustinet paupertatis inopiam; nec vacare etiam ad hoc potest, qui non habet pacem et concordiam.

12. *Et proposui in animo meo.* Tangitur

hic secundum, scilicet ipsius curiositas, quia omnia voluit scire, et subtiliter indagare; propterea dicit : *Et proposui in animo meo querere, scilicet ab alio, et investigare sapienter,* per me ipsum; et hoc est curiositas, quia<sup>3</sup> : « Non plus sapere, quam oportet; sed sapere ad sobrietatem. » Unde<sup>4</sup> : « Mel invenisti; comedere quod sufficit tibi, ne forte satiatuſ evomas illud. » *De omnibus quæ sunt sub sole.* Ecce major curiositas, quia de omnibus<sup>5</sup> : « In supervacuis rebus noli scrutari multipliciter, et in pluribus operibus ejus, ne fueris curiosus : plurima enim super sensum hominum ostensa sunt tibi. »

13. *Hanc occupationem pessimam.* Tangitur hic tertium, scilicet divini judicii severitas, quia divino judicio propter peccatum primi parentis factum est, quod nostra vis rationalis ita libenter luxuriatur in cognitione terrenorum: propter quod dicit : *Hanc occupationem, id est, curiositatem; Pessimam,* quia non tantum est culpabilis, sed etiam pœnalis; *Dedit Deus filiis hominum,* id est, dari permisit, in quantum est culpabilis, vel ratione pœnalitatis, dedit justo modo; *Ut occuparentur in ea,* ac per hæc immemores essent suæ salutis. Unde notandum est, quod est occupatio mala, quæ est ex infirmitate; de hac<sup>6</sup>: « Occupatio magna creata est omnibus hominibus, et jugum grave super filios Adam a die exitus de ventre matris eorum, usque in diem sepulturæ in matrem omnium. » Est etiam occupatio pejor, quæ est ex ignorantia; de hac<sup>7</sup>: « Obscurum eum tenebræ et umbra mortis: occupet eum caligo, et involvatur amaritudine. » Tertia est ex curiositate, et hæc est pessima, et de hac loquitur hic. Et notandum, quod occupatio, ut dicit Hugo, est distractio (b) mentis, quæ avertit, et distrahit, et illaqueat animam, ut non possit cogitare ea, quæ salutis sunt. Curiositas vero, secundum eundem, est intellectus humani libidinosa prostitutio passim quamlibet veritatem

(a) *Cæt. edit.* considerationem. — (b) *Item destructio.*

Curiosi-  
tas.

<sup>1</sup> *Eccli.*, XLVI, 15. — <sup>2</sup> *I Paralip.*, XXII, 9. — <sup>3</sup> *Rom.*, XII, 3. — <sup>4</sup> *Prov.*, XXV, 16. — <sup>5</sup> *Eccli.*, III, 24. — <sup>6</sup> *Eccli.*, XL, 1. — <sup>7</sup> *Job.*, III, 5.

amplexantis, et cum ea adulterantis, quia prima veritas est sponsa.

14. *Vidi cuncta quæ fiunt.* Tangitur hic quarto inventa vanitas, quia nihil amplius profecit, nisi quod in sua consideratione vanitatem invenit: et propterea dicit: *Vidi cuncta quæ fiunt sub sole,* id est, omnia consideravi; *et ecce universa vanitas,* id est, aperte in eis apparet vanitas: quia, secundum quod ait Apostolus<sup>1</sup>: « Vanitati subjecta est omnis creatura non volens; » nec tantum vanitas, imo et afflictio spiritus, quia plures inveniuntur mali, quam boni; plures stulti, quam sapientes: et propterea dicit (v. 15): *Perversi difficile corriguntur,* secundum illud<sup>2</sup>: « Non recipit stultus verba prudentiae, nisi ea dixeris, quae versantur in corde suo. » *Et stultorum infinitus est numerus,* scilicet præ multitudine: et hoc non solum est vanitas, imo considerari (*a*) est etiam afflictio, unde dicitur<sup>3</sup>: « Vidi prævaricantes, et tabescerebam; » et rursus<sup>4</sup>: « Tabescere me fecit zelus meus. »

Notandum autem, quod pervertitur homo per malam cogitationem<sup>5</sup>: « Perversæ cogitationes separant a Deo; probata autem virtus corripit insipientes. » Per malam affectionem<sup>6</sup>: « Qui perversi cordis est, non inveniet bonum. » Per malam locutionem<sup>7</sup>: « Labia justi considerant placita, et os iniquorum perversa. » Per iniquam operationem<sup>8</sup>: « Lætantur, cum male fecerint, et exultant in rebus pessimis; » et<sup>9</sup>: « Quiescite agere perverse. » Sed queritur hic primo de hoc, quod dicit: *Hanc occupationem pessimam.* Contra: Hoc est peccatum: ergo dedit Deus peccatum. Si tu dicas: Dedit, id est, permisit dari; sed similiter permisit furari: ergo esset dicendum, quod Deus furatur. Respondeo: peccata media inter primam apostasiam, et ultimam poenam, sunt poena et culpa; sed quædam plus habent rationem culpæ, quædam plus rationem

poenæ: illa quæ plus habent rationem poenæ, attribuuntur justo Dei judicio: et talis est occupatio, et execratio hujusmodi.

Item queritur de hoc, quod *perversi difficile corriguntur*, quia facile est aliquem perveri; sed perversio est contra naturam; ergo si facillimum est reverti ad naturam, cum perversio vitium sit contra naturam, facillimum est corrigi. Respondeo: Ratio sumitur, et ex parte operis mali, quia bonum est uno modo, malum autem omnifariam; et ex parte operantis potentiae, quæ redditur infirma per culpam, et ideo non potest in opus strenuum; et a parte operationis bonæ ad malum secundum privationem, quia<sup>10</sup> facillimum est procedere ab habitu in privationem; sed difficile, vel omnino impossibile est redire.

16. *Locutus sum.* Egit supra de consideratione naturalium; hic similiter ostendit suam curiositatem in consideratione moralium; et hoc quidem facit hoc modo. Primo enim notatur ipsius a naturalibus ad moralia translatio; secundo vero afflictionis invenitio, ibi (v. 17): *Et agnovi quod in his;* tertio vero conversio ad delectabilium fruitionem, ibi (ii, 1): *Dixi ego;* quarto reditus ad utilium considerationem, ibi (ii, 3): *Cogitavi in corde meo.* Primo igitur insinuatur ipsius ad moralia consideranda translatio, et hoc, postquam consideravit rerum naturas: propter quod dicit: *Locutus sum in corde meo, scilicet per cogitationem, dicens: Ecce magnus effectus sum infama, et præcessi omnes sapientia, qui fuerunt ante me in Jerusalem.* Et<sup>11</sup>: « præcellebat sapientia Salomonis sapientiam omnium Orientalium et Ægyptiorum, et erat sapientior cunctis hominibus. » Et<sup>12</sup>: « Eruditus est in juventute sua, et impletus est quasi flumen sapientia: » et hanc cognitionem habuit partim revelatione, unde dicit: *Mens mea contemplata est multa sapienter, divinitus scilicet illustrata;* et partim etiam sua sollicitudine, unde et subdit: *Et*

<sup>1</sup> Rom., VIII, 21. — <sup>2</sup> Prov., XVIII, 2. — <sup>3</sup> Psal. CXVIII, 158. — <sup>4</sup> Ibid., 139. — <sup>5</sup> Sap., I, 8. — <sup>6</sup> Prov., XVII, 20. — <sup>7</sup> Prov., I, 32. — <sup>8</sup> Prov., II, 14. — <sup>9</sup> Isa., I, 16.

— <sup>10</sup> Arist., Postprædic., c. de Oppos. — <sup>11</sup> III Reg., IV, 30. — <sup>12</sup> Iiccli., XLVII, 15. — (*a*) Cæt. edit. considerari.

*didici.*<sup>1</sup> « Ego fui filius patris mei, tenellus et unigenitus coram matre mea, et docebat me. » Et<sup>2</sup>: Visio, qua eruditivit eum mater. » Hanc ergo sapientiam considerans se habere in rerum naturalium investigatione, quia<sup>3</sup> « disputavit a cedro Libani usque ad hyssopum; » voluit se transferre ad moralia; unde dicit: *Dedique cor meum, ut scirem prudentiam, quantum ad facienda, atque doctrinam, quantum ad cognoscenda; errorisque, contra prudentiam; et stultitiam, contra doctrinam, quia non scitur aliquid perfecte, nisi cognoscatur ejus oppositum; et haec utile est scire, quando modo debito inquiruntur, unde<sup>4</sup>:* « Accipite disciplinam, et non pecuniam; doctrinam magis, quam aurum eligite. »

47. *Et agnovi.* Tangitur hic secundum, scilicet in hujus consideratione, spiritualis afflictionis inventio, quia quanto homo melius agnoscit bona et mala, tanto magis affligitur, quando errat, propter quod dicit: *Et agnovi, quod in his quoque esset labor et afflictio spiritus*, hoc est in rerum inutilium cognitione: *labor*, scilicet ad acquirendum<sup>5</sup>: « Existimabam, ut cognoscerem hoc, labor est ante me; » *afflictio spiritus*, post acquisitionem, vel propter culpæ detestationem, vel quia est occasio superbiæ et impatientiæ, quoniam scientia inflat. Utrique expositioni concordat littera sequens, cum subdit (v. 18): *Eo quod in multa sapientia multa sit indignatio*, vel contristationis contra culpam, vel impatientiæ ex superbia, quia magni homines, cum non habent quod volunt, facillime indignantur. Unde dicitur apud Job<sup>6</sup>, quod Elim erat *indignatus*, et hoc quia se sapientem reputabat: et ideo sequitur: *Qui addit scientiam, addit et dolorem*, quia homo impatiens multos sustinet dolores; quia nemo est, cui cuncta ad votum eveniant: et huic expositioni concordat alia translatio Hieronymi: *Agnovi quoniam in*

*his esset passio mentis*, et ideo recte est ibi labor et afflictio spiritus. Unde Hugo: « Curiositas ad inquisitionem eum impellebat, superbia ad ostentationem; et ideo dignum erat, ut timidum labor premeret, et curiosum occupatio dissiparet. » Potest etiam intelligi de afflictione contritionis, quia etiam ubi multa sapientia, multa est indignatio contra peccatum. Glossa: « Quanto quis magis sapientiam assequitur, tanto magis vitiis subjacere indignatur. » Bernardus: « Discite sapientiae superbiam, scilicet indignari vitiis, et contemnere temporalia. » Et<sup>7</sup>: « Postquam ostendisti mihi, percussi femur meum. » *Et qui addit scientiam, addit et dolorem*, scilicet poenitentiæ.<sup>8</sup> « Nunc oculus meus videt te: idcirco me reprehendo, et ago poenitentiam in favilla et cinere. »

## CAPUT II.

1. *Dixi ego in corde meo.* Tangitur hic tertium, scilicet propter considerationis tedium, conversio ad delectationem: quia enim in considerando erat labor et afflictio, ideo cogitavit hoc relinquere, et convertere se ad delicias, in quibus est delectatio; propter quod dicitur: *Dixi ego in corde meo*, id est, in hanc considerationem deveni propter spiritualem in considerando afflictionem. Unde verbum est et consideratio non sapientiæ, sed acediae, quæ non inveniens quietem interius, querit exterius. *Dixi igitur: Vadam, et affluam deliciis, et fruar bonis.* *Vadam*, a bono scilicet recedendo. Homo factus est<sup>9</sup> « spiritus vadens et non rediens. » *Affluam deliciis*, quantum ad multitudinem deliciarum, scilicet carnalibus contra spirituales<sup>10</sup>: « Quam pulchra es, et quam decora, charissima in deliciis! » Ab iis recessit ad carnales<sup>11</sup>: « Vocavit Dominus ad fletum et planctum, » etc.; et post: « Ecce gaudium et lætitia jugulare arietes. » *Et fruar bonis*, quantum ad quietem: eo enim frui-

<sup>1</sup> Prov., IV, 3. — <sup>2</sup> Prov., XXXI, 1. — <sup>3</sup> III Reg., IV, 33. — <sup>4</sup> Prov., VIII, 10. — <sup>5</sup> Psal. LXXII, 16. — <sup>6</sup> Job, XXXII, 2. — <sup>7</sup> Jerem., XXXI, 19. — <sup>8</sup> Job, XLII, 6. —

<sup>9</sup> Psal. LXXVII, 39. — <sup>10</sup> Cant., VII, 6. — <sup>11</sup> Isa., XXII, 12, 13.

tur quis, in quo quiescit appetitus.<sup>1</sup> « Venite, fruamur bonis, quae sunt; et utamur creatura, tanquam in juventute, celeriter; » et<sup>2</sup> : « Veni, fruamur cupitis amplexibus. » Sed quia haec consideratio erat culpabilis et reprehensibilis, ideo semetipsum redarguit, innuens quia delectatio præsens non est vera delectatio, sed deceptio; ideo subdit: *Et vidi, quod hoc quoque esset vanitas*, eo quod non permanet, neque reficit, sed deficit, et decipit; propter quod dicit (v. 2): *Risum reputavi errorem*, eo quod hominem seducat; *Et gaudio dixi: Quid frustra deciperis?*

*Risus a gaudio quomo- do dif- ferit.*

« Risus dolore miscebitur, et extrema gaudii luctus occupat; » et<sup>4</sup> : « Risus vester in luctam convertatur, » quia<sup>5</sup> : « Vae vobis, qui ridetis, quia flebitis. » Iste risus est risus phreneticorum, quia erroneus et momentaneus. Similiter etiam gaudium interius decipit<sup>6</sup>: « Gaudent ad sonitum organi: dueunt in bonis dies suos, et in puneto ad inferna descendunt, » et<sup>7</sup> : « Gaudiun hypocritæ ad instar puncti. »

3. *Cogitari in corde meo.* Tangitur hic quartum, scilicet redditus ad utilium considerationem, et hoc redeundo a voluptate ad sobrietatem. Propter quod dicit: *Cogitavi in corde meo, abstinere a vino carnem meam;* quia istud miro modo inclinat ad voluptatem, unde<sup>8</sup>: « Nolite inebriari vino, in quo est luxuria; » et<sup>9</sup> : « Luxuriosa res est vinum, et tumultuosa ebrietas: quicumque his delectatur, non erit sapiens: » et ideo cogitavit incitamentum relinquere voluptatis: *Ut animum meum transferrem ad sapientiam*, id est, ad considerationem sapientium, et relinquere considerationem stultorum, qualis fuit consideratio præcedens; unde dicit: *Devitareneque stultitiam*, et hoc ad sapientiae exhortationem<sup>11</sup>: « Us-

<sup>1</sup> *Sap.*, II, 6. — <sup>2</sup> *Prov.*, VII, 18. — <sup>3</sup> *Prov.*, XIV, 13. — <sup>4</sup> *Jac.*, IV, 9. — <sup>5</sup> *Luc.*, VI, 25. — <sup>6</sup> *Job*, XXI, 12. — <sup>7</sup> *Job*, XX, 5. — <sup>8</sup> *Ephes.*, V, 18. — <sup>9</sup> *Prov.*, XX, 1. — <sup>10</sup> *Prov.*, I, 22. — <sup>11</sup> *Eccle.*, XII, 13. — <sup>12</sup> *Eccle.*, VIII,

quequo, parvuli, diligitis infantiam, et stulti ea, quae sunt noxia, cupient? » Et hoc non propter utilitatem propriam, sed communem: ideo dicit: *Ut viderem quid esset utile filiis hominum.* Et hoc in vita præsenti, unde et subdit: *Quo facto opus sit*, id est, quod opportunum est facere. *Sub sole numero dierum vitæ suæ*; hoc vidit, et enarravit in fine hujus libri, quando dixit<sup>14</sup>: « Deum time, mandata ejus observa: » hoc siquidem utile est, mandata Dei servare, quia dicitur<sup>12</sup>: « Qui custodit præceptum, non experietur quidquam mali; » et<sup>13</sup>: « Qui custodit mandatum, custodit animam suam: qui autem negligit viam suam, mortificabitur. »

Hic notantur multa utilia, et inutilia: utilia, dimissio iniquitatis<sup>14</sup>: « Si quis emundaverit se ab istis, erit vas in honorem sanctificatum, utile Domino, ad omne opus bonum paratum. » Eruditio veritatis<sup>15</sup>: « Omnis doctrina (a) divinitus inspirata, utilis est ad erudiendum in justitia, ut sic perfectus sit homo Dei ad omne opus bonum insructus. » Exercitatio pietatis<sup>16</sup>: « Exerce temetipsum ad pietatem: nam corporalis exercitatio ad modicum utilis est; pietas autem ad omnia utilis est. » Inutilia: legis Dei transgressio superba<sup>17</sup>: « Quare transgredimini præceptum Domini, quod vobis non proderit? » Sapientia sine doctrina<sup>18</sup>: « Sapientia absconsa, et thesaurus invisus, quæ utilitas in utrisque? » Doctrina sine vita<sup>19</sup>: « Bonum est sal; si autem sal evanuerit, in quo condietur? » Disputatio contentiosa<sup>20</sup>: « Noli verbis contendere: ad nihil enim utile est. »

Quæritur de hoc, quod dicit: *Qui addit scientiam, addit dolorem.* Contra<sup>21</sup>: « Omnes homines natura scire desiderant: » sed desiderium si compleatur, delectat animam: ergo. Item aut loquitur de vera sapientia,

<sup>10</sup>. — <sup>13</sup> *Prov.*, XIX, 16. — <sup>14</sup> *II Tim.*, III, 21. — <sup>15</sup> *II Tim.*, III, 16. — <sup>16</sup> *I Tim.*, IV, 7. — <sup>17</sup> *II Paralip.*, XXIV, 20. — <sup>18</sup> *Eccle.*, XX, 12. — <sup>19</sup> *Marc.*, IX, 49. — <sup>20</sup> *II Tim.*, II, 14. — <sup>21</sup> Arist., *Metaph.*, lib. I, text. 1. (a) *Vulg.* scriptura.

et tunc simpliciter est falsum, quia de illa dicitur<sup>1</sup>: « Non habet amaritudinem conversatio illius; » aut de curiosa, et etiam falsum est, quia magna est eis delectatio, quando possunt aliquid scire. Respondeo dicendum, quod in utroque potest intelligi: de curiosa verum est, quia sicut cum divitiis erescit avaritia, appetitus habendi, sic curioso appetitus addiscendi; si vero de scientia veritatis, secundum quod dicit saporem, delectat; secundum quod cognitionem, contristat, vel propter immunditiam conscientiae propriæ, vel propter aspectum perversitatis alienæ.

Conti-  
nuatio.

4. *Magnificavi opera mea.* Denuntiavit supra curiositatem in consideratione sapientiae, hic intendit determinare curiositatem in operibus mechanicis, quæ respiciunt ea quæ corporis sunt; priora vero, quæ spiritus: prima sunt liberalia; secunda artifcialia. Et habet hæc pars duas: quia primo agitur de artificialibus, quæ ordinantur ad divitias; secundo de iis, quæ ordinantur ad delicias, ibi (v. 8): *Feci mihi cantores.* Curiositatem igitur suam in iis, quæ spectant ad possessionem divitarum, describit hoc ordine: primo, quoad acquisitionem possessorum stabilium; secundo, quoad multiplicationem servientium; tertio, quoad amplificationem pecorum et animalium; quarto, quoad coacervationem mineralium: in quibus quatuor fere omnes consistunt deliciae mundanorum. Primo igitur suam exprimit curiositatem quantum ad possessionem stabilium, scilicet domorum ad habitandum, vinearum et hortorum ad vescendum, piscinarum ad irrigandum: propterea dicit: *Magnificavi opera mea*, id est, magna feci<sup>2</sup>: « Magnificatus est rex Salomon super omnes reges universæ terræ. » Et exprimit sigillatim: *Aedificavi mihi domus (a)*; dicit pluraliter, quia plures aedificavit. Unde<sup>3</sup>: « Postquam aedificavit Salomon duas domus (a), domum Domini, et domum regis, aedificavit

domum filiæ Pharaonis; » et hoc fuit curiositas, et reprehensibile: nam<sup>4</sup>: « Væ qui conjungitis domum ad domum. » *Plantavi vineas*, ad potandum scilicet<sup>5</sup>: « Noe plantavit vineam, bibensque vinum inebriatus est. » *Feci hortos, et pomaria.* et consevi ea diversi generis arboribus, ad cibum<sup>6</sup>: « Descendi in hortum meum, ut viderem poma convallium, et inspicerem, si florisset vinea, et germinassent mala punica: » et quia hæc indigebant irrigari, ideo subdit (v. 6): *Et extruxi mihi piscinas aquarum*, id est, loca in quibus est aquarum congeries. Et hoc: *Ut irrigarem silvam lignorum germinantium*, scilicet per irrigationem: quia<sup>7</sup>, « si continuerit aquas, omnia siccabuntur. » Tales euim piscinæ necessariæ erant in terra promissionis, propter aquæ penuriam<sup>8</sup>: « Terra ad quam ingredieris possidendam, montuosa est, et campestris, de cœlo expectans pluvias. »

7. *Possedi servos*: tangitur hic secundo curiositas quoad multitudinem servientium, quia habuit eos in utroque sexu, unde dicit: *Possedi servos et ancillas*; et etiam in omni ætate, unde subdit: *Multamque familiam habui.*<sup>9</sup> « Videns regina Sabba sapientiam Salomonis, et cibos mensæ ejus, habitacula servorum, et ordinem ministrantium, non habebat ultra spiritum. » *Armenta quoque*: tangitur hic tertio curiositas quantum ad congregationem pecorum, et animalium tam magnorum, quam parvorum, cum dicit: *Armenta quoque, et magnos ovium greges, supple, habui, ultra omnes, qui fuerunt ante me in Jerusalem.* Et quod multa habuit, patet, quia multa consumebat; unde<sup>10</sup>: « Erat cibus Salomoni per singulos dies decem boves pingues, et viginti boves pascuales, et centum arietes, excepta venatione cervorum, caprearum, atque bubalorum, et avium altilium. »

8. *Coacervavi mihi*: tangitur hic quarto curiositas quoad coacervationem mineralium,

<sup>1</sup> Sap., VIII, 16. — <sup>2</sup> III Reg., X, 23. — <sup>3</sup> Ibid., IX, 10. — <sup>4</sup> Isa., V, 8. — <sup>5</sup> Gen., IX, 21. — <sup>6</sup> Cant., VI, 10.

— <sup>7</sup> Job, XII, 15. — <sup>8</sup> Deut., XI, 11. — <sup>9</sup> III Reg., X, 5. — <sup>10</sup> Ibid., IV, 23. — (a) Vulg. *dames*.

cum dicit : *Coacerravi mihi aurum et argentum*, quantum ad metalla; *Et substantias regum et provinciarum*, quantum ad lapides pretiosos, et gemmas<sup>1</sup>. « Singuli deferebant munera Salomoni, vasa argentea, et aurea, vestes, et arma bellica; » et post<sup>2</sup> : « Fecitque, ut tanta esset abundantia argenti in Jerusalem, quanta et lapidum. »

Servus mysticorum. Spiritualiter Salomon iste, qui magnificavit opera sua, Christus Dominus est, qui est rex pacificus, cuius opera magna; unde<sup>3</sup>: « Quam magnificata sunt opera tua, Domine! omnia in sapientia fecisti. » Ipse autem opera sua magnificat spiritualia, dum magnos et multos facit servos, tum quoad vitam activam, tum quoad contemplativam: contemplativi enim ad hoc, quod magui sint in statu suo, multa habent sibi collata a Christo Domino: *Domus*, id est, conscientias quietas<sup>4</sup>: « Ne insidieris et quæras impietatem in domo justi. » In hac domo quiescendum est, non in aliena, quoniam<sup>5</sup>: « Pes fatui facilis est in domum proximi. » *Vineas*, id est, affectiones devotas, ex quibus vinum elicetur<sup>6</sup>: « Numquid possum deserere vinum meum? » *Hortos*, id est, exteriore clausuras<sup>7</sup>: « Hortus conclusus, fons signatus, soror mea sponsa. » *Silvas*, hoc est virtutes varias<sup>8</sup>: « Quam pulchra tabernacula tua, Jacob! » *Pomaria*, id est, operationes honestas et formosas<sup>9</sup>: « Dies mei transierunt, velut naves poma portantes; » quæ scilicet relinquunt post se bonum odorem<sup>10</sup>: « Christi bonus odor sumus Deo. » *Piscinas*, id est lacrymas multas<sup>11</sup>: « Oculi tui, sicut piscinæ in Hesbon; » et<sup>12</sup> : « Quis dabit capiti meo aquam, et oculis meis fontem lacrymarum? » Sicut Christus opera sua magnificavit in contemplativis, sic et in activis, quibus plura necessaria sunt: *Servi et ancillæ*, per humilitatem<sup>13</sup>: « Cum omnia feceritis, quæ præ-

cepta sunt vobis, dicite: Servi inutiles sumus. » *Armenta boum*, per operum strenuitatem, quia boum non est quiescere, sed arare<sup>14</sup>: « Boves arabant; » et<sup>15</sup> : « Ne oderis laboriosa opera. » *Oves*, per intentionis simplicitatem<sup>16</sup>: « Ecce ego mitto vos, sicut oves in medio luporum; » Et<sup>17</sup> : « Quasi modo geniti infantes, lac concupiscite. » *Aurum*, per charitatem. Dicitur apud Danielem<sup>18</sup> de statua illa, quod « caput ejus erat ex auro optimo, » quia charitas est caput virtutum. *Argentum*, per eloquii suavitatem, quia dulcem habet sonum, unde<sup>19</sup>: « Eloquia Domini, eloquia casta, argentum igne examinatum; » et<sup>20</sup> : « Verbum dulce multiplicat amicos, et mitigat inimicos. » *Substantias regum*, per munificientiæ largitatem<sup>21</sup>: « Bona est substantia, cui non est peccatum in conscientia. »

8. *Feci mihi cantores*. Egit de curiositate sua quantum ad ea quæ ordinantur ad divitias; hic agit quantum ad ea quæ ad delicias: et hoc quidem facit per hunc modum: quia enim talia non fiunt a quocumque, sed ab eo qui vult, potest et scit; ideo primo ostendit suam diligentiam, ad hujusmodi delectabilia præparandum; secundo vero potentiam, ad consummandum; tertio sapientiam, ad ordinandum; quarto vero voluptatem, ad perfruendum. Primo ostendit superfluam diligentiam suam ad hujusmodi delectabilia præparandum; quia quantum ad auditum, et quantum ad visum. Ratione auditus dicit: *Feci mihi cantores et cantatrices*, scilicet in utroque sexu, et hoc propter delicias. Glossa: « Ut uterque sexus me oblectaret; » unde dicit: *Et delicias filiorum hominum*, et hoc quantum ad auditum; quantum ad visum etiam fecit vasa pulchra, unde dicit: *Scyphos et urceolos*, quantum ad vina fundenda, scilicet feci, et hoc propter delicias; unde valde diligens fuit, et hoc reprehensibile; unde<sup>22</sup>: « Væ vobis qui

<sup>1</sup> III Reg., x, 25. — <sup>2</sup> Ibid., 27. — <sup>3</sup> Psal. ciii, 24.  
— <sup>4</sup> Prov., xxiv, 25. — <sup>5</sup> Eccli., xxi, 25. — <sup>6</sup> Judic., ix, 9. — <sup>7</sup> Cant., iv, 12. — <sup>8</sup> Num., xxiv, 5.  
— <sup>9</sup> Job, ix, 26. — <sup>10</sup> I Cor., ii, 15. — <sup>11</sup> Cant., vii, 4.  
— <sup>12</sup> Jerem., ix, 1. — <sup>13</sup> Luc., xvii, 10. — <sup>14</sup> Job, i, 14.

— <sup>15</sup> Eccli., vii, 16. — <sup>16</sup> Matth., x, 16. — <sup>17</sup> I Petr., ii, 2. — <sup>18</sup> Dan., ii, 32. — <sup>19</sup> Psal. xi, 7. — <sup>20</sup> Eccli., vi, 5. — <sup>21</sup> Eccli., xiii, 30. — <sup>22</sup> Amos., vi, 1.

opulenti estis in Sion. » Et post <sup>1</sup> : « Qui canitis ad vocem psalterii, bibentes in phialis vinum. » *Et supergressus sum opibus.* Tangitur hic secundum, scilicet potentia ad perficiendum, quia pauper licet possit hujusmodi artificialia deliciosa inchoare, non tamen perficere; sed ipse poterat, tanquam dives, propterea dicit : *Et supergressus sum opibus omnes, qui ante me fuerunt in Jerusalem.* Omnes enim excessit <sup>2</sup> : « Dedi tibi divitias, et gloriam, nemo fuerit similis tui in regibus, cunctis retro diebus. » *Sapientia quoque,* etc. : tangitur hic tertium, scilicet prudentia ad ordinandum, cum dicit (v. 9) : *Sapientia quoque perseveravit tecum,* per quam scilicet illa, quae fecerat, ordinabat <sup>3</sup> : « Videns regina Saba Salomonis sapientiam, et ordinem ministrantium, ultra spiritum non habebat. » Et <sup>4</sup> : « Praecedebat sapientia Salomonis sapientiam omnium Orientalium et Aegyptiorum, et erat sapientior cunctis hominibus. »

*Voluptas duplex.* 40. *Et omnia, quæ desideraverunt,* etc. : tangitur hic quartum, scilicet voluptas ejus ad perfruendum iis rebus delectabilibus quas præparaverat; et quia quædam est voluptas quæ habet ortum ab extrinseco, quædam ab interiorum conceptione, utrumque notat in se. Quantum ad primum dicit : *Et omnia, quæ desideraverunt oculi mei,* scilicet exterius videntes, non negavi eis. Imo satisfecit ad suam culpam, unde <sup>5</sup> : « Oculus meus deprædatus est animam meam; » et <sup>6</sup> : « Ascendit mors per fennstras: » quantum ad voluptatem interiorum, cum dicit : *Nec prohibui cor meum, id est, cordis concupiscentiam, quin omni voluptate frueretur, et oblectaret se in iis, quæ præparaveram,* contra illud <sup>7</sup> : « Fili, post concepitias tuas non eas, et a voluntate tua avertere. » Et quia affectus pervertit sæpe judicium rationis, sequitur perversum judicium, unde et subdit : *Et hanc ratus*

*sum partem meam,* id est, judicavi mihi esse melius, *si uterer labore meo,* scilicet in præsenti : et hoc est judicium Epicureorum, qui non expectant aliud bonum, nec aliam partem; e contra sancti in præsenti non habent partem, sed in futuro, unde <sup>8</sup> : « Portio mea, Domine, sit in terra viventium; » et rursus <sup>9</sup> : « Dominus pars haereditatis meæ. »

Quæritur, cum peccatum sit in iis cantilenis sic delectari, ad quod genus peccati reducitur? Si tu dicas, quod ad luxuriam; quæritur, cum auditus sit unus sensus, sicut gustus et tactus, videtur quod debeat esse capitale peccatum in auditu, sicut et tactu; at si non, quæro causam. Item quæro, utrum in hujusmodi cantilenis delectari sit peccatum. Quod non, videtur, quia sancti instituerunt cantari ad gloriam Dei; quod autem peccatum sit, ait Augustinus <sup>10</sup> : « Quoties cantus mihi magis placuit, quam verba, graviter me peccasse confiteor. » Respondeo dicendum, quod delectari in hujusmodi cantilenis, aut hoc est propter internam devotionem, aut propter internam voluptatem et lasciviam, aut propter quamdam curiositatem: primo modo non est peccatum; secundo modo est peccatum annexum luxuriæ de proximo; tertio modo est peccatum curiositatis annexum luxuriæ de remoto.

Quod peccati genus sit delectari cantilenis.

Quæritur: Quare non est peccatum capitale circa hunc sensum, sicut circa tactum et gustum? Respondeo, quia non est tanta corruptio, nec delectatio. Quæritur de hoc, quod dicit: *Et supergressus sum opibus omnes, qui ante me fuerunt in Jerusalem;* quid est hoc, quod dicit? nulla videtur eminentia, quia ante ipsum non regnavit nisi solum pater ejus, quia <sup>11</sup> ipse ascendit, et cœpit eam, et expulit Iebusæum. Ad hoc dicunt quidam: Non tantum loquitur quantum ad reges Israel, scilicet David et Saul, sed etiam quantum ad judices. Sed hoc non

<sup>1</sup> Amos, VI, 15. — <sup>2</sup> III Reg., III, 13. — <sup>3</sup> Ibid., X, 4. — <sup>4</sup> Ibid., IV, 30. — <sup>5</sup> Thren., III, 51. — <sup>6</sup> Jerem., XI, 21. — <sup>7</sup> Eccli., XVIII, 30. — <sup>8</sup> Psal. CXLI, 6. — <sup>9</sup> Psal.

xv, 5. — <sup>10</sup> Aug., Conf., lib. X, c. XXXII. — <sup>11</sup> II Reg., V, 6.

fuit magnum. Propter hoc dicitur, quod ante ipsum fuerunt reges in Jerusalem de Chanaan, et illi quidem divites, et magni fuerunt; et quantum ad illos dicit. Vel potest legi littera, ut ista determinatio, *in Jerusalem*, referatur ad opes, quas possedit in Jerusalem, non ad reges; ut sit sensus: *Supergressus sum opibus in Jerusalem omnes, qui ante me fuerunt*: quia ante eum nullus fuit ei similis.

Item queritur de hoc, quod dicit: *Sapientia quoque perseveravit tecum*. Contra<sup>1</sup>: « Sapientia doctrinæ secundum nomen illius: » ergo nullus est sapiens, nisi cui sapiunt res ut debent: sed Salomoni non sapuerunt (*a*), quia bona æterna contempsit, et temporalia adamavit: ergo non fuit sapiens, sed stultus. Respondetur dicendum, quod sapientia uno modo importat cognitionem solum, et sic dicitur sapientia rerum divinarum humanarumque cognitione; alio modo importat gustum, et affectus saporem, et ordinem, et sic dicitur sapientia a sapore. Primo autem modo sapere, est in bonis et malis, qui habent intellectum illuminatum ad videndum multa vera de Deo et creaturis; secundo modo tantum est in bonis. Primo modo perseveravit, quia intelligentiam non amisit; secundo modo amisit, cum peccavit, ut stultus factus est.

Quæritur de hoc, quod dicit: *Et hanc ratus sum partem meam, si uterer labore meo*. Videtur ergo, quod Salomon fuerit de sententia Epicureorum, qui non ponunt aliud gaudium esse nisi in præsenti; et hoc est haereticum. Item, si ipse fuit sapiens et intelligens, et hoc posuit; ergo præsumendum hoc esse verum. Respondeo dicendum, quod duplex est judicium in nobis: quoddam rationis deliberantis et conferentis; quoddam estimationis. Dico quod Salomon judicio rationis deliberantis et conferentis, nunquam hoc ratus est, nec fuit istius sen-

tentiæ; sed solum judicio estimationis, sicut omnis peccator estimat sibi bonum esse peccare: unde non est ibi error infidelitatis, sed potius error deviationis a bono. Epicurei autem non solum hoc estimant; imo certitudinaliter asserunt non esse aliud bonum, et ideo sunt haeretici et infideles. Quod objicitur, quod sapiens, dicendum quod, etsi sapiens fuerit, tamen in hoc insipiente egit, et ideo non est imitandus; sicut David bonus fuit, tamen non bene fecit, cum Uriam fecit occidi: nec hoc dicit ad imitandum, sed ad reprehendendum.

11. *Cumque me convertissem*, etc. Egis supra de sua curiositate; hic reprehendit eam ob inventam vanitatem, quæ consistit in mutabilitate. Et hæc pars habet duas: quia primo sua opera europa reprehendit generaliter, secundo specialiter, ibi (v. 42): *Transivi ad contemplandam*, etc. Invenit ergo vanitatem et afflictionem in operibus quæ fecerat curiose, propter diligentem considerationem, ob quam dicit: *Cumque me convertissem ad universa opera, quæ fecerunt manus meæ*, id est, diligenter considerassem, secundum illud Apostoli<sup>2</sup>: « Opus autem suum probet unusquisque; » *Et ad labores in quibus frustra sudaveram*; ideo frustra, quia non propter Deum fecerat, et ideo in vacuum laboraverat<sup>3</sup>: « Vacua est spes illorum, et labor sine fructu: » *Vidi in omnibus vanitatem, et afflictionem spiritus, et nihil permanere sub sole*: ideo erant vacua et afflictiva, quia instabilia: eo enim quod non permanent, sunt vacua; eo quod amittuntur, sunt afflictiva<sup>4</sup>: « Substantiae impiorum, sicut fluvius siccabuntur, et sicut tonitruum magnum in pluvia manebunt; » unde<sup>5</sup>: « Transit mundus, et concupiscentia ejus: » et ideo<sup>6</sup> « fallax (*eius*) gratia, et vana est pulehritudo. »

12. *Transivi ad contemplandam*, etc. Hic in speciali ostendit in suis operibus vanitatem, et dividitur: quia primo ostendit vanitatem in operibus, sive in studio ordinato ad sa-

(a) *Cœl. edit.* sapierunt.

<sup>1</sup> *Ecli.*, vi, 23. — <sup>2</sup> *Gal.*, vi, 4. — <sup>3</sup> *Sap.*, iii, 11.  
— <sup>4</sup> *Ecli.*, xl, 13. — <sup>5</sup> *I Joan.*, ii, 17. — <sup>6</sup> *Prov.*, xxxi, 30.

cientiam ; secundo, in studio ordinato ad opulentiam secundum duplia opera curiositatis prædeterminata , et hoc ibi (v. 18) : *Rursus detestatus sum omnem industriam*. Primo ergo redarguit suam curiositatem circa studium sapientiæ hoc ordine : primo insinuat suæ considerationis diligentiam ; secundo innuit sapientis ad stultum compertam præminentiam ; tertio, ulterius inventam æquiparantiam ; quarto ex hoc concludit vanitatem reprehensione sibi propria. Primo ergo innuit suaæ considerationis diligentiam in pertractando ea in quibus studuerat; propter hoc dicit : *Transivi ad contemplandam sapientiam*, quantum ad eligenda ; *erroresque et stultitiam*, quantum ad vitanda. *Transivi*, inquam, a voluptate, unde<sup>1</sup> : « Transite ad me omnes, qui concupiscitis me. » Sed licet esset in eo diligentia, non tamen erat sufficientia, unde subdit (v. 12) : *Quid est, inquam, homo, ut sequi possit Regem factorem suum?* Quasi dicat : Insufficiens est ad considerandum et videndum quæ Dominus prævidet. *Quid est homo?* quasi dicat : Parum est sufficiens<sup>2</sup> : « Quid est homo, quod memor es ejus? » *Ut sequi possit Regem factorem suum*, id est, Deum creatorem<sup>3</sup> : « Et nunc, Domine, pater noster es tu, nos vero lutum ; et fector noster es tu, et opera manuum tuarum omnes nos. » Hæc nemo potest sequi<sup>4</sup> : « Forisan vestigia Dei comprehendes, et usque ad perfectum Omnipotentem repères? » *Et vidi quod tantum*, etc. Hie notatur secundum, scilicet sapientiæ ad stultitiam inventa præminentia, quia quasi improportionabiliter antecellit ; propter quod dicit : *Et vidi quod tantum præcederet sapientia stultitiam*, id est, nobilior esset, quantum differt lux a tenebris : et ista comparatio bona est, quoniam sapientia illuminat, et stultitia execusat et obtenebrat ; propterea subdit (v. 14) : *Sapientis oculi in capite ejus*, sicut ad diri-

gendum ; *Stultus in tenebris ambulat*, quasi non habeat oculos in capite. Quod autem sapientia illuminet, alibi docet, cum ait<sup>5</sup> : « Diligite lumen sapientiæ omnes, qui prætestis populis. » Unde et Christus, Dei sapientia, dicit de se luce<sup>6</sup> : « Ego sum lux mundi. » E contra stultitia est tenebrosa<sup>7</sup> : « Væ qui dicitis bonum malum, et malum bonum, ponentes lucem tenebras, et tenebras lucem. » Unde<sup>8</sup> : « Lux in tenebris luet, et tenebræ eam non comprehenduntur; » ideo, quia<sup>9</sup> « nescierunt, neque intellexerunt : » ideo « in tenebris ambulant » :<sup>10</sup> « Dilexerunt enim magis tenebras, quam lucem. »

14. *Et didici*, etc. Tangitur hic tertium, sapientis ad stultum æquiparantia , et in morte , et post mortem. Quantum ad æquiparantiam in moriendo, dicit : *Et didici, quod unus utriusque esset interitus : unus*, id est consimilis, quia nemo effugit mortis sententiam propter suam sapientiam; unde<sup>11</sup> : « Omnes morimur, et quasi aquæ, quæ dilabuntur in terram, quæ non revertuntur. » Sicut stultus nihil nihil effert (a), sic nec sapiens.<sup>12</sup> « Nudus egressus sum de utero matris meæ, et nudus revertar. » Et propter hanc æquiparantiam contempsit sapientiam, ideo dicit (v. 15) : *Et dixi in corde meo : si unus et stulti, et meus occasus erit, quid mihi prodest, quod majorem sapientiæ dedi operam?* quasi dicat : Nihil, quantum ad mortem.<sup>13</sup> « Dies finitionis (mortis) a residente (b) super sedem gloriosam usque ad humilitatum in terra et cinere. » Est autem sapientis et stulti non tantum æquiparantia in morte, sed etiam post mortem; unde subdit : *Locutusque cum mente mea, id est, interius consideravi. Animadverti quod hoc quoque esset vanitas*, scilicet dare sapientiæ operam majorem, quam stultus, quia non est magis de ipso memoria, quam de stulto ; ideo dicit (v. 16) : *Non enim erit sapientis*

<sup>1</sup> Eccli., xxiv, 26. — <sup>2</sup> Psal. viii, 5. — <sup>3</sup> Isa., LXIV, 4. — <sup>4</sup> Job, xi, 7. — <sup>5</sup> Sap., vi, 23. — <sup>6</sup> Joan., VII, 12. — <sup>7</sup> Isa., v, 20. — <sup>8</sup> Joan., i, 5. — <sup>9</sup> Psal. LXXXI, 5. —

<sup>10</sup> Joan., III, 19. — <sup>11</sup> II Reg., XIV, 14. — <sup>12</sup> Job, I, 21. — <sup>13</sup> Eccli., XL, 2.

(a) Cœt. edit. affert.— (b) Item mortis residentes.

*memoria, similiter ut stulti, in perpetuum; et ratio subditur: Et futura tempora obli- vione cuncta pariter operient.* Unde supra (1, 11) dictum est: « Non est priorum me- moria, nec etiam eorum quæ post futura sunt. » Et <sup>1</sup>: « Oblivionem accipiet nomen nostrum per tempus, et nemo memoriam habebit operum nostrorum. » Et <sup>2</sup>: « Me- moria vestra comparabitur cineri, et redi- gentur in lutum cervices vestræ. »

**46. Moritur doctus.** Illic quarto ex hujus- modi æquiparantia inventa concludit vani- tatem in suo studio, et reprehensionem suam: unde repetit æquiparantiam, dicens: *Moritur doctus similiter et indoctus;* et ita pares sunt; et ex hoc concludit (v. 47): *Id- circo tæduit me vitæ meæ;* quasi recusavi vivere præ tædio; sicut Job <sup>3</sup>: « Tædet animam meam vitæ meæ, » propter pecca- torum occasiones. Et Rebecca <sup>4</sup>: « Tædet me vitæ meæ. » Propter labores <sup>5</sup>: « Tæ- dere cœpit populum itineris et laboris. » Propter tribulationes <sup>6</sup>: « Supra modum gravati sumus, ita ut tæderet nos etiam vivere. » Propter futuræ (a) dilatationem <sup>7</sup>: « Tædet animam meam vitæ meæ. » Propter imminente tentationem <sup>8</sup>: « Dormitavit anima mea præ tædio. » Propter mortis imminentis horrorem <sup>9</sup>: « Cœpit Jesus tæde- re, et pavere. » *Videntem mala esse universa sub sole, et cuncta vanitatem, et afflictio- nem spiritus.* <sup>10</sup> « Corpus quod corrumpitur, aggravat animam, et externa inhabitatio sensum deprimit multa cogitantem: ideo frequens meditatio carnis est afflictio. »

**Sequi Deum dupli- ter.** Quæritur hic primo de hoc, quod dicit: *Quid est homo, ut sequi possit Deum?* Contra <sup>11</sup>: « Magna gloria est sequi Deum. » Item Job ait <sup>12</sup>: « Vestigia ejus secutus est pes meus. » Respondeo dicendum, quod est sequi per æquiparantiam, ethoc nulli datum est creaturæ, et quia satanas hoc voluit, ideo corruit; est item sequi per subjectionem et

obedientiam, et hoc quidem potest homo, sed non quilibet, sed quibus datum est a Deo per gratiam, et quem ipse trahit; et ideo nullus potest sine Dei auxilio.

Quæritur de hoc, quod dicit: *Quid mihi prodest, quod majorem sapientie operam dedi?* Quia secundum hoc videtur, quod dissuadeat studere sapientiae; cuius contra- rium sæpe hortatur <sup>13</sup>: « Stude sapientiæ, fili mi. » Respondeo dicendum, quod dare operam sapientiae, hoc potest esse dupli- citer: propter commodum præsentis vitæ; vel propter remunerationem gloriae æternæ. Propter commodum præsentis vitæ prodest sapientia ante mortem, quia dirigit hominem in suis operibus; sed in morte nihil, eo quod ita moritur doctus, ut indoctus, nec protelatur ei vita; si autem propter commodum æternæ vitæ, sic non moritur, imo vivit. Est utilis ad operationem boni <sup>14</sup>: « Ornamentum aureum prudenti, doctri- na. » Est utilis ad declinationem mali <sup>15</sup>: « Sapiens cor è intelligibile abstinet se a peccatis. » Est utilis ad augmentum gratiæ <sup>16</sup>: « Dabit capiti tuo augmenta gratiarum. » Est ad augmentum gloriae <sup>17</sup>: « Gloriam sa- pientes possidebunt. » Sic igitur dehorta- tur, quod non est studendum in sapientia propter præsens commodum et curiosita- tem, sed propter æternam salutem: et ideo seipsum reprehendit, quia ipse laboraverat propter curiositatem et mundanam vanita- tem.

Quæritur de hoc, quod dicit: *Non erit memoria sapientis et stulti.* Contra <sup>18</sup>: « Me- moria justi cum landibus, et nomen impio- rum putrescit. » Item <sup>19</sup>: « Non recedet me- moria ejus, et nomen ejus requiretur. » Respondeo: Ad hoc dicunt quidam, quod ipse loquitur in persona carnalis: unde fal- sum dicit simpliciter, sed verum secundum carnalium aestimationem. Sed hoc non plane solvit, quia debet carnalium positionem non

<sup>1</sup> *Sap.*, II, 4. — <sup>2</sup> *Job*, XIII, 12. — <sup>3</sup> *Job*, X, 1. — <sup>4</sup> *Gen.*, XXVII, 46. — <sup>5</sup> *Num.*, XXI, 4. — <sup>6</sup> *II Cor.*, I, 8. — <sup>7</sup> *Job*, X, 1. — <sup>8</sup> *Psal.* CXXVIII, 28. — <sup>9</sup> *Marc.*, XIV, 33. — <sup>10</sup> *Sap.*, IX, 45. — <sup>11</sup> *Eccli.*, XXIII, 38. — <sup>12</sup> *Job*,

Dare  
operam  
sapien-  
tiae du-  
pliciter  
intelligi-  
tur.

(a) *Suppl.* vitæ.

asserere , sed potius infirmare. Propterea dicendum , quod est loqui de memoria sapientis et stulti, aut quantum ad Deum, aut quantum ad homines : si loquimur quantum ad Deum , memoria est utique boni sapientis, qui studet sapientiae ad gloriam Dei; sed quantum ad homines, tam malorum, quam bonorum transit memoria ut in pluribus, quia homines pauca recolunt. Si autem de malo sapiente , et vano, non est memoria, nec quantum ad Deum, nec quantum ad homines ; imo nomen ejus transit , ut nomen stulti : et ideo stultum est propter famam nemini in sapientia laborare. Ecclesiastes autem loquitur de sapiente vano , qui oculum habet ad terrena ; et loquitur de memoria humana, non divina.

Item quæritur de hoc, quod dicit : *Tæduit me vitæ meæ violentem mala universa sub sole.* Contra <sup>1</sup> : « Vedit Deus cuncta quæ fecerat, et erant valde bona: » ergo non sunt mala , imo hoc est hæreticum. Respondeo dicendum , sicut dicit Apostolus , quod <sup>2</sup> : « Lex sancta, et mandatum sanctum ; » tamen per occasionem mandatum fuit , non habentibus gratiam, mortiferum , et operatum est mortem : sicut creaturæ justis , et Deum diligentibus, valde sunt bonæ , et cooperantur in bonum , et de se sunt bona; tamen impiis peccatoribus et insipientibus omnia convertuntur in mala per occasionem ; unde <sup>3</sup> : « Creaturæ Dei sunt in temptationem et in muscipulam pedibus insipientium ; » et <sup>4</sup> : « Hæc omnia impiis et peccatoribus in mala convertuntur.

18. *Rursus detestatus sum*, etc. Redarguit supra suam curiositatem circa opera sapientiae ; secundo redarguit suam curiositatem circa opera humanæ industriæ ad opulentiam ordinatæ. Et hoc quidem facit hoc ordine : Primo suam curiositatem redarguit propter boni successoris , seu hæredis incertitudinem ; secundo , propter laboriosam sollicitudinem ; tertio , huic præfert præsentem

volutatem ; quarto , ipsam sollicitudinem damnat per judicij divini æquitatem. Arguit ergo primo se curiosum circa terrena acquirendam, propter bonæ prolis incertitudinem ; quia ipse non poterat semper possidere , et timebat inutilem successorem habere ; propterea dicit : *Rursus detestatus sum omnem industriam meam*, id est, curiosam diligentiam, qua sub sole studiosissime laboravi, ad hæc scilicet bona augenda. <sup>5</sup> « A minori usque ad majorem omnes avaritiæ student; » et ratio detestationis infertur : *Habiturus hæredem post me*, (v. 19) *quem ignoro, utrum sapiens, an stultus futurus sit.* Ad litteram, Salomon habuit Roboam stultum filium , qui secutus consilium juvenum fecit dividi regnum. *Et dominabitur in laboribus meis, quibus desudavi*, quantum ad corpus, et *sollicitus fui*, quantum ad animam. De hoc sudore <sup>6</sup> : « In sudore vultus tui vesceris pane tuo. » De sollicitudine <sup>7</sup> : « Nolite solliciti esse animæ vestræ , quid manducetis, aut corpori vestro , quid induamini ; » et illud est valde vanum , unde dicit : *Et est quidquam tam vanum?* supple , sicut laborare sollicite pro stvlto curioso ; quasi dicat : Non. Ex hujus igitur vanitatis consideratione cessavit a curiositate ; unde dicit (v. 20): *Unde cessavi, renuntiavitque cor meum laborare sub sole*, id est, pro bonis temporalibus. *Cessavi, in opere; Renuntiavitque cor meum, in voluntate.* Sed avarus propter hoc non cessat <sup>8</sup> : « Unus est , et secundum non habet, et tamen laborare non cessat ; » et repetit rationem , quare cessavit (v. 21) : *Nam cum alius labore in sapientia, in corde; et in doctrina, in ore: et in sollicitudine, in opere; homini otioso quæsita dimittit.* Et ex hoc concludit vanitatem : *Et hoc ergo vanitas et magnum malum: vanitas quidem, quia divitiae relinquuntur homini inutili; sed magnum malum*, unde Hugo : « *Magnum malum est, ut unde unus atterritur labore, alter otiose et illicite abutatur.* »

<sup>1</sup> Gen., I, 31. — <sup>2</sup> Rom., VII, 12. — <sup>3</sup> Sap., XIV, 11.  
— <sup>4</sup> Eccli., XXXIX, 32. — <sup>5</sup> Jerem., VI, 13. —

<sup>6</sup> Gen., III, 19. — <sup>7</sup> Matth., VI, 25. — <sup>8</sup> Eccl., IV, 8.

*Malum*, quia dissipatori<sup>1</sup>: « Vana sunt opera eorum ; » et<sup>2</sup>: « Non sit fortitudo in manu tua : fructus terrae tuae, et omnes labores tuos comedat populus , quem ignoras. »

22. *Quid enim proderit*, etc.? Hic secundo redarguit curiositatem acquirendi propter laboriosam sollicitudinem , propter quam dicit : *Quid proderit homini de universo labore suo*, in corpore , et afflictione spiritus , in animo , qua sub sole cruciatus est? quasi dicat : Nihil. Unde<sup>3</sup> : « Noli laborare ut di- teris ; sed prudentiae tuae pone modum. » Non prodest , scilicet ei qui laborat propter haec visibilia habenda. Unde Bernardus : « Apud alios sunt fructus divitiarum ; divitibus vero nomen reddit sollicitudo , et ideo non prodest. » Unde<sup>4</sup> : « Quid prodest pos- sessori , nisi quod cernit divitias oculis suis ? » Nec tantum non prodest , imo obest ; unde subdit (v. 23) : *Cuncti dies ejus dolori- bus et ærumnis pleni sunt*, exterius ; nec per noctem mente requiescit , interius. Ideo dicitur<sup>5</sup> : « Menses vacuos , et noctes labo- riosas enumeravi mihi. » Et<sup>6</sup> : « Omnes dies pauperis , mali ; secura mens quasi juge convivium ; » et ex hoc concludit , quod sic laborare est vanum , quia inutile. Ideo dicit : *Et hoc nonne vanitas est?* quasi dicat : Imo.<sup>7</sup> « Qui amat divitias , fructum non capiet ex eis ; » et hoc ergo vanitas , quia ob- sunt. Unde<sup>8</sup> : « Est alia infirmitas , quam vidi sub sole : divitiæ congregatæ , » etc.

24. *Nonne melius est*, etc.? Hic tertio prædictæ sollicitudini curiositatis præfert volup- tatem carnis ; et ideo dicit : *Nonne melius est comedere animæ suæ bona de laboribus suis?* supple , quam continue semper laborare ; quasi dicat : Melius est , id est , minus malum : quia illud est malum culpæ et pœnæ ; istud est malum culpæ , sed habet jucundi- tatem<sup>9</sup> : « Ecce gaudium et lætitia , occidere vitulos , et jugulare arietes , » etc. Et quod

sit melius , manifestat , quia hoc est donum Dei. Unde dicit : *Et hoc de manu Dei est.*<sup>10</sup> « Saturavi eos , et mœchati sunt , » etc. Et proponit se in exemplum hujus ad hoc con- firmandum , dicens : *Quis ita vorabit*, quan- tum ad concupiscentiam , et deliciis affluet , quantum ad abundantiam , ut ego? quasi di- cat : Nullus.<sup>11</sup> « Erat autem cibus Salomo- nis per singulos dies , triginta cori similæ , et sexaginta cori farinæ , decem boves pin- gues , et viginti pascuales. »

26. *Homini bono*, etc. Illic quartosollicitudi- nem damnat per divini judicij æquitatem , quo- niam talis sollicitudo non est data bonis , sed malis , et hoc divino judicio.<sup>12</sup> « Justi epulen- tur et exultent in conspectu Dei. » Ideo dicit : *Homini bono, in conspectu suo*, scilicet , quod sibi placet , non hominibus , ut hypocrita. *De- dit Deus sapientiam* , quantum ad æterna ; et scientiam , quoad temporalia dispensanda ; et intelligentiam , quoad intelligenda et con- sideranda<sup>13</sup> : « Quis posuit in visceribus ho- minis sapientiam , vel quis dedit gallo intel- ligentiam? » Hoc secundum largitatem misericordiae ; secundum æquitatem justitiae , subdit : *Peccatori autem dedit afflictionem* , et curam superfluam , id est , dari permisit justo judicio; ut addat , et congreget , et tra- dat ei qui placuit Deo.<sup>14</sup> « Custoditur justo substantia peccatoris. » Et<sup>15</sup> : « Qui coacer- vat divitias usuris , foenere liberali in pau- peres congregat eas. » Et ex hoc infert vani- tatem : *Sed hoc vanitas, et cassa sollicitudo mentis* , quia<sup>16</sup> : « Expectatio sollicitudinis peribit. »

Notandum : Est studium ad occasionem sapientiae<sup>17</sup> : « Stude sapientiae , fili mi , ut possis exprobranti sermonem respondere. » Ad excitationem justitiae<sup>18</sup> : « Bonas facite vias vestras et studia vestra. » Ad expletionem concupiscentiae<sup>19</sup> : « Cui væ? cuius patri væ? nonne his , qui commorantur in vino , et student calicibus epotandis? » Ad impe-

<sup>1</sup> Jerem., LI, 18. — <sup>2</sup> Deut., XXVIII, 32, 33. — <sup>3</sup> Prov., XXII, 4. — <sup>4</sup> Eccl., v, 10. — <sup>5</sup> Job, VII, 3. — <sup>6</sup> Prov., XV, 15. — <sup>7</sup> Eccl., v, 9. — <sup>8</sup> Ibid., 42. — <sup>9</sup> Isa., XXII, 23. — <sup>10</sup> Jerem., v, 7. — <sup>11</sup> III Reg., IV,

<sup>12</sup> Psal. LXVII, 4. — <sup>13</sup> Job, XXXVIII, 36. — <sup>14</sup> Prov., XIII, 22. — <sup>15</sup> Prov., XXVIII, 8. — <sup>16</sup> Prov., XI, 7. — <sup>17</sup> Prov., XXVII, 11. — <sup>18</sup> Jerem., VII, 3. — <sup>19</sup> Prov., XXIII, 30.

rium avaritiæ<sup>1</sup> : « A minori usque ad majorem omnes avaritiæ student. » Prima duo studia sunt bona ; duo sequentia mala ; et in his discernitur bonitas hominis<sup>2</sup> : « Ex studiis suis intelligitur puer, si munda et recta sunt opera ejus. » Quia igitur Ecclesiastes non his studuerat, sed ad avaritiam et gulam , ideo sua studia arguebat.

## CAPUT III.

1. *Omnia tempus habent.* Supra egit de vanitate rerum, ostendens in iis esse variabilitatem ratione motus ; hic secundo vult ostendere vanitatem quantum ad determinationem et varietatem in tempore : et quia ostendit mutabilitatem rerum, nou ad ipsarum contemptum secundum quod sunt opera Dei, sed secundum quod amantur a nobis ; ideo in hac parte ostendit primo temporum varietatem, secundo reprehendit nostram curiositatem, ibi (v. 9) : *Quid habet amplius*, etc. ; tertio, divinorum operum perpetuitatem, ibi (v.14): *Etididici, quod omnia opera*, etc. Prima pars habet duas : quia primo agit de varietate et mutabilitate rerum in tempore generaliter ; secundo, specialiter, inducendo et probando, ibi (v. 2) : *Tempus nascendi*. Proponit ergo generaliter, dicens : *Omnia tempus habent*, id est temporis varietatem, quia<sup>3</sup> : « Vanitati subjecta est creatura non volens : » *Et suis spatiis transeunt universa sub sole*, quantum ad præfixi temporis determinacionem.<sup>4</sup> « Omnia in numero, pondere, et mensura disposuisti. » Et<sup>5</sup> : « Præterit figura hujus mundi, » et maxime hoc temporis spatio sibi præfixi<sup>6</sup> : « Constituisti terminos ejus, qui præteriri non poterunt. »

Hic est quæstio de hoc, quod dicit : *Omnia tempus habent*. Instantia est, quoniam substantiæ spirituales, ut dicit Hieronymus, nec loco, nec tempore continentur. Item, omne quod est in tempore, et habet tempus, est corporale : sed substantiæ spirituales sunt

incorporales : ergo non sunt in tempore, nec habent tempus. Quod autem sint in tempore, videtur, quia dicitur : « Substantia spirituæ increata non movetur per tempus, nec per locum; substantia spiritualis creata moveatur per tempus, sed non per locum ; corporalis creata, per tempus et locum. » Item quod est in loco, est in tempore : sed solus Deus est incircumscribibilis, ut dicit Damascenus<sup>7</sup> : ergo solus est intemporalis : ergo omnia alia tempus habent. Respondeo dicendum ad hoc, quod ista distributio est accommoda ; et sicut, quando dicitur : « Cœlum tegit omnia, » intelligitur de iis quæ sunt sub cœlo ; sic quando dicitur : *Omnia tempus habent*, intelligitur de iis quæ sunt sub sole, et mensurantur tempore : et ideo non est inferenda instantia in substantia spirituali. Si autem velimus distributionem extendere, dicemus, quod tempus dicitur tripli citer : communiter, et proprie, et magis propriæ : communiter, secundum quod dicit mensuram de non esse ad esse, et hoc modo est in omnibus, quia omnia initium habuerunt : et hoc videtur littera innuere ; quia ipse dicit quod *omnia tempus habent*, sed non quod omnia transeant sub sole. Alio modo proprie, prout importat variationem, sive in substantia, sive in affectione ; et sic adhuc substantia spiritualis habet tempus, quantum ad mutationes affectuum. Tertio modo magis proprie, prout mensura excendens ; et sic est corruptibile, et non omnium. Quod ergo quæritur, utrum substantiæ spirituales habeant tempus ; solvendum, quod primo modo habent, quantum ad substantiam ; secundo modo, quantum ad aliquas affectiones ; tertio modo non habent : et per hoc solvuntur contrarietates utriusque partis.

Quæritur de secunda parte propositionis : *Et suis spatiis transeunt sub sole*, utrum transeant elementa. Quod sic, videtur<sup>8</sup> : « Vidi cœlum novum, et terram novam : » ergo

<sup>1</sup> *Jerem.*, vi, 13. — <sup>2</sup> *Prov.*, xx, 11. — <sup>3</sup> *Rom.*, viii, 20. — <sup>4</sup> *Sap.*, xi, 21. — <sup>5</sup> *I Cor.*, vii, 31. — <sup>6</sup> *Job*, XIV,

<sup>7</sup> *Damasc.*, *de Fid. orthod.*, lib. I, c. xvi. — <sup>8</sup> *Apoc.*, XXI, 1.

Tempus  
tripliciter  
dicitur.

vetus transierat. Item<sup>1</sup> : « Transit mundus, et concupiscentia ejus. » Et<sup>2</sup> : « Cœlum et terra transibunt. » Contra : Sunt de constitutione universi : ergo cum universum maneat, manifestum est quod etiam elementa. Respondeo dicendum, quod aliquid transire suo spatio, est dupliciter : vel quantum ad corruptionem secundum totam substantiam, sicut corrumpuntur animalia bruta; vel quantum ad corruptionem secundum partem, sicut elementa generantur, corrumpuntur in suis terminis, in quibus se tangunt; vel transire hoc a statu corruptibilitatis, et ad statum alium transmutari : hoc modo mundus iste sensibilis innovabitur. Quod ergo dicitur hic, quod *suis spatiis transeunt*, altero istorum modorum intelligitur. Quod rursus objicitur : « Transit mundus et concupiscentia ejus, » determinatio solvit, scilicet mundus, prout est occasio voluptatis. Quod dicitur : « Vidi cœlum novum; » Glossa : « Id est, innovatum. » Quod dicitur : « Cœlum et terra transibunt, » Glossa exponit, a forma mutabili ad immutabilem.

2. *Tempus nascendi*, etc. Supra proposuit propositionem generalem; hic probat eam in speciali inducendo, ostendens in rebus diversas temporum varietates. Et hæc pars habet quatuor partes : primo tangitur varietas temporum, quæ respicit ortum, et occasum; secundo, quæ respicit statum, ibi : *Tempus flendi*, et *tempus ridendi*; tertio, illa quæ respicit usum, ibi : *Tempus amplexandi*, etc.; quarto, illa quæ respicit debitæ conversationis modum, ibi : *Tempus tacendi*, etc. Primo igitur introducitur illa varietas, quæ respicit ortum rerum et occasum sub quadruplici differentia : primo viventium; secundo vegetabilium; tertio sensibilium; quarto artificialium.

Quantum ad ortum et occasum viventium, dicit ibi esse varietatem, cum dicit : *Tempus nascendi*, et *tempus moriendi*; et hoc est

omnibus viventibus, quia de nativitate venit ad mortem.<sup>3</sup> « Homo natus de muliere, brevi vivens tempore, repletur multis miseriis. » Et<sup>4</sup> : « Occupatio (*a*) magna creata est super filios Adam, a die exitus de ventre matris eorum, usque in diem sepulturæ in matrem omnium. » Et<sup>5</sup> : « Nos nati continuo desinimus esse. » Et<sup>6</sup> : « Alia generantur, et alia dejiciuntur : sic generatio carnis et sanguinis, alia finitur, et alia nascitur. »

Quantum ad ortum vegetabilium, dicit : *Tempus plantandi*; quantum ad occasum : *Tempus evellendi quod plantatum est*<sup>7</sup>. « Planvat erat Dominus Deus paradisum voluptatis. » Sed *tempus evellendi* infructuosa; unde<sup>8</sup> : « Ecce tres anni sunt, ex quo venio quærens fructum in hac ficu, et non inventio : succide ergo illam. »

Quantum ad ortum et occasum sensibilium, subdit (v. 3) : *Tempus occidendi*, etc.; et præmittitur : *Tempus occidendi*, et sequitur : *Tempus sanandi*, propter statum naturæ corruptæ, quæ magis inolevit, ut sanitas non habeat locum. De hac variatione<sup>9</sup> : « Ego occidam, et ego vivere faciam. »

Quantum ad ortum et occasum artificialium, subdit quarto : *Tempus destruendi*, ecce occasus; *Et tempus aedificandi*, ecce reformatio destructi. Destruenda sunt ruinosa<sup>10</sup> : « Non relinquetur in te lapis super lapidem. » *Tempus aedificandi*, cum adest rerum copia<sup>11</sup> : « Destruam horrea mea, et rursus faciam majora. »<sup>12</sup> « Portate lignum, ædificate domum, et acceptabilis erit mihi. » Et sic non est status in rerum egressu.

4. *Tempus flendi*, etc. Posita varietate temporum, quæ respicit ortum rerum et occasum, ponitur hic varietas temporum, quæ respicit statum, utpote prosperitatis et adversitatis. Et hoc attenditur secundum triplicem differentiam, scilicet prosperitatis, jucunditatis, et securitatis, et suorum oppositorum.

<sup>1</sup> *Joan.*, II, 17. — <sup>2</sup> *Matth.*, XXIV, 35. — <sup>3</sup> *Job*, XIV, 1. — <sup>4</sup> *Ecli.*, XL, 1. — <sup>5</sup> *Sap.*, V, 13. — <sup>6</sup> *Ecli.*, XIV, 19. — <sup>7</sup> *Gen.*, II, 8. — <sup>8</sup> *Luc.*, XIII, 7. — <sup>9</sup> *Deut.*,

XXXII, 39. — <sup>10</sup> *Luc.*, XXIX, 44. — <sup>11</sup> *Luc.*, XII, 18. — <sup>12</sup> *Agg.*, I, 8.

(*a*) *Cæt. edit.* Occasio.

Quantum igitur ad tempus prosperitatis, in quo ridendum; et adversitatis, in quo plorandum, dicit: *Tempus fletendi*. In adversitate<sup>1</sup>: « Omnis maritus sumpsit lamentum, et quæ sedebant in thoro maritali, lugebant. » Et<sup>2</sup>: « Plorans ploravit in nocte, » id est, in adversitate, « et lacrymæ ejus in maxillis ejus. » *Et tempus ridendi*, in prosperitate<sup>3</sup>: « Judæis nova lux oriri videbatur, et gaudium, atque tripudium. » Et præmittit fletum risui, vel quia præcedit secundum naturam lapsam<sup>4</sup>: « Primam vocem similem omnibus emisi plorans; » vel quia primo dolendum, quia<sup>5</sup>: « Beati, qui nunc fletis, quia ridebitis; » e contra de malis<sup>6</sup>: « Risis dolore miscebitur. »

Quantum ad jucunditatis statum, et suum oppositum, dicit (v. 4): *Tempus plangendi, et tempus saltandi*. Differt planctus, et fletus, risus, et saltus; quia fletus est in lacrimis, planctus in voce, risus in signo, saltus in corporis elevatione. De planctu<sup>7</sup>: « Planctus magnus est iste Ægyptiis, » hoc est ad exequias; sed saltus ad solemnitates præclaras, unde dicitur<sup>8</sup>, quod in die natalis Herodis intravit filia Herodiadis, ut saltaret.

Quantum ad tempus securitatis, et sui oppositi, dicit (v. 5): *Tempus spargendi lapides*, scilicet est securitas<sup>9</sup>: « Non sumet gens adversum gentem gladium. » *Tempus colligendi*, ad extreunctionem munitionum, scilicet quando de hostibus est timiditas<sup>10</sup>: « Ædificavit omnem murum, qui fuerat dissipatus, et extruxit tresses. » Sequitur: *Tempus amplexandi*. Posita varietate temporum, quæ respicit ortum et occasum rerum, et etiam statum; ponitur hic tertio, quæ respicit usum, et hoc sub quadruplici differentia: scilicet quantum ad usum uxorum, quæ consistit in copulatione carnali ad generationem prolis, et dicit: *Tempus amplexandi, et tempus longe fieri ab amplexibus*.<sup>11</sup> « Reliquum est, ut qui habent uxores,

sint tanquam non habentes. » Et iterum<sup>12</sup>: « Nolite fraudare invicem, nisi forte ex consensu ad tempus, ut vacetis orationi, et iterum revertimini in idipsum. »

Quantum ad usum possessionum, dicit (v. 6): *Tempus acquirendi, et tempus perdendi*. Acquirimus per industriam, sed perdimus per pigritiam.<sup>13</sup> « Sapiens mulier ædificat domum suam; insipiens extractam quoque manibus destruet. » Vel acquirendi in vita, perdendi in morte<sup>14</sup>: « Divitias, quas devoravit, evomet. »

Quantum ad usum thesaurorum, subdit: *Tempus custodiendi*, quando est abundancia; et *tempus abjiciendi*, quando est pauperum indigentia: exemplum de Joseph, qui custodivit in fertilitate, et dispersit in egestate. Custodiendæ enim sunt divitiae, ut dispergantur; unde<sup>15</sup>: « Dispersit, dedit pauperibus. » Quantum ad usum vestimentorum, subdit (v. 7): *Tempus scindendi*, cum devastantur; et *tempus consuendi*, quia vestimenta nostra quotidie devastantur et renovantur, nisi forte divino miraculo, sicut scriptum est<sup>16</sup>: « Vestimentum tuum, quo operiebaris, nequaquam vetustate defecit: » sed nostra cito consumuntur (a): ideo parum est curandum<sup>17</sup>: « Habentes alimenta, et quibus tegamur, his contenti simus. »

*Tempus tacendi*. Hic ponitur quarta varietas temporis, quæ respicit debitum conversandi modum, quæ attenditur secundum triplicem actuum alternationem, scilicet quantum ad actum rationabilis, qui est loqui; concupiscibilis, qui est amare; irascibilis, cuius est bellare; et quantum ad sua opposita. Quantum ergo ad alternationem locutionis, dicit: *Tempus tacendi, et tempus loquendi*; quia non semper loquendum, nec semper tacendum<sup>18</sup>: « Homo sapiens facebit usque ad tempus; lascivus autem et imprudens non servabit tempus. » Unde<sup>19</sup>: « Mala aurea in lectis argenteis, qui loquitur ver-

<sup>1</sup> *Mach.*, I, 28. — <sup>2</sup> *Thren.*, I, 2. — <sup>3</sup> *Esth.*, VIII, 16.

<sup>4</sup> *Sap.*, VII, 3. — <sup>5</sup> *Luc.*, VI, 21. — <sup>6</sup> *Prov.*, XIV, 13.

<sup>7</sup> *Gen.*, L, 11. — <sup>8</sup> *Marc.*, VI, 21. — <sup>9</sup> *Mich.*, IV, 3.

<sup>10</sup> *II Paralip.*, XXXII, 5. — <sup>11</sup> *I Cor.*, VII, 29. —

<sup>12</sup> *Ibid.*, 5. — <sup>13</sup> *Prov.*, XIV, 1. — <sup>14</sup> *Job*, XX, 15. —

<sup>15</sup> *Psal.*, CXI, 9. — <sup>16</sup> *Deut.*, VIII, 4. — <sup>17</sup> *I Tim.*, VI, 8.

— <sup>18</sup> *Ecclesi.*, XX, 7. — <sup>19</sup> *Prov.*, XXV, 11. — (a) *Al.* consummantur.

bum in tempore suo, » et prae sumit tacituritatem locutioni : quia deliberate est loquendum<sup>1</sup>. « Qui custodit os suum, custodit animam suam ; qui autem inconsideratus est ad loquendum, sentiet mala. » Quantum ad alternationem concupisibilis, dicit (v. 8) : *Tempus dilectionis*, cum homo habet honestatem ; et *tempus odii*, quando convertitur ad malignitatem<sup>2</sup> : « Iniquitatem odio habui, et abominatus sum ; » Et<sup>3</sup> : « Odientes malum, adhaerentes bono, dilectione fraternitatis invicem diligentes. » Quantum ad alternationem actus irascibilis, dicit : *Tempus belli*, contra adversarios infestantes<sup>4</sup> : « Factum est autem, vertente anno, eo tempore quo solent reges ad bella procedere. » Et<sup>5</sup> *tempus pacis*, quando cessant insurgentes<sup>6</sup> : « Siluit terra omnibus diebus ejus ; » Et<sup>6</sup> : « Non sumet gens contra gentem gladium, et non discent ultra belligerare. »

Sensus mysticus.

Spiritualiter haec quadruplex variatio refertur ad quatuor status hominum existentium in Ecclesia : prima, quoad renatos ; secunda, quoad pœnitentes ; tertia, quoad justos ; quarta, quoad prælatos. Primo igitur in baptizatis est : *Tempus nascendi*, et *moriendi*, qui nascuntur Deo<sup>7</sup> : « Nisi quis renatus fuerit ex aqua, et Spiritu sancto ; » sicut moriuntur mundo<sup>8</sup> : « Conspulti sumus cum illo per baptismum in mortem. » Secundo est *tempus plantandi*, et *tempus evellendi*, quia plantantur in eis virtutes<sup>9</sup> : « Filii tui sicut novellæ olivarum ; » sed eveluntur vitia<sup>10</sup> : « Adulterinæ plantationes non dabunt radices altas ; » quia<sup>11</sup> : « Omnis plantatio, quam non plantavit pater meus cœlestis, eradicabitur. » Tertio est in baptizatis *tempus occidendi* motum concupiscentiae<sup>12</sup> : « Mortificate membra vestra, quæ sunt super terram ; » et est *tempus sanandi* virtutem naturæ<sup>13</sup> : « Obducam cicatricem tibi, et a vulneribus tuis sanabo te. » Quarto est

<sup>1</sup> *Prov.*, XIII, 3. — <sup>2</sup> *Psal.* CXVIII, 163. — <sup>3</sup> *Rom.*, XII, 9. — <sup>4</sup> *II Reg.*, XI, 1. — <sup>5</sup> *I Mach.*, XIV, 4. — <sup>6</sup> *Mich.*, IV, 3. — <sup>7</sup> *Joan.*, III, 3. — <sup>8</sup> *Rom.*, VI, 4. — <sup>9</sup> *Psal.* CXXVII, 3. — <sup>10</sup> *Sap.*, IV, 3. — <sup>11</sup> *Mattth.*, XV, 13. — <sup>12</sup> *Coloss.*, III, 5. — <sup>13</sup> *Jerem.*, XXX, 17. —

in baptizatis *tempus destruendi* et *aedificandi*, quia destruitur hæreditas diaboli, et sit habitatio Christi<sup>14</sup> : « Ad quem accedentes lapidem vivum, et ipsi superædificamini in domus spirituales, » et<sup>15</sup> : « Constitui tesuper gentes et regna, ut eellas, et destruas, et disperdas, et aedifices, et plantes. »

Secunda varietas temporum spectat ad pœnitentes quantu[m] ad tria, scilicet contritionem, confessionem, et satisfactionem : *Tempus flendi*, et *tempus ridendi*, in contritione, in qua gaudium, et dolor<sup>16</sup> : « Cor quod novit amaritudinem animæ suæ, in gudio ejus non miserebitur extraneus. » *Tempus plangendi*, et *tempus saltandi*, in confessione, in quo debet confiteri cum planctu<sup>17</sup> : « Dimitte me, ut plangam paululum dolorem meum. » Debet confiteri nude et aperte : David saltabat accinetus coram arca. *Et tempus spargendi lapides*, et *tempus colligendi*, in satisfactione. Lapides offensionis sunt occasiones peccati<sup>18</sup> : « Via impiorum complanata lapidibus, et in finem illorum inferi, et tenebræ, et poenæ. » Hi colliguntur in consideratione, et sparguntur in cauta evitazione, et carnis maceratione. Ab his occasionibus pauci liberantur, nisi qui a Domino custodiuntur<sup>19</sup> : « In manibus portabunt te, ne forte offendas ad lapidem pedem tuum. »

Tertia varietas respicit justos, quantum ad duplē statum activorum, et contemplativorum : quantum ad contemplativos, dicit : *Tempus amplexandi*, et *tempus longe fieri ab amplexibus* ; quia modo actioni, modo debent intendere contemplationi. De quo amplexu<sup>20</sup> : « Glorificaberis ab illa, cum illam fueris amplexatus. » Longe debent fieri ab amplexibus carnis, de quibus<sup>21</sup> : « Veni, inebriemur cupitis amplexibus. » Quantum ad activos, qui debent exerceri in operibus pietatis, subjungit : *Tempus acquirendi*, et *tempus perdendi*, hoc est, acqui-

<sup>14</sup> *I Petr.*, II, 4. — <sup>15</sup> *Jerem.*, I, 10. — <sup>16</sup> *Prov.*, XIV, 10. — <sup>17</sup> *Job*, X, 20. — <sup>18</sup> *Ecclesi.*, XXI, 11. — <sup>19</sup> *Psal.* XC, 12. — <sup>20</sup> *Prov.*, IV, 8. — <sup>21</sup> *Prov.*, VII, 18.

sita distribuendi per eleemosynam<sup>1</sup>: « Perde pecuniam propter fratrem et amicum, et non abscondas illam sub lapide. » Hoc debitum perfectae justitiae; sed supererogationis est dare totum; et quantum ad hoc, dicitur: *Tempus custodiendi, et tempus abjiciendi*, quasi totum dimittendi.<sup>2</sup> « Si vis perfectus esse, vade, et vende omnia quae habes, et da pauperibus. » Rursus, quantum ad acti-  
vos: *Tempus scindendi, et tempus consuen-  
di*, et hoc quantum ad vestitum.<sup>3</sup> « Si abs-  
que operimento dimisi pauperem, et si non  
benedixerunt mihi latera ejus. »

Quarta varietas attenditur quantum ad prælatos: primo in docendo, cum dixit: *Tempus tacendi, et tempus docendi*, quia prius discere, et postea docere<sup>4</sup>: « Ante-  
quam loquaris, disce. » Et<sup>5</sup>: « Audi tacens. » *Tempus dilectionis, et tempus odii*, in correptione malorum, quæ consistit in odiendo vitium, et in diligendo naturam<sup>6</sup>: « Nolite quasi inimicum aestimare illum, sed corri-  
pite (a) ut fratrem. » Et<sup>7</sup>: « Perfecto odio ode-  
ram illos. » *Tempus belli, et tempus pacis*:  
belli ad incorrigibiles, qui sunt feriendi gladio excommunicationis<sup>8</sup>: « Noli quæ-  
rere fieri judex, nisi virtute valeas irrum-  
pere iniquitates; » pacis ad redeuentes<sup>9</sup>:  
« Si fuerit in domo illa filius pacis, requies-  
cat super illum pax vestra; sin autem, ad vos revertetur. »

Quæstio est de numero istorum temporum. Videtur quod insufficenter posuerit diversitates variationum temporum, quia multæ sunt quæ ad has non reducuntur: sic *tempus comedendi, et jejunandi, et consimilia*. Si dicas quod gratia exempli, tunc ergo superflua, quia in littera pauciora suf-  
fecissent. Respondeo dicendum, quod, sicut dicit Augustinus, licet quælibet mutatio in universo per se considerata, sit imperfectio-  
nis; tamen in tota universitate resultat car-  
men perfectum: quia ergo Salomon sic vo-

<sup>1</sup> *Ecli.*, xxix, 13. — <sup>2</sup> *Math.*, xix, 21. — <sup>3</sup> *Job*, xxxi, 19. — <sup>4</sup> *Ecli.*, xviii, 19. — <sup>5</sup> *Ecli.*, xxxix, 9. — <sup>6</sup> *II Thess.*, iii, 15. — <sup>7</sup> *Psal.* cxxxvii, 22. — <sup>8</sup> *Ecli.*, vii, 6. — <sup>9</sup> *Luc.*, x, 6. — <sup>10</sup> *Rom.*, i, 24. —

luit varietatem narrare, ut imperfectionem in singulis, et perfectionem in toto ostenderet; ideo in tali numero, qui comprehendit universitatem, et perfectionem ipsis posuit. Et ideo enumerat viginti octo tem-  
pora, et quatuordecim variationes; quia viginti octo numerus est perfectus, et com-  
prehendit septenarium, in quo consistit universitas temporis: licet autem senarius sit perfectus, non tamen comprehendit sep-  
tenarium: ideo tot posuit: non pauciores, ne deficeret universitas; non plures, quia in perfectione standum, et universitate.

9. *Quid habet amplius homo?* Ostendit supra rerum secundum diversa tempora vani-  
tatem; hic secundo ex hoc redarguit huma-  
nam curiositatem, et hoc quidem facit hoc ordine: primo insinuat curiositatis inutili-  
tatem; secundo vero in ejus detestationem commendat præsentem voluptatem, ibi: *Cognovi, quod non esset melius*: redarguit nostram curiositatem propter inutilitatem, cum dicit: *Quid habet amplius homo*, sup-  
ple, nisi mutabilitatem, et per hoc afflictio-  
nem: et manifestat hanc afflictionem et varietatem, dicens (v. 10): *Vidi afflictio-  
nem, quam dedit Deus filiis hominum, ut  
distendantur in ea*: dedit, id est dari permi-  
sit, juxta illud<sup>10</sup>: « Tradidit eos Deus in repro-  
bum sensum; » *Filiis hominum*, id est pec-  
catoribus<sup>11</sup>: « Peccatori autem dedit Deus afflictionem, et curam superfluam. » *Ut dis-  
tendantur*, scilicet variis curis, quo contra<sup>12</sup>: « Fili, ne in multis sint actus tui; » et ex-  
planat, quæ sit illa afflictio, scilicet considerationis, unde dicit<sup>13</sup>: *Cuncta fecit bona  
in tempore suo*. Omnia opera Domini bona,  
et hora sua omne opus subministrabit. Non est dicere, hoc illo nequius; omnia enim in  
tempore suo comprobantur. Et licet bona fecerit, tamen non dedit horum cognitionem,  
sed dedit ingenium ad inquisitionem; unde  
dicit (v. 11): *Et mundum tradidit disputa-  
tioni eorum*, scilicet ad inquirendum<sup>14</sup>:

<sup>11</sup> Supra, ii, 26. — <sup>12</sup> *Ecli.*, xi, 10. — <sup>13</sup> *Ecli.*, xxxix, 23. — <sup>14</sup> *Ecli.*, xvii, 5. — (a) *Al.* corripere.

Viginti  
octo, nu-  
merus  
perfec-  
tus.

« Consilium, et linguam, et oculos, et aures et cor dedit illis excogitandi; » non ad pervenientum, unde subdit : *Ut non inventiat homo opus quod operatus est Deus*, id est, ut non veniat ad perfectam cognitionem, et hoc propter dubitationem : *Ab initio usque in finem*, scilicet vitae suae.<sup>1</sup> « Memento quod ignores opus ejus, de quo cognoverunt viri. » Et<sup>2</sup> : « Intellexi, quod operum Dei nullam possem invenire rationem. »

*Et cognovi*, etc. Hic secundo commendat præsentem voluptatem, et hoc ad arguendum curiositatem; unde dicit : *Et cognovi, quod non esset, supple, in his bonis transitoriis, melius nisi lætari, et facere bona in vita sua*, scilicet lætari in corde, facere bona in opere; vel lætari in fruendo<sup>3</sup>: « Ubique relinquamus signa lætitiae nostræ; » facere bona, delectabilia operando<sup>4</sup>: « Anima mea, habes multa bona posita in annos plurimos; requiesce, comedere, bibe, epulare. » Unde subdit rationem, dicens (v. 13) : *Omnis enim homo qui comedit, et bibit, videt bonum de labore suo*, quia scilicet statim habet remunerationem; unde dicit : *Et hoc donum Dei est*.<sup>5</sup> « Omni homini, cui Deus dedit divitias, et potestatem illi tribuit ut comedat ex eis, donum Dei est. » Glossa exponit spiritualiter : *Et cognovi, quod non esset melius*, id est, utilius, *nisi lætari*, scilicet lætitia mentis.<sup>6</sup> « Hæc est vita hominis, et thesaurus sine defectione sanitatis. » *Et facere bona in vita sua*, scilicet opera meritoria.<sup>7</sup> « Itaque dum tempus habemus, operemur bonum ad omnes. *Omnis enim homo qui comedit et bibit*, supple, de Scriptura comedit difficia, et bibit facilia.<sup>8</sup> « Venite, et comedite panem meum, et bibite vinum, quod miscui vobis. » *Et hoc donum Dei est*; quia scilicet Scripturarum intellectus a Deo donatur<sup>9</sup>: « Non quod sufficientes simus cogitare aliquid ex nobis, quasi a nobis; sed sufficientia nostra ex Deo est. »

14. *Didici, quod omnia opera*. Ostendit supra operum mutabilitatem, et propter hoc reprehendit hominum curiositatem; hic tertio ostendit divinorum operum immutabilitatem, quia supra ostenderat variabilitatem. Dicit ergo : *Didici, quod omnia opera, quæ fecit Deus, perseverant in æternum*. Eece perpetuitas, propter quam nostra consideratio nihil potest immutare; unde dicit : *Non possumus eis quidquam addere, vel auferre, quæ fecit Deus, ut timeatur* : et ita non sunt in potestate nostra.<sup>10</sup> « Non addas quidquam verbis ejus, ne arguaris, et inveniaris mendax : » et hoc monstrat, quia etiam nec ipse Deus minuit, nec addit; unde dicit (v. 15) : *Quod factum est, ipsum permanet*: non etiam addit; unde infert : *Quæ futura sunt, jam fuerunt*, quia similia præcesserunt; unde et dicit: *Deus instaurat, quod abiit*, quia<sup>11</sup> « unius corruptio est alterius generatio. »<sup>12</sup> « Nihil novum sub sole, nec valet quisquam dicere : Hoc recens est. »<sup>13</sup> « Et requievit Deus, » id est cessavit, secundum Bernardum, facere novam creaturam « die septimo. »

Incidit hic questio, cum intendat determinare mutabilitatis vanitatem, ut quid determinat hic perpetuitatem? videtur extra suum propositum. Item de ipsa quæritur, quia dicit : *Opera, quæ fecit Deus, perseverant in æternum*. Sed nulla corporalia perseverant in æternum: ergo nulla corporalia fecit Deus: ergo redit hoc ad haeresim Manichæi, qui dixit corruptibilia non esse creata a bono Deo. Item videtur, quod ipse contradicat sibi, quia statim sequitur : *Deus instaurat, quod abiit*: ergo aliquid de operibus Dei corrumpitur, et instaurat: falsum igitur dicit, cum dicit : *Omnia opera Dei perseverant in æternum*. Sed quod omnia opera Dei sint incorruptibilia, ut dicit in littera, videtur quod causa et effectus sunt proportionalia: ergo causæ incorruptibilis

<sup>1</sup> Job, XXXVI, 24. — <sup>2</sup> Infra, VIII, 17. — <sup>3</sup> Sap., II, 9. — <sup>4</sup> Luc., XII, 16. — <sup>5</sup> Infra, V, 18. — <sup>6</sup> Eccli., XXX, 23. — <sup>7</sup> Gal., VI, 10. — <sup>8</sup> Prov., IX, 5. —

<sup>9</sup> II Cor., III, 5. — <sup>10</sup> Prov., XXX, 6. — <sup>11</sup> Arist., de Generat., lib. I, text. 17. — <sup>12</sup> Supra, I, 10. — <sup>13</sup> Gen., II, 2.

debet esse effectus incorruptibilis : sed Deus permanet in æternum, et est incorruptibilis : ergo et opera Dei. Item cum opera Dei sint universa<sup>1</sup> *valde bona*, et meliora sint incorruptibilia, quam corruptibilia, videtur, quod ista corruptibilia non sint a bono Deo creata.

**Solutio.** Respondeo ad primum, quare hic determinat perpetuitatem, dicendum, quod non ratione sui, sed occasione mutabilitatis : et hoc quidem facit triplici de causa. Prima est ad removendum errorem : quia enim supra in creaturis ostenderat mutabilitatem, ne (*a*) crederetur, quod opera Dei omnino essent defectibilia, addit, quod aliquo modo sunt perpetua. Rursus alia ratio est ad compensandam curiositatem, quam compescuerat, quia rerum mutabilitatem, et causam, et originem non possumus indagare; vult etiam compescere, quia ipsam rerum substantiam, nec mutare possumus, nec augere. Tertia ratio est ad reprimendam elationem : quia enim videtur opera Domini depressisse per mutabilitatem, ne quis ex hoc condemnaret Deum auctorem suum, rursus reddit ad insinuandam perpetuitatem in eis.

**Esse rerum triplex.** Quod quæritur de permanentia, respondetur quod triplex est esse rerum ; scilicet in proprio genere, in anima, in divina præscientia : et supra ostendit, quod mutabilia sunt in proprio genere, et secundum quod sunt in anima ; hic tangit earum perpetuitatem in divina præscientia. Aliter responderi potest, quod est loqui de rebus secundum esse dupliciter : aut secundum esse commune, aut individuale : secundum esse individuale, multa sunt corruptibilia ; secundum esse commune, perpetua, quia Deus continue per generationem esse illarum salvat : propter enim longe distare a primo, reliquo modo complevit esse Deus, continuam in iis faciens generationem. Quod objicitur, quod sunt incorruptibilia, quia proportionalia causæ, dicendum, quod illud intelligitur, ubi est generatio univoca, ubi

eam producit sibi simile : sic autem non est de Creatore, et creature ; imo per infinitam potentiam facit magna et parva, corruptibilia et incorrupta. Quod objicitur de bonitate, dicendum, quod omnia sunt bona in se, sed valde bona in ordine : et quia ubi est ordo, ibi magis et minus bonum, ideo quædam corruptibilia, quædam incorruptibilia : primum est in rebus non tantum secundum plus et minus, sed secundum oppositionem, et si *militudinem* : ideo comparatur mundus pulcherrimo carmini, et ideo decet esse quædam corruptibilia, quædam e contrario.

Mundus  
comparatur  
pulcherrimo carmini.

46. *Vidi sub sole.* Egit supra de vanitate naturæ ; hic de vanitate culpæ : et quia hæc est periculosa, ideo remedio indiget : primo igitur ponit vanitatem ; secundo remedium contra eam, ibi (iv, 17) : *Custodi pedem tuum*, etc. Vanitas autem est sub triplici differentia : primo agit de vanitate malitiæ ; secundo avaritiæ, ibi (iv, 4) : *Considerans reperi*, etc. ; tertio imprudentiæ, ibi (iv, 13) : *Melior est puer*, etc. Vanitas autem est in rectoribus et subditis : primo igitur agit de vanitate mali-  
tiæ in regnibus et judicantibus ; secundo in subditis, ibi (iv, 1) : *Verti me*. Primo igitur vanitas malitiæ in tribus hoc ordine describitur : primo insinuat hujus vanitatis considerationem ; secundo, quod ex hoc devenitur in futuri judicii præmeditatio-  
nen ; tertio, in præsentis status considera-  
tionem ; quarto, quo modo corruit in erro-  
neam opinionem. Primo igitur insinuat se malitiam judicum considerasse, dicens (hic, 16) : *Vidi sub sole in loco judicii impie-  
tatem*, quantum ad examinationem causæ ; *Et in loco justitiae iniquitatem*, quantum ad lationem sententiæ.<sup>2</sup> « Quomodo facta est meretrix civitas fidelis, plena judicii ? Justitia olim habitavit in ea ; nunc autem homi-  
cidæ. Principes tui infideles, socii furum ; omnes diligunt munera, sequuntur retribi-  
tutiones, pupillo non judicant, et causa  
viduæ non ingreditur ad eos ; » quia dici-  
tur<sup>3</sup> : « In quorum manibus iniquitates

(a) *Cæt. edit.* crederentur.

<sup>1</sup> Gen., 1, 31. — <sup>2</sup> Isa., 1, 21 et seq. — <sup>3</sup> Psal. xxv, 10.

sunt, dextera eorum repleta est muneribus. »

**17. Et dixi in corde meo : Justum et impium judicabit Deus.** Hic secundo ostendit, quo modo ex hoc devenitur in futuri judicii præmeditationem; propter quod dicit: *Et dixi in corde meo : Justum judicabit*, ad præmium; *impium*, ad supplicium.<sup>1</sup> « Absit a Deo impietas, et ab omnipotente iniquitas. Opus enim hominis reddet (*a*) eis juxta vias singulorum. Verc enim Deus non condemnabit frustra, nec Omnipotens subvertet judicium. » Et ideo judicabit Deus eos secundum opera, quæ tune erunt manifesta; unde subdit: *Et tempus omnis rei tunc erit*, id est, tempus judicii omnis hominis, qui omnis res videtur. « Omnes enim<sup>2</sup> nos manifestari oportet ante tribunal Christi, ut referat unusquisque propria corporis, sive bonum sit, sive malum. » Vel *tempus omnis rei*, id est, manifestationis omnis rei<sup>3</sup>: « Nolite ante tempus judicare, quousque veniat Dominus, qui illuminabit abscondita tenebrarum, et manifestabit consilia cordium. » Hoc tempus expectabat Ecclesiastes esse futurum ex conspectu iniquitatis præsentis<sup>4</sup>: « Conversum est retrorsum judicium, et justitia longe stetit, quia corruit in plateis veritas, et æquitas non potuit ingredi; et vidi Dominus, et malum apparuit in oculis ejus, » quia non est manifestum, « et indutus est justus (*b*) lorica salutis. »

*Dixi in corde meo.* Hic tangitur tertio, quo modo ex hoc devenit in præsentis status considerationem; quare scilicet Dominus in præsenti homines miseros esse voluit, ut scilicet probaret. Ideo vitam hominis bestiis similem fecit; propter quod dicit: *Dixi in corde meo*, id est, cognovi; *De filiis hominum*, quantum ad naturam; *Ut probaret eos Deus*, et ostenderet similes esse bestiis, id est, assimilando bestiis, probaret qui essent, utrum vere boni vel mali; quia mali viden-

tes similitudinem suam ad bestias in vita, volunt assimilari in moribus, et bestialiter vivunt; boni vero spiritualiter.<sup>5</sup> « Homo cum in honore esset, non intellexit; comparatus est jumentis insipientibus, et similis factus est illis. » Et ostendit similitudinem hominum ad bestias in morte, et in vita, et in materia, immanifestam dissuadendo, hoc est, in spirituali substantia. Quantum ad mortem dicit (v. 19): *Et idcirco unus est interitus hominis, et jumentorum, et aqua utriusque conditio*, scilicet ad hominum probationem: quia sicut jumentum non semper vivit, imo aliquando moritur, sic et homo.<sup>6</sup> « Nemo est, qui semper vivat, et qui hujus rei habeat fiduciam: » et ideo manifestat, quod similitudo est in morte, unde: *Sicut moritur homo, sic et illa moriuntur*. Nec tantum similitudo est in termino vitae; imo etiam in actu vivendi; ideo subdit: *Similiter spirant omnia*, scilicet sapientia (*c*): *Nec habet homo amplius jumento*, scilicet quantum ad actum vitae.<sup>7</sup> « Unus est ingressus (*d*) hominum ad vitam, et similis exitus: » sic patet similitudo quantum ad vitam; et subjungit similitudinem quantum ad materiam: propterea dicit: *Cuncta subjacent vanitati*, scilicet quia ex nihilo facta sunt, ideo vana.<sup>8</sup> « Vanitati subjecta est creatura. » Non dico, quod nihil sit materia; sed ex hoc volo dicere, quod non habent materiam incretam, neque essentiam, sed habent materiam creatam, quam intelligit nomine terræ: ideo dicit: *Et omnia pergunt ad unum locum*, scilicet ad materiam, ex qua facta sunt; ideo explicat (v. 20): *De terra facta sunt, et in terram pariter revertuntur*, id est, conformiter, et sic notatur similitudo in materia.<sup>9</sup> « Omnia, quæ de terra facta sunt, ad terram convertuntur: similiter, et aquæ omnes in mare: » sed tantum in his est similitudo aperta, sed non appetit differentia in anima, quia (v. 21): *Quis novit, si spiritus filiorum Adam ascen-*

<sup>1</sup> Job, XXXIV, 10, 11. — <sup>2</sup> II Cor., v, 10. — <sup>3</sup> I Cor., IV, 5. — <sup>4</sup> Isa., LIX, 14, 15. — <sup>5</sup> Psal. XLVIII, 13. — <sup>6</sup> Infra, IX, 4. — <sup>7</sup> Sap., VII, 6. — <sup>8</sup> Rom., VII, 20. — <sup>9</sup> Eccli., XLI, 13; XL, 11.

(a) Cœt. edit. reddit. — (b) Vulg. justitia ut. — (c) Leg. viventia. — (d) Cœt. edit. egressus; Vulg. introitus.

*dat sursum?* scilicet ad remunerationem; an deorsum per corruptionem, sicut e contra: *Si spiritus jumentorum descendat deorsum*, per corruptionem, aut etiam sursum, sicut et hominis ad judicii retributio nem: pauci hoc neverunt: mulii erraverunt, et posuerunt quod uniformes spiritus hominis et jumenti: hoc fideles neverunt, in quorum persona dicitur<sup>1</sup>: «Corpus revertatur in terram suam, unde erat, et spiritus redeat ad Deum, qui dedit illum.» Sed hoc nesciunt carnales, in quorum persona dicitur<sup>2</sup>: «Mortui nihil neverunt amplius, nec habent ultra mercedem.»

22. *Et deprehendi*, etc. Quarto loco propter hujus assimilationem subjungit, quo modo incidit in voluptatis erroneam commendationem, quasi nihil illa sit melius; propter quod dicit: *Deprehendi nihil esse melius, quam lætari hominem in opere suo*, id est, præsentialiter delectari, sicut carnales faciunt, de quibus dicitur<sup>3</sup>: «Venite, sumamus vinum, et impleamur ebrietate; et erit sicut hodie, sic et cras, et multo amplius.» Et ista commendatio est erronea, quia non ponit aliam remunerationem, nec aliam vitam; unde subdit: *Et hanc esse illius partem*, quasi nihil aliud expectet; unde in persona talium dicitur<sup>4</sup>: «Comedamus, et bibamus, cras enim moriemur;» et<sup>5</sup>: «Ubique relinquamus signa lætitiae; quoniam hæc est pars nostra, et hæc sors nostra.» Error iste ortum suum habet a judicii incertitudine; propter quod dicit: *Quis enim eum adducet, ut post se futura cognoscat?* Id est, quis ostendet illi, quod futura sint aliqua bona, quæ debeat expectare? quasi dicat: Nullus. Et certe nullus persuadebit, nisi elevetur ad spiritualia contemplanda<sup>6</sup>: «Non contemplantibus nobis quæ videntur, sed quæ non videntur: temporalia sunt quæ videntur; quæ autem non videntur, æterna.» Quia vero carnis homo non

respicit, nisi visibilia, ideo non expectat æterna.<sup>7</sup> «Animalis homo non percipit quæ Dei sunt:» ideo si vult futura bona cognoscere, necesse est carnalitatem deponere.

Quæritur de hoc, quod dicit: *Nihil habet amplius jumento, et æqua est utriusque conditio*. Quod istud sit falsum, probatur, nam dicitur<sup>8</sup>: «Adæ non inveniebatur adjutor similis ei;» ergo jumentum non est homini simile: ergo habet aliquid amplius jumento. Item certum est, quod homo deliberat de futuris, et præterita discernit, et conceptio nes suas exprimit: hoc autem non jumentum: ergo. Præterea homo domat jumenta; sed nullum jumentum hominem: ergo homo aliquid plus habet jumento. Quod autem non habeat, videtur, quia nascitur, vivit, et moritur, et in terram vadit, sicut et jumentum. Respondeo: quidam dicunt, quod dicit in persona carnis, qui nihil credit habere hominem plus jumento. Aliter dici potest, quod in propria persona loquatur; et verum dicit secundum suum intellectum: intendit enim ipse ordinare in certitudinem remunerationis animæ per similitudinem ad jumentum: illam autem similitudinem ponit et intelligit quantum ad visibilia, quæ possunt sensu discerni: per hoc vero non concludit similitudinem de spiritualibus, sed dubitationem movet; unde dicit: *Quis novit?* Dicendum est igitur, quod secundum veritatem homo habet ultra bestias rationem; communicat autem in corruptibilitate, vita, et respiratione: et quia ratio non est quid sensibile, sed intelligibile, et ipse de sensibilibus loquitur, ideo nulla est in hoc omnino instantia.

Dubitatur de hoc, quod dicit: *Quis scit, utrum spiritus filiorum Adam ascendit sursum?* Quod autem sic, videtur: primo per corporis dispositionem, cuius dispositio, et organizatio attenditur secundum congruentiam ad sursum: si ergo

Os homini sublime dedit, cœlumque tueri,

et respicit sursum, ergo spiritus fertur

<sup>1</sup> Infra, XII, 7. — <sup>2</sup> Infra, IX, 3. — <sup>3</sup> Isa., LVI, 12.

— <sup>4</sup> Isa., XXII, 13. — <sup>5</sup> Sap., II, 9. — <sup>6</sup> II Cor., IV, 8.

— <sup>7</sup> I Cor., II, 14. — <sup>8</sup> Gen., II, 20.

sursum. Item omnes naturaliter appetunt beatitudinem : sed constans est , nullum beatum esse posse in miseriis , maxime cui mors cedit invite : ergo si non potest habere beatitudinem in hac vita , natus est post hanc vitam habere spiritum separatum : ergo. Præterea intellectus noster est impermixtus, unde omnia intelligit : ergo non dependet a corpore , quantum ad actum : ergo multo minus quantum ad esse : ergo corpore descendente, possibile est ascendere spiritum. Item per rationem ipsius Ecclesiastæ (a) : quia si aliqui habent bona , et aliqui mala ; et videmus, quod in præsenti mala bonis , et bona malis contingunt : si ergo necesse est unum rectorem ponere , necesse est aliud tempus , et remuneracionem ponere , in quo impium et justum judicet Deus : cum igitur haec fides nostra dicat , videtur Ecclesiastes fuisse hæreticus , qui hoc dubitavit. Quod autem deorsum , videtur per Scripturam , quia dicitur <sup>1</sup> : « Corpus , quod corruptitur, aggravat animam : » ergo si corporaliter corruptitur anima , totaliter corruptitur. Item , quod compatitur patienti , commoritur morienti : sed anima compatitur corpori : ergo. Item substantia nulla est otiosa : ergo quod auferit alicui omnem operationem , auferit ei esse et durationem : sed anima amittit omnem operationem corpore læso ; quod patet , quia intellectum , de quo minus videtur , ut in furiosis : ergo corrupto corpore amittit substantiam.

Respondeo dicendum , ascendere sursum ad remuneracionem animas bonas , et descendere deorsum in corruptionem animas jumentorum , dicit , et supponit fides nostra : et huic concordat verum , et philosophia <sup>2</sup> : cum ratio illa et philosophia occulta sit , et multas habeat rationes dubitandi , ideo fere nullus , et pauci possent vere certificari de animæ immortalitate et ejus beatitudine , nisi adjuvaret fides ; unde et Plato , qui ani-

mam posuit immortalem , rursus erravit in beatitudine , qui posuit animas brutorum corpora circuire. Ecclesiastes igitur hoc non negat , nec dubitat ; sed dicit hoc esse difficile demonstrare : et hoc quidem verum est infideli. Quod objicitur de operatione et compassione , dicendum , quod aliquid uniri alteri , est dupliciter ; aut sicut motor tantum , et tunc potest separari , nulla in ipso facta mutatione ; aut sicut motor et perfectio , et hoc dupliciter : aut enim non habet operationem propriam , sicut anima bruti ; aut habet propriam , sicut anima hominis : quoniam igitur anima , ut perfectio et motor , compatitur patienti corpori ; ideo etiam impeditur , corpore impedito. Sed quoniam separabiliter conjuncta est , ideo non est necesse , quod ipsa corrumpatur : soluta autem harmonia , anima decedit.

#### CAPUT IV.

1. *Verti me ad alia.* Supra actum est de vanitate malitia in prælatis ; hic de subditis. Vanitas autem malitia tangitur hic quantum ad triplicem differentiam : primo , calumniæ in malitiose nocendo ; secundo , invidiæ in malitiose dolendo , ibi (v. 4) : *Rursus contemplatus sum* , etc. ; tertio acediæ , a bono opere discedendo , et hoc tangitur ibi (v. 5) : *Stultus complicat* , etc. Describit igitur calumniæ vanitatem ; et quantum ad considerationem calumniæ , dicit : *Verti me ad alia* , supple , consideranda ; *Et vidi calumnias que sub sole geruntur* , id est , in hoc mundo. <sup>3</sup> « Populi terræ calumniabantur calumniam , et rapiebant violenter egenum , et pauperem affligebant , et advenam opprimebant calumnia absque iudicio. » Et dicitur calumnia violenta bonorum extorsio , quasi per justitiam , vel malitiam. Et subjungit aggravationem miseriae , propter oppressorum calamitatem , quia opprimuntur injuste , inconsolabiter , irremissibiliter : quia injuste , dicit : *Et lacrymas innocentium* , scilicet pro his calumniis :

<sup>1</sup> *Sap.* , IX , 13. — <sup>2</sup> *Arist.* , *Topic.* , lib. II , c. IV . — <sup>3</sup> *Ezech.* , XXII , 29.

(a) *Cœt. edit.* Ecclesiastes.

<sup>1</sup> « Propter multitudinem calumniatorum clamabunt, et ejulabunt, propter vim brachii tyrannorum. » Quia inconsolabiliter (a) : *Et neminem consolatorem*, quod quidem aggravat crudelitatem. Unde dicitur <sup>2</sup> : « Non est qui consoletur eam ex omnibus charis ejus. » Et contra <sup>3</sup> : « Non desis plorantibus in consolatione, et cum lugentibus ambula. » Nec tantum consolatione caret, imo remedio; unde et subdit : *Nec posse resistere violentiae eorum, cunctorum auxilio destitutos*, supple, vidi. De hac malitia dicitur <sup>4</sup> : « Non facias violentiam pauperi, quia pauper est; neque conteras egenum in porta; » et <sup>5</sup> : « In nobis non est tanta fortitudo, ut possimus resistere tantæ multitudini. » Quantum autem ad detestationem culpæ, subjungit : *Et laudavi magis mortuos quam viventes*, eo scilicet, quod ista mala et crudelitates non vident, quas nemo bonus potest videre, et non dolere; unde dicebat Elias <sup>6</sup> : « Sufficit mihi, Domine, tolle animam meam : non enim melior sum, quam patres mei. » *Et feliciorem utroque judicavi*, scilicet mortuo et vivente, *qui necdum natus est, nec vidit mala, quæ sub sole sunt* : quasi videre ista mala, vel vidisse, magna sit miseria. « Væ mihi, dixit Mathathias <sup>7</sup>, ut quid natus sum videre contritionem populi mei, et contritionem civitatis sanctæ, et sedere illic? » Sic igitur notatur hic consideratio calumniæ, aggravatio miseriæ, quia illi sunt oppressi, desolati, auxilio destituti et jam (b), tunc detestatio culpæ. *Rursus contemplatus sum*, etc. Hic secundo tangitur vanitas invidiæ in dolendo de bono et prosperitate proximi, quam etiam vidit; unde subdit : *Rursus contemplatus sum*: hæc contemplatio est liber, ac perspicax, et defixus intuitus : *Omnes labores*, quantum ad corpus; *et industrias hominum*, quantum ad animam. Vel *labores et industrias*, id est, virtutes; unde alia translatio habet : *Om-*

<sup>1</sup> Job, XXXV, 9. — <sup>2</sup> Thren., I, 2. — <sup>3</sup> Eccli., VII, 38. — <sup>4</sup> Prov., XXII, 22. — <sup>5</sup> II Paral., XX, 12. —

<sup>6</sup> III Reg., XIX, 4. — <sup>7</sup> I Mach., II, 7. — <sup>8</sup> Supra, II, 18. — <sup>9</sup> Eccli., XIV, 8. — <sup>10</sup> Prov., XVIII, 22. —

*nem virtutem operis.* <sup>8</sup> « Detestatus sum omnem industriam meam, qua sub sole studiosissime laboravi. » *Et animadverte patere invidiæ proximi*; quia videns bona invidus, statim dolet. <sup>9</sup> « Nequam est oculus lividi, et avertens faciem, et despiciens animam suam. » *Et in hoc ergo vanitas*, scilicet malitia <sup>10</sup> : « Vir, qui festinat ditari, et aliis invidet : » *Et cura superflua*, scilicet poenæ, quia cum deberet de bonis suis cogitare, cogitat semper de alienis. Unde <sup>11</sup> : « Ne comedas cum homine invido, et ne desideres cibos ejus, quoniam in similitudinem arioli existimat (c) quod ignorat. »

5. *Stultus complicat*, etc. Hic tertio tangitur vanitas acediæ, propter quam redditur homo tædiosus et piger ad omne bonum, et per hoc stultus: ideo dicit : *Stultus complicat manus suas*. Ideo stultus, quia piger. <sup>12</sup> « Qui sectatur otium, stultissimus est. » Ideo dicitur ei <sup>13</sup> : « Vade ad formicam, o piger, et disce sapientiam. » Hic : *Stultus complicat manus*, quia renuit operari. <sup>14</sup> « Abscondit piger manus suas sub ascella sua, et laberat, si ad os suum eas converterit; » et ex hoc, quod operari renuit, pauper efficitur et macer propter defectum inopiae; unde dicit : *Et comedit carnes suas, dicens*, etc. Hyberbolice dictum est, eo quod macer efficitur, non habens cibum. <sup>15</sup> « Desideria occidunt pigrum, noluit enim quidquam manus ejus operari. » Sed in hac pigritia acediæ habere sibi videtur excusationem sapientiæ; unde et subdit dicens (v. 6) : *Melior est pugillus cum requie, quam plena utraque manus cum labore et afflictione animi*. Hæc est scientia pigri, per quam se excusat; unde dicitur <sup>16</sup> : « Sapientior sibi videtur septem viris loquentibus sententias; » et sic insinuat in pigro torpor acediæ, quia complicat manus; sustinentia penuriæ, quia comedit carnes; excusatio ignorantiae, quia laudat requiem.

<sup>11</sup> Prov., XXIII, 7. — <sup>12</sup> Prov., XII, 11. — <sup>13</sup> Prov., VI, 6. — <sup>14</sup> Prov., XXVI, 15. — <sup>15</sup> Prov., XXI, 25. —

<sup>16</sup> Prov., XXVI, 16.

(a) Cæt. edit. tyrannorum inconsolabilem. —

(b) Item etiam. — (c) Vulg. æstimat.

Quæritur hic de hoc, quod dicit (v. 2) : *Laudari magis mortuos, quam viventes.* Contra<sup>1</sup> : « Melior est canis vivus leone mortuo. » Præterea ratione, quia melior est habitus, quam privatio : ergo vita, quam mors : ergo a contrariis, meliores sunt viventes, quam mortui. Respondeo dicendum, quod laudare aliquid magis alio, vel præferre, dupliciter potest esse : vel simpliciter, vel quoad aliquam conditionem : simpliciter loquendo, præfertur vivens mortuo, nisi addatur conditio beatitudinis ; sed quoad aliquid, præfertur mortuus vivo : primo, quia non habet tot occasiones peccandi, unde dicebat Apostolus<sup>2</sup> : « Infelix ego homo, quis me liberabit a servitute corporis hujus ? » Secundo, quia non habet tot occasiones tristandi, quia non videt tot mala ; unde dicebat Jonas<sup>3</sup> : « Melius est mihi mori, quam vivere. » Et quantum ad istam conditionem, præfertur mortuus vivo in exaggerationem præsentium malitiarum et miseriарum.

Item quæritur de hoc, quod dicitur : *Felicorem utroque judicavi, qui necdum natus est.* Contra : Ille nihil boni habet : ergo non est felicior. Præterea omne quod habet aliquo modo rationem felicitatis, est appetendum : sed nullus potest appetere non esse, sicut dicit Augustinus<sup>4</sup> : ergo qui non est natus, nullo modo felix est. Item quæritur, utrum aliquis possit hoc non esse velle magis, quam paenam, ordinato appetitu. Quod sic, videtur<sup>5</sup> : « Melius erat ei, si natus non fuisset : » ergo si omne melius appetendum et præeligendum, etiam et hoc : quod non videtur, quia totum bonum tollit : ergo nihil illo pejus. Respondeo dicendum, quod felicitas duobus modis est in aliquo ; vere, et æstimativa : vere est in uno solo, æstimativa in multis, secundum opiniones et considerationes universas, et ejus conditions in diversis repertas : quia enim

est bonum jucundissimum, ideo Epicurus eam ponit in voluptatibus, et sic de aliis : quia igitur felix nulla malitia vel miseria molestatur, et ista conditio reperitur in eo qui nondum natus est, ratione istius conditionis dicit : *Feliciorem aestimavi*, etc. Dico etiam, quod ratione illius conditionis appetitur a multis afflitis. Quod autem quæritur, utrum debeat appeti, vel præeligi, dicendum, quod duplex est poena ; temporalis, et æterna : neutra poena totum adimit, sed tamen æterna semper adimit ; corruptio vero in non esse totum adimit, sed semel. Si igitur talis corruptio comparetur poenæ temporali, simpliciter est pejor ; si autem æternæ, se habent ut excedentia, et excessa ; quia haec in ademptione, illa in continuatione excedit. Et quia illa est infinita duratione, ista vero momentanea ; in hoc excedit, et potest magis rationabiliter fugi et sperni.

Item queritur de hoc, quod dicit (v. 4) : *Animadverti omnia patere invidiae proximi* : quæro, utrum homo debeat cessare propter ejus invidiam a bono opere. Quod sic, videtur, quia magis diligendus est proximus, quam utilitas præsens : ergo si proximus perit invidendo, illud debet omitti. Contra : Opus bonum præstat exemplum, et excitat ad bonum : ergo si bonum aperiendum est ad laudem, non debet homo occultare propter invidiam proximi. Respondeo : aut est opus illud de necessitate vitæ, aut de utilitate : si de necessitate, aut potest æque bonum fieri in ejus absentia, ut in præsencia : si sic, debet homo opus illud ab ejus oculis absentare, ut tollat occasionem, quando probabiliter convinceat (a), quod ille invidet (b) ; si autem non potest, facere debet, nec dat occasionem, sed ille accipit.

7. *Considerans reperi*, etc. Supra egit de vanitate malitiae ; hic agit de vanitate avaritiae. Primo ponitur consideratio avaritiae ; secundo vero, quia avarus non vult habere consortem, in ipsius detestationem ponitur

(a) *Leg.* conjicit. — (b) *Cœt. edit.* invidet.

<sup>1</sup> *Infra*, ix, 4. — <sup>2</sup> *Rom.*, vii, 24. — <sup>3</sup> *Jon.*, iv, 8. — <sup>4</sup> *Aug.*, *de Lib. Arbitr.*, lib. III, c. viii. — <sup>5</sup> *Matth.*, xxvi, 24. — <sup>6</sup> Desunt hic nonnulla.

commendatio societatis alienæ , ibi (v. 9) : *Melius est ergo duos esse* , etc. In consideratione igitur vanitatis avaritiæ , dicitur : *Considerans reperi aliam vanitatem sub sole* : supple (a), aliam, quia supradicta fuit malitiæ , hæc autem avaritiæ ; unde subjungit (v. 8) : *Unus est , et secundum non habet , non filium , non fratrem* ; et in modicis debet esse contentus , tanquam solus , quia etiam non vult habere socium <sup>1</sup> : « *Inveni requiem mihi , et nunc manducabo de bonis meis solus* ; » et tamen totus evanescit per avaritiam , et in effectu , et affectu , et intellectu : in effectu; unde dicit : *Et tamen laborare non cessat*. <sup>2</sup> « *Laboravit dives in congregatione substantiæ* . » In affectu : *Non satiantur oculi ejus divitiis*. <sup>3</sup> « *Insatiabilis oculus cupidi in parte iniquitatis* . » Non satiabitur intellectu; unde subdit : *Nec recognitat dicens : Cui labore et fraude animam meam bonis*. « *Thesaurizat , et ignorat , cui congregabit ea* . » Ex his igitur infert vanitatem : *In hoc quoque vanitas est et afflictio pessima*. <sup>5</sup> « *Divitiæ conservatae in malum domini sui ,* » per effectum.

9. *Melius est ergo*. Tangitur hic secundo commendatio societatis alienæ , et hoc in testationem sollicitudinis avaritiæ ; propter quod dicit : *Melius est ergo duos esse* , quamvis hoc avarus præeligat; et subjungit rationem : *Habent enim emolumen tum societatis mutua*; et ideo <sup>6</sup> « *Dominus misit discipulos binos ante faciem suam* : » et ostendit triplex emolumen tum, scilicet in relevando, in conservando, in defendendo. Propter relevacionem dicit : *Si unus ceciderit , ab altero fulcietur*. <sup>7</sup> « *Si videris asinum fratris tui cecidisse in via , non despicies , sed sublevabis cum eo* : » hoc beneficio caret solitarius, ideo subdit (v. 10): *Væ soli , quia cum ceciderit , non habet sublevantem se* : ideo miser. <sup>8</sup> « *Respic in me , et miserere mei , quia unicus et pauper sum ego* . » Quantum

<sup>1</sup> *Eccli.*, XI, 19. — <sup>2</sup> *Eccli.*, XXXI, 3. — <sup>3</sup> *Eccli.*, XIV, 9. — <sup>4</sup> *Psal.* XXXVIII, 7. — <sup>5</sup> *Infra*, V, 12. — <sup>6</sup> *Luc.*, X, 1. — <sup>7</sup> *Deut.*, XXII, 4. — <sup>8</sup> *Psal.* XXIV, 16. — <sup>9</sup> *Ephes.*, V, 29. — <sup>10</sup> *III Reg.*, I, 4. — <sup>11</sup> *Ibid.*, X,

ad emolumen tum in conservando , subdit (v. 11) : *Et si dormierint duo , fovebuntur mutuo* , id est , conservabuntur a frigore. <sup>9</sup> « *Nemo carnem suam odio habuit , sed nutrit , et foveat eam* : » hoc beneficio caret solitarius ; unde subdit : *Unus si dormierit , quomodo calefiet*? Exemplum hujus habetur <sup>10</sup> , quod David senuerat , et non calefiebat , et subdatur quod quæsierunt Abisag Sunamitem , quæ dormiebat in sinu regis , et calefaciebat eum ; per se non poterat calefieri , cum esset solus. Quantum ad emolumen tum in defendendo , subdit (v. 12) : *Et si quisquam prævaluerit contra unum , duo resistent ei* : et ita valet ad defensionem. <sup>11</sup> « *Si prævaluerint adversum me Syri , eris mihi in adjutorium* ; si autem filii Ammon prævaluerint adversum te , auxiliabor tibi. » Et hoc quidem manifestat exemplo : *Funiculus triplex difficile rumpitur* ; sicut chorda chordæ conjuncta est fortior , sic et homo. <sup>12</sup> « *Frater , qui adjuvatur a fratre , quasi civitas firma* . » Spiritualiter hic notatur triplex effectus charitatis , scilicet mutua relevatio , mutua consolatio , et mutua defensio. Propter relevacionem , dicit : *Si unus ceciderit , etc.* <sup>13</sup> « *Si præoccupatus fuerit homo in aliquo delicto , vos qui spirituales estis , hujusmodi instruite in spiritu lenitatis* : » et <sup>14</sup> : « *Cor boni consilii statue tecum* . » Propter consolationem dicit : *Fovebuntur mutuo*. <sup>15</sup> « *Consolamini pusillanimos* . » Et <sup>16</sup> : « *Facti sumus parvuli in medio vestri , tanquam si nutrix foveat filios suos* . » Propter defensionem dicit : *Duo resistent*. <sup>17</sup> « *Stemus simul : quis est adversarius meus?* » Propter hunc triplicem effectum charitatis , dicitur funiculus triplex. <sup>18</sup> « *In funiculis Adam traham eos , in vinculis charitatis* . »

Quæritur hic de vita solitaria , utrum sit præeligenda societati. Quod sic , videtur , quia dicitur de bono adolescente <sup>19</sup> : « *Sedebit solitarius , et tacebit* : » ergo bonum est

<sup>11</sup>. — <sup>12</sup> *Prov.*, XVIII, 19. — <sup>13</sup> *Gal.*, VI, 1. — <sup>14</sup> *Eccli.*, XXXVII, 17. — <sup>15</sup> *I Thess.*, V, 14. — <sup>16</sup> *Ibid.*, II, 7. —

<sup>17</sup> *Isa.*, L, 8. — <sup>18</sup> *Ose.*, XI, 4. — <sup>19</sup> *Thren.*, III, 28. — (a) *Leg.* dicit. — (b) *Item partem*.

esse solum. Præterea Bernardus dicit<sup>1</sup>: « Quoties fui inter homines, minus homo reddii: » non est ergo bonum esse inter homines. Item, qui est in societate, necesse est quod sit sollicitus quomodo se conformet societati: sed Apostolus dicit<sup>2</sup>, quod bonum est non nubere, propter vitaundam sollicitudinem de placendo uxori: ergo similiter bonum est omnem societatem fugere. Contra<sup>3</sup>: « Non est bonum hominem esse solum: » ergo solitudo est vituperabilis, et per oppositum societas laudabilis. Item<sup>4</sup>: « Ubi sunt duo vel tres congregati in nomine meo, in medio eorum sum; » non dicit: *ubi unus*, sed: *ubi duo, vel tres*: ergo melior est vita in congregatione, quam solitaria. Item hoc probatur per litteram istam: quia societas fulcit, fovet, et defendit: quæ sunt tria bona, quibus solitarii privantur. Respondeo dicendum, quod triplex est solitarium: unum per inopiam dilectionis, sicut avarus non vult habere consortem in divitiis, nec invidus in bonis, nec superbus in magnis, et solitudo hæc mala omnino est; alia solitudo per defectum consolationis, et hæc misera est; et alia solitudo per quietem contemplationis, et hæc laudabilis et honesta. Similiter triplici modo est societas: quædam scilicet turbans et impediens, sicut societas malorum; quædam subsidio et solatio indigens, sicut societas uxorum et infirmorum; et quædam adjuvans et promovens, sicut societas perfectorum. Prima est fugienda; secunda toleranda; sed tertia appetenda, et hæc est in religione. Quando igitur Scriptura commendat societatem, intelligitur de hac, et hoc non repugnat solitudini contemplationis; quia dicit Bernardus<sup>5</sup> quod inter multos solus potest esse homo omnino, si curiositatem fugiat: et sic patent objecta.

**13. Melior est**, etc. Egit supra de vanitate imprudentiæ: et quia vanitas imprudentiæ est culpabilis, et detestanda; ideo contra ipsam invehitur dupliciter: primo, propter ma-

lum præsens; secundo, propter malum succedens, sive consequens, ibi (v. 15): *Vidi cunctos viventes*, etc. Malum præsens et comitans imprudentia est, quod regem divitem et senem subjicit puero pauperi habenti prudentiam, et hoc quidem magna vanitas: et propterea dicit: *Melior est pauper sapiens, rege sene et stulto*; quamvis iste excedat potentia, excedat pecunia, excedat etiam ætate.<sup>6</sup> « Pretiosior est sapientia, parvaque gloria ad tempus, stultitia. » Et<sup>7</sup>: « Melior est pauper et sufficiens sibi, quam gloriosus et indigens pane. » Et explanat quod dixit: *Stulto*, quia defectum habet providentia de futuro, quæ est una pars prudentiæ; unde dicit: *Qui nescit providere in posterum*, scilicet rerum eventum.<sup>8</sup> « Utinam saperent, et intelligerent, ac novissima providerent. »

**14. Quod de carcere catenisque interdum quis egrediatur ad regnum.**<sup>9</sup> « Venditum justum in vinculum non dereliquit: sed a peccatoribus liberavit, donec afferret illi sceptrum regni. » *Et alius natus in regnum, inopia consumatur.* Et hoc propter suam superbiam<sup>10</sup>: « Sedes duecum superborum destruxit Dominus. »

**15. Vidi cunctos viventes**, etc. Hic tangitur secundo malum sibi succedens propter suam imprudentiam, quia ipse deprimitur, et aliis extollitur; unde dicit: *Vidi cunctos viventes, qui ambulant sub sole*, id est, multos et innumerabiles (hyperbole), *cum adolescenti secundo*, id est, qui eum sequitur in regno, unde dicit: *Qui eonsurget pro eo.* Et ita alii sequuntur adolescentem, contemnendo senem. Exemplum de David, qui consurgit in regnum Saul; quem consecuti sunt filii, relicta domo Saul, omnesque venerunt ad David: et ratio, propter quam sequuntur adolescentem, relieto sene, est quia nulli beneficit senex stultus: et hoc innuit littera sequens (v. 16): *Infinitus numerus est populi omnium qui fuerunt ante eum*, id est ante adventum

<sup>1</sup> Bern., in *Cant.*, serm. XL. — <sup>2</sup> I Cor., VII, 32. — <sup>3</sup> Gen., II, 18. — <sup>4</sup> Matth., XXVIII, 20. — <sup>5</sup> Bern., serm.

supra cit. — <sup>6</sup> Infra, x, 1. — <sup>7</sup> Prov., XII, 9. — <sup>8</sup> Deut., XXXI, 29. — <sup>9</sup> Sap., X, 13. — <sup>10</sup> Eccli., X, 17.

adolescentis sub rege fuerunt stulto, et adhæserunt ei; *Et qui postea futuri sunt, supple, cum sene illi adhærentes, non lætabuntur in eo*, hoc est, in sene stulto; quia nulli beneficit, nec faciet, quia nescit.<sup>1</sup> « Fatuo non erit amicus, nec erit gratia in bonis illius; neque enim, quod habendum erat, directo sensu distribuit. » Et ex hoc concludit vanitatem, unde dicit: *Sed et hoc vanitas, et afflictio spiritus.* Alia scilicet vanitas a predictis<sup>2</sup>: « Vidi cuncta quæ flunt sub sole, et ecce universa vanitas; » et subiungitur ratio<sup>3</sup>: « Perversi difficile corringtont, et stultorum infinitus est numerus: » et sic terminatur pars de vanitate culpæ.

Spiritualiter hoc etiam potest exponi de Christo<sup>4</sup>. Puer pauper et sapiens, Christus est, qui puer propter innocentiam: unde apud Isaiam secundum aliam litteram<sup>5</sup>: « Ecce puer meus, electus meus, complacuit sibi in illo anima mea. » Pauper, quia pro nobis factus est inops.<sup>6</sup> « Scitis, fratres, gratiam Domini nostri Jesu Christi: quoniam propter vos factus est egenus, cum esset dives. » Sapiens, imo sapientia<sup>7</sup>: « Christum dicimus Dei virtutem, et Dei sapientiam. » Et<sup>8</sup>: « Inventus est in ea vir pauper et sapiens. » Senex rex et stultus, diabolus est, qui est senex<sup>9</sup>: « Ipse est principium viarum Dei: » unde inveteratus est dierum malorum. Rex est, quia regnat in malis<sup>10</sup>: « Ipse est rex super omnes filios superbiae. » Stultus, quia aggressus est quod non potuit; unde dixit<sup>11</sup>: « Ascendam in cœlum, super astra Dei exaltabo solium meum. » Hic, etsi sit callidissimus ad decipiendum, nescit tamen prævidere: *Quod de carcere quis egrediatur ad regnum*, ut Christus de carcere carnis, et de vinculis passionis egrediatur ad regnum gloriæ cœlestis<sup>12</sup>: « Sedet ad dexteram Dei (a) in excelsis; » et jam (b) diabolus natus in regnum, id est, ad percipien-

Inordi-  
natio tri-  
plex.

<sup>1</sup> *Ecclesiast., xx, 17, 49.* — <sup>2</sup> *Supra, i, 14.* — <sup>3</sup> *Ibid., 15.*  
— <sup>4</sup> Cf. Hieron., in *Ecclesiast., c. IV.* — <sup>5</sup> *Isa., XLII, 1;*  
*Matth., XII, 16.* — <sup>6</sup> *II Cor., VIII, 9.* — <sup>7</sup> *I Cor., I, 24.*  
— <sup>8</sup> *Infra, IX, 15.* — <sup>9</sup> *Job, XL, 14.* — <sup>10</sup> *Job, XLI, 25.*

dum regnum, inopia consumatur (c)<sup>13</sup>: « Spolians principatus et potestates, traduxit confidenter. » Et hoc, quod sequitur, est explanatio præcedentis: *Et vidi cunctos viventes sub sole cum adolescenti secundo*, id est, Christo<sup>14</sup>: « Ecce totus mundus post eum abiit. » Iste consurgit, pro eo quod diabolus projectit de regno<sup>15</sup>: « Nunc judicium est mundi, nunc princeps hujus mundi ejicietur foras. » *Infinitus numerus virorum, qui fuerunt ante eum*, id est, adventum Christi, et fideles qui post futuri sunt, non lætabuntur in eo id est, diabolo rege stulto, quia non lætati sunt nisi in Christo; unde Apostolus<sup>16</sup>: « Gaudete in Domino semper. » In Domino est lætandum, non in diabolo.

17. *Custodi pedem tuum*, etc. Actum est supra de vanitate culpæ, et judicatum quoniam illa vanitas est mortalis et pestifera; ideo agitur de remedio contra illam vanitatem. Et quia triplex præcessit vanitas, scilicet malitiæ, avaritiæ, imprudentiæ; ideo hic ponit tria remedia. Et primo dat remedium contra malitiam; secundo contra avaritiam, ibi<sup>17</sup>: *Avarus non implebitur.* Et quoniam malitiæ morbus de se est irremediabilis, et ulterius alios corrumpere potest; ideo non ponitur hic remedium contra malitiam, sed contra corruptionem malitiæ, sive malum, quod consequitur in aliis ex aspectu malitiæ alienæ. Oritur autem ex hoc triplex inordinatio, scilicet: in opere, per prævaricationis inobedientiam; in ore, per locutionis stultitiam; in corde, per cogitationem erroneam: ad quæ omnia ivit incautus considerator malitiæ alienæ. Dum enim quis malos considerat impunitos, credit non esse prouidentiam; ecce cogitatio erronea, et per hoc libere dicit, stulta; quia credit quod non sit qui reprehendat; et ulterius transgreditur mandata, quia non credit, quod sit qui puniat. Primo igitur dat remedium contra

— <sup>11</sup> *Isa., XIV, 14.* — <sup>12</sup> *Hebr., I, 3.* — <sup>13</sup> *Colos., II, 15.* — <sup>14</sup> *Joan., XIII, 19.* — <sup>15</sup> *Ibid., III, 31.* — <sup>16</sup> *Philip., IV, 4.* — <sup>17</sup> *Infra, V, 9.*

(a) *Vulg. majestatis.* — (b) *Cæt. edit. etiam.* — (c) *Item consummatur.*

inobedientiam; secundo, contra loquelam stultam, ibi<sup>1</sup>: *Ne temere quid loquaris*, etc.; tertio, contra cogitationem erroneam, ibi<sup>2</sup>: *Si videris calumnias egenorum*, etc. In remedio contra inobedientiam inducitur exhortatio, et subjungitur exhortationis ratio. Exhortatur autem ad diligentem pedum custodiam, ne transgrediatur mandata divina, ideo dicit: *Custodi pedem tuum, ne forte declinet a via recta.*<sup>3</sup> « Gressus rectos facite pedibus vestris, ut non claudicans quis erret. » *Ingridiens in domum Dei*, id est, in Ecclesiam, vel servitutem Dei, in quam cum timore debet homo ingredi; unde dicitur<sup>4</sup>: « *Introibo in domum tuam, et adorabo ad templum sanctum tuum in timore tuo.* » Ita debet pedem suum servare ab inobedientia, et promptum habere ad obedientiam; propter quod dicit: *Et appropinqua, ut audias*, id est, obedias. *Appropinqua*, quia<sup>5</sup> « qui appropinquant pedibus ejus, accipient de doctrina illius. » *Audias*, obediendo<sup>6</sup>: « *Audite verbum Domini, universi qui ingredimini per portas has: haec dicit Dominus: custodite animas vestras.* » Et subjungitur exhortationis ratio: *Multo enim melior est obedientia, quam stultorum victimæ, qui nesciunt quid faciunt mali;* qui non recognoscunt suas transgressiones, nec curant obedire. Gregorius<sup>7</sup>: « *Melior est obedientia, quam victimæ<sup>8</sup>,* » quia in obedientia mactatur voluntas propria, in victimâ caro aliena. Abusiva est comparatio, quia obedientia est bona, et ideo placet; unde dicitur<sup>9</sup>: « *Bonum est viro, cum portaverit jugum ab adolescentia sua.* » Sed victimæ stultorum displicent<sup>10</sup>: « *Victimæ impiorum abominabiles Domino.* » Unde Saul reprehensus fuit, quia amore oblationis transgressus est divinum imperium<sup>11</sup>: « *Numquid vult Dominus holocausta, aut victimas, et non potius ut obediatur ei?* Me-

lior est enim obedientia, quam victimæ, et auscultare magis, quam offerre adipem arietum. »

## CAPUT V.

1. *Ne temere quid loquaris*, etc. Hie dat medium contra locutionem stultam, sive inordinatam. Inordinata autem est locutio, aut quia inconsiderata, aut quia falsa; et hanc prohibet ibi (v. 3): *Si quid voristi*, etc; aut quia erronea, et hanc ibi (v. 5) prohibet: *Ne dederis os tuum*, etc. Circalocationem inconsideratam prohibet præcipitationem, et subjungit rationem, et adhibet ei confirmationem. Prohibet ergo præcipitationem, unde dicit: *Ne temere quid loquaris*, id est, inconsiderate.<sup>12</sup> « *Temerarius in verbo suo odibilis erit.* » E<sup>13</sup> rursus<sup>14</sup>: « *Verbis tuis facito stateram, et frænos ori tuo.* » Et quia non potest homo velox deliberare, ideo subdit: *Neque cor tuum sit velox ad proferendum sermonem.* Imo diu deliberare oportet; nam dicitur<sup>15</sup>: « *Vidisti hominem velocem ad loquendum? stultitia speranda est magis, quam illius correptio.* » Unde distantia debet esse inter os et cor. Quo contra<sup>16</sup>: « *In ore fatuorum cor illorum.* » Unde dicitur<sup>17</sup>: « *Sit omnis homo velox ad audiendum, et tardus ad loquendum.* » Et Seneca: « *Tardiloquum te esse volo.* » Et subditur ratio, divinum judicium quod omnia videt: ideo dicitur: *Deus enim in cœlo, supple, omnia videns*<sup>18</sup>: « *Dominus de cœlo in terram aspergit.* » *Et tu super terram, in manifesto sibi positus, ita non lates eum*<sup>19</sup>: « *Oculi Domini multo plus lucidiores sunt super solem, circumspicientes in omnes vias hominum.* » *Idecirco sint pauci sermones tui,* quia scilicet loqueris coram Deo, qui exiget rationem de omnibus<sup>20</sup>: « *De omni verbo otioso, quod locuti fuerint homines, reddent rationem de eo homines in die judicii.* » Et vix potest esse, quod qui multa loquitur, Deo non dispiceat; unde hoc manifestat

<sup>1</sup> Infra, v. 1. — <sup>2</sup> Ibid., 7. — <sup>3</sup> *Hebr.*, XII, 13. — <sup>4</sup> *Psal.* v. 8. — <sup>5</sup> *Deut.*, XXXIII, 3. — <sup>6</sup> *Jerem.*, XVII, 20, 21. — <sup>7</sup> *Greg.*, *Moral.* lib. XXXV, c. x, in *Job*, c. XXII. — <sup>8</sup> *I Reg.*, xv, 22. — <sup>9</sup> *Thren.*, III, 27. — <sup>10</sup> *Prov.*, xv, 8. — <sup>11</sup> Loc. mox cit. — <sup>12</sup> *Eccli.*, IX, 25. — <sup>13</sup> *Eccli.*, XXVIII, 29. — <sup>14</sup> *Prov.*, XXII, 29. —

<sup>15</sup> *Eccli.*, XXI, 29. — <sup>16</sup> *Jac.*, I, 19. — <sup>17</sup> *Psal.* cl, 20. — <sup>18</sup> *Eccli.*, XXIII, 28. — <sup>19</sup> *Matth.*, XI, 36.

exemplo, et simili (v. 2) : *Multas curas sequuntur somnia* ; et ideo stultum est eis attendere<sup>1</sup> : « Multos errare fecerunt somnia. » *Et in multis sermonibus invenitur stultitia.*<sup>2</sup> « Qui multis utitur verbis, laedit animam suam. » Et<sup>3</sup> : « In multiloquio non deest (a) peccatum. » Sed e contra<sup>4</sup> : « Sultus verba multiplicat. »

3. *Si quid vovisti*, etc. Hic secundo prohibet locutionem falsam, qua scilicet promittitur quod non impletur. Hortatur igitur implere promissum; unde dicit : *Si quid vovisti Deo*, id est, per votum promisisti, ne moreris reddere. Unde dicitur<sup>5</sup> : « Vovete, et reddite Domino Deo vestro omnes, qui in circuitu ejus affertis munera. » Et Glossa : « Vovere est voluntarium, sed reddere necessarium; quia alioquin est homo falsus in promisso. » Unde subdit : *Dispicet enim Deo infidelis et stulta promissio*: infidelis, in qua non est veritas; stulta, in qua non est judicium: quia stulta promissio non est facienda. Unde Isidorus<sup>6</sup> : « In malis promissis rescinde fidem; in turpi voto muta decretum. » Ideo subdit, quod veritas est in promissione servanda, cum dicit : *Sed quemque voveris, redde*, non variando<sup>7</sup> : « Animal, quod immolari potest, si quis voverit, sanctum erit, et mutari non poterit, nec in melius, nec in pejus: » alioquin melius fuerat non vovere. Ideo dicit (v. 4) : *Multoque melius est non vovere*, id est, minus malum, quia sine culpa, quam post votum promissa non reddere.<sup>8</sup> « Melius erat eis, viam veritatis non cognoscere, quam post agnitionem retrorsum converti. » Et<sup>9</sup> : « Nemo mittens manum ad aratrum, et respiciens retro, aptus est regno Dei. »

5. *Ne dederis os tuum*, etc. Hic tertio prohibet locutionem erroneam, et dehortatur locutionis errorem, et deinde subdit rationem, et post manifestat erroris radicem. Locutionis errorem dehortatur, dicens :

<sup>1</sup> Eccli., xxxiv, 7. — <sup>2</sup> Eccli., xx, 8. — <sup>3</sup> Prov., x, 19. — <sup>4</sup> Infra, x, 14. — <sup>5</sup> Psal. lxxv, 12. — <sup>6</sup> Isid., De Contempt. mund., c. de Juram. et vot. — <sup>7</sup> Levit., xxvii, 9. 10. — <sup>8</sup> II Petr., II, 21. — <sup>9</sup> Luc., ix, 62. —

*Ne dederis os tuum, ut peccare facias carnem tuam*, id est, non loquaris erroneam locutionem, ex qua præcipiteris in peccatis. Et exprimit de qua locutione intelligit : *Neque dicas coram angelo : Non est providentia*, id est, non dicas neque in secreto, neque in occulto; quia in occulto audiunt angeli, qui sunt ad custodiā deputati; unde dicitur<sup>10</sup> : « In cogitatione tua regi ne detrahias, et in secreto cubili tuo ne maledixeris diviti, quia aves cœli portabunt vocem tuam. » Et subdit ratio exhortationis : *Ne forte iratus Dominus dissipet opera tua*, id est, reddat inutilia, iratus non per animi commotionem, sed per culpæ rigidam punitionem. Sic<sup>11</sup> iratus est super sermonem Rapsacis, et omnia opera regum Assyriorum per angelum nocte destruit (b)<sup>12</sup>: « Si quomodo audiat Dominus tuus verba Rapsacis, quem misit rex Assyriorum ad blasphemandum Deum viventem. »<sup>13</sup> « Dissipat impios rex sapiens. » Et subdit hujus locutionis origo, quia non oritur a recta ratione, sed a somniorum illusione; propter quod dicit (v. 6) : *Ubi multa sunt somnia, plurimæ sunt vanitates*, quia somniorum vanitas<sup>14</sup> : « Somniat esuriens, et comedit, et postea cum expergefactus fuerit, vacua est anima ejus. » *Et sermones innumeri* : hi sequuntur ad somnia, quia nihil certum ex eis potest sciri<sup>15</sup> : « Divinatio erroris, et auguria mendacia, et somnia malefacentium vanitas est: » et ideo de talibus non est curandum, sed de Deo; unde subdit : *Tu vero time Deum*, quia ipse solus est, qui potest nos perdere et salvare, non somnia, non auguria.<sup>16</sup> « Ostendam vobis quem timebitis, qui potest animam et corpus mittere in gehennam. »

7. *Si videris columnias*, etc. Hic tertio retrahit a cogitatione erronea, scilicet ut, ex visa hominum malitia, non credat deesse providentiam; unde dicit : *Si videris columnias*

<sup>10</sup> Infra, x, 10. — <sup>11</sup> Isa., xxxvii, 36. — <sup>12</sup> Ibid., 4. — <sup>13</sup> Prov., xx, 26. — <sup>14</sup> Isa., xxix, 8. — <sup>15</sup> Eccli., xxxiv, 5. — <sup>16</sup> Luc., xii, 5. — (a) Vulg. deerit. — (b) Leg. destruxit.

*egenorum.* « Vidi sub sole calumnias egenorum, et lacrymas innocentium, » supra<sup>1</sup> dixerat, *et iudicia violenta*, quæ vidit, cum inquit<sup>2</sup>: « Vidi sub sole in loco judicii impietatem. » *Et subverti justitiam in provincia*: quod similiter viderat, cum ait<sup>3</sup>: « Vidi in loco justitiae iniuriam (a). » Ex hac, inquam, consideratione mutari non debet, quasi non sit qui regat, nec qui corrigit. Unde dicit (v. 7): *Non mireris super hoc negotio*, quasi non sit qui regat, quia unus est omnium ordinator: unde subdit: *Quia excuso excelsior est; et super hos quoque eminentiores sunt alii.* Unde dixit Centurio<sup>4</sup>: « Ego sum homo in potestate constitutus, habens sub me milites; et dico huic: Vade; et vadit. » *Et insuper universæ terræ rex imperat servienti.* Quamvis ergo non serviant sibi invicem, et non ordinentur per se; ordinantur tamen a Deo, qui scit malis bene uti.<sup>5</sup> « Ego sum Pharao: absque tuo imperio non movebit quisquam manum aut pedem in omni terra Ægypti. » Unde dicitur<sup>6</sup>: « Habebat in veste et in femore suo scriptum: *Rex regum, et Dominus dominantium.* » Et ipse nihil pervertit; unde dicitur<sup>7</sup>: « Dominus Deus noster, ipse est Deus Deorum, et Dominus dominantium, magnus, potens, terribilis, qui personam non accipit, nec munera; facit iudicium pupillo et viduæ: » et ideo, si imperat, non pervertitur de justitia.

Incidit hic quæstio de hoc, quod dicit: *Quæcumque voristi, redde*: utrum qui vorvit indiscrete, teneatur, supposito quod se obligare intendat; quod si non, reportat commodum de indiscretione sua. Item ipse teneatur facere veritatem: sed qui non facit quod promisit, non facit veritatem, imo mentitur: ergo talis tenetur facere quod promisit, vel quod vorvit. Item Jephthe indiscrete vorvit, et solvit, et ab Apostolo<sup>8</sup> commendatur: ergo debemus indiscreta vota persolvere. Contra:

Quod indiscretum est dicere, indiscretum est facere: si ergo ille qui vorvit, hoc ipso quod dicit, est indiscretus, et magis peccat; ergo omittendo, bene facit. Item malum præcedens non excusat sequens: ergo si vorvit quid stultum, et facit, non est minus reprehensibilis, quam si faceret sine voto; nec vatum minus reprehensibile, quam si non faceret: ergo. Item Isidorus<sup>9</sup>: « In malis promissis rescinde fidem, in turpi voto muta decretum: » ergo. Respondeo dicendum, quod non tenetur; imo si facit, addit peccatum super peccatum; unde: « *Et Jephthe solvendo votum magis peccavit, quam si non solvisset, quia in vorvendo fuit stultus, et in solvendo impius,* » sicut dicit Hieronymus. Quod objicitur, quod commendatur; dicendum, quod non de voto, nec voti solutione commendatur; quia Apostolus commendat ibi fidem Jephite, quia ipse credit triumphare de hostibus, sive de inimicis, Domini auxilio. Quod objicitur, quod reportat commodum, dieo quod falsum est, quia statim in ipso voto peccat, et dignus est poena. Quod objicitur de veritate, dicendum quod veritas substernit sibi iudicium: quia igitur sine modo vorvit, ideo solvere non potest cum veritate; et propterea non potest in tali voto esse veritas: ideo nulla est obligatio.

Quæritur utrum possit mutare. Videtur quod non, per illud *Levitici*<sup>10</sup>: « Non poterit mutari, nec in pejus nec in melius. » Quod autem sic, videtur, quia licet partem Domini facere meliorem: ergo, etsi non liceat in pejus, licet tamen in melius. Respondeo dicendum, quod est mutare votum in pejus omnino, et est mutare in melius quod istud includit, sicut illud: Qui vorvit mutare religionem minus perfectam, intrat in perfectiorem, quæ illam claudit (b). Intramutare (c), est ultra in melius non includens, sicut ire Romanum (d) in iter ultramarinum. Primum non

*Cont. mund., cap. de juram. et voto. — 10 Levit., xxvi, 16. — (a) Cœl. edit. impietatem. — (b) Leg. includit. — (c) Leg. Aliter mutare. — (d) Leg. Roma casu ablativa.*

<sup>1</sup> Supra, iv, 1. — <sup>2</sup> Supra, iii, 16. — <sup>3</sup> Ibid. — <sup>4</sup> Matth., VIII, 9. — <sup>5</sup> Gen., XL, 44. — <sup>6</sup> Apoc., xix, 16. — <sup>7</sup> Deut., X, 17. — <sup>8</sup> Hebr., XI, 32. — <sup>9</sup> Isid., de

per se licet omnino, sed est prohibitum. Secundum per se licet, non tamen licet sine auctoritate majoris; quia enim sum Domino obligatus, non possum mutare, nisi pro ejus arbitrio: et quia ipse non alloquitur me, nisi per suum ministrum, qui tenet ejus partes, non possum mutare sine auctoritate superioris, nisi Dominus ipse interius certissime insipiet: et sic patet illud.

Quæritur etiam de hoc, quod dicit: *Ne dicas coram angelo: Non est providentia.* Contra: Videlur, quod non sit providentia: primo, quia providentia dat debitum ordinem rebus: sed iste non est in mundo<sup>1</sup>: «Vidi servulos ambulantes in equis,» etc. Item secundo, quia providentia dat debitam remunerationem: sed hoc non est in mundo<sup>2</sup>: «Eadem cunctis eveniunt.» Item tertio, quia dat durationem debitam: sed hoc simpliciter non est in mundo<sup>3</sup>: «Impius longo vivit tempore in malitia sua (a).»

Sed quod sit necessarium ponere, videntur; quia sapientis est providere domui: ergo summe sapientis multo magis. Item sapientis artificis non tantum est facere, sed etiam conservare: sic ergo Deus conservat et gubernat: sed ipse est sapiens; et sapiens, omne quod gubernat, per providentiam gubernat: ergo. Item quia Deus summe sapiens non potest facere, quin videat mala nostra: ergo cum sic sit summe justus, non potest facere quin vindicet mala, et bona remuneret: ergo omnium est remuneratione: ergo et providentia. Item quæritur quis magis peccat, utrum qui negat providentiam, an qui divinam providentiam reprehendit. Videlur, quod magis qui negat; quia ille qui credit providentiam esse, hoc ipso quod credit, bene facit: ergo aliquid habet de bono: sed qui simpliciter negat, nihil: ergo magis est reprehensibilis. Contra: Hieronymus dicit, quod magis peccat, qui providentiam ponit, et Deum accusat, quam qui providentiam simpliciter negat.

<sup>1</sup> Infra, x, 7. — <sup>2</sup> Infra, ix, 3. — <sup>3</sup> Infra, vii, 16. — <sup>4</sup> Sap., iv, 11.

Respondeo dicendum ad primum, quod providentia est. Quod objicitur de debito <sup>Ordo du-</sup> ordine, respondetur quod duplex est ordo, <sup>plex.</sup> particularis scilicet, et universalis: aliquid potest privari ordine particulari, non universalis, ut dicit Boetius: nam universalis ordo cuncta complectitur: unde qui cadit universalis ordine naturæ, incidit in ordinem poenæ, sicut exemplum Augustini est de nube, in qua est turbo et involutio inordinata in se, sed ordinata ad fructum terræ: sic mali præsunt bonis ad bonorum exercitationem et malorum punitionem. Similiter de remuneratione dicendum, quod in præsenti malis bona veniunt justo modo, ut hic remunerentur, et in futuro æternaliter crucientur; et bonis mala, ut hic purgentur, et æternaliter præmientur. Quod objicitur de vita, quamdiu vivunt, propter dictam causam; sed boni moriuntur, quia dicitur<sup>4</sup> de Enoch, quod «raptus est, ne malitia mutaret ejus intellectum:» quoniam igitur divina judicia in præsenti occulta sunt propter hominum probationem, et quia simplices et rudes occulta non percipiunt, videntur quod omnia sint inordinata. Et ideo Ecclesiastes docet respicere ad eum, sub quo omnia ordinantur.

Quod quæritur, quis magis peccat; respondeo dicendum, quod providentiam negare, hoc potest esse dupliciter: uno modo, aut quia credit Deum ignorantem, aut quia credit ipsum non curare de factis mortalium. Similiter et accusare, dupliciter: aut quia non curat, aut quia pervertit: utroque modo accusare providentiam, pejus est: quia non tantum errat, imo Deum vituperat, et blasphemat: et ita simpliciter magis peccat, et cognitio ibi non excusat, imo aggravat.

9. *Avarus non implebitur pecunia.* Supra posuit remedium contra vanitatem malitiæ; hic subjungit secundo contra vanitatem avaritiae. Remedium autem contra avaritiam est contemptus bonorum terrenorum: ideo hic persuadet contemptum divitiarum, et

(a) *Cæt. edit.* tempore impietate.

hoc quidem facit per triplicem rationem : **Divitiae.** primo enim ostendit divitias non esse appetendas, quia non ditant possessores suos, quia non transmittuntur frequenter ad posteros, ibi (v. 12) : *Est alia infirmitas pessima*; tertio, quia frequenter devolvuntur ad extraneos, ibi<sup>1</sup> : *Est aliud malum*. Primo igitur avaritiam detestatur, quia divitiae quae appetuntur, non adjuvant, nec ditant possessores, quia non sufficiunt; secundo, quia non prosunt; tertio, quia affligunt. Detestandæ sunt ergo divitiae, et aspernandaæ, quia avaro non sufficiunt, et hoc avarus appetit, scilicet sufficientiam; propterea dicit : *Avarus non implebitur pecunia*.<sup>2</sup> « Insatiabilis oculus cupidi. » Unde Hieronymus : « Avaro deest, tam quod habet, quam quod non habet. » Et Seneca : « Si vis te divitem facere, non pecuniæ est adendum, sed cupiditati substrahendum. »

*Et qui amat divitias*, etc. Hic secundo dehortatur ab amore divitiarum, quæ non prosunt; ideo dicit : *Et qui amat divitias, fructum non capiet ex eis*; et ita non prosunt.<sup>3</sup> « Nihil est iniquius, quam amare pecuniam. Hic animam suam venalem habet. » Et ita nihil prosunt avaro divitiae, quia animam dat pro pecunia; unde inquit Dominus<sup>4</sup> : « Quid prodest homini, si universum mundum luceretur, animæ vero suæ detrimentum patiatur? » quasi dicat : Nihil; et ex hoc infert vanitatem in amando eas. Seneca : « Quæ est maxima egestas? avaritia. » Et ex opposito dicuntur maximæ divitiae non desiderare divitias.

*Et hoc ergo vanitas*.<sup>5</sup> « Ecce homo, qui non posuit Deum adjutorem suum, sed speravit in multitudine divitiarum suarum, et prævaluuit in vanitate sua. » Et quod nihil prosint divitiae possidenti, ostendit, quia consumuntur, et nihil plus habet dominus, quam servus; ideo dicit (v. 10) : *Ubi multæ sunt opes, multi et qui comedunt eas; sic omnia*

consumuntur. Unde Seneca : « Cadavera lupi, musæ mel, prædam non hominem sequitur turba ista. » Et<sup>6</sup> : « Pulli ejus lambunt sanguinem; et ubi fuerit cadaver, statim adest; » quia, secundum quod dicitur<sup>7</sup> : « Multi colunt personam potentis, et amici sunt dona tribuentis. » Et *quid prodest possessori, nisi quod cernit divitias oculis suis?* quasi dicat nihil plus sibi, quam aliis, quia tantum comedit quilibet aliorum, quantum ipse solus; et ita non habet fructum præ aliis, imo damnum, quia peccatum habet plus; unde<sup>8</sup> : « Si dives fueris, non eris immunis a dilecto. Si secutus fueris; non apprehendes (a). »

41. *Dulcis est somnus*. Hic tertio ostendit divitias aspernandas, quia affligunt, et hominem quiescere non permittunt: unde auferunt somnum et quietem; propterea dicit : *Dulcis est somnus operanti, sive parum, sive multum comedat*. Et ita operans et laborans, aliquando quiescit<sup>9</sup>. « Somnus sanitatis in homine parco. Dormiet usque mane, et anima illius delectabitur cum illo. » Sed e contra dives non quiescit; unde subdit : *Saturitas autem divitis non sinit eum dormire*: vel quia multas habet divitias, multas curas, quæ auferunt somnum<sup>10</sup>: « Sonitus terroris semper in auribus, et cum pax sit, ipse insidias suspicatur; » unde<sup>11</sup> : « Cuncti dies ejus laboribus et ærumnis pleni sunt, nec per noctem mente requiescit; » vel etiam quia multum comedat et bibit, et non laborat; ideo non quiescit<sup>12</sup>: « Vigilia, et cholera, et tortura viro infrunito : » et sic præ satietae non quiescit.

Sed queritur de hoc, quod dicit : *Divitiae non prosunt possessori*. Nam infra dicit<sup>13</sup> : « Utilior est sapientia cum divitiis, et magis prodest videntibus solem. » Item alibi inquit<sup>14</sup> : « Redemptio animæ viri, divitiae ejus: » ergo valent ad redimendam animam. Contra : Omne illud, quod melius est dimi-

<sup>1</sup> Infra, vi, 1. — <sup>2</sup> Eccli., xiv, 9. — <sup>3</sup> Eccli., x, 10. — <sup>4</sup> Matth., xvi, 26. — <sup>5</sup> Psal. li, 9. — <sup>6</sup> Job, xxxix, 30. — <sup>7</sup> Prov., xix, 6. — <sup>8</sup> Eccli., xi, 10. — <sup>9</sup> Eccli., xxxi, 24. — <sup>10</sup> Job, xv, 21. — <sup>11</sup> Supra, II, 23. —

<sup>12</sup> Eccli., xxxi, 23. — <sup>13</sup> Infra, VII, 12. — <sup>14</sup> Prov., xiii, 8.

(a) Cæt. edit. apprehendas.

tere, quam tenere, est simpliciter inutile; quia si absentia alicujus est utilis, præsentia est damnosa: ergo si dimittere divitias est bonum, tenere eas est inutile. Item omnis utilitas attenditur secundum ordinacionem ad finem ultimum: ergo quod præstat impedimentum deveniendi in finem, non est utile, sed inutile: sed divitiae sunt hujusmodi, quia amantem divitias impossibile est introire in cœlum; et difficile est habere, et non amare: ergo divitiarum possessio impedit: ergo non prosunt, sed obsunt. Respondeo dicendum ad hoc, sicut dicit Bernardus: « Temporalia ista de se nec bona sunt, nec mala, quorum usus bonus, abusio mala, sollicitudo pejor, quaestus turpior. Si igitur quæratur utrum divitiae sint utiles, dico quod bene utenti utiles sunt; sed reservanti sunt inutiles, male utenti damnosæ. Unde dicitur infra (v. 42): *Divitiae congregatae (a) in malum domini sui*: bene vero utenti valent, cum scilicet distribuit in opera pietatis: sic enim valent ad redemtionem culpæ<sup>1</sup>: « Peccata tua eleemosynis redime. » Valent ad augmentum gratiæ<sup>2</sup>: « Exerce temetipsum ad pietatem. » Valent in adeptionem gloriæ<sup>3</sup>: « Facite vobis amicos de mammona iniquitatis, ut cum defeceritis, recipient vos in æterna tabernacula. »

Quod objicitur quod inutiles, quia bonum est dimittere, dicendum, quod dimittere et Deo donare, est divitiis bene uti: unde utiles sunt ad dimittendum, ad dandum pauperibus, ad emendum regnum. Quod objicitur, quod difficile est habere, et non amare; respondeo, quod ex hoc non sequitur quod impedian; quia omnis virtus est circa difficile; et tamen virtus non impedit, sed adjuvat: tamen utilior et securior usus est semel totum dimittere, quam paulatim dare, propter vitanda pericula quæ accident.

12. *Est et alia infirmitas*, etc. Supra ostendit, quod divitiae non ditant possessores suos;

<sup>1</sup> *Dan.*, IV, 24. — <sup>2</sup> *I Tim.*, IV, 7. — <sup>3</sup> *Luc.*, XVI, 9.  
— <sup>4</sup> *Eccli.*, XXXI, 8. — <sup>5</sup> *Jac.*, V, 1. — <sup>6</sup> *Ephes.*, V, 5.

hic subjungit secundo, quod contempnendæ sunt, quia frequenter non transmittuntur ad posteros, et hoc quidem facit hoc ordine. Primo notatur consideratio egestatis futuræ in prole; secundo ex hoc detestatur sollicitudinem laboriosam pecuniæ acquirendæ. Tertio in hujus detestationem commendat fruitionem præsentis lætitiae, addens hoc esse donum largitatis diviuæ. Considerat hic primo egestatem futuram in divitis prole, quia cum conservetur diu a patre, non remanet filio; propterea dicit: *Est et alia infirmitas pessima, quam vidi sub sole*; alia scilicet a prædicta, quæ, inquam, est in possessione divitiarum; unde dicit: *Divitiae congregatae in malum domini sui*, quia non possunt congregari sine malo poenæ et culpæ.<sup>4</sup> « Beatus vir, qui inventus est sine macula, et qui post aurum non abiit, nec speravit in pecuniæ thesauris: Quis est hic? et laudabimus eum; fecit enim mirabilia in vita sua. » Vel *in malum*; faciunt enim hominem venire in malum poenæ<sup>5</sup>: « Agite nunc, divites, plorate ululantes in miseriis quæ advenient vobis. » *Domini sui*, imo secundum rem, servi: quia avaritia facit avarum servum<sup>6</sup>: « Avaritia, quæ est idolorum servitus. » Hæc, inquam, pereunt *in afflictione pessima*, quia necesse est, quod ipse cum dolore amittat.<sup>7</sup> « Dives cum dormierit, nihil secum auferet; » nec tantum relinquuntur a domino, sed etiam amittuntur a filio: unde subdit: *Generavit filium, qui in summa egestate erit*. Est egestas summa, et hæc bonorum omnium; de qua<sup>8</sup>: « Veniet tanquam viator egestas. » Et sic divitiae conservatæ relinquuntur heredi, nec etiam asportari a possessore possunt; unde subdit: *Sicut egressus est nudus de utero matris suæ, sic revertetur*, non in uterum, sed in terram; et nihil auferet secum de labore suo.<sup>9</sup> « Nudus egressus sum de utero matris meæ, nudus revertar illuc. » Et hoc valde dolendum; unde subdit (v. 15): *Mise-*

— <sup>7</sup> *Job*, XXVII, 19. — <sup>8</sup> *Prov.*, VI, 11. — <sup>9</sup> *Job*, I, 21.

(a) *Vulg. conservatæ*, et sic deinceps.

*rabilis prorsus infirmitas : quo modo venit, sic revertetur.*<sup>1</sup> « Nihil intulimus in hunc mundum; haud dubium, quod nec auferre quid possumus. »

15. *Quid ergo?* Hic secundo reprehendit sollicitudinem augendæ pecuniaæ egestatis superventuræ; unde infert, quasi ex prædictis, quod vanum est in tantis laboribus, se affligere in rerum acquisitione; ideo dicit: *Quid ergo prodest ei, scilicet diviti avaro, quod laboravit in ventum?* id est: si ita est, quod nudus revertetur, et ipse et filii: quasi dicat: Nihil. Propterea dicitur<sup>2</sup>: « Filii hominum, usquequo gravi corde? nt quid diligitis vanitatem, et quæritis mendacium? » Divingæ vento comparantur, propter vanitatem<sup>3</sup>: « Quasi qui apprehendit umbram, et persequitur ventum, sic qui attendit ad visa mendacia. » Laboravit ergo in ventum, cum laboravit pro divitiis acquirendis. Et subdit magnitudinem laboris (v. 16): *Cunctis diebus vitæ suæ comedit in tenebris, propter solitudinem; et in curis multis, propter sollicitudinem; et in ærumnâ, propter expensarum tenuitatem; et tristitia, propter expendendi necessitatem: tristatur enim, quia oportet eum quid manducare*<sup>4</sup>: « Oculus nequam et invidus non satiabitur pane, et indigens in tristitia erit super mensam suam. » Divingæ faciunt hominem esse in curis et ærumnis, quia<sup>5</sup> « sollicitudo hujus sæculi, et fallacia divitiarum suffocat verbum. »

17. *Hoc itaque mihi visum est*, etc. Hic tertio commendat fruitionem lætitiae in detestacionem afflictionis avaritiae: quia enim avarus se affligit, nihil ei prodest: ideo bonum visum est sibi comedere, et propterea dicit: *Hoc itaque mihi visum est bonum, ut comedat quis et bibat, quantum ad jucunditatem exteriorem; et fruatur lætitia ex labore suo, quo laboravit sub sole; lætitia quantum ad jucunditatem interiorum, et hoc, dum po-*

test; unde et subditur: *Numero dierum vitæ suæ, quos dedit ei Deus, quasi non expectet illud tempus. Et hæc est pars illius.* De his omnibus dicitur<sup>6</sup>: « Ecce gaudium, et lætitia, jugulare arietes, comedere carnes, et bibere vinum: « Comedamus et bibamus: cras enim moriemur; » quasi illa sit pars: et hanc considerationem approbat, quasi placeat Deo; unde et subditur (v. 18): *Et omni homini, cui dedit Deus substantiam et divitias: hæc enim a Deo; unde*<sup>7</sup>: « Bona, et mala, vita, et mors, et paupertas, et honestas a Deo sunt: » *Potestatemque ei tribuit, ut comedat ex eis, exterius delectando; et fruatur parte sua, in iis quiescendo; et lætetur de labore, gaudenter aequisita expendendo(a): Hoc donum Dei est.* Hæc enim potestas a Deo, quia dicit<sup>8</sup>: « Sine me nihil potestis facere. » Et quod sit magnum donum, ostendit, quia cruciatus curarum et sollicitudinum, quæ sunt magnæ poenæ, per delicias temperantur. Ideo subdit: Bene dico, quod *donum Dei est*, in quantum a cruciatibus avaritiae liberantur. (v. 19) *Non enim satis recordabitur dierum, vitæ suæ, id est, non multum affligetur euris quæ spectant ad vitam; eo quod Deus occupet cor ejus deliciis, non spiritualibus, de quibus dicitur*<sup>9</sup>: « Quam pulchra es, et quam decora, carissima in deliciis! » sed carnalibus, de quibus dictum est<sup>10</sup>: « Feci mihi cantores, et cantatrices, et delicias filiorum hominum. »

Sed incidit hic quæstio de hoc, quod dicit: *Hoc visum est mihi bonum, ut comedat.* Contra<sup>11</sup>: « Væ tibi, terra, cuius rex puer est, et cuius principes mane comedunt: » contradicit ergo sibi ipsi. Præterea dicit: *Et lætetur.* Contra<sup>12</sup>: « Melius est ire ad domum luctus, quam ad domum convivii; » et iterum<sup>13</sup>: « Cor sapientis, ubi tristitia; » item ipsa veritas<sup>14</sup>: « Væ vobis, qui nunc ridetis, quia flebitis: » ergo malum est lætari. Et tota Scriptura reprehendit lætitiam carnis: quid est ergo, quod sic commendat eam? Ad —<sup>12</sup> Infra, vii, 3. —<sup>13</sup> Ibid., 5. —<sup>14</sup> *Luc.*, vi, 25. (a) *Edit. Ven.* exponendo.

<sup>1</sup> *1 Tim.*, vi, 7. —<sup>2</sup> *Psal.*, iv, 3. —<sup>3</sup> *Ecli.*, xxxiv, 2. —<sup>4</sup> *Ecli.*, xiv, 10. —<sup>5</sup> *Matth.*, xiii, 22. —<sup>6</sup> *Isa.*, xxii, 13. —<sup>7</sup> *Ecli.*, xi, 14. —<sup>8</sup> *Joan.*, xv, 5. —<sup>9</sup> *Cant.*, vii, 6. —<sup>10</sup> *Supra*, ii, 8. —<sup>11</sup> *Infra*, x, 16.

hoc respondetur per modum procedendi in libro isto singularem inter omnes libros sacrae Scripturae: ipse enim loquitur ut concionator, disputationem suam contexens, in qua diversae sententiæ adducuntur per diversas personas, secundum quas loquitur. Unde aliter in persona carnali, ut hic, aliter in persona sapientis, ut infra: *Melius est ire*, etc.; sed postmodum loquitur in persona propria, ubi dicit<sup>1</sup>: « Finem loquendi pariter omnes audiamus; » ubi quasi fert sententiam eorum, quorum prius ventilaverat causam: « Deum time, » et quod « Deus omnia judicabit. » Unde quidquid in libro legitur, quod illi sententiæ adversatur, irritatur per illam sententiam; et talia sunt omnia, quæ dicuntur in commendationem voluptatis præsentis: et sic una solutione respondetur ad omnia. Aliter potest dici, quod ipse Ecclesiastes quæcumque dicit, in persona propria dicit; sed tamen ad intelligenda ea quæ dicit, duo sunt attendenda, ratio scilicet, et modus dicendi. Modus dicendi duplex variatur: quædam enim dicit vere, quædam ironice: vere, ut illud<sup>2</sup>: « Mitte panem tuum super transeuntes aquas; » ironice, ut illud: « Lætare ergo, juvenis, in adolescentia tua. » Et hoc patet per sequentia<sup>3</sup>: « Et scito, quod pro his omnibus adducet te Deus in iudicium. » Variatio attenditur in modo, quia quædam dicit approbando: *Ne temere quid loquaris*; quædam recitando, quod ipse ita fecit, sicut dixit<sup>4</sup>: « Non prohibui cor meum, quin omni volnptate frueretur, » etc.: hoc non approbat; sed recitat se sic fecisse, sicut et Apostolus de se dicit<sup>5</sup>, quod fuit blasphemus. Similiter quædam dicit recitando quod ita cogitaverat, sicut cum dixit<sup>6</sup>: « Deprehendi nihil esse melius quam lætari. » Et tali genere locutionis multum utitur in hoc libello, quasi narrans suas tentationes: unde liber iste fuit quasi quædam meditatio Salomonis; et sicut homo ab una meditatione cadit in aliam æstimationem secundum diversas considerationes, sicut quando quis

cogitat hoc esse bonum, et postmodum cadit in aliam æstimationem, sic narrat Salomon. Et in isto libro, quantum ad rationem dicendi, attendendum, quod quædam dicit simpliciter ad sui approbationem; quædam vero non dicit in approbationem, sed in aliorum comparationem et detestationem, sicut qui vellet vituperare avaritiam, laudaret prodigalitatem: sic in hoc libro laudat mortuos, comparatione viventium; respectu avaritiæ, voluptatem, quia avaritia est poena et culpa. Hoc autem facit, ut ab illo revocet, non ut ad hoc attrahat. Ulterius, quantum ad rationem dicendi, attendendum, quod quædam dicit ad omnes, quædam ad aliquos, qui aliquid supponunt; et ex eorum suppositione arguit contra eos, ut supra<sup>7</sup> dixit, quod « non est memoria sapientis, ut stulti. » Hoc dixit illis sapientibus qui totam suam remunerationem in laudibus hominum constituebant.

Hæc ergo regula est in verbis ejus generaliter attendenda: quod dicit vere et approbando, dicit per se; commendando, dicit omnibus, id est vere, assertive, universaliter et absolute; hæc quidem in auctoritatem sunt adducenda. Quæ autem dicit ironice, dicit recitatore, dicit ad aliorum detestationem, vel ex aliqua suppositione, sive ad contrarium. Illud igitur verbum dictum est non assertive, sed recitatore; recitat enim suam temptationem, quam intendit. Vel dictum est non absolute, sed ad detestationem avaritiæ. Item quæritur de hoc, quod dicit, quod hoc est *donum Dei*, ut fruatur divitiis: sed hoc est peccatum: ergo. Et item dicit, quod Deus occupat cor deliciis in vita; sed hoc iterum est peccatum. Respondeo quod tam bona fortunæ, quam naturæ, quam etiam gratiæ, sunt dona Dei; sed fortunæ minima, naturæ media, sed gratiæ optima. Inter dona naturæ computatur salus et fortitudo. Inter bona fortunæ, prosperitas et quies: Deus enim aliquibus dat divitias, qui-

<sup>1</sup> Infra, XII, 43. — <sup>2</sup> Infra, XI, 1. — <sup>3</sup> Ibid., 9. —

<sup>4</sup> Ibid. — <sup>5</sup> Supra, II, 10. — <sup>6</sup> I Tim., I, 13. —

<sup>7</sup> Supra, III, 22. — <sup>8</sup> II, 16.

bus non dat salutem, nec quietem, et isti non fruuntur bonis; quibusdam superaddit quietem et salutem, et tales habent potestatem fruendi; et quia illa sunt dona Dei, ita et potestas. Sed ulterius abusio potestatis mala, hoc non est a Deo.

Quod queritur, quod Deus occupare dicitur deliciis cor illius, est respondendum, quod quædam facit Deus misericorditer, quædam justo judicio deferendo, sicut dicitur<sup>1</sup>: « Tradentur sapientes mundi in reprobum sensum; » sicut et occupare dicitur cor deliciis, permittendo justo judicio occupari, et obliisci aeternorum.

## CAPUT VI.

1. *Est et aliud malum*, etc. Supra ostendit divitias esse contempendas, et quia non ditant possessores suos, et quia frequenter non transmittuntur ad posteros; hic tertio ostendit esse contempendas, quia frequenter devolvuntur ad extraneos; et hoc quidem facit hoc ordine: primo quidem insinuat divitiarum conservatarum translatio; secundo vero tenacitatis detestatio, ibi (v. 3): *Si genuerit quispiam*, etc.; tertio subjungitur detestationis ratio, ibi (v. 4): *Frustra igitur venit*, etc. Primo igitur Ecclesiastes consideravit vanitatem consequentem divites, et proponit, dicens: *Est et aliud malum, quod vidi sub sole*; et aggravat ex circumstantia: *Et quod est frequens apud homines*, id est, apud infirmos mundi dilectores, et divites, de quibus dicitur<sup>2</sup>: « Filii hominum, usquequo gravi corde? utquid diligitis vanitatem, et queritis mendacium? » etc. Et assumit vanitatem quæ attenditur hic, quod divitias conservat, et alius devorat; ideo dicit (v. 2): *Vir, cui Deus dedit divitias, quantum ad mobilia; et substantiam, quantum ad immobilia; et honores, quantum ad sublimia*: omnia enim a Deo. Divitiae a

Deo<sup>3</sup>: « Longitudo diernum in dextera ejus, et in sinistra illius divitiae et gloria. » Et substantia a Deo, maxime illa de qua dicitur<sup>4</sup>: « Bona est substantia, cui non est peccatum in conscientia. » Similiter honor a Deo, unde dicitur<sup>5</sup>: « Dixit Daniel Baltazar: O rex, Deus altissimus regnum, et magnificentiam, et honorem dedit patri tuo. » Et ut consummet perfectam abundantiam honorum fortunæ, subjungit: *Et nihil deest anime sue ex omnibus, quæ desiderat*, quia sufficienter habet. Animam vocat hic vitam carnalem, de qua dicitur<sup>6</sup>: « Qui amat animam suam, perdet eam. » Ita habet abundantiam ad possidendum; et tamen habet avaritiam ad retinendum, quæ aufert ei potentiam ad fruendum: ideo subjungit: *Nec tribuit ei potestatem Deus, ut comedat ex eo*, quia illud continue conservat, et frustra; unde dicitur<sup>7</sup>: « Viro cupido et tenaci sine ratione est substantia; et homini livido, ad quid aurum? » Nec ipse utilitur, nec posteri, sed alieni; unde addit: *Sed homo extraneus vorabit illud*; unde dicitur<sup>8</sup>: « Qui acervat ex animo suo injuste, alii congregat, et in bonis illius alius luxuriabitur; » et dicitur<sup>9</sup>: « Custoditur justo substantia peccatoris: » et ex hoc infert vanitatem: *Et hoc vanitas, et miseria magna est; vanitas, quia non ipse laetatur; miseria, quia, alio auferente, tristatur*<sup>10</sup>: « Regionem vestram coram vobis alieni devorant, » etc.

3. *Si genuerit quispiam*, etc. Hic notatur tenacitatis detestatio, ratione prædictæ translationis, et reprehendit ipsam tenacitatem, quantumcumque habeat successivam prosperitatem: propterea subdit: *Si genuerit quispiam centum liberos*. Hyperbolice dictum est, id est, multos liberos; quia mali frequenter generant filios malos, de quibus non est gaudium, etiamsi sint multi.<sup>11</sup> « Non jucunderis in filiis impiis: si multiplicantur, non oblecteris super illos. » Abundare filiis, prosperitas est temporalis;

<sup>1</sup> Rom., i, 28. — <sup>2</sup> Psal. iv, 3. — <sup>3</sup> Prov., iii, 26. — <sup>4</sup> Eccli., xiii, 30. — <sup>5</sup> Dan., v, 18. — <sup>6</sup> Joan., xii,

25. — <sup>7</sup> Eccli., xiv, 3. — <sup>8</sup> Ibid., 4. — <sup>9</sup> Prov., xiii, 22. — <sup>10</sup> Isa., i, 7. — <sup>11</sup> Eccli., xvi, 1.

et sequitur alia prosperitas temporalis : *Et vixerit multos annos*, id est, per multos annos; *Et plures dies ætatis habuerit*, scilicet hominibus aliis, et hæc quidem prosperitas et temporalis. Hanc prosperitatem frequenter habent impii; unde dicitur<sup>1</sup> : « Longo tempore impius vivit in impietate (*a*) sua, » si iis prosperitatibus abundaverit. *Et anima illius non utatur bonis substantiæ suæ*, etc., id est, tenax fuerit et avarus in vita; *sepulchraque careat*, in morte, secundum quod de Joachim dicitur<sup>2</sup> : « Sepultura asini se pelietur Joachim ut putrefactus, et projectus extra portam Jerusalem. » His conditio nibus prosperitatis et tenacitatis præmissis, subjungit detestationem : *De hoc ego prou nuntio, quod melior illo fiat abortivus*, propter miseriam et vanitatem multam, quibus abortivus caret, unde dicitur<sup>3</sup> : « Quare non in vulva mortuus sum? Quare egressus de utero non statim perii? Quare exceptus genibus? Cur lactatus uberibus? » Et iterum<sup>4</sup> : « Quare de vulva eduxisti me? »

4. *Frusta enim venit*, etc. Hic subjungitur tertio detestationis ratio, scilicet isto modo tenaci melior fit (*b*) abortivus (*c*), quia sicut abortivus (*c*) frusta venit, et pergit ad tenebras, quia statim moritur, sic et iste; ideo dicitur : *Frusta enim venit, et pergit ad tenebras*, scilicet ipse tenax.<sup>5</sup> « Viro, cuius abscondita est via, et circumdedit eum Deus tenebris. » Et quod frustra veniat in hunc mundum talis avarus et tenax, ostendit, et propter deletionem (*d*) nominis in morte, et propter inexperi entiam boni in vita, et propter inexplorationem desiderii in utroque. Propter deletionem (*d*) nominis, dicit : *Et oblivione delebitur nomen ejus*, id est, non permanebit, nec remanebit, nec re, nec nomine, secundum quod comminatur Dominus Babyloni<sup>6</sup> : « Perdam Babylonis nomen et reliquias, et germen, et progeniem, ait Dominus. » Et dicitur in persona malorum<sup>7</sup> : « Nomen

<sup>1</sup> Infra, vii, 16. — <sup>2</sup> Jerem., xxii, 19. — <sup>3</sup> Job, iii, 11. — <sup>4</sup> Job, x, 18. — <sup>5</sup> Job, iii, 23. — <sup>6</sup> Isa., xiv, 22. — <sup>7</sup> Sap., ii, 4. — <sup>8</sup> Infra, xi, 7. — <sup>9</sup> Infra, v, 6. — <sup>10</sup> Eccli., xxxiv, 10. — <sup>11</sup> Arist., Metaph. lib. VII,

nostrum oblivionem accipiet per tempus, et nemo habebit memoriam operum nostros rum. » Propter inexperientiam boni, secundum quod dicitur<sup>8</sup> : « Dulce lumen, et delectabile est oculis videre solem. » Hunc non vidit vir avarus, ut dicitur<sup>9</sup> : « Erravimus a via veritatis, et sol intelligentiae non est ortus nobis, » etc. Et ita *non vidi t solem*, hoc est, non habuit cognitionis lu men. *Neque cognovit distantiam boni, vel mali*, quia scilicet non est expertus : ideo dicit : *Etiamsi duobus millibus annis vixerit*, quia non habens (*e*) cognitionem per diu turnitatem, sed per experientiam, ut dici tur<sup>10</sup> : « Qui non est expertus, pauca reconoscit; » secundum quod dicit Philosophus<sup>11</sup> : « Experientia fecit artem, inexperientia casum. » Propter incomplectionem desiderii ; subdit (v. 6) : *Nonne ad unum locum properant omnia?* quasi dicat : ex parte corporis cedent in terra, ut dicitur<sup>12</sup> : « Omnia, quæ de terra sunt, in terram conver tuntur. »<sup>13</sup> « Cuncta subjacent vanitati, et omnia pergunt ad locum unum. » Ex parte igitur corporis, est incineratio ; ex parte autem animæ, desiderii incompletio : prop terea dicit (v. 7) : *Omnis labor hominis in ore illius*. Os dicitur inhiatio desiderii; qui enim desiderat, quasi os aperit : laborem igitur esse in ore, hoc est laborare ad desi derii completionem, ut dicitur<sup>14</sup> : « Anima laborantis laborat sibi, quia compulit eum os suum : » et licet ad hoc (*f*) desiderium complendum faciat, non tamen completur : ideo dicit ; *Sed anima illius*, scilicet divitis tenacis, *non implebitur bonis*, sicut dictum est<sup>15</sup> : « Avarus non implebitur pecunia; » unde dicitur<sup>16</sup> : « Dilafavit quasi infernus animam suam, et ipse quasi mors non adim plebitur : » ita verum est de avaris, de pecunia, ita etiam de scientia, ut dicitur<sup>17</sup> :

<sup>8</sup> I, non procul a principio. — <sup>12</sup> Eccli., xl, 11. — <sup>13</sup> Supra, iii, 19. — <sup>14</sup> Prov., xvi, 26. — <sup>15</sup> Supra, v, 9. — <sup>16</sup> Habac., ii, 5. — <sup>17</sup> II Tim., iii, 7.

(a) *Vulg.* malitia. — (b) *Al.* sit. — (c) *Al.* abortus. — (d) *Cæl. edit.* delectationem. — (e) *Leg.* non habet ho mo. — (f) *Leg.* hoc ad.

« Semper discentes, et nunquam ad scientiam veritatis pervenientes. »

Quæritur de hoc, quod dicit : *Non dedit ei Dominus potestatem, ut fruatur bonis.* Contra hoc : Est liberum arbitrium : sed dedit liberum arbitrium : ergo et potestatem. Respondeo dicendum, quod potentiam habet ad fruendum, scilicet qua potest frui ; sed justo Dei judicio impeditur aliqua poena, quia mittit sollicitudinem superfluam, et timorem, et dolorem : et quia potestas dicit (a) potentiam expeditam, et haec justo judicio impedita, ideo, etc. Item quæritur de hoc, quod dicit : *Quod nihil deest animæ suæ ex omnibus quæ desiderat.* Contra dicitur<sup>1</sup> : « Avarus non implebitur pecunia. » Et rursus Hieronymus<sup>2</sup> : « Avaro deest tam quod habet, quam quod non habet. » Male ergo dicit, cum ait : *Et nihil deest.* Respondeo dicendum, quod deest aliquid ; hoc autem potest esse duplenter : vel quantum ad sufficientiam secundum rem et naturam; vel secundum opinionem. Dico ergo, quod bene potest esse avarus ita dives, quod nihil deerit secundum rem et naturam; sed tamen nunquam ita dives, quin aliquid ei desit secundum suam aestimationem, quia semper plus cupit habere, et ita sibi deest.

Item de hoc quæritur, quod abortivum (b) ei præfert : videtur quod male, quia abortivus (c) nullarum rerum habet cognitionem ; iste autem habuit. Item avarus, cum peccet mortaliter, fruitur utendis. Item quomodo dicit, quod non cognovit distantiam boni et mali, nisi fuerit perfrutus bonis ? Ergo videatur quod avarus (c) sit melior omnibus qui non delectantur in bonis præsentibus, et qui non sunt carnales : hoc autem est hæreticum.

Respondeo dicendum secundum illam viam, quod si hoc dicatur in persona carnali, facilis est responsio : sustinendo tamen hoc, quod dicat secundum veritatem, dico, quod tali diviti tenaci abortivum (b) præponit, quia ille, quamvis non sit exper-

tus bona, tamen non sustinuit mala : hic autem sustinuit mala, et non gustavit bona : ideo ille posterior : et quantum ad hoc intelligit. Quod objicitur de ratione, quia non est perfrutus bonis, dicendum, quod frui uno modo dicit dilectionem (d) alicujus cum quietatione in illo ; alio modo quietationem et delectationem : dico ergo, quod qui diligit Deum, habet, sicut dicit Augustinus : et ideo, qui Deum diligit, in eo delectatur : sed pecunia, vel temporale, cum diligitur et non habetur al votum, parit tristitiam. Ideo potest esse fruitio harum rerum, id est, dilectio (e) sinistra, et tamen delectatio modica et tristitia maxima : ideo non sequitur, quod quamvis talis avarus peccet, quod delectatione requiescat; sed tamen quiescit amore, quia semper se diligit. Quod objicitur, quod non cognovit distantiam, dicendum, quod simplici notitia ille, qui habet semper bona, cognoscit bona, similiter et ille qui (f) habet bona et mala : et quia talis semper habet mala, nunquam bona, ideo, etc. Quod objicitur de viro spirituali, dieo, quod ipse non est sine delectatione spirituali : ideo videt solem, et cognoscit distantiam. Sed avarus tenax, quia peccator, non habet delectationem spiritualem; quia tenax, non habet carnalem; et ideo non cognoscit distantiam boni et mali.

8. *Quid habet amplius*, etc. Posuit supra medium contra vanitatem malitiæ, et contra vanitatem avaritiæ; tertio ponit remedium contra vanitatem imprudentiæ: contra hanc autem, remedium sumnum est acquisitio sapientiæ: et quia nemo potest sapientiam acquirere, nisi habeat modum debitum addiscendi, ideo habet haec pars duas partes : in prima dat modum; in secunda explicat sapientiæ documenta, ibi<sup>3</sup> : *Melius est nomen bonum*, etc. Modus autem considerandi, vel addiscendi, ei, qui vult esse sapiens, traditur hoc modo : primo, ut addiscat utilia; secundo, ut relinquat abscondita; tertio, ut non inquirat sublimia. Primo ergo docet

<sup>1</sup> Supra, v, 9. — <sup>2</sup> Hieron., ad Paulinum, epist. chri., — <sup>3</sup> Infra, vii, 2. — (a) Cœt. edit. ducit. — (b) Item

abortivum. — (c) Item abortus. — (d) Item discretionem. — (e) Item delectatio. — (f) Cœt. edit. deest qui.

utilia quærere et considerare; et hoc, quo modo possit ad vitam gloriæ pervenire. Propterea quærerit: *Quid habet amplius stulto sapiens, et quid pauper?* Bene conjungit ista duo, *pauper*, et *sapiens*. Pauper enim dicitur per contemptum præsentium; unde dicitur<sup>1</sup>: « Beati pauperes spiritu, quoniam ipsorum est regnum cœlorum; » per æternorum saporem, et rectam aestimationem, de quibus dicitur<sup>2</sup>: « Gloriam sapientes possidebunt; stultorum exultatio, ignominia. » Stultus vero dicitur mundanus, qui e contrario, contemptis æternis, inhiat terrenis: de quo dicitur<sup>3</sup>: « Vidi stultum firma radice, et maledixi pulchritudini ejus statim. » *Quid stulto amplius habet sapiens, et pauper in hac vita,* supple: Modicum, nisi pergit illuc, ubi est vita? Hic parum habet in mortalivita, quia<sup>4</sup> « moritur doctus similiter, ut indocitus; » sed in æterna vita multo amplius, de qua dicitur<sup>5</sup>: « Hæc est vita æterna, ut cognoscant te, » etc. Ad hanc vitam pergunt sapientes, quia, sicut dictum est<sup>6</sup>, « sapientis oculi in capite ejus; » et ideo ipse sequitur Christum lucem (a), qui, ut dicitur<sup>7</sup>, « est via, veritas, et vita. » Sed stultus non pergit; unde dicitur<sup>8</sup>: « Labor stultorum affliget eos, quia nesciunt in urbem pergere. »

Ad hanc vitam non potest recte sine cognitione perveniri: ideo subdit (v. 9): *Melius est videre quod cupias, id est agnoscere vitam quam desideras, quam desiderare quod nescias,* id est, velle illuc pervenire ignorantem; et ideo oportet ita illam considerationem ponere suam, ut dicitur<sup>9</sup>: « Oculi tui recta videant, et palpebrae tuæ præcedant gressus tuos. » Et hoc quidem est bonum scire; sed desiderare quod nescit, stultum; ideo subjungit: *Sed et hoc vanitas et præsumptio spiritus,* scilicet desiderare quod homo nescit: et sicut Jacobus et Joannes desiderabant, et petebant sedere ad dextram, et præsumptuose quærebant, ideo dicitur

eis<sup>10</sup>: « Nescitis quid petatis. » Potest etiam exponi ad commendationem cognitionis utilium; ut sit sensus, quod melius est cognoscere desiderabilia et utilia, quam desiderare scire abscondita, quæ scilicet prohibet considerare, quia hæc est præsumptio spiritus, velle scilicet cognoscere quæ Deus in sua providentia dispositus; et hoc quidem prohibet perscrutari consequenter.

10. *Qui futurus est*, etc. Hic revocat a perscrutando abscondita, ut est dispositio divina, ob quam dicit: *Qui futurus est, jam vocatum est nomen ejus*, quantum ad æternam electionem.<sup>11</sup> « Qui vocat ea, quæ non sunt, tanquam ea quæ sunt. » *Et scitur quod homo sit*, quantum ad parvitatem durationis vitae<sup>12</sup>: « Pulvis es, et in pulverem reverteris; » *Et non possit contra fortiorum se in judicio contendere*, quantum ad conditionem justitiae: nemo enim est adeo justus, qui possit se justificare in judicio cum Deo<sup>13</sup>: « Scio, quod non justificatur homo compositus Deo. Si voluerit cum Deo contendere, non poterit ei respondere unum pro mille. » Ideo dicebat Job<sup>14</sup>: « Quantus ergo sum ego, ut respondeam ei, quia fortior? Unde si fortitudo quæritur, robustissimus est; si æquitas iudicii, nemo audet pro me testimonium dicere. » Hanc igitur absconditam dispositiōnem dicitur nobis non esse perscrutandam; quia in nostris verbis pauca invenitur veritas, maxime quando volumus ea disserere, quæ nos latent; ideo subdit (v. 11): *Verba sunt plurima*, id est, pauca sunt cognita, ut dicitur<sup>15</sup>: « Stultus verba multiplicat; » *multamque in disputando vanitatem habentia*, et paucam veritatem<sup>16</sup>: « Mundum tradidit disputationi eorum, ut non inveniat homo opus, quod operatus est Deus ab initio usque in finem: » et propterea qui volunt de his perscrutari, evanescunt secundum illud Apostoli<sup>17</sup>: « Deus novit cogitationes sapientium, etc. »

<sup>1</sup> Matth., v, 3. — <sup>2</sup> Prov., iii, 33. — <sup>3</sup> Job, v, 3. — <sup>4</sup> Supra, ii, 16. — <sup>5</sup> Joan., xvii, 3. — <sup>6</sup> Supra, ii, 14. — <sup>7</sup> Joan., xiv, 6. — <sup>8</sup> Iufra, x, 15. — <sup>9</sup> Prov., iv, 25.

— <sup>10</sup> Matth., xx, 22. — <sup>11</sup> Rom., iii, 17. — <sup>12</sup> Gen., iii, 19. — <sup>13</sup> Job, ix, 2, 3. — <sup>14</sup> Ibid., 14, 19. — <sup>15</sup> Infra, x, 4. — <sup>16</sup> Supra, iii, 11. — <sup>17</sup> I Cor., iii, 20. — (a) Leg. ducem.

Sed quæritur de hoc, quod dieit<sup>1</sup>: *Melius est videre quod cupias, quam desiderare quod nescias*: ergo implicat, quod aliquis potest desiderare, quod nescit. Contra: Augustinus dieit<sup>2</sup>, quod invisa possumus diligere, incognita nequaquam: si (a) igitur ad hoc, quod aliquis diligatur, desideratur (b), necesse est cognosci. Præterea affectus sequitur intellectum: ergo, ubi intellectus non præcedit, non se extendit affectus: sed intellectus non extendit se ad ea, quæ nescit: ergo nec affectus illa desiderat. Respondeo dicendum, quod duplex est cognitionis, certitudinis scilicet, et aestimationis: sic et per oppositum duplex nescientia, una per privationem cuiuslibet certitudinis, et alia per privationem cuiuslibet aestimationis. Dico ergo, quod ad hoc, quod aliquid desideretur, non necesse est quod præcedat cognitionis certitudinis, desiderium enim sequitur solam aestimationem; sed oportet, quod aliqua cognitionis aestimationis præcedat: hic autem loquitur de nescientia per privationem certitudinis (c).

## CAPUT VII.

1. *Quid necesse est, etc.*? Ille revocat tertio a perscrutando sublimia, et requirendo; et hoc, cum habeat satisfacere de cognoscendo sua propria mala, vel communia, ideo dicit: *Quid necesse est homini majora se querere?* quasi dicat: Non est necesse, ut dicitur<sup>3</sup>: « Altiora te ne quæsieris, et fortiora te ne scrutatus fueris; » et<sup>4</sup>: « Noli altum sapere, sed time. » Et subjungit rationem, quia non debet querere majora: *Cum ignoraret, quid conducat sibi in vita sua*, id est, quid sibi sit utile.<sup>5</sup> « Difficile aestimamus quæ in terra sunt: et quæ in prospectu sunt, invenimus cum labore. Quæ autem in cœlis sunt, quis investigabit? » Ignorat utique, quid sit utile

in hac vita momentanea; unde subjungit: *Numero dierum peregrinationis suæ.*<sup>6</sup> « Dies peregrinationis vitæ meæ, centum triginta annorum sunt, parvi, et mali; » et<sup>7</sup>: « Quandiu sumus in hoc corpore, peregrinamur a Domino. » *Et tempore, quod velut umbra præterit*(d).<sup>8</sup> « Peregrini sumus coram te et advenæ, sicut omnes patres nostri. »<sup>9</sup> « Dies nostri quasi umbra super terram, et nulla est mora. » Et ita per se non potest inquirere, nec etiam ab alio addiscere (e); præterea subjungit: *Aut quis ei poterit indicare, quid post eum venturum sit sub sole?* Non enim homo scit futura, nisi Domino revelante, nisi per gratiam. Ideo ad hoc non debet homo cogitationem applicare.<sup>10</sup> « Et non audisti ea, ne forte dicas: Eece cognovi ea. Neque audisti, neque cognovisti, neque ex tunc aperta est auris tua. » Et<sup>11</sup>: « Ignorat homo præterita, et futura nullo potest scire nuntio. » Unde solus Deus futura cognoscit et revelat (f).

Quæritur de hoc, quod dicit: *Quid necesse est homini majora se querere?* Ex hoc videtur, quod homo non debeat aliquid perscrutari, nec laborare (g) cognoscere, quod hoc sit supra se: et probatur ex illo<sup>12</sup>: « Altiora te ne quæsieris; » et<sup>13</sup>: « Noli altum sapere, sed time. » Sed contra: Homo est in medio inter creaturas visibiles, et Deum: sed dicit Augustinus<sup>14</sup>, quod anima hominis obtenebratur, quando in his terrenis et insimis oculum figit; illuminatur autem, cum convertitur ad æterna bona: ergo semper illa debet querere: sed illa sunt altiora: ergo. Præterea nunquam anima perficitur perfectione completa, nisi in his quæ sunt altiora ipsa; sed unumquodque perfectibile debet tendere, et querere id in quo perficitur: ergo querere altiora. Si dicas, quod non intelligitur, quod non

(a) *Del. si.* — (b) *Leg.* aliquid diligatur vel desideratur. — (c) *Totus iste locus, a linea:* Sed quæritur de hoc, quod dicit, etc., in *cæt. edit.* translatus erat ad *caput septimum*, *immediate ante*: Quæritur de hoc quod dicit: *Quid necesse est homini majora se querere?* — (d) *Al. præterit.* — (e) *Cæt. edit.* adducere. — (f) *Vid. cap. præc.*, in fine. — (g) *Cæt. edit* labore.

<sup>1</sup> *Supra*, vi, 9. — <sup>2</sup> *Aug.*, *de Trinit.*, lib. X, c. 1. — <sup>3</sup> *Ecli.*, III, 22. — <sup>4</sup> *Rom.*, XI, 20. — <sup>5</sup> *Sep.*, IX, 16. — <sup>6</sup> *Gen.*, XLII, 9. — <sup>7</sup> *Cor.*, v, 6. — <sup>8</sup> *Psal.* XXXVIII, 13. — <sup>9</sup> *I Paral.*, XXIX, 15. — <sup>10</sup> *Isa.*, XLVIII, 13. — <sup>11</sup> *Infra*, VIII, 7. — <sup>12</sup> *Ecli.*, III, 22. — <sup>13</sup> *Rom.*, XI, 20. — <sup>14</sup> *Aug.*, *Enarr. in Psal.* LVIII.

debet quærere nec considerare altiora secundum substantiam, sed quod non debet considerare ea, quæ excedunt suæ considerationis possibilitatem; objicitur tunc, quia omnia, quæ sunt fidei, sunt supra nostrum intellectum: ergo secundum hoc non debet intellectus noster erigere se ad credendum ea, quæ sunt fidei. Item, tunc maxime erunt reprehensibiles, qui articulos fidei volunt discutere: ergo omnes reprehensibiles, qui disputant de fide. Respondeo dicendum, quod facienda est vis in hoc, quod dicit: *Majora se;* et in hoc quod dicit: *Quærere majora se,* vocat illa quæ nostram considerationem excedunt, secundum hoc quod excedunt: *Quærere* vocat inquirere, et discutere; quasi dicat, quod stultum est indagare velle illa, ad quæ nostra inquisitio non pertingit, quantum ad ea, (a) quæ non sufficiat nostra consideratio. Nam alia sunt, quæ nobis sunt manifesta de Deo; et illa non sunt majora nobis: unde non dehortatur considerare Deum.

Quod objicitur de fide, dicendum quod ipse non dissuadet credere, sed quærere.

*Præterea,* etsi ea, quæ sunt fidei, sunt supra nostrum intellectum per se nudum; non tamen sunt supra intellectum gratia fidei illustratum: unde quærere illa, et credere, et indagare usque ad illud ad quod se extendit lumen fidei, non est se extendere ad majora; et sic omnis disputatio sobria ipsorum articulorum: si autem exceedat, nisi sit a Deo, sic est reprehensibilis. Quæritur etiam de hoc, quod dicit: *Quis poterit ei indicare, quid post eum venturum sub sole sit?* Contra<sup>1</sup>: In anima nostra est potentia, quæ est omnia fieri, et omnia facere: sed possibilis potest esse se (b) recipere omnia præsentia, omnia præterita, et omnia futura: ergo si agens potest reducere ipsum ad actum, ergo non (c) potest per seipsum cognoscere ventura. Respondeo dicendum, quod si agens possit abstrahere, sive formare cognitionem in intellectu possibili, tamen opera-

<sup>1</sup> Arist., *De anima*, lib. III, text. 17. — <sup>2</sup> Arist.,

tio ejus dependet, et a certitudine rei extra, et intra a sensu; quia deficiente re, perit scientia, et deficiente sensu, necesse est unam scientiam deficere: quia ergo futura contingentia non generant similitudinem sui in sensu, nec per causam determinatam antecedentem, et ipsa non habent in se stabilitatem, quæ exigitur ad cognitionem; ideo intellectus noster, qui <sup>2</sup> accipit a rebus, non potest per se in eorum cognitionem venire, ut per eum cognitione non dependeat a rebus.

2. *Melius est nomen bonum*, etc. Supra posuit modum addiscendi; hic secundo subjungit documenta sapientiæ, per quæ adhibetur remedium contra vanitatem stultiæ. Et quoniam, sieut dicitur<sup>3</sup>, « sapientia docet sobrietatem, prudentiam, justitiam, et virtutem, sive fortitudinem; » ideo habet hæc pars quatuor partes: in prima ponit documenta ad habendam modestiam; in secunda, ad habendam constantiam, ibi (v. 8): *Calumnia*, etc.; in tertia, ad habendam prudentialm, ibi (v. 11): *Nedicas, quid causæ est*, etc.; in quarta, ad habendam justitiam ibi (v. 17): *Noli esse multum justus*, etc. Ad habendam modestiam quinque tribuit documenta: in primo docet præferre honestum suavi; in secundo, vitam futuram præsenti; in tertio, afflictionem voluptati; in quarto, tristitiam jucunditati; in quinto, severitatem mollitiei, sive adulationi. Ponit igitur documentum, in quo docet præferre honestum, utputa nomen bonum suavi, utputa est unguentum; ideo dicit: *Melius est nomen bonum*, id est bona fama, de quo dicitur<sup>4</sup>: « Curam habe de bono nomine, hoc enim magis permanebit tibi, quam mille thesauri pretiosi et magni: » *Quam unguenta pretiosa*, quæ scilicet multum redolent, juxta illud<sup>5</sup>: « Maria accepit libram unguenti nardi pistici pretiosi, et unxit pedes Jesu, et domus impleta est ex odore unguenti: » et licet unguenta redoleant, tamen bonum nomen ma-

*Poster. lib. I. — <sup>3</sup> Sap., VIII, 7. — <sup>4</sup> Eccl., XL, 15. — <sup>5</sup> Joan., XII, 3. — (a) *Suppl. ad.* — (b) *Leg. potest in se.* — (c) *Del. non.**

gis, ideo melius.<sup>1</sup> « Christi bonus odor sumus in omni loco, » scilicet quantum ad bonam famam.

*Et dies mortis.* Illic notatur secundum documentum, in quo præfert vitam futuram præsenti, et ita ingressum in aliam vitam, ingressui in hanc; et propterea dicit : *Et dies mortis, supple melior est, die nativitatis* : etenim moritur ad quiescendum.<sup>2</sup> « Beati mortui, qui in Domino moriuntur, amodo dicit spiritus, ut requiescant a laboribus suis. » Sed hic nascitur ad laborandum<sup>3</sup> : « Homo ad laborem nascitur, et avis ad volatum ; » et ideo melior ; unde<sup>4</sup> : « Melior est mors, quam vita amara ; et requies æterna, quam languor perseverans. »

3. *Melius est ire*, etc. Illic tertium notatur documentum, in quo præfert afflictionem voluptati, utputa luctum convivio; propter quod dicit : *Melius est ire ad domum luctus*, ubi lugentur peccata, quia<sup>5</sup> « beati qui lugent, quoniam ipsi consolabuntur, » quam ad domum convivii, ubi inveniuntur oblectamenta.<sup>6</sup> « Noli esse in conviviis potatorum. » Et ratio hujus est, quia in conviviis obliviscitur homo sui, et in domo luctus recordatur judicii sui; et ideo subdit : *In illa enim, scilicet in domo luctus, finis cunctorum admonetur hominum.*<sup>7</sup> « Memor esto judicii mei : sic enim erit et tuum. Mili heri, et tibi hodie. » (v. 5) *Et vivens cogitat, quid futurum sit*, et istud est utilissimum<sup>8</sup> : « Memorare novissima tua, et in æternum non peccabis. » Et ideo dicitur<sup>9</sup> : « Memento novissimorum, et noli oblivisci; » quia, sicut dicit Hieronymus<sup>10</sup>, facile contemnit omnia, qui se semper eogitat moritum.

4. *Melior est ira risu*, etc. Illic notatur quartum documentum, in quo præfert tristitiam jucunditati; quia illa, scilicet tristitia, corrigit, et jucunditas decipit : et propterea di-

cit : *Melior est ira risu : ira*, scilicet qua peccatis quis irascitur alienis<sup>11</sup> : « Flagellat omnem filium, quem recipit ; » et<sup>12</sup> : « Ego quos amo, arguo et castigo : » haec ira melior est risu dissimulationis.<sup>13</sup> « Lude cum filio tuo, et contrastabit te. » Et ideo *melior est ira*; et redditur ratio : *Quia per tristitiam vultus, corrigitur animus delinquen- tis.*<sup>14</sup> « Ventus aquilo dissipat pluvias, et facies tristis linguam detrahentem. » Et hoc documentum confirmat modo sapientis, unde dicit (v. 5) : *Cor sapientum, ubi tristitia est*; sed e contra : *Cor stultorum, ubi latitia* : illi requirunt tristia in præsenti, isti jucunda.<sup>15</sup> « Plorabis, et flebitis vos, mundus autem gaudebit. » Et quod illi sapienter, hi stulte, patet ex eventu, quia dicitur tristibus<sup>16</sup> : « Beati, qui nunc fletis, quia ridebitis ; » e contrario gaudentibus<sup>17</sup> : « Væ vobis, qui ridetis, quia flebitis. »

6. *Melius est a sapiente corripi*, etc. Notatur hic quintum documentum, quo præfertur severitas mollitiei, utputa dura correptio adulatio; propter quod dicit : *Melius est a sapiente corripi, quam stultorum adulazione decipi.*<sup>18</sup> « Melior est manifesta correptio, quam amor absconditus; » quia correptio dirigit, sed adulatio decipit.<sup>19</sup> « Iniquus lacitat amicum suum, et dicit eum per viam non bonam : » et<sup>20</sup> : « Popule meus, qui beatum te dicunt, ipsi te decipiunt. » Et reddit rationem per similitudinem; quia adulatio fatui parum durat, et multum sonat, sicut spinæ accensæ sub olla; propterea dicit (v. 7) : *Quia sicut sonitus spinarum sub olla, alte sonat; sic risus stulti, ad litteram, stultus alte ridet.*<sup>21</sup> « Fatuus in risu exaltat vocem suam; vir autem sapiens vix facite ridebit. » Vel risus altus, quando adulatio clamosa<sup>22</sup> : « Qui benedicit proximo suo voce grandi, de nocte consurgens, maledicenti similis erit. » *Sed et hoc vanitas*,

<sup>1</sup> *Il Cor.*, II, 15. — <sup>5</sup> *Apoc.*, XIV, 13. — <sup>4</sup> *Job*, V, 7. — <sup>6</sup> *Ecli.*, XXX, 17. — <sup>5</sup> *Matth.*, V, 5. — <sup>6</sup> *Prov.*, XXIII, 20. — <sup>7</sup> *Ecli.*, XXXVIII, 25. — <sup>8</sup> *Ecli.*, VII, 40. — <sup>2</sup> *Ecli.*, XXXVIII, 21. — <sup>10</sup> *Hieron.*, *de Regulis Monach.* et *de tim. ult. judicii.* — <sup>11</sup> *Hebr.*, XII, 6. —

<sup>12</sup> *Apoc.*, III, 19. — <sup>13</sup> *Ecli.*, XXX, 9. — <sup>14</sup> *Prov.*, XXV, 23. — <sup>15</sup> *Joan.*, XVI, 20. — <sup>16</sup> *Luc.*, VI, 21. — <sup>17</sup> *Ibid.*, 25. — <sup>18</sup> *Prov.*, XXVII, 5. — <sup>19</sup> *Ibid.*, XVI, 29. — <sup>20</sup> *Isa.*, III, 12. — <sup>21</sup> *Ecli.*, XXI, 23. — <sup>22</sup> *Prov.*, XXVII, 14.

scilicet talis adulatio, unde<sup>1</sup> : « Vani filii hominum, mendaces filii hominum. »

An mors sit melior quam vita.

Quæritur de hoc, quod dicitur (v. 2) : *Melior est dies mortis, die nativitatis.* Contra : Mors est privatio, vita est habitus : sed habitus semper plus habet de entitate et bonitate, quam privatio : ergo vita, quam mors, melior : ergo dies nativitatis melior. Præterea regula est : Cujus corruptio bona, generatio mala : sed mors est corruptio vitæ : ergo cuius mors est bona, vita mala est : sed nullius, nisi peccatoris, est vita mala : ergo nullius, nisi peccatoris, mors melior, quam vita : sed hoc est falsum, quia peccator moriendo tendit ad infernum. Respondeo dicendum, quod aliquid præfertur aliquando ratione sui, aliquando ratione consequentis ad ipsum : illud præferendum est alii ratione sui, quod de se dicit plus de bono, sicut homo melior equo; alio modo, ratione consequentis, mors præfertur vitæ, et dissolutio illa,<sup>2</sup> scilicet mors, ad quam consequitur quies, et esse cum Christo : et de hac morte hic loquitur : quia in vita est homo in periculo, in labore, in dolore; post mortem justus est in gaudio, securitate et tranquillitate. Et patet responsio ad pri-

Mors dupliciter dicitur mala.

Quod objicitur secundo, similiter solvi posse test : mors enim dupliciter dicitur mala, aut quia amittit bonum magnum, scilicet bonam vitam, ut boni veri (*a*) et utilis; aut quia ad malum finem ducit. Primo modo mala est mors justorum, id est, damnosa;

sed secundo modo valde bona : et quantum ad hoc præfertur. Item queritur de hoc, quod dicit (v. 4) : *Melior est ira risu.* Contra : Qui irascitur fratri suo, reus erit iudicio : sed qui corridet, non est reus alicujus pœnae : ergo pejus est irasci, quam ridere. Item ridere potest esse sine culpa: sed irasci, cum dicat perturbationem rationis, vix est sine culpa veniali, nunquam est sine pœna : ergo multo pejor est risu. Respondeo dicendum, quod est irasci vitio, et irasci naturæ :

<sup>1</sup> *Psal. LXI, 10.* — <sup>2</sup> *Philip., I, 23.* — <sup>3</sup> *Psal. IV, 5.*

primum est virtutis, et bonum; secundum vitii, et malum. Similiter est arridere bono, et corridere peccato : primum, bonum; secundum, malum. Et loquitur de ira et risu, secundum quod respiciunt malum : sed tunc similiter posset dare aliam regulam respectu boni : Melior est risus, quam ira. Et dicendum, quod in præsenti plura sunt mala, quam bona : ideo plures oportet tristari, quam gaudere : ideo præfert iram risui. Nota, quod est ira permissione, et hæc culpæ venialis<sup>3</sup> : « Irascimini, et nolite peccare; » et hæc necesse est, quod præcedat. Prohibitione, et hæc culpæ mortalis<sup>4</sup> : « Ira non habet misericordiam, nec erumpens furor. » Præceptione, et hæc justitiæ et zeli; et de hac supra dictum est : *Melior est ira risu, moderanda, ne excedat.*

8. *Calumnia conturbat sapientem.* Supra posuit documenta ad habendam modestiam; hic sequitur secunda pars, in qua ponit documenta ad habendam constantiam: et quoniam constantia perditur per calumniam et per iracundiam, et conservatur per patientiam et per perseverantiam, ideo hic quatuor documenta ponuntur. In primo ostenditur vitanda calumnia; in secundo amanda perseverantia; in tertio servanda patientia; in quarto fugienda iracundia. In primo igitur documento ostenditur vitanda calumnia, quia perturbando hominem, inconstantem reddit; propterea dicit : *Calumnia perturbat sapientem.* Calumnia est criminatio litigiosa : et ideo ab ea recedendum<sup>5</sup> : « Recede procul a calumnia, quia non timebis. » *Et perdet robur cordis illius,* id est, fortitudinem charitatis<sup>6</sup> : « Quoniam abundabit iniquitas, refrigerescet charitas multorum. »

9. *Melior est finis, etc.* Hic notatur secundum documentum, in quo præfertur perseverantia justitiæ inchoativæ; propter hoc dicit : *Melior est finis orationis quam principium.* Melius est in bono perseverare, quam tantum inchoare<sup>7</sup> : « Qui perseveraverit usque

Calumnia quid sit.

<sup>4</sup> *Prov., XXVII, 4.* — <sup>5</sup> *Isa., LIV, 14.* — <sup>6</sup> *Matth., XXIV, 12.* — <sup>7</sup> *Ibid., 13.* — (*a*) *Leg. viri.*

in finem, hic salvus erit. « Unde Bernardus<sup>1</sup>: « Perseverantia est omnium virtutum consummatio. » *Melior est patiens*, etc. Hic notatur tertium documentum, in quo commendatur patientia, quia sine illa non potest esse constantia; ideo dicit: *Melior est patiens arrogante*. Abusiva est comparatio, quia patiens bonus, sed arrogans malus<sup>2</sup>: « Melior est patiens viro forti. »

10. *Ne sis velox*. Tangitur hic quartum documentum, in quo docetur fugienda iracundia: quia non bene stat cum constantia; ideo dicit: *Ne sis velox ad irascendum*.<sup>3</sup> « Sit autem omnis homo velox ad audiendum, tardus ad loquendum, et tardus ad iram. » Et subjungitur ratio: *Quia ira in sinu stulti requiescit*.<sup>4</sup> « Virum stultum interficit iracundia, et parvulum occidit invidia. » Bene, *requiescit*, propter diuturnitatem: nam sapiens, etsi irascitur, non debet diu servare<sup>5</sup>: « Sol non occidat super iracundiam vestram. » Sed non sic stultus<sup>6</sup>: « Onerosa arena in sinu stulti. »

Sed dubitatio est de hoc, quod dicit: *Calumnia conturbat sapientem*. Contra dicitur<sup>7</sup>: « Non contristabit justum, quidquid ei acciderit: » ergo si sapiens justus est, non conturbatur per calumniam. Ad hoc respondet uno modo, quod est conturbatio impatientiae, et hac non conturbatur justus; et compassionis, et hac conturbatur, sicut dicebat. Apostolus<sup>8</sup>: « Quis scandalizatur, et ego non uror? » quasi dicat: Nullus. Sed littera sequens tollit hanc expositionem, et subdit (v. 8): « *Et perdet robur cordis ejus*. Ideo solvendum est, sicut dicitur in Glossa, quod est sapiens et justus perfectus, et de hoc intelligitur illud *Proverbiorum*; et imperfectus, et de hoc intelligitur hic. Item, quid est, quod dicit: *Ne sis velox ad irascendum?* Contra<sup>9</sup>: « Irascimini, et nolite peccare. » Respondeo dicendum, quod est ira multiplex.

11. *Ne dicas: quid putas causae*, etc. Positis

documentis ad modestiam et constantiam, ponit hic documenta ad habendam prudentiam; et quia prudentis est discernere ubi contingit errare, ideo ponit documenta quatuor ad habendam discretionem: primum est ad discretionem utilium; secundum, ad discretionem divinorum operum; tertium, ad discretionem temporum; quartum, ad discretionem meritorum. Primum igitur documentum datum ad discretionem utilium: in diversis enim temporibus diversae utilitates ex causis diversis; propterea dicit: *Ne dicas: Quid putas causae est, quod priora tempora*, id est, antiquorum, *meliora fuere*, quia scilicet in eis fuit inopia, *quam nunc sunt?* scilicet, quando jam est rerum abundantia: quia ista quæstio venit ex inconsideratione; unde subdit: *Stulta enim est hujusmodi interrogatio*. Et hujus ratio est, quia non considerat utilitatem opulentiae; ideo docet eam discernere, inquiens (v. 12): *Utilior est sapientia cum divitiis*, quia<sup>10</sup>: « Redemptio animæ viri, divitiae ejus; » *Et magis prodest videntibus solem*, id est, habentibus rectam intentionem; quia<sup>11</sup> « bona est substantia, cui non est peccatum in conscientia, et nequissima paupertas in ore impii. » Et quod pecunia sit utilis, ostendit per effectum (v. 13): *Sicut enim protegit sapientia*, scilicet a culpa<sup>12</sup>: « Si intraverit sapientia cor tuum, et scientia animæ tuae placuerit, consilium custodiet te, et prudenter servabit te. » *Sic protegit et pecunia*, scilicet bene expensa<sup>13</sup>: « Eleemosyna viri quasi sacculus cum ipso, et gratiam hominis recuperabit. » Et licet utraque sit utilis, tamen sapientia utilior; ideo subjungit: *Hoc autem plus habet sapientia et eruditio, quod vitam tribuant possessori*; unde dicitur<sup>14</sup>: Audi, fili mi, et suscipe verba mea, ut multiplicentur tibi anni vitae. » Et<sup>15</sup>: « Lignum vitae est sapientia iis, qui apprehenderint eam. » Sed pecunia sine (a) sapientia tribuit

*Discretio quomo-  
do acqui-  
ratur.*

<sup>1</sup> Bern., Epist. cxxix. — <sup>2</sup> Prov., xvi, 32. — <sup>3</sup> Jac., 1, 19. — <sup>4</sup> Job, v, 2. — <sup>5</sup> Ephes., iv, 26. — <sup>6</sup> Prov., xxvii, 3. — <sup>7</sup> Ibid., xii, 21. — <sup>8</sup> II Cor., xi, 29. —

<sup>9</sup> Psal. iv, 5. — <sup>10</sup> Prov., xiii, 8. — <sup>11</sup> Eccli., xiii, 30. — <sup>12</sup> Prov., ii, 11. — <sup>13</sup> Eccli., xvii, 18. — <sup>14</sup> Prov., iv, 10. — <sup>15</sup> Ibid., iii, 18. — (a) *Al. sive, mendose.*

mortem<sup>1</sup>: « Agite nunc, divites, plorate ululantes in miseriis vestris. » Et ideo præferenda est sapientia pecuniae<sup>2</sup>: « Accipite disciplinam meam, et non pecuniam; doctrinam magis, quam aurum, eligit. »

14. *Considera opera Dei*, etc. Hoc est secundum documentum, in quo docet discretionem considerationem divinorum operum, sive judiciorum; quia quem ipse despicit reprobationis judicio, nemo reducit: propterea dicit: *Considera opera Dei*, id est divina iudicia; *Quod nemo possit corrigere, quem ille despicerit*, id est, quem ipse suo modo visitare noluerit. Unde dicitur de filiis Heli<sup>3</sup>: « Et non audierunt vocem patris sui, quia voluit Deus occidere eos. » Ista opera et iudicia consideranda sunt ad timorem<sup>4</sup>: « Consideravi opera tua, et expavi. »

15. *In die bona*, etc. Hoc est tertium documentum, in quo docet discretionem faciendam esse temporum: quia Deus non omnia tempora fecit uniformiter, sed dissimiliter, et homo se disponere debet secundum diversa tempora; ideo dicit: *In die bona fruere bonis*, id est, cum gaudio bene operare<sup>5</sup>: « Non defrauderis a die bono, et particula diei boni non te prætereat; quia in hac die, est locus operandi. » Unde dicebat Christus<sup>6</sup>: « Me oportet operari, donec dies est. » Similiter et nos; unde Apostolus<sup>7</sup>: « Operemur bonum ad omnes, dum tempus habemus. » *Et malam diem præcave*, illam scilicet de qua dicitur<sup>8</sup>: « Dies iræ, dies illa, dies tribulationis, et angustiarum, dies calamitatis, et miseriae. » Qui vult hanc diem præcavere, necesse habet recogitare illud<sup>9</sup>: « In die bonorum, ne immemor sis malorum. » Has dies fecit Dominus, et ordinavit justo modo; ideo dicit: *Sicut enim hanc*, id est, bonam; *sic et illam*, scilicet malam, *fecit Deus*: et hoc justo iudicio: *Ut non inveniat homo contra illum justas querimonias*. Ideo bona facit propter bonos, mala contra malos, quia

<sup>10</sup> « justus Dominus in omnibus viis suis. »

16. *Hoc quoque vidi*, etc. Hie notatur quartum documentum, quo docet discretionem diligentem faciendam esse meritorum, eo quod multum lateant; ideo dicit: *Hic quoque vidi in die nativitatis meæ*, id est, postquam natus sum: *Vidi hoc evenire: Justus perit in justitia sua*; quia quasi impius reputatur, ut dicitur<sup>11</sup>: « Justus perit, et non est qui recognoscit: » *Et impius longo vivit tempore in impietate (a) sua*, quasi esset justus. Ex quo indignabatur<sup>12</sup>: « Quare via impiorum prosperatur, bene est omnibus qui prævaricantur, et inique agunt? » Et dicitur<sup>13</sup>: « Sunt justi, quibus mala proveniunt, quasi opera egerint impiorum; et sunt impii, qui ita securi sunt, quasi justorum facta habeant. »

Quæritur de hoc, quod dicitur: *Utilior est sapientia cum divitiis*: ergo melius est esse divitem sapientem, quam pauperem sapientem: ergo esse pauperem non est status perfectior. Præterea ars et virtus circa difficultia: sed difficilius est diviti salvari, quam pauperi: ergo majoris virtutis est: ergo laudabilior status. Contra hoc est, quia Dominus statum pauperis præposuit, et facto, et verbo. Respondeo dicendum, quod triplex est paupertas: una ex complacentia; alia ex tolerantia; alia cum impatientia: prima bona et perfecta; secunda est imperfecta; tertia est vituperanda, ut dicitur<sup>14</sup>: « Nequissima paupertas in ore impii. » Quando dicitur, quod sapientia melior est cum divitiis, quam sine, non intelligitur nisi (b) de paupertate quæ est cum intollerantia, vel impatientia. Quod objicitur de difficultate, dicendum quod est difficultas ratione generis operis, et hoc ad virtutem maiorem facit; et est difficultas ratione inordinationis voluntatis, sicut avarus difficultius dat donum, quam largus: et sic dives difficultius salvatur. Aliud solvitur, quia in-

<sup>1</sup> *Jac.*, v, 1. — <sup>2</sup> *Prov.*, viii, 10. — <sup>3</sup> *I Reg.*, ii, 25.

— <sup>4</sup> *Habac.*, iii, 2, secundum LXX. — <sup>5</sup> *Ecli.*, xiv,

14. — <sup>6</sup> *Joan.*, ix, 4. — <sup>7</sup> *Gal.*, vi, 10. — <sup>8</sup> *Sophon.*, i,

15. — <sup>9</sup> *Ecli.*, xi, 27. — <sup>10</sup> *Psal.* cxliv, 17. —

<sup>11</sup> *Isa.*, lvii, 1. — <sup>12</sup> *Jerem.*, xii, 1. — <sup>13</sup> *Infra*, viii, 14. — <sup>14</sup> *Ecli.*, xiii, 30.

(a) *Vulg. in malitia*. — (b) *Cæt. edit. non habent nisi*.

telligitur de superfluitate, et nimia egestate. Quæritur de hoc, quod dicit (v. 14): *Quod nemo potest corriger, quem Deus despexit*: Sed Deus despiciit omnem peccatorem, quia<sup>1</sup> : « Altissimus odio habet peccatores, » etc. Et similiter abominabilis est Deo impius, et impietas ejus. Item si non potest corrigi, ergo nec salvari: ergo non debet sibi imputari. Respondeo dicendum, quia sicut duplex est electio, scilicet æterna, et secundum præsentem justitiam, ita duplex est hominum despectio; et loquitur hic de homine non quocumque, sed de despectione secundum reprobationem æternam, cuius signum est obduratio in præsenti: et ita non habet locum de peccatore, sed de reprobis.

Quod objicitur, quod non debet sibi imputari; dicendum, quod imo: quia Deus neminem despicit sine causa; unde, et quamvis non possit surgere, nisi Deus porrigat manum, tamen non excusatur, quia culpa sua est, quod manus non porrigitur ei; unde Augustinus dicit, quod nemo corrigitur, nisi volens. Item quæritur de hoc, quod dicit: *Justus perit in justitia sua, et impius vivit longo tempore in impietate*: Sed contra dicitur<sup>2</sup>: « Viri sanguinum et dolosi non dimidiabunt dies suos. » Item de bonis dicitur<sup>3</sup>: « Honora patrem tuum, ut sis longævus super terram, et longo vivas tempore: » ergo observanti mandata prolongatur vita. Respondeo dicendum, quod sicut dicitur de justo<sup>4</sup>: « Consummatus in brevi, complevit (a) tempora multa, » et pauci in multos computantur; sic e contrario in malis; sic etiam de verbo salvandorum et damnandorum, et longiores sunt dies bonorum, quia meliores, non quia diutius vivant. Notandum autem, quod breviantur anni hominibus, ne mali fiant, ut dicitur<sup>5</sup>: « Raptus est, ne malitia mutaret intellectum ejus; » aliquando, ne

pejores fiant, ut dicitur<sup>6</sup>: « Viri sanguinum et dolosi non dimidiabunt dies suos. » Obligantur autem ad purgationem boni, ut dicitur<sup>7</sup>: « Quoniam in igne probatur aurum; » mali ad suam emendationem, ut<sup>8</sup>: « Ignoras, quoniam Dei benignitas ad penitentiam te adducit? »

17. *Noli esse justus multum*, etc. Supra posuit documenta ad habendam constantiam et prudentiam; hic tertio ponit documenta ad habendam justitiam, quia non est justitia vera, quæ excedit in rigore et crudelitate, nisi contemperetur pietate. Ideo ponit hic quatnor documenta: in primo prohibet rigorem severitatis, vel excessum justitiae; in secundo, præcipitum impietatis; in tertio commendat exhibitionem misericordiæ; in quarto, dissimulationem propriæ injuriæ. In quo igitur documento dissuadet excessum justitiae in puniendo, cum dicit: *Noli esse justus multum*, id est, ne excedas in rigore justitiae; quia culpa est totam culpam prosequi: unde dicitur<sup>9</sup>: « Judicium sine misericordia fiet ei, qui non fecit misericordiam. » Non debes etiam excedere in perscrutando culpam; ideo dicit: *Neque plus sapias, quam necesse est*; quia dicitur<sup>10</sup>: « Qui vehementer emunit, elicit sanguinem. » Ideo dicitur<sup>11</sup>: « Non plus sapere, quam oportet sapere; sed sapere ad sobrietatem. »

17. *Ne obstupescas*, etc. Notandum hic secundum documentum, in quo prohibet præcipitum impietatis. Impietas enim reddit hominem stupidum in affectu, et durum; ideo dicit: *Ne obstupescas*. Et dicitur<sup>12</sup>: « Omnis qui comederit uvam acerbam, obstupescunt dentes ejus. » Crudelem in actu; ideo dicit (v. 18): *Ne impie agas multum*, id est, crudeliter.<sup>13</sup> « Dixi iniquis: Nolite inique agere. » Et<sup>14</sup>: « Non semines mala in sulcis justitiae, et non metes ea in septulum. » Reddit etiam cæcum intellectum;

<sup>1</sup> *Psalm. XII, 3.* — <sup>2</sup> *Psalm. LIV, 28.* — <sup>3</sup> *Exodus, XX, 12.*  
— <sup>4</sup> *Sapientia, IV, 13.* — <sup>5</sup> *Ibid., XI.* — <sup>6</sup> *Psalm. LIV, 28.* —  
<sup>7</sup> *Ecclesiastes, II, 5.* — <sup>8</sup> *Romanus, II, 4.* — <sup>9</sup> *Jacobus, V, 11.* —

<sup>10</sup> *Proverbs, XXX, 33.* — <sup>11</sup> *Romanus, XII, 3.* — <sup>12</sup> *Jeremiah, XXXI, 31.* — <sup>13</sup> *Psalm. LXXIV, 5.* — <sup>14</sup> *Ecclesiastes, VII, 3.*

(a) *Vulg.* explevit.

ideo dicit : *Noli esse stultus.*<sup>1</sup> « Qui cogitat mala facere, stultus vocabitur. » Cogitatio stulti, peccatum; et quia peccatum et stultitia accelerant mortem, ideo sequitur ratio : *Ne moriaris in tempore non tuo*, id est, ne acceleretur mors tua, quia dicitur<sup>2</sup> : « Viri sanguinum et dolosi non dimidiabunt dies suos. » Et rursus dicitur<sup>3</sup> : « Stulte, hac nocte animam tuam repetent a te. » Exemplum de Dathan et Abiron<sup>4</sup>, qui descendederunt viventes in infernum.

19. *Bonum est te sustentare justum.* Hic notatur tertium documentum, in quo monet ad exhibitionem misericordiae; et præmittit, et subjungit rationem. Exhortatur, cum dicit : *Bonum est te sustentare justum.*<sup>5</sup> « Ne insidieris et quæras impietatem in domo justi, et ne vastes requiem ejus, » quia<sup>6</sup> : « Non est bonum damnum inferre justo, nec percutere principem, qui recta judicat. » Non solum justus est sustentandus in causa, sed etiam porrigenda ei manus per eleemosynam; unde subjungit (v. 19) : *Sed et ab illo ne subtrahas manum tuam.* Ut dicitur<sup>7</sup> : « Benefac justo, et invenies retributionem magnam; et si non ab illo, certe a Deo. » Sic præmissa exhortatione, subjungit rationem triplicem: et prima est divina voluntas, ob quam dicit : *Qui timet Deum, nihil negligit*, de illis scilicet, quæ Deus vult fieri. Et<sup>8</sup> : « In tota anima tua time Deum, et de negligentia purga te cum paucis. » Secunda ratio est justi dignitas, ob quam dicit (v. 20) : *Sapientia confortavit sapientem super decem principes civitatis*, et ita<sup>9</sup> « melior est sapientia, quam vires, et vir prudens melior est, quam fortis. » Tertia ratio est humana fragilitas, ob quam dicit (v. 21) : *Non est homo justus in terra, qui faciat bonum, et non peccet*; et ideo miserendum est peccanti, ut dicitur<sup>10</sup> : « Septies in die cadit justus, et resurget :» imo quantumcumque perfectus, aliquando peccat<sup>11</sup> : « Si

<sup>1</sup> *Prov.*, xxiv, 7. — <sup>2</sup> *Psal.* lvi, 28. — <sup>3</sup> *Luc.*, xii, 20. — <sup>4</sup> *Nun.*, xvi, 33. — <sup>5</sup> *Prov.*, xxiv, 15. — <sup>6</sup> *Ibid.*, xvii, 26. — <sup>7</sup> *Eccli.*, xii, 2. — <sup>8</sup> *Ibid.*, vii, 3. — <sup>9</sup> *Sap.*, vi, 1. — <sup>10</sup> *Prov.*, iv, 16. — <sup>11</sup> *Ioan.*, i, 8.

dixerimus, quia peccatum non habemus, ipsi nos seducimus, et veritas non est in nobis. »

22. *Sed et cunctis sermonibus.* Tangitur hic quartum documentum, in quo hortatur ad dissimulationem propriæ injuriæ: unde debet inquirere, nec omni referenti credere. Ideo dicit : *Sed et cunctis sermonibus qui dicuntur, ne accommodes cor tuum*: id est, non præbeas fidem; quia parva fides est adhibenda verbis, quia multi multa loquuntur<sup>12</sup> : « Qui cito credit, levis est corde. » E quia difficile est audire, et non arridere, dicitur<sup>13</sup> : « Sepi aures tuas spinis, et noli audire linguam nequam. » Unde non debes esse sollicitus ad audiendum quæ de te dicuntur; et redditur ratio : *Ne forte audias servum maledicentem tibi*; sicut Semei David; unde dicit Abisai<sup>14</sup> : « Quare maledicit canis hic moriturus (*a*) domino meo regi? Vadam, et amputabo caput ejus. » Et hoc sæpe contingit, sicut potest homo nosse ex se ipso.

23. *Scit enim conscientia tua, quia tu crebro maledixisti aliis;* et ita non debes diligenter attendere, nec punire.<sup>15</sup> « Cognosce quæ sunt proximi tui ex teipso. » Sic enim dicitur<sup>16</sup> : « Nonne ergo oportuit et te misereri conservi tui, sicut et ego tui misertus sum? »

Quæritur hic primo de hoc, quod dicit : *Noli esse justus multum.* Contra : Hæc est per se vera : Justus est bonus : ergo magis justus, magis bonus : ergo maxime justus, maxime bonus : ergo in justitia non est superfluum. Item quidquid dicitur de Deo, in summo dicitur : sed justum dicitur de Deo : ergo Deus summe justus : et constat, quod hoc non est malum : ergo si summitas in justitia non est mala, ergo non est ibi superfluitas. Item quæritur de hoc quod dicitur : *Neque plus sapias quam necesse erit*: qui enim plus diligit, plus sapit : sed nemo potest nimis diligere; ergo nec nimis sapere, secundum quod refertur dilectio in Deum.

— <sup>12</sup> *Eccli.*, xix, 4. — <sup>13</sup> *Ibid.*, xxviii, 28. — <sup>14</sup> *II Reg.*, xvi, 9. — <sup>15</sup> *Eccli.*, xxxi. — <sup>16</sup> *Matth.*, xviii, 33.

(a) *Vulg.* mortuus.

Præterea nimis sapiens nemo est: ergo nec potest esse: ergo nemo potest plus sapere, quam necesse est. Sed contra: Virtus consistit in medietate, et corruptitur per superfluum, sicut per diminutionem: ergo sicut potest esse peccatum in remittendo nimis, ita in nimis puniendo. Respondeo dicendum ad hoc, quod justus uno modo est idem, quod habens talam virtutem, et sic attenditur excessus justitiae per accessum ad medium: et ita non potest esse ibi superfluitas, quia nemo potest esse nimis virtuosus, nec nimis accedere ad medium. Alio modo justus dicitur, secundum quod nominat actum illius virtutis, qui est punire, et sic excessus ejus non attenditur per accessum ad medium, imo ad superfluum: nunc dicitur magis justus, qui magis punit, et maxime punire non est bonum: et sic intelligitur in littera. Quod objicitur secundo, quod quidquid Deo convenit, summe dicitur, verum est de eo quod absolute dicitur, et quod nominat per modum habitus, secundum quod dicit effectum in non summe, sicut Deus non summe punit, nec summe perficit; sed quatenus convenit. Quod queritur de sapientia, dicendum quod habitus sapientiae nullo modo potest esse nimius, sed in actu. Notandum, quod est triplex, cognoscere, gustare, et scrutari: gustare et cognoscere nemo potest nimis, sed perscrutari bene potest nimis; et ratio hujus est, quia perscrutatio nimia deducit ad insipientiam. Sed dilectio non potest esse nimia in Deo, quia summe diligendus.

Quæritur de hoc, quod dicitur: *Noli esse stultus, ne moriaris in tempore non tuo.* Contra, dicitur<sup>1</sup>: « Constituisti terminos ejus, qui præteriri non poterunt: » ergo videtur, quod propter bonitatem non possunt augeri: ergo nec propter malitiam minui. Si hoc verum est, quomodo Deus, permittit<sup>2</sup> annos longos in Scriptura? Item de Ezechia, quomodo Deus auxit sibi annos quindecim? Item abbreviat, ut dicitur<sup>3</sup>: « Viri sanguini-

num, et dolosi non dimidiabunt dies suos. » Respondeo dicendum, quod mori in tempore suo est tripliciter: uno modo in tempore suæ salutis, ad quam unusquisque ordinatus est: sic moriuntur omnes boni in tempore suo; et nulli mali, quia nunquam ad hoc pervenient, de finaliter malis dico. Secundo modo, mori in tempore suo, scilicet morte naturali, quæ quidem est per consumptiōnem humidi radicalis, et sic moriuntur in tempore suo senes et decrepiti. Tertio modo mori in tempore suo, est sibi a Deo præfinito, secundum præscientiam divinam, quæ nunquam fallitur. Istud nemo prævenit, nemo pertransit. Primo modo mali moriuntur in tempore non suo; secundo modo, et boni, et mali, qui moriuntur morte accidentalis; tertio modo, nullus. Loquitur ergo hic Ecclesiastes, et Scriptura, quantum ad primum modum; sed Job intelligit quantum ad tertium. Similiter de Ezechia dicitur, quod Dominus mutavit consilium.

Item queritur de hoc, quod dicit: *Qui timet Deum, nihil negligit*: sed qui peccat, aliiquid negligit: ergo nullus qui peccat, timet Deum: sed non est justus qui non peccet; ergo non est justus, qui timeat Deum. Item queritur, utrum aliquis justus possit esse sine peccato; et quod non, videatur per id quod dicitur hic, et etiam per illud<sup>4</sup>: « Si dixerimus, quia peccatum non habemus, ipsi nos seducimus. » Quod autem possit, videtur per illud dictum<sup>5</sup>: « Non peccavi, et in amaritudinibus moratur oculus meus. » Item si non potest, et nullus peccat in eo quod vitare non potest, ergo.

Respondeo dicendum, quod negligentia uno modo importat contemptum, et sic est peccatum mortale, et sic intelligitur hic; alio modo, qualemcumque commisionem (a) circumstantiae, et sic veniale, et nullus sine hoc. Similiter dicendum de peccato, quod sine mortali multi; sine veniali nullus ulens libero arbitrio, nisi de Christo, et de Beatisima Virgine credimus.

(a) Edit. Ven. commissionem.

<sup>1</sup> Job, XIV, 5.—<sup>2</sup> IV Reg., XX, 6.—<sup>3</sup> Psal. LIV, 28.  
—<sup>4</sup> I Joan., I, 8. —<sup>5</sup> Job, XVII, 2.

Quod objicitur de Job; respondeo : non negat se non peccasse , ut sic puniretur. Si militer cor reprehendit, quando peccatum complacuit; quando vero, quod noluit, hoc fecit, etsi peccavit, cor non reprehendit. Quod dicitur de impotestate vitandi, dicendum, quod ex vitio intrusus est homo, et ideo non excusatur, quin peccet aliquo modo. Praeterea, etsi non posset universaliter vitare, potest tamen quodlibet particulariter evitare : ideo, etc.

Pœna  
duplex 24. *Cuncta tentavi*, etc. Supra egit de vanitate mutabilitatis et iniquitatis; in hac parte intendit agere de vanitate poenitatis. Et quia duplex est poena, quædam est peccati occasio, sicut concupiscentia, quædam est poena, afflictio, sicut mors et infirmitas corporis : ideo primo agit de prima poenitatis quæ est peccati occasio; secundo, de ea quæ est pura afflictio, ut dicitur<sup>1</sup> : « Memento Creatoris tui in die afflictionis tuæ. » Et quoniam poena, quæ est peccati occasio, duplex est : una scilicet ex defectu amoris, et haec pronitas ; alia ex defectu timoris, et haec est securitas : prima reddit pronum ad malum, et secunda securum, quia non timet, dum non credit puniri : ideo habet partes duas : in prima agit de vanitate pronitatis, in secunda de vanitate securitatis. Et incipit secunda pars, ubi dicitur<sup>2</sup> : *Omnia hæc consideravi, et dedi cor meum in cunctis operibus, quæ sunt sub sole.* Et quia vanitas pronitatis concupiscentiae est periculosa, nec liberatur quis, nisi auxilio divinæ sapientiae, ideo primo notatur inventio concupiscentiae.

Secundo subjungitur remedium sapientiae, ibi (v. 30) : *Quis talis, ut sapiens est, etc.* Et quoniam ubi est latentis inventio, præcedit diligens inquisitio; ideo primo describitur diligens ipsius inquisitio ; secundo concupiscentiae inventio, ibi (v. 27) : *Et inveni amariorem morte, etc.* Diligens ipsius inquisitio, quæ adeo diligens fuit, ut in

curiositatem degeneraret, hoc ordine describitur : primo quoad præsumptionis suæ curiositatem; quoad quæstionis sublimitatem, quoad quæstionis studiositatem. Quantum igitur ad suæ præsumptionis curiositatem ; dicitur : *Cuncta tentavi in sapientia*, id est, in inquisitione : ecce curiositatis inquisitio, ut dicitur<sup>3</sup> : « In pluribus operibus ejus ne fueris curiosus. » *Dixi: Sapiens efficiar* : ecce præsumptionis elatio; ut dicitur<sup>4</sup> : « Væ qui sapientes estis in oculis vestris, » etc. Et<sup>5</sup> : « Si quis vestrum videtur esse sapiens in hoc sæculo, stultus fiat, ut sit sapiens. » Quantum ad inquisitionis sublimitatem, dicit : *Et ipsa longius recessit a me, (v. 25) quam era prius*, quia visa est ei quæstio difficilior, dum magis inquireret : et hoc divini judicii severitate<sup>6</sup> : « Dicentes se esse sapientes, stulti facti sunt. » Et quæstionis altitudinem; ideo dicit : *Et alta profunditas, quis inveniet eam?* Alta est profunditas inquisitionis sapientiae, ut dicitur<sup>7</sup> : « Ego in altissimis habitavi, et thronus meus in columna nubis, et ideo quis potest invenire? » Pauci sufficienter, sed nulli perfecte.<sup>8</sup> « Ne laboretis : non enim comprehendetis. » Et<sup>9</sup> : « O altitudo divitiarum sapientiae et scientiae Dei! » Quantum ad considerationis strenuitatem, et subjungit (v. 26) : *Lustravi universa in animo meo*, id est circuivi, et diligenter undique consideravi.<sup>10</sup> « Quasi is qui arat et qui seminat, accede ad illam. » Et ratio movens tangitur : *Ut scirem, in habitu; et considerarem, in actu: Sapientiam, in appetitibus; Rationem, in operibus; et e contrario, Ut cognoscerem impietatem stulti*, in operandis, *Et errorem prudentiae, in credendis*, ut dicitur<sup>11</sup> : « Dedi cor meum, ut scirem prudentiam atque doctrinam, erroresque et stultitiam. »

*Et inveni*, etc. Descripta est diligens inquisitio ; describitur hic concupiscentiae carnis inventio, et quantum ad triplicem

<sup>1</sup> Infra, XII, 1. — <sup>2</sup> Infra, VIII, 9. — <sup>3</sup> Eccli., III, 22.  
— <sup>4</sup> Isa., v, 24. — <sup>5</sup> I Cor., III, 18. — <sup>6</sup> Rom., I, 22.

— <sup>7</sup> Eccli., xxiv, 7. — <sup>8</sup> Eccli., XLIII, 34. — <sup>9</sup> Rom., XI, 33. — <sup>10</sup> Eccli., VI, 10. — <sup>11</sup> Supra, I, 17.

conditionem. Primo notatur ipsius concupiscentiae prouitas; secundo, generalitas; tertio, causalitas. Primo igitur tangitur ipsius concupiscentiae vehemens prouitas, quia perducit ad maximam amaritudinem sub specie dulcedinis: ideo dicit (v. 27): *Inveni amariorem morte mulierem;* et hoc post nefarii operis perpetrationem, ad quod concupiscentia pertrahit; unde dicitur<sup>1</sup>: « Favus distillans labia meretricis, e<sup>t</sup> nitidior (*a*) oleo guttur ejus. » Ad hoc pertrahit concupiscentia illa, quae a muliere habuit ortum, et in muliere habuit fomentum, quae sua pulchritudine illaqueat per delectationem: ideo dicit: *Laqueus est venatorum,* id est, dæmonum, qui venantur animas hominum. Illaqueat verbis et aspectibus, ut dicitur<sup>2</sup>: « Irretivit cum multis sermonibus, et blanditiis labiorum prostravit illum. » Illaqueat pulchritudine faciei<sup>3</sup>: « Propter speciem mulieris multi pereunt. » Illaqueat etiam verbis; unde<sup>4</sup>: « Colloquium illius quasi ignis exardescit. » Non solum illaqueat in delectationem, sed etiam degluttit in nefario opere, unde dicit: *Et sagena cor ejus,* cum juxta votum ejus consentitur operi: nefario hæc est sagena diaboli<sup>5</sup>: « Totum in hamo sublevavit, traxit illud in sagena sua: » sed postmodum ligat per affectionem, et ideo dicit: *Et vincula manus illius.*<sup>6</sup> « Sequitur eam, et ignorat quod ad vincula stultus trahatur. » Ab hac prouitate nullus eripitur, nisi qui a Domino juvatur, tanta est: ideo dicit: *Qui placet Deo, effugiet eam,* secundum quod dicitur<sup>7</sup>: « Fugite fornicationem; » et<sup>8</sup>: « Scivi, quoniam aliter non possum esse continens, nisi Deus det. » *Qui autem peccator est, capietur,* etc.<sup>9</sup> « Iniquitates sue capiunt impium, et funibus peccatorum suorum constringitur. »

28. *Ecce hoc inveni*, etc. Hic notatur secundum, scilicet concupiscentiæ generalitas, cuius rationem videre fuit difficultas; ideo

dicit: *Ecce hoc inveni, dixit Ecclesiastes, unum,* scilicet concupiscentiæ prouitatem, *et alterum,* scilicet ipsius generalitatem, et laboravi, supple, *ut invenirem rationem,* (v. 29) *quam adhuc querit anima mea.* Haec ratio generalitatis concupiscentiæ, quare in omnibus est. *Et non inveni,* scilicet proprio ingenio, quia hoc philosophi scire non potuerunt: sed tamen fide cognoverunt rationem, et experientia cognovit effectum, scilicet generalitatem: ideo dicit: *Virum unum de mille reperi, et mulierem ex omnibus non inveni.* Hyperbole est; et vult dicere quod paucissimos invenit viros, in quibus concupiscentia non regnaret. Sed ipse mulieres nullas invenit: nec mirum, quia<sup>10</sup>: « Brevis omnis malitia super malitiam mulieris. » Possemus autem hoc exponere de Christo, qui solus evasit a corruptione concupiscentiæ originalis, qui solus fuit<sup>11</sup> « inter mortuos liber. »

30. *Solummodo hoc inveni.* Hic notatur tertium, scilicet concupiscentiæ causalitas, quæ quidem non fuit a Deo, sed a primo peccato. Ideo dicit: *Solummodo hoc inveni, quod fecit Deus hominem rectum.* Et alibi<sup>12</sup>: « Deus de terra ereavit hominem, et secundum imaginem suam fecit illum. » Et hujus signum est rectitudo figuræ, quæ adhuc manet in corpore. *Et ipse se,* propria scilicet libertate, *in infinitis miscuit questionibus;* quia recedendo ab uno, factus est pronus ad multa, et infinita, quia in eis sua concupiscentia non finitur, nec satiatur<sup>13</sup>: « Tria sunt insaturabilia, et quartum quod nunquam dicit: Sufficit. »

Dubitari potest de hoc, quod hic dicit (v. 24): *Cuncta tentavi in sapientia,* utrum in hoc fuerit reprehensibilis. Quod sic, videatur per ipsam litteram: *Dixi: Sapiens efficiar, et ipsa longius recessit a me.* Item per illud<sup>14</sup>: « In pluribus operibus ejus non eris curiosus. » Contra<sup>15</sup>: « Spiritualis homo

<sup>1</sup> *Prov.*, v, 3. — <sup>2</sup> *Prov.*, vii, 21. — <sup>3</sup> *Eccli.*, ix, 9. — <sup>4</sup> *Ibid.*, 11. — <sup>5</sup> *Habac*, i, 15. — <sup>6</sup> *Prov.*, viii, 22. — <sup>7</sup> *1 Cor.*, vi, 18. — <sup>8</sup> *Sap.*, viii, 24. — <sup>9</sup> *Prov.*, v,

22. — <sup>10</sup> *Eccli.*, xxv, 26. — <sup>11</sup> *Psal.* LXXXVII, 6. — <sup>12</sup> *Eccli.*, xvii, 1. — <sup>13</sup> *Prov.*, xxx, 13. — <sup>14</sup> *Eccli.*, iii, 22. — <sup>15</sup> *1 Cor.*, ii, 15. — (*a*) *Vulg.* nitidius.

judicat omnia (a), et ipse a nemine judicatur: » ergo si Salomon habebat spiritum sapientiae, ergo ejus erat de omnibus judicare. Præterea ait Apostolus<sup>1</sup>: « Omnia probate, quod bonum est tenete: » bonum est igitur tentare omnia. Respondeo dicendum, quod tentare aliquid, est dupliciter: uno modo, cognoscere per experientiam, sicut cognoscit et tentat quis vinum, quod gustat: alio modo, per examinationem, et reprobationem. Primo modo non sunt tentanda, nisi utilia tantum: si autem ampliora quis velit tentare, curiositas est. Secundum autem, quod tentare idem est quod examinare, sic accipit Paulus *Probate*, et sic omnia sunt examinanda, non tantum bona et utilia, sed etiam inutilia: sic dicitur, quod spiritualis homo omnia judicat; sic etiam dicitur: « Omnia probate, » id est, omnia examine, utrum bona vel mala in nostris operibus, de quibus dubitare possumus. Sed in operibus Dei, de quibus supponere debemus, quod bene sint facta, curiositas est probare vel examinare. Quoniam ergo Salomon exten dit suum examen ultra ea, quae salutis sunt; ideo curiositas fuit, et concedendum est illud. Auctoritates illæ duæ intelliguntur de iis quæ ad salutem spectant, et ad se pertinent; sed Salomon ultra processit.

Item dubitatur de hoc, quod dicit (v. 29): *Virum de mille unum reperi*. Secundum hoc, videtur confirmare hæresim illam, quod nulla mulier salvatur; et hoc nituntur probare hæretici: quia si solum salvatum est quod assumpsit Christus, et ipse assumpsit solum sexum virilem, ergo ille solus salvatur: et hoc nituntur probare per illud<sup>2</sup>: « Qui crediderit et baptizatus fuerit: » non dicit: Quæ baptizata fuerit; et id ipsum apud Joannem<sup>3</sup> habetur. Contrarium hujus ostenditur per illud<sup>4</sup>: « Meretrices præcedent (b) vos in regnum Dei. » Item ostenditur hoc, quia Dominus utrumque sexum recipit, utrumque sanavit corporaliter, utrumque

vocavit per apostolos. Ipse etiam Salomon utrumque laudavit, et de forti muliere inquit<sup>5</sup>: « Ridebit in die novissimo. » Quid est ergo, quod dicit: *Mulierem ex omnibus non inveni*? Respondeo dicendum, quod ipse loquitur de generalitate concupiscentiæ; et de hac est loqui dupliciter: uno modo, quantum ad propagationem carnalem, qua ipsa transfunditur; alio modo, quantum ad prosecutionem (c) per actuale peccatum: si primo modo, est sermo verus et proprius, quia solus Christus sine peccato conceptus, et originale non contraxit; si secundo modo, sermo est hyperbolicus, et hoc patet, quia non tantum est unus vir bonus et salvandus, imo multi: et dicitur illud quantum ad raritatem eorum, qui tempore illo inveniebantur ab actu concupiscentiæ immunes.

Christus  
solus si-  
ne pec-  
cato con-  
cepitus,  
et origi-  
nale non  
contra-  
xit.

Quod objiciunt hæretici, quod assumpsit sexum virilem; respondeo, quod etsi virilem assumpsit, tamen attende quod assumpsit de muliere; quod non fecisset, si ad salutem non pertineret. Præterea unius naturæ est vir et mulier, et unum corpus. Quod objiciunt de ennucho, quia in masculino, dicendum quod confusum est illud masculinum, et stat ibi pro natura, non pro sexu: et frequenter masculinum genus concipit foemininum secundum morem Scripturæ.

## CAPUT VIII.

1. *Quis talis ut sapiens?* Supra descriptis vanitatem concupiscentiæ; hic contra illam vanitatem innuit dare sapientiæ remedium: nullus enim eripitur a concupiscentia, nisi qui ambulat cum sapientia. Ideo dicit: *Sapientia hominis lucet in vultu ejus*. Hortatur igitur, haec in parte, sapientiæ adhædere ex quadruplici commendatione: primo ex consideratione suæ nobilitatis; secundo, potestatis; tertio, utilitatis; quarto, temporis opportunitatis. Hortatur igitur sapientiæ ad-

(a) *Cœt. edit. non habent omnia*. — (b) *Cœt. edit. præcedunt*. — (c) *Item persecutionem*. — (d) *Al. c. vii, v. 30*. Initium hujus capituli an aliquibus Bibliis est finis septimi.

<sup>1</sup> *I Thess.*, v. 21. — <sup>2</sup> *Marc.*, xvi, 16. — <sup>3</sup> *Joan.*, iii, 5. — <sup>4</sup> *Matth.*, xxi, 31. — <sup>5</sup> *Prov.*, xxxi, 25.

hærere consideratione suæ nobilitatis , quæ perpenditur in hoc , quod hominem reddit nobilem et gloriosum, et quantum ad aspectum , et quantum ad verbum . Et hoc primo proponit quærendo ; deinde confirmat respondendo , ibi : *Sapientia hominis*. Dicit ergo : *Quis talis, ut sapiens est?* id est , quis ita spectabilis ? <sup>1</sup> « Habebo propter hanc claritatem ad turbas , et honorem ad seniores juventis : » loquitur autem de sapientia . Quis ita spectabilis in verbo ? Unde dicit : *Et quis novit solutionem verbi?* supple , nisi sapiens ? <sup>2</sup> « Facies principum mirabuntur me ; tacentem me respicient ; et sermocinante me plura , manus ori suo imponent . » Proposuit quærendo ; nunc confirmat respondendo : *Sapientia hominis lucet in vultu ejus;* unde dicitur <sup>3</sup> : « In facie prudentis , lucet sapientia : » ideo subjungitur <sup>4</sup> : « Ex visu cognoscitur vir , et occursu faciei cognoscitur sensatus . » Nec mirum , si est spectabilis aspectu , quia hoc Deus facit ; unde dicit : *Et potentissimus faciem illius commutabit.* Potentissimus iste Deus est <sup>5</sup> : « Deus potentes non abjicit , cum ipse sit potens . » Et post <sup>6</sup> : « Ecce Deus excelsus in fortitudine sua , et nullus ei similis in legislatoribus . » Iste commutat faciem exteriorem prius commutando interiorem , id est , ad se eam convertendo : facies enim animæ est superior portio rationis , quæ nata est videre Deum . Hanc faciem commutat solus Deus <sup>7</sup> : « Sicut divisiones aquarum , ita cor regis in manu Domini : quocumque voluerit , inclinabit illud . » Non tantum est spectabilis sapiens quantum ad aspectum , sed etiam quantum ad verbum per sapientiam , in cuius persona dicit (v. 2) : *Ego os regis observo* , dicit Sapientia . Rex iste Deus est , de quo dicitur <sup>8</sup> : « Beatus et solus potens , Rex regum , et Dominus dominantium . » Os istius regis Filius Dei est , per quem vobis loquitur <sup>9</sup> : « Novissime diebus istis locutus est nobis

in Filio. » Os igitur regis observare , est verbum Filii Dei diligenter intendere.<sup>10</sup> « Beati , qui audient verbum Dei , et custodiunt illud . » Sapientia igitur dicit : *Ego observo* , et observare facio , juxta illud <sup>11</sup> : « Observa , ut facias quæ præcepit tibi Dominus , et bene sit tibi . » Et explanat in quibus observat , quia in mandatis ; ideo dicit : *Et præcepta juramenti Dei* , quæ scilicet ex ore ejus procedunt . *Et observo* , supple , *præcepta juramenti Dei* : præcepta juramenti dicuntur , quia firma et inviolabilia <sup>12</sup> : « Cœlum et terra transibunt , verba autem mea non præteribunt . » Vel ideo præcepta juramenti , quia cum pacto et jurejurando data sunt . Moyses sanguinem sumptum respersit in populum , dicens <sup>13</sup> : « Iste est sanguis foederis Domini super cunctis sermonibus istis . »

3. *Ne festines*. Hic secundo hortatur adhærere sapientiae , consideratione suæ potestatis , cum dicit : *Ne festines recedere a facie ejus* , id est , noli declinare ab ejus voluntate ; et hoc propter peccatum cordis , quasi te abscondas ab eo . De hoc recessu dicitur <sup>14</sup> : « Dereliquit Deum factorem suum , et recessit a Deo salutari suo . » *Ne festines recedere a facie ejus* , volens latere in malo . Non dicas <sup>15</sup> : « A Deo abscondar , et ex summo quis operis mei memorabitur ? » Sicut Cain , qui dixit Domino <sup>16</sup> : « Ecce ejicis me hodie a facie tua , et a facie tua abscondar . » Et si contingat recedere , noli permanere in malo ; ideo subdit : *Neque permaneas in opere malo.* <sup>17</sup> « Ne tardes converti ad Deum , et ne differas de die in diem . » Et ratio hujus est consideratio divinæ potestatis , quia facit omnipotenter (a) : *Quia omne , quod voluerit , faciet.* <sup>18</sup> « Consilium meum stabit , et omnis voluntas mea fiet . » Facit etiam faciliter ; ideo dicit (v. 4) : *Et sermo illius potestate plenus est.* <sup>19</sup> « Vox Domini in virtute : vox Domini confringentis cedros . » Et <sup>20</sup> : « Non erit tibi difficile omne verbum , qui facis misericordiam in milli-

<sup>1</sup> *Sap.*, VIII, 10. — <sup>2</sup> *Ibid.*, 12. — <sup>3</sup> *Prov.*, XVII, 24. — <sup>4</sup> *Ecli.*, XIX, 26. — <sup>5</sup> *Job*, XXXVI, 5. — <sup>6</sup> *Ibid.*, 22. — <sup>7</sup> *Prov.*, XXI, 1. — <sup>8</sup> *1 Tim.*, VI, 15. — <sup>9</sup> *Hebr.*, I, 1. — <sup>10</sup> *Luce.*, XI, 28. — <sup>11</sup> *Deut.*, VI, 3. — <sup>12</sup> *Matth.*,

XXIV, 35. — <sup>13</sup> *Exod.*, XXIV, 8. — <sup>14</sup> *Deut.*, XXXII, 45. — <sup>15</sup> *Ecli.*, XVI, 16. — <sup>16</sup> *Gen.*, IV, 14. — <sup>17</sup> *Ecli.*, V, 8. — <sup>18</sup> *Isa.*, XLVI, 10. — <sup>19</sup> *Psal.* XXVIII, 4, 5. — <sup>20</sup> *Jerem.*, XXXII, 17. — (a) *Fortasse leg.* omnia potenter.

bus. » Facit etiam irreprehensibiliter : *Nec dicere ei quisquam potest : Quare ita facis ?*  
<sup>1</sup> « Tu quis es, qui respondeas Deo ? »

5. *Qui custodit praeceptum.* Hic tertio hortatur adhærere sapientiae, consideratione nostrae utilitatis. Magna enim utilitas est ei adhærere et ipsius mandata servare; propter quam dicit : *Qui custodit praeceptum, non experietur quidquam mali.* Imo multa habebit bona.<sup>2</sup> « Si vis ad vitam ingredi, serva mandata. » Et<sup>3</sup> : « Si manseritis in sermone meo, vere discipuli mei eritis, et cognoscetis veritatem, et veritas liberabit vos. »

*Tempus et responsionem*, etc. Hic quarto hortatur ad servandum mandata divinæ sapientiae, consideratione opportunitatis temporis, quam sapiens homo considerat in suis operibus; propter quod dicit : *Tempus et responsionem cor sapientis intelligit.* Intellicitur tempus, quo operari oportet.<sup>4</sup> « Videntes, fratres, quomodo caute ambuletis; non quasi insipientes, sed quasi sapientes, redimentes tempus, quoniam dies mali sunt. » Non solum tempus, sed etiam responsionem in tempore.<sup>5</sup> « In sapientia ambulate ad eos qui foris sunt, tempus redimentes. Sermo vester semper sit in gratia sale conditus, ut sciatis, quomodo vos oporteat unicuique respondere. » Et bene facit sapiens, qui tempus opportunum considerat: quod probat, cum infert (v. 6) : *Omnis negotio tempus est, et opportunitas, et multa hominis afflictio, supple, diligenter haec considerando*<sup>6</sup> : « Omnia tempus habent, et suis spatiis transeunt universa sub sole. » Est enim opportunitas temporis ad studendum<sup>7</sup> : « Sapientiam scribe in tempore vacuitatis. » Est etiam opportunitas ad orandum<sup>8</sup> : « Media nocte surgebam ad confitendum tibi. » Est etiam opportunitas temporis ad beneficiendum<sup>9</sup> : « Dum tempus habemus, operemur bonum ad omnes. » Et

<sup>1</sup> Rom., ix, 20. — <sup>2</sup> Matth., xix, 17. — <sup>3</sup> Joan., viii, 31. — <sup>4</sup> Ephes., v, 15. — <sup>5</sup> Colos., iv, 5, 6. — <sup>6</sup> Supra, iii, 1. — <sup>7</sup> Eccli., xxxviii, 25. — <sup>8</sup> Psal. cxviii, 62. — <sup>9</sup> Gal., vi, 10. — <sup>10</sup> Supra, vii, 1. —

haec opportunitas est in praesenti tempore: et hanc ostendit esse in praesenti tempore, ostendens futurum tempus periculosum, quia non potest prævideri, unde dixit (v. 7) : *Qui ignorat præteritum, et futura nullo potest scire nuntio*, quia multo minus possunt sciri futura, quam præterita<sup>10</sup>: « Quis ei poterit indicare, quid post eum futurum sit? » Non potest etiam prohiberi, unde dicit (v. 8) : *Nec est in hominis ditione* (a), id est potestate, *prohibere spiritum*, scilicet exeuntem, quasi nemo potest prohibere, quin veniat tempus mortis: et hoc explanat subdens : *Nec habet potestatem in die mortis.*<sup>11</sup> « Constituisti terminos ejus, qui præteriri non poterunt. » Non potest declinari; unde dicit : *Nec sinitur quiescere ingruente bello*, scilicet in die judicii.<sup>12</sup> « Pugnabit pro eo orbis terræ contra insensatos : » quod bellum non poterunt declinare. Unde dicent montibus<sup>13</sup> : « Cadite super nos, » quia tunc<sup>14</sup> « peribit fuga. » Non potest etiam dissimulari; ideo dicit : *Non salvabit impietas impium*, quasi possit simulare se bonum.<sup>15</sup> « Non salvat impios, et judicium pauperibus tribuit. » Et<sup>16</sup> : « Non proderunt thesauri in die ultionis; justitia liberabit a morte. » Ideo dicitur<sup>17</sup> : « Si impius fuero, vae mihi est. »

Quæritur de hoc, quod dicit : *Observo præcepta juramenti Dei*: ergo Deus jurat. Contra<sup>18</sup> : « Sit sermo vester : Est, est : Non, non : (b) quod amplius est, a malo est : » ergo si perfectis non convenit jurare, et minus convenit Deo, nisi quod est summae perfectionis: ergo jurare non decet Deum. Præterepta ostenditur, quod superfluat; quia Deus non potest mentiri: ergo æque verum est simplex verbum Dei, ac juramentum. Item videtur, quod non possit jurare; quia jurare est aliquem in testem et robur adducere: sed Deus non habet alium, per quem possit confirmare: ergo nec jurare. Respondeo dicendum, quod juramentum finis omnis con-

<sup>11</sup> Job, xiv, 5. — <sup>12</sup> Sap., x, 21. — <sup>13</sup> Apoc., vi, 16. — <sup>14</sup> Amos., ii, 14. — <sup>15</sup> Job, xxxvi, 6. — <sup>16</sup> Prov., x, 2. — <sup>17</sup> Job, x, 15. — <sup>18</sup> Matth., v, 37.

(a) *Vulg.* potestate. — (b) *Cæt. edit.* hic add. ergo.

troversiae, et est assertio certa et firma, et nulla firmior potest, et hoc ad faciendam certam fidem. Sic igitur, quando nos volunt certam facere fidem audienti, juramus: sic Deus nostrae infirmitati condescendens, jurat quidem, ut nostram fidem reddat solidam. Quod objicitur ergo: «Quod amplius, a malo est;» exponitur, quod est a malo peccata, non jurantis, sed ejus cui sit juramentum, id est, propter dubietatem ejus. Alter tamen dicendum, quod Dominus non prohibet ibi juramentum tanquam malum; sed quia homines sunt proni ad dicendum falsum, prohibet pronitatem ad jurandum passim, ne aliquando simul incidunt in mendacium et juramentum in Dei contemptum: et quia Deus mentiri non potest, non habet haec ratio locum in Deo. Quod objicitur, quod non potest mentiri, dico, quod etsi juramentum addat super assertionem simplicem, secundum rem addit, non tamen secundum nostram approximationem, ut firmior nobis sit fides, et ostenditur ad nos mira dignatio. Quod objicitur, quod non potest alium adducere; dico quod, sicut ipse sibi testis est, quia sua veritas, ita ipse per se ipsum jurat; et est optimum testimonium, quia lux se et alia manifestat. De hoc etiam est dubitatio, quia dicit: *Qui custodit praeceptum, non experietur quidquam mali.* Contra: infra (v. 14) dicit: *Sunt justi, quibus mala proveniunt, quasi opera egerint impiorum.* Respondeo: est experiri malum quod permanet, et malum quod transit: loquitur de experientia mali hic, quod semper manet, non ejus quod transit.

Quæstio etiam est de hoc, quod dicit: *Qui custodit praeceptum, cum multa sint præcepta custodienda, quare dicit præceptum singulariter.* Præterea possibile est aliquos servare præcepta divina timore, sicut servabant Judæi; et tamen tales non salvantur. Respondeo dicendum, quod etsi præcepta multa sunt per diversitatem operis, tamen unitatem habent, et in comparatione ad mandantem, et in comparatione ad obser-

vantem, et in comparatione ad finem. Ad mandantem, quia unus est, qui præcipit: et ideo qui transgreditur unum mandatum, non potest esse obediens mandanti: quia unus est, qui mandat. In comparatione ad observantem est unitas, quia uno principio et regulante omnia observat, sicut charitate, quæ omnia vincit. Unde sicut charitas, aut omnes diligit, aut nullum; sic omnia mandata observat, aut nullum. In comparatione ad finem est unitas, quia præmium unum debetur, et pro uno præmio sunt observanda. Quia ergo ista triplex concurrit unitas in debita observantia mandatorum, ideo recte dicit: *Qui custodit præceptum, etc.*

9. *Hæc omnia consideravi, etc.* Egis supra de vanitate pronitatis; hic agit de vanitate securitatis: et quoniam hæc vanitas periculosa est, quia impellit hominem ad culpam, sive ipsum impulsu delinet; ideo primo ponitur vanitas, secundo vanitatis remedium, ibi<sup>1</sup>: *Qui fodit foveam, etc.* Securitas oritur dupliciter: priujo scilicet ex apparentia defectus retributionis justæ; secundo ex apparentia defectus regiminis providentiae: et hoc secundum tangitur ibi<sup>2</sup>: *Verti me ad aliud, et vidi, etc.* Retributio autem justitiae appetit desicere propter malorum exaltationem; propter bonorum depressionem; propter utrorumque indistinctionem: sunt igitur hic tres partes. Primo ostenditur, quomodo securitatis vanitas oritur ex promotione malorum; secundo, quomodo ex depressione bonorum, ibi (v. 14): *Est et alia vanitas super terram, etc.; tertio, quomodo oritur ex indistinctione istorum et illorum, ibi (v. 16): Et apposui cor meum, ut scirem sapientiam, etc.* Ortus igitur securitatis ex malorum exaltatione hoc ordine describitur. Primo insinuatur malorum sublimitas; secundo vero, quomodo ex hoc oritur impiis securitatis vanitas; tertio, quomodo ex hoc elicetur bonorum utilitas. Primo igitur insinuatur malorum sublimitas, quam consideravit Ecclesiastes sua diligentí consideratio-

<sup>1</sup> Infra, x, 8. — <sup>2</sup> Infra, ix, 11.

ne : propter quod dicit : *Omnia hæc consideravi*, supple, quæ prædixi prius (v. 9) : *Et dedi cor meum in cunctis operibus, quæ sunt sub sole*, ut omnia considerarem. <sup>1</sup> « Dedi cor meum, ut scirem prudentiam, atque doctrinam, erroresque, et stultitiam. » Et in hac consideratione vidit ipse malorum sublimationem, et in potentia, et in fama. Quantum ad sublimationem in potentia, dicit (v. 9) : *Interdum dominatur homo homini in malum suum*, videlicet quando malus præest; unde <sup>2</sup> : « Si quis episcopatum desiderat, bonum opus desiderat : » sed malus in malum suum, unde dicitur <sup>3</sup> : « Nou alliges tibi peccata duplia, nec enim in uno eris immunis. » Malus prælatus alligat sibi peccata duplia. Quantum ad sublimationem in fama, dicit (v. 10) : *Vidi impios sepultos*, scilicet profunditate desperationis. <sup>4</sup> « Impius cum in profundum venerit peccatorum, contemnit. » Vel *sepultos* aggere adulatio-  
nis. <sup>5</sup> « Sine mortuos sepelire mortuos suos. » Gregorius <sup>6</sup> : « Mortuus mortuum sepelit, cum aggere adulatio-  
nis premit. » Vel *sepultos* continuatione transgressionis usque ad mortem, quasi dicat : Qui in malitia sepulti, et in malitia fuerunt, secundum quod dicitur frequenter <sup>7</sup> : « Et mortuus est in peccatis suis, quæ peccaverat, faciens malum eorum Domino; » et secundum quod Dominus dicit Iudeis <sup>8</sup> : « Vos in peccato vestro mori-  
emini. » Tales impios vident exaltatos in fama, ideo dicit : *Qui etiam cum adhuc vive-  
rent*, supple in sua malitia; *in loco sancto erant*, id est, in dignitate, quasi sancti : si-  
cut et Antichristus, de quo dicitur <sup>9</sup> : « Cum videritis abominationem desolationis stan-  
tem in loco sancto : » *Et laudabantur in ci-  
vitate, quasi justorum operum*. Et sic erant magni in fama. <sup>10</sup> « Quoniam laudatur pec-  
cator in desideriis animæ sue; » et <sup>11</sup> : « Qui derelinquent legem, laudant impium. » *Sed et hoc vanitas*. Tangitur hic secundum, sci-

licet securitatis vanitas; quia ex hoc, quod mali non puniuntur, alii securi redduntur : ideo dicit : *Sed et hoc vanitas*, id est, causa vanitatis, et hoc ostendit (v. 41) : *Etenim quia non profertur cito contra malos sententia*. Sed benigne expectantur, secundum illud <sup>12</sup> : « Non tardat Dominus promissionem; sed patienter agit propter nos, nolens aliquem perire, sed omnes ad poenitentiam re-  
verti. » *Absque timore ullo filii hominum perpetrant mala*; et ita securi sunt, quia nihil cogitant, nec timent de futuris. Viri mali non cogitant judicium, quia scilicet tunc non puniuntur. <sup>13</sup> « Misereamur impio, et non disced justitiam facere. »

12. *Attamen peccator*, etc. Tangitur hic tertium, quomodo ex hoc elicetur bonorum utilitas; quia ex hoc cognoscunt boni divi-  
nam misericordiam, et exercitantur in jus-  
titia; propterea dicit : *Attamen peccator*, et debet construi sic littera : *Attamen eo quod peccator centies facit malum*, id est multo-  
ties, secundum illud <sup>14</sup> : « Quam vilis facta est nimis, iterans vias tuas! » *Et per patien-  
tiam sustentatur*, scilicet Dei, secundum illud <sup>15</sup> : « Ignoras quod benignitas Dei ad poenitentiam te adducit; » et <sup>16</sup> : « Misericordiae (a) Domini, quia non sumus consumpti. »

*Ego cognovi quod erit bonum timen-  
tibus Deum*, id est a malo declinantibus <sup>17</sup> : « In timore Domini declinatur a malo. » *Qui verentur faciem ejus*, et ob ejus reverentiam peccare non audent, secundum quod Job dicit de se <sup>18</sup> : « Semper quasi tumentes fluc-  
tus super me, timui Deum, et pondus ejus ferre non potui. » Sed ista utilitas divinæ mi-  
sericordiæ, et patientiæ non se extendit ad malos; et ideo utilius est eis mori, quam vivere; ideo dicit (v. 43) : *Non sit bonum im-  
pio*; hoc non dicit optando, sed prædicendo, secundum illud Psalmi <sup>19</sup> : « Convertantur peccatores in infernum. » *Non sit bonum*,

<sup>1</sup> Supra, I, 17. — <sup>2</sup> 1 Tim., III, 1. — <sup>3</sup> Excli, VII, 8. — <sup>4</sup> Prov., XVIII, 3. — <sup>5</sup> Matth., VIII, 22. — <sup>6</sup> Greg., Moral., lib. IV, c. XXV. — <sup>7</sup> III Reg., XVI, 19. — <sup>8</sup> Joan., VIII, 24. — <sup>9</sup> Matth., XXIV, 10. — <sup>10</sup> Psal., x,

<sup>11</sup> Prov., XXVIII, 4. — <sup>12</sup> II Petr., III, 9. — <sup>13</sup> Isa., XXVI, 10. — <sup>14</sup> Jerem., II, 36. — <sup>15</sup> Rom., II, 4. — <sup>16</sup> Thren., III, 22. — <sup>17</sup> Prov., XVI, 6. — <sup>18</sup> Job, XXXI, 23. — <sup>19</sup> Psal. IX, 18.

(a) Cat. edit. misericordia, et sic pag. 650, col. 2.

scilicet gloriæ<sup>1</sup>: « Tollatur impins , ne videat gloriam Dei. » Non sit etiam bonum praesentis vitæ ; ideo addit : *Nec prolongentur dies ejus* , id est non prolongabuntur. <sup>2</sup>« Anni impiorum breviabuntur; » et <sup>3</sup> : « Viri sanguinum et dolosi non dimidiabunt dies suo. » *Sed quasi umbra transeant qui non timent faciem Domini.* Et revera tanquam umbra transeunt ; unde dicitur <sup>4</sup> : « Vidi impium superexaltatum ; et transivi , et ecce non erat. » Unde dicitur in persona impiorum <sup>5</sup> : « Transierunt hæc omnia tanquam umbra , et quasi nuntius præcurrrens , et tanquam navis , quæ pertransit fluctuantem aquam. »

Quæritur de hoc , quod dicit : *Interdum dominatur homo homini* , utrum homo possit juste homini dominari. Quod sic , videtur<sup>6</sup> : « Non est potestas , nisi a Deo; » et Apostolus dicit <sup>7</sup> , quod serviendum est dominis , « non tantum propter timorem , sed etiam propter conscientiam : » sed (a) omne , quod est a Deo , est justum : ergo hominem habere potestatem super hominem est justum. Præterea si conscientia non dictat homini nisi justum , cum est recta ; et hoc dictat , cum dicat Apostolus ; ergo justum est hominem homini esse subditum. Item Apostolus dicit <sup>8</sup> : « Servi , obedit dominis carnalibus : » sed Apostolus non hortatur , nec præcipit , nisi justum : ergo. Contra : homines sunt æquales natura : ergo , quod unus alteri præsit , hoc est contra naturam : sed omne quod est contra naturam , est peccatum ; ergo. Item omnes homines sunt liberi per naturam : ergo , quando homo efficitur servus , hoc est per usurpationem : sed omne usurpatum est peccatum : ergo peccatum est homini dominari : quod patet , quia Noe divina auctoritate filium suum Cham fecit servum fratrum. Similiter Isaac fecit de Esau et Jacob. Respondeo dicendum quod justum est hominem homini dominari.

<sup>1</sup> Isa., xxvi, 10, secundum LXX. — <sup>2</sup> Prov., x, 27. — <sup>3</sup> Psal. LIV, 24. — <sup>4</sup> Psal. XXXVI, 36. — <sup>5</sup> Sap., v, 9. — <sup>6</sup> Rom., XIII, 1. — <sup>7</sup> Ibid., 5. — <sup>8</sup> Ephes., vi, 5. — <sup>9</sup> Thren., III, 22. — <sup>10</sup> Rom., II, 4.

Et ad illud , quod objicitur de hoc , quod est contra naturam , et quod omnis homo est liber ; intelligendum , quod duplex est status , scilicet naturæ destitutæ , et naturæ institutæ : quantum ad statum naturæ institutæ , etsi omnes essent liberi et æquales , et non esset dominium hominibus , quo præsenterent , nisi solis brutis ; tamen quantum ad statum naturæ corruptæ aliter est : quia enim alii aliis sunt peiores , et mali , ideo justo iudicio Dei in se et posteris , servi fiunt. Alia etiam ratio est dominandi , scilicet propter cohabitationem malorum : si enim non esset potestas temporalis , quilibet ficeret quod sibi rectum videretur ; et ita esset scissio iniquitatis , et quilibet ad votum peccaret : et sic potest esse dominium et servitus in hominibus. Utrum autem mali juste possint (b) præesse bonis , quæretur infra.

Quæritur de hoc , quod dicit : *Impius centies peccat , et sustentatur* , utrum sit benignitatis , vel severitatis. Quia benignitatis , videtur<sup>9</sup> : « Misericordiæ Domini , quia non sumus consumpti. » Præterea Apostolus <sup>10</sup> : « Ignoras , quod benignitas Dei ad pœnitentiiam te adducit? » Sed contra : Impius quanto (c) plus vivit , tanto plura mala facit , et tanto cruciabitur acerius : ergo si citius moreretur , melius esset ei : ergo quod dies elongatur sibi , potius est malum , quam bonum : ergo severitatis. Respondeo dicendum , quod quidam sunt impii quos prævidit Deus ad se reversuros : talibus vitæ dilatatio (d) est effectus magnæ misericordiæ aperte , et in occulto. Alii sunt , quos prævidit peccata multiplicaturos , et in eis morituros ; et talibus prolongare , justitiæ est , et misericordiæ : misericordiæ , quia differtur eis pœna crudelis ; sed occultæ justitiæ , quia permittitur ei , qui in sordibus est , quod sordescat adhuc ; meruit ideo prolongationem vitæ : quantum ad hoc , severitatis occultæ.

**14. Est etalia vanitas , etc.** Supra ostendit,

(a) Cœt. edit. ergo. — (b) Item possent. — (c) Item quando. — (d) Item dilatio.

quomodo oritur securitas ex aspectu sublimitatis malorum; hic secundo ostendit, quomodo oritur ex aspectu adversitatis bonorum : et hoc quidem facit hoc ordine : primo proponitur honorum adversitas ; secundo ex hoc malorum securitas ; tertio concluditur vanitas ; quarto commendatur voluptas. Proponitur igitur bonorum adversitas, ex qua oritur vanitas ; propter quod dicit : *Est et alia vanitas, quæ fit super terram*, alia scilicet a prædicta, quia aliam habet causam : prædicta enim veniebat ex malorum sublimitate ; hæc ex bonorum adversitate : ideo dicit : *Sunt justi quibus mala proveniunt*, id est, adversitates, quasi opera egerint impiorum , secundum quod inquit Apostolus<sup>1</sup> : « Sancti ludibria et verbera experti sunt, insuper et vincula et carceres ; lapidati sunt, secti sunt, tentati sunt. » Exemplum de Tobiae , qui fuit factus cæcus ; exemplum de Job , qui fuit ita afflictus : et ratio hujus redditur, nam<sup>2</sup> : « Omnes qui placuerunt Deo, per multas tribulationes transierunt fideles. »

*Et sunt impii*, etc. Hic notatur secundum, scilicet malorum securitas : quia enim impii vident bonis mala succedere, et sibi bona , ideo securi redduntur ; ideo dicit : *Et sunt impii, qui ita securi sunt, quasi justorum facta habeant* : et hoc, quia sunt a tribulatione immunes. Exemplum est de illo divite epulante , cui dictum est<sup>3</sup> : « Memento (*a*), quia recepisti bona in vita tua, et Lazarus similiter mala. » Et ideo mali assecurantur , quia prosperantur<sup>4</sup>. « Quare via impiorum prosperatur, bene est omnibus, qui prævaricantur in te? » *Sed et hoc vanissimum iudico*. Vanum est enim, quando bonis et malis proveniunt bona, quia indignum propter malos ; vanius, quando bonis et malis mala, quia injustum propter bonos ; sed vanissimum, quando bonis mala, et malis bona , quia injustum pariter, et indignum. Unde Habacuc ita indignerter fert, ut quasi ex

hoc velit Deum arguere , dicens<sup>5</sup> : « Quare non respicis super iniqua agentes, et taces, devorante impio justorem se ? »

45. *Laudavi igitur lætitiam*, etc. Hic quarto ex hoc commendatur voluptas in detestacionem tantæ vanitatis : ex quo malis bona, et bonis mala proveniunt ; et est laus, et verbum hominis perturbati ; ideo dicit : *Laudavi igitur lætitiam*, scilicet carnis, quasi hæc sola sit bona ; ideo dicit : *Quod non esset homini bonum sub sole, nisi quod comedereret et biberet*, secundum illud<sup>6</sup> : « Ecce gaudium et lætitia , jugulare arietes, comedere carnes, et bibere vinum ; » quasi non sit alia vita , nec aliud præmium ; ideo subjungit : *Et hoc solum auferret secum de labore suo*, quasi non sit aliud expectandum , sed lætandum, *in diebus vitæ suæ, quos dedit ei Deus sub sole*.<sup>7</sup> « Ubique relinquamus signa lætitiae nostræ, quoniam hæc est pars nostra. »

Potest hic quæreri , quis status sit melior et utilior : utrum scilicet status prosperitatis, an adversitatis. Quod adversitatis, videatur, quia scriptum est<sup>8</sup> : « Ego quos amo , arguo et castigo : » ergo tribulatio est signum divini amoris. Item inquit Apostolus<sup>9</sup> : « Flagellat autem omnem filium, quem recipit : » ergo flagellari est signum divinæ filiationis. Item inquit Angelus Tobiae<sup>10</sup> : « Quia acceptus eras Deo, necesse fuit ut tentatio probaret te : » ergo. Item<sup>11</sup> : « Omnes quotquot placuere Deo , per multas tribulationes transierunt fideles : » ergo status ille melior. Contra : « Ecclesia petit pacem<sup>12</sup> : « Da pacem, Domine, in diebus nostris ; » ergo si Ecclesia petit quod melius est, status prosperitatis est melior. Item Apostolus facit orare<sup>13</sup> « pro his qui sunt in sublimitate constituti, ut quietam et tranquillam vitam agamus : » ergo status tranquillitatis est melior. Item, si non esset peccatum, nulla esset adversitas, sed omnimoda tranquillitas et prosperitas : ergo status pros-

<sup>1</sup> *Hebr.*, xi, 36. — <sup>2</sup> *Judith*, 23. — <sup>3</sup> *Luc.*, xv, 25.

— <sup>4</sup> *Jerem.*, xii, 1. — <sup>5</sup> *Habac.*, i, 13. — <sup>6</sup> *Isa.*, xxii, 13. — <sup>7</sup> *Sap.*, ii, 9. — <sup>8</sup> *Apoc.*, iii, 19. — <sup>9</sup> *Hebr.*,

xii, 6. — <sup>10</sup> *Tob.*, xii, 13. — <sup>11</sup> *Judith*, viii, 23. —

<sup>12</sup> *Antiph. pro pace*. — <sup>13</sup> *I Tim.*, ii, 2.

(a) Vulg. Recordare.

peritatis magis consonat statui innocentiae et gloriae: sed quod similius est meliori, est melius: ergo. Respondeo dicendum, quod status prosperitatis, et adversitatis, possunt comparari ad bonos, et ad malos; si ad malos qui elevantur in prosperis, et dejiciuntur in adversis, neuter est utilis, nisi (a) divina gratia interius adjuvet, ut quando flagellat exterius, illuminat interius; sic inspiratione comitante flagellum, quod saepe contingit, status adversitatis est utilior. Si autem loquimur per comparisonem ad bonos, sic dicendum quod boni quidam sunt perfecti, de quibus dicitur illud<sup>1</sup>: « Non contristabit justum, quidquid ei acciderit: » sic perfectis melior et utilior est status adversitatis, quia in eo examinantur, sicut aurum probatur in igne; status autem prosperitatis non est eis utilis, aut quia non proficiunt, aut quia tepescunt, aut quia animi eorum decidunt, sicut dicitur: « Qui in bellis fortis, in aspectu mulieris cecidit: » sicut et alii, qui sunt imperfecti, qui diligunt Deum, et inducuntur per temporalia beneficia, et eum non habeant charitatem perfectam, de facili cadunt: talibus prosperitas est utilior: et quia Ecclesia multos habet tenellos et infirmos plures, quam fortes, ideo cogitur orare pro pace. Quod ergo bonis mala eveniunt in praesenti, donum Dei est, juxta illud<sup>2</sup>: « Datum est vobis non solum ut in eum credatis, sed etiam pro illo patiamini. »

16. *Et apposui cor meum*, etc. Ostensum est quomodo vanitas securitatis oritur ex sublimatione malorum, et etiam ex depressione bonorum; hic tertio ostenditur quod modo oritur ex indistinctione horum et illorum: quia enim mali non possunt distinguiri a bonis, ideo sunt securi; et quoniam haec securitas ortum habet ex hujusmodi indistinctione, et ipsa etiam est principium voluptatis, ideo habet pars ista duas partes:

<sup>1</sup> *Prov.*, XII, 21. — <sup>2</sup> *Philip.*, I, 20. — <sup>3</sup> *Rom.*, I, 20. — <sup>4</sup> *Supra*, III, 10. — <sup>5</sup> *Ibid.*, II, 11. — <sup>6</sup> *Ecclesi.*, XLIII, 34. —

primo ostenditur quomodo ex indistinctione oritur securitas; secundo, quomodo ex securitate voluptas, ibi: *Nemo est, qui*, etc. Primum ergo hoc ordine describitur: primo ergo notatur discernendi cassa sollicitudo; secundo vero, discretionis incertitudo; tertio, incertitudinis ratio; quarto notatur ex hoc vanae securitatis origo. Insinuatur igitur primo discernendi cassa sollicitudo, quae fuit diligens; unde ait: *Et apposui cor meum*, id est, intellectum applicui, *ut scirem sapientiam*, quantum ad invisibilia; *et intelligerem distinctionem eorum*, quae versantur in terra, quantum ad visibilia, quia<sup>3</sup>: « Invisibilia Dei per ea, quae facta sunt, a creatura mundi intellecta conspiciuntur. » Et ista sollicitudo cassa est, quia quantumcumque homo laboret, non potest invenire: ideo subdit: *Est homo, qui in diebus et noctibus somnum non capit oculis*, imo laborat continuae ad inquirendum<sup>4</sup>: « Vidi afflictionem, quam dedit Deus filiis hominum, ut distendantur in ea; » et subdit<sup>5</sup>: « Cuncta fecit bona, et mundum tradidit disputationi eorum; » et licet tantum laboret, nihil proficit: ideo subdit (v. 17): *Et intellexi quod operum Dei nullam possit homo invenire rationem eorum*, scilicet operum, quae fiunt sub sole.<sup>6</sup> « Ne laboretis, non enim comprehendetis. » *Et quanto plus laboraverit ad querendum, tanto minus inveniet*. Unde<sup>7</sup>: « Accedet homo ad cor altum, et exaltabitur Deus, » id est, elongabitur. Augustinus<sup>8</sup>: « Altus est Deus: elevas te, et fugit a te: humilias te, et venit ad te. » *Etiam si dixerit sapiens se nosse, non poterit reprehire*; id est, si se credit scire, minus intelligit, quia dicitur<sup>9</sup>: « Dicentes se esse sapientes, stulti facti sunt. » *Et*<sup>10</sup>: « Dixi: Sapiens efficiar; et ipsa longius recessit a me. » Et repetit sollicitudinem, addens quod fuit curiosa: adhibere enim sollicitudinem, ubi non est utilitas, est curiositas.

<sup>7</sup> *Ps.* LXIII, 8. — <sup>8</sup> *Aug.*, Enarr. in *Ps.* L. — <sup>9</sup> *Rom.*, I, 22. — <sup>10</sup> *Supra*, VII, 24. — (a) *Edit.* *Ven.* *add.* in.

## CAPUT IX.

*1. Omnia haec tractavi in corde meo, ut intelligerem curiose.* Hoc ab ipsomet reprehenditur alibi<sup>1</sup> : « In supervacuis rebus noli scrutari multum, et in pluribus operibus ejus ne fueris curiosus : » et sic patet distinguendi sollicitudo, quæ fuit diligens, et cassa, et ideo curiosa. *Sunt justi, atque sapientes*, etc. Tangitur hic secundum, scilicet discretionis incertitudo. Homo enim de se ipso nescit, utrum sit homo bonus, vel malus, etiam ipse bonus. Propterea dicit : *Sunt justi, atque sapientes*, et ita boni; *Et opera eorum in manu Dei*, id est, in potestate cognoscendi, acceptandi, et retribuendi : in ejus manu sunt merita, et præmia. Sunt merita bonarum cogitationum<sup>2</sup> : « *Sicut divisiones aquarum, ita cor regum in manu Domini.* » Sunt bonarum affectionum<sup>3</sup> : « *In manu ejus sunt omnes fines terræ.* » Sunt etiam bonarum locutionum<sup>4</sup> : « *In manu ejus sumus nos, et sermones nostri.* » Sunt etiam operationum, sicut in proposito. Sunt etiam præmia in manu ejus<sup>5</sup> : « *Justorum animæ in manu Dei sunt : et cum sint in manu Dei, deberent nosci : Et tamen nescit homo, utrum amore, an odio dignus sit.* » Et ita nescit discernere<sup>6</sup> : « *Nil mihi conscius sum, sed non in hoc justificatus sum.* » *Sed omnia in futurum servantur.* Nota hic tertium, scilicet incertitudinis rationem, quæ provenit ex hoc, quod in præsenti non sit remuneratio secundum merita; sed reservantur in futurum, et propterea dicit ita : *Nescit homo. Sed omnia in futurum servantur incerta*, ut scilicet certificantur<sup>7</sup> : « *Nolite ante tempus judicare, quoadusque veniat Dominus, qui illuminabit abscondita tenebrarum, et manifestabit consilia cordium :* » quod quidem modo non facit, sed reservat, secundum il-

lud *Job*<sup>8</sup> : « *Signasti quasi in sacculo dilecta mea. Eo quod universa, id est, bona et mala, æque eveniant justo, et impio*, quos sub sex differentiis describit : *Justo, et impio*, quoad fidei credulitatem, quæ scilicet justificat impium; *bono, et malo*, quantum ad dilectionis puritatem, quia sancta dilectio bonum<sup>9</sup> : « *Bona arbor non potest malos fructus facere ;* » *Mundo et immundo*, quoad conversationis honestatem, illa enim atten-ditur circa exteriora; *Immolanti hostias et victimas, et sacrificia contemnenti*, quoad cultus religiositatem<sup>10</sup> : « *Hæc est religio Phase : Omnis alienigena,* » etc. *Sicut bonus, sic et peccator*, quantum ad mandatorum observationem, quorum observatio bonos, et transgressio facit peccatores<sup>11</sup> : « *Peccavimus, fecimus iniquitatem, et recessimus, ac declinavimus a mandatis tuis, ac iudiciis.* » *Ut penjurus, ita et ille qui verum dejerat*, quoad veritatis locutionem. *Dejerat*: hic *De* auget, non minuit. *Dejerat*, id est, vere jurat, secundum quam significationem accipitur in libris *Regum*<sup>12</sup> : « *Et addidit Jonathas dejerare David.* » *Omnibus istis eveniunt æqua, et quantum ad conditionem naturæ, juxta illud*<sup>13</sup> : « *Unus ergo introitus est omnibus ad vitam, et similis exitus;* » et quantum ad conditionem culpæ<sup>14</sup> : « *Omnes peccaverunt, et egent gratia (a) Dei;* » et quantum ad conditionem pœnæ<sup>15</sup> : « *Memento, quoniam omnes in corruptione sumus.* »

*3. Hoc pessimum inter omnia, quæ sub sole fiunt.* Tangitur hic quartum, scilicet vanæ securitatis origo, quoniam oritur magna securitas ex hac indistinctione, quæ multorum est occasio peccatorum. Ideo dicit : *Et hoc est pessimum inter omnia, quæ sub sole fiunt, quia eadem cunctis eveniunt.* Ideo pessimum, quia multorum occasio peccatorum : non enim videtur Deus curare de nobis. Unde oritur illa sententia *Job*<sup>16</sup> : « *Nu-*

<sup>1</sup> *Ecli.*, III, 24. — <sup>2</sup> *Ecli.*, XXI, 1. — <sup>3</sup> *Psal.* XCIV, 4. — <sup>4</sup> *Sap.*, VII, 16. — <sup>5</sup> *Sap.*, III, 1. — <sup>6</sup> *1 Cor.*, IV, 4. — <sup>7</sup> *Ibid.*, 5. — <sup>8</sup> *Job*, XIV, 17. — <sup>9</sup> *Matth.*, VII, 18. — <sup>10</sup> *Exod.*, XII, 43. — <sup>11</sup> *Dan.*, IX, 5. — <sup>12</sup> *I Reg.*,

XX, 17. — <sup>13</sup> *Sap.*, VII, 6. — <sup>14</sup> *Rom.*, III, 23. — <sup>15</sup> *Ecli.*, VIII, 6. — <sup>16</sup> *Job*, XXXII, 14.

(a) *Vulg.* gloria.

bes latibulum ejus, nec nostra considerat. » Et quod (a) ex hoc oriantur mala, ostendit : quia oritur securitas, per quam homo cadit in malitiam et contemptum; ideo dicit : *Unde et corda filiorum hominum*, id est, malorum et carnalium, *implentur malitia et contemptu*. In impleitione multitudo vitiorum designatur, ut malitia sit in concupiscibili, et contemptus in irascibili, quae sunt duæ radices peccatorum<sup>1</sup> : « Corrupta est terra coram Deo, repleta iniuitate. » Et hoc *in vita sua*, quamdiu habent locum merendi<sup>2</sup> : « Ut impleant peccata sua semper. » Et quia tales præcipitantur in poena, ideo subdit : *Et post hæc ad inferos deducentur*.<sup>3</sup> « Tu vero, Deus, deduces eos ad puteum interitus. » Et Job<sup>4</sup> : « Ducunt in bonis dies suos, et in puncto ad inferna descendunt. »

Incudit hic quæstio de hoc, quod dixit<sup>5</sup> : « Intellexi, quod operum Dei nullam possit homo invenire rationem. » Ergo si quod intelligimus, debemus rationi, et nullius possumus invenire rationem, ergo nihil intelligimus. Item rationalis nostra est ad intelligendam et videndam rationem : ergo si rationem non possumus invenire, frustra habemus potentiam naturalem. Respondeo dicendum, quod sermones accipiendi sunt secundum materiam; ipse autem non loquitur de operibus Dei generaliter, sed de divinis judiciis, quia sunt opera Dei, secundum illud<sup>6</sup> : « Magna opera Domini. » Hæc judicia, ut dicit Gregorius<sup>7</sup>, non sunt discutienda, sed formidoloso silentio veneranda; quia etsi habeant rationem, habent tamen latentem, et quam per nos non possumus indagare, quia supra nos est; et si intelligimus, hoc est per Spiritus sancti illustrationem, qui scrutatur profunda Dei, non per humanam intentionem. Aliorum operum, ut creaturarum, multæ rationes inveniuntur, et multæ scientiae habentur; sed de istis operibus non loquitur hic.

<sup>1</sup> Gen., vi, 11. — <sup>2</sup> 1 Thess., ii, 16. — <sup>3</sup> Psal. LIV, 24. — <sup>4</sup> Joh., xxi, 13. — <sup>5</sup> Supra, VIII, 17. — <sup>6</sup> Psal. CX, 2. — <sup>7</sup> Greg., Moral. lib. IX, c. VIII. — <sup>8</sup> Rom., VIII, 35-39. — <sup>9</sup> Auctor lib. de Spir. et anim., c. I,

Item dubitatnr de hoc, quod dicit : *Nescit homo, utrum amore, an odio dignus sit*; quod videtur falsum, quia<sup>8</sup> : « Quis nos separabit a charitate Christi? certus sum, quod neque instantia, neque futura, » etc. : ergo instantiam habet ibi. Dices, quod sciebat ratione revelationis. Objicitur, quod homo possit per se scire, quia dignitas divini amoris ponit in nobis gratiam gratum facientem. Sed Augustinus dicit<sup>9</sup>, quod quæ sunt essentialiter in anima, melius cognoscuntur, quam quæ secundum speciem : ergo si certi sumus de iis, quæ cognoscimus secundum speciem, ut si ponatur dulce super lignum, multo magis de gratia. Item Augustinus dicit quod qui habet fidem, certus est se habere fidem : ergo qui habet dilectionem, sive charitatem, certus est se habere gratiam : ergo qui habet gratiam, certus est : ergo certus est, utrum Deo placeat. Item de odio potest quis esse certus, ut ille qui peccavit et vult peccare, certus est quod est dignus odio. Contra<sup>10</sup> : « Nihil mihi conscient sum, sed non in hoc justificatus sum. » Item<sup>11</sup> : « Si venerit ad me, non videbo eum; et si abierit, non intelligam. » Et ibidem<sup>12</sup> : « Si simplex fuero, hoc ipsum ignorabit anima mea. » Item<sup>13</sup> : « De propitiatio peccato noli esse sine metu : » ergo non es certus. Ad hoc respondent quidam, quod illud intelligitur de (b) odio prædestinationis, et reprobationis, de quo nullus est certus : et sic non habet instantiam, quia prædestinatione non ponit in nobis aliquem effectum, per quem possit sciri. Aliter respondendum, quod hæc responsio non satisfacit litteræ : dicit enim littera : *Nescit, utrum amore dignus sit* : sed nullus dignus est, nec meretur prædestinari. Ideo intelligitur secundum præsentem instantiam : propter hoc respondent aliter, quod duplex est cognitio, scilicet necessaria, et infallibilis, et hanc habere non possumus, quia nemo certitudinaliter potest cognoscere,

inter Opera S. August., tom. VI, Append., Edit. Benedictin. — <sup>10</sup> 1 Cor., IV, 4. — <sup>11</sup> Job, IX, 11. — <sup>12</sup> Ibid., 21. — <sup>13</sup> Eccli., V, 5. — (a) Leg. quot. — (b) Suppl. amore et.

utrum habeat gratiam , nisi per revelationem , sicut Apostolus . Est alia probabilis , et per signa : et haec quidem haberi potest , et habetur , quia multi per signa probabilia cognoscunt se esse in gratia . Quando ergo ob- jicitur , quod essentialiter videt ; dico , quod habitus in anima non cognoscuntur nisi per hoc , quod anima videt se habilem ad aliquem actum : et quia actus fidei informis , et formatæ , et dilectionis gratuitæ , et naturalis , adeo sunt similes , ut vix , aut nunquam possit homo discernere ; ideo , etsi cognoscat habitum , nescit tamen , utrum gratuitus . Quod objicitur de odio , dico quod ipse loquitur de justis , quia ipsi nesciunt , utrum amore , an odio digni sint ; non de aperte malis : quidquid tamen sit de charitate et fide , utrum homo sciat se habere , vel non , tamen nescit utrum amore , an odio Dei dignus sit : quia credere possumus ; sed quomodo scimus , quod Deus odio habeat malos , et diligit bonos , cum tot et tanta bona faciat malis , sicut et bonis ? Unde Ecclesiastes non dixit , quod nesciant se esse justos , sed nesciunt se dilectos a Deo . Potest etiam dubitari de hoc , quod dicit .

3. *Hoc est pessimum sub sole , quod eadem cunctis eveniant*. Contra : Pejus est , quando malis eveniunt bona , et bonis mala , quam quando istis , et illis eveniunt , quia sicut dictum fuit supra <sup>1</sup> , illud indebitum , et indignum . Item supra dictum est : « Hoc vanissimum judico de hoc , quod mali sunt securi , et justis mala proveniunt : » sed quod per superabundantiam dicitur , uni soli convenit : ergo , etc. Respondeo dicendum , quod intensio , et remissio , in vanitate vel malitia , potest accipi proprie , et sic dicitur intensive , secundum quod margarita est albior equo : et sic intensive major est vanitas , cum mali exaltantur , et deprimuntur boni . Potest ulterius magis et minus accipi extensive , quia in pluribus vel plurium est talis occasio : et hoc modo indistinctio bonorum a malis est

<sup>1</sup> Cap. præc., v. 14 ; Et sunt impii . — <sup>2</sup> Psal. LXXXVIII , 49 . — <sup>3</sup> Gen., III , 19 . — <sup>4</sup> Job , VII , 6 . —

major vanitas , quia plurium malitiarum origo . Si enim bonis evenirent mala , et malis bona , possent discerni boni a malis : sed dum eveniunt eadem , discerni non possunt .

4. *Nemo est , qui semper vivat* , etc. Jam monstravit , quomodo ex indistinctione nascitur securitatis vanitas : Hic vero monstrat , quomodo ex securitate nascitur voluptas : et hoc quidem facit hoc ordine : primo ergo nascitur mortis certitudo per hoc quod nullus evadit ejus judicium : propterea dicit : *Nemo est , qui semper vivat* . Propterea David <sup>2</sup> : « Quis est homo qui vivet , et non videbit mortem ? » Et in hanc damnationem cecidit Adam cum sua posteritate , cum dictum est ei <sup>3</sup> : « Pulvis es , et in pulverem reverteris . » *Et qui hujus rei habeat fiduciam* , supple : Nemo est ; *hujus rei* , scilicet semper vivendi <sup>4</sup> : « Dies mei velocius transierunt , quam a texente tela succiditur , et consumpti sunt absque ulla spe , quia ventus est vita mea , et non revertetur . »

*Melior est canis vivus* , etc. Hic secundo ostenditur , quod per mortem est status deterioratio ; et hoc proponit sub metaphora : *Melior est canis vivus leone mortuo* . Licet leo excedat canem , tamen mors reddidit inferiorem ; quia canis aliquid potest , leo mortuus nihil potest : et ideo vivens potentior (*a*) est canis (*b*).<sup>5</sup> « Leo fortissimus bestiarum , ad nullius pavebit occursum . » Sic metaphorice (*c*) quantumcumque bono : et probat primo , quoad actum cognitionis (v. 5) : *Viventes enim sciunt se esse morituros* . Saltem de hoc certi sunt <sup>6</sup> : « Omnes morimur , et quasi aquæ , dilabimur in terram , quia non revertuntur . » *Vel morituros* , id est , necessitatibus mortis deditos <sup>7</sup> : « Corpus mortuum est propter peccatum . » *Mortui vero (d) nihil neverunt amplius* , quia cognitione supponit vitam : et ita præcellunt in actu cognitionis viventes mortuos ; non enim habent , nec

<sup>5</sup> Prov. , XXX , 30 . — <sup>6</sup> II Reg. , XIV , 14 . — <sup>7</sup> Rom. , VIII , 10 . — (*a*) Leg. potior . — (*b*) Edit. Ven. cane . — (*c*) Suppl. de . — (*d*) Cæt. edit. enim .

motum, nec sensum. Quoad actum recordationis, dicit : *Nec habent ultra mercedem, scilicet famæ in memoria aliorum; quia oblivioni tradita est memoria eorum*<sup>1</sup>: « Non erit memoria sapientis, sicut nec stulti in perpetuum, et futura tempora; » vel quia eorum memoria non habet actum recordationis<sup>2</sup>: « Qui descenderit (*a*) ad inferos, non ascendet, nec revertetur ultra ad domum suam, nec cognoscet eum amplius locus ejus. » Quoad actum affectionis, dicit (v. 6): *Amor quoque et odium, et invidiae simul perierunt*, quia non afficiuntur, ut prius in vita. Quoad actum exterioris operationis, dicit : *Nec habent partem in saeculo hoc*: et exponit quantum ad quid: *Et in opere quod sub sole geritur*, quia non possunt, juxta illud Joannis<sup>3</sup>: « Venit nox, quando nemo potest operari. »

7. *Vade ergo, et comedere in laetitia panem tuum*: per panem, omne quod pertinet ad cibum: *Et bibe cum gaudio vinum tuum*: per vinum, omne quod spectat ad potum. *Quia Deo placent opera tua*, quasi dicat: Non es certus, utrum displiceant: ideo præsumendum, quod placeant; et ideo secure comedere et bibe, secundum illud Isaiae<sup>4</sup>: « Ecce gaudium, et laetitia, comedere carnes, et bibere vinum: comedamus et bibamus, cras enim moriemur. » Unde, secundum vi- sum dicit (v. 8): *Omni tempore sint vestimenta tua candida*, ut homo decorus appareat in vestitu; *Et oleum de capite tuo non deficiat*, ut decorus appareat in aspectu. Hoc modo ornant se, qui placere volunt in conspectu hominum: exemplum de Judith, quæ cum vellet placere oculis Holophernis, ornavit se: sed ipsa faciebat pro bono, quia alias est reprehensibile. Nam<sup>5</sup>: « In vestitu ne glo- rietis unquam. » Deinde secundum tactum, dicit (v. 9): *Perfruere vita cum uxore quam diligis*. Hæc perfrutio describitur in *Proverbiis*<sup>6</sup>: « Veni, inebriemur uberibus, et

perfrnamur cupitis amplexibus, donec illu- cescat dies. » Et hoc non tantum semel, sed: *Cunctis diebus vitae instabilitatis tuae, qui dati sunt tibi sub sole*. Vere vita nostra est instabilis, secundum illud<sup>7</sup>: « Nunquam in eodem statu permanet; » et ad maiorem expressionem dicit: *Omni tempore vanitatis tuae*. Vita nostra tempus est vanitatis; unde<sup>8</sup>: « Homo vanitati similis factus est; dies ejus sicut umbra prætereunt. » *Hæc est enim pars*, etc. Tangitur hic quartum, scilicet com- mendationis confirmatio: et est confirmatio in hoc, quod homo nullam aliam expectat mercedem, nec alium habet fructum: ideo debet accipere quod potest, ideo dicit: *Hæc est enim pars in vita tua, et in labore quo laboras sub sole*, scilicet præstantialiter delectari<sup>9</sup>: « Ubique relinquamus signa lætitiae, quoniam hæc est pars nostra, et hæc est sors. » Quia nulla alia est expectanda, debet homo de hac accipere, quantum po- test. Ideo dicit (v. 10): *Quæcumque potest manus tua, instanter operare*, id est, dum tempus habemus, non expectemus futurum; et ideo subditur: *Quia nec opus in agendis; nec ratio, in deliberandis; nec scientia, in agnoscendis; nec sapientia, in diligendis, erit apud inferos, quo tu properas*. Non (*b*) ratio fuit hæc, quia<sup>10</sup>: « Terra illa tenebrarum, et operta mortis caligine, ubi nullus ordo, sed sempiternus horror inhabitat. » Illuc prope- rent peccatores, et omnes ante adventum Christi, quantum ad limbum. « In profun- dissimum infernum, ait Job<sup>11</sup>, descendenter omnia mea: » illuc properant peccatores, et dies appropinquant, et<sup>12</sup>: « Juxta est dies perditionis. »

Potest autem istud exponi spiritualiter, ut primo hortetur ad jucunditatem contem- plationis; secundo vero ad instantiam actionis. Viris autem contemplantibus necessaria est meditatio sacræ Scripturæ, puritas con- scientiæ, amplexus devotionis internæ.

<sup>1</sup> Supra, II, 16. — <sup>2</sup> Job, VII, 9. — <sup>3</sup> Joan., IX, 4. — <sup>4</sup> Isa., XXII, 13. — <sup>5</sup> Eccli., XI, 4. — <sup>6</sup> Prov., VII, 18. — <sup>7</sup> Job, XIV, 2. — <sup>8</sup> Psal. CXLIII, 4. — <sup>9</sup> Sap., II, 9.

— <sup>10</sup> Job, X, 22. — <sup>11</sup> Job., XVII, 16. — <sup>12</sup> Deut., XXXII, 35.

(a) *Cœl. edit.* descendet. — (b) *Al. An.*

Quantum ad meditationem sacrae Scripturæ, dicit : *Comede panem, et bibe vinum* : panem, quantum ad difficultia ; et vinum, quantum ad facilia. « Venite, ait Sapientia<sup>1</sup>, et comedite panem meum, et bibite vinum. » Quantum ad puritatem conscientiæ, dicit : *Omni tempore vestimenta tua sint candida*, id est, conscientia munda.<sup>2</sup> « Non inquinaverunt vestimenta sua, ambulabunt mecum in albis. » Quo contra dicitur<sup>3</sup> : « Vestimentum mixtum sanguine erit in combustionem, et cibus ignis. » Et quia ad munditiam conscientiæ sequitur interna lætitia, ideo dicit : *Et oleum de capite tuo non deficit*. Unde in Psalmo<sup>4</sup> : « Ut exhilaret faciem in oleo. » Et<sup>5</sup> : « Tu autem, cum jejunas, unge caput tuum. » Quantum ad amplexus delectationis internæ, dicit : *Perfruere vita cum uxore, quam diligis*. Hæc uxor est religio, in qua vacandum est contemplationi<sup>6</sup> : « Lætare cum muliere adolescentiæ tuæ. » Hæc uxor dilecta figurata est per Rachel, pro qua servivit Jacob septem annis. Deinde quantum ad activos, dicit : *Quodcumque potest manus tua, instanter operare*. Instanter operari, est operari celeriter, contra negligentiam<sup>7</sup> : « In omnibus operibus tuis esto velox, et omnis infirmitas non occurret tibi. » Ferventer<sup>8</sup> : « Qui mollis est, et dissolutus in opere suo, frater est sua opera dissipantis. » Continue, ut non tepescat<sup>9</sup> : « Si non in timore Domini te tenueris instanter, cito subvertetur domus tua. » Perseveranter,<sup>10</sup> : « Qui certat in agone, non coronabitur, nisi qui legitime certaverit, » id est, perseveranter; et subjungitur ratio, quare oportet instanter bene operari in præsenti : quia breve est tempus meriti; unde : *Apud inferos non est opus, ad se exercendum ad pietatem*.<sup>11</sup> « Me oportet operari, donec dies est. » Et ideo ait Apostolus<sup>12</sup> : « Operemur bonum, dum tempus habemus, ad omnes, maxime autem ad

domesticos fidei. » *Non est ratio*, ad inquirendum et discernendum quid bonum, quid malum<sup>13</sup> : « Palpabunt quasi in tenebris, et non in lumine; et errare eos faciet, quasi ebrios. » Et<sup>14</sup> : « Dominus immisit in medio ejus spiritum vertiginis. » *Non est sapientia et scientia* : *scientia*, scilicet ad contemplandum Deum in operibus suis; nec *sapientia*, ad contemplandum in se. Unde Isaías<sup>15</sup> : « Divitiae salutis sapientia et scientia; timor Domini ipse est thesaurus. » *Potest quæri de hoc, quod dicit : Mortui nihil neverunt amplius*. Videtur esse falsum, quia anima separata a corpore est liberior: sed substantia quanto liberior a corpore, tanto magis idonea cognitioni: ergo mortui sunt magis apti ad cognoscendum: aut igitur anima perit, aut cognoscit. Item de hoc est dubitatio, quod *non habent ultra mercedem*: hoc est hæreticum manifeste, quia hoc tollit divinam justitiam. Item de hoc, quod dicit, quod *amor et odium simul perierunt*. Contra: Mala voluntas semper manet: mala voluntas est per amorem et odium: ergo, etc. Item de illa exhortatione: *Vade, et comedere panem tuum, et bibe vinum*. Si velimus ad hoc respondere, quod illud dicitur in persona Epicuri, tunc patet responsio; sed si volumus sustinere in persona sua, dicendum, quod cum dicit, quod mortui non neverunt, intelligitur quantum ad ea, quæ sunt in hoc mundo, quia hæc mundana non neverunt, nec sunt in memoria mundanorum, nec habent affectionem ad mundanam; et hoc patet per litteram, quia dicit: *Nec habent partem in hoc sæculo*. Quod objicitur de illa exhortatione, dico, quod illa exhortatio non est absolute dicta, sed conclusio ex prædicta conclusione illata. Unde dicit: *Vade ergo*, hoc est dicere: Si homo non potest distinguere, utrum in præsenti Deo placeat, et in futuro debeat præmiari; si hoc, inquam, scire non po-

<sup>1</sup> Prov., ix, 5. — <sup>2</sup> Apoc., iii, 4. — <sup>3</sup> Isa., ix, 5. —

<sup>4</sup> Psal. ciii, 15. — <sup>5</sup> Matth., vi, 17. — <sup>6</sup> Prov., v, 18. — <sup>7</sup> Eccli., xxxi, 27. — <sup>8</sup> Prov., xviii, 9. — <sup>9</sup> Eccli.,

xxvii, 4. — <sup>10</sup> II Tim., ii, 5. — <sup>11</sup> Joan., ix, 4. —

<sup>12</sup> Gal., vi, 10. — <sup>13</sup> Job, xii, 23. — <sup>14</sup> Isa., xix, 14. — <sup>15</sup> Isa., xxxiii, 6.

test, nec potest semper vivere, ergo secure potest gaudere. Sed istud non tenet, nisi hoc supposito, quod Dominus non remuneret aliter in futuro, quam in praesenti; quae est praedicta vanitas, quam destruit.

11. *Verti me ad aliud*, etc. Sicut supra dictum est, securitas est in malis: primo, quia videtur deficere retributio justitiae; secundo, quia videtur deficere regimen providentiae. Actum est de defectu, qui apparet esse circa regimen providentiae: non enim videntur haec regi ordinate, sed causaliter. Et habet haec pars duas partes, quia primo ostenditur defectus ordinis communiter; secundo, specialiter ibi (v. 13): *Hanc quoque vidi sapientiam*, etc., circa praelationis inordinationem. Circa primum sic proceditur: primo ostendit inordinationem et casum, quod videtur esse quantum ad vitae conversationem; secundo, quod videtur esse quantum ad mortis terminationem, ibi (v. 12): *Nescit homo finem suum*. Quantum igitur ad vitae conversationem, ostendit inordinationem, quia res non aptantur ad ea, ad quae habent idoneitatem; propter quod dicit (v. 11): *Verti me ad aliud*, etc. Quia supra consideravit retributionem, hic vertit se ad considerandum ordinem: *Vidique sub sole*, etc.; et numerat quinque dona gratis data, quae suis actibus defraudantur: *Nec velocium esse cursum*, cum tamen sint idonei ad currendum<sup>1</sup>: « Peribit fuga a veloce; » *nec fortium bellum*, cum tamen sint idonei ad pugnandum<sup>2</sup>: « Ceciderunt robusti, et perierunt arma bellica; » *nec sapientium panem*, cum tamen sint idonei ad cibaria distribuendum<sup>3</sup>: « Non sum medicus, et in domo mea non est panis; » *nec doctorum divitias*, cum sint idonei ad omnia dona possidendum<sup>4</sup>: « Inventus est in ea vir pauper; » *nec artificum gratiam*, cum tamen sint idonei ad grata opera faciendum<sup>5</sup>: « Confusi sunt omnes, qui operabantur bene (a) : » *Sed*

*tempus casumque in omnibus*, quasi omnia a casu veniant, et temporalia varientur<sup>6</sup>: « Omnia tempus habent, et suis spatiis transeunt. » Et distinguuntur praedicta dona, quia duo prima respiciunt corpus: agilitas, ad assequendum desideratum; fortitudo, ad resistendum malo illato: tria sequentia animalia, scilicet sapientia in corde, doctrina in ore, ars in opere.

12. *Nescit homo finem suum*. Tangitur hic secundum, scilicet defectus regiminis quoad mortis terminationem, quia nulli determinatum, nec quando, nec quomodo debeat mori; et videtur, quod mors talis, et talis, casu eveniat. Et propterea dicit: *Nescit homo finem suum*, id est, diem mortis<sup>7</sup>: « Vigilate ergo, quia nescitis qua hora Dominus vester venturus sit. » Et ponit exemplum, quomodo est inordinatio et incertitudo: *Sed sicut pisces capiuntur hamo*, scilicet ignoranter, et sicut aves comprehenduntur laqueo, scilicet per fraudem<sup>8</sup>: « Sicut perdix inducitur in caveam, et sicut caprea in laqueum, sic cor superborum; » *sic capiuntur homines in tempore malo*.<sup>9</sup> « Cum dixerint: Pax et securitas, repentinus superveniet interitus. » *Cum eis supervenerit extemplo*, id est, repente<sup>10</sup>: « Subito dum non speratur, veniet contritio ejus, et conteritur velut (b) lagena siguli. » Spiritualiter hic insinuatur honorum superna electio, et postmodum malorum occulta damnatio. Ut igitur totam honorum operationem Deo attribuat, dicit primo *non esse velocium cursum*, quia non est a se, quod currat, sed a Deo<sup>11</sup>: « Non est volentis, neque currentis, sed miserentis Dei; » *nec fortium bellum*, quia<sup>12</sup> « non salvatur rex per multam virtutem; » *nec sapientium panem a se*, sed a Deo<sup>13</sup>: « Pater meus dat vobis panem de celo verum; » *nec doctorum divitias*, sapientiae scilicet, scientiae, a se, sed a Deo<sup>14</sup>: « In omnibus divites facti estis in illo; » *nec artificum* v. 3. — <sup>10</sup> *Isa.*, xxx, 13, 14. — <sup>11</sup> *Rom.*, ix, 16. — <sup>12</sup> *Psal.* xxxii, 16. — <sup>13</sup> *Joan.*, vi, 32. — <sup>14</sup> *I Cor.*, i, 5. (a) *Vulg.* Et timebunt, et confundentur. — (b) *Vulg.* comminuetur, sicut conteritur.

*gratiam*, a se, sed a Deo<sup>1</sup>: « Misericordiam et veritatem diligit Deus, gratiam et gloriam dabit Dominus. » Quantum autem ad malorum damnationem occultam, dicit: *Nescit homo finem suum*<sup>2</sup>: « Via impiorum tenebrosa. » *Sicut pisces hamo*, id est, voluptuosi, qui capiuntur hamo voluptatis<sup>3</sup>: « Totum in hamo suo sublevavit. » *Et sicut aves laqueo*, id est, ambitiosi laqueo honoris<sup>4</sup>: « Non neophytum, ne in superbiam elatus, in iudicium incidat, et in laqueum diaboli. » *Sic capiuntur homines*, id est, avari, *in tempore malo*<sup>5</sup>: « Dives cum dormierit, nihil secum auferet. » Potest dubitari de hoc quod dicit: *Vidi in tempore et casum in omnibus*; ergo secundum hoc videtur, quod omnia casu eveniant. Sed contra videtur, quod non omnia casu, quia quae eveniunt secundum propositum, non eveniunt casu: sed multa flunt ex proposito: ergo non omnia casu. Præterea videtur, quod in nullis sit casus, quia, ut dicit Plato, nihil est præter primam causam, cuius ortum legitima causa non præcesserit: ergo secundum hoc, nihil fit casu; sed omnia a causa determinata proveniunt. Item, in omni operatione Deus est agens principaliter: sed quidquid agit principaliter, agit (*a*) scienter, et ex proposito; et nihil tale fit casu: ergo nihil omnino casu fit. Respondeo dicendum, quod casus et fortuna sunt causæ per accidens: non quia aliæ causæ accidunt per se, sed quia, quando natura et intellectus aliquid faciunt ad quod directe ordinantur, propter concursum alterius causæ ibi est casus, ut patet de creditore invento in foro, et lapide cadente super caput. Dico ergo, quod si eventus rerum compararentur ad causam primam, quae Deus est, cum Deus omnia prævideat, nihil est casuale, secundum divinæ præscientiæ ordinatiōnem. Si autem loquimur per comparatiōnem ad causas creatas, aut circa causas im-

mutabiles, sicut circa motum superiorum corporum, aut circa mutabiles, sicut sunt causæ inferiores, quæ sunt sub sole; in dispositione causarum istarum mutabilium vix est, quin concurrat aliquis effectus non intentus, imo præter intentionem: et ideo invenitur easus in omnibus, non quod omnia casu eveniant, sed circa omnem mutabilem creaturam aliquid evenit casuale. Quod objicitur de divina præscientia, jam patet; non enim dicitur casus in comparatione ad divinam præscientiam. Quod objicitur de secundo, quod omnia habent causam, dicendum, quod verum est quod omnia habent causam legitimam, scilicet naturam, vel intellectum; sed tamen per hoc non excluditur, quin aliquid possint facere, vel faciant, præter ordinem, Deo excepto.

Quæritur de hoc, quod dicit: *Sicut pisces capiuntur hamo*; quæritur utrum comprehensio piscium fiat casu, vel non. Quod sic, videtur, quia quod iste pisces magis eveniat, quam aliis, hoc non est per naturam, nec per rationem: ergo per causam. Itē, quod unus homo capiat, alter non, hoc non est per rationem naturæ, vel artis: ergo a casu. Sed contra: Si quis intendens invenire aurum, foderet, non esset casus: ergo cum qui pisces, intendat capere, non est ibi casus. Respondeo dicendum, quod est loqui de captione per comparationem ad capientes, et sic non est a casu: est etiam loqui per comparationem ad pisces, qui vadunt ad hānum; et quia vadunt propter cibum, et aliud evenit quantum ad illos, est ibi casus.

43. *Hanc quoque vidi sub sole sapientiam*, etc. Determinavit supra defectum regiminis providentiae in generali; hic intendit ostendere in speciali, scilicet circa prælationem, quiasapientes contemnuntur, et stulti promoventur. Sunt ergo in hac parte tres partes: in prima ostendit sapientis depressionem; in secunda subjungit depressi commendationem, ibi (v. 16): *Et dicebam ego meliorem*; in tertia vero subinfert stulti promotionem<sup>6</sup>:

(a) *Cat. edit.* quidquid Deus agit, agit principaliter, et.

Causæ  
per acci-  
dens.

Causæ  
quomo-  
do delur.

<sup>1</sup> *Psal.* LXXXIII, 12. — <sup>2</sup> *Prov.*, IV, 19. — <sup>3</sup> *Habac.*, 1, 15. — <sup>4</sup> *1 Tim.*, 11, 6. — <sup>5</sup> *Job*, XXVII, 19. — <sup>6</sup> *Infra*, x, 4.

*Si spiritus potestatem habentis*, etc. Sapientis igitur depressio hoc ordine describitur : primo praemittitur sapientiae laus; secundo exprimitur casus, in quo est potentiae defectus; tertio notatur sapientiae succursus; quarto vero sapientis contemptus. Praemittitur ergo sapientiae laus, cum dicit : *Hanc vidi sub sole sapientiam*, id est, in rebus mundanis per effectum cognovi. *Et probari maximam*, id est, approbavi, et laudavi tanquam magnam valde : magna enim sapientia est in vincendo inimicum inferiorem; major in vincendo aequipotentem; maxima in vincendo fortissimum : unde dicitur de summo sapiente<sup>1</sup> : « Prudentia ejus percussit superbū. »

**14. Civitas parva**, etc. Notatur hic secundo potentiae defectus, et hoc ad resistendum insurgenti; ideo dicit : *Civitas parva, et pauci in ea viri*, et debet suppleri hoc verbum, *erat*, vel construi cum verbo sequente : *Perfecta est obsidio* : et quia parva, et paucos habens viros, ideo debilis est ad se defendendum : unde dicebat Josaphat<sup>2</sup> : « In nobis non est tanta fortitudo, ut possimus resistere multitudini huic magnæ; » quia scilicet erant pauci. Maxime tunc non possunt, quando est fortis oppugnator, propter quod dicit : *Venit contra eam rex magnus*, scilicet per potentiam; *et vallavit eam per multam mālitiam extruxitque munitiones per gyrum* ad pugnam; *et perfecta est obsidio*, per resistendi impotentiam. Exemplum hujus habetur de Bethulia, quæ fuit ab Holopherne obsessa. Hoc etiam prædictit Dominus Jerusalem<sup>3</sup> : « Circumdabunt te inimici tui vallo, et coangustabunt te undique. »

**15. Inventusque est in ea**, etc. Notatur tertium, sapientiae succursus, ubi erat potentiae defectus; propterea dicit : *Inventusque est in ea vir pauper*, et ita impotens, *et sapiens*, *et liberavit urbem per sapientiam suam*. Exemplum hujus habetur de Judith, quando li-

beravit Bethuliam ab Holopherne sapientia sua, cum esset infirma; et in libro *Regum*, ubi dicitur, quod sapiens in Abela liberavit urbem ab impetu Joab. Quo contra dicitur per Prophetam<sup>4</sup> : « Et quoniam non habuerunt sapientiam, perierunt propter suam insipientiam; » dicitur de fortibus.

*Et nullus deinceps*. Tangitur hic quartum, scilicet sapientis liberantis contemptus, cuius signum est oblivio; ideo dicit : *Nullus deinceps recordatus est hominis illius pauperis*. Ecce contemptus et ingratitudo; quo contra dicitur<sup>5</sup> : « Gratiam fidejussoris tui ne obliviscaris : dedit enim pro te animam suam. » Spiritualiter sunt quatuor consideranda : quæ civitas, quis rex magnus, quis pauper sapiens, quo modo nullus ejus recordatur. Civitas est Ecclesia<sup>6</sup> : « Gloriosa dicta sunt de te, civitas Dei. » Hæc civitas parva per humilitatem, quia in iis solis Dominus habitat<sup>7</sup> : « Ad quem respiciam, nisi ad pauperculum, et contritum spiritu, et trementem sermones meos? » *Pauci in ea viri*, comparatione (a) :<sup>8</sup> malorum « Multi sunt vocati, pauci vero electi. » *Rex magnus*. Est diabolus, de quo dicitur<sup>9</sup> : « Ipse est rex super omnes filios superbiae. » Est etiam magnus, secundum quod dicitur ibidem<sup>10</sup> : « Non est potestas super terram, quæ possit ei comparari. » Hic rex contra civitatem venit per suggestiones; vallat offerendo multiplicitate delectationes; *extruxit munitiones*, procurando peccatorum occasiones; et perfecte obsidet, cum implicat in mandatorum transgressiones<sup>11</sup> : « Circumdabunt te inimici tui vallo, et coangustabunt te, et ad terram prosternent, et non relinquunt lapidem supra lapidem. » *Vir pauper et sapiens*, qui est Christus, quia (b) est vir a virtutis robore<sup>12</sup> : « Femina circumdabit virum. » Ipse et pauper<sup>13</sup> : « Cum esset dives in omnibus, propter vos egenus factus est. » Sapiens, imo ipsa sapientia<sup>14</sup> : « Christum dicimus Dei vir-

<sup>1</sup> Job, xxvi, 12. — <sup>2</sup> II Paral., xx, 12. — <sup>3</sup> Luc., xix, 43. — <sup>4</sup> Baruc., iii, 28. — <sup>5</sup> Eccli., xxix, 20. — <sup>6</sup> Psal. LXXXVI, 3. — <sup>7</sup> Isa., LXVI, 2. — <sup>8</sup> Matth., xx, 16. — <sup>9</sup> Job, xli, 23. — <sup>10</sup> Ibid., 24. — <sup>11</sup> Luc., xix,

43. — <sup>12</sup> Jerem., XXXI, 22. — <sup>13</sup> II Cor., VIII, 9. — <sup>14</sup> I Cor., I, 24.

(a) *Cat. edit. operatione*. — (b) *Item qui*.

tutem et sapientiam. » Iste est a quærentibus inventus<sup>1</sup> : « Omnis enim qui petit, accipit, et qui quærerit, invenit. » Ipse liberabit populum<sup>2</sup> : « Clamabunt ad Dominum a facie tribulantis, et mittet eis salvatorem et propugnatorem, qui liberet eos. » *Liberavit* per suam sapientiam, cum posset per suam potentiam<sup>3</sup> : « Prudentia ejus percussit superbum. » *Et nullus ejus deinceps recordatus est*, quia paupertas contemnitur<sup>4</sup> : « Fratres hominis pauperis oderunt eum; insuper et amici procul recesserunt ab eo. » Nullus recordatus est compatiendo, secundum quod dicitur<sup>5</sup> : « Recordare paupertatis, et transgressionis meæ, absinthii et fellis. » Sed e contra<sup>6</sup> : « Nihil patiebantur super contritione Joseph. » Gratias agendo<sup>7</sup> : « Et non est inventus qui daret gloriam Deo, nisi hic alienigena. » In opere imitando<sup>8</sup> : « Eris deserta, quia oblita es Dei salutaris tui, et fortis adjutoris tui non es recordata. » In ore confitendo<sup>9</sup> : « Succedentibus prosperis, pincerna est oblitus interpretis sui. »

16. *Etdicebam ego*, etc. Ostensa est sapientis despicio et oblio; ostenditur hic secundo despiciendi commendatio. Commendat autem sapientiam triplici præminentia: primo, præmittendo eam fortitudini potentiæ; secundo, munimini armaturæ; tertio, altitudini mundanæ gloriæ. Præmittit ergo primo sapientiam fortitudini suo judicio; propterea dicit: *Et dicebam ego meliorem esse sapientiam fortitudine.*<sup>10</sup> « Melior est sapientia, quam vires; et vir prudens melior, quam fortis: » et quia est melior, ideo non debet despici; et tamen nihilominus est despacta: propterea dicit: *Quomodo ergo sapientia pauperis contempta est?* quasi: Non debet esse contempta, sed propter paupertatem vilipenditur; unde dicitur de paupere<sup>11</sup>: « Locutus est sensate, et non est datus ei locus; dives locutus est, et omnes tacuerunt, et verba illius usque ad nubes perducuntur.

<sup>1</sup> *Matth.*, VII, 7. — <sup>2</sup> *Isa.*, XIX, 20. — <sup>3</sup> *Joh.*, XXVI, 12. — <sup>4</sup> *Prov.*, XIX, 7. — <sup>5</sup> *Thren.*, III, 19. — <sup>6</sup> *Amos*, VI, 6. — <sup>7</sup> *Luc.*, XVII, 18. — <sup>8</sup> *Isa.*, XVII, 10. — <sup>9</sup> *Gen.*, XL, 23. — <sup>10</sup> *Sap.*, VI, 1. — <sup>11</sup> *Eccli.*, XIII, 27. —

Et signum contemptus sapientiae subditur: *Et verba ejus non sunt audita.* Et tamen sunt multum audienda<sup>12</sup>: « Nunc ergo, filii, audite me: beati qui custodiunt verbum meum. » Et quod verba sapientis sint audienda, subjungit (v. 17): *Verba sapientium audiuntur in silentio*, id est, digna sunt audiri in silentio<sup>13</sup>: « Audi tacens, et pro reverentia accedit tibi bona gratia. » Unde et subditur<sup>14</sup>: « Et loqui in medio magnatorum ne præsumas. » *Plusquam clamor principis inter stultos*: et plus clamosa ejus oratio, quia quantumcumque homo clamet, stultus non attendit<sup>15</sup>: « Cum dormiente loquitur, qui narrat stulto sapientiam; et in fine narrationis dicit: Quis est hic? » Quod ergo sapientia sit contempta; hoc est propter audientium stultitiam; ideo<sup>16</sup>: « Nolite sanctum dare canibus. » Et ratio hujus redditur ab Apostolo<sup>17</sup>: « Animalis homo non percipit ea, quæ sunt spiritus Dei. »

18. *Melior est sapientia*, etc. Hic secundo præmittit sapientiam munimini armaturæ, dicens: *Melior est sapientia quam arma bellica*; quia bellica arma sunt in protectionem: similiter sapientia protegit<sup>18</sup>: « Consilium custodiet te, et prudentia servabit te, ut eruaris a via mala, et ab homine, qui perversa loquitur. » Et quod melius protegat, patet: qui amittit sapientiam per culpam, non potest defendere per armaturam, quin amittat multa bona; unde dicit: *Et qui in uno peccaverit*, recedendo a sapientia, secundum quod dictum est supra (VIII, 3): « Ne festines recedere a facie ejus, neque permaneas in opere malo. *Multa bona perdet*: peccando enim in uno, perdit sapientiam; et illam dimittendo, perdit multa bona<sup>19</sup>: « Venerunt mihi omnia bona pariter cum illa; » et ideo perdita, perduntur multa bona. Vel: *Qui peccaverit in uno*, contra charitatem, *perdet multa bona*, secundum illud<sup>20</sup>: « Qui in uno peccaverit, factus est

<sup>12</sup> *Prov.*, VIII, 32. — <sup>13</sup> *Eccli.*, XXXII, 9. — <sup>14</sup> *Ibid.*, 13. — <sup>15</sup> *Ibid.*, XXII, 9. — <sup>16</sup> *Matth.*, VII, 6. — <sup>17</sup> *I Cor.*, II, 14. — <sup>18</sup> *Prov.*, II, 11, 16. — <sup>19</sup> *Sap.*, VII, 11. — <sup>20</sup> *Jac.*, II, 10.

omnium reus. » Et illud manifestat per metaphoram, quia peccati cognitio comparatur muscae morienti, quia reddit (*a*), et facit abominationem affectui et conscientiae; ideo subditur :

## CAPUT X.

*1. Muscae morientes*, id est, cogitationes peccatorum sibi succedentes, *perdunt suavitatem unguenti*, id est, perdunt intentionem, et ita multa bona, quia<sup>1</sup>: « Uinetio docet vos de omnibus. » Vel : *Suavitatem unguenti*, id est, internam devotionem sapientiae<sup>2</sup>: « Unguento et variis odoribus delectatur. » *Pretiosior est sapientia*, etc. Hic tertio praemittitur sapientia altitudini mundanæ gloriae, vel etiam stultitiae, quam stulti appetunt; propterea dicit : *Pretiosior est sapientia, et gloria parva*, id est, cum parva gloria, *ad tempus*, id est temporaliter; melior, inquam, *stultitia* etiam cum magna gloria<sup>3</sup>: « Melior est puer pauper et sapiens, rege sene et stulto. » Vel potest esse sensus, ut sapientia melior sit stultitia, et etiam parva gloria *ad tempus*, id est, in debito tempore collata, melior est stultitia; et subditur ratio (v. 2) : *Cor sapientis in dextera ejus, et cor stulti in sinistra illius*. Per dextram bona, per sinistram mala<sup>4</sup>: « Statuet oves a dextris suis, hædos autem a sinistris. » Vult ergo dicere, quod sapientes cogitant bona, et stulti cogitant mala<sup>5</sup>: « Labia justi considerant placita, os impiorum perversa. » Dextra dat intelligere bona æterna; sinistra, temporalia: unde<sup>6</sup>: « Longitudo dierum in dextra ejus, in sinistra illius diuinitæ et gloria. » Vult ergo dicere, quod sapientes cogitant bona æterna, et cipiunt, et stulti temporalia<sup>7</sup>: « Læva ejus sub capite meo, et dextera illius amplexabitur me. » Ergo stultus vana, et nescit aliquo modo considerare discreta, nec in se, nec in aliis, quod majus inconveniens est; ideo dicit : *Sed et in via stultus ambulans*;

<sup>1</sup> *I Joan.*, II, 20. — <sup>2</sup> *Prov.*, XXVII, 9. — <sup>3</sup> *Supra*, IV, 13. — <sup>4</sup> *Matth.*, XXV, 33. — <sup>5</sup> *Prov.*, X, 32. — <sup>6</sup> *Ibid.*,

in via, scilicet illa, quæ videtur sibi bona<sup>8</sup>: « Via stulti recta in oculis ejus. » *Cum sit ipse insipiens*, id est, cum insipiente ambulat, quia in tenebris<sup>9</sup>: « Stultus in tenebris ambulat. » *Omnes stultos aestimat*; unde<sup>10</sup>: « Sapientior sibi videtur stultus septem viris loquentibus sententias. »

Incidit hic quæstio de hoc, quod dicit : *Qui in uno peccaverit*, etc. Si enim Deus semper punit citra condignum; ergo qui peccat in uno, non debet puniri nisi in uno: ergo non debet perdere multa, sed unum. Item ex hoc videtur, quod sit connexio in vitiis, sicut in virtutibus: quia, si vitium est privatio boni, ergo si uno peccato privantur multa bona, ergo uno peccato incurrit homo multa vitia: sed hoc non est, nisi per connexionem: ergo connexio est in vitiis. Item, quod sit connexio in vitiis quantum ad omnia, videtur; dicitur enim<sup>11</sup>: « Qui in uno peccaverit, factus est omnium reus: » ergo videtur, quod qui perpetraverit unum vitium, sit ita reus, ac si omnia perpetraret. Sed contra: Quia aliqua vitia sunt contraria, ergo si in vitiis esset connexio, tunc duo contraria essent in eodem. Item, vitia non sunt a Deo, sed acquisita ex opere nostro: sed certum est, quod non eodem actu acquiritur in nobis temperantia, et justitia, quando sunt consuetudinales: ergo similiter et in vitiis. Respondeo dicendum, quod est loqui de peccato, et ratione deformitatis, et ratione obligationis ad poenam: si ratione deformitatis, illa quidem respicit tria, scilicet privationem boni gratuitæ, privationem boni naturalis, sive habilitatis, et ulterius inclinationem ad actum inordinatum, quæ dicitur habilitatio quædam. Ratione primi boni, est connexio in vitiis, quia qui peccat in uno peccato, amittit gratiam, et omnes virtutes, quatenus sunt gratuitæ. Ratione vero privationis habilitatis, non est connexio, sed eorum distinctio, quia unumquodque

III, 16. — <sup>7</sup> *Cant.*, II, 6. — <sup>8</sup> *Prov.*, XII, 45. — <sup>9</sup> *Supra*, II, 14. — <sup>10</sup> *Prov.*, XXVI, 16. — <sup>11</sup> *Jac.*, II, 10.

(a) *Suppl.* pravum odorem.

vitium propriam privat habilitatem. Ratione tertii, scilicet inclinationis ad actum, non est omnimoda distinctio, nec omnimoda conexio; nec in quibusdam inclinat ad alterum, in quibusdam autem inclinat (*a*), sicut peccatum gulæ ad peccatum luxuriæ: similiter in spiritualibus, superbia ad invidiā. Est iterum loqui de peccatis quantum ad obligationem pœnæ; et sic obligant ad duplice pœnam, scilicet carentiæ visionis, et acerbitalis ignis: quantum ad primum, est connexio, quia qui in uno peccato peccat, amittit gloriam debitam omnibus virtutibus; quantum autem ad secundum, non est connexio, sed distinctio, quia unicuique respondet propria acerbitas. Istud ergo verbum Ecclesiastæ (*b*), et beati Jacobi, intelligitur quantum ad amissionem gratiæ et gloriæ. Quod igitur objicitur, quod punitur ultra condignum, dico quod falsum est, quia qui peccat in uno actu, peccat contra gratiam omnium virtutum, et ideo totum meretur amittere.

4. *Si spiritus potestatem habentis*, etc. Praemissa est supra sapientis despectio, et e contra ipsius justa commendatio; subjungitur hic tertio stultorum promulgatio: et quia prælatio stultorum est onerosa, ideo præmittitur patientiæ armatura, et subjungitur stultorum prælatio inordinata, ibi (v. 5): *Est malum quod vidi*, etc. Præmittitur ergo patientiæ armatura, propter quam habendam dicit: *Si spiritus potestatem habentis*, id est, furor prælati: spiritus enim furor dicitur<sup>1</sup>: « Quiescite ab homine, cuius spiritus in naribus ejus. » Et<sup>2</sup>: « Spiritus grandis et fortis, subvertens montes et conterens. » *Ascenderit super te*, ad opprimendum scilicet<sup>3</sup>: « Ecce quasi nubes ascendet, et quasi tempestas currus ejus; vœ nobis, quoniam vastati sumus. » *Locum tuum ne dimiseris*, id est, locum patientiæ

et constantiæ, in quo anima conquiescit, sedum illud<sup>4</sup>: « In patientia vestra possidebitis animas vestras. » Et<sup>5</sup>: « Servi, subditi estote in omni timore dominis vestris, non tantum modestis, sed et dyscolis: hæc est enim gratia, si propter conscientiam Dei sustinet quis, » etc. Et redditur ratio utilitatum: *Quia curatio faciet cessare peccata maxima*. Vocatur hic curatio flagellorum afflictio, in quibus homo curatur<sup>6</sup>: « Cura disciplinæ est dilectio, et dilectio est custoditio legum. » Causal is est utrobique prædicatio, quia scilicet per multa flagella pervenitur ad dilectionem, et per hanc custoditur lex: ergo cessare facit peccata.

Aliter exponitur: *Si spiritus potestatem habentis*, id est, spiritus ambitionis, id est, malitia ambitionis; *Ascenderit super te*, id est, si venerit tibi in mentem, ut velis esse prælatus: *Locum tuum ne dimiseris*, locum scilicet subjectionis et servitutis, de quo<sup>7</sup>: « Cum invitatus fueris ad nuptias, recumbe in novissimo loco. » Et<sup>8</sup>: « Confide autem in Deo, et mane in loco tuo. » Et ratio redditur: *Quia curatio faciet cessare peccata maxima*. Translatio Symmachi habet: *Quia pudicitia*; unde<sup>9</sup>: « Castigo corpus meum, et in servitutem redigo, ne forte, cum alis prædicaverim, ipse reprobus efficiar. » Aliter exponitur de diabolo: *Si spiritus potestatem habentis*, id est, diaboli<sup>10</sup>: « Non est super terram potestas, quæ comparetur ei: » *ascenderit super te*, et hoc tentando<sup>11</sup>: « Cum immundus spiritus exierit ab homine, ambulat per loca arida, quaerens requiem, et non invenit. » *Locum tuum ne dimiseris*: locum scilicet pœnitentiæ<sup>12</sup>: « Nolite locum dare diabolo: » *Quia curatio cessare faciet peccata maxima*. Littera Origenis habet: *Salvatio*, quæ quidem est per medicinam pœnitentiæ<sup>13</sup>: « Malitia horæ oblivionem faciet luxuriæ magnæ; » id est, brevis pœnitentia, magni peccati.

<sup>1</sup> Isa., II, 22. — <sup>2</sup> III Reg., XIX, 11. — <sup>3</sup> Jerem., IV,

13. — <sup>4</sup> Luc., XXI, 19. — <sup>5</sup> I Petr., II, 18, 19. —

<sup>6</sup> Sap., VI, 19. — <sup>7</sup> Luc., XIV, 8. — <sup>8</sup> Eccli., XI, 22. —

<sup>9</sup> I Cor., IX, 27. — <sup>10</sup> Job, XLI, 24. — <sup>11</sup> Matth., XII,

43. — <sup>12</sup> Ephes., IV, 27. — <sup>13</sup> Eccli., XI, 29.

(a) *Forsan legendum*: Nam in quibusdam inclinat ad alterum, in quibusdam autem non inclinat. — (b) *Cæl. edit.* Ecclesiastes.

5. *Est malum quod vidi*, etc. Tangitur hic secundum, scilicet stultorum promotio inordinata, tum propter defectum scientiae, tum propter defectum vitae : quia stulti et mali præficiuntur, sed sapientes et divites bonis moribus deprimuntur; propter quod dicit : *Est malum quod vidi sub sole*, id est, in praesenti statu hominum : *Quasi per errorem egrediens*, non per errorem secundum veritatem, sed apparenter per errorem, sed tamen secundum justam discussionem : *A facie principis*, illius scilicet, a quo est omnis potestas, qui justo judicio dat aliquando malos prælatos<sup>1</sup> : « Dabo tibi regem in furore meo, et auferam in indignatione mea. » Et exprimit, quod est illud malum, quantum ad defectum scientiae (v. 6) : *Positum stultum in dignitate sublimi : positum*, bene dicit, 'quia non est ibi nisi falsa positio<sup>2</sup> : « Posuisti eis; dejecisti eos, dum allevarentur. » Vel *positum*, tanquam lapidem inutilem; unde per Prophetam dicitur de stulto prælato<sup>3</sup> : « O pastor et idolum, derelinquens gregem, gladius super brachium ejus, et super oculum dextrum ejus : brachium ejus ariditate siccabitur, et oculus dexter ejus tenebrescens obscurabitur. » Et ideo<sup>4</sup> : « Sicut qui mittit lapidem in acervum Mercurii, ita qui tribuit insipienti honorem. » E contra : *Divites sedere deorsum. Divites*, scilicet bonis moribus, et scientia, et gratia, de quibus<sup>5</sup> : « In omnibus divites facti estis in illo, ut nihil vobis desit in ulla gratia. » Et<sup>6</sup> : « Divitiæ salutis, sapientia et scientia. » Quantum ad vitæ defectum, dicit (v. 7) : *Vidi servos in equis* : servos dicit peccatores, de quibus<sup>7</sup> : « Qui facit peccatum, servus est peccati. » *In equis*, in plurali dicit ad expressionem pompæ<sup>8</sup> : « Cum fuerit constitutus, non multiplicabit sibi equos. » Et contra : *Principes ambulantes quasi servos*, illos scilicet principes, qui sibi per bonam viam (*a*) principantur. Seneca : « Si bene te rexeris, princeps eris. »

: *Ose.*, XIII, 11. — <sup>2</sup> *Psal.* LXXII, 18. — <sup>3</sup> *Zach.*, XI, 17. — <sup>4</sup> *Prov.*, XXVI, 8. — <sup>5</sup> *I Cor.*, I, 5. — <sup>6</sup> *Isa.*,

Istos vidit quasi servos ; sed in futuro erunt e contrario<sup>9</sup> : « Omnis qui se humiliat, exaltabitur ; et qui se exaltat, humiliabitur. »

Quæritur hie utrum justum sit, quod mali præsint bonis. Quod sic, videtur, quia inquit Apostolus<sup>10</sup> : « Non est potestas nisi a Deo : » ergo mali principes non habent potestatem, nisi a Deo. Item<sup>11</sup> : « Non haberet, ait Christus Pilato, potestatem adversus me ullam, nisi desuper tibi datum fuisset. » Exponit Augustinus<sup>12</sup> *desuper*, id est, a Deo : » ergo si Pilatus malus erat, et male utebatur potestate, ergo, quod mali præsunt bonis, hoc est a Deo. Item<sup>13</sup> : « Subditi estote, non tantum bonis et modestis, sed etiam dyscolis ; » et reddit rationem : « Propter conscientiam : » ergo si justum est eis subditos esse, cum omne justum sit a Deo, hoc etiam ab ipso erit. Item<sup>14</sup> : « Qui facit regnare hypocritam propter peccata : » ergo. Contra<sup>15</sup> : « Ipsi regnaverunt, et non ex me, principes extiterunt, et ego non cognovi : » ergo videtur, quod prælatio malorum non sit a Deo. Item servitus est poena inflicta pro peccato : ergo nulli recte et juste infligitur, nisi peccatori : ergo ab oppositis, nec dominium justè datur, nisi justo : ergo si dominium datur peccatori, et servitus justo, est ibi defectus ordinis et justitiae : ergo non est a Deo. Præterea, si potestas malorum est justa, et a Deo ; quia a Deo nihil est, nisi justum, cum nullus debeat alicui auferre jus suum; ergo nullus debet laborare ad depositionem mali prælati : ergo quicumque laborat contra hoc, peccat.

Respondeo dicendum, quod malus vel injustus prælatus est sub triplici differentia. Quidam est injustus in se, tamen juste ingreditur, et juste exequitur; et talis justo præsesse potest, nec in hoc peccat, et justum est tali subjectos esse. Est et alijs, qui injuste ingreditur, et exequitur : et talis non

XXXIII, 6. — <sup>7</sup> *Joan.*, VIII, 34. — <sup>8</sup> *Deut.*, XVII, 16. —

<sup>9</sup> *Luc.*, XIV, 11. — <sup>10</sup> *Rom.*, XII, 1. — <sup>11</sup> *Joan.*, XIX, 11. — <sup>12</sup> Aug., *Quæst. ad Simp. lib. I, q. 1.* — <sup>13</sup> *I Petr.*, II, 18. — <sup>14</sup> *Job.*, XXXIV, 30. — <sup>15</sup> *Ose.*, VIII, 4.

(*a*) Leg. vitam.

potest juste præesse, nec tali debet homo subesse. Est et alius, qui injustus, sed tamen juste ingreditur; sed injuste exequitur, quia affligit bonos, et promovet malos: tali justum est subesse in iis, quæ spectant ad justitiam; sed in iis, quæ contra Deum sunt, non debet homo subesse; et quia privilegium meretur amittere, qui concessa sibi abutitur potestate, etsi juste ingressus fuerit, tamen justum est eum amoveri. Quod ergo objicitur ad primam partem, utrum malos præesse sit justum; dicendum, quod malos, qui bene regunt, præesse, non est malum Reipublicæ; sed qui male regunt, justum est præesse non sua justitia, sed divina; quia facit eum regnare, propter peccata populi; et sic patet responsio ad prima objecta, quod malorum hominum potestas a Deo est.

Quod objicitur in contrarium, primo dico, quod intelligit quantum ad eos qui intrant illegitime, et propria auctoritate, non divina. Quod objicitur de ordine, dico, quod pœna peccati manet, etiam sine peccato, ad exercitationem: sic etiam dico de servitute in bonis. Quod objicitur: « Si a Deo, ergo justum est illum habere talem potestatem; » dicendum, quod per comparationem ad merita sua non est justum, imo injustum; sed in comparatione ad merita malorum subditorum, est justum. Et quia ex diversis causis licitum est nobis velle contraria, ubi non patet divina voluntas, et nescimus quod horum de futuro magis placeat Deo; juste potest homo laborare, ut injustus prælatus amoveatur. Præterea talem potestatem habuit a Deo, sed executionem a se; potestatem habuit juste, sed exequitur injuste: et ideo quoniam a Deo habet potestatem, est obediendum; sed quia injuste exequitur, ut non habeat est laborandum; sic patet illud.

8. *Qui fodit foveam*, etc. Posuit supravaniatem securitatis; hic intendit dare remedium contra vanitatem illam; et quia securitas oriebatur ex defectu retributionis justæ,

et regiminis providentiae, qui apparebant esse; ideo sunt hic duæ partes: primo dat remedium contra defectum ordinis; secundo, contra defectum justitiæ retributionis, ibi (xi, 4): « Mitte panem tuum. » Inordinatio autem regiminis venit ex triplici causa: aut quia præficitur malus, aut quia stultus, aut quia inutilis et remissus. Primo ergo dat remedium contra prælatum malum; secundo, contra prælatum stultum, ibi (v. 12): *Verba oris sapientis*; tertio, contra prælatum carnalem et remissum, ibi (v. 16): *Vae, terra, tibi cuius rex puer est*. Quantum igitur ad primum, sic procedit: primo dicit bonum prælatum non esse amovendum; secundo, malum non esse sustinendum, sive promovendum; tertio dicit ipsum promotum esse corrigendum; quarto, quod non est ei occultere detrahendum. Primo ergo dicit bonum prælatum non esse amovendum, nec per fraudulentiam, nec per violentiam. Unde comminatur: *Qui fodit foveam*, scilicet parando laqueum bono prælato, *incidet in eam*.<sup>1</sup> « Lacum aperuit, et effodit eum, et incidit in foveam, quam fecit. » Non est etiam amovendus per potentiam; unde commiuatur facienti contrarium. *Et qui dissipat sepem*, id est, bonum prælatum, qui custodit subditos, sicut sepes<sup>2</sup>: « Ubi non est sepes, diripietur possessio: » *Mordebit eum coluber*, id est, diabolus, et dæmones, qui sunt colubri mordentes:<sup>3</sup> « Ecce ego mittam vobis serpentes pessimos, quibus non est incantatio, et mordebut vos. »

9. *Qui transfert lapides*. Hic secundo ostendit durum et inutilem prælatum non esse promovendum, et comminatur promoventi bus durum; unde dicit: *Qui transfert lapides*, id est, duros et malos ad majorem promovet dignitatem, *affligetur in eis*, id est per eos, vel propter eos<sup>4</sup>: « Sicut qui mittit lapidem in acervum Mercurii, ita qui tribuit insipienti honorem. » Et post<sup>5</sup>: « Qui volvit lapidem, ad eum revertetur: » Et<sup>6</sup>:

<sup>1</sup> *Psal.*, vii, 16. — <sup>2</sup> *Eccli.*, xxxvi, 27. — <sup>3</sup> *Jerem.*,

viii, 17. — <sup>4</sup> *Prov.*, xxvi, 8. — <sup>5</sup> *Ibid.*, 27. — <sup>6</sup> *Eccli.*, xxvii, 28.

Qui in altum mittit lapidem, cadet super caput ejus. » Non est promovendus vanus et inutilis; ideo dicit: *Qui scindit ligna*, etc. Alia translatio: *Qui dolat*, etc. Ille dolat qui supponere vult aedificationi. Prælatus inutilis ligno comparatur, quia sicut lignum infructuosum seissum igni traditur, sic et prælatus<sup>1</sup>: « Omnis arbor, quæ non facit fructum bonum, excidetur, et in ignem mittetur. » *Vulnerabitur ab eis*, quia scilicet conscientia vulneratur<sup>2</sup>: « Plaga dolosa dolosi dividet vulnera. » Et<sup>3</sup>: « *Vulnus, et litor, et plaga tumens non sunt ligata, neque fota oleo.* »

10. *Si retusum fuerit ferrum.* Hic subiungit tertio, eum prælatum, qui aliquo modo declinavit in malum, esse corrigendum, quia potest valere, quamvis oporteat multum laborare: ideo dicit: *Si retusum fuerit ferrum*, id est, acumen bonitatis et sapientiae fuerit immutatum per culpam in prælato: *Et hoc non ut prius, acutum supple;* *Sed hebetatum fuerit*, per culpam; *Multo labore, scilicet correctionis, exacuetur*, id est, reducetur ad pristinam rectitudinem<sup>4</sup>: « Ferrum ferro acuetur, et homo exaeuit amici faciem sui. » Et per hanc similitudinem corporalium infert in spiritualibus: *Et post industriam*, id est, laborem industriæ, *sequetur sapientia.* Sicut post acutionem ferri sequitur rectitudo, et subtilitas aciei ad incidendum<sup>5</sup>: « *Auris, quæ audit increpationes vita, in medio sapientum commorabitur.* » Et<sup>6</sup>: « *Si quæsieris eam quasi pecuniam, et sicut thesaurum effoderis illam, tunc intelliges timorem Domini, et scientiam invenies.* »

11. *Si mordeat*, etc. Hic quarto ostendit non esse tali prælato occulte detrahiendum; et ostendit magnitudinem culpæ detractionis, per similem in corporalibus; ideo dicit: *Si mordeat serpens in silentio*, quod est ipsius serpentis, quia occulte venenum infundit: *Nihil eo minus habet, qui occulte detrahit*, quia sicut

illud est fraudulenter, ita et hoc, quia hoc est maledicere surdo<sup>7</sup>: « *Nou maledices surdo, nec coram cæco pones offendiculum.* » Sieut est illud mortiferum, ita et hoc<sup>8</sup>: « *Si invicem mordetis, et comeditis, videte, ne ab invicem consumamini.* » Et<sup>9</sup>: « *Verba susurronis, quasi simplicia; et ipsa perverniunt usque ad interiora ventris.* » Sieut etiam liberabantur<sup>(a)</sup> aspicio in ipsum, secundum quod dicitur<sup>10</sup>: « *Qui conversus est, non per hoc, quod videbat, sanabatur, sed per te Dominum Salvatorem omnium;* » ita et nunc. Unde ipse dicebat<sup>11</sup>: « *Si sermonem meum servaverunt, et vestrum servabunt.* » Quæritur, utrum occulte dicere malum de aliquo sit detractio et peccatum, ubi constat verum dicenti. Quod non, videtur, quia sicut bonus est dignus laude, ita malus est dignus vituperio: ergo sicut justum est laudare bonum, ita justum est vituperare malum: ergo, sicut non peccat qui laudat bonum, ita nec qui dicit malum de malo. Item sicut congaudendum est bono, ita compatiendum est malo: ergo sicut potest aliquis recitare alicui bonum alterius<sup>(b)</sup> gaudente sine peccato, ita malis compatiendo: ergo qui dicit malum de isto occulte, si compatiatur, non peccat. Præterea Dominus dicit, quod quando peccat proximus, est corrigen-  
dus coram uno, vel coram duobus; quod si non audit, dicendum est Ecclesiæ: ergo saltem de incorrigibili videtur, quod homo possit malum dicere cuilibet. Contra<sup>12</sup>: « *Quod tibi non vis fieri, alii ne feceris:* » ergo quod non vis de te dici, non debes velle, quod aliquis diceret de te malum, te absente, quia nihil tibi proderit dicere de alio, si non debes: ergo. Item, qui dicit malum de alio, auferit ei bonum nomen: ergo, cum<sup>13</sup> « *nomen bonum sit melius, quam multi thesauri:* » ergo cum homo non possit auferre thesauros sine peccato, similiter, etc. Item dicitur<sup>14</sup>: « *Non maledices surdo:* » sed qui maledicit

<sup>1</sup> *Matth.*, viii, 19. — <sup>2</sup> *Ecli.*, xxvii, 28. — <sup>3</sup> *Isa.*, 1, 6. — <sup>4</sup> *Prov.*, xxvii, 17. — <sup>5</sup> *Prov.*, xv, 31 — <sup>6</sup> *Ibid.*, ii, 4. — <sup>7</sup> *Levit.*, xix, 14. — <sup>8</sup> *Gal.*, v, 15. — <sup>9</sup> *Prov.*, xxvi, 22. — <sup>10</sup> *Sap.*, xvi, 7. — <sup>11</sup> *Joan.*, xv, 20. —

<sup>12</sup> *Matth.*, vii, 12. — <sup>13</sup> *Prov.*, xxii, 1. — <sup>14</sup> *Levit.*, xix, 14.

(a) *Cœt. edit. liberantur.* — (b) *Cœt. edit. ulterius.*

retro, maledicit surdo: ergo facit contra illud praeceptum. Item peccatum factum in publico scandalizat: ergo qui peccatum aliquod, quod non est publicum, publicat, scandalizat: sed ille, qui obloquitur, facit peccatum innotescere quod latet: ergo scandalizat eum, cum quo loquitur.

Respondeo dicendum, quod qui dicit malum de alio, aut dicit de necessitate compulsus, aut inductus utilitate, aut exagitatus detrahendi libidine. Tunc compellitur necessitate, quando astringitur praecepto, vel humano, vel divino: humano, cum dicit ei qui potest præcipere, et præcipit ut dicat; divino, quando conscientia dictat homini, quod ipse tenetur accusare proximum, ut corrigatur, secundum illud præceptum Domini de correctione fraterna. Tunc inducitur utilitate, quando narrat malum ejus alicui, qui potest prodesse, et non obesse: sicut quando quis narrat homini, qui diligit, et qui compatitur, et habet voluntatem corrigendi ipsum: quando vero non consideratur necessitas, nec consideratur utilitas, etiamsi sit veritas, non excusatur detrahendi libidine, imo peccato detractionis peccat, etiamsi verum dicat. Rationes igitur quæ probant, quod peccatum sit dicere malum de alio in absentia, concedendæ sunt, nisi interveniat utilitas, vel necessitas: tunc enim patet, quod non valent. Quod objicitur in contrarium, quod justum est laudare, etc.; dicendum, quod quamvis digni sunt vituperio, non tamen homo debet vituperare; nec est simile de laude, quia fama bona excitat ad bonum, sed mala ad malum, et ideo non est publicandum malum. Præterea, non est meum judicare. Quod objicitur de compassione, dicendum quod vera compassio est, in qua vulneratur compatiens, non in qua damnificatur miser. Et quia iste in hac oblocutione damnificat peccatorem, id est (*a*) in fama, ideo non debet accusare. Quod objicitur de Domini mandato, dicendum quod

*Compas-*  
*sio vera*  
*quaæ.*

Dominus intelligit quod vocandi sunt, qui possunt et volunt prodesse: cum per Ecclesiæ non intelligat multitudinem, sed cum qui potest et debet corriger: et tali est dicendum.

42. *Verbaoris sapientis*, etc. Dedit supra remedium contra prælati malitiam; hic dat remedium contra prælati stultitiam, ostendens prælatum stultum non esse promovendum, sed magis præcipio dignum: primo, propter defectum locutionis discretæ; secundo, propter defectum considerationis providæ; tertio, propter defectum operationis fructuosæ. Propter defectum locutionis discretæ, stultus se ipsum præcipitat, sicut per antithesim sapiens exaltat, ideo dicit: *Verbaoris sapientis gratia*; quia in ipsis propter discretionem acquiritur gratia<sup>1</sup>: « Sapiens verbis se ipsum amabilem facit: » sed e contra: *Labia insipientis præcipitabunt eum*, id est, verba quæ procedunt de labiis insipientis<sup>2</sup>: « Os stulti contritio ejus, et labia illius ruina animæ ejus. » Et ratio præcipitationis est indiscretio, quia indiscrete inchoat; unde dicit (v. 13): *Initium verborum ejus stultitia*. Et ratio hujus est, quia non considerat; unde<sup>3</sup>: « Vidisti hominem velocem ad loquendum? stultitia magis speranda est, quam illius correptio. » Indiscretio consummat; unde dicit: *Et novissimum oris illius, error pessimus*, quia stultitia in fine perducit ad sententiam erroneam.<sup>4</sup> « Fatuitas stultorum, imprudentia; » quia, sicut, dictum est<sup>5</sup>, « Oculi sapientis in capite ejus, stultus in tenebris ambulat, » ulterius in stultitia perseverat, ideo subdit (v. 14): *Stultus verba multiplicat*. Ita multiplicando verba stulta pertinax efficitur in malitia, contra quod<sup>6</sup>: « Non declines cor meum in verba malitiæ: » et hoc inutile, et vanum; unde dicitur<sup>7</sup>: « Qui tantum verba sectatur, nihil habebit. » Et<sup>8</sup>: « Ubi verba sunt plurima, ibi frequenter egestas. »

*Ignorat homo*, etc. Hic secundo ostendit in

<sup>1</sup> *Ecclesiæ*, xx, 13. — <sup>2</sup> *Prov.*, xviii, 7. — <sup>3</sup> *Prov.*, xxix, 20. — <sup>4</sup> *Prov.*, xiv, 24. — <sup>5</sup> *Supra*, ii, 14. —

<sup>6</sup> *Psal.* cxl, 4. — <sup>7</sup> *Prov.*, xix, 7. — <sup>8</sup> *Ibid.*, xiv, 23.

(*a*) *Cœt. edit.* damnificat peccator est.

stulto defectum considerationis providæ , quia eum ignoret præterita, non potest prævidere futura; ideo dicitur : *Ignorat homo quid ante se fuerit*, tanquam stultus et inconsideratus<sup>1</sup> : « Consideravit se , et abiit, et statim oblitus est, qualis fuerit. » *Et quid post eum futurum est, quis ei poterit indicare?* quasi dicat : Nullus.<sup>2</sup> « Qui ignorat futura , nullo potest scire nuntio. » Et hoc quidem valde damnosum ; unde<sup>3</sup> : « Utinam saperent , et intelligerent ac novissima providerent. »

45. *Labor stultorum*, etc. Hic tertio ostendit in stulto defectum operationis fructuosæ , quia in labore suo multum affligitur , et parum proficit; ideo dicit : *Labor stultorum affliget eos* , quia non laborant in bonis<sup>4</sup> : « Ut inique agerent, laboraverunt. » Et<sup>5</sup> : « Lassati sumus in via iniuitatis et perditionis , et ambulavimus vias difficiles, viam autem Domini ignoravimus. » Et hujus rationem reddit : *Qui nesciunt in urbem pergere*, id est , nesciunt viam rectam ad eundum in urbem illam , de qua dicitur<sup>6</sup> : « Urbs fortitudinis nostræ Sion ; Salvator ponetur in ea murus, et antemurale. » In hanc urbem nesciunt stulti pergere; unde<sup>7</sup> : « Quid habet amplius a stulto sapiens ; et quid pauper, nisi ut perget illuc , ubi est vita ? »

*Spiritualiter hic per sapientem intelligimus Christum , per insipientem Antichristum. Verba oris sapientis gratia*, quia verba Christi gratiosa<sup>8</sup> : « Diffusa est gratia in labiis tuis : propterea benedixit te Deus in æternum. » Et<sup>9</sup> : « Stupebant omnes , qui eum audiebant, super prudentia et responsis ejus. » Et<sup>10</sup> : « Alii dicebant : Numquid sic homo locutus est? » E contra insipientis est Antichristus, de quo<sup>11</sup> : « Dixit insipientis in corde suo : Non est Deus. » *Labia ejus præcipitabunt eum*, quia propter suæ doctrinæ malitiam demergetur in profundum<sup>12</sup> :

« Arctabuntur gressus virtutis ejus, et præcipitabit eum consilium suum. » Verba enim ejus erunt verba blasphemiae et superbiae ; ideo stulta et erronea. Unde dicitur<sup>13</sup> : « Adversus Deum deorum loquetur magnifica , et dirigetur, donec compleatur iracundia. » Et<sup>14</sup> : « Revelatus fuerit homo peccati, filius perditionis , qui adversatur , et extollitur super omne , quod dicitur Deus. » Iste insipientis non tantum indiscretus erit in loquendo , sed etiam improvidens : quia non considerabit ruinam, quæ secutura est eum, secundum quod dicit Apostolus<sup>15</sup> : « Quem Dominus Jesus interficiet spiritu oris sui. » Istum insipientem stulti sequentur, et affligerentur, qui nesciunt in urbem pergere, per veram fidem et dilectionem<sup>16</sup> : « Mittet illis Deus operationem erroris, qui veritati non crediderunt, sed consenserunt iniquitati : eo quod charitatem veritatis non receperunt , ideo nescientes decipientur. » Unde<sup>17</sup> : « Nescierunt, neque intellexerunt , in tenebris ambulant. »

46. *Væ tibi, terra*, etc. Dedit remedium contra inordinationem , quæ provenit ex prælato malo et stulto ; hic tertio dat remedium contra inordinationem , quæ provenit ex prælato inutili et remisso ; ostendens tales pigrum et carnalem non esse præficiendum, nec etiam sustinendum. Et habet hæc pars duas : quia primo detestatur eum , ostendens ipsum prælatione indignum ; secundo dicit non esse ei occulte detrahendum, ibi (v. 20) : *In cogitatione tua*, etc. Ostendit ergo carnalem et pigrum esse prælatione indignum, primo propter deordinationem gulæ ; secundo propter infirmitatem, vel otiositatem pigritia; tertio propter ineplitudinem lætitiae ; quarto propter subversionem justitiae , ob amorem pecuniae. Propter deordinationem gulæ , prælatus carnalis et remissus est prælatione indignus, et væ eis, qui eum sibi præficiunt ;

<sup>1</sup> *Jac.*, 1, 24. — <sup>2</sup> *Supra*, VIII, 7. — <sup>3</sup> *Deut.*, XXXII, 29. — <sup>4</sup> *Jerem.*, IX, 5. — <sup>5</sup> *Sap.*, V, 7. — <sup>6</sup> *Isa.*, XXVI, 1. — <sup>7</sup> *Supra*, VI, 8. — <sup>8</sup> *Psal.* XLIV, 3. — <sup>9</sup> *Luc.*, II,

<sup>10</sup> *Joan.*, VII, 46. — <sup>11</sup> *Psal.* XIII, 1. — <sup>12</sup> *Job*, XVIII, 7. — <sup>13</sup> *Dan.*, XI, 36. — <sup>14</sup> *II Thess.*, II, 3. — <sup>15</sup> *Ibid.*, 8. — <sup>16</sup> *Ibid.*, 10. — <sup>17</sup> *Psal.* LXXXI, 5.

ideo dicit : *Vae tibi, terra, cuius rex puer est*, id est insecutor passionum : pueri enim passionum sunt insecutores<sup>1</sup> : « Puer centum annorum morietur : » Ideo vae, quia occasio damnationis aeternae, et signum indignationis divinæ<sup>2</sup> : « Dabo pueros principes eorum, et effeminati dominabuntur eis. » Et quia principes sequuntur ducem, ideo dicit : *Et cuius principes mane comedent*, cito quærentes delectabilia; et ideo semper sunt insipientes, quia dicitur<sup>3</sup> : « Luxuriosa res est vinum, et tumultuosa ebrietas ; quicumque iis delectatur, non erit sapiens. » Et quia opposita juxta se posita magis elucentur, commendat contrarium in ejus detestationem (v. 17) : *Beata terra, cuius rex est nobilis*, nobilitate scilicet morum; quia

Nobilitas sola est, animum quæ (a) moribus ornat.

De quo<sup>4</sup> : « Nobilis in portis vir ejus, quando sederit cum senatoribus terræ. » Et quia principes sequuntur ducem, ideo subdit : *Et cuius principes vescuntur tempore suo*, id est, hora debita post negotia expedita, et hoc : *Ad reficiendum, non ad luxuriam*. Interlinearis : « Tantum comedunt ut vivant; non vivunt ut comedant, sicut illi de quibus<sup>5</sup> : « Coinquinationis et maculæ deliciis affluentes, in conviviis luxuriantes. »

18. *In pigritiis humiliabitur*, etc. Hic secundo ostendit ipsum prælatum remissum indignum esse propter otiositatem pigritiæ, ad quam sequitur destructio domus : propter quod dicit : *In pigritiis humiliabitur contignatio*. Contignatio dicitur conjunctio lignorum ad cooperiendam domum. Ista humiliabitur in pigritiis, quia dum negligitur reparari, corruit : sicut etiam destruitur aedificium spirituale per pigritiam<sup>6</sup> : « Qui mollis et dissolutus est in opere suo, frater est opera sua dissipantis. » Et quia, ubi non est timor Domini pungens, regnat pigritia, ideo dicitur<sup>7</sup> : « Si non in

<sup>1</sup> Isa., LXV, 20. — <sup>2</sup> Isa., III, 4. — <sup>3</sup> Prov., XX, 1. — <sup>4</sup> Ibid., XXXI, 23. — <sup>5</sup> II Petr., II, 13. — <sup>6</sup> Prov., XVIII, 9. — <sup>7</sup> Eccli., XXVII, 4. — <sup>8</sup> Ibid., 15. — <sup>9</sup> Hebr., XII, 12. — <sup>10</sup> Luc., XII, 19. — <sup>11</sup> Jac., V, 5. —

timore Domini tenueris te instanter, cito subvertetur domus tua. » *Et in infirmitate manuum perstillabit domus*. Idem dicit, sed magis explanat. *Domus perstillat*, quando est pluviosa, et nou defendit se ab imbris : in qua non est bonum, nec securum esse. Unde<sup>8</sup> : « Tecta perstillantia in die frigoris, et litigiosa mulier comparantur. » Ista domus perstillat, quando manus sunt infirmæ et remissæ, et ideo<sup>9</sup> : « Remissas manus, et soluta genua erigite, et gressus rectos facite pedibus vestris. »

49. *In risum faciunt panem et vinum*. Glossa : « Prælati in risu, id est, in lætitia inepta<sup>10</sup> : « Anima mea, habes multa bona in annos plurimos; comedere, bibe, epulare. » Et ideo subjungit : *Ut epulentur bibentes*; faciunt enim ut comedant, non ut esurienti fraugant<sup>11</sup> : « Epulati estis super terram, et in luxuriis enutristis corda vestra. » Et de hoc reprehenduntur<sup>12</sup> : « Cithara, et lyra, et vinum in conviviis vestris; et opus Dei non respicitis. »

*Et pecuniae obedient omnia*. Tangitur hic tertio, quod indigni sunt propter subversionem justitiae, quam subvertunt ob amorem pecuniae; ideo dicit : *Et pecuniae omnia obedient*; quia omnes pecuniam super omnia diligunt<sup>13</sup> : « Omnes diligunt munera, sequuntur retributiones. » Et inde sequitur subversio justitiae<sup>14</sup> : « Pupillo non judicant, et causa viduae non ingreditur ad eos. » Quare? quia nihil habet eis dare.<sup>15</sup> « A minore usque ad majorem omnes avaritiae student.

20. *In cogitatione tua*, etc. Supra ostendit carnalem et pigrum indignum prælatione; hic coupescit subditos in occulta detractione, si contingat talem præfici : et primo ponit exhortationem; secundo reddit rationem. Exhortatur igitur ut nec malum dicat minuendo famam, nec malum imprecetur optando ejus miseriam; ideo ait : *In cogitatione tua regi ne detrahias*, id est, in occulto<sup>16</sup> :

<sup>12</sup> Isa., V, 12. — <sup>13</sup> Ibid., I, 23. — <sup>14</sup> Ibid. — <sup>15</sup> Jerem., VI, 13. — <sup>16</sup> Exod., XXII, 28. — (a) *Cæt. edit.* quæ animum.

« Diis non detrahes , et principi populi tui non maledices. » *Et in secreto cubiculi tui*, id est, conscientiae, ne maledixeris dñiti; et hoc imprecando malum.<sup>1</sup> « Benedicite persequentibus vos : benedicite , et nolite maledicere. » Et<sup>2</sup> : « Non maledictum pro maledicto. »

*Quia aves cœli*, etc. Hic redditur exhortationis ratio ; quia publicabitur ab angelis , quod dixisti in occulto : quia *aves cœli portabunt vocem tuam*. Aves cœli vocat dæmones , propter suam velocitatem , quia veloces sunt ; vel propter rapacitatem<sup>3</sup> : « Descenderunt volueres cœli super cadavera , et abi-gebat eas Abraham. » Et<sup>4</sup> : « Aliud cecidit seus viam , et volueres cœli comedenterunt illud. » Et appellatur hic *cœlum* aer caliginosus , in quo sunt dæmones : isti portant vocem , quia publicant frequenter occulta<sup>5</sup> : « Nihil occultum , quod non sciatur. » *Et qui habet pennas , annuntiabit sententiam*. Diabolus annuntiabit tuam malam locutionem , quia ipse est accusator : sed ipse projicitur tandem<sup>6</sup> : « Projectus est accusator fratum nostrorum , qui accusabat eos die ac nocte. »

Sed incidit hic dubitatio ; quia dicit , quod *aves cœli* , id est , dæmones annuntiant determinationem cogitationis : ergo videtur , quod diabolo sit nota voluntas nostra et cogitatio. Sed contra hoc est , quia de solo Deo dicitur , quia ipse est<sup>7</sup> « scrutans corda et renes : » ergo solus cognoscit cogitationes et affectiones. Item dicit Augustinus , quod si diabolus cognovisset patientiam Job , nunquam eum tentasset ; quia non tentat aliquem , nisi ut vineat , non ut vineatur. Respondeo dicendum , quod nec dæmones , nec etiam boni angeli , nisi in Verbo , possunt cognoscere cogitationes nostras et affectiones occultas ; et voco *occultas* , quæ non manifestantur per signa ; eas autem , quæ per signa manifestantur , dæmones deprehendunt , et

illas cognoscunt : et quia panici sunt , quorum non appareant aliqua signa , vel in opere , vel in facie , vel in verbo , seu alio modo ; ideo dicit , quod audiunt.

Item quaeritur de hoc , quod dicit , quod *aves cœli portabunt* , vel *annuntiabunt*. Ego quæro , quomodo portabunt? Si dicatur , quod ad eum , de quo dicitur ; illud falsum est , quia tune quilibet sciret omnia mala occulta , quæ de se dieuntur : intelligit ergo , quod portabunt ad Deum. Sed contra : Deus est nolis immediatior et præsentior , quam dæmones , cum<sup>8</sup> « non longe sit ab unoquoque nostrum. » Si igitur portare , vel annuntiare , sit ei qui distat , patet quod non sit idem. Item illud portare , per quos seitur ? Aut per angelos bonos , aut per malos : non per bonos , quia boni nostram salutem procurant : non ergo damnationem : non ergo ferunt (*a*) mala. Si per dæmones , contra : Dæmones Deum non vident , nec magis Deo loquuntur , quam mali homines : ergo si mali homines non ferunt ad Deum , ergo nec dæmones. Respondeo dicendum , quod aves dicuntur hic mali spiritus , siye dæmones : isti dicuntur Deo portare merita mala , et occulta ; angeli autem boni merita bona portare dicuntur : portare autem hoc , non est Deo voce tenus referre , vel ei tanquam ignorantis notificare ; sed malitiam nostram cognoscere , et cogitatione memorari , et testis esse : boni autem addunt supra cognitionem , memoriam et testimonium , intercessionem ; mali vero accusandi voluntatem : et sic patet responsio , quia non referunt tanquam distantanti , sed tanquam judici ; et ad secundum , quia mali ex officio mala conservant , et damnationem procurant , ideo eis competit.

## CAPUT XI.

**1. Mitte panem tuum**, etc. Posuit supra remedium contra hoc , quod videbatur desiccere regimen providentiae ex inordinatione prælationis ; hic secundo ponit remedium contra

(*a*) *Cœt. edit.* offerunt.

<sup>1</sup> Rom., XII, 14. — <sup>2</sup> 1 Petr., III, 9. — <sup>3</sup> Gen., XV, 11. — <sup>4</sup> Luc., VIII, 3. — <sup>5</sup> Matth., X, 26. — <sup>6</sup> Apoc., XII, 10. — <sup>7</sup> Psal. VII, 10. — <sup>8</sup> Act., XVII, 27.

hoc, quod videbatur retributio injustitiae (a), propter quam assecurabatur homo in malo, et torpebat ad bonum. Remedium autem hoc consistit in consideratione retributionis futuræ; et quoniam Deus tribuet (b) beneficentibus bona, et malefacentibus retribuet mala, ideo primo ex consideratione præmii invitat (c) ad bonum; secundo ex consideratione supplicii revocat a malo, ibi (v. 8) : *Si annis multis vixerit homo*, etc. Bonum autem, ad quod invitat (d), est bonum pietatis, quæ valet ad omnia, et propter quam maxime justi salvantur, sicut patet apud *Matthæum*<sup>1</sup>, ubi sola opera misericordiæ numerantur. Ideo hortatur hic ad opera misericordiæ, et eleemosynæ faciendæ propter retributionem: et primo hortatur ut fiant libenter; secundo, ut fiant abundantiter, ibi (v. 2) : *Da partes octo*, etc.; tertio, ut fiant incessanter, ibi (v. 4) : *Qui observat ventum*, etc. Cum ergo hortatur ut fiant voluntarie et libenter, præmittit exhortationem, et subjungit retributionem. Exhortatur igitur ad libenter eleemosynam faciendam; ideo dicit: *Mitte panem tuum*, id est, libenter et liberaliter da, non per extorsionem, et quasi coactus<sup>2</sup>: « Unusquisque prout destinavit in corde suo, non ex tristitia, aut ex necessitate: hilarem enim datorem dilit Dens. » *Panem tuum*, non alienum<sup>3</sup>: « Qui offert sacrificium ex substantia pauperis, quasi qui victimat filium in aspectu patris. » *Super transeuntes aquas*:<sup>4</sup> « Aquæ, quas vidisti, ubi meretrix sedet, populi sunt, et gentes. » Transeuntes aquæ sunt, qui transeunt de gente in gentem, et de regno ad populum alterum; tales sunt peregrini et advenæ; istis facienda est eleemosyna<sup>5</sup>: « Frange esurienti panem tuum, et egenos vagosque induc in domum tuam. » Vel aquæ sunt tribulationes præsentes, juxta illud<sup>6</sup>: « Intraverunt aquæ usque ad animam meam. » Transeuntes aquæ sunt pauperes, et afflicti,

qui per tribulationes transeunt ad requiem; talibus est eleemosyna facienda<sup>7</sup>: « Cum facis convivium, voca pauperes ac debiles, cæcos et claudos. » Et redditur ratio: *Quia post tempora multa invenies illum*, id est retributionem pro illo: non ergo deficit retributio, sed differtur<sup>8</sup>: « Benefac justo, et invenies retributionem magnam, et si non ab ipso, certe a Domino. » Item<sup>9</sup>: « Facite vobis amicos de mammona iniquitatis. »

2. *Da partes septem*, etc. Hic secundo hortatur ad dandum abundantiter, et præmittit exhortationem, et subjungit rationem. Exhortatur ergo ad abundantiam, dicens: *Da partes septem, necnon et octo*, id est, secundum possibilitatem tuarum virium, da eleemosynam, ut, sive pauper fueris, sive dives, des bonorum tuorum septimam et octavam, id est, partem pauperum facias bonam<sup>10</sup>: « Ut vestra abundantia illorum inopiam suppleat. » Et<sup>11</sup>: « Date eleemosynam de eo quod superest. » Ideo dicit: *Da partes septem*: per senarium enim intelligimus, quantum sufficit ad supplendam necessitatem propriam; quidquid ultra illud est, dicitur *septem et octo*, et hoc pauperibus est distribuendum. Non est congregandum in thesauros terrenos, sed cœlestes; unde<sup>12</sup>: « Thesaurizate vobis thesauros in celo, ubi nec ærugo, nec tinea demolitur. » Et<sup>13</sup>: « Si multum tibi fuerit, abundantiter tribue; si parum, etiam illud libenter impertiri stude. » Et ratio hujus largitatis redditur, cum infertur: *Quia ignoras*; et multiplex redditur ratio, scilicet: propter cautelam mali; unde dicit: *Ignoras, quod sit futurum mali super terram*: quia ergo non es certus, necesse habes tibi providere, ne incidas in periculum: et remedium optimum est abundans eleemosyna<sup>14</sup>: « Conclude eleemosynam in sinu pauperis, et haec pro te rogabit, et liberabit ab omni malo. » Propter amplificationem meriti dicit (v. 3): *Si repletæ fuerint nubes*,

<sup>1</sup> *Matth.*, xxv, 34-40. — <sup>2</sup> *II Cor.*, ix, 7. — <sup>3</sup> *Ecli.*, xxxiv, 21. — <sup>4</sup> *Apoc.*, xvii, 15. — <sup>5</sup> *Isa.*, lviii, 7. — <sup>6</sup> *Psal.*, lxviii, 2. — <sup>7</sup> *Luc.*, xiv, 13. — <sup>8</sup> *Ecli.*, xii, 2. — <sup>9</sup> *Luc.*, xvi, 9. — <sup>10</sup> *II Cor.*, viii, 14. — <sup>11</sup> *Luc.*,

<sup>12</sup> *Matth.*, vi, 20. — <sup>13</sup> *Tob.*, iv, 9. — <sup>14</sup> *Ecli.*, xxix, 15.

(a) *Cæt. edit. justitiae*. — (b) *Item tribuit*. — (c) *Item mittet*. — (d) *Item invitavit*.

a Deo, supple. *Imbres super terram effundent*: propter imbretem terra fructificat<sup>1</sup>: « Veniet quasi imber temporaneus et serotinus terræ. » Et ad fructificandum, vel ad fruendum, et ad multiplicandum bona terræ, merito eleemosynæ: sicut enim imbres plene inebriant terram pluvia, sic eleemosynæ multiplicatae inebriant animam gratia<sup>2</sup>: « Qui autem administrat semen seminanti, et panem ad manducandum præstabat, et multiplicabit semen vestrum, et augebit incrementa frugum justitiae vestræ. » Propter stabilitatem præmii, quod non poterit variari, nec perdi; propter quod dicit: *Si ceciderit lignum ad austrum*. Lignum istud homo, de quo Job<sup>3</sup>: « Lignum babet spem; si præcsum fuerit, rursum virescit. » Et austus dat intelligere calorem charitatis, et statum gloriæ<sup>4</sup>: « Surge, aquilo; veni, austus, et perfla hortum meum. » Lignum igitur cadere ad austrum, est hominem in morte introduci in gloriam. *Ibi erit*, id est, nunquam poterit demereris<sup>5</sup>: « Qui vicerit, faciam illum columnam in templo Dei mei, et foras non egredietur amplius. » *Si ceciderit ad aquilonem, ibi erit*, id est, si ad pœnam infernalem<sup>6</sup>: « Ab aquilone pandetur omne malum. » Qui cadit in infernum, ibi erit, quia inde nunquam liberabitur. Juste (*a*) enim dicitur<sup>7</sup>: « Ignis eorum non extinguetur, et vermis eorum non morietur. » *In quocumque loco ceciderit, ibi erit*, sive bono, sive malo<sup>8</sup>: « Quæ seminaverit homo, hæc et metet. »

4. *Qui observat ventum*, etc. Hic hortatur ad dandum incessanter: et primo docet tempora non esse observanda; secundo, opera divina non esse perscrutanda; tertio, opera misericordiæ continuanda. Quantum ad primum, dicit: *Qui observat ventum, non seminat*, quia frequenter venit ventus quem non vult, et frequenter non venit ventus qui placeat. *Et qui considerat nubes, nunquam*

<sup>1</sup> Ose., vi, 3. — <sup>2</sup> II Cor., ix, 10. — <sup>3</sup> Job, XIV, 7. — <sup>4</sup> Cant., IV, 16. — <sup>5</sup> Apoc., III, 12. — <sup>6</sup> Jerem., I, 14. — <sup>7</sup> Isa., LXVI, 24. — <sup>8</sup> Gal., VI, 7. — <sup>9</sup> Eccl., IV, 3. — <sup>10</sup> Prov., III, 28. — <sup>11</sup> Joan., III, 8. — <sup>12</sup> Job, IX, 11.

*metet*; et ideo oportet, quod quando est tempus metendi, metat; et serendi, serat; non expectet: sic in proposito, dum tempus bonum faciat<sup>9</sup>: « Cor inopis ne afflixeris, et ne pertrahas datum angustianti. » Et<sup>10</sup>: « Ne dicas amico tuo: Vade, et revertere, et cras dabo tibi; cum statim possis dare: » et ita non debes tardare.

5. *Quomodo ignoras*, etc. Supra dixit divina opera non esse consideranda, vel perscrutanda, quia non possumus: ideo dicit: *Via spiritus*, qui est Deus, quia ignoramus<sup>11</sup>: « Spiritus ubi vult spirat, et vocem ejus audis, et nescis quo vadat. » Et<sup>12</sup>: « Si venerit ad me, non videbo eum; si abierit, non intelligam. » Spiritus, qui est animus, sive spiritualis creatura, cuius materia, id est ortus, nescitur, nec etiam occasus<sup>13</sup>: « quis novit, si spiritus filiorum Adam ascendat sursum? » Spiritus, qui est ventus, cuius via nescitur, id est, origo<sup>14</sup>: « Qui profert (*b*) ventos de thesauris suis. » Et<sup>15</sup>: « Flavit spiritus tuus, et operuit eos mare. » Dicit ergo: *Quomodo ignoras, quæ sit via spiritus, et qua ratione compingantur ossa in ventre prægnantis*, id est, quomodo compaginantur et distinguantur, quia etiam ipse Avicenna dicit, quod vis formativa membrorum est vis divina. Et in libris *Machabæorum*<sup>16</sup>: « Nescio qualiter in utero meo apparuistis; neque enim spiritum et animam donavi vobis, et singulorum membra non ego compegi. » Sed ille compegit, cui inquit Job<sup>17</sup>: « Ossibus et nervis compegisti me. » Quomodo hæc ignoras, quæ sunt carnalia; *sic ignoras opera Domini, qui fabricator est omnium*: opera, id est, occulta judicia, de quibus<sup>18</sup>: « Magna opera Domini, exquisita in omnes voluntates ejus. » Sic opera ignoramus: <sup>19</sup> « O altitudo divitiarum sapientiæ et scientiæ Dei! quam incomprehensibilia sunt judicia ejus, et investigabiles viæ ejus! »

6. *Mane semina*, etc. Hic tertio hortatur ad

<sup>12</sup> Supra, III, 21. — <sup>14</sup> Psal. CXXXIV, 7. — <sup>15</sup> Exod., XV, 10. — <sup>16</sup> II Mach., VII, 22. — <sup>17</sup> Job, X, 11. — <sup>18</sup> Psal. CX, 2. — <sup>19</sup> Rom., XI, 33.

(a) Edit. Ven. Justo. — (b) Vulg. producit.

beneficiendum incessanter : et præmittitur exhortatio; secundo subjungitur exhortationis ratio, et tertio remuneratio. Exhortatur ergo ad faciendum opera misericordiae incessanter, cum dicit : *Mane semina semen tuum*, hoc est, in tempore juventutis, quia<sup>1</sup> : « Bonum est viro, qui portaverit jugum ab adolescentia sua. » *Et respere ne cesseret manus tua*, id est, in senectute, quasi dicat : In omni tempore et ætate sine cessatione sunt facienda bona<sup>2</sup> : « Bonum autem facientes, non deficiamus; tempore enim accepto mettemus non deficientes. » Ideo continue serendum, quia<sup>3</sup> : « Qui parce seminat, parce et metet; et qui seminat in benedictionibus, de benedictionibus et metet. » *Quia nescis*, etc. Hic notatur secundum, scilicet exhortationis ratio : quia nescit homo quando, et quæ opera acceptat Deus; sicut qui seminat, nescit quod semen fructum faciet : ideo dicit : *Quia nescis, quid magis oriatur : hoc*, id est, serotinum; *aut illud*, id est, matutinum<sup>4</sup> : « Nescit homo utrum amore, an odio dignus sit. » *Et si utrumque simul, melius erit*, quia plura bona paucioribus magis eligenda<sup>5</sup> : « Beati, qui seminatis super omnes aquas. »

7. *Dulce lumen*, etc. Hic notatur tertium, scilicet remuneratio : et hæc est aspectus luminis et solis æterni, in quo est summa dulcedo, et ita magna remuneratio est; propterea dicit : *Dulce lumen, ad aspiciendum*. De hac dulcedine<sup>6</sup> : « Quam magna multitudine dulcedinis tuæ, Domine! » *Et delectabile est oculis meis (a) videre solem*; illum solem, de quo dicitur<sup>7</sup> : « Orietur vobis timentibus Deum, sol justitiae. » Hunc solem delectabile est videre<sup>8</sup> : « In quem desiderant angeli prospicere. » Et quia ii soli videbunt illud lumen, qui erunt in dextris; ideo dicitur<sup>9</sup> : « Delectationes in dextera tua usque in finem. »

Possunt hæc breviter etiam exponi de ele-

<sup>1</sup> *Thren.*, III, 27. — <sup>2</sup> *Gal.*, VI, 9. — <sup>3</sup> *II Cor.*, IX, 6. — <sup>4</sup> *Supra*, IX, 4. — <sup>5</sup> *Isa.*, XXXII, 20. — <sup>6</sup> *Psal.* XXX, 20. — <sup>7</sup> *Malac.*, IV, 2. — <sup>8</sup> *I Petr.*, I, 12. — <sup>9</sup> *Psal.* xv, 11. — <sup>10</sup> *Matth.*, X, 8. — <sup>11</sup> *Thren.*, IV, 4.

mosyna spirituali, quæ consistit in instructione proximi; ad quam similiter exhortatur ad dandum libenter, sive abundantanter, et incessanter : libenter, vel liberaliter, cum dicit : *Mitte panem tuum*, id est, gratis da<sup>10</sup> : « *Gratis accepistis, gratis date.* » *Panem*, scilicet doctrinæ, de quo dicitur<sup>11</sup> : « *Parvuli petierunt panem*, et non erat qui frangeret eis. » *Super transeuntes aquas*, id est, contemnentes bona temporalia, quibus solis dicitur<sup>12</sup> : « *Nolite sanctum dare canibus.* » Abundanter etiam dispensanda, ideo dicit : *Da partes septem*; intelligimus doctrinam Christi Veteris Testamenti, quia ibi præcipiebatur septima dies servari; per *octo*, intelligimus doctrinam Novi Testamenti, quia octava dies observari præcipitur : et quia non potest homo abundantanter doctrinam communicare, nisi desuper impleatur, dicit : *Si impletæ fuerint nubes, imbrem emittent super terram.* Nubes sunt prædicatores boni, qui volant ad alta per contemplationem<sup>13</sup> : « *Qui sunt hi, qui ut nubes volant, et quasi columbæ ad fenestras suas?* » Isti replentur a Domino scientia<sup>14</sup> : « *Repleta est terra scientia tua, sicut aqua maris operientis;* » et hoc per Spiritum sanctum<sup>15</sup> : « *Spiritus Domini replevit orbem terrarum.* » Istæ nubes replete effundent imbrem, id est, divini verbi doctrinam<sup>16</sup> : « *Ipse, tanquam imbres, emittet eloquia sapientiae suæ.* » Et<sup>17</sup> : « *Quo modo descendit imber, et nix de cœlo, et inebriat terram, et infundit eam, sic erit verbum meum,* » super terram cordis ad fructificandum<sup>18</sup> : « *Terra super se venientem bibens imbrem, et proferens terram optimam.* »

Incessanter etiam est dispensanda; ideo dicit : *Qui considerat ventum, non seminat.* Seminare, est verbum Dei prædicare<sup>19</sup> : « *Exiit, qui seminat, seminare semen suum;* » et post : « *Semen est verbum Dei.* » Ventus iste est ventus detractionis, de quo dicitur<sup>20</sup> :

— <sup>12</sup> *Matth.*, VII, 6. — <sup>13</sup> *Isa.*, LX, 8. — <sup>14</sup> *Ibid.*, XI, 9. — <sup>15</sup> *Sap.*, I, 7. — <sup>16</sup> *Eccli.*, XXXIX, 9. — <sup>17</sup> *Isa.*, LV, 10. — <sup>18</sup> *Hebr.*, VI, 7. — <sup>19</sup> *Luc.*, VIII, 5, 11. — <sup>20</sup> *Job.*, I, 19. — (a) *Vulg.* non habet *meis.*

« Ventus venit a regione deserti, et concurrit quatuor angulos domus. » Qui observat hunc ventum detractionis, nunquam seminat, quia qui timet verba hominum detrahentium, non praedicat ad fructum, imo agitatur ut arundo<sup>1</sup>: « Quid existis videre? Arundinem vento agitatam? » Et qui considerat nubes, nunquam metet. Nubes, ut dieit Glossa, est blandimentum adulatio-  
nis, quod qui cupit habere, nunquam metet vitam æternam, quia<sup>2</sup>: « Recepserunt mercedem suam. » Et<sup>3</sup>: « Qui seminat in carne sua, de carne et metet corruptionem. » Et ideo non sunt hæc attendenda, sed mane et vespere prædicandum<sup>4</sup>: « Prædicta verbum, insta opportune, importune. » Et<sup>5</sup>: « Per triennium non cessavi, die ac nocte cum lacrymis monens unumquemque vestrum. »

*S. Si annis multis vixerit homo*, etc. Supra hortatus est ad bonum, consideratione præmii; hic attendit revocare a malo, consideratione futuri judicii et supplicii; et id quidem facit hoc ordine: primo dicit futuri temporis habendam esse memoriam; secundo reprehendit præsentem lætitiam; tertio hortatur abjicere omnem nequitiam et maliæ abundantiam, ad futuri temporis memoriam habendam, quantumcumque homo abundet præsenti prosperitate; propter quod dicit: *Si annis multis vixerit homo*: quia revera, etsi videantur multi, tamen multi esse non possunt, secundum illud<sup>6</sup>: « Numerus dierum hominis, ut multum, centum anni. » Et in his omnibus lætatus fuerit, secundum quod illi, de quibus dicitur<sup>7</sup>: « Tenent tympanum, et gaudent ad sonitum organi, dueunt in bonis dies suos. Meminisce debet tenebrosi temporis, id est, diei judicii, quæ erit tempus tenebrosum<sup>8</sup>: « Dies illa, dies iræ, dies tenebrarum et caliginis. » Et dierum mltorum. Isti sunt dies, sive anni æternitatis<sup>9</sup>: « Melior est dies una in atriis tuis super millia. » Memorari

debet diei judicii, ut timeat; memorari debet gloriæ, ut speret et gaudeat: et hoc secundum vicissitudinem operum; unde<sup>10</sup>: « In die honorum, ne immemor sis malorum; et in die malorum, ne (a) immemor sis bonorum. » *Dierum, inquam, multorum, qui cum venerint, vanitatis arguentur præterita*, id est, manifeste ostenduntur suisse vana; unde Hieronymus: « Cum regnum Christi venerit, cætera regna evanescerent. » Argentur præterita, de vanitate instabilitatis<sup>11</sup>: « Quid nobis profuit superbia, et divitiarum jactantia quid contulit nobis? Transierunt hæc omnia, velut umbra. » Argentur de vanitate iniquitatis<sup>12</sup>: « Quid nequius, quam quod excogitavit caro, et sanguis? » Et hæc arguentur: « Quæ enim<sup>13</sup> arguntur, a lumine manifestantur. »

*9. Lætare ergo, juvenis*, etc. Hic secundum reprehendit præsentem lætitiam, afferens hominem pro illa judicandum esse: unde ironice loquens, dicit: *Lætare ergo, juvenis, in adolescentia tua*; quia illa ætas lætitiae apta; unde dicitur<sup>14</sup>: « Venite, fruamur creatura, tanquam iuventute celeriter; » quasi dicat: Ne læteris in juventute, ne doleas in senectute; unde<sup>15</sup>: « Ne separaris in fortitudine tua concupiscentiam cordis tui: » et explicat lætitiam, ut sit completa in animo, et in opere, et in signo. Quantum ad lætitiam delectationis in animo, dicit: *Et in bono sit cor tuum*, quasi dicat: Non læteris corde, quia<sup>16</sup>: « Cor stulti, ubi lætitia. » Quantum ad delectationem in opere, dicit: *Et ambula in viis cordis tui*, id est, exteriorius comple opere, quod desideras corde; quasi dicat: Non ambules<sup>17</sup>: « Fili, post concupiscentias tuas non eas, et a voluptate (b) tua avertere. » Quantum ad lætitiam in signo, dicit: *Et in intuitu oculorum tuorum*, ut ea tueatur oculus, quæ desiderat cor, et operatur manus tua: secundum quod dicitur de illis, de quibus<sup>18</sup>: « Habentes ocu-

<sup>1</sup> *Math.*, XI, 7. — <sup>2</sup> *Ibid.*, VI, 5. — <sup>3</sup> *Gal.*, VI, 8. — <sup>4</sup> *II Tim.*, IV, 2. — <sup>5</sup> *Act.*, XXI, 31. — <sup>6</sup> *Ecclesi.*, XVIII, 8. — <sup>7</sup> *Job.*, XXI, 12. — <sup>8</sup> *Sophon.*, I, 15. — <sup>9</sup> *Psalm.* LXXXIII, 11. — <sup>10</sup> *Ecclesi.*, XI, 27. — <sup>11</sup> *Sap.*, V, 8, 9.

— <sup>12</sup> *Ecclesi.*, XVII, 30. — <sup>13</sup> *Ephes.*, V, 13. — <sup>14</sup> *Sap.*, II, 6. — <sup>15</sup> *Ecclesi.*, V, 2. — <sup>16</sup> *Supra*, VII, 5. — <sup>17</sup> *Ecclesi.*, XVIII, 30. — <sup>18</sup> *II Petr.*, II, 14.

(a) *Edict. Ven. nec.* — (b) *Vulg. Voluntate.*

los plenos adulterii, et incessabilis delicti : » quasi dicat : Non sic ambules (*a*) : <sup>1</sup> « Pro eo, quod elevatae sunt filiae Sion, et ambulaverunt extento collo, et nutibus oculorum. » Et quod istud sit ironice dictum, patet, quia comminatur malum sic lætantibus ; unde subdit (xii, 14) : *Et scito, quod pro his omnibus adducet te Deus in judicium.* Et ideo omnia sunt fugienda. « Fugite a facie gladii, quia ulti oris iniquitatis est gladius, et sciente esse judicium. »

**10. Aufer iram**, etc. Hic tertio hortatur abjicere omnem nequitiam, videlicet malitiam cordis, et immunditiam carnis. Quantum ad malitiam cordis, dicit : *Aufer iram a corde tuo*, ut non irascaris, quia ira reddit hominem nequam <sup>3</sup> : « Ego autem dico vobis, quod omnis, qui irascitur fratri suo, reus erit iudicio. » Et si irascitur, non perdurare debet, unde dicitur <sup>4</sup> : « Sol non occidat super iracundiam vestram. » Quantum ad immutationem carnis, dicit : *Et amove malitiam a carne tua*; et sic excludit omnem immunditiam carnis <sup>5</sup> : « Abjicientes omnem immunditiam et abundantiam malitiæ, suscipite insitum verbum. » Ille aufert malitiam a carne, qui mortificat eam <sup>6</sup> : « Mortificate membra vestra, quæ sunt super terram. » Et redditur ratio hujus : *Adolescentia enim, et voluptas vana sunt*, quia cito transeunt <sup>7</sup> : « Transit mundus, et concupiscentia ejus. » Et ideo <sup>8</sup> : « Quid nobis profuit superbia, aut quid divitiarum jactantia quid contulit nobis ? Transierunt hæc omnia, velut umbra. »

## CAPUT XII.

**1. Memento Creatoris tui**, etc. Egit supra de vanitate pœnalitatis, quæ est pœna, et peccati occasio ; hic agit de illa, quæ est pura afflictio, quæ revocat a malo, et sollicitat in hono. Et habet hæc pars duas, quia primo tangit pœnalitates, et miseras in gene-

rali ; secundo in speciali, ibi (v. 3) : *Quando commovebuntur*, etc. Pœnalitatem igitur in communi describit, quantum ad tria : primo, quantum ad præsentiam nocivi ; secundo, quantum ad absentiam jucundi ; tertio, quantum ad defectum remedii : ex quorum consideratione hortatur meminisse Dei. Quantum igitur ad præsentiam nocivi, dicit : *Memento Creatoris tui*, laudem, et confessionem sibi dando, *in diebus juventutis tuæ*, id est, quandiu vivens es et sanus <sup>9</sup> : « Confitaberis vivens, vivus et sanus confiteberis, et laudabis Deum, et gloriaberis in miserationibus illius. » Et ratio hujus est, ut non expectetur tempus senectutis, in quo est præsentia nocivi ; propter quod dicit : *Antequam veniat tempus afflictionis.* <sup>10</sup> « Ante languorem adhibe medicinam ; et ante iudicium interroga te ipsum. » *Et appropinquent anni, de quibus dicas* : *Non mihi placent.* Isti sunt anni, in quibus natura humana inquietatur per multas molestias ; et isti sunt in senectute, et appropinquant : unde dicitur <sup>11</sup> : « Anni nostri, sicut aranea, meditabuntur. » Et <sup>12</sup> : « Supervenit mansuetudo, et corripiemur. » Quantum ad absentiam jucundi, dicit (v. 2) : *Antequam tenebrescat sol*, in cuius aspectu est magna iucunditas. <sup>13</sup> « Dulce lumen, et delectabile est oculis videre solem. » Unde Tobias dicebat <sup>14</sup> : « Quale gaudium mihi erit, quia in tenebris sedebo, et lumen cœli non video ? » Et ut significet omnimodam absentiam, excludit omne bonum lumen cœlestis ; unde dicit : *Antequam tenebrescat sol*, ut scilicet non videatur in sua rota ; *Et lumen*, ut non videatur ejus influentia ; et hoc de die : *Et luna et stellæ de nocte.* <sup>15</sup> « Stellæ cœli, et splendor earum non expandent lumen suum ; obtenebratus est sol in ortu suo, et luna non splendebit in lumine suo. » Quantum ad defectum remedii, dicit : *Et revertantur nubes post pluviam.* Post pluviam consuevit cœ-

<sup>1</sup> Isa., III, 16. — <sup>2</sup> Job, xix, 29. — <sup>3</sup> Matth., v, 22. — <sup>4</sup> Ephes., IV, 26. — <sup>5</sup> Jac., I, 21. — <sup>6</sup> Coloss., III, 5. — <sup>7</sup> I Joan., II, 17. — <sup>8</sup> Sap., V, 8, 9. — <sup>9</sup> Eccli.,

XXII, 27. — <sup>10</sup> Ibid., XVIII, 20. — <sup>11</sup> Psal. LXXXIX, 10. — <sup>12</sup> Ibid. — <sup>13</sup> Supra, XI, 7. — <sup>14</sup> Tob., V, 12. — <sup>15</sup> Isa., XIII, 10. — (*a*) Al. amabiles.

lum serenari : quando ergo post pluviam revertitur turbatio nubium , signum est quod non est redditus ad exultationem et lætitiam.<sup>1</sup> « Post tempestatem , tranquillum facis, et post lacrymationem et fletum, exultationem infundis. » Sed dies illi convertentur in tenebras, nec revertentur ad lucem<sup>2</sup> : « Expectet lucem , et non videat , nec ortum surgentis auroræ. »

Spiritualiter hortatur hic unumquemque recordari beneficiorum Dei et ipsius benefactoris , antequam tradatur homo in reprobum sensum , et incidat in cæcitatem erroris ; propterea debent recordari Dei, quia Creator. Primum quidem dedit essentiam<sup>3</sup> : « Ego feci terram , et hominem super eam creavi. » Ideo recordandum. Contra quod<sup>4</sup> : « Oblitus es Dei creatoris tui. » Dedit potentiam<sup>5</sup> : « Domini Dei tui recordaberis, eo quod ipse tribuit tibi vires, ut impleret pactum suum. » Dedit operationem bonam<sup>6</sup> : « Deus operatur in nobis velle et perficere. » Et<sup>7</sup> : « Omnia opera nostra operatus es nobis : » et ideo recordandum :<sup>8</sup> « Memor fui operum Domini, quia memori ero ab initio mirabilium tuorum. » Quia pro nobis incarnatus<sup>9</sup> : « Exultabimus et lætabimur in te , memores uberum tuorum super vinum. » Quia redemptor, qui pro nobis passus<sup>10</sup> : « Recordare paupertatis meæ. » Quia nobis cibus de cœlo datus est<sup>11</sup> : « Memoriam fecit mirabilium suorum misericors et miserator Dominus , escam dedit timentibus se. » Quia remunerator secundum meritum<sup>12</sup> : « Reddis(a) unicuique secundum opera sua :» propter hoc dicitur<sup>13</sup> : « Memor fui judiciorum tuorum. » Ad votum<sup>14</sup> : « Nomen tuum et memoriale tuum in desiderio animæ :» et propterea subditur<sup>15</sup> : « Anima mea desideravit te in nocte. » Supra desiderium<sup>16</sup> : « Miserationum Domini recordabor super omni-

bus bonis , quæ reddidit (b) nobis Dominus. »

Hujus igitur Creatoris debemus recordari, et gratias agendo, et ad ipsum convertendo, antequam tenebrescat Sol , scilicet justitiæ , Christus, cum homo cadit a fide :<sup>17</sup> « Occidet eis sol in meridie : » *Et lumen gratiæ*, cum homo cadit a charitate : tunc enim perdit gratiam<sup>18</sup> : « Erravimus a via veritatis , et lumen justitiæ non luxit nobis. » *Et Luna* , intelligentia Scripturæ sacræ , quæ scilicet lumen recipit a Christo<sup>19</sup> : « Mulier amicta sole , et luna sub pedibus ejus. » Mulier amicta sole , est gentium Ecclesia , cui data est sacrae Scripturæ plena intelligentia : *Et Stellæ*, exempla perfectorum<sup>20</sup> : « Stellæ lumen dederunt in custodiis suis, » nocte scilicet, « et dixerunt: Adsumus. » *Et nubes revertantur* (c), id est , casset doctrina prædicatorum<sup>21</sup> : « Fili hominis, adhærere faciam linguam tuam palato tuo. »

3. *Quando commovebuntur*, etc. Supra egit de pœnalitate, quæ venit et consequitur juventutem in generali ; hic agit in speciali. Et primo de miseriis agit antecedentibus mortem ; secundo de concomitantibus , ibi (v. 5) : *Quoniam ibit homo*, etc. ; tertio de consequentibus (v. 6) : *Antequam rumpatur funis argenteus*. Prima habet duas : quia primo agitur de pœnalitate , quæ attenditur in membrorum debilitate ; secundo vero de signo debilitatis, ibi (v. 5) : *Excelsa quoque timebunt*, etc. Primo igitur ostendit debilitatem futuram in senectute, quantum ad sex genera membrorum : primo scilicet quantum ad commotionem ossium, quæ ordinata sunt ad corpus protegendum, cum dicit : *Quando commovebuntur custodes domus*. Domus est machina corporis, hæc fragilis est ; et ideo custode indiget; et ideo dicit Philosophus<sup>21</sup>, quod natura fecit ossa dura ad custodienda membra nostra , sicut costæ ad membra et ventrem , et testa ad caput : hæc commoven- tur, quando eorum juncturæ laxantur.

iii, 34. —<sup>21</sup> *Ezech.*, iii, 26. —<sup>22</sup> *Arist.*, *Metaph.*, lib. II, c. IX.

(a) *Vulg.* Reddes. — (b) *Cæt. edit.* reddat. — (c) *Item revertetur.*

<sup>1</sup> *Tob.*, III, 22. —<sup>2</sup> *Job.*, III, 9. —<sup>3</sup> *Isa.*, XLV, 12. —

<sup>4</sup> *Deut.*, XXXII, 18. —<sup>5</sup> *Ibid.*, VIII, 18. —<sup>6</sup> *Philip.*, II,

13. —<sup>7</sup> *Isa.*, XXVI, 12. —<sup>8</sup> *Psal.* LXXXVI, 12. —

<sup>9</sup> *Cant.*, I, 3. —<sup>10</sup> *Thren.*, III, 19. —<sup>11</sup> *Psal.* CX, 4. —

<sup>12</sup> *Psal.* LXI, 13. —<sup>13</sup> *Psal.* CXVIII, 52. —<sup>14</sup> *Isa.*, XXVI,

8. —<sup>15</sup> *Ibid.*, 9. —<sup>16</sup> *Ibid.*, LXIII, 7. —<sup>17</sup> *Amos*, VIII,

9. —<sup>18</sup> *Sap.*, V, 6. —<sup>19</sup> *Apoc.*, XII, 1. —<sup>20</sup> *Baruc.*,

Item, quantum ad debilitationem crurium ad pondus corporis sustinendum; unde dicit: *Et nutabunt viri fortissimi*. Viri fortissimi sunt crura, quia sicut fortes portant pondus belli, sic crura pondus corporis. Hi viri fortissimi nutant, quando crura tremulant, et vacillant, et non secure sustentant.

Tertio, quantum ad imminutionem dentium ad cibaria masticandum; unde dicit: *Et otiosæ erunt molentes imminuto numero*; molentes sunt duæ maxillæ, quæ ad modum duarum molarum conterunt cibum. Hæc, imminuto numero dentium, erunt otiosæ, quia cibum ad manducandum non possunt conterere.

Quarto, quantum ad obscurationem oculorum ad videndum; ideo dicit: *Et tenebrescent videntes per foramina*. Videntes per foramina, oculi sunt, qui sunt quasi duo foramina ad videndum. Isti tenebrescent, quando senes lumen videre non possunt, sicut dicitur de Heli<sup>1</sup>, quod « caligaverant oculi ejus, nec poterat videre lucernam, donec extingueretur. » Sicut etiam Isaac, de quo dicitur<sup>2</sup>: « Senuit Isaac, et caligaverunt oculi ejus. »

Quinto, quantum ad immobilitatem labiorum ad pronuntiandum, cum dicit (v. 4): *Et claudent ostia in platea*. Ostia sunt labia, per quæ clauditur porta oris. Ista ostia clauduntur in plateis, quando homo per senectutem non potest alte loqui, ut audiatur a multis; ideo dicit: *In humilitate vocis molentes*, id est, plane loquentes. Molere dicit loqui, quia sicut homo movet maxillas ad cibaria conterendum, sic movet maxillas et labia ad verba formata pronuntiandum.

Sexto, quantum ad surditatem aurium ad audiendum, dicit: *Consurgent ad vocem volucris*, id est, galli, quia senes non possunt audire alta, quia de facili læduntur, et facilime excitantur, non possunt etiam audire sonora et consonantia; unde dicit: *Et obsur-*

*descent omnes filia carminis*. Filiae carminis, quæ audiunt consonantia, sunt aures: hæc (*a*) in senibus obsurdescunt, quia voces sonoras audire non possunt. Legitur in libris *Regum*, quod dixit Berzellai ad David<sup>3</sup>: « Octogenarius sum; numquid vigent sensus mei ad discernendum, vel audire possum ultra voces cantatorum et cantatricum? » Isti igitur sunt defectus, qui consequuntur vel concomitantur senectudem: quia senes non possunt nociva repellere, non possunt se sustentare, non possunt comedere, non possunt videre, non possunt loqui, non possunt audire.

5. *Excelsa quoque timebunt*, etc. Supra posuit debilitatem corporis in sene; hic subiungit signa debilitatis, quæ sunt quatuor: tremor corporis, canities capitis, tumor ventris, et infrigidatio libidinis. Primum igitur signum infirmitatis in sene est tremor corporis; propter quod dicit: *Excelsa quoque timebunt, et formidabunt in via*, id est omnia membra corporis efficientur tremulosa; et illud est resolutionis signum, et debilitatis virtutis contentivæ membrorum, quæ membra non valet continere, et ideo compellitur agitare. Unde miser senex potest dicere illud Psalmi<sup>4</sup>: « Timor et tremor venerunt super me. » Secundum signum est canities capitis; quantum ad quod dicit: *Florebit amygdalus*, id est canescet caput et barba: amygdalus enim, dum floret, dealbatur: et istud est signum debilitatis virtutis; quia enim in sene debilitatur virtus contentiva humorum, ideo putrescant humores, et etiam refrigescunt, in cuius signum superfluitates de corpore senis albæ procedunt, et ideo canescunt. Tertium signum senis (*b*) infirmitatis est tumor ventris, vel aliorum membrorum corporis; quantum ad quod dicit: *Impinguabitur locusta*. Impinguatio locustæ etiam circa suum senium est potius tumor, quam vera pinguedo; per quem modum est in senibus impinguatio: et hoc est signum debilitatis caloris dige-

<sup>1</sup> *I Reg.*, III, 2. — <sup>2</sup> *Gen.*, XXVII, 1. — <sup>3</sup> *II Reg.*, xix, 35. — <sup>4</sup> *Psal.* LIV, 6.

(a) *Leg. hæ.* — (b) *Leg. senilis.*

rentis; quia enim calor digerens deficit, abundat humor flegmaticus, aquosus et indigestus, qui corpus senis implet, et impinguare videtur. Quartum signum est remissio libidinis; propter quod dicit: *Dissipabitur capparis*, capparis est herba quaedam, quae valet renibus, ut dicit *Glossa*, et confortat actum virtutis generativæ, et secundum Hieronymum in hebraeo commune nomen habet ad herbam, et ad amorem libidinosum. In quacumque igitur significacione accipiatur, rectus est sensus: *Dissipabitur capparis*: id est, remittetur furor libidinis, et istud est signum debilitationis in sene. In actu enim generationis movet calor, et naturam subministrat digestus humor: quia igitur senectus est frigida et sicca, deficit calor et humor, et ideo libidinis minuitur fervor.

*Quoniam ibit homo*, etc. Descriptæ sunt miseriae antecedentes mortem; hic describitur ipsa miseria mortis, et in moriente, et in compatiens. In moriente enim: *Quoniam ibit homo in domum æternitatis suæ*, id est, morietur: domus enim post mortem æterna est, quia, ut dictum est<sup>1</sup>: « Si ceciderit lignum ad austrum, ibi erit; si ad aquilonem, ibi erit. » Et ita domus post mortem recte dicitur domus æternitatis. Quantum ad miseriam in compatiens, dicit: *Et circuibunt in platea plangentes*. Circumeunt, quia præ dolore quiescere nesciunt<sup>2</sup>: « Caput circuitus eorum; labor labiorum ipsorum operiet eos. » Et plangent super mortuo, quasi nolentes consolari; sed non sic debent, nam<sup>3</sup>: « Luctus mortui, ut multum, septem dies. »

6. *Antequam rumpatur funis*, etc. Supratetigit miserias antecedentes mortem; hic tangit consequentes, quæ sunt corporis resolutio, et spiritus ad Deum migratio: quæ isto ordine describuntur. Primo notatur dissolutio nervorum, cum dicit: *Antequam rumpatur funiculus argenteus*: et debet repeti:

<sup>1</sup> Supra, xi, 3. — <sup>2</sup> *Psal.* cxxxix, 40. — <sup>3</sup> *Eccli.*, xxii, 13. — <sup>4</sup> *Gen.*, iii, 19. — <sup>5</sup> *Eccli.*, xl, 41.

*Memento Creatoris tui*. Nervorum involutio recte dicitur *funis*, quia totum corpus cingit et ligat; et *argenteus*, propter ipsorum albedinem et proprietatem: funis ergo argentens rumpitur, quando nervorum ligatura dissolvitur. Secundo resolutio venarum, sive arteriarum, cum dicit: *Et recurrat (a) vitta aurea*, id est, venarum involutio. Recte dicitur involutio, quia sicut vitta circumvolvit, et ea totum ligatum salvatur, sic venis et arteriis tota corporis machina circumdatur et salvatur. Ista venarum involutio et arteriarum recte dicitur aurea, quia aurum rubrum, et hujusmodi venæ rubeæ propter contenti sanguinis rubicunditatem: tunc ergo recurrit vitta aurea, quando venarum et arteriarum involutio non perdurat. Tertio notatur conformatio vasis urinæ, cum dicit: *Et conteratur hydria super fontem*, *Hydria* est receptaculum aquæ exhaustæ a *hydria*. fonte; et vesica est receptaculum urinæ procedentis ab hepate, tanquam a fonte. Urina enim est colamentum sanguinis et aliorum humorum, qui ab hepate in totum corpus procedunt, tanquam a fonte: hydria ergo conteritur super fontem, quando vesica rumpitur, et colamentum humorum non potest recipere, quod procedit ab hepate. Quarto vero destructio meatus superfluitatis impuræ, cum dicit: *Et confringatur rota super cisternam*. Rota est instrumentum, per quod fit eductio aquæ foetidæ, et lutosæ de cisterna: cisterna continet ut plurimum aquam lutulentam; et talis est venter noster: rotam igitur confringi super cisternam, est meatum impuræ superfluitatis a ventre exeuntis omnimode dissipari. Quinto vero totius corporis incineratio, cum dicitur (v. 7): *Et revertatur pulvis in terram, unde erat*, id est corpus incineretur, secundum illud<sup>4</sup>: « Pulvis es, et in pulverem revertaris. » *In terram suam*, quia de illa est<sup>5</sup>: « Omnia, quæ de terra facta sunt, in terram convertentur. » Sexto tangitur spiritus, sive

(a) Cœl. edit. *recurrit*.

animæ, ad Deum reversio, unde dicit : *Et spiritus redeat ad Deum, qui dedit illum.* Ipse Dominus dat spiritum; unde dicitur<sup>1</sup> : « Qui singit sigillatim corda eorum. » Et ad Deum redit omnis spiritus, tanquam ad retributorem<sup>2</sup> : « Omnes stabimus ante tribunal Christi, ut referat unusquisque, prout gessit, sive bonum, sive malum. »

Spiritualiter ab illo loco : *Quando commovebuntur*, etc., describitur hic status Ecclesiæ finalis: primo, quoad antecedentia judicium; secundo, quantum ad concomitantia, ibi : *Quoniam ibit homo in domum*, etc.; tertio, quoad consequentia, ibi : *Antequam rumpatur funis argenteus*, etc. Status ante judicium, qui erit in adventu Antichristi, describitur quantum ad tria : primo, quantum ad diminutionem fidei; secundo, quantum ad dilatationem erroris, ibi : *Et consurgent ad vocem volucris*, etc.; tertio, quoad modum dilatandi, ibi : *Floredit amygdalus*, etc. Primo ergo prædictit futuram esse diminutionem fidei quantum ad quatuor genera personarum : primo, quantum ad prælatos; secundo, quantum ad perfectos; tertio, quantum ad simplices; quarto, quantum ad sapientes. Primo ergo dicit commotionem prælatorum, cum dicit : *Quando commovebuntur custodes domus.* Domus ista est Ecclesia, de qua dicitur<sup>3</sup> : « Domum tuam decet sanctitudo. » Custodes sunt prælati, quibus cura dominici gregis est commissa<sup>4</sup> : « Super muros tuos, Hierusalem, constitui custodes. » Custodes igitur commovebuntur, quando prælati in fide concutientur; et hoc quidem erit in Antichristi adventu; unde dicitur<sup>5</sup> : « Montes a fundamentis commovebuntur (a). » Secundo, prædictit dubitationem perfectorum, cum ait : *Et nutabunt viri fortissimi.* Viri fortissimi sunt perfecti in charitate et spe, secundum illud<sup>6</sup> : « Qui sperant in Domino, mutabunt fortitudinem. » Isti nutabunt (b), quando tempore An-

tichristi in fide vacillabunt<sup>7</sup> : « Surgent pseudoprophetæ, et dabunt signa, ut inducantur in errorem etiam, si fieri posset, electi. Et nisi breviati fuissent dies illi, non esset salva omnis caro : sed propter electos breviabuntur. » Tertio prædictit lapsum simplicium, cum subjungit : *Et otiosæ erunt molentes in minuto numero*, id est, simplices a bono opere cessabunt affecti tædio, propter multam eorum deceptionem. Unde dicit : *In minuto numero*, quia multum iniunguntur<sup>8</sup> : « Duæ molentes in molam (c), una assumetur, et una relinquetur. » Quarto prædictit errorem sapientium, cum dicit : *Et tenebrescent videntes in foramina*, id est, sapientes, qui subtiliter vident, erroris tenebris involventur<sup>9</sup> : « Palpabunt quasi in tenebris, et non in lumine, et errare faciet eos, quasi ebrios : » et quia cadentes a fide cadunt a confessione fideli, ideo dicit : *Et claudent ostia in plateis*, id est, in publico. *In humilitate vocis molentes*, id est, mussantes. Sed vera confessio est in publico : unde<sup>10</sup> : « Quod in aure auditis, prædicate super tecta. » *Et consurgent ad vocem*, etc.: hic secundo notatur dilatatio erroris post diminutionem fidei, quantum ad tria : primo dicit, quod prædicabitur et audietur falsitas; secundo, quod tacebitur veritas; tertio, quod sublimabitur Antichristi potestas. Primum quidem prædicabitur falsitas ab Antichristo, cum dicit : *Consurgent ad vocem volucris.* Vox volueris nocte canentis, est prædicatio Antichristi, prædicantis in nocte obscuritatis et infidelitatis : ad vocem ergo ejus consurgent, qui prædicationem ejus credent; propterea dicitur, ut fidem non adhibeant<sup>11</sup> : « Si ergo dixerint vobis : Ecce in deserto est, nolite credere. » Tamen multi audient, et credent : unde dicitur Iudeis<sup>12</sup> : « Si alius venerit in nomine suo, illum recipietis. » Secundo prædictit, quod tacebitur veritas, quia non erit qui audiat :

<sup>1</sup> *Psal.* XXXII, 45. — <sup>2</sup> *II Cor.*, v, 10. — <sup>3</sup> *Psal.* XCII, 5. — <sup>4</sup> *Isa.*, LXII, 6. — <sup>5</sup> *Judith*, XVI, 18. — <sup>6</sup> *Isa.*, XL, 31. — <sup>7</sup> *Math.*, XXIV, 11, 22. — <sup>8</sup> *Ibid.*, 41. —

<sup>9</sup> *Job*, XII, 25. — <sup>10</sup> *Math.*, x, 27. — <sup>11</sup> *Math.*, XXIV, 26. — <sup>12</sup> *Joan.*, v, 43. — (a) *Vulg.* movebuntur. — (b) *Al.* mutabunt. — (c) *Vulg.* mola.

ideo dicit : *Obsurdescent omnes filiae carminis.* Tunc filiae carminis obsurdescunt, quando sonum veritatis, quae est velut quædam consonantia, audire non possunt. Istud erit tempus Antichristi, sicut prædictum est de illo populo, qui adhærebit Antichristo<sup>1</sup> : « Populus ad iracundiam provocans est, filii mendaces, filii nolentes audire legem Dei. » Tertio prædicet, quod formidabitur Antichristi potestas, cum ait : *Excelsa quoque timebunt, et formidabunt*, id est, omnes, tam parvi, quam magni, verebuntur potentiam Antichristi, et præ timore adorabunt; unde<sup>2</sup> : « Admirata est omnis terra post bestiam, dicentes : Quis similis bestiae huic, et quis poterit pugnare cum ea? » Et infra<sup>3</sup> : « Data est ei potestas in omnem tribum, et populum, et linguam, et adorabunt eam omnes, qui habitant in terra, quorum nomina non sunt scripta in libro vitae. »

*Florebit amygdalus*, etc. Descripta est supra debilitatio fidei, et dilatatio erroris; hic tertio describitur modus multiplicandi errorem. Et iste modus erit triplici via, scilicet per miracula, per donaria, per tormenta. Primo dicitur modus trahendi ad errorem per miracula, cum ait : *Florebit amygdalus*, ut sieut<sup>4</sup> virga Aaron mirabiliter floruit, et amygdalas produxit; ita etiam in æmulationem Antichristus faciet florere, et deflorere, et alia miracula multa, per quæ stulti convertentur ad ipsum<sup>5</sup> : « Et fecit bestia signa magna, et seduxit habitantes in terra, propter signa, quæ data sunt illi facere in conspectu hominum. » Seeundo prædicet modum trahendi per donaria, cum subjungit : *Et impinguabitur locusta*: locusta impinguatur, quando homo invidus pecunia repletur, et per illam a Deo revertitur<sup>(a)</sup> : « Incrassatus est dilectus, et recalcitravit incrassatus, impinguatus, dilatatus. » Hoc modo multos avertet Antichristus a fide: quod signatum est, dum Antiochus<sup>7</sup>

adolescentem tunc hortabatur non tantum verbis, sed etiam juramento promittebat divitem se et beatum eum facturum, et translatum a legibus claram habiturum. Tertio prædicet aliquos trahendos per tormenta, eum dicit : *Et dissipabitur capparis*: capparis, ut dictum est, herba est libidinem provocans: per hanc intelliguntur carnales, qui curam carnis gerunt in desideriis. Iste dissipantur, cum timore tormentorum a fide recedunt: sunt enim de illis, de quibus dicitur<sup>8</sup> : « Ad tempus credunt, et in tempore temptationis recedunt. » Tempus temptationis erit in adventu Antichristi, unde<sup>9</sup> : « Erit enim tunc tribulatio magna, qualis non fuit ab initio mundi usque modo, neque fiet. »

5. *Quoniam ibit homo*, etc. Egit supra de antecedentibus ad judicium; hic agit secundo de ipso judicio, in quo præmiabuntur boni, et punientur mali. Quantum ad præmiationem honorum, dicit : *Ibit homo in domum æternitatis suæ*, quando scilicet dicetur eis<sup>10</sup> : « Venite, benedicti patris mei, percipite regnum, quod paratum est vobis a constitutione mundi. » Et tunc ibunt in domum æternæ laetitiae<sup>11</sup> : « Venient in Sion cum laude et laetitia sempiterna super capita eorum. Gaudium et exultationem obtinebunt. » Quantum ad malos, dicit : *Et circuibunt in platea plangentes*, scilicet mali<sup>12</sup> : « Dicentes intra se, poenitentiam agentes, et præ angustia spiritus gementes; » et<sup>13</sup> : « Tunc parebit signum filii hominis in cœlo. Tunc plangent omnes tribus terræ. »

6. *Antequam rumpatur*, etc. Egit supra de antecedentibus ad judicium, et concomitantibus; hic agit de consequentibus. Describit autem sex consequentia post judicij statum. Primum, notatur evacuatio eloquentiæ, cum dicitur : *Antequam rumpatur funis argenteus*. Argentum est sonorum, et significat eloquentiam; funis argenteus est ver-

<sup>1</sup> Isa., xxx, 19. — <sup>2</sup> Apoc., XIII, 3. — <sup>3</sup> Ibid., 8.  
— <sup>4</sup> Num., XVII, 8. — <sup>5</sup> Apoc., XIII, 14. — <sup>6</sup> Deut., XXXII, 15. — <sup>7</sup> II Mach., VII, 24. — <sup>8</sup> Luc., VIII,

<sup>9</sup> Matth., XXIV, 21. — <sup>10</sup> Ibid., XXV, 34.  
— <sup>11</sup> Isa., XXXV, 10. — <sup>12</sup> Sap., V, 3. — <sup>13</sup> Matth., XXIV, 30. — (a) Leg. avertitur.

borum conjunctio et colligatio , quæ ad modum funis hominem ligat , dum persuadet , secundum illud <sup>1</sup> : « Irretivit eum multis sermonibus , et blanditiis labiorum protraxit illum. » Tunc ergo rumpetur funis argenteus , quando post diem judicii mundana eloquentia obmutescet. <sup>2</sup> « Amice , quomodo hue intrasti non habens vestem nuptialem ? At ille obmutuit. » Secundo notatur evacuatio prælationis , sive potentiae , cum dicit : *Recurrat vitta aurea*. Per vitam , quæ <sup>3</sup> ponebatur in capite sacerdotis , intelligitur ordo potentiae et prælationis , in quo colligatur Ecclesia : ista vitta recurrat ad suum principium , scilicet quando solus Christus dominabitur , et omnis potestas auferetur ; et hoc erit post judicium <sup>4</sup> : « Deinde finis , cum tradiderit regnum Deo , et Patri , cum evacuaverit omnem principatum , et dominationem , et virtutem. » Tertio notatur evacuatio mundanæ sapientiae , cum dicit : *Et conteratur hydria super fontem*. Ista hydria est cordis curiositas , quæ affertur ad hauriendam sapientiam , de qua dicitur in figura , quod <sup>5</sup> « venit mulier de Samaria cum hydria haurire aquam. » Mulier de Samaria gentilitas est , quæ venit cum hydria , id est , curiositate , ad sapientiam hauriendam. Unde dicitur , quod <sup>6</sup> « Athenienses ad nihil aliud vacabant , nisi aut dicere , aut audire aliquid novi. » Fons autem est mundana sapientia , unde in Psalmo <sup>7</sup> : « Tu dirupisti fontes et torrentes ; tu siccasti fluvios Ethan. » Hydria ergo super fontem frangitur , quando non restat locus , ut mundanæ sapientiae curiose vacetur <sup>8</sup> : « Et comminuetur illis lagena figuli contritione pervalida. » Quarto notatur ablatio mundanæ opulentiae , cum subjungit : *Et confringatur rota super cisternam*. Per cisternam , quæ recipit aquas , intelligitur congregatio opulentiae mundanæ , secundum illud <sup>9</sup> : « Me dereliquerunt fontem

aquæ vivæ , et foderunt sibi cisternas dissipatas. » Rota dicitur volubilitas et variabilitas in possidendo : unde ista dicuntur bona fortunæ. Tunc ergo rota confringitur super cisternam , quando omnis spes habendi bona temporalia aufertur : quod signatum est , dum <sup>10</sup> « respiciens Dominus super castra Ægyptiorum , subvertit rotas curruum , » quia <sup>11</sup> « substantiae impiorum , sicut fluvius , siecabuntur. » Quinto notatur , quomodo fiet infictio pœnæ , cum dicit (v. 7) : *Et revertatur pulvis in terram*. Pulvis recte dicitur impius et peccator , secundum illud <sup>12</sup> : « Non sic impii , non sic ; sed tanquam pulvis , quem projicit ventus a facie terræ. » Terra , obscuritatis profunditas , secundum illud <sup>13</sup> : « Cœlum sursum , et terra deorsum. » Tunc ergo pulvis ad terram revertitur , quando peccator in infernum infernalis tenebrositatis recluditur <sup>14</sup> : « Qui non est inventus in libro vitæ scriptus , missus est in stagnum ignis. » Sexto vero notatur , quomodo justis et spirituatus fiet collatio gloriae , cum dicit : *Spiritus redeat ad Deum , qui dedit illum*. Spiritus est homo spiritualis , qui Deo est conjunctus per gratiam <sup>15</sup> : « Qui adhæret Domino , unus spiritus est. » Iste spiritus redit ad Deum , non quia prius fuerit cum eo , et post recesserit , cum venit ad corpus , et in morte iterum revertitur , quemadmodum voluit Origenes ; sed ideo redire dicitur , quia ab illo est , et per illum et ad illum finaliter ordinatur : et hoc quidem erit in gloria post judicium <sup>16</sup> : « Cum autem apparuerit Christus vita vestra , tunc et vos apparebitis cum ipso in gloria. »

8. *Vanitas vanitatum*, etc. Sicut dictum fuit a principio libri , totus liber iste ad probandum unam propositionem ordinem habet , quam in principio libri proposuit , dicens : « Vanitas vanitatum , dixit Ecclesiastes. » Supra similiter dixit , id est , proposuit ; sed nunc *dixit Ecclesiastes* , id est , conclusit ;

<sup>1</sup> Prov., VII, 21. — <sup>2</sup> Matth., XXII, 12. — <sup>3</sup> Exod., XXVIII, 28. — <sup>4</sup> I Cor., XV, 24. — <sup>5</sup> Joan., IV, 7. — <sup>6</sup> Act., XVII, 21. — <sup>7</sup> Psal. LXXXIII, 15. — <sup>8</sup> Isa., XXX,

<sup>14</sup>. — <sup>9</sup> Jerem., II, 13. — <sup>10</sup> Exod., XIV, 25. — <sup>11</sup> Eccli., XL, 13. — <sup>12</sup> Psal. I, 4. — <sup>13</sup> Prov., XXV, 3. — <sup>14</sup> Apoc., XX, 15. — <sup>15</sup> I Cor., VI, 17. — <sup>16</sup> Col., III, 4.

*dixit*, inquam: *Vanitas vanitatum*. Sermo iste materialiter tenetur, et mansit actus dicens super ipsum, ut sit sensus: Ecclesiastes dixit hunc sermonem: *Vanitas vanitatum*. Et in hoc sermone, genitivus ille designat originem, ut sit sensus: *Vanitas vanitatum*, id est, a vanitatibus oritur vanitas. *Dixit* etiam Ecclesiastes: *Omnia vanitas*, et intelligitur verbum substantivum ex usu loquendi: *Omnia sunt vanitas*. Ex hoc duplice dicto elicetur talis ratio: Si a vanitatibus oritur vanitas, et omnia vanitas, ergo omnia creata dilectorem beatum non faciunt, sed vanum, secundum illud<sup>1</sup>: « Ambulaverunt post vanitatem, et vani facti sunt. » Si ergo omnes debent appetere beatitudinem et refugere vanitatem, ergo omnes debent terrena desplicere: et haec est conclusio hujus libri.

9. *Cumque esse sapientissimus*, etc. Dictum est supra, quod liber iste habet tres partes principales, scilicet Prologum, Tractatum, et Epilogum. Duabus primis partibus terminatis, hic incipit tertia pars. In hoc autem Epilogo, hoc ordine procedit: primo notatur sribentis studiositas; secundo, sermonis ejus auctoritas; tertio, reprimitur curiositas auditorum; quarto, aperitur summa dictorum. Insinuat ergo primo sribentis studiositas: quia cum esset sapiens, sapientiam suam non abscondit, sed aliis enarravit: ideo dicit: *Cumque esset sapientissimus Ecclesiastes*.<sup>2</sup> « Præcedebat sapientia Salomonis sapientiam omnium Orientalium, et erat sapientior cunctis hominibus. » Cum ita esset sapiens, non fuit negligens, sed diligens: unde: *Ducuit populum*<sup>3</sup>: « Adhuc doctrinam, quasi prophetiam, effundam, et relinquam illam quærentibus sapientiam. » Et post subdit<sup>4</sup>: « Respicite, quia non mihi soli laboravi, sed omnibus quærentibus veritatem. » Explicat diligentiam, scilicet per multitudinem scriptorum documentorum; et tanguntur hi tres libri, quos composuit Ecclesiastes, cum dicit:

<sup>1</sup> *Jerem.*, II, 5. — <sup>2</sup> *III Reg.*, IV, 30. — <sup>3</sup> *Eccli.*, XXIV, 46. — <sup>4</sup> *Ibid.*, 47. — <sup>5</sup> *Prov.*, I, 1, 2. — <sup>6</sup> *Prov.*,

*Et enarravit quæ fecerat*: et hoc in libro *Ecclesiastæ* (a). Supra enim narravit opera spiritualia et carnalia, ut in malis daret exemplum detestandi, in bonis exemplum imitandi. Secundo tangitur liber *Proverbiorum*, cum dicit: *Et investigans composuit parabolas, quæ sunt verba utilia*; unde inquit ibi<sup>5</sup>: « Principium Proverbiorum, Parabolæ Salomonis, filii David, regis Israel, ad scientiam sapientiam, et disciplinam, et intelligenda verba prudentiae. Tertio tangitur hic liber *Canticorum*, cum dicit: *Et conscripsit sermones rectissimos, ac veritate plenos*. Ille dicit, quia verba, quæ dicuntur in *Canticis*, videntur verba luxuriæ et libidinis; ideo dicit: *Sermones rectissimos*, id est, justos et bonos<sup>6</sup>: « Justi sunt omnes sermones mei, non est in eis pravum quid, neque perversum. » Videntur etiam verba *Canticorum* esse falsa et jocosa, cum dicit<sup>7</sup>: « Nasus tuus sicut turris; » ideo dicit: *Ac veritate plenos*: plenum enim est illud, quod intra continet aliquid, et capit: et sic verba *Canticorum* intus celant et audiunt veritatem: et hoc necessarium in omni doctrina<sup>8</sup>: « Ante omnia opera verbum verax præcedat te. »

11. *Verba sapientium*, etc. Hic secundo notatur sermonum, sive documentorum ejus auctoritas: quia non sunt leviter prolata, imo cum consilio prolata, et a Deo inspirata; et ideo sunt firma, et stabilia; et propterea dicit: *Verba sapientium quasi stimuli*, ad interiora scilicet penetrantes; et *quasi clavi in altum defixi*, id est in profundum, qui sunt immobiles; et ideo non de facili repelluntur a corde; sed manent, et ad bonum reducunt. Unde verbum Dei gladio comparatur, juxta illud<sup>9</sup>: « *Et gladium spiritus, quod est verbum Dei*. » Ideo pungit cor, juxta illud<sup>10</sup>: « *His auditis, compuncti sunt corde*. » Sunt ergo verba sapientium penetrantia, quia non sunt leviter dicta: ideo dicit: *Quæ per magistrorum consilium, id*

VIII, 8. — <sup>7</sup> *Cant.*, VII, 4. — <sup>8</sup> *Eccli.*, XXVII, 20. —

<sup>9</sup> *Ephes.*, VI, 17. — <sup>10</sup> *Act.*, II, 37.

(a) Cæt. edit. *Ecclesiastes*.

est, deliberatam discussionem et sententiam, *Data sunt a pastore uno*, id est, a Christo, qui est pastor<sup>1</sup>: « Ego sum pastor bonus. » Ab isto pastore verba sapientium sunt data; quia, secundum quod dicit Augustinus<sup>2</sup>: « Cathedram habet in cœlo, qui in terris docet. » Unde dicitur<sup>3</sup>: « Unus est magister vester Christus. » Sunt tamen data *per consilium magistrorum*, id est; ministrorum istius summi Magistri, quos ipse misit, et docuit; unde dicitur<sup>4</sup>: « Seniores, pascite, qui in vobis est, gregem Dei, ut cum venerit Princeps pastorum, percipiatis immarcescibilem gloriae coronam. » Hos misit ipse, dicens<sup>5</sup>: « Euntes ergo docete omnes gentes. »

12. *His amplius*, etc. Hic tertio reprimitur curiositas auditorum, quos alloquitur sub persona filii, dicens: *His amplius, fili mi, ne requiras*, ut semper velis audire nova: sufficit enim scire necessaria, juxta illud<sup>6</sup>: « Quæ præcepit tibi Deus, cogita illa semper, et in pluribus operibus ejus ne fueris curiosus. » Et redditur ratio duplex hujus admonitionis: quia inquisitio hujus curiositatis est interminata; ideo dicit: *Faciendi plures libros nullus est finis*; quia curiosi non habent tot, quin velint audire plures, quia nunquam volunt audire vetera, sed semper nova. Unde<sup>7</sup>: « Athenienses ad nihil aliud vacabant, nisi aut dicere, aut audire aliquid novi. » Ideo dicitur<sup>8</sup>: « Pertransibunt plurima tempora, et multiplex erit scientia; » eo quod scientia semper quodam modo renovatur. Nec tantum est interminata, sed etiam laboriosa et curiosa inquisitio, ideo subdit: *Frequensque meditatio carnis est afflictio*.<sup>9</sup> « Vigilia honestatis tabefaciet carnem. » Est, inquam, afflictio magna, et e contrario utilitas modica, secundum quod dictum est supra<sup>10</sup>: « Est homo, qui in diebus et noctibus non capit somnum oculis: et intellexi, quod operum Dei nullam possit homo invenire rationem. »

13. *Finem loquendi pariter*, etc. Hic quarto tangitur sententia doctorum per quamdam epilogationem, ad quam audiendam et memorandam excitet discipulorum audientiam, cum dicit: *Finem loquendi*, id est, terminum et consummationem locutionis, *pariter omnes audiamus*, tanquam omnibus utilem, et necessariam. Et consistit in hoc sententia omnium doctorum: vel in declinatione mali, vel in comparatione boni: ad quod ordinatur omnis doctrina, et locutio Salomonis, imo tota Scriptura. Ideo primitus, quantum ad declinationem mali, dicit: *Deum time*.<sup>11</sup> « In timore enim Domini declinat omnis a malo. » Quantum ad operationem boni, dicit: *Et mandata ejus observa*.<sup>12</sup> « Audi, Israel, et observa, ut facias, quæ præcepit Dominus. » *Hoc est omnis homo*, id est, totus et perfectus homo: si enim facit bonum, et non declinat a malo, non est integer homo, sed dimidius; rursus, si declinat a malo, et non facit bonum, non est nisi dimidius: si autem declinat a malo per timorem, et facit bonum per mandatorum observationem, jam *est omnis homo*, id est, perfectus et completus. Justus Dominus ab homine nil amplius requirit<sup>13</sup>: « Et nunc, Israel, quid Dominus requirit a te, nisi ut timeas Dominum Deum tuum, et ambules in viis ejus, et servias Domino in toto corde tuo, et in tota anima tua, custodiasque mandata Domini Dei tui? » Et ratio est, quare Deus timendus sit, et mandata ejus sint observanda: quia de omnibus exigit rationem, sive de bonis, sive de malis: ideo subdit (v. 14): *Et cuncta quæ fiunt, adducet Deus in judicium pro omni errato*: quia nihil remanebit indiscutsum, nec gestum per malitiam, nec gestum per errorem<sup>14</sup>: « De omni enim verbo otioso, quod locuti fuerint homines, reddent rationem. » Et non tantum discutientur mala, imo et bona; ideo subdit: *Sive bonum, sive malum sit, adducetur in judicio*, unde<sup>15</sup>: « Cum accepero

<sup>1</sup> *Joan.*, x, 11, 14. — <sup>2</sup> *Aug.*, *de Discipl. Christ.*, c. III, in fine. — <sup>3</sup> *Matth.*, XXIII, 10. — <sup>4</sup> *I Petr.*, v, 2. — <sup>5</sup> *Matth.*, XXVIII, 19. — <sup>6</sup> *Ecli.*, III, 22. — <sup>7</sup> *Act.*, XVII, 24. — <sup>8</sup> *Dan.*, XII, 4. — <sup>9</sup> *Ecli.*, XXXI, 1. —

<sup>10</sup> *Supra*, VIII, 16. — <sup>11</sup> *Prov.*, XVI, 6. — <sup>12</sup> *Deut.*, VI, 3. — <sup>13</sup> *Ibid.*, X, 12. — <sup>14</sup> *Matth.*, XII, 36. — <sup>15</sup> *Psal.*, LXXXIV, 3.

tempus, ego justias judicabo. » Et rursus<sup>1</sup>: « Omnes nos manifestari oportet ante tribunal Christi. » Ideo cuncta judicabit, quia omnia respicit. Et hoc est, quod multum debet hortari ad timorem, et mandatorum observationem; et ideo in hoc consummat,

sicut et Boetius in fine *de Consolationibus*: « Magna est nobis indicta necessitas probitatis, dum cuncta agimus in conspectu iudicis cuncta intuentis. »

<sup>1</sup> II Cor., v, 10.

FINIS TOMI NONI.

## INDEX MATERIARUM QUÆ IN TOMO NONO

### OPERUM

# SANCTI BONAVENTURÆ CONTINENTUR

---

**PRÆFATIONIS LOCO.** Ex Prodromo excerpta quædam.

Testimonium Sixti Senensis.

**PRINCIPIUM SACRÆ SCRIPTURÆ.** De sacræ Scripturæ præstantia.

Scriptura in quatuor rivos divisa.

Christus medium septiforme.

Veteris Testamenti divisio.

Novi Testamenti divisio.

**ILLUMINATIONES ECCLESIE IN HEXAEMERON.** Argumentum ex edit. Vatic.

Sermo 1, quo ostenditur, et cui loquendum sit, et a quo initium dicendi sumendum, nempe a Christo Domino, quod medium septiforme esse declaratur.

Sermo 2. Quod in plenitudine sapientiae sermo terminandus est.

Sermo 3. De dono intellectus.

Sermo 4. De luce intellectus, quæ est veritas, de ejus speciebus, et visione intelligentiæ per naturam inditæ.

Sermo 5. De medio et virtutibus, et de radiis lucis veritatis, ac de triplici virtute, scilicet rerum, morum et sermonum.

Sermo 6. De virtutibus cardinalibus, et de virtutibus animi jam purgati.

Sermo 7. De virtutibus informatis per charitatem.

Sermo 8, quo explicatur secunda visio de sublimitate fidei, et quomodo comparatur firmamento, ac de visione intelligentiæ per fidem sublevatae.

Sermo 9. De fidei altitudine et firmitate.

Sermo 10. De fidei speciositate, quæ cœlo comparatur.

Sermo 11. Quomodo Trinitas est speculum pulcherrimum.

Sermo 12. Quomodo Deus exemplar est omnium rerum, et Scriptura dicitur os Dei.

Sermo 13, quo exponitur tertia consideratio de multiplici intelligentia sacræ Scripturæ, et de ejus theoriis et figuris, ac de divisione intelligentiæ per Scripturam eruditæ.

Sermo 14. De mysterio sacræ Scripturæ ante legem, sub lege, et post legem, et de figuris sacræ Scripturæ.

Sermo 15. De mysterio Scripturæ, et corpore Christi, et de Antichristo.

Sermo 16. De statu Ecclesie, et æstatibus sex, cum quibus currit septima ætas, et de theoriis sacræ Scripturæ.

Sermo 17. Quomodo Scriptura reficit intellec-

tum et affectum, et anima quasi in paradiso delectatur, et de theoriis sacrae Scripturæ.

110

Sermo 18. Quomodo intellectus ordinatur ad affectum, et de fructibus eorum.

115

Sermo 19. De modo studendi, et proficiendi in sacra Scriptura, et de theoriis ejusdem.

121

Sermo 20, quo exponitur quarta consideratio de contemplatione, quæ fit per modum diversum, quo soli, et lunæ, et stellis comparatur; ac de visione intelligentiæ per contemplationem suspensæ.

126

Sermo 21. De personarum trinitate, et de essentiæ unitate, et appropriatis, et lege triplici, et de hierarchiarum ordinatione.

132

Sermo 22. De statu Ecclesie militantis, qualiter in suis ordinibus est disposita: et supernæ Hierusalem comparatur.

139

Sermo 23. Quod anima contemplativa debet considerare Ecclesiam militarem, descendente, et ascidente.

147

Additiones ad Luminaria.

152

**EXPOSITIO IN PSALTERIUM.** Argumentum, ex editione Vaticana.

154

Expositionis in Psalterium Index alphabeticus ex vetusto exemplari Ms.

155

In Præfatione. Opus conditionis, et opus restauracionis. Theologia aliiis disciplinis liberalibus praestat. Argumentum quomodo præcellat. Epilogus omnium librorum Veteris Testamenti, et de nominibus eorum.

155

Quæ sunt attendenda circa auctorem et causam, et nomen libri, et instrumentum a quo trahit liber similitudinem in multis: et quare David dicatur eximus prophetarum.

156

Et quare dicatur tuba. Quis sit septimæ decadis septimus (a) annus. Triplices causa frequentationis hujus libri. De quinque distinctionibus per Fiat, fiat. Distinctio inter soliloquium, et signiloquium. De necessitate consequentis, et consequendi.

157

*Beatus vir, qui non abiit, Psalm. 1.* De accessu ad Deum, et de recessu a Deo: in quibus tanquam contrariorum eadem disciplina. De tribus positionibus (b) Dei. De lectione, meditatione, et oratione. De tribus paradisis, tribus lignis, et tribus incolis. Quomodo Adam fuit arbor, folium, stipula. Propter tria Spiritus sanctus (c) aquæ comparatur.

158

(a) Edit. Ven. unus. — (b) Item quibus petitionibus. —

(c) Item deest Spiritus sanctus. —

## INDEX.

De quadruplici genere hominum, et (a) de resurrectione quadruplici. Ad resurrectionem animæ tria sunt necessaria. Quare sancti dicantur judicare in futuro : propter tria. Quod quatuor sunt iudicia Dei.  
*Quare fremuerunt gentes*, Psalm. 2. Congrua (b) similitudo vincularum (c) et mauditorum. De jugo et subjectione diversa.  
Ecclesia dicitur hereditas Christi propter tria. Electus debet servire Deo propter tria. Deus dicitur patiens propter tria (d).  
Dona alia naturæ, alia gratia (e). Quare Deus dicitur potius esse in cœlo quam alibi; et quod triplex sit cœlum.  
*Domine, quid multiplicati sunt*, Psalm. 3. Quod quinque modis sumatur in Psalmo titulus. Quod Deus providet tria. De multiplicatione multiplici. Quod mors Christi (f) dormitioni comparatur. De cantico Psalmi. De fuga sanctorum.  
*Cum invocarem, exaudiuit*, Psalm. 4. Quomodo finis diversis modis accipitur? De diversa consummatione. Quid significet Diapsalma. Signatum quot modis dicatur (e). Diversæ dormieundi rationes (e).  
*Verba mea auribus percipe, Domine*, Psalm. 5. Libertas Ecclesiæ multiplex (e). Quod dicitur Deus proprie esse propter tria. Quæ sint prævidenda ante ædificationem (g). Quadrifaria divisione Ecclesiæ.  
*Domine, ne in furore tuo*, Psalm. 6. Quidam psalmi sunt historiales, pœnitentiales, præcomiales, medicinales. Quod tribus modis Deus homini miseretur. Mors, unde mortuus.  
*Domine Deus meus, in te speravi*, Psalm. 7. Quomodo David per plangentem omuem legem adimplerit. Tres status justorum, pœnitentiae, iustitiae et gloriae (h). Confessio laudis in tribus, et similiter confessio peccati.  
*Domine Dominus noster*, Psalm. 8. De torculari Ecclesia (e). Duplex separatio fit in Ecclesia, animo et loco.  
Nomen Domini diverse accipitur. Quid per lac, butyrum et mel intelligitur? Quod Romæ antiquitus tres fiebant solemnitates principales, quæ nostrorum temporum (i) tribus conveniunt.  
*Confitebor tibi, Domine, in toto corde meo*, Psal. 9. Quadruplex Christi adventus. Thronus quid significet (e).  
De fuga multiplici, et diversa paupertate. Triplex patrum desiderium, ut fruatur, ut uniantur Deo, ut liberentur a malo triplici. Dies Domini primo occultus, deinde manifestus (e). Potentia Christi varie ostenditur (e).  
*In Domino confido*, Psalm. 10. De octavis. Quotupli modo censeantur membra putrida (e). Diversis modis dat Deus. Christus dicitur justus autonomasticus propter tria. Dominus habitat in habente quatuor. De dextro et sinistro oculo Dei, et quomodo palpebras claudet, vel aperiat. De imbre salubri, et illaqueante.  
*Salvum me fac, Domine*, Psalm. 11. De intelligentia geminata, vel interposita dictionis. Eloquentiam Domini quinque debet habere. De diversis septenariis. De auro, argento, ligno, ferro et stipula.

(a) Item omitt. et. — (b) Edit. Ven. Longinqua. — (c) Item miraculorum. — (d) Item, intervenero ordine : Deus dic. pat. propt. tria. Electus deb. serv. Deo propter tria. — (e) Hoc

- Quod Deus humanatus dicitur circulus. Usquequo, *Domine, oblivisceris*, Psalm. 12. Transitus diversi in divinis officiis (e). Diversa genera inimicorum. De sex oculis. 169  
*Dixit insipiens in corde suo*, Psalm. 13. Triplex sapientia : poli, fori et doli. De diversa corruptione. 169  
Quatuor genera hominum quorum nullus facit bonum. 169  
*Domine, quis habitabit?* Psalm. 14. Quot modis accipitur tabernaculum. De figura quæ zeugma dicitur. 170  
Quod perjurium tribus modis committitur. 170  
*Conserua me, Domine*, Psalm. 15. Quatuor sunt quæ ministrant nobis, necessaria omnia. Quatuor Dei voluntates. Quomodo Deus a dextris, et diabolus a sinistris. De tribus viis quæ signantur per bonitatem, et disciplinam, et scientiam. 171  
Quandoque Christus transfigurat se in nobis, quandoque nos in ipso (e).  
*Exaudi, Domine, justitiam meam*, Psalm. 16. Quod justitia consistit in duabus. Tria generantur. Negativa particula quandoque, semel posita, bis intelligitur. Diapsalmatis usus (e). 172  
De aliis Dei (e). Divini auxili momenta quatuor (e). Circa allegorianam quid notaendum (e).  
*Diligam te, Domine*, Psalm. 17. Allegoria quandoque sumitur a nominis interpretatione, vel a rei proprietate. 173  
Animi fortitudo duobus modis præcipue (j) probatur. Et tres inventi sunt fortes. De quadruplici morte. Quare prædicatores dicuntur venti vel nubes. 174  
De ventis spiritualibus. De diversa voce Christi. De significantia et pronuntiatione pronominis. De triplici increpatio et consolatione. De multiplici latitudine. De gradibus justificationis. 175  
Quod causam probat effectus aliquando. Dictio *Quia* (e). A tribus ventis extinguitur lucerna, et ab uno incenditur. Tentationis origo triplex (e). Præcincti, succincti et accincti, quatenus differant (e). Dictionis *Donec variil sensus* (e). Disciplina in tribus consistit, quæ dant sibi mutuum suffragium. Quare Christus caput nostrum dicatur. De subtractione et appositione dictionis. 176  
*Cœli enarrant gloriam Dei*, Psalm. 18. Quod coniunctio *Et* notat diversa. De diversitate dierum spiritualium. De diversis causis super præteriti intelligentiam. Commencatio Evangelii a sextuplici capite (e). Quomodo genitivus significet aliquid alienum esse. *Quis* quandoque removet generalitatem, quandoque ponit singularitatem, vel impossibilitatem, vel raritatem, vel admirationem, vel dubitatem. 177  
*Exaudiat te Dominus in die tribulationis*, Psalm. 19. De sacrificio quadripartito. De curru avaritiae, et auriga. Quid sit triumphus, et quomodo antiquitus fiebat. 178  
*Domine, in virtute*, Psalm. 20. Qua ratione Christus salutare Patris (e). Adjectio *con* diversam facit intelligentiam. 179  
De multiplici clibanio. De diversis portis, et quomodo attollantur et pateant. Potentia Dei in quibus consistat (e).  
*Deus, Deus meus, respice in me*, Psalm. 21. Unde non habent cæst. edit. — (f) *Cœt. edit. deest* Christi. — (g) *Cœt. edit. ædificium*. — (h) *Item justitiae, pœnit. et gratiæ*. — (i) *Item nostris temporibus*. — (j) *Cœt. edit. proprie*.

incipiant psalmi de passione, et in quo terminentur.	
Quod triplici de causa justus non exauditur.	
Quod tria curanda ( <i>a</i> ) sunt in oratione. De triplici cruce, et de tribus generibus hominum.	
Triplici de causa fit transitus ad allegoriam.	
Proximus diversis modis accipitur.	
Quod canes diversa significant ( <i>b</i> ). Quod tumor tribus modis sanatur ( <i>c</i> ). Quatuor partes Missæ ( <i>d</i> ). Liberationis diversi modi ( <i>e</i> ). Quod tribus modis Christus ( <i>f</i> ) inhabitat. Quare Papa communicet sedens. Passio Christi cena ( <i>e</i> ). De quadruplici vita.	
<i>Dominus regit me</i> , Psalm. 22. De pastu quo Christus pascit.	
De sufficientia Christiani ( <i>g</i> ). Babylonis significatio triplex ( <i>e</i> ). De diversitate virgarum. Pronomen <i>Ipse</i> quid notel. De mensa sacrae Scripturæ et quatuor dapibus ( <i>h</i> ). De ebrietate corporali et spirituali.	
<i>Domini est terra</i> , Psalm. 23. Sex psalmi nomine sabbati intitulantur. Juramentum quot modis illicitum ( <i>e</i> ). Quomodo aliquid dicatur tolli. Quare principium et finis horarum tribus diebus subticeantur ( <i>i</i> ) ante Pascha.	
<i>Ad te, Domine, levavi</i> , Psalm. 24. De diversis populis. Quomodo erigi quis possit ad Deum ( <i>e</i> ). De triplici petitione ( <i>e</i> ).	
Quod imperatives non semper imperative ponitur. Multiplici modo dicitur Deus videre ( <i>e</i> ). Quod nomen <i>Corpus</i> octo modis accipitur.	
<i>Judica me, Domine, quoniam ego in innocentia</i> , Psalm. 25. Quid sit intus, sive extra versari ( <i>e</i> ). Duo praestanda ( <i>e</i> ). Concupiscentiae fomes duplex ( <i>e</i> ). In Deo misericordia et veritas ( <i>e</i> ). Vanitatis multiplex genus ( <i>e</i> ). De quatuor quæ odit Deus ( <i>e</i> ). Geminæ manus.	
De figura quæ Anthropopathos dicitur, per quam passiones mentis Deo attribuiuntur, et quinque modis. De diversa significatione ignis. De significatione altaris.	
<i>Dominus illuminatio</i> , Psalm. 26. De figura Anaphora, quando eadem dictio repetitur.	
Quod Paries habet plures significations. Quod Anima diversis modis sumitur. Voluptatem Domini videre quid sit ( <i>e</i> ). Quid nomine templi Scriptura significat ( <i>j</i> ). Quod Christus et petra et saxum et lapis dicitur. De triplici labore in presenti. Clamor quotplex ( <i>e</i> ). Quot modis declinet Deus ab homine. Lex triplex ( <i>e</i> ).	
<i>Ad te clamabo</i> , Psalm. 27. Inter depreciationem et orationem quid discriminis ( <i>e</i> ). Quare potius dicatur Deus in celo quam alibi. Quare versus orientem potissimum orandum ( <i>e</i> ). De diversa benedictione Creatoris et creature. Quid nomine floris significatur. Quod in Ecclesia sunt tria genera hominum.	
<i>Afferte Domino, filii Dei</i> , Psalm. 28. Oblationum et offerentium differentiam ( <i>e</i> ).	
Quod apostoli dicuntur arietes propter quatuor. Deus Dominus dupliciter ( <i>e</i> ). Quid pro proximis, sive boni sint, sive mali, Deo debeamus ( <i>e</i> ). Contra fluctuationes mentis quæ sint remedia ( <i>e</i> ). Multipliciter intonat Deus ( <i>e</i> ).	
Quare Sancti dicuntur unicornes, et quare Christus dicatur filius unicornium. Quomodo, et	
( <i>a</i> ) <i>Item captanda</i> . — ( <i>b</i> ) <i>Al.</i> De diversitate causarum. — ( <i>c</i> ) <i>Al.</i> Quod timor tribus modis sanat. — ( <i>d</i> ) <i>Al.</i> Tres sunt petitiones Missæ. — ( <i>e</i> ) Hoc minime notarunt cœl. edit. — ( <i>f</i> ) <i>Al.</i>	
pro quibus interdicatur, vel potius extinguatur flamma ignis; et de tribus pueris, de proprietatibus et natura cervi.	191
De diversis Domini vocibus. De proprietatibus aquæ. De benedictione in pace.	192
Quod apostoli dicuntur arietes propter quatuor. <i>Præ quid notet</i> ( <i>e</i> ). Atri multiplex significatio ( <i>e</i> ). Quot modis dicatur vitulus. De progressu Dei.	193
<i>Exaltabo te, Domine</i> , Psalm. 29. Ad domum faciendam quatuor necessaria. De plenitudine donorum in Christo ( <i>k</i> ). In Dominica Palmarum tristitia miscetur letitiae ( <i>e</i> ). Quot modis res signetur. Quot modis vesper dicatur. Quot modis mane dicatur.	194
Quod caro Christi dicitur saceus. Ornatus templi in Natali Domini ( <i>e</i> ). De triplici stola.	
<i>In te, Domine, speravi, non confundar</i> , Psalm. 30. Quod quatuor modis spes dicitur. Quot modis odium dicatur. Quod miseria Adæ in tribus consistit. Tædii sanctorum hominum causa multiplex ( <i>e</i> ). De multiplici vase.	195
De triplici deductione. De multiplici civitate. De multiplici inimico.	
<i>Beati quorum remissæ</i> , Psalm. 31. De tribus vitiis, et de tribus antidotis homini dati contra illa. Quod vitatio viti est in daobus. Peccatum in homine, ab homine, hominis.	196
Quot modis videre Deus dicatur. Quid per tempus opportunum intelligatur ( <i>e</i> ). Aqua quotuplex. De sex generibus hominum.	
<i>Exultate, justi, in Domino</i> , Psalm. 32. De multiplici confessione. De novitate quadruplici quam Christus attulit ( <i>e</i> ). De multiplici terra.	197
De multiplici ore Dei ( <i>e</i> ). De multiplici fame.	
<i>Benedic Domini in omni tempore</i> , Psalm. 33. Quod laus Dei consistit in tribus, scilicet in benedictione, in magnificencia et in honorum prosecutione. De multiplici pulsatione. De quinque generibus paupertatis.	198
De cibo corporali et spirituali, et eorum discrimine. De multiplici gratia. Quod martyrium tria debet habere. De triplici gradu liberationis ( <i>l</i> ) antiquorum patrum.	
<i>Judica, Domine, nocentes me</i> , Psalm. 34. De triplici judicio, tum in præsenti, tum in futuro. Quibus ex causis navis periclitetur.	199
Armis et scuto pugnandum adversus mundum. Inopie et paupertatis discriben. De triplici sterilitate. De jejunio Christi. De triplici tentatione hominis ad Deum, et Dei ad hominem.	200
Multiplex Ecclesie magnitudo ( <i>e</i> ). Multiplex gravitatis genus. Quod multipliciter dicitur Deus exurgere.	
<i>Dixit in justus, ut delinquat</i> , Psalm. 35. Unde datur servus. Multiplex peccatorum genus.	201
Cur in sacrificio Abraham abjeciebat aves? Duæ alæ Dei, et sex hominis. Quod mons novem modis dicitur.	202
De ebrietate spirituali, et corporali. De multiplici domo.	
<i>Noli æmulari in malignantibus</i> , Psalm. 36. De multiplici æmulatione. De multiplici herba. De multiplici olere.	203
De multiplici arcu. De quadruplici via. De multiplici casu ( <i>e</i> ). De quatuor generibus eleemosynæ. Multiplex exultationis genus.	
Deus. — ( <i>g</i> ) <i>Al.</i> Christi. — ( <i>h</i> ) <i>Al.</i> pedibus. — ( <i>i</i> ) <i>Al.</i> Subtetur. — ( <i>j</i> ) <i>Al.</i> Quomodo templum sumitur. — ( <i>k</i> ) <i>Al.</i> Christi. — ( <i>l</i> ) <i>Cœl.</i> edit. De triplici liberatione.	

## INDEX.

204	<i>Domine, ne in furore tuo, Psalm. 37.</i> Furor multiplex. De multiplici sagitta. Quatuor genera hominum. De peccati fœtore.	Audite hæc, omnes gentes, Psalm. 48. De multiplici abjectione. Quod divitiae in tribus attenduntur. Christus quomodo frater noster (a). Quod Deus placatur tribus, eleemosyna, contritione et oratione. Quod pena aeterna multiplex est. Quomodo homo factus sit ad imaginem et similitudinem et conformitatem Dei (a).
205	<i>Dixi : Custodiā vias meas, Psalm. 38.</i> Verbum mentis et oris (a). De triplici silentio. De diversis numeri significacionibus. De substantia prima et secunda. Quod tria Deo apponuntur, scilicet unum, simplex et stabile.	217 De multiplici pelle. De multiplici ovo.
206	Quotupli modo Christus sit super omnia (a). <i>Expectans expectavi Dominum, Psalm. 39.</i> Expectatio multiplex (a). De multiplici luto. Carenimonia Cardinalium in festis. Quod Mare dicitur multipliciter.	<i>Deus deorum Dominus locutus est, Psalm. 49.</i> Quod multis modis Dominus Deus dicitur. Vocationum modi decem (a). De multiplici formositate Christi (a). De pena qua Deus puniet in futuro. Quod quatuor sunt acceptiones hujus nominis, <i>Testamentum</i> (e).
207	Quod duas sunt misericordiae species. Tria consideranda homini de seipso (a). <i>Beatus qui intelligit, Psalm. 40.</i> Quomodo Christus dici possit unus, geminus et trinus. De multiplici necessitate. Homo interior et exterior (a). Diversum pacis genus.	Prædicatio qua sit propter finem profanum prohibita. Quod triplici præsertim generi peccatorum odio est disciplua. De quatuor generibus sacrificiorum.
208	Quod duæ sunt misericordiae species. Tria consideranda homini de seipso (a). <i>Beatus qui intelligit, Psalm. 40.</i> Quomodo Christus dici possit unus, geminus et trinus. De multiplici necessitate. Homo interior et exterior (a). Diversum pacis genus.	<i>Miserere mei, Deus, Psalm. 50.</i> Quod Deus judex est qui nec corrumpi, nec vinci, nec declinari potest (a).
209	<i>Quemadmodum desiderat cervus, Psalm. 41.</i> Quod anima sit in cerebro secundum physicos, in corde secundum theologos. De multiplici effusione. Diversi generis gaudia (a). Quod sensualitas perturbat animam. De multiplici abyso.	Quod quidam suum peccatum negant, quidam in Deum retorquent. Quo sensu difficultia dici possint quæ apponuntur in psalmis penitentialibus (a). Quod hic psalmus, quia quinqquagesimus est, potest dici jubilæus. Quod alicujus esse aliquid dicitur novem modis. Quod peccatum in nobis multipliciter consideratur.
210	<i>Judica me, Deus, Psalm. 42.</i> De multiplici tristitia. De multiplici emissione.	Quatenus incertus sive occultus sit adventus Christi (a). Quod veritas multipliciter dicitur. Hyssopi comparatio cum Christo. Qua ratione dno offerenda sint, caput scilicet et canda. Quod triplici de causa prohibetur aliquis loqui. Quod in sacrificio tria debent esse.
211	<i>Deus, auribus nostris audivimus, Psalm. 43.</i> De multiplici vocazione Dei. De multiplici opere Dei. De multiplici plantatione Dei. Multiplex repulsionis genus (a). De multiplici jejunio. Multiplex oblivionis genus (a). Quot modis dicatur dormire Christus. Divisiones gratiarum (a). <i>Eructavit cor meum verbū, Psalm. 44.</i> Quod tredecim sunt psalmi qui intitulantur nomine intellectus. De quatuor (b) nuptiarum generibus. Forma Christi consistit in duobus (a). Quod præpositio <i>De</i> multiplicem habet significationem. Quot modis regnet Deus (a). Quod summus Pontifex baculum non habet pontificalem, sed Treverensis semper habuit baculum.	<i>Quid gloriaris in malitia, Psalm. 51.</i> Quod Ephod dicitur multis modis. Quid significatur Abimelech nomine (a). Quod tria notantur in effusione sanguinis Christi. De multiplici radice. De multiplici lucerna. Quod tria in oliva commendantur (a).
212	Quod sex sunt notanda in baculo pontificali. De multiplici odore (c). Quod charitas regina virtutum dicitur. De conjugio Christi et Ecclesie. Quod quatuor in uxore eiagenda requiruntur.	<i>Dixit insipiens in corde suo, Psalm. 52.</i> De multiplici dolore Ecclesie (a). Quod corruptio (f) alia corporis, alia animæ.
213	Quod per fimbriam intelligitur humanitas Christi. Triplici de causa dicitur uxor (a). <i>Deus noster refugium et virtus, Psalm. 45.</i> Deus dicitur esse alicujus quadrupliciter (d). Quid per Abraham, Isaac et Jacob significetur (a). De multiplici tribulatione. De multiplici sono.	In peccando gradus quatuor.
214	De mirabilibus operibus Dei (a). Deus abstulit (a) bellum multiplex.	<i>Deus, in nomine tuo salvum me fac, Psalm. 53.</i> Quod id flore tria sunt. Quod duo precipue petenda animæ.
215	<i>Omnes gentes, plaudite, Psalm. 46.</i> Quod potissimum per tria potentiam ostendit Deus (a). Quod jubilus sit laus. Quomodo Christus calvus.	<i>Exaudi, Deus, orationem meam, Psalm. 54.</i> De multiplici oratione. De multiplici regione.
216	<i>Magnus Dominus, Psalm. 47.</i> Quod laus Dei finem non habet (a). Malitiæ signum est, quod principes convenient adversus Dominum (a). Quod in penitentia quatuor debentesse. De triplici attributo Spiritus Sancti (a). Quod sedere dicitur multipliciter. De latitudine Ecclesie (a). Quomodo munita (a). Quod non uno et eodem consilio homines circumdant eam (a).	De multiplici gradu poenarum (a). De multiplicibus pennis. De triplici unitate (a). Maledictio quot modis fiat. Quod plures sunt circumstantia quæ peccatum aggravant (a). De multiplici cibo (a). Quod tribus modis Deus cor hominis emolliit.
217		De multiplici puto.
218		<i>Miserere mei, Deus, quoniam conculcavit, Psalm. 55.</i> De multiplici conculcatione. Quod incola multipliciter dicitur. Anima vas (a). Quod homo liberari indiget (g) a triplici defectu.
219		<i>Miserere mei, Deus, miserere, Psalm. 56.</i> Quod alæ tria faciunt, quæ Deus facit in (h) nobis. Quid sit sanctum intercludi canibus (a). De misericordia Dei et veritate (a). Quod dormitio Christi est triplex. Quod pedes Christi dicuntur multipliciter. De multiplici incurvatione.
220		226
221		
222		
223		
224		
225		
226		

(a) Hoc non habent cæt. edit. — (b) Cæt. edit. diversis. — (c) Item ardore. — (d) Item multipliciter. — (e) Cæt. edit. Sacra-

mentum. — (f) Item incorruptio. — (g) Cæt. edit. liberatus sit. — (h) Cæt. edit. deest in.

<i>Si vere utique justitiam</i> , Psalm. 57. Quid loqui verum vere, vel falso (a). Mandata naturae duo (a). Quod funis (b) multipliciter dicitur. Quod furor est poena (a), vel peccatum, vel contra peccatum. Quod peccator aspidi comparatur quatuor de causis. Quod tria sunt genera dentium. Triduum hominis (a).	227	Quod tribulatio debet praecedere prosperitatem. Quinam sive ad mortem, sive in mortem ponantur (a). Quod in templo Salomonis erat atrium, sanctuarium, sanctum sanctorum. Quid intersit inter holocaustum et simplex sacrificium (j). Quod poenitentes (k) hircis comparantur.
<i>Eripe me de inimicis meis</i> , Psalm. 58. Sepulcrum Christi domus ejus sub triplici respectu (a). Triplices ejus liberatio (a). Christus quadrupliciter vivit (c). Quod Christus gallinæ comparatur propter quinque. Quod lames est multiplex. De multiplici occisione. De multiplici deductione.	228	<i>Deus misereatur nostri</i> , Psalm. 66. Quod animæ profectus fit multis modis. De benedictione multiplici. Quod Christus germen, granum, radix, flos, fructus dicitur.
<i>Deus, repulisti nos</i> , Psalm. 59. De multiplici repulsione. De mutatione multiplici. De multiplici vino. Quid Galaad, Manasses, Ephraim et Juda significant (a). De multiplici calceamento. Triplici modo ad nihilum deduci quis potest (a).	229	De fructu trigesimo, sexagesimo et centesimo. Quod B. Virgo dicitur terra triplici de causa (l).
<i>Exaudi, Deus, deprecationem meam</i> , Psalm. 60. Quomodo operandum (a). De tentatione Dei, hominis, diaboli. De multiplici turri et velamine (a).	230	<i>Exurgat Deus</i> , Psalm. 67. Quandonam Deus datur exurgere in mente hominis. Quatuor leguntur Christi exaltationes (m). Quot modis Christus exaltetur. De duplice arca.
<i>Nonne Deo subjecta erit</i> , Psalm. 61. De multiplici (d) tactu. De triplici hierarchia. De quatuor interpretationibus nominis Abel. Quod Ecclesia incepit ab Abel, et non ab Adam, quadruplici (e) de causa.	231	Quomodo anima tricamerata (a). Quid intersit inter surgere et consurgere. Occasus lapsui similis (a). De multiplici Christi egressu. De multiplici pluvia. De multiplici perfectione legis. Quod Pater dicitur agricola, et semen verbum Dei.
De humilitate, et ejus remunerazione (a). Quod peccatum tribus modis committitur. Quod lex septem modis dicitur. Quod Deus multipliciter loquitur.	232	Uni tantum ex virtutibus debetur bravum (a). Commendatur Christus a quatuor. Quod virtus multipliciter dicitur. Quod Ecclesia significatur per columbam propter tria. De polyptoto (a). Tres hominis potentiae cultui Dei suo quæque modo inserviunt (a). Quod currus (n) multipliciter dicitur. Quod filius dextræ (o) dicitur Paulus.
<i>Deus, Deus meus, ad te de luce</i> , Psalm. 62. Quod aliquid sit aridum tripliciter. Quod in siti tria attenduntur. Quod adeps interior, arvina (f) exterior (g) dicitur. De multiplici adipite.	233	De tribus generibus visionum. In æterna Trinitate tres personæ, et una substantia; in nova vero tres substantiæ et una persona. De dimensionibus ainiæ secundum modum suum.
Quod labia multipliciter dicuntur. Quod stratum multipliciter dicitur. Quod mane multiplex est. De proprietatibus vulpis, et quod principes mali vulpi comparantur.	234	<i>Salvum me fac, Deus</i> , Psalm. 68. Triplici modo transformat se in membra Christus (a). Silentium eloquens. Triplex clamoris genus (p). Quod Christus granum sinapis dicitur propter tria (q).
<i>Exaudi, Deus, orationem meam, cum deprecor</i> , Psalm. 63. De petitione sive amotionis, sive appositionis tribulationum. Quod linguae malorum comparantur gladiis acutis quatuor (h) de causis.	235	De duplice modo loquendi, et singulariter de hyperbole (r). Quatuor leguntur depositiones (s) vestium Christi. Quaternarius ad Evangelium, denarius ad legem refertur. De multiplici luto. Quod Christus puer (t) dicitur propter quatuor.
<i>Te decet hymnus, Deus, in Sion</i> , Psalm. 64. Quod sabbatum in octava Pasche dicitur in albis.	236	De multiplici confusione. De multiplici mensa (a). Episcopi vicarii apostolorum (a). Quid patera et thus significant. De ingenio, memoria et ratione. Quod aliquis scribi potest in libro vitæ tribus de causis. De quatuor libris.
Discrimen inter representari et significari. Quod omnes Levitæ decimas dabunt summo pontifici, et omnes Judæi Levitis. De electione, subjectione et preelectione. Quo jure a Deo petendum ut nos exaudiat (a). Repletionis diversæ rationes (a). Cur præsens sæculum mari comparetur (a). Quare sancti dicuntur montes. Quibus modis terra fœcundetur. Benedictionum diversæ species. In quibus verbum Dei semi-natum sit.	237	Quod Christus doluit, pro omnibus doluit. Laus divina trix complectitur (a). De triplici vinculo.
<i>Jubilate Deo, omnis terra</i> , Psalm. 65. Quod quidam expectant et expectantur, quidam non. De arida, et de homine (a). Quinam sicco pede transeant mundi flumen, quinam vero immergantur. Quod iudex exasperatur (i) tripliciter. De triplici motu (a). De examine per ignem (a). De refrigerio multiplici.	238	<i>Deus, in adjutorium meum intende</i> , Psalm. 69. Multis modis intendit Deus. De duabus figuris, quæ dicuntur Epignome et Epigrammos. Quod egeni sumus propter quatuor. De quatuor generibus persecutionum.
(a) Hoc non habent cæst. edit. — (b) Item finis. — (c) Cæst. edit. add. secundum divinitatem. — (d) Cæst. edit. dupli. — (e) Item triplici. — (f) Cæst. edit. aruima. — (g) Suppl. pin-guedo. — (h) Cæst. edit. quinque. — (i) Cæst. edit. aspergitorum. —	239	<i>In te, Domine, speravi, non confundar</i> , Psalm. 70. Quidquid boni sumus, a Deo sumus (a). Quod fomes peccati dicitur lex carnis. De triplici captivitate. Juventus in tribus consistit. Aetas Ecclesiae secundum diversa distinguitur. Qua-
		(j) Cæst. edit. De quinque generibus sacrificiorum. — (k) Item peccatores. — (l) Item multipliciter. — (m) Item exultationes. — (n) Cæst. edit. turris. — (o) Item Benjamin. — (p) Item clamor Christi triplex est. — (q) Item quatuor. — (r) Cæst. edit. non habent et singulariter de hyperbole. — (s) Cæst. edit. dispositions. — (t) Item pater.

## INDEX.

druplici de causa fit laus, sive oratio vocalis. Deficit quis multipliciter. De triplici litteratura. De triplici hominis officio. Docet Deus quinque modis.		prædicatores ventis comparantur. Pulvis multipliciter dicitur. Quod quidam veniunt ad Deum, quidam abeunt, quidam vero redeunt. De clementia Dei, et miseria hominis (b).	252
De multiplici similitudine. De triplici reductione. De multiplici consolatione.	243	Tres diversi patres. Tria in nobis, et nos in tribus considerare debemus. De multiplici deserto. Quatuor sunt principalia vita quibus homo cadit. Quæ sint habenda homini, ut eligatur a Deo (b). De figuris cereis oblatis ex voto.	253
<i>Deus, judicium tuum regi da</i> , Psalm. 71. Deus dicitur pax triplici de causa. Quod epignome fit quatuor de causis. Quod Ecclesia dicitur luna propter tria. Propheta commendat Christum a quatuor. Tria debemus Deo (a), et tria proximo.	244	<i>Deus, venerunt gentes</i> , Psalm. 78. Quod templum quatuor modis intelligitur.	253
Commendatur regnum Christi a tribus (b). Beata Virgo velleri comparatur. Quod multipliciter cadere quisque potest. De quadruplici (c) usura. Pauperis et inopis discrimen (b). De multiplici candore.	245	De multiplici effusione. De zelo conjugali (d), et spirituali. In quo consistat vera paupertas (b). Tumor superficialis deponendus (b).	254
<i>Quam bonus Israel Deus</i> , Psalm. 72. Novum Testamentum in veteri occultum quantum ad tria (b). Aliquis cessat a laude Dei quatuor de causis.	246	<i>Qui regis Israel, intende</i> , Psalm. 79. Prælatorum genera quatuor. Nomen Joseph figurat Ecclesiam (b). De charitate, ut in Deo.	254
Quidam peccant multis de causis. Os in celum ponitur multis modis. Quod quædam bona sunt mala bonis, alia etiam mala malis, et sunt mala bonis bona. Quod homo dicitur imago Dei secundum animam, et imago mundi secundum corpus. Quod homo dicitur jumentum multis de causis. <i>Quid quandoque versatur circa substantiam, quandoque circa accidens</i> . De multiplici fornicatione.	247	De eadem, ut in creaturis. Quomodo claudicare deceat (b). De sex temporibus. Cur vita præsens dicatur panis (b). Quid sit maceris. De multiplici muro.	255
<i>Utquid, Deus, repulisti in finem</i> , Psalm. 73. Quo sensu populus gentilis dici posset populus Dei (b). Beneficia in Judæos a Deo collata (b). Est triplex signum. De duplice tentationem genere (b). De multiplici salute. Juxta quatuor anni tempora, quatuor hominum genera possunt notari. Tria solent oculum carnis turbare. Pauper dicitur multis modis.	248	<i>Exultate Deo adjutori nostro</i> , Psalm. 80. De triplici separatione qua fit in Ecclesia. Quod torcular multis modis dicitur. Quod quatuor sunt status hominis. Quod oleum tria facit. Quid sit exire de terra Ægypti. Quod homo constat ex quinque.	256
<i>Confitebimur tibi, Deus</i> , Psalm. 74. De triplici (c) confessione.	249	Dilatandum os cordis, ut impleatur cibo et potu celesti (b). De tribus fructibus poenitentiæ. Quod lans divina in quatuor consistit (b). De seminatione verbi Dei. Quod multiplici modo Deus mittit manum suum (b).	256
De indevotione duplici. Ornatus varii Ecclesiæ. Cornua dicuntur multipliciter. Quod calix dicitur multipliciter.	250	<i>Deus stetit in synagoga deorum</i> , Psalm. 81. Quod Deus stare multis modis dicitur. De septem viis capitalibus.	257
<i>Notus in Judea Deus</i> , Psalm. 75. Interpretatio nominis sumitur multipliciter.	251	Quomodo superbia sit radix omnium malorum.	
De scuti multiplici significacione. Quod fides, sive mens, debet esse concava.	252	<i>Deus, quis similis erit tibi</i> , Psalm. 82. De taciturnitate multiplici. Quod non uno momento petrae scissæ, et monumenta post passionem Christi aperta sunt (b). De multiplici testamento. De multiplici valte. Duplex alienigenarum genus (b). De triplici sapientia. De multiplici rota. Tria in iudicio.	258
<i>Voce mea ad Dominum clamavi</i> , Psalm. 76. De Christi multiplici saltu (b). Propheta clamat multipliciter. Despecta est confessio quam facit prosperitas (b). Quod tres nocturni in officio inatutinali significant tres status Ecclesiæ.	253	Quoniam sensu nomen <i>Dominus</i> Deo essentiale sit. De numero undeniario (b). De triplici culpa.	259
Tria sunt mala quibus homo affligitur, et quatuor bona in quibus consolatur. De bono et malo hominis, sive intrinseco, sive extrinseco. Quomodo Christus dicatur via, veritas et vita. De multiplici aquæ significacione.	254	<i>Quam dilecta tabernacula tua</i> , Psalm. 83. Quod homo tria, quæ præsentem vitam sequentur, et tria adhuc in horum singulis timere debet. De duabus aliis, quibus homo vehitur in præsenti. Quod Deus ad nos descendit, et nos ad Deum debemus ascendere.	259
<i>Attende, popule meus</i> , Psalm. 77. Quod judaicus populus dicitur vetus multis de causis. Os dicitur multis modis. Singulis personis divinis singula appropriantur tempora. Christus semper incipit. Quod quadruplex lucta notari debet. De duplice generatione corporali, et similiiter spirituali. Quomodo conversi dicantur filii Ephrem (b).	255	Qualis, et qualem benedictionem Deus det, et quotuplici ratione (b). Quid innuat vox Sion (b). Quod firmamentum erit stabile in futuro. De luminarium significacione (b).	260
Quid Tanis significet (b). Columnæ multipliciter dicuntur. Cereus paschalis Christus (b). Quod	256	<i>Benedixisti, Domine, terram tuam</i> , Psalm. 84. Quod præteritum multipliciter ponitur. Quod Deus multipliciter loquitur. De pace, cum quadruplici, tum duplice.	260
(a) <i>Cæt. edit. Christo</i> .—(b) <i>Hoc non habent cæt. edit.</i> — (c) <i>Cæt. edit. multiplici</i> . — (d) <i>Cæt. edit. corporali</i> .	257	De distinctione trium temporum. De multiplici vocis <i>Lapidis</i> significacione. De dilectione proximi, et perseverantia.	261
<i>Inclina, Domine, aurem tuam</i> , Psalm. 85. Duo contraximus de Adam. De usu quinque sensuum in carne domanda.	258	Quod pœnitentia tria requirit. Quod spes timori adjicienda est (b).	261
<i>Fundamenta ejus in montibus</i> , Psalm. 86. Quod	259		

Ecclesia in hoc psalmo sex nominibus appellatur. Quid sit prolepsis (a). Pœnitentiae angustia quadruplex.		Cantate Domino..., omnis terra, Psalm. 95. Terra quid mystice significet.	271
<i>Domine, Deus salutis meæ</i> , Psalm. 87. Interpretatio mystica vocis Maheleti (a). Innocentia due species (b). De triplici rectitudinis specie.	262	Quænam præcipue Christum commendent (a). Præpositionis <i>In</i> diverse acceptiones. Quatuor litteræ nominis Adam crucem figurant.	
Memoria trium habenda (a). Quod Deus sanavit quinque genera hominum. Quatuor attributa præcipue manifestavit Deus in ista satione (c).	262	<i>Dominus regnavit, exultet</i> , Psalm. 96. Christus malorum, æque ac bonorum, quomodo rex (a). De multiplici igne. Quare miracula Dei dicantur fulgura (a).	
<i>Misericordias Domini</i> , Psalm. 88. De quatuor generibus malorum. Confessionis quatuor conditiones. De requisitis ad veram humilitatem post peccatum. De tribus virtutibus quas in presenti attingere possimus.	263	<i>Cantate Domino, quia mirabilia fecit</i> , Psal. 97. Quare Filius dicitur dexter.	272
De multiplici oleo. De multiplici throno. De tribus munitionibus Iudaæorum (a). De multiplici gladio. De tribus commutatiouibus Christi.	263	De lignis eitharæ, et de allegoria eorum, et de plectro et clavis. De multiplici malleo. Sancti dicuntur lamiæ aureæ. Sex dicitur amara propter tria. Quod mare multipliciter dicitur.	273
<i>Domine, refugium factus es</i> , Psalm. 89. Quænam præcipue divinum sponsum commendent.	264	<i>Dominus regnavit, irascantur</i> , Psalm. 98. Prophetæ loquebantur sub velamine triplici de causa.	
De vita humana (a). Legis Moysis et Evangelii discriben (a). Quod Deus nilil cum labore fecit. Creatura mutationi subjecta propter tria. Triplici de causa homines modo minus vivunt, quam ante diluvium. De quindecim gradibus templi Salomonis. De multiplicatione unitatis ad ternarium.	264	<i>Jubilate Deo</i> , Psalm. 99. Quod confessio alia landis, alia peccati. Unde Sancti confessores dicantur (a). Quod porta multiplici sensu dicitur.	
De plenitudine multiplici (a). De triplici trinitate (a).	265	<i>Misericordiam et judicium</i> , Psalm. 100. Per numerum centesimum significatur perfectio.	274
<i>Qui habitat in adjutorio Altissimi</i> , Psalm. 90. Piscatoris et venatoris discriben. Verbum aspernum triplex (a). Ecclesiæ persecutionum quadruplex genus. Christus leo victor, diabolus leo victus et vincendus.	266	Descriptio viri perfecti. Ad hoc, quod aliquis sit in domo, tria sunt necessaria. De tribus partibus innocenciae.	
Homo, vitulus, leo, aquila. Triplex malum hominis in hac vita. Diabolus leo et draco (a). Capitis, cordis et pedum sensus mysticus (a).	266	<i>Domine, exaudi orationem meam</i> , Psalm. 101. Homo vulneratus est in naturalibus per peccatum Adæ, non expoliatur (a). De triplici unione Ecclesiæ cum capite. De quadruplici anxietate Christi. Tria impedit hominem, quominus exaudiatur. Quandonam exaudiatur oratio.	
<i>Bonum est confiteri Domino</i> , Psalm. 91. De triplici sabbato et quiete.	267	Quomodo Deus dicitur habere aures, oculos, etc. Mœstitudine cause tres (a). Quomodo caput benevolentia judicis. Fumi significatio mystica in bono (a). Tria peccantium genera. De multiplici passere. Christus dicitur solitarius propter tria. Nomen <i>Dies</i> multipliciter accipitur.	275
De duplice confessione. Tria sunt quæ fastidium generant. Tres species temperantie. Triplex in homine vitium. De triplici remedio. De hyeme, estate et autumno generis humani (a). Iniquitatis tres species; tres quoque species peccati. Quare justus paluæ comparetur.	267	Quod peccatum primi hominis triplex pena secuta est, et de triplici remedio. Triplex elevatio humanae naturæ (a). Incarnatio descensus, simul et ascensus dici potest. Quid Dominus scriperit in terra (a). Quod ovis in montibus relicta una mysterialiter, multiplex personaliter. Inter hominem lapsum et Christum antithesis (a). Quod opus Dei sine artifice subsistere nequit, sed non e converso.	276
<i>Dominus regnavit, decorum indutus est</i> , Psalm. 92. Cur in hebreæ scriptura elementa viginti duo.	268	Quod inter initium, principium et exordium differentia est. Tria sunt, quæ præcipue commendant Denm (a).	277
De multiplici decore Dei. De multiplici sede Dei. De multiplici plenitudine. Fluminis significatio multiplex. Testimonii divini laus triplex (a). Rationes mysticæ quartæ feriæ et institutionis decimaliarum (a).	268	<i>Benedic, anima mea, Domino, et omnia</i> , Psalm. 102. De duabus partibus rationis. Rursus de tribus partibus inferioris animæ, que omnes, suo quæque modo, laudare debent Deum (a). Quod angeli non tantum circa nos sunt, sed etiam quodammodo intra nos. Quæ dona Christus hominibus conseruit. De triplici misericordia (a). Quod <i>Cœlum</i> diversis modis accipitur.	
<i>Deus ultionum Dominus</i> , Psalm. 93. De multiplici ultiōne Dei.	269	De multiplici fictione. De fortitudine, et ejus speciebus.	278
Sancti dicuntur lumen multipliciter. De duplice infirmitate. De tribus differentiis bonorum, et de totidem malorum. De triplici necessitate. A multiplici infirmitate liberavit nos Christus.	269	<i>Benedic, anima mea, Domino: Domine</i> , Psalm. 103. De benedictione Creatoris ad creaturam, et e converso. Quod Christus dicitur speciosus (d) in deitate et in humanitate. De multiplici vestimento (e). Quod supra cœlos (f) frigidæ sunt aquæ. Quod quatuor sunt, quæ crea-	
<i>Venite, exultemus Domino</i> , Psalm. 94. Quare hic psalmus in Epiphania non ad invitatorium, sed post sextum psalmum legatur.	270	edit. sponsus.—(e) Cœt. edit. testamento.—(f) Cœt. edit. non habent supra cœlos.	
Quare præoccupanda facies Domini (a). Populus fidelis dicitur ovis propter tria. Tribus ex causis obdurari potest cor hominis (a). De multiplici via.	270		

(a) Hoc non habent cœt. edit. — (b) Cœt. edit. De tribus speciebus innoc. — (c) Item De quatuor modis sanandi. — (d) Cœt.

## INDEX.

tionem commandant ( <i>a</i> ). Quare angelica ministratio non omnibus proficiat ( <i>a</i> ). Quod sex montes Christus transilivit. De ternario numero. Quod Christus dicitur panis, vinum et oleum. Eadem dici possunt etiam de fide ( <i>a</i> ). Solis significatio multiplex. Quomodo Pater omnia faciat per Filium ( <i>a</i> ). De punctione instituta a Christo ( <i>a</i> ). Quod tribus modis Deus manum suam aperit ( <i>a</i> ). Quod non uno modo Deus loquitur nobiscum, et nos cum eo. Quod duo sunt libri ( <i>a</i> ). Quod quisque debet accusare præcipue seipsum. De tribus speciebus vanæ glorie. <i>Confitemini Domino, et invocate</i> , Psalm. 104. Quotuplici ratione angeli laudent Deum ( <i>a</i> ). De canto Alleluia. De multipli laude Dei. Fides, spes et charitas in hac vita peregrinae ( <i>a</i> ). Ferri ( <i>a</i> ) multiplex significatio. Ad quæ inflammet potissimum Spiritus Sanctus. Quod septem sunt in temporalibus, quæ homines appetunt. Auri significatio multiplex. Quod vas fragilitatem significat ( <i>b</i> ). De triplici theologia. Lex Moysi umbra fuit novæ legis. <i>Confitemini Domino, quoniam bonus</i> , Psalm. 105. Deus dicitur bonus multipliciter. Peccati et iniquitatis discrimen. De polyonomate ( <i>a</i> ). De multipli oculo. Quod triplici sensu homo redemptus dicitur. De sensu et affectu hominis, et de divisione eorum. Imitici tres, a quibus tria peccatorum genera. <i>Confitemini Domino, quoniam bonus</i> , Psalm. 106. Quod binarius numerus plerumque significat charitatem, quandoque tamen alia. Quod triplices est origo tentationis. Quod tria hominem in praesenti impediunt ( <i>a</i> ). Concupiscentiae quantor genera. Quod homo per superbiam lapsus, per aliam viam resurgere debet. Est desensus a vita contemplativa ad activam, nec tamen lapsus. De diversa significatione navis. Quatuor sunt quæ Christi discipulum commandant ( <i>a</i> ). De triplici clamore. Quod peccata quamvis magna, multa et turpia, remedium admittunt, et quidem triplices ( <i>a</i> ). De triplici bello. <i>Paratum cor meum, Deus</i> , Psalm. 107. De confessione oris et cordis. De inventore annuli, et ejus usu. Civitas in monte Ecclesia est, cuius fundamentum Christus, necon murus, et turris, et porta, et custos; quam etiam lætitac flumen cum rivulis, praesentia scilicet ac dona Spiritus sancti ( <i>a</i> ). <i>Deus, laudem meam ne tacueris</i> , Psalm. 108. De tribus generibus peccatorum. De duplice oratione Christi. De triplici vitio ( <i>c</i> ), peccato et remedio. Quod quatuor modis super aliquem diabolus constituitur. Quotuplici modo oratio fiat in peccatum. De multiplice usura. De multiplice spiritu ( <i>d</i> ). Quod peccatum fit quadrupliciter. De multiplice cingulo. <i>Dixit Dominus Domino meo</i> , Psalm. 109. Dicere et Sedere multis modis accipiuntur. <i>Donec quinque modis accipitur</i> . De multipli subjectione. Nomen Principium multis modis accipitur. In oblatione quatuor necessaria.	279	<i>Confitebor tibi, Domine</i> , Psalm. 110. De confessione cordis et oris. Consilium multiplex. De magnitudine Redemptoris, redempti quoque et redemptionis. De causa finali et materiali. Christus missus est ad Judæos triplici de causa. Quod voluntas signi ( <i>e</i> ) dicitur quinque modis. 280 290 Quod justificatio consistit in duobus. De timore servili et initiali. Fides non pro merito, sed prævie ad merita datur ( <i>a</i> ). <i>Beatus vir qui timet Dominum</i> , Psalm. 111. Sancti habent hilaritatem in tribus. Quæ faciant hominem beatum ( <i>a</i> ). Quod tria sunt opera misericordiae. Est verbum asperum, asperius, asperrimum. 291 281 Est verbum suave, suavius, suavissimum. De mammon et mamma. <i>Laudate, pueri, Dominum</i> , Psalm. 112. Tripliciter Deus gentes assumit. Tripliciter Deum laudare debemus. Puerorum privilegia. Quod stercorum nomine tria in Scripturis intelliguntur. 292 282 Septem modis dicitur Deus habitare in aliquo. <i>In exitu Israel de Ægypto</i> , Psalm. 113. Exitus multiplex. A triplici domo oportet nos exire. In Ægypto hujus mundi est tribulatio triplices. Peccator mari similis ( <i>a</i> ). Quod tria hominem impediunt circa Deum. De Jordanis etymologia. De quatuor generibus hominum. 293 283 Quod triplices gaudium vel festum debemus facere. De triplici motu. Christus petra vel lapis. Christus tripliciter misericors ( <i>a</i> ). Quod quatuor sunt species idolatriæ. De quinque operariis in homine. Duo pedes mentis. Memoria beneficij debet esse triplices. Sancti prælati cœlum dicuntur triplici de causa. 294 284 <i>Dilexi, quoniam</i> , Psalm. 114. Laus Christi dignissima propter tria. In hoc quod Deus filium suum nobis dedit, tria intelliguntur. Quidam inveniunt mala, et a malis inveniuntur ( <i>a</i> ). In homine tres partes. In homine nihil melius libero arbitrio ( <i>a</i> ). 295 285 Ecclesia dicitur una ( <i>f</i> ) propter tria. <i>Credidi, propter quod locutus sum</i> , Psalm. 115. Quadruplici de causa confitetur quis ore. Quod fides debet esse fidelis, firma, integra et voluntaria. Mentis excessus tripliciter fit. Quod martyres de tribus perhibent testimonium. Quantum sit redemptionis beneficium. 296 286 <i>Laudate Dominum, omnes gentes</i> , Psalm. 116. Psalmi atomi qui sint. Quod gratia Dei nobis promissa, data et confirmata est naturæ et disciplinae discrimen. 297 287 298 288 299 289 De lapide angulari ( <i>a</i> ). De triplici die. De anno jubilæo ( <i>a</i> ). Paromœon quid sit ( <i>a</i> ). Quatuor de causis admissus ecclesiam. De quadruplici partitione ( <i>g</i> ) Missæ. 299 289 <i>Beati immaculati in via</i> , Psalm. 118. Aleph ( <i>h</i> ). Scriptura sacra dicitur hortus triplici de causa. De litteris Hebræorum. A quatuor capitibus	290 291 292 293 294 295 296 297 298 299
--	-----	--	--

(a) Hoc non habent cœst. edit. — (b) Hoc refer ad Psalm. 2, 9.  
— (c) Edit. Ven. vino. — (d) Hoc refer ad psalm. 150, 6. —

(e) Cœst. edit. Dei. — (f) Cœst. edit. catholicæ. — (g) Cœst. edit. quatuor petitionibus. — (h) Ita per 22 litteras Hebræorum designantur 22 partitiones hujus psalmi.

initium. Quod duas sunt scholæ (a), et duo genera dissentientium (b).		
De ambulantibus in lege. Tres viæ, Dei, hominis et diaboli. Quare lex datur umbra. Præcepta Dei quinque nominibus designantur. — Beth. Correctionis signa. Triplici modo quisque potest repelliri a Deo.	298	— Samech. Tres sunt species dilectionis. Quod Deus adjuvat cadentes, infirmos et jacentes. De triplici judice (c) et triplici judicio. Deus ubique advocatus (c). Peccator cœli quis (c). Quod tria nobis dedit Deus. Casus hominis triplex, et triplex recuperatio (c).
De nido, ovo et pullo. Duo sunt quæ impediunt labia loqui. — Gimel. An Deus unquam reddat malum pro malo. Cavendum a quatuor (c). Oculi exteriore, et interiores. De gratia (d) precedente, comitante et subsequente.	299	Ain. De quadruplici adventu Christi. Tria servorum genera. A tribus aliquid sustinere quis potest. Sex leguntur tempora. — Phe. Duæ sunt viæ. Opera Dei mirabilia quinque de causis.
In martyrio (e) tria. Præcepta Dei octo nominibus designantur. — Daleth. Cor nostrum, pavimentum. Beati Nicasii ultima verba (c). Quod Filius Dei Verbum multis modis dicitur. Ordo servandus in dilectione. — He. Tria in lege notanda.	300	Vetus Testamentum declaratur per novum propoter tria. Irradiationis et illuminationis discrimen. Tres lacrymarum species. — Sade. De intellectu, voluntate et memoria. Triplex occulorum peccatorum genus.
Quid sit habere legem in corde, et cor in lege. De viribus animæ in ordine ad Deum. Aliud est deduci in semitam, aliud in semita. De triplici vanitate. Quod mandata Dei sunt dilectio Dei et proximi. — Vau. De quadruplici (f) petitionum genere.	301	Deus dicitur districte agere propter tria. Triplici de causa quisque tabescere potest. Oratio ut ascendat ad cœlum, ignita esse debet (c). Quintuplex Christi commendatio. Pendentia mitra quid significent. — Coph. De multiplici angustia. De conscientia tranquilla, vel non, bene vel male (a). Anima civitas est summi Regis. Quod virtutes singulae mutuum cœteris præbent auxilium (a). Medici falsi tria vitia.
De versione Septuaginta (c). De diverso modo cantandi Lectiones et Evangelium. Quod in justificatione nostra quatuor requiruntur. — Zain. De quietudine et inquietudine. Quod homo multiplicititer dicitur. Quam multa inveniantur in Christo (c). De petitione panis materialis et spiritualis. Quid in peccatorum recordatione miserum, miserius, miserrimum (c).	302	OEconomia: species duæ. In terra (h) mentis nostræ octo agricolæ seminaverunt. Deus dicitur prope tribus de causis. — Resch. An humilitas cœterarum virtutum sit caput (c). Videre Deus multipliciter dicitur. De multiplici litigantium genere.
Heih. Quod Christus clericorum portio est. Corpus cum capite Christo particeps in duobus. De littera occidente, et spiritu vivificante (c). Quid debeamus Deo, quid debeat Deus nobis. Fide credimus Deum, Deo et in Deum. De quatuor debitoribus. Quod nox dicitur hoc sæculum. De diversis iudiciis Dei.	303	An et quo exitu boni et mali quique examinandi (c). De virtute passionis Christi (c). Co-gitationis, meditationis et contemplationis discrimen. Christus alba et omega. De Epiphania et tribus Christi apparitionibus.
Teth. Tres sunt viæ, quæ ducunt ad patriam. De differentia scientiæ, et disciplinæ. Quod homo debitor est Deo, sibi et proximo. Quid et quomodo solvere debeat. Prælatus quomodo Christum lacte pascat. — Iod. De triplici immortalitate. Quid sit imago, et quid ad imaginem Dei. De dignitate hominis, et ad quid homo factus sit.	304	De triplici martyrum genere. — Sin. De triplici emplastrorum effectu, et de medico Christo. Adventus Christi fulguri comparatur propter tria. Charitas integra propter tria. Laus Dei debet esse perpetua (c). Omnia nobis a Deo proveniunt. — Tau. De consummatione multiplici.
De ratione articulorum fidei. De duabus generibus proverbiorum. — Caph. De multiplici incurvatione. Vita nostra quatuor de causis militiæ (g) comparatur. Quod Deficere multis modis dicitur. Vitæ activæ et contemplativæ collatio (c). Fabulæ vocis significatio multiplex (c).	305	Quotuplici modo ad Deum appropinquare quis possit. Utrum majus sit a vitiis se revocasse, an via nescisse (c). Quod predicator duobus habere debet. De triplici judiciorum divinorum genere (c). De vero vel falso pastore. De homine vulnerato, et de Samaritano.
De tribus generibus martyrii. — Lamed. Triplici de causa potest aliquis recusare laborem. Supernorum perfectio triplex. De quinque diversis locis. Quatuor modis meditamus agenda. Triplices officiorum genus (c). — Mem. Meditatio legis valet ad tria. Quis unus, quive duo, in carne una vel gemina. Quod justitia loricæ est. Justitiae proprium est reddere cuique suum (c). Cibi spiritualis proprietates. Eloquia Dei quomodo dulcia. — Nun. Lucerna tria facit, et similiter verbum Dei. De juramento licito, et de illicito. De confessione triplici. In cuius manu sit anima ejusque. Triplici morbo laborat genus humanum.	306	ALTERA EXPOSITIO EJUSDEM PSALMI 118. Argumentum ex editione Vaticana. Prologus.
Ad hæc triplices antidotum apposuit Christus (c).	308	Caput primum. <i>Beati immaculati.</i>
(a) <i>Cœt. edit. scalæ.</i> — (b) <i>Item descendenterum.</i> — (c) <i>Hoc</i>		Caput secundum. <i>Retribue servo tuo.</i>
		Caput tertium. <i>Legem pone mihi, Domine.</i>
		Caput quartum. <i>Memor esto verbū tui.</i>
		Caput quintum. <i>Bonitatem fecisti.</i>
		Caput sextum. <i>Defecit in salutare tuum.</i>
		Caput septimum. <i>Quomodo dilexi legem tuam.</i>
		Caput octavum. <i>Iniquos odio habui.</i>
		Caput nonum. <i>Mirabilia testimonia tua.</i>
		Caput decimum. <i>Clamavi in toto corde.</i>
		Caput undecimum. <i>Principes persecuti sunt me.</i>
		Ad Dominum cum tribularer, Psal. 119. De quindecim gradibus. Quare dicantur cantica graduum (c). De unione in unum, et per unum et ad unum. De octavis. De casu multiplici.
		De gradibus officiorum, dignitatum et beatitudinem (c). De tonsura clericorum, et monachorum
		non habent cœt. edit. — (d) <i>Al. sensu.</i> — (e) <i>Al. atrio.</i> — (f) <i>Al. multiplici.</i> — (g) <i>Al. malitiæ.</i> — (h) <i>Al. intra.</i>

## INDEX.

rum. De sandaliis episcoporum (a). De locutione iniqua. De sagitta vulnerante. De tribus statibus Ecclesiæ.			
Hujus vitæ peregrinatio tristis ob tria (a). Tædium multiplex.	546	nera (a). Christum induimus et induimur (a). Tres contemplationis gradus, Psal. 132. Unguentum tribus modis accipitur.	556
<i>Levari oculos meos in montes</i> , Psal. 120. De quinque (b) ascensionibus. Execundi de mundo tres modi. Concupiscentia fluvii speciem præbet (a). De tribus civilitatibus et custodibus.	547	Christi tunica inconsutilis Ecclesiam representat. Rubigo dupliciter auffertur.	557
Docere, monere et orare, de quibus (a). Tacendi tres modi. Ostium triplex (a).		<i>Ecce nunc benedicite</i> , Psal. 133. De duabus manibus.	557
<i>Lætatus sum in his</i> , Psal. 121. Animæ status tres. De tribus dominibus. De primo, secundo et tertio cœlo (a). De anadiplosi.	548	<i>Lauda nomen Domini</i> , Psal. 134. Duo sunt, cognitio et amor, in quibus beatitudine consistit.	557
De tribus civitatibus.		Nubes, caligo et pluvia, quid denotent. Venti tres. Quæ primogenita tenebrarum occidenda. Homo microcosmus. Oleum supernatæ aquæ. Ex septem spiritibus, qualiter ad intellectum pertinent, tres ad affectum (a). De quatuor gazophylaciis.	558
<i>Ad te levari oculos meos</i> , Psal. 122. Duo, vel etiam quatuor oculi mystici. Unum sumus cum Christo triplici de causa (a). Quomodo interius suscitetur quisque a Deo (a). Deum quadruplici titulo timere vel revereri debemus.		Duplici (c) de causa dicitur <i>Egyptus mundus</i> . <i>Ægypti interpretatio duplex</i> . Triplici signo Deus et Christum et nos signavit. De speculatio triplie.	558
<i>Nisi quia Dominus</i> , Psal. 123. De translatione Septuaginta (a).	549	<i>Confitemini Domino</i> , Psal. 135. Duplex confessionis genus.	559
Parabola filii prodigi sub figuris timoris, spei et misericordiae, simul et quatuor virtutum cardinalium. Diaboli vasa quatuor bellica.		Deus per Filiū dicitur operari potius, quam per Spiritum sanctum. Misericordia Dei magna in omnibus. Mare ante, post et juxta nos. <i>Judei populi duplex transitus</i> . Promissio facta Iudeis, data vero gentibus.	559
<i>Qui confidunt in Domino</i> , Psal. 124. De omnimoda unitate Dei (a). Salutis conditio triplex (a).	550	<i>Super flumina Babylonis</i> , Psal. 136. Tres civitates diversæ. Malî dicuntur salices propter tria. Quomodo Ecclesia ferat subtractionem temporarium (a). Quomodo Deus sit memor bonorum et malorum. Tria impediunt integratem fidei.	560
Quod Ecclesia vocatur ovis, civitas, sposa. Custodia civitatis trifaria esse debet, idemque dicendum de ornato sponsæ, pastus vero quatuor (a).		<i>Confitebor tibi Domine</i> , Psal. 137. Tria nomina Ecclesie accommodata. Super altare concavum sacrificia fieri debent.	561
<i>In convertendo Dominus</i> , Psal. 125. Quod <i>Sicut multipliciter ponitur</i> . Oleum et lumen, quid significant (a). Christus semen triplex jecit in mundum.		Superbia, avaritia et invidia pugnant contra Patrem, Filium et Spiritum sanctum. De felle, arundine, spongia et aceto arguta quædam (a). Peccatum triplicis generis.	561
<i>Nisi Dominus ædificaverit domum</i> , Psal. 126. Spiritualis ædificii fundamentum in alto ponendum est.		<i>Domine, probasti me</i> , Psal. 138. Tenebrarum multiplex significatio. Corpus Christi tribus modis sumitur. Ad masticationem panis saliva necessaria, scilicet Christus.	562
De civitate malorum. De tribus panibus. Formationis humanæ quatuor genera. Bovi Judæus, asino gentilis populus comparatur.	551	Quatuor virtutibus, quibus in principio indutum fuerat, spoliatum est genus humanum. Ad hoc, quod homo digne suscipiat corpus Christi, duo (d) sunt necessaria. De novis, veteribus et vetustissimis notandis. Homo in præsentis non potest anteriora Dei videre. In incarnatione Verbi quatuor virtutes possunt notari. Oblatio nostra virtutes Jesu, Joseph et Mariæ comites habere debet (a). Drachmæ perdite significatio (a). Tribus personis appropriata potentia, sapientia, benignitas.	562
<i>Beati omnes qui timent Dominum</i> , Psal. 127. Quidam in via ambulant, quidam non.	552	Christus panis (a). Liberum arbitrium per peccatum confractum fuit, sed non ex toto disruptum (a). De scientia animæ Christi Deo comparata (a). Triplici (e) de causa permisit Deus peccare Petrum.	563
Tria cirea mulierem notanda (a). Tria in homine, natura, concupiscentia et gratia.		Numerare Deus dicitur multiplici sensu. <i>Judei arenae</i> comparantur dupliciti de causa. Deus dicitur occidere quatuor modis. Duplex separationis genus (a). Paleæ utilitas (a). Ad faciendum fructum tria necessaria (a). De rebus Petri (a). De triplici odio.	564
<i>Sæpe expugnauerunt me</i> , Psal. 128. Contra persecutores tria necessaria, patientia, humilitas et charitas. Ecclesiæ, ne succumbat, necessaria quatuor. A Deo petenda benedictio dextræ, et non sinistræ.	553	<i>Eripe me, Domine</i> , Psal. 139. Corpus Christi materiale, spirituale et sacramentale.	565
<i>De profundis clamavi</i> , Psal. 129. Omnis psalmus pœnitentialis incipit a lacrymis, et terminatur in exultatione. De inferno, patria et mundo. De perfectione senarii. Imago Dei deformata per peccatum, quomodo reformanda.		(c) Cæt. edit. Triplici.—(d) Cæt. edit. quatuor.—(e) Cæt. edit. Quadruplici.	
<i>Domine, non est exaltatum</i> , Psal. 130. Domino debetur subiectio duplex. De dupliciti ubere et lacte. Invidia triformalis (a).			
Homœoteleuton quid sit (a). Quatuor genera hominum ad mensam Scripturæ sedentium. Triplici pane reficiuntur homines in Ecclesia.	554		
<i>Memento Domine, David</i> , Psal. 131. De ædificatione domus Ecclesiæ. Octo sunt, quæ votum impediunt.			
Per Jacob expectantes intelliguntur (a). Quod sponsa in triplici lecto quiescit. Quo sensu Deum pœnitere dicatur. Electionis diversa ge-	555		

(a) Hoc non habent cæt. edit. — (b) Cæt. edit. tribus. —

(c) Cæt. edit. Triplici.—(d) Cæt. edit. quatuor.—(e) Cæt. edit. Quadruplici.

De velle et posse, vel non. Tentatio diabolica triplex. Diaboli diversa nomina. Vir quatuor modis accipitur. De tribus nos tentat diabolus (a). Deus omnium, et Deus quorundam (a). De triplici bouo, pariter et abusu (a). Iterum de potentia, sapientia et benignitate (a). De triplici traditione.	566	De quatuor dotibus corporis glorificati (a). Per Jacob Ecclesia triumphans, per Esau militans significatur.	573
Silentii laus in Maria.		De ordine justificationis.	
<i>Domine, clamavi ad te</i> , Psal. 140. De multiplici clamore. Oratio tria habet impedimenta, tres quoque alas. De multiplici odore. Ostium oris ad tria aperatum, et ad tria clausum esse debet (a).	567	<i>Laudate, Dominum quoniam</i> , Psal. 146. De patientia et sapientia ad edificationem Ecclesiae necessariis. De numero, mensura et pondere, sanctæ Trinitati comparatis. De obscuritate decuplici sacrae Scripturæ (a). De pullis corvorum invocantibus Deum (a). Timori spes jungi debet cum patientia et fortitudine (a).	574
Christus viuit, regnat et imperat (a). A tribus pati quisque dehet (a). Martyrum causæ multiplices (a).		<i>Lauda, Jerusalem, Dominum</i> , Psal. 147. De reparatione Jerusalem (a).	574
<i>Voce mea</i> , Psal. 141. Quatuor sunt precationum modi. Quatuor fontes, scilicet misericordiæ, gratiæ, sapientiæ et charitatis. Aquarum quadruplex virtus.	568	De missione Filii (a). Triplex peccati genus. Quomodo de Judeo fit Hebreus, de Hebreo Gallicus. Quod quatuor spiritus dona ad intellectum quidem, tria quoque ad affectum pertinent. Pax quadruplex quomodo quærenda.	575
Quatuor brachia crucis quatuor virtutibus distincta. Magi, centurio et latro suo quisque modo Christum confessi sunt (a). Corruptio in ingressu, progressu et egressu (a). Quatuor eorum, qui justi dicuntur, genera.		<i>Laudate Dominum de cælis</i> , Psal. 148. Imperativi usus multiplex.	575
<i>Domine, exaudi orationem meam</i> , Psal. 142. Psalmi pœnitentiales a lacrymis incipiunt, et in gaudio terminantur. Justitia multiplex.	569	De celo primo, secundo et tertio. Elementa laudant, id est, dant materiam laudandi Deum (a). De ordine creationis (a).	
De fine incarnationis (a). Trinitatis vestigium in creaturis (a). Diaconus, cum legit Evangelium, quid repræsentet (a). Confessionis impedimenta quatuor.		<i>Cantate Domino canticum novum</i> , Psal. 149. De canto Luciferi, Adæ et Christi (a). De gudio interiori (a). De triplici ligamine.	576
<i>Benedictus Dominus Deus meus</i> , Psal. 143. Funda et lapis quid repræsentent.	570	De quatuor canticis Veteris Testamenti.	
Ecclesia propter tria fundæ comparatur (a). Lapidès, doctores ab ea missi (a). In pugna quatuor necessaria (a). Tota Trinitas nobis innutrit per Filium. Excessus prædictorum. Aquarum virtus multiplex.		<i>Laudate Dominum in sanctis ejus</i> , Psal. 150. Tria sunt quæ faciunt hominem sanctum. Duplex infirmitatis, tum corporeæ, tum spiritualis, genus (a). Nusquam securitas (a). Deus habet velut quatuor dimensiones, et sic eum imitari debet homo (a).	577
De liberatione a pœnis et a peccatis (a). De tribus quæ hominibus solent objici.	571	Septenarius numerus sterilis. Novum Testamentum Veteri præfertur (a). Ritus Ecclesie, dum legitur Evangelium (a). De triplici statu in præsenti. Ante finem pendula omnia (a).	578
<i>Exaltabo te, Deus meus rex</i> , Psal. 144. Septem dona Spiritus sancti dedit Christus per septem apparitiones post resurrectionem. De triplici corona Christi. Triplex erit in electis fruitio Dei.		Expositio in librum Ecclesiastæ. Argumentum (ex edit. Vatic.). Procœnum.	579
In tribus casibus licet homini se laudare (a). De hypozeuxi. Quinque sunt quæ regnum Christi commendant (a). Fidelis Dominus in duobus (a). Tres animæ vires in præsenti impleri non possunt.	572	Cap. 1. <i>Verba Ecclesiastæ, etc.</i> 587 Cap. 2. <i>Dixi ergo ego in corde meo.</i> 597 Cap. 3. <i>Omnia tempus habent.</i> 607 Cap. 4. <i>Verti me ad alia,</i> 616 Cap. 5. <i>Ne temere quid loquaris.</i> 622 Cap. 6. <i>Est et aliud malum.</i> 630 Cap. 7. <i>Quid necesse est.</i> 634 Cap. 8. <i>Quis talis ut sapiens.</i> 645 Cap. 9. <i>Omnia hæc tractavi.</i> 653 Cap. 10. <i>Muscæ morientes.</i> 662 Cap. 11. <i>Mitte panem tuum.</i> 670 Cap. 12. <i>Memento Creatoris tui.</i> 675	
<i>Lauda, anima mea, Dominum</i> , Psal. 145. Tria obstant quominus in præsenti perfecta sit laus.		(a) Cæt. edit. hoc non habent.	

FINIS INDICIS MATERIARUM TOMI NONI.